







- ANA 2197





**HUGONIS
DONELLI
OPERA OMNIA.**



HUGONIS D O N E L L I

JURISCONSULTI

ET

A N T E C E S S O R I S

OPERA OMNIA

Tomus Undecimus

ET

C O M M E N T A R I O R U M

IN SELECTOS QUOSDAM TITULOS

D I G E S T O R U M

Volumen Secundum.

Accedunt Castigationes Theologicæ.



MACERATAE MDCCCXXXIII.
EX OFFICINA BENEDICTI q. ANTONII CORTESI.

SUMPTIBUS EDITORUM
Superiorum Permissu.

11

ILLUSTRISSIMO
ET
POTENTISSIMO PRINCIPI
AC DOMINO, DOMINO
WILHELMO LANDGRAVIO
HASSIÆ, COMITI IN CATZENELBOGEN, DIETZ, ZIGENHAIN, ET NIDDA, ETC.
DOMINO SUO CLEMENTISSIMO

Mirabitur fortasse aliquis, Illustrissime Princeps, quid sit, cur ego, qui non solum aliis rebus existimor C. T. extraneus, sed etiam ita vixi, ut ne de facie quidem tibi antea sim notus: inscitiam tamen C. T. offerre meas cogitationes, et illustrissimo nomini tuo inscriptas in publicum dare. Et poterat merito novum, atque adeo insolens videri, si de eo ex aliena noticia potius, quam scribentis: ex huius conditione potius quam ex officio iudicaretur. Sed parum refert, notus sit, an ignotus, qui scribit, si ad quem scribitur, is est notissimus: multoque minus ad rem pertinet conditio personæ, si quis quid debet, et in eo sua præstatione defungitur. Quorum utrumque in hac re mihi accidit. Ego ignotus C. T. et non tu item, Illustrissime Princeps, scribenti ignotus. Privati, ut est conditio, latere possunt: summorum Principum vita in hoc veluti theatro totius orbis collocata in obscuro esse non potest: cumque se inde longe lateque spectandam præbeat, a summis pariter et infimis illorum facia gestaque conspiciantur, necesse est: Illustrium præsertim et præstantium, quorum virtus et splendor varie emicans ultro in oculos etiam nec cogitantium incenrit. Quis autem inter summos et claros Principes te hodie vivit illustrior? et ego, quem Deus Heidelbergæ, id est, ab ista luce non procul, aliquot iam annos consistere voluit, virtutem illam iampridem tacitus observo. Quod si vel summi Principes latere, vel eorum vita privatos omnes fugere posset: non ideo tamen privati, cuiuscunque generis sint, bonis et sapientibus Principibus nihil debent. Quæretur igitur, quid ego, quid alii ignoti, et maxime exteri illis debeant. Quæritur potius, quid his omnes omnium ordinum homines quamvis remotissimi non debeant. Etenim illa non magis splendida per se, quam salutaria bonorum Principum virtus ullis certis locis, nullis finibus inclusa est, ad summos et infimos, ad ignotos æque ac notos, ad externos æque acque cives et populares permeat, omnesque suis meritis complectitur. Quia enim boni Principes divinitus docti intelligunt se a Deo constitutos esse, quo in rerum maximarum gubernatione Dei gloriæ servant primum, deinde aliorum salutem et commodis servant: eo fit, ut in his duabus rebus præcipue occupentur, ad easque obtinendas omnia consilia, studia omnia, opes, potentiam conferant. Hinc illis prima cura de gloria Dei quam longissime propagauda. Quæ quia in huius vera cognitione atque cultu posita est, quorum utrumque ex verbo Dei et salutis doctrina petitur: ideo ante omnia dant operam, ut hæc ipsa cognitio, atque hic cultus in suis ditionibus iude unde oportet, pure fideliterque sanciantur, Dei per se

sanctum nomen recte audiat, invocetur, laudetur, celebretur. Quod beneficium in genere humano quale sit et quantum, quaeri non oportet. Est enim illud, non solum quo nullum est maius, sed etiam quod quale sit, ne cogitari quidem potest. In hoc enim salus est hominum sita omnis; hoc uno æterna et beata vita continetur: Neque vero beneficium est eorum tantum, qui sunt eiusdem regionis. Si Dei gloria filios Dei attingit, eamque illi recte suam putant: necesse est, quicumque usquam nomen Dei invocant, eique serviunt, ad eos omnes hoc beneficium pertineat. Quamquam et ad aliorum salutem non minus hoc quoque pertinet. Etsi enim ita sunt regna et imperia distincta, ut Principes in externos populos nihil iuris habeant: tamen in suis quique ditionibus veritatis doctrinam sancte ac religiose statuendo perficiunt, ut illinc bonorum et fidelium cum pastorum tum doctorum voces etiam apud nationes quam longissime dissitas a piis et fidelibus exaudiantur: quibus excitati atque eruditi ingrediantur et ipsi eandem salutis viam, unde et ad eandem æternam vitam tandem beati perducantur. Quam laudem permultis præstantibus atque optimis Germaniæ Principibus memoria nostra contigisse scimus. Hæc eadem cogitatio, et magnorum atque excelsorum animorum divina vis bonorum Principum mentibus a Deo iussa facit, ut iidem in hominum iuvandorum studio non de paucis quibusdam, aut etiam de subditis tantum, sed de omnium quamvis alienorum, non tantum Principum, sed etiam privatorum commodis et utilitatibus cogitent, nec quidquam putent beatius, quam non dico multis, sed omnibus prodesse; quod et omni clementiæ, humanitatis, benignitatis genere consequi student. Quamquam autem fieri non potest, ut ad omnes homines hæc beneficentia recta perveniat: tamen et illustri exemplo ad idem imitandum provocant Principes alios, et bonis, quibus possunt, benefaciendo hoc assequuntur, ut vel hoc nomine omnes pii, qui ubique sunt, se illis eadem omnia debere agnoscant. Est enim una quædam cognatio inter homines, sed maxime inter bonos et pios a Deo constituta, qua fit, ut quod uni præstitum est, id omnes in se collatum existiment. Dici igitur non potest, quod supra posueram, quid quantumque bonis et salutaribus Principibus ab omnibus debeatur. Si in ullis Principibus ingentia hæc Dei dona exstiterunt, quales et multi fuerunt antea, et nunc sunt: quæ in cæteris magna et præclara vere dici possunt, hæc in te, Illustrissime Princeps, omnium prædicatione summa sunt, et prope singularia: pietatis illius veræ studium, Reip. recte regendæ atque administrandæ cura, pacis ac tranquillitatis publicæ amor, erga subditos caritas, erga afflictos misericordia, erga externos mansuetudo, erga hospites et peregrinos, præsertim pios illa, quæ verbo Dei tantopere laudatur et præcipitur hospitalitas, in omnes benevolentia, denique de omnibus bene merendi studium. De quibus facilius est nobis apud alios sentire et loqui, quam ad te scribentem dicere, ne quod vere dicere et prædicare possumus, si in hos dicatur, magis assentatio dicendi, quam veritas expressisse videatur. Sed tamen quod sine assentatione liceat scribere, feruntur ista omnium bonorum, doctorumque et literis et sermonibus; quas ob res iampridem C. T. consecuta est, ut præstantia illa suscipiatur, ametur, et colatur ab omnibus cum tuis, tum exteris, quorum ne nomen quidem unquam ad te pervenit, ac fortasse etiam nunquam postea perventurum est. Nec mirum: est enim blanda illa quidem, sed tamen potens animorum victrix et conciliatrix virtus: quæ a quibus cerni potest, eos mirabiliter sibi adiungit, atque ita devincit, ut plane suos faciat. Atque ut id ita non fieret: non eo minus tamen ea sunt merita illarum virtutum, quibus nihil possit dignum ab omnibus rependi. Quod ad me attinet,

ego ac Illustrissimi nominis tui, et virtutum illarum fama permotus, postquam accessi propius, et cognovi, quæ esset omnium de tua eccellente virtute constans prædicatio et consensus, quasi unus ex illis, ad quos earum rerum fructus pertineret, aut unus aliquis eiusdem civitatis inniceps, tantum me privatim C. T. debere statui, quantum salutari Principi subditi, patri patriæ boni cives se debere constituntur. Id ego si qua ratione dependere cupissem, non vereor, ut cui in eo reprehendatur non magis voluntarium, quam necessarium officium meum. Ego vero cupio, Illustrissime Princeps, et ut contingat, non rebus aliquibus maioribus, quæ in me non sunt, et quas multo minus tuis C. T. requirit, sed his quæ mihi a Deo conceduntur, grata ac pia nominis tui recordatione, tum omni animi cultu atque observantia contendam. Huius animi et observantiæ testificandæ ratio nobis relinquitur in literis, ex quo genere cum essent hi Commentarii, qui ad editionem parabantur, putavi me recte et ex superiore illo officio facturum, si eos iam tum tibi destinatos, cum ante aliquot menses hac iter faceres, nunc demum cum eduntur, C. T. consecrarem: sicque cogitavi, tibi Principi Sapientissimo, et doctissimo, et facta cuiusque atque officia, non ex vulgi opinione, sed recte et ex vero æstimandi nunquam improbari posse eum cultum, quem officii ratio, et mandatum Dei cuiquam præscripsisset. Idque etiam ita feci. Haud magna in re scio, hic cultus mihi ostenditur, si cum splendore C. T. comparetur: sed si nihil aliud, certe Commentarii, ut poterunt, se loquentur, et hoc testabuntur; tanto te digniorem Principem esse omni cultu, quanto qui præstat, omnibus rebus est inferior. Si minus spectatur, nulli potuit deferri convenientius: est enim ex optimo genere literarum, id est, ex lure Civili, et in hoc ex ea parte, quæ excellere putatur. Tu ad eas laudes virtutis, quas supra dixi, adiunxisti singulare virtutum omnium ornamentum, eas literas, atque eam doctrinam, non solum quæ sit supra aliorum Principum morem, sed etiam quam literati et doctissimi etiam homines assidue in literis versati aequalibus suis invideant: ut de literis nemo quam tu melius possit iudicare: quo etiam nomine speravi manus C. T. non ingratum futurum. Sed totum ita futurum est, ut erit favor tuus. Ego autem non dubito, quæ C. T. clementia et benignitas est, quin et deferentis animum, et minus ipsum con-
sueti favore tuo complacere: quod tamen ut facias, qua me animi demissione facere decet, C. T. oro. Cum hoc piæ observantiæ, et literis tribueris; tum hæ ipse literæ hoc quoque exemplo doctæ magis ac magis dicent non abs re esse, quod iam olim gaudeant sibi apud tantum Principem sedem ac præsidium esse constitutum. Vale Illustrissime Princeps.

Heidelbergæ, Cal Mart. MD. DC. LXXVII.

Illustrissimæ C. T.

deditissimus.

HUGO DONELLUS.

ELEN-

ELENCHUS TITULORUM

DIG. QUOS

DONELLUS COMMENTARIIS ILLUSTRAVIT,

ET QUI HOC VOLUMINE CONTINENTUR,

TIT. *De Rebus Dubiis.*

De Re Judicata, Et de Effectu sententiarum, Et de Interlocutionibus.

De Confessis.

De Verborum Obligationibus.

De Verborum Significatione.

ELEN-

ELENCHUS

EARUM LEGUM ET PARAGRAPHORUM.

QUARUM SINGULÆ

SUIS IN HOC VOLUMINE

COMMENTARIIS ILLUSTRANTUR.

Ad Tit. D. De Rebus Dubiis.

Col. 2.

L. 1	<i>Fundum.</i>	4	L. 1	<i>Res iudicata.</i>	118
2	<i>Civibus.</i>	8	2	<i>Qui pro Tribunali.</i>	126
3	<i>In ambiguo.</i>	10	3	<i>Qui condemnare.</i>	138
4	<i>Paulus.</i>	14	4	<i>Si se non obtulit.</i>	140
5	<i>Quidam.</i>	16		<i>§. Ait Prator.</i>	146
	<i>§. Si tibi et postumo.</i>	20		<i>§. Si ex conventione.</i>	150
6	<i>Vel ex parte te.</i>	ibid.		<i>§. Si quis condemnatus.</i>	154
7	<i>Utrum ita postumus.</i>	ibid.		<i>§. Condamnatum.</i>	156
	<i>§. Cum quidam.</i>	28		<i>§. Soluisse.</i>	160
	<i>§. Quæsitum est.</i>	30		<i>§. Celus.</i>	162
8	<i>Si inter Virum et.</i>	34	5	<i>Ait Prator.</i>	164
9	<i>Qui duos impuberes.</i>	36		<i>§. Si iudex.</i>	168
	<i>§. Cum in bello.</i>	42	6	<i>Miles.</i>	170
	<i>§. Si cum filio.</i>	46		<i>§. Decem.</i>	ibid.
	<i>§. Si maritus.</i>	50		<i>§. Qui iudicatur.</i>	174
	<i>§. Si Lucius Titius.</i>	ibid.		<i>§. Iudicati actio.</i>	178
10	<i>Si fuerit legatum.</i>	ibid.	7	<i>Intra dies.</i>	182
	<i>§. Plane si ita.</i>	60	8	<i>Si homo.</i>	184
11	<i>Quoties libertis.</i>	62	9	<i>Furiosus.</i>	186
12	<i>Quoties in actionibus.</i>	64	10	<i>Qui cum se.</i>	190
13	<i>Si is qui ducenta.</i>	68	11	<i>Si Calendis.</i>	ibid.
	<i>§. Si quis ita leget.</i>	70	12	<i>In depositi.</i>	198
	<i>§. Cum ita stipulationem.</i>	72	13	<i>Si quis ab alio.</i>	202
	<i>§. Utrum ita concipias.</i>	74		<i>§. Si quis.</i>	206
	<i>§. Proinde si quis.</i>	ibid.	14	<i>Quod iussit.</i>	220
	<i>§. Si quis autem.</i>	80	15	<i>A Divo Pio.</i>	224
	<i>§. Item si paterfam.</i>	ibid.		<i>Princ. eiusdem L.</i>	ibid.
14	<i>Si quis ita scripserit.</i>	82		<i>§. Sententiam.</i>	226
15	<i>Quædam sunt.</i>	ibid.		<i>§. In venditione.</i>	228
16	<i>Quod de pariter.</i>	84		<i>§. Si pignora.</i>	236
	<i>§. Item queritur.</i>	86		<i>§. Si rerum.</i>	242
17	<i>Idem est si.</i>	ibid.		<i>§. Quod si res.</i>	246
18	<i>Sed et in illo.</i>	88		<i>§. Si post addictum.</i>	248
19	<i>Si cognatis legatum.</i>	ibid.		<i>§. Sed si emptor.</i>	ibid.
	<i>§. Cæterum si quis.</i>	94		<i>§. Sic quoque.</i>	250
20	<i>Cum senatus.</i>	96		<i>§. Sed etsi.</i>	254
21	<i>Ubi est verborum.</i>	98	16	<i>Sunt qui.</i>	ibid. et 278
22	<i>Cum pubere filio.</i>	102	17	<i>Patronus.</i>	ibid.
23	<i>Si mulier cum.</i>	ibid.	18	<i>Item miles.</i>	278
24	<i>Cum in testamento.</i>	ibid.	19	<i>Inter eos.</i>	282
25	<i>Quem heredi.</i>	106	20	<i>Non tantum.</i>	284
26	<i>Cum queritur.</i>	ibid.	21	<i>Sicut.</i>	286
27	<i>Si quis de pluribus.</i>	ibid.	22	<i>Sed hoc.</i>	ibid.
28	<i>Qui habebat.</i>	108	23	<i>Si cum procuratore.</i>	288
L. Plures ult.		110	24	<i>Et si fideiussor.</i>	ibid.
			25	<i>Sciendum.</i>	290
			26	<i>Si convenerit.</i>	294
			27	<i>Præses.</i>	296

Ad Tit. D. de Re indic. et de effect.
Sent. et de Interloc.

28	Duo iudices.	298	§. Item si in facto.	470
29	Tempus.	300	§. Contra autem.	476
30	Cum ex causa.	301	Idem iuris est.	480
31	Debitoribus.	302	Eadem dicemus.	482
32	Cum prolatis.	ibid.	§. Si is qui duplam.	496
33	D. Hadrianus.	ibid. et 304	Stipulationum alie.	500
34	Si victum.	312	§. Stipulatio autem.	538
35	Imperatores.	316	§. Satis acceptio.	548
36	Pomponius.	322	§. Si sortem.	558
37	Tunc autem.	ibid.	6 Is cui.	566
38	Inter pares.	ibid.	7 Impossibilis.	586
39	Duo ex tribus.	324	8 In illa.	598
40	Commodis.	328	10 Hoc iure.	ibid.
41	Nesennius.	332	9 Si Titius.	604
	§. Fendum.	336	11 Filius.	618
	§. In solidum.	338	12 Si ita stipulatus.	620
42	Paulus respondit.	340	13 Qui ante.	622
43	Paulus.	344	14 Si ita stipulatus essem.	626
44	Ex contractu.	ibid.	15 Et ideo.	632
45	Acta.	348	16 Si Stichum.	634
	§. De amplianda.	350	§. Stipulatio huiusmodi.	638
	§. Contra indefensos.	ibid.	17 Stipulatio non valet.	642
46	Actorum.	ibid.	18 Qui bis idem.	650
47	De unoquoque.	ibid.	19 Si stipulatio facta.	656
48	Decreta.	352	20 Huiusmodi.	658
49	Et exheredatum.	ibid.	21 Si divortio.	662
50	Nemo liberalitate.	ibid.	22 Si id, quod aurum.	668
51	Si quis dolo.	ibid.	23 Si ex legati causa.	676
	§. Si quis creditorem.	ibid.	24 Sed si ex stipulatu.	686
52	Si rerum.	356	25 Si dari stipuler.	688
53	Contumacia.	ibid.	26 Generaliter.	ibid.
54	Contra.	358	27 Veluti si quis.	ibid.
55	Iudex.	360	28 Si rem tradi.	698
56	Post rem.	ibid.	29 Scire debemus.	ibid.
57	Quidam.	ibid.	§. Si a fure.	706
58	Si cum nulla.	362	30 Sciendum.	708
59	In sententiis, in pr. et §. 1.	ibid.	31 Si rem meam.	716
	§. Ult.	363	32 Si in nomine.	722
60	Quasitum.	ibid.	33 Si stichus certo dñe.	ibid.
61	In iudicatu.	364	34 Multum.	ibid.
62	Cum querebatur.	366	35 Si stipulor.	734
63	Sepe.	ibid.	§. Si in locando.	736
	Ult. Negotiorum.	380	36 Si quis cum aliter.	738
			37 Si certos.	742
			38 Stipulatio illa.	ibid.
			§. Si quis forte.	750
			§. Quasitum est.	754
			§. Sicut autem.	ibid.
			§. Hi qui sunt in aliena potestate.	756
			§. Hæc quoque stipulatio.	758
			§. Habere dupliciter.	760
			§. Si quis ita sibi stipulatus fuerit,	ibid.
			Ut i frui sibi liceat.	ibid.
			§. Si quis dolum malum.	766
			§. Suae personæ.	ibid.
			§. Inter incertam.	768
			§. Alteri stipulari.	ibid.
			§. In stipulationibus.	848
			§. Eum, qui dicat.	850
			§. Si stipulor.	854
			§. Si quis insulam.	ibid.
			§. Si quis ita stipulatus fuerit: Illam	856
			sistam.	ibid.
			§. Aedem sacram.	ibid.

39	<i>Dominus.</i>	808	78	<i>Si filiusfamilias.</i>	1292
40	<i>Si filius.</i>	ibid.		<i>§. Cum fundum stipulatus sum.</i>	1306
41	<i>Eum, qui Kalendis.</i>	ibid.	79	<i>Si procuratori.</i>	1320
	<i>§. Quoties autem in obligationibus.</i>	860	80	<i>Quoties in stipulationibus.</i>	ibid.
42	<i>Qui hoc anno.</i>	896	81	<i>Quoties qui.</i>	1322
43	<i>Si quis arbitratus.</i>	906		<i>§. Si procurator sisti.</i>	ibid.
44	<i>Et ideo si.</i>	934	82	<i>Nemo rem suam.</i>	1324
45	<i>Quodcunque.</i>	ibid.		<i>§. Si post moram.</i>	ibid.
	<i>§. Sicut, cum morietur.</i>	ibid.	83	<i>Inter stipulantem.</i>	ibid.
	<i>§. Si ita quis stipulatus sit.</i>	936		<i>§. Si Stichum stipulatus.</i>	1332
	<i>§. Non solum ita stipulari.</i>	938		<i>§. Si stipulante me.</i>	1336
	<i>§. Filius patri.</i>	ibid.		<i>§. Sacram vel religiosam rem.</i>	ibid.
46	<i>Centesimis.</i>	ibid.		<i>§. Si rem quam ex causa.</i>	1348
	<i>§. Id autem, quod in facto.</i>	942		<i>§. Stichum, qui decessit.</i>	1352
	<i>§. Si ita stipulatus fuero, Cum volue-</i>			<i>§. Si quis ancillam.</i>	ibid.
	<i>ris.</i>	946	84	<i>Si insulam.</i>	ibid.
47	<i>Qui sic stipulatur.</i>	948	85	<i>In executione.</i>	1354
48	<i>Si decem, cum petiero.</i>	952		<i>§§. Prima species. Secunda, ad op-</i>	
49	<i>Cum filiusfamilias.</i>	956		<i>pus. Quod si stipulatus fuero.</i>	
	<i>§. Si stipulatus sim per te.</i>	964		<i>Pro parte, autem. In solidum</i>	
	<i>§. In hac stipulatione: Neque per te.</i>	966		<i>ver. Item, si ita stipulatio facta.</i>	1356
	<i>§. Si promissor hominibus.</i>	972		<i>§. Quicumque sub conditione obligatus.</i>	ibid.
50	<i>In illa.</i>	ibid.	86	<i>Quod dicitur.</i>	1359
51	<i>Is qui alienum.</i>	972	87	<i>Nemo rem suam.</i>	1360
52	<i>In conventionalibus.</i>	974	88	<i>Mora rei.</i>	1361
	<i>§. Si quis vacuum.</i>	983	89	<i>Si a colono.</i>	ibid.
53	<i>Stipulationes commodissimum.</i>	1010	90	<i>Cum stipulati.</i>	1362
54	<i>In stipulationibus.</i>	1014	91	<i>Si servum.</i>	1364
55	<i>Cum quis tibi aut Titio.</i>	1042		<i>§. De illo.</i>	1380
56	<i>Eum, qui ita stipulatur.</i>	1062		<i>§. Sequitur.</i>	1382
	<i>§. Te, et Titium heredem meum.</i>	1066		<i>§. Nunc videamus.</i>	1394
	<i>§. Qui tibi, aut filio tuo.</i>	1070		<i>§. Effectus lusus.</i>	1395
	<i>§. Qui ita stipulatur decem.</i>	1074	92	<i>Si ita stipuler.</i>	ibid.
	<i>§. Qui ita stipulatur; Ante Kalendas.</i>	1080	93	<i>Si sic stipulatus.</i>	1396
	<i>§. Qui proprietatem.</i>	ibid.	94	<i>Triticum.</i>	1398
	<i>§. Si a te stipulatus fuero.</i>	1084	95	<i>Qui insulam.</i>	1399
	<i>§. Si hominem, quem a Titio.</i>	1088	96	<i>Qui servum.</i>	ibid.
57	<i>Si quis, si Titius.</i>	1102	97	<i>Si ita stipulatus.</i>	1400
58	<i>Qui usufructum.</i>	1104		<i>§. Possum utiliter.</i>	1402
59	<i>Quoties in diem.</i>	1120		<i>§. Si tibi nupsero.</i>	ibid.
60	<i>Idem erit.</i>	ibid.	98	<i>Existimo.</i>	1404
61	<i>Stipulatio hoc modo.</i>	1148		<i>§. Ex hac stipulatione.</i>	1405
62	<i>Servus vetante.</i>	1150	99	<i>Quidquid.</i>	1406
63	<i>Si ita quis stipuletur.</i>	1162		<i>§. Si stipulatus hoc modo.</i>	1408
64	<i>Huiusmodi.</i>	1170	100	<i>Conditio.</i>	1410
65	<i>Quæ extrinsecus.</i>	1176	101	<i>Puberes.</i>	ibid.
66	<i>Si minor.</i>	1178	102	<i>Venditores.</i>	1420
67	<i>Illam stipulatio.</i>	1180	103	<i>Liber.</i>	1424
	<i>§. Eum qui decem.</i>	ibid.	104	<i>Cum servus.</i>	1425
68	<i>Si pœnau.</i>	1184	105	<i>Stipulatus sum Damam.</i>	1426
69	<i>Si homo.</i>	1192	106	<i>Qui ex pluribus.</i>	1428
70	<i>Mulier.</i>	1198	107	<i>Utrum.</i>	1434
71	<i>Cum quid.</i>	1200	108	<i>A Titio.</i>	ibid.
72	<i>Stipulationes non dividuntur.</i>	ibid.		<i>§. Nulla promissio.</i>	1435
	<i>§. Si quis ita stipulatus.</i>	1250	109	<i>Si ita stipulatus.</i>	ibid.
	<i>§. Plane si insulam.</i>	ibid.	110	<i>Si mihi et Titio.</i>	1436
73	<i>Interdum.</i>	1250		<i>§. Si stipulatus fuero.</i>	1440
	<i>§. Stichum promissor.</i>	1254	111	<i>Si stipulatus fuero.</i>	1442
74	<i>Stipulationum quedam.</i>	ibid.	112	<i>Si quis stipulatus sit.</i>	1444
75	<i>Ubi autem.</i>	1254		<i>§. Si quis ita stipulatus.</i>	1446
	<i>§. Ult. Hæc stipulatio, fundum dari.</i>	1270	113	<i>Cum stipulatus sim.</i>	1448
76	<i>Si stipulatus fuerim.</i>	1272		<i>§. Cum venderet.</i>	1458
	<i>§. Cum stipulamur.</i>	1282	114	<i>Si fundum.</i>	ibid.
77	<i>Ad diem.</i>	1286	115	<i>Ita stipulatus.</i>	ibid.

116	<i>Decem.</i>	1484	137	<i>Continuus.</i>	ibid.
117	<i>Si certum.</i>	1487		§. <i>Si hominem.</i>	1636
118	<i>Liber.</i>	1488		§. <i>Cum ita stipulamur.</i>	1638
	§. <i>Decem hodie.</i>	1489		§. <i>Item qui insulam.</i>	1642
	§. <i>Decem mihi aut Titio.</i>	1490		§. <i>Illud inspiciendum.</i>	1644
119	<i>Doli clausula.</i>	1491		§. <i>Si ab eo stipulatus sim.</i>	1649
120	<i>Si ita stipulatus.</i>	1492		§. <i>Cum quis sub hac conditione.</i>	ibid.
121	<i>Ex ea parte.</i>	1493		§. <i>Si ut aliquid fiat.</i>	ibid.
	§. <i>Mulier ab eo.</i>	1494		§. <i>Præterea sciendum.</i>	ibid.
	§. <i>In insulam deportato.</i>	1497	138	<i>Eum, qui certarum.</i>	ibid.
	§. <i>Ex facto rei promittendi.</i>	1498	139	<i>Cum ex causa.</i>	ibid.
122	<i>Qui Romæ.</i>	1500	140	<i>Pluribus.</i>	ibid.
	§. <i>Callimachus.</i>	1504		§. <i>Et si placeat.</i>	1650
	§. <i>Flavius Hermes.</i>	1508	L. ult.	<i>Si servus.</i>	1660
	§. <i>Coheredes.</i>	1514		§. <i>Pupillus licet ex quo fari.</i>	ibid.
	§. <i>Agerius.</i>	1518		§. <i>Si ita stipulatus fuero.</i>	1664
	§. <i>Seja.</i>	1524		§. <i>Si inter eos.</i>	1666
	§. <i>Duo fratres.</i>	1528		§. <i>Cum mihi, aut Titio.</i>	1668
123	<i>Si flagitii.</i>	1532			
124	<i>Insulam.</i>	ibid.		Tit. D. De Verb. significat.	
125	<i>Cum stipulamur.</i>	ibid.			
126	<i>Si ita stipulatus.</i>	ibid.	L. 1	<i>Verbum hoc, si quis.</i>	1672
	§. <i>Titius a Mavio.</i>	1532	2	<i>Urbis appellatio.</i>	1674
	§. <i>Chrysogonus.</i>	1534		§. <i>Cujusque.</i>	1676
	§. <i>Si ita stipulatus fuero.</i>	1539	3	<i>In itinere faciendo.</i>	1676
127	<i>Si pupillus.</i>	1540		§. <i>Eius.</i>	1678
128	<i>Si duo.</i>	1558	4	<i>Nominis.</i>	1680
129	<i>Si quis ita.</i>	1559	5	<i>Rei appellatio.</i>	ibid.
130	<i>Quod dicitur.</i>	ibid.		§. <i>Opere.</i>	1684
131	<i>Julianus.</i>	1560	L. 6	§. <i>Verbum.</i>	ibid.
	§. <i>Qui fundum.</i>	ibid.	8	<i>Verbum, Oportebit.</i>	1686
132	<i>Quidam.</i>	1566		§. <i>Actionis.</i>	1688
	§. <i>Filiusfamilias ita stipulatus est.</i>	1582	9	<i>Marcellus.</i>	ibid.
133	<i>Si sic stipulatus.</i>	1584	10	<i>Creditores.</i>	1690
134	<i>Titia.</i>	1589	11	<i>Creditorum.</i>	ibid.
	§. <i>Idem respondit, plerunque.</i>	ibid.	12	<i>Ut si cui.</i>	ibid.
	§. <i>Idem respondit, cum Septicius.</i>	ibid.		§. <i>Minus.</i>	1694
	§. <i>Idem respondit, quoties.</i>	ibid.	13	<i>Mulieres.</i>	1696
135	<i>Si ita quis promiserit.</i>	1590		§. <i>Res abesse.</i>	ibid.
	§. <i>Seja cavit.</i>	1592	14	<i>Labæo et Sabinus.</i>	1698
	§. <i>Ea lege donatum.</i>	1614		§. <i>Rem amisisse.</i>	1700
	§. <i>Filia, quæ de inofficioso.</i>	1634	15	<i>Bona civitatis.</i>	1702
136	<i>Si sub una significatione.</i>	1635	18	<i>Munus tribus modis.</i>	1704
	§. <i>Si quis viam ad fundum.</i>	ibid.	19	<i>Labæo libro primo.</i>	1706

HUGONIS DONELLI

JURISCONSULTI

COMMENT.

AD TITULUM D. DE REBUS DUBIIS.

SUMMARIA.

1. Res dubie quædam dicantur.

2. Hoc Titulo potissimum agitur de dubietatibus facti: nec tamen de omnibus: et de quibus agitur, et n. 3.

4. Quare inscriptio Tituli generaliter concepta.

5. Quare hic Titulus hoc loco fuerit collocatus.

1 RES † sunt facta, et causæ de quibus agitur. Dubia sunt, de quibus nunc aliquid ex his queritur, aut utrum aliquid factum sit, necne, ut in ambigue scripto testator quid nenserit: *L. 1. L. cum in testamento*, aut, cum de facto constabit, quid sit id quod scriptum factumque est, ut in hoc iure, *incerti personis legari non posse*, quid sit incerta persona: *L. quidam, infr.* aut, cum de facto constabit, et quo nomine id vocetur, queritur, quale id sit, æquum, an iniquum; iustum, an iniustum, ut, viro et uxore pariter decedentibus, quorum alter alteri aliquid donavit, utrum donatio iure valeat, necne. *L. si inter, infr.* Tot enim sunt naturæ questionēs de unaquaque re, neque plures, in quibus omnibus rem esse dubiam dicimus, quoniam non sit certum, quid in singulis in alterutram partem statuamus.

2 Ergo cum hic titulus sit generalis: pollicetur, ut quidem verba sunt, agi hic de omnibus rebus, in quibus eiusmodi aliquid queratur. † Sed sciendum est, de questione iuris paucos esse admodum locos hoc titulo: pauciores de re, in qua, quid sit id, quod fit, et de quo lege cavatur, queritur: unam fere questionem et tractationem esse de rebus dubiis, in quibus de facto ambigitur. Nec male hæc res præcipue dubie appellantur præter cæteras. Ius nemque finitum esse debet, et potest: facta etiam prudentissimos fallunt, *L. 2. D. de iur. et fac. ign.* Ac de his etiam *Tom. XI.*

præcipue agi oportuit, non de cæteris. Nam in questionibus facti communes sunt quædam præceptiones, quibus ad rem omnem dubiam explicandam adjuvari possumus. Ius autem non nisi ex legibus et omni parte iuris intelli potest. Ut sit stultissimum, cum sint causæ innumere, de quibus singulis ius constitutum est, id ius omne uno titulo complecti velle: aut, paucis expositis, putare, id ad aliarum causarum ius cognoscendum quidquam prodesset.

3 Sed † nec de omnibus agi sciendum est, etiam in quibus de facto queritur. Non enim agitur de his, quatenus in iis res dubia testibus aut instrumentis demonstrari potest: solum de his agitur, in quibus, legitimis aliis probationibus deficientibus, ratione et coniectura aliqua probabili id, quod dubium est, potest explicari.

Inscribitur *de rebus dubiis* generaliter, non de quibusdam rebus dubiis, † quia tametsi 4 pauca tantum exempla hoc titulo proponuntur ex infinitis, in quibus res facti dubia est: tamen generalia quædam præcepta traduntur; et præterea ex iis responsis, quæ hic proponuntur, alia præcepta colliguntur, quibus ad omnes res dubias decidendas uti possumus, ac non tantum ad eas species, quæ hic proponuntur. In quo cernitur utilitas huius tituli. Sunt et alii loci complures sub titulis *de legatis*, et alibi, in quibus præcepta de re dubia explicanda traduntur: sed nusquam de

hae re tota ex professo. Ille autem ex professo egitur. Uode merito hic titulus proprie de rebus dubiis inscriptus est.

- 5 Hoc genus dubii † quæ præcipue in testamentis incidit, in quibus ut plurimum scri-

ptum quid est ambiguo, aut obscure: idcirco non sine ratione est hoc loco collocatus, quamquam ad interpretationem legum, et contractuum eadem præcepta pertineant.

Ad L. Fundum 1.

Papinianus lib. 7. Respon.

Fundum Mævianum, aut Seianum Titio legaverat. Cum universa possessio plurium prædiorum sub appellatione fundi Mæviani rationibus demonstraretur: respondi, non videri cætera prædia legato voluisse defunctum cedere, si fundi Seiani pretium a fundi Mæviani pretio non magna pecunia distingueretur.

S U M M A R I A.

1. Si illud, aut illud legatur: electio est legatarii.
2. In ambiguo sermone id sequitur, quod ita qui loquitur, sensit.
3. Ubi duæ res disiunctim legatæ sunt, si altera nomine ambiguo designata fuerit: ex alterius pretio sumitur interpretatio dubia voluntatis. et u. sup.
5. Electio constituitur inter res eiusdem, aut non longe imparis pretii. et u. 11.
6. Si legata sint X. aut XV. ultra summa debeatur.

7. Quid iuris, si quis X. aut XV. stipuletur.
8. Legato fundo Mæviano, aut Seiano, cum plures sint fundi Mæviani, alias pretiosior, alias vilior debetur.
9. Legato fundo Corneliano, cum plures eiusdem nominis testator haberet, quisnam debeatur.
10. Duobus rebus coniunctim legatis, ex coniunctione non recte inferitur, alteram alteri pretio aequalem esse debere.

Quidam fundum e Mævio accepit, et eura ab eactore Mævianum nominavit. Ei prædio vicinis quædam alia prædia mercatus enim esset, aut cum prius ea prædia complore haberet, omnia huius fundo Mæviano ediecit, et universam eam prædiorum possessionem fundi Mæviani nomine epellavit, uti facere homines consueverunt, eum fundum eliquem ampliorem, et nobiliorem reddere voluit, locupletatum multis accessionibus, et vere latifundium quærent dicere. Itæ factum est destinatione patrisfamilias, ut inciperet hoc verbum, Mævianum, esse ambiguum, ec proprie significaret fundum illum veterem Mævianum, quem possessor a Mævio acceperat, nec cætera prædia, quæ postea adiecta sunt, contineret: quoniam ille non essent Mæviana, idest non essent e Mævio profecta, idem ex destinatione et usu loquendi patrisfamilias contineret diversam eam prædiorum possessionem, quibus idem fundus ille vetus a domino auctus esset: Is possessor cum fundum illum nomine Seianum haberet, utrumque legavit hoc modo: fundum Mævianum, aut Seianum Titio de lego. Sublela hic esset omnis questio, si in hoc legato electionem heredi tribueremus, utrum enim ex his dare heres vellet, eam recusare non posset legata-

rius. Nunc autem † electio legatarii est. L. 1 Lucio, 23. D. de leg. 2. proinde pro iure suo petit optimum, itaque Mævianum vindicat, non illum veterem, quem dixi, et quem absolute hoc loco Papiniensis ex re ipsa Mævianum vocat, sed universam illam prædiorum possessionem, quam prædiis Mæviani appellatione testator, dum viveret, designavit: Heres veterem Mævianum offert, hunc legatum ait, quod dicat, hunc vere dici Mævianum. Verbum ambiguum est. Certum est † 2 in sermone ambiguo id æquandum esse, quod ie qui loquitur, sensit. Questio, de nro fundo hic testator senserit. Respondet Papinianus fundum Mævianum (sic enim, ut dixi, veterem illum profectum a Mævio absolute nominat) voluntate testatoris debere: cætera prædia hanc postea e testatore adiecte legatæ non cedere, idest legato non contineri: hoc conditione tamen, si pretium fundi Seiani a fundi Mæviani pretio non magna pecunia distingueretur. Sic enim in Pendectis Florentinis legitur, et recte.

Hoc responso hoc præceptum eam primis utile significetur, quod pertinet ad interpretationem dubie voluntatis in scripto ambiguo: † Quoties duæ res disiunctim legantur, ex 3 quibus una legatur verbo ambiguo, idest, plu-

plures res significante, et quæritur, de qua re testator senserit, interpretationem voluntatis ex alterius rei nominatum legatæ æstimatione sumendam esse. Videri enim testatorem in verbo ambiguo de ea sensisse, quæ a pretio alterius rei legatæ minus distaret. Quod fiet in proposita hypothesis hoc modo. Si fundus Mævianus vetus non multum distat a pretio fundi Seiani, solus hic videbitur legatus, non etiam cætera prædia, quæ postea accesserunt. Quod si pretium fundi Seiani longe superat æstimationem fundi Mæviani illius veteris: non ille tantum vetus legatus erit, sed etiam universa possessio, quæ fundi Mæviani appellatione ex instituto patrisfam. continebatur.

- 4 Huius coniecturæ † optimam hoc loco rationem reddidit Bartolus sumptam ex natura rei, de qua agitur. Nam cum testator de suis rebus *illam aut, illam* legat electionem dat legatario rerum legatarum. Natura electionis † est hæc, ut constituatur inter res æstimatione pares, aut certe non longe distantes. Nam si res æstimatione multum dispares legentur, aut promittantur, quamvis disiunctim: non tam electio data, quam res una legata, aut promissa videbitur. † *Decem aut quindecim*, exempli gratia, testator legavit, si dixit, *utrum legatarius volet*, quindecim erunt legata: nam hæc legatarius eligit. Si nihil adiecit, quia heredis est electio, decem videbuntur legata. *L. si ita relictum* 43. §. ult.
- 7 *D. de leg. 2.* † Idemque est in hac stipulatione, *decem, aut quindecim dabis?* *L. si ita*, 109. *D. de verb. oblig.*
- 8 Ex his apparet, † cum *fundus Mævianus*, *Tom. XI.*

aut Seianus legatus est, et plures sunt fundi Mæviani, alias eum, qui minoris pretii estimari debet: alias eum, qui maioris: prout scilicet, cet aut hic, aut ille a pretio fundi Seiani minus recedet.

Videamus ergo, ne sit contrarium huic sententiæ, quod scriptum est in *L. cum servus*, 39. §. *scio*, *supr. de leg. 1.* † cum testator 9 legat fundum Cornelianum, et plures habet fundos eiusdem nominis, eum debet, qui sit minoris pretii, nisi legatarius testatorem de pretiosiore sensisse probet. Sed hoc postremum omnem controversiam dirimit. Satis enim legatarium probare dicimus, Mævianum amplius legatum videri, cum is a pretio fundi Seiani non magna pecunia distinguitur. Itaque diligenter notandum est, quod hic dicitur de interpretatione verbi ambigui, tunc solum locum habere, cum plures res disiunctim, seu sub alternatione legatæ sunt. Non idem probaremus, si fundus Mævianus per se legatus esset, aut legatus esset coniunctim Mævianus et Seianus. Diceremus enim hic Mævianum ex pluribus eum debet, qui esset minoris pretii tantum, non maioris. *d. L. cum servus*, §. *scio de leg. 1.* Differentiæ hæc ratio est, quod † unus rei legatæ coniectio non arguit testatorem aliam rem eiusdem pretii legare voluisse, nihil enim prohibet, quin minus testator rem unam magni pretii leget; et alteram, quæ sit, non dico minoris, sed minimi pretii. At † rebus disiunctim legatis, electio, quæ 11 his datur, non patitur, ut testator res inter se multum æstimatione distantes legasse videatur.

Ad L.



Ad L. Civibus. 2.

Idem lib. ix. Respon.

Civibus civitatis legatum, vel fideicommissum datum, civitati relictum videtur.

S U M M A R I A.

1. Civibus relictum civitati relictum videtur.
2. Civium appellatio ambigua.
3. Si universis civibus legatum sit, singuli non petent: contra, si singulis.
4. Si legatum sit civibus, qui nunc sunt: iis, qui postea existent, nihil debetur.
5. Universitati relictum non debetur singulis.
6. Quod est universitatis, non est singulorum.
7. Quod debetur universitati, non debetur singulis.
8. Legatum civitati relictum debetur, quicumque supersint ex civibus, qui erant, cum legabatur.
9. Civitas est semper eadem, quæ fuit.
10. Testator non aliud voluisse videtur, quam quod dixit.
11. A verborum significatione non recedendum, nisi constet, aliud sensisse testatorem.
12. Relictum administratoribus civitatis videtur relictum ipsi civitati.
13. Non singuli cives sunt civitas, sed universi.
14. Civitas quid sit.
15. In ambiguo sermone non utrumque dicimus, sed tantum quod volumus.
16. Cur civibus relictum civitati relictum interpretemur, et n. seqq.
17. Testator præsumitur plus dilexisse patriam, quam cives singulos.
18. Plus notos, quam ignotos.
19. Ex notis plus coniunctos, quam extraneos.
20. Sine causa testator non dat.
21. Semper id agendum, ut legatum potius valeat, quam pereat.
22. Testatores præsumuntur faciliores ad exonerandum, quam ad onerandum heredem.
23. Municipibus, collegiis, aut universitatem efficientibus relictum, municipio, collegio, aut universitati relictum intelligitur.

4 **C**ivibus civitatis legatum, vel fideicommissum datum, † civitati, ait Papinianus, relictum videtur. Primum quid necesse est laborare in eo, an quod civibus datum est, potius interpretari debeamus datum civitati, quam civibus, cum sufficiat intelligi, quod civibus datum est, civibus debere? Nihil esset necesse, si constaret, quid verbo civium contineretur. Sed † hoc, *civibus*, ambiguum est. Potest enim sic intelligi, civibus singulis: potest ita, civibus universis: et, civibus qui nunc sunt: aut civibus et qui nunc sunt, et qui postea me vivo futuri sunt. Inter quæ multum interest. Etenim † si universis civibus legatum est, singulis nihil debetur, nec singuli legatum petent. Contra est, si legatum erit singulis, et rursum † si iis legatum est, qui nunc sunt, iis qui existent postea, nihil debetur. Hoc ergo explicari necesse est. Tollitur vero hæc ambiguitas hac definitione, cum civibus datum, interpretamur datum civitati. † Si civitati relictum est, singulis non debetur. Nam † neque quod universitatis est, singulorum est, † nec quod debetur universitati, debetur singulis. *L. in tantum, §. 1. D. de rer. divis. L. sicut. §. si quid, supr. quod cuiuscunque univer. no. Si* 8 civitati relictum est, legatum † debetur, qui-

cunque tandem cives supersint ex iis, qui fuerunt, quo tempore legabatur, quippe civitati legatum est, ut dixi. † Est autem semper eadem civitas, quæ fuit, quamvis priores omnes cives decesserint, aliis in priorum locum succrescentibus. *L. proponebatur, D. de iud.*

Ergo hoc restat, ut videamus, quam recte interpretetur Papinianus, *civibus* hoc esse, civitati. Nam si aliud sunt cives, aliud civitas, non recte. Neque enim debetur, nisi quod testator voluit: † nec videtur voluisse aliud, 10 quam dixit *L. Labeo, §. 1. D. de sup. leg.* et quamvis defenderemus, *cives* per metonymiam accipi posse pro civitate: tamen, nisi quid esset necesse, et aliter legatum valere non posset, ita accipere non deberemus. Sic enim præcipitur, † non aliter a verborum significatione recedi oportere, quam si manifestum sit, aliud sensisse testatorem. *L. non aliter, 69. D. de lega. 3.*

Quid ergo? an cives sunt civitas, ac non potius ii, qui civitate continentur? Quod cum expedire Azo non posset, hoc loco, *civibus*, interpretatus est administratoribus civitatis: propterea quod † administris civitatis datum, ipsi civitati datum videatur, arg. *L. annua, §. 1. supr. de an. leg.* Quasi ve-

ro cives omnes sint administratores civitatibus, ac non ex inanumeris paucissimi, qui Rempublicam administrant. Sed hic herendum non est. Sane enim singuli cives non sunt civitates. At universi civitas sunt. † Nihil enim est aliud civitas, nisi cōtus civium iure sociatus, finitore Cicerone in *Somnio Scipionis*. Itaque si de significatione verbi hic quaeritur, non est metiendum, ne qui *civibus* datum interpretatur datum civitati, non ex significatione verbi id videatur facere.

Sed hoc quaeritur, cum verbum, *civibus*, possit etiam sic accipi, ut singuli cives intelligantur, cur in verbo ambiguo placet id accipi, ut civitas intelligatur potius, quam singuli cives? Nempe quod testator de civibus universis, id est, de civitate senserit, non de civibus singulis. † In ambiguo enim sermone non utrumque dicimus, sed id duntaxat, quod volumus. *L. seg.* Unde porro illum civitati datum, non singulis civibus voluisse intelligimus? † Plures concurrunt coniecturae, quae id suadeant. Primum testator causam habuit, cur legaret civitati suae. Nam civitatem suam curam habuit, ut patriam. Cur autem singulis pariter legaret, causam nullam habuit. † Incredibile est enim, eum suos cives singulos aequè dilexisse, certe † non dilexit ignotos aequè, ac notos: et † in his qui noti sunt, non dilexit aequè extraneos, atque amicos, et intima familiaritate coniunctos. Non

igitur omnibus ex aequo datum voluit. † Neque enim daret, nisi causa esset, cur pariter omnibus datum vellet, arg. *L. si is, qui ducenta*, §. 1. *infr. eo. L. nec adiecit. D. pro soc.* Deinde si singulis civibus legatum interpretamur, legatum inane et derisorium futurum est, quod si uni daretur et semel, magnum esse potuit. Divisum enim legatum forte inter decent millia civium, necesse est ad minimam summam, aut etiam nullam in singulis redigatur. † Semper autem id agendum est, ut legatum potius valeat, quam pereat. *L. quoties in actionibus, infr. eo.* Postremo si singulis civibus dandum est, nimis oneramus heredem, isto enim modo tot erunt legatarii, quot cives: quibus omnibus petitio erit adversus heredem. Quod si dandum est civitati, pro innumeris petitionibus una constituitur, qua teneatur heres duntaxat civitati. † Verisimile est autem, testatorem faciliorem esse ad exonerandum heredem, quam ad onerandum. *L. unum ex familia*, 61. §. *si rem sup. de leg. 2.*

Quod de legato civibus relicto hoc loco dicitur, † ad omnes pertinet, qui plures coniuncti universitatem, aut corpus unum efficiunt. Itaque quod municipibus legatum est, intelligitur legatum municipio: quod collegis illius collegii, collegio: quod illis, qui sunt ex ea universitate, universitati.

Ad *L.* In ambiguo. 3.

Paulus libro XIV. Questionum.

In ambiguo sermone non utrumque dicimus: sed id duntaxat, quod volumus. Itaque qui aliud dicit, quam vult: neque id dicit, quod vox significat, quia non vult: neque id, quod vult, quia id non loquitur.

S U M M A R I A.

1. Nemo dicit quod nolit, etiamsi verbis exprimat, et n. 7.
2. In ambiguo sermone non utrumque dicimus, sed solum quod volumus.
3. Non est dicere id loqui, quod animo non sentias.
4. In omni dicto, scriptoque potissimum voluntas, et sententia dicentis spectanda.
5. Quid aliud dicit, quam quod vult, neutrum dicit, et n. 21.
6. Si legaturus vestem legat suppellectilem, neutra debetur, ibid.
7. Nemo dicit quod velit, nisi exprimat.
8. Omne dictum constat sententia, et voce.
9. Exponitur *L.* si alii, 19. D. de us. et usufr. legat. et n. seqq.
10. Fundi appellatio complectitur etiam usufructum.

11. In testamenti voluntas totum facit.
12. Voluntas facit, ut in testamento scriptum valeat.
13. Si legaturus fundum Mavianum nominet Cornelianum, debetur Mavianus.
14. Non recedendum a verborum significatione, nisi constet, aliud sensisse testatorem.
15. Voluntas testatoris praefertur propriae verborum significationi, et n. 20.
16. Fundum appellat et qui non suo nomine demonstrat.
17. Nihil interest, rem indices proprio nomine, an demonstratione, quae tantumdem valeat.
18. Nomina appellativa sunt immutabilia.
19. Legatum relictum filio utrum debeatur filio naturali, an extraneo, quem testator lubebat loco filii.

- Propositum est Paulo hoc capite constituere hanc sententiam ad interpretationem nem omnis dicti, scriptive, † *Neminem dicere, quod noli, quodque non sentiat: quantumvis id verbis exprimat*. Id autem confirmat argumento ambigui sermonis. In quo cum secundum verba duo dicamus, interdum etiam plura (is est enim ambiguus sermo, qui duas res, duas sententias, aut plures exprimit) tamen † non utrumque dicimus: sed id duntaxat, quod volumus. Atqui alterum nihilominus verbo exprimimus. Sed † non est dicere, id loqui, quod animo non sentias.
- 4 Quo dicto admonemur, † in omni dicto, scriptive præcipue voluntatem et sententiam dicentis spectandam esse: ut si quid loquitur, quod vult, ideo valeat, quia vult: si quid non vult, non ideo id videatur dictum, quia verbo expresserit. Quod si verum est consequens est, quod Paulus intulit, † si quis aliud dicit, id est, loquitur, quam vult: hinc nihil agere, sed quod dixerit, pro non dicto esse (non enim valet, quod vox significat, ut iam effectum est, quia ille non vult) neque id rursum quod vult, quia id non loquitur. † Legat quis *suppellectilem* suam, dum vult vestem legare, quam putat, verbo *suppellectilis* significari. Neque suppellex debetur, etsi eam exprimit, quia non vult hanc legare: neque vestis, quam cogitat, quia de hac non loquitur. *L. 4. sup. de leg. 1. L. Labeo, §. 1. sup. de sup. leg. L. quoties, 9. in pr. sup. de here. inst.* Ita in summa hoc responso duas has sententias confirmat
- 7 Paulus: unam, quam proposui, † neminem dicere quod non sentiat, quamvis id loquatur, *d. L. Labeo, §. 1.* ex qua efficitur, sententiam dicentis semper spectandam esse. Aliteram, † ne id quidem quemquam dicere, quod velit, nisi id verbo exprimat, ut intelligatur † omne dictum duabus rebus constare, sententia nimirum dicentis, et voce. Quod apertius scriptum est in *d. L. Labeo, §. 1.*

- Quibus sententiis nihil adversari ea reperimus, quæ pro repugnantibus hoc loco notari solent. Citatur † *L. si alii, sup. de usu, et usus. leg.* pro defensione scripti adversus voluntatem. Proponitur testator alii fundum, alii usufructum eiusdem fundi legavisse, cum eo proposito esset, ut is, cui fundum legabat, nihil nisi proprietatem nudam haberet. Si ad id verba superiora satis esse putat testator, errat, inquit Modestinus, et is cui fundum legavit, habebit nihilominus partem usufructus. Nempe quia id loquitur, etiam si præter testatoris voluntatem: quod ut magis intelligeretur, addidit ille ad extremum, *quia interdum plus valet scriptura, quam peractum sit*. Sed videndum est, quid

Modestinus hic dicat, quidve agat. De testatore loquitur, qui vult uni proprietatem nudam legare alicuius fundi, alteri usufructum, si inquit, id se putat consequi illis verbis, quæ proposuimus, errore labitur, sed ita eum legare oportet, inquit, *Titio fundum detracto usufructu lego*, et quæ sequuntur. Loquitur ergo de horum verborum significatione Modestinus, *illi fundum, huic usufructum eius fundi do lego*. Est hoc verissimum, si quis his verbis usus est, non esse eum consecutum, quod voluit, ut unus nudam tantum proprietatem habeat: quoniam non id verba significant. † *fundum* enim qui dicit, etiam usufructum fundi complectitur. *L. Mævius, 66. §. penul. de leg. 2. L. 4. D. de usus. leg.* quod hic non negamus, sed hoc amplius quærimus, si aliunde, quam ex verbis constaret, hoc sensisse testatorem, ut is, cui fundum legavit, nudam tantum haberet proprietatem, alter autem integrum usufructum: num contra eius voluntatem usufructus communicari debeat. De eo non agit Modestinus, ut qui de errore tantum testatoris loquitur, qui in eo est, non quod putat, se posse fundum, detracto usufructu, legare: sed quod putat, id se illis verbis, quæ dixi, exprimere. Nos vero de eo hoc dicimus, quandiū de voluntate testatoris constat, nihil penitus valere in testamento, quod illum non velle intelligitur. Hinc illa: † *in testamentis facit totum voluntas defuncti*. *L. ex facto, §. rerum. D. de here. inst. item, † voluntas facit, ut in testamento scriptum valeat*. *L. 12. in fin. de leg. 1.*

Pro tuenda autem voluntate testatoris etiam, quam verbo ille non expresserit, hæc dici solent, primum quod, † si quis in fundi vocabulo errans leget certum aliquem fundum, quem ipse appellet *Cornelianum*, cum sit *Mævianus*: placet *Cornelianum* quidem non deberi, quia de eo testator non senserit: cæterum deberi *Mævianum*, quia hunc voluerit. *L. 4. sup. de leg. 1.* atqui *Mævianum* non nominavit. Præterea in *L. non aliter, D. de leg. 3.* scriptum est, † non aliter a verborum significatione recedendum esse, quam si manifestum erit aliud sensisse testatorem, quibus verbis declaratur, † si testator aliud senserit, quam verba significant, a verborum significatione esse recedendum, et voluntatem esse sequendam. Sed neutrum horum arguit voluntatem esse sequendam sine verbis, id est, quamvis testator locutus non sit in testamento, quod voluerit. Nam † et is, qui fundum aliquem demonstrat eum non suo nomine appellando, appellat eum, et de eo loquitur non minus, quam si eum suo nomine appellasset, † quid enim interest, utrum

nomen rei dicas ad rem indicandam, an ea demonstratione nare, quæ tantumdem præstet? Plane nihil, ut est in *L. certum, D. si cert. pet.* si modo ea sint nomina rei, quæ pro arbitrio cuiusque mutantur: qualia sunt quæ *propria* diciuntur, idest, nomina singularum rerum ad numerum discernendam, non ad substantiam rei significandam inventa. Nam

- 19 † hæc sunt immutabilia *D. L. 4. D. de leg.*
 1. Quod autem dicitur, a verborum significatione recedi posse, cum appareat aliud sensisse testatorem, quam verbum significat: † a verbi significatione propria accipere debemus, ut bene interpretatur Hugolinus in *d. L. non aliter*. Nam a significatione propria, et impropria si quis recedi posse interpretaretur: non fuit dicendum, recedi posse a significatione verborum, sed recedi posse a verbis, ut sine his nandum testatoris sententiam amplectamur: idest, quod voluerit, quamvis non dixerit.

Et sane † hoc verbum significat, quod proprie, at ex usu loquendi significat. Itaque exempli gratia, si quis, dum vult vestem legare, leget *supellectilem*, vestia non debetur, quia hæc *supellex* non significat neque proprie, neque abusive.

Sed finge, testatorem legavisse filio suo decem, cum haberet filium naturalem, et alterum quemdam, qui filius quidem non esset, sed quem pro filio carum haberet, atque etiam eum ita nominare esset solitus. Si queratur, ntri ex his legatum sit, † non dubitabimus respondere, legatum esse filio naturali. Hunc enim natura filius significat. Sed si conviasit, testatorem noluisse ei legare, quia eum iustus de causis exheredaverit, et testatus sit, se velle a bonis suis penitus esse alienum: recedemus tum a verbi significatione, et ex abusu testatoris filium intelligemus cum, quem ita nominare consuevit.

Ad L. Paulus 4.

Idem lib. XIX. Responsorum.

Paulus respondit, cum nomen fideicommissarii testamento adscriptum non sit: nulli personæ neque certæ, neque incertæ datum fideicommissum videri, indubitatum est.

1. Nullum est legatum, vel fideicommissum, si non appareat, cui testator consultum voluerit. et n. seqq.
 3. Nominatim ei legasse testator intelligitur, cui dare voluisse appareat.
 4. Demonstratio, etiam in heredis institutione, fingitur vice nominis.

5. Si testator ex pluribus heredibus unus rogaverit, ut pro sua parte contentus sit eorum: coheredes fideicommissum ab eo petere possunt.
 6. Conditionis implenda causa legatarius dabit heredi, si testator non expresserit, cui dari voluerit.

† Testator ita scripsit, *Heres meus decem dato*, neque adiecit, cui: † nulli personæ, inquit Paulus, neque certæ, neque incertæ legatum videtur. Certæ quidem personæ non deberi non dubitatur; quando nulla certa adscripta est, sed hoc potuit dubitari, num saltem necesse habeat heres incertæ personæ dare: puta, cui voluerit, alicui tamen: nempe cui humanum, aut æquum sit dari, cui verisimile sit testatorem bene velle: ut num debeat amicis dare, erogare pauperibus, conferre in redemptionem captivorum, et si qua sunt eiusmodi officia humanitatis. Hanc dubitationem Paulus sustulit: cum adiecit, neque incertæ personæ datum fideicommissum videri: Et merito namo ad huius fideicommissi si persecutionem admittitur. † Verum est enim, eum nulli legavisse, qui in legato nullius nomen adscripat. Nos enim non solum ut sen-

serit quid testator, sed etiam ut dixerit, querimus, ut præcedenti capite dictum est.

Neque tamen quod Paulus hic exigit, ut nomen fideicommissarii adscribatur, ita præfracte accipiemus, quasi necesse sit nomen proprium adhiberi. † Nominatim alicui legatum intelligemus, si quid ita legatum sit, ut possit intelligi, cui testator consultum voluerit. *L. nominatim, 90. de leg. 3.* denique † omnem demonstrationem, etiam in herede insituendo, nominis vicem habere convenit. *l. quoties, §. si cui nomen, supr. de her. inst.* Itaque † cum ex pluribus heredibus institutus testator unum rogat, ut pro sua parte contentus sit centum aureis, recte placet, coheredibus eius fideicommissam eius partis relictum videri. *L. peto, 69. 2. respon. supr. de leg. 2.* et qui eos non nominavit, sed aatis ostendit, se his consultum velle, dum heredem

dem iubet partem suam omittere. Hanc enim amissam necesse est iure pertinere ad eius coheredes. *L. qui ex duobus, §. ult. supr. de acq. her.* Idem de hac specie iudicandum est.

- 6 † Iubet testator, servum Stichum liberum esse, si decem dederit: legat alicui fundum, si decem det, nec edicit, cui. Probatum est et servum, et legatarium decem dare deberi

heredi: qui tamen nominatus non est. *L. La-
beo, §. pen. L. qui pecuniam, infr. de sta-
tulib.* Sed satis heredem indicat testator, qui
conditionem dandi edicit pensandi incommo-
di causa, quod is patitur, cui res manumisa,
aut legata auferatur. Hoc enim incommo-
dum est heredis. Ad hunc igitur pensatio hæc,
et datio refertur, necesse est.

Ad L. Quidam 5.

Caius lib. 1. Fideicommissorum.

Quidam relegatus facto testamento, post heredis institutionem, et post legata quibusdam data ita subiecit: Si quis ex heredibus cæterisque amicis, quorum hoc testamento mentionem habui, sive qui alius restitutionem mihi impetraverit ab Imperatore, et ante decessero, quam ei gratias egerim, volo dari ei, qui id egerit, a cæteris heredibus aureos tot. Unus ex his, quos heredes scripserat, impetraverit ei restitutionem: et antequam id sciret, decessit. Cum de fideicommissio quaereretur, an deberetur: consultus Iulianus respondit deberi, sed et si non heres vel legatarius, sed alius ex amicis curavit eum restitui: et ei fideicommissum præstari.

S U M M A R I A.

1. Veteri iure incertis personis legari non potuit.
2. Verba, sive quis alius, significant alium ex genere expressum.
3. Exceptiones regulæ iuris veteris de incertis personis. 4. 5.
6. Olim personæ sibi ignotæ legare testator non poterat.
7. Quid Imp. Iustinianus de incertis personis constituerit. et n. seq.

8. Non erat, indicat, nunc esse.
10. Incerta personæ ab eventu demonstrando relictum non debetur, si, testatore mortuo, vel incerto, eventus incidit in personam testatori exoriam.
11. Generali oratione non continentur quæ speciem litterarum concutitur non erat.

- Consultus Iulianus respondit deberi.)*
Ambigendi causa ex eo, quod hic proponitur testator incertæ personæ legavisse, legavit enim ei, qui sibi restitutionem impetrasset, fieri potest, ut nemo impetret: et si quis impetrabit; tamen, quisnam is futura sit, incertum est. † Fuit autem iuris certi, incertis personis legari non posse. §. incertis, Inst. de leg. Car ergo hic legatum deberi putat Iulianus ista, qui restitutionem impetrasset? Quia observandum est in proposito specie legatum esse incertis personæ, ex certis tamen. Non enim ita scriptum est generaliter, si quis restitutionem mihi impetraverit: sed ita, si quis ex heredibus, si quis ex amicis, quorum hoc testamento mentionem habui, et 2 quod additum est, † sive quis alius, sic interpretatur Caius, Iuliano auctore, valere, si

quis alius ex amicis, quorum mentionem testator non fecerit, impetravit restitutionem. Convenit autem inter veteres, † ex certis personis incertæ legari posse. §. sub certa, Inst. de leg. Non enim putaverunt hanc esse incertam personam, quæ ex certis et cognitis testatori personis numeretur, licet sub conditione, quæ ratio significatur a Iuliano in *L. quoties libertis, infr. cod.* Interim vel hæc una adiectio, seu alius ex amicis testatoris, aperte declarat, si quis alius quam ex amicis testatoris restitutionem impetrasset testatori, huic nihil deberi: quia hæc incerta plane persona esset. Et quid verbis opus est, cum hoc nominatim scriptum sit apud Iustinianum, † incertis personis, quales sunt esse, quæ ex certis non numerantur, non potuisse legari? d. §. incertis. † Excepisse videtur Marcianus in *L. 5*

si quis ita, *infr. eod.* si quæ essent personæ, quæ ex eventu quidem incerto designarentur, atque ita nunc plane essent incertæ, eiusmodi tamen, quas, conditione existente, necesse esset, vivo testatore, certas fieri, eique ipsi innotescere: denique quæ nisi ex iudicio testatoris certæ possent fieri, quia eventus ex voluntate eius penderet: veluti, si legat illis, qui testamentum eius signaverint, qui nisi illo sciente, et rogante adhiberi ad signandum non possunt. Quamquam quid dixi Marcianum hoc excepisse? Potius dicendum est veteres regulam iuris antiqui retinuisse in omnibus; sed interpretatos esse illos eiusmodi personas non esse incertas, quæ testatori vivo aliquando certæ futuræ essent. Nam † ius vetabat ei personæ legari, quæ testatori plane ignota esset: quia placebat iudicium testantis certum esse debere. *L. qui testamento, supr. qui test. fac. poss. Ulp. in frag. tit. qui her. inst. poss.*

Videamus, postquam tot loci hoc titulo occurrunt, quibus de hoc genere ambigitur, quid de eo constituerit Iustinianus. Neque enim de hac re convenit inter omnes. Et sane de eo non ita scriptum ab illo est in Institutionibus, ut de eo nihil posset dubitari. Post disputationem de incertis personis, quam præmiserat, mentione brevi interiecta de alieno postumo, continenter subiungit in §. *sed nec huiusmodi. Inst. de leg. sed nec huiusmodi speciem penitus esse sine iusta emendatione relictam, huiusmodi speciem dicit: sed dubium est, utrum hoc referatur ad speciem de incertis personis, de quibus prius egerat, an vero ad speciem tantum de alieno postumo, de qua proxime dixerat in §. præcedenti.* Iam vero etiam si constiterit, Iustiniani verba sic esse accipienda, quasi dicat, se ius illud, quod de incertis personis recensuerat, emendasse: non tamen apparet, quatenus emendarit, non enim dicit, se id penitus sustulisse: sed id non penitus reliquisse inemendatum, quod significat illum id ius aliquatenus emendasse. † Recepta hæc fere ab omnibus sententia est, in qua sum et ipse, Iustinianum in §. *sed huiusmodi* de specie incertarum personarum, de qua superioribus omnibus §§. egerat, sentire, atque hoc dicere, constituisse se, ut incertis personis legatum debeatur, quas modo eventus postea demonstrarit. Intelligitur hoc et ex §. *incertis*, qui præcedit, et ex §. *tutor autem*, qui sequitur. In illo ita scriptum est, *incertis personis olim legari concessum non erat.* † stulte diceretur, *non erat*, si ne nunc quidem sit concessum, olim igitur concessum non erat: nunc scilicet est concessum in ea constitutione.

Tom. XI.

In hoc autem ita scriptum est, *Tutor autem nec per nostram constitutionem incertus dari debet*, et constitutionem illam intelligit, cuius prius meminerat in *præcedente §. sed nec huiusmodi.* Unde intelligitur, Iustinianum in ea constitutione, qua se emendasse dixerat illam speciem, egisse de incertis personis, et cavisse, illis legari posse: alioqui male in ca tatore incertum exciperet unum ex omnibus.

Quod ad emendationem eius iuris attinet, quatenus et quibus conditionibus permisit ea constitutione incertæ personæ legari, postquam nihil certi de eo ad nos pervenit, cum ille nos ad constitutionem suam rclegeret, quæ constitutio non exstat: non aliunde melius de hac re constitui posse videtur, quam ex cognitione iuris veteris; de quo vel ob hanc causam potissimum a me paulo ante dictum est. Nam si Iustinianus constituit, incertæ personæ legari posse, et in eo aliquid innovavit: † dicendum est, cum un hoc constituisse, ut liceret legare incertæ personæ ex certis, quia hoc legatum et antea satis valebat: ac ne illud quidem, ut legatum valeret, si persona vivo testatore ac sciente certa esse cœpisset: nam et hoc, ut dixi, antea quocumque placebat. Quid ergo? Illud videlicet, quod restat, ut incertæ plane personæ, cuiuscunque modi incertitudo foret, legare ius esset; nec eo minus valeret legatum, quia ignorante testatore, cœpisset persona esse certa: ac proinde nihil interesset, utrum certa esse cœpisset vivo testatore, an mortuo.

Puto tamen, multum referre, in quas personas eventus inciderit mortuo, aut ignorante testatore. † Non enim recipiendum videtur, ut, si in eas inciderit, quibus verisimile non est testatorem specialiter legaturum fuisse, iis quidquam ex huiusmodi legato debeat. Fingamus, eum legavisse ita: *centum dari volo ei, qui filio meo filiam suam collocaverit.* Si is collocavit ignorante testatore, qui inimicus fuerit testatori, † qui de testatore pessime sit meritis, qui sit infamis et flagitiosæ vitæ: centum ei non dabinus: quia non est credibile, testatorem specialiter huic quidquam fuisse legaturum. Nec obstat, quod generaliter legavit testator omni, qui filiam suam collocasset. Nam † in omni concessione, et oratione generali ea non continentur, quæ quis specialiter concessurus non fuerit. *L. obligatione, D. de pigno. L. qui peculit, D. de pecul.* Sive hoc Iustiniani constitutione illa exceptum fuit, bene est: sive nihil exceptum est: tamen hoc exceptum intelligendum est, ne, dum voluntatem testatoris tueri vult Iustinianus, contra voluntatem faciat.

Ad §.

Ad §. Si tibi.

Si tibi, et postumo suo vel alieno hereditatem restituere quis rogaverit.

Ad L. Vel ex parte te. 6.

Matianus libro 3. Fideicommissorum.

Vel ex parte te, et ex parte postumum heredem instituisset, legatumve similiter, vel fideicommissum dedisset.

Ad L. Utrum. 7.

Caius lib. 1. Fideicommissorum.

Utrum ita postumus partem faciat, si natus sit, an et si natus non sit, quaeritur? Ego commodius dici puto, si quidem natus non est, minima eum partem facere; sed totum ad te pertinere, quasi ab initio tibi solido relicto: sin autem natus fuerit, utrosque accipere, quantum cuique relictum est, ut uno nato pars tibi dimidia debeat: duobus natis tertia tibi debeat: tribus natis (quia tergemini quoque nascuntur) quarta. Et nostra quidem aetate Serapia Alexandrina mulier ad divum Adrianum perducta est cum quinque liberis, quos uno fœtu enixa est. Sed tamen quod ultra tres nascitur, fere portentosum videtur.

SUMMARI A.

1. Partem facere, quid significet.

2. Postumus non natus partem non facit.

3. Eadem re duobus coniunctim legata, solidum

ab initio singulis datum videtur, et n. 14.

4. Legatarii deficientis portio accrescit collegatario coniuncto, et n. 14.

5. L. plane, 34. §. si coniunctim, 9. D. de legat.

1. exponitur, et n. script.

6. Iustinianus præcipit, quaecunque scripta sunt

in Pandectis accipi, ut a se ipso tradita.

7. Iustinianus veterum legatorum differentiam sustulit.

9. An collegatarius coniunctus, qui non concurret, faciat partem, et n. 14.

10. Bartoli distinctio rejicitur.

11. Baronis distinctio refellitur.

12. Actoris sententia de questione proposita, et n. 14.

13. An in Pandectis sint antinomiae.

15. Postumus natus partem facit collegatario, Plures si nascantur: omnes ad legatum postumum relictum admittuntur.

16. Quomodo legatum inter te, et postumos collegatarios dividendum.

Tibi et postumo coniunctim eadem res testamento relicta est, puta hereditas, aut species certa; idque aut directo, aut per fideicommissum. Sic enim ista hoc loco coniunguntur, ut inter ea nihil in hac quaestione interesse existimetur. Est hic, quod quaerat Caius, sive postumus natus non sit, sive sit natus. Si postumus non nascatur, quaerit, utrum partem tibi faciat, necne. † Partem alicui facere est, facere, ut ille partem tantum habeat in eo, quod totum esset habiturus si solus esset: aut impedire, quominus solidum

habeat, atque ita partem illi auferre in eo, quod solidum habere potuerit. Id satis declarat Caius in L. utrum hic, cum ait postumum partem non facere, sed totum ad collegatarium pertinere. Inde enim intelligitur, eum partem facere, qui impedit, ne totum ad collegatarium pertineat: congruit. L. plane, 34. §. si coniunctim. L. huiusmodi, 84. §. si Titio, de leg. 1. L. cum pater, 77. libertis, supr. de leg. 2. Ergo hoc quaerit, an postumus non natus faciat, quominus totum quod verbis coniunctim legatum est, habeas: an

an vero totum ad te pertineat, qui illo non nato solus es. Non de iure hæc quæstio est, sed de voluntate testatoris. Nam si velit testator totum ad te pertinere, nemo dubitaturus est, quin iure ad te pertineat, sin partem voluit dumtaxat, ne hoc quidem dubitabit quisquam, quin hæc ipsa tua sit, nihil amplius. Sic enim lex est XII. Tabularum, *uti quisque legasset rei suæ, ita ius esto*, L. verbis, D. de verbor. signific. Sed hoc ambigitur, utrum testator velit, ambigua enim hic oratio est, et incertum, utrum testator ita dicat, *tibi fundum do, et postumo eundem fundum do lego*: an vero hoc sentiat, *tibi ut postumo simul fundum lego ita, ut partes habeatis, quando ambo solidum habere non potestis*.

- 2 Ait ergo Caius † postumum non natum partem non facere, sed totum ad te pertinere, quasi ab initio tibi solido relicto. Quæ verba duo continent, quæ nobis expendenda sunt diligentius. Unum, † si duobus coniunctim eadem res legata sit, solidum ab initio singulis datum videri, cui sententiæ congruit L. coniunctim, 80. *supr. de leg. 3. L. 3. in pr. supr. de usuf. acer.* Alterum huiusmodi, † ex iis, quibus coniunctim eadem res legata est, si unus ad legatum non concurrat, totum ad collegatarius pertinere accrescendi iure, quod et ipsum traditur in L. si duobus, 16. §. ult. *supr. de leg. 1. §. si eadem, Inst. de leg.*

Horum utrumque vocatur in quæstionem: quoniam ita sunt de utroque alii scripti loci complures, ut plane contraria in his proposita esse videantur. Itaque constituendum nobis est, quod et de hac re, et de istiusmodi locis omnibus teneamus. Ergo hic dicitur, cum duobus eadem res legata est coniunctim, singulis solidum ab initio datum videri. At † his, quibus ita legatum est, ab initio partes fieri, diserte scriptum est in d. L. plane, §. si coniunctim, *supr. de leg. 1.* Et, si verum est, quod Ulpianus scribit in *Fragmentis* sub titulo de *legatis*, quoties duobus eadem res legata est coniunctim: si quidem per damnationem, singulis partes tantum deberi: si per vindicationem, singulis solidum videri legatum ab initio. Equidem non dubito, quin cum veteres scripserunt, solidum legatum videri, ut hic, et similibus locis, de re per vindicationem legata scripserint: ut cum ita legatum est, *tibi, et postumo fundum illum do lego*, ubi autem partes ab initio fieri scripserint, quin scripserint de re legata per damnationem, ut in d. L. plane, §. si coniunctim.

- 6 Sed † Iustinianus vetat ista, quæ scripta



Tom. XI.

sunt in Pandectis, accipi ex persona auctorum, aut ita, ut ab illis scripta sunt. Iubet sic accipi, uti nobis tradita sunt in Pandectis, tanquam a se scripta. L. 2. §. tanta. L. 1. §. omnia. C. de vet. iu. enu. Nunc autem in Pandectis hæc sine distinctione scripta sunt de omni legato. Hoc amplius † Iustinianus ipse nominatim sustulit differentiam legatorum, §. 1. *Inst. de leg. L. 1. C. com. de leg. et quidem in hac re, de qua nunc agitur, nominatim in L. unica, §. ubi autem, vers. nos autem. C. de cad. toll.* Ita fit, ut quod dicitur solidum ab initio relictum, intelligendum sit ex sensu Iustiniani de omni genere legatorum: et contra, quod dicitur partes initio fieri, itidem accipiendum sit de legatis omnibus, ut sit de singulis utraque hæc sententia prodita iis, quibus coniunctim eadem res legata est, solidum ab initio relinqui; et iisdem solidum non relinqui ab initio, sed partes.

Sed hoc non difficile expediri potest. † Utrumque enim verum est suis conditionibus. His partes fiunt ab initio hac conditione, si concurrant. Contraria conditione solidum, si non concurrant. Nec novum est, quædam a principio dubia esse, quæ eventu retro ducantur, et certa fiant: ut accidit in dominio rei legatæ, de quo in L. quedam, *infr. eo.*

Illud non item facile expedire possumus, quod sequitur. † Si unus ex iis, quibus coniunctim legatum est, non concurrat: hic partem non facit, inquit, sed totum habet collegatarius. Imo partem facit, quamvis non admittatur ad legatum, nec totum ad collegatarium pertinet. Hoc enim ita diserte scriptum est in d. L. plane, §. si coniunctim. L. si duobus, in pr. L. huiusmodi, §. Si Titio, *supr. de leg. 1.* quæ aperte sententia.

Equidem, ut paulo ante, sic hic quoque non dubito, quin quod supra scriptis locis ex veteribus relatum est, id veteres scripserint de re legata per damnationem. Sed, ut ante dixi, de scriptis Iurisconsultorum non queritur, queritur de constitutione, et voluntate Iustiniani, post quam hæc non videntur conciliari posse. Sic namque hæc conciliari possunt, si aut dicantur de diversis generibus legatorum, aut dicantur de aliis, atque aliis legatariis, scilicet ut unus, qui non concurrat, dicatur partem facere, alius non facere. Sed prius dici vetat Iustinianus, ut qui omnem differentiam sustulerit legatorum d. §. 1. *Inst. de Leg.* Qua sublata domus in d. L. plane, §. si coniunctim, ita scriptum esse, si coniunctim duobus res legata sit per damnationem, nihil promovebimus. Vult enim Iustinianus, idem intelligi, etsi res duobus lega-

ta sit per vindicationem. Et contra demus, in *L. utrum*, hic ita scriptum esse, *si res tibi et postumo legata sit per vindicationem*: tamen nihilominus idem intelligere debemus, si legata erit per damnationem. Ac ne longius huius rei probationem requiramus, liquet hoc ex *L. vel ex parte*, 6. *hic*, in qua non tantum proponitur tibi et postumo legatum esse, sed etiam tibi et postumo fideicommissum datum. Quid autem de utraque specie respondetur in *L. utrum* sequenti? nimirum in utraque, postumo non nato, totum ad collegatarium pertinere. At plusquam notum est, fideicommissa non relinquere per vindicationem, sed esse ea similia damnationi: tantumque inter ea hoc interesse, quod in damnatione imperatur heredi, ut det; in fideicommisso rogatur heres, ut idem faciat. Negari ergo non potest, quin superiores sententiæ ambæ et ut verba sunt Pandectarum, et præcipue ut est constitutio Iustiniani, de omni genere legatorum sint accipiendæ.

10 Restat ad istorum conciliationem, ut dici possit scripta hæc esse de aliis atque aliis legataris. Quod quidam tentant efficere: sed frustra. † Bartolus in *L. huiusmodi*, §. *si Titio*, de leg. 1. ita definit, si legatarius non admittitur, nec spes est eum admitti posse, partem non facit: si non admittitur, sed tamen spes est eum posse admitti, partem facit. Prius falsum est. Nam si legavi Titio, et ei qui in rerum natura non erat: is, qui non est, partem facit. *L. si duobus*, in *pr. supr. de leg. 1.* neque tamen is eiusmodi est, qui admittatur, aut quem spes sit admitti posse.

11 Hæc distinctio Baronis non videtur prima ratione improbabilis. † Is in §. *si eadem*, *Inst. de leg.* si legatarius non concurrat, interesse ait, utrum legatum constituerit in eius persona, an non constituerit: ut si constituerit in eo legatum, partem non faciat, sed totum ad collegatarium pertineat: si non constituerit, faciat partem, prius probat ex *d. §. si eadem*: posterius ex *L. si duobus*, in *princ. de leg. 1.* utiturque in eo ratione sane minime improbabili. Nam si legatum, inquit, non constituit in eius persona, qui non admittitur, pars ei adscripta pro non scripta est. *L. 3. et 4. infr. de his, quæ pro non script.* Quod autem non scriptum, ne legatum quidem est, absurdum sit autem accrescere legatario, quod legatum non sit. Quod sane in eo, quod scriptum non est, verissime dicitur: Sed quid refert, si ne id quidem, quod scriptum est, legatum, et quod constituit in persona eius, qui non concurrat, accrescit collegatario? at in *d. L. plane*, §.

si coniunctim de leg. 1. diserte scriptum est, si coniunctim duobus eadem res legata sit, non solum eos partem facere, in quorum persona constitit legatum, sed etiam eos, in quorum persona non constitit, quibus verbis significatur, multo magis eos partem facere, in quorum persona constitit, nec de iis dubitari, sed posse dubitari de aliis. Idem valet illud ex *L. si duobus*, in *pr. de leg. 1.* si duobus coniunctim res legata sit, quavis alter in rerum natura non fuerit, alteri deberi solam partem. Hoc enim perinde est, quasi diceretur: si quidem uterque in rerum natura sit, utrique solum pars debebitur sine dubio, sed etsi unus non sit in rerum natura, nihilominus idem dicendum est, ut ei, qui capere potest, pars tantum debeatur.

Quare, si hæc duo dicuntur de omni genere legatorum ex Iustiniani sensu, uum ex iis quæ in Pandectis scripta sunt: dicuntur præterea de omnibus legataris, qui non concurrunt: necesse est ea esse eiusmodi, ut simul stare non possint. Sunt enim aientia et negantia hæc: uno non concurrente totum ad alterum pertinere, et totum ad alterum non pertinere.

Cum plus uno ex his verum esse non possit, utrum tandem sequemur? hic hæreremus, nisi Iustinianus dubitationem sustulisset, quod † fecit in *L. unica*, §. *ubi autem*, *C. de cad. toll.* Sic enim illic cautum est, ex coniectis si unus ad legatum non veniat, totum ad alterum pertinere aut iure accrescendi, aut iure non decrescendi, nec fuit eo contentus, sed in eadem *L. §. in primo* nominatim scriptum est, idem iuris fore, etiam si in eius persona, qui non concurrat, legatum non constitisset: ut si tibi, et Mævio, qui deponatus erat, legatum esset. Nec movebimur eo, quod pars Mævii pro non scripta sit, nec possit ea pars, quæ nulla legata est, accrescere. Totum enim ad collegatarium pertinebit, quasi ab initio ei esset relictum, ut initio dixi.

Hanc sententiam cum diserte se confirmare dicat Iustinianus in *d. §. in primo*: eadem opera illam alteram repudiât, qua efficitur, eum, qui non admittitur ad legatum, partem facere collegatario. Quamobrem quævis sunt loci in Pandectis, in quibus hæc sententia tradita sit, intelligere debemus, eos pro iure non habendos. Non est enim ius amplius, quod sublatum est. Posse tantum in hoc esse utiles, ut sciamus, quid Iustinianus in hoc genere constitutione sua innovarit.

13 Ergo, dixerit aliquis, † in Pandectis est aliquid contrarium: quod tamen Iustinianus negat in *L. 2. §. contrarium*. *C. de veter. iur. enu.* Respondeo. Si id concederemus, cul-

pam instituerent compositores Pandectarum, quos apparet iste non satis diligenter, ne quid amplius dicatur, collegisse. Sed defendi potest, hæc non esse contraria: propterea quod unum subletum est. Quemadmodum enim, cum Iustinianus in Institutionibus passim ius vetus prius recenset, deinde subiicit novum, quod solum valere vult, nemo dicit, hic quidquam contrarium esse, quia quod emendatum est, pro non scripto habendum sit: ita in his duabus sententiis cum idem Iustinianus unam comprobet, altera repudiata: eam, quæ sublata est, alteri contrariam existimare non debemus.

Summa hæc inris, quod pro certo tenere
14 nos oporteat: † si duobus eadem res legata sit, quamvis coniunctam, idest, une oratione, uno ad legatum non veniente solidum ab luitio alteri datum videri. Id eam vim habere, ut qui non concurrat, partem coniuncto non faciat: sed totum ad coniunctum pertineat, ut cui non pars tantum, sed totum legatum sit. Hic nihil interesse, quo genere legandi res relicta si post constitutionem Iustinianam, ne illud quidem, quia sit, qui non admittatur ad legatum. Sive enim legatarius ideo non admittitur, quia non vult, sive id eo, quia casu non potest, aut iure prohibetur: nihilominus totum ad collegatarium pertinebit. Hanc sententiam cum Iustinianus nominatim comprobavit, ex eo intelligi debere, quicunque occurrent loci in Pandectis, in quibus scriptum sit, eum partem facere, qui non admittatur, hos perinde habendos, quasi nec scripti essent, si de iure quaeretur. Hæc de postumo non nato.

15 *Sin autem natus fuerit.*) Si postumus netus sit, † hic pro confesso sumit Caius postumum natum partem facere, ut qui admittitur ad legatum. Sumit et illud pro certo, si plures postumi nati sint, omnes ad legatum admitti

ex sententia, et voto patris. arg. *L. qui filius*, 17. §. 1. *supr. de leg. 1.* de quo vide, quæ scripsi ad *L. si fuerit, infr. eod.* Traetat Caius, † si plures postumi nati fuerint, quomodo legatum inter te, et eos postumos dividi oporteat, utrum ex virilibus portionibus, idest, æquis: an vero ita distributio facienda sit, ut omnes postumi simul non plus accipiant, quam tu. Caius ait non plus te, quam unumquemque ex postumis capturum, sed omnes æquas partes habituros.

Hic occurritur Caio, legatum ita dividendum fuisse, ut duæ partes æquales fiant, ex quibus unam habeant omnes postumi, alteram tu solus. Nam idem servaretur, si testator ita scripsisset, *Primus, et fratris mei filii heredes sunt.* Hic, inquam, duo semisses fierent, ex quibus unum semissem filii, alterum Primus haberet. *L. interdu, in pr. supr. de hered. inst.* Et quid interest, quæso, utrum ita heredes iustitias, *Primus et fratris mei filii postumi heredes sunt*: an hoc modo, *Primus et fratris mei filius postumus heredes sunt*: quod posterius hoc loco proponitur? In prior institutione appellantur *postumi*: in posteriore appellatur *postumus* numero singulari. Sed quid refert, inquam, cum hoc verbo omnes postumi, qui nati erunt, continerentur? Plurimum vero in iudicio testatoris, quod ex verbis colligitur, interest. Nam cum testator *postumos* verbo plurali nominat, apparet voluisse eum postumos omnes plus habere, quam te: cum te unum cum omnibus postumis æquarit: At cum *postumum* singulari verbo appellat, hic contra declarat, se unum postumum tecum æquare, itaque hoc velle, ut unus tantum accipiet, quantum tu: quod si pluribus natis hoc exigit, ut unus tantum accipiat, quantum alius, conficitur cum æquas partes omnibus dari voluisse.

Ad §.



Ad §. Cum quidam.

Cum quidam pluribus heredibus institutis unius fidei commississet, ut cum moreretur, uni ex coheredibus cui ipse vellet, restitueret eam partem hereditatis, quae ad eum pervenisset: verissimum est utile esse fideicommissum: nec enim in arbitrio eius, qui rogatus est positum est, an omnino velit restituere, sed cui potius restituat. Plurimum enim interest utrum in potestate eius, quem testator obligari cogitat, faciat si velit dare, an post necessitatem dandi, solus distribuendi liberum arbitrium concedit.

SUMMARI A.

1. Legatum in heredis voluntate poni non potest.
2. Illi, aut illi, utri heres volet, recte legatur.
3. Haec adiectio, cui heres volet, non ponit legatum in potestate heredis. et n. 5.
4. Quando legatum in potestate heredis positum dicatur.
6. Expressa nocent, non expressa non nocent.
7. In hoc legato, illi, aut illi, utri heres volet, quandiu heres electionem habeat; et quid iuris, si non elegerit. et n. seqq. et n. 12. et seqq.

8. Dubitationes remouentur. et n. seqq.
9. Qui illud, aut illud promittit, perpetuo voluntatem mutare potest.
10. Differentia inter electionem rerum, quas dare; et personarum, quibus dare debeat.
11. De loci electione.
13. Cum illi, aut illi testator legat, duos reos constituit.
14. Acceptatione alterius ex duobus rebus tota obligatione tollitur.

1. IUS est, † legatum in heredis voluntate poni non posse: ut, legatur hoc modo inutiliter, *Fundum Titio lego, si heres volet.* L. Senatus, 43. §. legatum, supr. de leg.
2. 1. Sed † non ideo inutile legatum erit, si testator leget illi, aut illi, utri heres volet,
3. quod hic conatur Caius efficere ostendens, † hac adiectione, cui heres volet, non poni legatum in eius potestate. † Esse enim tum legatum in potestate heredis, cum testator in potestate eius fecit, an velit dare: ut proinde non sit obligatus, qui, nisi velit, dare non cogitur. L. sub hac conditione, D. de
5. obl. et act. Nunc autem † hac adiectione non efficit, quominus heres dare necesse habeat. Habet enim necesse dare alterutri: sed hoc ei tribui, ut sit potestas pro arbitrio distribuendi, cui volet. Itaque ex illo non obligatur heres: ex hoc obligatur: ut non immerito illud non valeat, hoc valeat.
6. At anim, dicat aliquis, in hac adiectione, cui volet, inest hac conditio, si volet, quoniam uni potius non dabit, quam alteri, nisi hac conditione, si volet. Ita est: sed non ideo ista similia. Hic enim locum habet regula iuris. † expressa nocent, non expressa non nocent. L. expressa, D. de reg. iur. L. nonnunquam, infr. de cond. et de.

Sed esto, verbis non sint ista similia, si

volet, et cui volet. At certe hoc, cui, volet, eandem vim habet. Ut enim alterutri dari velimus: tamen res videtur exitum reperire non posse. Nam si omnes simul legatarii, quibus testator datum voluit, legatum petant, dicet heres non recte eos petere, quia testator uni tantum datum voluit; si unus petat, dicet heres, se alium eligere: qui alius si rursum petat, heres dicet se rursum alii mutato consilio dare velle. Inutile igitur legatum, quod iuxta ab eo peti non potest. Vera haec essent, si hoc legato heres perpetuo electionem haberet, cui det. Sed † hanc tantum habet a principio, cum primum legatum dare potest, si simul, atque potuit, non elegit, cui daret: omnes legatarii ad petitionem admittuntur, atque omnes dare cogendus est. L. cum quidam, 24. L. si quis Titio, 17. §. ult. de leg. 2. L. Labeo, §. ult. infr. de statul.

At quomodo omnes statim admittuntur, invito herede contra, quam s testatore cautum est? Sic enim cautum est, heres dato non omnibus, sed ex omnibus ei, cui volet. † 8. Intelligimus, hanc esse sententiam testatoris ex eo, quod testator uni saltem datum voluit. Nam si electionem heredi perpetuo dabimus, nulli unquam dabitur: quia semper heres dicat, se hunc non eligere.

Qui fit igitur, ut † qui illud, aut illud 9 pro-

promisit, placeat, hunc perpetuo voluntatem mutare posse in ea re, quam dare velit? *L. eum, qui certarum, §. ult. de ver. obl.* Quia † aliud efficit rerum electio, aliud personarum, quibus dare debeas. Nam in rebus disiunctim promissis potest heres mutare voluntatem, quandiu volet, sine creditoris iniuria, quoniam, ut promissor neutram det, stipulator tamen utramque recte petet sub disiunctione, id est, eodem modo, quo ambæ promissæ sunt, *§. huic autem. Inst. de actio.* In electione personarum non possumus heredi electionem perpetuo dare, cui det, nisi una legatum amittatur: quoniam isto modo fiet, ut nunquam quisquam sit, qui ab eo petat. Itaque idem hic evenit, quod in alternatione plurium locorum, quibus promissor dare quid debet. Etsi enim cæteris in rebus disiunctim promissis electio est debitoris: tamen † non est in locis disiunctim com-

prehensis: tantum ideo, quia, si in his reo electionem dederimus, erit in eius potestate, ne debeat, quia semper dicit, se alio loco dare velle, ut disputat Sævola in *L. 2. §. Sævola. D. de eo, quod cer. lo.*

Quod dixi, in hac specie legati herede unum non eligente, cui det, continuo omnes ad petitionem legati admitti, † non sic accipiendum est, quasi omnes simul possint legatum petere, et petitio inter eos dividatur: sed ut unusquisque possit petere solidum: sic tamen, ut occupantis sit actio, et unius petitione heres a cæteris liberetur. † Sunt enim hic duo, pluresve rei testamento constituti. *L. si Titio 16. D. de leg. 2.* † Sic autem in duobus reis accidit, ut unius petitione, et acceptatione tota tollatur obligatio. *L. 2. D. de duo. reis.* Convenit exemplum *L. si Titius, 9. D. de verb. obl.*

Ad §. ult.

Quaesitum est, si coheredes ex disparibus partibus scripti sint, utrum partes suas in viriles partes restituere singulis debeant: an pro portionibus hereditariis, ex quibus heredes scripti sunt? Et placuit, si testator ita restitui iussisset partem: si aliquam pecuniam dedissent, si quidem aequas partes iussi fuerunt dare, conveniens videri esse etiam ex fideicommissio aequas partes ei restituere oportere: si vero dispare in ea pecunia distribuenda significasset testator, ut videantur hereditariis portionibus congruere, consentaneum esse, etiam fideicommissum pro hereditariis partibus eis restitui debere.

S U M M A R I A.

1. Si, pluribus heredibus inaequaliter institutis, unus rogetur portionem suam coheredibus restituere: utrum ex aequo, an pro hereditariis partibus restituere debeat, et n. seqq. 7. et seqq.
2. A verborum significatione non recedendum, nisi constet, aliud sensisse testatorem, et n. 9.
3. Nomina propria personas designant, earumque numerum, non qualitatem.
4. Heredis appellatio designat qualitatem personae.
5. Plures heredes sine partibus instituti ex aequo succedunt.
6. Pro qua parte deficientis portio accrescat volentibus.
8. Personarum enumeratio quem effectum habeat.
10. Testatorem voluisse aliquid iniquum constituisse, maxime in eos, quos dilexit, inverisimile.
11. Quem incommoda, eum, et commoda sequuntur.

TRes sunt heredes instituti, Primus ex uncia: Secundus ex octo unciiis: Tertius ex quadrante. Petit testator a Tertio, ut portionem suam coheredibus suis restituat: nihil amplius, quaeritur, pro quibus partibus restituere debeat; utrum æquis, an pro hereditariis, id est iis, ex quibus illi heredes instituti sunt. Si ex æquis partibus restituitur: dividetur fideicommissum in duas partes æquas, ex quibus singuli unam ferent. Sin di-

viditur pro portionibus hereditariis: hæc erit distributio, ut si coniungas inter se uncias, ex quibus Primus, et Secundus heredes sunt instituti, fiant novem: ita tres unciae, quæ restitui debent, in novem partes dividuntur, ex quibus unam habebit Primus, is, qui institutus est ex una uncia: octo partes is, qui ex octo unciiis institutus est. *L. si plures, supr. de vulg.* Horum ergo utrum fieri debeat, hic quaeritur. Quæstio est non iuris, sed

sed facti, id est, voluntatis. Nam constat, eas partes fieri oportere, quas testator voluerit. Dubium est, quas fieri velit. De hac re hoc loco respondetur ex parte. Sed melius est, ut semel de re tota dicatur, cuius decisio commodissime petetur ex *L. quoties*, 23. et *L. nonnunquam*, seq. *infr. ad Treb.*

- 1 Primum hio † videndum, quibus verbis testator voluerit fideicommissum restitui coheredibus. Multum enim interest, an iusserit restitui propriis nominibus coheredum expressis: hoc modo, *peto a te portionem tuam restitui Primo et Secundo* (erant autem bi coheredes, et hæc nomina utriusque): an vero iusserit restitui sub appellatione heredum hoc modo, *restituas coheredibus tuis*. Propriis nominibus expressis, placet, æquas partes singulis deberi, quod si heredes nominati non sint, deberi hereditarias. *d. L. nonnunquam*, *infr. ad Treb.* *L. si heredes*. 124. *supr. de leg. 1.* Hoc ex verbis sumptum est
- 2 et verborum significatione, † a qua nunquam aliter recedendum est, quum cum manifestum est, aliud sensisse testatorem. *L. non*
- 3 *aliter*, *D. de leg. 3.* † Nomina enim cuiusque propria personas designant, et numerum earum, non etiam ullam earum qualitatem. Ita qui propriis nominibus expressis vult restitui, vult restitui pro numero personarum.
- 4 † Heredes autem appellatio non tam personam significat, quam personæ qualitatem, cum enim dico heredem, intelligo heredem, quatenus heres est, nam ultra non est heres. Idecirco his verbis, *restituas coheredibus tuis*, hoc exprimitur, *restituas coheredibus, quatenus heredes sunt*.

Ex hac ratione est, quod de pluribus heredibus institutis traditum est, † si sint instituti sine partibus, æqualiter institutos videri. *L. quoties*, §. *heredes*, *supr. de her.*

- 6 *inst.* item, quod de legatariis, † si pluribus eadem res legata sit, et unus defecerit, eius portionem accrescere cæteris pro virilibus portionibus. *L. unica*, §. *ubi*, *C. de cad. tol.* Quippe heredes instituuntur a principio expressis nominibus: et in legato certi nominantur, quibus eadem res relinquatur, ne forte mirum sit, quod inter eosdem heredes, partibus non expressis, inæquales interdum fieri legimus. Quamquam et in heredibus institutis, et in legatariis alia quoque ratio est, cur et illi æquas partes hereditatis habeant, et hi æquas portionis deficientis partes accipiant. Nam quas alias habere ii, qui prius ex inæqualibus partibus instituti non fuerunt, quibus res ex diversis partibus relicta non est? Iis, qui ex disparibus partibus heredes instituti sunt, si quid postea iubetur restitui,

partibus non adscriptis: non mirum, si hic easdem partes servamus. Habemus enim iudicium testatoris in una re expositum, quod in alia simili sequamur.

Sed † quod de partibus æquis servandis diximus in his coheredibus, quibus fideicommissum expressis singulorum nominibus relictum est, perpetuum est, sive iubeantur vicissim summam aliquam pecunie dare singuli quamvis dispari, sive non iubeantur. † 8 Hunc, ut dixi, effectum habet personarum enumeratio. *d. L. si heredes*, *supr. de leg. 1.* *d. L. quoties*, iuncta *L. seq. infr. ad Treb.* Quorsum enim singulos heredes nominat testator, nisi ut eos exæquet in hoc fideicommissum, qui in hereditate dispares partes habebant: cum aliqui uno verbo rem absolvere potuerit, ut diceret, *restituas coheredibus*? At † non item semper dividitur inter coheredes fideicommissum pro hereditariis portionibus, cum his iubetur dari sub appellatione heredum. Hic enim idem accidit, quod in omni scripto, ut a significatione quidem verborum recedi non oporteat, nisi testatoris mens refragetur: cæterum ea cognita hanc ipsam sequamur. *L. non aliter*, *D. de leg. 3.* Quoties igitur paterfamilias unum, vel duos heredes iubet hereditatem restituere coheredibus suis, nempe his ipsis verbis adiectis, *coheredibus tuis restituas*, tandiu visum est veteribus intelligi testatorem easdem partes in fideicommissum facere, quas in hereditate fecit, id est, hereditarias, quandiu non iubentur coheredes vicissim pecuniam dare. Cæterum si iubeantur, ex hoc voluntatem testatoris conici posse putaverunt, quam et ipsam coniecturam sunt secuti, quæ pars est, quæ hoc loco deciditur, eum ipsum locum cum planius et brevius complexum videatur Iulianus in *L. quoties*, 23. *infr. ad Treb.* eius verba hic adscribam, ut sint velut interpretationis vice. *Sed si iubeantur*, inquit, *hi quibus fideicommissum datur, pecuniam numerare, atque ita fideicommissum recipere: ex quantitate pecunie, quam dare iubentur, voluntas patrifamilias colligenda est. Nam etsi ex disparibus partibus heredes scripti æquas partes dare iubentur: propius est, ut viriles recipere debeant, si vero summa pecunia danda congruit portionibus: hereditarias portiones accipere debent: hæc ille: tantumdem Caius hoc loco, nec amplius.*

At unde hoc sumptum, videri partes viriles in fideicommissum iis datas, qui et ipsi æquas dare iussi sunt? Credo, † quod non sit verisimile, testatorem cum in quenquam, tum maxime in eos, quos ut apparet, dilexit, et

et quibus honorem habitum esse voluit, inique aliquid voluisse constituere, quod tamen ita fieri videtur, si iis, quibus paria opera in fideicommisso recipiendo iniunxit, non pa-

ria quoque commoda tribuat. † Est enim secundum naturam commoda cuiusque rei eum sequi, quem sequantur incommoda. *L. secundum, D. de reg. iur.*

Ad L. Si inter. 8.

Paulus libro II. Sententiarum.

Si inter virum et uxorem donatio facta fuerit: priore defuncto, cui donatum est, ad eum res redit, qui donaverat. Quod si simul tam is, cui donatum est, quam is, qui donaverit: questionis decidendae gratia magis placuit valere donationem: eo maxime quod donator non supervivat, qui rem condicere possit.

SUMMARIA.

1. Donationes non valent inter virum, et uxorem.
2. Morbo tamen donatoris confirmantur, si is prior decesserit, non mutata voluntate.
3. Item, si uterque simul decesserit, et a. seqq.

4. Non decessit prior, qui simul cum altero decessit.
5. Deficiente conditione legis, cesset lex.
6. Eventu quomodo confirmantur donationes inter coniuges.

1. Sciendum est, † ita primum obtinuisse moribus Romanorum, ut donationes inter virum et uxorem non valerent ob eas causas, quae referuntur in *L. 1. 2. et 3. sup. de don. int. vir. et uxo.* † Postea constitutione Marci Antonini ad aliquem modum sunt confirmatae, quae constitutio exstat in *L. cum hic status, sup. de donat. int. vir. et uxor.* Ea lege ita cautum est, si is qui donavit, prius decesserit, quam eum pœniteret: heredem donatum eripere non posse. *d. L. cum hic status, §. 1.* quod si prior vita decesserit, qui donatum accepit, tam plane donationem non valere. *d. L. §. si ambo.* De iis coniugibus, qui pariter decesserant, nihil in lege scriptum est. Ideo quaeritur, quid de istorum donatione iudicandum sit, et utrum valeat, necne.

Si non appareat, nter prius decesserit, de quo nunc agitur, difficilem esse questionem, ait Ulpianus in *d. §. si ambo*, propterea quod, si de facto quaeritur, marito et uxore pariter decedentibus, nunquam alterum alteri supervivisse credimus, ut postea dicam ad *L. prox. §. 1.* Si de iure, haec species superiore lege praetermissa est, ut videtur, nec contra prior leges faciles esse debemus ad donationes tuendas, quae moribus non valuerunt. Sed † placuit et Paulo hoc loco, et Ulpiano in *d. §. si ambo*, donationem in hac specie ex superiore illa lege satis defendi, etiamsi ambos simul et uno momento decessisse concedamus.

Tom. XI.

Tuetur hanc sententiam Ulpianus etiam verbis legis. Nam in ea ita scriptum est, donationem non valere, si is, qui donatum accepit, prius decesserit. Ex quo colligit, si prius non decesserit, donationem valere. † Verum autem, eum non decessisse priorem, qui pariter decessit. Inquit, † quoties aliquid infirmatur lege, aut conceditur certa conditio- 5 ne, ea conditio cessante legi locum non esse. An enim ea conditio frustra adicitur? Simile argumentum est Papiniani in *L. 1. vers. huius, sup. de off. eius, cui mand. est iuriz.* Paulus autem hoc loco eandem sententiam defendit non verbis legis, sed sententia: quia scilicet in hoc casu, qui lege est praetermissus, par causa, et ratio est cum eo, in quo constituitur donationem valere. Vult enim lex, si is, qui donavit, decesserit, heredem eius donatum eripere non posse: addit, durum hoc, et avarum esse. Ex quibus verbis intelligitur, Imperatorem ita indicasse, et constituisse donatorem idoneam personam esse, quae donationem revocaret: heredem eius non item. Id si valet, donatore prius mortuo: valere debet et donatore pariter decedente. Nam et hoc casu non superest donator, qui rem possit condicere, ut hic Paulus loquitur. Sunt ei, qui prius decessit, heredes: verum heredibus eius donationem eripere non conceditur. Cur magis eius heredibus, qui pariter decessit, condictio dabitur? Huc facit *L. illud, D. ad L. aquil. L. a Titio, in fin. D. de verb.*

verb. obd. L. non possunt, et seq. D. de legib.

Quærunť hic, quomodo donatio, quæ ab initio non valuit, eventu confirmetur. Quæ quæstio non magis ad hunc locum, quam ad omnem confirmationem donationis inter virum

et uxorem pertinet. Dicam tamen breviter, † nihil hic tractu temporis confirmari, sed lege: nec confirmari donationem inter virum et uxorem, sed donationem mortis causa, utpote quæ solum morte donatoris confirmetur. L. in donationibus C. ad L. Falcid.

Ad L. Qui duos. 9.

Triphoninus lib. XXI. Disputationum.

Qui duos impuberes filios habebat, ei qui supremus moreretur, Titium substituit, duo impuberes simul in navi perierunt; quaesitum est, an substituto, et cuius hereditas deferatur? Dixi, si ordine vita decessissent: priori mortuo frater ab intestato heres erit; posteriori substitutus: in ea tamen hereditate etiam ante defuncti filii habebit hereditatem. In proposita autem quaestione ubi simul perierunt: utrum quia neuter frater superstes fuerit, quasi utrique ultimi decessisse videantur? an vero neutri, quia comparatio posterioris decedentis ex facto prioris mortui sumatur, quaeritur? Sed superior sententia magis admitenda est, ut utrique heres sit. Nam et qui unicum filium habet, si supremo morienti substituit non videtur inutiliter substituisse. Et proximus agnatus intelligitur, etiam qui solus est, quique neminem antecedit, et hic utrique, quia neutri eorum alter superstes fuit, ultimi primique obierunt.

S U M M A R I A.

1. Ex duobus impuberibus ei, qui supremus moreretur, substitutus, si ambo simul perierint, utrique heres erit. et n. 21.
2. Contraria argumenta proponuntur, et solvuntur. et n. seqq. 12. et seqq.
3. Non decessit postremus, qui simul cum altero perit.
4. Supremus dicitur etiam qui solus est. et n. 5. 9.
6. Proximus dicitur et qui omnes antecedit, et qui solus est. et seqq.
10. Impropria significatio propria praefertur, ne pereat substitutio.
11. In re dubia id aequum, ut res valeat potius, quam pereat.

14. Ubi duo simul quidpiam facere, neuter dici potest primus.
15. Legatum relictum ei, qui primus quid fecerit, duobus simul facientibus, neutri debetur.
17. Exponitur L. si eius, 34. D. ad S. C. Trebell. et n. seqq.
18. An, et quando mater excludat substitutum. seqq. et n. 22.
19. Substituens novissimo ius legitimarum hereditatum conservat.
20. Semper in dubiis benigniora praefenda.
23. Frater fratri non necessarius, sed voluntarius est heres.

QUI duos impuberes filios habebat, ei, qui supremus moreretur, Titium substituit. Ambo impuberes cum in nave essent, navi fracta, simul perierunt: aut, cum essent in eodem coenaculo, ruina coenaculi simul oppressi sunt, quaesitum est, an substituto, et cuius hereditas deferatur. Nam, ut verba sunt substitutionis, non videtur locus esse substituto. Substitutus est Titius ei, qui supremus mortuus esset. Neuter autem ex his postremus, simul enim decesserunt. Triphoninus, demonstrata prius testatoris voluntate, quasi hæc fuerit, ut vellet substitutum utriusque

impuberis habere hereditatem; probata præterea significatione verbi *supremus*, quasi uterque recte dici possit supremus, † statuit et ex verbis substitutionis, et testatoris sententia substitutum in proposito utrique impuberi heredem futurum. Quod totum ut possit intelligi, videndum est diligenter, quæ huic sententiæ adversentur. In his diluendis et removendis occupatum esse Triphoninum reperimus. Ita etiam quid agat, quidque velit, facile intelligetur.

Ac prima fronte † huic sententiæ et verba 2 substitutionis refragari videntur, et voluntas te-

testatoris. Nam de contrariis sententiis nihil dicit Triphonius contentus suum confirmare. Quod ad verba attinet, substitutus est Titius ei qui supremus morietur. † Non decessit postremus ex duobus, qui simul cum altero decessit. Dicitur enim postremus, sive posterior ex comparatione prioris, et *comparatio prioris decedehtis*, inquit, *ex facto prioris mortui sumitur*: id est, non decessit quisquam posterior, nisi sit aliquis, qui prior mortuus fuerit. Hic autem neuter altero prior decessit, ergo nec posterior, seu postremus.

Ad hoc, Triphonius respondet in extremo
4 responsi. Fatetur, *ſed ſupremum* ita proprie
dici, quem alius præcedit, et quem nemo se-
5 quitur: ſed idem ostendit *ſed ſupremum, seu*
novissimum etiam recte dici eum, qui ſolus
ſit, quem eundem nemo ſequatur, quemad-
6 modum, inquit, *ſed* i proximus ſi proprie eſt,
qui ex pluribus eſt primus, quique cæteros
7 antecedit, *ſed* *ſi* etiam intelligitur proximus,
qui ſolus eſt, ſi ſcilicet, quem nemo
antecedit. Sic proximus agnatus accipitur in
lege duodecim Tabularum. *S. ſi plures, Inſt.*
de leg. ag. ſucc. L. proximus, D. de verb. ſig.
8 Et in ſumma *ſed* i proximus ex comparatione
priorum recte dicitur, qui nullum ſe priorem
9 habet: ſic *ſed ſupremum* recte ex comparatione
poſteriorum, ut ſi ſit, quem nemo ſequitur,
etiam ſi et hic, et ille ambo ſint ſoli. *Supremum*
autem de eo dici, qui ſolus eſt,
nitaſum eſſe docet in ſubſtitutionibus: ut
cum pater ſubſtituit ei filio, qui ſupremum
moriatur, quam ſubſtitutionem utilem eſſe
omnes concedunt etiam in eo, qui unum tan-
tum filium habet. Exemplum habes in *L. ex*
duobus, ſupr. de vulg. It. fit, ut, cum in
propoſita ſpecie ambo impuberes ſi ſint, poſt
quos alius non deceſſerit, ambo ſupremi de-
ceſſiſſe recte dicantur.

Sed, cum *supremus* duobus modis dicatur, ut modo dixi: uno modo, quem alius praecedat, quem eundem nemo sequatur: altero, quem nemo sequatur, etiam si sit solus: cur Triphonius hoc loco posteriorem significationem potius eligit; praeterquam quando constat minus esse propriam? ¶ quia ita necesse est, ut substitutio valeat. ¶ In re autem dubia id agendum est semper, ut res valem potius, quam pereat. *L. quoties in actionibus. infr. eod.*

12 Sed † esto, substitutus hic admittatur ad hereditatem utriusque ex verbis substitutionis: at voluntas repugnat, dixerit quispiam, quominus admittatur. Nam his verbis, *ei qui novissimus morietur*, testator aperte voluit substitutum uni succedere. non utrique. non

ergo utrique succedet contra voluntatem, pro
qua sententia facit *L. sequens*. Et hoc quoque
Triphonius expedit in principio respon-
si, probat enim, in hac specie testatoris cum
esse mentem, ut substitutus utriusque impu-
beris hereditatem habeat. Id quod ita intelli-
gi potuit, si impuberes ordine via decesse-
sissent. Sic enim eviret, ut priori mortuo
frater superstes heres esset, huic autem fra-
tri postea decedenti heres esset substitutus:
sed ita, ut in ea hereditate etiam ante de-
functi filii haberet hereditatem: quippe que
ad posteriorem vivum pertinere cœpisset. Est
autem in hereditate cuiusque, quod is cum
moritur, habuit.

Quorsum igitur hoc de ordine succedendi inter istos, si ordine decedant, cum † proposita sit quæstio de iis, qui simul vita decesserint? Ut intelligatur, quod supra posui, testatorem hoc animo esse, ut substitutus utriusque hereditatem habeat. Quid tum præterea? ut intelligatur hoc quoque substitutum utrique succedere, idque recte defendi et verbis testatoris, et sententia.

Hac de sentia Triphoni. Sed cum hac sententia nonnulli loci pugnare videntur. Ac primum † ex sequenti capite colligitur, quoties duo simul et pariter quid fecerunt, neutrum ex his dici posse primum, et ideo, † si ei qui primus quid fecisset, quid legatum esset, ambobus simul idem facientibus, utque neutri legatum deberi. Ad deberetur placet ex Triphoni sententia, quia ille defenderet, utrosque esse primos, quos nemo præcessisset, etiam si essent soli. Quod si neuter istorum primus est, neuter ne supremus quidem iudicandus est.

Sed † observandum est, in ea specie, cum ei qui primus, aut supremus quid fecisset, aliquid legatur, et duo pariter idem faciant, quod dicitur neutri legatum deberi, non in eo causam esse, quod neuter ex iis dici possit primus, aut supremus: sed quod non ita legatum sit, ut testator duobus legatum velit. Voluit enim uni dari, de eo si potest constare, huic dabitur, quoniam non potest, nihil agitur. In hac specie, quam tractamus, cum ad utroque qui pariter idem fecerunt, voluntas testatoris ex æquo pertineat, non tam his ambobus ex verbis, quam ex iudicio testatoris succeditur. Ita in his causis voluntas dissimilis testatoris ius diversum postulat.

Sed videamus, ne in eadem specie contrarium scriptum sit a Marciano in *L. si eius*, 34. *infr. ad Treb.* Nam hoc loco, qui duos impuberes filios habebat, ei qui novissimus morietur, Titium substituit directo. † In *d.* 17

l. si eius, idem pater ex duobus filiis ei, qui novissimus moreretur, Titium substituit precario, idest, petit ab eo, qui novissimus moreretur, ut portionem hereditatis Titio restitueret. Similia hæc plane sunt. Quid enim interest, utrum Titius substituat impuberibus directo, an precario, cum in utroque eadem sit voluntas testatoris id agentis, ut aliqua via hereditas sua ad Titium perveniat, et semper eadem personarum incertitudo sit, si ambo impuberes pariter decesserint? Illic tamen scriptum est, si pariter decedant, substitutum, si non ostenderet, quis novissimus obiisset, ad partem hereditatis non admitti: sed matrem ex Tertylliano ad utriusque hereditatem admitti constare.

- 18 Non sunt vero hæc contraria: sed † eo loco admonemur, quod dicitur, impuberibus pariter decedentibus, substitutum ad utriusque hereditatem admitti, tum recte dici, cum impuberes matrem non habuerunt supestem. Et sane de his agi a Triphonino in hoc loco, licet intelligere ex eo, quod ait, priori fratri mortuo fratrem eius intestato heredem futurum. Nam si is, matre superstita, decessisset: hæc heres esset defuncto ex Tertylliano, non defuncti frater. *Tit. de Senat. Per. Inst.* Substitutus igitur, ambobus pariter, matre defuncta, decedentibus, utrique heres erit, quia nullus est alius, qui iure suo alterutrius hereditatem ad se revocet, et in ea obstet substituto. At si mater vivet: rectissime dictum est, excluso substituto, matrem utriusque hereditatem habituram: idque vel iure, vel adeo verbis et sententia testatoris. † Sciendum est enim, cum testator substituit *novissimo*, hac adiectione eum id agere, ut in priorum decedentium hereditate nihil iuris habeat substitutus, sed ius legitimarum hereditatum integrum legitimis heredibus conservetur. *L. vel singulis, supr. de vulg.* Ergo, uno ex his primum decedente, aut mater ei heres sit: aut, si mater non est, sit heres defuncti frater. Hoc posito, ambobus pariter
- 19

decedentibus, vel substituti sententia necesse est matrem ad utriusque hereditatem admitti. Quidquid enim ille pro se dicit, ut utrique succedat: eadem pro matre adversus eum convertitur. Titius utrique heres esse vult, quia substitutus est novissimo, et uterque est novissimus. Hac ipsa ratione mater utrique heres esse debet. Mater enim et iure, et iudicio testatoris vocatur ad hereditatem eius, qui primus decesserit, et ambo sunt primi. Hactenus igitur mater, et substitutus in pari causa sunt, hoc quaeritur, utrum potius ambos impuberes, pro commodo matris iudicare debeamus primos: an ambos pro commodo substituti supremos. Non dubium est vero, utrum sit benignius, et magis voluntati testatoris consentaneum, matrem admitti ad filii hereditatem, an extraeum. Matrem igitur admitemus potius. † Semper enim in dubiis benigniora præferenda sunt, præsertim cum ex his voluntas testatoris conservetur. *L. semper in dubiis, D. de reg. iur. L. seq. §. ult. L. benignius, D. de legi. et Senat.*

Summa hæc sit. † In hac hypothesi, cum 21 impuberes ambo simul decesserunt, substitutus ambobus heres erit, et verbis substitutionis, quia *novissimas* recte dicitur, quem nemo sequitur, quod hic accidit: et sententia testatoris, quia testator Titium novissimo substituendo voluit, eum etiam prioris hereditatem habere per novissimum, qui priori successerat, † hoc ita accipiendum est, si defunctis impuberibus mater non erit. Si erit, hæc substitutum excludet, et utrique ab intestato heres erit vel iudicio ipso testatoris, vel quod in pari causa æquius sit matrem filio succedere.

Quod ait Triphoninus, *priori mortuo frater ab intestato heres erit*: † heres erit, sic accipe, si volet, nam ipso iure frater fratri heres non existit, cum non sit necessarius heres fratri, cuius in potestate non fuit. §. *sui autem, Inst. de her. quali. et diff.*

Ad §.



Ad §. Cum in bello.

Cum in bello pater cum filio periisset, materque filii quasi postea mortui bona vendicaret, adgnati vero patris, quasi filius ante periisset: divus Hadrianus credidit patrem prius mortuum.

S U M M A R I A.

1. Ubi alteri superstiti aliquid per alterius mortem defertur, utroque simul pereunte, nihil debetur, nisi statui possit, alterum alteri supervixisse.
2. Ex duobus, qui simul perierint, nunquam alteri alter supervixisse creditur, nisi alter sit pater, materve; alter filius, vel filia. et n. 5.
3. Legatum uxori a marito relictum non debetur, si simul perierint.
4. Si duo fratres impuberes invicem substituti simul perierint: neuter alteri heres erit.
6. Si pater, materve una cum filio perierit: filio impuberi pater, materve; pubes autem patri, aut matri supervixisse creditur. et seqq. et n. 13.
8. Parentes in liberis pro affectu magis torrentur.
11. Si pater, et filius simul perierint, quoniam in bonis cuiusque eorum succedat.
12. Sui heres existunt etiam ignorantes.

TRACTATUR hoc §. et sequentibus usque ad finem capituli de duobus, qui pariter obierunt, tractatur idem in *L. quod de pariter*, 16. et duabus seqq. in *L. cum pubere*, 22. et *L. seq. infr. eod.* Quæstio hanc habet occasionem. Sciendum est enim, nobis multa deferri ab alio, aut promitti sub conditione, si is prius decesserit; nos simus superstitis; aut si quis unus prius decesserit, alius autem quivis postea: ut puta, defuncti patris hereditas deferatur filio, nempe superstiti: sic cuiusvis hereditas heredi, qui superstes erit: et impuberis hereditas ad substitutum pertinet, si impubes prius decesserit: et legatum ad legatarium, si prius decesserit testator, quæ exempla sunt in *L. idem est*. 17. et *L. sed et in illo*, seqq. *infr. eod.* Interdum convenit, ut dos apud maritum maneat, si mulier in matrimonio decesserit: si decesserit aut filium superstitem habens, aut ipsa superstes filio, ut hic §. si maritus, et *L. inter*, *D. de pac. dot.* In hac conditione certum est, si is, cui ista deferuntur, et is, a quo ea expectantur, ambo pariter decesserint, nihil deberi, si modo non possit, aut debeat hoc statui, alterum altero prius decessisse. Quod si potest, aut debet, contra. Hinc illa quæstio, an possit, et debeat. Quæ, quo magis res tota intelligatur, aperit et explicatus a me proponetur.

Igitur quoties aliquid alicui defertur, si ille, aut ille prius decesserit; et is, quem prius decedere oportebat, et is, quem postea

sequi, pariter ambo decesserunt aut bello, aut ruina, aut naufragio, et similibus casibus, necesse est quæri, utrum statuendum sit, utrumque eodem momento decessisse: an vero credendum, alterum altero decessisse prius: et, si id credi par est, utrum credendum sit prius id fecisse. De quo ex iis locis, quos initio proposui, commodè ita posse statui videtur, ut subiiciam. Igitur, † si hic qui 2 simul perierunt, non sunt pater et filius filiae; mater, et filius filiae: receptum est, nunquam credi alterum altero prius decessisse, et ideo nec alterum alteri supervixisse. Et hæc summa est exemplorum, quæ proponuntur in *L. idem et L. sed et in illo*, seqq. hic. Utpote, † maritus uxori aliquid legavit, simul 3 maritus et uxor obierunt, uxori nihil debetur, eoque nec ad heredes transmittit quidquam. † Impuberes duo fratres invicem 4 substituti sunt, aut: pubes impuberi, simul perierunt, neuter alteri heres existet: quia neuter alteri fuit superstes. Quæ sententia hanc 5 rationem habere mihi videtur, quod in omnibus extraneis, idest iis, quorum unus pater non est, aut mater; alter filius, aut filia, nihil proponitur proprium, quamobrem credi debeat, alterum alteri supervixisse; alterum altero prius decessisse. Etenim commune periculum est omnium, dolor et metus privatum singulorum is, ut de se unusquisque cogitet, non de cæteris: aut, si cogitet de cæteris, non tamen illorum periculo potius afficiatur, quam suo; ne forte quis dicat, hunc dolorem et

et metum ad mortem eccelerandam quidquam momenti attulisse. Et quemvis unus ex his impubes sit, eoque infirmior; alter pubes et robustior: non tamen ideo credi par est infirmioris prius decessisse. Fieri enim potest, ut impubes minus læsus sit ex ruina, aut ex vulnere, aut læsus sit postorius, et ob id etiam diutius vixerit.

Quod si pater sit, et filius; mater et filius, qui pariter decesserint: personarum conditio aliam edmittit interpretationem. Et generaliter creditum est, alterum elteri supervixisse, sed petrem elias, alias filium. In quo hæc distinctio veteribus placuit. Nam † si pater, matrem cum filio impubere perierit, crediderunt prius decessisse impuberem; et patrem, matrem cum filio supervixisse, hæc *L. qui duos, in fin. L. si mulier, 23. infr. eo. L. inter, supr. de pac. dot.* Sin esset filius pubes, cum quo pater eum mater periisset: crediderunt contra, patrem prius mortuum esse filium diutius vixisse. ead. *L. qui duos, §. ult. L. cum pubere, infr. eo.* Cuius sententiæ ratio vobis explicanda est. Quid enim ad mortem celerioris, eum tardioris, facere videtur persone patris conditio? eum si quid facit, cur elius in filio impubere, quam pubere placet?

Et prætere utrumque a veteribus constitutum est. † Necessè est enim, eum existimari prius decessisse, in quo iustus sunt causæ naturæ, cur prius decederet, quando nihil contra naturæ consuetum ordinem in eo factum probetur. At in extraneis cur unus alio prior morietur, causæ naturæ nullæ sunt. Cor eutem pater prius, quam filius pubes, multæ, quas, nisi quid, ut dixi, contra probetur, sequi oportet. Nam, ut cætera in parte et filio fere sint parie, quæ pertinent ad vires et firmitatem corporis: et amor incredibilis et effectus patris erga filium omnia sudent, ut illum prius decessisse credamus. Credibile est enim, illum sollicitum de casu filii eum sè in præsens periculum coniecisse, ut filium servaret; eum, si id non fecit, tamen dolore ex casu filii concepto exanimatum citius vitam finivisse. Nam † hoc vere dictum est a Paulo in *L. isti quidem, in fi. D. quod met. cau. parentes in liberis pro affectu magis terri.*

Cur ergo in filio impubere non idem dicimus? non enim dubium est hoc eodem effectum esse patrem erga filios impuberes, atque adeo maiore, ut erge eos, quibus magis timeamus, et quorum etiam nos miseret propter ipsorum infirmitatem. Et sane idem dicendum esset, cum sint in eo cætera omnia similia: nisi prohiberet persone ipsius impu-

beris. In quo † multa concurrunt, quæ hanc coniecturam extorqueant, si embo, filius impubes, et pater, eodem loco et tempore in idem periculum inciderint, impuberem prius decessisse, quam patrem: terror scilicet summus impuberis, impatientie doloris, infirmitas virium et corporis. Credibile est, impuberem in tumultu repentino, et omnium consternatione, ac præsertim petris, a quo uno pendebat, in præsentis periculo statim terrore exanimatum esse. Nem pueri, in quibus nullus est usus, et qui omni meliore, quam sunt, indicant propter imperitiam ætatis, rebus quibusque etiam levissimis terrentur. Impatientia doloris in ea ætate summe, ut quæ eiusmodi melis ferendis non sit adueta. Hæc mortem ecceleravit. Infirmitas autem corporis fecit, ut pueri minus possint morti obistere. Summa ergo ratio est, cur existimetur impubes prius decessisse.

Neque tamen ex persona solius impuberis id ite colligeremus, nisi indicaremus petrem et filium eodem loco fuisse, nam † si diversis in locis essent, nihil prohiberet petrem aut prius esse oppressum, eum læsum esse vehementius, et ob id etiam impuberem vixisse diutius: quod de duobus extremeis supra dixi. Nunc eutem ambos eodem in loco esse natura audent, ut credamus. Credibile est enim impuberem a latere patris non discedere, eum si ab eo abesset, tamen illum, casu extorto, in sinum patris, et tutelam confugisse; aut patrem ad auspicandum et servandum impuberem ultro occurrisse. Quæ res fecit, ut cum pater neque prius læsus sit, usque brevius, quam impubes, quia scilicet embo eodem in loco fuerint, in pari casu, et ictu credendum sit patrem diutius vixisse ob eas causas quas commemoravi.

Huius differentiæ † effectus hic est, ut, si impubes cum patre simul perierit: mater filio succedat in ea bona dumtaxat, quæ filius prius habuit: agnati eutem patris succedunt patri. Sin decesserit pater cum filio pubere, ius commutetur, qui effectus et in *§. ult. huius L.* et in hoc *§. cum bello*, ostenditur, ubi species hæc proponitur. Pater et filius, cum embo militarent, in ecie ambo perierunt, quibus mortuis existunt duo genere heredes, qui istorum boue vindicant: mater impuberis, et agnati patris. Agnati hereditatem petris vindicant: et recte vindicant, si modo filius patri non successit. Liberi eum non exstantibus agnati defuncto legitimi heredes sunt. *Tit. de leg. ag. suc. Inst.* Ergo ob hanc causam agnati dicunt, filium prius decessisse. Mater contra vindicat bona filii, et vindicat tanquam postea mor-

mortui; hoc consilio videlicet, ut bona omnia habest, non tantum quæ fuerunt olim filii, vivo patre: sed etiam bona patris, et quæ ita ægnati excludantur. Nam, si pater prius mortuus est, ut meter contendit: filius patri mortuo statim heres existit ipso iure, etiam in eo periculo non potuerit de hereditate petris cogitare. † Sui enim heredes existunt etiam ignorantes, §. *sui autem. Inst. de here. quæ ab intest.* Si patri heres fuit: meter postea filio succedendo ex Senatusconsulto Teriylliano et bona filii habebit, et in his bonis hereditatem petris, quæ filio prius quæsitæ nna cum reliquis eius bonis ed quos-

vis heredes transmittitur. *L. 3. C. de in. del.* Queritur igitur, uter prius decessisse intelligatur, pater, an filius. Et convenienter superioribus † Hadrianus Imperator credidit, 13 patrem prius mortuum. Nam quod proponitur hic filius cum patre bello decessisse, satis declaret, filium fuisse puberem, impuberes enim ad bellum duci non solent. Et quod dicitur, metrem utriusque bona habituram, et patris et filii, non est hic favor matris, propter quem id constituitur, nam quicumque alii heredes essent, idem probaremus, hoc *L. §. ultim.*

Ad §. Si cum filio.

Si cum filio suo libertus simul perierit: intestati patrono legitima deferatur hereditas, si non probatur supervixisse patri filius. Hoc enim reverentia patronatus suggerente dicimus.

S U M M A R I A.

1. *Patre, et filio impubere simul perentibus, pater filio supervixisse censetur, etiam in contrariis.*
2. *Patronus legitimus heres liberti.*
3. *Cur, liberto decedente simul cum filio, pater filio supervixisse existimatur, et n. 4.*
4. *Patri, qui una cum filio perit, supervixisse filius non creditur, si eius voluntas, de cuius bonis agitur, adversetur. Exponitur *L. ex factis*, 17. §. si quis, 7. D. ad S. C. Trebelli.*

5. *Semper id agendum, ut ne fideicommissum intercidat.*
6. *Publice expedit, supremas hominum voluntates exitum habere.*
7. *Si testator fideicommissum ab herede reliquerit, si heres, liberis substitutis, decederet, ne scilicet bona ad eos pervenirent: patre simul cum filio perente, credendum erit, filium diutius vixisse.*

EX tribus pertibus distinctionis eius, quam supra explicavimus, prima ille sententia, quæ de duobus extremis pariter decedentibus posita est, perpetua est. Etiam illam alteram retam esse animadverto, quæ placet, patre et filio impubere simul decedentibus, intelligi patrem postea mortuum: † admittitur enim a Papiniano etiam in contractibus in *L. inter, supr. de pac. dot.* Hæc postremo, quæ placet, si pater cum filio pubere simul obierit, credendum esse filium supervixisse, non item videtur esse explorati iuris, nam primò cum ea pugnare videtur, quod in hoc §. *si cum filio scriptum est. Si cum filio suo*, inquit Triphoninus, *libertus simul perierit: intestati liberti patrono legitima deferatur hereditas*: quod nihil aliud est, nisi libertum, eundemque patrem filii prius non decessisse, nec filium patri supervixisse. Nam si supervixisset, hic intestato patri heres existisset, non patronus. Sic enim † ius est, ut patronus liberto intestato sit heres:

sed hæc conditione, si libertus sine liberis decesserit. *Tit. inst. de suc. lib.*

Sed hoc solvitur a Triphonino eodem loco. Ait enim, † hoc se ideo dicere, quia reverentia patronatus hanc interpretationem suggeret. Fit contra reverentiam patrono debitam a liberto, si in successione liberti in re dante quemquam heredem extraneum patrono præferamus. Est et hoc contra eandem reverentiam, quod, si alii heredi utramque hereditatem liberti et filii eius vindicanti creditur, patrem prius decessisse: imponimus necessitatem patrono, ut probet, illum decessisse simul cum filio. Erat autem convenientius hunc honorem exhiberi patrono, ut in pari causæ potius ab adversario probationem rei dubiæ, quem dicit, exigeremus. Ergo hoc responsum superiori sententiæ contrarium? nequequam, sed Triphoninus ea ratione, quæ hic usus est, nos admonet, quod dicitur, cum pater cum filio pubere perit, videri patrem prius mortuum, hactenus verum esse, quod

quoad ita interpretando iniuriam non faciemus, eum heredem a successione patris removendo, quem præcipue ei succedere æquum erat, ut patronum. Nam id si fiet: pietatis, et æquitatis locum potius dabimus.

Nec quisquam nobis illud obiciat, libertum non minus patrem esse filio suo, quia sit libertus; quare et in hunc eandem causam cadere, cur existimetur, ut pater prius decessisse natura. Iniquum et absurdum esse, cum in hoc eadem sit persona, quæ in cæteris patribus, eadem ratio; denique cum omnia alia sint paria in eo, quod pater est: tamen in aliis patribus hoc dici eos prius decessisse; in liberti patre contra, eum prius decessisse non existimari, idest, in eadem causa ins diversum constitui contra *L. illud, D. ad leg. Ag.* Nihil ad rem pertinere, quod patrono reverentia debeatur, hanc enim reverentiam non fecisse, quominus libertus pater fuerit, et ita affectus in filium, ut sunt cæteri patres in liberos, ac proinde ita decesserit, ut cæteri parentes solent. † Nihil hæc nos moveant. Omnia in patre liberti cum cæteris patribus communia, fatcor; addo etiam, credibile esse et hunc prius decessisse, quam filium. Sed, quidquid hic dixerimus, præsumptio tantum est: nec necesse est ita semper evenire. Hoc dicimus non tantum huic præsumptioni tribuendum esse in re dubia, ut, si hanc secuti, periculum sit, ne contra pietatem, aut reverentiam natura debitam faciamus, nihil amplius exigere debeamus: sed debere de re prius certo constare, de qua si non constet, sola præsumptio patrono, et æquitati non nocebit.

Sed nondum hoc satis, ut videtur, ut generaliter definiamus, patre et filio pubere simul decedentibus, patrem videri prius mortuum, ubi nihil contra bonos mores faciamus. Nam etsi proponatur ea persona patris hereditatem vindicare, cui nulla reverentia a defuncto debeatur: tamen patrem prius non decessisse respondit Ulpianus in *L. ex facto, 17. §. si quis autem, infr. ad Treb.* Proponitur apud eum testator petisse ab herede, quem instituerat, ut, si is sine liberis decederet, hereditatem Titio restitueret: heres, qui filium habebat, una cum filio in nave perit: quaritur de fideicommissio. Ulpianus ait, si non probetur, uter prius decesserit, existisse fideicommissi conditionem, ac proinde fideicommissum deberi. Ergo aperte hoc dicit, patrem decessisse sine liberis, nam hæc erat conditio, *si sine liberis decessisset*. Ergo autem filium non decessit, non enim decederet sine liberis, qui decedens filium haberet ad

huc viventem, quem relinqueret. Atqui proponitur heres rogatus hereditatem restituere extraneo, et cui nulla reverentia non magis debeatur, quam heredibus legitimis testatoris.

Et observandum est, agi in eo ab Ulpiano de voluntate testatoris: hanc intercideri, si patrem prius mortuum in ea specie respondeamus: ut appareat, quod quidam recte censuerunt, voluntatis tuendæ causa superius illud ab Ulpiano esse responsum. Nempe eo loco rursum admonemur, non in priore tantum exceptione consistendum esse, sed † generaliter esse definiendum, tandiu, patre et filio pariter mortuis, credendum esse, patrem prius decessisse, quandiu nihil fiat contra voluntatem eius, de cuius voluntate agitur. Ubi autem ita interpretando contra eam faciemus, iniquum esse sola hac præsumptione adversus sententiam auctoris niti, eamque conari isto modo evertere. Et ideo si de ea re agatur, quæ supra scripta conditione a lege deferatur, ut de hereditate legitima patris, et impuberis, de quo genere agitur in *§. cum bello, et §. ult. huius L. qui duos*: sequimur superiorem præsumptionem ideo, quia, sive quis succedat patri, sive succedat impuberi, utrobique succeditur ex voluntate legis: nec quidquam fit contra eam, nisi ubi aliquem heredem admittendo ad hereditatem filii ex hac præsumptione, lædimus pietatem aut reverentiam patroni: itaque cum id fit, quasi id quoque sit contra voluntatem legis, ea præsumptione nos non uti, supra diximus.

Quod si agatur de re, quæ iudicio testatoris deferatur, eadem regula utentes dicemus, si superior illa præsumptio valeat ad voluntatem testatoris conservandam: hanc fideicommissario profuturam ad fideicommissi persecutionem. Sin, ea admissa, intercitat fideicommissum: sic rem nos esse interpretaturos, ut non credantur pater et filius aliter, quam simul decessisse, quo voluntas conservetur. Huc illa pertinent: † in testamentis semper in re dubia id agendum esse, ut voluntas salva sit, sive ne fideicommissum intercitat: *L. cogi: infr. ad Treb.* item, † publice expedire super premas testantium voluntates exitum habere. *L. vel negare, supr. testam. quemad. aper.*

Proinde † fingamus, testatorem instituisse 8 quem sibi heredem: eius heredis filios cum odio haberet, fideicommissum ab eo ita reliquisse, *si liberis superstitis, decessisset*, veritum scilicet, ne hereditas ad eos rediret. Si heres, qui filium unum haberet, cum eo filio simul decesserit: mutata ratione, dicemus, patrem videri prius decessisse: quoniam id rursum efficit, ne voluntas intercitat.

Ad §.

Ad §. Si maritus.

Si maritus, et uxor simul perierint: stipulatio de dote ex capitulo, si mulier in matrimonio decessissent, habebit locum, si oon probatur illa superstes viro fuisse.

Ad §. Si Lucius Titius.

Si Lucius Titius cum filio pubere, goem solum testamento scriptum heredem habebat, perierit: iotelligitur supervixisse filius patri, et ex testamento heres fuisse; et filii hereditas successoribus eius defertur, nisi contrarium approbetur. Quod si impubes cum patre filius perierit, crediur pater supervixisse, nisi et hic contrarium approbetur.

SUMMARIUM.

1. Si vir, et uxor simul perierint: stipulatus dotem sibi reddi, si in matrimonio mulier de-

cederet, dotem repetere potest, nisi illa viro superstes fuisse probetur.

Extraneus, cum dotem pro muliere daret, stipulatus est dotem sibi reddi hac conditione, si in matrimonio mulier decessisset. Maritus, et uxor simul perierunt. † Triphoninus ait, nisi probetur mulierem viro fuisse superstitem, et ita maritum prius decessisse, stipulationem de dote locum habituram. Significat, hoc casu mulierem in matrimonio decessisse, sive quod ante maritum credatur obisse, sive quod simul cum marito. Ea enim

decedit in matrimonio, quæ, stante matrimonio, decedit. Stat autem, quandiu non est dissolutum: nec dissolvitur, nisi aut altero prius mortuo, aut amobos simul. Sed utrum credendum est potius, an decessisse mulierem ante maritum, an una cum eo? Et in *L. idem*, et *L. seq.* scriptum est, neutrum alteri supervixisse. Quidam putant adversari huic loco *L. quod de pariter*, *infr. eod.* non recte, ut eo loco dicemus.

*Ad L. Si ita fuerit. 10.**Ulpianus lib. 6. Disputationum.*

Si ita fuerit legatum relictum, ex cognatis meis qui primus Capitolium ascenderit: si simul duo venisse dicantur, nec appareat, quis prior venerit: an impediatur legatum? vel, si ei, qui monumentum fecerit: et plures fecerint? vel, ei, qui maximus natu est, et duo pares ætate sint? Sed et si legatum Sempronio amico fuerit relictum, et duo sicut æqua charitate coojuocti. Sed et si duobus eiusdem nomiois fuerit legatum (puta, Semproiis) mox Semproio ademptum sit, nec appareat cui ademptum sit: utrum datio in utriusque persona iofringatur, an ademptio nulla sit, quæri potest. Item si ex ploribus servis eiusdem uominis uni, vel quibusdam libertas relicta est. Et verius est, in his omoibus etiam legata et libertates impediri: ademptionem autem in utrumque valere.

SUMMARIUM.

1. Si testator ex duobus alteri legatum det, vel adimat, et non appareat, de quo censerit: nec legatum, neque ademptio valet, et n. seqq.

Tom. XI.

2. Exempla prioris partis. et n. 3.

4. Contraria argumenta complura afferuntur, et solvuntur, et n. seqq.

5. Cum testator ex duobus rebus unam legavit, nec

nec apparet, de qua sensit, heres cogens erit eam dare; quam ipse voluerit.

8. In ambiguo sermone non utrumque dixit testator: sed duntaxat quod voluit.
9. Decem filio, qui nascetur, legatis, si plures nascentur, a dena singulis debentur.
11. In ambigua oratione id accipiendum, quo res valeat magis, quam pereat.
12. Iudicium P. Scipionis expenkitur.
13. Actore non probante, reus absolvitur.
14. Si duobus idem nomen, aut eadem ipsa demonstratio conveniat, qui testator personam legatarii designavit: possunt de legato inter

se contendere; et heres utrique satis dare cogitur, et n. 15.

16. De qua persona testator senserit, quomodo in re ambigua dignosci possit.
17. Si is, qui Sempronius amicis suis legaverat, Sempronio legatum adimat: ademptio nihil valeat, et n. seqq.
18. Florentina lectio in hac Lege improbat. et n. seqq.
19. Florentini Pandectarum exemplaris auctoritas qualis, quantave sit.
21. Legatum dignum est favore.
22. Ademptio non adiuvanda interpretatione.

HOC dicit Ulpianus de omni relicto, et ademptione idque pluribus propositis exemplis, quod de libertate solum generalius definitum est in L. si quis de pluribus, *infra*.
 1. eod. † Si testator ex duobus uni aliquid legat, aut ex duobus, quibus aliquid legaverat, uni adimat, quod legavit; neque appareat, de quo testator senserit: in neutro neque legatum valet, neque ademptio. Nam et de ademptione intelligo, idem Ulpianum dicere hoc loco, quod cum de legato dicere certum est, de qua re postea suo ordine.

Exemplis autem adhibitis amplius demonstrat, quomodo fiat, ut uni ex pluribus legatur, et tamen non intelligatur, de quo testator senserit. Id autem, quantum ex his exemplis intelligere possumus, † ita fieri potest, si testator ex pluribus leget uni, qui aliquid fecerit, ut qui Capitolium ascenderit primus: uni, qui talis sit, veluti qui sit maximus natus: uni, qui sit isto nomine, puta Titio; et ambo idem pariter fecerint, ambo tales sint, ambo eodem nomine appellantur, et in summa, si testator unum ex pluribus designat ea demonstratione, quæ ex æquo pluribus conveniat.

Nunc, ne verbosa sit disputatio, unum exemplum excutiemus, ut quod de uno dixerò, idem intelligatur dictum de omnibus, atque adeo de tota definitione. Sumatur igitur id, quod hic primum est. † *Ex cognatis meis ei, qui primus Capitolium ascenderit, heres meus decem dato.* Simul duo venerunt, ac legatum petunt: sed non apparet, quis prior venerit, neutri legatum debetur. Ne videatur inique hoc constitui, quasi sit contra testatoris voluntatem, qui alterutri saltem datum voluit. Necesse est enim, ut aut uni detur, aut utrique, aut neutri. Uni dare erat convenientissimum, si posset. Sed non potest, quia, quisnam is sit ex duobus, de quo testator senserit, non intelligitur. Utrique dari potest: sed testator non vult utrique dari, quem apparet uni tantum dari voluisse. Restat igitur

extremum, quod in toto hoc genere hic definitur, neutri legatum deberi, quia neque dari potest, quod testator voluit: neque voluit id, quod potest.

Sed in hoc exemplo, quemadmodum et in cæteris, quæ hic proponuntur, in hoc tamen potissimum disputari potest, primum uni debere dari: si minus uni, saltem proximum esse, ut utrique detur. † Uni dari debet, quia uni dari potest. Cui tandem? nempe cui heres volet, et vero unum debebit eligere; cui det, nec quia is non intelligatur, ideo legatum evanescet. Id recte defendi videtur exemplo eius legati, † cum testator rem unam legavit ex duobus, neque apparet, de qua testator senserit, non enim ideo heres neutrum debet: sed unam debet dare, quam elegerit, ut puta, legavit testator fundum Cornelianum, cum duos haberet fundos eiusdem nominis, heres cogitur unum dare, nempe utrum elegerit, id est minorem. L. cum servus, 39. §. scio. D. de leg. 1.

Sed inter personas quibus legatur; et res, quæ legantur, multum interest. Nam cum testator vult uni dari ex pluribus, simul vult cæteris non dari, proinde heres non eligit, cui det: ne forte eum eligat, cui testator datum noluit, arg. L. duo sunt, *supra*. de testat. Cum autem testator legavit rem unam ex duobus: etsi non adiecit quam, tamen semper certum est, eum cum minimum minorem dari voluisse. Sive enim de ea tantum sensit, absolutum est; sive sensit de maiore: vel hoc ipso minorem datam voluit multo magis. Igitur hæc dabitur, quia hanc saltem testator voluit.

Sed alia ratio demonstrari potest in exemplo proposito, qua certum fiat, de quo testator senserit, proinde vel hac saltem ratione uni dandum est. † Legavit ex cognatis ei, qui primus Capitolium ascenderit, duo pariter ascenderunt. Nempe unum ex his prius ascendisse interpretari debemus, quemadmodum in duobus pariter decedentibus interpre-

tamur unum prius decessisse. *L. qui duos*, §. 1 *et ult. sup.* aut cedo differentiae rationem, cur in pariter morientibus velimus unum prius esse mortuum; in his, qui pariter ascenderunt, non interpretemur unum prius venisse. Quasi vero ratio sit obscura. Esset, cur hoc quaeretur, si in omnibus, qui pariter decesserunt, unum alteri supervixisse existimaremus. Nunc autem id solum in patre et filio; matre et filio factum creditur: in cæteris non item. Cur? quia in illis, ut supra ostendimus, iuste sunt causae, et quidem in persona cuiusque, quæ intelligantur natura, propter quas unus in communi periculo citius decedat; quam alter, quæ quia eiusmodi nullæ sunt in cæteris extraneis; ideo nihil in his amplius credimus, quam probari potest. Vel horum exemplo nec nos ex iis, qui pariter ascenderunt, unum prius altero ascendisse dicemus, cum in his ex personarum conditione causæ nullæ afferri possint, quomobrem credamus, unum prius ascendisse, quam alterum. Nam et qui minus valet viribus, prius ascendere potest, quia prius id facere aggressus est. Fieri etiam potest, ut ambo casu ascenderint. Quæ si ita sunt: nihil proponitur, cur uni ex his dari possit ex voluntate testatoris, ex quo conficitur, uni dandum non esse.

Sed videamus iam, ne, quia uni tantum dari non potest, hac ipsa de causa dandum sit utrique, quia ¶ utrique potest, et verba utrumque admittant, legatum est ei, qui prius ascenderit, duo pariter venerunt. Quid, si probatur horum utrumque esse primum? nonne ex verbis testatoris uterque ad legatum admittetur? at uterque eorum prius, etiam si sit solus: quia horum alter nemo prius ascendit. Idque de iis, qui pariter decesserunt, ita diserte scriptum est in *L. qui duos*, 1. *res. sup.* Quiumo hoc amplius illic additum est, si testator de primo, aut supremo eorum aliquid scripserit, si pariter decedant, ambos non solum verbis, sed etiam testatoris sententia comprehendi.

Etsi de hoc iam ante eo loco respondit: tamen hic quoque dicam hoc idem explicatius. Utrumque ex iis qui pariter ascenderunt, primum dici uno sensu concedo. Sed, si *primi* verbum ambiguum est, et alio sensu neuter eorum est prius: non debent ad legatum admitti, si hoc posterius testator intellexerit: 8 propterea quod ¶ in ambiguo sermone non utrumque dixit testator, sed dumtaxat quod voluit. *L. 3. sup. eo.* Iam vero verbum *primi* ambiguum est, verèque dixeris utrumque istum, qui pariter ascendit, primum esse, et primum non esse. Si ambo simul conferantur cum iis, qui non ascenderunt, aut ascende-

Tont. XI.

runt postea: sunt primi, quia istos atcedunt, sin singuli inter se conferantur: neuter eorum est prius, quoniam is prius est, qui ascendit ante alium: non ascendit autem ante alium is, cum quo alius simul ascendit; de uno vero sensit testator, qui prius ascendisset, non de duobus, duobus enim datum noluit: atque hoc sensu neuter eorum est prius, quo fit, ut neuter eorum vel ex verbis testatoris admittatur. In specie Triphonini, quam modo ex *L. qui duos*, *supr.* obieci-mus, uterque ex impuberibus, qui pariter decesserunt, non solum verbo est novissimus eo sensu, quo dicitur novissimus, quem nemo cum eo collatus sequitur, sed etiam testatoris sententia: substitutum enim amborum hereditatem habere testator voluit; non mirum igitur si, commutata ratione, verbis substitutionis contineantur. Sic verborum significatio utrobique eadem: sed voluntas testatoris varia rem dissimilem facit.

Imo ex duobus pariter ascendentibus non tantum verbo uterque prius est: sed etiam videtur probari posse, de utroque sensisse testatorem: denique omnibus, quotquot ascenderint, esse dandum. Nam ¶ si testator leget 9 decem ei filio, qui sibi nasceretur: pluribus natis, placet, non solum singulis legatum esse: sed etiam singulis dena deberi, etiam si ¶ filio tantum singulari numero testator legaverit. *L. qui filius*, 47. §. 1. *supr. de leg. 1.*

Sed quam hoc dissimile est ab eo, de quo nunc agitur? Nam, pluribus natis, nihil hic ambigue scriptum est; omnes enim vere, et proprie filii sunt, nec obstat, quod testator ¶ filio legavit, non ¶ filiis; nam quotquotque erunt, recte de unoquoque dixeris, hic filius est, et ille filius, et iste filius; da igitur singulis, quod filio dare iussus es. Pluribus autem Capitolium pariter ascendentibus, si inter se conferuntur: proprie neuter eorum est prius. Adde, quod effectus, et caritas patris æqua in liberos hanc sententiam suggerit, ut quod ¶ filio unius numero legavit, omnibus legasse intelligatur, neque id præter usum loquendi ¶ in usu, *D. de verb. sig.* Quod non idem dici potest, cum testator uni extraneo legavit, qui quid fecisset, et plures fecerunt; non enim, si uni datum voluit, idcirco omnibus, qui idem fecissent, datum voluit.

Sed, si superiores rationes non sunt satis: saltem hæc postrema fortassis, quæ et voluntatem testatoris indicat, vincere debet, utriusque dandum esse. Nam ¶ si volumus uni ¶ 10 tantum dari: legatum non valet, quia non apparet, quem hunc esse velimus; si utrique dandum interpretamur: fit, ut legatum valeat, quia utrique dari potest. Hoc posterius ita-

itaque sumendum, quoniam ita præcipitur,
 11 † in ambigua oratione id accipiendum esse,
 quo res de qua agitur, valeat potius, quam
 pereat *L. quoties in actionibus, infr. eod.*

Sed apparet, de ambigua oratione et voluntate testatoris id dictum esse. Nunc autem nihil hic ambigue, aut obscure scriptum est de pluribus; apparet enim, testatorem uni datum voluisse, non pluribus; quod quoniam ad sententiam, de qua hic dicimus, ex voluntate testatoris tuendam, et ad superiora omnia pertinet; etsi per se satis verbis ostenditur: breviter tamen demonstrandum est, ne quis et hic in numero singulari non absurde numerum pluralem intelligi defendat. Id ergo sic colligitur. Si, duobus pariter Capitoliū ascendentibus, ambobus dandum est: consequens est, aut singulis dari debere tantum quinque ex decem legatis: aut ambobus decem, id est viginti; utrumque voluntati testatoris adversatur. Nam uni decem dari voluit, non quinque tantum. Rursum decem tantum semel, non viginti. Igitur uni tantum datum voluit. Quare, si neque uni dari potest natura, neque utrique testator dari patitur, ut ostendi: conficitur, quod initio posui, neutri legatum deberi.

Ex quo quid de promissione Pub. Scipionis, de qua apud Livium scriptum est *decadis*
 12 *3. lib. 6.* iudicandum sit, statui potest. † Capta nova Carthagine in Hispania, Scipio, cum virtutem militum, qui muros cōscendissent, remunerari vellet, pro concione dixit, præcipuum muralis coronæ decus eius esse, qui primus murum ascendisset. Duo professi sunt se ascendisse, nec satis constare poterat, uter eorum primus, quod pariter ascendissent. Livius scribit, Scipionem ambos muralibus coronis virtutis causa donasse; sed addidit, id eo fecisse Scipionem, ut seditionem compesceret, ad quam res spectare videbatur propter studia partium erga suos commilitones, si unum alteri prætulisset, aut dedisset neutri. Ergo ideo dedit Scipio, quia voluit, et id ita fieri expedire iudicabat. Nos vero de invito quærimus, eoque qui dare nollet, si iure non cogeretur. Nam, quod ad Scipionem attinet, apparet ex eo, quod hic traditur, tum etiam ex his, quæ in ea re disputavimus, duobus pariter murum ascendentibus, si neuter ostenderet se primum ascendisse, neutri quidquam illum debuisse. Diceret enim Scipio illis coronati petentibus: coronam dare promisi, non coronas: et uni, qui primus ascendisset, non pluribus. Non igitur utrique vestrum debeo; uni debeo: et uni dare sum paratus, si modo probet, se primum conscendisse. Id si probari non potest: neuter admittetur, non quia

petentem fortasse ius deficiat, sed quia probatio. *L. duo sunt, supr. de test. tut.* sit autem iuris certi, † actore non probante reum absolvi. *L. qui accusare, C. de ed.* Cui sententiæ tantum abest, ut adversetur factum Scipionis, ut maxime eam confirmet, cum privatim declararit, non se ideo ambobus dedisse, quia deberet: sed quia rem dissimulare pro tempore utile esse iudicaret.

Sed meminimus totum hoc, † neutri legatum deberi, ita dictum esse, si non probari posset, uter primus ascendisset; aut, cum maximum natu, vel Sempronium testator nominavit, de utro sensisset. Cæterum ei, qui probaverit, de se sensisse testatorem, legatum deberi constat. *L. falsa, §. 1. infr. de cond. et demo.* Quæ res facit, ut si duo eiusdem nominis, aut in quos pariter defuncti demonstratio cadit, de legato contendant, hi recte petant legatum; *L. 8. §. si inter. de leg. 2.* et præterea † dum de re quæritur, utrique heres satisfacere debeat propter incertum eventum. *L. si duo, infr. ut leg. seu fil. no.* Quod tamen non eo usque valebit, ut, si neuter de se probet, satisfactio hæc, et petitio heredi noceat.

De sententia testatoris † probari potest in his exemplis: si proponamus, testatorem legavisse ex cognatis suis ei, qui esset maximum natu, aut Sempronio amico cum duo essent Sempronii amici. Potest enim sciri, quem testator existimaverit esse maximum natu; fieri etiam potest, ut in priore parte testamenti de certo Sempronio scripserit, ac deinde subiiciat ita, *Sempronio amico meo decem dari volo*, utrum horum probaverit legatarius de opinione et consuetudine patris. deque præcedente scriptura, ad coniecturam voluntatis est satis. *L. si servus plurium. 50. §. ult. supr. de leg. 1.*

Hæc de legato, videamus, de ademptione quale sit, quod initio posuimus.

Ademptionem autem in utrumque valere. Exemplum tale proponitur in illis verbis, aut si duobus eiusdem nominis. † Qui duos
 11 amicos habebat nomine Sempronios, testamento his ita legavit, *Sempronius amicis meis fundum do lego*: aut ita, *Sempronius amicis meis singulis decem dari volo*; deinde ita scripsit, quod Sempronio hoc testamento dedi, statum nolo; his enim verbis, et similibus legata adiunguntur. *Tit. inst. de adom. leg.* Quæritur hic idem, quod supra, an alteri legatum ademptum sit, an utrique, an neutri.

De hac re hoc loco † in Pandectis Florentinis scriptum est, his verbis, *ademptionem autem in utrumque valere.* In quibusdam

dam aliis codicibus scriptum est ita, *ademptione autem in utrumque valere*: hoc sensu, legata et libertates per ademptionem in utrumque Sempronium valere. Illa scriptura declarat legatum in proposita specie utrique Sempronio ademptum: hæc posterior neutri; utrum sequimur? Pandectarum Florentinorum auctoritatem, si liceret. Sed † hactenus fides his habenda est propter vetustatem, quoad alii certi loci, et vera ratio

- 19 non refragatur. Nunc autem † hæc sententia, ademptionem in utroque Sempronio hic valere, seu utrique Sempronio ademptum esse legatum, manifeste et aliis locis clare scriptis, et certa ratione, et quod in primis animadvertendum est, contextu hujus loci convincitur. Primum in *L. 3. §. si duobus, sup. de ad. leg.* scriptum est disertis verbis in hac ipsa questione, utrique Sempronio nihilominus legatum deberi; et hoc expendendum, a quo illud scriptum sit. Nempe idem est auctor Ulpianus, qui et hoc loco. Si alius id scripsisset, putaremus illum ab Ulpiano dissensisse. Nunc, cum idem sit utroque in loco Ulpianus, an credimus, eum aut oblitum sui, aut potius incertum, quid de ea re tenendum esset, pugnancia de eadem hypothesis scripsisse? Sed si de eo dubitaremus: tamen vera ratio hanc sententiam nobis extorqueret: quia et ipsa Ulpianus in *d. si duobus* hanc eandem confirmavit. Si uni ex duobus legatum sit, et in dando non appareat, cui datum sit: dicimus, neutri legatum, inquit. Isto modo si duobus Titius separatim legaverit testator, et uni ademerit, nec appareat, cui ademptum sit, 24 utrique legatum dabitur. Optime, nam † legatum, quia liberalitatis est et beneficentiae, dignum est favore. † Ademptio, quia 22 contraria liberalitati, non est adiuvanda in-

terpretatione. *L. cum quidam, D. de lib. et post.* Quod si legatum non valet tamen: quanto minus in eadem re ademptio valebit?

Quid, quod, si utrique legatum admittitur, facimus aperte contra voluntatem testatoris? Nam is Sempronio cum dixit, declaravit, se uni ademptum velle, non duobus, nisi forte is, qui legavit Sempronio, duobus legare, non uni intelligitur.

Postremo, ut deessent cetera, vel contextus ipse satis nos admonet legendum esse hoc modo, *ademptione autem in utrumque valere*. Nam, cum Ulpianus proposuit questionem da legato, ita quæsit, an legatum in utriusque persona infringatur, id est impediatur, et ad extremum respondet legatum impediri: nimirum convenienter ad questionem. Rursum, cum quæsit de ademptione, eodem modo quæsit, ut de legato, an ademptio nulla sit, non an ademptio valeat. Consentaneum est igitur, eum convenienter questioni respondere, ut responderet de legato, nempe ademptionem nullam esse, id quod quæsierat. Sic ergo restituetur locus, et verus est, in his omnibus etiam legata, et libertates impediri: ademptione autem in utrumque valere. Estque hic sensus: etiam legata et libertates, res videlicet favorabiles, cum supremo iudicio relinquuntur: tamen in hac specie impediri, nedum ea, quæ promissa sunt ei, qui prima, Capitolium ascenderit, ademptione autem, id est per ademptionem in utrumque valere, intellige, legata et libertates, ut hæc tantum absit, ut neutri debeantur post ademptionem: ut potius per ademptionem magis valeant, quia qui legatum nulli admittit, hoc ipso magis confirmet.

Ad §.



Ad §. ult.

Plane si ita ancilla libertatem acceperit, si primum marem peperit, libera esto, et hæc uno utero marem, et scēminam peperisset: si quidem certum est, quid prius dedisset, non debet de ipsius statu ambigi, utrum libera sit, necne: sed nec filiz, nam si postea edita est, erit ingenua, sin autem hoc incertum est, nec potest per subtilitatem indicialem manifestari: in ambiguis rebus humaniorem sequi sententiam oportet, ut tam ipsa libertatem consequatur, quam filia eius ingenuitatem, quasi per præsumptionem priore masculo edito.

S U M M A R I A.

1. Ancilla, cui libertas data, si primum marem peperit, libera erit, si uno partu marem, et feminam ediderit, et quare. et n. seqq.
2. Particula, plane, servit exceptioni.

3. In ambiguis humaniorem sententiam sequi oportet. et n. 7.
4. Humanum favere libertati. et n. 6.

Dixit, si ei legatum sit, qui primus Capitolium ascendisset, duobus pariter ascendentibus, si non apparat, quis primus ascenderit: neutri legatum deberi. In quo nui legatum est sub conditione, si primus ascenderit: quam conditionem deficere ait, si duo pariter vaserint. Huic speciei similis est illa, † si cui ancillæ libertas datur sub hac conditione, si primum marem peperit, idest si quis ex ea masculus primum in lucem venerit: et duo pariter, masculus, et femina, uno utero in lucem edantur. Itaque per erat et conveniens superioribus existimari, conditionem et hic defecisse, eoque at matrem non esse liberam. Id ne fiat, Ulpianus ex omnibus superioribus hunc casum excipit. Idqua est, quod ait, plane si ita ancilla, et cætera. Nam

2 † hæc particula, plane, exceptioni servit. §. si quis alii, et §. plane, Inst. de inu. stip. L. stipulatio ista, §. alteri, D. de ver. ob. Ait ergo, si mulier uno utero marem et feminam pariter peperisset, nec constaret, utrum prius: videri existisse conditionam, quasi per præsumptionem priore masculo edito.

Sed cur hoc præsumimus? Ipse Ulpianus hanc rationem reddere videtur hoc loco, quod

3 † in ambiguis humaniorem sententiam sequi oporteat, hoc enim sentit, † humanum esse favere libertati, et ideo hanc sententiam, quæ libertati faveat, sequendam esse, cui congruit regula iuris, in obscura voluntate manumittentis favendum esse libertati. L. in obscura, D. de reg. iur.

Sed videndum est, na non hæc ratio sit satis, nisi prius ostenderimus, causam esse in re ipsa et natura positam, cur masculus

prius nascatur, quam femina. Alioqui nulla ex hoc titulo obstabat. Cur enim cum duo extranei pariter eodem in loco obierunt, non præsumimus altorum alteri supervivisse, etiam si humanum sit, id tum existimari, cum is qui uxori quid legavit, cum uxore simul perit; aut cum is, qui impuberi fratri substitutus erat, simul cum fratre decessit, quo utrobique voluntas defuncti servatur, et illa legatum, hic impuberis fratri habeat hereditatem, ut in L. idem est, L. sed et illo, infr. eodem? quia scilicet nulla causa est in natura, quæ faciat, ut alter altero citius decedere debeat: ut supra diximus ad L. qui duo, §. 1. Cur paulo antea in hoc ipso responso, si duo pariter Capitolium ascenderunt, neuter præsumitur prius ascendisse, etiam si humanum est id existimari, ut voluntas testatoris exitum habeat? quia na tum quidem ulla causa est in natura rei, aut in conditione personarum, quæ faciat, ut alter altero prius ascendat, ne hic quidem, si nulla est ratio, cur prius masculus nascatur, quam femina, masculum prius editum credere debemus. Denique si præsumptio est, illum prius editum, huius præsumptionis causam in facto ipso positam esse oportet. Hic enim, cum de facto agatur, prius quid factum sit, quæ utrum æquum sit de eo facto aliquid statui, quærendum est. Itaque † assentior veteribus quibusdam, quos Bartolus reprehendit, qui hanc rationem præsumptionis reddiderunt, quod masculus sit robustior. Malis physici. Tradunt enim, masculum citius perfici in utero, quam feminam, maiorem esse calorem in illo, quam in femina: ut quo maior calor est masculi, eo in utero moveatur im-

pe-

petri maiore, hinc fieri, ut ipse facilius, perripis panniculis, citius quoque sibi viam faciat.

Sed aliter tamen natura usu venire potest. Fieri enim potest, ut sint in masculo vitia quædam interiora, quæ vim eius debilitent. Fieri potest etiam, ut multo post feminam conceptam masculus sit conceptus ex superfotatione. Itaque non est hæc adeo certa præsumptio, et quæ superioribus rationibus non possit infirmari, si sola sit.

6 Sed adde hanc rationem, † humanum es-

se eam sententiam sequi, quæ libertatem tribuit: † in ambiguis rebus humaniorem sententiam sequi oportere: tum ius minime dubium effeceris, masculum hic prius editum existimari debere. Hoc est, cur Ulpianus hoc loco non contentus ea ratione, quam modo dixi, præsumptionis etiam postea meminit: et rursus præsumptione natus non semper usque adeo certa, hanc ipsam æquitatis ratione confirmavit innuens, alterum sine altero in hac causa non esse satis.

Ad L. Quoties libertis 12.

Julianus libro 36. Digestorum.

Quoties libertis usufructus legatur, et ei, qui novissimus supervixerit, proprietas: utile est legatum. Existimo enim omnibus libertis proprietatem sub hac conditione, si novissimus supervixerit, dari.

S U M M A R I A.

1. *Olim incertis personis legari non poterat.*
2. *Ubi ex libertis ei legatur, qui novissimus su-*

pervixerit, certæ personæ videtur legari, et quare.

QUI legat ex pluribus certis personis, puta libertis, ei, qui novissimus supervixerit, prima facie incertæ personæ legatum valeret, necne, propter regulam iuris, quæ efficiebat † incertæ personæ legari non posse, §. *incertis. Inst. de leg.* Iulianus ostendit † in hac specie certæ personæ legari, idcirco non esse metuendum, non ne legatum valeat. Certum est enim le-

gari certæ personæ, quoties ex pluribus libertis testator unicuique sigillatim legat annuatimque nominatim appellando, et legat sub conditione, si is novissimus supervixerit. Hoc autem et tum fieri ostendit, cum ex libertis legatur ei, qui novissimus supervixerit: quoniam utrumque idem valeat, vide, quæ de hac questione tota scripsi ad L. *quidam, supr. eo.*

Ad L.



Ad L. Quoties in actionibus 12.

Idem libro 1. Digestorum.

Quoties in actionibus aut in exceptionibus ambigua oratio est, commodissimum est id accipi, quo res, de qua agitur, magis valeat quam pereat.

S U M M A R I A.

1. Actio pro intentione actoris.
2. Si quis ambigua intentione, aut exceptione usus fuerit: id accipiendum, quod ei utilius est, et n. seqq.
3. Reus in exceptione actor est.
5. Ambigua stipulatio interpretanda contra stipulatorem.
7. Et in iudiciis, et in legibus, et in beneficiis Principum, et in testamentis, et in contractibus ea semper ambigue orationis interpretatio capienda, qua res, de qua agitur, magis valeat, quam pereat, et n. seqq.
10. Beneficium natis ex. gr. Pontica matre concessum pertinet non modo ad filios vulgo quæsitos, sed etiam ad legitimos.
11. Filii iustis nuptiis procreati, sequuntur conditionem patris.
14. Qui uxori suæ legavit quæ vivus donaverat, de irritis donationibus sensisse creditur.
15. Si pars fundi legetur ei, qui partem habebat, intelligitur legata quæ legatarii non erat.
16. Spectanda in legibus æquitas.
17. Beneficia Principis, ac testamenta plenius interpretamur.
19. Calendas in stipulatione proximas intelligimus.
20. In ambiguo sermone non utrumque dicimus, sed quod volumus duntaxat.
21. In ambigua intentione spectandum, quid actor, non quid reus senserit. In ambigua vero stipulatione, si de alia re stipulator sentiat de alia promissor: nihil agitur, et n. seqq.
22. Stipulatio inter consentientes peragitur: iudicium redditur in invitum, et n. 24.

4 **A**ctionem † hic vocat Iulianus intentionem actoris. Id enim hoc loco de actione expressit, quod regula iuris traditur his verbis: † *Ambigua intentio ita accipienda est, ut res salva actori sit.* L. in contrahenda, §. ult. D. de reg. iur. *Rem, de qua agitur*, intelligit intentionem, et exceptionem, in quibus ambigua oratio est. Intentio sic perit, si actor in verbo ambiguo, quo usus est, dicat se de una re sensisse, reus se sensisse de alia, et reo potius credatur, sic enim fit, ut absolvatur reus. Contra valet intentio, et salva est, cum id accipimus, de quo actor se sensisse dicit. Fit enim hoc modo, ut, si probet, quod intendit, reus condemnatur. Hoc ergo sumendum esse hæc regula significat, ut plane hac regula nihil exprimat aliud, quam quod traditum est apertius in L. si quis in intentione, *supr. de iud.* si quis intentione ambigua, vel oratione usus sit: id, quod utilius ei est, accipiendum esse. *Ei* cum dicit, actorem iudicat, cuius est intentio, quem rursus cum dicimus, reum quoque intelligimus in exceptione, quoniam † reus in excipiendo actor est. L. 1. D. de exc. l. in exceptionibus. D. de probation.

4 Nunc utriusque exempla apponam. † Intentionis ambiguae hoc est. Actor Stichum a possessore vindicans intendit, Stichum, qui apud

eum est, suum esse. Possessor, cum duos servos apud se haberet eiusdem nominis, negat Stichum actoris esse; et ita iudicium inter eos constituitur. Actor probat, unum ex illis Stichis suum esse, quo cognito, dicit possessor, se de alio Sticho, quem haberet, sensisse, qui re vera non est actoris. Si in stipulatione res ageretur: † ambiguitatem stipulationis 5 contra stipulatorem interpretaremur. L. cum quaeritur, *infr. eo.* Nunc vero dicimus accipiendum esse, quod actori utile est, id est id, quo accepto, intentio eius valeat: quæ res facit, ut, si probaverit, unum ex Stichis suum esse reum damnari oporteat; quasi de eo vere actum sit, quamvis reo dissentiente.

Exceptionis ambiguae † sit exemplum huiusmodi. Is, cuius tutela administrata erat, maior factus cum tutore suo de tutela transiegit, et pactus est, se nihil amplius eo nomine ab eo petiturum. Eo mortuo, heres eius cum tutore tutelæ agit. Tutor pacti exceptione se tuetur, *at nisi defunctus pactus sit, se nihil amplius a me petiturum*, nec adiecit, *tutelæ nomine*, actor ullum huiusmodi cum reo interpositum pactum esse negat. Deinde profertur instrumentum eius transactionis, quo continetur, defunctum cavisse, nihil se amplius tutelæ nomine petiturum. Actor so generale pactum accepisse dicit, ut

ver-

verba etiam aperte significant, cuius generis pactum nullum profertur; reus exceptionem sic se accepisse dicit, quasi hoc ipsum pactus esset defunctus, se nihil tutelæ nomine petitorum: ut verba generalia ad id dumtaxat, de quo agitur, referantur arg. *L. qui cum tutoribus, D. de trans.* Dicimus, hoc ipsum esse accipiendum, quia reo utile.

Additur hic, in actionibus, aut exceptionibus. Sed ne nos hæc verba decipiant, præcipiendum hoc est, † in omni sermone, omni-
7 scripto scripto ambiguo ad interpretationem voluntatis eandem regulam servandam esse, quæ hic in iudiciis traditur, recteque ita generaliter definiri: quoties ambigua aliqua oratio est, idest duas sententias significans, quarum altera efficitur, ut id, de quo agitur, sit inutile; altera contra, ut valeat: semper eam accipiendam esse, quæ facit, ut res valeat, ut salva sit, ut sit in tuto. Tot enim modis veteres eandem rem exprimebant. De eo ne quis dubitet, recte fecerimus, si ostenderimus, in
1 omnibus causis ius ita se habere.

8 Ergo † hac regula in legibus utimur; hoc enim est, quod dicitur, in ambigua voce legis eam potius accipiendam esse significationem, quæ vitio caret. *L. in ambigua, D. de legib.* Id enim scriptum facit, ut res non valeat, quod est vitiosum. Exemplum habes in *L. uxores, D. de iis, qui nat. inf.*

9 Valet eadem † in beneficiis Principum
10 ambigue, nec satis aperte scriptis: ut † in hoc beneficio Ponticis mulieribus tributo, qui Pontica matre natus erit, is Ponticus sit, non liberos intelligimus tantum vulgo conceptos, sed præcipue eos, qui nati sunt ex iustis nuptiis, *L. 1. D. ad munic.* etsi ita ius commune est, ut, † cum legitimæ nuptiæ sunt, filii patris conditionem sequantur. *L. cum legitimæ, D. de stat. hom.* Cur contra ius publicum sic accipimus? Quia, si vulgo conceptos intelligeret Princeps: nihil de iis cavendi debuerit, inquit Ulpianus in *d. L. 1. ad mu.* idest id cautum sit supervacuum et inutile, cum † vulgo concepti satis matris conditionem sequantur iure publico siue ullo beneficio. *d. L. cum legitima. L. lex naturæ, D. de stat. hom.*

13 Hac eadem † utimur in testamentis. Proinde
14 de † si quis uxori suæ ea, quæ vivus donaverat, leget: secundum propriam verborum significationem hoc dicere intelligitur, quæ vivus iure donavi, puta ante contractas nuptias, nam quæ inutiliter donata sunt, idest, constante matrimonio, pro non donatis habenda sunt. arg. *L. quoties, D. qui sat. cog.* Contra Africanus non de aliis donationibus testatorem videri sentire ait, quam de iis, quæ iure va-

Tom. XI.

lituræ non sunt, cur? quia alioqui, iniquum, frustra et inutiliter legaturus sit ea, quæ iure donavisset. *L. si quando, 109. D. de leg. 1.* Eodem modo et † si ei, qui partem in aliquo fundo habet, testator leget infinite partem eius fundi: intelligitur eam legavisse, quæ legatarii non fuit: solum ob id, quod alioqui nullum emolumentum legati futurum esset. *L. Mævius, 66. supr. de L. 2.*

Sed minus mirum est hoc servari in legibus, et beneficiis principum, et testamentis: propterea quod † in legibus semper æquitas
16 spectanda est. *L. in omnibus quidem, D. de reg. iur.* † beneficia autem principis, et testamenta plenius ubique interpretamur. *L. 3. D. de const. L. in testamentis, D. de reg. iur.* Illud mirum si fortasse, eandem regulam adhiberi in contractibus, quos non item plene et liberaliter interpretamur, ut superiora. Sed, ut intelligere liceat quod initio dixi, eam ad
17 omnem sermonem, quod quid agitur, pertinere: † hac ipsa non minus utimur in contractibus, quam in cæteris causis omnibus. Nam de stipulatione ipsa nominatim tradita est in
18 *L. ubi, infr. eo. et L. quoties, D. de verb. obl.* Cuius rei exemplum habemus in ea stipulatione, cum stipulor Calendis, in qua †
19 intelligimus proximas pro commodo meo, quia aliter interpretantibus stipulatio inutilis futura sit. *L. eum, qui Calendis, D. de verb. ob.*

Unde ergo hæc præceptio sumpta in interpretatione ambiguae orationis? Nempe ex eo, quod † in ambiguis non utrumque dicimus,
20 quod verbum exprimit, sed solum quod volumus. *L. 3. supr. eod.* ut proinde in his una hæc res sequenda sit, loquentis nimirum; aut, si inter plures res agatur, eorum, qui agunt quid, sententia. *L. in ambiguis, D. de reg. iur.* Hanc porro sententiam et voluntatem esse cuiusque in omni negotio reperitur, non ut nihil agi velint, sed ut aliquid. Nam, si nihil agi vellent, poterant facillime id consequi tacendo: hoc igitur volunt, ut res, de qua agitur, valeat. Itaque hoc ipsum sequemur, quia volunt. Hanc enim legem esse diximus in ambiguo sermone, ut quod quisque
21 senserit, id solum dixisse videatur.

Solum † inter iudicium, et superiora hoc
22 interest, quod in cæteris, ubi res agitur inter duos, ut in contractibus, hoc sequimur, quod uterque senserit. In iudicio solum id, quod sensit actor. Quid reus senserit, negligimus, cur ita? quia nihil necesse est ipsum consentire, cum † iudicium in eum etiam
23 vitum reddatur. *L. inter, §. 1. D. de verb. ob.* Nec vero fit dissentiendi iniuria, cum, si eam debeat, de qua actor probavit, nihil habeat, quod queratur, si condemnatur. Si de

ea non satis intellexit: culpa eius est, quod actorem non interrogavit, de qua sentiret.

Nunc ad id, quod propositum est, redeo: etsi hic additum est, *in actionibus, vel in exceptionibus*, nihilominus eandem regulam ad omnes causas, ad omnem ambiguum orationem pertinere, et cur in omnibus adhibeatur, optime rationem constare. Quod cum ita sit, id \dagger quæro, cur hic adiectum sit, *in actionibus, vel exceptionibus*, cum dici debuerit, *in omni oratione, in omni negotio*? Puto id esse causæ, quod in iudiciis sine exceptione id videbatur dici posse: in cæteris negotiis non item. Nam in iudiciis sequimur id, quod valet, et prodest actori, sci-

licet sine exceptione, idest, sive dubium sit, an reus de alia re senserit: sive etiam certum sit, an de alia re sensisse. Contra in contractibus tandiu id sequimur, quod efficit, ut res valeat, quandiu non constat, de alia, atque alia re sensisse contrahentes. Ubi autem reus proberit se de alia re sensisse, quam de qua se sensisse stipulator dicit: non hic in verbo ambiguo id accipietur, quod efficiat, ut quid debeat: sed plane nihil actum est, quippe \dagger stipulatio non nisi ex consensu valet: iudicium, ut dixi, redditur in invitum. *L. inter, §. 4. L. continuus, §. 1. D. de verb. obl. Idemque valet in testamentis, si constat, quid testator senserit.*

Ad L. Si is. 13.

Idem lib. singulari de Ambiguitatibus.

Si is, qui ducenta deposuit, ita leget: *Seio cum ducentis, quæ apud eum deposui, trecenta lego*: singulæ summæ separatæ quidem certam habent demonstrationem, coniunctione vero tali incidunt in ambiguitatem: sed dicendum est, non trecenta, sed quingenta deberi: quia duæ summæ iunguntur.

S U M M A R I A.

1. Verba, cum ducentis, quæ apud eum deposui, trecenta lego, significant trecenta supra ducenta, et non septem.

2. Particula, cum, significat non immixtionem, sed coniunctionem.

3. A verborum significatione non recedendum, nisi testatoris voluntas aperte cogat.

1. Q U I ducenta deposuerat, ita legavit: \dagger *Seio cum ducentis, quæ apud eum deposui, trecenta lego*. Ait Iulianus, singulas summæ separatæ quidem certam habere demonstrationem: coniunctione vero tali incidere in ambiguitatem. At quam? ambiguitas hæc est. Nam hæc verba, *trecenta cum ducentis*, possunt sic intelligi, *trecenta una cum aliis ducentis*, ut si, *trecenta, et ducenta*, possunt etiam intelligi hoc modo: *trecenta cum ducentis*, idest *trecenta, computatis, et connumeratis ducentis, quæ apud eum deposui*. Nam et in quotidiano sermone fere qui ita loquuntur, sunt adhuc domi sex penes cum

hoc, quem vides, hoc sentiunt, non septem esse, idest, sex et unum: sed sex esse, computato videlicet eo, quem demonstrant. Sed dicendum est, non *trecenta deberi*, loquitur, quia *duæ summæ iunguntur*. Significat, \dagger 2 *particulam, cum*, non significare immixtionem unius rei cum alia, sed coniunctionem, itaque in hoc legato trecenta coniungi cum ducentis, non misceri, ut scilicet efficiantur quingenta. Ergo Iulianus solvit ambiguitatem proprietate verbi, quo declarat, \dagger nonquam a significatione verborum recedendum esse, ubi voluntas testatoris aperte refragatur *L. non aliter, supr. de leg. 3.*

Ad §.

Ad §. Si quis ita.

Si quis ita leget, *Fundum Seianum heres meus Attio cum Dione Mævii servo dato*. Dubitatur quidem, Dioni quoque fundus legatus sit, an Dio cum fundo legatus sit. Sed magis dicendum est, non solum fundum, sed etiam servum Dionem esse legatum: maxime si nullas iustas causas habuit Dioni legandi.

S U M M A R I A.

1. Si testator legaverit fundum Seianum Attio cum Dione Mævii servo, quomodo interpretandum. et n. seqq.
2. In ambigua testatoris oratione id sequimur: quod credibile est fuisse cogitatum.

4. Mens, et sententia testatoris unde colligi possit. et n. seqq.
8. Legata ob meritum dari solent.

4. **L**egat quis hoc modo: † *fundum Seianum heres meus. Attio cum Dione Mævii servo dato*. In hac specie legati ambiguitatem parit collocatio dubia partium orationis. Nam hæc verba, *cum Dione*, incertum est, quo referri debeant: an coniungi cum verbo, *Attio*; an coniungi cum verbo, *fundum*. Atqui utrum dicatur, multum interest. Qui enim dicit, *Attio cum Dione dato*, hoc exprimit, *Attio et Dioni dato*. Qui fundum cum Dione, hoc dicit, *fundum et Dionem Attio dato*. In quo explicando nihil adiuvere nos potest orationis proprietates. Nam utrumque recte dicitur, salva ratione recti sermonis. Mens igitur testatoris consulenda est, et
2. † interpretandum, id dictum esse, quod credibile est esse cogitatum. *L. cum in testamento, infr. eod.* Secundum hoc † Iulianus respondet, orationem hanc sic esse accipiendam, ut fundus et Dio Attio legatus sit: non ut quidquam legatum sit Dioni.
- 3

Sed unde hoc colligitur sensisse testatorem?

4. † Ex honore, quem testator Attio habitum voluit. Apparet enim, eum voluisse legare Attio.

Tom. XI.

tio: non item certum est, eum voluisse legare Dioni; ideo † legatum, quod esse constat, 5 plenius interpretari debemus iuxta regulam iuris *L. in testamentis. D. de reg. iur.* Proinde interpretabimur, fundum totum Attio datum esse: ex eo fundo nihil esse datum Dioni: quo constituto, relinquatur, ut testator Attio fundum et Dionem legasse intelligatur. Alterutrum enim nascere est, ut aut Dioni legaverit, aut Dionem. Effectum est Dioni nihil legatum, ex quo relinquatur legatum esse Dionem.

Sed hoc tum † multo cartius dicitur, inquit Iulianus, si testator nullas iustas causas habuit Dioni legandi, vel quod dominum eius non nosset, vel quod non esset ei amicus, val quod non esset ille de testatore bene meritus. Et recte. Quotias enim dubitabitur, ex duobus utrum illi, an illi testator legaverit: † vix dicturi sumus, non videri testatorem 7 ei legasse, cui legandi causam non habuit, quoniam † legata ob meritum conferri solent. 8

L. nec adiecit, D. pro soc.

Ad §.



Ad §. Cum ita.

Cum ita stipulationem concipimus, si hominem, aut fundum non dederis, centum dare spondes? utrumque est faciendum, ne stipulatio committatur: id est, sive alterum sive neutrum factum sit, tenebit stipulatio. Idemque est evidenter, cum propositis specialiter pluribus rebus, quas fieri volumus, ita stipulamur: Si quid eorum factum non erit: veluti Stichum, et Damam et Erotem sisti: Si quis eorum non steterit, decem dari? necesse est enim omnes sistere; ut stipulationi satisfiat. Vel, ut propius accedamus, fingamus ita stipulationem factam. Si Stichum, et Damam, et Erotem non stiteris, decem dari? neque enim dubitamus quin æque omnes sisti oporteat.

SUMMARI A.

1. Hæc conditio, si fundum, aut hominem non de-

deris, significat, utrumque dandum esse, et n. segg.

¹ TRactat Iulianus hoc loco, neque hoc §. tantum, sed etiam sequentibus idem agit usque ad finem capitis, † quam vim habeat in stipulatione pœnali, et in institutione hæc conditio disjunctive et negative concepta, si fundum, aut hominem non dederis: si illud, aut illud factum non erit. Est autem de hoc genere stipulationis hæc dubitatio, utrum ex ea satis sit unum fecisse, ut stipulatio non committatur: an vero necesse sit utrumque.

Utraque pars suas habet defensiones. Dixeris recte, ut videtur, alterum tantum esse faciendum, quoniam, si dixerimus, utrumque: nihil intererit inter hanc stipulationem, si neque hoc, neque illud feceris, centum dabis? (ex qua, utrumque faciendum esse convenit hac L. §. ult.) et illam, si hoc, aut illud non feceris, centum dabis? quod dictum absurdum videtur, habet enim una stipulatio orationem conjunctivam, altera disiunctivam, inter quas orationes plurimum interest.

Rursum recte defenditur, utrumque esse faciendum, quia utrumque eorum non feceris, verum erit, hoc aut illud factum non esse, quæ conditio erat stipulationis, qua existente, necesse est committi stipulationem.

² De hac re hoc §. summa hæc est Iuliani sententiæ: † ex hac stipulatione utrumque esse faciendum, non alterum dumtaxat, uno namque non facto, stipulationem committi, quemadmodum constat, utrumque esse faciendum ex hac stipulatione, Stichum, et Damam sistes? si quid eorum factum non erit, decem dabis? aut, ut propius accedamus, inquit, quemadmodum constat, omnia esse facienda ex hac stipulatione, si Stichum, et Da-

mam, et Erotem non stiteris, decem dabis? Innuit, posterioribus his priorem, de qua quæstio est, esse similem, nihil enim interest inter ista, aliquid eorum factum non est; et, illud, aut illud factum non est, quod si ex posterioribus pœna debetur, si vel unum factum non sit: etiam ex priore, uno non facto, debebitur, ut proinde ex omnibus necesse sit omnia fieri, ne stipulatio committatur.

Quod dicit, vel, ut propius accedamus, hunc sensum habet, ut propius accedamus ad stipulationem illam, si fundum, aut hominem non dederis, de qua propositum est nobis initio dicere, id est, ut exemplo stipulationis magis simili, et illi stipulationi, de qua propositum est, magis congruente utamur, fingamus, et quæ sequuntur. Observandum est enim in hoc exemplo, quo modo usus erat, Stichum, et Damam, et Erotem sistes? si quis eorum non stiterit, decem dabis? duplicem esse stipulationem, unam puram, de rebus quas fieri volumus: alteram pœnæ conditionalem, si id, quod pure promissum erat, factum non erit. In hac autem conceptione, si illud, aut illud factum non erit, una tantum stipulatio est pœnæ, quæ a conditione incipit, exemplum igitur illud ab hoc paulo remotius. Ideo subiecit exemplum Iulianus, quod ad conceptionem propositam propius accederet: quod est tale, si Stichum, et Damam, et Erotem non dederis, decem dabis? Iam enim in utroque horum una est stipulatio incipiens a conditione, ut quod de uno dixeris, caussa dici non possit, quia de altero intelligatur. Sed quia utrumque horum non est exploratum, in hac nimirum stipulatione, si illud, aut illud factum non erit, utrum-

utrumque esse faciendum, et hanc stipulationem esse illi similem, si hoc et illud non feceris: ideo visum est Iuliano id confirmare paulo pluribus, idque est, quod agit in §. sequenti, ut mox dicetur.

- 3 Interim † utilitas huius definitionis notanda est. Est autem hæc, ut, si velimus nobis dari, fieri res duas, ac, nisi fiant, poenam: non metuamus ita stipulari, si hoc, aut il-

lud non feceris, decem dabis? quoniam his verbis, etsi disiunctivis, hoc continetur; ut utrumque fiat, et contra, si ex pluribus rebus velimus nobis unam tantum fieri: sciamus, cavendum esse, ne ita stipulemur, si hoc aut illud non feceris, decem dabis? postquam ex his verbis utrumque faciendum, et præstandum est, ne poena debeat.

Ad §. 3. Utrum ita concipias.

Utrum ita concipias stipulationem, Si illud, aut illud factum non erit an hoc modo. Si quid eorum factum non erit, quæ ut fierent, comprehensa sunt, hoc interest: quod quamvis altero facto, verum sit, hoc aut illud vere factum esse; non ideo tamen verum erit hoc aut illud factum non esse; nam simul ea possunt esse vera, quamvis inter se contraria sint: quia cum significatio non ex universo, sed ex aliquo sumitur, si veri aliquid insit, veram efficit totam orationem: sicut e contrario duæ orationes pugnantia continentes simul falsæ sunt: veluti, si qui libertorum partim puberes, partim impuberes decesserint, nam et hoc falsum erit, omnes impuberes decessisse: et illud, omnes puberes decessisse. Id accidit, quia significatio sumitur ex universo: in quo si aliquid falsum est, totam orationem falsam efficit. Animadvertendum igitur est, quid sit, de quo quaeritur. Nam cum ita concipio, Si illud, aut illud non erit: quaeri debet, an aliquid factum non sit. Illius effectus hic est, ut neutrum fiat, huius autem, ut utrumque fiat, nec in illo prodest aliquid non fecisse, si aliquid factum non sit, neque in hoc aliquid fecisse, si aliquid factum non sit.

Ad §. 4. Proinde si quis.

Proinde si quis ita interroget, Eorum quid, quæ tibi obiciuntur, fecisti; ille neget: hoc exprimit, Eorum, quid quæ obiciuntur, non feci: idest, nihil eorum feci.

S U M M A R I A.

1. Illius stipulationis, si illud, aut illud factum non erit, effectus est, ut utrumque fiat: huius autem, si quid eorum factum erit, quæ ut

non fierent, comprehensa sunt, ut neutrum fiat. et n. 4. et seqq.

2. Duo in hoc §. esse menda, et quæ sit emendatio. et n. 3.

- 1 Quod supra dixerat, † in hac stipulatione, si illud, aut illud factum non erit, hoc exigi, ut utrumque fiat: confirmat, ut paulo ante dixi, hoc §. Iulianus cum ratione ex conditione sumpta, tum comparatione huius stipulationis, si quid eorum factum erit. quod ex interpretatione loci intelligetur.

- 2 Sed prius quam ad eam accedimus, monendi sumus, † in principio huius loci duplex esse mendam; quo non restituto, stulte de sententia loci quaeritur. Nam primum in illis verbis, si quid eorum factum non erit,

quæ ut fierent, comprehensa sunt, transponenda negatio est, et ita legendum, Si quid eorum factum erit, quæ ut non fierent, comprehensa sunt, ut et ab aliis est animadvertendum, neque difficilis animadversio est: Liquet hoc ex illis verbis, quæ sequuntur: illius effectus hic est. Nam illic Iulianus ait alterutris ex his stipulationibus effectum hunc esse, ut neutrum fiat; hic vero effectus nulli plane stipulationi convenire potest, nisi ei, cum de pluribus rebus stipulamur, ne fiant; et, si quid eorum factum erit, stipulamur

ponam. Et quod quidam dicunt, Iulianum hoc loco distinguere has stipulationes, *si illud, aut illud factum non erit, et, si quid eorum factum non erit*, quasi prior illa sit particularis, hæc autem, *si quid factum non erit*, sit universalis, et vim habeat huius orationis, *si nihil eorum factum erit*, satis hoc ipso loco refellitur. Nam ex hac stipulatione, *si quid eorum factum non erit*, utrumque faciendum est. §. *præced.* Ex ea autem, *si nihil eorum factum erit*, sufficit alterum fecisse, ne stipulatio committatur. §. *si quis autem, seq. ead. l.*

- 3 Deinde † in illis verbis, *non ideo tamen verum erit*, manifestum meum est, ut enim hæc verba sunt, declarator, si ex duobus unum feceris, alterum non feceris: non esse verum, hoc, aut illud factum non esse; quod cum ipsum per se aperte falsum est: tunc vero Iuliano evidenter propositum est hoc loco contrarium dicere et probare, nempe, uno ex duobus facto, quavis verum sit, hoc aut illud factum esse: tamen nihilominus verum esse, hoc aut illud factum non esse. Evidentius hoc sequentia verba ostendunt, quam ut in eo probando immorari oporteat. Nam inquit, *simul ea possunt esse vera.* Legendum est igitur hoc modo: *quavis altero facto verum sit, hoc aut illud vere factum esse: non ideo tamen verum non erit, hoc aut illud factum non esse*, idest nihilominus tamen simul verum erit, hoc aut illud factum non esse. Hoc et Goveanus recte animadvertit, et emendavit. *Lib. 2. Lect. Cap. 22.*

Hoc intellecto de lectione huius loci, unne eius paraphrasim adhibeam. Ut intelligatur, id ipsum esse de hac stipulatione, *si hoc, aut illud factum non erit*, id esse, inquam quod modo dixi, exigere illam nimirum, ut utrumque fiat: inter hanc stipulationem, *si hoc, aut illud factum non erit*, et hanc, *si quid eorum factum erit, quæ, ut non fiant, comprehensa sunt*, hoc interest, quod sequitur ex eo, quod nunc subicimus; ex quo id quod queritur, idest quod supra dixi, facile intelligeretur. Sciendum est enim, 4 et cum ex his aut quæ prior stipulatione fieri volumus, aut quæ posteriore volumus non fieri, unum tantum factum est, eodem tempore hæc duo vera esse, *hoc, aut illud factum est*, et, *hoc, aut illud factum non est*; et, quod idem valet, *quid eorum factum est*, et, *quid eorum factum non est.* Nec obstat, quod hæc orationes verbis sunt contrarie; nihilominus enim simul veræ esse possunt; verbis enim et conceptione sunt contrarie: re non sunt. Id confirmat ex præceptis dialecticorum. Semunter enim, inquit,

hæc propositiones ex aliquo, idest ex parte, non ex universo: idest particulares sunt, non universales; nihil autem prohibet, duas orationes particulares, quarum una quid de aliquo affirmet, altera yle aliquo neget, simul esse veras, quoniam si quid in his vel minimum verum sit, veram efficit totam orationem; ut hic, cum unum ex duobus factum est, recte dixeris aliquid factum esse (nam et uno facto aliquid factum est): et simul recte, aliquid non factum esse, quia, uno rursus non facto verum est, aliquid, sive hoc aut illud, factum non esse. Orationes contrarie tunc demum simul veræ esse non possunt, quoties aut ambe sunt universales, ut, *omne factum est, quod debuit; nihil eorum factum est, quæ oportuit*; aut una, ut, *nihil eorum factum est, quæ, ut fiant, comprehensa sunt; aliquid eorum factum est, quæ, ut fiant, comprehensa sunt*, huiusmodi orationes cum sunt, ambe possunt esse falsæ: ut in hoc exemplo, quo ulitur, si fingas, ex filiis quosdam impuleres decessisse, alios puberes: hæc orationes universales ambe erunt falsæ, omnes impuleres decesserunt: *omnes decesserunt puberes.* Fieri potest, ut una ex his sit vera. Illud nunquam potest fieri, ut utraque sit vera. Id eo fit, inquit, quia cum oratio universalis complectatur omnia, quæ aut affirmet, aut neget: si quid ex ea vel minimum falsum sit, tota oratio falsa est, ut si dicam, omnes homines currere, satis est ad propositionem refellendam, si dicas non ita esse, si vel unus tantum proponatur, qui non currat. In summa hoc redit hæc disputatio, ut mauet illud, quod supra posui, cum unum ex duobus factum est, utrumque hoc simul verum esse, et, hoc aut illud factum esse, quia aliquid factum est, et, hoc aut illud factum non esse, quia aliquid factum non est; ac proinde quid eorum factum esse, et quid eorum factum non esse.

Quorsum hoc? ut intelligatur, cum res ita se habeat, querendum esse, utrum ex his sumamus potissimum, ut stipulatio committatur, aut non committatur; neque enim utrumque simul sequi possumus, cum ex una conditione stipulatio committatur; ex altera non committatur. Utrum igitur, inquam, ex his sequimur? Cum res ita sit, nempe animadvertendum est, inquit, quid sit, de quo queritur, et id solum spectandum, et sequendum. Condicio est autem in his stipulationibus, de qua queritur, utrum existerit, necne; proinde in illa stipulatione, *si illud aut illud factum non erit*, queri debet, an aliquid factum non sit. Nam de eo agitur, an aliquid factum non sit: ac proinde, si quid pro

proponatur factum non esse, stipulatio committitur; quemadmodum contra in hac stipulatione, *si quid eorum factum erit*, quaeri debet, quid factum sit, et ex eo, quod factum erit, hic quoque stipulatio committitur.

- His positis hinc existit effectus illo, quem demonstrare Iuliano propositum est, et illa differentia, quam initio huius §. posui, nempe ut, † in illa oratione, *si quid eorum factum erit*, neutrum fieri debeat, si volumus non committi poenam; in hac autem, *si illud, aut illud factum non erit*, debeat utrumque; optima ratione, quam significat sequentibus verbis, et quæ ex precedentibus illis satis intelligitur, quod, cum in illa stipulatione, *si quid eorum factum erit*, solum querendum sit, quid factum sit: non prodest aliquid factum non esse, si probari possit aliquid factum esse: et ideo ex eo stipulatio committitur; ut proinde, quemadmodum dixi, necesse sit neutrum fieri, si velimus stipulationem non committi. Et contra in hac stipulatione, *si illud aut illud factum non erit*, cum queratur, quid factum non sit, nihil prodest unum aliquid factum esse, si possit dici, aliquid factum non esse. Nam hoc spectamus, quid factum non sit, et ex eo stipulatio committitur.

- 6 Porro † in hac stipulatione, *si quid eorum factum erit*, hoc contineri, ut neutrum fiat, quæ ut non fierent, comprehensa sunt, probat ipse deinde in illis verbis, *proinde si quis*, hoc argumento. Nam is, qui ita promissit poenam, si quid eorum fecisset, necesse habet ad poenam evitandam ita dicere, ego *quid eorum non feci*; itaque poenam ex conditione non debeo. At his verbis, *quid eorum non feci*, hoc exprimitur, *nihil eorum feci*: quibus verbis se neutrum fecisse dicit. Poenam igitur evitare qui volet, necesse est ut neutrum fecerit. Illa autem verbis, *quid eorum non feci*, hoc declaravi, *nihil eorum feci*, probat ex quotidiano sermone, et rebus notissimis. Nam, cum reus, pluribus obiectis criminibus, ita interrogatur, *quid eorum fecisti?* et respondet, *quid eorum non feci*: omnes intelligunt, hoc eum dicere, *nihil eorum feci*. Ergo idem in superiore stipulatione intelligendum est.

Ex his patet intelligi, verum esse, quod dixi initio, Iulianum hac tota disputatione id unum agere præcipue, ut probet, verum esse, quod dixerat, et de quo maxime poterat dubitari, in hac stipulatione, *si illud aut illud factum non erit*, non esse satis unum fieri, sed oportere fieri utrumque, si quis efficere velit, ne conditio huius stipulationis existat, ac proinde stipulatio committatur. Quodque de hac stipulatione, *si quid eorum factum erit*, insertum est, id probationis et argumenti causa insertum esse, ut ex huius stipulationis iure existimare liceret, id esse in altera, quod supra dicebatur.

Id melius poterit intelligi, si sententiam totam Iuliani paucis comprehensam apertius nunc subiicero. † Est igitur hæc: hac stipulatione, *si illud aut illud factum non erit, centum dabis?* continetur, ut utrumque fiat, quia et si ex rebus promissis unum factum sit: tamen nihilominus verum est, hoc, aut illud factum non esse. Atqui hoc querendum et spectandum in hac stipulatione, quid factum non sit. Quare ex eo, quod factum non erit, tam stipulatio committitur, quam si utrumque factum non esset. Id autem in hac stipulatione esse spectandum, quod factum non est, intelligere licet ex comparatione huius stipulationis, *si quid eorum factum erit, quæ ut non fierent, comprehensa sunt*. Etsi enim inter has stipulationes hoc interest, quod in hac posteriore hoc agitur, ut nihil fiat; in priore ut utrumque: tamen inter eas hoc convenit, quod in utroque genere, si unum ex his, quæ fieri debebant, aut non debebant, factum sit: simul utrumque verum est, et aliquid factum esse, et aliquid factum non esse. Et tamen in hac stipulatione, *si quid eorum factum erit*, non spectamus utrumque, sed dumtaxat quid factum sit, et ex eo stipulationem committimus. Similiter igitur et in illa stipulatione, *si illud aut illud factum non erit*, non spectabimus utrumque, sed id dumtaxat, de quo quaeritur, nempe quid factum non sit: simulque ex eo si quid factum non erit, stipulatio committetur.

Ad §.

Ad §. Si quis autem.

Si quis autem plura in stipulatum deducat, quorum unum fieri velit, ita comprehendere debet, *illud aut illud fieri spondes? si nihil eorum factum erit, tantum dabis?*

SUMMARIUM.

1. *Quomodo accipienda stipulatio pœnalis, cum ex duobus in stipulationem deductis non utrumque, sed alterutrum fieri volumus.*

Postquam huius orationis, *si illud, aut illud factum non erit*, hæc vis, et significatio est, ut non possit adhiberi, nisi tum, cum volumus, ut utrumque fiat: † quid fiet, si ex duobus unum tantum fieri velimus, et nisi ita fiat, ut volumus, stipulemur pœnam? Cavet Iulianus hoc loco stipulationem ita concipi oportere, *illud, aut illud fieri spondes? si, nihil eorum factum erit, tantum dabis?* Recte. Satis est enim quid fieri, ne hæc stipula-

tio committatur. Quidquid enim ex his factum erit, etiam si erit minimum, illa oratio universalis, *nihil eorum factum est*, erit falsa, ut in §. *præcedenti* dictum est. Quod si falsa est: consequens est, uno facto, ut volebamus, conditionem stipulationis decessisse, ac proinde stipulationem non esse commissam. Hoc sentit ex Dialecticorum præceptionibus, cum subcontraria oratio vera est, ei contrariam universalem propositionem falsam esse.

Ad §. Item.

Item si paterfamilias in testamento ita scripserit: *Si quis mihi filius, aut filia gignetur, heres mihi esto. Si mihi filius, aut filia heres non erit, Seius heres esto*, non satis voluntatem suam declaravit: si non aliter extraneum heredem esse volet, quam si neque filius neque filia heres sit, hoc enim modo concipi oportet, *Si mihi nec filius, nec filia heres erit*. Potest autem interdum superior scriptura esse necessaria, si quis cum filiam et filium habeat, utrumque heredem instituere velit: sed sive alter futurus heres sit, extraneum nascere: sive neuter, extraneum substituere. Sed proclivius est, sententiam testatoris sic esse interpretandam, ut sive filius, sive filia nati eis fuerint, extraneus non admittatur, nisi specialiter hoc testator expresserit.

SUMMARIUM.

1. *Quomodo accipienda hæc substitutio: Si mihi fi-*

lius, aut filia heres non erit, Seius heres esto.

EX eo, quod dixit, hac oratione, *si illud, aut illud factum non erit*, hoc contineri, ut utrumque fiat, nec sufficere unum factum esse, ne conditio existat, introducit hæc questio hoc loco, † quid iudicandum sit de hac institutione: *Si filius aut filia mihi gignetur, heres esto: si mihi filius aut filia non gignetur, sive, si heres non erit, Seius heres esto*. Si neque filius, neque filia heredes sunt, Titium admitti constat; utroque nato, constat eum excludi. Quid, si unus tantum natus erit sive filius, sive fi-

lia? an hic solus heres erit, an vero et cum eo Titius admittetur? Respondet Iulianus convenienter superioribus, quamvis unus natus sit, quia tamen uterque natus non est, substitutioni locum esse: quia verum sit, hoc aut illud factum non esse. Ut enim, cum stipulor pœnam, *si illud aut illud factum non erit*, si unum factum non sit, stipulationi locus est: sic cum quis substituitur, *si illud aut illud natum non erit; si ille aut illo heres non erit*, uno non nato, uno herede non existente, substitutioni locus erit. Denique

que huius conditionis hæc potestas est, ut si neuter ex filiis heres est, Titius substitutus sit heres ex asse: si alter dumtaxat heres existit, Titius extraneus sit admixtus heres, id est coniunctum cum filio succedat, in easque res superior conditio potest esse utilis. Quod si testator velit unum natum solum heredem esse: si his verbis utatur, quæ supra proposita sunt, perperam nititur, et aliud exprimit, quam sentiat.

Sed hæc ex verborum significatione dicta sunt. Cæterum in hac specie institutionis et

substitutionis proclivius est existimare hanc esse mentem testatoris, ut si vel unus filius nascatur, is solus sit heres, et Titius excludatur, quod non tam ex voto parentum colligitur, quam ex præcedenti institutione, ex qua apparet, testatorem sic instituisse filios, ut etiamsi unus ei natus esset, vellet eum heredem esse solum, hinc alium substituendo sub contraria conditione, mutasse voluntatem et iudicium prioris institutionis non est existimandum.

Ad L. Si quis ita. 14.

Martianus lib. 6. Institutionum.

Si quis ita scripserit, *illis, qui testamentum meum signaverint, heres meus decem dato*. Trebatius utile legatum esse putat, quod Pomponius verius esse existimat: quia ipsum testamentum confirmatur testibus adhibitis, quod verum esse existimo.

S U M M A R I U M.

1. Legatum relictum illis, qui testamentum meum

signaverint, utile est.

1. **H**IS verbis, † *illis, qui testamentum meum signaverint, heres dato*, plene incertis personis legatum est, si initium spectetur. Nam neque qui signari solent, intelligitur; neque hi designantur ex certis personis, ut proinde secundum regulam iuris antiqui inutile legatum videatur. §. *incertis*, Inst. de leg. Marcianus hoc loco defendit, certis personis legatum videri: proinde esse uti-

le legatum, quia, inquit, *testamentum confirmatur testibus adhibitis*. Significat, ideo legatum valere, quia hi, qui testamentum signabunt, a principio quidem ignoti, et incerti testatori: at postea necesse est testatori viventi certos et notos fieri, quia non signantur testamentum, nisi adhibiti et rogati a testatore, dixi de re tota *ad L. quidam, sup. eod.*

Ad L. Quædam 15.

Idem libro secundo Regularum.

Quædam sunt, in quibus res dubia est, sed ex post facto retroducitur et apparet quid actum est. Ut ecce, si res legata fuerit, et deliberante legatario eam rem heres alii tradiderit. Nam si quidem voluerit legatarius habere legatum: tradito nulla est, si vero repudiaverit, valet. Tantundem est, et si pecuniam hereditariam legatam crediderit heres, nam si quidem non repudiaverit legatarius: alienam pecuniam credidit. Si vero repudiaverit, suam pecuniam credidisse videtur. Quid ergo si consumpta fuerit pecunia? Utique idem erit ex eventu dicendum.

S U M M A R I A.

1. Res dubia triplicis generis. Regula de unoquoque genere traduntur, et a. seqq.
Tom. XI.

6. Quid iuris, si rem legatum heres alienaverit.

1. Quædam sunt res dubiæ, † quæ nullo modo, nullis præsumptione explicari possunt. † In his nihil agitur, nec quod non intelligitur, tanquam esse debeat, nulla æquitate ratione defenditur, cuiusmodi est, si testator aliquid leget, persona legatarii non adscripta: *L. 3. sup. eod. aut si leget, persona adscripta*, sed uni ex pluribus; et ea quæ sit non appareat. *L. si fuerit, sup.*
2. Quædam sunt, de quibus certi sibi quid affirmare non possumus: sed coniectura aliqua et præsumptione res potest explicari. † In his id valet, pro quo ea præsumptio facit, sequimur enim eam præsumptionem, quando nihil contra pietatem, aut honores mores facimus, veluti cum, patre et filio pariter mortuis, credimus, filium supervixisse, et quæ sunt similia in *L. qui duos, §. cum bello, et seq. sup.*
3. Quædam sunt, quæ a principio nullo modo explicari possunt, sed pendentes ex eventu, has neque statim dicimus valere, neque rursus non valere: sed iubemur expectare eventum, ex quo de re in præteritum iudicetur. Id est, quod agitur hoc capite. Demonstratur autem id exemplo rei legatæ, quæ utrius sit, hereditas an legatarii, priusquam legatarius repudiaret, responderi non potest. Itaque † si quid de ea interim heres statuerit aut rem legatam tradendo, aut pecuniam legatam mutuum dando: si quis roget, utrum quid horum valeat, an non: quoniam ita valent, si heres dominus fuerit: si non fuerit, non valent, neque adhuc statui de hac re potest, respondebimus, de ea re nihil posse nunc affirmari: de eo indicandum esse ex eventu, utrum legatarius legatum agnoscat, an repudiet. Si legatarius legatum non repudiet, res retro eius fuisse videtur ab adita hereditate: si repudiet, videtur nunquam eius fuisse, sed semper heredis. Ex eo quid valeat, aut non valeat antea gestum ab herede, statuendum est. *L. legatarius, 38. §. 1. L. servum filii, 44. §. 1. L. si tibi homo, 86. §. cum servus, de leg. 1. L. legatum, 80. D. de leg. 2.*

Ad L. Quod de pariter. 16.

Idem libro tertio Regularum.

Quod de pariter mortuis tractamus, et in aliis agitur est. Ut ecce: si mater stipulata esset dotem a marito mortua filia in matrimonio, sibi reddi, et simul cum filia perisset: an et heredibus matris actio ex stipulatu competeret? Et divus Pius rescripsit, non esse commissam stipulationem: quia mater filiam non supervixit.

S U M M A R I A.

1. Si mater dotem, quam dedit, sibi, mortua in matrimonio filia, reddi stipulata sit: et simul cum filia perierit: heredi eius actio non competit. et seqq.
 2. Stipulatio conditionalis committitur, existente conditione.
 3. Mater, † cum dotem pro filia daret, stipulata est a marito dotem reddi, et sibi reddi, sub conditione, si filia in matrimonio decessisset: mater et filia una obierunt: quesitum est, an heredibus matris actio ex stipulatu competat. Pius Imperator rescripsit, non esse commissam stipulationem: ut intelligatur, actionem de dote heredibus matris non competere ex ea stipulatione, cuius conditio defecit. Et hoc, inquit, quia mater filiam non supervixit.
 4. Thesis priore loco posita vindicatur a contrariis argumentis, et seqq.
 5. Stipulatio conditionalis quatenus ad heredes transmittitur.
1. Mater, † cum dotem pro filia daret, stipulata est a marito dotem reddi, et sibi reddi, sub conditione, si filia in matrimonio decessisset: mater et filia una obierunt: quesitum est, an heredibus matris actio ex stipulatu competat. Pius Imperator rescripsit, non esse commissam stipulationem: ut intelligatur, actionem de dote heredibus matris non competere ex ea stipulatione, cuius conditio defecit. Et hoc, inquit, quia mater filiam non supervixit.
- Sed quomodo defendemus, non esse commissam stipulationem? Nam, cum constet, mulierem ante maritum, a quo dos repetitur, decessisse, et ita decessisse in matrimonio, id est stato matrimonio, existit conditio stipulationis: quod † si existit, haud dubie stipulatio est commissæ, §. sub conditione, *Inst. de verb. obligat.* Et † observandum est, in hac stipulatione non fuisse tantum hanc conditionem, si filia in matrimonio decesserit. Stipulata est enim præterea mater dotem reddi sibi ipsi, in quibus verbis inest conditio altera: si mater vivit

vivet, mortua filia, propterea quod matri reddi non potest, nisi viventi; mortuæ non potest. Hæc vero conditio non existit. Nam mater, mortua filia, non vixit. Id ita indicavisse Imperatorem ex ea ratione, quam reddidit, apparet. Hoc enim illud est, quod dicit, ideo non esse commissam stipulationem, quia mater filie non supervixit, quod perinde est, quasi diceret, superiore stipulatione id actum esse, ut mater filie superviveret, quod non accidit: ut proinde, deficienti conditione, stipulatio non sit commissæ.

Hic nobis occurrir ex §. ex conditionali. *Inst. de verb. obl. ex quo probatur, iuncto §. precedenti, in huiusmodi stipulationibus, Si Titius consul factus fuerit, decem mihi dare spondes?* † in hac adiectione, *mihi dari*, aut conditionem nullam esse, aut certe non esse eiusmodi, quin, conditione stipulationis expressa postea existente, actio acquiratur heredibus stipulatoris. Nam illic ita scriptum est, ex conditionalis stipulatione spem transmitti ad heredes, quamvis stipulator pendente conditione decesserit. Quod sane huic questioni convenit. Nam mater stipulata est dotem sibi reddi sub conditione, si filia in matrimonio decessisset. Existit postea hæc conditio, etiam si mortua iam matre filia decessit. Igitur stipulatio heredibus committitur, nec eis obstat, quod mater nuptiam stipulata est sibi reddi, non heredibus. Nam non eo minus spes conditionalis stipulationis ad heredem transmittitur, quia stipulator sibi dari caverat, ut dicto §. ex conditionalis, et precedenti demonstratur.

5 Ego puto, † quod dicitur, stipulationem conditionalem transmitti ad heredes, quamvis stipulator, pendente conditione, decesserit, de ea accipiendum esse, in qua quis stipulatus est sibi dari, aut reddi quidem et fieri aliquid, sed indefinite. Nam hæc omnia ad

alios quoque quibus per nos acquiri potest, transeunt: ideo etiam ad heredes nostros. Quod si quis stipulatus sit quid sibi fieri, omnimodo persona stipulantis continetur. §. 1. §. sed cum factum. *Inst. de stip. serv.* Ex quo eveniet, ut, nisi prius eius rei obligatio, et actio constiterit in persona stipulatoris, ea postea heredibus ex persona eorum non acquiratur: quod ex hoc etiam loco non improbabilius defendetur. Itaque dicitur ita commodum, spem conditionalis stipulationis ad heredem transmitti: sed hac lege, si res sit, quæ ad heredes transeat; et nisi id actum sit ut stipulatori ipsi res prius acquireretur. Quod si factum erit: actio, quæ a stipulatore non coepit, non incipiet ab heredibus. Cautum quidem est postea a Iustiniano, actiones ab heredibus posse incipere: *L. unica, C. ut actio. ab her.* sed ita, si res hoc modo contracta esset, ut daretur heredibus, aut daretur, mortuo stipulatore, ut diserte ea constitutione declaratur in *prin. et in fin.* Quod ad hanc stipulationem non pertinet, quia mater nominatim sibi reddi dotem stipulata est, non heredibus.

Interim illud notandum est, † de matre G et filia pariter decessentibus significari hoc loco, non videri matrem filie supervixisse, sed aut uxor cum filia, aut antea decessisse, ante vero decessisse existimari, traditum est in *L. cum pubere, infr. eod.* Nihil habet commune cum questione huius loci species ea, quæ refertur in *L. qui duos, §. si maritus, supr. eod.* Mater, quæ dotem stipulata erat sibi reddi hac ipsa conditione, si filia in matrimonio decessisset, filia in matrimonio decessente, ex stipulatu agit. Recte. Nam vivit mater, nempe ea, cui stipulatio committi potest, hic mater non supervixit: neque porro stipulatio committi potest eius heredibus.

Ad §. ult. Item.

Item quaeritur, si extraneus, qui dotem stipulatus est: simul cum marito decesserit; vel cum ea, propter quam stipulatus est: an ad heredem suum actionem transmittat.

Ad L. Idem. 17.

Paulus lib. 11. ad Plautium.

Idem est, si dos uxori prelegata sit, et simul cum marito perierit.

Tom. XI.

6*

Ad L.

Ad L. Sed et in illo. 18.

Martianus lib. 3. Regularum.

Sed et in illo quaeritur si pariter pupillus, et qui ei substitutus erat frater necessarius decesserit: an frater fratri heres existat, an contra? vel si duo invicem necessarii substituti sunt, et una perierit: an heredes extitisse videantur? vel alter alteri, hoc est invicem hereditatem rogati fuerint restituere? In quibus casibus, si pariter decesserint: nec appareat, quis ante spiritum emisit: non videtur alter alteri supervivisse. Sed et circa legem Falcidiam, si dominus cum servis simul vita fuctus sit: servi quasi in bonis eius mortis tempore fuerint, non computantur.

S U M M A R I U M.

1. *Ex duobus simul pereuntibus, quorum alter*

non sit pater, alter filius, neuter alteri supervivisse creditur.

¹ **H** Abest hæc capita hanc sententiam. † Quoties duo, quorum unus pater non est, alter filius, pariter decedunt: neuter alteri supervivisse iudicandus est. Ex eo recte colligitur, neutrum ex alterius testamento cepisse, neutrum alteri heredem extitisse, neu-

trum alterum superstitem tempore mortis in bonis suis habuisse. Nam, ut capias quid ex alterius testamento, ut illi heres sis, prius oportet illum defunctum esse, te superstitem. Vide cætera ad *L. qui duos*, §. 1. et seqq. *supr.*

Ad L. Si cognatis. 19.

Ulpianus lib. xxv. ad Sabinum.

Si cognatis legatum sit, et hi cognati quidem esse desierunt, in civitate autem maneat: dicendum deberi legatum: cognati enim testamenti facti tempore fuerunt.

S U M M A R I A.

1. *Legatum cognatis relictum debebitur et iis, qui postea cognati esse desierint, dummodo civitatem retineant: et iis, qui ante mortem testatoris cognati esse per adoptionem ceperint. et n. 9. et 12. seqq.*
2. *Dubitandi rationes, et ad eas responsio. et seqq. 15. seqq. 19. seqq.*
3. *Falsa demonstratio non nocet, si constet, quid testator voluerit et n. 5.*
4. *Interpretatio L. falsa, 33. §. 2. D. de condit. et demonstrat.*
6. *Quoties certo personarum generi legatur, debetur etiam iis, qui postea esse desierint ex eo genere.*
7. *Quinam cognati esse desinant.*
8. *Arrogatus a patre meo in locum filii fit mihi frater, adgnatus, et cognatus.*
10. *Quibus modis civitas amittitur, iisdem et patris potestas solvitur, et adgnatio.*

11. *Legari non potest, nisi iis: cum quibus est testamenti factio.*
13. *Mortis potissimum tempore spectatur voluntas testatoris.*
14. *Testator, quandiu vivit, potest voluntatem mutare.*
15. *Demonstratio, meus, meum, ad quendam tempus referri debet, et seqq.*
17. *Stipulatione, ne luminibus officiat, non solum presentia, verum etiam futura continentur.*
19. *Legato liberis relicto an contineantur per adoptionem postea quæriti. et seqq.*
20. *Adoptivi liberorum numero sunt iuris civilis commenta.*
23. *Ad Legatum cognatis relictum utrum omnes cognati admittantur, an vero proximus quisque. et n. 24.*

Te-

1 **T**estator \dagger ita scripsit: *cognatis meis centum dari volo*. Quidam ex iis, qui cognati erant tempore testamenti facti, cognati esse desiderunt, vivo adhuc testatore, ut, moriente eo, et legati die cedente, cognati non essent. Hi, mortuo testatore, legatum petunt. Contradicitur eis ab herede. Ait ille, se iussum esse videlicet cognatis dare, ipsos non esse cognatos. Quæstio, an his legatum debeat, etiam qui cognati esse desiderant. Ulpianus etiam iis deheri ait, si modo in civitate maneat. Quod cuiusmodi sit, videndum est; hos enim potius ad legatum admitti non debere dicendum videtur. Deficiunt enim primum verbis: si non verbis: at certe testatoris voluntas. Verba quidem, ut videtur, ideo, quia, ut dixi, heres iussum est dare cognatis, et hi cognati non sunt. Sed facile hoc explicuit. Respondemus enim, et hos cognatos esse illos, quos testator appellavit. Nam cum legavit cognatis suis, cognatos suos quos tunc habuit, cum legavit, intellexit. In quo numero hi fuerunt, qui legatum petunt. Cognati igitur et isti ex his, quos testator designavit. Nec ad rem pertinet, quod postea cognati esse desiderunt; non enim eo minus verum erit, illos ex iis cognatis fuisse, quibus testator datum voluit, quibus postea non admisit.

2 Sed \dagger videmus, ne hoc non sit satis ad voluntatem et iudicium testatoris, ipsos initio fuisse cognatos, nisi et cognati esse perseverent: et, si cognati esse desiderint, iis nec legatum datum videatur. Hic enim cognatis ut cognatis datum est, ideat hac solum de causa, quod cognati essent. Fecit igitur locum legato personæ conditio; ita, conditione mutata, cessavit legatum, quia deficiat voluntas et iudicium testatoris, arg. *L. in omnibus causis id observatur, D. de reg. iur.* Nos vero negabimus, ista legatum esse hac solum de causa, quod cognati essent. Nihil enim eiusmodi factum proponitur in hoc legato; quia potius hæc oratio, *cognatis meis*, demonstratio est, \dagger quæ, etiam si falsa esset, non noceret, dum aliter constaret de personâ legatarii. *L. demonstratio. L. falsa. infr. de cond. et demon.*

3 Videtur tamen Paulus in *d. L. falsa, §. sed etsi, infr. de cond. et demon.* hanc sententiam probare, quod certo generi personarum quid legatur, conditione mutata, nihil deheri. Si, inquit, *alicui quasi liberto, idest inter liberos legatum fuerit: non idcirco legatum amittit, quia postea anulus ab Imperatore acceperit. Nam honor eius auctus* A est, non conditio mutata. \dagger Quod ait, alicui

*quasi liberto, idest inter liberos legatum esse, nihil aliud est, quam libertis legatum esse, inter quos unus fuit, qui postea anulus aureos acceperit; quod autem negat, enim amittere legatum hac ratione, quod conditio eius non sit mutata: declarat, si eius conditio mutata esset, idest si libertus esse desisset, futurum fuisse, ut nihil ei dsbeatur. Sed ille locus sic interpretandus est, si liberto quasi liberto; sive libertis quasi libertis, idest hac conditione, si liberti mansissent, legatum sit. Nam, hac conditione expressa, nisi quis libertus manserit, nihil debetur: non expressa, tantummodo causa, aut demonstratio legato adiecta est: quorum \dagger utrumque, quamvis falsum sit, legato non nocet. *L. demonstratio, §. pen. infr. de cond. et demon.**

5 Igitur hoc ratum est, si quid cognatis legatum sit: legato contineri cognatos, qui fuerunt testamenti facti tempore, quamvis postea cognati esse desinant. Quo exemplo generaliter recte ita definimus: \dagger quoties aliquid certo generi personarum legatum est, omnibus, qui sunt ex eo genere, quo tempore testamentum fit, legatum deheri, quantumvis postea ex eo numero esse desiderint; ut si quis legaverit contubernaliibus suis, et ii contubernales esse desinant: si artificibus huius civitatis, et quidam desinant esse civitatis artifices: si legaverit famulis suis, et ii e famulatio exierint.

Ait Ulpianus, si cognati esse desiderint, quasi cognatus est, aliquo casu cognatus esse desinat. Atqui iura sanguinis nullo iure civili dirimi possunt. *L. iura, D. de reg. iur.* Et \dagger hoc ita est: si quia natura cognatus est, idest sanguine coniunctus, in nullo modo cognatus esse desinit; quare de cognitione naturali hic locus accipi non potest. Ac plures sunt etiam causæ, cur etiam si qui vero cognati sunt, cognati esse desinant, tamen hæc significatio hinc responso non congruat. De iis ergo cognatis locus intelligendus est, qui nobis coniunguntur per adoptionem. Fingo, patrem meum aliquem filium sibi arrogare. \dagger Is frater meus fit iure civili, idemque agnatus, quia est in potestate eiusdem patris: et quia agnatus etiam cognatus. *L. qui in adoptionem, D. de adopt. L. non facile, §. 1. L. Iuriconsultus, §. 1. D. de grad. Fac, me, cum miles essem, testamento legavisse cognatis meis, in quibus illum adoptivum fratrem esse sciebam: eundem postea emancipatum a patre. Emancipatione sic desinit esse in potestate patris mei, ut neque illi filius, neque mihi amplius sit frater, aut cognatus: denique nullum ex pristino iure reman-*

manet vestigium. *L. in omni. D. de adopt. §. eadem. Inst. de hered. quæ ab intest. def.* Dicimus, hunc nihilominus legatum recte petiturum.

- 9 Addidit exceptionem Ulpianus, † dum modo qui desiderat esse cognatus, in civitate maneat. Hoc ideo, quia, si is, qui mihi per arrogationem coniungebatur, non emancipatione desinat esse cognatus, sed deportatione, et iis capitulis deminutionibus, quibus civitas amittitur (nam † his modis multo magis quis in potestate patris esse desinit, eoque etiam desinit esse agnatus. §. cum autem. *Inst. quib. mod. iur. iuspatr. po. sol. §. ult. Inst. de leg. ag. tut.*): huic legatum non debebitur: non quia tunc non sit cognatus: sed quia non est civis Romanus, idest is, cum qua sit testamenti factio. *L. 1. C. de hor. inst. †* Solus enim legari potest, cum quibus testamenti factio est. §. legari, *Inst. de leg.*
- 12 Queritur e converso, † si testator cognatis suis legaverit quod tempore quidam cognati eius non fuerint, an, si hi postea cognati esse coeperint, ut sint cognati tempore mortis, his legatum debeatur. Ait Ulpianus, etiam per arrogationem quis cognatus factus sit, hunc legatum consequi, et quidem facilius, quod
- 13 ideo adiecit, quia † voluntas testatoris tum præcipue spectanda est, cum is moritur: quoniam morte eius sola confirmatur, ut quæ sit de iis tantum, quæ quis velit fieri post mortem, † et etiam testator vivit, possit revocari. *L. 1. D. qui test. fa. pos. L. 4. sup. de ad leg.*

Ergo duo statuit Ulpianus, primum, testatorem cognatis suis legando non tantum eos, qui tunc sunt, complecti: sed etiam eos, qui quandoque postea erunt. Hoc amplius non tam cognatos, qui natus cognati fient, sed etiam qui fient iure civili per arrogationem.

- 15 Quorum † utrumque, si alios locos sequimur, falsum videtur. Legavit testator hoc modo: *cognatis meis centum heres meus dato*. Si Paulum audimus, his verbis testator solum cognatos, quos tempore testamenti habuit, designavit, nec qui postea erunt, continentur. Hac enim demonstratione, *meum*, semper, inquit, præsens, non futurum tempus ostenditur. *L. si ita, T. sup. de aur. et arg. leg.*
- 16 Ego vero de hac Pauli definitione sic statuo, † quod ille ait, hoc verbo, *meum*, præsens dumtaxat tempus demonstrari, non ex significatione verbi ab illo dictum esse, sed ex loquutione sententia. Verbum enim, *meum*, nomen, aut pronomen cum sit, tempus non recipit, aut significat. Argumento erit, quod,

salva ratione recti sermonis, non minus recte ita dicturus sum, *lego iis, qui cognati mei erunt, cum moriar*: quam hoc modo, *lego iis, qui nunc sunt cognati mei* unde intelligitur hoc verbum, *meum*, omnibus temporibus æque aptari posse. Et ideo recte Pomponius in *L. si servitus, sup. de ser. urb. præd.* † in hac stipulatione, qua cautum est, ne luminibus meis officias, respondit, in re ambigua verbo generali omne lumen significari, sive quod in præsentem, sive quod post tempus conventionis contigerit. Quod ergo a Paulo dictum est, hoc verbo præsens tempus demonstrari, ex sententia, inquam, testatoris loquentis dictum est. Qui enim de suis rebus loquitur, referre cogitationem solet ad eas, quæ sunt; non ad futuras, quoniam hæc quæ, et quales futuræ sint, et an etiam ullæ eius futuræ sint, testatori ignotum est, nemo autem de iis sentire existimatur, quas ignorat. Arg. *L. si quis ita, §. si quis cum, sup. de test. iute*. Hoc cum ita se habet, voluntas loquentis querenda est, et quod verisimilius est, eum cogitasse, id sequendum. *L. cum in testamento, infr. eod. L. in obscuris, D. de reg. iur.* Animadversis vero his causis, quarum de altera superior illud respondit Paulus, de altera agitur hoc loco, ita reperimus, ideo res præsentem verbo, *meum*, contineri in specie Paulo proposita, quia testator de iis solum sentiret: in hac autem, de qua agimus, verbo cognatorum omnes, etiam qui postea erunt, contineri hac eadem ratione, quia testatoris voluntas hoc exigit.

De quo ut in universum possit statui, † 48 hæc erit regula sumpta ex his duobus locis, qua ad voluntatis interpretationem, et simul significationem huius demonstrationis utamur: ut, si in præsentibus et futuris rebus eadem causa et ratio ait, cur de iis pariter testator sentiat: qui suas res dixit, utrasque complexus videatur, ut hic, qui cognatos dixit, dixit et quos nunc habet, et qui ei postea contingunt: quoniam una est ratio, et causa legendi omnibus, omnes namque sunt cognati: erga omnes, quæ cognati sunt, testator pariter est animo affectus. Quod si non una eademque causa est, cur qui de præsentibus loquitur, etiam de futuris sentiat: qui res suas dixit, præsentem non futuras intellexit, quod accidit, cum quis vestem suam, et similes res legat, *d. L. T. sup. de aur. et arg. leg.* Nam qui vult centum legare, non item vult ducenta, quam ob causam, legatis præsentibus, non item res futuras legasse intelligitur, cum ex quales, et quantæ futuræ sint, ignoret.

- Sed cum concesserimus, in hoc legato verbo cognatorum eos etiam contineri, qui postea existent: tamen illud, quod sequitur; non videtur concedendum, ut iis debeatur legatum, qui non naturi cognati facti sint, sed per arrogationem. Nam hoc a veteribus omnibus receptum est, † si testator liberis alicuius appellet, de quibus testamento caveat, quibus quid prospectum velit: liberos non contineri eos qui postea per adoptionem facti sint. *L. si ita quis, 51. §. ult. supr. de leg. 2. L. fideicommissum, infr. de cond. et demon.*
- 20 Et merito † adoptivi enim liberi, ra vera liberi non sunt, sed iuris civilis commento, sic enim vocat Papinianus in *d. L. fideicommissum*. Quod si liberi non sunt, qui pro liberis adoptati sunt, nec ad eos voluntas testatoris pertinet: multo minus ii cognati erunt ipsi patri adoptivo, multoque etiam minus ceteris, qui ab eo patre descenderunt. Et sana ex superioribus locis, praesertim ut est verborum significatio, et voluntas testatoris in hac ra non facile patientis sibi quemquam cognatum obtundi, quem ille nolit,
- 21 aut non expectarit, † fatendum est, legatum non deberi iis cognatis, quos alius, quam testator arrogaverit, ut bene Bartolus superioribus locis victis censuit. Exempli causa filiusfam. miles legavit cognatis suis, eius pa-

ter postea sibi filium arrogavit. Huic, quamvis testatoris cognato, nihil debebitur, ne sit in potestate patris, quemcumque velit adoptando, invito filio, eum ad legatum admittere. Et praeterea re vera cognatus non est. † Quod ergo hoc loco dicitur, nihilominus 22 istiusmodi cognatis, qui per arrogationem facti sint, legatum deberi, restat, ut de iis intelligendum sit, quos testator ipse arrogaverit sibi postea, ad quos voluntas testatoris haud dubie pertinet. Hic enim eos arrogando satis declaravit, se habere eos filiorum et cognatorum loco.

Quaesitum est, † si plures erunt cognatorum gradus, an omnes cognati simul aduittantur: an proximus quisque invitatus videatur. Ego simul omnes admitti puto, quoniam cognatis legatum est: omnes autem sunt cognati, quocumque tandem sint gradu. † Tunc 23 proximus quisque invitatus videtur in legato, quod familiae relictum est, cum testator non semel omnibus, qui sunt ex familia, legavit: sed primum uni, et vetoit, ne extra familiam alienaret. *L. peto, §. ult. supr. de leg. 2.* Nam qui praerogativa gradus in primo legatario, qui erat ex familia, servavit, consentaneum est, eum eandem deinceps servasse in sequentibus gradibus.

Ad §. ult.

Cæterum si quis testamenti facti tempore cognatus non fuit, mortis tempore factus est per arrogationem: facilius legatum consequitur. Si quis cognationi leget, idem est, atque si cognatis legasset.

SUMMARI A.

1. Qui cognationi leget cognatis legare intelligitur. et n. seqq.
2. Quam cognatis, quid cognatio.

3. Non recedendum a verborum significatione, nisi testatoris voluntate cogente.
4. Testatorem nihil agere voluisse: putandum non est.

- † *Si quis cognationi leget: † idem est, inquit, atque si cognatis legasset.* Cur ita interpretamur, cum constet cognationem non significare cognatos? Nam † cognati sunt, personae sanguine inter se coniunctae, quasi simul natos dicam. *L. 4. D. de grad.* Cognatio autem est ius inter cognatos natura, aut legibus constitutum. Nemo autem dixisse putandus est, quod verbo non expresserit. *L. 3. supr. eod.* Respondeo: proprie cognatio cognatos non significat: sed figurata pro cognatis accipi potest, vel ut sit enallage derivativi pro primitivo, ut cum dicimus *antiqui-*

tatem pro antiquis: vel ut sit metonymia, effectus pro efficiente, cognati enim faciunt, ut existat ius illud, quod cognationem appellamus. Ex hac ratione *cognationem* in hoc legato cognatos interpretamur.

Non recte, dixerit aliquis, cum † a significatione verbi non aliter recedere oporteat, quam cum manifestum est aliud sensisse testatorem. *L. non aliter, supr. de leg. 3.* Recte, nisi cum manifestum sit testatorem aliud sensisse. At hic aliud sensisse eum, apparet, *cognationis* verbo, quam quod verbum proprie significat. Faciamus enim, cognationem hic in-

intelligi ius inter cognatos constitutum, nulum legatum est, utpote in quo nulla persona legatarii est adscripta. *L. Paulus, supr.* Erit etiam stultissimus testator, qui legaverit non personæ, sed rei, quasi rebus legari possit, aut soleat, ac non personis, quæ legatum possunt capere: atque eo etiam stultior, quod legaverit ei rei, quæ in rerum natura non subsistat, qualis est cognatio. †

Non est autem existimandum testatorem nihil agere voluisse, ut dixi *ad L. quoties in actionibus, supr. eod.* multoque minus quemquam tam stulte loqui, aut cogitare. Neque vero hoc vitium vitasse, aut quidquam in hoc legato egisse videri potest, nisi legaverit cognatis. Ita fit, ut *cognitionis* verbo de cognatis eum sensisse recte interpretemur.

Ad L. Cum senatus. 20.

Paulus libro 12. ad Plautium.

Cum senatus temporibus divi Marci permiserit collegiis legari, nulla dubitatio est, quin si corpori, cui licet coire, legatum sit, debeatur: cui autem non licet, si legetur, non valebit nisi singulis legetur. Hi enim non quasi collegium, sed quasi certi homines admittentur ad legatum.

S U M M A R I A.

1. Collegio licito legari potest: illicito collegio non potest: singulis tamen ex hoc collegio potest.
 2. Singuli ex collegio non sunt collegium.
 3. Collegium incertos homines significat.
 4. Quod cum universitate geri non potest, cum singulis potest.
1. Collegio licito, † recte legatur, illicito inutiliter. Sed hoc non facit, quominus singulis, qui sunt ex eo collegio, recte
 2. legetur. † Singuli enim, certi sunt homines,
 3. non collegium, quo nomine † incerti homines significantur, lex autem collegio dumtaxat vetat legari. Summa hæc est: † quod cum
 universitate lex geri vetat, ad singulos, qui ex ea universitate sunt non pertinet, huc facit *L. sicut, §. si quid, supr. quod cuius. univer. no.* Quæ sint licita, et illicita collegia, cognosce ex *L. 1. et 3. infr. de colle. L. 1. supr. quod cuiusq. uni. no.*

Ad L.



Ad L. Ubi est. 21.

Idem lib. 14. ad Plautium.

Ubi est verborum ambiguitas, valet quod actum est: veluti cum Stichum stipuler, et sint plures Stichii: vel hominem Carthagini, cum sint duæ Carthagines. Semper in dubiis id agendum est, ut quam tutissimo loco res sit bona fide contracta: nisi cum aperte contra leges scriptum sit.

SUMMARIA.

1. Ambiguum quid.
2. Si de re promissa constet, ambiguitas vero sit in tempore, loco, vel summa: stipulatio valet.
3. Si ambiguitas sit in re; et de alia stipulatur, de alia promissor senserit; et promissor hoc probaverit: stipulatio non valet. et n. seqq.
4. Stipulatio, nisi ex consensu utriusque, non valet.
6. In ambigua stipulatione in primis videndum, quid actum sit. et n. seqq.
7. Id actum intelligitur, de quo contrahentes senserint.
8. In ambiguo sermone quisque id, quod voluit, dixisse intelligitur.
9. Quid actum sit: quomodo probari possit. et n. 10.
11. Quid verisimilis sit, inter contrahentes actum esse, quomodo intelligi possit. et n. seqq.
13. Id semper in ambiguis agendum, ut res in tuto sit, dum bona fide, nec adversus leges contracta sit. et n. seqq.
15. Stipulationem vitiat mala fides.
16. Dolus, et metus contraria sunt bonæ fidei.
17. Contra leges promissum non valet.
18. Ubi res, de qua agitur, in tuto est, sed in ambiguo hæret: mos regionis inspicendus. et n. 19.
19. Contrahentes moro in regione usitato locuti existimantur.
20. Si intelligi non possit, quid inter contrahentes actum sit: interpretatio fit contra stipulatorem.

1 DE stipulatione et conventionem ambigua hic agitur. † Ambigua est, in qua aut res promissa, aut summa rei, aut locus, aut dies verbo ambiguo comprehensa sunt stipulatione, ut dubites, quid ex pluribus, quantum, quo loco, aut quo die promissum petere debeas. In re ambiguitas est; ut cum Stichum stipulor, et plures sunt servi eiusdem nominis. In summa, ut si stipuler tot libras argenti, et verbo *libræ* alia atque alia res significetur; tot frumenti modios, cum diversæ sint mensuræ. In loco, ut si stipuler Carthagini, et duæ sint Carthagines, ut olim fuisse constat, unam in Hispania, alteram in Africa. In die, ut si stipuler dari Calendis, cum plures sint Calendæ. De hoc genere duo quaeruntur. Primum, an stipulatio ambigua, quia, qua de re consenserint contrahentes, et an dissenserint, non intelligitur, valeat, necne. Proximum, si valet, quando verba duas sententias expriment, utram sequamur.

2 De priore ita statuendum videtur. † Si, cum de re promissa constat, ambiguitas tantum est in verbo temporis, aut loci, aut summae: nihil proponitur cur stipulatio non valeat, etiam si probetur promissorem aliud sensisse, quam stipulator stipulatus est. Dum enim

Tom. XI.

constet de re promissa, semper verum erit, utrumque in rem aliquam consensisse; ita valebit stipulatio ex consensu. Nam in tempore solvendi, in loco, in summa et quantitate stipulationis si quid varium est: tamen nihil continetur, nisi plus, aut minus; plus est in loco remotiore solvere, quam in propinquo; plus proximis Calendis dare, quam tertiis, aut quartis. §. *plus autem, et seqq. Inst. de act.* Atqui, sive stipulator plus stipulatur, promissor minus respondet; sive ille stipulator minus, hic plus promittit: semper ambo saltem in minorem summam consentire intelliguntur; in maiori enim summa inest minor: proindeque semper hactenus stipulatio contrahitur. L. 1. §. *si stipulanti, D. de verb. obl.*

Quod † si ambiguitas in re sit, ut si stipuler fundum Cornelianum tuum, et duos haberes eiusdem nominis fundos: si stipulator de uno senserit, quem nunc petat, promissor autem de alio: stipulatio non valebit, quoniam non consenserunt de re inter se, ac † stipulatio nisi ex utriusque consensu non valet. L. *inter. §. 1. l. continuus. §. 1. D. de verb. obl.* Quod † sic interpretandum est, si quidem promissor, qui se de alia re sensisse dicit, id etiam probet; aliter ei fides

non habebitur: sic fiet, ut, eo non probante, stipulatio hic quoque valeat, tantumque hoc quaeratur, de nra ambo senserint.

- Restat, cum stipulatio valebit, ut quaerendum sit, utrum ex iis valeat, quae ambigua sermo exprimit: quod hoc capite, et *L. cum quaeritur*, *infra*, deciditur. Hic vero \dagger prima cautio est, ut videamus, quid actum sit. De eo si constabit: id valet, idque sequendum est, ut hic, et *L. semper in stipulationibus*.
- 7 *D. de reg. iur.* Merito. Nam, si \dagger id actum intelligimus, quod a contrahentibus cogitatum est, id est id, de quo contrahentes senserunt: *L. qui cum tutoribus*, \S . ult. *D. de trans.* pro eo haberi debet, ac si contrahentes in sermone ambiguo id dixissent. \dagger Id enim existimatur quisque in sermone ambiguo dixisse, quod voluit: *L. 3. sup. eod.* ac vult quisque id, de quo senserit. Nemo autem dubitat, id valere in contractu, quod aperte contrahentes dixerint. Sed prius constare debet, hoc actum esse, quod inteuimus: quod \dagger evidenter probare potest stipulator hoc modo, si doceat, se ab initio certum fundum Cornelianum demonstrasse, quem sibi dari vellet: de quo cum convenisset, postea stipulationem ita esse interpositam, fundum Cornelianum dari; item hoc modo, si doceat, promissorem de eo fundo non potuisse cogitare, de quo se dicit sensisse, vel quod promissorem eum fundum tunc non habuerit, cum promitteret, *arg. L. qui cum tutoribus*, \S . ult. *D. de trans.* vel quod non putaverit se habere, propterea quod si fundus illi ex hereditate obtigisset, nesciret autem ipse, eum fundum esse hereditarium. *L. non est ferendus*, *in fin. D. de trans.* Quibus argumentis et reus pro se nti potest, si eadem contra de se, aut stipulatore doceat.

- 10 Quid ergo, si nulla evidens sit huiusmodi probatio? Non hic consistimus: sed \dagger praecipitur, id esse iuspiciendum, quod est verisimilius; quod eiusmodi est, id actum esse: proinde sequendum. *L. in obscuris*, *D. de reg. iur.*
- 11 Quae vero hic \dagger conjecturae, et argumenta dantur, quibus verisimile fiat quid actum esse? Dum omnino hic conjecturae a veteribus receptae et constitutae sunt, quibus utamur. Primum cavetur, ut videamus, utrum ex una sententia, quam verbum ambiguum exprimit, stipulatio valeat, ex altera non valeat. Id cum usu venit, \dagger pro certo habendum est, de eo sensisse contrahentes, quod facit, ut stipulatio valeat; neque enim credibile est, eos ludere voluisse, quos apparere dedisse operam, ut aliquid inter se agerent. Hinc regula nata.
- 13 \dagger In ambiguis id agendum, ut res valeat,

ut sit res in tuto; quae hic traditur *in fi. et L. quoties in stipulationibus*, *D. de verb. obl. de qua dixi pluribus ad L. quoties in actionibus*, *supr. eod.* Sed hoc capite duo addiciuntur: nempe haec, \dagger dum res sit bona fide contracta, et nihil aperte contra leges factum sit. Hoc ideo, ne forte hoc generaliter dictum, id agendum esse ut res valeat, sic accipiamus, quasi in ambiguis stipulationem sine exceptione tueri oporteat, si ve rea erit bona fide contracta, si ve non erit: et si ve quid secundum leges cautum erit, si ve contra: sed ut ambiguum stipulationem ita interpretemur valere, ut ipsa, si nullam ambiguitatem contineret, valeret: ne plus tribuamus ambiguae stipulationi, quam certa, quod esset absurdum. Certa stipulatio, id est in qua rem certam, et designatam stipulati sumus, \dagger non valet, si mala fide res gesta sit. *L. bonam. C. de obl. et act. L. si quis cum aliter. D. de verb. obl.* Est autem gesta mala fide, quae dolo aut metu gesta est. Nam \dagger dolus et metus contraria sunt bonae fidei.

16 *L. 3. §. ult. supr. pro soc. L. nihil consensui*, *D. de reg. iur.* Sed etsi res contracta sit bona fide, \dagger non valet, quod actum est, si quid, quamvis certum, contra legem promissum sit, veluti, si quis pecuniam iudici aut adversario promiserit. Nam si pecuniam hoc nomine datam licet repetere: *L. 1. D. de calum.* multo magis, haec promissa, reus adversus stipulantem aut ipso iure, aut saltem exceptione tutus erit. *L. invitus*, \S . 1. *D. de reg. iur.* Haec de certa stipulatione si recte dicuntur: absurdum sit putare, stipulationem in qua eadem intervenireint, eo magis valere, quia in ea ambigue aliquid stipulati sumus.

Si ex utraque sententia, quae ambiguo sermone exprimitur, pariter sit, ut quid debeatur, ut si tot modii, tot librae argenti sint promissae, cum et modii sint varii, et librae varie accipiantur: proximum esse praecipitur, ut \dagger videamus, verbum ambiguum quo modo in ea regione, in qua res gesta est, usurpetur. \dagger Verisimile est enim, contrahentes 19 more in ea regione usitato locutos esse, tanquam illa, ut noto, et communi, ita magis familiari: vel quod ita loquendum alibi putarent, ut ab iis quibuscum in ea regione contrahant, et quibus praesentibus res geritur, intelligerentur. Ergo hoc quoque sequendum esse traditur. *d. L. semper in stipulationibus*, *D. de reg. iur.*

Extra haec nihil occurrit, quo hoc potius, quam illud inter duos actum esse existimetur. Ita haecenus par est utriusque, id est stipulatoris, et promissoris causa, quorum scilicet

licet uterque affirmet, quid actum esse de ea re, et pro utroque verbum ambiguum facit. Quid igitur hic fiet? Restat, ut sequamur in hac re communem regulam iuris, quae efficit, † in pari causa potiorum esse causam eius, unde petitur: reo potius favendum, quam auctori. *L. in pari. L. favorabiliores, D. de reg. iur.* Nempe ergo id fiet, quod in hac specie traditur in *L. cum quaeritur, 26. infr. et L. stipulatio ista, §. in stipulationibus, D. de verb. oblig.* cum quaeritur in stipulatione, quid acti sit, ambiguitatem contra stipulatorem esse. Quod ita interpretandum est, cum quaeritur, quid actum sit; et ita quaeritur, ut nullis coniectu-

ris possit constare, quidam id sit: tum ambiguitas, quae tum vane relinquitur, contra stipulatorem interpretanda est. Nam, si verisimile sit, hoc potius actum esse, quod stipulatori utile sit: id sequi nos debere iam effectum est. Quid est autem in ambiguo, quod acceptum stipulatori nocent, propositum promissori? Quod est minimum in rebus; in temporibus quod est longissimum propter dilationem. Hoc est igitur, quod haec rursus in obscuris sequenda esse dicimus. *L. semper in obscuris. L. semper in stipulationibus, in fi. D. de reg. iur. L. si ita, 109. D. de verb. oblig.*

Ad L. Cum pubere. 22.

Iavolenus libro 5. ex Cassio

Cum pubere filio mater naufragio perit. Cum explorari non possit uter prior extinctus sit: humanius est credere, filium diutius vixisse.

Ad L. Si mulier. 23.

Caius lib. 5. ad legem Juliam et Pap.

Si mulier cum filio impubere naufragio perit: priorem filium necesse esse intelligitur.

Dixi ad L. qui duos §. 1. supra.

Ad L. Cum in testamento. 24.

Marcellus libro 11. Digestorum.

Cum in testamento ambigue, aut etiam perperam scriptum est: benigne interpretari, et secundum id, quod credibile est cogitatum, credendum est.

S U M M A R I A.

1. Cum ambigue, aut perperam in testamento scriptum est, verisimilem testatoris voluntatem sequi debemus.

2. Recensentur coniecturae, quibus deprehendi po-

test, quod verisimile sit, testatorem sensisse. et n. seqq.

3. In re ambigua, si voluntas non apparent, legatario debetur quod minimum est.

CUM in testamento scriptum est aliquid ambigue (cuius generis exempla proposuimus in *L. ubi supr. eod.*) aut etiam scriptum est perperam, idest ita, ut aliud exprimat testator verbis, quam sentiat, cuius

Tom. XI.

rei exemplum habes in *L. si is qui ducenta, §. ult. supr.* † debemus scriptum benigne interpretari, idest ita, ut legatum valeat, quoad verbis defendi potest: non autem intercidat propter obscuritatem. Hoc enim

nim benignitatis est rem non sinistre interpretari, ut accipias quod noceat, sed ut id potius quod prosit, et quo benigne fiat tum ei, qui dat, ut voluntas eius rata sit; tum ei, qui accipit, et generaliter debemus scriptum interpretari secundum id; quod credibile est cogitatum.

Id certis coniecturis deprehendi potest, quæ a veteribus in hac re usurpatæ hoc loco a me, ut licebit, colliguntur. Sunt autem hi quasi
2 gradus. † Principio videbimus, utrum res una, quæ verbo ambiguo exprimitur, fuerit ignota testatori; necne. Qui rem non novit, aut non novit eius nomen, non potest videri de ea cogitasse; ita necesse est, eum sensisse de altera, cuius rei exemplum est in *L. penult. hic.*

Si testatori ambæ res notæ sunt, quæ verbo ambiguo declarantur: † videndum deinde an utroque sensu sit aliquid in legato: an uno sensu legatum reddatur inutile. Quod in cæteris causis valere diximus, id multo magis valebit in suprema voluntate, ut sic accipiatur, quo utiliter legetur, non inutiliter. *L. si quando, de leg. 1. dixi ad L. quoties in actionibus, supr. eod.*

Si utraque sententia pariter legatum valet, † animadverti debet, num testator duas res sub alternatione legaverit. Nam, cum id fecit, recte interpretabimur, auctore Papiniano, eum verbo ambiguo de ea re sensisse, quæ a pretio alterius rei minus recedit. *L. 1. supr. eod.*

Si nihil huiusmodi est: † exquirenda erit primum consuetudo testatoris in usu eius verbi: qui si nullus erit privatim, tum deinde exquiretur mos regionis. *L. si servus plurium. 50. §. ult. D. de leg. 1. L. nummis, 75. D. de leg. 3.* Nam quo modo loqui ante solitus fuit testator, et verbum usurpare, aut quo modo eius regionis homines loquuntur, ita locutus videtur in testamento. Illic usus si ne in more quidem regionis ullus proprius
6 fuit: † consulatur contextus testamenti, id est, quæ præcedunt verba, et quæ sequuntur *d. L. nummis, de leg. 3. d. L. si servus, §. ult. de leg. 1.* Nam si testator aliqua parte testamenti demonstravit certum Titium, aut declaravit, quo modo libram intelligeret: si postea indefinite leget Titio, aut indefinite leget libram: de eodem illo Titio, deque eo genere libræ sensisse intelligitur, quod prius demonstravit. Si enim de alia re sentiret: exprimeret, ne quid ambigui in ipsius voluntate relinqueretur, quod homines a suis iudiciis supremis abesse volunt, quo magis enim cupiunt voluntatem suam exitum habere: eo magis laborant, ut intelligan-

tur, adde, quod tandiu quemque in eadem re, eademque appellatione similem sui existimare debemus, quandiu nihil appareat, cum ab eo, quod prius sentiebat, et cogitabat, recessisse.

Si ne hic quidem quidquam datur ad coniecturam, † ad extremum persona legatarii erit spectanda. In eo videndum erit, quæ sit eius dignitas, quæ testatoris erga eum benevolentia, et caritas, quæ cum eo necessitudo. *d. L. si servus plurium, §. ult. de leg. 1.* Maiorem enim honorem habitum esse voluit testator magistratui, quam privato; amico et coniuncto, quam extraneo, ut dicendum sit, si verbo *nummorum* diversi nummi significentur; aut quærat, ubi legatum sit præstandum, quod maius est, et legatario commodius, de eo testatore sensisse videri. *Arg. L. sed etsi suscepit. §. sed etsi proponas, D. de iud.* Hæc sunt, quæ quidem nunc occurrant, quibus credibile fiat, hoc aut illud cogitatum, quod sequendum esse hic dicimus.

Quid ergo, si nihil eorum, quæ supra scripta sunt, aut similia rerum occurrat, unde possit intelligi, quid testator senserit? Non ideo legatum non valebit: sed, † quod supra dictum est in contractibus, valet hic quoque in testamentis, nempe ut, quod salvo legato fiat, id debeatur, quod est minimum. *d. L. nummis, de leg. 3. L. cum servus, 39. §. scio. L. legato. 37. §. ult. supr. de leg. 1.* Sed in hac re omnium appositissimum exemplum habemus in *L. Titia, §. ult. supr. de aur. et argen. le.* Proponitur testator iussisse poni statum certam in illa sede sacra ex libris centum, nec addidit auream, argenteam, aut æream. Scævola respondit, cum in eo templo non nisi aut aurea (sic enim legendum esse mox ostendamus) aut argentea tantum essent dona, argenteam statum poni debere. Cur non dixi æream potius, cum ex supra scriptis constet, in re obscura, quod minimum est, deberi? Quia, si dixerimus, æream designatam, nihil deberetur. Nam in eo templo æræ poni non solebant. Rursus cur non dixit deberi auream? Ut intelligeretur, quod supra definitum, quod salvo legato fiat, minimum deberi. Salvum legatum est, si aliqua statua ponitur aut argentea, aut aurea, ex his igitur debebitur, quod est minimum. Quod cum ita sit, ut idem in testamentis hic placere animadvertamus, quod supra in contractibus dictum est; bene generaliter ita comprehensum est regula iuris, *Semper in obscuris, quod minimum est, sequimur. L. semper in obscuris, D. de regul. Ad L.*

*Ad L. Quam heredi 25.***Celsus libro 21. Digestorum.**

Quem heredi meo dixero velle me liberum esse, liber esto: cui ut dare damnas sit heres meus, dixero, ei heres meus dare damnas esto. Testatoris voluntas, si quibusdam argumentis apparebit, de quo dixit, adimplenda est.

S U M M A R I A.

1. Inutilis est institutio, et legatum, persona heredis, vel legatarii non adscripta. et n. 2.
3. An valeat hoc modo legatum: Cui ut det heres

- meus dixero, ei heres meus X. datis, si appareat, de quo cogitaverit, et n. seqq.
5. Dicit et qui verbis, et qui nutu declarat.

1. Scire oportet, † inutilem esse institutionem, ubi heres certus non demonstratur testamento. *L. quoties, §. si quis nomen, supr. de her. inst.* similiter † inutile esse legatum, persona legatarii non adscripta. *L. Paulus supr. cod.* Hinc dubitatio de hoc genere legati, quod hic proponitur, an valeat:
- 3 † *cui ut det heres meus, dixero, ei heres meus decessu dato.* Hic enim verba testamenti neque nominatus est legatarius, neque ita demonstratus, ut intelligatur, quis sit. Celsus statuit, dummodo testator postea dicat, aut etiam demonstret, quem velit, quibuscunque argumentis id probari possit, legatum valere.
- 4 Potest et in hac specie hoc dubitari, † an satis sit intelligi, de quo testator senserit, ta-

meti eum non dixisset verbis; cum nominatum ei legaverit, cui se dari velle dixisset. Et Celsus ait hoc satis esse. Recto utrumque. Nam si demonstratio quaeritur in hoc legato: is satis demonstratur, qui ita designatus est, ut, aliqua re postea secuta intelligi possit, hunc ipsum esse, quem testator indicaret. Si dicentem quaerimus: dicit, quisquis aliqua nota, et significatione voluntatem suam exprimit. † Dicit igitur et qui verbis, et qui nutu 5 pto, et qui nutu declarat, quid velit: certe quidquid eiusmodi est, pro dicto habendum est. Verba enim sunt rerum notae, quae utrum hoc, an illo modo notentur, nihil refert. §. *si quis in nomine, Inst. de legat.*

*Ad L. Cum quaeritur. 26.***Idem libro 26. Digestorum.**

Cum quaeritur, in stipulatione quod actum sit: ambiguitas contra stipulatorem est.

Vide ad L. Ubi, supr.

*Ad L. Si quis 27.***Modestinus libro 1. Regularum.**

Si quis de pluribus unum manumitti voluerit, nec appareat de quo manumittendo testator senserit: nulli eorum fideicommissaria competit libertas.

Dixi ad L. si quis fuerit, supr.

Ad L.

Ad L. Qui habebat. 28.

Iavolenus lib. 3. ex posteriorib. Labeonis.

Qui habebat Flaccum fullonem, et Philonicum pistorem, uxori Flaccum pistorem legaverat. Quis eorum, et num uterque debetur? Placuit, primo eum legatum esse, quem testator legare sensisset. Quod si non apparet: primum inspiciendum esse, an nomina servorum dominus nota habuisset. Quod si habuisset: eum deberi, qui nominatus esset, tametsi in artificio erratum esset. Sin autem ignorata nomina servorum essent: pistorem legatum videri, perinde ac si nomen ei adiectum non esset.

SUMMARI A.

1. Nec error nominis, neque falsa demonstratio nocet legato. et n. 3.

2. Si is, qui habebat Flaccum fullonem, et Philonicum pistorem, legaverit Flaccum Pistorem, uter debeatur. et n. 3.

QUI habebat Flaccum, qui erat fullo, et Philonicum, qui erat pistor, uxori Flaccum pistorem legavit. Querit Iabolenus, *Qui eorum, et num uterque debebitur?* significans, aut utrumque, aut alterum saltem deberi. Sed cur non querit, an neuter potius debeatur? dici enim potest, neutrum deberi, quippe Flaccus pistor legatus est: nullus est autem Flaccus pistor. Hoc ideo ab illo quaesitum non est, quia, si uterque non debetur: tamen constat, aut Flaccum legatum esse, quem falsa demonstratione pistorem nominavit: aut certe legatum esse pistorem, quem falso nomine appellavit Flaccum. Sive Flaccus legatus est; is debebitur, quamvis Flaccus pistor non sit. Sive legatus est pistor; is quoque debebitur, quamvis Flaccus non vocetur. Illic falsa demonstratio est: hic error in nomine, quorum ¹ utrumque legato non nocet. §. *si quis in nomine, et seq. Inst. de leg.* Bene igitur hoc pro confesso sumpsit Iabolenus ex iure, aut utrumque, aut alterum saltem deberi. Respondet ipse, ² utrumque deberi, non utrumque, et simul uter videatur legatus, explicat.

Sed cur non prius docet, utrumque non deberi, cum dici possit, utrumque legatum esse, cum utrumque testator nominavit; et, si de interpretatione voluntatis quaerendum est, id sumi oportere dicatur, quod est ple-

nus? *L. in testamentis, D. de reg. iur.* Bene hoc quoque pro certo sumpsit, utrumque non esse legatum. Apparet enim, testatorem non sic Flaccum pistorem nominasse, quasi duos vellet legare, Flaccum videlicet, et eum, qui est pistor: alioqui ita coniunctum dixisset, *Flaccum et Pistorem, do lego*: sed aut unum legasse Flaccum, quem falso ex artificio pistorem nominaverit: aut legasse pistorem, quem falso nomine Flaccum appellavit.

Quod cum ita sit: solum in hac specie quaerendum fuit, uter potius legatus videatur, Flaccus, an pistor, cui nomen est Philonico. De quo respondet Iabolenus, atque ita statuit: ut si testator nomina servorum nota habuerit, Flaccus debeatur, qui nominatus est: quippe testator sciens hunc legavit. Non debebitur pistor, quia utrumque non deberi effectum est; nec nocebit falsa demonstratio, qua etiam nominavit pistorem, qui non erat pistor: iam enim dixi ³ falsam demonstrationem non obesse. *L. falsa, infr. de cond. et demon.* Quod si ignota testatori nomina servorum essent: ait pistorem legatum videri. Recte, non enim potest videri testator de eo sensisse, cuius nomen ignoravit. Nec vero error in nomine nocebit, ut supra dixi. Ita fiet, ut perinde sit legatus pistor, ac si nomen ei adiectum non esset.

Ad L.

Ad L. Plures ult.

Scævola lib. xviii. Digestorum.

Plures testamento manumiserat in quibus Sabinum, et Cyprogeniam, cum quisque eorum ad tricesimum annum ætatis pervenisset: et cum liber quisque eorum esset, certam summam dari voluit: et coniuncta scriptura ita caverat: *Sabinæ, et Cyprogeniæ dari volo cum ad statutam ætatem pervenerint, singulis decem. Et hoc amplius alimentorum nomine in annos singulos quoad vivent, singulis decem.* Quæsitum est, utrum omnibus manumissis alimenta debeantur, an vero Sabinæ, et Cyprogeniæ solis? Respondi secundum ea quæ proponerentur, videri omnibus alimenta legata,

SUMMARI A.

1. Si is, qui pluribus legaverat, adiciat, et hoc

amplius singulis X. dari volo: quibus dare voluisse credendum sit. et n. seqq.

1. **E**xprimit Scævola in proposito exemplo hanc sententiam; † cum testator eadem parte testamenti pluribus aliquid legat, aut relinquit (ut hic pluribus servis libertatem), si coniuncta scriptura quibusdam ex his nominatim aliquid leget, et eodem contextu adiciat, et hoc amplius singulis decem dari volo; hoc verbo, *singulis*, indefinite scripto non tantum proximis istis legasse videtur, sed omnibus, de quibus coniuncta scriptura supra mentionem habuerit: ut quod infra datur indefinite, non ad proximos tantum pertineat, sed ad omnes, de quibus eadem parte testamenti testator scripserit.

Sed unde hoc sumit Scævola, cum rem referri ad proximos intersit heredis, ut minus præstet; in re autem ambigua dixerimus quod minimum est, deberi? *L. cum in testamento, supr. eod.* † Intelligitur hoc ex honore, quo testator communiter omnes initio est complexus. Quem enim animum erga aliquos se gerere testator ostendit, non prius verisimile erit, illum quidquam de eo remisisse,

quam se plus uni, quam alii tributum velle demonstrarit. Quapropter, si quid est, quod verbis indefinitis pariter ad omnes possit referri, ad omnes pertinebit. Confirmatur hæc coniectura voluntatis multis argumentis iuris civilis, ut *L. quoties, infr. ad Treb. L. si plures, supr. de vulg.*

Sed cur adiecit Scævola legavisse testatorem quibusdam ex iis servis, quibus libertatem dederat, et scripsisse, quæ sequebantur, coniuncta scriptura? Quia, si testator primo complures servos liberos esse iussisset, deinde transisset ad alia legata, aut alias res, et post alia multa ita legasset, *Sabinæ et Cyprogeniæ illud dari volo; hoc amplius singulis dari volo decem:* hæc oratio, *hoc amplius*, perspicue ad Sabinam et Cyprogeniam referretur. Non enim ea referri potest ad alios, quam de quibus loquitur testator; loquitur autem eo loco de Sabinæ et Cyprogeniæ: de cæteris servis non loquitur; quod ex eo apparet, quod sermonem de his institutum omiserat.

HUGO-



HUGONIS DONELLI

JURISCONSULTI

COMMENT.

AD TITULUM D. DE RE IUDICATA, ET DE EFFECTU SENTENTIARUM,
ET INTERLOCUTIONIBUS.

SUMMARIA.

1. *Rebus indicatis stari oportere, sive iudex æquum pronuntiaverit, sive iniquum.*
2. *Quam iure fuerit hoc, et quanto reip. commodo constitutum.*

3. *Rerum partitio atque ordo.*

4. *Prætoris Edictum ex diversis huius tituli locis collectum, atque hic una et continuata rerum serie dispositum.*

Nihil agit sententia iudicis ad ius nostram consequendum, nisi sententiæ pareatur. Et nimirum hoc restabat in persecutione iuris nostri, ut cum secundum nos iudicatum esset, rei indicatæ auctoritas statuere-
1. tur, quod et factum est. In quo ita ius † constitutum habemus, ut rebus indicatis stari oporteat, sive iudex æquum dixerit, sive iniquum, dummodo provocatum non sit. Ex quo illa sunt: Rebus indicatis, a quibus provocatum non est, standum esse L. 1. C. de reb. iud. L. cum prolatis, D. eod. Item res indicatas, sive sententias rescindi non posse. L. 2. C. sent. resc. non posse. Item post rem indicatam nihil amplius queri. L. post rem, D. de re iud. Quod † ita statui in primis conveniebat. Nam nisi hoc
2. fit, duo magna incommoda consequentur in Rempub. Unum, quod nemo unquam ad ius anum pervenire poterit: quoniam unam tamen ob causam iudicia quesita sunt. Quid enim sperandum est ei qui aget, ubi is, cum quo agetur, semper hoc causabitur se non debuisse, eoque se immerito condemnatum? Alterum, quod isto modo nullus erit litium finis: quo malo nihil est paci, et concordie civium, quibus rebus maxime stant Republicæ, magis contrarium. Ut si aliis in rebus omnibus propter utilitatem publicam finiendis litibus maxime studuerunt legislatores: hic præcipue, id est in iudiciis, quæ dirimendarum litium causa constituta sunt, ei rei fuerit

consulendum. Quantopere autem id caverint iuris auctores, ut aliquis finis litium esset, hi loci declarabunt. L. ult. D. pro suo, L. fratris, C. de trans. L. quidam, D. si cert. pet. Illic vero sita vis est et effectus, et illa, quæ nominatur, tot locis, auctoritas rerum indicatarum. Sic enim appellatur in L. non minorem, C. de trans. L. pen. C. de re iud. et in L. servo 65. §. cum prætor. D. ad Treb. Quo loco scriptum est pulchre interesse, hanc integram conservari. Quo constituto coperunt † hæc queri de rebus indicatis: quæ
3. sit res indicata? an omni sententiæ sine exceptione parendum, quando multa incident, ut ei stare iniquum videatur: si parendum est, et adversarius recusat, quæ sit ratio, qua sententiæ mandetur executioni. Hæc executio an pariter adversus omnes, an in omnibus causis, in summa quando usurpetur. Quibus in rebus consumitur is titulus, qui legitur in Pandectis hac inscriptione. De re iudicata, et de effectu sententiarum, et de interlocutionibus. Et quoniam de his rebus edictum prætoris fuisse constat, quod Iuriconsulti sub hoc titulo sint interpretati, et apparet ex L. 4. §. ait prætor, et L. 5. in fr. eod. ne quid hic quoque ad interpretationem tituli, et iuris veteris, quod de hoc genere fuit, deceret: id edictum quam proxime consequi potuimus, ad veterum imitationem informare conati sumus. Id † nunc
4. subiciamus.

EDI-

E D I C T U M,

S E U

SUMMA DE VI ET EFFECTU

A T Q U E

AUCTORITATE RERUM IUDICATARUM,

Sententiam totius Tituli, de re iudicata, breviter continens:

Si res, qua de agitur ab eo, cuius de ea re iurisdictio est^a, iudicata^b esse dicitur, si non et a sententia provocatum erit^c, condemnatus ut pecuniam solvat^d.

^a Vide L. ait prætor, 5. inf. eod. ^b Hinc quesitum, quid sit res iudicata, quod definitum est in L. 1. inf. ^c ex L. præses, 27 et L. cum prolatis, 32. eod. ^d Sic leguntur hæc verba in L. 4. §. ait, inf.

Si non solvet^e: in ipsum^f, ei cuius ea res erit^g, post statutum iudicatis ad solvendum tempus^h actionem daboⁱ, ut res eius, prout quæque facillime emptorem inventura videbitur, pignori capiantur et distrahantur^j, unde iudicatis satisfiat^k.

^e Hic locus est, in quo Labeo adici debuisse dicebat illa verba, neque eo nomine satisfaciatur. L. 4. §. 1. inf. eod. ^f ex L. miles §. ult. ^g ex L. 2. et L. debitoribus, 31. inf. eod. ^h ex d. L. miles, §. 1. et §. ult. ⁱ Hic ordo executionis iudicati, cuius mentio est in L. 4. §. si ex conventionem, inf. qui exponitur pluribus ex professo in L. a Divo Pio, §. In venditione et deinceps, ^j ex d. L. debitoribus, 31.

Menses quatuor condemnato ad solvendum insti erunt. Si minorem, amplioiorem diem a me litigatores petent, uti res erit, aut minum, aut prorogabo^l.

^l Vide, quæ scripsi ad L. 2. inf.

Si reus absolutus erit, eius rei, de qua actum fuerit, neque in ipsum, neque in eum, ad quem ea res pertinet, actionem dabo^m.

^m Hinc exceptio rei iudicate, de qua in §. Item si in iudicio, Instit. de exception. et tot. Tit. D. de except. rei iud. Clausula a me iisdem verbis concepta, quibus illa, qua exceptio ex iureiurando proposita est L. ait prætor, 7. D. de iurciurando.

Sed neque ea sententia, quæ contra leges, constitutiones Principum, aut bonos mores erit: nec quæ manifestum errorem cal-
Tom. XI.

culi continebit: nec ea, quæ caussa non cognita, aut non publice et palam, ac more maiorum: aut non presentibus iis, inter quos res agetur, dicta fuerit: extra quam si uno absente, verum edictis legitime evocato, lata erit: nec quæ ex scripto recitata non erit, iudicati apud me vim habebitⁿ.

ⁿ Vide in hanc clausulam, quæ scripsi ad L. 4. §. Condemnatum, inf. eod.

Si quid a victore dolo malo factum esse dicitur, quo adversarius iudicio opprimeretur, in eum iudicati actionem non dabo^o.

^o Vide quæ dixi ad L. Divus, 33. inf. eod.

Si plures eiusdem rei iudices dati fuerint, quod eorum maior pars cæteris presentibus statuerit, pro iudicato apud me valebit: Inter pares numero iudices si diverse sententie erunt, ea apud me obtinebit, quæ humanior esse videbitur^p.

^p Ex L. Pomponius 36. et tribus. LL. seqq. inf. eod.

In parentem, liberos, fratrem, sororemve, patroni, patronæque: item in militem, qui sub armata militia stipendia fecerit: item in maritum, uxorem, sororem: item in eum, qui bonis cessit: item in emancipatum, exheredatumve, qui de eo convenietur, quod cum ipso, cum in aliena potestate esset, contractum erit: si condemnati erunt, in id dumtaxat, quod facere non deducto ære alieno poterant, actio erit. In eum, cum quo ex donationis caussa agetur, non nisi in id, quod deducto ære alieno facere poterit, actionem dabo^q.

^q Locum hunc totum de his, qui in id, quod facere possunt, conveniuntur, diligenter executus sum ad L. sunt qui, 46. et L. inter, 19. et aliquot capita sequentia. inf. eod. sed iam ad interpretationem tituli accedimus.

AD INSCRIPTIONIS VERBA

DE RE IUDICATA, ET DE EFFECTU SENTENTIARUM ET DE INTERLOCUTIONIBUS.

SUMMARI A.

1. *Interlocutio quid sit.*

RES iudicata quid sit, quid item sententia? tum quid alterum distet ab altero, opportune diximus ad *L. 1. inf. Sententiarum effectus* is, quem supra indicavi. Additum est de interlocutionibus, ut et differentibus intelligeretur magis, quid sit sententia; cui standum esse dicimus. Vox est autem ¹ interlocutio iuris auctoribus usitata, quæ et hic occurrit, et in *L. a Divo 15. in venditione, inf. eod. et in C. Tit. de sen. et interlocut. L. 4. C. comminat. vel epist. L. 9. §. sed quod prætor, D. quod met. caus. Est autem ² interloqui, interim, dum de re principaliter agitur, loqui et ³ dicere, quæ ad causam promovendam pertinent, quo iudicium ad finem ² propositum producat. Utpote in ¹ executione, de qua tractatur in *d. §. in venditione*, agitur principaliter, ut distrahantur res capte, atque inde pecunia conficiatur. Ad hoc perveniri non potest, nisi capian-*

2. *Interlocutionis exempla: et quibus in iudicii partibus interlocutio adhibeatur.*

tur pignora iussu iudicis, et simul capta veneant. Hæc fieri si iubet magistratus: quia interim loquitur, quæ ad rem exequendam pertinent, ideo dicitur interloqui, ut fiant. Cuiusmodi est etiam, cum iubet, ut litigatores adsint, producantur testes, instrumenta proferantur, et si qua sunt similia, quæ spectant ad rem cognoscendam, ut re cognita postea statuatur. Ex quo sciri potest, an interlocutio sit sententia iudicis de re controversa. Et sane pronuntiatio est iudicis, ac proinde sententia circa eam partem, de qua statuit. Sed non ³ est sententia, quæ per excellentiam nominis ita dicitur, cum intelligere volumus sententiam de re principali: quo fere sensu hoc verbum usurpatur: ut in hac inscriptione, et in *d. L. a Divo §. in venditione L. quod iussit, infr. eod. Tit. C. de sent. et interlocut. L. 4. C. comminat. vel epist. L. penult. C. quor. app. non rec.*

Ad *L.*

1) *Bover. Sing. 63. n. 9.* dici sie, quod iudex tanquam inter partes loquendo sine solemnitate scripturæ pronunciet. *Duar. ad L. 1. hoc tit. interim loqui*, dum fuerit sententia dicta vel executio facta, sicuti interdictum iude dicitur. Nam cum hoc non præficiali proprietate, ita nec interlocutio causam perimit, *L. post. sent. g. C. de sent. et interloc. Græc. Dieckelma Nov. 112.*

2) Cum quid ad præparationem magis causæ quam ad decisionem periculis pronunciet *L. 19. §. dicere 1. de rec. arb.* Vulgo definitur: Omnis vox iudicis ad causam faciens et principale negotium non determinans. Quam definitionem refellit *Alb. Gentil. 3. Lect. 12.* quod interrogationi iudicis compati. Ibidemque reprobat definitionem Cuiacii. Ipse sive, Emergentis vel incidentis facti iussu vel notatu vel prohibitu vel assertionis iudicis. Germanice *Beurtheil*, sicuti definitiva *Endurtheil*. *Senciv. in §. curare 32. I. de act. n. 5.*

3) Nec itaque ex interlocutione iudicis scilicet nascitur (ut male *Vaud. l. Q. 23. n. 12.*) Marant. *h. tit. de sent. n. 22.* Et si statuto disponente de sententia absolute, hæc quoque continere coarctantur *Museor. de Jurisd. n. 30.* contra *DD. vulgo et Marant. dicit. 1. Sent. n. 52.* scilicet magis sempernam vocali *Damb. Præc. civ. C. 144. n. 1.* scilicet modo. Nam Au-

gustinus ita concepat quæ non totam causam dirimit, dum ait: *Legibus iudex prohibetur sempernam proferre sententiam citante*, *Guiz. 23. Obs. 1.* de interlocutionis vid. *A. Gent. 3. Lect. et Epist. 12. et 4. seqq. Menoch. adp. poss. Remed. 4. n. 802. et seqq. et recin. poss. Remed. 3. n. 839. et seqq. Sig. Scaccia 1. de Jud. 102. Lane. Cotel. de Off. præc. in caus. civil. verbo: sentent. Marant. P. 6. tit. de sent. n. 2. usque ad n. 47. Rubat. de Commiss. P. 1. Lib. 5. Cap. 12. Nys. 5. Obs. 88. Guiz. Pap. Quest. 10. n. 12. Petr. Matth. in not. ad d. Q. 12. Absolutio ab instantia definitiva sit, an interlocutoria, *M. Ant. de Amatis Decis. 66. Geil. 1. Obs. 132. n. 5.* et *Scaccia 1. de iudic. 93. n. 4.* distinguunt, ut si finem causæ imponit, veluti quia pendente iudicio solum est, definitiva sit, ciusve vim habeat; alias interlocutoria. Sententia in *L. diffamari* definitiva an interlocutoria? *Blarer. in L. diffamari Cap. 9. n. 6. Conrad. ibid. C. 5. n. 139. et seqq.* et an quæ super possessione *vid. Cod. de Sequestr. C. 1. n. 54.* quæ ius restitutionis integrum *Odd. de rest. in integr. P. 1. Q. 40. Artic. 1.* De aliis sententiis in quibus eadem dubitatio, *vid. Marant. d. tit. de sentent. n. 24. et seqq.**

Ad L. Res iudicata. 1.

Modestinus lib. 7. Pandectarum.

Res iudicata dicitur, quæ finem controversiarum pronuntiatione iudicis accipit: quod vel condemnatione, vel absoluteione contingit.

SUMMARIA.

1. Quid sit res iudicata, definitionis singula partes exponuntur.
2. Damnum inde dictum, quid sit: nihil interesse quibus verbis exprimat iudex condemnationem.
3. Absolvere quid sit, et quibus iudex in verbis exprimat.
4. Finem imponit controversiæ absolutio aut condemnatio certa duntaxat.
5. Quæ in superiore rei iudicata definitione reprehenduntur, et quomodo illis occurratur. et n. 6.

RES iudicata in lege duodecim tabularum appellatur, ut indicavimus ad L. 2. appellatur, et in edicto. Ideo quid sit, definitione explicatur. Hanc esse definit Modestinus, in qua hæc sunt: quæ finem accipit: quæ scilicet pronuntiatione iudicis: et accipit pronuntiatione iudicis. Tum quomodo accipiat, docet: quod inquit, condemnatione vel absoluteione contingit. Res hoc loco, res seu lis, de qua agitur, intelligenda est. Res finem accipit controversiarum, in qua lites et controversiæ quæ fuerant, diremptæ et finitæ sunt. Controversiarum dixit, non controversiæ: quia si in re, de qua iudicio agitur, seu in lite plures erant controversiæ, idest, si de pluribus rebus querretur, nisi iudex pronuntiaverit de omnibus, nihil egit, ne in iis quidem, de quibus pronuntiaverit. In eoque hæc regula tenenda est, in uno eodemque iudicio non posse rem iudicatam in partem valere, in partem non valere. *L. in hoc iudicio, D. fa. ercisc.* Hoc facit *L. qualem §. 4. D. de recept.* Quippe ad iudicem ita ventum est, ut litem dirimeret, itaque si secus fecit, iudicis officio functus non est, idest, non indicavit. Evenit autem hoc in universalibus et generalibus iudiciis, ut uno in iudicio, unaque lite de pluribus rebus queratur, seu plures sint controversiæ.

Tom. XI.

Ut in petitione hereditatis, quod est iudicium de universitate, nempe hereditate, ut indicat *L. 4. D. de rei vind.* cum res omnes hereditariæ, itemque actiones, item pretia rerum hereditariarum veniant: sæpe evenit, ut de singulis, aut multis queratur, cum dicitur aut has non esse hereditarias, aut istas, aut illas. Sic in actione pro socio, tutelæ, negotiorum gestorum: quæ iudicis sunt generalia (sic enim nominatur in *L. pro socio, 38. D. pro soc.*) de his omnibus queri potest, quid gesserit is, cum quo agitur, aut non gesserit, quæque res ex administratione ad eum pervenerint. Nam hæc omnia in hæc iudicia veniunt. Dixi in uno iudicio, unaque lite iudicem de omnibus controversiis pronuntiare debere. Nam si plura erant iudicia, pluresque lites, seu actiones inter eosdem constitutæ, quamvis apud eundem iudicem, ut si petam a te aliquid ex testamento, aliud ex empto, aliud ex mutui causa: item aliud tutelæ nomine, idque eodem tempore: nihil vetat iudicem de una lite pronuntiare separatim: et quod dixerit, valebit. *L. quid tamen in pr. D. de recept.* Ad idem est, pronuntiatione iudicis. Pronuntiatio ipsa sententia est *L. cum prolatis 32. infr. eod. L. 2. §. ult. D. ad Turpil. Res*

con-

8*

1) Et planè nec debet contraria, vid. tit. inscription. N. 3. Petiti itaque non, et probati non, ad fin. condemnatio fieri et in alia ab aliis debet reus, alius non valens sententia. Raver Sing. 63. n. 6. Nec iudicium scilicet potest ut de re iudicio dicitur: partem iudicatur, partem non: sed totum causam sententia de re iudicatur. *L. 2. et 3. C. Th. de soci. exponit.* Et ubi partem non, qui amittit est, pars quæque ex de quo iudicatur est, pro non iudicatur habetur, ita Cuias. 23. Obs. 1. Qui tamen ibid. et 13. Obs. 2. sententiam valere, etiam cum de omnibus praestantibus, quæ in iudicium venerunt, quæque ex. gr. a se iuribus coheredes in Famili. excise.

iudicio petierunt, iudicium sit, cum de uno cepit Elio fœvi parit sententia, ac tot sententia, quod illis cepit per *L. per. §. quoniam Cuias. restituit d. C. 3. §. C. de sent. et interl. L. 20. §. 4. Fam. ercisc.* Quod et *DD.* vulgo probant. Vid. Vant. de nullis sentent. ex defect. process. n. 100. sit Bonelli hic improbi videtur: te appellatio autem iudicia sententia præ partem confirmari potest infirmari potest. *L. 4. Fam. ercisc. Cuias. d. loc.*

2) *L. pronuntiationem §. de P. S. ubi vid. Cuias. et et quæ differentia sit inter pronuntiare et statuer.*

contraversa multis modis fieri potest, ut transactione *L. non minorem, C. de transact.* iureiurando *L. 1. et 2. D. de iureiur.* liti renuntiatione. *L. postquam. C. de pact.* Sed non est rea iudicata, id est iudicio finita, nisi quando finita est iudicis pronuntiatione. Eam qui sententiam dicit, iudicem esse oportet, id est eum, quod edicto expressum est, cuius de ea re est iurisdictio, de quo dicitur *L. ait, infr. 10.* et satis iam dictum est supra, cum de iurisdictione et potestate cuiusque iudicis in cognoscendo dissereremus. Ut res finem accipiat contraversiarum iudicis pronuntiatione, condemnatione, vel absolutione efficiatur, inquit Modestinus neque aliter, quam pato, sic recte intelligitur. In omni hie, omnique accusatione, in omni iudicio deusque est aliquid, quod actor intendat, et prastari a reo velit: reus neget se id subire, aut prastare oportere. Natura non potest dirimi hac controversia, nisi iudex alterutrum pronuntiet, aut rem prastare debere, aut non debere. Porro qui pronuntiat eum debere, ut fit in iudiciis privatis et pecuniariis, condemnat: qui pronuntiat non debere, absolvit. Sic fit ut rem finire non possit iudex, nisi condemnem reum, aut absolvat. Unde intelligimus rem indicatam non esse, ubi iudicis sententia horum alterutrum non continet. Hinc illud Alexandri in *L. 3. Cod. h. tit. Praeses provinciae non ignorat definitivam sententiam: quae condemnationem vel absolutionem non continet, pro iusta non haberi.* Dubitabitur fortassis, quid sit condemnare, aut absolvere, et quibus verbis horum alterutrum exponatur. De quibus ita habendum est: ² Dammare, et quod compositum pro simplici usurpator condemnare, (ut remittere

annuam dicemus, pro mittere, et alia sententia similia) a damno dictum est, quod verbum deminutionem significat, auctore Paulo in *L. 3. D. de damn. inf.* Itaque dammare est, imperare hanc ipsam, patrimonii deminutionem, id est, iniungere alicui, ut in eo, quod ab eo petitur, aliquid dependat, prastet de suo. Id quibuscunque 4 verbis exprimat iudex, condemnavit, *L. in sententiis 59. infr. eod.* Nam neque in hac re, neque in ceteris omnibus, quibus verbis quis utatur ad rem exprimendam, quidquam intereat. Itaque haec verba in hac re usitata esse legimus, Lucium Titium in centum aureos condemnato: in princ. tit. de offic. iud. Item, centum, quae ab illo habes, solve, *d. L. in sententiis, infr. L. pen. et ult. C. de sent. quas sine cer. quan. pro.* Sed quavis iudex nihil aperte tale iubeat, sed nec damnamdi verbo utatur: existimandum est tamen eum condemnare et tunc, cum simpliciter pronuntiat reum centum debere, tametsi nihil amplius adiciat, *L. si praetor, 75. in pr. D. de iud.* Quippe hoc certo et explorato iure consequens est, si debet, etiam eum solvere, quod debet, et prastare oportere. In quam sententiam ita in *L. 1. §. 1. D. ad Turpil. scriptum est: si iudex ita pronuntiat, Calumnians es, condemnavit reum, et quamvis nihil de poena subiecerit: tamen legis potestas adversus eum aerebitur.* Absolvere ³ autem, liberare est. Proinde absolvit reum sententia sua iudex, sive ab eo amplius quid peti velit, sive eum nihil debere pronuntiet. Nam et in arbitrio haec pronuntiatio pro sententia valet: a quo, non minus, quam a iudice hoc exigimus, ut litem sententia sua finiat, *L. quid tamen, §. si arbitror. L. qualem, §. dicere, D. de rec. lito*

412-

3) Vide Mathesiam. ad d. L. 3. et ad L. 11. eod. Error enim est Aeth. Fabri tertium genus sententiae comminatio, vid. not. sup. lib. 18 C. & N. 21. Nec ferendo est eiusdem argutia 15. Coniect. 1. quod ex actionibus in personam solum sit condemnatio, ex rebus nulla. Quod vel ex hac iudicis definitione refellitur. Neque enim negari potest indicium etiam dari in actionibus in rem. Cum et in tit. de exc. rei indicat. passim de actione in rem agitur. Nec alicuius ponderis sunt obiecta Fabri, quod alia tempora darentur. Quam autem alia continere debeat sententia, neque minus iudicia, litigantem, etc. vid. Maxima tit. de sentent. n. 37. et seq.

4) L. 91. §. 1. de rec. arb. h. m. 1. Select. interpret. 12. n. 3. quo facti quaestiones dirimpta legum auctoritas succedit, et iuris effectus statim sequitur, ac ne quidem impediri iudice potest L. non potest 63. de furt. Vid. Vaul. de nullit. sent. ex defect. proce. n. 91. et seq. Conies. Gall. 1. Obi. 1. n. 6. Quod a iudice non dicitur se condemnare, sed pronuntiat condemnandum vel absolvendum esse? Summi. 1. select. interpret. 14. n. 1. si verbum probatum dicat, sententiam non valere (Maxima tit. de sentent. n. 15. et n. 125. Vaul. de nullit. ex defect. proce. n. 91.) contra tamen legem sentit. 1) per L. 15. de minor. ibi: pronuntiavit restituendum. Non est illi Principio sententiam referri respondent, significatio tamen verborum non alia, sive a Principe sive ab alio referatur. At cuiusmodi potestatem iudicandi sen-

tentiam Principis alibi plus vindicat, verborum tamen interpretatio omnibus eadem. 2) per L. post legatum. 5. §. 15. de his quas ut indic. L. 4. Cod. de accusat. 3) Verbo tota apta sunt ad litem dirimendam. Recte opinio. Non enim haec vim habent quod condemnatio neque debet, sed quod condemnandum sit, id est, et talis iudex se fide probaturum curat eum succumbere debere. Quod quod ex verbi nec pronuntiabitur illi videri: de quo notari sup. lib. 26. Civil. Commencat. C. v. N. 3. Obi. L. 7. §. 1. de interd. et Releg. Respond. Servant d. loc. et ibi vera sententia est potestas in relegationem condemnantis, hoc ipse qui pronuntiaverit non remittitur, quod et alius verbum est. Non igitur recte Marci. Sing. non sententiam condemnatoriam dixerim esse ab ea, qua quis condemnandus indicitur. Quod si ita esset, nulla foret haec sententia, cum necesse sit ut condemnem vel absolvam. Quamvis ut definitio sic fieri possit: Pronunciatio ut in consilio seu informatione Praesentia, a non solvatur, et ita condemnatio. Vid. Pac. Scals. lib. 4. de Consul. Supremi. Cap. 12. qui vult ea signa litem sententiae non posse, sed declarationem esse. Secus ex benigniori interpretatione, cum qua in praesentibus dicitur in reque tacite repetito videatur L. 18. de cond. ant. cumque ceterum appellatio non sit id eundem, sed sit esse, si sententia in aliqua parte actum certa sit.

autem hac pronunciatione reum absolvere dicitur, quia hoc modo reum iudicio, quo prius tenebatur, liberat. Nam et iudicium isto modo solvitur, et simul evenit, ut reus amplius eadem petitione non teneatur. Sed quod dicitur, ⁴ *† rem finem accipere controversiarum condemnatione vel absolutione*, sic intelligendum est: condemnatione vel absolutione certa, sive quæ certam habeat quantitatem. Nam si ita pronuntiavit iudex. Quoniam debes illi, solve, quod debes: non diremit controversiam. Hoc enim adhuc necesse est quæri, quantum debeatur. Idcirco receptum est, eam condemnationem non valere, quæ sine certa quantitate facta est, nisi parto aliqua actorum certa quantitas sit comprehensa, *L. pen. et tot. tit. C. de sent. quæ sin. cer. quan. prof.* Quod tamen id hoc loco prætermissum est, non caret defensione. Dici enim potest, incertam condemnationem, condemnationem non esse. Pro non dicto est enim quod dictum quid significet, non intelligitur, *L. 2. D. de his quæ pro non script. hab.* Ita fit, ut qui condemnationem nominavit, etsi nihil addat amplius; tamen vi ipsa satis intelligatur condemnationem, quæ certa sit, appellasse.

⁵ In hac definitione videntur *†* duo merito reprehendi posse. Unum, quod Modestinus rem iudicatum definit, litem, sive rem, de qua agitur. Ait enim rem esse, quæ finem accipit controversiarum. Est autem lis et res controversa, quæ hunc finem accipit. Alterum, quod tunc solum rem iudicatum esse dicit, cum res finem controversiarum accipit. Quorum utrumque falsum videtur. Nam primum res iudicata sententiam iudicis significat. Hæc vero non finem accipit controversiæ, sed imponit. Ex hac significatione illa sunt. Dicimus enim rei iudicatæ standum esse, *L. cum prolati, infr. eod.* ubi nihil aliud intelligimus, quam sententiæ standum esse. Stare enim rei iudicatæ, est parere rei iudicatæ, non paremus autem liti et negotio quod nihil iniungit: sed paremus sententiæ quæ iniungit, ut solvamus, aut a nobis peti vetat. Dicimus rem iudicatam rescindi non posse, *L. 2. C. de sent. res. non poss.* quo non aliud declaratur, quam quod est in inscriptione eius tituli, nempe sententiam rescindi non posse. Dicimus item magistratum rem iudicatum exequi *L. 3. et*

L. 4. C. de exec. rei iud. id ipsam, pro quo alibi dicitur magistratus sententiam exequi *L. 2. L. a Divo, §. si post. et seq. infr. eod.* sed et quod dicitur rem iudicatam nocere, aut prodesse iis solum, inter quos res acta est, *L. 2. et tot. tit. C. quib. res. iud. non noc.* quid significet, manifestum est: Neque enim res et causa nocet, aut prodest litigatoribus: condemnatio est, et absolutio iudicis, idest sententia iudicis, quæ horum alterutrum continet. Iam vero quod dicit Modestinus rem iudicatum esse tum, cum res finem controversiarum accipit, ita dicit, quasi sententia lata a iudice, non sit res iudicata, nisi certum esse cõperit a sententia amplius appellari non posse. Certum est enim non esse finitam controversiam, quandiu a sententia appellari, atque ita de eadem re agi potest. Res enim iudicata dicitur, a qua appellatur, imo vero appellari non posset, nisi res esset a iudice iudicata, *L. eos; in pr. L. litigatorib. C. de appell.* De quibus *†* paucis respondeo. Et primum de verbo rei iudicatæ, ambiguum id esse, et non magis significare id rem controversam, de qua sententia fertur, quam sententiam iudicis. Nam et res controversa res est, de qua iudicamus: et sententia nostra est ipsam illud, quod iudicamus. Proinde et dicitur recte utrumque res iudicata; siquidem illud dicitur a nobis iudicari, et de quo iudicamus, et quod iudicamus. Sed maluit Modestinus rem ⁶ iudicatam definire eam, quæ finem accipit, sententiæ edicti fortasse serviens, in quo res iudicata pro re, de qua iudicatum est, accipitur. Sic enim verba fuerunt edicti: *Si res de qua agitur, iudicata esse dicitur*, idest res ipsa, quæ in iudicium venit, et de qua iudicium factum est. De quo dixi *ad L. ait prætor, infr. eod.* Quanquam utrum potius definitione explicetur, sententiane, an res iudicata, ad rem omnino nihil, aut parum admodum interest. Nam ex re, quæ finem controversiarum accipit pronunciatione iudicis, satis hanc ipsam pronunciationem intelligimus: quæ finem imponit; et contra, ex iudicio et sententia iudicis de re controversa non possumus natura, quin eam rem una intelligamus, de qua sententia fertur, idest, quæ hunc finem sententia accipit. Relata sunt hæc inter se, res quæ accipit finem, et res quæ imponit: quorum

5) *Duar. ad L. 1. h. t.* Res iudicata significat magis causam et litem quam sententia finitur *L. 1. h. t. C. 2. de inuent.* Quia vero hæc ita coniuncta, nec separari possunt, saepe alterum pro alio metonymice sumitur, ut exsecutio rei

iudicantis, rebus iudicatis standum esse, etc. add. Monach. *Præf. P. 15. C. 1. n. 3.* Sententia ut a re iudicata differat, Robert. 1. Sent. 23. *Cauc. ad C. 1. extra h. tit.*

rum unum ab altero habet, ut sit: ut proinde uno posito, necesse sit continuo alterum statui, et intelligi, quod ei ex adverso respondeat.

De fine controversiarum, quod secundo loco reprehendebatur, sit hoc responsum. Postquam sententia lata est, ⁶ res iudicata est. Nec aliud est iudicare, quam sententiam ferre, ut colligere licet ex *L. de qua re, D. de iud. iuncta L. iudex, 55. L. antep. infr. eod.* Etiam illud concedimus, quod et verum est, sententia lata, et quod idem valet, re iudicata non ita finem imponi controversiis, ut de eadem re amplius agi non possit. A sententia enim appellari potest superior iudex, qui eadem de re amplius cognoscat, et iudicet, et si faciendum esse videbitur, prioris iudicis sententiam rescindat. Sed non eo minus vera est Modestini definitio, sive scribentis sententiam, sive verba spectamus. Nam quod ad sententiam attinet, non dubito, quin ille hoc sentiat, non rem iudicatum esse eam, quæ plane et re ipsa finem acceperit controversiarum: sed quæ 7 acceperit mente et proposito iudicantis: idest, eam, de qua hac mente pronunciaverit iudex, ut per hoc vellet finem liti imponi, et litigatores ab omni controversia discedere, quod illi contingere ait condemnatione, vel absolutione. Hoc de sententia ab arbitro dicta, seu de re ab arbitro iudicata scripsit Ulpianus in *L. qualem, §. dicere, D. de recept. Dicere autem sententiam, inquit, existimamus eum, qui ea mente quod pronunciat, ut secundum id discedere eos (litigatores intellige) a tota controversia velit: quod perinde est, ac si diceret, et tunc quoque rem ab arbitro iudicari. Neque vero aliter sententia dicitur, et res iudicatur ab arbitro, aliter a iudice, ut quidem lis dirimatur, sed nec ad finiendum controversiam inter utriusque*

sententiam quidquam interest; nisi quod arbitri sententiæ vis maior, ut cui standum sit, sive æquum, sive iniquum arbitri dixerit, propter penam arbitrio compromissam, *L. societatem, 76. §. ult. D. pro socio.* Quare quod ab Ulpiano de sententia arbitri, et re ab eo iudicata dictum est, hoc ipsum et hoc loco de re a iudice iudicata a Modestino dictum esse existimandum est. Quod si quis neglecta auctoris sententia, quæ et ex conditione ipsius rei, de qua agitur, et ex aliis locis facile colligatur, verba definitionis urgeat: etiam secundum verba est, quod commode respondeamus: rem iudicatum nimirum esse, quæ vere etiam finem controversiarum acceperit, non quidem apud novos indices, si qui de ea re postea iudicantur: attamen in eo iudicio, quo antea agebatur, et apud eum iudicem, apud quem agebatur. Nam re iudicata et prius iudicium finitur, et qui iudicavit, iudex esse desinit: denique sic apud eum finiuntur omnes controversiæ, ut ne hoc quidem illi concedatur, sententiam suam corrigere, etsi male iudicavit, *L. iudex, 55. infr. eod.* Hoc vero ad defensionem superioris definitionis est satis. Ut enim verum sit rem finem accepisse controversiarum; satis est id contigisse apud aliquem, aut in iudicio aliquo, etiam si non apud omnes, neque in iudiciis omnibus. Sed et in hoc fine præsens iudicium, et præsentem iudicem, non novum intelligi debere, satis definito ipso declaratur: ut enim res iudicata est, non quæ apud omnes iudicata est, sed quæ apud eum, qui sententiam dixit: sic finem controversiæ accepisse eam interpretari debemus, quæ finem accepit apud eum, qui iudicavit; non etiam apud ceteros: aliqui plus definitione complectemur, quam sit in eo, quod definitur.

Ad L.

6) Et ita com. gl. et DD. tradere ut et res iudicata dicatur quæ appellatione suspendi potest, verbi. Vaz. 2. contr. usufreq. 35. n. 2. Et consensu Duar. ad L. 1. h. t. licet aliquando contra usurarii dicat ut L. 23. §. 1. de cond. ind. Quomodo sententia dicitur transire in rem iudicatum C. quod ad consultat. 15. extra h. t. Verum immo rectius alii Coras. ad L. iung. 25. de sta. hom. n. 3. P. Feb. ad L. 207. de R. l. pag. 90. Casp. ibid. n. 6. Quod in Clem. de sequestrat. n. 790. Coler. de Process. P. 3. C. 12. n. 86. proprie rem iudicatum dici cum appellationis, aliæ ex causa pronuntiati impediri, suspendi, rescindi nequit. Sententiam vero, etiam cum ab ea provocatum est vel provocari potest. Quod liquet probant d. L. 23. §. 1. et alia LL. a Gerd. citata. Neque legimus sententiam pro veritate haberi,

ut rem iudicatum, Coras. d. loc. Quod faciat et confirmat, quæ fave tradit Lancell. de Arrent. P. 2. Cap. 4. præfat. n. 250. et seqq. quia lis non aliter finita dicitur. Et sententia per remedium aliquod suspensa, dicitur adhuc causa durare ac lis pendere, Moller. 2. Semestr. 1. n. 2. Nec appellatione pendente condemnatus dicitur L. 15. §. pen. Qui satisd. cop. Vid. Gail. 1. Obs. 147. n. 10. vrp.

7) Ita Duar. ad L. 1. h. t. spectari consilium iudicis, qui quantum in se est, causam finire debeat. Quodque sententia quæ ex intentione iudicis hoc non effici, sententia dici non mereatur. Et si namque in potestate iudicis non semper sit, ut rem iudicatum efficiat, cum in prima instantia egressus sit, tamen iudicare debet, quasi ab eo appellari non possit. Sarum. 1. Sel. interpret. 13. n. 1.

Ad L. Qui pro. 2.

Ulpianus lib. 6. ad edictum.

Qui pro tribunali cognoscit, non semper tempus iudicati aerrat: sed nonnunquam arctat, nonnunquam prorogat pro causæ qualitate et quantitate, vel personarum obsequio, vel contumacia. Sed perraro intra statutum tempus sententiæ exequuntur: veluti si alimenta constituentur, vel minori viginti quinque annis subveniantur.

SUMMARI A.

1. Quodnam sit iudicati tempus.
2. Hoc datum esse reo humanitatis gratia; et quid hoc sit explicatur.
3. A I.L. 12. Tabl. initium duxit iudicati tempus. Fragmentum L. 12. Tabl. expunitur.
4. Spatium illud a Constitutionibus actum indefinitè usurpari in paucet. Quadrimestre a Iustiniano constitutum.
5. Rerum partitio et totius legis summa.
6. Iudicati tempus iure prorogare sive arctare potest quisquis pro tribunali cognoscit. et n. 7.
7. Quid sit tribunal, et unde dictum ibid. Num et iudex datus tempus illud prorogare possit, seu restringere. ibid.
8. Magistratus potest idem facere et in sententia, et postea. Exponitur L. 4. si quis condemnatus eod.
9. Non tamen mutare potest sine causa tempus iudicati, et quid si hoc audeat.
10. Causæ mutando iudicati tempori aptæ quales sint.
11. In his causis iudicati tempus arctari debet I. in petitione speciei et quatenus.
12. II. In actione in rem.
13. III. In actione in personam quæ ex dolo nascitur aut ex maleficio.
14. IV. In actione tamen quod metus causa tempus indulgeri reo intra quod expedire rem possit.
15. V. In dotis causa nullum indulgeri tempus condemnato, et quare.
16. Ex quantitate causæ hæc in eunda æstimatio ut si summa parva sit et reus dives, nulla concedatur dilatio.
17. Contra si summa haud facilis sit expeditu aut casu aliquo talis fiat, iusta dilatio concedenda, eaque etiam proroganda.
18. Legitimum iudicati tempus obsequenti reo dari debet aut prorogari; utrumque contumaci denegandum.
19. In causis alimentorum et minorum nullæ reo dantur ad solvendum temporis induciæ, et quare.

DE tempore iudicati hic sententia est Ulpiani, non semper id tempus servari a magistratu: sed nonnunquam arctari, nonnunquam prorogari, simul quando id faciendum sit docet. Quodnam vero id tempus esset, quod prius statui oportuit, et hic et aliis in locis sub hoc tit. in medio relictum est. Quare locus postulat, ut † quodnam sit hoc, quod dicitur, iudicati tempus, ante omnia consideremus. Et sciendum est, cum rei condemnati pecuniam, quæ ab his iudicio petitur, et ante sententiam pure debuerint, et nunc multo magis debeant post condemnationem (neque enim aliter ab eis ante peti potuisset, L. credere, D. de verb. signif.) tamen iis itidem ut confessis certum tempus constitutum esse ad solvendum intra quod cum his iudicati agi non posset: quod appellatur tempus iudicati, vel quia indicatis datur, vel potius quod datur iudicato faciendo L. intra, 7. L. tem-

pus, 29. in fin. eod. L. si debitori, D. de iudic. L. si cum militi, §. ult. D. de compens. Quamobrem † datum sit, si quis 2 quærat, datum id est humanitatis gratia, ut Papin. scripsit in d. L. si cum militi, §. ult. Neque enim summi iuris ratio aliud ferebat, quam ut si quis deberet pure ab eo invito pecunia posset exigi, L. debitor, D. de verb. sign. Unde dicitur hoc tempus non dari condemnato, sed frequentius indulgeri, d. L. si debitori, D. de iud. et d. L. si cum militi, in fin. de compens. Indulgemus enim ea, quæ liberaliter concedimus, cum sint eiusmodi, ut iure nostro negare poterimus. Neque vero abs re est, cur id in hac specie humanum sit habitum, ac cur etiam in eo humanitas vicerit. Sæpe enim fit, ut reo condemnato difficile sit pecuniam, quam solvere iussus est, statim expedire, idque eo difficilius, quod ut plurimum accadat, ut præter spem et opinio-

nionem reus condemnatur. Quod si in hac difficultate pecunie, quia non solvit, continuo res eius pignori capiuntur, et distrahantur ut fert ordo iudicati executionis: hic necesse erit sæpe cum magnum incurere damnum rei familiaris, atque etiam famæ periculum adire. Damnum in eo est primum, quod pignoribus distractis amissurus est res necessarias; deinde quod res minime distraherentur in auctione, uti evenire necesse est, ubi res non reperiunt aliter cunctatorem; tum præcipue quod in auctione facienda magni sumptus faciendi sunt, quæ omnia dependenda erunt reo præter pecuniam quæ debetur. Accedit ad hæc damna ignominia auctionis. Semper enim turpe habitum est, bonorum distractionem pati, ut multis verbis ostendit Cicero in oratione pro P. Quintio. Adversus quæ incommoda magna ratio humanitatis suadet subveniendum esse condemnato, quod eius fieri possit sine magno damno creditoris. Et hoc quidem in ea dilatione temporis, quæ datur, aut nullum est, aut certe non eiusmodi, cuius ratio habenda sit, neque enim magnum damnum est in mora modici temporis, ut Ulpianus ait in *d. l. si debitori*, *D. de iud.*

Hoc tempus quæ lege, et quodam initio constitutum esset, oserimus, nisi apud A. Gellium exstaret fragmentum legis duodecim tabb. quod hæc de re cautum est. Fuit autem in lege, ut Gellius refert *L. 20. Cap. 1. caput* eiusmodi: *Aris confessi, rebusque iure iudicatis triginta dies iusti sunt.* Quam partem legis docti aliquot viri nostra ætate feliciter restituerunt, et egregie expositam posteritati tradiderunt. Sunt igitur ea lege iudicatis triginta dies, quos lex iustos

esse iubet. Iustus Gellius interpretatur, qui iusticiam habeat, idest, iuris cessationem quandam: quoniam per hos dies cum reo iure agi non possit. Hoc viis illis doctis non placet. Et recte, iudicio meo non placet. Scimus enim iustum dici non in quo ius non est; sed contra in quo ius est: ut sit iustum, vel quod iure datur, vel per quod iure aliquid agitur. Unde Romanis dies præliæres iusti dicti sunt non alia de causa, quam quod his diebus liceret res iure repetere, vel hostem lacessere, teste Macrobio *Lib. 1. Saturn. Cap. 16.* idest, quod hi dies ad res repetendas, et hostem lacessendum iure dati essent. Cui significationi repugnat, si dixerimus iustos eos, qui habent iuris, seu eius, quod iure fieri possit, cessationem. Verius est igitur, quod et illi significare videntur, iustos dies in lege dici, qui iure habeantur. Fieri enim potuit, ut ante legem aut nulla esset dilatio reo condemnatis, aut si esset, ea daretur arbitrio magistratum, ipsi condemnati eam iure sibi defendere non possent. Lex autem constituit, ut deinceps hi dies reo iusti essent: idest, etsi a magistratu dati non essent; non minus tamen eos condemnati possent iure sibi defendere, quam si in diem obligatio ab initio esset constituta. Hoc tempus ¹ postea auctum est constitutionibus: sed varie, unde factum videtur, ut spacium certum huius dilationis nullum nominetur in Paudectis: sed ubique infinite appelletur vel iudicati tempus ut hic, vel constituti dies, ut in *L. intra*, *T. inf. eod.* Duos menses priores Imp. dederant, ut Iustinian. significat in *L. ult. §. ult. C. de usur. rei iud.* et scire licet ex *L. 2. C. Th. de usur. rei iud.* Ipse Iustin. ad extremum ³ quatuor men-

1) Cont. 2. subsec. lect. 18. n. 5. emendat illa, aris confessi, reisque iure iudicatis. Rev. ad *LL. 12. tab. Cap. 8. sic*: *Aris confessi, reisque debiti iudicatis.* Sed nulla corrigendi necessitas.

2) Quod probat *Corpus. de Iur. art. Parte 1. Cap. 22. Gend. ad L. 43. de P. S. n. 1.* Pollet. 1. *Inst. fori* 8. n. 10. ut institutio dici putat a vi et sitendo, ita et hos dies iustos, quod vis in reos iudicatos et executio solutionis coactio suspendatur. Sed recte Donell. et Guise. 3. *Obs.* 30. pr. *Tried. Marci. in Collect. L. 12. tab. 18.*

3) Unde Guic. passim hoc tempus vocat *tem. triginta* Leuclav. *Notator. Lib. 2. C. 50. et 91.* Mensum vero, etiam varie definit, 30. diebus constare vetius et receptius est, per *L. 11. §. 6. de adult. auth. inebrius. Cod. de iudic. De quo vid. Vuymer. Tit. 50. Obs. 5. Menoch. *Arb. Cap. 50. Inquibus. P. 2. Q. 45. Cofer. Morz. Please, de veritate relig. Christ. Cap. 8. pag. 99.* Ceterum hoc tempus statutum in actione in personam, in actione vero in rem non obtinet, Duar. ad *L. 2. h. tit. Ant. Fab. 7. Coniect. 1. Gilan. ad L. 25. de O. et A. n. 27. Damliader. Præzi C. 256. n. 3. Golei. P. 3. C. 9. n. 11. Vuymer. Tit. 23. Obs. 1. n. 2. Menoch. *Arb. Casu* 28. Etsi dicit. P. *Frederic. Lib. 2. de Mandat. iudic. Cap. ult. n. 19.* Quippe in his iudiciis officium est, ut statim iubeat rem domino restitui; nisi possessor eauscatur, se non posse in presenti restituere, ubi si sine frustratione id dicat tempus ei indulgendum, §. 2. *I. de offic.***

iud. quantum autem, id iudicii arbitri est, Menoch. *dict.* *Cap. 8.* Et hoc discernim argumentis *velis d. L. ult. ad solvendum.* Solutio enim non alii obligationi. Sicut nec usus, de quibus *ibid.* ex actione reali. Et ratio differentia vera hæc: Facilis res aliena restitui potest, quam pecunia explicari Gilan. *d. loc.* Non autem illa, quod minus favorabilis causa eius, qui rem mala fide possidet post liene contestatum, ut A. Fab. *d. C. 1.* Nam immo sæpe in actione in personam maior est pericula reconventi, et actio realis sæpe iuste excipit potest. Minus ita cunctum Fabri, quod in actione in rem ad iudicatum magis fiat quam condemnationi persone, ut frustra dilatio concedatur non condemnato. Quis hic peccat. (1). Quod ad iudicatum asseritur, vid. not. *supr. Lib. Civil. Comment. 20. C. 6. N. 2.* (2) Quod condemnationi negatur, vid. not. *ad L. 1. h. tit. N. 3. A.* Sed et *Paulus refertente Barneap. Lib. 1. Præceptum Tit. 4. Cap. de quadrimestri quod debitoribus conceditur*, diviti solum ac rerum soli possessori hoc tempus indulgere voluit, ut libere, ac per otium interea vendere, aut pignora res suas possit. Inopi vel tenui non concedi, enim vericulum sit, ne reus interea omnia consumat. In re Sax. scriptis iudicatis et confesso debitoribus 14. dies: ex consuetudine vero communis res hebdomada ac tres dies indulgentur, Vid. Sneiderin. ad §. *quadrupli 27. I. de act. n. 62. Color. p. 3. C. 6. n. 7. et decis. 133.* uti et ex Nov. Elect. Augusti ult. P. 1. quæ 14. dies in realibus reliquit.

menses constituit. Sic enim ille scribit in *ead. L. ult.* antiquitatem quidem condemnatis laxamentum duorum mensium dedisse: fideiussoribus autem eorum denegasse: se vero et quadrimestres inducias dedisse condemnatis, et quas his dederit, easdem fideiussoribus eorum hac lege tribuere. Ac ne quis forte dicat, eam constitutionem pertinere duntaxat ad eos, qui usuras rei iudicatz exigunt, quoniam constitutio Iustiniani initio de his usuris agit: verba ipsa constitutionis consulenda sunt. Ait vero Iustinianus se quatuor menses constituisse reis, et nunc constituere eorum fideiussoribus in omnibus causis, in quibus antea victoribus licebat a fideiussoribus eorum statim exigere vel pecunias, vel res in condemnatione positas. Cum res dicit condemnatione comprehensas, declarat se non sentire de usuris rei iudicatz ante id tempus non exigendis: propterea quod ceterarum rerum fructus sunt; usura autem pecunie duntaxat numerate *L. 3. §. non unquam, D. de usuris.*

Cum sit hoc tempus iudicati constitutum, quod diximus: sæpe accidere potest, ut hoc spacium sit logius iusto: interdum etiam ut sit brevis. Hinc tractatum, quæ huius loci quæstio est, an possit iudex hoc tempus mutare, si res exigit. In quo ¶ quærentur quatuor. Primum, an iudex possit hoc tempus arctare, vel prorogare. Alterum, si potest, an possit pro arbitrio, an non nisi ex causa. Tertium si ex causa, quæ sit iusta causa huius temporis mutandi. Postremum, sit ne hæc potestas cuiusque iudicis. De quibus breviter ad hanc sententiam statuit Ulpianus; posse iudicem tempus iudicati constitutum non servare. Posse, sed ex causa. Causam æstimandam ex negotii qualitate, aut quantitate, aut personarum conditione. Cæterum hanc potestatem non esse cuiusvis iudicis: sed eius qui tribunali præest: idest, magistratus et eius qui habet iurisdictionem.

6 Ait, qui pro ¶ tribunali cognoscit.) Descriptio est hæc magistratus, et eius qui iuri dicundo præest, veteribus usitata, quæ et legitur in *L. 1. D. de iudic.* Fuit enim tribunal locus sublimis, in quo sedebant magistrates populi Romani, cum ius redderant, dictus a tribubus: vel quod ex hoc loco magistratus iura redderet tribubus, idest, pop. Romano: vel quod tribus ipsæ, idest, populus inde per magistratum qui populi personam sustinet, ius redderent. Fuit autem solis magistratibus iura reddentibus destinatus, ut hoc, pro tribunali cognoscere nihil aliud declaret, quam magistratum

Tom. XI.

esse, et præesse iuri dicundo. De quo si quis plura nosse vult, legat Budæi annotationes ad *L. 1. D. de iud.* Quid ergo, si is iudicaverit: qui mandatum tantum iurisdictionem habet? Idem dicendum est, nam hic vice mandantis fungitur, *L. solet, D. de iurisd.* Et in universum quisquis iurisdictionem habebit, et sententiam exequetur: huic ius erit, tempus iudicati, aut arctandi, aut prorogandi, ubique enim iurisdictionis eadem potestas est, tantummodo ut res ad iurisdictionem iudicis pertineat. Quid, si erit tantum iudex datus, qui indicaverit? Cum hic sententia lata, iudex esse desinat, *L. iudex. 55. infr. cod.* Proinde nec sententiam suam possit exequi, *L. a Divo, inf.* perspicuum est, huius post sententiam dictam nihil iuris superesse. Quid si is in sententia brevius, aut longius tempus complectatur, intra quod iubeat condemnatum solvere? Verius est huius etiam sententiæ hac in re standum esse, de quo postea ad *L. 4. §. si quis condemnatus, inf.* Neque tamen id adversus huius loci sententiæ. Magistratus enim, et qui vice eius fungitur, tempus iudicati mutare potest semper, idest, et in sententia, et post sententiam: iudex datus, cuius post sententiam nullæ iam partes sunt, non item.

Ait, non semper tempus iudicati servat.) Sed utrum iure non servat, an iniuria? Manifestum est, Ulpianum ¶ hoc sentire, iudicem iure suo id facere: non iniuria. Nam si de eo ageret; quid iudex iniuriæ facere potest: postquam dixit iudicem, tempus nonnunquam arctare, nonnunquam prorogare, male adiceret, pro causæ qualitate, et cætera quæ sequuntur; cum iudex si iniuria quid facit, possit facere non spectata causæ et personarum qualitate. Hoc igitur dicit: licet iudici tempus iudicati non servare; sed prout videbitur, alias arctare, alias prorogare, ut cum hoc facit, iure fecisse intelligatur, nihil iniuria. At quomodo hoc non iniquum, et contra ius, quod alicui iure datum sit, id magistratum illi adimere? Iuris enim præceptum hoc summum est ius suum cuique tribuere, *L. iustitia, §. 1. D. de iust. et iur. ex quo illa, nulli hominum ius suum detrahi oportere, L. 2. D. de iis, qui sunt sui vel al. iur.* et indultum alicui a iure beneficium nulli esse auferendum, *C. indultum, extr. de regul. iur.* Et quidem ego iudico, si hæc facultas arctandi, aut prorogandi legitimi temporis ipsa lege iudici non daretur, non posse eum, aut legitimum tempus re datum illi adimere sine iniuria, aut petitionem post legitimum tempus victori constitutam illi denegare. Nunc autem potestas de hac re æstimandi, et statu-

tuendi lege illi datur: quo fit, ut cum alterum causa cognita statuerit, iure suo fecisse existimetur. Data est autem iudici hæc facultas aut novis Imperatorum constitutionibus. In quo genere est constitutio Antonini Pii, quæ refertur in *L. debitoribus*, 31. *cod.* (inhibetur enim in ea 4 tempora dari pro facultate cuiusque: quod si reus statim solvendo sit, vult eum statim compelli ad solvendum) Aut si videtur alicui ea constitutio angustior, quam ut complectatur omnes causas mutandi legitimi temporis, de quibus mox dicitur: audacius fortassis, non temere tamen defendetur, hanc ipsam facultatem contineri illis ipsa legibus, quibus hoc tempus iudicis constitutum est. Non tribuitur aperte et verbis: at tribuitur legis sententia: proinde lege. Non enim tantum ex lege est, quod est ex verbis; sed etiam quod ex sententia *L. nominis*, §. ult. *D. de verb. sig.* Ac de sententia constat, quæ lex tempus indulget reo ad solvendum, indulgere eam, non ut creditori nocetur: sed ut subveniatur reo, ne facile bonorum distractionem patiatur. Hoc enim est, quod veteres dixerunt: hoc tempus humanitatis causa indulgeri. Iam vero subveniendum est reo: at cui? nempe non indigno: nempe agenti subveniendum est: sed ad tempus ita, ut sine fraude creditoris, et Reipub. id fiat, de quibus paulo post plura. Fac ergo reum indignum esse hac dilatione, aut ea non egare, aut rem ipsam sine fraude creditoris aut Reipub. differri non posse: Mens, et sententia legis repugnant, quo minus dilatio concedatur. Ita est: quando ratio et propositum legis retinetur, tandem legi locus est. Ubi id, quod legi propositum est, cessat, illic convenit cessare legem, omnemque constitutionem, *L. quod dictum*, *D. de pact. L. 3. §. sed utrum*, *D. de minor.* Rursus propositum est legi, hac dilatione subvenire condemnato. Quare si dilatio non erit satis ad subveniendum, conveniens est legis sententia, ut prorogetur.

Ait, *nonnunquam arctat, nonnunquam prorogat*,) Hoc convenit, §. magistratum, a quo executio sententiæ postulat, post rem iudicatam posse tempus iudicati et arctare condemnato et prorogare. Eundem constat et in sententia ampliore diem condemnato dare posse ad solvendum. Nam hoc quemvis iudicem facere posse non obscure indicat *L. h. §. si quis condemnatus*, *infr.* An possit etiam arctare, id est, minorem diem præstituerre sententia sua,

item ille locus, quem modo dixi, dubium facit. *Si quis condemnatus sit*, inquit Ulpianus, *ut intra certos dies solvat, et minorem diem statuerit iudex tempore legitimo, repletur ex lege, quod sententia iudicis deest.* Quod nihil aliud significat, quam quod iudex in eo statuit, pro non dicto eas, ac reum nihilominus totum integrum legitimum tempus habiturum. Da condemnato simpliciter loquitur Ulpianus: ut proinde nihil referat, a quo sit condemnatus, a magistratone, an a iudice dato, qui iurisdictionem non habet. Argum. in *L. item veniunt*, 20. §. *a quo denunciatum*, *D. de pet. hered.* Et quod iudicem postea nominat, non facit, ut de iudice tantum privato accipi debeat. Nam et magistratus, et omnis qui iurisdictionem habet, iudices esse possunt, istoque ipso vero alii eodem Ulpiano appellatur in *L. 1. D. de iudic.* Sed fortasse illic iudex qui minorem diem statuit, ex causa id non facit: quod tamen hic exigimus. Nam hoc vulgo dicitur ad horum locorum conciliationem. Non ita est. Nam si illic iudex recte condemnavit, causam cognovit: non est enim res iudicata, nisi quæ iudicatur causa cognita *L. indices*, *D. de iudic. L. ex stipulatione*, *C. de sent. et interloc.* Proinde et illa cognovit iudex, quæ qualitas esset causæ nimirum, quæ quantitas, quod litigatorum obsequium et contumacia: quæ omnia in iis causis spectanda sunt, propter quæ hic dicimus magistratum recte arctare tempus, aut prorogare. Adde: quod si iudicem illic de causa non cognovisse diceremus, ne id quidem servandum esset, in qua ampliore diem statuisset, contra quam illic respondetur. Quapropter non est, quod negemus aut illic magistratum iudicavisse, aut quod minorem amplioreve diem sententia sua complexus est, id eum ex causa cognita fecisse. Quid ergo est? an magistratum post sententiam diem arctare posse dicemus; sententia vero sua non posse? Atqui neque hoc loco quidquam distinguitur, ubi magistratus iure suo arctet, constitutum tempus; et cum constet vel iudicem datum tempus arctare posse sententia sua, an dubitemus id et de magistratu, cuius maior potestas est, affirmare? sane vero causæ dici nihil potest, cur non possit idem et arctare. Quisquis enim iudex est, sive sit pro reo iudicavit, sive contra reum, pariter rei iudicata atandum est: sed negandum est, iudicem illic

mi-

§) Aut. Fab. y. consuet. 1. ut ut receptum habeat ut
vatum tempus ad solvendum daret iudex pro arbitrio, quæ-

tum sufficere pro condemnati facultatibus videtur. d. L. 31.

minorem diem statuendo tempus arctasse condemnato, ut non sit mirum, si etiam tum legitimum tempus reo servetur, qua de re illic plura.

Ait, *Pro causae qualitate, et quantitate, vel personarum obsequio, vel contumacia.*) Hoc dicit: Magistratus tempus iudicati arctat, aut prorogat, prout hoc aut illud faciendum esse snadet, aut causae qualitas, idest conditio negotii et rei, de qua agitur; aut huius ipsius causae quantitas, idest, quantitas quae in causa versatur; aut personarum, idest eorum, qui condemnati erunt, obsequium

9 vel contumacia. His \dagger verbis declaratur illud utrumque quod proposui, nec magistratum sine causa legitimum tempus mutare posse: et quoniam causam querimus, habere nos hoc loco, quibus ex rebus hanc causam aestimamus. Quid tamen, si sine causa mutabit magistratus legitimum tempus? Nempe ius est ab eo appellandi aut tanquam a iudice, si id in sententia fecit, aut tanquam ab executione modum iudicati excedente. Nam et hoc posterius facere concessum est *L. ab executione, C. non app. non noc.* nec vero dubium est, quin modum iudicati excedat, qui formam excedat iudicati vel faciendi vel esse-
quendi sententia iudicis, aut lege constitutam.

10 Sed de causis \dagger supra scriptis videamus. Qualitas causae aut in re est, quae petitur, aut in genere obligationis. In re alias species certa petitur, alias pecunia, aut res incerta. Genus actionis huiusmodi est: Aut enim actio in rem est, aut in personam, et in personam agitur alias ex maleficio debitoris, alias ex contractu, aut negotio gesto; atque etiam in contractu interdum privata causa agitur, interdum res est cum publica utilitate coniuncta; ut si dos petatur, inter quas conditiones causae plurimum interest. Quantitas causae quid sit notum est: quantitas pecuniae alias parva, alias maior, alias summa. Haec summa sine dubio aliam atque aliam dilationem desiderant. Obsequium et contumaciam sic accipimus. Contumacia est, cum reus edictis evocatus iudici non parit; sed quantum potest, rem trahit, *L. contumacia, 53. inf. eod.* Contrarium est contumaciae obsequium. Virgo obsequium est in reo tum, cum is adesse iussus, obtemperat magistratui, nec quidquam facit frustrandae et eludendae actionis causa. Ex his ita dicit Ulpianus arctandum esse aut prorogandum tempus conde-

Tom. XI.

mnato, ut res scilicet exiget: ut hoc ipsum, quod praecipue querendum vidatur, praeternittat: utrum horum potius res unaquaeque ex his, quae supra scriptae sunt, exigat. Quod ego, ut potero, nunc expediam, ea genera sigillatim prosequens, quae paulo ante proposui.

Igitur ex \dagger re, quae petitur, dilatio arctanda est, si petatur \dagger species, et ea quidem, cuius praestanda facultatem reus habeat. Argum. in *L. debitoribus, 34. in prin. inf. eod.* Et certe qui rem habet, nec praestat, ideo tantum differt solutionem, ut creditor noceat. Neque vero maliciis hominum indulgendum est, *L. in fundo, D. de rei vind.* Si res abest, idque sine dolo male debitoris: non est iniquum ei tantum tempus dari, quantum satis sit ad rem perquirendam et recuperandam, ut sit in iudicio petitorio, de quo in \dagger *Inst. de off. iud.* In pecunia id servandum, quod de quantitate mox dicam. In genere actionis multum refert, ut dixi, utrum in rem agatur an in personam. In actione \dagger in rem species petitur: de ea id sequendum, quod de specie certa iam supra posui. In actione \dagger 13 in personam si reus ex maleficio et dolo non convanitur, puto ei omnem dilationem denegandam. Primum haec dilatio beneficium et auxilium legis est: non recte auxilium legum invocat, qui adversus leges committit, *L. auxilium, in fin. D. de iniur. et in universum probatum est, in delictis nulli subveniri. L. si ex causa, §. nunc videndum, D. de iniur.* Deinde non est hoc casu metuendum, ne si statim pignora capiantur, reus labore. Nam hoc incommodum improbitati suae acceptum ferre debet, ut declarat Triphonianus in *L. bona fides, resp. D. de pos. qui delinquendo, inquit, male meritis est publice, is ut ceteris exemplo ad deterrenda maleficia sit, etiam egestate laborare debet.* Sane in \dagger actione quod 14 metus causa significatur in *L. item si, 14. §. quatenus, D. quod vet. caus.* etiam condemnato si qui vii intulit, tempus iudicati actionis servari, intra quod possit rem expedire. Illud vero etiam diserte illic scriptum est, ei qui vim intulit, tempus dandum, intra quod servum, qui in fuga est, persequatur, interposita prius in eam rem cautione, qua caveat se persecuturum, et omnimodo restitutum. Sed hoc in hac actione-

9*

5) Sed et actionem in rem de quib. d. §. 2. hoc tempus

plane non petitur. Vid. Not. ad. L. 2. h. tit. N. 3. supr. lit. Cod.

etione fieri non est iniquum. In ea enim non tam ob viam illatam, quam ob culpam non restituentis condemnatio fit in quadruplum, ut indicatur in eadem *L. item*, §. *quadruplabiliter*: hac poena tam gravi, præsertim cum adversus culpam non restituentis constituta sit, non temere videtur quisquam affici debuisse prius, quam merito eius non restituentis cessatio et culpa accusari posset: quod ita fieret, si saltem ea dilatio ei daretur ad rem restituendam, quæ cæteris omnibus nullam aliqui poenam ex cessatione metuentibus ad iudicatum faciendum dari solet, et is intra id tempus rem non restitueret. Si ex contractu agatur, † et res ⁶ ad utilitatem publicam pertinebit (puta dotem peti) condemnatus sine mora solvere cogendus est: quoniam id fieri Reip. interest, *L. 1. D. sol. nat.*

- In cæteris causis recte legitimum tempus servabitur reo, aut etiam prorogabitur. Quod tamen rursum † æstinandum erit ex causæ quantitate. In ea expedienda quid præsit reus, itidem, ut in specie, spectandum est. Nam si parva est summa, et reus dives, nihil differendum est, ut cavetur in *L. debitoribus, infr.* Si summa † reo non expedit facilis, aut etiam de eo dubitari potest, iusta dilatio concedenda est. Proroganda etiam, si aliquis casus incidit, qui eam facultatem, quæ prius fuisset, adimeret condemnato, quod et ipsum eadem lege fieri præcipitur in principio. Et hoc rursum ex obsequio aut contumacia condemnati temperandum est. De quibus † hoc puto esse observandum, ut ubicunque diximus, tempus legitimum dari, aut prorogari posse; id sic interpretandum sit, ut tribuatur hoc obsequenti reo, contumaci autem denegetur; quantacunque sit summa, quæ petitur, et quantumvis ex contractu agatur. Nam si ei, qui diu frustratus est, legitimum spacium damus, fiet hoc modo, ut ille ex contumacia sua eam dilationem consequatur, quam non haberet is, qui pro officio iudici esset obsecutus. Finge obsequentem reum, cum iudicio adesset vocatus; et nihil haberet quod agenti contradiceret, intra tres aut quatuor dies condemnatum esse: huic deinde quatuor menses ad solvendum datos. Perspicuum est huic brevius multo spacium futurum ad pecuniam expediendam, quam ei qui per sex men-

ses aut etiam annum integrum rem frustrando traxerit. Porro absurdum est, plus contumaci reo, quam obsequenti tribui, ut mittam, nulli dolum suum lucrosus esse debere, *L. 1. D. de dol.*

Ait, *sed perraro*) Correctio est, quod superius dixit, iudicem non tantum posse arctare tempus, sed etiam integrum posse servare, atque adeo prorogare. Potest iudex, inquit Ulpianus, hoc facere in cæteris omnibus causis, in quibus qualitas et obsequium condemnati id patitur. Sed sunt quædam † causæ quæ excipiuntur, in quibus perraro, id est fere nunquam intra statutum tempus sententiæ exequentur. Passivè dictum, pro, executioni mandantur, id est sunt causæ eiusmodi, in quibus non expectatur, dum præterierit legitimum tempus; sed statim condemnatus solvere compellitur: quantacunque summa erit, quantacunque obsequium condemnati. Huius generis causæ sunt, *veluti si alimenta constituentur*, inquit, *vel minori 25. annis subveniatur*. In alimentorum petitione arctatur tempus: quia in his mora periculum allatura est, quippe sine alimentis vivi non potest. Non est autem differenda res: quæ sine periculo non potest differri, *L. 5. §. si quis rivos, D. de ope. nov. nun.* ideo de alimentis et per ferias agi potest, *L. 2. D. de fer. et del.* In causa minorum arctatur tempus adversario: quia persona minorum meretur præcipuum favorem, ut et eorum restitutio, et moræ definitio, quam in horum persona ex re ipsa fieri receptum est, facile declarant *tot. tit. de mino. et L. in minorem, C. in quib. cau. in integ. rest. nec. non est.* Humanum est reo dilationem dare: sed humanius est minori consulere, quo minus scilicet propter infirmitatem ætatis sibi prospicere, et res suas recte agere minores possint, *L. 1. D. de iniur.* Ex his exemplis, et iis rationibus quas hactenus reddidimus, si rem in pauca conferre volumus, licet colligere, semper iustum tempus reo servandum esse: nisi si qua iusta causa afferatur, cur coarctetur. Quinque autem esse iustas causas propter quas legitima dilatio ei denegata statim solvere cogendus sit. Una est, si ea dilatio indignus erit. Ius namque non subvenit, quin potius hos afficit poena, ut dignos præmio, *L. 1. D. de iust. et iur.* Huius autem generis est reus, qui aut convenitur ex maleficio, et dolo suo, aut contumax est. Altera causa, si reus præstandæ rei, quæ petitur, facultatem

6) Si frumentaria pecunia debitori nulla dilatio datur *L.*

2. §. 3. de administr. rer. ad civit. pert. Choppin. de Privit. rust. Lib. 2. P. 1. C. 9. pag. 120.

tem habebit: nam, ut dixi, maliciis non est indulgendum. Id accidit, si aut rem petitam in potestate habebit, aut summam pecunie facile poterit expedire pro facultatibus. Tertia, si mora periculosa futura est; ut in alimentis. Quarta, si causa cum utilitate publica coniuncta erit, ut in dote,

quæ repetitur. Quinta et postrema, si minor erit, qui agat, propter favorem personæ. His, inquam, causis cessantibus, tum deique spacium legitimum condemnato servandum est; idem etiam prorogandum postea, si quid inciderit, quod præsentem facultatem rei præstandæ reo auferet.

Ad L. Qui condemnare. 3.

Paulus lib. 17. ad Edictum.

Qui condemnare potest; is absolvendi quoque potestatem habet.

S U M M A R I A.

1. Qui iudex in eo datus est ut aliquem condemnaret, si pareat eum dare oportere, eundem absolvere potest, si nihil debeat.

2. Removetur difficultas; et superior definitio luculentius exponitur.

NON est indicati actio, nisi res iudicata sit ab eo, cuius de ea re iurisdicatio est. L. 5. *inf.* vel ut posteriores locuti sunt, nisi sit indicata a competente iudice. Tit. C. si a non comp. iud. Non est autem competens iudex, nisi qui pro potestate accepta iudicat. Ita non est competens, qui aut damnavit, cum dammandi ius non haberet, aut absolvit, cum non haberet, aut absolvendi potestatem. Hinc querit, si forte quis ita datus sit iudex, ut damnaret reum, si pareret, eum dare oportere, videaturne is quoque absolvendi etiam habere potestatem: ut si absolvit, rei iudicatæ standum sit, quasi pro potestate id fecerit non secus, quam si damnasset. Non temere hoc queritur. Nam iudices olim sic dabantur a Prætoribus in iudiciis privatis. Gallus Aquilius iudex esto. Si paret Sempronium centum mutua dare oportere, iudex condemna. Finge eum, qui ita datus sit, Sempronium absolvisse, quia eum nihil debere parvisset. Nimirum hic quereretur, videreturne Sempronius pro potestate et iurisdicitione iudicis esse absolutus, ut hunc exceptione rei iudicatæ tueri oporteret: hic Paulus rem dirimit, ita definit. Qui damnare potest, is absolvendi quoque potestatem habet, quod habet hanc sententiam: qui damnare potest, pro potestate dammandi sibi data, is et ab-

solvendi quoque potestatem habet: absolvendi, inquam, non eum, qui damnari debeat; sed eum, qui absolvendus videatur. At quomodo si absolvendi quoque potestatem habet, qui eam non accepit? et quomodo accepit, cui data non est? Sic res habet: qui fecit potestatem condemnandi, vi ipsa et absolvendi potestatem fecisse intelligitur. Colligitur autem voluntas non difficile his argumentis. Nam si magistratus voluit reum, qui deberet, condemnari in hoc iudicio: multo magis voluit absolvi, si non deberet. Certe ita necesse est existimari, si magistratus, id est, viri boni, et eius, qui ius reddat, officio fungi voluit. Nam cum utrique parti in iure reddendo consulendum est; tum vero ad absolvendum promiores esse debemus, L. Arrianus, D. de obl. et act. L. absentem, D. de pen. Sed etsi voluit eum iudicem, quem dabit, habere dammandi potestatem: multo magis eum voluit potestatem habere absolvendi. Plus enim multo est condemnare quam absolvere. Cur ergo magistratus prius illud nominatum permisit? Quia superfluum est priore illo concessio vel iniunctio posteriori adicere: cum et ex verbo iudicis, atque iudicii, item ex eo, quod in iudicio maius erat, et difficilius, id quod minus est, nec tamen minus ad officium iudicis pertinet, satis datum intelligatur. Quid e converso, si iudex ita datus sit, ut absolveret,

1) Add. L. nemo 37. de R. I. ubi Riv. et P. Fab. plenissime Menoch. 1. Arb. Q. 43. Quæ regula ad personam iudicis refertur non ad personam rei, neque enim inde quis

arguit: Necessarium damnare potest iudex. Et absolvere igitur. Dicitur ad d. L. 3.

ret, si pareret reum non debere, aut nihil tale admisisse, quale insimulatur? Hic vero non ideo damnandi potestatem habebit. Neque enim si cui quid conceditur quod minus

est, ideo etiam ei conceditur quod est maius. Quod in hac ipsa specie prope diserte confirmatur in *L. ult. C. ubi senat. vel clar.*

2) *Add. Nov. 83. Duar. ad d. L. 3. Anton. Fab. 15. Con-*

iect. 1. Et ita Menoch. d. Quast. 43. n. 26. prohibita condemnatione favore personæ concessam esse absolutioem.

Ad L. Si se non obtulit. 4.

Ulpianus lib. 58. ad Edictum.

Si se non obtulit procurator, iudicati actio in eum denegabitur, et in dominum dabitur: si se obtulit, in ipsum dabitur. Obtulisse autem se liti videtur, qui iudicio pro domino se obtulit: non is, qui in rem suam procurator datus sit. Nam hic alia ratione recusare iudicati actionem non potest, quia non alienam, sed in rem suam procurator factus est. Tutor quoque, vel curator in ea conditione sunt, ut non debeant videri se liti obtulisse: idcircoque debet denegari in eos iudicati actio.

Actor municipum potest rem iudicatam recusare, in municipes enim iudicati actio dabitur.

S U M M A R I A.

1. *Iudicati actio datur in condemnatum, qui suo nomine non alieno conveniatur.*
2. *Nisi tamen liti se obtulit qui alieno nomine convenitur; et quis liti se obtulisse intelligatur et n. 5.*
3. *Nec tutor nec curator, nec actor municipum videntur se liti obtulisse, dum alienam causam defendunt.*
4. *Item nec procurator quem dominus obtulit adversario, et pro eo satisdedit.*

6. *Quoties defensor ille condemnatur, qui iudicati actione non tenetur, toties hanc in rei dominum dari.*

7. *Contraria diluantur et n. 8. 9. 10.*

11. *Tutor et Curator, aut alii id genus defensores nec de litis sumptibus actione iudicati tenentur.*

12. *Præterquam si ob dolum suum scilicet suo facto et nomine non alieno conventi damnentur.*

Rebus iure iudicatis et condemnato reo, prætor actionem iudicati constituit in condemnatum. De qua actione quæ, et qualis sit, dicitur ad *L. miles, G. §. pen. et ult. inf.* Quid petat, sive ad quid detur, et in quem detur, hoc capite tractat Ulp. eam partem edicti explicans, qua de his rebus cautum est, ac primum in quem detur. Verba edicti de condemnato hæc fuerunt, *ut is pecuniam solvat*, quæ hic referuntur in §. 1. Ergo ¶ in condemnatum datur iudicati actio, sed an in omnem, qui erit condemnatus? Et de eo hoc loco scribit Ulpianus ad hanc sententiam: si quis suo nomine conveniatur, non

alieno, aut alieno quidem, sed in rem suam: in hunc sine controversia iudicati actionem dari, quod illis verbis indicat, *nam hic alia ratione.* Congruit *L. Plautius, D. de proc.* Idem probandum ¶ esse, etsi in aliena causa condemnatus sit, qui se liti obtulerit. Quod si quis qui et alieno nomine conveniretur, et de re aliena, non sua, cum item se liti non obtulisset, condemnatus fuerit: hic demum rem in ea causa esse, ut in hunc deneganda sit iudicati actio, et in dominum danda. Extat eadem distinctio et in *d. L. Plautius, de proc.* Quæritur, quis se liti obtulisse videatur. Et primum hoc ¶ ratum sit, neminem

1) Actio iudicali, ut contra Procuratorem detur, vid. supr. *Lib. 18. Cap. ult. N. 4. Guic. 15. Observ. 30. Robert. 2.*

sent. 2. *Duar. ad L. 4. pr. h. t. Hart. Hartm. t. 7. Obs. 1.*

nam videri se obtulisse liti, qui muneris necessitate coactus, alienam defensionem suscepit: quod hoc loco Ulpianus exemplo tutoris, curatoris, actoris municipum docet. Negat enim hos se liti obtulisse, eoque et indicati actione teneri. Non dubium, quin ideo neget, quia hi muneris necessitate coguntur ad alienam defensionem suscipiendam. Nam et tutela, et cura, et actoris municipum sive Syndici administratio publicum munus est, *L. munerum, §. 1. et §. defensores, D. de muner. et bon.* Nec vero dici potest, alicui rei se offerre, qui hanc coactus suscipit, illud enim voluntatis est: hoc necessitatis: quae sunt contraria. Ita in procuratorem seu defensionem solum cadit, ut dici possint, se liti obtulisse: quorum est videlicet, sponte alterius nomine suscipere actionem. Sed non tamen continuo qui sponte alienam defensionem suscipit, idem se liti offert. Is dicendus non est se obtulisse liti, quem dominus dedit adversario, ipse pro eo satisfaciens, se iudicatum solutum, iuxta formam praescriptam in *§. si vero aliquis, Inst. de satisf.* Non enim potest dici se obtulisse, quem alius suo nomine liti obtulit. Restat igitur, quod significatur in *d. L. Plautius*, ut is tamen defensor videatur se liti obtulisse, qui pro reo absente suscipit actionem, ut simul satisfaceret ipse se iudicatum solutum, non dominus pro eo, secundum formam traditam in *§. si vero eius, Inst. de satisf.* neque intererit, utrum procurator sciret cautum non esse: an vero is, qui defensoris loco cum satisfactione idem fecerit, verba sunt *L. Plautius*: quibus declaratur, non tantum eum defensionem, qui defensoris tantum loco sit, id est, qui ad defensionem alienam accesserit cum satisfactione sine mandato, damnatum conveniri debere, quasi qui vere se liti obtulerit: sed etiam verum procuratorem, qui defensionem absentis susceperit domini mandato, quum sciret cautum non esse, nempe a domino: id est, dominum nihil cavisse, nihil satisfecisse pro defensore. Et recte hic dicitur, se obtulisse liti, qui pro se satisfecit. Necessitas enim, quem dominus in iudicio praesens non obtulit, et de quo recipiendo nihil egit cum adversario, is se ipsum obtulisse intelligatur: cum oporteat eum aut a se, aut ab alio offerri. Illud tamen notandum, cum is defensor est, qui damnatus iudicati non tenetur, quia liti se non obtulit, in dominum iudicati actionem dari. Si tutor condemnatus est: in pupillum, *L. 2. D. de admin. tut.* Si actor municipum, in ipsos municipes. Si procurator: in dominum, et eum, ad quem ea res pertinet: ut in actore, et procuratore condemnato luc scriptum est in *princ. et fin. 1. resp.*

Re iudicata etc.

Habes Ulpiani distinctionem de iis, qui iudicati actione tenentur, aut non tenentur. Cuius rationem tamen non immerito quis requirit. Nam cum Praetor edicat, se actionem in condemnatum daturum, non in alium: quomodo defendemus, aut hanc in tutorem, procuratoremve non dari, si condemnatus erit? aut in dominum dari, qui non erit condemnatus? Errat enim, si quis putat causam per tutorem, aut procuratorem defensionem dominum condemnari, non procuratorem. Ipse procurator damnatur: non dominus, cuius persona in iudicio non fuit, *L. 1. C. de sentent. et interloc.* Et quid opus est verbis? cum dicatur in tutorem et procuratorem, quamvis condemnatum, iudicati actionem non dari? *L. 2. D. de admin. tut. L. Plautius, D. de procurat.* Et de tunc, et similibus, 8 quos diximus muneris necessitate cogi ad defensionem, facilius responso est: hos neminem, cum condemnati sunt, perinde haberi, quasi non ipsi condemnati essent, sed ii, quorum de re agitur. Nam ut ex uno iudicatur de ceteris: quidquid tutor gerit, perinde est, quasi pupillus gessisset, et quod gestum est cum tutore, pro eo est, quasi gestum esset cum pupillo. Denique in omni administratione tutela tutor persona pupilli fungitur, non sua. Argumentum haec sunt: Tutor falsum testamentum dixit pupilli nomine, ea res tutori non nocet: quasi pupillus id dixerit, non tutor, *L. adversus. §. 1. D. de inoffic. test.* Tutor stipulatus est: pupillo id sic habetur, quasi pupillus stipulatus esset sibi, *L. cum qui, §. si actori, D. de constit. pecun.* Tutor se pupilli nomine obligavit. Finito officio non tenetur, sed pupillus: *L. post mortem, §. ult. D. quand. ex fact. tut.* Id facit muneris necessitas, quae, ne tutori administratio noceret, exsecrari esse debet, *L. tutorem, D. de iis, quae ut indign. aufer.* Quod si in ceteris causis probatum est, etiam in hac admitti debet; scilicet ut hic quoque tutore condemnato ipse pupillus videatur condemnatus. Sed non item licet de procuratore dicere, qui sponte accessit ad defensionem alienam, non ulla necessitate. Denique procurator et si domini causa aliquid facit: tamen ubi res ex persona eius geritur, et ipse fidem suam obstringit, non minus ipse obligatur, quam si se suo nomine obligasset, *L. procurator qui, 67. D. de proc.* Itaque cur in hunc condemnatum iudicati actio non detur ex edicto, difficilius dictum est. Sed tamen tamen hoc defensione sua non caret, etque nec subtili nec obscura. Id ergo eo fit, non quia dici possit procuratorem non vere et iure esse condemnatum; sed quia hoc actum est inter actorem do-

dominium, etque adeo procuretorem ipsum, ne iudicati actio daretur in eum procuratorem, quem dominus liti obtulit. Huc enim pertinet, quod dominus promisit se indicatum esse soluturum, non procuratorem. Porro in omni obligatione contrahenda constat neminem obligari sine consensu, *L. 1. §. 1. D. de pact.* Quibus rebus satis responsum puto ad edicti verba. Sed verendum est, ne \dagger alius rebus quam verbis edicti certo efficiatur, ut procurator condemnatus, quantumvis se liti uon obtulerit, teneri tamen debeat iudicati actione. Nam utrumque hoc certum est, et eum ad quem res pertinet, condemnatum teneri, quamvis sit procurator: quod hic scriptum est in *pr. et L. Plautius, D. de proc.* et procuretorem omnem, qui pro domino se obligavit, vinculum obligationis sponte susceptum frustra recusare, *L. procurator qui. 61. D. de proc.* quorum utrumque convenire videtur in procuratorem. Etenim si rem eius quaeramus, ipse litis contestatione dominus litis effectus est, *L. procuratoribus, L. nulla, C. de proc.* si eius obligationem ipse indicium accipiendo, ut promittendo, pro domino se obligavit: quoniam iudicio contrahitur, ut stipulatione, *L. 3. §. item scribit, D. de pect.* Sed ne quid horum nos moverit. Procurator litis contestatione dominus litis efficitur; sed non ideo rei dominus, ut tanquam de re sua conveniatur. Aliud est dominum esse rei, seu rem esse elicuius, aliud esse dominum litis. Dominus rei est, ad quem commodum, aut incommodum rei suo nomine pertinet, *L. 1. §. in propria, D. quan. app. sit.* Hic quidem iudicati actione tenetur. Sed non est huius generis procurator, qui alieno nomine, non in rem suam suscepit actionem. Dominus autem litis dicitur, qui iudicium et instantiam dominus est, quod contingit procuratori liti contestata: quia eius iudicii actionem retinere

potest pro arbitrio, et pro arbitrio in alium transferre. Ea res vero procuratorem rei dominum non facit: utpote ad quem certum sit, neque commodum rei, neque incommodum pertinere, *L. si procurator, 29. D. de procur.* Quod eum dicitur, iudicio suscepto contrahi obligationem iudicati: hactenus verum est, nisi si quid contra actum sit. Iam enim dixi, nulla ex causa obligationem nasci posse in negotiis gerendis, ubi hoc ipsum non agitur, ut obligatio nascatur, quod pene diserte scriptum est in *L. non omnis, D. si certum pet.* Nec dubium est, id ipsum agi in hac causa ut dominus teneatur, qui procuratorem dedit, non procurator.

Quaeritur est, \dagger an qui iudicati actione non tenetur, tutor, aut procurator, et similes defensores, saltem in eos actio danda sit de sumptibus litis, quibus ipsi temere litigantes coussam praeberunt. Et placuit etiam hoc nomine in dominum dari, non in tutorem aut procuratorem, *L. qui solum, 78. §. etiam, D. de legat. 2.* Sane ob dolum \dagger 12 suum et calumniam condemnari, et conveniri possunt tutores, et procuratores, *L. non est ignotum, C. de admin. tut. L. unic. §. si procurator, D. si quis ius dicenti non abtemp.* Sed multum interest, utrum tutor, tanquam tutor, procurator tanquam procurator, id est, alieno nomine, et alienam sustinentes personam condemnentur: an vero condemnentur suo nomine, et de facto suo. Illic res aliena est: itaque hoc semper agi intelligitur, ut dominus teneatur. Hic de re sua convenitur tutor et procurator, cuius nomine condemnari se inique ferre non debet, et condemnati actionem iudicis recusare non possunt. Sic autem suo nomine condemnari possunt, si exceptiones allegent, quas postea constiterit iudici falsas, aut calumniosas esse. Argum. *d. L. non est ignotum, C. de admin. tut. et L. tutorem, D. de iis qua ut iud. auf.* Ad §.



Ad §. Ait prætor.

Ait prætor, *Condemnatus, ut pecuniam solvat*. A iudicato ergo hoc exigitur, ut pecuniam solvat. Quid ergo si solvere quidem paratus non sit, satisfacere autem paratus sit? Quid dicemus? Et ait Labeo, debuisset hoc quoque adici: *Neque eo nomine satisfaciatur*; fieri enim posse, ut idoneum expromissorem habeat. Sed ratio pecuniæ exigendæ hæc fuit, quod noluerit prætor obligationes ex obligationibus fieri: idcirco sit, Ut pecunia solvatur. Ex magna tamen et idonea causa accedendum erit ad Labeonis sententiam.

SUMMARI A.

1. Exigi a condemnato Prætoris Edicto ut pecuniam solvat, satisfactionem contra repudiari.
2. Quæ fuerit hæc de re Labeonis sententia et quam habeat rationem.
3. Quomodo prætoris Edictum tueretur Ulpianus.
4. Sententiam Labeonis ex magna et idonea causa probat Ulpianus.

5. Magna et idonea causa quæ sit, notatur ex de re vulgaris sententia.
6. Sententia auctoris.
7. An et sine causa audiri non debeat condemnatus, si satisfacere paratus sit, quæ probare videntur: Ea refelluntur.

¹ **E**Xigit Prætor † a condemnato, ut pecuniam solvat. Hoc districtè qui exigit, non admittit satisfactionem. Nam inter solutionem, et satisfactionem etiam in re ipsa multum interest. Solvere est re præstare, quod debetur, *L. solutam, D. de solut.* Satisfacere vult, qui offert fideiussorem, expromissorem, aut pignora, aut quid aliud pro eo, quod petitur, quibus ultro a creditore admissis, re ipsa satisfacit creditori, *L. promissor. §. ult. D. de const. pecun. L. si rem, §. omnis; D. de pign. action.* Quæ inter se plurimum distant. Id Labeo † ex verbis edicti non negabat: sed contendebat etiam de satisfactione in edicto adici debuisset: ut quoniam Prætor polliceretur actionem iudicati, si condemnatus pecuniam non solvat, sic potius edictum concipi debuisset: si non solvat, neque eo nomine satisfaciatur: declarans condemnatum non tantum solventem, sed etiam satisfaciendum, idest, idoneum expromissorem offerentem pignorum captionem et distractionem evitare. Quæ sententia non caruit ratione. Nam actione iudicati non aliud consequetur creditor, quam ut pignora capiat in causam iudicati, quæ deinde in eam ipsam causam distrahantur. Et quid interest, quæso utrum pignora in eam rem capiat, an accipiat fideiussorem, aut expromissorem: quando utraque via eodem modo illi cautum videtur? Notandum tamen exegisse Labeonem a condemnato idoneum expromissorem, non fideiussorem. Sic enim eius verba sunt: *fieri enim posse, ut idoneum expromissorem habeat*. Quod non otiose Tom. XI.

se ita scriptum est. Nam si fideiussorem condemnatus daret, quamvis admittente creditore: non ideo tamen cessaret adversus eum executio iudicati, ut disertè scriptum est in §. sequent. Est enim fideiussor, qui id ipsum promittit, et fide sua esse iubet, quod debet reus principalis: nec aliud est fideiussorum obligatio, quam accessio principalis obligationis, §. *fideiussorem, Instit. de fideiuss.* Unde satis intelligitur fideiussore dato, ita ex ea causa obligari fideiussorem, ut reus ipse, qui eum dedit, pariter obligetur, ut ante, et quidem primo loco, cum obligetur fideiussor per accessionem. Quod si fit, perspicuum est iudicati actionem et executionem quæ adversus reum fuit, fideiussoris accessione non mutari, sed confirmari et augeri potius. Expromissor autem, cum pro obligato datur, is intelligitur, qui ita pro alio quod promittit, ut obligationem novandi animo in se transferat, reo principali liberato, *L. 4. D. de cont. caus. dat. L. 8. §. si convenerit, et L. aliquando, D. ad Velleian. L. qui libertinus. §. nihil, et §. ult. D. de oper. libert.* Quomodo si quis condemnatus vice sua alium reum det, non dubium est, quin amplius iudicati actione non teneatur. Hoc vero admittendum, si quis idoneum expromissorem offerat: et enim qui id faciat, evitare iudicati actionem Labeo putavit, ea ratione motus, ut probabile est, quam supra dixi. Ulpianus hoc loco † sic tueretur edictum, ut ostendat recte fecisse Prætorum, qui a condemnato hoc solum

solum exegerit; ut pecuniam solveret, eademque opera expromissorem quamvis idoneum, omnemque aliam satisfactionem ad evitandum iudicium executionem repudiavit. Noluit enim, inquit, obligationes ex obligationibus fieri: obligationem expromissoriam videlicet ex obligatione iudicati. Et merito noluit: illo enim admissio eveniet, ut lites nascantur ex litibus. Nam expromissor si solvere pecuniam non vult, non statim cogi potest: sed novo iudicio cum eo agendum est: sententia adversus eum accipienda. Sic denique procedendum; ad executionem iudicati ut praescribitur in *L. 1. C. de exec. rei iudic.* Ille autem lites ex litibus nasci leges avertant, tanquam rem bono publico, et saluti Reipub. inimicam, *L. terminato, C. de fruct. et lit. expens.* et iam ante a principio ostendi, id semper diligenter cavisse legislatores, ut esset in civitate, quam minimum litium. Quod exemplum et magistratus iuris et utilitatis publicae custodes sequi debent. Hoc incommodum in pignoribus in causam iudicati capitis non metimus, haec enim ita capiuntur, ut statim et sine ulla lite distrabantur. Et tamen, ne omnino abs re in hac causa existimemus *†* Labeonem admisisse satisfactionem, sive idoneum expromissorem: fatetur Ulpianus ex magna et idonea causa accedendum esse ad Labeonis sententiam.

Ex magna tamen et idonea causa, 1 Quæritur, quæ sit hæc magna et idonea causa. Et video omnes in hoc consentire, ut dicant de eo stanteum esse ex condemnati facultatibus, et rei qualitate: ut cuius magna est inopia, si idem non inhonestis ex causa conveniatur, is audiendus sit idoneum expromissorem offerens: quia scilicet in *L. 2. super. et L. debitoribus, infr. cod.* traditum sit ex his causis tempus legitimum arctari, aut prorogari posse. Sed exemplum non congruit. Quæcumque enim res in supra scriptis locis commemorantur, propter quas legitimum tempus prorogari potest, hæc nihil amplius reo tribuunt, quam dilationem. Quo minus dilatione finita reus iudicati recto conveniatur, non efficiunt, *d. L. debitoribus.* Itaque nihil ad hanc causam, de qua agitur, pertinet. Agitur enim de eo, qui expromissore dato, hoc facto se necessitate solvendi et simul iudicati actione liberari postulet. Alia igitur causa, quam id præstet, querenda est.

Mihi hæc *†* iusta et sola esse videtur, si nihil intersit creditoris, utrum potius debitoris pignora capiat, an expromissorem, qui offertur. Neque enim honeste creditor debitori denegare potest, quod debitori prosit, ipsi nihil noceat, *L. 2. §. quamquam, D. de aq. et aqua plu. arcend.* ut autem ipsius nihil ieterit, utrum faciat, vel potius ut etiam ei utile sit expromissorem admittere, sic evenire potest: si reus pauper, et rebus omnibus aliis destitutus immobilia tantum possideat, et ipse expromissorem det locupletem non tantum facultatibus, sed etiam conveniendi facilitate. Nam hoc expromissore admissio, si postea cum eo agat creditor, facilius ad ius suum perveniret, quam si immobilia potius capiat, ut ea distrahat. Etenim dives expromissor solvet potius, quam litigabit. Si litigare mallet, cito damnabitur, liquet enim de obligatione. Si tempus ei dabitur (quod breve esse oportet, ut adversus hominem locupletem) tamen quodcumque id erit, brevis futurum est omnino, quam illud, quod intervenire oportet in rebus soli substandis, et proscribendis. Nam in hac subhastatione certa solemnia præscripta sunt, et longiora tempora constituta, *L. 2. 4. et ult. C. de fid. instr. lib. 10.*

Hæc Ulpianus de sententia Labeonis circa satisfactionem hic admittendam, aut repudiandam. Verendum *†* tamen, ne et sine alia causa audiendus videatur condemnatus, si satisfacere tantum paratus sit, ut Labeo existimavit. Solventem liberari omnes concedunt, quare et satisfacientem liberari necesse est: postquam recepto iure satisfactio pro solutione habetur, *L. satisfactio, 52. D. de solut.* Sed aliud est satisfacere creditori, aliud satisfacere velle. Satisficit creditori cum ille expromissorem, aut quid vis aliud pro re debita oblatum admittit, eoque contentus est, *L. 1. D. qui satisfac. cogan. L. 5. satis, D. de verbor. oblig. dicta L. si rem, §. omnis, de pignor. actione.* Quo fit, ut si hæc oblatio recuset creditor, dici possit debitor, his rebus velle satisfacere creditori: revera non faciat satis, quoniam eum contentum non reddat. Satisfacere admittendi creditori pro solutione est: satisfacere velle, quod a satisfactione multum distat, non item, *d. L. item, §. 1. quib. mod. pig. vel hyp. sol.* Itaque quod hic dicitur, eum satisfacere qui expromissorem recusanti offerat, abusive dicitur, et

1) Sic etiam mihi proba debetur, fundus, domus aliarum res oblatas in solutum accipere non tenentur regulariter, si tamen se parata pecunia debitori debitor ostendat, adducit: de cur-

toribus suscipiatur et servatis illis que in ant. hoc nisi Cod. de solut. obligationis liberatur. Post alios Meli. ad Nov. elect. Sax. 22. p. 2. n. 9.

et ex sensu debitoris, qui hoc ita appellat. Nec obstat quod in *L. promissor*, §. *ult. D. de const. pec. scriptum* est, eum qui constituit se satisfactorum, liberari, si det fideiussorem, aut pignora. Non enim hoc ideo responsum est, quia fideiussoris aut pignorum oblatio invito creditore sit satisfactio: quasi vi et potestate verbi ea oblatio admittatur; sed quia in superiore constituto promissio erit inutilis, nisi in ea fideiussorem aut pignora

promissa esse interpretetur. Alterutrum enim necesse esse, aut hæc præstare promissor debeat, aut solvere. Solvere non debet, quoniam id non promisit. Ita relinquitur, ut solum fideiussorem, aut pignora dare debeat. Si modo, inquam, promissionem valere volumus: quod ut fiat, in omni stipulatione, et promissione eundem est, *L. quoties in stipulationibus*, *D. de verb. obl.*

Ad §. Si ex conventionione.

Si ex conventionione litigantium cautum sit post rem iudicatam ei, cui quis condemnatus est: eveniet, ut hic etiam recedatur: si modo novatio intercessit. Cæterum si non novandi causa id factum est: manebit ordo executionis. Sed et si pignora accepta sint, vel fideiussores in rem iudicatam: consequens erit dicere, non cessare executionem: quippe cum accesserit aliquid rei iudicatæ, non est a re iudicata recessum. Idem observandum est in eo, cuius procurator condemnatus est.

S U M M A R I A.

1. Cum quis in rem iudicatam sponte cautionem accepit, utrum a re iudicata recessisse videatur; et quomodo distinguendum.
2. Quando novatio videatur intervenisse ex Ulpiano.

3. Quid ex iure Iustiniano.

§. Contrariis occurrunt.

5. Actionem iudicati manere adversus dominum, etiam procuratore condemnato, et cautione aut fideiussoribus ab isto datis.

Creditorem non esse cogendum cautionem admittere, ut recedat ab actione et executione iudicati, supra effectum est. Quod, si ↑ sponte cautionem admisit in rem iudicatam: puta, passus sit idem sibi promitti, aut fideiussores, vel pignora in eam rem acceperit? an sic saltem recessum erit ab executione rei iudicatæ? Et de eo statuit idem hoc loco Ulpianus, quod brevius comprehensum est, in *L. 2. C. de exec. rei iud.* siquidem novandi animo cautionem aliam admisit creditor, recessisse eum a re iudicata: Si non novandi causa, manere ordinem executionis. Tot enim verbis in hac re utitur hic Ulpianus, manere obligationem et actionem iudicati, qua in hoc agitur, ut si reus pecuniam non solvit, iudex sententiam exsequatur, pignoribus certo ordine captis et distractis, *d. L. 2. C. de exec. rei iud. L. a divo*, §. *in venditione*, *infr. cod.* Sed novatione priorem obligationem et actionem iudicati tolli, nemo ignorat. Vis enim certa est novationis, *d. L. 1. D. de novat.* Rursam nulla novatione facta veterem actionem manere, quæ nova cautione sublata non sit, ne hoc quidem incertum fuit. Quod igitur hic ↑ dubii

Tom. XI.

fuisse dicemus, in quo explicando Ulpianus laboravit? Nam in re manifesta quærenda, aut probanda id eum facere valde stultum est, de omnino Iurisconsulto non convenit, *L. Domitius*, *D. qui test. fac. poss.* Et observandum est in eo potissimum laborare Ulpianum, ut ostendat id, quod olim dubitationem habuit, quando et quæ nova cautio novandi animo addita videretur aut non videretur: ut illic quidem a re iudicata recessum esset; hic non esset. Itaque hoc significat, si victori cautum sit ex conventionione, idest, si promissum, quod debetur, et hac nuda promissione, nempe sine fideiussoribus, aut pignoribus, (id enim cautionis verbum significat, *L. sancimus*, *C. de verb. signif.*) videri novationem intervenisse, eoque recessum a re iudicata, nisi probetur factum id esse non novandi causa. Cæterum pignoribus datis postea, aut fideiussoribus, nunquam videri recessum quasi facta novatione, et hoc addita ratione: quia tantum absit, ut per fideiussores, aut pignora tollatur, aut infirmetur res iudicata, ut hæc potius ad rem iudicatam accedant, et eam subesse et manere, aperte declarent. Non enim dubium est fidei-

iussores et pignora accessiones esse principalis obligationis, §. *fideiussores*, *Inst. de Adolus. L. in omnibus speciebus*, *D. de solut.*

- 3 Hodie post § constitutionem Iustiniani hæc disputatio est supervacua, cum etsi alia quævis cautioni debitorum intervenerit, nunquam tamen ne sic quidem videatur facta esse novatio, nisi hoc nominatim actum sit, ut novatio fieret, *L. ult. C. de novat.* Interim hoc manebit, quod et ante valuit, et nunc valet, pleniorum cautionem, quæ creditoris causæ comparata sit, ut fideiussoris aut pignorum postea datorum, creditori non nocere, nec quidquam detrudere de præcedenti obligatione, ubi nihil eiusmodi aperte actum est, ut ab ea recederetur. In quo non est quod hæsitemus: etsi hic quædam § occurrant, quæ parum attentis negotium exhibeant. Quod enim dicitur in *L. si rem*, §. *omnis*, *D. de pig. act.* fideiussoribus et pignoribus creditori admittenti datis, ei satisfieri: non simpliciter dicitur; sed adicitur, si in modo ista data sunt, ut a præcedente aliqua obligatione recederetur, eaque non omni, sed ab obligatione pignoris. Nam ut a principali obligatione discedatur, frustra fideiussores dentur aut pignora: cum principali obligatione sublata non possit esse accessionibus locus, *L. in omnibus speciebus*, *D. de sol. L. cum principalis*, *D. de regul. iur.* Quod si verum est, non est metuendum, ut pignoribus aut fideiussoribus datis, pro debito creditori satisfactum, eoque modo a priore obligatione recessum videatur. Quod autem vulgo dici solet, cautionem hominis tollere cautionem legis, falsum est. Utuntur argumento *L. ult.*

C. de pact. conven. qua cavetur, ut mulier tacitam hypothecam habeat, quæ nominatim de ea sibi non prosperit cautione. Quod ad rem nihil pertinet. Hoc enim exemplo efficitur, ei qui privata cautione iam sibi satis prospectum habet, supervacuum esse idem amplius propria aliqua lege dare, aut confirmare: cum quod conventionem sua cautum habet, id ipsum et iure publico cautum et conatitutum habeat, quod ius tuetur pactiones, ac ut fieri quidem potest, ut hypotheca ei detur, qui eam iam habet. At si quis quid iam a lego habet, qualis est executio iudicati: nemo dicit, eum beneficium legis ideo amittere, quia diligentius de eadem re sibi caverit. Ius enim vigilantibus scriptum est. *L. penult. in fin. D. quæ in fraud. cred.* ac non incommode ita dicitur, cautionem vestram impedire posse id, quod non nisi subsidio nobis dabatur; illud autem, quod ante habuerimus, nullo modo tollere, sed potius confirmare.

Ait, *idem § observandum est in eo, cuius 5 procurator condemnatus est*,) Hoc dicit: Quemadmodum cum dominus ipse condemnatus est si cavit de re iudicata, aut fideiussores in rem iudicatam dedit, manet nihilominus actio iudicati, qua ipse tenetur, ut ante: sic manebit, qualis fuerat, etiam tunc cum procurator condemnatus est, quamvis ipse de ea pecunia caverit aut nuda promissione, aut fideiussoribus datis. Unde intelligitur procuratorem nova stipulatione obstrictum sic teneri iam suo nomine, ut nihilominus iudicati actio in dominum detur secundum ea, quæ initio huius capituli diximus.

Ad §.

1) Idem autem impugnat Cuius. 26. Obi. 26. per *L. 9. de ann. leg.* ubi ei cui pignus speciale in testamento prospectum est, non minus constituitur pignus præteritum ex omissione in potestatem hereditarium. De his regula Fravio hominis tollit provisionem legis, et contra Fravio legis stat. ut obviaret, hanc Iac. Schult. addit. ad *Modest. P. 1. Q. 48. n. 4.* et seq.

2) Cuius. d. C. 26. Si pignus casu legimus, nec minus est, ut eam sibi auferam, monere vel nec sit illi mihi auferre poterit. Et in *L. ult. Cod. de pact. conven.* non concurrunt hypothecæ tacita et expressa, quæ tacita sit demum locus, si nulla sit expressa.



Ad §. Si quis condemnatus.

Si quis condemnatus sit, ut intra certos dies solvat: unde ei tempus iudicati actionis computemus? utrum ex quo sententia prolata est? an vero ex eo, ex quo dies statusus præterit? Sed si quidem minorem diem statuerit iudex tempore legitimo: repleatur ex lege, quod sententiæ iudicis deest. Sin autem ampliorem numerum dierum in sua definitione iudex amplexus est, computabitur reo et legitimum tempus, et quod supra id iudex præstitit.

SUMMARI A.

1. Tempus iudicati legitimum longius a iudice præstitutum reo ad solvendum ratum esse debet, non ita quod est legitimum brevius; et quæ discriminis ratio, et n. 2.
3. Si tamen breviori intervallo constituto ad sol-

vendum iudex legitimum tempus adimat nominatim, sententiæ standum erit.

4. Ex quo tempore iudicati agi possit cur addubitet Ulpianus; verborum interpretatio seqq. et n. 5.

1. Summa sententiæ est hæc: si iudex ¶ sententiæ præstituit tempus condemnato ad solvendum, siquidem longius legitimo: id servandum; si brevius, id reo non nocet, quia nihilominus legitimum sit habiturus. Quod ait, si longius tempus constitutum sit, id valere; recte dictum, et regulis iuris convenienter. Quisquis enim iudex est, qui sententiæ dixerit, dummodo competens, rei iudicatæ standum est. *L. 1. C. de re iud. L. cum prolatis, inf. eod.* Parumque retulerit utrum causa aliqua fuerit prorogandi temporis, an nulla. Nam si iudex diem prorogavit sine causa, creditor appellare debuit, si non fecit, de se queri debet, ut qui facto suo confirmari iudicatum. *L. ult. C. de sen. quæ sine cer. quan. pro. l. 3. C. quo. et qua.*
2. *iud.* At quod ait, si ¶ iudex minorem diem statuerit, condemnato non nocere, id vero et supra scriptæ regulæ iuris, et priori sententiæ de die prorogato servando adversari videtur. Cur enim ratum est, quod iudex ampliorem numerum dierum coarctavit? Quia rebus iudicatis standum est. Stetn igitur et hic, ubi minorem diem statuit, hac ipsa ratione. Quod cum dicitur rebus iudicatis standum esse, non tunc solum locum habet, cum iudex pro reo iudicavit: sed et tunc, et quidem maxime, cum reum condemnavit. *d. l. 1. C. de re iud. et d. l. cum prolatis, infr. eod.* Ego vero utrobique

pariter sententiæ iudicis standum esse fateor. Sed fit contra sententiæ, si longiore tempore ad solvendum dato, condemnatus id totum tempus non habeat, quod sententiæ ei dedit. Contra hanc fieri nego, si minore constituto die, condemnatus etiam legitimum retinet: quoniam iudex aliquod tempus sententiæ sua dando; non ideo legitimum condemnato adimet. Itaque reus ex sententiæ quidem iudicis amplioram diem non habebit, at habebit ex lege, cuius beneficium integrum esse necesse est, postquam iudex nominatim reum ea lege uti non vetuit. Quid ergo, si ¶ iudex legitimum tempus nominatim reo adim- 3
cret hoc modo: condemno Lucium Titium, ut intra viginti dies decem, quæ petita sunt, solvat, præcisa ei omni alia dilatione? Consequens est superioribus huic sententiæ standum esse, et si post tempus supra scriptum creditore iudicati agente reus exceptione legitimi temporis utatur, creditorem adversus exceptionem replicatione tuendum esse, si dicat non recte legitimum tempus postulari, postquam hac sententiæ iudicis ademptum est. Ergo hic non negat Ulpianus iudicem sententiæ suæ tempus iudicati arctare posse (est enim eius, arctare, cuius et prorogare. *L. eius, D. de reg. iur. ubi quis forte hic opponat L. 2. sup. eod.*) sed innuit eum non arctare tempus legitimum, qui minorem diem sententiæ complectitur. Et recte: is enim ar-
cta-

1) Recte. Cæsar. Dicitur ad d. l. 4. §. 5. Ubi ait non debet d. l. 5. 3. quod sit potestas iudici tempus prorogare (intelligi quod iudex facit, non appellari potest,) sed si fuerit et sententiæ habet executionem rei iudicatæ, quando id incipit, an si dedecit sex menses, aut si amovet intelligendum ultius quæritur a iudice, an duo solum. Plene extensio- nem lapsum concedi quam arctationem coarctat d. l. 2. 4. l.

Vid. Cæsar. P. 3. C. 6. n. 9. et 10. Quomodo iudex potest et causa arctare dilationes leges, post plures Cæsar. Concord. in l. diffamari C. 1. 2. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

ctare tempus dicendus est, qui ita minorem diem constituit, ut vetet rem longius differri, aut verbis dum sententia id cavet aut re ipsa cum post diem statutum magistratus statim sententiam exsequitur. Verba hic \dagger interpretanda sunt. Ait, *Unde ei tempus iudicati actionis computamus?* Tempus iudicati vocat tempus, ex quo iudicati agi potest. Hoc igitur querit, ex quo tempore adversus condemnatum iudicati agi potest?

Ait, *Utrum ex quo sententia prolata est,* De eo aperte et nominatim nihil respondet. Sed satis declarat per contrarium, nunquam agi posse statim, ex quo sententia lata est, cum ita deinceps statuit, semper tempus sententia iudicis constitutum servandum esse condemnato; si quidem amplius est legitimo, totum esse servandum: si minus, id ita servandum, ut etiam quod legitimo deest, accedat. Sed cur tempore ad solvendum sententia constituto querit Ulpianus, an possit iudicati agi ex quo sententia prolata est: cum si dies non fenstra adiecti sunt, ii servandi sint sine dubio propter auctoritatem rei

iudicatæ: sin frustra, necesse sit, quasi de tempore nihil cautum esset, continuo locum habere tempus legitimum? Nimirum potuit dubitari, an tempus, quod minus aut maius legitimo constitutum esset, inutiliter adiceretur, necne: et si adiceretur inutiliter, an res sic haberetur, quasi nullum tempus competere, ne legitimum quidem. Sed in promptu responsio est, et si frustra adiceretur in sententia tempus: tamen legitimum salvum futurum. Hoc enim contingeret, si dies in sententia nullus adiectus esset, quod ipsum nunc accidere diceremus, si fateremur frustra adici. Et cur tantum inutiliter adiceretur, nisi quia legitimum non liceret mutare, sed id manere oporteret?

Ait, *An vero ex quo dies statutus præterit?* Statutum sic \dagger accipe, aut sententia iudicis statutum, aut lege. Nam de utroque tempore respondet Ulpianus, interdum hoc, interdum aliud esse expectandum: legitimum tunc, cum minor dies sententia iudicis præstitutus est: a iudice definitum tunc, cum iudex amplio rem legitimum diem statuit.

Ad §. Condemnatum.

Condemnatum accipere debemus eum, qui rite condemnatus sit, ut sententia valeat. Cæterum si aliqua ratione sententia nullius momenti sit: dicendum est, condemnationis verbum non tenere.

SUMMARIA.

1. Quis vere et iure condemnatus sit, ex remotione causarum æstimari que sententiam iudicis infirmant.
2. Illas ad quatuor genera posse revocari, et que.
 3. Obiter de singulis.

4. An si sententia ex aliqua superiorum causarum nulla esse, dubitetur, eius executio differenda sit donec iudex de eo cognoscat, et que tenenda distinctio.

Iubet Prætor condemnatum pecuniam solvere, et in eum eo nomine dari iudicati actionem. Docet Ulpianus, quis sit condemnatus et quis solvere videatur. Dixi ad L. 1. *sup.* condemnare esse, inhere, ut reus præstet, quod ab eo petitur. Et hoc quidem est in verbi significatione. Illud \dagger in iure est, quod hic monet Ulpianus, ut qui ita iubetur ut dixi, rite et uti ius præscribit, iubeatur ut condemnatio videlicet, et sententia valeat, aliqui nec condemnatus reus videatur. Nempe quod iure factum non est, pro eo habendum est, quasi factum non esset, L.

non dubium, C. de legib. Qui vitiose cavet, non cavet. *L. quoties, D. qui satisd. cog.* Qui tutores testamento iure dati non sunt, nec dati videntur. *L. 3. D. de test. tut.* Non statuit index, quod statutum non tenet. *L. 1. §. ultim. D. quod quis iur.* Ita plane non est condemnatio; ubi condemnatio sive sententia non valet. Ergo hoc cum accidit, iudicati agi non potest. Quapropter pertinet ad omnem iudicati actionem, et executionem, tenere, quæ sententia valeat: de quo hic dicam summam, quantum locus postulat. Certæ \dagger causæ sunt, propter quas sententia non

1) Plura de Nullitate eiusque processu pete ex Vanl. *Tr. de Nullit. Process. et sent.* Lancell. *Conrad. de Off. prætor.*

in *caus. civil. v. sentent.* (ubi casus 63. quib. sententia nulla refert) Vestr. *Lib. 8. Pr. aula Rom. C. 1.* Guilier.

Ad §. Solvisse.

Solvisse, accipere debemus non tantum eum, qui solvit: verum omnem omnino, qui ea obligatione liberatus est, quæ ex causa iudicati descendit.

SUMMARI A.

1. Quis iure solvisse intelligatur.

2. Quando scribentis sententiæ convenit solutio-

nis verbo reliquis præter numerationem species liberationis contineri.

Solvere proprie est, pecuniam debitam numerare, aut re ipsa præstare, quod debetur. *L. solutam*, 49. *D. de sol.* Quam proprietatem in edicto de re iudicata si sequimur, is solum iudicati actione non tenetur, qui pecuniam numeravit. Ulpianus autem hic admonet \dagger solvisse eum intelligi in hoc edicto debere, ac proinde iudicati non teneri, non tantum qui solvit (quod valet non tantum qui proprie solvit, idest, qui pecuniam numeravit) sed omnem omnino, qui ea obligatione liberatus est, quæ ex causa iudicati descendit, puta novatione, acceptilatione, pacto. Idem de verbo solutionis etc. Paulus scripsit in *L. solutionis* 54. *D. de solution.* *Solutionis*, inquit, *verbum pertinet ad omnem liberationem quoquo modo factam: magisque ad substantiam obligationis refertur, quam ad nummorum solutionem.* Quod ex mente et sententia scribentis ab utroque dictum esse accipiendum est. Revera, et specie aliud est solutio, aliud acceptilatio, aliud novatio, et si quæ sunt aliæ species liberationis. Vini et potestatem si species, omnia solutionis vim habent, quibus non aliter debitor liberatur quam solutione. Ut dicendum sit de omnibus ius idem statui debere. *L. illud*, *D. ad leg. aquil. l. non possunt* et *L. seq. de legib.* Itaque superior solutionis definitio non est illi absimilis, cum dicimus hoc verbum, *si quis*, tam masculos, quam feminas continere, *L. verbum hoc*, *D. de verb. sign.* Neque enim continet, si quis genus et propriam verbi significationem consideret, utpote quod genere, et figura masculis tantum conveniat. Sed est hic mos et sententia loquentium, ut sub excellentioris sexus appellatione compendio orationis

uterque sexus intelligatur. *L. si ita scriptum*, 45. *D. de leg.* Sane tunc \dagger necesse est, eoque et sententiæ scribentis convenit, solutionis verbo cæteras liberationis species accipi, cum lex aut edictum solventi aliquid ita tribuit, ut solutionis tantum verbo utatur, ut in hoc edicto factum est: *condemnatus, ut pecuniam solvat. Si non solvet*, ait Prætor. At quod edictum et superius illud Pauli de solutionis verbo scriptum esse inscripto *d. l. solutiones*, *D. de sol.* indicat. Id enim fragmentum sumptum est ex Libro Pauli 56. *ad edictum*: quo libro dissernit Paulus de confessis, ut apparet ex inscriptione. *L. 1. D. de confes.* Eodem autem edicto et de iudicatis et de confessis Prætor cavit. Quod si eodem loco solutionis et satisfactionis verba coniuncta sint: neque necesse est, neque adeo est ex scribentis sententia solutionis verbo acceptilationem, novationem, aut similes liberationes subicere: cum hæc satis significantur verbo satisfactionis, quod consulto ideo tantum additum est, ut illo significarentur. Et hoc est, quod Marcius in *d. l. solutam*, 49. *D. de solut.* ad formulam hypothecariam scribens, ut inscriptio declarat, idest, de hypotheca disserens, et inter cætera de eius liberatione, ut verba ostendunt, ait, *si acceptum latum sit, ad liberationem hypothecæ non perficere quidem verbum solutionis, sed satisfactionis sufficere.* Nempe quia de liberando pignore ita edictum conceptum erat, ut placeret pignus solvi, aut eo nomine competere pigneraticiam actionem, si aut pecunia soluta esset, aut eo nomine esset satisfactum. *L. si rem*, \dagger *D. de pign. act.* *L. Item D. quibus modis pign. vel hypoth. sol.*

Ad §.



Ad §. Celsus ult.

Celsus scribit, si noxali condemnatus, eum servum, in quo ususfructus alienus est, noxæ dedisti: posse tecum adhuc agi iudicati. Sed si ususfructus interierit, liberari ait.

SUMMARI A.

1. Specie h. §. servi videlicet noxæ dediti, et a fructuario advocati ostendit Ulpianus naminem solvere videri qui pecuniam numerat aut rem prestat, qui possit iure advocari.
2. In specie hic ab Ulpiano proposita animadvertit

posse I. servum noxæ deditum advocari posse a fructuario. Exponitur L. locum §. pen. D. de usufr.

3. II. Movere advertit eum, qui condemnatus fructuarium noxæ dedit, iudicati actionem.

1. Dominus † ex noxæ, et maleficio servi conventus, eo nomine condemnatus est, liberam ei est, ut evitet litis æstimationem, servum noxæ dedere. L. 1. D. de nox. act. tit. Inst. eod. hunc dedere solvere est, L. miles, 6. §. 1. infr. eod. Si in hoc servo ususfructus sit alterius, Celsus scripsit, adhuc eum domini indicatū agi posse nisi ususfructus finitus erit, L. si hominem. 69. D. de solution. significans eum, qui ita solvit, non videri solvisse, quod Prætor exigit. Cur autem non solvit? quia hunc servum non perfecte fecit accipientis: potest enim a fructuario advocari confessoria actione. Hoc exemplo demonstrare voluit Ulpianus, solutionis verbo naminem pecuniam numerando, aut rem quæ debetur, præstando, solvere videri, si res ita præstetur ut aliquo modo possit iure advocari, quod apertius traditum est; in L. si rem meam, 20. L. cum quis. 38. §. qui hominem, D. de solution. Interim in specie proposita ex sententia Celsi et Ulpiani duo notanda sunt: nempe † et servum de quo hic agitur noxæ deditum a fructuario vocari posse: et cum advocari possit, manere semper adversus eum; qui condemnatus eum noxæ dedit, indicatū actionem, quorum utrumque est verissimum. Nam quod in L. locum, §. pen. D. de usufr. scriptum est, denegandam esse in hac specie fructuario persequutionem servi, nisi ei qui noxæ accepit, offerat fructuarium litis æstimationem: non efficit eum servum advocari a fructuario non posse, sed potius advocari posse confirmat. Is enim advocari potest, nec perfecte fit accipientis, qui aliquo modo potest advocari vel oblata saltem litis æstimatione. Nam si perfecta accipientis fieret: quævis duplum fructuarium offerret, non tamen posset servus qui semel accipientis esset, invito auferri.

Tom. XI.

L. id quod nostrum, D. de reg. iur. L. non est, C. de resc. vend. Quanquam etiam in proposito recte defenditur, fructuarium in eius servi, de quo agimus, persecutione non semper litis æstimationem offerre debere, ut servum consequatur. Tunc offerre eum debere intelligendum est, cum aut ipse scietur servum noxam nocuisse, aut is qui servum noxæ accepit, id probat: quod si et neget fructuarium, et is cum quo agitur, non possit adversus fructuarium probare: sine dubio fructuarium servum, quævis nulla oblata litis æstimatione, recipiet. Non enim debet res adversus proprietarium iudicata fructuario nocere, L. saepe, pen. infr. eod. Porro, ut nihil hic dici posset amplius: tamen vel unus hic metus satis est, ut dici possit etiam nulla litis æstimatione a fructuario oblata servum ab eo advocari posse. Quod autem † ad indicatū actionem attinet, quam hic adversus eum, qui servum fructuarium noxæ dedit, consequi dicimus: quam recte dicatur, perspicuum est. Is enim noxæ dedit, qui prius noxæ nomine condemnatus erat, eoque et iudicati actione iam ante deditionem tenebatur. Necessa est manere hanc actionem, si non erit sublata, neque vero tollitur, si condemnatus creditor, ut oportet, non solvit, quod hic accidit. Quod si mihi proponas eum, qui noxæ nomina conventus ante sententiam servum fructuarium noxæ dederit, atque ita consecutus sit, ut absolveretur: perabsurdum est, existimare adversus hunc post noxæ deditionem iudicati actionem esse, adversus quem ante nonquam iudicati actio nata est: ac nec nasci potuit, ut qui non sit condemnatus. Id vero tantum abest, ut negemus hoc loco, ut maxime superiore sententia confirmemus. Quare quod in hac posteriore specie adversus eum, qui servum fructuarium dederat, non iudicati,

11

cati,

cati, quæ hic esse non potest, sed de : dolo actionem dari legimus in *L. si quis affirmaverit*, 9. §. et si servum, *D. de dolo*, ne-

que mirum videri debet, neque cum hoc loco non optime convenire putandum est.

1) Ita et conciliant Duae ad *L. 4* §. ut h. t. ac Per. et

Ant. Fab. Vid. not. sup. *Lib. 15. Civil. Comment. C. 41. N. 25.*

Ad L. Ait prætor. 5.

Idem libro 59. ad Edictum.

Ait prætor, Cuius de ea re iurisdictionis est. Melius scripserit, cuius de ea re notio est. Etenim notionis nomen ad eos pertinet, qui iurisdictionem non habent, sed habent de quavis alia causa notionem.

SUMMARIA.

1. Rem iudicatam esse tum demum, cum fuerit a competente iudice iudicata: et quis sit iudex competens; et n. 5.
2. Notantur ab Ulpiano in h. *L.* illa edicti verba: cuius de ea re iurisdictionis est, et quare et n. 4.

Ulpiano potius illa probantur, cuius de ea re notio est. *ibid.*

3. Notionis verbum Intius patet quam iurisdictionis: ideoque exponenda prætoris sententia opportunius et n. 2. et 4.
5. Trina desiderari ut quis sit competens iudex, et quæ illa.

AIT PRÆTOR, *Cuius de ea re iurisdictionis est.*) Hæc verba quibus cohererint in edicto, sic coniectura assequi possumus. Constat ¶ ex sententia iudicis actionem esse iudicati. *L. miles*, seq. §. *ultim.* Hanc sub conditione dari, si res iudicata erit; dubium esse non potest, alioqui non diceretur actio iudicati; ac frustra etiam hic quaereretur, quid sit res iudicata: quid sit in *L. infr. 5.* Tum vero nihil profuerit rem esse iudicatam, si non sit a competente, et suo iudice iudicata. *Tit. C. si a non competente iudice fuerit iudic.* Est autem competens iudex is, cuius de re controversa est iurisdictionis. Ex quibus iam colligere possumus in edicto scriptum fuisse ad hunc modum: *Si res, de qua agitur, ab eo, cuius de ea re iurisdictionis est, iudicata esse dicetur*, et quæ sequuntur: in quæ verba supra edictum a me initio conceptum est. Hanc igitur partem edicti hoc loco attingit Ulpianus, quæ est de iudice competente. In qua nihil aliud ¶ notat, nisi hoc, ' melius scripturam fuisse Præto-
rem, cuius de ea re notio est: hæc

ratione quod notionis verbum sit generale pertinens, non solum ad eos qui iurisdictionem habent, sed ad eos etiam, qui habent de quavis alia causa notionem. De quavis alia causa, sic accipe, quæ ea, de qua nunc agitur, et in qua forte res iudicatur ab illis, quorum est iurisdictionis. Hoc de notionis verbo an vere dicat Ulpianus, et eo concessio an ideo recte colligat, Præto-rem melius usurum fuisse verbo notionis, quam iurisdictionis, non aliter statnere possumus, quam si sciverimus, quid sit iurisdictionis; quid notio; qui iurisdictionem habeant; qui notionem tantum. De quibus nihil necesse est inculcare ea, quæ a me de his diligentius exposita sunt Libro xvii. Tantum breviter dicendum est, quod ad hunc locum intelligendum sufficit. Est igitur iurisdictionis, quod illic pluribus exposui, potestas iuris dicendi, statnendive pro imperio: idest, ita statuendi, ut quod dixeris efficere possis, ut ratum sit: quod is qui ius dixit assequitur iis remediis, quæ ius dicenti tributa sunt adversus nec obediētes cives, quibus prout res quæque exigit, extorqueat ab in-

1) Convenit Bero lib. *Var. QQ. de iurisd. fol. 60. Me-*
lus, ait, id est, magis proprie licet edictum defendi possit
loco interpretatore, quia qui habet iudicare, ipse ius dicere in-

telligitur, et ita qui eadem ius a prætoribus, videtur ab eo
cuius est iurisdictionis.

3 invito parendi voluntatem. Notio † autem potestas cognoscendi de re controversa. Nam quæ hic notio appellatur, ea nominatur cognitio, in *L. sæpe. et L. seq. D. de offic. præsid.* Quod si potestas est cognoscendi: est et iudicandi: ut sit plena definitio: Notio est potestas de re cognoscendi, iudicandique. Sciendum est enim duo hæc, cognoscere, et iudicare, ita inter se esse devincta, ut seungi non possint. Nam nec iudicare quisquam potest, nisi causa prius cognita: *L. iudices, C. de iud.* et quisquis de re cognovit, etiam de ea iudicare non tantum potest, sed etiam cogitur. *L. de qua re, D. de iud.* Hæc potestas, et sine imperio esse potest, et cum imperio ac potestate exsequendi, quod iudicaris, coniuncta: idque est, quod dicitur in *L. notionem, D. de verbor. significat. notionem accipere* nos debere, et *cognitionem et iurisdictionem*. Nam quæ notio sine imperio est, notio sive cognitio tantum est: quæ cum imperio, ea est iurisdicatio, ut appareat in cognoscendo, iudicandoque notionem nomen generis esse; iurisdictionem speciei dumtaxat. Iam vero iurisdictionem, idest, noscendi, iudicandique potestatem cum imperio habent magistratus ii, qui constituti sunt, ut populo ius reddant. *L. 2. §. post originem, D. de orig. iur. L. 1. de iud.* his proximi sunt, qui illorum vice funguntur, quibus scilicet ab illis indata est iurisdicatio. *L. solet, D. de iurisdic. L. 3. D. de offic. eius, cui mand. est iurisd.* Cognitionem autem nudam, idest, sine imperio, habent iudices, qui a supra scriptis personis dati sunt. *L. ult. in prin. et vers. Sed ne quis, C. ubi et apud quem cognit. in int. rest. ag. sit.* Atque horum utrumque ex eo intelligi potest, quod illi, (magistratus dico) et qui mandatam iurisdictionem habent, sententiam et suam et iudicium a se datorum exsequi possunt: hi non possunt. *L. a Divo, 15. infra eod.* Hæc cum ita sint, hoc senti Ulpianus: si *notionem* dixisset Prætor intelligeret polliceri iudicati actionem non tantum ex eorum iudicium sententiis, qui iurisdictionem habent; sed etiam eorum, qui habent notionem tantum, sine iurisdictione, nam utrumque genus *notionis* verbum continet. Nunc autem ille iurisdictionis verbo usus est: quod verbum ad magistratus, et eos, qui sententias suas exsequi possunt, tantum pertinet: quasi iudicium datorum sententiæ non valeant, aut minus pariant iudicati actionem, quam superiorum, quod falsum est. *L. a Divo.* Melius ergo dixisset, *cuius de ea re notio est*, ut hoc verbo superiores omnes, tantum idoneos iudices, aperte complecteretur.

Interim sciamus non inale Prætores di-

Tom. XI.

xisse, *cuius de ea re iurisdicatio est*, hisque verbis etiam contineri iudices datos. Hæc enim a iudice dato iudicata, perinde hoc habendum est, quasi iudicata esset ab eo, qui eum iudicem dedit. Videtur enim magistratus iudicavisse per iudicem, cuius fidem et prudentiam elegit. Veruntamen hoc obscurius est: quia ratiocinatione colligitur. Idcirco observandum est † Ulpianum non dicere, male scripsisse Prætores, *cuius de ea re iurisdicatio est*: sed melius scripturum fuisse, *cuius de ea re notio est*. Ideo haud dubie, quia notionis verbum ad rem explicandum est apertius. Itaque in sententia, et mente Prætoris nihil reprehendit Ulpianus: ut quam in utroque verbo eandem esse tacite fatetur: tantum in verbis edicti ad eam sententiam declarandam maiorem expressionem desiderat.

Cognita Ulpiani sententia, hoc etiam relinquatur, in verbis edicti, ut quaeratur, quis † sit is, cuius de re, de qua agitur, iurisdicatio sive notio est. Et constat eum esse; qui iurisdictionem Imperatorum, competens iudex, idest, idoneus dicitur Tit. *C. si a non comp. iud. iud. esse dica.* Sed hoc quaeritur amplius, quibus in rebus positum sit, ut sit talis iudex, quem dicimus. Et quod hoc loco summam ac velut per iudicem dicendum sit post tam multa, quæ ut pro instituto, de hoc genere superioribus libris disseruimus: cum quaeritur, an sit competens iudex, tria in summa considerata sunt, quibus hæc potestas continetur. Primum an sit iudex, qui iudicat, quod ita fit, si aut erit magistratus, qui iuridicundo præest. *L. 1. D. de iud.* aut si eui ab eo mandata sit iurisdicatio: *L. solet, D. de iurisdiction.* aut certe ab istis iudex datus sit. Possunt enim illi iudicem dare; *L. cum Prætor, §. 1. D. de iud.* ac multo magis Princeps, ut qui ab his rite datus sit, is non minus sit idoneus iudex: *L. penultim.* quod si quis aut privatus sumptus sit, quamvis ex compromisso, aut etiam a iudice dato datus sit, is non est iudex, nec quod dixit, rei iudicatæ habet auctoritatem. *L. a iudice, C. de iud. L. 3. C. de iurisdic. omn. iud.* Datum tamen superioribus sic iudicem esse intellegimus, si sit ætate, qua possit iudicare, quæ in iudicibus datis certa est: in magistratu nulla; quoniam hunc Princeps dat. De quo dixi ad *L. quæsitum, 60. infr. eod.* Secundum considerandum, an inter eos iudicaverit, in quos iurisdictionem habet: idest, qui eius territorio sunt subiecti. Nam extra territorium ius dicendi impune non paretur, *L. ult. D. de iurisdic. L. 1. in fin. D. quod quisq. iur.* Tertium, an iudicaverit intra iurisdictionem suam, idest, de ea re et

summa, quæ eius cognitioni commissæ est. Nam nec supra iurisdictionem ius dicenti parere cogimur dicta *L. ultim. D. de iurisdic.* Ita qui de criminalibus causis iudex consti-

tutus est, si de civili iudicavit, nihil egit: ut qui de possessione datus, iudicavit de proprietate, *L. 1. 2. 3. C. si a non compet. iudic.*

Ad . Si iudex. ult.

Si iudex aliquem sic condemnet, ut quod habet ex testamento, vel codicillis Mævii, restitueret Titio: sic accipiendum est, quasi quantitatem nominaverit, quæ testamento, vel codicillis relicta est. Sed et si fideicommissum sine scriptura pronuntiatum est, idem erit probandum.

S U M M A R I A.

1. Nullius momenti esse sententiam quæ non habeat certam condemnationem.
2. Certa condemnatio aut verbis exprimitur, aut demonstratione aliqua significatur: exempla. et n. 3.
4. Prior §. huius species, eiusque sensus exponitur.
5. Pronuntiatum in fine h. §. quo sensu accipiendum.

1. Certe iuris est ¹ nullius momenti esse sententiam, quæ certæ rei et quantitatis condemnationem non habet, cuiusmodi hæc sunt: Omnem debiti quantitatem cum usuris competentibus solve: aut, quæ bona fide accepisti, solve, *L. penult. et L. ult. C. de sent. quæ sine cert. quant. prof. L. in sententiis*, 59. §. *ultim. D. h. tit.* Certæ rei, et quantitatis condemnatio quomodo hic accipienda sit, declarat exemplis, cum hoc loco, tum in *d. L. in sententiis, in princip.* Ex quibus hæc definitio ² colligitur, non tantum certam esse condemnationem, cum iudex in condemnatione quantitatem certam exprimit verbis, in quam reum nominatim datinet: sed etiam tunc, ³ cum certa quantitas alicubi expressa est, et iubet iudex reum id præstare, quod eo loco continetur: ut sciamus nihil interesse, utrum rem aliquam demonstres, an locum, in quo ea res delitescit. Exempla ⁴ hæc sunt: si actor certam quantitatem petit et iudex

iubeat reum solvere, quod petitum est, quod exemplum est *L. in sententiis*: aut si quid certi relictum sit testamento aut codicillis, et iudex reum a quo id relictum est, sic condemnet, ut iubeat eum quod ex eo testamento aut codicillis habet, restituere: quod est huius loci exemplum. Quo in exemplo posteriori ⁵ observetur, non hoc Ulpianum dicere, valere eiusmodi sententiam, si nihil amplius adiectum sit, quam quod superius posui, et ipse hoc loco proponit: sed hoc dicere, sic eam sententiam accipiendam esse, quasi iudex certam quantitatem nominaverit, quæ testamento vel codicillis relicta est. Sane vero certam quantitatem hæc sententia continet: et si nihil aliud hic queritur, quam certa quantitas; nihil deest ad vim sententiæ. Sed si hoc queritur simpliciter, an hæc sententia valeat: non dubium est, quin non valeat, utpote quæ incertam habeat condemnationem. Non enim si quid Titio relictum est, ideo con-

se-

¹ Vid. Mathesil. *ad dict. Tit. Cod. Corset. Sing.* 305. Raio. *Corse. 1. indag. 7. Vant. Tit. de nullit. sent. ex defect. process.* n. 101. et 5. *segg. Wurmver. T. 22. Obs. 2. Sitatic. Obs. C. 23. Sarmient. 1. Select. Interpr.* 13. Anl. Massa Gales. *de iudic. bonæ fide.* n. 20. P. Barbosa *ad lit. D. Sol. parit. sententiam ferri.* n. 44. et *segg. Suedrin. in §. curare maur. P. 3. Rubric.* n. 44. et *segg. Turamin. Epist. forensi* 36. Sextia. *Vol. 1. Cons. Marp.* 11. n. 56. et *segg. Coran mercatoribus valere petitionem et sententiam in certam Decis. Rotæ Genuæ de Mercatura* 21. n. 6.

² Sententia enim declarationem et actus recipit, vid. Mathesil. *Sing.* 151. Petr. Barbosa *d. Part. 3. Rubricæ* n. 47. sic distinguit: Aut in sententia iudex se refert ad certam partem actorum, et valet illa, atque exinde recipit certitudinem,

aut ea pars contineat probationem, scilicet solam partis assertionem in libello per *L. 5. §. hoc tit. Ant. noo:* et tunc si in actis plenæ probationes, ad eas videtur facile habita relatio. Sic secus, non valet sententia, nec recipit certitudinem ex libello certam quantitatem exprimente, quia ius vetat ex assertionis partis sententiam ferri. Ergo ad eam iudex se retulisse non creditur. *Ibid. n. 48.* unquam sententiam a libello recipere interpretationem, nisi ad eam expresse habita sit relatio. Huc spectat Brocardicum vulgare: Relatum inest referenti eum omnibus qualitatibus, nec refert an res exprimat nominum aut relationem ad aliud. De quo vid. Tiracq. *post. L. Comprob. Gl. 7. n. 181. et segg. Hartman. Pot. L. 3. C. 29. lac. Schult. Obs. forensi* 2. n. 4. et *segg.*

sequeos est, id Titium accepisse: nec quioquam apparet ex his verbis, quid aut quantum putet iudex Titium habere. Quapropter eadem semper incertitudo relinquatur. Sed hoc nihil obstat Ulpiano, qui non hoc tractat, an valeat hæc sententia, sed an certam exprimat quantitatem.

Ait, *Sed etsi fideicommissum sine scriptura* 5 *† pronunciatum est,*) Pronunciatum, nun-

cupatum verbis. Testamenta, itemque codicilli et scripto sunt, et sine scriptura, *L. ult. in pr. C. de bon. libert.* In his posterioribus dicitur voluntas nuncupari, *§. ult. Inst. de testam. ord. L. hac consultissima, §. per nuncupationem, C. de testam.* Nuncupare est, verbis et lingua enunciare, quod sentias. Id pronunciare hoc loco dicitur.

Ad L. Miles. 6.

Idem libro LXVI. ad Edictum.

Miles, qui sub armata militia stipendia meruit, condemnatus: eatenus quatenus facere potest, cogitur solvere.

DE specie huius loci dicitur opportunius *les, 48. infr. eodem.*
ad L. aut, qui, 16. et L. item mi-

Ad §. 1. Decem, aut noxæ.

Decem, aut noxæ dedere condemnatus, iudicati mihi in decem tenetur. Facultatem enim noxæ dedendæ ex lege accipit. At is, qui stipulatus est decem, aut noxæ dedere, non potest decem petere: quia in stipulationem singula per se veniunt: eaque singula separatim stipulari possumus. At iudicium solius noxæ deditiois nullum est: sed pecuniariam condemnationem sequitur. Et ideo iudicati in decem agitur: his enim solis condemnatur. Noxæ deditio in solutione est quæ a lege tribuitur.

S U M M A R I A.

1. Ab eo qui decem aut noxæ dedere condemnatus est, sola decem iudicati actione petere licere.

2. Contraria remouentur.

3. Summa totius disceptationis.

4. Noxam dedere quid Ulpiano significet.

CONstat a condemnato hoc exigi ut pecuniam solvat: sic enim præcipitur in *L. 4. §. 1. supr. eod.* At quam pecuniam? Nam hoc eo loco omisum est. Et siue de eo cautum fuit edicto, siue non fuit, pecuniam intelligere debemus condemnatione comprehensionem. Hoc enim expressum est constitutione Iustiniani *L. ult. §. ult. illic, statim pecunias, C. de us. rei iud.* Ergo pecunia, quæ in condemnationem deducta est, petitur. Proinde etiam, uti deducta est. Finge reum condemnatum, ut illud, aut illud solvat, quia ita debebat. Nempe iudicati ita agi debebit, ut condemnatio est, *§. huius autem, Instit. de act.* Hinc pendet, quod hoc loco † tractat Ulpianus; ipse enim superiorem sententiam de condemnatione res plures continente

in omnibus aliis rebus confirmans, speciem onam excipit, de qua hoc loco agit: cum scilicet dominus ex maleficio servi conuectus, condemnatus est in decem, aut noxæ dedere, ut iudicem condemnationem concipere in noxali iudicio oportet, *Tit. de off. iud. in pr.* Statuit vero ita condemnatum in decem solum iudicati teneri, quod hanc significationem habet, decem sola iure ab eo peti posse iudicati actione; noxæ autem deditioem, quæ in condemnationem deducta est, licere actori, si velit, non petere. Cui sententiæ cum tria † obstat intelligeret Ulpianus, ea ordine remouit, in iisque remouendis omnis est eius disputatio. Primum obstat illud, quod noxæ deditio hic deberi videtur, quod si debetur etiam peti oportet, nox secus, quam de-

decem: ut in duabus rebus disiunctim debitis petitio institui iubetur in *d. §. huic autem*, *Inst. de action.* atque hic deberi noxæ deditionem argumento esse quis dixerit, quod dominus servum noxæ dedendo liberatur: Cur enim liberatur, nisi quia servum noxæ dedere illum oportuit? Nam profecto pro eo quod debetur, aliud solvi invito creditore non potest. *L. 2. §. 1. D. si cert. pet.* Hic respondet Ulpianus condemnatum facultatem noxæ dedendæ ex lege accipere, significans non ideo noxæ deditionem deberi, quia solvi potest. Hanc enim in solutione esse, non quia debeatur; sed quia cum debeatur decem: tamen decem debenti hoc beneficium tribuat lege, ut servum noxæ dedendo, id est, aliud pro alio solvendo liberetur: nec dubium est, quin hac potestate a lege accepta aliud pro alio solvere liceat. Quæ res ostendit, noxæ deditionem non deberi: ac deinde eam peti non necesse esse. Opponitur præterea huic sententiæ exemplum stipulationis, quia quis stipulatus est a domino decem, aut servum noxæ dedi. Ex hac enim constat non posse stipulatorem decem sola petere, sed cogi ita agere ut decem aut servum noxæ dedi debere intendant *d. §. huic autem de act.* Quod si ita est: par esse videtur, ut ex condemnatione, in qua eadem disiunctio est, eodem modo utrumque petendum sit. Rursum huic obiectioni occurrat ille hoc modo: Indicat stipulationem non esse similem condemnationi; dissimilitudinem hanc esse, quod in hac stipulatione, decem aut servum noxæ dedere, singula per se veniant: per se, id est, principaliter. Argumento esse, quod singula separatim stipulari possimus: id est, decem, sine noxæ deditione; et noxæ deditionem sine decem. Unde intelligi vult, utrumque horum deberi ex stipulatione, et quia debeatur, utrumque petendum esse. At in condemnatione superiore contra, noxæ deditionem in condemnationem non venire, documento esse, quod iudicium solius noxæ deditionis nullum sit, sed pecuniariam condemnationem sequatur. Ubi iudicium interpretari oportet, indicationem et sententiam: ut sit hæc sententia: iudicatio et condemnatio solius noxæ deditionis nulla est; sed hæc pecuniariam condemnationem sequitur. Recte, nam iudex hoc modo non potest condemnare, condemnando Titium ut servum noxæ dedat, aut det decem: sed debet hoc modo, det decem, aut noxæ servum dedat, ut declarat. *Tit. Inst. de off. iud. in pr.* Quid tum præterea? dicat aliquis. Nempe hoc consequens est, sola decem iudicati actione peti posse. Spectare enim oportet quod principaliter sit, non quod

per consequentiam, eodem Ulpiano, auctore in *L. 1. D. de auct. tut.* Restat tertia obiectio. Dicat enim quispiam: quamvis noxæ deditio non debeatur, quamvis ne in condemnationem quidem principaliter veniat: attamen saltem in condemnationem venit. Iudex enim condemnat reum, ut det decem, aut servum noxæ dedat. Quod si ita est, et edictum de pecunia condemnatione comprehensa actionem iudicati constituit, ut quam omnino solvi iubet: *L. 4. §. 1. sup.* conficitur superius utrumque vel ex verbis edicti peti oportere. Respondet idem sub finem hoc modo: nihil ad rem pertinere, quod noxæ deditio in condemnationem veniat. Verbis enim hanc quidem contineri in sententia: cæterum re vera reum in decem sola damari, non etiam in noxæ deditionem, propterea quod hæc non fuerit debita, sed in solutione duntaxat, quæ solutio a lege tribuitur. Quibus verbis hæc significari voluit, sententiam iudicis ita esse interpretandam, uti res est, in qua condemnavit. Si fuit debita: iudicem in eam condemnando, videri condemnasse, in eam tanquam debitam. Sin debita non fuit: iudicem in eam condemnando, magis videri potestatem solvendi reo dedisse, quam imposuisse solvendi necessitatem, quasi verisimile sit, eum iudicasse secundum leges.

Summa ¶ hæc erit: cum reus condemnatus 3 est in decem, aut noxæ dedere, licet ab eo sola decem petere hia de causis. Primum quod noxæ deditio non debetur: non sit autem necesse petere, quod non debetur; si modo recte definitur actio, ius quod nobis debeatur iudicio persequendi. Deinde quod noxæ deditio principaliter non veniat in condemnationem, sed accedat tantum ad condemnationem litis æstimationis. Postremo quod ne sententia quidem iudicis in condemnationem veniat. Sed videatur fortassis otiosa esse hæc disputatio. Etsi enim dederimus decem sola recte peti: tamen non plus consequetur actor, ita petendo, quam si petierit decem, aut servum noxæ dedi. Semper enim, ut videtur, licebit reo pro ea facultate, quam a lege habet, noxæ deditione fungi: ut est vis et potestas noxalium actionum. *L. 1. D. de nox. act.* Hoc vero falsum est. Si actor ita agit, ut petat disiunctim decem, aut noxæ dedi: habebit reus electionem, utrum solvat, ut accidit in omnibus rebus disiunctim debitis. *L. plerumque in fn. D. de iur. dot.* Sin decem sola petet actione iudicati, iam non poterit reus servum noxæ dedere. Tandiu enim quis habet noxæ dedendæ facultatem, quandiu iudicati conveniatur, ut acriturum est in *L. item veniunt, §. item recte, D. de pet. hered.*

Ait

Ait, facultatem enim noxæ dedendæ ex lege accipit) Noxæ † dedendæ dixit, ut et in d. L. item, §. idem. Recte: uterque enim locus Ulpiani est noxæ dedendæ pro noxæ dedendi, ut appareat non omnino abs re esse, quod est apud Iustinianum scriptum sub Ti-

tulo, de noxalibus actionibus, noxam etiam apud veteres significare servum, qui deliquit. His quidem locis hoc sensu ab Ulpiano perspicue usurpatum. Nihil enim est aliud noxam dedere, quam servum, qui deliquit, dedere.

Ad §. Qui iudicati.

Qui iudicari bona auctoritate sua distraxit, furti actione, et vi bonorum raptorum ei tenetur.

S U M M A R I A.

1. Post rem indicatam unam tribui victori actionem iudicati, qua iudicatam per iudicem sequatur.

2. Hoc quibus de causis sit a iure, et quam bene constitutum.

3. Iudicati actio instat ceterarum actionum eadem adversario debet, forma editionis quæ.

CUM proximo versu sequenti dicitur, iudicati actionem perpetuam esse, et rei persecutionem continere: pro certo et indubitato iure hoc sumi apparet, rebus rite iudicatis in iudicatum iudicati actionem esse, iudicati nimirum persequendi causa, quæ qualis sit, postea eo loco exponetur. Sed an † nihil amplius tribuatur victori in condemnatum, quam hæc ipsa iudicati actio, ut re iam iudicata necesse sit iterum nova actione per iudicem pecuniam condemnatione comprehensam persequi, dubitari potest. Quid enim an nihil amplius consequatur victor post rem indicatam, quam antea? Nam certe et antea actionem habuit. Quorsum ergo attinuit rem secundum eum iudicari? Quid, quod post absolutum semel iudicium nefas esse putatur, litem alteram consurgere ex primæ litis materia? Ut est in L. terminato, C. de fruct. et lit. exp. Et huc spectat hoc loco Ulpianus, ut debeat nihil præterea victori tribui post rem indicatam, quam unam iudicati actionem, qua iudicatum a condemnato per iudicem persequatur. Quid enim sibi vult eum, qui iudicati bona auctoritate sua distraxerit, furti actione et vi bonorum raptorum teneri, nisi victorem iudicati bona auctoritate sua distrahere non posse, non magis, quam alterius cuiuslibet nondum iudicati: Porro qui hoc facere, et ius sibi in eam rem dicere non potest, huic nihil aliud relinquitur, quam quod est in L. exstat, D. de quod met. caus. ut si quas peti-

tiones habet, actionibus experiatur et quod debetur, per iudicem reposcat. Id vero † etiam in re iam iudicata recte constitutum est. Primum, si privatus vim facit, periculum est, ne præbeat ea res occasionem maioris tumultus, quamobrem melius est rem per magistratum transigi. L. non est, D. de regul. iur. Deinde fieri potest, ut iudicatum non sit, quod actor iudicatum dicit. Tum autem etiam reus adversus executionem iudicati multis exceptionibus uti potest. Quid enim, si dicat, se solidum facere non posse? Parata hic exceptio ex L. Neseimius. 41. §. ult. infr. cod. Quid, si dicat non servari modum iudicati vel lege vel sententia constitutum? Huic quoque exceptioni adversus executionem locus est. L. ab executione, C. quor. ap. non rec. Quid si mandator condemnatus postulet mandari sibi a creditore adversus correum, eundemque mandatore sumam actiones? Et hic audiendus est ex L. si fideiussores, 41. §. ult. D. de fideiussores. Sed etsi filiusfamilias ex mutui causa condemnatus utatur exceptione Senatusconsulti Macedoniani, audiendum eum esse scriptum est in L. tamen si 11. D. de senat. Macedon. De quibus omnibus si erit controversia, nempe necesse est aliquem iudicem sumi. Nemo autem in re sua idoneus iudex. L. Iulianus, D. de iud. At enim iniquum est, post rem iudicatam nihil amplius victorem consequi, quam ante habuit. Sane vero iniquissimum, siquidem iudicati agendo nihil consequeretur amplius.

Nunc

Nunc autem actione iudicati¹ res illi prope confecta est. Nam ante vetere actione agens probare debuit, sibi deberi, quod intendit. In iudicati actione nihil aliud queritur, quam an iudicatum sit. *L. post rem*, 56. *infr. eod.* atque hoc probato res statim mandatur executioni: quod ante rem iudicatam non fit, *L. 1. L. 2. C. de exec. rei iud.* Itaque ne illud quidem incommodum hic verendum est, ne videatur lis ex lite nasci, quoniam actio ex actione constituitur. Nam in actione iudicati nulla lis est, si in eo de debito amplius non queritur; neque enim difficile est, sententiam ex actis publicis probare. Recte igitur, atque utiliter, ut dixi, et post rem iudicatam nihil amplius quam actio ex causa iudicati constituta est. Hinc † tractatum est, an et hic edi actio adversario debeat, et adversarius libello conveniri: quoniam ita ius constitutum habemus, ut qua quisque actione agere vult, eam prius edere debet. *L. 1. D. de eden. auth. offeratur. C. de lit. contest.* Sed dubitari non debet, quin si hic actio sit, qua reus conveniatur, ea ad ius superius pertineat. Atqui ut cæteræ actiones, sic iudicati

actio et dari in aliquem a prætore, et denegari dicitur. *L. 4. in princ. supra, eod. L. si prætor*, 75. §. *ultim. D. de iudic. et passim* dicitur reus actione iudicati conveniri. *L. item veniunt*, §. *item recte, D. de pet. her. L. 1. C. si plur. una sent. cond. sint*, forma editionis et conventionis erit huiusmodi: quia mihi in tantam pecuniam condemnatus es, et iudicati tempora præterierunt, volo eam pecuniam mihi solvas; ni solvis, ut iudex sententiam exsequatur: et in eam rem diem dicet actor adversario, quo die a magistratu id petat, et impetret. Dicitur actio iudicati, quia datur iudicati persequenti causa: cuius persecutio in eo est ex edicto, ut condemnatur aut pecuniam solvat, aut a prætore id facere cogatur. Cogetur autem pignoribus captis et distractis. *L. 1. et 2. C. de exsec. rei iud.* Unde dicitur iudicati actio in condemnatum, et eius bona exercere in *L. 1. C. quan. fac. tut. vel cur. min. ag. vel conven. pos.* Restat, ut cui, inquam, et quando hæc detur actio, in summa qualis sit, cognoscatur, quod deinceps sequenti §. subiicitur.

Ad §.

¹ Ita et Scip. Gentil. *s. de Iurisdic. g.* Tametsi DD. vulgo doceant executionem duobus modis peti et impetrari vel actione iudicati, quam illi in factum vocant, vid. *not. supr. ad L. 6. §. ult. N. 5.* vel iudicii officio nobili implorato. Facterique hæc via ab iis receptior ac tutior vocatur, Coler. *de Process. Part. 3. Cap. 9. n. 7. Añm. Praxi S. 31. Cap. 2. n. 4. Marula. P. 6. t. de sentent. exsec. n. 8.* Nam illo casu, novo processu, libello, illis contestatione opus esse do-

ceat (quod nec Donellius diffiteri videtur *h. L. 6. §. pen. n. 1. et 2.*) hoc non item. Sed vid. Gail. *d. Observ. 113. n. 9. et seq.* Citatio adversarii ut in executione requiritur, vid. Añm. *Praxi S. 31. Cap. 4.* Plane nonne nostri a iudice permitti posse victori, ut rem ipse capiat, aut in possessionem eius veniat, per *L. dotis. Cod. sol. matr. L. penult. Cod. de pig. act. Duar. ad d. §. penult. Añm. Praxi S. 31. Cap. 2. Ampliat. 2.*



Ad §. Iudicati. ult.

Iudicati actio perpetua est, et rei persecutionem continet. Item heredi, et in heredem competit.

SUMMARI A.

1. Actionem iudicati heredi et in heredem dari, eamque esse perpetuam.
2. Etiam si ex delicto nascatur, et quare et n. 3. ubi et contraria remouetur.

4. Quando in actione nova posteriore, ex qua agitur, causa et origo, seu prior actio ex qua nascitur spectanda sit;
5. Quando item spectanda posterior.
6. Excipitur donationis causa et quare.

Iudicati actionem in iudicatum et condemnatum dari certum est, *L. 4. in princip. et §. 1. supr. eod.* Et cui detur tandem, nisi victori, ei videlicet cui ille condemnatus est, et quicum indicati obligatio est contracta? *L. 3. §. idem scribit, D. de pecul.* Etiam ¶ heredi, et in heredem eam competere, hoc loco Ulpianus scribit: ut intelligamus heredi victoris dari, et in heredem condemnati. Addit, eandem dari perpetuo, earumque rerum hanc rationem esse vult, quod contineat hæc actio rei persecutionem. Nam quæ hanc contineant, omnes et hereditibus dantur, et in heredes. *L. in honorariis, D. de obl. et act. L. si mulier, §. hæc actio, L. contra, §. si post, D. rer. amot. L. si pro fure, §. condictio, D. de cond. fur.* Etiamne indicati actio tunc rei persecutionem continet, cum quis ex delicto damnatus est, puta furti? Non temere est, cur hoc quaeratur. Definire enim ea actio rei persecutionem continere, quæ id persequitur, quod nobis abest ex patrimonio: *d. L. in honorariis, D. de obl.* satis autem constat ex furto, et similibus delictis non damnari reos in eam pecuniam, quæ nobis ex patrimonio absit. Et 2 cum Ulpianus ¶ rem hic generaliter definiat, *Tom. XI.*

nec ulla circumscriptione utatur: cum sit etiam stultum dubitari, an iudicati actio tunc rei persecutionem habeat, cum secuta est ex ea causa, quæ et ipsa rei persecutionem habuit: perspicuum est, hoc eum sentire, ex 2 quacunque causa condemnatus quis sit, ut sit maxime ea, quæ rei persecutionem non contineret, tamen eo semel ex ea causa condemnato ipsam iudicati actionem, quæ inde nascitur, rei persecutionem continere: atque et heredi et in heredem dari. At enim ¶ iudicati actio, quæ ex his causis est, non persequitur, quod nobis abest ex patrimonio. Non ita est. Nam quod ipse idem alibi de actione iudicati scribit, est hæc 3 actio ex contractu, non item ut prima actio, ex delicto: iudicio enim contrahitur non aliter, quam stipulatione. *L. 3. §. Idem scribit, D. de pecul.* Quod si ex contractu, etiam rei persecutionem continet: omnes enim rei persequutoriae, quæ sunt ex contractu, paucis exceptis. *§. sequens, Inst. de action.* Eadem res facit, ut quamvis ex ea actione reus condemnatus sit, quæ non daretur hereditibus, ant in heredes; ut iniuriarum, et quæ sunt ex maleficiis pœnales: *§. 1. Inst. De perpetuit. et temporalib. actionib.* tamen intelligere

12

1) Ad omnino Asin. Praxi §. 31. C. 2. Ampliat. 16. qui quando contra heredem aliusve successorum executio fiat vel non, plenus expedit. Num in feudibus sententia nocet descendenti alive successor, vid. Pamel. in *L. 1. C. de bo. mat. P. 3. n. 48. et seqq.* qui affluunt, ibid. notanter limitat. Q. An sententia lata contra principalem executoi mandetur contra fideiussores de iudicio solvendo, sine novo Processu? Affirmativa communis perhibetur. Rader. Suar. in *L. 2. fori. de Comperendinat. §. sed pone questionem 4. n. 6.* (1) quæ videtur una condemnatus, cœ persona accessoria. (2) per *L. ult. C. de uxor. rei iud.* ubi vocula statim significat summariam cognitionem absque ordine iudiciario, ut nec requiratur nova sententia. (3) quia si fideiussores confessa est in iudicio se debere illud quod iudicabitur, et debitum hæc est liquidum iudici ut iudici. Ergo per *L. 2. C. de exec. rei iud.* Ita Suarez fuisse, add. Sig. Saccia. Lib. 1. de Iud. C. 62. n. 3. Asin. d. §. 31. C. 2. Ampliat. 22. Treutaciog. Lib.

2. Pract. Resolut. tit. de Expens. Resol. 3. Ranchbat. Part. 2. Q. 7. n. 27.

2) Duar. ad d. §. ult. Facit *L. 18. §. 1. verz. proinde, de pec. const.* Et si alia causa stipulationis iudicio sitis ob actionem iniuriarum interposita, quæ ad heredem non transit, *L. 10. §. 2. Si quis cont. vid. Duar. dicit. loc.*

3) Sed ista contestatione non vere, aut quæsi contrahi, docui *supr. Lib. 12. Civil. Comment. C. 14. N. 4. Quomodo Scip. Gentil. 1. de Iuris. §.* Actionem hanc partim ex contractu, partim ex lege oriri, vel uno verbo ex quasi contractu, quæ consensui ligatorum in rem iudicalem iudicium accipiendo, eam vim Lex tribuit, ut actionem pariat. Qui tamen consensus valere rei, qui invitatus item contestatur, non ita liber, ut in vero contractu, tametsi in eo is nautentur videatur, quod iudicium contendere quæ solvere mavult. Reiner. Bacon. Misc. disp. Cap. 2. pag. 17.

gere debeamus, iudicati actionem etiam ex hoc genere et heredibus, et in heredes competere: ut io omoibus his videlicet eodem auctore Ulpiano, *non originem iudicii spectamus, sed ipsam iudicati veluti obligationem*. Sic enim scriptum est in dicta *L. 3. §. idem* 4 *scribit*. Scimus alias \dagger quibusdam in causis cum actio nova ex priore constituta est, et ex posteriore agitur, responderi causam et originem, id est, priorem actionem esse spectandam: ut *L. qui id, quod in princ. D. de donat. L. 3. C. ad Senatuscons. Macedonianum*. Sed quibus in causis id fiat, et in quis nunc its facieodum oegemus, et quamobrem, considerandum est; ita quam recte utrumque pro varietate causarum constituitur, facile videbimus. De quo ut certi aliquid in uoiversam statuere possimus, animadvertendum est multum interesse, utrum hoc quatur io hac specie ao posterior actio iusta sit, oecne; ao vero cum constabit utramque et priorem et posteriore iustam esse, io posteriore autem erit aliquid amplius, quam in priore: hoc dubitetur, utrum posterioris potestas spectanda et sequenda sit? an non sit. Si hoc queritur, an posterior actio iusta sit: de eo ax causa et origio æstimandum est, ita causa et origio io hac re spectanda. Fioge, filiofamilias aliquid venditum esse. Hæc iusta causa est, ex qua venditori in filiofamilias actio ex vendito nascatur. Si placuerit, ut filiofamilias pecuniam, quæ ex ea causa debebatur, tanquam mutuum retineret: dicemus iustam esse et hanc causam; tametsi mutuum pecuniam filiofamilias dari, sit contra Senatusconsultum Maced. Quippe hæc posterior actio ex iusta origine nata est. Id vero est, quod respondetur io *d. L. 3. C. ad Macedon*. Vice versa, demus causam iniustam, aut nullam: puta filiofamilias mutuum pecuniam datam esse. Si actio ex ea causa in stipulationem deducta erit; ulla erit actio, ne ex posteriore quidem causam est, ne fraus Senatusconsulto fiat, ut de-

clarat Ulpianus in *L. item. 7. vers. 2. D. de senat. Maced*. Quod si hoc \dagger solum dubitetur, utrum posterior actio sequenda sit, quia sit pleior, cum aliqui et prior et posterior sit legitima: dicemus iam eum, quæ agimus, esse spectandam, etsi sit posterior. Exemplo est hoc loco actio iudicati quæ etsi ex actione temporaria, nec ad heredes descendente nata erit: tamen et ipsa perpetua est: et heredi atque io heredem competit. Idque manifesta æquitatis ratione constituitur in omnibus actionibus: nam aliqui posterior actio creditori erit iouilis, atque ita necesse erit, alterutrum evenire, ut aut nihil profuerit eum in actione posteriore quæreoda sibi vigilasse, aut cum semel ei quærita fuerit, eam illi auferri; quorum utrumque a iuris et æquitatis rationibus abhorret. Nam et ias vigilantibus scriptum esse scimus: *L. per. in fin. D. quæ in fraudem creditorum*, et aperte contra ias est, cuiquam hominem ius suum detrahi *L. 2. D. de iis qui sunt sui vel alieni iuris*. Excipitur \dagger tamen in hoc genere, donationis 6 causa. Nam si is qui donationis causa quid promisit, idem constituit postea, si agatur adversus eum ex coostituto: placet exerceri in eum potestatem duntaxat eius actionis, quæ ex donations nascitur, scilicet ut damnetur tantum io id, quod facere potest. Id quod nimirum illud est, quod constituitur io dicta *L. qui id quod, D. de donat*. Nec iniuria in donations ita placuit. Nam cum ingrati est hominis, totum extorquere ei, qui quid donavit, et eo magis ingrati, quo liberalius id ipsum ei a donatore cautum, et constitutum est: tum varo, quod præcipue ad rem pertinet, nulla fit donatio iniuria, si totum non aufert, quod aut constitutum. Nihil enim ideo amittit ille de suo; et si verum est, lucram oon facere: quod in cæteris actionibus, quæ diligencia nostra nobis peperimus, et quæ ex onerosa causa proficiscuntur, oecus est.

Ad L.

4 *L. 3. §. idem*. *L. gerge. 13. §. 4. in fi. de pig. L. 6. de senat. L. 1. C. de rec. arb. L. 1. C. ut quomd er fac. rat. vel curat*. Directa itaque hæc actio ei oonvenit, non in iudicium, ut contra Accurs. et alios iuss. Crisp. de Musili. terminis act. Act. 1. §. 1. Deur. ad L. 6. §. 2. h. l. Coras. ad L. 1. Cod. de iur. et fac. ignor. n. 12. Vind. 1. Q. 13. et Paulus. 2. Rec. quomd G. fin. P. 5. §. 1. n. 12. quæ oecio iure datur ex ipso lege 12. habebimus Paulus. ibid. et

Scip. Const. 1. de iurisd. 9. et ibid. Cl. 1. Act. 12. Q. 1. a Future inductione itatui, quia edictum de fraus. L. 4. §. 3. L. 5. pr. h. l. Sed istam oonsecutio, vid. act. super. Lib. 21. Civil. Comment. Cap. 2. N. 4. Alique ei tempore eodem, quo alii præscribitur, 30. oempe annis non qn. Coconat. Lib. 1. Q. 1. Fur. Cap. 6. De hæc actio vid. et Satis. Cons. Marp. 2. n. 20. et sup. Pol. 2. Neichman. Tomo 3. Decis. Cam. 22. n. 20.

Ad L. Intra dies. 7.

Caius lib. ad Edictum prætoris Urbani de re iudicata.

Intra dies constitutos quamvis iudicati agi non possit, tamen multis modis iudicatum liberari posse, hodie non dubitatur, quia constitutorum dierum spatium pro iudicato, non contra iudicatum per legem constitutum est.

S U M M A R I A.

1. *Condemnatus ad solvendum potest, si velit, et intra certos dies solvere, qui a iure vel iudice illi indulgentur.*
2. *Immo potest id facere etiam invito creditore et quare, et n. seq.*
3. *Ratio f. C. Cui hoc loco ab Auctore fuse exposita.*
4. *Auctoris propositum.*

- Quod condemnato dies ad solvendum lege constituti sunt, de quibus diximus
- 1 ad L. 2. *supr. eod.* id efficit, ut † intra eos dies pecunia ab eo invito exigi non possit, non etiam, ut si velit per eos dies vel statim solvere, aut aliis modis liberari, quibus tollitur obligatio, non possit id consequi. Sic enim interim cum eo agi non potest, ut nihilominus revera pecuniam debeat, nam si ante rem iudicatam debuit, quanto magis condemnatus eandem debere existimandus est. De quo plura ad L. 2. *supra*. Quod si interim pecunia debetur, eiusque pecuniæ obligatio subest: dubitari non debet, quin quibus modis solvuntur cæteræ obligationes, iisdem possit et hæc obligatio quovis tempore dissolvi.
 - 2 Sed an ita, ut † condemnatus per eos dies solvere possit creditori etiam invito? Id vero ita sentire Caium, intelligendum est: non solum quia de iis, qui quid in diem, aut certa die promiserunt, traditum est, his totum medium tempus ad solvendum liberum esse, L. *quod certa*, 70. D. *de solution.* quod multo magis ad iudicatos, quibus humanitatis causa legitimi dies indulgentur, transferendum est: sed etiam quia Caius hoc loco hac ratione utitur: quia, inquit *constitutum spatium pro iudicato non contra iudicatum*
 - 3 *per legem constitutum est.* Qua † ratione efficitur, iudicatum intra eos dies eodem modo solvere, et liberari posse, quomodo posset, si nullum illi tempus ad solvendum esset constitutum. Cum enim id spatium pro iudicato sit, licet ei ex regula iuris certi, iis quæ pro se introducta sunt, renunciare: L. *penult. C. Tom. XI.*

de pac. itaque efficere, quasi nec nullum ei tempus ad solvendum datum esset, prout ipsi expedire videbitur. Porro nullo tempore ad solvendum constituto, potest debitor citra controversiam creditori solvere vel invito. Addita est autem hoc loco a Caio superior ratio; cum in proposito duabus de rebus posset dubitari, atque etiam verisimile sit a plerisque olim esse dubitatum. Diceret enim aliquis, iustos dies, qui iudicatio dantur, non tantum rei causa constitutos esse, sed etiam actoris. Cum enim hi lege constituantur simpliciter, et eos expectari nihilominus interdum ad actoris utilitatem pertineat, quidni ei quoque lege tributos putemus? Quod si hi et actoris causa constituti sunt: dicendum est, quemadmodum per eos dies reus solvere cogi non potest, sic contra et actorem interim oblatam a condemnato pecuniam accipere non cogendum. Sed et illud fortasse alicui contra legem fieri videbitur, si reus ante diem solutioni lege præstitutum solvere festinet. Nam si contra legem facit actor, qui ante diem agit, quia diem constitutum non servat, eoque et præscriptione legis summovetur: cur non videatur et reus facere contra legem, qui hunc diem antevertat invito creditore, quasi hoc quoque modo fiat, ne servetur ab eo dies constitutus? Removetur horum utrumque hoc posito, dierum constitutorum spatium pro iudicato esse, non contra iudicatum. Si pro iudicato est (ut est aperte, cum constet id humanitatis causa indulgeri reo, ne interim pecunia ab eo exigatur, qui alioqui summo iure omnibus modis obligatus est, tene-

12*

*) Misericordie enim causa concessum iudicato, grandi illi esse non debet. Ideoque rei interim, intra hæc tempora con-

tingente reus liberatur, quia in mora non est, nec poenam igitur moræ dependit. Vid. *Förner. 2. Select. 15.*

tenetnrque in praesentia. *L. si cum militi*, §. *ult. D. de comp.*) si pro iudicato, inquam est id spacium, non contra iudicatum: sine dubio actoris causa constitutum non est, non enim potest constitutum esse actoris causa, quin sit adversus iudicatum. Si actoris etiam causa constitutum est, licebit ei, ut iam dixi, antequam dies iusti praeierint, solutionem recusare. Hoc vero perspicuum est, constitui adversus condemnatum: quippe cui isto modo adimatur facultas statim solvendi, quam nullo tempore ad solvendum constituto, sine controversia habuisset. Est autem superius spacium pro iudicato, ut dixi, non igitur actoris etiam causa constitutum. Eadem ratio efficit, ut nihil contra legem facere intelligatur reus, si non expectata legitima dilatione solvere postulet; quicquid enim alicui lege datur, ita datur, ut eo beneficio utatur, si quis vult, non etiam, ut necesse habeat: itaque licet ei salva sententia legis iuri pro se introducto renunciare, quod et

pro regula iuris usurpatum est, ut paulo ante dixi, *d. L. pen. C. de pac.* Poteram ↑ 4 paucioribus verbis hoc loco contentus esse, ut in re, meo iudicio, non obscura, et quae mihi videatur pene iuris explorati: nisi essent, qui re certa promissa dispntarent, hanc ante diem invito creditori solvi non posse, quod quidem nisi vehementer ipse fallor, statuitur ab illis contra manifestam sententiam. *L. quod certa, D. de solution.* et huius loci rationem: quae et ipsa non minus in obligationibus in diem conceptis locum habet: in quibus traditur, diem pro reo esse, non pro stipulatore *L. eum qui calendis*, §. *ult. D. de verb. obl.* Ea res me impolit, ut quorsum in proposito pertineret, et omnino quid valeret superior ratio, paulo diligentius et apertius exponerem. Neque vero difficile videtur, quae pro ista sententia afferuntur, diluere, quae de re scripsi ad *d. L. eum qui calendis*, §. *ult. de verb. oblig.*

Ad L. si homo. 8.

Paulus Libro V. ad Plautium.

Si homo ex stipulatu petitus post litem contestatam dedecisset: absolutionem non faciendam, sed fructuum rationem habendam placet.

S U M M A R I A.

1. *Homine post litem contestatam mortuo, semper reus condemnari debet.*
2. *Aut de re, si ea post moram perierit.*
3. *Aut omnino et semper ratione fructuum.*

4. *Quare diversum ius obtineat in fructibus.*
5. *Contrariis occurratur.*
6. *Quorum fructuum sit habenda ratio, argumenti locus indicatur.*

1. **S**I homo ex stipulatu petitus, ↑ post litem contestatam perierit, negat Paulus absolutionem faciendam: significans semper reum condemnandum esse. Iudicem enim quae de re cognovit, de ea et iudicare oportet. *L. de qua re, D. de iudic.* Id non fit aliter, quam si iudex reum condemnet, aut absolvat. *L. 1. sup. eod.* Quapropter qui iudicem absolutionem facere debere negat, hinc hoc relinquere intelligitur, ut reum condemnet. Igitur etiam homine post litem con-

testatam mortuo, semper reus condemnandus est. Recte Paulus: semper enim reus aut de re et fructibus damnandus est, aut saltem de fructibus. De ↑ re quidem peritia non semper: sed ita, si ea post moram perierit. *L. nemo, 82. §. ult. D. de verb. obl. L. si in Asia, §. ult. D. de pac.* non semper autem moram facit, qui ad iudicium provocat. *L. si quis solutioni, D. de usur. L. si quis inficiatus, D. de pos.* At quatenus res sine mora debitoris perierit: non ↑ eo

*) Cuius. 21. Obi. 25. verba ex stipulatu *d. L. 8.* pro glossante inserui habet. Quia ad, certo homine ex stipulatu debito delinquo post litem contestatam non potest reus liberari, cum utique moram commiserit, si non ante, saltem dum iudicium accipere moram quin salvere. At *d. L. 8.* ut superius iam quoniam fuerit, homine quoniam esse preceptum. Male. Nam verba hoc dicit *d. L. 8.* quod omnino

de et semper obligatione principali liberetur reus, sed si condemnari non possit tam in extinctionem hominis, quam in fructus, tunc in fructus solum condemnandus esse. Neque necesse moram committere litem contestando. Quid enim si heres promissionem iusto fidei iudicio praestitit, iuste iudicium accepit. Confer. Henric. Sotus. *Reper. lect. C. 5.*

3 † eo minus verum est, semper reum etiam hoc casu condemnandum esse: quoniam fructuum saltem ratio habenda est, eoque nomine reus condemnandus, ut hic Paulus significat: quod apertius ab illo in homine, qui actione in rem petebatur mortuo, duobus locis scriptum est, *L. si servus, D. de iud. sol. L. utique D. de rei vind.* Nec mirum † videatur, si is qui moram non fecit, neque in re præstanda, neque in fructibus rei petita, (nam de eo nunc agimus) re perempta non teneatur de re: idem tamen teneatur de fructibus. Ideo enim de re non tenetur, quia neque eam habet, neque culpa eius factum est, quominus haberet; rem enim casu periisse fingimus sine mora debitoris. *d. L. utique.* Utrumque in fructibus contra. Nam si debitor eos percepit, habet: si non percepit, vel hæc ipsa culpa eius est, quod non perceperit, cum posset aut per se, aut per alios. Semper autem post litem contestatam culpæ nomine reus tenetur. *L. qui petitorio, §. 1. D.*

de rei vind. Hic † occurrit nobis. Nam 5 actione sublata de re principali, quæ potest superesse actio de accessionibus, pnta usuris, aut fructibus? Hoc quidem iuris ratio pati non videtur. *L. cum principalis, D. de reg. iur. L. 4. C. depos. L. 3. C. de fruct. et lit. expens.* Et dicendum est, actione de re principali sublata, actionem moveri et institui de fructibus non posse. Quod si de utroque eodem iudicio agi cœperit, ut hic factum est: actio de fructibus semel recte constituta, nec dum iudicio finita, non ideo tempore evanescet, quia in eum casum deciderit, a quo incipere non poterat. *L. in ambiguis, §. 1. D. de reg. iur.*

Et fructuum rationem habendam placet) Quorum † fructuum? utrum perceptorum, 6 an et non perceptorum? item quousque, utrum quoad res petita perierit, an usque ad diem sententiæ? cognoscere ex his locis, *L. fructus non modo, L. si navis, §. ult. D. de rei vind.*

2) Ita et Duer. ad d. L. 8.

Ad L. Furioso 9.

Pomponius Lib. V. ex Plautio.

Furioso sententia a iudice, vel ab arbitro dici non potest.

S U M M A R I A.

1. Sententia pro furioso nec ab arbitro nec a iudice dici potest.
2. Cur pro minore dici possit, non autem pro furioso; dubitandi causa.
3. Differentiæ ratio quæ nonnullis placet, refutatur ab auctore.

4. Auctoris ratio proposita, in qua et ratio discriminis inter minorem et furiosum exponitur.
5. Quare Pomponius I. C. sententiam adversus furiosum dici non posse affirmavit.

1 **F**urioso, † inquit Pomponius, sententia a iudice vel ab arbitro dici non potest; furioso, dativus verbo acquisitiveposito additus, ut Grammatici loquuntur, valet, ad furiosi utilitatem, seu secundum furiosum, vel pro furioso. Sed cur furioso † dici sententia non potest, quæ cæteris omnibus, atque adeo minori, quamvis indefenso, recte dicitur, adversus quem indefensum dicta nullius momenti est? *L. non eo minus, C. de proc.* An etas minori in rebus pro commodo eius gestis obesse non potest: furioso morbus et alienatio

animi oherit? Atqui æquius et humanius multo erat, ubi maior naturæ imbecillitas est, illic prolixius furioso consuli. Et erat sane æquius, si hic de conditione personarum, non de vi sententiæ queritur: quæ cum furioso dicta certis rebus impediatur, minori autem dicta, non item: non mirum est, si hic valeat, illic non valeat. Quid ergo in persona litigatorum ad vim sententiæ desideratur, quod cum in furioso desit, ideo dicta illi sententia sit inutilis: quod non item desit in minore, et cæteris? Sunt †, qui consensum in litiga-

to-

1) Goth. ad d. L. 9. Broech. 4. Enant. 15. qui eam ra-

tionem quod nec quasi contrahere possit, cum alia quod absens loco, coniungit.

toribus exigi putent, ut his dicta sententia valeat, et simul iis indicati actio acquiratur: quod si verum est, res est confecta Furio: si enim nullam voluntatem esse coostat, eo-que oec furiosum ullum negotium recte gere- re; minores autem, qui fari possunt, ut in- tellectum rerum capiunt, ita constat quodvis negotium recte contrahere, et sibi acquirere posse, etiam sine tutoris auctoritate. *L. fu- rioso, L. in negotiis, D. de reg. iur. §. fu- riosus, et seq. Inst. de inut. stip.* Ego pro certo habeo, ex consensu et approbatione li- tigantium auctoritatem sententiae non pendere: cum fieri possit, ut eam victor probet, et tamen non valeat, puta a minore annis iudi- ce lata: contra possit fieri, ut eam victor non probet, uti non satis plenam, et omnino constituat ea appellare, et tamen non mi- nus sententia valeat: ut si pro homine sanae mentis eam non comprobante lata sit. Et quamvis hic non de vi sententiae, sed de actione a victore acquirenda ageretur: tamen ad hanc acquirendam oco est necesse, acto- rem tunc intelligere et consentire, cum sen- tentia dicitur. Iudicati enim obligatio, iam tuoc contrahitur, cum lis cum reo cootesta- tur. Contrahitur enim iudicio sub conditione, si secundum actorem indicatum erit: Arg. *L. 3. §. idem scribit, D. de pecul.* Hanc vero con- ditio cum ex eventu pendet, etiam ignorante ectore, quovis tempore impleri potest. *L. 2 D. de cond. et demon.* Ita si coosensus in acqui- renda iudicati obligatione quzeritur, dum is in lite cootestada intervernerit, satis est. Unde intelligi debet, quod furioso, qui forte inter moras litis furiosus factus est, sententia dici non potest, id alia de causa fieri, quam quia victori coosensu opus sit, aut ad vim senten- tiae, aut ad indicati actionem acquirendam: dummodo is litem cootestatus sit, qui fuit sanae mentis. Nihil verbis opus est. † Pertin- 4 et hic locus ad eam partem rerum iudi- catarum, que constitutum est, sive apud iudi- ces agatur, sive apud arbitros, de unoquoque negotio iudicari oportere presentibus iis, quos causa contingit. *L. de unoquoque. 47. D. de re. iud. L. diem, §. coram, D. de recept.* Id eam vim habet, ut non modo si adversus absen- tem sententia dicta erit, non valeat; sed oec si dicta erit pro absente. *L. certum, §. si quis absente, D. de confess.* Quod si ve-

rum est, et consequens est, quemadmodum, si adversus furiosum sententia lata sit, non va- let: sic nec si lata erit, pro furioso, valere. Ubique enim furiosus absentis loco est. *L. apud, L. coram, D. de verb. sig. L. 2. §. penult. D. de iur. cod.* Alia minoris causa est, quicquid agatur, intelligit; eo fit, ut in- defensus quidem, si damnetur, nihil momen- ti habeat sententia, ne indefenso infirmitas etatis noceat. *L. contra, 45. infr. eod.* At eidem si sententia feratur licet indefenso, ni- hil obsit etas, quominus sententia coram pra- sente lata valeat: quia minoribus etas in da- mnis subvenire, non in rebus prospere gestis obesse consueverit, ut scriptum est in *d. L. non eo minus, C. de proc.* Sed cum supe- 5 riore † ratione efficiatur, ne etiam adversus furiosum sententia dici possit, cur dicit Pom- ponius potius sententiam furioso dici non posse, quam adversus furiosum, ac non utrumque, uti verum erat, et eiusdem rationis, ita si- mul eodem loco complexus est? Quia de po- steriore satis constabat. Sive enim cum curatore furiosi iudicio agitur, ipse curator con- demnandus est. *L. 1. C. de sent. et interloc.* sive ita cum homine sanae mentis iudicium iostitutum est, ut is ante rem iudicatam furio- sus fieret: non dubium est, quia si minor inde- fensus, qui tutorem, aut curatorem non habet, frustra damnatur, *d. L. contra, infr. eod.* id multo magis de furioso dici debeat. At il- lud habuit dubitatioem, ao etiam pro furio- so sententia dici non potuerit: idque cum propter exemplum minoris, de quo diximus, tum propter naturae regulam, qua efficitur absentis et ignorantis conditionem deterio- rem facere non licere; meliorem facere omnibus concessum esse. *L. solvendo, D. de neg. gest.* Hanc dubitationem hoc loco Pomponius sustu- lit, negans sententiam valere, quamvis pro furioso dicta sit: quia scilicet lata sit absen- te litigatore: quod ius non recipit, ut iam dixi. Nam quod dicitur licere absentis condi- tionem facere meliorem hactenus verum est, dum lex non sit impedimento. Non licet au- tem iudici iure publico sententiam ferre ab- sentibus litigatoribus, nisi ante legitimis edictis evocati sint: idque propter iustas causas, quas exposuimus ed *L. de unoquoque, infr. eod.*

Ad L.

Ad L. Qui cum se. 10.

Marcellus lib. II. Digestorum.

Qui cum se patremfamilias fingeret, mutuum pecuniam accepit, et exheredatus a patre, vel emancipatus est: quamvis facere non possit, debet condemnari.

Exceptio est ad id beneficium pertinens, 49. *infra eod. apertius exposita in L. 4. §. de quo legimus in L. exheredatum.* 1. *D. quod cum eo.*

Ad L. Si Calendis 11.

Celsus lib. V. Digestorum.

Si Calendis fieri aliquid stipulatus sum: nempe quandocunque post calendas accepto iudicio, tanti tamen aestimanda lis est, quanti interfuit mea calendis id fieri. Ex eo enim tempore quidque aestimatur, quo novissime solvi potuit.

SUMMARI A.

1. In faciendi obligationibus cura de condemnatione propter rem quam fieri oportuit, agitur, tres incidere quaestiones, et quae sint.
2. Primae ac tertiae quaestiones sedes indicata.
3. Secunda quaestio hoc loco tractanda qualis.
4. Aestimationem eius quod interest agentis, ex certo aliquo et designato tempore fieri oportere ostenditur.
5. Certum illud, quod novissimum solvendi tempus a Celso I. C. appellatur, pro rei debite natura varie constituitur.
6. Aliud esse cum species certa debetur, aliud in faciendi obligationibus, et seqq.
7. Quale sit cum species certa est in obligatione.
8. Item quale in faciendi obligationibus et quo hinc in eadem facti obligatione varietas, et n. 10. et seqq.
9. Cur varietas id in obligatione facti et specie et n. 11.
11. Quae in obligatione faciendi, praeterito die ad faciendum constituto, integrum non est amplius facere quod promissum est. Facta utilitate aestimari, hinc pro rebus et temporibus esse diversam, exemplo. ibid.
12. Quae in faciendi obligationibus eadem in aestimando vinctae et alius id genus tempore servari: quo hac loco tractantur.
13. Quam recte in superioribus aestimatio eius quod interest, sit ex novissimo cuiusque rei solvendi tempore constituta.
14. Proponitur et refellitur eorum ratio qui sentiunt quancunque res fuit quocunque tempore post moram aut litem contestatam: tanti promissorem facti damnari oportere.
15. Florentina lectio notatur.

1. IN faciendi obligationibus cum factum non est, quod fieri debuit, circa condemnationem rei, quam fieri oporteat, tres hae incident naturae atque ordine quaestiones: Primo, cum ad rem reus condemnandus sit, utrumne ad faciendum, quod promissum: an vero in id, quod actoris interest, aliquando factum esse, quod factum oportuit. Secunda, si damnandus sit in id quod interest, et forte, ut sit, diversis temporibus varie interit, an quancunque intererit quovis tempore, eius ratio habenda sit: an vero unum sit aliquod tempus certum, ex quo id quod interest, sic aesti-

mandum, et quod sit? Tertia, cum constabit in id quod interest, condemnationem iure faciendam esse, et cuius temporis faciendi sit, ut queratur, quid sit id, quod interest, sive quid quantumque eo verbo ad praestationem continetur. Duae priores hoc continent, quae res, et cuius temporis res in condemnationem veniat? Tertia, hoc admissum ut veniat id quod certo tempore interest, hoc continent, quid sit id, quod venire dicimus. Ac primum quidem illud admissum est, in faciendi obligationibus, condemnari reum in pecuniam numeratam, nempe in tantam pecuniam, quanti actoris interest.

capit, locum hanc actionem non habere, neque ad augmentum, neque ad diminutionem. Item scriptum est a Paulo in L. qui autem, §. 1. D. si quis caut. Illud tenendum est, inquit, estimationem eius quod intersit agentis, ad illud tempus referendam, quo sisti debuit, non ad id, quo agitur, quamvis desierit interesse.

Hactenus ergo et ex hoc loco Celsi, et ex illo superiore cum Ulpiani, tum Pauli, intelligitur, cum de eo quod interest aestimando agitur: sic rem ex uno tempore certo et constituto aestimari, ut sive ante pluris interfuerit, sive postea: tamen horum temporum nulla ratio habeatur, sed eius tantum, ex quo quidque aestimandum dicimus: quam recte, ita constituitur, postea viderimus. Nunc hoc constat, ita ius se habere, ut diximus. Sequitur, videsmus, quodnam id tempus esse Celsus velit. Et definit id esse, qui novissime quidque solvi potuit. Ex eo autem genere esse calendas, quibus quid dari stipulati sumus. Nam hoc posito, unumquodque ex eo tempore aestimari, quo novissime solvi potuit: inde colligit in specie a se proposita, calendas esse spectandas, quod non recte faceret, nisi in calendis iuasset novissimum illud solvendi tempus, ex quo quidque aestimandum dixerat. Sed neque quod sit id tempus, quo novissime res solvi potest; neque an recte dicatur diem constitutum eiusmodi tempus esse; neque adeo an recte constitutur ex eo tempore quidque aestimandum, quidquam addidit Celsus, ut intelligeremus: et suot omnia eiusmodi, de quibus videam parum liquere. Proinde, quod locus cogit, de his paulo pluribus considerandum est. Quaeritur, quodnam sit id tempus, quod novissime quidque solvi potest. Et novissimum, superius appellamus: ut cum dicimus, pacta novissima, novissimum scripturam, eum, qui novissimus decesserit, *L. pacta novissima, C. de pact. l. 12. §. ultim. D. de legat. 1. l. vel singulis, D. de vulg.* Est ergo novissimum rei solvendi tempus id, ad quod usque res potest solvi; post id amplius solvi non potest. Id in omnibus obligationibus non est unum: sed pro natura rei delinere variae con-

stituitur. Itaque id aliud est, cum species certa debetur; aliud in faciendi, at earum rerum obligationibus, quae pondere, numero,

7 ro, mensurave constant. Cum species id certa in obligatione versatur, siquidem res integra permansit usque ad rem indicatam: novissimum solvendi tempus est rei iudicatae, sive condemnationis: si res ante aut perit, aut deterior post moram facta est, hoc ipsum supremum tempus solven-

di habetur, quo ista contigerunt. Hoc ita esse intelligere possumus ex *L. 3. §. de cont. trit.* In qua, re certa petita, cuius aestimatio praestanda sit, et de qua ubi eam causam quaeratur cuius temporis aestimationem recipiat, in ea haec ipsa tempora spectanda esse scriptum est. Quod congruere cum Celsi definitione aliter non potest, quam si ea ad solvendum novissima esse statuerimus. Et certe recta haec dicuntur novissima esse ad solvendum. Quamdiu enim res extit, et integra est, tandiu, debetur: proinde tandiu solvi potest, aut debitor eius solutione liberatur, iuxta regulam iniur. *Tit. quib. mod. tol. obl. in pr.* Postquam autem perit, facit natura, ut iam solvi non possit, sed cui post moram deterior facta sit, similiter evenit, ut eam qualis est, talis non possit solvi, quia non videatur praestari quae deterior praestatur. *L. 3. §. 1. D. commod.* In faciendi id autem obligationibus novissimum solvendi, inest, faciendi tempus, post quod videlicet promissorem facientem obo liberari placet, est dies constitutus, siquidem dictum sit quo die fieri deberet: si dictum non est: tempus litis contestatae: quorum prius hic statuitur; posterius in *L. si insulam, 84. D. de verb. obligat.* Cur haec id tam variae? Rei debita conditio 9 in causa est. Cum enim species certa debetur, deque ea iudicio agitur, haec petitur ipsa, non aliud, sive pure promissa sit, sive in diem. Eo fit, ut iudicio inclusa debeat, non minus post litem contestatam, quam ante: et quia debetur, debitor quandoque eam solvendo liberetur. At cum fieri id quid pure 10 promissum est, eoque nomine agitur, quia factum non est, quod fieri debuit: non ut fiat, petitur, sed agitur in id, quod stipulatoris interest. Ita hic post litem contestatam debere incipit id, quod interest: cuius rei obligatio iudicio contrahitur. Haec semel creditori quaesita, eo invito mutari non potest: ut pluribus scripsimus ad dict. *L. si insulam, D. de verb. obl. et L. si quis ab alio, §. ultim. infr. eod.* Itaque de litis contestatione rursus dubitatio est, cur post eam dicamus debitorum qui pure se factorum quid promiserit, iam amplius facientem non liberari, eo-que esse id novissimum faciendi tempus. At cur non ideam servatur et tunc cum quid stipulatus sum fieri Calendis? Cur hic id potius 11 idem constitutum dicimus, esse tempus novissimum faciendi? de eo vero non immerito dubitari potest. Quid enim, an post diem constitutum amplius facere non licet, quod promissum est, ut debitor liberetur? Et hoc quidem non obscure declarat Celsus hoc loco. Atqui negari videtur in dicta *L. si insulam.*

Illic enim scriptum est, *si insulam fieri sim stipulatus, et transierit tempus, quo insula potuit fieri: quandiu item contestatus non sim, posse debitorem facientem liberari*; et vero cur non liberetur debitor, qui post Calendis facit, quod Calendis se secturum promittitur, etiam præteritis Calendis non debetur? quod si debetur, quid restat, nisi ut eius præstatione debitor liberetur, ut dicitur regula iuris? dicto *Tit. quib. mod. tol. obl. in pr.* Et si nobis constare vultimus, dicendum est, quod Calendis fieri promissum est, Calendis præteritis non deberi; quæ sit contra conventionem, ut fiat postea: quod si non debetur, consequens est nec solvi posse. Neque vero id negetur in *d. L. si insulam*. Observandum est enim agi eo loco de eo stipulatore, qui paræ et simpliciter insulam fieri stipulatus est; eoque et de reo, qui eodem modo promisit. Recte dicitur omne intermedium tempus, quod intercedit usque ad litem contestatam, ei liberum esse ad solutionem, qui conventionem non edstringitur, ut certo tempore faciat. Die autem ad faciendum nominatim constituto, conventio rem liberam promissori esse non sinit. At enim qui certo die quid promisit, etiam post diem idem debet. Non enim dies adiciitur, ut cum dies venerit, non debeatur, quod promissum est; sed potius, quo magis debetur, et poti possit, *§. in diem, Inst. de ver. obl. L. cedere, D. de ver. sign.* Recte hoc dicitur, cum res promissa est, quæ etiam post diem constitutum extat. Longe eliter res se habet, cum quid certo die fieri stipulati sumus. Non enim, ut res promissa, quæ extat, omnibus temporibus una est, eoque et ante morem, et post morem eadem debetur, quæ et promissa est: itidem et factum, quod in conventionem venit, omnibus temporibus idem est, sed elind atque elind, ut proinde transacto eo tempore, quo fieri quid ex conventionem debuit, iam amplius non sit integrum, eoque nec solvi possit, quod promissum est. Facta enim sua utilitate æstimantur: siue qua nihil prosit eliquid stipulari, de quo plura ed *L. si quis ab alio, §. ult. inf. eod.* Hæc utiles pro rebus et temporibus verietur; ut puta; insulam ædificeturum te promissisti in ille æra: hodie, quo tempore æra mea est, si ædifices, id factum est, quod rebus meis insulam ædifici; ei æra mea non est, factum est eiusmodi, quod insulam fecit alterius, non meum. Insule enim cedit solo, ut dicendum sit, in dissimili utilitate aliud etque aliud factum iudicandum esse. Ac fingemus omnium temporum eandem utilitatem esse: tamen ne-

cessario fetendum est, operam, quæ hodie amittitur, aut sumi potest, non esse eandem illam, quæ eras aut postero die edhibebitur; etiam si perem aut nihilo segniorem esse concedamus. Id si ita est, consequitur, cuiuscunque diei factum et operam stipulati sumus, eius solius temporis factum deberi: sequentium non deberi, quia nec in stipuletum venerit. Et hoc est quod Pompon. ait, in *L. si quando, D. de oper. lib.* præteritam operam iam dari non posse: præteritam enim vocat, eam operam, quæ certo tempore deri debuit, nec data est. Hæc negat deri posse, non quod non adhuc opera præberi possit: sed quæ quæcunque dabitur postea, hæc elia futre est, quam ea, quæ est promissa; eoque præstite nihil prodest nec ad liberationem.

Apparet igitur, cum quid stipulati eumus, fieri Calendis, recte dici, Calendis esse id tempus, quo novissimæ res solvi possunt: quod Celsus hic respondit. Quæ t tempora in eo quod interest æstimandæ servari modum diximus in faciendi obligationibus, eadem stetel legimus in vino, et cæteris rebus, quæ pondere, numero, mensureve constant; cum, quia suo tempore præstite non sunt, de his æstimandis in iudicio agitur, queriturque cuius temporis æstimatio faciende sit: hoc in *L. vinum, D. si cert. pet. et L. ult. D. de cond. trit.* Quod cuiusmodi sit, pluribus exposuimus ed *d. L. vinum*. Superest iam, videamus, t quam recte et hic, et superioribus locis constitatur: ex his temporibus quidque æstimari. Et vero secundum regulas iuris aliter statui non potest. Quadiu enim solvi potest res promissa, tandiu de æstimatione eius querendum non est. Ipsa enim res præstende est, non eius æstimatio: quandoquidem elind pro alio invito creditore solvi non potest, *L. 2. §. 1. si cert. pet.* Tum ergo de eius æstimatione querendum est, cum ipsa non potest amplius præstari, aut in totum, aut certe integre. Ex qua vero tempore æstimabitur, quæ non est? Nempe necesse est aut ex novissimo tempore æstimari, quæ scilicet primum res ed æstimacionem spectare incipit, aut ex sequentibus. Ex sequentibus temporibus, quibus res nulla est, quomodo tandem æstimetur? Ita fit, ut ex eo tempore quod supremum fuit ad solutionem sit æstimanda. Id etiam conficitur hoc modo: cum pecunia pro re præstatur, necesse est tantum esse pecuniam, quanti est res eo tempore, quo primum æstimande est. Res eutem quæque debita promissive tunc primum in ee caussa esse incipit, ut æstimande sit, cum esse desinit: igitur quanti tunc solum est, tanti

12

13

tanti aestimanda est: Iam vero in rebus certis promissis non diei adiectione, aut litis contestatione accidit, ut res, quæ fuerant, esse desinant, aut deteriores fiant; sed accidit natura. Proinde huius solum temporis, quo natura id contingit, non diei constituti, aut litis contestatæ in his rebus aestimandis ratio habenda est. In factis autem promissis cum natura rei, tum potissimum diei adiectione efficitur, aut sine die constituto litis contestatione, ut post hæc tempora amplius fieri non possit, quod promissum est; certe debitor faciendo non liberetur: atque ita ut quod fieri non promissum est, his temporibus fieri posse desinat ad liberationem. Quapropter commutata rerum conditione, et hæc ipsa tempora in hoc genere obligationis eadem ratione spectanda sunt. Quæ si ita sunt, bene et manifesta iuris atque æquitatis ratione in superioribus rebus aestimandis, istorum temporum rationem habendam esse dicimus. Nam quæ in iis quæ quantitate constant, aestimandis ratio sit, quia res pluribus verbis indiget, malum cognosci ex his, quæ de hoc genere disseruimus ad *L. vinum*. Illud ¶ movet ple-

14

rosque id faciendi obligationibus, ut statuatur quanticunque post moram atque adeo post litem contestatam actoris interest id factum esse, quod promissum est, tanti promissorem

dammandum: illud, inquam, quod dicitur unicuique suam moram nocere, *L. in condemnatione*, §. *unicuique*, *D. de reg. iur.* sed non recte movet. Nocet enim unicuique mora sua; sed hactenus, ut perpetuet obligationem, quæ ante moram fuit, non ut augeat, aut inducat novam, *L. si servum*, §. *sequitur*, *D. de verb. obl. L. centum*, *D. de eo quod cer. loc.* Porro, cum certo tempore quid fieri debet, nihil nisi eins temporis utilitas, idest, id quod eo tempore interest, in obligationem venit. Quare quandocunque agatur postea, aut res iudicabitur, efficit mora, ut illius tempositis utilitas conservetur, et aestimetur petitori; non etiam, ut novæ utilitatis etiam obligatio inducatur.

Ex eo enim tempore ¶ In Pandectis ¶ Florentinis ita scriptum est: *Ex eo enim tempore quidquid aestimatur, quod novissime solvi poterit*, sed manifestum mendum est. Imperfecta enim oratio est, nullam exprimens sententiam: ut quæ habeat subiectum tantum sine ullo attributo, quod de subiecto aliquid affirmet, aut neget. Sic igitur legendum est, ut ante dixi, et in omnibus aliis exinplari- 15
bus legitur, *ex eo enim tempore quidquid aestimatur*, quo novissime solvi potuit. Potuit, non poterit: quia de re præterita, et transacta, non futura agitur.

Ad L. In depositi 12.

Marcellus lib. iv. Digestorum.

In depositi vel commodati iudicio, quamquam dolo adversarii res absit, condemnato succurri solet, ut ei actionibus suis dominus cedat.

S U M M A R I A.

1. In depositi et commodati iudicio actiones condemnato cædi debere.
2. Dummodo illi res absit.
3. Etiam si dolo rem amiserit, et quare.
Et cur non idem ius obtineat in rei vindicatione: ibid.
4. Commodatarius habet retentionem, nisi dominus antea suis actionibus cesserit.

5. Quid post sententiam, an poterit comodatarius eadem retentione uti, et quo iure.
6. Dominus actionibus suis tenetur cedere diuturnat, nec quidquam eo nomine cavere.
7. Quam ut per eum non fiat quominus rem possideat.

QUI quacunque actione tenetur, ut rem restituat (quod ex actionibus in personam in iudicio depositi, et commodati, de quibus hic agitur, accidit, §. *item is*, et §. *pen. Inst. quib. mod. re contr. obl.*) is si rem non restituat, quamvis possessionem sine do-

Tom. XI.

lo amiserit; tamen lis adversus eum aestimatur, damnaturque quanti ea res est, de qua agitur, *L. qui restituere*, *D. de rei vind.* Id cum fit: nempe hic laborat reus, ut saltem rem habeat, pro qua aestimationem pertulit: quod ita consequitur, si quæ actiones actoris

13*

fin-

fuert rei persequendæ causa, hæc in condemnatione transferatur: ut rei vindicatione, Publiciana, nullis quæ de agro vectigali competit, et similes. Hinc questum, an ꝑ recte desiderare possit condemnatus, sibi eas cedi ab actore, et an eum desideraverit, consequi debeat. Admittit hoc loco Marcellus, cedi eas postulanti debere, quamvis condemnatus, et ei, cuius dolo res absit: sed tamen, inquam, cum res illi aberit; et depositi, commodati, aut simili aliquo iudicio in personam agatur. Recte additum utrumque. Tale est enim, ut si quid eorum desit, actiones cedi non possint, aut debeant. Ac primum si ꝑ condemnatus rem possideat, cuius æstimationem solvit, frustra ab actore actiones sibi cedi postulet. Sciendum est enim in possessorem, qui id fecerit, statim dominum rei transferri: quod discrete scriptum est in *L. eius, D. de rei vind.* et recte. Nam si hic iusta causa ad transferendum requiritur: liti æstimatione emptionem facit; sive qui liti æstimationem suffert, emptoris loco habendus est, *L. 3. D. pro empt. L. si propter, D. rer. amot.* Si requiritur traditio: hæc non est necessaria, cum is, cui rem questam volumus, iam ante eam apud se habet, *L. qua ratione, §. interdum, D. de acq. rer. dom.* Si voluntas domini desideratur: hæc ex eo intelligitur, quod dominus transigisse videtur cum possessore, et decidisse eo pretio, quod constituit, ut scriptum est in *d. L. eius, de rei vind.* Dominum igitur in eum, qui damnatus rem possidet, soluta æstimatione transferitur, aut certe, si petitor dominus non fuit, nuscipiendi conditio: omninoque res in bonis eius esse incipit. Hæc res efficit quod a Iuliano in hac specie responsum est in *d. L. si propter, rer. amot.* ut hic possessor domini, aut quasi domini iure et adversus veterem dominum exceptionem habeat, et si forte possessionem amiserit, adversus omnes habeat actionem, quod omnibus qui rem in bonis habent, conceditur *L. rem in bonis, D. de acq. rer. dom.* Hoc vero si ita est, apparet frustra eum desiderare sibi cedi actiones, qui eas habeat: frustra desiderata ab eo qui dominio translato eas amiserit. At non itam in condemnatum domi-

nium transferitur, quamvis liti æstimationem præstiterit, si ei res absit. *L. hoc si res, D. de rei vind.* Neque enim cuiquam dominium acquiritur domini voluntate sine naturali possessione, dum aut ei res traditur, aut cum apud eum esset, pro tradita a domino habetur, *§. per traditionem, et §. interdum, Inst. de rer. divis. L. traditionibus, C. de pact.* quorum utrumque in re absente contingere non potest. Ita fit, ut hic solum ntile sit rei cedi actiones, atque adeo a domino cedi possint. Ac semper cedi debere convenit, sive in rem actione, sive in personam agatur, si modo reus culpa, non fraude possessionem amiserit, *L. si culpa, D. de rei vind.* neque de eo hic nunc agitur. Illud ꝑ habuit dubitationem, an etiam tunc dominus cedere actionibus suis deberet condemnato, cum in dolo amisset possessionem. Et hoc, ut dixi, hoc loco probat Marcellus; sed in iudicio depositi, aut commodati. Recte in his iudiciis, quæ in personam sunt, et ex contractu oriuntur. In rei vindicatione idem non placuit, *L. is qui dolo, D. de rei vindicat.* An quod in rei vindicatione æquum est, dolum possessoris puniri: in deposito et commodato non item? Imo in his tanto æquius, quod qui in iis rem dolo non restituit, his peccat; et quod dominum fraudat re sua, et quod turpiter dominum fallit: cum a possessore, qui actione in rem damnatur, hoc solum peccatum sit, quod rem domino auferit, nihil amplius. An forte ideo, quod in rei vindicatione res ex æquo indicanda sit, non etiam in depositi, aut commodati iudiciis? Atqui hæc bonæ fidei iudicia sunt: in quibus rem præcipue ex fide bona, idest, ex æquo et bono æstimari oportet, *§. in bonæ fidei, Inst. de action.* Sed ꝑ differentiat hæc ratio est, quod in rei vindicatione dominus possessori non obligatur, utpote cum quid nihil contraxerit, *§. 1. Inst. de act.* Unde si quid dominus possessori præstare debet, id debet arbitrio iudicis, si æquum est: est enim hoc iudicium arbitrarium, *§. præterea, Inst. de act. L. qui restituere, in fin. D. de rei vind.* Nulla autem inris aut æquitatis ratio patitur, ut decipientibus succurratur *L. 2. §. verba, D. ad Velleian.* At

in

1) Alii simpliciter inter actionem in rem, *L. 69. de R. F.* et in personam *d. L. 12.* designant. Pro. 3. Q. 45 differentia ratione reddit, quod plus iuris habemus in rebus nostris quam ceteris rebus, domini nostri res sit, quam obligationis, magisque porcet, qui domine res restituit, quam qui creditori. Mole. Hæc cum ratio aliis obstrictis non convenit. Commodato et Deposito non item. Alter distinguit Rob. 1. Sententia et aliter Douc. ad *d. L. 12.* qui sic. Aut aliter aut res ad liti actionemque damnatur, peti actionemque accedat, et res cedenda sciens *d. L. 12.* ad petere non vult, sed

recipere rem autem mavult a possidente et non credenti, *d. L. 69.* Ob dolum enim in quocunque iudicio pronuntiat iudex simpliciter, cedere non cogit, et ita posuit rem, *d. L. 69.* ut liberum sit actori post latam sententiam consequi liti æstimationem rem ipsam vindicare. Male. Quia enim hæc ultia cum pena societ, immo commodo subvertitur res damnatur, quies retro liti æstimatione aperta aliam contrahit etc. Alter Goh. ad *d. L. 12.* distinguit inter ius strictum, *d. L. 69.* et æquum, *d. L. 12.* Quod destruit est, æstimationis non dicitur.

in commodato non tantum qui accepit, obligatur commodati, ut rem restituat; sed etiam contra qui commodavit commodatario, ut enim indemnem præstet: idemque est in deposito, *L. in rebus, §. possunt, et seq. D. commod. L. ei apud quem, D. depos.* Idcirco commodatarius etiam ultro iudicium contrarium habet adversus eum, qui commodavit, ut actiones suas cedat, quibus commodatarius de re amissa indemnitas reddatur. Quanto \dagger magis idem in actione commodati retentionem habebit, ne prius agenti domino satisfacere cogatur, quam ille actiones suas cesserit? *Arg. L. in rebus, §. ult. D. commod.* Quod tamen iure fit, si reus ante sententiam hac defensione utatur, cum res adhuc integra est.

5 Cæterum re \dagger semel iudicata, et in litis æstimationem condemnato reo, non licet summo iure hac exceptione partem actori iudicati executionem evitare. *Arg. L. 4. §. 1. supr. eod.* Veruntamen et hanc defensionem condemnato tribuendam Marcellus ait: sed ita, ut fateatur iure non dari, sed officio iudicis qui sententiam exequitur ex æquo et bono, unde ut condemnato cedantur actio-

nes, ait in ea re illi succurri solere: quo verbo utimur in iis, quæ adversus strictam iuris rationem conceduntur *L. in causa: 1. iuncta L. in causa: 2. D. de minor.* Est autem exceptio ex earum genere, quæ non infirmant sententiam: quod genus etiam post rem iudicatam competit. De quo amplius dicendum est ad *L. Nescennius, 41. §. ult. infr. eod.* Illud ad extremum \dagger notandum est, 6 non temere esse, quod de actionibus tantum condemnato cedentis hoc loco dicitur. Nihil enim amplius dominus præstare debet, eoque nec eo nomine condemnato cavere, itaque nec petitor condemnato de evictione cavere debet, *L. ex diverso, §. petitor, D. de rei vindic.* Et generale illud Scævola tenendum est, in omnibus, quos idcirco teneri dicimus, quia habent actionem, delegationem, id est, cessionem pro iusta præstatione esse, *L. quod debetur, 51. D. de pecul.* Sane \dagger qui actiones suas cedere cogitur, is multo magis hoc præstare debet condemnato, ne prohibeat, quo minus possessio rei ad eum perveniat, quamobrem et de ea re illi cavere debet *d. L. hoc sines, D. de rei vindic.*

Ad L. Si quis ab alio. 13.

Celsus lib. vi. Digestorum.

Si quis ab alio decem: ab alio satisfdari stipulatus est: æstimandum erit, quanti stipulatoris intersit satisfdari: idque aut tantumdem erit, aut minus: aut interdu[m] etiam nihil; neque enim vani timoris ulla æstimatio est. Verum sorte soluta, nullum iam pretium æstimationis est, aut quantum ex sorte fuerit solum, tantum de æstimatione decedet.

SUMMARIA.

1. *Eum qui se satisfdaturum-promisit, condemnari quanti stipulatoris interest.*
2. *Quod interest stipulatoris quatenus æstimetur: et quid sorte vel in totum vel ex parte soluta et n. 5.*

3. *Regula iuris, 1. quatenus, 24. D. de reg. iur obiter exponitur.*
4. *Damnium quod datum est, æstimari, non illud quod forte potest accidere.*

1 Titius crediturus decem millia, ea stipulatus est sibi dari ab eo, qui accipiebat. Voluit \dagger etiam adhiberi adpromissorem. Adhibitus est, qui promitteret non se decem solaturum, sed eo nomine satisfdaturum, quod valet, fideiussorem eo nomine daturum, *L. 1. D. qui satisfd. cog.* Adpromissor conventus non satisfdat: itaque eo nomine cum eo iudicio actum est. Quæritur in officio iudicis, qualem ille condemnationem

facere debeat, utrum condemnare reum, ut satisfdet, an aliter. Celsus ait, condemnandum eum, quantum stipulatoris intersit, satisfdari. Proinde id iudici æstimandum, videhæet, ut certam sententiam ferat, et in certam pecuniam condemnat, quod ab omni iudice in sententia ut faciat, exigitur, *§. curare, Inst. de act.* Exempli causa dictum hoc est a Celso; nihilominus ut idem ad omnes faciendi obligationes pertineat. Hoc enim est, quod

ipse

ipse in extremo huius responsi definit, in omnibus faciendi obligationibus hoc evenire, ut qui non facit, quod promisit, in pecunia numeratam condemnetur. Nam hæc pecunia intelligitur, qua æstimatur id, quod interest. definit Paulus, quod petitori abest, quodque lucrari potuit, *L. si commissa, D. rem rat.*

- 2 hab. Deinde queritur † quantum sit in proposito id, quod stipulatoris interest: ait Celsus, *idque aut tantundem erit, aut minus, aut interdum etiam nihil.* Id hanc sententiam habet: de eo, quanti hic intersit, nihil absolute responderi posse, sed rem ex facto æstimandam, id enim ita futurum est, ut erunt rei principalis facultates. Ergo erit *tantundem*, quantum scilicet principaliter debetur, si reus principalis omnino non erit solvendo. Erit *minus*, si reus ex parte solvendo erit. Erit *nihil*, si ita erunt rei facultates, ut ab eo stipulator non minus suum consequi possit, quam ab alio quovis. Idque ita interpretatur Pomponius in *L. si ita stipulatus*, 112. §. ult. *D. de verb. oblig.* Hoc illud est,
- 3 quod † traditur regula iuris: *Quatenus cuiusque intersit, in facto, non in iure consistit, L. quatenus, D. de reg. iur.* Non consistit in iure: quia de ea nihil certi ullo iure constitutum est, ac ne constitui potest. Consistit in facto, quia de eius æstimatione ex facto et re proposita constituitur. Prout enim damna sunt ex eo, quod factum aut non factum est, ita est id, quod interest. Ea est rerum, quæ facti aut iuris dicuntur, descriptio *L. mora. 32. D. de usur.*

Ait Celsus, *Neque enim vani timoris ulla æstimatio est.*) Hoc loco † occurrit tacita obiectioni. Diceret enim aliquis, semper creditoris interesse in solidam summam, quæ promissa est, fideiussorem habere. Etsi enim reus principalis solvendo est: fieri tamen potest, ut sint humana, ut postea desinat esse solvendo. Respondet Celsus, vanum hunc esse timorem, si nulla nunc causa præsens subsit, cur metuatur. Vani autem timoris nullam esse æstimationem, idest, nihili hunc æstimandum esse, nullam eius rationem esse habendam, quasi non esset. Ex quo colligitur, quoties de damno, et eo quod interest, æstimando agitur, id damnum æstimari oportere, quod datum est: non id, quod postea possit contingere per rerum naturam, cuius tamen nulla adhuc subsit causa. De quo apertius ea constitutione Iustiniani, quæ est de hoc genere, cautum est *L. unic. C. de sent. quæ pro eo, quod interest, prof.*

Ait, *Verum sorte soluta,*) Hoc † dicit: 5 Quod diximus modo interesse petitoris, modo non interesse, habere fideiussorem; locum habet solum in eo, quod de sorte solutum non est: verum sorte soluta hoc ratum esse debet, quantum de sorte solutum est, tanto minus interesse creditoris, alium habere: quippe principali obligatione soluta, non est accessioni locus, *L. in omnibus speciebus, D. de solution. L. cum principalis, D. de reg. iur.*



Ad §. Si quis. ult.

Si quis promiserit prohibere se, ne aliquod damnum stipulator patiat, et faciat ne quod ex ea re damnum stipulator habeat: facit quod promisit. Si minus, quia non facit quod promisit, in pecuniam numeratam condemnatur, sicut evenit in omnibus faciendi obligationibus.

S U M M A R I A.

1. Promittentem alteri indemnitate, si non fecerit quod promisit, in tantam pecuniam condemnari stipulatori, quanti istius interit.
2. An in faciendi obligationibus, nisi fiat quod promissum est, facienti reus in id quod interest, condemnari debeat.
3. Dubitandi ratio.
4. Solutio.
5. An reus factum omnino prestare debeat quod

promisit, si modo possit; an si facere reuset, tantum in id quod interest condemnatur.

6. Auctoris sententia, videlicet ut si minime factum sit suo tempore quod promissum est, non tam factum, sed quod interest, sit in obligatione, pluribus demonstratur.
7. Contrariae sententiae argumenta refelluntur.
8. Summa rerum.

¹ Promisit quis ꝑ prohibitorium se, ne quid damni stipulator patiat, id in superiore hypothesis ita potuit contingere, si adpromissor, qui pro reo principali promisit se satisfactorum, id ita fecerit, ut fieri adsoleat, ut vicissim sibi a reo caveret fore, ne quod damnum ex ea promissione sentiret: ut consulto factum videri possit, cur has species Celsus coniungeret, utpote ad idem negotium pertinentes. Quæritur in hac specie idem quod supra, si forte promissor non faciat, quod promisit, id est, si quod damnum ex ea re stipulator sit passus, quod promissor non prohibuerit (finge stipulatorem, qui pro reo satisfecit, dum cogitur solvere, coactum etiam mutuum pecuniam accipere sub gravissimis mris; aut dum eam reperire non potest, bona eius pignori capta esse, et vilissimo forte pretio distracta) hoc, inquam, si contigerit, quæritur quam ad rem promissor sit condemnandus? Et respondit Celsus idem, quod ante, promissorem in pecuniam numeratam condemnari: quod nihil aliud declarat, quam in id, quod interest, ut ipse exprimit, et in principio huius responsi, et in *L. si Culendis, supr. eod.* Sed hoc prius æstimatur, ut supra dixi: tum quanti id est, in tantam pecuniam sit condemnatio, ut sit hæc pecunia æstimatio eius, quod interest, id est, eius damni, quod stipulator passus est.

² Sicut evenit in omnibus faciendi obligationibus.) Hoc loco ꝑ sententia generalis nobis notanda est de obligationibus faciendi: in omnibus, si non fiat, quod promissum est, hoc evenire, ut reus condemnatur in pecuniam numeratam, æstimationem scilicet

eius, quod interest. Extat eadem sententia et in *L. stipulationes non dividuntur*, vers. Celsus, *D. de verb. obl.* In quam, quia hic dicendi locus est, diligentius inquirendum videtur. Ea enim est ex omnibus, quæ certo iure tradite sunt, quæ ꝑ maxime in dubium revocatur. Nec abs re omnino. Cur enim is, qui se facturum quid promisit, non condemnatur, ut faciat, quod promisit, et quia promisit, debet, siquidem potest; potius, quam in id, quod interest, quod non promisit? Ita universi iuris ratio est; ut non possit in pecuniam numeratam sen in id, quod interest, condemnari, si id, quod interest, non debetur. Etenim si non debetur, nec peti potest, non est enim actio nisi eius quod debeatur, *L. nihil, D. de obl. et act.* Si non petitur, nec in iudicium venit; ne in id quidem poterit reus condemnari: non enim in aliud potest condemnare iudex, quam petitum est, nec ultra id, quod in iudicium venit, potestas eius excedere *L. 2. C. de fid. lib. L. ut fundus, D. com. divid.* Quid est autem, cum quid fieri promissum est, quod debeatur? an non quod promissum? Plane hoc ipsum, ut videtur, non aliud. Nisi forte aliquid ex stipulatione deberi potest, quod in stipulationem deductum non sit, quod natura stipulationis non patitur, *L. quicquid, D. de verb. obl.* Et cur dicuntur quædam stipulationes consistere in faciendo, *L. 2. D. de verb. obl.* nisi hoc ipsum in obligatione est, ut fiat? Nam et alix in dando consistere dicuntur, in quibus in obligatione hoc ipsum esse intelligitur, ut detur. Ex quibus efficitur, quia id quod interest, in stipulatione

tionem non veniat, eoque nec debeatur, ideo nec peti, nec in condemnationem deduci posse. Ergo, ut de eo iam respondeam, † fa-
 4 teor hæc ita se habere, siquidem non de-
 betur id, quod interest. Sed si debetur, utrum-
 que contra eveniet, ut et peti possit, et quia
 petitum sit, in id quoque reus debeat damna-
 ri. De hoc igitur cognoscendum est, an de-
 beat id quod interest postquam tantum tem-
 poris præterit, intra quod fieri potuit, quod
 promissum est. Et sive huius rei aliqua ratio
 constat auctoribus iuris, sive nulla; certe hoc
 ab illis ita constitutum est, id quod interest,
 deberi. Sic enim scriptum est in *L. stipulationes non dividuntur*, D. de verb. obl. *Celsus tamen Lib. 38. D. refert, Tuberonem existimasse, ubi quid fieri stipulemur, si non fuerit factum, pecuniam dari oportere*. Non oportet dari, nisi quod debetur, constatque hanc conditionis seu actionis in personam, qua persequimur id, quod nobis debetur, hanc olim formulam fuisse, *si paret, eum dare oportere*, §. sic itaque, *Inst. de act.* Sed fortasse id quod interest, promissum non est. Imo ideo debetur in faciendi obligationibus, quia promissum est. Inde in hoc genere stipulationum, id quod interest, in stipulationem venire et stipulatione contineri dicitur, *L. si penam, L. quoties quibus D. de verb. obl.* et semper venire, additum est in *L. si quis stipulatus. 112. §. ult. D. eod.* Huc pertinet quod dicitur in §. ult. *Inst. de verb. obl.* in faciendi obligationibus optimum esse penam stipulari, ne quantitas stipulationis in incerto sit. Nempe ergo in his obligationibus versatur quantitas incerta. Et ut hæc esse intelligeremus, id quod interest, et ita, ut id ipsum ex stipulatione deberetur: ibidem additur postea, ac necesse sit actori probare, quod eius intersit. Non esset necesse actori id probare, nisi intenderet id deberi ex stipulatione, nemo enim probare cogitur, quod non intendit. Ex eo vero est, ut et in hoc genere si promissor non faciat, quod promissit, agi possit in id, quod interest. Quod etsi priore illo posito sua sponte consequens est: tamen ne in eo etiam hasitaremus, diserte positum est in *d. L. stipulationes non dividuntur*, §. *Celsus*. Cum enim dictum esset, ubi quid fieri stipulamur, si non fuerit factum, pecuniam dari oportere, hæc subducuntur. *Ideoque etiam in hoc genere dividi stipulationem, secundum quæ Celsus ait, posse dici, iusta estimatione facti dandam esse petitionem*. Cui congruit, quod scriptum in *L. 1. D. de act. empt.* *Si res vendita non tradatur, in id, quod interest, agitur*. Quæ si ita sunt, nemo non mirabitur id hoc loco

dici, quod est extremum, et superioribus illis consequens, eum nimirum, qui non fecit, in id ipsum, quod actoris interfuit, condemnari oportere. At quomodo tandem in faciendi obligationibus id quod interest, promitti dicimus, cum verba stipulationis refragentur? Promisit quis se rem traditurum, insulam ædificaturum. De eo, quod interest, verbum nullum. Potest ne videri id in stipulationem venisse, de quo ne mentio quidem facta sit? Nullo modo, ut iam dixi, ex *L. quidquid, D. de verb. obl.* Nos vero in faciendi obligationibus verbo *faciendi*, non quidem aperte, sed vi et potestate verborum; vel verius voto et sententia stipulantium; id quod interest, contineri, itaque in stipulationem venire dicimus sub conditione, si factum non sit, quod promissum est, intra id tempus, quod fieri potuit. Intelligendum est enim neminem sibi quid stipulari ideo tantum, ut id fiat: sed hunc finem et mentem esse stipulantium, ut eius facti utilitas ad eos redeat. Nam nisi id fieri eis utile esset: aut non stipularentur omnino: aut certe stipulatio esset inutilis. *Invenite sunt*, inquit Ulpian. *stipulationes ad hoc, ut unusquisque sibi acquirit, quod sua interest*, *L. stipulatio ista, §. alteri, D. de verb. oblig.* Ita, qui, ut quid fiat, stipulatur, aut promittit, is verbis factum, re vera et cogitatione eius facti utilitatem stipulari et promittere intelligitur. Nec ad rem pertinet, quod verbis id expressum non est: satis est, si intelligitur hoc agi, et stipulationem eo referri. Semper in contrahendo, et quidem in stipulationibus quod agitur, pro cauto habendum est, *L. cum quid, D. si cert. pet. L. tritimum, D. de verb. obl.* Facti autem utilitas nihil aliud est, quam id, quod stipulantis interest, *L. 2. in pr. D. de eo, quod ver. loc. L. si sterilis, §. cum per venditorem, D. de act. empt.* Proinde in faciendi stipulationibus vi ipsa et sententia contrahentium id, quod interest, contineri intelligitur: sed sub conditione, inquam, ut dixi: si factum non sit, quod promissum est: ut ab initio quidem intelligatur in obligatione esse ut fiat: unde et stipulatio dicitur esse in faciendo, *L. 2. D. de ver. obl.* posteaquam autem præterit tempus, quo fieri potuit, neque factum est, iam promitti intelligatur id quod interest. Itaque idem hic accidit, quod in illo legato: *heres meus penum dato: si penum non dederit, decem dato*. Nam hic si heres in penu danda moram fecerit, transfunditur legatum in decem, id est incipiunt iam sola decem deberi: quasi hæc fuerit conditio sub qua deberentur, si penus soluta non esset: quæ tamen sic incipiunt deberi, ut pe-

nus usque ad litem contestatam sit in præstatione, *L. 1. D. de pen. leg. L. 1. §. item si ita, ad leg. Falc. L. cum sine, D. quanti. di. leg. ced.* Eodem plane modo, et cum quid fieri stipulamur, proinde hoc accipitur: quasi stipularem quid fieri, ac nisi id fieret, quanti interest, ut indicatur in *L. quoties 81. D. de ver. obl.* Ideo postquam factum non est, quod debuit, transfunditur obligatio in id, quod interest, eadem illa lege scilicet, ut factum sit in præstatione usque ad litem contestatam idest ante id tempus faciendo promissor liberetur, *L. si insulam, D. de ver. obl.*

Quod si verum est, confectum est illud, de quo fuit omnibus ætibus inter interpretes dissensio. In quo † queritur an reus præcise cogatur facere, quod promisit, si modo id possit facere: an vero ne hic quidem teneatur nisi in id, quod interest. Nam si promissor id quod interest, iam statim a principio ex stipulatione debet, quia in stipulatione veniat, quia stipulatione contineatur: haud dubie in præstando liberabitur, non si actor velit, sed si velit ipse, qui offert: quoniam ita ius sit, ut solutione eius, quod debetur, tollatur omnis obligatio. Quod mihi plane statuendum videtur, si nobis consentanea in hac re loqui, et veterum de hac re sententias audire volumus. Sed quoniam res est iuris non adeo explorati, et difficile plebiscitis persuaderi potest, in faciendi obligationibus aliud debere promissorem, quam quod verbis promisit, idest, factum: quo admissio consequens est, ut id quoque necesse habeat præstare, idest, ut cogi possit: quæ et ipsa sententia multos et graves defensores et olim habuit, et nunc habet: operæ precium est, de hac re tota paulo pluribus agere, ut vera, iudicio meo, sententia adversus aliorum dubitationes hoc loco a nobis, quod licet, statuatur. Controversia omnis in eo est, quod fieri debuit. Si quid enim debetur: hoc præstando necesse est debitorem liberari: si verum est, quod traditur in princip. tit. quib. mod. toll. obl. solutione eius, quod debetur, tolli omnem obligationem. Si quid non debetur: non modo idoneus non est cogendus præstare: sed ne ab eo quidem peti potest, non est actio ius persequenti iudicio, nisi eius quod debeatur, *L. nihil, D. de obl. et act.* Ergo si probari potest, singul. atque factum non est, quod fieri debuit, iam id quod interest, seu pecuniam deberi, sive adhuc idem fieri possit: sive non possit si etiam hoc adiungatur, ipsum factum iam non deberi, sed solum id, quod interest: controversia, opinor, tollitur. Ego autem utrumque ita esse

Tom. XL

ex veterum iuris auctorum scriptis nullo negotio demonstrari posse arbitror. De priore præstatione, pecuniæ nimirum, et eius, quod interest, consideremus, si placet, quæ sint illorum receptæ sententiæ. Eas plane id dicere, quod primum posui, reperimus. Ac generales quidem sunt hæc: ubi quid fieri stipulamur, si non fuerit factum, pecuniam dari oportet, dicta *L. stipulationes non dividi. verb. Celsus, D. de verb. obligat.* Item; si res vendita non traditur, in id, quod interest, agitur, *L. 1. D. de act. em.* Item illa, quæ hoc loco legitur: in omnibus faciendi obligationibus hoc evenit, ut si non facit promissor, quod promisit, in pecuniam numeratam condemnatur. Nusquam in his omnibus exigitur ab illis, ut fieri non possit, quod promissum est. Unde intelligi debet esse contra illorum sententiam id exigere. Quæro enim, si eam conditionem intelligi oportuit, cur eam prætermiserunt? an quia minus longa sumenda erat illis oratio; illi autem brevitati consulebant? Atqui totidem verbis res exigi potuit, ut dicerent, si id fieri non posset, quod promissum est, pecuniam dari oportet. Quanquam nulla brevis non vehementer reprehendenda, aut potius ridenda est, quæ res omittit necessarias, et rerum dispendio concinnitatem aliquam affectat orationis. An vero ex ea conditione, quæ in superioribus sententiis posita est, altera intelligebatur? At perspicuum est inter has conditiones, si fieri non possit, et si factum non sit, multum interesse. Quid igitur restat, nisi ut hanc posteriorem ideo adiecisse illos fatamur, quam quod illa ad rem non pertineret, intelligi volebant? Nisi forte cum esset necessaria: aut illi non intellexerunt esse necessariam; aut cum intellexerunt, consulto erroris obliuisci causa omiserunt: quorum alterum non est iurisperiti; alterum etiam malitiosi et improbi scriptoris iudicandum est, quos docere te similes, eos consulto in errorem ducere. Non tantum autem in eo peccatum est a veteribus, quod in superscriptis enunciationibus necessariam conditionem prætermiserunt, siquidem ea fuit necessaria: sed etiam quod ea intellecta circumscriptionem minime necessariam ineptissime addiderunt. In faciendi obligationibus, aiunt, hoc evenit, ut reus condemnatur in id, quod interest. Demus hoc, si accipiendum esse: si non possit fieri, quod promissum est; nemo iam negaverit hac conditione posita stulte additum esse, in faciendi obligationibus, quasi non idem sit in obligationibus dandi. Atque et in his ipsis, si res promissa post moram debitoris perie-

rit: hoc idem evenit, ut reus in aestimationem condemnatur, *L. cum res. 47. §. ult. D. de legat. 1. L. in re, in princip. D. de cond. furt. ut omnino ita in universum definiri deberit: in omnibus obligationibus, si id quod promissum est, culpa debitoris amplius præstari non potest, pecuniam dari oportere. Sed apparet, veteres hac adiectione tradere aliquid voluisse, quod esset proprium obligationum faciendi. Atque hoc solum proprium in hoc genere, ut quamvis integrum sit id præstare, quod promissum est: tamen si semel factum non sit, pecuniam præstari oporteat. Quamobrem hoc sensisse illos, et voluisse sciendum est. Nisi vero dicemus hoc proprium esse faciendi obligationum, ut cum factum non est, quod promissum est, pecuniam quidem dare oporteat: sed hoc conditione, si stipulator velit; alioqui factum ab eo exigi posse: cum in dandi obligationibus re perempta pecuniam omnimodo dari sit necesse, ubi res iam dari non possit. Sed hæc conditio, si stipulator velit, plane admitti non potest in ea pecunie, quam dicimus dari oportere. Id enim dari oportet solum, quod debetur. Quod si hic pecunia, de qua agimus, debetur: efficitur iure, ut hanc præstando debitor liberetur, sive stipulator velit, sive nolit. Non dubium igitur, quin in superioribus sententiis, si modo non plane inepte et stulte eas conceptas volumus, hoc senserint veteres, quod verbis expresserunt: pecuniam nimirum dari oportere, simulatque præterit tantum tempus, intra quod fieri potuit, quod promissum est, neque factum est, ut omnino nihil referat, utrum iam amplius id fieri non possit: etque id evenire in faciendi obligationibus; in faciendi, inquam, non in dandi obligationibus, quia in his posterioribus, quando res exstabat, hic debeatur ipsa, non aestimatio. Sed hæc quia non discrete ac conceptis verbis scripte sunt, sed ex more et usu bonorum scriptorum intelliguntur, ideo minus percipiuntur ab omnibus, iis præsertim, qui ad hanc rem præiudicium contrarie sententiæ afferunt. Quapropter nihil edmodum agitur, nisi docemus hoc ipsum e veteribus nominatim ex facto responderi, si factum non sit, quod promissum est, venire et deberi id, quod interest, etiam tunc, cum quod ex promissione fieri debuit, nature adhuc fieri potest, ut eute. Declaratur hoc in *L. si panam, D. de verb. obl. exemplo eius, qui se pecuniam crediturum promisit. De quo respondetur, si pecuniam non credat, teneri eum in id quod interest, idque ipsum contineri stipulatione.**

At quisquis est hic promissor, palam est eum non minus pecuniam credere posse, quod se facturum promiserat, quam pro eo, quod interest, pecuniam præstare. Idem declaratur in *L. si quis stipulatus. 112. §. ult. D. de verb. obl. In que ita scriptum est, cum quis promisit se alterius unius satisfaturum, semper in hanc stipulationem venire, quod interest stipulantis. Quid est venire in stipulationem, nisi ex stipulatione deberi, quid est semper nisi omnimodo, idest sive reus satisfacere, sive non possit? Nam altero tempore si id, quod interest, non debetur, seu in stipulationem non venit, plus quam manifestum est, semper non venire. Ergo de pecunia, seu de eo, quod interest, in faciendi obligationibus apparet hoc veteres statuere, deberi ita tunc, cum factum non est, quod promissum erat: etsi maxime per rerum naturam idem adhuc licet facere. Sed fortasse sola pecunia exinde non debebitur: verum non et illud in obligatione erit, ut promissor faciat, quod promisit: idque ipsum poterit stipulator ab eo exigere. Hæc vero ne quis ita fieri in hac re existimet, cognoscat iam et illud alterum, quod proposui, sic in hoc genere deberi id, quod interest, ut debeat solum: ipsum autem illud, ut ita dicam, *facere*, non deberi, quantumvis item adhuc præstari possit. Quod evidentissime confirmatur in *L. si insulam, D. de verb. obl. Quid enim? an non illic proponitur, si promissor insulam faciendæ, qui post litem contestatam paratus erat insulam ædificare: quam constabat per rerum naturam ab eo ædificari posse? At respondetur, eum ædificatam non liberari: quod certum argumentum est, id factum post litem contestatam in obligatione non fuisse, ac ne in solutione quidem: nam alioqui eius solutione promissor quamvis invito creditore esset liberatus, ut iam expe diximus. Quod ei post litem contestatam non fuit id factum in obligatione: non fuit ne ente litem quidem contestatam: litis enim contestatione ita deducitur in iudicium, quod prius debebatur, ut non mutetur, obligatio prior, sed confirmetur, *L. non solet, D. de reg. iur.* Quibus bene constitutis iam quid sit consequens, apparet. Nempe hoc consequens est, et prius non debitum recte peti atque ab eam causam in re condemnationem deduci; et posterius, quia non debetur, contraria de causa ab initio exigi non posse. Quod si quis his etiam certiora desideret, doceamus, prope hoc discrete quibusdam in locis expressum esse, eum, qui se facturum quid promiserit, non cogi id facere, etiamsi possit, unamque hanc adversus eum condemnationem esse, ut**

da-

damnetur in id, quod interest. Nam cum defensor satisfat, se dominum iudicio defensurum, quantumvis possit defendere: tamen placet eum defendere non cogendum, sed satis esse committi adversus eum stipulationem ob rem non defensam, nempe in id, quod stipulantis interest. *L. non cogendum, D. de proc.* Atqui de eo agitur, qui possit defendere: stulte quæreretur, an esset cogendus id facere, quod tamen eo loco quæritur. Sed de eo agi constat ex *L. mutus, §. ult. D. eod.* quæ lex præcedit. Illic enim ex sententia Labeonis, quæ refertur, dicitur eum, qui ita satisfecerit, cogendum esse iudicium accipere, quod mutatur postea ex Sabini sententia in *d. L. non cogendum*, quod sine dubio, nisi in eum, qui possit iudicium accipere, id est, dominum defendere, non cadit. Docemus et illud, quod omnium maxime ad rem pertinet: etiamsi actionem adversus promissorem ad faciendum dederimus, constituerimusque eum ad id posse damnari: tamen ad eum cogendum nullas esse partes iudicis, nullam rationem denique neque natura, neque iure proditam: ita omnino invitum cogi, etiam si velimus, non posse. Quod si ita est: nempe questio tollitur. Demus aliquem, qui iussus aliquid facere, recuset (nam de eo agimus) si velimus eum cogi, quomodo tandem consequemur? Vinculis scilicet, aut verberibus, aut multa cogetur, quis ædificare, aut pingere, qui hoc se facturum promisit. Primum hæc remedia in re pecuniaria non sunt comparata. Ordo iuris est adversus recusantes debitores, ut condemnentur primum: post deinde pignora capiantur, et distrabantur, ut iudicatis satisfiat eius pecuniæ præstatione, quæ pecunia ex illa auctione redacta est, *L. negantes, C. de obl. et act. L. 4. C. de execut. rei iudic.* Tum autem, ut hæc admiserimus: tamen fieri potest, ut his rebus promissori vinci non possit, ut faciat: mori etiam se malit, quam facere. Quid quod debitorem in carcerem concitiendo facultatem operis perficiendi magis adimimus. Nec vero dubium est, quin illud sit, quod ex Sabino dicitur in dicta *L. non cogendum, D. de procur.* nullas esse prætoris partes ad compellendum defendere, sed ex stipulatu ob rem non defensam agi posse. At in emptione saltem, dixerit aliquis, omnique stipulatione, ex qua rem tradi oportet, si res promissa non tradatur, paratum remedium est adversus recusantem, ut res ei auferatur, quia potest, et sic tradatur creditori, itaque ea etiam utemur, quia licet. Multo vero minus hoc remedium ad cogendum venditorem, promissoremve convenit, utpote

Tom. XI.

quod sit creditori ad id consequendum, quod vult, inutile. Curabit index rem emptori tradi, sed quid tum, si res in eum non transferatur? Hac enim conventionem rem tradi, non continetur nudum factum tradendi, sed causa honorum, ut loquitur Ulpian. in *L. in conventionalibus, §. ult. D. de verb. obl.* idest, ut venditor sic rem in emptorem transferat, ut ea traditione dominium nanciscatur, aut usucapiendi conditionem. Porro hoc index præstare emptori non potest: quia ipse non est dominus, *L. traditio, D. de acquirend. rer. domin. L. nemo plus, D. de regul. iur.* Cuius rei et illud argumentum est, quod adiudicationes, ex quibus dominium transferatur, in tribus tantum iudiciis receptas legitimus, familiaræ erciscundæ, communi dividundo, finium regundorum, *§. si familiaræ, et duob. sequent. Instit. de offic. iud.*

Satis igitur probatum puto; eum qui facturum se quovis in genere faciendi quid promisit præcise cogi ad faciendum; rebus etiam integris, nec posse, nec debere. Reliquum est, ut videamus, num satis sit causæ in his, quæ contra afferuntur, cur ab hac sententia discedamus. Non enim profecto temere est, quod Bartolo et aliis plerisque eruditissimis hominibus aliud in hac causa videatur. Ego autem nihil ab his satis idoneum contra afferri existimo. Aiunt equum esse fidem servare, *L. 1. D. de pact.* Aiunt etiam aliud pro alio invito creditore solvi non posse, *L. 2. §. 1. D. si cert. pet.* Ex quo effici volunt, faciendum esse, quod promissum est, si potest, pro eo antem pecuniam, et id quod interest, idest, aliud pro præstari et iniquum et contra ius esse. Recte utrunque; siquidem prius probarent in faciendi obligationibus; cum factum non est, quod debuit, non deberi id, quod interest, sed factum duntaxat. Sed si in his debetur id, quod interest, idque ipsam continetur stipulatione, ut supra multis ostendimus: commutatur iam adversus eos superior ratio, idque efficit, ut quia pecunia debetur, et promissa est, ideo promissor hanc præstando, idest, id, quod debuit solvendo omni iure liberetur. Utuntur illi argumento rei vindicationis: in qua possessor, siquidem rem habet, ita iubetur rem restituere, ut etiam manu militari possessio ab eo transferatur, *L. qui restituere, D. de rei vindic.* Adduunt restitutionem eius operis: quod adversus nunciationem factum est: de quo ita agitur, ut opus destruat, *L. prætor, §. 1. D. de oper. nov. nunc.* Sed hæc species potius adversus illos valent. Nam in his causis, ut quis cogatur præcise facere, quod petitur, propria et singulari ratione constitutum est. Ideo non est pro-

producendum ad consequentias, *L. quod vero, D. de legib.* Nam in rei quidem vindicatione dominus est, qui petit. Hæc res una cogit efficere, ut si fieri possit, transferatur in eum possessio: cum sit iniquissimum, cuiquam rem suam auferri, aut adeo cogi eum, quod velit receptum, vendere, *L. 2. D. de iis, qui sunt sui vel alieni iur. L. si servus in fin. D. de pign. act. L. non enim, D. rer. amot.* versatur præterea in ea restitutione iussus, et imperiam iudicis. Animadvertendum est enim omnem actionem, quæ pertinet ad restitutionem alicuius rei, esse arbitrariam, idest, eam, in qua prius arbitratrur rem restitui, ac nisi arbitrio pareatur, sequitur condemnatio *d. L. qui restituere, D. de rei vind.* Quare pertinet hoc ad auctoritatem magistratus iussum vel suum vel iudicis a se dati tueri, et manu etiam, si res postulet, extra ordinem exequi. Arg. *L. 3. D. ne vis fiat ei, qui in pos. mis.* Cum hoc fieri posse æquum et utile est: tum vero rei conditio admittit, ut possit per iudicem transigi. Desiderat enim ea translatio naturalem tantum possessionem, quæ vel a privato quovis tradi potuit, nedum a iudice. Non enim sententia iudicis quidquam iuris in dominum transfert; sed id, quod fuit, declarat *L. ex diverso, §. 4. D. de rei vind. L. sicuti, §. sed si queratur, D. si serv. vind.* Diversa omnia in actione in personam, in qua de re nobis debita agimus. Nam quoniam debitum petimus, alienam petimus: sed sine iniuria actoris, apud eum, unde petitur, ut dominum manere potest, et vero eo invito sine ipsius iniuria in alium transferri non potest, nisi prius fuerit pignori obligata et solemniter distracta, *L. id quod nostrum, D. de reg. iur.* Tum autem iudex eam creditoris tradendo hoc illi præstare non potest, quod desiderat. Dominum enim in se transferri vult. Hoc iudex non potest transferre, qui dominus non est, ut iam dixi. Nam quod attinet ad restitutionem eius operis, quod adversus nunciationem factum est: non mirum, si Prætor id iubet destrui. Constat enim id opus fieri contra edictum Prætoris; ut appareat Reip. interesse ad asserendam auctoritatem magistratus, id opus adversus eius imperium non extare, eamque eius destruendi unam causam esse iudicatur in dicta *L. prator, §. 1. D. de oper. nov. nunc.* Nihil igitur in his causis cum faciendi obligationibus simile, ac non valde abhorrens. Movet etiam illos, quod de procuratore actoris scriptum est in *L. sed et eæ, §. ult. D. de proc.* Compelli videlicet hunc dominum, cuius nomine agit, defendere, nec sufficere ob rem non defensam stipulationem

committi. Id vero exemplum neque congruit, neque si congrueret, quidquam illos adjuvat. Non convenit, ut dixi, exemplum. Qualis est enim ea defensio, quæ a procuratore actoris exigitur: utrum debita, an non debita? Nullo vero modo debita (non enim ab eo promissa est) sed ea quæ tanquam conditio exigatur ab eo, ut qui edicto prætoris admittatur ad agendum hac conditione, si dominum defendat, *L. servum, §. ult. D. de procurat.* Quo fit, ut nisi prius domini nomine iudicium suscipiat, actio ei ex edicto denegetur: quia conditione edicti non pervenit, inquam: non quia quidquam promissum, aut a se debitum non præstet. Nos de faciendi obligationibus agimus: in quibus non eadem necessitas imponatur faciendi, quod promissum est, quia id actum sit, ut eius facti utilitas stipulatori præstaretur: quæ necessitas inponitur implende conditionis ei, qui ex conditione adiecta aliquid velit consequi. Hæc ita esse certum argumentum habemus in procuratore rei, a quo eadem defensio postularetur. Quia enim is promittit, se dominum defensurum, eoque hæc defensio ab eo tanquam debita exigitur: ideo in eo regula supra scripta, quam posuimus de faciendi obligationibus, constanter retinetur; ut quamvis possit dominum defendere: tamen placeat non defendentem in id solum quod actoris interest, daminari, ut supra docuimus ex *L. non cogendum, D. de proc.* Demus tamen ex faciendi obligatione eodem modo cogi promissorem ad faciendum, ut cogitur procurator actoris dominum defendere: tamen exemplum nihil pro contraria sententia facere reperietur. Nam nec procurator iste præcise dominum defendere cogitur: pœna enim defendentis procuratoris non hæc est, ut in ius ducatur, et illic extorqueatur ab invito, ut actoris nomine iudicium suscipiat; quod nec fieri potest, si apud se constituerit, aut latitare, aut præsens tacere: sed hæc pœna est, inquam, et sola, ut denegetur actio, *L. mutuis, §. pœna, D. de proc.* Quo fit, ut non agendo evitet defendendi necessitatem. Sed plerique certissimum contrariæ sententiæ firmamentum sibi constitutum se habere putant in *§. alia, Inst. de donat.* Illic scriptum est, donationem itidem ut venditionem, utranque pariter necessitatem in se habere traditionis. Quibus verbis certius putant hoc exprimi, venditorem præcise cogi ad tradendum. Sed non recte, ut ex innumeris locis convinci potest, ac præcipue ex eius ipsius loci manifesta sententia. Nam sub titulo *de edendo* plus quam frequenter dicitur, argentiarius alias cogi, alias compelli edere: quod plus est, quam necesse habere, *L. prator, §. is*

§. is etiam, L. si quis ex, §. 1. D. cod. tit. et tamen alibi scribitur, nisi rationes edat, non aliter cum eo agi, quam ut præstet, quod adversarii interest, L. ubi, D. cod. Et ne discedamus a vanditione, scriptum est in L. ex empto, in pr. D. de act. empt. venditorem rem ipsam præstare, et tradere oportere: quod nihil aliud declarat, quam illud, quod apud Iustinianum est, venditorem necesse habere rem tradere. Et tamen paulo post in ead. L. §. item ait, scriptum est, non tradentem venditorem in id, quod interest, condemnari. Unde intelligitur, quod dicitur, venditorem necesse habere rem tradere, et quod idem est, venditori necessitatem imponi traditionis, id sic accipi debere: nisi velit condemnari. Ut necessitas hic intelligatur ea, quam alii necessitatem consequentis, Cicero Lib. 2. de invent. necessitatem cum adiectione vocat. Res sic habet: venditori necessitas imponitur traditionis, idest ita tenetur rem tradere, ut non liberetur, nisi tradiderit: idcirco non dicimus, non tradentem non liberari, sed et teneri enim, et ob eam causam damnum oportere. Sed quaeritur ad quid tenetur, et ad quid condemnari debet, utrum ad rem tradendam an in pecuniam numeratam? Nos vero de eo, quod apud Iustinianum. omisimus est, ex certis et notis locis respondemus, damnum eum in pecuniam numeratam, sive in id, quod interest. Si res vendita non tradatur, inquit Ulp. in id, quod interest, agitur, L. 1. D. de act. empt. Item in d. L. ex empt. §. item ait. Idem ait, inquit, non tradentem, quanti intersit, condemnari. Et in L. 4. C. de act. empt. hæc verba sunt: si traditio rei venditæ iuxta emptionis contractum procacia venditoris non fiat: quanti interesse completi emptionem fuerit arbitratus præses provincie, tantum in condemnationis taxationem deducere curabit. Et cur amplius dubitemus hanc Iustiniani sententiam esse in d. §. alio, ut venditor necesse habeat rem tradere, vel certe id, quod interest, solvare, si Iustinianus ipse alibi necessitatem illam traditionis, de qua loquitur, cum hoc adiuncto occipendam esse interpretatur? Id vero facit in L. contractus, vers. adeo C. de fid. Inst. ubi de ea necessitate loquens, quam et illic venditori imponi, ait, nominatim in ea hanc disjunctionem obligatinnis posuit, quam modo dixi. Quod ut non faceret; tamen in §. alio, aliud esse Iustiniano necesse habere, rem tradere, et aliud, rem extorqueri invito, sen præcisè cogi facere, vel ex verbis ipsis eina loci nullo negotio intelligi potest. Illic enim generaliter, ut de donatione, sic de

omni emptione definit Iustinianus. habere eas in se necessitatem traditionis, quod apparet non solum de his venditoribus dictum esse, qui rem venditam apud se habent: et de his qui non habent, nempe de omnibus. Ita si necessitatem habere traditionis sic illic interpretabimur, ut possit res sufferi venditori, si ve, ut præcisè cogatur tradere: dicendum erit etiam, qui rem non habent, eos præcisè cogendos esse ex Iustiniani definitione: quod absurdum esse, vincam vel eorum, qui contra sentiunt, confessione. Necesse est, igitur, ne his quidem venditoribus hanc interpretationem accipi posse, ut possit eis res sufferi: quia hæc oratio, necessitatem in se habere traditionis, cum communiter ad utrumque genus venditorum referatur: non possit nisi una et communi significatione, quæ poterit utrique conveniri, ad utrumque referri: Arg. in L. 4. in pr. ver. sed si aliter, D. de vul. et pub. Ex quibus nunc iudicari potest, quid hic offerant contrarie sententiæ defensores, quo nobis veram, ut existimam, et tot modis at locis confirmatam sententiam extorqueant. Quæ, ut hunc ¶ locum item 8 concludam, constitutum hoc ait, postquam in faciendis obligationibus, continetur obligatione id, quod interest, cum factum non est, quod fieri debuit; recte dici eum, qui id præstet, præstare quod debet, itaque eo, modo, vel invito creditore, liberari: ut consequens sit aliud ob invito debitore exigi non posse: eadem ex re effici, ut id tantum debitum peti possit, et debeat; et re in iudicium deducta non in aliud quam in id, quod interest, debeat reus condemnari. Si in hac sententia auctoritas scripti iuris quaeritur, loci minime dubii in medio sunt, quibus traditur, si factum non sit, quod promissum est, præstandum esse id, quod interest. Si causa huius sententiæ spectatur; non tantum hæc iusta est, et quæ ex mente contrahentium ducitur: sed, etiam necessaria est: non enim potest quisquam cogi, ut faciat, quod nolit, neque porro, si non vult, aliud superest, nisi ut lis adversus eum aestimetur. Ratio iuris hæc efficit, siquidem id, quod interest, obligationes continetur. Etenim secundum regulam iuris, unusquisque solvendo, quod debet, liberatur. Si quid auctoritas interpretum ad rem facit, doctissimi veterum et iidem ex omnibus cordatissimi hæbiti in hac sententia fuerunt, Ioannes, Azn, Hugolinus, et qui ab Accursio commemorantur ad L. 1. D. de act. empt. Nihil igitur videtur, cur esm non retineamus.

Ad L.

Ad L. Quod iussit. 14.

Idem Libro xxv. Digestorum.

Quod iussit, vetuitve prætor, contrario imperio tollere et remittere potest, licet de sententiis contra.

SUMMARI A.

1. Quod iussit vetuitve prætor extra sententiam tollere et mutare: minime sententiam rescindere nec mutare potest, et quare et n. 7.
2. Quid sit sententia; et ea quæ iubet aut vetat prætor extra sententiam cuiusmodi sint.
3. Quando prætor ea tollere ac mutare potest.
4. An et sine causa mutare potest.
5. Num cogi possit; si adest causa.
6. Quod paratum remedium, si hac in re iudex iniuriam faciat.

Quæritur est, an quod iussit, vetuitve prætor, et omnino quodcumque semel statuit, id possit contrario imperio mutare, ut ei quod posterius statuerit, stet. Distin-
 1. guit [†] hoc loco Celsus ad hanc sententiam, ut si quidem iussit, aut vetuit non sententiam ferens, id contrario imperio tollere, et remittere possit: sin sententiam tulit, hanc non possit rescindere, eam mutare, non magis, quam quisvis alius iudex, de quo dicitur postea ad L. Paulus, 42. Scribit quidem ille hoc loco sine distinctione, prætorem tollere posse, quod iussit, vetuitve: quæ verbe etiam ad sententiam pertinent, et hinc quoque mutari, et rescindi posse significant: siquidem verba hæc tantum sequimur. Nam et in sententia prætor iubet, aut vetat. Si condemnat, iubet reum solvere, si absolvit, ab eo peti vetat. L. quid tamen, §. si arbitror, D. de recep. Sed ex eo, quod de sententiis sufficit, quid præcedentibus illis verbis sentiat, apparet. Aut enim iussum opponit sententiæ: quod si fit, intelligere licet verbum iussum restringi ab eo ad ea, quæ extra sententiam iuhentur: alioqui male ista opponeret, etque etiam contradicere intelligeretur: aut, quod est verius, id quod prius generaliter dixerat, temperat sequentibus verbis, quasi ita diceret: quod iussit, vetuitve prætor, contrario imperio tollere potest: sed

hoc edmittendum est, in cæteris iussis prætoris; in sententiis contra sentiendam est. Utrouque modo introducitur, statuiturque ea distinctio, quam modo dixi. [†] Sententiæ est pronuntiatio iudicis, quæ litem finit. L. qualem, §. dicere, D. de recep. Quæ autem iubet, aut vetat prætor extra sententiam: siquidem in iudicio iubet, et sunt, quæ pertinent ad causæ præparationem. d. L. qualem, in fin. idest, ad causam aut cognoscendam melius, eam citius transigendam; quod genus sunt hæc: cum iubet aliquod instrumentum edi: litigatori adesse Idibus, aut certo loco: tot testes produci, sive his denunciari testimonium. Si extra iudicium iubet, ut postulanti in re ali-
 2. que iussum integrum servetur. Cuius generis est, cum iubet opus novum nunciari: cum iubet cavere damni infecti nomine. Ex quibus quæ sunt prioris generis, non modo tollere prætor potest, qui et iusserit: sed etiam privatus quisvis iudex, qui eodem fecerit: nam et hoc arbitrio liceret. d. L. qualem, §. ult. de recep. Nec iniuria. Est enim iudicis omnia facere, quæ ad causam melius cognoscendam et citius transigendam pertinent, quo litigatoribus sine fraude alterutris citius consulatur. Finge eum aliquid iussisse, aut vetuisse ad eam rem, quod postea comperierit, aut ad rem non pertinere, aut progressum litis sive causæ impedire; denique non expedire
 ite

[†] De hac intelligentiæ revocatione et ut iudex revocem corrigere possit vid. Aron. §. Errant. 19. Rolant. P. 3. L. 2. a. C. 14. n. 18. Moller. §. Socer. 1. n. et seq. Auz. de Exerci. §. 1. C. 120. et C. 150. Daub. Præst. civ. Cap.

156. Meester. decis. 3. Quando et quibus casibus revocari oportet Coriet. sing. 105. et §. seqq. et Coccomat. 146. 1. Q. n. n. 5. et seqq. Vind. Lib. 1. Q. 49. refellens eos qui post pro arbitrio revocari posse.

- ita fieri. Pertinet videlicet ad eius officium id continuo mutare; ne quod ex usu litigatorum constitutum erat, id contra eius consilium in eorum perniciem convertatur: contra *L. nulla, D. de legib. L. quod favore, D. eod.* Quæ sunt posterioris generis, et hæc quoque prætorum mutare posse constat. *L. si opus, D. de op. no. nunc. L. pen. D. de præt. stip.* Ideo autem potest, quia cum ea statuuntur, ad ius futurum postulantis conservandum, est æquissimum, sive ea non esse satis ad eam rem, sive iam non necessaria videbuntur, ea tolli. Quandiu autem iudex, aut prætor hæc mutare potest? Quandiu res erit integra: idest, quandiu factum non erit, quod iussit, et quandiu, quod vetuit, fieri potest. Quoties autem poterit? Nempe quoties e re esse videbitur. Quod si causa non sit, cur tollat prætor, quod iussit vetuit? Si sine prætoris causa mutata, quod recte iussit, non recte facit. Sed tamen si facit, facit cum imperio et potestate sibi tributa, ideoque tam id ratum est, quam quod initio iussit, aut vetuit. Quæ omnia eo defenduntur, quod hic nihil distinguitur in mutandi potestate. Quod si postuletur a iudice, ut quod iussit, mutetur et causam esse probetur: an mutare cogendus est. Et cum dicatur hoc loco eum tollere posse, quod iussit: hoc verbo posse, satis admonemur eum posse tollere, si velit: si nolit, non esse cogendum. *L. 1. C. quom. et quan. iud. L. sæpe, et L. seq. D. de off. præ.* Quid ergo, an prætor in his rebus iudex aut magistratus iniuriam faciet, vel hæc tollendo, ubi non oportet, vel non tollendo, ubi æquum est?

Minime, sed adversus iniuriam paratum est remedium appellacionis, quæ appellatio de iis, quæ extra iudicium iussit magistratus, statim interponi potest, de iis, quæ iussit in iudicio, non ante sententiam, quam appellamus definitivam. *L. penul. C. quor. ap. non rec.* Sed cur prætor minus licet prætori sententiam mutare, quam quod iussit statutive ante sententiam: cum sit boni iudicis semper æquum statuere, et quod non recte constitutum est, id mutare in melius. Duplex causa est, una quod sententia lata iudex esse desinit: ut quamvis æquum sit, aliquid statuere: tamen non possit statui ab eo, qui iudex non est. Altera, quod sententiam iudex fert causa cognita, quæ res facit, ut suspectum esse debeat, quicquid postea constituerit. Sive enim ante recte statuit, vel ipso auctore id mutari non debet: sive ini- que, ideo, quod postea dicit, valere non debet, quia verisimile sit eum, qui de improbitate prioris iudicii, aut imperitia sua fateatur, nihilo meliorem, aut religiosiorem in posteriore sententia futurum. Quorum nihil in iis dici potest, quæ sine iudicio et sententia statuuntur. Non enim qui aliquid iubet, quod ad præparationem iudicii pertineat, ideo iudex esse desinit: aut, qui iubet, tanquam magistratus: ideo magistratus amplius non est: sed nec quicquam istorum iubetur, aut vetatur, ut per hoc ab omni lite discedatur: sed quia id pro tempore et ex re nata putatur ad utilitatem et commoditatem iudicii aut ad iuris futuri tuitionem pertinere.

Ad L.

2 J Quidam tamen interlocutoriam etiam postquam executioni mandata est, revocari, Bover. *Sing.* 63. n. 20. Quod Corset. *d. Sing.* 292. non admittit. nisi ex consensu partium. Sane et post decedendum lapsum recte rescindi convenit. Vulga-

tum enim est in rem iudicalem transire quoad partem, non quoad iudicem, Bover. *d. Sing.* 63. n. 16. Moll. 4. *Sem.* 1. n. 12.



Ad L. A Divo Pio. 15.

Ulpianus Libro III. de officio consulis.

SUMMARIUM.

1. Tractandarum rerum partitio et ordo.

1. Quod sæpe iam dictum est, iudicatus pecuniam solvere inbetur: nisi solvat, iudicati actio in eum constituta est, qua in hoc agitur, ut iudex actionis pignoribus capitis et distractis indicatum exequatur. L. 4. §. 1. *sup. eod. L. 2. 3. et ult. C. de exe. rei. iud.* De hac executione tractatur hoc loco. Continet autem disputatio Ulpiani quatuor capita. Primum, qui sententiam exequi possint, aut non possint. Hoc in *princ. §. 1. Se-*

cundum, quæ sit forma executionis, hoc in §. *in venditione*, et §. *sic quoque*. Tertio, quæ res in venditione pignorum incidere soleant, quæ venditionem et executionem remorentur: et in his quod sit officium iudicis rei iudicatæ. Hoc in §. *si pignora*, et *duobus seqq.* Postremum quibus peractis rebus finiatu executioni, et cessent partes iudicis, qui sententiam exequitur. Hoc in §. *si poss. et §§. seqq.*

Ad Principium.

A Divo Pio rescriptum est magistratibus populi Romani, ut iudicium a se datorum, vel arbitrorum sententiam exequantur ii, qui eos dederunt.

SUMMARIUM.

1. Arbitrorum datorum sententia eandem iudicati vim habent, ac qua proficiuntur a magistratibus.

2. Arbitrorum nomine qui veniant hoc loco.

3. Sententia tamen suas exequendi potestatem non habent arbitri seu iudices dati et quare.

4. Nisi iudex sit datus a principe.

5. Solus magistratus exequi sententiam posse aut suam aut iudicium a se datorum.

1. HIC proponitur rescriptum, ex quo intelligi potest, qui possint sententiam exequi, qui non possint. Quatuor autem continet. Nam primum ¶ cum inbet ut sint, qui iudicium datorum vel arbitrorum sententiam exequantur, declarat iudicium, aut arbitrorum datorum sententias non minus vim iudicati habere, quam cuiusvis magistratus, quod et indicatur in *L. ait. sup.* Non enim arbitros ¶ hic intelligere debemus arbitros ex compromisso sumptos, quorum sententiam certum est auctoritatem iudicati non habere. *L. 1. C. de rec. arb.* quod et verba rescripti satis probant, cum arbitri hic nominantur, qui a magistratu dati sunt. Arbitros namque commissarios nemo dat;

sed ipsi sua sponte cognitionem suscipiunt. Arbitri hic dicuntur ex usu veterum, iudices bonæ fidei iudicio addicti: qui inde sic appellantur, quod in his iudiciis libera potestas iudici detur arbitrandi, æstimandique, quid alterum ex litigatoribus alteri ex æquo et bono prestare oporteat. §. *in bonæ, Inst. de act.* Sic arbiter nominatur in *L. pro socio, D. pro soc. L. ut fundus, D. com. divid.* ut unum aut alterum locum iudicem ex innumeris, quos si quis requireret, suppeditabit Brissonius in lexico. Deinde cum rescriptum inbet, ut ¶ alii sententiam exequantur, quam iudices dati: declarat iudicium datorum sententias ita valere, ut tamen ¶ ipsi eas exequi non possint. Quod quidem fuit iuris certi.

Con-

1) Quia potestas iudicis dati sententia prolatâ finitur, et officio suo in functis est, *L. iudex §. 1. et simil. Adh. Facem. Lib. 1. de iurisd. d. Cap. 17. n. §. Math. Steph. Lib. 1. de iurisd. Cap. 16. n. 37. et Scip. Gentil. 2. de iurisdiet. 24. p. 314. et seqq. qui argumentis contra sententiam refellit, ubi vide. Dissertat post alios P. Greg. 47. Synt.*

2) n. 16. potestas eam solum executionem, quæ sit causæ iudiciali, non concessi iudici, sed solum per Ordinarium habentem auctoritatem contrarium meri imperii. De iudice ad exequendum dato, seu delegato cui executio commissa, vid. Scip. Gentil. 2. de iurisdiet. 36. Paillet 2. Rev. quotid. Cap. sui P. 2. §. 3.

Constat enim hos iurisdictionem non habere; sed notionem duntaxat, ut diximus ad *L. 5. sup.* Est autem hoc iurisdictionis sententiam suam exequi: quod et ibidem attigimus. Hoc loco nobis † excipiendus est a index a principe datus, de quo etsi nihil aperte in libris nostris scriptum est: tamen non dubia argumenta mihi esse videntur, quibus efficitur, hanc sententiam suam exequi posse, neque necesse esse rem ad Principem referri. Primum eum iudicem in ea causa, in qua datus est, iurisdictionem habere argumento est, quod iudicem in ea causa dare potest. *L. a iudice, D. de iudic.* Hoc enim iurisdictionis est iudicem dare, idest, eius solum, qui habeat iurisdictionem. *L. 3. in fin. D. de iurisd.* Nulla autem iurisdicatio sine potestate coercendi et exequendi, ut *Lib. VI.* docuimus. Tum autem hic locus ostendit, eum qui iudicem dare potest, ut qui a principe datus est iudicis a se dati sententiam exequi posse, et debere. Si potest alienam sententiam, mul-

to magis poterit suam. Verumtamen ne magis opere laboremus, hæc sententia confirmata est iure Pontificio in *C. pastoralis, et C. postulasti, extr. de off. et pot. iud. del.* Iam eum addit rescriptum, eos, qui iudices dederunt, sententiam exequi debere, aatis, † indicat solos magistratus sententiam suam vel alienam exequi posse. Solus enim iudicem dare potest, qui magistratus est, aut eius iure fungitur. *L. eum qui, D. de iurisd. L. cum prætor, D. de iud.* Postremo iisdem verbis declaratur id, de quo fortasse solo dubitatio fuit, non quovis magistratus sententiam posse exequi: sed eos solum, qui aut ipsi iudicaverunt, aut qui iudices dederunt, illos quidem suam: hos vero iudicam a se datorum sententiam: unde intelligitur eos magistratus, qui neque iudicaverunt, neque in ea causa, de qua agitur, dederunt iudicem, etiam iudicatum exequi non posse. Quod interdum secus est, quod in §. sequenti subiicitur.

2. J. Quod confirmat Coic. 21. Observe. 1. quia exsecutores et apponentes proprios habet, Corriti. Zuerius ex Basil. rescripta. L. penult. Cod. de fruct. et lit. expens. et Sup-

Guall. d. Cop. 35. pag. 325. et seq. Dissentit Dur. ad L. 15. pr. h. de. Monach. 1. Arbitr. Quarst. 75. n. 49. et resp. Qui et d. Q. 75. de alienis delegati executione confisi

Ad §. Sententiam

Sententiam Romæ dictam, etiam in provinciis posse per præsides, si hoc iussi fuerint, ad finem persequi, Imperator noster cum patre suo rescriptis.

SUMMARIA.

1. Interdum tamen Magistratus sententiam alienam exequi debet, iussus a principe.
2. Sententiam alienam exequi Magistratus iubetur,

cum alius suam sententiam aut iudicis a se dati exequi per se non potest.

3. Et Quando hanc exequi non possit.

1. Interdum, inquam, † magistratus, quamvis nec iudicaverunt, nec iudicem dederunt, alienam sententiam exequi possunt. Hoc enim est, quod hic dicitur, sententiam Romæ dictam, pnta a magistratu urbano, ut Prætor, aut a iudicibus ab eo datis, posse præsides, nempe magistratus provinciales in provinciis ad finem persequi. Sed hac conditione, si præsides iussi fuerint. A quo vero iubeantur? Utique non a magistratu, qui sententiam dixit, aut iudicem dedit. Nam superiores magistratus, aut pari imperio qui sunt, cogi non possunt. *L. h. D. de recept. L. ille a quo, §. intemptivum, D. ad Treb.* Quid, quod magistratus extra territorium ne

in privatum quidem imperium habet. *L. ult. D. de iurisd.* quanto minus in eum, qui aliqua potestate præditus est? Non me movet, quod in *auth. si vero, C. de adul.* cautum est magistratum acceptis ab alio magistratu literis debere reum, qui in sua provincia sit, prehendam curare, et mittere in eum locum ubi deliquit, et in quem revocat. Nam ut omittam, quod de crimine id cautum est, cuius executio et vindicta ad publicam omnium utilitatem pertinet: illud in primis animadvertendum est, non magistratum, qui de crimine cognoscit, iubere alii magistratui, ut reum prehendam, aut prehensum præmittat: sed Iustinianum ipsum esse, qui constitutio-

ne sua hoc iubeat, quorum nihil simile in proposita specie. Ergo ² ut alius magistratus sententiam exequi iubeatur, impetrabitur a ² principe. Semperne ¹ vero alius magistratus inheri potest, ut sententiam ab alio dictam exequatur? Minime, sed ita demum, si is, qui indicavit, aut iudicem dedit, sententiam ipso exequi non possit: idest, si sit necesse aliam sententiam exequi. Quandiu enim sententiam exequi potest is, qui dedit iudicem, locus est superiori rescripto, quo tantum est,

ut ii exequantur, qui eos dederunt. Tunc autem ¹ magistratus, qui iudicem dedit, sententiam exequi non potest, cum indicati bona in alieno territorio sita sunt: frustra extra territorium, ut *l. argentarium*, §. 1. *D. de iud.* quidquam iubeat magistratus. Proinde et illud frustra, ut pignora in alieno territorio capiantur, aut distrahantur, *d. l. ult. D. de iurisd. l. eum unus*, §. *pen. D. de reb. auct. iud. pos.*

3) Ita Bohn. *id.* de *Rep.* §. n. 333. Goth. *ad d. l.* 15. §. 1. Aliter Idem. *id.* de *l. iura iurisdictionis* scripta, minus ad Magistratum alterius litigia et exequia, vocant litteras arbitri compassas et subdicales, vid. Bohn. *id.* de *Invoocat. utriusque brachii* Cap. §. Goth. *de loc. Modest. Puter. Part. 1. Q. 12. Lectio 5. Emend. 21. Myas. 3. Observe.*

68. Quam petitionem a maiori aut aequi potestate in exequenda in alieno districtu sententia cuique moris exempli esse ducit Bohn. *id.* de *l. iura iurisdictionis* scripta, minus ad Magistratum alterius litigia et exequia, vocant litteras arbitri compassas et subdicales, vid. Bohn. *id.* de *Invoocat. utriusque brachii* Cap. §. Goth. *de loc. Modest. Puter. Part. 1. Q. 12. Lectio 5. Emend. 21. Myas. 3. Observe.*

Ad §. In venditione.

In venditione itaque pignorum captorum facienda, primo quidem res mobiles, et animalia capi pignori iubent, mox distrahi: quarum pretium si suffecerit, bene est: si non suffecerit, etiam soli pignora capi iubent, et distrahi. Quod si nulla moventia sint: a pignoribus soli initium faciunt. Sic denique iudices interloqui solent, si moventia non sint, ut soli quoque capiantur: nam a pignoribus soli initium faciendum non est. Quod si nec quæ soli sunt, sufficiant: vel nulla sint pignora soli: tunc pervenietur etiam ad iura. Exequuntur itaque rem iudicantem præsidis isto modo.

SUMMARI A.

1. Ordo executionis.
2. I. Iussu magistratus res iudicati capiuntur, et pignori sunt adversario et n. 6.
3. Hauc pignerandi rationem, genus esse pretoris pignoris.
4. Contraria sententia revincitur.
5. Pignus non fieri iudiciale seu pretorium nisi capium sit, et hoc pretoris iussu. et n. 2. et 4.
7. II. Res in causam iudicati captas distrahi ut ex prelo creditori satisfiat.
8. Distrahi tamen post legitimam duorum mensium intervallum.

9. Item per officium Magistratus sub hasta.
10. In capione pignorum qui ordo servetur, et quam utrique partium sit utilis et n. 12.
11. Hoc idem ordo nec postulante creditore perverti potest a Magistratu cum incommodum debitoris.
12. An ordinem supra constitutum intervertere liceat creditore instante si non noceat debitori.
14. An hoc præsidis interloquium: si moventia non sunt, ut soli quoque capiantur, conditionem habeat quæ eam infirmet.

¹ Hæc ¹ traditur 4 forma et ordo executionis. Huius partes sigillatim exequar.

Principio ⁵ res ¹ iudicati magistratus pignori ² capi iubent, idest, capi res, quæ capte pi-

4) Capies in prioribus libris fecimus, ideo in his ita non fecit. De hac executionis materia, maxime de ordine eiusdem consulti possunt Bohn. in *Consil. Reg. Tract. de execut.* aut. *Sola in Consil. antiquo. Schaud. Rubr. de execut. arbitrio. Sives in Lectura l. post rem iudicantem* §. 4. *l. iura. Bapt. Aus. tr. de Execut.* (hæc hic plequeque alinea tractet) Matth. *Coler. Tr. de Process. execut.* maxime. P. 3. C. 8. et §. 1 ubi de forma procedendi super rem iudicantem affectuque se affert) Palud. *lib. 2. Mar. quod. C. fin. Part. 1. et seq. Maxima Secunda Parte 1. Act. ult. et Disp. 1. Maxima Process. Parte 18. Verbo Lib. 8. Pract. audio Rom. C. ali. Asia. Pract. iudic. §. 31.*

Quibus addi possunt species Meech. 1. *Arb. Q. 38. et 76. et 98. et 2. Arb. Cap. 3-8. P. Frid. Lib. 2. de Mand. iud. C. 36. et seqq. Vind. in Clem. un. de Supplicat. n. 23. et seqq. Bohn. in l. diffamari. C. 11. Mathieu. in Sing. 59. 86. 136. et ad tit. Cod. de execut. rei iud. Bohn. Sing. 20. Guid. Pap. Sing. 69. Murell. Sing. 138. Myning. 3. Observe. 68. et seq. et Observe. 73. ad §. Obv. 96. Worm. Observe. 1. 23. et Hart. Hartm. 2. 20. Coler. Decis. 136. et Cons. 1. n. 285. et seqq. et Cons. 2. 200. Schell. Cons. 1. Cons. 19. Guid. Pap. Decis. 98. et 101. Ad. Decis. 378. 389. 393. et 394. Repert. Dec. 182. et 184.*

5) De hac pignorum capione præter alios palce Palud.

pignori sunt adversario. *L. 1. et 2. C. si in causa iud.* Hoc genus † prætorei pignoris speciem esse scripsimus in commentario de pignoribus, *Titulo de pignore prætorio*. Quod si verum est, cum ad naturam huius generis exprimendam in primis pertineat, vel præcipue hoc loco tenendum est. Id enim valet, pignus hoc tale esse, quod quamvis capi iussim, non tamen constituitur, nisi captum sit, idque non cuiusvis iudicis iussu: sed prætoris tantum, seu magistratus. Ego vero in ea nunc permaneo sententia, nec abs re. Nam cum Iustinianus in *L. ult. C. de præt. pig.* duo tantum faciat genera pignoris, prætorium et coventionale, profecto aut hoc de quo agimus, non est pignus aut est prætorium. Nam conventionale non esse, nemo, ambiget. Est autem pignus, prætorium igitur. Quidni vero prætorium recte vocetur, quod proficiscitur a mero officio et iussu prætoris, idest magistratus, uti et stipulatio dicitur prætorica, quæ a vero officio prætoris proficiscitur? *L. 5. D. de verb. obl.* Non enim hoc genus pignoris capitur iussu iudicis, nisi sit et idem magistratus: si modo verum est, quod in principio huius capitis indicatur, solos magistratus, aut qui horum vice funguntur, sententiam exequi posse. Sunt autem, † qui hic a nobis dissentiant. At quæmobrem? Scilicet quia prætorium pignus dicitur, cum quis mittitur in possessionem honorum a magistratu. Quæsi vero quidquam prohibeat prætorii pignoris plures esse species: nempe id pignus, quod missio in possessionem constituit, et id quod capitur in causam iudicati aut quasi efficiatur, quia prius illud prætorium est, ideo hoc iudiciale posterius, prætorium non esse. Ego vero prius prætorium esse agnosco, sed non solum, quod vel hinc liquet, quod Iustinianus in *L. 1. C. de præt. pig.* pignus prætorium dari posse ostendit tam super rebus mobilibus, et se morientibus, quam super immobilibus. Plus quam autem notum est, in possessionem mobilium nos non mitti, sed immobilium. *L. 3. in fin. D. de acq. poss.* At pignus prætorium ex eo dictum est, quod constituitur iure prætorio, idest edicto prætoris; hoc autem, quod capitur in causam iudicati edicto prætoris non constituitur. Utrunque falsum est. Nam primum non dici prætorium ex eo, quod constituitur edicto prætoris, argumento esse potest pignus conventionale, quod etsi sine voluntate contrahentium non constituitur: non valet tamen, nec constituitur, nisi edicto et iure prætorio. *De pi-*

Tom. XI.

gnore, inquit Paulus *iure honorario nascitur actio*. *L. si tibi §. ult. D. de pact.* Nemo autem nescit pignus conventionale non esse prætorium. Cum autem etsi prætorium inde dictum esse fateamur: tamen vel hoc ipso et iudiciale hoc, de quo agimus, prætorium esse vinceremus. Fuit enim edictum, quo prætor pollicebatur iudicati actionem in hoc, ut iudicatus pecuniam solveret, aut pignora iussu magistratus in eam causam caperentur, et distraherentur, ut diximus *L. 4. §. 1. L. miles, §. pen. et ult. supr.* Neque vero eo minus hæc pignora constituntur edicto prætoris, quia dicuntur capi extra ordinem in *L. si pignora D. de evict.* Nam et cum manu inducitur quis in possessionem a magistratu, extra ordinem iudici dicitur in *L. 3. D. ne vis fiat ei, qui in pos. mis. est*, quod tamen genus pignorum istorum ipsorum definitione est prætorium. Differunt inter se pignus id, quod quis missus in possessionem nanciscitur, et id quod capitur in causam iudicati. Non nego; sed nihilominus utrumque est prætorium, quod pariter non nisi iussu et imperio prætoris capitur et constituitur. Sed de verbo non est laborandum: dummodo † constet 5 iudiciale, non alio modo constitui, quam si captum sit: nec cuiusvis iussu capi et occupari posse, sed prætoris tantum et magistratus, quod hic queritur. Illuc redeo: in † 6 ordine executionis primum hoc esse, quod magistratus iussu capiuntur res iudicati, quam sint pignori victori. Sic enim capiuntur hæc res ab officio magistratus, qui illas capi iubet, ut sive tradantur victori, sive asserventur ab officio, sive, quod est usitatum, apud sequestrem deponantur; pignoris tamen nexus omni modo victori acquiritur: utpote cuius nomine pignus occupatum est. Unde et pignus in causam iudicati captum a victore ipso occupari dicitur in *L. 2. L. qui pot. in pig. hab.* Est dicitur per officium eius qui ut caperetur, decrevit vouendari solere, non per eum, qui iudicatum fieri postulavit. *L. 2. C. si in caus. iud. pig. cap. sit.* Inde et possidenti illi earum rerum, quæ ita capte sunt retentio; et rebus amissis, earum persecutio datur, ut quibuscumque aliis creditoribus. *L. ult. C. de præt. pig.*

Rebus capitis hoc sequitur, in executione, ut capte † distrahantur, ut ex pretio rerum 7 venditarum creditor pecunia solvantur, quam illi solvi prætor iubet. Ergo deinde distrahi magistratus iubent. *Res capi pignori iubent*, inquit Ulpianus, *more distrahi*. *Mox ita † intelli-*

*15**

gen-

2. *Rev. quicid. Cap. fin. P. 5. §. 3. Quid iure Sax. servetur, vid. Novell. Elenc. 32. P. 1. Aliqua Müller. Col. de*

Process. P. 1. Cap. 9. n. 28. et seqq. Auctoris diff. iur. civil. et Sax. P. 1. Diff. 45.

gendum est, simul atque per tempus constitutum licet. Nam aliquod intervallum iure civili intercedere oportuit inter pignorum captionem et distractionem, ut significatur in *L. cum properas, C. de bo. auct. iud. pss.* Aperte autem in hoc genere pignorum duo menses designantur in *L. debitoribus, 31. eod.* In his distrahendis, quæ sit forma iuris, ex aliis locis animadvertendum est: non enim hic idem servatur, quod in pignoribus conventionalibus. Nam pignus quidem conventionale creditor iure suo per se vendit, et traditum ex ea causa in accipientem transfert. *L. non est novum, D. de acq. rer. dom. L. si cessante, C. de distr. pig.* Pignus autem 9 in ÷ causam iudicati captum non per creditorem distrahitur, ut paulo ante dixi, sed per 6 officium magistratus, qui capi iussit. *L. 2. C. si in cau. iud. per officium*, idest, per apparitores magistratus sententiam exequentes: quibus verbis hæc executionem Ulpianus expressit in *L. si pignora, D. de evict.* Distrahuntur præterea res publicæ 7 sub hasta, ut indicat *L. 3. C. de exec. rei iud.* idest, eo loco, ubi de more res publicæ venum exponi solent, et pluris licitantibus addici.

Atque hæc duæ partes summæ sunt executionis, earumque hic ordo, et forma, quam dixi: sed quarum in singulis hoc etiam spectetur, quo ÷ ordine res quæque capiuntur pignori et distrahantur, quod præcipue hic docet Ulpianus. Ergo quæ res capiuntur et distrahantur in causam iudicati, non promiscue capiuntur, ut quæque res primo occurrit; sed in his capiendis certus hic ordo servatur. Primum iubentur capi res mobiles et in his primum animales. Si autem hæc nul-

læ sint, aut distractæ non sufficiant, 8 pervenitur ad iura, idest ad nomina, de quibus plenius dicit in §. *sic quoque, infr. ead. L.* Quæ cum omnia observentur in executione, non abs re esse apparet, cur nomenetur ab eodem in hac re ordo executionis in *L. 4. §. si ex conventionem, supr. eod.* Quæsitum scio, ÷ num hunc ordinem magistratui contemnere liceat, saltem postulante creditore, et unde commodum creditori videbitur, inde initium capiendi et distrahendi facere. Quod 9 quibusdam videtur, quasi totum hoc quod pertinet eo ut creditor suum consequatur, videri debeat ipsius creditoris causa constitutum, ut eo utatur, si velit: si nolit, non sit adversus eum observandum. *L. nulla, D. de legib. L. quod favore, C. eod.* Sed perspicuum est ex hoc loco, ita esse hunc ordinem constitutum, ut cum magistratus nec postulante creditore 10 pervertere liceat. Ait enim Ulpianus, a pignoribus soli initium faciendum non esse. Proinde si iudex executionis, sive executor contra hunc ordinem faciat, iure ab eo appellabitur. *L. ab executione, C. quor. ap. non rec.* Est vero id non ÷ sine manifesta utilitatis ratione comparatum. Nam cum debitori expedit, hunc ordinem servari: tum vero ita creditori si ordo non nocet, ut in rem quoque eius non minus esse videatur. Res mobiles primo loco capiuntur, nec nisi his non inventis pervenitur ad res soli. Est hoc quidem sine ulla dubitatione in rem debitoris id ita fieri, cui 11 mobilium rerum distractio minus damnosæ est, quam prædiorum. Nam nec prædia semel alienata facere licet recuperare, ubi emptor ea a se dimittere non vult, ut nobis pecunia non suppetit ad ea redimenda: nec alia eiusdem ge-

ne-

6) Vid. Phil. Broides, in *Suppl. hist. fori Polletti Lib. 5.* Cap. 13. Exsequutio iudiciali caussa erat in officio præfecti prætorio, qui *καταγραφα* apparitores cornicularii. *L. 2. C. de proz. serin. loach. Steph. 3. de iurisdic. Iudic. Græc. etc. n. 14.* De litteris exsecutorialibus quæ in Camera decernuntur, Vid. Guil. 1. *Observ. 113. Myra. 6. Observ. 24.*

7) De substitutionibus plures auctores citavimus supra Lib. 23. *Civil. Comment. Cap. 13. N. 1.*

8) In nominibus quando executio fieri possit, Vid. Parlat. 2. *Rer. quotid. Cap. fin. Part. 5. §. 3. n. 43. et seq. Coler. de Process. exec. Part. 2. Cap. 3. n. 461. et seqq. et P. 3. C. 8. n. 35.* Nomina quando per mobilibus vel immobilibus. *Idem P. 1. Cap. 3. n. 237. et seqq.*

9) Ita Duar. *ad d. L. 15. §. 2.* Et sine posse a rebus soli initium fieri, ac favore creditoris hoc inductum esse, ut facilius suum consequatur, statui quoque Col. P. 3. C. 9. n. 28. et seq. (etsi non hoc iude inferat, nec ordinis inversionem concedat, ut *N. seq.*) quia si utilitas debitoris spectaretur, potius, argui, nomina caperentur, quam res soli, cum hæc pæ illis retinere capedit, qui et ordo in bonis minorum vendendis. *L. 5. §. 9. de rebz eor. qui sub tut.* Quod ideo initium sit a mobilibus, quia id utile creditori, cum citius et facilius distrahantur.

10) Quin cum ordo hic pro forma traditus sit, eius per-

versione ac præpostestatione ob omissam solemnitatem a iure vitari Processum, et nullam esse executionem DD. communiter testis Coler. P. 3. C. 9. n. 17. Sed contrarium tamen quod ipso iure valeat, sed appellari possit, communem vocat et sequitur Io. Guilier. *Lib. 1. Pract. Q. 13.* quod non ex necessitate sed debitoris favore ita statutum sit. Et hanc communem esse agnosci, etsi contrarium probet Parlat. *supr. d. §. 3. n. 4. et 2. et seqq. Add. Asin. Praxi §. 31. C. 6. et Trentac. cui media sententia 2. Pract. Resolut. tit. de Expens. Resol. 2.*

11) Inter immobilia quoque plura diversarum specierum a minimis exordium voluit, quæcum exemplis non gravis debitoris. Damhuds. *Pract. civ. C. 258. n. 6.* post glot. in *d. L. 15. §. 2. v. animales* et alios Arg. *L. 1. §. 20. de vent. in post. mitt.* Sed Duar. ibid. pulat capi posse ea quæ commodiora via pro executione, ut promissis expeditur, arg. *Nov. 4. C. 3.* cum et teo imputetur, quod non ipse ea quibus libentius carere vult, distrahit. Ne tamen res magis pretii pro exiguo debito distrahatur. Cuius enim hæc accipienda, Arg. *L. 9. de servit. Duar. d. loc. Cui convenit Col. d. P. 3. C. 9. n. 23. et seqq.* Neque enim id omittitur §. 1. circa hæc distinctio esset. Et ita quoque in bonis soli, si desint res mobiles, creditori optionem dari, in quæ mitti velit, itaque usu servari testatur Idem *d. C. 9. n. 33.*

neris, aut eisdem commoditate facile reperire possumus, cum rebus mobilibus distractis non difficile sit alias reperire, quas emere possumus, et eiusdem generis, et quæ eundem usum præbent. At idem servari non minus utile est creditori. Nam cum sint res mobiles minoris pretii, et ad usum quotidianum magis necessariæ: facilius emptorem reperire possunt, quo citius etiam creditor his distrahendis ad suum pervenire potest. In mobilibus ¹² primum capiuntur et distrahuntur res animales: scilicet quia cum eas ali necesse sit, maiore impendio asservantur, eoque et incommode utriusque maiore. Extremo tandem perveniunt ad nomina. Hoc vero vel præcipue creditori expedit: cui persecutio nominum et gravis et damnosus est, quia in his persequendis cogitur iis molestus esse, quibus non vult, et quibus cum nihil ei negotii est. Damnosa, si debitoribus quibuscumque agit, non solvunt, res longe abibit: nam primum sententia adversus eos accipienda erit: deinde iterum res iudicata adversus eos executioni mandanda. *L. 1. C. de exec. rei iud.* Quis non videt igitur hunc ordinem summa ratione esse institutum, eoque non temere quovis postulante creditore, perverti oportere? At enim dixerit aliquis: fit hoc modo creditori iniuria. Si enim non potest perveniri ad prædia, oisi tunc cum nullæ erunt res mobiles: si non potest perveniri ad nomina, nisi tunc cum nullæ res erunt in bonis debitoris; nempe istarum rerum omnium perquisitio erit illi necessaria, res illis in primis et molestæ et damnosæ. Sed nulla hic perquisitio metuenda est creditori, nulla molestia. Veniunt enim ad debitorem, ¹³ postalabuntur ab eo, ut res mobiles det in causam indicatam. Si dat, bene est: si negat apud se esse, iam tuto prædia pignori capiuntur sine ullo labore creditoris. Sive enim non habet, iuris ordinis satisfactum est: aive habet, est æquissimum ei mendacium suum nocere. Arg. in *L. 4. D. quod cum eo*. Huc accedit, quod si perversus ordo ille non nocet, non habet, quod quaeratur: si nocet, perinde habendum est, quasi non noceret:

cum ipsius culpa, aut potius dolo acciderit, ut primum prædia caperentur. *L. quod quis ex sua, D. de reg. iur.* Quid si ¹³ creditori expediat pervertere ordinem constitutum, idque non nocet debitori? Utpote, debitor aliquis condemnasti reperitur, qui paratus est actori solvere, si condemnatus velit. An audiendus est creditor, si huius nomen pignori expiat primo loco? Non dubito, quin sit audiendus. Maligne enim reus debitor quod factum illi non nocet. Arg. *L. in fundo, D. de rei vind.* Et in summa ita recte statuetur, ordinem hoc loco præstitutum; si non nocet, unius utilitatem, quæ cum alterius detrimento coniuncta sit, non esse impedidum. Supra scripta omnia ¹⁴ sunt iubente iuris, et interloquente præside. Sic enim scribit Ulpianus: *Sic denique interloqui solent, si moventia non sint, ut soli quoque capiantur*. In quibus verbis a nonnullis dubitari solet, num videatur magistratus satis recte ita interloqui: nam sententia sub conditione fieri non debet. *L. 4. §. biduum, D. quando appell. sit.* Sed neque in hoc inusu præsidum est sententia, qualem intelligi volumus, cum dicimus sententiam sub conditione fieri non debere: de quo verbo initio huius tituli dictum est. Et si esset sententia: tamen nulla hic est conditio. Non enim est conditio, quæ etsi adiecta non esset, inesset tamen. *L. condiciones extrinsecus, D. de cond. et demon.* Et ideo cum tutor sub conditione non recte detur: tamen si datus sit, hoc modo si satisfideris, tutor esto, recte datus est, *L. tuto, §. 1. D. de tutel.* quandoquidem etsi huc conditio adiecta non esset a magistratu: tamen non aliter tutor esset, quam si satisfidisset. Tit. *C. de tut. qui non satisd.* Id ipsum vero et his accidit. Nam etsi executor iubeatur simpliciter pignora capere: non tamen alio ordine potest, quam qui hoc loco est constitutus. Non est igitur metuendum, ne superior interlocutio de prædiis capiendis contra formam iuris, eoque non satis tuta esse videatur.

Ad §.

¹² Item cum d. §. 2. habetur: *res mobiles animales ex ordine verborum colligit, prius alias res capiendas esse quam ad animalia et moveat resistit, præsertim cum et publice iustis, ares, vaccas, equos etc. que vel ad subactum vel ad incrementum agri pertinent etiam, iudis non subtrahit.* Vid. *Coler, dist. C. p. 34. et seqq.* qui veriorum opinionem non dicit, quæ et una iudiciorum nostrorum probata, ut pro creditoribus libere designentur res mobiles capiendi, ut tam ab animalibus quam frumento et aliis inhærenti possit. Vestes

tamen et suppellex una quilibet capi non debet, quando alia adveniunt. *Maresq. Par. 8. tit. de Executione. n. 36.* (verbo his omnia ad res soli vendendum esse) *Asis. Præst. §. 31. Limitat. 2a.*

¹³ Vid. *Coler, dist. C. p. n. 38. et seqq.* ubi querit, an iussus aperire terras et frumenta recipiendarum vel olivarum oleas, curari alio id iussu possit? Quod arguit, si res soli adhibet. *de re feudali* etc. et quomodo sit executio, *Guil. 1. Observ. 117.*

Ad §. Si pignora.

Si pignora, quæ capta sunt, emptorem non inveniant: rescriptum est ab Imperatore nostro, et divo patre eius, ut addicantur ipsi, cui quis condemnatus est: addicantur autem utique ea quantitate: quæ debetur. Nam et si creditor malaerit pignora in creditum possidere, hisque esse contentus: rescriptum est, non posse eum, quod amplius sibi debetur petere: quia velut pacto transigisse de cætero videtur, qui contentus fuit pignora possidere: nec posse eum, in quantitatem certam pignora tenere, et superfluum petere.

S U M M A R I A.

1. Si pignora emptorem non inveniant, creditorem posse sibi impetrare a principe illorum dominium.
2. Vel postulare, si hoc mavult; ut ea sibi addicantur a magistratu.
3. Non alia tamen lege quam ut illa habeat pro

ea quantitate quæ debetur. Hoc quale sit exponitur.

4. Et contra illos qui aliter sentiunt, defenditur et propagatur.
5. Contraria remouentur.

IN iudicati executione pleraque incidunt, quæ eam executionem impediunt, nisi occurratur. Eo utile est adversus hæc impedimenta nos præmuniri, quod hic et sequentibus aliquot §§. factum est. Inprimis occurrit illud, si pignora, quæ capta sunt, emptorem non inveniant. Recte, si non inveniant. Nam si his venam exposita inveniant, qui ea emat, certum est quid hic fiat. Res nimirum emptori addicatur, eamque rem tanti ille emptam ha-

bet, quanti vendita est, non plaris. Lex hæc est venditionis et emptionis. Et quoniam ¹⁴ ad eandem licitationem creditor admittitur: fit ut ipso si emat, eadem conditione, qua alius quivis, rem emptam habeat. *L. 2. C. si in caus. iud.* Quid ergo, inquam, si ¹⁵ pignora quæ capta sunt emptorem non inveniant, ut neque ipse creditor qui vicit, liceat, neque alius: quomodo creditori consueatur? Nempe hoc ¹⁶ restat, si ei consueum esse volumus, ut siue emptione saltem dominium rei

¹⁴ §. Vid. Not. sup. Lib. 23. Comment. Civil. C. 14. N. 4. Aut. Fabr. 54. Err. prag. 2. ubi non apte ab Accursio ad L. 15. §. 3. h. t. inter remedia refert, quæ emptora deficiente suspensio. Non hic prius est, ut si emptor inveniat. Sed et hoc potius censui, in eo quod dicitur, integra manet, *Coler. Part. 3. C. q. n. 6. Aut. Fabr. 56. Err. 2. prag.*

¹⁵ Sed Aut. Fabr. 56. Err. prag. 7. differre statuit additionem domini pignorum, dicit L. ult. C. si in ca. iud. et iura domini impetrationem d. tit. C. de iur. dom. nec cessandi debere. Conveniunt, ut, siue Acquisitionem, et iustitiam Principis. Differsentiam hæc. Ad dicitur casibus Magistratus ex Principis auctoritate, d. L. ult. Impetrat ius domini creditore non a Magistratu, sed a Principe: In illa ambages ostendit; quippe cui nec locus, nec mora astra facta solutioni et venditioni. Hæc per longos circuitus expeditur. Effectus utriusque idem quod utroque dominio tribuitur: origo vero et causa diversæ. Illas enim causa necessitate iudicii emptionis: eam cum executione non nisi distractione pignorum captionem aspicitur quæ ubi oculus emptor reperitur, ad hoc extenuare remedium venit. Neque eorum alteri iuri remedium impetrationis in iudicio causa locus est, nec si a Principe potest victor vult: quia potest est, ut pignus habeat, quam ut dominium eius impetret. Ad creditorem non habet pignora capta in causam iudicii, quia non illi, sed Magistratus dantur, qui exsequitur. Dicatur enim capi, non a creditore, qui amputando vim faceret, sed a Magistratu. In solo itaque conventionali pignore impetratio illa domini emendatur, de qua d. t. C. de iur. dom. qui Titulus et de eo oculo loquitur. Ita Fa-

ber. Quod sententiam Donelli repugnat. Et ideo iussum hæc substat. Non creditor, sed Magistratus caput hæc pignora. Ergo creditor illis non habet. Iussum ad hoc expiatur, ut hic habet. Quippe cum quodvis pignora ius ut accedat principis obligationi, non potest illi acquiri, quoniam cui obligatus est debitor etc. Et in eo iussum ex causa indicat pignora capta vere possidere naturaliter ac iuribus, cum et inopere possit, per L. 15. §. 4. h. t. ut infra. N. 24. pmi Bar. ad illos *Coler. Part. 1. Cap. 2. n. 45.* Ceterum et quod Accursio ad L. 15. §. 3. h. t. quodvis impetratio hic necesse Accursio si prius remedium ita prodigat. *Coler. Fabr. dicit. Err. 1.* Ius solutum accipit L. 4. C. de evict. 2. ut ipse licet, ut ut impetret ius domini, oporece impetrat A. Fabr. 56. Err. prag. 1. et seqq. vultis unum et solum credendum esse addicendum et in posteritatem minus res illas nisi possidere iudicatur, dicit L. 15. §. 3. h. t. L. 3. Cod. de evict. rei iud. L. 3. Cod. si in caus. iud. pignori. Et quidem Accursio si prius remedium ita prodigat. *Coler. Fabr. dicit. Err. 1.* Pignora ex causa indicat non expiatur nisi ut distractionem, nec nisi ex necessitate, cum bona confectum in solutionem addit, utroque vel altero iure, ratio recta oculo iuri. Melius igitur res expeditur nequit quam per distractionem. Prius solum specialiter obligat ex causa iudicii. Obligatio hæc non et sententia, quia ius indicat non habet privilegium taciti pignori L. 8. Cod. de rob. crediti, sed ex capione, finem habens, non continens, ut conventionalis pignus, sed executionem et sententiam partitionem. Non indicat enim a magistratu, sed illas sua quam ut pretio iude reducto, quod in pecunia deletur,

rei ei addicatur. Et quidem eum, si velit, ius domini a principe impetrare posse constat. *L. ult. C. si in caus. iud. L. 1. et tot. tit. C. de iure dom. impetr.* quo impetrato id consequitur quod sine damno fiat tam debitoris, quam creditoris. Nam si res addicere pluri valeant, quem debetur, creditor id reddit, si minoris, in id quod amplius est, manet creditori actio integra. *L. ult. §. si autem in corpore, et §. sed siquidem, C. de iure dom. impetr.* Sed via longa est ex constitutionibus qua ad hoc ius pervenitur, de qua in *d. L. ult. C. de iur. dom. impetr.* ut semper non satis expediat creditori hanc exequi. Hinc ergo

† quæsitum, si creditor pignoris emptorem non inventiens ¹⁶ postulet, ea statim sibi addici a magistratu, an impetrare debeat. Quæ una huius loci questio est: ac de ea hoc loco statui mihi videtur, ad hanc sententiam: non debere creditorem id impetrare, nisi postulet pignus sibi in creditum possidere licere. Ceterum id postulanti potestatem ita faciendum esse possidenti. Hoc autem impetrato oportere ipsum pignore contentum esse, nec posse, si pignus in pecuniam debita non sufficiat, quod amplius est, petere: quasi pignus hac lege accepit, ac de debito ita transgerit. Quod an recte hic statui interpretemur, videamus. Si pignora, Ulpianus inquit, emptorem non inveniant, rescriptum est, ut addicantur ipsi, cui quis condemnatus est. Sed utrum postulanti, an etiam invito? Postulanti sine dubio, non invito, Nam

Re iudicata etc.

etsi de eo nihil hic exprimitur, et præcise rescriptum iubere videtur ut pignora addicantur: tamen sententia satis declarat Ulpianum de volente et postulante creditore loqui, cum oratio et ratio eius omnis conferatur ad eum, qui maluit pignora possidere, et his esse contentus. Et sane absurdum foret aliud pro alio invito creditori obtrudi. *L. 2. §. 1. D. si cer. pet.* Ut autem scire possimus quæ conditione impetretur creditori a magistratu, ³ ut pignora, quæ emptorem non inveniunt, sibi addicantur, sibi quæ 17 domini iure statim possidere liceat, addit rescriptum: *udicantur autem utique ea quantitate, quam debetur. Nam si creditor maluerit pignora in creditum possidere, itaque esse contentus: rescriptum est, non posse eum, quod amplius est, petere.*

Significat his verbis Ulpianus, cum pignora emptorem non inveniunt non posse creditorem impetrare a magistratu, ut sibi pignora possidere liceat alia lege, quam ut ea habeat ea quantitate, id est, in eam quantitatem, sive pro ea quantitate, quæ debetur. Nam simpliciter addici sibi si postulet, vult rescriptum eum non audiri. Et sane ut pignus domini iure simpliciter habebatur, solum impetratur a principe. *d. L. ult. C. si in caus. iud. et tot. tit. C. de iur. do. imp.* Quod si postulet creditor pignus in creditum sibi addici, audiendus est ille quidem, sed alio rescripto declaratur eum, qui id impetravit, pignore contentum esse debere, quod transigisse

in eadem solvatur, quis idem quod debetur solvendum. Unde ubi et quomodo tractatur de expensis pignoris, ibi et totius de distringendis. Nec probati DD. opinione extendit idem Fabi. Err. sup. 3. ex *L. 1. Cod. si in ca. iud. pign.* Male enim iudicio Fabii verba teneri ac distrahi de retentione medietatis accipitur, cum his obligatio in verba debitoris constituta significat, omnia etiam creditor non tenet, per magistratum distrahi possit. Male ibid. verba coniuncta per dominum accipitur, ac si diceretur, qui distrahi cum et ex *L. ult. Cod. Si in ca. iud. liquet non aliter providendi posse quam iure domini: et ita itaque pignus iure. quod rei non non constituit. Et ex *L. 3. C. de excec. rei. sol. petet. ita domini fieri minime in possessionem si res de substatu frande debitoris emptorem non inveniant. Non igitur minus pignus, sed ultimum remedium. Etque minis de qua *d. L. 3. et ipsa domini edictio. Ut prohibet tam collata *d. L. 3. cum *d. L. ult. C. si in ca. iud. tum verba *d. L. 3. et res tandem protrahat ad effectum perducatur. Non postremo, sed inchoatur iure executionis, si in minime solvitur, ut iure pignoris res perducatur. tum *d. L. 15. §. 3. h. et ibid. Fabii e. remedium Accurrit refellit, qui dicit in solutione contractus est, venditoris nec obnoxia *L. 4. Cod. de evict. idemque est ea voluntas debitoris fieri nequit. Sed et *L. 3. remedium e. proprio solum esse contenti de qua paulo ante. Ita Tabieri: Enimvero prius Accurrit remedium et alio inchoatum videtur. Quare, ad *d. L. 15. §. 3. Alibi *§. Parat. 3. Nemo esse iniquus, pignus videtur suo iure domini removere in debitum ut 1000. quam valens 1100. ita possidere, ut fructus non impetretur. Nam post 100. forte ante, consumptio hoc fructibus, pignus restituitur etc.***********

¹⁶ Ita Forcat. *Dial.* 13. n. 2. et 3. Non invito cedunt pignora pro toto debito, ut Bast. *Malle* enim, liberum est electio, *L. 21. §. ult. de nov. oper. nunc.* et transactio libera. *Autem. Fab. 56. Err. prag. 2. §. 1. si cognoscitur contestus esse, cum videtur transigisse, cum ea necessitate iure constituta voluntate capi sequitur, argum. *L. 15. de separ. Ad. Caput. in *L. 2. Cod. de rescript. vend. n. 104.***

¹⁷ Vulgo, referente Aut. *Fab. 56. Err. prag. 3.* statuitur differentia inter additionem pignorum, quæ pro rata debiti fit, auctoritate Magistratus, ac quæ postea solum consequatur actor, fractus in sortem impetrit: et additionem, quæ non fieri nisi verborum uno dicto a iure domini impetratore, auctoritate Principis fit, non ita debiti sortem agere, dominum tributa, unde fractus solum non vincunt, cum ea re non percipi, quod iniquum Aut. *Fab. ibid. et Error. 4. §. ac 6. fuit et verba tractant, quomodo edictio per Magistratum dicit. *L. 15. §. 3. dicit ubi ea, quæ Principis auctoritate fit, *L. ult. C. si ex ca. iud. fig. *L. 3. C. de excec. rei iud. Obi autem hoc interpretari potui, quod illa dominum solum dominum transgreditur, cum non a lege solum voluntate res accipitur, hæc plerum et Quiritium, cum a Principe habetur, qui lege superat. Hæc edictio est, si nullitas aut subitio adferatur obicit, ac emptor recipitur, *d. L. ult. d. L. 3. Ceterum in quo dominus dominum habetur etc. subitio, idem tribus consuetudinis Magistratus sine de la electionis factum ac res veniet, sive alia emptoris defuerit etc. Enimvero in *d. §. 3. dicitur transigisse et verba in creditum possidere idem Forcat. *Dial. 13. n. 5. et Alibi. 3. Parat. 16. quod creditum proprie ad eam pertinet, et ita dicitur in in additionem, cum dominum tenet. Licet hæc parum firma videatur. Sed ea hæc et quæ sequitur exactus expensam, et tempore et pagellum regitue analorum.*******

egisse pacto videatur, ne quod amplius est, petat. Hoc est igitur, quod dixi, non aliter audiendum creditorem, si postulet sibi pignus adduci, quod emptorem non habeat, quam si postulet sibi adduci in eam quantitatem, quae debetur, sive in creditum sibi possidere licere, quorum utrumque idem valet: et illud efficit, ut si in debitam quantitatem pignus ita addictum non sufficiat: tamen creditor nihil queat amplius petere sua ipsius conventionione, ac velut transactione exclusus. Non deerunt tamen forte, qui¹⁸ huic interpretationi aduersentur, ut scimus hunc locum non esse per se admodum omnibus expositum, atque adeo etiam doctissimis interpretibus Alciato et Duareno eam interpretationem improbari, cum illa verba: *addicantur autem ea quantitate, et in eam quantitatem, quae debetur*, vulgo sic accipiant, pro ea quantitate, et in eam quantitatem, quae debetur. Ego autem ita interpretantibus nobis, ut dixi, nihil video esse in ea interpretatione, quod non et verbis ipsis et sententiae Ulpiani, et optimae rationi plane conveniat. Nam quid aliud quæso, superiora verba exprimunt? Sic enim Ulpianus quantitatis verbo utitur in *L. si servus, supr. de pig. act.* cum ait creditori de sumptibus ab ipso factis esse actionem continuam: non tamen sic, ut cogatur servus carere pro quantitate sumptuum debitor. Sed mitto significationem verborum, ac placet esse eiusmodi, ut de ea dubitari possit. At quæ tandem alia sententia huic loco potest convenire? Dixerat Ulpianus pignora adduci, ea quantitate, quæ debetur: ac rationem reddit: quam tandem? quia, inquit, *si creditor voluit, pignus in creditum possidere rescriptum est, non posse eum, quod amplius debetur, petere, quasi de cætero transegerit, quod pignore fuerit contentus*. Inepta proorsus, ne dicam stulta ratio, nisi prius in propositione id statuerat Ulpianus, quod hac ratione suscipit confirmandum. Apparet autem his verbis hoc ab eo confirmari, eum videlicet, qui pignus in aluit in creditum possidere, debere pignore contentum esse: quod diximas habere pignus pro ea quan-

titate, quæ debetur, sic ut si quid amplius debetur, quam pignus valet, creditor petere non possit: quomobrem utrumque eum in propositione sensisse et posuisse intelligendum est. Iam vero hoc posito apud hic de eo creditore, qui postulet sibi pignora in creditum adduci, quoniam non aliter ei a magistratu addicantur: quid potest superiore sententia dici æquius? Certe perspicuum est, quæ ratione hoc loco ea confirmantur. *Velut pacto*, inquit, *transegerit de cætero videtur, qui contentus fuit pignora possidere*. Nempe enim hic ita valet, quod respondetur de eo creditore, cui pro re debita alius debitor est delegatus. Quamvis delegatus solvendo non sit: tamen placet creditorem nihil posse petere amplius ab eo, qui delegavit: cur? quia scilicet videatur bonum nomen, qui admisit debitorem in delegatum. *L. inter, §. abesse, D. mand.* Cur vero bonum nomen fecisse existimatur? an non ideo, quia pro eo quod debebatur, contentus fuit alium debitorem habere, ut sic de reliquo, quod ab eo consequi non potest, transegerit videatur? Ista ratione ipsa et bonum et idoneum pignus fecisse putandus est is, qui pignus pro eo, quod debebatur additum admisit: quasi et ipse de reliquo, quod consequi non potest, transegerit. Quid est autem, quo tunc hæc sententia videatur posse infirmari? Si creditor, dixerit aliquis, ex lectione rem habere non habet nisi eo precio, quod dictum est. Recte, quippe ea lege illi tradita est. Emit enim, non in creditum accepit. Nunc autem de eo agimus, qui pignus non emit, sed in creditum maluit possidere. Huic, si plus petat, necesse est obstande suam conventionem. Obicietur hic etiam exemplum eius, qui ius domini in pignore a Principe impetravit, sed iam dixi hoc impetrari a Principe simpliciter: a magistratu autem non alia lege, quam si creditor velit pignus possidere in creditum, quod cum fit, id eam vim et conventionem habet, quæ hic iudicatur. Quod¹⁹ reliquum est, nulla fit creditori iniuria, si huic conventioni suæ stare cogitur. Est qui-

18) Ubi Duar. ad vulgari interpretatione nihil esse scriptum ad iniuriam. Et idem ad *L. 15. §. ult.* non ita loqui, qui Latine loquuntur: *ea quantitate*, id est pro ea. Ergo sic respondet ea quantitate, id est, eo valore ac actione quanta est summa debita, ne si plerum vel minus sit pignus, alterius iniuria fiat, vel ut tandem quantitas sua pro rata debita. Et Forst. *Dial. 15. n. 2.* et verba istaque, quæ natura sua temporis sequenda, peribit potest, si pignora plus credite videant, quod expensum, reddi debent. Aliter Alciac. *q. Parado.*

2) Robert. l. senf. 29.

19) Conversi in eo *Ant. Fab. 56. Error prag.* 2. idem non exponere. Non pro rata debiti, sed pro quantitate quæ debetur, ut ideo possit in certam quantitatem pignora tenere et

superfluum petere. Quia necesse iniqua affectus sine plaris pignus sit sine minus. Nam debitor sibi impetret, quod pecuniam sua offert, minus si eius arbitrio factum, ne emptor recipiat, ut *L. ult. C. n. in ca. iud. L. 3. C. de exec. rei iud. Creditus*, quod eo ipso emit, cum et ipsi id licet, in vicem extorqueat, ut Donell. h. *L. ad §. si pignora in princip. ibid.* not. Neque enim tunc cogatur pignori-bus contentus esse, sed si non sufficerent, quod ex conditione contractus, alia capi possent, doctæ iudicio satisfieri. Idem *sup. Err. 5.* respondet cum a petitione superflui non ipso iure, sicut si in solutione dote re fuisset a volente volenti, sed excepitque tacito quod de non petendo.

quidem iniquum, et contra ius creditorem amittere exactionem eius debita quantitas, in quam pignus non sufficit. *L. creditor, qui non, D. si cert. pet. sed iniquum cum pignus, ut pignus accipit: quod enim cautionis loco alicui datum est, id in eius perniciem converti non debet. Sed longe diversum est, eum pignoris dominum in eos transfertur. Cum enim non cogatur id possidere in creditum, si nullo id admittit, de se queri debet. Nemo videtur fraudare eos, qui sciunt et consentiunt, ut est *reg. iur. L. nemo videtur, D. de reg. iur.* Ne illud quidem dici potest, fieri in hac re debitori iniuriam, si postulanti creditori pignus in creditum addica-*

tur: ubi si forte pignus plaris valeat, quam debetur, non cogatur creditor superfluum red- dere; faterer illi fieri in eo iniuriam si quidem pignus plaris esse possit, quam debetur. Sed hoc in proposito meum non potest: ubi de eo pignore agitur, quod nec emptorem quidem reperit, idest, quod ita venum expositum est, ut nemo existeret, qui vel tantillo licitaretur: quod argumentum est, rem nihil aestimatum fuisse. Nam si quis licitatus asset, nullo alio emptore existente, si pignus addiceretur. Vide, quæ in hunc locum scripserunt And. Alcistus *Lib. 6. Parerg. Cap. 3.* Franc. Duserius *Lib. 1. Disp. C. 6.*

Ad §. Si super.

Si rerum, quæ pignoris iure captæ sunt, controversia fiat: constitutum est ab Imperatore nostro, ipsos, qui rem iudicatam exequentur, cognoscere debere de proprietate, et si cognoverint, eius fuisse, qui condemnatus est: rem iudicatam exequentur. Sed sciendum est summam eos cognoscere debere: nec sententiam eorum posse debitori præiudicare: si forte hi dimittendam eam rem putaverint: quasi eius sit, qui controversiam movit, non eius, cuius nomine capta est: nec eum, cui restituta est, statim habere per sententiam debere, si forte iure ordinario caperit ab eo res peti. Sic eveniet, ut omnibus integris tantum capioni res iudicata proficiat. Sed et illud debet dici, ubi controversia est de pignore, id dimitti debere, et capi aliud, si quod est sine contro- versia.

S U M M A R I A.

1. An si quis rei quæ pignori capta est, faciat controversiam, debeat, qui rem iudicatam exequitur, de rei proprietate cognoscere.
2. Quam distinctione rem definit Ulpianus.
3. Summam ea de re cognoscere debet iudex, et quid sit plena et quid summaria cognitio.

5. Cur Magistratus summam cognoscere iubetur in hac causa.
6. Contrarius occurrit idem Ulpianus.
6. Quatenus possessor proficiat rei ita iudicata de controversia rei proprietate.

1 Eiusdem generis impedimentum est cum superiore, si res captis existat ali- quis, qui eorum rerum controversiam faciat, ut hic loquitur Ulpianus, idest, qui eorum rerum se dominum dicat, aut sibi esse prius pignori obligatas. §. 1. *inst. de act.* Nam nec possunt res iure pignoris teneri, quæ non sunt in bonis debitoris. *L. quæ prædium, C. si al. res pig. dat. sit*, et nihil prosit eas in bonis debitoris esse ad futuram pignoris obligatio- nem, si alius creditor in pignore sit potior. Quapropter de hoc genere tractatur cum hoc §. tum sequenti. Prius solum hic de re, de cuius proprietate fit controversia: in quo quaeritur, an iudex, qui rem iudicatam exequitur, debeat rem de cuius proprietate contro-

Tom. XI.

versis est, dimittere; an vero de cuius pro- prietate cognoscere: ut prout cognoverit eam pertinere ad debitorem, aut ad eum qui contro- versiam fecit, ita sit sententiam exeque- tur, aut ei, qui movet controversiam, rem restituat. Esset optimum rem dimittere, nisi esset damnosum creditori, et exemplum etiam perniciosum: facile enim subornari possunt, qui mentiantur res captas suas esse. Distinguit igitur Ulpianus, ut si sit aliud sine contro- 2 versis, quod capi possit, id capi debeat, res controversa dimitti; si non sit, tam magistra- tus cognoscat de rei proprietate: qui si cogno- verit rem debitoris esse, sententiam exequetur: sin eius, qui controversiam facit, ei rem re- stituet. Sed addit et de cognitione summam 3

16

ms.

magistratus cognoscere debere. Summa cognitio opponitur plenae et iustae cognitioni, de qua in *L. iudices, C. de iud.* Plena cognitio est, cum iudex non solum actorem de se probantem audit: sed audit etiam rei oppositiones; item replicationes creditoris. Denique utrunque pro se dicentem eo usque, donec ambo interrogati respondeant, se nihil amplius addicere velle. *Idem L. iudices.* Summa cognitio contra est, ubi iudex praesentem probationem, quae affertur, sequitur, et secundum eam iudicat: quod autem contra eam probationem ex diverso dicitur, si altiorum questionem habeat, non admittit; sed in aliud tempus differt, cum de re ex professo, non propter occasionem uti nunc agatur. Quae definitio colligi potest ex *L. 3. §. sciendum, iuncto §. ibidem, D. ad exch. L. si quis a liberis, §. si vel parens, D. de ag. lib. L. 3. §. caussa, D. de carb. ed.* Ut in proposito, si is, qui controversiam facit, instrumentum proferat, quo probet se rem emisse, et debitor dicat, instrumentum esse falsum: si hanc falsi allegationem non audit iudex, quia non statim ea questio dirimi potest, summam cognoscit. Id nunc hoc loco iubetur facere.

4. Sed † cur summam tantum cognoscere in hac caussa magistratus iubetur? Quia executio iudicati ²⁰ celeritatem desiderat. Nam aliquam magna fit iniuria creditoris, si post longam iudicii moram etiam post rem iudicatam et exploratam solutio ei differatur. Sed nec res iudicatae aliter suam auctoritatem satis obtinebunt, quam, si quam celerrime ad exitum perducantur. Atqui publice interest, quam

maxime ratam esse earum auctoritatem. *L. servo, §. cum praetor, D. ad S. C. Treb.* At enim, dixit aliquis, habet † hæc cognitio ⁵ manifestam iniuriam: fieri enim non potest, ut iudex, quæ allegantur, non cognoscens pronunciet rem eius esse, cuius non est, quod non faceret, si plene cognovisset. Huic obiectioni occurrit continenter Ulpianus: Negat hic ullum periculum ipsius sententiæ esse metuendum: propterea, quod nullum præiudicium allatura sit neque debitori, neque ei, qui controversiam movit. Etenim si iudex dixit rem esse debitoris: non prohibetur is, qui controversiam movit, rem suam ab emptore petre; et contra si res restituta est ei, qui controversiam facit; licet debitori rem ab eo postea iure ordinario petere. Iure ordinario petere est, actione mota et iudicio suscepto petere, rem suam esse intendendo: quoniam hic ordo, sive usus iuris est, ut petitionibus et actionibus institutis res repetantur. *L. 1. D. de exec. rei iud. L. extat, D. quod met. caus.* Id non fit in hac cognitione, de qua nunc dicimus: in qua nulla movetur actio de proprietate pignorum, et propterea summam cognoscitur: quæ omnia sunt extra ordinem, idest, extra et præter modum usitatum et solemnem iure publico constitutum. Nam quæ iure fiunt, ea certo et constituto ordine peraguntur.

Hic eveniet, ut omnibus integris) Hoc dicit, † quamvis hic res iudicata nullum effectum habeat circa proprietatem rei: tamen rebus integris saltem ²² capioni proficiet. Quod habet hanc sententiam, res hic indicata in hoc

²⁰ Ubi sententia non parvi momenti præiudicium, sed quod per aliud iudicium reparari potest, citra appellationem vel simile remedium. *Lanc. Conrad. d. v. Summaria cognitio, n. 5.* Ubi duos casus principales statuit. (1) Quando, caussa dispositione iuris communis vel municipalis summaria est, quod ex modo dicta regula excludendum. (2) Quando Princeps suo committit in quodammodo existit. *Ista notat. Clem. dispensatam, 2. de iudic. et Clem. sapte 2. de Verborum significat. In his vero referre docent, commissit Princeps simpliciter, ut summarie cognoscatur, an ut de plano: an ut sine strepitu, ut siue figura iudicii, sine iuris solemnitate, per concessum arbitrium, an sola facili veritate inspetta, etc. Inter quæ singula differentias exponunt, vid. *Soccius d. C. 53. n. 14. et seqq. Lane. d. loc. ae aff.* Et quod ubi sola facili, etc. solemnitate omnino remissa, *Asin. de execut. §. 5. C. 37.* Summarie quoque iure habentur causae leviores modice sive exiguae summae, villam personarum, per *Auth. nisi breviora, C. de sentent. ex periculis recitand. Soccius d. C. 53. n. 13. Daubinder. d. C. 53. De quibus Tiraquel. Tract. de iudic. in rebus cap. vii. Frider. Lib. 3. de Contin. argum. C. 19. n. 24. et seqq. Langia 3. Semestr. 2. sub fin. Rusticorum, Choppin. Lib. 3. de Privileg. ruti. P. 1. C. 1. et seqq. C. 2. Quod Haiman. Pistor. Lib. 4. Quæst. 17. n. 19. iunct. n. 28. restringit ad eas, quæ eorum iudice rurali aguntur. Alias etiam ordinarius iudicii devincti solent. P. caussa iudicia, Tiraquel. Privileg. p. caussa. 157. Vid. Io. Shull. Quæst. pract. 18. Quales viduam ex miserabili, argum. L. 6. §. ne potiores 2. de offic. præf. Coler. Confil. 41. n. 19. Studiosorum, Rebuff. Privileg. Schol. S. Horat. Lutus**

Privileg. schol. 1. Speckhan. Cont. 2. Class. 1. Quæst. 14. n. 2. Num et dotis? Negat Petr. Barbosa in L. 1. D. solut. matrim. p. 1. n. 43. et seqq. præterquam in duobus casibus. (1) Quando dos venit incidere ad causam matrimonii (2). Quando petitur principaliter, sed qui petiti inops. non habet aliunde unde se aliat, ut ita hoc privilegium non sit doli propter 18. sed quatenus pia caussa efficiatur.

²¹ Hic dicendi occasio esset, de causis executivis et de viribus instrumenti liquidi, vulgo guarentigiali, etique parata executione. Sed abrumperet oportet, *Vid. Coler. de Process. execut. passim maxime P. 1. C. 3. Rodicio. Soares in Lectura L. post rem iudic. 56. de re iudic. in Declaratione litem. Regni, Anton. Solo ad Constitut. antiq. Sabaud. rubr. de captura debitoris pro caussa civili, decreto ad causarum, etc. Parlador. 2. Rorum quotidian. C. fin. Part. 1. passim maxime §. 5. et §. 11. etc. Asin. de Execut. §. 1. Cap. 25. et seqq. Tiraquel. Tractat. de Mort. saisis te vifi. P. 2. Declar. 10. n. 3. et n. 13. ac de tur. constitut. possessori P. 3. limit. 31. n. 48. Menoch. Arb. Caus. 17. Guerd. de Mandat. iudic. 58. et seqq. maxime C. 69. et seqq. Wesenbee. Confil. 14. passim Moller. 1. Semestr. 18. et aliquot seq. et Cap. 40. n. 8. q. ac 3. Semestr. 18. 33. et 36. Coler. decia. 290. Tessaur. decia. 26. Pel. lleig. P. 2. quæst. 7. Rancibar. P. 2. quæst. 2. n. 99. et seqq. Herlog. de Privileg. Cap. 21. n. 43. et seqq. etc. Num via ordinaria intentalis possit deinde recurrere ad executivam, tracial Mont. decia. 22. et in conlra decia. seq.*

²² *Vid. Coler. de Process. execut. P. 1. C. 2. n. 43. et*

hoc saltem proficiet possessori, cui res controversie addicta, aut restituta est, ut eam possit capere, nempe usu. Nam ad nescapionem opus est iusta possessione. Hanc praeat possessori sententia magistratus. Inste enim possidet, qui auctore praetore possidet. *L. iuste, D. de acq. pos.* Sed proficiet res iudicata ad eam rem tantum rebus integris,

idest, tantisper, dum res a possessore non vindicabitur. Nam si res ei, qui controversiam moverat, restituta sit: simul aliqua conperit debitor ab eo illam vindicare, liti contestatione possessio eius, et praescriptio interrumpitur. *L. nemo, C. de acq. pos. L. nec bona, C. de praes. long. temp.*

supp. qui d. §. 4. in fin. excludit de quaestione creditus, qui ex causis iudicis immixtus est. Pura hic dici possent de iure tertii oppositis, et ut impedit executionem. Sed ne prohiberetur, omittit. Generatim vero de tertio interveniente scilicet conuales Cor. Pract. QQ. C. 13. et seq. Meoeb. Arb. C. 18. et recap. possess. Romed. 1. n. 373. et seq. Götter, Lib. 1. Pract. Q. 66. et Q. 114. Marcellus in sing. lit. I. p. m. 609. Fehr. Burben. ad L. et alimatio 11. §. 1. ad matr. n. 8. et seq. Veit. de Nullit. Rubr. Quis poss. di-

care de nullit. n. 15. et seq. Parlat. 2. Arr. quotid. C. fin. p. 5. §. 11. n. 38. et seq. Rohst. P. 1. Lib. 5. C. 9. et P. 1. Lib. 8. C. 8. Papp. Feiler. Lib. 2. de continent. causis. C. 8. et seq. Myer. 1. Obs. 1. et 2. Obs. 73. ac seq. Gail. 1. Obs. 69. et 2. seq. Wes. Cons. 100. Ceter. Cons. 2. n. 30. et seq. Sued. Decis. 108. et 115. Cacher. Decis. 38. et 191. Meier. Decis. 62. Meiboh. Tom. 3. Decis. Caus. 13. n. 246. et seq. et Decis. 32.

Ad §. Quod si res.

Quod si res fuerit pignorat, quae pignori capta est: videndum est, an sic distrahi possit, ut dimisso creditore superfluum in causam iudicati convertatur. Et quamquam non cogatur creditor rem, quam pignori accepit, distrahere, tamen in iudicati executionem servatur: ut si emptorem invenerit res, quae capta est, qui dimisso priore creditore, superfluum solvere paratus sit: admittenda sit huiusmodi quoque rei distractio. Nec videtur deterior conditio creditoris fieri suum consecuturi, nec prius ius pignoris dimissuri, quam si ei fuerit satisfactum.

SUMMARIA.

1. Res pignori obligata in causam iudicati capta distrahitur: dummodo prior creditor dimittatur, et reliquum in causam iudicati convertatur.

Quare diversum ius obtineat in re aliena, si tale esse constet. ibid.

2. Quid obstat superiori sententiae et quomodo remouetur.

DE ra capta, quam §. alius sibi pignori prius obligatam dicat, eadem questio est, quae supra: de quo ordine hoc loco ad hanc sententiam, ut quamvis res pignori obligata non magis alienari possit invito creditore, quam res aliena invito domino. *L. debitorem, C. de pig.* tamen placet in executione iudicati de re oppignorata non idem iuris esse, quod supra de aliena diximus. Res aliena in causam iudicati capta, si constat eam esse alienam, dimitti debet. Ad res pignori obligata, si capta sit, ut maxime constet eam obligatam esse, nihilominus distrahi potest: dummodo ita distrahat, ut creditor prior dimittatur: idest, ut solvatur illi prius, sic deinde, quod reliquum est, in causam iudi-

cati convertatur. Differentiam hanc ratio est, quod res suo domino auferri non potest sine iniuria: creditori autem nulla iniuria fit, et si pignus non habeat, si modo ei pecunia solvatur. Obstat huic §. sententiae, quod 2 creditor pignus vendere non cogitur. *L. quamvis, D. de pig. act.* hic respondet Ulpianus prohibendam hoc esse in causa privatorum, cum scilicet posteriori creditoribus id petant: at in rei executione iudicati aliter servari: sed cur aliter? Nempe quia aliud privata utilitas aliud publica exigit. Porro in executione rei indicatae publica utilitas versatur: si quidem publice interest res iudicatas exitum habere, ut paulo ante dixi. *d. L. servo, §. cum praetor, D. ad Treb.*

Ad §. Si post.

Si post addictum pignus aliqua controversia emptori moveatur: an sit cognitio eiusdem iudicis, qui sententiam executus fuerit, videndum est. Et cum semel emptio perfecta sit, eiusque qui sic comparavit, periculum versetur: non puto locum esse cognitioni. Certe postea quam inductus est emptor in possessionem, nonne cessabunt partes eorundem iudicum? Idemque et si ipsi, cum quis iudicatus est, res fuerit addicta.

S U M M A R I A.

1. *Pignore addicto perfici emptionem et cessare iudicis partes.* 2. *Executio rei iudicatae quibus rebus contineatur.*

1. **P**ostquam † pignus est addictum, id est, ei, qui pluris licitatus est, dictum est: res isto precio tibi empti est; ea tibi habet emptio pignoris statim perfecta est. Perficitur enim emptio consensu, simul atque de pretio convenerit, Tit. *de empt. et vend. in princ.* Emptione perfecta, si controversia emptori de proprietate moveatur, negat Ulpianus iudices, qui rem exequantur, de ea re amplius posse cognoscere, sive res addicta tradita sit, sive non sit. Ea re declarat † executionem rei iudicatae, de qua hic agitur duobus modis contineri et perfici, pignorum capione, et eorum distractione. Ex quo evenit, ut rebus distractis eorum iudicum, qui sententiam exequantur, partes cessent, ut qui officio exequendi functi sunt, Arg. *L. iudex, 55. inf. eod.*

Ad §. Sed si emptor.

Sed si emptor, cui pignora sunt addicta, exequire iudice, pretium non solvat: utrum adversus emptorem porrigere manus debeant iidem iudices, qui sententiam exequantur, videndum est. Et non puto eos ultra procedere. Ceterum longe res abibit. Quid enim dicemus? Condemnabunt emptorem, et sic exequantur adversus eum sententiam: an statim pro iudicato habebunt? et quid si neget se emisse, aut exsolvisse contendat? Melius igitur erit, si non se interponant: maxime cum nec habeat actionem adversus eum is, cui iudicatum fieri desideratur, nec iniuria afficietur. Oportet enim res captas pignori, et distractas praesenti pecunia distrahi: non sic, ut post tempus pecunia solvatur. Certe si se interponant, hactenus debebunt intervenire, ut ipsam rem addictam capiant, et distrahant, quasi nondum vinculo pignoris liberatam.

S U M M A R I U M.

1. *Addicto semel pignore cessare cognitionem iudicum.*

dicum pretio quamvis non soluto ostenditur ab Ulpiano duobus argumentis.

1. **E**mptione perfecta et addicto pignore, si controversia fiat de proprietate, iudices rei iudicatae amplius de eo cognoscere non possunt, ut supra dictum est. Quid † si emptor precium non solvat? Quærit Ulpianus, utrum adversus emptorem porrigere manus debeant iidem iudices, qui sententiam exequantur, quasi nondum cessent eorum partes, pretio non soluto. Nec alius re. Pretio enim non soluto nondum videri emptionem perfectam argumento est, quod tantisper venditori rem venditam licet retinere. *L. Iulianus, §. offerri, D. de act. empt.* Et ut intelligere liceat, quod diximus, post addictum

ctum semel pignus cessare iudicum partes, quæcunque tandem controversia de re vendita, aut de pretio incidit, statuit Ulpianus, nec de pretio eos cognoscere posse, non magis, quam de proprietate. Ac ne dubitemus, recte id dici, moti fortasse superiore obiectione, id ita se habere probat duobus argumentis. Unum est dilemma in illis verbis: *Cæterum longe res abibit*: Dilemma huiusmodi: Si iudices, qui sententiam exequentur, emptorem pignoris volunt cogere, ut solvat: aut de re cognoscent et iudicabunt, aut emptorem statim pro iudicio habebunt. Si de re iudicant, *res longe abibit*, id est, in longum tempus extrahetur. Nam primum rem cognoscent, deinde rem condemnabunt: deinde rem iudicant adversus eum exequentur, ut fert iudiciorum ordo, *L. 1. C. de execut. rei iud. L. negantes, C. de obl. et act.* In qua executione fieri rursus poterit, ut emptoribus novis questio de pretio moveatur. Hæc autem extractio rei non caret iniuriæ creditoris, qui sibi cupit rem statim dissolvere. Quod si iudices emptorem statim pro iudicio habebant, hic vero facient ei manifestam iniuriam: quid enim, si dicat se pretium non habere, vel quia se emisse neget, vel quia dicat se exsolvisse? Iniquum est eum

iudicia causa condemnari, si solvat id, quod fortasse non debeat. *d. L. negantes, C. de oblig. et act.* Ita si prius creditor inuitile, potestatem iniquum: iudices non debent de pretio cognoscere. Altera ratio est in illis verbis: *Maxime cum nec habent actionem*: Est autem hæc: Non debent iudices adversus emptorem cognoscere de pretio: quia creditor, cui iudicatum fieri desideratur, id non petit: actionem enim, inquit, adversus emptorem non habet. Recte: nam ²³ creditor pignora sub euctione non distrahit: sed debitor per appositores. Unde solus debitor de evictione obligatur. *L. antep. 1. §. D. de empt.* Præterea etsi creditor actionem haberet: tamen non efficitur, inquit, iniuria, si cum emptore non agat, cum ei alia via facillime consultum esse possit. Oportet enim, inquit, executores pignora præsentem pecuniam vendere: acilicet, ut ne postea de pretio laboraretur. Quod si factum non erit, poterunt quidem se interponere iudices: sed hæcenus ut rem addictam recipiant ab emptore, eamque alii distrahant. Id vero iure publico facere possunt: quoniam res vendita venditori pignori tenetur, quoad pretium solutum non erit. *d. L. Iulianus, §. offerri, D. de act. empt.*

²³) Ita et Dast. ad d. §. 7. Quod scribit impugnat A.

Feb. 5. Coniect. 16.

Ad §. Sic quoque.

Sic quoque iudices exequentur iudicatum, ut nomina iure pignoris capiant, si nihil aliud sit, quod capi possit. Posse enim nomen iure pignoris capi, Imperstor noster rescripsit. Sed utrum confessum nomen tantum capi possit, an etiam si neget quis se debere, videamus. Et magis est, ut id duntaxat capiat, quod confitetur. Cæterum si negetur, æquissimum erit discedi a nomine, nisi fortè quis exemplum secutus corporalia pignorum, ultra processerit, dixeritque ipsos debere iudices de nomine cognoscere, ut cognoscant de proprietate sed contrs rescriptum est. Item quid dicemus? utrum ipsi iudices convenient nomen, exigentque id, quod debetur, et in causam iudicati convertent: an vero vendent nomen, ut pignora corporalia solent? Et necesse est, ut quod eis facilius videatur ad rem exequentam, hoc faciant.

SUMMARIA.

1. Nomina etiam pignoris iure capi, et quomodo.
2. Capi ea lege, si et nihil sit aliud, et nomen ipsum confessum sit.
3. Si condemnatus debitor neget se debere, antea convictus condemnari debet.
4. Quare cum incidit controversia de nomine, sum-

matim non cognoscit iudex ei de re, ut in controversia de rei proprietate.

5. Quid utilis creditori, aut melius consultum esse possit si nolit cum debitore contendere.
6. Quod si hoc idem facere cogatur, qua actione ex iudicati causa conveniendus sit debitor.

Quod supra dixerat, ad iura perveniri in venditione, in hoc loco plenius ex-

plicat. Ait igitur † etiam nomina pignoris iure capi a iudicibus, qui exequantur iudici-

dicatur. Nomen, debitum est; id quod est in obligatione. *L. nomen*, 34. *L. qui chirographum*, 59. *D. de legat.* 3. Sed quomodo capi potest quod incorporale est? Nam obligatio res incorporalis. *Tit. de reb. corp. et incorp.* Ipsum chirographum scilicet, et instrumentum obligationis capietur, hoc capto id captum videbitur, quod instrumento continetur, *Arg. in L. 1. C. de donat.* Sed ut non sit ullum instrumentum, aut non capiat: id servabitur, quod in servitutibus nempe usus iuris, idest, nominis erit pro traditione. *L. quoties via, D. de servit.* Usus autem nominis in eo, ut denunciatur debitori, ne solvat creditor suo, sed ei cui debitor condemnatus est, iure in causam iudicati capto, et converso. *Arg. in L. nomen, C. quæ res pig. ob. pos. L. 1. C. de cond. ex leg. et hoc §. vers. item quid dicimus*, simul ut interdicitur creditori ea petitione, ut dicitur in *L. commodis, infr. eod.*

- 2 Addit, nomina † pignori capi posse in causam iudicati: sed duabus conditionibus. Una, si nihil sit aliud, quod pignoris iure capi possit, idem in *L. 2. C. quand. fisc. vel privat.* Altera, si nomen sit confessum, idest, si debitor, qui exigitur, fateatur se debere: qui inficiatur, ab eo hoc nomine nihil exigi potest. Idem in *L. 3. C. quand. fisc.* Quid si debitor condemnati dicatur maliciose negare se debere? Hic scriptum est, in hac inficiatione nullo modo nomen pignori capi posse. Quid ergo res creditori perierit, nec ei adversus inficientem ullum remedium est? Imo vero erit, sed ordinarium: non id de quo nunc agitur, extraordinarium. Nomen pignori non capietur, sed pignori dabitur. Tunc capi intelligitur, cum debitor conventus et confessus cogitur re ipsa pecuniam solvere, *L. 1. C. quand. fisc.* quod fieri dicitur extra ordinem in *L. si pignora, sup. de evict.* Datur nomen pignori, cum magistratus sententiam exequens iubet res condemnati esse pignori, in quibus sunt nomina condemnati. Sed si
- 3 † debitores negent, ad ius ordinarium remittendi sunt, ut prius convincantur iudicio, deinde condemnentur. *L. negantes, C. de oblig. et act.* Cæterum cum his agi potest

iudicio, ut cum omnibus, quorum nomen pignori obligatum est. *L. nomen, C. quæ res pig.* Hoc loco movet † Ulpiano dubitationem exemplum rei corporalis, quæ pignori capta est. De qua si sit controversia, an sit condemnati, necne; iudices summam de ea re possunt cognoscere. *§. si verum, sup. ead. L.* Quidni in nomine idem faciant, si dubitetur, an nomen ad condemnatum pertineat, necne? Sed ait Ulpianus, contra rescriptum esse. Quod ne quis sic accipiat, quasi huius rei alia ratio desit, (quod minime admitti debet, ne in paribus causis ius diversum constitui dicamus contra *L. illud, D. ad leg. Aquil.*) perspicua est huius differentie ratio. Nam in rebus corporalibus quicquid statuerit iudex de re restituenda aut distrahenda, nulla afficitur iniuria is, adversus quem id sententia statuit. Primum non habet necesse debitor rem reperire, quam restituat: quoniam habet: neque is, qui eius rei controversiam facit: quoniam ea iam est apud executorem. Tum autem proprietas non recedit. Non enim, ut supra dictum est, sententia in hac specie præiudicium facit. At, si nomen exigitur a debitore, utrumque contra fit. Etenimolvere iussus si pecuniam non habet, reperire cogitur: neque vero potest eam solvere, nisi pecunia ab eo recedat, et in accipientem transferatur. *L. si nomen, 20. L. qui sic, 55. D. de solut.* quorum utrumque iniuriosum est, statui adversus eum, qui convictus non sit. *L. negantes, C. de oblig. et act.*

Et necesse est, ut quod † ei facilius videatur ad rem exequendam, hoc faciat, si existat aliquis, qui nomen emere velit, et tantum dari, quantum debetur: hoc quidem sine controversia facilius et melius, quam cum debitore contendere. Sed etsi debitor non sit solvendo: satius est aliquid in præsentiarum accipere pro eo nomine, quam nihil inde auferre. Sin debitor solvendo est, et nemo existit, qui tanti emat nomen, quantum debetur: tum vero nomen, idest, debitum exigere, multo est satius. Convenietur † autem debitor ex iudicati causa non directa actione, utpote cum quo nihil contractum sit: sed utili, quæ omni nomine pignori dato competit. *L. nomen, C. quæ res pig.*

Ad §.

Ad §. Sed et si. ult.

Sed et si pecunia penes argentarios sit: æque capi solet. Hoc amplius, et si penes alium quem, destinata tamen ei, qui condemnatus est, solet pignoris iure capi, et converti in caussam iudicati. Præterea pecuniam quoque depositam nomine condemnati, vel in arca reclusam solent capere, ut iudicato satisfiat. Hoc amplius, et si pupillaris pecunia in arca reposita sit ad prædiorum comparationem, etiam citra permissum prætoris, ab eo, qui exequitur iudicatum, solet capi, et in caussam iudicati converti:

S U M M A R I A.

1. Nondum peti posse iure capti nominis a debitore condemnati pecuniam incertam, sed et certam pignori posse capi que sit apud debitorem condemnati.

2. Quot modis apud condemnati debitorem possit esse certa id genus pecunia.

- ¹ NON tantum † iure nominis capti pecunia incerta a debitore condemnati peti potest, ut aurei centum: sed etiam certa pignori capi potest, quæ sit apud debitorem condemnati: dummodo aut † deposita sit apud eum: qualis est ea, quæ datur argentariis. *L. si hominem, §. ult. D. depos.* aut sit pecunia condemnato destinata: puta pecunia seposita a debitore, vel reclusa in arca in

hoc, ut creditori, qui nunc condemnatus est, solveretur. Quod si pecunia erit ipsius condemnati, non requiremus, ut sit destinata ad solvendum creditori: sed statim pignoris iure capi poterit, quod adeo verum est, ut vel pupilli condemnati pecunia capi possit: quamvis deposita sit ad prædiorum comparationem.

*Ad L. Sunt qui. 16.**Idem Libro LXIII. ad Edictum.*

Sunt qui in id, quod facere possunt conveniuntur: idest non deducto ære alieno, et quidem sunt hi fere, qui pro socio conveniuntur, socius autem omnium bonorum accipiendus est. Item parens.

*Ad L. Patronus. 17. et seqq.**Idem Libro x. ad Edictum.*

Patronus, patrona, liberique eorum, et parentes. Item maritus de dote in id, quod facere potest, convenitur.

S U M M A R I A.

1. De beneficio competentie quod vocant.

2. Tractandarum rerum partitio et ordo.

3. Pro numero caussarum propter quas beneficium deferatur, sex rite personarum genera recenseri, quibus illud tribuitur.

4. Durare hoc beneficium, etiam conditione personarum mutata, dummodo de eo conveniantur quod stante illa conditione contraxerunt.

5. Beneficium hoc esse personale, nec tribui he-

redibus, præterquam filiis mulieris patris heredibus in actione dotis; et in universum defensori.

6. *Nomine reverentiæ illis debita ita tribui superioribus nonnullis personis hoc beneficium, ut ne pacto quidem huic renuntiare possint.*
7. *Non utitur hoc beneficium qui ex dolo aut maleficio suo convenitur, quibusdam personis exceptis, et quæ.*
8. *In certis dumtaxat contractibus tribuitur nonnullis ex superioribus personis, et quæ sunt tales.*
9. *Certis in omnibus contractibus hoc idem beneficium dari, veluti marito: et quatenus.*
10. *Tribus tamen conditionibus deferri hoc beneficium, illæ quæ sint.*
11. *Hoc beneficium contineri ut omnis qui eo utitur in id tantum quod facere potest, damnatur, facere quid sit.*
12. *Potest qui aut natura aut ex usu hominum, et quale sit utrumque.*
13. *Eum facere posse qui deducto ne egeat habet quod præstet aut in bonis, aut in actionibus.*
14. *Improbatur et refellitur eorum sententia qui cautionem hanc, deducto ne egeat putant ad certos dumtaxat pertinere ex iis qui hoc beneficium utuntur, non ad omnes.*
15. *An id quod quisque facere potest æstimandum sit, prius alieno ære deducto, dubitandi ratio.*
16. *Diversum ea de re ius esse constitutum in donatore, ac cæteris.*
17. *Hunc quidem posse facere existimari, mi-*

nime eo deducto, quod debeatur inter eos quibus ex simili causa obstructus est, et quæ similis hic causa habeatur auctori.

18. *Minime vero posse facere videri nisi omni ære alieno deducto quod solidum potest exigi.*
19. *Ceteros excepto donatore in id quod facere possunt condemnari, nullo ære alieno deducto.*
20. *Difficultas removetur quæ obicitur ex Ulpiano I. C. L. sed an hic 3. D. quod cum eo, ubi et perstringitur tentata ab aliis conciliatio.*
21. *Unumquemque deducere debere quod ei sufficit ad victum ex suis bonis, non ex alienis.*
22. *Adoque nec maritum] deducere posse de rebus dotalibus, ut habeat unde vivat.*
23. *Locus iuris ex L. unic. C. de rei uxor. act. obiectus diluitur.*
24. *Conveniri in id quod facere quis potest, duo continet: I. ut nec queat conveniri si nihil possit deducto ne egeat, aut de minimo, si minimum possit.*
25. *II. In solidum conveniri, si solidum queat facere deducendis deductis, eaque de re posse diversis temporibus conveniri.*
26. *Ideoque exceptionem hanc competentie quam vocant, dilatoriam esse, non peremptoriam.*
27. *An et quatenus facere quis potest spectari tempus rei iudicata, et quæ hinc consecutaria.*
28. *Cur hic iudicati tempus spectetur non litis contestate.*
29. *Dubitandi ratio.*
30. *Eiusque solutio.*

SI debitor recte definitur is, a quo invito exigi pecunia potest. *L. debitor, D. de verb. sign.* Nemo debitor est, nisi a quo solidum, quod debet, potest exigi. Debet autem, quisquis aliqua actione in personam tenetur: alioqui actione non teneretur, ut declarat definitio actionis. Quare qui actione aliqua tenetur, sine dubio ab eo solidum peti potest, quod si potest, antequam quidquam de eo actum sit, multo magis tunc poterit, cum et de eo actum fuerit, et de eo res erit iudicata. Et hoc quidem iuris ratio exigit, sed ¶ sunt, quibus humanitatis causa hoc tributum est, ut ne in solidum, sed in id solum, quod facere possunt, conveniantur, de quibus simul et de hoc genere beneficii capitibus sequentibus agitur. Locus patet latius: qui ut ratione et via a nobis explicetur, 2 ¶ primum quærendum puto de personis, qui-

bus hoc tribuitur, quibus ex causis, et quibus conditionibus: tum videndum de genere ipsius beneficii, quid sit facere posse, quas deductiones ea res admittat, et quibus ex bonis: præterea, quid sit in id quod facere possis conveniri: postremo, quo tempore spectandum sit, an quis possit facere, utrum litis contestate, an rei iudicate.

Illud ergo primum, ut videamus, qui a sint, qui in id, quod facere possint, conveniantur. Nam hoc loco neque omnes enumerantur, neque in iis, qui enumerantur ratio beneficii exprimitur. In hoc genere ¶ sunt numero sexdecim personæ, quæ mihi commodè in sex genera distribui posse videntur. Tot enim sunt causæ, propter quas hoc beneficium deferretur. Aut enim sanguine coniunctis tribuitur: aut coniunctis per matrimonium: aut iis qui horum coniunctionem imitantur.

1) Vulgo Beneficium exigendi, item privilegium ac exceptionem competentie vocant. De quo Vult. Mada. Sævidin. Harp. et alii ad §. item si de dote. 37. et seq. I. de act. Coler. de Process. P. 2. C. 3. n. 111. et seqq. Lang. de F. r. P. 2. C. 14. A. Gentil. 4. Lect. et Epist. 1. A. Fab.

ad L. 28. de R. I. Hartm. Hartm. Tit. 18. Obs. 2. Vinc. de Franch. Decis. 164. et 181. Aut. de Gamus Decis. 25.

2) Convenit Don. noster ad §. sunt præterea. 36. ipsi 28. et seqq. I. de act. n. 3. Et ex eo Vult. ibid. n. 9. Tribui hoc vel ob personam rei: Et ut ob coniunctionem sanguinis,

tantur: aut pro præmio iis, qui de nobis bene meriti sunt: aut iis, qui meriti sunt bene de republica: aut pietatis et humanitatis causa iis, quos constat non malo more sua bona amisisse. In ³ sanguine coniunctis, quibus hoc propter summam coniunctionem tribuitur, tres sunt. ⁴ Parens. *L. sunt qui hic*. Item liberi. *L. cum ex causa, inf. eod. L. etiam, D. sol. mat.* Item ⁵ parentis nostri liberi, ut est in *L. patronus*, ¹⁷. *infr.* idest, fratres nostri. Et sane Ulpianus in *L. verum, D. pro soc.* non recte colligeret, socio hoc beneficium esse tribuendum ideo, quia societas ius fraternitatis continet: nisi prius constaret hoc fratri tribui. In iis, qui per matrimonium coniuncti sunt, quibus hoc idem tribuitur, sunt quatuor: ⁶ maritus *D. l. patronus, infr. L. maritum, D. sol. mat.* item matris pater: idest, socer uxoris. *L. sicut, inf. eod. L. rei iudicate, §. ult. et L. seq. D. sol. mat.* item ⁷ iuxor. *L. non tantum, inf. eod.* item uxoris pater: idest, socer mariti. *L. sicut, et seq. L. ex diverso, de sol. matr.* quod

Tom. XI.

Re iudicata, etc.

quatenus verum sit, postea exponetur ad *d. l. sicut, inf.* Qui horum coniunctionem ⁸ imitetur sine affinitate et sanguine, unus est socius. Nam, ut dixi, societas ius fraternitatis quodammodo in se continet. *d. l. verum, pro soc.* Itaque placuit tribui hoc beneficium omnibus sociis, sive sint omnium bonorum socii, sive unius rei. *L. sunt qui, in fin. hic, et d. l. verum.* In iis, qui de nobis bene meriti sunt, sunt quatuor: qui ⁹ manumisit patronus, patronave. Item propter hos, liberi eorum: itemque eorum parentes. *L. patronus, inf.* item qui ex donatione sua convenitur. *L. qui ex donatione, D. de dona. L. inter, §. is quoque inf. eod.* In his, qui sunt ¹⁰ bene meriti de Repub. unus est miles, qui sub armata militia stipendia meruit. *L. miles, sup. l. item miles, inf. eod.* In iis autem, qui bona sua amiserunt, quibus hoc idem deferitur, sunt tres: is ¹¹ qui bonis cessit. *L. 4. inf. de cess. bonor. §. ult. inst. de act.* Item ¹² filius emancipatus: item exheredatus: si modo de eo conveniantur, quod

17

affinitatis vel societatis, aut ob reverentiam patrocoo, aut ob meritum militi, aut ob miserationem ei qui bonis cessit, etc.

3) Signum hoc est, ait Ant. Mast. Gales. de iud. bonor. fid. n. 19. quantum ipsum legum conditoribus cura fuerit unicit, cuius proprium est, non id omne, quod pro debilo est, exigere, sed id tantum expungere, quod fieri potest.

4) Utroque in infinitum, Coras. ad §. 38. l. de act. n. 1. A. Gentil. 4. Lect. 1. Etii et causa totius conveniantur mater, qua omni beneficio reuocatur, Gutierrez. Lib. 2. Pract. Q. 26. n. 2.

5) Ita Dou. ad §. 36. et seqq. l. de act. n. 3. Si illis ob imaginem fraternitatis, magis recte fratibus, et Duareto. ad l. 16. et 2. seqq. h. t. Vult. d. loc. n. 11. Harprecht. ad §. 38. Inst. de act. n. 8. et §. Marq. Fieher. 1. Parerg. 5, ne minus possit natura quam accidens, veritas quam fictio. Coras. ad dict. §. 38. n. 1. ne imitator exemplari potius sit, Forcat. Cupid. turperio. Cap. 1. n. 1. ne melior sit comparatio comparate, Tessaro. Dec. 119. Quin et fratres alimenta sibi mutuo debent. *L. qui filium, 4. ubi pupill. edue.* Vitari autem circueius expedit, Coras. et Tessaro. d. loc. Quo etiam Lex deficeret, extensio huius ex equitate fieri posset, Argum. l. 20. in fin. h. t. Tess. d. Decis. 119. qui et Decis. 153. n. 5. Ita in Secuto Pedem. iudicari. Diss. Alb. Gentil. 4. Lect. 1. Conus. 7. Com. 13. n. 18. et relati a Tessaro d. Decis. 119. Confer. Langla. 3. Semestr. 2. pag. 142. et seqq. ubi bellissimum de amore et viculo fratrum, et Tirag. ad l. 8. Cod. de reuoc. don. v. Libertis. n. 92.

6) De hoc mariti beneficio plura peti et Zas. ad l. maritum 12. et seqq. D. sol. matr. et Lib. 2. sing. Respons. cap. 1. Petr. Barbosa in d. l. 12. ipa 13. et seq. Cuius. 24. Obser. 38. Iuv. Campet. Tr. de dota Part. 3. Q. 128. et seqq. Scipio. Crat. de do. cit. 34. Matth. Brun. de Cessione bonor. Q. 20. questionis 4. principalis. Et uiam marito putativo (exempli grat. cum matrimonio ob eogitationem aliusve impedimentum oon consistens de facto contractum) compellat, Zas. ad d. l. 12. et seqq. n. 14. Fachin. 10. Contr. 30. qui uerant, Facit l. 42. §. 1. solut. matrim. Cap. 1. ibi: totam dotem de don. int. vir.

7) Item vero honor socero qui patri debetur, Langla. 7. Semestr. 3. pag. 313. Vid. et M. Anton. de Amatis Decis. 16. Idem in genere se outu affirmat A. Gentil. 4. Lect. 1. tum argum. l. 14. §. ultim. de rit. nupt. tum quia filius et gener equiparatur, L. si quis 3. Cod. de natur. lib. Socus ueritatibus idem in prouiso cum Iasone et aliis.

8) Belle Marq. Fieher. 1. Parerg. 5. Ideo esse speciem fraternitatis, qua quod fratribus dat successio paterna et ho-

norum collatio, id sociis voluntas et econtractus, dum sponte sua communicantes se sibi iuuelem in fratrum locum adscribant. Societas voluntaria fraternitas: fraternitas necessaria societas, tamenque durum quantum concordia eius Collegas quoque, diligenti vel officii communicatione sociis, fratrum sibi iuuelem loco esse, belle ostendit Lueg. 2. Semestr. 4. Unde idem ius quoad eos inferri fortasse in poterit.

9) Quod quidam protrahunt ad omnes eos, quos sine uenit ius uocare non licet (de quo sup. lib. Civil. Comment. 23. Cap. 2. N. 32.) Vid. Hart. Hartm. Tit. 18. Obser. 2. n. 11. et Decis. Ae in domino se vasallo idem statuit quoque Duar. ad l. 16. h. t. Nam et eundem egegnem vasallus alere teetur, Vid. Rittershus. Parit. feud. Lib. 2. Cap. 1. n. 40.

10) Vid. Georg. Aese. Enkel. Lib. 2. de privileg. militum, Cap. 19. Matth. Bruen. de Cess. bonor. Q. 11. questionis 4. principalis.

11) Qui cessit, non qui cedit. Nam dum cedit bonis, nihil et relinquatur, sed, ut loquuntur, cessio fit ad peram et saeculum, nec quidquam relinquatur praeter caminum et vestem paucis, qua corpus tegat, Coler. Parte 1. Cap. 6. n. 111. Gomez. 2. Var. Resol. 11. n. 65. etiam contra statuat Harp. ad d. §. ult. l. de act. n. 9. et seqq. Ceterum qui certissimis bonorum materiam pernoctat aucti, adest Matth. Bruen. Tract. de Cess. bonor. Ruder. Summ. in l. 2. Fore legum. Lib. 3. tit. de cess. bonor. P. Gregor. 22. Synt. 8. et 7. seqq. Hotm. Ill. Q. 26. Froer. 2. Selet. 27. Parlador. 2. Rer. quotid. Cap. lin. Parte 5. §. 7. Covar. 2. Var. Resol. 1. Meunch. Arb. Cap. 183. Fachin. 13. Contr. 69. Danhuder. Praxi civ. Cap. 70. Treutzius. Lib. 3. Pract. Resol. Tit. de Solut. Resol. 37. Coler. de Process. Parte 1. Cap. 3. n. 250. et seqq. et Cap. 6. n. 11. et seqq. Buzant. de Commiss. Parte 4. Lib. 9. C. ultim. Heing. de Fideius. C. 5. n. 98. ac seqq. Sneideria. ad §. ult. l. de act. Wes. Cons. 50. Afflict. Decis. 378. et seqq. Tessaro. Decis. 36. et 182. Gnid. Pap. Decis. 221. Melchiner. Tom. 3. Decis. Cam. 21. P. Heig. Parte 1. Q. 25. Consult. Sax. Fol. 1. Parte 3. Q. 25. Simon Vint. Cons. 3. Q. 5. Fol. 1. Quodque etiam infra N. 15. 16. 18. 19. 22. et 26. Uuarius si bonis cedat, num huic beneficium locus? Vid. P. Gregor. Lib. 3. de Uuor. Cap. 6. qui post nullam disceptationem in affirmativam proclivis. Sed Alfons. Villagut. de Uuor. Q. 31. Consult. 8. n. 58. et seqq. contrarium probat.

12) Item qui coactus se immiscuit, ut restituit hereditatem l. 5. §. ult. Quod cum eo. Idem in fiduciaria tutore l. 11. de ut. et rat. distr. Vid. A. Gent. 4. Lect. 1.

quod cum his contractum esset, cum essent in aliena potestate. De quo extat edictum pratoris in *L. 3. D. quod cum eo. l. i. L. et exheredatum. 49. inf. eod.* Ei qui bonis cessit hoc concedi propter bona amissa, testatur Iustinianus in *d. §. ult. inst. de act.* Consentaneum igitur ob hanc ipsam causam idem tributum esse emancipato et exheredato. Et certe quandiu filius est in domo et familia patris, a patre alitur ita, ut ei nihil desit. Atque etiam peculium, quod ei a patre datur, habet pro suo patrimonio. At emancipatione et exheredatione defuncti patris hanc omnia amittuntur. Nam et post illa filius subsidium vitæ a patre iam nullum habet: et peculium superioribus duabus rebus esse desinit. *L. ult. D. quand. action. de pec. annal.* Hæ personæ si iam sigillatim enumerantur, efficiuntur ut dixi, numero ad sexdecim. Causas beneficii huius genera suprascripta declarabunt. Illud circa ¶ has personas notandum est, non tantum his hoc beneficium tribui manente conditione propter quam beneficium tribuitur: sed etiam conditione mutata: dummodo conveniantur de eo quod stante illa conditione contraxerant. Utpote, maritus ¹³ non tantum in id quod facere potest, convenitur quandiam maritus est: sed etiam soluto matrimonio. *L. unica, §. cum autem, C. de rei ux. act. sed de dote,* quæ non nisi contractis nuptiis esse incipit, et item de cæteris, quæ constante matrimonio contraxit, ut proximo capite dicitur. Similiter et socius non nisi societate distracta

isto modo convenitur: quoniam actione pro socio mota solvitur societas. *L. actione, D. pro soc.* Quo exemplo et soer marito quamvis affinitate dissoluta, non nisi quatenus facere poterit, convenitur: de quo dicam amplius ad *L. sed hoc ita, 22. inf. eod.*

Personis suprascriptis ita ¶ hoc beneficium ⁵ tribuitur, ut ipsis tribuatur tantum, non etiam eorum heredibus: quia tale beneficium personale est, et enim persona extinguitur, *L. maritum, et L. quia, sep. D. sol. mat. L. privilegia, L. in omnibus causis id observatur, D. de reg. iur.* Dator ¹⁴ tamen in actione dotis filiis mulieris, qui patri heredes existerant. *L. etiam, D. sol. mat.* quia et liberi sunt eius, quæ agit, et præterea personam patris sustinent. In universum autem datur defensori. *L. alia, D. sol. mat. L. verum, in pr. D. pro soc.* propterea quod defendere est, eandem viam quam reus, subire. *L. minor, in fin. D. de procu.* Ex his omnibus sic ¶ tribuitur ¹⁵ hoc beneficium, ⁶ marito, socio, et similibus, qui propter reverentiam sibi debitam conveniri non possunt, ut ne pactione quidem possit effici, ne his eo beneficio, et defensione uti liceat: quia alioquin pactum sit contra bonos mores. *L. alia, §. 4. D. sol. mat.*

Nunc movendi sumus hoc beneficium suprascriptis personis non omnibus in causis tribui. Primum ¶ nemo ¹⁶ hoc beneficio utitur, qui ex dolo, aut maleficio suo convenitur. *L. si rerum, 52. L. sed hoc ita, 22. §. ult. inf. eod. L. 4. §. quavis, D. quod cum*

¹³ Modo contractus et constituti incipit সম্পत्ति. Vid. infra N. 17. Quod necessitas et bonæ pœne motivationi, quo obligati contractus est, expost. Causæ 2. diff. Medietatis ad L. 20. hoc ita pag. 58.

¹⁴ Sive ut aut. sive emancipati, si a matre, sive si a sorore. conveniuntur P. Fab. ad L. 68. de R. I. Vid. et Gomez. in L. Tauri. 50. et 2. supp. n. 49.

¹⁵ Et si pater, et qui decet matrimonium morit, Gellianus ad leg. 3. pr. de F. S. n. 40. Vid. Barro. ad d. §. 1. In eo P. Barbo. dicit. Quis est necessarius secundi? Item est per dict. §. 1. verbi: contra bonos mores. Dicit. ibidem, Vid. Gomez. in L. Tauri. 50. et 3. supp. n. 49. Gutierrez de Jaram. confirmat. Parte 1. Cap. 16. n. 47. et seq. Lat. ad L. 15. et 2. supp. Sol. matr. n. 37. et seq. Dicitur. loc. Batigue. Tr. Renouantur iur. civil. Eui autem aliam reuentionem valore receptus sit, ut nullus, et c. dicitur. et c. Coler. Parte 2. Cap. 3. n. 122. de Gleytia iura dicitur statim, post Corv. 2. Far. Reol. 1. n. 9. P. Barbo. ad d. L. qui 15. §. 1. n. 30. et seq. Item quod in ius publicum pœnio spectetur, per L. 1. §. 2. de iust. et iur. Item quod in opprobrium latius actum credit, si ad modicitatem eorum superius receptus. Nam item iuri seu facultati cedendi boni reuentioni potest, gratis contrarius est. Quod etiam archibus Interp. negant. Item Coler. Parte 1. Cap. 6. n. 39. et n. 96. Anz. de Erroret. §. 2. Cap. 1. n. 5. Broech. 4. Enant. 20. Gutierrez de Jaram. confirmat. P. 1. Cap. 18. Gail. 2. de Pœ. pubi. n. 23. Tenax. Decis. 26. n. 3. et 4. P. Barbo. ad d. L. 14. qui 15. §. 1. n. 48. et seq. Item et plurius hanc reuentionem valore credit, tanquam, ut Barbo. d. loc. n. 31.

ac rep. bonis moribus aduersus sit, nempe misericordie, caritatis et affectus humilitatis: cum ex hoc agitur, ut scilicet illius debitor carcerem evadat, unde tunc creditori nulli utilitas. Contra iamen rectius Bald. et alii, quæ infert Castellan. Cotta in moralib. Verbo: solvi non potest et sequitur ac tenet Cor. 2. Far. Reol. 1. n. 7. et in C. quavis 2. de pœ. in 6. Parte 2. Coler. pr. n. 30. ac Hage ad §. ultim. Inst. de act. n. 12. et 13. Nam et conventio, quæ quis se ad eandem subijgit, fuit, ut col. inf. ad L. 34. n. 1. Et hoc ipso conventio cum iam se eorum subijgit, cui huius dispositione sine conventu suo obligatur, quam speciale cum evitanti eorum subijcit. Uade et causæ beneficium legibus provincialibus tolli potest. Sicut et iure Hispanorum, Gomez. in L. Tauri. 50. Barbo. d. loc. n. 53. Causa hinc euerit non liberat. Ut vero iure Romano utique 1. hodieque ius Latineat id. 2. art. 1. 1. traditum ad manus creditoris et pœntionem operum servituti, Ceter. de Proc. Parte 2. Cap. 6. n. 147. et Decis. 135. n. 49. Item ad leg. adnuntiandi. 31. de iurand. n. 343. nec, postquam illa sublati, a euerit, Novell. Electoral. 29. Parte 2. Licet contra Coler. dicit. 135. n. 10.

¹⁶ In L. 52. hoc ita. L. 21. §. ultim. Rec. amae. Hinc dicitur in L. 20. hoc ita. ex alio contractibus ad reuentionem delicti, Causæ 28. et 2. Obs. 28. et 2. diff. Medietatis ad L. 20. Huius. Id. 16. Obs. 2. n. 27. Sed ex delicto ad pœnam pecuniariam subijctis, causæ bonorum eorum non evitit, sed in corpore huius, quod in iure non habet, vid. Huius. de Caus. bonor. Q. 4. principali. n. 5. et q. 17. dicit questionis 4. Huius. ad §. ultim. I. de act. n. 6. et 7. Huius. dicit. C. mo ita. Quid bon. ced. defu. 4. §. 1.

cum eo. et in universum sic habendum est, nulli in maleficiis succurri. *L. si ex causa, §. nunc videndum, L. auxilium D. de mino.* Excipiuntur tamen in hac specie, parens, patronus, patrona, liberi, parentesque patroni. *L. parens, L. licet, D. de obi. a lib. ram ob causam, quæ redditur in L. liberto* 8 *ead. tit.* Quod ad contractus attinet †, certæ sunt personæ ex superscriptis, quibus hoc beneficium certis tantum ex contractibus deferretur. Nam et donator hoc iure solum utitur, cum ex donatione sua convenitur. *L. qui ex donatione, D. de donat. L. inter, §. is quique eod.* et socius tñm, cum convenitur iudicio societatis. *L. sunt qui, hic, §. antep. inst. de actio. et emancipatus, itemque exheredatus, cum conveniuntur eius rei nomine quæ cum his, cum in potestate essent, contracta est.* *L. 2. D. quod cum eo.* Ceteris † personis hoc beneficium in contractibus omnibus datum est. Exemplo est maritus, quem constat non tantum dotis nomine in quantum facere potest, condemnari (quæ tamen causa sola matrimonii propria est: ut quæ matrimonii tantum gratia contrahatur) sed ex aliis quoque contractibus. *L. patronus, 11. et L. non tantum, et LL. seqq.* Quod tamen sic accipiendum est, si aut conveniatur maritus constante adhuc matrimonio: quo tempore ex omnibus etiam ante contractibus, hoc beneficium uti potest: aut conveniatur quidem soluto matrimonio; sed de eo negotio quod contrarium est manente personæ conditione, propter quam hoc beneficium tribuitur. Itaque si maritus, exempli gratia, quid contraxerit cum uxore matrimonio constante, semper de eo in id quod facere potest, condemnabitur. Sin soluto matrimonio aliquid gerat cum ea, quæ nimirum uxor fuit, in ea causa erit, ut cesset beneficium. *L. divortio, D. de neg. gest.* Non abs re. Nam hic nec conveniatur maritus, nec convenitur de eo, quod maritus contraxit. Plane si † maritus soluto matrimonio aliquid gesserit cum uxore quo veterem contractum solum confirmaret, non ut rem inchoaret novam: beneficium non amittet: ut si soluto matrimonio continuat id, quod ante

Tom. XI.

te contraxerat. *L. 3. D. de const. pec. L. qui id quod, D. de donat.*

Sed quibuscunque in causis hoc † beneficium propositum est, certis tantum conditionibus tribuitur. Et his quidem tribus: una est, si non is, qui convenitur, mentitus de sua conditione fuerit, propter quam hoc beneficium assequeretur. Si filiusfamilias, exempli causa, contracturus cum aliquo mentitus sit se esse patremfamilias, ut eum ad secum contrahendum facilius induceret, in solidum damnabitur. *L. 4. D. quod cum eo.* Egregie illud dictum est, deceptis non decipientibus iura opitulari. *L. 2. §. verba, D. ad Velle.* Altera conditio est, si † non qui convenitur, dolo fecerit, quomovis facere posset. *L. si quis dolo, 51. inf. eod. L. verum, §. hoc quoque, D. pro soc. L. unica, §. cum autem, C. de rei uxo. act.* quippe semper pro possessore dolus est. *L. parem, L. qui dolo, D. de reg. iur.* Tertia est conditio propria sociorum, si socius se socium negaverit, in solidum eum condemnari placet. *L. si unus, 67. in fin. D. pro soc. L. sed hoc ita, 22. §. ult. inf. eod.* Hoc, ut ante dixi, ita de sociis dictum est, ut non debeat ad ceteras personas transferri. Socius enim voluntate sua efficere potest, ne sit socius: certe societatem sociis renunciando eo modo socius suos a se liberat. *L. actione, §. diximus, D. pro soc.* At ceteri, puta maritus, aut miles dicendo se maritum, aut militem non esse, non faciunt, quo minus sint, quod se esse negant.

Iam quid † hoc beneficium continetur, videmus. Et facere, præstare est. Posse † autem quisque dicitur aliter per rerum naturam, aliter usu, et consuetudine sermonis. Natura is potest facere, qui habet in bonis, quod det. Quod enim habet, quisque, re ipsa tradere potest; eo tradendo dominium transferre. *§. per traditionem, Inst. de rer. divis.* Atque ita solvit. Sed usu et consuetudine hominum loquendi, sive ratione civili posse is dicitur, non qui potest, nulla habita ratione honestatis et dignitatis suæ: sed solum qui honeste et salva dignitate potest, *L. nepos, 17. D.*

17) Ita Cuius. 24. Observe. 38 et 2. diff. Modestini ad d. L. 30. nisi contractus post divortium habitus sit appendix, nec societas obligatio principalis contracta in matrimonio. Add. Actum. Feb. ad d. L. 35. P. Feb. ad L. 28. de R. I. pag. 157.

18) Hæc Hartm. tit. 18. Obs. 2. n. 10. Scilicet et qui fraudulenter meo alioquin, convicio excludit, L. ultim. l. 2. in fin. Quæ in fraud. cred. Gomer. in L. Thuri. 70. n. 2. et 2. Nov. 11. n. 50. Bruns. de Cess. hanc Q. 28. quæstionibus 4. Principibus, et citatis, sup. lib. Civil. Comment. 21. Cap. 18. n. 23 Et quod deceptor, qui male more suo

prolegerat, eorum cavere non liberet. Brevet. Stracchi de Mercatorib. Tr. de Doctorib. Part. 2. n. 2. Beurt. ad L. admonendi n. 243. Cethu. fur. resp. 19. Vol. 1.

19) Volgo id. cum qui debitus iudicis indicatur, cedere bonis non posse convictum docet. Vid. Bruns. de Cess. bon. Q. 2. n. 6. Dembader Prazi civil. Cap. 70. n. 5. Quod refellit Harp. ad §. ultim. l. de act. n. 15. quia et indicatur cedere poterit, L. 1. C. Qui bon. ced. quem negare oportet est, et Fachina. 13. Contr. 69. per L. nemo. 43. pr. de R. I.

D. de verb. sig. L. filius D. de cond. inst. In-
de factum est, ut in condemnatione earum
personarum, quæ in id quod facere possunt,
condemnantur, ²⁰ placeat ipsarum rationem
haberi debere, ne egeant, *L. in condemna-
tione, D. de reg. iur. L. inter, 19. infr. eod.*
idest, tantum deducendum esse, quantum con-
demnato sufficiat ad vitam et alimenta, ubi
aliter suis operis se tolerare non potest, *L. cum ex causa, 30. infr. eod. L. si quis a li-
beris, §. Divis, D. de agn. liber.* Hoc vero ex
iure certo et constituto sumptum non est:
alioqui Paulus in *d. L. inter, infr.* non dice-
ret, *puto donatori non totum extorquendum.*
Unde igitur? ex significatione nimirum et usu
verbi, *posse.* Nam qui ita potest, ut nihil
postea reliqui habeat ad victum; huic neces-
se est aut mori, aut turpiter mendicare, aut
malis artibus victum querere, quorum nihil
salva dignitate fieri potest, proinde ne fieri
quidem posse videtur: eoque nec illud, per
quod ad ista pervenitur, nempe solidum quod
habet solvere. *d. L. filius, D. de cond. inst.*

- 13 Quo intellecto recte *†* definiemus omnem fa-
cere posse, qui habet in bonis quod præstet,
sed deducto prius, quantum illi ad victum
sufficiat, ac si quis quid habet deducto eo,
ne negat, certum est eum, id facere posse.
Itaque etiam facere posse quisquis æstiman-
dus est, qui potest ab alio actione consequi.
L. facere, D. sol. mat. idest, quod est in ac-
tionibus et petitionibus. Nam et hoc in bo-
nis cuiusque numeratur. *L. bonorum, D. de
verb. sig.* Sed hactenus non ut cogatur præ-
stare quod agendo potest consequi, sed ut
cedere actionem habeat necesse: ac cedendo
eam liberatur. *L. si maritus, 43. D. sol. mat.*
quippe hanc vere solum habet. Huc facit *L.
quod debetur, in fin. D. de pec.* Illud inter

- 14 omnes *†* non convenit, an in condemnatione
earum personarum, quæ in id, quod facere
possunt, condemnantur, nemo facere posse
æstimandus sit, nisi qui posset deducto eo,
quod satis sit, ne egeat. Fuerunt enim ²¹ qui
putarent, hanc deductionem certis tantum per-
sonis concedi, puta donatori, patrono, paren-
ti, et si quæ sunt similes personæ, quæ ali
ab actore debeant: conjectura ducti ex *L. cum
ex causa 30. infr. eod.* sed præcipue *§. item
de dote, Inst. de action.* quorum locorum in
altero non omnibus generaliter hæc deductio
tribuitur, sed donatori nominatim: deinde

subiiciuntur hæc verba; *quod ipsum maxime
et inter parentes et liberos observandum est.*
In altero traditur maritum, qui in eodem nu-
mero cum superioribus non est, eatenus con-
demnari debere, quatenus facultates eius pa-
tiantur, idest, ut interpretantur, in solidum,
quantum est in debitoris bonis. Quæ senten-
tia optimæ parti interpretum merito displicuit.
Nam qui locus huius rei definitionem ex
professo habet, nempe *L. in condemnatione,
D. de reg. iur.* in eo scriptum est, hanc
deductionem fieri in condemnatione non huius,
vel illius, sed generaliter in condemna-
tione earum personarum, quæ in id, quod
facere possunt, condemnantur. Quem ad lo-
cum eludendum ingeniosa quorundam respon-
sio exauditur, qui dicunt, quod illic gene-
raliter et infinite scriptum est, ad donato-
rem et similes personas esse revocandum,
quippe *L. in condemnatione* sumptum esse
ex *Lib. 6. Pauli ad Plautium,* inde et *L. inter, 19. infr. eod.* Porro constare in *d. L. inter,*
Paulum de donatore tantum, patre,
patronoque scribere, quibus hoc tribuat, ut
eorum ratio habeatur, ne egeant. Quasi ve-
ro quidquam prohibeat, quod de superscrip-
tis personis a Paulo scriptum est, postea
generali definitione ab eo ad cæteras perso-
nas, quæ in id, quod facere possunt, con-
veniuntur, esse translatum: aut quasi neces-
se sit, quia de tribus istis personis scribitur
in *d. L. inter,* ideo omnia, quæ de hoc ge-
nere personarum a Paulo scripta sunt, eo frag-
mento contineri. Quod igitur generaliter de
toto genere earum personarum delictum est
in *d. L. in condemnatione,* id accipimus, id-
que ita faciendum est, nisi si usquam in alia
specie nominatim id mutatum legimus, quod
nusquam reperietur: certe ab istis non proba-
batur. Adde iam superiori definitioni usum et
significationem verbi, *posse,* de qua dixi:
quæ ut maxime nihil a veteribus iuriconsultis
hac de re definitum esset; tamen hanc inter-
pretationem a nobis exprimeret. Sed præci-
pue confirmatur, in omnium persona hoc de-
ductionis genus, exemplo eius, qui bonis ces-
sit. Is convenitur in id solum, quod facere
potest. *L. 4. D. de cess. bon. at quomodo?*
nempe ita, ut non totum illi extorqueatur,
quod habet, sed semper ei quotidiana alimenta
relinquantur. *L. 6. D. de cess. bon.* Si
extraneo, et ei, cui nihil debemus, hoc he-

ne-

²⁰ Nec necessaria solum alimenta, quibus vita sustentari
potest, sed et ratio dignitatis vel conditionis personæ debitoris
in definiendis alimentis habetur; cum laudibus cibis no-
bilitatem quam rusticum vici oportet etc. De quo Adamant.

Dionysius de Divisionib. act. Q. 4. Tiracurt. de Nobil. Cap.
20. n. 143. et seg. Hart. Hartm. tit. 18. Observ. 2. n. 3.
et segg. Coler. Parto 2. Cap. 3. n. 115. et segg.

²¹ Rol. 6. Observ. 17.

neficium damus: quanto magis fratri, socio, marito, uxori idem tribuendum est? Postremo hoc recte dicitur, iis, qui in id, quod facere possunt, pro beneficio conveniri iubetur, aut hoc tribuendum esse, ne solidum ab iis exigatur, aut plane nullum esse hoc beneficium. Quid enim ceteri omnes debitorum, quibus item non tribuitur, pati possunt durius, quam ut solidum iis extorqueatur? An quidquam vero ultra quam possunt, his detrahi potest? Scilicet in carcerem duci possunt, nisi solidum solvant, etsi id facere non possint: hoc non ita est. Non enim ducuntur, si bonis cedant. L. 1. C. qui bon. ced. poss. At saltem bonis cedere coguntur, dixerit aliquis: quod non item facere coguntur ii, qui in id, quod facere possunt conveniuntur. Quid tum postea, si utrisque pariter quod habent extorquetur? An durius videtur bona extorqueri volenti, et bonis cedenti, quam invito, nec cedenti? At hoc ipsum turpe est, bonis cedere. Ergo vero quæ turpitudine sit id facere, quia opprimaris aere alieno, potius quam aliis casibus humanis bona amittere, non animadverto. Scribit Cicero in oratione pro P. Quintio, bonorum distractionem sub actione pati, turpe esse, ubi vox præconis de te non minus, quam de bonis tuis prædicet (quantum hoc miserum et luctuosum magis, quam turpe) illud nusquam legimus, turpe esse bonis cedere: quod etiam pro summo beneficio reis datum est. Quid si etiam ei cui nihil in bonis ad victum relinquis, mitius est, et optabilius in carcerem duci, quam non duci? Nam ei, qui in carcere non sit, si quidem omnia, quæ habet, extorquentur, nihil reliquitur, nisi ut illi fame sit pereundum, ubi scilicet nemo eum alere cogatur; quod aliter evenit ei, quem creditor in carcerem ducendum curaverit: ibi enim a creditore ali debet ex lege xii. tab. quæ iubet victum subministrari ad certum modum ei, quem in vinculis detineas: ut Gellius legem refert Lib. 20. Cap. 1. Vere igitur, ut supra posui, hoc dicitur, nullum esse hoc beneficium in id, quod facere possis, conveniri, si quibus hoc tribuitur, solidum nihilominus, quod habent extorquere liceat.

At beneficium id esse constat, omnibus quibus datum est, humanitatis causa tributum atque ita, ut personæ beneficium sit, non causæ. L. quia tale, D. sol. mat. L. exceptiones, T. D. de excep. Quare id ita accipi necesse est, ut quibus id tribuitur, his non solidum quod habent, extorquendum sit, sed quod ad victum sufficiat, relinquendum. Et quid, quæso, contra ad rem facit, quod in L. cum ex causa, 30. hoc beneficium deductionis nominatim donatori tribuitur, ad iiciturque id ipsum maxime et inter parentes et liberos esse observandum? An non potius hoc, maxime, declarat et adversus ceteros, qui iubentur in id solum quod facere possunt, conveniri, idem observandum esse: sed maxime adversus parentes et liberos? Sed nec illud movere nos debet, quod in §. item, si de dote, Inst. de act. de marito scriptum est, condemnari hunc debere, quatenus facultates eius patiantur. Hoc enim bene vulgo dicunt idem esse, quod facere possumus, et quod facultates nostræ patiuntur, quod ubi melius probetur, quam in eo ipso §. item, si de dote. In quo Iustinianum cum proposuisset maritum eatenus condemnari debere, quatenus facere possit, id ipsum interpretans continenter subiungit, idest, quatenus facultates eius patiuntur. At enim, dicit aliquis, facultates cuiusque intelliguntur ea, quæ habet in bonis etiam non deducto eo, ne egeat. Hic ego probationem requiro: id vero non concedam. Quoniam si facultas a faciendo dicta est, ut sit quasi facilitas ad faciendum quid; id autem solum facere posse existimandi sumus, quod salva vita et dignitate possumus: adeo ut ne cogamur egere, idest, mori, aut mendicare, aut turpe aliquid lucrum sectari: est quod statuamus, nullius facultates pati, nisi quod potest deducto eo, ne egeat.

Nam quod † quisque facere potest, et 15 ipsum æstimandum sit deducto prius aere alieno, quasitum est: idest, an ita æstimandum, ut ante omnia æs alienum debitoris, id est, quod ipse debet alii, in hac æstimatione facienda deducamus. Si hoc deducto aliquid erit in bonis, etiam illud secundo loco deducamus.

23) Immo et si iuris, non tamen facti ignominia cessat, Vid. not. supr. lib. Civil. Comment. 18. Cap. 6. N. 9. Forner. 2. select. 27. Fopp. ab Aezema 1. Disart. 21. sub f. Quo pluribus locis contumeliosus cessionis huius ritus recepti. Sicut in Francia prelatres in iudicio, aperto capite dicitur, sine adiectione zona cedere coguntur, Forner. L. de Damnhuder. Præxi civil. Cap. 20. n. 15. Pluribusque Italia observat in loco publico nudus natus ter ad lapidem vel columnam percussit, elamitando cedo bonis, Malthe. Brun. Tr. de Cess. honor. Q. 6. principali n. 5. Romæ Leonem

marmoreum ascendit, qui est in pede solari Capitoli, natus percussit, eadem verba proferebat, Rod. Suarez. in L. 2. foro legum Lib. 3. de Cess. bon. in pr. n. 15. Brun. d. n. 5. Palarii lapidi turpitudinis, seu vituperii qui dicitur, posteriora denudatus insidet, Ang. Matthæus. Lib. 1. de Pæd. Cap. 26. n. 6. Hilar. Bircemine. de Arte apodolica. Simile in Sabaudia Constitutione Ducis Amadei obinet, Tessaur. Decis. 36. et Statuti Mediolanensis Horat. Carpano. Stat. Mediol. C. 408. Cuiusmodi leges municipales ab abusu deductorum haud temere latas esse cœset quoque Alo. Par. 47.

ducamus, quod satis sit debitori ad alimentum quotidiana. Quod si his detractis, etiam aliquid in bonis supererit, tum id esse deficiamus, quod debitorem facere posse dicimus, et quatenus potest conveniri. Et verbi significatio atque usus hanc ipsam deductionem admittere videtur. Quid est enim id, quod reus facere potest, nisi id, quod Iustinianus interpretatur in *d. §. item si de dote, Inst. de action.* in id, quod reus habet in facultatibus? Proinde in id quod habet in bonis. Nam bona et facultates idem declarant. *L. nam quod in fin. iuncta. l. cogi, D. ad Treb.* Porro bona cuiusque intelliguntur ea, quæ supersunt deducto ære alieno. *L. subsignatum, §. bona, D. de verb. signif. l. mulier, D. de iur. dot.* Quo fit, ut et quod quisque potest facere, id intelligatur esse, quod deducto ære alieno potest. Et dubitandum non puto quia servari id oportuerit, nisi aliud de voluntate legis aperte constaret. Nunc autem nominatim aliter constitutum est eo iure, quod de hoc beneficio cautum est. Placuit enim istos, de quibus agimus, conveniri in id quod facere possunt, nominatim hoc addito, non deducto ære alieno quæ adiectio omnem dubitationem sustulit. Et ideo Paulus in hac *L. sunt, qui*, postquam dixerat, *sunt qui in id quod facere possunt, conveniuntur*, adiecit; *idest, non deducto ære alieno*: quæ exceptio esset stulta, nisi superioribus verbis hæc contineretur, ut æ alienum deduci oporteret. Cur enim de aliqua oratione quid excipias, nisi, quia non exceptum continebatur? Querendum igitur, quid

16 † hac de re constitutum sit iure. Et aliud²³ de donatore placuit, aliud de cæteris, qui in id, quod facere possunt, conveniuntur. De

17 donatore ita † ius est. Est aliquod æs alienum, quod deducere non possit: est quod possit. De quibus donator ex eadem causa aliis obstrictus est, ea deducere non potest. *L. qui ex donatione, D. de don.* Ex eadem causa, ex simili accipimus. Hoc enim est, quod aliis verbis exprimitur in *L. inter, 19. infr.* et inter eos, quibus ex simili causa pecunia debetur, occupantis potior erit causa. Ideo e-

nim occupantis potior causa, quia is totum, quod est, occupat, ac pro cæteris nihil deductur. Similem²⁴ autem causam interpretor, non causam donationis tantum: sed omnem ex qua donator in id tantum quod facere potest, convenitur. Ut puta: est aliquis, qui multis multa promisit donationis causa. Idem uxorem habet, et uxori debet, habet liberos, et debet liberis, habet libertum, et liberti debet. Convenitur ab uno ex iis, quibus donationis causa promisit, et ad rem iudicatam ventum est. Aio hunc non modo non posse deducere æs alienum, quod debet aliis, quibus ex causa donationis obstrictus est: sed nec quod debet supra scriptis personis, a quibus non nisi in id, quod facere potest, convenitur. Est enim omnium creditorum causa in hoc saltem similis, quod omnes pariter solidum exigere non possunt, at de eo nunc agitur. At cur putem donatorem nihil posse deducere eorum nomine, quibus in id solum, quod facere potest, tenetur, non magis, quam eorum, quibus ex donationis causa obstrictus est, adducor his argumentis. Ut possit donator æs alienum deducere, ideo ei concessum est, ne ex sua liberalitate inops fieri periclitetur, ut est in *L. ne ex sua, 50. infr.* Itaque si quando cessabit hoc periculum, consequens est deducere eum nihil posse. *L. quod dictum, D. de pac.* At agentibus postea quibuslibet creditoribus, qui solidum exigere non possunt, non est metiendum donatori, ne egeat: quoniam, quod illi ad alimenta sufficiat, ab istis extorqueri non potest. Nihil igitur causæ est, cur quod his donator debet, deducat invito eo creditore, qui sententiam prius occupavit. Deinde si donator non deducit, quod his debet, qui solidum non extorquent, horum solum detrimentum est, non donatoris, qui nihilominus semper, quod satis sit ad victum obtinebit. Lex autem solum in hac causa donatori consultum voluit, non creditoribus. Quo fit, ut eorum creditorum ratio etiam voluntate legis nequaquam haberi debeat, dum res salva sit donatori, ne periclitetur. Sed hæc de his creditoribus dicta sunt.

²³ Incivile enim est liberaliter et arare agere cum eo, qui vere liberalis fuit, Harp. ad §. 38. *I. de act. n. 9.* Nec malo ei esse benignitas delicti, si occupante agere donatario ipi prius satisfacere tenentur, quam velit creditoribus, cum non sit verus creditor. Causa. 2. diff. *Abdestin. ad L. 29. h. t.* Quin nec in privandis quædam liberalitas debitoris vergere debet. sed de suo quemque largi oportet. Vult. ad §. sunt præterea 36. ipi 32. et seqq. *I. de act. n. 9.*

²⁴ Mihi videtur hæc Donelli opinio. Potius enim satiusque est, ut verba simili causa ad *L. 19.* interpretemur, ex *D. L. 12. de donat. ex eadem causa*, cum et illic oppositio

fat eius, quod creditoribus debetur, et ad quod ex donatione quis obstrictus. Creditores sunt non minus veri, socius, consors, parentes etc. etsi solidum non exigant, *L. 49. in fin. h. t.* At eui liberalis promissio facta, non ita verus creditor est. Quare donatarius nihil consequi debet, nisi illis dimissis, *Pec. 4. Enan. 36. Harp. ad L. 28. de R. I.* Iniquum enim causam lucralivam potiora esse censura, et sola præventioe donatarii captiosa excludi eos, qui de damno solliciti. Durum insuper, reum ex liberalitate conventum compelli, ut illius cupiditatem magis expleat, quam alius coniunctis, ex. gr. fratri, socio etc. Martio, fidem contractus multum prestat.

sunt, quorum similia est causa, et conditio in exigendo: id est, qui similiter, ut donatorius solidum exigere non possunt. Aliud \dagger placuit de iis, qui exigere solidum possunt, quod his debetur. Id vero donator potest deducere. Hoc illud est, quod in *L. qui ex donatione, D. de don.* scribitur his verbis: *sed enim id, quod creditoribus debetur, erit detrahendum.* Nam creditores ibi dici, qui vero et cum effectu creditores sint non tantum iure civili, sed etiam solidum exigendi facultate, sequentia liquido ostendunt. Subiicitur enim deinde: *hac vero de quibus ex eadem causa quis obstructus est, non debet detrachere.* Non dubium quin et illi creditores sint, quibus quis ex eadem causa est obstructus, et tamen quod his debetur, negat Ulpianus deduci. Quid sibi vult igitur, quod prius dixerat, quod creditoribus debetur, detrahendum? Nempe ii creditores ab eo non appellantur, quibus ex eadem causa cum limitatione deducatur: scilicet quia nisi proprie, non cum effectu creditores habendi sint, qui solidum ab invito auferre non possunt. At enim in *L. inter, 49. §. is quoque* et in *L. et exheredatum, 49. infr. eod.* item in *L. maritus, 54. D. sol. matrim.* magno consensu traditur donatorem conveniri, deducto omni aere alieno. Sed quod de creditoribus modo diximus, hoc idem et hic de aere alieno respondendum est: aere alienum nimirum hoc loco proprie dici id, quod solidum possit a donatore exigere, hoc vero ab illo deduci posse: quod in alia causa sit, non posse. Et sane prae est, ut non debeat, eoque non sit in aere alieno, quod dare quis, nisi velit, cogi non possit: *Arg. L. sub hac, D. de oblig. et act.* Et quid aliis argumentis in hac re opus est, si probatur Paulum superioris definitionis de omni aere alieno deducendo auctorem (nam superscripti tres loci, in quibus ea definitio legitur, omnes Paulo adscribuntur) si probatur, inquam, Paulum in ea definitione id ipsum ex alienum intelligere, quod modo dixi, id est, quod plane et cum re exigi a donatore potest? Id vero satis probat contextus *d. L. inter, §. is quoque, infr.* Nam cum prius scriptum esset, donatorem, in quantum facere potest, condemnari, et ipsidem eum solum deducto aere alieno: continenter subiicitur: *et inter eos, quibus ex simili causa pecunia debetur, occupantis potior erit causa,* quod plane nihil aliud declarat, quam donatorem ita posse deducere

re, quod aliis debeat, si modo vere et cum solvendi necessitate debeat: ceterum si quid aliis eiusdem conditionis creditoribus, debeat, a quibus videlicet ultra quam facere possit, conveniri non potest, id vero enim deducere non posse; \dagger alioqui non esset occupantis potior causa. Perspicuum est autem, cur prioribus donator possit detrachere; posterioribus autem quod debetur, non possit. Nam nisi deducit, quod iis debet, qui solidum exigere possunt, non erit illi consultum adversus inopie periculum, quod ei constitutiones amotum voluerunt. Futurum est enim, ut creditores, quibus solidi exactio est, postea agentes etiam quod illi ad victum relictum erat, extorqueant. Hoc periculum imminuitur ab iis, qui supra quam reus facere potest, petere non possunt: cum si postea adversus donatorem agant, cogantur et ipsi relinquere ei, quod satis sit ad vitam tuendam. Haec de donatore. De ceteris, \dagger qui in id, quod facere possunt, conveniuntur, ita in universum recte definitur, omnes nullo deducto alieno aere conveniri. Id quidem satis aperte declaratur in *L. inter, §. is quoque, infr.* cum dicitur, solum donatorem condemnari deducto aere alieno. Quid, quod de patrono diserte scriptum est, damnari hunc nullo deducto alieno aere? *L. et exheredatum, 49. infr. eod.* Si hoc in patrono valet, quanto magis valere debet in ceteris? Itaque non dubito, quin idem in filio emancipato, aut exheredato probandum sit. De exheredato quidem hoc Paulum non obscurare confirmat in *d. L. et exheredatum*, cum ait ei quoque ad similitudinem viri, et patroni detrahendum. Id enim valet, hunc, si velit quid detrachere, ita detrachere posse, ut patronus detrachere, non aliter: id autem est, nullo deducto re alieno. Nam hoc iure nimirum et patronum uti in hac detrachione, prius scripserat. Sed Ulpianus \dagger 20 in emancipato et exheredato videtur dissentire in *L. 3. D. quod cum eo.* Nam si qui sunt, qui postea quam filius sui iuris factus est, cum eo contraxerunt, aut se putare horum rationem habendam: quod significat detrahi posse, quod his debeat. Nam de eo Ulpianus initio quaesierat. In quibus conciliandis non satis attente meo iudicio, vulgo faciunt, qui rationem afferunt, cur liceat emancipato detrachere, quod aliis debeat, adversus eos qui cum eo, cum adhuc

25) Sed facile responso Potestius veniens causa dicitur

in, et vult et hic agere ex donatione, non in et exheredato causae sententia.

huc in potestate esset, contraxerunt, potius quam ceteris, quibus idem beneficium lege datur. Non enim animadvertunt, hac ratione confirmare se emancipatum aliquod æs alienum deducere: quod prius uocabamus: ita antinomiam hoc modo constitunt, non tollunt. Puto recte dici emancipatum aut exheredatum, uno agente ex iis, qui cum eo, cum alienæ potestatis esset, contraxerunt, non posse deducere ne id quidem, quod iis debet, cum quibus post emancipationem aut mortem patris contraxit. Sed nihilo secus istorum, qui postea contraxerunt, ratio habenda erit, ut dicitur in *d. l. 3.* At quomodo habebitur? Eo modo scilicet, quo significat Ulpian. *ibidem*: nempe ut habereetur ratio privilegiariorum: non deducente nimirum ipso emancipato, quicum agitur: sed ita, si ipsi creditores intro veniant, et postulent se aliis creditoribus præferri: hic enim haberetur privilegiariorum ratio, de quibus illic Ulpianus prius scripserat. Ideo autem his venientibus, ipsorum ante ceteros ratio habetur, quia eius, qui cum filiofamilias contraxit, nullum damnum est, si ab eo sui iuris facto non consequatur, quod sibi debetur: propterea quod item creditor et cum aliis, quam cum emancipato, eo nomine agere possit: nempe de peculio intra annum cum iis, ad quos peculium pervenit. *L. 1. D. quan. ac. de pec. an. sit.* Quid ergo, si nullum peculium sit apud patrem aut heredes eius? Fortasse non male dicitur, hactenus posteriorum habendam esse rationem, ut is, qui prius contraxit, et ad sententiam prius pervenit, alioqui afficiatur incommodo. De quo tamen certi et constituti iuris nihil habeo. Hanc quidem sententiam æquitas suggerere videtur, etsi iure stricto deficiamus. Licet enim nobis in hac re usurpare idem, quod in re non dissimili Ulpianus idem scripsisse legitur in *L. 2. §. quanquam, D. de ag. et ag. plu. ar.* Ex his, quæ supra diximus intelligi potest, quid sit, quod in *L. inter, infr. eod.* Paulus ait, inter eos, quibus ex eadem causa debetur, occupantis maiorem esse conditionem, nec deduci, quod eiusdem conditionis hominibus debetur. Sed de eo illic amplius dicendum est.

- 21 Quæsitum est, quibus ꝑ ex bonis deducere possit reus, quod ad victum sufficiat, ex suis ne, an ex alienis, quod maxime propter maritum quæsitum est, a quo res dotales repetuntur, quarum restituendarum habet facultatem. Sunt enim, qui putent, etsi ille eas habeat, si tamen nihil præterea habeat in bonis, deducturum eum ex iis rebus, quod ad

alimenta quotidiana sufficiat: quia et in *L. maritum, D. sol. matr.* et in *L. unica, §. cum autem, C. de rei ux. act.* scriptum sit, quibuscumque de rebus conveniatur maritus, in id quod facere potest, condemnari eum debere. Ego autem ita statuo, unumquemque quod illi ad victum deducere permittitur, ex suis bonis deducere posse; ex alienis autem non posse. Nam cur alatur ex alieno, domino invito? Nulli mortalium ius suum detrahi debet. *L. 2. D. de iis, qui sunt sui, vel ali. iur.* Relinqui potest unicuique, quod eius sit, etsi forte alteri tantundem debeat. Alteri autem adimi, quod reo tribuas (utar hic Ciceronis verbis ex *Lib. 1. de offic.*) tantum abest ab officio, ut nihil magis officio possit esse contrarium. Huius autem rei in specie proposita argumentum est, quod si a donatore res donata vindicetur: hanc ille si apud se habeat, omni modo restituere cogatur. *L. Nesennius, 41. §. 1. inf. eod.* Cur ergo hinc non deducit, ne egeat? quia res aliena est nimirum, non donatoris: neque vero eum ex alieno ali decet. Ergo et ꝑ maritus si de rebus dotalibus conveniatur, easque habeat, de his in solidum condemnandus est. Etenim si aliis in rebus suis habet unde vivat, solidum facere potest, eoque citra controversiam est in solidum condemnandus: si non habet, intelligere debet res alienas a se peti; de quibus ut alatur, postulare non debet. Sunt enim res dotales natura mulieris, etsi constanter matrimonio existimentur in bonis mariti fuisse. *L. quamvis, D. de iur. dot. L. in rebus, C. eod.* Non ꝑ me movet, quod sine exceptione dicitur, maritum condemnari in id, quod facere potest, quacunque de re conveniatur. Nam primum dici potest, in constitutione Iustiniani, scriptum id esse de actione, qua agitur de iis rebus, quæ pondere, numero, mensurave constant, ut verba videntur significare: atque has statim mariti fieri constat, quæ ita dantur, ut quandoque soluto matrimonio eiusdem generis et qualitatis alias restituant. *L. res in dotem, D. de iur. dot.* Deinde etsi omnibus de rebus id dictum esse fateamur: tamen non ideo efficitur, maritum ex ipsis rebus dotalibus ali debere. Condemnari debet, in id quod facere potest, idest, deducto eo, ne egeat, sed hoc queritur, id quod ad eam rem deducere postulat, unde sumere et deducere debeat? nos dicimus ex suis facultatibus deducere eum debere, non ex alienis, quod est æquissimum: neque Iustiniani constitutio refragatur.

Habes, quid sit facere posse, et quibus re-

rebus deductis, et unde deductis, sit assumendum. Nunc considerandum est, quam vim habeat id, quod dicimus nonnullis hactenus conveniri. Hoc enim verbo Ulpianus utitur in hac *L. sunt qui*, et in *L. qui ex donatione, D. de donat.* item Paulus in *L.*

24 *Nesennius, in princ. inf. eod.* Conveniri ↑ aliquid in id, quod facere potest, duo connotat. Unum, ut si supra scriptis rebus deductis aut nihil potest reus, aut minus potest, is in id, quod non potest, non queat conveniri. Quae res facit, ut si in solidum conventus ab initio, hac exceptione usus sit, ut diceret se solidum facere non posse, eatenus solum, quatenus potest, condemnari debeat. Quod usque eo probatum est, ut si vel omnia hac defensione, vel opposita quidem, sed a iudice contempta, reus in solidum sit condemnatus, placeat nihilominus eum, cum iudicati conveniatur, doli exceptione uti posse, eaque tantum fore, qua de re pluribus dicam ad *L. Nesennius, §. ultim. inf.*

25 *cod.* Alterum ↑ iisdem verbis perspicue demonstratur, si quid supra scriptis deductis rebus, reus facere possit, etiam si solidum, in solidum quoque cum conveniri possit. *d. §. item, si de dote, Inst. de act.* Quod adeo verum est, ²⁶ ut possit non semel eo omnino conveniri: sed saepius; denique eo usque donec reus creditori satisfecerit. Utpote, maritus conventus ideo absolutus est, quia in praesentia facere non poterat. Auctis postea eius facultatibus ita, ut possit facere, de reliquo recte cum eo agitur. *L. unica, §. cum autem, C. de rei uxoriae actione.* Cui congruit, quod de actione de peculio scriptum est; in *L. quasitum, §. is qui semel, D. de pecu.* Ex quo ↑ apparet ↑ dilatoriam esse hanc exceptionem, et temporalem, non peremptoriam et perpetuam: postquam actionem non perimit, sed differt tantum in id tempus, quo reus facultatibus auctus fuerit.

Et est quidem in utroque horum minus dubii, quid sequatur iudex, vel ut in solidum eodemque, et a condemnato solidum extorqueat, vel ne condemnent, vel ne solidum extorqueant, si in eodem iudicio omnibus temporibus iudicii constanter reus ant

Tom. XI.

pariter solidum facere possit, aut pariter non possit. Sed fieri potest, ut in eodem iudicio pro tempore varie mutantur facultates eius, et nunc solvendo sit, qui ante non fuerat, aut qui fuit initio, is postea solvendo esse desinat. Quod si eveoat, res incidit in difficultatem, dum quaeritur, quodnam hic tempus iudicem sequi oporteat, vel ad condemnandum reum, vel ad summam condemnationis comprehensam exigendam: utrumne id omne, quo reus solvendo non est, vel ante non fuit; an praeseos, sive reus eo tempore solvendo sit, sive non sit. Et ↑ ius hic ²⁷ constitutum est, quatenus reus facere possit, tempus rei iudicatae spectandum esse. *L. rei iudicator, 15. D. sol. matrimon. L. verum, §. tempus, D. pro soc.* Unde intelligitur, si tempore rei iudicatae solidum facere possit reus, ipsum eo solidum esse condemnandum, quamvis quo tempore iudicium acceptum est, non fuerit solvendo. Sed etsi recte in solidum sit condemnatus, quia tum solidum facere poterat, deinceps in re et iudicati actione in solidum conveniri posse, quamvis inter moras solvendo esse desierit. Nisi quis hic dicat non esse imputandum reo, si intra tempus iudicatis constitutum, non solverit, et interim facultates amiserit: ideo et illi in iudicati executione consulendum esse, ne egeat, sed hoc licetlibet referre ex adverso, quod in re non dissimili Papinianus respondit in *L. 3. prim. resp. D. de usur.* eam temporis intercapedinem iudicio dilatoem dare, non lucrum afferre debere. Qui sententia victus est, posse huic intra legitimum tempus non solvere; sed si non solverit, oon ideo ulla ex parte iudicati obligatione liberari posse. Ex contrario si tempore rei iudicandae reus solvendo non est, eatenus solum damnandus est, quatenus tum potest facere, etiam si tempore litis contestatae solidum facere poterit: quod nisi sit, sententia iudicis beneficium lege tributum condemnato non auferet, ut iam dixi, et amplius dicendum est, ad *d. L. Nesennius, §. ultim. infr.* Quid si reus in id quod tempore rei iudicatae facere poterat, condemnatus sit, quo tempore solidum non poterat; postea auctus facultatibus incipiat so-

48

li-

²⁵ Quomodo et cessio bonorum obligatione non liberat, *L. 1. C. qui bon. ced.* Udo continetur ab his permissis exigente docet, quae recipiat se solvitur, si ad pinguiorem sortiam perveniat, per *C. Odoardus, 3. de sol. liti. d. Obs. 2. n. 2. Harp. ad §. ult. I. de act. n. 3. P. Fab. ad L. 18. de R. l. pag. 165. in fin. V. Boring. de fideius. Cap. 5. n. 13. et seqq. Similiter si post certum litem amittit, quod si non dicit adferendi, *Id. Buff. Privileg. schol. 119. Brest. Lac. Privileg. schol. 31.* Ceterum si quis et de lite, dum in are suo habet, in corpore luit, et luitis*

potest fortasse effectus, non tenetur ad pecuniam, loco cuius pemon notant, *Cass. Rebus de Priv. paupertatis speciali 8. in indicis n. 12. et seqq.*

²⁷ Vol. *supr. Lib. Civ. Comment. 22. C. 6. n. 5. ibi. que N. 20.*

²⁸ *Uus. Alb. Grot. 4. Lect. et Epit. 1. docens, spectat tempus rei iudicatae, iudicet ex quoque. Ut si tempore sententiae lata non fuit privilegium, postea facti, iudicis actio in solidum non tenet.*

lidum facere posse, quo tempore cum eo agitur iudicati? Consequens est superioribus illud ex ea condemnatione non nisi in id quod tum facere potuit, conveniri posse, sive quod dicamus spectandum esse tempus rei iudicatæ: sive quod non possit iudicati actione peti, quod sententia iudicis non sit comprehensum. Sed iudicati, inquam, actione petitor solidum exigere non poterit ab eo, qui in solidum non est condemnatus. Cæterum nova interpellatione et novo iudicio id persequi, quod deest, non prohibetur, ut supra diximus, quod non mutatur in *L. nec maritus, C. sol. mat.* cum ita scribitur, *nec maritum postea idoneum factum, qui non reddiderat reliquum residui probabiliter solutionem recusare.* Enimvero cur † hic tempus condemnationis spectandum esse placet potius, quam

29 litis contestatæ: præsertim cum † in actione negotiorum gestorum, quæ adversus pupillum instituitur, de eo, in quo ille locupletior est factus, item in rebus uxori donatis condicendis, quatenus illa locupletior ex ea donatione facta est, placeat contra, litis contestatæ tempus non rei iudicatæ spectari debere, cum quæritur, utrum hæc, aut ille locupletiores facti sint? *L. litis, D. de neg. gest. l. 5. §. ult. et duabus l. l. seqq. D. de don. int. vir. et uxo.* Nempe, 29 quia

30 † multum interest (et eadem distinctione usum video Bartolum, licet aliis verbis ad *L. si a domino, §. pen. D. de her. petit.*) utrum lege actio constituatur in aliquem hac conditione, si quid habet, si qua in re locupletior est; an actione iure in solidum constituta, sic ea temperetur, ut placeat eum, cum quo agitur, quatenus habet, esse condemnandum. Prius cum statuitur, verba le-

gis faciunt, ut an conditio exstiterit necne, initio litis quærendum sit, quia nisi tum exstiterit, nulla sit ex lege actio. Atque ista conditione constituitur actio negotiorum gestorum in pupillum, et conditio in uxorem rerum illi a marito donatarum. Merito igitur et eo tempore, cum agitur, idest, tempore litis contestatæ de conditione actionis quærendum est. At posterius cum sit, perspicue verba legis ad tempus condemnationis referuntur, ut proinde et eo tempore quid reus habeat, in quod condemnatur, ex verbis legis sit spectandum. Porro sic conditio est earum personarum, de quibus nunc agimus, non ut dicantur constitutionibus teneri aut conveniri debere, quatenus habent et facere possunt; sed eatenus debere condemnari. *L. maritum, D. sol. mat. l. non tantum, 20. et l. l. seqq. L. Neseunius, 1. res. in fin. et l. exheredatum 49. inf. eod. L. nec maritus, C. sol. mat. §. item si de dote, Inst. de act.* Quo fit, ut verbis ipsis constitutionum non alio tempore quærendum sit, quo tempore facere possunt, quam rei iudicatæ, ut tanti scilicet condemnentur: quod constitutiones faciendum esse volunt. Cur igitur iuris consulti hic etiam verbo conveniendi utuntur, et istas personas in id solum, quod facere possunt, conveniri dicunt? Ut hac *L. sunt qui. L. Neseunius, in princ. infr. d. l. qui ex donatione, D. de donat.* Quia couveniri cum effectu intelligunt: ut sit sensus, non posse istas personas ita conveniri, ut ex conventionem damnentur ultra, quam possunt facere. Atque hæc de toto genere superioris beneficii, quod locus postulare videbatur, dicta sunt; ad reliquam interpretationem iam pergemus.

Ad L.

29) Convenit distinctio vulgaris: litis contestatæ tempus spectari, quando locupletem esse, est causa danda actionis.

Secus quando moderanda: executionis, Costal. in d. l. 37. de neg. gest. Ortolph. Foman. *Dip. Inst.* 31. t. h. q. lit. A.



Ad L. Sunt qui. 16.

Idem Libro LXIII. ad Edictum.

SUMMARIA.

1. *Sensus huius versic.* Socius omnium bonorum etc. ex L. verum 63. in princ. D. pro socio est supplendus.

2. *Quæ in pandectis continentur etsi ex diversis iurisconsultorum locis derivata pro una eademque magna Iustiniani lege esse accipiendæ.*

1. **S**Ocius autem † omnium bonorum accipiendus est). Qui dicit socium omnium bonorum accipiendum esse, si nihil aliud adiciat, significat, socio unius rei idem tribuendum non esse. At qui hoc adiecit, verum esse, quod Sabino videtur, etiam si non universorum bonorum socii sint, sed unius rei, attamen in id quod facere possint, condemnari oportere: is omnem controversiam dirimit, facitque, ut intelligamus, omnibus sociis idem pariter esse tribuendum. Nunc autem hoc postremum ex eodem Ulpiano adiectum est; alio quidem loco, sed tamen adiectum est in L. verum, in princ. D. pro soc. qua-

propter et sequendum est. Nec ad rem pertinet, quod † hæc diversis locis in Pandectis scripta sint separatim, atque adeo non eodem loco Ulpiani, sed ex diversis eius libris ad edictum transscripta. Bene enim Franc. Duarenus monet ad L. ex diverso in princ. D. sol. matr. omnia quæ in Pandectis scripta sunt, pro una magna lege Iustiniani accipienda esse: ac propterea effici, ut quæ de eadem re quamvis diversis locis scripta sunt, perinde habenda sint, quasi eodem loco scripta essent. Merito: nam res eadem, nihilominus semper eadem manent, etsi locis disiungantur.

1) Et ad L. 16. h. t. et idem ad t. D. pro soc. Cap. 5. sub. ff. introductum in socio omnium bonorum d. L. 16. latius productum esse ad socios unius rei. Ac: Busius ad L. 63. pro soc. capot illud Ulp. brevis d. L. 16. et latiori alio d. L. 63. interpretationem expere. Melius Coras. ad §. sed etsi 38. I. de act. n. 2. Vull. ad §. 36. et seqq. eod. n. 15. Alb. Gentil. 4. Lect. 1. et Pac. 4. Enant. Q. 100. distinguunt: quod socios omnium bonorum indistincte et in omnibus hoc beneficio fruatur d. L. 16. Unius rei certa autem quoties ex causa negotio vel nomine societatis illius agitur dict. L. 63. pr. cum limitata causæ effectus quoque talis esse solet. Strictius adhuc Perrenon. 2. Animadv. 12. societatem unius rei in d. L. 63. pr. spectari, quatenus illa inita, ut quique partem pro lodeis possideat, et uterque partem, in qua societas est in solidum habeat. Sic arguit ex

verbis: *Ius fraternitatis* etc. Fratres enim unius loco tunc quando consortes, L. 31. de excus. tut. Nimis vero licenter Marq. Freher. 1. Parerg. 5. pro autem d. L. 6. reposit. etiam non. Licentiosius Eib. Leon. 6. Emend. 14. totam clausulam: *Socium autem* etc. reicit, quæ ex glossale Imperii interpretis fluxerit, cum orationem dorum ac iocivam reddat, interrompens coniunctionem supriorum, sententiam a sententia distinguit. Male: Solovius. eum Iuriconsultis huiusmodi dicendi rationes: exempl. grat. referendum est estimationem, sequendum est sententiam etc. Locos congesterit P. Pi. the. not. ad tit. 14. coll. LL. Misic. Val. Guil. Forst. 1. Observ. subciiv. 1. ut et ex aliis auctoribus Socl. analect. ling. Lat. p. 427. De hoc beneficio socii fuit et plenius Gutier. de Iuram. confirm. Part. 3. Cap. 13. Adh. Conna. 7. Com. 13. n. 18. et seq.

Ad L. Item miles. 18.

Idem Libro LXVI. ad Edictum.

Item miles qui sub armata militia stipendia meruit, condemnatus, eatenus quatenus facere potest, cogitur solvere.

SUMMARIA.

1. *Beneficium competentie quod vocant, nullo modo patronis et advocatis causarum convenire ostenditur.*

2. I. Ex verbis L. miles 18. eod.
3. II. Ex eiusdem legis sententia.

1. **Q**ui sub armata militia stipendia meruit). Hæc verba † addita sunt ad d. Tom. XI.

scrimen eorum militum, † qui sub togata militia aut nunc merent stipendia, aut ante

1) Ita Duar. ad L. 6. h. t. Harpr. ad §. 38. Inst. de act. n. 10. et Goth. ad d. L. 6. quia qualitas adiecta disposi-

tioem restringit. Contra plerique ad Doctores et Advocatos illud militum ius producent, Vid. Roderic. Suarez. in L. 2.

te meruerunt. Nam et hoc statuitur militum genus, id quo sunt patroni, et advocati. *L. advocati, C. de adv. div. iud.* Ergo tantum abest, ut ex hac definitione colligere debeamus idem tribuendum esse patronis, et advocatis, et quicumque armata militia non meruerunt: ut contra
 2 perspicuum sit, † addita esse hæc verba, quo ceteri omnes milites excluderentur. Quid enim? an non esset stultissimum id beneficium uni speciei militum nominatim tribuere, quod iure ad omnes ex æquo pertineret. Præsertim cum nihil negotii fuerit, atque adeo cum fuerit, multo expeditius rem ita concipere generaliter: qui Reipubl. militat, ut in id, quod facere potest, condemnatur: si quidem id esset omnium militum commune? Nisi hic igitur hanc circumscriptiorem non stulte nec inepte additam esse volumus, necesse est ideo additam intelligi, quia lex his solis militibus quos demonstrat, hoc beneficium tributum voluit, ceteros qui in ea causa non essent, excludi. Sed dicant, † qui contra sentiunt, etsi verbis his deficiamus; tamen quod armata militia militibus tributum est, id ex sententia legis ad ceteros milites, quia par eorum causa sit, et ratio legis eadem, transferendum esse. *L. non possunt, et L. seq. D. de Legib. l. illud, D. ad L. Aquil.* Id vero in hac specie defendi non potest. Nam neque patronorum, et advocatorum eadem causa est, quæ militum; neque si esset, ratio iuria patitur, ut quod de militibus hic constitutum est, id etiam ad patronos et advocatos transferatur. Non esse eandem causam patronorum et militum, qui armis militavit, nihil negotii est ostendere. Etsi enim præclara est patronorum opera in Reipubl. nec minus ne-

cessaria, quam militum; tamen milites > in Reipubl. plus conferunt, profundunt enim sanguinem et vitam pro Reipubl. Advocati autem et patroni procul ab omni vite discrimine securi rerum causas agunt. In disparibus laboribus disparia esse præmia æquum est. Sed quod præcipue ad rem pertinet, milites armorum opera occupati non possunt rem non deminuere: certe facile augere non possunt. Necesse est enim eos abicere omnem curam et cognitionem rei familiaris, et quamvis soluti iam sunt militæ laboribus: tamen non didicerunt eas artes, quibus rem parare possunt, aut partem facile tneri. Quo æquius est illis consuli egentibus: cum in eam egestatem ob id, quod Reipubl. operam navarent, aut prius navassent, inciderint. Advocati contra causas agendo non modo rem non minuunt, sed præcipue præter ceteros mortales angent: iidem enim ius civile didicerunt, eam artem tenent, quæ ut aliis, ita et sibi ad rem suam bene gerendam et tuendam cavere possint. Quæ si non faciunt, vel ea re accidunt, quia nullæ causæ ad eos defuerunt, nullæ ab iis aguntur, eoque Reipubl. non dant operam: vel quia rem negligunt, eamque sua sponte dilabi sinunt: quorum in utroque auxilium non merentur. Demus tamen istorum parem esse causam, et militum: ne sic quidem efficietur, quod hic militibus tributum est, id eodem exemplo ad advocatos pertinere. Nam ut condemnentur milites in id quod facere possunt, ius in eo est singulare constitutum, et ut apparet, contra iuriam rationem: quando hoc beneficium efficitur, ne liceat debitori totum, quod sibi debetur, exigere. Quod ius tale est, id vetatur produci ad consequentias. *L. quod vero, et duab. LL. seqq. D. de Legib.*

Ad L.

foro legum Lib. 3. tit. de Cess. bon. §. Quinto quaritur, n. 13. Math. Brun. de Cess. bon. Q. 10. quaritur, §. principal. Har. Brun. t. 18. Observe, n. 21. Ribaut. Privileg. scholar. 112. (Item in studiis viatorum) Coler. de Proc. exco. P. 2. Cap. 3. n. 114. et P. 1. Cap. 6. n. 129. Halbeiter. Orat. de Priv. Doctor. et alii. Quæ sententia huiusmodi est, vel ideo ab eruditio propaganda, ut ipsi sui arbitrio in viam in qua rei familiaris, sapia forma magis quam sua vita, constituta, epe sua deficiat, rigidaque disciplina servandum ducendum exponat. Neque enim ratio Donelli perperam est, quod si id ex parte promittit, eorum deinde lode arguitur, et quod Reipubl. operam debitam non impedit. Exempla contraria, quod dolorem tunc et indignationem, amia utis supponit viderem de Reipubl. ad civitas suis militibus, qui rei iura membra, vel sacrum integritatem experti ad incitat lege neque refecti sunt. Confer. not. super. lib. Commentar. Civil. 3. Cap. 16. N. 2. Neque ita utitur, vultu armata diet. L. 6. d. L. 18. Opponitur enim milita non togate sed armati aut incedunt, quales alii milita ex caso, Vid. not. super. lib. Civil. Comment. 10. Cap. 4. N. 4. Hæc eorum qui expulsi anteponitur, et alios vitem degenat, de quibus Iean. Bapt. Cæsar. de Debitore suspecto et

fugitivo Q. 5. n. 14. Math. Brun. de Cess. bon. Q. 11. quaritur, §. principalis, n. 3. et n. 4. et 10. Ceterum enim, qui ad militum idem beneficium excedit, Vid. Coler. dist. Proton. exco. Part. 1. Cap. 6. n. 139. matier enim Comibus, Barnibus et Bantrio nobilitati viti, Coler. Part. 3. Cap. 3. n. 114. ubi tenet, n. 123. et arg. bon. non sui servati, sed exco. tunc in sedum fieri, ubi si quid huiusmodi ordines de iure non remittit, testatur. Et nobis hoc privilegium argui, ubi a carcere immuni sit, Galiere. de Iuram. confirmat. Part. 1. Cap. 16. n. 36. Civitas quippe idem indulget cum milita civitas stipendiis mercedibus ex reopini opinionis. Vide. Barboza ad L. a'ia. 14. ipai 15. §. eleganter 1. D. Sol. matr. n. 18. Marten. d. Observe. 3. n. 17. Vin. Lib. 4. Decis. 509. n. 12. Anton. Feb. C. suo de Exco. defici. 41. Ben. contra Deura. ad d. L. 6.

2. Equos miles armati togati, sique ita Decem præferunt? Non utique, cum ipsorum fortitudine et civit bellicis prestante superius. Regis ut indicium Ecclesiast. 9. v. 16. et 18. Vid. Lancel. Conrad. Thomp. com. iud. Lib. 1. Cap. 1. §. 2. q. 2. Chavann. Catal. gloriæ mundi Part. 9. Consider. 1. Confer. Eliu. Remser. Lib. 1. Art. stratagemat. Cap. 1.

Ad L. Inter eos. 19.

Paulus lib. vi. ad Plautium.

Inter eos, quibus eadem ex causa debetur, occupantis melior conditio est, nec deducitur, quod eiusdem conditionis hominibus debetur: sicut fit in actione de peculio; nam et hic occupantis melior causa est. Sed etsi cum patre, patronove agatur, non est deducendum æs alienum: maxime quod eiusdem conditionis personis debebitur, ut liberis libertisque. Is quoque, qui ex causa donationis convenitur, in quantum facere potest, condemnatur, et quidem is solus deducto ære alieno. Et inter eos, quibus ex simili causa pecunia debetur: occupantis potior erit causa. Imo nec totum quod habet, extorquendum ei puto, sed et ipsius ratio habenda est, ne egeat.

S U M M A R I A.

1. Verba hæc ex eadem causa in L. inter 19. idem valere ac quæ ibid. consequuntur, ex simili causa.

2. Huius L. princip. et ex §. 1. versic. Et inter exponantur.

3. Obiter indicatur vera L. sed an, D. quod cum eo, sententia.

1. **A**IT Paulus: Inter eos, quibus † ex eadem causa debetur, occupantis melior conditio est, nec deducitur quod eiusdem conditionis hominibus debetur. Quibus ex eadem causa debetur, accipere debemus, quibus ex simili causa debetur, ut hic eadem causa idem valeat, quod par et similis causa, quæ ratione iuris eadem sit, non facti specie, quod se intelligere Paulus declarat, paulo post, eum eandem sententiam inculcans, his verbis utitur, et inter eos quibus ex simili causa pecunia debetur, occupantis potior erit causa. Atque id ipsam ita accipiendum esse supra pluribus docui, eum de ære alieno deducendo agerem ad L. sunt qui. Huius generis esse recte dixeris omnes creditores, qui in conveniendo debitore tantundem

2. iuris habent, neque amplius. Occupare † hic dicitur, qui sententiam, et exitum iudicii prior occupat: id est, qui prior ad sententiam pervenit. Id enim in actione de peculio sic accipitur, ut declaratur in L. si vero, 10. D. de pec. Cui actioni hoc iudicium, in quo quis damnatur in id quod facere potest, Paulus hoc loco comparat. Est ergo hæc sententia; uno ex pluribus creditoribus agente, si is ad sententiam prius pervenerit, eius melior causa est, quam eorum, quorum in debitore con-

veniendo eadem conditio est, id est, quam eorum qui pariter solidum exigere non poterunt, si cum eodem debitore agant: melior ideo, quia, ut ipse velat interpretando subicit, non deducitur ei in bonis debitoris, quod ceteris eiusdem conditionis hominibus debetur: quo fit, ut id non deductum, dum invenitur in debitoris bonis, solus ante ceteros creditores, velut præcipuum auferat. In quo nihil intererit, quæ ex causa ceteris creditoribus debeatur, dummodo ii sunt, qui solidum exigere non possint. Itaque etsi is prius egerit, et sententiam occupavit, cui ex donationis causa debetur: tamen is solidum, quod debitor facere potest, auferet, non deducto eo, quod reus debet aliis: non dico si quibus obstrictus sit ex eadem causa, id est, donationis; sed si debeat ex alia causa, similiter tamen, id est, ea, ex qua solidum exigere non potest: non deducetur, puta, ne id quidem, quod patrono, quod parenti, quod socio debeatur. Cuius rei rationem exposui et tum, cum de ære alieno deducendo supra disserterem. Sed cur dictum est, non deduci, quod aliis eiusdem conditionis hominibus debetur? an quod si alterius conditionis creditores sint, id est, ii, qui solidum exigere possint, continuo quod his debetur, semper dedu-

1. Aliter 1. Fœrer Select. 18. occupantem interpretans, qui in executione reliquit, quibus ex eadem causa debetur, vicini, et postea sententiam obtineant. Licet alius occupare modo dicitur, qui prior sententia vincit, d. L. 10. de pecul.

L. 14. de con. act. modo qui in ius vocat. L. 7. de iudic. modo qui litum contestatus, L. 9. de F. O. L. 32. de Præcar. L. 33. de legat. 1.

ducatur? Minime: sed ex iis, quæ eodem illo loco disseruimus, intelligetur, id eo dictum esse, quia quod his debetur, qui solidum exigere possunt, etsi ut plurimum non deducitur: non magis, quam si eiusdem conditionis creditores essent; interdum tamen deduci potest: hanc æris alieni deductionem concedi ei, qui ex donatione sua conveniatur, non aliis. Nisi quod si cæterorum, qui in id quod

facere possunt, damnati sunt, alii creditores existant privilegiarii: placet eorum rationem prius haberi, si id ipsi postulant. Eodem loco † habendos esse eos creditores emancipati, exheredative, qui cum eo iam sui iuris facto contraxerunt, si cum iis conferantur, qui cum eo ipso, cum is adhuc in potestate esset, contraxerunt. Atque hanc sententiam esse. *L. 3. D. quod cum eo.*

Ad L. Non tantum. 20.

Modestinus lib. II. Differentiarum.

Non tantum dotis nomine maritus in quantum facere possit, condemnatur, sed ex aliis quoque contractibus ab uxore iudicio conventus, in quantum facere potest condemnandus est ex divi Pii constitutione, quod et in persona mulieris æqua lance servari, æquitatis ratio suggerit.

S U M M A R I A.

1. Interpretatio versic. quod et in persona, *ad fin. L. non tantum 20. D. cod.*
2. Duplex ratio, cur beneficium competentie tribuatur marito, et quæ utraque.

3. Harum alteram uxori conveniri, eo ipsi tale beneficium tribui.

1. **Q**uod et in persona mulieris æqua lance servari æquitatis ratio suggeret. † Nulla æquitatis ratio suadet, idem servandum esse in uxore, quod in marito, nisi eadem sit ratio in uxore. *L. illud, D. ad L. Aquil.* Atqui hoc beneficium tribui dicitur marito ob reverentiam illi ab uxore debitam. *L. unica, §. cum autem, C. de rei ux. act. L. alia, in fin. D. sol. matr.* nullam autem reverentiam maritus uxori debet. Quæ igitur æquitatis ratio idem in uxore servari suggerit? Nimirum 2 † duplex ratio est, cur beneficium hoc tribuatur marito. Una quidem illa citra contro-

versiam mariti propria, quod uxor ei reverentiam debeat, sed et item altera illi cum aliis multis communis, quod coniuges inter se socii sint. Matrimonium enim societas est, et quidem arcuissima. *L. 1. D. de rit. nupt. L. 1. D. rer. amot.* Prior sane ratio in uxore locum non habet: sed † habet posterior, quæ 3 sola per se satis est, ut hoc illi beneficium itidem, ut marito tribui debeat: cum sciamus id sine exceptione omnibus sociis tributum esse. *L. sunt qui, sup. cod.* Et quidem in *L. ex diverso, in fin. D. sol. matr.* hæc ratio redditur.

Ad L.

2. Recte. Tanetii Cuius. 24. Observ. 38. et 2. diff. Modestini ad d. L. 20. pro Triboniani adiectione habet verba extrema d. L. 20. quæ et a Basilicis absumt. Contendens rationes iuris, quæ in marito hoc induit, et et alia quod dotis causa in solidum non tenetur, creare in uxore. Nam et id controversum fuit, utrum mulier ex promissione dotis conveniri idem habeat beneficium, quod maritus, et quæ dote caperetur. Quod etiam affirmat d. L. 17. §. 1. quod socii sit omnis vita, ad causam tamen, quæ ex illa societate descendit, tempore promissæ dotis, rationem eam periculis, ex aliis

vero causis quæ eam ex ea societate dependunt, non condemnari super facultates uxorem nunquam profectum esse, nisi in d. L. 20. locum suspensionis. Ita Cuius. Quæ differre eam similis apertum. Quæ enim mixta conveniens, quam ex societate omnis vita ad causam solam dotis inferre, immo quid peragatur? Nonne actiones, quæ inter coniuges continentur, ratio sit sufficientis, utique generalis? Ac etiam decepto matrimonio igitur, si statim eo contractum sit, quod inhumanum quam contractum ante hunc et thalami sociis actiones ad mendacitatem redigere.

Ad L. Sicut. 21.

Paulus lib. vi. ad Plautium.

Sicut autem cum marito agitur, ita et cum socero, ut non ultra facultates damnetur.

An si cum socero ex promissione dotis agatur, in id, quod facere potest, damnandus sit, quod et id æquum esse videtur, sed alio iure utimur, ut et Neratius scribit.

Ad L. Sed hoc. 22.

Pomponius lib. xxi. ad Q. Mutium.

Sed hoc ita accipiendum est, si a socero dos ex promissione petatur soluto matrimonio. Verum si matrimonio manente dos ab eo petatur: succurrendum utique est, ut ne maioris summe condemnator, quam quantum facere possit.

Quod autem de sociis dictum est, ut et hi in quantum facere possint, condemnentur: causa cognita se facturum prætor edicit. Causæ autem cognitio in hoc erit, ut neganti se socium esse, aut ex doli clausula obligato non succurratur.

S U M M A R I A.

1. Facilis Antoninis conciliatio, qua specietenus in L. sicut, 21. et L. Sed hoc, 22. eod. occurrat.

2. Socero mariti æquale per omnia, ac Uxoris so-

cero beneficium tribui, ut ambobus pariter succurratur, nisi socero mariti dolus obstet.

3. Quare cum dicitur hic mariti socer in id quod facere potest condemnandus, additur, Si dos ab eo ex promissione petatur.

DE antioomia † quæ in hunc locum in speciem incurrit, sic † habendum est. L. ex diverso, D. sol. mat. Paulus refert, Neratium scribere, iustum esse, socero mariti, si conveniatur ex promissione dotis, hunc honorem haberi, ut damnetur, et ipse in id quod facere potest. Tantum abest, ut id neget hoc loco, ut confirmet potius, cum adicit, Neratium scribere, hoc quidem æquum videri, sed alio iure nos nti. Nihil enim prohibet nobis videri æquum, neque servari tamen, quia diversa sententia obtineret. Quod ait, alio iure nos uti, quam ut socero mariti, si ex promissione dotis conveniatur, succurratur: dubiam reliquit, utrum velit ei

in totam non succurri, an non semper: id ergo quomodo accipiendum sit, declaratur L. sequenti ad hanc distinctionem: ut non continuo succurratur ei, si soluto matrimonio conveniatur; diversum esse, si constante matrimonio agatur. Hoc vero non est contrarium scribere, sed quod generalius et obscurius dictum erat, interpretari. Sed et illud quod in superiore distinctione dicitur, hoc iure nos uti, ut socero non succurratur, si dos ab eo ex promissione petatur soluto matrimonio: tale est, ut nihil contrarium scribi videatur, si id quod generaliter scriptum est, alibi temperetur, † quod fit a Paulo in L. pen. D. de iur. dot. Sic enim vult socerum ex promiss-

† Concessit Duaren. ad d. L. 17. sol. matr. Harp. ad §. 37. I. de act. n. 16. quod ita dicit LL. coniugenda sit, ut quasi ex eis nec fiat. Vult, ad §. sunt præterea 36. et resp. inst. eod. n. 9. et Ferrer. 1. antioomia. 7. (ubi Iulianum saepe contra ista stictum et receptum respondere conflat) et Ferr. 5. Enant. Q. 66. Hinc Anton. Fab. 2. Coniect. 16. d. L. 11. interpretando legit, alio atque iure

utimur: ut significetur, præ diversa qualitate sequi et temperis, modo eandemari in solidum, modo non. Quæ correctio etiam sententiam vitiosam non foret, si tamen potest, vitanda est.

2) Sed in d. L. pen. vers. Quid enim, exemplum credit ad illustrandum, non ad restringendum dispositionem. Quare et alia verba conueniunt adhibere. Vel potius regulæ est,

missione dotis soluto matrimonio in solutum teneri, si cum sciret se dotem conficere non posse, promisit: ut ita sciens, specie, idest, prætextu, colore, ostentatione futuræ dotis genero insidiaretur, eumque ad contrahendas nuptias induceret: quæ res cum non absit a dolo, eam illi prodesse iniquum est. Quæ

- 2 cum † ita sint: res in eum locum adducitur, ut dicendum sit, socero mariti eidemque uxoris patri, si ex promissione dotis conveniatur, omnibus prope temporibus succurrendum esse non minus quam socero uxoris, cum quo de dote restituenda agetur: constante quidem matrimonio, semper propter affinitatem; eo autem dirempto ita, nisi cum sciret se præstare non posse, eam promiserit: ut appareat in summa, ubi aberit, ambobus pariter succurrendum esse, et constante matrimonio et soluto. Sed cur † cum dicitur hic socerum mariti in id quod facere potest, damnandum esse, additur, hæc clausula, idest conditio, si cum eo ex promissione dotis agatur? An quod ex aliis contractibus omnibus socer mariti marito in solidum damnandus est, etsi quid durante matrimonio, idest manente affinitate contraxerit? Minime, ut opinor. Ut enim maritus non tantum ex causa dotis, sed etiam ex contractibus omnibus conventus in quantum facere potest, condemnandus est, *L. non tantum, quæ præcedit*: ita et uxoris socer: ut enim cum marito agitur; ita et cum socero agi hic scriptum est. Nec deest ratio: parentis enim locum socer obtinet, ut est in *L. quia parenti, D. solut. matrim.* Qui mi-

nus igitur et hoc in socero mariti licet dicere, qui ipse marito parentis loco est? Cur ergo, inquam, cum hic dicitur, socerum mariti in id quod facere potest, condemnandum, additur semel atque iterum, *si dos ab eo ex promissione petatur*? Quia quod dicitur maritum, et socerum in id quod facere possunt, damnari, in iis rebus solum locum habet, quas constante matrimonio contraxerunt, ut dici possit eos contraxisse, cum et ille mariti, et hi socerorum nomen obtinerent: aut in iis, quas ante nuptias quidem contraxerunt, sed de quibus constante matrimonio conveniuntur, ut docui ad *L. sunt qui, supr. illic*, ubi, *Quibus in causis superius beneficium hoc tribuatur*, tractavi. Nunc autem in supra scripta causa esse non videtur dos ante contractas nuptias promissa, si ex ea promissione soluto matrimonio agatur. Hinc dubitatio in hac specie potius, quam in cæteris, an cum dos ita promissa a socero petetur soluto matrimonio, socer hoc beneficio uti possit, ne supra quam facere potest, condemnatur: nam uti ius superius erat, posse non videbatur. Sed placuit, eum uti posse, nisi quid in ea promittenda dolo malo sit versatus. Et recte: verbis enim dos ante nuptias promissa est. Revera non intelligitur promitti, certe constat eam non deberi, nisi contractis nuptiis: utpote cuius promissio hanc in se conditionem habeat, si nuptiæ secutæ fuerint, *L. stipulationem, L. promittendo, D. de iur. dot.*

socerum soluta affinitate in solidum condemnari, cum nec amplius sit socer, Corar. ad §. 37. *Inst. de act. n. 2. Harpr. ibid.* 13. nisi quæ ratio propria aliud statui exposcat. Sicut patet matrimonio, non tam regulare, quam perpetuum est,

non exigi ultra facultates soceri, quo respicit in *d. L. 21. vocula utique*, idest, indistincte, ut Anton. Fab. *d. Cop. 14.* etiam aliter Perreona. *d. C. 7. in fin.*

Ad L. Si cum procuratore. 23.

Paulus Libro vi. ad Plautium.

Si cum procuratore mariti de dote actum fuerit: si quidem vivo marito condemnatio fiet, in quantum facere potest, fiet damnatio. Nam et defensor mariti in id, quod ille facere potest, damnatur: mortuo marito, in solidum.

Ad L. Et si fideiussor. 24.

Pomponius Libro iv. ex Plautio.

Et si fideiussor acceptus sit rei, vel actionis, non proderit ei, si persona, pro qua fideiussit, in quantum facere potest, condemnanda est. Si maritus non fuerit solvendo, licet ipsi marito prosit, quod facere non possit, (id enim mariti personæ præstatur) heredi eius hoc non prodest.

Ad L.

Ad L. Sciendum. 25.

Paulus Libro LX. ad Edictum.

Sciendum est, heredes earum personarum non in id, quod facere possunt, sed in integrum teneri.

SUMMARI A.

1. Beneficium ne quis damnetur supra quam facere potest, personale esse; ideoque nec ad heredes, nec ad fideiussores transire.
2. Cur hoc beneficium ad defensores transeat, non ad fideiussorem.
3. Refelluntur ea argumenta quæ fideiussori

etiam beneficium hoc tribuendum esse videntur suadere.

4. Fulgo recepta Bartoli sententia, reum scilicet, si fideiussor desideret, cogi iudicium suscipere.
5. Eadem sententia improbat.
6. Et nihil eam prodesse fideiussori ostenditur.

ET si in lege aliqua certæ tantum personæ appellatur, quibus aliqua exceptio aut defensio constituatur: tamen ea est quarundam aliarum personarum conditio, ut ad eas quoque, quasi nominatim appellatæ assent, vel potius quasi eadem essent, beneficium pertineat. In hoc numero sunt heredes, fideiussores, defensores. Heredes in ius omne defuncti succedunt. *L. heres in omne, D. de hered. adquir.* Fideiussor plus debere, quam is, pro quo fideiussit, non potest. *§. fideiussores, Inst. de fideiuss.* Defendere autem est eandem vicem cum reo principali subire. *L. sed et ea, §. defendere, L. minor, vers. quoniam, D. de procur.* Hinc tractatum, ¶ an beneficium, de quo supra scriptum est, eiusmodi sit, quod ad has personas etiam transire debeat. Quæstio in eo, sit ne hoc personæ beneficium, an causæ; personæ cohereat, an rei. Nam si causæ est et rei, omnibus his, ad quos eadem causæ pertinet, competit. Si est personæ, personas eorum, quibus nominatim id tributum est, non egreditur. *L. exceptiones, D. de excep. L. in omnibus causis id, D. de reg. iur. L. non solum, 8. §. tale, D. de lib. leg.* Convenit autem hoc beneficium, de quo agimus, personale esse. *L. qui tale, D. sol. matr.* Inducium erit, quod quamvis in eadem causæ, tamen non omnibus personis tribuatur. Maritus exempli gratia, si quid emerit ab uxore, ex empto in id quod facere potest, convenitur. Alius si ab eadem muliere emerit, convenietur in solidum, et tamen ubique eadem causæ est, res eadem, nempe emptio. Ex quo apparet exceptionem personæ esse, non rei et causæ.

Tom. XI.

se coherentem. Hoc posito consequens fuit, quod veteres statuerunt, ut hic referitur: nec fideiussoribus mariti et similibus personarum hanc exceptionem dari, nec transire eam ad heredes. Defensori ¶ tamen, quod domini vicem tenet, competere eam nihilominus placuit. Hæc autem tradita in *L. maritum, et 4. LL. segg. D. sol. matr. L. eorum, §. 1. D. pro soc.* Sed cum beneficium personale sit: qui sit, et hoc defensori potius præstari dicamus, quam fideiussoribus: cum potius ita dici oportuerit, quod personæ coherent, id personam non egredi, eoque nec ad quemvis alium transire, ut iam diximus? Hoc eo fit, quia inter fideiussorem et defensorem mariti (maritum cum dico, similes omnes personas intellego) hoc agitur, ne defensor ultra quam facere potest, condemnatur. Quippe defensor hoc solum suscipit, unum hoc ille respondet, se dominum boni viri arbitrata defensorum. Satisdat enim, se indicantem soluturum. *§. 1. Inst. de satisd.* qua satisfactione inter alia hoc promittit, se maritum defensurum. *D. iud. sol. quæmobrem dum defendat, satis est.* At defendere, quod iam dixi, est eandem vicem, quam reus subire. Ex quo efficitur, ut et in hac re, et in cæteris omnibus, quæ conditio domini foret, si cum ipso ageretur, eundem esse debeat et eius, qui eum iudicio defendit, non deterior: idque ex conventionem. Itaque ne quis licet nobis iam obiciat, beneficium personale non transire ad alios. *d. L. in omnibus causis id, D. de regul. iur.* Hoc enim beneficium defensor utitur, non ut alieno, sed ut suo: non ex aliena persona, sed sua: siquidem id

19

ha-

1) Comm. 7. Com. 13. n. 18. Non sibi exceptione utitur, sed ei quem defendit, qui sub eius personæ defenditur,

et sub huius eorum ipse oppugnatur et damnetur.

habet, ut dixi, ex sua conventione. Alia causa est fideiussoris, sive is rei, sive actoris fideiussor acceptus sit, ut hic scriptum est *L. etsi*, 24. id est, sive is rem certam, quæ obligatione principali continebatur, nominatim promiserit, sive actionem ipsam fide sua esse iusserit, id est, promiserit, quicquid maritum iudicio dotis dare, facere oporteret: indefinitè scilicet, et sine ullius certæ rei, aut summaræ designatione. Alia, inquam, huius causæ, quocunque modo acceptus sit: quoniam semper totum debet, quia totum promittit: et quia debet, etiam totum cogitur solvere. Nec quidquam mutat, quod postea convenitur in solidum: in solidum enim convenitur, uti et solidum debuit; non ut defensor in id, quod dominum eo iudicio dare facere oportebit: quippe suo nomine convenitur, non alieno. ³ Non desunt tamen rationes, quibus effici videntur hoc idem etiam fideiussoribus esse præstandum, vel propter ipsos fideiussores, vel adeo propter reum principalem. Ac fideiussoris quidem obligationem si spectes, hæc ea est, ut plus ille debere, et in duriorum causam aliter teneri non possit, quam reus principalis. §. *fideiussor*, *Institut. de fideiuss.* *L. Græce*, §. *illud*, *D. de fideiuss.* Quod si etiam rei principalis tantum rationem habere velimas: tamen vel hoc ipso nomine plus a fideiussore exigere debere non videtur, quam a reo principali. Nulla enim iuris aut æquitatis ratio patitur, ut quod solidum recta a reo exigere non potest, id obliqua via ab eo exigatur, *C. cum quidem*, *extr. de reg. iur.* Atqui hoc accidit, cum fideiussor in solidum condemnatur, quicquid enim is præstiterit, id postea repetet a principali debitore. §. *si quid autem*, *Inst. de fideiuss.* Ita reus qui per se in solidum conveniri non poterat, per fideiussorem cogitur solidum solvere. Id quidem per absurdum habere videtur Iustinian. in *L. ult. in fin. C. de usur. rei iud.* sed hoc movere nos non debet. Nam quod ad fideiussorem attinet, quavis solidum ab eo exigatur: non eo tamen plus debere intelligitur, quam maritus: quandoquidem et maritus solidum debuit. Argumento est, quod solummodo repetere non potest. *L. quod nomine*, 8. et *L. reg. D. de cond. indeb.* Item et illud, quod si quando ad meliorem fortunam pervenerit, solvere cogetur, ut est apud Iustinian. in *L. unica*,

§. *cum autem*, *C. de rei ux. act.* Quod si totum non exigitur a marito, non eo fit, quia solidum non debuerit: sed quia visum est totum ei non esse extorquendum, quod habet, ne egeat. At enim saltem hæc in re durior causa est fideiussoris, quod eodem hoc beneficium non utitur. Durior, non ideo: sed non ideo concedam in duriorum causam eum obligari. Etenim si causam, non personam mariti spectes: eadem causa revera est mariti, qui et ipse in solidum obligatur, et si personæ eius aliquod propriè tribuitur. De marito autem, omnique reo principali, cuius fideiussor convenitur; mea hæc defensio est, cum a fideiussore solidum exigitur, vi quidem ipsa et a reo solidum per fideiussorem exigi videri: sed hoc neque iniquum, neque absurdum existimari debere, si, maritus ut a fideiussore solidum exigi possit, convenit. Licet enim unicuique iuri pro se introducto renunciare. *L. pen. C. de pac. L. si iudex*, *D. de minor.* Nunc autem cum fideiussorem dat maritus: hoc ipso quod fideiussor mandante eo solidum promittit, perspicuum est, hoc eum agere, ut a fideiussore primum solidum exigere liceat; sic deinde cum et ipse fideiussori postquam is solverit, in solidum teneatur, æquissimum est, hanc ei conventionem ob stare. Sane ubi beneficium reo tributum, eussæ, non personæ coheret, eo fideiussor semper utetur. Atque de beneficio huius generis agit Iustinian. in *d. L. ult. C. de usur. rei iud.* non miram igitur, si hoc fideiussoribus non tribui absurdum existimet. Non licet, inquit, intra tempora iudicati exigere a fideiussore usuras rei iudicatis ideo, quia ex res ab ipso iudicato interim præstatur. Recte: quod enim a iudicatis intra tempora iudicati nihil exigitur, causæ beneficium est, non personæ. *L. tempus*, 29. *infr. eod.* Ex his apparet fideiussorem mariti et similium personarum nullo modo consequi posse, ut exceptio personalis marito competens ei proficiat. Sententia tamen Bartoli, et hoc loco vulgo recepta, ⁴ posse fideiussorem id consequi, si desideret ut reus principalis iudicium potius suscipiat. Idque probat scilicet *ex L. itemque §. generaliter*, *D. mand.* quia illie ita scriptum est, si qua sit exceptio, qua reus uti potuit, imputari fideiussori debere, si eam sciens

2) Ratio hæc non conversionis. Quippe potest mariti officii sequi, ut in solidum teneatur, ut sequitur. *Aliter Cassan. d. n.* 18. Et si fideiussor postea convenitur in solidum, nihil tamen ex res ad extinctionem eius, qui integram a fideiussore exigit, præstat, cum eius maleficio vel inane id non faciat. *Fo-*

nos hac de re *Bring. de Fideiuss.* Cap. 27. *Parte 4. n. 50.* et *sepp. Add. Math. Br. de C. 22. bonor. Q. 15. questionum.* 4) principalis et conser. *idem Quest. 8. principalis.*

sciens omiserit: si modo habnerit facultatem rei conveniendi, desiderandique, ut ipse susciperet potius iudicium vel suo, vel
 5 procuratorio nomine. Quasi vero ꝑ non aperte his verbis de exceptione causæ coherente agatur. Quæ enim in exceptione dici potest fideiussori imputari debere, si sciens es usus non sit, nisi in ea, qua ipse iure suo uti potuit, et sciens præterminit? qua autem tandem exceptione ex personæ rei uti potuit, nisi ea, quæ causæ cohereret, non personæ? *L. exceptione, D. de exc.* Nimirum hoc voluit Ulpianus, si exceptionem pacti, exempli gratia, cum reo facti omisit fideiussor, culpam eius esse, si et scivit eam reo competuisse, et habuit facultatem eius conveniendi. Nam si nescivit eam competere, iuste ignorantie est excusata: si scivit, et reus abest, ne tum quidem est in culpa, si eam exceptionem non opposuit: propterea quod nescivit, quid reus de ea statui vellet, et iuste metueri potuit, ne non satis eam posset probare. Demum tamen il-
 6 lic de omni exceptione ꝑ agere Ulpianum,

quid inde ad sententiæ suæ confirmationem colligi velit, non animadverto. Fideiussor mariti conventi desiderabit, ut meritis iudicium suscipiat. Esto, desideret, atque etiam maritus ultro iudicium suscipiat. Quid es res proderit fideiussori? Fecit eum iudicium suscipere suo nomine, et solidum nonolvere. An ideo fideiussorem liberabit? Nullo modo: cum fideiussor solidum debuerit, nec quisquam proponatur pro eo solvisse. Fecit eum suscipere iudicium procuratorio nomine, idest, nomine fideiussoris. Iam hæc res neque fideiussori prodesset potest, neque ipsi adeo reo principali. Ut enim solidum fideiussor præstaret, si cum ipso ageretur: Ita et solidum præstari necesse est fideiussoris defensorem: cum defendere sit id facere, quod dominus in lite faceret. *L. venditor, D. de iud. L. sed et ex, §. defendere, D. de procurat.* Ratum sit igitur, quod hic traditur. *L. et si, 24.* si personæ, pro qua quis fideiussit, in quantum facere potest, condemnanda est, ut heredi eius id non prodesset, sic nec fideiussori prodesset.

Ad L. Si convenerit. 26.

Ulpianus Libro LXXVII. ad Edictum.

Si convenerit inter litigatores quid pronuntietur: non abs re erit, iudicem huiusmodi sententiæ proferre.

S U M M A R I A.

1. Si convenerit inter partes quid pronuntietur, iudicem in id sententiæ proferre teneri, licet ex actis constet aliter pronuntiare oportere.

2. Contrariis occurratur.

3. Si iudex contra partium conventionem pronuntiauerit, ex actis iure ab eo appellabitur.

4. Quare non idem placeat in arbitra-

1 S I convenerit ꝑ inter litigatores, quid pronuntietur, cum ad absolvendum reum, tum ad condemnandum; etsi is status rei sit, ut remota conventionem, secundum ea, quæ iudici probantur, contra pronuntiare iure oportuerit: tamen æquum est, iudicem huiusmodi sententiæ proferre. Addidi, etsi contra iure pronuntiare oportuerit: quia id Ulpianus hoc loco sentiat. Nam si conventio iuri congrueret, nihil esset dubii, quin id iudicem sequi oporteat: non quia ita convenisset; sed quia ius ita præciperet, itaque faciendum esset et sine ulla conventionem. Finge ita: actor sortem petit, et usuras, et sibi deberi probavit. Visum ei est, usuras remittere, itaque iuxta hoc, inter litigatores placuit, ut iudex reum in sortem tantum con-

Tom. XI.

demonstraret. Iudex ita sententiæ proferre debebit. Contra, minus petit, deinde eo probante res plures deberi placuit, reo bonam fidem agnoscente, ut iudex in omnes eas res, quæ probarentur, ipsum condemnaret, hoc quoque iudex pronuntiare debebit. Cur? non abs re est, inquit Ulpianus, ita fieri; id valet, quia utrumque ita fieri ius et æquum est. Iam contrarium ꝑ quidem sententiæ movebat, quod iudex iubetur ita iudicare, ut iure et legibus proditum est. *Instit. Tit. de offic. iudic. in prin.* Hinc autem videtur esse contra ius aut rem absolvi, qui convincitur ex actis debere, aut condemnare, qui debere non probatur. *L. negantes, C. de obl. et act. L. qui accusare, C. de eden.* Sed horum utrumque iniuriam et contra ius, si statu-

- tatur in invito. In consentientes, de quibus agimus, utrumque statui est æquissimum. Quid enim magis naturali aequitati convenit, quam ea, quæ inter aliquos placuerunt, servare?
- 3 L. 4. *D. de pact.* Quid tamen, si ꝑ contempta conventione litigatorum, iudex contra pronuntiaverit, uti de re ipsi probabatur? Iure ob eo appellabitur, ut qui non æquum dixerit, feceritque litigatoribus iniuriam. Unde apparet, cogi eum huiusmodi sententiam proferre. Atqui aliud ꝑ placuit in arbitro. *L. qualem in prin. D. de recept.* Non mirum, etsi enim compromissa dicuntur ad similitudinem iudiciorum redacta esse *L. 4. d. tit.* tamen

hoc proprium est arbitri, quod is recipit solum dicturum se, quod arbitrabitur, id est, quod sibi æquum videbitur; non autem quod ius aut æquum erit. Ideo arbitri sententiæ standum est, sive æquum, sive iniquum dixerit. *L. societatem, 76. §. arbitratorum, D. pro soc.* Adeoque libera potestas statuendi propria est arbitri, ut cui in arbitrio recipiendo hæc libertas relicta non sit, is sententiam dicere non cogatur. *L. item si unus, §. 4. D. de recept.* Alia causa iudicis; a quo exigitur, ut in publico munere quam fungitur, stetnat solum, quod ius et leges iubent. *d. titul. de offic. iudic.*

Ad L. Præses. 27.

Modestinus Libro 1. Responsorum.

Præses provinciae in usuras usurarum condemnavit contra leges, et sacras constitutiones: ideoque Lucius Titius contra prolatam sententiam iniustam præsidis appellavit. Quaero, cum non secundum legem hic Titius provocasset, an exigi possit pecunis secundum condemnationem? Modestinus respondit: si in sententia certa quantitas continetur, nihil proponi, cur iudicari agi non possit.

SUMMARIA.

1. Sententia iudicis etsi iniusta, nisi ab ea appellatus fuerit, stari oportere.
2. Nisi tamen expresse contra leges pronuntiasset.

3. Non esse contrarios exceptioni n. o. propositis iuris locus qui ex A. L. Præses et L. Cum prolati 32 eod. producantur.

1. HOC dicit: Quantumvis ꝑ sententia iniusta sit iudicis: quantumvis contra leges reum condemnet, aut absolvat: tamen ꝑ valet, et rei iudicandæ standum esse, si appellatum non erit. Idem dicendum est, etsi appellatum sit: non tamen secundum legem, id est, non intra tempora lege constituta ad appellandum, *toto tit. quando appel. sit inf.* quippe nihil interest, utrum quid non facias, an non ita, ut iure convenit. *L. 4. §. condemnatum eod. cum simil.* Eadem sententia est *L. cum prolati, inf. eod.* Itaque nec rescripta principis adversus hanc sententiam recipitur. *L. ult. C. senten. resc. non pos.* Hinc exceptiones peremptorias post rem iudicatam constat opponi non posse. *L. 2. C. d. tit. quan-*

to minus opponuntur dilatorias? *L. exceptiones, C. de probat.* Sane eas exceptiones opponi non posse intelligimus, quæ feruntur ad sententiam improbandam. Ceterum si quæ sint eiusmodi, quæ humanitatis ratione tribuantur ei, qui aliqui iure debuerit, ut est condemnatus: ubi huiusmodi his et post sententia uti licebit. *L. ex diverso, §. ult. D. sol. matrimon.* Scripsi de hoc re ad *L. Nennius, §. ult. inf. A. tit.* Sed hoc totum ꝑ sic accipiendum est, si nihil aliud proponatur, quam sententiam esse iniustam. Nam si hoc amplius aperte, et expresse contra leges prolata erit, nulla est: nec provocatio est opus. Vide *L. 4. §. item. cum. inf. quæ senten. sine appel. rescind. L. si expressim. inf.*

1 Sic quoque sententia posterior contra rem iudicatam lata ipso iure nulla *L. 1. C. Quon. prom. non est. nec. Hæcque n. de ex. acti. appellat. iudic. attendenda, etsi non appo-*

natur, ne contra rem iudic. iudicet, Vult. *Quæst. Marp. 30. n. 271. vol. 2.*

plurium idem sententiarum sententia valeat: quia tres plurisve indices utiliter dantur, unde necesse est singulorum sententias valere: nisi quatenus aliorum numero, aut æquitate causæ vincitur. Contra ¶ duobus iudicibus inter se discrepantibus neutrius sententia valet contraria de causa, quia duo non recte dantur: certe non ita, ut cogi possint, sententiam dicere. Quorum utrumque exemplo et oratione arbitrorum recte defenditur, de quibus ita scribit Ulpianus in *L. item si unus, §. si in duos*, supr. de arb. *Si in duos arbitros sit compromissum: non debet prætor eos cogere sententiam dicere: qui res fere sine exitu futura est propter naturalem hominum ad dissentendum facilitatem. In impari nu-*

mero idcirco compromissum admittitur: non quoniam consentire omnes facile est: sed quia, et si dissentiant, invenitur pars maior, cuius arbitrio stabitur. Cum eadem ratio ita ius in iudicibus datis postulat: tum vero si in arbitris recte dicitur, prius in iudiciis admittendum fuit, quoniam compromissa ad similitudinem iudiciorum redacta sunt. L. 1. supr. de recept. Quare si unius ¶ ex 3 duobus iudicibus sententiam valere volumus, eam confirmari oportet. Hanc confirmabit competens iudex, ut hic scribitur. Est autem competens is, qui iudices dedit. L. a divo, supr. L. 1. in pr. quis a quo app. Cætera ad hanc questionem pertinentia requirere ex L. Pomponius, infr. eod.

1) Vulgo inter iudices plures ordinarios d. L. 38. et da-

tos seu pedaneos d. L. 28. distinguunt. Et ita in C. ult. extra h. t. Dnpr. ad d. L. 28. Fac. 7. Euan. Q. 6.

Ad L. Tempus. 29.

Ulpianus lib. vii. Pandectarum.

Tempus, quod datur iudicato, etiam heredibus eius cæterisque, qui in locum eius succedunt, tribuitur: videlicet quod ex tempore deest; quia causæ magis, quam personæ beneficium præstatur.

SUMMARIA.

1. Iudicati tempus etiam heredibus indulgeri, et quare.

2. Illud tantum quod condemnato supererat.

Tempus iudicato dari ad solvendum constat. L. 2. *infr.* Observandum est, neque in lege 12. tabularum, qua hoc tempus primum est constitutum, neque in constitutione Iustiniani, qua postea de hoc tempore plenius cautum est, ut est *L. ult.* §. *ult. C. de usur. rei iud.* heredes condemnati appellari. Ideo dubitatum est, an condemnato mortuo intra tempora iudicati, idem heredibus præstandum sit, quod defuncto. ¶ Et quod ¶ omissum erat lege, ex regulis iuris certi deciditur hoc loco. Et ita ius est, ut quicquid cuiusque fuit, quod ei iure datum est, id eo mortuo præstandum est et heredibus; qui in ius omne defuncti succedunt, extra quam si beneficium, quo de agitur, fuerit personæ. *L. privilegia, inf. de reg. iur. L. heres in omne, infr. de acquir. her. L. quia tale, supr. sol. mat.* Tempus

autem quod iudicato datur, causæ datur non personæ. Ex quo colligit ¶ Modestin. heredibus quoque et cæteris successoribus esse tribuendum, non tamen integrum: sed quod condemnato viro superasset. Recte: nam ut ad heredes transfertur, quod fuit decessoris: ita id solum, quod fuit decessoris, nihil amplius. *L. nemo plus, infr. de reg. iur.* Hoc tempus causæ non personæ præstitui, ita intelligitur, si ei beneficium causa locum facit, non personæ, *L. in omnibus causis id observatur, infr. de reg. iur.* At causam ei beneficium locum facere, ex eo licet intelligere: quod non certis aliquibus personis condemnatis datur: sed omnibus condemnatis, et quidem hac solum de causa, quod condemnati sunt. Bene igitur causæ esse, dictum est.

Ad L.

Ad L. Cum ex causa. 30.

Vide L. Sunt qui infr.

Ad L. Debitoribus. 31.

Dixi satis ad L. 2. supr.

Ad L. Cum prolatis 32.

Dixi ad L. Cum præses. supr.

Ad L. () Divus. 33.**Idem lib. v. Cognitionum.*

Divus Hadrianus aditus per libellum a Iulio Tarentino, et iudicante eo, falsis testimoniis, conspiratione adversariorum, testibus pecunia corruptis religionem iudicis circumventam esse, in integrum causam restituendam, in hæc verba rescripsit: Exemplum libelli dati mihi a Iulio Tarentino mitti tibi iussi, ut, si tibi probaverit, conspiratione adversariorum, et testibus pecunia corruptis oppressum se et rem severe vindica; et si quid a iudice tam malo exemplo circumscripto indicatum est, in integrum restituas.

REi iudicatz, quamvis iniuste indicatum sit, standum esse, supra dictum est. *L. cum præses, L. cum prolatis, supr. eod.* Hoc ita ius publicum est, ut quædam sententiæ excipiantur, quas ego omnes nullius momenti ipso iure esse puto: non autem ita quædam mero iure valere, ut causam in integrum restitatur: idest, ut beneficio duntaxat et auxilio magistratus de eadem re iterum liceat egere. Sunt in hoc genere, quæ ipsis verbis sententiæ manifestum errorem sive imperitiam iudicis arguunt: quales sunt, quæ errorem calculi continent: item quibus aperte contra leges et constitutiones indicatur, L. 1. §§. 1. et 2. de quibus *infr. quæ sent. sine app. rescin.* item quæ pecunie indice corrupto sunt expressæ, quæ dicuntur venales, *L. venales, C. quam provoc. non est necess.* Tum quæ patrono causæ prævaricante, quæ ex falsis instrumentis quæque ex falsis testimoniis late sunt. De eo, quod patrono prævaricante pronuntiatum est, existit Antonini rescriptum in *L. 1. C. de advoc. divers. iud.* De eo quod ex falsis instrumentis indicatum est, multæ sunt veterum constitutiones, quæ ex-

tant in Cod. sub. *Tit. si ex falsis instrumentis*, quarum meminit Modestinus in *L. qui agnitis, infr. de except.* His constitutionibus cautum est, rem ex falsis instrumentis indicatam retractari posse: si tamen tria hæc concurrant, primum si crimine falsi prius illato, instrumenta falsa esse convincatur, *L. 2. C. eod. tit.* Tum si sciens prudens adversarius his usus fuerit. Nam constitutiones crimen falsi intendi ac probari volunt *L. 2. et 3. C. eod.* Hoc autem crimine non tenetur, nisi qui dolo malo falsis usus est, *L. 4. C. si ex fals.* Postremo, si probetur iudicem fidem horum instrumentorum secutum indicasse, *L. 3. C. eod.* Etenim fiori potest, ut in eodem iudicio falsa instrumenta sint prolata, nihilominus fuerint idonei testes, quibus res iudici probari potuit: ut horum fidem et auctoritatem secutus iudex iudicatus fuerit, etiamsi nulla instrumenta proferrentur: quo casu dicit nemo rem indicatam prætextu falsorum instrumentorum retractari posse. Quod de re ex falsis instrumentis indicata inris est: item de re falsis testibus. ***

Ad d. L.

(*) Florem hanc commentariorum, etiam isebastorum demerit, nec integrum et absolutum videri potest, tamen delectum atque initium Scipionis Gessii Lib. XXVII. Commentar. Civil. secuti, omittere solent: quippe et hic, etiam fuisse

in eadem L. Commentarios sequitur, sua utilitate non caret: Præterea, quod et ipse Dositheus Iustiniano est, proprium nostrum sequitur, ut omnia Dositheii Opera iterum literarum bono Reipublici demus in lucem.

Ad d. L. Divus. 33.

S U M M A R I A.

1. Tria esse genera sententiarum quæ rei iudicatae prescriptionem non habent I. illas, quibus iudex præcipit quod fieri non potest.
 2. II. Eas quæ manifestum sententiæ vitium præferunt, et quæ sint.
 3. III. Et postremo illas quæ dolo et conspiratione adversariorum sunt exortæ, hæc autem cuiusmodi sint.
 4. Caussam ex falsis testimoniis iudicatam ita domum retractari si tria concurrant; ea quæ sint.
 5. Eadem tria desiderari, ut iterum pronuntietur in causa ex falsis instrumentis iudicata.
 6. Quare velit Hadrianus in causa ex falsis testimoniis iudicata probari testes pecunia fuisse corruptos et n. 8.
 7. Quid si gratia aut odio falsum testimonium dixerint.
 9. Illorum opinio exponitur qui volunt in re ex falsis instrumentis et testimoniis iudicata necessariam esse restitutionem in integrum.
 10. Nullo iure valere sententiam ex falsis instrumentis et testimoniis prolatam, ideo nullo iuris loco haberi hanc in integrum restitutionem et n. 11. et per tot.
- SENTENTIÆ quævis iniuste standum esse, supra dictum est, *L. præses, L. cum prolati*. Hoc sic ius publicum est, ut quædam sententiæ excipiantur. Quarum tria sunt genera. Unum est earum, quibus id præcipit aut statuit iudex, quod fieri non potest, *L. ult. infr. quæ sentent. sine appell. rescin.* Omnino impossibile nulla est obligatio, *L. impossibile, infr. de reg. iur.*
2. Secundum est earum, quibus constituitur quidem quod fieri potest, sed ita contra quam reus damnari aut absolvi debuit, ut vitium ipsum et iniquitas sententiæ ipsis verbis sententiæ palam se ostendat, et sententia a se ipsa refellatur, cuius generis est ea, quæ manifestum calculi errorem verbis complectitur, de qua in *L. 1. §. 1. infr. quæ sentent. sine appellat.* item quæ contra leges et aut constitutiones expressim pronuntiata est, de qua in *L. 1. §. 2. infr. quæ sentent. L. 2. C. quan. provoc. non est neces.* Vide *L. 27. supr.*
- Et hæc quidem per se non valent. Tertium est genus earum, quibus et id constituitur, quod potest, nec quicquam aperte contra ius, aut regulam naturæ; in quibus nullum vitium proponitur: sed ita per se non sunt vitiosæ, ut tamen victo non noceant: obstante videlicet actori, propter aliquid admissum in ea re crimen, doli mali exceptione. Tales sunt, ut semel et una definitione omnes complectar, quæ conspiratione et machinatione adversariorum sunt exortæ, quam fraudem ipsis auctoribus prodesset, valde iniquum est, *L. 1. infr. C. si tutor fal. all. exc. sit.* Id autem contigit aut iudice pecunia corrupto, ut sententiam ferret: aut dolo adversariorum malisque artibus religione eius circumventa; aut patroni prævaricatione, aut falsis instrumentis, aut falsis testimoniis. In quibus omnibus non placuit sententiam iis, secundum quos iudicatum est, prodesset. Et de 4 venalibus

1) Coeler. Vasq. 2. III. contra. 51. n. 46. et seqq. Sarmient. 2. Select. Interpret. 1. 2. 3. Guod. de Contr. stip. C. 8. Concluse. 9.

2) Obsl. L. un. C. de err. calculi. verbis: si res iudicæ pui sunt, Resp. Pac. 7. etiam q. 73. Aut iudex in sententia ferenda sic errat, et ea nulla d. L. 1. §. 1. aut cum error aliquis admissum diceretur, indicavit nullum esse errorem, et inde exceptio rei iudicatæ d. L. un. De errore calculi consule. P. Fuller. addit ad Marant. P. 6. Memb. 9. de exceptio n. 68. et seqq. Fr. Munoz. de Ration. C. 38. et Cap. 45. Parid. 2. Rer. quotid. Cap. fin. p. 1. §. 6. Gutierrez. Lib. 1. Præst. Q. 57. Ott. Melach. Com. Cameral. P. 1. Tit. 95. Pari modo sententiæ nulla, si alius error conspicuus ea expressus. Medic. de castib. fort. P. 1. Quest. 2. n. 24. aut si se refert ad acta quæ nulla, sunt, vel in quibus error expressus vid. Tirag. post. LL. Connub. gl. 7. n. 184. Cont. lon. Cons. 176. n. 7. Seurl. Cont. 1. Cons. 93. et Cont. 3. Cons. 6. Cons. 176. n. 7. Seurl. Cont. 1. Decis. 28. n. 1. et 4. Vel si lata ex falsa causa consistente in facto notorio, et cuius falsitas ex actis appareat. Sint. Cons.

Marp. q. n. 60. Fol. 2. per C. inter ceteras extit. h. t. Moll. 4. semestr. 1. n. 14. et 15. Maxime vero quando iudex ipso se in sententia refert ad acta, et per ea constat de contrario, dicitur evidens iniquitas et inde sententia vitiosa. Affl. Decis. 39. n. 6. Vid. idem Decis. 283. et confer. Grammat. Decis. 58.

3) Non sequitur: Appellatio oio est necessaria. Ergo sententia ipso iure nulla. Putet com aliud eius infirmare remedium esse, ut si contra actiorem iudicati obicitur exceptio doli.

4) De venalibus his sententiis, iudicibus largitione corruptis, deque muneribus ab eis oio accipiendis vid. Poll. 5. Hist. foli. 9. Vasq. 2. Contr. un. freq. 37. Silico. Obs. 24. Menoc. Arb. C. 516. Freher. 3. de Infamia 14. Cachet. in Præm. Decis. n. 5. Maynard. Lib. 4. Decis. 86. Fr. Pfeil. Cons. 158. Vant. de Nullit. ex def. process. n. 163. P. Greg. 2. de Rep. 6. Hippel. a Colib. in Principe C. 4. Simanc. Lib. 6. de Rep. lere toto. Labor. a Rodenstein. Disquisit. Polia. Lib. 2. C. 28. et seq. (quæ emptor ac constratus iudices vocat) Ant. de Guetera Horolog.

libus sententiis cautum est rescripto Dioclet. et Maxim. in L. *venales. C. quan. prov. non est nec.* De eo quod iudicatum est patrono praevaricante, cautum rescripto Antonini in L. 1. *C. de advoc. di. iud.* de re ex falsis instrumentis iudicata complures sunt constitutiones, quae extant sub Tit. *C. si ex fals. instr.* meminit earum Modestinus in L. *qui agnitis, infr. de except.* De eo autem, quod ex falsis testimoniis iudicatum est, proponitur hoc Capite rescriptum Hadriani. In quo quid ille exigat, ut ex integro de eadem re agere liceat, considerandum est. Exigit autem haec primum, ut sint falsa testimonia: secundum ut conspiratione adversariorum fuerint instructa testibus pecunia corruptis. Postremum, ut eo facto victus oppressus sit, sen iudicis religio circumventa: in quo postremo hoc exigere intelligitur, quod de falsis instrumentis apertius dicitur in L. *pen. si ex fals. instr.* ut iudex horum fidem secutus pronunciaverit. Haec ⁵ et eadem ⁵ in re falsis instrumentis iudicata. Primum enim volunt constitutione crimine falsi illato instrumenta falsa esse, convinci L. 2. *Cod. si ex fals. instr.* Tum ut sciens adversarius his usus fuerit. Volunt enim crimen falsi intendi et probari L. 2. et 3. *C. cod.* quo crimine nemo tenetur, nisi qui dolo malo falsis usus est, L. 4. *Cod. si ex fals.* Postremo, ut probetur, ut modo dixi, iudicem horum instrumentorum fidem secutum iudicasse, d. L. *pen. Cod. cod.* Id autem eo dicitur, quia fieri potest, ut in eo iudicio falsa instrumenta prolata sint; nihilominus fuerint idonei testes, aut argumenta, quibus res iudici probari poterit: ut hominum fidem et auctoritatem secutus iudex iudicaturus fuerit, etiam si mala instrumenta proferantur: quo casu nemo dicitur rem iudicatum praetextu falsorum instru-

Tom. XI.

mentorum retractari posse. Unum in his num dissimile sit, videamus. Vult ⁶ enim Hadrianus hoc loco in re ex falsis testimoniis iudicata probari conspirationem adversariorum, testibus pecunia corruptis: quasi non sit satis falsum dixisse, nisi et pecunia corrupti fuerint. Quod in his instrumentis secus est, in quibus tantum exigimus, ut falsa sint: non etiam ut pecunia data falsum sit admissum. Et non temere est, quod ⁶ ⁷ plerique omnes ⁷ ita iudicant, satis esse eum qui victus est, probare se oppressum esse conspiratione adversariorum: utrum autem testes pecuniam acceperint, an non acceperint, ad rem non pertinere. Nam cur aliud exigeret Hadrianus in testibus, quam in instrumentis? An non et testes instrumenta sunt? Tum autem quid refert, quomodo iudicium corruptatur, si corruptitur? quomodo quis opprimatur, si opprimitur? quibus, etsi verba rescripti refragantur, quae hanc conditionem exprimunt, *si probaverit conspiratione adversariorum, testibus pecunia corruptis, oppressum* se: tamen assentirent, si testes falsum dixisse conspiratione adversarii ullo modo probari posset aliter, quam hoc probato, ipsis pecuniam esse datam, ut testimonium dicerent. Mihi autem ⁸ quomodo id aliter facile probari possit, non occurrit, neque posse arbitror. Non enim si adversarius cum testibus rem habuit, si cum his locutus est: si etiam his dixit, quid esset in re: non adeo si ipsi testes operam illi suam polliciti sunt: ideo consequens est eos falsum dixisse, et adversarium cum illis conspirasse. Ac ne cui forte temere id affirmare videar: velim observetur, quid sit, quod cum iudex pecunia corruptus sententiam dixit, placet hanc non valere, ut supra dictum est; cum autem ⁷ ambitiose idem facit, sententia valet nihilominus, L. *servo, §.*

20

cum

Princip. Lib. 3. Cap. 6. Christ. Oheim. Discurs. iuridico polit. de cons. et magistratib. C. 4. n. 59. et seq. Soite Iso. Langla. 6. Semestr. 1. ubi pulcre aliam olim fuisse rationem praesidium, quibus Xenia accipere liceat, L. 6. §. ult. de off. praes. aliam hodiernorum iudicium, in quibus licere non debet, nec inculpate obtemperat, cum pessimo, si Langla. ausu invaluit, recalcitrat tunc capia obstitit, ut in omnia familia sustentari possint, etc. Quia nec docere iudicem, ut se convitiis litigatorum nimis excipit palatium, idem 2. Semestr. 1. Confer. not. supr. lib. Civil. Comment. 14. C. 25. N. 6. De poena iudicis corrupti vid. supr. Lib. 19. Civil. Comment. 3. Quando vi huiusmodi sententia solutum repoti possit Vasq. 3. Contr. usufruct. 63. n. 29. et seqq.

5) Vid. Malheul. ad d. tit. C. Si ex fals. instr. vel testimon. etc. et sing. 18. Sfort. Oñd. de Rest. in int. Quam. 77. et 2. seqq. Vasq. 2. Contr. usufruct. 36. Alex. Treotac. 2. Pract. Resol. tit. de sent. Resol. 3. Vot. Tit. de nullit. sent. ex def. process. n. 13a. et seqq.

6) Dicitur ad d. L. 33. quia in instrumentum falso nihil praetere queritur. Eadem autem testium ratio, qui instrumentorum appellatione veniunt: Et Ayr. Process. P. 1. C. 6. Obs. 1. n. 7. Etia sit qui corruptelam et falsitatem coniunctam pro-

bari debere velint, per voculam et, contrarium tamen verius et communius vocat, quod d. vocula hic resolvatur in capsulativam. Sed Duar. d. loc. idem utriusque mentionem fieri, quia acciderit id specie ad de qua consultus Imp. Unde Imp. ibi et rem severe vitiare, et alius ita rem punit et iudicium rescindi iubet. Urumque ut fall, corruptio us requiritur, ut posterius vera falsitas sola sufficit Treuting. 2. Pract. Resol. tit. de sent. Resol. 3. n. 22. qui ab hac communi opinione oon discedendum esse docet. Et recte quidquid contra Donnellus.

7) Bodio. 3. de Rep. 5. n. 307. Ambitiosus est ad gratiam compositio Cuius. in Novell. 103. Et consentiunt DD. vulgo, Vant. de Nullit. ex defect. process. n. 135. Obi immo ambitiosa decreta rescinduntur L. 4. de decret. ab ord. L. 3. pr. de minor. Facit L. 12. C. de transact. Sueton. in Domitianum. Ambitiosas sententias rescidit Resp. Ibi ambitiosa non simpliciter gratuita, colore quaelo coacta, quasi iussu ambitiosi verbo ad conflictus et commotissimas causas, ut Forner. 1. Solecit. 17. nec qua gratis vel accepta mercede contra ius et equum in aliquid favorem interposita, ut Revier. 5. Far. 6. licet haec exceptiones d. L. 65. §. 2. fortis non inconveniente. Sed quibus ultra modum potestatis sum, eiusque limi-

cum praetor, *supr. ad Trebellian.* Et quid interest quæso, utrum iudex avaritia, an ambitione, aut odio, aut amore, aut aliqua animi perturbatione male iudicaverit? Si de re quaeritur, ut intersit non animadverto. Sed hoc ita est: pecunia corruptum esse iudicem probari potest. Illic eutem ⁸ ambitione aut aliqua alia perturbatione matum perperam iudicavisse, probari non potest. Non enim si fuit causa iudicii, cur moveretur: ideo verum est, ei perturbationi succubuisse, ut cum eve-ritur victima esse probatur, qui pecuniam acceperit. Idem ergo et in testibus dixeris. Adde, quod si de pecunia nihil dicitur, non est facile credendum, testes scientes esse mentitos. Non enim facile reperitur, quinquam, qui 9 gretis velit esse improbus: sed tum mi-nime, ubi cum capitis periculo crimen falsi nescipitur. Quapropter viris assentiar superio-ribus, si quis conspiatione adversariorum falsi testimoniis oppressus sit: quod ite iudice-tur est, id restitui debere: quocumque mo-do oppressus sit. Sed si conspiationis et fal-si testimoniis probatio quaeritur, visi probetur testes pecunia in hanc rem esse corruptos, veror ne desit agenti probatio, eoque reus absolvatur. Ita ut hoc scripto conspiationem esse adversariorum ad ius sententia: sic testes pecunia esse corruptos, ad facti probationem recte exigi videtur. Quod et rescriptum *"In integrum restitue, quod iudicatum est,* quam significationem habet, videndum est. Et qui-dem convenit inter omnes ceteres species sen-tentiarum; quas supra proposui, ipso iure non valere. Hoc † quod ex falsis instrumen-tis est testimoniis iudicatum est, ¹⁰ vulgo ex hinc loco valere nolum, sed in integrum res-titui auxilio magistratus. Est enim proprie restitutio in integrum, emissæ causæ redin-tegratio, et ubi resmero iure integra est, ibi resti-tutio est supervecca. L. 2. Cod. in quibus cau-

in integr. restitut. non est nec. L. in causa, 2. sup. de minor. Quae res facit, ut de eodem re agere tantum liceat intra tempora in integrum restitutioni petendae praestituta, idest intra quatuor annos, L. ult. C. de tempor. in integr. restit. cum si sententiae mero iure non valeret, perpetuo de eodem re agi posset, ut re integra. Ac ne quod exemplo sententiae ex falsis instrumentis late moveatur, in quo genere nusquam aperte in integrum restitutione exigitur, idem et de eo statuunt: ut quoniam nihil interest, inter testes et instrumenta, quod de uno genere dici constat, id etiam ad alterum recte transferatur. Nos igitur videemus, non recte statuerimus, ut omnem sententiam ex ceteris cassis, quae initio huius capituli proposuimus: sic ex hac nulli nocere, si res ex falsis instrumentis et testimoniis iudicata sit. Et sane eiusdem Imperatoris Hadriani rescriptum his ipsis verbis utitur in re iudicata: in qua tamen alindec constat nullam esse sententiam ipso iure. Exat rescriptum in L. 3. §. Divus Hadrianus, infr. de iure fisci, in hac verba: et liberales causas si non interveniente fisci advocato decissae sunt, in integrum restituuntur. Atqui de hoc genere in L. si fiscus, eod. tit. ita rescriptum est: si fiscus alicui status controversiam faciat: fisci advocatus adesse debet: quare si sine fisci advocato pronuntiatus sit. Divus Marcus rescipuit nihil esse actum: et ideo ex integro cognosci oportere. Quare cum in his verbis tam parum sit firmitatis in hanc aut illam partem: de re ipsa ex aliis locis quaerendum sit.

Et cuius in causam et genus huius restitutionis inquirenti, tum eos locos qui sunt de re ex fclis instrumentis indicata expendunt, comparanti præterea hinc genus sententiæ cum iis, quas constat citra ullam in integrum restitutionem non valere, ita succurrat necesse est, nihilo ma-

lis excedentes ex sibi arroganti magistratus decernentes quam ipsi non concedit, ut in exemplis. d. L. 3. pr. (si quis not. sup. Lib. 3. C. 18. tit. E. pag. 167.) Item d. L. 4. quia non ex decernimus auctoritas ut delicta recip. remittant, eundemque, quod perdere est, administrari nulli licet. Confer Cath. Lib. 6. de tur. electoral. p. 304. et seqq. Carol. Labb. in Obs. Synops. Basilic. Lib. 54. tit. de cor. C. 2.

B) Accedit quod si inimicus laeas vel amicus adversario alii imputat, potest non recte vel citius vel fortius iudici datur esse necesse potest, cum accuset res gerat; causa ad illud similitudo non sit facile: Ceteri *Longius s. semer.*, s. p. 137. et p. 133. (cui exempla habet eorum qui de iniuria incorrupte iudicaverunt) s. p. 137. s. p. 138. Nec ab illis Minuch. *Arb. Causa* 118. n. 23. et seq. difficile probatur etiam in iudicio pecunia corruptum esse, et ad hoc probatio- nem inconducenda tenet.

g) Arist. i. *Stor.* ult. Sed ad hoc responderi potest gratis id est, nulla re promittas Arist. d. loc. Qui dicitur amare aut odio, etiam passivum non accepit, non gratis omnino id facit. Nam et appetit lucra etc., beneficium debitorem acquirere L. 54.

§. 1. *de furt. et repte vel magna arte recondita ultio de laci-*
mice.

10) Duae. ad d. L. 33. circa An. Reponitur in petitionem statutorum, quantum ad locum attinet, licet ibi ipso statum non mutaverit.

[illegible]

gis in hoc genere in integrum restitutione opus esse, quam in cæteris. Primum si qua in hac specie in integrum restitutio est, quando cæteræ causæ huius restitutionis deficiunt: oportet sit ex ea parte edicti, qua Prætor edicit, *Si qua sibi alia iusta causa esse videbitur, se in integrum restitutum, L. 1. in fin. supr. ex quibus causis maior.* At hac clausula Prætor his tantum ferre auxilium pollicetur, qui per absentiam suam instam quid amiserunt: ut Ulpianus pluribus ostendit in *L. sed etsi, §. ult. et L. nec non, supr. ex quibus causis maior.* Utrunque sit, certe inauditum est, hanc clausulam ad eos, qui sententia iudicis læsi sunt, pertinere. Alioqui si quis per errorem aut imperitiam iudicis condemnatus sit, ex hac parte restituetur, multoque magis si ambitione iudicis, aut odio, aut alia perturbatione id factum sit. Quod nemo dicit. Ac demus etiam huius clausulæ auxilium paratum esse iis qui ita sententia iudicis læsi sunt. Attamen hoc conceditur tunc solum paratum esse, cum quis necessitate aliqua, non voluntate, aut sua culpa læsus est, dicit *L. sed et si, in fin. ex quibus causis maior.* nunc autem culpa est condemnati, si cum sciret se oppressum falsis instrumentis, aut testimoniis, non statim provocavit. Quare nisi sententia ipso iure nulla est, utique hoc casu ex hac clausula causa non restituetur.

11 Quod autem ¶ de re ex falsis instrumentis iudicata constitutionibus cautum est? Et scribitur "diserte in *L. qui agnitis, infr. de except.* caveri, si res iudicata esset ex falsis instrumentis, et postea falsa inveniantur, nec rei iudicatæ præscriptionem opponi. Quis neget his verbis demonstrari rem pro iudicata non haberi? Nam profecto si sententia valeat, obstatet iure prætorio agentis exceptio rei iudicatæ: quam Modestinus negat opponi. Quod si hoc in falsis instrumentis valet, valeat in falsis testibus, quando utriusque generis par causa et vis est in negociis probandis. Sed hoc genus sententiarum cum reliquis sententiis iniustus comparemus. Venales sententias, idest, eas quas iudex pecunia corruptus tulit, constat non valere. Utrum ipso iure, an postea rescindi? Omnes consentiunt ipso iure nos non tenere *L. venales, Cod. quand. provoc. non est necess.* Quid ergo causæ afferri potest, cur venalis potius nullius momenti sit, quam quæ ex falsis instrumen-

Tom. XI.

tis aut testimoniis lata est? Imo quid afferri potest, cur hoc genus posterius non potius nullum iudicandum sit? Quid, an iis prodesse debeat, qui adversarium falsis instrumentis aut testimoniis oppresserunt? Sed turpius est cum iudex ipse corruptus est. Sane turpius: sed tanto minus sententia iudicis firmitudinis habere debet: quanto magis a litigatoribus circumventus contra ius et æquum iudicavit, vel ex ipsius iudicis sensu. Etenim qui sciens male iudicat, hoc ipso ratum esse vult, quod iudicat. Cuius autem religio circumvenitur, is non probat, quod iudicat, nec vult id valere; qui si sciret, quomodo se res haberent, sine dubio non ita iudicaret. Iam vero ubi patrono causæ prævaricante contra reum iudicatum est, non magis hic ulla iudicis circumventi turpitudine est, quam tunc cum falsis instrumentis, aut testibus deceptus iudicat: sola utrobique adversariorum conspiratione sine opera iudicis reus opprimitur. Atqui de hoc genere nihil amplius cautum est in *L. 1. Cod. de advocat. divers. iudic.* quam patrono accusato et prævaricationis impleta accusatione, non defuturam adversus enim pro temeritate commissa sententiam, atque ita futuram, ut de principali causa denuo quaeratur. In qua questione si restitutionem in integrum intervenire debere interpretamur, nihil causæ est, cur non interpretemur, eandem in omnibus causis intervenire debere, in quibus dicitur sententiam retractari posse atque adeo in ipsa accusatione criminis, de qua superior lex loquitur. Quod si in hac specie absurdum, et ineptum est: non est cur re falsis instrumentis aut testimoniis iudicata, quæ par causa est, aliud statuamus. Sed hæc in re non necessaria nimis meo iudicio multa, quæque ita tantum protuli, ut iis, qui sententiam contrariam sibi eripi volunt, satisfacerem. Etenim nihil tam multis opus est. Unum satis esse debet, ut in posterum omnes controversiæ conquiescant, quod sub iudicio. Constat, etsi reus absolutus est, nihilominus tamen perseverare actionem: et ideo ipso iure de eadem re postea adversus eum agi posse, §. *item si in iudicio, Institut. de exception.* Hoc quodcumque faciet, recte et iure civili faciet: proinde et sine ulla in integrum restitutione. Quid reus contra, qui dolo et malis artibus sententiam extorsit? Obiicit scilicet rei iudicatæ excep-

20*

ptio-

12) Leve est quod Broech. d. *Ax. 14. ex Menoch. d. Cuz. 15.* regerit in d. *L. 11.* relationem fieri ad constit. principalem que in d. *L. 33.* proinde ex ea declarandam esse. Neque enim apparet omnino ad illud Hadriani rescriptum d.

L. 33. respici, sed dicitur d. *L. 11.* principalibus constitutionibus in plurali manifeste carere. Quin potius igitur d. *L. 33.* declarationem accipit ex d. *L. 11.* quam vicissim.

ptionem. At parata est agenti doli mali replicatio. Nisi dolo malo et malo more consecutus sit, nisi iudice circumvento secundum te iudicaretur: qua replicatione exceptio removebitur. Nam et in transactione, quam quis dolo malo extorsisset, puta substractis instrumentis idem fieret, *L. sub prætextu, Cod. de transactionib.* nec vero transactio minorem vim habet, quam res iudicata, *L. non minorem, Cod. eod.* Quod si reus conspiratione Actoris oppressus et condemnatus sit, tum vero illo agente adversus actionem iudicati multo magis dabitur doli exceptio, quæ parata est adversus omnes, qui dolo malo consecuti sunt aliquid, quod summo iure tumentur. *L. 1. infra, de doli mali exce-*

ptione. Et in hoc genere fraudis, qua reus aut actor sententiam extorquet, nulli hanc fraudem prodesse debere scriptum est in *L. 1. Cod. si tutor falsum allegaver.* Itaque, si hoc totum genus sententiarum a duobus prioribus, quæ initio proposuimus, separare velimus, ita licebit discernere, ut in his sententia ipso iure non valeat; In tertio per exceptionem infirmetur, aut replicationem. Qua ratione non in falsis testimoniis, aut testibus consistemus: sed generaliter recte defendemus, quocunque modo factum sit dolo malo adversarii, ut iudice circumvento secundum eum iudicaretur, toties rem iudicatam victo non nocere: de quo dicam ad *L. Imperatores, infr.*

Ad *L. Si victum. 34.*

Licinius Ruffi. lib. XIII. Regularum.

Si victum vel stratum inferri in carcerem quis iudicato non patiat, utilis in eum pœnalis actio danda est (ut quidam putant) iniuriarum cum eo agi poterit.

S U M M A R I A.

1. Iudicato in carcerem detruso dimensum seu quotidianum victum præstari ad certam quantitatem ex *L. XII. Tabb.*

Quesitio proponitur de victu, qui inferitur iudicato. Ne forte mirum sit, cur hoc in iudicato quaeratur potius, quam

2. Quæ inferri iudicato victum prohibet, num actione aliqua teneatur, quæ dubitandi ratio.

3. Et qua idem actione teneatur.

in quovis alio, cui victus in domum inferretur, hæc querendi occasio est. Sciendum est, † iudicatum, qui solvendo non est, †

1. Nov. 135. ubi per cessionem bonorum remitti dicitur si quis ex causa. Holl. Ill. Q. 26. De exerece mandatis delictorum, et qui personæ conditione vel privilegio ab eo immunes, plura referre possem, sed parcellarum angustia non permittit. Videri possunt Menoch. 1. Arb. Q. 88. Parlad. 2. Rer. quotid. Cap. fin. Parte 5. §. 6. Caccia. de debitor suspecto et fugitivo. Aut. Sola ad const. antiq. Sabaud. Rubr. de Captura debitoris pro causa civili; decreto abusionibus etc. Aïn. Tract. de Excecat. §. 2. C. 2. et seqq. Coler. de Process. excec. P. 1. C. 6. et Decis. 135. n. 40. et seqq. ac Decis. 150. Vazq. 3. Il. Contr. 97. Fr. Munoz. de Ratiocin. C. 35. Guid. Papr. Q. 67. et ibi additionatores. Mollier. 1. Semestr. 36. et ad Nov. Elect. Sax. 22. P. 2. P. Heig. P. 1. Q. 25. Model. Pisl. Part. 1. Q. 39. Spekhan. Cent. 1. Q. 19. Wurm. Lib. 1. Tit. 28. Obr. 8. Welser. Obs. pract. de F. S. P. Gefengnis. Et præter hos in specie de muliere qualescunque immunit. Nov. 135. C. 9. auth. sed hodie Cod. de offic. divers. iud. Gomez. in *L. Tauri. 62.* Damhuder. Præzi civ. C. 64. n. 10. et seqq. Gutierrez. 1. Lib. 2. Pract. Q. 25. et 2. seqq. (ubi oec si iuxta omni legum auxilia renuocaverit, d. Q. 26. nec si meretrix nupta, d. Q. 27. et Langs. 8. Semestr. 8. p. 338. Damhuder. d. C. 64. n. 15. quæ, ait, ob hancrem matrimonii habetur honesta. Intellige, si in coniugio iudice viva, quæ ante pudorem suum non desit. Nam si adultera, tunc inhonestior meretricis, quanto gravior delinquit) Rob. 2. Rer. iudic. 6. Lucetio contra pronuntiationem refert, nempe Consilii. regis generali de carceris tætu compellendis iudicatis, si intra quadri-

mostræ solverint, mulieres quoque comprehendendi. Male Fabius Arcades mulierem, quæ pro alia dolum promittit, posse compelli carceribus, per *L. ult. C. ad SC. Feltet.* Nam immo hæc non tenetur ultra quam facere potest, sive pro filia promittit ob coniunctionem, sive pro extranea ob liberalitatem. De nobili Gomez. in *L. Tauri. 79. n. 1.* Petr. Barbosa ad *L. alia 14. ipi 15. §. eleganter. 1. Sol. matr. n. 13. et seqq. Heing. de Fideiuss. Cap. 10. n. 368. et seqq. fuse Gutierrez de Juram. confirmat. P. 1. C. 16. De Doctore Gomez in *L. Tauri. 83. et finalis n. 17.* Caccia. de Debit. fugitiv. Q. 5. n. 9. et 10. Hartm. Harim. Obs. misc. C. 1. Obs. 4. n. 6. Matth. Brun. de Cess. bon. Q. 10. Quæst. 4. principalis q. 3. In specie de medicis Doctore (in quo sollicitus dubium dicitur. Confer. Aut. Fab. C. suo Lib. 9. t. 28. Defin. 9. et 10.) exseque Statuto, de non capiend. persona militari, Ludov. 2. Peguera Decis. 164. Olim quoque Senatores et clarissimæ persone libera enclodis encephaloban, quæ apponitur actori, quia latus in illa spatium licebat, vid. Hot. 9. Obr. 4. Ravaz. 3. Far. 12. Heing. ex Lipsio de Fideiuss. Cap. 10. n. 373. et seq. Io. Savaro Com. ad S. d. m. 1. Epist. 7. Senec. ex debito civili non quidem carcere relaxandum, sed nec actori, verum militi custodie includendum esse, Senatus Pedenotian. censuit, Cachera. Decis. 123. Mirum visum est, quod Clippius memorat. Lib. 1. de Privileg. rust. P. 1. C. 7. rusticos regia Gallorum lege ob se qualescunque alienum in carcerem abduci non licere, præterquam in libellibus omnibus et mercede a colono debita dimisso. Quæritur; Num huic immunitati renuocari possit? P.*

in carcerem conici posse, ibique detineri, quamdiu non solvat, neque bonis cedat, L. 1. C. qui bon. ceder. poss. Idque effectum esse lege xii. tabularum: quæ 2 iudicati ducendi fecit potestatem, eiusque vincendi nervo, aut. compedibus, ut lex refertur apud Aul. Gell. Lib. 20. Cap. 1. Etiam illud eadem lege cantum fuit, ut qui iudicatum in carcerem detraxisset, ei 3 dimensionum præstaret ad certam quantitatem, quæ lege ex-

pressa est. Si plus præstare vellet ipse, aut alius, ostendit lex ius esse. Hoc posito, quam eius, qui in carcere inops degit, omniumque similium personarum egentium, qui publico aliquo in loco detinentur ita, ut se inde movere non possint, quales sunt, qui in ptocotrophis morbo afflicti iacent: quam omnium, inquam istorum intersit, aliorum hominum erga se liberalitatem non prohiberi, postquam ipsi victum querere non possunt,

Barbosa *supr.* d. loc. affirmat in nobile. Quia etiam propter reverentiam, sit, privilegium habet, non tamen debitam eam capiti au superior. Et privilegio ratione dignitatis concessio requiritur probat L. pen. de C. de pact. Licet vero Clerici privilegio fori adiacere sequantur, discernere tamen id esse vult, quod in his ius publicum principaliter per L. 1. §. 2. de iust. et iur. in nobilitas autem secundario, et privatum primario consistat. *Ibid.* n. 24. mulierem quoque venuere posse, ut tamen carceri separato, non visis communi tradatur. Quod et Augustus Saxon. Electori placuit *Nov. sua* 21. p. 2. De commutatione ista accuratius Gutierrez *supr.* d. C. 16. De commutatione qui debitor, si sua die solvitur, se ad carcerem obligat, quæ approbata d. Nov. Elec. 21. p. 2. nun iuro communi tenent, et quæ eius vis vid. 24. 2. Sing. Resp. 6. Myrning. 6. Observ. 51. Avio. de Execut. §. 8. C. 2. P. Barbosa *ad d. L. alla* 14. §. 1. Sit. matr. n. 43. et 2. seqq. Muller. 1. Semestr. 35. et ad d. Nov. 21. Confer. Henning. de Fideiuss. Cap. 10. n. 169. et seqq. Frid. Martin de Iure consumm. Cap. 4. n. 22. et seqq. et Cap. 6. n. 351. et seqq. Menoch. Arb. Lib. 1. §. 7. n. 12. ubi docet maribus effici posse, ut corporali quis se alligat possit. Ista autem commutatione non excludi bonorum cessionem, vult Coler. P. 1. C. 6. n. 210. quia et, cum illi expresse renunciari sequatur (vid. lamen not. *supr.* ad L. 16. et seqq. n. 15.) minus tacite. De obligatione ad obstagia (ad Augustus Elect. Sax. prohibiti 1. Nov. sua 22. p. 2. vid. Gail. 2. Obs. 43. Coler. P. 1. C. 8. Madest. Pist. Q. 138. Muller. 3. Semestr. 30. Hering. de Fidei. Cap. 17. n. 66. et seqq. Ventura de Valentis Parthenii litig. Lib. 4. C. 2. n. 27. et seqq.

2.) Quo postquam 60. dies in vinculis habitus trans Tiberim peregre venundari et, si plures creditores, in partes secari poterat. Agell. d. loc. De quo veteri de neta lege, eius item vera lectio vid. Cuius. 9. Observ. 39. Rer. ad LL. 12. tab. Cap. 8. Theod. Maroll. Collect. L. 12. tab. Cap. 18. Cout. 2. Subsec. lect. 18. Forner. 1. Select. 6. Bodin. 1. de Repub. 5. Brodia. in supplem. hist. folii Potter. Lib. 5. C. 18. Covar. 2. Par. Resol. 1. n. 1. Menoch. Arb. Cap. 183. n. 5. et seqq. Itemque Joseph. Scal. in Frotto F. Norvum Sigon. 1. Emend. 35. Ise. Nicol. Loensis g. Musell. Eniphill. 1. Hieron. Mij. 1. Misc. 8. qui negat hoc ius ex S. Iulianis ac Gracorum legibus acceptum fuisse. Sueti Alex. ad Alex. 6. Gen. Dier. 10. Solosens Athenis corpus pro re additi vetuisse. A rigore illa decernit legi parum abest holierum Iudorum Calenitium institutum, eui et Livor. Variorum itineraria refert Ostio. Tessar. Decret. 153. n. 2. Apud Chineses aere alieno pressi in carcerem committuntur, tempus solutionis præfixitur. Quo nisi credito puerit, verberibus cedantur, alio deinde die statuto aiores plagæ infliguntur, donec ad pecuniam usque exierint, lo. Constal. Modesta Lib. 3. de Regno Chines. Cap. 10. Subditi autem apud Romanos illa crudelitas de orei lex non deinde in sed oculorum lege expressa ab L. Papirii in Publico adolescente venusto attentum flagitium, de quo Liv. Lib. 8. Par. 2. de Suetis. inter. 18. n. 59. Rer. d. Cap. 18. in fin. et tamen adhuc in comp. filibus servari posset, ad operas præstandas, donec erodit sufficit, vid. Rer. d. loc. et 4. Par. 18. ubi docet, subacta et lege adhuc viguisse adhibitionem voluntariam, quæ se in servitum, additi paxi fuerint debitorum, donec erodit exsolvent, de quo accipit L. 12. C. de O. et A. Ad consuetudinem istam legem recipere potest illa Gail Manli apud Salust. in Catilina C. 33. Neque cuiquam nostrum licuit more maiorum lege uti, neque amisso patrimonium liberum corpus habere, tanta servitio laetior erat Prætoris fuit. Ubi Henric. Glareo. in Com. quæ sit illa L. nihil se certi adferre

posse scribit. Reliqui, Rivius Poppa, P. Græcorum omnino prætereant. Iure Sax. quo debitor ad maus creditum condempnatur, ut illi in vinculis ac compedibus operas serviles præstet, reductum esse quadrantes illam ditionem veterem notat Coler de Process. P. 1. C. 6. n. 128. eamque L. perfidia debitorum inspecta ratione non carere Gail. 2. de Pac. publ. 2. n. 23. Sed dispositionem eam D. Augustus Elector penitus sustulit, d. Novell. 22. p. 2. apud Hispanos additionem debitorum in servitum deus vigere et passim in futo observari, testatur Fene. de Cædæ ad. L. 3. Cod. de in integr. rest. in definit. v. sua facilitate n. 52. Add. Parlat. 2. Rer. quid. C. fin. P. 5. §. 7. n. 4. Confer not. *supr.* ad d. L. 6. D. N. 15.

3.) Quo de verba hæc L. 12. tab. apud Agell. d. C. 1. Si volet suo vivito. Ni suo vivit, qui cum vinetum habebit libras faris in dies dato. Si volet plus dato. Sed Rer. ad. in LL. 12. C. 8. emendat ita: libram faris endo die (id est quilibet) dato. Ex seqq. enim si volet et. liquere certam faris quantitatem legem expressisse. Quod et ratio Gail. Forner. 1. Select. 6. Si acteis, ait, quantum idcirco (infinita enim locutio esset) ignorans et quid itreque. Unde pro libras repait libras 5. id est, sechira. S. cum eon notam sequitur significasse. Sed notatur a Cuius. 9. Obs. 37. tum quod libras 5. non sechiram sed sequilibrum decesset, tum quod sechira motus angustior sit ibid. Cuius. verbis libras faris in singulis oves aum significari. Sed non convenit series verborum præced. et seqq. quæ de una loquuntur. Potius dicendum significari libras in singulis dies, vid. Fopp. ad Arzema 1. Dissert. 15. Libram sane faris servorum diarium sine victum domum fuisse probant illa Horatii l. Sat. 5.

..... cui satis una
Farris libra foret gracili sic tamque pusillo.

unde Forner. refellitur. Libras autem non panis, ut Cuius. 11. Obs. 22. sed pulvis significari, ex primo victu vult Marcell. in L. 12. tab. collect. C. 18. Huc respicit Theod. Pharm. 2. Sc. 2. ubi Phemio:

Mhi sciuit nihil esse, dices damnatum domum
Alere noluit hominem edacem

Docebantur enim additi domum ibique aervo, accliet estulo ferveo celli vincula vel compedibus vinciebantur, unde Neri diell. Marcell. d. C. 18. Quatenus debitor inops carceri includatur, expensis creditoris alii debeat, Viv. Lib. 4. Decis. 549. Marants in Singularib. lit. C. pag. 681. Caler. de Process. P. 1. C. 2. n. 87. et seqq. et C. 6. n. 91. et seqq. ac Decis. 581. Damhader. Præc. etvid. C. 61. n. 24. Contra tamen consuetudo molis lucis vult, vult Præge, Nærberge, etc. inclusi in den Schudthurnen miseriam quantitatem stipem a præteantibus emendicare audiant. Quia et ex Nov. Elect. Sax. 12. p. 1. ipsi debitori de alimentis consequendis dispiciendum. Quo satis ostenditur ex elemosynis ipsi videndum esse. Moller. 1. Semestr. 36. Et edite discentio videatur Coler. d. Decis. 581. ubi tamq ab edite constitutionis temporis, se uno minime quempum obavatum in carcerem publ. custodiam fuisse testatur. Sane variis. Constit. veniens. Principis nostri in Resolut. gravissimum convensus Torgensis tit. Institutensachon, Artic. 9. ut debitor exensus carceri publico tradatur, et si creditoris facilitate victus suppeditur, stipem loco constituto colligi, et aspiris distribui debere cautum est.

sunt, aut si prohibeatur, superioribus paratum esse adversus hoc factum tam iniuriosum actionem: etiam ut tacente facile quis intelligit. Iude quæsitum † si quis forte prohiberet, ne iudicatio in carcerem inferatur ea, quæ ad 4 victim vel ad stratum pertinent, sitne indicatio adversus eum aliqua actio eo nomine. Nec abs re hoc quoque de actione dubitatum est. Non enim facile hic ulla occurrit actio quæ iudicatio detur, neque ex contractu, neque ex maleficio. De contractu constat, nihil enim is contrahit, aut negotii gerit, qui victim inferri prohibet. Sed nec in iudicatum delinquit, ut quidem delictorum genera numerantur: non enim quicquam furto amovet; nec vi eripit: sed nec videtur damnum dare, qui nihil de rebus iudicati demisit, rumpitve. Quod enim inferatur, aut non est iudicatum; aut si eius est, manet integrum nihilominus, ut aute. Ne iniuriarum quidem actio est. Quam enim indicatio iniuriam facit, qui neque eum pulsat, neque ei convitiatur, neque quidquam facit, quod ad ipsius contumeliam pertineat? Ideo, ut dixi, de actione, an ulla esset, quæsitum est, deque ea re ob superscriptam causam constituendum fuit diligentius, quod hic factum est. Et ait † Ruffianus: *Utilis in eum penalit actio danda est, vel (ut quidam putant) iniuriarum cum eo agi poterit.* Penalem actionem hic accipere debemus, actionem ex lege Aquilia de damno dato, quia ut is damnum dat, et hac actione tenetur, qui pecus non occidit, sed ita inclusit, ut

fame necaretur, §. *ultim. Instit. de lege Aquil.* ita et is, qui victu et strato prohibito fecit, ut indicatus in morbum incideret, aut debilitaretur. Uterque enim pariter causam damni dedit. Et ideo in hac actione in hoc agatur, quanti sit, quod inferebatur indicatio, et præterea si iudicatus in morbum victimæ ex ea re incidit, quod rebus necessariis, quæ inferebantur, caruit; id detrimentum omne illi sarcitur, de quo vide *L. ultim. supr. de iis, qui deiecerunt vel effud.* Sed erit hæc actio utilis, non directa duabus de causis. Una, quia is, qui prohibet victim inferri, corpore suo damnum non dat, dicto §. *ultim. de lege Aquilia.* Altera, quod actio directa legis Aquiliæ soli domino datur, *L. item, Mela, §. legis, supr. ad legem Aquiliam.* At de damno corporis liberi actio domino dari non potest, etiam si maxime detur ei, qui damnum passus est, quoniam nunc existimatur dominus esse membrorum suorum, oportet enim aliud esse, qui rem habet, et aliud id, quod habetur, *L. liber, supr. ad legem Aquiliam.* Iniuriarum actio erit in hac specie eodem exemplo, quo datur adversus eum, qui nec rebus publicis uti prohibet, aut nostris, *L. iniuriarum, §. si quis me, infr. de iniur. L. qui pendentes, supr. de action. empt.* Non enim magis pertinet ad libertatem nostram, et ius civitatis uti rebus publicis, cum lex usum dat earum rerum: quam uti alieno beneficio, et liberalitate, cum offertur.

4) Hinc Q. quid victus et strati verbis continetur, de quo L. 43. et 2. seqq. de F. S. ubi vid. Cod.

Ad L. Imperatores 35.

Papyrus Iustus Lib. II. Constitutionum.

Imperatores Antoninus, et Verus rescripserunt quasquam sub obtentu novorum instrumentorum restitui negotia minime oportere: tamen in negotio publico ex causa permittere se huiusmodi instrumentis uti.

SUMMARIA.

1. Res inter privatos iudicata prætextu novorum instrumentorum instaurari non potest.
2. Nisi tamen in illis fraus et dolus adversarii arguatur.
3. Neque de causa legati aut fideicommissi nullo apparente testamento iudicata iterum agi potest eo reperto.
4. Contraria remouentur.

5. Causas publicum incommodum continentes licet iudicatas retractari ex causa: hæc duplex et qualis utraque.
6. Rem adversus rempub. iudicatum minime rescindendi, si curator reip. qui erit in culpa, sit solvendo.
7. Difficultas ex L. unie. C. de sent. adv. fisc. Lib. 10. adducta remouetur.

Statim iam dictum est rei iudicæ standum esse, etsi iniuste quis condemna-

tus, aut absolutus sit, *L. prætes infr.* si modo ea removeris, de quibus dixi ad L.

Di-

Divus, *supr.* Id ut certius esse intelligeremus, addiderunt constitutiones, res iudicatas, ne prætextu quidem novorum instrumentorum, idest, post rem iudicatam repertorum retractari posse, *L. sub specie, C. de rei iud.* Idem inculcatur hoc loco: sed interpretantur Imperatores hanc constitutionem valere in rebus privatis: in negotio publico non eodem modo. De rebus † igitur privatis prius dicatur, statuamusque hoc, quod supra posui, obtentu instrumentorum postea repertorum res iudicatas retractari non posse. Utpote, cum actor decem matuo peteret, et probare non posset ea deberi, reus, ut iuris ordo postularet, absolutus est, *L. qui accusare, C. de edendo*, si actor postea reperiat eius mutui tabulas, hisque probatis iterum agat, non audietur, idemque est, si fingas rem, cum diceret se solvisse, neque id probare posset, condemnatum esse: postea apocham solutionis reperisse, nihilo enim magis recusare poterit iudicati actionem, aut solummodo ex ea causam repetere. Sed meminisse oportebit: has constitutiones tunc solum locum habere, cum res iudicata retractatur ob hanc causam, quod dicantur instrumenta de re postea esse reperta. Diversum ‡ est, si præter hæc instrumenta factum aliquod fraudulentum adversarii arguatur, propter quod consecutus sit, ut priore iudicio secundum eum indicaretur. Et ideo si † priore iudice iudex a reo iusiurandum exegerit, et cum iurasset, secundum eum pronunciavit, ut fieri in dubiis causis solet: constitutum est notis instrumentis postea repertis licere de eadem re ex integro agere, *L. admonendi, supr. de iureiur.* Recte: hic enim coercetur periurium adversarii; quod illi prodesse nequaquam oportet. Idem probandum est, si ‡ adversarius instrumenta, quæ postea reperta sunt, subtraxerit, quibus subtractis facile extorserit, ut secundum se indicaretur. Nam si is, qui hac arte transactionem extorsit, adversus transac-

tionem exceptione aut replicatione doli repellitur, *L. sub prætextu, C. de transaction.* etiam ei, qui idem fecerit in iudicio, adversus actionem iudicati doli exceptio, aut adversus exceptionem rei iudicatæ, doli replicatio obstat, ut dixi ad *L. Divus, in fi. supr.* non enim minorem auctoritatem habet transactio, quam res iudicata, *L. non minorem, C. de transact.* Neque hæc cum dicimus, quicquam discrepans dicimus ab eo, quod constitutum est, sub specie novorum instrumentorum postea repertorum res iudicatas instaurari non posse. Nam superscriptis duabus causis non propter instrumenta tantum res retractatur, sed propter circumscriptionem adversarii. Quod si nullus dolus adversarii arguetur: manebunt hæc constitutiones, quæ volunt res bona fide actas et iudicatas ullo prætextu revocari. At quid si ‡ is, qui nova instrumenta reperit, hisque nunc utitur, dicat se eorum instrumentorum facultatem antea habere non potuisse? Ne sic quidem audiendus est. Nam nec transactiones bona fide interpositæ prætextu instrumentorum postea repertorum, quamvis ea adversarius antea non habuerit, retractantur, *L. sub prætextu, C. de transaction.* Hic tamen ambigitur, † num ‡ ex omnibus causis privatis, unam excipere debeamus: causam legati videlicet, aut fideicommissi, de quo non apparentibus tabulis testamenti actum et iudicatum est. Ut ecce: cum quidam diceret sibi decem legata esse testamento Titii, ea ab herede petita, et testamento latente, quia de legato docere non poterat, heres absolutus est. Reperto postea testamento legatarius eadem decem petiit: quæ constat testamento esse legata. Questionis est, an per speciem testamenti postea reperti de legato recte iterum agatur. Ego puto etiam hanc causam ad has constitutiones pertinere, idest, causam in hoc genere decisam, nec testamento postea reperto instaurari posse. Nihil enim excipitur constitutio-

† 1) Vulgo ratio redditur, quia lata est ex probationibus privilegialis, non autem veris et ordinariis, vid. not. *supr. Tom. 10. in Comment. ad Tit. de Iureiur. Cap. 11. N. 37.* Sicut et alias sententias ex eisdem latis rescindi receptum est. Hinc etiam causæ per testimonium decisa, æque testes veri non audiantur per *L. 15. Cod. de fid. instr.* id tamen ita si priores de re competita, et sensu aliquo corporis percepta dixerunt. Secus si de eo quod sibi viam fuit, dum ratione colligerent, vel ut vulgo de credulitate, Maranta *h. t. n. 134.* Unde sententiæ ex relatione peritorum artis late rescissioni subiacent, ut *supr. lib. 26. civil. Comment. Cap. 1. n. 7.* Hinc sententiæ ex aspectu de state lata retractantur, errore detecto *L. 32. de minor. C. fraternitatis extra, de frigid. et malefic. Cora. in L. admonendi Par. 2. n. 7. Beut. ibid. n. 60. Marant. P. 6. h. t. de sentent. n. 136.*

‡ 1) Item si prævaricatio inde liqueat, aut si sententia per instrumentum illud nullitatis arguatur, ut si sententiam antea

de eadem re latam continet, quia exinde certum posteriorum sententiam non valere *L. 1. C. Quan. prov. non est nec Cora. SC. Tolor. Cap. 37. Mins. 4. Obs. 60. n. 6.*

‡ 2) Consensit Fachin. post Cuman. et Fulgosi. quos citat *1. Contr. 51. Contra B.D. vulgo et ignorantia probabilis, restitut. in integrum, indulgent ex generali clausula, si qua iusta causa.* Vid. Stort. *Ord. de Restitut. in integr. Q. 72. Art. 3.* Itaque usum possim servari scribit Cora. *d. C. 37.* maxime si reus condemnatus sit Duaren. ad *d. L. 37.* ex circumstantiis causæ debere sumi vult, aut æquitas ea ut delicti restitutio. Veluti si reus successit alteri et diligentem magam adhibuit in querendis instrumentis. Quia non est quod cū impetitur quod minus in fructus litigaverit, quod contra actori vitio verti potest. Ceterum hic lulus esse monet Myns. *4. Obs. 60.* ut ante sententiam protestetur: re instrumenti copiam nunc non habere, quod postea se reperturum speret.

tionem præter negotium publicum. Nec me movent ea, quæ in contrariam partem a plerisque dicuntur: Aliud 4, † quod et verum est, de iis controversiis, quæ ex testamento pendunt, nisi inspectis at cognitis verbis testamenti, transigi non posse, *L. de his, supr. de transaction.* Ex quo effici volunt, in eadem causa res indicari posse. Hoc vero non recte: non enim bene in hac re comparatur res iudicata, et transactio. Et enim de iis controversiis, quæ ex testamento pendunt, nec natura transigi potest: qualis tandem nulla esse potest, ut docui alias ano loco: at res ipsa non docet, peti posse aliquid ex testamento, quamvis inde nihil debeatur: et cum petiti fuerit, reum absolvi aut condemnari posse. Obiciunt etiam constitutionem Iustiniani, qua cautum est de eiusmodi lite iureiurando decisa: non apparentibus tabulis testamenti legatarius de lata conditione ab herede inaravit, sibi aliquid legatum esse: prolatis postea tabulis, quibus constat nihil esse legatum, ille constituit iusiurandum retractari posse et repeti, quod ex ea causa solum est. *L. ultim. C. de rebus credit. et iureiurand.* Volunt scilicet, ut iusiurandum de his controversiis, quæ ad testamentum pertinent, non existente testamento interpositum, retractari potest: sic posse et rem iudicatam: quia utriusque in expediendis litibus vis sit eadem, atque adeo iuris iudicandi maior, *L. 2. supr. de iureiurand.* Sed perspicuum est, aliam esse causam eius, qui indicio obtinuit, sine dolo malo suo; aliam eius, qui sciens falsum inaravit, qui ut aliquid haberet, consecutus est perjurio, quod si iniquum est prodesse, ut sæpe iam dixi. Et hauc quidem rationem constitutionis suæ diserte reddidit Iustinianus in dicta *L. ult.* Nam quod dicitur iusiurandum parum, aut etiam maiorem vim habere, quam rem iudicatam, ideo dicitur, quia iureiurando quodammodo transigitur, dicta *L. 2. L. admoventi in fin. de iureiurand.* Unde licet intelligere, quibus in causis transactio non admittitur, cuius generis sunt eæ, quæ ex testamento pendunt, nondum

inspectis verbis testamenti: in his nec iusiurandum valere debere pro transactione, nisi nec pro transactione receptum aut superiore constitutione Iustiniani. Atque hæc in negotiis privatorum locum habent. In negotio † 5 publico permittunt Imperatores novis instrumentis uti. Publicum est, quod ad fiscum, quod ad civitatem pertinet, *L. eam, qui, L. inter, infr. de verbor. signific.* Item quod pertinat ad ecclesias. Unde ius publicum dicitur etiam, quod in sacris consistit. *L. 1. §. huius studii, supr. de instit. et iure.* Permittunt uti, nempe 5 fisco, civitati, 6 ecclesie, quæ propter inopiam horum instrumentorum prius victa est. Sed permittunt ex causa. Causa car retractetur negotium publicum, duplex est. Una, si aliqua fraus adversarii arguatur, similiter ut in causis privatorum: de quo ante diximus. Altera, si remota omni fraude adversarii fisco aut república rem salvam aliter habere non potest, quam negotium restituendo. Id autem ita fit, si aut is, qui negotium publicum prius egit, non potuit copiam habere eorum instrumentorum, de quibus agitur: et omnino, si in eo, quod victus est, nequa appellavit, omni culpa careat, aut non sit solvendo. Nam curator Reipublicæ, ut ii, qui privata negotia administrant, culpam præstat: quæ remota, non tenentur. Sed etsi quid Reipub. culpe nomine tenari coperit; tamen si non sit solvendo, Reipub. actio est inanis, ut periade sit quasi illa actionem non habeat, *L. nam is, supr. de dolo*, ut utroque modo Respublica adversa curatorem rem servare non possit. Hoc casu novis instrumentis postea repositis recte Respublica de eadem re cum debitore agit. Satis est enim rem perire privato, quam Reipub. præsentim, cum constet debitorem Reipub. iniuria esse absolutum, ut Rempubicam alio agonta esse damnatam. Quod si in † curatore Reipub. culpa est, quod Respub. victa sit, aut quia non appellavit, et is solvendo est, potius est conveniri debet, quam res iudicata rescindi. Hæc sententia cum recipienda est propter auctoritatem rerum iudicarum, argument. *L. servo, §. cum prætor,*

4) Ita Duer. ad d. L. 35. Cora. d. C. 37. Stat. Odd. de Reut. in integ. Q. 73. Art. 4. Medium testamentum foret Fecia. 1. Contr. 54. ut si quidem posteriori testamento maior quantitas legatario relicta sit, æq. evinda possit, quæ nova petitio sit. Sicut si priore testamento relicta posteriori perito adimplem sit.

5) Quod de omnibus rebus publ. municipiorum, universitatibus et collegiis hactenus accepit Mysias. 4. Obs. 6a. n. 3. Ubi n. 10. in hisse causa alium testem novum post sententiam recte produci statuit.

6) Cora. SC. Toloz. Cap. 37. Mysias. dict. Obs. 6a. n. 3. Beant. in L. admoventi d. 71. Fecia. 1. contr. 53.

Enimvero, ut hoc lex ad papillas et minores protrahatur nulla ratio arguit. Satis enim si per re constitutionis in integrum reductio communi morali. Satis et sententia contra instrumentum latum eo transire in rem iudicatam trifissimum est, per C. In tot. 2. extra h. 1. et alibi. Et illa igitur quibuscunque possit, prohibitionibus contra detecto reuatabitur. Quo de vid. Gult. 1. Obs. 112. Fecia. Cora. 136. et seq. Contad. in L. diffamari Cap. 3. n. 171. et seq. Quæ tenet transit in iudicium quoad instantium. Vid. Bender. de Revisione Concl. 25. n. 61. et 65. Pari modo rescinditur etiam sententia, quæ iudicii vires non sicuti receptæ sit, de quibus Marcell. P. 6. h. 2. de sentent. n. 130. et seqq.

tor, *supr. ad Trebell.* tum recte defenditur exemplo minorum: qui ut Reipub. in omnibus negociis, quæ propter tutores, aut curatores gesta sunt, læsi in integrum restitui possunt adversus eos, quibuscum negotium gestum est, *L. etiam, C. si tut. vel curat.* At excipitur res adversus minorem iudicata: de qua placet, quandiu is rem a tutore servare potest, tandiu eum negotium retractare non posse, nec impetrare restitutionem, *L. properandum, §. ultim. C. de iudic.* Huc accedit, quod nihil ex solemnibus iuris, nisi ubi evidens æquitas poscat, facile immutandum est, *L. etsi, infr. de reg. iur.* Solemne et publicum, atque usitatum ius est, sententias rescindi non posse, nec debere, *Tit. C. sentent. resc. non L. servo cum, §. prætor; supr. ad Treb.* Porro quæ evidens æquitas suadet, licere Reipub. res iudicatas rescindere, quandiu res illi alia via salva esse potest. Tandiu igitur non retractabit. Existimaverit

† tamen aliquis, argum. *L. unica, C. de 7 sent. adver. fisc. lat. Lib. 10.* sine exceptione rem adversus fiscum iudicatam retractari posse. Nam in ea hæc verba sunt, *Causas, in quibus contra fiscum iudicatum est intra triennium retractari posse, et post id tempus, si prævaricatio arguatur, vel manifesta fraus probetur, notum est.* Sic aperte ad retractionem nihil exceptum est, dum intra triennium res revocetur. Sed observandum est, constitutionem hanc de tempore scriptam esse, intra quod res adversus fiscum iudicata retractari possit; non potest, nisi intra tempora superiori constitutione præstituta. Sed prima quaestio est, an possit retractari. Dicimus non posse, nisi ex sententia eius constitutionis, quam nunc interpretamur, et recte priores leges ad posteriores trahuntur, et posteriores ad priores, nisi sint contrariæ, *L. non est novum, infr. et 2. seqq. de legib.*

A. L. Pomponius. 36.

Paulus Libro xvii. ad edictum.

Pomponius libro xxxvii. ad edictum scribit, si uni ex pluribus iudicibus de liberali causa cognoscenti, de re non liqueat: cæteri autem consentiant: si is iuraverit sibi non liquere: eo quiescente, cæteros, qui consentiunt, sententiam proferre: quia et si dissentirent, sententia plurium obtineret.

Ad L. Tunc autem. 37.

Marcellus Lib. iii. Digestorum.

Tunc autem universi iudices intelliguntur iudicare, cum omnes adsunt.

Ad L. Inter pares. 38.

Paulus Lib. xvii. ad Edictum.

Inter pares numero iudices, si dissonæ sententiæ proferantur: in liberalibus quidem causis (secundum quod a divo Pio statutum est) pro libertate constitutum, obtinet: in aliis autem causis pro reo, quod et in publicis iudiciis obtinere oportet.

Si in diversis summis condemnant iudices: minimam spectandam esse, Iulianus scribit.

Ad L. Duo 39.

Celsus Libro III. Digestorum.

Duo ex tribus iudicibus uno absente iudicare non possunt: quippe omnes iudicare iussi sunt. Sed si adsit, et contra sentiant: statur duorum sententiæ. Quid enim minus verum est omnes iudicasse.

SUMMARI A.

1. Si duo iudices dati sunt, oportet ut eorum sententia rei iudicative vim habeat ambos iudicare, et eandem ferre sententiam.
2. Tribus aut pluribus iudicibus datis, nullius momenti est sententia quam duo vel plures dixerint, uno absente, et quare.
3. Attamen duo ex tribus recte sententiam proferunt ubi consentiant, uno ex tribus præsentem et quiescente.
4. Quomodo interpungenda sunt verba illa, Quid enim minus verum est; omnes iudicasse?
5. Cum sunt dispares numero iudices, et hi diversas ferunt sententias plurium sententiæ stari, et quare.
6. Inter pares numero iudices si diversa ferantur sententiæ, vel ea sequenda quæ stat pro causa favorabili, vel alias quæ favet reo, potior.
7. Si de pecunia numerata agitur, et alius in aliam summam condemnnet iudex minor summa sequenda est, et quare.

Si unus tantum iudex est, etiam rei ab eo iudicatur standum est, *L. ait prætor, sup. eod.* Multo igitur magis, cum plures dati sint iudices, omnium sententiæ valebunt, si modo et omnes iudicaverint, et eandem sententiam tulerint. Sed fieri potest, ut pluribus iudicibus datis, aut non omnes iudicent: et si iudicant, diversas inter se sententias ferant: Quod cum accidit, quæritur, an eorum sententiæ valeant nihilo minus, an vero nihil plus agatur, quam si nemo iudicasset. Hac de re ita ¶ statui debet ex fragmentis sequentibus et superioribus quibusdam. Si duo tantum iudices dati sunt, oportet ambos iudicare et eandem sententiam ferre, si eorum sententias valere volumus. Sive enim unus non iudicet, nihil plane agitur: sive uno iudicante alter dissentiat, utriusque sententia in pendenti est, donec competens iudex alteram confirmaverit, hæc ex *L. duo, sup. Bene*: quia omnes iudicare iussi sint. Nam non ubiqueque pluribus res aliqua gerenda permittitur, necesse est omnes adesse in re gerenda: quia non hoc illis mandatur, ut omnes adsint. Et ideo quamvis decurionibus res civitatis gerenda committitur: ratum est tamen, quod maior pars decurionum aliis absentibus decreverit, *L. nulli, et L. seq. sup. quod cuiusque univers. nom.* non enim, ut dixi, omnes adesse iubentur. Quod ¶ si tres pluresve iudices dati erunt: hic nonnihil dissimile est. Illud quidem convenit, quod omnes iudicare oportet, et ideo si duo ex tribus, idest, maior pars, vel uno tantum absente

sententiam dixerint: placet nihil agi hac ratione, quia omnes iudicare iussi sunt, *L. duo ex tribus, infr.* sed frustra, dixerit aliquis, tertii absentis sententiam requirimus, quia etiam si præsens dissentiret, nihil noceret: statueretur enim plurium sententiæ. *L. Pomponius, in fin.* Qui potest invito aliquo iudicare, multo magis poterit absente et ignorante. Recte hoc diceretur, si ideo absentis præsentiam requireremus, ut ferret sententiam. Sive enim idem diceret, confirmaret cæterorum sententiam, sive aliud, nihil noceret, ut dictum est. Sed ideo eam requirimus, quia potuit vel ipsius præsentiam, vel oratio trahere cæteros in eius sententiam, quam ob causam omnes adesse volumus, eaque ratio nominatim reddita est ab Ulpiano in *L. item si unus, §. ult. sup. de recept.* Hinc consequens esse videbatur, ut quamvis omnes iudices tres præsentibus sint: tamen duo frustra iudicent tertio præsentem quidem, sed quiescentem. Sed placuit ¶ Pomponii sententia, quæ refertur *L. 3 Pomponius*: Duos ex tribus recte sententiam proferre, uno quiescente, dum duo illi consentiant: non quod is, qui sententiam ferre non vult, non possit cogi sententiam ferre, si non nunc, at certe postea ampliata causa: quamvis iuret sibi de re non liquere, ut scripsi in Commentariis de re iudiciaria, cum de necessitate iudicandi disserui ex *L. quia, L. quia de re, sup. de iudic.* Sed quia in hac specie, quæ nunc proponitur, nihil necesse est eum qui iurat de re sibi non liquere, cogi sententiam dicere: id enim valet ea ratio,

tio, quæ redditur in *L. Pomponius, quia et si dissentiret*, inquit, *plurium sententia obtineret*. Significat enim non esse requirendam sententiam eam, quæ si feratur, nullam vim habet, cum ut ante dixi, si eadem sit cum aliis, priores magis obtineant: sin alia, prioribus nihil nocet. Idem de conditione inutili scriptum est in *L. si quis ita scripserit, sup. de hered. instit.* Cum hoc demonstrare vellent, Iurisconsultus eius conditionis eventum non esse expectandum. At enim supra dictum est, omnes iudicare debere: quia et iussi sint ex *L. duo*. Neque nunc id mutamus. Sciendum est enim cum omnes adsint, universos intelligi iudicare; si modo duo consentiant, *L. tunc autem, seq.* At quomodo iudicat, qui quiescit? Hoc ipso videtur confirmare sententiam, quod non contradicit. Quod si omnes iudices sententiam dixerint, iam hic nihil ad rem pertinet, si dissentiant, valent eorum sententia nihilominus. Cuius rei ratio hæc redditur in *L. duo, ex tribus*, quod iussi sunt omnes, non idem iudicare, sed iudicaria simpliciter. Non autem minus verum est omnes iudicasse, quamvis dissentiant. Hoc enim est, quod cum in eo loco Celsus dixisset, cum omnes iudicant, quamvis nunc dissentiant, stari duorum sententia. Huius rei rationem reddens, subiicit ꝑ hæc verba: *Quid enim minus verum est omnes iudicasse?* Et ideo hæc ita interpungenda, et afferenda sunt. Quid enim? minus verum est omnes iudicasse? Supple, quia unus dissentiat: quasi diceret, non sane minus verum est. Unde colligitur, omnes officio recte functos, eoque plurium sententiam obtinere. Quoniam prius dixerat, omnes iussos esse iudicare, sed nihil amplius, quam iudicare. Hoc eo moneo, quia ea verba vulgo leguntur uno tenore, quid enim minus verum est omnes iudicasse? quasi Celsus diceret, nihil minus verum esse, quam omnes iudicasse, et hoc ad initium responsi referunt, in quo dictum erat, duos ex tribus uno absente iudicare non posse. Sed neque hoc series orationis patitur: neque facile illis concesserim, hanc rationem esse latinam: quid enim minus verum est omnes iudicasse, pro: quid enim minus est

Tom. XI.

omnes iudicasse? Hoc constituto, omnibus iudicibus iudicantibus quavis dissentientibus, valere quod agitur, sequitur, ut querendum sit, si diversas sententias ferant, quorum sententia obtineat? Nam ut omnibus stent, cum sint contrarie, natura fieri non potest. Et de ea re ꝑ ita placuit, si in dispari numero iudicum diversæ sententiæ sunt, plurium sententiam obtinere. Pomponius *L. duo ex tribus. L. item si unus, §. pen. nup. de recept.* Cuius rei ratio supra exposita est. In quo illud notandum est, in pluribus iudicibus datis sequi nos non personarum dignitatem et auctoritatem ad vim sententiæ, sed numerum duntaxat. Ex merito id quidem: ne cui iniquum videatur, aut absurdum numerari, non expendi sententias. Auctoritatem enim sententiæ ex potestate iudicis in sententia ferenda metiri oportet, potestatem autem iudicis, non ex suctoritate et dignitate, aut prudentia personæ, sed ex voluntate eius, qui eos dedit. Qui autem dedit, parum sibi attribuit potestatem, pariterque omnium fidem appellavit, post quod omnes uno modo eius iudices esse voluit. Et sane rem ite gerere, multo est melius et commodius: Nonquam enim conveniet, si semel hoc certamen inter iudices introduxerimus, ut queratur, quis alio melior, aut præstantior sit: quis alio melius et æquius iudicaverit: ubi omnes parum sibi fidem: cognitionem causæ, æquitatem arguant: et quo quisque est imprudens, et indoctus, eo plura audacius sibi arroget, et alii detrahat. Nisi forte expectamus, ut de ea re iudicet, qui eos dedit. Sed satis erat multo, præsidem aut principem ipsam, qui iudices dedit, cognoscere: neque si a præside id cognosci possit, id ei concedi expedit. Alioquin multa bene iudicata a pluribus per hanc speciem a præsidibus subvertentur, et ut scriptum est in *L. eum quem, in fin. infr. de iudic.* aperte hæc res materiam gratiæ vel ambitioni præsidibus tribuit, eoque, periculi plena, proinde nec in Rempub. admittenda. Quod si in ꝑ pari numero iudicum dissonæ 6 sententiæ proferantur, ea dicuntur in *L. inter*, ex quibus colligitur eam obtinere sententiam—

21*

1) Dicitur ad d. L. 39. Quid si unus iudicum datorum decernit, Vid. Dicitur. ibid. et Fovet. 1. select. 7.

2) Ita Dicitur ad d. L. 36. Antio. Fab. C. suo Lib. 1. tit. 7. Defin. 2. n. 3. Cuius. 12. Obs. 16. Necesse est, ut minoris auctoritatis voces, etiam si dictæ fuerint iussu vel auctoritate maiorem, cedere auctoritati maiorem, ut Prudentius Lib. 1. c. 2. Symmachus. silemque parit. Vid. et Afflic. Dicitur. 1. et ibi additionatorum. Hinc et in collegiis et consiliis obtinet, ut suffraganeis numerus vincat an quod maior pars efficiat, pro eo habetur ut si omnes agerent L. 10. ad Altit. Symmachus. 4. Epist. 37. Tunc, 20, Lex Curia con-

stat, ut maiori apud nos. nonnulli existant antiquitates: Confir. Bodin. 3. de Repub. 4. n. 391. Marc. Velser. Lib. 5. Rerum Augustanarum. pag. 67. Simones 7. de Repub. 12. ac seq. Fl. Lucet. not. ad Symmachum. 2. apud. 36. scilicet Langley. 7. Symmachus. 10. pag. 393. et Cap. 12. In Gellius ex Leg. Ludev. XII. laudata a Bodino d. loc. si plures dissonæ sententiæ pauciores iudicia sua mutare ut plurimum placuisse concedere tenentur.

3) De his materiis alio tempore tractabo. Consule prout vellet ceteros Cuius. 16. Obs. 20. et 12. Obs. 16. ac 17. Pauli ad edict. in d. L. 38. P. Fab. ad L. 125. de R. I. An-

tentiam, quæ est humanior. Ex hac regula hæc 4 distinctio est, ut si causa de qua agitur sit favorabilis, ea sententia servanda sit, quæ facit pro ea caussa, ut si agatur de libertate, si caussa nullum mereatur favorem, tum id 3 obtineat, quod pro reo constitutum est. Semper enim in pari caussa humanius est favere liberationi, unde favorabiliores rei, quam actores. *L. Arrianus, infr. de oblig. et act. l. favorabiliores, infr. de reg. iur.* De libertate solum, in *d. L. inter*, mentio est. Sed ita ut id de ea dicitur, ad omnes causas favorabiles similiter pertineat. Et ideo si pars iudicantium pro testamento pronuntiaverit; pars contra testamentum; placet id esse servandum, quod pro testamento est, quia hoc humanius, *L. vel negare supr. test.*

quem ap. *L. 1. Cod. de sacr. Eccl.* Ergo et in dote idem recte dixeris. Arg. *L. in ambiguis in pr. infr. de reg. iur.* Sed hæc distinctio in cæteris causis omnibus illis est recepta. Cum ¶ de pecunia numerata agitur, in hac, cum pars iudicat decem deberi, pars quindecim, pars viginti minimam summam visum est sequendam esse, vel si agatur de dote, maxime favorabili, dict. *L. inter, in fin.* Ratio addita est in *L. diem proferre, §. si plures, supr. de recept.* Quod omnes minimam summam saltem conferunt, quoniam qui dixit viginti, ipse etiam dixit decem in minor, *L. 1. de verb. oblig.* De hoc iuræ est insigne exemplum, et de re luculenta disputatio apud Plinium *Lib. 8. ex epistola ad Aristonem*, cuius initium est: *Cum scis.*

to. Fab. *Cod. suo Lib. 1. tit. 7. de Senatorib. Defin. 2.* et 3. Alb. Gentil. 2. Lect. 4. Gomez. in *L. Tauri 38. Vant. de Naliti. ex defect. Iurid. n. 175. usque ad fin.* Maynard. *Lib. 4. Decis. Tolos. 80. Alex. Raudena. Decis. Pisan. 12.* Vinc. de Franci. *Decis. 252. Tassar. Decis. 1.* Quid ai Prudentes Iuris, (ut in collegiis iuridicis) consilii dissentiant? Vid. *Pax Scala Lib. 3. de Consil. Sapientis C. 26.* Quid si periti in arte pari vel impari numero discrepent. Vid. *Pacius. 1. de Probat. 47. n. 158. et seq. Confer. Mathuz. de Afflict. Decis. 1. Cacheran. in Praem. Decis. n. 11.* ubi quo ordine vota a Senatoribus colligenda. Expedire solent cogant a iunioribus initium sumi, contra quam *Alex. 4. genial. diar. 11.* pro quo faciunt *L. 5. §. 1. de albo scrib. et ea que Turq. de Iure primigen. prefat. n. 112. et 2. seqq.* Sed vid. omnino *Langius. 7. Semestr. 7.* ubi scilicet ostendit ordinem illum que potuerunt decem avarissime recepti, et libera, et decem, sententia frangitur, efficeret, cum potius sit iniunioris sententia contradicere, aut iudem prudentiores vide-

ri velle. Per aliam autem exquiri sententiam dicebantur, cum nullo ordine, confusi et perturbati, *Sallust. Jugurtha C. 29* ubi Cyprian. *Pompa. in Comm. et lo. Rivus Lib. 2. castigat. in Sallust. Isaso Casaubon. Lib. 2. de Rom. Satira C. 4. pag. 251.* Scip. Gentil. 2. *Parerg. 28.* Quomodo Augustus in rogandis sententiis odio solito inasper habito pro libitu easdem exquiri, ut perinde quisque animam intenderet, so ai censendum magis, quam assentiendum esset, *Sueton. August. Cap. 35. et Langius d. loc.*

4) Vid. *Guic. 10. Obs. 20. et 12. Obs. 16.* ubi vult hoc in testamento et reorum miseratione communi esse, cum que pars pro testamento, ex pro reo sit. Idem in pia causa *Ti. raq. priv. pia causae 147.* Idem quoque in causa fisci statui *Duar. ad d. L. 38.*

5) Quod et in Amphipolium totius Græciæ concessu et Acropago Althesienium observatum. Vid. *Isach. Steph. Lib. 2. de Iurid. Iudæ. Græc. etc. 6. n. 33. et Lib. 3. C. 4. n. 20. p. 448.*

Ad L Commodis. 40

Papinianus Libro x. Respon.

Commodis præmiorum, quæ propter coronas sacras præstantur, condemnatio placuit interdicti, et eam pecuniam iure pignoris in causam iudicati capi.

SUMMARIA.

1. De Athletis, eorumque muneri attributis honoribus et præmiis.
2. Spem illorum præmiorum pignori non potuisse obligari, et quare.

3. Ea tamen præmia quæ parva victoria essent quæ sita victori, iure oppignerari, ideoque capi in causam iudicati.
4. Et que diversi iuris ratio.

ATHLETÆ ¶ fuerunt, qui in certaminibus sacris decertarent, *L. athletas, infr. de iis, qui notantur infam.* Horum ars atque opera non modo ab omni infamia remota: ut quibus virtutis ergo certamen susciperetur, de quo constat ex dicta *L. athletas.* Sed etiam in primis laudabilis, et Reipub. utilis veteribus habita est, ut quæ cor-

pore optime exerceret, docereturque motus ad pugnandum cum hoste aptos, et in quo, qui vicissent, reliquorum omnium qui spectarent, ad simile aliquid audendum in hostem virtutem commoverent: Quod tum magis accidere necesse fuit, si eam causam in honore et pretio esse, homines intelligerent: quod ex præmiis et arti propositis existimare

licit. Ob hanc causam iis, quin et aliis vicissim magni honores constituti sunt. Nam et corona sacra donabantur, et propter coronam, idest, victoriam, cuius indicium erat corona, constituta his erant præmia, idest, salaria, quæ de publico penderentur. De coronis sacris, itemque præmiis, quæ propter has præstabantur, mentio est hoc loco, et *L. spem, C. quæ res pig. obl. pos. et apud Sueton. in Nerone, C. 23. et 24.* Res eo processit, ut qui ter vicissent, hi iubeantur constitutionibus immunes esse ab omnibus muneribus publicis, *L. unica, C. de athlet. lib.*

- 2 10. Sed præcipuum in his præstudium bene certandi ad Reipubl. utilitatem pertinere ea re a veteribus declaratum est, quod placuit spem eorum præmiorum de quibus dixi, pignori obligari non posse *d. L. spem.* Intelligebant enim si id facere liceret, animum et alacritatem ad bene certandum remitti oportere, adempta spe præmiorum, quæ vincenti proposita erant. Hæc autem obligata futura sunt in creditoris, non victoris potestate. Ea
3 res attulit hanc dubitationem, an præ ea commoda, quæ iam parta victoria quesita essent

victori, pignori obligari possent: aut quod eiusdem rationis est, horum nomen in causam iudicati capi, si athleta esset condemnatus, ut cætera nomina condemnati in eam causam capere licet, de quo dictum est in *L. a Divo, §. sic quoque.* Et placuit hoc loco posse, non iniuria. Non enim est eadem præmiorum iam partorum, quæ futurorum ad Reipubl. utilitatem conditio. Præmiis enim præteritæ victoriæ amissis, aut quiescentibus; non ideo animus ad novam victoriam adipiscendam relaxatur: quoniam novæ victoriæ sua sint præmia constituta: quibus studium augeri etiam oportet ei, cui præterita adempta sunt. At spe futurorum amissa, non multum de victoria erit sollicitus is, qui sciat se parta victoriæ nihil esse habiturum, quod creditores non auferant. Hoc autem contra mentem præmia constituentium, et adeo contra Reipublicæ utilitatem. Idem de omnibus præmiis, quæ in publicis et honestis certaminibus et ad ornamentum civitatis pertinentibus futuræ aut præteritæ victoriæ proposita sunt, recte dixeris.

Ad L.

1) Stipendia vero militum in causam iudicati capi nequeunt, quoniam in aliis executioni fieri potest, *L. stipendia §. Cod. de exec. rei iud.* quia milites favorabiles athletis, Duar. ad *d. L. 40.* Item redditus Sacerdotum vel beneficii ecclesiastici, argum. Cap. pervenit. 2. de fidei Duar. ibid. Parlad. sup. d. §. 3. n. 19. (ubi excipit n. 20. nisi ultro hæ res ad executionem in cautione debiti adigatur.) Vid. Col. Part. 2. Cap. 3. n. 137. et seqq. Cum primis vero espi ita omnino nequeant ab executionibus terri aratores, hoves item aratorum et instrumenta rei rustice. Quæ de re scilicet Chappin. de Privileg. Rustic. Lib. 1. Parte 1. Cap. 7. Menoch. Arb. Casu 378. Trentacinq. Lib. 2. Pract. Resol. tit. de execution. Resol. 2. Horat. Carp. Statut. Mediolan. Cap. 251. Marc. de Mantua. Sing. 497. Parlad. d. §. 3. n. 16. et seqq. Anon. Praxi §. 3. Limit. 32. (qui Limit. 37. idem statuit in iumentis ad mulingendum destinatis.) Unde eadem nec iure arretrari posse; licet unum tæpe, aut perverso contra servetur, scribit Petr. Peck. de Iure sistendi. Cap. 5. n. 16. Ne quidem in subsidium, aliis bonis deficientibus, ut Menoch. et

Trentacinq. ad. loc. Adde ut et hic de Res. 2. n. 4. nec conventionem expressam delictis reus contra valere docet, cum hoc in publicæ utilitatis causam inductum sit, ne agriculturalis turbetur. Coppin. vero d. C. 7. in fin. distinguit. Si rusticus una dominus fundi, instrumenta hæc venire non posse, eæ pignora, nisi cum fundo; Sin proprietatis alterius, posse, ne elidatur creditor. Sed et alii artificis artis suæ instrumenta non auferri debere docent Marania Speculi P. 6. Act. ult. h. tit. n. 29. Parlad. d. loc. n. 19. Maxime vero libri Studentorum, Doctorem, Advocatorum, Sacerdotum (arma eorumdem. Vid. God. ad L. 41. de P. S. n. 6.) executioni non subiacent, Vid. Rebuff. Priv. schol. 83. et 113. Hor. Luc. Privileg. schol. 32. Coler. P. 2. Cap. 3. n. 126. et seqq. Parlad. d. §. 3. n. 22. Anon. Praxi §. 31. Limit. 36. Iac. Schult. Q. pract. 47. n. 32. et seqq. Qui tamen aliis bonis nullis suppletibus immunes hodie non sunt, Coler. d. loc. n. 138. Schnlt. d. loc. Sig. Secac. 1. de Iud. 96. n. 43. et si contra statuat Rebuff. ad. loc.



Ad L. Nesennius 41.

Paulus lib. XIV. Quæstionum.

Nesennius Apollinaris, Si te donaturum mihi, delegavero creditori meo: an in solidum conveniendus sis? Et si es insolidum conveniendus, an diversum putes, si non creditori meo, sed ei, cui donare volebam, te delegavero? Et quid de eo, qui pro muliere, cui donare volebat, marito eius dotem promiserit? Respondi: Nulla creditor exceptione submoveretur: licet is, qui ei delegatus est, poterit exceptione uti adversus eum, cuius nomine promisit. Cui similis est maritus, maxime si constante matrimonio petat. Et sicut heres donatoris insolidum condemnatur, et ipse fideiussor, quem in donando adhibuit: ita et ei, cui non donavit, insolidum condemnatur.

SUMMARI A.

1. Beneficio ne supra quam potest, conveniatur, solus utitur donator adversus donatarium, non adversus alium cui etiam donatarii nomine promisit. Exempla.
 2. Imo nec interesse, utrum huic alteri donatarius teneatur ex causa onerosa an lucrativa, et hoc illustratur exemplo.
 3. Illud vero interesse quibus verbis donator alteri promittat, ut et adversus alium beneficio utatur, aut secus.
 4. Extraneum qui marito dotem promisit pro muliere cui donare volebat, posse in solidum marito conveniri.
 5. Exponitur L. si extraneus, 33. in princ. D. de iur. dot. ubi et Ulpianus cum Paulo consiliatur.
- Hoc responso interpretatur Paulus rescriptum Divi Pii, quod fuit de his, qui ex donatione sua conveniuntur. Fuit autem in hæc verba: *Qui ex donatione sua conveniuntur, in id, quod facere possunt, condemnandi sunt, L. si extraneus, supr. de iure dot. L. qui ex donatione, supr. de donatione.*
- 1 Ex hoc rescripto † Paulus in summa docet, et adversus quos donator hoc beneficio uti possit, et in qua actione, et quandin: Primo responso hoc dicit, ut hoc beneficio, ne supra quam facere potest, ex donationis causa conveniatur. Solus donator uti potest, non alius: quamvis in locum donatoris successerit, *L. etsi, et L. sequent. infr.* Sic utitur adversus donatarium duntaxat, non adversus alium quenquam, quamvis ei nomine donatarii idem promiserit, ad quod significandum his exemplis utitur. Quidam tibi donaturus decem, ea tuo nomine creditori tuo promisit; ab eo creditore in solidum conveniatur. Nec intererit, utrum is, cui donator promisit, solidum a donatario exigere potuerit, an non potuerit. Ut puta quidam uxori donaturus, marito nomine uxoris idem promisit, a marito in solidum conveniatur: quamvis maritus si cum uxore eo nomine ageret, solum in id quod illa facere potest, condemnaret.
- 2 Plus dicit † Paulus, nihil interesse, utrum

ei, cui donator promisit nomine donatarii, donatarius ipse obligatus fuerit ex causa onerosa, an ex lucrativa ita, ut quamvis is creditor nihil omnino consequeretur: tamen nihil amitteret. Finge eum, qui tibi donaturus erat, promisisse tuo nomine ei, cui tu idem donatum volebas. Donator ab hoc creditore in solidum condemnabitur, quod quanquam significat tantum Paulus hoc loco, non exprimit: tamen res ita habet, deque ea specie diserte scriptum est in *L. qui id quod, §. ult. supr. de donat.* Hæc omnia efficiuntur verbis illis constitutionis, *qui ex donatione sua conveniuntur.* Tunc solum convenitur donator ex donatione sua, cum convenitur a donatario, idest, eo, cui donatum voluit: alii autem cum nomine donatarii promittit, nihil donationis causa promittit, sed solutionis. Ideo enim huic promittit, ut in hunc transferat, idest, ut solvat id, quod alii ex donatione debebat.

Videndum est tamen in hac specie, † quibus verbis aliis promittendo donator utatur. Nam si certam summam, aut speciem donator promittit, locum habet id, quod supra diximus. Quod si promiserit his verbis: Spondeo me tibi daturum, quod illi ex donationis causa debeo: nihil amplius spondere secundo creditori intelligitur, quam id, quod

facere potest: quoniam revera et effectu hoc aolum ex donationis causa debuit, *L. si prior. sup. solut. matrim.* siquidem id solum vere dabitur, quod ab invito exigi potest, *L. debitor, inf. de verb. sig.*

- 4 Cui similis est maritus,) De hac ¶ specie inter ceteras tres, quæ hoc loco proponuntur, laboratur, si extraneus aliquis donatur mulieri, nomine eius marito eius promiserit: Paulus scripsit hoc loco, maritum solidum a promissore exigere posse. Contra,
- 5 ut videtur, Ulpianus ¶ in *L. si extraneus, supr. de iure dot.* scribit, maritum, si hunc extraneum promissorem convenerit, eum in id, quod facere potest, condemnaturum. Loquens enim de extraneo, qui dotem promittit, quo defecto facultatibus prius dixerat, imputari marito, cur eum non convenerit, subiicit hæc verba: *Si tamen donavit, utcumque parcendum marito, qui non præcipit eum ad solutionem, qui donaverat, quemque in id, quod facere posset, si convenisset, condemnaverit.* Sed perspicuum est, Ulpianum his verbis loqui de extraneo, qui donationis causa promittit marito, quod uxori eius debebat. Inducunt hoc aperte verba sequentia: *Hoc enim, inquit, Divus Pius rescripsit eos, qui ex liberalitate conveniuntur, in id, quod facere possunt, condemnandos.* Sic extraneum a marito ex liberalitate conveniri aperte dicit, quod fieri non potest, nisi marito donatum voluit, *L. qui id, quod, §. ult. de donat.*

Quod sit, si tamen donavit: sic intelligere debemus, si donavit mulieri, non marito. Nam dotem promittere marito nomine uxoris videlicet, ut simul marito donet, fieri non potest. Nam si marito donaret, maneret apud

eum, quod dedisset. Nunc autem eo dos promittitur, ut ea ad uxorem redeat, vel eius heredes. Itaque haud dubie eadem species apud Ulpianum proponitur, quæ hoc loco apud Paulum. Id quamquam ita esse fateor: tamen in ratione, quæ ab Ulpiano continenter redditur in supra scriptis verbis, speciem mutari aio, et reddi rationem de eo marito, cui extraneus, non iam alterius nomine mariti donationis causa promississet, et ea verba, *quemque in id, quod facere posset, si convenisset, condemnaret,* sic accipio: quemque donantem sibi, supple, si convenisset, in id, quod facere posset, condemnaret, quod ratio subiecta plane indicat. *Hoc enim, inquit, Divus Pius rescripsit, eos qui ex liberalitate conveniuntur, in id, quod facere possunt, condemnandos.* Quærat igitur aliquis, quid hæc ratio, ad id, quod erat propositum, pertineat? Innuit Ulpianus: Si maritus eum qui sibi donasset, conveniens in id solum, quod facere posset, condemnaret: non debere queri mulierem, si eum, qui mulieri donatum voluit, maritus, ipsius mulieris nomine, hactenus solum convenit, ut præstaret, quod commodè posset facere. Neque enim debet exigi a marito, ut plus præstet in exigenda dote, quam ipsa mulier, si dotem exigeret. Solidum ipsa non exigeret: quare ne hoc quidem a marito invito postulari debet, ut solidum exigit. Hoc enim ait, quod Ulpianus paulo post ait: *Nequaquam enim iudex propitiis auribus audiet mulierem dicentem, cur patrem, qui de suo dotem promisit, non urserit ad solutionem.* Cur autem non audiet? quis nec ipsa mulier patrem urgere posset aut deberet, quod ipsa non præstaret, id in sua causa ab illo ne exigit.

Ad §.

1) Convenit Cuius. 22. Observe. 17. et ad *L. 26. de R. l.* quod ego sane posui a maritis in solidum, cum ipsi ex stipulatione sua ex causa iudiciali dos debeatur, ab uxore autem in id quod facere potest. Nec tamen mulier debet imputare viro, quod non urserit ad solutionem eam, quem si ipsa convenisset, non ultra id, quam quod facere posset, exigeret. Et in *Pao. S. Enact. Q. 64. et 7. Q. 17.* Alter Perrenon. 6. *Animadv. et Far. Lect. 2.* Quod similiter in *d. l.*

33. maritus nullum alio negotium gerens, nec datam sibi stipulationem sit. At in *d. l. 41.* per stipulationem datam in conditionem tractata sit et obligatio uxoris eam gerenda negotium novaverit. Alter Anton. Fab. 2. *Cont. 13.* accipiens *d. l. 33.* de eo, qui non uxori solum, sed et marito donare voluit, cum loquatur de promissione eam ex necessitate sed voluntate, scilicet erga eum ipsum cui promittit.



Ad §. Fundum.

Fundum quis donavit, si non restituat: ut quisvis possessor damnandus est. Si autem fundum restituit, fructuum nomine, si non eos consumpserit, in solidum condemnandus est, potuit enim non periclitari si statim restituisset. Si dolo malo desiit possidere, in litem iurabitur: et tanti sequetur condemnatio.

SUMMARI A.

1. Donatorem frui beneficio adversus donatarium, si sola donationis causa conveniatur.
2. Secus si idem actione in rem conveniatur a donatario et quare. et n. 4.

3. Donatorem isto nomine conventum teneri in solidum de re et fructibus præter illos quos bona fide consumpsit.
5. Quod non idem quod in donatore, ius obineat in marito.

1. **Q**uemadmodum donator † adversus donatarium solum utitur hoc beneficio, ne supra quam facere potest, conveniatur: sic utitur solum si ab eo conveniatur actione in personam ex promissione sua. Quod 2 si couveniretur † ut possessor, idest, actione in rem, ut quisvis possessor damnabitur. Finge donatorem fundum donasse, idest, tradidisse, et tradendo fecisse accipientis: id enim donare est, L. 1. *supr. de donation. L. senatus, §. donatio, supr. de donation. mort. caus.* veruntamen enim fundum aut mansisse penes donatorem, aut donatorem eius fundi possessionem postea recepisse. Potest † fundus ab eo ut possessore vindicari; quod si sit, is, ut dixi, tanquam quisvis possessor damnabitur: proinde in solidum, sive rem habet, nec restituit, sive dolo malo desiit possidere. Nam hæc condemnatio est cæterorum possessorum, L. qui restituere, *infr. de rei iudic.* Eademque de fructibus dolo malo non restitutis ratio est. Consumptos Paulus excipit: non quod donator, idemque possessor fundi alieni de fructibus consumptis non teneatur ullo modo in solidum: sed quod non teneatur semper, sed ut erit bonæ aut malæ fidei possessor. Fieri namque potest, ut donator eundem fundum sciens adhuc esse donatarii, possideat, idest, mala fi-

de. Fieri etiam potest, ut cum postea ab alio redemerit, quem dominum putavit; ita possideat bona fide. Illic fructus etiam consumptos restituere debet: hic non debet, §. 2. *Institut. de offic. iudic. L. certum, C. de rei vind.* Sed cur ita † placet in actione in rem, donatorem in solidum conveniri potius, quam in actione in personam? Verba rescripti id faciunt, quæ volunt hæcenus conveniri, quatenus ferre potest, non donatorem, sed eum qui ex donatione convenitur. Nunc autem qui convenitur actione in rem, non quia donavit, convenitur, sed quia possidet: quia etsi non donasset, isto modo conveniretur; idque est, quod dicitur, possessionem in rem parere actionem adversario, L. unica, *Cod. de ali. iud. mutand. caus. fac.* Queritur an † exemplo donatoris idem dicendum sit de marito, qui de fundo dotali actione in rem conveniatur? 3 Nequaquam vero idem dicendum est. Nam hoc beneficium marito hoc ipso quod maritus est, tribuitur. Maritus autem ubique maritus est, quacunque tandem actione conveniatur. Solum hoc spectandum est, utrum culpa sua fecerit, quo minus rem restituerit, an dolo. Si culpa, hoc beneficium retineri: si dolo, contra. Nam supra dixi, nulli in delictis succurri, ad L. sunt qui, *supra*.

Ad §.

2) Ita d. §. L. 41. exaudiunt Duar. *ibid.* Coras. ad §. 38. *Instit. de action. n. 2.* et Cuiac. 8. *diff. Modestini ad L. 12. de donat.* Neque enim rei vindicatione, ut donator convenitur, neque donationis merito sit in petitione, Duar. d. loc. Quomodo et Paulus in L. *prores.* 6. C. de *servit. n. 5.* donatorem non intrat hoc beneficium, si tradidisse donatio perfecta, ut nec si donator ab initio constituitur se possessorum nomine donatarii, Tirac. de *Iure constit. possessorii* Parto 1. n. 30.

3) Et recte. Quod confirmat Harp. ad §. 37. I. de act. n. 5. et *seqq. per L. 53. D. Sol. matr.* quæ hoc satis clare probat. Etsi DD. vulgo disceant L. 12. ad L. 12. et 7.

seqq. Sol. matr. n. 10. Unde Tirac. d. Parto 1. n. 29. maritum qui dotem accipiendo in eam, quo illa restituenda est, se nomine uxoris possessuram constituit, hoc beneficium non frui docet. Placeat si uxor aliisve creditor talis ipse eadem paupertate, qua reus, prematur, exceptio hæc non procedit, eum tamen tunc ratio sit suum repensit, magisque delictum quam creditorem egerit conveat. Zas. d. loc. n. 20. Paulus ad d. L. 6. *Cod. de servit. n. 8.* Harp. ad d. §. 37. n. 8. et 9. Coler. Part. 2. Cap. 3. n. 120. Hart. Hartm. Tit. 18. *Obser.* 2. n. 22. Mall. Brun. de *Cess. honor. Q. 13. questionis 4. principalis.*

Ad §. In solidum. ult.

In solidum condemnatus donator actione iudicati, nisi in quantum facere potest, non tenetur beneficio constitutionis.

S U M M A R I A.

1. Donator etsi condemnatus in solidum, actione iudicati convenitur in quantum facere potest.
2. Contraria dissolvuntur.
3. Si tamen donator, actione iudicati exceptionem facultatum non opposuerit, ut plures sentiant.

4. Secus si opposuerit et ab iudice fuerit iniuria condemnatus in solidum.
5. Morum sententia ab auctore refellitur.
6. §. Si quocunque, L. 8. D. de neg. gest. exponitur.

HIC docet, quando donatori beneficio superioris rescripti uti liceat, quod ad ceteros omnes, quibus idem beneficium præstat, transferendum est. Ait rescriptum, eos qui ex donatione sua conveniuntur in id quod facere possunt, condemnandos: de condemnandis rescriptum loquitur. Fingamus ¶ donatorem nihilominus in solidum esse condemnatum. Ait Paulus, si ceperit conveniri in solidum actione iudicati, tamen non teneri, beneficio constitutionis. Atqui asperius rescriptum (nam et rescriptum constitutio est) iubet tantum, ne donator damnetur, non etiam ne in solidum damnatus iudicati actione conveniatur. Et dicendum est, rescriptam etiam ad condemnatos pertinere, non verbis sed sententia. Hæc enim ratio est constitutionis, ne donator ex liberalitate sua periclitetur, L. re ex liberalitate, infr. Nec ¶ adversantur huic sententiæ regulæ iuris, quæ sunt de auctoritate rerum indicatarum: rebus scilicet iudicatis standum esse: 4 item post rem indicatam nullam exceptionem, ne peremptoriam quidem opponi posse L. 2. C. sent. rescin. non posse. Nam donator, et quique est, qui postulat, ne conveniatur ultra quam facere potest, contra sententiam nihil facit; sed confirmat potius: hac enim exceptione fatetur se solidum debere iure civili, et recte in solidum condemnatum; sed facultate utitur, quam ei lex tribuit, ne præstet supra quam potest. Hanc facultatem condemnatio non admittit, argum. L. miles, §. 4. supr. et quod dicitur peremptorias exceptiones

Toni. XI.

nes post rem indicatam opponi non posse: de iis exceptionibus dictum est, ut convenit inter omnes, quæ impugnant sententiam. Nam quæ exceptio sententiam non infirmat, quominus ea quandoque utamur sententia, quæ manet nihilominus, non est impedimento, L. tamen si non, supr. de senten. sen. Mac. quanquam exceptionem hanc, non peremptoriam sed dilatoriam esse ostendi supr. ad L. inter, ubi tractavi quid sit conveniri in id, quod facere possit. Sed hic ad rem, de qua agitur, nihil refert. Sed hoc ¶ 5 plerique ita 3 accipiendum putant, si donator exceptionum de facultatibus non opposuerit in iudicio. Quod si hæc ¶ usus erit, et index nihilominus hac 4 contempta, reum in solidum condemnabit: non putant eum amplius eadem exceptione uti posse, quia ex ipis eadem exceptio in iudicium revocari non possit, L. duobus, infr. de except. rei iud. L. si autem §. si quocunque, supr. de neg. gest. L. quod in diem, §. ultim. supr. de comp. Quibus ¶ reclamat 5 L. ex adverso, §. ult. supr. solut. matrim. Quod enim illic scriptum est, marito in solidum condemnato hanc eandem exceptionem dari: quamvis index ignorantia iuris lapsus, eum in solidum condemnarit: aut vehementer fallor, aut nisi de marito, qui opposita facultatem exceptione nihilominus a iudice in solidum sit condemnatus, accipi non potest. Nam si maritus in iudicio dotis omnem hanc exceptionem omisit, nihil facit iniuria index, si eam in solidum, quod petitur, condemnat. Faceret iniuriam potius actori, si aliter pro-

22

nun-

(4) Vid. supr. Lib. Civil. Comment. 23. Cap. 8. n. 10. (5) Quam communem opinionem vocat Est. ad d. L. 12. et 2. sup. D. Sol. matr. n. 10. Sed a qua ipse recedit, et recte. Confer, Charod. 1. Perisim. 18.

Thom. d. Observe. 2. n. 2. et 3. A. Fab. C. suo de Ex-
ec. rei iud. Defin. 43.

(5) Quam communem opinionem vocat Est. ad d. L. 12. et 2. sup. D. Sol. matr. n. 10. Sed a qua ipse recedit, et recte. Confer, Charod. 1. Perisim. 18.

nunciaret, non enim potuit divinare iudex, an vellet maritus in solidum conveniri, quamvis solidum facere non posset: nec vero debuit quicquam tribuere non postulanti, præsertim ubi contra ius civile id fieret, L. 4. §. hoc autem, *supr. de damn. infect.* Non me movet, quod eadem exceptio in iudicium revocari non potest. Nam cum donator condemnatus hac defensione se tuetur adversus actionem indicati, quod dicat se facere non posse; non hic eadem exceptio est, sed nova. Nihil enim prohibet, quo minus eo tempore, quo condemnatus est, solidum facere potnerit; ideoque recte sit in solidum condemnatus, unde post rem iudicatam facere posse desiderit: ut sit scilicet nova exceptio, quia nova est causa excipiendi: uti nova est actio, cum nova est agendi causa, L. si rem meam, et seq. de except. rei iudic. Idem hoc modo constabit. Non potest ꝑ eadem exceptio in iudicium revocari: verum est, si exceptio in iudicio opposita, post examinationem eius exceptionis, a iudice, quasi non sit vera, probata fuerit, ut declaratur in dict.

L. si autem, §. si quocunque, et dicta L. quod in diem, §. 1. Itaque tenendum in specie proposita, si index inquisierit in facultates mariti, et quasi solidum facere possit, sic eum in solidum condemnari, non posse amplius maritum post rem iudicatam, hac exceptione uti, quod dicat, se facere non posse. De eo enim iam iudicatum est. Diversum est, si cum maritus in iudicio hac exceptione usus esset, iudex nulla habita ratione maritum in solidum condemnasset. Quod de compensatione opposita, cuius rationem iudex non habuit, diserte scriptum est in L. quod in diem, §. 1. *supr. de compens.* Id vero ad hoc genus exceptionis multo magis pertinet, ut. quæ beneficio legis tribuatur: quod beneficium condemnationi non admittit, ut supra dixi, nisi exceptio in iudicio examinata fuerit. De hoc autem genere scientiæ sentire Paulum in L. ex adverso, §. ult. *sol. matrim.* arguit; quod proponitur iudex iuris ignorantia lapsus maritum in solidum condemnasse. Iuris ignorantia est, quod eius exceptionis rationem habendam non putavit.

Ad L. Paulus respondit, rescindere. 42.

Idem Libro III. Responsorum.

Paulus respondit, rescindere quidem sententiam suam præcedentem prætorem non posse: reliqua autem, quæ ad consequentiam quidem iam statutorum pertinent, priori tamen sententiæ desunt, circa condemnandum reum, vel absolvendum, debere supplere, scilicet eodem die.

S U M M A R I A.

1. Iudex sententiam a se dictam mutare aut rescindere non potest, et quare et n. 4.
 2. Etiam si eam perperam dixerit, et præsentem absolverit, aut innocentem damnarit.
 3. Et quod pro innocente damnato paratum remedium.
 5. Potest nihilominus prætor mutare sententiam si hæc iure non valuit.
 6. Aut adversus eum minor petit in integrum restitutionem.
 7. An quidquam sententiæ suæ possit addere et quando et quomodo.
- Non continuo res iudicatæ ratæ sunt, si licet iudici sententiam suam rescindere. Inde quaesitum, an liceat. De eo hoc loco ex professo agitur: itaque et exactius de eo dicendum est, adiunctis quibusdam locis sequentibus, qui ad hunc locum pertinent. Sic igitur statuitur, ꝑ neminem neque iudicem privatum, neque prætorem aut præsidem sententiam suam revocare, rescindere, mutare posse, ut hic traditur, et L. divi, *infr. de pen. L. 1. §. ult. infr. de quest. L. 1. Cod. sent. resc. non posse*. Quid si ꝑ perperam iudicavit? Ne sic quidem sententiam corrigere et emendare poterit. L. iudex, d. cum querebatur,

1) Bodin. 3. de Rep. 5. n. 307. Pollet. 5. *Hist. fori* 16. Seneca 7. *Contr. ult.* Iudex quam talis de reo libellum, revocare non potest. Apulei 1. *Floridor.* Procons. Isabella sententia est, qui semel lecta neque augeri littera una neque minui potest. Et Cic. 3. *Verrina* criminalis Verrem quod sua

decreta subinde mutaret. Vid. et Menoc. 1. *Arb. Q.* 67. *Concensat. Lib. 1. Q. 1. n. 23. et n. 52. et Quest. 5. Mathesien. ad L. 4. C. Quom. et quand. iud. Branch. 4. Enant. 19. Casfer. Langla. 5. Semestr. 2. et 5*

sur, *infr.* et ideo cum præcipue ad vigorem discipline publicæ pertineat in causis criminalibus fontes pro meritis damnari, innocentes autem absolvi: tamen si iudex deceptus sententiam absolverit, innocentem condemnarit, quamvis et illud gravius deliquisse, et hunc aut de se mentisum, aut falsis testibus oppressum esse, postea compererit, non eo magis poenam augere, aut minuere poterit, aut eum, quem condemnaverat, absolvere. Atqui ¶ innocentem poena affici, iniquum est. Imo nihil iniquius, idque natura et omnes leges vident. Sed non ideo iudex is, qui damnavit, sententiam suam mutare poterit. Quid igitur fiet? Principes adhibuit. Is poenam aut augere, aut minuit, autem in totum absolveret, ut res postulare videbatur. Hæc ex d. L. Divi, §. 1. *infr. de poena*, L. 1. *infr. de question.* L. acta, 45. §. *de amplianda*, 4. *infr. eod.* Hoc ne ¶ temere constitutum videatur, ratio ab Ulpiano reddita est, quæ extat in L. iudex, *infr.* quod iudex postquam sententiam dixit, iudex esse desierit, officio suo functus. Optime. Iudicem enim oportet esse eum, qui sententiam mutat: sive quod mutando novam fert sententiam: sive quod eius potestatis est, statuere aliquid, et constitutum tollere. Quare si is, qui semel sententiam dixit, amplius non est iudex, confectum est, sententiam semel dictam deinceps eum mutare non posse.

Sed admonendi sumus de ea sententia loqui nos, quæ vera sit sententia: Ea est quæ iure valet. Nam quæ non valet, ne sententia quidem dicenda est. L. 4. §. *condemnatum*, *supr. eod.* Si quam ¶ ergo eiusmodi tulit prætor, nihil prohibet, quo minus tanquam re integra de eadem causa apud eundem prætorem agatur, et is re cognita, si faciendum videbitur, id ¶ mutet, L. in sententiis, §. ult. *infr.* L. 1. C. de sentent. L. si prætor, C. quo. et quand. iud. nec cum id faciet, periculum est, ne videatur sententiam suam rescindere, cum ea iure nulla fuerit. Nam, ut opinio nostra sit sententia, nihil ad rem pertinet. Eadem ratione recte ¶ defendemus, quod placet, si prætor contra minorem viginti quinque annis iudicavit, nihilominus minorem petere posse in integrum

Tom. XI.

restitutionem ab eodem prætoris. L. in causa 2. §. ult. *de min.* Atqui in hac restitutione prætor sententiam suam priorem rescindit, et eam quidem, quæ mero iure valetur. Ita est, quæ mero iure valetur: sed non eam, quæ valetur iure prætorio. Et hoc quidem iure non prius valet, quam constiterit tempora in integrum restitutionis condemnato exisse. Nemo enim videtur re exclusus, quem prætor in integrum restituendum se pollicetur. L. nemo. *supr. de in integ. rest.* Quoniam dici potest, cum prætor minorem in integrum restituit, non rescindere eam priorem sententiam suam, sed confirmare magis: cum hoc dicit minor, ipsum quidem recte pronuntiasse, sed aetatem suam et circumscriptionem adversarii admittere in integrum restitutionem. L. præfecti, *supr. de minor.*

Non modo prætor sententiam suam mutare non potest: sed ¶ nec eadem manente sententia ei quicquam adicere, ob eandem causam, quod iudex esse desierit. Sed excipit Paulus, si quod ad consequentiam iam statutorum pertineat, priori tamen sententiæ desit. Id vult Paulus, prætorem supplere posse, dum eodem die. Ad consequentiam enim, quæ iam statuta sunt, intelligatur pertinere, quæ sunt eorum accessiones eiusmodi, ut illis positis hæc sequi oporteat, et iudicem de his quoque pronunciare. Ut si iudex in actione in rem iussit fundam restituere: consequens est, ut eodem tempore et de fructibus quoque possessorem debeat condemnare. L. ex diversis, 1. *supr. de rei vind.* Si quem condemnarit de re principali, ut eum quoque in sumptus litis condemnare debeat. L. propterandum, §. si autem, C. de iud. Hæc recte excepta sunt. Cum enim ista supplet iudex, nihil novi statuit: sed quod vi et potestate prioris sententiæ continebatur, magis exprimit. Itaque revera ne hic quidem a superiore regula receditur: sed quod erat in ea obsecuri, id hæc actione explicatur, fiet tamen supplere solum ¶ eodem die, ut id fiat ex continente. Alioquin, quod post intervallum adicitur, magis est ut pars eiusdem sententiæ esse non possit: ut de stipulatione duorum rerum responsum est in L. si duobus, in pr. *infr. de duob. reis.*

22*

Ad L.

2) Principe quando possit revocare sententiam que in rem iudicatum transit, vid. Gravina de Antiquit. temp. Part. 1. prima, n. 53.

3) Quod Mathæus, ad L. 4. C. Quom. et quand. iud. n. 6. et 7. admittit in eodem, ubi causa nullitas ex turpi facto iudicio, ubi superior adducit: non in delegato, cui a principe vel ad universalitatem causarum. Acton. del Re de facris, cul. n. 56. et rep. non nullam sententiam corrigi ait etiam prætoris mutui. Nam quod actus nulli, sit, pro nos

fatis, abinet quod prætoriam teriti, non quod gerenda. Sed loquitur de causa, ubi nullitas causa culpa iudicis patet. Tineo Corset. Sing. 263. reprobant totius iudicis potes revocari etiam eius appellationem.

4) Vult revocari quoque sententiam in continenti, posse statuunt. Tirag. de Res. lignag. §. 1. gl. 5. n. 17. Iustin. Lib. 3. de Citat. reali C. 1. n. 87. et n. 104. unde sententiam sub conditione resolutam valere argui Fachius. 11. Contr. 16.

Ad L. Paulus. 43.

Idem Libro XVI. Responsorum.

Paulus respondit, eos, qui una sententia in unam quantitatem condemnati sunt, pro portione virili ex causa iudicati conveniri. Et si ex sententia adversus tres dicta Titius portionem sibi competentem exsolvit, ex persona ceterorum ex eadem sententia conveniri eum non posse.

SUMMARI A.

1. Duos pluresve una sententia in eandem summam damnatos teneri pro virilibus portionibus.
2. Licet hi damnati fuerint iudicio tutelae et quare.
3. Sed tamen unus tutor pro alio qui tutando non est, potest veteri tutela actione conveniri.
4. Nisi de hoc in iudicio actum fuerit, an isti solidum deberent, nec ne et n. 2.

- Pro portione virili*) Hoc illud est, summa una aliqua pluribus simul testamento iuncta, promissave simul a pluribus, enumeratione personarum in singulas personas divisa intelligitur. *L. cui fundus, sup. de cond. et demonst. L. reos, §. 1. sup. de duob. reis.* Hoc idem ¶ accipi in sententia, cum duo, pluresve eadem sententia in unam summam sunt condemnati, eiusdem rationis est. Quae res facit, ut singuli pro virilibus portionibus teneantur, nec unus ex persona alterius possit conveniri: quod de condemnatis hic dicitur, et apertius in *L. si quis separatim*, 2 §. *quoties, infr. de appell.* Quid si ¶ hi, qui ita condemnati sunt, solidum antea debuerint, ut plures tutores cum quibus actum erat iudicio tutelae? Idem dicendum est *L. 1. et*
2. *C. si plur. una sent. cond.* Nam cum de iudicati actione quaeritur, non quid alibi, sed quid iudicato continetur, spectare oportet. Sed isti conveniuntur in viriles partes iudicati actione. Quid, ¶ veteri actione tutelae 3 an unus ex persona alterius, qui solvendo non est, conveniri potest, ut ante? Nihil prohibet, cur non possit. Non enim qui in partem condemnatus est, ideo in reliquam partem iudicio tutelae est absolutus. Sed hoc ¶ 4 ita accipiendum est, nisi de hoc ipso actum sit, an isti solidum deberent, necne. Nam eandem questionem in iudicio revocare non licet inter easdem personas, quamvis alia actione. *L. 3. inf. de exc. rei iud. L. in duobus, §. exceptio, sup. de iureiurando.*

Ad L. Ex contractu. 44.

Scaevola Libro V. Responsorum.

Ex contractu paterno actum est cum pupilla tutore auctore: et condemnata est: postea tutores abstinerunt eam bonis paternis: et ita bona defuncti ad substitutum, vel ad coheredes pervenerunt. Quaeritur an hi ex causa iudicati teneantur? Rescripsit daudam in eos actionem iudicati, nisi culpa tutorum pupilla condemnata sit.

SUMMARI A.

1. Condemnata pupilla in iudicio, quo tutore auctore conveniebatur, et capisse ea iudicati actione teneri.
2. Ex his verbis. Et ita, versio. eod. h. *L. pupillum necessarium heredem, cum se obtinet, quasi nunquam fuisset heres, significari.*
3. An hi ad quos bona defuncti postquam pupilla se abstinuit, pervenere, ex causa rei adversus pupillam iudicata teneantur; Questionis causam.
4. Affirmans sententia quae IC. Senvolam habet auctorem, exponitur et illustratur.
5. Exceptio.

Et

1 *ET condemnata est*) In quo hoc † notandum est, copisse pupillam teneri iudicati actione. Nam etsi cum ipso tutore actum esset, et ille esset condemnatus; tamen iudicati actio in pupillam daretur, non in tutorem. *L. 4. in pr. sup. L. 2. sup. de adm. tutor.* quanto magis, si ipsa suo nomine erit condemnata.

2 *Et ita bona defuncti*) His verbis, † *Et ita*, declarat Scævola, cum pupillus necessarius heres se abstinuit, rem eo deduci, quasi heres nunquam fuisse intelligatur. Alioqui eo abstinente bona defuncti ad sequentes heredes non pervenerint: quandiu enim instituto locus est, tandiu neque substitutus admittitur, neque coheredes, neque qui ab intestato vocantur. *L. quandiu institutis, L. in plurimum, sup. de acq. her. L. unica, §. his ita, C. de cad. toll.* Ut autem pro herede non sit, qui abstinuit, præstatutur necessariis heredibus iure prætorio. *L. pro herede, §. penult. sup. de acq. hered.*

3 *Quæritur an hi ex causa iudicati teneantur?*) Non temere hoc † quæritur. Anceps enim inprimis quæstio est. Ex una parte ratio facit, ut hi teneri debeant iudicati actione. Nam cum pupillus se abstinuit, omnia rata sunt, quæ cum eo tutore auctore gesta sunt: si modo gesta sunt bona fide. *L. quoties, inf. de acq. her.* Quapropter cum actum sit cum pupillo tutore auctore, et eo condemnato semel rata sit actio iudicati: etiam post abstentionem ea manebit. Aut igitur ea teneri debet, aut hi saltem, ad quos bona pervenerunt. Ipsum non teneri constat, cum abstinuit. *L. necessariis, sup. de acq. her.* Teneantur igitur hi: ad quos bona redierunt. Ex altera parte occurrit ratio, cur isti teneri non debeant. Etenim si tenentur, aut condemnatos eos esse oportet, aut condemnato successisse, nam adversus alios iudicati actio non datur. *L. 4. §. 1. L. miles, §. ult. sup.* Porro istos non esse condemnatos proponitur: atqui nec condemnato successerunt. Succedunt enim patri pupillæ defunctæ, non pupillæ, nam de bonis patriis agitur. Quare iudicati actione teneri 4 non possunt. Teneri † tamen respondet, in-

quit, et dandam in eos iudicati actionem. At quo iure, cum isti, ut dixi, nec condemnato successerint? Imo hoc ipso successerunt condemnato, quod successerunt patri pupillæ, hic enim pater, subducta persona pupillæ, perinde habetur, quasi condemnatus esset. Idque ita efficitur. Cum enim pupilla condemnata est, remota pupillæ et alius heredis persona, siquidem aliquid agit condemnatio (ut eam ratam esse supra diximus) necesse est, hereditatem videri condemnatam: eamque iudicati actione teneri. Dominus enim litis utique condemnatus est: alioqui inutilis esset condemnatio. Ubi autem alius dominus non est, hereditas pro domino habetur. *L. hereditas, sup. de acq. rer. dom.* Hæc igitur remota pupillæ persona pro condemnata habenda est. Et sane si ea quæ a pupillo gesta sunt, rata habentur pro hereditate, scilicet ut inde actio acquiratur hereditati, quasi hereditas rem gessisset. *L. 5. sup. de condic. indeb.* merito hoc idem et adversus hereditatem valebit. Quod si in proposito hereditas condemnata est: necesse est etiam defunctum videri condemnatum: quoniam ipsa hereditas defuncti personam sustinet. *L. hereditas, sup. de acq. rer. dom.* hinc autem isti, de quibus agitur, successerunt. Successerunt igitur condemnato: ac proinde, quod quærebatur, iudicati actione tenebuntur, ut teneretur hereditas. Excipit † Scævola: *Nisi culpa tutorum pupilla condemnata sit.* Et recte: nam quæ a pupilla gesta sunt, rata habentur et post abstentionem: sed hac conditione, si bona fide gesta sint. *d. L. quoties, sup. de acq. hered.* Non videntur autem tutores agere ex fide causam pupillæ, si eorum culpa, negligentiave pupilla condemnatur. Si puta, aut eam plane non defendunt, aut aliquid, quod ad defensionem eius pertinebat, prætermittunt. Cuius generis multa proponuntur in persona fideiussoris non ex fide bona creditori respondentis, in *L. fideiussor, sup. mand.* Sic fit, ut quod culpa tutorum factum est, ratum non sit: eoque nec quæquam, abstinente pupilla, teneat.

Ad L.



Ad L. Acta. 45.

Paulus Libro 1. Sententiarum.

Acta apud se habita, si partes consentiant, et iudex hoc permiserit, potest iubere ea die circumduci: nisi vel negotium, vel lis terminata sit.

SUMMARI A.

1. Iudicem dicta sententia, scripturas eorum quae iudicio acta sunt, non posse circumducere.
2. Lite tamen nondum finita posse de partium consensu acta iudicis iussu deleri, et quare iudicis et litigantium consensus necessarius.

3. Acta iudicii eadem die quo dicta est sententia circumduci debent, et quae sit huius rei utilitas.
4. Verba actorum licet emendare, dummodo iussu idem maneat.

S verum est, quod dicitur in *L. iudex, sup.* Iudicem, posteaquam sententiam dixit, iudicem esse desinere: consequens ¹ est eum sententia dicta, neque sententiam, neque quicquam eorum, quae ad iudicium prius pertinent, mutare posse: nihilo magis quam potest privatus quisvis, qui eius rei iudex non sit. Ob id nec acta iudicii, id est, scripturas eorum, quae iudicio acta sunt, circumducere, id est, delere potest, et hoc, postquam negotium terminatum est, ut hic Paulus definit. Ceterum ² re nondum iudicata, idem statuit, posse iudicem non iubere fieri, dummodo. et ipse, et partes consentiant, et eadem die circumducantur. Quod iudicio nondum finito id licet; non mirum. Tandem enim iudex est, cuius in potestate sunt ea, quae ad iudicium pertinent. Sed omnium consensus requiritur, et litigantium, et iudicis: quia omnium interest, acta non deleri, sed ea publicae exstare. Litigantium; ut si perperam iudicatum sit, exstet in his publicum testimonium, causam esse cur appelletur, quod testimonium aliunde sumere non possunt. Iudicis; quia pertinet ad eius existimationem, intelligi enim recte iudicavisse: quod acta iudicii declarabunt. Pertinet etiam ad rem

eius familiarem, ne postea ipse conveniatur, quasi male iudicando litem suam fecerit. *L. ult. inf. de extr. cognit.* Eadem ³ autem die vult ea circumduci posse, non quia postea ex omnium consensu cancellari non possint: sed quod si possint legi, non minus noceant litigatoris: quam si cancellata non essent. Ut intelligere liceat ea quae eadem die circumducta sunt, etsi quid turpe aut famosum gestum esse contineant, tamen ad infamiam non magis nocere, quam si id perscriptum non esset. Haec ideo, quia quod eodem die circumductum est, perinde habendum est, quasi perscriptum et testatum non esset, propter continentiam rei gestae. *Arg. L. lecta, §. si cert. pet.* Quod autem postea debetur, id est, ex intervallo, sic accipitur, quasi aliquando scriptum et testatum fuerit, postea deletum. Quod autem semel esse cepit, tamen si deleamus, tamen fuisse ita aut ita, verum est. Sed haec de actis ipsis dicta sunt. Ceterum ⁴ de verbis actorum si quaeratur, nihil prohibet actorum verba emendari: dum sententia actorum eadem maneat. Idque est, quod sequitur in fragmento sequenti, scilicet res mutare vetatur iudex verba autem de re nihil mutant.

Ad §.

¹ Ubi verbum *sententiarum* non iudicalem decetare, ut gl. et Pfl. sed remanere ac intentionem scribitis statui Wilther.
² Affec. 23. De interpretatione ambiguum verborum scripto-

tie vid. Conrert. Lib. 1. Q. 3. Quod ordinarius maior possit sententiam interpretari, non minor iudex, non delegatus, Wurmser. Tit. 22. Obser. 18.



Ad §. De amplianda.

Dixi ad L. Paulus 42.

Ad §. Contra indefensos minores, ult.

Vide L. de unoquoque, inf.

Ad L. Actorum. 46.

Vide ad L. acta, in fin. supr.

Ad L. De unoquoque: 47.

Paulus Libro v. Sententiarum.

De unoquoque negotio præsentibus omaibus, quos causa contingit, iudicari oportet, aliter enim iudicatum tantum inter præsentēs tenet. Qui apud fiscum causam defendere sæpius conventi neglexerint, rebus iudicatis subiiciendi sunt: quod ex eo apparet, si sæpe conventi præsentia sui facere noluerint.

SUMMARI A.

1. Sententiam ferri oportere præsentibus iis quorum interest, et n. 5.
2. Etiam si plene cognita causa fuerit antea per iudicem, et partes nihil se addere velle testentur.

3. An sit idonea aliqua huius legis, seu responsi causa; dubitandi ratio.
4. Causa superioris responsi idonea explicatur.

EX his, quæ ad vim sententiæ pertinere diximus, L. 4. §. *condemnatum*, supr. est hoc unum, quod hoc loco † traditur, ut iudicetur † præsentibus omnibus, quos causa contingit. Aliter iudicatum tantum inter præsentēs tenere. Et si, ut adessent litigatores, exigeretur causa nondum plane cognita, ut ea melius per litigatores, cum adessent, cognosceretur, res non haberet dubitationem, quin recte exigeretur. Atqui † etsi index penitus causam cognoverit, et cum interrogasset litigatores, nunquid vellent addere, responderint illi nihil velle amplius, tamen quandoque postea iudex sententiam ferat, sic hoc loco Pauli sententia est, ut etiam tunc præsentibus

litigatoribus iudicari oportet. Vult enim non cognosci præsentibus iis, quos causa contingit, sed iudicari. Quæro igitur hoc † loco, quæ tandem offerri possit idonea causa, quæ hoc, tam, ut videtur, non necessarium, ne dicam inutile, ad sententiam ferendam intervenire debere suadeat, ut nisi intervenierit, nihil agatur. Primum, nullum litigatoris damnum est, si eo absente indicatur: ubi res eo statu est, ut quamvis capiat, tamen præsens nihil possit adicere. Id vero etiam cum natra rei pugnare videtur, ut exigamus. De iudicio agitur. Id totum est adversus invito, nec tantum in invitum redditur, sed etiam invitis litigatoribus, cum opus est, recte iudicari.

1. De citatione ad audiendum sententiam vid. Myer. 3. Obs. 71. Gail. 1. Obs. 109. Menoch. 2. Præsumpt. 76. Mathes. Sch. et la. Reg. Insuperstib. ad lit. Cod. Quom. et quan. iud. sent. prof. deb. parti. present. et Gresh. ad pract. instr. lib. 3. Cap. 2. lit. B. et C. et Lib. 7. Cap. ult. lit. G. Quodque nec Principis sententia nec parte præsentia tenet. Dico. ad L. 4. h. 2. nisi de plenitudine potestatis Alb. Gualt. Marg. aureus Cap. 26. n. 27. Et quod exortas in hoc processu citandus sed sententiam, non fuerit citatus ad

omnes actus et totam causam usque ad sententiam inclusive, Luc. Contr. de Off. Proc. in caus. civil. n. 100. et n. 101. n. 3. Quæ cum in Causis citatis generalis recepta sit. Vid. ant. supr. Lib. Civil. Comment. 23. Cap. 2. n. 3. hoc non requiritur Gail. d. Obs. 109. n. 3. Myer. d. Obs. 71. In Hispania partes ad hoc non citantur, sed factæ conclusiones causæ præsentem iura vultu, quodcumque verum tempus appellandi non curit, donec eo partibus intimetur. Surmont. 2. Select. interpret. 16. n. 7.

dicatur. Damnamus et invitos, et reus etiam invito scotore, absolvitur. Ergo qui potest invititis litigatoribus iudicare: is absentibus illis et ignorantibus non poterit? hoc vero iam nec ratio, nec regula iuris pati videtur; qua efficitur, qui potest invititis aliquibus alienare, eum multo magis posse et ignorantibus et absentibus. *L. qui potest invititis, infr. de reg. iur.* Sed ¶ quemadmodum, si nullum litigatoris absentis damnum est, eo absente de re iudicari: fatendum est, frustra hoc exigi, ut ipsis presentibus iudicetur: ita contra, si eius et Reip. interesse probatur, id fieri, questio tollitur. Plurimum vero omnibus temporibus litigatorum interest, eos presentes esse, cum sententia proferatur, etiamsi maxime index iam ante plane causam cognoverit. Primum pos-

sunt dicere, quod iudicem moveat. Si nihil aliud: at certe eorum presentia detertere iudicem potest, ne quid inique ipsis presentibus statuatur. Ea enim vis est conscientie, ut animus male sibi conscius, eos, quibus scit compertum esse quod agit, quasi id statim prodituros reformidet, eorumque conspectu et iudiciis quasi tacito quodam verberare percussatur. Quid enim interest, cum de iure queritur, natura quis præsens sit, an iuris existimatione? Illud ¶ notandum, quod dicitur, presentibus iis, ad quos res pertinet, iudicari oportere, tam pertinere ad eos, secundum quos indicator, quam ad eos contra quos indicator. Nam nec absenti sententia dici potest. *L. pen. §. si quis absente, infr. prox. tit. L. furioso, sup. eod.*

Ad L. Decreta. 48.

Triphoninus lib. II. Disputationum.

Decreta a prætoribus latine interponi debent.

S U M M A R I A.

1. Decernere quid sit.

2. Conciliatur L. iudices 12. Cod. de sent. h. L. decreta 48. D. eod. et n. 3.

3. Sententia proferri oportere ea lingua que pub-

blice nota sit, sive greca, sive latina. ibid.

4. Stipulatio quavis lingua confici potest, dummodo verborum sentas intelligatur etiam per interpretem.

1. **D**ecernere est ¶ quid statuere causa cognita. Itaque prætor etiam cum indicat, placere dicitur: et sententia eius decretum est. *L. 1. sup. quod quis iur. L. si prætor, in pr. sup. de iudic. L. mulier, sup. ad Trebell.* Itaque ¶ contraria iam videtur. *L. iudices, C. de sentent.* in qua ita scriptum est, iudices tam Latina quam Græca lingua sententias proferre possunt. Sed commode hi loci conciliabuntur, si animadvertimus, cum queritur, qua lingua sententia proferri possit, duas esse hic questiones. Unam, an oporteat linguam publice intelligi, alteram si pariter utraque lingua nota sit græca et latina, an quicquam intersit, quo genere linguæ sententia proferatur, an nihil. Hoc intellecto, ¶ si de genere linguæ tantum queritur: recte respondebitur, dum lingua nota sit in ea regione, qua sententia proferatur, non esse in illo discrimine habendum, utrum hac index: an illa utatur. Verba enim significandarum voluntatum causa inventa sunt: quæ si sine verbis intelligi possent, ne verbis quidem uteremur. *§. si quis in no-*

mine, *Instit. de legitim.* In hanc sententiam est *L. iudices*, quæ de linguæ discrimine tantum statuit. Quod si præterea hoc queritur, an eam linguam, qua sententia proferatur, notam esse oporteat in eo loco, ubi proferatur, semper hoc exigimus, ut nota sit; idque est, quod hic dicitur, decreta debere a prætoribus latine interponi. Meminisse anim oportet, prætores fuisse urbanos magistratus, qui Romæ tantum ius dicerent. *L. 2. §. Divus deinde Augustus, sup. de orig. iur.* Romæ autem sermo familiaris, et notus fuit Latinus. Latino igitur prætorem uti oportuit: non quia latinus esset, sed quia Romæ notus. Arg. *L. 1. §. de quo, sup. de inst. act.* quamvis id ad alia loca non facile quis transferat, in quibus propter vim et maiestatem imperii ius latine dici potuit. Atque hic discrimen ¶ inter sententiam et stipulationem observandum est. Stipulatio enim quasi lingua confici potest, tantum ut intelligatur verborum sententia: sed satis est rem intelligi vel per interpretem. *L. 1. §. ult. infr. de verb. oblig.* At sententiam ea lingua profer-

ferri oportet, quæ publice sit nota etiam sine interprete, ut hic declaratur. Optima sane ratione utrumque: quippe stipulatio res privata est, geriturque inter privatos, qui si falluntur per interpretem: et privatum eorum damnum est tantum, et de se quæri debent, quibus ita rem geri placuerit. At sententiam palam ab omnibus intelligi etiam sine interprete non solum litigatorum interest in eo, ne decipiantur, ubi nolint rem decidi ista

lingua, et cupido sententiam corrigi: sed etiam ut iudices vel ab initio pudeat inapte aut perperam aliquid indicare tam multis adhibitis testibus, quam multi sententiam audituri aut lecturi sunt. Pertinet hoc etiam ad auctoritatem publicam rerum iudicarum nihil obscure geri in iudiciis, sed omnia palam et aperte. Solent enim nobis esse suspecta, quæ vel celantur, vel non intelliguntur.

Ad L. Et exheredatum 49. et seqq.

Vide L. sunt qui, supr.

Ad L. Si quis dolo. 51.

SUMMARIUM.

1. Dolo quis facere videtur ut veneant sua bona.

1. **D**OLO ꝑ videtur facere, ut bona sua veneant, qui subornat aliquos, qui mentiantur sibi ab eo deberi: ipse autem se ab

his vinci et condemnari patitur: qui deinde actione iudicati consequuntur, ut pignora capiantur et distrahantur.

Ad §. Si quis. 1.

Si quis creditorem missum in possessionem rei servandæ causâ, non admiserit, et venditor præstiterit creditori, quanti eius interfuerit, quæsitum est, an debitor liberetur. Et puto improbum eum esse, qui velit iterum consequi quod accepit.

SUMMARIA.

1. §. Si quis, accommodatum esse ad interpretationem edicti, ne vis fiat ei, qui etc.
2. Species huius §. quæ sit.
3. An creditor qui ex venditione bonorum per ap-

paritores facta debitum consecutus est, rursus agere possit actione in factum ex de re adversus debitorem. et u. 2.

1. **L**OCAS est ꝑ accommodatus ad interpretationem Edicti, *Ne vis fiat ei, qui in possessionem missus est*. Species tantum facti
2 hoc loco quaeratur idonea. Mihi videtur ꝑ esse hæc. Sciendum est, si debitor absit, neque defendatur, creditores postulare posse ex edicto, ut mittantur in possessionem bonorum debitoria rei servandæ causâ. *L. 1. et 2. infr. quib. ex causâ. in poss. eat.* Eos, qui missi sunt, ita tuetur prætor, qui eos in possessionem ire iussit, ut si forte admissi non sint, actio detur in factum in id, quod creditoris interest, se admissum esse. *L. 1. sup. ne vis fiat ei.* Igitur accidit, ut creditor in bonorum possessionem debitoris missus a debitore non admitteretur; deinde bona debito-

T. m. XI.

ris vel ab eodem creditore, vel ab aliis creditoribus distrahantur per apparitores magistratus; hi sunt horum bonorum venditores. Apparitor bonis venditis solvit et creditori, qui admissus non erat, quantum ei ex causa mutui (finge enim eum ex hac causa credidisse) debebatur. Item ꝑ postea nihilominus, cum debitore agit actione in factum ex ea causâ, quod in possessionem prius admissus non fuerit. Id prima ratione iure facere videtur; quod enim prius consecutus est a venditore bonorum, ex causâ mutui consecutus est; nunc ex alia causâ ꝑgit, et alia actione experitur, ut iam nihil videatur alii ob stare, quominus recte agat. At Paulus improbum esse eum, qui velit iterum consequi

23

quod

quod accepit. In hanc sententiam recepta est regula iuris, quæ ita habet, Bona fides non patitur, ut his idem exigatur. *h. bona, infr. de reg. iur.* Nec quicquam mutat, quod in hac specie creditor alia actione utitur, et ex alia causa. Nam in utraque et causa et actione eadem res vertitur, nempe quod cre-

ditoris interest, quod creditor semel consecutus, iterum consequi non potest, quamvis alia actione. Inde traditur, quoties duæ actiones de eadem re competunt, una peremptoria alteram consumi. *L. sed actione, supr. pro soc. L. qui servum, §. si is cui, infr. de obl. et act.*

Ad L. Si rerum. 52.

Vide L. sunt qui, supr.

Ad L. Contumacia 53.

Hermogenianus lib. 1. iuris epitomarum.

Contumacia eorum qui ius dicenti non obtemperant, litis damno coercetur. Contumax est, qui tribus edictis propositis, vel uno pro tribus (quod vulgo peremptorium appellatur) literis evocatus præsentiam sui facere contemnit. Pœnam contumacis non patitur, quem adversa valetudo, vel maioris causæ occupatio defendit. Contumaces non videntur, nisi qui cum obedire deberent, non obsequuntur, idest, qui ad iurisdictionem eius, cui negant obsequi, pertinent.

S U M M A R I A.

1. Absentem per contumaciam litis damno coerceri.
2. Item penali iudicio.
3. Et vel utroque vel alterutro, prout iudici expedire videbitur.

4. Contumax qui dicatur.
5. Duo absentium genera non tamen contumacium, et qui sint tales.

Sententia etiam adversus absentem lata, dum legitimis edictis evocatum, valet, ut supra dictum est ad *L. de unoquoque*, sed dissimili effectu. Nam si absens, qui condemnatus est, non per contumaciam absuit, appellare potest: sin per contumaciam, non potest. *L. et post edictum, §. ult. sup. de iudic.* Hoc est t quod in *L. de unoquoque*. §. 4. dicitur, subiiciendos esse rebus iudicatis, idest rei iudicatæ sine ullo remedio parere cogendos esse, qui absentes legitime evocati adesse et causam defendere noluerunt. Nam is contumax est, qui ita adesse noluit. Hoc idem est, quod aliis verbis expressit Hermogenianus hoc loco. *Contumacia, inquit, eorum, qui ius dicenti non obtemperant, litis damno coercetur.* litis damno: quia qui cum abesset per contumaciam, condemnatus est, litem amittit: ut qui rem iudicatam rescindere non possit ne per appellationem quidem, reme-

dium alioqui solemne, et usitatum. Sed huius definitionis in promptu esse reprehensionem quis dixerit. Nam huiusmodi contumaciam, de qua loquitur Hermogenianus, coerceri scimus penali actione omnibus magistratibus constituta adversus eum, qui non obtemperavit, in id, quanti ea res est, idest, quanti contemptus magistratus: de qua scriptum est in *L. un. supr. si quis ius dic. non obt.* Et præterea, si quis per contumaciam abest, in eoque ius dicenti non obtemperat, non continuo is litis damno afficitur. Non enim statim post edictum peremptorium iudex absentem condemnat: sed causam cognoscit, et si reperit eum bonam causam habere, secundum eum iudicat. *L. et post, supr. de iudic.* At horum nihil huic definitioni adversatur. Coercetur t contumacia ius dicenti non obtemperantis penali iudicio: non ideo minus et litis damno coercetur. Coercetur t u-
tro- 3

1) Ita supr. *Lib. Civil. Comment. 15. Cap. 24. N. 9.* ubi vid. not. Add. Blarer. in *L. diffamari* Cap. 11. n. 10. Menoch. *relin. poss. Remed. 1. n. 62. et 2. segg.* Et quod ita multat possit etiam parte non instante, Contar. in *L. dif-*

famari C. 6. n. 73. Quomodo iniurias sibi factas hic Magistratus esse vindicat, nec tamen iudex in causa sua sit, vid. Rauh chb. P. 1. Q. 50. n. 47.

troque modo, prout scilicet ius dicenti videbitur, atque etiam utroque simul, si videbitur. Et quod hic dicitur, contumaciam coerceri litis damno, sic intelligendum est, si iudici videatur non obtemperantem coercere, non silter, sed sententia magistratus. Et in potestate est magistratus, eum damnare, si velit; ceterum non habet necesse: de quo diserte scriptum est in *L. 1. C. quom. et quan. iud.* Hoc posito de contumacia, quod diximus, consequens fuit, ut quæreretur, qui sint contumaces: quod deinceps hoc capite et sequenti explietur.

- Præsentiam sui facere contemnit.* Bene, 4 contemnit. Is † contemnere dicitur, qui cum possit, et debeat vocanti parere, non parat. 5 Ex quo † colligitur, duo esse genera eorum,

qui quamvis legitimis edictis evocati scientes absint: tamen non sunt contumaces: quæ deinceps genera sequuntur. Unum est eorum, qui etiamsi vellent, adesse non possunt, ut qui xaleitudine impediuntur, vel vi maiore, vel necessaria aliqua occupatione, quis est eorum, qui Reip. causa absunt, etiamsi habeant domi procuratores; aut qui sunt in vinculis, hostiumve potestate. Alterum genus eorum, qui ad iurisdictionem iubentis non pertinent: ut qui non sunt ex eodem territorio: si quidem nemo facit contumacia, nisi dolo: nec quisquam dolo, qui suo iure utitur. *L. nullus, infr. de reg. iur.* Ex hoc genere posteriori est is, qui ad maius auditorium vocatus est; de quo in *L. seq. §. ult.*

Ad L. Contra. 54.

Paulus lib. 1. Sententiarum.

Contra pupillum indefensum, eumque, qui reipublicæ causa abest vel minorem vigintiquinque annis propositum peremptorium nihil momenti habet. Is, qui ad maius auditorium vocatus est, si litem inchoatam deserit, contumax non videtur.

S U M M A R I A.

1. Auditorium quid sit.
2. Quo sensu hic accipitur.
3. Num qui ad maius auditorium vocatus priorem

iudicem deseruit, et licet vocatus non paruit, abesse ab omni contumacia.

4. Difficultas que ducitur ex *L. 1.* si quis postea 7. D. de iudic. removetur.

1. **A**uditorium † significat locum, in quo cause aguntur, et audiuntur, et ius redditur; qua significatione dictum est auditorium Amiliū Papiniani in *L. lecta, supr. si cert. pet.* Per synecdochen † usurpatur † hoc loco pro iurisdictione et potestate, quæ in auditorio exercetur: ut intelligatur is vocatus esse ad maius auditorium, qui ad celsiorem dignitatis et potestatis gradum vocatus est: quæ est eius, apud quem prius litigabat. Qui † inquit, ita vocatus est si litem inchoatam deseruit, contumax non videtur. Quod sic intelligendum est, quævis ab eo postea vocetur, apud quem cæperat litigare. Et recte: desuit enim pertinere ad iurisdictionem iubentis: quoniam magistratus in eam parum quidem imperium, aut iurisdictionem habet, nedum in superiorem. *L. ille a quo, §. tempestivum, supr. ad Trebell. L. Tom. XI.*

4. *supr. de recept. arb.* Atqui † scribitur in *L. 4. si quis postea, supr. de iudic. si quis posteaquam in iudicium vocatus est, alterius fori esse cæperit, in ea causa ius revocandi forum non habere, quasi præventum.* Et hoc recte dicitur de eo litigatore, qui forum tantum mutat, id est, qui ita unius fori et iurisdictionis esse desinit, ut alterius eiusdem modi esse incipiat, ut ab unius magistratus iurisdictione transeat in alterius parvis iudiciis iurisdictionem. Non pertinet ad eos, qui subducuntur omni eiusmodi iurisdictione: qualem antea patiebantur. Denique qui nullius fori esse incipiunt talis, in quo is, apud quem lis inchoata erat, aut quisvis alius par magistratus posset sedere, et de re cognoscere. Prius est enim, ut litigator subiiciatur alicui iurisdictioni, quam ut quisquam iudex præter ceteros sibi in eam iurisdictionem vindicet.

23*

Ad L.

1) Iam significatur Prætorium, seu eius Imperatoris ut *L. 18. de minor. L. 40. de reb. cred. L. 22. ad SC. Treb.*

God. de contr. stip. Cap. 8. n. 59. Vid. Vant. de Nulli ex deu. Iurisd. n. 162.

Ad L. Iudex. 55.

Dixi ad L. Paulus. 42. supr.

*Ad L. Post rem. 56.**Idem lib. xxvii. ad Edictum.*

Post rem iudicatam, vel iureiurando decisam, vel confessionem in iure factam, nihil quæritur post orationem divi Marci quia in iure confessi pro iudicatis habentur.

Post rem iudicatam nihil amplius quæri, id valet: quod apertius traditum est de re iureiurando deciso in *L. non est, §. dato supr. de iureiur.* post rem iudicatam nihil amplius quæri, quam an iudicatum sit, omis-
sa quæstione, an debeat nec ne; quod ni-

hil aliud est, quam rebus iure indicatis standum esse; sententiam rescindi non posse, vel prætextu novorum instrumentorum; de quo satis dictum ad *L. præses, et L. divus, et L. Imperatores, supr. eod.*

*Ad L. Quidam. 57.**Idem Libro II. Disputationum.*

Quidam consulebant, an valeret sententia a minore vigintiquinque annis iudice data. Et æquissimum est, tueri sententiam ab eo dictam, nisi minor decem et octo annis sit. Certe si magistratum minor gerit, dicendum est, iurisdictionem eius non improbari. Et si forte ex consensu iudex minor datus sit, scientibus iis, qui in eum consentiebant: rectissime dicitur valere sententiam. Proinde si minor prætor, vel consul ius dixerit, sententiamve protulerit, valet. Princeps enim, qui ei magistratum dedit, omnia gerere decrevit.

SUMMARI A.

1. An pubes minor, qui tamen decem et octo annis sit maior, iudex esse queat, eiusque valeat sententia.
2. Quæ sit I. C. Ulpiani distinctio, et n. 3.
3. Posterioris membri distinctionis exceptio duplex et quæ.
4. Minorem annis 25. vere iudicem esse non posse, sed tamen ubi sententiam dixerit, va-

lere ex litigantium consensu, et eius voluntate qui iudicem dedit.

5. Minoris 25. annis qui tamen annis decem et octo maior sit, sententiam valere quocunque modo iudex datus et n. 7.
6. Minoris, et qui decem et octo annos non attigit, non aliter valere sententiam, quam si ex consensu litigantium fuerit datus et n. 8.

IN re iudicanda iudicem competentem esse oportet. *L. 5. §. eod.* Competens non est, qui non est ea ætate, ut iudicis munere fungi possit: de hac ætate quæritur. Et constat, impuberem natura iudicem esse prohiberi. *L. cum prætor, sup. de iudic.* De † pubere, minore tamen vigintiquinque annis, an iudex esse possit, et si iudicaverit, sententia eius valeat, res est iuris non usque adeo explorati. Et extat hoc loco † de hac re

tota Ulpiani distinctio huiusmodi, ut si maior sit decem et octo annis, sententia ab eo lata valeat. Si minor †, non valeat duobus exceptis iudicibus. Uno, qui idem iudex sit et magistratus. *Cum enim*, inquit in fide Ulpianus, princeps minorem magistratum fecit, decrevit omnia per eum agere. Altero, qui ex consensu datus sit, scientibus his, qui in eum consentiunt, sed ut dixi, de hac re parum liquet. Nam contra illud probari pos-

hanc tuendam esse. Non obstat, quod nec se videtur, minorem vigintiquinque annis in totum iudicem esse non posse. Primum ad remp. administrandam, et munera publica personalia minores admitti non debere constat. *L. ad remp. infr. de mun. et hon.* Iudicandi autem munus publicum et personale est. *L. quippe, sup. de iudic. L. ult. §. iudicandi, infr. de mun. et bon.* quare minor ad iudicandi munus admitti non potest. Præterea et illud certum est, minorem annis vigintiquinque arbitrum esse non posse: hac ratione, quod iudicare cogi non possit. *L. cum de lege, sup. de recept.* Ex quo nec iudex erit ista ratione. Ut enim arbiter, sic et iudex iudicare cogitur. *L. de qua re sup. de iudic.* adeoque qui non potest cogi iudicare, iudex esse non potest, ut si ab initio recte datus iudex sit, ac deinde in morbum incidat, qui remittat iudicandi necessitatem, mutari debeat. *L. iudex, 16. sup. de iudic.* De quibus ego ita † statuo, minorem annis vigintiquinque vere iudicem esse non posse, cum non cogatur iudicare. Cogi enim posset id facere, si vere iudex esset, ut dictum est. Plus dico: etiamsi ipse dictionem sententiæ incipiat, iudex esse non potest, si litigatores recusent: quoniam ita ius est, ut ad munera publica admitti non possint. Sed si ipse ultro recipiat cognitionem causæ, et litigatores consentiant: non erit ille quidem proprie iudex; sed si sententiā dixerit, valebit: cum propter consensum litigatorum, tum propter voluntatem eius, qui eum dedit. Et hoc est, quod animadverti debet in hoc responso. Non enim Ulpianus dicit maiorem octodecim annis iudicem esse posse: sed si sententiā dixerit,

minor viginti annis arbiter esse potest, nec sententiæ ab eo dictæ valent, etiam adversus consentientes. Plus est enim in iudice dato, quam in arbitro. Arbitro auctoritatem et potestatem non conciliat, nisi litigatores, qui plus iuris non habent quam arbiter. Iudicis sententiā confirmat auctoritas et potestas magistratus, qui eum dedit. Quem enim magistratus iudicem dat, perinde est quasi magistratus per eum sententiā dixisset.

Verendum tamen, ne, quod supra dixi, eius qui maior est decem et octo annis sententiā ita valere, si ex consensu litigatorum datus sit, hoc ipso responso refellatur. Nam si maioris sententiā non alia conditione tuenda est: nihil intererit inter hunc, et eum qui ea ætate minor est, cum Ulpianus dicat etiam minoris sententiā valere; dum ex consensu iudex minor datus sit. Atqui eos aperte separat. Unde † intelligi debet, maioris quidem decem et octo annis sententiā tuendam esse, quocunque modo datus sit: minoris autem ita denum, si † datus sit ex litigatorum consensu. Sed est quod inter istos intersit, ex hoc ipso loco, etiamsi statuerimus, neutrius valere sententiā, nisi datus sit ex consensu litigatorum. Maioris enim sententiā † valebit hoc ipso, quod litigatores non repugnabunt, quo minus ille iudex sit; etiamsi de illius ætate ignoraverint. At in minore decem et octo annis, hoc † exigit Ulpianus, ut vere datus sit ex consensu litigatorum; scientibus nimirum his, qui in eum non consenserunt: scientibus, inquam, minorem decem et octo annis dari, ita ut ad eorum consensum manifestum nihil desit.

Ad L. Si cum nulla. 58.

Idem Libro VII. Disputationum.

Si cum nulla sententiā præcessisset, capta sunt, et distracta pignora: possunt recuperari.

Possunt revocari: conditione sine causam iudicati: quam causam nullam fuisse
sa. Capta sunt enim pignora in causam apparet *L. 1. sup. de cond. sine caus.*

Ad L. In sententiis. 59. In pr. et §. 1.

Dixi, quod huc pertineat, ad *L. 5. §. ult. sup.*

Ad §. ult.

Vide *L. de unoquoque, sup.*

Ad L.

trahatur, de eo, quod occupat: non etiam, ut ipse aliis res occupatis illis detrahat, quod sibi debetur. Ut ipsi agenti detrabi nihil potest: sic nec ipse aliis agentibus detrahere. Nec huius interpretationis confirmatio alio modo potatur, quam ex *L. inter eos*, ubi superior regula traditur. Cum enim dixisset Paulus, *Inter eos, quibus ex eadem causa debetur, occupantis melior conditio est*: id interpretans subiungit, *nec deducitur, quod*

eiusdem conditionis hominibus debetur. Nam si volebat eum, qui occupat, in utroque esse potius, ut nec deducatur ei, si ipse aliis detrahat: cur id, de quo molto maxima erat questio, Paulus prætermisit? Adde, quod non potest aliter verum esse, quod subiicit, solum donatorem coeveniri deducto ere alieno: quam si statuerimus ceteros non posse deducere, quod aliis debeatur: quamvis his debeatur ex causa iudicati.

Ad L. Cum querebatur. 62.

Alphenus Varus Libro VI. Digestorum a Paulo epitom.

Vide *L. Paulus. 42. sup.*

Ad L. Sæpe. Penult.

Marcellus Lib. II. de Appellationibus.

Sæpe constitutum est, res inter alios iudicatas, aliis non præiudicare, quod tamen quandam distinctionem habet. Nam sententia inter alios dicta, aliis quibusdam etiam scientibus obest: quibusdam vero, etiam si contra ipsos iudicatum sit, nihil nocet. Nam scientibus nihil præiudicat: veluti si ex duobus hereditibus debitoris alter condemnatur, nam alteri integra defensio est, etiam si cum herede suo agi scierit. Item si ex duobus petitoribus alter victus acquieverit, alterius petitioni non præiudicatur, idque ita rescriptum est. Sed scientibus sententia, quæ inter alios dicta est, obest, cum quis de ea re, cuius actio, vel defensio primum sibi competit, sequentem agere patitur: veluti si debitor experiri passus sit creditorem de proprietate pignoris, aut maritus socerum, vel uxorem de proprietate rei in dotem acceptæ, aut possessor venditorem de proprietate rei emptæ, et hæc ita ex multis constitutionibus intelligenda sunt. Cur autem his quidem scientia noceat, superioribus non noceat, illa ratio est, quod qui scit coheredem suum agere, prohibere eum, quo minus uti velit, propria actione, vel defensione utatur, non potest. Is vero, qui priorem dominum defendere causam patitur: ideo propter scientiam præscriptione rei quamvis inter alios iudicatae summovetur, quia ex voluntate eius de iure, quod ex persona agentis habuit, iudicatum est. Nam et si libertus meus me interveniente servus vel libertus alterius iudicetur, mihi præiudicatur. Diversa causa est, si fundum a te Titius petierit, quem ego quoque, sed non ex persona Titii, ad me pertinere dico. Nam quamvis contra Titium me nesciente iudicatum sit, nullum tamen præiudicium patior: quia neque ex eo iure, quo Titius victus est, vindico, neque potui Titio interdicare quo minus suo iure utatur, sicuti de coherede supra diximus.

SUMMARIA.

1. *Res inter alios iudicatas aliis non nocere, etiam in communis et parti causis, sine igno-*

rantiis sive scientibus, et quare et n. 3. et 9.

6. *Exem-*

6. *Exempla.*

2. Sed tamen illis nocere ad quos proprio et suo nomine atque iure causa pertinet si hi alium passi sunt ea de re agere aut eam defendere in iudicio, et hoc quare et n. 4. et 5. 7. et 10.

8. *Exempla.*

11. Summa rerum.
12. Contraria diluantur.
13. Legitimi contradictores qui.

DE auctoritate rerum indicatarum plusquam aspe hae sententiae inculcatae sunt. Rebus iudicatis standum esse: Res indicatas nullo pretestu instaurari posse: Post rem indicatam nihil amplius queri. Generaliter hae quidem, et sine distinctione eorum, inter quos de eadem re postea agetur. Sed quae nihilominus ita accipienda sunt: si iterum agetur de eadem re, inter eos ipsos, inter quos res iudicata est, ut adversus quos iudicata est, his etiam ipsis noceat. Ceterum quod ius natura servari erat acquissimum, id etiam nominatum constitutum est, quemadmodum res eadem inter alios actae aliis nocere non debent, sic nec nocere res indicatas. Tit. C. quib. res iud. non noc. et Tit. Res inter alios acta et iudicata aliis ne noceat. Et regula quidem initio huius capituli statuitur in hac verba, res inter alios iudicata aliis non praeducant. Quoniam et ipsam generaliter licet verbis conceptam, animadversa tamen mente et ratione huius iuris constituti, et exemplis aliarum constitutionum collatis, Macer hoc capite sic interpretatur in summa, ut ad omnes ignorantes, itemque eos, quorum res propriis non fuit de qua actum est, quamvis scirent, quid ageretur, velit
2 pertinere: neget tamen pertinere ad eos, quorum actio et defensio propria fuerit de ea re, de qua actum est, si alium de ea re passi sint experiri. Et haec inquit ille, ex multis constitutionibus intelligenda sunt. Sed nihilominus et ex ratione huius iuris facile intelligitur
3 gitor. Cur enim t res inter alios iudicata placet aliis non nocere? Quia iniquum est, quemquam facto alieno onerari, ubi nihil est, quod ei possit imputari, cur ita actum et iudicatum sit. Arg. L. in causae, supr. de proc. Non est autem, quod ei imputetur, qui ignoravit de re agi, sive res eius fuit, sive non

fuit. Sed nec quod impntetur ei cuius res non fuit, de qua actum est; propterea quod etiam si de ea cum domino agi sciret, tamen non potuerit prohibere, quominus sua actione, aut defensione uteretur. Finge ergo esse, quod t alicui imputetur, cur de ea re actum sit. Et sententia legis, et ipse auctoritas rerum indicatarum hoc exigit, ut commutata ratione res iudicata huic, cuius culpa est, quod ageretur, noceat. Quod ei usu venit, cuius actio et defensio fuit propria, qui non modo ipse experiri potuit, si vellet, sed etiam alium agentem prohibere: et tamen alium de ea re agere passus est. Sed et verba, et partes distinctionis Macri consideremus.

Aliis quibusdam etiam t scientibus obest. 5 Non dicit sententiam aliis quibusdam nocere etiam scientibus: quasi velit eam nocere ignorantibus, et his quidem praecipue: sed tamen eam nocere quandoque etiam scientibus. Nam sequens membrum, quod sequitur, et de scientibus tantum intelligendum est, declarat solam scientibus sententiam nocere: ignorantibus aliis non nocere. Et sane est iniquissimum, factum alienum vobis ignorantibus et invita damno esse. Sic igitur haec verba interponenda sunt: aliis quibusdam etiam, scientibus obest. Ut sit sensus, sententiam inter alios dictam non tantum his nocere, inter quos dicta est, sed aliis etiam quibusdam, dummodo scientibus. Et hoc membrum est, quod prius positum, exequitur posterius, versic. Scientibus sententia, quae etc.

Quibusdam t vero: suppl. quamvis scientibus non nocet. Unde multo minus ignorantibus nocebit. Et hoc est, quod sufficit: Nam scientibus nihil praeducatur: etiam si contra ipsos iudicatum sit: vi ipsa, non directo, ut postea in exemplis sequentibus explicatur.

Nam

1) Quo de cum plenius tractare nec vacet nec locus politus, remitto ad Tiracord. in Tit. Res iud. ad. act. Covar. Pract. QQ. C. 12. et seqq. Covar. de Antiquit. temp. Part. 2. §. 1. n. 43. et seqq. Varg. 2. Contr. usqueq. 23. n. 13. et seqq. 1 qui vana regula huius rationis adducit, et deinde vult eam vana castigare. Item ad L. 2. C. de reuol. n. 5. 7. Fab. ad L. 2. C. de R. f. Contard. in L. diffamari C. 3. n. 150. et seqq. Bionch. 2. Misc. 64. 2. de Except. P. 3. C. 17. n. 67. et seqq. Mathellon. Sing. 23. Item Barba. Tit. 18. Obs. 3. Mori. Part. Lab. 4. Q. 19. Sued. Decis. 266. Vell. Cons. Murp. 22. Fol. 3. Sen-

tenia contra dominum directam an nocet aliis. Vid. Affet. Decis. 395. Plene quod eius personam, secundum quoniam illa dicta, in facta sententia non solum et ei prout, sed et ei praeducatur adversus L. 2. C. 1. de legat. 1. Ubi sententia pro substituto contra heredem obligat item creditores et legatarios, neque ab his convalescere se tenet regula. Res inter alios iudicata aliis non nocet, Res. 6. Obs. 23.

2) Quomodo evitatur correctio Causae 11. Obs. 25. legentis, scientibus non obest. Et seqq. ita poenit distinguenda: iudicatum sit nihil, nocet.

Nam scientibus nihil præiudicat. Posterior membrum est propositæ distinctionis, quod prius adgreditur. Et exemplis duobus propositis (quibus adiungere oportet tertium, quod est eiusdem rationis, quod ipse ponit in extremo capitis) declarat, quid in uniuersum de hac parte statuere debeamus. Idest autem huiusmodi: res inter alios iudicatas aliis non nocere, ne scientibus quidem: quamvis causa omnium sit communis, et ratione ita coniuncta, ut quod aduersus unum iudicatum est, vi ipsa iudicatum intelligatur aduersus cæteros: si modo omnium sua fuit in ea re actio propria, aut defensio. Exemplum hæc sunt, quibus Macer utitur. Unum, duo sunt heredes debitoris: ex quibus cum uno pro parte actum est, et pronunciatum, defunctum debuisse: itaque heres partem debiti inferre iussus est. Est hæc sententia huiusmodi, ut si vera est, reliquos omnes heredes iudicatur debere. Nam si defunctus debuit, tenentur heredes omnes singuli pro portionibus hereditariis. *L. 2. Cod. de heredit. action.* Id etsi ita est: tamen si creditor cum alio experietur de altera parte, coheredi integra defensio est, inquit, etiamsi cum coherede suo agi sciverit. Alterum exemplum, duo sunt heredes creditoris, aut domini rei. Unus ex his partem debiti a debitore petit. Pronunciatum est, huic nihil deberi, quia defuncto nihil deberetur. Si hoc ita est, nec alteri coheredi quicquam debetur: neque enim deberi potest heredibus, quod defuncto debitum non fuit. At nihilo secius alter coheres de parte recto aget cum eodem debitore. Tertium, Titius a te fundum petit, quem snum esse interdixit: tu contra tuum esse dicis: pronunciatum est, fundum tuum esse. Hac sententia non tantum aduersus Titium petitorum iudicatum est, sed etiam aduersus omnes alios, quicumque eundem fundum viadicatur sunt: nam si Titius eius fundi dominus est, cæteri non sunt domini: duo enim in solidum esse domini non possunt. *L. 5. §. ult. supr. commod.* quanquam hæc ita se habent: tamen non prohibet eundem fundum a te petere: dum de suo iure Titius egerit: ego agam de meo, quod ab illo non acceperim. Adde his rationem, quæ sequitur in versic. *Cum autem*, tum erit illud intellectum, quod supra definiti. Sed de ea ratione illic videmus.

Sequitur alterum † membrum distinctionis de his, quibus res inter alios iudicata nocet:

Tom. XI.

scientibus, inquit, sententia, quæ inter alios dicta est, obest: cum quis de ea re, cuius actio vel defensio primum sibi competit, sequentem agere patiatur. Loquitur de eo, ad quem actio vel defensio rei suo nomine pertinet, sic, ut iure actionem solus habeat, si velit: ut exempla subiecta probant, de marito, de emptore: nam maritus solus dominus est rei dotalis, emptor rei emptæ tractat; utrique actio de proprietate, et defensio soli competit. Qui sit igitur, ut dicat, cuius actio primum ei competit? cum si alieni primum competit, necesse sit: eam alii post eum competere. Cur in hac actione sequentem actorum dicit, cum et maritus et emptor in ea re sit solus, qui actionem habeat? Quia cuius actio, aut defensio propria est, is quidem iure solus est, ad quem ea actio, aut defensio pertinet. Voluntate autem sua est is, ad quem primum pertinet, si velit: sed ad alium deinde, quem patitur ea actione aut defensione uti, ut procuratorem iure rem suam. Hoc igitur dicit, si quis sit, ad quem res aliqua pertineret, aut cui sit obligata: si is patitur alium de proprietate eius rei experiri, cum ipse is sit, qui iure suo id possit facere, et alium prohibere, ne experiat: eo, quem patitur experiri, condemnato, haud dubie ei quoque, qui passus est, sententia nocet. Sequuntur exempla.

Veluti, si creditor, qui experiri passus sit 8 debitorem de proprietate pignoris. Sic ³ habent Pandectæ Florentinæ. In aliis libris veteribus constanter legitur et conuerso, *Veluti, si creditorem experiri debitor passus sit*, ut scriptura Pand. Florentinarum hanc sententiam inducat, rem aduersus debitorem indicatam de proprietate pignoris creditori scienti nocere: iudicatam aduersus creditorem non nocere debitori, qui pignus dedit. Altera scriptura contrariam admittit sententiam. Sed recta est Pand. Florentin. lectio: non solum quia sententiam habet veram: sed etiam quia rei propositæ solam convenientem. Nam illud quidem falsum est, si creditor expertus sit de proprietate pignoris, rem aduersus eum indicatam præiudicium facere debitori. *L. 3. sup. de pig.* Et non aliud convenit definitioni Macri, quam ut proponatur is, ad quem actio de re pignori obligata primum pertinet, quique sequentem possit prohibere, ne de ea re experiat, si velit. At is est creditor, cui res obligata est, non debitor, qui eam obli-

3) Et confirmat Cuius, *dicta. Cap. 25. ex Basilicis et Rerum Cap. penult. extr. de re iud.* Et quia in seqq. qui

agit dominus vocatur, quibus non est eridite.

gavit. Nam si creditor rem persequi potest a debitore ipso actione in rem: *L. adversus, C. de obl. et act.* quanto magis eam ab alio quovis possessore persequi potest, quamvis invito debitore? *Aut maritus socerum, vel uxorem de proprietate rei in dotem acceptæ.* Non dubium est, quin maritus rei in dotem datæ sit dominus. *L. doce, C. de rei vindic.* et emptor rei ex empto traditæ, cuius dominus venditor fuerit; itaque et utrique actio et defensio de proprietate rei primum competat. Illud mirum est, quod proponit Macer, socerum de proprietate rei dotalis experiri, item venditor rem de proprietate rei venditæ et traditæ. Qui enim possunt, nisi sint domini; cum actio in rem soli domino competat. *L. in rem, supr. de rei vind.* Atqui hi rem tradendo una et dominium in accipientem transferunt, et amittunt: denique duorum in solidum dominium esse non potest. *L. 5. §. ult. supr. commod.* Et sane ita res habet, ut iam supra ostendi, ut actionem non habeant suo iure: sed ea experiri possunt ex persona domini, eiusque mandatu, ut sint ipsi procuratores in rem suam, itaque actionem exercent suo nomine, quod ipsis facere consulum est: quia re amissa futurum est, ut de evictione teneantur. Neque vero necesse est, his actionem nominatim cedi. Si sciente domino, et patiente de dominio eius rei agant, ipso domino mandante agere intelliguntur. Et iam in hac re, qui patitur, mandat. Argumento *L. qui patitur, supr. mandati.* Illud quæri non debet, quomodo socer de proprietate rei dotalis, aut venditor de proprietate rei venditæ suscipiant actiones nomine mariti, aut emptoris: cum certum sit, unumquemque posse alium defendere iudicio, eiusque nomine suscipere actiones, dum satisfacit iudicatum solvi. *§. ult. Inst. de satisfat.* Quod ait, *sequentem agere patiatur*: et mox; *si creditor experiri passus sit*: utrobique verbum, Experiri et Agere, commune esse intelligimus, positum non tantum, pro actionem movere, sed etiam pro suscipere, et iudicio defendere. Nam et reus latiore verbi significatione agere dicitur. *L. 1. supr. de ed.* Hoc sentire Macerum, verba actionis et defensionis, quæ ad agentem et experientem refert, declarant. Nam defensio non est, nisi eius, qui convenitur. Sed præcipue id demonstrat ratio quam in versu sequenti reddit. Cum enim de eo solum locutus esset, qui egerat, sive expertus erat, nihil nominatim de defensore: tamen rationem superioris dicti reddidit in eo, qui causam defendis-

set, ut appareat eum agentis et experientis verbo illum defensorem complexum esse. Sed superscriptæ † distinctionis rationem accipe ex vers. Cur autem. *Qui scit, inquit, coheredem suum agere, prohibere eum, quo minus propria actione, vel defensione utatur, non potest.* Innuit coheredem, sive agat, sive conveniatur, de re sua agere et conveniri. Agit et de parte sua cuius actio et defensio ipsius est propria, ut cui debeatur soli, aut qui eam debeat solus. Porro quod cuiusque est, nemo prohibere potest, quominus ea re dominus suo arbitrio utatur. Est enim unusquisque moderator et arbiter rei suæ. *L. in re mandata, C. mand.* Ex quo colligit, quicquid coheres de sua parte egerit, et quamcumque sententiam de eo reportarit, rem adversus eum iudicatam, coheredi eius, qui de alia re agit, aut convenitur, nequaquam præiudicare. Sed an necesse est, quia is qui victus est, egit de re sua, idcirco sententiam adversus eum dictam alii non nocere; præsertim ubi ratio utriusque causæ est communis? hoc vero necesse esse significat, et recte. Hoc enim vult intelligi, nullum crimen pati eum, qui non prohibet, cum prohibere non possit: quod et regula iuris traditum est. *L. nullum crimen, infr. de reg. iur.* Hæc ratio et ad plures, qui eandem rem vindicant, quorum unus ab alio causam non habet, aperte pertinet. Quod tertium erat exemplum, quod Macer in extremo capite posuit.

Ait, *Is vero qui priorem dominum* (idest, eum, qui prius dominus fuit, nunc dominus non est, qualis est socer, aut venditor) *defendere causam patitur: ideo etc.)* Ratio † est, cur iis, qui domini sunt rei aut quibus actio de proprietate eius rei aut defensio primum competat, noceat sententia: quæ iis scientibus adversus illum de ea re dicta est. Est autem hæc, quod cum istorum actio sit propria, non solum possunt prohibere, quo minus ea actio alii detur: sed etiam quod alii dari, nisi ex eorum persona, et iure non potest. Quo fit, ut si ipsis permittentibus alii sit data; tum vero ipsorum voluntate de eorum iure sub aliena persona iudicatum videatur. Quod perinde haberi debet, quasi adversus ipsos actum et iudicatum esset. Et recte: cum actor movet actionem de proprietate rei a se traditæ, aut suscipit, magis suo nomine agit, quam alieno, propter periculum evictionis. Et ideo ipse condemnatus tenebitur iudicati actione. *L. 4. sup.* Aut si minus huc usque licet progredi: at certe negari non potest, quin ipsorum, qui domini nunc sunt, culpa sit, quod alium experiri patiantur, quod factum ipsis facientibus nocere cum per se sequuntur

aequum est; tum propter rerum indicatarum auctoritatem.

Nam etsi libertus) Quia regula generaliter concepta est, ac sine distinctione, res inter alios iudicatas aliis non nocere: ideo difficiliter persuaderi potest, aliquando eas nocere aliis, quamvis scientibus. Ne quis igitur in eo hæsitet, præter rationem, quam modo reddidit: id etiam exemplo confirmat quod est huiusmodi. Agit aliquis cum libertu meo: quod dicat eum suum libertum esse, aut servum suum. Qua de re libertus egit iudicio me interveniente, idest, me sciente, et hortante et mandante, ut causam ageret. Ep iudicio libertus pronuntiatur libertus esse aut servus actoris. Placet hanc sententiam mihi quandoque de eo cum victore agente nocituram. In hac specie observandum est ius patronatus, et cætera, quæ sunt huius iuris, ut operas, et obsequium esse patroni propria, ita ut his de rebus actio et defensio soli patrono competat. Atqui libertatis causa et status principaliter est liberti non patroni. *L. principaliter, C. de lib. caus.* siue quo tamen causa de iure patronatus iudicari non potest. Ut appareat, patronum in libertum multo minus iuris habere, quam dominum in eam rem, cuius est dominus: multoque minus esse, quod obiciatur patrono, si libertum de statu suo agere permisit, quam domino alicuius rei, si alium de eius rei proprietate agere patitur. Et tamen sententia adversus libertum dicta de libertate aut statu liberti, patrono, quo interveniente et mandante res acta est, nocet, ut in hac specie receptum est, et fortasse cautum quibusdam constitutionibus. Ex quo id perspicuum est, quid sequatur: nempe hoc efficitur, sententiam de proprietate alicuius rei adversus alium dictam, domino rei, qui plus iuris habuit ad eius rei actionem impediendam, multo magis nocituram. Argumentum igitur est ex comparatione minorum. Sed admonendumus, ita domum sententiam, quæ adversus debitorem dicta est, nocere creditori; quæ dicta est adversus socerum, nocere marito: si res bona fide cum debitore, cum socero acta est: et hactenus verum esse, quod hoc loco Macer scribit. Ceteram duobus casibus sententia adversus debitorem lata creditori pignus postea vindicandi non præiudicat. Uno, si probetur debitorem colluisse cum adversario. Altero, si debitor propria aliqua exceptione superatus sit. Idque expressum est in *L. præter, C. de pignor.* Quod de debitore dictum, ad alios omnes, qui de re egerunt, et victi sunt, transferendum est.

Patribus responsi expositis, nunc rem in

Tom. XI.

pauca conferam. Etsi autem hæc ¶ summa. 11

Res inter alios iudicatas aliis, quamvis in communi et pari causa, quamvis scientibus, et intervenientibus, non nocere: præterquam in una hac specie, cum de proprietate et iure rei ad nos pertinentis actum et iudicatum est. In qua quasi sub alterius persona voluntate nostra iudicatum sit de iure nostro, ita nobis res iudicata oherit. Unde intelligitur, eam aliis ignorantibus nunquam nocere: scientibus vero in hac solum specie, quam dixi.

Quo de sententia ¶ huius loci cognito, 12 videamus iam, ne multis in rebus falsa sit hæc sententia, Rem inter alios iudicatam aliis ignorantibus non nocere: aut, si nocere quandoque admittimus, dicimusque in Macro non negare, videamus ne multa exceptioni et distinctioni eius deviat: ut qui scientes tantum, et eos quidem in certis tantum, causis a superiori regula excipiat: ex quibus facile dici non potest, utrum sit vitiosus. Et quidem quinque sunt genera causarum, in quibus re adversus unum iudicata, constet alii de eadem re experiri non licere: tantum ob id, quod res fuerit cum priore iudicata; nec quicquam referat, quod posterior cum priore de ea agi cognoverit: ex quibus nulla plane ad exceptionem Macri pertinet. Sunt autem hæc genera: ut si populari actione unus egerit, et victus sit, alius de eadem re agens non audiat. *L. 3. §. si plures, inf. de lib. hom. exhib.* Item ut si quis reum accusavit, et reus ea accusatione sit liberatus, alius non admittatur ad eiusdem criminis accusationem. *L. si cui, §. 1. sup. de accus.* Tum si de testamento inter heredem scriptum, et legitimum actum sit, et pronuntiatum contra testamentum, ne deinde legata, aut servitutes ex eo testamento petere liceat. *L. Papi-nianus, §. ult. sup. de inoffic. testam.* Præterea, si quis filius alicuius sit pronuntiatus, ut adversus alias etiam personas, qui se patrem non dicent: sententia ius faciat. *L. 1. §. ult. et L. seq. sup. de agnosc. lib.* Quod et in sententia pro ingenuitate lata receptum est. *L. ingenuum, sup. de stat. hom.* Quorum nihil contineri ulla parte distinctionis Macri manifestum est. Sed quæquam hæc sunt ita, nihil tamen sententiæ Macri adversantur. Nam aut in his res inter alios iudicata, aliis non nocet: aut si quædam sunt, in quibus vocet, reperietur ad propositum Macro questionem non pertinere. Et ut de duobus prioribus generibus respondeam, puta populari actione et publica accusatione: res sic habet, ut quamvis popularis actio cuivis de populo proposita sit: tamen uno aliquo agente si reus sit liberatus, ab alio eadem actione non pos-

24*

sit

sit conveniri. Sed hoc eo fit, non quia posteriori res prius iudicata noceat: sed quia posteriori nulla sit actio popularis reliqua, qua experiatur. Sic enim est actio popularis, non ut constituta sit singulis e populo, sed ut cuivis e populo: uni tamen, non simul omnibus. Unde pluribus existentibus, qui agant, ex omnibus unus eligitur, aut cuius maxime interest, aut is, qui maxime est idoneus. *d. L. 3. §. si plures, inf. de lib. hom. exhi.* Quae res facit, ut unus eam actionem occupando, eam consummat: ut iam amplius nulli alii actio relinquatur. Si tamen priori iudicio sine praevaricatione actum sit. *d. L. 3. §. plures*, dici etiam potest, uno postea iterum agente populari actione; eundem tamen agere qui prius egerat, quisquis enim hac actione experitur, populus est, qui experiri videtur; non privatus. Est enim populi actio non privati, cum ea sit actio, quae ius suum populo teneatur. *L. 1. inf. de popul. act.* Quod si haec privatorum esset, non populi: quisquis haberet popularem actionem, locupletior esse intelligeretur: unde et moriens eam transferret ad heredes suos: idem acturus in ea, ut in re sua, procuratorem dare posset, hoc enim ius est actionum privatarum. Nihil autem istorum tribuitur ei, qui habet has actiones, ut constat ex *L. antepen. pen. et ult. inf. de popul. act.* Unde intelligitur non esse eas privati litigatoris, sed populi. Ex quo efficitur, ut si saepius a pluribus de eadem re agatur, unus populus esse intelligatur, qui agat, non alius: proindeque si ei, qui iterum agit, opponatur praescriptio rei iudicatae, haec non alii nocere, sed eidem, qui prius victus sit, nempe populo, qui prius per privatum egerat. Quae omnis in publica accusatione multo citius et verius dixeris. Et ut intelligatur in his actionibus publicis magis populi rationem haberi, quam privati actoris, vel accusatoris, ideo quia res populi agatur: cessante hac ratione constitutum est, si quis in his quod sua interest, aut privatum dolorem persequatur, hinc postea agenti, tanquam agenti de re privata, et sua non nocere rei prius iudicate exceptionem: dummodo doceat, se ignorasse actionem ab alio institutam. *L. si cui, §. 4. inf. de accusat. L. 3. §. si plures, de lib. hom. exhi.* Nihil ergo hactenus dicitur, quod non optime cum regula proposita consentiat: quinimo haec ita confirmatur superscriptis exemplis actionum,

ut appareat eam non minus locum habere in actione publica et populari quam in privata.

De ceteris generibus tribus, quae supra posui, negari non potest, quin in his res inter quosdam iudicatae aliis praedificent, quamvis ignorantibus. Sed videndum est, quid in tota hac disputatione sentiat Macer. Hoc sentit, nunquam rem inter alios iudicatam aliis nocere, aut interdum nocere, cum de eadem re principaliter iterum agitur, de qua prius iudicata est: veluti cum quis rem debitam persequitur: de eodem debito convenitur: eandem rem petit. Quae exempla sunt, quibus in hac disputatione tota utitur. Hoc sane sensu vult quae ille statuit, verissima et perpetua. Quid est ergo, quod superioribus generibus propositis agitur? Agitur de accessionibus, et consequentis rei iudicatae, non de ipsa re, quae principaliter iudicata est: quod ad hanc locum non pertinet. De hoc genere ita recte statuemus in universum: sententia de re aliqua principali lata inter legitimos contrahentes, idest, eos, ad quos ea res pertinet, ius facit inter quascunque alias personas, eisque nocet de accessionibus et consequentis rei prius iudicatae inter se quandoque contententibus. Quam sententiam, ut cetera argumenta, et omnia exempla in eam desinunt, ipsa natura rerum a nobis extorquet. Nam cum principalis res non consistit, ea quae inde solum pendent, et efficiuntur, stare non possunt. *L. cum principalis, inf. de reg. iur.* huc vero superiora omnia illa genera referuntur. Agitur inter heredem scriptum et legitimum de hereditate, eoque et de testamento, et de heredis institutione. Nam haec si valet, questio tollitur. Pronunciatur, institutionem non valere, itaque hereditatem pertinere ad heredes legitimos. Qua de re hic iudicatum est? de heredis institutione, quae fundamentum est scilicet et caput testamenti, ex quo testamenta vim accipiunt. *§. ante, Instit. de legat. L. 3. vers. Calpurnius, sup. de his, quae in test. del.* Hac eversa consequens est, ut et testamentum, et cum testamento una et libertates et legata, quae ex testamento solum valent, evertantur. *d. L. Papinianus, §. ult.* quae res facit, ut legatariis, aut servis, quibus libertas data erat, postea agentibus rei iudicata noceat. Nec ad rem pertinet, quod res inter alios iudicata est: iudicata est enim inter alios, sed de re ex qua

4) Ita et Donell. ad *L. 2. Cod. de fid. instrum. n. 23.*

24) Convenit *sup. Lib. 22. Civil. Comment. Cap. 3. n. 26. Pac. 3. Ennot. Q. 31.*

qua legata et libertates pendent : qua ever-
sa et illa sua sponte concidant necesse est,
inter quoscunque tandem de re prima et
principali statutum fuerit. Quod valet he-
redis institutio in testamento, et his, quæ
inde pendent : hoc valet status personæ in
his, quæ is status secum affert. Si quis fi-
lius est Lucii Titii, consequens est, ut i-
dem cognatis Titii sit cognatus. Si quis in-
genuus est, nulli tanquam patrono debet
operas, reverentiam, aut honorem. Si liber-
tus est, ius patronatus hæc omnia contra
secum adfert. Si quis est servus, pertinet
hoc ad ea, quæ per eum acquiruntur, ut
illa statim domino acquirantur. Finge ergo,
cum ageretur de patre agnoscendo, cum Lu-
cio Titio, eum, cuius nomine agebatur, pro-
nunciatum esse filium Lucii Titii : hæc sen-
tentia ius faciet etiam adversus Lucii Titii
cognatos, quandôque inter eos de eo-
rum cognatione deque iure perepiendarum
hereditatum agetur. *d. L. 1. §. ult. cum L. seq. sup. de agnosc. lib.* Quippe hæc, de
quibus postea agitur, ex illo priore pen-
dent. Quod recte inter legitimos contradi-
ctores semel constitutum, ab iis, qui se
cognatos dicunt, infirmari non potest. Idem
de ingenuitate; et iis quæ ex ea nascun-
tur, iudicandum est. Idque esse intellige-
mus, quod dicitur in *L. ingenuum, sup. de stat. hom.* sententiam pro veritate haberi;
id ex præcedentibus verbis sic accipie-
mus, cum de ingenno scilicet sententia la-
ta est, et de his agitur, quæ inde pen-
dent. *Arg. d. L. 1. §. ult. et L. 2. de agn. lib.*

13 Dixi hæc ita esse, si actum erit de re
principali principaliter; et quod idem est,
inter † legitimos contradictores ex *L. 1. sup. de collus. deteg.* Legitimos contradictores vo-
camus, eos, ad quos res, de qua actum
est, principaliter pertinet suo nomine, aut

certe pertineret, si hi essent, quales se
esse intendunt. Ut in questione de testamen-
to iusti contradictores sunt heredes scripti
et legitimi, quia ad istos hereditas perti-
net; in qua vis est, et fundamentum tes-
tamenti. Et ideo si fingas legatarium peti-
tisse legatum ab herede scripto; et cum
heres diceret, legatum non deberi, quia tes-
tamentum ruptum, aut iniustum, aut inof-
ficiosum esset, si id ita inter eos pronun-
ciatum sit: tamen ea sententia nequaquam
aliis legatariis legatum petentibus, aut he-
redibus aliis scriptis nocebit. *L. 1. infr. de exec. rei iudic.* Quippe in questione de tes-
tamento legatarius non est iustus contra-
dictor; idest, non is, ad quem testamen-
tum principaliter pertinet. Et quod idem est,
legatarius principaliter agit de legato, ex cu-
ius vi testamentum non pendet. Agit igitur
de testamento per consequentiam, et propter
legatum, non principaliter. Et ita concilia-
ri debet. *L. 1. de exec. rei iud. cum L. Papinianus, §. ult. sup. de inoff. testam.*
Dixi rem in superscriptis causis iudicatam
nocere in his, quæ inde pendent: quia si
de eadem re de qua prius iudicatum est,
ab alio principaliter agatur, agenti res prius
iudicata non nocebit. Non enim hic quicquam
affertur, eum discedatur a regula superio-
re: et præterea id aperte confirmat exem-
plum Macri, quo nititur in *h. L. in ver- sic. Nam etsi libertus.* Nam si libertus meus
pronunciatus sit alterius libertus esse me i-
gnorante, et ego me postea patronum di-
cam, idest, de eadem re agam cum vi-
ctore: vult Macer nihil esse impedimento.
Ergo idem dicendum est, etsi testamentum
pronunciatum sit inofficiosum cum herede scri-
pto, et alius scriptus heres de eadem re
agat postea: aut quis pronunciatus sit filius
Lucii Titii, et existat alius, qui se istius
patrem dicat.

Ad L.



. *Ad L. Negotiorum. ult.*Scævola lib. xxv. *Digestorum.*

Negotiorum gestorum condemnatus appellavit, et diu negotium tractum est; quaesitum est appellatione eius iniusta pronuntiata, an quo tardius iudicatum sit, usurae pecuniae in condemnationem deductae medi tempore debeantur? Respondit secundum ea, quae proponerentur, dandam esse utilem actionem.

S U M M A R I A.

1. *An a reo, qui actione negot. gest. in pecuniam ex administratione debitam et in usuras condemnatus appellat, et iniuste ab eo appel-*

latum esse pronuntiatum est, peti possint act. iudicati medi tempore usurae.

2. *Dubitandi ratio.*

3. *Definitio propositae quaestionis.*

UT quaestio plane intelligatur, scire oportet, negotiorum gestorum actionem esse bonae fidei. §. *actionum autem, Instit. de act.* Iam vero in bonae fidei iudiciis usurae pecuniae debita ex mora debentur, citra aliam conventionem. *L. mora, §. ult. infr. de verb. oblig.* Sic tamen his iudiciis usurae debentur ante rem iudicatam, ut debeantur officio iudicis; peti autem non possint, si in condemnationem nominatum non sint deductae. *L. 4. C. de pos.* Hinc ¶ ambigendi causa in hypothesi huiusmodi. Qui negotia mea gesserat, actione negotiorum a me conventus, et condemnatus est: condemnatus autem in pecuniam ex administratione debitam, et eius pecuniae usuras. Quod posterius de usuris non proponitur quidem hoc loco a Scævola: sed ut factum esse intelligatur, exigit ratio iuris, quo cautum est, ut iam dixi, de usuris, quae in condemnationem deductae non sint, amplius agi non posse. Reus condemnatus appellavit, et diu negotium aut tractum, idest protractum est: aut, ut legitur in Pandectis Florentinis, tractatum est, nempe apud iudicem appellationis. Tandem iudex appellationis sententiam dixit, pronunciavitque recte prius iudicatum esse, iniustam autem esse appellationem, ut est forma sententiae ex appellatione: *L. reus, C. de appell.* de usuris autem intermedii temporis, quod priorem sententiam secutum est, nihil aperte dixit. De his usuris quaritur, an iudicati actio

continentur, iam dictum est, peti non posse. Est igitur in eo quaestio, an et de his iudex appellationis superiore sententia iudicasse videatur: ut sit non de iure, quod certum est, sed de interpretatione sententiae iudicis quaestio. Scævola ait; *Respondi ¶ secundum ea quae proponerentur, dandam esse utilem actionem.* Quo responso significat, iudicem appellationis etiam de usuris intermedii temporis iudicasse. Quae res facit, ut et peti possint: ut tamen videatur iudicasse, non verbis effici, sed mente, et sententia. Unde vult non directam iudicati actionem esse, sed utilem. Non est iudicati directa actio, quia deficiunt verba Edicti: quod dat actionem in pecuniam sententia comprehensam, ut dixi ad *L. miles, §. 1. supr. eod.* Sed est utilis: quoniam de usuris quoque hisce iudex intelligitur. Id autem ita fit. Qui dicit priorem iudicem recte iudicasse, vi ipsa hoc dicit, pecuniam omnem, quae eius iudicis condemnatione comprehensa est, deberi, et eius pecuniae usuras: de usuris sequentis temporis nihil cavet. Sed intelligi debet, iudicem appellationis, qui ita pronunciavit, quod æquum in persona prioris iudicis pro tempore priore iudicavit: id ipsum in eadem causa pro eo tempore, quo res apud eum acta est, æquum statuisset. Sed ex mente, inquam, et voluntate eius hoc intelligitur, non ex verbis sententiae. Hoc idem et de sententia huius responsi Francisco Quarano placebat.

HUGO-

2 ne peti possint? Si sententia ¶ iudicis non

HUGONIS DONELLI

JURISCONSULTI

C O M M E N T.

AD TIT. D. DE CONFESSIS.

SUMMARIA.

1. *Confessi in iure pro iudicatis habentur. et seqq.*
2. *Confiteri quid sit.*
3. *Confessus quis habeatur, et seqq.*
4. *Aliena confessio non nocet, nisi demandata nominatim, aut pro rata habita.*
5. *Tutores Curatores procuratores nisi mandatum habeant in eam rem, confessione domino non nocere, sed ipsos teneri.*
6. *Qua de re quis confessus est, de ea habetur pro iudicato; sive de tota, sive de parte litis, de utriusque litem consequuntur, fuerit confessus.*
7. *In iure confiteri quam habeat significationem.*
8. *Qui scripto confessus est aliquid se debere, sed indiscrete, et causam non addita nihil agit.*
9. *Qui in scripto causam expressit idoneam, et stare debeat asseverationi, potest instrumentis nihilominus confessionem suam inferre.*
10. *Nisi quinque testibus adhibitis ac rogatis interroganti confessus fuerit se debere.*
11. *Quare ille habetur pro iudicato dumtaxat, qui in iure confessus est, non ille qui extra.*
12. *Confessus esse pro iudicato, non hanc esse iudicatum, et hoc quale sit.*
13. *Quibus in rebus confesso cum iudicato conveniat et a. 18, et seqq.*
14. *In quibus hic cum altero re discrepet et seqq.*
15. *Confessus conveniri non potest, nec ad solvendum compelli, nisi damnatus.*
16. *Eoque nihil interesse sive ante litem contestationem sive postea se debere fateatur.*
17. *Regula, confessi habentur pro iudicatis generalis est, nec ullas admittit exceptiones;*
20. *Hoc quale sit, comparatione habita confessi cum iudicato singillatim et plenius explicatur.*

1. QUO iure † iudicati habentur, eodem iure sunt et confessi qui in re pecuniaria confessi sunt, ex Lege duodecim Tabularum. Quo de utroque genere ita cautum est, *ÆRIS CONFESSI, REBUSQUE RITE IUDICATIS TRIGINTA DIES IUSTI BUSTO*. Sic enim refertur fragmentum legis a Gellio. *Lib. xx. Cap. 1.* Sed ius de confessis apertius postea expressum est quadam oratione Marci Antonini Imperatoris in hæc verba, *Placere confessos in iure pro iudicatis haberi*. Sic enim proditum est in *L. post rem, supr. de re iudic. L. un. C. eod.* Iude regula in hac re pro lege et iure certo usurpata. Additum est, *in iure*. Itaque quot sunt loci sub hoc titulo, in quibus traditur, confessum pro iudicato esse, ut *L. 1. L. 3. L. 6. §. 1. et alibi*: in his omnibus hæc verba intelligenda sunt, *in iure*, ex prædicta oratione. De huius legis interpretatione, et sententia quaeritur: in primisque an sit hoc ius perpetuum. Nos legis verba expendamus.

Ait lex, *Confessos*. Confiteri, † et quod 2 idem valet, fateri, auctore Varro *Lib. 5. de lingua latina*, est fateri id, quod a nobis quaesitum est: id autem est, quod nobis obicitur, quod intenditur ab aliquo, id lingua verum esse agnoscere. Ergo hoc qui agnoscit in iure, pro iudicato est. Potest autem quis agnoscere, et dicere, verum esse, quod intenditur, etiam qui id falsum esse sciat: multoque citius is, qui putat rem ita se habere, ut dicit, quæ secus habet: idest, qui in ea erret. Quare et illud verum est, fateri eum, qui quid agnoscit, etiamsi in facto erret. Est enim fateri unde testificationis, et asseverationis, non voluntatis, et consensus. Alioqui nec qui iure errat, fateritur: quoniam nullo modo consentit, qui errat, et imperitia fallitur. *L. 2. sup. de iudic. L. si per errorem, sup. de iurisdic.* quem tamen fateri Ulpianus admittit in *L. 2. hoc tit.* Quod igitur ibidem ait, *Non fateretur, qui errat in facto*,

cto, sic intelligemus: vi ipsa et effectu non fatetur. Non enim habetur pro iudicato. Non autem, ut pro confitente haberi debeat ex sententia legis, qui pro iudicato non habetur. Sed de definitione Ulpiani, et quæ sit ea sententia, dicam postea suo loco. Nunc
 3 de verbo fatendi quæritur. Confessum ¶ accipimus, sive per se confessus sit, sive per
 4 alium. Et per ¶ alium sine controversia confessus videbitur, qui ei mandavit nominatim, ut confiteretur: aut quod ille confessus est, ratum habuit, quoniam ratihabitio mandato comparatur. *L. 1. §. deieciisse, inf. unde vi.* Quid si de ea re nihil nominatim mandatum sit? Quantumvis generaliter rerum omnium administratio alicui mandata sit, nihil eo mandato de confessione contineri intelligitur. Administratio enim solum mandata est, cum qua pugnat, perdere. Porro confiteri est causa cadere, eamque tradere adversario, idest, donare. Donare autem perdere est. *L. filiusfamilia, sup. de donation.* Hoc illud ¶ est, quod Ulpianus scribit in *L. 6. §. sed cum ipsos, h. tit.* ut confessi videamur, et habeamur pro iudicatis, non sufficere procuratores nostros, tutores, curatores fatori: nam neque procuratori omnium bonorum, qui absolute dicitur procurator noster, neque tutori, aut curatori hoc mandatur, ut fateatur nos debere: sed ut rem nostram administrent, non ut perdant. *L. 1. sup. de off. proc. Cæs.* Ceterum ipsi procuratores, tutores, curatores, qui de domino confessi sunt, suo nomine tenentur. *L. proinde, §. 1. sup. ad L. Aquil. L. si sine, §. Celsus, sup. de interrog.* Nam et iudicati, si se liti obtulissent, ex iudicato tenentur. *L. 4. sup. de re iudic.* Est autem ¶ observandum non adieciisse legem, quæ de re quis confessus sit, et quatenus. Unde licet colligere, quod Ulpianus scripsit in *L. 6. §. sed etsi fundum, h. tit.* voluntatem esse hanc orationis, ut omne omnino, quod quis confessus est, pro iudicato habeatur, idest, non tantum quod de re et lite tota quis confessus est, sed etiam quod de quavis parte litis. Unde ibidem colligit Ulpianus, si ex eo, de quo reus confessus est, alia necessario consequantur: iudicem debere de his reum quoque condemnare: quamvis de his reus nihil aperte sit confessus. Nam et hoc adversus iudicatum servaretur. Et ad id demonstrandum nititur exemplo actionis in rem, in qua si iudex pronunciet, fundum tuum esse: consequens est, ut iubeat possessorem fundum tibi restituere; et nisi restituat, damnet ita, ut describitur in *L. qui restituere, sup. de re vind.* Ergo, inquit, iudici idem faciendum erit, si possessor fundum tuum esse confes-

sus fuerit: nihil autem aut de restitutione, aut de summa litis adiecerit.

In iure. ¶ Valeat, apud magistratum, iudicemve, apud quem de re agatur, in eo loco, ubi iuris dicendi causa aut iudicandi consistat. *L. voluit, sup. de interr. in iur. fac.* Id enim ius inter alia significat. *L. penult. sup. de iust. et iur.* et intelligi hic iudicem nimirum competentem, ut expressum est in *C. 4. extr. de iudic.* his verbis intelligi debet, Si quis non apud talem iudicem et in eo loco, ubi iudicandi causa consistat; aut non apud magistratum in iure fateatur se debere: ubique tandem id faciat, quantumvis solemniter et testato, tamen hunc pro iudicato non habendum: idest, non esse in ea causa, ut aut confessio ei noceat, aut certe sine exceptione ei stare debeat. Si quis ¶ scripto confessus sit debere, placet nihil agere confessione. *L. cum de indebito, in fin. sup. de probat.* Si causam ¶ adiecit, constitutum est in *L. generaliter, C. de probat.* hunc quidem in re dubia stare debere asseverationi suæ: sed nominatim additur, licere ei confessionem suam ita infirmare, si aliis instrumentis doceat, rem non ita gestam esse, ut scriptum est. Et quod de eo dicitur, qui scripsit, idem de eo probandum est, qui testibus convincitur confessus esse: quoniam constitutum est, in exercendis litibus eandem vim obtinere instrumenta et testes. *L. in exercendis, C. de testib.* Nisi ¶ quinque testibus adhibitis ac rogatis interroganti alicui confessus fuerit se debere. ex *Novel. 90.* Ita efficitur, hunc, qui alibi quam in iure confessus est pro iudicato non haberi: cum si haberetur, non liceret ei nullo modo confessionem suam infirmare, uti nec iudicato licet rem iudicatam. *L. post rem, sup. de re iudic.* Hoc loco non ¶ inutiliter quæretur, cur potius habeatur pro iudicato, qui in iure confessus est, quam qui extra ius. Uterque pariter de se confitetur: cur non ergo in pari causa idem ius statuimus? Hoc quidem inter utrumque interest, quod alter coram magistratu id iudice id facit, alter seorsim a magistratu. Sed qui tandem ad rem facit præsentia magistratus? Ulpianus in *L. de etate, §. 1. sup. de interr. in iur. fac.* confessum in iure teneri ait: quia fides, inquit, ei contra se habebitur. Qui minus etiam ei, qui de se palam et aperte extra ius. confessus est, fides isto modo contra se habebitur? an quicquam locus ad fidem et auctoritatem confessionis pertinet? Plurimum vero pertinet. Et hoc est, quod inter utrumque interest: unde et ius natum est. Non enim si quis confiteatur se debere, ideo continuo existimandum
 est

est verum et serio dicere: cum multa suadeant hominibus de suis facultatibus aut rebus aliter loqui, et predicare, ac sese habere: alias ut res et facultates suas extenuando, celandoque vident invidiam, quæ divitiis sequitur: nonnunquam ut petentibus mutuum, et operam eorum implorantibus facilius et excusatus possint denegare, interdum ut importunos et molestos petitores hac confessione placatos dimittant, seque ab ipsis in presentia liberent, ne pergant molesti esse: postremo etiam, ut his ipsis, quibus confitentur se debere, gratificentur, dum id agunt, ut existimetur locupletiores esse, quam sint. Quæ cum ita sint, nisi aliqua causa extrinsecus moveat, ut credamus eum, qui confitetur, serio fateri, non necesse est, ut dixi existimari, rem ita se habere, ut confitetur. At hæc causa, in eo, qui extra ius confitetur, nulla est: ubi neque locus, neque auctoritas cuiusquam eiusmodi est, quæ cogat confitentem serio agere, nec patiatur eum simulare aut dissimulare impune. Quod in eo, qui in iure confitetur, secus est. Nam quoniam is in eo loco est, in quem huius ipsius rei causa vocatus erat, ut de eo, quod factus est, cum ipso ageretur, et ageret: præterea etiam ius et iudicii fides, ac magistratus auctoritas id exigit, ne quid temere et frustrandi causa faciat, aut inentiat: haud dubie si quid de se confessus erit, non potest, quin existimetur serio de ea re confessus esse: sicuti agebatur, et res ac locus et magistratus auctoritas postulabat. Quod ut non fecerit: tamen vel hoc nomine putandus est fecisse, ne impune magistratui illuserit. Arg. *L. si quis. ex aliena, sup. de iud.*

Ait, *Pro iudicatis habentur*. Hic vero diligenter videndum est, quid sit haberi pro iudicato. Hoc enim intellecto: simul an hoc ius sit perpetuum, an vero huic definitioni aliquid adiciendum sit, quod interpretes fecerint, intelligitur. Et primum ¶ illud animadvertatur, hoc dici, confesum pro iudicato esse, non autem esse iudicatum. Hoc eam vim habet, ut intelligamus confessos et iudicatos re ipsa et genere dissimiles, effectum tantum et potestate eodem loco et conditione haberi. Itaque non erit mirum, si inter iudicatos et confessos aliquid interesse, et aliter cum iudicatis, aliter cum confessis quibusdam in rebus agi legimus: tantumque aberit, ut inde quicquam fieri contra superiorem regulam existimari debeat, nisi aliquid addiderimus, ut vel hæc ipsa verba eam differentiationem suadeant. Ergo inter iudicatum et confessum interest, quod iudicatus iudicati actione convenitur, nec qui semel iudicatus, id-

Tom. XI.

est, condemnatus est, amplius condemnari debet, ut teneatur iudicati. In confesso utrumque contra: nam neque is iudicati tenetur, et confessum placet a iudice condemnandum esse, ut conveniri possit. Et confessum pro iudicato ¶ habere, id significat, ita teneri in eo, quod confessus est, ut teneatur, si eo nomine iudicatus esset. Quod duo continet: nempe ut neque teneatur mitius, neque rursus durius: idest, sint ambo ita pari conditione ad obligationem, ut neque in eo, in quo iudicatus tenetur, confessus sit dispari aut meliore conditione: neque in eo, in quo ille non tenetur, confessus sit in deteriore causa. Ergo quæcumque sunt adversus iudicatum, eadem valent adversus confessum omnia. Id an verum sit, videamus. Et quidem iudicati hæc obligatio est. Qui iudicatus est, solvere pecuniam debet, nec auditur, si postea dicat, se non debuisse, deque ea re quæri postulet. Vis est hæc rei iudicate, ut ei sine exceptione standum sit; idem a confesso ita exigitur, ut nihil ad rem pertineat, utrum vere factus sit se debere, an falso. *L. post rem, sup. de re iudic.* Utque est eadem necessitas solvendi imposita utrique: sic eadem ab utroque exigendæ pecuniæ ratio. Adversus iudicatum ni solvat, actio est, ut pignora capiantur, et distrahantur, unde victori satisfiat; adversus confessum eadem via executionis. *L. ult. C. exsec. rei iudic.* Sed duo ¶ convenire non videntur. 14 Nam adversus iudicatum iudicati actio est. In confessum non potest esse iudicati, si confessus iudicatus non est, ut non est. Sed aut est æris confessi actio, aut, ut ex iureiurando, actio in factum ad similitudinem iudicati: quia iusiurandum vim habet iudicati. *L. actore, C. de iureiur. L. quia iurasse, in fin. sup. eod. tit.* Sic eadem ex confessione. Unde dicitur in *L. 6. in fin. hic.* confesso tempus ad solvendum dari non ex causa iudicati, sed quasi ex causa iudicati. Illud etiam dissimile: quod semel iudicatus satis iudicatus est, neque iterum damnari debet. Confessus ¶ autem etiam post confessionem damnandus est. *L. 3. L. 5. hic.* Nec recipio quorundam distinctionem, ut si reus post litis contestationem confiteatur se debere, condemnandus sit a iudice: quia traditum sit, iudicem de qua re cognoverit, et de ea iudicare cogendum. *L. de qua, sup. de iudic. facit L. ult. §. item, C. de iur. propt. cal. dan.* Sin ante litis contestationem in iure forte apud magistratum, non sit damnandus: quia sine litis contestatione nullum sit iudicium, ac proinde nulla sententia. Cum in *L. 3.* scribitur, confessum certum se debere, omnimodo damnandum: de confesso in iure

lure intelligitur: nec distinguitur, utrum ante litem contestatam id factum sit, an postea. Sed aperte † refellitur hæc distinctio in L. 5. Nam cum illic dicitur, confessum condemnandum esse, *sive mortuus iam Stichus erat, sive post litis contestationem decesserit*: hæc verba, *sive mortuus iam Stichus erat*, necessario ita intelligenda sunt, si mortuus erat, cum reus confiteretur aut ante litem contestatam, aut tempore litis contestandæ. At utrumque tempus est, ante litis contestationem. Nam qui tempore litis contestandæ fatetur se debere, non contestatur litem, sed dirimit. Scio rem non carere iusta dubitatione. Nam traditum est in *L. proinde, §. ult. supr. ad L. Aquil.* nullas esse partes iudicantis in confidentes. Et constat, quæ in confidentem constituantur, aut pro confidente, non ex causa iudicati statui, sed quasi ex causa iudicati. *L. 6. in fin. hic.* quod declarat, confidentes non iudicari. Sed hæc me non movent, his enim testimoniis efficitur, confessos non iudicari, quod et verum est. Sed non ideo consequens est, confessos damnari non debere. Aliud est enim iudicare, aliud damnare. Is iudicat, qui prius causam cognoscit diligenter, ac deinde cognita, condemnat, aut absolvit. *L. indices, C. de iudic. L. ex stipulatione, C. de sent.* Hæc partes iudicantis in confidentem nullæ sunt, quia adversus hunc nulla est causæ cognitio opus, ut deinde de re iudicetur: sed ut loquitur Papi-
 16
 17

17 Ergo in his † saltem duobus: non eadem servari adversus confessos, quæ sunt adversus iudicatos, apparet. Num igitur hæc videntur verbis orationis convenire, quibus sine exceptione cavetur, confessos haberi pro iudicatis? Optime vero utrumque convenit, atque adeo ex verbis est. Nam ut de actione iudicati prius respondeam, cum Oratio

alt, confessos haberi pro iudicatis, plane ostendit, confessum non esse iudicatum: etsi effectu ita tenetur, ut iudicatus. Alioqui ita dixisset, etiam confessus iudicatus est. Et donatio causæ mortis dicitur per omnia esse instar legatorum; at revera non est legatum. Etiam iusiurandum pro iudicio est. *L. tutor, L. 1. qui iurasse, in fin. supr. de iureiur.* nempe effectu: reapse iudicium non est: alioqui non diceretur esse pro iudicio, sed esse iudicium. Oratio igitur confessionem et rem iudicatam res diversas esse vult, et singulorum rerum nomina distincta retineri: etsi ad vim et auctoritatem rei gestæ vult ista esse eadem. Vult ergo ex re iudicata, actionem esse iudicati; ex confessione autem, confessi, aut in factum: certe iudicati esse prohibet, quoniam actionum nomina sequuntur appellationes eorum negotiorum, unde nascuntur. Si negotia certis nominibus appellantur: etiam actiones inde proditæ, certæ sunt: Sin negotiorum nullum est certum nomen: actiones sunt incertæ, id est, præscriptis in factum verbis. *L. 1. et 3. supr. de præscr. verb.* Quod autem attinet ad damnationem confessi, quam magistratus ut iudici, apud quem confessio facta est, iniungimus: hæc etiam verba orationis exigunt. Nam cum voluit confessum pro iudicato esse: voluit etiam eum pro tali haberi magistratus: apud quem confessus est; et prius magistratus, quam cæteris privatis; qui adversus alium vi statuere nihil possunt, nisi auctoritate magistratus. Sic autem fit, ut magistratus confessum pro iudicato habeat, si illum eo loco habere se testetur: quod fit damnando, ut præstat id, de quo confitetur. In eo, qui iudicatur, non est nova condemnatione opus: quia is satis pro iudicato habetur a magistratu, eum ab eo iudicatur. Ergo hic quoque confessus a iudicato non discrepat. Non enim exigimus ut alteruter his condemnatur a magistratu: sed ut semel duntaxat.

Hæc de his, quæ sunt adversus iudicatum, dicta sunt. De his, quæ † statuuntur pro iudicato, videamus. Et in his ipsis iudicatum eodem iure, eadem conditione esse dicimus. Quod sic intelligi debet, non solum, ut eum iudicatum valet, eadem debeant tribui confesso in executionis actione, quæ tribuuntur iudicato: quod genus est ut confessus eadem tempora habeat ad solutionem. *L. 6. in fi. sup. eod.* sed etiam hoc modo, ut quibuscunque de causis condemnatio iudicatum non tenet: iisdem de causis nec confessio noceat: ut sit per omnia confessus pro eo, ac si iudicatus esset; nec plus valeat imago condemnationis, quam viva condemnatio. In hæc † 19
 de-

definitione sunt omnia, propter quæ et hoc titulo et alibi traditur, confessum non teneri. Quæ si quis pro exceptionibus superioris orationis accipit, ideoque plenius et pluribus verbis de confessis cavendum putat, quam superiore regula factum est, ne quid scilicet ei desit, nec quidquam ei repugnet (quod ab interpretibus factum est, extatque eorum interpretatio in glossa *L. unica de confess.*) is quid contineatur his verbis, *pro iudicato haberi*, non satis intelligit. Sic eniñ reperitur, omnia, propter quæ confessum non teneri dicimus, esse eius generis, quæ si in sententia interveniant, iudicatus non teneatur. Quo fit, ut si confessus non ultra teneri debeat, quam pro iudicato, ob supra scriptas causas vel ex verbis superioris regulæ teneri non debeat: quæ nihil amplius statuit in confessum, quam ut pro iudicato habeatur. Ut ergo intelligere liceat hæc ita se habere, age

20 † proponamus breviter ea, propter quæ iudicatus non teneatur: quæ quidem sunt eiusmodi, ut etiam confesso possint convenire. Ea sunt aut in sententia ipsa, aut in persona iudicati, aut in persona adversarii. Sententia ipsa per se non valet, quæ aut sine certa re, et quantitate est. *§. iurare, instit. de offic. iudic. et Tit. C. de sentent. quæ sint. cert. quant.* aut id imperat, et continet, quod natura præstari, fieri non potest. *L. pen. inf. quæ sent. sin. appell. rescind.* Persona iudicati facit quominus teneatur, si minor est et indefensus, qui tutorem aut curatorem non habeat. *L. acta, §. ult. L. contra, sup. de re iudic.* In persona adversarii est, ut sit præsens, cum iudicatur. Alioquin nec sententia præsentem tenet. *L. de unoquoque, sup. d. tit.* Conferamus iam cum his confessionem, personam confessi; itemque adversarii. Iam plaue intelligemus ob easdem illas causas nec confessionem tenere confessum: neque id alia ex re fieri, quam quod ex superiore oratione confessus pro iudicato esse debeat: idest, non deteriore conditione quam is iisdem vitis intervenientibus iudicatus esset. Ergo ex certitudine et incertitudine confessionis, idem de confessione traditur, quod de sententia, in *L. certum, 6. h. tit.* *Certum*, inquit Ulpianus, *confessus pro iudicato erit; incertum, non erit*, idest, incertum confessus non erit pro iudicato. Veluti si quis conventus de Stichio, confiteatur, se debere alterum tantum, aut Stichum aut Pamphilum: sed utrum, nescire. Aut si appellatus de re et quantitate certa, fateatur se rem debere: rem inquam; indefinite, non addita demonstratione speciei certæ: quæ exempla sunt quibus utitur Ulpianus in *d. L. 6. ver. 1.* Addit tamen Ul-

T. om. XI.

pianus ibidem, ne incerta confessio sit inutilis, urgeri debere eum, ut certum dicat: nempe an debeat, quod petitur, an non. Quid tamen si nolit reus fateri certum? putato, hæc erit poena, quæ est constituta edicto de interrogationibus, ut pro confesso habeatur, ac proinde pro iudicato. *L. de etate, §. nihil interest, sup. de interr. in iur. fac.* Accipe iam de his, quæ confessione continentur. Nihil agit præceptum iudicis, quod impossibile est, quodque est contra leges: ne confessio quidem. Ex hac ratione sunt illæ veterum sententiæ de confessione: falsas confessiones naturalibus convenire debere. *L. confessionibus, §. 1. sup. de interr. in iur. fac.* Et, in totum confessiones ita ratas esse, si id quod in confessione venit: et ius et natura recipere potest. *L. si is cuius, sup. eod. tit.* Ad quod demonstrandum in utranque partem hæc exempla, quæ hoc titulo leguntur et alibi referri oportet. Confessus quis est se Stichum debere, qui iam tum in rerum natura non erat: natura is Stichus debere non potest: unde dubitatur, an ea confessio quicquam egisset: Sed iure debere potest etiam qui non est: quid enim, si post moram perierit. *L. nemo, §. ult. L. si servum, §. sequitur, D. de verb. oblig.* Unde placuit, confessum esse dammandum: quia confessio luri congruit. *L. 3. L. 5. h. tit.* At finge, nec iuri, nec nature congruere: ea confessio non tenebit. Si puta confessus quis est, aliquem filium suum esse, sed eum, qui confitente maior erat natu, quoniam non patitur natura hunc filium esse, confessio nihil nocebit. *d. L. confessionibus, §. 1.* Cuius generis et hoc est. Nam si cum actor contenderet, servum suum occisum esse, et diceret a me occisum, ego sim confessus me occidisse: si servus vivit, ego confessione non teneor. *L. 4. hic. L. unde Neratius, §. ult. sup. ad L. Aquil.* Etsi enim natura servum tuum occidere possum: tamen, si de hoc quæritur, non an occisus sit, sed an sit occisus a me: natura non patitur, ut, qui occisus non est, sit a me aut ab alio quoque occisus. Eadem ex persona confessi ratio. Contra minores indefensos tantum, aut curatorem non habentes sententia lata nullius momenti est. Nec isti si quid sine tutoris aut curatoris auctoritate confessi sint, ex confesso tenebuntur. Hoc enim est, quod ait Ulpianus in *L. 6. §. in pupillo h. tit.* In pupillo tutoris exigui auctoritatem ad confitendum: de adolescente nihil addit. Sed cum constet, adolescenti ad litem curatore opus esse. *Tit. de curat. in Instit.* consequens est, quicquid in lite et præsertim in iure egerit citra cura-

toris

toris auctoritatem, nullius momenti esse. Ad-
do, quod si confessio per omnia recte com-
paratur rei iudicatæ, non debeat confessio ibi
nocere, ubi res iudicata non nocet. Non
obstat, quod addit Ulpianus, *minorem a con-
fessione sua restituemus*. Hoc enim de omni
minore dictum est: sed hoc sensu, ut minor
quavis ex confesso iure civili coeperit teneri
ideo, quia auctore tutore aut curatore con-
fessus erit, nihilominus tamen a confessione
sua restituatur. Quod ius in omnibus nego-
tiis, quæ tutore auctore, aut curatore gesta
sunt, perpetuum est. Tit. *C. si tut. vel cur.
inter*. Restat id vitium, quod rei iudicatæ ad-
fert absentia adversarii. Id pertinet etiam ad
confessos. Si quis, inquit Ulpianus, *absente ad-
versario confessus sit, videndum, nunquid
non debeat pro iudicato haberi*, quod significat,
revera non haberi. Unde id confirmans, ratio-
nem, cur non debeat haberi, reddit: eam au-
tem mutuatur a iudicato: quia, inquit, *nec
soleat quis absens condemnari*. *L. G. §. si quis
absente, h. tit.* Ergo in his confessus non te-
netur. Sed, ut dixi, inepte facimus, si ne
iata pugnent cum generali definitione, con-
fessus pro iudicata est, huic definitioni ea ad-
denda putamus, quæ illam ab his obiectioni-
bus tueantur. Omnia enim verbis regulæ con-
tinentur; si modo satis intelligimus, quid sit
haberi pro iudicato, ut ostendi. Ergo ius hoc
perpetuum est, recteque ita definitur, ut ni-
hil adiciamus amplius, *confessi in iure pro iu-
dicatis habentur*. Nam illæ quidem exceptio-

nes, quæ verbis superioribus non excludun-
tur, quæ tamen adiciant interpretes. in *L.
unica, C. de confess.* penitus importunæ sunt:
non solum, quia generali definitioni adver-
santur: sed etiam, quia sententiam falsam
continent. Confessus nimirum pro iudicato in
his causis non haberi; si minor sit: item,
si in fraudem creditorum sit confessus: item,
si homo liber se servum esse confessus fue-
rit. Nam minor quidem dicitur a confessione
sua restitui, in *L. G. §. minorem, h. tit.* sed
hoc ipsum argumento est, minorem, qui con-
fessus sit, pro iudicato teneri: alioqui resti-
tutione in integrum ei non esset opus. *L. in
causæ, 2. sup. de minor.* Si quis etiam in
fraudem creditorum confessus sit debere, at-
que ita se obligarit, potest id factum a cre-
ditoribus revocari. *L. 3. inf. quæ in fraud.
credit.* Sed vel hoc ipso rursus convincitur,
obligationem confessione fuisse contractam al-
ioqui a creditoribus non revocaretur rescisso-
ria actione Arg. *§. item si quis, Instit. de
action.* Ad postremum, nemo, qui liber est,
confessione sua servus efficitur: ut est recte
constitutum. *L. parentes, L. liberos, C. de
liber. caus.* Verum tamen, si quis in iure con-
fessus sit, se eius servum esse, et si servus
non sit: tamen confessio ei nocet inter eas-
dem personas, inter alias non nocet. Itaque
verum est, cum pro servo non haberi. Arg.
*L. nam postea, §. ult. et L. seq. sup. de iure-
iur.*

Ad I.



Ad L. Non fatetur. 2.

Ulpianus Lib. LVIII. ad Edictum,

Non fatetur, qui errat, nisi ius ignoravit.

SUMMARI A.

1. Qui falsum confessus in facto erravit, pro confesso non habetur, nec adeo pro iudicato, et quare, n. 4.
Secus si in iure erraverit, aut etiam sciens falso se debere dixerit. ibid. et n. 6.

2. Exempla utriusque partis.
3. Contraria diluantur et n. 6. et 7.
5. Propositum h. tit. generalis definitionis L. hanc interpretationem esse verius, quam exceptionem.

1. EX omnibus † tamen confessus, qui falsum confessi sint, unus excipitur: is scilicet, qui in facto erravit. De quo ita scribit Ulpianus in h. L. 2. *Non fatetur, qui errat, nisi ius ignoravit.* Qui ex errantibus, quos non fateri dixerat, solum excipit eos, qui ius ignorantes in eo errant: hinc relinquitur intelligitur alterum genus errantium, quos dicat non fateri, nempe eorum, qui in facto errent. Duo enim tantum sunt errorum genera, facti, et iuris. Tit. de iur. et fact. ign. D. et C. Ut hoc dicere iam intelligatur, solum eum qui in facto errat, et hoc errore, quod non debet, se debere agnoscit, non fateri. Quod sic interpretandum est, non verbis (nam et hic hoc ipso, quod dicit se debere, verbis fatetur) sed, si rem spectes, non fateri: quia non fatetur utiliter: non enim tanquam vere confessus ex superscripta regula pro iudicato est, ut initio dixi. Id quod perinde habendum est, quasi fassus non esset. Ne res exemplis egeat, † utriusque partis proponam exemplum. Testamento fideicommissum relictum est: sed postea ademptum codicillis, qui codicilli ignorantur. Heres appellatus de fideicommissum, in iure prolatis tabulis testamenti agnovit, se fideicommissum debere. Repertis postea codicillis, dicimus eum nihilominus iudicati actionem recusaturum, aut repetiturum, si quid eo nomine iam solverit: quippe in facto erravit. Ignoravit enim quid postea a testatore de fideicommissum cautum esset. Non idem dicendum est si heres etiam codicillos esse non ignoravit, quibus id fideicommissum adimebatur. Nam si cognitis codicillis putat etiam fideicommissum debere, quia non existimat fideicommissum adimi posse codicillis, aut quia putat nullos esse codicillos, nisi adhibitis quinque testibus, quia id ius Romanum exigit, ignorans iure municipii, in quo

versatur duos aut tres testes sufficere: quorum utrumque secus, ac ius est, putat: quod fit errore, et ignorantia iuris. Cui sententia † non adversatur, quod in L. error, C. de iur. et fac. ignor. dicitur, facti errorem, qui alias non solet nocere, tamen nocere, causa decisa. Etsi enim causa alias, ut sententia iudicis, sic confessione deciditur, cum post utrumque nihil amplius queratur: L. post rem, sup. de re iudic. tamen hic non deciditur, ubi confessus in facto erravit; si verum est, eum, qui ita errat, pro confesso non haberi, quod hic pro certo statuitur: nec usquam diserte negatur. Sed cum ius scriptum sit generaliter, confessos in iure pro iudicatis haberi, constetque id ita esse accipiendum, sive quis vere confessus sit se debere, sive falso. Hoc amplius, cum non dubitatur, quin iudicatos teneatur, qui non debuerit, quamvis putaverit se debere: et confessos per omnia iudicato comparetur: qui fit, et unde hoc sumptum a veteribus ut non haberetur pro iudicato, qui in facto erravit? Sumptum † hoc est ex ratione et sententia eius iuris. 4. Ratio autem esse existimata est, quod qui confitetur, quodammodo voluntate et sententia sua damnetur. L. 1. h. tit. quare ratio non potest congruere in eos, qui iusto errore ducto fatentur aliquid esse, quod non est. Nam si error non habet consensum: profecto isti nec hoc sentiunt, quod dicunt, nec volunt ita esse, ut affirmant, aut se eo dicto teneant, nedum damnari. Ut verbis legis hic quidem teneantur: sententia non teneantur. Itaque, si † verum amamus, ne hic quidem 5. eius iuris exceptionem esse proprie quis dixerit: si quidem id ex lege quaque habendum est, non tantum quod est ex verbis, sed etiam quod est ex sententia. L. nominis, §. ult. inf. de verb. signif. Quod si ita est: ne hæc quidem species confessi impedit, quominus

minus recte dicamus, omnes omnino confessos pro iudicatis habendos: dummodo ii sint, quos lex intelligit, qui sententia sua quodammodo damnentur. Sit igitur hæc interpretatio legis potius, quam exceptio. Interim ut Ulpianus in d. L. 2. *suprascriptis* verbis confessum, qui in facto errat, excipit de sententia legis, ne is pro iudicato habeatur: ita regulam iuris in cæteris confirmat, ut pro iudicatis habeantur omnes, siue scientes se non debere, fateantur se debere: siue errore et imperitia iuris id faciant. Quorum tamen utrumque ipse quæstionum vocatur: nec vero satis explicatum est vulgo, quid statuatur de utroque, ut sunt nonnulli alii eisdem de re scripti loci, in speciem dissentientes, ac præcipue *L. penult. hic*. De quibus nobis iudicandum est. Et quidem † in eo, quod dicimus eum, qui sciens falsum de se est confessus, omnino teneri, ut si iudicatus esset: sunt qui adversari putent *L. is qui se obtulit, et seq. supr. de rei vindicat.* in quibus scriptum est: si quis confessus sit, se rem possidere, quæ vindicatur, eum non teneri quasi se huius obtulisset, si neget ante litem contestatam se possidere. Idemque dicendum esse, etsi neget post litem contestatam, si modo actor ipsum non possidere sciverit. Sed non erat iudicio meo, cur hic locus moveret Bartolum, et cæteros, ut novas de hac specie cuderent distinctiones, quo rem quasi valde impeditam expedirent. Apparet enim ex *suprascriptis* Iuriconsultis non loqui de eo, qui in iure confessus ait. Res igitur dubia ex iure certo explicetur: ut si quidem nihil amplius quam confessus sit se possidere, non ideo teneatur, quasi liti se obtulisset, si illa intervenerint, quæ supra diximus. Sin id confessus sit in iure, tam vero plane teneatur, non tanquam qui se obtulit liti: sed tanquam qui pro iudicato habeatur: aut teneatur etiam confessione sua ex edicto de interrogationibus: quod ita esse apparet ex *L. 4. supr. de in-*

terrog. Cave enim putes, quicquam referre, quæ vulgaris distinctio est, utrum res, de quæ reus confessus est, pertineat ad præparationem causæ, an ad decisionem, ut hic reus habeatur pro iudicato, illie non habeatur. Non ita est. *Subsequi*, inquit Ulpianus hoc titulo, *prætor voluntatem orationis divi Marci debet, et omni omnino quod quis confessus est, pro iudicato habere.* In † altero, 7 quod erat de eo, qui ius ignorans confessus est, se debere, quod non debuit, quem diximus pro iudicato haberi non secus, quæsi si ius non ignorasset: non videtur quicquam causæ esse, cur illum ab eo, qui in facto erravit, distinguamus eum teneri. Id autem effici videtur illa regula Papiniani, quæ cavetur, etiam iuris errorem in damnis amittendæ rei suæ omnibus non nocere. *L. error, supr. de iur. et fac. ing.* Etenim, ne erremus, cum reus confitetur se debere, quod non debuit, idque ab eo exigitur, agitur aperte de damno rei eius non amittendæ: laborat enim in eo, non, ut rem repetat quæ alterius facti sit: sed ne eam, quam adhuc habet, cogatur solvere. Et qui tentant confessum in iure ab eis regula excipere, ipsis verbis Papiniani aperte refelluntur. Ait enim: *omnibus iuris error non nocet*: idest nulli nocet. Sed non est, cur exemplo confessi moti metuamus affirmare, iuris errorem in damnis amittendæ rei suæ nulli nocere. Cum enim concesserimus hunc errorem etiam ei, qui in iure confessus sit, non nocere: non ideo efficitur, hunc pro iudicato non teneri. Teneatur enim: sed ita ut in ea re noceat ei non error iuris, sed ipsius confessio. Quod inleliquet, quod si putaret tantum se debere, naque id in iure confessus esset, non teneatur. Nunc autem ideo teneri incipit, quia et confessus est, et confessus est in iure. Videndum tamen, ne huic errorum et ignorantie distinctioni adversetur responsum Africanum in *L. pen.*

Ad L.



Ad L. Cum fideicommissum. penult.

Africanus lib. v. Quæstionum.

Cum fideicommissum peteretur, heres confessus est debere: arbiter ad restituendum datus comperit nihil debere; quaesitum est, an possit absolvere? respondi posse. Interesse tamen quæ ex causa nihil debeatur. Nam si ob id, quod nullum fideicommissum fuerit, non debere eum absolvere. Si vero quia testator forte solvendo non erat, aut quia heres aes omne solutum esse apud prætorem dixerat: et cum controversia, et computatio difficilior esset, arbiter datus fuerit: salvo officio eum absoluturum. Has enim partes eius esse, ut si in computatione nihil inveniatur, possit absolvere: sed ex superiore casu ad prætorem remittere debet, ut absolvatur.

SUMMARI A.

1. Species luitis legis.

2. An lux alterutri parti distinctionis in superiori lege exposita adversetur.

3. Dubitandi ratio, ac solutio. et n. 4.

5. Quare is qui in facto errans fideicommissum se debere confessus est, non possit a iudice ad restituendum dato absolvi, ubi hic comperit nihil debere.

- 1 IN quo ita proponitur. † Heres confessus est, se fideicommissum debere: cuius generis exempla paulo ante pluribus proposui. Is ex confessione conventus, cum diceret aut bona non esse solvendo, ideoque nihil esse, quod deducto ære alieno pro legatis præstetur: aut si ratio solutorum inibitur; constitutum se fideicommissum integrum iam solvisse; deque ea re quæreretur: iudex ad hanc restitutionem datus est. Quærit Africanus, si iudex comperit nihil debere, an possit absolvere. Interesse ait, quæ ex causa nihil debeatur. Nam si ob id, quod nullum fideicommissum fuerit: non debere eum absolvere: si vero quia nihil sit in bonis, aut iam solutum sit, salvo officio absoluturum. Id † responsum videtur eiusmodi, ut non possit, quin alterutri parti superscriptæ distinctionis Ulpiani de errore iuris et facti adi-
- 2 sultum sit, salvo officio absoluturum. Id † responsum videtur eiusmodi, ut non possit, quin alterutri parti superscriptæ distinctionis Ulpiani de errore iuris et facti adi-
- 3 versetur. Nam si † loquitur de eo Africanus, qui in iure erravit, dici debuit: huic nullo modo absolvendum; sin de eo, qui erravit, in facto, hic vero absolvendus fuit
- 4 omnimodo, si vera est Ulpiani distinctio. Et † dicendum est, Africanum agere de eo, qui iuste errans, idest, in facto, confessus est se debere: postquam is, quem proponit, in ea causa

est, ut velit eum vel a iudice dato, vel a prætore absolvi. Quod autem ait, hunc a iudice dato absolvi non debere: in eo non mutatur, quod prius dixerat: hoc enim non de iure confessi respondet, sed de iudicis dati potestate. Ipsum confessum vult absolvi debere a prætore: ad quem ait, eum remittendum esse, ut absolvatur: ut intelligamus hoc congruere cum sententia Ulpiani, quæ definit, errantem in facto pro iudicato habendum non esse. Sed † negat Africanus hunc esse absolvendum a iudice dato. Cur ita? quia iudex ad restitutionem fideicommissi datus, solum ad computationem patrimonii, ac fideicommissi, et eorum, quæ eo nomine soluta sunt, datus est. De hac igitur ratione recte, et, ut loquitur Africanus, salvo officio indicaverit. Non etiam datus est, ut cognoscat de fideicommissio, an relictum esset, necne. Proinde nec de ea re recte pronuntiaverit: quippe ad officium eius, et potestatem non pertinet. Ultra enim, quam in iudicium deductum est, excedere potestas iudicis non potest. L. ut fundus, supr. comm. divid. Itaque responsum Africani aperte eandem distinctionem confirmat.

Ad L.

Ad L. Non omnimodo. ult.

Paulus lib. iv. ad Sabinum.

Non omnimodo confessus condemnari debet eius rei nomine, quæ an in rerum natura esset, incertum sit.

SUMMARIA.

1. Quando quis de re, quæ an sit in rerum natura incertum est, confessus condemnari debeat, aut secus.
 2. Titulum de confessis in Pand. et Cod. ad causas duntaxat pecuniarias pertinere.
 3. Diversum ius obtinere in reorum de crimine confessionibus, et hoc quale.
 4. Duplex diversi iuris causa et ratio; et quæ utraque. et seq.
1. **H**OC iure de errantibus constituto, † intelligitur, quid sit quod dicitur in *h. L. ult.* non omnimodo confesum condemnari debere, eius rei nomine, quæ an in rerum natura esset, incertum sit. Quid enim si is confessus sit se debere, qui moram in re debita non fecit; ignorans autem eam decessisse, atque ita se esse liberatum, se debere eam rem sit confessus? Iam diximus in facto errantem, si sit confessus, pro iudicato teneri non oportere: quasi nec confesum. Itaque si deinde quæritur, an ideo hic non teneatur, quia res desiderit esse in rerum natura, dicemus nihilominus teneri, *L. 3. L. 5. supr. eod.* Sin quia confessus mortem rei ignoravit: contra erit, ut hoc loco.
2. Et hoc quidem † in rebus privatis, id est pecuniariis proditum ius est, ut statim ab initio proposuimus. Id sciendum est ad causas criminales non pertinere. Aninadvertendum est enim legem xii. Tabul. quæ de hac re loquitur, de ære, idest, de pecunia tantum cavisse, et rescriptum Antonini, quod extat de hac re sub Tit. *C. de confess.* ad creditorem privatum pertinere, quem iubetolvere. Et si extaret Oratio divi Marci de hoc genere, de re tota facilius esset iudicium: sed non est laborandum. Extant † enim constitutiones, quibus diserte cautum est, confessiones reorum pro exploratis facinoribus haberi non oportere, si nulla proba-
- tio religionem cognoscentis instruat. *L. 1. §. divus Severus 2. infr. de question.* Neque vero † difficile est, huius differentie rationem explicare. Versatur enim in criminibus periculum maius. Agitur enim non pecunia, sed periculum capitis, aut famæ et existimationis. Recte Ulpianus in *L. 1. §. sed et si quis, supr. de Carbon. ed.* magis consulendum esse his ait, quibus gravius periculum intenditur. Et hoc quidem humanitas postulat. Sed si propius velimus attendere, † reperiemus, non tam æquitatem hoc ius, quam necessariam quandam rationem ex potestate confitentis sumptam expressisse: ut etiam si humanum non sit, tamen constituendum fuerit. Quid enim agitur in causa civili et pecuniaria? ut reus pecuniam præstet; rem, videlicet iuris sui, et propriam. Quid autem in criminibus? ut corpus pœna plectatur, aut etiam laboret fama. Hoc vero non est in iure et potestate rei. Nemo enim dominus est membrorum suorum: ut vere a veteribus constitutum est. *L. Labeo, supr. ad L. Aquil.* Aliud namque oportet esse id quod habet, et aliud, quod habetur. Sic fit, ut de pecunia, ut de re sua, quivis damnatione sua constituere possit pro iure suo. *L. in re mandata, Cod. mand.* de pœna corporis non possit: nec de ea statuens sit audiendus, ne si velit quidem.

HUGO-



HUGONIS DONELLI

JURISCONSULTI

C O M M E N T.

AD TITULUM DIGESTORUM, DE VERBORUM OBLIGATIONIBUS.

Quid contineat hic titulus, et quæ sit eius utilitas: in primis de obligatione verborum, de eius causis, deque æquitate huius obligationis constituendæ, tum de ratione nominis.

S U M M A R I A.

1. *Ex contractu obligationes aut re, aut verbis, aut literis, aut consensu contrahi.*
2. *Obligationum, quæ re, quaque consensu contrahuntur, varia genera.*
3. *Earum, quæ verbis aut literis contrahuntur, una causa.*
4. *Literis quomodo obligatio contrahatur, quomodo item verbis.*
5. *Verborum obligatio eadem, quæ verbis dicitur contrahi.*
6. *Verborum obligatio quid sit.*
7. *Verborum obligationis una causa Stipulatio, nec plures.*

8. *Iureiurando liberti munus, donum, operas patrono se præstaturum iurant; item dotis dictione obligationem verbis non constitui, et u. 10.*
9. *Causæ locus suspectus.*
10. *Cur ex stipulatione, idest, ex verbis sit obligatio.*
11. *Solemne verborum conceptionem in stipulatione recte Symbolum vocari.*
12. *Æquitas huius obligationis constituenda.*
13. *Quomodo recte ex verbis esse dicatur obligatio, quæ etiam ex consensu nascitur.*
14. *Tituli huius summa, partes et utilitas.*

DE generibus et causis obligationum, quæ ex contractu nascuntur, nota est divisio tradita cum in *L. 1. sup. de obl. et act.* tum sub Titulo *Instit. de obl.* et deinceps sequentibus titulis exposita: † obligationes nimirum quæ ex contractu sunt, aut re contrahi, aut verbis, aut literis (hoc enim membrum addidit Iustinianus) aut consensu. † Et eas quidem, quæ re contrahuntur, itemque eas quæ ex consensu, variis ex generibus nasci contractuum: in illo genere enim esse depositum, commodatum, pignus, et similes; in hoc emptionem et venditionem, locationem et conductionem, societatem, mandatum: † eas autem quæ verbis, aut literis contrahuntur,

Tom. XI.

uam habere causam singulas, ex qua nascuntur. † Etenim literis contrahi obligationem uno modo, nempe scriptura et confessione, cum quis scripsit se pecuniam accepisse, quæ numerata non est, neque intra tempus legibus constitutum de pecunia non numerata questus est *tit. de lit. obl.* verbis item contrahi ex interrogatione et responsione, idest, stipulatione. *Instit. de verb. obl. in princ. et d. L. 1. §. verbis, supra, de obl. et act.* Hæc divisio atque descriptio generum obligationis facile nos docet, quod de inscriptionis huius significatione et potestate initio statuendum est, et quæ sit ea quæ hic dicitur verborum obligatio, et quæ verba, seu

26

quam causam intelligere hic debeamus, ex
 5 que illa nascatur. † Ac primum facile intel-
 lectu est, si qua sit in his generibus obliga-
 tionum verborum, eam esse quæ in superiore di-
 visione dicitur verbis contrahi; et vero hæc
 ipse est, quod vel titulus ipse institutionum,
 qui est de hoc genere, satis ostendit, nam
 qui titulus constitutus est de ea, quæ verbis
 contrahi dicebatur, is inscriptus est de ver-
 borum obligationibus. Sic literarum obligatio
 dicta, quæ contrahitur literis, Titulo de li-
 ter. oblig. sic alibi empti et venditi obliga-
 tio, quæ ex emptione et venditione; locati
 et conducti, quæ ex locatione et conductio-
 ne nascitur, et iurisiurandi etiam obligatio-
 nem dicimus, quæ contrahitur ex iureiurando
 liberti in *L. ut iurisiurandi, supr. de op. lib.* Iam vero si queritur, quæ hic verba
 intelligamus, ibidem expositum habemus;
 6 verba nimirum intelligimus stipulationem: † ver-
 bis eam obligationem contrahi, quæ contrahitur
 interrogatione et responsione, cum unus stipule-
 tur, quod alter promittit, ut est apud Iustinia-
 num in *d. tit. de verb. oblig.* id est in summe
 stipulatione, qua is qui interrogatur, datu-
 rum est facturum se id quod interrogatus
 est, respondet. *L. 5. §. stipulatio, infr. eod.*
 Hoc est, cur sub hoc titulo, et illis qui plu-
 res in institutionibus de hoc genere disserunt
 unum fere questionem et tractationem esse
 videmus de stipulatione; scilicet, quia stipu-
 latio huius obligationis causa sit, quæ posi-
 ta etiam obligatio statuatur; nulle autem aut
 inutili stipulatione constituta, non possit obli-
 7 gatio, qui effectus est, intelligi. † Quod si
 queratur hoc etiam, pluresne sint huius obli-
 gationis causæ quam stipulatio, id est, utrum
 alius quoque modis contrahatur obligatio verbo-
 rum, quam stipulatione; id quoque ex eo de-
 scriptione generum quam indicavi, non difficile
 intelligi potest. Non enim aliter quam stipula-
 tionem obligationem verbis contrahi traditum est,
 cum in *dict. L. 1. §. verbis, supra, de obl. et act.* tum sub titulo de verb. obl. in *Institutioni-
 bus*. Quibus tamen locis de hoc genere ex profes-
 so agitur, prudendo omnino, atque adeo non
 ferendo errore; si qua alia causa esset,
 ex qua nasceretur verborum obligatio. Ea
 enim aut nusquam exponi debuit, aut certe
 his titulis debuit, qui de hac parte ex pro-
 fesso constituti sunt, et in quibus hoc maxime
 queritur, quo modo verbis obligatio contra-
 8 hatur. † Quæsitum tamen est hoc loco num
 et iureiurando, quo libertus iurat se munus, do-
 num, operas patrono præstaturum, item dotis
 ditione obligatio verbis constituatur: nam
 his quoque modis constitui scriptum legimus
Lib. 2. Institutionum, quæ Cui nomine cir-

cumferuntur. In quo si queritur, quod de
 eo apud veteres olim observatum sit: quo-
 niam res e memoria nostra remotior est, quam
 ut certo sciri possit, neque nullo satis certo
 et bono auctore nititur, in medio reliquam.
 Neque vero multum refert, verbis olim ita
 contrahi solite sit obligatio, an non sit, si
 nunc alio iure utimur. † Mihi quidem illud 9
 Cui non ehs re suspectum est. Nam si sim-
 pliciter iurans libertus se munus, donum,
 operas præstaturum patrono, obligatur; non
 potuit dici obligatio nasci ex verbis, si res
 solemnitate verborum nullam haberet, nisi
 forte ubicunque paciscendo homines verbis et
 sermone utuntur, ibi ex verbis obligationem
 nasci dicimus, ut quæ ex pacto nuncupato
 obligatio est, ea verbis contrahi dici debeat.
 † Quod si verbis conceptis et solemnibus iu-
 10 rabet libertus, atque ita obligabatur, non aliter
 tamen ne sic quidem dici debuit nasci
 obligatio ex verbis, sed ex iureiurando; ver-
 ba enim sollemne ei promissioni cum aliis
 multis contractibus et negotiis, communie-
 rant; iurandum proprium, quo nimirum
 accedente libertus obligaretur. Ac iurandum
 quamvis verbis solemnibus conceptum, nili-
 lomus erat iurandum, et tanquam iurandum
 obligabat. Obligatio igitur ex iureiurando,
 non ex verbis. Ut enim in stipulatione
 ne quamvis ea constet consensu et verba, ta-
 men obligationem ex verbis nesci dicimus,
 non ex consensu; quæ consensus est illi cum
 aliis contractibus communis, verba eutem eius
 propria, ex quibus et nomen habet: sic et
 obligatio liberti, qui iureiurando obligatur,
 ex iureiurando, quod eius obligationis pro-
 prium est, nesci dicenda est, non ex verbis.
 Et quidem aperte iurisiurandi obligatio ap-
 pellatur ex Ulpiano in *L. ut iurisiurandi, supra de oper. lib.* Idem in *L. et per iurandum, infr. de accept. libertum iurantem*
 se præstaturum operas, per iurandum obli-
 gari ait. De ditione dotis, probabilibus dici
 potuit eum qui dotem solemnibus verbis di-
 ceret, si obligaretur (ut obligari solitum col-
 ligitur ex *L. ult. C. Theo. tit. de dotibus*)
 eum, inquam, qui id faceret, verbis obli-
 gari: cum non obligaretur aine verbis nudo
 consensu; solemnibus eutem verbis ecceden-
 tibus continuo obligaretur. Sed de iure et mo-
 re veteri in his usitato nihil affirmabo, quen-
 do est incertius, neque multum, ut dixi, ad
 rem pertinet: hoc dico, si de eo iure queri-
 tur, quod ex constitutionibus in usu est, et li-
 bris nostris continetur, nullam videri in his
 duobus generibus inesse verborum obligatio-
 nem. De ditione seu pollicitatione dotis du-
 bi-

bitari non debet, cum ab Arcadio et Honorio sublata sit in hoc genere omnis solemnitas verborum necessitas, et res eo deducta, ut quovis modo quis dotem se daturum pactus sit, non dico sine solemnibus verbis, sed etiam omnino sine verbis, is de dote obligetur. *L. ad exactionem, C. de dot. promiss.* Non potest igitur dici verbis contrahi ea obligatio, quæ verba non habet, aut certe non desiderat, ad vim et substantiam obligationis; non magis, quam eas obligationes verbis contrahi quisquam dicit, quæ ex consensu, aut pacto solo nascuntur. *L. 4. supr. de pign. Inst. de oblig. ex cons.* De obligatione ex iureiurando nata potest dubitari propter *L. et per iusiurandum, infr. de accept.* in qua Ulpianus ita scribit: *per iusiurandum liberti interpositum operarum obligationem, per acceptilationem tolli verius est.* Hoc cum dicit, simul eam verbis contrahi significare videtur, si modo verum est, quod traditur de acceptilatione in *§. item per Inst. quib. mod. toll. oblig.* hoc genere nimirum tantum eas solvi obligationes, quæ ex verbis consistunt. Ego autem superiore illo loco probari putem potius, obligationem liberti iurantibus verbis non contrahi; ait enim Ulpianus *verius esse*, quasi de re dubia, et de qua aliis aliud videatur, aut certe possit videri. Unde intelligimus hoc eum sensisse, non fuisse quidem eam obligationem, quæ ex verbis nasceretur: alioqui sine hæsitatione dicturus erat eam obligationem utpote verbis contractam acceptilatione tolli: sed verbis tamen solemnibus constitisse, ut posset dubitari nunc propter verba, quæ desiderat, verbis quoque contrariis solemnibus, idest, acceptilatione tolli potuerit: quod ille putat esse verius. Et certe non dicitur in *d. §. item per*, acceptilatione tolli tantum eas obligationes, quæ verbis contrahuntur, sed *quæ verbis consistunt.* Quod sic interpretandum est, quæ sine verbis solemnibus non consistunt, seu quæ verba desiderant. Non tamen id efficit, ut obligatio ex his contrahi videatur, cum ad verba accedere oporteat iusiurandum; ex quo dici debet obligatio oriri: unde et ab eodem nominatur obligatio iusiurandi, ut supra dixi. Atque hæc quidem ita recte dicuntur, etsi fateremur etiam nunc obligationem illam liberti confici interposito iureiurando solemnibus ver-

Tom. XI.

bis concepto, ut fortasse conficiebatur temporibus Ulpiani. Nunc autem iusiurandum liberti quibuscunque verbis præstitum sufficere ad obligationem operarum, sublati videlicet verbis solemnibus, ex eo intelligi potest, quod nihil amplius ad hanc obligationem requiritur, quam iusiurandum in his locis, qui scripti sunt de hac obligatione liberti, ut *L. ut iusiurandi, supra de oper. lib. L. si quis pro eo, infra de fideiuss.* Et sane si a stipulationibus solemnitas verborum recedere iussa est constitutionibus, et constitutum, ut quibuscunque verbis compositæ sint valeant: *L. omnes, C. de contr. stip.* quanto magis id valere debet in iureiurando adversus libertum, quo is obligetur patrono, cui etiam natura quodammodo operas debet. Quo constituto etiam nunc recte dicitur illud, quod ex Ulpiano supra retulimus, et per iusiurandum ita interpositum operarum obligationem, per acceptilationem tolli verius esse: non quod ea obligatio nunc verbis consistat, ut ante; sed quod verba ita abire iussa sint, ut ea res induceret obligationem magis, non eam infirmaret: quod fieret si per acceptilationem tolli, ut ante non posset. Ergo tollitur, quia verbis olim constiterit: ut hac in parte etiam nunc id ius videatur manere. Et hoc est, videlicet, quod cum sub titulis de verborum obligationibus, tum in Institutionibus, tum in Pandectis agatur de his obligationibus, quæ verbis contrahantur, nulla tamen omnino fiat aut iusiurandi istius, aut dictionis, sive pollicitationis dotis mentio, quod certissimo argumento esset debet in his obligationem nunc quidem verbis non contrahi. Nam quod præcipue animadvertendum est, Titulus hic *de verb. oblig.* latissime patet, estque omnium qui sunt in Pandectis, prolixissimus. Atqui ut quis totum evolvat, tamen ne unum quidem apicem de obligatione liberti, aut de dictione, vel pollicitatione dotis in toto titulo reperit, imo ne tenuissimam quidem significationem, qua quisquam de his generibus possit suspicari, quod certe futurum non erat, si hæc genera ad verborum obligationem pertinerent: cum et illa mansisset, et de his aliis quoque titulis ius proponi constet. Nam cum in dividendo aliquod genus præmittere maximum est vitium: tum vero ubi ex professo de genere aliquo, et quidem plura-

26*

li

1) Sed resinit expresse *L. 8. §. 3. D. de acceptilat.* Potest tamen per Doct. ad *d. L. 13. pr.* responderi ita tolli operarum obligationem si prius per Aquilianam stipulationem mortis fuerit *L. 4. de transact.* uti omnium aliorum contra-

clium. Ratio autem dubitandi specialis facile reddi potest tum quod iusiurandi religio veram non factam implicationem requirere videatur, tum quod adstrictor videatur obligatio illa liberti cum et ad operas sine eo naturaliter sit obligatus.

li numero dicere constitueris, ibi alie conquirere quæ vel mediocriter ad eius generis explicationem faciant, species autem eius omittere præcipuas, ferendum non videtur. Mæneat igitur, ut nunc ius est, unum esse verborum obligationis causam, stipulationem nimirum, etque hinc solum verborum obligationem oriri; libertum iurantem patrono se præsteturum operas sine verbis solemnibus, obligari patrono ex iureiurando; atque adeo, etsi verbis solemnibus hoc idem fieret, non temen aliter obligari, quam ex iureiurando; eum autem qui dotem dicat hodie, seu polliceatur sic consensu obligari, ut obligatio nascatur ex pacto, certe non ex verbis. Quapropter et de una stipulationis causa in his titulis recte tractari, etque ideo et nobis querendum esse sciendum est. Interim hoc relinquatur in stipulatione saltem causam proponi, ex que verbis obligatio contrahatur, quæ et verborum obligatio appellatur. Quorum utrumque potest habere dispositionem: proinde nobis breviter attingendum videtur.

11 † Nem quod ex obligationem atinet, certi iuris est ex pacto, idest, ex consensu et conventionione sole obligationem non nesci. *L. iurisdictionis, §. sed cum nulla, supra, de pact.* Quod si stipulatio accesserit, idest, verba, res confirmatur, inquitur, et Iure Civili actio nascitur. *§. de constituta, Inst. de action.* *L. divisionis, supra de pact.* Aut recte prius illud de consensu et pacto constitutum non est, dixerit aliquis, aut propter verba quæ intervenerint, ius mutari non debuit. Nam, ut alibi quoque scripsimus, quid verbe de re mutant? quod si mutatis verbis nihilominus eadem res et sententia est: etiam ius quod prius fuerat de eadem re, idem esse debuit, elioqui leges imponuntur verbis non rebus: quod Iustinianus merito pro absurdo habuit. *L. 2. in fi. C. com. de leg.* Et sciendum est, si verba tantum sint ad consensum declarandum compereta, quibuscunque tandem verbis res exprimat, semper rem eandem, eundem consensum esse, etque ut in eadem re etiam ius idem stetui debere. Sed in stipulatione verba quesita sunt, non quibus solum sensus mentis exprimeretur, sed quibus declararetur potius, quidquid hic promitteretur, in eo præmeditationem animi et iudicii certitudinem fuisse. Nam præter verba adhibite est ea solemnitas conceptionis, quæ nos de illis non sinneret dubitare. Post conventionem de re aliqua creditor futurus hoc amplius coram interrogat reum, num velit dari aut facere id de quo convenit: reus contra id stipulanti pronuntit verbis interrogationi subser-

vientibus. Non dubitaverunt veteres, eos qui id fecissent, ista congeminatione et solemnitate conceptione ed tentandam et experimentam voluntatem aptissima quasi nota et symboli quodam satis testari se præmeditare et certo consilio ed contrahendam obligationem accessisse. † Non enim video, cur conceptionem stipulationis, cum magis ad notandum et probandum iudicium animi, quem ad consensum verbis exprimendum adhibeatur, non recte symbolum cum Franc. Duareno vocemus, neque enim ideo ita vocari non debet, quæ adhiberi eam necesse fuerit. Nem et ad testamenta antiquorum adhiberi oportebat as et libram, neque eo minus ea symbola recte dici confitemur. Sed de verbo non laborabimus, dum constet, quod iam dixi, hanc solemnem formam verborum, magis ed attentionem et præmeditationem iudicii declarandam, quam ed voluntatem promittendi significandam edhiberi. † Porro valuit semper hæc sententia inter omnes veteres, dum ed voluntate et iudicio promittentis constaret, nihil esse æquius, quem ea quæ inter aliquos placuerunt, servi. *L. 4. sup. de pact.* hoc iudicium cum intelligi, ut dixi, in stipulatione stetuissem, ideo ex eo et ex certo consensu actionem dederunt. Hæc solemnitate detracta, quia in reliquis conventionibus et pactis nullis ailib de consensu cuiusque, nisi ex verbis et more hominum nitato probatur, id secuti sunt veteres, quod in moribus hominum usitatum esse experientia comprobavit, quidquid ita pactum conventum esset, id ex levitate magis et ostentatione, quam iudicio et certo consensu proficisci consuevit, ideo etiam ex eo, quod tantum pactum esset, actionem esse noluerunt: non quia qui sine stipulatione paciscitur, interdum non serio consentiet, et velit obligari, sed quæ id rero fiat. Iura autem ad ea optari scimus, quæ frequenter et facile eveniunt, non ed ea, quæ raro *L. nam ad ea, supra de legib.* † Sed cur dicitur verborum obligatio verbis contrahi, quæ ex stipulatione nascitur, cum stipulatio non minus consensu constet, quam verbis? *L. continuus, §. 1. infra cod. L. 1. §. 1. supra, de pac.* sæpe alias monui, et hoc loco dicendum est, quia res postulat, cum obligationem dicimus re contrahi, eut verbis, eut literis, eut consensu, omnia hæc indita esse unicuique generi, non ex eo quod omnium commune erat, sed ex eo quod erat proprium cuiusque, et quo eb aliis discernerebatur. Omnium contractuum communis est consensus: nullus igitur ex eo quod consensus requirit, ex consensu esse dicitur. Sed hoc proprium est querendum, ut consensu

12

13

14

solo perficiantur: inde dicuntur ex consensu, ut sit ex consensu solo, nihil nisi ex consensu; quidam præter consensum aliquid desiderant, quod sit ipsorum proprium: alii rei iuventum; quidam verba; nonnulli literas. Inde aut re contrahi dicuntur, aut verbis, aut literis: sic tamen ut eo quod proprium est cuique attributo, non eo minus in singulis id, quod commune erat, reliquatur. Hactenus de verborum obligatione quid sit; unde nascatur, seu quas causas habeat; cur ex stipulatione, idest, ex verbis sit obligatio; et quam recte ex verbis esse dicatur, quæ etiam nascatur ex consensu: quæ omnia ad inscriptionis explicationem pertinere mihi visa sunt. Nunc de summa tituli, deque utilitate pauca dicam. † Agitur hoc titulo de verborum obligationibus, in quo hoc queritur, quando sit ea obligatio, et nata cuiusmodi sit, seu quam vim habeat. Sic autem ea obligatio futura est, si sint verba, ex quibus nascitur, idest, si sit stipulatio, et ea utilis: nam inutilis perinde est, quasi interposita non esset. Ita fit, ut duas partes contineat hæc de verborum obligationibus questio: unam de stipulatione, quæ obligationem parit, alteram de obligatione quæ inde nascitur, quorum utrumque hic titulus complectitur. De stipulatione queritur, quid sit, et quibus rebus constet, ac perficiatur: tum quæ eius genera sint, in quo de utilibus et inutilibus stipulationibus agitur, necesse est enim omnem videri inutilem, in qua quid eorum deest, quæ ad eius substantiam pertinent. Obligationis vis in eo est, ut norimus, quid, quantum, quando debeat, et quod debeat si non solvatur uti oportet, quæ sit in eo cessationis pœna, quæ omnia hoc titulo copiose, ac veluti ex professo explicantur. Vel hinc constare potest, quanta sit

huius tituli utilitas, nam stipulationis quidem usus est necessarius; et is quo vita hæc carere non potest. Quoniam enim ex pacto actio Iure Civili non nascitur, et tamen multis in causis sine re, ac literis obligationem constitui est opus, eo necesse est aut in his non contrahi obligationem, aut certe ad obligandum promissorem stipulationem adhiberi. Fideiussoribus hæc vita in contractibus indiget, et hi sine stipulatione non constituuntur. *L. blanditus*, *C. de fideius*. Multis de causis expedit obligationes veteres finire, et transferri in alias novas, id pacto non fit, efficitur stipulatione. *L. 1. L. 2. infra de novat*. Usuras pecuniæ creditæ sæpe nobis præstari volumus, ac sine his pecuniam non crederemus. Porro in strictis iudiciis usuræ ex pacto non debentur: at ex stipulatione debentur. *L. 3. C. de usur*. Postremo multæ quotidie res incidunt, quas cupimus nobis constitui promissione eius, qui eas nobis præstare velit in præsentia. Stipulatione id consequemur; pacto nequaquam: atque isto modo pacta nuda omnia stipulatione adhibita confirmantur. *L. divisionis, supra de pact*. Sed hic stipulationis usus est, neque is progreditur longius; at illa patent latissime, nec tantum contractus ceteros, sed etiam obligationes omnes attingunt, quæ de rebus ad stipulationem pertinentibus, deque obligatione verborum hic tractantur. Etenim quæ de consensu stipulationum, de personis, de rebus promissis, de fine stipulationis hic dicuntur, omnia sunt fere cum aliis contractibus communia. Illa etiam omnium obligationum, quæ de effectu stipulationis, idest, de obligatione, et de mora explicantur: ut nunc hoc in titulo reperire liceat, quod semel de omnibus cognoscatur.

Ad L.



Ad L. Stipulatio. 1.

Ulpianus Libro XLVIII. ad Sabinum.

Stipulatio non potest confici, nisi utroque loquente. Et ideo neque mutus, neque surdus, neque infans stipulationem contrahere possunt, nec absens quidem: quoniam exaudire invicem debent. Si quis igitur ex his vult stipulari, per servum præsentem stipuletur, et acquirat et ex stipulatu actionem. Item si quis obligari velit, iubeat: et erit quod iussu obligatus.

SUMMARI A.

1. Stipulatio quod.
2. Proprium stipulationis.
3. Quatuor res ad conficiendam stipulationem necessariae.
4. Stipulatio non nisi utroque loquente conficitur. et n. 7.
5. Mutus et infans stipulari nequeunt.
6. Infans iure Civili quis.
8. Stipulatio quæ non est, interdum contracta fingitur.

9. Surdus et absens non recte stipulantur.
10. L. 58. D. de dos. int. vir. et vx. explicata.
11. Mutus, surdus, absens per servum recte stipulantur: per eundem promittendo obligantur.
12. Infans per servum non recte stipulatur: servus tamen stipulando infanti acquirit.
13. Infans per servum promittentem non obligatur.

NON est obligatio verborum, nisi ex verbis, id est, ex stipulatione: proinde de hac obligatione querenti ante omnia de stipulatione, quid sit et quibus rebus conficiatur, constituendum est hinc initium hoc loco a stipulatione. † Ea sic definitur in L. 5. §. stipulatio, infra eod. Verborum conceptio, quibus is, qui interrogatur, daturum facturumve se, quod interrogatus est, respondet. In quo cetera quæ ad eam definitionem pertinent, eo loco commodius notari poterunt.

2 † Id quod proprium est stipulationis, quod positum est scilicet in interrogatione et responsione, pluribus exsequitur hoc capite Ulpianus. † Docet autem in summa hanc conceptionem interrogatoris et responsionis, quam in stipulatione requirimus, quatuor rebus constare ad conficiendam stipulationem necessariis. Ex quibus duæ ad utroque contrahentium pertinent: una, ut et qui rogat, et qui respondet, id faciat verbis, et sic uterque loquatur: altera, ut uterque alterum exaudiat. Duæ pertinent ad respondentem: primum, ut respondeat illico; tum ut respondeat ad interrogationem convenienter. Priora duo posita sunt in principio. Tertium in §. 1. in extremo. Quartum in §. si quis simpliciter, eodemque et §. sequentes referuntur. † Stipulatio, inquit, confici non potest, nisi utroque loquente. Recte: non enim sunt verba, nisi in his, qui loquuntur. Nunc autem dicitur stipulatio con-

ceptio verborum, sed et hoc, quod dicitur fieri stipulationem, cum unus rogat et stipulatur, alter stipulanti respondet, idem significat, neque enim interrogat, neque respondet quisquam proprie, nisi verbis; si quis id facit literis, is aut scribere dicitur, aut rogare quidem vel respondere, sed hoc adiuncto, per literas. † Ex eo efficit, quod est in promptu, eos qui loqui non possunt, stipulationem contrahere non posse; qualis est mutus, et infans. De mutuo idem traditur in L. 1. §. ult. supra prox. tit. et §. mutum, Inst. de inut. stip. de infante in d. L. 1. §. penul. L. mulier, infra eod. et §. pullus, Inst. de inut. stip. Notandum de infantis verbo, infantem quidem dici eum, qui feri et loqui non potest. L. 1. §. 1. supra de adm. tuto. L. servo, §. si pupillo, supra ad Tre. ut verbi ratione is non sit infans natura, qui eadem natura dari potest. Sed quia natura incertum id est, quando dari possit, definita res est iure Civili, ut infantia aestimetur non usu et facilitate loquendi, sed ætate, † ergo iure is habetur et definitur infans, qui minor est septem annis, etiam si expeditius loqui possit. L. si infanti, C. de iur. delib. et ideo quod scribitur in d. L. 1. §. penul. supra prox. tit. in L. servum, infra rem pup. sal. fo. eum qui loqui potest, et stipulari et promittere recte posse: ad hanc definitionem revocari debet, ut

in

intelligamus enim, non qui natura dari possit, sed qui iure existimetur id posse facere, idest, qui septimum annum excesserit: ne contra hunc locum et definitionem superiorem incipiat dici infantem et stipu-

7 lari, et promittere recte posse. † Si stipulatio verborum conceptio est, si non est stipulatio nisi ex interrogatione et responsione, perspicuum est vere in universum dici, stipulationem non posse confici, nisi utroque loquente, ac ne lege quidem ulla, imo ne natura quidem effici potest, ut existat sine verbis ea res, quæ natura sua verbis conficitur. An non igitur contraria videtur L. 1. §. 1. C. de rei uzo. act. qua lege Iustinianus mulieri ad repetitionem dotis actionem ex stipulatu constituit, etiam tunc ubi nulla interrogatio et responsio intervenit? minime: confirmat potius, quod

8 hic dicimus. † Cum enim vult perinde haberi, quasi stipulatio intervenisset, fatetur non fuisse stipulationem re vera, ubi nulla interrogatio aut responsio fuit: sed vult nihilominus stipulationem intercessisse videri, recte videri, non esse. Ita non hoc efficit, ut stipulatio illic esset, quod cum verba deessent facere non potuit: sed ut cum non esset stipulatio, tamen esse videretur; quod ille fingere potuit, neque hoc loco negamus. Eodem hoc loco Ulpianus et illud alterum de stipulatione statuit, opus esse in ea interrogatione et responsione, quam diximus, ut alter alterum exaudiat: idest, et audiat, et sic audiat, ut etiam intelligat, quod posterius declarat in extremo hoc capite. Hoc ille colligit ex priore, et recte: frustra enim verba desiderantur in stipulatione, nisi intelligantur; sed et stipulatio ita verbis constat, ut constet etiam consensu. L. continuus, §. 4. infr. eod. hic nisi inter eos, quorum alter alterum intelligit, esse non potest. Hinc rursum et illud consequens esse ait, eos qui non audiant, stipulationem contrahere non posse: † quo in numero sunt surdus, et absens. De surdo

9 plura in d. L. 1. §. ult. supra prox. tit. de absente, in §. item verborum, Inst. de inut. stipul. L. 3. C. eod. Non confirmatur absentis stipulatio in L. ea quæ, supra, de don. int. vir. et uzo. etsi proponitur illic stipulatio concepta esse in epi-

stola, et stipulatio pro iusta habetur. † Li-

10 cet enim de eo loco respondere duorum alterum, aut epistolam illic significare cautionem inter præsentis interpositam, ut sæpe alibi hoc verbum usurpari possumus observare, et Duarenus annotavit Lib. 1. Disp. Cap. 45. aut si quis contendat illic epistolam absenti esse missam, intelligi debere stipulationem antea inter præsentis interpositam fuisse, ut est lex et conditio stipulationis, idque etiam eo loco confirmari, quia non quæretur, an stipulatio valuerit; sed an eius conditio extiterit, sitque stipulatio commissæ, quod significat sic de ea consulti, ut de eius viribus non dubitetur, sed pro iusta et utili accipi debeat, quod non aliter fit, quam si prius inter præsentis sit interposita, testata autem deinde absenti per epistolam.

Ait, si quis igitur ex his vult stipulari.)

† Quod mutus, surdus, absens per se facere non possunt, ut aut stipulando sibi acquirant, aut promittendo obligentur, ut qui stipulationem contrahere non possunt, ut supra dictum est: id per servum tres hi possunt efficere, si quid eorum illum facere iubeant: iubere autem possunt vel nutu, vel per nuncium, vel per epistolam. Quod servus stipulatur, id domino volenti recte acquireret, qui etiam nullo domini iussu præcedente acquireret, atque adeo acquireret invito. L. servus vetante, infra eod. §. item vobis, Inst. per quas pers. Si quid servus iussu domini promittat, placet dominum obligari quod iussu. L. 1. supra, quod cum eo. L. 1. supra, quod iussu. Sed hæc, inquam in muto, surdo, absente recte dicuntur. † Neutrum horum ad infantem pertinet, etsi enim Ulpianus ita scribit, si quis ex his, quibus verbis omnes de quibus prius locutus erat, continentur, in quibus erat et infans: tamen videndum est, quid adiciat. Ait: ex his stipulari velit: aut promittere; hæc vero infanti non conveniunt; nam neque velle infans creditur non magis quam furiosus d. L. 1. §. ult. supr. pro. tit. §. pupillus Inst. de inut. stip. neque stipulari aut promittere per servum: quia prius est, ut per servum ea facere velit, quam ut per eum stipuletur, aut promittat. Sane servus infantis stipulando infanti acquirere potest; acquireret vero et sine ullo iussu, atque adeo sine

1) Nec tempore firmatur absenti facta, si ex ipso instructo consili quod inter absentes contracta Var. s. ill. contr. 64. n. 26. Sed obsi. L. 57. de don. int. vir. Resp. Hopper. Lib. 3. videtur pag. 100. ibi mulierem non contraxisse quis litteris stipulationem, sed contractam cum servo, qui in-

terrogaverat, ut solet, perscripsisse marito. Don. noster ad L. v. C. h. t. n. 10. per litteras cum probari, et inter presentes interposita. Nec in d. L. 57. queri an stipulatio valuerit, sed an conditio extiterit. Add. Hotman. 7. Obs. 10. Charond. 1. verisimil. 21.

sine cuiusquam auctoritate. Nam qui invito domino acquirere potest, multo magis acquireret ignoranti, proinde et infanti et furioso. §. *sui autem*, *Inst. de here. quæ ab intest. defe.* Sed ito modo servus stipulatur per se, 13 non infans per servum, de quo hic agitur. † Quod ad promissionem attinet, præterquam quod infans per servum promittere non potest, qui velle aut iubere non potest, ut servus promittat: hoc amplius existimo nec eum per servum obligari posse, quocunque auctore aut iubente servus infantis promittat. Si tutor ipse promittat, infantem obligare non potest, se enim daturum promittit, non infantem, et si infantem promitteret daturum, inutiliter factum alienum promitteret, quare nec servus quamvis tutore auctore promittens infantem dominum obligabit. Denique ex contractu servi dominus non tenetur in solidum, nisi de in rem verso, aut quod iussu. Si quid in rem infantis versum sit, non tenetur, quia vel ipse per servum, vel servus per se promiserit; sed quia in rem infantis versum sit: ac futurum esset, ut sine ulla promissione eo nomine teneretur. L. 3. §. 1. §. 2. *supra*, de in rem ver. Iussu in infantem non cadit. Ita fit, ut infans nec sua

promissione obligari possit, nec alterius cuiusquam. Servo quidem infantis hereditas restitui potest tutore auctore, ut scriptum est in L. *servo*, §. *si pupillo*, *supra ad Treb.* Sed hoc eo fit, quia de re ei acquirenda agitur, etsi per consequentiam ipse obligetur hereditati, unde illic dicitur infanti in eo esse subveniendum, ut ita illi hereditas restitui possit. Sed et illidem scriptum est, infantem heredem institutum, tutore auctore, pro herede gerere posse, aut si de bonorum possessione ageretur, peti ei per tutorem posse. Sed hoc eo receptum esse pro utilitate infantium, quia de hereditate eis acquirenda, seu de eorum commodum agatur, vel hinc intelligi potest, quod nemo idem diceret, si solum de obligando infante ageretur, ut in promissione accidit; certi enim iuris est, infantem nec per se, nec tutore auctore promittentem obligari posse. d. L. 1. §. *ult. supra prox. tit. §. pupillus*, *Inst. de inut. stip.* Quamobrem non recte exemplum hereditatis, aut bonorum possessionis per tutorem infanti acquirendæ ad promissionem transfertur, in qua solum de infante obligando agitur.

Ad §. Qui præsens.

Qui præsens interrogavit, si ante quam (sibi) responderetur discessit: inutilem efficit stipulationem. Sin vero præsens interrogaverit, et mox discessit, et reverso responsum est: obligat. Intervallum enim medi tempore modicum non viciavit obligationem.

S U M M A R I A.

1. Summa §.

2. Stipulationem inter absentes non contrahit.

3. Modici temporis intervallum vitiat stipulationem.

4. Ratio cur stipulationis actus debent esse continui.

5. Longius intervallum in hoc tractatu quid.

6. Actus contrarius.

7. Lectio L. continua, infra h. t.

4 Agitur † hic de duobus stipulatoribus: quorum uterque præsens præsentem interrogavit, et non expectata responsione discessit; sed alter sic discessit, ut aut ei omnino non responderetur, aut responderetur, cum iam discessisset, id est, absenti: alter sic, ut mox discederet, et reverso responderetur, in quibus verbis postremis illud mox, quod præcessit, repetendum est, ut sit sensus: mox discessit, et reverso mox responsum est, quod significat, dum sit postea, modicum intervallum non vitiare obligationem. Prior inutilem facit stipulationem, inquit:

scilicet, quia sive ei responsum non est, nulla est stipulatio sine responsione: sive responsum est, responsum est absenti, absens non contrahit stipulationem, ut initio capituli scriptum est. † Dedarat hoc exemplo 2 Ulpianus stipulationem inter absentes contrahi non posse; non solum si interrogatio et responsio simul in absentes mutuo directæ sint; sed etiam si altera duntaxat. Et quidem si interrogatio directa sit in absentem, quamvis postea præsentem responsum sit, nihil agi ea verborum conceptione scriptum est in L. 3. C. de cont. stipul. At idem valet vi-

ce

ca versa, ut et si contra directa sit interrogatio in praesentem, sed absenti responsum, inutilis sit stipulatio, quod hic indicatur; atque hæc de priore stipulatore. Posterior ille ex duobus propositis stipulatoribus, qui. mox discessit, et cui mox reverso responsum est, obligare dicitur promissorem: neumpe quia et praesens praesentem interrogavit, et praesens praesenti promissit, videbatur ob stare intervallum medii temporis: † sed quia non s fuit longum, ideo Ulpianus ait non vitari stipulationem. Hoc loco statuit tertium illud quod initio huius capitis dixi pertinere ad vim stipulationis, ut qui respondet, illico respondeat; aut si respondet ex intervallo, non longum sit intervallum, cuius rei hæc ratio redditur, quia continuus actus esse debeat stipulantis et promittentis. *L. continuus, infra, eod.* † Sed cur actus continuus? quia aliqui non videatur unus esse actus stipulationis, sed plures; quod naturæ stipulationis adversatur, quæ ut una conceptione constat, sic uno actu perficitur. Sed et si quis longo post intervallo respondeat, incertum fit, an stipulator prius ab interrogatione sua destiterit, neque vero sola pro-

missio constituit stipulationem. Longius † intervallum quod stipulationem vitiat, est aut cum postero die responderetur; *L. si ex duobus, infra, de dup. re.* aut responderetur quidem eodem die, sed cum actus intervenisset stipulationi contrarius. *L. duos, §. ult. infra, de duo. reis.* Quare modicum intervallum, et id quod stipulationi non obstat, id esse definimus, cum eodem die responsum est nullo actu stipulationi contrario intercedente. † Actus contrarius hic intelligitur, non tantum qui instituitur contra id negotium, de quo quis interrogatus erat: sed etiam diversus et alienus a negotio, unde qui interrogatus ad alia negotia discessit, eum placet non obligari, quamvis illis negotiis peractis responderit. *d. L. si ex duobus, in pr. infra, de duo. re.* Et hoc est quod dicitur in *d. L. continuus, infra. eod.* nihil prodesse, quamvis interrogatus eodem die respondeat, si aliud acceperit † sic enim manifestum est legendum esse, non ut in Paulicis Florent. acceperit; ut sit sensus, si aliud agere inceperit, pro eo quod est in *d. L. si ex duobus*, si ad alia negotia discesserit.

3) Diss. Walt. 2. misc. 21. volens temporis intervallo nec brevi nec longo stipulationem vitari. Imo, inquit, potius per hoc validior obligatio. Responso enim ex intervallo facto, magis deliberata, foris adtingit *L. 22. C. ad Vell.* Ille probare *d. L. 1. §. 1.* ubi legendum non ut vulg. modicum sed medium (quomodo et Florentini Pand. habent) *Ad d. L. 137. Resp. Walth.* Ibi momentum non significare tempus, sed actum naturæ, id est exiguum aliquid quo homines inter agendum occupantur. Id non vitare stipulationem? Sensus si alius actus interveniret, magis serius. *Ad L. 12. pr. de duob. reis* Resp. illic non vitari stipulationem ob intervallum temporis, sed ob alia negotia, quæ intervenerant. Sed nihil Resp. Walth. *ad d. L. 6. §. ult.* Et si, cum ad alia negotia disceditur, stipulationem vitari statetur Walth. quomodo longum interval-

lum non vitabit, cum credibile certe sit et usus vita communis, rerum instigiter, docet homines plerisque non deside manere, sed negotia subinde agitare. Reliquis occurrit *Gæd. C. 4. Concl. 2.* ubi et alia circa hanc rem expedit. Nihil vero nocet si impertinentia nec ad rem facientia verba promissus loterieciv vel responsiis immiscuerit ut: *Arma virumque cano. Spondeo L. 65. pr. h. t.* Multis enim usu venit ut intervin dum deliberant ac animo consultant, verba aliana praferant, deinde ex altentia cogitatione verba fundant. *A. Gentil. 1. Lect. 12. Curt. 3. Coni. ad Fin. 12.* Non tantum hoc obliet si usu quodam ac consuetudine solet qui respondit ea verba sermone interserere; sed etiam loco. Nun recte Sc. Gentil. 2. *Parerg. 17.* hoc casu mendosum esse stipulationem sentit. Quod minime probat *L. 3. §. ult. de O. et A.*

Ad §. Si quis ita interroget.

Si quis ita interroget, dabis? et responderit, quidni? is utique in ea causa est, ut obligetur: contra, si sine verbis annuisset. Non tantum autem civiliter, sed nec naturaliter obligatur, qui ita annuit, et ideo recte dictum est, non obligari pro eo, nec fideiussorem quidem.

S U M M A R I A.

1. Congruens responsio ad stipulationem faciendam necessaria, in re et sententia verborum, non in verbis et forma conceptionis posita est.
2. Vis huius verbi QUIDNI.

3. Qui interrogatus annuit, nec civiliter nec naturaliter obligatur.
4. An in annuentis consensu pactum sit.
5. Cur non ut inutili acceptationi, ita, et inutili stipulationi pactum insit.

Ingreditur Ulpianus quartum illud, quod ad stipulationem faciendam necessariam esse diximus, congruenter nimirum responderi oportere, hoc enim sic expressit in *Tom. XI.*

§. ult. Id autem sequentibus §§. exsequitur usque ad finem capitis, hoc vero loco videtur definire exemplo, quid sit hoc congruenter respondere. Nam cum ait, *si quis ita in-*

- interrogatus (sic enim legendum esse apparet, non *interroget*, ut in Pand. Flo. cum nemo in stipulatione idem interroget, et respondeat) si quis, inquam, ita interrogatus, dabis? responderit, ³ *quidni*? eum utique in ea causa esse, ut obligetur; nbi tamen verba responsionis a verbis interrogationalis diversa esse apparet, veruntamen vim et potestatem esse eandem, ac si interrogatus, dabis? respondisset, dabo: nimirum declarat hoc se sentire, † ut quis congruenter ad interrogatum respondisse intelligatur, positum esse iure et sententia verborum, non in verbis et forma conceptionis; qui re et sententia idem respondet, hunc convenienter respondere; et ideo obligari, etsi aliis verbis respondeat, dum verba eundem consensum exprimant: veluti, si in rei quæ promittitur, aut personæ appellatione varietur, verbo tamen utrobique eandem rem significante: quæ definitio est *L. quæ extrinsecus, infra, eod.* quod et in exemplo huius loci alio modo accidit. † Nam qui respondet, *quidni*? non solum ostendit se velle dare, sed etiam ratione hoc confirmare videtur, cum significat nullam esse causam, cur nolit. Eadem sententia confirmatur in *L. Blanditus, C. de fideiuss.* Interim ne quis hoc ita acciperet, quasi quodvis factum ad voluntatem significandam, aptum satis esset ad responsionem, eoque ad stipulationem contrahendam; Ulpianus alio exemplo docet qualiacunque verba sint ad consensum exprimendum, verba saltem semper se requirere. Et ideo etsi ad consensum declarandum idem valet nutus, quod verba: tamen qui interrogatus, dabis? sine verbis annuerit, eum obligari negat. Scilicet constat stipulatio consensu: sed constat maxime et præcipue verbis, idest, interrogatione et responsione, unde et verborum conceptio dicitur, et quæ inde obligatio nascitur, eo dicitur verborum obligatio, seu verbis contrahi. † Et quidem eum, qui interrogatus annuit, civiliter non obligari certum est, non enim potuit obligari, nisi aut stipulatione, aut pacto. Si stipulatio

esset, potuit iure Civili obligari. §. *de constituta, Instit. de actio.* sed hæc non contrahi effectum est. De pacto potuit dubitari, an inesset in hoc quasi utriusque consensu. Sed etsi quis id pactum esse concederet: tamen ne sic quidem is, qui annuit, obligaretur iure Civili: quoniam hoc iure ex pacto actio non nascitur. *L. iurigentium, §. sed cum nulla, supra, de pac.* Non obligatur igitur citra controversiam, ut dixi, civiliter, qui ita annuit. Sed an obligatur saltem naturaliter, idest, ita ut quamvis ex eo assensu non sit adversus eum actio, tamen si ex ea causa per errorem solum sit, solum repeti non possit? id enim naturalis obligatio significat. *L. naturales, supra, de obl. et act.* Ulpianus ait adeo eum qui interrogatus annuit, non obligari, ut nec naturaliter obligetur: ideo non obligari pro eo ne fideiussorem quidem, utpote omni obligatione remota, cuius speciem aliquam subesse oportet, ut pro alio fideiussor obligetur. *L. 1. L. 6. et seq. infra, de fideiuss.* Non temere est, quod Ulpianus, cum negasset eum qui annuit, obligari, adiecit adeo id verum esse, ut nec naturaliter obligetur. Est enim id de quo non immerito potuit dubitari. Nam si in hoc annuentis consensu pactum est; sine dubio obligabitur naturaliter is, qui annuit, quippe ex pacto etiam iuras naturaliter deberi scriptum est in *L. 5. §. Imperator, infra, de sol.* † Nunc autem hic pactum esse multis modis probari videtur. Primum, si est duorum in eandem rem consensus, pactum est, sic enim pactum definitur. *L. 1. supra, de pac. L. 3. infra, de pollic.* Atqui hic consensus esse nutus interrogati efficere videtur. Qui annuit, vult et consentit non minus, quam qui eloquitur, unde fideicommissa relinquuntur nutu. *L. nutu, supra, de leg. 3.* nutu hereditatem mutus adit, et hereditati obligatur. *L. servo, §. si pupillo, supra, ad Treb.* Quid restat igitur, nisi ut pactum esse dicamus? Tum autem de acceptatione ientili hoc magno consensu re-

ce-

3) Dicitur et Cuius. ad L. 5 h. i. Gentes 2. Aetol. 9. n. 3. Vid. Goud. C. 4. Couel. 3. Din. DD. vulgo. Gravia iuris impeditio erat (ut superius saltem vix ostendi debet), sed in aliis quam actibus antea hinc veritatem) Ius. Gullien. Q. Q. in Plauti Aulian. C. ult. scribit stipulationem formulæ conceptas fuisse per verba. Si, sive, nō, nino, quæ qui perpetuo adhiereant, aut actione cedente. Nam istarum vocularum nec nisi in conditionibus stipulationibus utes illas esse potuit. Nec quicquam vetuit quomodo conceptus conditio, cum ista utique formulæ quidem formulæ, nec tamen actionis, cum iam et nunc verba ista potuit. Vid. supra Lib. Civil. Comment. XF. C. 11. n. 3. 4. et 12. et eam voluntas facit, nec sermo L. 2. de his quæ pax. ca. Cuius. 14. Obi.

4) Vaseo. 2. Declor. 69. et 71. Si forma, aut, aboli effectus nullus prodesset potest et circumveniret, uti materia infirmis. Ex pacto obligatio naturalis, quæ contraheatur iure valet pactum videtur. Sic ut qui tenet voluit, et si 5. ius adhibuit, non valet illius dispositio iure codicillorum. Diverse enim illa species et actus agitionis non operantur aliter illorum intentionem. Ceterum nulla necessitas, ut in d. §. 2. negatio lateretur, arguit si legator non tantum non civiliter, sed etiam ibid. ad Fan. Aetol. Buthis. Aetol. C. 55. Nam actio potest per se legari sine quopue præcedente. Buth. 1. Rec. 13. Et hic legatoris actus non solum, vel non modo, pro non actum non ipaque Tullio ferretur. Lex consensu Brute 8. Afric. 14. et Muret in Fur. Loc. 7.

ceptum est, si quis interrogatus, an acceptum ferat, annuerit, in ⁵ inutili acceptatione inesse pactum. *L. an inutilis, inf. de accep. l. si unus, §. penul. sup. de pact.* Quidni igitur et in inutili stipulatione, ubi interrogatus annuit, idem probemus? nam utrumque pariter verbis perficitur. Ad hæc duplex defensio est, primum non semper cum qui stipulationis causa interrogatus annuit: velle obligari: deinde et si velit, non tamen ab eo, qui interrogavit, esse consensum, ideoque nec unquam hic pactum esse. Si is qui interrogatus est, loqui potest, et cum sciret stipulationem sine verbis non contrahi, nihilominus annuit: Ulpianus idem existimat eum, qui id fecerit, nec consensum paciscendi habuisse, ne si de acceptatione quidem interponenda agatur. *d. L. an inutilis, infra, de accep.* Multo magis idem dicturus, si agatur de facienda stipulatione: cum constet nos ad liberandum faciliores esse debere, quam ad obligandum. *L. Arianus, sup. prox. tit.* Atqui etsi homo imperitus iuris annuat, aut is qui aliud facere non possit; quantumvis hic nutu declaret se velle dare id, quod interrogatus est, non ideo tamen hic pactum esse dixeris, nisi et is qui stipulatur, consenserit, ut pactum esset, non enim solius annuentis promissio et voluntas pactum est, sed duorum placitum et consensus, promittentis, et eius cui promittitur. *d. L. 1. supra, de pac. l. 3. supra, de poll. de reg. iur.* Porro qui stipulatur quid ab alio; non est hoc animo, ut paciscatur, proinde nec paciscitur; ratio ab eodem Ulpiano reddita in *L. 4. §. eum qui, sup. de const. pec.* Ita fit, ut ex sententia stipulantis inutilis stipulatio nunquam pactum ⁵ habeat. † Neque vero recte stipulationi comparatur acceptatio. Si quis interrogatus, an

Tom. XI.

acceptum habeat, annuat tantum, inutilis acceptatio est: sed debitor pacto liberatur, quia non ut qui stipulatur, hoc animo non est, ut paciscatur, ita qui acceptum rogat, hoc animo est, ut nolit nisi per acceptationem liberari. Qui stipulatur, id agit, ut promittentem iure sibi obliget: id pacto non consequitur, quoniam ex pacto non oritur actio. Hinc satis colligitur non id eum agere, ut pacto res geratur: proinde nec pactum erit, cum non sit duorum consensus in eam rem, ut pacto res transigatur, vel quod idem est, quia non id agatur, ut sit pactum. *Arg. in L. non omnis, sup. si cer. pet.* In acceptatione contra, qui rogat acceptum, id agit, ut liberetur: liberatur autem non minus pacto, quam acceptatione. *L. creditori, C. de pac. l. nihil interest, inf. de reg. iur.* Ergo hic quoque hoc animo est, ut si minus acceptatione licet, at certe quovis modo voluntate creditoris liberetur. Quod si creditor consentit, ut liberetur, nihil iam deest ad consensum duorum de liberando debitore. Consentit autem, qui annuit, aut aliter voluntatem suam declarat. Quare et erit pactum in inutili acceptatione, quod in stipulatione inutili nullum esse diximus: non quia propensiores esse debeamus ad liberandum, quam ad obligandum, ubi pariter in utroque pactum sit; aut quia debeamus nutum aliter interpretari, cum de debitore annuente agitur; aliter cum agitur de annuente creditore: sed quia natura ipsa ita comparatum est, ut alia cogitatio sit et mens stipulantis, alia acceptum rogantis. In illo non est animus paciscendi, quæ res pactum excludit: in debitore autem acceptum rogante hic animus est, ut velit omni modo liberari, vel acceptatione, vel pacto, quæ cogitatio ut consensum, sic natura pactum habet.

27*

Ad §.

⁵ Ut Cuius: ad *d. l. 1. §. 2.* et fere Anton. Fab. ad *L. 27. §. pen. de pact.* In stipulatione ali et acceptatione duo requiruntur, voluntas et sollemnitas; voluntas sola sufficit ad pactum liberatorium, non ad obligatorium. Male vero Goth. in not. *d. l. 8.* lectionem Halaandri consentium pro contra sensum præferi, Florentine inconvincitum quoque sensum adtingens. Nam regula off. etiam in *L. 27. §. pen. de pact. l.*

19. de acceptil. et ex. neg. nisi alia mens partium. Non vero regula neg. exceptis, aut. nisi potius expresse hoc agant. Sic enim vere resistens *ad. LL. quæ cum Flor. Lect. d. l. 8.* optime consentiunt. Vid. et Goud. in *L. 177. de F. S. n. 1.* Vassq. 3. contr. usu freq. 58. n. 36. et seqq. Hieron. Tornie. in *d. l. 1. §. 3. n. 2.*



Ad §. Si quis simpliciter.

Si quis simpliciter interrogatus fuerit, et ille sub conditione responderit, Si illud factum erit, dabo: non obligari eum constat, aut si ita interrogatus, intra Calendas quintas? responderit, Dabo Idibus, æque non obligatur. Non enim sic respondit, uti interrogatus est. Et versa vice si interrogatus sub conditione, responderit pure: dicendum erit, eum non obligari. Cum adiciatur aliquid vel detrahatur obligationi: semper probandum est, vitiatam esse obligationem, nisi stipulatori diversitas responsionis illico placuerit: tunc enim alia stipulatio contracta esse videtur.

S U M M A R I A.

1. Summa sequentium. §§.
2. Si quis non idem respondeat, de quo interrogatus est, quatenus stipulatio utilis, quatenus inutilis.
3. Alio modo quam quo interrogatus est, respondens in totum non obligatur.
4. Generalis regula Ulpiani de mutata qualitate interrogationis.
5. Adicere obligationi quid.
6. Detrahere obligationi.
7. Quintas Calendas qua.
8. Cur cum promissor, obliganti diem aut conditionem detrahens, ut plus debeat, stipulantis causam non deteriorem sed meliorem

faciat, stipulatio tamen hoc casu non subsistat.

9. Exceptio a superiori regula: Si responsionis diversitas stipulatori illico placuerit, convalescit stipulatio.
10. Approbatio stipulatoris an et quomodo stipulationem naturæ sua vitiosam confirmet.
11. Pura stipulatione generaliter omne tempus dandi continetur.
12. Superior Ulpiani regula etiam generalis est, de omni responsione: qua aliquid adicitur, aut detrahatur obligationi; tamen ad qualitatis solum, non etiam rerum diversitatem pertinet.

Diximus superiore §. iam inde ex eo propositum esse Ulpiano docere hoc ad vim stipulationis in responsione curandum esse, ut congruenter ad interrogatum respondeatur, utrum autem id fiat, necne, si queratur, docuisse ipsam hanc quasi congruentiam et consensum responsionis spectandum esse ex re, de qua ageretur, non ex verbis; nam et aliis verbis recte responderi, dummodo de eadem re conveniat mens et sententia respondentis; interim semper verbis responderi oportere. Pergit deinceps ostendere, quando videatur in re ipsa congruere responsio, quando non congruere, ut sic stipulatio vitietur, aut sit utilis: † Et mihi istorum §§. definitiones, exempla, exemplorum rationes, similitudines item, ac dissimilitudines diligentius expendenti, sic de re tota statuere in summa Ulpianus videtur: eum congruenter ad interrogatum respondere, qui idem respondeat, de quo interrogatus est, et respondeat eodem modo, seu eadem forma servata obligationis. Qui non idem respondeat, aut respondeat alio modo, seu mutata qualitate interrogationis, hunc non respondere ad interrogatum convenienter, sed ad vim stipulationis referre, utrum quis non respondeat idem,

an alio modo. Si quis † non idem respondat, non in totum inutilem esse stipulationem, sed quatenus id facit, id est, quatenus aut plus interrogatur, quam respondeat, aut plus respondet, quam est interrogatus, hactenus autem sic inutilem stipulationem esse, ut nec confirmetur, quamvis responsionis diversitas stipulanti illico placuerit, quam sententiam esse putamus §. si stipulanti, ei §. sequentis. † quod si quis mutata qualitate interrogationis, seu stipulationis respondeat, contra evenire, ut ibi quidem in totum obligatio non contrahatur, sed cum hac exceptione, nisi responsionis diversitas illico placuerit, quod si fiat, iam in id quod respondimus est, stipulationem valere: quod hoc §. agitur. Id autem recte patem. ¹ ² ³ ⁴ ⁵ ⁶ ⁷ ⁸ ⁹ ¹⁰ ¹¹ ¹² ¹³ ¹⁴ ¹⁵ ¹⁶ ¹⁷ ¹⁸ ¹⁹ ²⁰ ²¹ ²² ²³ ²⁴ ²⁵ ²⁶ ²⁷ ²⁸ ²⁹ ³⁰ ³¹ ³² ³³ ³⁴ ³⁵ ³⁶ ³⁷ ³⁸ ³⁹ ⁴⁰ ⁴¹ ⁴² ⁴³ ⁴⁴ ⁴⁵ ⁴⁶ ⁴⁷ ⁴⁸ ⁴⁹ ⁵⁰ ⁵¹ ⁵² ⁵³ ⁵⁴ ⁵⁵ ⁵⁶ ⁵⁷ ⁵⁸ ⁵⁹ ⁶⁰ ⁶¹ ⁶² ⁶³ ⁶⁴ ⁶⁵ ⁶⁶ ⁶⁷ ⁶⁸ ⁶⁹ ⁷⁰ ⁷¹ ⁷² ⁷³ ⁷⁴ ⁷⁵ ⁷⁶ ⁷⁷ ⁷⁸ ⁷⁹ ⁸⁰ ⁸¹ ⁸² ⁸³ ⁸⁴ ⁸⁵ ⁸⁶ ⁸⁷ ⁸⁸ ⁸⁹ ⁹⁰ ⁹¹ ⁹² ⁹³ ⁹⁴ ⁹⁵ ⁹⁶ ⁹⁷ ⁹⁸ ⁹⁹ ¹⁰⁰ ¹⁰¹ ¹⁰² ¹⁰³ ¹⁰⁴ ¹⁰⁵ ¹⁰⁶ ¹⁰⁷ ¹⁰⁸ ¹⁰⁹ ¹¹⁰ ¹¹¹ ¹¹² ¹¹³ ¹¹⁴ ¹¹⁵ ¹¹⁶ ¹¹⁷ ¹¹⁸ ¹¹⁹ ¹²⁰ ¹²¹ ¹²² ¹²³ ¹²⁴ ¹²⁵ ¹²⁶ ¹²⁷ ¹²⁸ ¹²⁹ ¹³⁰ ¹³¹ ¹³² ¹³³ ¹³⁴ ¹³⁵ ¹³⁶ ¹³⁷ ¹³⁸ ¹³⁹ ¹⁴⁰ ¹⁴¹ ¹⁴² ¹⁴³ ¹⁴⁴ ¹⁴⁵ ¹⁴⁶ ¹⁴⁷ ¹⁴⁸ ¹⁴⁹ ¹⁵⁰ ¹⁵¹ ¹⁵² ¹⁵³ ¹⁵⁴ ¹⁵⁵ ¹⁵⁶ ¹⁵⁷ ¹⁵⁸ ¹⁵⁹ ¹⁶⁰ ¹⁶¹ ¹⁶² ¹⁶³ ¹⁶⁴ ¹⁶⁵ ¹⁶⁶ ¹⁶⁷ ¹⁶⁸ ¹⁶⁹ ¹⁷⁰ ¹⁷¹ ¹⁷² ¹⁷³ ¹⁷⁴ ¹⁷⁵ ¹⁷⁶ ¹⁷⁷ ¹⁷⁸ ¹⁷⁹ ¹⁸⁰ ¹⁸¹ ¹⁸² ¹⁸³ ¹⁸⁴ ¹⁸⁵ ¹⁸⁶ ¹⁸⁷ ¹⁸⁸ ¹⁸⁹ ¹⁹⁰ ¹⁹¹ ¹⁹² ¹⁹³ ¹⁹⁴ ¹⁹⁵ ¹⁹⁶ ¹⁹⁷ ¹⁹⁸ ¹⁹⁹ ²⁰⁰ ²⁰¹ ²⁰² ²⁰³ ²⁰⁴ ²⁰⁵ ²⁰⁶ ²⁰⁷ ²⁰⁸ ²⁰⁹ ²¹⁰ ²¹¹ ²¹² ²¹³ ²¹⁴ ²¹⁵ ²¹⁶ ²¹⁷ ²¹⁸ ²¹⁹ ²²⁰ ²²¹ ²²² ²²³ ²²⁴ ²²⁵ ²²⁶ ²²⁷ ²²⁸ ²²⁹ ²³⁰ ²³¹ ²³² ²³³ ²³⁴ ²³⁵ ²³⁶ ²³⁷ ²³⁸ ²³⁹ ²⁴⁰ ²⁴¹ ²⁴² ²⁴³ ²⁴⁴ ²⁴⁵ ²⁴⁶ ²⁴⁷ ²⁴⁸ ²⁴⁹ ²⁵⁰ ²⁵¹ ²⁵² ²⁵³ ²⁵⁴ ²⁵⁵ ²⁵⁶ ²⁵⁷ ²⁵⁸ ²⁵⁹ ²⁶⁰ ²⁶¹ ²⁶² ²⁶³ ²⁶⁴ ²⁶⁵ ²⁶⁶ ²⁶⁷ ²⁶⁸ ²⁶⁹ ²⁷⁰ ²⁷¹ ²⁷² ²⁷³ ²⁷⁴ ²⁷⁵ ²⁷⁶ ²⁷⁷ ²⁷⁸ ²⁷⁹ ²⁸⁰ ²⁸¹ ²⁸² ²⁸³ ²⁸⁴ ²⁸⁵ ²⁸⁶ ²⁸⁷ ²⁸⁸ ²⁸⁹ ²⁹⁰ ²⁹¹ ²⁹² ²⁹³ ²⁹⁴ ²⁹⁵ ²⁹⁶ ²⁹⁷ ²⁹⁸ ²⁹⁹ ³⁰⁰ ³⁰¹ ³⁰² ³⁰³ ³⁰⁴ ³⁰⁵ ³⁰⁶ ³⁰⁷ ³⁰⁸ ³⁰⁹ ³¹⁰ ³¹¹ ³¹² ³¹³ ³¹⁴ ³¹⁵ ³¹⁶ ³¹⁷ ³¹⁸ ³¹⁹ ³²⁰ ³²¹ ³²² ³²³ ³²⁴ ³²⁵ ³²⁶ ³²⁷ ³²⁸ ³²⁹ ³³⁰ ³³¹ ³³² ³³³ ³³⁴ ³³⁵ ³³⁶ ³³⁷ ³³⁸ ³³⁹ ³⁴⁰ ³⁴¹ ³⁴² ³⁴³ ³⁴⁴ ³⁴⁵ ³⁴⁶ ³⁴⁷ ³⁴⁸ ³⁴⁹ ³⁵⁰ ³⁵¹ ³⁵² ³⁵³ ³⁵⁴ ³⁵⁵ ³⁵⁶ ³⁵⁷ ³⁵⁸ ³⁵⁹ ³⁶⁰ ³⁶¹ ³⁶² ³⁶³ ³⁶⁴ ³⁶⁵ ³⁶⁶ ³⁶⁷ ³⁶⁸ ³⁶⁹ ³⁷⁰ ³⁷¹ ³⁷² ³⁷³ ³⁷⁴ ³⁷⁵ ³⁷⁶ ³⁷⁷ ³⁷⁸ ³⁷⁹ ³⁸⁰ ³⁸¹ ³⁸² ³⁸³ ³⁸⁴ ³⁸⁵ ³⁸⁶ ³⁸⁷ ³⁸⁸ ³⁸⁹ ³⁹⁰ ³⁹¹ ³⁹² ³⁹³ ³⁹⁴ ³⁹⁵ ³⁹⁶ ³⁹⁷ ³⁹⁸ ³⁹⁹ ⁴⁰⁰ ⁴⁰¹ ⁴⁰² ⁴⁰³ ⁴⁰⁴ ⁴⁰⁵ ⁴⁰⁶ ⁴⁰⁷ ⁴⁰⁸ ⁴⁰⁹ ⁴¹⁰ ⁴¹¹ ⁴¹² ⁴¹³ ⁴¹⁴ ⁴¹⁵ ⁴¹⁶ ⁴¹⁷ ⁴¹⁸ ⁴¹⁹ ⁴²⁰ ⁴²¹ ⁴²² ⁴²³ ⁴²⁴ ⁴²⁵ ⁴²⁶ ⁴²⁷ ⁴²⁸ ⁴²⁹ ⁴³⁰ ⁴³¹ ⁴³² ⁴³³ ⁴³⁴ ⁴³⁵ ⁴³⁶ ⁴³⁷ ⁴³⁸ ⁴³⁹ ⁴⁴⁰ ⁴⁴¹ ⁴⁴² ⁴⁴³ ⁴⁴⁴ ⁴⁴⁵ ⁴⁴⁶ ⁴⁴⁷ ⁴⁴⁸ ⁴⁴⁹ ⁴⁵⁰ ⁴⁵¹ ⁴⁵² ⁴⁵³ ⁴⁵⁴ ⁴⁵⁵ ⁴⁵⁶ ⁴⁵⁷ ⁴⁵⁸ ⁴⁵⁹ ⁴⁶⁰ ⁴⁶¹ ⁴⁶² ⁴⁶³ ⁴⁶⁴ ⁴⁶⁵ ⁴⁶⁶ ⁴⁶⁷ ⁴⁶⁸ ⁴⁶⁹ ⁴⁷⁰ ⁴⁷¹ ⁴⁷² ⁴⁷³ ⁴⁷⁴ ⁴⁷⁵ ⁴⁷⁶ ⁴⁷⁷ ⁴⁷⁸ ⁴⁷⁹ ⁴⁸⁰ ⁴⁸¹ ⁴⁸² ⁴⁸³ ⁴⁸⁴ ⁴⁸⁵ ⁴⁸⁶ ⁴⁸⁷ ⁴⁸⁸ ⁴⁸⁹ ⁴⁹⁰ ⁴⁹¹ ⁴⁹² ⁴⁹³ ⁴⁹⁴ ⁴⁹⁵ ⁴⁹⁶ ⁴⁹⁷ ⁴⁹⁸ ⁴⁹⁹ ⁵⁰⁰ ⁵⁰¹ ⁵⁰² ⁵⁰³ ⁵⁰⁴ ⁵⁰⁵ ⁵⁰⁶ ⁵⁰⁷ ⁵⁰⁸ ⁵⁰⁹ ⁵¹⁰ ⁵¹¹ ⁵¹² ⁵¹³ ⁵¹⁴ ⁵¹⁵ ⁵¹⁶ ⁵¹⁷ ⁵¹⁸ ⁵¹⁹ ⁵²⁰ ⁵²¹ ⁵²² ⁵²³ ⁵²⁴ ⁵²⁵ ⁵²⁶ ⁵²⁷ ⁵²⁸ ⁵²⁹ ⁵³⁰ ⁵³¹ ⁵³² ⁵³³ ⁵³⁴ ⁵³⁵ ⁵³⁶ ⁵³⁷ ⁵³⁸ ⁵³⁹ ⁵⁴⁰ ⁵⁴¹ ⁵⁴² ⁵⁴³ ⁵⁴⁴ ⁵⁴⁵ ⁵⁴⁶ ⁵⁴⁷ ⁵⁴⁸ ⁵⁴⁹ ⁵⁵⁰ ⁵⁵¹ ⁵⁵² ⁵⁵³ ⁵⁵⁴ ⁵⁵⁵ ⁵⁵⁶ ⁵⁵⁷ ⁵⁵⁸ ⁵⁵⁹ ⁵⁶⁰ ⁵⁶¹ ⁵⁶² ⁵⁶³ ⁵⁶⁴ ⁵⁶⁵ ⁵⁶⁶ ⁵⁶⁷ ⁵⁶⁸ ⁵⁶⁹ ⁵⁷⁰ ⁵⁷¹ ⁵⁷² ⁵⁷³ ⁵⁷⁴ ⁵⁷⁵ ⁵⁷⁶ ⁵⁷⁷ ⁵⁷⁸ ⁵⁷⁹ ⁵⁸⁰ ⁵⁸¹ ⁵⁸² ⁵⁸³ ⁵⁸⁴ ⁵⁸⁵ ⁵⁸⁶ ⁵⁸⁷ ⁵⁸⁸ ⁵⁸⁹ ⁵⁹⁰ ⁵⁹¹ ⁵⁹² ⁵⁹³ ⁵⁹⁴ ⁵⁹⁵ ⁵⁹⁶ ⁵⁹⁷ ⁵⁹⁸ ⁵⁹⁹ ⁶⁰⁰ ⁶⁰¹ ⁶⁰² ⁶⁰³ ⁶⁰⁴ ⁶⁰⁵ ⁶⁰⁶ ⁶⁰⁷ ⁶⁰⁸ ⁶⁰⁹ ⁶¹⁰ ⁶¹¹ ⁶¹² ⁶¹³ ⁶¹⁴ ⁶¹⁵ ⁶¹⁶ ⁶¹⁷ ⁶¹⁸ ⁶¹⁹ ⁶²⁰ ⁶²¹ ⁶²² ⁶²³ ⁶²⁴ ⁶²⁵ ⁶²⁶ ⁶²⁷ ⁶²⁸ ⁶²⁹ ⁶³⁰ ⁶³¹ ⁶³² ⁶³³ ⁶³⁴ ⁶³⁵ ⁶³⁶ ⁶³⁷ ⁶³⁸ ⁶³⁹ ⁶⁴⁰ ⁶⁴¹ ⁶⁴² ⁶⁴³ ⁶⁴⁴ ⁶⁴⁵ ⁶⁴⁶ ⁶⁴⁷ ⁶⁴⁸ ⁶⁴⁹ ⁶⁵⁰ ⁶⁵¹ ⁶⁵² ⁶⁵³ ⁶⁵⁴ ⁶⁵⁵ ⁶⁵⁶ ⁶⁵⁷ ⁶⁵⁸ ⁶⁵⁹ ⁶⁶⁰ ⁶⁶¹ ⁶⁶² ⁶⁶³ ⁶⁶⁴ ⁶⁶⁵ ⁶⁶⁶ ⁶⁶⁷ ⁶⁶⁸ ⁶⁶⁹ ⁶⁷⁰ ⁶⁷¹ ⁶⁷² ⁶⁷³ ⁶⁷⁴ ⁶⁷⁵ ⁶⁷⁶ ⁶⁷⁷ ⁶⁷⁸ ⁶⁷⁹ ⁶⁸⁰ ⁶⁸¹ ⁶⁸² ⁶⁸³ ⁶⁸⁴ ⁶⁸⁵ ⁶⁸⁶ ⁶⁸⁷ ⁶⁸⁸ ⁶⁸⁹ ⁶⁹⁰ ⁶⁹¹ ⁶⁹² ⁶⁹³ ⁶⁹⁴ ⁶⁹⁵ ⁶⁹⁶ ⁶⁹⁷ ⁶⁹⁸ ⁶⁹⁹ ⁷⁰⁰ ⁷⁰¹ ⁷⁰² ⁷⁰³ ⁷⁰⁴ ⁷⁰⁵ ⁷⁰⁶ ⁷⁰⁷ ⁷⁰⁸ ⁷⁰⁹ ⁷¹⁰ ⁷¹¹ ⁷¹² ⁷¹³ ⁷¹⁴ ⁷¹⁵ ⁷¹⁶ ⁷¹⁷ ⁷¹⁸ ⁷¹⁹ ⁷²⁰ ⁷²¹ ⁷²² ⁷²³ ⁷²⁴ ⁷²⁵ ⁷²⁶ ⁷²⁷ ⁷²⁸ ⁷²⁹ ⁷³⁰ ⁷³¹ ⁷³² ⁷³³ ⁷³⁴ ⁷³⁵ ⁷³⁶ ⁷³⁷ ⁷³⁸ ⁷³⁹ ⁷⁴⁰ ⁷⁴¹ ⁷⁴² ⁷⁴³ ⁷⁴⁴ ⁷⁴⁵ ⁷⁴⁶ ⁷⁴⁷ ⁷⁴⁸ ⁷⁴⁹ ⁷⁵⁰ ⁷⁵¹ ⁷⁵² ⁷⁵³ ⁷⁵⁴ ⁷⁵⁵ ⁷⁵⁶ ⁷⁵⁷ ⁷⁵⁸ ⁷⁵⁹ ⁷⁶⁰ ⁷⁶¹ ⁷⁶² ⁷⁶³ ⁷⁶⁴ ⁷⁶⁵ ⁷⁶⁶ ⁷⁶⁷ ⁷⁶⁸ ⁷⁶⁹ ⁷⁷⁰ ⁷⁷¹ ⁷⁷² ⁷⁷³ ⁷⁷⁴ ⁷⁷⁵ ⁷⁷⁶ ⁷⁷⁷ ⁷⁷⁸ ⁷⁷⁹ ⁷⁸⁰ ⁷⁸¹ ⁷⁸² ⁷⁸³ ⁷⁸⁴ ⁷⁸⁵ ⁷⁸⁶ ⁷⁸⁷ ⁷⁸⁸ ⁷⁸⁹ ⁷⁹⁰ ⁷⁹¹ ⁷⁹² ⁷⁹³ ⁷⁹⁴ ⁷⁹⁵ ⁷⁹⁶ ⁷⁹⁷ ⁷⁹⁸ ⁷⁹⁹ ⁸⁰⁰ ⁸⁰¹ ⁸⁰² ⁸⁰³ ⁸⁰⁴ ⁸⁰⁵ ⁸⁰⁶ ⁸⁰⁷ ⁸⁰⁸ ⁸⁰⁹ ⁸¹⁰ ⁸¹¹ ⁸¹² ⁸¹³ ⁸¹⁴ ⁸¹⁵ ⁸¹⁶ ⁸¹⁷ ⁸¹⁸ ⁸¹⁹ ⁸²⁰ ⁸²¹ ⁸²² ⁸²³ ⁸²⁴ ⁸²⁵ ⁸²⁶ ⁸²⁷ ⁸²⁸ ⁸²⁹ ⁸³⁰ ⁸³¹ ⁸³² ⁸³³ ⁸³⁴ ⁸³⁵ ⁸³⁶ ⁸³⁷ ⁸³⁸ ⁸³⁹ ⁸⁴⁰ ⁸⁴¹ ⁸⁴² ⁸⁴³ ⁸⁴⁴ ⁸⁴⁵ ⁸⁴⁶ ⁸⁴⁷ ⁸⁴⁸ ⁸⁴⁹ ⁸⁵⁰ ⁸⁵¹ ⁸⁵² ⁸⁵³ ⁸⁵⁴ ⁸⁵⁵ ⁸⁵⁶ ⁸⁵⁷ ⁸⁵⁸ ⁸⁵⁹ ⁸⁶⁰ ⁸⁶¹ ⁸⁶² ⁸⁶³ ⁸⁶⁴ ⁸⁶⁵ ⁸⁶⁶ ⁸⁶⁷ ⁸⁶⁸ ⁸⁶⁹ ⁸⁷⁰ ⁸⁷¹ ⁸⁷² ⁸⁷³ ⁸⁷⁴ ⁸⁷⁵ ⁸⁷⁶ ⁸⁷⁷ ⁸⁷⁸ ⁸⁷⁹ ⁸⁸⁰ ⁸⁸¹ ⁸⁸² ⁸⁸³ ⁸⁸⁴ ⁸⁸⁵ ⁸⁸⁶ ⁸⁸⁷ ⁸⁸⁸ ⁸⁸⁹ ⁸⁹⁰ ⁸⁹¹ ⁸⁹² ⁸⁹³ ⁸⁹⁴ ⁸⁹⁵ ⁸⁹⁶ ⁸⁹⁷ ⁸⁹⁸ ⁸⁹⁹ ⁹⁰⁰ ⁹⁰¹ ⁹⁰² ⁹⁰³ ⁹⁰⁴ ⁹⁰⁵ ⁹⁰⁶ ⁹⁰⁷ ⁹⁰⁸ ⁹⁰⁹ ⁹¹⁰ ⁹¹¹ ⁹¹² ⁹¹³ ⁹¹⁴ ⁹¹⁵ ⁹¹⁶ ⁹¹⁷ ⁹¹⁸ ⁹¹⁹ ⁹²⁰ ⁹²¹ ⁹²² ⁹²³ ⁹²⁴ ⁹²⁵ ⁹²⁶ ⁹²⁷ ⁹²⁸ ⁹²⁹ ⁹³⁰ ⁹³¹ ⁹³² ⁹³³ ⁹³⁴ ⁹³⁵ ⁹³⁶ ⁹³⁷ ⁹³⁸ ⁹³⁹ ⁹⁴⁰ ⁹⁴¹ ⁹⁴² ⁹⁴³ ⁹⁴⁴ ⁹⁴⁵ ⁹⁴⁶ ⁹⁴⁷ ⁹⁴⁸ ⁹⁴⁹ ⁹⁵⁰ ⁹⁵¹ ⁹⁵² ⁹⁵³ ⁹⁵⁴ ⁹⁵⁵ ⁹⁵⁶ ⁹⁵⁷ ⁹⁵⁸ ⁹⁵⁹ ⁹⁶⁰ ⁹⁶¹ ⁹⁶² ⁹⁶³ ⁹⁶⁴ ⁹⁶⁵ ⁹⁶⁶ ⁹⁶⁷ ⁹⁶⁸ ⁹⁶⁹ ⁹⁷⁰ ⁹⁷¹ ⁹⁷² ⁹⁷³ ⁹⁷⁴ ⁹⁷⁵ ⁹⁷⁶ ⁹⁷⁷ ⁹⁷⁸ ⁹⁷⁹ ⁹⁸⁰ ⁹⁸¹ ⁹⁸² ⁹⁸³ ⁹⁸⁴ ⁹⁸⁵ ⁹⁸⁶ ⁹⁸⁷ ⁹⁸⁸ ⁹⁸⁹ ⁹⁹⁰ ⁹⁹¹ ⁹⁹² ⁹⁹³ ⁹⁹⁴ ⁹⁹⁵ ⁹⁹⁶ ⁹⁹⁷ ⁹⁹⁸ ⁹⁹⁹ ¹⁰⁰⁰

mare, quod postea generali regula est com-
 4 plexus, † quoties ⁶ adicitur aliquid vel de-
 trahitur obligationi, semper probandum esse
 5 vitiatum esse stipulationem. † Adiciat obli-
 gationi, qui simpliciter, idest, pure interro-
 gatus respondet se daturum sub conditione,
 aut in diem, sic enim pure obligationi diem
 aut conditionem adicit, ea videlicet, quæ
 obligationibus adici solent. §. *omnis*, §. *lo-*
ca, Inst. eod. *L. omnia*, sup. si cer. pet.
 6 *L. eum qui Calendis*, tota, inf. eod. †
 hæc ipsa stipulationi inserta detrahit, qui
 sub conditione, aut in diem interrogatus re-
 spondet pure, ut hic loquitur Ulpianus, idest,
 ut ex §. *preterea*, Inst. de inut. stip. in-
 terpretari debemus, qui respondet nomina-
 tim se præsentī die daturum: quoniam qui
 simpliciter ad interrogatum respondet, vide-
 tur in eandem conditionem eundem diem
 respondere: utrumque facit, qui sub con-
 ditione aut in diem interrogatus, alia
 conditione, aut alio die adiecto spondet. Sic
 enim priorem diem detrahit, et adicit no-
 vum, ut in hoc exemplo, quo nitur, dabis
 7 intra Calendas quintas? dabo Idibus, † ubi
 quintas inter eruditos dici constat; quinti
 ab hinc mensis Calendas: quo modo pri-
 mæ et secundæ dicuntur in *d. L. eum, qui*
Calendis, inf. Atque in his omnibus vitari
 stipulationem Ulpianus docet, in quo ob-
 servandum est non solum nullam contrahi o-
 bligationem, ubi promissor obligationi diem
 aut conditionem adicit, ut debeat minus;
 8 sed etiam cum detrahit, ut plus debeat, †
 quod quidem posterior prima fronte secus vi-
 deri potuit, cum isto modo promissor melio-
 rem causam stipulantis faciat, non deterio-
 rem, et credibile sit stipulatorem admittere,
 quod sit in rem suam. Sed utilitas stipulato-
 ris, atque adeo consensus ad rem nihil per-
 tinet, si deest congrua responsio. Ea non
 congruit, sive in interrogatione est, quod
 non sit in responsione, sive in responsione
 id, quod non fuit in interrogatione, quod
 tunc evenit, cum responsio aliam formam
 et conditionem obligationis facit, sive quis
 amplius promittat, sive minus. Ergo cum mu-

tata qualitate obligationis respondetur sic, ut
 detrahatur aliquid, vel adiciatur obligationi,
 in totum vitari stipulationem convenit: et
 hoc citra controversiam, si diversitas respon-
 sionis illico non placuerit stipulatori. † Quid ⁹
 si placuerit? sunt qui dicant nō sic quidem
 stipulationem constitui. Sed cur negamus? Er-
 go audiamus, quid continenter subiciat Ulpia-
 nus: *Cum adicitur*, inquit, *aut detrahitur a-*
liquid obligationi, semper probandum est viti-
atam esse stipulationem; nisi stipulatori diver-
sitas responsionis illico placuerit, tunc enim a-
lia stipulatio contracta esse videtur. An parum
 supra demonstratum est, vel potius an id
 dubium esse potest, adici obligationi, cum
 conditio, aut dies in responsione adicitur;
 detrahi tum, cum dies, aut conditio, quæ
 fuerat, detrahitur, et pure vel alio inserto
 die responditur? negari non potest. Quid au-
 tem de eo Ulpianus? definit, quoties id sit,
 in totum vitiatam esse stipulationem, ergo
 hæc definitio ad superiores species sine dubio
 pertinet. Neque enim distinguit, utrum
 in re aut summa stipulationis aliquid adii-
 ciatur aut detrahatur, an in causa et quali-
 tate obligationis: sed contra ubicunque adii-
 ciatur quid, aut detrahatur, sine ullo discrimi-
 ne semper probandum ait vitiatam esse sti-
 pulationem. At definitioni adiecta, exceptio
 est, *nisi diversitas responsionis illico pla-*
cuerit, quamobrem et ad superscriptas spes-
 cies exceptio pertinet: ut dicendum sit et
 eum, qui pure interrogatus sub conditione,
 aut in diem respondit, sub conditione aut
 in diem obligari, si id stipulatori illico pla-
 cuerit: et contra qui sub conditione aut
 in diem interrogatus respondit se sine die aut
 conditione daturum, eum pure obligari, si
 hic quoque diversitas responsionis placuerit
 illico stipulatori. Cum hæc verbis definitionis
 superioris conveniant, atque adeo necessario
 efficiuntur: tum vero in re ipsa nihil esse vi-
 deo, cur non optime et legibus stipulationis
 convenientissime statuatur. Scio enim hoc
 contra dici posse. Exigit stipulationis lex, ut
 idem, et eandem qualitate obligationis respon-
 deatur: scilicet, ut et quod in stipulatione est,
 sit

6) Quid si respondeat promissor de posteriore die. ex. gr. Dabis Calendas Idibus, Dabo Calendas Martiis. Videtur quod valeat stipulatio quia hæc temporis diversitas respiciat dilacionem solutionis, non substantiam obligationis. Sed contra Gomez. 2. Reel. q. n. 6. arg. §. 5. Instat. de inut. stipul. Ad rationem dubitandi Resp. posse ante diem solvi, si in gratiam de-
 bitoris is adiecitur: Nō autem dies respiciat favorem stipulatoris, qui interrogando de uno die non vult ante eum solutionem si-
 bi fieri, itaque adent dissensus partium.

7) Vid. Cod. de contr. stipul. C. 4. Concl. 4. ubi n. 48. Contra Alciatum Zanum et alios idem admittit, etiam sub una

conditione interrogatus: ex. gr. Si navis ex Asia redierit, responderi sub alia ex. gr. Si Cesar Turres ceciderit. Quia ut pa-
 re stipulationi omne lecapus inest et conditio etiam, ut Do-
 nellus notat, ita tempus conditionis citius facillius exstare
 temporis eius quæ difficultus tardiusque eveniat, inest. Nec diver-
 sum esse in duorum rerum obligatione ibid. n. 49. Idem n.
 50. et seq. Si plene aliud pro alio respondeatur, ut si Stichum
 stipulanti quis ædes Semprenianus sponte dedit, nec approbationem
 subsequenter facere ut contrahatur stipulatio, quia hic con-
 trarium potius responsum sit quam diversum.

sit in responsione, et vice versa quod est in responsione, fuerit in stipulatione; ac nisi id fit, non valet stipulatio, quia interrogatio et responsio non congruunt. §. præterea, *Istitut. de inut. stip.* At nunquam congruent, si pura est interrogatio, responsio autem in diem vel conditionalis: aut contra si stipulatio conditionalis, pura autem responsio: quantumvis ea diversitas illico placuerit stipulari, non enim unquam efficiet ea approbatio, ut sit conditionalis eius interrogatio, quæ pura fuerat; aut pura, quæ fuerat conditionalis, quamobrem et post approbationem eodem vitio stipulationis manente, stipulationem inutilem videri necesse est. Illic quidem ita videri, et non temere his nos moveri posse fateor. † Sed si docemus approbationem stipulatoris de qualitate responsionis efficere, ut post eam non plus sit in ipsius interrogatione, neque minus quam fuit in responsione, dubitatio tollitur: efficitur enim hoc modo congruere interrogationem et responsionem, ⁸ eoque novam stipulationem recte contractam videri, ut Ulpianus ait. Atqui id efficit stipulatoris approbatio. Nam primum si qualitas aliqua, ut dies, aut conditio, stipulationi detrahatur, quod fit cum sub conditione, aut in diem interrogatus respondet se statim daturum, si stipulator illico id probet, perinde est, quasi ipse illa stipulando non expressisset: quoniam verba nihil efficiunt contra pronunciantis voluntatem, planeque in eo qui de re aliqua non consentit, pro non expressis habentur. *L. 3. in fin. supra, prox. tit.* Quod si quid adiciatur stipulationi, ut dies, aut conditio, quod fit, cum pure interrogatus respondet in diem, aut sub conditione, plusculum id habet difficultatis. Nam quomodo dies aut conditio in stipulationem venisse videri possunt, si verbis stipulationis non continentur, quantumvis stipulator in responsione his rebus adiectis conceptam consenserit? Sed et hic quoque stipulationi inesse ista intelliguntur, posteaquam stipulatori illico id placuit: non quod propter consensum stipulatoris: stipulationi adiecta videantur, quod sine novis verbis fieri non potuit: † sed quia pura interrogatione generaliter omnia tempora dandi continebantur, et quæ antecedunt, et

quæ sequuntur, ex quibus stipulator cætera tempora interrogationis suæ approbatione sua repudiando, hæc sola relinquat, quæ promissor expresserit, utputa, pure stipulanti quæ promisit sub conditione, si navis venisset ex Asia, intelligitur promissor hoc dicere, promitto eo tempore, quod sequetur conditionem hanc, non autem eo, quod conditionem antecedit, stipulatori id placet, hic non tam id tempus, quod conditionem sequitur, stipulationi adicere videtur, quam antecedente detracto solum hoc posterius relinquere, nam utrumque, atque adeo omne tempus dandi stipulatione eius pura continebatur. Porro id quod erat, detrahere potest voluntate sua, et si enim verbis id expressum erat; tamen verba contra eius voluntatem non valebunt, ut iam dixi. Ita fit, quod posui, ut posterius tempus, quod conditionem sequitur, solum maneat stipulatoris approbatione, non nunc primum adiectum, sed iam ante stipulationem expressum, quod tamen nunc stipulator iuxta responsionem promissoris solum valere velit. Constat igitur veteribus ratio, cur cum promissor alio modo in tempore respondit, quam interrogatus est, citra præsentem approbationem stipulatoris dicatur stipulatio esse inutilis; quia scilicet non congruat responsio interrogationi, accedente autem stipulatoris præsentem approbatione putetur stipulatio in id, quod responsum est, recte contrahi: quia iam incipiat non plus esse in stipulatione, quam est in responsione, neque minus. Et actenus regulam Ulpiani in diversitate qualitatis obligationis bene se habere, planeque ex omni parte veram esse intellectum puto. † An etiam regula ad eas responsiones pertineat, quibus in re plus, minusve respondetur, videndum est, nam generalis definitio est, omnes responsiones continens, quibus aliquid adicitur aut detrahitur obligationi, at rursus contraria omnia in diversitate rerum responsa esse videntur in §§. sequentibus. Et quidem ego diversa omnia hic esse statuo: sed non eo minus veram esse, et perpetuam definitionem superiorem Ulpiani, quia illa ad hoc genus posterius non pertineat. De quo iam ex sequentiis. §§. sententia dicatur.

Ad §.

⁸ Dissensit quodammodo *God. d. C. 4. Concl. 4 n. 94.* putans non hic iam potam consilium stipulationem, quam declarari ac valdam doceri, quæ obscura fuit. Approbatione tolli diversitatem demonstrata convenientia, ut patet retro actum nonnullum fuisse, sed obscurum ob dissensum præsumptionem,

quæ ex complectentia sublatæ. Et quod in *d. L. 1. §. 3.* habetur aliam stipulationem contractam videri, non de alia nova numero distincta, sed numero eadem quasi nova accipi debere contendit.

Ad §. Si stipulanti.

Si stipulanti mihi decem, tu viginti respondeas: non esse contractam obligationem, nisi in decem constat. Ex contrario quoque, si me viginti interrogante, tu decem respondeas: obligatio nisi in decem non erit contracta; licet enim oporteat congruere summam: attamen manifestissimum est viginti et decem inesse.

SUMMARI A.

1. Si promittatur plane aliud, veluti pro Stichō Pamphilus, nulla omnino est stipulatio.
2. An servata obligationis qualitate, diversitas in summa vitiet stipulationem.
3. Species §. si stipulanti, in quo differat a superioribus.
4. An approbatio stipulatoris efficiat, ut in maiori summa, quam que stipulatione comprehensa est, contracta videatur obligatio.
5. Viginti stipulanti, si X. respondeat, omnino in X. contracta est obligatio, etiam citra stipularis approbationem.
6. Refelluntur quaedam Ulpiani sententia obiecta.
7. In duabus obligationibus disiunctis, una non potest dici alteri adici aut detrahi.
8. Quot res, quot summae, tot quodammodo sunt stipulationes separatae.
9. §. Præterea, Inst. de inutil. stip. explicatur.
10. Lucas Cui, lib. 2. Inst. et de obl. discussus.
11. Auctoris de Calo, cuius fragmenta circumferuntur, iudicium.
12. Ubi interrogatio et responsio congruunt, utiliter contrahitur stipulatio.
13. L. si decem, D. Locati, explicatur.

Dixi supra aliam esse causam diversæ responsionis, cum mutata stipulationis qualitate aliter responderetur, quam promissor interrogatus erit, de qua specie superiore §. dictum est: aliam, cum servata obligationis qualitate in re ipsa discentit responsio, non quidem ut respondeatur † plane aliud, veluti pro Stichō Pamphilus (nam isto modo nullam omnino esse stipulationem convenit) sed ut respondeatur plus, aut minus. Id exemplis probat Ulpianus hoc §. et sequenti: quorum altero de certa summa, altero de certis corporibus in stipulatum deductis agitur, sic tamen, ut plura exempla hæc sint, res una, et summa eodem redeat. † Ac de summa pecunie ita statuit: quoties summa certa in stipulatum deducitur, sive promissor maiorem promittit, ut pro decem viginti, sive promittit minorem, ut pro viginti decem; in maiorem quidem et eam quæ alterius vel interrogationem, vel responsionem excurrit, non contrahitur obligatio: at in minorem semper, quia in eam interrogatio cum responsione congruit. Quæ ita † accipio, ut priore quidem

casu in eam summam, quæ stipulatione comprehensa non est, nullo modo contrahatur obligatio, ut si diversitas quidem responsionis stipulatori illico placuerit: posteriore autem in eam, in quam responsio interrogatio congruit, ita contrahatur, ut non sit necesse eam responsionem stipulatori placere. † 3 Quæ si vera sunt, differt hæc species a superiore his rebus: Primum quod cum alio modo responsum est, ut supra, in totum stipulatio non valet: cum autem minus aut plus respondatur, non in totum vitiosa est stipulatio, sed ex parte dumtaxat. Deinde sic in illa priore stipulatio non valet, ut tamen stipulatore diversitatem responsionis approbante, ad formam alius responsionis stipulatio contrahatur: in hac posteriore quatenus stipulatio non valet, eatenus ita nulla est, ut in eam summam nulla stipulatoris approbatione constituatur: Postremo quod in priore specie valet stipulatio, id fieri dicimus, cum diversitas responsionis stipulatori placuerit: in hac posteriore sic dicimus stipulationem in minorem

9) Facit L. 37. §. 5. de pact. Gones. 2. Resol. p. n. 4. Licet ut diversitas, in qualitate tamen eadem obligatio, item ut et substantia eadem. Nam quod differunt secundum plus vel minus, substantia eadem est. Diversitas autem in qualitate, si interrogatio pure, responsio conditionalis, inducit discre-

tionem in substantia, et arguit discrepantiam contrahentium, dumque in tempore, maxime vero in re. Dissoluit post Cuias. ad L. 1. A. t. ubique Grot. C. 4. Concl. 4. n. 35. et sequ. velut et in eadem diversitate approbationem esse necessariam, quem ceteri.

rem summam contrahi, ut statim valeat sine alia aperta stipulatoris approbatione. Id an recte dicamus, singula huius responsi expensa declarabunt. Ait Ulpianus, si stipulatus sim decem, tu viginti respondeas, non esse contractam obligationem in viginti. Hoc quidem extra controversiam est, ubi responsio-
 nis diversitas illico mihi non placuit. Nam de viginti interrogatus non es; non est autem stipulatio de ea summa, aut ea re de qua interrogatio non processit. *L. 1. C. de usur. L. 1. §. verbis, sup. prox. tit.* et hoc est, quod Ulpianus hic ait, oportere congruere
 4 summam. † At quid, si mihi illico placeat responsio tua? De eo nihil aperte exprimit Ulpianus, sed eius ratio superior satis ostendit, hoc enim sentire, nullo modo contractam esse obligationem in viginti, sive hæc diversitas responsionis mihi non placuerit illico, sive placuerit. Nam etsi placeat: tamen approbatio mea nunquam efficiet, ut videar te interrogasse de viginti, cum revera rogaverim de decem, et constet in decem viginti non inesse. At enim paulo ante generaliter definiit, cum adiecit aliquid, vel detrahitur obligationi, vitiatam esse obligationem, nisi stipulatori diversitas responsionis illico placuerit: quod si placuerit, aliam stipulationem contractam videri. Non est hoc superiori sententiæ contrarium: non quod putem eam definitionem non esse verissimam, et perpetuam; sed quod verba eius definitionis ad hanc speciem, de qua agitur, non pertineant. Definitio est de eo, quod adiecit vel detrahitur obligationi: at cum stipulanti mihi summam aliquam, aut quantitatem, plus, minusve respondes, neque plus respondendo dicendus es adicere obligationi, neque respondendo minus dicendus es obligationi detrahere; de quo paulo post plura, cum illud quaeretur, an saltem in decem stipulatio contrahatur. Etenim Ulpianus contrahi ait: quod superiore definitione aperte evertitur, si ea ad hanc speciem pertinet. Adde, quod superior definitio confirmat stipulationem in eo, in quo diversitas responsionis stipulatori placuit: hæc verba non conveniunt ei speciei, cum stipulanti decem respondes viginti, et stipulator probat responsionem: hic enim non tam est diversa responsio in viginti, quam nulla: cum nemo possit ad id respondere, de quo non est interrogatus. Sed de eo, ut dixi, plura paulo post. Stet igitur hæc sententia, cum mihi decem stipulanti respondes viginti, naturam stipulationis, quæ interrogatorem de re aliqua desiderat, non permittere, ut in viginti, de quibus interrogatus non es, obligatio contrahatur; quantum-

vis mihi tua promissio verius, quam responsio placeat. Sed an in decem saltem, de quibus te interrogavi, contrahetur? ait in decem saltem esse contractam: idemque esse, etsi me viginti interrogante tu decem respondeas. † Sed utrum ita demum, si responsio tua mihi illico placeat, an etsi non placeat? etsi mihi non placeat, inquam, omnino in decem erit contracta: quod Ulpianus evidenter subiecta ratione declarat, *licet*, enim inquit, *oportet congruere summam; attamen manifestum est viginti et decem inesse*. Nemo dubitat, si de re aliqua procedat interrogatio, ac de ea ipsa sequatur responsio, quin stipulatio de ea re secundum regulas iuris contrahatur: constat enim et perficitur stipulatio interrogatione et responsione, si modo et summa utriusque congruit. At si quis stipulanti decem respondet viginti, is vi ipsa decem respondet; nam in viginti his decem insunt; item si quis viginti stipulatur, vi ipsa stipulatur et decem: ut dicendum sit, si quis tantum decem respondet, saltem in decem congruere summam interrogationis, et responsionis, ut Ulpianus ait: ex quo efficitur hactenus secundum regulas iuris contractam esse stipulationem: quod si contracta est, frustra desideremus aliam stipulatoris approbationem. Sed cur laboramus? possumusne exigere in hac specie, ut diversitas responsionis stipulatori illico placeat, nisi sit aliqua diversitas responsionis? atqui ea diversitas in decem nulla est, cum in his congruat in totum interrogatio et responsio. Inepte igitur, ut hæc placeat, requiramus. Etsi hæc sententia, et ratio Ulpiani manifesta est; tamen non desunt, quæ huic opponantur. † Primum ratio, quam ipse sibi tacite obijcit, et diluit in §. seq. de qua ibi dicemus. Deinde pleraque, quæ in contrariam sententiam scripta videntur. Illud in primis, quod ipse paulo ante definiit, *cum adiecit aliquid aut detrahitur obligationi, semper probandum esse vitiatum esse stipulationem*. Et dubitamus, dicet aliquis, *adiici*, cum mihi decem stipulanti promittatur viginti: *detrahi*, cum viginti stipulanti promittantur tantum decem? Ego vero contendo hic neque adici obligationi, quidquam neque detrahi: tunc solum id recte dici, cum qualitas adiecit, aut detrahitur, ut contingit, cum is qui pure interrogatus est, respondet in diem vel sub conditione; aut contra. † Hoc enim pro
 7 certo sumo, in duabus obligationibus seu stipulationibus invicem disiunctis, nec coherentibus nunquam unam dici posse alteri adici, cum disiunctæ non coherent; neque unam posse dici alteri detrahi, cum
 prius

prius una in altera non fuerit. Solum adiciatur obligationi, quod eius obligationis pars sit: et solum obligationi detrahatur, quod in obligatione prius fuit: quod posterius solum de conditione, aut die adiecta vel detracta dici potest. Conditionem enim aut diem puræ stipulationi si adicias, eo adiciis, ut totius præcedentis obligationis pars fiat, nec quidquam debeat, nisi hac conditione. Conditionalis stipulationi si pure respondes, ideo conditionem obligationi detrahis, quia prius in stipulatione inerat. Nihil simile, cum res stipulanti, plures aut pauciores respondemus:

8. † quod enim sunt res, quot summae, tot sunt quodammodo stipulationes separatae: quas si oratione coniungas, non tamen una dici potest alteri adici, cum etsi valerent, plures tamen essent revera inter se distinctae: si oratione separe, multo minus dixeris unam alteri detrahi, cum fieri non potuerit, ut in stipulationibus separatis una alteri inesset, nec aliter quidquam possit alteri detrahi, quam si prius in eo fuerit. Nihil igitur, ut dixi, superior definitio Ulpiani de eo, quod adiciatur aut detrahatur obligationi, ad hanc speciem pertinet non sit ea nobis obiectio
- 9 hoc loco memenda. † Locus est alius Iustiniani de hac ipsa specie scriptus in §. *præterea*, *Inst. de inutil. stip.* qui prima ratione non temere tot ei sententiæ Ulpiani, quæ hoc loco exposita est, contrarius videatur. Illic Iustinianus ita proponit: inutilem esse stipulationem, si quis ad ea, quæ interrogatus fuerit, non respondeat: ad quod explicandum hoc exemplo utitur: *veluti*, inquit, *si quis decem aureos a te dari stipuletur, tu quinque respondeas*, vel contra, ex quo colligitur totam inutilem esse stipulationem, ut proposuerat: alioqui non convenit exemplum propositioni. Ego id recte colligi nego, neque eo minus exemplum propositioni conveniet. Significat enim Iustinianus in eo exemplo, quod retuli, stipulationem inesse, in qua ad interrogatum responsum non est ut propositio eius postulabat: hoc amplius et eam stipulationem inutilem esse in totum: quod et verum est, et propositioni probe convenit. Id enim solum probandum suscepit Iustinianus,

Tom. XI.

omnem stipulationem esse inutilem, in qua ad interrogatum responsum non fuit. Sed non ideo ex eo ¹⁰ efficitur totam eam conceptionem, qua quis decem stipulatus est, esse inutilem. Sciendum est enim in ea conceptione duas esse stipulationes in quina, quarum in una ad interrogatum respondetur de quinque; in altera ad interrogatum de aliis quinque non respondetur, ut declaratur in §. *sequenti*. Fateor eam stipulationem esse inutilem, in qua de quinque ad interrogatum responsum non est: illam alteram, in qua ad interrogatum responsum est, vel secundum propositionem ipsam Iustiniani valere contendo; cum enim ita proponit sic inutilem esse stipulationem, si ad interrogatum non respondeatur, vel his ipsis verbis efficitur, si quis ad interrogatum respondeat, quatenus id facit, et una stipulatio est, stipulationem utilem haberi debere ipso auctore Iustiniano. Nam. quod in d. §. *præterea*: istas stipulationes comparat, et eam quæ in summa non congruit, et eam quæ non congruit in causa stipulationis: nempe in eo comparat, quod in utraque ad interrogatum responsum non est: et verum est utramque hactenus non valere. Sed ubi discrepat conditio et qualitas stipulationis, illic in totum responso non congruit: ideo in totum non valet: ubi autem summa non congruit, hactenus solum non congruit, quatenus plus est in interrogatione aut responsione: ceterum in reliquo optime convenit: et hactenus stipulationem valere necesse est.

† Sed obstat nobis Caius videlicet, ex quo Iustinianus illa sumpsit: qui *Lib. 2. Institutionum, tit. de obligationibus* in exemplo illo superiore Iustiniani, 'stipulationem ait, in solidum esse inutilem. † Et quidem magis me moveret istius Cuij auctoritas, si is esset Caius ille vetus Iurisconsultus, cuius scripta in libris nostris exstant. Nunc autem ¹¹ non esse veterem illum, sed e mentium nescio quem Caium, qui isto nomine sua venditaverit, aut certe recentiorum aliquem, qui aliqua ex Cuij Institutionibus decerpserit, quæ in epitomen redigeret, sive Isidorus fuit, sive alius, quis iam ex iis, qui

28

at-

¹⁰ Ita Vason. 5. *Declar.* 71. n. 4. inutilis quoad alia pro subiectis materia, et *Pac.* 2. Q. 26. Simile in §. 8. *ibi alio qui non habebis* 1. de *Mand.* et *Phil. Math.* ad L. 110. de *R. I.* n. 6. Nec igitur recte Baro. *ibid.* Instit. in eo derogare Pandectis; nec Hotom. ad L. 27. §. 5. de *pact. IC.* ad *Imp.* dissentire. Et aliud esse in pactis d. L. 27. §. 3. ubi mentem spectamus, aliud in stipulatione d. §. *præterea* ubi verba adsumimus exigimus. Nihil melius Ioseph. Heppert. *Lib. 3. Sinebat* pag. 40. Ulp. ad veritatem et ius loqui. *Imp.* exemplo rem declarare. Exempla non facere ius, nec in iis

exacte ut veritas limetur, requiri modo prius facie et ad propositum caplum veritatem oculare videntur.

¹¹ Consentunt in genere Cuiac. Pithæ. Conl. et alii citati *supr.* in not. *Lib. Civil. Commentar.* 4. C. 36. N. 2. quibus adde Connan. 2. *Com. 4.* in fin. Caidun. in §. *pen. Proem.* *Instit.* n. 9. Claud. David. in *velit. legali* ad d. §. *pen. Proem.* *Inst.* n. 8. dissentit maxime in specie quoad hunc locum Gach. d. C. 4. n. 69. debitum vacillare in d. §. 11. exponens id est in periculum rapti, nisi diversitas responsionis placeat.

attendere voluerunt, ignorat? nam et isti auctori saepe sordida oratio est, ab illa puritate et elegantia, quæ fuit Cæii illius nostri, longe abhorrens: et præterea multis locis ea ab illo afferuntur de locis sacris et de Ecclesiis, ut nemo dubitare possit, quin fuerit Christianus: qualem Cæium illum veteram non fuisse scimus. Sed ut essent illæ Cæii veteris Institutiones, quæ circumferuntur: tamen illius auctoritate in hac re moveri nos non oportet: huic enim ex adverso opponimus, cum veram rationem, tum auctoritatem Ulpiani, et ipsius adeo Iustini.

- 12 niani. † Vera ratio facit, ut ubi interrogatio et responsio congruunt, eatenus contrahantur stipulatio: congruunt autem in quinque, cum stipulanti decem, idest, bis quinque, tu quinque promittis: quo efficitur hactenus stipulationem statim valere. Tum autem id Ulpianus probat, hoc loco: cum Ulpiano etiam Iustinianus ipse: et quidem hæc ita probat, ut etiam Cæii sententiam, si quæ esset contraria, repudiet. Quæcunque enim sunt in Pandectis ex scriptis veterum, ea Iustinianus confirmat, et simul vetat nos comparare ea, quæ antiquitas habet, cum iis, quæ ab illo confirmata sunt. *L. 2. §. tanta, C. de vet. iur. enu.* Hanc igitur sine dubio sequi debemus, et si quid minus clare de eadem specie aliis in locis scriptum sit, dare operam, ut ex hac sententia interpretemur, atque efficere, quantum licet, ut cum ea consentiat. Est ad extremum et quod sententiæ huius loci adversari videatur, id quod est videlicet de dissensu locatoris et conductoris in mercede, in *L. si decem, supra, loca*: † Proponitur locator mercedis nomine velle sibi decem pendi, conductor in quinque consentire. Si is qui decem stipulanti respondet quinque, in quinque obliga-

tur, consentaneum videtur in hac quoque locatione conductorem in quinque obligari. At illic scribitur obligationem in totum non contrahi, ne in quinque quidem. Par igitur et in stipulatione, in qua pars tantum summe in stipulatum deductæ respondetur, idem statui. Sed alia causa est locationis, alia stipulationis. In locatione qui decem vult, non vult quinque, si sola præstentur. Id ex eo licet intelligere, quod decem desiderat pro eo, quod vicissim eum præstare convenit: debet autem rem conductori fruendam dare: porro qui maiorem summam requirit pro onere: is utique pro eo onere, quod semper idem futurum est, minorem non admittit: alioqui male in se consuleret. Dissentit igitur in totum in mercede locator, qui decem requirit, si ei quinque tantum constituentur a conductore: eo fit, ut locatio, quæ consensu perficitur, nulla in parte hic contrahatur propter totius mercedis dissensum. In stipulatione contra qui stipulatur decem, primum verbis stipulatur etiam quinque, quæ decem continentur: deinde ex voluntate nec ea recusare intelligitur, si quis ei stipulanti promittat: coniecturam facimus ex eo, quia decem stipulatur ita, ut eam summam habeat ex stipulatione gratis, et sine onere: quod in huiusmodi causa acquirendi esset stipulatio, nullum sine tutoris auctoritate stipulari posse non diceremus *Inst. de auct. tut. L. obligari, supra eod.* Credibile est autem eum, qui maiorem summam velit sibi acquiri sine onere, velle et minorem sine onere acquiri: maiorem quidem omnino, si liceat: sin minus, enim saltem minorem non repudiare: quia utroque modo pariter sibi consulat. Quare et verbis, et consensu in eandem summam concurrentibus, stipulatio valebit.

Ad L.



Ad §. Sed si mihi Pamphilum.

Sed si mihi Pamphilum stipulanti, tu Pamphilum et Stichum spoponderis, Stichi adiectionem pro supervacuo habendam puto. Nam si tot sunt stipulationes, quot sunt corpora, duæ sunt quodammodo stipulationes; una utilis, alia inutilis, nec vitatur utilis per hanc inutilem.

SUMMARI A.

1. *Ius in stipulatione summarum et corporum ex æqualum, et n. 3.*
2. *Non potest ex uno iudicio res iudicata in partem valere, in partem non valere.*
4. *Generalis definitio: Illicite et inutiliter adiectum pro non adiecto haberi; eo quod recte gestum est subsistente. Elusque varia exempla.*
5. *Diversa in dubus, libero et servo, cum in eos compromissum est, ratio.*

6. *Lectio huius §. Florentina notata.*
7. *Ulpiani responsum si plures res conveniet in stipulatum deducuntur, aut promittuntur, locum habet, non si disiunctum.*
8. *Cur qui disiunctim de Sticho aut Pamphilo interrogatur, unum tantum ex his respondet, non obligetur.*
9. *Disputationis huius utilitas.*

¹ Quod inris est in summis, † hoc idem est in certis corporibus, et rebus ceteris. Qui de una re interrogatus promittit et eam, et plures coniunctim, non obligatur is quidem in omnes; quia de omnibus non est interrogatus: sed obligatur tamen in eam, de qua interrogatus respondit; postquam et in hanc responsio congruit, eoque et statim obligatur sine alia stipulationis approbatione. Idem valet et converso, ut si quis de pluribus rebus coniunctim interrogatus, unam ex his promissarit, in hanc obligetur, de qua et interrogatus sit pure, et pure responderit. *L. inter, §. stipulante, in fin. inf. cod.* † Obstat huic sententiæ, quod de sententia dicitur, non posse ex uno iudicio rem iudicatam in partem valere, in partem non valere. *L. in hoc iudicio, supra, fa. er.* Non enim ita hoc de sententia dicitur, quasi proprium sit solius sententiæ; ad cæteras res omnes, quæ unæ sunt, pertinet: ut si de his iure perficiendis agatur, non aliter perficiantur, quam si valeant in totum, quia cum sint unæ, natura non patiatur, ut pro parte valeant, pro alia non valeant, non magis quam sententia: quare et ad stipulationem pertinet. Quo argumento effici videbatur, ut sive quis Stichum et Pamphilum stipulanti respondeat tantum de Pamphilo tanquam de parte: sive Pamphilum stipulanti respondeat Stichum et Pamphilum, et stipulatio in Pamphilum tantum valeat, idest, in partem, stipulatio in utrumque vitietur; ne incipiat dici eam pro parte valere, pro parte non valere. Ulpianus huic objectioni occurrens, ait duas hic esse quodammodo stipulationes, uti duæ res

sunt, aut in stipulatum, aut in promissionem deductæ: de quo in *L. scire, infra eod.* unam de Pamphilo, alteram de Sticho: eam quæ de Sticho est, quia de eo aut nulla interrogatio est, aut nulla responsio, plane esse inutilem: eam autem quæ est de Pamphilo, quia de eo interrogationem et responsum habet, esse utilem non pro parte, ne quis superius illud nobis obiciat; sed in totum, uti est una neque obstat alteram stipulationem inutilem: quia utilis non vitietur per inutilem. Hoc responso declarat Ulpianus admittere se in stipulatione idem, quod in sententia: ut si in proposito de Sticho et Pamphilo una stipulatio esset, non magis ea pro parte valere posset, quam in sententia fieri diximus; sed negare hic esse unam stipulationem, ut ex uno, eodemque iudicio unam esse sententiam necesse est. † Hoc idem et in summis supra ³ responsam patemus, ut cum quis decem stipulanti respondet viginti, aut contra, intelligamus, quot sunt summæ, tot etiam esse stipulationes ex *ead. L. scire, infra eod.* ideo stipulationem in viginti non valere; cui desit interrogatio aut responsio de ea summa: eam autem quæ est in decem, valere in totum, cum in eam summam interrogatio et responsio congruant: nec impediri alia stipulatione inutili; quia utilis per aliam inutilem non vitietur. Ait Ulpianus: *nec vitatur utilis per hanc inutilem.* Etsi adicit *per hanc inutilem*: tamen non consistemus in hac specie: † sed generaliter deficiemus, quoties ad id ⁴ quod utiliter geritur, adicitur aliquid, quod sit non recte, semper quod illicite et inutiliter adiectum est, pro non adiecto haberi,

per se autem valere, quod recte gestum est; quod innumeris exemplis et partibus Iuris Civilis declaratur. *L. proprium, supr. com. præd. L. placuit, L. usuræ, supr. de usur. L. sanctimus, in princip. C. de denat.* † Nam quid dicitur, cum in duos compromissum est, si unus ex his arbiter esse potest, quia liber, alter non potest, quia servus; in totum non consistere arbitrium, ne in persona quidem liberi hominis: *L. Pedius, §. ult. supr. de rec.* hoc non pertinet; nam enim hic duo compromissa sunt, sed unum, quo in duos compromissum est. Nec quemadmodum in stipulatione receptum est, ut quæ sunt res, quæ summæ, tot sint stipulationes, idem evenit in compromisso, ut quæ sunt personæ, in quas compromissum est, tot sint arbitria. Nam aliæ res et summæ cum aliis non cohererent, neque usura sua, neque contrahentium conventio, quasi qui unam non vult, aliam vult; in compromisso autem sic plures eliguntur arbitri a litigatoribus, ut placeat omnes rem cognoscere, et sententiam dicere, aut nullum. *L. item si unus, §. item si plures, L. non distinguemus. §. cum in plures, supr. de recept.* † Si hæc vera sunt, ut sunt, apparet initium huius §. legendum esse, ut in vulgaribus exemplaribus, *sed et si mihi Pamphilum stipulanti*, non ut in Pandectis Florentinis, *sed si mihi Pamphilum*. Non enim de hac specie; ut de re a summis diversa scribit Ulpianus, ut adversativa particula fuerit opus: sed ita, ut eam summis compararet, ac de ea ius idem statuat. † Notandum est autem, quod hic dicitur stipulationem valere, cum unam rem stipulanti ea res et plures simul promittuntur, tum dici, cum plures res promittuntur coniunctim; ut cum Pamphilum stipulanti, tu Pamphilum et Stichum spondes: idemque intelligimus, cum plures res stipulanti una ex his promittitur; volumus enim et hic ita demum stipulationem valere, si plures res coniunctim in stipulatum deductæ sint. Ut si stipulanti Stichum et Pamphilum, tu Pamphilum promittas. *L. inter, §. si stipulante, in fin. infr. cod.* Diversum est sive quis Pamphilum stipulanti, spondeat Stichum aut Pamphilum, idest, disiunctim; sive Pamphilum aut Stichum stipulanti promittat Pamphilum d. §. *si stipulante*. Nam si quis de Pamphilo interrogatus, Pamphilum aut Stichum respondet: primum is non duas res respondet, ut supra, ut quis dicat hic duas esse stipulationes, usum de Pamphilo utilem, alteram de Stichum inutilem: sed spondet rem unam tantum, idest, alterutram, et utram vult, daudu liberatur, ut est, vis disiunctivæ ob-

ligationis; quæ res sola efficere potest, ut cum stipulatio, quæ una est, ex parte non valeat, in totum sit inutilis. Deinde qui respondet Pamphilum aut Stichum, is ne Pamphilum quidem spondet, cum alium dare possit; aut si spondet, spondet sub conditione, si Stichum unum dederit. Ita qui pure interrogatus erat, respondet sub conditione, quæ iam res alia ratione stipulationem impedit. §. *si quis simpliciter, supr. ead. L.* Sed ita promissur hic respondet sub conditione, ut simul rem aliam promittat sub contraria conditione, nempe Stichum, si Pamphilum unum dederit. Quo adducitur, ut quamvis stipulatori hæc responsio diversitas illico placuerit, tamen putem novam obligationem non contrahi; nupte nova re promissa, de qua interrogatio non præcessit, ut sunt ea quæ supra de hac diversitatis approbatione disseruimus ad §. *si stipulanti*. † Quod si quis aut Stichum aut Pamphilum stipulanti, Pamphilum respondeat, dicimus et hic stipulationem non valere: quia ad interrogatum unum sit responsum. d. §. *si stipulanti*, sed fit hoc paulo dissimili ratione, quam in specie superiore. Nam quod ad rem promissam attinet, una ex his, quæ in stipulatum deductæ erant, promissa est. Neque veru interrogatum de pluribus rebus, necesse est utramque spondere, ut stipulatio valeat; nam qui de Stichum et Pamphilo interrogatus Pamphilum respondet, cum obligari supra effectum est. Sed ubi hoc stipulationi, quod qui interrogatur de Stichum aut Pamphilo, de utroque quidem interrogatur, sed de unoquoque sub conditione, si alterum non dederit; qui autem alterum tantum spondet, hanc pure promittit. Detracta conditione, ut aliam stipulationem facit, sic facit inutilem. d. §. *si quis simpliciter, supr.* Nec mihi alia ratio occurrat in hac specie, cur qui disiunctim de Stichum aut Pamphilo interrogatus, unum tantum ex his respondet: non obligetur. Nam si is qui promissus est, in stipulatum deductus esset sine ulla conditione, et pariter pure promissus esset, nihil esset obligationi impedimento, ex quo intelligitur, cur unum promissum ex his, qui disiunctim in stipulatum deducti erant, stipulatio non valeat, usam ubi stipulationis conditionem, quæ in responsione detrahatur. † 9 Nun temere hoc disputo. Id enim ex pertinet ut statuamus in hac specie, quamvis stipulatio dicatur nullius esse momenti, tamen hic locum fieri definitioni Ulpiani, de qua supra diximus, ut cum detrahatur conditio obligationis, stipulatio valeat, si stipulatori diversitas responsionis illico placuerit.

Ad §.

Ad §. Eadem an alia lingua.

Eadem an alia lingua respondeatur, nihil interest. Proinde si quis Latine interrogaverit, et respondeatur ei Græce, dummodo congruenter respondeatur: obligatio constituta est; idem per contrarium. Sed utrum hoc usque ad Græcum sermonem tantum protrahimus, an vero et ad alium, Pœnum forte, vel Assyrium, vel cuiusvis alterius linguae: dubitari potest ex scriptura Sabini. Sed verum puto, ut omnis sermo contineat verborum obligationem: ita tamen, ut uterque alterius linguam intelligat, sive per se, sive per verum interpretem.

SUMMARI A.

1. *Stipulatio quocunque lingua fieri potest, ita tamen ut alter alterum intelligat, vel per verum interpretem.*
2. *An fides habeatur interpreti dicenti se verum renunciassse.*
3. *Unius testimonio non creditur.*
4. *In re sua nullus testis idoneus.*
5. *Utri incumbat probatio, verum interpretem adhibitum esse.*
6. *Quomodo id probandum.*
7. *Falsus interpres ad quid et quo iudicio promissori teneatur.*
8. *De Antinomia L. decretæ, D. de re iud. et L. iudices, C. de sent. remissive.*
9. *Sententia iudicum, et Magistratuum decreta, Latina lingua ferri Romæ oportuit. Et cur secus in stipulatione.*

UT congruentia responsionis, quam in stipulatione exigimus, nihil nocet aliis verbis respondere, dum sententia congruat, ut declaratur in §. *si quis ita, sup. ead. L.* sic docemur hoc loco nihil nocere alia lingua responderi, dum uterque alterum intelligat; ut appareat verum esse, quod illic dixi congruentiam, quam hic quaerimus, in re esse, non in figura verborum, aut sermonis: tantummodo ut verba, qualiacunque sint, ad respondendum adhibeantur. In alia lingua exigit Ulpianus, ut uterque alterum intelligat ob eam causam, quam initio huius capitis exposui. Sed satis habet, ut alter alterum intelligat, vel per verum interpretem. Interim in interprete verum interpretem exigit, hoc verbo exigit, ut adhibeatur ad stipulandum is qui utriusque linguae sit peritus, et promissori dicat quid stipulator roget, et rursus stipulatori, quid promissor respondeat. † Quid ergo, si promissor dicat falsum interpretem esse, idest, se non promississe id, quod interpres renunciavit: an fides habeatur interpreti dicenti se verum renunciassse? Puto non modo ei fide non haberi, si alios testes producat promissor, qui id negent; sed ne in re quidem dubia id nocere promissori; ne forte necesse sit ei per se alios testes quaerere, aut aliqui debeat condemnari. Primum hic interpres in eo testimonio unus est, † unius testimonio

non creditur. *L. iurisiurandi, C. de testib.* Deinde huius interpretis interest rem ita existimari, ut dicat; et quia probrosum est ei mendacii coargui, et quia si falsum dixerit, mandati tenetur; ita aperte in eo testimonio res eius agitur. † Nullus autem in re sua idoneus testis. *L. nullus; sup. de testib. L. omnibus, C. eod.* † Restat, ut verum interpretem esse stipulator, qui agit, probare debeat iuxta regulam iuris. *L. 2. sup. de prob. L. qui accusare, C. de eden.* † Probabit duobus a. 6. liis testibus, qui item periti sint utriusque linguae, et dicant se interfuisse, cum stipulatio conciperetur eo modo, quo nunc concepta dicitur, et interpretem vere interpretatum esse, ut se nunc interpretari dicit. Plane si convenerit inter contrahentes, ut interpretis dicto staretur, conventio ex edicto servanda est. *L. iurigentium. §. praetor, sup. de pact.* Huic pertinet illud, quod semel placuit, amplius duplicare non posse. *L. Pomponius, sup. de neg. gest. C. quod semel, de reg. iur. in G.* Ea res non impedit, quominus de mendacio interpretis quaeri possit: † non ut promissio retractetur, sed ut ille mendacii convictus promissori damnetur in id, quod eius interest, quo nomine tenetur ei iudicio mandati, qui enim rogat, ut interpretem, magdare intelligitur. De sententia constitutum est has Romæ ferri oportuisse

La-

Latina lingua. *L. decreta*, *supr. de re iudic.* † quod an pugnet cum *L. iudices*, *C. de sent.* non est huius loci, ut dicamus; a me suo loco pluribus expositum est, idest, 9 ad eam *L. decreta*, † Nunc hoc tenebimus, decreta Romæ ferri oportuisse Latina lingua, utpote vulgo nota; nam de decretis Prætorum id dictum est, qui sunt urbani magistratus. Cur non idem placet in stipulatione? Differentiæ ratio hæc est. Stipulatio res est privati iuris contrahentium, utpote quam sibi conficiunt de re privata et familiari; ideo de ea statuere possunt, ut volunt, quorum in potestate fuit eam non contrahere, aut cum contracta esset, statim perimere. Ergo et his

multo magis licere debet in ea conficienda adhibere interpretem, per quem si ipsius expedit, rem explicari, bene est: sin minus, de se quæri debent: et vere non intelliguntur fraudari, qui sciunt et consentiunt. *L. nemo videtur, infr. de reg. iur.* Sententia autem non privati iuris est, sed publici. Non enim litigatorum est tantum sententia, sed et iudicis, qui publico munere fungitur, atque adeo Reipub. cuius interest ab omnibus intelligi, qualem quisque sententiam ferat, cum ut mali improbari iudices metuant iniquas sententias ferre, quas sciant ab omnibus intellectum iri; tum ut bonas excipiant omnes, et cognitatas conservent.

Ad *L. Stipulationum.* 2.

Paulus Libro XII. ad Sabinum.

Stipulationem quædam in dando, quædam in faciendo consistunt. Et harum omnium quædam partium præstationem recipiunt: veluti cum decem dari stipulamur. Quædam non recipiunt: ut in iis; quæ natura divisionem non admittunt: veluti cum viam, iter, actum stipulamur. Quædam partis quidem dationem natura sui recipiunt: sed nisi tota dentur, stipulationi satis non fit: veluti cum hominem generaliter stipulor, aut lancem aut quodlibet vas. Nam et si Stichus pars soluta sit, nondum in ulla parte stipulationis liberatio nata est: sed aut statim repeti potest, aut in pendenti est, donec alius detur. Eiusdem conditionis est hæc stipulatio, Stichum aut Pamphilum dari.

SUMMARIA.

1. Stipulationis et verborum obligationis vis.
2. In verbis stipulationis quid spectetur.
3. Stipulationes, obligationes, actiones, an, et quomodo inter heredes pro portionibus hereditariis ex *L. 12. tab. dividantur.*
4. Monstrat usum questionis, quæ stipulationes divisionem recipiant, quæ non; et ordinem, quo in ea explicanda *l. C. utitur*, ostendit.
5. Quæ stipulationes in dando, quæ in faciendo consistant.
6. Faciendi verbo quid contineatur.
7. Stipulationes, quæ dicuntur Mixtæ, tertium genus non constituunt.
8. Quæ dicuntur recipere partis præstationem.
9. Quæ huius generis sint stipulationes.
10. Qualis in rebus dividendis partium servetur ratio.
11. Utrum volente creditore; an etiam invito partium præstationem stipulationes recipiant.
12. Stipulationum dandi, quæ partium præstationem non recipiunt duo genera, et n. 16.
13. Cur inter stipulationes dandi referantur stipulationes servitutum.
14. Ususfructus. cur inter cæteras servitutes solus dividius.
15. Omnes res incorporales esse dividiuas, quæ pertinent ad percipiendum et consequendum id, quod natura dividi possit.
17. Stipulatio generis; plurium rerum certarum sub distinctione promissarum; sortis et pæne; lege ipsa et conditione stipulationis divisionem seu partis præstationem non recipiunt: et cur.
18. Debitore hominis incerti partem Stichi solvente, ut stipulator adhuc totum hominem petere: ita promissor eam, quam solvit partem, ut indebitam, aut tanquam ob causam datam causa non secuta, condicere potest.
19. Verborum Pauli, In pendenti esse, explicatio.

1 ET stipulationis, et verborum obligationis vis, quam hoc titulo quærimus in eo est, ut stipulator: itemque eius heredes

consequantur a promissore itemque promissoris heredibus, quod ille stipulatus est. Ergo et quod in stipulatum deductum est, et quantum

tum, id illi consequi debent, hi prestare. Quid, et quantum id sit, queritur. Minus habere ea res difficultatis, si res ageratur semper in stipulationem ipsam, et promissorem. Nam cum stipulator solus est, nemo ignorat solidum id autem consequi debere, quod est stipulatus; et cum solus est debitor, certum est eum solidum debere prestare, quod promisit, et tantum de verbis stipulationis queri potest, quid his continetur, sive quantitas, sive species promittatur; et sive una, sive plures; et in pluribus sive hæc coniunctim promittantur, sive disiectim. Na in heredibus quidem ullam dubitationem res haberet, in quantum et stipulatoris heredes agere, et promissoris heredes conveniri possint, si iure perpetuo hoc atermur, ut quemadmodum ceteræ res corporales hereditarie, sic stipulationes, obligationes, et actiones omnes inter heredes dividerentur pro portione hereditaria. † Nunc autem sic dividuntur ista inter heredes pro portionibus hereditariis ex lege duodecim tabularum, si et dividi possint. Quod si stipulatio divisionem non recipiat, sive natura rerum id accidat, sive obligationis conditione, ius conditionem obligationis non mutat, eoque et quæ solida fuerat actio penes decessorem, eadem et solida transit ad heredes. *L. heredes, §. an ea, supra, famul. exerce. L. via, supra, de ser.*

4 † Ex hæc legis distinctione, questio nata est circa heredes, quæ stipulationes divisionem recipiant, quæ non recipiant. Hoc ipsum ut sciatur, pro parte illi, an in solidum, et quando vel agent, vel conveniantur, questio non admodum expedita: eoque vario, et multis locis tractata est disputationibus veterum; ex quo genere sunt hæc capita tria; quæ sequuntur, quibus huius questionis explicatio continetur: his adiungere oportebit *L. 5. §. ult. L. stipulationes non dividuntur, 72. in L. executione, 85. inf. eod.* Quia igitur Paulus, cuius hæc fere solida hoc loco disputatio est, de heredibus dicturus, quatenus hi ex stipulatione agent, vel conveniantur, ut indicat *§. ex his igitur, inf. eod. L. intelligebat* ex superiore lege rem positum esse in eo, quæ stipulationes divisionem, seu partis præstationem recipiant, quæ non recipiant: ideo ab ea questione statim exordietur: in qua explicanda hanc viam sequitur. Quoniam enim in hac re alia est conditio stipulationum dandi, alia stipulationum faciendi, ideo hæc genera statim ab initio distinguit: quæ ipsa persequitur, ut in singulis doceat esse quasdam stipulationes, quæ recipiant divisionem, quasdam quæ non recipiant, et quæ sint, doceat: ac na qua sit confusio, de his ordine

agit: prius de stipulationibus dandi, quod facit usque ad *§. ult.* huius legis, ut suo loco docebimus: posterius de stipulationibus faciendi, quod fit a *§. ult. usque ad L. 5. infra.*

Stipulationum quædam in dando, quædam in faciendo consistunt. † In dando, quibus 5 stipulamur, ut quid datur: in faciendo, quibus stipulamur, ut quid fiat. *L. si stipulor, 25. infra, eod.* ut quid fiat, inquam, non datur. Sic enim ista in hac divisione opponuntur, ut placeat his verbis distinctas species significari. Est autem dare, dominium rei in aliquem transferre. *L. ubi autem, 75. ult. inf. eod.* † Ergo faciendi verbo ex instituto loquentis, et ista opponentis intelligimus quidquid ita fit, ut nulla res eo facto in stipulatorem transferatur: ex instituto loquentis, inquam, non verbi significatione, quam si sequi velimus, etiam qui dat, facit aliquid. *L. verbum facere, infra de verb. signif.* Sed non est novum, ut quæ, cum sola ponuntur, generalia sunt, ea ad speciem revocentur, quoties species certas et distinctas suis nominibus notare volumus, ut res intelligatur: ad quam nos necessitatem in omnibus artibus ac disciplinis cum docendi commoditas, tum verborum inopia adigere consuevit: declaratur id in usu iuris verbo adoptionis, cognationis, actionis, et aliis saccentis. *L. 1. sup. de adopt. L. non facile, §. 1. L. Iuriconsultus, §. 1. sup. de grad. et aff. L. pecunie, §. actionis, inf. de verb. signif. §. alio, Inst. quib. mod. test. inf.* Aliis verbis, eadem sententia dixit Iustinianus quasdam stipulationes continere res, quasdam facta. *§. ult. Inst. eod.* res intelligens eas, quæ in aliquem conferuntur. Atque ut hoc sensu nihil in his divisionibus redundat; sic nec plures sunt species stipulationum, si ea spectentur, quæ solent in stipulationem deduci: ut probe nec illis divisionibus quidquam desit. Sunt quidem stipulationes quædam in non faciendo, de quibus agit in hæc *L. §. ult. et LL. sequentiõs*, sed nihilominus et hæc a Paulo dicuntur in facto esse *d. §. ultim. eod. L. at Iustinianus in d. §. ult. Inst. eod.* factis subiecit, si stipulemur fieri aliquid, vel non fieri. Et recta. Nam hoc ipsum una agere, non prohibere agentem, dolum non admittere, et generaliter non facere, facere est, quoniam in his omnibus et similibus qui non facit, sibi imperat, et se continet, non faciat. † Sunt et quædam stipulationes, quæ dicuntur mixtæ, partim in dando, partim in faciendo. *L. veteris, C. de cont. stip.* Sed non ita dicuntur mixtæ, ut efficiatur tertium genus, quod neque sit in dando solum, neque solum in faciendo, sed quiddam tertium duobus

bus conflatum, et permittitur: verum ideo, quia una conceptione verborum deducatur in stipulationem simul res, et facta, idest, ut quid detur, et ut quid fiat: ceterum res, quæ dari debent, distinguuntur a factis, et facta a rebus, de quibus singulis etiam idem ina est, quod futurum esset, si diversis stipulationibus promissa esset: ut perinde sit, quasi in ratione iuris duæ sint stipulationes, una dandi, altera faciendi: ut puta, qui promittit se rationes redditurum, duo promittit, et se inspicendum rationum; ac subducendum potestatem facturum, et præterea reliqua se soluturum: ut quemadmodum duæ res distinctæ hic promittuntur, sic quodammodo vi ipsa duas stipulationes esse dixeris. Non enim hic confunditur exhibitio rationis cum reliquorum præstatione; neque solutio cum exhibitio: sed per se utrumque separatim præstandum est. Ex quo intelligitur et in his stipulationibus vere dici, etiam has ipsas aut in dando consistere, aut separatim in faciendo, quod hoc loco intelligi ad institutum Pauli, et ad ius istarum partium explicandum est satis.

Et harum omnium quædam partium præstationem recipiunt, veluti cum decem dari stipulamur.) Locus postulat, ut explicetur, quæ dicantur recipere partis præstationem: tum quæ sint stipulationes huius generis, posteaquam Paulus rem solum exemplo declaravit: deinde in hac partium præstatione quam partem, et qualem divisionem intelligamus: postremo quoniam istæ dicantur recipere partis præstationem, quo sensu dicantur recipere, utrum volente creditore, an etiam invito. † Et dicuntur hoc loco stipulationes recipere partis præstationem; quæ natura pariter, et iure recipiunt: natura, ut in his eæ res sint, quarum pars natura intelligatur, et possit præstari: iure, ut hæ ipsæ sic promittantur, ut nihil obstat obligationis conditio, quominus parte rei promissæ præstita debitor liberetur, ac reliqua tantum pars obligationi super sit, ut significat Ulpianus in *L. 9. §. ult. infra de sol.* Idque ipsum hoc ipso in loco ex hominis generaliter promissi exemplo satis intelligitur: hominem constat natura recipere partis dationem: atqui stipulatio hominis generaliter promissi, de quo hic Paulus, non recipit; eximit enim eam ab hoc genere primo, cum negat parte hominis soluta debitorem pro ea parte liberari, quia obstat ius et conditio obligatio. † Sunt autem huius generis, quod secundo loco spectandum est, non certæ tantum quantitatis stipulationes, quo exemplo Paulus nititur, sed stipulationes omnes dandi, exceptis quatuor, de quibus proximo versu dicemus: nampe reci-

piunt partis præstationem tum certæ quantitatis, tum certi cuiuslibet corporis stipulatio *d. L. 9. §. ult. inf. de solut.* sed et stipulatio plurium generum, idest, plurium rerum sub appellatione generis promissarum, ut cum promittuntur decem boves. *L. in stipulationibus. 54. infr. eod.* quippe insunt in his omnibus res corporales, quæ ut tangi, sic et natura dividi possunt. Nec vero obstat quidquam stipulationis conditio, quominus pars earum rerum recte solvatur; non enim periculum est, ne si partem præstando promissor liberetur, aliis partibus postea separatim solutis, non consequatur stipulatus est; de qua ratione in contrariis generibus postea dicemus. Eodem numero habentur et rerum incorporalium stipulationes, cum iura stipulamur, si modo ea sint, quæ pertineant ad res corporales percipiendas, ut usufructus, actiones certæ pecuniæ, hæreditas, et similes, da quibus dicitur in *§. seq. †* Sed et hæ stipulationes pariter divisionem, et partis præstationem recipiunt: non tamen eadem in omnibus dividendis partium ratio servatur, quod tertio loco quærebamus. Quædam res dividuntur numero, quædam corpore; numero omnis animosa, et res omnes, quæ pondere, numero, aut mensura constant: similiter et genera plurima. Decem promissa sunt: non singula corpora numerorum dividuntur, sed divisio est in quina, et quinque solutis ab uno ex heredibus is in ea quinque in totum liberatur. *L. cum Stichus. 29. in fin. infr. de solut.* Idem est et cum plures res quarum singulæ per se certam speciem constituunt, infinite seu generaliter promittuntur, ut decem homines, decem boves. *d. L. in stipulationibus infr. eod.* Corpore divisio fit, cum aut corpus unum aliquod certum promittitur, aut plura quidem, sed quæ certa specie continentur, nec in suo genere functionem recipiunt, ut, si Stichus promittatur, aut Stichus et Pamphilus. In quibus ideo corpore fieri divisionem dicimus, quod singula corpora, etsi plura promissa sint, dividuntur inter heredes pro portionibus hereditariis. *d. L. cum Stichus, §. ult. de solut.* vide plura ad *L. in stipulationibus infr.* Partes autem corporum, non divisas intelligere debemus; sed indivisas, idest, quæ, quamvis corpore integro rei memento, intelligantur tamen; unde constare dicantur intellectu magis, quam corpore *L. 5. infr. de stip. serv. L. marcius, §. duorum, sup. de legat. 2.* eæ sunt, quæ inter socios habentur in rebus communibus, quarum affectus in percipiendis pro parte commodis, et sustinendis pro parte incommodis cerbitur, da quibus nihil planius aut verius dici potest, quam quod scriptum est hoc loco a Franc. Du-

11 *renō. †* Quod reliquum est, quod dicitur has stipulationes partium præstationem recipere, bene monent vulgo sic accipi debere, si creditor partem oblatam admitat, non si recuset. Nam præter quam quod iuquum est cogere creditorem in solutione quidquam admittere, quod ei damnosum sit; *L. Paulus. 9. infr. de solut.* quale est cum particulatim illi solvitur: *L. 5. supr. fam. ercisc.* etiam verbum præstationis, quo Paulus hic utitur, id satis significat. Non enim fit præstatio natura, nisi volenti. Invito quidem pars offerri potest: at præstari invito per rerum naturam non potest; non est enim præstatio sine accipiente uti nec donatio, de qua isto ipso modo scribit Cic. in Topic. *Scio a nonnullis contra disputari, eoque postulabat hæc questio longiore orationem.* Sed si quis etiam nostra de eadem re desiderat, expositus est a me hic locus pluribus ad *L. quidam supr. si cert. pet.* ut eo loco, in quo velut ex professo de ea questione agi videbatur; non necesse est eadem hoc loco inculcari, fortasse alienius.

Quædam non recipiunt.) Quæ stipulationes dandi partium præstationem non recipiant, 12 docet. † Earum facit duo genera, ut et revera sunt duo. Quædam natura tales sunt, quædam stipulationis lege et conditione. Natura eæ, quæ sunt earum rerum, quæ res sua natura dividi non possunt. *L. stipulationes non dividuntur. 72. infr.* huius generis res sunt, servitutes omnes prædiorum tam urbanorum, quam rusticorum; de rusticis hic scriptum est exempli loco; de quibus idem in *L. vie, supr. de servit.* de omnibus servitutibus prædiorum idem definitum est in *d. L. stipulationes non dividuntur.* Ex servitutibus personalibus etiam usus est indivisus. *L. usus pars, supr. de usu et hab.* usufructus divisionem recipit, potestque constitui non pro parte rei tantum divisus; sed etiam indivisus. *L. 1. §. si usufructus, supr. ad L. falc. L. 5. supr. de usufr.* Nam quod in *L. stipulationes non dividuntur*, generaliter dicitur servitutes non recipere divisionem, constat eo sensu dictum esse, quo servitutes prædiorum per excellentiam absolute servitutes dicuntur, ut in *L. 4. et pene toto tit. supr. de servit. et §. ult. Inst. de usu, et hab. †* Non est autem mirum, si inter stipulationes dandi, de quibus hic agit Paulus, refert stipulationes servitutum. Nam et servitutes res sunt, quæ suo quodam modo et tradi possunt, et traditæ dari, id est, in accipientem transferri intelliguntur. *L. quoties, 2. sup. de servit. L. si unus, supr. de ser. rust. præd. L. 3. supr. de usufruct. †* Sed cur cæteræ servitutes indivisæ, usufructus divinus est, cum pariter omnes sint

Tom. XI.

incorporales, nec quidquam sit in his, quod natura possit dividi? Quia istæ res non ex eo, quod sunt natura (secundum quam nihil sunt, intelliguntur tantum) sed ex eo, quod ex his iure percipimus, æstimantur. Omnes servitutes in usu sunt, nempe in eo, ut alieno utamur, aut dominio suo arbitrio utentem prohibeamus. Sed quædam hoc in usu terminantur; quædam progrediuntur longius, et huc spectant, ut utendo etiam fruamur, id est, fructum, rem per se corporalem et dividuam, acquiramus. Quæ usu et facto terminantur, qualis est via, iter, aquæductus, et cæteræ prædiorum servitutes, dividi non possunt, quia usus earum, ex quo æstimantur, est indivisus. *L. vie, supr. de ser.* nam nec quandin imus, sic itionem et gradum temperare, aut suspendere possumus, ut partim ire, partim non ire videamur. Si imus, sine exceptione imus: si non imus, in totum verum est nos non ire. Postquam autem ivimus, egimus, nihil inde relinquitur; nam et factum abit, nec ulla res inde acquiritur, quæ sub sensum cadat, et possit dividi. Eadem ratio est usus, qui est servitus; nam et hic in sola rei tractatione, et necessario usu positus est, post quem nihil est, quod usuario ad compendium relinquantur. *L. plenum, §. 1. sup. de usu, et hab.* Quod si qua servitus posita sit in fruendo, id est, sic in utendo, ut tamen ad compendium uti liceat, id est, fructus inde pro arbitrio percipere: uti res sunt, quæ inde percipiuntur, ita existimatur esse servitus, fructus dividi possunt: proinde et ius fructuum percipiendorum; ac talis est usufructus. Iude divinus, qui et ab eo constitui possit, qui cum alio fundum communem habet. † Quo exemplo recte cum Egu. Barone definiamus, omnes res incorporales esse dividas, quæ pertinent ad percipiendum et consequendum id, quod natura dividi possit: quales sunt actiones, quibus pecuniam, aut speciem aliquam petimus; item hereditas. Ideo actiones dividuntur inter heredes. *L. ea quæ, C. fa. erc. dividitur et hereditas L. quoties, 9. §. hered. supr. de her. Inst. †* Lege ipsa et conditione stipulationis, quæ stipulationes divisionem, seu partis præstationem non recipiant, docet Paulus in illis verbis: *Quædam partis quidem dationem natura sui recipiunt; et deinceps.* Eæ sunt autem, si de omnibus una definitione dicendum est, quibus ita res una aliqua, quamvis corporalis et natura dividua deducta est in stipulatum, ut potestate stipulationis electio promissori tribuatur, ex pluribus utrum hanc, an illam præstet; sic tamen, ut unam saltem præstare debeat. † Quod 17 ac-

accidit in tribus generibus stipulationum: in stipulatione generis, sive ea qua hominem, lancem, aut res similes generaliter stipulor: in stipulatione plurium rerum certarum sub distinctione promissarum; ut Stichum aut Pamphilum dabis? tum in stipulatione sortis, et pœnæ, quarum de duabus prioribus hic agitur, de tertia in *L. 5. §. ult. infr. eod.* Ac cur non recipiunt hæc stipulationes divisionem prohibente conditione obligationis, hæc ratio est, quæ in stipulatione generis hoc loco exposita, ad omnes superiores species, quarum eadem natura est, transferri debet: quod si parte unius rei soluta, debitor pro ea parte liberetur, stipulationi satis non fit: idest, ut ipse alibi interpretatur, non consequitur stipulator, quod stipulatus est. *L. in executione, §. pro parte, infr. eod.* Et cur non consequatur etiam ibidem scribit: *quoniam isto modo, inquit, in diversis rebus partes solverentur.* At cur solverentur, inquam? deinde cur his ita solutis non consequatur stipulator, quod stipulatus est, seu quod conditione obligationis præstari debuit? Et prius quidem efficitur electionis iure, quam stipulatio in his generibus tribuit. Nam si promissori pars soluta, pro ea parte liberatio contingit, eveniet, ut possit et alterius rei partem præstando liberari, qui ex stipulatione non partem certæ rei, et eius cuius partem iam solvit, debuit, sed partem hominis in genere, aut partem Stichi, aut Pamphili, utrum maluerit. Ita fiet, ut liberetur, non nam rem præstando, sed duarum diversarum rerum partes. Atque hinc consequens illud, quod proposuit, non satisfieri stipulationi, seu non consequi stipulatorem, quod stipulatus est. Quippe rem unam aliquam, puta hominem vel Stichum, vel Pamphilum stipulatus est, et quemcumque eligit debitor, nam certe ex conditione et lege stipulationis præstare debuit: duorum autem hominum partes, unum hominem non efficiunt, sicut nec duarum aliorum rerum partes, rem unam. Ex quibus efficitur, eum, qui ista ita debuit, conditione stipulationis impediri, quominus unius rei parte soluta ante liberetur, quam reliquis eiusdem rei partes solverit. † Quid igitur hominis parte soluta interim fiet? nempe hæc sunt consequentia; quod ad stipulatorem attinet, potest ille adhuc totum hominem petere, id enim futurum erat, si nihil omnino ei solutum esset, quod et nunc contingit, quæ illatio est apud Ulpianum in *L. 9. §. ult. in fin. infra, de solut.* Quod autem attinet ad promissorem, potest is repetere eam partem, quam solvit: quod hic Paulus posuit. Nam si debitor pro ea parte liberatus non est, ea pars debita non fait: a-

liouei eius solutione liberatus esset, siquidem in solutione eius quod debetur, tollitur omnia obligatio. Tit. *quibus mo. tol. obl. in pr.* si pars indebita soluta est, locus aut indebiti conditioni. *L. 1. quod indebitum, sup. de cond. inde.* Non male etiam dicitur eam partem condici posse, tanquam ob causam datam causa non secuta. Pars enim ob eam causam data erat, ut autenus promissor liberaretur, quæ causa secuta non est. Sed addit Paulus de hac parte, quod cum prioribus non videatur satis coherere: ait enim hanc aut statim repeti posse: aut in pendenti esse, donec alius homo detur, † idest, interim eam 19 repeti non posse, sed repetitionem pendere in id tempus, donec alius detur. In quo iam non tam non coherencia, quam secum plane pugnancia loqui videtur. Nam si ea pars statim repeti potest, non pendet eius repetitio: si pendet, donec alius homo detur, non potest statim repeti. Et negari non potest esse hæc pugnancia, siquidem a Paulo dicerentur absolute; ac sine ulla conditione. Nunc autem dicitur utrumque sub conditione contraria. Quod enim ille scribit partem hanc in pendenti esse, donec alius detur, his verbis continetur hæc conditio, si alius non detur. Ex quo intelligi debet, quod prius dixerat eam partem statim repeti posse, id accipi debere dictum esse sub contraria conditione, si quidem alius homo detur. At hic etiam nobis occurrit: alterutrum enim necesse est, promissorem pro ea parte quam solvit, aut liberatum esse, aut non esse: Si liberatus est, pars soluta repeti non potest, neque statim, neque unquam postea; apparet enim debitam fuisse, si eius solutione debitor est liberatus, debita repeti non potest. Quod si promissor liberatus non est pro ea parte, ea statim repeti potest: quamvis alius homo non detur, apparet enim hoc modo istam indebitam esse. Et hæc omnia recte colliguntur, si constaret horum alterutrum, debitorem nimirum pro ea parte, aut liberatum esse, aut non esse. Sed utrumque apud nos incertum est, atque adeo utrum fiat, pendet ex naturæ eventu; eo etiam in pendenti est repetitio, de qua nihil nisi ex eo eventu statuere, aut affirmare possumus. Nam si promissor eisdem hominis alteram partem solvat postea, pro utraque parte liberatur: ita posterior solutio declarat priorem partem fuisse debitam. dict. *L. 9. in fin. infra, de solut.* contra si promissor priore voluntate mutata, aliam hominem solvat, apparet, ex eventu eum pro ea parte non esse liberatum: proinde et priorem partem indebitam fuisse ut declaratur in *L. si non sortem, §. si decem, supra, de cond. ind.*

ind. Recte igitur Paulus ait id pudenti esse repetitionem, si alioec alius detur, quod si statim detur, etiam partem aut solutam statim repeti posse.

Eiusdem conditionis est hæc stipulatio, Stichum aut Pamphilum dabis? Stichum parte soluta ex causa huius stipulationis, si promissor pro ea parte liberatur; electio rerum,

quam hæc stipulatio itidem ut superior tribuit, facit, ut idem incommodum in solutione metoamus, quod in illa stipulatione generis, ut supra ostendimus: faciet igitur et eoditio stipulationis eadem, ut promissor pro ea parte liberetur; ex quo et illa consequentia de ea parte, quæ supra diximus.

Ad §. Ex his igitur.

Ex his igitur stipulationibus, nec heredes quidem pro parte solvendo liberari possunt, quando non eandem rem omnes dederint: non enim ex persona hereditum conditio obligationis immutatur: ideo si divisionem res promissa non recipit, veluti via: heredes promissoris singuli insolidum tenentur. Sed quo casu unus ex heredibus solidum præstiterit, repetitionem habebit a coherede familiaris eriscundæ iudicio. Ex quo quidem accidere Pomponius ait, ut et stipulatoria, viæ, vel itineris heredes singuli insolidum habeant actionem. Sed quidam hoc casu extingui stipulationem putant: quia per singulos acquiri servitus non potest. Sed non facit inutilem stipulationem difficultas præstationis.

SUMMARIA.

1. Quatenus ex stipulatione generis et alternativa heredes agunt, vel conveniantur.
2. Generalem esse Pauli definitionem; ex persona hereditum conditionem obligationis non immutari, pariterque ad omnes obligationes, tam dividuas, quam individas, pertinere.
3. An in heredibus legatarii, cum alter partem suam acquirere, alter repudiare alter atque legatarius possit, obligationis conditio immutatur dicatur.
4. Quid in heredibus eius, cui humanitatis ratione beneficium tribuitur.
5. Ex stipulationibus, in quibus res promissa natura divisionem non recipit, promissoris heredes in solidum singuli tenentur.
6. Quomodo ab uno ex heredibus promissoris veliter solida servitus peti possit: et quis huius petitionis casus.
7. Quomodo in estimationem damni possit, qui servitutem debet.
8. Singuli heredes stipulatoris solidum servitutem petunt: et qua huius iuris ratio.
9. Ius diversum in promissoris et stipulatoris heredibus circa estimationem servitutis præstandum, et auferendum.
10. Illustratio §. An ea, in L. heredes, supra, Fam. etc.
11. Sensus verborum Pauli: Non facit inutilem stipulationem difficultas præstationis.

PREÆfatus Paulus, quæ stipulationes dandi divisionem non recipiant, ingreditur questionem de heredibus, quam illi dixi proposuit, et propositam esse ex hoc loco apparet. † Sic ergo definit; si ex his stipulationibus etiam proximis, quamvis natura rerum recipiant partis præstationem (stipulationem intelligit generis, et alteroativam; nam de stipulatione servitutis postea separatim subicit: et præterea non casit id servitutem, ut pars eius solvi possit, quam tamen solutionem partis hic statuit) ex his, inquam, si promissor ipse partem rei solvendo pro ea

Tom. XI.

parte non liberatur; ne heredes quidem promissoris pro parte solvendo liberari possunt prius, quam omnes eandem rem præstiterint. Obstat huius sententiæ lex duodecim tabularum, qua lege obligationes et actiones hereditariæ dividuntur inter heredes pro portionibus hereditariis. *L. ea, qua, C. fam. etc. L. heredes, §. an ea, supra, cod.* Ideo huic obiectioni occurrit Paulus subiecta ratione: non enim, inquit, ex persona hereditum conditio obligationis immutatur; quod perinde valet, ac si diceret: dividitur quidem ex lege duodecim tabularum obligatio inter heredes.

des, sed ita, si promissor partem dando potuit pro ea parte liberari; quod si id promissor non potuit, ne heredes quidem eius poterunt; quoniam ex persona heredum non immutatur conditio obligationis. Sententia Pauli de stipulatione inter heredes non dividenda, quæ in promissore partis solutionem non recipit, certa est: in quam et alii loci iuris consentiunt. *d. L. heredes, §. an ea, supr. fam. etc.* De ratione, qua utitur, ambigi solet, num nam ita accipienda sit, ut ab illo
 2 concepta est. † Generaliter ille definit, ex persona heredum conditionem obligationis non immutari. At hoc in dividuis stipulationibus falsum videtur: veluti cum pecunia promissa est, vel certa species una, aut plures coniunctim, in quibus hæc conditio est obligationis, ut promissor in solidum teneatur; heredes solum pro portione hereditaria: quo modo quis non iudicat ex persona heredum, conditionem obligationis immutari? hoc vero dum negare non audent, non tantum vulgares interpretes plerique, sed etiam ex doctissimis nonnulli, admonent hic generalem regulam non tradi, sed de obligationibus tantum his, quæ in persona promissoris divisionem non recipiant, de quibus hoc loco Paulus agit, quasi ille ita scripisset: non enim in his generibus, de quibus agimus, id est, stipulatione generis, et alteroativa, et similibus ex persona heredum conditio obligationis immutatur: sentientes in aliis, in quibus defunctus pro parte solvendo liberari potuit, id est, dividuis, ex persona heredum conditionem earum immutari posse. Sed de iure at conditione heredum paulo post: ante, si placet, paucis et verbis superioris sententiæ, et genus argumentandi Pauli consideremus. Quam multa sunt in utroque suscipienda, quæ sint indigna, non dico Pauli, sed etiam quovis triviali scriptore, si superiorem interpretationem recipimus? Is ita definit: *non enim ex persona heredum conditio obligationis immutatur*: cur non addidit in his obligationibus? quia de his agebat, inquit: certe in superiore definitione agebat: at in ratione qua utitur, incertum, utrum idem sentiat, nisi nominatim addiderit: quia nihil vetet rationes propositione sua esse generales. Cur addidit in prior definitione, ex his igitur stipulationibus: in ratione, in qua maxime conducebat id explicari, prætermisit? sed hæc leviora. At quid de genere argumentandi dicemus? Ille ratione utitur ad probandum, quod de obligatione inter heredes non dividenda dixerat. Et quodnam tandem genus argumenti, et rationis hoc erit, si ut illi volunt, ita superiorem definitionem interpretamur? Nempe hoc: ideo in his obli-

gationibus heredes pro parte solvendo non liberantur, non magis, quam defunctus; quia in his non alia est conditio heredum, quam defuncti. Ridicula plane et inepta ratio, et ad id probandum, quod propositum est inutilis: non solum quæ generalis non sit, sed etiam quæ sit eadem cum propositione, et ea quæ inter notissima vitia argumentationum nominetur petitio principii. Si hæc tantum rationem Paulus dedit in his obligationibus individuis non immutari ex persona heredum conditionem obligationis; hoc amplius queramus, quomobrem in his obligationibus non immutatur conditio obligationis ex heredum persona, potius quam in aliis individuis? cur cum heredes ubique heredes sint, et in eis ac locum defuncti succedant, in quibusdam eodem iure et conditione utentur, in aliis non utentur? Ita ratio erit, quam ipsa propositio incertior, citiusque, quam propositio, alia ratione debuit confirmari. Hoc ita est, si quid hanc rationem efficere volumus, generalem esse oportet, et ita statui, in omnibus obligationibus, qualescunque sint, ex persona heredum non immutari conditionem obligationis; sic deinde recte colligetur: ergo nec in his de quibus agitur, nec in eo, de quo queritur, id est, in partis solutione, ea conditio immutabitur, quæ apud defunctum fuerat. Sed cur dubitamus id statuere, cum ius at nomen heredis id a nobis exigant? Quia est enim heres? qui in locum et ius defuncti succedit; qui eius partibus fungitur; qui eodem iure per omnia utitur. *L. quedam, §. 1. supr. de eden. L. qui in ius, infr. de reg. iur. §. ult. Inst. de loc. et cond.* Denique qui eandem personam sustinet cum defuncto. *Novell. de iureiu. a mor. prest. §. 1.* Quid est autem heredum eundem locum, idem ius et partes, eandem personam esse: nisi hoc, quæ conditio iuris in persona defuncti fuerat, eandem esse omni ex parte, et in persona heredum? quod si eadem, an dubitamus pronunciaræ eam ex persona heredum non immutari? Non immutatur igitur nullo in genere obligationum ex persona heredum conditio obligationis: quod non solum hoc loco generaliter positum est a Paulo; sed etiam Ulpianus eadem servata generalitate sententiæ usurpavit in *L. prætorie, §. 1. infra, de præst. stip. nec profecto minus verum est, quam omnes verum esse fatentur illud, quod de successione in locum et ius defuncti diximus. Neque vero quidquam est ex iis, quæ vulgo contra afferri solent, cur hæc sententiam mutare debeamus, si quis singula paulo attentius expendet. In obligationibus certæ speciei et summx, inquit, promiss-*

sor in solidum tenetur, et ita tenetur, ut nec partem invito creditore possit solvere: heredes solum tenentur proportionem hereditaria. Hoc vero non est immutare conditionem obligationis ex persona heredum; sed maxime conservare: ideo enim et promissor tenetur in solidum, quia solidum debuit: heres pro parte, quia partem debet, pro qua scilicet est heres: hactenus igitur utriusque par conditio, quod uterque præstat, quod debet, non amplius, contra quam rationem si ab uno ex heredibus exigatur solidum, eum pro parte tantum heres fuerit, immutatur potius conditio obligationis, quæ in persona defuncti fuerat, utpote a quo nihil amplius exigebatur, quam quod debuit. Demum tamen ex persona cuiusque heredis conditionem obligationis in eo immutari, quod promissor solidum debuerit, singuli heredum partem duntaxat: nihil hoc adversus superiorem definitionem, qua non traditur conditionem obligationis non immutari ex persona cuiusque heredis, sed ex persona heredum: non est iniquum conditionem obligationis immutari ex persona unius heredis, ne unus ex multis tantum præstet, quantum defunctus, qui solus debitor fuit, imo vero ita factum oportuit, absurdum sit enim unum heredem teneri in solidum tantum heredem, qui solum heres sit pro parte: solum id cavendum est, ne immutetur conditio obligationis ex persona omnium heredum, hi enim demum coniuncti in solidum defuncti personam sustinent, omniumque in eo numerus pro singulari persona habetur, ut est in *L. cui fundus, in fin. de cond. et demonst.* Proinde si omnibus his solventibus consequitur stipulator, quod stipulatus est, tum obligationi satisfit, servaturque conditio obligationis in persona heredum. Quod si omnibus partes solventibus non consequatur stipulator unum hominem, quem stipulatus est, quod fit cum partes a singulis solvantur in diversis hominibus: hic demum evenit, ut dicatur conditio obligationis immutari ex persona heredum; quia non singulorum heredum, sed omnium simul, seu universorum persona inspecta immutetur. Id vero est, quod fieri non posse dicimus, et in quo conditione obligationis ex persona heredum non posse immutari hæc definitio significat: quo nihil verius, pariterque ad omnes obligationes tam dividas, quam individas pertinet. Reliqua sunt expedito facillima, quæ contra dici solent. † Legatarius pro parte acquirere, pro parte repudiare legatum non potest: heredes eius possunt, ut alter partem suam acquirat, alter repudiet. *L. legatarius, 37. supra, de leg. 1.* nihil hoc ad definitio-

nem, quæ conditionem obligationis immutari vetat; cum in specie legati proposita ea conditio non immutetur, immutatur quidem petitionis conditio ex persona heredum legatarii, eiusdemque creditoris; sed manente semper eadem conditione obligationis adversus debitorem, quæ futura esset, si legatarius adhuc viveret. Immutaretur ex istorum persona obligationis conditio, si aut ipsis universis constitueretur minor obligatio legati, quam finisset in persona defuncti, aut ex ipsorum persona augetur obligatio debitoris, ut plus his deberet, quam legatario. Nunc autem nihil horum in proposito accidit. Sive enim universi legatarii heredes legatum pariter repudient, aut agnoscant, eadem semper obligatio manet debitoris, quæ prius fuerat, non enim aliter tenetur heres, quam si legatarius vivus legatum itidem solidum repudiaret, aut agnosceret: sive unus ex heredibus legatarii legatum acquirat, alius repudiet, non ideo augetur debitoris obligatio, sed minuitur potius, sed nec minuitur ius obligationis heredibus legatarii invitis, quorum omnium in potestate fuit legatum agnoscere, quin volentes ius suum recte remittant, nulla dubitatio est, sed hoc ad minuendam eorum obligationem, aut augendam obligationem debitoris nihil pertinet. Etsi igitur mutatur hic forma acquirendi aut repudiandi legati ex persona heredum: non ideo tamen illo modo concedendum est immutari conditionem obligationis legati vel legatarii heredibus, quibus tantundem debetur, quantum legatario si viveret; vel debitori, qui non ideo quidquam amplius dehere incipit. Cur ergo in persona legatarii non scinditur legati petitio: ex persona heredum scinditur, si quis roget, dicendum est id fieri non ex conditione obligationis, quæ in legatario alia sit, et alia in eius heredibus, sed ex incostantia legatarii, quam in re sibi delata partim agnoscenda, partim repudianda adversus iudicium defuncti leges non ferunt: hæc in legatario est, cui solidum legatum relictum est si pro parte id agnoscat, pro parte repudiet, cum possit aut totum acquirere, aut totum repudiare. Ea in heredibus legatarii nulla est, si quanta pars singulis delata est, tantam singuli aut agnoscant in totum, aut in totum repudient: quamvis quibusdam partem suam agnoscentibus, alii suam repudient. Neque enim est in potestate cuiusquam eorum efficere, ut cum ipse suam agnoverit, alius item suam agnoscat, aut contra. † Illud palam est superiori definitioni & non adversari, quod quæ beneficia personalia tribuntur promissori, omniique debitori ea non tribuantur eius heredibus; veluti ne

maritus in repetitione dotis damnetur, nisi in id quod facere potest. *L. maritum, supra, sol. matr.* Sunt enim hæc beneficia personæ, non obligationis, sic enim tribuuntur, ut debitor humanitatis aut pietatis ratione his uti possit: cæterum iure nihilominus solidum debeat. *L. quia tale, sup. sol. mat. L. unica, §. cum autem, C. de rei ux. act.* Quo fit, ut si ab heredibus solidum exigatur, dici possit personarum beneficium una cum earum qualitate et ratione mutatum esse; non etiam mutata conditio obligationis, quæ et in promissore fuerit eadem, si nihil amplius in eo spectaretur, quam ius ipsum obligationis. Tenemus igitur vere hoc definiti in omni genere obligationum, nunquam ex persona heredum conditionem obligationis immutari.

Et ideo si divisionem) Ut in obligatione generis et alternativa promissoris heredes ex lege quidem duodecim tabularum non nisi pro parte tenerentur, hanc tamen solvendo non prius liberantur, quam si omnes eandem rem solverint, idque consequens est superiori definitioni, quia nec promissor ipse pro parte solvendo aliter liberari posset: sic § in iis stipulationibus, in quibus res promissa natra divisionem non recipit, veluti via, et illud eidem definitioni consequens est, non iam heredes pro parte solvendo statim liberari posse, sed ne partem quidem viæ posse præstare, ut quæ divisionem non recipiat, eoque etiam singulos eo nomine in solidum teneri: scilicet quia et promissor, solidam servitutem debuit, et ita debuit, ut nec partem præstare posset, si vellet: nec vero ex persona heredum conditio obligationis immutatur: quæ Pomponii sententia est relata in *L. viæ, supra, de servit.* † Ergo stipulator viæ a singulis promissoris heredibus, quibus libebit, solidam viam petere potest. Imo stipulatio corrupta est, dixerit aliquis, quia deducta sit in eum casum, a quo incipere non potuit. Sed hoc non placuit, cum aut stipulator viæ, aut promissor decessit relictis pluribus heredibus: quamobrem, dicitur suo loco, *L. pluribus, §. 1. infr. eod.* Sed et alia ratione, dicat quispiam, quamvis stipulatione manente inutili; petitio sit servitutis ab uno ex heredibus, frustra enim ab eo petatur, si eam præstare non potest: constat autem hunc ex pluribus dominis servitutem, etiam si velit, fundo communi imponere non posse. *L. si quis duas, §. 1. supra, commu. præd.* Sed non ideo petitio inutilis. Primum hæc ad hoc proderit, ut excitatus heres conveniat cæteros coheredes suos, quo consentiant de servitute im-

nenda, quod si faciant, recte simul servitutem cedent. *L. per fundum, sup. de serv. rust. præ. L. ult. sup. com. præ.* ad eos autem interpellandos si heres conventus spatium petet, impetrare debet. *L. fideicommissa, 11. §. si in opere, sup. de leg. 3.* Quod si heres is, a quo servitus petitur, aut coheredes non interpellat, aut interpellati servitutem non cedant; sine dubio solus, qui convenitur, servitutem imponere non poterit, frustra quoque damnetur, ut eam cedat, sed æstimationem servitutis potest præstare: in hanc vero condemnabitur, ut significatur in *L. heredes, §. contra, sup. fa. erc.* significat et hoc loco Paulus, cum ait fore, ut quo casu unus ex heredibus condemnatus solidum præstiterit, repetat a coheredibus iudicio familiæ eriscunda: solidum cum dicit, non intelligit solidam servitutem, neque enim imponere unus heres potuit, restat, ut æstimationem intelligat, quam singuli de suo possunt præstare. † 7 Sed quomodo in æstimationem damnari potest, qui servitutem debuit: non æstimationem? Qui rem aliquam certam debet, hanc ipsam præstabit, si potest: si non potest, neque per eum stat, quominus præstet, ita in eam non tenetur, ut nec teneatur in æstimationem. *L. in ratione, §. incertæ, sup. ad leg. fal.* De re non tenetur, qui hanc præstare non potest; impossibile enim nulla obligatio est. *L. impossibile, infr. de reg. iur.* Non tenetur in æstimationem: quia rem promisit, et debuit, non æstimationem. Dicendum est, cum per aliquos coheredes stat, quominus servitus cedatur, id factum cæteris nocere debere, quia obligatio a defuncto descendat, qui ex unius facto obligare potuit cæteros: ideo omnes quasi ex facto suo, aut defuncti in æstimationem eius rei, quam culpa sua non præstent, merito condemnari Arg. in *L. inter, §. quod ex facto, sup. fa. erc. de quo plura ad §. ult. inf. ead. L.* Sed quoniam iniquum est cæterorum coheredum facto unum onerari, ideo placet, quod unus præstiterit, id eum a coheredibus repetere posse, in eamque rem esse iudicii familiæ eriscunda: hoc potius, quam negotiorum gestorum, quia in necessitate obligationis hereditariæ coactus, non sua voluntate solverit. *L. heredes, §. si unus, sup. fa. erc. L. 6. §. 1. sup. com. divid.*

Ex quo quidem accidere Pomponius ait) Si promissore vi pluribus heredibus relictis defuncto singuli heredes in solidum viam debent; recte hinc effici putavit Pomponius, † si stipulator viæ decesserit pluribus relictis heredibus, etiam singulos eius heredes in so-

solidum habere actionem. *L. via, sup. de ser.* Utrobique eadem ratio est, atque adeo in heredibus stipulatoris maior. Promissor viae partem viae prestare non potuit: ideo heredes eius nec partem prestare possunt; quia in ius idem succedunt: proinde et stipulatoris heredes singuli solidam viam petent; quia stipulator ipse non nisi solidum petere, et consequi potuit, et heredes hic quoque in ius idem succedunt. Hactenus amborum par ratio: in eo etiam in stipulatoris heredibus maior: quod heredes promissoris servitutem aut æstimationem eius præstare faciunt deteriorem conditionem tum suam, tum cohæredum: heredes autem stipulatoris servitutem acquirendo faciunt conditionem et suam, et cohæredum meliorem: facilius autem recipitur, ut quis conditionem vel suam vel aliorum meliorem faciat, quam ut faciat deteriorem. *L. solvendo, sup. de neg. gest.* Sed hoc casu, inquit Paulus, quidam putant inutilem fieri stipulationem: hoc casu, idest, cum stipulator decessit relictis pluribus heredibus. Cur hoc casu dixit potius, quam cum promissor pluribus heredibus relictis decessit: cum constet nihilominus promissoris heredes pro parte imponere posse servitutem, quam heredes stipulatoris pro parte acquirere? † Quia promissoris heredes etsi servitutem ipsam singuli præstare non possunt, possunt tamen præstare æstimationem, et quidem in eam condemnantur, ut supra dixi, quia et possunt: ut hac ratione nunquam fiat stipulatio agentis inutilis. At heredes stipulatoris præter quam quod servitutem pro parte acquirere non possunt, nec æstimationem possunt auferre a promissore, cum per eum non stat, quominus præstet servitutem, sed per ipsos heredes stipulatoris. Servitutem enim promissor debuit, non æstimationem servitutis, quoties autem res debita dari non potest, nunquam debitor damnatur

in eius æstimationem, nisi per eum fiat, quominus illa præstetur. *L. in re furtiva, in prin. et §. 1. supra, de cond. furt.* † Quod enim dicitur in *L. heredes, §. an ea, supra, fam. erisc.* si non præstetur via heredibus stipulatoris, pro parte hereditaria condemnationem fieri oportere: sic accipiendum est, si per promissorem stet, quominus præstetur via non per heredes stipulatoris: quod fit, cum omnibus heredibus stipulatoris de servitute acquirenda consentientibus, tamen promissor servitutem non cedit. Quæ res plane inutilem stipulationem stipulatoris heredibus facere videtur. Sed non ita est: nam per singulos heredes acquiri servitus non potest: ac potest per omnes, si consentiant, et his eodem tempore cedatur servitus. *L. ult. sup. com. præd.* Sed rursum hic occurrebat: nam vel hoc ipso argumento dici debere videtur stipulationem hoc casu fieri inutilem, quia difficile est, ut omnes heredes consentiant de loco, cui servitutem acquiri velint, propter naturalem hominum facilitatem ad dissentiendum, qua ratione et improbatum compromissum, quo in duos tantum compromissum est. *L. item si unus, §. principaliter, sup. de recep.* † Hæc est illa obiectio tacita, ad quam diluendam illa verba Pauli, quæ sunt in extremo referri debent: *sed non facit, inquit, inutilem stipulationem difficultas præstationis*: hoc enim eam significationem habet, quasi diceret: non potest per unum ex stipulatoris heredibus via acquiri, nisi cæteri omnes consentiant; ac consentire omnes difficile est: sed difficile tantum, non etiam tale quod natura fieri non possit. Porro sic ius est, nunquam difficultatem præstationis inutilem facere stipulationem: sed hanc ita demum esse inutilem, si per rerum naturam præstari non possit, quod promissum est. *L. continuus, §. illud; infr. eod.*



Ad §. Si tamen hominem.

Si tamen hominem stipulatus, cum uno ex heredibus promissoris egero: pars dumtaxat cæterorum obligationi supererit, ut et solvi potest. Idemque est, si uni ex heredibus acceptilatum sit. Idemque est in ipso promissore, et fideiussoribus eius, quod diximus in heredibus.

S U M M A R I A.

1. Speciem huius §. de homine incerto, non certo, accipiendam quatuor rationibus ostendit.
2. Quomodo accipiendum; Ex promissione generis aut alternativa unum ex heredibus pro parte solvendo non liberari.
3. Homine generaliter promisso, si uni ex heredibus promissoris pro portione hereditaria acceptilatum sit, ei pro parte sua contingit liberatio.
4. Cur aliud in partis solutione, quam acceptilatione.
5. Quid iuris in pacto, transactione, iudicis absolutione.
6. Pauli responsum de eius, qui generaliter hominem promisit, herede, cum quo actum est, pro parte liberato, tam ad eum, qui sententia iudicis condemnatus solvit, quam qui absolutus est, referendum.
7. Cur, qui ex stipulatione hominis generaliter promissi partem sponte solvit non condemnatus, non liberetur: is autem qui condemnatus solvit, liberetur.
8. Explicatur regula: Nemo conditionem suam deterioriorem facit litem contestando.
9. Eadem ratio fideiussorem promissoris, quæ heredum.

- 1 **H**IS verbis, † si tamen hominem stipulatus, quin de eo sentiat, qui non certum hominem veluti Stichum, sed hominem in genere stipulatus sit, dubitari non debet: non solum quia verbo hominis homo in genere intelligatur, aut quia in certo homine promisso rem diceret minime dubiam, si diceret uno ex heredibus promissoris certi hominis pro parte liberato, cæteras partes a coheredibus deberi, aut quia etiam rem diceret a proposito alienam, ut qui de his stipulationibus agat, quæ divisionem non recipiant: sed multo magis quia ex adversativa, tamen, appareat eum exceptione corrigere, aut certe interpretari velle aliquid eorum, quæ prius in homine promisso circa promissoris heredes dixerat. De homine autem generaliter promisso prius dixit, quatenus in eo promissoris heredes teneantur: de certo homine promisso nihil. Non est igitur dubitandum, quin hæc sive exceptio, sive cautio ad generis obligationem, et similes referatur. Quid autem in iis, quæ de hoc genere prius dixerat, cavendum moneat, vide.
- 2 † Ex promissione generis, aut alternativa dixerat unum ex heredibus pro parte statim liberari non posse, sed adiecerat pro parte solvendo. Id ne quis sic interpretare-

tur, quasi ex huiusmodi obligationibus unus ex heredibus nullo modo statim pro parte liberari posset, cum cæteri coheredes eandem rem non præstitissent: docet hoc loco Paulus superius illud tunc solum verum esse, cum unus ex heredibus partem solvit, postulatque ea partis præstatione liberari; et præterea cum eam solvit non condemnatus, sed sua sponte ante, quam cum eo actum esset. Quod si aut alio modo liberatio quaratur, quam partis præstatione, de qua locutus erat, aut partem quidem solvat unus heres, sed tunc cum prius cum illo actum esset, et condemnatus id faceret; declarat his omnibus modis occidere, ut heres statim pro parte hereditaria liberetur. † Et ut ab iis, quæ hoc loco notiora sunt, et de quibus inter omnes convenit, ordiamur: ait, si uni ex heredibus acceptilatum sit quod pro portione hereditaria in homine generaliter promisso is debet partem dumtaxat cæterorum obligationi superesse: significans hunc plane et statim pro sua parte esse liberatum: hoc quidem satis expeditam rationem habet. Et si enim acceptilatio pro verâ solutione est; ut quæ dicatur imaginaria solutio: §. item per acceptilationem, Inst. quib. mod. toll. ob. tamen non idem periculum in ea metui-

mus,

4 mus, quod in vera solutione. † Pars hominis cum uno solvitur, si pro ea parte liberetur heres, licebit coheredibus aliorum hominum partes solvere: quod obligatio non concedit. *L. in executione, §. pro parte, infr.* Id in acceptilatione partis metui non potest: non est enim periculum, ne alii coheredes alterius hominis partem solvant, ubi nullius hominis pars soluta est. Eo fit ut in acceptilatione remoto eo periculo, quod prius obstabat, nihil iam sit liberationi impedimento. † Ergo idem dicemus, etsi stipulator cum uno ex heredibus promissoris de parte hominis pactus erit, ne eam peteret: ut enim ex acceptilatione nihil solvitur; sic nec ex pacto: et ut illa liberetur iure Civili: sic pacto iure prætorio. *L. 8. §. ignorantes, supr. mand. L. 5. C. de pact. Ergo* etsi cum uno ex heredibus de parte transactum erit, idem dicemus: transactio enim fit pacto, aut acceptilatione. *L. 2. supr. de trans.* Quibus exemplis etiam eo rem deduci necesse est, ut si stipulator hominis, cum uno ex heredibus promissoris egerit, et is heres fuerit absolutus, continuo pro ea parte liberetur: ut enim pacto liberatur quis; sic liberatur iudicis absolutione: ex pacto est exceptio pacti: ex sententia exceptio rei iudicata, utraque ad liberandum reum comparata. *§. præterea, §. item si in iudicio, Inst. de exception.* Hoc postremum continetur verbis Pauli, quæ sunt in princ. huius, *§. si ego*, inquit, *hominem stipulatus, cum uno ex heredibus promissoris egero, pars duntaxat cæterorum obligationi supererit.* Ait egero, neque addidit, et succubero: sed cum generaliter dicat, si egero, et hoc comprehendatur verbis, si egero ita, ut reus heres aut condemnatur, aut absolvatur (horum enim alterutrum in pronunciatione fieri necesse est. *L. 1. supr. de re iud.*) perspicuum est illis verbis saltem
6 absolutionem heredis contineri. † Hactenus ea dixi, quæ cordatorum omnium sententiis recepta sunt, utpote et verbis, et rectæ rationi consentanea: neque ulla esset controversia, si Paulus ita scripsisset, si cum uno ex heredibus promissoris egero, et succubero. Nunc cum dixerit tantum, si cum uno egero, et hoc solo, quod egero, velit partem duntaxat cæterorum obligationi superesse; verba dubitationem attulerunt, an in superiore tantum specie manere debeamus, an ut verba sunt, ita ea accipere, ut simulatque egero, idest, litem contestatus ero cum uno ex heredibus (id enim agere significat. *L. amplius, infr. rem rat. hab.*) continuo reliquorum tantum pars obligationi supersit, ut cuiusque rei partes illi solvant postea, libe-

Tom. XI.

ratio totius obligationis contingat. Si prius dicimus, contra verba facimus: neque enim agere significat ita agere, ut res ad sententiam perveniat, et eam sententiam, qua reus absolvatur. Si posterius, verendum est, ne falsa et absurda sententia statuatur: quomodo enim is, qui non solvit partem, neque absolutus est, pro parte liberetur? quod si non liberatur, quomodo defendi potest solam reliquorum partem obligationi superesse? Ex utraque re in idem incommodum incidimus; non sine causa igitur de huius loci sententia dubitatur. Dicam quod sentio. Ego Paulum assentior his verbis, *si egero*, non sentire de eo, qui solum litem sit contestatus, quia sit absurdum; solutione enim eius, quod debetur, non petitione quisque liberatur. *L. 4. §. si apud duos, supr. depos.* quod si non liberatur, plane absurdum sit dicere, reliquis tantum partes a coheredibus deberi. Neque hic mihi quisquam verba obiciat, quasi verbo, *egero*, litem contestatio contineatur. Etsi enim agere dicitur, qui litem contestatur, *d. L. amplius, infr. rem rat. hab.* tamen aliud est agere, aliud egisse. Agit, qui litem contestatur: egit, qui iudicium ad finem perduxit: ut vivere dicitur, qui nunc vitam agit; vixisse, qui vita functus est, idest, qui est mortuus: verbum autem egero, præteriti vim habet. Et hoc sensu passim sub titulo, de exceptione rei iudicate *supr.* dici legimus, si cum uno actum sit; si totum petiero, deinde partem petam, et similia. *L. si cum totum, L. si cum uno:* et alibi, in quibus sub præteriti significatione iudicium confectum intelligitur. Assentior et illud, si stipulator cum uno ex heredibus egerit, et eum condemnarit, si nondum partem ab eo acceperit, esse in eius potestate cum omnibus agere, ut eundem hominem præstent, ac uisi præstent, ne eum quidem, qui prius condemnatus erat liberari posse, si alterius hominis partem offerat, quam eius, quem reliqui prestare volunt: quia his dici possit ipsos unum hominem non solvere, quem tamen debuerunt. Neque verba etiam hic metum, quasi et hic qui obtinuit, maxime egisse videatur: ut qui non solum perfecte egerit, sed etiam egerit cum effectu. Nam in verbis Pauli cum manifestum sit correctionem quandam, vel exceptionem inesse eorum, quæ de hoc genere obligationis in persona heredum initio superioris *§. dixerat*; sententia eius manifesta est, exceptionem ad conceptionem regulæ, cuius exceptio est, esse attemperatam. Dixerat autem prius, si promissor hominis decesserit pluribus heredibus relictis, singulos heredes pro parte solvendo liberari non posse, verbis

nimirum conceptis de eo herede, qui partem solvit. Id nunc cum corrigat, apparet eum in eadem propositione manere, atque hoc dicere, heredes pro parte solvendo liberari non posse, hoc tamen ita, si sponte solverint, non iudicio condemnati: cæterum si cum uno prius egero, et is ex sententia solvat, aliud probandum est. Ita ex eius sententia hoc relinquitur, ne hunc quidem locum, ad eum heredem pertinere, cum quo actum est ita, ut etiam condemnaretur, neque tamen solvit. Sed si et condemnatus est, et ex sententia partem solvit, hunc negare verbis huius loci contineri nimis durum est, et est omnino eiusmodi, quod in considerato scriptore ferri nullo modo possit. Nam quod hæc verba, si quis petierit, si cum eo actum sit, et similia, sub titulo *de exceptio. rei iud.* de eo accipiuntur, qui egit, et succubuit; non est mirum. Id enim quæstio de exceptione rei iudicatæ illic proposita facit: quam certum est non competere, nisi adversus eum, qui sic egit, ut reus absolveretur: id autem in proposito dici non potest. Quid ergo, cum heres unus condemnatus verbis huius loci contineatur, neque præcedentia refragentur, an eum solventem pro parte statim liberari putamus? Ego vero puto, idque certo argumento effici arbitror. Si pars illius hominis amplius ab eo peti non potest, eum necesse est pro ea parte liberatum videri, ac cæterorum duntaxat partes superesse obligationi. Non potest autem pars hominis amplius de eo peti, obstante rei iudicatæ exceptione: quoties namque de re aliqua quis condemnatus est, si sententiæ satisfecit, iterum cum eo de eadem re agi non potest, et si agatur, iterata actio exceptione rei iudicatæ repellitur, ut est in *L. 4. C. dep.* Condemnatus hic est de parte hominis, non certi, sed incerti: hæc enim petebatur. §. *huius autem, Inst. de action.* ac de qua re cum aliquo actum est, de ea et illud condemnari oportet. *L. ult. C. de fid. lib.* Condemnatus partem hominis solvit. Igitur ut satisfecit rei iudicatæ; ita de eadem re amplius conveniri non potest, quantumvis eius coheredes alterius hominis partem solvant. Ex quo efficitur statim eum liberatum esse, nihilque amplius superesse in obligatione, quam cæterorum coheredum partes. † Cur ergo non condemnatus unus ex heredibus, si partem hominis solverit, pro ea parte nondum liberatur: condemnatus idem si faciat, liberatur; cum videatur iuriquam aut absurdum eum meliore conditione fieri condemnatione, quam ante condemnationem? Etsi hoc ita videri potest: tamen ratio differentię non

est adeo explicatu difficilis. Ante condemnationem unus ex heredibus promissoris partem hominis certi debet sub conditione, si et cæteri coheredes in eodem homine partes solvant: ideo ante, quam coheredes id fecerint, cuiusvis hominis partem solvendo, pro ea parte non liberatur: nam et promissor partem cuiusvis hominis ita debuit, si et eum hominem totum solveret. Mutatur condemnatione obligatio heredis, qui ante sub conditione debuit, is condemnatus pure partem debere incipit: petita enim ab eo pars hominis in genere, non si cæteri coheredes eiusdem hominis partes solverent, sed simpliciter pars hominis, ac qualis petitiō est, talem fieri condemnationem convenit. *d. L. ult. C. de fid. lib.* Quo fit, ut si partem hominis postea solvat, is sententia iudicis liberetur parta ei rei iudicatæ exceptio adversus eum qui iterum cum eo de eadem re agat, ut supra dixi. At enim eveniet isto modo, ut si cæteri coheredes alterius hominis partes solvant, in diversis hominibus partes solvantur, eoque non consequatur stipulator, quod stipulatus est. Eveniet fateor, etque iniquum statui adversus eum stipulatorem, per quem nihil factum est, quominus unum hominem ab omnibus heredibus consequi deberet: quod contingit in eo, qui a non condemnato accipit: non est iniquum adversus eum, qui adversus unum agendo efficit, ut is pure partem cuiusvis hominis deberet, itaque eam solvendo, omnino liberaretur. Nec est, quod quisquam dicat stipulatorem aliter ad ius suum pervenire non potuisse, quam partem petendo ab uno ex heredibus, fuit enim in eius potestate cum omnibus heredibus promissoris eodem tempore agere de uno homine præstando: quod quia aliter fecit nulla necessitate cogente, de se queri debet. † At etiam 8 dici solet, neminem conditionem suam deteriorem facere litem contestando, sed plerumque meliorem. *L. non solet, L. non enim, seq. inf. de reg. iur.* verissime dicitur, dum tamen intelligatur, quatenus quis de re aliqua litem contestatur, eatenus de ea re meliorem conditionem suam ipsum facere: cæterum neminem plus iudicio consequi posse, quam in iudicium deduxerit. Itaque stipulator si vellet nullum ex heredibus pro parte solvendo liberari, potuit adversus omnes agere unum hominem ab omnibus petendo: qua petitione sine dubio ius unius hominis consequendi sibi conservaret, melioremque eo pacto conditionem suam faceret: scilicet, quia ita agendo, necessitatem unius hominis solvendi in iudicium deduxisset. At si separatim adversus unum ex heredibus egerit, et partem homi-

minis ab eo petierit simpliciter, non potest dici hoc iudicio sibi eam necessitatem unius hominis solvendi conservare, qui eam ita agendo non modo in iudicium non deduxerit, sed etiam potius repudiari. In summa, unusquisque litem contestando, meliorem causam suam facit de eo, quod in iudicium deducit, non de eo, quod iudicio prætermittit, multoque minus de eo, quod eo iudicio repudiat. Quæ si vera sunt, recte initio §. constitimus duobus modis accidere in homine generaliter promisso, ut unus ex heredibus promissoris pro parte statim liberetur: uno, si quo alio modo liberetur, quam solutione: altero, si partem quidem solvat, sed id faciat aote condemnatus, ut partem hominis solveret: quod posterius, ut dixi, hac ratione defenditur, quia per sententiam eam partem heres pure debere coeperit: unde evenist, ut eam solvendo liberetur, obstante stipulatori rei iudicatis exceptione, si eam amplius petat.

Idemque est in ipso promissore, et fideius-

verbor. obligation.

soribus eius, quod diximus in heredibus) † 9 quod sic interpretandum est: in his obligationibus, de quibus agimus, ubi unus ex heredibus partem solvendo pro parte liberatur, ibi at fideiussor unus partem solvendo pro parte liberabitur: ubi autem pro parte non liberatur heres, ibi nec liberabitur unus ex fideiussoribus. Quippe hic omnia fideiussoribus cum heredibus similia. Ut heredes singuli pro parte hereditaria tenentur ex 12. tabulis, sic plures fideiussores pro virili portione ex epistola Hadriani Imperatoris, §. si plures, *Inst. de fideiuss.* et rursus ut heredes teneantur ex persona defuncti; sic fideiussores ex persona principalis rei, cuius obligationis sunt accessio. §. fideiussores, *Inst. de fid.* quæ res facit, ut quemadmodum ex persona heredum non immutatur conditio obligationis a defuncto descendente; sic nec ex persona fideiussorum immutetur conditio obligationis eius, quæ in reo principali primum constituit.

Ad . Item si in facto.

Item si in facto sit stipulatio, veluti si ita stipulatus fuero, *Per te non fieri, neque per heredem tuum, quo minus mihi ire agere liceat?* et unus ex pluribus heredibus prohibuerit: tenentur quidem et coheredes eius, sed familiariter excusandæ iudicio ab eo repetent quod præxiterint: hoc et Iulianus et Pomponius probant.

SUMMARIA.

1. Stipulationum faciendi duo genera.
2. Questiones huius stipulationis, eiusque summa.
3. Si unus ex heredibus promissoris, qui factum individuum promittit, contra quam cautum sit fecerit, in solidum stipulationem adversus omnes promissoris heredes committi: cuius iuris subicitur ratio.
4. Unius facti quomodo ceteri coheredes dicantur teneri.
5. An hoc casu adversus singulos in solidum, an vero pro portione tantum hereditaria stipulatio committatur.
6. Differunt res individua promissa, et factum individuum.
7. Diversi in re et facto iuris ratio.

Inc de stipulationibus faciendi, ut erat propositum, dicere incipit Paulus, quæ hic divisionem recipiant, quæ non recipiant; tum ex his, ubi, et quatenus promissoris heredes teneantur; ubi et quatenus agant heredes stipulatoris: eadem illa nimirum, quæ et in heredibus de stipulationibus dandi ante tractavit. Illud observandum est, non agere eum de omnibus faciendi stipulationibus. † Ex his quædam sunt, quæ proprie dicantur esse in faciendi veluti insulam edificari, fossam fodi, rem tradi spondere? quædam sunt

Tom. XI.

in non faciendi, ut initio capitis diximus, veluti per te non fieri, quominus mihi ire agere liceat, et similes, quæ hic deinceps proponuntur. Prius genus totum hic prætermisum est: de eo agitur in *L. stipulationes non dividuntur, inf.* de posteriore tractat hic Paulus, ac primum de stipulationibus iis, quibus factum individuum promittitur: qualis est hæc, de qua agit initio; *per te non fieri, quominus mihi ire agere liceat.* Factum individuum quid hic vocemus, explicatur in *L. 4. §. Cato, infra.* In hoc genere primum di-

dicat de promissoris heredibus; deinde de heredibus stipulatoris. † In heredibus promissoris, ut quid sit, quod de his hoc loco, et in reliquis hac disputatione; præcipue autem in §. *Cato*, statuitur, plane et dilucide intelligatur, tris quæri sciendum est, totidemque de rebus hic ius statui. Primum est, si forte unus ex heredibus promissoris contra quam cautum sit, fecerit, puta stipulatorem ire agere prohibuerit, utrum in solidum committatur stipulatio, an pro parte tantum. Secundum, si in solidum, utrum adversus omnes, an adversus eum duntaxat, qui contra fecit. Tertium, si adversus omnes, utrum adversus singulos in solidum, an vero pro portione tantum hereditaria. Summa disputationis hæc est, cum unus ex promissoris heredibus contra quam cautum est, fecit; si id factum individuum sit, quale est, quod hic initio proponitur, et stipulationem in solidum committit et committi adversus omnes, id est, eo facto omnes heredes teneri: sed non in solidum singulos, verum pro portione hereditaria duntaxat. Quid sit, contra quam cautum est, facere; quid sit stipulationem committi, quibus verbis *Cato* in huius rei definitione usus est, dicitur ad §. *Cato*, L. 4. *infra*, † Primum dicimus uno contra faciente, stipulationem in solidum stipulatori committi, ant ad penam, si pena promissa est, aut si non est promissa, in id quod interest, et §. *Cato*, L. *heredes*, §. *an ea*, *supra* fam. *ercisc.* Ne sit hoc mirum totam stipulationem hereditariam ab eo committi, qui solus non est heres, sed pro parte tantum. Non enim hic obligatio nascitur ex cuiusquam facto, qui postea contra stipulationem faciat, ne heredis quidem; sed nascitur ex promissione defuncti, qui promittendo neque per se fieri, neque per heredem suum, quo minus stipulatori ire agere liceat, simul solidam penam promittit, aut pena non adiecta intelligitur promittere, quod et quantum stipulatoris interest, sub conditione si stipulator ire agere, prohibetur. L. *si penam*, L. *stipulationes non dividuntur*, vers. *Celsus*; *infra* eod. Ita si conditio hæc existerit, necesse est, aut totam penam, aut totam quod stipulatoris interest, ex promissione defuncti deberi, id est ut nunc loquimur, totam stipulationem committi. Exsistit autem conditio, quisquis ex heredibus stipulatorem prohibeat, etsi sit unus ex innumeris, ut declaratur in §. *Cato*. Proinde et uno ex heredibus prohibente; solidam penam, solidum id quod interest, ut promissum erat ab eo, qui et se, et heredes suos obligare poterat, ita etiam ex illius promissione deberi necesse est. Dicimus unius

facto sic in solidum committi stipulationem, ut non is tenetur solum, qui contra, quam cautum erat, fecit; sed etiam ceteri coheredes: quod hoc loco expressum est, et dicit. L. 4. §. *Cato* item in L. *in executione*, §. *quod si stipulatus*, *infra* eod. L. *inter*, §. *quod ex facto*, *supra*, fam. *ercisc.* Id verò prima fronte videri potest admodum inique constitui. Pugnare enim videtur cum æquitate, et iis regulis iuris, quibus ex principis naturæ æquissime efficitur, ex alieno facto neminem teneri debere, qui ipse nihil fecerit; item, neminem posse alterius conditionem deteriore facere: L. *da pupillo*, §. *si plurium*, *supra* de oper. nov. *nunciatio*. L. *ult. supra*, de *Senatusconsulto Silian.* L. *solvendo supra* de *negotii gest.* L. *factum* L. *non debet*, *infra* de *regul. iur.* Ideo fuerunt etiam ex veteribus, qui hac ratione, ut credibile est, moti, existimarent unius facto ceteros non teneri, ut *Paulus* significat in dicta L. *in executione* §. *quod si stipulatus*, *infra*. † Sed cogitis his, quæ de obligatione ex promissione defuncti in hoc genere descendente diximus, licet intelligere, non solum quam recte statuat unius facto tamen omnes, et quod ait *Paulus* in dicto §. *quod si stipulatus*: veriore esse hanc sententiam sed etiam si nobis constare velimus, aliud statui non potuisse. Nempe enim solidam penam, vel id quod interest, defunctus promisit sub conditione: ita quodcumque, et cuiuscumque heredis facto conditio existerit; defuncti hæc obligatio, non eius, qui conditionem implevit, futura est. Qui porro obligatione a defuncto contracta teneantur, nisi hi qui non in stipulationem solum, sed etiam in omne ius a defuncto contractum succedunt, id est, heredes, iuris et omnium onerum successorum? L. 1. 2. *supra*, de *bon. poss.* L. *heres in omne*, *supra*, de *acquiren. her.* Succedunt autem omnes, ac non is tantum, qui contra stipulationem fecit: proinde heredes omnes eo nomine teneri necesse est: ex defuncti facto videlicet, non coheredis. Non obstat, quod a *Papilio* dicatur unius facto, sive propter unius factum ceteri teneri: dicta L. *in executione*, §. *quod si infra*, L. *inter*, §. *quod ex facto*, *supra*, fam. *ercisc.* Teneantur enim unius facto ceteri per consequentiam, quis in facto suo locum facit promissioni defuncti: at principaliter teneantur defuncti facto; atque a quo huius obligationis causa et origo nata est. Ideo enim obligantur unius facto, quia promissor eo facto omnes teneri voluit. Ita prima obligationis causa est in defuncti voluntate et facto. Ne quis igitur hic obiciat,

ciat, iniquum esse unius facto cæteros coheredes obligari; unius factum nocere cæteris. Si quid obligantur cæteri, obligantur, ut dixi, voluntate et facto defuncti, idest, eius, qui ius habuit eos obligandi: minime autem facto solius coheredis, qui quamvis millies aliquem per fundum ire agere prohiberet, nunquam tamen eo facto noceret cæteris, nisi prius defunctus eo facto illos teneri voluisset. Denique nemo unquam dixit, si quid promissum, aut legatum sit sub conditione, si Titius in Capitolium ascenderet, Titio Capitolium ascendente promissorem aut heredem a Titio obligari, aut ita Titii facto teneri, ut Titii factum his noceat: obligatur enim alter sua promissione, alter iudicio defuncti fundum hac conditione legantis, ut nollet prius debere, quam Titius Capitolium ascendisset. Quod si obligatio a defuncto non descendat, nunquam unius facto cæteri coheredes tenebuntur: et ideo in deposito cum depositarius decessit pluribus heredibus relictis, si unus in re deposita dolo quid faciat, placet eum teneri solum, non cæteros coheredes, *L. in depositi, et L. seq. supra, dep.* quoniam hic dolo non prius a defuncto admissus est, sed natus ab herede. † Sed cum omnes in hoc genere unius facto teneri dicamus, hoc ad extremum monemur teneri quidem universos in solidum, at unumquemque pro portione hereditaria: quod discrete positum est in *L.*

4. *J. Cato, infra, eod.* Atque hoc loco observanda est differentia inter rem individuum promissam, qualis est via; et factum individuum; quale est hoc, de quo nunc agimus. † Re individua promissa, non solum singuli heredes in eam rem in solidum tenentur, sed etiam, nisi rem præstent omnes, in solidam eius æstimationem, ut declarari diximus in §. *ex his, illic, sed quo casu, supr. ead. L.* At facto individuo promisso, singuli quidem ex heredibus promissoris stipulationi in totum parere debent: sed si unus contra fecerit, ut iam facti æstimatio sit præstanda, hæc non solida a singulis petitur, sed pro portione solum hereditaria; ut modo dixi. † Cur hæc tam varie? quia in rebus promissis nihil promittitur, nisi res, quæ in stipulationem deducitur; atqui ea solida præstanda fuit a singulis heredibus: quare si necessitas eo rem deducat, ut pro re æstimatio præstanda sit, non convenit aliam æstimationem singulos præstare, quam solidam, cum æstimatio succedat in locum rei, quam singuli solidam debuerunt. Cum autem factum promittitur, vi ipsa promittitur pecunia, idest, id quod interest, si factum non sit, quod promissum est, aut contra, quam cautum est, factum sit. Pecunia natura sua dividi potest: quo fit, ut in hoc genere toto, et stipulatio, et petitio pecuniæ inter heredes dividatur; hæc sententia est *L. stipulationes non dividuntur, vers. Celsus, infra eod.*

Ad §.



Ad . Contra ult. et L. 3.

Contra autem si stipulator decēsserit qui stipulatus eret sibi heredique suo agere licere: et unus ex heredibus eius prohibeatur: interesse dicemus utrum in solidum committatur stipulatio, an pro parte eius qui prohibitus est: Nam si pœna stipulationi adiecta sit: in solidum committetur: sed qui non sunt prohibiti: doli ineli exceptione summovebuntur. Si vero pœna nulla apposita sit: tunc pro parte eius tantum qui prohibitus est: committetur stipulatio.

S U M M A R I A.

1. Uno ex heredibus stipulatoris contra quam cautum erat ire agere prohibitum, ei soli, non ceteris utiliter competit actio.
2. Cur secus in heredibus promissoris, qui unius facto omnes tenentur.
3. Pœna stipulationi adiecta in solidum committitur, quomodo non omnium coheredum interit, unum prohibitum non fuisse.
4. Si uno prohibito pœna in solidum omnibus est commissa, quomodo eam, qui prohibiti non sunt petentes dicantur doli exceptione summovei.
5. Unde contrahentium voluntas de pœna his, qui prohibiti non sunt, non committenda, colligatur.

1 Dⁱversa causa est heredum stipulatoris.

Uno contra quam cautum erat ire agere prohibitum, solus is agit in id quod sua interest; ceteri eo facto petitionem non habent, quorum uilil interest. Et hoc citre controversiam, si pœna stipulationi subiecta non sit. Nam si pœna promissa erit, uno prohibito subtilitate quidem iuris res commutatur, vi autem ipse ex æquo et bono idem est utrobique rei exitus. Etenim uno prohibito: pœna ipso iure ex conditione stipulationis in solidum committitur: qua commissa, cum ea obligatio hereditaria sit, necesse est ei obligationem, et petitionem ad omnes heredes pertinere. Sed solus utiliter penam petet pro portione sua, qui prohibitus est; ceteri inutiliter, qui non sunt prohibiti, qui si petant, doli mali exceptione summoveantur: ita in aumma solua, qui prohibita est, utilem petitionem habet, vel eia quod sua interest, vel pœna pro portione sua: ceteri non habent sive pœna promissa erit, sive non erit.

2 † In quibus hoc primum dubitationem habet, quod dicimus uno ex heredibus stipulatoris prohibito, solum eum actionem habere, non etiam ceteros; cum in heredibus promissoris dixerimus uno prohibente teneri omnes. Etenim æquius videbatur uno prohibito ceteris eo facto actionem acquiri, quam uno prohibito obligari et onerari ceteros: cum liceat nobis alterius cuiuslibet conditionem facere meliorem, deteriorem non liceat. *L. solvendo, supra, de neg. gest.* Et non dubium est, quin ad eiusmodi aliquam dubitationem revocandam adhibita sit ea dif-

ferentia ratio inter utriusque defuncti heredes, quæ subicitur in L. 3. In qua hæc Ulpiani sententia et defensio est in hoc genere stipulationis, de quo agitur, neque unius ex promissoris heredibus factum obligare ceteros neque unius ex stipulatoris heredibus damnum aut injuriam perere actionem ceteris: ita hactenus pares esse et promissoris heredes et heredes stipulatoris, si de uno per alium augendo, vel onerando agatur: ut proinde nihil obstat ea, quæ alterius meliorem conditionem facere concedunt, deteriorem vrant. Sed quod in promissoris heredibus unius facto tenentur omnes; in heredibus autem stipulatoris uno prohibito solus is actionem habet; causam in eo esse, quod ab utroque iam promissore, quam stipulatore actum est, ut res ita transigeretur. Meminisse enim oportet eius, quod iam supra diximus, in stipulationibus faciendi promitti et contineri id, quod interest stipulatoris, et heredum eius. *L. si penam, i. q. eod.* hæc verba hoc continent, ut neque actio ei detur, cuius non interest, neque ei cuius intersit ultra, quam interest: quatenus autem stipulatoris intersit, aut heredum eius, in tantum promissor vivus teneatur; eo mortuo in tantum teneatur eius heredes, quia defunctus solidum promissit: hinc de proposita questione indicetur. Ergo si de promissoris heredibus queritur, recte supra respondimus unius facto ceteros teneri; sic enim exigitur solidum illud: quod interest, quod promissum esse diximus. Sin agitur de stipulatore, aut stipulatoris heredibus, quis id quod interest, eorum petitioni

tioni modum facit, consequens est, si stipulator ipse prohibeatur ire agere, ipsum in solidum acturum, quia in solidum eius interest non prohiberi, quamvis ab uno tantum prohibeatur ex heredibus promissoris: quæ pars indicatur in *L. 3. in extremis verbis*. Sin stipulatore mortuo prohibeatur unus ex heredibus, eveniet hinc quoque, ut solus is agere possit, et agere pro portione hereditaria: quia et eius solius interest, et hactenus solum, quatenus heres est: quod attingitur in *ead.*

3 *L. 3. in princip.* † Pœnæ diversa ratio est: quoniam enim pœna promittitur; non si stipulatoris intersit, heredumve eius, sed si ei heredive eius ire agere non licebit, et hæc conditio existit, si vel unus ex heredibus prohibeatur, ideo uno prohibito necesse est pœnam in solidum committi quamvis non omnium coheredum intersit unum prohibitum non fuisse: utpote conditione stipulationis impleta: et hoc est, quod hic dicitur, et in *L. stipulatio ista, §. alteri, infra eod.* in pœna non queri, an intersit, sed quæ sit conditio, et quantitas stipulationis. Pœna in solidum commissa, eius petitio omnibus heredibus acquiritur ex stipulatione hereditaria.

4 † Quo constituto incidit in difficultatem, quod sequitur: ait enim Paulus ita cæteros, qui non sunt prohibiti iure ipso petere posse pro parte pœnam, ut tamen, si id faciant, doli mali exceptione summoverti possint: quod prioribus videtur refelli. Nam si uno prohibito pœna in solidum omnibus heredibus commissa est; idque ex conditione stipulationis accidit, quisquis pœnam ita sibi commissam petit, dolo carere videtur. Is enim dolo caret, qui contra æquitatem naturalem nihil petit. *L. 1. supra, de dol. exc.* nihil est autem tam secundum naturæ æquitatem, quam præstari id, quod conventum, et promissum est. *L. 1. supra, de pac.* ergo æquum et petere, si modo per Ius Civile id liceat. Quod si nihil dolo faciunt, qui pœnam commissam petunt, quamvis eorum nihil intersit, quomodo petentes doli exceptione removeri possunt? An quod unius interest, idcirco aliis quorum nihil interest, pœnæ petitio non datur: petituris alioqui, si nemo alius pœnam efficaciter peteret? Sed quid unius petitio nocere potest cæteris, cum is non petat pœnam solidam, ut quis dicat eum præripere eam coheredibus; sed petat tan-

tum pro sua parte, ut sic eam petitionem, quæ initio coheredibus eius nata est, illis integram relinquat? Fatendum est; si stipulatione actum fuit, ut uno ex heredibus prohibito pœna deberetur, causam dici non posse, quin uno prohibito pœna committatur omnibus heredibus; quam et recte ac sine dolo petituri sint omnes, etiam quorum nihil interest: quia in pœna non queratur, an eius intersit, qui pœnam petit, sed an ei ex conditione stipulationis pœna debeatur. Recte igitur vidit Frane. Duarenus dicendum esse, iis qui prohibiti non sunt, pœnam commissam esse secundum verba stipulationis; id enim efficit conditio stipulationis, si mihi heredive meo ire agere non licebit, decem dabis? ideo commissam summo iure possunt petere: sed non esse commissam secundum mentem, et sententiam contrahentium, non enim id actum est. Quod si probamus, nihil dubii futurum est, quin contra istam sententiam petenti doli exceptione recte occurratur: huic enim tunc locus est, quoties per occasionem Iuris Civilis contra æquitatem naturalem quis petit. *L. 1. supra, de dol. exc.* quod in proposito accidit, ubi is, qui prohibitus non est, summo iure fretus, idest, verbis stipulationis, his ipsis adversus sententiam nititur. Est enim sententia id, quod placuit, quodque actum est inter contrahentes; hoc vero in re, quæ ex consensu valet, idest, in omni contracta, sequi debemus, non verba; idque ita fieri natura æquum est. *L. eum, qui Calendis, infr. eo. L. semper in stipulationibus, infr. de regul. iur. L. 4. supra, de pact.* † Sed unde colligimus 5 non id actum esse, ut pro his, qui prohibiti non sunt, pœna non committatur, cum ea tota promissa sit sub conditione, si quis ex heredibus prohiberetur, quæ conditio nunc exstitit? Colligitur ex fine pœnæ: quippe quam solum adici constat, ut sit loco eius quod interest. *§. ult. Inst. de verb. oblig. L. ult. infr. de præst. stip.* Quo fit, ut ubi constet nihil stipulatoris, aut heredum eius interesse, ibi non id agatur, ut pœna debeatur. Nam quod dicitur in pœna non queri, an agentis intersit, in re dubia locum habet, dummodo possit natura eius interesse: in re certa nequaquam. *Arg. L. si servus, §. 1. supra, si quis caut. de quo amplius in L. stipulatio ista, §. alteri, infr. eod.*

Ad L.

Ad L. Idem iuris est. 3.

Ulpianus lib. XLIX. ad Sabinum.

Idem iuris est et in illa stipulatione: *Mihi heredique meo habere licere*? Sed hæc differentia illam habet rationem, quod ubi unus ex heredibus prohibetur, non potest coheres ex stipulatu agere, cuius nihil interest, nisi pœna subiecta sit; nam pœna subiecta efficit, ut omnibus committatur: quia hic non querimus cuius intersit. Enimvero ubi unus ex heredibus prohibet, omnes tenentur heredes. Interest enim prohibiti, a nemine prohiberi.

SUMMARI A.

1. Stipulatio, mihi heredique meo habere licere, ubi interponatur et quid sit.

2. Stipulatio hæc in quo similis sit illi. Per te non fieri, quo minus mihi ire agere liceat.

3. Utrum res possit pro parte teneri, pro parte avocari.

4. Stipulatio hæc, Habere licere, quatenus dividua quatenus individua.

1. *Idem iuris est et in illa stipulatione, mihi heredique meo habere licere.*

Hæc stipulatio, mihi heredique meo habere licere, in emptione et venditione interponi solet. Ea est, qua emptor sibi cavet a venditore sibi rem venditam habere licere, idest, possidere, tenere licere sine cuiusquam interpellatione iusta. *L. stipulatio ista, §. habere, infr. eod. L. 2. §. ult. et L. seg. supr. de act. empt.* his verbis emptor hoc cavere intelligitur, per venditorem non fieri, neque per heredem fieri, quominus sibi rem habere

2. re liceat. † Ita conceptione quidem, et vi verborum similis est illi superiori, *per te non fieri, quominus mihi ire agere liceat*; sed et quod ad rem ipsam et divisionem stipulationis attinet, idem in ea iuris esse Ulpianus ait. Id vero ita futurum est. Nam si venditor idemque promissor decedat pluribus heredibus relictis, et unus ex heredibus rem avocet, si ve faciat, quominus emptori rem tenere liceat; eius facto etiam ceteri tenebuntur coheredes, ut in superiore stipulatione: qua in re individuum esse significat, seu individuum factum continere, ut et superiorem ex sententia §. Cato et recte; hoc enim quasi avocamentum et interpellatio unius heredis tam emptori obstat, quominus rem teneat, quam si omnes heredes impedirent; quæ

3. facti individui definitio est *in d. §. Cato*. † Quid ergo, dicat aliquis, res pro parte teneri, et pro parte avocari non potest? Non potest: aut in totum teneatur, aut in totum teneri desinat, necesse est. Nam si rem in partes certas dividis, facis ut res prior esse desinat: et pro una duæ res diversæ esse incipiunt. *L. si quis duas, §. 1. supr. com. præd. Pro*

parte autem indivisa rem teneri, et pro parte non teneri non posse certum est: quoniam partes indivisæ ideo ita dicuntur, quia ita permixtæ sunt; ut una non possit ab alia corpore separari. *L. supr. infr. de stip. ser.* Sed totum hoc videtur parum liquere. Quid enim, an dubium est stipulationem hæc, *habere licere*, continere hoc, ut liceat habere ius rei, puta dominium rei, aut usufructum? *L. stipulatio ista, §. si quis forte, et §. habere, infr. eod.* At usufructum constat, ut et dominium, ab uno ex heredibus pro parte avocari posse: nec vero ultra potest. *L. 5. supr. de usufruct. L. 1. et toto tit. C. de com. rer. alie.* Dividua igitur hæc stipulatio, et solus heres, qui partem domini, aut usufructus avocavit, tenebitur. *L. 4. §. Cato, infr.* Ita fit etiam, ut non sit hæc stipulatio, quod Ulpianus dicit, superiori similis. † Et negari non potest, quatenus hæc stipulatione promittitur ius habere licere, eam stipulationem esse dividuam, nec in ea idem iuris esse, quod in superiore: hoc tenus enim est in dando. At quatenus id agitur, ut liceat emptori rem tenere, possidere, estentis individuum factum continet, et superiori est similis. Iam enim dixi non posse rem teneri pro parte, et pro parte non teneri. Neque hoc huic loco adversatur, tamen si in eo nihil distinguitur: quod enim simpliciter dicitur in hac stipulatione idem iuris esse, quod in superiore, sic accipiendum est, quatenus stipulatio habere licere in faciendo est, ut superior. Nam de his agitur hoc loco, quatenus in facto sunt, ut est propositio Pauli in §. præcedente.

Ad L.

Ad L. Eadem. 4.

Paulus Libro XII. ad Sabinum.

Eadem dicemus et si dolum abesse a te heredeque tuo stipulatus sim: et aut promissor aut stipulator pluribus heredibus relictis decesserit.

Cato libro quintodecimo scribit: Pœna certæ pecuniæ promissa, si quid aliter factum sit: mortuo promissore, si ex pluribus heredibus unus contra quam cautum sit, fecerit: aut ab omnibus heredibus pœnam committi pro portione hereditaria, aut ab uno proportionem suam. Ab omnibus, si id factum de quo cautum est, individuum sit, veluti *iter fieri*: quia quod in partes dividi non potest, ab omnibus quodammodo factum videretur. At si de eo cautum sit, quod divisionem recipiat, veluti, *amplius non agi*: tum eum heredem qui adversus ea facit, pro portione sua solum pœnam committere. Differentiæ hæc esse rationem, quod in priore casu omnes commisisse videntur, quod nisi in solidum peccari non poterit, illam stipulationem, *Per te non fieri quominus mihi ire agere liceat*? Sed videamus, ne non idem hic sit, sed magis idem quod in illa stipulatione, *Titium heredemque eius ratum habiturum*? (Et Paulus respondit non idem esse.) Nam hac stipulatione et solus tenebitur qui non habuerit ratum: et solus agat, a quo fuerit petitum: idque et Marcello videtur: quamvis ipse dominus pro parte ratum habere non potest.

SUMMARI A.

1. *Stipulatio*, Dolum malum abesse a te, heredeque tuo, ubi locum habeat: a quibus interponatur: et quando adversus eam fieri intelligatur.
2. *An stipulatio*, Dolum abesse, similis sit illi, per te non fieri, quo minus mihi ire agere liceat. et u. 9. et 11.
3. *Quantio* §. Cato, h. L.
4. *Individuum factum quid*.
5. *Usus verborum*: Si quid aliter factum sit.
6. *Phrasis*, Pœnam aut stipulationem committi, explicata.
7. *Stipulatio*, Ire licere, seu iter fieri quid contineat.
8. *Lectio vera huius* §.
10. *Demonstrativum*, *HIC*. in verbis Pauli: ne non idem hic sit: ad quam stipulationem referendum.

12. §. Quod ex facto. L. Inter, supr. Fam. erisc. explicatus.
13. *Stipulatio*, dolum abesse, similis est stipulationi de rato, et n. 15.
14. *Non prætoriam de rato stipulationem*, quæ *Procurator heresve eius convenitur*, hic intelligi: sed conventionalem, quæ a Domino *Procuratore* constituyente interponitur.
16. *In stipulatione dolum abesse et de rato, alias individuum, alias dividuum factum*: contineri.
17. *Quomodo accipiendum*, quod a Paulo traditur, dominum pro parte ratum habere non posse.
18. *Cur Domino, qui ratum se heredemve habiturum promisit*, pro parte agente pœna in solidum committatur, herede autem uno similiter pro parte agente, non item committatur in solidum.

1. **I**sta † stipulatio, *dolum malum abesse a te heredeque tuo*, enim in futurum concipitur, ut hic, locum habere potest in venditionibus, et interponi ab emptore tunc, cum emptio est conditionalis, et emptor sibi caver, ne venditor pendente conditione in re vendita dolo aliquid faciat. Potest interponi et a venditore, cum is promisit emptori se

rem venditam certis conditionibus ab emptore recepturam, dum ille in ea re nihil dolo faciat, et id ita fore ab illo stipulatur. Adversus hanc stipulationem fieri intelligitur, cum rem venditam, ut servum, promissor aut corrupti veneno, aut manumittit, aut pigri obligat. *L. redhibere*, §. 1. *supr. de æd. ed. L. si post acceptum, supr. de rei vind.*

2 † Quapropter cum hic dicitur in hac stipulatione eadem dicenda esse, quæ in illa, *per te non fieri, quominus mihi iure liceat*, nimirum hoc dicitur, si promissor decesserit pluribus relictis heredibus, et unus de dolo malo quid eorum fecerit, quæ supra scripta sunt, non solum eum teneri, sed etiam cæteros coheredes omnes, pro parte tamen hereditaria: nam hoc iuris est in illa altera, *per te non fieri, quominus mihi iure agere liceat*, ut est in *L. 2. §. item si in facto*, *supr. item in §. Cato: ead. L.* atqui hæc sententia perspicue falsa est, si verum est, quod in *§. Cato*: ita scribitur, si unus ex pluribus heredibus promissoris contra stipulationem fecerit, et factum, de quo cautum est, dividuum sit, eum qui fecit; solum teneri pro portione sua. Tale namque factum est huius stipulationis, *dolum malum abesse*. Finge. unum ex heredibus rem pignori obligare: id ille pro parte sua recte faciet: ultra vero progredi non potest. *L. unica, C. si con. res pig. data sit*. Consequens igitur Catonis sententiæ, eum, qui id fecit, teneri solum pro sua portione, non etiam cæteros coheredes: aliter, atque in illa stipulatione, *per te non fieri, quominus mihi iure agere liceat*. Hoc qui negare institunt, aut non animadvertunt adversus hanc stipulationem fieri, etiam tunc, cum unus ex heredibus promissoris rem pignori obligat: quod tamen fieri diserte scriptum est in *L. si post, sup. de rei vind.* aut rem pro parte ab uno ex heredibus oppignorari posse non putant: quod posterius in Iurisconsulto ferri non potest. Quid ergo ad id, quod hic contra scriptum est, dicimus? Nihil potest dici verius, quam quod Lælius Taurellus, et Franc. Duarenus in hunc locum scripserunt, sententiam, quæ hic initio proponitur, reprehendi postea et notari a Paulo in illis verbis: *Sed videamus, ne non idem hic sit*. Cur ergo Paulus hic in principio aliud affirmat? Siquidem affirmaret parum probabiliter, diceretur id enim statim mutare, quod paulo ante affirmasset. Sed bene illi respondent, aut hic Sabini verba esse, ut inscriptio capituli indicat, quod inscriptum est ad Sabinum, id est, ut recte Augustinus docet *Lib. 4. emendation. cap. 6. ad libros Sabini*: aut si cui placet verba Pauli esse, efferenda esse ea per interrogationem, quod Duareno ingeniose videtur: hoc modo, Eadem dicemus? ut intelligatur videlicet res in questione poni, non affirmari: itaque et totius huius loci unus contextus esse usque ad *§. ult.* una questio et disputatio de hac stipulatione, *dolum malum abesse a te, heredeque*

tuo. Si illa verba, *Sed videamus, ne non idem hic sit*, ad stipulationem hanc dolum malum abesse referuntur, dubium esse non potest, quin initii et reliquæ disputationis ea sententia sit, quam modo diximus. Nunc autem de alia stipulatione ea intelligi non posse, speramus nos, cum eo venerimus, tam dilucide probaturos, ut nemo in posterum, si verum amabit, sit dubitaturus. Qui fit ergo, ut interponatur *§. Cato*: prius quam Paulus rem decidat in illis verbis, *sed videamus*: verbis a propositione hac non parum remotis? Quia ut superioribus illis duobus propemodum pariter videtur, ex verbis Catonis peti videbatur huius sententiæ confirmatio, quasi eadem dicenda essent in hac stipulatione, *dolum malum abesse*, quæ in illa *per te non fieri*, ac proinde ad dubitationis causam facere videbantur: quod contra esse Paulus ad extremum docet: Ut autem ego convenientissime dici existimo, ideo sententia Catonis de factis dividuis, et individujs interposita est, quia cum haberet ea his de rebus certam distinctionem et definitionem, ex ea decisionem propositæ questionis peti voluit. Colligit igitur ex ea in stipulatione proposita, *dolum malum abesse*, non idem esse quod in illa, *per te non fieri, quominus mihi iure agere liceat*, hoc modo: Scripserat Cato uno ex heredibus promissoris contra quam cautum est, faciente, omnes heredes teneri, si factum sit individuum, id est, ut interpretatur ipse, si quod ab uno factum est, tale sit, ut videatur factum ab omnibus, ut sic videantur omnes stipulationem commisisse, sicut accidere ait in hoc exemplo, *per te non fieri, quominus mihi iure agere liceat*. Hinc sua sponte intelligebatur, si stipulatio *dolum malum abesse* eadem est cum illa, *per te non fieri, quominus mihi iure agere liceat*, talem eam esse oportere, ut ei conveniat definitio, et ratio Catonis, quam Paulus præmisit: unde subiicit Paulus, *sed videamus, ne non idem hic sit*. Assumptio est tacitæ argumentationis, quasi diceret: Atqui in hac stipulatione, de qua quaerimus, nempe *dolum malum abesse*, non est idem, quod Cato dixit esse in illa stipulatione, *per te non fieri*: nam neque definitio, neque ratio Catonis ei convenit: non est igitur in utraque idem iuris, de quo supra quaesitum est, aut certe de quo Sabinus affirmavit, quod nunc notat Paulus. Si illis verbis, *sed videamus*, id significatur, quod modo dixi, nihil dici potest hac interpretatione, aut ad significationem verborum, aut ad coherentiam, omnium partium totius orationis, aut denique ad opti-

mae argumentationis complexionem, neque melius quidquam, neque aptius. Quod si ad rationem orationis etiam veritas sententiae adlungeretur, dubitari omnino non debet, quin haec germana sit huius loci sententia, eademque, quae ut verissima, et huius loco convenientissima; ita sit nobis modis omnibus retineanda. Sed de illis verbis paulo post: ante de sententia, §. *Cato*, quantum satis videtur, dicemus.

Cato libro quintodecimo scribit.) Proponitur quaestio de stipulationibus in non faciendis consistentibus, huiusmodi: † Promisit quis se quid non facturum, et si aliter fecisset, poenae nomine promisit centum. Promissorem mortuum, cum is decessisset pluribus relictis heredibus ex his unus contra quam cautum erat; fecit: quaeritur, an ceteri coheredes, qui contra nihil fecerant, eo facto teneantur; et si teneantur, quatenus. Definit Cato etiam ceteros eo facto teneri, si id factum, de quo cautum est, individuum sit: sic tamen, ut teneantur singuli non in solidum, sed pro portione hereditaria: quod si factum sit dividuum, enim solum teneri, qui contra fecit, non item ceteros. Individuum factum esse, veluti iter fieri: dividuum, veluti amplius non agi. Ratione autem hac subiecta, quia quod in partes dividi non potest, ab omnibus factum videretur, in universum individuum definire videtur id, quod ab uno ex heredibus contra, quam cautum est, factum, videatur factum ab omnibus. † Ex quo colligimus individuum id esse, quod factum ab uno ex heredibus promissoris tam stipulatori nocet, quam si factum esset ab omnibus. Prior pars huius distinctionis de factis individuis nobis exposita est supra, ad L. 2. §. *item si in facto*: altera pars de factis dividuis per se ipsa exposita est, nisi quod ei adversari videtur L. 5. §. *ult. infr. eod.* Sed de eo illic videbimus, quando an eo loco offendatur distinctio Catonis, nisi sententia eius loci cognita intelligi non potest. Verba Catonis, quae plusculum obscuritatis habent pleraque, nobis cognoscenda sunt.

5 *Ait, si quid aliter factum sit.* † Verba sunt quibus utimur, cum prius stipulati, ne quid fiat, tum si quid fieret adversus id, quod dictum est: poenam stipulamur. §. *ult. Inst. eod. L. cum quid, ut fiat, 71. et L. continuus, 137. §. pen. infr. eod.* *Ait, si unus contra quam cautum sit, fecerit* id est, adversus id, quod cautum sit, ut est in usitatis formulis, quae supra scriptis locis proponuntur. Cautum, promissum. Nam cava inter cetera est, stipulanti promittere: unde cautio pro stipulatione, seu

repromissione stipulanti reddita. *L. praetor, supr. de dam. inf. L. sancimus, C. de verb. signif. Ait, ab omnibus heredibus poenam committi*: et paulo post, unum heredem poenam committere: item omnes heredibus commississe stipulationem. † Penam committi de omni poena dicimus, cum deberi incipit. Stipulationem committi non item de omni stipulatione; ex qua quid debetur; sed de ea solum, quae sit sub conditione, ac tunc dicitur committi, cum conditio impleta est; quo tempore scilicet ex eventu nata est obligatio, et coepit poenae ex stipulatione peti posse: indicit §. *si sub conditione, Inst. eod.* Quis ratione, et omnis poena indistincte committi dicitur, cum deberi incipit: propterea quod omnis promittitur sub conditione, si aliquid factum fuerit, vel non fuerit. §. *ult. Inst. eod.* Sed cur dicitur committi stipulatio, ex qua conditio existente poenae coepit deberi? An quod committi stipulationem dicimus pro committi in stipulationem? Minime: nam cum dicimus committere in stipulationem, committere idem declarat, quod peccare; ut sit, peccare in stipulationem, sive adversus stipulationem facere: quo sensu salva ratione recti sermonis non licet dicere committere stipulationem, pro peccare stipulationem. Non peccamus stipulationem, sed in stipulationem, dum adversus id, quod illa praescribit, facimus, committitur namque et peccatur delictum ipsum, et peccatum: sciens autem stipulationem peccatum non esse, sed rem esse, adversus quam extrinsecus id peccatum committitur. Sed dicitur committi stipulatio, committi poena eadem loquendi forma, qua dicuntur committi merces in L. *commissa, supr. de publica*. qua dicitur committi edictum in L. *non putavit, §. in adoptionem, et L. si post, §. exherediti, supr. de bon. poss. cont. tab.* Dicuntur autem merces committi, quae fisco ob delictum non profitentis vindicantur. d. L. *commissa*: quasi dicas, quae fisco quasi tradantur in manus, ut incipiant in iure esse, et potestate fisci. Est enim committere alicui, idem quod eius arbitrio et potestati rem subicere. Similiter dicitur committi edictum in supra scriptis locis, quod alteri velut traditur, et quo utendi sit illi potestas, cum prius eo uti non posset. Eadem plane forma et ratione verbi dicitur committi stipulatio, cum promissor contra stipulationem faciendo, stipulationem quae antea pendeat, quasi tradit in manus stipulatori, eamque subicit eius potestati: quod ita fit, si stipulatio eo adducitur, ut ex ea stipulatori iam suo arbitratu agere liceat. Et ut in his omni-

bus eandem istam, quam dixi, nominis rationem, et originem esse intelligamus; quemadmodum dicuntur merces committi, et adicitur, fisco; edictum committi, et adicitur alteri, qui prius ex edicto honorum possessionem petere non poterat: sic dicitur committi stipulatio non absolute, et intransitive, uti cum aliquid peccari dicitur; sed adicitur stipulatori, sive eius heredibus *L. 3. supr.* quo in omnibus istis declaratur verbo committendi significari actionem nuius personæ, quæ actio in aliam personam transeat, quæque præterea in eam aliquid conferat; illic merces, aut edictum; hic autem stipulationem; quorum nihil in verbum peccandi potest cadere. Peccamus enim sic, non ut dicamur alteri peccare; sed in alterum; non sic, ut quidquam eo facto in eum transferamus, sed ei adimamus potius, quantum in nobis est: nam eo delictum spectat. Ait, *si id factum, de quo cautum est, individuum sit, veluti iter fieri.* Iter facere, est ire. *L. 4. §. si cuius, supra, de iti. ac priva.* huius autem stipulationis mihi ire licere spondes, eadem forma est, quæ illius, cuius mentio sit in *L. 3. supr. habere licere spondes*? Ergo ut in illa hoc significatur, per te non fieri spondes, quominus mihi habere liceat, ut illic docuimus; sic his verbis ire licere spondes? hoc exprimi existimandum est, per te non fieri spondes, quominus mihi ire liceat? Ex omnino Cato his verbis, *iter fieri*, hanc ipsam intelligit, ut manifeste declaratur in illis verbis, *differentiæ hanc esse rationem*: ubi Cato reddens rationem differentiæ inter eas stipulationes, quarum mentionem fecerat, scribit in priore casu omnes heredes commississe illam stipulationem, *per te non fieri, quominus mihi ire agere liceat.* Quod priorem casum dicit, indicat stipulationem *iter fieri*, nam de hac priore casu egerat. Rursum quod dicit, *illam stipulationem, per te non fieri*, aperte hoc pronominis demonstrativo *illam*, declarat se et iam antea quoque hanc stipulationem, quam exprimit, posuisse: cum demonstrare non possit, nisi eam, de qua prius mentionem fecerat: quod si hæc præcedentibus ullis verbis expressa est, illis certe continetur, *iter fieri*, non aliis: nam et illorum vis ac potestas eadem est, ut dixi, et perspicuum est illam alteram, *amplius non agi*, quam et ipsam prius posuerat, nihil habere commune cum hac, *per te non fieri, quominus ire agere liceat*: neque vero plures ante posuerat Cato, quam has duas, *iter fieri*, et *amplius non agi*. Ait, *quod in priore casu omnes commississe videntur (quod nisi in solidum*

peccari non poterit) illam stipulationem, per te non fieri. Bene moment Taurellas, et Duarenus in hac oratione verba illa, *quod nisi in solidum peccari non poterit*, legendæ esse per parenthesis: ut ait hic sensus, in priore casu omnes commississe videntur illam stipulationem per te non fieri, idest, omnes adversus eam fecisse; quoniam in eo casu nisi in solidum peccari non poterit quandoque ab heredibus. Nam quod quidam defendunt recte ista legi uno contextu, ut ait sensus, in priore casu omnes commississe, id est peccasse, et fecisse adversus stipulationem videntur, quia nisi in solidum peccari non poterit illam stipulationem, per te non fieri; id quidem nulla ratio Latini sermonis patitur: etenim ex hac lectione in duo manifesta peccata incidimus: unum, quia dicimus peccare stipulationem, pro eo quod est, peccare in stipulationem, contra nsum et rectam rationem loquendi omnium Latine loquentium ut supra docuimus: alterum, quod manifestum solocismum invehimus, qui inest in illis verbis, quod illam stipulationem peccari non poterit, nisi in solidum, ut enim diceremus, stipulatio committi non potest, non autem stipulationem committi non potest, nisi vitiose loqui vellemus: ita his ipsis autoribus, quibus committere in hac specie significat peccare, dici deberet illa stipulatio peccari non potest, non autem illam stipulationem peccari non potest. Scio recte dici peccari potest in illam stipulationem; sed quemadmodum recte dicitur committi potest in stipulationem, non autem committi potest stipulationem: sic recte, peccari potest in stipulationem: non recte, stipulationem peccari potest.

Sed videamus, ne non idem hic ait.) Iam tandem quoniam ad locum ventum est, doceamus horum verborum eam sententiam esse, quam initio capitis diximus, hanc nimirum: *† Sed in hac stipulatione: dolum malum abesse a te heredibus tuo, de qua nobis posita questio est, vel de qua affirmat Sabinus, sententia mea non est idem, idem, supple quod in ista, de qua proxime Cato egit, per te non fieri, quominus mihi ire agere liceat.* Principio convenit inter hereditas omnes hæc verba, *sed videamus, ne non idem sit*, non dubitationem habere, sed affirmationem, perindeque valere, ac si dictum esset, sed non est idem; de quo veterum loquendi more cum in his verbis, tum in aliis multis similibus, quæ dubitantium speciem præ se ferant, non habebit quisquam unquam, quod dubitet, qui legerit quod de hoc genere copiose collegit Franc. Duarenus *Lib. 2. diop. cap.*

cap. 14. Iam vero, *hic*, valere, in hac stipulatione, omnes intelligunt. † Quam stipulationem notet, videamus. Et duorum alterum, aut indicare id demonstrativum unam aliquam stipulationem ex iis, quæ nominantur in §. *Cato*; aut certe ad eam de qua initio capituli instituta disputatio est, id est, *dolum malum abesse*, referri necesse est. Prius nullo modo defendi potest, relinquatur igitur posterius. Aio non posse hoc demonstrativum, *hic*, nlli stipulationi convenire ex iis, quæ in §. *Cato*, proponuntur. Si esset aliqua ex his, ad quam referri posset, ea esset proxima, ut hoc verbum ad proxima referri solet, non ad remotiora. Ea est autem stipulatio per te non fieri, quominus mihi ire agere liceat; nam in hanc proxime desit Paulus, postquam Catonis verba retulit; ad hanc vero referri non potest; nam si dicimus, *hic*, id est, in hac stipulatione, per te non fieri, quominus mihi ire agere liceat, non esse idem; siquidem intelligimus non esse idem, quod in stipulatione, iter fieri, quasi reprehendatur *Cato*, quod illam initio individuum esse dixerit, falsum dicimus, cum utraque, non dico factum individuum continet, sed plane sit eadem, ut in explicatione verborum Catonis ostendimus. Sin intelligimus non esse idem, quod in illa stipulatione, *amplius non agi*, verum quidem dicimus, cum in altera factum individuum contineatur, in altera, dividuum: sed hæc sententia neque verbis, neque menti Pauli convenire potest. Observandum est enim Paulum non affirmare tantum aliquid hoc loco, sed ea affirmatione vel reprehendere, vel mutare aliquid eorum, quæ supra vel a Catone, vel a Sabino de superioribus stipulationibus dicta erant, ut vis adversativæ satia indicat. At prius superiores istas duas stipulationes inter se non comparaverat *Cato*, sed separaverat aperte, ut profecto si idem nunc Paulus affirmet, non reprehensione in eo opus fuerit, sed assensu et approbatione, ut diceret: et vere *Cato* non idem esse dixit in hac stipulatione proxima, quod in illa, *amplius non agi*; nam re vera maxime differunt. Sed quorsum Paulus id confirmare vellet non verbo, cum *Cato* rationes suæ sententiæ reddidisset, quæ multo magis rem ostenderent, quam simplex Pauli assertio? Non potest igitur hoc demonstrativum, *hic*, ad stipulationem proximam, per te non fieri, quominus mihi ire agere liceat, referri. Quid, an putamus referri ad illam, *amplius non agi*, ut sit sensus, sed in hac stipulatione, *amplius non agi*, non est idem, quod in illa, per te non fieri, quominus ire agere

re liceat? At hoc neque vis pronominis demonstrativi patitur, quod ad proxima tantum refertur; neque concedit ratio sententiæ, quia isto modo confirmaret Paulus id ipsum, quod *Cato* prius posuit de utraque stipulatione; nunc autem apparet ex verbis Pauli propositum illi esse reprehendere ex præcedentibus aliquid, non confirmare. Atqui, ut iam dixi, hoc demonstrativum aut ad istas, quas dixi, aut ad stipulationem, *dolum malum abesse*, de qua initio proposuerat, referatur, necesse est. Cum effectum sit ad priores non referri, quid restat, nisi ut ad posteriorem referatur? Ergo erit hic sensus, quem supra ostendi: Sed in hac stipulatione, *dolum malum abesse*, non est idem, intelligi quod in ea, de qua proxime factus est sermo, quam *Cato* individuum esse dixit. Neque vero, quominus ita interpretari debeamus, vis demonstrativi repugnabit, quod diximus tantum ad proxima referri debere: Nihil est enim in omni sermone magis propinquum, vel verius, nihil magis proprium eius sermonis, quam id de quo institutum est sermo, sive id quod positum est in questione. At proposita quaestio est de hac stipulatione, *dolum malum abesse*, sive de ea interrogat Paulus, an eadem sint in ea, quæ in præcedentibus, sive verba Sabini de ea stipulatione affirmantis posuit, ut illa excenteret ad regulam, et definitionem Catonis traditam de factis istius generis individuis et dividuis; quare sententiam suam postea interponens circa ea quæ præcesserant, bene atque adeo convenientissime hanc stipulationem nominat, dum eam designare vult, de qua quærebatur, et de qua hæc tota disputatio erat instituta. Quamobrem si de verbis Pauli, structura et compositione orationis quaeritur, nihil est in his, quod superiorem interpretationem plane non admittat. Sed refragatur fortasse ratio sententiæ, quæ inde efficitur: quoniam sententia falsa est. † Quid ergo, si non tantum verbis 11 convenit, sed etiam verissima per se sententia est, non esse idem in stipulatione, *dolum malum abesse*, quod in illa proxima, per te non fieri, quominus ire agere liceat; sed magis idem, quod in illa, *te heredem tuum ratum habiturum*: an quidquam deest ad huius interpretationis et sententiæ rationem, quominus eam amplecti et retinere debeamus? Atqui nihil est hac ipsa sententia verius. Illa stipulatio, per te non fieri, neque per heredem tuum, quominus mihi ire agere liceat, pro parte committi non potest: denique individuum factum continet, quia ut declaratur in §. *Cato*, non potest ulla ratio-

tiōne, vel unus ex multis stipulatorem prohibere, quominus eat agat, quā illi tam noceat, quam si ille prohiberetur ab omnibus. Non est huiusmodi stipulatio hæc, *dolum malum abesse*, a te heredeque tuo. Nam ut aliis in rebus non possit unus heres dolo quid facere in re vendita; at certe in hac potest, si rem venditam, de qua cautum erat, pignori obligaverit, ut iam supra diximus: hæc enim pro parte pignori dari potest, et si ab uno ex heredibus data erit, non amplius, quam pro parte poterit obligari: ut consequens sit eam obligationem pro parte coheredum nihil stipulatori nocere. *L. 1. C. si com. res pig. dat. er.* Sed nobis obstat, videlicet *L. inter, §. quod ex facto, supr. fam. ere.* ubi idem ipse Paulus, qui hoc loco, has stipulationes inter se exæquans, a te heredeque tuo dolum abfuturum, et, neque per te, neque per heredem tuum fore, quominus quis eat agat; scribit in utraque, si propter factum unius reliqui teneri coperint, ut sic in solidum commissā sit stipulatio, cæteros habituros iudicium familiæ ereiscundæ cum eo, qui contra fecerit. † Hoc qui superiori sententiæ tam vehementer adversari contendunt, hi mihi verba non satis attendere videntur. Non enim dicit Paulus pariter accidere in utraque, ut unius facto stipulatio committatur in solidum, et cæteri quoque heredes teneantur: sed hoc tantum, quo casu in his stipulationibus unius facto reliqui teneri coperint, eo casu reliquos adversus eum, qui stipulationem commiserit, iudicium familiæ ereiscundæ habituros. Atqui his verbis nihil amplius significat, quam in stipulatione, *dolum malum abesse*, accidere posse, ut unius facto in solidum stipulatio committatur. Quod nos concedimus: interdum enim id quod sit dolo malo, individuum est, et peccari nisi in solidum non potest: ut, si unus ex heredibus veneno infecerit rem venditam: sed non ideo hiac efficitur, quidquid sit dolo malo, id esse huiusmodi: et vero palam est non semper id evenire: interdum enim quod sit ab uno herede, divisionem recipit, ut pignoris datio; quo in genere unius oppignorantis facto cæteri non tenentur, sed is solus qui oppignoravit, et is quidem pro portione tantum sua, quia partem tantum suam oppignoravit, ut declaratur in *§. Cuto*: hoc vero de stipulatione, neque per te, neque per heredem tuum futurum, quominus mihi ire agere liceat, dici non potest: quæ omni ex parte factum individuum continet, nec unquam in ea potest accidere, quin unius facto in solidum committatur, ut eodem *§.* satis expo-

situm est. Non est igitur, ut ad id quod propositum est, redeam, non est idem in stipulatione, *dolum malum abesse*, quod in illa *per te non fieri, neque per heredem tuum, quominus mihi ire agere liceat.*

Subiicit Paulus, *sed magis idem, quod in illa stipulatione, Titium heredenque eius ratum habiturum.* (Sensus est, in hac stipulatione, dolum malum abesse, non est idem, quod in illa superiore proxima; sed idem est, quod in illa, *Titium heredenque eius ratum habiturum.* Id est, hæc stipulatio, dolum malum abesse, potius similis est illi, Titium heredenque eius ratum habiturum. † Et omnino ita res habet, ut sit omni ex parte similis, dummodo conveniat, de quo promissore hic agatur. Nam et procurator alieno nomine agens, iubente prætore cavet Titium dominum litis, heredenque eius ratum habiturum, neque aliter actio ei datur ex edicto. *L. servum, §. ait prætor, L. non solum, §. 1. supr. de proc.* quæ ideo prætoriam appellatur. *L. 1. L. 2. §. incertam, infr. de præl. stip.* ac de ea agitur sub titulo, Rem ratam haberi. † Hanc Paulus non intelligit hoc loco, ut sequentia facile ostendunt; cum dicat ex ea stipulatione, de qua loquitur, eum tueri, qui ratum non habet: at ex superiore stipulatione non tenetur is, qui non habet ratum. Est enim in potestate domini ratum non habere iterum de re ad se pertinente agendo: et vero ex stipulatione procuratoris obligari non potuit. Ne procurator quidem, aut heres eius ex ea stipulatione potuit teneri: primum quia iterum agere non possunt isti, obstantis his rei iudicatæ exceptione, deinde quia si agerent, tamen ex eorum facto stipulatio non committeretur; cum de facto suo aut heredum suorum procurator non caverit, sed de domini facto. Procuratoriam igitur stipulationem, ut dixi, non intelligit. Quam igitur? Nempe hoc restat, ut intelligat eam, quæ cum domino ipso interponitur qua ille promittit se heredenque suum ratum habiturum, quod cum procuratore suo actum erit: cui stipulationi tunc locus est, cum dominus id agit; ut procuratoris sui persona confirmata illum necessitate satisfaciendi liberet, ut tenet in *L. si procuratorem, supr. de proc.* Recte illi iudicio meo, qui eam conventionalem esse dicunt, non prætoriam: cum neque domino ea iniungatur ullo edicto, et iudicium procedere possit cum procuratore, etiam sine hac satisfactione. Hac stipulatione a domino interposita, quamvis cum procuratore eius actum sit, et adversus illum sententia dicta; tamen non obstat res cum alio iudicata, quominus iterum dominus hæresve eius

13

12

14

eius

eius possit de eadem re agere, atque ita ratum non habere, quod cum procuratore eius actum est. Sed si agat unus ex eius heredibus, quia facit contra stipulationem, committatur stipulatio ad poenam, aut in id quod

15 eius interest, a quo iterum petitur. † Ergo huic stipulationi similem facit eam, de qua agitur, dolum malum abesse; merito, nam utriusque eadem omni ex parte conditio est.

16 † In stipulatione, *dolum malum abesse*, alias factum individuum continetur, alias divdium, ut supra docuimus. In stipulatione, *dominum; heredemque eius ratum habiturum*, idem plane accidit. Facit enim adversus hanc stipulationem vel promissor dominus, vel heres eius, si iterum petat a stipulatore, id, de quo prius cum illo per procuratorem actum est; porro in eo, quod petitur, interdum solida et individua petitio est singulorum heredum, interdum divdus, et pro parte tantum hereditaria cuiusque. Finge prius actum fuisse a procuratore de servitute, cum is victus esset, ibi unum ex heredibus promissoris iterum petere servitutem; non potest is agere, nisi in solidum, quia res natura sua non recipit divisionem. L. 2. §. ex his, *supr.* Itaque et si unus stipulationem committit in solidum ex definitione Catonis itidem ut fieret in stipulatione, *dolum malum abesse*, si unus in solidum in rem, de qua cautum erat, dolum admisisset. At si prius procurator egerit de specie certa, aut certa quantitate, et unus ex heredibus promissoris iterum agat, hic vero rei natura divdus non nisi partem petere poterit; cum certo in re ea, quæ in nominibus sunt, dividitur inter heredes pro portionibus hereditariis. L. ea, *quæ C. fam. etc.* ut dicendum sit ex definitione Catonis, cum factum divdium sit, hunc heredem stipulationem committere pro portione tantum sua. Atqui hoc idem plane fit in stipulatione, *dolum malum abesse*, cum unus ex promissoris heredibus servum de quo cautum erat, dolo malo pignori obligat. Id enim non nisi pro parte potest facere. An quisquam igitur his cognitis neget recte stipulationes istas inter se comparari? non equidem arbitror, nisi res certissimas contradicendi studio in dubium revocat. Video tamen esse in verbis Pauli hoc loco, quod dici possit superioris sententiam adversari, non quo negetur stipulationem: *dolum malum abesse*, continere interdum factum divdium, et hactenus esse similes illi, *Titium, heredemque eius ratum habiturum*; sed quo probetur hanc posteriorem semper continere factum divdium, sit enim Paulus, hac stipulatione

uno ex heredibus contra faciente non omnibus heredes teneri, sed eum solum, qui non habuerit ratum: quod non fit, nisi ubi stipulatio divdium factum continet. Quod si verum est, semper erit hæc stipulatio divdus illa autem altera, *dolum abesse*, non semper, quo efficiatur non esse idem per omnia in utraque, ut Paulus dicit. Sed non sunt ea verba Pauli, ex quibus colligi possit ex hac stipulatione, *Titium heredemque eius ratum habiturum*, semper unum ex heredibus posse pro parte ratum non habere, atque ita ea stipulatione semper factum divdium contineri. Observandum est enim ea non ad omnem heredem pertinere, sed ad eum, qui solus ratum non habet. Is intelligendus est solus ratum non habere, qui petit pro parte hereditaria, quod petit. Nam quod in partes divdi non potest, si unus ex heredibus in solidum petit, ut eum petere necesse est, id ab omnibus peti videtur, ut est in definitione Catonis. Ergo qui pro portione tantum sua agit, eum Paulus ait solum taceri; hoc qui dicit, non negat teneri omnes heredes, si unus ex heredibus aliquid in solidum petat, quia pro parte petere non possit: imo vero ex contrario huius facti omnes teneri potius confirmat, quasi ex huius facto ratum non habuisse videsetur.

Ait, *quamvis ipse dominus pro parte ratum habere non possit*. Si hæc verba a superioribus divulsa, uti hoc loco scripta sunt, ita simpliciter et sine adiuncto accipimus; sententia aperte falsa est; dominum pro parte ratum habere non posse. Non enim tantum refellitur ex L. si procurator, *inf. rem rat. hab.* sed etiam ratione manifesta. Nam si dominus, qui promissit se ratum habiturum, quod cum procuratore actum erit, potest in totum ratum non habere, id est in totum petere, ut hic significatur: quanto magis partem petere? non enim debet, cui quod plus est, licet, quod minus est non licere. L. non debet cui, *inf. de reg. iur.* † Dicendum est igitur hoc dictum accipiendum esse ex conditione, et hypothesi toti huic loco proposita. Erat autem posita hypothesis in principio §. Cato de eo, qui promissit se non facturum, et si contra fecisset, poenam i. questio, si contra factum, quatenus committatur poena. Proinde quod hic dicitur dominum pro parte ratum habere non posse, ex hac ipse hypothesi intelligendum est, ut scilicet non possit, quin poena adversus eum in solidum committatur. Diverse est causa hereditatis eius, ex quibus unus si adversus stipulationem petat, id est, ratum non habeat, solus tenetur, ut hic Paulus scribit, et ut Cato loquitur, in facto

di-

dividuo penam adversus se committit pro portione hæreditaria non etiam adversus cæteros.

18 † Qui fit igitur, ut promissore pro parte agente penam in solidum committatur: herede autem uno similiter pro parte agente, non item committatur in solidum? Id efficit conditio stipulationis penalis, hæc enim pœna solida promittitur, ad quacunque quantitatem usque ratum non habeatur: sed hac lege, dum in pœna teneatur, qui aliter quam cautum sit fecerit; facit autem promissor, qui contra stipulationem ratum non habet, etiam si minima ex parte amplius agat; quare et pœna adversus eum in solidum committitur ex conditione stipulationis. At contra stipulationem nihil faciunt reliqui coheredes, qui amplius non agunt; ita necesse est etiam ex conditione penalis stipulationis penam adversus eos non committi, sed adversus eum solum, qui ratum non habuit: quo admissio et illud recipi necesse est, ut pœna

non in solidum adversus eum committatur, sed solum pro portione hereditaria; nam in solidum si committeretur, etiam reliquos heredes teneri oporteret, non eum, qui contra fecisset; is enim cum pro parte heres sit, in solidum ex stipulatione hereditaria teneri non potest ad eam rem; quæ divisionem recipit. Ergo ex persona heredum immutatur conditio obligationis, dixerit aliquis, contra quam supra a Paulo definitum est in L. 2. §. *ex his*, *supr.* Immo conservatur maxime, dum utrobique is tenetur, qui contra stipulationem fecit; id cavetur, ne ii teneantur, qui contra nihil fecerunt; promissor tenetur in solidum; quia solida obligatio in persona eius constitit: heres non nisi pro parte tenetur, quia et hactenus ad eum obligatio hereditaria pervenit. Utrum cum hac sententia, quæ et ipsa sententia, est. §. *Cato*, *supr.* pugnet. L. 5. §. *ult. infr. eod.* illic videbimus.

Ad §. Si is qui duplam.

Si is qui duplam stipulatus est, decesserit pluribus heredibus relictis: unusquisque ob evictionem suæ partis pro portione sua habebit actionem: Idemque est in stipulatione quoque fructuaria, et damni infecti, et ex operis novi nuntiatione. Restitui tamen opus ex operis novi nuntiatione pro parte non potest. Hæc utilitatis causa ex parte stipulatorum recepta sunt. Ipsi autem promissori pro parte neque restitutio neque defensio contingere potest.

SUMMARIA.

1. In omnibus faciendi obligationibus, quæ factum individuum continent, promissoris heredes quatenus teneantur, exempli quatuor stipulationum declaratur.
2. Quæ sit dupla stipulatio: item fructuaria: dam-

ni infecti: et ea quæ ex novi operis nuntiatione est.

3. Quid in superscriptis stipulationibus continetur, et an pro parte id præstari possit.
4. Quid in stipulatoris heredibus.
5. Interpretatio verborum: utilitatis causa.

D Oecit Paulus supra L. 2. §. *item si in facto*, idemque traditum est in L. 3. *supr.* in stipulationibus, quæ in non faciendo consistunt, hoc distare heredes promissoris ab heredibus stipulatoris, quod si factum individuum sit, uno: ex promissoris heredibus contra quam cautam est, faciente, cæteri tenentur omnes; ex heredibus stipulatoris si eo facto nocitum sit, solum enim actionem habere, cui nocitum est, cæteros

non habere, quorum nihil interest: cuius differentiæ rationem illic exposuimus. † Hic Paulo propositum est docere, generalem esse hanc sententiam in omnibus faciendi obligationibus, etiam iis, quæ in faciendo consistunt, quæque id factum continent, quod individuum sit, ut uno ex heredibus promissoris non faciente, quod promissum est, stipulatio hereditaria in solidum committatur adversus omnes vel ad penam, quæ adiecta erit, vel in id quod

quod stipulatoris interest. Quod si uni ex stipulatoris heredibus non præstetur, quod promissum est, cæteris aut præstetur, aut eo nomine satisfiat, idem, hic quoque sequi nos ait, quod supra, ut is cui id præstitum non est, solus actionem habeat pro portione hereditaria. Id Paulus declarat exemplis harum quatuor stipulationum, duplæ, fructuariæ, damni infecti, et ex operis novi nunciatione. † Duplæ stipulatio est, qua venditor emptori promittit duplam, si res vendita evicta erit. *L. 2. L. emptori, supr. de evict.* Dupla est, dupla quantitas, et id quod uno verbo dicitur, duplum in *L. vindicantem, supr. de evict. et L. penult. C. eod.* Ex hac stipulatione hoc suscipit venditor, ut emptorem iudicio defendat, ne res evincatur. *L. in executione, §. solidum. L. cum ex causa, infr. eod.* Stipulatio fructuaria est, qua fructuarius in re fructuaria accipienda promittit se ea re usurum, fructuum boni viri arbitratu, et finito usufructu restitutum se, quod inde exstabit. *L. 1. supr. usufr. quemad. ca.* Stipulatio damni infecti est, qua dominus ruinosarum ædium promittit vicino, se quod damni contigerit loci, ædium, aut operis vitio, id præstaturum vicino. *L. fluminum, §. adiicitur, §. quanquam, §. item videamus, supr. de dam. inf.* unde intelligimus promissorem ex hac stipulatione debere restituere, idest, demoliri opus, seu ædes ruinosas, si velit damni nomine, quod ex ruina contigerit, non teneri. Stipulatio ex operis novi nunciatione est, qua is, cui opus novum nunciatum est, si postea iudicatum erit eum non iure ædificasse, promittit se quod ædificaverit, restitutum, idest, demolitum. *L. stipulatio, 3 tota, supr. de oper. no. nunc.* † Igitur in stipulatione duplæ defensio continetur; in fructuaria rei fructuariæ restitutio; in stipulatione damni infecti restitutio, seu demolitio operis ruinosi; in stipulatione ex operis novi nunciatione, restitutio seu demolitio operis contra nunciationem non iure facti. Nihil horum pro parte præstari posse hic scriptum est in extremo. Id enim significant illa verba: *ipsi autem promissori pro parte neque restitutio, neque defensio contingere potest*, non dixit neque restitutio operis; sed generaliter et infinite neque restitutio, ut intelligamus hoc ad omnem restitutionem, quæ superscriptis stipulationibus continetur, referri. Et sane hoc ita est, ut nihil istorum possit præstari pro parte: non potest videlicet unus ex

Tom. XI.

heredibus promissoris pro parte defendere. *d. L. cum ex causa, infr.* propterea quod non potest emptori pro parte præstari, ut illi rem habere liceat, ut docui ad *L. 3. supr.* fit autem defendendo, ut rem emptori liceat habere: Non potest item ex stipulatione fructuaria restitui res, nisi in solidum, quod qui negant non videntur legisse *L. si duo, supr. depo.* in qua Ulpianus diserte scribit, nisi pro solido rem non posse restitui. Præterea non animadvertunt in restituendo contineri tradere: at res pro parte tradi non potest: unde et stipulatio rem tradi inter eas stipulationes numeratur, quæ divisionem non recipiant, in *L. stipulationes non dividuntur, infr. eod.* In stipulatione autem damni infecti, et ex operis novi nunciatione certum est opus pro parte restitui non posse, quemadmodum nec potest pro parte edificari. *L. 2. infr. de præst. stipul. l. stipulationes non dividuntur, infr. eod.* † Hæc quamquam ita sunt ex parte heredum promissoris; tamen aliter recepta sunt ex parte heredum stipulatoris: nam si uni ex stipulatoris heredibus res pro parte eius evicta sit, uoc defensa, aut res non restituta, aut opus factum non destructum uni illi nocuerit; si solus aget eo nomine pro sua parte, cæteri non agent, quorum nihil intererit, idque ita receptum est, inquit Paulus, *utilitatis causa*: ubi utilitatis causa interpretari non debemus, eius quod interest causa: non quod utilitas non aliquando id significet, ut *L. 2. supra, de eo quod cert. loc. et alibi*: sed quia ea significatio non modo non conveniat proposito Pauli, sed sit etiam pene contraria. Nam si cum uni ex heredibus stipulatoris non præstatur, quod promissum est; ideo ei soli datur actio, quia eius solius interest; quid fiet, ubi pœna est promissa, si non fiat, quod promissum est? nempe consequens erit eam propter fidem uni ex heredibus non præstam, omnibus heredibus committi, etiam quorum nihil intererit; quia cesset ratio superior, propter quam dicebamus cæteros coheredes actionem non habere: ideo enim non habent, quia ipsorum non interest: at in pœna id quod interest agentis non spectatur: proinde etiam nulla habita eius quod interest ratione, pœnæ persecutio cæteris heredibus dabitur: quod menti Pauli adversatur: cuius hæc est sententia, cum uni ex heredibus promissoris res non defenditur, aut non restituitur, eum solum habere actionem, non etiam cæteros, etsi pœna promissa sit. *L. 2. §. ult. et L. 3. supr. eod.*

Non dubium est, quia Pauli ratio spectet ad objectionem tacitam diluendam, quæ hic de pœna occurrebat, hanc nimirum, in solidum committi omnibus heredibus, si vel uni ex heredibus præstitum non sit, quod debuit: hoc enim efficere videtur conditio stipulationis pœnalis, si me heredemve meum non defenderis, si mihi heredive meo non restitueris, decem dabis? idque ipsam summo iure ita accidere in stipulationibus, quæ in non faciendo consistunt, idem Paulus confirmat in *L. 2. §. ult. sup.* Atque hoc idem agnoscit, et hoc loco in hoc genere stipulationum, de quo agit: sed summo iure, inquam, cæterum contra receptum

esse ait, *utilitatis causa*; † quod sic interpretandum est, quia utile id, quia æquum et bonum est, ut sit id ex eo genere, quod alibi dicitur contra subtilitatem disputandi, seu verborum, propter utilitatem communem contraheutum receptum esse. *L. ita vulneratus, circa ff. sup. ad leg. Ag. L. sed an via, sup. de pig.* Et hoc est, quod ille in *d.L. 2. §. ult. sup.* pœnam quidem ait committi in solidum: sed eos heredes, quorum nihil interest, si agant, exceptione doli removeri posse: nempe quia non sit æquum, non sit utile, eis quorum nihil interest, pœnæ actionem dari: cuius rei rationem illic reddidimus.

Ad *L. Stipulationum. 5.*

Pomponius Libro xxvi. ad Sabinum.

Stipulationum aliæ iudiciales sunt, aliæ prætorie: aliæ conventionales: aliæ communes prætorie et iudiciales. Iudiciales sunt, dumtaxat quæ a mero iudicis officio proficiuntur: veluti de dolo cautio. Prætorie, quæ a mero prætoris officio proficiuntur: veluti damni infecti. Prætorias autem stipulationes sic audiri oportet, ut in his contineantur etiam ædilitiæ: omni et hæc ab iurisdictione veniunt. Conventionales sunt, quæ ex conventionibus reorum fiunt: quarum eisdem genera sunt: quot, pene dixerim, rerum contrahendarum: nam et ob ipsam verborum obligationem fiunt, et pendent ex negotio contracto. Communes sunt stipulationes, veluti rem salvam fore pupilli: nam et prætor iubet rem salvam fore pupillo caveri: et iterdum iudex, si aliter expediri hæc res non potest. Item duplæ stipulatio venit ab iudice, aut ab ædilis edicto.

S U M M A R I A.

1. Divisio stipulationum in Conventionales, Prætorias, etc. quo spectet, et quem usum præbeat: et n. 31.
2. Unde disputationis huius difficultas.
3. Nihil hac in divisione redundare, nihil deesse.
4. Verbum iudicialis stipulationis, ambiguum.
5. Iudicis appellationem pro Iudice privato, seu a Prætoris dato, non pro Magistratu accipi.
6. Prætor quando pro officio Magistratus, quando vero pro Iudicis officio facere quid intelligatur, et n. 9. et 11.
7. Conventionalis stipulatio, an recte a cæteris distinguatur.
8. Definitio stipulationum iudicialium, eiusque explicatio.
9. Quando Iudex quis esse incipiat, et quod Iudicis officium.
10. Regula generalis de Prætoris stipulationibus, et n. 33.
11. Tria remedia, quæ ad stipulationes Prætorias iniungendas a Magistratu adhibentur.
12. Quæ utilitas in distinguendis stipulationibus iudicialibus a Prætoris.
13. Ædilitiæ stipulationes cur in Prætoris contineantur, et quid sint.
14. Definitio Conventionalium stipulationum explicata.
15. Rei in usu iuris qui.
16. Hac verba, pœna dixerim, cur a IC. adiecta.
17. Communes stipulationes quæ.
18. Vulgares interpretes auctoritate Theophili in errorem induci.
19. Stipulatio Rem pupilli salvam fore, quando iussu Iudicis interponatur, et n. 23.
20. Theo-

12. Theophilus lapsus.
14. Exceptio satisfactionis rem pupilli salvam fore, initio litis Tutori non opposita, ad iudicio capto obici potest.
15. His verbis Pomponii: hæc res, quid intelligatur: ubi pro demonstrativo hæc, auctor huic, substitui posse censet.
16. De stipulatione rem ratam haberi.
17. Duplex stipulatio num adlitia.
18. Duxus de causis duplex promitti, et de utra hic agatur.
19. Quam recte Communes hæc appellentur, quæ alibi dicuntur Prætorie.
30. Adlitia unde sit dicta, et de quo adlitum edicto Pomponii locus accipiendus.
32. Quomodo cum omnis stipulatio, non nisi ex utriusque partis consensu perficiatur, quæ-

dum agmen necessaria sint, et ex alterius iussu etiam invito iniungantur.

34. Ex necessariis enumerantur Prætorie stipulationes.
35. Ulpiani sententia in L. 1. inf. de Præto stipul. illustrata.
36. Regula generalis de iudicialibus stipulationibus, earumque per divisiones variis ex causis tam respectu actoris, quam rei desumptas enumeratio.
37. Cur cum stipulationes contractus sint, hi autem ex libera contrahentium voluntate pendeant; illarum tamen quædam contra, quam contractuum ratio postulare videtur non ex promissorum voluntate, sed ex alieno iussu concipiuntur.

NON satis vim atque utilitatem huius divisionis expendere vulgo mihi videntur, qui ideo eam institui existimant, ut cum intellectum erit quasdam esse conventionales stipulationes, quasdam prætorias, sic deinde de earum interpretatione etatur, diversam hanc esse nimirum iuxta *L. in conventionalibus, inf. eod.* Non enim ideo stipulationes conventionales sunt, aut prætorie, ut earum interpretationem diversam esse statuamus: sed ideo varia eas interpretatur, quia prius eas inter se diversas esse, et aliam atque aliam originem habere constitit. † Longe alio spectat hæc divisio, longeque alium usum præbet in cognoscenda natura stipulationis. Pertinet autem ad libertatem et necessitatem stipulationis interponendæ explicandam, cui questionis tunc locus est cum de consensu agitur in stipulatione contrahenda. Scilicet ex ea intelligimus, etsi omnes stipulationes contrahuntur consensu; non omnes tamen conventionales esse et voluntarias, sed et quasdam esse necessarias, quæ non ex conventionione contrahentium, sed ex alterius iussu et imperio proficiantur. Cum autem permagni referat cuiusque, non temere cogi ad promittendum, quod nolit, et non debeat: magnam esse utilitatem huius divisionis necesse est, si ex ea intelligere licet, quis cogi possit, a quibus, quando, seu quibus in causis, et quid cogi possit promittere. Id autem recte exposita hæc divisio nobis præstabit. Sed res non tam expedita est, quam a multis existimatur.

2. †. Est in partibus divisionis difficultatis nonnulli. In definitionibus ipsis generum singulorum non paulo plus. Sed in exemplis prætoriarum, adliciarum, et com-

muniū, quæ hic et alibi proponuntur, longe plurimum, et hand scio, an tantum, quantum ab aliis nondum satis perceptum sit, aut satis expositum. Sunt enim exempla eiusmodi, ut quidvis potius esse videantur, quam quod dicuntur; ac mihi quidem in his explicandis cum aliis, quos adhuc legi, nullo modo convenit. Accedit ad questionem, et explicationis eius difficultatem, quod præterminissum est hoc loco et similibus, (quod tamen præcipue ad questionem huius loci pertinebat) quot stipulationes sint ex officio Prætoris, quot sicut ex officio Iudicis. Hæc nos omnia dedimus operam, ut quam simplicissime et dilucidissime explicaremus, quando loci utilitas postulabat; quibus expositis tum deinde huius divisionis locum et usum subiecit, quæ si paucis consequi non potuimus propter rerum difficultatem, et nonnullam explicationis novitatem, æquum erit in re utili ac prope cognitu necessaria veniam dari paulo pluribus verbis. Est ergo primum, quod circa divisionem ipsam dubitetur, et quod circa generum ipsorum definitiones. † In divisione hæc videri possunt inesse vitia, quasi et quædam genera hic prætermittenda sint, et rursum quædam ex his, quæ enumerantur otiose adiecta, cum alia aliis satis contineantur: ex quo etiam deterius videri possunt alia ab aliis esse distincta. Primum non nominantur hic cautionales stipulationes: quod tamen genus positum est ab Ulpiano in *L. 1. inf. de prætor. stip.* unde et videri potest hoc loco præterminissum. Sed non ita est, non appellantur hoc loco diserte cautionales stipulationes: sed verbo prætoriarum satis continentur; sunt enim et hæ prætorie; cum

vas Ulpianus prætorianum stipulationum speciem facit in *d. l. 1. de præf. stip.* Neque quisquam miretur, quod ex hoc loco non nominentur, at nominentur ab Ulpiano; hic enim dividitur genus ipsum stipulationis, cuius non alia genera summa sunt, quam hæc quatuor, quæ hic enumerantur: eo non licuit in his cautionalem stipulationem appellare eam; quæ nominatur ab Ulpiano: cum ea non sit unum ex illis generibus summis, sed unius generis summi species, nempe Prætorie stipulationis. Apud Ulpianum autem dividitur Prætorie stipulatio; genus unum videlicet ex illis summis quatuor, quæ dixi, cuius species infiores cum tres hæc statuuntur, iudiciales, cautionales, communes, ideo necesse habuit in his enumerandis uti cæteras species, sic cautionales nominatim recensere. Iam in generibus hic comprehensis, videri potest Pomponius vitiose hæc duo genera constitulare, iudiciales et Prætorias stipulationes, tanquam diversa inter se: cum potius iudicialis sit Prætorie, certe Ulpianus Prætoriam facit, qui in ea divisione, quam modo dixi, stipulationem Prætoriam dividens ei generi subicit iudicalem, *d. l. 1. inf. de præf. stip.* † Et necesse asset dici alterutrum fieri vitiose, siquidem utrobique iudicialis verbum idem significat. Nunc autem, quod utriusque loci definitiones facile ostendunt, ambiguum est verbum iudicialis stipulationis, quod aliter hoc loco, aliter Ulpiano usurpatur, atque uterque suo sensu de re statuit rectissime. Interdum dicitur a Iudice, ut sit iudicialis quæ iubente iudice interponitur, ut hoc loco: hoc sensu recte a Prætorie distinguitur: nam quatenus talis est, nunquam potest esse Prætorie. Interdum dicitur a iudicio, ut sit quæ interponitur iudicii causa, quo ratum fiat, ut constat ab Ulpiano definiri; hæc vero potest iubente Prætorie contra controversiam interponi, ea est, quam ille facit Prætoriam, ac quatenus talis est, non possit dici iudicialis eo modo, quo hic iudicalem definimus, ut sit quæ ab officio iudicis proficiatur. Imo, dixerit aliquis, at si iudicialis dicatur, quæ proficiatur ab officio iudicis; tamen non recte distinguatur a prætorie: cum idem sit Prætor, seu Magistratus, at Iudex: nam at Magistratus iudices erant. Hoc posterius si licet negare, questio omnis tollitur. † Itaque si verum est, quod ardui quidam hoc loco ad defensionem afferunt, Iudicis appellationem olim intelligi Iudicem privatum, seu Iudicem a prætorie datum, non con-

tineri autem prætorum, cuius esset pro iurisdictione iudicem dare, non indicare: nihil est explicata facilius. Sed vereor, ut sit tutum in eo consistere. Mihi quidem multis argumentis probatur Prætores, tametsi iudicem at plurimum dare solerent, tamen et indicare potuisse, si vellet, et adeo sæpe indicasse, denique video eos a vateribus Indices appellari. Iude titulus de rebus auctoritate Iudicis possidendis; ubi Iudicis, valet Magistratus, naque enim alius iubet possideri, quam Magistratus. *L. 3. §. 1. sup. de reb. eo.* Iude illud Ulpiani in *L. 1. sup. de iud.* cuiusvis Iudicis, qui tribunali præstet, vel aliam iurisdictionem habet, est iurisdicito. Sed nihil necesse est in hunc locum eam disputationem invahi, quæ a me alio loco commodiore tractata est: neque varo nunc ista defensione admodum opus esse iudicio. Constat aliquem esse posse iudicem, qui non sit Magistratus, qualis est Iudex a Magistratu datus, ut si isto iubente interponatur stipulatio, nemo negare possit hanc a mero Iudicis officio proficisci, constat at aliquem prætorum esse posse, et aliqua iure Magistratus facere, qui tamen nulla in causa Iudex sit, ut si eius iussu stipulatio interponatur, omnes intelligant proficisci eam ab officio solius prætoris, et Magistratus. Sed etsi Prætor, sen quisvis Magistratus in aliqua causa Iudex sit, de qua ut pro potestate, seu vetere, seu nova cognitionem et iudicium susceperit, si quam deinde stipulationem ab aliquo pro officio existat, tamen hoc dico non minus in eo discretum esse officium Iudicis ab officio Prætoris, quam ante, nec minus, quam ante, facile esse discernere, utrum illa pro officio Iudicis iniungatur, an pro officio Prætoris. Etsi enim unus at idem duorum partes gerit: diversa tamen sunt, et disiunctæ partes Iudicis, et Prætoris, et eiusmodi, quæ eodem tempore in eundem hominem non concurrant. Sic autem discerni possunt; † nam si quid Magistratus pro potestate faciat sine iudicio, aut non alicuius iudicii causa, id facere existimandus est pro officio Prætoris, et Magistratus, quia in eo partibus Iudicis non fungitur: siu aliquid facit lite apud se contestata, idque sine iudicii causa, in quo Iudex sedet, id vero pro officio Iudicis facere intelligitur, non prætoris; quia id facit magistratus quidem, verum ut Iudex, non ut Magistratus, eiusque rei argumentum est, quia idem faceret in eo iudicio pro potestate Iudicis, etsi Magistratus non esset, sed Iudex tantum a Prætorie datus. Ita fit, ut unquam

quam non sit officium iudicis distinctum et separatum ab officio Prætoris, eoque semper recte distinguatur Iudicialis stipulatio a Prætoris, sive Prætor omnino Iudex esse non possit, sive in eundem Magistratum cadat, ut sit idem et Magistratus, et

7 Iudex. † Videamus etiam in hac divisione, ne non satis recte distinguatur conventionalis stipulatio a cæteris, quasi et hæc non sint conventionales; nam et cæteræ ex conventionem reorum fiant, quæ definitio est hoc loco conventionalium stipulationum, nec ulla omnino esse potest stipulatio, quæ non habeat in se conventionem. *L. 1. §. 1. supr. de pact.* Et est omnino ita, ut si conventio tantum spectetur in stipulationibus, hæc in re nihil distent conventionales a cæteris. Sed illud tenendum est, quod conventionales dicuntur non eo fieri, quia conventionem habeant, sed quia ex conventionem fiant, idest, existant et nascentur; non sic prætoris aut Iudicialis; habent et hæc conventionem reorum, sed ita, ut hinc primum non proficiantur, sed extrinsecus ex iussu et officio Prætoris aut Iudicis. Ita distant conventionales ab aliis non conventionem et consensu, sed causa et origine huius conventionis interponendæ. Recta igitur divisio, in qua neque pauciora genera sunt, quam sit necesse, neque plura; in qua neque deest quidquam, neque redundat. Constituta divisione, definitiones singulorum generum et exempla expendamus. † Iudiciales, inquit, sunt duntaxat, quæ a mero Iudicis officio proficiuntur. Ex officio Iudicis, valet, ex iussu Iudicis §. ult. *Inst. de divis. stip.* Proficiuntur ex iussu, quæ ab hoc iussu initium habet; ita iudicialis est in summa, quam Iudex iubet pro officio interponi: ut conventio quidem et stipulatio tota sit reorum, ut paulo ante dixi; initium autem eius interponendæ a Iudicis officio nascatur, qui eam interponi iubet. Cur igitur dicitur proficiendi ex officio potius, quam ex iussu? ut intelligatur sic eam proficiendi a iussu Iudicis, ut tamen non possit is iubere pro arbitrio, ubi velit, et quam rem velit promitti: sed tantum pro officio, idest, quatenus ei ex officio iudicantis facere conceditur, quia scilicet ad rem, de qua iudicium est, pertineat, quod quando accidit paulo post dicemus. Merum est, *solum*, ut recte interpretatur Theophilus, hoc modo merum ius gentium Triphonius dicitur, quod per se spectatur sine præceptis civilibus in *L. bona, supr. depo.* et merum imperium dicimus, quod est solum, idest, sine iurisdictione, ut contra mixtum, quod iurisdictionem admixtam habet. *L. 3. sup. de iurisd. L. ult. supr. de off. eius.* Sed cur additur merum, cum sufficeret dicere, quæ proficiuntur ab officio iudicis? nam quæ ab officio Iudicis est, ea quatenus inde proficiuntur, non potest esse ab officio prætoris. Et certe sufficeret dicere officium Iudicis, si id ageretur solum hac definitione, ut distinguarentur iudiciales a prætoris. Nunc autem additum est verbum merum in utraque definitione, non quo distinguatur iudicialis a prætoris, aut prætoris a iudiciali, sed ut distinguantur ambæ a communibus. Est enim communis, quæ non solius est iudicis, aut solius Prætoris: sed alias iudicis, alias prætoris. Iudicialis autem, quæ simpliciter ita dicitur, ea est, quæ ab officio iudicis proficiuntur, et eo quidem mero, idest, solius iudicis, prætoris nunquam; quemadmodum contra prætoris, quæ sic proficiuntur ab officio prætoris, ut nunquam iubente iudice interponatur. Et ideo in definitione iudicialium ita dicitur, iudiciales sunt duntaxat, ut intelligatur definiri eas, quæ nihil aliud, quam iudiciales sunt; non autem ita sunt iudiciales, ut sint aliquando prætoris, idest, eas quæ non sint communes. Eadem sententia est verborum in prætoris stipulatione, cum ita definitur, ut sit, quæ a mero Prætoris officio proficiuntur. *d. §. ult. Inst. de divis. stip.* Quando autem stipulatio proficiendi intelligatur ab officio iudicis, non prætoris, vel contra: seu quando interponi iubeatur a Iudice, ut Iudice, a Magistratu, ut Magistratu, præsertim cum eam interponi iubet Iudex, qui idem sit Magistratus, et si supra attigi, quo superiorum generum distinctio intelligeretur: tamen hoc loco, ubi præcipue de hoc officio agitur, dicendum videtur paulo explicatius. Id ita assequemur, si cognoverimus, quando Iudex esse incipiat, et quibus rebus eius officium continetur. † Nam si quis stipulationem iure 9 interponi iubet, cum de re aliqua Iudex esse cœpit, non alias iussurus, et firmandi eius iudicii causa id facit, ac nisi a reo pareatur, iis remediis eum cogit, quæ sunt propria iudicis; tum eam stipulationem a Iudice esse, aut ab officio iudicis recte dixeris. Contra: si qua est eiusmodi, quam quis iure interponi iubet; tum cum de alia re iudicium apud eum institutum non est, aut nisi pareatur, non iis remediis ad cogendum utitur, quæ sunt iudicis: etiam si futuri alicuius iudicii firmandi causa ea

interponitur, tamen intelligere debemus, hanc non esse iudicis, neque ab officio eius proficisci; ex quo efficitur esse eam ab officio prætoris; quia necesse sit, quæcunque iussu alterius iure iniungitur, ab alterutrius officio proficisci, Iudicis aut Prætoris. † Quando ergo iudex quis esse incipit? cum lite contestata res ad eius cognitionem et iudicium delata est; lite enim contestata res in iudicium deduci, ac proinde ex eo iudicium initium capere dicitur. *L. unica, C. de lit. contest. L. 1. C. de iud.* Quænam sunt autem partes, et quodnam officium iudicis? Id positum est duabus in rebus. Primum ut de re in iudicium deducta cognoscat: deinde ut de qua re prius cognovit, de ea et iudicet. *L. de qua re, supr. de iud. L. iudices, C. eod.* Iudicatio autem est in sententia et pronuntiatione iudicis; pronuntiatio horum alterutro continetur, ut eum unde petitur, vel non convictum absolvat, vel convictum condemnet. *L. 1. supr. de re iud.* Ex his de re proposita æstimetur. † Ergo si quis Iudex lite contestata iubet aliquid pro officio cavere, et nisi caveatur, eum quem iussit condemnat in id, quod adversarii interest, aut reum absolvit: sciamus hunc tanquam iudicem iubere, quod iubet, etiam si maxime sit Magistratus, aut Prætor; quia in eo iubendo iure tantum et partibus iudicis fungitur, unde et stipulatio iudicialis merito nominetur. Quod si Prætor aut alius Magistratus lite apud eum non contestata de alia re, idest, iudicio de alia re non instituto iubet aliquem adversario postulanti quid cavere, quod iure publico recte postuletur, et si non caveatur, non utitur condemnatione, aut absolutione, sed aliis remediis: quæcunque remedia hæc fuerint certo statuemus id eum iubere tanquam Prætozem, seu pro officio Prætoris: unde et stipulatio prætoria iure dicatur. Id vero in omnibus stipulationibus cum iudicialibus, tum prætoris licet observare: ac de iudicialibus facile id comprobant ea exempla, quæ de his afferuntur et hoc loco, et in *Instit.* sub titulo, de divisione stipulationum; nempe de dolo malo, et de servo persequendo, qui in fuga est; quarum stipulationum rationem et usum si quis requireret, Theophilus explicabit, et ita, ut ex eius explicatione facile quisvis intelligat in his id spectari de iudicio, et iudicis officio, quod supra diximus. Nec dissimile iudicium est de cæteris. In prætoris stipulationibus paulo difficilius dictu est, qua nota in his officium Magistratus agnoscamus, neque enim omnes sunt unius generis, et pleræ-

que adhibentur iudicii confirmandi causa, ut sciri potest ex ea divisione prætoriarum, quæ est in *L. 1. infr. de præt. stip.* † sed ne quid sit necesse hic attingere singulas, hæc de omnibus in universum erit regula, nullam ex illis interponi iussu Magistratus, nisi ante liteam contestatam de ea re, de qua iudicium institui potest, et ad quam ea stipulatio refertur. Sed quod præcipuum prætoris stipulationis argumentum erit, nullæ sunt omnino prætoris stipulationes, in quibus iniungendis Prætor adversus detrectantem condemnatione, aut adversarii absolutione utatur; sed ea sunt remedia, quæ nullo modo sunt iudicis, ut in his Magistratus personam et auctoritatem facile liceat animadvertere. † Ea autem tria observare possumus. Nam alias adversarium, qui cautionem postulat, mittit in possessionem bonorum eius, qui non cavet; ut ex causa damni infecti. *L. prætor. supr. de damn. inf.* ut ex causa legatorum servandorum tit. ut. *lega. seu fd. no. ca. supr. et tit. seq. ut in poss. leg. esse lic.* quas stipulationes esse prætorias partim hic scriptum est, partim in *Inst. de divis. stip. et L. 1. infr. de præt. stip.* Alias non caventi iurisdictionem suam denegat; ut fit in cautione iudicatum solvi, quam si quis non præstet, Prætor eum ad alienum defensionem non admittit. *§. si vero aliquis, et seq. Inst. de satisd. L. qui proprio, §. qui alium, supr. de proc.* ut fit in stipulatione, rem ratam dominum habiturum, quam nisi procurator actoris suscipiat, Prætor ei denegat alieno nomine actionem. *L. servum, §. ait Prætor, L. mutus, §. pena, supr. de proc.* talis est et stipulatio fructuaria, fructuarius se boni viri arbitratu usurum qua cavet fructurum; nam hoc nisi fit, denegatur ei persecutio ususfructus, vel possidenti retentio. *L. 1. L. et si ususfructus 1. supr. usufr. quem cau.* Atque has prætorias esse scimus ex *L. 1. infr. de præt. stip.* Alias actionem dat adversus eum, qui non cavet, ut adversus eum, qui non cavet ædificia stipulatione, dat actionem ad mancipium redhibendum. *L. si venditor, supr. de æd. ed.* Quibus cognitis non solum intelligitur, quam recte distinguatur Iudicis officium ab officio Prætoris, eoque et iudicialis stipulatio a prætoris; sed etiam una aliqua ex his, quæ alieno iussu interponuntur, proposita, quæ sit prætoris, quæ iudicis, idest, quæ Iudicis officio, quæ prætoris conveniat, facile et sine errore indicabimus. † Sed quod necesse est

nos in his distinguendis laborare dicat aliquis? Quid enim refert, ab utro dicamus proficisci stipulationem, a iudiceve, an a prætorè, dum intelligatur hanc proficisci ab eo, qui inhendi ius habuit, sive Iudex is sit, sive Magistratus? Et sane nihil admodum referret, si de persona tantum iubentis ageretur, nihilque inter istas et in tempore eas iniungendi interesset, et in iis remediis, quæ ad istas iniungendas adhibentur. Nunc cum in utroque tantum intersit, quantum supra exposuimus, vel hinc satis intelligitur, quanti referat, nosse, utrum a Iudicis officio stipulatio esse dicatur, an ab officio prætoris. Iudiciale esse cum dicimus, hoc dicimus nunquam iniungi eam, nisi lite contestata, et ab eo qui de re iudicat, et quatenus stipulatio ad id iudicium pertinet; ac si quis cavere iussus detrectet stipulationem, non aliud habere iudicem quod faciat, quam ut non caventem condemnent, aut adversarium interdum absolvat. Contra prætoriam cum esse dicimus, hoc significamus, primum nunquam ab alio nam expectari posse, quam a Magistratu; a Iudice dato frustra. Deinde hanc iniungi ante litem contestatam: tum si recusetur, ad cogendum non esse constitutam condemnationem non caventis, aut adversarii absolutionem, sed ea remedia quæ supra diximus, quæ constat non esse iudicialia. Sed iam ad reliqua pergamus.

Ait, *prætorias autem sic audiri oportet, ut in his contineantur etiam ædilia* 15 *civæ.*) † An quod Ædiles fuerunt Prætores, ut sic ædilia contineantur in prætoris, uti species in suo genere? minime: constat enim Ædiles non fuisse Prætores, nec Prætores Ædiles, sed diversos hos et maxime diversos Magistratus fuisse, quod cum omnes historia testantur: tum vero si qui adhuc aliter docent, ita esse discere poterunt ex L. 2. §. deinde cum placuisset, *supr. de orig. iur.* ut verissimum sit, quod quidam movent, pro his verbis, quæ recte leguntur in Pandectis Florentinis, *nam et hæc a iurisdictione veniunt*, male reposuisse quosdam in Institutionibus, *nam, et hæc a iurisdictione Prætoris veniunt*. Nam quomodo a iurisdictione Prætoris, si Ædilis Prætor non est? Quod si ita est, sine dubio ædilia non sunt prætorie. Quomodo igitur dicuntur appellatione prætoriarum contineri? Non verbi significacione, sed scriptoris sententia. Est enim hic loci sensus, quod de prætoris dictum est, id sic accipiendum

esse, ut dictum intelligatur de omnibus, quæ ab officio cuiusvis alius Magistratus proficiscantur, cuius generis sunt ædilia; quoniam ut omnino eadem ratio est, sic de omnibus idem ius statui oportet. Et hoc est, quod subiicit: *nam et hæc a iurisdictione veniunt*; ut sit non ab edicto, sed a potestate iuris dicundi; hoc enim perinde valet, ac si ita dictum esset: omnium interponendarum eadem causa est, et origo, iurisdictione nimirum Magistratus. Proficiscantur prætorie a iussu et officio Prætoris: nempe propter iurisdictionem et imperium, quo ille fratus cogendi ius habet; in quo inest iuris dicundi potestas, quam habet ille, non quia Iudex sit, sed quia prætor, habiturus etiam, si nunquam indicet. Et ædilia item a iurisdictione veniunt. Nam et eas ipsi Ædiles non tanquam Iudices, sed pro iure potestatis, proque iurisdictione, quam in quibusdam causis cum Prætoribus parem habent: eodemque modo et extra iudicium inibi interponi, proinde et de his ex superiore genere satis dictum esse existimandum est, ut vere dici possit prætoris officium exempli causa positum esse, ut sub Prætoris persona, id est, ex nobilitiore specie Magistratus, velut *oratoris*, orationis compendio cuiusvis Magistratus officium, qui eandem in stipulationibus aliquibus interponendis iurisdictionem habet, intelligatur. In quo iuris auctores commoditatem dicendi secuti sunt, facilius est enim, et ad loquendi consuetudinem, atque orationis brevitatem aptius, dicere prætorias stipulationes, quam Magistrales, aut Magistratum stipulationes. Ædilia autem sunt, quibus venditor cavet da re vendita hoc modo, rem morbosam non esse, vitiosam non esse, servum fugitivum non esse; erroneum non esse, non esse denique in aliqua causa ex iis, de quibus ut caveatur, edicto ædilium cautum est. L. itaque, *supr. de ed. ed. L. si ita quis, L. quia dicitur, supr. de evict.* quæ omnes ideo dicuntur a mero ædilis officio proficisci, quia iubet ædilis eam interponi sine ullo iudicio, ac nisi ipso iubente interponitur, non condemnat venditorem, sed actionem dat adversus eum ad rem reddibendam intra duos menses, vel quanti emptoris intersit intra sex menses. L. si venditor, *supr. de ed. ed.*

Ait, *conventionalis sunt, quæ ex conventionem reorum sunt.*) † conventionem 16 sic accipe, conventionem sola, ut aliunde non proficiscantur, ut et supra diximus.

Nam

10 Nam et cæteræ omnes stipulationes conventionum rerum constant, sed non indetantum proficiuntur. † Rerum in usu iuris ut plurimum eum dici constat, qui promittit, qui debet, eum denique unde petitur. *L. 3. supr. de iureiu. L. 1. supr. de ed.* Sed cum in Institutionibus in explicatione huius ipsius divisionis definiantur conventionales, quæ ex conventionem utriusque partis concipiuntur; vel hinc petere licet, quos reos hic intelligere debeamus: nempe non eos accipi debere, qui proprie ita dicuntur, ut intelligantur promissores; sed utramque partem contrahentium, id est, et stipulantem, et promittentem: quod et ipsum nomen conventionis, quo Pomponius utitur, satis nos docet: est enim conventio placitum non unius promittentis, sed duorum, id est, eius qui promittit, et eius cui promittitur. *L. 1. §. 1. supr. de pac.* ex quo bene Accurs. *reorum* hoc loco interpretatus est, *contrahentium*: neque id præter rationem sermonis, sed maxime ex significatione verbi, et usu loquendi veterum. Reos enim a re dictos esse notum est ex Cicerone *Lib. 2. de orat.* ut sint omnes, quorum de re agitur: unde in usu iuris, non tantum promittendi rei dicti sunt, qui promittunt, sed etiam qui stipulantur, rei stipulandi. *Inst. de duo. reis stip. et pro.*

Quarum totidem genera sunt, quot pene dixerim rerum contrahendarum.) Ratio est, cur conventionalium stipulationum nullam hoc loco exempli causa ponat, cum ad superiora genera demonstranda exemplis cuiusque generis sit usus; nempe quia non est necesse. Superiora genera desiderabant exempla, quia ut in stipulationibus numero paucis, nec usque adeo usitatis aut cognitis, earum exempla aut non statim omnibus occurrant, aut certe in his similitudo facile fallat incautos. Conventionalium autem stipulationum, ineptum sit etiam exemplum proferre, quod nemo quantumvis imperitus requirat: quippe earum totidem genera sunt, quot pene dixerim rerum contrahendarum, id est, obligationum seu negotiorum, quæ contrahi possint. Porro nemo est tam imperitus, qui si non teneat omnes modos, quibus contrahitur obligatio, at certe non teneat aliquos, eos saltem, qui in hac vita communis etiam rusticis et mulierculis noti sunt: hos adhibeat quisque, si velit, et hinc sumat exemplum sibi; quodcumque genus id erit obligationis contrahendæ, non errave-

18 rit. † Sed cur addidit Pomponius, *pene dixerim*, cum sine exceptione probatum sit,

quodcumque dari aut fieri ex quavis causa potest, id et in stipulatum deduci posse, et quodcumque deductum erit, id præcipue ex stipulatione tanquam firmissimo omnium vinculo adstrictum deberi? *Inst. eo. in prin. et de inul. stip. in prin. L. si stipulor, 35. infr.* An quod hæc definitio interdum in emptione locum non habet, utpote quæ de libero homine, et similibus rebus commercio hominum exemptis contrahi potest. *L. liberi, L. 4. et seqq. supr. de cont. empt.* de quibus tamen constat stipulationem contrahi non posse? *d. L. si stipulor, L. inter, §. sacram, infr.* Imo et ad emptionem istarum rerum hæc definitio pertinet, omninoque ita reperietur, quibus de rebus in hoc genere emptionis obligatio contrahi potest, de his ipsis et stipulationem contrahi posse, et contractum non minus valere. Non contrahitur de his stipulatio, ut hæc res debeantur; ne emptio quidem ista potest de his contrahi, ut debeantur res ipsæ, non magis, quam ex stipulatione. *§. ult. Inst. de empt. et vend.* Sed valet emptio in hoc, ut teneatur venditor ignoranti emptori in id quod eius interest, *d. §. ult.* Et hoc ipsum si in stipulationem deducatur, quis dubitet stipulationem valere? non enim iam liber homo promittitur, sed pecunia, res privati iuris, quam constat in stipulatum deduci posse. At enim si quis liberum hominem stipulanti promiserit, sic stipulatio inutilis est, ut nec debeat eius hominis æstimatio, aut id quod stipulatoris interest, ut docui ad *L. si stipulor, infr.* cum ex emptione liberi hominis saltem obligatio in id quod interest, contrahatur. Non fit hoc ideo quia stipulatio de eadem re contrahi non possit, sed quia non sit contracta itidem, ut est emptio. Nam in stipulatione stipulamur rem dari, non rei æstimationem: eo fit, ut nec res debeat, quæ promitti non potuit; nec æstimatio, quæ præstari quidem potest, sed non est promissa: in emptione autem non id agitur ut homo bonis detur, sed ut tradatur. *L. ex empto, supra de act. empt.* In faciendi obligatione continetur id, quod interest *L. si penam, infra.* Denique videndum est, quo spectet, quamque vim habeat ea ratio, quam Pomponius subiicit: nam conventionales stipulationes, inquit, *et ob ipsam verborum obligationem sunt* (id est, in hoc, ut ex his verborum obligatio nascatur) *et pendunt ex negotio contracto*: nimirum hoc efficit sine exceptione quibus de rebus obligatio

contrahi potest, iisdem de rebus et stipulationibus conventionales confici posse. Nam si hæc fiunt, ut ex his obligatio constituitur, absurdum est ex aliis causis obligationem nasci; ex stipulatione autem, quæ potissimum ad obligationem adstringendam inventa est, de iisdem rebus eam non existere. Deinde si pendent ex negotio alia ex causa contracto, non debent alterius iuris esse, quam id negotium est, ex quo pendent: præsertim cum eius firmandi causa adhibeantur. Cur ergo addidit, *pene dixerim*? Non otiose; non enim dixit totidem esse genera stipulationum conventionalium, quot sunt rerum contrahendarum; quod si diceret, hic fateremur fortasse non recte addi, *pene*, ut quicquam excipiat: cum sine exceptione totidem esse possint stipulationes conventionales; sed dixit tot esse genera: quod si absolute dicitur, falsum est. Non enim quodcumque de re aliqua negotium contrahi potest, atque adeo contrahitur, continuo et de eo stipulatio interponitur; interdum adhibetur quidem stipulatio, sed inutiliter, ut emptioni venditioni, locationi conductioni, et nihilominus emptio venditio, locatio conductio utiliter contrahitur. *L. si stipulor, §. ult. infr.* In quibus verò dicitur non tot esse conventionalium stipulationum genera, quot sunt rerum contrahendarum: non quia non poterint tot stipulationes contrahi, sed quia non sint contractæ; hæc de causa ei, qui de eo non quod esse posset, sed quod esset, affirmaret, *pene* addendum fuit. Nisi quis malit et hoc ipsum de iure accipendum esse, et in universum vere dici tot esse iure genera stipulationum conventionalium, si quis his uti velit, quot sunt genera rerum contrahendarum: sed additam esse, *pene*, ut sit modesta causa ab eo, qui quamvis existimaret perpetuum esse, quod diceret; tamen in eo vereretur affirmandi temeritatem; periculosum enim definitur, quidquid de rebus tam multis, tanque variis in universum sine ulla exceptione definitur. *L. omnis, infr. de reg. iur.* quod magis est; nam et hac ratione dictum videtur illud, quod Caius definit in *L. fere, infr. de reg. iur.* fere quibus quicquæ modis contrahitur, iisdem in contrarium actis dissolvitur, cum præcise verum videatur, unumquodque eodem modo solvi, quo colligatum est. *L. nihil tam naturale, infr. de reg. iur.*

Communes sunt stipulationes, veluti.)

19 † Exemplis docet communes stipulationes esse, non eas quæ eodem tempore indi-

Tem. XI.

ciales sint, et prætorie: quod fieri non potest, cum distinctæ sint partes Magistratus et Iudicia, ut diximus: sed quæ rebus ita exigentibus interdum interponantur iubente Prætoris, aut Edile; interdum iubente Iudice. Huius generis tres exempli causa commemorantur, neque vero plures occurrunt, Rem pupilli salvam fore, Rem ratam dominum habiturum, et stipulatio duplex: dux priores in §. ult. *Instit. de divis. stip.* prima et tertia hoc loco. De quibus video parum liquere: mihi quidem res eiusmodi esse videtur, quæ præcipuam animadversionem desideret. Priores quidem illas, Rem salvam fore, Rem ratam haberi, ut plurimum esse prætorias, idest, iussu et officio Prætoris iniungi, omnes consentiant, quod et testatum est in *L. 1. §. 1. infr. de præst. stip.* nec vero obscura est ratio, cur id dicatur. At ubi, et quomodo accidat, ut interponantur iussu Iudicis, quod superscriptis in locis ascriptum est, hoc vero non facile quis expediat. † 20 Nam quod Theophilus hic attulit in *tit. de divis. stip.* ut eas stipulationes iudiciales esse probaret, tale esse reperitur, ut magis probet esse prætorias, in quo Theophilus boni aliqui et sani interpretis auctoritas multos in errorem induxit, qui dum ei fidem habent, nec satis eius exemplum ad regulam, et rationem iuris expendunt, eo factum est, ut tanquam re explorata satis haberent lectorem ad eum remittere; nec vero cum ab illius exemplo discesseris, facile est constituere, ubi eas stipulationes officio Iudicis tribuas. De duplex autem stipulatione, de qua ille nihil scribit, quia apud Iustinianum eius mentio facta non erat, multa occurrunt, quæ iudiciales esse, idest, iubente Iudice de ea re cognoscente interponi ostendant; quæ ædilia esse, idest, ab ædilis iussu et officio venire probent, aut nulla, aut perquam obscura; quinimo in contrariam sententiam alia omnia, siquidem ea, quæ diserte de hoc genere scripta sunt, spectare volumus. Atqui quod mirum est, de ea omnes ita scribunt, ut contenti idem referre, quod hic traditur, eam nimirum aut a Iudice venire aut ab ædile edicto, solum hoc interpretandum suscipiant, quid ait hic ab edicto. Sed et in hac, et in prioribus duabus longe aliud exigere difficultatem rei res ipsa comprobabit. Et ut quo ordine istæ stipulationes supra propositæ sunt, eodem dicamus de singulis, † quo iure prima illa, Rem pupilli 21 salvam fore, iudicialis fieri possit, consideremus. Prætoriam ut plurimum esse con-

stat;

stat;

stat. Qua ratione talis est, hac ipsa effici videtur nunquam eam a Iudicis officio proficisci posse: cur enim prætoria est? quia hoc munus iniungitur Prætoribus iure publico, ut dent operam, quo et tutores et curatores rem pupillo, vel adolescenti salvam fore caveant fideiussoribus datis, idest uno verbo, satisfcent, ne per eos negotia pupilli vel adolescentis consumantur. *Inst. de satisfd. tuto. in pr.* Ex quo et Prætor de eo adiri solet, ut tutorem eo nomine cavere iubeat; quod si iubet, perspicuum est eum pro officio et munere sibi iniuncto iubere, idest, Prætoris. Unde dum id satisfacit tutor, dicitur secundum præceptum Prætoris, seu Præsidis, et secundum iuris formam satisfacere, in *L. 2. C. de tut. qui non satisfd.* Ne quis autem existimet, quod id facit Prætor, ipsum in eo fungi officio Iudicis non Prætoris; consideret id postulari a Præatore, et iuberi siue ullo iudicio, sine ulla causæ cognitione, postulantis nimirum omnibus qui adversus tutorem eo nomine nullam actionem habent; consideret, si tutor iussus non caveat, non condemnari tutorem in id, quod interest pupilli (nihil enim adhuc eius interest) sed cogi tutorem a Præatore extra ordinem, ut alias solet cogi, tutelam gerere: *L. 1. in princ. supr. de administ. tuto.* extra ordinem, idest, remediis Prætoris usitatis ad cogendum, puta multa indicta, aut pignoribus captis. *L. 1. §. ex hoc rescripto, supr. de inspiciendo vent.* quorum nihil est Iudicis; est enim hæc omnis cogendi potestas iurisdictionis, atque adeo imperii magis, quam iurisdictionis. *L. iubere, supr. de iurisdic.* Iurisdicatio autem et imperium solius est Magistratus, aut eius cui mandata est iurisdicatio, non Iudicis, quatenus Iudex est. Quomodo igitur hæc eadem stipulatio potest aliquando venire ab officio Iudicis? Si munus iubendi cavere hac stipulatione, iniungitur Prætoribus et Magistratibus, non Iudicibus; si de eo nulla competit actio, de qua Iudex, aut Iudicium constituitur; sed res a Magistratu postulat, ut eam pro imperio præstari iubeat; si extorquenda cautionis ratio omnis est Prætoris, non Iudicis: conficitur hanc cautionem neque per Iudicem, neque Iudicio peti, aut iniungi posse. Iam vero quid sibi vult, quod Pomponius hoc loco scribit, sic Iudicem posse interdum iubere cavere hac stipulatione, si aliter expediri hæc res non possit? vel hæc ipsa conditio facit, ne possit unquam per Iudicem hæc res transigi. Semper enim hæc res, idest, cautio ali-

ter expediri potest: nempe per Magistratum, quia semper est Magistratus, et Prætor, a quo potius hæc satisfactio postuletur, ad cuius etiam curam illa pertinet. Hæc cum non fugerent Theophilum, is recte vidit, si quis ultro et recta hanc satisfactionem petat, eam ab alio postulari non posse, quam a Præatore, aut Præsidente, quibus hoc munus datum est, ut eam a tutoribus exigant. Sed si ipse tutor, qui non satisfacit, ultro quid petat pupilli nomine, et hac exceptione, quod non satisfacerit, occurratur ei apud eum Iudicem, apud quem actione a tutore instituta agatur, ibi Iudicalem hanc stipulationem fieri posse ait, si is apud quem agitur, eam exigat a tutore, aut alioqui agentem non audiat. Et recte Theophilus, quod in hac specie aliquando hanc stipulationem Iudicalem esse posse indicat. † Illud non recte, quod indicat id fieri posse ante litem contestatam. Sic enim scribit, *si contingat, ut ante satisfactionem tutor debitorem pupilli conveniat, atque is neque respondere velit, neque Iudicium suscipere, quod tutorem dicat nondum satisfacisse: quoniam aliter Iudicium procedere non potest, iubet tutori Iudex, ad quem in Ius aditum est, ut debitor pupilli satisfacere rem pupilli salvam fore, et ita invenitur hæc stipulatio communis iurisdictioni Prætoris, et Iudicis:* hæc ille. † Imo vero et hoc casu prætoria ista stipulatio est, non Iudicialis; ex officio Prætoris proficiscens, non Iudicis. Loquitur enim ille de eo qui in Ius vocatus sit, et necdum litem contestatus, qui neque respondere velit, inquit, neque Iudicium suscipere; quo tempore ut nullum adhuc Iudicium est; sic nec ullus Iudex, cum, ut supra diximus, Iudicium constituitur litis contestatione. Quis igitur tunc iubet hanc stipulationem interponi? Prætor, seu Magistratus, qui de ea re in Ius aditus fuit. Sciendum est enim, quisquis in Ius vocatur, eum recta non ad privatam aliquem Iudicem vocari, sed ad Magistratum eum, qui Iurisdictioni præstat, qui vel ipse iudicare possit, vel Iudicem dare. Id declarat verbum Iuris, quo in hac re utimur. Est enim vocare in Ius, ad eum qui Ius diciturus sit Iuris experiundi causa vocare. *§. ult. Inst. de pen. te. lit. L. 1. supr. de in Ius voc.* Ius dicere est, Prætoris et Magistratus, non cuiusvis Iudicis. *L. 3. supr. de Iurisd.* Apud hunc igitur litem intendit tutor, qui non satisfacit, et actionem pupilli nomine sibi dari postulat, quam adversarius Iure

recusat, si tutor non satisfecerit, rem pupilli salvam fore; hoc cavere tutorem in hac contentione quis iubeat? nempe Prætor, seu Magistratus, ad quem de ea re in l. ius itum est; quo iure, utrum Prætoris officio fungens, an Iudicis? Prætoris sine dubio; non Iudicis: non quod Prætor sit tantum; sed quod nihil hic, nisi prius iure et potestate Magistratus possit statuere in hac stipulatione iubenda; cuius rei certissima argumenta sunt duo: primum, quod lite non contestata, neque iudicio nondum cæpto ipse Iudicis officio fungi non potest in ea re, in qua ut nullum iudicium esset, sic nullus Iudex potest intelligi. Deinde quia si tutor id cavere iussus non pareat, nullæ aliæ sint iubentis partes, quam ut ei actionem denegat; hoc autem denegare actionem, proprium Magistratus, itidem ut dare. *L. sed etsi per Prætozem, §. sed etsi Magistratus, infr. ex quibus causis maio.* Quod si ideo putamus a Iudicis officio proficisci, non Prætoris, quia Iudicii causa Prætor aditus erat, longe erramus; non enim continuo Iudex est, ad quem quis vocatus est Iudicii causa; sed tunc demum, cum lite contestata ipse cognitionem et iudicium de re controversa suscepit. Denique quicquid Magistratus ante litem contestatam inter litigatores in translatione Iudicii, seu in exceptione recusandi iudicii causa instituta constituit, ac fieri iubet, id totum in iure et pro officio Magistratus constituit, neque Iudice adhuc, neque Iudicio de lite constituto. Ac si quam satisfactionem eo tempore exigit, ut iudicium procedere possit, iam vere esse, et dici prætoriam certissimo argumento est satisfactio, Rem ratam dominum habiturum. Ut enim a tutore pupilli nomine agente exigitur, ut ante omnia satisfat rem pupilli salvam fore, ac nisi id fit, reus iudicium suscipere non cogitur: sic exigitur et a procuratore, ut satisfat rem ratam dominum habiturum, ac nisi satisfat, frustra agit, idest, actio ei denegatur. *L. servum, §. ult. L. in iudicis, §. pena, supr. de proc.* Ab hoc igitur non minus hac satisfactio exigitur, ut iudicium procedat, quam illa superior a tutore. Et tamen omnes concedant stipulationem de rato esse prætoriam, non iudicalem; nam discrete in eo numero habetur in *L. 1. §. 1. infr. de præst. stip.* et quando tandem esse potest prætoris, nisi tunc, cum initio litis a prætore exigitur, quo tempore solum de hac satisfactione agi potest? *L. Pomponius, §. ult. supr. de proc.* Non est igitur dubium,

Tom. XI.

verbor. obligation.

quo dum stipulationem, Rem pupilli salvam fore, nobis iudicalem tradere vult Theophilus, ille pro iudicali attulerit prætoriam. Quando igitur hæc erit iudicialis? Si fingamus tutorem, qui non satisfecit, egisse adversus debitorem pupilli, et omnia questione satisfactionis rem litem esse contestatam, atque ita iudicium de ea re, et iudicem constitutum esse; deinde inter moras iudicii, cum cognovisset reus nondum satisfecisse tutorem, tandem confugisse ad hæc exceptionem, qua agentem removeret, quod diceret enim non satisfecisse. Si in hac defensione audiat reus, et ob id Iudex iubeat tutorem satisfecisse, rem pupilli salvam fore, habes satisfactionem iudicalem, quæ sine ulla dubitatione a mero Iudicis officio proficiscatur. Nam et qui iubet, Iudex est, qui lite contestata de re cognoscit; et ut sciri possit hæc illum satisfactionem exigere pro officio Iudicis, incidit hæc questio de satisfactione in iudicium, ac si satisfactio necessaria est, non potest sine ea iudicium procedere; pertinet autem ad officium Iudicis omnem incidentem questionem, quæ in iudicium adducitur, examinare, ut est in *L. 1. C. de ord. iud.* Sed et ipsa cogendi ratio est Iudicis; nisi enim tutor iussus satisfat, reus sententia Iudicis absolvitur; pronunciat enim nullum amplius iudicium esse de ea re, nullum Iudicem, neque progreditur eius potestas longius; atqui hæc potestas, atque hoc officium, solum Iudicis; ab eius officio igitur ipsa satisfactio proficiscitur. Sed an hæc idonea removendi tutoris causa est, si dicatur non satisfecisse? maxime: nam hac satisfactione non interposita tutoris officio fungi prohibetur. *L. 3. l. ult. C. de tut. qui non satisfat.* † Etiamne questionem satisfactionis initio litis ommissa, postea hæc exceptio iudicio cæpto obici potest? Adeo et ante, et post litem contestatam iudicio adhuc manente potest obici, ubi constet tutorem non satisfecisse, ut quavis omnino opposita non sit autem rem iudicatam, et reus condemnatus sit, tamen placeat sententiam tanquam inutilem reo non nocere, ut re ab eo gesta, qui agendi et administrandi potestatem nullam habuit. *d. L. 3. C. de tut. qui non satisfat.* In quo de quis obiciat satisfactionem ratihabitionis, quæ dicitur, si ante litem contestatam ommissa sit, postea opponi non posse: *d. L. Pomponius, §. ult. supr. de proc.* etiam in ea idem iuris est, ubi constabit procuratorem, qui iudicio exportus est,

est, mandatum a domino non habere. *L. licet, C. de proc.* Ne debitemus igitur, si iudicio cepto cum tutore adversus debitorem pupilli agente, reus illi obiciat ipsum non satisdedit, et probet, quin ut ad iudicis officium pertinet admittere exceptionem, et iubere, ut tutor caveat, ita illo cavente sit hæc cautio et stipulatio iudicialis, ut quæ a iussu et officio solius Iudicis veniat. Nec ad rem pertinet, quod hanc satisfactionem Prætorum curæ committi diximus. Quæ enim, si de his principaliter agatur, propriæ ad iurisdictionem alicuius pertinent, et si in iudicium per consequentiam incidant, ad iudicis cognitionem et officium pertinere incipiunt. *d. L. 1. C. de ord. ind.* † Et quod dicitur hoc loco a Pomponio interdum iubere Iudicem cavere, rem pupilli salvam fore, *si aliter expediri hæc res non potest*: his verbis, hæc res, perspicuum est cautionem non esse intelligendam, sed iudicium, sen rem, de qua agitur. Cautio enim semper per Prætorum expediri potest, cum ab eo postulabitur: ut si in ea interponenda nunquam aliter officio Iudicis locus sit, quam si cautio per Prætorum, sen per Magistratum non possit expediri, nunquam in ea Iudici locus sit futurus; quod est contra manifestam Pomponii sententiam. At iudicium non semper expediri potest, nisi Iudicis iussu hæc cautio interponatur. Id cum accidit, eius officio cautio permittenda est: quia ut iudicium procedat, id facere est necesse. Et fortasse pro, hæc res, legendum est, hinc res, hoc modo: *si aliter huic res expediri non potest*; hoc quidem et vis verborum et sententiæ ratio exigere videntur. Huic enim indicat Iudici, cuius proximè mentio facta est. Res intelligitur ea, de qua apud Iudicem agitur, et in qua exigitur cautio a tutore. Nec dubium est, quin in utroque verbo conveniat sententia; vere enim dicitur res iudici aliter expediri non posse, ubi hac stipulatione non interposita, ipse in iudicio longius progredi non potest. Quod si, hæc res, legitur, neque id demonstrativum ad cautionem, Rem pupilli salvam fore, aut ad rem pupilli referri potest repugnante sententia, cum et sine Iudice pupillo recte caveri possit; neque potest eam rem indicare, de qua Iudicio agitur, refragante verbi significatione, cum hæc res prius appellata non sit, demonstrativum autem, hæc, ad ea tantum, quæ proximè præcesserunt, refertur. Quam fuerit autem proclive pro huic adscribere, hæc, et af-

finitas literarum, et demonstrativi convenientia cum nomine rei²⁶ quod sequitur, facile ostendunt. † Quid, an eadem dicemus de stipulatione, rem ratam haberi, quæ a procuratore alieno nomine actionem postulante exigitur; Iudicalem nimirum non esse hanc, si ante litem contestatam exigatur, ut Theophilus putavit: sin postea, esse Iudicalem, ut illam superiorem Rem pupilli salvam fore? Ego vero de ea longe aliter, quam Theophilus, ac vulgus opinetur, iudico: hanc videlicet procuratore agente nullo modo unquam a iussu Iudicis proficisci posse: denique solum esse posse prætoriam. Neque vero eo lure cognito, quod de hac stipulatione, seu satisfactione constitutum est, difficile est id intelligere. Aut enim ante litem contestatam exigitur, aut postea. Si ante, Prætoriam esse supra effectum est; nam a quo tunc iniungeretur, nisi a Magistrato, apud quem agitur; et quæ cogendi ratio est, nisi ut Prætor actionem non det? tum autem quando esset Prætoris, si hoc casu non est? Quod si ab initio omissa postea Iudicio cepto exigitur, posset esse Iudicialis si iussu Iudicis interponeretur. Nunc autem post litem contestatam frustra exigitur, etque contra officium Iudicis eam iniungere. Verba de ea Ulpiani sunt in *L. Pomponius, §. ult. supr. de proc.* Ratihabitionis autem satisfactio ante litem contestationem a procuratore exigitur; cæterum semel lite contestata non compellitur ad cautionem. Et hoc verum est citra controversiam, si adhuc tantum dubitetur de domini mandato; et quid, si certum postea esse coeperit, eum qui tanquam procurator expertus est, falsum procuratorem esse? Iuste quidem id illi obiciet reus et post litem contestatam, quia hoc casu etiam nullum iudicium est. *L. licet, C. de proc.* Sed non ideo Iudex hanc satisfactionem ab illo exigit; quantumvis enim is, quem constat non esse procuratorem, satisfactionem offerat: tamen alieno nomine adversus reum invitum agere non potest. *L. 1. C. de proc.* adversus volentem potest, qui ultro satisfactionem admisserit; sed hoc modo conventionalis erit satisfactio, non Iudicialis, ut quæ ex sola conventionione reorum inter volentes, non ex iussu Iudicis inter invitos concipitur. Non est tutor, qui non satisdedit, similis falso procuratori; nam tutor, qui iure tutor datus est, satisfactione quantoque interposita administrationem rerum continuo recipit; quia et ante vere tutor erat, et si ante prohibebatur ab administratione: falsus

aus autem procurator non facit ulla satisfactione oblata, atque adeo præstita, ut sit procurator, qui antea non fuerat. Ideo ille oblata satisfactione recte agit, et in iudicio cepto recte perseverat tanquam tutor: hic quia non est procurator, sive satisfacit, sive non satisfacit, frustra alterius nomine, qui non mandavit, experitur. Quare si hæc satisfactio ante litem contestatam interposita a iussu Prætoris proficiscitur, non iudicis; post litem autem contestatam nulla est, quæ quidem officio iudicis iniungatur; consequens est eam nullo unquam tempore adversus procuratorem ab officio, seu iussu iudicis proficisci posse. Atqui apud Iustinianum scriptum est etiam satisfactionem de rato communem esse, et ut superiorem illam, sic hanc interdum ex iussu Prætoris, nonnunquam ex iussu iudicis concipi, idest, interdum esse et Iudicialem, quod nunc quaeritur. Et hoc verum est: sed sciamus nunquam talem esse posse adversus procuratorem alieno nomine agentem, a quo hæc satisfactio exigatur; id quod mihi antea satis demonstratum videtur. Quando igitur, aut quis huic stipulationi, ut Iudiciali relinquatur locus? Tunc, cum tutor egit pignori nomine, et iudicio cepto dubitari cepit, an tutor sit, vel an duret tutor, vel an gestus illi commissus sit. Constat enim etsi alias tutor non caveat, rem ratam pignorem habiturum; tamen his casibus hanc satisfactionem ab eo exigere, ne adversarius decipiat. *L. vulgo, supr. de adm. tut.* Quod si ante litem contestatam hæc satisfactio a tutore exigere potest ex supra scriptis causis, poterit et post litem contestationem ex iisdem causis exigere, ubi de potestate tutoris res postea dubitare coepit: neque enim ei imputari debet, quod eam non exegerit initio ab eo, quem tutorem putabat, et qui si vere tutor esset, nihil eiusmodi cavere debuit. Ac si ante litem contestatam satisfactio hæc iniungatur, erit prætoris, ut supra dicimus: si post litem contestatam, quia rem hanc officio et iussu iudicis, qui de re cognoscit, transigi necesse est, erit hoc casu citra dubitationem Iudicialis.

- 27 † Iam de stipulatione duplæ videamus. Duplæ a venditore de re vendite promitti constat, non tantum de rebus soli, sed etiam de mobilibus, quæ pretiosiores sint, itemque de mancipiis. *L. emptori, supr. de evict.* constat et illud, promitti eam ob evictionem, idest, hac conditione: si res vendita evincatur. *L. si tibi liberam, L. penult. C. de evict.* Hanc stipulationem du-

plæ si intelligimus, hic substatimus, necesse est: hæc enim Iudicialis est sine dubio; ædilitia nunquam, sive ædilitiam interpretemur, quæ proposita sit edicto Ædilium, sive eam quæ concipiatur ex Ædilis iussu. A Iudice eam proficisci posse non dubitabit, qui intelliget eam peti actione ex empto. *L. quod si nolit, §. quia assidua, supr. de æd. ed.* cuius est enim in eo iudicio iudicare, ut is venditor, cum quo agitur, duplæ promittat, nisi iudicis; et quo minus dubitetur hunc insum esse iudicis, quatenus officio iudicis fungitur sciendum est, si venditor ad extremum non caveat, huic iudicii exitum esse, et hanc cogendi rationem, ut dupli condemnatur res. *L. 2. supr. de evict.* quam condemnationem propriam esse iudicis supra diximus. Iudicialis est igitur, quæ per indicem petitur, et iniungitur per indicem, et in qua iniungenda eo remedio iudex utitur, quod proprium est solius iudicis. Sed fortasse et ædilitia esse poterit. Excitemus diligenter, quæ dicantur ædilitiæ, et ad eam definitionem hanc stipulationem revocemus, reperiemus ædilitiam esse non posse. Ant enim ædilitia erit, seu, ut loquitur hoc Inco Pomponius, dicetur venire ab Ædilis edicto, quia edicto Ædilium de ea tantum est, aut quia proficiscitur ab Ædilis edicto, idest, imperio et iussu. Nihil de ea edicto suo præcipiunt Ædiles: eo enim edicto de morbis, vitisve rei venditæ illi cavent, et si quid est eorum caussarum, quibus fit, ut vel usus rei emptori impediatur, vel eius rei nomine aliquid præstare debeat: quidquid idest, certe de evictione rei venditæ non cavent, eoque nec de duplæ stipulatione ob evictionem, ut edictum declarat, quod extat in *L. 1. supr. de æd. ed.* Inde distincti tituli in Digestis, de ædilitio edicto, et de evictionibus. Quid si verum est, satis argumenti est ne a iussu quidem Ædilis eam proficisci posse. Intelligendum est enim non de omnibus rebus iurisdictionem fuisse Ædiliam, sed de quibusdam tantum causis, ut est in *§. Prætorum, Inst. de iur. nat.* nempe de iis, de quibus edictum est ab illis propositum: quod si eo edicto nihil, neque de evictione, neque de duplæ stipulatione ob evictionem tantum est, ut ostendimus, conficitur, nec de duplæ stipulatione ob evictionem interponenda apud Ædiles agi potuisse. Quia autem non intelligit eam iussu Ædilis interponi non posse, quæ ab Ædile non petitur, et si peteretur, de qua invito adversario Ædilis iurisdictione non fuit? Quanquam etsi concedere-

mus

mus de ea cautum esse edicto *Edilium*, eoque et de ea apud *Edilem* agi posse; non tamen video, quomodo dici possit ab eius officio at iussu proficisci. Si quo alio modo pati posset, quam actione ex empto, per iudicem videlicet, aut alia eius extorquenda ratio esset, quam condemnatio iudicis in duplum, dubitare possemus, an esset *edilicia*: nunc cum aliter obtineri non possit, si recusetur, quam iudicio, et per iudicem partibus iudicis fungentem, quomodo ab officio *Edilis* proficisci videri potest? Petetur ab *Edilibus*, inquires: iubeant illi venditorem duplum promittere. Quid tum, si venditor recusabit? quomodo illam cogent? Si actionem dabant ad reddendum, agnosco Magistratum potestate, et officio Magistratus fungentem: quippe qui ita iubeat duplum promitti, ut remedium ad cogendum Magistratus propriis utatur. Dat enim alterius rei nomine actionem: hæc autem poena est ad cogendum constituta, remedium unum ex multis ad cogendum proprium Magistratus: hoc, inquam, si *Ediles* faciant, agnosco *edilicianam* stipulationem, idest, eam qua a *magro Edilis* officio proficiscitur. At hoc illi non faciunt, sed necesse habent, si duplum non promittatur, prius de ea iudicium constituta, quo queratur, an ea præstari debeat, ut si eam consequatur emptor postea, tamen non nisi sententia iudicis eam consequatur. Quare etsi proponeres ante litem contestatam stipulationem duplæ iubeant *Edile* interponi ab eo, qui ad *Edilem* in ius vocatus esset, et iudicium metuit: non ideo tamen stipulatio dicenda esset ab officio et iussu *Edilis* proficisci: non enim iussus et imperium Magistratus habendum est, quod is qui iussus est, impuna contemnere potuit, nisi prius de ea ipsa re quæ petitur, iudicio actum fuerit, et reus eo iudicio condemnatus: quemadmodum solutionem, quæ actione aliqua petitur, nemo prætoriam dixerit, quamvis reus ante litem contestatam solverit in iure apud Prætorum iudicium metu: quoniam etsi id recusaret, tamen nihil aliter Prætor de eo posset in eum agnoscere, quam iudicio, si ve id exerceat ipse, si ve iudicem daret, per quam id exerceatur. Sed illud teneo, quod supra dixi, nihil de duplæ stipulatione ob evictionem edicto *Edilium* cautum esse, et quia cautum non sit, ne de ea quidem esse iurisdictionem *Edilium*: absurdum porro est, ut quilibet de ea præ iurisdictione et officio iubere dicatur *Edilis*, cuius de ea re non sit iurisdictione. Quid ergo,

duplæ stipulatio non est communis, contra quam hic dicitur, at falsum est eam aut a Iudice venire, aut ab *Edilibus* edicto? Imo nihil verius: sed superius illud nos adnotet non de omni duplæ stipulatione id dictum esse, sed infinito de duplæ stipulatione; vel verius de ea duplæ stipulatione, quæ possit esse *edilicia*: nam quæ talis est, significatur hoc loco eam esse communem, id est, non *edilicianam* tantum, sed etiam talem, quæ possit a Iudice venire. Quenam igitur hæc esse potest, cum a priore discesseris? † Id ut intelligatur, sciendum est duplicem esse stipulationem duplæ, seu duabus de causis duplum promitti. Una est ob evictionem, vulgaris illa et usitata, de qua agitur in titulo de evictionibus: hæc cum petatur ordinaria actione, et per iudicem, præsertim autem cum de ea apud *Ediles* non agatur, sine dubio non est *edilicia*. Altera est ob eas causas, de quibus edicto *Edilium* iubetur cavere: puta rem vitiosam non esse, morbosam non esse, servum fugitivum non esse, errorem non esse, et similes: cuius generis mentio fit in *L. quia dicitur, supra, de evictione*. Esse autem hanc ex edicto *Edilium* sic non difficile colligitur. Etenim ut in supra scriptis causis rem non esse promittitur, edicto *Edilium* præcipi constat. *L. itaque, supra, de edil. ed.* De his cum cavere iubent *ediles*, nempe cautionis verbo, cautionem et promissionem in emptione usitatam accipere convenit. Porro ea est, ut vel promittatur id quod interest, quod in nulla earum rerum conceptione contineri intelligitur. *L. si ita quis, 31. supra, de evict.* vel promittatur dupla eius, quanto minoris res est ob id, quod aliquo morbo vitiove ex his, quæ edicto comprehensa sunt, laboret. Talem esse duplæ stipulationem, qualem diximus, idest, in emptione usitatam, atque adeo assiduam, ab Ulpiano scriptum legimus in *L. quod si nolit, §. quia assidua, supra, de edil. ed.* et quidem in interpretatione *edilicii* edicti: ex quo coniectura capi potest, eam et de ea duplæ stipulatione agere, quæ petatur ab his causis, de quibus ut caveatur, præcipitur eo edicto, ut sit interpretatio edicto conveniens. Hæc vero est communis, et, ut hic dicitur, a quæ a Iudice veniat, aut *edilibus* edicto. Id autem contingit hoc modo. Nam, quod de his rebus duplum sibi promitti postulat ab adversario, is adversario recusante in potestate habet ante præciæ duplam ab eo petere, aut agere in hoc, ut res vendita reddi debeat. Prius

consequitur actione ex empto, quæ cum in hac quoque partem, ut ex his causis dupla promittatur, competit: *L. quod si nolit, §. quia assidua, supra de ædil. ed.* tum vero eius actionis idem exitus futurus est, quem supra indicavimus, ut si venditor ante sententiam non cavet, in duplum condemnatur. *d. L. 2. supra, de evict.* Alteram consequitur edicto ædilium, quo actio ad reddibendum proposita est emptori, sive venditor de morbo, viciove, et cæteris quæ ibi comprehensa sunt, non prædixerit; sive rem in his causis non esse non promiserit, et quod ad consuetam eius rei cautionem opus est, non caverit. *L. 1. inneta L. itaque, supra, de æd. ed.* Prius si petitur actione ex empto; quoniam hic eadem petitio est, idem iudicii exitus, qui tunc, cum duplæ stipulatio ob evictionem petitur, cum præterea non magis hæc actio in duplum ex his causis constituta sit edicto ædilium, quam in specie superiore: par est, quod de priore illa diximus, etiam in eius duplæ stipulatione, cuius petitio ex his causis in duplum competit, eadem omnia existimari; iudicalem nimirum hanc esse, uti superiorem, ædiliam nunquam. Etenim si post litem contestatam interponitur, interponitur semper iussu et officio Iudicis de ea re cognoscens: si ante litem contestatam, sit potius voluntaria, quam ex ædilis iussu: sive quod hac actione apud ædiles non agatur; sive quod etsi agatur, et is lubeat eam interponi, inutilis sit iussus: ut cui imponere non pareatur, nisi de ea ipsa re sententia iudicis præcesserit. Posterius si petitur, hic demum duplæ stipulatio est ædilia, neque vero potest esse Iudicialis. Nam post litem quidem contestatam, ex officio Iudicis interponi non potest: cum huius officium sit condemnare reum in id, quod petitum est, non in aliud. *L. ult. C. de f. d. liber. L. ut fundus, supr. com. divid.* petita est autem reddibitio ob id, quod non cavebatur, eaque in Iudicium deducta est, non etiam dupla, aut duplæ stipulatio. Ante vero si interponitur, quoniam Iudicio nondum constituto non potuit a Iudice innangi, constat Iudicalem esse non posse; quin autem sit ab ædilis iussu et imperio, idest uno verbo, ædilia dubitari non debet. Apud ædilem de ea re olim agebatur. Is inebat stipulationem interponi. At ne quis inssam inanem fuisse existimet, et qui sine iudicio et condemnatione præcedente suam vim non teneret, erat in potestate ædilis iussum exsequi, actione ad reddibendum emptori data, si venditor de du-

pla non repromitteret: in qua actione danda licet agnoscere ædilis, quatenus ædilis est, idest, Magistratus, et ius dicentis potestatem. Non dubium igitur, quin si huius pænæ metu hæc stipulatio iubente ædile ante Iudicium acceptum interposita sit, vere dicatur ædilia, ut quæ sit ab ædilis solius iussu, et efficaci iussu profecta. Effectum est igitur tres istas stipulationes, de quibus proponimus, esse communes, Rem pupilli salvam fore, Rem ratam haberi, et duplæ stipulationem: idest, esse interdum prætorias, seu ædilia, interdum Iudiciales: et præterea quando a Prætoris iussu, quando a Iudicis venient, id de quo iustissimas dubitandi causas esse ostendimus, demonstratum est. † Ex hac 29 re incidit alia dubitatio, quam recte videlicet hæc communes appellentur hoc loco, quæ alibi dicuntur Prætorie. Sic enim in hac divisione communes distinguuntur a Prætoriis, ut prætorie quæ sunt, non sint communes, ne communes sint Prætorie. Atqui superiores istas tres Ulpianus inter Prætorias recenset in *L. 1. §. 1. et §. stipulatio, infra, de Prætoriis stipulat.* Et recte recenset, quatenus enim ab officio Prætoris proficiuntur, pro eo tempore quo proficiuntur, sunt prætorie, et quidem solum prætorie, non etiam Iudiciales: quia fieri non possit, in tam disinctis Prætoris, et Iudicis partibus, ut quæ ab officio Prætoris est, eodem tempore sit ab officio Iudicis, aut contra. Neque hoc negat hoc loco Pomponius, sed confirmat potius evidentissime: quas enim communes facit, easdem esse dicit interdum Prætorias, seu ædilia: eodem plane modo, ut Ulpianus. Cur igitur eas distinguit a Prætoriis? quia prætorias in hac divisione appellat, non quæ ita sunt prætorie, ut possint aliquando esse Iudiciales: sed quæ duntaxat sunt Prætorie; ut Iudiciales eas, quæ sunt tantum Iudiciales: quod declarant illa verba, Iudiciales sunt duntaxat, quibus verbis in Iudicialium definitione est usus. Declarat etiam ipsa distinctio generum: nam cum prætorie in hac divisione separentur a communibus, facile intellecto est prætorias dici ab eo, quæ ita sunt prætorie, ut non sint communes. Illud ne monendum quidem videbatur, cum dicuntur istæ modo prætorie, seu ædilia, modo Iudiciales, ideo dici prætorias, quia proficiuntur non ab edicto publico Prætoris, sed ab officio et iussu Prætoris. Quas enim prius prætorias definivimus, nisi quæ ab officio prætoris, idest, prætoris iussu proficiuntur? quas lu-

Iudiciales, nisi quæ ab officio et iussu Iudicis? Atqui communes hic dicuntur, quæ utrumque illud genus diversis temporibus præstant. Sed cur dubitemus, cum et hic, et in *Inst. titu. de divis. stipu.* scriptum sit ideo stipulationes has, Rem pupilli salvam fore, et Rem ratam haberi; communes esse, quia et ista iubet Prætor caveri, et interlun Iudex? Prætoris igitur et Iudiciales ex eo dictæ, quia concipiuntur ex

- 30 iussu modo Prætoris, modo Iudicis. † Quid, stipulationem duplæ an alia ratione ædificiam dici arbitramur, quam quod sit ab Ædilis iussu, seu quod eam iubeat ædilis interponi? Erramus, si aliter putamus: cum supra scriptum sit sic prætorias exaudiri debere, ut contineantur et ædiliæ: idest, ædiliæ definitione prætoriarum stipulationum, aut certe ratione contineri: quibus verbis significatur, ut prætoriam dicitur, quæ a mero prætoris officio proficiscitur; sic ædiliam intelligi eam, quæ proficiscatur a mero officio ædilis. Quid igitur opus fuit id monere, quod usque adeo sit in promptu, quæret quispiam? Quia Pomponius hic duplæ stipulationem ait venire a Iudice aut ab ædile dicto: quo verbo edictum publicum significari quis existimet, illud ipsum quod ab ædilibus propositum est, et de quo est Titulus, *de ædilio edicto*: nec abs re fortassis. Scimus enim duplæ edictum illo ædiliū promitti. *L. quia dicitur, supra, de evict.* Et certum est non minus recte dici ædiliam stipulationem, quæ proponitur edicto ædiliū, quam prætoriam actionem, quæ proponitur et constituitur edicto Prætoris. §. 4. *Instit. de obl.* Et hoc plerique defendunt: ex verbi significatione fortasse non male, sed huic loco parum convenienter. Nam neque verbis Pomponii, neque sententiæ ullo modo convenit. Verba repugnant. Primum quia ædilis edictum hic nominatur; hoc verbo non significatur edictum illud publicum: hoc enim non est unius ædilis, sed ædiliū, uti plures erant ædiles, a quibus fuit propositum; unde ubique edictum ædiliū Curulium nominatur, et id interpretantes Iurisconsulti veteres passim de eo ita scribunt: aiunt Ædiles, præcipiunt Ædiles, loquuntur Ædiles, stipulatio est ab Ædilibus proposita, et similia. *L. 1. Ædiles aiunt, in princ. et §. 1. et passim alibi, supra, de ed. ed. L. quia dicitur, L. si ita quis, supra, de evict.* Tum autem si edictum ædiliū intelligebat Pomponius, non fuit dicendum disiunctim duplæ stipulationem venire a Iudice, aut ab ædile dicto; sed coniunctim ita scri-

bendum, a Iudice venit, et ab ædile dicto. Nam et tunc, cum a Iudice iniungitur, venit ab ædile dicto, si edictum ædiliū intelligamus: propterea quod ideo eam iniungit Iudex, quia edictum duplæ promitti iubet, nec aliter de stipulatione, Rem ratam haberi, indicandum est, cum post litem a tutore agente contestatam ea stipulatio illi a Iudice iniungitur. Sententia vero Pomponii palam refragatur, quominus edictum ædiliū Curulium hic interpretemur, etsi dictum esset venire duplæ stipulationem ab ædilio edicto. Satis enim constat communes stipulationes hic dici eas, quæ utrumque habent, ut et prætoris, seu ædiliæ sint, et quandoque Iudiciales eo sensu, quo prius prætorias, ædiliæ, et Iudiciales Pomponius nominavit; in his autem prætorias et ædiliæ dici certum est non ab edicto publico Prætoris, seu Ædiliū, sed a iussu eorum, ut supra ostendimus; quare nec in communi stipulatione aliter ædiliam de sententia Pomponii interpretari debemus, aut possumus, quam eam, quæ proficiscitur ab ædilis iussu; quod recte Duareno videtur. At enim Pomponius ait venire eam ab ædile dicto, quasi vero novum sit, edictum Prætoris pro iussu et denunciatione Prætoris usurpari. Nota est hæc significatio in illis tribus denunciationibus Magistratum, quibus absentes adesse iubentur, quæ appellantur usitate edicta. *L. ad perentorium, et seqq. L. si prætor, supra, de iud. L. contumacia, supra, de re iud. iuncta L. ea quæ, et L. tres denunciationes, C. quo. et qu. iud.* Ac de sententia divisionis diximus nimium multa fortassis, si verba numerantur: si res spectatur, etiam pauciora, quam res potuerit explicari: mihi quidem ad eam sententiam, quam eius divisionis esse putamus, necessaria fuisse videntur. Exposita divisione, nunc ut proposueram, vim eius atque usum paucis indicabo. † Pertinet igitur, ut ceperam dicere, hæc divisio ad libertatem simul et necessitatem stipulationum interponendarum explicandam; questio in hoc genere tunc necessaria, cum de consensu agitur, quem requirimus in contrahenda stipulatione. Et si enim confici dicitur verbis stipulatio, unde et verborum conceptio nominatur in definitione: tamen non valet neque perficitur, nisi ex utriusque partis consensu. *L. inter, §. 1. L. continuus, §. 1. infr. cod.* Verumque est illud Pedii relatum in *L. 1. §. supra, de pact.* nullum esse contractum, nullam obligationem, quæ non habeat in se conventionem, sive re, sive verbis fiat, con-

32

conventionem, id est, placitum duorum et consensus, ut paulo ante in ead. *L.* conventio definita erat. † Hic consensus efficere videbatur, ut cuilibet liberum esse deberet stipulationem contrahere, aut non contrahere: quia non videretur recta dici posse consensus, ubi quis promittere cogitur. Idque in emptionibus venditionibus, donationibus, et similibus fieri videmus: quæ quia consensus et voluntate constant, ideo traditum est neque emere quenquam, neque donationem assequi, neque damnosam hereditatem adire compelli. *L. nec emere, C. de iur. delib.* Quo exemplo recipiendum videbatur, ut quoniam stipulatio consensu constat, idcirco nec quisquam cogi debeat contra, quam velit, stipulanti promittere. Sed cur his exemplis longe petitis huius rei confirmandæ causa utimur: cum exstat de omnibus contractibus generalis hæc sententia in *L. sicut, C. de obl. et act.* initio liberam potestatem unicuique esse habendi, val non habendi contractus? Quare si aliud servatur in stipulatione, non abs re est, car id hoc loco moneri oportet. Id vero cuiusmodi sit, nos docet hæc divisio: ex qua primum hoc assequimur sic stipulationes maxime ex parte esse conventionales, id est, quæ ex sola et libera conventionione contrahentium conspiciantur, ut sint tamen quedam necessariae, id est, quæ ex alterius iussu, et auctoritate proficiantur, iniunganturque etiam iuvitis. Iam vero quia hoc posito querendum fuit, quorum sit hoc iubere stipulationem interponi, ut his parere oporteat: tam in quibus ea potestas tribuitur, possintne passim et pro arbitrio id iubere: utrumque est in divisione et definitione generum expositum. Cum enim ex iis quas necessariae diximus, quedam dicuntur esse iudiciales, quedam prætorie, quedam communes, et iudiciales, quæ ex solius Iudicis iussu; prætorie, quæ ex solius iussu Prætoris; communes, quæ interdum ex huius, interdum ex illius iussu interponantur: fit, ut intelligamus iniungendæ promissionis potestatem penes duos esse, penes Iudicem, qui de re aliqua cognoscit, et penes Prætozem, quatenus iudicis officio in eo non fungitur. Quod autem dicuntur hæc non ex iussu Iudicis, aut Prætoris proficisci, sed ex officio, verbo officii admonemur, non esse his liberam, cum velint et cuius rei velint cautionem ab iuvitis exigere, sed sic esse has stipulationes ex Iudicis aut Prætoris iussu; ut tamen non sit iussus nisi ex officio, id est, ex eo, quod utrumque pro officio iudicis, aut Magistratus facere convenit.

Tom. XI.

Et huc usque progreditur superior divisio in hac necessitate explicanda non longius. Sed post hæc omnia hoc etiam obscurum est, quæ stipulationes iudiciales sint, quæ prætorie: queretur enim amplius, quæ stipulationes ad officium et potestatem Iudicis pertineant, quæ ad officium Prætoris, ut liceat dicere, cum istæ iniunguntur, iore eas iniungi, et pro officio. Id quoniam huic definitioni deest, et tamen ad eam intelligendam in primis pertinet, conabor etiam de eo certius aliquid præcipere. † Et da prætoris sic habendum est, nullas pertinere ad officium Prætoris, nisi de quibus vel edictis, vel iure publico constitutum est nominatim, ut ab eo peti possit, et ille pro potestate atque officio possit eas imperare iis, de quibus petuntur, ne quis forte aut temere a Magistratu eas patat, aut cum præter quæ quod iure conceditur petite erunt, eas Magistratus sibi iniungere licere existimet. Proinde quænam hæc sint, ex his partibus iuris, quibus de his cavetur petendum est. Quod si hæc adhuc nobis incertæ erunt; eas unaquæque causa, de qua controversia erit, patefaciat: hic enim consulto illo iure, quod de ea re constitutum est, continuo stipulationem ipsam, quæ eo iure proposita est, reperiemus. Quod si etiam eas semel nosse cupimus, earum bonam partem suppeditabit Ulpianus in ea divisione prætoriarum stipulationum, quæ traditur in *L. 1. infra, de præ. stip.* quibus si paucas adiecerimus, et numerum eorum, et propemodum vim et potestatem tenebimus. † Sunt ergo hæc fere, si quis complecti velit, rem ratam haberi, iudicatum solvi, iudicio sisti, de operis novi nuntiatione, damni infecti, legatorum causa, rem pupilli salvam fore, stipulatio duplex: quæ omnes commemorantur in dict. *L. 1. infra, de præ. stip.* usufructuaria, de qua in *L. 1. supra, usufr. quem. cau.* quod legatorum nomine amplius quid cepit, quam per legem falcidiam liceat, restitutum iri, de qua in *L. 1. in princ. et §. hæc verba, supr. si cui plus, quam per L. falc. lic.* de collatione, de qua in *L. 1. §. iubet, et §. quævis, supr. de col. ho.* stipulatio, qua heres sub conditione institutus agnita bonorum possessione secundum tabulas pendente conditione, cavet substitutis de hereditate, de qua in *L. Paulus, infra, de præ. stip. L. inter, supr. qui satisd. cog.* Ne sit autem mirum, si ad hæc demonstranda Ulpiani divisionem non adhibemus, quæ legitur in *d. L. 1. infra, de præ. stip.* † hæc enim non declarat, quæ sint, aut

33

34

35

34

quot

quod sint stipulationes, quas ius potestatem faciat a Prætoris petendi; sed ex iis quas constat tales esse, ut superiores, docet quid petant singulæ, et quem finem in summa sibi propositum habeant; hinc ille triplicem facit, aut enim interponuntur iudicii sive iudicati constituendi causa; aut eius rei cavendæ causa, de qua prius nullum iudicium fuerit; aut sunt communes, unde hæc genera, quæ ille enumerat, iudiciales, cautionales, communes. Ne quid tamen putetur in ea divisione inesse, quod ad hunc locum pertineat, quod forte nos falsos haluerit, aut si quid est, ut eo recte uti possimus, non erit alienum fortasse paucis ac veluti obiter indicare, quom sententiam illa habeat. Est enim eiusmodi, quæ qualis sit non intelligatur ab omnibus. Ac video ita accipi a plerisque quasi iudiciales dicantur, quæ sint iudicii alicuius confirmandi causa, cautionales, quæ nullius iudicii causam interponantur, communes, quæ pro parte temporis iudicii causa interponantur, pro parte non interponantur, qualis est iudicio sisti. Non nego, si quis divisionem suo arbitrato instituat, posse superiores stipulationes prætorias ita dividi; licet enim in illis et hanc distinctionem observare; ac si quia superioribus appellationibus ad eam distinctionem nitatur, puto non erraverit. Sed nego hanc Ulpiani sententiam esse in illa divisione, liquet, ex eo, quod stipulationem, rem ratam haberi: inter cautionales numerat: quam tamen iudicii confirmandi causa a procuratore actoris interponi constat, interponitur enim eo, ne si absolutus erit eo iudicio reus, amplius cum eo de eadem re agatur. Nec est, quod quisquam exemplum suspectum habeat. Nam præterquam quod in Florentinis, et aliis exemplaribus omnibus hæc stipulatio refertur inter cautionales, etiam in hoc genere numeratur ab Ulpiano illa, rem pupilli salvam fore, quam supra docuimus interdum iudicii firmandi causa adhiberi, puta cum pupilli nomine is tutor agit, qui non satisdedit, et prius ab illo postulatur ea satisfactio, ut iudicium procedat. Quid ergo est? Nempe Ulpiano iudiciales sunt, quæ propter iudicium interponuntur, ut ratum fiat, ut ille scribit; sed ut ratum fiat cum effectu, id est, quæ etiam re vera ratum faciunt. Sunt autem eæ, quibus promittitur id, quod prius ex iudicati causa præstari debebit, seu de quo is, qui promittit, iudicatus erit. Tales sunt hæc stipulationes duæ; iudicatum solvi, et ex operis novi nunciatio, quibus exemplis ille utitur. Defensor rei promittit iudicatum solvi, id est, solvi quod fue-

rit iudicatum, ut est in §. 4. *Inst. de satisd.* Ex operis novi nunciatio iam dixi eum, qui contra nunciationem ædificat, cavere se, quod ædificaverit restitutorum, sed hac conditione, si prius iudicatum fuerit eum iure non ædificasse. Ergo illi iudiciales sunt, ex quibus non nova actio nascitur, sed actio de ea re, de qua prius competat stipulatori actio iudicati, cujus iudicati confirmandi causa maioris cautionis loco adhibetur stipulatio, vel potius satisfactio. Cautionales autem ille vocat, quæ et instar actionis habent, et ut sit nova actio intercedunt, ut sit sensus, cautionales esse non eas, quæ coniunctim horum utrumque habent, sed duas distinctas, nimirum et quæ actionis instar habent, et præterea eas, quæ ut nova sit actio, intercedunt. Illæ instar actionis habent, quæ ultra petuntur a Prætoris, ut damni infecti, legatorum, et quæ sunt similes ex superioribus. *L. actionis, supr. de obl. et act.* Sic enim hæc petuntur a Magistratu ut petuntur actiones. Et hæc quidem, cum nullius aliis iudicii causa instituantur, sed moveantur ipsæ per se, citra controversiam iudiciales non sunt. Sed addit Ulpianus, etsi non petantur ultra alique prætoris stipulationes, sed per occasionem alicuius iudicii causa interponantur, esse tamen eas cautionales tantum, non etiam iudiciales, si intercedant ideo, ut sit nova actio de re aliqua, id est, ex actio, quæ de ea re, de qua agitur, sit sola, et ea, de qua actio iudicati non præcesserit. Talis est cautio, rem ratam haberi, hæc enim procurator actoris non promittit quidquam, de quo ipse, vel dominus sit condemnatus; sed id, de quo nullum prius iudicium fuit, nempe id quod rei interest, si eo absolute iterum de eadem re adversus eum agatur. Nam profecto prius de eo non agebatur, sed de eo quod domino procuratoris debebatur. Illud quidem certum est, hanc stipulationem, rem ratam haberi, non esse eam, quæ iudicium, quod cum procuratore fuit, et quo reus absolutus est, ratum efficiat, ac proinde Ulpiano non potest esse iudicialis, quantumvis enim promiserit procurator dominum ratum habiturum, quod cum reo actum erit: non tamen ideo prohibetur dominus de eadem re experiri, et quidem ita, ut non solum exceptione ultra possit removeri, sed etiam ut sit impune illi, quod egerit. Quod ad stipulationem, iudicio sisti, attinet, hæc dicitur communis, quia interdum id promittit, quod iudicio postea pronunciabitur debere;

ri; ut si reus ad diem non stiterit, ideoque commiserit stipulationem in id, quod petitum est (ut committitur hæc stipulatio. *L. 2. §. ult. et L. 3. supra, qui sat. cog.*) postea reo secum agendi potestatem faciente actor cum eo agere pergat prius, quam ex stipulatu egerit, deinde reus condemnatur. Sic enim eveniet, ut si actor ex stipulatione, iudicio sistendi causa agat, id petat, de quo et prius reus iudicatus est. Interdum id promittit hæc cautio, quod postea iudicatur non deberi, quod accidit in superiore exemplo, si proponas eo iudicio, quod postea secutum est, reum esse absolutum. Atque hæc de prætoris dicta sint quæ sint prætoris stipulationes; sive quæ ad Prætoris officium pertineant. De iudicialibus paulo difficilior explicatio est, quoniam pertinent ad officium Iudicis: neque enim certis legibus aut edictis præponuntur, ut præter eas; quæ certo iure proditæ sunt nullæ possint aliæ esse iudiciales; sed res ubique ad officium Iudicis revocatur, cum unam aliquam interponi debere legimus, ut quod de interrogationibus definitum est in *L. pen. sup. de interr.* merito possit ad has stipulationes transferri, ut dicamus, ubicunque Iudicem æquitas moverit, æque oportere interponi stipulationem iussu Iudicis. Ita semper hæc dubitatio relinquitur, quid hic postulet officium Iudicis, quid æquitas quam hic requirimus. Sed tamen conandum est et hic aliquid paulo certius de eo tradere, ut quod possumus, hac quoque in parte discentium, et quærentium studia adiuvemus. † Puto autem sic non male de re tota statui posse, omnes stipulationes ex officio esse Iudicis, vel de quibus præstandis apud eum agitur, vel quæ iudicio de alia re principaliter instituto, ad id iudicium explicandum, vel dirimendum sunt necessariae, nec ullas alias præterea. Tot enim sunt, quæ committuntur Iudici, et in quibus eius partes versantur. Quæ per Iudicem petatur stipulatio, una est; nimirum duplæ, ex duplici causa tamen; nempe ob evictionem, vel ob morbum vitiumve rei venditæ, et similes causas edicto Edilium comprehensas de quo genere satis supra diximus, Iudicio autem de alia re instituto, quæ stipulationes ad id iudicium pertinent, hæ sic pertinent, ut partim ad promovendum referantur, partim ad controversiam recte, et sine iniuria utriusque partis dirimendam. Ad promovendum Iudicium pertinet, quæ ab eo, qui alieno nomine agit, exiguntur iure; quales sunt quæ a tutore pupilli nomine post li-

Tom. XI.

tem contestatam petuntur, ut rem pupilli salvam fore, et rem ratam dominum habiturum; quibus, ubi, et quando locus sit, quamque pertineat ad officium Iudicis eas exigere, satis supra exposuimus. Ad controversiam autem dirimendam, necessariae sunt; quæ sunt eiusmodi, ut sine his non possit vel satisfieri actori de eo, quod ei restituendum est, vel reo consuli, ne condemnatus non teneatur eo iudicio ultra, quam oportet: hinc quædam sunt a reo cautiones, quibus actori cavetur: quædam ab actore, quibus vice versa cavetur reo. A reo, quoties, ut dixi, aliter actori de re petita satisfieri non potest. Id evenit primum in omni iudicio de servitute, quo declaratur servitutem alicui deberi, eoque ut reus eam restituat, iubetur. Hæc restitutio cum non sit in traditione rei certæ, quæ res nulla est, sed in patientia eius, qui condemnatus est, ut deinceps servitutis controversiam non faciat, sed actorem uti servitute patiatur, et si quid ad usum servitutis facere est opus, ut faciat, veluti in servitute oneris ferendi, ut parietem oneri ferendo destinatum reficiat: hæc, inquam, cum ita sint in servitute, apparet nihil esse lic, quod actori possit præstari de servitute, si nihil amplius a re expectamus, quam illam patientiam, atque illud factum, quod dixi. Fieri enim potest, ut nihil istorum reus præstet, et quidem impune nisi ad eam patientiam et refectionem Iure Civili obligetur, quod fiet, si de his rebus stipulanti actori cavebitur, neque vero restitutio servitutis aliter commode explicari potest. Ergo et istam cautionem a reo de servitute victo exigi, ut ad restitutionem rei, sic ad officium Iudicis pertinet, unde et eam in hoc genere Iudicii receptam videmus. *L. et harum, L. egi, sup. si servi vind.* Accidit item, ut sine cautione satisfieri non possit actori de rei petitiæ restitutione etiam in iudiciis rerum corporalium, in quibus agitur, ut res ab eo cuius prius fuerat, restituatur, ut sit in rei vindicatione, in iudicio dotis, itemque in iudiciis divisoris. Id autem accidit interdum de re ipsa, de qua restituenda reus condemnatus est: interdum de rei commodis, de quibus sibi reus actionem comparavit: interdum de rei ipsius persecutione, ubi de re ipsa damari non debet. Præter præsentem ipsius corporis restitutionem etiam in rei vindicatione facienda est, etiam de re ipsa ad plenam restitutionem necessaria est cautio de dolo, vel culpa præterita, si forte possessor inter

34*

inoras

moras iudicii implevit usucapionem, certum est enim eum rem non restituere, qui deteriorem factam reddit, aut eam reddit, quæ eius facto possit evinci. *L. 3. §. 1. supr. com. L. cum quis, 38. §. qui hominem, infr. de sol. ut si servum petiit post usucapionem manumiserit, aut pignori dederit, aut veneno corruerit. At periculum est, ne id possessor fecerit. Quid ergo hic fiet? actori rem suam restitui oportet, et talem, qualis fuisset, si tempore litis contestatæ restituta esset. At ob istas res condemnari reum, et litem adversus eum æstimari plane iniquum est, ubi non constet, an illa admiserit, quæ dixi. Rursum ita absolutum dimitti, ut corpore rei restitutum liberetur iniquum; quid enim, si postea appareat illa peccata esse in re petita? Quid ergo fiet? nihil aliud relinquitur, nisi ut nunc non condemnetur reus, quasi re non restituta; sed tamen quia admissa esse possunt, quæ nunc latent, sic adversus futurum periculum prospiciatur actori, ut illis emergentibus postea, ei cautum esse possit eo nomine: quod ita fiet, si reus iubente Iudice cavebit nihil dolo malo suo contigisse in re petita, quo deterior sciret: proinde ut in parte restitutionis, quæ facienda est, numeranda est hæc cautio; ita ut ea interponatur, ad curam Iudicis et officium pertinet: ex quo et illa in hoc genere usitata: *L. si post acceptum, L. præterea, in fin. supr. de rei vind.* Quo loco notandum est bonæ fidei possessorem solum de dolo suo cavere debere: ceteros etiam de culpa sua, inter quos erit et bonæ fidei possessor post litem contestatam. *L. si homo supr. de rei vind.* Eadem cautio recepta adversus maritum in repetitione dotis ob eandem causam. *L. si filiofam. 25. §. maritum, supr. solut. mat.* Commoda quoque cuiusque rei, et fructus una cum re in restitutionem veniunt. *L. præterea, supr. de rei vind.* Et de præteritis quidem, quæ percepit, aut percipere potuit, statim damnatur reus. At si qua sunt, quæ nondum ad illum pervenerint, pervenire tamen possunt postea, ut sunt mercedes rerum ab ipso locatarum, quas iure locavit, cum esset dominus, ea sunt in ea causa, ut de his damnari non possit in præsentia: et tamen quia si quid postea inde sit consecutus, æquum est eum præstare, officio iudicis continetur, ut iam nunc de illis actori consulatur: id fiet cautione, quæ cavebit reus, quicquid ex ea locatione consecutus sit, se actori restitutum. Sic maritus cavet uxori de commodis*

rei dotalis, quam iustus est restituere. *d. L. si filiofam. §. ult. sol. mat.* Sic coheres coheredi in divisione hereditatis cavet, quod ex locatione rerum hereditariarum perciperit postea, quodque de his stipulatus erit, se cum coherede communicaturum. *L. item ex diverso, supr. fam. etc.* Accidit aliquando, ut et de re ipsa et de commodis rei petita absolvendus sit reus; tamen ad hoc saltem teneatur, ut rem persequatur, quod sit cum de servo agitur, cuius is, qui convenitur, est dominus, (finge eum post litem contestatam usucaptum, de quo actione in rem actum erat, aut servum legatum peti) is autem servus sine culpa possessoris in fuga est. Cum sine culpa desiderit possidere, de servo damnari non debet sed tamen si quid de eo penes se habet, saltem hactenus damnari eum æquum est, habet autem eius servi vindicationem, et persecutionem, ut dominus servi: hanc si cedere posset, nihil esset melius, neque expeditius, quam ut eam cedere iuberetur, nunc autem frustra ceditur vindicatio, quam is, qui dominus non est, suo nomine exercere non potest. *L. in rem, supr. de rei vind.* Rursum in hoc damnare reum, ut servum persequatur, inutile est: quid enim, si non faciat? Res nisi cautione interposita de servo, qui in fuga est, persequendo, expediti non potest, hinc illa in hoc genere recepta. *L. item si cum, §. pro eo, supr. quod me. caus. L. servo legato, §. ult. supr. de legat. 1. Inst. de divis. stip.* Ab actore quoque suæ sunt cautiones ad iustam, et iudicio convenientem rei liberationem pertinentes. Talibus locus est in rei vindicatione, cum is a quo fundus petitus erat, ab alio eiusdem fundi nomine conventus est; aut a quo servus petebatur, eiusdem servi nomine cum eo furti agitur. Nam æquitas vindicationis postulat, ut cum actori iussus restituere rem restituerit, ea restitutione liberetur, ne contra regulam iuris his teneatur eiusdem rei nomine. *L. bona fides, infr. de reg. iur.* Atqui nisi ei caveatur ab actore futurum est, hoc modo videlicet, ut is possessor caveat, si vel alteri fundum evinceret, vel ipse possessor alteri quid præstitisset, id recte præstari. *L. is a quo, L. a quo, seq. supr. de rei vind.* Huiusmodi cautione opus est marito in restitutione dotis, quam ut restituere eum oportet, ita ea restituta non convenit eum

eum eius rei nomine onerari. Itaque si hoc metuit, ne quid eius rei nomine præstare cogatur, quod mulier agnoscere debeat, veluti si rem locaverit, et ex ea locatione quid ei præstandum sit: officio Iudicis convenit, ne rem restituere cogatur, prius quam mulier ei de indemnitate caverit, *L. si filiofam. §. ult. supr. sol. matr.* Idem periculum cum immineat heredibus, partim ex locatione rerum hereditiarum, quæ pro parte locari commode non potuerunt, partim ex stipulatione hereditaria, sive testator rem individuum promissit, veluti viam, sive promissit neque se, neque heredem suum quid facturos: ut sic facto unius cæteri teneantur: receptum est hic quoque, ne aliter iis, qui hoc periculum metunt, res a communione discedat, et cæteri partem divisam ferant, quam si caveant, quod unus solidum præstiterit, id se illi singulos pro parte esse præstituros; quod autem præstiterit propter unius factum, id ei ab eo, qui contra fecerit, præstitum iri. *L. heredes, §. contra, §. idem iuris, supr. fam. etc.* Scio si species omnes iudicialium stipulationum, quæ in Pandectis occurrunt conquirere quis velit, multo plures colligi posse. Sed genera indicavi, ac cognitis his quas iudiciales esse diximus, nihil negotii erit, quæ præterea in omni causa ad officium Iudicis pertineant, videre, præsertim si ad eam definitionem, et quasi regulam, quam de his initio posuimus, referentur. Quibus expositis, de divisione proposita deque necessariarum stipulationum numero, potestate, et usu plus satis dixisse videbamur, nisi hic etiam hæreret adhuc scrupulus, qui paucis eximendus est, et qui fiat videlicet, ut cum stipulatio sit contractus; *L. non solum, supr. de oblig. et act. L. certi. §. quoniam, supr. si cert. pet. L. 1. §. 1. supr. de pact.* tamen sint aliquæ necessariæ stipulationes, id est, quæ non ex voluntate promissorum, sed ex alieno iussu

pendeant, contra quam ratio contractuum postulare videtur: de quibus traditum est in *L. sicut, C. de obl. et act.* initio liberam potestatem unicuique esse habendi, vel non habendi contractus. Et dicendum est definitionem hanc, quam de contractibus esse dicimus, de his, qui vere et proprie ita dicuntur, esse accipiendam, quales sunt contractus omnes alii, et ex stipulationibus eæ, quæ dicuntur conventionales: et in universum, in quibus liber est consensus, et voluntarius; nam coactus consensus propemodum ne consensus quidem est; cum vis necessitatem imponat contrariam voluntati. *L. 1. supr. quod met. caus.* Ob eam causam ad stipulationes prætorias, aut iudiciales ea definitio non pertinet: quemadmodum nec pertinet ad iudicia, tamen si iudicio dicetur contrahi itidem, ut stipulatione. *L. 3. §. idem scribit, supr. de pecul.* Quippe ut iudicium redditor in invitum: *L. inter, §. 1. infr. eod.* sic et superiores stipulationes invitis iniunguntur: ac proinde proprie ut iudicia, sic et hæc contractus quidem sint. Cur ergo et stipulationes omnes dicuntur contractus, et iudicio etiam dicitur contrahi? Si in stipulationibus prætorii et iudicialibus spectemus id tempus, cum istæ interponuntur, ubi unus stipulatur, at aliter respondet; ut vera stipulationes sunt, sic non male dicuntur contractus, quia præsentem consensum habent, nec vis esse videtur, quæ est legitima. *L. 3. supr. quod met. caus.* Sin spectamus causam et originem; quia ab alterius iussu profisciscuntur, non contrahentium voluntate, proprie contractus dici non possunt; magis hæc pro solutione habendæ sunt, quam pro contractu. Interponuntur enim de eo, cuius nomine quemque alteri cavere iure oporteat: quæ causa est etiam, cur ab invitis exigantur. Idem de iudicio licet dicere. Sed iam ad ea, quæ sequuntur, trauseamus.

Ad §. Stipulatio autem.

Stipulatio autem est verborum conceptio, quibus is qui interrogatur, daturum facturumve se quod interrogatus est, responderit.

S U M M A R I A.

1. Cur hic stipulationis, et satis acceptionis definitio tradatur.
2. De nomine stipulationis.
3. Quatuor rebus constat et perficitur stipulatio.

4. Impersonaliter concepta stipulatio, an valeat.
5. Cur secus in stipulatione, quam in constituto.

CUR quo loco proposuit Pomponius divisionem stipulationum, et eo in loco definitionem stipulationis ei divisioni

subiecerit, quæ antecedere debere videbatur; rursum cur eodem loco inseraverit definitionem satis acceptionis, rei, ut videtur,

tur, ab Instituto alienæ, mirum videri potest. Sed mirari desinet, si quis quid stipulationes prætoris postulent, de quibus superiore divisione comprehensum est, intellexerit. Proposita stipulationum divisione cum et prætoriarum species subiectæ essent, sic de prætoris tradiderunt veteres, earum quasdam desiderare tantum nudam stipulationem, sive repromissionem, quasdam satisfactionem exigere, ut constat ex *L. 1. §. satisfactionum, infr. de præt. stip.* hoc posito, exigebat instituti ratio, ut post illam divisionem deinceps explicaretur, quid esset nuda stipulatio, seu stipulatio in universonum, tum quid esset satisfactio. Hunc locum tractans Pomponius eundem ordinem secutus est videlicet: ac proposita superiore divisione primum docuit, quid singula genera significarent: secundo loco quid esset stipulatio: tertio quid satisfactio, quod sub nomine satis acceptionis exposuit, quoniam ut ex satisfactione satis acceptio intelligeretur, sic vice versa ex satis acceptione satisfactio. Atque hoc loco stipulatio definitur, contractus is, ex quo nascitur verborum obligatio, de qua hoc titulo agitur; quo diligentius et definitionis huius vis cognoscenda est, quæ rem eam de qua quæritur, præcipue continet. Est autem in eo, et quod de nomine ipso rei definitæ quæritur, et quod observetur de vi et natura contractus ex definitione. † De nomine observandum hoc est, non unam aliquam partem eius contractus, qui dicitur verbis fieri, sed totum ipsum contractum appellari stipulationem; sic enim hic definitur stipulatio, ut sit non interrogatio sola, aut sola responsio, sed conceptio integra verborum interrogatione et responsione constans, quibus duabus rebus hic contractus consistit. Quam recte id, vel potius quam cum aliis locis, et usu iuris recepto convenienter, quæsitum est. Constat enim hoc contractu duos esse, quorum unus, nempe creditor futurus, interrogat alterum, an daturus sit, aut facturus; alter assensientem respondet; constanter autem in usu iuris sic isti distinguuntur, ut qui interrogat, dicatur stipulari, qui respondet, dicatur promittere: nec unquam qui interrogat, promittere dicitur, aut qui promittit, stipulari pro promittere; hinc illa; qui loqui potest, creditur et stipulari, et promittere recte posse: et in verborum obligatione sive quis promittit, verba stipulantis exaudire, sive stipulatur, debet exaudire verba promittentis. *L. 1. §. ult. super. prox. tit. Item inter stipulantem et promittentem negotium contrahitur, l. inter, infr. et quod huius significationis certissi-*

mum indicium est, hinc duo rei dicti, stipulandi unus, alter promittendi. *Tit. de duob. reis, infr. et in Instit. eod.* quos ita ubique distingui constat, ut nunquam reus promittendi dicatur stipulandi reus, aut qui stipulandi reus est, dicatur reus promittendi: Inde stipulatio pro interrogatione stipulantis in *L. 1. C. de cont. et com. stip.* Sane et ireum seu promissorem interdum dici legimus stipulari, ut *L. si non sortem, §. si decem, super. de cond. ind. L. si debitor, super. de contr. empt. et aliis quibusdam locis*, qui et ab aliis notati sunt: sed non ut significetur eum promittere, sed interrogari, verbum enim stipulari commune est, non deponens, ut Priscianus docet *Lib. 5.* dicimusque recte stipulor a te, et stipulor abs te, pro interrogo te, et interrogor abs te, itaque sane et stipulatio dicatur recte, tum qua stipulator interrogat, tum qua promissor interrogatur; sed ita, ut semper etiam in promissore stipulatio nihil aliud significet, quam interrogationem qua interrogatur, non autem promissionem, qua interroganti respondet. Fieri enim potest, ut interrogetur quis, neque tamen interrogatus promittat. Qui fit igitur, ut cepti querere, ut stipulatio cum per se ponitur, totus contractus stipulantis et promittentis intelligatur? Neque enim hic tantum sic usurpatur, sed passim eodem modo sub hoc titulo, ut et in inscriptione *C. de cont. et com. stipul.* Nempe pars pro toto contractu ponitur, idque eo recte fit, quia et una alteram ponit, quod accidit non significatione verbi, sed rerum et partium istarum necessaria consequentia, ac veluti affectione. Nam stipulatio utilis non alia potest esse, nisi quæ responsionem adiunctam habet, nec utilis promissio, nisi quam interrogatio præcessit, ut proinde una posita, si eam utilem esse volumus, necesse sit alteram continuo intelligi, quæ ei ex adverso respondeat. *L. 1. C. de cont. et com. stip. L. 1. C. de usur.* Neque hoc in verbo tantum stipulationis, sed et in innumeris aliis factum licet observare, ut donationis, satisfactionis, emptionis venditionis, locationis conductionis, rerum creditarum. In donando duo sunt, unus qui dat, alter qui accipit, neque unquam qui accipit, dat, aut qui dat, accipit: a donante donatio est, a donatario capio: et tamen totam actionem dantis et accipientis uno verbo donationem appellamus, an quod donationis verbum etiam acceptionem vi sua continet? minime: sed quia non est donatio sine accipiente nec quisquam ex ea causa accipit, nisi sit, qui donet. In

satisfactio similiter duo sunt, debitor qui quid promittit datis fideiussoribus, et is cui stipulanti hoc modo promittitur: qui promittit, et fideiussores dat, is dat satis, a quo et satisfactio, is autem creditor, cui fideiussores dantur, non satis dat, sed satis accipit a quo et satis acceptio nominatur, de qua *seq. §.* dicitur, et tamen tota actio dicitur satisfactio. *L. 1. sup. qui satis cog.* nempe quia qui satisfactionem dixit, vi ipsa etiam satis acceptionem dixit: propterea quod non est satisfactio, nisi sit qui satis accipiat. Hoc est, quod de emptione et venditione, locatione et conductione scriptum legimus in *L. veteres*, et *L. seq. sup. de act. empt.* veteres his appellationibus promiscue usos fuisse. Non enim hoc significatur veteres dixisse emptorem esse eum, qui esset venditor, locatorem eum, qui esset conductor, aut contra. Nam hæc ut rebus ipsis et factis, sic verbis certis et propriis distincta sunt, ut neque emptor sit venditor, neque venditor emptor, neque locator qui conduit, neque conductor qui locat; *L. 1. sup. de rer. per. L. 1. et 2. sup. loc. et cond.* sed hic sensus est, veteres his verbis singulis promiscue pro toto contractu esse usos, ut cum emptionem dicerent, uno verbo intelligerent etiam venditionem, et vice versa cum nominarent venditionem, uno verbo et venditionem et emptionem intelligerent, etiam si nihil adicerent amplius, eodemque modo appellatione locationis et conductionis utebantur. Optime: non quod ea pars, quæ emptio est, eadem sit venditio, aut pars venditionis, quæ proprie et vere ita appellatur: item quæ pars locatio est, eadem sit et conductio, aut pars conductionis, quam proprie ita nominamus, aut contra, ut iam dixi: sed quia non est unum natura, quin sit alterum, ut uno posito necesse sit continuo et alterum statui. Non est venditio, nisi sit qui emat: non est emptio, nisi sit, qui vendat: idemque in locatione, et conductione intelligitur, eo fit, ad utrumque intelligendum unum poni sit satis. Nec dissimili ratione dicuntur res creditæ, in titulo de rebus creditis, eæ res quæ a reis debentur. *L. 1. sup. si cert. pet.* quamquam contraria sint debere et credere, ut et creditor et debitor. Is enim creditor est, cui res debetur et qui fidem habet: is debitor, qui debet, et cui fides habetur. Sed hoc ita est: non sunt res creditæ, nisi sit cui illæ credantur, id est, qui eas debeat, quo fit, ut appellatione rerum creditarum vi ipsa et condi-

tionem rerum statim eæ intelligantur, sine quibus non esset creditum, id est, eæ quæ debentur. Similiter et stipulationem de toto contractu dici sciamus, ut ex stipulatione, quæ proprie stipulantis interrogatio est, etiam responsio et promissio intelligatur, quia illa sine responsione nulla sit. Nec quaerimus hoc loco anxie, cur ad totum contractum significandum nomine stipulationis, quæ pars stipulatoris, eiusdemque creditoris propria est, utamur potius, quam promissionis, quæ pars est debitoris propria: utrumque ideo, quia in hoc negotio præcipuæ partes sint stipulantis, ut proinde a potiore parte sumatur appellatio, ut Accursius voluit in *L. 1. sup. eod.* an vero, ut placet Alciato *Lib. 2. parer. C. 27.* quia stipulatio stipulantis causa concipiatur, non promittentis. Nam ut intelligatur in hac appellatione usurpanda nihil istorum, quæ modo diximus, spectasse veteres, sæpe in his negotiis, in quibus est, qui dat, alter qui accipit, cuius etiam causa res tota geritur, negotium ipsum ab eo, qui dat, nominatur. Indicium est donatio, et satisfactio, de quibus supra diximus: quorum utrumque est eius, qui dat vel rem, vel fideiussores et totum accipientis causa instituitur; et tamen utroque tota actio dantis et accipientis significatur. Et quod certius argumentum esse potest non spectasse in hac re veteres, a qua parte totum nominarent, dum ex una altera statueretur: sæpe idem negotium modo ab una parte totum nominatur, modo totum ab altera, ut in hac ipsa actione satisfacti, de qua diximus, quæ usitate a promissore fideiussores dante satisfactio dicitur; eadem ab accipiente interdum nominatur satis acceptio, ut in *§. seq.* scilicet, quia nec satisfactio sine accipiente intelligitur, nec satis acceptio sine satisfactante. Et ne longius abeamus, ipse hic contractus, quem appellamus stipulationem, interdum a promissore sponsio et promissio uno verbo appellatur. *L. sponsio, infr. de verb. sig. L. sciendum; §. dictum, sup. de ad. ed. L. 1. 2. 3. sup. de spons.* Et cur minus, quæso, ex sponsione a promissione interrogatio præcedens intelligatur, quam ex stipulatione intelligitur sequens promissio: cum utrumque ad obligationem verbis contrahendam ita requiratur, ut alterum sine altero esse non possit? Nec vero alia causa est, cur cum in instrumento scriptum est aliquem promississe, perinde habeatur, atque si interrogatio præcedente responsum sit. *§. si scriptum, Inst. de inut. stip.* Sed usus magis trivit verbum stipulationis, sive quod inde

inde esset origo contractus, sive quod interrogatione constitueretur forma totius stipulationis; sive quia visum est id ad rem intelligendam commodius, quod est verius; licetque id intelligere ex nomine satisfactionis, in qua cum initium totius rei et conceptio a stipulante creditore nascatur, tamen a promittente appellatur satisfactio: quia illud satis acceptio videtur durius; hæc de verbi usu et significatione. Sed cur ea sive interrogatio, sive conceptio integra, qua verbis nobis cavemus, dicitur stipulatio? quid enim, an stipulari idem declarat, quod interrogare, aut utrumque interrogare at promittere? Nentrum: neque enim ut dico, interrogo te de fundo, an des; ita dico, stipulor a te de fundo, an des, sed simpliciter stipulor a te fundum: hinc de verbi origine quaeritur. Et convenit inter omnes, qui de ea scripserunt, ideo sic appellationem esse hanc conceptionem, quia stipulari significat adstringere sibi rem verbis, et firmare, quod quidem stipulationis optine convenit; constat enim obligationum firmandarum causa stipulationes esse introductas, quod Paulus testatur *Lib. 5. Sentent. tit. de oblig. et declarator satis* in definitione conventionalium stipulationum; quæ supra tradita est initio huius capituli, ac plane intelligitur ex his, quæ initio huius tituli de vi stipulationis et fine disserrimus. Inde et stipulatio dicta est cautio per excellentiam nominis. *L. sancimus. C. de verb. sig.* quod præcipue hoc modo de omni re nobis caveretur, idest, prospiceretur ad firmandam fidem videlicet, et adstringendam obligationem, id enim cavere significat. Sed cur stipulari sit rem firmare, et adstringere verbis, auctores variat. Varro *Lib. 4. de lingua latina* a stipando et stipe dici putat. Paulus in eo loco, quem modo retuli, a stipulo dictum esse ait, quia stipulum veteres firmum appellerent, quod at Iustinianus inde sumptum in Institutionibus posuit sub *Tit. de verb. oblig.* De verbo stipuli si verum est, quod nostri scribunt, melius illi, quam Varro; certe ad inflationem et deductionem verbi stipulationis convenientius, sin minus (de quo parum liquet propter verbi vetustatem) saltem hoc manebat a stipulando, idest, adstringendo deductum esse; quod plane in re ipsa tantum valere, utraque enim origines firmum et adstrictum significatur, utrum autem dicamus, cum in ea nihil interit, non magnopere laborandum puto. Atque hæc de verbo. In definitione solum hoc observandum videtur, quibus rebus constat, et perficitur stipulatio, ex

qua contrahatur obligatio ea verborum, quam quaerimus; † esse res esse quatuor: ³ unam stipulationis propriam, tres cum aliis contractibus communes. Proprie est stipulationis verborum conceptio interrogationem et responsionem continens, in qua quæ servanda sint, expositum est in *L. 1. sup.* Sit autem hæc velut stipulationis formæ, a qua at verborum obligationis nomen natum est. Communiæ stipulationi cum aliis contractibus sunt, ut dixi, tria, primum quod in stipulum deducitur, tanquam materiam: tum consensus contrahentium, quasi efficiens causa stipulationis: postremo stipulationis finis. Materia est, quidquid dari, fieri potest, nec quidquam aliud utiliter in stipulum deducitur. *L. si stipulor, infr.* Consensus ex interrogatione et responsione congrua colligitur; neque enim hæc ideo requiruntur, ut verba sint tantum, sed ut his verbis consensus animi declararetur, ac sine consensu stipulatio nulla est, quod aliquot locis iam supra diximus. *L. continuus, §. 1. L. inter, §. 1. infr. eod. L. 1. §. 1. sup. de pact.* hinc stipulatio contractus. *L. non solum, sup. prox. tit. L. certi, §. quantum, sup. si cert. pet.* quod divisio obligationum, quæ sunt ex contractu satis probat, cum huic generi subicitur ea species, quæ verbis contrahitur, idest, stipulatione *L. 1. sup. prox. tit. §. 1. Inst. de oblig.* Finis stipulationis idem, qui et contractuum omnium, ut datur, aut fiat aliquid: non tamen infinite, aut quovis modo; sed ita, ut qui promittit, seipsum promittat datum facturumve; et promittat ea datum aut facturum, non cuivis, sed ei tantum, qui stipulatus est, cum quo negotium geritur. Alterum datum facturumve, et quod idem est, factum alienum inutiliter promittitur *L. stipulatio ista, L. inter. infr. eod.* Alteri stipulari, ut ei per nos actio requiratur, per regulas iuris non possumus. *L. stipulatio ista, §. alteri, infr. L. quæcumque, sup. prox. tit.* Ac satis est genere ipsa istarum rerum iudicare, quorum deinde fusior explicatio ex suis quæque locis petetur. † Hinc quaerimus est de hac stipulatione, *dabitur? dabitur?* utrum valeat, necne. Nam qui ita promittitur, se datum aperte non promittit, potestque stipulatio sic accipi, dabitur tibi ab aliquo, dabitur ab alio, non a me: quò sensu si accipitur, certi iuris sit stipulationem esse inutilem. Quaeritur igitur, an sic accipi debeat, an vero ita potius, quasi dictum esset, dabitur tibi a me, ut fiat hoc modo

sti-

stipulatio utilis. Sunt qui putent nullam esse stipulationem moti primum, quod hæc definitio a promissore hoc exigit, ut promittat se daturum, se, inquam, aperte quod non fit ab eo, qui impersonaliter respondet, *dabitur*; deinde quia et si hoc verbum dabitur, potest sic intelligi, dabitur tibi a me, et dabitur tibi ab alio quovis; tamen utrumque accipere non debemus, sed id, quod stipulatori nocet secundum regulas iuris. *L. stipulatio ista, §. in stipulationibus, infr. eod.* Postremo omnem in hac re dubitationem sustulisse videtur Iustinianus, qui in constituto hoc definivit, nullam esse constitutum, si quis ita dixerit, tibi satisfiet, verbo impersonaliter prolato. *authen. si quando, C. de const. pec.* Sed nihil verius, neque melius, iudicio meo, quam quod de hac re scriptum est ab Alciato, *Lib. 2. parer. Cap. 18.* utilem nimirum esse stipulationem, ut quæ ita accipi debeat, dabitur tibi a me, quod valet, dabo. Nam cum id recte probat testimonio Plauti, qui hoc ipso exemplo stipulationis proposito, sub alterius persona ait sic recte stipulationem esse conceptam: tum vero recte monet generalitatem responsionis ad interrogationem revocari debere, et ex ea esse temperandam: quia id respondere quisque intelligatur, de quo interrogatus est. *§. præterea, Inst. de inut. stip. L. si sine, §. qui interrogatus, supr. de inter.* Nam quod hic exigitur, ut de se quisque promittat, agnosco verum esse, et in hac quoque specie fieri debere fateor: sed et in eo fieri aio, qui respondet, *dabitur*. Nam si hoc, *dabitur*, ex interrogatione ita interpretandum est, ut responsio interrogationi conveniat, promissor hoc respondisse intelligitur, quoniam me interrogas, an dem, dabitur a me, quem vis dare: nec ad rem pertinet, quod hoc, *dabitur*, sic intelligi potest, dabitur tibi ab aliquo, vel ab alio; satis enim ad vim stipulationis, si et hoc quoque intelligatur, dabitur tibi a me, quod intelligi debere ostendimus. Non obstat, quod dicitur in stipulationibus si quid obscurum, aut ambiguum est, verba contra stipulatorem interpretanda esse; dicta *L. stipulatio ista, §. in stipulationibus, infr.* hoc enim tunc solum recte dicitur, cum nobis verba

Tom. XI.

contra stipulatorem interpretantibus non ideo stipulatio fit inutilis: quod si ea interpretatione plane inutilis fiat; id observari potius, ut contra promissorem interpretemur, quo res valeat. *L. eum qui calendis, L. quoties, 80. infr. eod. de quo plura dicenda sunt ad d. §. in stipulationibus. † Quod* 5
autem Iustinianus constituit non obligari de constituta pecunia eum, qui ita dixit, tibi satisfiet, ne hic quidem mihi occurrit quidquam melius aut certius, quam id quod idem Alciato respondet; ideo aliam esse causam constituit, quia in eo non possit constare ex interrogatione, de qua persona sentiat is; qui constituit, cum in constituto interponendo nulla præcedat interrogatio, ut in stipulatione. Non me movet, quod et pacta interdum sic concipiuntur, ut responsionem præcedat interrogatio. *L. iuris gentium, §. quod ferè; supr. de pact.* Nam et cum id fiet, eandem responsionis interpretationem esse debere arbitror. Quod si quis contendet eandem fieri non debere in constituto propter Iustiniani constitutionem *d. aut. si quando, C. de const. pec.* quæ generaliter scripta est de eo, qui constituendo ita dicit, tibi satisfiet: non ideo tamen vincet in stipulatione idem debere constitui. Non enim in constituto sic interrogatio adhibetur, quasi quidquam pertineat ad id, de quo agitur; ut dici possit nec debere responsionis interpretationem ad eam interrogationem referri, quod seors fit in stipulatione. In ea enim consulto interrogatio adhibetur, et procedit, quod deinde sequatur responsio interrogationi serviens. Quæ ratione autem dicimus utilem hanc stipulationem, *dabis? dabitur*, ut intelligatur dabitur a me, quem interrogas: eadem ratione, et hanc valere probandum est, *satisfacies mihi? satisfiet*: ut idem illud hic intelligatur ex interrogatione, satisfiet a me, quem interrogas. Quod si ita est, recte Alciato in promissione impersonaliter concepta in totum separavit stipulationem a constituto; nec vero aliud reliquitur, quod statuamus, si dederimus hanc stipulationem recte concipi, decem dabis? dabuntur. Nam hoc quidem constat constitutione Iustiniani improbari eiusmodi constitutum, si dictum sit satisfiet tibi. Sed non sunt hæc eadem, quidam aiunt, dabis? dabuntur; et

35

sa-

1) Duar. et Cuicac. ad *L. 5. h. t. Gomez. 2. Resol. 9. n. 3.* Vid. *Guad. C. 4. Concl. 3.* Dist. DD. Vulgo. Gravius iuris imperitia erat (ut scripulis nolent viii cetera doceri, sed in aliis quam nostris auctoribus versatior) Ino. Guilielm. *QQ. in Plauti Astinar. C. ult.* scribens stipulationum formulas conceptas fuisse per verba. *Si sive, ni, nise*, quæ qui perperam adhibuerat, eum actione cecidisse.

Nam istarum vocularum nec nisi in conditionalibus stipulationibus minus ullus esse potuit. Nec quidquam retulit quomodo conciperetur conditio, cuius utilitate quidem fuerint quædam formulæ, non tamen necessarie, cum imo et sine verbis induci possit. Vid. *Lib. seq. C. 11.* et eam voluntas facit, non sermo *L. 2. de hiis quæ per. ca.* Cuicac. 14. *Obst.*

satisfacies? tibi satisfiet. Quasi quidquam intersit, utrum dicam satisfiet tibi, an vero solvetur, vel dabitur tibi, quod tibi debetur? Movetur scilicet hoc argumento, quod stipulatio non recte fiat hoc modo, promittis? promittetur; at quam non recte ista comparantur, nihil enim promittit qui dicit promittetur, etiam si se ipse

promissurum dicat; aliud est enim iam nunc promittere decem, aliud dicere se postea promissurum; ideo non mirum, si qui id dicit non obligetur. At qui dicit dabitur, vel satisfiet, iam nunc promittit, aut se aut alium daturum, satisfacturum; solum hoc dubium relinquit, utrum de se, an de alio sentiat, an vero de omnibus.

Ad §. Satis acceptio.

Satis acceptio est stipulatio quæ ita obligat promissorem, ut adpromissores quoque ab eo accipiantur, idest qui idem promittunt. Satis autem accipere dictum est eodem modo, quo satisfacere. Nam quia id quo quis contentus erat, ei præstatur: satisfieri dictum est et similiter quia tales quibus contentus quis futurus esset, ita dabantur, ut verbis obligarentur, satis accipi dictum est.

S U M M A R I A.

1. Cur ad satisfactionem explicandam satisfactionis verbo utatur l. c.
2. Satisfactio, satisfactio quid.
3. Nec pignoris, nec pecuniæ, vel auri, vel argenti depositione, sed solum fideiusso-ribus satisfieri.

4. Satisfactionem et satisfactionem toto genere differre, ubi l. 1. sup. Qui sat. cog. explicatur.
5. Lectio §. ult. l. promissor, sup. de const. pec.

CUM ex stipulationibus prætoriiis quædam sint, quæ satisfactionem desiderant, quædam nudam repositionem: l.

1. §. 1. *infr. de præ. stip.* conveniebat, ut dixi, instituto Pomponii, a quo de prætoriiis stipulationibus institutus erat sermo, ut quemadmodum de repositione dixerat, ita diceret de satisfactione, quid nam sit. Id ergo facit sub nomine satis acceptio-
nis. † In quo mirari non debemus, quod non potius sit usus verbo satisfactionis, cum de ea quaereretur. Ut enim ad repositionem declarandam stipulationis definitione usus est, quia ex uno alterum intelligitur: sic hoc loco ad satisfactionem explicandam satisfactionis verbo uti ei visum est, quia ad rem exprimentandam, quæ utroque verbo continetur, utro verbo utamur, nihil interest. Diversæ quidem res sunt satisfactio, et satisfactio, et ita diversæ, ut sint etiam contrariæ; satisfactio debitor, accipit satis creditor: nec unquam fieri potest, ut qui dat, quatenus id facit, accipiat, aut det, qui accipit, quatenus id facit. Sed distinguuntur ista personis et officiis dantis et accipientis, cæterum in utroque res una eademque est, quæ datur, et quæ accipitur. Inest in satisfactioe cautio, insunt et fideiussores qui dantur;

et hæc ipsa sunt, quæ accipiuntur a creditore, cum illi dantur; nec vero ab eo alia de causa accipiuntur, quam quod ei data sunt, quemadmodum et in donatione idem fundus est, qui donatur, et qui a donatario accipitur; ut plane ad donatum fundum demonstrandum nihil intersit, utrum fundum donatum, an fundum acceptum dicas. Satis autem acceptiois verbo definiri, hoc loco satisfactionem ex definitionibus istarum rerum intelligi potest. † Satisfactio definit Ulpianus in l. 1. *supr.* qui sat. cog. *alicui pro eo quod a nobis petit, ita cavere, ut eum securum eo nomine faciamus, datis fideiussoribus.* Satisfactio-
nem Pomponius hoc loco esse dicit stipulationem, qua quis verbis se obligat de re aliqua ita, ut adpromissores quoque ab eo accipiantur, idest, qui idem promittunt, quod prorsus idem declarat. Cavere enim est stipulantem promittere. *l. sancimus, C. de verbor. significat.* fideiussores autem sunt, qui idem promittunt verbis. *l. blanditus, C. de fid.* Hoc initio monendi fuimus de verbo satisfactiois duabus de causis; primum ne quis alienum ab instituto Pomponium fecisse existimet, quod cum satisfactio ad prætorias stipulationes pertineret, satisfactiois verbo omisso definierit potius

satisfacceptionem; deinde ne quis ambiguitate verbi satis acceptionis deceptus putet hoc loco non magis satisfactionem definiri, quam satisfacceptionem; quod si fieret, neque ad questionem de stipulationibus quidquam pertineret, neque adeo vera esset definitio, quæ hic traditur, satis acceptionis. Nunc hoc præcipue observetur in definitione satisfactionis, seu eius, quæ ei ex adverso respondet satisfacceptionis, quod dicitur de fideiussoribus, satisfacere nimirum esse quidem ita cavere alicui, non ita se ei obligare verbis de re aliqua, ut hoc amplius eum securum faciamus eo nomine datis fideiussoribus. † De fideiussoribus tantum dictum est, ut intelligeremus non aliter satisfacere. Cavetur, et quidem idonee et recte, non tantum reis et fideiussoribus, sed etiam pignoris datis. *L. 1. §. iubet, supra, de coll. bo. L. 4. §. addici, supr. de fid. lib.* sed non satisfaciatur, nisi fideiussoribus. Et ideo in prætoris stipulationibus quas dicimus exigere satisfactionem, traditum est eas desiderare personas pro se intervenientium, idest, reorum, fideiussorum, adpignorum, et neque pignoris quem, neque pecunie, vel auri, vel argenti depositionem in vicem satisfactionis fungi. *L. prætoris. 1. infr. de prætor. stip.* scilicet quia exigitur edictis Prætorum satisfactio, quæ id significat, quod dixi. Inde satisfactio cavere, et cavere pignoris datis distincta in *d. L. 4. §. addici, de fid. lib.* Non temere est, quod de significacione et usu verbi hoc præcipue animadvertendum esse dicimus. Nam aliquid vel vis ipsa et origo verbi, vel hic ipse locus et hinc similis in *L. 1. supr. qui sat. cog.* vel adeo hoc ipsum, quod dicitur fideiussoribus datis satisfacere, elicere videntur non tantum fideiussoribus recte satisfacere, sed etiam pignoris. Vis verbi in primis; quid est enim satisfacere, nisi dare, quod sit satis ad cavendum adversario, et eum securum reddendum? hoc quidem positum est in *d. L. 1. qui sat. cog.* et præterea in satisfaciendi verbo id significat verbum satis. At non minus cavetur adversario, nec minus securus redditur pignoris datis, quam fideiussoribus; unde quibus in partibus iuris id exigitur, ut recte aut idonee caveatur, eas sic veteres constanter acceperunt, ut non minus pignoris, quam reis cavere posset. *d. L. 1. §. iubet, supr. de coll. bo. d. L. 4. §. addici, supr. de fid. lib.* Hoc autem loco, et non paulo apertius in *d. L. 1. qui sat. cog.* dicitur satisfacere aut quod in re idem est, satis accipere eodem modo appellatum esse, quo satisfacere. Qui-

bus verbis significari videtur, aut eandem appellationem esse utriusque verbi, idest, eandem vim et significacionem, aut certe eandem esse originem et rationem utriusque: quod tamen posterius eodem redit; in eadem enim origine et notatione verbi eandem significacionem utriusque esse oportet. Quod si verum est, non aliud relinquatur de verbo satisfaciendi, nisi et pignoris datis, et fideiussoribus pariter recte satisfacere: quoniam et qui satisfacturum promisit, utrumvis faciat, præstat quod promisit. *L. promissor, §. ult. supr. de const. pec.* Sed ut doessent cetera; tamen hoc solum, quod dicitur satisfacere fideiussoribus datis, satis esse videtur, ut probetur etiam tum satisfacere, cum dantur pignora: certe iniuncta satisfactio non minus admittendam esse eam cautionem. Car enim fideiussoribus datis satisfacere dicitur? non ideo quia solvitur: naque enim postquam quis dedit fideiussores idoneos, continui aut ipse solvit creditori suo, aut fideiussores ab eo dati. Car ergo dicitur hoc modo satisfacere? Constat ideo dici, quia hoc modo recte caveatur creditor, hoc modo creditor securus redditur, ut expressum est in *d. L. 1. supr. qui sat. cog.* Atqui aut magis cavetur creditori datis pignoris, aut certe non minus. Magis etiam cavere declaratur regula iuris, quæ traditum est plus cautionis esse in rem, quam in personam. *L. plus cautionis, infr. de reg. iur.* Sed ut non sit plus cautionis; at certe inest tantundem. Ideo, ut iam dixi, quibuscumque in causis recta et idonea cautio exigitur, in his pignorum datione ad idoneam cautionem defungimur. *d. L. 1. §. iubet, de coll. bo. d. L. 4. §. addici, de fid. lib.* Necesse est igitur in pari cautione, aut etiam maiore eandem esse satisfactionem, idest, in pari causa eandem effectum intelligi. Itsque non omnino abs re videri potest, quod Accursius, et alii hunc secuti ad *L. 1. supr. qui sat. cog.* existimant non minus pignoris cavere posse ad satisfactionem, quam fideiussoribus; et quod nominatim de fideiussoribus additum est tum ibi, tum hoc loco, sic interpretantur, si quis fideiussoribus datis cavere velit: ceterum posse et pignoris id eum facere. Sed non eo minus verum est, quod dixi, non satisfacere, nisi fideiussoribus datis, et ubinamque satisfactio exigitur iure, illic ad cautionem invito creditore non admitti nisi fideiussores. Alioquin otiose in definitionibus satisfactionis et satis acceptionis comprehensum esset de fideiussoribus, si etiam pi-

pignoribus datis recte satisfacere; aut si pertinebat, hoc ad definitionem, male prætermittitur sunt pignora, quæ nihilominus ad eandem definitionem pertinebant. Male etiam satis acceptio definiretur hoc loco stipulatio, cum pignus quo satisfacere posse volunt constituatur citra stipulationem nuda conventionem. *L. 1. sup. de pig. act. L. 4. sup. de pig.* Nihil rectius distinguantur ista, cavere satisfactio, et cavere pignoribus in *d. L. 4. §. addici, de fid. lib.* Sed omnem controversiam dirimit, quod scriptum est in *d. L. 7. infr. de præst. stip.* in prætorii stipulationibus neque pignoribus quemquam, neque ullius rei depositione in vicem satisfactionis fungi. Non est enim, quod putemus id singulari et proprio quodam iure receptum esse in stipulationibus prætorii præter vim et significationem verbi *satisfactio*; ubi cumque edictis prætorum iubetur stipulatio prætoriam interponi, nihil amplius de ea iubetur, quam eo nomine satisfacere; cum igitur definitur hic fideiussores admitti, non etiam pignora, nempe ex significatione verbi id definitur, non contra significationem. Et in *d. L. 7. de præst. stip.* dictum est non posse quemquam pignoribus defungi in vicem satisfactionis, ut intelligeremus, si quis forte pignora admitteret, id vicem satisfactionis habere posse; satisfactionem non esse: quemadmodum satisfactio pro solutione esse dicitur, seu vicem solutionis habere; re vera non est solutio. *L. satisfactio, infr. de solut. L. item, §. 1. sup. quib. mod. pig. vel. hyp. sol.* Neque vero aut in verbo satisfacendi, aut in genere cautionis, aut in similitudine satisfactionis, quæ his locis statui videtur, aut denique in ullo alio loco iuris quidquam est, quod superiorem sententiam mutare debeat: hæc enim erant quæ supra obijciebamus. Et ut de verbo primum respondeam, ita vis est et compositio eius verbi, ut non ad alios pertineat, quam ad fideiussores. Inest quidem in eo verbo *satis*, ut vere dicatur inesse in eo, quod sit satis creditori ad cautionem, ut significatur in *dict. L. 1. supra, qui sat. cog.* sed inest in eo et dare ut intelligamus sic dictum esse satisfacere, ut sit quasi satis et abunde dare id, quod debetur, vel præstare, quod sit satis ad futuram dationem, et naturalem præstationem rei debite. Id vero efficitur cautione rei debite fideiussoribus adhibitis; idest, cum debitor iam promittit se quid daturum, ut det præterea eos, qui idem promittant. Sic enim fit, ut ex ea cautione aut det ipse

promissor postea, quod debetur, aut dent fideiussores, qui non fallent: quia idonei dati sunt. Non idem efficitur datis pignoribus, non enim pignus unquam dabit id, quod debetur. Interire pignus potest, nec cum interierit habet heredem, qui teneatur in id, quod debetur. Fieri potest, ut extet pignus, sed non reperiat emptorem. Postremo etsi id distrahatur, et pretium consequatur creditor; non tamen id pretium dare debitor intelligitur, sed emptor, et is quem prius debitor non dedit. Iam igitur satis intelligi puto ex vi et significatione verbi non aliter satisfacere, quam rem ita promittendo, ut dentur etiam eius rei nomine adpromissores: pignoribus datis dici posse debitorem creditori cavere, satisfacere non item. Sed cur verba moramur, ac non potius rem ipsam spectamus, inquires, ut cum non minus recte caveatur pignoribus, admittamus etiam ea ex sententia legis propter eandem rationem, ideoque et cum lex satisfactionem exigit, ibi locus sit pignoribus ad omnem cautionem, eaque cautio pro iusta satisfactione cedat: fit enim hoc in aliis partibus iuris omnibus, ut si in una aliqua re eadem ratio sit, quæ in ea de qua nominatim iure cautum est, idem quoque in ea admittatur, etsi forte nominibus, aut forma aliqua distinguantur. Ut ecce non sunt creditores, si ad verbum rem expendere volumus, hi quibus pecunia ex alia causa, quam ex contractu debetur, quia fidem debitoris non sequuntur, quibus debitor nihil promisit, nec fidem dedit. *L. 1. sup. si cer. pet.* At omnium idem ius eademque ratio est. Ideo omnes creditorum appellatione accipiuntur, quibus ex qualibet causa debetur. *L. creditores, L. creditorum, infra, de verbor. signification.* Similiter in edicto de procuratoribus exigit defensionem et satisfactionem Prætor ab omnibus, qui alieno nomine sibi actionem dari postulabunt. *L. servum, §. ait Prætor, sup. de proc.* Si verbum sequimur, non tenentur hoc iure, qui alieno nomine aut præiudicio aut interdicto agunt, aut sibi caveri prætoriam stipulationem postulant. Nam hæc proprie non sunt actiones. Sed nihilominus eandem vim habent. Eo etiam actionis verbo eo edicto continentur. *L. non solum, supra, de proc. L. actionis, sup. prox. §. ii.* Et generaliter receptum esse scimus, ut ubicunque eadem ratio est, ibi et ius idem valere debeat. *L. illud, supra ad leg. Ag.* Isto modo ne sit fortasse satisfactio, ubi pignoribus caveatur, si verbum urgere volumus: at si rem spectabimus, non minus

pro satisfactione id habendum est, quia in eo aut par, aut etiam maior cautio est. Et si quidem eadem esset cautio in pignori- bus, non negem ego pignorum dationem pro fideiussoribus et iusta satisfactione ha- beri oportere. Sed hoc ita est: non tantum iunctio cautionis in pignoribus cum ad rei praestationem, tum ad sensum et votum creditoris, quantum in fideiussoribus: ut dicendum sit pignorum cautionem neque ad verbi significationem, neque ad legis sententiam satisfactionis verbo contineri. Pignora interire possunt, etiam si diligenter asservet, fideiussoris obligatio nec cum morte fideiussoris intercidit, sed transit ad quosvis heredes: denique non exstinguitur, nisi solvendo. Pignora si exstent, et his incumbat creditor; tamen molesta saepe eorum custodia est; utpote quae non minus diligenter servare et curare debeat, quam diligens paterfamilias in suis rebus versari solet. *L. ea igitur, supr. de pig. act.* Nulla custodia fideiussorum creditori praestanda est. Adde, quod debitor absente aut frustrantē ut interest creditoris suam conse- qui, ita pertinet ad nonnullam eius existi- mationem habere eos, quibuscum de debito possit agere, qui vel debitum agnoscant, vel negantes, cum iudicio convicti fuerint, condemnentur, ut omnes scire possint ni- hil creditorem calumniae petere, sed solum quod sibi iure debeatur. Id autem praestabant fideiussores, qui de pecunia non minus conveniri possunt. Nihil tale praesta- re possunt pignora, praesertim si quis ea possidebit. Atque haec cum ita fieri omnium creditorum, qui hominum de se iudicium non negligunt, interest; tum maxime Ma- gistratus in praetoris stipulationibus quae quoniam iubente Praetore interponuntur, ideo ad auctoritatem eius et fidem pertine- re videtur iudicio intelligi, quam recte de re satisfactione tantum sit: quod facilius obtinebitur, ubi plures erunt, qui periculo suo ad defensionem sui excitentur. Ad- de et illud, quod fideiussoribus datis faci- lius et minore molestia sua ad suum per- venire poterit creditor; erunt enim, qui pro creditore solliciti sint de pecunia, qui reo instant, ut ille solvat, quo citius ipsi fideiussionis periculo liberentur. Pignora ne- gligentem et securum reum excitare non possunt. Creditor pignora distrahet, dices. Sed hoc humanis creditoribus grave est statu- ere adversus debitorem: neque tam cito, aut etiam sine molestia consequuntur, ut vendant, si bona fide et solemniter insi- stunt vendere, ut ius iubet. *L. 4. L. quae specialiter, C. de dist. pig.* Proinde mirum

videri non debet, si satisfactione edictis Praetorum iniuncta in re aliqua respondeatur a veteribus, ibi personas desiderari in- terventientium: pignoribus autem, aut al- terius cuiuslibet rei depositione in vicem satisfactionis neminem fungi posse. *d. L. 7. infr. de praet. stip.* Non nego pignoribus recte et idonee caveri, non secus ac fideiussoribus cum de debito solvendo agitur: quod quibusdam locis expressum est. *d. L. 4. §. addici, supr. de fid. lib. d. L. 1. §. iubet, supr. de coll. bo.* Sed in cautionibus idoneis nihil prohibet nam altera esse quibusdam in rebus maiorem, et ad honeste suam consequendam procliviorē: qualem esse fideiussorem supra diximus. Non me movet, quod dicitur regula iuris plus cautionis esse in rem, quam in personam. *d. L. plus cautionis, infr. de reg. iur.* Hoc enim de eo pignore dictum est; cui credi- tor incumbit, quodque placeat illi retinere ad cautionem, ut rem suam persequi co- gatur. *§. furti, Inst. de obl. quae ex del. nasc.* at non semper pignori incumbit credi- tor; quod si sit, vel in eo minus cau- tionis erit in pignore, quam in fideiussori- bus, quod cum de pignore aequo iudicio experiri cogetur adversus eum, qui possi- det, uti agitur cum fideiussore: tum vero de pignore agendo nihil amplius consequetur, quam possessionem pignoris, cum si adversus fideiussorem agat, id ipsum quod sibi debetur, ab eo consequatur. Fingamus pignus penes eam esse: attamen non omni- bus conducit, certe non omnes existant sibi expedire id fieri, propter molestiam ac periculum custodiae, et administrationis. Venio ad satisfactionem, cuius argumento praecipue moventur plerique, ut quemadmodum pignoribus satisfieri legimus, ita putent et pignoribus non minus satisfdari posse. Et vero ad huius loci interpretationem valde pertinet, quale id sit, intelligi, in quo Pomponius satis accipere, id est, satisfacere eodem modo dictum esse dicat, quo satis- facere, ut et Ulpianus in *L. 1. supr. qui sat. cog.* quod nos negare videmur. Sed ut intelligamus, quam satisfactionis argumen- tum nihil ad rem pertineat, de verbo satis- factionis duo doceo; primum pignoribus datis non satisfieri invito: ut si qua dicat ista esse eadem, satisfactionem, et satisfac- tionem; tamen consequens sit, nec datis pignoribus invito satisfdari. Deinde etsi con- cesserimus pignoribus datis satisfieri credi- tori invito, non tamen hinc effici etiam eo- dem modo recte satisfdari: † quia aliud sit satisfactio, aliud satisfactio, et ita aliud, ut sint haec pene contraria. Nego pignoribus datis

datis satisfieri invito creditore. Nam neque pignora, neque ullam aliam rem dando pro eo quod debetur, aliter satisfacit debitor creditori, quam si hic voluit. *L. si rem, §. omnis, supr. de pig. act. L. item, §. 4. supr. quib. mod. pig. vel hyp. sol.* de quo niox plura. At volenti saltem satisfit pignorum datione, non nego: sed de eo nunc non agitur, sed de invito, et eo qui non admittat, nisi fideiussores; nam si de volente queritur, etiam pignoribus datis recte satisfieri volenti certum est: cum etsi creditor, cui satisfieri debuit, nuda repositione debitoris contentus sit, pro satisfactione id haberi debeat. *L. ult. §. si legatarius, supr. quod leg. L. satisfactionis, infr. de verb. sig.* Atque hæc ita sunt: etsi quis eadem ista esse concesserit, satisfactionem et satisfactionem. Ego autem longius progredior; aio non modo ista non esse eadem, sed nec satisfactionem esse speciem satisfactionis, aut satisfactionem speciem satisfactionis: denique sic ista esse dissimilia, ut toto genere differant; ut dicendum sit, quamvis quis in pignorum datione satisfactionem admisierit, non ideo tamen ad satisfactionem id transferri debere. Id ex his planum fiet. Satisfactio cum exigitur lege, satisfactio etiam invito creditore; cum autem exigitur aut admittitur satisfactio, volenti et admittenti satisfacimus, invito nunquam. Ut puta, edicto Prætoris de procuratoribus exigitur satisfactio a procuratore actoris, itemque a defensore, qua præstita et ille ad agendum alieno nomine, et hic ad reum defendendum admittitur; uterque de eo cavendo, de quo agitur, et eo nomine dando fideiussores satisfacit edicto, etsi creditor eam cautionem non admittat. *L. sed et hæc, §. defendere, supr. de proc.* idemque in similibus omnibus causis, in quibus satisfactio exigitur, servatur. *L. ult. supr. quod leg. L. 5. §. ult. L. si fideiussor, supr. qui sat. cog.* At si edictum satisfactionem admittat, quale est edictum de pignoratitia actione, quo proponitur ea actio, si omnis pecunia soluta erit, aut eo nomine satisfactum: *L. si rem, §. omnis, supr. de pig. act.* nunquam creditor aliud offerendo, quam debetur, puta fideiussores aut alia pignora, satisfacere intelligitur, et pignus liberare, nisi creditor pro solutione id admittat. *d. L. si rem, §. omnis, L. item, §. 1. supr. quib. mod. pig. vel hyp. sol.* quippe ita verbum satisfaciendi acceptum est, ut satisfacere alicui sit, eum pro eo quod a nobis petit contentum reddere, ut hic, et *d. L. 1. supr. qui sat. cog.* Contentum autem unumquemque ita

reddimus, si consentiat, non si repugnet. Sane si quis constituat se satisfacturum, liberatur quamvis invito creditore, si fideiussorem det, aut pignora. *L. promissor. 21. §. ult. supr. de const. pec.* Sed hoc ideo placuit, quia actum esse intelligitur; cum enim de solutione constitutum accipi non debeat, restat, ut de idonea cautione intelligatur, ne promissio sit inutilis. Iam vero satisfacere non est tantum aliud præstare volenti, sed ita præstare, ut creditor ea re contentus una discedat vel ab obligatione principali, vel a pignore, aut alia accessione. *d. L. si rem, §. omnis, de pig. act.* Denique satisfacere est aliud pro alio præstare, atque ita voluntate creditoris liberari; unde et satisfactio pro solutione esse dicitur. *L. satisfactio, infr. de sol.* Quod ni ita esset, non eodem modo liberaretur pignus satisfactione ex edicto Prætoris, ut liberatur pecunia solutione. At satisfactio, quæ hic definitur, et in *d. L. 1. qui sat. cog.* tantum abest, ut sit pro solutione et liberatione debitoris, ut potius ad obligationem principalem confirmandam accedat. Inde enim quæ personæ in satisfactione dantur, dicuntur in *d. L. 1. fideiussores*, et hoc loco adpromissores, ut intelligamus manere principalem obligationem, non tolli, atque ita manere, ut adhibeantur amplius, qui idem promittant et fide sua confirment. Et sane quisquis ad obligationem addit fideiussores aut pignora, eum dici cavere legimus, satisfacere nequam. *d. L. 1. §. iubet, supr. de coll. bo. d. L. 4. §. addici, supr. de fid. lib.* Quid sibi vult igitur verbi compositio, quæ in utroque videtur esse similis; negari enim non potest, quin in utroque insit, quod sit satis creditori. Quid est præterea quod hoc loco, et in *d. L. 1. supr. qui sat. cog.* aperte dicitur satisfactio eodem modo appellata esse, quo satisfactio? An possunt res tam diversæ, et significatione tam dissimiles, quam supra ostendimus, eodem modo appellatæ esse? Dicamus igitur in eadem appellatione et notatione verborum, quæ rerum notæ esse debeant, res non tantum diversas, sed etiam contrarias significari: quod absurdum videtur. Et de compositione ac notatione horum verborum hoc responsum sit, inesse quidem satis in utroque, ut sit in utroque id, quod modo diximus, idest, quod sit satis creditori, et hactenus utrumque convenire. Sed hoc distant, ex quo quod proprium est cuiusque, spectatur, quod præterea in altero inest dare, in altero iuvare facere, Et dare quidem satis, quid sit, supra dixi-

ximus: satisfacere autem est, facere quidvis, non quod pertineat ad dationem rei, sed quod alias satis sit ad voluntatem et desiderium implendum creditoris, ut traditur in *d. L. 1. sup.* qui sat. cog. et ut hoc loco, ad creditorem contentum reddendum. Quod autem bis locis dicitur satisfacere eodem modo appellatum esse, quo satisfacere, videndum est in eo, quis sit Pomponii et Ulpiani satisfactionem definiendum scopus, ut quantum ad institutum eorum facit, tantum eos sensisse, et dixisse intelligamus. Nimirum docere volunt, quatinus nobis satisfacere esse dicant, cavere fideiussoribus datis. In eo haec erat dubitatio; quæretor enim aliquis, quid commune habeat dare, aut etiam hoc *satis* cum fideiussoribus. Docent igitur id recte dici, et ex significatione et ratione verbi; quoniam qui fideiussores dant, ita cavent, ut in ea datione contentum reddant creditorem, quia reddunt securum; hoc autem significat verbum, *satis*; quod ex verbo satisfaciendi probant. Ita in summa hoc sentiunt, utrumque eodem modo esse appellatum, sed ex parte, non per omnia, quod vel caeco apparet; habet enim utrumque *satis*; sed in altero damus, in altero facimus, non damus: quibus rebus quam maxime distinguitur istorum significatio, ut dixi. Sed quod ad omnia quæ discernimus, semel evitenda videatur saf-

verbor. obligatio.

ficere, obicitur nobis hoc loco *L. promissor, 21. §. ult. sup.* de cons. pec. ubi in Pandectis Florentinis ita legitur: *Si quis autem constituit se satisfacturum, fideiussorem vel pignora det; non tenetur; quia nihil interit, quemadmodum satisfaciatur.* Quæ si vera est lectio, nihil causæ est, cur non superiora omnia commutemus, quæ tamen usque adeo vera esse, ostendimus. † Sed in aliis exemplaribus ita legitur, *si quis autem constituit se satisfacturum; et quidem manifestum est ita legi debere.* Alioqui ineptissima erit Pauli ratio, qui ex vi satisfaciendi, et ex satisfaciendi modis argumentatur, ut probet in proposito esse constituto satisfactum. Erat igitur de satisfaciendo posita questio, non de satisfaciendo; alioqui in promptu esset ita dicere; non si satisficit pignora, aut fideiussorem dando, ideo qui promisit se satisfacturum, alterutrum dando liberatur; prius enim probare oporteret idem esse satisfaciendo, quod satisficere: quod ille non fecit, et ex edicto de pignoratitia actione perspicere falsum esse convincitur, ex quo qui pecunia nomine satisficit, pignoratitiam nanciscitur; quod nemo de eo dixerit, qui de eo quod debet, satisfecerit, id est, idem promiserit datis fideiussoribus; id enim cum obligationi accesserit, non est ab obligatione recessum. *L. 4. §. si ex conventionem sup. de re iud.*

Ad §. Si sortem.

Si sortem promiserit: et si ea soluta non esset, penam etiam si unus ex heredibus tuis portionem suam ex sorte solverit, nihilominus penam committit, donec portio coheredis solvatur. Idemque est de pœna ex compromisso, si unus paruerit, alter non paruerit sententia iurilicis: sed a coherede ei satis fieri debet. Nec enim aliud in his stipulationibus sine iniuria stipulatoris constitui potest.

S U M M A R I A.

1. *Eo, qui sortem sub pœna promisit, duobus heredibus relicta defuncto, quorum unus portionem suam ex sorte solvit, alter non solvit, quatenus et adversus quos pœna committitur.*
2. *De pœna ex compromisso, si unus ex pro-*

missoris heredibus paruerit, alter non paruerit, sententia arbitri.

3. *Distinctio §. Cato, L. 4. sup. et L. si servus. §. 1. sup. si quis caus. cum Pomponii sententia conciliata.*

1 **S**ortem quis promisit, et si ea soluta non esset, pœnam. Is decessit duobus heredibus relicta, unus portionem suam ex sorte solvit, alter non solvit. De pœna queritur, quatenus, et adversus quos committatur. Ac de eo qui non solvit, non

dubitatur, quin pœnam debeat, et debeat pro parte tantum hereditaria, sive quis dixerit pro parte tantum eius commissam esse de sententia §. Cato, L. 4. sup. sive commissam esse in solidum. Nam et tunc sic committitur in solidum adversus omnes, ut

ut tamen non teneantur singuli, nisi pro hereditaria portione, ut hic scriptum est, et de obligationibus faciendi in *L. 2. §. item si in facto, et L. 3. supr.* De eo qui partem suam ex sorte solvit, quaeritur, an etiam poena committatur adversus eum, ut et hic quoque pro parte poenam debeat. Et non teueri eum poenae nomine quis dixerit. Non enim adicitur poena, nisi debitori aut heredum eius coercendorum causa, si quid fecerint, aut non fecerint contra stipulationem. Denique non est poena nisi delicti poena. §. *ult. Inst. de leg. L. aliud est fraus, inf. de verb. sig.* Nihil autem deliquisse videtur, aut adversus stipulationem fecisse heres, qui portionem suam ex sorte solvit. Sed placuit etiam adversus hunc poenam committi, donec portio coheredis solvatur: sic tamen, ut ei a coherede satisfieri debeat: in quo cum hoc loco convenit *L. heredes, §. idem iuris, supr. fam. etc. et L. in executione, §. pen. infr. eod.* Et additur ratio hoc loco, quia aliud in his stipulationibus statui non possit sine iniuria stipulatoris. Recte. Quod enim efficit ius et conditio stipulationis, necesse est ex ea poenam committi omnibus heredibus si in persona omnium conditio existit poenalis stipulationis. Id enim conditio actura est. §. *sub conditione, Inst. de verb. obl.* Atqui hoc in hac specie contigisse apparet, si quis modo paulo propius attenderit. Poena enim promissa est sub conditione, si sors soluta non esset. Sive proponas detracta heredum mentione ita conceptam esse conditionem, si sors soluta non erit, sive mentionem heredum factam hoc modo, si sors neque a me, neque ab herede meo soluta erit: semper uno non solvente verum erit sortem non esse solutam, neque ab eo, qui nihil solvit, neque ab eo qui solvit: hic enim non sortem solvit, sed partem; pars sortis sors non est. Quapropter et in proposita stipulatione conditio stipulationis existente, poenam ab omnibus heredibus de sententia contrahentium committi necesse est. Quod si iure committitur, neque id subtilitate verborum fit, sed quia id actum est, et nemo heredum stipulationi paruit, ei autem in solidum pareri stipulatoris interest: perspicuum est non sine manifesta stipulatoris iniuria fieri posse, si quod illi conditio stipulationis tam aperte dat, id ei invito adimatur. † Idemque est, inquit ² Pomponius de poena ex compromisso, si unus paruerit, alter non paruerit sententiae iudicis. Proponere hoc modo: petebat aliquis a debitore centum; cum de his es-

set controversia, sumpserunt litigatores de ea re arbitrum, quem hic appellat iudicem, et in eum compromiserunt, idest, simul ambo alter alteri stipulanti vice mutua promiserunt se sententiae arbitri staturos, ac nisi stetissent, poenam. Arbitrum reum condemnavit, iussitque centum solvere, quae ab eo petebantur. Is cum decessisset duobus relictis heredibus, unus sententiae paruit, idest, partem solvit, alter non paruit, idest, non solvit partem. Sentit Pomponius etiam eum, qui partem solvit, nihilominus poenam ex compromisso debiturum, eadem ratione nimirum, qua supra usus est, quia et hic eadem plane stipulatio sit, et sortis et poenae, quae initio extra compromissum proposita est. Non adversatur huic sententiae, quod dicitur stipulationem quantitatis recipere divisionem, ut in promissore, sic multo magis in persona heredum ita, ut quemadmodum tantum partem singuli debent, sic pro ea parte solvendo singuli liberentur. *L. 2. §. 1. supr. eod.* Id enim dicitur cum hac exceptione, nisi obstat lex et conditio obligationis, quominus stipulatio dividatur, ut in *d. L. 2. §. 1.* docuimus. Ex hoc autem genere esse ibi quoque diximus poenae stipulationem, de qua hic agitur, quod quam recte dixerimus, ex his quae modo probavi de conditione huius stipulationis, intelligi potest. † Duo sunt praecipue, quae superiorem sententiam perplexam reddunt: §. *Cato, L. 4. supr. eod. et L. si servus, §. 1. supr. si quis caut.* sed maxime §. *Cato*, de quo prius videamus. Illic Catonis definitio est, si unus ex heredibus promissoris contra quam cautum est, fecerit, si id factum de quo cautum est, dividuum sit, eum, qui contra fecerit, poenam pro parte tantum suam committere, ceteros, qui nihil fecerunt, non teneri. Idque confirmatur ibidem a Paulo exemplo eius stipulationis, Titium, heredemque eius ratum habiturum ex qua solum eum teneri ait, qui non habuerit ratum, non etiam ceteros coheredes. Utrum rem, an factum promissum dicas, si utrumque pariter dividuum sit, nihil interest; nam et in faciendi obligationibus, si factum non sit, quod promissum est, pecunia debetur, eiusque petitio non secus divisionem recipit, quam si aperte pecunia ipsa in stipulatum deducta esset. *L. stipulationes non dividuntur, vers. Celsus, infr. eod.* Non est etiam, quod eo nunc quisquam confugiat; ut dicat poenam hoc loco nulla heredum mentione facta esse promissam, ideoque unius cessatione poenam

in solidum adversus omnes committi; in stipulatione autem a Paulo proposita mentionem heredum fieri, proinde et eorum enumerationem stipulationem inter heredes esse divisam. *L. cui fundus, supr. de cond. et dem.* Etsi enim in exemplo facti promissum, quo Paulus nititur heredum mentio non fieret; tamen solus teneretur pro portione sua qui contra fecisset, ut definitione superiore Catonis declaratur, qui nullam mentionem heredum in exemplis a se allatis fecit. Et quavis id ita non esset: tamen nihil hoc ad explicationem huius loci pertineret. Proponitur hoc loco simpliciter sors esse promissa, non autem ita, promitto me heredemque meum decem daturum. Esto: at non eo minus pœna adversus omnes committeretur, etsi in concipienda stipulatione heredum mentio facta esset, et unus tantum portionem suam solveret: semper enim verum esset existisse conditionem totius pœnæ, an ne eum quidem, qui partem solvit; stipulationi paruisse, ut supra dixi. Quid ergo est? Nihil est explicatius facilius, si observetur in definitione Catonis, et tota disputatione illa Pauli agi de stipulationibus, quæ sunt in non faciendo: hoc autem loco de stipulatione, quæ in dando aut faciendo est; et simul in penalibus stipulationibus, quæ atriq; huic generi subiiciuntur, quam sint dissimiles facti conditiones, et quid contineant, consideretur. Sic enim intelligemus ubi ab uno impleri possint pro parte tantum eius, ubi contra non possint impleri, nisi ab omnibus, eademque opera ubi uno tantum contra faciente alias committatur stipulatio pro parte, alias non nisi in solidum. Ergo cum quis promittit se quid non facturum, et si contra fecerit, pœnam, observetur pœnalis stipulationis hanc conditionem esse, si quid factum sit. Cum autem promittit se quid daturum aut facturum, et si non dederit, fecerit, promittit pœnam, observetur hic contra promitti pœnam sub contraria conditione, nempe hæc, si quid factum non sit. In priore conditione nihil prohibet, quin unus ex pluribus heredibus quid faciat pro parte sua, alter non faciat, id est, quin unus committat adversus se stipulationem, alter non committat. In posteriore conditione id evenit, ut nisi id totum fiat, quod in conditione positum est, verum sit id factum non esse, eoque et conditio in totum existat, proinde etiam existat adversus omnes de tota stipulatione videlicet. Quæ si ita sunt, merito ex hac posteriore pœnam debebant omnes; quia omnes ex æquo stipulationi non paruerint, ut bin responsum est. Ex priore

autem illa: unus ex heredibus contra faciendo solus tenebatur, quia solus fecerit; et tenebatur pro portione tantum hereditaria, quia solum pro parte heres sit. Ipse vero promissor etiam pro parte contra faciendo totam pœnam committit: quis verum est eum fecisse contra, quam cautum est, etiam si pro minima parte fecerit; hoc enim satis est, ut pœnam totam debeat, qui totam promissit, ne quid contra stipulationem faceret; quæ Catonis et Pauli sententia est de stipulationibus dividuis in non faciendo conceptis in *d. §. Cato*. Verendum est tamen, ne huic distinctioni obstet, quod Pomponius hoc loco scribit de pœna ex compromisso. Ait enim hanc deberi, etiam ab eo ex heredibus, qui sententiam paruerit, ubi alter non paruit. At fieri potest, ut arbitri veterit actorem petere, ut iam obligatio, qua actor ex compromisso tenetur, sit in non faciendo, id est, in eo ne petat, quod illum arbitri petere vetuit. Et esset sane, cur id superiori distinctioni, et toti sententiæ tum Catonis, tum Pauli de stipulationibus dividuis in non faciendo conceptis aperte adversari putaremus, si hic locus Pomponii de eius arbitri sententia accipi posset, qui quid peti vetuisset. Sed verba refragantur: in enim solum recte dicitur parere sententiæ, qui facit, quod iussus est. Atqui id facere solum is intelligitur, qui iussus dare aut facere, id præstat, quod iussus est. Nam qui vetitus est petere, etiam si hodie non petat, non ideo tamen dicendus est sententiæ arbitri paruisse; quis qui hodie non petit, cras petere potest, ut non minus contra sententiam faciat. Restat *L. si servus, §. 1. supr. si quis cant.* Promittit quis una stipulatione se plures servos iudicio stitutum, et nisi stitisset, pœnam; deinde quosdam stitit, quosdam non stitit, id est, ex parte fecit, quod promissit, ex parte non facit. Illi scriptum est pœnam integrum committi, et si unus status non sit, ut hoc loco in simili specie stipulationis penalibus fieri dicimus; sed illic edicuntur, si pro rata unius pœna offeratur, exceptione doli usum cum, qui ex hac stipulatione convenitur. Admittunt quidam et in specie hoc loco proposita idem esse probandum: quod et ratione huius loci, et actione proposita ei, qui coactus totum solvit, satis refellitur. Primum Pomponius rationem reddens sententiæ suæ, nisi stipulatori totam pœnam petere liceat, iniuriam stipulatori fieri ait: non ergo petendi doli exceptio obtinebit. Bene enim Duareus doli exceptionem ait ad iniuriam depellendam, non

non ad eam inferendam comparatam esse. *L. 1. sup. de dol. except.* Deinde si is, qui portionem suam solvit, convectus etiam alteram partem solverit, ne in penam incideret, datur ei actio familiae eriscundae adversus coheredem, ut eam partem ab eo recipiat. *L. heredes, §. idem iuris, sup. fam. ere.* Non datur heredi adversus coheredem haec actio de eo, quod heres solvere necesse non habuit. *d. L. heredes, §. si unus, sup. fam. ere.* Non haberet autem necesse heres totam summam solvere, si parte sua soluta exceptione doli tutus esset, ne alteram partem, solvere, aut penam praestare cogere-
retur. Sic ergo in proposito uno tantum ex heredibus portionem suam solvente, pena etiam adversus eum committitur, ut penae petitio nulla exceptione removeatur. Ita illud manet, in hac specie ubi pars tantum data non est eius, quod totum dari ex stipulato debuit, nihilominus penam committi in solidum, idque utiliter: in eo autem, qui plures servos se stipulorum promiserat, pro rata tantum parte eius, quod ex stipulatione factum non est, penam utiliter peti posse, ex dicta *L. si servus, §. 1.* An dicemus in hac posteriore stipulatione ideo pro iis servis, qui statim non sunt, non posse penam peti utiliter, quia enumeratione plurium servorum, de quibus sistendis cautum est, divisa sit conditio? Argum. *L. cui fundus, sup. de cond. et dem.* Recte hoc diceretur, si pluribus personis esset conditio adscripta, ut scriptum est in dicta *L. cui fundus.* Nunc autem in stipulatione de servis pluribus sistendis, ut unus est promissor, qui promittit sisti; ita unus eius personae conditio penae adscribitur, nempe hoc modo, si ille non stiterit; ut vel ex eadem *L. cui fundus*, recte ita dicitur simus, si conditio summæ tunc dividitur, cum pluribus personis iuncta est, satis esse argumenti, si uni tantum sit adscripta, si quid non faceret, conditionem non dividi. *L. 1. ver. huius, sup. de offic. eius cui man. est iur.* Et certe ita dici necesse est, si quod dicitur in dicta *L. si servus, §. 1.* tueri volumus. Illic enim traditur penam integram committi, etsi unus tantum status non esset. Id falsum est, si pro numero servorum et conditio, et penae prestatio dividitur. Dici enim oportuit pro rata tantum eius, qui status non est, penam committi; pro his autem, qui statim sunt, non esse committ-

sam. An potius dicemur in stipulationibus praeoris, qualis est iudicio sisti, humaniorem interpretationem admitti; quam in conventionalibus. Ego didici id non aliter fieri debere, quam si Praetor id senserit, quod accipiendum esse dicimus: propterea quod dicuntur praeoris stipulationes legem accipere de mente Praetoris, qui eas proposuit. *L. in conventionalibus, infr. eod. ita eveniunt*, ut si penam dicimus pro iis servis, qui statim non sunt, peti non posse; dicendum sit hanc quoque esse Praetoris mentem, ne petatur. At haec si mens est et sententia Praetoris, oportet stipulationem penae eatenus non committi ipso iure. Ut enim ex conventionalibus stipulationibus, quae ex mente et sensu contrahentium valent, contra id, quod aperte actum est, et sensum a contrahentibus, nulla obligatio contrahitur: *L. 3. §. ult. sup. proxi. tit. L. eum qui calendis, sup. eod. L. semper in stip. infr. de reg. iur. ita ex praetoris, quae ex mente Praetoris accipiendae sunt, contra quam ille senserit nihil deleri oportet.* Nunc autem in *d. L. servus*, ubi vel unus ex pluribus servis status non sit, dicitur nihilominus penam integram committi. Ex quo intelligi potest contrariam interpretationem non tam esse ex mente Praetoris, quam contrahentium, alioqui nec in solidum contra mentem Praetoris stipulatio committeretur: ita fieri, ut interpretatio contraria non magis in praetoris admitti debeat, quam in conventionalibus. Finge enim et extra iudicium inter consentientes eandem stipulationem esse contractam de pluribus servis sistendis, et omnes praeter unum status esse, non dubito, quid et in hac specie idem respondere debeamus, quod de pluribus, de quibus iudicio sistendis cautum est in *d. L. si servus.* Tutius est igitur, ut hic dicamus, quod in simili re, et quidem in stipulatione conventionali, non praetoris scriptum est in *L. 3. sup.* ubi hanc locum pluribus exposuimus, verbis quidem et conceptione conditionis stipulationem penae in solidum esse commissam, ubi non omnes servi statim sunt, qui sisti debuerunt; et si unus forte tantum status non sit; verum pro his, qui statim sunt, ideo competere doli exceptionem, quia hactenus non sit reum et bonum reum condemnari; et ideo non reum, quia eatenus nihil intersit actoris, ac ne interesse quidem possit, eoque nec ex mente contrahentium, ut eo nomine pena debeat.

Ad L.

Ad L. Is cui. 6.

Ulpianus libro primum ad Sabinum.

Is cui bonis interdictum est, stipulando sibi acquirit: tradere vero non potest, vel promittendo obligari: et ideo nec fideiussor pro eo intervenire poterit; sicut nec pro furioso.

S U M M A R I A.

1. Is qui bonis interdictum est, nec testamentum condere, nec res alienare, nec obligari, nec in universum dominare patrimonium potest.
2. Cui bonis interdicti possit, et quis prodigus.
3. Interdictio iniuste facta, an praevaleat.
4. Per quos interdicti possit.
5. Quando bonis interdictum intelligatur.
6. Lege dari aut fieri in usu iuris quid.
7. An prodigo eo ipso, quod prodigus est, an vero ita, si prius prodigus sententia Magistratus declaratus fuerit, interdicatur.
8. Furiosus cum prodigo comparatus.
9. Pupillus cum prodigo comparatus.
10. Refutantur argumenta, quae in administrationis interdictione Magistratus declarationem exigere videntur.
11. §. Item prodigus, Inst. Quib. non est permis. fa. test. explicatus.
12. Interdicere bonis quid.
13. An utique eo producenda sit Interdictio, ut ne acquirere quidem sibi possit prodigus, et meliorem conditionem suam facere.
14. Eius; cui bonis interdictum est, nullam voluntatem esse, quomodo accipiendum.
15. An cui bonis interdictum est, si obligari velit, ne naturaliter quidem obligetur; et cur hac in re furioso similis, non pupillo.
16. L. Marcellus, Inst. de fideiussor, explicata.

1. IN bonorum administratione cum de testamento faciendo, de rebus alienandis, de patrefamilias obligando, et in universum de diminuendo patrimonio agitur; variis locis constanter traditum est, eum cui bonis interdictum sit, nihil istorum facere posse, ut non prodigi aut alterius cuiuspiam certae personae appellatione iuris auctores uterentur in huius rei deficiatione, sed his verbis: Is cui bonis interdictum est, ut L. is cui, supra, qui test. fa. pot. L. Julianus, supra, de cur. fur. et hac L. In quo tractatum est ab his ipsis iuris auctoribus, quid esset haec interdictio in bonorum administratione, quod praecipue hoc loco exemplo stipulationis declaratur. Sed prius est, ut in hoc iure conetur, eam cui bonis interdictum est, quem intelligere debeamus. Quod e veteribus praetermissum esse verisimile est, quia illorum temporibus, quoniam is esset, satis constaret. Nobis ab illorum aetate tam longe remotis difficilior ipsorum scriptis fecere, quae ut in Pandectas relata sunt, eiusmodi sunt, ut non abs re in diversis sententiis trahi solet. Atque in eo haec dubitatio est: legitimus enim interdicti bonis prodigo, sed an interdictum soli prodigo? legitimus praeterea interdicti lege, alibi per praetorem. An ergo sole lege interdicatur, an vero nihil agitur; nisi interdicatur per

Tom. XI.

Magistratum? Res sic commodè explicabitur, si dixerimus, cui bonis interdicti possit, per quos interdicti, et quando ab his interdictum intelligatur. Et certe tot sunt, quae in hac re explicanda quaeri oporteat. Omnes enim intelligere debent, cum dicitur alicui interdictum esse bonis, hoc sic esse accipiendum, non si quomodolibet interdictum sit, sed si iure. Nam et condemnatum enim accipimus, qui rite condemnatus est. L. 4. §. condemnatum, supra, de re iud. Et rem iudicatam, quae rite iudicata est. L. 4. L. ex stipulatione, C. de sent. et int. Iure autem alicui sic interdictum intelligitur, si interdictum est, et cui oportet, et a quibus oportet. † Ac si 2 quaeritur, cui oportet, prodigos est, et is solus, cui interdicatur bonis. Hinc quidem bonis interdicti constat. L. 1. L. pen. §. 1. supra, de cur. fur. §. item prodigus, Inst. quib. non est per. fac. test. Est autem prodigus, Ulpianus in L. 1. supra, de cur. fur. qui neque tempus, neque finem expensarum habet, sed sua dissipando et dilacerando profundit. Sed en solus prodigus in hoc numero? et non est alius, cui legamus lege bonis interdicti, nec vero est etiam alius, cui interdicatur. Nam pupillis, minoribus, mutis, surdis, etsi plena non tribuitur bonorum administratio, non tamen his plane bonis interdicatur. Furiosis

36*

riosis et infantibus omnia administratio, adempta est; sed adempta naura, non interdita lege. Itaque eum cui bonis interdictum est, ubique legitimis distinguere a furiosis, ut hac *L. et L. furiosi, infr. de reg. iur.* Illud constat, ei qui intelligat, quid agatur, et sit sanis moribus, iure bonis interdicti non posse, adeoque id verum est, ut si cui ab initio curator recte datus sit tanquam prodigum, qui et vere esset prodigus, si is deinde sanos mores receperit, ipso iure desinat esse in potestate curatoris. *L. 1. sup. de cur. fur. § Quid ergo,* si per prætorum interdictum sit ei, qui prodigus non esset? Et probandum est ad hoc saltem interdictum valere, ut decreto Magistratus et interdicti stetur in re dubia, ac quamdiu non probetur aperte eum, de quo queritur, prodigum non fuisse, tandiu in pro prodigo habeatur. Nam de hac interdictioe Prætoris ita disserit in *L. Iulianus, sup. de cur. fur.* quasi hæc pro ista interdictioe bonorum administrationem adimat. Sed hoc sic accipiendum, inquam, quamdiu nihil contra de sanis moribus eius, cui interdictum est, probabitur. Quod si aut Magistratui obre-

ptum erit a cognatis, aut Magistratus iniuriam facere voluit, idque probabitur, dicendum est nullius momenti esse interdictum. Nam si interdictio, quæ ab initio constituitur ob id, quod quis esset prodigus, rescinditur tamen, si is cui interdictum est, prodigus esse desierit, ut modò diximus; quando magis irrita erit interdictio, quæ in eum constituta est, qui iam tum, cum ei interdicebatur, prodigus non fuerit? facilius enim quid iustus ex causis prohibetur ab initio, quam recte constitutum ex iisdem causis dissolvitur. *L. patre, sup. de iis, qui sunt sui, vel al. inr. § Per quos* recte interdicatur bonis prodigum, videndum est. Et per prætores, sen Magistratum, qui tanquam prodigo curatorem dabit, recte interdicti constat; *L. Iulianus, L. per. § 1. sup. de cur. fur.* cuius interdictiois quæ vis sit, supra ostendimus. Etiam lege interdicti scriptum est in *L. 1. sup. eod. L. is cui, sup. qui test. fac.* nec vero dubitari debet; quin si magistratus licet interdiceret, multo magis licet legi; cum hanc potestatem a lege accipiant Magistratus. Sed hoc habet dubitationem, quando lex interdicit, vel potius quando interdictum vellet bonis

1) Vaga quæstio est, in qua cum nostre statuunt, Rob. 2. rec. 32. Furb. 3. ror. 61. Sed quibus requiratur decretum magistratus, receptum, Gomez. 5. Recol. 16. n. 32. Vigi. in §. 1. Quid, non ut permittit. n. 3. P. Gering. 15. Synt. 6. n. 4. Dicit, et Cuius, ad L. 6. de F. O. et Cuius, ad L. 18. de iur. qui tamen aliam ex iure 12. tab. interdictum factum ac curatorem datam lege edidit, Bauld. de Testament. n. 122. sequitur, etiam veterem sit, Brodch. 1. Actio. 34. Font. de Pact. C. 5. pag. 130. et arg. de iur. Lib. 1. de Furor. Cap. 5. n. 17. et arg. fuit hinc inde disputata P. Gilho. de Præscript. P. 3. C. 2. n. 53. et multis arg. ac Gual. de contr. stipul. C. 7. Concl. 10. n. 134. et arg. Mediam sententiam in ea, ita ut quæ plerique concluduntur, declarationem prodigii, interdictum, et curatorem solentem assignanda statuunt. Unde res quadruplici declaratione testatur: 1. PRODIGUS EST ET CONSTITUITUR SUI ACTIBUS, ipse alioquin profectus, perdatque in facultatem sua gratiamque. Quia enim vitium est, idque habuit, prodigitas non aliena cuiuscunque declaratione, sed propriis actibus sequitur. II. DECLARATIO PRODIGII SEMPER, et antequam decem videretur et merito imputaretur alicui, FACTA SENTENTIA MAGISTRATUS, PRÆTORIS CAUSÆ COGNITIONE. Et eum res cum ex circumstantiis dependens, facti non iuris est, proinde nulli lege nisi iuris legali definit potest, arg. L. 3. de iur. Nec de eo statui quicquam potest citi probæ prætoris facultatem, considerandæ alia, in quæ una prætoris impensis erogata, etc. Quia prodigitas, ut recte Gual. d. do. n. 148. ex tali facto proficitur, quod pro varia prætorum, temporum, rerum, causarum, quæritum quantitas, evadit, bonorum dignitate vitium sapere potest. Declaratio itaque efficiet non ut sit prodigus, sed ut habeatur ac statuatur, itaque de facto constat. III. CONSTITUTIO ITA ET DECLARATIO PRODIGI FIT INTERDICTIO ET OLIM ET HODIE LEGE. Atque factum nostro auctoritate, sique tex. L. 1. de Cur. fur. et L. 18. de testam. etiam Interdictum adhuc habet in prætoris lege ipsa, innotando Gual. d. loc. n. 53. Ad id prætoris lege ipsa, innotando Gual. d. loc. n. 53. Ad id prætoris lege ipsa, innotando Gual. d. loc. n. 53. Ad id prætoris lege ipsa, innotando Gual. d. loc. n. 53.

mittet? Deinde non probatur hoc a lege specialiter quibusdam magistratibus concedi. Deinde non adveniens vocula sed in d. L. 1. convertit, prodigum videtur quæ sit illa esse constat. Neque enim Lex ipsa definire potest qui sit prodigus, nec in iuris, nisi generalissime d. L. 1. pr. ubi qui neque tempus, nec et multis minus, in hypothesis, quod Titius. Cuius sit prodigus. Item si illi genus illud. Mora perpetua obligatorem, certissimum est iuri definitum L. 86. de F. O. et quidem ipso iure. Qui autem moram commisit, Lex definire cupit L. 39. de iur. certe non in hypothesis. Sed id ex se infici volumus. Si eis certo iure exotum ob indignitatem Vanelli ingratitudinem, feloniam vocat, fendum domine aperiri, non tamen certis regulis conclusi potest quoniam omnia ita sit ingratum. Et si aliquid modo in thesi id definitum, certe non in hypothesis. Unde sententia declarationis repiti fructus interpretis contrahit, non qui fiat ut iure res cedat; sed qui communi solentem constat, ut iuris dispositionis locus sit. Quare et hic non est ex vi potestatis sententia per se, et Iuratus advenit administratio, sed potius ex decreto illo constant de facto cupit, ipsa res aut vi bonis interdicti d. L. 1. d. L. 18. Et licet solentem Prætori aut et ipso res sententia interdicere, 3. Sent. Pauli d. L. 5. Unde interdictum ad prætorum referretur L. 1. d. L. 1. pr. L. 1. d. L. 1. d. Cur. fur. tamen si cum declaratione non exprimeret argueret, solam prætoriam, Titum prodigum videtur, nullatenus dubitandum, interdictum legi rito sciri totum fore. IV. CONCL. ADMINISTRATIONE BONORUM IAM PROHIBITO DABATUR CURATOR OLIM LEGE, PROXIMUS AGNATES, HODIE A PRÆTORE d. L. 1. pr. Atque in eo quodcumque cum nostro facit, quævis si quædam sententia a se ducitur, et sup. de iur. Comment. 3. C. 29. n. 8. Dissimulatio hoc probat illa.

Hoc est a Sat. 3.

Interdictum huius anni advenit his Prætor, et ad rem obest tutela propinquas.

Quibus ita patitur operum non est obiecti nostri illarum. Et si quidem responsio non agitur, et dicitur legem ad id. Respone. hoc L. non dicit, concesso tamen sententia legi alio non est, quem ut et interdictionem non quem hoc vel illud prodigum esse censuerit, sed quem esse prodigum

bonis prodigo, utrum statim, ut quisque re vera erit prodigus, ut sic ad inhibendum bonorum administrationem non sit expectanda, certe non sit necessaria alia Magistratus interdictio; an vero tunc demum, cum et is, de quo quaritur, prodigus erit, et hoc amplius ei prætor tantquam prodigo bonis interdixerit. Et hoc posterius plerique omnes Accursium secuti acceperunt, atque ita statuunt, nisi per Magistratum interdictum bonis prodigo, omnino interdictum non videri, sed quæcunque prodigus gesserit, perinde rati esse ante interdictionem omnia, ac si non dico non esset prodigus, sed etiam ac si quisvis bonus paterfam. gessisset. Ego et verbis eorum locorum, qui de hac interdictione scripti sunt, et certa, ut mihi videtur, ratione moveor, ut contra putem, ut quisque prodigus erit, ita ei lege interdicti bonis, et sola lege interdicti, ut si interdictio Magistratus accesserit, bene sit, valeatque id ad eorum, qui cum prodigo contrahere volent, cautionem: sin minus, non ideo minus pro prodigo sit habendus, qui talis est, nec minus irritum sit, quod gesserit. Ulpianus in *L. 4. sup. de cur. fur.* ita scribit; *L. 12. tabularum prodigo interdictum bonorum administrationi.* Item in *L. is cui, sup. qui test. fac. pos.* negat eum testamentum facere posse, cui lege bonis interdictum est. Utrobique lege interdicti ait, neque amplius, et quidem tunc, ubi de ea interdictione ex professo agebatur. † Lege dari aut fieri aliquid cum dicitur, nec

quidquam addicitur, hoc dici in usu iuris intelligitur, lege sola dari aut fieri sine opera et interventu alterius. *Legitima tutelæ*, inquit idem in *L. 1. sup. de leg. unt. Lege duodecim tabularum agnatis delatae sunt.* Quid est *Lege*? nempe lege ipsa, et sola lege, non etiam testamento, aut a Magistratu. *Legitimus*, inquit, tutores nemo dat: sed *Lex duodecim tabularum facit tutores* *L. legitimus, eod. tit.* Idem in *L. 3. eod. ergo manuissor*, inquit, ex *Lege duodecim tabularum tutor est*, hoc sentit, sola lege tutor est, nec necesse est eum a Magistratu tutorem dari. Eadem legitimæ hereditatis significatio est: quam constat ita dici, quia lege deferatur, a lege veniat. *L. capitis, sup. de suis et leg.* Atqui ea est, quæ ab intestato defertur, idest, defertur sola lege sine testamento. *L. illud, sup. de acq. her. l. 3. §. de illo, sup. pro soc.* Ergo ut hic nihil esset amplius, quam ut diceretur lege aliquid interdicti; tamen hoc verbo lege admoniti intelligeremus interdicti lege sola, nec prætoris interdictionem desiderari. Nunc autem addidit Ulpianus, lege interdicti prodigo, prodigo, inquam, non prodigalitatis convicto, aut damnato. † Ex quo intelligimus lege interdicti prodigo hoc ipso, quod prodigus est, non autem ita; si prius prodigus declaratus fuerit sententia Magistratus. Non hæc mea collectio est, sed eiusdem Ulpiani in re non dissimili, in *L. palam, §. penul. sup. de rit. nupt.* Nam cum lege ita cautum esset: quæ in

gum liquet. Paria enim sunt, non esse et non apparere. Planeque diversa est ratio deprehense in adulterio *d. l. 43 §. pen.* quam certo adulterum esse constat, etsi nec res postulata sit; et prodigi qui ex uno vel altero profectus acta æstimator, nequit. Quid quod Bonellus probationem potest ab æstere prodigum fuisse: quoniam contractum est. Quæ vero alia suppeti probatio. Non hic locus instrumentis, nec duorum triumve, licet non dubie fidei sint, assertionibus credi potest. Quis enim constanter hoc æsteverat, quam æstere rationem reddet? Curiosum certe et invidiosum privato in aliorum facta et fortunas inquirere. Quin et harum superius iniqui æstimator, qui ipsas tenet *§. 3. l. Quib. ex ea man. l. 10. Quæ sup. cred. At visis his cognitis, nisi alii etiam perperis, quis sibi privatus hanc licentiam aliquem prodigum declarandi sumit. Sed nec communis rumor (sermone disperso, cui malignitas plerumque indium dat, credulitas incrementum Quintil. *Lib. 5. C. 3.*) eo sufficere vulgi iudicii nimium fore tribuendum, aliquem ita notorietati, ut vocant. Quia vis est ut nec illud nullis modis variat. Sunt plures quibus hic prodigior, et aliis liberalis se munificus habebitur. Erunt forte et qui iusto teacriorem putabunt. Ad (3) Respond. invertendo. Imo res hæc magis præiudici, et ex parte contrahentium cum illo ob instant ignorantiam, quia oon aspectui ita expositum et obivum hoc vitium, et oon conveni da a illis esse enovum. Et ex parte prodigi, tum oon temere a libera rerum statum dispositionis renovetur, tum ne estimatioms ootum incurral que hic veritur. Nam et olim deoctoribus, quasi maculosi, certus loci constitutus nec ex lege Russia, in ludis et concussu theatrii is sedere li-*

euit in 14. ordinibus, Cir. Philipp. 11. Not. 4. Obs. 6. ab Hadriano, auctore Ælio Spartiano in eius vita eatimidarum iossi in amphitheatro, idest, publicis deidiculis haberi ut Exsam. lib. Conna g. Con. 3. n. 11. Tiraq. ad L. 3. C. de vero. don. P. bona n. 6. exponat. Nec favet et commiseratio prodigi, qui odio ob peccatis mores dignior, causam dal huic ini, sed publica utilitas. §. ult. l. do his qui sui, ibi ne quis re sua male utatur, At eque publice expedit ne quis bona fido contrahens indigne decipiat. Quin etsi beneficium esset prodigi, tamen eundem tamen sine cuiusquam iniuria *L. 4. C. de ananc.* Ad (4) Respond. Largior ego in ea convenire, quod æquæ utriusque ipso iure interdictum, sed cum iam constitit illum esse furiosum, hunc prodigum. Furor ob oculis obversatur, nec quinquam latere potest, nec ulla in eo agnoscendo discretio de iudicio opus. Deinde nec in omnibus comparatio firma. Neque enim prodigus delinquens fert impune. Ad (5) Respond. Facilius zeta alienum potest explorari, et certo cognoqui adhis propinquior, etis quam pateri utroque. Quin imo si minor se maiorem mentitur, contrahente incio, valet quod cum eo agitur. Ohici, quocque solet. Interdictio sine decreto magistratus tollitur, *L. 1. pr. de Cur. fur.* Ergo per *L. 35. de R. Jur. Respond. L. ut not. sup. lib. Civil. Comment. 3. C. 22. N. 1. (2)* Etia, nulla sententia esset necessaria, ut Tiraq. *Tr. Cens. causa P. 1. n. 123. et 2. seqq.* tamen preceptum ex rei iudicio ad quam naturam et facilius alterius *L. 47. de O et A. (3)* Qui prodigus prius indicatus frugalitatis mores recuperet facilius a quovis dignosci potest, quam quis prodigus fiat, a privato statui.

adulterio deprehensa est, eam quasi publico iudicio damnatam, eoque et notatam esse, verbis legis motus Ulpianus hinc colligit, si deprehensa quidem sit damnata autem non sit, eam notari; nec alio argumento nititur, quam quod verum sit eam in adulterio deprehensam, de damnata autem lex non loquitur, et ut sublicit, quia factum lex, non sententia ostenderit. Liceat igitur et de prodigo idem dicere, lege interdicitur bonis prodigo, ergo etsi prodigus quidem sit, talis autem pronuntiatus non sit a Magistratu; tamen ei interdictum erit lege, quia lex prodigum, non sententia declaratum prodigum designaverit. Hac de verbis eorum locorum, quibus de hac re eandem est. Nunc quam recte Magistratus declaratio et interdictio exigatur, rationibus, si placeat, exquiramus. Hanc vero exigi aut iniquum, aut supervacuum; alterutrum evenerit, omnes concedent eiusmodi esse, ut exigi non debeat. *L. iuris gentium, §. dolus, supr. de pact.* Et aut interponitur Magistratus interdictio, aut non interponitur. Primum fingamus interponi: reperietur id esse supervacuum. Quid enim, si hi, qui cum prodigo contrahant, scient esse prodigum? ineptum est certiorare eos, qui non ignorent. *L. 1. in fin. supr. de act. empt.* Quid, si nesciant esse prodigum? tamen inutilis his erit non minus interdictio, si hanc intervenisse pariter ignorabunt. Quid, si sciant prodigo a Magistratu bonis esse interdictum? Prodesse fortasse his interdictio poterit, ut hae moniti ne cum prodigo quidquam negotii gerant. Sed nihil hoc ad rem pertinet, quaerendum est in hae re, quid prosit prodigo, non quid aliis. Id enim agitur hac interdictione, ut prodigo consulatur, ne bona dissipet, non ut aliis; qui si ita contrahant cum prodigo, ut eius meliorem conditionem faciant, ipsis nocet, quod gestum est, non prodigo, ut paulo post dicemus. Atqui nihil potest prodesse prodigo Magistratus interdictio, ut sibi a bonorum dissipatione temperet, aut enim quid dicitur a Magistratu non intelligit, et frustra quidquam non intelligenti praecipitur: aut vero intelligit, et ea interdictione morbus animi irritabitur magis ad prodigendum, quam leniatur. Nota est humani ingenii contumacia egregie expressa illo versu Ovidii:

Nititur in vetitum semper, cupimusque negata.

Atqui hic morbus viget praecipue in ho-

minibus mentis non sane, qualis est prodigus. Est igitur ita, ut si vere prodigo Magistratus bonis interdicit, sit inutilis interdictio vel his, quibus aliquid negotii cum prodigo esse potest, vel ipsi prodigo. Sed demus non esse inutilem, nunc quidem de interposita non agitur. Fingamus id, de quo quaeritur, interdictionem Magistratus non intervenire, ac nihilominus ita exigi, ut sine ea rata sint omnia, quae prodigus gesserit, hoc vero non iniquum tantum, sed etiam iniquissimum. Quid enim, qui re vera et palam prodigus est, an eo minus esse prodigus, quia Magistratus eum talem esse non pronuntiaverit? nihil hic facit Magistratus interdictio. Ut eum, qui non est prodigus, Magistratus sententia prodigum non facit: sic qui est prodigus, multo minus talis esse desinet, etsi quis eum talem esse ignoret, aut sciens taceat. Quam hoc vero inique statuitur, bonorum administrationem permitti prodigo ante interdictionem a Magistratu factam? Imo vero quam absurdum, quae ab eo, quem constat esse perditis et dissolutis moribus, gesta sunt, perinde rata haberi, ac si ab homine sane mentis, et optimo patrefamilias gesta essent? nemo ferat bonorum administrationem permitti furioso, ante quam a Magistratu talis sit declaratus, atque ei bonis interdictum. Idem statuimus de prodigo etiam ante quam quisquam Magistratus bonis ei interdixerit; nam prodigus furiosus habetur loco, neque alia de causa ei bonis interdicitur. *L. hi qui, §. ult. supr. de tuto. et cur. da.* Sed cur potius permittamus prodigo administrationem bonorum suorum ante interdictionem? Ad Magistratum venietur, iniques, et Magistratus statim illi interdicit. At quam inique hoc expectatur? Quid enim, si nemo rem ad Magistratum deferat? quid, si negligant omnes prodigum, et permittant eum vivere suis moribus? Quid, si Magistratus non sit copia? Quid, si adsit, et aditus rem negligat? Ergo isto modo prodigus impune erit prodigus, et prius rem omnem illi dilapidari et perire necesse est, quam remedio sit locus, quod quam iniquum sit apparet. Quid, si etiam expectari Magistratus interdictionem est contra sententiam et rationem legis, ut hoc non magis iniquum sit, quam iniustum? Nam cur a Magistratu interdicitur bonis prodigo? non utique quia talis declaratus est, sed quia re vera est prodigus. Atqui prodigus est, etiam a praetore non pronuncietur esse talis; quapropter in eadem causa et eadem ratione, non minus ei ex sententia legis etiam aie-

in-

interdictio Magistratus consultum esse debet. Sed cur prodigo interdicatur, ut prodigo? omnes concedent, opinor, in eo id quaesitum esse, ut prodigo consuleretur, ne temere videlicet dissiparet bona, qui neque notam, neque finem expensarum habet, ut supra dixi. At eadem est infirmitas mentis, eadem insaniam prodigi, quamvis ei bonis non interdicatur a Magistratu, atque adeo quominus ei quisquam consulit, eo maiore commiseratione dignus est, et maiore auxilio indiget. Sit ergo in pari morbo, et maiorem etiam periculo ob sententia legis, idem remedium. † Postremo in bonorum interdictione et administratione cæteris in rebus omnibus comparari furiosum et prodigum videmus. Ut furiosus fuit olim in potestate agnatorum ex lege 12. tabularum, ita fuit et prodigus. *L. sæpe, supr. de cur. fur.* Ut nunc datur curator furioso a Prætoribus, ita datur et prodigo. *L. 1. eod. ut furioso* propter inopiam mentis, et consilii bonis interdicatur, sic et prodigo ob eandem ipsam causam: quia scilicet quod ad bona attinet, furiosum facit exitum, ut est in *L. hi qui, §. ult. supr. de tut. et cur. da.* Ambo quoque si sanos mores receperint, pariter ipso iure desinunt esse in potestate curatorum. Cum cætera in hac interdictione sint similia, an censemus eos, in quo præcipue eos comparari oportuit, ut ambobus pariter consulatur, in eo ipso dissimiles esse constitutos? In cæteris omnibus distinguere citius, quam in eo, cuius potissimum causa hæc omnis interdictione quaestita est. At omnium consensu furioso interdicatur bonorum administratio ipso iure, neque hic quisquam Magistratus interdictionem expectat. Quare et in prodigo hoc ipso quod erit prodigus, idem fieri debere, et factum esse lege iudicandum est. † Quod si furiosi exemplum non placet, quasi minus sit mentis in furioso, quam ut ei ante ullam interdictionem Magistratus aliquid concedendum sit in bonorum administratione, conferatur saltem cum prodigo pupillis, atque adeo minor viginti quinque annis, in quibus plus inest mentis et iudicii, quam in prodigo: tum demum quam sit necessaria in prodigo Magistratus interdictione, intelligetur. Non pupillis solum, sed etiam adolescentibus bonorum suorum administratio adempta est vel legibus, vel moribus, constitutumque ut ad virilem usque ætatem adolescentes curatorum auxilio regantur. *L. 1. in fin. supr. de minor.* Quis est, qui dicat ad eam rem opus esse interdictione Magistratus, ut priusquam illis interdictum fuerit a Magistratu, his permittatur bonorum administratio, et ratum sit, quod gesserint? Imo si pupilli sunt, nihil sine tutoris auctoritate possunt gerere, quo deteriore conditionem suam faciant, sive tutorem habeant, sive non habeant. *L. obligari, sup. de auct. tut.* si sunt adolescentes, et curatorem habent, sic contrahendo obligantur, ut tamen omnibus in rebus in integrum restitui possint. *L. 3. C. de. in int. rest. mi.* omnibus autem pariter prædiorum alienatio sine decreto Magistratus est interdicta. Neque in his queritur, an qui cum his contraxit, sciverit minore esse, an nescierit, his tutorem vel curatorem datum esse, an ignorarit. Quapropter et in prodigo, in quo non firmitas consilii, sed mentis sanitas desideratur, multo magis idem statuendum est, ut etsi ei, non erit bonis interdictum a Magistratu, etsi is qui cum eo contraxit, nescivit esse prodigum: tamen non eo minus irritum sit, quod gesserit, cum sit prodigus re vera, idest, is cui multo minus, quam adolescenti, aut pupillo bonorum administratio propter insaniam mores committenda sit. Atque hæc stant, ear mihi probetur prodigo interdicti bonorum administrationem lege, idest, ipso iure, non expectata Magistratus interdictione: omnia et verbis legis, et sententiæ ac rationi æquitatis adeo consentanea, ut nisi quid evidenter hanc sententiam nobis extorqueat, non temere eam deponere debeamus. Et quidem video esse eiusmodi, ut nisi quid obstat, ultro omnes amplexuri fuerint. Nunc quia apertioribus locis, ut plerique putant, exigitur prætoris interdictione, ideo hoc posterius sequi maluerunt. Quid ergo afferatur pro recepta ista sententia, videamus. † Moveatur vulgo verbis Ulpiani ex *L. 1. supr. de cur. fur.* nam cum is dixisset lege 12. tabularum interdicti prodigo, subiecit; *sed solent hodie prætores vel præsides ei curatorem dare exemplo furiosi.* Hoc fere omnes sic acceperunt, quasi Ulpianus adversativa oratione, *sed solent*, mutet id, quod prius de legis interdictione dixerat, sitque hic sensus: olim lege 12. tabularum prodigo interdicebatur bonorum administratio, hodie vero non lege, idest, ipso iure, sed per Magistratus administratio prodigis interdicti solet. Atqui nihil tale ex supra scriptis verbis colligi potest. Non enim dicit Ulpianus, solent hodie prætores, vel præsides bonis interdicere prodigo, sed solent curatores dare. Non sunt hæc pugnancia, lege interdictum bonis prodigo, et solent prætores prodigo dare curatorem. Nihil enim prohibet, quominus et lege illi interdicator bonis, quamvis nullus ei curator datus

tatur bonorum administratio, et ratum sit, quod gesserint? Imo si pupilli sunt, nihil sine tutoris auctoritate possunt gerere, quo deteriore conditionem suam faciant, sive tutorem habeant, sive non habeant. *L. obligari, sup. de auct. tut.* si sunt adolescentes, et curatorem habent, sic contrahendo obligantur, ut tamen omnibus in rebus in integrum restitui possint. *L. 3. C. de. in int. rest. mi.* omnibus autem pariter prædiorum alienatio sine decreto Magistratus est interdicta. Neque in his queritur, an qui cum his contraxit, sciverit minore esse, an nescierit, his tutorem vel curatorem datum esse, an ignorarit. Quapropter et in prodigo, in quo non firmitas consilii, sed mentis sanitas desideratur, multo magis idem statuendum est, ut etsi ei, non erit bonis interdictum a Magistratu, etsi is qui cum eo contraxit, nescivit esse prodigum: tamen non eo minus irritum sit, quod gesserit, cum sit prodigus re vera, idest, is cui multo minus, quam adolescenti, aut pupillo bonorum administratio propter insaniam mores committenda sit. Atque hæc stant, ear mihi probetur prodigo interdicti bonorum administrationem lege, idest, ipso iure, non expectata Magistratus interdictione: omnia et verbis legis, et sententiæ ac rationi æquitatis adeo consentanea, ut nisi quid evidenter hanc sententiam nobis extorqueat, non temere eam deponere debeamus. Et quidem video esse eiusmodi, ut nisi quid obstat, ultro omnes amplexuri fuerint. Nunc quia apertioribus locis, ut plerique putant, exigitur prætoris interdictione, ideo hoc posterius sequi maluerunt. Quid ergo afferatur pro recepta ista sententia, videamus. † Moveatur vulgo verbis Ulpiani ex *L. 1. supr. de cur. fur.* nam cum is dixisset lege 12. tabularum interdicti prodigo, subiecit; *sed solent hodie prætores vel præsides ei curatorem dare exemplo furiosi.* Hoc fere omnes sic acceperunt, quasi Ulpianus adversativa oratione, *sed solent*, mutet id, quod prius de legis interdictione dixerat, sitque hic sensus: olim lege 12. tabularum prodigo interdicebatur bonorum administratio, hodie vero non lege, idest, ipso iure, sed per Magistratus administratio prodigis interdicti solet. Atqui nihil tale ex supra scriptis verbis colligi potest. Non enim dicit Ulpianus, solent hodie prætores, vel præsides bonis interdicere prodigo, sed solent curatores dare. Non sunt hæc pugnancia, lege interdictum bonis prodigo, et solent prætores prodigo dare curatorem. Nihil enim prohibet, quominus et lege illi interdicator bonis, quamvis nullus ei curator datus

datus sit, et tamen si de curatoribus prodigo dandia agatur, permittatur hæc res Magistratui, non legis veteris constitutioni relinquitur. Et certe correctio Ulpiani, cum sit de curatoribus, cum huc referri apparet, non ut mutet, quod prius constitutum lege esse dixerat de bonorum interdictione, sed ut id potius, quod eadem lege cautum erat de curatoribus dandis. Cavebatur autem ea lege, ut furiosi et prodigi, licet minores viginti quinque annis sint, tamen in curatione essent agnatorum, ut est in *§. furiosi, Inst. de curat.* Id in curatoribus dicit Ulpianus hodie aliter observari: estque hic sensus, lege 12. tabularum prodigo interdictione bonorum administratio, sed si de curatoribus prodigo dandis agitur, non dantur hi lege, ut olim, sed prætores, vel præsidēs dare solent. Hanc vero correctionem ad curatorum dationem, tantum, non etiam ad interdictionem bonorum pertinere, ex eo plusquam manifestum est, quod Iustinianus in *§. furiosi, Inst. de cur.* hac ipsa correctione utitur, cum prius dixisset ex lege 12. tabularum furiosos, et prodigos esse in curatione agnatorum: *furiosi quoque, inquit, et prodigi in curatione sunt agnatorum ex lege 12. tabularum, sed solent Romæ præfectus urbi, vel prætores, et in provinciis præsidēs eis curatores dare.* An hoc sic accipimus, ut debeant prætores vel præsidēs eis interdici bonis, ut priusquam interdixerint, non admittatur his administratio bonorum? nemo dicit: certe prohibet persona furiosi, cui certum est non committi ne hodie quidem bonorum administrationem, etiam si ei nemo Magistratus bonis interdixerit. Idem igitur et in prodigo dicendum est, cum correctio ad furiosos et prodigos ex æquo pertineat. Et cur non ad hanc sententiam Ulpiani probandam ipso eodem Ulpiano auctore utimur? cuius hæc verba legantur in *fragmentis Inst. tit. de curatoribus: Lex 12. tabularum furiosum, item prodigum, cui bonis interdictionem est, in curatione iubet esse agnatorum. Sed a prætor constituitur, quem ipse Prætor voluerit*, videmus ex huius sententia hanc omnem iuris veteris exæquationem in curatoribus dandis esse, non in bonorum interdictione? Quinimo ex ipsa adeo *L. 1. de cur. fur.* sic recte et certo colligemus: constat lege 12. tabularum bonis interdici prodigo ita ut interdicitur lege ipsa, seu ipso iure sine ulla interdictione Magistratus; hæc pars lo-

gis de interdictione bonorum postea mutata non probatur, sed illa tantum quæ fuit de curatoribus prodigi, ut indicat *d. L. 1.* et superiores loci evidenter ostendunt, quapropter etiam nunc eandem interdictionem legis manere necesse est. *L. præcipimus, in fi. C. de app.* Movet præterea alios *L. Iulianus, supr. de cur. fur.* quia illic argumentatur Iulianus eos, quibus per prætorem bonis interdictionem est, ideo nihil transferri posse ad aliquem, quia in bonis non habeant, cum eis deminutio sit interdicta. Ac plerique pro certissimo contrariæ sententiæ argumento id habent. Ego autem quid ad rem pertineat, non animadverto. Quid enim, an quia per prætorem recte interdicitur, ut ea interdictione adimat; alienandi potestatem, ideo consequens est aliter non interdici, quam per prætorem? Ita, inquit: alioqui na quidquam per prætorem interdiceretur. Recte hoc diceretur, si semper interdiceretur ei, qui vere prodigus est, aut eum cui interdicitur, prodigum esse constaret? Nunc autem fieri potest, ut interdiciatur per prætorem ei, qui non sit prodigus; hic non temere est, cur queratur de vi interdictionis. Et Iuliano placuit omnia omnia quaestione, an sit prodigus, necne sit, interdictionem est, sententiæ Magistratus in re dubia standum esse, et deminutionem bonorum prohiberi. Fieri potest etiam, ut quis vere sit prodigus, ut si de eo constaret, non dubitaretur de iure interdictionis, nunc autem hoc ipsum dubitatur, an sit prodigus, ut hic non ius deficiat; sed probatio; ut scriptum est in re simili in *L. duo sunt, supr. de test. tut.* hic quoque non erit supervacua prætoris interdictione, sed potius necessaria, ut sic deinde statuatur hunc pro prodigo esse habendum, qui talis a prætore declaratus est, et deinceps enim bona deminueri non possent. At digna aliquem prodigum esse, deque eo constare; huic cum bonis interdicitur lege, quia est prodigus sufficit ad omnem interdictionem auctoritas legis, nec ad declarandum prodigum esse eum, quem talem esse constat, aut alioqui idonee probari possit, necessaria est Magistratus interdictione. Nos autem de eo agimus quem talem esse probetur etiam ante prætoris interdictionem. Obiciunt alii etiam nobis formulam interdictionis bonorum, qua olim Prætores, dum bonis interdicebant prodigo, utebantur, quæ exstat in libris *recept. sent. Pauli lib. 3. tit. 4.* Sed nihil amplius pro-

2) Ius in Goth. editione vocula sed abest §. 3. sic in capit. A prætor constituitur, etc. Sed hoc hæc verba

sententiæ adscribuntur, qui in hoc Donello conestis.

probat ex ea, quam etiam a pretoribus prodigo bonis interdicti solitum fuisse, quam ad rem illa fuit sollemnis formula quam dixi, quod non negamus. Plus etiam dicimus per pretorem non otiose interdicti, sive is cui interdictur, forte plane prodigus non sit, sive de eo dubitetur. Sed hoc adiciamus etiam lege interdicti ei, qui vere sit prodigus, eamque interdictionem ad omnem deminuendi prohibitionem satis esse, si aperta doceatur eum, qui quid gessit, cuius factum revocare volumus, fuisse prodigum, quo nihil requiritur. Ita quoque etiam si de legis solius interdictione nihil aperte probaretur: tamen ius retinendum esset propter utilitatem. Nam quomodo bonorum administrationem committamus ei, quem fateamur esse non sanis moribus, et in bonorum administratione ubique furioso comparari; cum ne pupillo quidem, aut adolescente, licet sint sanæ mentis, eam committamus propter consilii imbecillitatem? cur expectemus interdictionem Magistratus in eo, qui non minus nequitia sua disperditurus sit bona etiam ante interdictionem? aut cur expectemus eam in prodigo, quam in pupillo aut adolescente non expectamus? Hoc vero nulla aequitatis ratio permittere videtur. Nam quod ad æquitatis defensionem in hac re vulgo dicitur, ideo per pretorem debere interdicti prodigo, ne fraudentur, qui cum prodigo contracturi sunt, si prodigum fuisse ignorent; eiusmodi est, quod in contrariam sententiam potius valere debeat: certe nunquam tantum valebit, ut eo efficiatur necessariam esse in hac re Magistratus interdictionem. Si ideo necessaria est Magistratus interdictio, ne fraudentur hi, qui cum prodigo contrahunt, convincimus hac ipsa ratione non esse interdictionem Magistratus opus, ubi rescisso eo, quod a prodigo gestum est, non est periculum, ne quisquam decipiantur: scilicet quia cessat ratio legis, id est, mens et sententia legis. *L. quod dictum, supr. de pact. L. 3. §. sed utrum, supr. de minor.* At quam multis modis accidit, ne decipiantur hi, qui cum prodigo contrahunt, etiam si deminuto illi sit interdicti, nequa tamen quicquam Magistratus interdixerit? Finge eos scire prodigum esse. *Tom. XI.*

3) Esto, si possumus ex. gr. aliquem bonis fide rem a prodigo venditam a magistratu declarare, tuto pretio emisse, etsi illi posset ei male conceptum. Anne venditio rata erit ut prodigo ad traditionem obligetur? Ubiq. *L. 8. Pro empt. Nro etiam L. 19. de R. F.* Nam ergo vendam sententia declaratur, licet revera sit, esse prodigum quod iuris effectum. Quid quod *Coim. 7. Observe. 36. et Rarvar. ibid.* cum regulam ad statum referat. Nego equum

se enim, cum quo contrahebant, non fraudantur, qui sciunt, et consentiunt. *L. nemo videtur, infr. de reg. iur.* Insuper etiam desiderent interdictionem Magistratus, ut sciant fuisse prodigum eum, quem talem esse sine alia admonitione sciabant, non est opus certiorari eos, qui non ignorarunt. *L. 1. in fin. supr. de act. empt.* Finge prodigum rem gessisse cum his, qui eum aut sanæ mentis esse putarent, aut certe prodigum esse ignorarent, sed prodigum his largitum esse de suo. Finge contraxisse eum ex causa onerosa, sed in contractu ipsum fraudatum esse, non illos, qui cum eo contraxerunt. Nemo dicit, si aut a prodigo male donata revocantur, aut ea in quibus fraudem passus est, irrita sunt ante Magistratus interdictionem, fraudari eos, qui cum eo contraxerunt, quin potius si hæc rata erunt, omnes et fraudari prodigum intelligent, et summam illi fieri iniuriam cogentur fateri, cum homo non sanæ mentis ne consenserit quidem. Quapropter in his causis saltem, si superiore ratione uti volent, concedent non debere fraudi esse prodigo, quod quid ante interdictionem Magistratus male gesserit. Ego autem aio, etsi hi qui cum prodigo contraxerunt, eum prodigum esse ignorarint, non tamen valere debere in perniciem prodigi ea, quæ gesta sunt, etiam ante interdictionem Magistratus, quamvis futurum sit, ut qui contraxerunt, illis rescissis fraudentur. Primum ipsorum culpa est, si cum prodigum esse ignorarunt, da quo si inquirerent, talem esse compere potuerunt: qui cum alio contrahit, est, vel esse debet eius conditionis non ignarus, si quidem res querendo investigari potest. *L. qui cum alio, infr. de reg. iur.* Deinde etsi proponant iustam ignorandi causam habuisse, non ideo tamen ipsorum causa servari debet, quod gestum est, si id prodigo nocet. Nam cum in hac re altituti consulendum sit tantum, aut prodigo, aut ei, qui cum eo contraxit, omnes probant acquiescere consili prodigo, qui præter quam quod dampnum patitur, si contractus servatur, etiam hoc habet, quod defendatur, quod homo insanis moribus consensisse non videtur. *L. furiosus, infr. de reg. iur.* Et certa quicunque sunt, quos placuit iure ideo

esse ut nemo in secretis prodigum, quomodo mali moris incoherens, ille quo iura ignorantia excusat. Nec ab delictum ante mens nulla obligatio prodigi, alius nec eo delicta auctor, qui sanorum morum, et carnis utilitas publicæ. Nego facili ignorari deestem magistratus. Eui enim non omnes ferre impetant, huiusmodi tamen rei in vulgus cito dimittitur. Ita facta profectum ubi certi habere, et inferri potest, uti ex sententia magistratus.

non teneri, quia aut eorum nullus sensus, aut non satis certus et firmus consensus est, quales sunt furiosi, pnpilli, minores viginti quinque annis, horum omnium causa constitutum est, ne teneantur, non aliorum: quia scilicet in his ipsis causa est, cur non teneantur, non aliis, eoque etiam placet non teneri eos, sive cum eis contraxerint, qui ipsorum conditionem non ignorent, sive qui ignorent. *L. ult. C. si min. se maior. dix.* Illud quidem nemo unquam dixit, non ante irritum esse, quod furiosus, quod pnpillus, quod minor gesserit, quam si his bonorum administratio sit interdicta. Idem ergo in prodigo indicandum est, ut cum constitutum sit, ne teneatur, qui sit prodigus, is hoc ipso non teneatur, quia sit prodigus, etiam si cum homine eius conditionem ignorante contraxerit. Quod si eius, qui cum ipso contraxit, scientiam exigemus, eveniet, ut ne tum quidem cum prodigo bonis interdictum erit per Magistratum, irritum sit, quod ipse postea gesserit, si is qui cum eo contraxit, et prodigum esse, et ei interdictum esse bonis ignoravit. Nisi forte quis dicat impotandum esse adversario, si Magistratus interdictionem intervenisse ignoravit, non etiam si ignoravit esse prodigum. Quod non ita est; neque enim sententia et interdictiones Magistratus, quae inter privatos interponuntur, statim omnibus innotescunt, non magis, quam illud, an quis sit prodigus: quia utrumque ad privatos pariter pertinet; eoque pariter licet aliis sine vitio ignorare, quia in rebus alienis curiosos nos esse non decet. *L. doli, in fin. infr. de novat.* Plus dico: si is fuit prodigus, de quo agimus, idem, quem constaret palam esse prodigum, et quem ideo talem esse probari posset, facilius fuerit de eo inquirenti reperire hunc prodigum, quam quarenti de interdictione Magistratus cognoscere, an haec intervenerit; quoniam non omnes forum frequentant, aut intersunt in iure; cum Magistratus interdicat, quomodo autem se prodigus gerat, quia palam talis est, omnes melius scire possunt. At nemo adhuc inventus est, qui diceret, cum prodigo bonis interdictum est per praetorem, sic interdictionem aliorum causa esse interpositam, ut nisi illi seirent interdictum esse bonis prodigo, valeret, quod cum prodigo gestum est, nec iusta ignorantia aliis noceret: sed placuit ei, cui bonis interdictum est, interdictum esse honorem deminutionem, sive quis id sciat factum, sive ignoret. *d. L. Iulianus, supr. de cur. fur.* Quare probandum est etiam ante interdictionem Magistratus,

in his, qui cum prodigo quid gesserunt, non debere efficere iustam eorum ignorantiam, quominus quae gesta sunt, irrita sint, si is cum quo negotium gestum est, vere prodigus fuerit; postquam quaecunque hic est interdictio, ea non aliorum, sed prodigi causa introducta est. † Quod 11 ergo scriptum est apud Iustinianum in §. *item prodigus, Inst.* quib. non est per fac. text. *item prodigus, cui bonorum suorum administratio interdicta est, testamentum facere non potest:* haec verba, *cui bonis interdictum est*, non distinctionis causa addita sunt, quasi sint aliqui prodigi, quibus bonorum administratio interdicatur, alii quibus non interdicatur; sed declarationis et rationis loco, ut sit sensus, prodigus, ut cui bonorum suorum administratio interdicta est, vel, quandoquidem ei bonorum suorum administratio interdicta est, testamentum facere non potest; quod autem sequitur ibidem, *sed id quod ante fecerit, quam interdictio bonorum ei fiat, ratum est*, sic interpretandum est; sed id quod ante fecit prodigus, id est, is qui nunc prodigus est, et cui ob id est bonis interdictum, id, inquam, quod ante fecit, quam ei fieret bonorum interdictio, id est, quam vere esset prodigus, ratum est; nam profecto ante interdictionem non est prodigus; cum simul atque quis prodigus esse cepit, hoc ipso ei bonis interdicatur lege. Eodem plane modo et sensu in §. *furiosi*; praecedente dictum est, testamentum quod furiosi ante furorem fecerint, valere, ubi manifestum est furiosos dici eos, qui nunc furiosi sunt: nam certe ante furorem furiosi nec esse, nec dici potuerunt. His abunde demonstratum puto, prodigo hoc ipso, quod prodigus est, bonis interdicti idque ipsum lege fieri seu ipso iure, nec necessariam esse ad eam rem Magistratus interdictionem: dummodo id fiat, quod in omni indicio ab eo, qui quid intendit, exigitur, ut quid prodigum esse intendet, quo res ab eo gestae improbandur, id probet. Sed non est necessaria haec probatio ei, qui Magistratus interdictionem proferet, quae tanquam prodigo facta sit: quia, ut supra dixi, in re dubia eam vim habeat haec interdictio, ut cui bonis interdictum est, ei non minus adimatur bonorum administratio, quam si vere prodigum esse constaret, et hactenus hanc interdictionem utilem esse docuimus. Quae si vera sunt, et iam summam dicendum est, recte dicturi sumus his verbis, *is cui bonis interdictum est*, duos contineri; prodigum hoc ipso, quod prodigus est, cui

lege

lege ipsa satis interdictur; item eum, cui tanquam prodigo bonis interdictum est a Magistratu quamdiu de sanis eius moribus vel receptis, vel non amissis nihil aperte doceatur. † Hoc de persona eius, cui bonis interdictum volumus, constituto, de vi et potestate huius interdictionis quæsitum est. Et sciendum est de vi et significatione verborum (quando plerisque in locis dicitur prodigo bonis interdicti, ut hic, et d. L. Iulianus, L. pen. §. 1. *supr. de cur. fur. L. is cui, supr. qui test. fa. poss.*) interdici bonis idem valere, quod interdici bonorum administrationem, unde alibi dicitur prodigis administratio bonorum esse interdicta. L. 1. *supr. de cur. fur. et d. §. item prodigus, Inst. quib. non est per. fac. test.* Quæ res facit, non ut ne sint domini bonorum, qui prius fuerant (nam ne furiosi quidem domini esse desinunt) sed ut ne ea administrare possit pro suis, non magis quam furiosus. d. L. his qui, §. ult. *supr. de tut. et cur.* Hinc duo quæsitæ: unum, an usque eo producenda sit ea interdictio, ut ne acquirere quidem sibi possit prodigus, et meliorum conditionem suam facere; alterum, an ita prohibeatur obligari, et deteriorem facere conditionem in bonorum administratione, ut si velit obligari, ne naturaliter quidem obligetur. † Prius exigere videbatur exemplum furiosi; nam ut furiosus de bonis quidquam alienare, aut obligari non potest; sic nec acquirere. Denique furiosus, quia mente caret, nullum negotium recte gerit. L. in negotiis, *infr. de reg. iur. §. furiosus, Inst. de inut. stip.* Prodigus autem ubique comparatur furioso. L. 1. *supr. de cur. fur. §. furiosi, Inst. de cur.* Quinimo diserte scriptum est in L. furiosi, *infr. de reg. iur.* furiosi; et eius, cui bonis interdictum est, nullam esse voluntatem, quod si verum est, non magis contrahere prodigus poterit, quam furiosus. Nullus enim contractus est sine consensu. L. 1. §. 1. *supr. de pact.* Posterius videtur repudiare exemplum pupilli; nam cum hoc in acquirendo comparatur prodigus, ut mox dicemus; quidni igitur et in deminuendo, promittendove? Iam vero pupillus etsi ita bona administrare non potest, ut deteriorem conditionem suam faciat sine tutoris auctoritate; attamen si contrahit, placet eum saltem naturaliter obligari, certe eius obligationi recte accedere fideiussores. L. ult. *supr. de iureiur. L. si pupillus, infr. eod.* Ac de utroque res hic breviter definitur ab Ulpiano, prius autem de acquirendo. Is cui bonis interdictum est, in-

quit, stipulando sibi acquirit. Quod de stipulatione dicit, exempli causa dictum est, ac nihilominus in aliis causis similibus omnibus ex quibus de acquirendo agitur, idem observandum est. arg. in L. penult. §. ult. *supr. de iur. et fac. ign. L. 1. §. quod vulgo, supr. unde vi. L. illud, supr. atque leg. Ag.* Ergo prodigus et accipiendo, et stipulando, et alio quovis modo contrahendo meliorem conditionem suam facere, et bona gerere potest: in hoc plane similis non furioso, sed pupillo, quem transitum est obligari quidem ex omni contractu sine tutoris auctoritate non posse, acquirere autem sibi stipulando, et per traditionem accipiendo etiam sine tutoris auctoritate posse; L. obligari, *supr. de auct. tut. aliter, atque furiosum, quem constat neque promittendo posse obligari, neque stipulando quidquam acquirere, ut supra dixi.* Et hoc est, quod Iulianus scripsit, cum per prætorem bonis interdictur, hac interdictione translationem, et deminutionem bonorum videri interdictam; d. L. Iulianus, *de cur. fur. nempe* hanc solam, nihil amplius. Neque id interdictionis verbis adversatur. Interdicitur quidem prodigis simpliciter, et in totum bonorum administratio. L. 1. *supr. de cur. fur. §. item prodigus, Inst. quib. non est per. fac. test.* Sed qui sibi acquirit, negotium et rem suam gerere dici potest: bona administrare dici non potest. Is enim administrat bona sua, qui ea, quæ iam sunt eius, administrat, non etiam qui sua non attingens tantum aliena adicit; quod fit acquirendo. Et ut quis forte dicat eum, qui sibi acquirit, bona administrare videri, ideoque administratione bonorum interdicta, etiam bonorum acquisitionem secundum verba esse interdictam: tamen manifestum est ex legis saltem, aut prætoris sententia acquisitionem bonorum esse interdictione non contineri. Quidquid enim hic constitutum est, ut bonis interdictur prodigo, prodigorum causa constitutum est, ut his consuleretur. d. L. his qui, §. ult. *supr. de tut. et cur.* Quod si etiam ea interdictione id afficiatur, ne acquirere possint, eveniet, ut quod ipsorum favore interdictum est, id convertatur in eorum perniciem; quod nulla iuris ratio patitur. L. nulla, *supr. de legib. L. quod favore, C. eod.* Et quod de ætate in minoribus scriptum est in L. non eo minus, C. de proc. id de morbo animi in prodigo recte licebit usurpare: prodigis morbus animi in damnis subvenire, non in rebus prosperè gestis obesse debet. Sed esto, interdictio bonorum administrationis acquirandi,

et rei bene gerendæ facultatem prodigo non adimat: at an non saltem illud satis admittit quod dicitur in regula iuris, furiosi, et eius cui bonis interdictum est, nullam voluntatem esse? *L. furiosi, infr. de reg. iur.* nam profecto si utriusque pariter nulla voluntas est, cum sine voluntate et consensu nihil acquiri, aut contrahi possit, non magis acquirere sibi prodigus poterit, quam furiosus, hanc quidem nec stipulari sibi, nec sibi quidquam gerere posse convenit. *d. §. furiosus, Inst. de inut. stip. d. L. in negotiis, infr. de reg. iur.* Et si quidem nulla prodigi voluntas esset, ne in acquirendo quidem, fateremur non magis eum sibi acquirere posse stipulando, quam potest furiosus ob eandem causam. † Nunc autem quod dicitur, eius cui bonis interdictum est, nullam voluntatem esse, sic accipiendum est, ut ne sit, quatenus ei interdictum est, id est, quatenus est prodigus, non ultra; scilicet ut interdictio modum illius facultati et voluntati faciat. Non enim prodigi nulla voluntas est natura, sed existimatur nulla esse, quatenus est prodigus: utpote hactenus in bonis furiosum faciens exitum, ut est in *d. L. his qui. §. ult. de tut. et cur.* Porro cum prodigus quid acquirat, non facit id tanquam prodigus, et is cui bonis interdictum est, sed tanquam bonus paterfam. cui in rebus gerendis bonis interdicti non solet; itaque hactenus ideo velle prodigus intelligitur, quia recte vult, et salubriter, et hominum sanorum more: hæc de acquirendo. Tradere vero, inquit Ulpianus, non potest, vel promittendo obligari: et in summa deminueri non potest, quasi in bonis non habeat, ut traditur in dicta *L. Iulianus, supr. de cur. fur.* Ex quo est, ut ne testamentum quidem facere possit prodigus. *Inst. quib. non est per. fac. test.* adeo ad omnem alienationem hæc interdictio pertinet. † Sed illud obligari quomodo accipimus; an ut civiliter obligari non possit, at possit naturaliter; an vero ut nullo modo, ne naturaliter quidem? Et indicat in eo, quid sentiat, cum de fideiussore ita subiicit: et ideo nec fideiussor pro eo intervenire poterit, sicut nec pro furioso. Cum hoc dicit, negat eum etiam natura obligari. Nam si quo modo obligaretur, etiam naturaliter, recte pro eo fideiussor interveniret. *L. 1. L. fideiussor, §. fideiussor, infr. de fid.* Sed cur non hac quoque in parte prodigum pupillo comparamus, ut et cum de acquirendo agitur? quod si faceremus, utique et prodigi obligationi recte fideiussor accederet, ut recte accedere constat, cum pupillus quid promissit sine tutoris auctori-

tate, ut supra ostendi. Cum de acquirendo agitur, prodigum pupillo similem facimus: quippe quem volumus etiam sine cuiusquam auctoritate meliorem conditionem suam facere posse itidem, ut pupillum: quod in furiosum non cadit. Cum autem agitur de diminuendis bonis, invertimus comparationem, et prodigum iam non pupillo similem esse placet, sed furioso: ut quemadmodum hic promittendo nullo iure obligatur, ne natura quidem, sic nec obligetur prodigus. Cur hæc tam varie? quia sane, ut iam dixi, prodigus; et is cui bonis interdictum est, quatenus talis est; ubique pro furioso habetur, ut qui quod ad bona attinet, furiosum faciat exitum. Sed non omni in re, qui prodigus est, pro prodigo habetur; certe non habetur tunc, cum meliorem conditionem suam facit, in eo enim non prodigi, sed sani hominis, et boni patrisfam. officio fungitur; opinione autem prodigi detracta, et eius cui bonis interdictum est, nihilominus, quam ceteri, velle creditur, quapropter et cæterorum exemplo, non pupilli tantum, sibi recte acquirit. At tunc habetur pro prodigo, cum bona deminuit, hic enim metuimus, ne eodem animi morbo ad alienationem accedat, quo morbo prius factum est, ut inter prodigos, id est, insanos, et furiosos rerum suarum dissipatores haberetur. Eo fit, ut in hac deminutione furioso comparatus, quemadmodum furiosi nulla voluntas est, sic et ipse nulla voluntate prædictus esse existimetur. *d. L. furiosi, de reg. iur.* Cui iam consequens est, ut nec natura obligetur, uti nec furiosus: proinde nec fideiussor obligetur pro eo, sicut nec pro furioso. Sunt, qui huic sententiæ de fideiussore contrariam putent *L. Marcellus, infr. de fid.* non recte, ut ex verbis apparet. † 16 Illic scriptum est fideiussorem pro pupillo, prodigo, furioso obligari, sed adiciatur, obligato. Multis modis fit, ut pupillus sine tutoris auctoritate obligetur; ut si quis negotium eius utiliter gesserit; si quid ipse deliquerit; si is obligato heres existerit. *L. furiosus, supr. prox. tit. L. imputerem, infr. de fur.* Hoc amplius et prodigus, ac furiosus eo nomine obligantur, si quid, cum sanæ mentis essent, contraxerint. *§. furiosi, Inst. quib. non est per. fa. test.* Pro his ita obligatis si quis ipsorum mandatu fideiusserit, quidni obligetur, cum et voluerit obligari, et obligationi non naturali tantum, sed etiam civili accesserit? quod cum sit, toties fideiussorem obligari certum est. *L. fideiussor, §. fideiussor, infr. de fid.* At fideiussori isti in hac causa non com-

competit mandati actio adversus eos, pro quibus fideiussit, ut nisi illi locupletiores facti sint, necesse sit fideiussori solventi rem perire. Num ergo saltem ob hanc causam fideiussori succurreret? Negat Marcellus ideo subveniendum in *d. L. Marcellus*. Et in summa nihil amplius illic dicitur, quam fideiussorem pro pupillo, prodigo, furioso obligato acceptum omni modo obligari, si-ve rem ab ipsa, pro quibus fideiussit, servare possit, si-ve non possit. Quid hoc loco? fideiussorem nimirum dicimus pro

prodigo non obligato acceptum non teneri, inter quæ optime convenit. Imo vero priore admissio, etiam posterius statui oportuit. Quid multis? statuitur his duobus locis coniunctis ea distinctio de prodigi fideiussore, quæ uno eodemque in loco tradita est a Caio de fideiussore furiosi in *L. si a reo, si a furioso, infr. de fid.* ut lecto eo loco nemo possit de istorum duorum, quos dixi, consensu dubitare.

Ad L. Impossibilis. 7.

Idem lib. vi. ad Sabinum.

Impossibilis conditio cum in faciendum concipitur stipulationibus obstat: aliter atque si talis conditio inseratur stipulationi, *Si in cælum non ascenderis*: nam utilis et præsens est, et pecuniam creditam continet.

S U M M A R I A.

1. *Valeat stipulatio, necne, unde certum.*
2. *Ob consensus defectum, quomodo non teneat stipulatio.*
3. *Impossibilis conditio cur obstat contractibus.*
4. *Cur non in contractibus sic accipitur conditio impossibilis, quæi adiecta non esset, aut certe ita, ne noceat, ut in institutionibus, et legatis ius est, et rei impossibilis natura, et recepta in stipulationibus obscuris interpretatio exigere videtur.*

5. *Unde dissimilitudo voluntatis contrahentium et testatoris in impossibilis conditionis interpretatione concipiatur.*
6. *De impossibili conditione in non faciendum concepta.*
7. *Quomodo stipulatio, quæ conditionem insertam habet, præsens appelletur.*
8. *Quo sensu stipulatio, in qua est negativa conditio, utilis dicatur.*

Multis modis accidit, ut stipulatio sit inutilis, ex quo genere est ea, quæ hic proponitur. Sed cum sint variae huius generis ac prope infinitæ, nihil agitur exemplis, nisi res ex illa incertitudine, et tanquam infinitate ad certa genera revocatur, ex quibus et quæ sint illæ, et quot sint, ac quamobrem sint tales, cognoscamus. † Et de omnibus hæc in universum perceptio est: an valeat stipulatio, necne, ex iis causis æstimandum esse, quibus stipulationem constare in definitione stipulationis, diximus. Nam in quibus hæ causæ omnes concurrent, et iustæ sunt, proinde utiles: in quibus autem una aliqua earum causarum deest, totidem de causis efficitur, ut sint inutilis. Ac de forma et conceptione verborum stipulationis dictum est ad *L. 1. sup.* De rebus ac materia stipulationis, item de eius fine dicitur alias illis locis, quos de his causis in explicatione definitionis supra notavimus. † A consensu est, cur non

valeat, sicut certe non teneat stipulatio, non solum, cum nulla est sensus eorum, qui inter se contrahunt, aut omnium, aut unius duntaxat; sed etiam cum inter intelligentes promittitur quid certa conditione, idest, ita, si quid factum sit, aut non sit, neque ea conditio exsistit. Quidquid enim ita promittitur, perinde est, quasi ita promissum esset; si id eveniret, dabo: si non eveniret, non dabo, non promitto, non spondeo. *L. quibus, §. quidam Titio, sup. de cond. et dem.* Et ideo cum quid promissum est sub conditione, placet priusquam exstiterit conditio, adeo ex stipulatione nihil deberi, ut neque venerit obligationis dies, neque cesserit. *§. sub conditione, Inst. eod. L. cadere, infr. de verb. sig. †* Hinc fieri, ut si defecerit, itaque constet amplius conditionem existere non posse, nihil videatur actum aut promissum esse. Idem ergo et tam maxime evenire necesse est, cum stipulatio concepta est sub impossibili conditione: veluti, si in cælum

ascen-

ascendero, dabis? certum est enim iam nunc statim defecisse eam, quæ natura existere non possit: sic definitur conditio impossibilis. §. *si impossibilis*, Inst. cod. Hinc illa veterum de hac specie recepta sententia, quæ traditur in d. §. *si impossibilis*, et hoc loco, si impossibilis conditio stipulationi adiecta sit, stipulationem nullius esse momenti: quippe ob stare stipulationi conditionem impossibilem. Sed cur obstat? propter consensum videlicet: quoniam illa sic adiecta est, ut placeret nihil, nisi ex eventu huius conditionis deberi: nemo autem ignorat nunquam per rerum naturam evenire posse, ut stipulator in cælum ascendat. Et quod de stipulatione hic dicitur, exempli causa positum est: non enim minus in omnibus contractibus sub impossibili conditione factis idem valet. *L. non solum*, *supr. prox. tit.* Nam nec in his quidquam debetur, nisi ex consensu et conventionem. Hanc definitionem interpretari videtur hoc loco Ulpianus, cum illud adicit: *cum in faciendo concipitur; aliter atque*, et quæ sequuntur. Est vero et in regula ipsa, et in eius explicatione, quod animadvertatur, quæ quam brevissime potaritur, dilemus. Ipsum hoc ius de conditione impossibili primum dubitationem habere potest, quasi aut non recte constitutum, aut etiam aliis partibus iuris contrarium. † Nam cur non sic accipitur conditio impossibilis, quasi adiecta non esset, aut certe ita, ne noceat? hoc vero et rei impossibilis natura exigere videtur, et recepta in stipulationibus obscuris interpretatio, et quod omnium maxime obstat, exemplum institutionis, et legatorum, quibus testator impossibilem conditionem adscripsit. Rei impossibilis natura hæc est, ut si fieri non potest, quod in conditione est, non debeat exigi a stipulatore, ut faciat, nec si id non fiat, id cuiquam fraudi esse debeat. *L. impossibilium*, *infr. de regul. iur.* Interpretatio stipulationis ambigue hæc recepta est, ut iubeatur id accipi, quo res, de qua agitur, magis valeat, quam pereat, *L. quoties in 80. infr.*, *L. quoties in actionibus*, *L. ubi, supr. de reb. dub.* Potius igitur ea interpretatio capienda, ut conditio pro non adiecta habeatur, quam ut contrahentes hac retenta nihil agere voluisse existimentur. Postremo hæc sententia confirmata est exemplo institutionis et legatorum, eorumque omnium, quæ testamento relinquuntur. In quibus placuit omnes omnis generis impossibiles conditiones adscriptas pro non scriptis haberi, et perinde ac si conditio hereditatis, sive

legato adiecta non esset, ita hereditatem legitimè capi. *L. 3. supr. de cond. et dem. L. 4. L. conditiones contra, supr. de cond. inst. §. impossibilis*, *Inst. de her. inst.* Quibus effici videtur, aut non recte aliud constitutum esse in stipulationibus, aut certe legata a stipulationibus separari non debuisse. De his vero sic breviter habendum puto, ac primum de natura rei impossibilis. Si quis stipulatus sit fundum, si in cælum ascenderit, non exigitur ab eo, fateor, ut in cælum ascendat, ut nisi ascenderit, quidquam amittat, et hæc veluti impotentia suæ pena afficiatur. Sed ut eo nomine quidquam creditor non præstat; sic non debet petere, ut quia nihil implevit, ideo ex stipulatione aliquid consequatur: non quia imputetur ei, quod rem impossibilem non faciat; sed quia id actum est, ne alia conditione quid deberetur, quam si in cælum ascenderet; nec vero ex consensu quidquam deberi potest præter conventionem. Quod de interpretatione ambigue orationis dicitur, ad hanc speciem stipulationis non pertinet, in qua non ambigue aut obscura, sed aperte conditio impossibilis inserta est: ex qua, si verba sequimur, manifestum est hoc sensisse contrahentes, ne quid nisi hac conditione deberetur. Quod de impossibili conditione aliud traditum est in testamentis, agnoscent omnes pluscum difficultatis habere. Et sane tale esse videtur prima ratione, ut nec in testamentis recipi debuerit. Nec vero dubium est, quin initio cum de impossibili conditione testamento ascripta quæri coeptum est, quid valeret, veterum plerique quod de contractibus placebat, ut hi impossibili conditione adiecta nullius momenti essent, idem et in legatis et supremis voluntatibus omnibus prohandum putarent, aliis dissentientibus: quorum concertationes bene a plerisque notatz sunt ex eo, quod dicitur obtinuisse tandem conditiones impossibiles testamento ascriptas pro nullis haberi. *L. 3. supr. de cond. et dem.* Quidni vero de eo ambigerent veteres? Quid enim, an conditio in testamentis frustra adicitur, neque adiecta expectanda est; in contractibus adicitur non frustra? Imo utrobique adiectæ conditiones ex voluntate testatorum et contrahentium eandem vim habent, et quidem in testamentis maxime. *L. 4. L. in conditionibus, supr. de cond. et dem.* An vero conditio impossibilis, conditio non est? Si non esset, stipulationibus et contractibus non obstat, ad conditionem esse manifestum est. An argo

potius impossibilis conditio ubique conditio est, et ubique eandem vim habet, si licet; sed in testamento adiecta pro non scripta habetur, ne institutioni aut legato noceat; in contractibus autem retinetur, quo facto non potest, quin vim suam exercent. Et hoc quidem de conditione impossibili constanter traditum est, huc in testamento pro scripta non haberi: dicto §. *impossibilis*, *Inst. de her. inst. L. conditiones quas, L. conditiones contra, supr. de cond. inst. L. 6. in fin. supr. de cond. et dem.* in testamento, inquam, ut intelligeremus contra fieri in contractibus. Sed hoc multo, quam superiores absurdius dici videtur. Queritur enim amplius, si conditio impossibilis iudicio testatoris adiecta est, ut esse constet, quando ipse, aut eam adscripsit, aut excipiente dictavit, cur contra eius voluntatem detraheretur potius, quam in contractibus, contra contrahentium voluntatem; quod quidem præposere fieri videtur: cum testamentum voluntates eiusmodi sint, quas præter ceteras maxime servari oportet; *L. vel negare, supr. quem test. ap.* et inter res alias testamenti dicitur præcipue voluntas regere conditiones. *L. in conditionibus, supr. de cond. et dem.* Et non est dubium, quin totius huius rei diiudicatio huc redeat, ut queratur de voluntate testatoris, et contrahentium, etque ita statnatur ideo in contractibus conditionem impossibilem ob stare obligationi, quia non sic adiecta sit a contrahentibus, ut velleam eam detrahi, seu otiose edicti: in testamentis autem ideo eam reiici: quia sit hæc mens et sententia testatoris, ne noceat legato vel institutioni: ac quidquid præterea ad explicandam huius differentie rationem allatum erit, nullo uergitio reprehendatur. Quid enim dicemus, favore ultimæ voluntatis constitutum esse in testamentis, ut conditiones impossibiles pro non scriptis habeatur, ut vulgo interpretes facere scimus? At si testator conditionem impossibilem pro scripta haberi noluit, nullus hic est eius voluntatis singularis favor, si ei voluntati paremus, quod non minus in cæteris omnibus, quæ ab eo constituta sunt, faceremus, in conditionibus præsertim testamentorum, in quibus maxime traditur voluntatem magis, quam verba considerari oportere. *L. pater, in prin. et §. conditionum, supr. de cond. et dem.* Si non frustra conditionem adiecit, sed ideo, quia eam legato aut institutioni infici voluit; si hæc reiicimus, non iam favorem voluntati testatoris, sed aperte

eam oppugnamus. Quid, si dicemus, quod a plerisque doctis hominibus hic afferri video, ideo conditionem impossibilem non nocere heredi aut legatario, quia his hereditatem legatumve petentibus nihil sit, quod obiciatur, cur conditionem passi sint adici, cum ee a testatore ipsis insciis, aut etiam iuvitis sit adiecta: diversam esse causam creditoris, qui petat adversus eam conditionem, non solum quam adici sit passus, sed etiam quam ipse stipulando conceperit? Si attendemus, facile videbimus nihil hoc ad defensioem iustis iuris facere. Esto enim, volutate aut culpa heredis legatarii factum non sit, ut conditio impossibilis adiceretur institutioni, vel legato: quid hoc ad obtinendam hereditatem aut pertinet, si testator eos consequi voluit? Male cum de hereditate et legato agitur, ius istarum rerum spectatur ex persona eorum, qui se petunt, aut a quibus petuntur, quorum a voluntate non pendent; non autem ex voluntate et iudicio testatoris, a quo proficiuntur. Si hæc ille iudicio suo detulit, delata erant omnino, et si volente herede aut legatario conditio impossibilis adiecta fuerit: si noluit deferri, nisi ex impossibili conditione, id est, si plane voluit, non debebatur contra voluntatem, ne si iuvitis quidem et repugnantibus heredibus aut legatariis conditio impossibilis testamento adscripta fuerit. Quippe totum in testamento voluntas testatoris facit, nec siue es quidquam inde deberi potest. *L. ex facto, §. rerum, supr. de her. inst. L. 42. in fin. supr. de leg. 1.* Proinde illuc redeo, quod supra posui, de voluntate testatoris hinc omnem esse questionem, ut in contractibus de voluntate contrahentium ac præcipue debitoris. Atque ita se res habet, ut in contractibus adiecta impossibili conditione hæc putetur esse mens contrahentium, ut servetur conditio: quo fit etiam, ut nihil actum intelligatur. *L. non solum, supr. prox. tit.* In supremam autem voluntatem eam testator eandem conditionem adiecit, non existimetur tamen quamvis eadem scriptura isdemque verbis hoc voluisse, ut conditio observetur, et voluntati obstat. Difficile quidem fuit hoc efficere ab iuribus, ut omnibus probaretur, quæ non omnes hoc discrimen voluntatis in eodem scripto perspiciebant: sed tamen tandem obtinuit, ut dicitur in *d. L. 3. supr. de cond. et dem.* † Sed unde in simili scripto hanc dissimilitudinem voluntatis conciliamus? Non utique ex verbis, quæ utrobique eadem, et quidem minime ambigua aut obscure eandem

dem voluntatis interpretationem exigere videbantur, unde veterum dubitatio: sed ex adiunctis earum præstationum, quæ sunt ex testamento aut ex contractu: quibus adiunctis varie afficiuntur testator, et debitor; ille, ut omnino velit præstari, quod defert; hic ut velit quoad licet, nihil deberi. Qui legat siquidem serio id facit; et vult aliquid deberi, necesse est, velit conditionem impossibilem a se ascriptam pro supervacua haberi; quia hac servata futurum sit, ut inutiliter legaverit. At in hanc partem omnia concurrunt, ut existimari debeat testator non frustra legare voluisse. Primum legatum omne testamenti est, et supremæ voluntatis. Incredibile est, testatorem in re omnium maxime seria, et ea voluntate, post quam aliud velle non potest, præsertim quæ ex illius solius arbitrio non alterius consensu instituitur; incredibile, inquam, est illum in ea voluntate voluisse ludere: ludit autem, si legatum sub impossibili conditione, quod tamen præstari nolit: quanto melius et citius id poterat consequi tacendo? Deinde videndum, quid conferatur legato, inest in eo videlicet donatio et liberalitas: non est liberalitatis, verborum apices sequi, et verbis illudere ei, qui bene consultum velis. Illud ne boni quidem viri, simulare te alteri bene consultum, velle ubi re ipsa aliud sentias. Postremo nisi periculum sit, ne legatum sub conditione impossibili relictum, si utile sit, testatori noceat, aut eum oneret, non est, quod putemus eum ulla re prohiberi, quominus legatum velit exitum habere: non enim prohibetur conditione: quia hæc ab illo nata est, et fuit in eius potestate eam non addere: non persona legatarii deterretur; alioqui nihil omnino ei legasset neque pure, neque sub conditione: denique eum nec nominasset. Atqui si de incommodo, aut onere testatoris queritur, tantum abest, ut si dixerimus impossibili conditione ascripta legatum valere, ea res testatori noceat, ut intersit eius potius id ratum haberi: quo enim ad plures liberalitas eius pervenerit, eo caritatis eius, aut munificentie maior laus erit, eo plures etiam sibi, aut heredibus suis amicos conciliaverit. Atque id cum faciet, faciet sine ullo onere, aut incommodo suo. Nam si voluntas displicet, licet eam cum vult mutare: si in ea perseverat; et legatum debetur, nihilo tamen obligatur magis, sed heredes, ad quos mortuo testatore id onus pertinet. Neque hi porro se onerari moleste ferre debent, cum id prius acceperint, in quo onerantur: caveat enim testator de re

sua, neque aliter voluntas eius rata est. *L. verbis, infr. de verb. sig.* Cum hæc sint in iudicio et voluntate testatoris, nempe hanc sequi debemus omissis verbis: cum, ut dixi, in testamentis, maxime autem in conditionibus testamentorum id observetur, ut voluntatem potius, quam verba considerare oporteat. *d. L. pater, in prin. et §. conditionum, supr. de cond. et dem.* Iam vero cum quod sub impossibili conditione legatum est, ex sententia testatoris aliter deberi non possit, quam si conditionem pro non adiecta accipiamus, nequid obstat legato: consequens est, ut hanc quoque sententiam sequi debeamus. Hoc loco de voluntate testatoris nobis occurrit. Servandam hanc esse omnes consentiunt. Sed si de ea agitur, cur non potius ex adiectione conditionis impossibilis colligimus testatorem nihil deberi voluisse? cur enim adiecit conditionem? haud dubie, quia adiectam voluit: nam, ut recte Tubero, non intelligitur quisquam dicere, quod non sentiat. *L. Labeo, illic id Tubero, supra, de supel. leg.* Quod si voluit adiectam, conficitur ex huius ipsius voluntate eam manere debere; et quia illa existere non potest, proinde ex hac ipsa voluntate nihil actum videri. Et certe hoc diceremus, si nihil amplius proponeretur in hoc legato de voluntate testatoris. Nunc cum in contrariam partem in eodem legato id occurrat, quod testator legaverit, ex quo rursus colligitur id eum frustra facere noluisse: in contrariis voluntatis coniecturis non aliud habemus, quod sequamur, quam quod est verisimilius sensisse testatorem. *L. cum in testamento, supr. de reb. dub.* Id autem verisimilius, quod humanius, quod voluntati testatoris convenientius; *d. L. cum in testamento, L. si fuerit, §. ult. infr. de reb. dub.* hoc humanius, et magis ex eius sensu legatum sic accipi, ut valeat potius, quam intercidat; *L. cogi, in princ. supr. ad Treb. L. ubi. supr. de reb. dub.* idque supra satis probavimus. Proinde hoc quoque reiecta impossibili conditione tamquam supervacua accipere debemus. At enim si legatum valet, cogimur admittere, a testatore aliquid inutiliter scriptum esse. Non est hoc incommodum, si est ex voluntate testatoris; quod si quis incommodum esse putat, et hoc veritus existimat conditionem impossibilem, quæ adscripta est, retinendam, cogitet hoc argumento potius effici, ut legatum valere debeat reiecta conditione. Etenim legato servato sit, ut conditio tantum adscripta

sit inutiliter: conditio autem retenta sit, ut utrumque per conditio et legatum; cum legato inutiliter relicto periode sit, quasi nihil scriptum esset. Quapropter vel hac ipsa ratione maxime legatum est retinendum, ne in voluntatis questione, dum nunc incommodum efflagere volumus, pro uno duo suscipere cogamur. Ergo luit testator, dicit aliquis, impossibilem conditionem adiciendo. Luserit sane in eo, dum in eo, quod proprie eius iudicii est, et propter quod de conditione queritur, id est, in legato non luserit: nam illud multo est tolerabilius admittere; et quid tam mirum est; si testator metum incutere voluit legatario, rem impossibilem ab eo exigendo, ut sic in eum iocaretur? Quanquam multis modis accidere potest, ne ioci causa testator conditionem adiecerit, et tamen nolit eum legato nocere. Quid enim si illi error aliquis obreperit, ut non putaret impossibilem, quæ erat? quid, si voluit legandi voluntatem dissimulare, impossibilem conditionem iniciendo, ut spem faceret imperitis beredibus suis legatum non serio relinquere, nec iure debere, quo facilius hereditatem instituti adirent, aut cognati item imperiti minus moleste ferrent alium esse institutum, quem non putarent beredem futurum? Quæ cum in iudicio testatoris esse possint, nihil fit absurde, si id accipitur, quod natura evenire potest. Hæc de voluntate et sententia testatoris, conditione impossibili testamento adscripta: quibus evincitur recte obtinuisse et ex testatoris sententia, ut conditiones impossibiles testamentis adscriptæ pro nullis haberentur. Debitoris autem, et eius qui sub impossibili conditione quid promisit, de quo nunc queritur, ut in præstatione et obligatione valde dissimili longe alia mens et cogitatio est; certe iustus de causis alia esse existimata est: cui cum verba stipulationis conveniant, omnia concurrunt, ut hæc conditione adiecta nihil debeat, eoque nihil actum intelligitur. Nam ut omittam cetera, nunc hoc ad arguendum promissoris voluntatem abunde sufficit, quod in stipulatione, omni contractu de obligando ipso promissore agitur, ac si conditionem impossibilem, sub qua quid promisit, pro nulla habeas, futurum sit, ut statim obligetur, et rem promissam debeat ipse, non alius. Ita omnes homines affecti esse credantur, ut quoniam sibi bene consultum volunt, non temere velint iectare suum, eoque nec unquam, nisi quid necesse sit, obligationem in se suscipere, qua fiat, ut de suo postea dependere cogantur, arg. in *L. cum de in-*

Tom. XI.

debito, §. *si autem*, *supr. de prob.* Proinde nisi quid aperte probetur id actum esse, ut qui promisit, obligetur, non est existimandus quisquam hoc animo esse, ut obligetur, eoque nec tenebitur. At re sub impossibili conditione promissa, tantum æhest, ut sit aliquid in conceptione stipulationis, quo probetur promissorem detracta conditione obligari velle, ut potius conditionis verbis hoc efficiatur, ne obligetur. Vis hæc est, ut initio dixi, conditionis, ut ea adiecta, nisi exstiterit, nihil debeatur. Cumque eam conditionem adiecerit initio promissor, eaque adiectione lex stipulationi dicta sit, quæ ipse sibi caverit: aperte, inquam est legem et cautionem illi quesitam invito eufferi, quæ si creditoris quaesita esset, nec illi quidem eufferi posset. *L. vero*, *infr. de sol. L. habere*, *supr. de evict.* Nec ad rem pertinet, quod creditoris forte alius sit sensus, qui vicissim hoc semper agere intelligitur, ut sibi acquirat. Non enim si milles dixerit se conditionem impossibilem pro nulla habuisse, fides unquam ei habebitur, cum factum eum refellat, ut qui volens eam conditionem adiecerit. Denique obligatio non ex eius extinctione penditur, sed ex verbis, quæ si etiam ambigua sint, adversus eum interpretamur, ut cuius in potestate fuerit verba late et aperte concipere; *L. stipulatio ista*, §. *in stipulationibus*, *L. quidquid*, *infr. eod.* multo magis certa et aperte eum excludunt; *L. non est*, *supr. de trans.* nec dicit verisimile non esse debitorem nihil agi voluisse. Nam cum constet eum non pure promississe, ut ita obligaretur, sed sub conditione, et ea conditione quæ existere non posset, quam eandem et ipse cupiat nunc retinere, in re certa nullus est coniecturæ locus. *L. continuus*, §. *cum ita*, *infr. eod.* Constituta est setis, ut existimo, sententia veterum de impossibili conditione stipulationibus, et aliis contractibus adiecta retinenda, ut neque in regulis iuris de impossibilium rerum præstatione, deque interpretatione obscuræ voluntatis, neque in exemplo legatorum quidquam sit, quod eam offendant; et tamen nihilominus recte ab iisdem veteribus constitutum sit, hanc eandem conditionem in testamentis adscriptam pro nulla haberi. † Iam redeo ad Ulpianum. Is re-

detur significare. Unde posterius genus velut a priore separans ita subiicit, *aliter, atque si talis conditio inseratur stipulationi, si in cælum non ascendero*: quasi diceret, non omnes conditiones impossibiles in eadem causa sunt. Obstant hæc stipulationibus sed ita si sint in faciendo: diversum est, si in non faciendum concipiuntur. Atqui nulla esse potest conditio impossibilis, nisi quæ in faciendum concipiatur, idest, quæ in eo sit, ut fiat, quod per rerum naturam fieri non potest. §. *si impossibilis*, Inst. de inut. stip. Nam cum ita concipitur conditio, si in cælum non ascendero, non modo ea conditio est, quæ possit existere, sed etiam quæ iam existerit, et quam certum sit aliter existere non posse: tantum abest, ut sit impossibilis. Et dicendum est hæc verba, *cum in faciendum concipitur*, et totam adversativam orationem sequentem non discretionis causa additam esse, sed declarationis et maioris explicationis gratia adversus eam dubitationem, quæ in hanc partem iris apud plerosque incidere poterat, ut sit totius loci hæc sententia. Impossibilis conditio quamdiu vim suam et naturam retinet, quod sit cum in faciendum concipitur, stipulationibus obstat; quod si in non faciendum concipitur, non obstat: non quia sit impossibilis aliqua, quæ non obstat, sed quia negatione addita desinat esse impossibilis, quæ prius fuerat. Hoc autem dictum est ad removendam eorum dubitationem, qui dubitare possunt, non an conditio utrobique esset impossibilis, de quo nemo sanus potest dubitare; sed an quia utraque conditio rem impossibilem continet, puta in cælum ascensionem, ideo et posterior pro impossibili haberi debeat. Negat Ulpianus, et recte. Impossibilitas enim conditionis non ex re, quæ in ea est, sed ex eo quod de ea re fieri debet, æstimanda est: nam quod fieri debet, si per rerum naturam fieri non potest, conditionem habet impossibilem: d. §. *impossibilis*, sin potest, possibilem: quod si etiam fieri non potest, quin eveniat, necessariam. Hinc de hac stipulatione, *si in cælum non ascendero, dabis?* subiicit eam ita valere, ut et præsens sit, et creditam pecuniam contineat. *Præsens*, idest, pura est ex qua ob eam causam statim agi possit, ut de ea scriptum est in d. §. *si impossibilis*; *creditam pecuniam continet*, idest, eiusmodi est, ex qua pecunia efficaciter peti possit, quia sit credita, idest, quia obligatio statim inde contracta sit; credere namque dicimur ex omnibus contractibus, cum ex quovis fidem alterius sequimur, recepturi quid postea ex eo contracta. L. 1. *supr.*

si cert. pet. † Sed quomodo præsens dicitur, quæ conditionem insertam habet? Nihil interest, utrum nulla sit conditio, an quæ adiecta est, existerit; et ideo impleta conditione etiam quæ rem in casum aliquem distulerit, placet perinde haberi, quasi pure res gesta esset. L. *si pupillus*, *supr. de cond. inst.* At hæc conditio, *si in cælum non ascendero*, statim existit: verum est enim me non ascendisse in cælum, et ita verum, ut certum sit, id postea aliter evenire non posse. Inde dictum est, eum qui sub conditione stipulatur, quæ omni modo exsitura est, pure videri stipulari. L. *si pupillus*, §. *qui sub, infr. de novat.* † Quod autem dicit utilem esse stipulationem, cui talis conditio inærat, *si in cælum non ascendero*, videndum est diligenter, quo sensu ab illo dicatur: aliqui multis modis falsum reperietur. Hoc sentit nimirum, esse utilem, si nihil amplius sit in ea, quod illi obstat, quam conditio, quæ proponitur. Prius enim dixerat impossibilem conditionem obstat stipulationibus: diversum esse ait, cum addicitur huiusmodi conditio, *si in cælum non ascendero*; quod nihil aliud significat, nisi hanc conditionem non similiter obstat stipulationi, ut superiorem, eoque fieri, ut nihil obstante conditione nihilominus stipulatio valeat. Cæterum nihil prohibet, quominus propter alias causas inutilis sit stipulatio, in qua sit huiusmodi conditio negativa, quæ negatione detracta esset impossibilis. Finge aliquem promisisse se in cælum ascensurum, et si non ascendisset, centum. Ut prior stipulatio est inutilis, quia impossibilis: L. *si stipulor*, *infr. eod.* sic et posterior. L. *si homo*, *supr.* sed non ideo, quia conditionem eam habuit, de qua agimus; sed quia pœna promissa est, quæ rei impossibilis nequidquam promittitur. Finge stipulationem a conditione incipere, sed hanc esse conditionem, si hominem non occideris, cui contraria conditio, si hominem occideris, iure impossibilis habetur; L. *conditiones contra*, L. *filius*, *supr. de cond. inst.* constat et hanc stipulationem esse inutilem. L. *iuris gentium*, §. *si ob maleficium*, *supr. de pact.* Sed ne hoc quidem sententiæ huius loci adversatur; non enim propter conditionem id accidit, sed propter turpitudinem stipulationis. Idcirco recte monemus sententiam Ulpiani esse spectandam, probantis quidem eam stipulationem, in qua sit hæc conditio, *si in cælum non ascendero*, sed hactenus dumtaxat, ne ei hæc conditio noceat, non etiam ut valeat, etsi quid aliunde accedet, quo stipulatio solet vitari.

Ad L.

Ad L. In illa. 8.

Paulus lib. II. ad Sabinum.

In illa stipulatione, si *Kalendis Stichum non dederis, decem dare spondes?* mortuo homine quæritur an statim ante Kalendas agi possit. Sabinus, Proculus, expectandum diem actori putant: quod est verius; tota enim obligatio sub conditione et in diem collata est: et licet ad conditionem committi videatur, dies tamen superest. Sed cum eo qui ita promisit, si intra Kalendas digito cælum non tetigerit, agi protinus potest; hæc et Marcellus probat.

Ad L. Hoc iure. 10.

Idem lib. III. ad Sabinum.

Hoc iure utimur, ut ex hac stipulatione, si *Lucius Titius ante Kalendas Maias in Italiam non venerit, decem dare spondes?* non ante peti quicquam possit, quam exploratum sit, ante eam diem in Italiam venire. Titium non posse, neque venisse: sive vivo sive mortuo id acciderit.

S U M M A R I A.

1. De stipulatione sub conditione et in diem collata.

2. L. 8. et 10. distinctione conciliata. et n. 4.

3. Stipulatio hæc: Si Stichum intra Cal. non de-

deris, X. dabis? quomodo in diem concepta dicatur.

4. Lectio L. 8. Florentina defensa.

Cum habet stipulatio conditionem et diem, et in utrumque obligatio dilata est, si de iure quæritur, extra controversiam est, utrumque esse expectandum: ut quamvis ante diem conditio extiterit, et certum sit, quod promissum est, deberi; tamen antequam dies venerit, peti non possit: ut, si ita stipulor, si navis ex Asia venerit, tum ex eo die intra duos menses dare spondes? hæc separatim vis est utriusque adiectionis. §. *in diem*, §. *sub conditione*, Inst. eod. Itaque cum aperte utrumque ad obligationem additum est, ut in stipulatione superiore, de potestate stipulationis non ambigitur. Ius enim, ut dixi, certum est. Sed dubitatur interdum, utrum stipulatio utrumque contineat ad differendam obligationem. Id accidit in conditionibus, quæ in non faciendo consistunt, cum conditioni dies adicitur, intra quem si factum non sit, quod conditione comprehensum est, stipulatio committatur: ut in huiusmodi stipulationibus: si *Kalendis Stichum non dederis, decem dare spondes?* aut, si *Lucius Titius intra Kalendas in Italiam non venerit, dare spondes?* quæ sunt horum locorum exempla. Propone aut illic Stichum, aut hic Lucium Titium ante Kalendas esse mortuos. Conditio utrobique statim existit sine dubio; certum enim

esse cœpit neque illic promissorem amplius Stichum dare posse, neque hic Titium posse venire in Italiam; quo facto constat huius generis conditionem impleri. *L. ita stipulatus. 115. infr. eod.* Num ergo statim ante Kalendas decem peti possunt? Quæstio in eo, an etiam in diem stipulatio collata sit. Nam si in his sola fuit conditio diem habens, hac impleta quamvis ante diem nihil amplius desiderabitur: cum stipulatio omnis conditionalis conditione existente statim committatur, ac perinde sit, quasi pure esset contracta. §. *sub conditione*, Inst. eod. *L. si pupillus, supr. de cond.* Quod si præter conditionem etiam in diem obligatio collata est, non dubium, ut dixi, quin et Kalendæ sint expectandæ. Quare cum quæritur, an hic statim ante Kalendas agi possit, sciamus hoc queri, an sit etiam stipulatio contracta in diem, non tantum sub conditione. Ita de iure constat; ambigitur de facto, idest, quid actum sit, quid contrahentes senserint. Sed cur dubitabimus, cum et stipulatio manifeste diem habeat? Quia non continuo si dies conditioni præstitutus est, ideo promissio seu obligatio in diem collata est; hinc ambigendi causa. Et ut sunt responsa veterum ad hanc quæstionem pertinentia, quæ sub hoc titulo commemorantur; duo hæc præ-

serim quæ hic proponantur, idest, *L. 8. et L. 10.* videri possunt illi in hac quæstione discrepantem scripsisse, eum in quibusdam stipulationibus huius generis dicant stipulationem esse in diem, eoque et diem aetori expectandam, in quibusdam respondeant conditione ante Calendas impleta etiam ante diem statim agi posse. Sed nihil melius ab illis factum est, neque magis

- 2 consentaneæ. † Responsa sunt de dissimilibus formis conditionum istius generis, quæ si coniungantur, conferanturque inter se, reperiemus hanc distinctionem istarum rerum statui, quæ veteribus illis probata sit; cuius distinctionis partes optime inter se consentient: ut in summa putandum sit referre, utrum conditio si quid intra certam diem factum non sit, collata sit in personam promissoris, an extranei; et si in personam promissoris, utrum dies utiliter adiectus sit, an non sit. Conditio si in personam promissoris et potestatem eius collata est, et dies non inutiliter adicitur, ut in hac stipulatione, *si Stichum intra Calendas non dederis, decem dabis?* placet totam obligationem sub conditione et in diem collatam videri: proinde et Stichum ante Calendas mortuo, quævis conditio exstiterit, tamen diem superasse qui ideo sit expectandus. *L. in illa. 8.* Sed hic nobis
- 3 occurrit. † nem quomodo hæc stipulatio in diem, cum ea definatur in diem, in qua dies adicitur, quo pecunie solvatur, ut est in *§. in diem, Inst. eod.* in hac autem specie adicitur dies, intra quem promissori liceat Stichum dare, aut quid aliud facere, quod sit in conditione, non etiam is dies, quo pecunia, quæ promissa est, solvatur? Et dicendum est, nominatim quidem diem tributum esse, quo præstentur ea, quæ in conditione sunt; sed eundem etiam tacite ad pecuniam promissam solvendam promissori datum videri. Cum enim conditio in eius personam ita confertur, ut decem det, si Stichum Calendis non dederit, palam est id agi ut ne det decem, si Calendis Stichum dederit. Ex quo etiam apparet conditionem totam, idest, et Stichum et diem conditione comprehensum ipsius promissoris causa adiectum esse, ut utrumque pro commodo eius accipi debeat ad differendam pœnæ, id est, decem promissorum petitionem; Stichum quidem, ut liceat ei hunc solvere ad penam evitandam; decem autem, ut non necesse habeat promissor primo quoque tempore Stichum dare, sed possit dare Calendis, et ita dare, ut ante eum diem decem exigi non possint. Ita conditionem accepit ab initio stipulatio, ut an-

te Calendas invito promissore pœna non committatur, nec distinguitur, utrum Stichus vivat, an sit mortuus. Ergo et mortuo Stichum hic ipse dies ex conditione stipulationis, et ex eo quod actum est, promissori servabitur. † Quod si conditio, quæ in non feciendo est, collata erit aut in casum, aut in personam extranei non promissoris: quantumvis dies adiectus fuerit conditioni, intra quem fieret id, quod conditione comprehensum est, nihilominus placeat stipulationem etiam ante diem committi, simul etque certum esse experiri id amplius fieri non posse. Si navis ex Asia intra Calendas non venerit, si Lucius Titius intra Calendas non venerit in Italiam, eorum dari spondes? Sive navis ante Calendas amissa sit, sive Lucius Titius mortuus, aut ita impeditus vel vi, vel tempestate, vel morbo, aut alio casu, ut certum sit, neque illam ex Asia venire, neque hunc in Italiam Calendis pervenire posse, continuo decem peti poterunt. *L. hoc iure, 10.* idem colligitur ex *L. 4. supr. de cond. et dem.* Atqui et hic dies in conditione inest non minus, quam in conditione superiora: qui sit igitur, ut et hic diem non expectemus? quia non est adiectus dies, quo pecunia solvatur, neque verbis, neque sententia stipulationis seu contrahentium. De verbis constat, non enim dicitur, decem Calendis dabis? sed simpliciter decem dabis? De sententia ex eo licet intelligere, quod conditio in casum collata sit, non in potestatem promissoris; id enim satis erigit diem conditioni insertum nullo modo promissoris causa adiectum esse: certe non est ita adiectus, ut promissori intra eum diem quidquam facere liceat ad evitandam pœnæ præstationem; semper autem dies stipulationi edictus, qui quidem petitionem differat, pro reo esse intelligitur. *L. eum qui Calendis, §. ult. infr. eod.* Sane si ita dictum sit, si Lucius Titius intra Calendas Martius non venerit, tum decem dare spondes? convenit ante Calendas peti nihil posse, quamvis Lucius Titius ante mortuus fuerit. *L. 4. §. ult. supra, de cond. et de.* Non mirum: hæc enim particula, *tum*, adiecte, aperte dies promissioni edicitur, quo die decem solvantur. *Tum* enim valet illo tempore, quod ante commemoravi, id est, Calendis dare spondes? Quod de conditione in casum aut personam extranei collate diximus, nihil diem ei conditioni insertum promissori prodesse ad differendam promissi petitionem; idem probandum est, et si conditio in personam creditoris, et certum diem confere-

tur

tar, sed adiciatur inutiliter: ut accidit in hac stipulatione, si intra Calendas digito caelum non tetigeris, decem dabis? Iam a principio certum est promissorem caelum tangere non posse, proindeque existisse conditionem, si dies inest, ut in illa, si intra Calendas Stichum non dederis, et tamen placet protinus agi posse, in *L. in illa*, 8. in *fi.* optima ratione: hæc enim conditio, si digito caelum non tetigeris, pro non adiecta habetur, cum statim exstiterit, §. *si impossibilis*, *Instit. de inutilibus stipulationib.* et *L. impossibilis*, *supra*. Ergo et eius conditionis partes omnes adiectas inutiliter; proinde et dies ei conditioni insertus; nam et hic pars est conditionis. *L. 1. §. 1. supra*, de *eden*. Et certe perspicuum est non ideo dari hunc diem promissori, ut ei intra hunc diem caelum tangere liceat, ne decem debeat, cum certum sit eum tangere caelum omnino non posse. Aliter atque in illa stipulatione, si Stichum Calendis non dederis, decem dabis? in qua constat decem promissori dari ad Stichum dandum, quoniam is per rerum naturam intra id tempus dari potest, ut nisi dederit, iure in penam incidat. Habes distinctionem veterum de hoc genere expositam.

† In verbis, illa, ex *L. in illa* 8. notanda sunt: *tota enim obligatio sub conditione, et in diem collata est: et licet ad conditionem committi videatur, dies tamen superest*. Quæsitum est, quid sit obligationem committi ad conditionem; sic enim non in Pandectis Florentinis tantum, sed in omnibus exemplaribus magno consensu locus hic legitur. Quod quidam non intelligentes, quasi eorum verborum nulla esset idonea sententia, quæ ad rem faceret, aut quasi nemo Latinorum ita loqueretur, ita locum corruptum esse, non dubitant, et magno ingenio, scilicet errorem ex notis a Triboniano non perceptis natum esse ostendere conantur; atque hoc modo locum restituendum, *et licet ante diem conditio committi videatur*. Mito genus correctionis, quod quale sit, ipsi auctores viderint, quis enim iuris auctorum, aut adeo Latinorum unquam dixit conditionem committi, cum ipsa

existit? hac existente, obligatio, id est, stipulatio, qua obligamur, committi dicitur in usu iuris, non conditio, §. *sub conditione*, *Inst. L. 4. §. Cato, supra*. C. de *cont. et com. stip.* ut quamvis locum corruptum esse fateamur, nunquam tamen hanc lectionem, quæ multo est deterius, reponere deberemus, ut diceretur conditio committi. Illud demoror, in locis pro arbitrio figendis, et refingendis tantum iuris sibi sumere eos, qui in illis verbis, *et licet obligatio ad conditionem committi videatur*, mendum esse arbitrentur, et palam scriptis phrasim orationis ut insolentem ac peregrinam, aut potius nihil significantem repudient, quæ nihil est neque elegantius, neque significantius, neque ad huius loci sententiam accommodatius; certe nulla est Ciceroni familiarior, ut sit *ad conditionem*, pro eo quod est, quod ad conditionem attinet. Cicerò paradoxo ultimo: *meam autem quoniam pecuniam contemnis* (*est enim ad vulgi opinionem mediocritas, ad tuam nulla, ad meam modica*) id est, secundum vulgi opinionem tuam, meam. Idem de *Aruspicio* responsis: *certe mihi exire domo mea ad privatum dolorem fuit luctuosum, ad rationes Reip. gloriosum*: id est, quod ad privatum dolorem, quod ad salutem Reip. attinet. Idem *Lib. 2. Acad.* quæstionem: *ad id enim, quod agitur, nihil interest, omnibusne partis*, et quæ sequuntur: id est, quod attinet ad id, quod agitur. Ergo illa verba, *et licet ad conditionem committi videatur*, hoc significant, et licet secundum conditionem, vel quod ad conditionem attinet, obligatio committi videatur. Quod plane ipsam illud esse apparet, quod Paulus hoc loco sensit: hoc enim voluit, cum stipulatio hæc, *si Calendis Stichum non dederis, decem dabis*? duo habeat, conditionem et diem: Stichum mortuo ante Calendas conditionem quidem iam non obstat, quominus agi possit, quia conditio exstiterit, itaque et ea impleta commissa sit stipulatio: sed remota conditione superesse adhuc diem, qui quominus aut agi possit, sit impedimento.

Ad L.

Ad L. Si Titius. 9.

Pomponius lib. 11. ad Sabinum.

Si Titius et Seius separatim ita stipulati essent: *Fundum illum si illi non dederis, mihi dare spondes?* finem dandi alteri fore, quoad iudicium acciperetur: et ideo occupantis fore actionem.

SUMMARI A.

1. *Species legis.*
2. *An ex hac stipulatione, fundum illum si illi non dederis, mihi dare spondes? statim agi possit, et fundus peti, si alteri dari poterit, neque datus sit.*
3. *An ambo stipulatores fundum possint petere.*
4. *Occupare in usu iuris quid.*
5. *An petitionem ab uno stipulatorum institutam, promissor evitare possit fundum alteri dando.*
6. *Uusus verbi Quoad.*
7. *Quomodo in proposita stipulatione nondum impleta condicione iudicium esse possit.*
8. *Bartoli, et aliorum sententia improbat.*
9. *L. Nuda. C. de contrah. stipul. explicatur.*
10. *Illustratur L. cum quarebatur. inf. l. iud. sol.*
11. *In omnibus faciendi obligationibus in quibus simulatque tempus, quo fieri potest quod debuit, transierit, in id quod interest agi posse dicitur, quamvis la couterata non est, promissor faciendo potest liberari.*
12. *Quomodo cum supradicta stipulatio sub condicione sit contracta, statim tamen committatur, contra quam generaliter de hoc genere stipulationum iure definitum est.*
13. *Ratio cur hæc species a generali id genus stipulationum definitione sit exempta.*
14. *Qui sit, ut qui ante iudicium acceptum electionem habuit, uti daret, is cum iudicio accepto amittat.*

¹ PRIMUS et secundus cum fundum habere vellent: et propter societatem, quæ forte inter ipsos esset, aut coniunctionem, vel communionem, satis haberent, si is fundus alterutri ex ipsis daretur, eum fundum a domino separatim stipulati sunt, singuli sub hac conditione, si is fundus alteri ex ipsis non daretur. PRIMUS hoc modo, fundum Tusculanum, si secundo non dederis, mihi dare spondes? et rursum Secundus hoc modo, fundum Tusculanum si Primo non dederis, mihi dare spondes? Multa hic quæsitæ sunt, quæ paucissimis verbis complexus Pomponius obscuram nobis de hac specie definitionem reliquit: distincte explicata rem expedient. Ea sunt quatuor. † Primum est, an ex hac stipulatione statim agi possit, et fundus peti, si alteri dari poterit, neque datus sit. Et Pomponius significat posse, idque pro certo et confesso sumere videtur. Cum enim ait occupantis fore actionem, satis declarat ab uno ex stipulatoribus agi, et eo modo actionem occupari posse; et cum ait finem alteri dandi fore, cum iudicium acciperetur: utrumque statuit, et ante iudicium acceptum de fundo cum fundum alteri dari posse, et simul de eo iudicium

posse accipi. † Alterum est, an ambo stipulatores possint fundum petere. Sed verba stipulationis satis ostendunt uni tantum actionem ex ea stipulatione esse posse. Nam si promissor Primo dederit, verba efficiunt Secundo nihil deberi; quoniam deficit conditio, sub qua illi fundus promissus erat: eodemque modo si secundo dederit, necesse est ex conditione stipulationis Primo nihil deberi, quia et hic conditio, sub qua illi fundus promissus erat, defecerit. Et hoc est, quod ait Pomponius actionem fore non utriusque, sed occupantis, idest, unius, quia occupantem unum esse oportet. Atque hoc verbo etiam illud declaravit, actionem ex hac stipulatione sic unius esse tantum, ut tamen non sit huius aut illius certi, sed tantum occupantis, idest, eius qui prius iudicio egerit, et item de fundo erit coteratus cum promissore, qui fundum nentri adhuc ex reis stipulandi dedisset: id enim occupare hoc loco significat: quod ex adiuncto facile intelligitur. † Etsi enim occupare cum absolute ponitur, idem valet iuris auctoribus, quod ad sententiam pervenire, ut cum dicitur in actione de peculio meliorem esse occupantis conditionem, L. si vero. 10. *supr. de pecul.* item inter eos, qui-

1) Vid. et God. de contr. stipul. C. 8. C. de l. 9. n. 186. et *repp.* Quod si disjunctum plures negant: Si illud aut illud non dederis? Hanc stipulationem committi si u-

trouque non fiat, licet alterutrum fiat, videtur argui. L. 13. §. 1. de Reb. dub. ad quod vid. Don. *notæ ibid.* et Rub. 2. *rec. Lect. 22.*

quibus ex eadem caussa debetur meliorem esse conditionem occupantis: *L. inter, supr. de re. iud.* tamen cum de actione instituenda, et lite contestanda sermo habetur, diciturque actionem, quæ movetur, fore occupantis, perspicuum est occupationis verbo non alterius rei occupationem intelligi posse, quam eius quæ dicitur occupari, idest, actionis. † Deinde quæsitum est tercio loco, uter ex stipulatoribus actionem de fundo instituet, cuiusmodi ea sit petitio, utrum ea quam promissor excipere cogatur, aut petenti fundum dare; an vero ea, quam promissori evitare liceat fundum alteri ex stipulatoribus dando. Quartum etiam huic adiunctum est, si forte promissor ab uno conventus fundum alteri dare potest ad evitandam condemnationem, quando et quandiu id possit facere. Et de utroque coniunctim respondet initio his verbis, finem dandi alteri fore, quoad iudicium acciperetur. Habent hæc verba hanc sententiam, si unus ex stipulatoribus cum promissore agat ex suprascripta stipulatione, non posse promissorem recusare actionem in se dari si fundum neutri det: sin dare velit, posse eum ex conditione stipulationis etiam alteri fundum dare, eoque modo consequi, ut omni actione liberetur: sed hoc eo usque, donec iudicium accipiatur, idest, donec lis sit cum eo contestata. Finge eum postquam in ius vocatus est, ante quam in ius veniret suscipiendæ actionis caussa, ultro alteri ex stipulatoribus fundum dedisse, recte dicit in iudicio postea, se nihil agenti debere ex conditione stipulationis. Cæterum huic facultati alteri dandi finem futurum, cum iudicium accipitur, idest, desitutam eam facultatem, et finem accepturam tunc, cum fundo alteri non dato lis cum promissore contestata erit: et si apertius etiam dicendum est, lite semel de fundo contestata non posse amplius promissorem fundum alteri dare, ut evitet actoris petitionem, quod tamen ante iudicium acceptum facere potuit. Quod si verum est, consequens est lite contestata confirmari agenti de fundo actionem. Et hoc est, quod recte infert Pomponius, et ideo occupantis fore actionem. Fuit et ante litem contestatam actio stipulatoris eius, qui fundum petere instituit, argumento est, quod fundo alteri ex stipulatoribus non dato, promissor ea actione omnino tenetur. Sed non est ea actio sic illius, ut sit propria, sive ut sit eius immutabiliter: non enim est ita eius, quin liceat promissori eam evitare, fundum nimirum alteri dando. At lite contestata, tum demum actio efficitur eius

propria: utpote a qua reus nullo sub facto, nulla eius fundi datione in alterum collata possit liberari. Iudicium accipere in usu iuris idem valet, quod litem contestari: iudicium acceptum, et lis contestata idem. *L. illud, supr. de pet. her. L. cum fundus, supr. si cer. pet.* † Atque hoc loco etiam de verbo, quoad, quod hic in omnibus exemplaribus legitur animadvertendum puto, aut id pro cum esse accipiendum, qua tamen significatione non memini me legere alibi usurpatum; aut si hoc non est, locum mendosum esse, et pro quoad legendum esse, quom minima deflectione literarum; scimus enim veteribus plerisque hoc fuisse observatum in particula, cum, ut dum significat tempus, ut hoc loco, scriberent per quom, isdem literis videlicet primis, a quibus et particula quoad incipit, teste Quintiliano *Lib. 1. C. 13.* quod fortasse posteriores non intelligentes, pro, quom, reposuerunt, quoad. Utinque est, certe, quoad, hoc loco pro quousque, vel donec (quæ usitata eius significatio est) defendi non potest. Nam hoc modo hic erit sensus, finem alteri dandi esse promissori etiam ante, quam iudicium acceptum erit, et hunc finem fore, idest, perseverare eo usque quoad iudicium accipiatur, idest, usque ad litem contestatam, quasi diceret hunc finem dandi cessaturum post litem contestatam, et promissorem ex illo veterem potestatem dandi recepturum, quorum utrumque non solum absurdum est dictum, sed etiam aperte est contra mentem et sententiam Pomponii, qui hoc vult ita post iudicium acceptum actionem fore occupantis, ut iam postea alteri dando promissor eam evitare non possit: aliter, atque si iudicium nondum acceptum fuerit. Atque hæc Pomponii verborum sententia est; sed quæ incurrat in varias reprehensiones. Ex supra scriptis autem huius responsi partibus tres sunt, quæ in disquisitionem vocantur. Prima illa et præcipua, utpote ex qua pendent cæteræ; quod vult ex hæc stipulatione agi posse, et quidem vivo adhuc promissore, et vivis ambobus stipulatoribus, quibus ex conditione stipulationis fundus dari potest, idest in summa, agi nondum impleta conditione; si modo sententias generales de conditionibus implendis traditas sequimur. Est autem hæc huius partis perplexitas. † Volumusne agi ante, quam conditio extiterit? At ius certum est pendente adhuc conditione neque vuisse diem, quo agi possit, neque adeo cessisse. *L. cedere, infr. de verb. sig.* Rursum volumus existisse conditionem? at pro-

prohibet definitio iuris recepta de hoc genere stipulationum. Stipulatio est conditionalis, quæ hic proponitur conditionem habens in non faciendū positam, si fundum illi non dederis, et eæ stipulatio, quæ a conditione incipiat, non a præcedente stipulatione eius rei, quæ in conditionem deducta est. Exstat de hoc genere Papiniani definitio in *L. ita stipulatus, infr. eod.* non ante committi has stipulationes, quam certum esse ceperit fieri non posse, quod conditione comprehensum est; hanc regulam si sequimur in proposita stipulatione, neque conditio existit, neque ex eadem regula ex ea stipulatione adhuc agi potest. Tantum enim abest, ut certum esse ceperit fundum alteri ex stipulatoribus dari non posse, quod erat in conditione, ut contra omnia proponantur, unde constat eum dari posse alteri, quinimo et dari posse ante, quam petatur, hic scriptum est, et recte. Nam et fundus in rerum natura est, qui datur, et promissor est, qui dat, et est stipulator alter, cui datur. Non igitur illo inreposito conditio in proposito existit. Nisi tamen dicimus hanc speciem ex illa distinctione excipi, et committi stipulationem, simulatque promissor fundum utriusque dare potuit, neque dedit. Sed hanc exceptionem alia difficultas excipit: cum enim generalis sit definitio Papiniani, quam rationem huius speciei excipiendæ reddimus? His rebus lectum est, ut vix adhuc hæc questio etiam apud doctissimos interpretes exitum reperire potuerit: Ac duæ sunt in summa viæ, quæ ad huius rei explicationem ducere videntur: quas et nostros varie secutos esse animadverto: nimirum vel ut fateamur conditionem hic non existisse ante litem contestatam, ac nihilominus ex ea stipulatione ante agi posse: vel ut ita fateamur existisse conditionem, quamvis fundus adhuc alteri dari possit, ut tamen negemus superiorem definitionem ob stare, quia hæc speciei conditionis ex numero cæterarum huius generis estimatur.

- 8 † Ac vetus est quorundam ratio, quam commemoratam hoc loco ab Accursio Bartolus, et alii vulgo secuti sunt, ut fateantur non esse hic impletam conditionem, ubi certum sit fundum adhuc alteri dari posse, quod faciunt videlicet, ne pugnent cum *d. L. ita stipulatus, infr. eod.* sed ante impletam conditionem agi, et iudicium excipi posse. Neque id absurdum videri debere; propterea quod futurum sit, ut conditio impleatur per litem contestatam, id vero etiam in illa causâ usitatum esse. Sed cavendum puto

etiam atque etiam, ne quam partem huius sententiæ apud nostros insidere patiamur. Est enim non tam falsa (quamquam perspicue talis est) quam absurda, et ridicula. Primum quidem incurrit in notas regulas iuris de conditionalis stipulatione, quibus efficitur ex stipulatione conditionali nihil deberi, nedum peti posse prius, quam conditio exstiterit. *L. cedere, infr. de verb. sig. §. sub conditione, Inst. de verb. ob.* Sed mittamus iuris de hac re regulas: rem ipsam, et rationem huius iuris consideremus. An censemus quidquam deberi posse ex nullo contracto, nullave obligatione contra conventionem contrahentium? Imo vero nihil hic deberi potest, nisi ex conventionem. *L. 1. §. 1. supr. de pact.* An vero dubium est addita conditione, præsertim possibili, hanc esse conventionem stipulentis et promittentis, ut ne quid debeatur, aut peti possit aliter, quem si factum sit id, in cuius eventum stipulatio collata est, id est, quam si conditio exstiterit? Nem quod dicunt futurum esse, ut per litem contestationem conditio existat, neque ad id de quo queritur, quidquam pertinet, et per se etiam est absurdum. Alioquin est, quia ut ex conditionalis stipulatione agi possit, non hoc queritur, ut conditio postea existat, sed ut ante exstiterit. Non probat autem ante existisse eam, qui eam postea existere dicit: nisi vero prius et posterius eandem esse arbitramur. Absurdum est, ac non falsum tantum, quod cum fateantur nullam hic actionem esse iure, sed tantum facto et intentione actoris constantem, dicant tamen iudicium accipi de ea re posse. Atqui in privatis petitionibus nullum iudicium esse de ea re potest, de qua nulla est actio; unde in edictis. Prætoris pessim hæc pro eodem usurpant, iudicium dabo, et actionem dabo: hinc et illa, suscipere actionem, et suscipere iudicium in eadem re. Ac videamus etiam propius, quomodo hic tandem iudicium esse possit. Nondum implete conditione si aget stipulator quid intendet? fundum sibi dari oportere. Quid promissor? negabit secum agi posse, quia promiserit sub conditione, quæ etiam confessione ipsius actoris nondum exstiterit. Hic quæ sunt partes Magistratus? nempe actionem non dabit de fundo, seu promissorem non coget suscipere actionem, quæ nulla est; sed eotem reiciet, quia nec teneat eius intentio; unde qui ex ea causa agit, ex qua nondum dies obligationis cessit, non mole agere, sed nihil agere dicitur. *L. 1. in fin. supr. quan. di. ut. leg. ced.* At non est novum, inquit, agi au-

te-

tequam conditio exstiterit, si modo spes sit fore, ut in litis contestatione oriatur? nempe quia in *L. nuda, C. de contr. stip.* scriptum est eius pœnæ, quæ promissa erat sub conditione, si pollicitatio rei certæ non impleretur, eius, inquam, obligationis pœnæ conditionem post motam litem exstitisse, et eius summæ, quæ in stipulatione continetur, petitioni locum factum esse. Sed

9 nullus locus magis contrarium probat. † apparet enim Imp. his verbis statuere, prius exstitisse conditionem pœnalis stipulationis; sic deinde petitioni locum factum esse; in quo non potuerat apertius significare petitioni locum non potuisse fieri aliter, quam si conditio prius exstisset; postquam ex conditionis eventu petitioni locum factum esse colligunt. Quid est igitur, quod dicunt conditionem exstitisse post motam litem? Id quod docui ad *L. si pacto, C. de pact.* Motam intelligunt exceptam, et institutam cum quis in ius vocatus est, et interpellatus, ut aut faceret promissa, aut pœnam præstaret. Inutilis hæc usque adhuc petitio est ad pœnam exigendam, et iudicium accipiendum, quia pœnalis stipulationis conditio non prius existat, quam sciatur, an promissor interpellatus non faciat, quod promisit. Sed si perget non facere, cum posset, tum interpellatio, et lis mota declarabit exstitisse conditionem stipulationis, qua hoc continebatur, ut cum interpellatus promissor non fecisset, quod pactus est, tum pœnam præstaret. Ita semper conditionis eventus petitionem pœnæ iustam præcedit, et ut loquuntur Imperatores, post impletam conditionem petitioni

10 locus factus est. † Videtur tamen ad istius sententia confirmationem non parum facere, quod Ulpianus tradit in *L. cum quæbatur, infr. iud. sol.* Scribit enim stipulationem, iudicatum solvi, non committi ob rem non defensam simulatque corripit res non defendi, sed tunc solum, cum ex stipulatione (intellige iudicatum solvi) lis contestata est. Ergo prius actum est ex ea stipulatione et prius lis contestata, quam conditio exstisset, idest, quam constaret rem non esse defensam. Sed dicendum est, simulatque recusavit promissor iudicium accipere, idest, corripit rem non defendere, exstitisse conditionem de re non defensa, et statim commissam esse ob eam rem stipulationem. Sciendum est enim in omni stipulatione faciendi, duas inesse quodam modo stipulationes: nam, quæ non facturos aliquid promittimus; alteram eius quod interest, quod promitti intelligitur, si factum non sit, quod fieri debuit; unde in faciendi obligationibus

Tom. XI.

id quod interest, dicitur contineri stipulatione: sed sub illa conditione, quam dixi, si factum non sit, quod debuit. *L. quoties quis, 81. L. si pœnam, 68. L. stipulationes non dividuntur. vers. Celsus. infr. eod.* Huiusmodi est stipulatio, iudicatum solvi, in qua cum iudicatum solvi promittitur, etiam illud promittitur fore, ut promissor iudicium accipiat, quo res iudicetur; unde dicitur hæc stipulatio non solum clausulam continere de re iudicata, sed etiam de re defendenda, *L. iudicatum. 6. infr. iud. sol.* Itaque hac stipulatione interposita periurde est, ac si promissor promississet se rem defensurum, eoque et iudicium ante omnia accepturum: ac nisi defendisset; promississet, quanti ea res est, quæ petitæ est, idest, id quod interest: in quod stipulatio committitur, sicut evenit in omnibus faciendi obligationibus. *L. si quis ab alio, §. ult. supr. de re iud. d. Li stipulationes non. vers. Celsus. infr. 6. infr.* Quoties autem stipulatio, quæ conditionem habet in non faciendo positam, non a conditione incipit, sed a promissione faciendi, et si id non fiat, subiicitur stipulatio pœnæ, vel eius quod interest, in omnibus id observatur, ut simulatque fieri potuit, quod profissum est, neque factum est, statim conditio habetur pro impleta, et stipulatio committitur. *L. ita stipulatus. infr. eod.* Idque maxime servatur in faciendi obligationibus; in quibus placuit cum præterierit id tempus, intra quod fieri potuit, quod promissum est, in id quod interest statim agi posse: *L. si ita stipulatus, 14. supr. d. L. stipulationes non. vers. Celsus. L. si insulam. infr. eod.* Quare et in stipulatione, iudicatum solvi, hoc idem evenit, ut simulatque potuit promissor rem defendere, et interpellatus non defendit, conditio existat, et stipulatio committitur. Sed idcirco dicitur Ulpiano credi eam non committi prius, quam ex stipulatione lis contestata sit, quia ante litem contestatam non committitur præciæ, et immutabiliter: potest enim reus, si secum agatur ob rem non defensam, evitare actionem, si offerat defensionem. † Id ne cui videatur a me 11 subtilius dictum in hac specie, quam verina, idem evenire sciamus in omnibus faciendi obligationibus; in quibus cum dicamus, simulatque transierit tempus, quo fieri potest, quod debuit, statim agi posse in id, quod interest, ut si stipuler insulam a te fieri, tamen placet quandiu litem contestatus non sim, posse te facientem liberari; *d. L. si insulam. infr. eod.* An quod ante conditio non exstitit; neque

39

actio

actio nata fuit in id, quod interest? Minime; sed quia potestas faciendi ab initio data est promissori, quam ille usque ad litem contestatam retinet; de qua re plura ad *d. l. si insulam*. Sed unde melius id ita esse probari potest, quam exemplo penus legatæ? Testator ita legavit: heres meus penum dato: si penum non dederit, decem dato. Si heres in penu danda moram fecerit, statim decem deberi incipiunt et sola intelliguntur legata: scilicet quia et conditio legati posterioris existit. *L. ita stipulatus. vers. Sabinus. infr. eod. l. 1. §. item si ita. supr. ad l. falc. l. si penum. supr. quan. d. leg. ce.* Atqui si decem peti cœperint, licet heredi, donec lis cum eo contestetur, penum offerre, atque ita pœnæ petitionem evitare. *L. 1. supr. de pe. leg.* Quod profecto non est argumentum conditionem antea non existisse, et decem non recte peti: sed declarat licere heredi aliud pro penu præstando liberari ex conditione legati, et potestate ab initio accepta, quam, ut dixi, usque ad litem contestatam retinet. Secundum quæ utrumque recte dicturi sumus, et decem vere deberi, et peti posse, si conditionem spectes, quia hæc iam existit: et rursum peti non posse prius, quam lis contestata sit, si effectum spectes; quia ante efficaciter peti non possint, cum ad actionem evitandam liceat penum offerre. Quæ cum recte dicantur in legato conditionali, quod non a conditione incipit, sed a legato penus, neque in legato solum, sed in omnibus faciendi obligationibus locum habeant, in quo numero est stipulatio indicatum solvi ob rem non defensam: sciamus eadem et in hac stipulatione locum habere omnia, probandumque esse, ut simulatque res non defendi cœperit, existat conditio stipulationis, et commissæ sit stipulatio, ex qua aliqui lis contestati non posset: sed ita, ut non proprie et cum effectu videatur ante commissæ, quia si ante litem contestatam promissor defeusionem offerat, non teneatur; id præstans videlicet, cuius præstatione pro eo, quod interest, defungi potest ex perpetua omnium faciendi obligationum regula. Atque hoc sensisse Ulpianum ex verbo credi, quo ille utitur, intelligi potest; non enim dicit stipulationem ob rem non defensam non esse prius commissam, quam lis ex ea fuerit contestata; sed non prius credi commissam. Ratum hoc sit igitur priusquam conditio stipulationis extiterit, ex conditionali stipulatione nihil deberi, et cum nihil debeatur, neque agi ex ea, neque ad iudicium

perveniri posse. Quod si forte actor præstinanter egerit nondum impleta conditione, et litem contestatus sit cum eo, qui se negaret teneri, necesse erit eo iudicio reum absolvi: quia verum fuerit tempore litis contestatæ eum nihil debuisset ex ea stipulatione, cuius conditio ante non existisset; omnis autem depulsio et inficiatio ad removendam petitionem constituta, in id tempus, quod præterit, et præcessit litem contestatam, non quod secutum est, æstimatur. *L. moræ. C. de rei vind. l. nec bona. C. de præes. lon. tem.* Hoc posito, si concedimus in proposito ante litem contestatam conditionem non existisse, ut isti faciunt; quid consequens sit, apparet: nempe hic agi de fundo, et iudicium de eo ad damnuandum promissorem constitui omnino non potuisse. At enim lite contestata conditio iam pro impleta habebitur, quia promissor fundum amplius alteri dare non poterit, ut hic scriptum est. Sed iam effectum est conditionem ante existere debere, quam ex stipulatione conditionali agi possit: ut hoc constituto, utrum conditio postea existere possit, necne, ineptum sit quærere: cum ea res non possit dare actionem, sive ius petendi iudicio, quæ res tempore litis contestatæ, idest, quo res iudicio petitur, nulla fuerit. Quoniam et hoc falsum est, conditionem post litem contestatam existere, quæ ante non exiit, si nihil amplius intervenerit, quam litis contestatio. Sit hæc stipulatio, exempli gratia, si Stichum non dederis, decem dabis? Traditum est hanc stipulationem non committi prius, quam certum fuerit Stichum dari non posse. Quæro; si stipulator Stichus adhuc vivo decem petierit, et litem sit cum promissore contestatus, qui negaret secum recte agi, quia conditio stipulationis nondum extitisset: an postea eum in decem damnari oportebit, nec poterit post litem contestatam amplius Stichum dare ad condemnationem evitandam? Ego vero non modo non debere eum damnari aio, si Stichum postea dederit, sed ne si non dederit quidem: propterea quod etsi eum non obtulerit; tamen eo vivo semper verum sit eum natura dari posse, eoque non extitisse conditionem, quam constat non aliter existere, quam si certum esse cœperit Stichum amplius dari non posse. At lis contestata est. Quid, an litis contestatio rerum statum et conditionem mutavit; fecitque, ut qui dari antea potuit natura, nunc dari non possit? Nullo modo; nam et idem dominus est, qui fuerat, et idem potest accipere, qui ante. At enim iure Stichus post

post litem contestatam dari non potest. Recte hoc diceretur, si decem debita in iudicium deducta essent; nam cum iudicio contrahatur, pro decem debitis Stichus dari non posset. Nunc autem decem petita sunt, quæ non debebantur, cum ante litem contestatam conditio stipulationis non extitisset. Non erit igitur impedimento ea petitio, quominus et Stichum promissor quandoque dare possit; et vero ante eam petitionem promissor Stichum recte daret: ergo et post eam recte dabit, quia petitio cum nullius momenti sit, perinde sit, ac si non intervenisset. Denique neque Bartolum, si vivaret, neque alios eiusdem sententiae defensores tam averse a vero arbitror, ut si quis promiserit decem, si in Italiam non venerit, dicturi sint promissorem teneri, si cum eo actum sit multo ante, quam certum esset eum pervenire posse in Italiam, cum tam diserte traditum sit a veteribus hoc genus stipulationum non ante committi, quam certum esse ceperit promissorem in Italiam pervenire non posse. Nam isto modo falsa erit veterum sententia, eritque in potestate stipulatoris efficere, ut promissor postquam morem iudicio fecerit in Stichum dando, statim teneatur non minus, quam si stipulatio non a conditione, sed a stipulatione cepisset. Quod ex diametro adversatur veterum distinctioni de his generibus prodite in *d. l. ita stipulatus*. Id si in cæteris stipulationibus valet, quæ a conditione incipiunt, quæ in non faciendo consistit, cur non recipimus in stipulatione hoc loco proposita, quæ est huius generis, et ad eandem definitionem pertinet? Quibus omnibus cum contraria suscipere cogimur, si semel hic statuerimus antequam agatur, et lis contestetur, conditionem non extitisse: perspicuum est nullo modo eam sententiam hoc loco posse defendi. Restat, ut hac defensione excludi id suscipimus, quod est reliquum, quia in proposito ex hac stipulatione fundus peti potest, etiam conditionem hic extitisse, non dico post litem contestatam, sed ante. Quod si extitit, necesse est aut ideo extitisse dicamus, quia certum sit fundum amplius dari non posse; aut quia dari poterit, neque datus sit. Alterutro enim modo ex his liti generis conditiones implentur. *d. l. ita stipulatus, infr. eod.* Non potest ideo dici extitisse, quia fundus alteri iam dari non possit; cum et natus dari possit, et iure liceat id facere, ut hoc responso confirmatur. Relinquitur igitur, ut hanc statim extitisse dicamus, postquam fundus alterutri dari potuit, neque datus

ast. † Sed ex hac ra incidimus in aliam: 12 difficultatam non multo minorem, ut statim cogimur stipulationem sub conditione contractam, quamvis conditio in non faciendo sit, et stipulatio ab ea conditione incipiat, tamen statim committi, neque expectandum esse, donec certum factum sit amplius fieri non posse id, quod in conditione positum erat: contra quam generaliter de hoc genere stipulationum definitum est in *d. l. ita stipulatus, infr.* Et si quidem esset illa sententia perpetua, et sine exceptione, magis laboraremus. Sed cum res posita sit in coniectura voluntatis, et præterea constet alias stipulationes ex eo genere excipi, nihil fiet contra eam definitionem iuris, si et hanc speciem ex numero eximi dicamus; si modo et hanc sententiam contrahentium esse probetur, ut non ad extremum expectetur, dum certum sit iam amplius evenire non posse. Idque ita faciendum esse multi eruditi interpretes recte consueverunt. Sed hoc in re illis disputatio hæsit, dum huius exceptionis causam querunt: neque animi id expedire poterunt, ut omnibus probarent. Illud recte ponunt, si expectantibus nobis in proposita stipulatione, donec exploratum sit amplius fundum alteri dari non posse, futurum sit, ut nunquam stipulatio committatur, non esse id in conditione eius stipulationis expectandum, sed conditionem ita accipiendam potius, ut simul, atque dari potuit fundus, neque datus est, conditio extitisse intelligatur. Idque ita faciendum esse regula iuris præcipitur, quæ dicitur in ambiguis aut obscuris stipulationibus commodissimum esse id accipi, quo res in tuto sit; quo valeat magis, quam pereat. *L. quoties in. 80. L. quoties in. l. ubi. sup. de reb. dub.* Assentior hoc quoque illis in hac stipulatione futurum esse, ne nunquam committatur, nisi conditionem ita accipiamus, quasi ita dictum esset, si fundum illi non dederis, cum potes. Sed quomodo probetur, si quis neget, quaritur; hic vero illorum ratio se aperit, quæ cum parum idonea nisi essent; quasi nulla alia essent præterea, ideo multos ab hac sententia, tanquam quæ ratione careret, reiecerunt. Negant videlicet hanc conditionem, si fundum illi non dederis, existeri posse, si expectetur, donec fundus dari non possit: quia fundus non pereat, aut certe perest raro: aliter, atque cum ita stipulatus sum, si Pamphilum non dederis: decem dabis? ubi Stichus morte desinere potest dari. Et quod de fundi interito ab illis dicitur, non est iudicio meo, cur

cur negemus recte dici; præsertim in locis non maritimis. Ubi enim in Gallia, in Anglia, in magna Germaniæ parte fundos terre motu, aut chasmate absorptos, aut quam crebro legimus? Et si quando in locis maritimis id accidat: tamen incertum est, et accidit præter naturæ ordinem: ut propterea non soleat is casus, aut non debeat expectari. Sed nego hinc recte colligi, fundum in proposita stipulatione non desinere ex conditione aliter dari posse ad conditionem implendam. Non desinet dari posse, quia pereat: at desinat etiam incolomis dari posse a promissore, cum is mortuus fuerit: desinet et dari posse ei personæ, in quam conditio collata est, si et ipsa decesserit; nam neque mortuus dare quidquam potest, neque quidquam dari mortuo. Nec ad rem pertinet, quod promissoris heredes dare possunt, et dari potest personæ adiectæ heredibus; hoc enim natura fieri potest: iure conditionis non potest, quia nihil prod est ad conditionem implendam id facere. Si quid cui ex conditione non dico fieri, sed etiam dari debeat: tamen conditio facti est, ita personæ dantis, et eius, cui dari debet, coherens, ut sive alius det, sive detur alii, conditio non impleatur. *L. qui heredi. in princ. sup. de cond. et dem.* Quo fit, ut quemadmodum illa conditio, si Stichum non dederis, existere potest per rerum naturam Stichum mortuo, quem mortuum esse constat, ita et possit hæc conditio, si fundum Secundo non dederis, Secundo nimirum, cui detur, aut promissore, qui dare debuit, mortuo, quos non minus mortuos esse certum est. Quid ergo est? Probandum est, si hic una sit stipulatio hoc modo concepta, si fundum illum Secundo non dederis, mihi dabis? non magis ex hac stipulatione agi possa prius, quam constiterit Secundo fundum amplius non posse dari, quam si ita stipulatio facta esset, si Stichum mihi non dederis, decem dabis? Sed mutatur rei conditio, ubi gemina eiusdem fundi stipulatio interposita est separatim a duobus sub eadem hac conditione, si fundum illi alteri non dederis. † Ita cur in proposito statim conditio existat, non conditionis ipsius natura accidit, sed stipulationum duarum, quæ hic proponuntur, conceptione. Quod si ita esset, sufficiebat stipulationem ita proponere, si fundum Primo non dederis, mihi dare spondes? Nunc autem reciproca stipulatio proponitur duorum eundem fundum sub hac conditione stipulantium, si alteri datus non erit: ut appareat ex ea reciprocatione, et vicissitudine natam hic esse hu-

ius responsi causam. Quid igitur facit hic reciprocatio? hoc declarat, si mortem promissoris expectare volumus, ut certum esse incipiat eum amplius fundum dare non posse, futurum esse, ut stipulatio ex voto et mente manifesta contrahentium committi non possit. Eveniet enim hoc modo, ut fundus aut utrique dandus sit, aut neutri. Nam mortuo promissore, Primo dicit fundum sibi dari debere; quia verum sit promissorem fundum alteri non dedisse, neque amplius dare posse: neque enim si heredes eius dent, idcirco ipse dedisse dici potest. At eadem ista ratione Secundo fundum sibi dari recte petet: quia et hoc verum sit promissorem eum fundum Primo non dedisse, neque deinceps dare posse. Ita fit, quod dixi, ut aut utrique fundus dandus sit, aut neutri, quoniam uni tantum dari non potest. Utrumque autem est contra sententiam stipulationis, quia id actum esse apparet, ut et fundus daretur, et daretur uni duntaxat, non duobus; neque vero id fieri aliter potest, quam si agatur vivo promissore, ut ostendi. Quare et stipulatio ita interpretanda est, ut vivo etiam promissore agi possit. Et quoniam frustra ex stipulatione agitur vivo promissore ob id, quod alteri datum non est, nisi ubi primum promissor cessavit liceat cum eo experiri: etiam ut id facere liceat, actum est intelligendum est, ut stipulatio exitum habeat, videlicet, secundum ea quæ supra dixi ex iis regulis, quæ in interpretatione ambiguarum aut obscurarum stipulationis cuiusque servantur. *d. L. quoties in stipulationibus. infr. eod. L. quoties in L. ubi, sup. de reb. dub.* Hæc de prima parte huius responsi dicta sint. Quæ posita cum dicamus unicuique ex stipulatoribus tanquam impleta conditione actionem competere ex stipulatione et fundum petere licere; hoc consequens esse videbatur, ut nec promissorem aliter, quam ei qui peteret, solvendo liberari diceremus. Quisquis enim petiturus est, ideo petet, quia ei debetur: cum non sit actio, nisi ius persequendi iudicio, quod nobis debetur. *L. nihil, sup. de obl. et act.* Proinde uterunque petet, is est creditor. *L. creditores. infr. de verb. sig.* Porro illud certi iuris est, ut aliud pro alio solvi invito creditore non potest, quantumvis ei aliquid offeratur: *L. 2. §. 1. sup. de cert. pet.* sic multo minus alteri solvendo liberari promissorem, ubi creditor ea solutione nihil consequatur. *L. invito. C. de solu.* Atqui, ut initio dixi, hæc Pomponii sententia est hinc loco, ita unum ex stipu-

lato-

latoribus cum promissore agere posse, ut tamen sit in potestate promissoris fundum alteri dando effugere eius petitionem. Hinc circa hanc quoque partem dubitatio. Atque hæc pars rursus quamvis bene constituta, in eo quod sequitur novam dubitationem attulit. Quem enim Pomponius ante litem contestatam fundum alteri dare posse modo dixerat, ut liberatio obtingeret, eum deinde negat lite semel contestata amplius eum fundum alteri dare posse. † Qui sit ergo, ut qui ante iudicium acceptum electionem habuit, utri daret, is eam iudicio accepto amittat, cum iudicium accipiendo nihil de suo iure remiserit? Sed et electionem solvendi reo datam usque eo retineri, donec id quod promissum est, solvatur, scriptum est in *L. qui ex pluribus. infr. eod.* Sed horum duorum paulo facilius explicatio est. Nam quod placet promissorem in proposita specie alteri fundum dando liberari, eo fit, quia hanc facultatem ex conditione ipsius stipulationis accipit, conditionem ab initio stipulationi dictam stipulator postea immutare non potest. *L. vero. §. 1. infr. de sol.* Quod autem promissor post iudicium acceptum non idem potest facere, non huius loci et stipulationis propositæ proprium est, sed ad omnem eiusmodi facultatem pertinet: itaque generaliter definiendum est, quoties promissor ex conditione stipulationis facultatem habet, ut aut alteri dando, aut aliam rem, quam quæ debetur, præstando liberetur, facultatem esse eiusmodi, ut eam promissor exercere possit, quandiu litem non erit contestatus; lite autem semel contestata

eam facultatem amittat, et præcise cogatur id præstare, quod in iudicium deductum est; de facultate alteri dandi, hoc loco exemplum habemus de facultate alterius rei præstandæ, eadem sententia multis locis expressa est, ut *L. si insulam. infr. eod. L. quid tamen. §. ult. supr. de recept. L. 1. supr. de pen. leg. L. cum sine. supr. quan. di. le. ce.* Et habet hæc pars non obscuram rationem, si quis hoc constituerit, quod est iuris certi, iudicio contrahi. *L. 3. §. idem scribit. supr. de pecul.* Id significat promissorem, seu reum litem cum petitore contestando se petitori obligare in hoc, ut ei præstet rem in iudicium deductam, si contigerit, ut condemnnetur; hæc obligatio simplex est, nec ullam accipit potestatem aut alteri, aut aliam rem solvendi. Quo fit, ut ex hac obligatione reum oporteat rem in iudicium deductam sine ulla exceptione præstare. Sed de utraque parte amplius iterum dicendum est ad *L. si insulam. infr. eod.* Meminerimus autem loqui nos de facultate aut alii solvendi, quam creditori, aut alterius rei præstandæ, quam quæ est in obligatione. Ipsarum autem rerum eligendarum facultas, quæ res stipulatione ipsa disunctim promissæ sunt, perpetua est, et ut ante, sic post litem contestatam atque adeo post rem iudicatam perseverat eo usque donec una res aliqua ex iis, quæ promissæ sunt, solvatur. Quam recte id constituatur, et quam bene conveniat cuius hoc loco, dicitur ad *L. qui ex plurib. infr. eod.*

Ad L. Filius. XI.

Paulus lib. II. ad Sabinum.

Filius dum in civitate est, si stipuletur: patri reverso ab hostibus videtur adquisisse.

SUMMARIA.

1. *Filiusfam. stipulando patri acquirit.*

2. *An hoc obtineat in filiofamilias stipulante;*

quo tempore pater ab hostibus captus est.

3. *Iuris postliminii effectus.*

- 1 **F**ilius, qui in potestate est, stipulando patri acquirit secundum distinctionem bonorum traditam in *§. infr. Inst. per quas pers. nob. ac.* sed acquirit hac conditione, si sit in potestate patris, cum stipulatur. *L. si filiusfamilias. 78. in prin.*
- 2 *infr. eod.* † Hoc iure posito, si proponatur filius is, cuius pater ab hostibus captus est, stipulatus esse in civitate, et in eo

veritatem naturæ, ac rei gestæ sequamur, consequens erit stipulationem patri, quamvis postea ab hostibus reverso, non acquiri. Verum est enim filium, cum stipulabatur, non fuisse in patris potestate, si quidem captus pater servus fuit hostium. *L. adeo. supra. de acq. rer. do.* qui autem in alterius potestate est, is in potestate alios habere non potuit. *L. sic eveniet. infr.*

infr. ad leg. Iul. de adul. Sed placuit nihilominus patri reverso acquiri, quodcumque filius, dum pater apud hostes esset, 3 acquisisset. Id facit ius postliminii: quo iure qui reversus est ab hostibus, perinde habetur, ac si nunquam captus esset, eo-

que iure atque conditione et potestatem in liberos, et pristina iura omnia quasi nec amissa recipit. §. *si ab hostib.* *Inst. quib. mo. ius pat. pot. sol. L. retro. L. bona, §. quod si filius, infr. de captiv.*

Ad L. Si ita stipulatus 12.

Pomponius lib. v. ad Sabinum.

Si ita stipulatus fuero: *Deceni aut quinque dari spondes?* quinque debentur, et si ita *kalendis Ianuariis vel Februariis dari spondes?* perinde est quasi kalendis Februariis stipulatus sim.

S U M M A R I A.

1. *Lex interpretationis in stipulatione ambigua, aut obscura.*
2. *Pluribus corporibus certis disiunctim promissis electio est debitoris.*
3. *In pluribus summis disiunctim comprehensis, minimum in pluribus temporibus, longis-*

simum pro commodo promissoris in stipulationem deductum intelligitur.

4. *Stipulator plurium summorum, quomodo tuto petat.*
5. *Diversitatis ratio in pluribus corporibus, summis, et temporibus.*

1. **I**N stipulatione ambigua, aut obscura hæc lex interpretationis placuit, ut cum queritur quid actum sit, verba pro promissore contra stipulatorem interpretanda sint, tradita in *L. stipulatio ista. 38. §. in stipulationibus. L. quidquid. 99. infr. eod.* Cui consequens est, ut si stipulatione illud aut illud comprehensum sit, sive disiunctio exprimitur verbis, sive verbo ambiguo significetur, semper probandum sit electionem esse promissoris, ut sumatur, videlicet, quod ipsi prosit, stipulatori noceat. Quæ lex et in omnibus debitoribus servatur. *L. si ita relictum. 43. §. ult. supr. de leg. 2. L. plerunque. in §. ult. supr. de iur. dot. §. huic autem. Inst. de actio.* Ex his principiis hæc nata sunt, cum in pluribus corporibus certis, tum in annis, et pluribus temporibus disiunctim in obligationem deductis, 2 ut §. pluribus quidem rebus disiunctim promissis electio sit debitoris, quam det; dicta *L. plerunque. in fin. de iure dot. sed, ita* ut hæc illi electio permittatur; quam ob id illi servare oporteat agendo, dum illud aut illud petitur, quemadmodum et promissum erat. 3 d. §. *huic autem. de act.* † Pluribus autem summis eodem modo promissis puta deceni, aut quindecim, non electio debitoris in futurum expectetur, sed iam ab initio statutu minimum deberi: idemque recipiatur in pluribus temporibus disiunctim comprehensis, ut iam nunc comprehensum intelliga-

tur, quod est longius, quod hic traditur, et *L. si ita stipulatus, 109. infr. eod.* scilicet quia et in tempore minus est longiore die solvere, propter facultatem dandi, et interusurium medii temporis. §. *item si. Inst. de fidei. §. plus autem, illic, tempore, Inst. de act.* † Et Ideo nihil facit contra stipulationem stipulator, si ex duabus annis disiunctim promissis certam petat, dum petat minimam. Neque vero obscura ratio est cur in corporibus certis alternatim promissis incertam velimus esse electionem, quam ob id permittamus reo; in summis autem et temporibus certum definiamus, quod ex pluribus stipulatione comprehendatur. † In corporibus namque propter varietatem specierum, et eas nanciscendi facultatem, tum affectionem nostram de unaquaque multa accident, cur promissori facilius sit et commodius, certe magis ex eius sententia dare id, quod maius videatur; contraque ut det difficilius, quod nobis videatur minus. Quid autem ei in re sua commodum sit, aut incommodum, ipsius arbitrio et computationi permittendum est, nec illi præscribendum, quomodo iure suo utatur, quidve in eo metuat, aut non metuat, arg. *L. 4. in fin. supr. ad Treb.* In summis vero et temporibus diversis res dubitationem non habet natura, quin sit commodius, et melius minorem summam dare, quam maiorem; longiore die debere, quam

quam citiore; nec dubium est, quia electurus sit quisque, quod sibi sciat esse melius. Quare ex eo, quod in voluntatibus et electionibus hominum non corruptis certum habetur, ius sumptum est, in summis mini-

mum, in temporibus longissima pro commo promissoris, ut iam ab initio electum, ita et in stipulationem solum deductum intelligitur.

Ad L. Qui ante. 13.

Ulpianus lib. XIX. ad Sabinum.

Qui ante kalendas proximas stipuletur, similis est ei qui kalendis stipalatur.

S U M M A R I A.

1. *Calendis et ante Calendas re vera diversa esse: ex usu idem valere.*
2. *Vis verborum intra Calendas, et post Calendas.*
3. *In stipulatione nihil interesse, utrum Calendis dari, an intra Cal. quis stipuletur.*
4. *Qui post Calendas stipulatur, præteritis Cal. statim petere potest.*
5. *Verba L. Anniculus. de verb. sig. declarata.*

JUS certum est diem stipulationibus adici posse; quod in diem promissum est, ante quam dies non solum venerit, sed etiam præterierit, peti non posse. §. *in diem. Inst. eod. L. eum qui Calendis. §. 1. infr. eod.* Sed prius de die adiecto constare debet: cuius quia interdum dubia significatio est, ideo de plerisque formulis, quibus tempus comprehensum est, in hac parte queri solet. Hinc illæ dubitationes in hoc genere; quod tempus contineri intelligatur, si quis promiserit se hoc anno, aut hoc mense daturum: de quo in *L. qui hoc anno. 42. infr. eod.* si promiserit se daturum, cum Titius ad annum tricesimum pervenisset: de quo in *L. non putabam. supr. de cond. et dem.* si promiserit daturum se non Calendis, quod dubitationem non habet, sed ante Calendas; de quo hic scriptum est. †. Ac de eo id traditur, quod prima fronte longe secus potuit videri, eum nimirum, qui ante Calendas stipuletur, similem esse ei, qui Calendis stipuletur, id est, videri Calendis stipulatum, quo significatur quemadmodum cum ante Calendas promissum est, ipsis Calendis agi non potest; *d. §. in diem. inst. eod.* sic nec posse agi ab eo, qui ante Calendas stipulatus fuerit. Atqui vis verborum longe aliud exigere videbatur; certum est enim non peti ante Calendas, quod petitur ipso die Calendarum: cum ideo dicatur quid fieri ante Calendas, quia Calendaræ sequuntur; ut totum illud tempus, quod est ante Calendas, sit prius tempus, Calendaræ posterius; nunquam autem quod posteriore tempore sit, priore fieri intelligitur, aut etiam potest. Sed usus obtinuit, ut hæc idem va-

leant, Calendis, et ante Calendas: neque id sine magna, et certa ratione. Re vera enim non fit ante Calendas, quod fit Calendis, si ante Calendas sic accipimus, ante Calendas ceptas. Sed si intelligimus ante Calendas finitas, sine dubio qui stipulatur ante Calendas dari, intelligitur stipulari Calendis; quia hac posteriore formula interpretatione iuris recepta intelligitur quis stipulari Calendis finitis; dicto §. *in diem. Inst. eod.* Iam vero hoc posterius accipi, in stipulationibus præsertim, conveniens est ei regulæ iuris, quæ supra in *L. præced.* tradita est; quia est videlicet promissori commodius. Qua ratione, si nobis constare volumus, dicendum est eum, qui promittit se ante annum daturum, eodem loco habendum esse, ac si se hoc anno daturum promississet; scilicet ut utrobique nisi exacto anno non teneatur; dicta *L. qui hoc anno. infr. eod.* Quod si in libertate relicta dixerimus eum, qui anno duodecimo post quam testator mortuus est; liber esse iussus est, principio duodecimi anni statim liberum fore, ut responsum est in *L. si ita. 41. in princ. supr. de ma. test.* etiam tum maxime libertate ante duodecimum annum relicta idem admittimus: sed isto modo confirmabitur magis semper utroque sermone idem significari. † Quid illa, de quibus a plerisque dubitatur, et de quibus hoc loco quæsitum est, illa, inquam, intra Calendas, et post Calendas, quam significationem habent? Et videri potest consulto factum, ut de his nihil aperto definiretur hoc loco, et alibi, uti de illis verbis factum est, *ante Calendas*, quia vis horum verborum satis ipsa se ostenderet. Illud

Illud quidem mihi dabitandum non videtur, quin his verbis idem contineatur, quod *Calendis*. Quid est enim in illis, quod eandem vim et potestatem Calendarum non exprimat? Intra *Calendas* eodem modo dicitur, ut intra *ædes*, intra *urbem*. Ut igitur intra *urbem* sit, quod sit in urbe; intra *ædes*, quod in ædibus: sic intra *Calendas* fieri dicitur, quod sit in ipsis *Calendis*; quasi dicas intra septa et ambitum Calendarum, ut eleganter disserit Aul. Gellius, *lib. 12. cap. 13*. Idque consuetudo loquendi sic usurpat. Itaque in edicto successorio, quod dicitur honorum possessio intra dies centum peti posse, sic intelligitur, ut et ipso die centesimo possit peti. *L. 1. §. si intra, supra, de suc. edic.* Ergo *Calendis* liber esse iussus, quia dies heredis causa adiectus est, ante *Calendas* liber non erit, sed dies expectandus est, et liber erit ipsis *Calendis*. *L. 4. §. si ex die, supra, de pd. lib.* Idem dicendum est, et si iussus erit liber esse intra *Calendas*. Nam ante *Calendas* ideo liber non erit, quia his verbis, intra *Calendas*, non significatur intra spatium, quod intercedit hinc usque ad *Calendas* ipsas; sed intra *Calendas* solum, quo die præcedens tempus non continetur. Quod enim intra annum liberum esse iussum placet statim liberum esse, *d. L. si ita fuerit, in ff. de man. test.* Non sunt hæc similia; nam *Calendæ* nihil, nisi *Calendarum* diem habent, annus omnes eius anni dies continet; itaque intra annum liber esse iussus, omnibus eius anni diebus liber esse iussus est, eoque et initio anni, id est, primo quoque die liber est. Sed ne hoc propter verbum, *intra*, additum fieri putemus, idem fieret, etsi servus liber esse iussus esset certo anno. Ut puta, liber esse iussus est anno duodecimo post, quam testator mortuus erit; in principio duodecimi anni liber futurus est non aliter, quam si iussus esset liber esse intra annum duodecimum. Ut autem concedamus in libertate danda aliud valere *Calendis*, aliud intra *Calendas*: † certe hoc tenendum est, in stipulatione nihil interesse, utrum stipuler *Calendis* dari, an in-

tra *Calendas*. Qui promittit intra *Calendas*, et *Calendis* dare potest, et citra seu ante *Calendas*; esto: sit id etiam ex significatione verborum. At pariter utrumque facere potest, et qui promittit *Calendis*, ut dicitur ad *L. eum qui Calendis*, §. 1. *infr. eod.* Illud vero, post *Calendas*, quid significat, nisi post *Calendas* finitas? Atqui hoc ipsum stipulari intelligitur, qui stipulatur *Calendis*, si verum est ex hoc sermone oñil peti posse, nisi *Calendis* præteritis, ut supra diximus §. *in diem. Inst. eod.* † Ergo qui post *Calendas* stipulatur, præteritis *Calendis* statim petere poterit, ut posset, si stipulatus esset *Calendis*; neque enim video, quomodo defendi possit, quod quidam putant, hunc finitis etiam *Calendis*, tamen postridie *Calendarum* adhuc agere non posse, sed tantum sequenti altero die; quasi stipulatus post *Calendas*, stipuletur sibi dari proximo die, qui insequatur *Calendis*; quod non ita est. Nam qui stipulatur post *Calendas* certas, is post eas *Calendas* pure, id est, sine die et conditione stipulatur; quo fit, ut et postea præsentī die, et statim possit petere §. *omnis. Inst. eod. d. L. eum qui Calendis*, §. 1. *infr. eod.* † Nec dubito, quia de his verbis hoc ipsum expresserit Paulus, quod diximus in *L. anniculus*, 132. *infr. de ver. sig.* cum ita scribit: et consuetudo loquendi id ita esse declarat. Ante diem decimum *Calendarum*. Post diem decimum *Calendarum*; neutro enim sermone undecim dies significantur. Significat et illis verbis, ante diem decimum *Calendarum*, ipsum decimum contineri; et istis, post diem decimum *Calendarum*, non amplius contineri, quam decimum: ut sic utraque oratione pariter decimus dies non undecimus intelligatur. Hæc de vi et significatione superiorum verborum dicta sunt, ut constet in diei adiectione quam longum, aut breve tempus sit comprehensum. De effectu diei et iure dicemus postea suo loco; agitur de eo in *d. L. eum qui Calendis*, §. 1. *infr.*

Ad L.

Ad L. Si ita stipulatus XIV.

Pomponius lib. v. ad Sabinum.

Si ita stipulatus essem abs te, domum edificari? vel heredem meum damnvero insulam edificare: Celso placet, non ante agi posse ex ea caussa, quam tempus præterisset quo insula edificari posset; nec fideiussores dati ante diem tenebantur.

SUMMARI A.

1. Stipulatio faciendi pura, quando committatur.
2. Questio huius L. propria; et dubitandi ratio.
3. Definitio Celsi et Pomponii, eiusque ratio.

4. Contraria Ulpiani sententia in L. stipulationes non dividuntur, vers. Celsus, infr. eod. et ut sciamus ideo deberi, quia promissa intelligatur, dicitur id quod interest, stipulatione faciendi contineri, adeoque in stipulationem venire. L. quoties quis. 81. L. si penam. 68. infr. eod. Ex quo intelligitur in hoc genere stipulationem esse pecuniæ, seu eius quod interest, quæ conditionem habeat in non faciendo positam, si quid factum non sit videlicet. Porro quæ sub huiusmodi conditione contractæ sunt stipulationes, eas tum committi constat, cum certum esse cœpit amplius fieri non posse, quod conditione comprehensum erat, quia et tunc conditionem extitisse certum est. L. ita stipulatus. inf. eod. Id in proposito cum accidat multo ante id tempus, quo insula edificari potuit, cur dubitemus etiam tum statim agi posse? hæc huius loci questio, et dubitatio est. † Adversus quam hic de sententia Celsi et Pomponii definitum est, non ante agi posse ex ea caussa, quam tempus præterisset, quo insula edificari posset; nec fideiussores ante eum diem teneri. Quod sine dubio sic interpretandum est, ut ante agi non possit, etiam si iam ante insulam edificari non posse constaret. Recte Celsus: pertinet enim hæc caussa ad definitionem. L. illa. 8. supr. ut dicamus stipulationem eius quod interest, et conditionem habere, et diem. Quod ad conditionem attinet, commissam esse stipulationem faciendi, simulatque exploratum esse cœperit iusulam intra tempus constitutum edificari non posse: sed impleta conditione superesse adhuc diem edificandæ insulæ præstitutum; is creditor expectandus est secundum regulam de obligationibus in diem contractis traditam. Conveniunt in eandem sententiam cum hoc loco L. existimo

1. S Tipulatio faciendi inter alias plerasque eiusdem generis verbis pura, ex re ipsa dilationem capere dicitur: ut scilicet tunc ex ea incipiat actio, cum transierit tantum temporis, intra quod fieri possit, quod promissum est: veluti si quis domum edificari stipulatus sit. L. interdum. 73. infr. eod. In quo duo dici intelliguntur: nimirum et eo tempore transacto statim agi posse; et nondum transacto agi non posse. An postquam præterierit id tempus, statim agi possit, hoc loco non quæritur; ac ne alibi quidem; quia de eo non fuit controversia. Quin post id tempus statim agi posse constanter traditum est, nec usquam ad eam rem desiderari creditoris interpellationem legimus; de quo tamen amplius ad dict. L. interdum. infr. eod. Hoc habuit dubitationem, an interdum agi posset prius, quam id tempus præterisset; non quod dies nominatim adiectus non sit, quasi ob hanc causam videri debuerit pura stipulatio; semper enim constituit huic obligationi natura diem inesse, antequam res confici non posset: L. insulam. §. 4. supr. loc. L. quoties. supr. de oper. libertor. sed quia accidit interdum, ut etiam multo ante, quam illud tempus præterierit, certum esse incipiat intra id spatium, quod natura satis esse poterat, rem effici non posse: veluti si is, cui anno opus erat ad insulam edificandam, totos sex menses in ea inchoanda cessaverit, ut ei sex tantum menses ex iusto spatio supersint: intra quos
2. certum esse insulam edificari non posse. † Hoc igitur quæritur, an saltem tunc statim agi possit, nec necesse sit expectari donec annus præterierit. Movet, quod in omnibus faciendi obligationibus verbis promittitur factum: re tamen ipsa et interpretatione iuris recepta, promitti intelligitur pecunia, seu id quod interest, sub conditione si non fuerit factum, quod fieri de-

Tom. XI.

40

98. §.

98. §. ult. *L. insulam. 124. infr. eod. L.*
 4 *quoties. supr. de oper. lib. †* Sed videtur
 huic sententiæ contraria esse sententiâ Ul-
 pianî, quæ traditur in *L. stipulationes non*
dividuntur. §. ult. infr. eod. Illic enim di-
 serte scriptum est, in hac ipsa stipulatione
 insulam ædificari, non esse expectandum,
 dum prætereat tempus, quo insula ædifi-
 cari potest; sed simulatque cœperit mora
 faciendæ insulæ fieri, agi posse, et tem-
 pus obligationi cedere. Dissensit a Celso
 Ulpianus, inquit: hic Sabinium secutus dis-
 sentiens a Celso, quem constat ex Procu-
 lianis fuisse. Hoc quidem obiectiouem con-
 firmare est, non diluere. Non ita nos fa-
 cere Iustinianum iubet in interpretatione le-
 gum, et eorum locorum, qui ex veteribus
 in Pandectas et Codicem relati sunt: in
 quibus negat quidquam esse contrarii: cer-
 te ita interpretari iubet, ut quodcumque
 ad conciliationem facere probabiliter videri
 potest, id, tanquam sit ex mente ipsorum
 auctorum, sumatur, quasi non ab aucto-
 ribus scriptum, sed a Iustiniano, qui in
 hac compositione Digestorum et Codicis o-
 mnia sua fecit. *L. 1. §. omnia. L. 2. §. con-*
trarium. C. de vet. iur. enucl. Sed frustra
 iubet id fieri Iustinianus, dixerit aliquis,
 si auctores inter se dissentire constet. Quid
 ergo, si probetur Ulpianum idem in hac
 re cum Celso sensisse? Atqui nihil est fa-
 cilius, quam hoc ostendere ex aliis locis.
 Nam quæ hoc loco Celsi sententiæ est, an-
 te quam nimirum tempus faciendi præter-
 jerit, agi non posse, eadem fuit Iuliani
 relata in *d. L. quoties. supr. de op. lib.* At
 Ulpianus huius ipsius de die tacito exspe-
 ctando prius, quam agatur, sententiam no-
 minatim probat in *L. 2. §. qui ita. supr. de*
eo. quod cer. loc. Agit quidem illic de eo,
 qui promisit se certo loco, puta Ephesi,
 daturum, non facturum, quem, ait, per-
 peram conveniri ante diem, quam E-
 phesum pervenire possit: sed addit ratio-
 nem ex sententiâ Iuliani, quam intelligi-
 mus plane huc pertinere: *quia, inquit,*
et Iulianus putat diem tacite huic sti-
pulationi inesse: adeo ut eum, qui Ro-
mæ stipuletur, hodie Carthagini, dari,
inutiliter putet stipulari. Atqui et in fa-
 ciendi obligationibus non magis ex Iuliani,
 quam omnium veterum sententiâ inest tem-
 pus intra quod fieri potest, quod promissum
 est, ut supra dixi. Quare qui hoc in
 loco expectandum esse vult ex Iuliani sen-
 tentiâ, is multo etiam magis eum ipsum diem
 in facto promisso expectari velle iudican-
 dus est. Postremo quid, si verba huius lo-
 ci, et *d. L. stipulationes non. §. ult. infr.*

ita scripta sunt, ut sententiâ utriusque lo-
 ci retinere possit: cur malum in his ne-
 scio quam auctorum dissensionem incertam
 nobis fingere, quo alteram sententiâ ex
 his repudiemus contra voluntatem et præ-
 scriptum Iustiniani, ut ne idem, fortasse
 cum aliis sensisse videamur, quam id su-
 mere, quod ad istorum locorum concordiam
 recte facit, et nihilominus per se verum
 est, quo facto simul et veteribus, et Ius-
 tiniano ita fieri iubenti sua auctoritas et
 dignitas conservatur? Et vero ita facere
 debemus. In quo ut nihil verius, ita nihil
 est ad verborum sententiâ aptius quam
 quod ad conciliationem horum locorum ab
 interpretibus vulgo receptum est, ut cum
 ante tempus, quo insula ædificari potuit,
 certum esse cœpit eam amplius intra id tem-
 pus ædificari non posse, statuamus utrum-
 que vere dici, et nondum ex ea causa agi
 posse, et simul agi posse; sed interesse,
 qua de re posse agi, aut non agi velimus,
 et auctores intelligant. Agi non potest an-
 tequam tempus præterierit, quo insula ædi-
 ficari possit, ut hic scriptum est. Sed ad-
 ditur *ex ea causa*: quod sic interpretan-
 dum est, ut agi non possit ob insulam non
 ædificatam: hæc enim causa versatur in
 stipulatione: hoc autem significat agi non
 posse in id, quod stipulatoris interest in-
 sulam ædificatam non esse. Hoc est veris-
 simum: neque id unquam negaret Ulpianus,
 quinimo id ita esse artis confirmat alibi,
 cum ante diem, qui stipulationi tacite inest,
 perperam agi scribit. *d. L. 2. §. qui ita. de*
eo, quod cer. lo. At nihilominus et ante-
 quam id tempus præterierit, quo insula
 ædificari potuit, agi potest, si mora faciendæ
 insulæ fieri cœperit ut scriptum est in
d. L. stipulationes non. §. ult. infr. Et
 hoc verum est non minus: dummodo hoc
 explicetur, qua de re, et quatenus agi posse
 Ulpianus intelligat. Hic autem intelligere
 enim existimare debemus, non superius
 illud, quod nunquam diceret; sed id,
 de quo vera ratio docet, agi posse, et alii
 loci idem aperte declarant, et verba adeo
 ipsa Ulpiani sentire eum satis ostendunt.
Agitur potest statim, inquit, ubi iam cœpit
mora faciendæ insulæ fieri: nempe ob
 hanc ipsam moram factam, idest, ob insu-
 lam a promissore in tempore non inchoatam,
 et in tantum agi, quanti ob eam causam
 stipulatoris interest. Id ita fieri debere ne
 Celsus quidem ipse, aut Pomponius æ-
 gent; quando id eadem ratione nitatur
 prorsus, qua istorum sententiâ, quæ hoc
 loco traditur. Nam qui promittit se insu-
 lam ædificaturum, idem et se inchoaturum
 pro-

promittit. Ut igitur cum tantum tempus præterit, quo insula potuit ædificari, agi ob eam non ædificatam omnium consensu potest, quia post diem agitur: ita cum id tempus præterierit, quo potuit, et debuit inchoari, si vellet promissor intra tempus constitutum eam perficere, etiam ob eam non inchoatam statim agi posse necesse est. Confirmatur præterea id ita faciendum esse in *L. continuus. item qui insulam. infr. eod.* verba sunt Venuleii de eo, qui insulam fieri spopondit: *item si non inchoetur opus, id tantum æstimetur, quod in illo intervallo effici potuit.* Quæro, a quo id æstimabitur? a indice nimirum, apud quem de insula non inchoata agitur. Quando agitur? nempe statim, ubi opus inchoatum non est; nam si tum ageretur, cum præterisset totum illud tempus, quo insula ædificari posset, non æstimaretur id solum, quod primo illo intervallo effici potuit; sed totum opus, quod intra tempus legitimum fieri potuisset. Postremo cum Ulpianus dicit agi posse, *ubi iam cepit mora faciendæ insulæ fieri*, an hoc quisquam sic acciperet; ut de toto opere agere liceret? Minime, opinor; sed ita, ut propter quam causam agi posse dicit, hac ipsa cessante intelligamus agi non posse. At opere non inchoato mora tantum sit in eo, quod præterit, non in eo, quod fieri potest; futuri enim operis dies nondum venit; ante quem mora a promissore fieri non potest. *L. cum filiusfam. 49. §. ult. infr. eod.* Ita vel his ipsis verbis Ulpianus de futuro opere, cuius dies nondum præterit, se non sentire satis aperte declarat. Restat igitur, ut hoc sentiat, quod supra posuit, simul atque mora faciendæ insulæ fieri cepit, agi quidem posse, sed ob insulam non inchoatam.

Tom. XI.

tam. Et hoc est; si ante, quam præterierit tempus, quo insula ædificari potuit, certum esse cøperit eam ædificari non posse, non idcirco stipulator agere poterit in id, quod sua interest insulam esse ædificatam, tametsi conditio stipulationis, qua id quod interest promissum est, extiterit: non enim hic sola fuit conditio, sed etiam dies ædificandæ insulæ constitutus, qui nondum præterit: sed potest agere in id, quod sua interest insulam inchoatam esse, quia et conditio stipulationis extiterit, et dies inchoandæ insulæ idoneus præterierit. Hoc autem quod interest insulam inchoatam esse, ruptum ab eo distat, quod in totam insulam ædificatam esse interest. Si quod est commodum perfectæ insulæ, si quod non perfectæ incommodum, idest, quod insulam ædificari nostra interest. *L. si commissæ. infr. rem rat. hab.* huius commodi aut damni æstinatio ea est, quam peti non posse dicimus prius, quam id tempus præterierit, quo insula potuit ædificari. At si quod est iam nunc incommodum ob non inchoatam, hoc illud est, quod insulam inchoari interest nostra, cuiusmodi est, si calx, arena, aut camenta, vel imbribus, vel inundatione, vel alio quo casu corrupta sint, quæ nobis salva esse poterant, si suo tempore in ædificium coniecta essent. Hoc damnum est, cuius nomine statim agi posse dicimus, ubi præterit tempus, quo insula potuit inchoari, et debuit. Hæc distinctio, etsi omnes alii loci nos delicerent, tamen manifesta ratione æquitatis, et conceptione ipsa verborum stipulationis defenditur. Quam autem et prudentiæ veterum, et verbis superiorum locorum conveniat, apparet.

Ad L.



Ad L. Et ideo 15.

Idem lib. xxvii, ad Sabinum.

Et ideo hæsitatur, si aliqua pars insulæ facta sit, deinde incendio consumpta sit: an integrum tempus computandum sit rursus ad ædificandam insulam: an vero reliquum dumtaxat expectandum quod deerat. Et verius est, ut integrum ei detur.

S U M M A R I A.

1. Incendium operis inchoati an liberet promissorem, quo minus insulam ædificet.
2. L. Martius, supr. Loc. explicata.
3. In insulæ redintegratione quantum temporis dandum sit promissori ad opus extruendum,

dum, prius quam ex stipulatione agi possit.

4. Exceptio a Iure, quo traditur: in quibus stipulationibus opus faciendum promittitur, tempus ex die stipulationis cedere.

1. Qui promiserat se domum ædificaturum, inchoavit insulam, et opus, quod iam factum erat, incendio aut alio casu aliquo absumptum est. Non ideo liberatur promissor, quominus insulam ædificet. Opus inchoatum absolvere non potest; sed non promissit se id prosecuturum promissit se ædificaturum insulam; ac nunc etiam ædificare potest, ut ante: proinde hoc ipsum agere, et novam etiam nunc instituere insulam debet. Et hoc quidem pro confesso hoc loco sumitur, neque negatur in *L. Martius. supr. loc.* quem locum quidam pro contrario accipiunt. † Quod enim illic dicitur in ea ipsa specie facti, quæ hic proponitur, periculum esse non eius, qui redemit insulam faciendam, idest, promissoris, qui insulam ædificandam recepit, sed locatoris, idest, eius, qui ut ædificetur sibi cavit: non significat promissorem post partem insulæ absumptam non debere amplius insulam ædificare, sed non debere eum insulam redintegrare periculo suo, idest, suis sumptibus. Quod et verum est: neque enim casum fortuitum redemptor præstare debet. *L. contractus. in fin. infr. de regul. iur.* Sed non ideo ita liberatur, quin insulam adhuc extruere debeat, sumptibus tamen, et periculo locatoris. † Hoc posito, quod erat extra controversiam, quesitum est in hac redintegratione insulæ, quantum temporis dandum sit promissori ad id opus extruendum prius, quam ex ea stipulatione agi possit: utrum integrum, quantum satis sit ad extructionem insulæ; an vero id solum reliquum tempus, quod supererat ex eo tempore, quod ab initio satis fuit ad insulam inchoatam ædificandam, ut sic in eo tempore etiam computetur id, quod præcessit ex die inchoatæ prioris insulæ: hæsitatur hic ex eo, quod lege præcedente significatur tunc agi posse ex hac stipulatione, cum tem-
2. contrario accipiunt. † Quod enim illic dicitur in ea ipsa specie facti, quæ hic proponitur, periculum esse non eius, qui redemit insulam faciendam, idest, promissoris, qui insulam ædificandam recepit, sed locatoris, idest, eius, qui ut ædificetur sibi cavit: non significat promissorem post partem insulæ absumptam non debere amplius insulam ædificare, sed non debere eum insulam redintegrare periculo suo, idest, suis sumptibus. Quod et verum est: neque enim casum fortuitum redemptor præstare debet. *L. contractus. in fin. infr. de regul. iur.* Sed non ideo ita liberatur, quin insulam adhuc extruere debeat, sumptibus tamen, et periculo locatoris. † Hoc posito, quod erat extra controversiam, quesitum est in hac redintegratione insulæ, quantum temporis dandum sit promissori ad id opus extruendum prius, quam ex ea stipulatione agi possit: utrum integrum, quantum satis sit ad extructionem insulæ; an vero id solum reliquum tempus, quod supererat ex eo tempore, quod ab initio satis fuit ad insulam inchoatam ædificandam, ut sic in eo tempore etiam computetur id, quod præcessit ex die inchoatæ prioris insulæ: hæsitatur hic ex eo, quod lege præcedente significatur tunc agi posse ex hac stipulatione, cum tem-
3. posito, quod erat extra controversiam, quesitum est in hac redintegratione insulæ, quantum temporis dandum sit promissori ad id opus extruendum prius, quam ex ea stipulatione agi possit: utrum integrum, quantum satis sit ad extructionem insulæ; an vero id solum reliquum tempus, quod supererat ex eo tempore, quod ab initio satis fuit ad insulam inchoatam ædificandam, ut sic in eo tempore etiam computetur id, quod præcessit ex die inchoatæ prioris insulæ: hæsitatur hic ex eo, quod lege præcedente significatur tunc agi posse ex hac stipulatione, cum tem-

pus præterisset, quo insula ædificari posset: præterierit enim totum hoc tempus, si solum, quod reliquum erat ad cœptam insulam perficiendam, id demus, quia et totius illius temporis pars altera iam ante præterierat. Sed placuit integrum tempus dandum esse, et recte. Tempus enim ad ædificandum idoneum ex eo opere, quod instituitur, æstimandum est. Ad priorem insulam, quæ cœpta erat, satis esset id tempus, quod diximus, si quidem promissor in eo opere, quod cœperat, perseverasset. Nunc autem instituitur nova insula: necesse est ad eam tantum dari, quanto ad eam extruendam est opus. In his enim dilatio ex re ipsa nascitur. *d. L. interdum. inf. eod.* Res autem de qua agitur, natura nisi intra novum spatium idoneum et integrum perfici non potest. Summa est: quod tempus promissori dandum est ad insulam ab initio ædificandam, idem dandum est ad insulam redintegrandam, si forte aliquis casus insulæ partem, quæ iam facta erat, abstulerit. Non computabitur in eo tempus, quod præcessit a tempore stipulationis: quis id tempus iam nullum est, et ad id opus, quod postea secuturum est, faciendum est inutile. Neque vero promissori nocere debet, quod id præteriiit, et amissum est. Amissum est enim casu. Casus fortuiti, ut ante dixi, nullo iudicio præstantur, *d. L. contractus. infr. de reg. iur. L. quæ fortuitis. C. de pig. act. L. 5. §. nunc videndum. supr. com. †* Discamus hinc, quod dicitur in *L. quoties, supr. de op. lib.* in his stipulationibus, in quibus opus faciendum promittitur, tempus cedere ex die stipulationis, accipiendum esse cum hac exceptione, nisi pars inchoati operis casu absumpta sit ita, ut redintegrandum sit opus promissori. Quod si fit, intelligemus tempus illi cedere ex die operis redintegrandi.

Ad L.

Ad L. Si Stichum. 16,

Idem libro vi. ad Sabinum.

Si Stichum, aut Pamphilum mihi debeas, et alter ex eis meus factus sit ex aliqua causa; reliquum debetur mihi a te.

SUMMARIA.

1. *Pluribus rebus distinctim promissis refert, extent adhuc in rerum natura omnes, quæ stipulatione comprehensæ sunt, nec obligatione liberatæ sint: an una ex his esse desierit, vel obligatione exempta sit.*
2. *Rebus pluribus distinctim promissis unius solutione, acceptatione, novatione et pacto de una re non petenda facto, tota solvitur obligatio.*
3. *Quid si una res ex pluribus stipulatoris facta sit, et n. 6.*
4. *Explicantur verba L. Reliquum deberi.*
5. *Verba L. ex aliqua causa, generaliter accipi tam de causa onerosa, quam lucrativa.*
7. *An alterius rei, quæ stipulatoris facta est pretio oblato promissæ liberetur.*

CUM queritur, in stipulationibus quid debeat, debitorem afferunt præcipue illæ stipulationes, in quibus res plures promittuntur aut distinctim, veluti Stichus, aut Pamphilus, aut collectim verbo communi, aut generali; ut est homo, bos, equus. Nam cum in his res una præstanda sit ex pluribus, neque ea exprimitur verbis, ideo quæram ea sit dubitari solet. Sed de pluribus rebus distinctim promissis, de quibus exemplum hic proponitur, agamus. Ac de his diversa tempora diversas quoque debitationes pepererunt, † Alia stipulationis conditio est, cum omnes res stipulationis comprehensæ extant adhuc in rerum natura, nec obligatione liberatæ sunt: alia, cum una ex his vel desit esse, vel obligatione exempta est. Rebus extantibus, et eodem statu obligationis manente, qui prius fuerat, quoniam ea res debetur, et præstanda est, quam unus ex contrahentibus elegerit, eo hic queritur de eius rei electione, utrius sit, stipulatorisne, an promissoris, et utriusque eam esse statuerimus, quamdiu ab eo retineatur. De hac parte hic non agitur. De ea dicetur ad L. qui ex pluribus. 106. infra eod. Quod si una res ex pluribus dari posse desierit, ut si Stichus aut Pamphilo promissis, Stichus mortuus sit, aut, quod est proprium huius loci, Stichus factus sit stipulatoris: hic queri incipit non iam de electione promissoris, sed potius de eius liberatione. Atque in eo hæc queruntur, primum an eo modo desinat res deberi, tum si desuit, utrum ea re promissor in totum liberetur, an res, quæ superest, sola debeatur: postremo si debetur, quatenus. Re una ex pluribus promissis soluta, ut soluto Stichos,

quis sit status stipulationis hic non querimus; † hoc enim pro explorato haberi debet, reb. plurib. distinctim promissis unius solutione totam solvi obligationem: nec tantum solutione, sed etiam acceptatione, novatione; eandemque et pacto de una re, non petenda interposito summoveri. L. si unus. §. sed si stipulatus decem. supr. de pact. Agitur de ea obligatione, de qua res una ex pluribus non solutione, sed alio quovis modo ex empto sit, nominatim autem quæ facta sit stipulatoris: quam constat iam amplius illius fieri non posse; quo in genere illa queruntur, quæ modo dixi. † Et semel omnia Pomponius brevi definitione, ac veluti uno verbo hoc loco est complexus, cum Stichos aut Pamphilos mihi promissis, et Stichos postea meo facto; aut reliquum mihi deberi a te. † Duobus his verbis, *reliquum deberi*, significat neque obligationem ita manere, ut vetus quæ fuerat, solida superet; neque rursum in totum esse extinctam, cum sit adhuc ex ea, quod debeatur; sed ita eam rem, quæ stipulatoris facta est, non deberi, ut tamen altera debeatur. Ergo his verbis tres sententiæ continentur. Una est, et ea quidem prima in hac specie, si cæteras procedere volumus; hæc nimirum, cum ex pluribus rebus distinctim promissis una stipulatoris facta est, hæc demerere amplius deberi: ut proinde consequens sit hoc queri, ea exemptio ntrumque totius obligationis, an eius tantum rei liberationem afferat. Id autem sentire Pomponium, quod dixi, reliqui verbum, quo utitur, satis declarat. Non est enim reliquum, nisi quod priore detracto, aut ablato relinquitur. Quod si is servus, qui meus stipulatoris factus est, etiam

etiam nunc debetur, dicendum fuit, non reliquum deberi mihi a te, sed utrumque, ut prius. Sed res dubitationem non habet, si cum stipulatus essem Stichum, aut Pamphilum ex causa lucrativa, Stichus postea meus factus sit ex causa alia lucrativa. Ut enim si deberetur solus ex lucrativa causa, et eum ex alia item lucrativa nactus essem, continuo liberaretur debitor, quia iam amplius mihi Stichus a dari non posset, nec quidquam mihi abesset eius nomine. *L. omnes debitores. supra de obl. et act. de qua specie liberationis dicitur ad L. inter, §. si rem. infr. eod.* ita et si disiunctum debeantur Stichus et Pamphilus ex lucrativa causa, necesse sit eum ipsum Stichum ex causa lucrativa meum factum, amplius ex ea stipulatione deberi non posse. Sed quoniam non idem fieret, in uno Stichio debito, si is ex causa onerosa meus factus esset, *L. ex promissione. supra de obl. et act.* ideo hic dubitatur, an et tunc, cum Stichum aut Pamphilum sum stipulatus, si forte Stichus meus factus sit ex causa onerosa, puta emptus, ne sic quidem desinat mihi deberi. † Pomponii verba significant, quacunq[ue] ex causa meus sit factus, eum desinare ex proposita stipulatione disiunctiva deberi; ait enim, *si alter ex eis meus factus sit ex aliqua causa*, nihil distinguens, videlicet, ex qua, atque adeo nihil id ad definitionem pertinere existimans, dum modo *ex aliqua*. † Ergo etsi ex causa onerosa meus factus sit, hic deberi desinet. Quod et verum est; nam quomodo cum meus esse ceperit, amplius mihi dari, id est, meus fieri potest? *§. sic itaque. Inst. de act.* Atqui certi inris est, si res debita ex causa non lucrativa mihi debeatur, siue ex causa non lucrativa mea fiat, obligationem non tolli, sed actiones integras mihi manere; *d. L. ex promissione. supra. prox. tit.* Sed hoc in una re debita recte placuit, dum hoc agitur, ut consulatur stipulatori, consequaturque is, si minus rem, quæ iam illius facta est, at certe pretium rei, quod illi ex causa onerosa abest: quid facit, ut res quoque ei quodammodo abesse videatur, ut dicimus pluribus suo loco. Quod si nihil interesset eius estimationem consequi eius rei, quæ illius facta est, sine hæsitatione obligationem tolli diceremus, neque discederemus a regula communi, quæ dicat, cum res in eum casum recidit, a quo incipere non potest, extingui obligationem. *L. pro parte. supra. de rer. L. inter, §. sacram. infr. eod.* Constat autem non posse nos ab initio rem nostram stipulari. *L.*

nemo 82. infr. eod. Non eadem causa est, cum ex duabus rebus disiunctim promissis, una mea facta est ex causa etiam onerosa; habes enim alteram ex duabus, quam recte petam; eius autem, quæ mea facta est, nihil interest mea estimationem consequi: propterea quod si melior est ea, quam peto, non est, cur laborem de alterius estimatione, si promissor eam det, quæ petitur: sio vilior, tamen frustra eius, quæ mea facta est, estimationem desiderem; cum sit in potestate promissoris etiam si meæ estimationem petam, tamen eam quæ reliqua est, dare potius. Si hoc in re, quæ mea facta est, quavis ea adhuc extet, placuit: non est mirum, si idem receptum sit, cum una ex duabus rebus disiunctim promissis, aut perit, aut desit esse in hominum commerciis. *L. Stichum. in prin. infra de sol. ut generaliter definendum sit.* cum illud aut illud stipulauer, quocunque modo fiet, ut una ex rebus promissis desinat posse stipulatori dari, hanc eximi obligatione, omninoque aut nihil ex ea stipulatione, aut solam reliquam deberi. Sequens ergo quæstio erat, una re hoc modo obligationi subducta, utrum tota solveretur obligatio, an ea res sola deberi desineret. Et hic altera illa sententia, hanc deberi desinere; ceterum manere obligationem, cum subiciatur *reliquam deberi*. Ex quo intelligimus, quid intersit in huiusmodi obligationibus, utrum res una ex solutionis causa facta sit stipulatoris, an vero ea sit extincta, aut ex alia causa stipulatoris facta deberi desierit; cum, ut dixi, unius solutione tota obligatio tollatur: *dict. L. si unus. §. sed si stipulatus decem. de pact.* non item si alio modo desitio deberi. At quomobrem hoc ita placuit, cum ex alia causa non minus res fiat stipulatoris, nec minus eximitur ex obligatione? Id facit in solutionis non id, quod res soluta stipulatoris facta sit, et statim debari desinat, sed quod solvatur, et accipiat ea mente, ut promissor ea solutione in totum liberetur. Etsi enim hic duas res promisit verbis, ea tamen ipsa unam promisit, quam daret, eam omnimodum quam eligeret: promisit enim sub disiunctione. Ergo hæc, quam debuit solvendo, necesse est eum in totum ea obligatione liberari, *Inst. quibus mo. tol. oblig.* Nihil tale agitur inter stipulantem et promittentem, ubi res altera aut casu extincta est, aut aliunde pervenit ad stipulatorem. Ita hic ultra rem, quam natura, aut ius sustulit, progredi liberatio non potest. Restat tertium, quod hic

hic diserte positum est, si et altera res, quæ stipulatoris facta est, non debetur, et tamen non ideo solvitur tota obligatio, ut dicendum sit reliquam rem ex dualibus promissis solum deberi; quod ut ex superioribus efficitur; ita vice versa hoc posito et superiora illa duo statui satis intelliguntur. Ergo quæ res reliqua est, sola peti potest, uti sola debetur. Consequens esse videri poterat et illud, ut et debitor hanc solum præstare deberet: quia iuxta regulam iuris, aliud pro alio invito creditore solvi non potest. *L. 2. §. 1. sup. si cer. pet.* † Sed bene monent, qui dicant promissorem, quamvis reliquum debeat, tamen liberari, si alterius rei, quæ stipulatoris facta est,

pretium offerat, hoc enim fieret, etsi alter ex servis promissis decessisset. *L. cum res. §. sed si Stichus. supra de leg. 1.* Quod non sine summa ratione placuit. Nam promissor in hoc genere stipulationis ab initio electionem habet, utrum darat. *L. plurimæ. in fin. supra de iur. dot.* hoc ius illi semel quæsitum neque casus aliquis, neque stipulator facto ano, et hic quidem multo minus adimere potuit. *L. ult. supra de pac. L. vero. §. 1. infra de sol.* Nam quod dicitur invito creditore aliud pro alio solvi non posse, sic accipiendum est, nisi potestatem aliud solvendi promissor ex conditione stipulationis acceperit, *d. L. vero. de solut.* quod hic factum est.

Ad §. Stipulatio huiusmodi.

Stipulatio huiusmodi, in annos singulos: una est, et incerta, et perpetua: non quemadmodum simile legatum morte legatarii finiretur.

SUMMARIA.

1. Si in annos singulos X. legentur, plura, eaque certa legata sunt, et legatarii morte finiuntur.
2. Sectus in stipulatione; et quæ differentia ratio,
3. Effectus iuris in eiusmodi stipulationibus constituitur.

4. Contrariam testatoris et contrahentium voluntatem ius in legato, et stipulatione diversum efficere.

5. De stipulatione certa summa in annos singulos propter operas interposita.

¹ **H**uiusmodi legatum, Titio decem in annos singulos, vel quattuordecim, vel annua dari volo, sic acceptum est, ut quamvis verbis purum sit, tamen tacite conditionem habeat; si legatarius post primum annum vivet. *L. 4. sup. de an. leg.* Coniectura voluntatis hinc ducta; cum enim testator ita distribuit annuas pensiones, apparet id enim facere, ut sit, quod suppetat legatario quotannis ad victum, et usus vitæ necessarios: qui si vellet legatum pro commodo et arbitrio legatarii consumi posse, poterat nam summam legare ab initio, neque necesse erat eam distribuere in certas pensiones. Quod si legatum relinquatur ad victum aut vitam, habet omnino hanc conditionem, si legatarius vivet. Hoc constituto hæc sunt de hoc legato consequentia: primum plura hic legata esse; deinde certa; postremo legatarii morte finiri. Plura sunt legata; nimirum primi anni purum, sequentium conditionale. *d. L. 4. de an. leg.* Id conditio adiecta facit; hoc enim efficit, ut legatum singulis annis finiat, et idem repetatur; finitur sub conditione, si legatarius morietur: repetitur sub contraria conditione, si legatarius vivet; quemadmodum et usufructus dicitur quotidie consti-

tui eadem ratione, quia morte finitur. *L. 1. §. interdum. sup. de usufr. accresce.* Eadem hæc res facit, ut in hoc genere legati non semel inspicatur conditio legatarii, sed singulis annis: ut si legatarius primo anno sit in potestate patris, eius anni legatum patri acquirat: si deinde sequentibus annis sui iuris fiat, eorum annorum legatum acquirat sibi. *L. cum in annos. sup. de an. leg. L. cum in annos. 10. et 23. et L. nec semel. sup. quan. di. leg. ced. L. quæ. legata. infr. de verb. sig.* Idem legatum annuum certum est: quia si spectantur singula singulorum annorum legata, ut spectanda sunt, quia singula sunt singulis annis distincte attributa, necesse est omnia esse certa, cum singula certam annuam quantitatem habeant, puta decem. Idem legatum finitur morte: *d. L. 4. de an. leg.* quoniam habet, ut dixi, conditionem, si legatarius vivet: quo mortuo ut deficit conditio legati, ita legatum extinguere necesse est. Hoc ius de legato annuo quæstionem attulit in stipulationibus, videantur idem probandum esse, et si stipulatus sim decem annua mihi dari. † Et placuit in stipulatione diversa² esse omnia: contraria videlicet de causa, quia

quia stipulatio huius generis nullam habeat conditionem, si stipulator vivet. Differentia ratio est, quod in legato annuo hæc mens est testatoris, ut legatum in pensiones certas distribuendo legatario consulat; et qui legatario consultum vult, non item consultum vult eius heredibus: legata enim ob meritum legatarii in legatarium conferuntur, vel ob benevolentiam, quam erga eum habet testator. *L. nec adiecit. et L. seq. supr. pro soc.* quorum neutrum intelligitur in heredibus legatarii, ut plurimum testatori ignotis. At in stipulatione hæc mens est et cogitatio contrahentium, ut qui sibi cavet, velit etiam cautum heredibus: nec aliter existimantur res geri inter aliquos, nisi contra probetur. *L. si pactum. supra, de prob.* Ergo iam hæc sunt consequentia, quæ totidem hoc loco traduntur, stipulationem huiusmodi et unam esse, et incertam, et perpetuam. Una est, quia una summa semel promittitur, plurimum annorum illa quidem, sed annorum tamen semel et comprehensum uno verbo designatorum: quæ designatio unam stipulationem facit. *L. scire. vers. stipulationem. infra eod.* Si singuli anni designarentur specialiter hoc modo decem primo anno, decem secundo, decem item tertio dare spondes? quot essent appellati anni, tot essent stipulationes. *L. penult. in princip. infra eod.* nunc pluribus annis comprehensum designatis, una, ut dixi, stipulatio est. Non obstat quod in legato annuo una summa appellatur semel et legatur, et tamen plura sunt legata. Etsi enim hic verbis unum legatum videtur: tamen sententia testatoris plura sunt propter conditionem tacite insertam, quæ fit, ut legatum annuum singulis annis videatur et finire, et repeti, ut supra dixi. Eadem stipulatio est incerta: quia si omnium annorum pensiones contingantur, sunt infinitæ: quod autem infinitum, idem incertum. Est etiam incerta ideo, quia quandoque finire potest, quamquam enim natura sua est perpetua: tamen pacto et conventionem remitti potest. Dicitur, et est perpetua: quia morte stipulatoris non finitur; et ideo non finitur, quia neque conditionem, neque diem habet, in quam desinat. Harum rerum effectus hi sunt. † Quod dicitur una esse stipulatio, id efficit, ut si donationis causa hæc stipulatio interposita sit, debeat insinuari; propterea quod etsi singulæ pensiones singulorum annorum non excedant legitimum donationis modum; tamen coniunctæ, quia sunt infinitæ, excedunt, et ita constitutum est *L. sancimus. §. ult. C.*

de dona. Vulgo hunc quoque effectum esse docent, ut in stipulatione huiusmodi semel inspicatur conditio stipulatoris, ut si forte is sit in potestate patris, eam patri solidam acquirat. *L. Senatus. §. ult. supra, de dona. cau. mor.* Et certe ita acquiri verum est; sed id nihil hic pertinet: non enim efficitur ex eo, quia sit una stipulatio: nam etsi plurès essent, et omnes conditionales: tamen omnes patri statim acquirerentur. *L. si filiusfam. in princ. infra eod.* Quod dicitur esse incerta, eam vim habet, ut non possit ex ea stipulatione agi conditione certi, sed agendum sit actione ex stipulatu. *Instit. eod. in princip.* Præterea eo pertinet, ut intelligamus ex ea stipulatione non posse peti singulorum annorum singulas præstationes, sed necesse esse omnium annorum infinitas præstationes peti. Quod dicitur esse perpetua, significat eam transire ad heredes iuxta regulam iuris constitutam in *L. veteres. C. de cont. et com. stip.* † Sed hæc omnia ita sunt et de legato annuo, et de annua stipulatione, quædiu in legato, et stipulatione nihil doceatur de contraria voluntate testatoris, aut contrahentium. Cæterum interdum legatum annuum perpetuum est, nec conditionem habet: contra stipulatio annuæ præstationis, ut conditionem habet, ita est temporalis. Legatum huiusmodi perpetuum est, cum relinquatur civitati, aut eiusmodi universitati, quæ sit perpetua, ut Ecclesiæ, vel, quod idem valet, templo. *L. annua. §. ult. L. penult. supra, de an. leg.* Idem iuris est, si testator decem Titio dari voluit, et nominatum eius heredibus; significantur enim heredum heredes in infinitum, ut est constitutum in *L. in annualibus. C. de leg.* Contra stipulatio temporalis est, si quis stipulatus sit sibi dari, quoad ipse vivet, aut quoad vivet promissor. Ob eam causam visum est Iustiniano in hac specie plures esse stipulationes, ac proinde non indigere insinuatione singulas. dict. *L. sancimus. §. ult. C. de donat.* quod plus quam manifestum est hinc loco non adversari. † Sed etsi certam summam stipulemur in annos singulos simpliciter, si tamen stipulemur propter operas, quæ in annos singulos locatæ sunt; ut sunt operæ, ita operarum mercedem esse necesse est. Sunt autem singulorum annorum suæ et distinctæ operæ: imo vero eæ, quæ ut temporibus distinguuntur, ita distinctam habeant singulorum temporum obligationem. Sed et operæ partim causa, partim voluntate artificis, postremo etiam morte finiuntur: ut quod de usufructu dicitur, id possit merito propter eandem causam

sas dici de operis, has quotidie et constitui, et interire. *L. 1. §. interdum. supra de usu. acc.* Quo fit, ut et mercedis stipulatio in singulos annos, saltem tot annorum habeat stipulationes, quæ et initio cuiusque anni cedant, et vertente quoque anno finiantur, ac prioribus finitis tum insequentium annorum novæ incipient stipulationes succrescere. Qua ratione bene responsum est a Papiniano, cum servus fructuarius operas suas locasset non in annos quinque, sed simpliciter sine adiectione temporis, et eo nomine in annos singulos

dari quid stipulatus esset, finito usufructu domino residui temporis stipulationem acquiri. *L. si servus communis, §. cum servus. infra de stip. ser.* Id quidem plures esse stipulationes indicat, non unam: alioqui statim tota semel fructuario quæreretur. Sed hoc eo fit, quia ita actum est propter operas, quarum nomine merces præstatur, et quarum merces sequitur conditionem. Ita ne hic quidem quidquam contrarium huic loco a Papiniano responsum est.

Ad L. Stipulatio non valet. 17.

Ulpianus lib. xxviii. ad Sabinum.

Stipulatio non valet, in rei promittendi arbitrium collata conditione.

SUMMARIA.

1. Quomodo ex stipulatione sub impossibili, et ea, quæ in promissoris arbitrium conferatur, conditione concepta, nulla nascatur obligatio.
2. Non eandem esse huius conditionis possibilem, si promissor volet, quæ ceterarum possibilem causam.
3. Valet stipulatio: Cum volueris, dabis?
4. Non omnes conditiones in arbitrium collatæ, obligationi efficiunt.
5. Non debere esse in arbitrio Rei, an debeat: quid quantumve debeat, esse posse. et n. 11.
6. Condicio quibus verbis in voluntatem promissoris conferatur.
7. Ex utraque conditione, Si voluero, Si volam, obligatio nulla.
8. In arbitrium promissoris conditio quibus verbis conferatur.
9. Legatum in alterius arbitrium collatum pro boni viri arbitrio accipi. Secus in stipulatione; et quæ diversitatis ratio.
10. Dotis promissio hæc: Dotis nomine dabo, quodcumque ero arbitratu, cur valet.
12. Promissio in stipulatoris non tantum arbitrium, sed et meram voluntatem utiliter conferatur.

SUB conditione recte fieri stipulationem convenit. *§. omnis. Inst. eod. L. omnia. supra. si cer. pet.* Duas conditiones excipimus: impossibilem, de qua dictum est supra in *L. impossibilis*; et eam, quæ conferatur in arbitrium rei promittendi, de qua hoc loco. Utra ex his adiecta fuerit, placet stipulationem nullius esse momenti, ut hoc loco, et superiore illo traditur. Excipiendi ratio est, quod utraque id agitur, ne ex stipulatione obligatio nascatur: † dissimili id quidem via, si progressum spectes, sed tamen simili effectu utraque; ac sine obligatione stipulatio est inutilis. Prior obliqua quadam via ac velut per consequentiam id efficit: posterior recta et aperte. Impossibilis conditio adiecta, quia conditio est, id agit, ne debeat quid prius, quam conditio exstiterit: quæ potestas est omnium conditionum. *§. sub conditione. Inst. eod.* At conditio impossibilis existere non potest: ita fit, ut ex ea nihil possit deberi: hæc autem.

Tom. XI.

tem conditio, si promissor volet, recta huc fertur, planeque hoc efficit, ne promissor obligetur. Is enim demum obligatur, qui necessitate adstringitur alienius rei solvendæ, ut est definitio obligationis. *Tit. Inst. de obl.* nunc autem hac conditione id agitur aperte, ne det promissor, nisi velit, id est, ne necessitate dandi obstringatur. Nulla igitur obligatio ex hac conditione: hæc ratio et collectio est de hac specie exposita in *L. in venditis. C. de cont. em.* In vendentis vel ementis voluntatem collata conditio, obligatio nulla est, aiunt Imperatores: addita ratio ex definitione obligationis petita, quia non adstringit necessitate contrahentes. Eiusmodi est et illa Pomponii ratio de hac specie in *L. sub hac. supr. de obl. et act. pro non dicto* est enim, inquit, *quod dare, nisi velis, cogi non possis.* Et hic necessitate dandi detracta, colligit nullam esse obligationem. Sed potuit in hac specie res habere dubitationem: quo diligentius superiore ratione adversus eam

dubitationem confirmari debemus. Diceret enim aliquis hanc conditionem, si promissor vult, esse ex earum genere, quæ natura existere possunt, potest enim promissor velle postea: cur ergo eius eventus non expectatur, ut et cæterarum possibilitium conditionum? Quia, videlicet, frustra expectetur: etsi enim postea dixerit promissor se velle, non eo tamen obligabitur magis. At hoc etiam maiorem dubitationem habet, dixerit quispiam. Cur enim dare volens non obligetur postea, qui si ab initio dare voluisset, obligaretur? nam et in cæteris conditionibus possibilitibus id accidit, ut antequam conditio extiterit, nihil debeat: conditione autem existente continuo obligetur promissor. Cur ergo et hac conditione adiecta, si volam, non idem fit, ut non obligetur quidem promissor priusquam voluerit, et si unquam voluerit, nulla sit obligatio neque in ipsum, neque in heredem eius: cæterum ubi voluit, statim obligetur? †

2. Dissimilis huius conditionis quamvis possibilis, et cæterarum possibilitium causa est. Sub hac conditione, si promissor vult, iam ab initio ita fit stipulatio, ut statim sit inutilis: utpote qua id actum est, ne promissor, nisi volens teneretur, idest, ne obligaretur: quod non item fit ex cæteris conditionibus. Quamvis igitur promissor postea velle cœperit, non ideo confirmabitur stipulatio, quæ ab initio nulla fuit: quod initio vitiosum est, tractu temporis convalescere non potest. *L. quod initio. inf. de reg. iur.* Sed verba definitionis huius loci expendantur, ut videamus quid hic ius exigit, quo stipulatio sit inutilis. *Non valet stipulatio*, inquit Pomponius, *in rei promittendi arbitrium collata conditione*. Iam primum hic conditionem exigit, ut et exigitur in *L. in vendentis. C. de contr. em.* Consulto additum est de conditione, ut intelligamus etiam si in arbitrium promissoris conferatur stipulatio; nisi tamen id fiat expressa conditione in id arbitrium collata, stipulationem nihilominus valere. Stipulationem hanc, si volueris, dabis? inutile esse constat: † at hanc placet valere, cum volueris, dabis? *L. centesimis. §. ult. infr. eod.* Atqui his verbis, cum volueris, non minus inest hæc conditio, si volueris. *L. quodcumque §. pen. infr. eod. L. si Titio. supr. quan. di. leg.* Ita est; sed non exprimitur tempus, exprimitur hæc verba, cum volueris, et per tempus conditio significatur, ut est in *d. L. si Titio*. Hic locum habet regula iuris, expressa nocent, non expressa non nocent. *L. expressa. infr. de reg. iur.* Conditionem

præterea esse volumus, quæ conferatur in arbitrium. † Sed multæ conditiones in arbitrium conferri possunt, quibus tamen adiectis obligatio contrahitur: ut puta, valet venditio servi hac conditione, si rationes domini eiusdemque venditoris computarit arbitrio. *L. hæc venditio. supr. de cont. em.* Stichus tibi emptus sit tot aureis, si tibi intra Calendas placuerit. *§. pen. Inst. de em. et vend.* Videndum est igitur, quam conditionem superioribus verbis intelligamus. Et quoniam de stipulatione sermo est, cuius conditio nominatur, conditionem accipere debemus eam ipsam, quæ stipulandi, et promittendi conditio est, idest, sub qua stipulamur; et promittimus id, quod in stipulatum deductum est: † eam, quæ ponatur in potestate et arbitrio debitoris, an debeat id, de cuius obligatione agitur, non item quid, aut quando debeat. Nam hæc posteriora in arbitrio eius poni possunt. *L. 2. §. Scævola. supr. de eo, quod certo.* Et ideo in *L. in vendentis, C. de cont. em.* cum definitur nullam esse obligationem *collata in vendentis, vel ementis voluntatem conditione*, adiectus est, *comparandi*, ut sit, ea conditione qua ponitur in arbitrio alterutrius, utrum velit comparare, necne: cæterum voluntate emendi constituta nihil prohibet aut aliud conferri in arbitrium ementis, aut illud, quando velit: cuiusmodi sunt illæ emptiones, de quibus supra dixi; quas ob id valere traditum est. Sed nec omnis conditio, qua fiat, ut sit in arbitrio promissoris, an debeat, vitiat stipulationem, neque adeo verbis huius definitionis continetur: Hæc enim verba, in rei promittendi arbitrium collata, *supra* accipienda sunt, ut ea demum conditio intelligatur, qua ipsum id arbitrium quod dicitur, non tegitur verbis, sed aperte exprimitur, ut dicat promissor, dabo si volam. Enimvero hoc modo stipulatio recte fit, si in Capitolium ascenderit, dabis? etsi in potestate tua sit non ascendere, atque ita elicere, ne quid debeat. Nam et legatem, quod in alienam voluntatem conferri non posse dicitur, sic inutiliter relinquitur, si Titius voluerit; hoc modo recte, si Titius Capitolium ascenderit: idque eadem illa regula iuris, quam supra dixi, defenditur, expressa nocent; non expressa non nocent. *L. nonnunquam. supr. de cond. et dem.* Atque ex his potest intelligi, quomodo interpretandum sit illud *L. a Titio. §. ult. infr. eod.* nulla promissio potest consistere, quæ ex voluntate promissoris statum capit. Non debet videlicet ea promissio statim existimari ex promissoris

ris voluntate statum capere, ex qua non obligatur promissor, nisi velit: sed ea, quæ conceptione ipsa habet inclusam huius ipsius voluntatis conditionem apertam, ex cuius eventu pendat status et vires promissionis. Postremo etiam arbitrii verbum, quoniam Pomponius nititur, expendendum est. Aliis locis cum de eadem re ius traditur, solius voluntatis promissoris fit mentio, diciturque alias, nullam esse obligationem conditione comparandi in voluntatem contrahentium collata, ut in *d. L. in vendentis. C. de con. em.* alias nullam esse promissionem, quæ ex voluntate promissoris statum capit, de quo modo dixi. *d. L. a Titio. §. ult. infr.* Et sane qui repuliat eam conditionem, quæ in arbitrium promissoris collata est, multo magis eam reiicit, quæ collata est in eius ieram voluntatem, quæ posita multo minus promissori cogi possit, si nolit. Sed plus, ut dixi, Pomponius hoc loco est complexus: ait enim etiam tunc stipulationem non valere, cum conditio in arbitrium promissoris collata est, eademque modo definita res est ab Ulpiano in *L. hæc venditio. supr. de cont. em.* Quod eo pertinet, ut intelligamus, sive in voluntatem promissoris conditio collata sit, sive in arbitrium, idest, sive verbo voluntatis concepta sit, sive verbo arbitrii, pariter ex utraque conceptione promissorem non 6 teneri. † Conferitur conditio in voluntatem promissoris his verbis, *dabo si volueris*, *dabo si volam*: † et ex utraque pariter stipulatio nulla est. De prince scriptum est in *L. centesimis. §. ult. infr. eod. et L. hæc venditio. supr. de cont. em.* de posteriore multo apertius, et quidem ex professo in *d. L. sub hac. supr. prox. tit.* ut satis mirari non possim, quid quibusdam venerit in mentem, ut de posteriore hoc loco id negarent. Sic enim Pomponii in *d. L. sub hac.* verba sunt: *sub hac conditione, si volam, nulla fit obligatio*, et ne temere quisquam dictum putaret, addita est ea ratio, quam supra commemoravi, *pro non dicto est enim, quod dare, nisi velis, cogi non possis*. Sed quod magis miror, ne parum esset negare, quod certo illic scriptum esse constaret, conati sunt etiam sententiam suam rationibus defendere, videlicet, et certam Pomponii, idest, iuris definitionem oppugnare. Verbum *volam*, inquit, extensivum est, et tractum habet temporis: verbum *voluero* non item: itaque ex his verbis, *si volam*, qui primo voluit, adhuc voluntatem mutare potest, et nolle dare: ex his autem, *si voluero*, qui semel vo-

Tom. XI.

luit amplius mutandæ voluntatis potestatem non habet. Et hæc quidem de potestate harum conditionum differentia tradita est in *L. si quis stipulatur. 112. infr. eod.* Sed quid effecerunt hac ratione, nisi ut probarent multo minus valere stipulationem sub hac conditione, *si volam*, quam sub illa, *si voluero*? Etenim si ex his conditionibus ideo non valet stipulatio, quia ex his nulla obligatio est: necesse est, quo minus ex alterutra harum obligabatur promissor, eo minus ex ea et stipulationem valere. Atqui nihil aliud probat superior ratio, nisi minus obligari promissorem, qui dixit, *si volam*, quam eum qui dixit alterum. Nam profecto eum multo minus obligari certius est, qui postquam aliquid dixit se velle, non iam tenetur, sed voluntatem mutare potest, quam eum, qui ubi semel voluit, revocandæ voluntatis ius non habet. Quapropter vel ista ratione ipsa sub hac conditione, si promissor voluit, multo minus stipulationem valere fateendum est. Hæc de conditionibus in voluntatem conceptis. † 8 In arbitrium autem rei promittendi conferitur maxime conditio his verbis, quæ hoc arbitrium exprimiunt, si dicat promissor, *dabo si putavero*, si existimavero, si fuero arbitratus, si iustum, si utile videbitur. *L. si sic legatum. supr. de leg. 1. L. 11. §. quanquam. supr. de leg. 3.* Si stipulatio non valet in rei promittendi arbitrium collata conditione, ut hic scriptum est: conficitur una aliqua ex superscriptis conditionibus addita stipulationem non valere. † Atqui legatum si iis verbis in arbitrium heredis collatum sit, placeat deberi, tanquam viro potius bono commissum, quam in plenum arbitrium voluntatis, seu in meram voluntatem heredis collatum, ut supra scriptis proximis duobus locis expressum est. Sed hoc in testamentis placuit: sic enim scriptum est in *L. 1. supr. de leg. 2.* cum placeat in testamentis legatum in alterius arbitrium collatum pro boni viri arbitrio accipi. In testamentis additum est, quo significatur non sic stipulationem in arbitrium cuiusvis collatam pro boni viri arbitrio accipiendum esse, nec immerito. In legatis enim voluntas testatoris, a quo legatum proficiscitur, et sequenda est. *L. ex facto. §. rerum. supr. de her. inst. L. 12. in fi. supr. de leg. 1.* In stipulationibus mens et voluntas contrahentium: in primis vero promissoris, secundum quem in ambiguis stipulationem interpretamur. *L. non solum. supr. de oblig. et ac. L.*

44*

sti-

stipulatio ista. §. in stipulationibus. infr. eod. Semper autem testator ita affectus creditur, ut velit, quod legat, præstari, nisi id fieri aperte iniquum sit. Inde dictum in testamentis plenius voluntates testantium interpretatur. *L. in testamentis. infr. de. reg. iur.* Contra promissor quivis, quia se respicit, et quam minimum potest, cupit obligari, ita est affectus, ut ne obligetur secus, aut ultra quam verba stipulationis patiantur. Arg. *L. quidquid. infr. eod.* Atqui hæc verba, si promissor putaverit, si arbitratu fuerit decem danda esse, conditionem manifestam habent. Valeant igitur pro conditione ex significatione verborum, et promissoris sententia, qui hac solum conditione obligari voluit. Quod si fit, iam id arbitrium pro boni viri arbitrio non erit: boni enim viri arbitrium certum est, quod in personam debitoris collatum neque conditionem neque moram ullam recipit. *L. 4. supr. de leg. 2.* Denique si conditio hæc ad boni viri arbitrium refertur, pro non adiecta habebitur, sive promissor arbitratu sit, sive non sit: nam illo arbitrate revocatur nihilominus res ad æstimationem boni viri. *L. si quis arbitratu infr. eod.* non arbitrate autem, conditio pro impleta habebitur, idque debetur, quod arbitrabitur vir bonus; quia per promissorem stet quominus conditio impleatur. *L. hæc venditio. supr. de cont. empt.* Detracto in his conditionibus arbitrio boni viri, relinquunt solum promissoris arbitrium: ex quo statum capere stipulatio non potest: cum pro dicto non sit, quod dare quis nisi velit, cogi non possit. *d. L. sub hac. supr. prox. tit.* Legimus quidem, aliquando recipi promissionem, cuius quantitas promissoris arbitrio committatur: sed nusquam, cum promittitur quid, adiecta nominatim conditione, si id promissor volet dare, 10 aut si erit arbitratu. Utpote, † hæc promissio dotis recepta est; dotis nomine dabo, quodcumque ero arbitratu. *L. 3. C. de dot. prom.* sed ideo quia neque conditionem habet, quæ aperte conferatur in arbitrium promissoris; et si haberet, nihilominus valeret: quia non est ea conditio, sub qua dos promittatur, sed ex qua iam nunc appareat promissorem omnino dotem dare velle, quantacunque ea futura sit; verum de quantitate quæri, quæ 11 ipsius arbitrio permittatur. † Iam dixi non debere esse in arbitrio rei, an debeat: quid,

quantumve debeat, esse posse. *d. L. 2. §. Scævola. supr. de eo, quod cer. loc.* Et tamen quia si res mero, eius arbitrio committatur, inutilis promissio futura est, quoniam possit isto modo unum obolum dando liberari: ideo placuit boni viri arbitrium hic intelligi, et verba sic accipi, quodcumque promissor arbitratu erit, si modo erit æquum arbitratu. *d. L. 3. C. de dot. prom.* Sed et illam venditionem servi valere diximus, si rationes putaverit domini arbitrio, et quod de arbitrio domini hic dictum est, in arbitrium magis boni viri collatum videri, quam domini. *L. hæc venditio, supr. de cont. em.* Quod et ipsum eadem ratione defenditur; quia et hic, videlicet, hic non confertur in domini arbitrium, an vendat, sed an servus recte putet rationes, sub qua conditione recte putuit venditio contrahi. † De illo dubitari non debet, quin promissio in stipulatoris non tantum arbitrium, sed etiam meram voluntatem utiliter conferatur hoc modo; si voluero, decem dabis? Nam et legatum, quod constat in alienam voluntatem, conferri minime posse; *L. nonnunquam. supr. de cond. et dem.* tamen hoc modo recte relinquunt, Titio, si voluerit, do, lego. *L. si ita expressum. supr. de cond. et dem.* Stipulatio hic conditionalis est: proinde et tanquam sub alia quavis conditione concepta valet, ut conditione expleta pecunia debeat. *L. huiusmodi. 20. L. a Titio. infr. eod.* Et quid hic stipulationi obesse possit: cum hac conditione, si stipulator volet, id agatur, non ut promissor non debeat, nisi velit, ut in superiore; sed ut debeat, etsi nolit? Quod si in arbitrium stipulatoris potest conferri, an ei debeat, minus mirum videri debet, si et in eius arbitrio poni possit, quid debeat. Itaque hanc promissionem operarum semper valere constitit, cum libertus patrono promittit tot operas, quot patronus arbitratu sit, id est, non certas operas, si patronus velit; sed ex infinitis operis, et quas velit. *L. si libertus ita. supr. de ope. lib.* Sed hoc recepto, ut stipulatio hæc valeat, etiam illud recipiendum fuit, ut quemadmodum in cæteris causis, de quibus diximus, et similibus; sic et in hac stipulatoris arbitrium pro boni viri arbitrio accipiat: quod et factum est. *d. L. si libertus ita. huc facit L. in personam. §. ult. infr. de reg. iur.*

Ad L.

Ad L. Qui his idem. 18.

Pomponius lib. x. ad Sabinum.

Qui his idem promittit, id eo iure amplius quam semel non tenetur.

SUMMARIA.

1. Si his idem promittatur, an utraque stipulatio valeat, et ex utraque promissor pariter obligetur, an vero altera inutilis. et n. 3.
2. Accursii sententia ratione iuris, et verbis huius L. refutata.
4. Illustratio L. Qui vult, infr. h. t. et L. Si Pupillus. §. ult. de novat.
5. Cur duarum eiusdem rei stipulationum eodem modo confectarum non idem effectus.
6. Lectio huius L.
7. Eadem res sapius legata in eodem testamento, amplius quam semel peti non potest.

8. Quid diversitatis in proposita questione inter legata et stipulationes.
9. Effectus posterioris stipulationis circa prescriptionem longi temporis.
10. Cautio quid in L. cum notissim, G. de pries. trig. vel quadr. an.
11. Idem promittere quis intelligitur in certis corporibus et in summis.
12. An testator, qui eandem summam legat sapius, legatum multiplicare voluisse præsuntur.

QUI his idem promittit, inquit Pomponius. ipso iure amplius, quam semel non tenetur. Hoc, non tenetur, quomodo accipiendum sit, quaeritur: ¶ utrum hoc modo, ut non tenetur actione, nisi semel, quemvis utraque stipulatio valeat, et ex utraque promissor pariter obligetur: an vere hoc modo, ut ne obligetur quidem, nisi semel, idest, nisi ex una tantum stipulatione, quia sit altera inutilis. Utrum horum dicamus, in praestatione eius, quod recte petitur, et praestandum est, nihil refert: cum utroque modo fiat, ut numquam semper consequatur creditor; hoc autem semel consecutus, in contentus esse debeat, quia amplius ex altera stipulatione idem exigere non possit: id quod si constat eum facere non posse, non multum ad rem pertinet, utrum idem non possit ex ea idem petere, quia iam ab initio ea stipulatio non veluerit, an vero ideo, quia perceptione rei debita reddita sit inutilis, et sit consumpta. Sed ad iudicii institutionem ut procedat, omninoque ad agendi commoditatem nonnulli interest. Si enim una tantum stipulatio iam ab initio sit utilis, et agamus ex altera, eveniet, ut nihil agatur: cum ex inutili nec debeat quidquam, nec sit ulla actio. L. certi. §. numeravi. *supr. si cer. pet.* Sed et hoc intelligi ad veram causam huius sententiae eruendam, et eorum locorum, qui sunt de hac re explanationem pertinet. Danda igitur opere, ut de eo recte constituamus. Sunt, qui prius malint cum Accursio hoc loco: ut valeat utraque stipulatio, scilicet, cum nihil proponi putent, cur utraque non valeat, si rite secte est; sed ideo non tenetur pro-

missor, nisi semel, quia iam non possit idem exigi ex stipulatione altera; refragante nimirum regula iuris, quae dicitur, bonam fidem non pati, ut his idem exagatur. L. bona. *infr. de reg. iur.* hene quidem interpretationem verbum, *tenetur*, recipit, nec haberem, cur cum Bartolo et aliis veteribus, et recentioribus quibusdam doctis interpretibus dissentirem, si cetera quae adiciuntur, consentirent. Nunc entem volunt in hac interpretatione, cum his idem promittitur, ut duae sunt stipulationes rite factae, ita pariter esse utiles, pariterque manere, ut proinde ex utraque et obligatio, et actio nascatur. ¶ Hoc vero 2 falsum est, nec magis aliis locis, et vera ratione iuris, quam verbis huius ipsius loci refellitur. Nam si hic duae sunt obligationes, et actiones de eadem re, eveniet quidem, ut uno expertus creditor, et consecutus quod debetur, alteram quumvisdem rei persecutionem habet, consumat: sed per exceptionem id fit, non ipso iure, ut scribit Paulus in L. qui servum. §. 1. *supr. de obl. et act.* Ita et altera, idest, si etiam nunc ipso iure agi poterit: quod hic negatur, ubi traditur amplius, quam semel agi non posse, et quidem ipso iure. ¶ Res 3 sic habet, quod et ex aliis locis constat, et manifesta ratione iuris elicitur: qui his idem promittit, is amplius, quam semel idem non tenetur, quia nec obligetur ab initio, nisi semel, idest, nisi ex una stipulatione: propterea quod necessario altera sit inutilis, cogente ita vel natura rerum, vel iuris ratione. Nam si prior stipulatio ante inutilis fuit, sive quod ipso iure non valeret, sive quod adversus eam exceptione

ne tutus esset promissor, posterior, quidem eiusdem rei stipulatio recte contracta sine dubio valebit: *L. si dari. 25. infr.* sed solum valere necesse est, si altera est inutilis: idque natura ipsa efficit; cum ex duabus si unam inutilem esse poteris, necesse sit eam, quae relinquatur, si sit utilis, solum inutilem relinqui. Quod si prior erit utilis, frustra idem postea et inutiliter stipulemur, perindeque id erit iure, quasi omnia stipulati non essemus: ita fiet rursum, ut sola prior maneat, quae fuerat, posteriore inutili constituta. Id quidem perspicue traditum est in *L. si usumfructum. infr. eod. et L. si pupillus. §. ult. infr. de novat. sub exemplis eorum, qui primo totum, deinde partem eiusdem totius stipulati sunt. †* Sic enim illic scriptum est: *qui actum stipulatur, deinde iter, aut qui usumfructum stipulatur, deinde stipulatur usum, idest, aut idem aut minus, id tamen quod actu aut usufructu continebatur, posteriore stipulatione nihil agit: sicuti qui decem, deinde quinque stipulatur, nihil agit.* Utrobique posteriore stipulatione, quae sit eiusdem rei, nihil agi dicitur. Non recte haec verba accipimus, si aliter, quam posteriore stipulationem nullam esse interpretamur: sic enim futurum esset, si nihil egissemus, idest, si nihil postea essemus stipulati. Sic et horum verborum usus est, et significatio in *L. maritus. in fin. infr. ad leg. Iul. de ad. et L. 1. in fl. supr. quan. di us. leg. ce.* Quid illud, quod in *d. L. si dari. infr.* ab eodem auctore Pomponio scriptum est, an non aperte idem confirmat? ubi cum creditor id, quod iam ei ex stipulatione debebatur, iterum stipulatus esset, et prior stipulatio exceptione infirmaretur, respondit Pomponius, promissorem obligari ex posteriore stipulatione hac sola de causa, quia superior quasi nulla sit exceptione obstante. Quid ergo, si prior sit aliqua, et sit utilis? Satis significat dicendum fuisse, promissorem ex posteriore non obligari: tolle enim causam iuris, ac ius sustuleris. *L. si dictum. supr. de pac.* alioqui erit ineptissima ratio, qua etiam cessante nihilominus idem

5 iuris futurum fuerit. † Sed cur, quæret aliquis, cum his idem ab eodem stipulamur, si prior stipulatio valet, posterior est inutilis: cum posterior eodem modo confecta, quo prior, videatur eundem effectum habere debere, et nihil prohibeat eandem rem ex pluribus causis deberi, nihil prohibeat plures de eadem re ex diversis causis et contractibus esse actiones? *d. L. qui servum. §. 1. supr. de ob. et ac. L. pro*

socio arbit. supr. pro soc. Et hoc vulgo recte expeditur. Inventæ sunt enim stipulationes, ut acquirat sibi quisque, quod sua interest, idest, quod utile est. *L. stipulatio. ista. §. alteri infr. eod.* ut autem promittatur iterum creditori quod iam ex stipulatione utiliter debetur, eius nihil interest, neque ad summam stipulationis, cui nihil adiicitur, neque ad obligationis cautionem, quæ in priore stipulatione semper eadem futura est. Itaque licet iam ad ea, quæ contra dicebantur, respondere hoc modo. Ex pluribus causis nihil prohibet deberi, et peti posse: sed ita, si modo singulæ causæ per se consistent, et valeant iure: quod in posteriore eiusdem rei stipulatione fieri negamus. At enim eodem modo conficitur posterior stipulatio. Non ideo eadem interveniunt in ea, quæ in priore, quæ ad vim et substantiam obligationis pertinent. Priore stipulamur, quod nostra interesset nobis dari, cum nobis ex stipulatione alia non deberetur: posteriora id stipulamur, quod nostra non interesset ex ea deberi. Ut ergo natura non obstat posteriori: obstat tamen iuris ratio. Deest enim finis, propter quem omnes stipulationes inventas esse diximus, stipulatoris nimirum utilitas. Et quidem legatum ipsum ob hanc causam inutile esse constat, si nihil amplius sit in legato, quam legatario deberetur, quia nullum commodum afferat legatario. *§. ex contrario. Inst. de leg. Id de legato constitutum, multo iustius de stipulatione dixerimus, quia legatis propter supremam voluntatem magis faveatur.* Hinc intelligitur, quid sit, quod hic dicitur, posteriore stipulatione promissorem non teneri ipso iure. Id enim est, lege ipsa, et ratione iuris Civilis certa, quæ de stipulationibus constituta est: ut intelligamus ad posteriorem stipulationem infirmandam non esse opus exceptione, quasi quæ aliqui iure Civili teneat; sed eam ne eo quidem iure valere, ut declarat *tit. de except. Inst. †* In Pandectis Florentinis legitur *id eo iure* 6 *re*, ut sit, id eo iure non tenetur, pro, non ideo iure tenetur. Sed vix est, ut quisquam isto sensu hoc modo loquatur. Est enim potius hic sensus eorum verborum, qui his idem promittit, ob eam causam amplius, quam semel, non tenetur: quæ sententia falsa est: non enim ideo non tenetur, quia his promissit, sed quia non promissit utiliter: itaque rectior est aliorum exemplarium lectio, ut legamus ipso iure. Et tamen si illam alteram recipimus, erit idem sensus. Nam promissorem non teneri posteriore stipulatione iure, valet non teneri

aeri iure Civili; quod per excellentiam ius absolute, et ipsum ius appellatur. Summa huc redit utraque lectio, eum quis his idem promisit, si prius utiliter promisit, posteriore stipulatione tanquam

7 iuncti non obligari. † In legatis quoque non dissimiliter hoc servatur, ut si eadem res saepius legetur in eodem testamento, amplius quam semel peti non possit. *L. plane. §. 1. supra. de leg. 1.* An quod ex utraque scriptura legatum debeat, ex altera autem solum peti possit? Imo quia iudicio testatoris debeatur tantum ex altera; legatum enim testator multiplicare nolit, ut est in dict. *L. plane*: neque vero præter eius voluntatem saepius debe-

8 bitur. † Sed inter legata et stipulationes hoc interest, quod in stipulationibus diversis eiusdem rei constituimus priorem valere, posteriore reiecta, quia apparet in his, quæ diversis temporibus constituuntur, utra prior sit, utra posterior: In legato eiusdem rei repetitio, saepius etsi plura legata non sunt; tamen ex utra scriptura legatum debeat non definimus, quia nec potest: ideoque ex utra petatur, nihil refert. Nullum namque in testamento legatum prius, nullum posterius intelligitur, ut dici possit prius valere, posterius esse inutile. Scripturæ testamenti diversæ sunt: sed testamentum unum est, uno eodemque tempore confectum, ex quo legata debeant. Et quod certissimum huius rei argumentum est, ex morte testatoris legatorum omnium pure, aut in diem relictorum, dies cedit, idest, omnia pariter eodem illo tempore deberi incipiunt. *L. 5. supr. quan. di. leg. ce.* hoc autem tempus

9 est, non duo. † Sane qui his idem promittit, promissione posteriore interrumpit præscriptionem longi temporis, quæ eadebat adversus stipulationem priorem, ut est constitutum *L. cum notissimi. §. sed etsi quis. C. de præ. trig. vel quad. an.* Sed non ideo posterior promissio utilis est ad promissorem obligandum, de quo nonne agitur: non enim contingit ista interruptio propter stipulationem sequentem, sed propter agnitionem debitoris, quia ille cautionem iterum emitendo debitum agnovit, ut eodem loco constitutionis declaratur: nam etsi debitor cautionem solum emisisset, idest, chirographum duntaxat, idem fieret; † et fortasse verius est cautionis verbo non stipulationem alie-

ram, sed confessionem, et chirographum debitoris in ea constitutione intelligi debere. Dicitur enim illie debitor ad agnosendum suum debitum secundam cautionem in ereditorem exposuisse. Stipulationes ad obligationem constituendam; non ad agnosendam interponi solent: chirographa et testationes ad agnosendam. Sed hæc de eo dicta sunt, qui his promissit idem. † Idem 11

promittere intelligitur in certis corporibus, qui corpus idem designavit, quod prius debebat, etsi non dicat; quod prius debebam. In summis non continuo promittit eandem, qui eandem quantitatem nominat, sed ita, si adiecerit se eam promittere, quam prius debebat, aut si de ea agi præfationibus, et his quæ antegressa sunt, constabit. Nam eum decem ea, quæ posterius nominio, in genere promittuntur, non in specie, non necesse est hæc eandem esse eum illis, quæ prius erant promissa. Ac ne illud quidem etiam verisimile est ereditorem, si eandem decem postea intel-

ligeret, ea fuisse iterum stipulatarum, cum ex ea stipulatione nihil amplius consequeretur; quam prius habuit. Proinde decem posteriore stipulatione comprehensa tanquam alia recte petentur, nisi qui de sententia contrahentium aliud a promissore probabitur. † In testamentis eum testator eandem 12

summam legat saepius, placuit non aliter testatorem videri legatum multiplicare voluisse, quam si evidentibus probationibus id ostenderetur. *d. L. plane. §. 1. de leg. 1.* quippe personæ testatoris ratio aliam admittit voluntatis consuetudinem. Quominus enim intelligatur ille voluisse multiplicare legatum, duo obstant: primum affectus erga heredem, quod fit, ut eum quam minimum onerare velle existimetur. *L. unum. G. §. si rem. supr. de leg. 2.* deinde affectus ipse erga legatarium, qui quoviam ex meritis eius usui solet. *L. nec adiecit. supr. pro soc.* non est probabile in paribus meritis legatarii eum affectum in progressu testamenti maiorem esse, quam fuit in initio, cum testamentum instituit: quod si esset, fuit in potestate testatoris de voluntate sua clarius testari: et vero si legatum multiplicari vellet in gratiam legatarii, non fuisset prætermisurus. Adde his visum et consuetudinem loquendi: cuius est, ut qui viginti præstari vult, dicat viginti, non autem decem, etsi decem saepius nominet.

Ad L.

Ad L. Si stipulatio facta. 19.

Idem libro xv. ad Sabinum.

Si stipulatio facta fuerit: si culpa tua divortium factum fuerit, dari? nulla stipulatio est: quia contenti esse debemus pœnis legum comprehensis: nisi si et stipulatio tantundem habeat pœnæ, quanta lege sit comprehensa.

S U M M A R I A.

1. Turpes stipulationes nullius momenti.
2. Quatenus matrimonii non contracti, aut divortii pœnam liceat stipulari.
3. Lectio Florentina reiecta.
4. An pœnam adversus delictum ne fiat, ultra

modum legibus constitutum, stipulari liceat.

5. Cur in divortii causa potius quam in facto et similibus, pœna supra modum legibus constitutum exigi non permittatur.

1. Turpes † stipulationes nullius momenti esse constat. *L. generaliter. 26. inf. eod.* huius generis habita est Romanis stipulatio, qua quis vinculo pœnæ adstringitur ad matrimonium contrahendum, aut contractum retinendum, ut multis locis declaratur *L. 2. C. de inut. stip. L. neque ab initio. C. de nup. L. Titia. infra. eodem.* Idem confirmatur hoc loco addita hac ratione, quod contenti esse debeamus pœnis legum, de qua mox amplius. † Sed quod precipue agitur hoc responso, idest, ut declaretur non esse hoc ius præfracte retinendum, quasi aut matrimonii non contracti, aut divortii pœnam nullo modo stipulari liceat. Adiciunt enim exceptio, quam potissimum hic spectare debemus, nisi et stipulatio tantundem habeat pœnæ, quanta lege sit comprehensa: hactenus videlicet et huiusmodi stipulatio est utilis. Recte: sic enim pœna secundum leges promittitur, non contra, eoque est stipulatio nec turpis, nec iniusta: huius generis pœnas comprehensas habemus in *L. consensu. C. de repud.* Illa ratio, quam dixi, animadvertenda est, cum ita scribit: nulla stipulatio est, quia contenti esse debemus pœnis legum, vel pœnis legibus comprehensis: alterutro enim modo legendum est.
3. † non ut in Pandectis Florentinis, pœnis legum comprehensis.) Si generaliter hoc dictum ptamus, contentos non esse debere pœnis legum, falsum est. † Quid enim, si alicuius delicti coercendi causa, ne fiat, pœnam stipuler ultra modum pœnæ adversus id delictum constituitur, veluti, si stipuler a fure, nec manifesto quadruplum aut quintuplum, nisi rem furtivam mihi restituat intra Calendas proximas? non puto dubitandum, quin stipulatio valeat. Ille enim de re privata et familiaris promisit: de qua cuivis pacisci li-

cet, et paciscendo deteriorẽ conditionem suam constituere. *L. iuris gentium. §. si paciscar. L. pactum. supra de pac.* Quid, quod in causa evictionis, in qua ex iure Civili dupla tantum promitti debet, licet nihilominus pacisci, ut triplum aut quadruplum etiam promittatur, et rata est conventio? *L. si dictum. in prin. sup. de evict.* et tamen nihil peccavit venditor, si res ignoranti esse alienam, aut invito evicta est: ut manifestum sit hanc pœnam ob delictum eius non statui. Quanto ergo citius pœnæ promissio servanda est, quæ adversus delictum ne fiat, etiam supra pœnam legibus constitutam interponitur? Postremo non si duplum lex a fure præstari iubet, ideo amplius duplo præstari vetat: quod si non vetat, permittere intelligitur. *L. 1. §. 1. sup. de test. L. mutus. §. sup. de procu. si non vetat, pactum ultra interpositum non est contra legem. L. contra. sup. de legi. eoque servandum, ac multo magis stipulatio, L. 7. §. prætor ait. sup. de pac.* Quid ergo est, quod hic dicitur contentos non esse debere pœnis legum? Nempe superioribus admonemur non esse generaliter accipiendum, sed ita, ut ad propositam duntaxat speciem referatur, quasi dictum esset contentos nos esse debere pœnis legum, in hac specie nimirum, de qua agitur, et similibus stipulationibus ad matrimonia adstringenda pertinentibus. Itaque erit hic ratio, non qua confirmetur nullam esse stipulationem propositam, quod prius responderat: nam hoc ita esse satis sola interdictione legis confirmabatur, etsi alia pœna lege constituta non esset: sed ratio, qua removeatur id, quod oblici poterat, ne inique hoc constitui videretur in summa, non tam confirmatio est directæ præcedentis sententiæ, quam occupatio tacitæ obiectionis. Diceret enim aliquis iniquum

quam esse, licere utrique ex coniugibus ab altero divertere, cum velit, et sine censura, idque impune: fatetur Pomponius: sed potius hic esse ait adversus iniusta divortia constitutas legibus; his vero, inquit, contenti esse debemus, idest, huiusmodi sunt, quæ nobis sufficere debeant. Quod si non sufficiant, non ideo maiores stipulari possumus: non quia hæ pœnæ constitutæ sint tantum, sed quia alias exigi eadem leges vetent.

- 5 † Quæret aliquis, cur exigi vetent potius in hac causâ, quam vetent in furto, et similibus causis, de quibus supra diximus. Non difficile est id intelligi: nam in furto et similibus delictis pœna promittitur delicti coercendi causâ, ne fiat: hoc modo honeste permittitur: quia promissor pœna deterretur a delicto. In eo genere autem,

de quo agimus, promittitur pœna non delicti, sed contra honestatē rei coercendæ gratia: nempe discussionis a matrimonio, quam Romani ut necessariam esse, sic honeste fieri censuerunt. Ita illis turpiter promittebatur, et contra bonos mores. *d. l. Titia, Inf. In l. ea quæ, C. de don. int. vir. et uxo.* quam Accursius citat pro contraria, perspicuum est non promitti pœnam ab uxore, quæ si diverteret, promissit se, quod a marito donatum accepisset, restitutam. Nulla enim pœna est eius, qui de suo nihil amittit. Nullam autem damnum rei suæ patitur uxor, quæ donatum a marito ei restituit: cum id mariti sit, non uxoris, iure donationem ioter virum et uxorem infirmat.

Ad L. Huiusmodi. 20.

Ulpianus libro xxxiv. ad Sabinum.

Huiusmodi stipulationes non sunt inutiles: Quod tibi Titius debet, cum debitor esse desierit, dare spondes? nam valet stipulatio, quasi sub quavis alia conditione concepta.

S U M M A R I A.

1. Stipulatio hæc: X. quæ tibi Titius debet, cum debitor esse desierit, dare spondes? et similes, an valent, et quæ dubitandi ratio.
2. Falsa demonstratio non legato non nocet, sic nec obstat stipulationi.

3. Si testator mihi legaverit, quæ illi Titius debet, extinguuntur legatum, si vivo testatore Titius debere desierit, contra in stipulatione, et quæ diversitatis ratio.

- 1 QUAESITUM † est, an hæc stipulatio valeat, et similes, decem quæ tibi Titius debet, cum debitor esse desierit, dare spondes? Similes sunt, si alia res a Titio tibi debita eadem conditione in stipulationem deducatur, aut si res oon tibi debita, vel tua promittatur, cum tua esse desierit, hoc modo: Stichum quem Titius tibi debet, cum debitor esse desierit, dabis? fundum Tusculanum, qui tuus est, cum tuus esset desierit, dare spondes? Quæsitum ergo, an istiusmodi stipulationes valerent. Movet questionem, quod stipulari videor id, quod non est; decem debita a Titio, cum ab illis deberi desierint: id est, decem debita, cum amplius oon erunt. Quod non est, id inutiliter nos stipulari constat. §. 1. *Inst. de inut. stip.* Nec multum ad rem facit, quod cum decem stipulatus sum, ea Titios debebat. Stipulatus enim sum sub conditione, cum debitor esse desisset. Nihil interest, utrum quod non est, aut dari oon potest, stipu-

Tom. XI.

ler; an id quod non est, et dari potest, si conferatur stipulatio in id tempus, cum oon erit, aut dari oon poterit. *L. nemo, 87. infra eodem. l. 4. C. de dona. ant. nup.* Respondet Ulpianus stipulationem propositam valere oon aliter, quam si sub alia quavis conditione concepta esset. Significat hoc responso his verbis, decem quæ Titius tibi debet, cum debitor esse desierit, non promitti rem quæ non sit, sed eam quæ sit, nempe decem oon tibi vere debita: verum promitti sub conditione, si Titius debitor esse desierit. *L. quodcumque, §. 1. infra, de verbor. oblig. l. si Titio, supra, quan. di. leg. ce.* Quod sub alia quavis conditione promissum est, si conditio non sit impossibilis, debetur, cum conditio impleta fuerit. *L. a Titio, infra,* ex quo effici vult, ut et debeatur in proposito id, quod sub ista conditione promissum fuerit. Et si de conditione, aut dilatione sola hic quaeratur, dubitari non debet, quin ea nihil obstat stipulationi.

42

Sed

Sed de re promissa questio est, de qua non satis expedit Ulpianus, quod paulo ante dubitari diximus. Quid enim, si res promittatur, quæ non est, aut coferatur in id tempus, cum non erit? sine dubio stipulatio non valebit. Itaque non est dubium, quin inutiliter stipuler Stichum servum tuum, cum mortuus fuerit: sic enim re vera stipulor mortuum. Idque exemplo rei meæ intelligi potest: nam illam quidem stipulationem nemo dubitat valere; rem illam, quæ mea est, cum me esse desierit, dabis? sic enim stipulor alienam. *L. si rem meam, L. existimo, infr. eod.* At illam omnes consentiunt esse inutilem, si quia rem alienam stipuletur in eum casum, quo sus sit. *d. L. nemo, 87. infr. eod.* Atqui his verbis, *decem quæ tibi Titius debet, cum debitor esse desierit*, videtur, ut dixi, promitti id, quod futurum non est, cum conditio exstiterit. Sed hoc non ita est. Siquidem hic decem debita promittuntur, tamquam a Titio debita, id est, hac conditione, si a Titio debita essent, desineret res promissa extare, si a Titio deberi desissem: omninoque ex hac stipulatione non deberetur. *L. demonstratio, §. quod autem, supra, de cond. et dem.* Nunc autem non esse hunc sensum contrahentium, ut ita deberetur hæc decem, si sint perpetuo a Titio debita, evidenter conditio subiecta declarat: promittuntur enim nominatim hæc conditione, *si Titius debitor esse desierit, sive cum debitor esse desierit*. Igitur hæc adiectio, *quæ Titius debet*, demonstratio est: quæ si vera est tunc, cum

2 stipulor, bene est: si falsa; tamen ut legato falsa demonstratio non nocet, dicta. *L. demonstratio*; sic nec obstat stipulationi, non magis quam falsa causa, de qua in *L. si divorcio, seq.* Hic autem intelligitur satis, quid stipuler: ea sunt

decem, quæ ut certa sunt, ita sunt in rerum natura, sive Titius ea adhuc debeat, sive debere desierit: ut appareat neque hic in re promissa, neque in eius rei demonstratione, neque in conditione stipulationis quidquam esse, quod stipulationem faciat inutilem. Obstat tamen huic sententiæ exemplum legati omni ex parte similis, de quo scriptum est in *L. si sic legatum, 75. §. 1. supra, de leg.*

4. † Proponitur testator mihi legavisse, quod illi Titius debet: et placet extingui legatum, si Titius vivo testatore debitor esse desierit: quod contra fieri dicimus in stipulatione eodem plane modo concepta. Et cognito eo, quod ex superscriptis verbis contineatur cum in stipulatione, tum in legato, non difficile erit statnere sic in utroque genere diversum responderi, ut tamen recte respondeatur utrumque propriis rationibus. In stipulatione namque qui promittit decem, quæ sibi Titius debet, non promittit actionem ad illa decem petenda, sed ipsa decem, quæ Titius debet, ut verba stipulationis satis ostendunt: hæc autem decem esse non desinunt, ut dixi, etsi Titius debere desierit. Nec ad rem pertinet, quod Titin liberato promissor iam adversus Titinum nullam actionem habet, quam stipulatori cedat. Iam enim dixi illum decem promisisse, non actionem. At in legato qui legat decem, quæ sibi Titius debet, non decem, sed actionem ad ea decem petenda legare intelligitur; nec quidquam amplius ex eo legato heres, quam actionem præstare cogitur, ut in dicta *L. si sic legatum, §. 1. in fin. de legat. 1.* scriptum est. Porro extinguitur hæc actio et quidem sine vitio heredis, si vivum testatorem Titius debere desinet. Ita necesse est etiam hoc modo legatum extingui.

Ad L.



Ad L. Si divortio. 21.

Pomponius libro xv. ad Sabinum.

Si divortio facto ea quæ nihil in dote habeat, dotis nomine centum dari stipuletur: vel quæ centum dumtaxat habeat, ducenta dotis nomine dari stipuletur: Proculus ait: si ducenta stipuletur quæ centum habeat, sine dubio centum quidem in obligationem venire: alia autem centum actione de dote deberi. Dicendum itaque est, etiam si nihil sit in dote, centum tamen venire in stipulatione: sicuti cum filię vel matri vel sorori vel alii cuilibet dotis nomine legaretur, utile legatum esset.

SUMMARI A.

1. *Falsa causa præterita nec legato, nec stipulationi nec ulli obligationi obstat.*
2. *His verbis, dotis nomine, causam non demonstrationem contineri.*
3. *Species L. Si sic legatum, §. Si mihi, de leg. 1. et L. ult. C. de fal. cau. ad.*
4. *Falsa demonstratio non nocet stipulationi, uti nec legato.*
5. *Cur potius de falsa causa, quam demonstratione hoc responsum accipiendum sit.*
6. *In re ob causam futuram promissa quid iuris.*
7. *Aliud est in causa præterita falsa, aliud*

in falsa conditione in præteritum excepta.

8. *An, qui ob causam falsam præteritam stipulatus est, sine causa stipulatus videatur.*
9. *De promissore in causa errante.*
10. *Constante matrimonio cur stipulatio dotis nomine sub falsa causa facta non valeat.*
11. *Cur C. quæ in datam maritus accepit, et quæ soluto matrimonio promittit, non potius conditione certi ex stipulatu, quam de dote actione petantur.*

Quod in testamentis iuris esse constabat de falsa causa, hanc legato aut institutioni adiectam neque legato neque institutioni nocere, nisi conditionaliter expressa sit, *L. demonstratio, §. quod autem, L. cum tale, §. falsam, supra de cond. et dem.* transferitur hoc loco ad stipulationes, eoque et ad contractus omnes, ut sit quid ob causam præteritam promissum sit, debeatur, etsi causa adiecta falsa sit; † atque ita in universum falsa causa nec legato obstat, nec stipulationi, ullive obligationi. Divortio facto maritus uxori centum promisit dotis, quam acceperat, nomine. Etsi nihil in dote fuisset: tamen centum in stipulationem venire, idest, utiliter venire, et deberi placuit. † His verbis, *dotis nomine*, causam exprimi evidentiùs esse arbitror, quam ut probatione magnope indigeat. In id quidem amnes fere omnium ætatum interpretes video consentire: ac miror etiam esse posse, qui id negent. Sani tamen, qui id faciant, et reprehensam quibusdam, quasi hæc sententia paucorum esset, non omnium, contendunt hic esse demonstrationem. Quos notare velint, aut quamobrem, nihil ad rem facit. Quod ad eam attinet, hoc mihi liquet nihil dici posse verius aut certius, quam illi verbis causam, non demonstra-

tionem contineri. Quid est enim maritus promisisse dotis nomine, nisi promisisse ob causam dotis, quam prius acceperat, sive ideo promisisse, ut esset dotis loco, vel ut esset uxori satisfactum nomine dotis, quam ab illa accepisset? Quid est veteribus, fundum aut pecuniam sponso dare dotis nomine in *L. qui se debere, et L. quod Servius, supra, de cond. caus. dat.* an non dare ubi dotem, sive ea gratia, ut sit dotis loco, sive ut in dotem convertatur? et ideo iidem in locis quod ita datum est, nuptiis non secutis repeti posse dicitur tanquam ob causam datam, causa non secuta. Tantum inter eam pecuniam, quæ marito futuro datur dotis nomine, et eam, quam maritus ipse promittit, et dare vult uxori dotis nomine, hoc interest, quod illa datur nomine dotis futuræ; hæc promittitur nomine dotis præteritæ, et iam acceptæ; cæterum in utraque nomine dotis declarat causam, ob quam dos data promissave est. Postremo quid est notius, quam his verbis, *eo nomine*, Latine scientibus significare ea gratia, ubi eam causam, et similia? Placet ergo quod illi dicunt, causam esse rationem promittendi: sic enim appellatur a Papiniano in dicta *L. cum tale, §. falsam, de con. et dem.* Sed vel una hac ratione maxime efficitur, quod noluit, hic

hic causam esse promittendi, non demonstrationem. Maritus enim centum promittendo, hac adiectione, *dotis nomine*, rationem reddit, cur promittat, quæ sit huiusmodi: quia centum in dotem a te accepi, ideo huius dotis nomine centum ex tibi recte daturum me spondeo. Itaque quod ita summut; qui promittit dotis nomine, quid promittat, non enī promittat, ostendit: utrumque eiusmodi est, ut ab illis invertendum fuerit, ut ita dicerent: qui promittit dotis nomine, cur promittat, non quid promittat, ostendit: unde ita colligendum; causam igitur, non demonstrationem. Et sane qui promittit centum, in eo quid promittat, perspicue ostendit: est enim hic summa centum, quæ promittitur: quod autem addit, dotis nomine, palam est in eo non ostendi, quid promittat, cum in eo nihil novi promittatur: sed causam reddi, cur illa centum, quæ dixi, promittat. Nam quod movet eos, quod dicitur in *L. si sic legatum, §. si mihi, supra, de leg. 1. et L. ult. C. de fal. cau. ad. falsam demonstrationem non perimeat legatum dotis, quid ad rem pertineat, non intelligo. Non enim si proponitur falsa demonstratio legati dotis in superscriptis locis, ideo hoc loco de falsa causa promissæ dotis non agitur. † Falsa demonstratio est dotis, cum quantitas dotis legatæ designatur aut ex eo, quod Titius debet, qui nihil debebat, aut ex eo, quod Titio debeo, qui nihil debebam, quæ species est dictæ *L. si sic legatum, §. si mihi*, aut ex instrumento, quo scriptum erat falso eam quantitatem numeratam esse; quæ species est dictæ *L. ult. C. de fal. cau. ad.* In quibus nihil simile ei, qui quod promittit, non designat aliter, quam ipsius quantitatis appellatione, tantum: quamobrem, et quo nomine promissum velit, exprimit. Est igitur hoc loco id, quod dixi, et in quo consentiunt omnes: falsa causa nimirum promissæ dotis, non falsa demonstratio. Si falsa demonstratio esset, multo minus eam stipulationi nocere diceremus; quid enim ad rem pertinet error nominis, si alioqui res promissæ intelligatur? de quo bene scriptum est apud Iustinianum in *§. si quis in nomine, Instit. de leg.* omnis autem demonstratio vice nominis fungitur. *L. certum, supra si cer. pet.* Sed non eo minus laborandum nobis est, ut falsa causa hoc loco retineatur, non solum ut constet responso sua sententia, sed etiam ut utilis sententia ex hoc loco statuatur: † ea est non solum falsam demonstrationem*

stipulationi non nocere, uti nec legato: sed nec nocere falsam causam præteritam: de qua si aliis locis quidquam aperte scriptum esset, poterat hic locus a me prætermitti. † Nunc autem hic unus locus occurrit, in quo diserte traditum sit de falsa causa stipulationi adiecta: proinde hunc nobis in hac sententia eripi pati non debemus. Non enim si in legato certi iuris est, falsam causam legato non nocere, continuo efficitur idem recipiendum esse in stipulatione. Dicit enim potuit hanc ideo non obstatre legato, quia in testamentis plenius interpretemur testantium voluntates, ut exitum habeant. *L. in testamentis, infra, de regulis iur.* unde videmus impossibilem conditionem in legatis reici, ut legatum quasi conditione non adscripta valeat: quæ in stipulationibus retinetur, eoque obstat stipulationi, ut diximus ad *L. impossibilis, supra.* Scriptum est, et quidem diserte in *L. summa, §. id quoque, supra, de conditione indebiti*, quod ob causam datur, puta quod negotia mea adita ab eo putavi, cui dedi, licet non sit factum, repeti non posse. Sed ne hoc quidem satis, ut sine hesitatione colligatur idem probandum esse, si quid ob falsam causam promissum sit. Dicit enim et hic potuit, quod est in *L. 1. in princ. supra de pig.* facilius rei ob falsam causam datur retentionem possidenti dari, quam rei ob eandem causam promissæ stipulationi competere actionem. Ita demum res certa efficitur, si alicubi traditum sit falsam causam, ut legato non officit, sic nec officere stipulationi. Id cum factum sit hoc loco, melius est et tutius hunc retineri, quo omnis vel controversia, vel dubitatio præcidatur. Idque eo etiam diligentius faciendum est, quod ne sic quidem caret ea sententia sua dubitatione; adversus quam etiam nunc nobis confirmanda est. Car enim hæc verba, *dotis nomine*, non potius sic accipiuntur, ut si dos data fuerit, centum promissa debeantur: si non sit, non debeantur? An causæ et ratio promittendi frustra adiecta est? atqui omnis oratio in re dubia sic accipi iubetur, ut aliquid egisse videatur, nec sit inutilis. *L. si quando, supra, de leg. 1. L. quoties in stipulationibus, infra. eod. L. quoties in, supra, de reb. dub.* Nos vero causam præteritam pro non adiecta esse dicimus, eoque nec nocere. Aliter, fateor, interpretari oporteret adiectionem in re dubia, et voluntate obscura: at in re certa semper id sequendum est, quod actum esse constabit. *L. semper in stipulationibus, infra. de reg. iur.*

L. quidquid, infr. eod. Id autem hic sensum esse a promissore, ne falsa causa præterita noceret, ex eo apparet, quod qui eam causam adiecit, donare voluit: quæ ratio a Paulo redditur in *L. in summa*, §. *id quoque, supr. de cond. ind.* Sed uade hic animus donandi colligitur? Non tam colligitur aliunde, quam ultro se ostendit. Agimus enim de eo, qui eam causam adiecerit, propter quam dare non cogeretur; de eo, cui liberum fuerit non dare. Certe autem inris est donari intelligi, quod nullo iure cogente conceditur. *L. donari, supr. de don.* Nec tantum ad eum, qui dat aliquid, sed etiam ad eum, qui promittit, hæc definitio pertinet. *L. Campanus, supr. de. op. lib. †* Cur ergo de re, ob causam futuram data aut promissa idem dicere non licet, in qua tamen constat causam non frustra adici, sed si ea secuta non sit, et datum et cautionem condici posse? Quia ob causam futuram qui dat, eam causam sequi vult, quia et causa sequi potest; quod si sequi non posset, ut quia esset impossibilis, cessaret hic quoque conditio. *L. dictum, C. de cond. ob. caus. dat.* Qui autem dat ob causam præteritam, perspicuum est eum non sic dare, quia causam sequi velit; cum aut iam sit impleta, aut si non est, non possit amplius in præteritum impleri.

7 † Sed cur debetur potius, quod ob causam præteritam promittitur, licet causa falsa sit, quam si quid promittatur sub conditione in præteritum concepta; veluti, si Rex Parthorum vicerit, ubi certum ius est, si conditio falsa sit, iam ab initio nihil deberi? *L. conditio, infr. eod. §. conditiones, Inst. eod.* Conditionis adiectæ hæc vis est, et manifesta significatio, ut qui eam adiecit, nihil deberi velit, nisi illa exstiterit. Ideo de causa falsa etiam in legatis hoc servatur, ut si conditionaliter concepta sit, inutile sit legatum. *L. demonstratio, §. quod autem, supr. de con. et demonstr. §. longe, Inst. de leg. quod multo magis in stipulationibus recipiendum est.* Non eandem significationem habet ratio legandi, promittendive; idest, causa: conditio omnis de affirmatione quid detrahit, ac velut excipit. Ratio non minuendæ propositionis, sed confirmandæ causa adhibetur, ut potius eam ponere, ac quodammodo magis statuere videatur. Sed ut nihil obstant cætera: tamen quæritur, quomodo non videatur pugnare cum hac sententia, quod Ulpianus scribit in *L. 2. §. circa, supr. de dol. mal. et met. exc.* semper doli ex-

ceptionem nocere ei, qui sine causa quid sit stipulatus. † Nam hoc fecisse videtur 8 is, qui ob causam falsam præteritam stipulatus est: quid est enim falsa causa, nisi ea, quæ non est? Et dicendum est esse quidem hic promissionem sine ea causa, quæ adiecta fuit: sed non ideo esse sine causa. Illa enim priore detracta superest donationis causa, ob quam eum semper promittere diximus, qui ob falsam causam promittit: hæc abunde iusta dandi, promittendive causa est, quod promissor donare, et liberalitatem exercere voluit: alioqui ex donatione nunquam dominium transferretur: cum nunquam nulla traditio transferat dominium, sed ita, si causa aliqua iusta præcesserit, propter quam traditio sequeretur. *L. nunquam, supr. de acq. re. do.* hinc titulus pro donato inter iustissimas causas rerum transferendarum. Tit. *pro donato, D. et C.* Et hæc quidem in promissore, qui scivit causam, ob quam promittebat, falsam esse, expeditam rationem habent; qualis est maritus, qui proponitur: qui an dotem accepisset, necne, ignorare non potuit. † At quid, si in ea causa erravit 9 promissor: putarit forte dotem patri suo datam: putarit negotia sua gesta esse, quæ non erant, et ob eam causam quid promiserit? Et in specie proposita dotis placuit maritum, si per errorem plus promiserit, quam accepisset, non plus debere, quam quanta dos fuisset. *L. penult. §. mulier, supr. solut. mat.* Et recte: non enim donare voluit, qui se dotis nomine teneri putabat, quique teneretur re vera de eadem reddenda, si illa numerata esset. Aliud probat Paulus in *d. L. in summa*, §. *id quoque, de cond. ind.* si quis dederit ob causam, quia negotia eius gesta sint ab eo, cui dedit. Vult enim eum donasse videri, eoque et datum repetere non posse, etsi falso ita factum esse sibi persiaserit. Recte hoc quoque, nec est superiori contrarium. Etsi enim dantis negotia gesta sint; non tamen ideo is gerenti propter operam administrationis obligatur. Quare licet gesta putet, quæ gesta non sunt: quia tamen scit, etsi id factum esset, se dare non cogi, ideo si det, donare intelligitur. Refert igitur, qualis sit causa falsa, propter quam quis promiserit, utrum ea, ex qua si vera esset, cogeretur dare, an vero ea, ex qua non cogeretur: ut si quidem ob illam ab errante promissum sit, exceptione tutus promissor actionem non metuat: sin ob hanc promissum fuerit, pariter et a sciente et

ab errante promissum debeatur. Quod tamen ad centum dotis nomine promissa at-
tinet, de quibus hic agitur, semper me-
minisse oportebit illa deberi hac condi-
tione, quæ hic adiciatur, *si divortio fa-*
cto *promissa sint.* † Nam constante ma-
trimonio, si promittantur, ideo stipulatio
non valet, quia donationis causa fit, ubi
promissor, quod non accepit, eoque non
debet, sciens promittit. *L. Campanus,*
supr. de op. lib. quemadmodum et is in-
telligitur donare, qui sciens indebitum
solvit. Donatio autem inter virum et ux-
orem iure prohibetur. *L. 1. 2. et 3. sup.*
de dona. int. vir. et ux. Ac vir et uxor
constante matrimonio esse intelligantur so-
lato esse desinunt. Hæc de ea summa dic-
ta sunt, quæ dotis nomine a viro pro-
missa est, cum maritus prius eatenus ni-
hil dotis nomine accepisset. † De ea quæ
accepta, et quam soluto matrimonio pro-
mittitur, quoniam satis constat illam deberi,
solum id hoc loco observandum est, quod
dicitur eam actione de dote deberi, il-
lat, ita deberi, ut ea actione exigi possit.
Cur non potius dixit, conditione certi
ex stipulatione? An quod hic stipulatio
fuit inutilis? Sed nihil proponitur, cur
non sit utilis: non enim hic bis dos pro-
mittitur, ut quis dicat posteriore stipula-
tione nihil agi ex *L. qui bis, supr. eod.*
sed semel tantum: cum prius non fuerit
stipulanti promissa, sed numerata dunta-

xat, ac proinde actione de dote debita.
Sed etsi prius stipulanti promissa esset, non
eo minus valeret stipulatio posterior: non
enim posteriore idem promittitur, sed am-
plius: quoniam priore actione dos exigi so-
lum potest post annum, intersursio medij
temporis promissori constituta. *L. unica,*
§. exactio, C. de rei ux. ac. Ex poste-
riore autem stipulatione debetur statim de-
tracto intersursio temporis. Interim hic pla-
cet agi posse et pristina actione, si uxor
velit. Unde intelligitur priorem obligatio-
nem posteriore stipulatione quavis plenio-
re novatam non esse. Quod si post consti-
tutionem Iustiniani, quæ est de novationi-
bus, scriptum esset, res non haberet du-
bitationem: cum ita constitutum ab illo
sit, in universam non fieri novationem,
nisi nominatim dictum sit, ut fieret. *L. ult.*
C. de nov. Nunc autem a veteribus iuris
actoribus hoc scriptum est, apud quos in
specie huius loci, et similibus novationem
sine alia aperta conventionem admissam fuisse
ex eadem illa constitutione Iustiniani con-
stat. Sed, quod eadem consultatio decla-
rat, quemadmodum maxima pars ex adie-
ctione novæ personæ, aut rei novationem
colligebat, ita erant ex veteribus, qui eam
non admitterent, nisi ubi de ea constaret:
fuerunt enim discrepantes de hac re vete-
rum sententiæ. In his posterioribus fuisse
Proculum et Pomponium ex hoc loco con-
iecturam facere possumus.

Ad L. Si id quod aurum. 22.

Paulus libro ix. ad Sabinum.

Si id quod aurum putabam, cum æs esset, stipulatus de te fuero,
teneberis mihi huius æris nomine: quoniam in corpore consenserimus: sed
ex doli mali clausula tecum agam, si sciens me fefelleris.

SUMMARIA.

1. Nihil agitur inter eos, qui in corpore dis-
sentiant.
2. Error nominis, si de corpore contrahentes
consentiant, obligationem non impedit.
3. Si in corpore consensus est, licet in mate-
ria erratum sit, contrahitur stipulatio.
4. Error in materia vitiat venditionem, et cur
diversum in stipulatione.

5. Ere pro auro vendito, si auri quid admixtum
massa habent, valet venditio.
6. Ad quid teneatur promissor, si in materia
erratum sit.
7. Quomodo accipiendum, quod de doli clausu-
la in h. L. dicitur, et quid doli clausu-
la continetur.
8. Quando de dolo actio in proposita stipula-
tione locum habet.

Postquam ut posuimus initio, et ad L.
5 §. stipulatio *supr.* stipulatio con-
tractus est, eoque nisi ex utriusque con-
sensu non valet: consequens est inter eos,
qui in re, de qua stipulatio fit, dissen-
tiant, nullam contrahi obligationem. Inde

quæsitum, qui videantur consentire de re,
qui dissentire. Et de duobus inter omnes
convenit: primum non consentire eos, pro-
inde † et inter eos nihil agi, qui in cor-
pore rei dissentiant, ut, si unus stipuletur
Suichum, alter se de Pamphila interrogari
exi-

existans, quem Stichum vocari putet, spondeat. *L. inter. §. 1. L. continuus, §. 1. infr. cod. L. in venditionibus, supr. de cont.*

2. *empt.* † E diverso consentire omnes, quod satis sit ad obligationem de re contrahendam, qui de corpore et materia seu substantia rei consentientes errant tantum in rei nomine: quia nihil nomen de re mutet, imo nec quidquam ad rem pertineat, si alio modo de re constet. *L. si in nomine, dicta L. in venditionibus, de cont. em. §. si quis in nomine, Inst. de leg.* Tertium olim habuit, et habere etiamnum dubitationem potest, de quo hic agitur, † si forte de corpore rei inter se contrahentes consentiant, sed dissentiant in materia, ut si quis massam re vera auream stipuletur, quam auream putet, an de eo corpore saltem contrahatur obligatio, quia in eo consensum est; an vero quia erratum est in materia, id est, in materia dissensum, nihil agitur: constat enim non consentire eos, qui errant. *L. 2. supr. de iud.* Et placuit ipsum corpus, in quo consensum est, debori. Recte: nihil enim hic amplius exigebat stipulatio, quam consensum, quem hactenus intervenisse apparet. At enim non consentiunt, qui errant: fateor, in eo in quo errant, ac ne in eo quidem obligationem contrahi vere dicitur. Sed in quo non errant, in eo ab his consensum esse negari non potest. Erratum est in materia: ne aurea quidem materia debebitur ex stipulatione: alioqui deberetur res alia, quam quae in stipulationem deducta est. Sed consensum est in corpore: vel ipsa ratio superior hoc efficit, ut ea commutata iam corpore obligatio contrahatur propter consensum. Qua ratione idem et in omni alio contractu probandum est, si modo eiusmodi sit, ut quemadmodum in stipulatione, sic in eo is qui rem accipit, non ita obligetur, ut pro ea re aliquid vicissim ei, unde accipit, prestare debeat. Et ideo in pignore, si debitor cum eis pignori daret, affirmavit hoc aurum esse, atque ita pignori dederit, placet aes pignori obligari, quia in corpus consensum sit. *L. 1. in fin. supr. de pig. ac.* † Alia causa visa est emptionis et venditionis, in qua si in corpore non erratur, sed error sit in substantia, seu in materia (nam haec pro eodem ab Ulpiano usurpari in *L. in venditionibus, §. ult. et L. quid tamen, supr. de con. empt. exemplo*, quibus ille hanc questionem explicat, et quibus promiscue haec verba attribuit, satis indicant) si, inquam, erratur solum in materia, veluti si quis ignorans aes pro auro ignoranti vendat, scribit ille supra

scriptis in locis nullam esse venditionem. An quod emptio bonae fidei contractus est, stipulatio stricti iuris? Ne id dixerimus: nam primum refelleretur haec ratio exemplo pignoris, in quo dando cum contractus agatur, quem bonae fidei esse constat: §. *actionum, autem, Inst. de act.* tamen etsi in materia eius erratum sit, nihilominus pignus contrahi receptum est, ut supra diximus. Deinde cum in emptione in materia tantum erratum est, aut dicemus in corpore consensum esse, aut non esse. Si consensum est, tantum abest, ut propterea negare debeamus in eo emptionem contrahi, quia emptio bonae fidei sit, ut haec ratione efficiatur potius, tanto magis emptionem in corpore valere debere. Nusquam enim magis convenit ea servari, de quibus conventum est, quam in iudicio bonae fidei: cum nihil magis bonae fidei congruat, ut est in *L. ex empto, in prin. supr. de cont. empt.* Sin fateamur in corpore consensum non esse, cum error est in materia: recte quidem dicitur in eo emptionem non contrahi: sed causa in eo erit, non quia emptio sit bonae fidei, sed quia sit contractus, qui ob eam causam consensum desiderat, ac sine consensu nullus est. Atqui stipulatio non minus contractus est, nec magis sine contrahentium consensu, quam emptio, aut ulli alii contractus, periclitur: ut si in stipulatione proponantur contrahentes in corpore rei alicuius non consensisse, nihilo magis obligatio contrahatur, quam in emptione. *d. L. inter, §. 1. infr.* Ex quibus apparet, eam quaeritur et in emptione, et in stipulatione, cum in corpore non erratur, sed erratur in materia, an obligatio in eo corpore contrahatur, questionem non in eo esse, qualis sit contractus, de quo agitur, bonae fidei, an stricti iuris; sed an in corpore eius rei consensum sit, in cuius materia erratum fuit: ut si consensum est, pariter de eo contrahatur obligatio et in stipulatione et in emptione, atque adeo in emptione multo magis: sin autem consensum non erit, tum pariter ne ex stipulatione quidem quidquam debeatur. Secundum hoc dicemus, quod stipulatio valet, cum in materia erratum est, eo fieri, quia nihilo minus in corpore rei consensum sit: quae ratio hoc loco redditur: quod autem in eodem errore emptio non valet, contraria de causa evenire, quia scilicet in eo genere contractus propter errorem in materia fiat, ut emptor ne in corpore quidem ipso rei venditae consensisse intelligatur. Unde in *d. L. in venditionibus, et L. quid tamen, de contr. em.* observabimus

ausquam ab Ulpiano questionem ita proponi, ut dicat consensum esse in corpore, erratum in materia: sed semper ita, ut dicat erratum in materia, non erratum in corpore. Sed unde in eodem errore sensus contrahentium dissimilis? Mutata ratio utilitatis creditoris in utroque genere hanc voluntatis dissimilitudinem facit. Nam in stipulatione qui certum corpus stipulatur, pro eo corpore nihil præstat, et dum nihil præstat, interest illius tale corpus habere potius, quam nullum: eo etiam non minus consentire intelligitur, ut id quod sine incommodo potest, habeat. In emptione contra est pretium constitutum, quod pro massa ærea, quam auream putabat, debeat præstare: hac conditione massam habere venditam non modo illi non expedit, sed etiam maxime est damnosum: ob hanc cassam in materia dissentiens, eamque non habens, quam cupiebat, ne in corpus quidem consentire intelligitur, ut id pro pretio constituto habeat. † Quod tamen dicimus in emptione, errorem in materia officere emptioni, si æs pro auro vaneat, ita admissum est, si æs nihil inauratum, seu nihil auri admixtum haberet. Quod si haberet, placuit venditionem valere quasi aurea vendita, etsi aurum esset deterius. *L. aliter, et d. L. quod tamen, supr. de cont. em.* Neque offenditur hæc sententia, cum in *L. cum ab eo, §. ult. supr. de cont. empt.* dicitur nulla esse emptio, si quis mensam argento coopertam mihi ignoranti pro solida vendiderit imprudens. Non enim ideo mensa argentum admixtum habet, si est argento cooperta. Operimentum mensæ, seu lamina illa, quæ mensam operit, non est ex mensa, sive mensæ pars non est, necesse est enim aliud esse mensam, aliud id quo mensa cooperitur. Quod si etiam operimentum mensæ pars dici posset: tamen perspicuum est non esse partem cum reliqua mensa confusam, ut propterea dici possit mensa pro solido, et in omnibus partibus argentes, quod supra requirebamus. Sed de eo alias opportunius, cum de emptione dicemus. Redeo ad stipulationem, in qua volumus errorem, id est, dissensum in materia nihil obstat stipulationi, si in corpore consecretum sit. † Sed quid debebitur ex hac stipulatione: utrum id solum corpus, quod æs fuit, an vero quod meæ interest aureum fuisse, uti putabam? *Teneberis mihi*, inquit Paulus, *huius æris nomine*. Et hoc quidem consequens est, ut huius saltem nomine mihi tenearis, si in hoc corpus consensum est, et hæcenus stipulatio contracta. † Sed quid

sibi vult, quod ille subiicit: *Sed ex doli clausula tecum agam, si sciens me fefelleris*? nam his verbis contineri correctionem præcedentium apparet. An igitur hoc sentit te non teneri huius æris nomine, si sciens me fefelleris, nisi doli clausula adiecta fuerit in stipulatione (de hac clausula dicam paulo post) hac quidem adiecta, tum eo nomine ex ea agi posse: non adiecta autem, te nullo modo teneri? Non hoc sic debet accipi: sive enim sciviisti æs esse, quod aurum putabam, sive et in aurum æque putasti, semper id corpus, quod fuit, promisti, quod ego a te sum stipulatus: atque ita in idem corpus a nobis consensus est; proinde, ut dixi, et de eo stipulatio contracta, ex qua et mihi ex stipulatu eo nomine actio, sive de dolo mihi a te ex doli clausula nominatim caverim, si ve non caverim. Et stulte metuemus in proposito, ne dolo tuo interveniente doli mali exceptione summoveatur petitio, si de dolo mihi non caveris. Quod enim dicitur in *L. dolo, C. de inutil. stipul.* Dolo vel metu adhibito actio quidem nascitur, si subdita stipulatio sit; per doli mali tamen, vel metus exceptionem summoveri petitio debet: de eo dolo dictum est, quo deceptus a stipulatore promissor stipulanti promisit. Nam cui datur exceptio, nisi promissori, adversus quem ex ea stipulatione agitur? atqui decepto datur doli exceptio adversus decipientem actorem, ne ei dolas suos prosit. *L. 1. supra, de do. ma. exc.* decipienti vero eandem exceptionem dari adversus deceptum actorem plane absurdum est. Quo enim hæc exceptio promissori? nempe ut fateatur se decepisse stipulatorem, et ideo postulet, ne stipulatio valeat, aut ne ex ea teneatur, idest, ut dolas suos sibi prosit, aut certe ne noceat: quæ postulatio et defensio ut improba omnibus legibus, omni iure repudiata est. *L. transactione finita, C. de trans.* Ex doli actio, et exceptio doli introductæ sunt, ne cuiquam malitia sua lucrosa sit, aut aliis damnoxa. *L. 1. supra, de dol. dict. L. 1. supra, de dol. ma. exc.* Nos vero hic exceptionem dabimus, quo rei æquitas invertatur, ut dolas suos decipienti prosit, noceat decepto stipulatori? Denique generale illud tenendum est; deceptis, non decipientibus iura opulentur. *L. 2. §. 1. supra, ad Vell.* Sit igitur hoc ratum, si id quod aurum putabam, cum æs esset, mihi imprudenti promiseris, semper teneri te mihi eius æris nomine, etsi nulla doli clausula adiecta fuerit, qua mihi de dolo tuo caveris. An ergo Paulus significat potius dolo a te adhibito, et dolo

li clausula adiecta, non teneri te ex reliqua stipulatione, sed ex doli clausula; remoto autem dolo, aut non adiecta doli clausula, ex reliqua stipulatione agi posse? Sed neque hoc verbis convenit, et per se est negatorium. Nam de actione ex stipulatione, et promissione aris nihil prius dixerat; ut ad eam actionem non possit correctio sequens referri. Tum autem etiam ex doli clausula agitur, tamen agitur ex stipulatione: quia hæc clausula stipulationis pars est. Ergo in eo correctio est, quod dixit Paulus te mihi teneri huius aris nomine; huius aris nomine dixit, non amplius. Id ita temperat, et interpretatur, ut si quidem me non fefellisti, teneris mihi huius tantum aris nomine: si sciens me fefelleris, ego ex doli clausula tecum agam, id est, in id quod mea interest me abs te non decipi, cuius nomine agitur ex doli clausula, ubi illa interposita est. Quapropter si me non fefellisti, hoc statuendum est, nullo modo me tecum agere posse, nisi eius corporis nomine, quod in stipulationem deductum est, ut quale est, tale defuit. Quod duobus temporibus contingit. Unum est, cum et ipse ignorasti æs esse, quod æs erat: alterum, cum scivisti quidem, sed pariter et ego. Nam si ignoras, dolo cares, eoque non fallis; certe non fallis sciens. Si ambo scivimus æs esse, etsi dolo non vacas, tamen ideo non fallis sciens, quia non fraudantur, qui sciunt, et consentiunt. *L. nemo videtur, infra de regul. iur.* neque vero certiorari debuit, qui non ignoravit. *L. 1. in fin. supra, de act. em.* E converso si sciens fefelleris, quod ita fit, si sciens æs esse tanquam aurum promisiisti ignorantem; intelligendum est non iam eius tantum corporis nomine, quale fuit, te mihi teneri; sed amplius, si doli clausula addita fuit, teneri te ex ea clausula in id quod mea interest aureum fuisse, quod fuit æreum. Id efficit doli clausula, qua Paulus ait me hoc casu tecum acturum. Est enim doli clausula in stipulatione ea pars stipulationis, qua promissor certis rebus in stipulatum deductis, tandem generaliter cavet stipulanti, dolum malum a se abesse, abfuturumque esse. *L. doli. 119. L. ex ea parte. 121. L. si ita quis, 135. §. ult. infra eod.* His verbis cum promittat quis se non facturum, intelligimus, si contra fe-

Tom. XI.

cerit, stipulationem adversus eum committi in id, quod stipulatoris interest, sicut evenit in omnibus faciendi obligationibus. *L. si panam, L. quoties quis, infra eod.* Ita in specie proposita in hoc tecum agam, quod mea interest in eo corpore, quod promittebatur, abs te non decipi, seu quod interest aureum fuisse, quale a me putabatur. Eo autem quod mea interest, continetur auri æstimatio, quæ futura esset, si me non fefellisses; et præterea si quod damnum ex eo errore natum sit, quod aurum me abs te accepisse sim sibi tratus. In quo haberi debet, si quos sumptus in ea re exornanda fecerim, qui aureo corpori conveniebant, aut si quid eo corpore tanquam aureo vendito ego emptori ex emptione præstare debeam ob id, quod repertum sit non esse aureum: *Arg. L. Aristo, §. ult. supra de don.* Hæc enim sunt, quæ habere poterim, si aurum fuisset, quod æs fuit. Id autem quod interest est id, quod mihi abest, quodque habere potui. *L. si commissum, infra, rem rat. hab.* Hoc ergo est, cuius nomine agi posse Paulus vult intelligi, cum ait me tecum acturum ex doli clausula. Et quid, si doli clausula prætermissa erit? Significat te mihi amplius, quam aris nomine ex stipulatione non teneri. Sed ex stipulatione, inquam. *¶ Ceterum* si corpore abs te accepto, quod aurum putabam, aliquid eorum contigerit, quæ supra dixi, de dolo actio mihi adversus te dabitur, ut ea præstes, quæ si abs te essem admonitus, mihi non abessent. *d. L. Aristo, §. ult. de don.* Nam ut aurei corporis æstimationem præstes, actione de dolo consequi non possum. Actio de dolo de indemnitate est. *L. rei quam, supra, de dol. sive de eo, quod propter dolum tuum mihi damni accesserit, L. cum quis persuaserit, eod.* Nunc autem aurei corporis æstimatio non abest mihi, quia me celasti æs esse, quod promittebas; sed quia id corpus re vera æs fuit. Nam etsi me admonuisses, non ideo tamen auri æstimationem essem consecutus. Aut enim idem corpus essem stipulatus; et nihil nisi æs stipulatus essem: aut stipulatus essem corpus aureum in genere; et quis acit, an id promissurus esses, ut quis dicat aureum corpus huic, de quo agitur, simile mihi ex promissione tua accedere potuisse?

43

Ad L.

Ad L. Si ex legati causa. 23.

Pomponius lib. ix. ad Sabinum.

Si ex legati causa, aut ex stipulatu hominem certum mihi debeas: non aliter post mortem eius tenearis mihi, quam si per te steterit quo minus vivo eo eum mihi dares: quod ita fit, si aut interpellatus non dedisti, aut occidisti eum.

SUMMARI A.

1. Res utiliter promissa si sine culpa debitoris dari posse desinat, perimitur obligatio.
2. Generalem esse huius L. definitionem ad omnem rem quavis ex causa debitam, mobilem, immobilem, animatam, inanimatam, certam speciem et quantitatem pertinentem.
3. In incertis, quia non pereunt, casus non liberat debitorem.
4. An corpore debito perempto ad estimationem saltem teneatur debitor.
5. Rebus nostris demortuis etiam quod ex his superest, nostrum est.
6. Culpa debitoris interveniente perpetuatur obligatio.
7. Quando intelligatur per debitorem stare, fieri: seu quando videatur in eo culpa esse, quo minus det.
8. Quatenus qui interpellatus non dat, moram facere dicatur.
9. Differendi iustæ causæ, quæ a mora debitorem excusant, quatuor.
10. Adversus quos, quibus in rebus, et a quibus Creditoribus non exigatur interpellatio.
11. Interitu naturæ si perierit res, quæ penes Creditorem fortassis erat eodem modo peritura, an nihilominus post moram teneatur debitor ad estimationem.
12. L. si plures, §. ult. Depos. interpretatio.

1 UT quod natura aut iure dari non potest, frustra promittitur, omninoque in obligationem deduci non potest: L. si stipulor, *infra*, eod. sic quod dari poterat, ab initio utiliter promissum, si postea sine culpa debitoris dari posse desinat, et ipsum ita desinit deberi, ut statim perimatur obligatio, omninoque debitor liberetur. §. 1. *Inst. de inut. stip.* Efficitur utrumque ex eo principio, quod de omni obligatione recte constitutum est, impossibilem nullam esse obligationem. L. impossibilem, *infra*, de regu. iur. Id enim universim definitum de omni obligatione, pariter et ad contrahendas obligationes, et ad contractas pertinet: ut quemadmodum rei impossibile obligatio contrahi non potest, quia finis obligationis repugnat: sic nec ea quamvis initio recte contracta possit consistere, cum sine culpa debitoris caput præstatio esse impossibilis, ob eandem causam. Inde dictum evanescere obligationem, cum in eum casum recidit, a quo incipere non poterat. L. pro parte, *supra*, de servit. Ex his principiis hæc nata sunt: primum quod de interitu hic traditur, et L. Titius, §. ult. de leg. 1. debitorem si per eum non steterit, quominus daret, interitu rei debita liberari: deinde et illud, quod eiusdem rationis est, et ad interitum quandam civilem pertinet; eodem modo liberari debitorem, si

cum per eum non stetisset, quominus daret, res exempta sit hominum commerciis: veluti si res profana, sacra; Stichus, liber factus sit: de qua specie in L. inter, §. sacram, *infr. eod.* † Et quamquam de homine certo debito hic concepta est definitio, et eo, qui ex legati causa, aut ex stipulatu debeatur: tamen universi generis hæc definitio est ad omnem rem pertinens, quæ debeatur: sive ea mobilis sit, sive immobilis; sive animata, sive inanimata; et sive certa species sit, sive quantitas certa, puta quæ in arca est: nec quidquam refert, quæ ex causa debeatur. L. si certos. 37. *infr. L. cum res*, §. ult. *supr. de leg. 1. L. in ratione*, §. verum, *supr. ad leg. fal.* scilicet in omnibus eadem iuris ratio est: ut perspicuum sit, quæ de certo homine, aut causis addita sunt, exempli causa addita esse, ut res esset planior. Et ideo regula generaliter concepta est in L. quod te, *supr. si cert. pet.* de eo nimirum, quod te mihi dare facere oportet. † Non est additum, quod certum. Id enim ex attributo satis intelligitur; quandoquidem definitio est de iis rebus, quæ pereunt, quod in res certas solum cadit. Incertis rebus promissis, ut cum homo generaliter promissus est, aut cum centum aurei debentur, non possunt eæ quæ promissæ sunt, dici perire: cum in his omnes pariter debeantur, tam quæ

exstant, quam quæ postea perierunt. Arg. in *L. Mævius §. duorum, sup. de leg. 2.* Eo fit, ut in his nullus casus rerum liberet debitorem. *L. incendium, C. si cert. pet. d. L. in ratione, §. incertæ, sup. ad leg. fal.* Et ipsiun quidem corpus debitum, quod interiit, aut hominum commerciis exemptum est, amplius non deberi quis fateatur; quia nec dari potest. † sed dubitet de æstimatione, num hæc saltem debeatur, quia hæc natura possit præstari. Dicimus hoc loco, et similibus post mortem rei debite, debitorem non teneri: ut sit sententia sic rei debite nomine eum liberari, ut nec æstimationem debeat: idque ita traditum est in *d. L. in ratione, §. incertæ, ad leg. fal. L. cum res, §. ult. sup. de leg. 4.* Et recte: rem enim ab initio præstare debuit, non æstimationem. Ratio ad simile quiddam efficiendum a Paulo reddita in *L. venditor ex hereditate: illic, non enim actiones, sup. de her. vel act. ven.* Adeoque verum est re extincta nihil hinc deberi, ut placeat mortuo bove legato, qui legatarii factus non esset, neque deberi corium, neque carnem. *L. mortuo, sup. de leg. 2.* Finge alienum fuisse legatum. Idemque in bove et quovis alio animali ex alia causa debito multo magis probandum est, et merito. Sunt enim hæc corporis inanimati, non animalis partes: animal enim morte esse desit; animal autem, non cadaver promissum erat. † Alia causa est rerum nostrarum: quibus demortuis etiam quod ex his superest, nostrum est. *L. solum, §. 1. sup. de rei vind.* Itaque in bove surrepto et occiso conditioneni esse placuit non tantum bovis, qui propter moram furis etiam nunc exstare intelligitur, sed et corii, et carnis adversus eum, qui ista mortuo bove contrectarit. *L. si servus, §. 1. sup. de cond. fur.* Intelligendum est enim in re furtiva soli domino competere conditionem. *L. 1. sup. de cond. fur.* In rebus promissis, aut ex alia causa debitis, quid in obligationem deductum sit, non quid ex re promissa debitate supersit, spectamus. Sed in hac liberatione omni, de qua diximus, inest hæc conditio, si per debitorem non steterit, sive si per eum factum non sit, quominus rem præstaret: † Quod si postea perierit, quam per eum factum erit, quominus daret; commutata ratione placet enim teneri nihilominus, ne culpa eius adversario noceat: quod hic traditur, et in *d. L. quod te, sup. is cer. pet.* Atqui quod perit, non minus hoc casu, quam superiore dari posse desit. Sed propter eius culpam perinde acci-

Tom. XI.

pitur, quasi res adhuc exstaret: eaque ratione fit, ut et teneatur etiam nunc, et quasi re exstante perpetuo teneatur. *L. nemo, §. ult. infr. eod.* Hoc est, quod aliis verbis definiverunt veteres, quoties culpa intervenit debitoris, perpetuari obligationem. *L. si servum, §. sequitur, infr. eod.* Per debitorem enim stare, aut fieri, quominus det, nihil aliud est, quam culpa eius fieri, quominus det. *L. is qui, sup. de ob. et ac.* perpetuare autem obligationem significat perpetuam facere. *d. L. si servum, §. nunc videamus, infr.* Quod quidem futurum est, si re post culpam debitoris peremptam non secus ille iam teneri incipiat, quam si res exstaret. † Quando per debitorem stare fieri intelligatur, seu quando videatur in eo culpa esse, quominus det, videndum est. Id duobus modis contingere tradit hoc loco Pomponius: sed brevius dictum explicationis indiget. Ergo uno modo id accidere ait, si debitor hominem promissum occidit. De occiso exempli causa dictum est. Nos generaliter definimus, videri per eum fieri, quominus det, quocunque modo dolo malo culpave eius factum est, ut res dari posse desineret, sive interierit ipsa, sive deserierit essu in hominum commerciis: parumque retulerit in eo, utrum ipso occiderit, eximeretur, an alius eius opera. In his omnibus pariter culpam suam debitor præstat. *L. si servum, infr. eod. d. L. is qui, supra, prox. tit. L. quid ergo. 53. §. si heres, et seqq. sup. de leg. 1.* Dum tamen illud admonetur, debitorem in re ex stipulatu debita eam culpam non præstare, quæ sit in negligendo: ut, si servum debuit et neglexit agrotum, eaque negligentia factum est, ut servus moreretur: de quo disserit Paulus in *d. L. si servum, in princ.* Quid, si servum ipse occidit, et quidem suis manibus, verumtamen sine culpa; puta, iure occiderit? non est satis occidisse: nos culpam exigimus, ut per debitorem videatur stetisse, quominus daret; et ideo qui ita occidit, non tenebitur. *d. L. quid ergo, §. si heres.* Altero modo per debitorem fieri Pomponius ait, quominus ille det, eoque et mortuo postea homine promisso eum teneri, si interpellatus non dederit. Id valet, si in re debita præstanda moram fecerit. Is enim definitur moram facere, qui opportuno loco et tempore interpellatus non solvit. *L. mora, sup. de usur. d. L. nemo, §. ult. infr. eod.* Et præterea constat ex aliis locis, si quis hominem a se promissum non occidat, eum mortuo homine non aliter teneri, quam si in eo præstando

moram fecerit. *d. L. si servum, infr.* Interim his verbis, quod ita fit, si aut interpellatus non dedisti, duo complectitur Pomponius. Nam et omnem qui interpellatus non dedit, significat mortuo postea homine teneri proinde et moram facere: et vice versa eum, qui interpellatus non sit, mortuo postea homine teneri negat; quo et moram eum non facere statuit. Utrumque ut plurimum ita se habet: sed non est, perpetuum, ac multis etiam modis, si ad verba expenditur, falsum est: quapropter quatenus verum sit, considerandum

8 est. † Quod ergo dicitur per eum fieri, quominus det, qui interpellatus non dat, id est eum moram facere, ex quo eveniat, ut postea quamvis homine mortuo teneatur, sic interpretandum est: dummodo is, qui interpellatur, nullam habeat iustam causam solutionis differendæ. Nam qui causam differendi habet, is quamvis maxime, et cum instantia interpellatus, moram non facit, nihiloque magis tenetur, quam si interpellatus non esset. *L. sciendum. L. si*

9 *quis solutioni, supr. de usur.* † Lustæ differendi causæ summæ sunt quatuor. Prima, si id quod petitur, non debeatur ita, ut possit peti eo modo, quo petitur: veluti, si debeatur in diem, et petatur ante diem: si debeatur certo loco, et alio loco petatur. *L. mora supra, de usur. L. cum filiusfamilias, §. ult. infr. eod.* Huc pertinet regula iuris, nulla mora intelligitur ibi fieri, ubi nulla petitio efficax iure est constituta, sive ubi id quod petitur, iure peti non potest, ut interpretatur Scævola in *L. si pupillus, infr. eod.* Paulus in *L. lecta, vers. dicebam, supra si cer. pet.* Altera causa est recusandi, si is unde petitur, se debere ignoret, aut ignoret se debere ei, a quo interpellatur, nec ulla iusta causa sit, quamobrem id intelligere debeat. *L. quod te, supra, si cer. pet.* Si se debere ignoret, veluti, si sit bonæ fidei possessor, a quo petitur, ut rem, quam possidet, restituat. *L. illud, supra, de pet. her.* aut si sit debitoris heres, qui de debito appellatur. *L. qui in alterius, infra de regu. iur.* Si ignoret se debere ei, a quo interpellatur, veluti, si interpellatur a procuratore creditoris, aut ab herede, quem procuratorem, aut heredem creditoris esse nesciat. *L. si quis inficiatus, supra, depos.* Tertia causa est, si debitor, qui se debere non ignoravit, rem in potestate non habuit tum, cum interpellabatur, neque dolo fecit, quominus haberet. *d. L. quod te.* Postrema est, si debitor ideo distulit, quia sibi ad securitatem solutionis

prospicere voluit: veluti, si voluit, adhiberi testes, aut adhiberi fideiussores suos, qui monerentur, ne postea iterum solverent; aut si voluit sibi cautionem suam seu chirographum reddi. *d. L. sciendum, de usur.* Ex contrario quod dicitur eum, qui interpellatus non est, mortuo homine non teneri, quia nec moram fecerit, etsi multis locis ita generaliter traditum est, ut hic, *L. mora, supra de usur. et L. Titia, §. ult. supra de leg. 1.* tamen ne hoc quidem est perpetuum, multasque id habet cautiones. Multi sunt rei, adversus quos non est necessaria interpellatio, ut qui satis re ipsa interpellentur. Multi quoque creditores, a quibus interpellationem requirere non satis æquum putetur. Multæ etiam res in eadem causa. † Primum malæ fidei possessores, omnesque omnino, qui rem alienam maleficio occupatam tenent, ex ipso tempore delicti perpetuo moram facere intelliguntur citra interpellationem ullam, eoque et re quovis casu amissa semper tenentur. Quorsum enim interpellatio, ut de voluntate domini admoneantur in ea re, quam sciunt se illo invito contractare, quam eandem nec attingere debuerunt? indigni etiam suo maleficio, quibus ulla dilatio ad restituendum tribuatur. Hæc in *L. illud, supr. de pet. her. L. 1. §. rectissime, L. pen. supr. unde vi, L. in re furtiva, §. 1. L. ult. supr. de cond. fur.* Et in his quidem notandum, interdum dici moram in rem fieri, ut *L. ult. C. de cond. ob tur. caus.* quia fit sine interpellatione ex ipso tempore tardæ solutionis, ut hoc verbi exponitur in *L. in minorum, C. in quib. caus. in int. rest. non est nec.* Sed non eo minus recte dicitur, et in his moram fieri ex persona, ut sit, ex culpa et vitio personæ non solventis, ac non ex dilatione tantum. Ergo ex re quidem et dilatione ipsa; sed nihilominus et ex persona. Quod ideo moneo, ut in omnibus, in quibus mora fit iure communi, non singulari, intelligamus recte dictum esse in *L. mora, supr. de usur.* moram non ex re fieri, sed ex persona; id est, non ex rei dilatione sola sine vitio personæ. Sed etsi res ex contractu debeatur, non est alia interpellatio necessaria, si obligatio in diem contracta est. Satis enim creditor denunciavit debitori ab initio, quo die sibi solvi vellet, cum eum diem nominatim obligationi adiecit, quo pecunia non deberetur, sed solveretur. Itaque eum, qui sua die non solveret, sine alia interpellatione moram facere, et deinceps perpetuo teneri recte placuit. *L. magnam, C. de con. stip.* non quod nou interpellari debitorem hunc

non oporteat, ut et ceteros: sed quia adiectio diei certa sit denunciatio creditoris declarantis, quo die sibi velit solvi: hæc autem denunciatio interpellatio est: unde bene vulgo dictum est, diem ipsum satis interpellare. Hoc ius an pertineat ad eas obligationes quæ diem tacitum habent, itemque ad conditionales, dicemus ad *L. interdum*, *infr. eod.* Postremo etiam tunc, cum obligatio ex contractu est, et pura, tamen interdum singulari iure mora fit citra interpellationem ullam, atque adeo citra ullam culpam et vitium personæ debitoris: alias favore creditoris, ut in persona minorum: *d. L. in minorum*, *C. in quib. caus. in int. rest. non est nec.* alias favore rei debitoris, ut in fideicommissariis liberatibus: *L. cum vero*, *§. apparet, sup. de fidei lib.* alias necessitate rei ita cogente: quod fit, cum non exstat, qui conveniatur. *L. sed etsi*, *§. ult. supra, de usur.* In his quidem causis tribus posterioribus moram constat fieri, sed non ex persona, idest, ut interpretamur, vitio et culpa debitoris; verum hoc ipso, quod res non solvitur, etiam si nulla culpa sit in debitore: unde supra scriptis in locis legimus in his omnibus moram ex re fieri, vel, quod idem est, in rem, seu in re. Cuius verbi, ut dixi, hæc vis est, ut fieri intelligatur mora ex ipso tempore tardæ solutionis, ut est in *d. L. in minorum*. Sed non eo minus vere definitur in dicta *L. mora, de usur.* moram non ex re fieri sed ex persona: propterea quod ex iure communi definitum id est, nec vero eo iure id aliter se habet. In his tribus causis quas diximus singulare ius esse apparet. Quæ omnia quoniam diligentius sum exsecutus in *Commentario, de mora*, ideo fui hoc loco brevior, contentus summam rerum velut digito indicare, quarum explicatio fusior, prout cuique commodum videbitur, illinc sumi potest. Hæc de interpellatione et mora hic spectant, ut intelligamus, sive recte interpellatus debitor, sive non interpellatus aliquo modo moram faciat, ut, quod quærimus, per eum stetisse, seu factum esse existimetur, deinceps re post moram perempta sic sum teneri, ut si res exstaret.

† Hoc loco de naturali interitu quæsitum est, etiamne hunc præstet debitor post moram. Quid enim, si res ita perit natura sua, ut periisset si esset apud creditorem? puta, fundus promissus aut legatus chasmate perierit; incendium contigerit in ædibus creditoris, in quibus res debita: tum forte erant; Stichus promissus vel senio, vel aliter ex morbo deces-

serit. Quæstio nascitur ex locis in speciem repugnantibus. Nam in *L. cum res*, *§. ult. supra, de leg. 1.* scriptum est, etsi fundus chasmate perierit, si tamen post moram factam id evenierit, nihilominus æstimationem deberi. Idemque responsum est de homine, aut alio quovis animali demortuo in *L. item si verberatum*, *§. ult. supra, de rei vind.* Contra in *L. si plures*, *§. ult. supra, depo.* diserte traditur æquum esse naturalem interitum ad actorem pertinere, quamvis post moram et quidem post litis contestationem. † Et ne quis verbo naturalis interitus alium interitum nescio quem commiscatur, quam mortis, aperte eo loco comprehensum est, quem hunc interitum Caius intelligat. His enim verbis ante definita res erat, absolvi debere eum, cum quo depositi actum est, si sua natura res ante rem iudicatam intercidere, veluti si homo mortuus fuerit. Confirmatur idem in *L. item si cum*, *§. pro eo autem, in extremo, supra, quod met. cau.* ubi scriptum est, si non culpa eius, cum quo agitur, res obierit, teneri reum, sed hac conditione, si peritura res non fuit, si metum ille non adhibuisset: ut intelligere liceat, si æque peritura res fuerit apud actorem, reum non teneri. Ego quod de hac re iam olim scripsi in *Commentario de mora*, hic quoque breviter repetam: mihi enim verissimum videtur; etsi natura sua res pereat, veluti si homo naturali morbo moriatur, aut fundus chasmate interciderit, nihilominus reum semper teneri post moram, ut pretium præstet, si actor rem receptam distrahere potuit. Non dico, si constet eum distrahere potuisse, et simul fuisse distracturum; sed solum si distrahere potuit, ut hac sola de causa, quod potuit, etiam distracturus fuisse existimetur. Declaratur hoc in dict. *L. cum res*, *§. ult. de leg. 1.* et *L. item si verberatum*, *§. ult. de rei vind.* quo nihil æquius; et vero ita iudicari oportuit, si verum est, quod regula iuris traditur, unicuique moram suam nocere. *L. in condemnatione*, *§. unicuique, infra, de reg. iur.* Non mutat hanc sententiam, quod dicitur in *L. item si cum*, *§. pro eo autem, quod met. caus.* si res æque peritura fuerit apud actorem, reum non teneri. Reum enim apud actorem eodem modo perituram fuisse tum intelligere debemus; cum et corpore peritura fuit apud eum, et ita peritura, ut nec receptam distrahere poterit, et pretium lucrari. Quod si potuit, ideo res ei peritura fuisse non videtur, quia is intelligitur rem habere

re, qui pretio fruitor. *L. quia qui, supra, de usufr. et quem. quis ut:* et contra ei rem abesse dicimus, cui pretium abest. *L. Labeo, et Sabinus, inf. de ver. sig.* Ne illud quidem adversatur, quod usque adeo contrarium esse plerique existimant, quod est in *d. L. si plures, §. ult. depo.* Si homo mortuus sit natura sua, quamvis post moram debitoris, tamen naturalem interitum ad actorem, non ad rem pertinere. Hoc enim non absolute illic dictum est, sed additum est temperamentum, quod prioris sententiam minuit, et temperat conditione his verbis; *utique cum interitura esset ea res, etsi restituta esset actori*, vel ut in Pandectis Florentinis legitur, *utique cum interitura sit ea res.* Vulgo pro ratione hoc dictum accipiunt, quasi Caius de sententia Sabinii et Cassii confirmaret simpliciter naturalem interitum hominis demortui, qui quidem sine culpa rei contigisset, ad actorem pertinere; et eius sententiae redderet hanc rationem, sive suam, sive Sabinii, quia naturali interitu fieret, ut et eodem modo interitura res esset, etsi restituta esset actori. Non recte hoc ita accipitur, mea sententia, ac nec potest: aliqui incurrit hæc ratio in duas manifestas reprehensiones, ut dicatur et falsa esse, et si vera esset, tamen esse inepta, minimeque consequens. Si hæc eo loco veterum ratio est, primum falsum sumunt, et id quod nemo illis concederet, si res natura sua interierit, interituram etiam fuisse, etsi restituta esset actori. Quid enim, si creditor receptam rem potuit distrahere? non fuit illi interitura, ut iam dixi, si eius pretium consequi potuit. Demum tamen etsi pretium habere potuerit, æque recte dici interituram rem creditori fuisse: non tamen ex eo efficitur, quod volunt, ideo debitorem interitum naturalem præstare non debere. Sic enim illis responderemus: res quidem ipsa, quæ debebatur, corpore suo interitura erat, etsi restituta esset actori: quam ob causam nec reus ipsum corpus amplius debebat. Ad pretium rei non item fuit interitum: quare vel istonum ratione erit etiam creditori præstandum. Si quis dicet rem ante debitam fuisse, non pretium, eoque non esse mirum, si nunc pretium non debeatur, quod ab initio non debebatur; referemus ex adverso ante moram debitoris hoc ita dici posse: mora autem interveniente, hanc efficere, ut et pretium rei debeatur, si id creditor re recepta potuit consequi. Quod non solum traditum est in

d. L. item si verberatum, §. ult. supr. de rei vind. sed etiam certa ratione iuris et æquitatis nititur. Semper enim tenebimus esse æquissimum, moram suam unicuique nocere: longe iniquissimum nocere adversario; quod et regula iuris est comprehensum. *d. L. in condemnatione, §. unicuique, infr. de reg. iur.* Ergo his verbis, *utique cum interitura sit ea res, etsi restituta esset actori*, non confirmatio præcedentis sententiæ, sed correctio potius; ut dixi, aut verius conditio et temperamentum continetur, particula, *cum*, posita, non ut sit causalis, sed temporis, pro quando: ut sit sensus, Sabinum et Cassium dixisse æquissimum esse naturalem interitum ad actorem pertinere; *utique*, idest, sed hoc ita, aut verum hæc conditione, seu sed tunc demum, cum interitura esset, aut cum interitura est res, etsi restituta esset actori. Id autem tunc solum accidit, cum et receptam rem actor distrahere non potuit, ut nec corpus ipsum rei potuerit habere, nec pretium. Proinde si ille potuit distrahere, et pretium lucrari, superiorum sententia est etiam post naturalem interitum, id illi a debitore post eius moram esse præstandum, quod cum his, quæ ex aliorum locorum sententia diximus, plane convenit. Nec nobis officere debet in hac interpretatione structura orationis, quod particula, *cum*, in superioribus verbis iuncta est subiunctivo, *sit*, cui modo iungi solet, cum significat causam; aliter cum significat tempus, qua in significatione iungi solet indicativo. Observabimus enim id non esse perpetuum, et nonnunquam veteres cum pro quando coniungere cum subiunctivo, ut dicant cum sit, pro cum est, vel erit. In *L. proinde, in fin. supr. si cer. pet. ita scriptum est. Nam Iulianus ait et traditiones ab herede factas ad id tempus redigi, quo hereditas adita fuerit, cum repudiatum sit legatum, vel adpositum, cum repudiatum sit legatum, idest, cum repudiatum est, aut cum repudiatum erit legatum, eadem forma, qua hic dictum est, cum interitura sit, pro cum interitura est, vel erit. Occurrit idem in §. aliquando, Inst. de per. et temp. act. ubi ita scriptum est: aliquando tamen etiam ex contractu actio contra heredem competit: veluti cum testator dolose versatus sit, et ad heredem eius nihil ex eo dolo pervenit: cum versatus sit, pro cum versatus est. Quod si ut in aliis exemplaribus, ita legamus, *utique cum interitura esset res*, ut referatur ad illud, *Sabinus et Cassius dixerunt*, omnis habitatio tol-*

litur. Recte enim, et usitate dicimus: illi interitum naturalem ad actorem pertinere dixerunt; sed tunc solum quando res interitura esset, utraque parte orationis ad idem tempus relata, nempe præteritum. Et sane illud, *esset*, quod sequitur, ita legendum esse, aut certe melius ita legi nos admonet. Id enim posterius exigit prius verbum eiusdem modi et temporis: ut ita dicatur, utique cum interitura esset res, etsi restituta esset actori: aliqui perturbabitur oratio temporibus, cum illud, *sit*, quod est in Pand. Florentinis, sit temporis præsentis, verbum autem *esset*, quod sequitur, sit præteriti imperfecti. Neque vero est, quod quisquam hanc interpretationem non bene convenire existimet cum sententia Sabinii et Cassii, quæ refertur in d. L. *si plures*. Id quidem prima fronte videri potest: apparet enim illos hoc sensisse, na-

turalem interitum si non semper, at certe aliquando ad actorem pertinere posse: aliqui quod illi dixissent interitum ad actorem pertinere male id ex parte retineretur postea, ac non in totum et absolute reiiiceretur. Nunc autem superiore interpretatione nostra effici quis dixerit, ut nunquam interitus etiam naturalis ad actorem pertineat: quia et si rem acceptam non semper retinere potuit creditor non magis, quam debitor; vendere tamen semper potuit. Sed hoc non ita est: multis enim modis potest accidere; ne creditor rem acceptam vendat, vel quia nolit, vel quia non possit. Quo tempore si res natura sua perierit, hoc demum esse dicimus, cum is interitus ex superiorum sententia ad actorem pertineat. De his modis a me dictum est in *commentario de mora*.

Ad L. Sed si ex stipulatu. 24.

Paulus libro ix. ad Sabinum.

Sed si ex stipulatu Stichum debeat pupillus: non videbitur per eum mora fieri, ut mortuo eo teneatur, nisi si tutore auctore, aut solus tutor interpelletur.

S U M M A R I A.

1. *Pupillus cur sine tutoris auctoritate interpellatus moram non faciat.*

2. *Quid si tutor non apparet.*

EX iis, quæ de interpellatione supra diximus, consequens est, quod hic traditur, pupillum sine tutoris auctoritate interpellatum moram non facere, ut postea re perempta non teneatur. † Hoc enim eo fit, quia pupillus iustam habet differendi causam; eaque duplex est; primum quod rem debitam pupillus in sua potestate non habet: non enim habet alienandi facultatem. §. *nunc admonendi, Instit. quib. al. lic. vel non.* Deinde quia non intelligit, an debeat propter ætatem: creditur enim ius ignorare, idque illi facere permissum est. L. *regula, in prin. supr. de iur. et fac. igno.* Obstat L. *si dictum, §. ult. supr. de evic.* ubi scriptum est pupillo

(proponere eum pupillum, qui venditori successerit) recte denunciari etiam sine tutoris auctoritate, ut emptorem defendat, idque nisi fiat, pupillum ob evictionem teneri. Sed eo loco adicitur, id tum fieri, *cum tutor non apparet*. † quod et nos in omni alia interpellatione admittere debemus, et ita statuere, si tutor non apparet, recte solum pupillum interpellari, et eo interpellato fieri moram, ut re postea amissa pupillus nihilominus teneatur. Idque optima ratione defenditur. Nam et si pupillus ipse una cum tutore non exstaret: tamen fieret mora ex re ipsa, ne absentia debitoris fraudi esset creditori. L. *sed etsi: in fin. supr. de usur.* Ad f.

*Ad L. Si dari stipuler. 25.**Pomponius libro xx. ad Sabinum.*

Si dari stipuler id quod mihi iam ex stipulatu debeatur, cuius stipulationis nomine exceptione tutus sit promissor, obligabitur ex posteriore stipulatione: quia superior quasi nulla sit, exceptione obstante.

Vide, quæ scripsi ad L. qui bis. 18. supr.

*Ad L. Generaliter. 26.**Ulpianus lib. xlii. ad Sabinum.*

Generaliter novimus turpes stipulationes nullius esse momenti.

*Ad L. Veluti si quis. 27.**Pomponius libro xxii. ad Sabinum.*

Veluti si quis homicidium vel sacrilegium se facturum promittat; sed et officio quoque prætoris continetur, ex huiusmodi obligationibus actionem denegari.

S U M M A R I A.

1. *Contra bonos mores quid.*

2. *Turpes stipulationes quæ.*

3. *An valeant ab initio stipulationes turpes Iure Civili, sed exceptione doli mali, aut in factum opposita infringuntur: an vero*

plane inutilis sint, ut ad eas impugnandas non sit opus alio auxilio.

4. *L. pen. de cond. ob tur. cau. declarata.*

5. *An stipulatio, quæ penâ vinculo matrimonium obstringere videtur, proposita in L. Titia inf. sit contra bonos mores.*

Quod dari fieri non potest, inutiliter promittitur. *L. si stipulor, 35. inf. eod.* Id non posse credimur, non tantum quod natura non possumus, sed etiam quod iure. *L. filius, supr. de cond. inst.* Ac iure fieri non potest, si quid leges fieri prohibent, aut boni mores. *d. L. si stipulor, 1. infr. †* Est autem contra bonos mores, ut Papinianus definire videtur in *d. L. filius*, quod factum lædit pietatem, existimationem, verecundiam nostram, in summa quidquid est turpe, et cum maleficio coniunctum. *L. si quis inquilinos, §. pen. supr. de leg. 1.* hinc turpes stipulationes, de quibus consequens est, quod hic traditur in *L. generaliter*: eas nullius esse momenti. *†* Ac turpes esse illas non ambigitur, quibus promittitur aliquid, quod per seipsum sit turpe; veluti si quis homicidium, vel sacrilegium promittat se facturum, quæ exempla sunt *L. veluti*: cuiusmodi et illam esse non dubito, cum pecunia promittitur alicui ob id, ne quid etiam istorum faciat. Ex hac quidem promissione nullam esse obligationem constat. *L. iurisgentium, §. si ob malef-*

cium, supr. de pac. Sed cur est inutilis? quia turpis. At quomodo turpis, quæ maleficio prohibet? quia hoc ipsum turpe est accipere, ut a maleficio temperes, quod facere sua sponte et gratis unumquemque oportuit. *L. 2. et L. ult. supr. de cond. ob. tur. caus.* Eiusdem generis et illa videri debet, cum stipulamur penam, si quis illam uxorem non duxerit, aut si ab ea, quam duxerit, diverterit: de qua in *L. Titia, infr. eod. L. 2. C. de inu. stip.* Neque uxorem ducere, neque ab ea, quam duxerit, non divertere turpe est: honestum est etiam, si volens facias. Sed invitum quemquam cogere, ut hæc faciat, quæ honestatē vitæ, et mutuis officiis, ac mutuo amore provocanda sunt, et inhonestum et Reip. inutile Romanis iudicatum est: hæc autem necessitatem ista faciendi in se sumscipit, qui et se promittit ea facturum, et nisi fecerit, promittit penam. Hæ ergo stipulationes sine dubio turpes, in quibus turpe aliquid in stipulatum deducitur, sive id promitteuti turpe sit factu, sive stipulanti acceptu, aut exactu turpe. Sed non minus et

et illæ turpes, ac contra bonos mores habendæ sunt, in quibus nihil quidem per se præstita aut exacto torpe promittitur: verum ipsa rei obligatio aut maleficii admissi præmiæ continet, aut ad futurum invitat. Etiam facti flagitii causa concepta stipulatio tanquam torpis non valet. *L. si flagitii. 123. infr. eod.* quia hoc modo et præmiæ maleficii statuitur, quod potius efficiendum fuit poena, ne maneret impositum; *L. ita vulneratus, supr. ad leg. Aquil.* et nocens ea veloti delicti mercede confirmatus ad eadem libentius et audacius in posterum patrandi invitatur: quæ parte etiam ad sequentem speciem id promissionis genus pertinet. Quæcunque autem stipulationes stipulatorem ad delinquendum invitant, hæ non alio loco habendæ sunt, quam quæ recta et aperte delictum ipsam continent, et efficiunt: eoque et pariter huius generis conventiones omnes improban-
L. illud, supr. de pac. det. In quo genere non esset tantum numerari oportet, quibus aperte quid promittitur stipulanti ea gratia; ut sacrilegium exempli gratia aut lenocinium faciat, de quibus minor est dubitatio: *L. 5. C. de cond. ob. turp. caus. d. L. si flagitii, infr. eod.* sed etiam in quibus pecunia aut res aliquæ iuris nostri simpliciter promittitur, idest, ita, ut nulla delicti vel præteriti, vel futuri mentio fiat, ac ne promissor quidem aut maleficium requiratur, aut eius patrandi ullam causam præbere cogitur; sed tamen res ipsa in se delicti illecebram habet. Huiusmodi stipulatio est, quæ nobis hereditatem alterius deferri stipulamur. *L. stipulatio hoc modo. 64. infr. eod.* quæ si valere cœperit; quia eius emolumentum ex morte promissoris pendet, etiam votum et captationem mortis promissoris asserit, quo citius hereditate potiri liceat. Huiusmodi et illa advocati, quæ is sibi ex eventu litis certam partem lucri sibi a domino dari stipulatur. *L. salarium, supr. mand. l. 1. §. si cui, supr. de extr. cog. L. sumptus, supra, de pac. de quo genere toto etiam alibi diximus.* Atque hæ turpes sunt stipulationes. De his hoc loco hæc definitio est, omnes omnino turpes stipulationes nullius esse momenti. De his, quæ contra bonos fiunt, totidem pene verbis definitum est in *L. ex eo, C. de iust. stip. cum omnia*, inquit *Imp. quæ contra bonos mores in pactum, vel in stipulationem deducuntur, nullius momenti sint.* † An hoc sic accipimus, ut valeat quidem ab initio stipulationes turpes Iure Civili, sed exceptione doli mali aut in factum opposita infirmantur? nam hoc modo

istas infirmari quibusdam locis significari videtur. *L. Titia, infr. eod. et L. pen. supr. de cond. ob. turp. cau.* Sed verba hæc, nullius sunt momenti, refragantur. Id enim dicitur nullius esse momenti, quod plane iure inutile est, quod ne Iure quidem Civili valet, ut ad id impugnandum non sit alio auxilio opus, ut declaratur aperte in *L. non dubium, in fin. C. de legib.* Hoc modo stipulationes impossibili conditione adiecta nullius momenti esse dicimus. *L. non solum, supr. de ob. et ac. et absente sine peremptorio edicto condemnato dicimus sententiam nullius esse momenti. L. 1. §. item cum ex edicto, infr. quæ ven. si. ap. resc.* ubi et stipulationem ita inutilem dici constat, ut nulla omnino ex ea obligatio sit; et sententiam ita non valere, ut nulla sit, ac ne appellare quidem ab ea sit necesse. Sed cur dubitamus de turpibus stipulationibus idem affirmare, hæremusque in verbis huius loci, cum alibi tot locis id pluraquam discrete expressum sit? quorum in aliis scriptum est has stipulationes esse inutiles, ut in *L. stipulatio hoc modo concepta, infr. eod.* in aliis iam ab initio eas non valere, ut in *d. L. si flagitii, infr. eod.* in aliis etiam, ut ne quis esset dubitationi locus, has stipulationes esse eiusmodi, ut ex his nulla sit obligatio, nulla actio. *L. iurisperitum, §. si ob maleficium, supr. de pac. et L. ex eo, C. de iust. stip.* Et ut loci tam multi in eam sententiam in medio non essent: tamen cum fateamur turpes stipulationes esse contra bonos mores, ac proinde contra Ius, vel hoc ipso etiam si deint cetera, quid consequens sit, apparet: si modo tenemus illud, quod traditum est in *L. non dubium, C. de legib.* quicquid sit lege prohibente, non solum inutile, sed etiam pro infecto haberi. Unde ibidem de omni conventionis adiectum est, quod hoc pertinet, nullum pactum, nullum conventionem, nullum contractum inter eos videri subsecutum, qui contra-
 hant lege prohibente. Proinde certum esse nec stipulationem huiusmodi tenere, nec mandatum ullius esse momenti. An dubitamus ea contra Ius esse, quæ sunt contra bonos mores? Atqui mores sunt optima pars Iuris Civili. *L. de quibus, supr. de legib.* nec in moribus nulli maiorem vim veri Iuris obtinent, quam qui dicuntur boni mores. Ut in primis præceptis Iuris Civili est, honeste vivere, neminem lædere: ita nihil æque prohibetur Iure, quam maleficia, omnisque vitæ turpido: adeo ut ad Reip. etiam utilitatem existimetur pertinere maleficia non esse impunita. *d. L. ita stipulatus,*

tus, *supr. ad leg. Aq. L. locatio, §. quod illicite, supr. de publican.* hoc autem solum contra bonos mores, quod turpe. In *L. si stipulor, infr.* cum definitio posita esset de eo, quod leges fieri prohibent, subiectum est exemplum eius facti, quod contra bonos mores erat. In edicto de pactis constat de his pactis non servandis solum cautum esse, quæ dolo malo facta sunt, et contra leges; cæterasque partes iuris. *L. iurisgentium, §. Prætor, supr. de pac.* At nemo unquam dubitavit, quin his verbis improbandis ea maxime tanquam contra ius facta, quæ essent contra bonos mores. *L. 6. C. de pac.* Non est igitur, quod quisquam dubitet, quæ stipulationes contra bonos mores fiunt, quas nunc turpes appellamus, eas ad regulam *L. non dubium*, quam maxime pertinere, ut quæ prohibentibus bonis moribus factæ sunt, ex tanquam prohibente lege, et optima lege factæ pro infectis habeantur. An fatebimur turpes stipulationes nullius quidem momenti esse, itaque non valere, ut ex his neque Iure Civili, neque prætorio detur actio, sed nihilominus tamen eas exceptione opposita infirmari dicemus? hoc vero multo minus; quam superius illud ferendum est. Nulla est enim exceptio, nisi adversus actionem iure constitutam comparata: nulla denique, nisi cum Iure Civili actio nascitur ex stipulatione, et agente stipulatore iusta est eius intentio, ut proinde ad eam impugnandam exceptione sit opus: quod notius est, quam ut in eo probando laborare oporteat, ita id aperte declaratur toto *Tit. Inst. de excep. et. L. dolo, C. de inut. stip.* Sunt tamen loci duo fateor, quos supra indicavi, quibus exceptio adversus huiusmodi stipulationes dari videtur. De quibus prius, quam respondeam, hoc præfabor non esse admodum, quod quisquam istis locis pro contraria superiore sententia sibi blandiatur. Nam etsi in his aperte proponeretur turpis stipulatio, et nihilominus in eo genere adversus actorem exceptio daretur: tamen ex illis diversa omnia colligerem ab iis: quæ illi volunt, qui istis non satis commode adversus eam sententiam, quam ostendimus, utuntur. Primum stipulationes turpes, quæ illic proponuntur, non esse eas, quas dicunt, ex quibus scilicet nec Iure Civili, nec iure prætorio actio detur, sed eas, quæ valeant, et actionem pariant ipso iure, idest, Iure Civili; quarum tamen actio exceptione infirmetur: id enim natura exceptionis exigit: toto *Tit. Inst. de exc.* Deinde hos locos non efficere, ut alii

tot locis et argumentis, quot supra ostendimus, non probetur stipulationes turpes ipso iure nullius esse momenti; quod fieri non potest; sed cum in his duobus scriptum sit eas Iure Civili valere, et eo iure ex his nasci actionem, hoc relinqui; ut prioribus illis tam multis contrarii loci esse videantur. Quo admissio quærerem, quid de illis tam multis contrariis responderemus: de quibus tamen nihil dicunt, qui contra sentiunt, sed tanquam de re exploratissima loquerentur, ita de illis seure summum silentium agunt. Quærerem præterea, in extruenda ex his omnibus locis certa definitione utrum his duobus potius, an aliis tam multis et locis et rationibus niti et stare oporteret. Atque hæc quidem tum facerem, cum his locis duobus, quos dixi citari pro contrariis, concederem de turpi stipulatione agi. Nunc autem nulla talis illis locis aperte proponi reperiretur. Faciunt igitur omnino et præpostere, et absurde, qui ex dubiis, neque clare scriptis locis, hisque duobus sententiam extruere conantur omnibus aliis tam multis locis, iisque certis, et præterea principiis iuris manifestis adversantem: ac non potius student ea, quæ obscure in uno aut altero loco dicuntur, ex certis et indubitat, ac multo pluribus sic interpretari, ut cum rebus certis consentiunt. Quæ eo dico, ut saltem iam ab initio hoc intelligatur, etiam si de his duobus locis satis expedite non liceret respondere: tamen non fuisse causam, cur propter eas certam et tot locis inculcatam sententiam mutaremus. Sed hoc mitamus, quando ad conciliationem istorum locorum nihil aut parum pertinet: de re videamus. Nego eos locos, qui contrarii dicuntur, agere de turpi stipulatione, aut certe de ea, quam talem esse conveniat: quod si ita est, contrarios non esse apparet: de turpi enim stipulatione agimus. Obiicitur primum *L. pen. supr. de cond. ob tur. caus.* In ea ita scriptum est: *si ob turpem causam promiseris Titio, quamvis si petat, exceptione doli mali, vel in factum summove eum possis; tamen si solveris, non posse te repetere.* † Quibus verbis hoc dicere Paulum apparet, quod ob turpem causam promissum est, si id stipulator petat, posse eum doli exceptione summoveari. Et si quidem omnis stipulatio ob turpem causam facta turpis esset, aut cum quadam essent turpes, quadam non turpes, pariter tamen de omni eo, quod promissum est ob turpem causam, Paulus responderet: negare non possemus superioribus verbis hoc exprimi, etiam turpem stipulationem, quæ

ob turpem causam facta sit, iure valere, sed ex ea agentem exceptione summovi posse. Nunc autem hoc statuo, neque omnem stipulationem, quæ ob turpem causam facta sit, turpem esse, etsi pleræque huius generis sint turpes; neque de omni, quæ ob turpem causam interposita sit, Paulum agere, sed de ea tantum, quæ non sit turpis: quod si probatur, obtinemus, quod volumus, eum Pauli locum contrarii nihil habere. Ac primum verissimum est illud, quod hoc loco a Bartolo scriptum est, cum quid ob turpem causam promittitur; causa quidem turpi expressa, stipulationem esse inutilem; ea autem non adiecta valerem ipso iure, sed actionem per exceptionem infirmari. In quo probando ille laborat: sed nihil certius: quandoquidem illic turpis est stipulatio; hic nequaquam. Ea enim demum turpis stipulatio est, quæ in sese implicitam habet turpitudinis, et maleficii causam, sive ea verbis stipulationis exprimitur, veluti si promittam decem, ut lenocinium facias, ut hominem occidas; sive conditione ipsa rei promissæ maleficium iuvet, qualis est stipulatio de futura successione. Et ideo utraque pariter non valet. Ac prior quidem dicitur non valere etiam ab initio in *L. si flagitii, infra eod.* de posteriore hoc etiam expressum est, nullam ex ea actionem nasci. *L. ex eo, C. de inut. stip.* Quod si pecunia simpliciter promissa sit nulla nominatim turpi adiecta causa, ob quam promitteretur, non potest stipulatio dici turpis, quæ in se nullam turpitudinis causam neque verbis, neque rei promissæ conditione inclusam habet, quamvis nulla alia de causa facta sit, quam ut turpe aliquid faceres, de quo et prius inter nos actum erat, cuius etiam gratia stipulatio secuta est; sed causa cogitata et constituta solum extrinsecus, non autem stipulatione comprehensa. Hæc quia in se turpis non est, nihil dici potest, cur iure Civili non valeat, si verba tantum species, quibus stipulationes, et pactiones omnes non iniustæ, non inhonestæ confirmantur. Sed quia etsi de causa nihil exprimitur, tamen re vera stipulationis nulla causa est, aut quod idem valet, est iniusta; ideo inquam est reum qui promisit, ex ea stipulatione condemnari, ex quo est doli exceptio adversus agentem prodita in omni alia stipulatione, quæ sine causa facta sit. *L. 2. §. circa, supr. de dol. exc.* De hac stipulatione solum si sentiat Paulus, nihil iam dubii esse potest, quin ut vere scri-

psit, si stipulator petat, eum exceptione summovi posse, ita his, quæ de turpibus stipulationibus diximus, nihil adversetur: cum hæc, de qua dicitur, secundum verba et formam stipulationis non sit turpis. Sed Paulum de hac specie tantum sentire quomodo obtinebimus, dixerit aliquis? non enim satis est, si dicatur aliis locis generaliter traditum esse turpes stipulationes nullius esse momenti, ut probetur Paulum de eo genere hic non sensisse: quid enim si verba eius repngnent, doceatque eum in ea re dissensisse a cæteris? Atqui Paulus proponit aliquid promissum esse ob turpem causam, neque de causa nominatim adiecta, aut non adiecta quidquam exprimit. Utrum igitur factum sit, ac propositionem et responsum eius referre non videtur. Quinimo si recte iudicare volumus, proprie id intelligitur ob turpem causam promitti, quod turpi causa expressa promittitur: quemadmodum ob causam dari, quod nominatim addita conditione datur. *L. si repetendi, C. de cond. ob caus. da.* Ego autem et in verbis Pauli, et in sententia totius eius responsi omnia concurrere aio, quibus liquido declaratur, cum stipulatorem exceptione summovi posse ait, non de alia stipulatione hoc eum dicere, quam quæ non sit turpis, quæ eadem causam turpem non habeat stipulationis verbis comprehensam. Ac primum in his verbis, *quamvis si stipulator petat, exceptione summovere eum possis*, diligenter observetur nihil affirmari a Paulo de stipulatore exceptione summovendo, an possis eum summovere, et quando possis; sed totum hoc dictum esse per occupationem, sub conditione videlicet, si modo possis: cum hoc quaereretur, non an si a te peteretur, exceptione te tueri posses; sed si ultro solvis, an solum posses repetere: ut sit sensus; etiam si stipulatio proponatur, ex qua ageutem summovere possis, ac proinde quæ iure valeat; tamen te ex ea solum repetere non posse. Est enim in his verbis concessio, seu modus potentialis, ut Grammatici loquuntur: *quamvis possis*, pro *quamvis detur ea species, ut possis*. Unde intelligimus, cum de eo nihil affirmet Paulus, quænam sit stipulatio ob turpem causam facta, quæ iure valeat, ac per exceptionem infirmetur, id eum relinquere in medio, et permittere regulis iuris: de quibus si dubitetur, unde explicatio eius rei sumatur, nisi ex iis locis, qui de turpibus stipulationibus clare scripti sunt, definiamusque ex iis, si re ob turpem causam promissa stipulatio conceptione ipsa sit

turpis, hanc ipso iure non valere; si non sit turpis, ita valere iure, ut tamen stipulator si petat; possit exceptione summove-
ri? Ita fit in verbis Pauli, quod dixi, ut cum de stipulatione is loquatur sub conditione, si ea sit, ex qua petitur exceptio-
ne summovi possit: ipsis etiam eius ver-
bis ea stipulatio indicetur, quæ sic ob tur-
pem causam facta sit, ut tamen non sit
turpis, quæ eadem causam turpem expres-
sam non habeat: quoniam iure non alia
sit, quæ per exceptionem rescindatur. Cum
hanc interpretationem verba Pauli admit-
tunt, tum vero esse hanc ipsissimam eius
sententiam, ut eiusmodi sola stipulatio in
eo responso intelligatur, cognito eo quod
illi in toto eo responso propositum est, et
quod in eo diluere conatur, non difficile
erit indicare. Animadvertendum est, ut dixi,
questionem illic esse, non an quod ex sti-
pulatione ob turpem causam facta promissum
est, peti possit; sed an solum ex ea
possit repeti. Quæ res repetitionem dare vi-
deretur, hæc fuit, atque hinc ambiendi
causa. Quod enim hic solum est a promissore,
non tam ob turpem causam, ob
quam stipulatio facta erat, solum est,
quam ob ipsam stipulationem: ut dici pos-
sit solum repeti posse, nempe conditione
sine causa, cum stipulatio, ob quam
causam solum est, fuerit inanis seu nulla.
Et respondet Paulus, tametsi ex sti-
pulatione solum est, tamen repetitionem
cessare: hæc quidem eius extrema verba
sunt in eo responso: ex quibus apparet,
quod dixi, dubitationis causam in eo fuisse,
quod ex ea stipulatione solum esset,
postquam hanc ipse dubitationem remo-
vet. Sed intelligendum est, ne hic qui-
dem ullam dubitationem futuram fuisse,
quod ex stipulatione solum est, si sti-
pulatio ob turpem causam facta, nomina-
tim ob turpem causam concepta esset. Ex-
si enim tum solum esset propter sti-
pulationem; tamen aperte solum esset ob
causam turpem, quia ipsa stipulatio aper-
te se ostenderet esse turpem: ex quo con-
staret, quod, ex eo genere solum esset,
tamquam omni modo ob turpem causam
solum repeti non posse. Tunc solum
insta dubitatio esse potuit in proposito, si
stipulatio ob turpem causam interposita
proponatur iure valuisse, cuius tamen ac-
tio exceptione poterit summovi, id est,
quæ in se non fuerit turpis. Dici enim
potuit, cum hic ob stipulationem solum
est, non esse solum ob turpem
causam: quoniam stipulatio, quæ fuit
causa huius stipulationis, turpis non fue-

rit; hanc ergo dubitationem solum sibi il-
lic proposuit Paulus, eoque et de sti-
pulatione ob turpem causam facta, quæ ex-
ceptione removeri posset, in occupatione
solum mentionem facit: quod ipsius reli-
quum responsum, et ratio ad eam etiam
dubitationem removendam accommodata li-
quido probant. Respondet igitur ita: quam-
vis stipulatio sit eiusmodi, ex qua si sti-
pulator petat, exceptione summovi pos-
sit, et ideo talis, quæ alioqui iure Ci-
vili valeat ob id, quod conceptione ipsa
turpis non sit; tamen ex ea solum re-
peti non potest. Quod enim hic solum
est, ita solum est ex stipulatione, sive
ob stipulationem, non solum sit etiam ob
causam stipulationi propositam, quæ causa
fuit turpis. *Sublata*, inquit, *proxima*
causa stipulationis, quæ propter excep-
tionem inanis esset, pristina causa, id
est, turpitudine superest. Sensus est: quam-
vis stipulatio, quæ nec turpis est, et pro
nulla habetur propter exceptionem, non
obstat, quominus quod ex ea solum est,
repeti possit, ut eatenus solum sine causa:
tamen altera adhuc causa superest,
propter quam solum proponitur, nempe
turpitudine, propter quam stipulatio ipsa
facta est: ob turpem causam solum
constat repeti non posse. Cui disputationi
et rationi animadvertere possumus non esse
locom in stipulatione, quam per se
turpem esse constaret. In promptu enim
esset dicere hoc ipse, quod ex ea sti-
pulatione, nulla quidem, sed tamen tur-
pi, solum est, cessare repetitionem: ne-
que pristina aliam causam turpitudi-
nis ad repetitionem eam impediendam re-
quireremus. Quæ cum ita sint, dilucide
me expellivisse puto in *d. l. pep. de*
cond. ob. tur. cau. de stipulatione quidem
ob turpem causam facta apud Paulum
agi, sed non de ea, quæ sit turpis: proinde
cum ille ex ea dicit petentem excep-
tione summovi posse, nihil cum di-
cere, non dico quod eam definitionem
certi iuris, quam de turpibus stipulationi-
bus posuimus, rescindat, sed etiam quod
ei ullo modo adversetur. † Alter locus, 5
in quo adversus eam stipulationem, quæ
sit turpis, et contra bonos mores, vide-
tur dari exceptio, ut sic ipsa stipulatio
iure Civili confirmetur, est *L. Titia, infr.*
cod. ubi maritus et uxor non de suis nu-
ptiis, sed filiorum suorum, quos ex aliis
matrimonii haberent, pascicentes propo-
nuntur convenisse ut Seii filia Titia filio
desponderetur, et si quis eorum filiorum
impediamento esset nuptiis, pensam invi-

cena

con stipulati sunt. Scaevola eo loco hanc stipulationem scribit non esse interpositam secundum bonos mores: respondet tamen idem ex ea stipulatione agendi exceptionem doli mali obstatum. Sed si in hoc genere ea stipulatio est contra bonos mores seu contra ius, quæ libertatem matrimonii impedit, quod liberum esse debere Romanis placuit: *L. 2. C. de cont. stip.* vel, ut Scaevola loquitur in *d. L. Titia*: si inhonestum est et contra bonos mores vinculo pœnæ matrimonia obstringi sive futura, sive iam contracta: consequens est, si verba legis tueri volumus, supra scriptam stipulationem, quæ apud eum proponitur, non esse contra bonos mores, nec inhonestam. Est enim eiusmodi, qua nullis omnino matrimonii contrahendi, aut non contrahendi libertas adimatur, seu qua nullorum omnino coniugum matrimonia vinculo pœnæ obstringantur, non stipulantium,

qui de suo matrimonio non paciscuntur: non eorum, de quorum nuptiis agitur, quia stipulatio inter alios interposita eos non obligat. Atque hoc ita est, si quis id, quod recta et aperte agitur, consideret: verum oblique stipulatio huc spectat, atque etiam hoc efficit, ut liberorum, qui ipsi nihil contraxerunt, matrimonium eo vinculo pœnæ quodammodo obstringatur. Metuent enim liberi aut parentum minas, aut ne illi in pœnam incidant: qua ratione iam stipulatio videri potest, si non aperte contra bonos mores; aut certe non secundum bonos mores, ut Scaevola loquitur. Hæc res facit, ut in parentum persona hæc stipulatio ipso iure valeat, ut quæ non pugnet cum verbis legum libertatem matrimonii stipulatione impediri prohibentium: at ex sententia legis actio, quæ sancho iure constituta est, exceptione doli mali, ut vult Scaevola, repellatur.

Ad L. Si rem tradi. 28.

Paulus libro x. ad Sabinum.

Si rem tradi stipulamur, non intelligimur proprietatem eius dari stipulatori, sed tantum tradi.

DE hac stipulatione dicetur commodius ad *L. in conventionalibus. 52. §. ult. inf.*

Ad L. Scire debemus. 29.

Ulpianus libro XLVI. ad Sabinum.

Scire debemus in stipulationibus tot esse stipulationes, quot summæ sunt: totque esse stipulationes, quot species sunt. Secundum quod evenit ut mixta una summa vel specie quæ non fuit in præcedenti stipulatione, non fiat novatio, sed efficit duas esse stipulationes. Quamvis autem placuerit tot esse stipulationes, quot summæ, totque esse stipulationes, quot res: tamen si pecuniam quis quæ in conspectu est, stipulatus sit, vel acervum pecuniæ: non tot sint stipulationes, quot nummorum corpora, sed una stipulatio: nam per singulos denarios singulas esse stipulationes, absurdum est. Stipulationem quoque legatorum constat unam esse, quamvis plura corpora sint, vel plura legata. Sed et familiæ, vel omnium servorum stipulatio una est. Itemque quadrigæ, aut lecticariorum stipulatio una est. At si quis illud et illud stipulatus sit: tot stipulationes sunt, quot corpora.

SUM-

SUMMARIA.

1. Regula hac: Tot esse stipulationes, quot summa, aut species, quomodo accipienda.
2. Cur, si plures res nominatim stipulationis verbis exprimantur, plures stipulationes esse intelligantur: Si vero generali et communi verbo res plures significatae sunt, una tantum sit stipulatio.
3. Quando exprimi videantur res, quando non exprimi.
4. C. annua, bima, trima die dabis? trene an una sit stipulatio.
5. Superioris regulae effectus.

Regula recepta erat apud veteres, tot stipulationes esse, quot res. Sic enim refertur in *L. quod dicitur*, 86. *infr.* quod ipsum explicatius definitur hoc loco, in stipulationibus tot esse stipulationes, quot summae, aut species; intelliga, una stipulatione et conceptione verborum comprehensae, et ut alibi dicitur, quot res sunt, quae in stipulationem deducuntur. *L. quia dicitur*, *sup. de evic.* Id quoniam statui multas ed res utile erat, de quibus postea, ideo de eius definitionis interpretatione tractetiam est. Ac primum quia generaliter concepta est de his rebus, quae sunt in stipulatione, sic eius verba sunt, ut quocunque modo res plures stipulatione contineantur, videri possint tot esse stipulationes: veluti, si quis stipuletur centum aureos, secundum verba dici possunt esse stipulationes centum, quia tot sunt videlicet aurei in summa centum aureorum, qui omnes stipulatione continentur. Sed non ea regulae sententia est. † Quere ne ee generalitas verborum nos fallat principio movemur, eam regulam sic accipiendam esse, non si quovis modo plures comprehendantur stipulatione; sed si nominatim exprimantur stipulationis verbis: ceterum si expresse non fuerint, unam esse stipulationem: hoc Ulpianus in *d. L. quod dicitur*, *infr.* Atque hinc pendunt cetera huius loci. Sed prius dicam de ea distinctione, quod videatur omnino ad eius explicationem pertinere. Non quero hic de verbis, quam recte verba regule elioqui generalia ad speciem rerum specialiter expresserum revocentur: dici enim potest ex his locis, in quibus de hac re constituerint veteres, satis constare solum de his rebus illos sensisse, quae expresse essent: Quamquam et verbe atque usus loquendi iuris auctorum eam interpretationem satis admittant. Ut enim proprie dicitur legatum in alienam voluntatem conferri, quod in voluntatem verbis expresse confertur: *L. nonnuncquam*, *sup. de cond. et dem.* ita propriis ex res in stipulationem deduci, quae aperta et expressim deducuntur. Utcumque est, ite sensisse, ad hoc voluisse veteres certum

est. † Missis igitur verbis: de re quero, 2 quam regula constet exprimi, cur uno modo placuerit potius plures esse stipulationes, quam altero: cum sive res pluras exprimantur, sive generali aut communi verbo significantur, utroque modo pariter fiat, ut omnes contineantur stipulatione. Sive anim stipuler Stichum et Pamphilum, qui tui sunt, sive simpliciter servos tuos, cum non haberes nisi Stichum et Pamphilum, utraque oratione Stichus et Pamphilus deducitur in stipulationem, ne quidquam praeterea. In sententiis ad summam exprimentem, in quam reus condemnari debet, nihil interest, utrum aperte exprimat verbis sententiae summa ipsa, an vero id quod eam summam contineat. *L. in sententiis*, *sup. de re iud. hominis legatum*, inquit Papinianus, orationis compendio singulos homines continet. 2. Mavens, §. duorum, *sup. de leg. L.* Quid igitur ad distinguendum stipulationem pertinet res plures exprimi verbis, quae etiam non appelletur distincte, nihilominus alio verbo aeque significantur? Et utique non ex verbis nata est haec distinctio veteribus; de quorum significatione si queritur, fatendum est verbo generali aut communi, puta familiae, leccicariorum, hereditatis, non minus singules res his verbis subiectes contineri, quam si nominatim et specialiter nuncupate essent, quod discrete scriptum est in *L. si chorus*, in *pr. sup. de leg. 1.* sed ducta est distinctio ex mente contrahentium: mentem illi ex conceptione verborum collegerunt. Plures res non frustra exprimuntur, ideo ergo exprimuntur, quia id agitur, ut de singulis separatim et distincte sint ut interrogationes, ita et stipulationes. At cum res collectim uno verbo comprehendantur, nihil proponitur, unde intelligitur aliud sensisse contrahentes, quam ut una sit stipulatio: cum et una interrogatio sit, atque conceptio verborum, et res semel appellata, non divisim, aut saepius. Sed nihil ad rem voluntas contrahentium fecit, dicit aliquis, si in pluribus stipulationibus

ea desunt, quæ ad plures contrahendas desiderantur. Atqui ad stipulationem contrahendam non rebus tantum opus est, sed conficitur præcipue stipulatio interrogatione præcedente, et sequente responsione. *L. 1. C. de cont. et com. stip. L. 1. C. de usur.* quod hic non fit, cum plures res quamvis expressæ semel deducuntur in stipulationem: hic enim una interrogatio est, una responsio, una denique conceptio verborum, non plures. Ex quo efficitur unam hic quoque videri debere stipulationem. Et siquidem plures hic interrogationes non essent, responsiones plures, admitterem hic quoque plures stipulationes esse non posse, quia natura stipulationis prohiberet. Sed pluribus rebus expressis intelligi debet plures hic quoque esse interrogationes, et in summa tot esse, quot sunt res verbis expressæ: in singulis enim rebus expressis idem verbum reperitur: ut cum dico, Stichum et Pamphilum dabis? periude est, ac si dixissem, Stichum dabis? et præterea Pamphilum dabis? vis hæc est coniunctionis, ut cum pluribus rebus coniunctim expressis idem verbum subiicitur, verbum commune ad utramque coniunctionis partem ex æquo pertineat. Quod si plures sunt interrogationes pluribus expressis rebus, intelligendum est, et in una responsione plures esse responsiones, nempe una de singulis, ac proinde totidem stipulationes. Promissor enim ad interrogationem simpliciter respondens, breviter ad eadem omnia, de quibus interrogatus erat, similiter respondere intelligitur. §. *præterea, Inst. de inut. stip.* Constat igitur veteribus ratio, cur placeat, si plures res stipulatione expressæ sint; plures esse stipulationes: si non sint expressæ, unam. † Hoc posito deinde quæsitum est, quando exprimi videantur plures, quando non exprimi: id quod hoc loco traditur exemplis ad eam rem declarandam accommodatis. Summa est: species plures, et summæ plures exprimuntur verbis, quæ nominatim et distincte appellantur aut coniunctione interposita, aut *etiam dicitur*: veluti, Stichum et Pamphilum dabis? decem et quindecim dabis? servum fugitivum non esse, errorem non esse, furem non esse spondes? ut hic declaratur in illis verbis, *at si quis illud et illud*, et *L. quia dicitur, supr. de evict.* Contra plures non exprimuntur verbis stipulationis, eoque unam stipulationem faciunt, quæ comprehensim verbo uno significantur; sive id collectivum est, ut summam illam, acervum illum pecuniæ dabis? quadrigam; familiam dabis? sive est plurale, ut leccarios tuos dabis?

quæ sunt exempla huius loci. Adeoque id verum est, ut si quid verbo plurali, aut communi in stipulatum deductum sit, quamvis demonstratum sit ex eo loco, in quo plures res ex eo genere aut divisim continebantur, aut etiam nominatim et distincte appellatæ erant: tamen quia stipulationis verbis indicatæ sunt tantum, non expressæ, conveniat unam esse stipulationem; veluti si cui res plures specialiter legatæ sint; et is stipuletur ab herede legata sibi illo testamento relicta. *vers. stipulationem quoque, huc L.* Quod tamen in hac specie non placuit, cum res plures expressæ pacto, eadem demonstratione et verbo communi in stipulatum deducuntur: ut cum pluribus rebus nominatim præpositis, de quibus dandis convenerat, ita subiicitur stipulatio, ea quæ supra scripta sunt, dari: hic enim visum est tot esse stipulationes, quot res pactis præcedentibus expressæ. *L. paen. in prin. L. Titia, §. ult. infr. eod.* Sed quid interest, roget aliquis, ad res plures exprimendas, quis locus demonstretur ex iis, in quibus eas res scriptæ sunt, si in omnibus pariter sunt expressæ? Et probandum est ad significationem plurium rerum nihil interesse: sed ad expressionem eam, quæ stipulatione fiat, et quam velint fieri contrahentes, de qua nunc agitur, multum interest. Re vera enim non possunt dici res plures stipulatione exprimi; nisi aut eas verba ipsa stipulationis expriment, aut id saltem, quo res illæ exprimuntur, contineatur stipulatione. Nunc autem cum stipulor legata, quæ mihi testamento relicta sunt, non potest dici aut me ea exprimere his verbis, aut testamentum id stipulatione contineri: quod contra fit, cum stipulor ea, de quibus ante convenit. Cum enim pactis plurium rerum propositis subiicitur stipulatio, in quam hæc ipsa pacta deducuntur, apparet et verbis et voluntate contrahentium fieri, ut ea pacta stipulatione contineantur: cum etsi nominatim de his stipulatio facta non esset, tamen hoc ipso quod præfationes stipulationis essent, in stipulatione repetita crederentur. *L. Titia, §. 1. infr. eod.* Ita necesse est, quod his pactis expressum est, etiam stipulatione, cuius pars sunt, exprimi videri. † Præter hanc stipulationem etiam de ea apud veteres variatum est, cum stipulor centum annua, bina, trima die dari, ut Paulus testatur in *d. L. penul. §. 1. infr.* Quippe hic prima facie centum tantum exprimuntur: quam ob causam videri potest una esse stipulatio. Ille verius esse ait, et hic tres esse trium

trium summarum stipulationes. Quod significacione superiorum verborum, cognita rectissime ab illo dici perspicitur: hoc enim valent, centum dari, sed divisa per tres annos aquis pensionibus, idest, primo anno primam, secundo alteram, tertio tertiam. *L. 3. supra, de an. leg.* quibus verbis non tempora solum exprimentur, idest, tres anni; sed etiam distincte singulorum annorum summæ. Et ideo Paulus ait tres hic esse non trium annorum, sed trium summarum stipulationes: significans has tres esse expressas. Cum stipulor centum in annos singulos, ut annos ullos hic non ex plures. Primum hoc efficiebat olim, ne interdum assisteret, quæ aliqui ex posteriore stipulatione futura esset, novatio. Nam si quis stipulatus decem, postea stipularetur decem, et quinque: si quidem decem et quinque aureorum una stipulatio esset, novatio fieret iure veteri, quo placebat novationem fieri, dum item postea promittebatur, si posterior stipulatio aliquid amplius contineret, §. *preterea, instit. quibus mod. toll. ob.* nunc quia hic duæ stipulationes sunt, una in decem, altera in quinque, eveniebat etiam tum, ne ulla novatio fieret: quia cum hic duæ stipulationes essent, neutra per se plus contineret, quam prior. Unum hunc effectum regulæ attingit hoc capite Ulpianus circa principium, illis *secundum quod*. Sed hic effectus hodie nullus est post constitutionem Instianæ de novationibus. *L. ult. C. de novat.* qua cautum est, ne aliter fiat novatio, quam si nominatim id actum sit, ut fieret. Fuge ergo posteriorem stipulationem decem et quinque novandi animo nominatim non esse interpositam: non fiet novatio prioris stipulationis, etiam si quis unam hic esse stipulationem dederit, non duas. Finge e converso poteriorem interpositam novandi animo: iam hic fiet eiusdem summæ novatio omni iure, etiam si duæ sint distinctæ stipulationes, ita ut neutra ex his plus contineat, quam prior. Sed quamquam hic solum effectus hoc loco refertur, atque in hodie, ut dixi, nullus est: non ideo tamen superior regula inutilis; habuit ea, et nunc habet alios complures. Si quot sunt summæ, aut species stipulatione expressæ, tot sunt stipulationes; ex singulis unum quodque, quod inde debetur, sepa-

ratim solvi potest credituri, ut si is recuset accipere, moram faciat: quod non fieret, si omnia eadem stipulationes deberentur, ut diximus ad *L. 2. §. 4. supra. eod.* Si pluribus rebus expressis plures sunt stipulationes sub conditione contractæ, una commissæ, etiam alia separatim potest committi, et cum ex una actum fuerit, etiam ex alia si committitur, agi potest: in quibus si una esset stipulatio; et semel ea committeretur, nec amplius ea agi posset, quam semel. *L. quia dicitur, supra de evic.* Si hic plures stipulationes sunt; non indigent insinuatione, quamvis donationis causa factæ sint, si singule non excedunt legitimam modam. Quod si plurium summarum aut rerum una donatio sit, necessaria fuerit insinatio, si res omnes stipulatione comprehensæ coniunctim legitimam modam excedant. *L. sanctius, §. pen. C. de donat.* Postremo si pluribus rebus expressis plures sunt stipulationes; expeditissimum id argumentum erit, ut probetur, si quis de pluribus rebus interrogatus de una tantum responderit, stipulationem in eam rem unam contrahi. Recta enim dicitur secundum regulam supra scriptam in eam rem, quæ expressa erat, unam stipulationem conceptam fuisse: en fieri, ut cum congruenter, et in totum responsum sit, nihil deesse possit ad iustam stipulationem: nec quidquam obstabit alterius rei expressæ omisio: quia in eam quoque rem altera fuerit stipulatio secundum eandem regulam. Est quidem ea stipulatio inutilis, quia in ea ad interrogatum responsum non est: sed non vitatur utilis per aliam utilem. Sic ratiocinatur Ulpianus ex regula superiore in *L. 1. §. pen. sup. eod.* Sed intelligendum est hoc ad maiorem et certiorum confirmationem ab Ulpiano dictam esse, non autem ita colligi, ut velit, si in stipulatione res plures, ut plures summæ, expressæ non essent, eoque non essent duæ stipulationes, ideo inutilem fore responsum, si promissor in partem tantum, de qua vi ipsa interrogatus erat responderit. Nam etsi una tantum summa expressa sit stipulatione, puta viginti, et promissor non viginti, sed tantum decem responderit, idem Ulpianus auctor est eodem loco, stipulationem in decem esse contractam. *d. L. 1. §. si stipulanti.* Recte, ut ibidem ille disserit: satis est enim ad stipulationem idem respondere, de quo sis interrogatus, etiam si in partem, dummodo certam et divisam, non autem ad omnia respondeas. Porro, inquit ille, in viginti manifestum est et decem inesse. Dici

ci quidem potest, cum promissor ex viginti solum decem respondet, ea responsione duas eum summas exprimere, atque ita duas responsiones facere videri: tantum enim valet eius responsio, ac si dixisset, ex viginti, de quibus interrogas, decem promitto, et decem tantum, idest, altera decem non promitto. Sed non ideo in stipulatione seu interrogatione de viginti plures sunt summæ stipulatione expressæ: quod ut plures sint stipulationes, regula exigit. Tutius est igitur in ratione Ulpiani manere, et ea ratione defendere responsionem partis, quod promissor in decem ad interrogatum responderit. Unde intelligemus eam sententiam de responsione unius rei ex pluribus probanda, superioris regulæ effectum non esse; cum ei sententiæ locus esse possit, etsi plures summæ stipulatione expressæ non sint: sed

tamen, si plures res sint expressæ, et cum in unam tantum responsum est, placeat hactenus stipulationem contrahi, recte dici eius rei certissimam confirmationem in superiore regula nos habere. Regulæ locus est in questione de stipulatione contrahenda, cum de verbis idest, de interrogatione et responsione agitur, traditurque his verbis confici stipulationem. *L. 1. sup.* Hoc enim dicto efficitur, ut quemadmodum cum una est interrogatio et responsio, una quoque stipulatio est; sic et cum plures interrogationes et responsiones de diversis rebus sunt, plures quoque sint stipulationes. Hic locus est monendi plures has interrogationes et responsiones intervenisse videri, cum res plures stipulatione expressæ sunt, et simpliciter responsum est. Inde dictum tot esse stipulationes, quot res.

Ad §. Si a fure.

Si a fure hominem sim stipulatus: quæsitum est an stipulatio valeat. Movet quæstionem, quod stipulatus hominem plerumque meum videor. Non valet autem huiusmodi stipulatio, ubi quis rem suam stipulatus est. Et constat, si quidem ita stipulatus sim, *quod ex causa conditionis dare facere oportet?* stipulationem valere: si vero hominem dari stipulatus fuero, nullius momenti esse stipulationem. Quod si postea sine mora decessisse proponatur servus, non teneri furem conditione Marcellus ait: quandiu enim vivit, condici poterit: at si decessisse proponatur: in ea conditione est, ut evanescat conditio propter stipulationem.

S U M M A R I A.

1. Regula hæc: Neminem rem suam stipulari posse, quo casu locum non habeat, et quæ exceptionis ratio.
2. Domino rem suam a fure simpliciter stipulante quatenus nullius momenti intelligatur stipulatio.

3. Stipulatio, qua rem suam a fure dominus stipulatur, etsi non novet præcedentem obligationem, tamen ad purgandam moram facit.
4. Quomodo fur, a quo dominus inutiliter rem suam stipulatus est, moram purget.

1. Quod dicitur neminem rem suam stipulari posse, *L. nemo, 82. inf. eod.* in re furtiva, quam dominus stipuletur a fure, non est perpetuum. In eo hæc distinctio est hoc loco, ut si quidem stipuletur dominus, quod furem ex causa conditionis dare facere oportet, idest, rem ut furtivam, valeat stipulatio: sin simpliciter rem suam, dum aut rem suam nominat, aut rem appellat suo nomine, stipulatio nullius sit momenti. Cuius tum exceptionis, tum distinctionis hæc ratio est. Qui stipulatur, quod furem ex causa conditionis dare facere oportet, is rem furtivam stipulatur: suam quidem, sed tamen furtivam, quia nemo rem suam condicere potest, nisi furtivam, seu præterquam a
Tom. XI.

fure. §. *sic itaque, Inst. de act. L. ult. sup. usu. quem cau.* In re autem furtiva singulare ius receptum est, ut existimetur domino a fure dari posse, quo non tantum eam a fure vindicare liceat, sed etiam domino liceat condicere. *d. §. sic itaque, de act.* qua ratione potest dominus et rem furtivam a fure stipulari. Quod utrum superioribus verbis faciat, an aliis ideam significantibus, nihil interest. Denique rem suam recte stipulatur quisque, dum stipuletur tanquam furtivam, idest, addita ea sive circumscriptione, sive demonstratione, qua declaretur dominum rem stipulari, quæ furto ei sublata sit, quæ furto a promissore teneatur. Hoc titulo et nomine detracto qui eam rem stipulatur, nihil

amplius intelligitur stipulari, quam rem suam, id est, eam, quæ ei dari non potest: quæ res facit, ut stipulatio ad communem regulam pertineat, eoque sit inutilis. † Quod tamen dixerat Ulpianus, cum dominus rem suam a fura simpliciter stipulatur, nullius momenti esse stipulationem, quomodo accipi velit, declarat in illis verbis, *quod si postea*. Docet autem id se ita intelligere, ut nullius sit momenti ea stipulatio ad id, cuius causa inventæ sunt stipulationes, idest, ad contrahendam obligationem, et ad agendum: cæterum hactenus utilem esse furi ipsi, ut si postea res furtiva sine mora decesserit, iam amplius fur non teneatur condictione. An quod posteriore ea stipulatione novatio facta est? Minime: nequa enim ea stipulatione, quæ nulla est, prior novari potest. *L. 1. infr. de novat.* Cuius rei certissimum hic argumentum est, quod dicitur etiam post novam stipulationem, quamdiu homo furtivus vivit,

3. condici eum posse. † Sed posteriore stipulatione interposita fur purgavit moram, idest, moram facere desit: ut consequens sit, si sine nova culpa res pereat postea, eam perire sine mora furis; et quia pereat sine eius mora, ideo et ea extincta ipsam interitu liberari. *L. si ex legati. supr. L. si servum, §. sequitur, infr. eod.* Unde quod dicit in extremo Ulpianus evanescere condictionem propter stipulationem, non simpliciter dicit, sed sub conditione, si homo furtivus decessisse proponatur. Propter interitum igitur rei furtivæ tanquam propinquam causam fur liberatur: sed hæc caus-

sa aliam secum adiectam habet, quod si sine mora res decesserit, quam causam prius posuerat his verbis, *Quod si postea sine mora decessisse proponatur servus*: ut antem deccederet sine mora, per stipulationem factum est. Ita stipulatio hæc prima causa est, cur re postea extincta evanescat condicio, quia stipulatio moram sustulit: mora sublata interitus rei furem liberat. † Sed quomodo purgat moram fur, a quo dominus nihil amplius, quam rem furtivam stipulatus est, idque inutiliter? Nempe ostendit dominus hac stipulatione se omittere debitum repetendi instantiam, idest, se paratum esse expectare, nec amplius instare debitori, ut rem solvat. Declarat enim hoc modo se pro rei præstatione contentum esse nova re promissione debitoris, etiam si re vera non valeat re promissio: hoc cum sit, reus in mora esse desinit. *L. mora, supr. de usur.* Et si quidem res furtiva præsens sit, cum dominus eius rei re promissionem contentus est, extra controversiam est furem desinere moram facere. At quid, si non sit res præsens, quæ promittitur? Idem dicendum est, si posterior stipulatio sit præsens, non sub conditione; qualis stipulatio est ea, de qua hic agitur. Arg. in *L. parvi, supr. de cond. fur.* Diversum est, si dominus a fure rem absentem stipuletur sub conditione: hic enim voluntate domini non prius mora fit, quam conditio extiterit: quia nec ante stipulatio posterior contrahi videtur, hoc Marcellus in *L. qui decem, §. 1. infr. de solu.*

Ad L. Sciendum. 30.

Idem. libro XLVII. Ad Sabinum.

Sciendum est generaliter, quod si quis se scripserit fideiussisse, videri omnia solemniter acta.

SUMMARIA.

1. *Solemne, et rei alicuius solemniter quid.*
 2. *Si de re, quæ iure certis solemnibus constat, scriptum sit in instrumento eam intervenire, omnia solemniter acta intelligi.*
 3. *Ratio superioris regula in fideiussionis exemplo demonstrata.*
 4. *Confessio de debito in instrumento nulla adiecta causa facta, an confidenti præiudicet.*
 5. *Si scriptum sit aliquem a pupillis emisse, an tutoris auctoritas intervenisse presumatur.*
 6. *An præsertim omnia hoc casu solemniter acta presumantur, an vero contrarium probandi potestas reo non denegetur.*
 7. *An, ut ex instrumento, ita ex edicto testis aliquem fideiussisse affirmantis omnia solemniter acta presumantur.*
4. *Solemne est, non unitatum solum, et solitum fieri, sed quod est in certo et constituto more positum, ut vis verbi declarat. L. penult. supr. de in int. rest.*

L. sed etsi per, §. si feria, supr. ex quib. caus. mai. Hinc sollemniter alicuius rei dicuntur, quæ desiderantur iure ad rem aliquam conficiendam, et sine quibus, quod

geritur, nullum est: cuiusmodi sunt, quæ dicantur solemnia testamentorum. *L. qui testamento, §. penul. et ult. supr. qui tes. fa. pos.* testes, testium numerus, et signa, itemque unus contextus testationis peragendæ: quæ omnia extrinsecus adhiberi ius iubet ad testamentum rite ordinandum; ac sine his nulla scriptura, nulla supremæ voluntatis testatio testamenti vim habet. *§. sed cum paulatim, Inst. de test. ord.* Huius generis, soleune est in fideiussione stipulatio: quoniam nisi hac interposita iure fideiussor non obligatur. *L. blanditus, C. de fideiuss. L. 5, §. satis. supr. eod.* Cum ergo hic dicitur, si quis se scripserit fideiussisse, videri omnia solemniter acta; bene hoc dici omnes intelligunt, videri eum ita fideiussisse, ut obligaretur, idest, per stipulationem: ut si fideiussor id neget, satis convincatur hoc ipso, quod scriptum sit eum fideiussisse. † Non est hoc ius alligandum ad unam hanc speciem fideiussionis, sed generaliter definiendum est, quæcumque res iure certis solemnibus constat, ac sine his nulla est, si de ea scriptum sit in instrumento eam intervenisse, etsi cautum non sit gestam rem esse adhibitis omnibus solemnibus quibus ad eam rem iure opus est, tamen hoc ipsum intelligi, ac videri omnia solemniter acta. Itaque quod de fideiussione hic scriptum est, idem alibi traditum legimus de promissione his verbis; si scriptum in instrumento fuerit promississe aliquem, perinde haberi, atque si interrogatione præcedente responsum sit *§. si scriptum, Inst. de inut. stip.* scilicet, quia ut fideiussio nihil agit ad promissorem obligandum sine stipulatione; sic nec promissio, nisi quam interrogatio præcedit, et sequitur responso: ut sic efficiatur stipulatio, sine qua iure Civili nemo ex pacto et conventionem obligatur. *§. de constituta, Inst. de act. L. divisionis, supr. de pac.* Quo exemplo si in aliquo instrumento scriptum sit aliquem testamentum fecisse, recte dicitur sic hoc accipi debere, quasi rite factum esset. † Sed queritur in exemplo proposito, quod ad superiora omnia pariter pertineat, cum in instrumento tantum fideiussisse aliquem scriptum sit, solemnium autem nulla facta mentio, unde hæc intervenire colligamus: cum omnis dicti et scripti hæc vis sit, ut ultra quam dictum aut scriptum est, fidem non faciat? Dicit non potest ideo verbo fideiussionis etiam stipulationem intelligi, quia vi et proprietate verbi fideiussio stipulationem significet, eamque contineat. Ut enim testari, si verbum tantum sequimur, non significat adhibere se-

verbor. obligationem:

item testes, signa testium, et similia, et tamen sine his non est testamentum: ita fideiherere, si verbi vim et significationem tantum attendimus, non est fideiherere per stipulationem; etsi citra hanc non consistit fideiussio. Idque ita esse usus loquendi declarat. Dicimus enim iubeo aliquem salvere, iubeo valere, eadem forma, et ratione loquendi, qua iubeo aliquid esse mea fide, pro eo quod est, volo, opto, et si fieri potest, etiam iubeo, ut salvus sis, ut valeas, ut res stet mea fide. Ut ergo recte dico Latine, iubeo te salvere, aut valere, etiam si stipulanti non dicam: ita omnino secundum verba recte dico, iubeo aliquid mea fide esse, cum verbis quibuscumlibet dico etiam citra stipulationem. Sed et hic locus idem evidenter confirmat: sic enim hoc loco tribuitur fideiussioni solemnitas actionis, ut duas res distinctas esse appareat, fideiussionem, et solemnia fideiussionis. Idem et in promissionis verbo accidit. Cum scriptum est aliquem promississe, perinde id habetur, inquit, ac si interrogatus respondisset. Atqui promittere vi verbi non est stipulanti promittere, cum constet referri posse hoc verbum et ad nudam promissionem. *L. sciendum, §. dictum, supr. de æd. ed.* Quomodo igitur, quare ratione et verbum fideiherendi stipulationem, et verbum promittendi interrogationem præcedentem continet? More loquendi; hominibus usitato, et recepta Iuri Civili interpretatione, qua fit, ut verba cum effectu accipiantur. *L. 1. supr. quod quis iur. L. pen §. 1. supr. ne quis cum, qui in ius vo. est.* Si cum effectu, necesse est, quidquid factum esse dicitur, id sic accipiat, quasi rite, nec vitiose factum sit: nam aliter non valet. Ut ergo condemnatus cum appellatur, is condemnatus accipiat, qui rite condemnatus est, idest, ita, ut condemnatio valeat. *L. 4. §. condemnatus, supr. de re iud.* et satisfacere aut cavere is solum dicitur, qui nec vitiose cavet. *L. quoties, supr. qui sat. cog.* Sic et promississe intelligendus est, qui rite promisit; et fideiussisse, qui rite fideiussit, et utiliter: hoc autem non fit, nisi solemnibus adhibitis: inde et hæc ipsa intervenire intelligimus. Significentur igitur et continentur ista, non proprietate verbi, sed adiuncti necessitate: quoniam promissioni et fideiussioni iure Civili ita solemnia sunt adiuncta, ut sine his nulla sit promissio, nulla fideiussio: si tamen volumus verba cum effectu accipi, quod faciendum esse diximus. Quod

cum ita sit, non in solemnibus tantum hic consistendum est, sed quaecunque ita sunt alicui rei connexa et affecta, ut si-
ne his res esse non possit, ut quidem natura aut iure consistat, in his unni-
bus probandum est, ut qui rem ipsam dixit, vi ipsa etiam dixisse intelligatur ea, sine quibus res non sit: Argument. L. 2.
supr. de iuris. † Itaque admitto eum, qui in instrumento confessus est se debere alicui centum, nulla adiecta causa, ex qua deberet, periode habendum esse, ac si confessus esset infinite, se ex aliqua causa debere; quia iure fieri non possit, ut quisquam debeat, nisi praecedat causa, ex qua debeat. Argum. in L. illud, supra de ac. her. Neque ideo tamen huic sententia contrarium esse puto, quod dicitur in L. cum de indebito, in fin. supra, de prob. neminem ex huiusmodi cautione teneri, sed actorem cogi debitum esse ostendere. Idem enim haec cautio confidenti non nocet, nec prodest adversario, quia non est satis actori dicere reum debere ex aliqua causa, nisi etiam certam dicat, ex qua ille debeat. Quancunque autem causam actor dixerit, nihil ei ad eam probandam patrocinatur superior cautio. Non enim qui constituitur se debere ex aliqua causa, idem fatetur se debere ex ea, quae intenditur: cum possit ex alia quavis deberi. Nec multum proderit actori ad certae causae confessionem reo exprimendam, si eum ita roget, ex qua igitur causa debes? Non enim is cogitur respondere; quia adversario adversus se arma subministrare, eique intentionem suam fundare non debet. L. ult. C. de eden. non magis, quam cogitur quisquam titulum possessionis suae dicere. L. cogi, C. de pet. her. † Sed etiam ad emptionem cum pupillo contrahendam necessaria esset auctoritas tutoris auctoritas, fateretur enim, qui scriptus esset emisse a pupillo, videri emisse tutore actore, nec si id alicubi negaretur, ut vulgo existimatur negari in L. quaecunque, §. ult. supra de public. putarem esse superioribus contrarium. Nunc autem ab eo, qui scriptus est a pupillo emisse, exigere, ut probet se emisse tutore actore, idem non adversatur his, quae diximus, non quia tutoris auctoritas sit, ut Accursius loquitur, solemnitas extrinseca, (quid enim refert, quae sit solemnitas, si sit aliqua solemnitas ad rem rite gerendam pariter necessaria? quancunque nihil videtur alieni rei solemnem, nisi quod ad eam rem confirmandam adhibetur extrinsecus) sed ideo, inquam, nihil

adversatur, quia tutoris auctoritas non est necessaria, ut emptio cum pupillo contrahatur. Quantumvis enim emerit quis ab eo sine tutoris auctoritate, valet tamen emptio non minus, et qui emit, pupillo obligatur, ut traditur in Instit. de auc. tut. in princ. At pupillus non obligatur, dixerit aliquis, ut eodem loco scriptum est. Ita est; sed hoc significat pupillum non vendidisse, non autem adversarium non emisse. De eo autem, qui emit, loquimur, da quo agitur in d. L. quaecunque, §. ult. Quid si in instrumento scriptum esset pupillum vendidisse, proprius est, ut putem huiusmodi verbis significari eum utiliter vendidisse: ex eo etiam colligi tutorem intervenisse. Certo si nobis consentanea dicere volumus, et hoc etiam admittendum est; nam aliqui nulla esset venditio. L. in causa, 2. supra, de minor. L. 3. C. de int. rest. mi. Nec vero potest quisquam, nisi abusiva dici vendidisse, cuius venditio effectum non habet, vel potius nulla est. L. 2. §. 1. supra, quem. test. ap. dict. L. 1. in fin. supra, quod quis. iur. Ex his constare potest, quam late pateat, quamque recte deficiatur, quod dicitur, cum scriptum est aliquem fideiussisse, videri omnia solemniter acta. Sed hac sententia constituta, hic etiam ex verbis dum quaesita sunt. † Primum hoc, videri, quomodo accipiendum sit, utrum praecise videri, id est, ita, ut quamvis se dicat fideiussor paratum probare solemnia seu stipulationem defuisse, tamen non audiatur: an vero ita, ut videantur quidem acta omnia solemniter, sed videantur in re dubia, et quamdiu nihil probetur contra; ceterum contrarium probandi potestas reo non denegetur. Non abs re est, quod de hac re dubitatur. Nam etsi da vi instrumenti ius receptum est, tamen ei standum, quod falsum esse probetur, hanc autem probationem admittit: L. cum precibus, C. de prob. tamen hoc ad confessionem, quae instrumentum continetur uno pertinet, si fateatur reus a se, aut sui mandatu scriptam, et eam nunc infirmare conetur. Exstant enim constitutiones et responsa, quae iubent utnumque stare confessioni suae, nec quemquam ferant quantumvis paratum contrarium docere, nisi hoc ipsum contrariis instrumentis, aut aliis scriptis, usque evidentissimis praestet. L. generaliter, C. de non num. pec. L. pen. C. de cont. stipu. l. cum de indebito, in fin. supra, de prob. Hoc igitur ius quidam hoc loco urgent, putantque ad hanc speciem pertinere, in qua reus scribendo se fideiussisse

se, simul etiam videtur confessus esse de solemnibus. Sed verius est, quod et receptum est vulgo, eum qui scriptus est fideiussisse, sic sine alia probatione existimari fideiussisse solemniter, ut tamen si reus paratus sit ostendere rem aliter gestam esse, veritati locus supersit. Ad quod probandum nihil videtur fieri posse convenientius eo loco, quo ad eam rem omnes utuntur, nempe *L. iurisperitum*, §. *quod fere*, *supr. de pac.* Nam quod est fideiussioni utili stipulatio, hoc et promissioni, seu sponcioni non inutili est interrogatio præcedens cum animo stipulationis contrahendæ coniuncta. Ut fideiussio sine stipulatione non valet; sic hæc promissio aut sponsio, nisi quam interrogatio stipulandi animo præcedit. Sic enim, ut initio dixi, efficitur stipulatio, sine qua Iure Civili ex pacto nihil debetur. *d. L. divisionis*, *supr. de pac.* Unde et illud factum esse diximus, ut quemadmodum qui scripsit se fideiussisse, intelligitur etiam hoc dicere se fideiussisse stipulatione interposita: ita et qui se promississe scripsit, existimetur fateri se interroganti, et stipulanti promississe. *d. §. si scriptum*, *Inst. de inut. stip.* Quorsum hæc? ut intelligatur in pari confessione stipulationis et interrogationis, si reus admittatur ad probandum unam ex his defuisse, idem ius etiam admitti debere in altera. At in dicto §. *quod fere*, placet enim, quem scriptum est spondidisse (quo verbo non minus, imo multo magis significatur promissio stipulanti facta, quam promissionis verbo, *L. sponsio*, *l. infr. de ver. sig.*) hunc, inquam, audiendum esse probantem non stipulandi animo præcessisse interrogationem, sed tantum paciscendi, ut sic promissio ad agendum fiat inutilis. Ergo et is, quem fideiussisse scriptum est, qui tacite confessus erat de stipulatione, siue qua nulla erat fideiussio, pariter audiendus est, si probare velit fideiussionis stipulationem defuisse. At verbo fideiussionis continetur stipulatio, aliqui dicent. Respondebo et verbo promissionis, seu sponcioni contineri interrogationem præcedentem stipulandi animo factam: neque eo minus licet interrogationem, aut stipulandi animum negare, dum probetur non intervenisse. Res sic habet: et fideiussionis verbo intelligitur stipulatio, et promissionis verbo interrogatio præcedens; sed iuris potestate et interpretatione, dum placet neque illam sine stipulatione, neque hanc sine interrogatione valere. At vi verbi, ut docui, neutrum altero continetur, ac nec semper loquentis sententia: qui ut potest dicere se promi-

sisse, quod intelligit se promississe pacto et nuda pollicitatione: *d. L. sciendum*, §. *dictum*, *supra de ad. ed.* ita nihil vetat, quominus fideiussionem appellet, ubi iubet sua fide esse, quod promissum est, sed sine stipulatione, puta per nuncium, aut per epistolam. Non moveor iis constitutionibus, quæ reum quod scripto confessus erat, negantem audiri vetant: hæc enim, quod ex verbis constat, tunc locum habent, cum quis quod aperte factum confessus erat, id falsum esse dicit, et ut sibi probare liceat, petit: ut cum promissor qui specialiter causam edixerat, ex qua deberet, ex ea nunc se debere negat: quæ species est *L. generaliter*, *C. de non num. pec. et L. cum de indebito*, in *fin. supra*, de *prob. aut*, cum volente reo scriptum esset servum aliquem adhibuit fuisse; huic præsentī et stipulanti reum promississe, id tamen reus factum negat: quæ sunt in *dict. L. pen. C. de cont. stip.* Diversum est, si quid promissor non aperte dixit, sed tantum dixisse existimatur, interpretatione voluntatis propter earum rerum, quarum una exprimitur, altera non exprimitur, affectionem inter se, et quasi coniunctionem. In his licet reo dicere se de his non sensisse, quæ expressa non sunt, dummodo id probet: quia isto modo confessionem de his suam non infirmet, qui se de illis sensisse, eoque et confessum esse negat. Hæc defensio admittitur in eo, qui fatetur se promississe, seu spondidisse, sed neget se sensisse de stipulatione. Admittatur igitur et in eo, qui se fideiussisse scripsit, sed negat se hoc verbo fideiussionem intellexisse, cui esset adhibita stipulatio. † Iam quoniam definitio concepta est de eo promissore, de quo in instrumento scriptum est ipsum fideiussisse aut promississe, sive ipse scriperit, sive alius eius mandatu; quæsitum est, an idem existimari debeat de solemnibus si non reus id scriperit; sed testis dixerit interrogatus. Et inter affirmationem rei, eiusque obligationem, et dictum testis nullum interest. In chirographo et instrumento, omnique cautione, quæ pro creditore adversus reum scripta est, ita promissionis et cautionis verba accipiuntur, uti iure valent, et vulgo solent significare, quo res sit in tuto. *L. quoties in stipulationibus L. quidquid*, *infr. eod.* nempe quia id agit eo scripto, ut creditori caveatur: ut quamvis imperitum reum demus, tamen existimari debeat prius admonitum de verbo id scripsisse, quod verbum ex iure significat, pro commodo et cautione creditoris. Non eadem est ratio testium: non

non enim illi in testimonio ita loquuntur, ut uni ea litigatoribus consulat; sed nec ut consulat, obligantur. Idecirco de eorum verbis ex ipsorum capto et intelligentia iudicandum est. Quanquam adversus omnem hanc questionem facile boni Iudicis prudentia providebit. Nam si dubitatur in indicio de solemnibus, est officium boni Iudicis interrogare nominatim testem, non solum an reus fideiussit, sed etiam an stipulanti promiserit: de quo si respondet testis, nihil ambigui in eius testimonio relinquitur. Sed si forte prætermisum erit, et testes simpliciter interrogati, an quis fideiussit, dixerint fideiussisse: de ipsorum verbis, ut dixi, ex eorum conditione statuendum est. Si hominem iuris et consuetudinis loquendi non ignarum interrogatum proponas, non video, cur ex eius verbis minus intelligamus

omnia solemniter acta, quam si aut contrahentes aut contrahentium nomine tabularius scripisset. Quod si proponas testem imperitum iuris, ut rusticum, et hominem in rebus forensibus non versatum, qui dixerit se interfuisse, cum reus fideiuberet, non recte, opinor, ex eius responso colligetur ita fideiussisse reum, ut stipulatio interveniret. Nam quomodo homini imperito de verbi significatione fides haberetur, cum de eo dixerit, quod quale esset, non intelligebat? hoc casu puto recte dici, quod Ioannes in universum respondit, teste aliquem fideiussisse affirmante, non eodem modo ex hoc testimonio colligendum esse omnia solemniter acta, quasi et de eo reus senserit, quo modo id factum colligimus, cum idem in instrumento aut reus de se scripsit, aut eius voluntate alius.

Ad L. Si rem meam. 31.

Pomponius libro xxiv. ad Sabinum.

Si rem meam sub conditione stipuler: utilis est stipulatio, si conditionis existentis tempore mea non sit.

S U M M A R I A.

1. *Rei nostra stipulatio cur inutilis.*
2. *Que res quomodo in stipulationem recte deducatur.*
3. *Stipulatio de pretio rei nostre et de re nostra nobis restituenda utiliter interponitur.*
4. *Rem suam furtivam tanquam furtivam a fure dominus recte stipulatur, et cur.*
5. *Stipulatio rei nostre sub conditione, qua existente res nostra futura non est, valet.*

6. *Explicatur regula Cotoniana.*
7. *In stipulatione conditionali non eadem est res commercii hominum exemptarum, que rei nostre, ratio.*
8. *In conditionali stipulatione quatenus præsens tempus spectetur, quatenus vero in eventu obligatio differatur.*

Quando de stipulatione rei nostre multa sparsim sub hoc titulo tradita sunt, ac de ea hic locus primum occurrit; partim ne divellantur, quæ in nostra cognitione posita sunt, partim etiam quia hæc regulæ exceptio est, quæ nisi regula cognita facile intelligi non potest, de tota ea stipulatione, quod eius proprium sit, semel hoc loco dicendum videtur. † Quæ res dari non possunt, constat in stipulatum deduci non posse. L. si stipulor, 35. *infr. eod.* hinc pendet quod de stipulatione rei nostre traditur. Est enim ex earum rerum genere res nostra: cum dari id intelligatur, quod ita datur, ut nostrum fiat: quod autem nostrum est, amplius nostrum fieri non potest §. *sic itaque, Instit. de act.* Ita rem nostram necesse est ad superiorem regulam referri. Inde dictum, nevumem rem suam stipulari

posse. L. nemo, 82. *infr. eod.* Nihil nunc dicimus, quid hoc valeat, si forte postea, quam stipulati sumus, res nostra esse desinat: de quo dicemus postea ad L. *inter, §. sacram, infr. eod.* quia hic nihil proprium est rei nostre, sed res ad omnia ea, quæ dari non possunt, ex æquo pertinet. Tantum quod est proprium huius speciei, hoc querimus, an saltem ab initio velimus stipulationem rei nostre esse iutilem, quod superiore definitione comprehensum est. Quid ea contineat, videamus: quod ita fiet, si quid illa denegat, aut concedat, cognoscemus. Vetat nos stipulari rem nostram: proinde quominus alienam stipulemur, non est impedimento. † Rem privati iuris, quæ aliena sit, 2 cuius etiam commercium habeamus (hoc enim addendum ex L. *multum, 36. infr. eod.*) et pure, at sub conditione qualibet recte

recte stipulamur contraria de causa, quia est hic: quod nobis dari possit: ita tamen dum ne alienam stipulemur in eum casum, quo nostra erit: quo modo placet nos inutiliter stipulari *L. nemo, 87. infr. eod.* Recte: fit enim hoc modo, ut nihil stipulemur, nisi rem nostram: quod ius vetat. Nam ante conditionis eventum nihil stipulamur, cum ante nihil velimus nobis dari, eoque nec deberi: unde prius quam conditio exstiterit, dicitur nec venisse, nec cessasse dies obligationis. *L. cedere, infra, de verb. signif.* post autem id solum stipulamur, quod nostram sit. Huc pertinet, quod vulgo recte dicitur, nihil interesse, utrum quid fieri non possit in praesentia, an sine conditio conferatur in id tempus, quo fieri non potest, sumptum ex *L. 4. C. de don. ant. nup.* Iam non omnis de ra nostra stipulatio superiore regula improbat, sed ea, per quam rem nostram stipulamur, idest, nobis dari stipulamur: hoc enim significatur, cum dicimus aliquem stipulatum esse hominem, fundum, domum, et denique rem quamlibet, quae dari potest, ut passim hoc verbum occurrit sub hoc titulo, maxime autem indicat *L. scire, §. ult. supr.* † Proinde extra controversiam est et pretium rei nostrae nos stipulari utiliter, et rem ipsam nostram nobis restitui. *d. L. nemo, 82. infra eod.* Nihil enim horum est, quod atque per occasionem rei nostrae praestetur, non tamen sit alterius, et quod nobis omni iure praestari non possit. Restat igitur, ut sola sit ex supra scripta definitione stipulatio inutilis quae est de re nostra, et eiusmodi, per quam eam rem nobis dari stipulamur. Sed habet haec quoque sententia duas cautiones. Nam neque ad omnes res nostras, neque ad omnes stipulationes rei nostrae pertinet. † In rebus excipimus furtivam: quam dominus recte stipulatur a fure, si tanquam furtivam stipuletur, de quo dictum est in *L. scire, §. ult. supr.* Exceptio dicta ex ratione regulae: cur enim rem nostram stipulari non possumus? quia dari non potest. Hinc fit, ut si qua iure ita habeatur, quasi dari possit, ea quoque recte in stipulatum deducatur, cessante videlicet iuris ratione: Argumen. *L. quod dictum, supra, de pac.* talis autem est res furtiva, si quis modo ut furtivam stipuletur. In ceteris rebus nostris, aut in hac ipsa furtiva: quam tamen non stipulemur ut furtivam, siquidem rem stipulemur pure, constat stipulationem sine exceptione nullam esse momenti. Idem iuris est, etsi stipulemur sub conditione, ac conditionis

existentis tempore etiam res nostra sit: quorum utrumque satis hoc loco confirmatur. Et certo utroque modo efficitur, ut vere videamur rem nostram stipulari, cum utrobique conferatur stipulatio in id tempus, quo res nostra sit: ut sic vere utraque stipulatio ad regulam superscriptam pertineat. † Quod si utrumque concurrat, ut et sub 5 conditione rem meam stipuler, et conditionis existentis tempore mea non sit, id iuris est, quod hic traditur, nullam nimirum esse stipulationem. Idem in *L. existimo, 98. infra, eod. et L. existimo, supra de contr. empt.* scilicet ut quae stipulatio in casum conferatur, in ea non praesens tempus, sed id quo casus ille existit, et ex quo stipulatio vires capit, spectetur. Quod si fit, rem alienam utique stipulari videor, non meam: tum enim cum conditio existet, res aliena futura est. Sed haec sententia neque carnit olim sua dubitatione, ut appareret ex *d. L. existimo, infr.* neque nunc caret. Sunt autem haec fore, quae videntur huic sententiae adversari. Primum obstat regula Catoniana, quae de legatis primum prodita, *L. 1. supra, de reg. Cat.* post ad stipulationes etiam translata est, ut constat ex *L. cetera, §. 1. supr. de leg. 1.* et generaliter ita definit, quod initio vitiosum est, non potest tractu temporis convalescere. *L. quod initio, infr. de regulis iur.* † Sed hanc veteres sic acceperunt, ut ad conditionalia non pertineret, idest, neque ad conditionalia legata, neque ad stipulationes conditionales. *d. L. cetera, §. 1. de leg. 1. L. pen. supr. de reg. Cat.* quo significatur regulam Catonianam scriptam esse de iis, quae pure legantur, aut permittuntur, non de his, quae sub conditione. Sed opponebantur veteribus verba regulae, quam sine distinctione generaliter ita scriptam esse constat, quod initio vitiosum est, vel, quod ab initio non valuit, ut indicant *Cat. d. L. 1. de reg. Cat. et L. quod initio, de reg. iur.* Hoc ita expedit Celsus in *d. L. 1. de reg. Cat.* ostendit haec verba quamvis generaliter scripta, tamen ad conditionalia non pertinere. Conditionalis enim stipulatio de re, quae nostra est data, non tam ab initio vitiosa est, aut inutilis, quibus verbis regula utitur, quam nulla. Id intelligi vult in illis verbis, *nam hoc modo.* Non minus hoc vere, quam subtiliter. Iam enim dixi in his, quae sub conditione legantur aut promittantur, nullam constitui obligationem, nisi tunc primum, cum conditio exstiterit. *L. cedere, infr. de verbor. significat.* Obstat praeterea exemplum ceterarum rerum, quae dari non possunt,

ut

ut sacrarum, religiosarum, publicarum, liberi hominis, et in summa earum omnium, quæ non sunt in hominum commerciis: de quibus ita ius est, ut quemadmodum eas pure inutiliter stipulamur, ita et stipulemur inutiliter sub conditione. *L. inter, §. sacram, infra, eod.* † Et aliam causam esse visum est superiorum rerum, aliam rei nostræ: et merito. Ut enim Paulus scribit in dicto *§. sacram*, quæ res non sunt in commerciis hominum, hæ natura sua præstari non possunt: res nostra contra natura sua præstari, dari potest, si non nobis, at certe aliis. Sed quod præcipue ad hanc rem facit, in prioribus, quod impedimentum stipulationi obstat, id est perpetuum: quippe res sacra, et similes in stipulatione deduci, nisi statum mutant, non possunt: hanc mutationem expectare turpe et ominosum habetur, quia non potest ea mutatio contingere sine interitu civitatis, quod declaratur in dicto *§. sacram*, sub persona liberi hominis sub conditione promissi. Nihil simile in re nostra: hæc ita nostra est, ut possit nostra esse desinere; atque eam mutationem non solum expectare, sed etiam accersere et provocare sine ulla turpitudine possumus. Est etiam tertium, quod non parum videtur pugnare cum superiore exceptione. Cum enim dicimus posse nos stipulari rem nostram sub conditione, hoc dicimus in hac stipulatione præsens tempus spectandum non esse, sed id quo conditio existit, ut ex eo stipulatio statum capiat. Hic ergo opponuntur illi loci, in quibus traditur in condicionali stipulatione, cum aut de persona stipulantis agitur, aut de persona eius, cui stipulatio acquiritur, præsens tempus spectandum esse. Ut puta, qui stipulari non potest propter conditionem personæ, qua impeditur, ut pure stipulatur inutiliter, ita et sub conditione, quamvis conditionis existentis tempore persona capax sit stipulationis *L. usufructus, infra, de stipulation. servor.* Item si filiusfamil. stipulatus sit sub conditione, placet stipulationem statim patri acquiri, quamvis cum existit conditio, filius sit eman-

cipatus. *L. si filiusfamil. in prin. infra eod.* ubi hæc etiam generalis ratio additur, quia in stipulationibus id tempus spectatur, quo contrahimus. † Et dicuntur recte hæc omnia, cum de persona stipulantis, aut eius, cui inde acquiritur, agitur: sed ad res, quæ in stipulatum deducuntur, non pertinent. Differentiæ ratio attendenti non erit obscura. Cum de persona stipulantis quæritur, palam est hanc stipulatio differri non posse. Semper enim in stipulatione conficienda oportet. esse eum, qui stipuletur, et quidem stipulandi capacem, sive stipuletur pure, sive sub conditione. Eadem ratio est, et cum de stipulatione patri acquirenda agitur. Nam et hic acquisitio differri non potest, pendet enim ex voce filii; cum ideo patri acquiritur stipulatio, quia vox filii creditur esse vox patris. *§. ei vero, Inst. de inut. stip.* Iam vero versatur ea vox filii in ipsa stipulatione; ut non magis ea differri possit, quam stipulatio. Quo fit, ut quasi per filium pater locutus esset, ita per eum patri ea stipulatio statim acquiritur. Diversa causa est eius rei, quæ in stipulatum deducitur: huius præstatio et obligatio ipsa in eventum differri potest, atque adeo differitur, quoties id ipsum agitur, ut differatur, id est, cum relinquatur quid, aut promittitur sub conditione. Nam ante eius conditionis eventum neque peti potest, neque etiam debetur quidquam, *d. L. cedere, infra, de ver. sig.* Quod si in id tempus obligatio differitur, omnino necesse est in obligatione constituenda, quo primum tempore constituitur, id tempus quoque primum spectari. Ac breviter ita definiemus: quæ res natura sua in aliud tempus differri necesse est, et in ea necesse est præsens tempus a nobis spectari, quamvis stipulatio sub conditione concipiatur: ut accidit, cum agitur de persona stipulantis, et de stipulatione acquirenda. Quod si res potest differri, et consensu dilata est iniecta conditione: nempe eum eventum ex conditione expectamus: quia et potest expectari, et id actum est, ut expectaretur, et ante nihil videtur relictum aut promissum esse. *Ad L.*



*Ad L. Si in nomine. 32.**Ulpianus libro XLVII. ad Sabinum.*

Si in nomine servi quem stipularemur dari, erratum fuisset, cum de corpore constitisset: placet stipulationem valere.

SUMMARIUM.

1. *Cur si de re conveniat, error in nomine pactioni, stipulationi, ullive alii actioni, quæ consensum desiderat, non obstet.*

SI aut in pactione pacisceremur de nomine, aut in stipulatione nomen rei stipularemur, non rem; sine dubio qui in nomine errarent, inter eos nulla intercederet neque pactio, neque stipulatio. Constant enim res hæ consensu: *L. 1. §. 1. supra, de pac.* cui nihil magis contrarium est, quam error et ignorantia eius rei, de qua agitur. *L. 2. supra, de iud.* † Nunc autem et in pactione de rebus paciscimur, et in stipulatione rem stipulamur, non rei nomen. Quo fit, ut si de re conveniat, nihil desit pactioni aut stipulationi ad consensum, etiam si in cæteris omnibus, quæ pactionis aut stipulationis verbis continentur, paciscentes dissentiant. Quominus autem de re, de qua agitur, conveniat inter aliquos, etiam si errent in nomine, in eoque dissentiant, nihil vetat. Quapropter dum de re aliter constet, nunquam error in nomine pactioni, aut stipulationi, ullive alii actioni, quæ consensum, aut voluntatem desideret, obstabit. An dicemus sine nomine rem intel-

ligi non posse? Non ita est: nomina quidem significandarum rerum gratia inventa sunt: sed quam multæ sunt aliæ demonstrationes, quibus res non paulo rectius demonstrari possit, quam si nominarentur? Nam et nomine vero appellato fieri potest, ut res non intelligatur ab eo, cui nominatur: at si digito corpus demonstraretur, aut designetur res certo loco, aut artificium hominis, vel alia qualitas certa ostendatur, valent hæc omnia ad rem cognoscendam multo certius et efficacius, quam ullum nomen. Incurrunt enim ista in oculos, qui sensus non fallit: cum nominis cognitio intelligentia constet, et ut res, sic nomen rei possit ignorari. Nisi vero cum fatebimur res aliis modis multis posse demonstrari, tamen dicemus, cum de re præstanda agitur, nomen rei exprimi debere: quod multo minus verum est. Recte enim apud Iustinianum ita scriptum est, cum nomina significandarum rerum gratia reperta sint, nihil interesse, quo alio modo res intelligatur. *§. si quis in nomine, Inst. de lega.*

*Ad L. Si Stichus. 33.**Pomponius libro xxv. ad Sabinum.*

Si Stichus certo die dari promissus, ante diem moriatur: non tenetur promissor.

PERTINET species huius loci ad definitionem de mora traditam in *L. si ex legati supra*, ubi cum reliqua eius definitionis explicatione huius quoque loci ratio exposita est.

*Ad L. Multum. 34.**Ulpianus lib. XLVIII. ad Sabinum.*

Multum interest utrum ego stipuler rem cuius commercium habere non possum, an quis promittat. Si stipuler rem cuius commercium non habeo, inutilem esse stipulationem placet: si quis promittat cuius non commercium habet: ipsi nocere, non mihi.

S U M M A R I A.

1. Enumerantur aliquot res, quæ licet natura sua sint in hominum commerciis, aliquibus tamen personis interdiciuntur.
2. Inutiliter rem stipulatur, qui eam stipulatur, cuius ipse commercium non habet.
3. An non saltem æstimatio rei in stipulatum deducta hoc casu stipulanti debeat.
4. An diversum in legato aut fideicommisso. et u. 7.
5. Qui rem, cuius commercium non habet, promittit, obligatur, et cur secus in promissore, ac stipulatore.
6. Exceptio regulæ: Impossibile nulla obligatio.
8. Contrariæ leges conciliatæ.
9. Explicatur L. Sed si res aliena, de leg. 1. eiusque lectio vulgata defenditur.

Quarum rerum commercium nullum est, eas inutiliter stipulari nos constat: quales sunt sacræ, religiøsæ, publicæ, liber homo. *L. inter, §. sacram, inf. eod.* An idem dicemus, si conditione ipsa res sit in hominum commerciis, et privati iuris, sed alterutri ex contrahentibus commercium eius sit interdictum? Nam huius quoque generis res quædam et fuerunt olim et etiam nunc sunt. † Talia olim prædia Italica peregrinis teste Ulpiano in *fragmentis, Tit. de domi. et acq. rer.* tale hodie Iudæo, pagano, hæretico Christianum mancipium ex constitutionibus. *C. ne Christ. man.* Eos, qui officii causa in provincia agunt, vel militant, legimus prædia in eadem provincia comparare non posse. *L. qui officii, supr. de cont. empt.* Et hactenus quidem commercium his interdictum est, si comparent, idest, emant, et ex ea etiam causa stipulentur. Sed non progreditur commercii interdictio longius. Non possunt prædia ibi emere; at possunt ea, quæ ante habuerunt, retinere: possunt ex legatis, ex donationis causa accipere, et ex his causis recte stipulari. Sed de his alias: quod nunc constat, id sumamus. Proponamus ergo Iudæum hominem mancipium Christianum aut stipulari, aut promittere. An ut si res in totum non esset in hominum commerciis stipulationem inutilem esse constaret: ita quia mancipium in proposito non est in commercio alterutrius ex contrahentibus, itidem stipulatio est inutilis? Ulpianus hoc loco interesse ait, utrum is cui mancipii commercium non est, id stipuletur, an promittat: ut si stipuletur, nihil agat; si promittat, obligetur. † Ergo cum de stipulatore agitur, generaliter probandum est eum inutiliter rem stipulari, qui eam stipuletur, cuius ipse commercium non habet: sive ideo non habeat, quia res conditione sua non sit neque in huius, neque in aliorum commerciis; sive quia dum res aliorum est, et privata, tamen stipulanti privatim interdictum sit commercium. Merito: quocunque enim modo ei interdictum

proponamus, semper eo modo fit, ut ei res dari non possit. Definitur quidem commercium non acquirendi, sed emendi vendendique ius, eodem Ulpiano auctore in *fragmentis Inst. tit. de domi.* Sed ut emptionis verbo veteres omnem alienationem comprehendebant: *L. statuliberi. 29. circa fin. supr. de statulib.* quia vix ulla esset translatio rerum sine mancipatione, nec ulla mancipatio sine imaginaria venditione, quæ fieret per æs et libram; ita emptionis iure adempto omnis per mancipationem, et quamvis aliam alienationem acquisitio prohiberi intelligitur. Iam vero ut quis rem stipulari non possit ob id, quod res dari non potest, satis est si ei solum non possit dari, qui stipulatur. Argumento est res nostra, quæ et privata est, et dari a nobis potest omnibus aliis: sed quia nobis non potest, ideo eam frustra stipulamur, ut dixi ad *L. si rem meam, supr. †* Quid 3 æstimatio rei in stipulatum deductæ, an non saltem stipulanti debebitur? hæc enim illi dari potest. Iam aliquoties dixi, et sæpius dicendum est, cum res in stipulationem deducta est, quæ deduci non potest, eius nec æstimationem deheri. Non enim satis est aliquid stipulanti dari posse, nisi et ipsum promissum sit. *L. quidquid infr. eod.* Non promittitur autem Iudæo æstimatio Christiani mancipii, sed mancipium, quod et ipse est stipulatus: quare aut ipsum deheri oportet, aut nihil. † Hoc loco occurrit exemplo eiusdem rei legatæ, aut per fideicommissum relicte. Finge Christianum mancipium relictum Iudæo per fideicommissum; videtur scriptum esse in *L. sed si res, 40. supr. de leg. 1.* in hac specie æstimationem deheri. Proponitur enim res relinqui ei, cui ius possidendi non est, et hoc amplius cuius commercium legatarius non habet; in ea specie respondetur deheri æstimationem. Et ne quis causetur alium auctorem esse, qui ab Ulpiano forte, aut a quo Ulpianus in hac re dissenserit, ipse idem Ulpianus est auctor illius responsi, qui et hoc loco: ut videri possit hoc exemplo idem et

in stipulatione eodem auctore admittendum. Sed ne quis superioris loci obiectione adversus stipulationem moveatur, duo sunt, quæ hic respondemus: quorum de altero potest dubitari, de altero certe non potest. Primum nihil hic dissimile esse in legato aut fideicommisso; sed ea re, cuius commercium legatarius non habet, ei vel legata, vel per fideicommissum relicta, neque rem, neque æstimationem magis deberi, quam si esset promissa: neque id infirmari. *L. sed si res, de leg. 1.* de cuius sententia quid mihi videatur, dicam paulo post, nam de ea parum liquet. Tum autem etsi concederemus in istius generis fideicommisso æstimationem fideicommissario deberi: tamen hoc dubium esse non posse, quin exemplum non recte ad stipulationem transferatur. Ideo enim in fideicommisso æstimationem deberi placeret, quia crederetur testator voluisse, ut in testamentis liberalissime voluntates testantium interpretamur. *L. in testamentis, infr. de reg. iur.* et cum voluisset, constaret eius solam voluntatem hac in re, ut in cæteris esse servandam. In stipulatione autem, omnique contractu nemo creditur plus velle debere; quam se velle declaravit: quia non facile existimatur quisquam iactare suum. *L. cum de indebito, supr. de prob.* Quinetiam, quod stipulationis verbis de re certa cautum est, argumentum est promissorem nihil aliud debere velle. Ac demus etiam eum velle; tamen ne sic quidem debebitur, nisi stipulationis verbis nominatim fuerit comprehensum. *L. quidquid, infr. eod.* In proposito res promissa est, non rei æstimatio, non potest igitur ex ea stipulatione æstimatio deberi; sive quod promissor eam debere noluit; sive quod sine verbis debere non potuit. Hæc de stipulatore dicta sunt. † De promissore, qui rei commercium non habet, videamus. Finge Iudeum stipulanti Christiano mancipium Christianum promississe. Magna vero causa esse videbatur, cur et hic quoque pariter inutilem esse stipulationem diceremus. Qui rem, cuius commercium non habet, stipulatur, ideo stipulatur inutiliter, quia res promissa ei dari non potest. Quid ni dicamus et eum, qui rem cuius commercium non habet, promittit, ideo non obligari, quia id promittit, quod dare, si velit, non potest? Hæc vero idonea causa est, dixerit aliquis, cur non obligatur: generaliter enim probandum est, impossibilibus nullam esse obligationem. *L. impossibilibus, infr. de reg. iur.* Et ideo

Tom. XI.

non recte hæc species comparabitur stipulationi rei nostræ. Rem suam stipulari nemo potest: hanc tamen quisvis recte alii promittit. Non mirum; quippe ei dari non potest: at potest eam dare aliis; quia habet, et iure habet: imo vero præter eum, qui dominus est, nulli ius est eius transferre. Longe in diversa causa est is promissor, cui rei promissæ commercium non est; eam enim dare non potest, qui neque eam habet, neque adeo iure potest habere. Æstimationem debabit, dicas. Iam dixi eum, qui rem solum promissit, æstimationem, quam non promissit, debere non posse. Sed placuit, quod supra dixi, et hic traditur, stipulationem valere, cum is promittit: qui rei promissæ commercium non habet; et cum his verbis utitur Ulpianus; *ipsi nocere, non mihi*; tacite huius sententiæ hanc rationem esse significat, quod ea interdictio commercii, quæ in promissorem constituta est, ipsi nocere debeat, non stipulatori. In quo inest sine dubio occupatio superioris obiectionis. Perinde enim hoc est, quasi diceremus, promissorem quidem, cui commercium rei interdictum est, eam rem dare non posse, sed non eo minus eum obligari; quia quod dare non possit, seu quod prohibeatur rem comparare, propter delictum eius fiat, et poenæ causa, quorum utrumque ei nocere, non stipulatori debeat. Idque certa ratione æquitatis, et manifesta sententia legis poenam constituentis efficitur. Primum hoc æquissimum, nec minus aperte ex mente et sententia legis, hanc poenam ei nocere non prodesse. Nam nisi hoc fit, non poena hic constituta erit, sed præmium. Neque vero ut noceat, aliter consequi possumus, quam si stipulatio valeat, et ex ea promissor obligetur. Sed et illud de omni poena delicti pro his, qui nihil deliquerunt, æquissime constitutum est, et ad sententiam omnium legum, quæ poenam statuunt, pertinet, ut peccata suos teneant auctores, nec ulterius progrediatur poena, quam fuerit delictum. *L. sancimus, Cod. de poe.* Quod igitur poenæ causa adversus promissorem constitutum est, ut nihil dicatur de promissore, certe stipulatori nocere non debet. Id vero ita fit, si stipulatio stipulanti non sit inutilis, eoque et promissorem teneat: proinde et eum tenebit. † Ex quo apparet, quid dicitur impossibilibus; seu in his rebus, quæ dari non possunt, nullam esse obligationem, sic accipiendum esse: nisi culpa aut vitio promissoris, vel poena ob istas res constituta fiat, quominus quod is promittit,

sit, dare possit. Sic enim evenit, ut quoniam ei delictum suum, aut poena adversus eum constituta nocere debet, non prodesset; ideo sic obligetur, ut saltem æstimationem rei promissæ præstare debeat. Licet etiam brevius, nec minus fortasse tuto et vere dicere, non esse hic præstationem rei promissæ promissori impossibilem, etsi rem promittat, cuius commercium non habet. Non enim prohibetur eam parare, si ita comparet, non ut sibi habeat, sed præstet alii, cui eius rei habendæ ius fuit. Quod quis ita capit, non ut apud eum maneat, sed ut restituat alteri, capere non videtur. *L. aliud esse capere, infr. de verb. sig.* Ideo si ei, qui ex testamento non capiebat, quid legetur ita, ut alteri restituat, placet eum capere posse, eoque modo valere legatum, quasi nec capere videatur. *L. cum ei, 42. sup. de leg. 2.* Quapropter si promissor rem promissam emere potest, hanc emat, et statim præstet stipulatori: nec poenam legis metuat, quasi eam rem habuerit, cuius commercium erat ei interdictum. Si non vult emere, aut non reperit, qui ipsi vendat: cansam dicere non potest, quin æstimationem debeat eius rei, quam ipsum recte promississe, et natura omnique iure præstare potuisse nec præstitisse constituit. Constituta est igitur, ut mihi videtur dilucide utraque pars distinctionis hoc loco traditæ de his rebus, quarum commercium alteruter ex contrahentibus non habeat. † Sed ne quis forte in ea hæsitet, motus exemplo rei huiusmodi legatæ aut fideicommissæ, quasi in eo genere diversum aliquid statuatur, non erit alienum hoc loco monere; ne in legato quidem aut fideicommissio aliam distinctionem servari. Ea de legato expressa est in *L. mortuo, §. Labeo, sup. de leg. 2.* in hæc verba: *ager, cuius commercium quis non habet, legari ei non potest: sed si quis heredem suum eum fundum, cuius commercium is heres non habeat, dare iusserit ei, qui eius commercium habeat, placet heredem obligatum esse vel in rem ipsam, si hæc in bonis testatoris fuerit, vel si non est in eius æstimationem.* Ac posterior pars huius distinctionis ne verbis quidem in speciem usquam mutatur, sed a quocunque res relinquatur, dum relinquatur ei, qui eius commercium habet, valet legatum. De priore non perinde liquet propter varios locos, quibus declaratur, si quid relictum sit ei, qui id habere, possidere non potest, saltem æstimationem ab herede deberi. Atque hi fere tres sunt: *L. filiusfam. 114. §. si*

quid alicui, sup. de leg. 1. L. fideicommissa. §. si servo, sup. de leg. 3. L. sed si res, 40. sup. de leg. 1. † Ego autem 8 animadvertendum puto, in omnibus agi de eo sive legatario, sive fideicommissario, qui rei legatæ commercium habeat, etsi forte ob alias causas eam rem habere non possit, quod verba cuiusque loci declarabunt. Ac facilius duorum priorum explicatio est. In *L. filiusfam. §. si quid alicui*, diserte res proponitur his verbis: *si quid alicui licite fuerit relictum, quod ipse quidem propter corporis sui vitium, vel qualitatem relictæ, vel aliam quamcunque probabilem causam habere non potuit, alius tamen habere potuit; ex quo deinde attexuunt hæc verba ius continentia, quanti solet comparari, tantam æstimationem accipiet.* De eo quod licite relinquatur, loquitur Marcianus: non relinquatur cuicumque licite id, cuius commercium ei, cui relinquatur, leges interdicunt: cum enim eum vetant comparare et accipere, simul etiam in eum conferri vetant. In *L. 11. §. si servo, de leg. 3.* de militia agitur servo relicta. Huius quidem capax servus non est. Addo etiam non tantum huius rei commercium, sed etiam totius Iuris Civilis communionem servis hominibus adeptam esse. *L. qui testamento, §. servus, sup. qui test. fac. pos.* Sed intelligendum est testamenti factionem cum servis ex persona dominorum esse introductam, ut si domino militia relinqui potuit, possit etiam et servo, ac per servum ipsi domino relicta videatur. *L. non minus, sup. de her. inst.* Eo fit, quod illic traditur, ut debeatur æstimatio, si testator servum, cui militiam legabat, servum esse non ignoravit. Debebitur, nimirum domino, qui militiam commercium habuit, quod si ignoravit testator, ibidem scriptum est denegari fideicommissi persecutionem debere. Quo per contrarium maxime confirmatur, si quid relinquatur ei solum, qui rei relicte commercium non habeat, eius nec deberi æstimationem. Cur enim hoc casu non debetur? quia testator, dum eum, cui militiam præstari vult, liberum putat, nihil inde vult ad dominum redire; sed hoc sentit, ut vel ipsi, dum liber est, militia acquiratur, vel acquiratur ei, cuius in potestatem mutata conditione ipse transierit. *L. si paterfam. illic, atqui eum, sup. de her. inst.* in quo numero non est dominus, qui nunc est. Ita ex hoc fideicommissio neque domino militia potest acquiri, quia testator non vult; neque servo, quia servus eius commercium non habet

bet; unde evenit, ut nec eius æstimatione debeat. † Plus difficultatis omnibus ætati-
 9 bus obiecit *L. sed si res aliena, de leg. 1.* Nam in ea proponitur non solum is, cui possidenti ius non est; sed etiam qui commercium rei non habet: et tamen Ulpianus ait se putare deberi æstimationem. Verba autem hæc sunt: *Sed si res aliena, cuius commercium legatarius non habet, ei, cui ius possidendi non est, per fideicommissum relinquatur, puto æstimationem deberi.* Et sane si hoc responsum de uno sive legatario, sive fideicommissario intelligimus, ut in eo pro eodem accipiantur et legatarius, qui rei commercium non habet, et is cui possidendi ius non est, nihil caussæ est, cur non iis non dico quæ de stipulatione diximus, adversari putetur, sed multo etiam magis iis, quæ superioribus locis tam aperte de legatis constituta sunt: maxime autem *L. mortuo, §. Labeo, de leg. 2.* Quid enim dicemus? in *L. mortuo, §. Labeo*, agi de re legata, hic autem quætionem nominatim proponi de re per fideicommissum relicta? quasi ad vim legati quidquam referat, utrum res legetur, an per fideicommissum relinquatur. Mitto, quod dicitur in *L. 1. supr. de leg. 1.* per omnia legata esse exæquata fideicommissis: de quo si prius dubitatum esset, nunc tamen certum et constitutum ius est lege Iustiniani, *L. 2. Cod. com. de leg. §. 1. Inst. de leg.* Hoc dico semper hoc ius valuisse, ut quemadmodum his solis per fideicommissum relinqui potest, quibus et legari: *§. legari, iuncto §. incertis, Inst. de leg.* Ulpian. in frag. tit. de fideic. ita et res ex solæ fideicommissi possunt, quæ et legari possunt. Quarum autem rerum legatum aut fideicommissum per se non consistit, ita utrumque esse inutile, ut nec æstimatione debeat: alioqui inutile non esset, ex quo æstimationem liceret consequi legatario. Hoc in his rebus legatis pro certo traditum est, quæ non sunt in hominum commerciis. *L. cum servus, §. ult. supr. de leg. 2.* non est, quod in cæteris rebus inutiliter legatis aliud iuris esse existimemus. Propone testatorem rem legatarii ei legavisse; adeo legatum est inutile, ut quamvis legatarius rem alienaverit, tamen non debeat nec ipsa res, nec æstimatione eius. *§. sed si rem, Inst. de leg.* Et ne ab ea specie, de qua agitur, discesserimus, quomodo in *L. 11. §. si servo, de leg. 3.* militia servo relinqui proponitur? per fideicommissum. Et tamen cuius militiæ fideicommissum non consistit, illic traditur eius nec deberi æstimationem. Et certe quomodo dici possit æstimatione de-

beri, quæ legata non est, non animadverto. Res certa legata est, aut per fideicommissum relicta, non rei pretium seu æstimatione. Proinde si res legari aut fideicommissi non potuit, neque ipsa debebitur, quia ius obstat; neque æstimatione, quia hæc legata non fuit. Non est igitur, ut coepere dicere, cur *L. sed si res aliena*, non aperte contraria putanda sit *L. mortuo, §. Labeo, de leg. 2. L. 11. §. si servo, supr. de leg. 3.* si in ea quætionem de uno legatario aut uno fideicommissario proponi putemus, et eo qui commercium rei relicte non habet. Et omnino de uno in ea non agitur. Quod ut existimare debeamus, non tantum repugnantia, ne dicam falsitas et absurditas superioris sententiæ, quam modo ostendimus, facit: sed etiam verba ipsa et contextus *d. L. sed si res*, fateri cogunt. Primum commemorantur illic duo, quorum unus nominatur legatarius, alter is, cui per fideicommissum relinquitur: unus qui commercium non habere dicitur, alter cui dicitur ius possidendi non esse: quæ non verbis solum, sed etiam re ita distinguuntur, ut duas personas distinctas poni appareat. Quod si unum his verbis exprimi dixerimus, quam multa in eo reprehendenda? Primum his idem inepte et otiose inculcatur, cum satis fuisset ita dicere. Si res aliena, cuius commercium legatarius non habet, ei per fideicommissum relinquatur. Quinetiam et illud *legatarius* redundat; satis enim erat ita dicere, si res cuius commercium, quis non habet, ei per fideicommissum relinquatur: Tum autem si de eo agitur, qui rei commercium non habet, cur erroris obijciendi causa additur, *ei cui ius possidendi non est*, quo addito alius videri possit, non idem? cur cum agatur de eo, cui per fideicommissum relinquatur, is nominatur legatarius, cum et multo rectius diceretur fideicommissarius, et ad intelligentiam commodius, ne quis videlicet de duobus agi existimaret? Res ergo ita habet, ut duo re vera his verbis notentur, et distinguantur. Sunt autem hi; unus legatarius, qui rei legatæ commercium non habet; alter, cui ab hoc eadem res, cuius commercium legatarius non habet, per fideicommissum relinquatur; is tamen, cui ius possidendi non sit, id est, is, non qui commercium non habeat rei relicte, ut legatarius, sed qui aliter ob aliquam probabilem causam, sine delicto tamen et interdictione legis rem habere et possidere non possit, ut dicitur in *d. L. filiusfam. §. si quid alicui, supr. de leg. 1.* Cum hæc verbis conveniunt; tum vero in sententiâ non est

est dubitandum, quin in hac specie recte responderetur legatam, et fideicommissum dheri, et quidem ita, ut aestimatio tantum, non res debeat, quandoquidem res fideicommissario præstari non potest. Finge hoc modo: testator Christianus servum Christianum legavit Iudæo, et petiit ab eo, ut eum servum Titio restitueret; is autem servus ita aliquando venditus erat, ut exportaretur, et exportatus ne postea aut ab emptore, aut alio qui ex eadem regione esset (in quo numero fuit is Titius fideicommissarius) possideretur; aliqui manus injectio esset; quæ lex in servis observatur; efficitque, ut servus in his civitatibus conversari, et ab his possideri non possit, quos quasque contrahentes exceperunt. L. 1. 2. et 3. C. si ser. exp. ven. Ergo a Iudæo legatario Christianum mancipium per fideicommissum ei relictum est, cui isto modo, ut dixi, servi possidendi ius non fuit. Utrumque et legatum, et fideicommissum dicimus valere. Legatum, quia etsi vetatur Iudæus Christianum mancipium capere testamento; tamen magis est, ut non videatur eum servum capere, quem ita capit, ut restituit d. L. cum ei, 42. *supr. de leg. 1.* Interim quia mancipium ipsi dari non potest, consequens est, si quid debatur, ut præstari debeat aestimatio pro re, quæ debetur, L. in re furtiva, in princ. *supr. de cond. fur.* idque ex eadem definitione d. L. si filius. Sed cur hæc verba, cui ius possidendi non est, interpretamur de omni alio, qui habere non potest, potius quam de eo cui commercium est interdictum; cum is cui commercium interdictum est, nihilo rectius dici possit rem habere non posse, quam quivis alius? quia cum apud Ulpianum coniungantur duo et exprimantur, quorum unus commercium non habet, alter qui non habet ius possidendi, apparet se eos ab illo distinguere, ut separantur, et eius cui possidendi ius est, appellatione non contineatur is, quem prius commercium non habere dixerat. Deinde cum alibi ita definiatur, sic deberi aestimationem eius, quod legatarius habere non potest, si alia de causa habere non possit, quam quod ei commercium sit interdictum, id est, d. L. filius. §. si quid alicui. puto, quod hic dubium est, recte

fieri, si ex certis nec obscuris definitionibus interpretemur. Sed si intelligamus ei relictum per fideicommissum, qui rei legatæ commercium habuit, tametsi alia de causa rem possidere non potuit, quid necesse fuit duos hic fingere, quorum uni prius legetur id, cuius commercium ille non habet, deinde ab eo relinquatur idem alteri, qui commercium habet? cur enim non recta et sine circuitione Ulpianus proposuit rem relictam per fideicommissum ei, cui commercium est, sed aliter rem possidere non potest? Id fecit, non quod ad vim relictæ quidem interesset, utrum fieret; sed ut augetur dubitatio ex eo, quod prius proposuisset legatam rem rei, cuius in persona videri posset legatum non constitisse, quia is commercium rei non habuisset. Prius scriptum ab eo erat in L. cum servus, §. ult. de leg. 1. re aliqua legata, quæ in totum exempta esset hominum commercia, legatum non valere, adeoque nec aestimationem dheri. Ea quasi occupatione, quæ sequitur in fragmento sequen. id est, in d. L. sed si res, vult intelligi idem quidem esse si legetur ei, qui ipse commercium non habet: sed longe esse diversum, si legetur aut relinquatur ei, qui aliter possidendi ius non habet; adeo enim huic deberi aestimationem, ut debeatur ei, etsi non statim res ei legetur, aut fideicommittatur; sed etiam si primo legetur ei, qui commercium eius rei non habuit, deinde ab eo huic per fideicommissum relinquatur. Rursum quæro, si ad vim relictæ nihil pertinet apud Ulpianum, quomodo res relinquatur, legaturne, an fideicommittatur; cur nominatim proponit rem per fideicommissum relictam? Quia, ut species facti, quam proponebat, iure procederet, ita ex iure vetere factum oportuit. Prius res legata erat alicui, deinde ab eo alteri relictæ; non potuit huic relinquere, nisi per fideicommissum; sic enim olim ius erat, ut a legatario legari non posset. *Inst. de sin. reb. per fid. rel. in princ.* Bene autem Ulpianus proposuit, rem de qua queritur, a legatario relictam esse ei, cui possidendi ius non est, negative, non autem ei, cui ius possidendi est, affirmative: quia dum ei relinquatur, qui rem habere et possidere non potest, recte ab eo respondetur hic non rem deberi, quæ præstari non potest, sed deberi aestimationem, ut et fit in d. L. filius. §. si quid alicui. Quod si fingeremus ei relictum esse per fideicommissum, cui possidendi ius est, male responderet aestimationem deberi. Ipsa enim

enim res deberetur, non æstimatio, ut accidit, quoties certa res legatur, et legatum valet. §. *non solum*. Inst. de leg. Nec ad rem pertinet, quod res primo ei legata est, qui eius commercium non habuit. Non enim eo minus recto res ei legatur, nec minus ei præstatur iure, si is iussus est alii, qui capere et possidere possit, eam restituere, ut sæpe iam diximus ex d. L. cum ei, 42. de leg. 5. Quod si æstinatio in hac specie ei fideicommissarii debetur, cui rem habendi et possidendi ius est, quero a quo præstabitur? Utrum ab herede? at is servum Christianum legatum Indeo præstare vult, quem Indeus postea restituat capienti fideicommissario. Hoc si facit, liberatur: hunc enim quia legatus est, ex legati causa debuit ac solutione eius, quod debetur, tollitur omnis obligatio. d. §. *non solum*. Inst. de leg. Inst. quib. mod. sol. ob. in princ. Utrum a legatario? at nihil plus ab eo relictum est, quam ab herede: ab utroque videlicet servus Christianus. Et quomodo tandem ab eo exigeretur æstinatio, cui si facultatem et nondum officium restituendi ademeris, nihil ei omnino relictum est, idest, neque res neque æstinatio? Æstinationem ei nullam legatam esse non verbis quidem, apparet. Res verbo quidem legata est: re autem ipsa nihil, cum non ita ei legatum præstatur, ut apud eum maneat. L. aliud est capere, infr. de ver. sig. Certi autem iuris est, cui nihil deditur, ab eo nihil relinquere posse. L. 6. in fin. supr. de leg. 3. L. ab eo, C. de fid. Itaque qui in responso Ulpiani, idest, in d. L. sed si res aliena, de leg. 4. lectionem emendant, et pro illis verbis, *ei cui ius possi-*

dendi non est, substituant, *ei cui ius possidendi est* detracta negatione; hi duobus de causis cum sua emanatione procul facessere nobis iubendi sunt. Primum quod nulla necessitate emendationis cogente lectionem publica fide omnium codicum receptam invertant, atque adeo negationem in affirmationem mutant. In quo scio, quam non parum a multis hac rite peccetur. Quid enim erit in libris, et omni vetustate certi, si quoties visum est, pro commodo et arbitrio nostro licebit veteres, et receptas scripturas mutare? Deinde quod hac etiam lectione recepta sententiam inducant omnibus regulis de legatis, et manifeste iuri contrariam, ut cum dederint eam speciem, in qua res aliena recte capienti relicta sit, tamen dicant æstinationem fideicommissario deberi, non rem. Quæ si ita sunt, effectum est, quod supra posuimus, quod hoc loco traditum est de stipulatione, hoc idem iuris esse in legatis et fideicommissis, ut quoties vel is stipulatur, qui rei commercium non habet, vel legatur aut per fideicommissum relinquitur ei, qui item rei legatæ commercium non habet, toties nec stipulatio valeat, nec consistat legatum aut fideicommissum: itaque fiat, ut inde nec res ipsa, nec rei æstinatio debeat. Quod si in eo creditore, cui rei legatæ, aut in stipulatione deductæ commercium est, pariter receptum est, ut eius rei legatum et stipulatio valeat: conficitur hoc quoque, quod volumus communem esse banc, quæ hoc loco traditur, et stipulationis et legatorum seu fideicommissorum distinctionem.

Ad L. Si stipulor. 45.

Paulus libro 12. ad Sabinum.

Si stipulor ut id fiat quod natura fieri non concedit: non magis obligatio consistit, quam cum stipulor ut detur quod dari non potest: nisi per quem stetit quo minus facere id possit.

Item quod leges fieri prohibent, si perpetuam causam servatorum est, cessat obligatio: veluti si sororem nupturam sibi aliquis stipuletur. Quamquam etiam si non sit perpetua causa, ut recidit in sorore adoptiva, idem dicendum sit: quia statim contra mores sit.

S U M M A R I A.

1. *Re impossibili in stipulatum deducta, nec id, quod promissum dari, fieri non potest, nec eius æstinatio, nec quod stipulantis interest, debetur.*
2. *Fieri non posse intelligitur, non tantum quod*

- natura fieri non patitur, sed et quod ius, aut boni mores fieri vetant.*
3. *Si præstatio rei promissa culpa promissoris impossibilis sit effecta, non ideo minus promissor obligatur.*

A his rebus, quæ in stipulatione deducuntur, inutilis stipulatio est, si stipulemur dari, quod dari non potest; si fieri, quod fieri non potest: ut sit hæc summa, quæ regula iuris comprehensa est, *Impossibile nullum esse obligationem. L. 1. impossibile, infr. de reg. iur.* † Hoc eam vim habet, ut non tantum non debeatur id quod promissum dari, fieri non potest, de quo non dubitatur: sed etiam, quod iam aliquoties monuimus, ut nec debeatur eius rei æstimatio, quamvis dari possit, neque id quod stipulantis interest, atque adeo nec pœna, quamvis nominatim promissa hac conditione, si non daretur aut fieret, quod promissum erat. De æstimatione superiore capite rationem reddidimus, idque scriptum est in *L. cum servus, §. ult. supr. de leg. 1.* De pœna est in *L. si homo, infr. eod.* Quæ res dari non possit, dicemus ad *L. inter, §. sacram infr. eod.* † Fieri autem non posse hoc loco definitur, non tantum quod natura fieri non patitur, veluti hominem mortuum sisti, de qua specie in *d. L. si homo*, sed etiam quod fieri ius vetat, aut boni mores. In quam sententiam est illud Papiniani, *quod honeste non possumus, et secundum bonos mores, ea nec nos facere posse credendum est. L. filius, supr. de cond. inst.* Huiusmodi esse Paulus ait, si quis stipuletur sororem suam sibi uxo-

rem dari (ut olim moris erat stipulari et spondere sibi uxores futuras. *L. 2. supr. de spons.*) neque referre putat, naturalem quis sororem stipuletur, an adoptivam. Cum omni sorore matrimonium contrahi leges prohibent. *§. inter, Inst. de nupt.* Soror quidem adoptiva desinere potest esse soror, finita nimirum patris adoptivi potestate. *L. in omni, supr. de adopt.* idque etiam si evenierit, cum ea matrimonium consistere potest. *d. §. inter.* Sed non eo minus inutilis stipulatio est ab initio, qua sororem adoptivam quis stipulatus est; est enim hoc ipso statim contra bonos mores: nec si postea soror esse desierit dissoluta adoptione, ideo stipulatio convalescet; quod ab initio vitiosum est, non potest tractu temporis confirmari. *L. quod initio, infr. de reg. iur.* Hæc de his dicta sunt, quæ iam a principio, cum in stipulationem deducuntur, dari aut fieri non possunt. † Quod si quid tunc dari potest, aut fieri, non si postea dari fieri posse desinat, ideo obligatio non consistet, si per promissorem factum sit, quominus dare aut facere posset: quippe culpa eius perpetuam fecit obligationem: qua de re dictum est ad *L. si ex legati, supr. eod.* Hæc sententia est exceptionis eius, quæ illis verbis expressa est *nisi per quem steterit*, et quæ sequantur.

Ad §. Si in loquendo.

Si in loquendo, conducendo, vendendo, emendo, ad interrogationem quis non responderit: si tamen consentitur in id quod responsum est, valet quod actum est: quia hi contractus non tam verbis quam consensu confirmantur.

S U M M A R I A.

1. Contractibus, qui consensu constant, stipulatio inutilis adiecta, si in rem contrahentes postea consentiant, obligationem non vitiat.

2. An idem iuris, si post inutilem stipulationem nullus novus consensus sequatur.

Sunt contractus, qui consensu contrahuntur, hi dicuntur, emptio, venditio, locatio conductio, societas, mandatum; consensu, quia præter consensum nihil requirunt ad obligationem, non scripturam, non præsentiam contrahentium, aut verba: ideo ne stipulationem quidem. *Inst. de obl. ex cons.* Et hoc quidem certum est, si non placeat contrahentibus stipulationem in contrahendo adhiberi. Quid, si placuit interponi, ut hæc aliquo modo inutilis constituta est? † Hoc loco constituitur idem iuris esse, ac si sine ulla stipulationis specie de re ipsa convenisset, diu in eam rem consentiatur postea, quæ in stipulationem aut promissionem inutilem deducta erat. Ut puta, de re quæ venibat, interrogatus venditor simpliciter, an tanti venderet, stipulanti emptori in diem aut sub conditione respondit, idest, non ad interrogationem, nec illico placuit stipulanti diversitas responsionis, nullam stipulationem contrahi constat, et quidem ita, ut quamvis placeat postea responsio, et in eam contrahentes consentiant, nihil magis promissor ex stipulatione obligetur. *L. 1. §. si quis simpliciter, supr. eod.* Sed his postea in eam rem ita consentientibus emptio et obligatio contrahetur. Merito: sublata enim stipulationis causa, quæ frustra adhibita est, nulla-

tionem inutilem deducta erat. Ut puta, de re quæ venibat, interrogatus venditor simpliciter, an tanti venderet, stipulanti emptori in diem aut sub conditione respondit, idest, non ad interrogationem, nec illico placuit stipulanti diversitas responsionis, nullam stipulationem contrahi constat, et quidem ita, ut quamvis placeat postea responsio, et in eam contrahentes consentiant, nihil magis promissor ex stipulatione obligetur. *L. 1. §. si quis simpliciter, supr. eod.* Sed his postea in eam rem ita consentientibus emptio et obligatio contrahetur. Merito: sublata enim stipulationis causa, quæ frustra adhibita est, nulla-

manet consensus, qui ad emptionem et ceteros similes contractus conficiendos est satis. Nisi quis forte dicat, quia visum est contrahentibus adhiberi stipulationem, ideo rem ex stipulatione pendere, ut si ea non valet, nulla obligatio omnino contrahatur. Sed qui maioris cautionis causa adhibuerunt stipulationem, non ideo potestatem alio modo consentiendi sibi interdixerunt. Ita si eos in rem ipsam postea consensisse constet, consensus in eiusmodi contractibus eos tenebit. † Quid si post inutilem stipulationem nullus novus consensus sequatur? Dum modo vel ante, vel etiam in ipsa inutili stipulatione utrumque in emptione de re et pretio consensisse appareat, probandum est eodem modo et consensu contractam esse emptionem. Et ideo si venditor interrogatus, an velit fun-

dum illum tanti addictum esse, nihil omnino respondeat, sed annuat tantum; puto emptionem contractam nutu consensum satis declarante, ut de nutu aliis in causis receptum est. *L. nutu. supr. de leg. 3. L. servo, §. si pupillo, supr. ad Treb.* Nec obstat, quod in *L. 1. §. si quis ita, supr. eod.* scriptum est, si is qui interrogatus est, sine verbis respondeat, adeo eum non obligari, ut non modo civiliter, sed nec naturaliter obligetur; multum enim interest, utrum quis stipulantis tantum animo stipuletur, de quo illic agitur, an vero ementis, vel alio modo paciscentis: ut si animo stipulantis, nihil agatur, quia paciscendi animus non fuerit, ut declaratur in *L. 1. §. eum qui, supr. de const. pec. sin. euentis*, emptio cum annuente contrahatur propter consensum.

Ad L. Si quis cum aliter. 36.

Ulpianus lib. XLVIII. ad Sabinum.

Si quis cum aliter eum convenisset obligari, aliter per machinationem obligatus est: iuris quidem subtilitati iuris obstrictus: sed doli exceptione uti potest; quia enim per dolum obligatus est, competit ei exceptio. Idem est et si nullus dolus intercessit stipulantis, sed ipsa res in se dolum habet. Cum enim quis petat ex ea stipulatione, hoc ipse dolo facit, quod petat.

SUMMARIA.

1. *Sensus verborum*: Cum convenisset obligari.

2. *Species huius L.*

3. *Iure Civili obligari quid.*

4. *Stipulator, sive dolo eius quis obligetur, si ve nullo eius dolo interveniente res ipsa in se dolum habeat: doli exceptione submovetur.*

5. *Quid iuris in contractibus bonæ fidei.*

6. *Differentia iudiciorum bonæ fidei et stricti iuris, circa exceptiones. Eiusque differentie ratio.*

7. *Bonam fidem in omnibus contractibus servari, sed dissimiliter.*

QUæstio est de eo, qui aliter obligatus est, quam eum convenisset obligari. In quo convenisset sic vulgo omnes accipiunt, ut sit, conventum esset; et eum convenisset obligari, ut sit, convenisset, ut obligaretur: quomodo loqui aliquando iuris auctores scimus. Nam et in *L. ex empto, in pr. supr. de contr. empt.* Legimus, quod præstari convenit, pro, quod convenit, ut præstaretur. Ideo magno labore speciem quaerunt, in qua conveniret, ut quis obligaretur certo modo, et tamen contra quam vellet, per machinationem adversarii, aut suo errore deceptus aliter sit obligatus: ac diu re quaesita vix tandem speciem accommodatam reperiunt, aut repertam satis expeditunt. Unde tam variè ab illis afferuntur, dum quæ ab uno allata est, cæteris displicet.

Tom. XI.

nec mirum. Vix est enim, ut quisquam tam stolidus, et rerum suarum tam dissolute negligens reperiat, ut cum conventionem sola non obligetur ad promittendum, velit adversario promittere secus, quam conventum est, priusquam certo compere-rit causam esse, cur aliter promittat, et in eo sibi patiatur ab adversario aut ab ignorantia sua imponi. Nullum est enim periculum, quod metuatur, si id non promiserit; quoniam promittere non cogebatur, nam ex pacto non nascitur actio. *L. iurisgentium, §. sed cum nulla, et sequen. supr. de pact.* Faciamus tamen conventionem adhibita eiusmodi aliquam speciem ingenio excogitari posse, cuiusmodi nulla adhuc ab ullo aliorum approbatione inventa est: certe non fuit hic necessarius labor. † Non enim verbum *convenisset* ne-

cesse est hic accipere pro conventum esset: sed multo rectius est, et ad consuetudinem loquendi usitatus, tum ad huius quoque loci sententiam convenientius, ut convenisset interpretemur, decuisset, vel oportuisset: intelligamusque sermonem esse de eo, qui cum aliter eum, decuisset, et oportuisset obligari, aliter sit obligatus. Et certe usitate dicimus, convenit id fieri, pro conveniens est, seu par est, et oportet id fieri; convenit aliquem hoc modo obligari, pro oportet eum hoc modo obligari. Convenit autem te obligari, pro convenit, ut obligeris, rarius, nec satis ex consuetudine veterum loquendi. Hac autem significatione admissa, ut sententia facilis est, et cum aliis multis locis consensiens; ita in specie huic loco accommodata invenienda non laborabimus. † Propone igitur hoc modo: centum testamento legata sunt alicui: ex his postea quinquaginta legatario adempta codicillis; quod legatarius cum sciret ignorante herede, dolo subtractis instrumentis facile obtinuit, ut dum heres iuxta formam edicti satisfacat legatariis legatorum nomine, promitteret se ei centum, quæ supra scripta sunt, tanquam debita daturum, utpote relicta testamento, de quibus ademptis nihil ne suspicaretur quidem. Ita cum eum legatorum nomine quinquaginta tantum promittere convenisset, idest, oportuisset, aliter per machinationem legatarii, eiusdemque stipulatoris obligatus est: centum enim integra promisit, et eius summæ totius nomine dedit fideiussores. Hinc scribit Ulpianus eum subtilitate iuris obstructum esse in centum; sed quatenus aliter obligatus est, quam conveniebat, doli exceptione uti posse. De qua sententia ne dubitetur, generalius et explicatius expressa est in *princ. tit. de except. Inst. et L. dolo*; *C. de inut. stip.* Ait autem eum, qui ita deceptus promisit, subtilitate iuris obstructum esse, velut interpretans illud, quod est apud Iustianum in *d. tit. de except. in princip.* promissorem in hac specie

3 Iure Civili obligatum esse. † Iure Civili valet, summo Iure Civili, et quod hic dicitur, subtilitate iuris, ut et in *L. filio, supr. de inut. rupt.* idque ita dicitur, quia verbis tantum legis obligatus est, non etiam sententia: obligatus est enim contra æquum et bonum. Finis autem et mens omnis iuris est, æquum bonum: unde ius definitur ars æqui et boni. *L. 1. supr. de iust. et iur.* Interim verba iuris eius, quod de stipulatione constitutum est, promissorem tenent. Nam ex stipulatione in promissorem Iure Civili actio constituta est hac conditione,

si quis quid stipulanti promiserit. §. *de constituta, Inst. de act.* Sed, ut dixi, deceptum teneri iniquum est. Hinc doli mali exceptio hoc loco, et *d. tit. de except.* hæc enim eo comparata est, ne per occasionem Iuris Civilis, idest, subtilitatis iuris, quæ in verbis posita est, non in sententia, cuiquam dolo suus prosit contra naturalem æquitatem. *L. 1. supr. de dol. mal.* et met. exc. † *Idem est, inquit, etsi nullus dolo intercessit stipulantis, sed ipsa res in se dolum habet.* Id fieri intelligitur, cum ipse promissor suo ipsius errore inductus putat se debere, quod non debet, et promittit stipulanti, qui eodem errore falsus non minus putat sibi deberi. Qua in specie non minus, quam in superiore exceptionem doli competere promissori declaratur in dicto *tit. de except. ibid.* Id autem contingit in eodem exemplo hoc modo; si proponas legatarium, et heredem simul ignorasse quinquaginta codicillis esse adempta, quia codicilli latebant: ideo heredem fidem testamenti secutum legatario in eadem ignoratione versanti, et bona fide stipulanti centum solida promississe: hic dicimus si codicilli postea emergant, et legatarius ex stipulatione tota centum petat, summoveri eum doli mali exceptione pro parte posse. Sed unde doli exceptio, dixerit aliquis, adversus eum, qui in stipulando nihil dolo fecit? Respondet Ulpianus hoc loco, et pluribus in *L. 2. §. circa, supr. de dol. ma. except.* non ex præterito dolo hanc exceptionem esse, sed ex præsentem; licet enim eo tempore, quo actor stipulabatur, nihil dolo malo admisit, tamen eum dolo facere, qui perseverat ex ea stipulatione petere, quam sine causa, quæ initio subesse putabatur, esse intelligat. Ait autem in hac specie rem in se dolum habere, quia persona stipulantis dolo caret; sed res, idest, stipulatio et promissio in se dolum habet, fraudem nimium et damnum promissoris, qui suo errore deceptus est, ut promitteret, quod non debuit. Et hæc de stipulatione et cæteris contractibus stricti iudicii recepta sunt, cum hoc loco, tum in *d. L. pen. C. de inut. stip. et tit. de exc. in princ.* † Aliud iuris est in contractibus bonæ fidei: quo in genere et nullam esse venditionem legimus, in qua quis in hoc deceptus est, ut venderet, *L. et eleganter, supr. de dol.* et societatem ipso iure nullius esse momenti, quæ dolo malo aut fraudandi causa coita sit. *L. 3. §. ult. supr. pro soc.* Sed etsi quis rem aliqui empturus

rus in hoc deceptus sit, ut pluris rem emer-
ret, quam valebat, eatenus quoque ipso
iure non tenebitur: id est, quamvis excep-
tionem doli initio litis contestatus non erit,
nihilominus tamen quandoque obiecto ante
sententiam dolo et probato absolvi debebit
non secus, quam si exceptionem initio op-
6 posuisset: † idque ex eo efficitur, quod
dicitur sola iudicii bonæ fidei potestate ex-
ceptiones omnes bonæ fidei iudiciis inesse.
*L. 3. sup. de resc. vend. L. huiusmo-
di, §. qui servum, sup. de leg. 1. L. plane,
et L. ult. sup. de her. pet.* cum
in iudiciis stricti iuris exceptiones initio
contestari oporteat, si quem usum earum
in his iudiciis postea esse velimus. *L. præ-
scriptionem, L. si quidem, C. de exc.*
Quæ differentia ex ipsis verbis iuris, quod
de utroque genere ad concipiendum iudi-
cium positum est, nata est. Nam ut decla-
ratur in §. ult. *Inst. de obl. ex cont.* in
contractibus bonæ fidei iure alter alteri obliga-
tur, eodemque iure et constituitur actio in id,
quod alterum alteri ex æquo et bono præstare
oportet. Hoc iureposito, non modo qui
in his generibus deceptus est, eatenus ab-

solvi debet et legis sententia, quia æquum
est, sed etiam ex verbis quæ in id æquum
et bonum aperte concipiuntur: cum *alio-
qui*, inquit, ibidem Iustiniana, in *verbo-
rum obligationibus*, id est, in stipulationi-
bus *alius stipuletur, et alius promittat*.
Quibus verbis significat in stipulationibus
obligationem et actionem ad id solum re-
ferri, quod unus stipulatus sit, et alter
promiserit, omitta questione, an æquum
sit id præstari, necne. † Ex his intelligen-
tur vere definiri in *L. bonam, C. de obl.*
et act. quod ad omnes contractus indistin-
cte pertineat, bonam fidem in contractibus
considerari æquum esse. Constat enim ex
hoc loco, et his quæ supra disseruimus,
nihil ratum esse ne in stipulatione quidem,
quod dolo malo factum sit, aut nunc fiat
contra bonam fidem: tametsi verum est bo-
nam fidem in contractibus servari dissimi-
liter; cum ut diximus, in contractibus bo-
næ fidei ita hæc servetur, ut ipso iure id
non valeat quod contra eam contractum
est; in stipulatione autem et similibus, quod
istud gestum est, solum per exceptionem in-
firmetur.

Ad L. Si certos 37.

Paulus lib. 11. ad Sabinum.

Si certos nummos puta qui in arca sint, stipulatus sim: et hi sine
culpa promissoris perierint: nihil nobis debetur.

Quidquid debetur, si certum est, et definitionem de interitu et mora supra tra-
perire potest, vel, quod sensus dici
sufficit, si perire potest, referri debet ad
ditam in *L. si ex legati, 23. sup. eod.*
in quo genere est species huius loci.

Ad L. Stipulatio ista. 38.

Ulpianus lib. XLIX. ad Sabinum.

Stipulatio ista, *habere licere spondes?* hoc continet, ut liceat habere,
nec per quemquam omnino fieri quo minus nobis liceat habere, quæ res
facit, ut videatur reus promississe, per omnes futurum, ut ubi habere liceat;
videtur igitur alienum factum promississe: nemo autem alienum factum pro-
mittendo obligatur; et ita utimur; sed se obligat, ne ipse faciat quo minus
habere liceat; obligatur etiam ne heres suus faciat, vel quis ceterorum
successorum efficiat ne habere liceat. Sed si quis promittit per alium (non
fieri, præter heredem suam: dicendum est inutiliter eum promittere factum
alienum. At si quis velit factum alienum promittere: potnam, vel quanti res
ea sit, potest promittere.

SUMMARIA.

1. *Summa capita huius L.*
2. *An et quatenus stipulatio hæc; Habere licere, valeat; et quæ dubitandi ratio.*
3. *Nemo alienum factum promittendo obligatur.*
4. *Exceptio: Si pœna, aut id quod interest stipulatoris, promissum sit.*
5. *Explicatur §. Qui autem. L. Ex empto, supr. de act. empt.*

6. *Ex generali promissione factum alienum quatenus præstetur.*

7. *Ex speciali promissione, qua quis de suo facto pollicetur, nunquam promissor extranei evictionem præstat.*

8. *An, qui promittit se curaturum ne alius evincat, omnium evictionem se præstaturum promittere videatur.*

Emp̃tor a venditore stipulatur rem venditam habere licere, idque iudicio empti venditor promittere cogitur. *L. ex empto, §. etiamsi, supr. de act. em.* De hac stipulatione quinque tractat Ulpianus hoc capite: † Primum, an hæc stipulatio valeat, et quatenus; hoc in principio. Secundum; quando videatur contra hanc stipulationem fieri, ut ea adversus venditorem committatur, eiusve heredes, hoc in illis verbis, *sed quatenus*, et in §. *si quis forte, seq. item in §. habere*. Tertium, quis recte promittat habere licere; hoc in §. *quasitum*. Quartum, quibus et adversus quos committatur hæc stipulatio; hoc in §. *sicut*. Postremum, quis recte hoc ipsum stipuletur a venditore; hoc in §. *hi qui*, et §. *hæc quoque, seq.* † Initio igitur, ut dixi, tractat, an valeat hæc stipulatio. Dubitationis causa est, quod qui promittit emptori rem habere licere, hoc promittere intelligitur, rem ei habere licere non tantum per se heredemve suum, sed etiam per omnes: idest, neminem omnino facturum, quominus rem ei habere liceat, neque se, neque heredem suum, neque adeo extraneum quemlibet. At qui promittit alium non facturum, sive rem non ablaturum, is factum alienum promittit: † id quod fieri ius vetat. *L. inter, in princ. infr. eod.* quo fit, ut hæc stipulatio simpliciter concepta videatur esse inutilis. Et Ulpianus de extraneo fatetur, quatenus quis promittit eum non facturum, quominus emptori habere liceat, eatenus stipulationem non valere: sed negat eam rem efficere, quominus de se heredeque suo recte promittat, ubi non alienum factum promittit, sed suum, aut eorum, qui una persona cum eo esse existimantur. Ideo actenus stipulationem valere, et promissorem heredesque eius eatenus obligari ait. † Sed hoc adicit: Si pœna promissa sit, aut id quod interest emptoris, si illi rem habere non liceat, futurum esse, ut re a quovis etiam extraneo evicta venditor teneatur. Merito, in pœnæ enim promissione venditor de se, et pecunia sua promittit. Adeo autem di-

sertis verbis Ulpianus scribit, remota pœnæ, aut eius quod stipulatoris interest, stipulatione, eum qui promittat per alium non fieri, inutiliter promittere, ut qui hanc promissionem utilem esse velit, et extraneo evincente promissorem ex ea teneri contendant, causam dicere non possit, quin non dico pro Ulpiani interprete se non gerat, sed ultro se illi constitnat adversarium, et eius sententiæ reprehensorem. Non enim tantum ille ait hoc iure nos uti in proposito, ut nemo alienum factum promittendo obligetur; sed etiam diserte scribit, si quis promittat per alium non fieri præter heredem suum, dicendum esse inutiliter eum promittere factum alienum. Nos vero id tenebimus, neque commitemus, ut quod tam aperte scriptum est, non vidisse, aut quod tam certa ratione iuris nititur, temere repudiassè videamur. Neque vero quidquam obicitur, quod nos eam sententiam mutare cogat. Movetur vulgo in contrariam partem *L. ex empto, §. qui autem, supr. de act. em.* sed quam recte, vel hinc licet intelligere: quod enim præcipue animadvertendum est, locus est eiusdem Ulpiani de hac ipsa promissione, *habere emptori licere*: ut nisi aperte vel contrarium illic scriptum sit, vel ex his, quæ illic scripta sunt, necessario consequatur, nunquam eum locum sic debeamus interpretari, ut idem alioqui intelligens et prudens scriptor a seipso dissideat, quorum neutrum eo loco reperietur. † Verba autem hæc sunt: *Qui autem habere licere promittens vendidit, videamus, quid debeat præstare*. Et multum interesse arbitror, utrum polliceatur per se, venientesque a se personas non fieri, quominus habere liceat, an vero per omnes. Nam si per se, non videtur id præstare, ne alius evincat; et subiicit id ita esse, sive stipulatio interposita sit, sive non sit: ut appareat eum non solum de eo agere, qui sola conventionē pollicitus sit per se non fieri, quominus emptori habere liceat, sed etiam de eo, qui idem stipulanti emptori promiserit, de quo nunc agimus; quam ob causam verbo *pollicea-*
tur

tur initio consulto usus est, non quia notare vellet nudam conventionem sine stipulatione; sed quia polliceri verbum est commune, et ad nudam conventionem emptionis pertinens, et ad stipulationem: quoniam de utraque dicere instituerat. Sed ad rem. Ille eum, qui promisit solum per se non fieri, ait non videri id præstare, ne alius evincat. Quid, si promiserit non fieri per omnes etiam extraneos? Nihil de eo nominatim subiicit: ut si quid de eo statui ex eo loco velimus, id solum sit, quod ex præcedentibus colligatur. At ex iis evidenter colligitur, inquit, si promiserit venditor generaliter per omnes non fieri, quominus emptori haberi liceat, id eum præstare debere, non solum ne ipse aut heres eius, sed etiam ne alius quivis evincat. Propositum enim illi est distinguere promissiones istas in eo, quod alius evincit, et quod de una negavit, de altera affirmare. Negavit autem ex speciali promissorem præstare debere, quod alius evincit; ex quo volunt effici ex generali promissorem hoc ipsum etiam præstare debere. ¶ Et si dicant hoc colligi, ex generali ea promissione aliquando factum alienum, seu alienam evictionem præstari, aliquando, inquam, non semper: concedo, et verum est; præstatur enim tunc, cum pone promissa est, aut id quod interest, si emptori habere non liceret; de quo verisimile est Ulpianum sentire; quoniam ea stipulatione interdum simpla, ut plurimum autem dupla promittebatur, in eaque rem etiam erat ex empto actio. *L. 2. L. emptori, supr. de evict.* Sin hoc volunt colligi, semper ex ea promissione generali præstare promissorem debere, quod alius evincat, id vero ab illis recte fieri nego, quia non necessario efficitur ex præcedentibus. Ut enim inter istas promissiones multum interit, ut Ulpianus proposuerat, satis est, si dicatur ¶ ex speciali, qua quis de suo facto pollicetur, nunquam promissorem extranei evictionem præstare, sique pena promissa sit, sive non sit; ex generali autem, qua de suo, et omnium facto pollicetur, aliquando debere præstare cuiusvis evictionem. Scio dubium fieri posse ex præcedentibus, an Ulpianus has species ita distinguere velit, quasi ex generali ista promissione semper evictio aliena præstari debeat, ex speciali autem nunquam: propterea quod sic maxime inter eas interit, si hæc differentia statuatur. Sed nego ex præcedentibus necessario colligi. Quoniam autem incertum est, utrum magis sit ex sententia Ul-

pieni, huius rei diiudicatio ex aliis locis petende est? idque eo magis, quod eo loco non est propositum Ulpiano de ea generali promissione tractare, sed ea omnia persequi id, quod de speciali dixerat, nempe promissorem aliorum evictionem præstare non debere, ubi de se tantum, et heredibus suis pollicitus est. Hinc enim occasione data quaerit, an cum convenit, ne venditor evictionem alienam præstet, eo usque producenda sit hæc conventio, ut re ab alio evicta venditor nec pretium rei restituere debeat. Unde apparet Ulpianum, quod de altera generali promissione ius eret, consulto prætermisisse, ut regulis iuris, et iis, quæ de ea aliis locis ipse tradidisset, relinqueret. Scimus autem ex hoc loco ab eodem ipso scriptum esse, nisi dupla, aut simpla, aut id quod interest, promittatur, inutiliter quem promittere per omnes non fieri, quominus tibi habere liceat; hæc igitur sententiam illic non mutat. Sed ut desit ille locus, sunt, qui eam sententiam una cum ratione hoc loco reddita everti putent eo, quod idem Ulpianus alibi scribit, eum, qui promittit per se non fieri, videri promittere non tantum se nihil facturum, sed etiam curaturum se, ne alius faciat, quominus emptori habere liceat: hoc ille in *L. in illa. 50. infr. eod.* Idem Paulus significat in *L. inter, infr. eod.* ¶ Hoc positum sic illi sumunt: qui promittit se curaturum, ne alius evincat, omnino in id se obligat, ut faciat ne res a quoquam evincatur, sive eum prohibere possit, sive non possit. Arg. *L. ult. §. ult. supr. si cert. pet. §. si quis alium, Inst. de inut. stip.* Ex quo colligunt eum, qui promittit per alium non fieri, quo res evincatur, semper teneri, quicunque quamvis extraneus rem evincat. Ego autem miror ita ab ullis tam parum considerate dici, ut non animadvertant necesse esse aut falsa esse, quæ sumunt, aut si vera sunt, non modo id non effici, quod volunt, sed potius se solos oppugnari hoc argumento, eam autem sententiam, quam defendimus, aperte confirmari. Observandum est enim et in *L. in illa*, et in *L. inter, infr. eod.* quod dicitur eum, qui promittit non fieri, videri promittere se curaturum, ne fiat; non de quovis dici, qui promittit non fieri, sed nominatim de eo, qui promittit per se non fieri, seu de eo qui de se promittit. Demus igitur, si videtur, hunc videri promittere se curaturum, ne quis alius evincat, et ita promittere, ut quisquis alius rem evincat, huius factum debeat præstare: tamen vitiose omnino colligitur idem probandum esse, et trium

si quis promittat per alium non fieri, sive alium non facturum. Imo vero contra colligi debuit hoc modo: qui promittit per se non fieri, promittit se curaturum, ne quisquam alius faciat, et ob id alio quovis evincente tenetur, at quamobrem? nimirum quia de se, et suo facto promittit: in quo continetur, ut ne sinat alios facere. Ergo qui promittit non per se, sed per alium fieri, quo res evincatur, contraria de causa dicendum est eum alio evincente non teneri; quia non promittit se curaturum, ne alius faciat; et ideo non intelligitur promittere, quia de suo facto non promittit, sed alieno. Si quid ex superioribus locis ad rem colligi potest, hoc modo concludi debuit: qui promittit per se non fieri, quominus emptori habere liceat, idem promittere intelligitur se curaturum, ne alius faciat, quominus emptori habere liceat. At qui promittit se hoc curaturum, is præstare debet, ne quisquam etiam extraneus evincat, eoque evincente tenetur. Ergo qui promittit per se non fieri, quominus emptori habere liceat, is etiam extranei cuiusvis factum præstare debet, et eo evincente tenetur. At hoc non solum falsum est, sed etiam illi ipsi, qui superiore argumento utuntur, maxime falsum esse volunt, ut qui id defendant, quod diserte scriptum est in *L. ex empto*, §. *qui autem*, *supr. de act. empt.* eum, qui pollicetur per se non fieri, quominus habere liceat, non videri id præstare, ne alius evincat. Quare aut fateantur non esse verum, eum, qui promittit se curaturum, ne alius evincat, promittere se omnium evictionem præstaturum, eoque nomine teneri: quod si fit, palam est eorum rationem concidere: aut si pergunt id tenere, convertant in se argumentum, sciantque eo hoc effici, eum, qui promittit per se non fieri, quominus habere liceat, omnino præstare debere, ne alius evincat: quod tamen minime volunt, et prius recte negaverant. Ita fit omnino, ut utrum elegerint, ipsi secum pugnent, non eam sententiam, quæ hoc loco ab Ulpiano tam diserte scripta est, ullo modo lædant. Sed tamen quia alia parte, qua nolunt, Ulpianum superiore obiectione oppugnant, et ea pars huius loci est, conabor non minus et eam obiectionem hoc loco expedire. Scribit Ulpianus eum, qui promittit per se, venientesque a se personas non fieri, quominus emptori habere liceat, quatenus solum id facit, aliorum nomine non teneri, seu non præstare, quod alius evincat; quod et ab illo positum est in *d. L. ex empto*, §. *qui autem*; et hoc

loco satis significatur. Queritur, num sit contrarium, quod alibi constanter traditur, eum, qui promittit per se non fieri, non tantum promittere se non facturum, sed etiam se curaturum, ne alius faciat. Sic enim fit, ut nisi curaverit, alio evincente teneatur. *d. L. in illa. d. L. inter*, *infr. eod.* Dicimus inter ista optime convenire. Quod enim dicitur, eum qui superius illud promittit, non videri præstare, ne alius evincat, sic accipiendum est: non ne quisvis alius evincat, sed ne evincat alius, quem ipse prohibere non potest. Quod si quem cura sua prohibere potuit, neque fecit, et rem ab eo evinci passus est, dicimus eum teneri. Neque id ideo tantum dicimus, quia diserte in simili genere stipulationis, quæ in non faciendo sit, hæc distinctio usurpata est ab eodem Ulpiano in *L. fluminum*, §. *quantum*, *supr. de dam. inf.* sed etiam quia verbis ipsis maxime convenit id ita interpretari. Cum enim is facit, quem promissor prohibere potest, non minus promissor ipse facere intelligitur: ex quo illud dictum est in *L. nullum*, *infr. de reg. iur.* nullum crimen pati eum, qui scit et prohibere non potest. Quod autem dicitur, hunc ipsum, qui promittit per se non fieri, intelligi promittere se curaturum, ne alius idem faciat, non modo superiori distinctioni non adversatur, sed eam ipsam apprimè confirmat. Qui enim promittit hoc se curaturum, de iis promittit, quos cura sua potest prohibere. Quod ad eos attinet, quos prohibere non potest; aut de his prohibendis nihil promittere intelligitur, quia nequidquam promitteret; aut si verbis de his promittat inutilis promissio est, quia id promittat, quod per rerum naturam præstare non potest. Nam ut ne quis agat adversus emptorem meum, aut etiam meipsum, et omnino ne quis illi damnum det, aut iniuriam faciat, nulla cura aut diligentia possum consequi *L. ad eos*, *supr. com. L. si ea res*, *supr. de act. empt.* Quod etsi certam et expeditam rationem habet; tamen vereretur, ne non cuiusvis statim posset probari, nisi hæc distinctio, ut dixi, in hoc genere stipulationum ab Ulpiano constituta esset in *d. L. fluminum*, §. *quantum*, *supr. de dam. inf.* Nam et in stipulatione damni infecti reus promittit opus neque a se, neque ab alio factum iri, ex quo quid damni detur stipulatori loci, ædium, operisve vitio, ut colligere est ex *d. L. fluminum*, §. *quantum*, et §. *ult. de dam. inf.* his verbis opus a se non fieri, non minus promittit-

mittit reus se curaturum, ne quisquam alius faciat, quam, qui promittit per se non fieri, promittere intelligitur se curaturum, ne quisquam alius faciat; quod et Ulpianus in *d. §. quanquam*, confirmat, sed ita interpretatur, ut si opus fiat ab eo, quem promissor prohibere potest, stipulatio committitur; si ab eo, quem prohibere non potest, non committatur. Non est igitur dubitandum, quin ille sub una specie omnia, quæ diximus, in similibus omnibus statuatur. Sed hic exoritur istorum ratio ex adverso. Volant enim eum, qui promittit se curaturum, ne alius faciat, de omnium facto promittere, et promittere utiliter ita, ut quisquis contra faciat, eius factum præstare debeat, quamvis enim, quominus faceret, non potuerit prohibere. Et si prius id negaverat: quia tamen nunc dicant, de re videamus. Ego quidem nego, et falsum esse, eo quomobrem falsum sit, satis mihi paulo ante ostendisse videor. Probare tamen adversus Ulpianum conantur, et utuntur hoc argumento, quod qui promittit se curaturum, ut Titius det, aut faciat, placet eum omnimodo efficiere de-

bere, ut Titius det aut faciat; aut si id consequi non possit promissor, ipsum præstare debere. *L. ult. §. ult. supr. si cer. pet. arg. §. si quis alium, Inst. de inut. stip.* Sed multum intefest, utrum quis promittat se curaturum, ut Titius det faciat; an vero se curaturum, ne Titius det faciat. Prius recte promittitur, et omnino præstandum est: quia et præstari potest a promissore; ut enim Titius non det, aut faciat; certe est in potestate promissoris id ipsum dare aut facere, ut nihilominus stipulatori satisfiat. Posterior promittitur inutiliter, si quis de eo promittat, quem facientem prohibere non possit. Sive enim nondum Titius contra fecit, tamen obistere ei quo minus iudicio agat, non possumus: sive iam contra fecit, natura non patitur, ut quod factum est, infectum fiat. Præclare igitur omnia hic Ulpiano se habent, uti ab illo scripta sunt, tantque eiusmodi, quæ sint enim omnibus aliis locis, qui de vi eiusdem stipulationis scripti sunt, quam maxime consentientia. Reliquæ exsequamur.

Ad §. Sed quatenus habere. et ad §. si quis forte.

Sed quatenus habere licere videbitur? Si nemo controversiam faciat; hoc est, neque ipse reus, neque heredes eius, heredumve successores.

§. Si quis forte non de proprietate, sed de possessione nuda controversiam fecerit, vel de usufructu vel de usu, vel de quo alio iure eius quod distractum est: palam est committi stipulationem. Habere enim non licet ei cui aliquid minuitur ex iure quod habuit.

SUMMARIA.

1. *Stipulatio habere licere, quo facto committatur.*
2. *Dua evictionis partes: Controversia et rei oblatio.*

3. *Quorum facto stipulatio hæc committatur.*
4. *Cuius rei nomine.*
5. *An ob evictionem servitutum prædiorum committatur hæc stipulatio.*

HIC docet, quando hæc stipulatio committatur. Summa autem est, tunc committi, cum promissor heresita eius sic rei controversiam facit, ut eo facto aliquid minuat stipulatori de eo iure, quod habuit. In quo tria complectitur, quæ distincte spectanda sint: primum quo facto stipulatio committatur: deinde quorum facto; tum cuius rei nomine. ‡ De facto si verba solum quæ initio sunt, sequi volumus, dicemus committi hanc stipulationem euctore Ulpiano, si quis rei vendite controversiam faciat: controversiam, inquam, nihil amplius; sic enim verba sunt: *sed quatenus habere licere videbitur? si nemo controversiam faciat*, et mox: *si*

quis forte non de proprietate, sed de possessione nuda controversiam fecerit, vel de usufructu, vel de usu, vel de quo alio iure eius quod distractum est: palam est committi stipulationem; his verbis ad stipulationem committendam satis est controversiam factam esse, quod falsum est: rem enim sufferi oportet. *L. habere, sup. de evict.* Sed quid sequatur, videndum est. Ite etiam de qua controversia sentiet, facile intelligemus. Subiicit autem superioris sententia rationem in hæc verba: *habere enim non licet ei, cui aliquid minuitur ex eo iure, quod habuit.* Vult ergo aliquid minui; ita etiam eam controversiam intelligebat, quæ aliquid minuitur, atque id

- id ita fit, si quid auferatur. Et ita res habet: committitur hæc stipulatio re evicta
- 2 *L. venditor, supr. de evict.* † Evictio duas partes continet: controversiam, quæ iudicium sit: *L. non tamē, supr. de evict.* *L. atqui natura, §. cum me, supr. de neg. gest.* et rei ablationem, quæ sententiā iudicis sequatur. *d. L. habere, de evict.* neque ideo perperam contrarietatem solum meminit, oblationem prætermisit. Controversiam enim intellexit, quæ esset cum effectu, ut bene Accursius accepit: quo modo verba accipienda esse alibi præcipitur. *L. 1. supr. quod quis. iur. L. pen. §. docere, supr. ne quis eum, qui ius voc. est, vi exi.* Sed cur cum ad certitudinem præceptionis perlineret id exprimi, non expressit; quia apparet non fuisse al propositum de ea parte ex professo agere, sed hoc posito controversiam licet esse necessariam, solum docere, a quibus moveri eam oportere.
- 3 ret, et qua de re moveri satis esset. † De personis aperta dicit, non aliis controversiam facientibus committi stipulationem, quam promissore, eiusque heredibus. Quod iis, quæ prius dixerat, consequens est. Nam si is, qui promittit emptori habere licere, aut non intelligitur promittere per alios, quum per heredes non fieri, quominus habere liceat; aut si id promittit, tamen inutiliter promittitur: perspicuum est aliis evincitibus, stipulationem, quæ de his nulla est, committi non posse. † In re de qua sit controversia, quæque emptori eo iudicio auferatur, nihil referre Ulpianus ostendit, quænam ea sit, dum sit possessio, aut ex iure eius, quod distractum est: quo in numero sunt, proprietas, ius emphyteuticum, ius superficium, usufructus, usus, habitatio: quæ omnia ex verbi significatione respondentur. Est enim habere, ita rem in potestate habere, ut iusto possessori, et vero domino convenit. §. *habere, infr. ead. L.* quod ei facere non licet, cui aut possessio, aut ius aliquod dominorum proprium auferatur. Cum autem dicit committi stipulationem, si quis con-

troversiam fecerit de proprietate, vel usufructu, vel usu, vel quo alio iure, his verbis, vel quo alio iure, aperte declarat se nullam ius excipere, quod sit eius rei, quæ distracta est. Quo nihil verius, si modo ius eius, quod distractum est, intelleximus ius, quod rem distractam sequitur, seu quod re distracta emptori ex empto præstari debuit. Quod sine dubio Ulpianus intelligit, cum subiciat postea habere non licere ei, cui aliquid minuitur ex iure, quod habuit. Id habuit emptor, quod iure empti illi traditum est; et in eo empti traditum illi, quod ex empto habere debuit. Quare si quid illi ex empto præstari non debet, id verbis superioribus non continetur, ac quominus impune auferri possit, hic locus non est impedimento. † 5

Hoc eo spectat, ut intelligatur non pertinere definitionem huius loci ad servitutes prædiorum, etsi verba prima fronte id efflicere videntur; proinde nec quidquam dici contrarium, cum in *L. pen. supr. de evict.* traditur evicta ab alio servitute, quæ fundum venditum tacite secuta sit, venditorem ab eius evictionem non teneri. Quo et significatur ob eam evictionem non committi hanc stipulationem, quam tamen ob evictionem committi diximus. Etenim servitus, quæ a prædio vendito debetur, non est ius rei venditæ quod dominus prædii habere possit: cum id ius alii debeatur. Ipsa libertas rei venditæ, eius quidem rei ius est, si quis eam una cum re tradat, sed non est eiusmodi, quam venditor ex empto debeat præstare, nisi hominatum fundum vendat, uti optimus maximusque est, ut in *ead. L. pen.* scriptum est. Merito igitur, et quidem maxime de amentia huius loci eam libertatem emptori impune auferri dicimus ab eo, cui servitus debita fuerit, tanquam rem quæ non sit ex eo iure, quod emptor vel habuerit, vel etiam iure emptionis habere debuerit. Sed de hac parte evictionis ad huius loci explicationem plura scripsi in *Commentario de evictione.*

Ad §.



Ad §. Quæsitum est.

Quæsitum est, utrum propriam demum rem, an et alienam promittere possit habere licere. Et magis est ut et aliena promitti possit, quæ res ita effectum habebit, si propria esse promissoris cøperit. Quare si perseveraverit aliena, dicendum erit stipulationem non committi, nisi pœna adiecta sit: cum neque per eum, neque per successorem eius quicquam factum sit:

SUMMARI A.

1. Rem alienam vendens inutiliter promittit emptori habere licere, et cur.

2. Duo casus excipiuntur: Si res postea venditoris esse cøperit, et si pœna stipulationi adiecta sit.

3. Stipulatio, habere licere, quæ de re aliena

ab initio inutilis est, quomodo convalescat re postea promissoris facta.

4. Pœna adiecta, si res quamvis aliena manens, evicta tamen a domino sit, stipulatio committitur.

5. De promissore in aliena potestate constituto, remissive.

Certum est rem alienam vendi posse. L. rem alienam, *supr. de con. em.* Certum et illud, eum, qui vendiderit, præstare debere emptori habere licere, ac nisi præstet, evictionis nomine ex empto teneri emptori. L. ex empto, *in pr. L. servus quem, §. ult. supr. de act. em.* † Sed tamen qui rem alienam utiliter vendidit, inutiliter promittit hoc ipsum, rem emptori habere licere. Sive enim promittit alium non esse evicturum, inutiliter factum alienum promittit; ut initio dictum est: sive de se promittit; tamen hoc quoque promittit inutiliter, quandiu res aliena erit: quoniam rem alienam, etiam si velit, iudicio auferre non potest. † Sed hoc, inquam, quandiu res aliena erit; cæterum ita utilis erit stipulatio, si res postea esse cøperit venditoris, eiusdemque promissoris; aut pœna stipulationi sit adiecta. Re venditori postea quæsitum est, quod venditor possit vindicare, et iudicio auferre emptori; si emptor nulla exceptione eum summoveat. L. vindicantem, *supr. de evict.* † Quod si fit; non eo minus adversus promissorem committitur stipulatio, quia ab initio cum promittebat, res aliena fuerit, ac de re aliena sit stipulatio inutilis. Cavit enim venditor de re, quo tempore aliena erat: sed cautio collata in id tempus, cum res eius

facta esset: promisit enim emptori rem habere licere per se, heredemque suum. Frustra, nisi de ea re id promittitur, de qua promissor efficere potest, quominus emptori eam liceat habere. Nec potest id efficere de alia, quam de sua, quæve ad ius eius pertineat. Sic autem stipulatio semper accipienda est in re ambigua, ut aliquid egisse videatur, L. quoties in stipulationibus, *infr. eod.* Et præterea cum hæc verba, HABERE LICERE, generaliter concipiuntur in omne tempus, et quod nunc est, et quod postea quandoque futurum est, quo fieri potest, ut rem habere non liceat: convenit utrumque saltem verbo generali contineri. L. si servitus, *supr. de ser. urb. præd.* † Quod ad pœnam attinet, pœna adiecta facit, ut quamvis res aliena maneat, tamen alio evincente, qui vere sit dominus, pœnæ stipulatio committatur, quod et initio generaliter Ulp. posuerat. Sed hæc de eo dicta sunt, qui sit sui iuris. † In his, qui in aliena potestate sunt, si promittant habere licere emptori, etsi de re aliena promittunt: tamen ideo promissio valet, quia personarum ratio aliam admittit verborum interpretationem: qua recepta nihil est stipulationi impedimento, de quo dicitur in §. hi qui, *infr. ead. L.*

Ad §. Si autem.

Si autem ex parte rei successores eius cum ipso tenentur: ita etiam ex parte actoris committitur stipulatio, ipsi stipulatori, cæterisque quicunque ei succedunt, scilicet si rem ipsi habere non licuerit; cæterum si alii habere non licuit, certo certius est non committi stipulationem; et nihil intererit, utrum ita stipulatur, habere licere; an, mihi habere licere.

S U M M A R I A.

1. *Stipulatio et promissio defuncti ad heredes, etiam nulla a contrahentibus facta heredum mentio, pertinet.*
2. *Lectio Florentina notata.*
3. *Successores hoc loco, qui.*

1. **S**i heres in locum et ius defuncti succedit; *L. quædam, §. 1. supr. eden.* denique si eadem persona est cum defuncto: *novel. de iur. a mor. præ.* quicquid de se defunctus cavet, sive stipuletur, sive promittat, id et ad heredes pertinere necesse est, etiamsi contrahentes nullam heredum mentionem fecerint. Et hoc est, quod dicitur heredem eodem iure uti debere. *L. qui in ius, infr. de reg. iur.* Proinde et in stipulatione proposita, qui stipulator habere licere, aut nominatim sibi habere licere, etiam heredibus cavere intelligitur; idque ad omnem conventionem pertinet: *L. si pactum, supr. de prob.* ut dicendum sit hanc stipulationem committi non tantum ipsi stipulatori, si ei habere non liceat, sed etiam eius successoribus, si ipsis non liceat rem habere;
2. **¶** ideoque manifestum mendum esse, cum in Pandectis Florentinis, et aliis exemplaribus legitur, committi stipulationem cæteris, quicunque stipulatori succedunt; *scilicet si rem ipsi habere non licuerit*: pro quo legendum est, *scilicet si rem ipsis.* Nam profecto si stipulatori ipsi non liceat rem habere, stipulatio ipsi commissa est, non eius heredibus, quamvis commissa a-

ctio ad heredes transeat. Idem vice versa et in promissoris heredibus admittendum est. Si quis indefinite promittat habere licere, aut nominatim per se non fieri, quominus emptori habere liceat, quamvis nihil adiciat de heredibus, tamen heres in stipulationem eodem iure succedit. *§. ult. Inst. de loc. ¶* Successores hoc loco ubique nominat Ulpianus: quo verbo iuris successores continentur, idest, heredes; non singularum rerum successores, puta hi quibus stipulator aut promissor rem postea donavit, vel legavit. Ut et fit in edicto *de edendo*, cum argentarii successores nominantur. *L. si quis, §. 1. iuncta L. quædam. §. 1. supr. de eden.* Itaque neque si hi rem ab emptore acceptam venditori evincant, committunt stipulationem; neque si iis res a venditore accepta evincatur, stipulatio ipsis committitur. Optima ratione: ut enim emptor alios quam heredes obligare non potest: *L. pen. C. ne uxor. pro mar. L. 1. C. ne fil. pro pat. ita* nec quisquam liberæ personæ, cuius iuri subiectus non est, actionem acquirere. *L. 1. C. per quas pers. nob. acq. L. quæcunque, supr. de obl. et act.*

Ad §. Hi qui sunt.

Hi qui sunt in aliena potestate, his in quorum sunt potestate, *habere licere stipulari possunt*: ea ratione qua cætera quoque his possunt stipulari. Sed si servus fuerit stipulatus sibi habere, quæsitum est an recte stipulatus videatur. Et ait Iulianus libro quinquagesimo-secondo digestorum, *si servus stipuletur sibi habere licere, aut per se non fieri quominus habere stipulatori liceat, promittat*: stipulatio (inquit) non committitur, quamvis auferri res ei, et ipse auferre eandem possit. Non enim factum, sed ius in hac stipulatione vertitur. Cum vero stipulatur, *per promissorem non fieri quominus sibi ire agere liceat*: non ius stipulationis, inquit, sed factum versatur. Sed videtur mihi, licet iuris verba contineat hæc stipulatio, *habere licere*: tamen sic esse accipiendam, ut in servo et in filiofamilias videatur actum esse de possessione retinenda, aut non auferenda, et vires habeat stipulatio.

S U M M A R I A.

1. *Servus quatenus sibi habere licere inutiliter stipuletur et promittat, quatenus utiliter.*
2. *In ambigua oratione semper id agendum, ut res valeat potius, quam pereat.*

Quæritur, an servus stipulari possit sibi habere licere, aut ipse promitt-

tere alteri. Quæstio est in verbi, HABERE, significatione, et in eo, quid de ea signifi-

fictione inter se contrahentes senserint. Habere dupliciter accipi Ulpianus postea docet in §. *habere*. Nam et eum dici habere, qui dominus est, et eum, qui dominus quidem non est, sed tenet. Prius si accipimus, frustra stipulatur servus sibi habere licere. Hoc enim stipulari intelligitur, sibi rem habere licere ut suam, sive domini iure. Nihil autem suum habere servus potest. §. *item vobis*, *Instit. per quas pers. nob. acq.* Quæ res facit, ut neque illi quidquam præstari possit ex ea stipulatione, neque quidquam illi auferri, quo ablato stipulatio illi committatur. Sed et frustra promittit per se non fieri, quo minus stipulatori vel dominium, vel quod aliud ius obtinere liceat. Prius est enim, ut quis ista habeat, quam ut vindicando possit illa alteri auferre. Quod si posterius accipimus, nihil est impedimento stipulationi. Nam et stipulando *sibi habere licere*, stipulari intelligitur possessionem nudam, seu detentionem sibi habere licere: et contra promittendo per se alteri habere licere, hoc cavere intelligitur, se detentionem hanc stipulatori non ablatum. Detentio et ipsi præstari potest, et ipse eam alteri præstare. Eadem ipsi auferri, et ipse eam auferre alii, quo stipulatio et ipsi committatur, et ipse eam alii committat; eademque et in filiofamilias dicenda sunt in

his, quæ patri acquiruntur. Sed utrum potius accipimus? Iulianus priorem verbi significationem secutus ut propriam et usitam, existimavit in servo, et filiofamil. inutilem esse et stipulationem et promissionem: non enim, inquit, factum, sed ius in hac stipulatione vertitur: *factum* appellans detentionem, quæ facti est: *ius* autem dominium, quod in iure, non in facto consistit. Ulpianus autem in cæteris personis admittens, quod de verbi significatione Iulianus scripserat, putat in filiofamil. et servo, de quibus nunc agitur, posteriorem significationem sequendam, ut ita stipulatio valeat: non quod proprie *habere* non id significet, quod Iulianus dixit: ex quo sensu huic assentiens Ulpianus fatetur hanc stipulationem verba iuris continere, sed quod de posteriore significatione etsi impropria inter contrahentes actum videatur, inquit Ulpianus, † Rectissime. Si actum est, non dubium est, quin id sequi oporteat. *L. semper in stipulationibus, infr. de reg. iur. arg. L. non aliter, supr. de leg. 3.* Id autem actum esse ex eo intelligitur, quod nisi id fit, inutilis est stipulatio. Quia ratione placuit semper id agendum esse in ambigua oratione, quoad per verba licet, ut res valeat potius, quam pereat. *L. quoties in stipulationibus, infr. eod. L. quoties, sup. de reb. dub.*

Ad §. Hæc quoque stipulatio.

Hæc quoque stipulatio, *possidere mihi licere spondes?* utilis est; quam stipulationem servus an possit utiliter in suam personam concipere, videamus; sed quamvis civili iure servus non possideat, tamen ad possessionem naturalem hoc referendum est: et ideo dubitari non oportet, quin et servus recte ita stipuletur. §. Plane si *tenere sibi licere stipulatus sit servus*: utilis esse stipulationem convenit. Licet enim possidere civiliter non possint: tenere tamen eos nemo dubitat.

S U M M A R I A.

1. Servus tenere sibi licere utiliter stipulatur.

2. Servus possidere sibi licere, an recte stipuletur, et quid sit possidere.

QUO certius sit verum esse, quod de verbo *habendi* supra dixerat Ulpianus, nimirum id improprie accipi debere pro *tenere* in stipulatione superiore, cum aliter stipulatio valere non potest: hoc idem faciendum esse docet in cæteris similibus verbis, cum stipulationis utilitas exigit; veluti, si servus stipuletur sibi possidere licere. † Tenere sibi licere si stipuletur, quin utilis sit stipulatio, nulla dubitatio est, et de eo supra diximus. † At hic possidere stipulatur frustra, si verbi proprie-

tatem et usum sequi volumus. Est enim possidere, affectu et animo dominantis tenere, ut Theoph. definit in §. *idem placet, Inst. per quas pers. nob. acquir.* et recte, idque ex sententia eius. §. et *L. quæcunque*, §. 1. *supr. de publician.* Hoc autem servus iure Civili facere non potest, quem diximus nihil suum habere posse. Unde dicitur servus Iure Civili non possidere. *L. quod servus*, *L. possessio*, §. 1. *supr. de acq. poss.* Sed abusive qui tenet, etiam possidere dicitur. De hac vero possessione actum

actum esse intelligimus, cum servus stipulatur sibi possidere licere, eritque hoc modo stipulatio utilis: scilicet quia alia possessio, sive detentio in servum non cadit, eoque nisi hanc intelligimus inutilis futura est stipulatio; quod est contra sententiam contrahentium. Observandum est naturalem

possessionem hic opponi ei, cum quis Iure Civili possidet, et Iure Cicili dici possidere, qui et postea dicitur possidere civiliter. Ex quo intelligi potest, quo sensu dicatur alibi civilis possessio, et quoniam naturalis. Sed de eo suo loco dicendum est.

Ad §. Habere dupliciter.

Habere, dupliciter accipitur. Nam et eum habere dicimus, qui rei dominus est: et eum qui dominus quidem non est, sed tenet. Denique habere rem apud nos depositam solemus dicere.

S U M M A R I U M.

1. Quo referri debeat, quod de duplici significatione verbi, *Habere*, hoc loco subicitur.

NON recte Ulpianus definiat supra, cum servus stipulatur sibi habere licere, hoc ad possessionem nudam et detentionem referendum esse, si hæc detentio habendi verbo non significatur; nihil enim venit in stipulationem, nisi quod verbis expressum est. L. *quidquid*, *infr. eod.* Ideo disputationem de servi et filifamil. stipulatione insinuatam concludens, et velut superiori dubitationi occurrens, in eoque sententiam suam magis confirmans docet

cum superius illud affirmavit, nihil eo a se factum præter verbi significationem, ne quis forte eam sententiam ob hanc causam repudiet. Nam et verbum *habere* in usu loquendi accipi pro *tenere*; quod pro conditione rerum, et personarum, in quas dominium, aut ius aliud non cadit, interpretandum est. Huc referri debet, quod de duplici significatione verbi *habere* hoc loco subicit.

Ad §. Si quis ita stipulatus fuerit.

Si quis ita stipulatus fuerit, *uti frui sibi licere*: ad heredem ista stipulatio non pertinet. §. Sed et si non addiderit, *sibi*: non puto stipulationem de usufructu ad heredem transire; eoque iure utimur. §. Sed si quis *uti frui licere sibi hereditque suo stipulatus sit*: videamus an heres ex stipulato agere possit. Et putem posse: licet diversi sint fructus. Nam et si *ire agere stipulatur sibi hereditque suo licere*: idem probaverimus.

S U M M A R I A.

1. Stipulatio, qua aliquid nobis facere licere stipulamur, quo casu ad heredem non transeat.
2. Stipulatio, qua uti frui sibi licere quis stipulatur, quas ob causas ad heredem non transferatur.
3. Stipulatio uti frui licere impersonaliter concepta heredi non acquiritur, et cur. et n. 6.
4. Aliud esse usufructum, aliud uti frui: et aliam esse stipulationem, qua stipulamur usufructum, aliam qua stipulamur uti frui licere. et n. 12.
5. Ex stipulatione, Mihi hereditque meo uti frui

licere, heres recte agit.

7. Heredis appellatio hinc de primo tantum herede, non etiam de aliis successoribus accipienda.
8. Heres in proposito qua actione et ad quid agat.
9. Nova cautio fructuaria an ab herede interponenda.
10. L. 3. §. Si usufr. supr. usufr. quem ex. explicatur.
11. Stipulationes uti frui licere, et ire agere licere, recte inter se ab Ulpiano comparari; et qua inter eas constitutione Iustiniani introducta sit differentia. n. 13.

PER occasionem superioris disputationis et hæc quoque pars de stipulatione uti frui licere nata est. Prius scripserat, cum quis stipulatur habere licere, stipula-

tionem pertinere etiam ad heredem, sive in stipulatione heredum mentio facta sit, sive non sit. † Ne quis id sic accipiet, quasi locum habeat in omni stipulatione, qua

qua aliquid nobis facere licere stipulamur; exemplo duorum generum hoc loco docet non pertinere ad eas stipulationes, quibus quis id, quod personae cohereat, stipulatur: veluti; uti frui licere; ire agere licere. Stipulatus quis est, uti frui licere, et addidit *sibi*. Nō dubitabant veteres, quin hic stipulatio non transferretur ad heredem.

- 2 † Nam praeterquam quod facta omnia personae coherere statuebant, ut licet intelligere ex §. *sed cum factum*, *Inst. de stip. ser. et l. veteris*, *C. de cont. et com. stip.* accessit etiam, ut sibi tantum nominatim caveret stipulator. Frustra, nisi ideo adiecit, ut aliorum personarum excluderet. Tunc potuit dubitari, cum impersonaliter quis stipulatus est, uti frui licere: nam de personis tacens nihil addidit, quo videretur heres exclusus. † Sed etsi nō addiderit *sibi*, non putat Ulpianus stipulationem ad heredem transire. Recte: non enim heres verbi stipulatoris, sed re ipsa excluditur: non solum quia factum continetur hac stipulatione: colos generis omnia, ut dixi, existimabant veteres esse personalia: sed est etiam stipulatio facti de ea re, quam etsi aperto stipularetur quis, tamen ad heredes transire non posset. Is aut usufructus: quem constat morte fructuarii finire. *L. 3. §. ult. sup. quib. mod. us. amit. §. ult. Inst. de usufr.* Nam quod dicitur, unumquemque dum sibi paciscitur et cavet, etiam heredibus suis cavere videri: *L. si pactum, sup. de prob. ad ea quae personae cohereant, non pertinet. L. non solum*, *8. §. tale, sup. de lib. leg. qualis est usufructus. d. L. 3. §. ult. quib. mo. us. amit. L. 5. sup. de us. et usufr. leg.* Etsi autem hic stipulatio est de facto, qua stipulatur, quis, uti frui licere, (quod † cui licet, nō continuo est fructuarius; cum fieri possit, ut non sit alieni in fundo constitutus usufructus, qui rem alienatam sequatur: et tamen ei liceat per domiciū, seu per promissorem eo fundo uti frui) tamen dicitur hic stipulatio de usufructu; quia ut plurimum interponi solet ab eo, qui usufructum iure constitutum habet, ut sit ea stipulatio quodammodo traditionis vice, quomodo et in servitutibus praediorum constitutendi cavendum esse veteres monebant, per te nō fieri, quominus eo iure uti possim. *L. quoties, ult. sup. de ser.* Nisi quis malit hic nomen positum pro gerundio, ut dicatur stipulatio de usufructu, pro de utendo fruendo; ut alibi novatio a novo, pro a coarando. *L. 1. infr. de novat. et damnō a demerendo, pro a deminueno. L. 3. sup. de damn. infr.* Sed haec de eo dicta sunt, qui aut stipu-

latur sibi tantum habere licere, aut stipulatur impersonaliter, id est, ita, ut neutrum heredi personam adiciat. † Quod si quis stipulatus sit, uti frui licere sibi, heredique suo, scribit Ulpianus putare se heredem ex stipulatu agere posse, et addit, *licet diversi sint fructus*. Nō temere hoc addidit: faciebat enim ad dubitationem, quam his verbis removeret, et se ea non moveri ostendit. Dicret enim aliquis nihil ad heredem transire posse, quod prius definiti non fuerit; si modo recte definitur hereditas, successio in universum ius, quod defunctus habuit. *L. nihil aliud, infr. de ver. sig. L. hereditas, infr. de reg. iur.* At neque is usufructus, cuius petitionem heredi damus, neque eius actio aut obligatio unquam peores defunctum fuit: quoniam nō is est, qui olim defuncto constitutus erat, sed alius. Quare nō videtur eius usufructus stipulatio posse transire ad heredem. Ulpianus hac obiectioe contempta satis habet sententiam suam hoc argumento probare: quod si quis ire agere stipuletur sibi heredique suo licere, idem probaremus. Nō est satis, inquires: quid enim ad obiectioem dicimus? at quid? argumentum in eandem reprehensioem incorrit? Et mihi videtur inouere Ulpianus, nihil obiectioem ad rem pertinere. Diversi quidem sunt fructus, quorum unus, is nimirum, qui ab herede petitur, a defuncto esse non possit: sed de usufructu nunc non agitur, quasi quem heres succedendo obtineat; verum de stipulatione. Haec vero olim defuncti fuit, etiam si in personam heredis concepta est; hoc animo illi quaesita, ut eam moriens heredi traderet. Nisi forte dicimus defunctum heredi suo solum stipulari non posse, quod non ita est. Unusquisque enim heredi stipulando sibi ipsi stipulari videtur, postquam heredis et defuncti una eademque persona esse existimatur. *Nov. de iur. a mor. praes. §. ult. †* Sed si heredi stipulationem acquirit, qui heredi coomatin stipulatur, cur non etiam acquirere intelligitur is, qui impersonaliter, ac non sibi tantum stipulatur; cum existimetur ita quisque affectus esse, ut heredi etiam cautum velit? *d. L. si pactum, sup. de prob.* Quia natura usufructus, seu utendi fruendi certa est; a qua nisi aperte disceditur, necesse est videri intrinsece consistere coarhentes. At contra pacisci licet, et quod convenierit, ratum est: ut in deposito licet convenire, ut culpa praestetur; *L. 1. §. si convenit, §. sepe, sup. de po. in commodato, ne praestetur. L. si ut certo, §. interdum, sup. con.* Ac nisi id fit, rerum naturam

sequimur, idest, nihil amplius præstat, in deposito, quam dolus: in commodato præstat et dolus, et culpa, et negligentia. *d. l. si ut certo, §. nunc videndum.*

- 7 † Sed verba Ulpiani expendenda sunt. Ait heredem agere posse. Heredem primum intelligere debemus: nam ad heredem heredis stipulatio, vel legatum usufructus non pertinet, ne inutilis fiat proprietas semper abscedente usufructu, ut est constitutum *L. antiquitas, C. de usufr.* † Ait heredem agere posse ex stipulatu. Non ergo usufructum vindicat, ut defunctus, si forte ei usufructus constitutus erat; sed agit in personam, non in hoc utique, ut sibi usufructus constitutatur (neque enim stipulatio hæc continuo usufructum continet, cum aliud sit usufructus, aliud uti frui, possitque uti frui, qui usufructum non habet) sed in id, quod sua interest, si per promissorem, heredemve eius fiat, quominus natus fruatur. Quanquam etsi usufructum sibi, heredique suo quis stipulatus esset, non tamen usufructum vindicaret heres, sed ut sibi constitueretur, in personam ex stipulatu ageret. *Diversi sunt fructus*, inquit Ulpianus. Nam qui defuncto constitutus erat, morte eius extinctus est. Ex quo necesse est eum, qui nunc petit, alium esse, et novum usufructum: unde et hic repeti dicitur *L. repeti sup. quib. mod. us. amit.* quem si heres habere velit, dari ei oportet. *L. 3. sup. de usufr. et quem quis uta.* Hoc autem consequetur ex stipulatu actione.
- 9 † Quæ si ita sunt, nihil potest dici verius, quam quod quidam scripserunt, prioris usufructus, qui et finitus est, evanescere satisfactionem: et ab herede, si ei usufructus præstetur, uti hic novus est, ita novam cautionem exigendam. Atque haud scio, an usquam id probetur magis, quam *L. 3. §. si usufr. sup. usufr. quem ca.* quo tamen loco ad id reprehendendum nonnulli utuntur. † Scribit enim Ulpianus, si repetitus sit usufructus, ut nunc accidisse proponimus; tamen quotiescunque amissus fuerit, committi istam stipulationem: fructuariam autem intelligit, qua dominus rei a fructuario stipulatus est, finito usufructu sibi restitui, quod ex re fructuaria extabit. *L. 4. eod.* Ergo in proposito et mortuo eo, qui usufructum stipulatus erat sibi, heredique suo, dominus in rem suam repetet ex stipulatione fructuaria. Sed ita, inquit, nisi ei utiliter fuerit cautum, et ad eam rem exceptio erit opus. Quibus verbis aperte significat mortuo priore fructuario, et finito eius usufructu desiisse cautum esse. Nam si præ-

cedens cautio nasceret, quia semper domino cautum esset, nunquam eveniret: ut committeretur stipulatio fructuaria. Vult igitur Ulpianus heredem, in cuius persona repetitur usufructus, ita rem restituere debere ex ea stipulatione, nisi iterum caveat: cæterum ipsum cavere utiliter debere: idque si faciat, vel tantum offerat, posse rem retinere, et in eam rem uti posse doli mali exceptione. † Quod Ulpianus istas stipulationes inter se comparat, uti frui licere, et ire agere licere, in eo ne ad heredem transeant, nisi nominatim mentio heredis adiecta sit; nihil potuit fieri melius. Sive enim in illa stipulatione, uti frui licere, factum tantum contineri intelligimus, quod est verius, sive etiam usufructum: utrumque tale est, ut personæ stipulantis cohereat. *d. l. 3. §. ult. quib. mo. us. amit.* At cohererebant veteribus et facta nuda, quale est ire, agere, ut constat ex *§. sed cum factum, Inst. de stip. ser.* At enim stipulatio viæ, itineris perpetua est, et ad heredes transit. *L. 3. §. ex his, sup. eod. l. heredes, §. an ea, sup. fa. ercisc.* Quo argumento existimat Accursius non bene per omnia inter se ista comparari. Sed non videt aliud esse iter, aliud ire agere. Iter servitus est, res iuro consistens, nempe ius eundi. Ire factum est, quod etiam ei tribui potest, qui servitutem in fundo constituit, aut qui ipse vicinum fundum non habeat. Ideo de stipulatione viæ, itineris, in stipulationibus dandi agitur in *L. 2. §. 1. sup.* De stipulatione ire agere licere, agitur inter eas stipulationes, quæ in faciendo consistunt. *d. l. 2. §. pen. sup.* † Quod ipsum certissimum argumentum est eius, quod supra posui, aliud esse usufructum, aliud uti frui; et aliam esse stipulationem, qua stipulamur usufructum, aliam qua stipulamur, uti frui licere: etsi iter et via nisi in eundo agendo, usufructus nisi in utendo fruendo non consistant. *L. servitutis prædiorum l. viæ, sup. de ser. l. uni. in pr. sup. quan. di. us. leg. ced. † Et* hæc quidem recte comparabantur olim, cum placeret facti stipulationes personæ stipulantis coherere videri. *§. sed cum factum, Inst. de stip. ser.* Post constitutionem autem Justiniani *L. veteris, C. de cont. et cum. stip.* qua cautum est, ut stipulationes, quæ in faciendo sunt, non minus ad heredes transeant, quam si essent in dando, quamvis heredum mentio facta non sit: non in contrarium iam comparantur istæ stipulationes, quasi pariter transeant ad heredes: sed hæc introduciuntur inter eas differentia, ut illa quidem stipula-

11

12

13

pactio *ire agere licere*, etiam sine alia heredum mentione ad heredes transeat iuxta constitutionem, cum servitutis nature id non prohibeat: et illa, quæ est de utendo fruendo, non transeat, repugnante rei, de qua egitur, nature. Versatur quidem in ea factum, sed factum de ea re, quæ etsi aperte in stipulatum deductæ esset, tamen

morte utentis finiretur, ne, ut dixi, inutilis perpetui fiant proprietates. Quod ius etiamnum constitutionibus Iustiniani omnibus, quæ sunt sub Titulo *C. de usufr. re-tentum* est, præcipue eadem in *L. antiquitas*. Nec vero minus superior ratio ad eos pertinet, qui stipulantur *uti frui licere*, quem ad eos, qui stipulantur usufructum.

Ad §. Si quis dolum malum.

Si quis dolum malum promissoris, heredisque eius abesse velit, sufficere, *abesse, abfuturumque esse*, stipulari; si vero de plurimum dolo cavere velit, necessarium esse adici, *Cui rei dolum malum si non abest, non abfuerit: quanti ea res erit, tantam pecuniam dari spondes?*

SUMMARIA.

1. *Stipulatio* Dolum abesse, abfuturumque esse quid contineat.
2. *Dolum* malum abesse abfuturumque esse simpliciter stipulans, de promissoris et he-

redum eius dolo tantum utiliter sibi co-
vet.

3. *Pœna* huic stipulationi adiecta de extraneo-
rum dolo etiam utiliter covertur.

UT in ille stipulatione, habere licere, promissori infinite de facto non ten-
tum suo, sed et heredum, et omnium e-
ntium extraneorum spondere intelligitur, ut
initio capitis huius dictum est: ita et in
hac stipulatione, *dolum malum abesse, ab-
futurumque esse*. Hoc enim dicere intel-
ligitur promissori, dolum esse, abfuturum-
que esse a se, ab heredibus, et deni-
que ab omnibus etiam extra heredem. An
ergo recte cavetur et utiliter de omnium
facto ieto modo? Et quod de superius sti-
pulatione prius dixerat in principio capitis,
idem et de hac posteriore tenendum esse
docet: significans quod tum dixit, non u-
nius alienius species proprium ipsi esse, sed
esse ius in omnibus perpetuum, inutiliter
cum ab heredibus discesseris, factum alie-
nium promitti, nisi pœnam edideris. Ergo
hoc dicit, si quis de dolo promissoris et he-
redum eius tantum sibi cavere velit, set ha-
bere eum stipulari simpliciter dolum malum
abesse, abfuturumque esse; nec ei esse ne-
cesse pœnam edicere, ut promissore, aut he-
rede eius dolo quid faciente stipulatio com-

mittatur: quoniam verbis generalibus omnium
dolum et factum continetur. Inutiliter qui-
dem extraneorum; promissaris autem et he-
redum eius utiliter. Sin autem velit quis si-
bi cavere etiam de aliorum dolo, id eum ita
consequi posse, si pœnam adiciat. Sic eni-
m fiet, ut aliis contra, quam ceutum est,
facientibus, stipulatio pœna, cuius præsta-
tio in facto, id est, in datione promissoris
sita est, committitur. Cæterum omnia pœ-
na: inutiliter de aliorum dolo caventur.
Quod totum de hac specie tam dilucide
traditum est in *L. novissima, inf. iud. sol.*
ut mirum sit esse adhuc, qui hic tergiver-
sentur; et cum clare scriptum sit, stipula-
tionem hanc ob dolum extranei non com-
mitti, nisi pœna promissæ sit: tamen ne-
scio quid quærent, non quo ista interpre-
tentur, eod. qui probent in summa sti-
pulatione, etiam sine ulla pœnæ edictione
de omnium dolo, etiam extraneorum ed-
versus omnium veterum auctorum men-
stas sententias esse utilem. In quo quæ-
nihil afferent, cur nos in hac re contra mo-
veri oporteat, initio capitis setis docuimus.

Ad §. Sux personæ.

Sux personæ adungere quis heredis personam potest §. Sed et adoptivi
patris persona coniungi poterit.

SUMMARIA.

1. *Heredi* et patri adoptivo utiliter quis sti-
puitur.

2. *Adoptivus* pater cur heredi comparetur.

1. **UT** in rebus et factis † quamvis personarum coherentibus, tamen heredi stipulari possumus, ut ad eum stipulatio transeat, de quo dictum est in §. *si quis ita*, *supr.* ita in his quoque recte stipulamur et patri adoptivo, ut adoptione secuta ad eum perveniat eorum rerum stipulatio. † Bene Ulpianus istas personas comparat. Success-

sionis enim species quaedam est arrogatio, quae sit, ut arrogatus ipse, et una arrogatus in ius et potestatem arrogatoris transiret quasi successionis iure. *Inst. de acqui. per arro.* Idem fit in patre adoptivo, cum adoptio secundum formam constitutionis Iustiniani transigitur, de qua in *L. pen. C. de adopt. et §. 1. Inst. eod.*

Ad §. Inter incertam.

Inter incertam certamque diem discrimen esse, ex eo quonque apparet, quod certa die promissum, vel statim dari potest; totum enim medium tempus ad solvendum liberum promissori relinquitur; et qui promissit, si aliquid factum sit: vel cum aliquid factum sit: nisi cum id factum fuerit, dederit: non videbitur fecisse quod promissit.

SUMMARIUM.

1. De vi et potestate diei stipulationibus adiecti, remissive.

1. **Q**UAE de die certa et incerta hoc loco dicuntur, effecta quaedam sunt eius inris, quod velut ex professo de toto genere diei adiecti traditur in *L. eum*, qui *calendis*, 41. §. ult. *infr. eod.* ac nisi eo

iure ante cognito, satis quam rationem ista habeant, explicari non potest. Eo mihi constitutum est de vi et potestate diei adiecti eo loco semel dicere:

Ad §. Alteri stipulari.

Alteri stipulari nemo potest præterquam si servus domino, filius patri stipuletur; inventæ sunt enim huiusmodi obligationes ad hanc, ut unusquisque sibi acquirat quod sua interest; cæterum ut alii detur, nihil interest mea. Plane si velim hoc facere, penam stipulari conveniet, ut si ita factum non sit, ut comprehensum est, committatur stipulatio etiam ei cuius nihil interest. Penam enim cum stipulatur quis, non illud inspicitur, quid intersit: sed quæ sit quantitas, quæque conditio stipulationis.

SUMMARIA.

1. Stipulationis finis quis.
2. Stipulari sibi cuique licet: alteri nemo potest; et n. 10. 19.
3. Stipulari alteri cur ius non concedat, cum tamen alterius conditionem meliorem facere, et per liberam personam possessionem, et per possessionem dominium acquirere liceat, et n. 5.
4. Ratio superiori defensionis a quibusdam factis accommodata refutatur.
5. Ea quæ, *supr.* de acqui. rer. dom. explicatur.
6. Verbum interest quomodo hoc loco accipitur.
7. Servum domino, filiumfam. patri stipulando acquirere, nec ullis præterea idem tributum.
8. Extraneus alteri stipulando ne utilem quidem actionem ei acquirat, et n. 56. Explicatur casus n. 63.
9. Promissor an taltem naturaliter obligetur cum quis alteri est stipulatus.
10. Stipulatione in alterum collata si promissor nec civiliter nec naturaliter obligatur, qui fiat, ut multis in causis, ei, qui alteri stipulatus est, actio dari dicatur.
11. Duobus stipulatorum generibus hoc tributum, ut licet alteri stipuletur, stipulatione tamen commissa actio eo nomine acquiratur.
12. Ratio veræ et unica eius iuris, quo pater filio, dominus servus recte dicitur stipulari, et n. 16.
13. Pater factum, quod in filii personam tantum confertur, item ius, quod per filium ei non acquiritur, inutiliter filio stipulatur.
14. Duobus modis contingit, ut nostra intersit dari alteri, cui stipulati sumus.
15. Stipulant quod sua interest, sibi, non alteri stipulari intelligitur.
16. Alter quidam natura est, quidam iuris interpretatione.

21. Tribus modis fit, ut qui eadem persona cum eo, cui stipulatur, esse intelligatur.
22. Tria genera eorum, qui alteri stipulando salva recta acquirendi ratione ei acquirunt, nec plura. et n. 55. 61.
23. Servi et filiiam. nostri, cur potius quam quivis alii extranei nobis stipulando nobis acquirant.
24. Servi et filiiam. cur cum patre dominove eadem persona esse existimantur potius, quam alii quivis officii causa istis stipulantes, cum natura pariter omnes homines distinxerit.
25. Quacunque ex causa, quocunque ex genere peculii, etiam Castrensis filius stipulatur patri, id solidum patri acquirit. et n. 28.
26. §. Ei vero, Inst. de inut. stipul. explicatur.
27. Princip. tit. lust. per quas pers. nob. oblig. acq. illustratur.
29. Dominorum loco qui habeantur.
30. Regula, per liberam personam, que neque iuri nostro subiecta est, neque bona fide nobis servit, obligationem nullam acquirere possumus, declaratur.
31. Servus publicus cui stipulando acquirat, et quomodo.
32. Servus publicus pupillo stipulando acquirens, ad quod genus ex tribus supra propositis referatur.
33. Tabelliones, qui vulgo Notarii publici, an pro servis publicis habendi, et an civibus stipulando acquirere possint.
34. Stipulus sibi heredique suo, heredi obligationem acquirat.
35. Heredi soli stipulari et cavere an possimus, et quae ratione. et n. 38.
36. L. un. C. ut aci. ab her. et cont. her. inc. illustratur.
37. Stipulationes post mortem conceptas cur reciderint veteres.
39. Ratio iuris in huiusmodi stipulationibus a Iustiniano introducti demonstratur.
40. Heredi stipulari quid possimus.
41. Stipulari ne ab herede petatur quod ille proprio nomine, non hereditario, debet, an defunctus possit.
42. Uni ex pluribus heredibus, an a defuncto recte caveatur: et quod uni ex heredibus cautum est, an omnibus necesse sit acquiri. et n. 44. 47.
43. L. Continuus, §. ult. infr. h. t. declaratur.
45. L. Veteris. C. de cout. et comm. stip. explicatur.
46. Bartolus et similes notati.
48. Stipulantes uni ex heredibus, totumne, quod

Finis est stipulationis omnis, sine quo stipulatio non modo sit inutilis, sed etiam ridicula, ut qui stipulatur, acquirat, et consequatur aliquid: et necesse est, si acquirat, acquirat ab aliquo, puta a promissore, vel ab alio, et acquirat alicui, puta sibi vel alteri. Quid hic stipulanti liceat, quaeritur. Sed a quo acquiri possit

Tom. XI.

in stipulationem deductum est, an pro parte duntaxat ei acquiramus.

49. Heredi stipulari aut pacisci quis intelligatur.
50. Actor municipibus, tutor pupillo, curator adolescenti, aut furioso, cavendo acquirat, et cur.
51. Utiles non directa actio veris dominis ex stipulatione et constituto Actoris, Tutoris, Curatoris, Magistratus datur. et n. 53.
52. Magistratui quo casu administratio et potestas stipulationis acquirenda in bonis pupilli tribuitur.
54. Heredes, Tutores, et similes cur a veteribus praetermissi, ubi ius de acquirendis obligationibus ab iis traditum est.
57. Procurator universorum bonorum domino inutiliter stipulatur, ita ut nec utilem quidem actionem ei acquirat. Excipiuntur quidam casus. n. 62.
58. Libertus patrono stipulando ne utilem quidem actionem acquirat.
59. Filius et filia patri matris, quorum in potestate non sunt, inutiliter paciscuntur: idem in matre et patre stipulante aut paciscente liberis suis.
60. Dotem reddi stipulando pater filia eiusque liboris utilem actionem acquirat. et n. 64.
65. Actio quaevis ex quocunque causa, qua Iure Civili res transferri solent, alicui competens ad alium transit, ut utili actione is experietur, si creditor hoc animo sit, ut ex ea causa actio in alium transferatur.
66. Stipulari alteri quis dicatur.
67. Actionem alteri acquirere, et in alium actionem, quam habemus transferre, differunt.
68. Stipulatio in alium collata quatenus inutilis.
69. Creditor pignus vendens hac lege, ut debitori, si solverit pecuniam pretii emptori, liceat recipere rem suam, an debitori hac pactione actionem novam acquirat.
70. Interpellatione ab extraneo facta si debitor cessante res postea amissa sit, an creditori nova actio quaeratur.
71. Ratio obliqua via consequendi, quod quis alteri stipulando recta consequi non potest.
72. Stipulationis vis et potestas: et quid ex stipulationibus tam dandi quam faciendi debeatur.
73. De poenae stipulatione quae ab Ulpiano hic statuatur.
74. Stipulationi principali inutili subiecta poenae stipulatio quibus casibus sit inutilis.
75. L. Inianus, §. ibidem, supr. de act. em. explicatur.

quid ex stipulatione, dicitur ad L. inter, infr. Cui possimus stipulari, et stipulando acquirere, hic, ut locus postulat, dicemus: pluribus fortassis, si quis verba numeret: non tamen, ut spero, pluribus, quam res postulet. † Et in summa licet 2 cuique sibi stipulari: alteri autem stipulari nemo potest: quae regula iuris est hoc lo-

eo tradita, et in §. alteri, *Inst. de inut. stip.* et hanc sententiam habet, ut si quis stipuletur alii dari aut fieri, nihil agat, sitque omnino inutilis stipulatio, ut declaratur in §. si quis alii, *Inst. de inut. stip.*

- 3 † Sed cur ius non concedat stipulari alteri, non immerito quaeritur. Quid enim, an non concedit alterius conditionem facere meliorem? Nihil magis, nec quidquam etiam aequius, aut magis secundum naturam. *L. solvendo, sup. de neg. gest.* Quod si de re alteri acquirenda agitur, ut hic fit, an non iure per liberam personam alteri acquiritur possessio, et per possessionem dominium? *L. 1. C. per quas per. L. traditio. §. ult. supra, de ac. rer. do.* Cur ergo minus in stipulando idem facere eis concedit? Ratio reddita est hoc loco ab Ulpiano, quæ exstat pene totidem verbis in d. §. alteri. Quia inventæ sunt huiusmodi stipulationes vel obligationes ad hoc, ut unusquisque acquirat sibi, quod sua interest. Non est hæc ratio eadem cum propositione, ne quis eam repudiet. Sed hoc dicitur, ideo posse nos nobis stipulari, quia id fieri quod promissum est, nostra intersit: non posse autem alteri, quia nostra non intersit id fieri; tantum autem constitutas esse iure civili stipulationes, et obligationes omnes in hoc, ut acquirat sibi quisque, quod sua interest. Res esset expedita, si modo quæ hic Ulpianus, summi, vera esse constaret. Sed ille prius dno sibi concedi postulat, adversus quorum utrumque solet et potest disputari; neque omnes, quæ contra dicuntur, facile expediunt. Ille ait inventas solum esse stipulationes, ut acquirat sibi quisque, quod sua interest: falsum, dixerit aliquis, aut certe iniquum. Falsum quidem esse, videtur probari posse aliarum rerum argumento, solutionis puta, et possessionis. Licet enim cuique pro alio solvendo cum invitum et ignorantem liberare, quamvis constet eum, qui solvit nihil sibi acquirere, quod sua intersit, sed solum quod debitoris. Dicta *L. solvendo, de neg. gest.* Et possidentem unumquemque alterius nomine ei volenti acquirere possessionem iam supra diximus. Hanc autem alteri acquiri, ubi nihil inde ad nos redeat, nisi acquirendi labor, quid tandem nostra interest? Quod si dicemus datum hoc in aliis rebus, ut per liberam personam possit alterius etiam extranei conditio melior fieri, eique acquiri, quamvis acquirentis nihil intersit, in stipulationibus autem id concessum non esse: videamus, ne sit iniquum, ubi pariter de re alteri acquirenda, eoque augendo agatur, id est,

ubi eadem ratio sit, ibi idem ius non constitui contra omnem æquitatis regulam, *L. illud, supra, ad leg. Aquil.* Illud etiam iniquissimum, invidera hominibus ullo in genera rerum facultatem beneficii in alium conferendi, quos potius præmiis invitare oportebat, ut alios beneficio efficerent. Addit præterea Ulpianus, ut alii detur, nihil nostra interesse. Quid, si hoc quoque tale est, ut hac ipsa ratione etiam auctore Ulpiano efficiatur nos alteri utiliter stipulari posse? Vel hoc ipsum, quod nostra opera aliquid acquiritur aliis, ut id fiat, nostra interesse putandum est. Egregia enim Papiniani sententia est, ut vere, ita recepta, beneficio affici hominem interesse hominis, et quidem eoque, ut hæc sola ratio satis sit ad dandam actionem ei, cuius ita interest, qui absque eo esset, nullam actionem esset habiturus. *L. servus, supra, de ser. exp.* Quod si quid amplius quaerimus, videtur vel maxime et pecuniariter interesse stipulantis alteri dari; quoniam si alteri ex ea stipulatione datum erit, id tale sit, ut videatur stipulator postea ab eo repetere posse vel mandati iudicio, vel negotiorum gestorum. Nam id ita fieret, si qui stipulatus esset sibi aut Titio, et Tit. solutum esset. §. plane solutio, *Inst. de inut. stip.* In quibus dissolvendis si sine præfatione laborem sumimus, vereor ne quibusdam videretur inanis hic et stultus labor. † Sunt enim, qui repudiato atque etiam irriso in hac parte omni alio veri inveniendi labore, iubeant nos hac ratione esse contentos, ut dicamus ideo hoc ita comparatum esse, quia negotium geritur inter stipulantem et promittentem: scilicet quia Paulus in *L. inter, infr. eod.* id ius explicans, cur alium daturum aut facturum inutiliter promittatur, unam hanc, quam modo diximus, eius inris rationem reddidit. Sed multum interest, utrum qui promittit alterum facturum, an spondeat daturum se, aut facturum alteri. Alterum facturum qui promittit, non se obligare vult, sed alium: hoc vero facere nemo potest: ad quod probandum optime superior ratio valet, quia negotium geritur inter stipulantem et promittentem. Illic enim consequens est, hos se invicem obligare posse, non item alios, ad quos negotium non pertinet. Ad qui se promittit alteri daturum, nihilominus de se et pecunia sua promittit. Ad id vero prohibendum superior ratio nihil momenti habet. Non enim ut promissor alium obli-

li-

†) Quandoque Cuius. in d. L. 38 §. 17. de F. O.

ligare non potuit, cum quo negotium non geritur, ita etiam non potest se obligare, ubi de seipso promittat, quantumvis ita promittat stipulatori, ut alii obligatur. Suam autem conditionem quisque datatorem paciscendo facere potest: L. pactum, *sup. de pac. aliorum non item. L. solvendo, supr. de neg. gest.* Itaque ista ratio in hac re, de qua querimus, non Ulpianum hoc loco, non quancquam alium veterum iuris auctorum usos videmus. Et sane si verum amemus, cum queritur, cur alteri stipulari non possimus, aut cur inventæ sint stipulationes solum ut sibi quisque acquireret, quid est omnium, quod minus responderi debeatur, quam id eo fieri, quia negotium geritur inter stipulantem et promittentem? Etenim cum dicimus negotium, quod inter aliquos geritur, alteri geri non posse, quid aliud dicimus, quam cum dicimus, stipulationem, quæ inter aliquos contrahitur, alteri contrahi et acquiri non posse? Ergo pro ratione asserimus idipsum, de quo quæretur: vitiosissimum et stultissimum probandi et respondendi genus. Quod si placeat hanc rationem diversam esse a propositione; tamen qualis est hæc ratio, ideo non posse nos alteri stipulari, quia negotium geritur inter stipulantem et promittentem? An quia negotium geritur inter aliquos, ideo id geri alteri, et inde alteri acquiri nihil potest? Id quam verum sit, iidem illis exemplis solutivis, et possessionis, quibus ante usi sumus, intelligi potest. Cum quis solvit pro alio, non inter alios geritur hoc negotium, quam inter eum, qui solvit, et creditorem: at tamen nihilominus recte solvitur alterius nomine, unde et liberatio debitori acquiritur. Quid possessionis acquirendæ negotium, nonne geritur inter amicum, qui possessionem tradit, et eum, qui accipit? Et tamen si hic constituat alterius nomine possidere, sem illi stetit acquirit. Tam autem nulla æqualitatis ratio patitur, ut quod inter aliquos geritur, nihil inde alteri acquiri possit tantum ideo, quia cum alio geritur, quam cum eo, cui acquisitum volumus, ut sio hominibus interdicator facultate de aliis bene merendi, eosque beneficium efficiendi. Postremo ut cætera admittantur; tamen quid ad superiore illa, quæ obiciebantur, expedienda hæc ratio pertinet? Imo vero eiusmodi est, quæ non tantum in easdem illas reprehensiones in speciem incurrat, sed ita incurrat, ut ab illis re vera reficiatur. Tentum igitur abest, ut hæc ratio contentos nos in proposito esse oporteat, ut omni-

Tom. XI.

bus suadendum sit potius, na omnino in hac re ea utatur, qua uti non liceat, quin aut in tam aliena ludere, aut in tam falso prævaricari, et ipsam sententiam inris, quæ per se vere videri poterat, prodare voluisse existimemur. † Nihil est ratione 5 Ulpiani varius, nihil melius, si modo applicetur. Quapropter bene tenebimus, et in his diluendis, quæ contra dicebantur, sine præiudicio superioris istius rationis, ut cepimus, iam pergemus. Et solum, at iniquum est, iniquum, non licere hominibus alteri acquirere, quo eius conditionem meliorem faciant, quamvis eorum qui acquirant, nihil amplius intersit, quam ut beneficium in alium conferant. Accipe breviter, quid respondeam. Non dico id in aliis rebus recte constitui, in stipulationibus non item: nam in quibus par sit beneficii et humanitatis ratio, in his diversum ius constitui non debere concedo. Non dico ceteras res ut possessionem, et liberationem naturæ suæ aliis posse acquiri; stipulationis autem at obligationis naturam non pati, ut ab uno alii acquiri possint. Ut stipulatio res facti est, ita et possessio. Quod si alterius nomine possessionem fundi ingressi possessionem illi acquirimus, quasi ipse ingressus esset; quid est, cur nobis illius nomine stipulantibus illi non acquiratur stipulatio, quasi ipse esset stipulatus? Si rem spectemus, plana nihil est. Stipulatio non est res, quæ ab una persona in alteram transferatur. Ne possessio quidem, quæ tamen per alios, qui se constituent nostro nomine possidere, nobis acquiritur. Ut obligatio res est, quæ per se non subsistit in rerum natura, consistit tamen in re; ita et liberatio. Non est igitur in natura istarum rerum, cur si, pro quo solvimus, ius velit liberationem contingere potius, quam ei cui stipulati sumus, velit acquiri obligationem. Quod si natura sua alii stipulatio et obligatio acquiri non potest, etiam servus frustra stipulabitur domino et testator heredi, et tutor pupillo. Concedo in omnibus rebus esse iniquum non licere alterius conditionem meliorem facere, et quatenus id fiat, non licere alteri acquirere. Ad regulam propositam, et rationem Ulpiani pertinere nago. De stipulationibus et obligationibus agitur. Alteri stipulari et obligationem acquirere qui vetat, alterius conditionem meliorem facere non vetat sed vetat facere deteriolem. Animadverti enim debet sic esse naturam stipulationis at obligationis omnis, ut si res utiliter geritur, quemadmodum non obligatio acquiritur, sic at obligetur alter, nimirum qui promittit: quo facto ille one-

49*

ra-

ratur et premitur. Hinc enim necessitas rei promissæ præstandæ: hinc adversus illum actio, qua in ius vocari potest, et iudicio vexari: nec prius vexandi finis, quam ille actori satisfaciatur. Hoc modo quemquam promissorem onerare, ubi eum non obligemus nobis, sed alteri, id vero est, quod in superiore regula et similibus ius non concedit. Alteri stipulari non possumus: non quia stipulemur alteri, inquam, et illi consultum velimus, nec nostra intersit id fieri; quod esset iniquum: sed quia hoc facto promissorem obligare velimus alteri sine ullo commodo nostro; quod ius non permittit. Hoc vero nihil fieri potuit æquius, estque omnino ex eadem lege, et æquitate naturæ. *Naturalis et civilis*, inquit Caius, *ratio suadet alienam conditionem meliorem facere nos posse; deteriorem non posse.* d. l. *solvendo, de neg. gest.* Sed hic occurrebatur. Nam et cum nobis stipulamur, sic nobis acquirimus obligationem; ut nihilominus obligemus promissorem, eumque eo facto oneremus. Cur ergo nobis permittitur stipulari potius? Quia summa causa est, cur id fiat. Sic enim nobis caveamus, sic nobis acquirimus, quod nostra interest. Si ius vigilantibus scriptum est, ut auctor est Scævola in l. *pen. in fin. supr. quæ in frau. cred.* hoc omnibus concedi debuit, ut sibi cavere liceret; quinimo stipulationum omnium, et omnium contractuum nullus omnino usus esse potest, si hunc sustuleris. At alteri stipulando nobis nec caveamus, nec acquirimus quidquam. Nulla igitur causa, cur sine ullo commodo nostro alterum obligemus, etiamsi maxime consultum velimus alteri. Inhumanum enim hoc officium est, quod est cum alterius onere et incommodo coniunctum. Et quamvis in eadem re certent inter se hinc utilitas eius, cui quæsitum volumus, illinc incommodum alterius, quem volumus obligari: tamen vincere debet, quod est æquius, ne videlicet alter oneretur. Tolerabilis est enim beneficium in alium non conferre, quam aliquem facto tuo premere, eique nocere, ubi nihil inde ad te redeat. Nec ad rem pertinet, quod dum stipulamur, alteri, promissor ei voluit hoc modo obligari. Nos enim non tam quid ille velit: quam quid stipulatori in eo obligando liceat, spectare debemus: hoc vero, onus obligationis illi imponere quisquam, ubi eius nihil intersit, non potest, prohibente, ut dixi, regula naturæ. Hoc est igitur, quod Ulpianus superiore ratione intelligi voluit: *Inventæ sunt, inquit, stipulationes in hoc, ut acquirat sibi quisque, quod sua interest:* non addit, hoc recte constitutum es-

se. Sed quam sit æquum et conveniens naturæ, res ipsa ostendit, cum in stipulando de promissore obligando et onerando agatur; quod fieri est contra æquitatem et humanitatem, nisi quid in eo nobis caveamus, ut satis ostendimus. Deinde ita sumit. Nobis autem stipulando id ipsum acquirimus, quod nostra interest: alii stipulando nequaquam: nam ut alii detur, nihil nostra interest. Quo fit, ut recte constitutum sit, unumquemque sibi stipulari posse, alteri non posse. Quid est igitur, si quis nunc roget, cur liberatio, possessio, dominium, quæ supra diximus, acquirantur alii etiam per liberam personam quamlibet potius, quam stipulatio? In promptu responsio est, eo fieri, non quia hic sit, quod acquiratur tantum alteri, sed quia ita acquiratur, ut contingat sine onere et incommodo cuiusquam. Solvendo quisque pro alio eum iutum et ignorantem liberat: quia hac solutione sic liberatur debitor, ut simul consulatur creditori, qui suum recipit. Possessionem quisque alterius nomine adipiscendo, eam illi volenti acquirit, et per possessionem dominium: quia ei cui acquirit, sic consulitur, ut eum, qui tradit neque obliget in posterum, neque oneret. Is enim tradita possessione, quam debuit, sic liberatur, ut nihil sit amplius, cur eo nomine teneatur. Sed nec ei ea acquisitione vetus possessio amittitur, cum et sine ea acquisitione amissurus esset, simul atque fuisset hoc animo, ut desineret possidere. l. *quod meo, §. si furioso, supr. de acq. poss.* Atque ut possit intelligi certius istarum rerum differentiam, cum de acquirendo agitur, hanc rationem habere, quam dico, quia quarundam acquisitio cum alterius onere coniuncta sit, aliarum non sit; sumamus liberationes duas genere et effectum quam simillimas, et prope easdem, eam nimirum, quæ solutione contingit, et eam quæ sit pacto; ac quid de his constitutum sit, consideremus. Si quis pro debitore creditori solvit, debitorem, ut dixi, ipso iure liberat non tantum volentem, sed etiam ignorantem, atque adeo invitum. d. l. *solvendo, de neg. gest.* l. *solutione, l. solvere, infr. de sol.* At si quis paciscatur a creditore, ne a Titio debitore suo petat, debitorem non liberat ne per exceptionem quidem, omninoque inutiliter paciscitur, nisi eius intersit. l. *et heredi, §. ult. l. fideiussores. tota, supr. de pact.* Atqui si debitor ipse pacisceretur, ne a se petatur, non minus hoc pacto liberaretur iure prætorio, quam solutione. l. 5. c. *de pact.* haberet enim ex-

ceptionem. §. *præterea*, *Inst. de except.* nihil autem interest, utrum quis actionem non habeat, an per exceptionem actio infirmetur. *L. nihil interest, infr. de reg. iur.* Car ergo extraneus solvendo pro debitore liberationem ei acquirit; idem illi paciscendo non acquirit, cum pactum si per se spectetur, idem efficiat, et tam facile sit iure debitori exceptionem ex alieno pacto dare ad eum tuendum, quam ex aliena solutione tribuere ei et tueri plenam liberationem? Si ad supra scriptam naturæ regulam rem expendemus, reperiemus ideo fieri, quia solutio extranei, si debitorem liberet, sic illi consulat, ut prosit etiam creditor, qui et suum consequitur: at pactio extranei si eum liberet, eveniat ut consulat quidem debitori, sed lædat creditorem, cui hoc officio actio sua auferetur. Hoc facere paciscendo non magis nobis concedi debuit, quam in stipulatione ut, stipulando alterum obligare, et novum onus ei imponere, quod alteri tradatur, possumus.

6. † Scio scriptum esse in *L. ea quæ, supr. de acq. rer. dom.* quæ civiliter acquiruntur, ea per alios, qui in potestate nostra non sunt, nobis non acquiri, veluti stipulationem: quæ naturaliter, acquiri, veluti possessionem. Sed errat mea sententia, si quis putat stipulationem, aut exceptionem quæ civiliter acquiruntur, idest, sine apprehensione naturali, ideo solum non acquiri alteri per alios, quia civiliter acquirantur; cum si nihil amplius versetur in re aliqua, quam rei acquisitio, non minus civilis ratio suadeat alterius conditionem meliorem facere, quam naturalis, ut traditum est in *d. L. solvendo, de neg. gest.* Et certe absurdum sit, si quis interrogatus, quamobrem ea, quæ sunt civilis acquisitionis, alteri non acquirantur, respondeat, quia sunt civilis acquisitionis, idem nimirum id, de quo quærebatur. Ergo non acquiruntur quidem ista alteri, quæ acquiruntur civiliter, ut stipulatio, pactio, obligatio, exceptio: sed cur, cum civiliter acquirantur, non acquirantur alteri, ut ea quæ acquiruntur naturaliter, amplius quærimus. Hic non alia differentie ratio idonea reperietur, quam ea, quam ante posuimus, quod non debeat nobis licere stipulando, aut paciscendo alterum onerare quamvis consentientem, si nostra non intersit. Hæc cum ex natura petita sit, ut docuimus, ei acquiescere debemus.

Hinc recte efficit Ulpianus, nos alteri stipulari non posse; quia, inquit, *ut alii datur, nostra nihil interest.* † Et hoc quoque, quod sumit, verissimum est, si modo eius, quod interest, verbo intelligamus; quod pecuniariter interest. Quod facere debemus: primum quia Paulus hoc idem sic alibi interpretatur. *L. fideiussores, supr. de pact.* Deinde quia verbum propriè id significat; sic enim definitur, id quod lucrari et consequi potuimus. *L. si commissæ, infr. rem rat. hab.* id autem consequi intelligimur, quod in patrimonium pecuniamque nostram convertitur. Postremo quod regula ipsa de eo, quod interest, acquirendo ab Ulpiano concepta est: *ut acquirat, sibi quisque*, inquit, *quod sua interest*, non acquiritur nobis, ut dixi, nisi quod pecuniam nostram et patrimonium augeat. Itaque nihil adversatur, quod dicitur, interesse hominis hominum beneficio affici. Sic enim dicitur interesse nostra abusive, quia ex affectione tantum interest, quoniam forte alii tribui magno æstimemus, cæterum hoc non tanti est re vera, ut declaratur in dicta *L. servus ea, de ser. exp.* Et ut secundum significationem propriam verbi ea sententia nihil huc pertinet, ita multo minus æquum est propter hanc affectionem nostram nobis concedi, ut obligationem alii acquiramus. Nam si ita affecti esse debemus, ut alium augeamus, et huius affectionis propter humanitatem ratio habenda est: multo magis ita nos affectos esse convenit, ne opera nostra alium oneremus, eique detrahamus, ubi id ad cautionem nostram nihil pertineat. Non est verum, quod dicitur, si alteri stipulati sinus, et ei solvatur, posse nos ab eo repetere, ut sic videatur hic quoque nostra interesse illi dari. Id enim tunc possemus facere, cum prius nobis ex stipulatione debitum fuisset, ac deinde alii esset solum: ut cum stipulatus sum mihi, aut Titio; deinde Titio solvitur. dict. §. *plane, Inst. de inut. stip.* Sic enim meum est, quod solvitur, si quia ad alium pervenit, dum ille gerit negotium meum, ideo aut mandati, aut negotiorum gestorum actione ab eo repeti potest. Diversum est, si solvatur alteri, quod ipsi debeatur, nobis mihi: ut fieret, si stipulante me alteri, illi actio acquireretur: quod enim ille suum recipit, iniquum est ei invito auferri; nec vero ut ad me revocem, ulla est actio. Constet hoc iam igitur bene,

2) Gifan. ad L. 11. de O. et A. n. 3. *Farq.* 3. *usu freq.* 58. n. 14. quia obligatio non acquiritur per actum naturalem ut possessio. Et imo hanc rationem reddit ipse Donel. ad L. 1. C. Per quas pers. n. 15. et seqq. ubi n. 17.

civiliter acquiri quæ apprehendi non possunt. sed in iure et intellectu consistunt, ut est obligatio. An eodem tendit noster *supr. Lib. 9. C. 7.* Quæ ratio cum in ipsa *L. 53. de acq. do.* habeatur, destitit accepta convenient est.

ne, et aliis partibus inris convenientissime esse constitutum alteri stipuleri neminem posse.

- Sunt tamen et huius regulæ quædam exceptiones: sed quæ sit, queritur. † Hoc quidem loco, item et in §. *alteri*, *Inst. de inut. stip.* excipiuntur servus, et filiusfam. quorum ille stipulando domino, hic patri acquirit. Sed soli hi his locis excipiuntur, nulli præterea. Itaque an et alius liceat alteri stipulari, et ei stipulando seu paciscendo acquirere, quesitum est, ut dixi. Cui questioni ensam dederunt loci alii, quibus hoc idem aliis tributum videtur. Si vulgo interpretum credimus, non modo liberis hominibus, et plane extraneis id licet, sed etiam innumeris prope in causis facere permisum est, ut tot declarant exceptiones, quæ sunt ab Accursio et aliis cum hoc loco, tam in §. *si quis alii*, *Inst. de inut. stip.* et similibus collectæ. Quæ si veræ sunt, in multas difficultates incidimus. Quæremus enim, quomodo conveniat aliis etiam extraneis tam multis in causis concedere stipulari alteri, et ei actionem acquirere, ubi videsimus duos istos tantum, quos dixi, nominatim exceptos a veteribus servum, et qui servorum loco habentur, tum filiumfam. Nam qui hos tantum exceptit, is haud dubie regulam confirmavit in cæteris. Ac ne putemus inris contrariis plures cognitos fuisse, qui alteri stipulari possent, ipsa regula, quæ de his personis diligenter comprehensum est, per quas nobis acquiri non potest, ite concepta est. Per liberam personam, quæ iuri nostro subiecta non est, alteri obligatio queri non potest, vel alteri queri nihil potest, nisi possessio, et per possessionem dominium. *L. 1. C. per quas pers. §. ex his apparet*, *Inst. eod.* Quibus verbis solis tribuitur servus, et liberis, qui nostro iuri subiecti sunt, ut nobis acquirere possint, cæteris adimitur. Quæremus etiam in his, qui præterea excipiuntur, quomodo probandum videtur, ut non possimus stipulari quibuscumque, quia alteri sint; aliis vero possumus, quos non minus a nobis altæros esse fiteamur: præsertim cum constet hoc exquisitissime constitui in omnibus, licere alterius meliorem conditionem facere, dum alium non oneres; ubi eumtem oneres, nulli licere. † Dicent, cum extraneus et liber stipuletur alteri, huic alteri directam actionem non acquiri, sed acquiri utilem. Hoc quidem est verbis legem imponere, non rebus; cum constet utriusque actionis eandem esse potestatem. *L. actio*, *supr. de neg. gest.* Sed et multis locis hæc sententia refellitur, quibus

significatur in huiusmodi stipulationibus ite nihil agi, ut nec utilis actio inde alteri acquiratur: de quo postea. Quod cum ita sit, paulo diligentius, quid sit in hoc parte, quam vim superior definitio habeat, et quatenus verè sit, considerandum videtur. † Ego entem in his exceptionibus a vulgo interpretum longe dissentio, tantumque abest, ut putem huius regulæ tot esse exceptiones, quot illi faciunt, ut contra ita statusim, quatenus quis stipulemur alteri, non modo verum esse, quod dicitur alteri stipulari neminem posse, sed etiam esse perpetuum: si modo quis etiam tantum stipuletur alteri; et hic ipse alter, qui dicitur, verè etiam, et omni iure aliter, ut dicitur. Id aut verum sit, partibus definitionis separatim expositis, facile et sine ullo errore intelligitur. Nam cum dicimus neminem alteri stipulari posse, quoniam, id significatur, quod initio monui, si quis stipuletur alteri dari eum fieri, nihil agi, id est, stipulationem esse inutilem. *d. §. si quis alii*, *Inst. de inut. stip.* hæc ipsa oratio duas sententias complectitur. Hoc enim efficit, ut duobus pariter hæc stipulatio sit inutilis, et ei, qui stipulatus est, et ei, in quem stipulatio est collata. Harum utraq; ita verè est, ut prior quidem nullam omnino exceptionem agnoscat: posterior entem agnoscat quidem in quibusdam personis, si quis naturalem verborum significationem spectet: cæterum iuris rationa et interpretatione etiam in his ipsis regula suam vim et suam sententiam retineat, quia eæ omnes personæ iure Civili non aliæ, sed eandem habentur. Ac prius quidem sine exceptione verum esse statuendum est, si quis alteri stipuletur, non sibi: stipulationem esse ei, qui stipulatur, ite inutilem, ut ille inde suo nomine agere non possit neque directæ, neque utili actione. Quod ratione ita certa et explorata efficitur, ut ne si velimus quidem, secundum naturam stipulationis et conventionis omnia, eliter statui poterit. Scilicet qui stipulatur alteri dari, non vult sibi; certe quidem sibi non stipuletur. Ratio reddita in *L. multum*, *C. si quis alt. vel sibi*. Maritus negotium uxoris gerens nomine eius comparavit. Empti actionem, inquit Imperatores, sibi non quæsit, quæ sibi noluit. Recte: non est enim emptio sine consensu. Ex quo efficitur; si quis nolit sibi emptum esse, vel verius, si ambo ex contrahentibus nolint ipsi emptum, quæ non id agant, ipsi emptum esse non posse. Quod de emptione dictum est, pertinet ad omnes contractus, et ad stipulationem quoque: quoniam

et

et hæc, ut cæteri contractus, non perficitur nisi consensu. *L. continuus, §. 1. inf. eod.* Atque hoc etiam in stipulationis contractu maxime probandum videtur præter cæteros. Cum enim in hac etiam queramus verba, ac nisi quod verbis cautum sit, nihil ex ea possit deberi: *L. quidquid, infr. eod.* natura eius nullo modo patitur, ut quod alteri tantum et verbis et consensu cautum est, id alius cui cautum non est, ab eo qui non cavet, possit petere. Atque id etiam efficitur hoc modo: Qui stipulator alteri dari, si ipse agere velit ex ea stipulatione, necesse est, aut intendat sibi dari oportere, quod alteri cavet, aut petat, ut detur illi alteri. Sibi petere non potest, quia id stipulatione non continetur. Ut alii detur, frustra agit: quia ut ita ei detur eius nihil interest; ac nisi agentis intersit, nulla est actio, cum reo recusante non possit condemnatio indicis esse, nisi in id quod agentis interest. *L. si quis ab alio, in princ. et si supr. de re iud.* Quod confirmatur non obscure in specie *L. ex conventione, C. de pact.* † Itaque quod quesitum est apud interpretes, cum quis stipulatus est alteri, an promissor obligetur si non civiliter, attamen naturaliter: quid de eo iudicandum sit ex his quæ dicta sunt, estimari potest. Voluit ³ vulgo obligari eum saltem naturaliter: nempe ex pacto et conventionione, quam servari sit maxime secundum naturam. *L. 1. supr. de pact.* At quomodo ex pacto, ubi non est consensus? Cum eo quidem, in quam stipulatio collata est, promissorem nihil convenisse constat, utpote cum quo nihil consenserit, nihil egerit. Itaque si hoc dubio ei obligari non potest: eiusque rei certissimum argumentum est, quod Paulus in *L. si ita stipulatus, §. Chrysogonus, infr. eod.* scribit de liberto, qui patrono suo dari fuerat stipulatus. At enim hoc ita esse inutile, ut nec ad solutionem proficiat adiectio absentis patroni. Quo significatur, nec si patrono ex ea causa solum sit, tamen ei solutionem prodesse. Non fuit igitur promissor ei etiam naturaliter obligatus: alioqui solum ab eo non repeteretur. *L. naturales, supr. prox. tit.* De stipulatore potest dubitari, an ei promissor ex conventionione obligetur, quia inter eos aliquid actum esse, et convenisse apparet. Sed etsi inter eos consensum intervenisse verum est; tamen quod res ipsa docet, et supra effectum est, nullus hic est consensus, ut ei detur, qui stipulatus est.

Nulla igitur cum eo pactio in hoc, ut ei detur: ac proinde de eo nulla obligatio ne naturalis quidem. Ergo hoc certa ratio evincit, cum quis stipulator alteri, non modo constituto iure, stipulanti ipsi actionem, aut obligationem non acquirit, sed nec secundum naturam et legem stipulationis et conventionis omnino ullo modo acquiri posse etiam naturalem. † Quid est igitur, quod tam multis in causis ei qui alteri stipulatus est, actionem dari legimus? ut hac ipsa *L. §. si stipulatur, usque ad finem L. et L. seq.* Id causæ est, quod interdum qui verbis stipulator alteri, vi ipsa aut soli sibi, aut sibi quoque stipulari intelligitur. Ita non quia alteri stipulatur, actionem habet, sed quia sibi: quod et iure fit, et regula non prohibet; ut profecto valde statum sit ex regula excipere, quod neque ei adversatur, neque ad eam pertinet. Interim hoc certum est, etiam tum cum quis secundum verba alteri tantum stipulatus est, neque adiecit, sibi, tamen interdum stipulationem valere ita, ut stipulanti suo nomine actio acquiratur. De quo monuerunt hoc loco veteres, ut hic ab Ulpiano, et apud Iustinianum in *§. alteri, et seq.* facium videmus, non quia in eo quidquam de regula exceptum vellent; sed quia id intelligi ad explicationem regulæ in primis pertinebat. Nam aliqui periculum fuit, ne quis verbis stipulationis deceptus, dum videt stipulantem verbis alteri solum stipulatum esse, non aperte sibi: putat id solum esse in ra, quod verba præ se ferunt, idest, stipulatorem sibi non esse stipulatum re vera, sed tantum alteri: eoque et iuxta supra scriptam regulam dicendum esse nihil agi, seu stipulationem esse inutilem. De quo et nobis in hac parte prius dicendum est, quoniam ad vim stipulationis, et ius stipulatoris pertinet. Sic deinde hoc constituto, facilius quamobrem id placuerit, et, quam id conveniat cum regula superiore, si quis vim et potestatem stipulationis recte interpretetur, intelligimus. Et in summa ita placere reperiemus, cum quis alteri stipulatus est, toties stipulanti stipulationem committi, eique eo nomine acquiri actionem, quoties dari aut fieri alteri, ipsius qui stipulatus est, interest, neque id alibi receptum esse præterea. † Observabimus enim tributum hoc esse duobus stipulatorum generibus. Unum est eorum, qui stipulantur iis, quos in potestate habent: alterum eorum, qui ad utilitatem aliquam et cautionem suam stipulantur extraneo. Si quis ei stipulatur,

3) De quo vid. not. supr. lib. XIII. Civil. Comment.

Cap. 16. N. 1. C. præced. N. 1.

- tur, quem in potestate habet, sibi eum acquirere placet: puta, si dominus servo, pater filiofamil. stipuletur. *L. dominus, seq. §. si vero, Inst. de inutil. stip.* At quamobrem? Nempe quod ex his stipulationibus ita servo aut filio dari et domini et patris interest: siquidem datum servo necesse esset domino acquiri ita, ut nec momento maneret penes servum, qui suum habere nihil potest. *§. item vobis, Inst. per quas pers. L. placet, supr. de acq. her. et quod quæsitum esset filio, itidem acquireretur et patri. §. 1. Inst. per quas. pers. L. 1. supr. si a pa. quis fuer. ma.* ut perspicuum sit in his et patrem et dominum nihil, nisi quod suum sit, aut sibi acquiratur, id est, quod sua interest, stipulari. † Una autem hac in re positam esse istius acquisitionis causam, quod hic stipulenter dominus paterve, quod datum ad ipsos necessario redeat, idest, quod sua interest, nou autem in coniunctione aliqua personarum, quasi patris et filii, domini et servi eadem persona, vox eadem per omnia haberi debeat, ut significari quis existimet in *§. ei vero, et §. post mortem, Inst. de inutil. stip.* Argumento erit, quod si pater filio, dominus servo stipuletur, quod consistat in persona filii aut servi, neque ad dominum aut patrem redeat, placet non minus inutilem esse stipulationem, quam si cuius stipulati essent quam maxime extraneo. †
- 15 Hinc duæ species stipulationum in hoc genere improbatæ. Primum si pater stipuletur factum, quod conferatur in persona tantum filii, ut ita persona eius non egrediatur, veluti aut tenere ei; vel ire agere liceat. *L. quod dicitur, 130. infr. eod.* Quod et in persona domini idem servo suo stipulantis eadem ratione admittendum est, arg. *§. sed cum factum, Inst. de sti. ser.* Deinde si stipuletur quidem pater filio id quod iuris sit, sed quod leges patri per filium acquiri non permittunt. *d. L. dominus, seq. et d. §. ei vero, Inst. de inutil. sti.* Cuius generis, est, si quid pater stipuletur filio ex causa castrensis, aut adventicii peculii, quod patri nullo modo acquiratur. Nam si filio stipuletur pater, quod sit peculii adventicii, cuius ususfructus acquiratur patri, sine dubio pater usque ad quantitatem ususfructus actionem habebit, quia hactenus eius interest. Ergo istarum rerum, quas dixi, stipulatio est inutilis, quia id stipulatur pater filio, quod filio præstari patris nihil interest, quoniam a filio ad patrem non rediret: † ut appareat, quod dixi, quod placet, dominum servo stipulando, patrem stipulando filio, ambos sibi acquirere: in eo non personarum coniunctionis, sed eius commodi, quod per istos pa-

tri, dominove acquireretur, idest, eius quod istorum interest, habitam esse rationem. Dicitur quidem patris et filii, domini et servi eadem persona esse, vox eadem. Sed observetur id solum dici cum hac adiectione, cum per servum domino, per filium patri acquiratur. *d. §. ei vero.* Ita semper, quod pater filio, dominus servo stipulando sibi acquirunt, prima in eo causa est, quod commodi sui causa stipulantur, seu id quod sua interest. Quod si quis stipuletur extraneo ita, ut placeat ipsi stipulanti stipulationem committi; iam hic aperte traditur id tum fieri, cum alteri dari stipulantis interest. *§. sed et si quis stipuletur, Inst. de inutil. stip.* totque in exemplis id dicitur, quot huius partis declarandæ causa colliguntur ab Ulpiano in *§. si stipuler, et deinceps, infr. ead. L.* Etsi autem ex exemplis superiorum locorum satis intelligitur sæpe accidere, ut cum alteri stipulati sumus, nostra intersit alteri dari: tamen ne eorum ipsorum exemplorum ratio sit obscura, qua ex re fiat, ut vel in illis exemplis tantum consistamus, vel alia quærentes, incertitudine rerum similium laboremus: † animadvertendum est duobus modis contingere, ut nostra intersit dari alteri, cui stipulati sumus, totidemque ad genera superiora exempla et similia omnia recte referri; si aut is cui aliquid stipulati sumus, nobis de ea re reddenda sit obligatus, ut sic res postea ad nos redeat, veluti si stipulemur procuratori nostro, tutori, curator; aut si nos ipsi de ea re illi alteri præstanda iam ante obligati simus. Sic enim fit, ut nisi promissor pro nobis illi præstet, quod debui-
17 mus, nos in penam eo nomine constitutam, aut in id saltem quod eius interest incidamus, neve etiam illo agente dum aliunde satisfacere non licet, bonorum distractionem patiamur: quæ damna effugere perspicue nostra interest. Prior species exemplo procuratoris, cui stipulati sumus, indicatur in *d. §. sed etsi, vers. ergo, et hac L. in §. si quis insulam:* cætera exempla ad alteram speciem pertinent. In summa autem res huc redit, ut cum quis stipulatus est alteri, nunquam ex huiusmodi stipulationibus actio stipulanti acquiratur, nisi cum alteri dari stipulantis interest. Quo cognito iam non difficile intellectu erit, nihil hic regulæ propositæ adversari, quasi hic dicitur stipulatio valere ei, qui alteri sit stipulatus. † Quisquis stipulatur quod sua interest, seu id in quo continetur id, quod eius interest, quatenus id facit, is utique sibi stipulari intelligitur, non alteri. Id enim sic intelligi necesse est, si sibi potest, et vult stipulari; alteri autem nec vult, nec potest.

Pos.

Posse eum sibi stipulari stultum est monere, cum in hoc solum inventæ sint stipulationes, ut acquirat sibi quisque quod sua interest: velle autem eum ex eo apparere, quod stipulatur hoc ipsum, quod sua interest. Quorsum enim id stipulari, nisi ut acquirat? et cui acquirere id potest, nisi sibi? Nam alteri si quid queri posset, id solum esset, quod esset eius, non etiam quod stipulantis: quod ipsi esset utile, non quod stipulanti: quoniam quod unius est, id ad alterum nullo modo possit ne natura quidem pertinere. Vult igitur sibi acquirere, qui stipulatur quod sua interest: et quia vult, idcirco et sibi stipulari intelligitur, quoniam ex stipulatione aliter sibi acquirere non potest. Nisi forte quis dicat, ideo eum non velle id stipulari sibi, atque adeo id eum non facere, quia nominatim stipuletur alteri. Sed videndum est, quid hic stipuletur alteri. Nam in eo quod alteri stipulatur, duorum utilitas versari potest, stipulantis, et eius, cui stipulatur. Itaque dicatur sane alteri stipulari utilitatem, quæ eius est, et ad eum potest pervenire natura: suam vero nulli alii plane stipulatur, quam sibi: quia nec potest alii acquiri, eoque nec vult acquiri, ne frustra sit stipulatus. Plus dicimus, etsi stipulator hoc ipsum quod sua interest, alteri stipulari vellet: non tamen ideo efficietur eum sibi non stipulari. Imo ideo sibi stipulari intelligitur, quia stipulatur alteri quod sua interest. Sic enim futurum est, ut dum alteri dabitur, eius facti utilitas ad eum, qui stipulatus est, redeat. At enim alteri stipulando non adiecit, sibi; ut quamvis forte possit et velit sibi stipulari, tamen ideo ei non acquiratur, quia verbis sibi non sit stipulatus: arg. *L. quidquid, infr. eod.* Sed receptum est non eo minus stipulationem valere, et stipulanti acquiri, quamvis quis impersonaliter sit stipulatus, §. *si quis ita, supr. eod.* L. Et recte: huius enim persona satis natura rei et stipulationis continetur, cum si quid præstari oporteat, necesse sit id stipulanti acquiri, quoniam alteri ex stipulatione acquiri non potest. Sed et ex fine stipulationum id satis intelligitur. Cum enim inventæ sint stipulationes ad hoc, ut sibi quisque acquirat, quod sua interest, apparet unumquemque qui stipulatur, qui modo intelligat quid agat, stipulationem ad hunc finem referre. Illud quidem omnino tenebimus, nunquam ei qui alteri stipulatus est, actionem suo nomine acquiri, quatenus stipulatus est alteri. Nam eatenus semper inutilis est stipulatio, ut vel hinc quoque consequens sit, si actio inde stipulanti acqui-

Tom. XI.

ritur, ipsum sibi stipulatum videri; quia nisi alicui stipulatus sit, stipulatio nullius sit momenti. Quo constituto redeo ad illud, quod supra posui. Cum ei, qui stipulatur alteri, quod fieri ipsius interest, stipulationem valere, et committi dicimus, nihil contrarium dici illi regulæ, qua efficitur neinim alteri stipulari posse, ut non potuerit hæc species ab ea regula nisi ineptissime excipi, et ab his, qui quid in utroque genere diceretur, non satis intelligerent. Et tamen ne propter generalitatem verborum regula ad hanc quoque speciem pertinere putaretur, quod videri potuit: recte a veteribus factum est, ut in explicatione huius regulæ de hac specie præciperetur, non quam exciperent a regula, sed quam ad regulam non pertinere admonerent. Nam et de pœna a stipulatore addicenda eodem loco cavent: et tamen satis constat de eo agi, qui iubeatur pœnam stipulari sibi, non alteri. Sed ideo de ea dicunt, quia ad explicationem regulæ pertinebat.

Ac de eo, qui stipulatus est alteri, dictum est, de eo in quem stipulatio confertur, videamus. † Et non minus illud ¹⁹ verum est, cum alteri stipulati sumus, etiam ei, cui sumus stipulati, si modo vere alter sit, inutilem esse stipulationem: necesse est enim ei esse inutilem; si inde ei non acquiritur actio. Nunc autem extraneæ personæ alteri, qui plane et iure alter habeatur, iure obligationem et actionem acquirere non potest. *L. si ita stipulatus, §. Chrysogonus, infr. eod. L. multum, in ff. C. si quis alt. vel sibi.* Idque cum efficiatur ex illa æquitatis et naturæ regula, quam initio exposuimus: fatendum est, quandiu is cui stipulamur, et natura et iure alter habebitur; tandiu contra naturæ ius et æquitatem esse, ac non tantum contra Ius Civile, ut alteri per alterum obligatio acquiratur. Itaque ius ad omnes contractus et conventiones pertinet, ut initio dixi. Hinc illa: neque stipulari, neque emere, vendere, contrahere, ut alter suo nomine agat, possumus. *L. quæcumque gerimus, supra prox. tit.* Item, nec paciscendo, nec legem dicendo, nec stipulando quisquam alteri cavere potest. *L. quo tutela, §. ult. infr. de reg. iur.* † Sed quædam personæ excipiuntur, ut dixi: nempe dum naturale significationem sequimur, et alterius nomine intelligimus eum, qui natura alter sit, non etiam iuris efficientia et interpretatione. Sed ut intelligere liceat nihil in eo adversus regulam fieri, si quis rem et sententiam, non verba eius sequatur; observabimus id solum re-

50

ce-

ceptum esse in his, qui ita sunt alii natura, ut tamen quod ad rationem iuris attinet, pro eadem persona habeantur: quia ex re fiat, ut dum quis his stipulabitur, intelligatur non stipulari alii, sed sibi. In quo perspicue mens et sententia regulæ retinetur. Sic ergo statuatur: Quibus de causis fit, ut quis eadem persona cum eo cui stipulatur, esse intelligatur, iisdem modis accedit, ut ei stipulando, etiam ei acquirat. † Ut autem intelligatur stipulator eadem esse persona, tria efficiunt; potestas, successio, et auctoritas administrationis in rebus alienis iure constituta. Potestas est in servis, et filiisfamilias. Successio in hereditibus, et similibus universi iuris successoribus. Auctoritas administrationis in tutoribus, curatoribus, actoribus civitatis, et universitatis cunctisque, in procuratore militis, tum et in Magistratibus, quibus iniungitur iure, ut satisfactionem a tutoribus et curatoribus exigant. Potestas facit, ut filius patris, servus domini pars quadam esse intelligantur, ut quod ipsi ferunt, id quodammodo pater et dominus ferre videantur, quod eorum commodo cedat. Hereditas hoc efficit, ut heres in ius omne et locum defuncti succedat. *L. quædam, supr. de eden.* unde et heres dicitur eadem esse persona cum defuncto. *Novel. de iur. a mor. præst.* Administratio rerum alienarum quibus iure publico tribuitur, his ita tribuitur, ut lex eos domini locum habeat, dum rei domini gerant: quales sunt tutores et curatores. *L. tutor qui tutelam, supr. de ad. tuto. L. qui fundum, §. si tutor, 22 supr. pro empt.* † Ita totidem sunt genera eorum, qui alteri stipulando salva recta acquirendi ratione ei acquirant, nempe tria. Primum est eorum, qui sunt in aliena potestate. Ii sunt servi, et qui servorum loco habentur, item filiifamilias. Servus domino stipulando domino acquirit, item et filius patri, ut hic scriptum est. Et §. *si quis alii, Inst. de inut. stip.* † Cur hic potius, quam quivis alii extranei, cum non minus dominus a servo, pater a filio alter sit, natura ita distinctus, ut nec servus esse possit dominus, nec filius pater, aut contra? An quod si quid servo acquiratur natura, id iure penes servum consistere non potest, sed statim a servo ad dominum redit, eademque in filiofamilias stipulante ratio est? Sed huic rationi in proposito locus esse non potest, ubi servus non stipulatur sibi, ut quis dicat obligationem ipsi quæsitam, per eum ad dominum transire: sed recta stipulatur domino, ubi certum est nec stipulationem nec obli-

gationem ullam in persona stipulantis servi posse consistere etiam natura, cum id non agatur, ut ei quisquam obligetur: ut consequens sit, si quid hic domino acquiratur: ipsum sibi stipulatum videri debere, ut sic obligatio, quæ a persona eius incipit, ipsi quoque per ipsum quæsitam intelligatur. Et certe ita traditur, quodcumque stipulatur is, qui in alterius potestate est, pro eo haberi, ac si ipse (intellige, cuius in potestate est) esset stipulatus. *L. quodcumque, 45. infr. eod.* At quomodo ipse stipulatus, ubi alium stipulatum esse constat? Nisi tamen qui stipulatus est, eadem persona habeatur. Et vero ita habetur: hæc enim ratio est, quæ in hoc genere toties legitur apud Instancianum, filii vocem tanquam vocem patris intelligi, et, qui in alterius potestate est, patris vel domini voce loqui videri: ut fieret videlicet, si eadem esset persona. *§. ei vero, et §. post mortem, Institut. de inutil. stip.* † Sed cur isti cum patre domine eadem persona esse existimantur potius, quam alii quivis, qui officii causa istis stipulentur, cum natura pariter omnes homines distinxerit? Id facit potestas, inquam, qua servi et filiifamilias tenentur: hæc enim sic istos iuri domini et patris subicit; ut quodammodo pars fiant domini patrisve, qua domino aut patri consulari. Hac de causa quidquid servus stipulabitur domino, id domino acquireret, et quidquid patri stipulabitur filius, id acquireret patri, etiam si stipuletur id, quod in personam suam conferre non potest. *L. quod dicitur. 130. infra. eod.* Acquireretur enim his, si ipsi sibi stipulati essent, nunc autem periunde id accipitur. dicta *L. quodcumque, infra. † 25* Quibus consequens est, ut quacunque ex causa, et quocunque ex genere peculii filius stipuletur patri, id patri acquirat. Itaque etsi ex causa peculii castrensis profectum, veluti ex pecunia castrensi emptum patri dari fuerit stipulatus, nihilominus eius rei obligatio, et emolumentum patri acquireretur: quamvis si in personam filii concepta esset stipulatio, aut aliqui eius nomine res emptæ, et tradita, soli acquireretur filio, non patri. *§. 1. Instit. pæ. quas pers. L. cum oportet, Cod. de bo. quæ lib.* Quippe acquireretur stipulatio patri isto modo, si ipse sibi stipulatus esset, quod nunc factum videri volumus. Neque vero cum ex ea stipulatione, qua pater stipulatus esset sibi, aliquid ei acquisitum esset, inde quidquam a patre rediret ad filiam, id est, nec proprietas rei illi quæsitæ, nec usufructus. Non enim ut per filium patri acquiri potest, ita receptum est per patrem

trem quæri filio. Acquirat patri filius, quia in eius potestate est: at non est in potestate filii pater. Ergo et tunc idem probandum erit, cum filius quacunq; ex causa stipulatus erit patri, et patri ex ea stipulatione erit rem consecutus. Erit igitur, ut dixi, eius stipulationis obligatio et emolumentum in solidum patris. Quidni, cum etsi quid filius de eo, quod ipsi iam quæsitus esset, et eius esset proprium, contulisset in patrem, id proprium, elicereetur patris? Sic filius dominus est castrensis peculii, ut tanquam dominus possit de eo pro arbitrio statuere. *Instit. quibus non est per. fac. test. in pr.* quod si id in quemvis extraneum conferre potest, multo magis poterit in patrem. De adventiciis etiam, in quibus ususfructus acquiratur patri, potest statuere ut vult, volente patre. *L. ult. §. filius, C. de bo. quæ lib.* quanto magis hæc, aut si quid ad eorum causam pertineat, poterit volenti patri acquirere? Postremo quod res filii est, ut esse potest, si suo nomine quæsitam vellet, non facit, ut propterea patri eam rem stipulatus stipulationem illi acquirere non debeat. Imo hac de causa tanto magis acquirat. Nam qui alienarum rerum, et ad se nihil pertinentium stipulationem acquirere potest patri, multo magis suarum, aut ad ius suum pertinentium acquirere poterit ei stipulando. Non abs re est, 26 quod pluribus urgeo hanc sententiam. † Nam ut verba sunt §. *ei vero*, *Instit. de inutil. stip. item titu. per quas pers. nob. ob. ac. in princip.* contrarium in his locis scriptum videri potest: quem scopulum, moniti, et in superiore sententia certius confirmati facilius vitare possumus. Sic ergo in §. *ei vero*, traditur, ut patris vox tanquam filii sit intelligitur, dum pater stipulatur filio; sic filii patri stipulantis vocem tanquam patris intelligi, sed in his rebus, quæ patri acquiri possunt. Filii vox tunc patris vox intelligitur, cum filio stipulante patri acquiratur, ut sic perinde sit, quasi pater ipse esset stipulatus. *L. quodcunque, infra.* Id cum velit Iustinianus tunc solum recipi, cum agitur de iis rebus, quæ patri acquiri possunt: aperte declarat in his rebus, quæ illi acquiri non possunt, patri per filium stipulationem seu obligationem non acquiri. Quibus verbis effici quis putet, cum filius ex causa peculii castrensis stipulatur patri, ei nihil inde acquiri, quia hoc loco peculium proprium sit filiorumfamil. nec patri acquiratur. Similiter etsi stipuletur patri ex causa adventicii peculii, sic ex ea causâ acquiri actionem patri, quam ille suo nomi-

ne exerceat: ut tamen cum inde rem fuerit consecutus, eius proprietates esse incipiat filii, ususfructus patris. Et certe putaremus id ita esse, nisi superioribus rationibus edocti certo statueremus, cum filius stipulatur patri, ipsum ex omni causâ patri acquirere in totum, non sibi. Huic autem sententiæ non modo non adversatur superius dictum Iustiniani, sed etiam maxime eam statuit. Nam si dum filius stipulatur patri, stipulatio ex his rebus est, quæ patri acquiruntur; vel auctore ipso Iustiniano dicendum est, vocem filii in hoc genere stipulationis tanquam vocem patris intelligi debere, ut perinde res habeatur, quasi pater ipse esset stipulatus. Neque eo minus verum erit non semper vocem filii stipulantis pro voce patris haberi, ut puta in his, quæ patri non acquiruntur. Non enim semper filius patri stipulatur, sed ut plurimum sibi: quod cum sit, tum vere hæc distinctio adhibebitur, ut dicamus, eum ex hac re obligationem acquirere patri, si stipulatio sit de iis rebus, quæ patri acquiri possunt, non aliter. Itaque si stipulatio de castrensis bonis interposita sit, hæc filii erit propria, qui et sibi quæsitus voluit, dum stipulatur sibi; et sibi potuit quærere, quia esset stipulatio de peculo castrensi, quod iure non ad patrem, sed ad filium pertinet. Sin stipulatio sit de bonis adventiciis, huius quidem actio dabitur patri, quam ille in solidum ex voluntate filii exerceat; sed ita, ut quod inde consecutus erit pater, eius ususfructus ei acquiratur, proprietates filio; atque ita fiat, ut in huiusmodi stipulationibus vox filii tanquam vox patris intelligatur, sed usque ad ususfructum dumtaxat. *L. ult. §. ubi autem, Cod. de bo. quæ lib. †* in titulo autem, 27 *per quas pers. nob. ob. ac. in princip.* ita scriptum est: *quod autem per liberos, quos in potestate habemus, ex obligatione fuerit acquisitum, hoc dividatur secundum imaginem rerum proprietates et ususfructus, quam nostru decrevit constituto; ut quod ab actione commodum proveniat, huius ususfructum quidem habeat pater, proprietates autem filio servetur, scilicet patre actionem movente.* Infinitæ de eo, quod ex obligatione fuerit acquisitum, initio hæc scripta sunt; neque distinguitur, quæ ex obligatione fuerit quæsitus, aut cui: quibus verbis, si modo hæc tantum spectaremus, negari non potest, etiam quod filius patri stipulatus sit, contineri. Sed sequentia consulenda sunt: ex his quæ de obligatione, et quomodo concepta Iustinianus sentiat, liquebit. Loquitur de ea obligatione,

ex qua quod acquisitum est, vult dividi inter patrem et filium, ut filio proprietas, patri ususfructus acquiratur. Loquitur de ea, ex qua si quæ sunt actiones, statuit, ut pater eas moveat, et quidem ex consensu filii, quoniam hic ubique ad novam constitutionem suam nos revocat: id autem de consensu filii, quod dixi ex constitutione cautum est. *L. ult. § ubi, C. de bo. quæ lib.* Hæc omnia liquido probant superscripto in loco agi de eo, quod de bonis non paternis stipulatus est filius, aut aliter contraxit, sed sibi, et suo nomine, non patri. Nam si quid patri sit stipulatus, quomodo tandem filio inde proprietas acquiratur? fieri non potest. Ant enim ei per ipsum acquiri volumus, aut per patrem. Per se sibi non acquireret, ut qui noluerit sibi: denique ut qui sibi stipulatus non sit. *L. si genero, C. de iur. do.* Sed nec ei datum est, aut datum eius nomine, ut quis dicat patrem ei possessionem acquirere posse et per hanc dominium. *L. ea quæ, supra, de acq. rerum do.* Per patrem acquiri ei nullo modo potest. Nam ut paulo ante diximus, non ut filius acquirat patri, ita recipiendum est, ut pater acquirat filio: quippe qui non sit in filii potestate, ut quod ius factum sit, id citra voluntatem et traditionem eius ipso iure ad filium transeat. Necesse est igitur, si ex obligatione a filio contracta proprietatem rei inde paratæ acquiri volumus, hoc de ea obligatione intelligi, quam ipse sibi contraxerit, et suo nomine: ut isto modo et obligatio et rei inde quæsitæ proprietates ei per ipsum acquiratur. Iam quid sibi vult, quod Instinianus statuit, ut in huiusmodi obligationibus cum filio contractis pater actiones moveat? frustra hoc cavetur et ridicule, si intelligamus filium stipulatum esse patri: Nam cui alii ex ea stipulatione acquireretur actio, quam patri, in quem stipulatio collata est? non enim verendum fuit, ne quis putaret ex ea causa filium agere posse, cum sibi actionem querere noluerit. *L. multum, C. si quis alt. vel sibi.* Postremo hic iubetur pater movere actiones ex consensu filii: quomodo ex filii consensu, nisi actio quoque sit filii? non enim ob aliam causam constitutum est, ut soluto patrimonio pater, qui filiam in potestate habet, dotem a se profectam repetat ex voluntate filix, quam quod ea dos communis est patris et filix. *L. 2. in princip. et L. 3. supra, soluto matris.* At quomodo filii esse potest actio ex ea stipulatione, qua stipulatus est patri, non sibi? Quæ si omnia ei, qui patri stipula-

tus est, aut contraxit, convenire non possunt: neque hic, neque superior locus obstabit, quominus teneamus id, quod supra definivimus: † Quidquid est, et quæcunque causa, ex qua id non dico servus (de quo ius certum est) sed filiusfamil. nominatim patri fuerit stipulatus, eius stipulationis et obligationem et emolumentum omne patri acquiri ita, ut cum in persona eius possit consistere, ab eo in filium neque proprietas, neque quidquam aliud transferatur. † Dominorum loco in hac re habentur, qui in servò ususfructum habent, aut aliquem bona fide possident sive servum, sive liberum hominem: sed hactenus, ut illis per istos acquiratur duabus tantum ex causis, nempe si quid hi ex re fructuarii, aut bonæ fidei possessoris, vel ex operis suis acquirant. Nam quod extra has causas consecuti sunt, id ad dominum proprietatis, pertinet cui et ipsi extra has causas stipulando acquirunt. *§. de his, et §. idem, Instit. per quas person. nob. acquir.* Ad hunc locum pertinet titulus, de stipulatione servorum, infra. † Atque ex his personis factum est, 30 ut regula de obligatione et actione alteri per alterum acquirenda ita conciperetur a veteribus, per liberam personam, quæ neque iuri nostro subiecta est, neque bona fide nobis servit, obligationem nullam acquirere possumus. *L. si ita stipulatus. 126. §. Chryzogenus, infra eodem. §. ex his, l. ult. per quas pers. L. solutum, §. per liberam, supra, de pignor. actione. L. 1. C. per quas person. nob. atq.* Per liberam personam dictum est; quia per servos nobis acquiri potest tam nostros, quam alienos in quibus habemus usufructum, aut quos bona fide possidemus. Quæ iuri nostro subiecta non est; quia acquiri potest etiam per liberos, filios nimirum nostros, quos in potestate habemus. Neque bona fide nobis servit; quia cui quis liber et extraneus in potestate nostra non sit, si tamen pro servo nobis bona fide possidentibus serviat, non minus et per eum nobis acquiratur ex superscriptis duabus causis. † Servus communis seu publicus Reipub. 31 aut universitatis non est singulorum civium servus, ne pro parte quidem, sed solum universitatis. *L. in tantum, §. 4. sup. de rer. divis.* Multoque minus singuli aut eum possident bona fide, aut in eo usufructum habent. Quo fit, ut si is stipuletur, valeat quidem stipulatio, ut scriptum est in *L. 3. infra, de stipula. ser.* sed ita, ut ipsi universitati, cuius est servus, acquiratur. Ceterum singulis civibus stipulan-

lando, his non acquirit: quia non sit in numero eorum, per quos cuique acquiri posse diximus. Nam quod servum publicum aliquando adhiberi legimus ad stipulandum pupillo, ut in *L. 2. infra, rem pup. sal. for. et L. non aliter, supra de adop.* cuiusmodi est omnino, ut hoc ipsum confirmet potius, servum publicum civi stipulando non magis ei acquirere posse, quam quemvis extraneum et librum, qui idem faciat. Iam primum animadvertendum est, in causa tantum pupilli hoc receptum esse, ut adhibeatur ad stipulandum pupillo; neque id passim, sed tunc solum, cum Magistratus pupilli nomine satisfactionem pro officio exigere cogitur vel a tutore, de quo scriptum est in dicta, *L. 2. infra, rem pup. sal. for. L. 1. §. exigere, supr. de mag. con.* vel a pupilli arrogatore, de quo in *L. non aliter, supr. de adop.* Neque id satis: non enim concessum est Magistratui in his causis ad stipulationem interponendam servum publicum pro arbitrio adhibere, sed hac lege solum, si necesse erit Magistratui id facere, quia non possit aliter eo nomine pupillo caveri. Nam ad stipulationem, rem pupilli salvam fore, non adhibetur servus publicus, nisi cum pupillus vel abest, vel infans est, et servum non habet, qui ei stipulando iure publico acquirat. *d. L. 2. rem pup. sal. for.* Ad cautionem autem ab arrogatore auferendam, qua heredibus pupilli caveatur, frustra adhibeatur pupillus. Neque enim potest cavere heredibus suis, qui heredem habere non potest. Qualis est pupillus arrogatus, si in potestate patris arrogatoris manens decedat. Ex quibus intelligimus neque servum publicum alii stipulari posse, quam pupillo, neque pupillo, nisi in superscriptis tantum duabus causis: neque in his etiam causis pupillo stipulando posse ei acquirere, nisi iubeatur a Magistratu stipulari; neque vero a Magistratu iuberi posse, nisi tunc, cum aliter pupillo officio Magistratus cautum esse non potest: ut appareat omnino non tam hic servi conditionis, quam pupilli, et Magistratus, et necessitatis pupillo cavendi habitam esse rationem. Observetur præterea ita recipi, ut servus publicus stipuletur rem pupillo salvam fore, cum nullus alius est, qui ei stipuletur; ut tamen inde actio non acquiratur pupillo ipso iure, sed tantum utilis. *L. 4. infra, rem pup. sal. fo.* Quo declaratur in hoc servo nihil esse eorum, propter quæ servum diximus alteri acquirere posse stipulando. Alioqui domino, aut possessori ex re eius stipulando ei directam actionem acquireret. Sed ex his habere adhuc po-

verbor. obligation.

test hic scrupulus, quod aliquando saltem videri potest per servum publicum alteri actio acquiri posse: quod non item fieret per liberum hominem. Sed ut certo intelligatur ne hic quidem inter servum publicum, et liberum hominem, qui civi extraneo stipulatur, ullum esse discrimen: diligenter observetur sic in satisfactione, rem pupilli salvam fore, servum publicum a Magistratu adhiberi posse et solere ad stipulandum, ut non minus recte possit quivis alius etiam liber ad eam rem adhiberi. *L. 3. infra, rem ratam hab.* Usque adeo, ut placeat etiam Magistratum ipsum stipulari posse pupillo, et stipulantem non minus utilem actionem pupillo acquirere. *dict. L. 4. §. exigere, supra de mag. con.* Nec dubium est, quin et in stipulatione, quæ ab arrogatore exigitur, idem possit admitti. Sed ideo frequentius fuit olim in ea re adhiberi servum publicum, quia in eo officio quod a Magistratu iniungitur alicui velut pro imperio, honestius fuerit servum adhiberi, quam civem; et in servis commodius et melius rem transigi per eum, qui sit publicus, quam per eum, qui sit alterius privati. Ut enim servus publicus noster non sit, certe hoc ipso, quod publicus est, plus in eo, iuris habemus, quam in eo, qui neque recta, neque per consequentiam ad ius nostrum pertinet. Verum est igitur, quod dixi, servum publicum non esse singulorum etiam pro parte: hunc nihilo plus singulis stipulando posse acquirere, quam liberum quemvis hominem, qui civis civi stipuletur. Nam et: situbi recipiatur, ut possit ad alteri stipulandum adhiberi, non minus in eo recipi, ut adhibeatur liber. Proinde nihil hunc ad hoc genus servorum, per quos aliis acquiri posse diximus, pertinere. † Quoniam tamen hic acquisitio quædam est, non abs re quærat aliquis, quod vel servus publicus, vel liber homo pupillo aliquando stipulari potest, ad quod genus ex tribus a nobis propositis velimus hanc speciem referri: cum neque isti sint in potestate pupilli, neque ipsis pupillus succedat, aut successionis iure istam obligationem occupet, multoque minus isti ipsi dominorum loco in rerum pupillarum administratione habeantur. Et dicendum est, cum Magistratus istos adhibet ad stipulandum pupillo, ipsum Magistratum pupillo stipulari videri, utpote cuius iussu id fit, cuius et officio res recte gerenda commissa est. Itaque pertinet hæc species ad genus tertium, de quo postea.

Hoc † etiam loco de tabulariis, seu ta-
bel-

bellionibus, et iis qui notarii publici vulgo appellantur, tractatum est. Et iam olim recepta in vulgus¹ interpretum hæc sententia est, hos civibus quibuslibet et presentibus et absentibus recte stipulari, iisque obligationem acquirere in his rebus, quæ ipsis testibus, et rem publicæ fidei causa scripto complectentibus transiguntur: scilicet, ut ipsi volunt (quod ad huius loci rationem pertinet) quia hi sunt servi publici, ac servi publici alteri stipulari possunt, eique stipulando acquirere. Quorum utrumque perspicue falsum est. Primum tabularios moribus nostris liberos esse constat: neque vero alii ad hoc munus admitti possunt ex constitutionibus. *L. 3. Cod. de tab. libro decimo.* Quod si hi liberi, quomodo servi publici, qui ne servi quidem sunt? Dicent inservire eos publico, quia est eorum publicum munus. Sed non ideo servi, quales nunc servos quærimus ad alteri acquirendum. Idem et apparitores Magistratuum faciunt, et magistratus ipse: neque tamen hos quisquam appellat servos publicos, aut propter officium publicum dicit alteri stipulari posse. Non enim ad eam rem inventi et constituti sunt. Sic quoque et tabularii instituti, qui res inter aliquos gestas et contractus exciperent, easque mandarent literis, non qui ipsi aliis contraherent, eisque conficerent obligationes. Demus tamen tabularios esse servos publicos: ideoque verum esse posse eos civibus stipulando his acquirere? At vide, quot modis id falsum deprehendatur. Primum ne servi quidem illi, qui vere servi sunt, et publici, quorum argumento isti utuntur, ulli alii stipulari possunt, quam pupillo, idque in satisfactione tantum, rem pupilli salvam fore; et quidem ita urgente commodò pupilli, ac Magistratu inbente eam stipulationem a servo publico interponi. Possunt et stipulari pupilli heredibus: sed in arrogatione duntaxat, idque etiam, ut supra; ita imminente et inbente Magistratu. Hoc vero quid ad alias personas, et alias causas, omni-

noque ad voluntarias servi stipulationes pertinet? Quales tamen tabulariorum stipulationes esse volumus. Quod si quod de servis publicis in his causis constitutum est, volumus ad alias quoque personas et causas transferre; consequens erit etiam quemvis liberum hominem quamvis privatum cuiusvis alii stipulando cavere posse. Nam ut servus publicus in supra scriptis causis inbente Magistratu pupillo eiusve heredibus recte stipulatur; ita et quemvis alium privatum, eumque liberum ad eandem stipulationem conficiendam adhiberi posse receptum est, ut supra diximus. Quid; si ne illa quidem, quæ servi publici in superioribus causis faciunt, tabularius facere potest, ut tabularius; seu, ut isti loquuntur, ut servus publicus? ut dicendum sit servorum publicorum exemplum nullo modo ad tabularios, quatenus tales sunt, pertinere. Et certe ita res habet, ut si forte tabularius inbentur in satisfactione a tutore exigenda stipulari pupillo rem pupilli salvam fore, id non tanquam tabularius id faciat, sed tanquam quivis privatus. Officium enim tabularii est, ut instrumenta de rebus rite conficiat, et testimonio suo in munere publico rei gestæ fidem et auctoritatem publicam conciliet. In hac re autem ad quid tabularius adhibetur? Ut stipuletur videlicet, non ut quidquam testatum faciat de ea stipulatione, quod et ipsum esset supervacuum. Cum enim res geratur apud Magistratum, ineptum esset aliud testimonium adhibere, ubi publicorum monumentorum, idest, actorum fides sufficit. *L. in donationibus, Cod. de donat.* Itaque qui uno servorum publicorum argumento, et superiorum locorum auctoritate moti tabulariis potestatem publice aliis stipulandi, iisque obligationem acquirendi tribuerunt, apparet eos non modo nullum huius sententiæ argumentum in Iure Civili habere; sed etiam et verbo servi, et superioribus locis evidentiter refelli. Invaluit tamen, ut dixi, iam olim hæc sententia in vulgus interpretum, idemque non minus potenti, quam

¹ Guido Pape *decis. 49. Gomez. 2. resol. 11. n. 18. Parq. 3. usu Freq. 58. n. 6. Ant. Massa tr. ad Form. Cam. oblig. p. 2. q. 3.* Sed nostro quoque consensu Tirac. hæc de re fuse et excellentissime, variis opinionibus et distinctionibus relatis, agens de Iure const. possess. p. 3. limit. 30. fere tota. Ubi n. 29. et seq. hoc non probari ex iure communi ostendit et L. obiectas dissolvit. Sed n. 45. testatur aliter consuetudine servari. (qui et notarium non dici servum publicum in L. scribit *Tr. de Nobil. C. 30. n. 9. uti et Focal. dial. 98. n. 3.*) et Not. 4. obs. 25. quia etsi tabelliones sint publici conscriptores instrumentorum, non tamen si qui publicus, ideo singulorum servus.

Syndici quoque, sive Not. quamvis universalitatis actores, tamen ad stipulationis interponendas data opera constituti. *L. ult. Quod. cui. Univ. et Gitan. ad L. 11. de O. et A. n. 14. et A. Fab. 47. err. prag. 2. et 3.* Quo facit quod nec liberiorum munus olim publicum, sed privatum, ut probat. P. Fab. ad L. 92. de R. I. pag. 426. Denique observationem istam potius ex consuetudine quam Iure firmatam fateatur, lausula Donelle. *Fessur. Decis. 70. n. 2.* An. notarii stipulatio acquirat ante ratificationem, vid. et *Cacheran. decis. 33. Andr. ab Esca Lib. Pactorum n. 187. et seqq. Fachin. 8. Contr. 91.*

quæ fædo errore pervasit in mores et consuetudines regionum, ut iam pro iure observetur: quod quidem ego, si placet, et publica auctoritate defenditur, nec muto, nec possum. Attamen cum de iure agitur, non quid errore contra ius obtineat, sed quid iure obtinere possit et debeat, quærere et spectare debemus.

- Atque hæc da primo genere eorum, qui alteri stipulando et cavendo ei acquirunt.
- 34 † Secundum genus est decessorum hereditibus suis caventium. Heredi nostro et stipulando, et contrahendo, et paciscendo cavere possumus. §. *si quis ita. supr. ea. L. et L. avus. supr. de pac.* Ac si quidem mihi stipuler, adiuncta heredis persona, puta mihi heredique meo decem dari, nulla dubitatio est. *d. §. si quis ita, et §. suæ personæ, ead. L.* Huiusmodi enim stipulatione primum mihi quæsitæ est obligatio, quæ cum in persona mea constiterit, sic deinde certo successionis iure transfertur ad heredes: quorum hæc conditio est, ut in omne ius defuncti succedant *L. heres in omne, supr. de acq. her. L. nihil aliud, infr. de ver. sig. †* Sed an soli heredi stipulari et cavere possumus? Non temere est, quod dubitetur. Primum regula iuris alteri stipulari nos vetat: aut quæro, cur liceat stipulari heredi potius. Sed quod precipue heredem ipsum ab hac acquisitione remove videtur, est hereditatis et successionis natura. Heres, quatenus heres est, nihil amplius obtinet, quam hereditatem. Hereditas nihil est aliud, nisi successio in universum quidem ius, sed ius defuncti, idest, ad ius quod iam ante defuncti fuit. *d. L. nihil, de ver. sig. et L. hereditas, infr. de reg. iur.* Qui potest igitur tanquam heres, seu successionis iure obtinere eam obligationem, quæ olim nec defuncti, nec iacentis hereditatis fuit, ut pote neque in defunctum, neque in hereditatem, sed in solum heredem collata? Atqui talis est stipulatio, qua quis heredi tantum suo stipulatur, non sibi. Nos vero hoc loco adversus superiores obiectiones hanc sententiam statui volumus, ita licere stipulari heredi, ut quamvis soli heredi stipulati simus, tamen stipulatio valeat, et mortuis nobis ei obligatio et actio acquiratur non aliter, quam si ipse sibi esset stipulatus. Si de hoc iure ante dubitatum esset, ta-

men certum esse cæpit post constitutum Iustiniani, qua tantum est, ut in stipulationibus, contractibus, et legatis omnibus liceret et ab heredibus, et contra heredes incipere actiones, et obligationes. *L. unica, C. ut act. et ab her. et cont. her. inc.* Nunc autem ut intelligatur id semper certam rationem habuisse, etiam apud veteres iam olim idem obtinuit, non minus heredi, quam nobis cavere licere; denique licere stipulari heredi, quod in persona defuncti neque constitisset, neque ex conceptione stipulationis consistere potuisset. Utpote, licuit stipulari heredi usufructum, qui nunquam fuit defuncti; licuit stipulari heredi ire agere licere: quod tamen factum si defuncti ipse sibi stipulatus esset, nihilominus cum persona eius exstingeretur. §. *si quis ita, supr. ead. L. †* Neque hoc ² de iure veteri negat Justinianus in *d. L. 1. C. ut act. et ab her. et cont. her. inc.* cum ait veteres non concessisse ab heredibus incipere actiones et contra heredes. Non enim simpliciter dicit hoc non concessisse veteres; sed addit non concessisse eos conceptione stipulationum, cæterarumque causarum post mortem conceptarum: significans in his tantum stipulationibus et causis, quæ ita conceptæ sint, usurpatam fuisse a veteribus illam regulam, neque longius esse productam. † Et sane magna causa erat, cur huius generis stipulationes præter cæteras reiiceret veteres, si quis conceptionem modo earum spectaret. Sunt enim genere ipso conceptionis impossibiles, cum aut quis stipulatur sibi dari post mortem suam, aut se daturum, vel facturum post mortem suam promittit. Nam quomodo aut mortuo dari, aut mortuus dare potest? Heredibus stipulatoris dabitur, inquit, et promissoris heredes dabunt. At hoc stipulatione comprehensum non est: sed et stipulator stipulatus est sibi dari, et promissor se promisit daturum. Ergo ipsam conceptionem verborum secuti veteres, ut dixi, hoc genus reiecerunt, non quia actio et obligatio ab heredibus inciperet, sed quia si personas stipulatione comprehensas retineremus, datio et præstatio esset impossibilis. Unde in §. *post mortem, Inst. de inut. stip.* ubi ex professo de hoc genere agitur, non alie improbantur stipulationes, quam cum post mortem suam sibi dari quis stipulatur.

2.) Diff. omnino Glisæ. ad L. 11. de O. et A. n. 11.
1. Quia Lb. tantum de cunctis formula agunt, non de senectæ, solumque herede. 2. Quia obstat regula: Act. ab herede non incipere, quæ sublatâ quibusdam casibus. *L. un. C. ut act. ab her.* non in totum. 3. Quia nec exceptio

huiusmodi pacta acquiruntur *L. 17. §. 3. de pact.* (quæ tamen hoc non probat.) Aliquo hæc opinio, iure veteri inspecto, vasa non videtur, licet noster dissentit: iure novo autem non item.

pulabatur, aut stipulabatur ab aliquo dari post eius mortem: item hæc, pridie quam moriar, vel pridie quam morieris; dare spondes. Ex quo apparet non idem probasse veteres, si quis post mortem suam stipularetur; sed aut simpliciter, ut heres intelligeretur; aut nominatim heredi suo, quia utrobique stipularetur heredi, id est, ei, cui natura dari posset, et cui iure posset cavere. † Manebit igitur omni iure et vetere et novo, ac si minus vetere, certo ex constitutionibus receptum esse, ut si quis stipuletur tantum heredi suo, recte stipuletur, idque assequatur ut etiam ab herede incipiat obligatio et actio. Nititur hoc ius una hac ratione, quam supra posui, quod heres cum in ius omne succedat et locum defuncti, eiusque vicem subeat: *L. quædam. §. 1. supr. de ed. L. 1. 2. et 3. supr. de bo. poss. L. more, L. heres in omne, supr. de acq. her.* merito putetur eandem personam esse cum defuncto, qualis esse dicitur a Iustiniano in *d. Novel. de iur. a mo. præst.* Habet vero hæc ratio, quo se hoc ius adversus superiores subiectiones duas facile tueatur. Etenim si obicitur cum stipulari inotitit, qui stipulatur alteri, negabimus eum alteri stipulari, qui stipulatur heredi, quia heres sit defunctus alter: ut dici possit, cum defunctus heredi stipulatus est, aut ipsum sibi stipulatum videri heredis causa, ut hoc ipso deinde stipulatio ad heredem transeat, aut heredem ipsum sub persona defuncti videri sibi stipulatum. Si dicitur non posse heredem succedere in eam obligationem, quæ defuncti non fuit, fatebimur; sed referemus idem, quod supra, defunctum, dum stipulatur heredi, in persona eius videri stipulatum sibi: quia, ut dixi, heres sit defunctus alter, et ideo perinde res sit, ac si heredi stipulando sibi stipulatus esset, sed ita, ut differretur obligatio in id tempus, cum ipse esset mortuus: sicut eveniret, cum quis stipulatus esset sub conditione, quæ non nisi mortuo stipulatore existisset. §. *ex conditionali, Inst. eod.* Et quemadmodum cum quis nominatim heredi stipulatus est, superiore ratione efficitur, ut intelligatur stipulatus sibi, dum unius persona representat alteram: ita consentaneum est o converso, ut si quis stipuletur sibi, quod nisi heredi deberi non potest, sibi stipulando, videatur stipulatus heredi eadem ratione. † Neque vero alia ratione defendi recte potest, quod placuit Iustiniano huiusmodi stipulationes valere, cum quis stipulatur post mortem suam sibi dari. Nam ad naturam si respiciamus, mortuo stipulatori dari non potest, ut

qui morte esse desiderit in rerum natura. Postest heredi dari: sed is ex hac stipulatione, ut eius conceptio est, frustra petet: quia neque in persona defuncti prius obligatio constituit, ut quis dicat eam obligationem a defuncto in heredem posse transferri; neque defunctus heredi est stipulatus, ut dici possit actionem hoc casu ab herede posse incipere. Cur ergo nihilominus hic heredi actionem dari placeat? Quia ex supra scripta ratione recte defenditur, etiam tum cum heredi datur, recte dici defuncto dari: quia scilicet heres sustineat personam defuncti, ut testator quamvis natura mortuus, tamen per successionem in persona heredum adhuc vivere intelligatur. Scio Iustinianum admittere superiores stipulationes ex mente et sententia contrahentium in *d. L. 1. C. ut act. ab her. et §. post mortem, Inst. de inut. stip.* quasi qui stipulatus est post mortem suam, videatur stipulatus heredi suo dari, quamvis verbis stipulatus sit sibi: idque etiam contrahentes senserint. At recte Iustinianus. Sed queritur unde hæc sententia colligatur. Non enim satis est dicere, non esse tam imperitos contrahentes, aut stultos potius, ut putent mortuo stipulatori dari posse. Esto, non putariunt. At quid, si stipulator aperte sibi post mortem dari stipulatus sit, non heredi? An quod fecisse eum constat, fecisse negabimus? Et certe non auderemus negare, si verba ambigua non essent, neque possent ad heredem etiam referri. Arg. in *L. quicquid, infr. eod. L. non est ferendus, supr. de trans.* Nunc autem ex superiore ratione intelligimus etiam ad heredem referri posse; quia si heres eandem personam sustinet cum defuncto, eveniat, ut quod heredi dabitur, sub huius persona ipsi stipulatori defuncto datum videatur. Id quod si verba admittunt, etiam de eo sensisse contrahentes, ut fieret, quia fieri potuit, credendum est. *L. quoties in. 80. infr. L. quoties in. L. ubi. supr. de reb. dub.* Ita dum constitutionem Iustiniani supra scriptam recte tueri volumus, semper ad superiorem rationem referri necesse est. Ergo, ut dixi, heredi nostro et stipulari, et paciscendo cavere possumus. Videndum est, an omnia; etsi forte plures sint heredes: an uni tantum, et quatenus, nam de his video dubitari. † Et stipulando quidem constat licere heredi acquirere, et quod in dando sit, et quod in faciendo. *L. continuus, §. ult. infr. eod.* parumque retulerit, utrum id stipuletur quis, quod et sibi poterit acquirere, si sibi stipulatus esset, an quod in persona sti-

pu—

pulantis consistere non poterit, ut, si quis stipuletur usufructum heredi suo: nam hic quidam usufructus alius est ab eo usufructu, qui aut fuit, aut esse potuit defuncti: at tamen nihil secius stipulatio ad heredem pertinet. §. *si quis ita, supr. ea.*

41 *L. 1.* Sed an pacisci quivis potest, an ab herede petatur: quod illa debet, quacumque tandem ex causa debeat? quid enim, si quid debeat heres suo proprio nomine, non hereditario, et de eo ab herede non petendo decessor paciscatur? Movat, quod ei non videtur exceptio acquiri ut heredi, sed ut extraneo: quod ius non patitur. Quod enim heres hic debuit, constat eum nequaquam ut heredem debuissit, ut qui deberet etiam ante, quam heres esset, et quamvis non existisset heres, tamen asset porro idem dabitur. Hac accedit, quod non videtur esse posse exceptio hereditaria, quam ipse sibi defunctus non dico acquisierit, sed ne acquirere quidem poterit, si vellet: qualis est hæc de eo, quod heres non ut a defuncto in se translatus, sed suo nomini dabitur: frustra enim pacisceretur defunctus, na a se pateretur id, quod non debuit, ubi et sine ulla conventionis adversus eum nulla esset actio. Et puto utiliter quomque heredi suo pacisci, ne ab eo petatur, quod ipse debet, non tantum si debitum sit hereditarium, de quo constat ex *L. avus, supr. de pac.* sed etiam si non sit hereditarium, sed cum herede aliunde contractum. Nam si cuiusvis rei etiam alienæ actionem stipulando heredi aut acquirere concessum est: quanto magis in debito non alieno, sed heredis proprio licere debeat paciscendo ei exceptionem acquirere? Ut enim ad liberandum, quam ad obligandum propensiores esse debemus: *L. Arrianus, supr. de ob. et ac.* ita facilius exceptionem alicui ad eum liberandum, quam actionem ad alium obligandum acquiri certum est. arg. in *L. invitus, §. 1. infr. de reg. iur. L. 1. in prin. supr. de pig.* Nihil ad rem pertinet, quod debitum non sit hereditarium, de quo heredi cautum est: de obligatione enim heredis non agitur, sed de exceptione a defuncto parte. Ipsa obligatio non est sana hereditaria: sed non eo minus hereditaria est exceptio et pæctio, quam ad heredem transire dicimus. Id enim omne hereditarium dicendum est, quod a defuncto profectum, idest, vel ex defuncti bonis, vel opera defuncti et beneficio; deinde iure hereditario, idest, hoc ipso, quod heredes sumus, ad nos transit. *L. hereditarium, supr. de ob. et ac.* Multo minus offendi debamus

Tom. XI.

eo, quod istius debiti exceptioam, ne si vallet quidam, sibi defunctus acquirere potuit. Nam et arum rerum nomine, quæ in persona defuncti consistere nullo modo poterint, heredi cavere posse satis intellectum est supra exemplo usufructus, quem placet unumquemque heredi mo utiliter stipulari, quamvis hic sit alius usufructus, et is qui nunquam poterit esse defuncti.

d. §. si quis ita, supr. ea. L. Licet igitur quidvis heredi et stipulando et paciscendo cavere: ut perinde heredi eo facto cautum sit, ac si ipse sibi stipulatus aut pactus esset? Etiamus uni tantum ex pluribus, si forte defuncto plures erunt heredes? nam de hac re varie scriptum videtur, in *L. continuus, §. ult. inf. eod. et L. avus, supr. de pac.* item in *L. cum qui ita, §. 1. infr. eod.* Et nisi quid necesse sit cautionam, qua unus tantum heredis persona expressa est, acquiri cætera hereditibus, fatendum est uni heredi ex pluribus recta cavere, ut ei solum inde acquiratur saltem pro parte. Idque ei definitioni, quæ de herede posita est, consequens est. Nam si heredi cavere possumus, licet et uni cavere: cum unus est; licet et cum plures sint, cavere singulis saltem pro portione hereditaria: quoniam et singuli hæctenus sunt heredes. Ibi si cæteri heredes in eam cautionem non vocabuntur, perspicuum est sic ei, cui cautum est, inde acquiri, ut soli acquiratur. Quod si necesse sit cautionem acquiri omnibus, iam hic eveniet, ut ei quidem, cui cautum est, eisdem acquiratur; sed ita, ut non possit dici uni tantum acquiri, quod pariter ad omnes pertinet. Ita omnis de hac re questio in eo est, an quod uni ex hereditibus cautum est, necesse sit acquiri omnibus: de quo si quis recte statuet, simul de eo, de quo queritur, recta statuet, quod at satis indicatur in *L. continuus, §. ult. infr.* ubi non est satis Venuleio dicere, quod dari stipulamur, uni per nos acquiri non posse; sed adiciatur per adversativam, quod declararet, quomobrem unum possit: *sed necesse est, inquit, omnibus acquiri.* Mihi autem de eo ita statuendum videtur, ut siquidem obligatio ad cautio a defuncto caput, ideo ei quæ sita, quod sibi prius cavisset, et præterea cautio non personæ eius coheret, sed est perpetua: tam necesse sit ad omnes heredes transferri, quod defuncti fuit, nec cum personæ eius extinguatur. Sin aut defuncti non fuit obligatio seu cautio, ut qui sibi prius non cavisset, sed uni heredi dumtaxat; aut fuit illa quidem defuncti, quoniam is et sibi cavisset, sed ita ut

cautio esset personalis: hic nullo modo transire possit ad ceteros heredes, quod vel defunctus non habuit, vel ita habuit, ut cum persona finiretur. Atque hinc veterum distinctio de questione proposita esse reperitur, tradita in *d. L. continuus, §. ult. infr. eod. et d. L. avus, supr. de pac.* Sed quoniam illa obscurius paulo scripta est, at deesse ei aliquid videtur, auferendum est, ut de re tota plenius aliquid, et explicatius tradamus. Ergo cum defunctus uni ex heredibus quid stipuletur aut pactus est, et queritur, utrum soli ei acquireretur, non ceteris, hæc erit distinctio ut existimo, quam recte tenemus, certa quam recta ratio, et superior notio nobis præscribit, ut putemus interesse, utrum defunctus uni tantum heredi suo caveat, non sibi; an simul et sibi, et uni ex heredibus. Siquidem heredi tantum; huic ipsi heredi acquiri tantum ex ea cautione; ceteris ideo non acquiri, quia nec possit. Sin sibi et simul uni ex heredibus, ne siquidem statim effici, ut necesse sit cautionem acquiri etiam ceteris, sed in una hac causa, si quis dari stipuletur sibi et Titio heredi suo: in ceteris omnibus tum stipulationibus, tum pactionibus contra; ut proinde ei soli, cui tantum est, necesse sit acquiri. Quæ eni vera, et quamobrem tam, ut videtur, varie dicantur, paucis videamus. Principio hoc statuo, si quis heredi tantum suo stipuletur; aut petiscatur, ne ab herede tantum suo petatur, quantumvis uni ex pluribus id caveat, et quod stipulatur, in dando sit, non faciendo, id soli ei cui defunctus cavet, utiliter caveri, ut soli acquiratur, ceteris heredibus nihil. De pacto constat ex *L. avus; supra, de pac.* ubi non tantum generaliter definitur nihil obstat uni tantum ex heredibus paciscendo providere, si heres factus sit, ceteris autem non consuli: sed etiam de eo id scriptum est, qui pactus est, non tantum ne ab herede, sed ne a se etiam petatur: quo tamen casu facilius potuit pactio a defuncto et heredes transire. Sed et de stipulatione, quæ in faciendo sit, qua defunctus uni tantum ex heredibus quovis modo caverit, inter omnes convenit ex *d. L. continuus, §. ult. infr.* De stipulatione dandi ex eo ipso loco a plerisque dubitatur, quoniam ita verba sunt generaliter et sine distinctione scripta. Præterea sciendum est, quod dari stipulemur, non posse per nos uni ex heredibus acquiri, sed necesse esse omnibus acquiri. Nos vero sciamus fieri non posse, ut quod defunctus solum Titio heredi suo stipulatus est, non sibi, id acquiratur ceteris heredibus: ut proinde necesse sit so-

lum Titio vel solidum, vel in partem saltem acquiri. Nam utrum fiat, nondum quærimus: nunc hoc tenemus ceteris nihil inde acquiri, ac nec posse acquiri. Primum quomodo possunt ex ea stipulatione agere, qua non sunt comprehensi? Stipulatio verbis constat, et quicquid restringenda obligationis causa est, nisi palam verbis exprimitur, pro omissis habendum est. *L. quidquid, infr. eod.* Hi porro nullo modo verbis appellati, imo vero etiam verbis exclusi sunt. Stipulatio præterea perficitur consensu. *L. continuus, §. 1. infra.* Quomodo igitur potest hæc stipulatio pertinere ad ceteros, qua non modo ut illis daretur, non convenit, sed etiam aperte convenit, ut conceptio declarat, ut soli Titio daretur, ac proinde nihil ceteris? Nihil multis opus est. Si quod defunctus uni tantum ex heredibus dari stipuletur est, ceteris heredibus acquiratur, omnino his par aliquem acquiri necesse est, ac nisi acquiratur per aliquem, nullo modo acquiratur. Utrum ergo ex persona defuncti agent? at neque is stipulationem sibi acquisivit, quam posset transmittere, quoniam sibi non est stipulatus, neque acquisivit ceteris heredibus, quoniam noluit his acquirere: imo vero uni tantum cavendo, ceteros voluntate sua removit. An potius agent ex persona sua? at neque ipsi sibi stipulati sunt, neque adeo quisquam eorum hominis, eadem is, qui ipsis acquirere potnerit. Ex persona vero heredis eius, cui tantum est, absurdum est, si quis dicat eam stipulationem transferri ad ceteros; cum neque ille sit his, aut etiam sibi stipulatus; neque si stipulatus esset, tamen posset per eum ceteris acquiri. Neque porro plures sunt in hac specie, per quos stipulatio superior defuncti his heredibus, quibus tantum non est, acquiratur. Ex quo efficitur his nullo modo eam acquiri posse. † Neque vero id negatur in *L. continuus, §. ult. infr.* si modo is locus de his scriptus est, qui stipulantur quidem uni ex heredibus, sed prius sibi, adiuncta nimirum unius heredis persona: in quam sententiam is locus accipiendus est. Nam qui eum generaliter accipiendum putant non tantum de his, qui sibi et uni ex heredibus stipulantur, sed etiam de his, qui stipulantur recta uni ex heredibus omnia personæ suæ mentione; hi neque verba eius loci, neque rem de qua agitur, et sententiam Veneris satis expendere videntur. Verba hæc sunt, *quod dari stipulemur*, generaliter hoc quidem, et indefinite; sed tamen impersona-

liter. Sciendum est autem in usu iuris, cum homo liber impersonaliter stipulatur, aut etiam proponitur impersonaliter stipulatus, sic verba accipi, quasi stipulatus esset sibi, aut etiam diceretur sibi stipulatus. *§. sicut, in fin. et §. si quis ita, supr. ead. L. vel hoc ipso in §. alteri*, cum paulo post Ulpianus ita scribit, *pœnam enim cum stipulatur quis, inspicitur, quæ sit quantitas, quæque conditio obligationis*; his verbis, *cum pœnam stipulatur quis*, omnes intelligunt hoc dici, cum stipulatur quis sibi, non alteri: nam alteri pœnam dari non minus stipulamur inutiliter, quam quidvis aliud ei dari, aut fieri. Quo ex usu, cum in *d. L. continuus, §. ult.* ita scribitur, *quod dari stipulemur, non posse per nos uni ex heredibus acquiri*, his verbis, *quod dari stipulemur*, intelligere debemus, quod nobis dari stipulemur. Idque extremis verbis eius loci Venuleius satis declarat: subiicit enim. *At cum quid fieri stipulemur, etiam unius personam recte comprehendere*, quid sibi vult illud etiam, nisi posse unius heredis personam comprehendere etiam cum aliis? non intelligit cum cæteris heredibus, cum unum tantum heredem comprehendendi ponat. Hoc igitur sentit comprehendere recte unius personam etiam cum persona nostra, qui fieri stipulamur. Idem significat verbum comprehendere. Is enim comprehendere proprie dicitur qui comprehenditur cum aliis, et inaxine si cum ipso stipulatore. *L. eum; qui ita, §. 1. et §. qui sibi, infr. eod.* ut plane apud Venuleium sit ea stipulatio, de qua in *§. si quis ita, et §. suæ, supr. hac. L.* in qua nimirum stipulatur quis sibi, et suæ personæ adiungit heredis personam, quod facere posse dicitur in *d. §. suæ*. Unde quæstio, an si quis stipuletur sibi dari, possit etiam unius heredis personam adiungere, quod Venuleius negat. Quod si in verbis aliquid esset ambigui; tamen res ipsæ et sententia cogit de hoc stipulatore definitionem Venuleii interpretari: quia ei, qui uni tantum ex heredibus stipulatus sit, non sibi ea definitio nullo modo possit convenire; cum dicat, quod dari stipulemur, necesse esse omnibus heredibus acquiri: quod aperte falsum esse satis antea probavimus, si agatur de eo, qui heredi tantum, non sibi stipuletur.

44. † Sit igitur hoc ratum, quod defunctus uni ex heredibus stipulatus, pactusve sit, et heredi solui, non sibi, id cæteris heredibus nulla ratione acquiri posse; ut consequens sit soli ei, cui cautum est, acquiri. Quæ sequuntur, non obscuris locis expressa sunt, sed eorum ratio queritur,

Tom. XI,

verbor. obligation:

quæ nobis explicanda est. Si quis quid, inquam, ubi quidem ex heredibus caveat, sed sibi simul et heredi: puta stipuletur sibi et Titio heredi suo: aut paciscatur, ne a se, neve a Titio petatur; de eo hæc distinctio tradita est. Siquidem stipuletur dari; inutiliter uni heredi caveri, quia nihilominus acquiratur omnibus heredibus. Sin alia cautio sit, quam dandi: eam soli ei heredi acquiri, qui stipulatione est comprehensus, non item cæteris: cuius generis est, si stipuletur defunctus sibi et Titio heredi, quod in faciendo est, veluti ire, agere: aut paciscatur ne a se, aut ne a Titio herede petatur. Hoc de stipulatione ius traditum est in *d. L. continuus, §. ult. infr. eod.* de superiore autem pactione in *d. L. avus, supr. de pac.* Et quod ad stipulationem dandi attinet, qua quis sibi et Titio heredi decem dari stipulatur, non usque adeo obscuram rationem habet, quod placeat ex hac stipulatione non soli Titio acquiri, sed necesse esse acquiri omnibus heredibus. Cum enim defunctus primo sibi stipulatus est, statim illi quæsitæ est stipulatio, et obligatio; quæ si est perpetua, ut est, nec personæ defuncti coheret, non potest, quin ad omnes heredes transeat, pro qua parte sunt heredes: cum si hereditas successio est in universum ius; quod defunctus habuit *L. hereditas, inf. de reg. iur. L. nihil aliud, inf. de verb. sig.* oporteat omnem heredem, quatenus heres est, in id ius omnes succedere. *L. heres in omne, supr. de acq. her.* Ideo quæ in omnibus sunt, ut ad heredem unum transeunt, cum est unus tantum defuncto heres: *d. L. heres in omne*: sic transeunt ad omnes, cum plures heredes sunt, et quidem ita, ut ipso iure inter eos in portiones hereditarias ex lege duodecim tabularum dividantur. *L. ea quæ, C. fa. ercisc.* Sed cum conveniatur, ut uni tantum decem darentur, cur defuncti conventio rata non est? Quia est contra ius: stipulatur enim uni decem sibi debita. Prius eliciat, ne sibi debeantur; tum eveniet, ne quod uni tantum stipulatus est, perveniat ad cæteros: si ei debebuntur, ius non patitur, ut quod ipsius sit, ad unum tantum transeat, non ad omnes. Quod si ad omnes transit, quomodo unius fieri potest, quod ius vult fieri omnium? Nam quod quidam dicunt ideo uni tantum ea decem acquiri non posse, quia ultra portionem hereditariam extraneus sit; extraneo autem stipulari non possumus: vereor ut satis sit tutum. Etenim si in his nihil pertineret ad cæteros, iustissimo nihil prohibere, quominus defunctus uni ex heredibus recte

recte decem stipuletur, ut ei solida acquirantur, quasi solida ut heredi stipulatus sit, non ut ulla ex parte extraneo, de qua re postea. Sed etsi defunctus decem sibi, et Titio heredi stipulando, soli Titio obligationem decem querere non potuit; tamen cum appareat voluisse ipsum, ut uni Titio ea deberentur, unus Titius peteret; an non saltem ceteri heredes, si petant, exceptione pacti immoveri possunt? Minime: non quod non tacite convenerit, ne ceteri petant; sed quia hæc conventio sit sub conditione, si decem Titio debeantur, quæ et illi soli dari defunctus voluit. Quæ conditio cum defecerit; vel ex voluntate ipsa defuncti conventioni locus esse non potest. Similiter ut cum defunctus promissit se et Titium heredem suum daturum, et responderetur ceteros coheredes non minus teneri, quam Titium, omnes autem proportionem hereditaria. *L. cum, qui ita, §. 1. eod.* Quid, si promissor paratus sit Titio heredi decem promissa solvere, an non videtur ei permittendum esse facere; et, si ultro solverit, non videtur satis hoc esse ad liberationem, quasi superiore stipulatione si non obligatio; at certe solutio in eum collata sit, ut fit, cum stipulor mihi aut Titio decem dari? *§. plane, Inst. de inut. stip.* Nullo modo: cum enim ita stipulamur coniunctim, mihi et Titio dari, Titius non solutionis, sed obligationis causa adicitur. Quæ res facit, ut si Titio acquirere non possim, non solum is non possit petere, quod inutiliter sum stipulatus, *L. si mihi et Titio. 110. infr. eod.* sed etiam non possit ei solvi, qui solutioni adiectus non fuit. Arg. in *L. cum, qui ita, §. qui sibi, in fin. infr. eod.* Habet igitur, ut dixi, rationem, nec eam obscuram, quod placet in stipulatione dandi, si quis quid stipuletur sibi dari, hoc evenire, ut idem frustra stipuletur uni ex heredibus, quo ei totum acquiratur: quia necesse sit omnibus acquiri; et ideo sit necesse, quia cum obligatio constituitur in persona defuncti, non possit, quin ea ut cætera omnia defuncti ad omnes heredes perveniat. Sed non item expedita est pars altera distinctionis superscriptæ. Quinimo ex ea ipsa ratione, quam de stipulatione dandi modo reddidimus, incidit ea pars in difficultatem. Nam et cum quis stipulatur sibi et Titio heredi ire, agere licere, acquiritur stipulatio defuncto non minus, quam stipulatio dandi, cum defunctus sibi et Titio heredi dari stipulatus est. Nec minus acquiritur ei pacti exceptio, cum paciscitur, ne a se, neve a Titio herede petatur. Cur igitur et huius

generis stipulatio, et item pactio ad omnes heredes pariter non transit? Quod si transit, an non eadem ratione efficiatur, et quod nobis fieri stipulemur, non posse per nos uni ex heredibus acquiri, quia necesse sit iure hereditario acquiri omnibus? Eademque pactionis illius ratio est: quod tamen in utroque genere contra receptum videmus. De stipulatione faciendi ita scriptum est in *L. continuus, in fin. infra, at cum quid fieri stipulamur, etiam unius heredis personam recte comprehendit. Recte, valet utiliter, ut quemadmodum uni tantum stipulati sumus; ita quod sumus stipulati, id ei soli acquiratur, nec necesse sit omnibus acquiri: contra quam prius de eo, quod dari stipulemur, definitum erat. De pactione superiore definitio clare scripta est in *d. L. avus, sup. de pac.* heredi consuli concessum esse: nec quidquam ob stare uni tantum ex heredibus providere, si heres factus sit; cæteris autem non consuli: idque in persona eius traditum est, qui neptis nomine dotem promiserat, et pactus erat, ne a se, neve a filio suo herede dos peteretur. Ego vero non dubito, quin si stipulatio faciendi, aut pactio defuncto quæ sita ad heredes transeat, defunctus qui sibi fieri stipulatus est, aut pactus ne a se petatur, non possit idem uni ex heredibus cavere, non magis, quam si stipulatus sibi dari, idem stipuletur dari uni ex heredibus. Semper enim tenendum est, quod omnibus heredibus acquiri necesse sit, id uni per defunctum acquiri non posse. Quapropter si quod defunctus stipulatus sit sibi fieri, placet id eum uni ex heredibus cavere posse; item si in eo quod pactus est, ne a se petatur, placet eum paciscendo posse efficere, ne ab uno ex heredibus petatur: sciamus huius iuris nullam aliam causam videri posse, quam quod neque stipulatio faciendi, neque pactio, qua quis sibi et uni heredi caverit, ad heredes pertineat præter eum, cui defunctus nominatim stipulatus, pactusve sit. Sic enim fit, ut quoniam obligatio, aut exceptio non acquiritur aliis, ideo nihil obstat, quominus uni tantum, cui acquiri potest, utiliter caveatur. Quid ergo, stipulatio faciendi defuncto quæ sita, itemque exceptio iure hereditario ad heredes, ut cætera iura omnia non transit? Sane vero non transit, cum is stipulatus aut pactus est sibi et Titio heredi. Non enim satis est obligationem, aut exceptionem defuncto esse quasitam, ut transmittatur ad heredes, nisi etiam sit perpetua. Nam si erit personalis, non magis transibit ad heredes, quibus nihil nominatim cautum erit, quam*

quem si defuncto nunquam esset quaesita. *L. non solum, §. tale, supr. de lib. leg.* In quo istarum rerum discrimen constitit. Nam cum sibi deri quis stipulatus est, obligatio dandi ut defuncto quaesita est, ita est perpetua, uti et ses, quae in stipulatum delucitur, quam constat cum persona defuncti non extingui. *L. obligationum ferre, supr. de ob. et act. L. nemo, supr. de leg. 1.* Eo fit, ut si defunctus sibi soli stipuletur, sive adiuncta unius heredis persona, tamen semper obligatio hereditaria ad heredes necessario iure transeat. Non enim quis simul heredi Titio stipulatus est, idz obligationem sibi quaesitam sustulit, aut ab ea recessit. At cum stipulatur quis, quod in faciendo sit, puta ire agere licere sibi et Titio heredi suo, quaeritur quidem faciendi obligatio stipulanti, uti et superior; sed haec personae stipulantis cohaeret, et cum persona eius extinguitur. Quod in faciendo est, id omnes veteres iuris auctores sic exceperunt, quasi personam faciendis natura non egrediretur. *§. sed cum factum, Inst. de stip. ser.* Unde haec stipulatio, *ire agere licere spondes?* comparatur illi, *ut frui licere spondes?* cum tamen hanc posteriorem, quae de usufructu est, constat plane esse personalem. *§. si quis ita, supr. ead. L. 1.* Secuta est postea Iustiniani constitutio *L. veteris, C. de cont. et com. stip.* qua placuit omnem stipulationem sive in dando sit, sive in faciendo, et ad heredes et contra heredes transmitti, etsi specialis heredum mentio non fiat. Sed haec constitutio ad eum, qui sibi et uni ex heredibus quid fieri stipuletur, non pertinet; neque in eo ius vetus, quod fuit de hoc genere stipulationis non transmittendo immutat. Agitur enim in illa de eo, qui sibi stipulatur, aut adiuncta omnia heredum persona, aut contra omnia omnium heredum mentione, ut illa verba ostendunt, sive specialis heredum fiat mentio, sive non. Et quod vult stipulationem transire ad heredes, cum quis quid fieri stipulatur sibi et heredi suo, novum non est. Hoc et veteres in hoc genere adiuncta heredum persona admittebant, ut probatur in *d. §. si quis ita, supr. ead.* Quod iubet etiam tam stipulationem faciendi transire ad heredes, cum quis sibi fieri stipulatur, neque ullam mentionem heredum facit, est plane in eo, in quo a vetere iure discedatur: cum de sententia veterum stipulatio faciendi ut personae cohaerens ad heredes non pertineret. Sed tamen in eo nihil contra voluntatem contrahentium facit Iustinianus. Quinimo cum voluntatis quaestio sit, an

qui sibi tantum stipulatus est, simul etiam de heredibus senserit, ac proinde intelligatur his cavisse Iustinianus hanc ipsam voluntatem est interpretatus, et quasi sibi stipulando defunctus videatur etiam sensisse de heredibus, ita cavit, ut stipulatio ad heredes transiret. Ipse quidem in extremo eius constitutionis testatur se quod constituit, ideo constituisse, ne ex sublimitate ea, qua veteres utebantur, caderent hominum voluntates. In summa voluit Iustinianus stipulationem faciendi stipulatori quaesitam transire ad heredes, cum aut aperte de heredibus cavit defunctus aut de his tacens saltem verbis eos nos excludit. Nihil simile in eo, qui sibi quid fieri stipulatur, ut de heredibus cogitans, non simul omnibus heredibus caveret, sed sibi et uni ex heredibus stipuletur. Nam hanc quidem perspicuum est hoc animo esse, eoque et hoc ipsum agi inter contrahentes, ne quod ille stipulatur, acquiratur eius heredibus: quippe unum appellando aperte removit ceteros, ut qui unum ideo adiecit, ut significaret se huic soli datum velle post mortem suam, nolle ceteris. Arg. in *L. si cum dotem, in princ. supr. sol. mat.* Ad hunc constitutionem Iustiniani non pertinet. Neque enim recipi potest, ut quae constitutio est voluntatem contrahentium tuendam composita est, ea servetur adversus manifestam voluntatem. Et certe fatendum est, non ut res quae dari debent, ita facta, quae in persona stipulantis impleri debent, esse perpetua. Ut enim mortuo stipulatore heres eius eat agat ex stipulatione defuncti; nemo tamen adeo aversus a vero erit, ut dicat in hac re idem factum esse heredis, quod defuncti, eandem intrinsecus rationem: hanc rei naturam Iustinianus mutare non potuit. Quod constituit, ut nihilominus stipulationes faciendi ad heredes transirent; fecit, ut dixi, non naturam rei, sed voluntatem contrahentium secutus, dum interpretatur eos etiam cogitasse de heredibus, coniectura voluntatis ex communi hominum sensu ductae, eademque non incognita veteribus. *L. si pactam, supr. de prob.* Tolle hanc voluntatem: manebit natura rei integra; cum qua si concurrat etiam hanc voluntas contrahentium, ne stipulatio acquiratur, heredibus, nulle causa est, cur his acquiratur ac non mortuo stipulatore una cum eius persona natura sua interdicat. Ex quo eveniet, ut si defunctus stipulationem huius generis quibusdam heredibus quaesitam noluit, his utique non acquiratur: si quibusdam voluit, et his nominatum, ut sibi stipulatus est:

est: etiam his acquiratur, quia heredi consuli concessum est; *L. avus, supr. de pac.* et acquiratur quidem his solis, quia stipulatio faciendi, ut eatenus personalis, ad ceteros non transeat. Quapropter quodcumque factum erit, quod defunctus stipuletur sibi, et Titio heredi suo, sive erit individuum, ut mihi et Titio heredi meo ire agero licere spondes? de quo in *L. 2. §. item si in facto, supr. eod.* sive dividuum, ut, mihi heredique meo Titio nti frui fundo Tusculano licere spondes? (nsumfructum enim dividi posse constat. *L. 1. §. si ususfructus, supr. ad leg. fal. L. 5. supr. de usuf. et quem. quis ut,)* nunquam stipulatio omnibus acquireretur, sed uni Titio dumtaxat. † Quo loco facere non possum, quin fidem et iudicium ³ Bartoli, ac similia in hac specie valde requiram. Fidem, quod cum in *d. L. continuus, §. ult. infr. eod.* de facienda stipulatione indistincte scriptum sit, differe hanc a stipulatione dandi, et posse in ea unius heredis personam recte comprehendere: hanc sententiam ille pene omni ex parte mutare ausus est, ut prope totam everteret. Nam primum negavit eam veram esse, si factum esset dividuum, quasi in hoc genere inutiliter unius heredis persona comprehenderetur, sed stipulatio ad omnes heredes transiret. Deinde ne in factis quidem individuus eam admisit absolute, sed hac conditione, si ceterorum heredum, qui stipulationis verbis appellati non sunt, non interesset. Itaque si quis ita stipulatus sit, mihi, heredique meo Titio ire agere licere spondes? hæc stipulatio auctore Bartolo non acquireretur soli Titio, sed necesse erit eam acquiri omnibus heredibus, quia omnium interest ad fundum hereditarium communem commicare: quorum utrumque est contra manifestam eius loci, quem interpretari debebat, sententiam. In quo qua fide versetur, apparet. Sed in primis in hac interpretatione iudicium istorum requiro. Etenim interrogatus Bartolus, cur non potest faciendi stipulationem uni ex heredibus posse acquiri, respondet, quia facta sunt individua regulariter. Ridiculum: quasi non constet individui facti stipulationes æque transire ad heredes stipulatoris, ac facti dividi stipulationes: etiam si in factis individuus obligatio singulis heredibus acquiratur in solidum, quod quidem disputatione *L. 2. §. pen. et ult. L. 3. et h. Cato, supr. eod.* ita declaratur, ut nihil usquam scri-

ptum sit apertius. Imo, inquit, facta individua uni tantum acquiri possunt, quia interdum eius solius interest. Iam hoc impenitus dicitur. Nam si in hac re ratio habenda est eius, quod unius heredis interest, non debuerunt distingui stipulationes dandi a stipulationibus faciendi sed personarum eorum heredum quorum interest, ab his, quorum nihil interest. Tum autem stultum est eam conditionem ponere, quæ existere non potest. Ego autem non animadverto, quomodo possit usu venire, ut quod fieri intersit stipulantis, id stipulatore mortuo fieri non intersit omnium heredum; aut si quorundam non intersit, quomodo possit nuius alicuius solius interesse. Idque haud scio, an alia re ulla magis confirmetur, quam his exemplis, quibus ostendere conantur interdum evenire, ut unius tantum heredis intersit, quæ referuntur ab Accursio in *d. L. continuus, §. ult.* Id accidit, inquit, cum stipulatur quis insulam ædificari certo loco, et his locus uni ex heredibus prælegatur: quo exemplo neque est quidem a sententia eius loci, de quo agitur, alienius, neque minus quidquam id quod volunt, assequuntur. Primum ineptum hoc exemplum est, in quo defunctus non stipulatur sibi, et ei heredi, cui postea is fundus prælegabitur, ut sic deinde ei heredi soli ex cautione defuncti acquiratur. Nos enim de eo agimus, qui stipulatur quid sibi fieri, et nominatim unius heredis personam comprehendit. Deinde falsum est huic heredi, cui locus prælegatus est, obligationem ex stipulatione superiore soli acquiri, ac non etiam ceteris heredibus. Nam si ei locus iste prælegatus non esset, omnes non concederent eum aut nullam, aut certe non ultra quam heres esset, actionem habere. Atqui loco isto illi prælegato, ultra portionem hereditariam in eo fundo non est heres, sed legatarius: non igitur ultra eam portionem actionem habebit. Nam in ius defuncti legatarius non succedit. *L. quædam. §. 1. supr. de ed. L. ult. C. de her. act.* Postremo etsi daremus isti heredi ex superiore stipulatione actionem acquiri: tamen hoc teneremus, quatenus ei locus insule ædificandæ constitutus prælegatus est, eatenus non acquiri ei ut heredi, sed ut legatario. *L. in fideicommissariam, §. ult. supr. ad Treb.* Nos vero de herede agimus. Idem est, inquit, si

de

3) Et Contra. *d. C. 11. n. 15.* qui et ceteros si in stipulatione dandi res procius individas, non omnibus, sed

nominato acquiri vult. Ut si quis stipuletur num uni ex heredibus. *Arg. L. 19. de neu et hab. Sed cetero cetero.*

defunctus stipulatus sit viam ad eum fundum, quem postea nūi praelegat. At hoc exemplum istos plane iugulat. Ant enim soli huic heredi, cui fundus praelegatus est, volunt stipulationem, seu actionem acquiri; omnibus heredibus. Si ei soli; distinctionem inter stipulationes dandi et faciendi a veteribus traditam, quam et ipsi statuerant, evertunt: nam stipulatio servitutis non faciendi stipulatio est, sed dandi. *L. si unus, supr. de ser. rust. praed. L. 3. supr. de usufr.* Ita fiet hoc exemplo istorum sententia, ut etiam stipulatio dandi nūi ex heredibus acquiri possit, ut et faciendi. Sin voluit stipulationem propositam acquiri omnibus heredibus, etsi is fundus, cui servitus acquiri debet, uni sit praelegatus; ipsi se oppugnant, et probant in faciendi obligationibus etiam tam, cum unius heredis interesse admittant, stipulationem non ei heredi, cuius interesse volunt, soli acquiri, sed omnibus. Sic res habet, ut hic fundo uni ex heredibus praelegato, ceteri heredes ex stipulatione hereditaria agere, et ut servitus ei fundo constituitur, petere non possint: nemini enim alieno praedio servitatem acquirere potest, aut imponere. *L. 4. L. si quis duas, supr. com. praed.* Sed non eo fit, quia defunctus non a principio servitutem sibi et heredibus suis recte stipulatus sit; sed quia fundum, cui servitus destinata erat, nūi praelegando, et ita fundum in eum transferendo, ceteris inutilem fecit stipulationem, in eum casum deducendo, a quo incipere non poterat. *L. pro parte, supra, de ser.* Nihil hic proprium heredum. Nam et ipse sibi testator stipulationem servitutis corrumpere, si fundum, cui servitutem erat stipulatus, alienasset. *dict. L.*

47 *pro parte.* † Quare ut concludatur hic locus de stipulationibus faciendi heredi acquirendis, omnino ita statuendum est. Si vi stipulatio faciendi perpetua est, sive personae cohaeret; stulte quaeritur, cum de hac quibusdam ex heredibus non acquirenda agitur, utrum stipulatio sit facti individui, an dividui; et utrum eorum heredum, quibus quaesitam volumus, intersit illis acquiri, an non intersit. Nam cuiuscunque modi factum in stipulatum deductum fuerit, et quorumcumque tandem heredum utilitatem contineat; semper hoc erit in hoc genere, ut stipulatio aut pariter sit perpetua, aut pariter personalis. Si perpetua est itidem ut dandi; valde errant, qui putant fieri posse, ut quod quis sibi fieri stipulatus est, quaecumque factum id erit, non acquiratur omnibus heredibus: cum id existet in omnibus ius idem, at necessitas ead-

dem accessionis. Quod si faciendi stipulatio personae cohaeret (ut certe cohaeret, cum id actum esse apparet, ne transiret ad heredes, ut supra dilucide probavimus; idque etiam ad facta dividua pertinet, ut si quis stipuletur sibi uti frui licere. §. *si quis ita; supra, ead. L.*) non modo non necesse erit, mortuo stipulatore stipulationem acquiri heredibus, quibus defunctus cautum noluit, sed ne poterit quidem acquiri, quae morte defuncti extincta est. Ex quo evenire necesse est, ut si defunctus uni tantum ex heredibus eam stipulationem quaesitam voluit, dum sibi et Titio heredi stipulatur, hunc ipsi heredi ita acquiratur stipulatio, ut acquiratur soli, postquam effectum est ad eos heredes, quibus defunctus cautum noluit, stipulationem personalem transire, illique acquiri non posse. Quare stipulationis faciendi ratio est, eadem est at pactionis, qua paciscitur quis, ne a se, neve a Titio uno ex heredibus suis petatur. Quod enim paciscitur quis, ne a se petatur, in eo personale pactum est paciscentis personae cohaerens. *L. iurigentium, §. pactorum, supra, de pac.* sed tum maxime et citra controversiam, cum apparet defunctam heredes exclusisse: quod tunc accidit, cum illa heredum mentionem faciens nūi tantum ex his cavet. Nam ut in stipulatione faciendi fieri dixi, sic et in pactione accidit, ut unus tantum adiectione aperte declaret se huic soli idem, quod sibi tributum velle, ac provida nolle ceteris. Quod cum ita sit, necesse est, pacti exceptio ex hac conventionne, aut nulli ex heredibus acquiratur, aut acquiratur ei soli, cui a defuncto cautum est. Nulli acquiri, eoque nec ei cui cautum est, dicere non licet. Semper enim hoc tenendum est, heredi consili concessam esse. *L. avus, supra, de pac.* Restat igitur, ut ei soli, qui nominatus est, recte cautum sit; postquam ad alios non pertinere conventionem effectum est. Si dandi stipulatio, qua nūi ex heredibus cautum est, nullo modo ei acquiri possat, na pro parte quidem, posset antem ei acquiri exceptio ex defuncti pactione: esset in promptu, quod ad explicandam huius differentiae rationem responderemus: id videlicet quod ab Accursio traditum ad *d. L. avus.* Bartolus ibidem probavit, et doctis quibusdam postea placuisse video, ut diceremus eo fieri, quia promiores esse debeamus ad liberandum. *L. Arrianus, supr. de obl. et. act.* Nunc autem cum quis decem stipulatur sibi, et Titio heredi, aut stipulatio eiusmodi, quae etsi non acquiratur Titio in soli-

dum

dum, acquiratur tamen illi, iidem ut ceteri heredibus pro portione hereditaria; et quidem ita, ut si paciscatur defunctus, ne dos quam debet, a se, neve a Titio herede petatur, nihil amplius ex hac pactione acquiratur Titio, quam acquireretur illi ex stipulatione superiore. Acquiratur enim ei ex pactione exceptio; sed utique proportionem hereditaria, quam debuit, non in solidum, quia solidum ex obligatione hereditaria non potuit debere. Quod si ita est, quid etiam, quomodo, causari favorem liberationis, quo citius hac acquiratur, ubi fateamur non magis eam a defuncto acquiri posse uni ex heredibus, quam obligationem? Et certe hoc ita est, ut nunquam hoc tam absurde dictum fuerint, si statuissent uni ex heredibus etiam stipulationem dandi eodem modo acquiri, ut exceptionem. Nunc autem hoc loco non statuerunt; non quod nescirent obligationem hereditariam transmitti ad omnes heredes pro hereditariis portionibus; sed quod hoc loco non venisset in mentem hoc significari, stipulationem hereditariam omnibus heredibus acquiri. Apparet autem deceptos esse verbis eius loci, quem interpretabantur. Nam cum in *L. continuus*, §. *ult. infr. eod. scriptum esset, quod dari stipulemur, non posse per nos uni ex heredibus acquiri*, illi neglectis his verbis, quæ sequebantur, prima illa sic acceperunt, quasi stipulatio dandi nullo modo posset acquiri uni ex heredibus. In quo, non dicam indicium, quod viris eruditissimis non defuit, sed paulo maiorem attentionem desidero. Non enim animadvertenter, quod dicitur stipulationem dandi uni ex heredibus per nos acquiri non posse, non ita dici, quasi non possit alio modo, sive nulla ex parte acquiri, sed ut intelligamus non posse illi soli; sequitur enim; *sed necesse est omnibus acquiri*. Omnia sic res habet, ut si de eo herede quaeritur, cui defunctus cavet, semper si ex æquo at stipulatio acquiratur, et exceptio ex pactione: ut in eo differentia, quæ nulla est, non sit ratio quaerenda. Sed hoc distat stipulatio dandi ab exceptione; quod illa simul acquiratur ceteris, idque ita necesse est: exceptio autem non ceteris, sed ei soli, cui a defuncto cautum est. Cuius differentia ratio si quaeritur, non alia reperiatur, quam quod stipulatio dandi defuncto quaesita, ut est perpetua, ita et defuncto etiam ad heredes transeat: exceptio autem quamvis eidem quaesita tamen cum sit personalis, una etiam cum persona extinguatur atque ita fiat, ne transeat ad alios, quam de quibus no-

minatim cautum est. Proinde verissime scriptum est in *dict. L. avus*, ceteros heredes exceptione conventionis tuendos non esse; eum vero cum cautum est, exceptione conventionis recte usurum: quippe heredi consuli concessum esse, nec quidquam obstare uni tantum ex heredibus providere, si heres factus sit; ceteris autem non consuli. Hic tamen hæc quaeruntur. Quia enim iam dixi pactionem, qua quis paciscitur, ne a se, neve a quibusdam ex heredibus petatur, personalem esse, et non egredi personas eorum, qui conventiones sunt comprehensi: cur ita dicitur pactio personalis esse potius, quam dandi stipulatio? Dicitur eadem ratione, qua et stipulatio faciendi. Nam et hæc pactio in faciendis est; qua nihil amplius continetur, quam ne quid fiat cum certis personis, idest, ne ab his petatur, ne iudicio cum his agatur. Quod genus facti si cum quibusdam personis exerceri non potest, non ideo quidquam prohibet, quoniam minus cum aliis possit exerceri natura, ubi res videlicet ando facto continetur, non in re: idest, ubi defunctus nihilominus adhuc in re teneatur, ut ante, et tamen convenerit, ne ab eo petatur, quod contingit ex hac pactione. §. *præterea, Inst. de exc.* Sed an non et de hac pactione ita traditum est in *L. si pactum, supr. de prob.* si pactum factum sit, in quo heredis mentio non fiat, nihilominus et exceptionem pacti heredibus competere, quasi et hac convenerit, ne ab his petatur; quia plerumque tam heredibus nostris, quam nobismet ipsis caveamus? Traditum est: sed adiciatur id tunc fieri, cum quaeritur, an id actum sit, ut ipsius dumtaxat paciscentis persona eo statueretur. Quo uno maxime confirmatur contra esse, ubi constat defunctum sic pactum esse, ne a se tantum, aut ne a se et quibusdam heredibus peteretur; de quo agimus. Quid, an non illud interdum falsum est, quod dicitur nihil obstare, quominus uni tantum ex heredibus provideatur, ceteris autem nequaquam? Quod ut possit existimari, facit *L. cum, qui ita, §. f. infr. eod.* ubi in hac specie, me et Titium heredem meum decem datarum, scribitur tacite convenisse videri, si plures sint heredes, ne ab aliis heredibus, quam a Titio peteretur; et tamen dum Titio eadem exceptio comparata non est, placet etiam ab aliis itidem et et Titio pro portione hereditaria peti posse. Sed nihil in universum verum est, quam uni tantum ex heredibus consuli concessum esse: nec vero quidquam absurdius, quam si incipiat dici, quod recte alicui cautum sit, idem ad

illius

illum pervenire non debere, quia non tantumdem in ceteros conferatur. An quia omnibus consultum non vult defunctus, ideo illi quorundam, de quibus visum est, meliorem conditionem facere non licet? Beneficii et liberalitatis est alicui cavere: proinde voluntatis et arbitrii; ut appareat liberum cuique esse debere, in quasi velit, et quando ac quantum velit conferre, arg. in *L. 2. sup. de proc. L. in commodato, §. sicut, sup. com.* An potius ideo uni heredi exceptione pactionis uti non licet, quia ceteri eandem exceptionem non habent? Et quæ tandem lex reperta est unquam tam iocunda, ut ideo quemquam vetaret aliquid habere, quod alii idem non haberent? Ego desinant homines sua tenere, quia tam multis aliis eadem desunt: quo nihil dici potest absurdius. Quomodo vero contra colligi debuit hoc modo. Quibus heredibus defunctus paciscendo non cavit, hi exceptione pactionis non utuntur, quia defunctus his quæsitum noluit. Ergo cui nominatim cavit, in pactionis exceptione defendetur, contraria de causa, quia defunctus hinc consultum voluit. Non adversatur huic sententiæ, quod supra retuli ex *L. cum, qui ita, §. 1. infr.* non enim in ea specie conventio aliis heredibus, quibus tantum est, non prodast, quia Titio eadem exceptio a defuncto non est quæsitæ; sed quia id ipsum actum est, ne prodasset; vel verius, quia omnino nihil convenit. Observabimus enim illic conventionem quidem fuisse, ne a ceteris heredibus peteretur; sed conventionem sub conditione, si Titius tota decem a defuncto promissa deberet, et præstaret: quæ conditio non existit, ut ex ipso loci cognoscatur. Quidquid autem sub conditione promissum, tantum est, conditione non impleta perinde est, quasi tantum non esset. *§. sub conditione, Inst. eod. L. cedere, inf. de verb. sig.*

- 48 † Postquam constitutum est posse unumquemque ita cavere heredi suo, ut possit uni etiam ex pluribus, quamvis non caveat ceteris: videndum est, quod sequitur, quam utiliter uni stipulari et pacisci liceat, id est, quatenus id, de quo cautum est, ei cui cautum est acquiratur; utrum totum, quantum in stipulationem et pactionem deductum est, an pro parte dimittatur, quemadmodum et heres pro parte tantum heres est, non in solidum. Et puto quodcumque et quantumcumque libet nos uni ex heredibus nostris et stipulari et pacisci posse, ut totum quod volumus, si acquiratur, quoadin stipulatio et pactio in ea causa erit, ut nihil inde ac-

quiratur ceteris; de quo nunc agitur. De stipulatione faciendi inter omnes convenit, si id de quo cautum est, individuum sit: veluti, si quia stipuletur sibi et Titio heredi suo ire, agere licet: quia quod divisionem non recipit, aliter quam in solidum singulis heredibus acquiri non possit, *L. 2. §. ex his, sup. eod. L. via, infr. de servit. L. heredes, §. an ea, sup. fa. etc.* Itaque de hoc genere facti vulgo interpretantur illud, quod in *L. continuus, §. ult. infra scriptum est, cum quid fieri stipulamur, unius heredis personam recte comprehendit.* Sed atsi defunctus pactus sit de eo, quod debet, na id a se, neve a Titio herede suo petatur, nemo dubitet, quin quatenus a Titio petetur, in tantam summam illi acquiratur exceptio: quia quantumcumque id erit, quod ab eo animo iure petatur, solum erit portio hereditaria: nam ultra portionem hereditariam heres in æs defuncti non succedit. *L. 2. C. de her. ac. L. pacto successorum, C. de pac. L. ea, quæ, C. fa. er.* At quid si defunctus decem tota stipulatus sit Titio uni ex suis heredibus? Hic quidem soli Titio ex hæc stipulatione acquiri diximus. Sed utrum tota decem? nam decem divisionem recipiunt, et recipiendum non est, ut heredi amplius acquiri possit quam pro portione hereditaria: quoniam extra hanc partem heres non est. *L. cum a matre, C. de rei vind. L. pen. C. de her. act.* Quo fit, ut ultra hanc sit extraneos. Porro extraneo per nos acquiri nihil potest. *§. ex his, Inst. per quas pers. no. acq.* Quid, si stipulatus quis sit sibi, et Titio heredi, quod sit in faciendo, sed divisionem eodem modo recipiat; puta, sibi et Titio heredi uti frui liceat? Et hic quoque soli heredi Titio acquiri posse supra diximus. Sed an ut illi toto fundo, de quo actum est, uti frui liceat, an vero pro parte tantum, cum usufructus possit dividi? *L. 5. sup. de usufr. L. 1. §. si usufructus, sup. ad leg. fal.* Vulgo statuitur et illic partem tantum decem, et hic ins utendi fruendi pro parte tantum Titio posse acquiri: eadem illa ratione videlicet, quam supra posui, quia heredi acquirere non possumus, nisi pro portione eius hereditaria. Ego existimo, quemadmodum ex utraque stipulatione soli Titio acquiritur, ut videtur nobis satis probasse; ita et ex priora solita decem illi acquiri, et ex posteriora solidum ius utendi fruendi toto eo fundo, de cuius usu illi acquirere cautum est. Quod non obscura declaratur verbis d. *L. continuus, §. ult. infr.* si quis ea paulo attentius consi-

deret. Primum quod id, quod dari stipulatur, non possit soli Titio ex pluribus acquiri, hæc causa illic significatur, quia necesse sit id acquiri omnibus; et vero alia causa reddi non potest. Quare quæcunque in ea causa erit stipulatio, ut inde cæteris nihil possit acquiri, causa cessante evenire dicendum est, ut si uni Titio recte cautum est, soli ei totum acquiratur utpote cæterorum concursu nulla ex parte imminutum, argum. in *L. unic. supr. sin. vera nemo, C. de cad. tol.* Deinde de stipulatione faciendi ibidem ita scriptum est, cum quid fieri stipulamur, unus heredis personam recte comprehendit: quæ verba hanc sententiam habent, recte et utiliter comprehendit, ut scilicet quantum defunctus ei stipulatus esse fieri, tantum ei acquiratur: alioqui nihil hæc stipulatio diffunderet a stipulatione dandi. Nam et in dandi stipulatione recte comprehenditur unus heredis persona, si tantum partem ei acquiri volumus: quandoquidem et illi pars ex huiusmodi stipulatione acquiratur, ut sæpe iam diximus. Superius autem de stipulatione faciendi simpliciter, et infinite scriptum est, ut si quis de facto individuo dictum esse interpretetur, non etiam de individuo, is, et contra verba aperte faciat, et sententiam loci pervertat, ea genera in hac re distinguens, quæ constet uni rationi esse subiecta: sunt enim ex æquo personalia omnia: qua ratione efficitur, ne ad heredes transeant. Proinde et in factis dividuis hæc eius loci sententia est, etiam in his ipsis factis quæ quis sibi stipuletur, unus heredis personam sic recte comprehendit, ut ei tota stipulatio acquiratur. Postremo hæc ratio non potest refelli. Etiam uni heredi consuli et, caveri posse certum est. *L. avus, supr. de pac.* Quapropter nisi quid impediatur, quominus decem tota, aut tota ducenta, aut toto aliquo fundo uti frui licere uni ex heredibus cavere possim, conveniens est ei facultati quæ mihi ius tribuit, ut quod cavi, totum uni illi, cui cavi, ex mea cautione adquiratur. At quod impediatur, nihil esse reperietur. Iam primum cæteri coheredes huic heredi partem non auferent; postquam de ea stipulatione et pactione questio posita est, in qua effectum est, cæteris heredibus, quibus cautum non est, nihil inde acquiri. Quod autem dicitur non posse nos uni ex heredibus acquirere, nisi pro portione hereditaria, quo dicto videmus præcipue moveri cæteros; aut in his rebus, quæ inter heredes non dividuntur, de quibus agimus, falsum est;

aut si in universum recipimus, dicendum est nihil hic acquiri ultra portionem hereditariam, quàmvis uni totum quod cautum est, acquiratur. Quæcunque enim divisionem inter heredes non recipiunt, ea videmus unicuique ex heredibus acquiri in solidum, alias omnibus, singulis tamen in solidum, ut servitutis stipulationem: *L. 2. §. ex his, supr. eod. L. vice, supr. de ser.* alias uni tantum ex omnibus, idque itidem in solidum, ut facti individui stipulationem: veluti cum quis stipulatus est sibi, heredique suo ire agere licere, de quo inter omnes convenit ex *d. L. continuus §. ult. infr.* Neque ideo quisquam metuit, nedum id fit, videatur ultra portionem hereditariam uni acquiri. Quam causam esse dicemus? Et necesse est dici alterutrum. Aut enim quod non dividitur inter heredes, potest uni acquiri etiam ultra portionem eius hereditariam; aut si non admittimus cuiquam heredi acquiri posse, nisi pro portione hereditaria, id est, quatenus heres est, quod est verius: certe hoc tenendum erit, cum id quod divisionem non recipit, uni solidum acquiratur, nihil ei ultra portionem hereditariam acquiri, sed totum, quod acquiratur, numerandum esse in portione eius hereditaria; quod et ipsum vere dicitur. Id enim demum ultra portionem hereditariam acquiri dicendum est, quod inter plures heredes dividi potuit et debuit, ut sic iure plures sint eius rei portiones hereditariæ; et tamen uni ex heredibus tribuitur ultra, quam est heres. Quod si quid non dividitur inter plures heredes, eius nulla pars potest intelligi, quæ distinguatur a portione unius hereditaria, ut sic dici possit ultra eam acquiri. Sed utrum sit verius, nihil nunc ad rem pertinet: satis est intelligi verum esse alterutrum. Utrumvis placebit, utroque efficitur, quod volumus, nihil obstat videlicet superius dictum de re heredi ultra portionem hereditariam non acquirendam, quominus quod inter heredes non dividitur, uni recte acquiratur solidum. Atqui tale est, quod etsi natura divisionem recipiat, tamen defunctus uni heredi ita cavit; ut inter heredes non possit dividi; quia non possit ad cæteros, quibus cautum non est, pertinere, de quo nunc quaerimus. Quapropter nihil relinquitur, quod impediatur, quominus et hoc uni ei, cui cautum est, uti cautum est, acquiratur. Et cur non stipulationem dandi uni heredi adscriptam æque indivisam putemus, quo acquiratur uni, ut indivisam putamus facti individui stipulationem, eaque de causa

pos-

posse uni acquiri? Nam quantitas, et res alia quævis natura dividua in stipulationem deducta, ipsa per se divisam stipulationem non facit, sed personæ inter quas ea res ex stipulatione debet dividi. Itaque si pluribus eodem tempore summa adscripta est, enumeratione ipsa personarum divisa quoque in singulas personas esse intelligitur, ut est in *L. cui fundus, supr. de cond. et demon.* Sed etsi uni tantum defuncto adscripta sit ab initio, sic tamen ex eventu dividitur, si res a defuncto ad plures heredes pervenit, pro numero videlicet eorum, inter quos iure dividitur: pro portionibus tamen hereditariis. *L. in executione, §. 1. infr. eod. L. ea, quæ, C. fa. etc.* Quod si uni personæ summa et res adscripta est, neque ex numero heredum ea scinditur: pro certo habetur in *d. L. cui fundus, de cond. et dem.* eam orationem, qua universa summa semel adscripta est, esse indivisam. Sit ergo et in huiusmodi stipulatione idem ius, quod in faciendi stipulatione; quam, quia indivisa sit, ideo volunt uni ex heredibus acquiri posse. Quæ si ita sunt, consequens est, quibus in causis uni ex heredibus ita stipulari possumus, ut non sit necesse id acquiri cæteris, in his ipsis hoc idem evenire, ut quod uni stipulati sumus, ei solidum acquiratur. Atque hæc si in stipulatione recipimus, multo magis in conventionem liberandi heredis causa interposita recipiendum est, ut quantum quisque pactus sit, ne ab uno ex heredibus suis petatur, in tantum ei heredi pactio prosit, etiam si de eo pactio facta sit, quod heres suo proprio nomine totum debeat, non hereditario. Effectum est enim et hoc uni caveri posse, et quidem ita, ut certum sit ad alios heredes, quibus cautum non est, eam pactionem non posse pertinere. Sed sive uni heredi ex pluribus stipulatione aut pactione nostra acquiri volumus, sive simul omnibus, aut uni, qui solus sit, semper heredi caveri oportet. † Heredi stipulari aut pacisci intelligitur, qui aut sub appellatione heredis id facit, aut sub nomine proprio id cavet, quod nisi in heredem cadere non potest. Sub appellatione heredis, veluti, heredi meo ire agere licere spondes? vel coniunctim, Titio heredi meo. In heredem solum cadere potest ea pactio, qua paciscitur quis de eo, quod ipse solus debet, si paciscatur, ne id a se, neve a Titio petatur: quæ species est *L. avus, supr. de pact.* Ut enim non addiderit herede: non eo minus tamen conditione rei id comprehensum intelligitur, et quidem multo certius, quam ullis verbis. Non

enim peti a Titio iure potest, nisi is idem coeperit postea debere: nec potest incipere debere; nisi paciscenti heres exstiterit, ut sic in æs alienum defuncti succedat. Quod si quis stipuletur, aut caveat Titio, nulla heredis mentio facta, inutilis stipulatio et cautio est: et quamvis Titius caventi postea heres exstiterit, non eo magis convalescet cautio, quæ ab initio non valuit. *L. si tibi, §. si quis, supr. de pac. L. cum patrem, C. de iur. dot. L. quod initio, infr. de reg. iur.* Ac de secundo genere eorum, qui aliis stipulari et cavere possunt, idest, decessorum suis heredibus caventium satis diximus.

† Tertium genus reliquum est eorum, 50 qui alienorum bonorum administrationem, vel curam iure ita constituunt habent, ut in ea pro dominis habeantur. Quo in numero primum sunt omnes, quibus cum necessitate muneris publici administratio rerum alienarum coniuncta est, ut tutor, curator, actor civitatis, et interdum Magistratus: tum qui, his comparatur, procurator militis. Ac de prioribus illis tribus ita scriptum est in *L. eum, qui, §. actori, supr. de const. pec. Si actori municipum, vel tutori pupilli, vel curatori furiosi, vel adolescentis ita constituatur, municipibus solvi, vel pupillo, vel furioso, vel adolescenti: utilitatis gratia puto dandam municipibus, vel pupillo, vel furioso, vel adolescenti utilem actionem.* Quod de constituto dicitur, ad stipulationem, et cautionem omnem transferendum est. Non enim magis paciscendo aut constituendo alteri cavere licet, quam stipulando. *L. quo tutela, in fin. infr. de reg. iur.* Cur ergo et actor municipibus, et tutor pupillo, et curator adolescenti aut furioso cavendo acquirat? Quia hi propter munus publicum, et potestatem in eo munere in rebus administrandis ipsis traditam, domingrum loco habentur, quandiu eorum, quorum cura ipsis commissæ est, negotia administrant. *L. tutor qui tutelam, supr. de admi. tut. L. qui fundum §. tutor, supr. pro empt.* Si tutor pupilli loco est; consequens est, dum pupillo stipulatur tutor, et tutorem sub persona pupilli quodammodo stipulatum sibi: et vice versa pupillum quatenus ei expedit, sub persona tutoris ipsum sibi stipulatum videri: ut non sit mirum, si quasi sibi hic stipulatus esset, ita ei acquiratur stipulatio et actio; eademque ratio est de cæteris. Ita fit in hac quoque specie illud, quod initio posui, ut dum pupillus existimatur stipulari sibi, et ita agit, nihil videatur fieri in eo adversus regulam propo-

sitam, quæ alteri quemque stipulari vetat, non sibi. Sed pro dominis habentur, inquam, tutores, curatores, actores municipum; re vera domini non sunt. † Ideo ex istorum stipulatione et constituto non datur veris dominis directa actio, quasi illi stipulati essent, qui vere sunt domini; sed datur utilis in eo loco, quem supra retuli, quia hi caverunt, qui domino tanquam vere domini essent, cavere non potuerunt.

52 † Huiusmodi quædam administratio et potestas rei gerendæ, eoque et stipulationis alteri acquirendæ etiam Magistratui tribuitur in pupilli bonis, cum in quibusdam causis iniungitur Magistratui, ut cautionem a quibusdam personis pupilli nomine exigat, quo vel pupillo, vel pupilli heredibus caveatur: quod fit, et cum tutor datur pupillo; et cum pupillus arrogatur. Illic enim iubetur Magistratus exigere a tutore satisfactionem; rem pupilli salvam fore: *L. 1. §. si Magistratus, et §. exigere, supr. de mag. con.* Hic autem ab arrogatore, ut satisdet, se si pupillus intra pubertatem decesserit, restitutum quod ex bonis pupilli consecutus erit, illis ad quos res perventura esset, si arrogatus in suo statu mansisset. *L. nec ei, in fin. L. non aliter, et L. hæc autem, supr. de adop.* In quo cum res curanda committatur Magistratui, non dubium est, quin ei summa potestas eius rei pupillo bene gerendæ tanquam alteri domino committatur. Itaque in satisfactione a tutore exigenda placet curare debere Magistratum, ut si pupillus præsens est, et fieri potest, ipse stipuletur, quo iure publico sibi acquirat actionem adversus tutorem; et fideiussores. Si pupillus abest, aut fari non potest; proximum esse, ut servum pupilli, si quem habet, adhibeat, qui domino stipuletur, quo et ei recte acquiratur. Quod si nemo erit, qui stipulando possit pupillo acquirere; iam hoc permittitur Magistratui, ut aut stipuletur ipse pupillo rem salvam fore, aut si mavult, adhibeat quemvis alium, qui idem stipuletur pupillo: ac quemcumque adhibuerit, placet pupillo acquiri inde utilem actionem, itidem ut acquireretur ex stipulatione aut conventionione tutoris eodem modo pupillo caveritis. Hæc ex *L. 2. 3. 4. infr. rem pup. sal. fo. et L. 1. §. exigere, supr. de mag. con.* Nempe ideo, quasi is stipulatus sit, qui in ea cautione exigenda domini loco habeatur. Is enim est Magistratus, qui etsi alium stipulatorem adhibuerit; tamen perinde id habendum est, quasi ipse stipulatus esset cum is stipuletur, qui Magistratus iussu id faciat, et Magistratus vice in eo fugatur. In satis-

datione autem ab arrogatore exigenda statim curat Magistratus, ut servus publicus stipuletur ab arrogatore id quod supra diximus, ut est in *d. L. non aliter, supr. de adop.* Nempe quia res ita postulat. Cur enim non, ut supra, stipuletur pupillus, aut servus aliquis pupilli? Quia sit inutile. Pupillus enim qui in potestatem arrogatoris transit, si in eo statu decedat, heredem habere non potest: frustra autem stipuletur extraneis. Sed cur Magistratus ipse non stipulatur, aut alium non adhibet? Ego puto de servo publico scriptum esse dicta *L. non aliter, de adop.* quia melius et commodius est rem hanc per servum transigi, quam per liberum, et per servum publicum, quam per privatum, qui sit alienus, ut supra quoque ostendi. Cæterum in potestate esse Magistratus hoc idem stipulari, aut alium adhibere, qui idem faciat. Nam et de satisfactione, Rem pupilli salvam fore, scriptum est in *L. 2. infr. rem pup. sal. fo.* ubi non sit pupillus, qui stipuletur, aut alius, qui secundum regulas iuris pupillo acquirat, servum publicum apud Prætorem stipulari debere. At nihilominus aliis locis traditur et Magistratum dare posse alium, cui caveatur, et ipsum adeo Magistratum stipulari posse, ut *L. 3. infr. rem pup. sal. fo. et L. 1. §. exigere, supr. de mag. con.* Ergo Magistratus in his causis dominis stipulando, sive per se, id faciat, sive per alium, quem adhibuit, ideo dominis acquirat, quia in ea re sibi iniuncta vice dominorum fungitur: ut quasi sub persona eius ipsi domini stipulati essent, ita his actio acquiratur. † Sed quod in tutoribus, et similibus monuimus, hoc idem in Magistratu in his causis tenendum est, haberi quidem hic Magistratum pro domino, dum rem recte administrat; at non esse dominum re vera. Hinc esse, ut ex huius et aliorum extraneorum, quos ipse adhibuit, stipulatione, pupillo et his quibus cautum est, non nisi utilis detur actio ex stipulatu: *L. 4. infr. rem pupil. sal. fo.* similiter ut ex tutoris stipulatione, observari diximus: adeo ut nec si servus publicus stipulatus sit, placeat aliam actionem dari *d. L. 4. innecta L. 2. infr. rem pupil. sal. fo.* Et merito: servus namque publicus, civitatis aut universitatis servus est, non singulorum, ut ante diximus. *L. in tantum, §. 1. supr. de rer. divis. Tutoribus et curatoribus comparatur procurator militis in actione militi acquirenda, in L. si pecuniam, supr. si cer. pet. idque favore militum.*

Sunt ergo, ut ostendi, genera ista tria eorum, qui alteri stipulando ei obligationem acquirunt. Et sunt quidem sine controversia, atque ita, ut constet etiam evidens ratio, quamobrem excipiantur: non tamen ita, quin de his possit aliquid ex aliis locis dubitari; aut certe quin in tractatione veterum de his generibus videatur nonnihil desiderari posse. † Nam si 54 duo posteriora in hoc numero habenda sunt, cur sunt a veteribus in illis locis, in quibus ins de acquirendis obligationibus tradiderunt, prætermissa? Atqui hoc loco Ulpianus illa regula posita, Alteri stipulari nemo potest, tantum hac exceptione usus est: præterquam si servus domino, filius patri stipuletur. Ipsam adeo regulam iuris, qua in universum et diligenter de his, per quos nobis acquiri non potest, comprehensum est, ita conceptam videmus, ut soli excludantur, qui alieno iuri subiecti sunt, aut bona fide possidentur. §. *ex his, Instit. per quas pers. nob. ac L. si ita stipulatus, §. Chrysogonus, infra eodem.* Et ratio utriusque generis omittendi veteribus non defuit: neque eo minus recte fit ad explicationem regulæ propositæ, quod ea ex notis locis excipiantur. Nam quod ad secundum genus decessorum hereditibus caventium attinet, videri possunt illi ideo prætermissi, non quod non constaret inter omnes heredi cavere concessum esse, quod *ex L. avus, de pac. scrii potest*: sed quia heredes ita semper habiti sunt eadem persona cum defuncto, ut qui his stipularetur, magis sibi ipsi videretur stipulari, quam alteri: idque multo magis, quam cum servus stipulatur domino, aut filius patri. Nonquam enim tempus est, cum heres simpl atque heres esse cæperit, non succedat in ius, et locum defuncti, ut sic eadem persona efficiatur. *L. quædam, §. 1. supr. de ed. quod de domino et servo, de patre et filio dici nullo modo potest.* Sed tamen et heredes natura alii sunt a decessore suo: ut cum de his, qui natura alii sunt, quaerimus, non male rursum a nobis excipiantur decessores et heredes. Quod attinet ad tertium genus tutorum, et similium quos in eo genere posuimus; non mirum, si excepti non sunt a veteribus in explicatione superioris regulæ. Regulam eniuius Iuris Civilis tradebant: de quo iure agentibus non fuit necesse tutorum et similium personarum stipulationem excipere; cum hoc iure vere dicatur nec tutorem pupillo stipulari posse: idque vel ex eo apparet, quod ex istorum stipulatione non directam actionem dari placuit, sed utilem. *L. cum,*

qui, §. si actori, supr. de const. pec. Et tamen quia hic in verbis non hæremus, sed quaerimus de stipulationis in alterius personam collatæ effectui; in qua questione directa actio et utilis non differunt, quia utraque eiusdem est potestatis: *L. actio, supr. de neg. gest.* ideo etiam recte, et ad iuris cognitionem utiliter hos excipimus, qui ita dominis stipulari possunt, ut his actio utilis acquiratur ex stipulatione.

† Sed ut sunt tria hæc genera eorum, 55 qui alteri stipulari, et cavere possunt, eique et stipulando et paciscendo actionem vel exceptionem acquirere: ita sic statuta plura non esse; neque vera plura repentur. Scilicet præter superiores non sunt alii, qui eadem personæ habeantur; cum iis, quibus cavent: quia nullum potestatis vinculum, nullum successionis ius, nullum ius administrationis inter eos intercedit: quæ inter quos non interveniunt, quia alii atque alii inter se et natura et iure habentur, ideo in illis omnibus æquitas regulæ propositæ retinetur, ne quisquam ex his sic possit alteri acquirere, ut eo facto alterum lædat, aut oneret. Et fatentur alii vulgo neminem stipulando alteri directam actionem posse quaerere: sed, quod inprimis prope locis probari videtur, hoc defendunt multis in causis posse acquiri utilem: unde sunt illæ tot apud eos exceptiones. † Ego hoc sentio ne utilem quidem 56 alteri posse acquiri, si quis modo ita stipuletur, aut paciscatur alteri, ut res ex persona caventis initium obligationis non sumat, sed ex persona eius, cui cavetur, contra quam patitur regula iuris in *L. quæcunque, supr. de ob. et act.* Non dubitabimus hoc ita esse affirmare de omnibus, si quibus maxime tribui debere videbatur præter cæteros, ut quibusdam stipulando acquirere possent, his non concedatur; ut illis etiam utilem acquirant. Quod in procuratore, qui domino; in liberto, qui patrono; in filio, qui patri aut matri; in matre aut patre, qui liberis suis stipulantur, intelligitur. Nam si, qua æquitas hanc acquisitionem admitteat ex aliarum personarum stipulationibus, quam earum quæ superioribus generibus tribus comprehensæ sunt: hoc præcipue æquum erat, ut posset procurator universorum honorum stipulari domino, cuius negotia administrat, qui ut est, ita verè dicitur a Cicerone in oratione pro Cæcina, quasi quidam pene dominus, hoc est, alieni iuris vicarius. Si minus hoc tribueretur procuratori; at certe permitti liberto debuit stipulari patrono propter honorem patrono debitum, propter bene-

beneficium singulare libertatis, quo devinctus patrono omnia officia in illum conferre debuit: multoque magis ob easdem et graviore pietatis et coniunctionis causas idem tributum oportuit filii stipulationi, si is matri aut patri, cuius in potestate non est, stipuletur. Si ne his quidem hoc concedi placeret: saltem hoc relinqui debuit matri; si non matri; at certe patri, ut liberis suis liceret stipulari, et his hoc modo acquirere propter votum parentum et naturalem erga filios caritatem, argumens in *L. Caius in fin. supr. sol. matr. L. nam etsi, supr. de inoff. test.* Atqui in his omnibus constanter regula servatur, ut placeat ne istos quidem supra scriptis personis ita stipulari posse, ut vel utilem actionem his acquirant. Quod si ita est, non est, quod potestate acquirendi istis adempta, eam quaerendam putemus in cæteris. † Ac de procuratore ita scriptum est in *L. 1. C. per quas pers.* si procurator non sibi, sed ei cuius negotia administrat, redintegratæ rei vindicationem pactus sit, nullam domino, actionem acquisitam esse. An aliqua ex ea stipulatione actio acquireretur domino, quaesitum erat. Itaque si competeret utilis, de eo Imperatores responderent; quoniam ad rem omnino pertinebat, ut fecerunt iidem in *L. pater, C. de pac. con.* Quare etsi nihil aliud dicerent, quam actionem domino non esse acquisitam; tamen omnem, idest, etiam utilem denegari intelligeremus. Nunc autem aperte dicunt, nullam domino actionem acquisitam esse. Quibus verbis omnem actionem excludi manifestum est: proinde non directam solum, sed etiam utilem. Idem intelligitur non obscure ex *L. eum qui, §. Iulianus libro, iuncto §. si actori, supra, de constit. pec.* Nam in *§. Iulianus*, traditur, si quis constituat apud procuratorem se soluturum, valere constitutum, sed ita, si constituat se soluturum ipsi procuratori, non domino: quo declaratur, si apud procuratorem constituat se soluturum domino, constitutum non tenere, eoque nec domino inde quaeri actionem. Sed an ne utilis quidem domino dabitur? Et sequenti *§.* significatur ne utilem quidem domino dandam. Nam in *§. si actori*, distinguens Ulpianus in hac re actorem municipum, tutorem, curatorem a procuratore, de quo supra dixerat, scribit, si quis prioribus illis tribus constituat se soluturum municipibus, vel pupillo, vel furioso, vel adolescenti, putare se dandam municipibus, vel pupillo, vel furioso, adolescenti utilem actionem. Si hoc in his personis proprium ius

est, et distinctum a procuratore; apparet procuratorem domino cavendo ne utilem quidem actionem domino acquirere. † De liberto scriptum est in *L. si ita stipulatus; 126. §. Chrysogonus, infr. eod. his verbis. Sed quod libertus patrono dari stipulatus est, inutile est: ut nec ad solutionem proficiat adiectio absentis, cui principaliter obligatio quaerebatur.* Si ad solutionem non proficit adiectio absentis patroni, cui libertus dari stipulatus est, idest, si ex huiusmodi stipulatione ne solvi quidem potest patrono: perspicuum est patrono ex ea stipulatione nihil deberi, omninoque ex ea nullam esse patrono actionem, ne utilem quidem. Nam qui utilem actionem habet, is utique creditor est, eique utiliter debetur, quod ea actione potest ab invito consequi: *L. creditores, infr. de ver. sig.* in quo etiam et ipse omnibus aliis præferatur. *L. procuratori in rem, supra, de proc.* Creditori autem quod debetur, recte solvitur, proficitque ea solutio omnibus ad liberationem. Quare et libertus patrono stipulando ne utilem quidem actionem patrono acquirat. Quanquam et superiore dicto amplius quiddam complecti voluisse videtur Paulus: significat enim tantum abesse, ut possit patronus ex superiore stipulatione agere, ut etsi ultro ei ex ea stipulatione solum sit a promissore per errorem probabilem, tamen illi ea solutio non prosit: quod valet, solum ei condici posse, quasi nec natura ei debeat, ut supra quoque ostendimus. † Quam utiliter autem pascatur filius, aut filia patri, matrive, quorum in potestate non sunt, in persona filiae docet Papinianus in *L. inter, §. filia, supra, de pac. dot.* his verbis: *filia cum pro se dotem promitteret, pepigit, ut si in matrimonio sine liberis decessisset, matri suæ dos redderetur: pacto filiae nulla matri quaeritur actio: si tamen heres puellæ matri pecuniam dotis solverit, viro contra placita petenti dotem obstat exceptio.* Non dicit matri non quaeri actionem, sed nullam quaeri: quo et directæ, et utilis, et si qua alia Iure Civili intelligi potest, excluditur. Idem confirmat Paulus in *L. debitor, §. ult. supra ad Trebel.* Non alia matris causa est, pascens aut stipulantis liberis suis. Ut, si pascatur, ut dos a se data filiis suis restitatur, si ipsa in matrimonio decessisset: in qua specie cum quaeretur, an liberi conditione existente ex eo pacto dotem petere possent, cautum est in *L. pactum, C. de pac. con.* nisi liberi ipsi dotem sibi reddi essent stipulati, neque matrem

58

57

59

trem illis potuisse actionem querere, neque illos petitionem posse exsequi. Quod de pactione matris in supra scripta specie tantum est, hoc idem scriptum legimus de patris stipulatione in *L. si genero, C. de iur. dot. Si genero, aiunt Imperatores, dorem dando pro filia pater communis eam reddi tibi extraneo constituto (emancipatum filiam alloquuntur, qui patrem cum ea filia, de qua loquuntur, communem habuit) stipulatus est: nec sibi cessante voluntate, nec tibi prohibente iure querere potuit actionem. Sed quoniam in utroque rescripto de nullo actione nihil scriptum aperte est, dubitari potest, an nihil ea verba quae supra scripta sunt, impediunt, quominus utilem saltem ex utriusque parentis conventionem dari intelligamus. Et si nitilem dari posse intelligerent Imperatores, expressissent, ubi maxima conveniebat id intelligi, ne incertum aut potius delusum dimitterent consultorem. Non enim an filio directa esset actio querebat, sed an esset aliqua: ad quam consultationem qui apte respondere vellet, responderi deberunt actionem omnino non competere. Scio in *L. pater, C. de pac. con.* idem patrem paciscendo liberis actionem illis querere non potuisse, ubi tamen addicitur, etsi iure Civili hoc ita est; tamen ex aequitate accommodandam utilem actionem. Sed an ideo in superioribus rescriptis intelligimus nitilem relinqui? Imo hic unus locus arguit maxime, cum in illis superioribus simpliciter dicitur, patrem matremve una conventionem actionem filio querere non potuisse; ibi intelligi debere omnem actionem denegandam: quia cum utilis danda est, ea nominatim excipitur quod in superioribus rescriptis factum non est. Neque vero in illis aliter facere debeamus, quam ut cum interroganti, an aliqua sit actio, responderetur actionem non esse, intelligamus omnem denegare, idest, et directam et nitilem: id enim et verbis, et sententia convenit. Verba generalia sunt: proinde generaliter de omni actione accipienda, arguunt in *L. item veniunt, §. petitionem, ver. a quo, supra, de hered. pet. L. si servitus, supra, de sed. urb. praesentis ratio postulat, ut ea capiat interpretatio, quae vitio caret. L. in ambiguo, supra de legib. Est autem maxime vitiosum, si quia interrogatus, an nulla actio competat, responderet unam aliquam non competere, de reliquis quae vere competebant, alieat, de quibus tamen interrogatus erat: quod nihil aliud est, quam ad interrogatum non respondere. Sed nihil vi-**

tiosus, quam si verbo generali neges actionem queri posse, ubi secundum verba omnis actio excludatur; et tamen directam intelligas, non utilem; ut sic non solum silentio tuo incertum dimittas consultorem; sed etiam generalitate verbi deceptum in errorem inducas. Sed et in *L. si genero, C. de iur. dot.* quam actionem intelligant Imperatores filio ex paterna stipulatione queri non posse, ex praecedentibus facile intelligi potest. Nam eodem contextu eademque structura orationis aiunt patrem neq. ubi cessante voluntate, nec filio cessante iure querere potuisse actionem. Quam vero actionem intelligunt patrem sibi querere non potuisse? perspicuum. est hoc esse intelligere, non potuisse acquirere sibi nitilam actionem, id est, nec directam, nec utilem. Quapropter in eodem verbo quod simul ad filium referatur, eandem actionem intelligant oportet. Est enim absurdum, ut commune verbum ad duos pariter relatum, in altero utramque actionem contineret, in altero solam directam, ut est in *L. 4. §. 1. sup. de vul. et pu. sub.* Movetur tamen in contrariam partem nonnulli loci, quibus ex stipulatione et conventionem patris actio filio dari videtur: interitum directa, nonnunquam nitilis. Ego autem in illis ipsis locis adducor maxime, ut patrem ex conventionem patris filio actionem queri non posse. Primum receptum est patronum recta stipulari a liberto operas sibi, liberique suis, et quidem ita ut dicatur haec stipulatio pervenire, seu pertinere ad liberos. *L. 5. sup. de op. lib.* Quibus verbis significatur transire eam ipso iure ita, ut transit defuncti stipulatio ad eius heredes. *§. si quis ita, sup. ead. L.* Sed nihil hoc ad probandum patrem stipulari posse filio, ut inde filii saltem utilis actio acquiratur. Iam primum singulare ius est in operis: quia sequum sit, ut quem honorem debuit libertus tantum libertus patrono, hunc eundem habeat et patroni liberis in memoriam et gratiam patroni: Uncle et quae iura tribuuntur patrono in accessione liberi, eadem tribuuntur et eius liberis. *L. 1. §. liberis, supra, si a patre quis ma. sit.* Una hac res maxime declarat, quia ius singulare sit, non esse producendum ad res ceteras. *L. quod vera. et L. ius singulare, supra, de legib.* Tum autem haec ipsa operarum stipulatio eiusmodi est, ut non ideo perveniat ad liberos, quia patronus stipulatus sit liberis, sed tantum pervenit, quia stipulatus est sibi. Nam etsi sibi stipulatus esset, non adiecta liberorum persona; tamen stipulatio mortuo patre pertineret ad

liberos, non ut heredes, sed ut liheros. Siquidem et ex æquis partibus ex ea stipulatione actionem habent, tametsi ex inæqualibus partibus instituti sunt. *L. ut iurisiurandi, §. si liberi, supra, de operis liberi.* quod fit contra divisionem rerum inter heredes receptam. *L. ea quæ, C. famil. erciscun. L. inter, §. an ea, supra eod. famil. erciscun.* et quamvis patri heredes non sint, dummodo non sint exheredati, tamen actionem habent ex ea stipulatione. *L. cum patronus, §. 1. supra, de operis liberi.* Supervacua igitur liberorum adiectio, sine qua nihilominus idem iuris futurum esset. *L. Cornelius, supra, de her. inst.* Proinde nec pertinet quidquam stipulatio ad regulam: cum appareat hinc actionem acquiri liberis non ex eo, quod patronus stipulatus est liberis, qui pro non adiectis habentur; sed ex eo, quod stipulatus est sibi. Ius stipulari sibi neminem vetat, etiam si iure transferatur ea stipulatio ad alios: sed vetat quemquam stipulari alteri, ut inde illi actionem acquirat non aliter actionem habituro. † Legimus præterea ex pactione et stipulatione patris interdum actionem utilem liberis acquiri, ut in *L. Caius, supra, solut. matrim. et L. pater, C. de pact. conven.* sed tunc, cum pater non rem quamlibet, sed dotem, et quidem a se datam nomine filię, stipulatur reddi non quibusvis, sed aut filię ipsi, cuius nomine dos data erat, quod fit in specie dictę *L. Caius*: aut stipulatur reddi ipsius filię liberis, de quo in *dict. L. pater*. Sed an ideo effici putamus patrem eodem modo stipulantem dotem reddi filio, etiam filio acquirere actionem? atqui id negatur in *dict. L. si genero, C. de iur. dot.* Ego vero non aliis locis magis, quam illis duobus probari puto, si quid pater stipuletur filio, quod cuius extraneo æque stipulari non posset, ex ea stipulatione nec utilem actionem filio acquiri, etiam si dotem dando stipuletur eam illi reddi. Cur enim placet patrem non plane inutiliter stipulari dotem reddi filię? caussa una expressa est in *dict. L. Caius, in ff. solut. matrim. favore nuptiarum*, inquit Paulus, et ne mulier commodo dotis defraudetur, ad id decurrendum est. Si pater stipuletur dotem reddi filio; neque in eo versatur ullus nuptiarum favor, cum filii nomine dos non detur; neque minus mulier, cuius nomine dos datur, defraudatur commodo dotis. Dicendum est igitur, in quo superioris iuris ratio cesset, ad eum nec ius superius pertinere; ideoque nec utilem pactionem ex pactione patris

illi acquiri, argument. in *L. quod dictum, supra de pac. L. in omnibus causis id, infra de regul. iur.* Contra favor nuptiarum in eo est, ut quę dos datur filię nomine, hæc illi conservetur: qua fiat videlicet, ut vel iterum possit mulier nubere, si sit opus; vel si in eodem matrimonio decedit, saltem huius dotis commodum possit pervenire ad fœtus matrimonii, idest, ad liberos ex eo matrimonio susceptos, quorum canssa, et matrimonium, et dos instituta sunt. *L. 1. supra, solut. matrim.* Eo fit, ut quemadmodum filię dotem reddi recte stipulatur pater; ita placeat eum recte stipulari ea defuncta ipsis liberis, ut utroque et filię, et liberis acquiratur actio utilis. *d. L. pater, C. de pac. con.* Animadvertendum est præterea, cum dicitur ex conventionione patris, vel avi utilem actionem acquiri filię, aut eius liberis; ibi dici, ubi dotis actio prius quęstia est patri. Nam in *L. Caius*, pater sic stipulatur filię, ut simul stipuletur sibi: stipulatur enim sibi aut filię; ubi ipsi et stipulationem et actionem et iure Civili acquiri constat. *§. plane, Instit. de inutil. stip.* In specie autem *L. pater, C. de pac. con.* etsi ita dat dotem pater, ut paciscatur eam reddi non sibi, sed solum filię liberis: tamen non minus eius dotis actionem sibi acquirat. Cum enim pater dotem dat filię nomine, ipsa datione citra aliam cautionem, ut mulieri acquiratur dotis actio, ita acquiratur et patri, si in matrimonio filia decesserit: in eoque patri succursum est iure, ne et filię amissę, et pecunię damnum sentiret. *L. iure, supra, de iure dot.* et hoc hæc teneas, dum modo non aperte stipuletur dotem alii reddi, quam filię: alii enim si stipulatur, declarat se sibi actionem quærere nolle, eoque nec quærat, ut est in *d. L. si genero, C. de iure dot.* Neque eo minus dotis actio reliquitur integra filię: hanc enim actionem ut in se transferat pater, ipsum sibi eam stipulari aut pacisci oportet, non alii. *L. unica, §. accedit, C. de rei ux. act.* Iam vero cum paciscitur dotem reddi filię liberis, perinde haberi debet, ac si filię pacisceretur: in persona enim liberorum ipsi filię videtur acquiri: cum etsi matri cauta, atque adeo quęstia dos esset; tamen hic esset exitus, ut matre mortua per eam dos rediret ad liberos. Ita fit, ut liberis filię stipulando, paciscendove, non minus actionem dotis habeat, quam si hac pactione non interposita dotem dedisset. Quorsum hæc? ut intelligatur, quia pater in utraque specie superior-

re sibi prius actionem acquisivit, potuisse enim iure publico sic eam conferre in alium paciscendo, ut ei alii acquireretur saltem utilis, de quo paulo post plura. At si idem stipuletur filio, alii extraneo dotem reddi, cum supra probaverimus eum sibi dotis actionem non querere, quia cesset voluntas: contraria nimirum de causa efficitur ex ea postea conventionione dotis actionem etiam utilem ne filio quidem acquiri posse. Atque hæc etiam in causa dotis ita sunt, quam et pater ipse dat, et in cuius datione paciscitur eam reddi vel filiz, vel ipsius filiz liberis nepotibus suis. Ex quo intelligi debet, quæcumque res sint aliæ, quas pater, non a se profectas stipuletur reddi liberis, sed stipuletur a principio illis dari, in ea causa esse stipulationem, ut sit inutilis et filio et filiz: ad hoc ut nec utilis inde actio eis acquiratur. At enim scriptum est in *L. quodcumque*, §. *si ita quis*, infr. eod. *Si pater ita stipulatus sit, post mortem meam filiz mea dari*, utiliter eam stipulatam. Nego his verbis significari patrem filiz quidvis stipulari posse post mortem suam. Sed hæc solum sententia est, quibus in causis pater stipulari potest filiz: in his si addiderit, post mortem suam. Non minus enim recte stipulari, quam si se vivo dari stipulatus esset: non enim de rebus, quas possit pater stipulari filiz, agitur in *dict. L. quodcumque*, §. *1. et seq.* sed de illis verbis, *dari post mortem meam meam filiz*, quam utiliter scilicet adiciatur stipulationi. Quinimo quod exemplo filiz, non filii Ulpianus illic utitur, evidenter ostendit esse, quod pater utiliter stipuletur filiz, ut dotem a se nomine eius datam ei reddi: non esse autem, quod utiliter stipuletur filio, nisi quod et cuius extraneo non inutiliter stipularetur. Alioquin pariter amobos recte stipulari posset, cum uteretur exemplo filiz, non filii: cum nomine filii etiam filiz intelligi poterint: contra autem exemplo passivum habeatur feminino vocabulo etiam masculos contineri? *L. si ita scriptum*, supra, de leg. 2. At etiam in *dict. L. Caius*, solut. mat. scriptum est utilem actionem ex avi conventionione permittendam esse filiz, maxime propter affectionem personarum. Est hæc quidem una ratio eius sententiz illic reddita, fateor: sed non sola; verum illa præterea, ne commodum dotis defraudetur mulier, et quia hoc exigit ille, quem Paulus dicit nuptiarum favor sed et illa personarum affectio, quam nominat, non facit in ea specie, ut possit pater actionem utilem ex ea conventionione filiz acquirere;

Tom. XI.

sed ut existimetur querere voluisse, quod contra dici debere videbatur: stipulatus enim erit pater dotem reddi sibi, aut filiz. Quo ex genere stipulationis secundum regulas iuris obligatio et actio stipulanti acquiritur: adiectio autem extranei id proficit, ut solutio tantum in eius personam collata videatur. §. *plane*, *Instit. de inutil. stipulationib.* Id Paulus removens ostendit supra scripta stipulatione avum existimandum esse, non solutionem tantum in filiam, sed etiam ius dotis ultro petendæ conferre voluisse: id autem recte defendi affectione patris erga filiam. Sed an volens pater dotis actionem queri filiz, id possit efficere, amplius querebatur: quod ille effici posse ait, et ad hoc probandum referri oportet nuptiarum favorem. Esto tamen, dixerit aliquis; non possit ex stipulatione patris utilis actio queri alii, quam filiz, aut filiz liberis: idque etiam in causa dotis a patre profectæ. At saltem hoc relinquatur, hæc superioribus ex patris stipulatione queri posse. Proinde vel hæc speciem saltem a regula iuris exceptam oportuit. Non ita est: quod enim supra attigi, id tenendum est, cum quis rem suam alicui tradit, et in traditione rei hanc legem dicit, ut res restitatur alteri, sic ius commune esse, ut si is qui tradit, ex ea traditione prius sibi actionem quesivit, non prohibeat regula iuris, quominus simul etiam ex ea pactione utilis extraneo, in quem restituta collata est, detur actio. Quod si verum est, non fuit causa, cur exciperetur, quod non exceptum regule non adversatur. Denique hoc dico non fuisse in ea causa excipiendum patrem potius, quos ceteros: cum et quis extraneus rem suam ea lege dando, ut alteri reddatur, efficiat, ut ei queratur actio utilis, si modo de eadem re reddenda prius sibi actionem quesierit: de quo, ut dixi, postea. Videndum est tamen, dicat hoc loco aliquis, ne nobiscum pugnantis loquamur, cum ex superiore pactione reddendæ dotis, dicimus inter ceterorum aliis de rebus paciscentium communem utilem actionem queri filiz; qui prius dixerimus fieri id favore nuptiarum, et ne mulier defraudetur commodo dotis. Si sit iure commune, non fit favore nuptiarum: cum etiam de re alia quavis, quam de dote sua mulieri reddenda agatur, sit utilis actio. Ant si propter nuptias in dote solum id receptum est; perspicuum est id ius neque ad ceteros stipulatores paciscentes, neque ad ceteras causas pertinere. Sed quod in supra scriptis duabus causis queritur filiz, eiusve liberis utilis actio, uti

uti in eo duo sunt, quæ filix et liberis tribuuntur: ita recte et consentaneæ dicitur, quæri hanc actionem partim iure cæterorum communi, partim singulari, et favore nuptiarum. Duo hæc sunt, et quod queritur utilis actio filix, et quod queritur soli filix. Quod filix queritur, ex eo est, quod pater dotem dedit hoc pacto interposito, ut filix redderetur, prius tamen actione dotis sibi quesita. Commuæ hoc ius est cum cæteris, qui rem aliam suam quamlibet ita dant, ut restituatur alii; ut indicat *L. pen. C. ad exh. L. quoties, C. de dot. quæ sub mod.* et similes loci, de quibus mox. Sed ut hic queritur filix actio utilis: ita soli filix queri potest. Sic enim placuit, ut supra dixi, patrem pacisci posse dotem, quam ipse dat, alii reddi, quam mulieri, dum paciscatur reddi sibi: alii autem stipulando, paciscendo actionem dotis mulieri adimere eum posse non placuit. *L. unica, §. accedit, C. de rei ux. ac.* Hoc vero singulare ius in dote, nuptiarum favore constitutum, et ne mulier dotis commodo defraudetur. Summam hanc esse volo de stipulatione et conventionione patris: Si quid pater stipuletur liberis, quos in potestate non habeat (nam de his agimus) præter dotem a se profectam; ipsum ne utilem quidem actionem his acquirere, in quibus causis cuius extraneo non acquireret; nec ob stare stipulationem operarum, quas ipse recte stipuletur a liberto sibi, liberisque suis; quoniam magis hæc stipulatio liberis acquiratur, quia patronus sibi stipulatus sit, quam quod stipulatus sit liberis. Quod ad dotem attinet, posse patrem pacisci, stipularive eam reddi liberis; sed prius a se datam nomine filix, et eam, de qua reddenda sibi prius actionem acquisierit, vel eam sibi nominatim stipulando, vel hoc ipso; quod dedit nomine filix, iuxta *L. iure succursum, sup. de iur. do.* et præterea quam stipuletur, aut paciscatur reddi non cuius ex liberis; sed aut filix, cuius nomine data erat ex *L. Caius, sol. mat. aut* (quod idem valet) eius liberis ex *L. pater, C. de pac. con.* Quamvis autem in hac specie utilis actio recipiatur: tamen ne hoc quidem pugnare cum regula, quam tractamus, quia hic prius pater sibi caveat; nec sit novum, ut cuius res obligationem sibi quis paravit, is eam rem alteri stipulando aut paciscendo, actionem quam habet, si non directam, at certe utilem in eum, cui cavit, transferat.

61 † Quæ si in procuratoris, liberti, filii, maris denique et patris cautionibus vere dicuntur; non est, ut dixi, quod dubitemus multo magis idem ius esse in aliorum o-

mnia stipulationibus et pactionibus, quibus cavetur alteri. Proinde recte in universum ita definiri, cum ab his tribus generibus, quæ excepinus, discesseris, quisquis stipuletur, aut caveat alteri, non sibi; adeo hic iure nihil agi, ut ex ea cautione ei, cui tantum est, ne utilis quidem actio acquiratur, nam et in superiorum stipulationibus idem fieret. † Quid ergo sibi vult, quod tam multis locis legitur, ex stipulatione procuratoris utilem actionem domino acquiri? ut *L. damus, §. ult. sup. de dam. inf. L. 5. inf. de præst. sti. L. in causæ, in fin. et L. seq. sup. de proc.* Neque hoc tantum de procuratoris stipulatione receptum est, sed etiam de pacto cuiusvis extranei, etiam qui procurator non sit, si quod is in traditione rei a se traditæ interposuit, cavique, ut ea res restitueretur alii, ut *L. pen. C. ad exhib. L. quoties, C. de donat. quæ sub mod.* Et diligenter expendantur superiores loci omnes: reperiemus in his tum ex stipulatione procuratoris actionem dari, cum ipsa per se stipulatio valet, idest, cum in persona procuratoris constituit, quod fit, cum ipse sibi est stipulatus; idque præcipue intelligi potest ex dict. *L. in causæ, §. ult. et L. seq. sup. de proc.* Quod si non sibi stipulatus erit, sed domino, verbis stipulationis in personam domini collatis, qua de re nunc agitur: sciamus ita nullam esse stipulationem, ut ne hanc quidem domino acquiratur actio utilis. Hoc illud est, quod definitur in *L. quæcunque gerimus, sup. de obl. et act. Quæcunque gerimus, cum ex nostro contractu originem trahunt, nisi ex nostra persona obligationis initium sumant, inanem actum nostrum efficiunt: et ideo neque stipulari, neque emere, vendere, contrahere, ut alter suo nomine recte agat, possumus.* Cum stipulator quid procurator, ex contractu eius originem trahit, quod gerit. Si ex eius persona initium obligationis sumat, dum scilicet stipulator sibi: valet stipulatio omnino, et is directam actionem sibi acquirit, quantumvis in re domini id faciat, atque adeo ipsis nomine. *d. L. in causæ, in fin. et L. seq.* Sin res obligationis initium sumat ex domini persona, quod fit, dum procurator stipulatur ei dari, aut fieri: tum ex regula supra scripta inutilem actum efficit. Ex inutili stipulatione nulla queritur actio, neque ipsi, cessante voluntate, neque domino prohibente iure, ut scriptum est in *L. si genero, C. de iur. dot.* Ex utili sic ei directæ actio queritur, ut quæ primo illi recte quesita est, et ita personam habuit, in qua consi-

ste-

steret, possit ab eo in dominum transferri: directa quidem, volente procuratore, si eam cedat; *L. possessio quoque, §. ult. sup. de acq. poss.* utilis autem etiam invito eo. Sed hoc posterius quibusdam in causis tantum receptum est, non semper. Est autem receptum in summa in causis tribus. Primum si stipulatus sit procurator ex re domini: veluti si re domini venditam stipulatus sit eius rei pretium. *L. quod procurator, sup. de proc.* æquum est, quod a domino proficiscitur, id ad eum reverti: ut de bonis a patre profectis scriptum est in §. 4. *Inst. per quas part. nob. acq.* Hinc est, cur ex stipulatione procuratoris detur domino utilis actio de eo, quod procurator in iudicio stipulatus est: quo in genere sunt exempla *d. L. in causæ, §. ult. et L. seq. de proc.* Altera causa est, si procurator stipuletur quid domino præsentem, quamvis non ex re eius. *L. si procuratori, 79. infr. eod.* quasi in eo quod domino præsentem geritur, hæc mens sit et cogitatio contrahentium, ut quemadmodum dominus se, id quod geritur, ad se pertinere velle præsentia sua confirmat, ita contrahentes quod illius nomine geri, quodque illum in ea re velle intelligunt, pariter ad illum velint pertinere. Tertiam causam utilitas et necessitas peperit. Ea causa est huiusmodi, si res domino aliter salva esse non possit, quam si ex stipulatione procuratoris detur ei saltem utilis actio: est enim æquum rem domino non perire, cuius nomine gesta est. Hoc est, quod legimus actionem competere domino ex stipulatione procuratoris, sed causa cognita, ut id *d. L. damni, §. ult. sup. de dam. inf. et d. L. 5. infr. de præst. stip.* Hoc enim interpretor, in causæ cognitione versari, si aliter domino res servari non possit: quod ita fit, si procurator absit, eoque non possit actionem directam domino cedere, aut præsens nolit cedere, et utroque casu, non sit solvendo: quod in contractibus inductoribus primo receptum, ut est in *L. 1. §. ult. et L. 2. sup. de inst. act.* postea huius exemplo ad procuratoris contractus translatus est, ut declaratur in *dict. L. 5. infr. de præst. stip. et L. Iulianus, §. si procurator, sup. de act. em.* Hæc de 63 procuratoris stipulatione. † Quod attinet ad eum extraneum, qui ne procurator quidem sit; legimus etiam ex huius pacto, quo alteri cautum sit, interdum alteri utilem actionem dari; sed tunc solum, cum is, qui paciscitur, rem suam dat, cuius et recipiendæ nomine ab eo, cui dat, sibi actionem acquirit, et nihilominus in re danda paciscitur eam alii restitui: ut puta, rem

Tom. XI.

quam apud se quis habebat, commodavit alicui, aut apud eum deposuit ea lege, ut is eam rem domino cuius erat, restitueret. Hic placet ei cui cautum est, utilem actionem dandam commodati, vel depositi. *L. pen. C. ad exhib.* Neque res consistit in hac specie, quasi quidquam ad rem pertineat, quod qui commodavit, aut deposuit, paciscitur rem suo domino reddi, non alii. Nam etsi quis rem suam donaverit ea lege, ut donatarius eam alii, qui dominus non erat, restitueret: placuit ei, cui cautum est, utilem actionem dari. *L. quoties, C. de donat. que sub. mod.* Cur ergo in his causis hæc ita admissa sunt ex eius pactione aut stipulatione, qui plane sit extraneus? Quia animadvertendum est in his non novam actionem pacto alteri acquiri; sed eam, quæ prius in persona paciscentis recte et secundum regulas iuris constiterit illi suo nomine quæsitæ, voluntate eius in alium ita transferri, ut is, in quem confertur, utilem tantum actionem eo nomine habeat. In priore specie qui commodavit, ex commodato commodati: qui deposuit, ex deposito depositi actionem sine alia conventionione sibi acquirit, quamvis maxime rem alienam commodaverit, aut deposnerit. *L. commodare, et L. seq. supr. com.* Constitit ergo in persona eius hæc obligatio, nec ex alterius persona sumit initium. Eiusdem rei nomine actio utilis ex pacto commodantis, aut deponentis alteri acquiritur, at quæ? utrum nova? imo prior illa commodati, et depositi, quæ commodanti aut deponenti quæsitæ erant; sed utilis tantum, cum directa paciscentibus competere, et ideo in *d. L. pen. C. ad exhib.* ex pacto deponentis non datur actio præscriptis verbis ei, cui res ex pacto restitui debet; quæ tamen actio ex eiusmodi pactis in traditione rei nostræ interpositis nasci solet; *L. 5. §. 1. sup. de præst. ver.* sed datur utilis depositi: eadem illa nimirum, quæ ipsi deponenti suo nomine fuerat quæsitæ. Similiter et ex conventionione eius qui donavit, datur utilis actio ei, cui ex pactione res restitui debuit: sed diserte additum est in *dict. L. quoties, C. de do. que sub. mo.* eam dari quæ ipsi donatori, aut hereditibus eius competere, idest, conditionem: hæc autem donatori ex hac causa nascitur. Nam qui rem donat hac lege, ut reddatur alteri, is rem dat ob causam, ut id quod dixit, postea sequatur: quod si non sequitur, huic condicio est rei ob causam datæ causa non secuta. *d. L. 5. §. 1. de præst. ver. L. lega. L. dictam, C. de cond. ob. can. dat.* Hæc ergo donatori quæsitæ, sic deinde

de voluntate eius ex pacto transferatur in alterum, cui pactus est. † Non dissimilis causa 'est eius stipulationis, de qua agitur in *L. pater, C. de pac. cos.* de qua et supra commemoravimus, cum scilicet pater dotem a se filiae nomine datam, paciscitur filia defuncta restitui eius filiis nepotibus suis. Nam, ut diximus, ex hac datione prius patri qui dotem dedit, acquiritur de dote actio, sive filiam in potestate habuit, sive non habuit. *L. 2. sup. sol. ma. L. iure succursum, supr. de iur. dot.* Haec ipsa actio utilis eius nepotibus dabitur, non nova, si modo superiorum causarum exemplum sequi volumus, ut debemus: est enim in omnibus negotium, et ratio eadem. Non mirum, si et hic quoque quae actio in persona patris prius constituit, et eius fuit, ea pacto eius ex aequitate transit in alterum, idest, utilis; multoque magis eadem dicemus, si pater nominatim stipulatus sit dotem sibi reddi, una et filiae, aut eius liberis, ut sit in specie *L. Caius, supr. sol. mat.* Quae omnia non iure singulari aliquo et favore personarum, aut dotis constituta sunt, sed publico iure et communi: † quo receptum est, ut ex omni causa, ex qua iure Civili res transferri solent, actio quavis alicui competens ad alium transire possit, ut in utili actione experiat, si creditor hoc animo sit, ut ex ea causa actio in alterum transferatur. Hoc enim fit, si quis actionem venderit: *L. postquam, l. ex nominis, C. de her. vel act. vend.* si legaverit: *L. ex legato, C. de lega. si in solum dederit: L. ult. C. si fis. vel priva.* Sit ergo idem iuris, et si quis actionem, quam habet, ad alium pertinere velit liberalitatis et donationis causa: quod fit non in eo tantum, qui donavit ea lege, ut res redderetur alii: sed etiam in ceteris causis, in quibus qui dedit quid ex alia causa, paciscitur, ut id restituatur alii donationis gratia. Sed quid refert, dixerit aliquis, ut adversus eas regulas, quae initio positae sunt, committatur, quomodo procuratoris, aut cuiusvis extranei opera acquiratur alii actio, si acquiritur? an non enim hoc modo semper verum erit extraneum alteri stipulari, et ei actionem acquirere? quorum utrumque illis regulis pariter adversatur. Minime: † is enim dicitur stipulari alteri, non qui stipulatur sibi alterius nomine, idest, qui stipulatur alibi id, quod a se deinde in alterum transferat: sed qui stipulatur recta alteri, idest, qui stipulatur nominatim alteri dari, aut fieri, seu ita, ut alteri debeatur, alter agat suo nomine. §. *si quis alii, Instit. de inut. stip. l. quaecunque gerimus, supr. de ob. et*

ac. † Sed et enim acquirit quis sibi actionem, facitque sua voluntate, ut possit deinde ea uti alius; non tamen dicitur alteri actionem acquirere, sed eam quam habet, in alium transferre: inter quae multum interest. Nam cum tibi rem meam vendo et trado, non eam tibi acquiri, sed tu tibi, etiam si eam in te transferam. At si cum alius tibi vellet tradere, ego tuo nomine mihi traditam accipiam; hic demum dicor tibi acquirere possessionem, ubi eam non a me accipis, sed ab alio, opera tamen mea, et quasi ministerio interposito. *L. 1. §. per procuratorem, supr. de acq. pos.* In summa actionem cuique recte quaesitam in alium transferre, ut alter suo nomine utilem habeat, non modo ius non prohibet, sed aequum et usitatum est admittere. Ad hanc rationem pertinent et patris, et procuratoris, et cuiusvis extranei tum stipulationes, tum pactiones, ex quibus alii actionem utilem acquiri ante diximus. Alteri autem stipulando, paciscendove, ei actionem acquirere, seu elicere, ut ab illius persona initium capiat obligatio, id est, quod regula iuris vetat, nec ulla admittit aequitatis ratio. Adversus hanc rationem nihil peccatur superioribus illis pactionibus, omninoque illae ad hanc speciem non pertinent: proinde nec ab hac regula, qua non continentur, excipiendae fuerunt. Ergo cum stipulatio aut pactio in alium confertur, semper inutilis stipulatio, et pactio est? Effectum est superioribus, aequa illa omnia pertinent, ut constet, cum tria illa genera stipulantium, aut paciscantium, da quibus dictum est, exceperis, plane esse inutilem, et quod dicitur in §. *si quis alii, Instit. de inut. stip.* nihil agi. † Quod tamen sic erit accipiendum, ut intelligatur esse inutilis ei alteri in quem collata est, ut quidem ei obligatio aut actio, aut quidquam aliud inde acquiratur, uti fieret, si ille sibi esset stipulatus. Eamque sententiam esse regulam iuris, cum dicimus, neminem alteri stipulari posse, illae aliae, quae sunt de hoc genere, declarant, quarum altera per liberam personam alteri obligationem et actionem acquiri vetat: §. *ex his, Instit. per quas per. l. si ita quis, §. Chrysegonus, infr. eod. l. solum, §. per liberam, supr. de pig. act.* altera vetat stipulari, contrahere, ita ut alter suo nomine agat. *L. quaecunque gerimus, sup. prox. tit.* Ille diligenter moneri cum ad regulam recte interpretandam valet, tum ad ius plurimum conducit, non sic prohiberi nos alteri stipulari, quasi alterius expressio non possit ulli aut ad rem aliquam esse utilis; sed ut non

pos-

possit esse ei, cui cautum est, ut ei quid acquiratur. Cæterum sive id agatur, ut ea expressio prosit nati ex contrahentibus, sive hoc efficiat, ut prosit quidem ei, cui cautum est, non tamen quo ei acquiratur; horum utrumque quominus admittatur, regulam iuris non esse impedimento. Hinc est, quod placet ita nos recte stipulari, mihi aut Titio dare spondes? dum videlicet stipulatio ita accipitur, ut mihi soli secundum regulam iuris acquiratur obligatio, Titio nihil: neque tamen ideo Titii adiectio sit inutilis; quia hoc præstet, ut promissor quamvis mihi debeat, tamen Titio possit solvere etiam me invito, ut liberatio ipso iure contingat. §. *plane*, *Inst. de inut. stip. l. vero, infr. de sol.* Et hoc est, quod dicitur in d. §. *plane*, ideo valere hanc stipulationem, quia non stipulatio, seu obligatio stipulationis in Titium conferatur, sed solutio dimittatur: hanc autem in extraneam personam conferri posse. Verbis quidem stipulor Titio decem item ut mihi: sed dum ius vetat Titio obligationem acquiri, saltem hoc relinquor, promissori, quod ei dat lex et conventio stipulationis, ut possit vel mihi vel Titio solvere, ac proinde Titio, si velit. d. *l. vero, de sol.* Neque vero, ut dixi, quominus id fiat, regula iuris prohibet. Nam hoc modo Titio nihil acquiritur, ac ne solutio quidem: solvet enim promissor Titio, si velit; si nolit, non cogitur: liberum est ei, potius mihi, cui iure obligatus est, solvere: et quamvis solverit Titio; non ideo tamen propter stipulationem Titio acquiritur. Non enim obligationis necessitate coactus promissor illi solvit; sed quia voluit. Negari tamen non potest Titii adiectionem esse utilem, ex qua facultas Titio solvendi nascitur: sed acquiritur hæc promissori, non Titio adiecto. Regula iuris in extraneam personam quidquam iuris conferri, quod ei acquiratur, vetat: illi autem, inter quos negotium geritur, non modo non vetat quid ex conventionibus acquiri; sed etiam hac via de causis inventæ sunt stipulationes et conventiones iure, ut quis acquirat, quod sua interest, ut hoc loco, quem tractamus, scriptum est, et in §. *alteri*, *Inst. de inut. stip.* Hæc autem specie admissa, quaesitum est de potestate solvendi Titio, quam hac stipulatione induci

dicimus: et propter affinitatem stipulationis quid iudicare deberemus de illa stipulatione, mihi et Titio dare spondes: in quo de vi utriusque stipulationis quaeritur. Ido hæc scripsi ad *L. cum quis*, 55. Ne hoc quidem, ut dixi, regula iuris repudiat, ut dum alteri stipulamur, aut paciscimur, stipulatio aut pactio possit ei, cui cautum est, esse utilis, dum ei inde nihil acquiratur. Et quomodo potest illi prodesse cautio, quaerit aliquis, ut illi nihil acquiratur? si pactione efficiatur, ut ius extraneæ personæ quod habuit, integrum servetur, non ut illi acquiratur novum. † Hinc illa pactio creditoris eum alio interposita, tamen utilis debitori, cum vendit creditor pignus hac lege, ut si solverit debitor penam pretii emptori, liceret ei recipere rem suam. Debitor, inquit Ulpianus, ob hanc conventionem vindicare rem poterit. *L. si cum venderet, supr. de pign. act.* Ergo illi, dicit aliquis, ob hanc pactionem actio acquiratur: quod regula iuris non patitur. Non ita est: vindicationem enim rei per se et sine ulla conventionem ante venditionem debitor habuit. Non ergo illi quaesita est actio, quam habuit: sed eam quæ erat, illi creditor conventionem sua integram servavit, dum cavet, ne pignus alteri emptum sit, quam ut debitor, eidemque domino suum ius salvum sit ad rem suam repetendam. Adiecit tamen Ulpianus *ibidem*, posse etiam debitorem ob superiore conventionem in factum actione adversam emptorem agere. Quod iam videri poterit regulæ iuris adversari, cum illic actionem in factum intelligere debeamus actionem in personam, quam prius debitor non habuerit: quoniam hæc eo loco ab actione in rem distinguitur, ut sit nimirum ea actio, quæ nunc primam acquiratur debitori. Et est omnino eiusmodi, quæ illi acquiratur: sed ea quæ prius creditori quaesita sit ipsius conventionem, quæ eadem deinde voluntate creditoris transeat ad debitorem: verum ita, ut creditori adversus emptorem hæc actio sit directa; in persona autem debitoris sit utilis, quæ ideo in factum ab Ulpiano appellatur. Ut circa legem Aquiliam quæ actio dicitur utilis in §. *ult. Inst. de leg. Ag.* eadem in specie dicitur in factum in *L. boves, supr. ad leg. Aquil.* Ea est autem

1) Quæ obligatio iuris, solutio fieri vult. in d. §. 4. n. 2. et actus plane naturalis, qui recte in alienam personam transferri, Hopper, d. lib. 3. *quædarius* pag. 86. Vid. Gerner a. *Arcid.* 11. n. 20. Quod si ita: Quod mihi debeat, Titio solvere spondes: Hopper, *Lib. 3.* pag. 87. non recte

collatum esse in Titium solutionem, quæ solutio est sui nature accessoria ad obligationem, et cui soli a quo vult accipiat stipulationem, adiectio nihil valere potest *L. ult. §. ult. de P. O.* Denique illa verborum locum negat respiciat ad delegationem quam ad collationem solutionis in aliquem.

tem Ulpiano ex vendito actio adversus emptorem, quam ex supra scripta conventionem significaverat Ulpianus creditori competere, ut ille conventioni staret, et cuius nomine dixerat pignoratitius actionibus teneri creditorem, ut eam manderet debitori. Hæc, inquam, creditori recte quesita cum ex persona eius initium sumpserit, iure communi sit, ut voluntate et pactione eius ab ipso in debitorem, cuius interest, transferatur, sed utilis, eoque in factum. Itaque acquisitio superiore illa ratione recte defenditur, quam suprà exposuimus, quæ est de actione nobis quesita in alium transferenda, ad eamque omnino referri debet. Redeo ad rei vindicationem, quæ creditori unquam competit, eoque nec potest dici ab eo in debitorem transire; et tamen debitori datur ex supra scripta conventionem creditoria. Sed hoc, inquam, movere nos non debet: non enim, ut dixi, hic vindictio debitori acquiritur; sed ea quod erat debitori creditoris conventionem retinetur. † Eandem defensionem habet, quod si quis negotia creditoris gerens interpellaverit eius debitorem, et is moram faciat: placuit debitorem re postea amissa non minus teneri, quam si a creditore ipso interpellatus moram fecisset. *L. si quis solutioni, §. mora, suprà de usur.* nam aliqui nec paciscendo, nec quovis alio facto per liberam personam alteri actio acquiri potest. *L. 1. C. per quas pers. L. solutum, §. per liberam, suprà de pig. act.* Sed dicendum est in proposito non acquiri ista interpellatione actionem creditori; sed eam, quam eius tunc fuisse constat, eo facto illi perpetuari, idest, ita muniri adversus futuros casus, ut nullo interitu rei possit postea extinguí. Quanquam et hoc casu dici potest non minus tunc, quam vere, quod eleganter in re simili scriptum est ab Ulpiano in *L. 3. in princ. suprà quod vi aut clam.* Et si fateamur hic actionem creditori quesitam; non tamen facto alieno ei acquiri, sed ipsius debitoris. Non fecisset debitor moram sine interpellatione extranei. Non tamen quia interpellatus est, tenetur, potuit enim statim solvere: potuit etiam moram non facere, si puta nullam causam habuit, cur putaret se dare debere: sed tenetur, quia interpellatus sine iusta causa solvere recusavit. Non igitur ex interpellatione actio creditori nata est; sed ex eo, quod interpellationem secutum est, idest, ex debitoris cessatione et mora. † Quod reliquum est, quando sæpe ad affectionem et votum nostrum pertinet alteri dari, cui cautum ve-

luimus, neque id tamen per regulas iuris ita illi cavere licet, ut ei cautione nostra actio acquiratur: ostensa est hoc loco ratio a veteribus, qua quod quis alteri stipulanda recta consequi non potest, id obliqua via consequatur, aut certe non minus sibi consulat. Ea est, ut si alteri dari aut fieri quis stipulatus velit hoc fieri, penam stipuletur, si ita factum non erit, ut comprehensum est: sic enim fiet, ut nisi id ita factum sit, committatur penæ stipulatio etiam ei, cuius nihil interest. Hoc Ulpianus hoc loco. Idem legimus in §. *alteri, Inst. de iust. stip.* Ergo quod hic dicitur de stipulatione penæ committenda, non ita dicitur, quasi penali stipulatione confirmetur prior, quæ per se erat inutilis: sed eo spectat, ut intelligatur hac stipulatione interposita adversus incommodum, quod ex regula iuris metuitur, recte stipulanti cavere. Et si enim non eo magis tenetur promissor, ut id faciat, quod promissit: neque in id quod interest extranei, quia illi actio non queritur: neque in id quod interest stipulantis, quia eius nihil interest alteri dari; tamen si eo non factio quod cautum est, stipulatio penæ committitur, ut committi diximus, non dubium est, quia facturus sit consulens promissor, quod promissit, ne in penam incidat: et tamen si ne sic quidem penam metuet, saltem penæ persecutione stipulanti consultum erit. Nisi quis dicat penam ei deberi non posse, cuius nihil interest: quod non ita esse Ulpianus docet. *Penam enim, inquit, cum stipulatur quis, non illud inspicitur quid intersit; sed quæ sit quantitas, quæque conditio stipulationis.* Sed quorsum hæc inspicere, aut quid ad rem, de qua agitur, facit? nempe inspicitur, quæ sit conditio, ut scire possimus, an exstiterit, nec ne: et eo pertinet sciri, quia si exstiterit, stipulatio committitur: conditio autem impleta inspicitur, quæ sit quantitas stipulationis, ut sciamus, quantum debeatur: quantum enim pecunia stipulatione promissa erit, tantum sciendum est impleta conditio deberi, et peti posse. Ratio sumpta ex vi et natura stipulationis. † Hæc stipulationis omnis vis et potestas est, ut quod, quantumque in stipulationem deductum est, ita iure Civili debeatur. §. *de constituta, Inst. de act.* In stipulationibus faciendi, si factum non sit, quod fieri debuit, continetur id quod interest. *L. si penam, 68. L. quoties quis, 84. infr. eod.* ut consequens sit in his illud inspicere, quid stipulantis intersit: ac nisi eius intersit, nulla sit actio. *L. si quis ab alio, suprà de re iud.* In stipulationibus autem

tem dandi, cum aut res certa promittitur, ut fundus; aut certa quantitas, ut decem; qualis est poena, quæ promittitur, sic ius est, ut iam non quod interest, sed hæc ipsa, quæ certa in stipulatum deducta sunt, semper debeantur ex stipulatione. Si quidem pure promissa sint, statim: sin sub conditione, tum incipiunt deberi, cum conditio existerit, quæcumque tandem sit conditio. §. *sub conditione, Institut. eod. l. a Titio, infr. eod.* Hoc vero ad probandum in poena non inspicitur, quid intersit, id de quo quaritur, ita pertinet. Omnis enim poena permittitur sub conditione: Atque hæc conditio est, non si stipulantis intersit alteri dari, neque datum sit; sed simpliciter si alteri datum non sit, quod illi dari promissum erat. Ex quo recte colligitur in poena si factum non sit, quod promissum est, potestate stipulationis poenalis hoc effici, ut poena debeat; quia eius conditio existerit, etiam si alteri dari stipulantis non intersit. Interim locus de vi poenalis stipulationis notandus est: §. in quo de poenæ stipulatione tria Ulpianum statuere animadvertere possumus. Primum poenam nos utiliter stipulari posse, etiam tum, cum principalis stipulatio, cui poena subicitur, non valet. Deinde hanc impleta conditione deberi et peti posse, etsi stipulantis non intersit id fieri, de quo cautum erat, et cuius non facti nomine subiecta erat poenæ stipulatio. Postremo quantacunque promissa erit poena, tantam deberi. Quæ autem vere dicantur, questum est, propterea quod ex his causis sæpe legimus inutilem esse poenæ stipulationem. Et dicuntur in specie, de qua agitur, verissime omnia: utpote in qua nihil sit, quod possit obstat stipulationi poenæ præter unum aliquod ex tribus illis propositis; aut, quod principalis stipulatio non valeat, aut quod nihil intersit, stipulantis, aut quod maior iusto summa stipulatione sit comprehensa. Eorum vero nihil hic obesse stipulationi poenæ Ulpianus significat; quo nihil est neque in hac specie, neque in omni alia poenæ stipulatione verius. Sed non ideo omnes stipulationes poenales utiles, ne quis forte exemplo huius loci ducatur ad idem statuen dum de cæteris. Unde igitur hæc varietas in rebus, ut videtur, eiusdem generis et similibus? quia præter ista sæpe incidit aliquid in stipulationem ipsam poenæ, quod faciat stipulationem inutilem: quod ipsum si incidere in alias quasvis, non minus vitium afferret stipulationi. De quo ut possit constare, breviter quibus in causis et quomobrem id accidat, dicendum est. Ita

verbor. obligation.

etiam quæ stipulationes poenales valeant, quæque non valeant, semel hoc loco intelligetur. §. Et duabus in causis inutilis stipulationi principali subiecta poenæ stipulatio est inutilis; si aut rei turpis stipulationi subiecta sit; *L. stipulatio hoc modo, infr. eod.* aut subiecta stipulationi impossibili *L. si homo infr. eod.* An quod principales stipulationes inutilis, ut oporteat stipulationem poenæ velut accessionem earum conditionem sequi? arg. *L. si cum, §. qui iniuriarum, supr. si quis caut. §. fideiussores, Instit. de fid.* Minime. Non enim poenalis stipulatio accessio est eius stipulationis, cui subicitur: cum possumus iam a principio decem nobis stipulari, si Titio fundum non dederis, ut conditione impleta non minus decem debeantur, quam si prius stipulatus essem fundum Titio dari. Sed hæc causa est, quod turpi et impossibili stipulationi subiecta poenæ stipulatio, fit et ipsa turpis, et impossibilis, ut docui ad *d. L. si homo, infr.* ut consequens sit in pari vitio non magis eam valere posse, quam priores. Non eadem conditio stipulationis poenalis in specie proposita: ubi quæ res priorem stipulationem inutilem constituit; ea non modo cessat in poenæ stipulatione, sed etiam in contrarium mutatur: ut merito contrariæ causæ diversum ius exigant. Ideo enim cum stipulatus sum Titio dari, nullius momenti est stipulatio, quia stipulatus sum alteri, non mihi. Valeat ergo subiecta stipulatio poenæ contraria de causa; quia poenam mihi sum stipulatus, non alteri. Sed et cum stipulantis nihil interest, etsi ipso iure semper committitur ei stipulatio: tamen placeat interdum agenti ei doli mali exceptionem opponi, ut hoc modo fiat ei stipulatio poenæ inefficax. Quod tunc fieri diximus ad *L. 2. §. ult. supr. eod.* cum poenam stipulantis ita nihil interest fieri id, de quo ei cautum erat, ut certum sit natura rei nihil interesse eius, neque pecuniariter, neque adeo ex affectione. Sed intelligendum est non ideo fieri, quia stipulantis non intersit, sed quia id æquum sit, ne poena hoc casu exigeretur. Ac si ne consensu non poenæ tantum stipulatio, sed et quævis alia nulla est: nemo enim stipulatur quid fieri, et nisi factum sit, poenam: nisi quia cupit metu poenæ id fieri, quod stipulatus est. Neque vero id agit ut laborat quisquam, ut fiat, quod aut ad utilitatem eius privatum, aut ad affectionem saltem non pertineat. Quo fit, ut in quo nihil horum

est,

est, is non intelligatur esse hoc animo, ut eo non facto quidquam exigit. Non enim probandum est, ut velit id fieri, quia libet: ubi promissorem solum oneret, neque in eo sibi aut alteri consulat. At ubi constabit velle stipulatorem id fieri, quod stipulatus est; quod ita sit, si interstet eius vel ex affectione: dicemus semper valere pœnæ stipulationem, quamvis eius nihil intersit, idest, non intersit vere et pecuniariter. Quia quid intersit, in pœna non spectetur; dum constet id actum esse, ut fieret quod promissum est. Id autem accidit in proposito, cum stipulati sumus dari alteri: hominem enim beneficio affici interest hominis. *L. servus, 75 sup. de ser. expor.* † Postremo hæc species pœnæ improbat, cum convenit ut, ad diem pretio non soluto, aut alia quavis pecunia debita non soluta, creditori duplum præstatur. *L. Iulianus, §. ibidem, sup. de act. em.* An quod pœnæ quantitas ad duplum eius, quod principali stipulatione comprehensum est, progredi non potest? Minime, si præter quantitatem pœnæ nihil extrinsecus accedat, quod vitiet stipulationem; sed quia hoc ipsum vitium incurrit aliunde in specie superiore propter conditionem

rei in principalem obligationem deductæ: pecunia enim numerata principaliter debebatur: qua ad diem non soluta si quid promittitur, aut usura est, aut loco usurarum. Iam vero certus modus usuris datus est constitutionibus longa infra duplum sortis, *L. eos, C. de usur.* Ita fit, quod subiicitur id *d. §. ibidem*: ut dupli pœna ideo illic non debeat, non quia sit quantitas certa in pœna constituta, quam excedere non liceat; sed quia in ea specie dum pœna usuram legitimam excedit, adiciatur in fraudem legum; eoque et proprio vitio sit inutilis. Itaque si promittatur pœna in his causis, in quibus licet promittere sine fraude usurarum, ut in proposito accidit: non modo ad simplex, aut duplum stipulari eam licet; sed et ad triplum, et ad quadruplum; et denique quantum contrahentibus visum fuerit, ut disserui in commentario de eo quod interest, in extremo. Ut semper verum sit, quod hic de quantitate stipulationis pœnalis Ulpianus scribit, in hac inspicendum esse, quæ sit quantitas stipulationis. Nempe si hoc quaeritur, inquam, an ipsa quantitas per se necesse, ac præter quantitatem ipsam, nihil aliunde obstat stipulationi.

Ad §. In stipulationibus.

In stipulationibus cum quaeritur quid actum sit: verba contra stipulatorem interpretanda sunt.

S U M M A R I A.

1. De interpretatione ambiguae stipulationis, re-
missive.

2. Stipulationis ambiguae verba contra stipulan-
tem interpretanda sunt, nisi eo modo fu-
turum sit, ut stipulatio sit inutilis.

1. **E**adem definitio, quæ *L. cum quaeritur, sup. de reb. dub.* de eius sententia, et in universum de interpretatione ambiguae stipulationis, vide quæ scripsi ad *L. ubi, eod. tit. de reb. dub.* Ex hac definitione efficiuntur illa, de quibus, *sup.*
2. ad *L. 12. †* Illud tenendum erit, regulam semper accipiendam esse cum hac exceptio-

ne, ut verba contra stipulatorem interpretanda sint; nisi contra eum interpretando futurum sit; ut stipulatio sit inutilis. Quod cum accidit, verba potius contra promissorem interpretantur: declaratur id exemplo *L. eum, qui calendis, infr.* quod hoc debet referri.

Ad §.

Ad §. Eum qui dicat.

Eum qui dicat, *mihi decem, et Titio decem*: eadem decem, non alia decem dicere credendum est.

SUMMARI A.

1. *Stipulationem hanc: Mihi X. et Titio X. dare spondes? ambiguum contra stipulatorem interpretandam: ita tamen, ut solida X. non quinque mihi debeantur. Singularis*

auctoris contra omnes Interpretes sententia.

2. *Stipulatione hac, Mihi X. et Titio X. dare spondes, si non obligatio, solutio saltem in Titium confertur.*

1. **Q**ui ita stipulatur, *mihi decem, et Titio decem* dare spondes: eum, finquit Ulpianus, *eadem decem, non alia decem dicere credendum est.* Exemplum est regulæ superioris. Nam decem mihi, et Titio decem, ambigua oratio est: decem enim pluribus personis nominatim adscripta, possunt pro numero personarum sic accipi, ut alia atque alia intelligantur: possunt et hoc modo, ut intelligantur eadem: nihil enim prohibet eadem decem repetere, et pluribus stipulari, ut fit in duobus reis stipulandi. Utrumque agi potest, et verba utramque admittunt significationem: ergo ex verbis quid acti sit, quaeritur. Diudicatur res ex regula superiore, cum eadem decem intelligi debere, non alia decem Ulpianus scribit. Sic enim verba contra stipulatorem interpretamur: quippe utilius promissori est, et stipulatori inutilius eadem decem accipi, quam alia. Sed qua in re versatur hoc commodum promissoris, si existimentur eadem decem superioribus verbis in stipulatum deducta esse, non alia decem? aut ut in universum de re quaeramus, sive hoc responsum ad superiore regulam pertineat, sive non pertineat, quid refert in hac stipulatione eadem decem, an alia intelligamus? nam si in iure nihil refert, quid est, cur laboremus? Et omnes interpretes consentiunt hoc loco id dici, quod tunc, cum stipulor mihi et Titio decem: nam et ibi respondetur, una decem communiter me mihi et Titio stipulatum videri. *L. eum, qui ita, 56. in prin. infr.* Hoc autem eo pertinet, ut efficiatur me in commune stipulatum esse ambobus decem; separatim autem mihi quinque, et Titio alia quinque; ac proinde cum frustra Titio stipulatus sim, non tota decem, sed sola quinque mihi deberi. *L. si mihi et Titio. 110. infr.* Idem ergo et in hac specie volunt intelligi, cum stipulor non

decem in commune; sed nominatim singulis decem, hoc modo: mihi decem, et Titio decem dare spondes? scilicet quia et hic eadem decem dicuntur stipulatione contineri, ut supra. Ego autem quomodo id possit defendi, non animadverto: decem enim solida me mihi stipulatum esse constat, et quidem soli ac separatim; non quinque tantum: cur igitur mihi illa ex stipulatione non debeantur? Quid enim dicemus? verba contra stipulatorem esse interpretanda? at hoc tunc locum habet, cum oratio est ambigua, et non satis aperte stipulator sibi cavit, cuius in potestate fuit verba late concipere, *L. cum quaeritur, supr. de reb. dub. L. quidquid, infr. eod.* Hic autem nihil est ambigui, cum stipulor separatim et nominatim mihi decem, et Titio decem. Perspicuum est enim me solida decem stipulari singulis. Nec quidquam magis contrarium est, quam dici me singulis stipulatum esse tantum quinque, et singulis nominatim stipulatum esse decem. In eo quod stipulator aperte sibi cavit, id sequimur, quod verba demonstrant, nec aditur promissor, si dicat se aliud sensisse, *d. L. quidquid, illic, nec rursum, infr. et L. non est ferendus, supr. de transact.* An metuemus exemplum illius stipulationis, cum stipulor communiter mihi et Titio decem; in qua placuit solum quinque mihi deberi? At hæc nullo modo recte comparantur. Cum enim stipulor mihi et Titio decem, salva ratione recti sermonis stipulatio sic accipi potest, quasi stipulatus sum duobus decem, sed in commune, id est, singulis quinque, nam his quinque coniuncta decem efficiunt. Id cum verba admittant, et promissori prosit ita accipi; efficitur regula superiore, ut ita quoque contra stipulatorem accipi debeant. Itaque huiusmodi orationem ita passim acceptam videmus, ut summa aliqua pluribus personis adscri-

pta, pro numero quoque personarum divisa intelligatur. *L. reos, §. 1. infr. de duo. reis stip. L. cui fundus, supr. de cond. et demon.* Cum autem stipulor non in commune, sed separatim mihi decem, et Titio decem; verba non ferunt, ut singulis tantum quinque stipulatus videar: quoniam sunt hæc, ut dixi, contraria, stipulatum esse me singulis decem, et non esse stipulatum decem singulis, sed quinque duntaxat. At enim ex eo, quod in illa stipulatione, mihi et Titio decem, dicuntur una decem contineri, *d. L. eum qui ita infr.* effectum est me singulis solum videri stipulatum quinque; *d. L. si mihi et Titio, infr.* Recte hoc effectum est; sed in ea specie: ubi si decem alia non intelliguntur, sed eadem: necesse est decem in commune promissa non solidam decem in persona singulorum intelligi, sed pro parte tantum, quia verba id patiuntur; et quod patiatur, id admittendum est pro commodo possessoris, regula iuris hanc interpretationem exigente. At non idem effici potest in proposito: quoniam etsi eadem decem continentur stipulatione: solida tamen sunt in singulis. Nec ratio sermonis, aut ulla æquitas patitur, ut qui aperte singulis decem solida sum stipulatus, dicar tantum quinque stipulatus singulis. Ne quis autem dubitet, cum dicitur eum, qui stipulatus est sibi decem, et Titio decem, videri eadem decem stipulatum esse: id non habere hanc sententiam, quasi dicatur stipulatorem quinque tantum singulis videri stipulatum, evidentissimo argumento duorum reorum stipulandi in ea sententia confirmari potest. In quibus hoc evenit, ut cum duo sibi decem solida separatim stipulati sunt, et ita hæc illis promissa; ut duo rei fiant; dicantur eadem decem in stipulatione versari, non alia decem: et tamen sic eadem, ut constet hæc ipsa singulis solida deberi, non pro parte duntaxat, *§. ex huiusmodi, Instit. de duo. reis stip.* Puto igitur in specie proposita, cum stipulor hoc modo, *mihi decem, et Titio decem*, etsi dicuntur eadem decem contineri stipulatione: tamen mihi non quinque solum deberi, ut in illa stipulatione, mihi et Titio decem: sed deberi solida decem, quæ mihi separatim et aperte sum stipulatus. Titio nihil deberi, non quia eadem decem sint, quæ illi sum stipulatus; sed quia alteri stipulari non potuerim. Sed si hoc ita est, iterum quæro, quid prosit dici hic eadem decem contineri, non alia: cum etsi eadem intelligantur, non minus mihi de-

beantur in solidum, quam si ita expressissem mihi decem, et alia decem Titio dare spondes? pariterque ex utraque interpretatione nihil Titio acquiritur? † Et dicendum est in acquisitione stipulationis, seu obligationis decem, nihil interesse: in facultate autem decem solvendi interesse, utrum eadem dicamus deducta in stipulatum, an alia. Nam alia atque alia si in stipulatum deducta essent, non solum decem solida mihi deberentur: sed etiam ita deberentur, ut nec Titio cui decem sum stipulatus, solvi possent: quippe cui non hæc decem stipulatus sum, sed alia; quæ cum nec mihi debeantur, cessante voluntate, nec Titio, repugnante iure: haud dubie indebita nulli solvi possunt: non est enim solutio, nisi eius quod debetur. *Inst. quib. mod. tol. ob. in prin.* Quod si eadem decem erant, ut esse interpretamur; contra erit. Nam debebuntur illa quidem mihi in solidum, et debebuntur soli non minus, quam supra: sed hactenus, ut et Titio, cui illa stipulatus sum, solvi possint etiam invito me, et promissori si solvendo liberetur: ut accidit, cum obligatione alienius rei in persona mea consistente, solutio in alium confertur. *§. plane, inst. de inut. stip. L. vero, infr. de sol.* Non enim dubium est, quin eadem decem, quæ mihi debentur, Titio stipulando si non obligationem, quod non possum; at certe solutionem, quod licet, in eum conferam. Denique his verbis mihi decem, et Titio eadem decem dabis, potestatem saltem Titio solvendi promissori accipit: quam illi stipulator invito adimere non potest, *d. L. vero, infr. de sol.* ut verum sit, quod Accursius in glossa huius loci Irnerium veterem interpretem existimasse refert, Titium in hac stipulatione adiectum videri, non aliter quam si stipulatus quis esset, mihi aut Titio dare spondes. Non me movet, quod dicitur solutio conferri in extraneam personam, cum ita stipulor disiunctim, mihi, aut Titio dare spondes? *§. plane, Inst. de inut. stipu.* hoc enim exempli causa dictum est in *d. §. plane*, ut verba ostendunt. Cæterum nihilominus et coniunctim idem effici potest, dum modo id servetur, quod de superiore disiunctione in eodem §. dicitur, ut scilicet mihi decem et Titio stipulando, totius summæ in stipulatum deductæ mihi obligatio acquiritur, et simul eandem illam alteri dari stipulor. Quod fit in hac specie, cum stipulor mihi decem nominatim, et separatim eadem decem Titio. Non obstat, quod cum stipulor disiunctim mihi aut Titio, fit promissori potestas alter-

trif solvendi, neque necesse est solvere utrique: cum autem coniunctim stipulor, mihi et Titio, necessitas imponi videtur promissori, ut utrique solvat: quoniam hoc quidem coniunctio, illud autem disiunctio exigit. *L. si quis ita stipulatus, 129. infr. eod.* Hoc enim dici oporteret, nisi constaret hic eadem decem deducta esse in stipulationem. Nunc cum sint eadem, non potest alia mens esse contrahentium etiam in hac coniunctione, quam ut uni ea præstando promissor liberetur: nempe utri volet; cum non sit expressum, utri daret, et quæ tante insunt stipulationibus; ea sint in rei

verbor. obligation.

potestate, dummodo de eo non agatur, an debeat. *L. 2. §. Scævola, supr. de eo quod cer. lo.* Ex his apparet, etsi in specie proposita dicamus decem mihi solida deberi, non autem dividi inter me et Titium: tamen exemplum semper congruere regulæ superiori; quia sit eiusmodi, in quo eadem decem contineri interpretantes, ambiguitatem contra stipulatorem pro comodo promissoris interpretemur. Nocet enim stipulatori, decem quæ illi debentur, ipso invito alteri solvi posse; et promissori est commodum. Hoc autem ut possit fieri, superiore interpretatione efficitur.

Ad §. Si stipuler.

Si stipuler alii, cum mea interesset: videamus an stipulatio committetur. Et ait Marcellus stipulationem valere in specie huiusmodi: is qui pupilli tutelam administrare coeperat, cessit administratione contutori suo: et stipulatus est rem pupilli salvam fore: ait Marcellus posse defendi, stipulationem valere; interest enim stipulatoris, fieri quod stipulatus est: cum obligatus futurus esset pupillo, si aliter res cesserit.

Hoc §. et seq. colliguntur exempla, quibus confirmatur utilem esse stipulationem ei, qui stipuletur alteri, cum

stipulantis interest: similiter ut in §. *alteri, Inst. de inut. stip.* qui locus expositus est ad §. *alteri supr.*

Ad §. Si quis insulam.

Si quis insulam faciendam promiserit, aut conduxerit, deinde ab aliquo insulam stipulatori fieri stipulatus sit: aut si quis, cum promississet Titio fundum Mævium daturum, aut si is non dedisset, pœnam se daturum, stipulatus a Mævio fuerit fundum Titio datum iri: item si quis id locaverit faciendum quod ipse conduxerit: constat habere eum utilem ex locato actionem: Si quis ergo stipulatus fuerit cum sua interesset ei dari: in ea erit causa, ut valeat stipulatio. Unde et si procuratori meo dari stipulatus sum, stipulatio vires habebit: et si creditori meo: quia interest mea ne vel pœna committatur, vel prædia distrahantur quæ pignori data erant.

SUMMARIA.

1. *Utilis actio in responso Ulpiani quomodo accipienda.*

2. *Lectio huius §. correctæ.*

4. **C**onstat habere eum utilem ex locato actionem. Cum stipulationem valere, cum vires habere et ante et infra scriptum sit, quæ is cuius interest, stipulatur alteri: perspicuum est ex ea stipulatione iure Civili esse actionem: id est, directam, non utilem, quo sensu, utilem
Tom. XI.

directæ opponimus. §. ult. *Inst. de leg. Aquil.* Merito autem ex huiusmodi stipulatione stipulanti directa est actio, et iure Civili. Is enim qui stipulatur alteri, quatenus ipsius interest, hactenus stipulatur sibi, ut docui ad §. *alteri, supr.* hoc vero unicuique per regulas iuris licet facere.

re. d. §. alteri. Id si in stipulatione recte dicitur; multo facilius admitteremus in bona fidei iudicio, puta locatione, ut si quis locaverit faciendum Mævio, quod ipse a Mævio faciendum conduxerat; is directam ex locato actionem adversus eum cui locavit, habeat: nihil enim magis congruit bonæ fidei, quam id servari, quod convenit. *L. ex emptio, supr. de act. em.* et vero hanc esse actionem in hac specie, et quidem id constare scriptum est in *L. si cui, supr. loc.* Non debet igitur dubitari, quin hic utilem intelligere non debeamus, quæ non sit directa. Quid ergo, intelligemus cum cæteris efficacem? sed durum est hanc significationem hoc loco admittere, neque satis prudentiæ considerati scriptoris, qualem esse Ulpianum acimus, convenit. Quorsum enim addere, utilem; cum si actionem ex locato esse concedas, non possit esse actio, quin sit utilis? nam ea, ex qua ius non est indicio persequendi, actio non est. Dices non omnem actionem, quæ iure Civili, idest, summo iure competat, continuo esse utilem; quia possit exceptione infirmari. Tit. de except. Inst. et ideo dictam hic actionem utilem, quæ nulla exceptione infirmari posset. Sed cur adderetur id hoc loco, nisi posset in proposito dubitari, an esset aliqua hic exceptio adversus actionem? atqui nulla exceptio in hac specie metui potest adversus eum, qui petit quod sua interest; et petit ex conventionem cum eo, quicum agit, interposita. At enim locator locavit

opas faciendum alteri, quod ius vetat. *L. quæcumque gerimus, supr. de obl. et act.* Ista ratio non efficeretur exceptionem adversus actionem locati dandam; sed ipsam ex locato actionem non competere. Ut vel hac ipsa ratione sufficeret dicere actionem ex locato dandam: quia si actio esset Iure Civili, ut intelligi volumus, certum esset non posse eam exceptione summoveri.

† Itaque mihi locus suspectus est, et pro utilem, fortasse legendum est, *utique*. Quod si sit, optime constabit sententia hoc modo: constat habere enim utique ex locato actionem. Utique, affirmantis particula, ut in *L. cum qui calendis, infr. eod.* pro citra omnem controversiam; ut hæc quoque sententia alibi pro explorata a Marcello habeatur: idest, in d. *L. si cui, supr. loc.* Vel utique, pro maxime, et præcipue: ut sit, maxime in hoc contractu, quem bonæ fidei esse constat. Si cui lectionem mutare non placet; dicamus sane, quod supra, utilem hic esse appellatam directam, quæ nulla exceptione possit impugnari. Ut tamen ita interpretantibus fatendum sit, *utilis* verbum erroris obliuendi causa esse additum: cum, ut dixi, actione directa concessa, qualem esse hic fatemur, nulla fuerit dubitationis causa, cū propter aliquam exceptionem non deberet esse utilis. Nam utilem dici eam, quæ persequitur utilitatem nostram, idest, id quod interest, inauditus est. Neque id utilis actio significat in *L. qui servum. 96. infr.* ut ibi dicemus.

Ad § Si quis ita stipulatus fuerit.

Si quis ita stipulatus fuerit: *illum sistas?* nulla causa est cur non obligatio constet.

DE hac specie scriptum est diligentius et apertius in *L. quoties quis, 84. infr.*

Ad §. Ædem sacram.

Ædem sacram vel locum religiosum ædificari, stipulari possumus: alioquin nec ex locato agere possumus.

S U M M A R I U M.

1. Stipulatio de æde sacra et monumento ædificando valet.

Ædem sacram, et locum religiosum nobis dari stipulari non possumus. *L. inter, §. sacram, infr. eod.* Sed ea res non facit, quominus et ædem sacram, et monumentum ædificari recte stipulemur;

quod hic traditur. Prius enim non possumus, quia res huius generis commerciis hominum exemptæ nobis dari non possunt. *L. si stipulor, supr. eod.* Posterius contraria de causa possumus; quia deducitur id in

in stipulationem, quod et usura fieri potest, et lura licet facere. Ut eoim edificari ista possunt patore: ita edificari non

tantum ias patitur, sed etiam iubet: edificatur et hoc ead. L. si stipulator.

Ad L. Dominus. 39.

Paulus libro XII. ad Sabinum.

Dominus servo stipulando sibi acquirit: sed et pater filio, secundum quod leges permittunt.

Ad L. Si filius meus. 40.

Pomponius libro XXVII. ad Sabinum.

Si filius meus servo meo stipuletur: acquiritur mihi.

Quam utiliter dominus servo, pater filio: et contra quam utiliter servus domino, filius patri stipuleatur, dixi ad §. alteri, L. stipulatio ista, supr.

Ad L. Eum, qui calendis. 41.

Ulpianus libro L. ad Sabinum.

Eum qui Kalendis Ianuariis stipulator, si adiciat, primis, vel proximis: nullam habere dubitationem palmam est. Sed et si dicat, secundis, vel tertiis, vel quibus aliis: aequè dirimit questionem. Si autem non addat; quibus Ianuariis, facti questionem inducere, quid forte senserit: hoc est quid inter eos acti sit: utique enim hoc sequimur, quod actum est, easque adsumemus: si autem non appareat, dicendum est, quod Sabinus, primas Kalendas Ianuarias spectandas. Plane si ipsa die Kalendarum quis stipulationem interponat, quid sequemur? Et puto actum videri de sequentibus Kalendis.

SUMMARIA.

1. Calendis stipulatum, proximis, non remotioribus, aut longissimis stipulatum videri.

2. Regula, Verba contra stipulatorem interpretanda. Item: in temporibus id servandum, quod est longius, quando locum non habeat.

Qui stipulatur dari Caleodis, siquidem certas dicit, dirimit omnem questionem. In re enim quæ ex consensu valet, semper id sequimur, quod actum esse apparet. L. semper in stipulationib. infr. de reg. iur. L. ubi, supr. de reb. dub. 1. Si Caleodas tantum dicit, nec quidquam adicit: placet hoc loco eum videri stipulatorem Caleodis proximis, non remotioribus, aut longissimis. Imo quam remotissimis stipulatus videri debet, dixerit aliquis. Primum quia oratio ambigua est, dari Caleodis: queritur enim, quibus. In ambigua autem placet verba interpretanda esse contra stipulatorem. L. stipulatio ista, §. in stipulationibus, supr. eod. L. quidquid, infr. Deinde quia nominatim in hac ipsa causa temporis cum plura tempora verbis stipulationis compre-

hensa sunt, traditur servandum esse longissimum. L. si ita stipulatus, 12. supr. eod. L. si ita stipulatus, 109. infr. Bene Accursius, et alii vulgo, cum hoc ideo in specie huius loci responderi dicunt, ne aliqui stipulatio sit inutilis. Res sic habet: quod dicitur verba contra stipulatorem interpretanda: item, in temporibus id servandum, quod est longius: utrumque tamen verum est, quoadiu contra stipulatorem interpretandum, nihilominus stipulatio salva esse potest. Quod si futurum sit, ut sit inutilis: præcipitur alia regula iuris id egeodum esse, ut stipulatio in tuto sit: ut res valeat potius, quam pereat. L. quoties in stipulationibus, infr. eod. L. quoties in actionibus, L. ubi supr. de reb. dub. Atqui in specie proposita hoc evenit, ut si longissimas Kalendas iubemus expectari, iubeamus

beamus expectari huius mundi postremas: quod si fit, stipulatio plano sit elusoria. Quod si alias Calendas sequi debemus, quam postremas, nihil causae est, cur quar-

tas sequamur potius, quam tertius; aut tertius potius, quam secundas. Ex quo efficitur proximam sequi oportere, si quid stipulationem valere volumus.

Ad §. Quoties autem in obligationibus.

Quoties autem in obligationibus dies non ponitur, praesenti die pecunia debetur: nisi si locus adiectus spatium temporis inducat, quo illo possit perveniri: verumtamen dies adiectus efficit, ne praesenti die pecunia debeatur: ex quo apparet dies adiectionem pro reo esse, non pro stipulatore. Idem in idibus etiam et nois probandum est, et generaliter in omnibus diebus.

S U M M A R I A.

1. Quando quod in stipulatum deductum est, debeat, et peti possit, ex stipulationis conceptione estimandum.
2. Stipulatio omnis aut pure fit, aut in diem, aut sub conditione.
3. Pura stipulatio qua.
4. Stipulatio in diem qua, et n. 11.
5. Diem adiectum non tantum cum intelligi, qui aperte stipulationis est insertus, sed etiam qui inest tacite, et n. 11.
6. Stipulatio ex conditione rerum tacite diem et dilationem capit, idque aut ex re ipsa, aut loco ad dandum constituto, et n. 8.
7. Inter stipulationem fructuum, et stipulationem insulae quid intersit.
8. Locus ad dandum constituitur aut contrahentium conventionem, aut naturam.
10. Difficultas dandi, qua promissor sine culpa sua distringitur, an spatium temporis similiter in re mobili promissa, ut in immobili, inducat.
12. Dierum duo genera, qui adiecti stipulationem in diem non faciunt, et n. 14.
13. Incertus dies et in testamentis, et in stipulationibus conditionem habet, et n. 23.
15. Sub conditione stipulatio qua.
16. Conditionalis stipulationis vis, et quid differat a stipulatione in diem, et n. 53. 56.
17. Condicio quid.
18. Condicio a casu seu eventu differt.
19. Conditionem duae res, figura scilicet orationis, et casus faciunt, et n. 21.
20. Conditiones in praesenti aut praeteritum colatae vere conditiones non sunt.
22. Condicio interdum tacite inest stipulationi, et n. 26.
24. Incertus dies dupliciter dicitur.
25. L. sub conditione, cum a. seqq. sup. de cond. ind. illustratur.
27. Res simpliciter promissa interdum tacitam conditionem in se habent, ut fructus, opera, dus.
28. Stipulantis persona quibus casibus tacitam stipulationis conditionem inest.
29. Regula de puris stipulationibus in hac l. ab Ulpiano tradita, etique exceptio quomodo sit accipienda.
30. Aliud diem poni in obligatione, aliud in obligatione diem inesse.
31. Debendi verbum proprie et cum effectu hio accipiendum.
32. §. ult. Inst. de iust. stip. sententia exposita.
33. L. promissor Stichus: §. 1. sup. de const. pec. explicatur, et n. 39.
34. Stipulatio pura, an legitimam dilationem, qua condemnatus datur, excludat.
35. L. Quod dicimus, infr. de sol. restituat.
36. Cui debitori ab initio modicum tempus ad solvendum datur, et quod tempus, et n. 38.
37. Tempus stipulationis comprehensum, ante quod conveniri debitor non potest, differt ab eo, quod condemnato humanitatis causa ad solvendum lege datur.
40. Dies adiectus debitori dilationem offert, ut ne ante eum diem solvere cogatur.
41. Die adiecto an obligatio simul et actio differatur, et n. 44.
42. §. Appellatur, et §. Hodie, Inst. de excep. declarantur.
43. Obligatione in diem constituta, ante agi non potest, quam dies praeterierit; secus in eo, qui hodie dari stipulatus est.
45. Ante diem, an omnino quid non debeat, an vero ita debeat, ut peti non possit, et stipulatoris et promissoris multum interest.
46. In diem quod debeat, etiam ante solvi potest, licet peti non possit.
47. Certa die promissum statim vel creditore invito dari posse: qua sententia a veteribus. Interpretibus recepta contra quosdam ex Neotericis defenditur.
48. L. Si soluturus, 39. infr. de sol. declaratur.
49. L. Item, sup. de const. pec. explicatur.
50. Dies adiectio in testamentis stipulationibus, omnibusque aliis contractionibus in re dubia pro debitore est, non pro creditore. Secus si aliud de mente testatoris, aut contrahentium probetur.
51. Dies creditoris causa ad solutionem quando adiectus videtur.
52. Dies in hac disputatione qui intelligantur.
54. Conditione existente non iam prius obligatio

gatio incipere, sed retro versus eo tempore, quo res sub conditione contracta est, sine conditione gesta esse intelligitur.

55. *Condicio qua in re dici certo similis, in qua dissimilis.*

- 1 CUM constet † stipulationem valere, inter cetera, quæ ad vim et potentiam stipulationis queri solent, hoc est unum, quando debeatur et peti possit, quod in stipuletum deductum est, ut initio huius tituli monuimus. Res, ut cetera omnia quæ ex consensu valent, posita est in voluntate et sententia contrahentium. Tum enim deberi oportet quidque, cum contrahentes deberi voluerint, et prout voluerint. Sed quoniam id voluisse intelliguntur, quod verba et conceptio stipulationis ostendunt: ideo in hac re, ut in aliis, revocamur ad conceptionem stipulationis, inbenturque spectare, quid in stipulatione addatur, quod pertinet ad extendendam obligationem, petitionemve, eam non eddatur. Explicatur autem res tota hac divisione, quæ traditur in §. *omnis*, *Inst. eod.* † Omnis stipulatio aut pure fit, aut in diem, aut sub conditione: quid horum fiat, ad significationem voluntatis, differendamque aut non differendam obligationem, multum interest: ideo de vi cuiusque queritur. Ac de vi stipulationis pure, et eius quæ in diem est, hic scribit Ulpianus, et de utroque specie hic dicam; quæcum res et loci postulat. Et quoniam dici de his non potest, quin distinguatur ex his stipulatio conditionalis propter similitudinem, quæ illi cum obligatione in diem intercedit: necessario faciendum erit, ut de huius quoque significatione et vi non nihil attingatur. Et sane cum de conditionalis stipulatione, quid sit, et quæ eius potestas, nusquam sub hoc titulo ex professo tractetur; et tamen eodem multorum locorum explicationem, qui sub hoc titulo de hoc genere sunt, semel de eo dicendum sit: non video, ubi commodius de eo dicamus, quam in ea divisione, quæ hanc speciem continet; et cuius priores duæ species sine huius tertie cognitione recte percipi non possunt. † Pura stipulatio est, qua quid sine die et conditione promittitur: veluti quinque aureos dare spondes. *d. §. omnis*, sic dicta, quia pura sit, id est, vacua ab iis rebus, quæ stipulationem seu obligationem differre solent. Quam ob causam et qui ita stipulatur, dicitur simpliciter stipulari. *L. 1. §. si quis simpliciter. supr. eod.* nihil edmissens videlicet eorum, quæ obligationis statum mutare conseruerunt; ea sunt enim, dies et conditio. Quæ sint sine die et conditio-

ne stipulationes, ita intelligemus, si scierimus, quæ sint, quæ diem aut conditionem habeant. Itaque ut nihil esset aliud, tamen vel ad unam hanc speciem cognoscendam necesse esset hoc loco intelligi, quæ sint in diem, quæ sub conditione. † *In diem est*, inquit Iustinianus, *cum adiecto die, in quo pecunia solvatur, stipulatio fit.* Vera est et recte Iustiniani definitio: sed verba diligenter animadvertenda: elioqui multis modis ut vitiosa reprehendatur. † Et edictum diem hic accipere debemus, non eum tantum, qui apertè insertus est stipulationi; ut sit in exemplo apud Iustinianum propositio: *veluti*, inquit, *primis Calendis Martiis dare spondes*: sed etiam qui inest tacite. Inest enim interdum et stipulationi dies, *L. continuus*, §. *cum ita*, *infr. eod. l. 2. §. qui ita*, *supr. de eo, quod cer. loc.* ut dicitur inesse legato conditio in *L. 1. sup. de cond. et dem.* Nec minus ex eo die dilationem solutionis capit stipulatio, quam si verbis expressus esset. *L. interdum*, *infr. eod.* et ne quis hunc diem putet superioribus verbis definitionis non contineri, non minus et hic dicitur adiectus stipulationi. Nam et loco stipulationi inserto, ubi hunc diem inesse constat, dicitur tempus adiectum, tempus tacite comprehensum, quo promissor utatur ad pecuniam suo loco solvendam. §. *loca*, *Inst. eod. d. l. interdum, infr. eod.* Ergo nec minus in diem est huiusmodi stipulatio, si rem spectemus: etsi inspectis verbis stipulationis nonnunquam pura dicitur; ut *d. l. interdum*: scilicet quæ pure fieri videtur: re vera non fit, ut scriptum est in *d. §. loca*. † Capit autem hunc diem et dilationem stipulatio ex conditione earum rerum, quæ stipulatione sunt comprehensæ: cum scilicet quod promissum est, per rerum naturam aut ipsam, aut eo modo, quo promissum est præstari non potest, quin aliquod temporis spatium prius antecedit. Id vero contingit aut ex re ipse, quæ in stipulatum deducitur: aut ex loco ed dandum constituto. Ex re ipse, cum fructus, et quæ postea nascentur, promittuntur quid fieri. *d. l. interdum, in pr.* Nature enim hæc tempus desiderant, inter quod et fructus nesci, et opus, puta insula, quam quis se ædificaturum promisit, perfici possit. Ideo ex faciendi stipulatione placet non ente agi posse, quam tempus præ-

præterisset, quo insula ædificari posset. *L. si ita stipulatus, 14. supr. eod. L. si insulam, infr. eod. d. L. 2. §. qui ita, supr. de eo. quod cer. lo. †* Sed inter stipulationem fructuum, et stipulationem insulæ hoc interest, quod stipulatio fructuum, seu eorum quæ postea nascentur, non tantum diem, sed etiam conditionem habet, si fructus nascentur; atque his non natis nihil debetur. *L. 1. in fin. supr. de cond. et dem. stipulatio insulæ diem et tempus dumtaxat, intra quod insula possit fieri: quo transacto adversus promissorem agi potest; et quidem tunc solum, cum insulam non ædificaverit. d. L. 14. supr. et L. si insulam, infr. Merito: est enim in potestate promisoris ædificare insulam: quod si non fecerit; iure eius negligentia et cessatio plectitur. Idque ipsum ut fiat, actum est: alioqui inanis futura est omnis faciendi stipulatio; utpote ex qua si non feceris, quod promissisti, nullo modo tenearis. In rebus autem, quas quis dari aut tradi promiserit, ac non tantum in fructibus, hoc solum spectatur, an res sint, quæ natura præstari possint. Quod si non possunt, nihil habetur: *L. si stipulor, supr. eod.* quia non sit in potestate promisoris efficere, ut sint. Impossibile vero nulla est obligatio. *L. impossibile, infra, de reg. iur.* Intra quod tempus res quæque nascantur, in natura positum est, non hominum æstimatione. Id tempus erit, quo natura rem talem edet, qualem stipulati sumus. Quanto autem tempore opus sit ad insulam ædificandam, et quodvis opus faciendum, constat hominum arbitrio. In quo æstimando quid recte et ex officio boni viri spectandum videatur, docet Venuleius in *L. continuus, §. item qui insulam, infr. †* Ex loco stipulationi inserto eadem dilatio est: idque natura efficit. Qui enim Ephesi se daturum promissit, cum Romæ esset, non potest per rerum naturam Ephesi dare prius, quam tantum temporis præterierit, intra quod Ephesum possit perveniri. *d. §. loca; Inst. eod. d. L. interdum, infr. qua in re quoque quod tempus accipi debeat, eleganter tractat idem Venuleius in d. L. continuus, §. cum ita infr. †* Sed constituitur locus ad dandum, ac per locum dies, non tantum contrahentium conventione, ut supra: sed etiam natura. Quod sit, cum fundus, aut res aliqua immobilis in stipulatum deducitur. Quia enim hæc res certo loco continentur, ac loco moveri non possunt, natura hoc evenit, ut alio loco tradi non possint, quam in quo sitæ sunt: huiusmodi impedimentum sua sponte adfort dilatio-*

nem auctore Venuleio in *L. continuus, §. illud, infr. eod.* et ideo quod de quavis re nominatim Carthagini promissa traditum est in *§. loca, Inst. eod.* idem de fundo simpliciter promisso scriptum est in *§. ult. Inst. de inutil. stip.* de hoc videlicet agi non posse, nisi tantum spatium præterierit, quo traditio fieri possit. † An 10 de Sticho, et alia re mobili promissa idem dicendum sit, et an omnino difficultas dandi, qua promissor sine culpa sua distringitur, spatium temporis similiter inducat, quæsitum est. Et placuit hæc non esse in eadem causa. *d. L. continuus §. illud, infr. eod.* etsi dissentire videtur idem *§. ult. Inst. de inutil. stip.* Sed de eo dicam paulo post, cum de iure stipulationis puræ agetur. † Ergo in diem est stipulatio, quæ diem adiectum habet, non tantum eum, qui aperte adiectus sit, sed etiam qui tacite, et qui natura rerum insit stipulationi: non tamen quæ omnem diem habet adiectum; sed quæ habet eum, quo pecunia solvatur, ut definitione expressum est. † Hac circumscriptione duo 12 genera dierum remouentur: tot enim sunt eorum, qui non adiciuntur ideo, ut his pecunia solvatur. Unum est eorum, qui adiciuntur quidem differendi causa, sed differendi obligationem, non solutionem: alterum eorum, qui nullis omnino præstationis differendæ gratia adiciuntur. Primum generis est diei incerti. Dies duplex est: certus, ut Calendis proximis decem dabis? et incertus, ut cum veneris, aut cum aliquid factum erit *L. stipulatio ista, §. inter supr. eod.* Certus si differendi causa est (nam hodiernus hac gratia adici non putatur: de quo mox) adiciuntur, ut eo die pecunia solvatur: ut solvatur, inquam, non ut debeatur: debeatur enim eo ita adiecto pecunia etiam ante diem: sed solutio in diem differtur. *L. centesimis, infra eod. †* Incertus conditionem habet non tantum in testamentis, ut est in *L. dies, supr. de con. et dem.* sed etiam in stipulationibus. *L. quodcunque, §. non solum, infr. eod.* Ideo intelligitur adici, non ut eo solvatur pecunia; sed ut ex eo debeatur. Similiter ut in conditione accidit; qua adiecta ante nec peti potest, nec debetur quidquam. *L. cedere, infr. de verb. signific.* Illum igitur diem definitio notari vult: hunc excludi. Et res ita habet: In diem stipulatio esse dicitur, quæ est in diem certam: quæ vero in diem incertam sit, ea sub conditione est: eoque non dicitur in diem. Non quod dies incertus, dies non sit: sed quia

quia more loquendi auctoribus inris usitato in diem dicitur, quæ est in diem tantum, nec præter diem conditionem habet ad differendam obligationem. Quod contra fit, in stipulatione in diem incertam concepta: quæ diem habet illa quidem, sed præter diem conditionem, a qua æstimatur, et ex qua ut præcipua parte nomen accipit. Ideo etiam ad sequens genus stipulationum conditionalium refertur. Sic dicuntur in usu iuris obligationes consensu contrahi, quæ contrahuntur consensu solo. Tit. de obl. ex cons. Instit. Sic cognati, qui cognati tantum sunt, non etiam agnati. *L. Iurisconsultus §. 1. sup. de grad.* Tametsi verum est cæteros contractus non minus constare consensu: *L. 1. §. 1. sup. de pac. et agnatos etiam cognatos esse. d. L. Iuricon. L. penult. sup. unde leg.*

- 14 † Secundi generis sunt, hodiernus dies; anni plures stipulatione, vel legato annuo comprehensi; et dies ad quem usque placet pecuniam deberi. Cum stipulamur hodie dari, placet præsentem esse obligationem: quia hodiernus dies magis admo-
nendi, et accelerandæ solutionis causa adiectus sit, quam differendi. *L. liber, §. 1. infr. eod.* In legato annuo, et stipulatione annua placet, initio cuiusque anni peti posse, quia non sit obligatio in diem; et ideo non sit, quia hic anni plures adiciantur multiplicandæ præstationis causa, non præcedentis differendæ *L. seq.* Aperte autem illa stipulatio non est in diem, cum promittitur quid ad diem: veluti, usque ad annos decem, aut quoad vivam: quia dies non differendæ obligationis causa adijcitur, sed constitutæ finiendæ. *L. obligationum fere, §. 1. sup. prox. tit. de quibus amplius dicendum erit ad L. seq.* Quæ omnia effici apparet illis verbis definitionis supra scriptæ, *adiecto die, quo pecunia solvatur.* Atque his generibus remotis, quæ in diem stipulationes sint, quæ non sint, quantamvis diem insertum habeant, non erit obscurum: † *Sub conditione stipulatio fit*, inquit Iustinianus, *cum in aliquem casum differtur obligatio; ut si aliquid factum fuerit, vel non fuerit, committatur stipulatio, §. sub conditione. Inst. eod.* His verbis non solum docet, quam vim habeat stipulatio sub conditione concepta: sed præcipue quid sit conditio, ex quo deinde intelligatur, quæ sit ea vis huius stipulationis, quidque differat a stipulatione in diem.

- 16 † Vim quidem hanc esse ostendit, quod hic obligatio differtur in casum: quo uno
Tom. XI.

discernitur stipulatio in diem concepta ab hac stipulatione. Habet utraque hoc commune, quod pariter utraque differtur obligatio in aliquod tempus: unde die adiecto dicitur Paulo incipere obligatio ex die, in *L. obligationum fere, in princ. sup. de obl. et act.* Hoc distant, quod quæ diem habet, differt obligationem in diem: quæ sub conditione fit, differt in casum. Ne autem sit dubium, quid sit, quod dixerat Iustinianus, *cum in aliquem casum differtur obligatio*: docet sequentibus verbis sic eam in casum differri, cum aliquid promittitur ita, ut committatur stipulatio, id est, ut promissum incipiat deberi, si aliquid factum fuerit, vel non fuerit: et in summa cum promittitur aliquid adiectis his verbis, *si aliquid factum fuerit, vel non fuerit.* Sed præcipue hac descriptione tota expressit, quid esset conditio. Nam si quid promittatur ea oratione non adiecta, quæ rem in casum differt; constat stipulationem non esse sub conditione: ea adiecta, stipulationem sub conditione esse dicimus: nempe propter conditionem, quæ hac adiectione exprimitur. Nisi enim exprimeretur, non ideo stipulatio esset sub conditione. Itaque non obscure innuit, † conditio-
nem esse orationem, quæ obligationem differt in casum: concipi autem his verbis, *si quid factum erit, vel non erit.* Ergo quia huius cognitio ad omnem quæestionem de conditionali tum stipulatione, tum contractu, tum suprema voluntate explicandam necessaria est, et de huius definitione non convenit inter interpretes: age, sumatur ex hoc loco, quid sit, et ex eo controversia dirimatur: dicamusque in universum conditionem esse orationem, quæ stipulationem, conventionem, legatum, affirmationem denique omnem nostram, cui adijcitur, suspendat in incertum aliquem eventum. Dixi, quæ suspendat stipulationem, non obligationem cum Papinianus in *L. cum ad presens, sup. si cert. pet.* Non quod non recte dicatur differri obligatio conditione, sed quia prius suspenditur ipsa stipulatio conditione: unde nascitur et dilatio ac suspensio obligationis. Licet etiam definire hoc modo, ut sit adiectio huiusmodi, si quid factum fuerit, vel non fuerit, cuius facti eventus ex casu pendeat. Ex quo apparet conditionem non esse casum, aut eventum, ut Bartolus definivit in *L. 1. sup. de cond. et demonstr.* † Con-
ditio quidem omnis casum habet: sed non est casus; tantumque inter conditionem et casum interest, quantum inter rem quæ differt, et rem, in quam differtur obliga-
tio.

tio. *Conditio suspendit obligationem: casus est, in quem obligatio conferitur, L. non omnis, supr. si cert. pet.* Sed quid continet superior definitio consideremus; ut hoc cognitio, ubi stipulatio quæque habet conditionem, facilius suum advertere liceat.

- 19 † Et ex ea intelligimus duas res facere conditionem; figuram orationis, et casum: sed casum maxime. Forma conditionis est hæc, si dederis, si Titius in Capitolium ascenderit, si navis ex Asia venerit: aut contra si non dederis, et similia. *d. §. sub conditione, Instit. eod.* neque varo eliter exprimitur conditio. *L. si Titio, supr. quan. di. leg. sed.* Nam quod dicitur diem incertum conditionem facere, quomodo accipiendum sit, paulo post dicemus. Sed nihil ad rem facit forma conditionis, nisi ea conceptione res differat in casum: quo verbo et futurus eventus significatur, et incertus.

- 20 † Hinc conditiones quæ in præsens, aut præteritum conferuntur, quia rem non differunt, verbo conditiones dicuntur, quia conditionis speciem referunt: ea vera non sunt conditiones, ut quæ conditionis potestatem non obtinent. *L. cum ad præsens, et L. itaque, supr. si cert. pet.* de quibus in *L. conditio, infr.* † Sed etsi forma conditionis expressa, res in futurum differatur; non tamen erit conditio, nisi differatur res in casum, idest, incertum eventum, et ideo si quis stipuletur hoc modo, si tres ab hinc anni præterierint, dabis? in diem erit stipulatio, non sub conditione: quia utrumque certum, et debitum iri, et quando debeatur. *d. L. 4. supr. de cond. et demonstr.* Ergo in quibus stipulationibus hæc duo adiecta sunt, hæc sunt sub conditione: in quibus non sunt adiecta, non sunt sub conditione, nisi conditio tacite inseritur. † Sed quod in stipulatione in diem fieri diximus, hoc idem evenit circa conditionem, ut et hæc interdum tacite inseritur stipulationi. Ac primum convenit inter omnes, si ita stipuler, cum veneris, dabis, aut cum Titius annorum quatuordecim factus erit, stipulationem sub conditione contractam, videri: ut et legatum hoc modo relictum esset conditionale. *L. si Titio, supr. quan. di. leg. ce. †* Quod enim traditur diem incertum conditionem in testamento facere, *L. dies, supr. de cond. et demonstr.* etiam ad stipulationes pertinet. Neque enim vis diem incertum notari stipulatione. Inde dictum, nihil interesse, utrum ita stipuler, Si veneris, an. Cum veneris; Si morieris, an. Cum morieris. *L. quodcumque, §. non so-*

lum, infr. eod. Hoc ap. fit, non quod dies incertus sit conditio, aut contra: sed quia ut in conditione dies incertus; sic in die incerto inest conditio, efficiente hoc nature et conjunctionis earum rerum, quæ inter se ita sunt conjunctæ, ut separari non possint: uode eveniat, ut una posita simul necesse sit statui etque intelligi alteram. Nam cum dico, si veneris; his verbis factum tuum significo, non tempus, quo facis. Neque varo quisquam dubitat, quin longe aliud sit, quod facis, et tempus quoniam aliquid fit: sed quia non potes facere, nisi certo tempore, ac si venisti, necesse est te certo tempore vaniasse: Ideo per conditionem vi ipsa tempus demonstratur, ut est in *d. L. si Titio, quan. di. leg. ced.* tametsi factum; quod conditio solum exprimit, non sit tempus. E converso, cum dico, Dabis, cum veneris; hæc adiectione, Cum veneris, tempus designo, quo veneris. Sed quia non potest hoc tempus esse, nisi prius veneris, et en aliquando vanias, ex casu pendet; idem nature ordo et series. exigit præcedentem hanc conditionem, si veneris; atque hoc modo per tempus demonstratur conditio, ut ibidem Pomponius scribit, idest, in *d. L. si Titio, Verum est tamen, quod subilicet; utrobique tamen eadem conditio est: necesse est enim eandem esse re vero, sive exprimitur, sive intelligitur. Sed tamen non minus verum est eam in die incerto intelligi, non exprimi. Sed quoniam sive exprimitur conditio, sive per tempus demonstratur, utrobique diem incertum esse oportet, ut sit conditio; pertinet ad utrumque questionem de conditione et die incerto quærare; quæ hic incertum diem vocamus. † Nam incertus duobus modis dicitur. Non enim is tantum dicitur incertus, quem vere telem esse constat, de quo plane incertum est, an exiturus sit, neque na; quales sunt omnes qui in casum conferuntur: sed etiam is, quem venturum esse certum est, sed quando venturus, incertum; qualis est dies mortis. Et priorem quidem ubique conditionem facere convenit: *d. §. sub conditione, Instit. eod. L. si Titio, quan. di. leg.* nisi scilicet ex sententia contrahentium dies incertus sic accipitur, ut non differenda obligationis causa additis videatur, sed magis invitanda et acceleranda solutionis gratia: ut accipitur hæc adiectio, cum petero, in hac stipulatione, Decem cum petiero, dabis? *L. si decem, 48. infr. eod.* De posteriore sic ius est, ut in testamentis dies mortis sit dies incertus, et conditionem.*

hæ-

- habet; veluti, heres meus, cum morietur, decem dato. *L. 1. §. 1. supr. de cond. et dem.* In stipulationibus et aliis obligationibus contra: † in quibus de die incerto ita scriptum est in *L. sub conditione, supr. de cond. indeb.* quod sub incerto die debetur, ante diem solum non repeti die existente. Quod sic interpretandum est; si existat dies, id est, si sit is, dies, quem certum sit existere postea. Nam et de conditione ipsa ita traditur in *L. quod si ea, quæ proxime sequitur eod. Tit.* si quid ea conditione debeatur, quæ omni modo extitura est, solum repeti non posse. Bene Accursius in *L. nam si cum eod. tit. de cond. ind.* differentię rationem ex eo esse scriptis, quod spes conditionalis stipulationis ad heredes stipulatoris transmittitur: §. *ex conditionalis, Inst. eod.* spes legati conditionalis non item ad heredes legatarii. *L. 5. supr. quan. di. leg. ced.* Hoc enim iure posito, consequens est diem mortis in stipulatione habere talem conditionem, quam certum sit omnimodo extitutam: neque id frustra; quia sive existet vivo stipulatore, pecunia debebitur ipsi stipulatori, de quo nemo dubitat: sive existet eo mortuo, tamen nihilominus debebitur stipulatoris heredibus. Hæc de die incerto; cui etsi deest forma conditionis, vi tamen ipsa conditionem in se inclusam habet. † Sed etsi in stipulatione neque forma conditionis ulla, neque dies incertus sit adiectus, id est, nihil ex his, quibus constat conditio: tamen interdum inest conditio stipulationi, *natura* aut *iure* ita cogente: idque accidit alias ex re ipsa quæ in stipulatum deducitur; alias ex stipulantis persona. † Res promissa habet conditionem, cum fructus, et quæ postea nascentur, promittuntur, ut iam ante ostendimus: inest enim hæc conditio, natura, si nascentur. *L. 1. in fin. supr. de cond. et dem.* Eiusdem generis sunt operæ, quas patronus stipulatur a liberto, quæ debentur hac conditione, si fuerint a patrono indictæ *L. interdum, infra. eod.* quod de operis officialibus seu incertis, non de certis et fabrilibus, accipiendum esse docemur in *L. quoties, supr. de op. lib.* Etsi autem in ea *L.* dicitur ideo expectari, dum operæ indicantur, quia id agi videatur iuter patronum et libertum, ut id fiat: et agi ideo, quia ex commodo patroni libertus operas edere debeat: quæ omnia significant conditionem hanc ex conventionē tacita contrahentium nasci magis, quam ex operarum natura: tamen non eo minus vere dicitur ex ipsarum operarum natura superiorem conditionem inesse, Si

Tom. XI.

fuerint indictæ. Initium enim conditionis assumendæ ex operarum conditione nascitur. Promittuntur operæ indefinite, et incertæ; earum natura hæc est, ut sint stipulanti inutiles, si libertus, quas volet, ubi, et quando volet, patrono exhibebit. Hæc natura locum dedit coniecturæ voluntatis, ut existimetur id agi, ut pro commodo patroni, ac proinde ab eo indictæ incipiant deberi, ne stipulatio sit inutilis. Quandoquidem in dubiis placet sic stipulationem accipi, quo res de qua agitur, magis valeat, quam pereat. *L. ubi L. quoties in supra, de reb. dub. L. quoties in, infra. eod.* In primis vero naturam operarum hanc conditionem inducere ostendit Cui ratio de hac conditione in *L. cum patronus, supra, de oper. libert.* qui hanc ideo inesse dicit, quod cum operæ incertæ promittuntur a liberto, promittatur officium patrono. Absurdum autem sit alio die deberi officium, quam quo is vellet, cui præstandum est. Scilicet, quia non est officium, nisi quod ex voluntate et commodo accipientis præstat. Eadem conditio est promissæ dotis. Hæc natura sua siue matrimonio esse non potest. *L. 3. supra, de iur. dot.* ideo dotis stipulatio quamvis simpliciter promissæ semper hanc conditionem habere intelligitur, Si nuptiæ fuerint secutæ. *L. stipulationem, supra, de iur. dot.* † Ex stipulantis persona incipit stipulationi conditio, cum servus stipulatur aut hereditarius, aut eius, qui est apud hostes. Illic quidem si hereditas adita fuerit; hic autem † si dominus ab hostibus redierit, aut si illic decesserit, *d. L. interdum, §. si servus, infra. eod.* De servo eius, qui est apud hostes, nulla dubitatio; hic enim servus, quandiu dominus servus est hostium, nullum dominum habet. Servus autem ex persona tantum domini stipulandi ius habet. *Inst. de stipulatione ser. in princ.* Is quidem qui apud hostes est, si redierit, postliminii iure perinde habebitur, quasi nunquam captus esset. Sed interim tamen status eius est in pendenti; §. *cum ab hostibus, Inst. quib. mod. ius pat. po. sol.* quapropter et interim stipulationem servi eius in pendenti esse necesse est, unde conditio. At de hereditarii servi stipulatione: nunc et hæc quoque conditionem habet, Si hereditas adita fuerit, merito dubitari potest. Nam si servi hereditarii dominus queritur, ex cuius persona servus stipulandi ius habet; hereditas id præstat servo: quæ pro domino habetur, sustinetque personam non heredis, sed defuncti. Ex quo etiam receptum est,

est, ut quidquid servus hereditarius stipuletur, quidquid acquirat, id hereditati acquiratur. *L. in eo, §. ult. et L. seq. L. hereditas in multis, supra, de acqui. rerum do.* Sed etsi hæc vera sunt; non obstant, tamen, quominus recte dicatur stipulationem servi hereditarii conditionem habere, si hereditas adita sit. Ipsa acquisitio stipulationis conditionem non habet: acquiritur enim illa hereditati, et statim: sed quæ acquiritur stipulatio, ipsa habet conditionem, si adeatur hereditas: propterea quod ante, quam aliquis existat, heres, neque ex stipulatione agi potest, ubi nemo est qui agat; neque a promissore solvi, ubi non est creditor, qui accipiat: quæ duo propria sunt conditionalis stipulationis.

- Quæ sit pura stipulatio, quæ in diem, et quæ sub conditione, diximus: prius enim genera ipsa poni et notari oportuit. Nunc de iure singulorum videamus. De pura stipulatione sic hoc loco scriptum est: † Quoties in obligationibus dies non ponitur, præsentī die pecunia debetur: nisi locus adiectus spatium temporis inducat, quo illo possit perveniri. Stipulationes quæ locum habent, excipit Ulpianus; quia loco adiecto dies inest natura rei, ut supra ostendimus. Quomodo autem diem habeat stipulatio, nihil interest: an quod nominatim adiciatur, an quod extrinsecus veniat. Sed an non videtur inepte a regula excipi, dicat quispiam, quod etsi exceptum non esset, verbis regulæ non continetur? Nihil ineptius; ut si quis libros suos leget, exceptis scammis, quæ sunt in bibliotheca: quasi metuat, ne librorum appellatione scamna contineantur, nisi fuerint excepta. An non igitur id videtur fieri in hac exceptione, ubi regula concepta est de his obligationibus, in quibus dies non ponitur: excipiuntur autem huiusmodi stipulationes, in quibus dies est adiectus, etsi non exprimitur? Minime: † quia aliud est Ulpiano diem poni in obligatione, aliud in obligatione diem inesse. Diem in obligatione poni intelligit; cum a contrahentibus, ponitur, non a rerum natura: cum ponitur aperte et principaliter, non per consequentiam; denique cum exprimitur dies, non intelligitur. Quo sensu si quibus in obligationibus dies tacite inest, sunt eiusmodi, ut in his non dicatur Ulpiano dies positus in obligatione; non enim est positus verbis stipulationis, non a contrahentibus. Proinde et huiusmodi obligationes sunt, quæ ut verbis continentur definitionis propositæ, ita recte excipiuntur, si iure et sententia definitionis eas non contineri volumus. Sed si hæc exci-

piendæ sunt, in quibus locus adiectus inducit spatium temporis: cur has solas excipit; cum et loco non adiecto, multis modis accidat, ut dies tacite insit stipulationi, nec minus stipulatio ex re ipsa capiat dilationem, ut supra ostendimus? *L. interdum, infr.* Et quod circa æstivorum, hibernorumque saltuum possessionem scriptum, est in *L. 1. §. quod vulgo, supr. unde vi*; idem de loco adiecto hic dicendum est, exempli scilicet causa de eo dictum esse, ut intelligeremus idem de omni re stipulationi inserta, quæ natura spatium temporis desideraret. Ergo exceptione cum definitione coniuncta hoc vult Ulpianus intelligi; si qua ratione stipulatio diem habeat, non statim deberi pecuniam, sed diem expectandum esse, si ve is erit, qui sit adiectus nominatim, a contrahentibus: si ve is, qui insit tacite. Quod si nullum diem habebit stipulatio, tum vere præsentem esse stipulationem, et præsentī die pecuniam deberi. Idem in *L. in omnibus, 14. infr., de reg. iur. † 31 Debendi* verbum proprie, et cum effectu accipiendum est, ut et toto hoc loco positum est ab Ulpiano. Non enim intelligit pecuniam ita tantum deberi, ut cessaret quidem debendi dies, sed nondum possit peti, quod et in obligationibus in diem accidit: *L. centesimis, infr. eod.* sed ita deberi, ut et peti possit. Quomodo et debitor definitur is, a quo invito pecunia exigi potest: in *L. debitor, infr. de verbor. signif.* Nempe de hac specie ius aliis locis discrete comprehensum est, ex pura stipulatione, et ea quæ diem ad solvendum non habeat, pecuniam confestim peti posse. *§. omnis, Inst. eod. L. eum, qui ita, §. qui ita stipulatur, decem, infr. eod.* Item, ubi pure quis stipulatus fuerit, et cessasse, et venisse diem: idest, et cœpisse deberi pecuniam, et venisse eum diem, quo pecunia peti possit. *L. cedere, infr. de verbor. signifc.* Sed huic sententiæ duo genera locorum opponuntur. Unum est eorum, in quibus de quibusdam causis velut conceptis verbis contra scriptum est, confestim nimirum seu continuo agi non posse: quamvis obligatio, ut videtur, diem non habeat. Hoc enim de pecunia constituta discrete traditum in *L. promissor Stich, §. 1. supr. de const. pec. de fundo* autem et homine promisso item discrete scriptum in *§. ult. Inst. de inut. stip.* Alterum est eorum, in quibus non negatur quidem aperte statim agi posse: sed id dicitur, quod eandem vim habere videtur; nempe promissorem non statim solvere cogendum esse.

se; sed ei modicum tempus ad eam rem dandum. *L. quod dicimus, infr. de solut. L. si debitori, supr. de iud.* in quibus ipsis auxit difficultatem eius temporis explicatio: propterea quod de eo varie scriptum videtur in *L. si debitori, L. promissor, §. 1. de con. pec. et d. §. ult. Inst. de inut. stip.* De his hoc habeo, quod breviter et in summa respondeam; esse eos locos eiusmodi, quibus admoneamur, quomodo superiorem sententiam interpretemur: ceterum nullum eorum ei sententiæ adversari. Nam prioris generis locos proponere eas causas, quæ diem adiectum habere vel naturæ rei promissæ, vel iure, quo de his causis obligatio constituitur. Posteriores autem locos dare debitori dilationem legitimam, quæ condemnatis dari solet; eam esse eiusmodi, quam nulla obligatio, nulla actio quantumvis præsens, imo ne condemnatio quidem excludat. Hæc summam dicta sigil-

- 32 latim explicanda sunt. † Ac fundo promisso, de quo agitur in *d. §. ult. Instit. de inut. stip.* aio idem, quod supra, locum tacite promissioni inesse naturæ; eum scilicet, ubi fundus situs est: quoniam natura alio loco fundus tradi non possit, de eo autem tradendo agatur; et quia inest locus, etiam per locum diem inesse, intra quem eo possit perveniri: sicut evenit in obligationibus omnibus in quibus locus comprehensus est, *§. loca; Inst. eod. L. interdum, infr. eod.* Non mirum igitur, si Iustinianus dicit non ante hic posse agi, quam tempus præterierit, quo traditio fieri potuit. Hoc enim dicit, ante diem, qui stipulationi inest, agi non posse, ut et supra scriptis in locis de loco stipulationi adiecto traditum legimus. Nam qui *§. ult. Inst. de inut. stip.* sic interpretatur, ut dicant fundo promisso statim ex ea stipulatione iure agi posse; sed legitimum tempus ad præstandum dari, quo fiat, ut non videatur fundus peti posse, qui exigi non potest, quæ vulgaris interpretatio est: hi refelluntur primum verbis, quæ aperte continuo agi posse negant; agi, inquam, ac non solum exigi: deinde exemplo cæterarum obligationum, in quibus stipulatio ex re ipsa dilationem capit. Quantum autem intersit, utrum ab initio actio non detur iure ante certum tempus; an vero detur quidem statim, sed adversus exactionem detur debitori legitima dilatio, postea dicemus. Etenim non de fundo tantum Iustinianus scribit in *d. §. ult. de inut. stip.* sed de homine etiam promisso, puta Stichum: quem quidem constat naturæ esse posse in eo loco, ubi promittitur, atque ibi

verbor. obligation.

tradi: ut alibi sit, eoque eum præstare promissor non possit, non impedimento naturæ ascribendum sit, sed promissoris inopia, cui hæc facultas defuerit. Ideo et de eo statim agi posse Venuleii sententia est in *L. continuus, §. illud, infra, eod.* quam et adversus dubitationem aliorum, quæ ex eo, quod species una quamvis mobilis pluribus locis esse non potest, incidere poterat, bonis argumentis confirmat. Et non nego, si quis talis sit servus, qui non prohibetur esse in eo loco, ubi promissor eum dare debet, confestim de eo agi posse iuxta Venuleii sententiam, in eoque verum esse, quod vulgo dicitur, si de eo cum promissore agatur, dandum esse illi tempus, quod sit satis ad eum tradendum: sed hoc verbis Iustiniani non convenit. Quid ergo, alium hominem Stichum intelligere possumus? Sane vero possumus, et apud Iustinianum in *d. §. ult.* debemus. Demus eum servum promissum esse, qui sit in hostium potestate, qui ob id neque apud promissorem, neque apud alium quemvis natura esse possit: demus eum promissum, qui conditione servitutis in eo loco esse non possit, ubi promissum est: finge enim hæc lege venditum, ut illic moretur: quam legem in mancipiis adici solitam, et servari constat. *L. 1. 2. et 7. supr. de ser. exp. L. ult. C. si ser. exp. ven.* Sunt hi omnes in ea causa, ut vel natura vel iure loco moveri non possint, non magis quam fundus: et si hos promissor alio loco tradere non potest, quam in quo sunt, natura impediatur potius, quam suo incommodo: quoniam neque ipse, neque alius posset alio loco tradere. Quapropter vel auctore Venuleio officiet hoc impedimentum, ne ante promissor teneatur, quam aut captivus per rerum naturam ab hostibus recipi, aut qui alicubi morari ex lege venditionis debet, ibi tradi potuerit. De huiusmodi homine promisso, qui in facultate traditionis recte cum fundo comparetur, Iustiniani illam sententiam, quæ exstat in *d. §. ult. de inut. stip.* accipere debemus. At quemadmodum de fundo, ita et de homine promisso generaliter loquitur Iustinianus; neque ad istos homines, quorum exempla rara sunt, definitionem revocat. Ita est. Sed quod generaliter initio proponitur, id ex sequentibus definitionis verbis temperandum est. Ait enim non posse de fundo et homine promisso continuo agi, nisi spatium præterierit, quo traditio fieri possit. Hoc, *possit*, sic accipimus: quo possit per rerum naturam, non pro commodo privato solum, aut personæ facultate. Primum quia

quia sic impedimentum præstationis facit, ne statim teneatur promissor, si est naturale, *d. L. continuus*, §. *illud*, *infr.* Deinde quia hanc traditionem, quæ natura fieri possit, intelligimus, cum de fundo agitur. Quo fit, ut et de homine promisso eandem traditionem intelligere debeamus. Hæc enim verba, *quo traditio fieri possit*, communiter et ad fundum et ad hominem initio propositum referuntur: est autem minime conveniens, ut idem verbum in fundo id quod natura fieri potest, declaret; in homine autem id, quod potest et naturale et pro commodo promissoris, arg. in *L. 4. §. 1. sup. de vulg. et pup. sub.* Hæc de fundo, et specie certa dicta sunt, cum quaeritur quando de his promissis agi possit: in quibus sententia §. *ult. Inst. de inst. stip.* est exposita. Quod ad constitutum attinet, idem aio non minus, et in hac obligatione diem inesse edicto Prætoris, quocumque tandem modo pecunia fuerit constituta. Ut non sit mirum, si ante eum diem pecunia peti non possit. Neque cum id dicimus, hic quidquam sit omnino, quod definitioni propositæ adversetur. Definitio hæc fuit ex omnibus puris stipulationibus confestim pecuniam peti posse. At obligatio omnis de pecunia constituta est in diem, non pura. Quippe constituitur actio et obligatio de hoc genere solum edicto Prætoris. §. *in personam, Inst. de act.* nam ex pacto solo hæc actio est. §. *de constituta, Inst. eod.* ex pacto autem Iure Civili non nascitur actio. *L. Iurisgentium*, §. *sed cum nulla*, §. *quinimo*, *supr. de pac.* Constituitur autem edicto Prætoris in diem: ut appareat constitutione ipsa et origine esse in diem. Indicant id verba edicti: Pollicetur enim Prætor actionem se de constituta pecunia daturum, non simpliciter si constituta sit: sed multis additis conditionibus; hac inter ceteras, Si appareat eum qui constituit, neque solvere, neque fecisse quod constitutum est. *L. si duo*, §. *ait Prætor*, *supr. de const. pec.* Quæ verba sic acceperunt veteres: ut non statim conveniri possit is, qui constituit; sed tum cum aliquod tempus præterisset, ex quo posset apparere eum neque solvere, neque fecisse. Nam si confestim cum eo agi potuit, nihil fuit illa conditione opus: sed absolute dicendum fuit, si quid cui constitutum erit, actionem dabo. † Atque hinc Pauli dubitatio in *d. L. promissor*, §. *1. de const. pec.* an si quid sine die constituas, tenearis. *Potest dici*, inquit, *te non teneri*; scilicet, quia ex edicto confe-

stim tecum agi non potest, sed tempus aliquod præcedere oportet, prius quam agatur. Nunc autem in constituto, quo sine die constituisti te soluturum, nullum tempus est, ex quo appareat te non fecisse quod constitueris. Ille autem solvit dubitationem hoc modo. Etsi enim nullum hic tempus aperte comprehensum est in constituto: tamen ex verbis edicti intelligendum est modicum, post quod exactio celebretur; quasi post hoc appareat debitorem non fecisse, quod constitutum est. Id autem esse vult non minus, quam decem diem. Interim hoc constat, quod posui, actionem et obligationem ex hoc edicto de pecunia constituta esse in diem. Sed cur placuit post tempus dari? an quod non sit constitutum, nisi in diem? atqui si non fieret nisi in diem, sufficiebat dies constitutus, neque decem dies post quos agi posset, interpretatione constituendi erant. Sed et pure pecuniam constitui posse et solere, usus constituentium declarat. Ac ne abeamus longius, in ipsa *L. promissor*, §. *1. de const. pec.* questio ponitur de eo, qui sine die constituit. An potius quia constituendi verbum significat constituere in diem, ut si quid promittatur simpliciter, non sit constitutum? Multo minus de verbi significatione id dicere convenit. Constituere enim pecuniam nihil aliud est, quam constituere pro se vel pro alio se soluturum. *dict. §. de constituta, Instit. de act.* Nemo autem dubitat, quin quis constituere possit hoc se facturum et pure, et in diem, et sub conditione. Non ergo verbi significatio, aut usus constituentium id facit, ut a Prætoris non detur actio de constituto nisi post certum tempus: sed mens et consilium Prætoris, cui visum est hac lege de pecunia constituta actionem dare. Cur ergo visum, inquam, in eo, quod pure constitutum est, ut sic res differretur præter conventionem? non dubium, quin a Prætoris factum sit, ut ei, qui constituit, consuleret. Quod ne quis ab illo factum mireretur, præcipue in hac dilatione; multo magis in ea parte ab illo factum est, quia ita constituit actionem, Si per actorem factum non esset, quominus fieret, quod constitutum est. Quo intelligitur, si mora in creditore fuisset, quominus pecuniam oblatam ex constituto acciperet, Prætoris actionem non dare, et ita actionem, quæ competere cœperit, amitti. Ins, si cum aliis actionibus conferatur, singulare et novum. Nemo enim creditor ideo actionem amittit, quia semel in accipiendo eo, quod debetur, moram fecerit. *L. illud*, *supr. de per. et com.*

com. rei vend. In quibus omnibus unum Prætoris studium reo consulendi et mitigandæ actionis apparet, cum et conventio constituitur, et aliarum obligationum atque actionum exemplum aliud exigere videretur. Consulendi, et leniendæ actionis ratio hæc fuit, quod Prætor intelligeret iudicium de constituta pecunia proponendo, se eum, qui constituit, hoc ipso onerare, scilicet eum obligando ex pacto nudo, qui alioqui iure Civili ex ea causa non teneretur; æquum putavit sic constituentem nova actione premere; ut eam actionem quam lenissimam posset, in eum constitueret. Quod fecit et ei spatium ad solvendum dando, et actori, si semel moram in accipiendo fecisset, actionem denegando. De priore ergo genere superiorum locorum in speciem pugnantium satis responsum est, et intellectum, quam nihil ad puras obligationes, de quibus agimus, 34 pertineant. † Venio ad legitimam dilationem, de qua dixi aliis locis cautum esse. Næpæ hoc est, quod hic obicitur: nam in *L. quod dicimus*, *infra de sol.* sub persona heredis obligati traditur, quod ad omnem debitorem pertineat, non esse videlicet heredem debitorem statim cogendum solvere; sed ei temperatum aliquod 35 tempus ad solvendum dandum. † Ubi nihil nocebit obiter monere locum corruptum esse, et ita legendum videri, *Quod dicimus in herede eum fideiussori*, et quæ sequuntur. Sed quod hic locus probat, tempus debitori dandum est ad solvendum neque is statim debet solvere. Verum si intellexerimus, cui debitori ab initio dari placeat hoc tempus, et præterea quodnam sit: facile videbimus non modo nihil hic esse contrarii; sed etiam hac dilatione præcipue confirmari, confestim cum debitore agi posse, idque utiliter. Ac de utroque dilucide comprehensum est in *L. si debitori*, *supra de iudi.* † Debitori etiam, ab initio modicum tempus dandum esse; ad solvendam pecuniam, illic quoque traditur: sed hac conditione, si ille fateatur se debere, paratunque dicat solvere. Adiciunt præterea modicum tempus hic intelligendum esse, quod post condemnationem reis indultum est. Neque aliud sequitur Paulus in *dict. L. quod dicimus de sol.* nam et de eo herede loquitur, quem in confesso sit fideiussori testatoris debere; de quo solum hoc queratur, an statim debeat solvere; et quod de tempore, quod dandum esset, nihil expressit. Fecit idem, quod Ulpianus in principio *d. L. si debitori*. Verum hic postea,

quod utrobique indefinite dictum erat, aperte definivit, et modicum tempus hic intelligendum esse scripsit, quod post condemnationem reis indultum esset. *Hic*, idest, in hac confessione debitoris, et dilationis petitione; de qua et Paulus sentit. In summa confitenti debitori tempus ad solvendum dandum est: et id tempus, quod lege indicatis datur humanitatis causa: de quo in *L. cum militi*, §. 1. *supra de comp. L. 2. L. intra supra de re iud.* Hoc tempus qui dicit indicatis dandum esse; an videtur negare pecuniam confestim peti posse; imo potius confestim peti posse confirmat: ideo enim reus condemnatus est, quia prius cum eo actum est, et utiliter. Ne is quidem id negare intelligitur, qui confitenti reo et postulanti idem tempus tribuendum esse dicit: sed potius hoc modo recte statim et utiliter pecuniam peti declarat. Nam primum his verbis denegatur ab initio hoc tempus ei debitori, qui negat se debere: quo declaratur cum eo, qui se debere neget, confestim agi posse; et quidem ita, ut iudicium de re controversa suscipere cogatur, et eo usque litigare, donec de re iudicetur, quod et confirmatur in *L. quidam supra si cer. pet.* Quod autem confitenti debitori tempus datur, etsi cum eo nullum iudicium est, et nihilominus dilationem habet; tamen non minus eo utilis petitio et actio est. Imo vero tanto utilior, quanto per eam maiore cum fructu, et minore cum molestia ac celerius creditor consequens est, ut metu iudicii fateretur reus se debere; confessus statim haberetur pro indicato; sic deinde quod tempus condemnatis dari solet, id iam nunc, non dico, acciperet, sed accipere cogetur: quo finito nullam amplius dilationem expectaret. † Ex quibus perspicui potest, 37 quantum intersit, utrum dicatur debitor tempus habere, ante quod conveniri non possit, quia tempus inquit stipulationi: an vero id habere, ante quod non cogatur solvere, quia id non a conventionem, sed a lege accipiat. Prius qui habet, duplicem dilationem habet: nam ante tempus stipulationem comprehensum si conveniatur, ipsa stipulatio dilationem dat, qua tutus debitor actionem non metuit. Idem rursum si tempore præterito conveniri cõperit, sic iure tenebitur, ut tamen legitimum tempus a Magistratu accipiat, si fateatur se debere. Quod si tempus ad solvendum tantum ex lege erit: cum semel conventus debitor hanc dilationem acceperit, solam hanc habebit, nec post hanc alia expectabitur. Quod reliquum est, superioribus locis admone-

mur, quomodo accipiendum sit, quod de pura stipulatione diximus, ex ea confestim agi, et pecuniam peti posse. Nempe hoc ita dicitur, ut possit statim peti illa quidem, idque utiliter, vel ad iudicium sapientiendum, vel ad confessionem debitoris, et [ad fructum confessionis exprimendum: sed non eo usque peti, ut simul etiam debitor statim solvere cogatur. Nam cum res creditori adversus debitorem constituta erit vel iudicio, quo hic sit condemnatus, vel sine iudicio, huius ipsius confessione in iure facta: tum intelligemus humanitatis causa et condemnato spatium ad solvendum dari, quod lege ad eam rem constitutum est; et huius exemplo dandum confesso, non ideo tantum quia confessi in iure pro iudicatis habentur: *L. 1. supr. de conf. L. unica, C. eod.* sed multo magis, quia auxilio legis dignior est is, qui bonam fidem agnosceus ultro de intentione creditoris est confessus: quam qui litigare maleus vexavit adversarium, et fortasse dolo frustratus est. † Apparet autem ex his, quantum tempus dicamus dandum esse confitenti reo. Si id tempus est, quod iudicatis dari solet; non sunt tantum decem illi dies, de quibus scriptum est in *d. L. promissor*, §. 1. *de cons. pec.* sed hi quos constat in hac re esse legitimos: olim quidem triginta dies ex lege 12. tabularum, qui in lege iuebantur insti esse: nunc autem quatuor menses Iustiniani constitutione, *L. ult. C. de usu. rei iud.* nisi quid causa cognita videbitur Magistratui tempus hoc legitimum aut arcandum, aut prorogandum: de quo scripsi ad *L. 2. supr. de re iud.* † Id vero etiam magno argumento esse debet, decem illos dies qui appellatur in *d. L. promissor*, non esse dies legitimos, qui confitenti, et ei, qui pure constituerit, et cum quo ante utiliter agi poterit, dentur ad solvendum: sed eos, qui dentur ad differendam actionem de pecunia constituta, ante quos pecunia ex edicto peti non possit, ut supra dixi: quibus præteritis non minus etiam debitori, qui constituit se solviturum, legitimum illud tempus supersit, sive conventus fateatur se debere, sive cum litigasset, postea condemnatus fuerit. Et sane si ageretur illic de eo tempore, quod reis ex lege ad solvendum dari solet vel condemnatis vel confessis: consuetum daret Paulus, non aliud, præsertim quod esset legitimo multo brevius. Sed omnium minime id faceret in pecunia constituta; in qua et illi propositum fuisse apparet ei qui constituit, consulere; et ut id faciat, est æquissimum: ne aut ei, qui constituit

pro alio, beneficium summum noceat; aut is teneatur durius, qui pacto nudo promissit, quem potius ex ratione Iuris Civili minus teneri conveniebat. Quod si in constituente decem dies non intelliguntur dari ad solvendum in *d. L. promissor*; ne huius quidem argumento decem dies intelligemus in *dict. L. quod dicimus*; *infr. de sol.* cum quaeritur, quod sit temperamentum illud temporis, quod illic non exponitur. Id autem esse modicum illud tempus, quod ad solvendum iudicatis datur, satis supra ostendimus ex *L. si debitori*, *supr. de iud.*

Atque hæc vis est stipulationis puræ. Dies obligationi adiectus quod efficiat, videamus. Et Ulpianus hic scribit diem adiectum efficere, ne præsentī die pecunia debeatur. Quibus verbis non satis exprimit, ante quod tempus non possit peti: et præterea videtur hoc etiam dicere, pecuniam ante diem non modo peti non posse, sed nec deberi: quod secus est. Quapropter de vi diei apertius dicendum est, quod non solum ad huius generis, sed etiam ad huius ipsius loci, in quo versamur, explicationem pertineat. † Ergo hoc primum statuatur, de quo constat, diem adiectum debitori dilationem afferre, ut ne ante eum diem solvere cogatur. Quod cum significatio verborum ostendit; tum ex his quæ postea de hoc genere dicentur, intelligitur. † Cuius rei dilationem afferat, et quousque, quaeritur. Nam ex stipulatione quæ iure valeat, duo nascuntur; obligatio, qua fit, ut promissor iure debeat; et ex obligatione actio, qua fit, ut ab invito peti possit. Hoc quaeritur, an die adiecto, horum utrumque differatur; et quousque. Et de petitione hoc convenit, quod in diem promissum est, ante diem peti non posse: non magis quam quod sub conditione deberetur, peti potest ante conditionem. §. *in diem*, *Inst. eod. L. certi*, *supr. si oer. pet.* idque non exceptione aliqua consequitur debitor, sed iure ipso, potestate nimirum stipulationis: unde ex obligatione, quæ in diem sit, dicitur ante diem perperam agi *L. 2. §. qui ita*, *supra*, *de eo quod cor. lo.* † Nam quod traditur in §. *appellatur*, *Inst. de exc.* exceptionem temporalem pacti conventi dari, cum ita convenit, ne intra certum tempus ageretur: de eo pacto dictum est, quod interpositum est ex stipulatione seu obligatione iam ante pure contracta. Quod si stipulatio ipsa in diem concepta erit; efficitur stipulatione ipsa, ne ante diem peti possit. Proinde efficitur et Iure Civili: si quidem sti-

stipulationem Iure Civili valere constat. §. de constituta, *Inst. de act. ac stipulatione* comprehensum est, ne ante diem debere-
 tur, certe ne posset peti. Hinc illa est
 distinctio induciarum, id est, dilationum
 apud Iustinianum in §. *hodie, Inst. de*
ex. ut alix sint, quas ipse actor sponte
indulserit, alix quas natura actionis con-
tinet. Illæ sunt, quas pacto postea inter-
posito adversus præsentem obligationem cre-
ditor debitori tribuit: hæ sunt dies stipu-
latione comprehensum, quo adiecto certam
conditionem et naturam stipulatio accipit,
quam postea immutare stipulator non pos-
test, L. vero, infra, de solu. † Sed quod
dicitur ante diem agi, seu pecuniam pacti
non posse, quibus verbis Ulpianus utitur
in dict. L. certi, supr. si cert. pet. ambiguum
est. Incertum est enim, utrum ita
accipi debeat, ut sit ante diem cæptum,
an vero ita, ut significetur ante exactum,
nam verba utramque interpretationem ad-
mittunt. Et ad hanc dubitationem tollen-
dam referri debet, quod in dict. §. in
diem, ita scriptum est, non solum quod
in diem debetur, peti non posse prius,
quam dies venerit: sed ne eo quidem ipso
die posse peti, in quem stipulatio facta
est: quod valet, non posse agi, nisi exacto
constituto die. Enimvero hic etiam occur-
rebatur: Cur enim ipso constituto die agi
non potest, cum id actum sit, non ut eo
die solvere posset debitor pro arbitrio, sed
ut necesse haberet? sic enim verba sunt;
Calendis dabis? Calendis dare spondes?
Dicendum est eo fieri, quia ut eo die ne-
cessesse habet debitor ex conditione stipula-
tionis solvere: ita id actum est: ut posset
toto eo die, idest, qualibet eius diei parte
solvere: cuius rei rationem reddidi in
L. sequen. Porro utrum aliqua parte solu-
tum sit, necne, ante sciri non potest,
quam is dies præterierit: quæ rursus ratio
est, qua ad superiorem obiectionem di-
luendam Iustinianus utitur in extremo eius
§. dum vult efficere totum diem adiectum
tribui debere arbitrio solventis. Quod si
obligatione in diem constituta ante agi non
potest, quam dies præterierit: apparet in
eo genere dici debere diem venisse, non
cum dies stipulatione comprehensus venit;
sed cum is venit, qui illum sequitur: est
enim is, quo primum pecuniam peti posse
diximus; non is, in quem stipulatio collata
est. Sane qui hodie dari stipulatus est, non
expectat, donec hodiernus dies præterie-
rit, sed potest eodem die petere auctore
Papiniano in L. liber, §. 1. infr. eod. Ver-
um ideo, quia obligationem huiusmodi

Tom. XI.

negat esse in diem: de quo supra etiam
 diximus. Ergo die adiecto differtur peti-
 citra controversiam: et quo usque differa-
 tur, dictum est. † Sed an sola differtur peti-
 tio, an vero etiam obligatio: ut quæ in diem
 debetur pecunia, ea non modo non possit
 peti ante diem, sed nec debeatur? Verba
 Ulpiani hoc loco efficere videntur nec an-
 te pecuniam deberi. Ait enim, diem adiec-
 tum efficere, ne præsentī die pecunia de-
 beat. Sed hic *debendi* verbum, ut et
 paulo ante, cum effectu accipiendum est,
 ut significetur non plena et efficaciter ante
 diem pecuniam deberi: idest, non ita, ut
 et peti possit ante diem: re vera enim pe-
 ti non potest, ut diximus. Ceterum quod
 in diem debetur, etsi ante diem peti non
 potest, debetur tamen, et quidem statim
 ex quo obligatio contracta est. Quod dis-
 serte scriptum est in d. §. *in diem*: ea-
 demque sententia dictum est, stipulatione
 in diem concepta præsentem obligationem
 esse; in diem autem dilatam solutionem.
 L. *centesimis, infra, eod. Item et illud,*
 ubi quis in diem stipulatus est, cessisse
 diem stipulationis, etsi nondum venit. L.
cedere, infra, de verbor. significatione. Sed
 quomodo ante diem dici potest quidquam
 deberi, cum pro non dicto sit, quod da-
 re quis nisi velit, cogi non potest? L. *sub*
hac, supra, de obligat. et action. Quo-
 modo dici obligatio: cum obligatio defi-
 niatur, qua necessitate adstringimur alicuius
 rei solvendæ? Tit. *Inst. de obligat.*
 nulla autem necessitate teneatur is, a quo
 invito pecunia peti non potest, non dico
 Iure Prætorio propter exceptionem, sed
 ipso iure, quia conditio ipsa stipulationis id
 non concedat, ut supra effectum est? An
 dicemus quod in diem debetur, Iure qui-
 dem Civili ante diem non deberi, eoque
 nec prius natam esse veram illam obliga-
 tionem, quæ dicitur, et quæ necessitate
 adstringit contrahentes: verum deberi na-
 tura, nude et præsens sit obligatio, sed
 naturalis? Imo qui in diem obligatus est,
 etiam ante diem omni iure dicitur debere
 et Civili et Prætorio, si ea causa fuit
 debendi, ex qua sine die utroque iure
 debiturus esset. L. 1. §. *ult. supra, de*
constitut. pecun. Quomodo igitur hæc cum
 necessitate illa debendi et obligationis,
 quam exigimus, conveniunt? Optime: nam
 et eum, qui in diem debet, etiam ante
 diem certum est necessitate adstringi pecu-
 niæ præstandæ. Non adstringitur, ut sol-
 vat in præsentia: vere tamen et recte di-
 cetur eum in præsentia, et iam nunc ad-
 stringi, ut quandoque solvat: quia cer-
 tum

tum est id postea futurum. Quod non fit, conditione adiecta, ut enim ante eventum conditionis nulla necessitas est rei præstandæ: ita nec certum est ullam hanc necessitatem postea futuram, quia incertum, an conditio existat: et hoc est, quod dicitur in *L. 1. supra, de cond. et demon.* ideo cum dies adiectus est, quamvis dies non venerit, solvi tamen posse (quo significatur diem cessisse et cœpisse pecuniam deberi) ideo inquam, hoc ita esse, quia certum est debitum iri: nempe cum effectus, ut aliquando heresolvere necesse habeat. Sed videndum est, dixerit aliquis, ne de verbis sit hæc disputatio, non de re. Nam in re quid interest, utrum quid dicamus ante diem omnino non deberi, an vero ita deberi, ut peti non possit? Ergo hoc iam restat, ut quid interest, cognoscamus ne in eo statuendo frustra laborari existimemur. Multum vero refert in utramque partem: nam et stipulatori prodest intelligi pecuniam ante diem deberi, quamvis petere adhuc non possit, et prodest promissori. Stipulatori conducit eas res, ad quas constituendas quodvis debitum et vel sola naturalis obligatio sufficit. Itaque conducit ad impediendam indebiti conditionem; ad efficiendam constitutæ pecuniæ obligationem; ad novationem. Qui in diem debuit, quasi pure obligatus esset, solvit per errorem ante diem; non repetet: quia creditor debitum accepit. *L. in diem, L. sub conditione, in fin. et LL. 2. seqq. supra, de cond. ind.* Qui in diem debuit; ante diem pecuniam promissam constituit, aut eius nomine alius, constituto tenebitur, et quidem statim: quia debitum constituit. *L. 3. §. ult. et L. seq. supra, de constitut. pecun.* Proinde et stipulatori ante diem ea obligatio poterit novari: cum placeat qualiscunque obligatio sit, quæ præcessit, etiam naturalis, eam novari verbis posse. *L. 1. in fin. L. in diem, infra, de novat.* Sed debitum stipulatori prodesse non mirum: quando creditoris augendi causa debitum omne constitutum est. At promissori prodesse, quod aliquid ante diem debitum esse dicimus, mirum videri potest: cum debitum debitorem onerare constet, non augere. Sed nihilominus et hoc statui promissori utile esse verum est. Non prodest ei, ut obligetur: at prodest, ut ei et ante diem solvere liceat, ac solvendo liberetur. Ac quod in diem debetur, etiam ante solvi posse, licet peti non possit, multis locis traditum est: ut *L. stipulatio ista, §. inter, supra, cod. L.*

continuis, §. cum ita, infra. L. quod certa, infra, de sol. Sed hoc non alia ex re fit, quam quod ante quoque fuit debitum. Quod nisi debitum esset, neque idolvere posset promissor, nec si dedisset ultro accipienti, liberaretur: ut exemplo eius, quod sub conditione debetur, et ante conditionis eventum præstatur, liquido intelligi potest, de quo postea. Et volenti ante diem solvi posse inter omnes convenit. † 47 An possit etiam invito, videndum est: ex titerunt enim nostra ætate, qui negarent. Et loci scripti de vi et efficiencia diei adiecti consulendi sunt: his lectis et vel mediocriter expensis mirabor, si quis dubitabit quidquam esse verius, quam quod omnes omnium prope ætatum interpretes ex his sine ulla hæsitatione statuerunt, quod in diem promissum est, dum non aperte dies adiectus sit creditoris causa, vel statim et invito creditore solvi posse. Et ex tribus illis locis quos proxime citavi, potest ambigi, an satis hanc sententiam exprimat *L. continuus; §. cum ita, infra*, de quo opportunius eo loco dicitur. At certe de duobus reliquis dubitari non potest. *L. stipulatio ista, §. inter, supra, cod. L. quod certa, infra, de sol.* Nam primum in utroque ita scriptum est, quod certa die promissum est, vel statim dari posse. Etsi nihil præterea adiectum esset: tamen, his verbis satis significaretur statim dari posse etiam invito creditore. Id enim potest promissor, quod iure suo potest: et potest suo iure, quod potest invito adversario. Neque enim posse dicendus est id, in quo quominus possit, iure possit ab alio prohiberi: idque ita esse hæc orationes declarant. Ex stipulatione hac: mihi aut Titio dabis? dicitur Titio solvi posse. *L. quod stipulatus, 10. L. si ita stipulatus, 59. infr. de sol.* Id omnes dici intelligunt, posse etiam me invito. *§. plane, Instit. de inut. sti. L. vero, infr. de sol.* Qui Stichum aut Pamphilum promisit, dicitur eligere posse, quod solvat. *L. 2. §. Scævola, supr. de eo quod cor. lo.* seu posseolvere, utrum velit, quandiu ambo vivunt. *L. Stichum, infra de sol. L. illud, supr. de const. pec.* Id valet, posse utrumlibet solvi etiam invito creditore. Ex duobus rei stipulandi unus solidum petere potest, et si non sint socii, amplius unus novare obligationem potest, et promissorem vel acceptatione vel pacto liberare. *L. si unus, sup. de fac. L. 2. infr. de duo. reis.* Id non habet hanc sententiam, ut possit unus, si alter non prohibeat: sed ut possit, etiam invito altero. *§. ex huius-*

modi, Instit. de duo. reis. Ergo, ut dixi, cum in *L. stipulatio ista, §. inter, supra, eod.* et in *L. quod certa, infr. de sol.* ita scriptum est, *quod certa die promissum est, etiam ante diem dari et solvi posse*; ut nihil additum esset amplius; tamen his verbis hanc sententiam contineri intelligemus: etiam ante diem dari posse, sive creditor velit, sive nolit. Nunc autem utroque in loco additum est rationis loco, quod omnem dubitationem eximeret, si qua forte esse posset in præcedentibus verbis, cum ita subiicitur: *totum enim medium tempus ad solvendum liberum promissori relinquatur.* Quomodo liberum promissori ad solvendum, si non est in eius potestate, cum velit, solvere? at non est in eius potestate, si licet creditori ante diem solutionem iure recusare. Quærat ergo aliquis, quamobrem totum medium tempus liberum sit ad solvendum promissori. Adde igitur, quod de fine diei adiecti hoc loco scripsit Ulpianus: tam rem minime omnium dubiam effeceris. Apparet, inquit, diei adiectionem pro reo esse, non pro stipulatore. Quod et regula iuris comprehensum est; non tamen usque adeo diserte. *L. cum tempus, infr. de reg. iur.* Hac sententia quæstio confecta est. Omnes enim concedunt, quod pure et sine die debetur, statim solvi posse invito creditore: ut illo recusante accipere, si pecunia solemniter obsignetur, ipso iure liberatio contingat. *L. obsignatione, C. de sol.* Sinè obsignatione autem si accipere recuset, moram faciat, ac pecunia postea amissa debitor exceptione liberetur. *L. qui decem, infr. de sol.* Liceat ergo promissori eodem modo pecuniam, quæ in diem promissa sit, et ante diem ac statim solvere: quia superiore ratione eo res deducitur, ut cum reo videbitur, perinde haberi debeat, ac si dies adiectus non esset. Si dies pro reo est, non pro stipulatore: licet ei die uti, si velit, ne ante solvere cogatur. Si nolit, et ei videatur commodum statim solvere; licet die non uti, atque adeo diem contemnere: ut hoc modo nihilo magis ei dies noceat, quam si omnino adiectus non esset. Idque ius est de omnibus iis, quæ nostra gratia constituta sunt, contemnendis, sive lege tributa sint alicii: sive parta conventionem *L. si ludex, supr. de minor. L. pen. C. de pac. L. 2. sup. de leg. com.* Et cur dies adiectus commodis promissoris officiat, qui illius causa ideo adiectus est, ut prodesset? Hæc non a me primum animadversa sunt et tradita: sed in medio loci superiores cum essent, et verbis ac ratione ad communem etiam in-

Tom. XI.

telligentiam expositis constarent, ita sunt accepti ab omnibus interpretibus, ad hanc usque ætatem, ut nemo inventus sit, qui vel nutu significaret suspicari se aliud in hac re cuiquam videri posse. Fuerunt tamen nostra ætate, qui contra scriberent, defenderentque promissorem ante diem invito solvere non posse; sed licere creditori, quod ante diem offeratur, recusare impune, ut nec propterea moram faciat, aut postea re amissa, vel extincta teneatur. Quorum ego rationem in hac re, fateor, nequeo satis mirari. Nam cum essent superiores loci eiusmodi, ex quibus de quæstione proposita iudicium fieri oporteret, ita scripti, ut pene invitis superioris sententiæ confessionem extorquerent: tamen quasi nusquam essent proditi, aut quasi ad illam sententiam plane nihil pertinerent, ita de his altum silentium agunt; et sua quadam ratione delectati ad obscuros quosdam locos, et ab ipsis parum attente lectos nos revocant: quasque sufficeret illos tantum indicari, ut in rebus maxime exploratis fieri solet, ita illis leviter appellatis asseveranter statuunt, quod dixi, creditorem quod in diem debeat, ante diem accipere non cogendum; itaque nec invito solvi posse. Quod cum omissis prioribus illis locis, nec refutatis fecerint, non video quid consecuti sint contra dicendo, nisi ut existimarentur aut eos locos non legisse, aut in eorum sententia id non vidisse, quod omnes vident; ac nihilominus ea sententia, quam eorum locorum esse omnes intelligunt, illis locis stantibus integra maneat. Quia tamen aliquid contra afferunt, quale id sit, videamus. Et hæc duo sunt in summa. † Unum, 48 quod in *L. si soluturus, infr. de sol.* traditur iustam esse causam creditori ad recusandum, si non opportuno tempore, aut loco debitor offerat. Alterum, quod in *L. item, in princip. supra, de constit. pec.* ita scriptum est, si per creditorem non steterit ad diem constitui, nihil ei nocere, si ante steterit. Hæcine erant, quæ nos a vetere illa tam certa et manifesta sententia ad istam abducerent? Atqui prius pro ista nihil facit: posterius etiam ei ipsi sententiæ maxime adversatur. Inopportuno tempore pecuniam offerre non licet. Vere hoc dicitur. Ergo quod in diem promissum est, ante diem offerre non licet: non recte colligitur. Prius enim probandum erat non esse opportunum offerendi et solvendi tempus, id, quod diem adiectum antecedit: quod nunquam obtinebitur. Nos quidem maxime idoneum et opportunum esse con-

56*

ten-

rendimus. Nec longe quærimus probationes, aut eas, quæ sint obscuræ et difficiles; sed notis et apertis locis utimur: in quibus scriptum est, totum medium tempus liberum esse promissori ad solvendum; et adicitur ratio, ex qua prius illud necessario consequitur; quia scilicet dies adiciatur promissoris gratia, non stipulantis. At enim ex eo quod dicitur non recte pecuniam offerri inopportuno tempore, satis colligitur esse aliquod non opportuum offerendi tempus. Non nego: sed non ideo efficitur id esse in obligationibus in diem, cum ante diem pecunia offertur. Quodnam ergo non opportuum tempus? si quid debetur sub conditione, et pendente conditione offertur: cum nondum nummi debentur, et sunt in ea causa, ut si creditor accipiat, debeat eos deficienti conditione reddere. *L. stipulatio ista, §. inter, supr. eod. l. qui promisit, supr. de cond. ind.* Sed et si quid in diem debeatur ex testamento ita, ut diem legatarii causa adiectum esse appareat, non licet ante diem solvere, ut postea dicemus. Quinimo et in præsentē obligatione, qualis proponi videtur in *d. l. si soluturus*, illis verbis, *si soluturus pecuniam tibi iussu tuo eam apud nummularium deposuerim*, potest pecunia offerri non opportuno tempore: ut si aliis rebus necessariis occupato creditori offeratur pecunia, ut probetur; et potatur ab eo, ut omissis occupationibus veniat ad pecuniam probandam, de qua specie illic agitur. Denique hoc contende cætera omnia tempora potius videri posse non oportua ad solvendum et offerendum, quam in obligationibus in diem illud tempus, quod diem præcedit, ubi non probetur diem creditoris causa esse adiectum. Hæc enim ratio semper animo obversari debet: si pure quid promissum esset, et statim solvatur, opportune solveretur. Ergo et quod in diem debetur, si solvatur ante diem: quia volente debitore perinde res haberi debeat, ac si illas adiectus non esset. At comparantur locus et tempus in *d. l. si soluturus*. Constat autem loco adiecto, invito creditore alio loco solvi non posse. *L. pen. supr. de eo quod cer. lo.* Illic diceretur aliquid, si verum esset, locum et tempus illic comparari, quod secus est. Comparantur inter se locus inopportunus, et tempus inopportuum. Recte: non enim magis inopportuno tempore offerre licet, quam licet non opportuno loco. Sed prius querendum est, quodnam sit tempus non opportuum, et quis non opportuus locus: in quibus diiudicanda, errat, si quis ean-

dem definitionem adhiberi debere existimat. Scimus locum non opportuum dici, quisquis est alius ab eo, qui dictus est solutioni; *d. l. pen. supr. de eo quod cer. lo.* sed non ideo inopportuum tempus id, quod est aliud ab eo, quod constitutum est ad solvendum. Quorum utrumque efficitur propriis rationibus, et natura utriusque convenientibus. Tempus namque promissoris causa adicitur, non stipulatoris, ut hic diserte scriptum est. Locus adicitur utriusque gratia et creditoris et debitoris. *L. 2. de eo quod cer. lo.* Ac cur dicamus locum potius utriusque causa adici, quam diem, non est obscurum: habent enim singula loca suam utilitatem in mercibus vendendis aut emendis, itemque in pecuniis collocandis, aut sumendis aliunde: quia varia sunt pretia rerum per singulas civitates, regionesque; pecuniarum quoque aliis locis facilius inveniuntur, aliis difficilius, ut est in *L. interdum, supr. de eo quod cer. lo.* Dies autem utilis esse potest debitori, ne ante solvere cogatur; creditori nullam utilitatem potest asserre, si tantum ad differendam petitionem adicitur; sic enim dies efficit, ut minus ei præstetur propter interusorium mediæ temporis, quo ille cogitur carere. *§. tempore, Instit. de act. §. ex contrario, Instit. de leg. 49* Iam de *L. item, supr. de constit. pec.* videamus, verba hæc sunt: *Item illa verba Pretoris, neque per actorem stetisse, eandem recipiant dubitationem, et Pomponius dubitat, si forte ad diem constitui per actorem non steterit, ante steterit, vel postea, et puto et hæc ad diem constitui ferenda.* Est autem hæc sententia; edicto datur actio de pecunia constituta, hac conditione, Si appareat per actorem non stetisse, quominus fieret, quod constitutum est. *L. si duo, §. ait, de const. pecun.* Proinde si per eum stetit, quominus fieret, actionem de constituta pecunia non habebit: quantumvis exstet res constituta. Propono iam hoc modo: Constituit aliquis se soluturum Calendis; is ante Calendas pecuniam obtulit credituri, quam ille accipere recusavit. Sed Calendis adest creditor paratus pecuniam accipere, si debitor tunc offerat: verum nemo offert; ut appareat iam hic per actorem non stetisse constitui die, quominus constitutum fieret. Queritur, an actor ex edicto actionem habeat: nam utramque verum est, et per eum stetisse, et per eum non stetisse, si diversa tempora in hac re spectentur. Itaque et quæritur in eo est, utrum ex his temporibus potius sequendum. Ulpianus ait hæc verba, *per actorem*

rem stetisse, quominus fieret, quod constitutum est, hæc, inquam, ad diem constituti referenda. Significat autem satis esse, si per actorem non steterit die constituti, quominus constitutum acciperet; etsi per eum aliquando stetit antea. Ergo impune creditor recusavit accipere pecuniam ante Calendas, dixerit aliquis; et per eum antea non stetit secundum verba edicti, quæ ut creditor possit agere, exigant, ut per eum non steterit. Imo non alius locus evidentius probat per actorem stare posse, et moram fieri etiam ante diem, quam hic unus locus Ulpiani. Disserte enim Ulpianus proponit eum, qui in diem debeat, et per quem ante diem steterit. Itaque fatetur per eum stetisse ante diem constitutum: sed hoc ei nocere negat in eo, de quo quærebatur: non potest autem ante diem per actorem stare, idest, non potest mora fieri, quominus fiat constitutum, nisi cum ante diem pecunia constituta ei oblata est, et ille sine iusta causa accipere recusavit. *L. qui decem, infr. de solut.* Non fuit igitur ei causa recusandi, quod pecunia ante constituti diem offertur. Et cum moram in hac re creditor faciat, eveniet, quod de omnibus aliis creditoribus, qui moram in accipiendo faciunt, traditum est in *L. qui decem, infra, de sol.* ut si debitor pecuniam a se oblatam postea sine culpa sua amiserit, doli mali exceptione possit se tueri adversus creditorem: ne quis forte hic fateatur verbo moram fieri ante diem; re autem fieri neget, quia ea non noceat. At Ulpianus in *dict. L. item*, dicit spectandum non esse, quid ante factum sit, sed quid die constituti: nempe id dicit interpretans eam partem edicti, in qua quærebatur, an quamvis per actorem aliquando stetisset, tamen is post diem constituti agere posset ex constituto: et hoc vult intelligi nihilominus agere posse, si ad diem constituti per eum non stetit. Ex quo apparet hoc eum dicere, quod per actorem ante diem constitutum stetit, hoc ei non nocere, quominus et post diem constituti venientem possit agere de pecunia constituta. Non ergo simpliciter negat nocere, sed negat nocere ad hanc actionem movendam rebus adhuc integris. Hoc vero non est argumentum non nocere aliis in rebus. Multo minus argumentum est prius moram non esse factam: nam et ceteri omnes creditores, quibus ex aliis causis debet, etsi maxime in accipiendo moram fecerint; nihilominus tamen integras actiones suas retinent, quandiu res debita ex-

stabit. *L. illud, supra, et de per. et com. rei ven.* Cur autem, cum quaeritur in proposito, an per actorem steterit, velit Ulpianus non omnia tempora, quibus per eum stetit, esse spectanda, sed solum diem constituti: ex structura et compositione verborum edicti sumptum videtur. Nam illa verba, *quod constitutum est*, pariter ad actorem referuntur, et ad reum. Ad actorem cum ita dicitur, Si appareat per actorem non stetisse, quominus fieret; quod constitutum est; ad reum, cum ita dicitur prius, Si appareat eum non fecisse: subiicitur enim; quod constitutum est. Iam vero in persona rei hæc verba significant, Si appareat eum non fecisse sua die, quod constitutum est. Proinde in persona creditoris idem significabunt, Si appareat per eum stetisse, quominus sua die fieret, quod constitutum est: ut eadem oratio eadem significatione ad utrumque membrum referatur; ut fieri debere monemur in *L. 4. §. 4. supra, de vulg. et pup. sub.* Stet igitur certi iuris sententia; Quod in diem promissum sit, et generaliter, quod in diem debeat, vel statim solvi posse, quamvis invito creditore: † postquam non in stipulationibus tantum, sed in omnibus aliis causis recte statuitur, diei adiectionem pro debitor esse, non pro creditore. De stipulationibus hic scriptum est: de aliis causis in *L. cum tempus, infra, de regul. iur.* Quod tamen totum in re dubia dictum accipiendum est, et tum, cum nihil aliud aperte probatur in testamento quidem de mente testatoris, in contractibus autem de mente contraheutium. Cæterum in testamento diem legatarii non heredis causa adici posse constat, *dict. L. cum tempus, de reg. iur. L. si ita relictum, §. Pegasus, supra, de leg. 2. L. Iabolenus, alias, eum qui, supra, de an. leg.* Nec dubium est, quin idem agi possit in stipulationibus, aliisque contractibus, et cum actum fuerit, quin eodem modo contractuentium conventio servanda sit, quo in testamento voluntas testatoris. Hoc cum fit, dubitari non debet, quia si ante diem pecunia offeratur, iuste creditor hanc obligationem recuset: etiam si dicturus sit debitor creditorem quaeri non posse sibi iniuriam fieri, cum ante diem solvendo plus præstet, quam debuerit. §. *tempore, Inst. de act. dict. L. Iabolenus, supra, de an. leg.* Nam primum cum dies illius causa adiectus sit, ius illi quaesitum vel testamento, vel stipulatione: de quo illi per arbitrio suo statuere permittendum est. Hoc ius illi invito auferri non debet: nec vero potest si-

ne iniuria. *L. habere, supr. de evic. L. vero, infr. de sol.* Deinde constat creditorem accipere recusantem, moram non facere, eoque recusare impune, si iustam causam habet recusandi. *L. qui decem, infr. de sol.* Nulla autem recusandi causa iustior, quam si in testamentis per voluntatem testatoris differre licet; in contractibus per conventionem. Adeoque in hac re valet voluntas testatoris, ut si ideo legatarii causa diem adiecerit, quod ante eum diem legatarius rem familiarem tueri non posset: hic non modo non liceat solvere invito; sed nec volenti, ut liberatio contingat: *d. L. labolenus, de an. leg.* scilicet quia voluntas testatoris refragetur. Quod ita dictum est, ut hoc casu liberatio non contingat, quamvis aliqui ea fuerit conditio legatarii, ut ei secundum regulas iuris solvi posset. Nam aliqui pupillo aut prodigo nec si pure quid legatum esset, solvi posset sine auctoritate tutoris aut curatoris, ut debitor liberetur. *§. at ex contrario, Instit. quibus ali. lic. vel non. L. Iulianus, supra, de curat.*

51 *fur. et alii ex. mi. dan.* † Creditoris causa diem ad solutionem adici nemo dubitat, cum vel stipulator in diem stipulando, vel testator in diem legando nominatim cavet; ne ante diem solvere invito liceat. Sed etsi id aperte verbis comprehensum non sit; tamen et aliis indicibus mens, eius, qui diem constituit, non minus colligitur. Et in testamentis placet diem legatarii causa adiectum videri, cum post certum tempus legatur ei, qui rem suam tueri et recte administrare non potest, in id tempus, cum melius et facilius poterit: et præterea testator declarat se ob id differre, quia nolit rem legatam lubrico ætatis, tutelæ, aut curæ interim committi. Persona facit, ut cautione testatoris in rei legatæ conservatione et administratione indigeat: et ideo persona huiusmodi ad significationem superioris mentis testatoris exigitur in *L. si ita relictum, §. Pegasus, supr. de leg. 2. et d. L. Iabolenus, supr. de an. leg.* Sed non est satis eam esse personam legatarii, nisi et testator testetur se ideo tempus adieciisse, ne rem medii temporis periculo committeret; hanc enim causam præcipue exigit Papinianus, ut videatur dies adiectus esse pupilli legatarii causa, in *L. 3. §. cum Pollidius, supr. de usur.* Et certe legatum sic relictum impuberi, cum puerus erit, quale est quod indicatur in *d. L. si ita relictum, §. Pegasus, de leg. 2.* si nihil præterea adiciatur de mente testatoris, quo significetur ipsum velle, diem legatarii causa adici: non est legatum in diem,

sed sub conditione: quæ deficiente, ne res quidem ipsa legata debebitur, nedum etiam rei legatæ fructus medio tempore percepti. *L. si Titio, supr. quan. di. leg. ce.* Exemplo legatorum idem probandum puto, si pupillus fundum sibi dari stipuletur post certum tempus, præfatus id quidem agi, ut præsentī die res fiat ipsius; sed cupere se, ut propter lubricum ætatis, vel tutelæ differatur solutio in tempus constitutum. Quod si diem creditoris causa his modis adiectum esse non constabit, manebit ius quod posuimus, ut quemadmodum diei adiectio intelligitur pro reo esse, non pro stipulatore; ita et reo ante diem, atque adeo statim solvere liceat, non modo admittente creditore, sed etiam invito. † Sed et hoc, 52 et superiora omnia ad vim diei pertinentia, quæ ex eo effici diximus, quod res in diem promissa etiam ante diem et statim deberetur, de die certa dicta sunt. Alia causa diei incertæ. Hæc conditionem habet, ut supra docuimus: prouide et ad conditionis ius referenda est: ex quo etiam eadem opera, quid inter certam incertamque diem intersit, intelligitur. Meminerimus autem semper in his omnibus, quæ de dilatione diei adiecti dicta sunt, loqui nos de eo die, qui ita adiciatur, ut vel eo die obligetur promissor, vel ut eo pecunia solvatur. Quod si qui alterius rei causa adiecti sint, quam differendi, hi nec rem differunt, neque ad hunc locum pertinent: ut in definitione stipulationis in diem diximus.

† De vi conditionalis stipulationis restat, 53 ut dicamus; vel ob hoc maxime, ut vis certi diei, de quo hic agitur, ab incerti vi discernatur, ne similitudine decepti etiam in certi questione labamur. Iam dixi conditione differri obligationem in casum. Hinc potest intelligi, et quis obligationis status sit ante eventum conditionis, et quis postea. Pendente adhuc conditione (quod fieri dicitur, cum nondum conditio extitit) obligatio differtur in casum. Id hanc vim habet, ut tantisper quod promissum est, non modo peti non possit, sed ne deberi quidem. Quod significatur in usu iuris, cum dicitur, ubi quis sub conditione stipulatus est, neque venisse, neque cessisse diem, *L. cedere, infr. de verb. signif.* Contra ubi extitit ille casus, in quem conditio collata est (quod cum factum est, ipsa etiam conditio, quæ hunc casum continet, extitisse, et impleta esse dicitur) iam intelligimus desinere differri obligationem, si verum est eam in hunc solum casum differri. Itaque tum certo statui-

titur obligatio non secus, quam si pure esset contracta. *L. si pupillus, supr. de cond. inst.* † Ubi notandum est, cum semel conditio existit, non ita obligationem statim, quasi tum primum inciperet; sed perinde rem haberi, quasi retro versus eo tempore, quo res sub conditione contracta est, sine conditione gesta esset. *L. potior, supr. qui pot. in pig. L. necessario, illie, idem Pomp. supr. de per. et com. rei vend. L. si fundum a, supr. de cond. et dem.* † Ergo cetera omnia conditioni cum die certo communia; et quod prius quam aut hie venit, aut illa existit, pecunia peti non potest; et quod postquam utrumque tempus venit, ita constituitur obligatio, ut si pure, aut in diem ab initio contracta esset, non alia futura fuerit. Una hac in re dissimilem vim habet conditio, in quo etiam propriam cognitionem desiderat; quod die adiecto sic ante diem pecunia non potest peti, ut tamen debeat, et sit præsens obligatio; ex quo illa consequentia, quæ supra diximus: conditione autem adiecta non petitio aut solutio solum differtur; sed ipsa adeo obligatio, ut ante conditionis eventum nihil plane debeat. Itaque deficiente conditione eo res deductur, quasi nihil omnino unquam promissum, actumve esset. Unde rursus non dissimilia tantum; sed ut ex contrariis causis contraria omnia, cum de solutione rei sub conditione promissæ, tum de solutæ repetitione, denique constitutione pecuniæ, et obligationis novatione, totidemque rebus dies certus a conditione distinguitur. Quod si dies incertus conditionem habet, quod supra docuimus: necesse est totidem illis rebus diem certam ab incerta distare. Nam quid inter ista interesset, quæsitum est, ut indicat *L. stipulatio ista; §. inter, supr. eod.* Neque vero in ea differentia, quæ illic de potestate pecuniæ ante diem solvenda dicitur, consistere oportet. † Sic ergo de conditione et die incerta iam colligamus. Quod sub conditione aut in diem incertam debetur, veluti, si aliquid factum erit, aut eum aliquid factum erit, ante diem incertam non debetur. Proinde ut a postremis tanquam notioribus regrediamur ad priora, interim stipulatio vari non potest: *L. quoties, infr. de novat.* cum novatio sit prioris debiti in aliam obligationem transfusio *L. 1. infr. de novat.* Interim pecunia pure constitui non potest; sed constituta eadem conditione suspenditur *L. id quod, supr. de cons. pec.* quoniam quod constituitur, debitum esse oportet. *L. 1. §. pen. et ult.*

L. item, §. 1. de con. pec. Antè quoque per errorem solum repeti potest: scilicet quia indebitum solum. *L. sub conditione, L. quod si ea, L. qui promisit, supr. de cond. ind.* Sed quod præcipuum dubitationem habere poterat; etsi promissor conditionem aut diem incertam non ignorans pendente conditione solum velit: tamen solvere non poterit, non dico invito creditore, sed ne illo quidem pecuniam datam ultro accipiente: quia, aiunt veteres, non fecit, quod promisit. *L. stipulatio ista, §. inter, supr. eod. L. qui promisit, supr. de cond. ind.* hoc est, quia non debuit; id enim debetur ex stipulatione, quod promissum est. Ex hac vero ratione recte prius illud utrumque de solutione infertur. Invito ante diem incertam pecunia non recte solvitur; scilicet quia non est solutio, nisi rei debeat. Quod enim dicitur in *princip. tit. quib. mod. tol. ob.* solutione eius quod debetur, tolli omnem obligationem: non temere adiectum est: *eius quod debetur;* sed ideo, ut intelligeremus quemadmodum huius solutione obligatio tollitur; ita eius quod non debetur, nullam esse solutionem. Unde dictum, aliud quam quod debetur, invito creditore solvi non posse *L. 2. §. 1. supra, si cer. pet.* pecunia autem in diem incertam promissa: ante diem non debetur. Eadem etsi ultro accipienti data sit; tamen nec solutio nec liberatio contingit: primum eadem illa ratione, quod non sit solutio nisi rei debeat: deinde et item altera, quia non possit esse liberatio, nisi ab obligatione præcedente: hæc autem ante diem incertam nulla est. Hinc pecuniæ interim datæ repetitio. *dict. L. qui promisit, de cond. ind.* quam intelligere debemus paratam esse, non tantum ei, qui per errorem tanquam debitum solverit: sed etiam ei, qui sciens dederit, ut liberaretur: sic enim repetet tanquam ob causam datum eam non secuta. Quæ tamen omnia pro tempore, quod diem incertam anteceedit, intelligenda sunt. Nam si, pecunia ante data neeum repetita, postea conditio extiterit, intelligitur debitor iam olim liberatus *L. sub conditione, infr. de solu.* quasi scilicet et iam ante a principio debuerit, quod conditione existente evenire supra diximus. Videamus tamen, ne etiam pro atecedente tempore superiori sententiæ adversetur, quod traditum est de hereditate, quam quis post mortem suam restituere rogatus est. Nam hic diem mortis heredis incertum diem esse, et conditionem habere constat, et quidem efficacem: cum si vivo herede fideicommissarius de-

decesserit, fideicommissum ad eius heredem non transeat *L. 1. §. 1. supr. de cond. et dem.* Et tamen placuit hoc modo restituere rogatum, etiam vivum atque etiam statim restituere posse hereditatem: non ut post mortem eius utilis esse incipiat restitutio; sed ut statim heres iudicio testatoris in eo satisfacere intelligatur. *L. post mortem, C. de fideic. L. patrem, supra, quæ in frau. cre.* nam quod in *L. sed etsi, 10. supra, ad Treb.* dicitur si ante diem aut conditionem restituta sit hereditas, actiones hereditarias non trasferri; ad hunc diem mortis heredis non pertinet. Et dicendum est in eo fideicommissum, quo quis rogatus est post mortem suam restituere, verbis quidem inesse omnimodo conditionem: at sententia testatoris inesse hacten-

us, si heres velit, idest, si ea utatur; quod si nolit, idest, si contempta ea statim velit solvere, non inesse. Cum enim hic dies adiectus sit aperte heredis causa, ut quandiu vivet, hereditate potiat: apparet iudicio testatoris liberum ei relinqui, utrum velit restituere, an nolit. Proinde si conditione uti nolet, necesse est sic accipi fideicommissum, quasi nec conditio inesset de sententia testatoris. Unde et cum id solvitur, etiam fides ab herede impleri, et iudicio testatoris satisfieri dicitur supra scriptis in locis. Non ergo adversatur exemplum, quod volente herede conditionem non habet: quoniam de iis, quæ sub conditione aut in diem incertam debentur, agimus.

Ad L. Qui hoc anno. 42.

Papinianus libro xxvii. ad Sabinum.

Qui hoc anno, aut hoc mense dari stipulatus sit: nisi omnibus partibus præteritis anni vel mensis non recte petet.

S U M M A R I A.

1. *Quæstio huius L.*

2. *Sabini et Proculi contrariæ sententiæ, earumque rationes.*

3. *Stipulatus hoc anno, mense, nundinis, Calendis, nisi omnibus partibus anni, men-*

sis, nundinarum, Calendarum præteritis petere non potest.

4. *Bartoli distinctio contra Baronem et Duarenum defensa, et n. G.*

5. *§. At si ita, Inst. eod. explicatur.*

MOnui supra ad *L. 13.* postquam diei adiectio in stipulationibus recepta est, unde factum est, ut varie quoque tempus exprimeretur; ideo hac parte de quarundam conceptionum significatione dubia quæsitum esse, quousque in his solutionis dilatio proferretur. Cuiusmodi est, cum stipulamur ante Calendas, aut intra Calendas: de quibus illic diximus. † Ex hoc genere est hæc etiam, de qua hoc loco, cum stipulamur non ante, aut intra, aut post aliquod tempus; sed certo tempore dari, puta hoc anno, hoc mense, proximis nundinis seu nundinarum diebus: cui similis est, et cum stipulamur Calendis. Hic enim quæsitum est, utrum initio cuiusque temporis constituti agi posset; an vero non prius, quam omnes partes eius temporis præterissent. De quo ne inepte hoc loco constitui et non necessario putemus, quasi ex verborum significatione et certa sententia contrahentium diem pro reo adiciendum sine ulla hæsitazione id dici debeat, quod hic tra-

ditur, nimirum non nisi omnibus partibus temporis constituti præteritis agi posse: habuit utraque pars etiam in veteribus iuris auctoribus suos assertores.

† Ut enim refertur in *L. eum, qui certarum, infr. eod.* Sabinus putavit ex huiusmodi stipulationibus primo die anni, mensis, nundinarum agi posse. Cui conveniens fuit existimari, etsi quid promissum esset certo die, puta Calendis, posse statim eo die peti. Proculus, et diversæ scholæ auctores, quandiu vel exiguum tempus ex anni, mensis, nundinarum spatio superesset, peti non posse existimaverunt. Utrum igitur sequimur? et Proculi sententia obtinuit, eaque est quæ hoc loco constituitur, item in *d. L. eum, qui certarum, infr. et totidem verbis in §. qui hoc anno, Inst. de inut. stip.* Nec dubium est, quia ex eadem sententia sit, quod traditur in *§. in diem, Inst. eod.* cum quid promissum est Calendis, non ante peti posse, quam totus is dies præterisset: et ad eandem veterum dubitationem referri debet,

bet, quod hæc sententia eo loco ratione adhibita diligenter confirmatur. Etsi autem repudiata Sabini sententia nihil ad rem pertinet querere, quid eum moverit, ut sequamur: tamen ut diluamus, vitemusque, etiam nunc explicari necesse est. Incredibile est enim tantum auctorem in verbis tam expositis sine magna, aut probabili aliqua ratione superiorem interpretationem esse secutum. Quod si, quod eum movit, fuit aliquid; cogitare debemus, si verum fuit, ab eius sententia discedi non debuisse: si falsum; tamen esse eiusmodi quod et nobis nunc quoque errorem possit obducere, nisi cavemus. Diluitur autem Sabini ratio, contrarie sententiæ ratione exposita. Quare utraque de causa faciendum est, ut istarum sententiarum rationes breviter cognoscantur: tum ut discamus nos quoque ratione Sabini in hac specie non moveri; tum ut contraria confirmati non inviti veræ sententiæ assentiāmur. Et mihi dubium non est, Sabinum verba stipulationis secutum primo die actionem in proposito dedisse: quæ si tantum sequimur, dubitari non debet, quin ille recte senserit. Intelligendum est enim quoties dies addicitur stipulationi, toties petitionem, quæ die differat, habere conditionem hanc, si pecunia constituto tempore soluta non erit. Proinde cum dico, Calendis dabis? perinde est, ac si ita dixissem, dabis ita Calendis, ut si Calendis non dederis, continuo mihi tecum agere liceat. Similiter cum dico, dabis, hoc anno? intelligendum est hoc dici, dabis hoc anno; et si hoc anno non dederis, ius mihi est tecum agendi, et pecuniam petendi. At hæc conditio, si hoc anno non dederis, existit statim, quacunque parte anni non dederis. Verum est enim te nulla parte anni dedisse, ubi vel una aliqua minima non dedisti. Nam pro eo quidem tempore, quod petitionem antecedit, potuisti dare: at non dedisti. Pro eo autem, quod futurum est, non modo nondum dedisti; sed ne fieri quidem potest natura, ut dederis. Dabo postea, inquit. Nihil hoc ad defensionem tuam pertinet: non enim queritur, an daturus sis, necne; an possis dare, necne; sed an non dederis, ut erat conditio: te vero non dedisse, atque ita conditionem extitisse verum est. Quare et conditione petitionis statim expleta, simul etiam locum petitioni factum esse recte dixeris. Quid hic Proculus, et diversæ scholæ auctores? Assentiatur necesse est, si hic verba uti sunt, spectamus; idest, si nihil amplius fuit in stipulatione, quam ut hoc anno, idest, aliqua parte huius anni dares; ne-

Tom. XI.

verbor. obligation.

que hoc placuit, ut sic aliqua parte dares, ut tamen tibi liberum esset omnibus partibus anni tuo arbitrato dare; ut si una non dederis, reliquæ expectentur. Ex quo intelligitur, illos, cum contra statuerunt, sententiam contrahentium considerasse, eamque ex verbis aliam esse interpretatos, quam verba simpliciter et infinite scripta ostendunt. Voluerant enim, hoc anno, hoc mense, his undicijs, sic accipi: ut sententia contrahentium totum hoc tempus integrum reo ad solvendum datum intelligeretur, ut indicatur in §. *in diem*, *Inst. eod.* Hæc vero contrahentium sententia multis ex rebus colligitur, eaque Interpretatio totidem præceptis iuris confirmatur. Nam primam si adiectis verbis, *hoc anno*, nihilominus primo die statim peti potest; nequidquam hoc tempus adicitur; cum et non adiecto eo idem iuris futurum fuerit. Semper autem et in testamentis hoc in stipulationibus sic accipi debet, quod dictum est, ne frustra dictum aut adiectum videatur: quia id senserit testator; quia senserint contrahentes: quorum incredibile est in re seria hanc cogitationem esse, ut nihil agi voluerint. *L. si quando*, *supr. de leg. 1. L. quoties in L. ubi*, *supr. de reb. dub. L. quoties in infr. eod.* Ex usu quoque loquendi hæc voluntas contrahentium facile perspicitur. Longe enim aliud est, dabis hoc anno? aliud, dabis hodie? tantumque inter ista interest, quantum inter annum et diem. Non possunt autem hæc differre, nisi hoc anno sic accipimus, ut non prius dies, sed totus annus completus intelligatur. Quare et hæc quoque sententia ex usu loquentium accipienda est. *L. si servus plurium*, §. *ult. de leg. 1.* Postremo etsi utraque interpretatione retineretur verbi significatio, nec adiectio anni esset inutilis: tamen hæc recte referetur regula iuris, quæ in ambiguis stipulationibus servatur: ut dicamus, *hoc anno*, verba esse ambigua, quæ et decepto anno accipi possint et de completo. In ambigua autem stipulatione id accipiendum esse, quod stipulatori nocet; ac proinde tempus longissimum. *L. stipulatio ista*, §. *in stipulationibus*, *L. si ita*, *12. supr. eod.* Unde eveniet, ut quamvis stipulator secundum verba de omni parte anni interrogarit, tamen pro commodo promissoris et ipse de anno completo interrogasse, et promissor de eo respondisse intelligatur. Quæ si sententia est superioris stipulationis, duo hinc efficiuntur: primum hanc esse sequendam. *L. semper in stipulationibus*, *infr. de regul. iur. l. eum qui*, *prox. supr. quod et*

superioribus regulis inris faciendum esse præcipitur. Deinde ex hac interpretatione abunde rationi Sabini, quæ contra stare videbatur, occurrere posse. Quod enim dicitur ex stipulatione in diem concepta agi posse, simul atque verum sit die constituto datum non esse: verissimum est. Sed ex superiore interpretatione quemadmodum annus constitutus intelligitur completus et exactus; ita hæc erit conditio petitionis, non simpliciter si hoc anno datum non sit; sed si datum non sit hoc anno completo et exacto. † Constat iam igitur non auctoritate tantum constituentium, sed certa ratione huius loci sententia, quod hoc anno, hoc mense, illis nundinis, illis Calendis quis stipulatus est, nisi omnibus partibus anni, mensis, nundinarum, Calendarum præteritis peti non posse. Laborat tamen hæc sententia propter ius receptum in legatis annuis: Placet enim, quod in annos singulos legatum est, id non finito quoque anno, sed initio cuiusque peti posse, *L. nec semel, supr. quan. d. L. ced. L. 1. C. cod.* † Ego etsi iudicio nihil esse verius distinctione Bartoli ad hæc concilianda hoc loco ab illo tradita; tamen quia video ipsum duobus doctissimis interpretibus non probasse, Eguinario Baroni ad *§. at si ita, Inst. eod.* et Francisco Duareno ad hunc locum, et fortasse non satis eloquitur Bartolus, aut dicendo elicit, quod vult; putavi non abs re futurum, si hæc res adversus illorum rationes nostris verbis explicaretur, et confirmaretur. Primum hoc dico, frustra tentare hæc conciliare eos, qui dissimilitudinem istarum causarum ex eo statuunt, vel quia aliud sit in annos singulos, seu annuatim legare; aliud legare hoc anno, et deinceps sequentibus: vel quia quod supra scriptis in locis dictum est initio cuiusque anni peti posse, de legato dictum sit; quod ius non pertineat ad stipulationes, de quibus hic agitur. Utrum in annos singulos decem legentur, an decem annua, an decem singulis annis, nihil interest. *d. L. nec semel, §. novissime, supr. quan. d. L. ced.* In omnibus enim hæc sententia exprimitur, ut decem legatarius percipiat non solum primo anno, sed etiam secundo, et tertio, et deinceps sequentibus quoad vivet. Ne hoc quidem refert, annua decem legentur, an promittatur stipulatione, Vis annuæ stipulationis eadem, ut et ex ea initio cuiusque anni pecunia peti possit. Fateor, non satis probatur hæc sententia in *L. cum, qui ita, §. qui ita stipulatur, decem, infr. eod. et L. si servus, 18. ult. infr.*

de stip. ser. quibus locis ad eam rem confirmandam Bartolus utitur. Nam in prole non promittuntur decem annua, idest, decem sæpius, et singulis annis: sed semel decem, quoad vivam. In altero, pecunia quam servus fructuarius operis suis locatis earum nomine in singulos annos stipulatus erat, dicitur singulorum annorum nomine initio cuiusque anni fructuario acquiri. Sed dici potest aliud esse ei acquiri, aliud ab eo peti posse: cum pensio totius anni, quæ operarum nomine debetur, non videtur statim exigi posse ob operas nondum præstitas. Esto igitur, his locis superior sententia non probetur, ut quidam putant: attamen hæc pene disertè expressa est in *§. at si ita, Inst. eod.* † proponitur quis stipulatus esse decem aureos annuos, quoad vivet. Iustinianus ait pure factam obligationem intelligi, et perpetuari. Pure facta obligatio dicitur, non ea, quæ conditionem solum non habet: sed quæ nec conditionem habet, nec diem. Maxime autem Iustiniano pura obligatio id significat eo loco, in quo tractat de ea specie persequitur enim illic divisionem a se institutam, qua in *§. omnis, eo tit.* omnem stipulationem fieri proposuerat aut pure, aut in diem, aut sub conditione; et puram a cæteris duabus speciebus separans, aperte eam se intelligere ostenderat, quæ nec in diem esset, nec sub conditione; quod et exemplo veluti definierat, cum pure fieri dixit: veluti, quinque aureos dare spondes? Sed præcipue in ea specie proponenda hoc se sentire declarat, cum eius tractationem subiicit ei speciei stipulationis, quæ fit in diem; et subiicit per adversativam, his verbis; *At si ita*; Hoc modo enim hanc obligationem ab obligationibus in diem contractis, de quibus prius dixerat, evidenter separat, et simul declarat eam nec diem quidem in se habere. Quod si ita est, conficitur ex ea confestim agi posse; quod est proprium puræ obligationis: *d. §. omnis, Inst. eod.* et nullum diem ad agendum expectandum esse, ubi obligatio, nullum diem contineat. † Restat igitur, quod est tertium, 6 quodque Bartolo recte visum est, ut dicamus, cum quaeritur, utrum annus obligationi adiectus obligationem differat, necne, multum interesse, utrum quid legetur, promittaturve hoc anno, idest, uno, eoque et semel: an vero singulis annis, idest, pluribus, ac proinde sæpius; nempe idem per singulos annos. Ut si quidem id actum sit, ut semel, et uno anno

no quid præstetur, obligatio sit in diem, sive ex legati causa, sive ex stipulatione debeat. Optima ratione; quia in re quæ etiam anno non adiecto deberetur, non posset intelligi annus adiectus, nisi obligationis differendæ causa. Ex quo etiam illud evenire necesse sit, ut nisi omnibus eius temporis partibus præteritis pecunia peti non possit, quod hic traditur. Sin quid præstandum sit singulis annis, seu pluribus, et sæpius; iam non tantum si legatum sit testamento; sed etiam si stipulatione promissum, ubique præsens sit obligatio et petitio singulorum annorum: contraria de causa videlicet, quia appareat in legatis et stipulationibus annuis annos adiectos esse multiplicandæ obligationis causa, nullo autem modo differendæ. Hac distinctione nihil verius. De qua ut certius possit statui, meminisse oportebit eius, quod iam supra ostendi in *L. præcedenti*, in definitione stipulationum in diem, nunquam diem adiectum differre obligationem seu petitionem, ubi differendi causa non adicitur. Sic enim definitio est stipulationis in diem, ut sit, cum stipulatio sit, adiecto quidem die, sed eo, quo pecunia solvatur. Proinde si non adiciatur, ut eo die pecunia solvatur, non erit stipulatio in diem; eoque et præsens erit obligatio. Argumento certissimo erunt duo genera dierum, de quibus inter omnes convenit. Nam si quis stipulatus sit, hodie sibi dari; constat ex ea stipulatione statim agi posse, tanquam quæ non sit in diem. *L. liber*, §. 1. *infr. eod.* nempe quia admonendi causa hic dies adicitur, non differendi, ut ibidem traditum est. Item cum promittitur usque ad diem, veluti usque ad annos tres, usque ad Calendas proximas, manifestum est hic diem stipulatione comprehendere: nemo tamen ignorat præsentem esse obligationem. *L. obligationum fere*, in *pr. supr. de obl. et act. §. at si ita*, *Inst. eod.* Nec quisquam est, qui eo fieri non intelligat, quia is dies non differendæ obligationis causa adiectus sit; sed constitutæ finiendæ. Idem et de annuo legato, et de annua stipulatione iudicandum est. Stipulatus est quis decem singulis annis, quoad vivet, legata sunt decem alicui quoad vivet. Non efficit annorum adiectio, quominus initio cuiusque anni ea decem peti possint: propterea quod anni adiecti sunt, non differendæ obligationis causa, sed novæ per singulos annos constituendæ gratia. Idque ex eo apparet, quod nisi anni adiecti essent, intelligeremus summam semel tantum deberi, non sæpius. Sunt ergo plures comprehensi anni, ut sciremus

id actum esse, ut sæpius, idest, per singulos annos decem deberentur: quod cum actum esse intelligatur, neque potest obligatio esse in diem ex §. in *diem*, *Inst. eod.* neque debet annorum adiectio quidquam efficere præter propositum et meum contrahentium, arg. in *L. non omnis*, *supr. de ob. et ac.* Sed plures annos comprehendere volumus multiplicandæ ab initio obligationis gratia, idest, novæ per singulos annos constituendæ. Nam si constiterit plures præstationes plurium annorum constitui non multiplicandæ obligationis causa; sed eius summæ, quæ ante una erat, aut quam testator unam vellet, in plures annos, aut plures pensiones dividendæ: res dubitationem non habet, quin hic præstatio unius summæ, quam nulla eius divisione facta semel et statim fieri oportebat, in plures annos differatur. Proinde singulorum annorum pensiones ante exigi non possunt, quam quisque annus præterierit, quo solvi debebant. Finge testatorem unam summam centum annorum alicui legare annua, bima, trima die, de quo in *L. si cui legetur*, 48. *supr. de leg. 1.* et *L. 3. supr. de an. leg.* Idem est, si stipulatus sim a te centum, et deinde convenerit inter nos, ut ea, divisus trium annorum pensionibus, annua, bima, trima die mihi præstares: aut, quod in mensibus idem valet; si convenerit, ut ex ea summa certam summam singulis mensibus mihi præstares, donec tota sors confecta esset. In qua specie Paulus scribit sortis petitionem esse dilata, ut primi mensis pensio non possit, nisi finito primo mense, peti; eademque sit cæterarum pensionum et mensium insequentium ratio, *L. lecta*, *vers. igitur*, et *vers. sed cum sortis*, *supra*, si *cer. pet.* Sed hæc tum sunt, inquam, cum aperte obligatio unius summæ in plures pensiones dividitur. Cæterum si ab initio eiusdem summæ plures plurium annorum obligationes constituentur, ut accidit in legatis et stipulationibus annuis; perspicuum est, quod dixi, non posse videri annos adiectos differendæ obligationis causa, quos appareat alterius rei gratia esse adiectos. Eo fieri, ut singulorum annorum præsens sit obligatio, et ut sit in præsentibus obligationibus, sic in his initio cuiusque anni statim pecunia peti possit. Diversum est, cum semel aliquid hoc anno promittitur: ubi cum annus non adiciatur constituendæ obligationis causa, palam est cum alterius causa non adici, quam promissoris, ut hoc temporis spatium ei solutio differatur. Nam hic annus non ad-

adlicci ad constituendam obligationem ex eo plus quam manifestum est, quod anno non adiecto, pecunia deberetur non minus: eo adiecto, incipit aut minor fieri obligatio, quia peti statim non potest; aut certe dubitari, an minuatur. Et quid si testator legat eodem modo: puta, anno, biennio, triennio post, quam moriar, heres meus dato? non aliud hic servandum est, quam in stipulationibus; ac, nisi exacto anno, biennio, triennio legatum peti non poterit. Idque ita diserte traditum est in *L. quod quis, sup. de obl. et act.* Quo fit, ut non recte ne hic quidem distinguantur ab iisdem illis stipulationes a legatis, quasi in his non idem iuris sit. Nam si omnia auctoritate *L. quod quis, sup. prox. tit.* verum ratione exquirendum est, quid dici aliud potest, nisi hoc legatum esse in diem, et sententia testatoris differendam esse petitionem? Legatum in diem esse declarat, quod annus adiecitur, quo pecunia solvatur; si modo vera est definitio de stipulationibus in diem tradita in *§. in diem, Inst. eod.* neque eum aliter sit legatum in diem, aliter stipulatio. Tum autem annus iste, qui iniectus est solutioni legati a testatore; quæro, utrum utiliter adiectus sit, an inutiliter. Inutiliter adiectum dicere regulæ iuris, quæ sunt de interpretatione obscuræ voluntatis, vetant. *L. quoties in infr. eod.* Quod si non frustra adiectus est, cuius tandem rei causa adiectus est, nisi præstationis differendæ? aut potius utrius reorum causa, nisi heredis? nam legatarii causa adiectum videri, cuius interest legatum sine die et sine ulla dilatione temporis petere, absurdum est. At enim si Stichus liber esse iussus sit anno aut intra annum, post quam testator decesserit, placet eum mortuo testatore statim et in principio anni liberum esse. *L. si ita fuerit libertas, tota, sup. de manum. test.* Non fit hoc, quia hic libertas testamento relicta est, non promissa: sed quia, ut Bartolus hic recte vidit, etiam in testamento ipso longe alia verborum significatio est, et sententia testatoris, cum heres iubetur dare hoc anno, de quo agimus: ut et de eo promissore, qui promittit hoc anno dare: *d. L. quod quis, sup. prox. tit.* Alia, cum legatarius ipse iubetur capere, et sibi habere hoc anno aliquid: et præsertim libertatem, quæ a testatore recta accipitur, non ab herede: quod fit, cum servus iubetur esse liber. *§. qui autem, Inst. de sing. reb. per fidei. rel.* Nam eum iubetur heres hoc anno dare, annus adiecitur eius causa cui solutio iniungitur, idest,

heredis: aperte enim adiecitur solutioni et præstationi temperandæ. Denique hæc verba, *heres meus illo anno dato*, hoc exprimunt: quæcumque parte illius anni dato. Quod heres pro suo iure facere non potest, nisi licet ei etiam postremo anni die dare, ut ante cogi non possit. Cum autem iubetur legatarius ipse capere hoc anno, annus acceptioni et facto legatarii iniectus aperte ad utilitatem et potestatem eius refertur. Ut enim ipse capiat, aut faciat quid hoc aut illo anno, totum eius causa comparatum est: et quod supra dixi de prioribus verbis, hoc idem de his posterioribus licet dicere: Illis verbis, Stichus servus meus illo anno liber esto; vel, illo anno libertatem percipito, testator hoc dicere intelligitur, quæcumque parte illius anni liber esto, libertatem percipito. Quibus verbis non obscure fit ei potestas capiendi etiam initio anni: quoniam et quod initio anni fit, etiam in anno fieri verum est. Mutantur ergo ista non personis aut locis, a quibus, aut in quibus illa constituuntur: sed nec rebus, quæ præstari debent; sed pro voluntate loquentium, quæ voluntas verbis declaratur. Itaque etsi testator ipse libertatem relinquit ita, ut servum liberum esse iubeat adiecto aliquo tempore; si tamen constet verba hoc exigere, ne ante id tempus exactum servus sit liber, ante liber non erit: quod fieri dicitur, eum quis in annos decem liber esse iussus est, in *L. si in annos, sup. de cond. et demon.* In annos enim ita dicitur, ut in diem. Ut igitur dicitur in diem quid fieri, eum ita dies adiecitur, ut ante eum diem pecunia non debeat, certe non debeat ita, ut peti possit. *L. prox. supra, §. in diem, Inst. eod.* sic recte in annos quid relinqui aut deberi, quod placet ita differri, ut ante eos annos finitos non debeat. Interdum in decem, aut duos, totæ annos quid promitti aut relinqui dicitur, quod promittitur et relinquitur pure ac sine mora, sed usque ad annos decem, ut in annos idem sit, quod usque ad annos; ut cum usufructus hoc modo promittitur vel relinquitur. *L. quesitum, supra, de usufr. L. si ususfructus, supra, de us. et usufr. leg.* Sed hæc interpretatio in usufructu recipi videtur propter naturam usufructus: quoniam enim hic etiam constitutus temporalis est, ac eum persona fructuarii extinguatur. Fieri autem potest, uti si anni decem, aut quotvis alii constituti expectentur, inutilis sit stipulatio, inutile legatum, quia fructuarius interim decedat: ideo magis convenit hæc verba in annos decem, aut in biennium

nium sic accipi, ut sint tempus, quo finiat usufructus ab initio recte et statim constituitur, quam quo suspendatur, et ex quo incipiat: quo res sit in tuto. *L. ubi, supr. de reb. dub. L. quoties in stipulationibus, infr. cod.* Est et hæc natura usufructus, ut constitutus, non sit unius anni,

sed plurium et incertorum, nempe omnium, quibus legatarius vivet, nisi tempus certum ei rei definitum sit aut testamento, aut pactione. Consentaneum est igitur tempus additum esse eius rei definiendæ causa, ne res longitudini legis, aut incertitudini relinqueretur.

Ad L. Si quis arbitratu, 43.

Ulpianus libro L. ad Sabinum.

Si quis arbitratu puta Lucii Titii restitui sibi stipulatus est: deinde ipse stipulator moram fecerit quo minus arbitretur Titius: promissor quasi moram fecerit, non tenetur. Quid ergo si ipse qui arbitrari debuit, moram fecerit? Magis probandum est, a persona non esse recedendum eius, cuius arbitrium intertum est.

SUMMARIA.

1. Conventiones et stipulationes, item legata in alienum arbitrium sæpe conferuntur.
2. De alieno arbitrio stipulationibus et legatis adiecto duo queruntur.
3. Cur cum in his verbis: Arbitratu Lucii Titii, aut Quod Titius iustitiam, conditio fuit, iure ceterarum conditionum hic non utatur.
4. Summa huius iuris, et n. 14.
5. Legatum in alterius arbitrium collatum pro boni viri arbitrio accipi, et quæ huius iuris effecta.
6. Lectio verbi L. 1. in prim. supr. de leg. 2.
7. Herede arbitratu Titii monumentum facere sub pama iussu, si Titius arbitratu non fuerit, pama non committitur, et cur in hac specie diversum, quam in legato.
8. In legatis cur ad cuiusvis boni viri arbitrium res redigatur, cum certa persone iudicium testator elegerit.
9. In arbitrium alterius stipulatio collata pro boni viri arbitrio non semper accipitur, et an idem in bonis fidei contractibus, et n. 14.
10. L. in proposita, 78. supr., pro socio, declaratur.
11. Duabus in causis placet, etsi is, cuius in arbitrium res collata est, non arbitretur, promissorem tamen obligari.
12. L. hæc venditio, supra, de cont. empt. illustratur.
13. L. 3. C. de dot. promiss. declaratio.
14. In testamentis et reb. creditis ius diversum, si re in arbitrium extranei collata, is sine culpa promissoris non arbitretur: et quæ divorstantis ratio.
15. Arbitratu Titio, cuius in arbitrium res confertur, an debeatur quod cautum est, etsi ille iniquum sit arbitratu.
16. In Compromissis, quid iuris.
17. Confirmatur sententia, Titio iniquum constituyente, rem ad arbitrium viri boni redigi etiam in strictis iudiciis; discussis iis, quæ in contrarium facere videbantur.
18. L. ult. C. de cont. empt. et pr. L. si metes, supr. loc. explicatur.
19. In arbitrio presentia contrahentium, an necessaria sit: et quid in Compromisso.
20. Arbitrii potestas, an certo tempore inclusio sit.
21. Arbitrium finitur morte eius, qui arbitrari iussus est: secus si vivi conditio mutata sit.
22. Arbitrium uno ex contrahentibus mortuo, an extinguatur: et cur diversum in Compromisso.

1 IN negotiis contrahendis multa sæpe, de quibus nobis cavemus, alieno arbitrio, puta Lucii Titii permittimus: ut pretium in emptione; *L. ult. C. de contr. em.* ut mercedem rei locatæ, et operis approbationem in locatione; *L. si merces, L. si in lege, supr. de loc.* ut partes societatis in societate, *L. si coita, et seq. supr. pro socio.* Idem iisdem de causis usitatum in stipulationibus tam dandi tam

faciendi. Dandi; ut cum stipulamur doctem soceri aut alterius cuiusvis arbitratu. *L. cum post, §. igitur, supr. de iur. dot. L. 3. C. de dot. pro.* Faciendi; ut cum stipulamur opus fieri Lucii Titii artificis arbitratu; aut restitui vel rem, vel opus, quod in nostra iniuria factum destrui velimus, et cupiamus æstimari a Titio, an recte et integre res vel opus nobis restituantur; quæ species est huius loci. Nec

mi-

minus in testamentis interdum vel legati quantitas, ut dotis legatæ; vel aliarum rerum electio; vel operis, ut monumenti effectio in alienum arbitrium confertur. *L. 1. sup. de leg. 2. L. ult. §. 1. C. com.*

2 de leg. *L. 6. sup. de cond. et dem.* † In omnibus huiusmodi tum legatis, tum conventionibus, et stipulationibus de vi et significatione superioris adiectionis duo quæri solent. Uuum, an non arbitrate Lucio Titio debeatur, quod cautum est, an nihil. Alterum, an arbitrate eo debeatur quod cautum est, etsi ille iniquum sit arbitratu: quod cum ex natura rei, et reliqua tractatione intelligi potest, tum maxime indicatur *d. L. ult. C. de contr. emp. et L. si merces, sup. loc.* Ac de prioris responsum est diserte hoc loco, quod quidem valeat ad stipulationes hoc modo contractas. De posteriore significatur tantum: quod tamen ex prioris responso per contrarium satis colligatur. Poteramus ad omnes alias causas hoc responso esse contenti, si quidem alii de hac specie scripti loci convenirent. Nunc autem in aliis causis diversa prope omnia; nec ulla in specie magis varie scriptum videtur. Quæ si cum hoc loco conciliari, et ipsa inter se consentire volumus, necesse est a nobis semel dici de omnibus, quod mihi hoc loco facere constitutum est. Sed cur laboramus, dixerit aliquis, aut cur superiora illa tractantur proprie in hac adiectione? nam in his verbis: arbitratu Lucii Titii, aut quod Titius æstimaverit, constat inesse conditionem, si Titius fuerit arbitratu, si Titius æstimaverit. *L. hæc venditio, sup. de contrah. em. d. L. ult. C. eod. tit.* † Cnr ergo in hac re non nitimur iure et regula cæterarum conditionum? quam quidem si sequeremur; ita breviter respondendum fuit: si Titius non arbitrabitur, defecisse conditionem, itaque omnino nihil deberi. *L. cedere, infr. de verb. sig.* Sin arbitretur, ut conditione impleta, pecuniam deberi, et quidem quanta promissa est. *§. sub conditione. Inst. eod. L. a Titio, infr. eod.* Hæc lex est de vi conditionalis stipulationis supra a nobis satis exposita ad *L. eum, qui §. ult. sup.* Cnr ergo, inquam, hac non nitimur, ac necesse est in hac specie laborari? Verbum arbitrii, quod hic appellatur, dubitationem fecit. Queritur enim quomodo id accipere de-

beamus; utrum meram Lucii Titii voluntatem, an arbitrium boni viri, idest, arbitrium quidem Lucii Titii, sed quale boni viri esse solet. Si pro boni viri arbitrio accipitur, nulla conditio est: semper enim certum est, quid vir bonus sit arbitratu, nempe æquum: nam aliter non sit vir bonus. *L. 1. sup. de leg. 2.* Sin accipitur arbitrium proprium personæ, idest, quod Lucio Titio videtur; erit conditio, in eoque regulam cæterarum conditionum servabimus. Quod si de prioris certi aliquid in universum traderetur, poterat et sequens quæstio ac res tota esse expedita. Nunc in quo laboratur; hoc est, quod de prioris non idem placet in omnibus causis, et quod ad difficultatem accedit, ne in iisdem quidem causis idem servatur arbitrate Titio, quod non arbitrate. Sed de re videamus: atque initio huius iuris complectar summam, quæ videtur, ut sit iam a principio constitutum, quod hic teneri oporteat, quod deinceps confirmari et explicari velimus. † 4

Mihi autem hæc videntur: referre utrum legatur quid alieno arbitratu, an promittatur. Si legetur; arbitrium pro boni viri arbitrio accipiendum esse; eoque nullam inesse conditionem legato, ut quidem id præstetur. Sin promittatur; eius ipsius personæ quæ appellata est, arbitrium accipi, non viri boni. Proinde et conventioni inesse conditionem, quam sequamur. Hinc fieri, ut in testamentis, sive Titius, cuius arbitrium inscriptum est, arbitretur, sive non arbitretur, semper debeatur legatum, et quidem sine mora, ad eum tamen modum, quem vir bonus arbitraretur, idest, ad æquum et probabilem modum. In contractibus contra, ut Titio non arbitrate vel quia nolit, vel quia non possit, nihil debeatur, quia conditio defecerit: cum hac exceptione tamen, nisi quatenus etiam in aliis omnibus conditionibus conditione non existente res promissa deberetur. Sin arbitretur Titius; tum committatur stipulatio, quia conditio extierit: itaque et promissa pecunia semper debeatur, sive ille æquum sit arbitratu, sive iniquum: non tamen præstetur tanta, quantum ille fuerit arbitratu, si aperte iniquum constituerit: sed tanta, quantum non sit iniquum præstari; atque hactenus eius arbitrium etiam in contractibus ad boni viri arbitrium re-

† 1) Pinet, tamen *d. P. 2. Rub. C. 1. n. 5.* nec valet ut pretium debeatur a bono viro in genere, non facta relatione ad iudicem, existantem personam, per *d. L. 25. pr. d. L. ult.* Et *n. 6.* invalidam esse emptionem sub for-

ma duorum eligendorum a contraheentibus (1) ab emptore (2) a venditore, (3) in quo dicitur cum communi *Fæ. 2. contr. 1.* Nec conveniri posse ut unus contraheentium eligat tertium qui pretium defuisset.

redigatur. Hac distinctione nihil puto verius. In cuius summis partibus mihi cum Bartolo hoc loco convenit: (Bartolus hic cum dico, reliquos interpretes intelligo, qui distinctionem ab illo hic traditam, magno consensu paucis admodum exceptis secuti sunt) in partium singularum distinctione et ratione explicanda cum illis non convenit. Ac mihi quidem superior distinctio non tam confirmationis accuratæ egeret videtur, quam enodationis. Non enim sunt obscuri loci, quibus singulæ partes a veteribus illis probentur; sed attentione et iudicio opus est ad membra ipsa recte distinguenda. Quæ cum omnia videantur uni rationi subiecta, si his vis diversum affingimus: mirum, ni videantur potius oppugnare ipsa sese, et mutuis vulneribus concidere. Ac similitudine partium moti nonnulli etiam distinctionem ipsam superiorem reiecerunt. Conabor igitur totam istius inris rationem ita expedire, ut intelligatur, non solum singulas partes placuisse iuris nostri auctoribus, sed etiam illud, quamobrem, et. quam recte placuerint. Et inter omnes interpretes, paucis admodum exceptis, convenit, et recte convenit, aliud hic servari in testamentis, aliud in contractibus.

5. † De testamentis ita scribit Ulpianus in L. 1. *supr. de leg. 2.* placet in testamentis legatum in alterius arbitrium collatum pro boni viri arbitrio accipi. Inde colligit neque conditionem inesse legato, neque moram: quæ enim, inquit, mora est in boni viri arbitrio, quod injectum legato velut certam quantitatem exprimit? Hæc omnia eo spectant, ut efficiatur, legatum in alterius arbitrium collatum semper deberi, sive is, cuius arbitrium comprehensum est, non arbitretur; sive arbitretur, sed iniquum. Deberetur enim citra controversiam, si nulla esset conditio: nullam autem esse volumus. At enim in hoc legato hæc circumscriptio est, Quod vir bonus arbitrabitur: in quo etiam inest hæc conditio, Si vir bonus arbitrabitur. L. 6. *supr. de leg. 1.* Ita est: sed hæc verbis et figura orationis conditio est: re vera non est. Quæ conditio omni modo exstitura est, ea pro conditione non habetur. L. *quod si ea, supr. de cond. ind. L. si pupillus, §. qui sub. infr. de novat.* Semper autem certum est, virum bonum arbitraturum esse. quo alteri prosit, nemini noceat, ut definitur officium viri boni a Cicerone *lib. 3. de offc.* Sed nec quemquam privatum eo nomine adiri necesse est, quia quid vir bonus, si consulatur, arbitraturus sit, certum est: arbitrabitur enim æquum, ut di-

xi: hoc vero certum. Nam et ratione naturæ, et iure certo continetur: quale expositum est in specie superiore in d. *L. 1. de leg. 2. et L. si filius pater, supr. de leg. 3.* et. ut nunc forte ab imperitis iuris id ignoretur, non eo tamen magis ea ignorantia rem differt. Quæ enim per rerum naturam certa sunt, ea non morantur obligationem, etiam si apud nos incerta sint, ut est in §. *conditiones, Instit. cod.* Hæc sententia generalis est, et ad omnia legata et fideicommissa, quibus quid alieno arbitrio relinquatur, pertinet. Itaque etsi testator ita expresserit; illi centum, si Titius arbitratus fuerit: nihilominus legatum boni viri arbitrio commissum intelligendum est. Proinde et non arbitrans Titio pariter debetur. Hoc Bartolus et alii vulgo negant. Non recte: nam et cum testator legat quid arbitratus Lucii Titii, non minus et hæc conditio inest, Si Titius arbitratus fuerit. Quapropter etsi testator hanc conditionem expresserit; idem iuris futurum est, quoniam et hic non alia conditio est. Tum autem et hac conditione expressa verum est legatum in alterius arbitrium conferri: semper autem tenebimus definitionem Ulpiani: in testamentis legatum in alterius arbitrium collatum pro boni viri arbitrio accipi. Nec vero male ad hoc confirmandum adhibebitur, quod de legato in arbitrium heredis, expressa hoc modo conditione, collato scriptum est in L. *si sic, supr. de leg. 1. L. 11. §. quamquam, supr. de leg. 3.* Nam si testator ita leget illi fundum: si heres arbitratus fuerit, si existimaverit, aut similibus verbis, non solum illis locis traditur hic legatum omnino deberi: sed etiam cur debeatur, ea est addita ratio, quæ ad eandem conditionem in personam cuiusvis extranei collatum pertineat. Observandum est enim non dici huiusmodi legatum utile esse, etiam herede non arbitrans, quia per eum, cuius interest conditionem non impleri stet, quominus impleatur, ut vulgo eius responsi rationem expeditur, quamquam et hoc per se verum est: sed quia his verbis legatum heredi ut viro bono commissum sit, non in meram eius voluntatem collatum: quæ ratio, ut dixi, non minus et ad extraneos pertinet: est enim plane similis illi L. 1. *de leg. 2.* qua dicitur legatum in alterius arbitrium collatum pro boni viri arbitrio accipi; qua tamen Ulpianus utitur conditione non in heredem, sed in tutores, id est, in extraneos collata. Quid autem hi, qui contra sentiunt, pro contraria sententia afferant, notum est ex ipsorum scriptis

et ad hanc *L. et ad L. 1. sup. de leg. 2.* neque admodum refutatione indigent. Decepit eos lectio *d. L. 1. de leg. 2.* ubi vulgaris lectio hæc fuit in principio: *in arbitrium alterius conferri legatum, veluti conditio non potest*, quæ verba sic acceperunt: non potest conferri, veluti conditio, id est, ita, ut arbitrium conditionaliter exprimatur. † Sed neque ratio sequens huic sententiæ satis convenit; et contraria est, et vera Pandectarum Florentinarum lectio hæc: *in arbitrium alterius conferri legatum, veluti conditio, potest*. Potest veluti conditio, id est, ita, ut solet conditio in alterius arbitrium conferri: tacite nimirum, ut in hac conditione accidit, si Titius Capitolium ascenderit. *L. nonnunquam, sup. de cond. et dem.* Sed de sententiæ illius loci alibi dicendum est. Illud in superiore definitione diligenter notandum est, non dici, arbitrium alterius quacun- que in caussa, et quodocunque appelle- tur a testatore, pro boni viri arbitrio accipi: sed accipi isto modo legatum seu fideicommissum in alterius arbitrium collatum. His enim verbis constanter definitio concepta est, cum in *L. 1. de leg. 2.* tum in *L. si sic, de leg. 1. et L. 11. §. quanquam, sup. de leg. 3.* Recte: hoc enim de legatis et fideicommissis omnibus recte dicitur, si in alterius arbitrium collata sunt, hæc pro boni viri arbitrio accipienda, ut sic præstetur. Neque hinc ullum genus legati in alienum arbitrium collati excipien- dum est, sive penam a testatore adiun- ctam habeat, si arbitratu alterius non fiat, quod testator inssit; sive non habeat. † Sed non idem probandum est, si quid testator non leget, sed heredem modo face- re iubeat, quod non referatur ad alios, sed ad ipsum solum, quia ad sensum eius et affectionem pertineat. Cuiusmodi est, si iubeat ab herede sibi fieri monumentum arbitratu Lucii Titii, cuius prudentiæ nimirum et amicitiae plurimum confidat; et nisi fiat, penam testamento adiciat. Nam in hac specie placet, Titio non arbitran- te, nullo modo penam committi. *L. 6. sup. de cond. et dem.* Unde intelligimus non arbitran- te Titio, nec si heres arbitra- tu boni viri monumentum non faciat, eo magis penam deberi: sed solum id quan- ti monumentum secundum substantiam et dignitatem defuncti extrui debet. In quam rem magis extra ordinem, quam actione ex testamento teneatur. *L. in testamento, 27. in fin. sup. de cond. et dem. L. hereditas, §. 1. sup. de pet. hered.* Differentiæ ratio est, quod in his quæ ad alios perti-

nent, est aliquid quod legatario conveniat, quod testator cupiat æquitare, et ratione certa, cum ex legatarii persona, aut meritis, tum ex suis facultatibus æstimari: ideo ad eam rem iudicio boni viri est opus. In iis autem, quæ ad affectionem solam testatoris pertinent, quale est, ut monumen- tum illi hac, aut illa forma, atque huius potius, quam illius arbitratu extruatur: nihil aliud quam hanc ipsam affectionem, idest, certam illam formam, quam præscripsit, tum personam cuius iudicium placuit, sequi possumus aut debemus. † Sed cum etiam in legatis a proprietate verbo- rum recedendum non sit, nisi cum apparet aliud sensisse testatorem: *L. non aliter, sup. de leg. 3.* in his autem verbis, arbitratu Lucii Titii, conditio non ad arbitrium cuiusvis, sed certæ personæ referatur: cur ab ea persona discidemus, et rem transfe- rimus ad alios viros bonos? nempe quia testator id sensisse intelligitur. Nam arbitra- ri non est velle; sed re expensa et cognita dicere, quod sit æquum, vel quod æ- quum putes. Unde qui Iudices ita adenn- tur, ut ex æquo et bono, quod ipsis videatur, iudicent, appellantur arbitri, sive in iudicio Iudices sint, sive ex compromisso sumpti. Hinc conjectura voluntatis facta est, quasi testator æquitatem magis quæ- sierit in hoc legato æstimando, quam per- sonæ voluntatem: idest, quasi Lucii Titii arbitrium expresserit, quod putaret eum melius et certius æquum expedire posse, et velle, quam alium. Cæterum si hic non posset, aut nollet arbitrari, non minus vellet testator rem referri ad alios bonos viros, qui eodem modo æquum dicturi sint. Nam qui Lucium Titium elegit propter æquitatem, seu æquitatis opinionem, is æqui- tatem prætulit: quæ si eadem est in omni- bus bonis viris, conveniens est liberalitati testatoris existimari, hanc ipsum spectari voluisse, ut legatum conservetur; de quo etiam amplius paulo post. Vera est igitur et perpetua Ulpiani definitio ex *L. 1. de leg. 2.* in testamentis legatum in alterius arbitrium collatum his verbis, Arbitratu Lucii Titii, aut si Lucius Titius arbitratu fuerit, pro viri boni arbitrio accipi: atque ita accipi, ut sive arbitretur Lucius Titius, sive non arbitretur; utile tamen sit lega- tum pro æstimatione viri boni: quia in lega- to nulla fuerit conditio, nulla mora. † Sed addidit ille, *in testamentis*. Non recte, si extra testamenta quoque sic uspiam accipitur. Et vero non idem servatur in contractibus, ne his quidem, qui sunt bonæ fidei. Non quod aliquando in contractibus

arbitrium Lucii Titii non redigatur ad arbitrium boni viri: sed quod non possit dici in universum in his conditionem in alterius arbitrium collatam pro boni viri arbitrio accipi: quia non semper accipitur, neque omni modo, ut in testamentis: non enim accipitur, si Titius non arbitretur. Et omnino ita statuendum est: cum quid promissum est arbitrio sive arbitrato Lucii Titii, ut dos, ut rem restitui, de quo hoc loco: non arbitrate Titio nihil debetur; sive ideo non arbitretur ille, quia non possit; sive ideo, quia nolit. De eo, quod stipulatione promissum est, scriptum est hoc loco non obscure. Id enim valet, quod dicitur, si Titius in arbitrando moram fecerit, et quærat, an promissor teneatur, magis probandum esse a persona Titii recedendum non esse. Si ab eius persona non receditur, non speetabimus, quid alius arbitretur, quamvis vir bonus, ut sic eo arbitrate stipulatio valeat: sed solum quid Titius, cuius arbitrium insertum est. Unde fit, quod sequitur in *L. sequen.* ut eo non arbitrate, tanquam conditione deficiente promissor non teneatur. Sed fortasse non idem servabitur in bonæ fidei contractibus: idque ita esse quis dixerit, quia in *L. in proposita*, 78. *pro soc.* scriptum est in questione ibi posita arbitrium boni viri sequendum esse: eo magis, quod iudicium pro socio bonæ fidei est. Iam et de his iudiciis constanter, nec minus aperte idem a veteribus constitutum legimus: de societate in *L. si coita*, 75. *pro soc.* de emptione et locatione in *L. ult. Cod. de con. empt.* et *L. si merces*, *supra*, loc. non enim quemquam movere debet, quod duobus posterioribus his locis agitur de eo, quod venditum, aut locatum est his verbis, *quantum Titius æstimaverit*. Nam inter hæc nihil interest, quanti Titius putaverit, quanti æstimaverit quantum fuerit arbitratus. *L. fideicommissa*, 11. §. *quantum*, *supra*, de leg. 3. unde in *d. L. si merces*. Promittere mercedem alieno arbitrio; et promittere mercedem, quanti Titius æstimaverit: solum hæc re distinguuntur, quod ille promittitur merces generaliter alieno arbitrio; hic specialiter, et designata certa persona arbitrantis: cæterum utrobique alieno arbitrio promitti significatur. Et vero si verba spectemus, ita statui necesse est. Ut enim iam dixi, hæc verba, *arbitratu Lucii Titii*, conditionem habent, si ille arbitratus fuerit, si æstimaverit, ut indicant *d. L. si merces*, loc. et *L. ult. C. de contr. em.* Valent enim perinde ac si dictum esset, eo modo quo ille arbitrat, vel quan-

Tom. XI.

tum ille arbitrat, quæ oratio similis est illi, Stichus *qui meus erit*, eum moriar. Hanc autem sic accipi constat, si meus erit, enim moriar. *L. 6. supra*, de leg. 1. Iam quæ sit conditio, apparet: hoc continet nimirum, si Titius arbitretur: si Titius, inquam, non si alius. Nec dici potest Titium esse arbitratum, si alius sit arbitratus, quantumvis vir bonus. Quapropter Titio non arbitrate conditionem obligationis deficere, ac deficiente conditione nihil deberi certum est. Neque vero hæc alia conditio est in stricti iuris, alia in bonæ fidei contractibus: proinde et huius in bonæ fidei contractibus eandem vim esse necesse est. † Nam quod dicitur in *d. L. in proposita*, *pro soc.* arbitrium boni viri sequendum esse, eo magis, quod actio pro socio bonæ fidei est; non simpliciter dicitur, sed additur: in proposita questione. Erat autem proposita questio in *L. societatem*, *preced.* de eo cuius arbitrio ita partes societatis commissæ erant; ut iam ante etiam partes constitisset. In qua specie recte dicitur boni viri arbitrium esse sequendum; non etiam tunc, cum omnino Titius non est arbitratus, ut postea dicemus. † Sane quod dicitur Titio non arbitrate in proposito nihil deberi, cum ea exceptione accipiendum est, quæ omnium conditionum, et omnium obligationum est communis. Ea est autem, ut conditio quamvis non impleta, tamen pro impleta habeatur, et promissor obligetur, si per eum fiat, quominus impleatur. *L. in executione*, §. *ult. infr. cod. L. in iure*, *infr. de reg. iur.* Ad hanc rationem referri debet, quod legimus interdam, etsi Titius in cuius arbitrium res collata est, non arbitretur, tamen promissorem obligari. Id enim duabus in causis placere animadvertimus; quarum utraque istam ipsam rationem habere reperitur. Una causa est, cum per promissorem fit, quominus Titius arbitretur: quæ sententia ex hoc responso colligitur. Cum enim dicitur, cum stipulator moram fecit, quominus arbitretur Titius, promissorem, quasi moram fecerit, non teneri; his verbis, *quasi moram fecerit*, ratio inclusa est, cur promissor non teneatur, nempe hæc: quia dici non possit eum moram fecisse, quominus arbitratetur Titius. Itaque hæc cessante; vel potius contraria causa, idest, mora promissoris interveniente, contrarium ius relinqui intelligitur. At hæc exceptio aperte superiore illo iure nititur, quod promissore curante, ne conditio existat, perinde haberi debeat, quasi conditio existisset. Altera causa est, eum conditio arbitrium

12 continens in ipsius promissoris arbitrium collata est. † Servus venditus est hac conditione: si rationes domini, eiusdemque venditoris computasset arbitrio. Placet venditionem valere, etsi dominus potuit rationes accipere, nec accepit; vel accepit, et fingit se non accepisse: quasi magis in viri boni arbitrium id collatum sit, quam domini. *L. hæc venditio, supr. de cont. em.* An quod constituitur id in emptione, qui bonæ fidei contractus est: in contractibus autem bonæ fidei similiter ut in testamentis arbitrium alicuius obligationi insertum ubique pro viri boni arbitrio accipere debemus? Imo recte Bartolus: quia, inquit, conditio in arbitrium unius ex contrahentibus, nempe debitoris collata est. Quæ res facit, ut si conditio non existat, ipse promissor sit in culpa; quia scilicet cum possit, non arbitretur: atque hoc cum accidit, toties conditio pro impleta habetur. Huius rei certissimum argumentum est, quod ubicunque promittitur quid alterius arbitrio, quam promissoris, quamvis in bonæ fidei contractu id fiat: toties placet non arbitrante extraneo nihil agi; ut non in stipulatione tantum; sed et in societate, venditione, locatione supra dilucide probavimus. Contra vero ubicunque res conferatur in arbitrium promissoris, etiam si stipulatione id fiat, non in contractu bonæ fidei; toties placet etiam detracto arbitrio pecuniam deheri, quasi viri boni arbitrium stipulationi insertum esset. Ut de dote ita promissa; quodcumque is qui promisit, arbitratu fuisset, et responsum et constitutum est *L. cum post, §. gener, sup. de iur. dot. L. 3. C. de dot. pro.* Quorum utrumque contra dicendum fuit, si quod in superiore specie servi venditi placet, venditorem etiam non arbitrante omni modo teneri, huius iuris causam in eo esse volumus, quod in emptione talis conditio incidisset, quæ in alienum arbitrium conferretur: ac non potius in eo, quod collata esset conditio in arbitrium venditoris, qui servum ex empto debuit. Sed cur superiore rationem argumentando adstruere conamur potius, quam ex ipsius Ulpiani verbis petimus in *d. L. hæc venditio, de contr. empt.* Hæc vero ab illo pene diserte expressa est, et quidem altera, quæ ex genere contractus ducitur, repudiata. *Si igitur, inquit, rationes potuit dominus accipere, et non accepit, vel accepit, fingit autem se non accepisse, impleta conditio emptionis est; et ex empto venditor conveniri potest.* Potest ergo venditor conveniri, quia impleta conditio emptionis est. Non ergo quia hic fuit emptio; sed quia

in emptione conditionali talis conditio, quæ sit impleta. At cur impleta; aut quomodo? *si, inquit, dominus rationes non accepit, aut fingit se non accepisse.* Quod plane idem est, ac si diceret ideo impletam, quia per eum stet, quominus impleatur, dum rationes non accepit, aut his acceptis tergiversatur. Cur ergo hæc rationem aperte, et statim non posuit, aut cur hac sola non fuit contentus; sed primo ut probaret hic emptionem valere, hac ratione usus est, ut diceret veteribus placuisse magis in boni viri arbitrium conditionem collatam videri, quam domini? quia proposito magis convenire videbatur. Hac enim conditione posita, si servus rationes computasset domini arbitrio, dubitabatur, an venditio valeret: quoniam sub hac conditione, si promissor voluerit, nulla contrahitur obligatio. *L. sub hac, supr. prox. titu.* quod et ipse Ulpianus initio eius capitis disseruerat. Et illo hæc dubitationem statim removens, docet nihil tale in proposito esse metuendum, quia res non conferretur in nudam voluntatem venditoris, ut actenus solum obligaretur; quatenus vellet: sed conferretur in eius arbitrium tanquam boni viri. Hæc vero ratio non modo inferiorem illam, quæ apud Ulpianum subiicitur, non excludit; sed ita est cum illa coniuncta, ut ex illa efficiatur. Nam si is arbitretur, cuius arbitrium insertum est, receptum est in omnibus contractibus, nec minus etiam tum, cum extranei arbitrium comprehensum est, ut arbitrium eius ad boni viri arbitrium redigatur, ut paulo post dicitur. At in proposito perinde habetur venditor, quasi esset arbitratu hoc ipso, quod conditio non impleta; tamen eo rationes non accipiente et probante pro impleta habetur. Ex quo efficitur arbitrium eius pro boni viri arbitrio haberi in utramque partem, id est, sive arbitretur re vera, sive non arbitretur. † Sic et in *L. 3. C. de dot. pro.* in illa stipulatione, *dotis nomine dabis, quodcumque fueris arbitratu*, non ob aliam causam tenetur promissor arbitrio detracto, quam quod ipso non arbitrante conditio pro impleta habetur, perinde, quasi esset arbitratu. Sed ideo illic hæc ratio redditur, quod videatur boni viri arbitrium stipulationi insertum, quia ad præcipuam eius causam dubitationem removendam pertinebat. Occurrebat enim statim, quod dos siue certa quantitate promissa esset: quod cum fit, toties stipulatio nullius est momenti. *L. ita stipulatus, infr. eod.* Proponiturque hæc dubitatio causa satis aperte in *d. L. 3.* sed multo apertius in eadem spe-

specie a Papiniano in *L. cum post*, §. *gener. sup. de iur. dot.* Negat ergo illic Papinianus in proposita stipulatione incertam quantitatem dotis videri, quia intelligi possit ex circumstantiis personarum, quanta dos marito constitui debeat. Idem efficitur illa ratione, cum dicitur hic videri boni viri arbitrium stipulationi insertum. Sic enim certa erit dotis quantitas, si ex boni viri arbitrio res pendetur: qui id arbitraturus sit, quod sit æquum; idque ipsum ex facultatibus promittentis, et ex dignitate mariti facile statuet, ut hinc rem æstimandam esse Papinianus scribit in *d. §. gener.* Sed unde arbitrium hoc boni viri insertum intelligamus, si queratur: non aliud respondere poterimus, quam id quod supra; ideo nimirum fieri, quia cum in arbitrium promissoris res collata sit, semper probetur ipso arbitrate arbitrium viri boni sequendum esse. Quod tunc etiam fieret, cum res collata esset in arbitrium extranei, et ia de re constituisset. Ergo et nunc non arbitrate promissore, idem iuris esse necesse est: quia conditio, quæ ipso non arbitrate pro impleta habetur, facit, ut perinde sit, quasi esset arbitratus. Nihil igitur affertur, cur non rata sit superior sententia: † cuius hanc summam esse volumus. In contractibus non tantum stricti iudicii, ut stipulatione; sed etiam bonæ fidei, ut emptione, locatione, societate, si obligatio in alterius arbitrium collata sit, valere quidem id quod geritur; sed contrahi obligationem sub conditione ita, ut si ille cuius arbitrium comprehendensum est, non arbitretur, nihil agatur. Hoc tamen ita, si in extranei arbitrium collata res sit: aliter, atque si in arbitrium promissoris: qui sive arbitretur, ut conditione vere impleta obligator: sive non arbitretur; tamen ideo tenetur, quia fecit non arbitrandum, ut perinde sit, quasi arbitratus foret, atque hoc modo esset conditio impleta. Hinc fieri, ut semper hoc casu arbitrium debitoris pro boni viri arbitrio accipitur: quia si is vere arbitratus esset, hoc ipsum viri boni arbitrium sequeremur. Quam quidem partem si spectemus, recte dicturi simus hactenus similes esse bonæ fidei contractus legatis. In quibus legatum vel fideicommissum ita relictum: si heres æstimaverit, si arbitratus fuerit, et similibus verbis; placet semper deberi, quasi viro bono commissum. *L. si sic, de leg. 1. l. 11. §. quamquam, sup. de legat. 3.* Sed non est, cur hoc tribuamus solum contractibus bonæ fidei. Nam et in stipulatione idem iuris est, si

Tom. XI.

erit in arbitrium promissoris collata, ut postea dicitur. Ut generaliter probandum sit et in testamentis, et in contractibus, neque his tantum bonæ fidei, sed etiam stricti iuris, quod arbitrio debitoris commissum est, pro boni viri arbitrio accipi; ut debeat pecunia omnimodo, sive ille arbitretur, sive non arbitretur: utrobique tamen pro boni viri arbitratu. Quamquam hic quidem quidquam proprium est huius conditionis de qua agimus: sed efficitur ex eo, quod pertinet ad omnes conditiones. Sic enim ius est, ut si per promissorem fiat, quominus conditio impleatur, toties habeatur pro impleta. † Quod si res in arbitrium Titii extranei conferretur, de quo potissimum nunc querimus, quæque sola vere conditio est, et ia sine culpa promissoris non arbitretur: hoc loco necesse est manere illam differentiam, quam in hac parte statimus inter legatam et res creditas; ut illic etiam non arbitrate Titio legatum debeat ex arbitrio boni viri, quod illic accipimus: hic res promissa non debeat, quia in hoc genere non accipimus arbitrium cuiusvis boni viri, sed Titii: ut proinde consequens sit en non arbitrate deficere conditionem. Sed occurrit nobis hoc loco. In testamentis legatur quid arbitratur Lucii Titii: in contractibus promittitur et constituitur quid iudicem arbitratu Lucii Titii, nempe totidem verbis. Et quomodo in eadem conditione iisdemque verbis alia verborum significatio in testamentis, alia in contractibus esse potest? Et siquidem ex verborum significatione esset superior distinctio, verendum esset, ne in eo pugnantia dicere viderentur veteres. Nunc autem ne id metuamus, iam utrobique et in testamentis et in contractibus, his verbis, *arbitratu Lucii Titii*, nihil aliud contineri, nisi ut Lucius Titius arbitretur: ac si non arbitretur, alio conditionem verborum deficere. Etsi enim concedo Lucii Titii arbitrium id continere etiam vi verbi, ut arbitretur tanquam vir bonus, id est, æquum: tamen hoc saltem verbum exigit, ut prius arbitretur Titius: neque si arbitretur alius, verum erit Titium arbitrari. Unde igitur hæc distinctio? ex sententia eorum, qui his verbis uti sunt, quæ in verbis quidem eorumque significatione non est semper: ex eo tamen, quod scriptum est, colligitur, servaturque non minus, quam si verbis esset expressa. Hanc vero iisdem verbis positis aliam in testatore intelligi, aliam in contrahentibus nihil prohibet: quod in hac re plane accidit. In testamentis hac adiectione, *arbitratu Lucii*

58*

Ti-

Titii, non alia exprimitur conditio, quam hæc, si Lucius Titius arbitratu fuerit. Sed quia *arbitrii* verbum significat Lucii Titii arbitrium, quatenus æquum est, et arbitrio boni viri convenit; ex eo quod verba significant sententiam testatoris interpretamur latius; atque hanc fuisse colligimus, ut si ex eo arbitrio Titii, quod æquum est, legatum deberi voluit: existimetur et quacunque alia conditione deberi voluisse, qua arbitrium æquum efficiatur: quod fit, rem boni cuiusvis viri arbitrio in totum committendo. Exemplo erit, cum quid filiofamilias relictum est, sub conditione, Si morte patris sui iuris fuerit effectus, et si a patre emancipatus fuerit, aut contra relictum sub conditione, Si a patre fuerit emancipatus, et is morte patris, aut deportatione sui iuris factus sit. Nam in utraque specie placuit legatum deberi. *L. fideicommissa*, 11. §. *si cui*, *supr. de leg. 3. L. mulier*, *supra*, *ad Trebel. L. 3. Cod. de institut. et substitut.* Atqui neutriubi conditio adscripta re vera extitit: nam neque emancipatio mors est patris; neque mors aut deportatio patris est eius emancipatio. Sed ex conditione adscripta voluntas testatoris intellecta est. Ideo enim voluit legatarius prius quam dies legati cederet, sui iuris fieri, ut sic legatum sibi non patri acquireret. Nihil autem ad sensum eius interest, utrum legatarius morte patris sui iuris fiat, an deportatione, an vero emancipatione; aut e converso. Hanc sententiam cognitam sequimur. Hæc eadem legatum et conditionem facit, ut declaratur in *d. L. mulier*, illic, *decrevisse igitur*, ad Trebel. Hinc quamvis alia conditio extiterit in proposito, quam quæ verbis expressa est: dum tamen una aliqua sit ex iis, quibus existentibus legatarius fiat sui iuris, dicitur videri conditionem legati extitisse in *d. L. 11. §. si cui*, *de legat. 3.* In contractibus autem quoties una aliqua conditio verbis expressa est, sic in ea consistimus: ut si ea defecerit, nihil debeat, etiam si alia extiterit, quæ natura aut iure idem efficiat. Ut puta, dedit quis dotem, et dationi legem dixit, ut si morte solutum esset matrimonium, dos sibi restitueretur. Placuit si divortium factum esset, dotem reddi non debere: etsi maxime divortio eodem modo matrimonium solveretur. Idemque e converso dicendum est. *L. si cum dotem*, *supr. solut. matr.* Hoc idem, non tantum quia verba eam conditionem alteram non exprimant; sed etiam quia sententia contrahentium repudiet. Contrariæ voluntatis coniectura in testatore et con-

trahentibus ex circumstantiis personarum, et eo quod agitur, ducitur. Aliter animo affectus est testator legando: aliter in negotio gerendo contrahentes. Quia enim testator legando liberalitatem exercet in eum, ad quem cupiat beneficium suum pervenire; et id statuit, post quod aliud velle non potest: ideo credibile est cupere eum, non solum ut voluntas sua quacunque ratione exitum habeat, sed etiam ut legatum quam plenissime accipiat, quoad eius patitur significatio voluntatis. Inde dictum, in testamentis plenius testantium voluntates nos interpretari. *L. in testamentis*, *infr. de regul. iur.* In contractibus, in quibus de uno obligando agitur, hæc debitoris mens esse creditur, ut ultra quam verba contractus eum tenent, nolit obligari: neque enim quisquam existimatur facile suum iactare, ut est in *L. cum de indebito*, *vers. sin vero*, *supr. de prob.* Ex eius vero consensu cum res præcipue pendeat: eo fit, ut his quæ verbis contrahentium caventur, ultra quam verbis ab illo cautum est, non progrediatur obligatio: usque adeo, ut etsi quid contineatur verbis cautionis, si tamen ambigua oratio sit, orationem contra creditorem interpretemur. *L. stipulatio ista*, §. *in stipulationibus*, *supr. eod.* Hæc de proposita questione dicta sunt, cum Titius cuius arbitrio a contrahentibus res commissa erat, arbitratu non est. † Quod si arbitratus erit; ut conditione impleta ius mutari necesse est: promissor tenebitur videlicet. Sed an ita, ut quemadmodum in cæteris conditionibus accidit; sic et in hac causa, conditione existente, pecunia quantum Titius constituit, tanta debeat tanquam promissa? Et de hac parte hæc iuris summa est: placere Titio, cuius arbitrium comprehensum est, arbitrans, ut conditione impleta pecuniam deberi; sed hactenus, quatenus ille æquum constituit, et ut virum bonum constituere oportuisset. Quod si aliter arbitratus erit, hic servari idem, quod in testamentis, ut ad boni viri arbitrium res redigi debeat. Hoc receptum esse in bonæ fidei contractibus, ut constat ex *L. societatem*, 76. et *L. in proposita*, 78. *supr. pro soc.* sed nihilominus valere et in stricti iuris iudiciis. Nam et hoc tunc receptum est, cum libertus iuravit dare se tot operas, quot patronus arbitratus sit. *L. si libertus*, *supr. de op. lib.* Quod si adversus patronum observatur, et in operis, quas tamen libertus naturaliter debet patrono: *L. si non sortem*, §. *libertus*, *supr. de condit. indeb.* multo magis et aliis in rebus observabitur, et adversus alios. † In 17 hoc

hoc numero non esse compromissa: in his sic e persona arbitri non recedi, ut sive æquum, sive iniquum dixerit, parere debeant hi, a quibus ex compromisso sumptus est. *L. diem, §. stari, L. in compromissis, supr. de recept. dicta L. societatem, in fin. supr. pro soc.* In his illa obscuram rationem non habent. Primum quod placet Titio arbitrate promissorem obligari, sive ille æquum sit arbitratus, sive iniquum: quippe hoc modo conditio, quæ illis verbis, arbitratu Lucii Titii, inerat, existit: et certi iuris est existente conditione omnem stipulationem committi. *§. sub conditione, Inst. eod.* Deinde quod placet in compromissis penam deberi, si quis sententia arbitri non pareat, sive æqua sit, sive iniqua. Nam et hoc convenit verbis stipulationis penalibus, quæ pœna simpliciter ita promittitur, si quis non steterit arbitri sententia; et est ex sententia litigatorum maxime: a quibus sic itur ad arbitrum, ut ille sententiam dicat, et eius sententia ab omni controversia discedat. *L. Pomponius, §. recepisse, L. qualem, §. 1. L. quid tamen, supr. de recep.* Quod nunquam fiet, si hæc etiam nunc defensio adversus eius sententiam relinquatur, ut liceat dicere ipsam iniquum dixisse, et hac ratione sententiam eius infirmare. † Illud explicationis indiget, et maxime propter superiorem distinctionis partem incidit in difficultatem, quod placet, Titio iniquum constitutente, rem redigi ad arbitrium viri boni, et quidem in strictis iudiciis. Primum enim hic quaeritur, unde hoc arbitrium contineri intelligamus, cum nominatim persona sit comprehensa, cuius arbitratu fiat. Deinde si quis superioribus verbis hoc arbitrium in hac parte contineri dixerit, qui fit, ut Titio non arbitrate idem arbitrium contineri negemus: cum in utramque partem eadem sit conditio, idemque arbitrium exprimat, sive illa existat, sive non existat? cur non potius aut neutrius arbitrium boni viri spectandum esse dicimus, aut statuimus in priore parte itidem id sequendum, ut in posteriore? Tum entem ut nihil obstant præcedentia, tamen vel ipsa conditio stipulationis facere videtur, ut quod Titius arbitratus est, totum præstari debeat: scilicet quia promissam est. Sic enim vis est stipulationis conditionalis, ut cum conditio extitit, pecunia quæ promissa est, debeat, et quidem quante promissa est. *L. a Titio, infr. eod.* et quod de penali stipulatione traditur, id transferendum est ad omnes alias conditionales, ut conditione existentes solum inspicendum sit, quæ

sit conditio, quæque quantitas stipulationis. *L. stipulatio ista, §. alteri, in fin. supra, eod.* Postremo quo magis negemus Titio etiam arbitrate a persona eius recedi, et boni viri arbitrium sequendum esse, facit *L. ult. C. de cont. empt. et L. si merces, supra, loc. in quibus scriptum est, si Titius, cuius arbitrio pretium in emptione, aut merces in locacione commissæ erant, pretium aut mercedem definierit, omnimodo secundum eius æstimationem et pretium et mercedem persolvi debere, et contractum ad effectum pervenire.* Hæc, inquam, nobis explicanda sunt. Et adversus priora omnia una maxime efficax responsio est, si, quod placet Titio arbitrate rem redigi ad arbitrium boni viri, si ille iniquum constituerit, dicamus eo fieri, non quia verba id significant; sed quia id actum esse intelligatur, quod significatur in: *L. si libertus, supra, de op. lib.* prius tamen id efficiendum est, hoc actum videri, cum vir bonus nominatus non sit; sed certa tantum persona. Et quamvis non significetur hæc sententia verbis: colligitur tamen ex verbi significatione, quo contractantes usi sunt: sed maxime ex hominum rem arbitrio committentium consuetudine. Certa persona nominatim comprehensa est: sed tamen arbitrium eius personæ est appellatum. Verbum *arbitrii* ut iam antea diximus, non meram voluntatem significat: sed æstimationem et sententiam cum iudicio coniectam: ubi quis non temere quid affirmet, et pro affectione, qua ducatur erga hunc aut illum: sed pro eo etque in re æquum, et æstimandum patet: et ideo legatum in voluntatem heredis conferri non potest: *L. Senatus, §. legatum, supra, de leg. 1.* in arbitrium et æstimationem potest. *L. si sic, supra, de leg. 1. L. 11. §. quantum, supra, de leg. 3.* Ergo hanc æstimationem hic exigi verbum *arbitrii* ostendit. Ex eo cœpit intelligi sic a contrahentibus arbitrium postulari, ut velint, si eribretur, illum id dicere, quod æquum existimet: sed nihil amplius ex verbo, quam ut dicat, quod existimet esse æquum. At illud amplius ex more et sensu omnium hominum colligitur etiam inter eos id agi, ut ne aliter arbitretur re vera, quam virum bonum facere oportet: quia auctore Celso fere ea mens est personam arbitrio substituentium, ut quia sperent cum recte eribitatorum, id faciant; non quia vel immodice obligari velint. *d. L. si libertus, supra, de op. lib.* Recte Celsus: cur-

cur enim potius in arbitrium Titii rem conferuat, quam in voluntatem? Hoc posito cætera sua sponte diluuntur. Non sequimur, inquit, boni viri arbitrium, cum Titius arbitratu non est: tamen si in utramque partem nominatum sit Titii arbitrium, seu arbitratu, non voluntas. Non mirum: non enim verbum arbitrii, cum ad certam personam directum est, cuiusvis viri boni arbitrium significat, sed eius solum cuius arbitrium comprehensum est. Cur ergo arbitrate Titio potius arbitrium boni viri accipimus, cum ne sic quidem sit nominatum? non quia dicamus verba id arbitrium nunc magis significare, quam ante: alioqui pugnantia diceremus: sed quia id actum est, ut si Titius arbitretur, res revocetur ad arbitrium boni viri, ne promissor immodice obligetur. Cur igitur cum Titius non arbitratu, non id etiam agi dicimus, ut ad viri boni arbitrium res referatur? quia aperte id ipsum actum est potius, ne aliter obligatio contrahatur, quam si Titius arbitratu sit, ut diserte eodem auctore Celsus scriptum est in *L. si coita. 75. supra, pro soc.* Recte hoc quoque Celsus: his enim verbis, *quod Titius arbitratu fuerit, seu arbitratu Titii*, conditio inest: conditionis autem omnis vis est ea, ut si non existat, contrahentes nihil agi velint. §. *sub conditione*, *Instit. L. non solum, supra, de obl. et act.* Et certe ut arbitrate Titio id actum videatur, ut boni viri arbitrium sequamur, non arbitrate autem id actum, ne sequamur: etsi verbis contrarie scriptum videtur: re vera tamen utrumque eiusdem rationis est, et ex eadem cogitatione efficitur. Eo enim spectat, ne promissor obligetur; propterea quod illo arbitrate, si boni viri arbitrium adhibemus, fit, ut promissor non obligetur immodice. Non arbitrate illo, si boni viri arbitrium non accipimus, fit, ut non obligetur promissor ullo modo: semper autem hæc promissoris cogitatio est, ut quam minimum fieri potest, velit obligari: ac proinde nolit ultra, quam aut verbis comprehensum, aut actum est. Et quid, si apertius agitur, ne promissor obligetur Titio non arbitrate, quam illo arbitrate, ne obligetur immodice? semper enim conditio conceptione ipsa hoc efficit, ut ea non existente nihil debeat: cum, ut Titio arbitrate dicamus promissorem obligari tantum ex arbitrio boni viri, non tam verbis efficiatur, quam contrahentium sententia. Eadem ista ratione, quod id actum est, ut arbitrate Titio æstimatio ad boni viri arbitrium redigatur, fit, ut non ultra, quam

vir bonus constituisset, promissor teneatur vel ex ipsa stipulatione. Est quidem ita, ut ex stipulatione conditionali postquam conditio existit, debeat, quod et quantum promissum est. Sed id solum promitti et deberi in omni contractu intelligitur, quod ut præstaretur actum est: semper enim id sequimur quod actum est, non in bonæ fidei iudiciis tantum, sed et in stipulationibus omnibusque aliis contractibus. *L. sed Celsus, §. 1. supra, de contrahend. empt. L. semper in stipulationibus, infr. de regul. iuris, L. eum, qui Calendis, supr. cod.* Inde fit, ut etiam in stipulationibus si quid Titii arbitratu promissum sit, et ille arbitretur, recte dicamus id quod constituit, ad boni viri arbitrium redigi debere, non minus quam in societate, aut aliis contractibus bonæ fidei. Et haud scio an id usquam confirmetur magis, quam in *L. in proposita, supr. pro soci.* ubi tamen de bonæ fidei iudicio agitur. Quod enim dicitur in questione illic proposita arbitrium viri boni sequendum esse, *eo magis quod iudicium pro socio bonæ fidei est*: vel his verbis maxime declaratur, in aliis etiam contractibus in re simili arbitrium boni viri sequendum esse; sed in iudicio bonæ fidei magis. Sed videamus ne in utroque genere contractuum cum Titius arbitratu et rem æstimat, omnino eius æstimationem sequi debeamus, nec ad boni viri arbitrium res redigi debeat ex *L. ultim. Cod. de contrahend. emptio.* quam supra obieciabamus. † 19 Id quidem illius legis verbis aperte effici videtur. Sic enim Iustinianus: *sancimus, inquit, cum huiusmodi conventio super venditione procedat, quanti ille æstimaverit, sub hac conditione stare venditionem, et si quidem ipse qui nominatus est, pretium definierit; omni modo secundum eius æstimationem et pretia persolvi, et venditionem ad effectum pervenire.* Quod totidem penes verbis de mercede in eadem conditione locationis scriptum legitimus in *L. si merces, supra, loc.* Si solum dixisset Iustinianus, Titio arbitrate pretia omni modo persolvi debere, intelligeremus eum exemplare, quod prius dixerat; nempe venditionem valere ita, ut necesse sit pretia inde persolvi: et hoc omni modo, id est, sive Titius æquum pretium statuisset, sive iniquum: ut non possit alteruter ex contrahentibus emptionem hoc prætextu recipere, quod diceret Titium inique esse arbitratum. Sed addidit, solvi debere pretia secundum Titii æstimationem: quod nihil aliud significat, quam debere ita solvi, ut ille æstimavit, et definivit. An dic-

cemus aliud esse, quanti Titius æstimaverit, aliud, quantum Titius arbitratus fuerit? iam supra docui, hac idem valere, idque evidenter probari. *L. si sic, supra, de legat. 1. et L. si merces, loc.* Au ergo superiore constitutione victi statuimus potius Titio arbitrate, ne hic quidem a persona eius recedi, et redigi rem ad arbitrium boni viri? sed neque exploratum est illam constitutionem nram esse ex decisionibus Iustiniani, quæ novo Codici insertæ veteri iuri derogent; et contraria sententia cum locis manifestis constituta est in bonæ fidei iudiciis præsertim; tum æquitate et ratione ita certa nititur, ut de ea ne dubitare quidem liceat: itaque nemo adhuc, quod sciam, existit, qui in bonæ fidei iudiciis eam reiceret. Quid ergo est? ego puto recte dici, in emptione, in quæ Titius, cuius arbitrium comprehensum est, pretium definivit, pretium omnimodo solvi debere secundum eius æstimationem, et quidem quantum ille constituit; itemque mercedem in locatione eodem modo; neque ideo superioribus id adversari: quia tantam æstimationem sequi, quantum ille definierit, non sit iniquum, non repugnans arbitrio boni viri. Quod enim iam aliquoties obiter posuimus, id hoc loco præcipue tenere oportet, quod dicitur Titio arbitrate rem redigi ad arbitrium viri boni; non simpliciter dici, sed hac conditione, si Titius iniquum constituerit, atque adeo si Titii arbitrium ita pravum sit, ut manifesta eius iniquitas appareat. Sic enim verba sunt *L. unde, 19. supra, pro soc.* hoc vero non accidit in emptione Titio pro potestate æstimandi sibi commissa pretium æstimare: sive enim is minoris rem æstimaverit, quam illi vulgo facerent, sive multo plura; tamen hoc pretium sequi neque iniquum est, neque adversatur bonæ fidei, aut æquo et bono. Hoc si probatur, res est expedita: atqui res ita habet. Quod enim si statueretur a contrahentibus, naturaliter fieri; nec contra bonam fidem æstimaretur in pretio aut mercede æstimanda; hoc si fiat a Titio cuius personam contrahentes arbitrio substituerant, eodem modo naturaliter, nec contra bonam fidem fieri existimandum est. At veteres de emptione et venditione, locatione et conductione ita definierunt; Quemadmodum emendo et vendendo naturaliter concessum est, quod plaris sit, minoris emere, quod minoris sit, plaris vendere, atque ita invicem se circumscribere: ita in locationibus quoque et conductioni-

bus idem iuris est. *L. item si pretio, §. ult. supra, loc. L. in causa, 2. in fin. supra, de mino.* Proinde etsi Titius velit, quod plaris sit, emptorem minoris emere, aut quod minoris sit; venditorem plaris vendere, nihil hic magis adversus naturæ æquitatem, aut bonam fidem facere putandus est. Præsertim cum multæ sint causæ, quæ obrem res quæ plaris est re vera, inutilior sit emptori, quam ut illi expediat tanti emere: aut hoc tempore difficilior, et demossior pecuniæ solutio, quam ut conveniat in eam emptionem tantam pecuniam collocari: et contra causæ multæ, cur res, quæ minoris est, utilior sit venditori, quam ut illi expediat rem tanti quanti per se est, relinquere: quarum rerum et similium rationem haberi neque iniquum est, neque alienum ab officio et arbitrio boni viri: idemque de mercede in locatione dicendum est. Ergo in ista æstimatione non redigitur res ad arbitrium boni viri, non quia si iniqua esset æstimatione, non placeret eam redigi debere: sed quia in emptione non est iniqua, eoque nec iniquum eam servari; ut proinde nec ad aliud arbitrium boni viri provocare oporteat. Hoc vero ius constituisse Iustinianum motus natura emptionis, et locationis, id est illa ratione, quam supra exposui, magno argumento est, quod nominatim complexus est id se constituere in proposita specie. non quod hæc verba essent, *quanti Titius æstimaverit*, sed quod hæc conventio in emptione esset posita ad pretium constitutendum, *Sancimus*, inquit, *cum huiusmodi conventio super venditione procedat*: significans se, quamvis in eadem conventionem, non tamen idem esse admissurum, ubi non liceret plaris, aut minoris rem æstimare: ut in emptione et locatione. Quid tamen, si Titius rem maioris pretii æstimet duplo minoris: quo casu si venditor ipse nullo arbitrate rem ita vendidisset, venditio rescinderetur ad eum modum, qui præscribitur. *L. 2. C. de resc. vend?* Et hactenus concedo iniquum arbitrium esse Titii: idque ex eo apparere quod æstinatio ejusmodi ut iniqua improbetur legibus. Proinde et corrigi debere arbitrium bonæ fidei iudicio concedo: uti (silet in societate in simili iniquitate arbitrii. *d. L. societatem*, et *L. unde, supra, pro soc.* Et ear non corrigeretur huiusmodi æstinatio, cum Titius est arbitratus, quæ corrigere- tur etsi contrahentes ipsi eam ab initio constituis- sent? nam profecto et quod Titius pretium constituit, perinde habendum est, ac si contrahentes ipsi per eum statuissent.

Non

Non adversatur lex Iustiniani. Ea enim et similes generales sunt, statuentes id quod in emptioe de pretio convenit, servandum esse. Huius generis constitutiones iuris communis speciales exceptiones aliis partibus iuris constitutas non excludunt: iuxta regulam iuris, in toto iure generi per speciem derogatur *L. in toto, infr. de regul. iur.* Et cum contrahentes ipsi pretium definierunt, traditum esse scimus pretium solvendum esse secundum eorum estimationem, idest, quantum constitutum est. *L. Iulianus, §. ex vendito, supr. de actionib. empt.* Neque ideo excludi putamus exceptionem illam, si quis minoris dimidia parte iusti pretii emerit, constitutam *L. 2. et L. si voluntate, in fin. C. de resc. vend.*

Hactenus in hac conditione, *arbitratu Lucii Titii*, quis sit eventus obligationis in utramque partem dictum est, sive Titius arbitretur, sive non arbitretur, tum in testamentis, tum in contractibus. Sed ut possit de eo in alteram partem quidquam decerni: aut ex his quæ diximus, quidquam valere: prius constituendum est omnino, an Titius fuerit arbitratus, necne. Quod si in facto tantum nudo personæ positam esse constaret, remotis omnibus personæ, temporis, loci, aliarumque rerum circumstantiis, nulla esset dubitatio. Facile enim intellectioni est, ubi Titius dixerit, quid sibi videatur, ubi non dixerit. Sed et hic de iure questio introducit, utrumne in arbitrando quædam observanda sint, quibus remotis periinde habeatur, quasi Titius non esset arbitratus: an vero nihil amplius hic inspicendum, quam ut ille arbitrium suum exposuerit, aut non exposnerit. Quo loco hæc tractata ab interpretibus animadverto: an presentibus contrahentibus arbitrari Titium oporteat, ut aliquid videatur arbitrium egressæ: an arbitrii potestas certo tempore inclusa sit, vivo etiam adhuc Titio: an morte eius finiatur: an personæ eius mutatione: an mortuo uno ex contrahentibus extinguatur. De quibus dicam breviter, et idque eo libentius, non tam quia hic querantur apposite; quam quod cupio errorem vulgarem evelli, qui mihi in his subesse videtur. † Querunt ergo, an Lucio Titio arbitrium instituyente necessaria sit contrahentium presentia, ut cum his consultet de re, et eorum sententiis de ea re cognitis tandem dicat ipse, quod æquum existimat. Et hic magno conatu Bortolus de sententiis aliorum quorundam probare nititur esse necessariam: idque etiam tentat

efficere ex hoc ipso responso. Ego didici in his verbis, *Arbitratu Lucii Titii*, conditionem inesse. Quæ autem conditiones in potestatem alterius seu arbitrium collatæ sunt, qualis est hæc, iudicio quidem non fato impleri debere: cæterum ubi consulto factum sit, quod in conditione erat, conditioni paritum videri, sive is qui adiecit, sciverit factum esse, sive ignorarit. *L. 2. supr. de cond. et dem.* Proinde puto recte dici in proposito, ubicunque Titius admonitus rem arbitrio suo commissam, dixit quod placeret, promissorem obligari, quantumvis absentibus litigatoribus id fecerit. Arbitrari quidem ex compromisso sumptus absentibus litigatoribus de re controversa iudicare non potest, *L. diem, §. si quis, supr. de recep. exemplo iudicis*: quoniam et ipse iudicis partes in se recepit. *L. Pomponius ait, §. recepisse, supr. de recep.* et compromissum ad similitudinem iudiciorum redigitur. *L. 1. supr. eod.* Sed male cum arbitro compromissario comparabitur is, cuius arbitrio commissæ res est tantum ex conditione stipulationis: qui partes iudicis nequaquam suscepit, nec de re controversa est aditus. In hoc queritur, an sit arbitratus, ut sic conditioni pareretur, quod facere potest et presentibus contrahentibus, et absentibus. In illo non tantum queritur, an sit arbitratus; sed etiam quam recte, et quam ex officio iudicis, cuius personam ipse induit. Magistratui quoque cum aliquid commissum est estimandum, ut de eo postea aliquid decernat, etiam si sine iudicio et lite instituta id faciat: tamen iniungitur illi, ut convocatis iis, ad quos ea res pertinet, inquirat in rem: deinde permittat, et decernat quod videtur. *L. 3. §. sed si non constat, supr. ubi pup. ed. deb. L. legatum, supr. de un. et un. leg.* Atqui in decreto iudicis nihilominus causæ cognitio necessaria est, quam in sententia ferenda. *L. nec quidquam, §. 1. supr. de off. pro.* Non potest autem causæ cognosci, nisi evocatis et interrogatis his, ad quos ea res pertinet. *L. in causæ, 1. §. causæ, supr. de minor.* Sed hoc ius non pertinet ad eum in cuius arbitrium conditio collata est: de quo ad conditionem explendam solum queritur, an fecerit, quod in conditione erat, non etiam quam recte, et quanto cum iudicio sit arbitratus. At enim læli poterunt contrahentes, si his inconsultis arbitretur Titius. Proinde etiam convocandi: ut fit in adoptione, in qua constitutum est adhiberi eos, qui læderentur

tur confirmatione adoptionis. *L. nam ita, supr. de adop.* Siquidem Titio inconsultis contrahentibus arbitrate illi læderentur, concedam recte colligi illos quoque ad rem æstimandam adhiberi debere. Sed non lædi eos perspicuum est: nam si æquum est arbitrium Titii, aperte non læduntur. Sin prævum: tamen nihilominus res contrahentibus salva est: quippe redigetur ad arbitrium boni viri, ut supra satis ostendimus. Infirum vero argumentum est, quod istis ex hoc responso ducitur. Hic significatur per stipulatorem fieri posse, itemque et per promissorem, quominus Titius arbitretur. Quærent, quomodo id fieri possit, si Titius admonitus potest illis iurantibus et absentibus arbitri. Nam r^o potest illis absentibus, nulla est in illis mora, id est, nulla causa, quominus arbitretur. Non ita est: nam Titius si velit arbitrari illis absentibus, potest, nec illorum absentia obstat: sed si nolit illis inconsultis id facere; potest hoc quoque sibi imperare, ut faciat; idque ita rectius interdum fieri concedendum est. Hic si denunciaret contrahentibus, ut adsint, et nolit alteruter adesse; vere dicitur per eum moram factam esse, quominus Titius arbitretur: ut qui alia conditione adduci non potuerit, ut de re constitueret, quam si contrahentes adessent. Cæterum ita se instituere non cogitur. Illud, quod pro firmamento suæ sententiæ Bartolus posuit, non modo ex omnibus mihi minime firmum, sed etiam pene ridiculum videtur. Edicto ædiliū, si quid ita veniit, ut nisi placeret, intra præfinitum tempus redhiberetur; rata conventio habetur, ut traditur in *L. quod si nolit*, §. *si quid ita*; *supr. de æd. ed.* ex eo ille colligit, si in aliquem collatum sit, ut quid illi placeret, aut non placeret, de eo illum statuere debere præsentem eo, ad quem ea res pertinet. Credo ideo, quia redhibere venditori rem ita emptam est, illi rem reddere. *L. redhibere, supr. de æd. ed.* Obsecro, quid hoc ad rem pertinet? non potest, de qua re ita convenit, ut intra certum tempus displiceret, ea nisi præsentem reddi. Ideone consequens est non posse rem displicere nisi præsentem venditore? imo ante emptori displicet: sed non est satis ad redhibitionem futuram? hoc etiam sequi debet, ut intra tempus præfinitum re ipsa redhibeatur.

21

† De tempore, intra quod Titius recte arbitretur, nihil verius est, quod ab illis traditur. Si hæc oratio, *arbitratu Lucii Titii*, conditionem habet, si ille arbitretur: dicendum est, quandocunque ille arbi-

Tom. XI.

traretur, conditionem existere, eaque impleta stipulationem committi. *d. L. 2. supr. de cond. et dem.* et generaliter probandum est in conditione non inspicere, quando existerit, sed au existerit: adeo, ut spes quoque conditionalis stipulationis ad heredes transmittatur. §. *ex conditionalis*, *Instit. eod.* Ut autem probetur esse aliquod tempus, intra quod Titius arbitrari debeat, quid est ineptius, quam uti argumento eius, qui convenit, ut si res empti non placeret, posset eam redhibere; cuique ad eam redhibitionem actio datur edicto ædiliū intra certum tempus? *d. L. quod si nolit*, §. *si quid ita, supr. de æd. ed.* An ei datur tempus, intra quod possit de re arbitrari, et dicere sibi non placere: ac non potius intra quod possit rem redhibere? datur vero hoc ei tempus ad redhibendum, non ad arbitrandum, et rem improbandam; et quandoque emptori res displicere potest: sed non potest quandoque de ea redhibenda agere. Quid autem Titius in proposito? utrum ex arbitrio suo agit; an vero dicit tantum, quod sibi videtur? nempe dicit tantum, quod videtur, ut conditionem arbitrii impleat, neque postquam id fecerit, sibi ullam actionem eo nomine dari postulat. Quid, si Titius semel dixerit se arbitrari nolle, an hic erit arbitrandi finis: ut quamvis postea mutato consilio arbitratus fuerit, non tamen committatur stipulatio? Minime. Sed hic servabimus idem, quod in cæteris conditionibus, quæ sunt in non faciundo. Etenim cum promittitur quid sub conditione, si Titius arbitratus fuerit, intelligendum est sub contraria conditione cessare obligationem, si Titius arbitratus non fuerit. Conditiones autem quæ in non faciundo sunt, veluti, si Titius non delegerit, si Capitolium non ascenderit, non prius existunt, quam certum esse coeperit, id quod in conditione erat, amplius Titium facere non posse: etsi aliquando facere potuerit, et tamen noluerit. *L. ita stipulatus, infr. eod.* Proinde et hæc conditio si Titius arbitratus non fuerit, non prius efficiet, ut obligatio desinat posse contrahi, quam certum factum sit illum amplius arbitrari non posse. Itaque quandocunque postea arbitratus erit, promissor tenebitur. Nec aliter desinet illi hoc arbitrium nocere, quam si communi consensu stipulatoris et promissoris ab eius arbitrio discessum fuerit. Quam huc etiam nihil facit *L. ult. §. sed etsi quis, Cod. com. de leg?* Illic hæc species proponitur. Legavit testator aliqui Stichum aut Pamphilum: utrum Titius eligeret. Iustinianus constituit, ut si intra

59

an-

annum Titius non elegerit, videatur ipsi legatario delata esse electio. Sed an non videmus hic singulare ius constitui, quod voluntas testatoris citius exitum habeat; cum constituat, ut electio legatario detur, quæ nulla esse posset, si in ea specie conditio retineretur? Deinde an idem esse putamus, quod Titius elegerit, de qua conditione Iustinianus constituit: et quod Titius arbitratus fuerit, de qua conditione nunc agimus? erramus, si putamus. Alioqui in illis verbis, *quod Titius elegerit*, nullam conditionem a Iustiniano, nullam moram constitui oportuit; sed statim legatum dare ex arbitrio boni viri: cum in testamentis legatum in alterius arbitrium collatum pro boni viri arbitrio accipi debeat: quod neque conditionem, neque moram ullam recipit, ut est in *L. 1. supra, de leg. 2.*

- 22 † An morte Titii deficiat conditio, quærendum non est; quis enim eo mortuo conditionem impleat, cum amplius non sit Titius, qui arbitretur: qui tamen ex conditione et proposito contrahentium arbitrari debuit? Nam heredem dicere conditionem implere posse absurdum est: cum neque verbis conditio in eius personam collata sit; et sententiæ contrahentium Lucii Titii arbitrio res sit commissa, quia eius prudentiam, et fidem elegerint. Quæ qui in herede eadem esse putat, aut a contrahentibus in homine alioqui ignoto eadem esse electa; is rerum est imperitus. Quid, si vivo adhuc Titio conditio eius mutata fuerit: putata, deportatus sit, et eo modo in numero civium esse desierit? non ideo arbitrando potestatem pœna peremptam esse dicemus, arg. in *L. cum pater, §. cum pater, supr. de leg. 2.* Et certe post deportationem idem Titius manet, qui fuit, et is qui non minus possit de re iudicare et
- 23 arbitrari natura, quam ante. † Quid, si unus ex contrahentibus prius mortuus sit, quam Titius arbitretur? nihilominus eo ar-

bitrante heres tenebitur, aut actionem habebit. Ex conditionali stipulatione spes est debitum iri, eamque ipsam spem ad heredem transmittimus; ut quamvis nobis mortuis conditio extiterit, tamen stipulatio nobis committatur, aut adversus nos. §. *ex conditionali, Instit. eod.* Diversa causæ compromissi: ex quo si ad arbitrium itum sit; uno ex litigatoribus mortuo solvitur compromissum, nisi in compromisso heredis mentio facta sit. *L. diem, §. 1. supr. de recep.* Differentiæ ratio est, quod in compromisso præcipue de iudice eligendo et sequendo, id est, de personæ eius iudicio, fide, integritate probanda agitur; et quod pœna adicitur, non nisi ad eius approbationis confirmationem per occasionem et consequentiam rei perficienda promittitur. Quæ approbatio omnis personalis est: neque enim idem iudicium est heredibus. Et credibile est litigatores in re, quæ in electione personæ certæ posita est, et in ea causa, quæ ad heredes postea est perventura, cupere omnia his relinquere integra, ut ne iuviti eiusdem personæ iudicio et fidei se concedere cogantur, nisi nominatim heredes suos eidem pœnæ subiecerint. Argumento et societas, quæ cum electione certæ personæ, id est, socii constet, etiam morte unius ex sociis solvitur, §. *solvitur, Inst. de soc.* At in stipulationibus aliis, itemque contractibus de re danda præstandave principaliter agitur; cuius rei præstatio non coheret personæ, sed ad heredes transit, ut est stipulationum natura. *L. veteris, C. de cont. et com. stip.* Nec multum ad rem faciet, si promittetur res sub conditione, si Titius arbitrabitur; conditio enim stipulationi adiecta, rei promissæ et stipulationis naturam non mutat: sed quandocunque exstiterit, perinde habebitur, ac si sine conditione res esset promissa. *L. si pupillus, supr. de cond. inst.*

Ad L.



*Ad L. et ideo si. 44.**Paulus lib. xii. ad Sabinum.*

Et ideo si omnino non arbitretur, nihil valet stipulatio: adeo ut et si poena adiecta sit, ne ipsa quidem committatur.

REI impossibilis poena non debetur. *L.* potest, ut restituatur res arbitrata Lucii si homo, *infr. eod.* fieri autem non Titū, ubi ille non arbitretur.

*Ad L. Quodcunque 45.**Ulpianus. lib. l. ad Sabinum.*

Quodcunque stipulatur is qui in alterius potestate est: pro eo habetur, ac si ipse esset stipulatus.

DE stipulatione eorum, qui in alterius potestate sunt, sive stipulentur sibi, dictum est suo loco ad §. *alteri*, *L. stipulatio ista*, *supr. eod.* ubi et hic locus est expositus.

Ad §. Sicuti cum morietur.

Sicuti cum morietur quis, stipulari potest: ita etiam hi qui subiecti sunt alienæ potestati, cum morientur, stipulari possunt.

S U M M A R I A.

1. *Stipulatio et promissio*, Post mortem suam, cur olim non valuerit.
2. *Stipulationem predictam hodie valere.*

3. *Stipulatio*: Cum moriar, vel cum morieris, debis, etiam iure veteri valuit, et cur.
4. *Filiifam. et servi an ita*, Cum morientur, stipulari possint.

- 1 **P**lacebat olim post mortem suam dari sibi, neminem stipulari posse. §. *post mortem*, *Inst. de inut. stip.* sic enim rationcinabantur veteres: inutilis stipulatio est cum quid ita in stipulatum deducitur, ut dari non possit. *L. si stipulor, supr. eod.* Et quomodo daretur mortuo, idest, ei qui iam amplius non est in rerum natura? Idemque placebat, si quis post mortem suam daturum se promississet: nam quomodo mortuus daret? *d. §. post mortem.*
- 2 **†** Hoc ius Iustiniano displicuit, qui sive quis stipuletur post mortem suam, sive quis post mortem suam promittat, probavit stipulationem valere *L. scrupulosam, C. de cont. et com. stip. et d. §. post mortem, in fin.* sententiam, ut videtur, contrahentium secutus, non verba, ut dixi iam ante ad §. *alteri L. stipulatio ista, supr. eod.* quasi stipulatus sibi post mortem suam non debeat existimari tam stultus, ut stipuletur sibi ipsi, sed quasi stipuletur post mortem suam heredi suo, in cuius

Tom. XI.

ius persona ipse quodammodo vivere intelligitur: cum ille in defuncti ius et locum succedendo defuncti personam sustineat. Interim veteribus, qui verba stipulationis spectabant, inutiliter isto modo fiebat stipulatio. † At utiliter hoc modo: si quis stipularetur sibi dari, aut promitteret se daturum, cum moreretur, ut colligitur ex *d. §. post mortem*, sed præcipue ex hoc loco. Et recte: sic enim vivo sibi quis stipulabatur, et se vivum promittebat daturum. Hinc *sequentium* §§. dubitationes. Et si autem superiore differentia subalta questionibus huius loci sunt inutiles: tamen nihil vetat, postquam locus nobis relictus est, quominus sententiam paucis attingamus. † Ergo hoc iure posito, posse quemque sibi stipulari, cum morietur; questum est, an etiam hoc modo sibi stipulari possiat, qui sunt in aliena potestate, filiifam. et servi. Movet, quod cum hi sibi stipulati sunt, pro eo habetur, ac si ipsi stipulati essent, quorum sunt in potestate, ut

ut initio huius *L.* traditur. Utpote, stipulatus est servus sibi dari post mortem suam; ipse dominus videtur esse stipulatus, et quidem eadem conditione, cum servus morietur. Nam in conditione in alterius parvam collata a persona ipsa non recedimus; sed in huius ipsius persona conditio implenda est. *L. qui heredi, sup. de cond. et dem.* At fieri potest, ut moriatur servus post mortem domini: ita fiet, ut videatur saltem hoc casu dominus vi ipsa sibi stipulatus esse post mortem suam: quod fieri ius superius prohibebat, Ulpianus hic definit, quod dicitur posse quemque sibi stipulari, cum morietur, etiam ad eos qui alieno iuri subiecti sunt, pertinere. Recte: nihil enim prohibet, quominus moriatur ser-

vus vivo domino, ut haecenus videatur dominus stipulatus se vivo. Quod si prius moriatur dominus, et sic stipulationem interpretabimur, quasi in hunc casum stipulatus esset servus ei domino, quem tunc habebit virum, non ei, qui nunc est. Atqui etsi dixerimus servum huic soli, qui nunc est, stipulatum esse; et videri vi ipsa stipulatum domino suo post mortem eius: tamen recte defendetur nihil hoc in proposito nocere: quoniam intelligitur tantum non exprimitur. Quae adici prohibentur, ea expressa nocent; non expressa non nocent. *L. si quis Sempronium, supra, de her. inst. L. nonnunquam, supra, de cond. et dem.*

Ad. §. Si ita quis stipulatus sit.

Si ita quis stipulatus sit, *Post mortem meam filiae meae dari?* vel ita, *Post mortem filiae meae mihi dari?* utiliter erit stipulatus: sed primo casu filiae utilis actio competit, licet heres ei non existat.

S U M M A R I A.

1. *Stipulari post mortem suam dari nemo prohibetur, et quatenus.*

2. *Filia exemplo cur potius quam cuiusvis extranei in hac stipulatione Ulpianus usus sit, et quid in filia emancipata.*

1 Sic † ius erat olim, ut dixi ut nemo post mortem suam sibi dari, posset stipulari. Ex his verbis conficit Ulpianus, quod est hoc loco; nimirum neminem prohiberi eo iure stipulari post mortem suam dari, dummodo stipuletur alteri dari, non sibi. Ut † si stipuletur pater post mortem suam filiae suae dari, multoque minus prohiberi quemquam stipulari, sibi dari post mortem: modo non stipuletur post mortem suam, sed alterius. Ut, si stipuletur idem pater, post mortem filiae suae sibi dari. Haec ex eo quod ius superius ad improbandam stipulationem duo coniunctim exigit et ut stipuletur sibi, et ut post mortem suam: ut unum si desit, nihil sit impedimento stipulationi. Et merito: nam utroque casu stipulator sive stipulator alii, sive sibi, utrique vivo stipulari intelligitur. † Usus est autem in hoc re exemplo filiae potius, quam cuiusvis extranei, ut procederet exemplum, in quo ponit stipulatorem stipulari posse, post mortem suam alteri dari. Nam extraneo alii si stipuletur, nihil agat: filiae autem utiliter stipulari potest, ut filiae utilis actio competat, ut hic scribit Ulpianus. Sed an in omnibus causis filiae etiam emancipatae recte hoc modo stipuletur pater? nam hic

Ulpianus nihil distinguit. Minime, ut docui ad §. alteri, *L. stipulatio ista, sup. eod.* Neque alius locus quam hic ipse id magis arguit. Oportet enim aliquid singularis iuris intelligi in filia, quod non sit in filio in hac re, postquam filiae exemplo utitur, non filii. Nam si pariter filio emancipato, et filiae quidvis stipulari posset pater: usus esset filii nomine Ulpianus, ex quo de filiabus idem dictum intelligeremus; feminino autem vocabulo etiam absurdum putatur masculos contineri. *L. si ita sit, supra, de leg. 2.* Et res ita habet; ut possit pater stipulari dotem reddi filiae, ut filiae utilis detur actio. *L. Caius, supra de sol. matrim.* Sed quia nuptiarum favore id dicitur fieri: hinc colligimus non idem concedi aliis in causis. Cur ergo non addidit hoc loco Ulpianus dotis nomine? Quia ad eius institutum hoc loco nihil attinebat; non enim quaerebatur, an pater posset stipulari filiae: sed quo casu potest, an possit ei stipulari post mortem suam. Dubitatio ex iure vetere, quod vetabat quemque post mortem suam stipulari. Et hoc sentit Ulpianus, si nihil aliud obstat, quam quod pater stipulatus est filiae post mortem suam, nihil esse impedimento stipulationi. Quod sic accipiendum

diam est: dammodo id stipuletur, quod filiar stipulando, potest ei utilem saltem actionem acquirere. Id quid sit, quia non attingitur hoc loco, etiam in dubio relin-

qui intelligitur. Proinde ex aliis locis petendum est. Vide plura in hanc sententiam, ad d. §. alteri.

Ad §. Non solum ita stipulari.

Non solum ita stipulari possumus, cum morieris: sed etiam, si morieris. Nam sicuti inter hæc nihil interest, cum veneris, aut si veneris: ita nec ibi interest, si morieris, et cum morieris.

SUMMARIUM.

1. Inter stipulationem, Cum morieris, et Si morieris, nihil interest.

UT olim poterat quis stipulari, cum moreretur, ita quisvis promittere, cum moreretur, ut supra ostendimus. Hinc questum, possatne quis etiam promittere hac conditione, si morietur: quia videretur hæc conditio rem differre post mortem. Ulpianus defluens hoc loco inter ista nihil interesse, Cum morieris, et Si morieris, ap-

te vult intelligi id, de quo questum est; quemadmodum recte promittit quis, cum moriatur; ita recta promittere, si morietur. Quatenus autem verum sit inter huiusmodi conceptiones nihil interesse, cum morieris, et, si morieris: cum veneris, et, si veneris, dicitur ad L. seq. §. ult.

Ad §. Filius patri.

Filius patri dari stipulari videtur, etsi hoc non adiciat.

SUMMARIUM.

1. Filiusfam. impersonaliter aut nominatim sibi stipulando, patri stipulari videtur; et si de patre nihil adiciat.

QUI quisvis impersonaliter, aut nominatim sibi stipulando alteri obligationem acquirit: is utique re ipsa illi alteri stipulari intelligitur. Talis est filiusfamil. qui infuit, aut nominatim sibi dari quid stipulatur; ex his, quæ patri acquiri possunt, in præst. tit. per quas per. nob. ob. acq. Inst. Harum enim rerum stipulationem patri acquirit, ut ibidem scriptum est. Recte

igitur hic dicitur filius, quod huius generis stipuletur, videri stipulari patri; etsi de patre nihil adiciat. Quod si patri stipulari videtur, et quod patri stipulatus est, et vera patri acquiritur: consequens est id, quod initio huius L. positum est; quod filius stipuletur, qui in potestate est, pro eo haberi, ac si ipse pater asset stipulatus. Sed de harum personarum stipulationibus satis dictum est ad §. alteri.

Ad L. Centesimis. 46.

Paulus libro XII. ad Sabinum.

Centesimis Kalendis dari utiliter stipulamur: quis præsens obligatio est, in diem autem dilata solutio.

SUMMARIA.

1. De stipulatione in Centesimis Calendis collata querendi quæ res occasionem dederit, quæque dubitationis causa, et u. 3.
2. Centesima Calenda quæ.
3. Stipulatio nulla inutilis ob id, quia res in tempus quavis longissimum dilata sit.
4. Ratio Pauli in hoc responso explicata.

AN centesimis Calendis utiliter stipulamur, questum est; quia in usu esset Romanis in hunc diem et stipulari quid, et legari, ut et de legato usurpatur hic dies

dies ab eodem Paulo in *L. Si dies, sup.*
 2 *quand. di. leg. ced.* † Centesimas Calendas
 eodem modo dici apparet, quo dicuntur
 primæ Calendæ, secundæ, tertiæ, quartæ,
 quintæ, et ita deinceps usque ad centesi-
 mas progrediendo. Constat autem in *L.*
eum, qui Calendis, sup. eo. ubi appel-
 lantur ab Ulpiano primæ, secundæ, tertiæ
 Calendæ, primas dici primi mensis, secun-
 das secundi, tertiæ terti mensis Calendas.
 Nec dubium est, quin idem auctor sibi si-
 milis eodem sensu quintas Calendas nomi-
 nat in *L. 1. §. si quis simpliciter, sup.*
 3 *ead.* Erunt igitur et centesimæ, centesimi
 ab hinc mensis Calendæ. † Etsi autem proba-
 biliter dicitur feneratoribus, qui pecunias
 credidissent sub usuris centesimis, quia in-
 telligerent se post centesimum mensem sim-
 plicius usuras exigere non posse, ut quæ iam
 sortem æquassent, ideo in mora habuisse
 sortem in id tempus sibi stipulari, cum iam
 pecunia apud debitorem otiosa futura es-
 set, atque inde centesimarum Calendarum
 adiectionem primum natam esse: tamen in-
 telligendum est etiam fuisse in usu, ut non
 minus centesimis Calendis rem aliquam si-
 bi dari stipularentur, qui mentem non de-
 dissent, aut qui usuras mediæ temporis non
 essent stipulati. Scimus enim et legatum
 centesimis Calendis relinqui solitum fuisse:
d. L. si dies, quand. di. leg. ce. ubi tamen
 totius intermediæ temporis commodum ad
 heredem pertinere constat. *L. si ita reli-
 ctum, §. Pegasius, imp. de leg. 1.* Et hoc
 nunc intelligi, solum ad dubitationem hu-
 ius loci facere reperietur. Queritur ergo,
 ut proponi, an centesimis Calendis dari
 utiliter stipulemur, ut Pauli definitio de-
 clarat. *Centesimis, inquit, Calendis dari uti-
 liter stipulamur.* Definitio nimirum ad id
 quod in hac re querabatur, accommodata:
 quam etiam ratione adiuncta confirmat.
 Et quæ tandem esse potuit, dixerit aliquis,
 in proposita specie dubitationis causa, ut
 istam sententiam ita ratione mutare opor-
 teret: cum constet omni stipulationi recte
 diem adici; hanc autem stipulationem, *Calen-
 dis centesimis*, esse in diem? ipse idem
 Paulus innete videtur in *d. L. si dies,
 quand. di. leg. ced.* qui ad difficultatem hu-
 ius adiectionis significandam, hoc posuit,

quod dies longa sit. Id facti, ut possit vi-
 deri prope inutile esse præstatio, quæ in
 tam longum diem differatur. Unde questio,
 an stipulatio hoc modo concepta, tanquam
 quæ non magnum commodum afferat, sit
 inutilis. Quæ questio tum maxima, imo ve-
 ro tunc solum locum habet, cum interme-
 dium tempus ab omni usurarum et fru-
 ctuum præstatione immune est. Paulus his
 scribit utilem esse stipulationem: † signi-
 4 ficans in universum nullam stipulationem
 ob id esse inutilem, quia res in tempus
 quævis longissimum dilata sit. † Ratio eius 5
 animadvertenda est: quia, inquit, præsens
 obligatio est, in diem autem dilata solutio.
 Quæ significat in summa obligationem esse
 ex genere earum, quæ fiunt in diem. Hoc
 anim illarum proprium, ut statim debeatur,
 quod promissum est, atsi ante diem
 exigi non potest, de quo diximus ad *L.*
eum, qui Calendis, §. ult. sup. eod. Sed
 inepta hæc ratio est, dicit quispiam, ideo
 centesimis Calendis utiliter nos stipulari,
 quia præsens obligatio sit, in diem autem
 dilata solutio. Quasi vero non constet utilem
 esse posse, atsi contrahatur sub conditione:
 ubi tamen nulla est obligatio præsens; sed
 at solutio, at simul obligatio ipsa in ca-
 sum, et tempus incertum differatur. Et as-
 set sane inepta ratio, si ita eam accipere-
 mus, quasi contineret causam, propter
 quam stipulatio est utilis, et sine qua uti-
 lis stipulatio non esset. Sed observabimus
 argumentum esse potius, sumptum ex eo,
 quod convenit maxime utili stipulationi,
 etsi non solum; ut sit in eo argumentum
 ex comparatione maiorum, hoc modo. Si
 sub conditione esset hæc stipulatio; tamen
 contraheretur utiliter, etsi præsens obliga-
 tio non sit; sed ea, quæ in casum diffe-
 ratur; nec obstat stipulationi, quod quam-
 vis longo tempore postea conditio exstiterit.
 Multo igitur citius dixerimus eam utili-
 ter contrahi, quæ parit præsentem obliga-
 tionem, atsi forte inde statim pecunia
 peti non possit. Talis est autem hæc, cum
 stipulamur centesimis Calendis: quæ cum
 sit in diem certam, præsentem obligatio-
 nem habet: etsi in centesimas Calendas
 differatur solutio. Dubitari igitur non de-
 bet, quin hoc modo utiliter stipulemur.

Ad §.

Ad §. Id autem, quod in facto.

Id autem quod in facto est, in mortis tempus conferri non potest: veluti Cum morieris, Alexandriam venire spondes?

SUMMARI A.

1. Stipulatio dandi in mortem promissoris collata olim valuit: secus in stipulatione faciendi.
2. Stipulationum dandi et faciendi distinctio a Iustiniano sublata.
3. L. veteris, et L. ult. C. de contr. et commit. stip. ad stipulationem hanc: Cum morieris, Alexandriam venire spondes? et ad similia facta non pertinere, et cur. et v. 6.
4. Stipulationes omnes, quibus id promittitur, quod natura fieri non concedit, inutiles esse.
5. Promittens se Alexandriam venturum, nullo tempore profuisset, licet morte praeventus Alexandriam venire non potuerit; stipulatio tamen ad heredes transit.
7. Inter stipulationem illam, Cum morieris, insulam edificare spondes? et hanc, Cum morieris, Alexandriam venire spondes: quid intersit.
8. Summa huius iuris et constitutionum L. veteris, et L. ult. C. de com. et commit. stip.

1. Quod dicitur, nunquamque utiliter promittere hac constitutione, cum morietur, ut ins etiam olim fuisse ostendimus ad L. quodcumque precedens. §. 1. et §. pen. de his dictum est a veteribus, quæ dari stipulamur, ut colligi potest ex §. post mortem, Inst. de inut. stip. Ceterum si quid in facto esset, placebat sine exceptione frustra promitti, cum promissor moritur: ut testis est Iustinianus in L. ult. C. de cont. et com. stip. Idque ipsam est, quod hoc loco generaliter definitur, cum negat Paulus id quod in facto est, in tempus mortis conferri posse: mortem promissoris intelligens, ut exemplo declarat: Veluti, inquit, cum morieris, Alexandriam venire spondes? quod et Iustinianus declarat in d. L. ult. † Hæc distinctio stipulationum dandi et faciendi Iustiniano displicuit: et in stipulationibus primum sublata est, in quibus quis se quid datum aut facturum simpliciter promittit. L. veteris. C. eod. Deinde in hac specie, cum promittit se datum aut facturum, cum moritur: d. L. ult. C. eod. ubi proposita hæc stipulatio, Cum morieris, insulam edificare spondes? quam veteribus impossibilem videri proposuerat, non solum de hac constituit, et iubet, ut incipiat quidem contra morientem obligatio, adversus autem heredes eius transeat, qui factum impleant: sed etiam de genere toto deficiens ad extremum ita scribit: Quemadmodum enim si in dando concepta fuerit stipulatio, et contra heredes transmittatur: ita et si in faciendi est, licet in mortis tempus conferatur, attamen ad similitudinem in dando conceptæ stipulationis et heredes obligari sancimus; ut non discrepet factum a datione. † Ita definitio-
- 2.
- 3.

nem huius loci illa constitutione tolli dubitari non potest. Sed an etiam ad exemplum, quod hic proponitur, et similia facta constitutio pertinet? Et puto non pertinere; sed verissime dici, quod multis placeat, non posse hoc genus facti, ut promissor Alexandriam veniat, in tempus mortis eius conferri. Denique stipulationem eiusmodi esse inutilem: ut si definitionem huius loci conceptam aliqui verbis generalibus ex sententia superioris constitutionis ad exemplum hic propositum, et similes species placeant revocari, ut posteriores leges ad priores pertinent et contra: L. non est novum, et 2. seqq. supr. de legib. nihil possit dici hæc definitione verius. † Nempe omnes stipulationes iam a principio inutiles esse constat, quibus id promittitur, quod natura fieri non concedit. L. si stipulor, supr. eod. Aperte autem talis est hæc, cum morieris, Alexandriam venire spondes? ubi hoc natura neque promissor moriens præstare potest, neque eo moriente alius in tam brevi spatio temporis. Inutilis igitur stipulatio sit, necesse est: si tamen a tempore mortis non recedimus, sed volumus, ut per id tempus vel promissor Alexandriam veniat, vel eius nomine alius. Atqui hoc tempus conventionem adiectam invito promissore reici non potest. Per hoc enim certam conditionem accepit stipulatio; quam immutare stipulatori non licet. L. vero, vers. alia, infr. de solut. Idque evidentissime declarat exemplo eius, qui cum esset Romæ, spondet se hodie Carthagini datum. Nam hæc stipulationem inutilem esse placet, quia ut impossibilis repositio. §. loca, Inst. eod. L. 2. §. qui ita, supr. de eo quod cer. loc. Et tamen si ab hodie-

dierno die recesseris, et tantum temporis concedas, intra quod Carthaginem perveniri potest, nihil est impedimento, quominus per rerum naturam recte detur Carthagini. Cur igitur in hac stipulatione impossibilis repromissio et præstatio habetur? nempe quia retinemus diem adiectum propter conventionem et conceptionem stipulationis: hoc vero retento die, intra quem detur, fit præstatio impossibilis; quam hodie Carthagini dari non potest ab eo, qui sit Romæ. † Isto ipso modo et si quis promittat se Alexandriam venturum, nullo præfinito tempore mortis, cum veniet: ita erit stipulatio utilis, ut quamvis morte præventus Alexandriam venire non poterit: tamen stipulatio transeat adversus heredes, qui et ipsi Alexandriam venire debent, et veniendo stipulationi satisficient iuxta *d. L. veteris, C. eod.* quippe id promissit defunctus, quod fieri potuit natura: cum ita esset conditio rerum, ut aut posset venire ipse, aut eius nomine alius, qui idem præstaret. † At si quis promittat se Alexandriam venturum, et id certo tempore definiat, cum morietur, quod fit in superiore stipulatione; hoc idem in hac evenire necesse est, ut sit præstatio impossibilis: quia si intra id tempus veniendum sit Alexandriam, non possit id fieri per rerum naturam: nunc autem per id tempus veniendum esse dicimus ex conditione obligationis. Non ergo improbamus hanc stipulationem, quia a promissore non impleta ad heredes non transeat, quod fieret contra constitutiones Iustiniani: *d. L. veteris, et L. ult. C. eod.* sed quia ipsa stipulatio iam a principio sit inutilis: et inutilis ideo, quia natura impossibilis præstatio; idque non minus, quam cum promissit quis se hodie Carthagini datum, cum esset Romæ. Ad huiusmodi stipulationes constitutiones superiores Iustiniani non pertinent. Neque enim illi propositum est omnes stipulationes tum dandi, tum faciendi, quæ alioqui secundum regulas iuris inutiles sunt, confirmare, ut sic deinde a contrahentibus ad heredes, et adversus heredes eorum transeant: quod esset absurdum. Sed de his agens, quæ per se utiles sint, tractat, an cum persona finire debeant; quæ in causa faciendi stipulationes habebantur a veteribus an vero ad heredes transire. Et vult transire nempe ubique hac conditione, si etiam a principio stipulatio constitit in persona contrahentium. Nam si non constitit, puta ea re promissa, quæ per rerum naturam præstari non potest, ut in superioribus exemplis stipulatio-

num fieri probavimus: quomodo transiret stipulatio ad heredes, qui eodem iure uti debent *L. qui in ius, infr. de reg. iur.* Si a principio stipulatio non valuit; quomodo tractu temporis in persona heredum convalesceret? *L. quod initio, infr. de reg. iur.* Vel potius quomodo videri posset utilis stipulatio in persona heredum, quæ his ipsis esset impossibilis? Nam ne erremus, in hac stipulatione, *Cum morieris, Alexandriam venire spondes?* non magis heredes Alexandriam venire possunt, cum promissor moritur, quam aut ipse vivus potuit per id tempus, aut eius nomine alius. Imo vero heredes multo minus; quod enim mortuo promissore fit, non potest diei fieri, cum is moritur: cum is dicatur mori, qui adhuc vivit: *L. ult. supr. de cond. insti.* quod in mortuum cadere non potest. At enim Iustinianus in *d. L. ult. C. eod.* nominatim in hac specie, cum quis spondedit se, cum morietur, insulam ædificaturum, ita constituit stipulationem transire ad heredes, ut velit eam valere in persona defuncti, sic deinde adversus illos transmitti. Et sive in persona defuncti valere vult, sive non vult: tamen hoc constat velle enim, ut adversus heredes transmittatur, qui cogentur etiam mortuo promissore ædificare insulam. Et quid interesse videtur ad difficultatem faciendi, utrum quis promittat se insulam ædificaturum cum morietur; an vero se Alexandriam venturum, cum morietur? † Sane vero inter utramque speciem ex sententia et interpretatione Iustiniani multum interest: propterea quod in priore specie ædificare insulam promissor potest cum morietur, aut per se, aut per alium, ut Iustinianus in ea interpretatur ædificare: in posteriore nemo natura venire Alexandriam potest, cum quis moritur, si vel iter unius diei distet ab Alexandria. Quo fit, ut illis valeat, tamquam re promissa, quæ fieri potest; et quia valet, etiam transeat in heredes: hæc contraria de causa sit inutilis, eoque nec teneat heredes promissoris. Eum, qui spondet insulam, cum morietur, ædificare, Iustinianus interpretatur spondere se insulam inchoaturum, cum morietur, quam deinde perficiendum relinquat heredibus: quod et verba patiuntur, et sententiæ contrahentium convenit. In verbo, non tantum dicitur ædificare insulam, qui perficit, sed etiam qui inchoat: et omnino quamdiu opus peragitur, per omne id tempus in usu loquendi ædificari insula dicitur. Sententiæ autem contrahentium convenit, ut hoc verbo de in-

choa-

choanda insula, cum promissor morietur, non de absolvenda sensisse illi existimetur: quia inquit Iustinianus in *d. L. ult. Neque tam stultus est stipulator, ut putet insulam eo tempore captam uno momento horæ attolli posse; neque promissor tam imperitus, ut putet se, cum morietur, sufficere ad operis perfectionem*. Porro in re dubia ita stipulationem et mentem contrahentium interpretari debemus, ut videatur id sensisse potius, quo fit, ut stipulatio valeat; quam id quo fit, ut sit inutilis. *L. quoties in stipulationib. infr. eod.* Non eadem interpretatio recipi potest in illa stipulatione, *Cum morieris, Alexandriam venire spondes?* quoniam hæc verba, *venire Alexandriam*, non initium profectus significant; quod per id tempus, cum promissor moritur, fieri potest: sed significant itineris perfectionem, cum qui proficisci coeperat, eo usque progressus est, ut sicut volebat, Alexandriam veniret. Hoc, ut dixi, neque promissor moriens præstare potest, neque per id tempus cum moritur, alius. Eo fit, ut dum aliud ex verbis accipere non possumus, relinquatur stipulatio impossibilis: quam proinde recte nullius momenti esse dicimus. Itaque si quis promissit ire Alexandriam, cum morietur, aliud probarem ex constitutione Iustiniani. Hic enim ire dicitur, qui ire incipit, etiam si Alexandriam non veniat. † Huius iuris, et constitutionem Iustiniani hæc summa erit: Si quis simpliciter promittat se quid facturum; quodcumque id erit, transmittitur stipulatio ad heredes, et adversus heredes; non aliter quam si se promississet daturum. *L. veteris, C. eod.* Hoc ideo, quia omnis huiusmodi stipulatio statim ab initio valet, ea re promissa, quæ potest a promissora præstari: et quia stipulatio valet, hanc vult Iustinianus æque ac si in dando esset, ad heredes pertinere; quasi non minus ab herede fieri possit, quod defunctus promissit se facturum; quam dari ab herede, quod

se defunctus promissit daturum. Quod si addiderit quis, *cum moriar: si quidem se daturum promissit; et hoc citra controversiam omni iure ad heredes transmittitur*. Sin promissit se facturum aliquid: etiam hic voluit Iustinianus heredes promissoris obligari. Sed monemus diligenter videandam esse, quid promittatur: nam si promittitur id factum, quod constat inchoatione operis, progressu, et perfectione: placet Iustiniano in *d. L. ult. C. eod.* videri per id tempus quo promissor morietur, promitti inchoationem operis, quod deinde profectum tradatur heredibus: ut sic promitti intelligatur, quod fieri potest, sitque hoc modo etiam stipulatio utilis, quando verba stipulationis id ferunt. Quod si quis promissit non inchoationem alicuius rei, sed nominatim et inchoationem et perfectionem, ut cum promittit se non iturum aliquo, sed venturum: tum stipulatio ad heredes non pertinebit: non quod velimus quidquam de constitutione Iustiniani excipi: sed quod, ut ad heredes stipulatio transeat, prius est, ut ipsa ab initio constiterit: quod non fit, ubi quid promittitur in tempus mortis, quod per id tempus fieri non potest. Idque efficitur etiam verbis constitutionis, non enim simpliciter Iustinianus, si stipulatio in faciendo sit, iubet eam adversus heredes transmitti; sed addit, *ad similitudinem in dando conceptæ stipulationis*. Quibus verbis declarat, quibus in causis stipulatio, quæ in dando sit, non valet, nec transit ad heredes: in his ipsis hoc sentire se, ne stipulatio facienda valeat, aut ad heredes perveiat. At etiam in stipulationibus dandi hoc accidit, ut si quid intra tam breve spatium promittatur, ut constet per id tempus natura fieri non posse: nec stipulatio valeat, multoque minus transeat ad heredes: ut fit in illa stipulatione, bodie Carthagini dare spondes? Quapropter et in similibus faciendi obligationibus idem admitemus, vel ex ipsa constitutione *L. ult. C. eod.*

Ad §. Si ita stipulatus fuero.

Si ita stipulatus fuero, *cum volueris*: quidam inutilem esse stipulationem aiunt: alii ita inutilem si antequam constituas, moriaris: quod verum est. Illam autem stipulationem: *si volueris, dari?* inutilem esse constat.

S U M M A R I A.

1. Stipulatio hæc; Si volueris dabis? inutilis est.
2. Stipulatio, Cum volueris dabis? an valeat.

3. Stipulationes hæc, Cum volueris, et, Si volueris dabis? in quo conveniant, quo differant.
4. L. Expressa, de R. I. declaratio.

- 1 **H**æc stipulatio citra controversiam est inutilis, *dabis, si volueris*? ut hic diserte scriptum est, de quo genere dixi ad *L. stipulatio non valet. 17. sup. eod.*
- 2 † Consentaneum videbatur et hanc existimari debere inutilem, *dabis, cum volueris*? cum in *L. quodcumque præced. §. pen.* constituerimus inter hæc nihil interesse, cum veneris, et si veneris; cum morieris, et si morieris. Et hoc quidam ex veteribus similitudinem hanc per omnis secuti existimarunt. Paulus statuit posteriorem stipulationem esse utilem; non quia non sit sub conditione ut prior illa, *Dabis, si volueris*? sed quia ita sit sub conditione, ut si conditio extiterit, pecunia debeatur. Si conditio extiterit, inquam: non aliter, ut est lex omnium conditionalium stipulationum. *L. a Titio infr. eod.* Ideo Paulus ita utilem futuram ait, si promissor ante, quam moriatur, constituit se dare velle: sin prius moriatur, quam constituat, inutilem. † Ergo sententia Pauli multum interest inter has conceptiones. *Si volueris, et, cum volueris*: quod Ulpianus negat in *L. quodcumque, præced.* Non sunt hæc pugnantia: sed uti res sunt, de quibus agitur, ita vere utrumque dicitur. Si de conditione iniciendis et significanda queritur, re vera inter istas conceptiones nihil interest: utraque enim pariter conditionem continet. *L. si Titio, sup. quam. di. leg. ced.* Hoc Ulpianus sensit in *d. L. quodcumque*

Id ipsum et Paulus hoc loco confirmat, qui ex hac stipulatione, *dabis cum volueris*? negat quidquam deberi prius, quam velle te ostenderis: idest, prius quam conditio extiterit. Sin agitur de conditione exprimenda; aperte hæc conceptiones differunt: quo et declaratur in *d. L. si Titio*. Nam his verbis, *Si Volueris*, exprimitur ipsa conditio, ac per conditionem significatur tempus, cum illis exisset. Illis autem *Cum volueris*, palam est non exprimi conditionem, sed tempus, etsi per tempus significatur conditio. Hinc discrimen iuris hoc loco traditum: nam si his verbis, *cum volueris*, conditio non exprimitur; fit locus regulæ iuris, quæ ita traditur, expressa nocent, non expressa non nocent. *L. expressa, infr. de reg. iur.* † Cuius hic est sensus: quæ legato, aut stipulationi lex adici vetat, ea si exprimantur, nocere: sin non exprimantur, sed tegantur verbis, etsi eandem significationem habeant, non nocere. *L. si quis Sempronium, 68. sup. de her. instit. L. nonnunquam, sup. de cond. et dem.* Hoc ius ad hanc conditionem, *si volueris*, omnino pertinet: hanc enim conditionem stipulationi adici lex vetat. *L. sub hac, sup. proz. tit.* Ergo iuxta regulam iuris, conditio expressa nocebit; non expressa non nocebit: id quod a Paulo hoc loco traditur.

Ad L. Qui sic stipulatur. 47.

Ulpianus libro L. ad Sabinum.

Qui sic stipulatur: *Quod te mihi illis Kalendis dare oportet, id dare spondes?* videtur non hodie stipulari, sed sua die, hoc est Kalendis.

S U M M A R I A.

1. *Stipulatio hæc: Quod te mihi illis Kalendis dare oportet, id dare spondes, quæ verborum conceptione pura est, unde in diem esse probatur. et n. 4.*
 2. *Regulam de ambigua stipulatione contra stipulatorem interpretanda ad propositum non pertinere, et quando ea non utamur. et n. 5.*
 3. *Novationem in proposita stipulatione nullam fieri.*
- 1 **Q**ui sic stipulatur, quod te mihi illis Kalendis dare oportet, id dare spondes; ut est conceptio verborum, pure, non in diem stipulari videtur. Ut enim in diem sit stipulatio, non satis est diem stipulationi adici; sed eam adici oportet, quo pecunia detur, solvatur, quæ pecunia in eam stipulationem deducitur. *§. in diem, Inst. eod.* quod hic non fieri perspicuum est, si quis modo ea quæ verbis expressa sunt, non quæ significantur, considerat. Appellantur enim hic Calen-

dæ certæ: sed quibus demonstraretur, quid antea debueris, et quid stipulator nova hac stipulatione sibi dari velit; non autem quibus ex ea stipulatione eandem pecuniam solvas: cum ille sine ulla diei adiectione, quæ quidem verbis expressa sit, stipulatus sit sibi eam pecuniam dari. Placet tamen eum, qui ita stipulatur, ut supra scriptum est, iisdem illis Kalendis, quibus ante pecunia illi dari debuit, nunc quoque stipulari videri. Sed novatione est opus:

neque enim hic aperte dies adiciitur, quo pecunia solvatur, ut dixi: ac sine eo die stipulationem in diem esse dicere non licet. Ad hoc vero probandum periculose ex voluntatis coniectura statuere, utemurque iis regulis iuris, quæ sunt de interpretatione ambiguae aut obscurae obligationis traditæ: sed hæc in hac specie aut nos deficient, aut etiam contra nos facere repentiur. † Nam si dicetur ideo stipulationem in eandem Calendas dilatam videri, quia in stipulationibus cum queritur, quid actum sit, verba contra stipulatorem interpretanda sunt: *L. stipulatio ista, §. in stipulationibus, supr. eod.* referemus hoc de ambiguis stipulationibus dictum esse, quæ verbis ut prodesse possunt stipulatori, ita possunt et promissori: ad eas autem, quibus aperte pro stipulatore quid comprehensum est, non pertinere. *L. cum queritur, supr. de reb. dub. L. quidquid, infr. eod.* Queremus igitur, quoniam hic sit ambiguitas circa diei adiectionem: cum nihil sit apertius, quam stipulatorem sine die stipulatum esse, sibi dari. Sed demus hic aliquid esse ambigui, aut obscuri propter commemorationem Calendarum præcedentis obligationis: tamen ne sic quidem ea regula nos adiuva-
bit. Tunc enim ea non utimur, quoties contra stipulatorem interpretando, futurum est, ut stipulatio sit inutilis, ut docuimus ad *d. §. in stipulationibus*. Atqui si quod Calendis te dare oportet, creditor a te iisdem Calendis dari stipulatur, ut stipulationem propositam vult accipi Ulpianus; eveniet, ut posterior ista stipulatio nihil egerit: quia nullum commodum creditori afferat, ut ostendimus ad *L. qui bis idem, supr.* Proinde in re ambigua id actum interpretari non debemus; sed adversus promissorem convertere interpretationem, quasi et verbis, et sententia contrahentium creditor pure sit stipulatus. In eoque alteram illam regulam servabimus, qua præcipitur, in stipulationibus et omni oratione ambigua id esse accipiendum, quo res sit in tuto, et quo contrahentes aliquid egisse videantur. *L. quoties in stipulationibus, infr. eod. L. ubi, supr. de reb. dub. L. si quando, supr. de leg. 1. L. 1. in §. inf.*
3 ad muni. † Nec mihi hic audiendi videntur, qui fatentes stipulationem propositam in eandem Calendas dilatam videri, negant ideo stipulationem fore inutilem, quod dicant ea interposita novationem fieri prioris obligationis: nam unde hæc illis novatio colligitur? An ignoramus, quid apud Instinianum scriptum sit in §. prætoræ, *Inst. quib. mod. tol. obl. num.*

quam ne veteribus quidem existimatum fuisse novationem fieri, cum ab eadem persona idem stipulamur, nisi quid in posteriore stipulatione novi sit, forte si conditio, aut dies, aut fideiussor adiciatur, vel detrahatur? At hic stipulatur creditor ab eodem reo non solum idem, quod illum dare oportet, sed etiam eadem die. Quare si, ut dixi, in hoc responso nihil aliud querimus, quam voluntatis coniecturam ex regulis iuris de huius interpretatione traditis, non facile in eo reprehensionem effugiemus. † Quid ergo est? et non longius responsi ratio petenda est, quam ex ipsis verbis stipulationis: hæc vero abunde hoc continent, quod Ulpianus videri respondit. Stipulatur creditor, *quod te mihi Calendis illis dare oportet*. His verbis non addidit quidem Calendas, quibus dari stipuletur: sed stipulatur rem, quæ ante illas Calendas esse non potest: hoc vero tantumdem valet. Quoties enim stipulamur rem, quæ ante certum tempus esse non potest, toties ex re ipsa dilationem capit stipulatio, et id tempus stipulationi inesse intelligitur, cum res promissa per rerum naturam præstari potest: veluti, cum id quod in utero est, aut fructus futuros stipulamur. *L. interdum, infr. eod.* Non dubium autem, quin huius generis rem significant hæc verba, *quod te dare oportet*, cum id quod debes, debes in diem, puta Calendis Iannariis. Id enim te dare oportet, quod iam nunc oportet, idest, quod a te peti potest. *L. si stipulatus, 76. in fin. L. si a colono, L. cum stipulamur, 125. infr. eod.* non potest autem, quod in diem debetur, ante peti, quam is dies venerit. Ita fit, ut in eo, quod Calendis debes, ante eam diem non sit, quod possit dici te dare oportere: sed tunc solum, cum Calendæ venerint. Quod si ante non est, quod promittitur, ac proinde natura id tempus expectandum est, cum esse incipiat: satis natura rei promissæ hoc ipsum tempus stipulatione comprehensum intelligitur. *d. L. interdum*. Adeoque inest in tempus his verbis, *quod te dare oportet*: ut si creditor, cui Calendis debetur, stipulatus sit simpliciter dari, *quod te dare oportet*, nec adiecerit *Calendis*, ut diceret, quod te Calendis dare oportet; atque ita nulla penitus mentio Calendarum in stipulatione facta sit: tamen idem iuris esse existimari debeat, ut non hodie, sed solum Calendis stipulatus videre: scilicet quia non magis hoc casu verum est te ante Calendas dare oportere, quam superiore. Quo de vi et potestate verborum constituto, non solum ratio responsi erit ex-

5 pedita circa diei adiectionem, de qua ambigitur: † sed etiam erit paratum, quod respondeamus, si quis obiciat, quod aliqui ad interpretationem ambiguae stipulationis confugientibus facile dilui non potest. Id autem est, in stipulationibus si ambigua oratio est, commodissimum esse id accipi, quo res de qua agitur, in tuto sit. *L. quoties in stipulationibus, infr. eod.* In proposito autem contra fieri, si in hac stipulatione interpretemur creditorem, quod sibi debebatur, eadem die es-

se stipulatum, quia prius debebatur: ubi posterior stipulatio, quae de eadem re est, et nullum fructum affert, nullius est momenti *d. L. qui his, supr. eod.* Respondebimus uimirum recte hanc dici in ambigua oratione; nihil autem hic esse ambiguum aut obscurum de Calendis adiectis: sed has verbis stipulationis satis esse comprehensas hoc ipso, quod creditor stipulatur quod te dare oportet, cum illis solum Calendis te dare oporteret.

Ad L. Si decem cum petiero. 48.

Ulpianus lib. xxvi. ad Edictum.

Si decem cum petiero, dari fuero stipulatus: admonitionem magis quamdam, quo celerius reddantur, et quasi sine mora, quam conditionem habet stipulatio: et ideo licet decessero prius quam petiero, non videtur defecisse conditio.

SUMMARIA.

1. Stipulatio hac, Cum petiero dabis? an conditionalis. et n. 3. 6.
2. In conditionibus stipulationum voluntas contrahentium maxime spectanda: ut et in conditionibus testamentorum voluntas testatoris.
4. Stipulatio hac, Cum petiero dabis, pura est et ad heredes transit.

5. Conditio omnis, sive in faciendo sive in dando sit, in personam certam collata eum non egreditur.
7. Conditio illa, Si Tutor satisfecerit, in tutore dando a Magistratu adscripta, diversa omnino ab ea, quae stipulationi huic inferitur: Si petiero dabis.

1. Diximus ad *L. quodcumque, §. non solum, et ad L. centesimis, §. ult. supra eod.* idque illis locis ita traditum est, huiusmodi conceptiones, Cum veneris, cum morieris, cum volueris, conditionem in se habere, Si venaris, si morieris, si volueris. Si nobis constata vellemus, convenire videbatur, ut hanc quoque conditionem habere diceremus, cum petiero: ut in hac stipulatione, decem cum petiero, dabis? ut in hoc legato, fundum cum ille a te petierit, si des, restituas: et conveniebat omnino, si verba tantum sequeremur: nam haec illis omni ex parte similis conceptio
2. est. † Sed ut in omni alia parte stipulationis: sic in hac maxime, in qua de conditionibus agitur, id quod actum est, id est, voluntas contrahentium spectanda est; ut et in conditionibus testamentorum voluntas testatoris. *L. semper in stipulationibus, infra de regul. iur. L. in conditionibus, supr. de cond. et dem.* † Hoc secuti veteres hanc
3. de cond. et dem. † Hoc secuti veteres hanc

speciem, cum petiero, ex omnibus similibus exceperunt, negaruntque constanter in ea conditionem ius esse: in stipulationibus quidem hoc loco, et *L. si ita quis, 435. infr. eod.* in legatis autem in *L. Titia heredis, supr. de cond. et dem.* scilicet quia, inquit hoc loco Ulpianus, admonitionem magis quamdam, quo celerius reddantur, et quasi sine mora, quam conditionem habet stipulatio. An his verbis a creditore adiecta id agatur, ut admonetur debitor de pecunia reddenda, quo celerius reddat, et sine mora, non indiget probatione. Verba enim satis ostendunt: cum ita fiat, ut pecunia reddatur sine mora, si ubi primum stipulator petierit, reddatur. Atqui hoc posito consequens est non inesse in his verbis conditionem: non enim tantum non convenit hic finis conditioni; sed etiam plane conditioni est contrarius. Adiciuntur haec verba, cum petiero, ne res differatur creditori: conditio vero

1) Contr. pract. QQ. C. 3p. n. 6. non solum IC. conditiones subesse, quoniam non principaliter, quia ait, cum subit non defecisse conditionem, inquit cum soluta, qua

non deficit, licet non soluta, quia dicitur non existere, et non defecisse *L. 17. §. pen. ad Treb.*

ro omnis, adicitur rei differendæ causa, §. *sub conditione*, *Instit. eod.* Ex mente igitur et sententia contrahentium hic conditionem esse negabimus: etsi maxime figura orationis conditionem præ se ferat. Simile quiddam constitui et circa diem licet animadvertere. Dicimus enim et die adiecto differri petitionem: itaque et eam dilationem diei inesse, §. *in diem*, *Instit. eod. L. cum, qui Calendis*, §. *ult. supra, eod.* At hoc sic acceptum est: nisi apparet diem adiectum esse, non differendæ solutionis causa; sed aut representandæ, aut multiplicandæ obligationis gratia. Ut sit, cum stipulamur, hodie nobis dari: aut cum stipulamur dari decem singulis annis: de quibus plura diximus ad *d. L. eum, qui Calendis*, §. *ult. supra*. Si in his verbis, cum petiero, non est conditio: recte infert Ulpianus, licet prius decesserit creditor, quam peteret; non videri defecisse conditionem, non enim potest deficere, quæ nulla est. † Significat autem puram esse obligationem, et quamvis stipulator ante decesserit, quam peteret; non eo minus obligationem transire ad heredes: qui quod a defuncto petatum non est, non minus suo iure queant petere: non enim esse metuendum, ne illis obstat conditio, quæ non defecit, vel quæ potius nulla est. Quid si hæc verba, Cum petiero, haberent conditionem? consequens esset nimirum stipulatorem prius, quam peteret, mortuo, heredibus nihil deberi, quia conditio personæ iniuncta defecisset: ut in legato hac conditione relicto, Si legatarius voluerit, diserte scriptum est in *L. si ita expressum*, *supr. de cond. et dem.* Idque ipsum aperte Ulpianus hoc loco significat: qui, quod dicit stipulationem transire ad heredes, ex eo colligit, quod prius stipulationem conditionem habere negavisset. Ipsæ quidem faciendi stipulationes ad heredes transeunt constitutione Iustiniani, ut non minus factum in stipulationem deductum implere possint heredes, quam defunctus: nec minus impleri heredibus, quam defuncto. *L. 5 veteris, C. de cont. et com. stip.* † At conditio omnis in personam certam collata, personam non egreditur; ac nisi in persona eius impleta sit, in faciendo, sed etiam si in dando. *L. qui heredi. d. L. si ita expressum*, *supr. de cond. et dem.* † Et certe absurdum est, si quis in hac stipulatione, *decem si petiero, dabis*, fingat conditionem inesse, et aut conditione non impleta quidquam deberi velit vel ipsi stipulatori, vel eius heredibus: aut velit conditionem ab heredibus impleri pos-

se. Prius natura conditionis et ius certum repudiat. §. *sub conditione*, *Inst. eod. L. cedere*, *infr. de verb. sign.* Conditionem autem implere quomodo in proposito heredes possunt? petent illi, iniques, quod defunctus potuit. At hoc non est implere conditionem: quantumvis enim petant; semper tamen verum erit, stipulatorem non petiisset. Atqui hoc in conditione positum erat, si stipulator petiisset, non si heredes. De quo iterum dicendum erit ad §. *Agerius. L. qui Romæ*, *infr. eod.* † Ad hoc infirmandum quid valeat exemplum *L. muto*, §. *1. supr. de tutel.* non animadverto; quo tamen ad eam rem quidam utuntur. Illic ita scriptum est, hanc adiectionem, quam Præses provinciarum faciunt, *Tutores do, si satisfecerit*, non conditionem in se habere, sed admonitionem: non aliter ei tutelam committi, quam si satisfecerit. Et quid habent, quæso, simile inter se conditio illa, si tutor satisfecerit, in tutore dando a Magistratu adscripta, et hæc conditio, si petiero, in hac stipulatione, *decem si petiero, dabis*? Illa adiectio si tutor satisfecerit, conditionem in tutoris datione non habet, quia frustra adicitur duabus de causis: Primum quia tutor a Magistratu sub conditione dari non potest. *d. L. muto*, §. *1.* Deinde quia conditio est, quæ etsi non adiceretur, inesset tamen: nam aliter non committitur tutori administratio, quam si satisfecerit. *L. 3. et tot. tit. C. de tut. et cur. qui sat. non ded.* Quæ conditiones extrinsecus tacite insunt, si adiciantur, supervacaneæ sunt; eoque pro adiectis non habentur, nec stipulationes; aut legata reddunt conditionalia. *L. Cornelius*, *supr. de her. inst. L. condiciones quæ*, *supr. de cond. et dem.* In hac conditione, si petiero, cum stipulationi adicitur, diversa omnia. Non ut tutoris dationi conditio adici non potest; ita non potest stipulationi. Hæc ut cætera omnia, ita diem et conditionem ex consensu contrahentium recipit. §. *omnis*, *Inst. eod.* Atque ut a contrahentibus iure adici potest; ita si videtur contrahentibus eam adiacere, non est supervacua: ut quæ non adiecta nequaquam inesset stipulationi. Nam si pure decem sim stipulatus, statim ea debes sive petam, sive non petam. Quid mirum, si conditione et verbis et ratione tam dissimili atque adeo contraria, contrariam quoque ius statuimus? Imo vero conditionis superioris argumento ita hic constitui oportuit, ut diximus. Omninoque in hac conditione, si petiero, id

accidit, quod in ille, si voluerit. Etsi enim quod mihi legatum est, nunquam petam, nisi velim: tamen si ita relictum sit, si voluerit, ea adiectio conditionem habet, ac nisi constitutum ipse me velle, nihil debetur nec mihi, nec heredibus. d. L. si ita expressum, *supr. de cond. et dem.* scilicet, quia hac conditione detracta, si vo-

luerit, legatum meum fieret statim, etiam priusquam quidquam de eo constituisset; si modo id quodque postea non repudiaretur. L. cum pater. §. surdo, *supr. de leg. 2. L. si partem, in fin. supr. quem ser. amit. L. si tibi homo, §. cum servus, supr. de leg. 4.*

Ad L. Cum filiusfamilias. 49.

Paulus libro xxxvii. ad Edictum.

Cum filiusfamilias Stichum dare sponderit, et cum per eum staret quo minus daret, decessit Stichus: datur in patrem de peculio actio, quatenus maneret filius ex stipulatu obligatus. At si pater in mora fuit, non tenebitur filius: sed utilis actio in patrem danda est: quæ omnia et in fideiussoria persona dicuntur.

SUMMARI A.

1. Regula de periculo rei debita amissa.
2. Debitorum plurium, qui eandem rem debent, uno moram faciente, alteri non faciente, an re debita amissa, qui moram fecit teneatur, qui non fecit liberetur; an vero unus factum ad alterum etiam pertineat.
3. Debitorum, qui alterius nomine obligati sunt, duo genera.
4. Principalis debitor si moram fecit, post, re perempta, perpetuo tenetur: si non fecit, ita liberatur, ut nullius factum aut mora ei noceat.
5. In fideiussore aliquo accessionibus aliud nomen iuris, aliud æquitalis ratio existit.
6. Ex fideiussoris facto aut mora ipse fideiussor sine exceptione, non reus principalis tenetur.
7. §. ult. L. Mora, *supr. de usur.* explicatur.
8. Fideiussor cur ex facto suo principali obligatione extincta teneatur, et qua actione.
9. Antinomia Pauli et Papiniani conciliata.
10. Fideiussor, qui moram non fecit, duobus tantum casibus interitus rei liberatur.
11. Principalis debitor moram faciendo perpetuam obligationem non tantum sibi, sed etiam accessionibus suis.
12. Cur diversum in liberationis fideiussoris et rei sunt. L. si servum, §. nunc videamus; *infr. eod. L. in omnibus speciebus, infr. de solut.* † Quorum duo sunt genera. Unum 3 eorum, qui se ipsi sua voluntate pro alio obligaverunt: quo in genere sunt fideiussores, mandatores, et pecunie constitutæ rei. L. ult. C. de const. pec. Alterum eorum, quos ias obstringit pro aliis: qualis est pater ex contractu filiofamil. hic enim ex contractu suo tenetur in solidum et suo nomine, itaque principalis est debitor. Accedit pater, qui ex eadem causa tenetur in re filii nomine de peculio. L. qui cum filiofam. *supr. de pecul.* quæ causa est, cur his locis quo in solidum agatur de reo, et fideiussore, sed etiam de filiofamil. et patre, qui filii nomine de peculio tenetur. † Si de principali debitore agitur, idem, 4 eo, qui tenetur suo nomine: quando obligatio ab eo nascitur, eius propria est, et ob id ex persona eius estimanda, non aliunde; eo fit, ut in eo superior definitio sine exceptione valeat in utramque partem, ut pote nullius alterius facto impedita: ut si moram fe-

1 Quid traditur in L. si ex Legati, *supra*, re debita emissa, si quidem postquam per debitorem factum sit, quominus daret, debitorem perpetuo teneri; si ante, liberari; an in pluribus qui eandem rem debent, perpetuum sit, tractatum est. † Queritur enim uno ex his moram faciente, altero non faciente, utrum in singulis superiore regulam servemus; ut qui moram fecit, iuxta regulam teneatur; qui non fecit, liberetur. An vero unus factum ad alterum etiam pertineat, ut vel unus mora alteri noceat, atque hoc modo ambo teneantur, vel contra unus fides alteri prosit, ut sic pariter ambo liberentur: de quo at hoc loco; et aliis quibusdam tum hoc titulo, tum elibi sparsim constituitur. Ideo de eorum sententia coniunctim dicendum est; ut quo illi referri debeant, et simul quid sit id, de quo queritur, intelligatur. Et refert, utrum de principali reo agatur, an de accessionibus: sic enim ex debitoribus vocamus eos, qui alterius nomine obligati

fecit, nihil illi prosit alterius factum, quominus re perempta teneatur, qui teneatur, si solus debitor fuisset: si non fecit, ita liberetur continuo, ut nullius factum aut mora ei noceat, quo magis id debeat, quod si solus esset, non esset debitor: ut vero dictum sit superiorum definitionem proprie ad principales debitores pertinere. Propono ergo reum principalem moram fecisse, ac deinde rem debitam periisse. Placet enim omnimodo teneri: tantumque abest, ut si fideiussor moram in ea re solvenda non fecerit, id reo patrocinari debeat, ne teneatur, ut ne fideiussori quidem ipsi quidquam prosit: cum placeat rei moram etiam fideiussori nocere; idest, reum mora facta ita teneri, ut fideiussorem quoque in eandem obligationem secum trahat. *L. mora, inf. eod.* idemque de ceteris accessionibus dictum est in *L. si verum, §. nunc videamus, infr. eod.* Finge et converso eum moram non fecisse: sic deinde rem amissam. Placet enim iuxta regulam sine exceptione liberari; idest, ita, ut etsi forte fideiussor de ea re danda interpellatus moram fecerit, tamen mora eius reo non noceat. Nam nec si duo rei promittendi essent, alterius mora alteri noceret. *L. mora, §. ult. supr. de usur.* Quippe ex fideiussoris aut alterius debitoris facto vel obligatione non pendet, quod reus principalis debeat; idque in persona patris et filii diserte hoc loco traditum est: cum negat Paulus filium teneri, si pater convenit, ut Stichum, quem filius promiserat, daret, in mora fuit, et postea decessit Stichus. Adeoque verum est fideiussoris, aliarumque accessionum, atque adeo aliorum debitorum moram reo principali, qui ipse moram non fecerit, non nocere, ut quamvis fideiussor non dico moram fecerit tantum, sed data opera Stichum promissum occiderit; statim promissor eo facto liberetur. *L. mora, in fin. infr. eod.* nempe secundum regulam: quia res prius perit, quam per eum staret, quominus daret. Nec beneficium iuris, quod nec cessantibus tributum est, cuiusquam facto, ex cuius persona non pendat, reo potest auferri. † Alia causa est accessionum: puta, fideiussoris in re, cuius nomine pro reo intercessit: patris in re a filio eius promissa, cuius nomine de peculio teneatur. Et quidem hi quia principali obligationi accedunt, ex qua et pendunt: ideo nullo suo iure proprio uti videntur; sed eius tantum, pro quo obligantur, ut fit in accessionibus. Ac si summi iuris rationem sequimur, fieri aliter non potest, quin reo moram faciente teneatur et fi-

deiusor, quamvis ipse nihil fecerit. Contraque reo moram non faciente quoque liberetur simul et fideiussor, quamvis ipse non dico moratus sit tantum, sed etiam hominem promissum occiderit, ut paulo post patebit. Quod si ita est, absoluta et de his, atque admodum expedita ratio est, etsi superiori contraria: ut statuamus eos, quatenus aliud quam reus principalis, fecerint, a regula superiore de interitu rei debitae penitus recessisse: vel verius, regulam ad eos non pertinere. In summa autem quatenus teneantur, aut non teneantur, non ex ipsorum facto, sed ex rei principalis persona assumendum esse. Itaque teneri eos, aut liberari, prout rei principalis obligatio aut liberatio processerit. Atque haec, inquam, ratio summi iuris exigit propter naturam accessionis: sed aequitatis ratione non per omnia probata sunt. Quin et in accessionibus quoque ipsis aequitas superioris regulae interdum servatur, ut nec mora rei fideiussori non cessantur semper noccat: nec rei liberatio fideiussorem frustrantem adinvenit; quod quatenus receptum sit, videamus. † Et in eo fideiussore (quod de fideiussore dico, idem volo intelligi de ceteris accessionibus) in eo, inquam, fideiussore, per quem factum est, quominus daret, absolutum est, hanc iuxta regulam teneri, et quidem sine ulla exceptione; non enim tantum ita tenetur, si et reus ipse moram fecerit (quo tempore duplici nomine fideiussorem teneri oportet; et suo, quia moram fecit; et debitoris nomine, quia huius mora fideiussori quoque nocet, de quo postea) sed etiam tenetur, etsi reus in mora non fuerit, sed ipse solus. Quo casu et reus per quem factum non est, quominus daret, liberatur iuxta regulam; et fideiussorem, per quem factum est, ex eadem regula teneri placet. Hoc de fideiussore qui hominem promissum occidit, scriptum est in *L. mora in fin. infr. eod.* sed valet nihilominus in eo, qui tantum moram fecit: quod hoc loco declaratur in persona patris, qui in Stichum dando, quem filius promiserat, moram fecit, postquam decessit Stichus. Nam hic et filium, reum principalem teneri negat Paulus, et in patrem utilem actionem dandam esse ait; et nominatim haec omnia in fideiussoris persona dici subiicit. Sed non tenetur hoc casu fideiussor summo iure, ut supra dixi: quia secundum naturam accessionis hoc sit, ut obligatione et causa principali sublata liberentur et tollantur accessiones. *L. in omnibus speciebus, infr. de sol. L. cum principalis, infr. de reg. iur.* Quod et in hac

hac specie de fideiussore nominatim scriptum est in *L. fideiussor, supr. de dol. ex quo sensu in L. mora, in fin. supr.*

7 *de usur.* absolute scriptum legimus, † si fideiussor solus moram fecerit, eum non teneri, sicuti si Stichum promissum occiderit: nam hoc ita dictum esse, ut intelligatur ipso inire non teneri; sequentia evidentiter ostendant: sufficiuntur enim hæc verba; sed utilis actio in hunc dabitur. Non tenetur ergo fideiussor his casibus ipso inire: sed tenetur ex legis sententia, quia etsi principalis obligatio sublata sit; tamen accessoriam obligationem adversus fideiussorem retineri his casibus æquum est. *L. si libertus moram, supr. de op. lib.* Hinc utilis actio adversus fideiussorem in hac re, non directa, *d. L. mora, in fi. de usur.*

8 *et hoc loco.* † Retinenda: autem hoc casu fideiussoriz obligationis aequitas hæc est, quam Paulus ostendit in *L. si. servum, §. nunc videamus, infr. eod.* quod non conveniat fideiussorem facto suo tollere suam obligationem. Recte: nam si dolo fecit, quominus daret; iniquissimum est eum ex suo delicto meliorem conditionem suam facere. *L. non fraudantur, §. nemo, infr. de reg. iur. L. 1. supr. de dol.* Sin culpa, tamen æquum est, quod regula iuris tradit, factum cuique suum nocere, non adversario. *L. factum, infr. de reg. iur.* ut in universum verum sit illud, valeatque in omnibus etiam accessioibus, quod dicitur, unicuique suam moram nocere *L. in condemnatione, §. unicuique, infr. de reg. iur.* Et teneri quidem hoc casu fideiussorem inter omnes veteres convenit: sed qua actione, potest dubitari, utrum ex stipulatu utili, an de dolo: nam aliud atque aliud de eo traditum videtur. Et hic fideiussorem ex stipulatu conveniri posse a Paulo scriptum est diserte in *d. L. mora, in fi. infr. eod.* quæ et Papiniani sententia est in *L. Stichum, 1. res. in fin. infr. de sol. ubi* actionem ex stipulatu non directam, sed utilem intelligi debere ex hoc loco, qui eisdem Pauli est, plane constat, itemque

9 ex *d. L. mora, in fin. de usur.* † Sed videtur repugnare *L. si fideiussor, supr. de dol.* ubi idem Papinianus in hac ipsa questione refert Neratium Priscum et Iulianum respondisse adversus fideiussorem de dolo actionem reddi. Nec quidquam adiecit, quo significetur. Papinianum eam sententiam non probare. Quinimo cum eorum sententia utatur; neque id solum, sed etiam rationem adiciat, qua fiat, ut obligatio fideiussoria per consequentiam tollatur: utrumque argumentum est ab eo il-

lam sententiam ut veram, et quam ipse quoque sequatur, referri. Quod si verum est: utilis actio tollitur: quandin enim alia actio est, de dolo non datur. *L. 1. in prin. et §. ait, supr. de dol.* Et ita esse putaremus, nisi de sententia Papiniani ex aliis locis in Pandectis relatis aliud nobis constaret: quod cum fiat, questio tollitur. Refert ergo, ut dixi, Papinianus veterum illorum sententias in *d. L. si fideiussor*, sed refert tantum, non probat. Neque hoc cum dicimus, divinamus. Is enim in *d. L. Stichum, 1. res. ver. sane, infr. de sol.* in hac specie actionem de dolo aperte removens fideiussorem ex stipulatu actione teneri nominatim scribit. Illicque igitur regula iuris de periculo rei debite amissa servatur plane et in accessioibus, ut in fideiussore, cum is prius moram fecit, aut hominem promissum occidit: postquam placet enim hoc casu omnimodo teneri, sive reus quoque in mora fuerit, sive non fuerit. Est etiam cum servetur eadem regula in fideiussore in alteram quoque partem, idest, et tunc, cum res sine mora eius perit: hic enim conveniebat regule, ut qui moram non fecit, is interito rei liberaretur. † Id vero et in 10 hoc fideiussore receptum est: verum non passim, et indistincte, ut supra placebat moram fideiussoris eum semper obligare: sed duobus tantum casibus, uno, si ambo et reus et fideiussor moram non facerint (quod tamen aequè dubitationem habet nullam, neque ad id de quo querimus satis pertinet. Agimus enim de duobus, quorum unus moram fecit, alter non fecit; querimusque, utrum unus factum alteri prosit, aut contra noceat) Alter casus est, et is solus, qui ad rem facit, si reus quidem moram fecerit, ut sit cur eius mora fideiussori noceat; verum fideiussor non contentus in moram non incidere, etiam illud caverit, ut rem debitam creditori ultro offerret, quam ille sine iusta causa accipere recusavit. Hic enim placuit re postea amissa fideiussori succurrendum esse: ut est in *d. L. mora infr. eod.* quo verbo utuntur iuris auctores, cum significare volunt aliquid communi et mero iura non tribui; sed extra ordinem auxilio et beneficio Prætoris ex æquo et bono. *L. in causis, 1. inacta. L. in causis, 2. supr. de minor.* Quod et in hac causa accidit. Reo enim, qui moram fecit, obligatio non potest iure, quin et fideiussor ex stipulatione simul obligetur, de quo mox plura. Sed quod Marcellus in una specie dixit in *L. qui decem, infr. de sol. id*

pertinet ad omnes, non esse æquum teneri pecunia amissa eum, qui non teneatur, si creditor accipere voluisset: hinc doli exceptio, cuius ope adversus intentionem alicui lre Civili comparatam fideiussor defendetur. *d. L. qui decem*, Proinde et illud consequetur, ne periculum rei amissæ ad ipsum, qui in mora non fuit, pertineat. Sed hæc defensio non tam ex eo est, quod fideiussor moram non fecit, aut etiam rem debitam obtulit, quam quod in hac oblatione creditor non accipiendo moram fecit: quam æquum est ipsi nocere iuxta regulam iuris, Unicusque sua mora nocet. *L. in condemnatione, §. unicuique, infr. de reg. iur. L. illud, sup. de per. et com. rei vend.* Cæterum ubi hac oblatione sibi non prospexit fideiussor, itaque nulla mora est, quæ creditori obici possit: ita hic locus est, in quo non servatur idam in fideiussore, reliquisque accessionibus de interitu rei debita, quod in reis principalibus, quodque in universum traditur in *d. L. si ex legati, sup.* Non enim fideiussor qui moram non fecit, liberatur

11 iuxta regulam; † sed reo principali moram faciente, huius moram fideiussori quoque nocere placet: Ut sic re postea perempta una cum reo qui moram fecit, teneatur et fideiussor, quamvis ipse in mora non fuerit. *d. L. mora, infr. eod. L. si quis solutioni, §. 1. sup. de usur.* Quod ius ut intelligatur ad omnes accessiones pertinere, idam et de patre hic scriptum est in ea re, quam filius eius ex contractu debuit, ac cum per eum staret, quominus daret, rea amissa est. Idque est etiam, quod veteres dixerunt, principalem debitorem moram faciendo perpetuare obligationem non tantum sibi, sed etiam accessionibus suis. *L. si servum, §. nunc videamus, 12 infr. de ver. ob. †* Sed cur secundum regulam non liberatur fideiussor, qui moram non fecit, itidem ut liberaretur reus, qui moram non fecisset? Obstat conventio. Fideiussor enim, inquit Paulus, in totam causam spopondit, *d. L. servum, §. nunc videamus, in fin. infra*, id est, spopondit, quidquid reum ex ea causa, cui ac-

Tom. XI.

cessit, præstare oporteret; et ut forte nominatum idam corpus fideiussor spoponderit: tamen hoc idem valet. Cum enim post moram promissoris homo decessit, perinde tenetur, ac si homo viveret. *L. nemo, §. 1. infr. eod.* Quod autem ad ream principalem attinet, si is re ante moram eius amissa non tenetur; non mirum. Nam suo nomine teneri non potest, qui in mora non fuit: alterius autem nomine, qui ipse moram fecerit, ideo non tenetur, quia pro eo se non obligavit. At enim non debet factum alterius nocere ei, qui ipse nihil fecit. *L. de pupillo, §. si plurium, sup. de op. no. nunc.* Hoc ita verum est, nisi se pro altero obnoxium fecerit: nam et alias traditur nemini ex alieno contractu aut obligatione conveniri posse; sed ubique cum hac exceptione, nisi fidem suam in eam causam obstrinxerit. *L. pen. C. de ux. pro mar. L. 1. C. ne fil. pro pat.* quanquam dici potest, postquam fideiussor fidem suam obstrinxit, non tam videri eum facto alieno obligari, quam suo. Sed cum naturalis et civilis ratio suadeat alienam conditionem meliorem facere nos posse; deteriorem non posse, ut est in *L. solvendo, sup. de neg. gest.* an non videtur præpostere constitui, ut rei principalis factum, nempe moram, fideiussori noceat: si quod alit autem factum, quod illum liberet, id fideiussori non prosit? Constitueretur et præpostere et inique, si in universum constitueretur, quod longo aliter se habet. Nam in contrariam partem sic potius foris ratio est, ut non tantum in omnibus liberationibus obligationum liberentur et accessiones: *L. in omnibus speciebus, infr. de sol.* sed etiam, quæcumque sunt exceptiones, quæcumque defensionibus rei coherentes, quæ reo tribuantur, eadem et fideiussori competant et prosint. *L. exceptiones quæ, sup. de except.* Sed nimirum hoc tandiu fieri æquum est, quoad fideiussoris delictum id fieri non prohibebit. Prohibet autem in hac specie, cum fideiussor aut moram fecit, aut animal promissum occidit: ubi idlignum placet est eum facto suo et delicto consequi liberationem, ut supra ostendi.

61

Ad §.



Ad §. Si stipulatus sim per te.

Si stipulatus sim per te non fieri quo minus mihi ire agere liceat, et fideiussorem accepero: si per fideiussorem steterit, neuter tenetur: si per promissorem, uterque.

SUMMARI A.

1. Fideiussor in stipulatione, Per te non fieri, quominus mihi ire agere liceat, quomodo utiliter accipitur.
2. Promissoris factum, si per eum stet, quo minus stipulatori ire agere liceat, utrique et promissori ipsi, et fideiussori nocet.
3. Fideiussoris facto per quem stetit quo minus

stipulatori ire agere liceret, promissor non tenetur.

4. Fideiussor, qui stipulatorem ire agere prohibuit, an ex suo facto tenetur.
5. Fideiussor in proposito stipulatorem prohibendo moram non facit.
6. Mora et factum fideiussoris quatenus ipsi fideiussori nocere dicatur.

¹ S Tiplatus quis est per promissorem non fieri, quominus sibi ire agere liceret, et fideiussorem accepit. Fideiussorem utiliter acceptum intelligere dabemur. Sic autem utiliter accipitur, non si promittat itidem per se non fieri, quominus stipulatori ire agere liceat: sic enim aliud promitteret, quam reus principalis, quo modo fideiussor obligari non potest. *L. græce, §. si quis Stichum, infr. de fideiuss.* Neque rursum si promittat per promissorem non futurum, quominus stipulanti ire agere liceat. Sic enim factum alienum inutiliter promittitur etiam a fideiussore. *L. sicut, infr. de fideiuss.* Sed si pro reo fideiubeat simpliciter, aut nominatim spondeat, quod promissorem ex ea causa de qua agitur, dare oportet, si contra quam cautum est, fecerit: sic enim in eandem causam, eandemque conditionem accipitur, quod recte fit. *d. L. græce, §. si quis Stichum.* Hoc autem recte intelligi non parum ad rationem huius responsi explicandam conducit. Si unus ex debitoribus his, id est, vel reus, vel fideiussor fecerit, quominus stipulatori ire agere liceret: queritur, an committatur stipulatio, et qui eo facto tesentur. Paulus in hac questione multum referre ostendit, utrum per fideiussorem stet, an per promissorem. Si per fideiussorem, neuter tenetur, inquit: si per promissorem, uterque. Nihil certius: et ut ab eo, quod est notius, et prius in hac questione, id est, a promissore ordiar. Quod dicit, si per hunc steterit, quominus stipulatori ire agere liceret, utrumque teneri, expeditum est, et superioribus iis, quæ initio capituli de mora et facto promissoris diximus, plane convenit.

² † Ipsam promissorem hoc facto teneri, ut qui contra quem cautum est fecerit, notum est ex *L. 2. §. item si in facto, L. stipulatio ista, supr. eod.* neque de hac re

ambigitur: sed potest de fideiussore dubitari, qui ipse nihil fecerit. Hoc autem indicare voluit Paulus, etiam hic factum promissoris fideiussori nocere: quod, ut dixi, conveniens est et consequens superioribus. Moram enim rei fideiussori quoque nocere effectum est: idque ideo, quia re post moram debitoris perempta ipse perpetuo tenetur; fideiussor autem in totam causam se obligavit. Atqui quod efficit mora in reo principali obligando, id efficit in stipulationibus in non faciendo conceptis, si quid promissor contra quam cautum est fecerit. Sic enim, ut dixi, committitur adversus eum stipulatio, unde et obligari incipit: in quam causam se fideiussor obligavit. Quapropter et hoc factum eadem ratione utrique, id est, et reo et fideiussori nocet. In anima autem hæc pars responsi nos admonet, cum de fideiussora obligando queritur, quod de mora rei supra dictum est, hanc vocare etiam fideiussori, ad omnia facta promissoris pertinere, quibus fit, ut ille ex stipulatione obligetur: tale est enim id, quod proponitur, cum stipulatorem prohibet reus contra stipulationem. † Videmus de facto fideiussoris: et quod negat Paulus, si per fideiussorem steterit, quominus stipulatori ire agere liceret, promissorem teneri; hucusque etiam hoc dicit, quod non obscuram rationem habet, quodque maxime cum superioribus convenit. Et si enim quis concederet fideiussorem hoc facto adversus stipulationem facere, et ipsum ex stipulatione obligari: tamen constitutum est supra fideiussoris moram vel factum reo non nocere. † Sed quod fideiussorem etiam ipsum eo facto teneri negat; verendum est, ne videatur adversari superioribus, ac propterea falsum esse: cum constiterimus, et ius certum sit, fideiussoris moram et factum, etsi reo non nocet.

no-

nocere tamen ipsi auctori, enique in obligatione retinere. *L. mora, L. si servum, Si nunc videamus, infr. cod. L. si libertus, moram, supr. de op. lib.* Sed nihil vagus, quam fideiussorem, qui stipulatorem ire agere prohibuerit, hoc facto ex stipulatione, non teneri. Neque subtili aliqua ratione, et veteribus tantum cognita id efficitur; sed es, quæ est in promptu. Nihil enim hoc facto peccatur adversus stipulationem: cum de eo cautum sit, non ut ne per fideiussorem fieret, quinminus stipulatori ire agere liceret; sed ne fieret per promissorem. Quomodo igitur teneatur fideiussor ex ea stipulatione, quæ comissa non est, neque adversus promissorem, qui promisit quidem se non prohibitorum stipulatorem, sed contra nihil fecit; neque adversus fideiussorem, qui prohibuit quidem stipulatorem, sed non contra stipulationem, cum de eo nihil cautum esset? Ut autem verissimum est, hoc facto fideiussorem in hac specie non teneri: ita nihil minus iis, quæ ante de mora et facto fideiussoris posuimus, adversatur. Quod enim dicitur moram fideiussoris fideiussori ipsi nocere, vere dicitur, et quidem in omnibus causis; nec quidquam æquius: sed ad hanc speciem non pertinet:

5 † quandoquidem fideiussor in proposito stipulatorem prohibendo moram non facit. Nulla enim mora est in recusando, ubi id quod petitur, vel ipso iure, vel per exceptionem non debeat. *L. si pupillus, infr. cod.* Non debuit autem fideiussor ex stipulatione hoc præstare, ne stipulatorem prohiberet, cum de eo neque reus quidquam caverit, neque fideiussor: et si fecissent; tamen utrumque inutiliter caveretur. Illic, quia promitteretur factum alienum: hic, quia in aliam causam intervenire fideiussor, ut supra dixi. At enim etiam sine mora factum ipsum fidei-

ussoris ipsi nocet; voluti, cum animal promissum occidit. *L. mora, infr. Reete*, cum animal promissum occidit: neque enim si aliam rem non promissam fideiussor occideret, quisnam diceret eum propterea ex stipulatione teneri, si res promissa sine mora vel eius, vel debitoris interiret. At in proposito nihil a fideiussore adversus rem promissam committitur: is enim stipulatorem prohibet: quominus autem prohiberet, nihil de eo stipulatione cautum est. † Bre- 6 viter sic res habet; et mora et factum fideiussoris ipsi nocere dicitur: sed in eo quod iam ante debebatur: et hæcenus nocet, ut quod ita ab eo debitum fuit, id quamvis post eius moram aut alium delictum extare desierit, non tamen desinat deberi. Cæterum si quid ante a fideiussore ex stipulatione non debetur, id ut deberi incipiat, nulla eius mora, nullum factum potest efficere. Argumento hæc sunt, quod dicitur culpa non fideiussoris tantum, sed etiam principalis debitoris non constituere obligationem, sed eam, quæ fuerat, perpetuare. *L. si servum, §. sequitur, §. nunc videamus, infr. cod.* quod dicitur mora non augere obligationem fideiussoris. *L. centum, supr. de eo quod cer. loc.* Postremo quod dicitur fideiussor mora sua in obligatione retineri. *d. L. si libertus moram, supr. de op. lib.* non enim retinetur, qui ante obligatus non fuit. Porro in stipulatione proposita non obligari fideiussorem, ne per eum fiat, quominus stipulatori agere liceat, et iam docuimus, et conceptio ipsa stipulationis, ac conditio fideiussorie obligationis satis ostendunt. Ex quo intelligitur nihil illas definitiones de mora, et facto fideiussoris ad hanc speciem, et in universum ad eas res, ad quas ex stipulatione non tenetur, quidquam pertinere.

Ad §. In hac stipulatione.

In hac stipulatione, *neque per te, neque per heredem tuum fieri?* per heredem videtur fieri quamvis absit et ignoret, et ideo non facit quod fieri ex stipulatu oportet. Non videtur autem per pupillum stetitisse ex huiusmodi stipulatione, si pupillus heres erit.

SUMMARIA.

1. *Stipulatio hæc, Neque per te, neque per heredem tuum fieri, quominus mihi ire agere liceat, an ab herede obtente et stipulationem ignorante committitur, et quæ ratione. n. 3. §. 5.*

2. *Absens stipulatorem prohibere posse quomodo videatur.*

4. *Lectio huius §.*

6. *Occursionum sententia explosa.*

8. *Pupillum heredem, si contra quam cautum a defuncto sit, fecerit, ex superiori stipulatione non teneri.*

- 1 **EX** hac stipulatione, *Neque per te, neque per heredem tuum fieri*, quominus mihi ire agere liceat, et promissorem et heredem obligari constat, cum quis eorum contra fecerit, idest, stipulatorem prohibuerit. *L. 2. §. item si in facto. L. 3. L. 4. §. Cato, supr. cod.* Quæritur, quis contra facere, quis prohibere intelligatur; utrum is solus, qui præsens et sciens se teneri, prohibet; an et qui abest, et qui ignorat, quod posterius in heredem solum cadit. Et Paulus ita definit, per heredem videri fieri, *quamvis absit, et ignoret*. Non significat heredem teneri hoc ipso, quod abest, vel ignorat. Fieri enim potest, ut sit horum utrumque et tamen stipulatorem nemo prohibeat; fieri etiam potest, ut prohibeat aliquis, sed extraneus, cui heres, si velit, obistere non possit: quæ cum fiunt, absurde diceretur heredem facere, aut stipulatorem prohibere videri. Sed hoc intelligit Paulus; cum quid facit heres quoquo modo, quominus stipulatori ire agere liceat contra verba stipulationis, etiam re ipsa secundum mentem et sententiam stipulationis adversus stipulationem ipsam facere videri: ut hoc modo et stipulatio adversus eum committatur, quamvis absit, et ignoret: ut sit sensus. Si quid contra quam cautum est, fecerit, nihil ei prodesse ad evitandam obligationem, si eo absente; et stipulationem ignorante factum sit; non magis quam si a præsentem, et se teneri non ignorante consulto factum esset. Coniunctum autem dicit, *quamvis absit et ignoret*: quia utrumque coniunctum facit ad maiorem defensionem heredis, eoque ad amplificandam dubitationem, quæ in hanc speciem incidere poterat. Cæterum si absit tantum heres, et absens prohibeat, nihil ad dubitationem pertinet. Parum enim refert ad iniuriam stipulatoris, et ne consequatur, quod stipulatus est, utrum præsens quis, an absens eum prohibeat. In his autem stipulationibus spectamus solum, quod stipulatoris interest. *L. 3. in fin. L. 5. in fin.*
- 2 *supr. cod.* † Quia tamen ad arguendam, ut dixi dubitationem adiecit Paulus de absente herede: querendum est, quomodo videatur absens stipulatorem prohibere posse. Quod Accursius parum, ut opinor, liquare existimans, absentem heredem hic interpretatur, eum, non qui absit, quo tempore prohibet; sed qui absit, quo tempore defunctus stipulatur, ut sic stipulationis ignarus fuerit. Non nego ad probandam heredis ignorantiam, de qua subicit, hoc recte dici. Sic enim ignorat heres stipulationem esse interpositam, sequæ ea te-

neri: si absuit, cum ea contraheretur, neque postea interpositam esse cognovit. Sed verbis huius loci interpretatio non convenit: cum hic nullum verbum sit de defuncto, qui stipulatus sit; sed sit omnis definitio de herede, qui contra stipulationem facit: cui ita facienti cætera deinde verba attribuntur. Sed nihil fuit, cur metueret admittere per absentem heredem stipulatorem posse prohiberi. Multis modis absens prohibere potest. Potest per procuratorem: potest per familiam, dum non obsistit, cum potest. Idem est, etsi heres fundum servientem septum et clausum habeat, quo ocluso non pateat stipulatori ad eum fundum aditus. Quo intellecto, multo etiam certius iam intelligetur, non esse, cur dubitetur, an heres qui absens prohibeat, æque ut præsens contra stipulationem videatur facere. Utrum enim per se quis faciat, an per alium, nihil interest. *L. 1. §. ait prætor, supr. unde vi.* Multo minus, utrum suo corpore prohibeat, an aliis impedimentis obiectis, quæ tantundem præstent, ut muro, septis, ianna. † Sed ut per se nihil ad dubitationem facit, si proponatur quid per heredem absentem fieri, ita si ad ignorantiam heredis, quæ ipsa per se videtur digna esse excusatione, etiam hoc accedat, quod fundus clausus fuit absente herede; quod eo absente procurator eius, aut familia stipulatorem prohibuit, quos absens heres revocare non poterat; augetur, ut dixi dubitatio, ut tanto minus videatur existimari debere is heres, in quo hæc sunt, contra stipulationem fecisse. Paulus ergo, ut ostendat, si heres contra quam verbis cautum est, faciat, nihil esse, quod ei prosit, quominus teneatur: hoc dicit tantum abesse, ut non teneatur heres, qui ideo prohibuit stipulatorem, quia ignorabat se ulla stipulatione teneri, ne prohiberet; ut quamvis simul et ignoraverit, et abfuerit ita, ut per absentiam nullo modo posset fundum aperire, aut, procuratorem, vel familiam inhibere, quominus stipulatori eunti vim faceret; nihilominus tamen existimari debeat vere fecisse, quod stipulatio fieri vetat, idest, ita fecisse, ut stipulatio adversus eum committatur. Sed occurrerat in proposito hæc dubitatio, quod in herede stipulationem ignorante nihil sit, quod ei possit imputari, si stipulatorem prohibuit: multoque minus in herede absente simul et ignorante. Qui convenit igitur eum, qui nihil deliquit, ex stipulatu teneri? Maxime: quia stipula-

lutione id cautum est. Non enim hæc est conditio stipulationis, ut promissoris, heredisve eius culpa non fiat, quominus stipulatori ire agere liceat; sed simpliciter ne per promissorem, heredemve eius fiat; adversus quem committitur, ut quisque eorum contra fecerit. Verum est autem contra factum esse, sive sciens, sive ignorans; et sive præsens, sive absens fecerit. Proinde et eum heredem, qui quoquo modo ex his quid fecerit; ex stipulatione teneri necesse est. Nec dubito, quia id sit, quod Paulus sequentibus verbis significare voluit; *et ideo, inquit, non facit, quod fieri ex stipulatu oportet.* † In quibus verbis videtur deesse, *quia*, et hoc modo legendum esse: *et ideo, vel, idque ideo, quia non facit, quod fieri ex stipulatu oportet.* Ridicule enim colligeretur ex præcedentibus, quod cum præcedentibus plane idem esset. Quid autem aliud est heredem non facere, quod ex stipulatu eum oportet, quam per heredem fieri, quominus stipulatori liceat quod ei ex stipulatu præstandum est? Sed quoniam quod dixerat heredem etiam ignorantem et simul absentem teneri, incurreret in eam reprehensionem, quam supra dixi: ideo apposite subiicitur ratio, et ea quidem, quæ optime definitio confirmatur; ut dicitur ideo statui, quia non facit heres, quod eum ex stipulatu facere oportet. Sed sive recipitur hæc lectio, sive non recipitur: certe non alie ratio est ad id quod Paulus posuit, obtinendum; est vero ad id obtinendum, ut maxime conveniens, ite citre controversiam efficac. † Certum est enim ex stipulatione hereditaria ita obligari heredem, ut defunctus voluit. Quo fit, ut in hoc genere non sit querendum, quid, quove animo heres fecerit ut teneatur; sed quid defunctus de eo caverit; seu quæ sit conditio hereditariæ stipulationis: ut hæc non existente non teneatur heres: eadem existente incipiat omni modo teneri, non tantum si quid culpa fecerit, sed etsi quid omnino non fecerit. Argumento est certissimo hæc ipsa stipulatio, *per te non fieri, neque per heredem tuum, quominus mihi ire agere liceat.* In qua si unus ex hereditibus stipulatorem prohibuerit, omnes eo facto teneri constat; etiam qui ipsi nihil fecerint: tantum ideo, quia defunctus ita caverit, et stipulationis hereditariæ conditio extiterit. L. 2. §. item si, *supr. l. inter, §. quod ex facto, supr. fa. etc.* Et quid mirum est heredem hic dici ex stipulatione hereditaria ob factum suum teneri etiam ignorantem, et nihil culpa facientem; quem constat ex facto coheredum sine ulla culpa

sua etiam invitum obligari? † Ex quibus 6 intelligi potest verum non esse, quod hic cum Accursio quidam putant, eum heredem, qui in proposito quid contra fecerit, cum stipulationis esset ignarus, ipso quidem iure teneri ex stipulatione hereditarie, sed in integrum restitui posse, ex illa parte edicti, qua Prætor, *et si qua alia iusta causa esse videbitur, se in integrum restitutorum pollicetur. L. 1. in fl. supr. ex quib. caus. mai.* Nem si non restituitur in integrum heres, qui ex facto coheredum sine ulla sua culpa obligari cepit ex stipulatione hereditaria: quanto minus restituetur is, qui ob suum ipsius factum ex eadem stipulatione conveniatur? Tum autem ex iusta causa pollicetur Prætor se in integrum restitutorum; at non modo nulla cause est, cur adversus stipulationem hereditariam restituatur heres, ubi constat eum ex conditione stipulationis esse obligatum; sed etiam adversus omnem iuris et æquitatis rationem sit id concedi. † Sed 7 moventur plerique adversus sententiam Pauli eo, quod regule iuris traditur, eos qui in alterius locum succedunt, iustam habere causam ignorantie, ea id quod potere, deberetur. *L. qui in alterius, infra, de regulis iur.* quasi id quidquam ad rem pertineat. Id enim dictum tuæ locum habet, cum queritur, ea aliqua culpa sit heredis, quod ignorarit, quid defunctus deberet, et an propterea sit ei aliquid imputandum. Significaturque eo dicto nihil esse: quia heres iustam ignorantie causam in eo habeat. Id vero nihil ad hunc locum in quo non de eo agitur, an culpa aliqua sit heredis, quod stipulationem hereditariam ignorarit, fatemur enim nullam esse. Hoc amplius etiam eum non tantum iustam causam ignorantie in eo habuisse, sed etiam iustissimam fatemur. Sed hoc queritur, an hæc illi ignorantia quantumvis iusta prodesset debeat, ne videatur per eum factum esse, neve ex stipulatione ob eam causam teneatur, ad quod superior definitio non progreditur. Id autem hoc loco Paulus fieri debere negat: et recte negat, eum, ut dixi, id efficiat conceptio stipulationis, ut si per heredem quid contra factum erit, teneatur. Id cum voluerit defunctus, necesse est, eum non poterit efficere promittendo, eum si potuit, conditione stipulationis existente heres obligetur: potuisse autem defunctum supra ostendi; et ius certum est: ex quo quid consequens sit, apparet. † Excipit Paulus pupillum heredem, 8 per quem sit non videri stare ex huiusmodi stipulatione: quo significat eum non tantum

tum in alia causa esse, quam ceteros heredes; sed etiam plane contraria. Hunc enim si contra quam cautum sit, fecerit, non modo ex huiusmodi stipulatione non tene-ri, si absit et ignoret, de quo in aliis dubitari poterat; sed ne sic quidem, si præsens et stipulationem hereditariam non ignorans stipulatorem prohibuerit: quod tamen si ceteri facerent, nemo dubitaret stipulationem hereditariam adversus eos committi. In causa est conditio non stipulationis, quam in omnibus heredibus unam esse necesse est; sed pupilli: de quo ita ius est, ut facto suo obligari non possit sine tutoris

auctoritate. *L. obligari, supra de auct. tut.* Est hoc quidem nonnullis locis bene traditum, in re quæ a defuncto gesta et contracta sit, perinde teneri heredem etiam pupillum, ac si cum defuncto ipso ageretur. *L. 3. in princip. supra, quib. ex caus. in pos. cat. L. 2. Cod. si ad. ven. pig.* sed hoc in re a defuncto gesta, simul et perfecta, et cuius conditio ex pupilli facto non pendeat, dictum est, ut loci ostendent. Quod si ex facto heredis pupilli pendeat conditio, contra erit: semper enim illud tenendum est, ex facto suo pupillum obligari non posse.

Ad §. Si promissor hominis.

Si promissor hominis ante diem in quem promiserat, interpellatus sit, et servus decesserit: non videtur per eum stetisse.

Species ad definitionem moræ pertinens: de qua dixi ad L. si ex legati, supr.

Ad L. In illa. 50.

Ulpianus libro L. ad Edictum.

In illa stipulatione, *per te non fieri?* non hoc significatur, nihil te facturum quo minus facere possis: sed curaturum ut facere possis. Item in stipulatione emptæ hereditatis, *quanta pecunia ad te pervenerit dolove malo tuo factum est, erive, quo minus perveniat:* nemo dubitabit quin teneatur qui id egit, ne quid ad se pervenerit.

S U M M A R I U M.

1. *Stipulatio, Per te non fieri, quid contineat.*

QUI se non facturum quid spondet, de quo et dixi antea nonnihil ad *L. stipulatio ista, supr.* et amplius dicendum est, iam se curaturum spondet, ne fiat ab aliis: ut in loco ad *L. inter, infr. eod.*

Ad L. Is qui alienum. 51.

Idem libro LI. ad Edictum.

Is qui alienum servum promisit: perducto eo ad libertatem, ex stipulatu actione non tenetur: sufficit enim si dolo culpave careat.

Sententia eadem, quæ *L. si ex legati. supr.* de periculo rei promissæ, quæ sine culpa promissoris in hominum pote- state esse desierit: de quo genere toto illic dictum est.

Ad L.

Ad L. in conventionalibus. 52.

Idem libro VII. Disputationum.

In conventionalibus stipulationibus contractui formam contrahentes dant: enimvero prætoriae stipulationes legem accipiunt de mente prætoris qui eas proposuit, denique prætoriis stipulationibus nihil immutare licet, neque adde-
dere, neque detrudere.

SUMMARI A.

1. *Quæstio et argumentum huius legis, et n. 11.*
 2. *De prætiorum stipulationum vi dubitationes: de quibus respondetur et n. 9.*
 3. *Prætiorum stipulationum interpretatio an ex regulis conventionalium stipulationum sumenda.*
 4. *Conventionalium et prætiorum stipulationum differentia, eiusque declaratio.*
 5. *Legis verbum quomodo hic accipitur, et quid generaliter legis appellatione contineatur: et n. 8.*
 6. *Forma contractus quid, et quibus rebus constet.*
 7. *Verborum Ulp. Contractui formam contrahentes dant, sententia.*
 10. *In prætoriis stipulationibus, cur ex mente solius Prætoris res decidatur.*
 12. *Prætoria stipulationes a conventionalibus certitudine aut mutabilitate formæ non differre, et n. 15.*
 13. *Ulpiani verba an immutabilitatem prætiorum stipulationum confirmant, et n. 17.*
 14. *L. 1. in fin. de præt. stip. verba declarantur.*
 16. *Prætoria stipulationes non a Prætoribus tantum, sed et a contrahentibus mutuo consensu posse mutari, et n. 18. 20.*
 19. *Mutari aliquid in stipulatione prætoria proprie quid.*
4. **E**Tsi de conventionalibus stipulationibus initio hic definit Ulpianus; de his tamen ex professo hoc loco non agitur. Multo minus de conventionalium aut prætiorum forma, qualis sit, certa, an incerta; mutabilis, an immutabilis. Summa questio una est de prætiorum stipulationum interpretatione, cuius ratio non ex forma stipulationis, sed ab auctore, qui eas proponit, ducitur. Per occasionem autem ideo dicit de conventionalibus; quia quod ius in his interpretandis constitutum est, adversari videbatur ei sententiæ, quam de prætoriis statuebat; ac propterea tacitam objectionem statim initio proposita dissimilitudine removet, ut particula adversativa, enimvero, facile declarat. Per eandem occasionem et de iure prætoria mutandi dicit, ut quam sint illæ in Prætoris potestate, de quo quærebatur, ostendat: quæ singula qualia sint, ex his quæ dicam, postea intelligetur. † Exsistunt igitur de vi prætiorum stipulationum hæc dubitationes. Interdum in prætoria stipulatione omittitur, quod ex iure inseri debebat; ut si quis pro dupla simplicem tantum stipulatus sit in ædificia stipulatione, et duplicem adici vellet. *L. si dictum, supr. de evict.* ut, si in stipulatione damni infecti sine die quis sit stipulatus, cum diem adici oporteret, et promissor adici postulet, iuxta *L. qui bona, §. ult. et L. si finita, in pr. supr. de damn. inf.* Interdum adicitur, quod non oportuit; ut dies brevior in eadem stipulatione damni infecti, qua die finita vellet stipulator ex integro caveri. *d. L. si finita, de damn. inf.* ut si dupla promissa sit pro simplici; si satisdoto cautum, ubi nuda promissio sufficiebat: quæ omnia cupiat reus detrahi, iuxta *L. 1. §. stipulatio, infr. de præc. stip.* Nonnunquam ipsa stipulatio concipitur verbis ambiguis; ut cum stipulamur damni infecti nomine in Calendas, et non adiciamus, quas: aut cum nobis cavemus de loci aut ædium vitio, et verbo ambiguo locum, ædes nominamus, deinde ambiguum mutari, ac pro ambiguo certum et definitum substitui volumus. † 3 In his omnibus quæri solet, utrum ex iis regulis, quæ traditæ sunt de conventionalium stipulationum potestate et interpretatione, rem decidi velimus, an alia hic ratio sit prætiorum stipulationum propria. Nam cur cum omnes stipulationes sint, et pariter conventionem constant, non iisdem regulis in utroque genere utamur? Eas autem si sequi vellemus, ita respondendum fuit; ut si quid aperte cautum sit, id servari debeat et stipulatori, cui promissum est; et promissori, cuius causa adiectum erit. Si quid verbis expressum non sit, id pro omisso intelligatur. *L. quidquid infr. eod.* In iis autem quæ inserta sunt, si aliquid sit ambigui, id servetur, ut in Calendis indefinite appellatis primas accipiamus, *L. eum, qui Calendis, supr. et ge-*
ne-

neraliter id quod pro stipulatore est, si aliter interpretantibus futurum sit, ut stipulatio non valeat; sin aliter, ut ambiguitatem contra stipulatorem interpretemur. *L. stipulatio ista, §. in stipulationibus, supr. eod.* Quidni ergo et in stipulatione prætoris de his, quæ supra posuimus, idem servemus? Ulpianus hic statuit non idem esse in hoc genere servandum, sed in universum id accipiendum, quod est de mente Prætoris. Nec obstare exemplum stipulationum conventionalium: nam inter has manifestam esse differentiam, et eam, quæ aperte de interpretatione utriusque generis longe aliud atque aliud exigat: atque ab hac differentia orditur. ⁴ Quippe in *conventionalibus*, inquit, *contractui formam contrahentes dant.* Ex quo effici vult, quod recte Bartolus intellexit, quia stipulatio ab illis nascitur, simul etiam ex eorum mente et sententia interpretandam esse, id est, ex eo, quod inter eos actum est. *d. L. eum, qui Calendis, supr. L. semper in stipulationibus, infr. de reg. iur.* Aut si obscurum sit, quid senserint, id accipiendum, quod est æquius et humanius: quod promissori prosit videlicet. *Enimvero*, inquit, *prætoris stipulationes legem accipiunt de mente Prætoris, qui eas proposuit.* Quibus verbis intelligo Ulpianum non hoc tantum dicere quis prætoris stipulationes constituat, quod de conventionalibus prius fecerat; alioqui ad id exprimendum sufficiebat, quod dicit Prætor eas proposuisse: sed simul complecti hæc duo; et quis stipulationes eas proponat; et præterea quid ex eo ad propositam de prætoriarum stipulationem interpretatione questionem consequatur; quod in conventionalibus stipulationibus ideo prætermiserat, quia de iis, ut dixi, principaliter non agebatur. Itaque est hic sensus: conventionales stipulationes constituuntur a contrahentibus. Enimvero prætoris stipulationes Prætor proponit: quo fit, ut et ipsæ legem accipiant de mente Prætoris. ⁵ *Legem accipiunt*, sic interpretor: accipiunt normam et regulam, quam in his interpretandis sequamur, de mente Prætoris: id est secundum id, quod Prætor in his proponendis sensit, et voluit. Ac si quis roget cur inde accipiant, hæc ratio est, quia Prætor is est, qui eas proposuit. Id an dicat Ulpianus, verbis cognitis melius intelligetur. ⁶ *Formam contractus prius dixerat*: quo verbo significatur, non pars aliqua contractus, ut lex et pactio aliqua contractui adiecta, qua lege et conventionem venditionem, locationem, societatem, et similes contractus contrahi

volumus: sed totius contractus status et conditio. Quasi dicas figuram et faciem contractus; totum id, quo contractus constat, et ex quo is contractus spectatur. *formam pollicitationi data servanda est, in L. Septicia, in fin. infr. de poll.* id est, omne quod pollicitatione comprehensum est, cuius pars fuit illa conditio, de qua ibi quærebatur. Hinc contractus reformari dicitur, non qui ad pactionem aliquam veterem, sed qui in re etiam ipsa renovatur. *L. iurisgentium, §. adeo, supr. de pac.* quo modo et iuris forma dicta, quidquid iure constitutum est *d. L. iurisgentium, §. si paciscar, et L. inter, supr. de pac.* Constat ea forma et conditio duabus rebus: eo quod debeat, et debendi modo. Oportet enim in omni contractu esse aliquid, quod debeat, et promitti id certo modo; puta pure, vel in diem, vel sub conditione, ad diem vel conditionem, et si quæ sunt similes causæ, de quibus in *L. obligationum fere, supr. prox. tit.* Sic formæ verbum hoc loco accipitur, cum dicuntur *contrahentes formam contractui dare*: utrumque enim constituunt conventionem suam, et quid debeat, quantumve, et quomodo debeat. Unde recte colligitur in utraque parte ab illorum mente interpretationem stipulationis esse repetendam. Ut autem formam interpretemur legem, et pactionem contractui adiectam, neque stipulationis natura patitur, neque huius loci sententia ullo modo recipit. Nam in omni stipulatione, de qua hic agitur, quidquid stipulationi inserueris, id non iam pactio, et conventio est, sed pars stipulationis: nec eadem stipulatio ipsa sibi legem dare dici potest; cum aliud esse oporteat, quod legem dat, et aliud, quod legem accipit. ⁷ Sententia autem Ulpiani hoc loco hæc est: ut cum dicit contrahentes contractui legem dare, ex eo efficiat, quod tamen intelligendum relinquit lectori, merito et eorum mentem in hac re esse spectandam. At id de tota stipulatione et contractu non recte colligitur, nisi hæc forma, quam ab illis dari dicit, ad omnem stipulationis et contractus partem pertinet. Proinde et de tota figura et conditione contractus formæ verbum, quo hic utitur, accipiendum est: ut horum verborum *contractui formam contrahentes dant*, si hæc sententia; *contractui dant*, ut si id quod est; neque id aliunde accipit. Post legem nominat, cum de prætoris stipulationibus agitur. *Accipiunt*, inquit, *legem de mente Prætoris*: an verbo legis idem intelligens, quod prius in conventionalibus stipula-

lationibus formam contractus dixerat; quasi hoc sentiat conventionales stipulationes a contrahentibus formam contractus accipere; 8 prætoris autem hanc ipsam a Prætoris? † Mibi verbum legis hoc loco sic accipi posse nullo modo videtur. Aut enim volumus hoc verbo intelligi totius stipulationis prætoris formam, qua constat, et qua a Prætoris proponitur: aut eius formæ et conditionis partem aliquam. Si totius contractus formam et conditionem; verbi significatio repugnat; lex enim contractus cum dicitur, non conditio quævis contractus significatur, sed pactio et conventio contractui adiecta, eius contractus temperandi causa: puta, cum venditio, locatio, societas, et similia negotia contrahuntur, sed hac conventionem addita, ut aliquid fiat, sequatur. *Lex* dicta: quasi dicas, contractus temperamentum quoddam, ut alias docuimus. *Lex* traditionis dicta est, id est, res ita tradita, ut aliquid fiat. *L. legem, C. de pact. res data ea lege*: id est, eo pacto, et conditione. *L. ea lege, C. de cond. ob caus. dat. in lege emptionis*, locationis dictum, scriptum est: valet, in pacto convento emptionis, locationis addito *L. si cum fundum, L. in lege, L. fistulas, in pr. sup. de contr. empt.* Pro quo alibi dicitur aliquid perscriptum esse in pacto convento societatis. *L. duo, supr. pro soc.* At in hac lege et conventionem non consistit forma et conditio contractus. Nam et sine hac conventionem contractus esse potest; neque eo minus contractus suam formam habebit, quam vere liceat dicere a contrahentibus ei datam. Et quamvis forte eiusmodi aliqua lex contractui dicta fuerit: tamen multo pluribus aliis rebus constat contractus forma, quam ut hæc conventio totius contractus formam continere intelligatur. Volumusna ergo legem hic intelligi, ut est usus verbi, ut pactum et conventio significetur stipulationi addita, quo pacto et conventionem quid promittatur? Hoc verum multo minus convenit. Primum quia nulla eiusmodi pactio intelligi potest etiam in conventionalibus, quæ legem det stipulationi; sed omnium minime in prætoris. Deinde quia legem hoc loco sic accipi ita abhorret a sententia et verbis Ulpiani, ut nihil sit magis contrarium. Nullam eiusmodi conventionem esse posse in stipulationibus, quæ legem stipulationi det, iam ante ostendi: quia si quid eo pacto nominatim promittatur, deducetur pactum in stipulationem, ut iam pactum esse desinat, fiatque pars eiusdem stipulationis. Proinde nec stipulationi legem

Tom. XI.

verbor. obligation.

dare potest; cum nua sit stipulatio, nisi forte eadem stipulatio ipsa sibi legem dare potest, et a se accipere. Atque id cum ita fieri intelligitur in conventionalibus stipulationibus: tum maxime intelligitur in prætoris, de quibus agitur. Prætoris enim stipulationes ex certa et præsentis causæ comparatæ simplices sunt, nec certa lege aut conditione ut aliquid vicissim fiat, tanquam a nutante Prætoris interponuntur. Ita si in his nulla talis lex est, qualem dicimus, hanc sine dubio a Prætoris accipere non possunt. Dumus tamen eiusmodi legem cadere in stipulationes non solum conventionales, sed etiam prætoris: attamen de hoc genere verbum legis hic accipi evidenter sententiæ Ulpiani repugnat: qui non hoc sentit, prætoris stipulationes in nua aliqua parte, puta in huiusmodi conventionem stipulationi addita, legem a Prætoris accipere; sed contra in omnibus partibus. Alioqui non efficeretur Prætoris mentem in omnibus partibus stipulationum prætoriarum esse æstimandam: quod tamen ille intelligi voluit: certe veterum sententiam finisse constat ex *L. in prætoris, infra, de præst. sti.* Postremo sive legis verbo placet hic intelligi totius contractus conditionem et formam, sive pactionem illam, quæ temperando contractui adijcitur, de qua modo dixi; ut maxime quis dederit; utrumque verbo significari, et in stipulationes cadere: tamen utraque significatio a verbis Ulpiani pariter aliena est: quinimo utrovis modo visum erit interpretari, definitio eius falsa reperietur. Observandum est enim sic eum scribere, prætoris stipulationes legem accipere non a Prætoris, sed de mente Prætoris. Faciamus legem hic dici formam: definitio falsa est: scpe enim interponitur prætoris stipulatio iubente Prætoris, ac proinde ab illo formam capit; quæ tamen interponitur, non de mente, sed contra mentem Prætoris: ut quia per errorem additum est aliquid, vel omissum, quod non debuit: et ob hanc causam etiam eius rei æstimatio et mutatio postea ipsi Prætori committitur. *L. si finila, supr. de dam. inf.* Vera autem definitio ita futura esset: Prætoris stipulationes formam accipiunt a Prætoris, qui eas proposuit. Neutrum igitur hic ullo modo interpretari debemus. Restat, ut legem hic accipiamus, non legem qua stipulationes continent; sed legem interpretationis: id est, ut dixi normam et regulam, quam in his interpretandis sequamur; quam ideo accipere dicantur de mente, vel nt, in aliis exemplaribus legitur, ex mente Prætoris: quia ex huius mente

ea lex et regula interpretationis ducitur. Non fui contentus dicere, quam in his sequamur; sed adieci, in his interpretandis: quia verbum *mentis* id satis exprimit; ibi enim mens scribitur, aut dicentis cuiusque quaerenda est, ubi de significatione et interpretatione cuiusque scripti ambigitur. Ergo hanc legem interpretationis accipiunt prae toriae stipulationes de mente seu ex inente, et quod idem est, secundum mentem Praetoris: quia ipsa mens et voluntas Praetoris illis lex est. Recte lex: utpote secundum quam eas interpretemur; secundum quam aut mutentur illae, aut in his addatur quid, aut detrahatur; quam denique in his probandis, aut improbandis pro lege observemus: nam haec omnia ex mente Praetoris in his stipulationibus fieri constat *L. 1. in fin. infra, de prae. stipu. L. si finita, in pr. supra, de dam. inf.* Generaliter autem in re quaque legem appellamus, quiquid id constitutum est, ut ad eius normam omnia in ea re expendi et exigi oporteat: quoniam hoc verae legis officium est, quae est regula faciendorum et non faciendorum. *L. 1. et 2. supra, de legi. et S. C. Unde* et in testamentis voluntas testatoris lex dicitur Iustiniano in *§. disponat. Novel. de nup.* non eo tantum, quod quae testator aperte cavit, pro iure observantur: *L. verbis legis, infra, de verbor. significationib.* sed etiam quia ad hanc omnia diriguntur, ex huius praescripto omnia reguntur et temperantur in testamentis: sine hac nihil in testamento scriptum valet; eadem ut scriptum atque etiam intellectum valeat, facit. *L. si mihi, 12. in fin. supra, de leg. 1. L. quoties, supra, de her. instit.* Inde dicitur in testamentis totum facere. *L. ex facto, §. rerum, supra, de her. instit.* in his primum locum obtinere. Denique quod maxime proprium est legis, dicitur regere legata et conditiones. *L. in conditionibus, L. pater in prin. et §. conditionum, supra, de cond. et dem.* Secundum quae si quis dixerit legata et conditiones legem accipere ex mente et voluntate testatoris, non modo is non erraverit; sed etiam bonis et significantibus verbis id exprimat, quod modo de hac voluntate diximus: dicaturque id plane eodem sensu, quo nunc dicuntur stipulationes praetoriae legem accipere de mente, vel ex mente Praetoris: ubi nimirum mens Praetoris domineatur tanquam lex quaedam; ubi regat et temperet stipulationes. Quin ergo legem accipere id significet quod dixi, dubitari nullo modo potest. Quin autem haec ipsa sententia huius loci, quam dixi, multo mi-

nus debet dubitari: haec enim illa sententia est, quam de interpretatione harum stipulationum expressit Vennuleius in *L. in praetoris, infra, de praetoris stipulationibus. In praetoris stipulationibus*, inquit, *si ambiguus sermo acciderit, Praetoris erit interpretatio: eius enim mens aestimanda est.* Quid est, eius mentem aestimandam esse, nisi ex eius mente petendam esse legem et regulam, quam quaecunque quaestio de earum stipulationum interpretatione incidere, adhibeamus et sequamur? Cum haec interpretatio ex significatione verborum est, eamque sententiam exprimit, non solum quae sola vitio caret, sed etiam quam verum esse constat de interpretatione praetoriarum stipulationum: tum vero hoc etiam in ea commodi est ad docendum, quod non tantum ostendit, a quibus profisciscantur stipulationes praetoriae, ut in conventionalibus demonstratum erat: sed etiam nominatim et dilucide complectitur id, de quo institutum erat Ulpiano dicere; certe id de quo solo nobis cognoscendum fuit (nam illud alterum qui ignorat stipulationes praetorias a Praetore profiscisci?) Id autem est stipulationes praetorias interpretandas esse de mente Praetoris; ab hac tanquam ex regula iudicandas esse; non autem ad regulam conventionalium stipulationum esse revocandas. Quod nemo negabit melius esse et commodius ad intelligendum exprimi, cum de eo quaeratur, quam id ad colligendum lectoribus relinqui. † Secundum quam sententiam de his, quae proposita sunt, ita respondebimus. Si pro dupla simpla tantum promissa est per errorem, non ideo tantum simpla debebitur: sed iubebit Praetor duplam promitti. Si in his quae satisfactionem exigunt, nuda cautione promissum erit: iubebit satisfari. Idemque fiet e converso, ut si pro simpla quam promitti oportuit, dupla promissa sit, duplam detrahat; et si satis datum sit, ubi cautum tantum oporteat, is detrahat satisfactionem, idest, fideiussores liberet. arg. in *L. 1. in fin. infr. de prae.* et haec, si quid cautum sit per errorem; aliter, si ex conventionem contrahentium. arg. in *L. si finita, supr. de damn. inf.* Si in stipulatione damni infecti dies omissus erit, per errorem: quia dies stipulationi debet esse insertus, ipse rebus integris diem idoneum pro rei qualitate statuet: finito autem die, in quem aliqui cavere solet, reum liberabit. *L. qui bona, §. ult. cum L. seg. et L. si finita, 1. res. in fin. supr. de damn. inf.* E converso si brevior dies adiectus erit, isque finitus sit, ex integro

- averi iubebit. *d. L. si finita, in princ.* Omnia ex eo, quia sunt ex mente Prætoris, qui eas stipulationes in eam sententiam proposuit edicto, et ut proposuit, ita desiderante litigatore iubet interponi. Si dies ambigæ positus, ut Calendæ: non proximæ pro commodo stipulatoris, aut remotissimæ pro commodo promissoris intelliguntur: sed is dies, in quem usitate caveri solet: quia hæc mens fuit Prætoris Calendæ nominantis, ut dies, qui satis esset ad cautionem petitoris, insereretur. *d. L. qui bona, §. ult. et L. si finita, de damn. inf.* ¶ Cur ergo in his ex mente Prætoris res indicanda est? quia, inquit Ulpianus, Prætor est, *qui eas proposuit*, quippe semper in omni oratione mens dicentis, ac præsertim si solus auctor sit eius rei, quæ proponitur, spectanda est. Omnium autem maxime, si sit Magistratus, cuius præcipue hæc mens, et consilium est, ut in eo quod constituit, ubique æquitatem retineat. Et cur in prætoris stipulationibus, quæ a Prætorē proficiuntur, non spectemus mentem solius Prætoris: cum et in conventionalibus si quis esset ambiguus sermo, ad mentem contrahentium revocamus; tantum ideo, quia ipsi sunt, qui formam contractui dant, id est, a quibus contractus proficiuntur? ¶ Ex quibus apparet, quod initio posui, non hic quæri de forma stipulationum vel conventionalium, vel prætoriarum, qualis ea sit: certa, an incerta mutabilis, an immutabilis: sed indicari auctores utriusque generis, ut ex eo de eorum interpretatione statuatur: sed maxime de interpretatione prætoriarum, de quibus præcipue Ulpiano positum erat dicere. ¶ Et certe si de certitudine stipulationum aut incertitudine; mutabilitate aut immutabilitate agitur: frustra ex his rebus istorum generum differentiam statuere conamur. Incerta forma est conventionalium stipulationum, ut quæ ex arbitrio contrahentium pendeat: et prætoriarum quoque incerta; in quibus id quod præstandum est, ex negotiorum, locorum, temporum conditione variatur: dies, qui inserendus est, varie pro qualitate rei statuitur, *d. L. qui bona, §. ult. et L. seg. de damn. inf.* Quod si de mutabilitate formæ quæritur, tantum abest, ut prætoris stipulationes immutabilem formam habeant, ut harum multo sit mutabilior forma, quam conventionalium. Sed quoniam de ea mutatione sequentibus verbis Ulpiani comprehensum est, tempus est, ut quam sententiam habeant, quidque ad rem pertineant, consideremus: quibus expositis lice-
- bit de hac re tota statuere. Ait igitur Ulpianus; *Denique prætoris stipulationibus nihil immutare licet, neque addere, neque detrachere*: ¶ Quæ quidem verba ad immutabilitatem istam, de qua loquor, statuendam nonnulli arripuerunt: et sane ita scripta esse apparet, ut si quis præfracte ea retineat, evidenter eam immutabilitatem confirmet. Sed male fit, cum inspectis unius loci verbis sententia, quæ ex aliis locis et ex re ipsa manifesta esse potest, omittitur, aut etiam ex incertis et obscuris de re aliqua tota statuitur: cum potius, ut sæpe moneo, ea, quæ sunt vel dubia, vel concisa, vel obiter tantum dicta ex locis certis, et explicatis, et præsertim si ex professo de eadem re agant, conveniat interpretari. Mihi autem constat ex aliis locis et iure certo, in stipulationibus prætoris mutare aliquid, et his addere, ac detrachere licere, non tantum Prætori, qui eas proposuit, sed etiam contrahentibus Prætorum quidem hæc omnia facere posse; nec tantum posse; sed etiam debere, ubi ab eo postuletur, et æquitas rei ita exigit; idem ipse Ulpianus, qui et huius loci auctor est, diserte et explicata sententia scribit, et quidem de prætoris stipulationibus ex professo tractans in *L. 1. in fin. infr. de præst. stip.* ¶ verba hæc sunt: *stipulatio duplex re promissio est, nisi si convenit, ut satisfatur. Quod si sit aliqua controversia, ut puta si dicatur per calumniam desiderari, ut stipulatio interponatur: ipse Prætor debet super ea re summam cognoscere, et cautum iubere, aut denegare. Sed etsi quid vel addi, vel detrachi vel immutari in stipulatione oporteat, prætoris erit iurisdictionis.* Quod dicit fore prætoris iurisdictionis, significat de hac additione, detractatione, immutatione non alium quidem cogniturum et ius dicturum, quam Prætorē: verumtamen ipsam cogniturum et existnaturum, et prout ius erit, ita aut concessurum, quod de his petitur, aut denegaturum: ut de cognitione et iussu eius prius dixerat. Cuius sententiæ appeditat ipse idem loculentum exemplum in stipulatione damni infecti *L. qui bona, §. ult. et L. si finita, supr. de damn. inf.* Nam et cum dies in ea stipulatione adiectus non est, iubet adici, aut finito eo, qui adici solet, quasi stipulationem mutans reum stipulatione liberat: aut si adiectus sit brevior, eo finito de integro, cavere, id est, diem longiorem adici iubet. Nec dubium est, quin quod in una atque altera re hic ab illo dictum est: eodem exemplo ad alia omnia, quæ per errorem adie-

- adfecta sunt, detrahenda, et quæ per errorem omissa sunt, adicienda, et quæ ambigue scripta sunt mutanda transferri debeant. Sed ut dixi, regulam Ulpianus tradidit in *d. L. 1. in ff. de præ. stip.* quæ posita alia exempla ad eius confirmationem
- 15 non desiderabimus. † Ergo saltem a Prætoris immutari prætoriam stipulatio, ei addi, vel detrahi ipso etiam auctore Ulpiano potest. At ubi, et inter quos? Nempe cum est de his rebus controversia; et inter eos, quorum unus mutari, addi, aut detrahi quid postulat, alter quominus fiat, adversatur. *d. L. 1. in ff. de præ. stip. d. L. si finita, de dam. inf.* Vel hic licet intelligere facilius prætorias stipulationes mutari posse, quam conventionales. Nam isto modo etiam invito adversario Prætoris stipulationes mutari possunt a Prætoris; nec vero in his nisi in invitum Prætoris est iurisdictione. At conventionales stipulationes semel consensu constitutæ durant, nec ab his uni ex contrahentibus invito altero licet recedere: nec aliud ius in hac re sequi Magistratui aut Iudici conceditur. *L. sicut, C. de obl. et act.* Hactenus igitur non iam dico formam prætoriarum stipulationum mutabilior, quam conventionalium: sed potius illæ solæ mutabiles; hæ contra
- 16 immutabiles. † Neque vero a Prætoris tantum mutari prætoris stipulationes possunt, his addi aliquid aut detrahi: sed etiam a contrahentibus mutuo consensu, non secus, quam possunt conventionales. Ac rebus adhuc integris cum litigatores de ea re inter se agunt, quæ stipulationem prætoriam admittit, ita possunt illi inter se stipulationem componere, ut ei formæ, quam Prætor edicto præstituit, possint vel adicere aliquid, vel detrahere: et stipulatio rata est. Nam a quo nuda tantum cautio exigitur, ut in duplici stipulatione, is ex conventionem satisfacit. *L. 1. §. stipulatio, in ff. de præ. stip. L. si dictum, sup. de evict.* Multoque citius dixerimus, si is a quo exigebatur satisfactio, ex conventionem tantum caverit, servandam esse conventionem. In stipulatione damni infecti dies debet esse insertus, intra quem si quid damni contigerit, cautio locum habet. *L. qui bona, §. ult. de damn. inf.* Verumtamen si sine diei adiectione stipulatio fuerit interposita ex conventionem, scriptum est in *L. si finita, eod.* quandoque stipulatio fuerit commissa, ex stipulatio agi: quandoque pro quandoque more veteribus usitato. In quibus omnibus formam stipulationis prætoris edicto constitutam conventionem contrahentium ab initio mutari, et qui-

dem utiliter mutari apparet. Sed quoniam dici potest hanc stipulationem esse iam a principio conventionalem; non prætoriam; eoque nullam prætoriam mutari, quia nulla præcesserit. Age, de prætoriam quæ iam constituta sit arbitrato et iussu Prætoris, dicamus. Hæc vero non minus quam conventionales omnes, consensu contrahentium mutari potest. Nam si conventio servanda est, cum ab initio conventum, ne dies interponatur: cur non servetur et tum cum die stipulationi prætoris adiecto, iterum sine die cautum est ex conventionem? An qui ab initio iuri pro se introducto renunciare potuit, is postquam stipulationem prætoriam partem habebit, non poterit? Sunt, qui negent posse; hac ratione videlicet, quia nec ex prætorio, nec ex solemnium iure privatorum conventionem quidquam immutari liceat; idque regula iuris efficitur. *L. nec ex prætorio, in ff. de reg. iur.* At quam hoc, Deus bone, parum apposite! ibi enim immutatur quid ex prætorio et solemnium, id est, publico iure, cum ius iubet fieri aliquid, aut fieri vetat; et quod iubet, non fit, aut fit, quod vetat. Horum ideo nihil conventionem ratum est, quia est conventio contra ius. *L. contra, sup. de legi.* Iuri publico privatorum pactis derogari non potest. *L. ius publicum, sup. de pact. L. quod bonis, §. 1. sup. ad leg. Falc.* Idque edicto de pactis nominatim comprehensum est. *L. 7. §. ait prætor, sup. de pact.* At cum tribuitur quid alicui iure prætorio, aut aliis partibus iuris: ut in hoc genere prætoriarum stipulationum cum tribuitur alicui, ut possit satisfactionem exigere ab adversario; cum tribuitur reo, ut nuda cautione possit defungi, cum tribuitur, ne in infinitum sine die teneatur, et quæ sunt similia: nihil hic ius iubet, aut vetat, sed tantum permittit. Ideo nihil fit contra edictum, nihil hic derogatur iuri publico, si is cui illa tribuebantur, adversus ea paciscatur. Denique non hic ius publicum erat, sed privatum, privati illius, cui tribuitur, causa constitutum. Licet unicuique de re privata pacisci: licet iis, quæ pro se introducta sunt renunciare: licet denique iuris sui persectionem paciscendo deteriorem constituere. *L. 7. §. si paciscar, L. pactum, sup. de pac. L. ult. C. eod.* Et cur in his prætoris stipulationibus id ita fieri posse dubitemus, cum tot locis nominatim scriptum sit in his etiam quæ ex imperio et iussu Prætoris veniunt, licere unicuique de re privata et familiarum pacisci, neque in eo videri quidquam fieri adversus edictum, aut imperium Præ-

toris? ut d. L. 7. §. si paciscar, L. pacisci, *supr. de pac. L. 1. §. potest, supr. de op. no. num.* Quod si forma prætoria stipulationum edicto Prætorum constituta ex iure prætorio est et solenni, cui derogari non possit; an magis pactis privatorum ab initio mutari potest, quam postea? in totam anim inri publico privatorum cautione derogari non potest, ut supra dixi. An ab initio hanc formam privata pactione mutari posse constat, ut docui. Nihil igitur in hac conventionione adversus ius publicum neque ab initio, neque postea: proinde utroque tempore rata conventio. In quo iam eadem potestas stipulationis mutandæ perspicitur, quæ in conventionibus stipulationibus; semper tamen maior, cum de Prætoris mutatione agitur: cum prætoriam stipulationem reformare Prætor possit, etiam uno invito ex litigatoribus; quo modo conventionalium non licet. Sed opponitur his omnibus *huic locus*. Verum an dubitamus cum ex his, quæ ostendi, quæ usque ad eam certa sunt, esse interpretandum? et non dubitant ingenii interpretes: sed quam commode id fieri possit in verbis tam aperte scriptis, nulli quærent, neque ut mihi videtur, satis assequantur. † Ego sic non incommode dici posse existimo, quod Ulpianus sit in prætoris stipulationibus nihil immutare licere, sic accipiendum esse, ut non liceat, non infinita, sed ulli alii quam Prætori: idque suppletur non ex aliis locis, quod esset alienius, sed ex his quæ proximè præcesserunt; quam Ulpianus sententiam esse ex his apparet. Prius enim dixerat prætoris stipulationes legem accipere de mente, id est, ex mente, vel secundum mentem Prætoris: ubi Prætoris *imperium* dictum est, pro solius Prætoris, ut qui solus eas proponerit: id nunc confirmat in his verbis: (in quo quid ad præcedentium confirmationem faciant, licet videre) idque hoc modo: Non mirum, si hæc stipulationes legem accipiant de mente Prætoris, et Prætoris solius, non aliunde. Non mirum, si ex mente eius sunt testimandæ: sunt enim in eius potestate. Argumentum est, quod in his nihil immutare licet, intellige, alii, quam huic ipsi Prætori, de quo dicimus. Aliter si interpretamur, Ulpianus secum ipse pugnabit: nam quomodo et ex mente Prætoris hæc stipulationes interpretandæ sunt, si ex mente eius ab initio mutari non possunt, ubi contra eius mentem aliquid omisum aut adiectum reperitur? Cum autem ad hanc coniecturam aliorum locorum auctoritas accedat, ex quibus constat Ulpia-

verbis: obligation.

num in hac fuisse sententia, quam nunc dicimus, quia ille et hoc loco idem sentiat, minus dubitanda debemus. Prætori ergo, ut dixi, licet immutare: alii non licet. † Sed ex hac re incipimus in alteram reprehensionem. Non enim solum Prætori id licere statuimus, verum etiam aliis, nempe contrahentibus. Et statimur hoc ita esse; sed verba huius loci obstatere negabimus. Observabimus enim Ulpianum non dicere, non licere remittere stipulationes Prætorias; ab his non licere conventiones descendere: sed in prætoris stipulationibus non licere quid immutare, addere, detrahere. Aliud est mutare aliquid in stipulatione prætoris, in ea addere, aut detrahere: aliud aliud mutare stipulationem, et ab ea in totam recedere. † Proprie mutari dicitur aliquid in prætoris stipulatione, cum ipsa stipulatione eadem manente, aut eiusdem modii, id est, manente prætoris, aliquid in ea immutatur. Alioquin non in prætoris dicitur mutari, sed contra prætoriam: Hoc autem Prætor facere intelligitur, cum ipsa novam stipulationem de eadem se interpretari iubet, quamvis aliqua ex parte immutata. Sic enim fit, ut nova intelligatur esse, vetus non nihil immutata: scilicet quia nova: et ipsa prætoris sit ab eiusdem Prætoris officio proficiens; et sit de eadem re, et quod præcipis ad rem facit, quia sit a Prætoris in locum prioris substituta. Hoc vero non ab alio fieri posse, quam a Prætoris concedimus: quod hic locus dicitur. † At cum nova stipulatio prætoris subiecta alia est, et alius generis: quod fit, cum a litigatoribus communi consensu prioris corrigendæ causa interponitur, ubi nova non prætoris est, sed conventionalis: hic non tam dicatur in prætoris, quæ præcessit, immutari aliquid, quam ipsa stipulatio prætoris immutari; quoniam penitus ab ea receditur, manetque sola conventionalis. Porro mutare stipulationem prætoriam consensu, id est, consensu et novandi animo sive ab ea discedere, ut nulla sit amplius prætoris, hic locus non vetat. Nimis angusta, nimisque subtiliter proprietatem verborum hic rimamur, dixerit aliquis. Sed quid mirum, si adversus eos, qui verbis tantum certent, et nos proprietate verborum pro vera sententia pugnemus? Nobis satis est, si efficiamus quoquo modo, ut intelligatur, verba huius loci urgentibus ne verba quidem ipsa adversus auperiorem sententiam, quam ex alia locis verissimam esse constet, prodesse posse.

Ad §.

Ad . Si quis vacuum.

Si quis vacuum possessionem tradi promiserit: non nudum factum hæc stipulatio continebit, sed causam bonorum.

SUMMARI A.

1. Factum nudum quid.
2. Causam bonorum L. C. quid vocet, et quæ huius loci sententia, et n. 10.
3. Vacuum possessionem tradendo an proprietatem transferri oporteat, an vero satis sit præstare, ut stipulatori rem sine interpellatione obtinere liceat, et n. 8.
4. Stipulatio hæc: vacuum possessionem tradi, cum illa, rem tradi, collata.

5. L. 3. §. 1. supr. de act. empt. lectio, eiusque declaratio, et n. 7.
6. Stipulatio hæc: fundum dari, non continet vacuum possessionem tradi.
7. Stipulatio vacuum possessionem tradi, an fructus contineat.
11. L. 4. supr. de uxor. explicatur, et opinio quorundam propter vacui appellationem ex stipulatione Papiniano ibidem proposita fructus præstari contendendum refellitur.

HÆC stipulatio, vacuum possessionem tradi, non nudum factum continet, inquit Ulpianus, sed causam bonorum. Verba paulo obscuriora; ea ad sententiam eruendam nobis paucis aperienda sunt. † Et factum apparet vocare eum traditionem; de hac namque comprehensum est stipulatio; nudam vocat, solam: quomodo nudus consensus dicitur in L. qui ad certum, supr. loca. unde conventio. L. 1. supr. de pig. act. nuda scientia in L. 1. §. licet, vers. in re, supr. de exer. act. Est autem nuda et sola traditio, quæ præter traditionem corporis nihil habet; quæ nihil iuris transfert in accipientem ad possessionem traditam retinendam. Hanc ergo negat hæc stipulatio contineri: id est, negat promissorem ita liberari, si possessionem rei tradat, neque præterea quidquam in iure habenda rei in stipulationem transferat. Sed est amplius, quod illi ex hac stipulatione debet præstari, id quod hæc stipulatio continet; ipse vocat causam bonorum. † Causa, cum de re aliqua præstanda agitur, accipi potest variis; sed videndum est, quid huic loco conveniat. Causam bonorum etiam nominat Ulpianus in L. 1. §. hæc actio, infr. si is qui test. lib. esse ius. erit. Plenius enim, inquit, causam bonorum hic accipimus pro utilitate, hic, idest, in hoc edicto, eo scilicet, quod interpretabatur; in eo autem edicto bona appellata erant a Prætoribus, non causa bonorum, ut constat ex ead. L. 1. in pr. ita causam bonorum illie vocat Ulpianus aut bona ipsa, aut appellationem et verbum bonorum; ut sit causa, in qua de bonis seu de appellatione bonorum agitur. Hoc modo causam bonorum hic accipere non possumus. hæc enim stipulatio, vacuum possessionem tradi, etsi etiam traditionem forte requi-

rat, quæ afferat bona: ipsum tamen factum, atque hanc traditionem proprie continet, non bona. Neque enim eadem sunt, res, et facta; sed hæc in stipulationibus toto genere distinguuntur in §. ult. Inst. eod. Est etiam, cum causa præstanda esse dicitur, causa, inquam, absolute, non causa bonorum. Ubi causam interpretantur veteres, omne quod habituras esset petitor, si tempore litis contestatæ res restituta esset. L. præterea, supr. de rei vind. L. cum fundus, supr. si cert. pet. Sed hoc sensu causam bonorum hic accipi, neque ratio verborum, neque natura stipulationis patitur. Illic enim causam nominatur, ut sit id quod post litem contestatam versatur in causam, et lite de qua agitur: hic da eo agitur non quid sit, sed quid stipulatio contineat. Illic iubetur præstari id, quod petitor habiturus esset ex tempore solam litis contestatæ, si res eo tempore restituta esset: hic quaeritur, quid contineat stipulatio in sese et aut litem contestatam, et statim, ut peti possit: non quid contineat petitio post litem contestatam, ut in id sententia Iudicia condemnari possit. Quid argo est? et quid in usu communi vocemus causam alicuius rei, notum est: sic enim appellamus causam efficientem illius rei, seu id quod facit, ut illa res sit. Isto vero modo causam bonorum hoc loco accipere debemus. In quo parum sit verbi usum et proprietatem sequi, nisi hoc non magis rei natura, quam præcedentium verborum ratio a nobis exigat. Cor enim Ulpianus facto nudo opponit causam bonorum; non constabit antithesis, nisi causæ bonorum verbo intelligimus factum et traditionem non nudam: quæ autem sit, si quaeratur, explicat, et id factum, eamque traditionem in-

intelligere se dicit, quæ sit causa honorum, id est, quæ sit causa efficiens honorum: quibus verbis eam traditionem exigit, quæ efficiat, ut res tradita esse incipiat in bonis stipulatoris. Est ergo huius loci hæc sententia; hæc stipulatione, *vacuam possessionem tradi*, non contineri, ut promissor rem solum tradat, ut cum semel tradiderit, liberetur, nec teneatur postea, quamvis res ei evicta fuerit: sed ut ita tradat, ut res tradita sit in stipulatoris bonis, quo ei rem habere, acque frui liceat; ut et ius cæterarum rerum, quæ præter pignus in bonis habemus: id vacuæ traditionis appellatione contineri constat ex *L. 2. §. ult. et L. 3. in pr. supr. de act. em. hactenus*, quid sit continere causam bonorum: Sed hoc ipsum etiam nunc dubium, quid contineat hæc definitio: id est, quid eum præstare oporteat, a quo exigitur, ut efficiat, ut res sit in bonis accipientis. In quo duo quaeruntur. Unum, quod pertinet ad ius habendæ rei eius, de cuius possessione tradenda agitur. Alterum, quod pertinet ad ius fructuum inde quaerendorum. † In iure rei habendæ quaeritur, an ita efficiendum sit ex hac stipulatione, ut res sit in stipulantis bonis, ut propterea in eum proprietatem transferre oporteat, an vero satis sit stipulatori præstare, ut ei rem sine interpellatione obtinere liceat, ut solet præstari bonæ fidei possessoribus, quibus adversus omnes præter dominum rei consistere licet Publiciana actio. *L. ult. supr. de public. in rem. act.* quibus duobus modis aliquid haberi dicitur. *L. habere, infr. de ver. sig.* Et dicendum est hoc posterius sufficere, neque id ob aliam causam, quam quod nihil amplius exigitur ex hac stipulatione, quam ut res tradita esse incipiat in stipulantis bonis. Ut enim si de eo non agitur, ut res sit pignori, aut vectigali, aliter ea res in bonis cuiusquam esse non potest, quam si aut is rei dominus fiat, aut transferatur in eum habendi et usucapiendi conditio, id est, ex iusta causa pro suo et bona fide possideat: ita utrum horum contingat, nihil interest, ut res in bonia accipientis esse intelligatur. *L. bonorum, infra, de verbor. signific.* Sic enim rem in bonia nostris habere intelligimur, cum aut possidentes exceptionem, aut amittentes ad eam recuperandam actionem habemus, ut ait Modestini definitio in *L. rem in bonis, supra, de acq. rer. do.* At re bona fide possessa proposita est edicto Prætoris possessori in rem actio quæ Publiciana appellatur, qua rem, cuius possessione excidit, vindicat ab omnibus pos-

sessionibus, et auferat non secus, quam si esset dominus, §. *namque, Instit. de act. L. quæcunque, supra, de publ.* Nam vero dominum in rem actionem Iure Civili esse constitutam constat, §. 1. et §. sed iustæ, et d. §. *namque, instit. de action. L. in rem, supra, de rei vind.* Quod si ita est; satisfecit hæud dubie stipulationi is, qui cum hoc præstare delincret stipulatori, ut res inciperet esse in eius bonis, rem ei ex iusta hac causa tanquam suam tradidit, effectusque hoc modo, ut eam ille pro sua, id est, sine interpellatione obtinaret; sic animi consecutus est stipulator, ut rem haberet in bonia, etsi non in dominio: in bonis autem ut res esset, exigebatur, non ut in dominio. Quibus consequens est, ut quandiu stipulatori res ex hac stipulatione tradita evicta non erit: tandiu cum promissore ex stipulato agi non possit ob rem alienam traditam; etsi maxime moveretur stipulatori de proprietate eius rei controversia, aut ultro ipsa paratus esset probare rem esse alienam: sic enim licet stipulatori rem habere, si ei non evincitur. *L. habere, supra, de evict.* Neque porro ex hac stipulatione amplius ei præstandum est, quam ut ei habere liceat. Nam et ex causa emptiois vacua possessio emptori tradi debet: *L. 2. Cod. de acq. poss. L. 2. §. ult. supra, de act. empt.* Neque tamen venditorem amplius ei quicquam præstare oportet, quam ut illi rem habere liceat. Denique non nisi re evicta ob evictionem tenetur. *L. exempto, L. servus quem, §. ult. supra, de act. empt. dict. L. habere, de evict.* Ex quo apparet errare eos, qui, quia hic dicitur stipulationem propositam continere causam honorum, inde stipulationem sic accipiunt, quasi ex ea proprietatem dari oporteat. Sed dupliciter mihi errare videntur, qui huius loci oppositores *L. si rem tradi, supr. eod.* in qua negat Paulus hæc stipulatione, *rem tradi*, hoc contineri, ut proprietates dætor: hoc afferunt ad obiectionis solutionem, ut agnoscant quidem in hac altera, vacuam possessionem tradi, diversum hic statui ab Ulpiano; sed eo fieri dicant, quia dissimiles hæc sint stipulationes, multoque plus contineat vacui appellatio, quam simplicis traditionis: quorum utrumque falsum est. † Nam etsi concederemus, hæc stipulationes cæteris in rabus esse dissimiles, et hanc posteriorem *vacuam possessionem tradi*, esse uberiorem: tamen hoc tenendum est, in proprietate transferenda, de qua quaeritur, non differre. Effectum aut enim

enim etiam ex hac posteriore hactenus teneri promissorem, ut rem stipulatori habere liceat, non autem ut eius faciat, similiter ut in emptione fieri scriptum est in *d. L. servus, §. ult. supr. de act. empt.* Quo declaratur non fuisse necesse in huiusmodi aliqua ratione differentie investiganda laborare in ea re, in qua inter istas stipulationes optime conveniret. Nunc autem ut intelligatur eam frustra queri, quæ nulla est, non tantum in hoc effectu stipulationis, sed etiam in ceteris: aio has stipulationes duas, Rem tradi, et Vacuum possessionem tradi, verborum conceptione nonnihil dissimiles: vi et potestate esse easdem, planeque idem continere, sive genus facti species, quod promittitur; sive definitionem Ulpiani hoc loco traditam de posteriore. Ergo posterioris hæc conceptio est, non ut res tradatur solum, sed ut tradatur vacua possessio. Atqui his verbis. Rem tradi, hoc idem continetur, nec videtur tradidisse, qui vacuum possessionem non tradidit. Huius sententiae certissimum argumentum est in emptione et venditione: in qua cum venditor hactenus obligatur emptori, ut rem tradat, neque amplius, cum de possessione rei agitur: *L. ex empto, in prin. et §. venditorem, supr. de act. em.* tamen in hoc etiam eum teneri constat, ut vacuum possessionem tradat. Hoc quidem convenit teneri eum, ut emptori habere liceat *L. ex empto, §. venditorem. L. servus, §. ult. supr. de act. empt.* Et cui alii habere licet, nisi ei, qui possessionem ab omnibus instis interpellatoribus vacuum obtinet? nam cui quid minuitur ex inre rei distractæ, ei habere, non licet. *L. stipulatio ista, §. si quis forte, supr. eod.* Vacuum igitur hanc traditionem esse oportet in emptione. Atque hinc questio, quando vacua possessio emptori tradita intelligatur: emptori, inquam, non stipulatori, in *d. L. 2. §. ult. de act. em.* supervacua, nisi in emptione traditionem talem esse oportuit. Hinc cautio in servitute emptæ constituenda, per te non fieri, quominus mihi ire agere liceat; tantum ideo a veteribus introducta, quod nulla eiusmodi iuris vacua traditio esset, ut est in *L. ult. supr. de ser. L. 3. §. si iter, supr. de act. em.* Id autem valet, quia in huiusmodi iure nulla esset talis traditio, qualem in rebus emptis ex emptio esse oporteret: ea est autem vacua traditio. Et quid opus est verbis? in *L. 2. C. de acq. poss.* in vacuum possessionem inductum esse emptorem, et traditam esse ei possessionem,

pro eodem usurpantur. Quinimo ex eo, quod emptor sciente venditore in possessione rei fuit, illic colligitur satis emptorem in vacuum possessionem inductum videri. Hoc amplius, cum eo rescripto respondeatur emptori non esse, quod queratur, quasi in vacuum possessionem inductus non sit, et cum etiam nunc se induci postulet; cum possessio sit ei tradita, aut certe sciente venditore sit in possessione; satis evidenter declaratur, nisi quid horum duorum posteriorum fuisset, iuste illum desideratum fuisse ex causa empti, ut in vacuum possessionem induceretur: cui tamen iudicio empti solum rem tradi debere diximus. Continetur igitur vi ipsa in utraque conceptione genus facti idem; postquam utrobique vacuæ possessionis traditio continetur. Quid autem de hac stipulatione, vacuum possessionem tradi definit hoc loco Ulpianus? hanc nimirum continere causam bonorum, id est, ut docuimus, hoc continere, ut sic promissor rem tradat, ut stipulatori eam habere liceat, non autem ut eius faciat. At his verbis, Rem tradi, plane hoc ipsum continetur. Argumento est eadem emptio et venditio, in qua cum, ut dixi, venditor in id obligetur, ut rem tradat: idcirco exigitur ab eo: ut sic rem tradat, ut res sit in emptoris bonis: non quidem ut rem eius faciat, sed ut ei habere liceat, *d. L. servus, §. ult. de act. empt.* Neque hoc quisquam fieri putet singulari aliquo inre in emptione. Non enim propter emptionem id efficitur, sed ex eo, quod venditoris hæc obligatio est, ut rem tradat, ut Paulus declarat in *d. L. ex empto, supr. eod.* his verbis: *et in primis ipsam rem præstare venditorem oportet, id est, tradere: quæ res si quidem dominus fuit venditor, facit et emptorem dominum: si non fuit tantum evictionis nomine venditorem obligat. Quæ res, inquit; id est, quod tradere, sive quæ traditio facit, ut si venditor dominus non fuit, non in id obligetur, ut dominium in emptorem transferat, quod traditionis verbo non continetur; sed ut obligetur evictionis nomine, id est, ita, ut præstet emptori habere licere; ut sic, cum rem ei habere non licebit, id est, cum evicta erit, venditor ex empto teneatur, tanquam qui obligationi de re tradenda non satisfecerit. Quod igitur placet venditori ita teneri, traditionis hæc vis est, quæ tenetur non emptionis.*

Hæc † ego scripsi diligentius propter 5 eos, qui lectionem Pandectarum Florentinarum sequi volent in *L. 3. §. 1. supr. de act. em.* ubi ita scriptum est; Quia et qui

qui fundum dari stipularetur, vacuum quoque possessionem tradi oportere stipulari intelligitur. Quæ sententia ad confirmationem eorum de quibus diximus, nihil facit. Cæterum si vulgarem aliorum exemplarium lectionem sequimur, quomodo et legisse Bartolini ex scriptis eius in eam locum apparet; res confecta est: expressa est enim in illis ea sententia, quam posuimus de stipulatione, Rem tradi. Verba hæc sunt. *Si emptor vacuum possessionem tradi stipulatus sit, et ex stipulatu agat, fructus non veniunt in eam actionem, quin et qui fundum tradi stipularetur, vacuum quoque possessionem tradi oportere intelligitur.* Ego autem ita legendum esse contendo, non dari, duabus de causis. Una, quod sententia falsa est, ut quidem ego sentio, stipulationem hanc, fundum dari, continere, vacuum possessionem tradi. Altera, quod verba Pomponii, quæ sequuntur, stipulationi dari non conveniunt: stipulationi rem

6 tradi, optime. † Aio enim, qui stipulatur fundum dari, non intelligi stipulari, vacuum possessionem tradi. Primum repugnat significatio dandi: dare enim est dominium transferre. §. sic itaque, *Instit. de ac. li.* que qui promissus est daturum, ut in hoc tenetur, ut rem omnimodo faciat stipulatoris: *L. ubi, §. ult. infr. eod.* ita dominium in eum transferendo liberatur; utpote solvendo, quod debuit, ut est regula iuris, Solutione eius quod debetur, tolli omnem obligationem. *Inst. quib. mod. tol. ob. in pr.* At dominium fundi interdum transferre dominus potest, etiam si, non dico possessionem vacuum non tradat, sed non tradat ne possessionem quidem. Quid enim, si fundus ab alio bona fide possideatur? quamvis promissor stipulatorem corpore induxerit in fundum eo animo, ut eum dominum faceret: non efficiet tamen, ut eo mens stipulator fundum ab alio possessionem possidere incipiat; quoniam duo eandem rem in solidum possidere non possunt: *L. 3. §. ex contrario, supra, de acq. poss.* attamen dominium in eum transferet. *L. si fundum, supra, de fun. dot. de quo alias: proinde et eo facto liberabitur.* Quid si liberatur, consequens est non contineri hoc stipulatione dandi, nisi possessionem tradat, nedum vacuum. Repugnat præterea natura et conditio harum stipulationum, fundum dari, et vacuum possessionem tradi. Illa enim dandi certa est: hæc possessionis tradendæ incerta, ut diserte scriptum est de utraque in dict. *L. ubi, infra, eod.* De priore quidem in §. ult. de posteriore in §. quid id quod. Sunt autem hæc contraria,

Tom. XI.

certam esse, et esse incertam; quapropter qui unum stipulatur, alterum stipulari non intelligitur. Demus tamen per se vere dici, eum, qui fundum dari stipulatur, vacuum possessionem tradi stipulari intelligi: attamen exemplum verbis Pomponii non congruit. Sic enim postea scribit: *neque rursus plus debet esse in stipulatione: † ubi* 7 legendum esse apparet, *in hac stipulatione.* Hoc enim dicit; neque rursus plus debet esse in hac stipulatione, vacuum possessionem tradi, quam in illa, cuius argumento nititur: sive ea est, fundum dari, sive ea, fundum tradi. Hæc verba de ea stipulatione recte usurpantur, quæ continet tantundem. Cum enim hoc posueris contineri tantundem, quia dubitari adhuc potest, an plus etiam continet; recte adicitur hæc sive correctio, sive temperamentum, ut dicatur; continet quidem tantundem hæc stipulatio: sed rursus plus in ea esse non debet. At si stipulatio multo minus continet; non potest nisi obtinere dici, et infra dignitatem eorum stipulationum, de quibus agitur, et maximo infra eam vim argumenti, quæ in hac comparatione esse potuit, si ita dicatur; *neque rursus plus debet esse in hac stipulatione:* cum ad vim argumenti, et ad significationem stipulationum exprimendam ita dicendum esset; tantum autem abest, ut plus debeat esse in hac stipulatione; ut constet multo esse minus. Vel hoc modo; absurdum est autem dici plus esse in hac stipulatione, quæ contra multo minus continet. Porro aperte multo plus continet stipulatio illa, fundum dari, quam hæc, vacuum possessionem tradi: si modo ita statuimus eum, qui stipulatur fundum dari, etiam vacuum possessionem stipulari videri. Hæc enim, vacuum possessionem tradi, dominii translationem non exigit, ut supra probavimus: illa exigit, et quidem præter dominium possessionem, quam illa contineri diximus. Quod si stipulationem, Fundum tradi, hic accipimus; eritque hæc definitio; eum, qui fundum tradi stipulatur, intelligi stipulari, vacuum possessionem tradi: tum demum eveniet, ut recte et apposito dicatur utraque tantundem continere: neque tamen rursus plus una, quam altera. De hac igitur scripsisse Pomponium existimandum est, non de altera. Sed de vi stipulationis Rem tradi satis diximus, quod idem feci hoc loco pluribus, non solum quia ad explicationem propositæ stipulationis maxime pertinet; sed etiam quia pertinet ad interpretationem. *L. si rem tradi, supr. eod.* cuius tractationem in hunc

8 locum reiecit. † Quæ si vera sunt; iam in hac stipulatione, *vacuam possessionem tradi*, non contineri, ut proprietas detur, pro uno duo loci confirmant: hic, et dicta *L. si rem tradi*. Hic quidem ideo; quia exigit solum ex hac stipulatione, ut res tradita sit in bonis stipulatoris; potest autem in bonis esse, ut non sit in dominio. Ille autem ideo; quia proprietatem dari non oportere aperte definiens in stipulatione *Rem tradi*, simul quid in hac altera dicendum sit, ostendit; postquam et illa, *Rem tradi*, hoc ipsum continet, ut vacua possessio tradatur. Tantum abest, ut in locis usque adeo consentientibus rationem aliquam differentie querere, aut in ea invenienda laborare debeamus. Atque hæc de iure habendæ rei, quod primum ex hac stipulatione, *vacuam possessionem tradi*, præstari oporteat, dicta sunt.

9 † Alterum, ut dixi, quesitum est de fructibus postea capis, an et ii hac stipulatione contineantur. Quod definitione huius loci effici videtur, exigit enim definitio, ut res ex hac stipulatione tradita efficiatur in bonis stipulatoris, vel dominio in eum translatum, vel translatum eo iure, quod bonæ fidei possessorum est, ut ei rem habere liceat. Utrumvis autem factum erit, fructus consequuntur, fiuntque eius, cuius in bonis ex his causis res esse cuperit. Sive enim fundus in dominio est, fructus percepti sunt domini, qui eum fundum possidet: *L. qui scit, sup. de usur.* Sive bona fide ab alio possidetur; fiunt fructus bonæ fidei possessoris: dicta *L. qui scit, §. 1.* Quis dubitet igitur bonis positus, et iure habendæ rei constituto, etiam ius fructuum querendorum, quod bonis est adiunctum, contineri? Et hoc quidam ex hoc loco defendunt: quod ferri posset, nisi quid a hac re sequeretur, clare traditum esset in *d. L. 3. §. 1. sup. de act. empt.* Atqui illic de hac re hæc Pomponii definitio est: Si emptor *vacuam possessionem tradi stipulatus sit, et ex stipulatu agat, fructus non venient in eam actionem.* Et ne quis hoc temere, nec satis explorata ratione dictum putet, certo argumento confirmat: quia etsi quis stipulatus esset vel *fundum dari*, ut est in *Pandectis Flor. vel fundum tradi*, ut est in aliis exemplaribus, *fructuum præstatio ea stipulatione non continetur.* Neque vero plus esse debat in hac stipulatione. Recte. Si enim conferatur cum illa, *fundum dari*, minus continet: Si cum illa, *fundum tradi*, continet quidem tantundem; at certe non amplius: quoniam et qui sim-

pliciter stipulatur *rem tradi*, idem et *vacuam possessionem tradi* stipulari intelligitur: ut utrovis modo legamus, idem semper utrobique efficiatur. Sed quoniam in dubium revocari potest, quod Pomponius aumit, in stipulatione nimirum, vel *fundum dari*, vel *fundum tradi*, contineri ut vacua possessio tradatur: ne quis sumatur in eo non necessariis probandi labor, nihil erit malius, quam superioris sententiæ de fructibus confirmandæ causa sumere id, quod omnium veterum sententiis receptum est. Si quis nimirum *fundum dari* stipuletur, fructus postea captos in stipulationem et actionem ex stipulatu non venire, etiam si mora facta sit. *L. videamus, §. si actionem, sup. de usur. L. si filiusfamil. §. ult. infr. eod.* Semper enim hoc constare debebit, multo magis domini appellatione fructus contineri, quam cuiusvis possessionis, quantumvis iustæ et vacuæ: proindeque multo citius fructus ab eo præstari debere, qui se datum, id est, dominium translaturum promittit, quam ab eo, qui se promittit, aut traditurum tantum, aut etiam vacuam possessionem traditurum; si quidem fructus emolumentum rei continet et quodammodo pars est; ac sine eo iure dominium transferri non intelligitur: *L. Mævius, §. penult. sup. de legat. 2. L. 4. sup. de usufr.* non item pars est possessionis etiam vacuæ; multi enim possident, qui fructus suos non faciunt; ut sunt, qui mala fide possident. Sed etsi bonæ fidei possessorum sint; non ideo tamen fructus eorum sunt, quia iustæ possessionis emolumentum aut partem continent: sed quia viam est æquum esse, fructus his tribui pro opera et cultura, *§. si quis a non domino, Instit. de rerum divis.* et ideo bonæ fidei possessorum non omnes fructus suos faciunt: sed illos tantum, quos suis operis acquisierint; non item eos qui ex facto eorum non nascantur. *L. fructus, supra, de usur.* Quamobrem sic recte colligitur: Cum quis se *fundum daturum* promittit, etsi ad fructus etiam acquirendos plus momenti habet dare, quam tradere: tamen fructus postea capti ex ea stipulatione præstari non debent, quia nec stipulatione continentur. Multo ergo minus præstandi sunt, multoque minus continentur stipulatione, si quis se promiserit traditurum tantum: quantumvis se vacuam possessionem traditurum promiserit. Hoc ex conditione, inquam, si modo in stipulationem, *fundum dari*, fructus non veniant: quod quam verum sit, queremus diligentius ad dictam *L. filiusfamil.*

mil. §. ult. *infra*. Nunc hoc concessio, quod pro confesso sumimus, quin idem probandum sit in hac etiam stipulatione, Vacuam possessionem tradi, dubitari non oportet. Sed opponitur ieti sententiae et hic locus, et praeterea. *L. 4. supra, de usur.* Nam et bona contineri hic traditum est; in quibus sunt fructus; et in *d. L. 4. de usur.* diserte scriptum est in hac stipulatione, Rem dari, Vacuamque possessionem tradi, fructus postea captos contineri, ut et actione ex stipulatu peti possint, idque propter inferiora verba, *vacuam possessionem tradi*. Nec vero dubitant nonnulli. quin et Ulpianus hoc loco, et Papinianus in *d. L. 4. a Pomponio*, cuius est superior illa sententia aperte dissenserint: quia ex re factum sit, et dissidentes hoc loco et contrariae veterum sententiae nobis relictæ sint in Pandectis. Atque ita rem se habere, adeoque perspicuum id esse usque eo illis probatur, ut non dubitent ingenue pronuntiare, qui fateantur; ambitiones qui dissimulant. Ego autem quod bona venia illorum facere liceat, ingenue dico, et ut sentio, nullam me animadvertere in his locis duobus dissensionem, quæ pugnet cum sententiæ prioræ. Plus dico, nihil me in his animadvertere eiusmodi, quod postquam attendi, mihi videatur non dico iam autopenere difficile, sed non admodum etiam proclive ad explicandam. Fieri potest, ut quod res est, non videam, in eoque errem, quod putem me videre; sed si quid erit huiusmodi, tarditatis meæ error hic fuerit: ambitionis quidem certe non erit: e qua cum aliis in rebus omnibus procul abesse cupio, et præsertim cum de vero defendendo agitur, ut veri amantes doceat: tum vero me in hac quaestione quam longissime abesse profiteor. Sed a personis removeantes orationem, quæ ad rem nihil pertinet, de re videamus. Ac primum de hoc loco respondebo. *Hæc stipulatio, vacuam possessionem tradi, continet*, inquit Ulpianus, *causam bonorum*: bonis autem fructus sunt adiuncti: ea enim bona hic intelliguntur, ut diximus, quorum fructus ad possessorem pertinet: ergo et fructus hac stipulatione continentur. Non recte colligitur: et in promptu exemplum est, quod ita esse declarat. Nam et cum stipulati somus, *fundum dari*, hæc stipulatio non nudam traditionem continet, sed omnium maxime causam bonorum: hoc enim exigit, ut res efficiatur stipulatoris: Id autem maxime in bonis, quod est in domino. *L. bonorum, infra, de verbor. significat.* et quod in ea causa

Tom. XI.

est, eius fructus præcipue ad dominum pertinent: neque tamen ideo fructus ea stipulatione continentur, ut dixi. Sed quoniam *Nil agit exemplum, litem quod lite resolvit.*

Potestque dici fidem ut in prioræ de qua quaerimus, sic et in hac stipulatione, *fundum dari*, non recte fieri, quod his fructus non contineri constituitur; cum bonis ntrique stipulationi attributis consequens esse videtur, ut et his fructus, qui bonis insunt, tribuantur: dicem, cur non videatur esse consequens, quod pariter ad utramque stipulationem defendendam pertineat. Bonis, inquam, fructus sunt adiuncti: seu fructus propter bona acquiruntur ei, cuius in bonis res est, ut fundus. Concedo ita esse: sed per consequentiam fundi in stipulatum deducti hoc fit, quoniam fructus fundi sunt accessiones: ceterum principaliter solus fundus in stipulatum deductus est, non fructus. Hoc efficit, ut nec simpliciter videatur fructus in stipulatum deductus, nec omnino peti possit ex stipulatione: duobus de causis. Primum quia in rebus gerendis id fieri solum dicitur, quod principaliter fit, non quod per consequentiam. *L. 4. supra, de auct. tut.* Deinde quis si per consequentiam fundi fructus veniunt; consequens est ante, quam fundus stipulatoris factus sit, nec fructus accedere; quia fructus sine re, cui accedit, esse non possit. At fructus non fit stipulatoris ante, quam detus fuerit. Proinde nec ante id tempus fructus accedet; neque ex stipulatione, quia fundus solus in stipulationem deductus est; neque per occasionem et accessionem fundi traditi, quia fundus ante stipulatoris non fuit, ut fructum iure domini posset petere: et ideo placet etsi mora facta sit, tamen fructus ex stipulatu actione veti non posse. *L. videamus, §. si actionem, supra, de usur.* Scilicet quia mora perpetuet obligationem, quæ fuit; non item constituit novam. *L. si servum, §. sequitur, infra, eod. L. centum, supra, de eo quod cer. loc.* Iam autem fructus in obligatione non fuisse diximus. Quibus consequens erit, ut nec post litem contestatam perceptos præstari oporteret, postquam omnino stipulatione non continentur: quam et Proculianorum sententiam fuisse conicere possumus ex *d. L. videamus, §. si actionem, de usur.* Verum Sabinus et Cassius ex æquitate fructus quoque post acceptum iudicium præstandos putant, ut ibidem Paulus scribit, ex æquitate dicit, ut sciamus secundum verba stipulationis contra diceendum esse. Sabinum autem, et

63*

Cas-

Causam nominatim appellat huius sententiae auctores, dum hoc vult intelligi, diversae scholae auctores in contraria sententia fuisse. Quod non alia de causa factum est, quam quod verba stipulationis et ius strictum in stipulatione retinendum putarent: et hoc recte statuerunt usque ad litem contestatam: lite autem contestata, aliud ratio iudicii postulat. Hac responsione nihil puto dici dilucidius, aut verius: certe nihil est ad illam veterum sententiam statuendam convenientius: ut si quod hic verum est, his rebus tueamur, non metum apud equos et ingenuos iudices, ambitionis suspicionem. Sed video, unde iis error natus sit, qui hunc locum superiori sententiae contrarium putant. Causam bonorum hoc loco sic interpretantur, ut continuantur eo verbo fructus et partus non minus, quam res ipsa, quae tradi, aut dari debuit: itaque ita ratiocinantur: causa bonorum, inquit, est omne id, quod habiturus esset stipulator, si res tradita fuisset. Porro habiturus fuisset fructus et partus: ergo hi veniunt. † Minime vero causa bonorum est id omne, quod habiturus esset stipulator, si res tradita fuisset. Nam si intelligunt, quod verba significat, omne, id quod stipulator habiturus esset, non quod habere posset, definitio aperte falsa est. Sic enim eveniet, ut praeter nudam detentionem nihil consequi stipulator debeat ex hac stipulatione, si promissor non fuerit dominus, et scienti rem alienam traderit: ab huiusmodi enim promissore quid praeter nudam et corporalem possessionem transferetur in stipulatorem, nihil est. Quanquam et hoc causa res adversus eos concludetur. Tum enim quamvis re tradita fructus stipulator non haberet. Proinde ex definitione nec stipulatione contineri intelligantur: atque isto modo fiet etiam quod est longe absurdissimum, ut mitis agstor eum eo promissore, qui etiam rem alienam promiserit quam cum eo, qui aut fuerit fundi dominus, aut bona fide possederit. Sin intelligunt omne, non quod haberet re vera, sed quod habere posset stipulator: multo magis falsum est id hac stipulatione contineri, aut causa bonorum. Habere enim potuit proprietatem, re tradita, si promissor esset dominus: hanc vero stipulatione non contineri abunde supra probavimus. Quod si non continetur proprietatem, quae una res est ex iis, quae in bonis numerantur: cur adeo mirum est, si negemus iisdem verbis aut fructus contineri, etiam hi aliquando haberi possint? Sed

ad definitionem rafellendam, satis est dici non omne quod stipulator habere poterit re tradita, id hac stipulatione contineri: quod recte dicitur, si vel in una aliqua re id accidet. Quod si potius intelligatur omne id quod stipulator habere deberet, si res ei tradita fuisset; id dicant, quod est multo obscurius, quam illud quod definitur: semper enim dubium erit, quid stipulatori debeat praestari: quod multo incertius est, quale sit, quam quid sit causa bonorum. Et tamen hoc ipsam pro nobis facit, vel potius pro veteribus omnibus. Dicemus enim his verbis stipulatorem habere solum debere fundum, non etiam fructus fundi ante perceptos: quia non sunt fundus, neque si separati sunt: pars fundi. De separatis autem et perceptis loquimur; ac fundus tantum in stipulationem deductus est, nihil praeter. Licet et de tota antecedente porta argumentationis breviter respondere, adhibita distinctione, quia fiat alterutrum omnino, ut vel propositio falsa sit, vel assumptio. Aut enim *habendi* verbo intelligi volunt; quod stipulator habiturus esset ex stipulatione principaliter, si res tradita fuisset: aut quod habiturus esset non tantum principaliter, sed etiam per consequentiam et occasionem rei traditae. Si quod principaliter: admitti potest hoc sensu vere dici *causam bonorum* esse omne id, quod stipulator habiturus esset ex stipulatione. Id enim ipsum est re vera, quod continetur stipulatione dandi, aut tradendi, et quod ex hac stipulatione peti posse Ulpianus intelligit. At hoc sensu falsum est, quod sumunt, stipulatorem habiturus fuisse fructus et partus, si res ei esset tradita. Neque enim fructus et partus haberet principaliter, quia stipulatione deberentur; sed quia fundum haberet ex stipulatione, cuius fundi accessiones sunt fructus. De fructibus autem queritur, ad quos isto sensu propositio non pertinet: assumptio ita pertinet, ut aperte falsa sit. Quod si intelligunt id quod stipulator habiturus esset etiam per consequentiam: vere quidem dicitur hoc sensu, quod illi sumunt: stipulatorem habiturus fuisse fructus et partus, si res tradita fuisset; quoniam hi fundo tradito dominum aut bonae fidei possessorem secuti essent: sed falsa erit propositio, ut dicitur *causa bonorum* id esse, etiam quod habiturus esset stipulator per consequentiam rei traditae, quales sunt fructus, aut partus: hoc enim nec in stipulationem deduci, nec stipulatione vacuae possessionis tradendae contineri satis supra ostendit.

osten-

ostendimus; id autem solum in causa bonorum numerandum est, quod stipulatione continetur. Postremo meminimus eius, quod initio pluribus docui, *causam bonorum* Ulpiano hic intelligi, non res, non bona, non quod est in bonis, aut ex bonis; sed factum, idest, traditionem, qua fiat, ut res de qua cautum est, tradita, sit in bonis stipulatoris: hoc sensu res est expedita. De fundo enim tradendo cautum est, non de fructibus. Proinde ut fundus efficiatur in stipulatoris bonis, non etiam ut fructus, stipulatione, et hac traditione, quae causa bonorum dicitur, continetur. Quo posito, tota ista definitio contraria, simul et argumentum sua sponte eoncidit.

- 11 † Quod attinet ad L. 4. *supr. de usur.* si paulo diligentius, quid illic et qua in stipulatione dicatur a Papiniano, attendere volemus, reperiemus non modo nihil illic contrarium, sed nec quidquam magis superiori sententiae consentaneum dici potuisse. Papinianus ait in stipulatione fundi, fructus postea captos stipulatorem actione ex stipulatu consequi posse. At qua in stipulatione? non itaque in stipulatione, *rem dari*, quae per se ait: non etiam in stipulatione, *vacuam possessionem tradi*, quae itram sola ait: sed in ea stipulatione, quae utramque conceptionem e coniunctam in se habeat, *Rem dari, Vacuamque possessionem tradi*. Vel hinc facile licet colligere, confirmare Papinianum, quod supra de singulis hae conceptionibus constituimus. Hoc enim cum sentire, neque in stipulatione fundum dari, neque in stipulatione vacuam possessionem tradi, si unaquaeque per se sola spectetur, fructus postea captos contineri: aliqui supervacuum erat duas has conceptiones in eadem stipulatione proponere, ut ex his de rei promissae fructibus responderetur, si ad fructuum praestationem una ex his, quae in stipulatum deductae esset, sufficeret. Denique si hanc stipulationem, *vacuam possessionem tradi*, intelligebat fructus postea captos continere, debuit solum de ea quaerere, non etiam adiciere, *rem dari*: quoniam si de illa constaret, nihil faceret ad dubitationem alterius adiectio. Neque enim quisquam tam esset stultus, ut deberet, an quae stipulatio per se fructus continet, eosdem contineret, si quis amplius stipulatus esset, *rem dari*: cum ea adiectione vis stipulationis non minueretur, sed augeretur. Haec mihi ratio videtur pene incurrere in oculis, ut si qui hanc non videt, aut hac cognita non movetur: is quid videat, aut quibus rebus moveatur, non intelligam.

Itaque ut nihil occurreret aliud; est tamen abunde, eam putem Accursium et Bartolum hoc loco audiendas, cum quod superiore stipulatione fructus contineri vult Papinianus, eo fieri dicunt, quod duae hae conceptiones, *Rem dari*, et *Vacuam possessionem tradi*, simul iunctae sint. Obstat tamen ratio Papiniani: qui cur putet ex hac stipulatione, *Rem dari*. Vacuamque possessionem tradi, stipulatorem posse fructus consequi, fieri ait non propter illa verba superiora, *rem dari*: non adeo propter istarum conceptionum coniunctionem: sed nominatim propter inferiora verba, et iterum, propter illa verba, *vacuamque possessionem tradi*. Addit etiam in extremo rationem vel explicationem potius rationis: quia, inquit, *re tradita, fructus et partem postea editos in bonis suis stipulator habere potuisset*. Quibus verbis significare videtur, in his verbis, *vacuam possessionem tradi*, hanc vim inesse, ut fructus praestentur, idque propter traditionis verbum. Ait enim: *quia re tradita partem habere potuisset*. De hac obiectione apud Accursium et Bartolum verbum nullum. Sed cum doctissimi mos etiam homines tenuerit, digna est, de qua aliquid dicamus. Ego expedire conabor, et quidem ita, ut non dissidam me bonis et doctis, quod dicam, esse probaturum. Ego igitur hoc Papinianum dicere agnosco. Et verum est, quod fructus ex stipulatione apud eam proposita praestandi sunt, contingere propter inferiora haec verba, *vacuamque possessionem tradi*: eoquod et his verbis eam vim inesse. Sed utrum velit inesse eam vim illis verbis etiam extra stipulationem propositam, an vero in ipsa stipulatione solum, de qua agitur, hoc est demum, quod ad rem pertinet: de quo amplius quaerendum est. Ego in hac stipulatione eam vim esse huius adiectionis intelligo: extra hanc stipulationem nego: neque aliud intelligo Papinianum dicere. Ad hoc probandum non haec ratio potest esse satis, si dicatur responsum servare debere quaestioni, ac proinde ad eam esse accommodandum. Nam aliqui nec videatur respondere, qui ad id quod quaesitum est, *vis ita* non respondet, §. *praeterea*, *Inst. de inutil. stipula. l. de etate*, §. *quod autem*, *supra*, *de inter*. Quaeritur autem apud Papinianum non de stipulatione, *vacuam possessionem tradi*; sed de stipulatione, *Rem dari. Vacuamque possessionem tradi*; et in hac quid efficiant haec verba, *Vacuamque possessionem tradi*. Proinde de his ille respondens hoc respondere intelligitur, de quo quaestio erat posita; nempe

pe hoc illa efficere in proposita stipulatione, non alibi, ut fructus postea capti præstandi sint. Neque vero si in hac stipulatione hæc verba prioribus subiecta eam vim habent, quam dixi, ideo efficitur extra hanc stipulationem, et per se sola eandem vim habere, quod diligenter animadvertendum est. Verisimile est enim non defuturos, qui hoc quod posuimus, urgeant, ac dicant esse ridiculum si quis hæc verba in hac stipulatione aliquid efficere concedat; eadem per se sola, seu extra hac stipulationem neget vim eandem obtinere. Quasi verborum significatio locis mutetur: aut quasi significatio vacuæ traditionis alia sit, cum dixi, *rem dari, vacuumque possessionem tradi*; alia, cum simpliciter dixi *vacuum possessionem tradi*. Et sane esset ridiculum, si intelligeremus significatione verborum fieri, ut propter illa verba, *vacuumque possessionem tradi*, fructus in hac stipulatione præstentur. Nunc autem non verborum significatione id effici dicimus, quæ non minus nota fuit cæteris veteribus, quam Papiniano; sed sententia contrahentium: quæ alia est in hac stipulatione. *Rem dari, vacuumque possessionem tradi*; alia, cum simpliciter stipulamur, *vacuum possessionem tradi*. Quod ut quisquam audiat, non postulo, nisi Papiniani verba, non dico, hoc significant, sed etiam pene diserte exprimant. Ait enim; *fructus postea captos propter inferiora verba consequitur te ratio suadet*: non dixit, significatio verborum facit, ut consequi debeat: quo tamen nihil erat ad probationem expeditius, si res verborum significatione niteretur: sed dixit, *consequitur te ratio suadet*: ut intelligamus, quod hic respondet, *in ratione*, idest, in argumento et coniectura voluntatis positum esse, non in certa significatione verborum. Ratio autem, quæ in proposita stipulatione hoc suadet, hæc est: quod his verbis, *rem dari*, verba hæc adiecta, *vacuumque possessionem tradi*, nisi sic accipiuntur, quasi his et de fructibus cautum sit: erunt supervacua, nihilque plus agent, quam si quis stipulatus sit dumtaxat rem dari: dum enim de re ipsa obtinenda agitur sine fructibus, satis, abundeque de eo sibi cavet, qui sibi rem dari stipulatur: imo nullo verbo magis idonee de ea re cavetur, quam verbo dandi: quo verbo dominii translatio continetur. Porro in omni oratione sic præcipitur verba accipienda esse, ne frustra et otiose posita esse, sed ut aliquid egisse videantur. *L. si quando, supra, de leg. 1. l. 4. in fin. infra, ad municip.* Ob eam causam, si quis cum prius his verbis, *rem dari*, de dominio rei sibi cavisset, adiciat amplius hæc verba: *vacuumque possessionem*

tradi: recte dicitur *ratio suadere*, ut inferioribus verbis intelligatur non de re solum tradenda et obtinenda egisse, de qua iam satis prioribus verbis cautum erat: sed egisse de eius rei fructibus, seu de præsentē traditione, quæ iam nunc fructuum perceptionem secum afferret. Quasi ita dictum esset, Rem dabis, et præterea ita trades, ut ex ea iam nunc mihi fructus obtinere liceat? Cessat hæc ratio, cum quis simpliciter stipulatur, Vacuum possessionem tradi: ibi enim non est periculum, ne si verborum significationem sequamur, nec quidquam amplius veniat in stipulationem quam ipsius rei traditio, ideo stipulatio sit otiosa aut inutilis: ex qua et res tradi debet, et ita tradi, ut esse incipiat in stipulantis bonis: quamvis fructus ante traditionem capti in stipulationem non veniant. Ex quo consequens erit de Pomponii, et veterum aliorum, atque adeo Papiniani sententia, nec in ea stipulatione præter verborum significationem quidquam de fructibus principaliter comprehensum videri. Ergo est hic sensus Papiniani. Si quis tantum stipulatus esset, *rem dari*, neque fructus, neque partus ex stipulatione deberetur. Sed si quis ita stipulatus sit rem dari, ut adiciat, *vacuumque possessionem tradi*: tum propter inferiora: hæc verba et fructus et partus venient, non quia ea verba per se eam vim habeant: alioqui sufficiebat stipulationem ita concipere, Vacuum possessionem tradere spondes? sed quia prioribus adiecta, nisi hoc efficiunt de fructibus, sunt supervacua; quod ratio, idest, sententia contrahentium prohibet. Hæc etsi tam dilucide rem explicant, suntque etiam ex verbis Papiniani, et rectæ rationi usque adeo consentanea, ut nihil supra: tamen cum Papinianus in hac stipulatione, *rem dari, vacuumque possessionem tradi*, fructus venire dicat propter inferiora verba, neque quidquam addat amplius, vereor, ne a quibusdam facile obtineri non possit, quia putent fructus præstandos propter ipsa illa verba, ubicunque tandem sint: non autem propterea quod illa ingeminata sunt, et prioribus adiecta; præsertim cum quidam hoc loco asseveranter omnia alia ratione pro rata et explorata sententia posuerint, quod fructus ex superiore stipulatione præstandi sunt, non propter ingeminationem verborum fieri, sed propter *vacui* appellationem. Etsi autem ad hoc refutandum satis erat dicere ab auctoribus non probari, et ideo admit-tendum non esse, quia cum aliis locis iuris tam evidenter pugnet: tamen ne hic etiam

etiam scrupulus in animo cuiusquam hæreat; simul ut veteribus suis bonos, et ipsorum optimis responsis sua auctoritas; et sua ratio in hac questione constet, plus auspicium, et ostendem, in hac stipulatione, *rem dari, vacuumque possessionem tradi*, fructuum præstationem admittere tantum propter ipsa verba inferiora, quæ etsi alibi usurpata essent, tamen idem possent; denique propter *vacui* appellationem: hoc, inquam, adeo non esse ex Papiniani sententia in *d. l. 4. de usur.* ut nihil fingi poterit e verbis et sententia Papiniani alienius. Verba quidem nullo modo convenire istam interpretationem, atque adeo multis modis his adversari, perspicuum est. Primum ait fructus præstandos propter inferiore verba hæc, *vacuum possessionem tradi*: si propter *vacui* appellationem fructus præstandi sunt, non debuit dicere id fieri propter inferiora verba; sed propter inferius verbum, nempe *vacui*: male enim toti conceptioni tribueretur, quod esset unius verbi proprium; certe fatendum est, si id fiat, non fieri ex proprietate verborum. Deinde ait, ut fructus propter inferiora verba præstentur, rationem suadere. Male hoc quoque si *vacui* appellatio id facit: non enim ratione et argumentis colligi dicendum est, quod verba exprimitur. Postremo quod fructus præstari vult, non *vacui* verbo tribuit Papinianus, sed nominatim traditioni. Ait enim: quia re tradita partum in bonis stipulator habere potuisset: non ergo dicit, quia traditio vacua esse debuit: sed quia debuit tradi, ac re tradite stipulator fructus habere potuit. Hæc omnia igitur in verbis ipsa aperte repugnant, quominus propter verborum significationem, multoque minus propter *vacui* appellationem ex stipulatione Papiniano proposita fructus præstari intelligamus. Sed demus verba hanc quoque recipere posse interpretationem, ut sic oratio ambigua apud Papinianum efficiatur. Nihil verba ad rem pertinent, si sententia scribentis refragatur: neque enim in ambiguo sermone utrumque dicimus; sed id solum quod volumus. *L. 3. sup. de reb. dub.* Atqui ita refragatur sententia; ut nihil possit magis: quod ex vitia, quæ in istam interpretationem concurrunt, intelligi potest. Ea enim demum significatio et interpretatio ex mente scriptoris ac præsertim in iure, putanda est, quæ vitio caret. Unde ea quoque significatio in ambigua voce legis semper accipi iubetur. *L. in ambigua, sup. de legib.* et merito: ut enim recte Tubero, nemo dicere existimandus est, quod non sentiat. *L. Labeo, vers. Tubero, sup. de*

supel. leg. Absurdum est autem existimari sanum et intelligentem scriptorem, aliter quam vere, et ex præceptis notis, denique quam sine vitio sentire. Quapropter si qua erit hic interpretatio eiusmodi, quæ dubitationem ineptam habeat; sententiam non tantum falsam, sed etiam absurdam: et maxime si fateamur eam ex probabili magis, quam ex vero data opera expressam esse; eam ne ex mente cuiusquam non imperiti, nec absurdi scriptoris esse dixerimus: multo minus Papiniani, qui ut omnino acutissimus, et ingeniosissimus e veteribus dictus est: ita in iure respondendo omnium integerrimus et religiosissimus esse habitus: adeo ut *iuris asilum* nominaretur. Atqui hæc omnia vitia, quæ dixi, in ista interpretatione reperiuntur. Faciamus ergo propter *vacui* appellationem fructus in stipulatione Papiniani esse præstandos. Primum hoc erit consequens, quod supra attigi, stultum et ineptum questionem esse Papiniani de hac stipulatione, *rem dari, vacuumque possessionem tradi*: cum si per se hæc stipulatio, *vacuum possessionem tradi*, fructus continet, non debuerit dubitari, an contineret illis verbis adiectis, *rem dari*; quæ ad obligationem augendam pertinent, non ad minuendam. Efficitur deinde et illud: nam cum Papinianus fateatur his solis, verbis, *rem dari*, non contineri fructus, si contra hac stipulatione *vacuum possessionem tradi*, contineri eos intelligit; nimirum hoc statuet plus continere hanc stipulationem posteriorem, quam priorem. Quod etsi aliis rebus et locis non refelleretur, est tamen ipsum per se dictum absurdum; cur enim stipulatio hæc, *vacuum possessionem tradi*, fructus continet iis auctoribus, qui continere voluit? *quia continet*, inquit, *causam bonorum*, ut hic scriptum est; id est, ut illi interpretantur, id omne quod habiturus esset stipulator re tradite; in quo numero sunt fructus: ut antem Papinianus scribit in *d. l. 4. de usur.* quia re tradita stipulator fructus et partus in bonis habere potuisset. Est dubitamus hanc rationem multo maiorem esse in stipulatione, *rem dari*? quæ enim res magis aut in bonis stipulatoris, quam quæ ei datæ sunt, id est, quæ ceperunt esse in eius dominio? aut cui potius fructus aut partus acquiruntur re tradita, ac per hoc dominio quæsito, quam ipsi domino? Est igitur plane absurdum, cum quid certa ratione adniseris in stipulatione, *vacuum possessionem tradi*, id repudiare in stipulatione, *rem dari*, in qua eadem ratio multo magis locum habeat. Et quidem illi ipsi, qui superiore interpretationem defendunt, veris victi non ali-

aliter iudicant, quam falsam esse istam opinionem Papiniani, veriusque Pomponii sententiam. Ac qui fiat, ut Papinianus homo omnium acutissimus, et consultissimus, id quod res erat, hic non viderit, si quis roget: vidisse eum non negant, ne quis furte huius acumen et prudentiam illis obiciat; sed hæc eum in libris Quæstionum scripsisse aiunt, in quibus sæpe tractantur non tam vera, quam vero similia, et quæ ipsi qui scribunt, non valde probent. Malitiosi hoc quidem est, et versuti scriptoris, aut nescientis incepti, non viri boni, non cordati Iuriscoquii: qualem præcipue Papinianum fuisse responsa eius, et omnes historię testantur. Nempe hoc erat reliquum, ut ineptam eius, et absurdam sententiam non tarditatis et imperitiæ nomine, sed ambitionis, aut malitiæ auctoris excusatione defenderemus; cum tamen is fuerit, ut dixi, Papinianus: cui cum omnes veteres detulerint excellentissimi ingenii, et summæ prudentiæ laudem: tamen eum veritatis studio, et integritate superiorem fuisse agnoverint. Quæ cum tam magna et tam manifesta vitis sint in ista interpretatione, quæ pascit sola *vacui* appellatione fructuum præstationem contineri: quidvis admittendum potius, quam illam prudentiæ et aequitatis, idest, menti et sententiæ Papiniani convenire. Et certe, dicam ingenue, magnam iniuriam facimus optimo suctori, cum illi eam sententiam affingere conamur, quæ tot vitis laboret, quæ nec in quovis non peritus inepto scriptore facile quisquam sustinet admittere, sed eo indigniorem; quod nulla necessitate verborum, nulla certa ratione coacti, sed tantum iudicio nostro adducti id facimus, nihil aliud latari desique, nisi ut ea sententia admissa non solum ea ut falsa et inepta, sed etiam ut aliis locis, quos probamus, contraria cum summo dedecore auctoris sui eliciatur. Quod si neque verbis, neque menti Papiniani ista interpretatio posteriori convenit, ut probavi: necesse est manere priorem illam, quam initio posuimus, quæ et verbis convenientissima est, et non solum vitio caret, sed etiam certa ratione nititur, ut in stipulatione illa, *rem dari, vacuumque possessionem tradi*, ideo de eius sententia continerentur fructus, quia superioribus illis *rem dari*, adiuncta sunt hæc inferiora, *vacuumque possessionem tradi*: et quod idem valet, quia coniuncte sint hæc duæ conceptiones, quarum inferior otiosa esse non debeat. Atque hæc quidem ita sunt: etsi de sententiæ et ancto-

ritate solius Papiniani in hac re ageretur. Nunc autem agitur in his scriptis veterum, quæ in Pandectas relata sunt, de mente et auctoritate Iustiniani: qui his omnibus ita auctoritatem dedit, ut sua esse vellet, et ita accipi, quasi a se profecta, ut de his testatur *L. 1. §. omnia enim, et L. 2. §. tanta, C. de vet. iur. enuclean.* Proinde et ex mente eius, si qua nobis manifesta erit, legem accipiant, oportet. Ipse autem de eorum interpretatione hanc legem præscribit, vetat in his ullum contrarium admitti: quoniam et in his nullum sit. Quod si quid istiusmodi esse videbitur, iubet diligenter excuti diversitatis locorum rationem: quæcumque invenietur, quæ ad conciliationem faciat, hanc sumi vult, et ex hac litem componi, quasi hoc ipsum auctores ipsi sensissent. Id ergo et nunc faciamus. Agitur de Papinianii responso quod est in *L. 4. de usur.* Id auctoritate Iustiniani confirmatum caveamus, quantum possumus, ne tanquam improbandum et iniquum repudiemus; nisi eadem opera velimus repudiari legem et constitutionem. Id citatur tanquam contrarium Pomponii definitioni, quæ exstat in *L. 3. §. 4. de act. empt.* Videamus nunc quæ sit verborum eius interpretatio (ut scriptum ambiguum esse potest) quæ nec vitiosa sit, et admissa efficiat, ne responsum illi alteri loco versetur. Si qua occurrit huiusmodi, hanc ex mente Iustiniani accipiamus, cuius hæc leges esse, et hanc interpretationis regulam iam ante diximus. Atqui interpretatio a nobis exposita est eiusmodi, quæ faciat, ut non modo non dissentiat Papinianus a Pomponio, sed etiam videatur maxime idem probare. Nihil reliquitur igitur, nisi ut hanc sumamus: etiam si maxime alia significatio verborum afferri posset non absurda, quæ alterum ab altero dissentientem induceret. Hoc modo cum voluntati legislatoris Iustiniani parebimus in his scriptis omnibus retinendis, ut in eius legislatione facere æquum est: tum vero Ius Civile ex iis constitutum eam dignitatem tenebit; bonis et magnis auctoribus suis honos, sua auctoritas integra manebit: neque metuemus, dum id fit, ne quod auctoritate Iustiniani facimus, non certa ratione, et veri studio ducti facere videamur. Hæc qui præstant, eos ego non ingenuorum tantum, sed etiam honorum et cordatorum interpretum officio fungi iudicio: qui secus; hi quomodo id nomen tueantur, alii existimabant.

Ad L.

Ad L. Stipulationes commodissimum. 53.

Iulianus libro 16. Digestorum.

Stipulationes commodissimum est ita componere, ut quæcunque specialiter comprehendi possint, contineantur: doli autem clausula ad ea pertineat, quæ in præsentia occurrere non possint, et ad incertos casus pertinent.

SUMMARI A.

1. *Faciendi stipulationibus propter stipulantium commoditatem poena utiliter adicitur.*
 2. *Doli clausula generali quicunque doli præteritus vel futurus vindicatur.*
 3. *De doli stipulationibus componendis consilium veterum.*
 4. *Doli clausula vis.*
 5. *Doli clausulam, quo sensu et cur ad incertos tantum casus pertinere dixerit Iulianus.*
 6. *Regula Iuris, Generi per speciem derogari, explicatur.*
 7. *L. Si servus, §. Cum eo. supr. ad L. Aquil. verba exponuntur.*
1. Quomodo qui stipulatur aliquid fieri, aut non fieri, non necesse habet stipulari poenam, si factum non sit, quod promissum est, aut si quid contra quam cautum est, factum sit: et tamen propter commoditatem stipulantium veteres cavent, ut poena adiciatur; quia plerumque difficilis sit probatio eius, quod iurest, et ad exiguum summam redigatur. §. ult. *Instit. eod. L. ult. infr. de præst.*
2. *stip. †* Sic in stipulatione de dolo accidit, ut si quis dolum præteritum aut futurum promissoris, heredumve eius metuens de eo sibi cavere velit, nihil erret ad ius cautionis, si generali doli clausula sibi de eo caveat eo modo, uti hæc concipitur in *L. ex ea, infr. et L. stipulatio ista, §. si quis dolum, supr. eod.* dum enim probet aliqua in re dolum admissum esse, quicunque is doli vel incidit ante, vel incidet postea, satis generali stipulatione, quæ appellatur doli clausula in *L. doli infr. vindicatur*. Est ex ea doli nomine actio ex stipulatu, *L. et eleganter, §. non solum, supr. de dol. eoque incerti. d. L. ex ea infr. †* Sed tamen et hac in re quod stipulanti commodum sit, consilium datur a veteribus, ut hoc loco, ut quæcunque et quacunque in re sibi quis timet de dolo promissoris, heredumve eius, ea specialiter comprehendantur: tum deinde generalem doli clausulam subiiciat. Hoc modo stipulationem componi ideo commodum et utile stipulanti: quia etsi generali stipulatione satis continentur species omnes, quæ ex eo genere sunt: tamen non facile semper potest probari, quid dolo malo factum sit. Huic incommodo occurreret speciali stipulatione: in qua factum ipsum promissoris notatur sine ulla doli mentione. Neque tamen cum omnia
- nominatim complexus eris, quæ specialiter comprehendi possunt, ideo inutile est generalem clausulam subiicere; quia fieri potest, ut cum omnia comprehenderis, quæ occurrerant, non tamen omnia comprehenderis: quoniam multa te fugerint, quæ postea emergent. Atque hoc consilium est veterum de doli stipulationibus componendis. Hinc re ad eum modum composita, quæsitum est de doli clausula, quam vim habeat. † *Generalem dixerit aliquis, ut et ipsa generalis est: scilicet ut de omni specie doli quæ postea se ostendet, ex ea agi possit. Non ita est. Sic doli clausula subiicitur; ut pertineat, inquit Iulianus, ad ea quæ in præsentia occurrere non possunt, et ad incertos casus. †* Ut pertineat ad incertos casus; sic accipiendum est: ut pertineat ad istos tantum, non etiam ad alios. Scimus quidem dici recte posse eam clausulam pertinere ad incertos casus, quæ nihilominus etiam pertineat ad certos: quia generalitate sua utrosque contineat. Verum hoc Iulianus non sentit; sed idvo nominat tantum incertos casus, ut de his definiendo cæteros excludat, ut fit in definitionibus, quæ recte concipiuntur. Idque cum ex re ipsa, tum ex aliis locis, qui de eadem re scripti sunt: liquet. Nam quod ad rem attinet, non potest dubitari, an doli clausula pertineat ad ea, quæ stipulatori non occurrerunt: cum non alia de causa interponatur, quam ut de iis, de quibus specialiter comprehendi non potest, stipulatori tantum sit. Quod reliquum est; ne quis sit coniecturus locus, rem hanc dilucide explicat *L. doli, infr. eod.* in qua scriptum est, doli clausulam, quæ stipulationibus subiicitur, non pertinere ad eas partes stipulationis, de quibus nominatim

cavetur. Si ita est, consequens est, si ad aliquas res pertinet, ad eas tantum, de quibus nominatim cautum non est, pertinere: quas res hic *incertos casus* vocat Iulianus. Non enim incertos eos tantum accipere debemus, qui sunt incerti, et ignoti stipulatori, et ut loquitur Iulianus, qui stipulatori occurrere, id est, in mentem venire non possunt: sed incertos, indefinitos, et generali tantum oratione comprehensos; non nominatim et specialiter annuncipatos, quomodo generaliter et indefinite promissum hominem appellamus incertum: *L. cum incertus, supr. de leg. 1. L. heredes, §. si incerto, supr. fam. erg.* et quantitatem non aperte definitam, sed ex utilitate et eo quod interest utriusque pendente, incertam. *L. 2. §. 1. infr. de præst. stip. §. ult. Inst. cod.* Si in ambigua voce legis ea significatio capienda est, quæ vitio caret: *L. in ambigua, supr. de leg.* sola hæc significatio, quæ dixi, huic loco convenit. Aliter enim interpretantibus et in verbis vitium est, et in re ipsa ac sententia definitio. In verbis, quia utitur Iulianus otiosa redundantia et inculcatione verborum, incertos appellans casus, ea quæ occurrere non possunt, de quibus iam satis prioribus verbis comprehensum erat; neque enim dici potest prodesse hæc verba ad explicationem præcedentium: quoniam multo obscurius est, qui sint casus incerti, quam quæ sint ea, quæ occurrere non possunt. In re et sententia definitio; quia minus complectitur definitio, quam oportet; neque enim doli clausula ad ea tantum pertinet, quæ occurrere stipulatori non potuerunt: sed generaliter ad ea omnia, de quibus specialiter cautum non fuit: est enim generalis: proinde omnes casus doli continet, nisi qui sint, qui excipiuntur, neque excipiuntur alii, quam ii de quibus nominatim cavetur. *d. L. doli, infr.* Fieri autem potest, ut et de iis rebus specialiter non caveatur, quæ tamen stipulatori querenti occurrere potuerint. Quid enim, si querere noluit, aut sciens complecti non curavit, generali doli stipulatione contentus? proinde et ad has quoque doli clausula pertinebit. Quod si pertinet: sine vitio hi casus in hac definitione prætermitti non possunt. Eduguntur hæc vitia si incertos casus accipimus non definitos, non nominatim et aperte comprehensos: sic enim et recte distinguuntur a Iuliano incerti casus ab iis, quæ occurrere non possunt: et definitioni nihil deest. Interim ut ad hos omnes casus pertinet doli clausula,

ita illud manebit, quod dixi, eam ad hos solos pertinere, non item ad eos, de quibus nominatim cavetur: eoque sententia definitionis Iuliani hoc loco intelligenda est. Hic ergo non abs re quaeritur, cur placeat eam clausulam pertinere ad incertos tantum casus; nam, ut dixi, clausula generalis est: constat autem generali verbo omnes species eius generis contineri. *L. si servus supr. de ser. præ. urb. L. Mævius, §. duorum, supr. de leg. 2.* Dicendum est, sic oratione generali contineri omnes species generi subiectas, nisi aut exceptæ sint, aut frustra includantur. Altero enim modo efficitur, ut non continentur de sententia loquentium: altero ut continentur iustiliter, quod tantumdem valet. Horum autem alterutrum in proposito accidit in iis rebus, de quibus nominatim cautum est. Prius quidem ratio iuris facit, ut quæ ita specialiter comprehensæ sunt, hæc de generali doli clausula, quæ subiecta est, exceptæ intelligantur. Sic enim est regula iuris. † in toto in re generi per speciem derogari. *L. in toto; infr. de regul. iur. L. sanctio, infr. de pæ.* Cuius hæc est sententia: quoties de re aliqua generaliter et in universum constitutum quid est, si quid de specie una aut pluribus ei generi subiectis specialiter cautum sit, semper speciem ex genere exemptam videri, eoque ad definitionem generalem non pertinere: idque observari non solum in legibus; sed etiam in privatorum voluntatibus, tum supremis, tum contrahentium. *d. L. sanctio, de pæ. L. si peculium, supr. de manum. testam.* Ducta quidem regula est ex hominum more et sensu: quorum in his quæ agunt, ea mens et cogitatio esse intelligitur, ut aliquid agant, neve frustra fecerint quid, aut sibi caverint. Frustra autem de quibusdam specialiter sibi cavent, si volunt ea ad definitionem generalem, quam subiciant, pertinere. Sed quia hæc mens non occurrit omnibus, cum in coniectura voluntatis posita tantum sit: ideo satis est de eo, ex regula iuris statui: ea est autem, quam dixi, semper speciem ex genere excludi. Neque aliud placuit in his verbis legis Aquiliæ, quidve nuserit, fregerit, ruperit iniuria: quæ sunt ex tertio capite in *L. si servus, §. huius, supr. ad leg. Aquil.* sed et hic verbum *ruperit*, quamvis generale, ad priores species, *nati et fracti*, de quibus ante nominatim cautum erat, pertinere intelligendum est: argument. in *L. sed etsi, §. deinde, supra, ex quib. caus. manum.* † Non negat Ulpianus hoc in *d. L. si servus, §. cum eo, ad leg. Ag.* cum ita scribit

bit: *Et non negat Celsus fractum etustum contineri rupti appellatione: sed non esse novum, ut lex specialiter quibusdam enumeratis generale subiiciat verbum, quo specialia complectatur.* Nam, ut id obiter explicemus, in his verbis, *quo specialia complectatur*, Quo positum est pro *Ut*; non autem ut significet, *quo verbo*. Sic res habet: lex interdum subiicit generale verbum, ut specialia complectatur, et quidem omnia: sed non ut complectatur omnia eo generali verbo. Expressa complectitur iis verbis, quæ præcesserunt: non expressa autem verbo generali, quod ad eam rem subiectum est. Ita consequitur, ut nihil omittat, sed complectatur omnia quæ ad id genus pertinent. Ut autem dicamus legem subiicere verbum generale, *quo*, id est, quo verbo, sive ut eo verbo specialia omnia complectatur, etiam ante expressa, nulla ratio patitur ne probabilis quidem. Est enim non tantum supervacuum, sed etiam aperte ridiculum. Nam ubi quædam ante nominatim comprehensa sunt, otiosum est ad ea amplius significanda aliud verbum addicere, cum de his cautum sit satis. Sed illud plane est ridiculum, si lex specialia iam ante enumerata complecti volens putat se id melius consequi posse verbo generali, quam specialibus ante expressis: cum his res certo designetur, quia nominatim et distincte: verbum autem generis obscure, quia universim et indefinite. Ergo quibusdam specialiter enumeratis subiicit lex interdum generale verbum, ut complectatur omnia specialia: sed ut complectatur suis quæque verbis: expressa quidem suis et distinctis, quæ ad eam rem comparata e-

rant: reliqua generali verbo, non item priora; quia adiectio generalis verbi eo non pertinebat, neque vero ad eam rem erat necessaria. Unde colligi vult cum Celso Ulpianus tametsi verbo *rupti fractum etustum* continetur; non ideo tamen hæc duo posteriora esse in lege supervacua, aut exprimi, non debuisset, propter verbum generale *rupti*, quod subiicitur: quia scilicet verbum generale non eo subiiciatur, ut ea exprimat aut contineat, quod ineptissime fieret; sed ut ne quid desit ex specialibus, quæ omnia prioribus enumeratis complecti non potuit. Ita etiam in his tribus verbis, quæ in tertio capite legis Aquiliæ coniunguntur, *usserit, fregerit, ruperit*, apparet regulam iuris suam vim obtinere, ut nec verbum *rupti* generale ad species ante expressas pertineat, quasi enumeratione speciali ex genere exemptas: quod et in clausula doli quibusdam doli casibus nominatim enumeratis subiecta probandum est. Sed cur laboramus in hac ratione confirmanda, cum etsi per se verissima sit; tamen possit superior definitio ea carere? Denique enim generali doli clausula et verbis, et cogitatione contrahentium eisdem doli casus contineri. Hac ipsa ratione maxime efficitur, ut ad eos non pertineat, quia hæcenus nulla sit. Huc enim denique redibit hæc comprehensio, ut bis de iisdem casibus cautum intelligatur. Ita etiam posterior stipulatio generalis hæcenus erit inutilis; id est, nulla, ut docimus ad *L. qui bis; supr. eod.* Non potest dici ad alios casus pertinere, quæ nulla est: non potest, quæ est inutilis, ad alios casus prodesse, ut de iis ex ea agatur.

Ad L. In stipulationibus. 54.

Idem libro xxii. Digestorum.

In stipulationibus alias species, alias genera deducuntur. Cum species stipulamur: necesse est inter dominos et inter heredes ita dividi stipulationem, ut partes corporum cuique debebuntur. Quotiens autem genera stipulamur, numero fit inter eos divisio: veluti cum Stichum et Pamphilum quis stipulatus, duos heredes æquis partibus reliquit, necesse est utrique partem dimidiam Stichi et Pamphili deberi: si idem duos homines stipulatus fuisset, singuli homines heredibus eius deberentur.

SUMMARIA.

1. Quæstio et argumentum huius legis. et n. 4.
a. Stipulatio inter quos iure dividatur.

Tom. XI.

3. Quota pars iis, quibus acquiritur pro parte stipulatio, debeatur.

64*

5. Co-

5. *Corporum partitione divisio quomodo fiat.*
6. *Numero quomodo.*
7. *Speciebus in stipulationem deductis singulorum corporum debentur partes: in generibus numero fit divisio. et n. 17.*
Id an perpetuum, vide n. 19. et 22.
8. *Corporum et rerum partes quædam divise, quædam indivise.*
9. *Res una quoties in partes dividi dicitur, intelliguntur partes indivisæ, non divise.*
10. *Partes divise aut indivisæ quæ.*
11. *Indivisas iuris intellectus, non corpore constare.*
12. *Partium indivisarum usus, in quibus consistat.*
13. *Divisio naturalis, quæ res in partes distinctas secantur, cur in proposito non servetur.*
14. *Species quid, et unde dicatur, et quid inter IC. et Philosophos in usu huius verbi interit.*

15. *Genus quid.*
16. *Genus et species inter se quid differant.*
17. *Res quæcunque in stipulationem deducuntur, aut species aut genera sunt, aut ad horum alterum referuntur.*
20. *Pecunia, quæ in arca est, promissa, quomodo inter duos stipulatoris heredes fiat divisio.*
21. *Species numero nominatim adiecto in stipulationem deductæ, quomodo dividantur.*
23. *L. Cum Stichus infr. de sol. declarata, eiusque vera lectio demonstrata.*
24. *Generum plurium, non unius stipulationem numero dividi.*
25. *Generum et specierum dividendarum, cur diversa ratio a veteribus introduca.*
26. *Numeri divisio in generibus sola recepta, quæ commoda tribuat.*

1 CUM inter aliquos dividitur iure stipulatio: non est satis intelligi eam dividi, sed etiam quatenus, et quomodo dividatur, cognoscendum est; alioqui quid et quantum cuique acquiratur, erit incertum. Quomodo in his stipulatio dividatur, ea pars est, quæ hoc loco explicatur, sed frustra et sine ullo fructu, nisi prius statuerimus esse, inter quos stipulatio dividatur iure: et qui nam hi sint; tum quatenus inter eos dividatur stipulatio, tenemus: his enim non constituitur; quæstio ex his consequens ubi consistat, non habet. Ut igitur inde accessarit hic locus, unde oportet, intelligaturque huius quæstionis et loci et usus: † sciendum est inter eos, quibus aut per se aut per alios stipulatio acquiratur, esse, quibus acquiratur in solidum; esse, quibus acquiratur pro parte, si modo res, de qua agitur, divisionem recipiat. Quod tunc præcipiendi locus est, cum circa vim et potestatem stipulationis quæritur, quantum cuique, cuius ea stipulatio est, debeatur, tantum ei ex stipulatione petere liceat. Quibus acquiratur in solidum, infiniti sunt: quibus pro parte, pauci et certi; itaque ex his de utroque genere nullo negotio statuetur. Acquiratur stipulatio pro parte iis, inter quos ea iure dividitur. Dividitur autem, cum aut plures rem eandem ab eodem una conceptione verborum stipulati sunt; aut unus quidem stipulator est, sed ab eius persona stipulatio transit ad alios; quod fit aut statim, cum servus communis plurium dominorum, vel bonæ fidei possessorem, vel fructuarius stipulatus est; aut ex eventu, cum stipulator decessit pluribus relictis heredibus. Nam plures eandem rem simul stipulando

perinde habentur, quasi singuli partem stipulati essent. *L. reos §. 1. infr. de duob. reb.* Servus communis omnibus dominis acquirit pro parte. *L. 5. infr. de stip. ser.* Quod de dominis dico, de omnibus intelligendum est, qui in hoc iure acquisitionis pro dominis habentur, bonæ fidei possessores et fructuarii, pro ea distinctione qua explicatur sub titulo, de stipulatione servorum, *infr. et §. de his, et seq. Instit. per quas pers. nob. acq.* Stipulator autem hereditaria certo iure inter heredes dividitur, ut et cæteræ res hereditariæ *L. 2. §. ex his, supr. eod. L. heredes, §. an ea, supr. fam. erisc.* Atque hinc est, quod hoc loco cum de ratione dividendæ stipulationis inter aliquos agitur, mentio sit dominorum et heredum, inter quos ea fiat divisio. Non est satis intelligi stipulationem his acquiri pro parte, ut sciamus quid sit illud, et quantum, quod iis debeatur; de quo hic præcipue agitur: nisi etiam de ea parte constet, et quota sit, et qualem eam intelligi velimus. Nam neque inter omnes, inter quos stipulatio dividitur, partes sunt æquales; et in iisdem partibus sive æqualibus, sive inæqualibus varia sunt genera partium, seu varia ratio dividendi: quapropter et de utroque constituendum est. † 3 Et quota ea pars sit, de qua agitur, in supra scriptis personis, iisdem illis locis satis comprehensum est, quibus et de dividenda inter eas stipulatione ius statuitur. Qui eandem summam ab uno stipulati sunt, si adiectum non sit, ut duo rei stipulandi essent, pro numero personarum dividitur inter eos stipulatio, quasi virilem, idest, æqualem partem singuli stipulati essent, *d. L. reos, §. 1. de duob. re. arg. in L. cui fundus, supra*

pra de con. et dem. Servus communis quod stipulatus est, dominis acquirit pro ea parte, qua dominium in eo habuit, *d. L. 5. infr. de stip. ser.* Stipulationem autem hereditariam transire ad heredes constat proportionibus hereditariis. *L. ea quæ, C. fam. etc.* Sed cum hoc constituerimus: restat etiam illa altera questio. Ad illas partes vel æquales, vel dominicas, vel hereditarias obtinendas quomodo stipulatio dividatur: quoniam, ut dixi partium varia genera sunt, et totidem divisionum: neque omnia idem præstant: ut multum et ad voluntatem eorum, ad quos ea res pertinet, et ad eorum commoditatem referat, quenam ex his potissimum intelligamus. † Hanc partem tractat hoc loco Iulianus, de qua statuit in summa ad hanc sententiam: Rebus pluribus in stipulatum deductis dupliciter stipulationem dividi posse, nam aut corporum et rerum partitione divisionem fieri, aut rerum numero. 5 † Corporum partitione, cum singula corpora dividuntur in partes. † Numero, cum singulis rebus integris et indivisis manentibus summa tantum et numerus rerum stipulatione comprehensarum dividitur in alios numeros minores: ut cum decem dividuntur in quina; duo in duas unitates: et in summa aut res singulas dividit, aut rerum numerum. Utramque hanc divisionem non omnibus rebus promissis convenire: † referre, utrum in stipulationem deducantur species, an genera. Si species; singulorum corporum divisionem fieri, et cuique eorum, inter quos stipulatio dividitur, partes deberi: Si genera; tum fieri numero divisionem. Quod sic accipere debemus, divisionem non corporum, sed stipulationis: ut et ipse exprimit postea in §. *operarum*, et expressum est aliis quoque locis, ut *L. si centum, infr. eo. et L. cum Stichus, infr. de sol.* Quod obiter monendum putavi, ne quis cum vulgo ita nostros loqui existimet, ut dicant res promissas aut corpore, aut numero dividi: quod imperite diceretur. Neque enim rebus omnibus in se ipsis indivisis manentibus dici possunt ipsæ res dividi; etsi ex decem uni attribuantur quinque, alteri quinque: hæc enim decem, idest, numeri divisio est, non corporum. Sed redeo ad distinctionem superiore divisionum: quam exemplis ita explicat Iulianus, ut dicat si Stichus et Pamphilus in stipulatum deducti sint, et stipulatoris duo sint heredes ex æquis partibus; non uni Stichum, alteri Pamphilum, sed utrique Stichus et Pamphilus dimidiam partem

deberi. Si promissi sint generaliter duo homines, deberi singulis unum hominem, non duorum partes: cum qua sententia penes omni ex parte congruit *d. L. cum Stichus, infr. de sol.* Postulat hic locus, ut quædam explicemus, primum de harum divisionum generibus: deinde de ea distinctione quæ res certæ tantum dicuntur hoc aut illud genus admittere. De generibus harum divisionum videndum, an hæc sola dividi genera sint, an plura. Et sola esse certum est, si quis modo genera summa consideret. † Sed eius generis partium, in quas singulæ res dividuntur, quas corporum et rerum partes hic dicimus, duæ sunt species. Quædam sunt divisæ partes, quædam indivisæ. *L. 5. infr. de stip. ser. L. recte, §. ult. infr. de verbor. signif.* Quæritur igitur, unam ex his hic intelligamus, an utramque; et si unam, utram accipiamus. † Et generaliter hoc tenendum est, cum dicitur rem unam aliquam in partes dividi, in usu iuris intelligi partes indivisas, nunquam divisas. *d. L. 5. infr. de stip. ser.* ut non dubium sit, quin eas hoc loco accipere debeamus. † Divisæ partes sunt, discretæ, et separatæ aliæ ab aliis, ut iam non amplius uno corpore teneantur, sed singulæ unum corpus efficiant, atque adeo non iam singulæ pars sint, sed totum. *L. si quis duas, §. 1. supr. com. præ. L. nam. satis, supr. si ser. vin. d. L. recte, §. ult. de verb. sig.* Indivisæ, quæ ita sunt partes, ut non sint discretæ, sed confusæ invicem; denique quæ statum rei non mutant, quæ non faciunt, quominus integra res sit, ut prius. † Et quenam esse possunt hæc partes, quæret aliquis, post quas nihilominus res maneat integra, idest, indivisa? natura non sunt; intelliguntur tantum, et meute ac cogitatione distinguuntur: unde dicuntur ab Ulpiano in *d. L. 5.* intellectu magis haberi: quam corpore. Magis, positum ad electionem significandam, non ad comparationem: nullo modo enim habentur corpore, idest, corporis divisione, ut alibi hoc expressit Papinianus, *L. Mævius, §. duorum, supr. de leg. 2.* Sed si quærat utrum dicendum sit potius, consistere istas partes intellectu, quam corpore, magis est, ut dicamus intellectu. Constant tamen intellectu, non quia quisque eas sibi fingit, et concipit animo; sed quia ius eas constituit; quia eas in re aliqua vult intelligi, ut secundum eas cuique sociorum ea tribuantur; quæ ius ad singulos vult pervenire. Unde rursum dicuntur a Papiniano obtineri non simpliciter intellectu, sed iuris intellectu. *dict. L. Mævius, §. duo-*

- 12 §. *duorum*, *supr. de leg. 2.* § Sed frustra hæc intelligentur iure, si intellectus eorum nullus est usu: et quis poteat, dixerit aliquid, natus esse eorum partium, quæ nusquam aut, et quæ etiam si sint, tamen ab iis ed quos eaa pertinere volumus, separari et tanquam propriæ obtineri non possunt? Utilitas earum cernitur in fructuum et obventionum perceptione. Nam cum fructus dividi possint, eos etiam singuli divites et sibi propria ferent pro e parte domini, quam iuris intellectu in corpore rei obtinent. Ita fiet etiam, ut in his habendis videantur singuli separatas rei partes habere: quoniam fructus cuiusque rei emolumentum eius rei continet. *d. L. Mancius, §. pen. de leg. 2.* ¶ Enimvero cum naturalis ait hæc divisio, ut res secetur in partes distinctas, ut cerni tuncque possint: cur non hæc potius sequimur; præsertim ex qua sole partes possidere, et soli sibi habere liceat? quia ut utilitati, sic voluntati dominorum, et eorum, qui partes rei habere volunt, quam maxime adversatur. Interest enim eorum partes habere rei integre, eoque quam maxime utiles: nec dubium est, quin tales sibi contingere expectant. Nulle autem res in partes certas et separatas dividi potest, quin eut emittatur, eut deterior fiat: certe eæ divisione desinit esse, quæ prius fuerat. Animal si dividis, occidis; navem si secas; perdis; fundus autem regionibus non incommode dividendi poteat, tamen ita divisus non est is, qui fuerat, sed pro uno duo esse incipiunt. *d. L. si quis duas, §. 1. com. præ.* Ob eam causam inventæ sunt et excogitatæ iure eæ partes, quibus consuleretur dominis corpora cuiusque: idest, quæ re integra manente, nihilominus tandem fructus afferrent singulis, quantum sepeate, atque etiam amplius, etsi hæc sine detrimento corporis prioris contingere potuissent. Hæc de dividendi ratione, deque divisionum partibus nunc de eo, quod herum divisionum uniusqueque certis rebus tribuitur, videamus. In quo hæc spectanda sunt; primum quæ sint res, in quas istos modos cadere dicat Iulianus: et satine illis rebus omnia genera rerum sit complexus: deinde sitne ius perpetuum, ut eæ res his modis dividantur, non aliter. Postremo cum in dividendi ratione aliæ distinguantur ab aliis: quæ sit huius iuris et distinctionis ratio; cum pariter in utroque genere res corporales, et quæ natura divisionem recipient, proponantur. Res quas distinguit in hac questione, sunt quas vocat species et genera. Verba. ut vul-

quo existimator, notae significationis, praesertim ut sunt exempla huius loci, quibus ad haec indicande Iulianus utitur. Mihi autem in his esse videtur eliquod, quod monitore indigeat cum ad rationem verborum, tum etiam ad significationem ipsam; proinde de his pauca dicam. ¶ Et de speciei verbo convenit inter omnes, quod et verum est, speciem hoc loco a Iuliano dici non id, quod est Dialectica species; sed quod illi vocent *individuum*: id est, corpus certum, rem unum aliquem ab aliis distinctum numero: quae et ipsa certa sit; id est, quae eut suo nomine, aut alie demonstratione ita designetur, ut dici possit hanc illam esse, quae designata est. Id Iuliani exempla autis declarant. Hinc enim species duae dicuntur Stichus et Pamphilus, certi videlicet homines: homo autem non species, sed genus. Hancque usum esse verbi apud auctore Iulian non hoc loco tantum; sed et aliis multis observare possumus, quoties de rebus praestandis agitur, et illi speciem nominant. Ut cum species dicitur legata: *L. talis, in fin. L. cum res*; §. 1. *supr. de leg. 1.* Cum dicitur promissa, ut hoc loco. In quo observandum est quid dicamus; non enim dicimus rem certam nostram *speciem* dici, quanquam et hoc verum est; sed hoc amplius dicimus, *speciei* verbo cum de rerum praestatione agitur, solam hanc rem significari, quae nra, et certa sit; et cum absolute nominatur species, hoc verbo non elius intelligi, quam certam corpus. Ex quo apparet propriam nostrorum esse hanc huius verbi usurpationem: nam apud Dialecticos et alios auctores reperitur, pauci quidem, reperitur tamen, qui aliquos homines species hominis vocent: sed nulli adhuc sunt inveni, qui hoc verbum proprium rerum singularum et individuum esse dicent: nulli, qui cum species absolute nominatur, non intelligerent hoc verbo generaliter significari ream generi alicui subiectam, sive ea essent, sive universales. Ut puta, hoc verbo *omnes* dici intelligunt etiam substantiae species, animatum et inanimatum; animalis species, hominem et brutum, non autem in genere hominum singulos tantum homines. Nostri vero, ut dixi, hoc verbo solam rem singulam, tum de rerum praestatione agunt, sive verbum per se ponatur, ut in *d. L. talis, in fin. et d. L. cum res*, §. 1. *supr. de leg. 1.* sive opponatur verbo generis, ut hoc loco, et *L. 2. supr. si cer. pet.* Hoc eo moneri oportet diligentius, ne usu aliorum probetorum euctorum communi decepti, in iure

definitionis proposita erremus; simul ut nonnulla quasi novitate verbi permoti quæramus, quam recte nostri hoc verbo ita utantur. Nam si illi recte: videri possunt nostri non recte, qui ab illorum usu discesserint; et maxime Dialecticorum; quorum propria sunt ista, quæ disserrantur de genere et specie, et a quibus in generibus rerum exprimendis hæc verba nata sunt. Et quocunque modo verbum speciei alii usurpent, semper hic tenebimus nostris constare huius usus et appellationis rationem. Omnes enim concedunt speciem dictam esse a *specie* antiquo verbo, quod video et spectro significat. Necesse est igitur eam rem significantissime et maxime proprie speciem dici, quæ verbi eius, unde dicitur, vim et significationem quam maxime retinet: id autem sit, cum species dicitur res nobis ita exposita, ut spectari, tanquam possit: quod in solis corporibus contingit, quæ certo nomine aut alio aliquo modo demonstrata sunt. Quid ergo, dicit aliquis, tam multi excellentes philosophi, tam multi ex omni genere probati auctores aut hoc non viderunt, aut hæc ratione contempta aliter usurpare maluerunt? Imo verum et viderunt illi, et ne quis illorum auctoritatem in huius verbi usu repudiet, eandem verbi notationem, eandem significationem in summa, quam nostri, secuti sunt, et speciem et ipsi vocarent quod spectaretur in rebus. Sed in re inter nostros et illos hoc interest, quod nostri de commutationibus rerum et translationibus agentes, in quas res corporales et singulæ, non universales cadunt: dum instituto faciunt convenienter; speciem dixerunt, rem quæ spectaretur oculis, et tangeretur manu, non quæ intelligeretur animo. Dialectici autem dum res multas una communione naturæ complecti, et tanquam ponere ob oculos volunt, rem a sensibus corporis ad animam revocantes, speciem dicunt rem, quæ et ipsa spectetur quidem, sed animo; ea est forma at velut imago multarum rerum ratione quadam naturæ similium communis animo comprehensa, quæ ad singulas res propius spectandas utimur, ut quemadmodum ipsa cernitur animo, sic et ex ea spectentur res singulæ, dum unaquæque earum nobis proposita, et ad notionem animo informatam tanquam ad exemplar quoddam translata, facile pro ea quæ et communioni subiecta sit, agnoscitur. Sed de verbo speciei satis.

- 15 † Quod ad generis nomen attinet, diligenter animadvertendum est, non hic dici genus neque id quod Dialectici vocant genus superius, neque id quod vocant speciem in-

finiam, cum huic speciei individua subii-
ciant, in quo falli facile est: denique cum
genus promissum esse, legatum esse, præ-
standum esse dicitur: quod hic dicitur ge-
nus, te ipsa nihil minus esse, quam ge-
nus. Sive enim hoc verbo accipimus tantum
id, quod in scholis vocant genus, ut ani-
mal; sive id etiam, quod appellant speci-
ciem tantum, ut hominem, ut probati au-
ctores omnes sine hesitatione loqui solent:
certe utroque modo semper generis verbo
verbum commune intelligitur ad multas res
naturæ similes ita pertinens, ut eas etiam
contineat: cuiusmodi est homo. Hominis si-
ve genus sive speciem malum dicere, uno
nomine omnes homines continet, et qui ho-
minem dicit, significatione verbi omnes
complectitur. Nec quisquam est apud Dia-
lecticos, aut eos, qui ex proprietate verbi
loqui volunt, qui unum hominem genus
vocat multoque minus duo homines dicunt
duæ species, aut duo hominum gene-
ra: est enim omnium hominum genus un-
um, non duo aut plura. Genus est, quod
homines continet: homines sunt, qui eo
genere continentur: quæ ita sunt contra-
ria, ut quod de uno dicitur, id in hac re-
pugnantiâ naturæ de altero dici non pos-
sit. Nunc autem genus hic dicitur res una
ex toto genere. Id enim genus hoc loco Lu-
liano est homo, qui cum unus promitti-
tur, dicitur genus in stipulatum deduci;
cum plures: dicuntur genera deduci. At
cum homo generaliter promittitur, nihil
amplius intelligitur promitti, quam unus
ex omnibus. L. 2. §. 1. *supr. L. in ex-
ecutione*, §. *pro parte*, *infr. eod.* Quemad-
modum et legato homine, unus homo con-
tinetur legato, eoque soluto tam liberatur
heres, quam si nominatim Stichus esset le-
gatus. L. *cum incertus* §. *inpr. de legat. 1.*
sed et hic duo homines *duo genera* appel-
lantur, ubi constat a Iuliano duos homines
distinctos intelligi. Neque aliâ generis si-
gnificatio est apud Paulum in L. 2. *in princ.*
supr. si cert. pet. cum enim dicitur in ma-
tino non eandem speciem reddi debere, sed
idem genus: perspicuum est hoc cum non
dicere; totum genus reddi debere, seu
omnes summas eodem genere comprehen-
sas sed debere reddi unam quidem, verum
non eandem illam numero, quæ data est,
sed unam quæ sit ex eo genere. Ut appa-
reat his locis, et generaliter quoties verbo
generis Iurisconsulti res appellant, de qua-
rum obligatione et præstatione agunt, to-
ties hoc verbo significari rem unam ex to-
to genere ab aliis distinctam, designatam
verbo generis. Nam quod Papinianus in L.

Mævius, §. duorum, *supr. de leg. 2.* scribit hominis legatum orationis compendio singulos homines, id est, omnes singulos continere, sic accipiendum est; ut contineat non collectum, ut præstentur omnes: sed disinctum, ut liceat unum aliquem præstare ex omnibus. Atqui res una ex genere citra controversiam non est genus, cum longe aliud sit, quod continet aliud quod continetur; longe aliud totum, aliud pars: neque mutat naturam rerum, si res una ex universo genere verbo generis appelletur. Car igitur a nostris dicitur genus, cum non sit? nempe propter nomen generis, quod ei tribuitur: promittitur enim homo, non hic aut ille, sed homo generaliter et infinite, sive sub appellatione generis. Ita hic genus dicitur non re, sed nomine tenus; genus, non quia sit, sed quia nomine generis utatur: ut perspicuum sit non ex vero, sed ex abusu nominis genus

- 16 potest intelligi, si quaeratur, quid intersit hoc loco inter genus et speciem, non esse harum rerum differentiam ex multitudine et numero rerum metiendam, quasi genus sit, quod multas res continet: species res una ex multis, quæ sub eo genere contineantur. Numerum rerum si spectamus, inter hæc nihil interest: cum et generis et speciei verbo non plures res contineantur, sed una dumtaxat: numerum si spectamus, interdum multo minus hominis stipulatio continet, quam Stichi: quia fieri potest, ut Stichus sit magni pretii; ex hominis autem generaliter promissi stipulatione electio est debitoris, cui licet vilem hominem eligere. Sed discrimen positum est, in designatione rerum; in incertitudine denique, aut in certitudine appellationis. Species est, res una ex genere; sed suo et proprio nomine appellata; et ideo certa. Genus res quidem una ex universo genere itidem ut species; sed designata verbo generis, et communis: proinde et incerta, ut est generale omne nomen et commune, incertum; quia indefinitum. Quibus de vi verborum cognitis; cum aliam divisionem speciebus, aliam generibus tribuit hoc loco Iulianus; apparet
- 17 hoc cum dicere, † cum de divisione stipulationis agitur, rebus certis promissis, singula corpora dividi: rebus incertis, idest, generaliter et indefinite promissis, sic singula corpora indivisa manere, ut ea unicuique ex creditoribus in numerum cedant, ut idem loquitur paulo post, idest, ad certum numerum divisa cuicunque acquirantur. † Sed
- 18 cum duas hasce res tantum nominet Iulianus, species et genera; videturne his

duabus omnia esse complexus, quæ in stipulationem deducuntur, et de quorum divisione agi potest? Quid enim, si quantitas promissa sit, idest, id quod pondere, numero, aut mensura constat; ut decem aurei, decem modii tritici, decem amphoræ vini Campani? nam hic utriusque generis demonstrandi causa exemplis tantum certorum hominum, et hominum generaliter promissorum Iulianus usus est: quantitatis nullam mentionem fecit. Quid, si plures operæ sint promissæ, res non in dando, sed in faciendo consistentes? Et corpora omnia dubium non est his duobus satis contineri, cum pariter subsistant omnia, et pariter aut certa sint, aut incerta. Nam de quantitate cur dubitetur? omnia enim hæc: aurei, triticeum, vinum, et similia, nomina sunt generis, idest, communia, ad infinitas aureorum, tritici, vini species pertinentia. Itaque et ad nomen generis hic referenda sunt; nec minus et ad definitionem de generibus hic traditam pertinent, de quibus in *L. cum Stichus, in fin. infr. de sol. ab Ulpiano* nominationem ita scriptum est: *sed in nummis, et oleo, ac frumento, et similibus, quæ communi specie continentur, apparet hoc actum, ut numero dividatur obligatio.* Sed cum omnia verbo generis contineantur, non fuit, cur ea tanquam tertium quoddam genus separatim ad definitionem Iuliani adiceremus. Eadem causa rei incorporalis, quæ divisionem recipiat: ut usufructus duorum fundorum, quem aut duo ab eodem domino simul stipulantur, aut stipuletur servus communis. Ususfructus enim cum sit in corpore fundi, etiam eius corporis divisionem sequitur, si ve pro diviso fundus dividatur, si ve pro indiviso. *L. 2. et L. 5. supr. de usufr.* Proinde ut erunt fundi certi, aut incerti, quorum usufructus in stipulatum deductus erit, ita aut singulorum fundorum usufructus pars cuicque debetur, aut unus fundi usufructus uni cedit: alterius alteri: sic enim fit, ut aut specierum usufructus in stipulatum deductus intelligatur, aut generum. Quod si res facti in stipulatum deducta sit, ut plures operæ, sic de eo genere agit Iulianus, quasi ad species aut genera non pertineat, et ideo constituit tertium quoddam genus, eius ratio separatim tractanda fuerit. Nam et de operarum stipulationis divisione separatim agit; et de ea ita scribit, ut dicat generum stipulationi esse similem: nullum simile idem. Et certe proprie et species et genera dicuntur res, ut sunt ea, quæ de istorum verborum usu ante disseruimus:

ruimus: quo sensu facta etsi incerta, non sunt genera: proinde nec opere. Facta enim res non sunt; quinimo hæc ab illis ut species contrariæ distinguuntur in §. ult. *Inst. eod.* Sed hoc recte dicitur, cum specialiter rei verbum usurpatur. Cæterum generaliter rei verbo continentur et facta, et quidquid est, quod geritur in rebus humanis; præsertim cuius aliqua obligatio et præstatio est: ut non sit absurdum operas tot dierum vocare genera ex superiore definitione. Nam si operæ res sunt, sunt certa generaliter et indefinite promissæ, postquam dies generaliter nominati sunt, non hi aut illi dies, quorum præstarentur operæ. Quo fit, ut specierum et generum enumeratio satis et operas plures incertorum dierum, ac proinde res omnes sit complexa. Verumtamen ne quis de eo litigaret, an operæ tot dierum genera dicenda sint, maluit Iulianus et de iis separatim præcipere. Interim de iis ita scribit, ut quamvis concesserit earum stipulationem non esse stipulationem generum; tamen dicat esse illi similem: ideoque divisionem huius stipulationis non in partes operarum, sed in numerum cedere. Et recto operarum stipulationem illi alteri similem facit: nam ut in pluribus hominibus generaliter promissis; sic in operis accedit, ut plures res, certo plura facta generaliter et indefinita promittantur, ut dixi. Ex quo colligimus, quæcunque in stipulatum deducuntur, si re species aut genera non sunt, similitudine certe naturæ et rationis ad harum alterum referri: ut proinde et iure harum rerum continentur.

- 19 † Iam videamus, quod in hac definitione secundo loco spectandum esse diximus, sitne hoc ius de divisione stipulationis exploratum et perpetuum, ut in speciebus omnibus singulorum corporum debeantur partes; in generibus numero fiat divisio: est enim in utroque genere rerum, quod videatur posse dubitari. Et quidem inter species dubitationem mihi habere videtur certa summa, omnique corporis certum quod poudere, numero, mensuræ constet. Finge promissam esse pecuniam, quæ in illa arca est; frumentum quod est in illo horreo; vinum quod est in illa apotheca. Convenit in his omnibus, ut certum corpus, ita et speciem contineri; sic enim diserte scriptum est in *L. talis, in fi. et L. cum res, §. 1. supr. de leg. 1.* † Quid fiat igitur si duo sint stipulationes heredes ex æquis partibus, et centum anrei in cista fuisse proponantur? absurdum sit omnino istam summam aliter inter eos dividi, quam ut

Tom. XI.

singulis exsolvantur quinquaginta: id est, quam ut inter eos numero dividatur ea summa pro parte hereditaria: cum hæc divisio neutri noceat ulla in re, utrique summe prosit. Ut autem singuli aurei communes inter heredes fiant, non tam sit ipsis inutile, quam ridiculum: quoniam nihil sit in numeri divisione incommodi, quod motui debeat. Et vero ita certum corpus pecuniæ debitæ heredibus exsolvendum esse responsum est in pecunia in sacculo signato deposita, quam unus ex heredibus eius, qui deposuit, repetitum venit, in *L. 1. §. si pecunia, supr. depo.* Atqui Iulianus generaliter definit, cum species stipulamur, necesse esse inter dominos et inter heredes ita dividi stipulationem, ut partes corporum cuique debeantur. Ego si de divisione ipsius pecuniæ agatur, non aliter divisionem fieri posse aut debere concedo, quam numero, ut et commodissimis promissoris, ac stipulatorum exigit, et confirmatur in *d. L. 1. §. si pecunia.* Sed hoc non efficit, quinimus etiam in corpore certo, et specie pecuniæ vera sit Iuliani definitio hoc loco, quam de stipulationis divisione ita scribit, non ut dicat partes corporum cuique præstari, sed deberi. Ita est: cum ad exsolutionem et divisionem numerorum ventum erit, quæ fit a Iudice, centum in his quinquaginta inter duos heredes dividuntur: quia aliter a Iudice fieri commodum non potest; interim ante singulorum numerorum partes cuique debebuntur, iuxta definitionem. Neque hoc sine fructu dicitur, partes singulorum numerorum cuique deberi, etsi in exsolutione et divisione singuli tantum ferant integra quinquaginta; pertinet enim hoc ad periculum numerorum inter heredes partiendum. Nam si proponantur quinquaginta ex illa cista vi ablata esse; ea utrique heredi, cui partes eorum debebantur, perierint, non uni dumtaxat. Sed cur, cum singulorum numerorum debeantur partes, non etiam illi ita solvantur, ut heredes habeant partes singulorum, fiantque numeri hoc modo communes: aut si placet numero solutionem fieri, cur non et ab initio placet ita fieri obligationis divisionem, ut sic aut obligationali solutio, aut solutioni obligatio respondeat? Puto ideo, quod cum certa corpora numerorum in stipulatum venerint, ratio stipulationis et obligationis postulet, ut singulorum corporum non solum debeantur partes, sed etiam solvantur; quod autem exsolutio ipsas aliter fit, præter naturam et utilitatem obligationis receptum esse propter commoditatem divisionis, et stipulatorum utilitatem. † 21

65

Quid,

Quid, si numero nominatim adiecto species in stipulatum deductæ sint; puta, duo Stichii promissi, aut duo Pamphili? Sunt, qui species ita promissas numero dividendas scribant. Sed Iuliani definitio generalis est, cum species in stipulatum deducuntur, necesse esse partes corporum deberi; sunt autem species, non genera duo Stichii, non minus, quam Stichus et Pamphilus. Et certe ridiculum est, si duobus Stichis in medio positis, quos quis sibi stipulari velit, dicam interesse, utrum ita stipuletur, hunc et illum Stichum dabis: an hoc modo, hos duos Stichos dabis? cum utraque oratione pariter duo Stichii demonstrantur. Nam quod Iulianus ita scribit, *veluti cum Stichum et Pamphilum quis stipulatus*; exempli causa dictum est, ut appareat: cæterum ipsa definitio, cuius hoc exemplum proponitur, paulo ante generaliter est concepta. Quod si numerus duorum Stichorum adiectus, dissimilitudinem facit, dicendum fuit in divisione stipulationis non fuisse distinguendas species a generibus; sed stipulationes eas, quæ numerum rerum promissarum non expriment, ab iis quæ expriment: ut in illis partes corporum fiant, in his obligatio numero dividatur. Quod longe aliter factum videmus, nempe omnem huius distinctionis rationem in eo positam esse, quod in stipulationibus alias species deducuntur, alias genera. Neque vero quidquam iuvat istam sententiam ea ratio, quæ conantur probare duobus Stichis promissis numero stipulationem dividi debere: quinimo eam maxime refellit. Ambigua, inquit, vox est duo Stichii: atque utriusque rei dimidium duobus modis intelligi potest; ergo duo Stichii non corpore dividendi sunt, sed numero: quia commodior est stipulatoribus numeri divisio. In hac ratione falsa omnia sumuntur, ut necesse sit contrariis antecedentibus positis contrarium etiam consequi. Ambigua vox est, *decem homines* apud Ulpianum in *d. L. cum Stichus, de sol.* sed decem homines, inquam, ubi generaliter homines promittuntur; quemadmodum *decem denarii*: genus enim incertum et ambiguum. Sed non ideo efficitur ambiguum vocem esse, *duos Stichos*: nihil enim ambigue aut obscure dicit qui certam speciem demonstrat: alioqui non esset certa stipulatio duorum Stichorum; omne enim ambiguum incertum: certa autem ea stipulatio; non ergo ambigua: *duo*, quidem et *decem*, ambigua voces sunt: sed duo Stichii non est vox ambigua. Verumtamen demus esse ambiguum non minus, quam illam, *decem homines*; non

ideo tamen duorum Stichorum stipulatio dividenda numero, quia est ambigua: cum in ambiguo sermone etiam alterius modi dimidium possit accipi, ut scilicet singulorum corporum partes debeantur. Immo, inquit, in ambiguo numeri divisio potius accipienda est; quia commodior est promissori et stipulatoribus. Hoc in generibus vere dicitur, in duobus Stichis perspicue falsum est: in quibus uni assignare unum, et alterum alteri, sine manifesta iniuria alterutrius non possumus, de quo paulo post plura. Itaque ut nihil sit aliud, tamen propter unam commoditatem stipulatorum maxime divisio numeri in duobus Stichis reiicienda est. Quid multa? in *d. L. cum Stichus, infr. de sol.* ut est lectio tum vulgaris, tum Pandectarum Florentinarum, aperte scriptum est quod in Stichio et Pamphilo promissis dictum erat, singulorum dimidium deberi, idem esse, si quis aut duos Stichos aut duos Pamphilos dari promisit. Quo uno loco poteramus esse contenti, ne frustra in contraria sententia refellenda laboraremus. Sed illi locum emendandum putant, ut legatur negative, de qua emendatione, et toto eo loco paulo post dicemus. Rata est igitur Iuliani definitio in speciebus, ut in his in stipulatum deductis, hoc ipso quod species sunt, necesse sit corporum partes deberi; et ut debentur, ita consequens est cuique præstari, præterquam in certo corpore nummorum, et similium rerum promisso, ut supra diximus. Idque evenit inter quoscunque stipulatio iure dividatur, idest, et inter dominos, et inter heredes, et inter plures stipulandi reos. † De generibus, si hunc locum sequimur, nulla dubitatio, quin iuxta definitionem Iuliani in omnibus divisio fieri debeat numero, nam cum de his generalis ea definitio est: tum vero ad eam confirmandam exemplo duorum hominum promissorum Iulianus utitur: quorum utrumque, cum præstabitur, certo corpore, et certa divisione natura constare oportet: constat autem homines non esse ex genere earum rerum, quæ pondere, numero, mensurave continentur. Ac de hominibus, et similibus rebus maior dubitatio erat: nam si de iis quæritur, quæ quantitate constant, res est extra controversiam in his numero obligationem dividi: ut de his extat definitio Ulpiani diserte scripta in *d. L. cum Stichus, in fin. de sol.* Sed tamen de hominibus et similibus rebus generaliter promissis, incipitem questionem fecit lectio recepta in *d. L. cum Stichus*, ubi

23 ita legitur: † *Cum Stichus et Pamphilus communi servo promissi sunt, non alteri Stichus alteri Pamphilus solvi potest, sed dimidia singulorum partes debentur*: hactenus sententia cum hoc loco consentiens. Sequitur: *Idemque est, si quis aut duos Stichos, aut duos Pampilos dari promisit*, et hoc quoque cum definitione huius loci, quæ est de speciebus, consentiens. Sequitur, quod dissidet: *aut communi duorum servo homines decem dare promisit*: nam ambigua vox est, cum Accursio dicere liceret, decem homines hic intelligi debere decem homines certos, et specialiter designatos; sic enim vere diceretur et in duobus Stichis et in decem Pamphilis idem esse, quod in Stichis et Pamphilo promissis. Sed nobis hoc dicere non licet, repugnans non solum verbis, sed etiam manifesta Ulpiani sententia: De decem hominibus promissis loquitur Ulpianus, non de decem certis. Homines promissos qui dicit, nec quidquam edicit, homines generaliter promissos dicere intelligitur; ut hoc loco Iulianus, cum duos homines in stipulatam deductos proponit. Hoc pertinet illud Papiniani, hominis legatum orationis compendio omnes homines continere: quod non fit, nisi hominis verbo genus intelligitur. *L. Marcius, §. duorum, de leg. 2.* nec verum hominis appellatio alia est in stipulatione, alia in legato. Quod autem ad sententiam Ulpiani attinet, hæc in his, quæ sequuntur, liquido se ostendit. Sic enim de decem hominibus loquitur, ut de decem denariis: imo hæc inter se comparat, et pariter utramque vocem ambiguam esse dicit. Denarii autem apud illum non intelliguntur certi, sed generaliter et indefinite promissi denarii. Deinde ambiguam vocem esse ait, *decem homines*: quomodo ambigua vox decem Pamphilorum, idest, decem certorum hominum? nisi quis dicat ambiguum vocem esse, decem: quod verum est. Sed *decem homines* dicit Ulpianus, non decem simpliciter. Tum autem si decem homines certos intelligebat, cur non expressit, ut diceret decem Pamphilos esse promissos, ut prius dixerat duos Stichos,

Tom. XI.

duos Pamphilos? Postremo hoc diligenter animadvertendum est si decem homines ille intellexit certos, otiosam esse hanc et nugatoriam de decem hominibus edictionem: satis enim iam prius de duobus Stichis et de duobus Pamphilis expresserat: de quibus si intelligeretur quid esset iuris, non esset metuendum, ne quisquam aliud in decem Pamphilis certis et ipsis hominibus esse existimaret. Quod si decem homines, certos homines Ulpianus intelligit, et in his etiam singulorum hominum partes cuique ex dominis deberi ait, non solum numero fieri divisionem perspicuum est hoc eum dicere, quod Iulieni sententia hoc loco traditæ plane adversetur. Nihil enim ad rem pertinet, quod quidam tentant efficere, quod superius illud scripsit Ulpianus de decem hominibus servo communi promissis: quasi aliud iuris sit in decem hominibus alij promissis; quam servo communi. Nam et Iulianus hoc loco duobus hominibus promissis ait numero fieri divisionem, non solum inter dominos servi communis, sed etiam inter heredes eius, qui sibi decem homines sit stipulatus. Et vero ita est, ut pugnet unus locus cum altero, si vere est lectio *d. L. cum Stichus*, quam supra retulimus, ut legamus, *Idemque est, si quis*. Sed hoc ante omnia statuendum est, eam lectionem defendi non posse. Ad quod probandum si hoc argumento solum uter, quod contrarium hoc loco Iulianus scripsit, ineptus essem: non enim si contrarie verum locorum sententiæ sunt, ideo Ulpianus non ita scripsit, ut in *d. L. cum Stichus*, vulgo legitur: potuit enim a Iuliano dissentire. Sed ipse contextus Ulpiani abunde eam lectionem falsam esse, nec unquam Ulpiani fuisse ostendit; utpote admissa ea sententia quæ repudiet inferioribus Ulpiani verbis: neque id solum, sed etiam quæ sit eiusmodi, ut ei non modo non conveniat subiectæ ratio, sed adversus eam maxime facere intelligatur. Inferiora verba sunt hæc: *sed in nummis, et oleo, ac frumento, et similibus, quæ communi specie continentur, apparet hoc actum, ut numero dividatur obligatio*. Fit ergo numero divisio etiam in his rebus, quæ communi specie continentur. Quid est species communis, nisi genus? opponitur enim communis privata et singulari, diciturque communis ea, quæ multas res sub se continens, ad eas omnes pariter et communiter pertinet: ut, homo species est communis omnium hominum: quia continet omnes singulos homines, qui ubique sunt, eiusque appellatio communiter et ex æquo ad

omnes pertinet. Stichus autem et Pamphilus, et omnino singuli quotquot suot; hominis speciem quidem habent, sed suam et propriam: communem certe non habent. Singuli species dici possunt: communis species dici non possunt: idemque de ceteris rebus omnibus singulis dicendum est. Quid est autem communi specie contineri apud Ulpianum? non utique contineri sub specie communi, sed eius partem esse, eique ut partem subiecti: quomodo dicuntur singuli homines orationis compendio verbo hominis contineri; nam ista ratione etiam singulis hominibus certo et specialiter designatis promissis semper numero fiat divisio: quia etiam hi sub genere continentur: quod at falsum est, et Ulpianus initio eius capituli negat. Sed communis species hoc loco posita est pro verbo communis speciei seu pro verbo generis; ut supra docuimus genus dici, quod habet appellationem generis, seu quod generis nomine appellatur. Contineri autem eo verbo dictum est ab Ulpiano, ut sit, ita comprehendi, ut intra eam appellationem contineatur. Ut in summa contineri communi specie dicantur Ulpiano, quæ appellantur nomine generis, et intra eam appellationem consistent. Sunt, qui his verbis interpretentur eas res, quæ pondere, numero, mensura constant præter eas, quas Ulpianus ex eo genere specialiter annumeraverat; quia dicit *at similibus*. Et sunt sane hæc omnes huiusmodi, quæ et sub specie communi contineantur, et quæ exprimauntur sub appellatione generis: sed non solæ: habent enim et ceteræ res omnes communem speciem suam, et commune genus: utque eo re ipsa continentur; ita et eius nomine appellari ac designari possunt. Ita superioribus verbis hoc exprimitur, non solum in reliquis rebus quæ quantitate constant; sed in universum in omnibus generibus, seu iis rebus, quæ generaliter at communis speciei verbo appellantur, si superior lectio vera est, prius Ulpianus negaverat. Iam vero si ex ea lectione definit, decem hominibus generaliter promissis, corporum singulorum partes deberi: qualis est ea ratio, qua ad id confirmandum nititur? plane nugatoria, at quæ ipsum oppugnat potius. Non enim si ambigua vox est *decem homines*, et eius rei dimidium duobus modis accipi potest, ut ipse dicit; ideo confectum est, eo modo potius debuisse stipulationem dividi, quo dicit, quam altero: prius enim doceret id interpretationi ambiguum orationis convanire, quod longe secus est. Id enim in ambigua stipulatione sumi debet, quod actum

et cogitatum est. *L. eum, qui Calendis, supr. cod. L. ubi. L. cum in testamento, supr. de rebus dub.* Atque id actum esse intelligitur, ut fiat quod commodius promissori stipulatoribusque est. *d. L. eum Stichus, in fin.* hæc enim mens est contrahentium, ut sibi quam maxime consultum velint. Proinde quod ambigua vox est. *decem homines*, hoc uno maxime argumento efficitur, stipulationem decem hominum dividi numero debuisse. Hæc enim divisio contrahentibus commodior, ut idem *eand. L.* scribit in extremo. Hæc ita esse nec viri docti diffidentur; sed morbum vident plerique, restitutionem querunt; quam dum non satis idoneam reperiunt, manentes in vetere lectione malunt ex ea rem expedire, ut possint, quam id tentare, quo invento fortasse reponant deterius. Sunt tamen qui id tentant, et oagationem querunt; quæ io Pandectis Florentinis initio *d. L. eum Stichus*, radundabat (quod declaratur semicirculis, quibus illa inclusa est) ita loco in quo stare non potest, movendam patent, ut ad verba proxima *idemque erit*, transferatur, ne sit otiosa; itaque sic locum restitunt, *Idemque non erit, si quis*; ut his verbis hoc statuatur, io subiectis omnibus exemplis numero fieri divisionem. Laudanda negationis retentio et translatio, si hæc locum admitteret; sic enim fieret, quod frons patribusfamil. accidit, ne quid ex iis quæ parva sunt, deperiret. Sed quominus ea recipiatur, et ratio reiecti sermonis, et sententia conditionis palam reclamant. Primum si contrariam sententiam sublicere vellet Ulpianus, adversativa particula uteretur, aut nulla. Certa non uteretur conjunctiva; cui tunc solum locus est, cum volumus coniungere similes casus, similesque sententias. Itaque ita diceret, *Sed non idem est, si quis*; vel, *Idem non est, si quis*. Nunc autem hanc lectionem esse volumus, *Idemque non est, si quis*: quo modo scribi adversanti sententia omnino non convenit: hoc in ratione sermonis. Quod ad sententiam attinet, consideremus, quænam sit, quæ ex hac restitutione inducitur: omnia quæ unum incommodum vitantes incidimus in alterum, quod non minus cavere oportebat: quod periculum in lectione affirmativa contrario modo metnebatur. Etenim ex hac negatione hoc constituitur, corporum partes non deberi ut prius, sed numero rerum fieri divisionem, non solum tunc, cum decem homines promissi sunt, quod verum est, et cum definitione huius loci convenit; sed etiam tunc cum quis duos Stichos

aut

aut duos Pamphilos dare promissit. Quod posterius cum per se falsum est, atque hoc loco Iuliani satis refellitur; tum vero ipsi Ulpiano id dicere non licet. Cur enim in eo aliud statuamus, quam tunc cum Stichus et Pamphilus promissi sunt, in quibus prius dixerat corporum partes deberi, ratio reddi non potest. Sed hanc sententiam iam supra satis refutavi, cum de divisione specierum agerem. Quapropter nihilo plus ex hac lectione negativa consequimur ad horum locorum explicationem, quam ex vulgari affirmativa. Atqui alteram esse necesse est, dixerit quispiam. Ita est, si legimus, *Idemque*, ut vulgo legitur. Sed si pro his verbis legimus, *Idemne est*, ut locus effertur per interrogationem; unius literæ non tam mutatione quam inversione, u in n, et alterius detractio, quæ facile potuit irrepere apud eos, qui u legerent, nempe q, hoc assequemur, ut res sit expedita. Cum enim statuatur ea sententia, quæ per se verissima est, ac per omnia et in speciebus, et in generibus respondet huic loco: tum sequentia omnia apud Ulpianum mirifice cum principio consentient, et ipsa inter se cohaerebunt, nec minus quo spectent, intelligetur. Est autem hæc sententia: cum statuisset Ulpianus, Stichus et Pamphilus promissis, dimidias singulorum partes quæ domiorum deberi quærit, an et tunc idem sit, cum quis duos Stichos, aut duos Pampilos dare promissit, aut cum promissit decem homines; et rationem adiecit, non cur putet idem dicendum esse; sed cur quærat, an in his idem dicendum sit, quod Stichus et Pamphilus promissis: nam, inquit, *ambigua vox est decem homines*; atque utriusque rei, id est, tam duorum Stichorum, aut duorum Pamphilorum, quam decem hominum *dimidium duobus modis intelligi potest*: nempe aut singulorum dimidium, aut ipsorum duorum vel decem, id est, huius numeri dimidium. Quæ dubitationis ratio facit, ut non statim idem dici debeat in his duobus, de quibus quæsiit, quod tunc, cum Stichus et Pamphilus coniunctim promissi sunt: ubi nulla est numeri adiectio, quæ ambiguitatem pariat. Respondet hoc modo; *sed in nummis et oleo, et similibus, quæ communi specie continentur*, id est, quæ intra generis nomen consistunt, denique quæ genera sunt, non species, *apparet hoc actum, ut numero dividatur obligatio*: quasi ita diceret: sed nummi, id est, soli nummi, et similia quæ generaliter et indefinite promittuntur, ea sunt in quibus propter ambiguitatem superiorem re-

cte dixeris non idem esse, quod Stichus et Pamphilus promissis: sed numero in his faciendam esse divisionem: quia id actum est; et ideo actum, quia in his obligationem ita dividi, commodius est et promissori et stipulatoribus: cæterum duobus Stichis promissis, aut duobus Pamphilis, qui non communi specie, sed privata et singulari constant, non efficit ea dubitationis ratio, quominus in his idem dicendum sit; quod in Stichis et Pamphilis diximus, ut in omnibus, quia species promissæ sunt, singulorum partes cuique ex creditoribus debeantur: contraria videlicet de causa, quia non sit aliter commodum stipulatoribus, de quo postea suo loco. Quæ interpretatio declarat, quod dixi, quam sint in hac lectione omnia expedita: cum ad explicationem verborum Ulpiani in dict. l. cum Stichus; tum ad eam sententiam per omnia confirmandam, quæ hoc loco de divisione specierum et generum tradita est. Itaque etsi ex ea nihil aliud esset commodi, quam quod verbis conveniens, sententiam Ulpiani omni reprehensione liberat, locus iuris alioqui manifeste contrarios quam optime conciliat: tamen ea commoditas non videtur fuisse amittenda. Sed quoniam dici potest mutare nos veterem et receptam scripturam, quod fieri temere non debeat: facilem cuivis esse hanc expediendi sui rationem, cum aliud non habeat, quod dicat: dicere locum esse corruptum, et respondere id quod videatur commodum ad effugiendum: periculosam esse hanc locorum mutationem, qua fiat, ut in libris publicæ auctoritatis et fidei nihil certi habeatur: docebo sic hanc lectionem convenire responso Ulpiani, ut alia non possit; breviter ita, ut ex contextu appareat non aliter scripsisse Ulpianum. Mitto veritatem et certitudinem sententiæ, quæ ex hac lectione efficitur: de contextu loquor. Aio duo esse in contextu, quæ plane vincant in illis verbis, *Idemque est*, non affirmare Ulpianum in subiectis exemplis idem esse; aut non esse quod esse prius dixerat de divisione singulorum corporum Stichis et Pamphilis promissis; sed solum hoc in questione ponere, an idem sit. Duo hæc sunt, ratio quam subicit in illis verbis, *nam ambigua vox est*; et id quod in extremo definit de iis dividendis, quæ communi specie continentur. Illis verbis, *nam ambigua vox est decem homines, quemadmodum decem denarii*, ea ratio exprimitur, quam constet eiusmodi affirmationi aut negationi probandæ convenire non posse. Ingamus enim orationem affirmativam præcedere, ut

est lectio vulgaris, qua statuat et duobus Stichis promissis, et promissis decem hominibus corporum partes deberi, ut tunc cum Stichus et Pamphilus promissi sunt: non potest nisi ridicule ad id probandum illa ratio adhiberi: non enim si ambigua vox est *decem homines*, idcirco consequens est, promissis decem hominibus, corporum divisionem esse admittendam: sed contrarium potius efficitur, ut supra ostendi. Fin-gamus præcedere orationem negativam, ut idem non esse dicat in subiectis exemplis, puta, in duobus Stichis, vel duobus Pamphilis, aut decem hominibus promissis: sed velit in his numero fieri divisionem: nihilo rectius hoc ita in duobus Stichis promissis faciendam esse ex eo colligetur, quod dicatur vox esse ambigua, *duo Stichis*, aut duo Pamphili: sed potius hoc in contrarium valere supra quoque ostendi. Proinde, ut dixi, neque affirmationi neque negationi ulli præcedenti hæc ratio congruit. At congruit optime interrogationi: ut sit ratio causam explicans, cur dubitetur, an in exemplis propositis idem dicendum sit, quod tunc cum Stichus et Pamphilus promissi sunt. Nam si in illis ambigua vox est, *duo Stichis*, *decem homines*, est, cur existimetur non idem in iis esse dicendum; quod, Stichus et Pamphilus promissis: quia hic numerus non addicitur, eoque nihil ambigui habet ea oratio in ratione dividendæ stipulationis: ex quo istorum exemplorum dissimilitudo. Iam definitio illa extrema, qua Ulpianus definit numero dividi obligationem in iis quæ specie communi continentur, nonne evidenter arguit nihil illum prius aut de duobus Stichis, vel duobus Pamphilis, aut de decem hominibus generaliter promissis affirmare in utramvis partem? Sane quam evidentissime: etenim his verbis, ut dixi, significat numero divisionem fieri in iis, quæ communi verbo speciei seu generis comprehenduntur, et appellantur. Neque enim ea verba ad eas solum species, quæ pondere, numero, mensurave constant, pertinere possunt: cum non magis ista communem speciem habeant, aut ea contineantur, quocumque modo hoc *contineri* libet interpretari; quam res omnes aliæ, quæ et ipsæ suum genus, suam speciem communem habent, de quo ante satis multa dixi. Et quamvis quis ea verba de iis tantum accipiat, quæ quantitate constant, tamen res eandem vim habitura est: huc enim redibit, ut et genera reliqua eadem definitione contineri oporteat: propterea quod et aliorum generum eadem ratio est in numeri divi-

sione, ut postea dicitur. Significat igitur, ut dixi, illis verbis in generibus, quas communes species vocat, numero fieri divisionem. Et dum in generibus id fieri definit, tacite in speciebus idem fieri negat: alioqui male definitionem ad ea tantum conferret, quæ *communi specie continentur*. Hoc posito, fieri non potest, quin postrema hac definitione evertat aliquid eorum quæ prius statuerat de duobus Stichis, aut de decem hominibus promissis: si modo de his prius aliquid statuerat: idque ita est, sive affirmandum statuit, sive negando. Nam si ex lectione affirmativa, *Idemque est*, dixit in his corporum partes deberi, falsum id esse reperietur in decem hominibus ex definitione inferiore. Sin ex lectione negativa dixit in his non idem esse, sed in omnibus numero fieri divisionem; falsum id quoque reperietur in duobus Stichis ex sententia eiusdem definitionis. Si enim numero dividitur, obligatio in iis tantum, quæ communi specie continentur, necesse est non dividi hoc modo in duobus Stichis aut duobus Pamphilis, qui privata specie continentur, et sua, non communi. Nemo autem dicit Ulpianum in tam brevi responso tribus tantum interiectis verbis pugnantia secum scripsisse, et mutasse imprudenter, quæ prius affirmarat: quod non esset sani hominis. Proinde nihil neque de generibus, neque de duobus Stichis aut duobus Pamphilis prius quidquam affirmavit. Ex quo relinquitur eum et de duobus Stichis, et de decem hominibus quæestionem tantum possuisse per interrogationem, adiuncta tamen dubitationis ratione; ad hanc quæestionem respondere eum per adversativam, eamque decidere in illis verbis, *sed in nummis*, ad eam sententiam, quam supra exposuimus. Hæc vero sententia posita statuitur generalis definitio de dividendis generibus eadem, quæ hoc loco a Iuliano: nempe quæ sit perpetua in omnibus, ut in his dividatur obligatio numero. Atque hæc ita statuitur in generibus, ut simul contraria in specierum divisione relinquatur. Ita fit, quod quærimus, ut Ulpiani disputatio et sententia in *d. L. cum Stichus*, cum sententia Iuliani atque hoc loco omni ex parte consentiat. † Illud in generibus diligenter notandum est; quod dicitur in his numero stipulationem dividi, ubique de pluribus generibus dictum esse; non de uno, consulto: ut intelligeremus plura hanc divisionem admittere; unum nequaquam. Quod non tam iure efficitur, quam

quam natura: ut enim dividatur quid numero, prius numerum esse oportet: numerum autem nisi in plures res non cadit. Unitas numerus non est, sed initium numeri. Hinc Iulianus hoc loco cum de pluribus dividendæ stipulationis modis egeret, consulto definitionem concepit de speciebus, et generibus numero plurali. *In stipulationibus*, inquit, *alias species alias genera deducuntur*; et; *cum species stipulamur*: et mox, *quoties autem genera stipulamur*, idemque earum rerum exempla proponens semper plurium hominum promissorum exemplis usus est; non quod unum corpus non posset dividi, sive id certum, sive generaliter promissum esset: sed quod non posset, nisi uno modo, nempe in partes eiusdem corporis; ipse autem de pluribus dividendi modis tractationem instituisse; quorum capaces essent natura res omnes plures, quæ modo singulæ divisionem reciperent. Hinc est etiam, quod idem cum de pluribus operis scripsisset, eas numero dividi, hoc ad unam operam non pertinere subiecit: sed ait necesse esse partem eius operæ cuique ex creditoribus deberi, ut et de partibus cuiusque speciei prius scriperat. Solum hoc inter rem corporalem unam, et unam operam interesse docet, quod corpus quanvis generaliter promissum, pro parte indivisa deberi et exsolvī potest, quia natura divisionem recipit: *L. 2. §. 1. et §. ex his, supr. eod.* opera autem una, utpote indivisa natura, pro parte quidem peti potest, ut petitio ad æstimationis partis solutionem referatur; solvi autem pro parte non potest: ut proinde necesse sit aut huius solvi æstimationem, aut eam duobus patronis si consentient, communiter edi. Quare sit iam hæc summa de eo quod secundo loco quærebatur, perpetuum ius esse, quod de divisione tum specierum, tum generum hic Iulianus tradit, ut in speciebus omnibus singulorum corporum servetur divisio: in generibus semper res numero dividatur; in quibus tamen numeri divisio natura esse possit; quod fit, cum plura genera sunt promissa.

- 25 † Hac dividendæ stipulationis ratione pro distinctione rerum constituta, superest, ut cognoscamus, quæ fuerit ratio veteribus huius distinctionis introducendæ. Necque enim ulla necessitas naturæ est, quæ hic cogat species aut genera uno potius modo dividi, quam altero: cum et duobus Stichis promissis, et promissis generaliter decem hominibus rerum præstandarum conditio utramque admittat divi-

sionem. Sed in æquitatis et iuris ratione distinctio posita est tota; cum etsi natura aliud ferat, tamen placet rectum esse hoc aut illo modo tantum stipulationem dividi: Quæritur igitur quanam hæc sit æquitatis aut utilitatis ratio. Quæstio non ita fortasse omnibus expedita; nam quod Accursius hoc loco scribit eo fieri, quia aliter statui non possit sine alterius capitione, in speciebus recto dicitur; ad genera non pertinet. Non enim si decem hominibus generaliter promissis, mortuo stipulatore decem omnes duobus heredibus stipulatoris ita solvantur, ut singuli singulorum corporum partem habeant, ideo tamen alteri fiat iniuria: alioqui ne in pluribus quidem speciebus promissis diceretur hæc divisio iniuria carere. Sed nec in speciebus videtur satis rem explicasse, si quis dixerit æquitatis rationem facere, ut corporum partes debeantur. Iulianus enim hoc loco non dicit æquum esse hæc partes corporum cuique deberi, sed necesse esse; inter quæ multum interest: cum altero significetur fieri quidem posse aliter, sed non debere: altero ne fieri quidem aliter posse. Quare non erit inutile et de hac parte nonnihil dicere; ac primum de specierum divisione. Recte Iulianus, cum species stipulamur, sic inter dominos et heredes stipulationem dividi ait, ut necesse sit corporum partes cuique deberi; hoc enim scribit ex conditione quæstionis propositæ. Prius hoc sumit pro confesso, esse aliquos, inter quos stipulatio dividi debeat. Quæritur inter quos dividi debet, quomodo debeat. Respondet ex hypothesi, si species promissæ sunt, et stipulatio dividi debet, consequens esse partes corporum cuique deberi, non quia æquum sit, sed quia ad divisionem faciendam sit necesse. Id facit natura divisionis, et rerum de quibus agitur. Divisio non est divisio; nisi ex ea unus tantum accipiat, quantum alter; aut per omnia, si rem ex æquis partibus inter aliquos ius dividi iubet; aut pro portione, si ius vult dividi ex inæqualibus partibus, quales plerumque esse solent dominicæ, et hereditariæ. Porro in speciebus, si numero stipulationem dividimus, rerum natura non recipit eam divisionem, quam diximus. Sic enim sunt species, ut fere nunquam idem præstent: sed aut una aliis sit melior, et pretiosior, aut uni commodior et aptior; ex quo eveniet, ut si uni unam assignemus, alteri alteram, aperte unus plus, minusve consequatur, quam alter; quod est contra eam divisionis naturam et legem, quam ius exigit. Necesse igitur

tur alteram dividendi rationem admitti, si istam divisionis legem servari volumus: nempe ut singulorum corporum partes cuique debeantur. Hæc divisionis forma eam æqualitatem præstabit, quam quærimus; qualescunque enim res erunt singule, sive pares, sive impares, semper ii, inter quos divisionem fieri oportet, commoda et incommoda cuiusque rei ea divisione inter se partientur. Hæc ratio ostendit verum esse, quod supra diximus non solum necesse esse species hoc modo dividi, cum Stichus et Pamphilus promissi sunt: sed etiam cum duo Stichii hoc modo, duos illos Stichos dabis? numerus enim expressus non facit, quominus species promissæ sint; neque prohibebit divisionis iniuriam, si numero stipulatio dividetur. Eadem ratio ostendit etiam in certo corpore pecuniæ promisso, recte dici ab initio corporum partes deberi, ut sit periculum singulorum inter eos commune, ad quos ea stipulatio pertinet. Hæc de specierum divisione. De divisione generum paulo dubitatio maior: nam hæc ipsa ratio, qua in speciebus modo fieri diximus, ut corporum debeantur partes, itidem exigere videtur in generibus, ut et in his eadem dividendi ratio servetur. Quid enim? an in his minus præstatur partium æqualitas corporum divisione? imo eodem modo. Ut puta, decem homines promissi sunt: hi ita solvuntur a promissore duobus stipulatoris heredibus, ut quisque singulorum hominum dimidium habeat. Palam est hanc divisionem hoc efficere, ut quæcunque erunt commoda aut incommoda in singulis hominibus, ea ex æquo ad singulos heredes perveniant; nihilo certe minus, quam si decem Stichii promissi hoc modo inter eos divisi essent. Qui sit ergo, ut hæc quoque non recipiatur in generibus, postquam divisione hanc æqualitatem partium quærimus? quia numeri divisio in generibus commodior est et promissori et stipulatoribus, ut est apud Ulpianum in *d. L. cum Stichus, in fr. de sol.* Nam præterquam quod hanc ipsam æqualitatem præstat, quæ iure ex divisione esse debet, quamque affert divisio corporum, etiam hoc tribuit, ut divisæ et separatæ partes habeantur: propter quam commoditatem sola in his recepta est. Iam primum hoc statui debet, cum ex decem hominibus generaliter promissis uni heredum quinque præstantur, alteri alii quinque, cum ex æquis partibus heredes essent: hic neutri iniuriam fieri, sed tantum quemque consequi, quantum

eos ex ea stipulatione pro parte consequi oportuit; qualescunque tandem sint homines, quos singulis promissori exsolverit. Ex hac enim stipulatione cum promissoris electio sit, minimi pretii homines debentur. Itaque si tales omni ex parte promissori præstat singulis, habent illi ex æquo quod ex stipulatione debebatur. Sin dat nri pretiosiores, non ideo tamen hæc inæqualis stipulationis divisio est; quia quatenus tales sunt, in eo nihil fit ex stipulatione: quod enim amplius est, ideo præstat promissori, quia vult, non quia obligatione cogebatur: ut nihil sit omnino, quod quærat alter ex heredibus, quasi deteriores accipiendo minus consequatur, quam illi debebatur; cum nihil deberetur amplius. Ex quo apparet non in oleo tantum, vinum, frumento, et omnibus iis quæ pondere, numero, mensurave constant, de quibus aperte scriptum est in *L. cum Stichus, de sol.* recte receptam esse hanc divisionem, ut numero fiat divisio, quoniam constet has in suo genere functionem recipere, ut quæ in pari quantitate tantumdem præstent, *L. 2. §. 1. supr. si cer. pet.* sed etiam recte receptam in cæteris rebus, quæ si singule spectentur, dissimiles sunt, neque idem valent; si modo generaliter sint promissæ: quoniam in utroque genere divisio numeri pariter iniuria careat. Sed non est satis in proposito hoc dici, numeri divisionem in generibus non minus carere iniuria, quam divisionem corporum. Hæc enim ratio efficere potest, ut pariter admitti debeat, nec quidquam intersit, utro ex his modis stipulatio generum dividatur: ut autem sola admittatur, non facit: nunc autem solum eam in his receptam esse convenit, ac cur sola recepta sit, quærimus. Hoc est igitur, quod in generibus in numeri divisione amplius esse dicimus, quam in divisione corporum, quomobrem illa in hoc genere sola sit recepta, quod partes divisas et discretas, easdemque rerum integrarum partes cnique tribuit. † In quo duo 26 sint commoda: unum, quod cuique heredum partem suam sibi privatim habere, ea uti frui pro arbitrio liceat sine interpellatione cuiusquam. Alterum, quod res a communione recedens effugit ea incommoda, quæ communio asserre consuevit: discordias, quas materia communiois solet excitare: *L. cum pater, §. dulcissimis, supr. de leg. 2.* obligationem eorum rerum, quas socius socio in rerum communium administratione præstare cogitur. *L. 3. supr. pro soc. L. heredes, §. non tantum, infr. fa.*

fa. er. Fatendum quidem est, atsi in dividenda stipulatione hæc distinctio rerum non inducatur; quam affert numeri divisio, sed solum corporum partes fiant; quæ sunt indivisæ: tamen nihil fieri in eo præter naturam divisionis: imo vero tunc maxime stipulationem dividi, cum res singulæ stipulationis comprehensæ dividuntur: quo sit, ut nec dici possit necesse esse ad dividendam generum stipulationem, numero stipulationem dividi. Unde observandum est Iulianum hoc loco: cum in speciebus his dixisset necesse esse partes corporum dari nusquam tamen in generibus necessitatis verbo esse usum; sed tantum dixisse, cum genera stipulamur, numero dividi obligationem. Sed etiam ad di-

visionem faciendam non est necesse stipulationem ita dividi: est tamen ad utilitatem promissoris et stipulantium commodius. Proinde hæc commoditas potius acquanda: quasi in re quæ ad utilitatem et seorsum contrahentium pertineat, id ab illis actum intelligatur. Quorum *Stichus*, in fin. de sol. his verbis, in nummis et oleo ac frumento et similibus, quæ communi specie continentur, apparet id actum, ut numero dividatur obligatio, quatenus et commodius promissori stipulatoribusque est. In his ergo numero dividitur obligatio, quia actum est: at ideo actum, quia contrahentibus commodius.

Ad L. Cum quis sibi aut Titio 55.

Idem libro xxxvi. Digestorum.

Cum quis sibi aut Titio dari stipulatus est: soli Titio, non etiam successoribus eius recte solvitur.

SUMMARI A.

1. *Stipulatio, Mihi aut Titio dari, quatenus admittatur.*
2. *Adiecta diversa rei aut diversi temporis quid efficiat, remissive.*
3. *Stipulationis superioris vis, et quid stipulatori, et quid Titio adiecto tribuat.*
4. *In stipulatione eiusmodi quid promissori tribuatur, et an ut solvendo, sic aliis modis satisfaciendo Titio liberetur.*
5. *Solvendi facultas personam adiecti, an egrediatur.*
6. *Adiecti statu mutato, facultas ei solvendi an interdicat: ubi et privè. L. cum quis, ult. de solut. explicatur.*

7. *L. Stichum. §. usufr. ult. de sol. exponitur.*
8. *Adiecti conditio, ut qui servus aut pupillus sit, ad solutionem promissori nihil obstat.*
9. *Stipulatoris mutata voluntas, an promissori solvendi adiecto ad liberationem efficiat.*
10. *Promissor stipulatorem sapienter interpellantem frustrando, an facultatem adiecto solvendi amittat.*
11. *Adiecto solvendi potestas novatione et quavis conventionne etiam extra iudicium interposita interdicat.*

Quod vetat regula ioris, alteri stipulari, in hanc sententiam vetat, ne stipulando alteri acquiratur. Cæterum ubi acquiratur stipulatori ipsi, aut acquiratur etiam promissori: quomodo stipulemur alteri: regula non est impedimento: ut suo loco docuimus ad §. alteri, L. stipulatio ista, sup. eod. Hinc illa, ut dixi, stipulatio recepta, mihi, aut Titio decem dare spondes: qua fist videlicet, non ut Titio acquiratur quidquam, sed ut promissor, cum mihi obligetur soli, tamen possit Titio solvere, eoque facto liberatur. Ea admissa, duo quæritur sunt: primum quatenus admittaretur: deinde recte constituta quam vim haberet. Prius huiusmodi est: mihi aut Titio dari recta ma stipulari constat, cum idem Titio,

quod mihi stipulor, et eodem tempore, eademque conditione. † At quid, si ita stipuler, mihi Stichum aut Titio decem dare spondes? aut quid, si diversa tempora designem in utriusque persona: veluti, mihi Calendis Ianuariis, aut Titio Calendis Februariis dare spondes, aut contra? Hæc quæritio cum sit tractata in L. ult. §. ult. infr. eius explicationem in eum locum reiciemus. † De vi huius stipulationis, quæ altera quæritio est, multa apertim tradita legimus cum sub hoc titulo, tum maxime sub titulo de solutionibus, infra, ex quo genere est hoc fragmentum. Quia vero hic locus de ea primus se dat, et huius argumenti quæritio est: dicam semel hoc loco quam brevissime

potero, quæ ad eam partem pertinent. Id ita fiet commodissime, si spectabimus, quid hæc stipulatio stipulatori ipsi tribuat, quid Titio adiecto, quid promissori; tot enim sunt; ad quos ea potest pertinere. Ac de stipulatore dubitari non debet, quia huic decem promissa debeantur, et debeantur solida, non pars dumtaxat; potuit enim is stipulari sibi, quod ius omnibus concedit; et ut potuit, ita stipulatus est. Nec vero quia decem duobus stipulatus est, ideo summa inter eos dividitur: divideretur si coniunctim stipulatus esset sibi, et Titio, ut initio *L. seq.* dicitur; nunc autem aperte solida decem utrique stipulator, qui stipulator disunctim sibi, aut Titio. Ergo stipulatori obligatio totius rei in stipulatum deductæ acquiritur citra dubitationem. *§. plane Instit. de inutilib. stipulation.* Quid Titio? huic nihil debetur: utpote cui iure nihil potuerit acquiri prohibente regula iuris. Itaque quæcunque dici solent de iis quibus nihil debetur, cum iure principalis obligationis, tum in accessionibus, hæc in Titium conveniunt omnia. Scilicet quod in stipulatum deductum est, petere non potest. *L. sed etsi, supr. de pec. const. L. quod stipulatus, 10. infr. de sol.* promissorem ullo suo facto liberare non potest *d. L. 10. de sol.* non pecunia ei suo nomine potest constitui: *d. L. sed etsi, de pec. con.* non fideiussor obligari: *L. fideiussor obligari, infr. de fideiuss.* non pignus dari. *L. is qui, supr. de pign.* Sed cuius rei obligatio et petitio illi acquiri non potest iure, hæc illi a promissore ultro solvi potest; quia ius non prohibet. Quo factum est, ut, Titii persona interposita, id relictum sit in huius persona, quod iure fieri poterat, ut scilicet ex conventionem ei solvi posset. *d. §. plane, de inutilib. stipulationib. d. L. sed etsi, de pec. const. dict. L. fideiussor, de fideiuss.* Inde dictum est in dicto *§. plane*, ex hac stipulatione non obligationem, sed solutionem in extraneam personam Titii utiliter conferri. Ergo saltem solutio in eum confertur, dicit aliquis, contra quam patitur regula iuris, quæ alteri per alterum quidquam acquiri vetat. Sed quod dicitur, solutionem in eum conferri, sic accipiendum est: ut intelligatur verbis conferri in eum, quia designatur is: cui solvi possit. Cæterum re vera non confertur, ut quidem conferri ea dicimus, quæ aliqui acquiruntur: non enim confertur solutio; nisi hac conditione, si promissor velit: pro non dicto est autem, quod dare quis nisi velit, co-

gi non potest. *L. sub hac, supr. prox. tit.* Ita omnis hæc Titio solvendi facultas promissoris causa constituta est, non Titii. Restat ergo, ut quid hic promissori tribuatur ad liberationem, de quo præcipue hic agitur, videamus. Et verba stipulationis non sunt obscura, ut si quæretur, quid hæc tribuant, res sit in promptu. Sic enim verba sunt: aut Titio dare spondes? ex quibus sumptum est illud, quod tam multis locis traditur, Titio solvi posse. *d. §. plane*; et aliis locis, quos paulo ante indicavi. Sed quæritur de stipulationis et contrahentium sententia, primum plusne hic liceat promissori, quam verba exprimunt: quid enim si non solvat, sed aliis modis satisfaciatur Titio? quid si solvat alii quam Titio, sed ei, qui eadem persona habeatur? Deinde si plus non licet, an saltem liceat tantum, quantum verba concedunt. Prius eadem ratio admittere videri potest: posterius etiam exigere videntur verba stipulationis. Sed neutrum placuit; ut breviter dici possit, neque hic ultra quam verba permittunt, promissori quidquam licere; neque adeo per omnia licere tantumdem, de quibus ordine præcipiendum est. Etsi de eo quæritur, plusne hic liceat, quam verba exprimunt, sine exceptione dicendum est non licere: quod ex partibus huius facultatis facile intelligitur. Continetur hæc facultas duabus rebus: certo facto promissoris, ut solvat videlicet: et certa persona, in qua hæc veluti conditio impleri debeat, nempe ut solvat Titio. Placet, si quid horum non servarit promissor, factum ei ad liberationem non prodesse. Verbis quidem non adjuvari eum plusquam manifestum est; sed non minus remouetur et verborum sententia, et summa æquitatis ratione. Cum enim convenit, ut Titio solvi liceret et solutionis verbum; et certæ personæ adiecto aperte liberationi modum fecit, quem excedere non liceret, ut in mandatis accidit *L. diligenter, sup. mand. arg. in L. tutori, C. de neg. gest.* Tum autem cum stipulator in hac specie creditor sit, Titius non sit; non est æquum promissorem aut aliud, aut alii solvendo liberari invito creditore, id est, præter quam aperte creditor consenserit. *L. 2. §. 1. supr. si cert. pet. invito, C. de sol.* Et in summa illud Pauli in universum tenendum est, conventionem in alia re factam, aut alia persona, in alia re, aliava persona nocere non debere. *L. si unus, §. pacta, in ff. supr.* Sed partes singulas huius facultatis proponamus. Sit ergo hoc primum, quod promissor ex conventionem de-

re debet, seu solvera. Nempe dando et solvendo liberari potest; paciscendo cum Titio nihil agit: sive paciscatur tantum Titius se non petiturum; sive obligationem novare instituat, sive pecuniam promissori acceptam ferat. Neque huic aliud datum est, quam ut solvat; neque Titio aliud quam ut solutam ex causa stipulationis pecuniam accipiat. *L. quod stipulatus, §0. infr. de sol.* Solutionis quidem vim habent acceptatio, novatio, omnisque conventio liberandi debitoris causa interposita: Acceptatio in primis, quæ et dicitur imaginaria solutio. *§. item per acceptat. Inst. quib. mod. tol. obl.* Sed hæc ita, si a creditore nata sunt, cuius est liberare debitorem. Titius

5 *adiectus* creditor non est. † Iam vero hoc tribuitur promissori, ut possit solvera non cuivis, sed Titio: hæc facultas personam non egreditur. Itaque si quis stipuletur sibi aut Stichæ servo Sempronii: Sempronio domino nisi ex voluntate Stichæ solvi non potest. *L. 9. L. Stichum, §. ususfructum, infr. de sol.* Nec ad rem pertinet; quod quæcunque per servum acquiruntur, ea acquiruntur domino: hic enim Stichæ persona non adicitur, ut per eum quidquam domino acquiratur: nam nec Titio adiecto qui sui iuris esset, quidquam acquireretur. Hæc de causa nec Titii heredi recte solvitur: quæ particula est, quæ attingitur hoc loco; sic tamen ut ex una specie de toto genere existimare liceat. Ille quidem stipulationes ad heredes transeunt, quæ defuncto quæsitæ in persona eius constituerunt sive in faciendo sint, sive in dando. *L. veteris, C. de cont. et com. stipu.* Sed nihil hoc ad Titium adiectum, cui nec stipulatio, nec ex stipulatione ius ullum acquiratur: ut proinde nihil sit in eo, quod ad heredem transferat. Hæc ratione etiam furiosi vel pupilli persona adiecta sit, placuit nec tutori vel curatori dando promissorem liberari, nisi pecunia in rem pupilli versa sit. *L. Stichum, §. ususfructum, infr. de sol.* Atqui tutor et curator domini loco sunt, cum rem pupilli gerunt. *L. tutor qui tutelam, supr. de ad. tut.* hoc amplius et debitoribus tutori solventes ipso iure liberari constat. *L. Lucius, 46. §. tutelæ, et §. ult. supr. de admin. tut.* Sed neque hic negotium geritur pupilli, unde ei nihil acquiratur, neque ei quidquam debetur, ut dixi. Sane si pecunia in rem eius versa sit, periode est, ac si ei soluta esset: nihil enim interest, per quem pecunia ad illum pervenerit, per ipsum, an per alium. Arg. in *L. 3. supr. sol. mat. et L. si liber, supr. de neg. gest.* Quo nomine et ipse utpote

Tom. XI.

locupletior factus semper tenetur stipulatori, ut eam reddat, Arg. in *L. si pupilli, supr. de neg. gest. L. 3. §. si servus, supr. de trib.* Ex cur in pecunia tutori soluta id non admittamus, cum etsi adiecta esset domini persona, recte servo eius solveretur nomine domini, si pecunia postea ad eum pervenisset? hoc enim de otraque pecunia eodem loco scriptum est a Papiniano, id est, in *L. Stichum, §. ususfructum.* Atque hæc omnia ex eo, quod præter quam quod verba stipulationis concedunt, quidquam promissori ad liberationem facere non licet. † Sed intra verba consistenti, an saltem hoc liceat, quod verba præ se ferunt, videamus. Et ne hoc quidem per omnia licere diximus. Africani definitio est. in *L. cum quis, in princ. infr. de sol.* Cum quis sibi aut Titio dari stipulatus sit, magis esse, ut ita demum recte Titio solvi dicendum sit, si in eodem statu maneat, quo fuit, cum stipulatio interponeretur. Atqui de statu Titii verba stipulationis nihil expriment: quin potius generaliter potestatem faciunt Titio solvendi: solvitur autem Titio, etsi postea deportato, aut in adoptionem dato solvitur; non enim deportationa Titius esse desinit, sed omnium minime arrogatione; qua interveniente nihilominus et libertatem, et civitatem retinet. Et verba stipulationis hoc non efficit certum est. Sententia hæc est contrahentium, quæ hoc amplius exigit, ut Titio solvatur, quando in eodem statu manebit. Unde Africanus ibidem superioris definitionis rationem reddens ita scribit: *tacite enim inesse hæc conventio stipulationi videtur, si in eadem causa maneat.* Num inest tacite, quæ verbis ipsis exprimitur: neque vero inesse stipulationi potest, nisi ut verbis, aut stipulationis sententia. Arg. in *L. nominis, §. 1. infr. de reg.* Intellecta est autem tacita hæc conventio ex eo quod agitur. Apparet autem in hac stipulatione hoc agi, ut sic solvatur Titio, ut res tamen stipulantis maneat, cui soli ex ea stipulatione obligatio et actio acquiratur. Unde et stipulator pecuniam Titio solutam potest ab eo postea repetere, in eamque rem aut mandati aut negotiorum gestorum actionem habet. *§. plane, Inst. de inut. stip. L. Iulianus, §. 1. infr. eod.* Ex quo intellectum est agi hoc quoque, ut solvatur Titio, non ei cuius tantum eadem substantia idemque corpus, sed cuius etiam status idem postea futurus est, qui fuit, cum stipulatio interponebatur. Ideo enim huc rem commisit stipulator, quia intelligebat ut est præsens eius status, et eam morat, se posse ab illo postea

66*

rem

rem facile consequi: statim mutato eum quodammodo aliam futuram: alium certe ipsi, utpote a quo non item facile posset consequi, quod illi commisisset: unde et illi commissum nolle. Quod si id agitur, etiam pro canto habendum est. *L. 3. supra si cert. pet.* ut non abs re dicat Africanus etiam hanc conventionem stipulationi inesse. Hinc tractatum de hac definitione Africanus. Et quamquam definitio generalis est, ita demum, idest, ita solum recte Titio solvi, si in eodem statu maneat; quo significari videtur statu quovis modo mutato ei solvi non posse: bene tamen hæc distinctio vulgo recepta est, ut si status Titii mutatus sit in deteriorem causam, non liceat ei solvere, veluti si in adoptionem datus sit si deportatus sit, si servus factus, quibus exemplis Africanus utitur in *dict. L. cum quis*. Sin is ad meliorem causam pervenerit, nihilominus ei recte solvatur, si quis stipulatus sit sibi, aut Stichis, et Stichus sit manumissus sibi, aut Sempronio filiofamil. et Sempronius sit emancipatus: et manumisso aut emancipato postea solvatur. Hoc quidem de adiecto postea emancipato non obscure scriptum est in *L. cum qui ita, seq. §. qui sibi, infra, cod.* Nec dubium est quin in manumisso, cuius multa amplior et commodior stipulatori mutatio est, idem etiam multo magis dici debeat. Nam quod quidam scribunt agi eo loco de eo filio, qui tempore stipulationis iam fuerit emancipatus, non postea, et id se dicere profiterent eorum vellicandorum gratia, qui emancipationem distinguunt a cæteris minutionibus: non est iudicio meo, quod multum in ista vellicatione et isto tam ingenioso invento sibi placeant: apertius enim verba illius loci refellitur, quam ut longa refutatione indigeat. Proponitur pater stipulatus sibi aut filio: at cui filio? nempe quem in potestate habebat: unde ambigendi causa Iuliano; quam postea diluit in illis verbis, *neque ad rem pertinet*: nam hoc modo pater stipulando filio, sibi acquirere videtur: ut consequens sit filio solvi non posse, eoque et adiectionem eius esse inutilem: quæ sane dubitatio in filium emancipatum non cadit. Deinde subicit Iulianus, quod ita stipulatus est pater sibi aut filio, solvi posse filio non tantum manente eo in potestate, sed etiam emancipato. Hic videmus solutionem ad emancipatum referri, non stipulationem. Deinde ait, manente eo in potestate: non dicitur manere in potestate, nisi qui manet post stipulationem

interpositam, cuius tempore etiam in potestate fuit. Ergo et cum addit etiam emancipato solvi posse, eundem filium notat, qui et postea sit emancipatus: Et quæ tandem vel in speciem probabilis ratio fingi potest, ut dubiteur, an pater sibi aut filio emancipato non possit stipulari: cum emancipatus non differat ab alio quovis extraneo, quod ad acquisitionem bonorum attingit? Sed etsi hanc partem omnia alia testimonia deficerent: tamen superioris ratione cognita, per quam fit, ut statu Titii mutato placeat ei solvi non posse, hæc distinctio sua sponte inducitur. Ideo enim metuitur status mutatio, quia per hanc fit stipulatori ius persequendi adversus Titium deterius: nam si non fit deterius, aut si stipulatoris non interest rem Titio solutam ab eo postea recipere, quid est, cur ei ante eam mutationem potius solvi velimus, quam postea? At tunc fit stipulatori deterius ius agendi, cum status Titii deterius mutatus est; puta, cum Titius deportatus est, aut in alienam potestatem transiit, ubi non est videlicet, qui conveniatur, aut certe non habet in bonis, unde solvat. Quod si is qui adiectus est, aut ex servo liber, aut ex filiofamil. sui iuris factus est, hic perspicuum est non modo non fieri ius stipulatoris in agendo deterius, sed etiam fieri multo melius: incipit enim ille habere, aut quem omnino convenire possit, aut quem possit facilius: certe enim, qui habeat in bonis, unde possit satisfacere. Proinde et statu ita mutato, tanto citius ei solvi posse, et ex verbis et ex stipulatoris sententia ac commodò dicendum est. Obstant tamen quædam huic distinctioni. In quibus oblici animadverto a nonnullis exemplum dispensatoris servi, cui dominus et contrahere, et solvi permittit: nam huic manumisso non recte solvi ab iis, qui manumissum non ignorent, significatur in *§. recte, Instit. de mandat.* ex quo et voluntatem ac permissionem domini ea manumissione finiri intelligitur. Sed multum distat, in re stipulationis Titio solvi posset, an creditoris permissione. Permissus, mandatum est: quæcumque mutatione status servi aut filii, cui solvi debet, mandatum finitur, velut tacita mandantis voluntate: quæ mutata pro arbitrio mandantis mandatum finiri constat. Quod autem iure stipulationis promissori licet, id ita promissoris proprium est, ut quemadmodum ne aperta quidem voluntate creditoris revocari potest, de quo postea; sic nec desinat mutato adiecti statu, nisi appareat stipulatorem facile consequi non posse, quod adiecto capite mi-

minuto solum erit. Nihil igitur ad superioram distinctionem infirmendam exemplum pertinet. Si quid est, quod ei officiat, illa est potius definitio Africani ex *l. cum quis*, quæ verbis ita scripta est, ut omnem capitis minutionem accipere videatur. Ait enim, *ita demum Titio solvi posse, si in eodem statu maneat. Ita demum*, valat ita solum: ex quo intelligitur, si quo modo fiat, ut non maneat in eodem statu, non recte si solvi: in quam sententiam est, quod postea subici, tacite inassa hanc conventionem stipulationi videri, Si in eadem causa maneat. Et quamvis Africanus statu mutato Titio solvi possa negans, exemplum solum colligat status in deterius mutati; non ideo tamen quis dixerit eum mutare regulam, si universalis prius constituta est: acinus enim exempla explicari, et confirmari, non ad ea adstringi regulam. *L. pen. §. ult. supra de iur. et fa. ig.* Et verba, fateor, Africani ita se habent; neque generalitas eius definitionis ullis exemplis ab eo mutatur. Sed aio ne hæc quidem verba aliam status mutationem continere, quam eam, quæ fiat in deterius. Nam et Africanus ad veteribus omnibus, cum da commodo alterius agitur, is eodem statu esse intelligitur, non solum qui in eadem conditione perseveravit per omnia, sed etiam qui ex mutata cepit esse meliora: quasi idem qui accidat, quod in cæteris bonis, ut qui plus habet, etiam quod minus est, videatur habere, quasi-que in maiore et meliore statu, ut in summa, minor insit. *L. 1. §. si stipulanti, supr. eod.* Hoc sentio Africanum in superiore responso ex eo potest intelligi, quod eum in eodem statu manere dicit, quem paulo post dicit in eadem causa manere. Porro in edicto, si ex noxali causa cum aum servum cuius nomine noxalia actio est, et quem domini iudicio sisti promisi, iuberet Prætor in eadem causa sisti, lo qua tunc est: omnes veteres servum in eadem causa sisti sic acceperunt, si ita is homo de quo cautum est, sisteretur, ut ad experieodum non fieret ius actoris deterius; non tantum si adhuc servos manerat, qui prius fuerat, sed etiam multo magis, si liber factus sisteretur; hac ratione adiecta, quia hoc modo etiam in meliorem causam videretur pervenisse. *L. 1. et L. pen. supr. si ex nox. cau. ag.* Nec vero Africanus audivit istum statum, eandemque causam, quam in persona adiecti exigit, alio retulit, quam ut ne aliter in proposito ius actoris deterius fieret. Quod si ille non facit, causa dici non po-

test; quin stulte in hac solutione metuerit in persona adiecti status mutationem. Id vero exempla ab eo inducta liquido arguunt. Relinquitur igitur, ut ex sententia stipulationis propositæ, et tacita conventionis nec Titio solvisse prosit promissori, si Titius in eodem statu non maneat, quo fuit, cum stipulatio interponeretur, dum modo hoc sic interpretemur, ut deteriore statu, et conditione esse corporis. Videndum tamen, na quovis modo mutato statu Titii Titio solvi possit, idque Papinianus significet in *L. Stichium, §. ususfructum, infr. de sol.* hoc responso; † *Ususfructum*, inquit, *miki aut Titio dari stipulatus sum. Titio capite deminuto, facultas solvendi Titio non intercidit.* Non dicit, Titio emancipato, idest, in meliorem causam capite deminuto facultatem Titio solvendi non intercidere; sed generaliter *Titio capite deminuto*; quæ verba omnem capitis deminutionem continent, non ad unam tantum speciem referuntur: certe non ad hanc potius, quam ad illam. Ridiculum vero, si cum emancipationem intelligere vellet Papinianus, genariv verbo usus est, quo nullo modo exprimeret, quod sentit, et nos dimitteret multo incertiores, quam si nihil respondisset. Itaque hoc sentit ille, certe hoc verbis ostendunt, quocunque modo capita minutus sit Titius, facultatem ususfructus solvendi Titio non intercidere. An quod id nominatim actum est, ut capite minutoolvere liceret? Verba repugnant; sic enim proponit Papinianus stipulationem fuisse conceptam, de qua respondet: ususfructum miki aut Titio dari spondes? quomodo autem in questione facti id prætermittaret, quod in facto erat, quo prætermissio non aliter da iure responderi posset, quam ut sunt ea, quæ proponuntur? in causa enim ius positum est, ut Alfenus dicebat. *L. si ex plagis, §. in clivo, supr. ad leg. Aquil.* Repugnat etiam ratio, quam subicit, qua ideo confirmat in proposita specie facultatem solvendi Titio non intercidere, quia ita stipulari possumus ususfructum, *Miki aut Titio, cum capite minutus erit.* Nisi rationem cum propositione tandem esse volumus: hac ratione evidenter declaratur de aa stipulatione agi, in qua nihil de capitis minutione Titii comprehensum fuerit. Ita fit, ut superiore responso hoc dici a Papiano intelligamus, si ususfructum quis stipulatus sit sibi aut Titio, etiam Titio capite minuto nihilominus ei solvi posse, quocunque modo ille capite minutus sit; et sive de eo actum sit nominatim, ut liceret capite deminuto sol-

solvere, sive de eo nihil aperte actum proponatur. An non videtur igitur responsum superioribus adversari? Et adversaretur sine dubio, si quod in una specie rerum hic dicitur, id pertineret ad alias. Nisi forte probandum est, quod nonnulli tantopere defendunt, Papinianum loqui de Titio, qui capite minutus sit, non post stipulationem, de quo querimus, sed ab initio tempore stipulationis interpositæ. Sed longe aliud et verba Papiniani et questionis ratio nos docent. Papinianus factum sic proponit: *usufructum mihi aut Titio dari stipulatus sum*; nihil addit de Titio tum capite diminuto, sed statim de facto respondet. Non fuit igitur in re hæc capitis diminutio; aut certe ad questionem nihil pertinuit: aliqui non magis prætermitti oportuit ad questionem, quam cetera, quæ in facto erant, cum, ut ante dixi, ius in causa et facto positum sit. Quod ergo respondet, *Titio capite diminuto*; sic accipiendum est, ut hoc postea, incidit. Et vero verbum *intercidit*, quo Papinianus postea utitur, eos admonere debuerat, non dico, id ita accipiendum, sed etiam aliter accipi non posse: *intercidere* enim significat amitti, perire, esse desinere, quod prius fuerat: quæ omnia usurpantur solum de iis, quæ ab initio recte constituta, postea casu aliquo intereunt. Proinde cum ita scribit Papinianus, *Titio capite diminuto, facultas solvendi Titio non intercidit*; aperte hoc dicere intelligitur, facultas Titio solvendi recte ab initio constituta non ideo amittitur, quia hic casus forte incidit, ut Titius capite minueretur. Denique contraria sunt hæc, questionem esse de Titio, qui tempore stipulationis capite minutus fuerit: et questionem esse, an Titio capite minuto facultas ei solvendi intercidit. Nam qui querit de Titio, qui tempore stipulationis capite minutus fuit, querit, an solutio in capite minutum ab initio recte sit collata, et an potestas ei solvendi ab initio constiterit. Qui autem querit, an potestas intercidat, necne, is hoc ipso confirmat ab initio constituisse, tantum abest, ut de eo dubitet propter præsentem aliquam capitis diminutionem Titii; sed querit, an capitis diminutione aut casu aliquo postea interveniente ea facultas intercidat. Quod si de Titio qui tempore stipulationis capite minutus fuit, apud Papinianum agitur, non fuit querendum, an facultas ei solvendi intercidat propter eam diminutionem cum nondum certum esset, an esset constituta; sed querendum, an ab i-

nitio constitisset, ac de eo ita respondendum, Titio tunc capite diminuto, non ideo facultas Titio solvendi minus constituit. Postremo quod Labeo aliquando respondisse ita fertur, *Aut non intelligo quid sit de quo me consulueris, aut valde stulta est consultatio tua*. L. Domitius, supra, qui test. fac. pos. id iure optimo in hac questione potest usurpare. Quid enim stultius, quam querere, an possim stipulari mihi, aut Titio iam ante capite minuto? perinde ac si dubitarem, an possim stipulari mihi aut filio Titii arrogato: mihi, aut Stichum servo Sempronii: mihi aut Titio patrifamil. qui ante emancipatus fuerat, de quibus nemo unquam dubitavit, quin recte adicerentur omnes solutionis causa, ut constat ex *L. eum, qui, seq. §. qui sibi, L. 9. d. L. Stichum, §. usufructum, infr. de sol.* Et certe nulla est dubitatio, quin cuius extraneo solvi possit voluntate creditoris, *L. solutus, infr. de sol. L. h. L. invito. C. eod.* Redeo igitur eo, quod supra dixi, non posse, quin hoc responsum adversetur superioribus iis, quæ de Titio postea capite minuto docuimus, si quod hic in una re dicitur, transferatur ad alias. Quid ergo est? Et de usufructu Papinianus loquitur. Proprium hoc esse usufructus, quod dicit, atque hæc ab illo ex genere cæterarum rerum excipi intelligo. Primum nominatim proponit usufructum in stipulatum deductum hoc modo, Mihi aut Titio usufructum dare spondes? Vel hinc statim intelligere possumus id eum ponere et dicere in hac specie, quod sit proprium usufructus, alioqui nun proponeret usufructum potius ita promissum, quam decem promissa: quo exemplo prius usus erat in hoc genere stipulationis, aut quam simpliciter *quid* promissum, quod est exemplum apud omnes veteres in hac re usitatum; præsertim cum usufructum rem alioqui incorporealem proponere non astis conveniat ad docendum; ad morem autem hominum sit admodum infrequens usufructum sibi aut alteri stipulari; cum usufructus res sit, quæ personæ coherereat. Quod si huius sententiæ ratio queritur, duæ sunt causæ in promptu, ex natura usufructus ductæ, quæ efficiant in proposito, Titio etiam capite minuto, usufructum solvi posse: ut quamvis desit hic locus, tamen hoc ita statui oportuerit. Una est, quod quo tempore usufructus solvatur Titio, stipulatoris nihil interest. Interasset eius Titio in eodem statu manenti solvi, si usufructum illi solutum pos-

posset postea ab eo recipere. At natura usufructus prohibet; hic enim persona fructuarii ita cohaeret, ut non modo extinguatur eius morte: *L. 3. in fin. supr. quibus modis usus. amit.* sed nec vivo eo possit a persona eius recedere, at alii cedi, quam domino. *L. si usufructus, supr. de iur. do.* Quae res facit, ut si usufructus semel solutus sit Titio, sic incipiat illa esse fructuarius, sic usufructus eius personae ut fructuarii cohaerere, ut ab eo ad stipulatorem transire non possit. Non potest igitur stipulator usufructum consequi ab eo, qui etiam si velit, enim transferre non potest. Quod si non potest consequi, frustra laborat, quo tempore Titio solvatur: cum hoc, an illo tempore potius id fiat, poriter aius nihil intersit. Itaque quae ratio facit, ut ceteris in rebus, quas mihi aut Titio stipulatus sum, Titio capite deminuto solvi non possint; eadem in contrarium versa in usufructu, in hoc ipso ius mutet, necesse est. In ceteris rebus ratio haec erat; quod in his id agitur, ut quas stipulator a Titio, ut est conditio rerum, et praesens Titii status, non difficile consequi potest, eas etiam postea non mutato persequendi iure possit quandoque ab eo recuperare, cum ei soluta fuerint; nec potest facile recipere ab eo, qui capite minutus ut civitatem amiserit, aut in alienam potestatem venerit. In usufructu hoc non agitur, ac nec potest agi, ut quandoque hunc Titio solutum ab eo recipiat. Proinde ut dixi, quando si solvatur, laborare non debet: quia eius nihil interest. Aliquis dicit, posse saltem Titium restituere fructuum perceptionem, et quia possit, etiam debere; ut da marito responsum est, cui usufructus fundi alieni in dotam datus est nomine mulieris, et a quo soluto matrimonio aius usufructus restitutio petitur. *d. L. si usufructus, supr. de iur. do.* Sed da usufructu Titio dando stipulatio concepta est; in quo dando non potest promissor deterioorem conditionem stipulatoris facere, quocumque tempore eum Titio dederit: quia usufructus ad stipulatorem redire non potest. Quod si putet stipulator difficultus se posse fructus a Titio consequi, de quibus percipiendis cum illo egerit; hoc promissorem non attingit; qui de usufructu dando cavet, non de fructibus. Si cui haec ratio non est satis, addiciatur, quae sequitur. Haec vero, ut opinor, in hac specie omnem dubitationem eximat. Aio Titio quamvis capite deminuto usufructum quandoque solvi posse, sive non intersit stipulantis integro statu

illi solvi, sive intersit. Nam etsi concesserimus interesse stipulatoris uno tempore potius Titio solvi, quam altero: atamen illud etiam semper constare debet, promissoris contra interesse, quovis tempore solvi licere Titio potius, quam stipulatori; quia ut usufructus huic, aut illi datus erit, ita cum persona eius finietur, ut sic aut diuturnior sit, aut brevior. *d. L. 3. in fin. supr. quib. modis us. am. L. necessario, §. ult. supr. de per. et com. rei ven.* Hoc modo fiet, ut si Titius, cui datus fuerit, prius decedat, tum usufructus ad promissorem eundemque dominum fundi statim revertatur; qui si stipulatori datus esset, adhuc apud eum consisteret. Quod cum ita sit, ut utriusque contrario modo intersit, stipulatoris quidem non solvi Titio capite diminuto; promissoris autem illi potius solvi, quam stipulatori: convenit in pari causa potius esse promissorem. *L. 2. supr. ne quis eum, qui in ius vo. est, vi ex. L. si servum, §. sequitur, in fin. infr. eod. L. favorabiliores, inf. de regulis iur.* Et quamvis fieri possit natura, ut prior stipulator moriatur, quod si eveniet, nihil interest promissoris potius Titio solvere; sed magis hoc illi inutile est: tamen cum possit accidere aliter, non debemus praescribere promissori, quid in hac re metuat, sed illi permittere, ut iure sibi per stipulationem quæsito, quomodo velit, nascatur. argum. in *L. 4. supr. ad Trebell.* Non idem dici potest in ceteris rebus, quas quis stipuletur sibi aut Titio, cum enim haec semel a promissore soluta non dico citius ad eum reversura sint, si eas solverit Titio, quam si solverit stipulatori, sed utri eas solverit, pariter ad eum nunquam sint redditurae: non potest dici quidquam referre eius, utrum eas Titio capite minuto solvat potius, quam stipulatori. Proinde ut id cum incommodo stipulatoris faciat, concedi non debet; nam ut nulla sit hic tacita conventio sit, de qua Africanus loquitur in *d. L. cum quis*, tamen melius non est indulgendum. *L. in fundo, supr. de rei vind.* Sed si haec rationes fuerint excipiendi usufructus, quas dixi, sive una aliqua ex his, qui fit, dicit aliquis, ut nullam harum reddat Papinianus, sed eam, quae a superioribus longe dissidet, at prope nihil ad probandum id, quod de facultate usufructus solvendi diximus, pertinet? At enim, *Titio capite deminuto, facultas solvendi Titio non intercedit*: quia ut sic stipulari possumus, *mihi aut Titio, cum capite minutus erit, dari.* Et animadvertendum est Papinianum pro

pro certo habuisse usufructum mihi aut Titio dari promissum, posse Titio etiam capite deminuto solvi, si hic utilitas stipulatoris atque ea conventio tacita, quam diximus in similibus ceterarum rerum stipulationibus inesse, aolum spectetur; quasi natura usufructus aatis ipsa per se doceret, aut nihil interesse stipulatoris quo tempore solveretur usufructus Titio, aut certe interesse promissoris eum quovis tempore solvi potius Titio, quam stipulatori. Et ob id istarum rerum rationem prætermisit. Sed aliud videbatur ob stare huic facultati solvendi, petim et ipsam ex natura usufructus. Ut enim hic personæ fructuarii cohereret, ut non possit ab eo ad stipulatorem transire: ita et capitis minutione amittitur; ac scriptum est in *L. 1. supr. quib. mod. usufruct. vel usus amit.* non solum usufructum amitti capitis minutione, sed et actionem de usufructu, si modo iam usufructus ita sit constitutus, ut dies eius cesserit. Et Papinianus nihil ob stare in hac re capitis diminutionem Titii, quominus ei postea recte solvatur, declarat hoc argumento, quod si quis, quamvis pure usufructum sibi stipulatus sit, potest tamen personam Titii ita adicere, ut stipuletur ei eundem usufructum dari, cum capite minutus erit, ac capitis eius diminutione secuta nihilominus ei solvi potest. Si hoc casu non desinit usufructus Titio solvi posse, quamvis pure constitutus: ne tum quidem desinet, cum sine concommoratione capitis diminutionis Titii quis sibi aut Titio usufructum dari stipulatus fuerit: propterea quod utroque casu usufructus pure solum debeat, et sine conditione capitis diminutionis. Non enim debetur Titio, sed soli stipulatori; cui pure constitutus est, et statim non tunc, cum capite minutus erit. Ad rem non facit, quod dicitur usufructum capitis minutione amitti; hoc enim dicitur de capitis minutione fructuarii, et eius cui usufructus constitutus est; non autem est Titio constitutus usufructus; denique Titio ex hac stipulatione nihil debetur. Etsi autem de usufructu tantum loquitur Papinianus, nec alias res præter usufructum exceptas legimus; quæ adiecto statu eius mutato solvi possint: tamen animadvertenda excipiendi usufructus causa, et illa ratione, qua superior ratio Africanus defenditur: generaliter probandum puto: quoties quis stipulator rem aliquam sibi aut Titio, quæ res ad stipulatorem reversura non sit; quod accidit, cum donandi animo Titii persona interposita est: toties Titio et integro statu eius manente, et

capite deminuto solvi posse: quia cum ex ea solutione nihil ad stipulatorem redeat, nihil eius interest, quo tempore potius Titio solvatur; arg. in *L. Julianus, §. 1. infr. eod.* Hac de status mutatione adiecti hoc redeant in summa. Etsi hæc stipulatio, mihi aut Titio dari verbis hoc simpliciter, et sine exceptione promissori tribuit, ut possit Titio solvere; tamen tacita conventiones id ita temperari, dum ne Titio in deteriore causam capite deminuto solvatur, quibus in causis res Titio soluta ad stipulatorem reverti debet; ut efficiatur, quod supra posui, non quidquid verba promissori tribuunt, id promissori ad solvendum licere: quia sententia contrahentium, et tacita conventio refragetur. Quod si hæc non obstar, verbis standum esse non dubitavimus. *L. quidquid, infr. eod. L. non est, supr. de trans.* Num igitur progreditur hæc conventio longius? Et ut excipit hæc conventio status Titii mutationem, quia indicio et animo contrahentium statu mutato alius quodammodo sit Titius: ita probandum est, quandiu Titius eodem statu erit, quo fuit, cum eius persona adiecta est, nullam intelligi conventionem, ne ei quandoque solvi liceat. Nam si ei ab initio solvi potuit ex stipulatione, idque actum esse aperte verba demonstrant; quid est, cur quandoque postea non possit, cum quominus posset, nihil in re aut personis stipulatione comprehensis intervenire? Quod si ita est habemus iam, quod de potestate promissori ex hac stipulatione tributa sine hesitatione definimus: dum nimirum in genere facti, promissori solvat; in persona, dum solvat Titio adiecto: mutatione status Titii excepta (quæ tamen quatenus noceat, diximus) nihil esse impedimento ex stipulatione, quominus Titio promissori recte solvat, ac solvendo liberetur. Et tamen de quibusdam hic dubitatum est. Quid enim, si Titii persona non sit idonea, eui quod deberetur, soli solvi posset, veluti si sit in potestate tutorum, curatoremve quid; si stipulator vetet solvi? cur iussu solvendi revocare ei non liceat? quid, si sæpius interpellatus a stipulatore promissori frustratur, ac neque stipulatori solvat, neque Titio? Nos vero dicimus nihil horum ob stare promissori, quominus Titio quandoque recte solvat; et omnino si quid est, quod illum removeat, uos est conventio, quæ id faciat, si convenerit postea, ut soli stipulatori solveret; quo facto tamen non facultas Titio solvendi ex stipulatione deo-

gatur; sed quæ stipulatione tribuebatur, voluntate eius remittitur: ut ne hoc quidem de ea potestate solvendi, quam ex stipulatione esse dicimus, quidquam detrahat.

De quibus tamen ne qua sit dubitatio, paulo explicatio subiciam de singulis, quo et eadem veteribus placuisse, et quam recte placuerint, intelligatur. † Primum promissori ad solutionem nihil obstat adiecti conditio; stipulatus quis est sibi aut Stichō servo; soli Stichō sine voluntate domini recte solvitur. *L. stipulatus sum, 9. L. Stichum. §. usufructum, in fin. infr. de sol.* Dominus servi si esset creditor, sine voluntate eius servo solvi non posset. *L. quod servus, infr. de sol.* At hic stipulator creditor est, cuius voluntate si servo alieno solvitur, tam liberatur promissor, quam si creditori ipsi solutum esset. *L. solutam. L. si ita stipulatus, 59. infr. de sol.* Stipulatus quis est sibi aut pupillo dari; promissorem etiam sine tutoris auctoritate solvendo pupillo liberari placet. *L. si stipulatus fuero, 44. infr. de sol.* eadem ista ratione videlicet, quasi creditori ipsi solutum esset. *d. L. si ita stipulatus, 59. de sol.* Ibi debitoribus pupillo solventibus necessaria est ad liberationem tutoris auctoritas, cum ipsi pupillo debetur: ne is sine tutoris auctoritate deteriores conditionem suam faciat debitorum liberando: quod ius vetat. *§. at ex contrario, Instit. quib. al. lic. vel non. Instit. de auct. tut.* Iam enim sæpe diximus adiecto nihil deberi, tantumque ei solvi posse. *L. sed etsi, de pec. const. L. 10. de sol.* Quinimo nec pupillo adiecto quidquam ex hac stipulatione queritur; ne quis forte hoc periculum metuat, ne ille pecuniam accipiendo perdat; nam si pecunia apud eum extat, aut in rem eius versa est, restituere cogitur: si amisit, non tenetur quidem; sed nec si quidquam de suo decedit, quis etsi pecuniam haberet, tamen apud eum manere non oporteret. *L. si pupilli, supr. eod.* Quid ergo, si pupillas interpositus sit donationis causa? ne sic quidem tutore auctore necesse erit solvere; huic enim promissor nec obligatus fuit, nec quidquam prestare ad liberationem debuit: sed soli stipulatori, cui si solveret, nemo dicit illi cuiusquam tutoris auctoritatem esse necessariam. Quod autem pupillo solvit, eo loco habendum est, quasi stipulatori solvisset; voluntate enim eius solvit. *d. L. si ita stipulatus, 59. de sol.* Nec simile est, quod servum pupillo dare, et liberum esse iussu placuit pupillo sine tutoris en-

toritate dare non posse. *L. servus decem. 68. infr. de sol.* Etsi enim quod pupillo prestandum est conditionis implendæ causa, non magis debetur pupillo, quam quod adiecto dari debet. Etsi præterea et stipulator ex hac stipulatione, et testator ex superiore conditione, uterque hoc animo est, ut velit pecuniam ad pupillum pervenire, ne illi depereat, ut pote cui donatum voluit: tamen inter servum conditionis implendæ causa dare iussuam, et promissorem pecuniæ hoc interest, quod servus hac conditione liber esse iubetur, si ita det, ut testator datum vult; neque vero aliter fiet liber, quam si conditioni perierit: quod Marcellus significat in *d. L. servus decem, in fin.* Promissor autem ex hac stipulatione non ita se promittit pupillo datum, ut aliter se obliget, quam fuit stipulatori ipsi obligatus. Quinimo hoc ipsam agitur, ut in locum stipulatoris substituat pupillus, ut dum promissor huic solvet, videatur stipulatori solvere. *d. L. 59. de sol.* Potuit autem, ut dixi, solvere stipulatori sine ullius tutoris auctoritate; poterit igitur et pupillo ex conventionē: quando ei vice stipulatoris dare iussus est. Nihil ergo, ut dixi, dum adiecto solvitur, promissori solventi ad liberationem officit adiecti conditio. † Quid voluntas creditoris? 9 ne hæc quidem. Adiecto, etiam invito et vetante stipulatore, recte solvitur. *§. plane, Inst. de inut. stip. L. vero, infr. de sol.* Nam quod dicitur invito vel ignorante creditore alii solvi non posse, *L. invito, C. de sol.* plane hæc non pertinet; non enim invito creditore solvit, qui ab illo iam a principio et quidem ex conditione stipulationis facultatem Titio solvendi accepit. At enim nunc creditor mutat voluntatem. Cur ei mutare non liceat, ut in mandato accidit? Sed visum est longe aliud esse, iure stipulationis Titio solvi posse; aliud postea permissu stipulatoris id contingere. Ut hic quidem voluntatem mutare licet prius, quam solvitur: illic non licet. *L. aliud, antep. d. L. vero, infr. de sol.* At quamobrem, cum utraque facultas proficiat ex voluntate stipulatoris, usque adeo, ut Paulus scribat, nihil interesse, iubeam te Titio solvere, an ab initio stipulatio ita concepta sit? *d. L. si ita stipulatus, 59. Ulpianus in d. L. vero,* hæc differentie rationem reddit, quod cum aliquis stipulatus est sibi aut Titio, certam conditionem habuit stipulatio, quam immutare non potuit stipulator. Sed verendum esse quis dixerit, ne hæc ratio non sit astis. Quid enim cum stipulator mandavit debitori, ut

ut Titio solveret, an non et hic mandatum manifestam conditionem habet, ut Titio solvere liceat? et tamen hanc conditionem potest immutare stipulator ipso etiam Ulpiano auctore. Bene vero Ulpianus superiore ratione rem expedit; multum enim interest inter mandatum, et stipulationem. Ac quod ad istarum rerum ius attinet, satis constabat mandatum sola mandantis voluntate revocari posse rebus integris. §. recte, *Instit. de mand.* Stipulationem autem, uti ceteros prope contractus omnes, mutari non posse, nisi utriusque ex contrahentibus consensu. *L. sicut, C. de obl. et act.* Itaque non fuit, cur id poneret, quod erat iuris explorati. Solum hoc dubitationem habere potuit, an facultas Titio solvendi stipulatione comprehensa mandati tantum iure haberetur, an vero pars esset stipulationis. Ille ergo hoc solum urget, et docet stipulationis partem esse, et eam quidem, quæ certam det conditionem stipulationi. Ea est, ut dum promissor solvet Titio, non possit stipulator pecuniam ab eo petere, in quo maxime effectus stipulationis cernitur. Hoc posito recte intulit stipulatorem eam conditionem immutare non posse. Nihil addidit de eo permissu stipulatoris, qui stipulationem secutus est: quia nemo dubitare posset quin hic non esset pars stipulationis, aut obligationem præcedentem non immutaret. Ergo quod Paulus scribit in *d. L. si ita stipulatus*, nihil interesse, utrum iubeam te Titio solvere, an ab initio stipulatio ita concepta sit, sic accipiendum est: ut intelligatur nihil interesse in eo, de quo apud eum quærebat; quærebat autem, an quod adiecto solvitur, videatur solum stipulatori, quod ille exemplis duobus confirmat; ut sic recte colligat tam hoc videri factum, si iure stipulationis Titio solvatur, quam si mandatum solo creditoris id fiat. † Venio ad cessationem, et frustrationem promissoris; quid ergo, si ille sæpius interpellatur a stipulatore, ut solvat, neget se ei solvere causatus se velle solvere Titio; interim neque stipulatori solvat, neque Titio: an non æquum videtur, ut facultatem amittat Titio solvendi, ac iam tandem cum effectu incipiat stipulatori teneri? Et qui facultatem Titio solvendi iure stipulationis constitutam habet, is quamdiu stipulatio manebit, eandem quoque retineat necesse est, quantumcumque stipulatorem sit frustratus; proinde quandoque Titio solvendo is actionem evitabit. Et tamen hoc ita placuit, si solvat Titio ante li-

tem contestatam; lite semel contestata placet eam facultatem amitti. *L. si quis stipulatus fuerit decem, infr. de sol. L. fideiussor obligari, infr. de fid. ut et de omni facultate alii dandi, aut alterius rei solvendæ promissori data ostendimus ad L. si Titius, 9. supr. eod.* Qua sententia efficitur, ne quod ante metuebamus, impune promissori liceat frustrari stipulationem. Aget enim is cum promissore, quod potest, ut cui soli ex stipulatione obligatio et actio quæsitæ sit. Hic necesse habebit promissor in iure vel negare se promississe, vel aliquam exceptionem obicere, ut dicat se aliqua de causa non teneri. Utrumvis fecerit, litem est contestatus. *L. unica, C. de lit. cont.* Hac contestata dicimus iam amplius Titio solvi non posse. Ita fieri, ut condemnatus necesse habeat stipulatori solvere. Sed an non videntur hæc esse pignancia: licere promissori iure stipulationis quandoque Titio solvere, quoniam hæc illi potestas stipulatione tribuitur sine ulla exceptione; ut diximus; et tamen eidem post litem contestatam id facere non licere? Non sunt: † quod enim post litem contestatam Titio solvi non potest, non vi sententia stipulationis efficitur; sed contra stipulationem nova conventionem, atque adeo novationem prioris obligationis interposita, qua a potestate Titio solvendi discedatur; quippe iudicio contrahitur, ut stipulatione. *L. 3. §. idem scribit, supr. de pec.* Idest, iudicio suscipiendo et lite contestanda novam obligationem contrahit reus cum actore de eo, quod a se petitur: dum enim de eo iudicium in se suscipit, et se iurisdictioni et iudicio iudicis in ea re subiicit, hoc dicere intelligitur, se ut sententiæ iudicis pariturum, ita iudicatum soluturum, si condemnatus fuerit; unde obligatio et actio iudicati. Adeoque in ea contestatione nova obligatio contrahitur, ut etiam novatio prioris obligationis fieri intelligatur, prout actori commodum fuerit. *L. aliam, infr. de novat.* Quæ res facit, ut quod promissor prius stipulatori iam debuit, ut posset et Titio solvere: nunc lite de eo contestata intelligatur id soli stipulatori promittere se soluturum, ut ille sibi soli actionem instituebat, non autem sibi aut Titio. Ita non mirum, si prioris stipulationis novatione pro commodo stipulatoris facta, soli ei promissor ex posteriore conventionem et obligetur, et solvere debeat. Ut autem intelligatur nihil hic constitui proprium litis contestatæ, nec causam huius po-

potestas amittenda esse in litis contestatione, sed in conventionem, quæ litis contestationem continetur: observabimus quavis conventionem extra iudicium interposita hanc eandem solvendi potestatem intercidere, non tantum novatione nominatim facta; sed etiam citra novationem, si convenerit, ut promissor soli stipulatori solveret: veluti, si constitutus sit ei soli pecuniam solvendum; sed hoc adiecto, inquam; ut diceret se ei soli solvendum, ut expressum est in *L. si vero, supr. de pec. constitut.* nam aliqui qui simpliciter constituit se ei solvendum, nihilominus adhuc poterit Titioolvere, ut utriusque responsi idem auctor Paulus probat in *L. si ita stipulatus, 59. infr. de solut.* Sed obstat promissori constituti obligatio, qua se ille ita obligavit, ut

stipulatori solverat, non stipulatori, aut Titio. Disputat Paulus hoc non obstare hac ratione, quod qui Titio solvit, etiam stipulatori solvisse, atque ita constituto satisfecisse videtur. Quod ait post hoc constitutum posse promissorem adhuc adiectoolvere. Quod addit insuper hanc solutionem eo loco esse, ut videatur stipulatori solutum, idque exemplis confirmat: satis declarat etiam in hac specie ita Titio solvi posse, ut liberatio ipso iure contingat; tunc enim dicitur solvi Titio posse, cum iure potest, seu ipso iura. §. *plane, Inst. de inut. stip.* Et si stipulatori ipsi recta solutum esset, nemo dubitaret, quin ipso iure contingeret liberatio. *tit. quib. mod. tol. obl. in princ.*

Ad L. Eum, qui ita stipulatur. 56.

Idem lib. LII. Digestorum.

Eum qui ita stipulatur, *Mihi et Titio decem dare spondes?* vero similis est semper una decem communiter sibi et Titio stipulari: sicuti qui legat Titio et Sempronio, non aliud intelligitur quam una decem communiter duobus legare.

SUMMARIA.

1. *Stipulatio hæc: Mihi et Titio decem dare spondes: diversa est omnino ab ea: Mihi aut Titio, etc. eiusque dissimilitudo primum stipulatoris, tum Titii adiecti respectu demonstratur. et n. 4.*

2. *In stipulationem: Mihi et Titio decem dare spondes, an eadem decem, an vero bis decem deducta videantur.*

3. *L. Si mihi, 110. iur. h. t. verba explicantur.*

1. **H**AC stipulatio recepta, Mihi aut Titio decem dabis, quia placet solutionem saltim in Titium utiliter confarri, de qua proximo capite diximus: quæsitum est, num idem efficaretur coniunctim stipulando hoc modo, Mihi et Titio decem dare spondes? de qua stipulatione hoc loco. Movit quæestionem conceptionis similitudo; utrobique enim eadem personarum enumeratio est, summa eadem quæ verbis stipulationis in eisdem personas confertur. Et ne species similitudinis nos decipiat, non idem efficitur utraque; ex quo est, quod et de posteriore præcipitur partim hoc loco, partim aliis quibusdam. De qua ut semel dicatur, sic habendum est: tantum abesse, ut utraque stipulatione efficiatur idem, ut diversa prope omnia, atque ad contrariam constituta sint in hac posteriore, non tantum in persona Titii, de quo præcipue agitur, sed etiam, quod minime videbatur, in persona ipsius stipulatoris. Quod cum ita sit, ita commodissime vo-

Tom. XI.

tari poterit dissimilitudo, si de stipulatore primum, deinde ordine de Titio dixerit. De stipulatore si quæritur, inter utranque stipulationem hoc convenit, quod utrobique stipulator, qui sibi stipulatur, etiam stipulando sibi acquirit obligationem. Hoc interest, quod ex prioris quantum deductum est in stipulationem, tantum stipulanti debetur: §. *plane, Inst. de inut. stip.* ex posteriore dimidium dumtaxat. *L. si mihi, 110. infr. eod. id ex eo accidit, quod ex prioris stipulatione, enumeratione personarum, summa stipulatione comprehensa non dividitur; ex posteriore pro numero personarum dividitur; ea vis est orationis disiunctivæ et conjunctivæ. Nam cum disiunctim stipulor mihi aut Titio decem, non attribuo hanc summam pluribus, sed uni tantum sub conditione, si alteri non datur: vel si malumus, duobus quidam, sed sub alternatione, ita ut uni tantum dari debeat, quem promissor elagerit. Porro non potest dici enumeratio*

67*

tione

tione personarum divisa summa, quæ uni tantum personæ attributa est. At cum stipulor coniunctim mihi et Titio decem, eodem tempore et simul stipulor eandem summam duobus dari, mihi et Titio. Quoties pluribus sive qui dent, sive quibus detur, eadem summa aut testamento adscripta, aut stipulatione attributa est, toties in singulas quoque personas divisa intelligitur. *L. cui fundus, supr. de cond. et dem. L. res. §. 1. infr. de duo. re.* ut his verbis, decem mihi et Titio decem, perinde sit, ac si dixissem, mihi et Titio simul decem dabis, idest, mihi quinque, et Titio quinque separatim? Et hoc quidem accipi dubio ita est, si in hac stipulatione decem, quæ mihi et Titio stipulor, una decem intelligantur. Sed dici potest alia atque alia decem in persona utriusque in stipulatum esse deducta, ut mihi decem solida stipulor, et alia decem solida Titio; quod si vere dicatur, consequens erit non minus ex hac stipulatione tota decem stipulanti deberi, quam ex priore. † Inde quæsitum, an hic eadem decem accipi debeant, an his decem. Quæstio huius loci, in qua Iulianus ita statuit, vero similis esse una decem communiter in utriusque persona comprehendendi. Definitio huc spectat, videlicet, ut efficiatur, quod supra dixi, ex ea stipulatione divisim decem, stipulanti quinque tantum deberi: cum non alia sibi stipulatus sit, alia Titio. Sed cur eadem decem accipimus potius, quam alia atque alia, cum verbum decem duobus adscriptum utramque sententiam recipiat? Perspicuum est pertinere hoc ad regulam iuris qua efficitur, in stipulationibus cum quæritur, quid actum sit, verba contra stipulatorem esse interpretanda. *L. stipulatio ista, §. in stipulationibus, supr. eod. L. quidquid, infr.* Hoc loco dixerit quispiam, non inique fortasse nos fuisse dicturos partem solum ex hac stipulatione stipulanti acquiri, si is partem alteram utiliter stipularetur Titio. Nunc cum ei stipuletur inutiliter, ut postea dicemus, videri ita potius statui debuisse, Titii personam pro non adiecta habendam; proinde tanquam subducta Titii persona, æquum esse solida decem stipulatione comprehensa stipulanti deberi. † Et huic dubitationi occurrere videtur Papinianus in *dict. L. si mihi*, 110. *infr.* qui cum posuisset ex hac stipulatione mihi et Titio, deberi mihi sola quinque, ita subicit: *pars enim aliena deducitur, ut quod extraneo inutiliter stipulatus*

sum, non augeat meam partem. Sensus est: *Pars aliena*, id est, quam alii sum stipulatus, nempe Titio; ita deducitur, id est, subducitur, detrahiturque de mea, ut quamvis inutiliter eam stipulatus sim, tamen mihi non acquiratur, ut sic quæstia, et mea iuncta augeat meam partem: et hoc, quia extraneo stipulatus sum: in quo inest hæc ratio, quia stipulatus sum extraneo, non mihi. Optima ratio: hoc enim cum fit, neque illi acquiri potest, prohibente iure: neque mihi, cessante voluntate, ut est in *L. multum, C. si quis alt. vel sibi, et L. si genero, C. de iur. dot.* Ergo, ut proposui, ex hac stipulatione, mihi et Titio decem dari, sola quinque stipulanti debentur. Sed ex hac stipulatione, inquam, ubi communiter et semel utrique decem stipulor, de qua specie nunc agimus. Nam si stipulatus sim singulis decem, hoc modo, mihi decem et Titio decem dare spondes? non puto in tam aperta stipulatione ambigendum esse, quin decem solida debeantur ei, quem constet solida sibi esse stipulatum, de quo disserui ad *L. stipulatio ista. §. eum, qui ita, supr. eod.* † Quod ad Titium attinet 4 etsi de eo nihil nominatim a veteribus definitum legimus: tamen hoc posito, quod illi defuierunt, ex hac stipulatione, mihi et Titio decem dabis, me sola quinque mihi stipulari videri, alia quinque Titio; intelligitur satis, sua sponte, quid de eo tenere debeamus. Id autem est, huic nec obligationem ullam acquiri, nec quidquam a promissore solvi posse. Iam primum ex hac stipulatione obligationem aut actionem ei non acquiri constat, non magis, quam ex illa, mihi aut Titio dari: in totum enim alteri stipulari non possumus. *L. stipulatio ista, §. alteri, supr. eod.* Et hoc sit alteri stipulationi cum altera commune. At in eo iam etiam in persona Titii longe dissident, quod ex priore saltem solutio confertur in Titium; unde et ei solvi potest, etiam invito stipulatore. *d. §. plane, Inst. de inut. stip.* Ex hac posteriore in Titium plane nihil confertur, ac ne solutio quidem. Id, superioribus illis positum non tam intelligitur, quam efficitur necessario. Sic autem colligitur: aut enim volumus ea quinque illi solvi, quæ mihi debentur, aut ea quæ illi sum stipulatus. Quæ mihi debentur, ea illi solvi non possunt, quia non sum stipulatus illi dari, sed mihi tantum; quæ vero illi dari stipulatus sum, ea neque mihi, neque illi debita, fieri non potest natura, ut cuiquam solvi possint; cum solutio non sit, nisi eius quod debetur. *tit. quib.*

Ad §. Te et Titium heredem.

Te et Titium heredem tuum decem daturum spondes? Titii persona supervacua comprehensa est; sive enim solus heres extiterit, in solidum tenebitur; sive pro parte, eodem modo quo cæteri coheredes eius obligabitur; et quamvis convenisse videatur ne ab alio herede quam a Titio pectretur, tamen inutile pactum conventum coheredibus eius erit.

SUMMARI A.

1. In stipulatione hac: Te et Titium heredem tuum X. daturum spondes? cautio de uno herede interposita plane est inutilis.
2. Heres extra portionem hereditariam pro extraneo habetur.
3. Coheredibus an superior cautio proficiat, ita saltem ut Exceptio detur.

- 1 QUI se daturum promittit, frustra certi heredis sui, puta Titii personam complectitur, quem idem daturum promittat: sive id queritur, ut heres ea cautione obligetur, sive id, ut prosit cautio eius coheredibus. Ut hoc modo obligetur heres, de eo cavetur frustra. Nam si id agitur, ut obligetur tantum, quatenus erit heres; supervacua cautio est: cum et sine cautione ad eum modum teneretur, ut pote in ius defuncti eatenus succedens, qui solus heres est, tenetur in solidum. *L. more, L. heres in omne, supr. de acq. her.* Qui cum aliis, tenetur solum pro portione hereditaria, iure ipso ita æs alienum inter heredes dividenda. *L. 2. C. de her. act. L. pacto successorum. C. de pact. L. ea quæ, C. fa. etc.* Sin. id agitur, ut ex multis heredibus stipulatoris obligetur unus in solidum; stipulatio improbatum legibus: Ut enim cavendo, contrahendoque extraneum obligare nemo potest; *L. 3. C. ne u.x. pro ma. L. 1. C. ne fil. pro pat. sic nec heredem suum ultra portionem hereditariam;*
- 2 † heres enim extra hanc portionem non est heres; ac proinde extraneus habendus est. *L. si adultu, C. de her. act. L. cum*
- 3 *a matre, Cod. de rei vind. †* Sed quæ illi stipulatio non nocet, quo magis obligetur, an prosit coheredibus, quæsitum est. Movet, quod cum defunctus promittit Titium heredem suum solum daturum, id cavet, aut ne cæteri coheredes obligentur, aut ne possint conveniri a stipulatore, qui de pecunia a Titio tantum danda stipulatus est. Iulianus ait inutile pactum conventum

coheredibus eius futurum; unde intelligimus, quod proposui, cautionem de uno herede interpositam plane esse inutilem. Et certe non id efficit, quin cæteri coheredes ipso iure obligentur, ac nec potest. Nam si defunctus promisit et obligatus est, in hanc obligationem succedunt heredes omnes. *L. veteris, C. de cont. et com. stip. d. & more, supr. de acq. her. L. 1. et 2. supr. de bon. poss.* Alioquin heredes non sint: cum hereditas nihil aliud sit, quam successio in universum ius, quod defunctus habuit. *L. nihil aliud, infr. de verb. sig. L. hereditas, infr. de reg. iur.* Sed cur non prosit cautio saltem hactenus, ut exceptione tuti non possint conveniri, non abs re dubitatur. Nam Iulianus pactum conventum subesse fatetur, non ad obligationem cæterorum, ut quidam hic nugantur, sed ad liberationem: ne ab his petatur videlicet, sed a solo Titio. Porro constat ita quibusdam heredibus consuli concessum esse, ut non consulatur aliis. *L. avus, supr. de pact.* An ideo non prodest pactum cæteris, quia non aperte convenit? sed tacitæ conventiones non minus valent, quam nuncupatæ. *L. 2. L. 4. sup. de pact.* An quod principalis promissio fuit inutilis, ideo et pactio promissioni implicita non valebit? ne id dixerimus; nam si cautio duo continet: Unum, ut solus obligetur Titius, alterum, ne petatur a cæteris: nihil prohibet ita priorem conventionem de solo Titio obligando esse inutilem: ut tamen utiliter caveatur, ne a quibusdam licet iure obligatis petatur. Alterum enim caveri ius

prohibet; alterum recte sit ex edicto de pactis. Neque vero utilis pactio vitiat per aliam inutilem. *L. 1. §. sed etsi mihi, sup. eod.* Sic res habet; quidquid inter aliquos de re privata et familiari convenisse constabit, conventio iusta est, prodestque ex edicto ad exceptionem. *L. iuris gentium, L. sed cum nulla, §. ait, §. si pasciscar, sup. de pact.* Nec ad rem pertinebit, quod ea conventio erit inutilis, quæ tacitam conventionem implicitam in se habet: etiam si maxime quæ inutilis est, sit principalis; ea quæ tacite inest, non tantum sit illi consequens, sed etiam accessoria. Idque hoc argumento evidente declaratur. Nam cum creditor pretium, quod sibi debebatur, debitori donasset, quo facto et pignus, quod in eam causam obligatum erat, tacita conventionem remisisset intelligebatur; proponeretur autem donationem aliqua de causa esse inutilem: tamen placuit nihilominus servandam esse conventionem tacitam, atque adeo accessoriam de pignore, eoque et pignus satis remissum videri: tantum ideo, quod quæ causa donationem impediret, ea locum non haberet in pignore. *L. 1. §. 1. sup. quib. mod. pig. vel hyp. sol.* Legimus quidem inutilem stipulationem nec tanquam pactum valere; sed non valere, ut obligetur scilicet promissor eo pacto de ea re, quæ in stipulatum deducta erat. *L. 1. §. si quis ita, sup. eod. L. 1. §. eum, qui, sup. de const. pec.* Sed nihil hoc ad eam speciem de qua nunc agimus: in qua aperte conventio de alia re facta est, quam de qua promissio est interposita. Hæc ad Titium obligandum pertinet; illa ad coheredes liberandos. Quæ de pecunia a solo Titio danda promissio est, eam fatemur esse eiusmodi, ut quemadmodum ipsa per se est inutilis; sic nec de eadem re danda pactum in se habeat. At illud si certo convenit, ut quamvis tenean-

tur iure cæteri coheredes, tamen ne ab his petatur; dubitari non debet, quin inutilis officere non debeat iustæ et concessæ conventioni. Et tamen Iulianus, qui hic pactum eiusmodi inesse concedit, idem ait inutile pactum fore coheredibus. Quid ergo est? Dicendum est pactionem omnem, ne ab heredibus petatur aut omnibus, aut certe quibusdam, prodesse quibuslibet heredibus, quibus a defuncto cautum est; quod et edicto de pactis efficitur, et disertè cautum est *d. L. avus, sup. de pact.* sed eam pactionem, quæ simpliciter et pure concepta sit, ne petatur. Quod si erit conventio sub conditione, intelligi debet secundum regulam de conventionibus conditionalibus traditam, non aliter conventionem valere, quam si conditio extiterit. *§. sub conditione, Inst. eod. L. cedere, infr. de verb. sig.* Atqui fuit conventio huius loci conditionalis; convenit enim, ne peteretur a cæteris coheredibus; sed ita, si modo Titius solidum solveret, ut cautum erat. Nam hoc quidem perspicue agebatur, ut creditor ab uno saltem totum consequeretur: utque fuit tacitum hoc pactum, ne peteretur a cæteris; ita et conditionem hæc in se tacitam habuit, quam dixi. Hæc iam conditio non existit, ubi Titius nec tenetur iure, nec sponte solvit solidum. Non mirum, si deficiente conditione conventionem inutilem esse dicimus. Ex quo apparet, non propter genus conventionis hoc accidere: sed propter conventionis conditionem, quæ deficit. Quapropter rectissime sentiunt, qui putant, si aperte ageretur, ne liceret a cæteris coheredibus petere sive Titius solidum daret, sive non daret, conventionem heredibus profuturam. Sic enim pura est conventio: cui nihil deesse potest, quominus ex edicto pariat exceptionem.

Ad §.



Ad §. Qui sibi, aut filio suo.

Qui sibi aut filio suo dari stipulatur: manifeste personam filii in hoc complexitur, ut ei recte solvatur, neque interest, sibi aut extraneo quilibet, an sibi aut filio suo quis stipuletur; quare vel manente in potestate, vel emancipato filio recte solvitur. Neque ad rem pertinet, quod qui filio suo dari stipulatur, sibi acquirit: quia coniuncte sua persona stipulator efficit, ut non acquirendæ obligationis gratia, sed solutionis causæ personam filii adprehendisse intelligatur.

Quod ei soli filio suo qui in potestate sua sit, dari quis stipulatus sit: non recte filio solvetur: quia filii persona obligationi magis quam solutioni applicatur.

SUMMARI A.

1. *Solutio in quamvis personam stipulationi adiectam recte confertur.*

2. *Pater an recte stipuletur dari sibi aut filio, quem in potestate habet, et quæ dubitandi ratio.*

1. **C**onvenit recte quemque stipulari sibi etiam invito stipulatore, etsi huic soli ex ea stipulatione obligatio acquiritur. §. *plane*, *Inst. de inut. stip.* Titium cum dicimus, exempli causæ dicimus; placet enim cuiuscunque persona stipulationi adiecta sit, recte in eum solutionem conferri: ut, si stipuler mihi, aut Titio filinam. Mihi, aut Sticho servo Sempronii; mihi, aut pupillo. Ius a nobis supra expositum ad *L. præced.* Et non dubitatur, quin hoc ita sit, si quis stipuletur sibi aut alii extraneo, idest, ei, qui non sit in potestate stipulatoris, ut sic per eum nihil possit stipulanti acquiri. At si quis stipuletur sibi, aut alii, quem in potestate habeat, per quem ideo res alioqui inire acquirantur, hic quaesitum est, sit ne utilis huiusmodi personæ adiectio, an inutilis, ut adiectæ ne solvi quidem possit. Quod hic tractatum est in patre stipulante sibi aut filio suo, quem in potestate habet; in domino stipulante sibi aut servo suo multo iustius quaeretur, cum servus is sit, qui teneatur arctiore vinculo potestatis, et per quem sine exceptione omnia domino acquirantur. Sed quoniam de patre hic agitur, ad eum orationem conferemus, 2. *Idem et de domino intellecturi.* † Ergo quaesitum est, an pater recte stipuletur dari sibi, aut filio, quem habet in potestate. Dubitatio ex eo, quod de patre filio stipulante generaliter traditum est, hanc ita stipulando sibi acquirere, ut indicat Iulianus hoc loco in illis verbis, nec ad rem pertinet. Nec temere est, cur ex eo videatur effici, patre sibi aut filio stipulante ne sic quidem filio solvi posse invito pa-

tre, ac proinde filii personam inutiliter edicere. Nam si pater filio stipulando sibi acquirit, et hoc de omni stipulatione patris in filium collecta dictum est; necesse est etiam tum, cum ille stipulabitur sibi aut filio, stipulationem sic accipi, quasi ipse per omnia sibi ipsi dari esset stipulator, ut in universum definitum est de iis quibus per alios stipulatio acquiritur, in *L. quodcumque*, *sup. eod.* Quod si pater in hac stipulatione sibi stipulatus videbitur, satis constat invito eo alii solvi non posse: proinde nec filio. *L. invito*, *C. de sol.* Iulianus regulam supra scriptam de personæ solutioni edicendi in omnium adiectorum persona confirmans, sive sint extranei stipulatori, sive in eius potestate; statuit hoc loco etiam patrem utiliter stipulari sibi aut filio, quem in potestate habet, ut et filio solvi possit etiam invito patre non secus, quem si cuiusvis extranei personam interposuisset. Addit, quod non tam ed præsentem dubitationem, quam ed omnem potestatem solvendi adiecto pertinet, solvi filio posse, non tantum eo in potestate manente, sed etiam emancipato: quod sic accipiendum esse apparet; non tantum en in potestate adhuc post stipulationem manente, sed etiam post eandem stipulationem emancipato: nam de eo, qui tempore stipulationis in potestate patri fuit, quaestio posita est, ut ambigendi causa ostendit. Et si manentem in potestate intelligimus, qui post stipulationem manet, itidem ed emancipatum intelligere debemus eum, qui post stipulationem ait emancipatus; quoniam cum solutionis verbum ad utrumque factum communiter referatur, etiam pariter et pro eo-
dem

dam tempora referatur, necesse est. arg. in *L. 4. §. 1. sup. de vul. et pup. sub.* Sed de status mutatione adiecti, quæ stipulatione secuta est, scripsi pluribus superiore capite: ac questio a dubitatione huius loci alienior in eum locum reicienda est. Redeo ad responsum de questione proposita, quo, ut dixi, Iulianus statuit patrem recte stipulari sibi aut filio, ut at filio solvi quandoque possit. Obstabat Iuliano superius illud dictum da patre filio stipulante. De eo ergo respondet in hanc sententiam; Quod dicitur patrem filio suo stipulante sibi acquirere, atsi dicitur generaliter, tamen da eo patre accipiendum esse, qui stipulatur tantum filio, non sibi, ut apertius hoc expressum est a Papiniano in *L. Stichum, §. questum infr. de sol.* Ad rem autem propositam, id est, ad eum, qui stipuletur sibi aut filio, de quo nunc queritur, non pertinere. Hac ratione, quod cum hoc modo prius sibi stipuletur pater, manifestum sit eum filii personam adicere solutionis tantum causam, non acquirendæ obligationis gratia: id est, non ut obligationem acquirat per filium, sed solum ut filio recte solvatur, ut initio interpretatur. Quibus verbis significat prius hoc se generaliter statuerat, at sumere pro confesso, patrem filio stipulante ita demum sibi acquirere, si stipulatur obligationis acquirendæ gratia, non solutionis tantum causa: nisi enim hæc generali sententia prius posita, quæ sit propositionis loco, ex ea ratione, quam inde assumit Iulianus colligi nihil potest: ut insit in ratione Iuliani argumentatio, cuius partes si explicentur, argumentatio talis futura fuerit: Qui stipulatur filio dari, quam in potestate habet, sibi acquirat, sed ita, si obligationis acquirendæ causa stipuletur, non ut filio tantum solvatur. At cum pater stipulatur sibi aut filio, manifeste personam filii complectitur non obligationis acquirendæ gratia, sed solutionis tantum causa. Proinde ita filio stipulando pater solutionis facultatem in filium collatam sibi non acquirat, eoque nec acquirendo in se transferat; ut consequens sit eam facultatem, uti ab initio in filium collata est, sic et in persona eius consistere. Quando igitur acquirendæ obligationis causa pater stipulari intelligatur filio, si quis rogat, respondet illa id fieri, cum pater soli filio stipulatur; ideoque hoc eam probat filio solvi non posse invito patre. In hac ratiocinatione iam concessis, quæ posita sunt, quam recte colligat, quamque apte objectionem diluat Iulianus,

apparet. Sed ipsa illa duo, quæ antecedunt, propositionem dico, et assumptionem, in dubium vocari possunt; quomobrem et ipsa aut confirmationis, aut certe explicationis indigent. In primis propositio: quæ duabus de causis falsa vidari potest. Primum quod cum generaliter traditum sit patrem filio stipulante sibi acquirere, Iulianus id revocat ad unam speciem stipulationis: nimirum eius, in qua pater obligationis acquirendæ causa stipuletur, non autem solutionis tantum gratia. Deinde quod negat id quod pater stipulatur filio etiam solutionis causa, patri acquiri. Quorum alterum est adversus generalitatem verborum definitionis, ac proinde vitiosum, at contra legem recte interpretationis statui videtur; arg. *L. item veniunt, §. petiam, vers. a quo, sup. de her. pet. L. de pretio, sup. da publici.* Alterum videtur statui etiam adversus ius manifestum, quo cautum est omnia a patre in filium profecta ad patrem redire sine exceptione. *§. 1. Inst. per quas pers. no. acq.* Sed recta utrumque Iulianus. Nam quod dictum illud superius veterum interpretatur de eo quod pater stipuletur filio obligationis acquirendæ causa, facit ille quidem præter verba, sed facit, natura rerum de quibus agitur, ita cogente, at hanc interpretationem exigente. De stipulatione patri acquirenda definitio concepta est. Acquiret sibi pater quod filio stipulatus fuerit, sed ita, si sit aliquid quod stipulatione in filium collatum natura sua possit acquiri, ut sic a filio possit ad patrem reverti iure. Quod si nihil est, quod conferatur in filium, id ut per interpositam personam filii patri acquiratur, natura non concedit. Atqui cum pater stipulatur filio obligationis acquirendæ causa, hic subest res iura, quæ consistat, quæque a patre in filium conferatur. Proinde iura quoque recta afficitur, ut hæc ad patrem redeat, unda profecta est, atque ita illi acquiratur. Ubi autem sibi prius stipulatus personam filii adiecit tantum solutionis causa, hic dicitur quidem verbis solutio in filium conferri: *§. plane. Instit. de inst. stip. varum ut superiore capite docui, re vera nihil conferatur.* Non enim conferatur ius obligationis: cum hæc in extraneum adiectum quidquam conferretur amplius, quam solutio. *d. §. plane.* At etiam plus dico. Ne factum quidem ipsum, quo pecuniam solutam accipiat, stipulatione in eum conferatur, accipere enim ille potuit sine ulla stipulatione; neque vero præter hæc quidquam ex adiectione in adiectum conferri potest. Ex hac quidem stipulatione,

mibi

mibi aut Titio filio dari, nascitur facultas solvendi Titio, quæ nulla foret nisi stipulatione esset constituta; sed hæc facultas confertur in promissorem, cuius est solvere; non in filium, cuius est accipere, quod solvitur. Ita fit, quod dicitur, ut cum a patre sibi stipulante adicitur filius solutionis causa, hic in filium nihil conferatur. Quod si nihil confertur, perspicuum in eo nihil esse, quod pater illi stipulando per interpositam eius personam sibi acquirat, prius est enim ut sit aliquid in filio, aut collectum in filium, quam ut a filio, aut per filium ad patrem redeat. Itaque hinc non pertinet, quod constitutum est, omnia a patre profecta ad patrem reverti: posteaquam hic nihil a patre in filium proficiscitur. Constat igitur Iuliano ratio interpretationis suæ, dum quod dicitur, ubi pater stipulatur filio, ipsum sibi acquirere, sic interpretatur; si acquirendæ obligationis gratia id faciat: si solutionis causa, non item. Cuius probationem ideo videtur prætermisisse, quod pro minime dubii habuerit, quoties quis adiceretur stipulationi solutionis causa, illic nihil esse, quod in adiectum conferatur; ubi autem nihil confertur, ibi natura ipsa docet fieri non posse, ut ab eo ad alios quidquam redeat. Atque hæc de propositione, quam ex assumptione intelligi diximus, satis. Ipsa etiam assumptio non nihil habet dubitationis. Quæritur enim, unde ita tandem manifestum dicat Iulianus, cum pater stipulatur sibi aut filio, hic filii personam adiectam non esse obligationis causa,

sed solutionis, cum et verba stipulationis generalia sint, filio dari; et filii conditio non minus capax sit obligationis acquirendæ, quam admittendæ solutionis. Et id apparet ex eo, quod pater prius sibi stipulatur. Etenim si de obligatione patri quærenda agitur, satis ipse hoc facio sibi eam quæsitum statim; qua semel quæsitâ non modo supervacuum sit ad eam deo quærendam filii personam adinungere, sed etiam ridiculum: quia nec si velit, possit iam quæsitam amplius sibi quærere non magis, quam quod nostrum est, amplius nostrum fieri potest. §. sic itaque, Inst. de act. Si solutionis solius causa adici intelligitur filius, cum pater stipulatur sibi aut filio suo, idque ideo quia pater prius sibi stipulando obligationem sibi satis quæsitum: contraria de causa necesse est intelligi tunc demum patrem stipulari filio obligationis acquirendæ gratia, cum non stipulatur sibi, sed soli filio. Ex quo et illud evenire necesse est, quod extremo loco de hac parte posuit, ut filio hoc casu invito patre nec solvi possit, necdum is possit invito patre ex ea stipulatione agere. Nam si acquirendæ obligationis causa stipulatur pater soli filio, ipse iuxta regulam supra scriptam de acquisitione stipulationem sibi acquirit; eoque modo totam in se transfert, quasi sibi ipsi stipulatus esset, non filio. Quo posito fit locus regulæ iuris, invito eo qui soli sibi stipulatus est, alii solvi non posse. d. L. invito, C. de sol.

Ad §. Qui ita stipulatur, decem.

Qui ita stipuletur: *decem quoad vivam dari spondes?* confestim decem recte dari petit: sed heres eius exceptione pacti conventi summovendus est; nam stipulatorem id egisse, ne heres eius peteret, palam est. Quemadmodum is qui usque in Kalendas dari stipulatur, potest quidem etiam post Kalendas petere, sed exceptione pacti summovetur; nam et heres eius cui servitus prædii ita concessa est, ut *quoad viveret, ius eundi haberet*: pacti conventi exceptione summovebitur.

SUMMARI A.

1. *Stipulatio*, Decem quoad vivam, dare spondes? an et in diem.
2. *Stipulatio* hæc an perpetua sit, an morte stipulatoris finiatur.
3. In stipulatione proposita aliisque negotiis aut in legatis obligatio ad diem aut conditionem constituta cur non post tempus finiatur.

4. Heres mortuo stipulatorem petens pacti exceptione summovetur.
5. In stipulationum divisione in §. Omnis, Instit. b. 1. proposita, cur non fiat mentio eius diei aut conditionis, ad quam usque placet pecuniam deberi.

Stipulatus quis est, *decem quoad vivam dare spondes?* De hac stipulatione.

Tom. XI.

latione duo quærentur; nunc, an sit in diem; alterum, sitne perpetua, an vero

1 stipulatoris morte finiatur. † Prior quæstio hinc nascitur, quod stipulatio sic accipi potest, et ut nos putamus, debet, ut videatur in eam deducta esse decem annua, quoad vivam: ut proinde iam incipiat dubitari, an quia decem promissa sunt singulis annis (nihil enim interest, utrum decem annua quis stipuletur, an decem in singulos annos. *L. nec semel, §. novissime, supr. quan. di. leg. ced.*) ideo decem peti non possint, nisi finito unoquoque anno, sitque hic singulorum annorum stipulatio similis illi, cum quis hoc anno dari stipulatus est, de qua in *L. qui hoc anno, supr. eod.* Ad hanc dubitationem minuendam referri debet, quod hic Iulianus statim respondet initio, decem ex hac stipulatione confestim peti posse; significat enim stipulationem non esse in diem, sed puram, postquam ex ea statim agi potest. *§. omnis, Inst. eod.* Et hoc caret dubitatione omni, si hic decem una semel tantum dari promissa sunt, non decem annua; annui enim mentione detracta nullus omnino dies adiectus proponitur: ut dubitari non possit, utrum differendæ solutionis causa adiectus sit, an non sit. Et hoc modo stipulationem esse accipiendam nonnulli defendunt; sed non est, cur in eo nunc laboremus. Nam ad id, de quo nunc agitur, idest, an statim agi possit ex hac stipulatione, necne; utrum decem semel, an decem annua promissa sint, nihil interest: cum et de hac stipulatione, decem aureos annuos, quoad vivam, Iustinianus idem scribat in *§. at si ita, Inst. eod.* quod Iulianus hoc loco; nisi quod Iustinianus pro his verbis confestim peti potest, ait pure factam stipulationem; sed hoc tantundem valet. *§. omnis, Inst. eo. tit.* Neque vero est, cur si admisserimus hic decem annua esse promissa, et dicamus nihilominus ea confestim peti posse, metnamus, ne nobis obstet; quod placet eum, qui hoc anno dari stipulatus est, in diem stipulatum videri, et nisi omnibus anni partibus præteritis agere non posse. *d. L. qui hoc anno, supr.* Nam ut ibi docuimus; utrum uno anno unam summam, an vero pluribus annis eandem per singulos annos multiplicatam stipulemur, ad solutionem differendam multum interest. Et quod ad me attinet, puto Iulianum de stipulatione annua sensisse, et brevitatis causa ideo prætermisisse verbum *annua*, quia ex his verbis, *quoad vivam*, hæc adiectio satis intelligeretur. Moveor, quod non possunt deberi decem, quoad vivam, nisi singulorum annorum sua decem intelligantur; ut enim una tantum decem promissa

sa sint pure, et tamen secundum stipulationem semper debeantur, quoad vivam, fieri non potest. Quid enim, si statim petam, ut possum; et petenti solvantur, ut promissor; quominus id faciat, recusare non potest? nempe me vivo et statim desinent deberi, et quidem ipso iure: ut iam falsum sit ea deberi, quoad vivam. Tum autem si hic decem una pure promissa sunt, ut verbis etiam ipsis omnibus constaret puram esse stipulationem, quæ potuit afferri causa, quominus ea ex iure certo confestim peti posse viderentur? quod si nulla est, non tantum supervacuum fuit id monere, de quo nemo quæreret, sed etiam ineptum id respondere de hac specie potius, quam de cæteris stipulationibus puris: cum deberet in universum designari ex stipulatione pura confestim peti posse, ut est in *d. §. omnis, Inst. eod.* Verum res loquitur ideo Iulianum hanc speciem posuisse, de qua id responderet, quod supra, quia esset in ea aliquid, cur videri posset potius esse in diem, quam aliæ, quas vere puras esse constaret; id autem solum præstat annui adiectio ob eam causam, quam supra dixi. Sed, ut dixi, sive de annua stipulatione sensit Iulianus, sive non sensit, tamen sic exemplum accipiendum est, quasi et de annua sensisset; nam et ex ea confestim agi potest. *d. §. at si ita, Inst. eod.* † Quod secundo loco quæritur, an hæc stipulatio, *decem annua quoad vivam*, perpetua sit, an morte stipulatoris finiatur, quæstio nasci videtur ex contrariis legibus. Nam ius de stipulatione ita constitutum est, ut quidquid verbis stipulationis comprehensum est, id valeat. *§. de constituta, Inst. de act.* Ac si verba stipulationis huius sequimur, aperte id agitur, ut mortuo stipulatore nihil debeatur; his enim verbis, *quoad vivam*, inest hæc conditio, si vivam. *L. si Titio, supr. quan. di. leg. ced.* quæ conditio mortuo stipulatore deficit. Ita superiore lege effici videtur, ut mortuo stipulatore nihil debeatur; proinde et finiatur post id tempus obligatio. Sed rursum prohibet ius quod est de finiendis obligationibus, quo iure certi modi constituti sunt, quibus finiatur quæque obligatio, ut solutio, acceptilatio, novatio, et similes nonnulli. Solus consensus non est in hoc numero; nisi in iis obligationibus, quæ et ipsæ solo consensu contrahuntur, et hæc quidem lege, dum is interponit rebus adhuc integris. *§. ult. Inst. quib. mod. tol. obl. L. nihil tam naturale, infr. de reg. iur. L. ab emptione, supr. de pact.* Utrum
igi-

igitur sequendum sit, quæritur. Et Iulianus hoc loco non tantum in specie stipulationis proposita, sed et aliarum quarundam conventionum similium collectis exemplis in universum ostendit, quoties aliquid promittitur ad diem vel certam, ut usque ad Calendas illas, vel incertam, id est, ad conditionem, ut quoad vivam, et quod idem valet, eo usque donec moriar: toties probandum esse, quamvis dies venerit, aut conditio existerit, tamen adhuc stipulatorem, aut heredem eius petere posse: sed potentem exceptione pacti conventi summovendum. Quo significat id, quod de hac stipulatione apertius scriptum est in §. *at si ita*, *Inst. nod.* et pure hic factam obligationem intelligi et perpetuari; sed heredem petendo pacti exceptione summovendum iri. Et ratio ibidem adiecta est, quia ad tempus deberi non possit; ac cur non possit, si quis roget, ea est, quam de vi conventionis ad finiendam obligationem supra exposui, quam eandem Paulus in hac questione reddidit in *L. obligationum fera*, *supr. de obl. et act.* quia quod alicui deberi cepit, certis modis desinit deberi; in quibus ostendi pactum non esse. Quæ lex obligationem certis tantum modis tolli concedit, aliis tolli vetat. Ea autem contra legem pactio est, quæ id fieri paciscitur, quod lex prohibet. *L. contra*, *supr. de leg. ac.* quæ contra legem est pactio, ea est inutilis. *L. 7. §. ait. L. ius publicum*, *supr. de pact.* Ius non tantum ad stipulationes pertinet, sed et ad traditiones rerum hoc pacto concessarum, ut penes possessorem essent usque ad tempus, ut constituantur interdum servitutes, ut hic declaratur, et *L. 4. supr. de ser.* Nec tantum ad ea, quæ geruntur inter vivos, sed etiam ad legata ad diem aut conditionem relicta; nam et in his non minus leges servandæ sunt; *d. L. obligationum*, *vers. plane*, *de obl. et act.*

3 *L. nemo*, *supr. de leg. 1.* † Sed cur in stipulatione proposita non servatur potius illa altera lex de stipulatione, ut quoniam stipulatione comprehensum est; ne post tempus debeat, hactenus etiam valeat stipulatio? idemque licet de legato et quidem multo magis querere. Nam et de supremis voluntatibus servandis hæc lex est, ut quisque legasset suæ rei: ita ius esto. *L. verbis legis*, *infr. de verbor. significat.* Cur non igitur, si defunctus fundum legat Titio, ut sit eius quamdiu vivet, voluntas secundum superiorem legem rata sit, ideoque mortuo legatario fundus non perveniat ad heredes? Quia in aliis legibus

Tom. XI.

certi modi præstinti sunt, loquies, quibus quod alicuius esse cepit, illius esse desinat; in quibus non est nuda conventio, aut nuda voluntas testatoris. Sed hoc quæro, cur ex duabus legibus inter se pugnantibus placeat hanc potius servari, quæ stipulationem aut legatum perpetuando, voluntati contrahentium aut testatoris voluntatem obligationem post tempus extinguere adversetur? Hæc causa est, quod lex quæ stipulationem inter aliquos contractam aut legatum a testatore relictum valere iubet, generalis est ad omnes stipulationis et legati partes, id est, ut ad initia, et ad progressum, et ad finem istarum rerum pertinet. Lex autem altera, quæ est de finienda stipulatione, omnique alia obligatione, ad partem obligationis refertur, nempe ad finem dumtaxat. In toto iure placet speciem generi derogare, et illud potissimum haberi, quod ad speciem directum est. *L. in toto iure*, *infr. de reg. iur. L. sanctio*, *infr. de pact.* Evidenter si die, aut conditione ab initio posita ad differendam obligationem, valet adiectio propter conventionem stipulationis comprehensam: cur non eadem ab initio posita ad finiendam servanda est propter eandem conventionem? quia ab initio liberum est cuique obligationem in se non admittere ante, quam velit; semel contracta et admissa obligatio cum sua natura suscipitur. *L. sicut*, *C. de obl. et act. L. in commodato*, *§. sicut*, *supr. com.* Ea obligationis natura est, ut perpetuo teneat, nisi ius te liberet, cuius iuris etiam vinculum est obligatio; sic enim definitur *Inst. de oblig.* Ut autem obligationis contrahendæ; ita et contractæ tollendæ certas et constitutas causas esse placuit; in his posterioribus non esse contrahentium conventionem solam iam sæpe diximus. Apparet igitur certe iuris ratione fieri, quominus aut in stipulatione proposita, aut in ullis aliis negotiis, aut etiam in legatis obligatio ad diem aut conditionem constituta, post tempus finitur. Ex quo evenire necesse est, ut quavis his adiectis nihilominus sit perpetua. Sed † etsi in re summo etiam post tempus actio competit; convenit tamen inter omnes post tempus petentem exceptione pacti summoveri posse, ut hic traditum est, et *d. L. obligationum*, *de obl. et act. L. 4. supr. de ser. §. at si ita*, *Inst. eod.* Quod ex edicto de pactis sumptum est: quo edicto omnia pacta ad exceptionem valent, quæ modo non sint contra leges. *L. 7. §. sed cum nulla*, et *§. ait*, *supr. de pact.* qualis est hæc conventio, ne mortuo sti-

68*

pu-

pulatore pecunia petatur. Illa quidem contra leges esset pactio, qua id ageretur, ut post mortem stipulatoris desineret deberi; ideo hoc pacto iuri publico non derogari, sed obligationem nihilominus perseverare concedimus. Sed non repugnat legibus pacto id effici, ne quod promissor debet, ab eo petatur; est enim hoc pactum, de re privata et familiari: de qua stipulatori et quivis alii pacisci licet, in eoque deteriolem iuris sui persecutionem constituere. *d. L. 7. §. si paciscar, L. pactum, supr. de pact. L. pen. C. eod.* † Ex quo non immerito queri potest, quid sit, cur, in divisione stipulationum, quæ ex diei et conditionis adiectione, itemque detractione ducta est, in §. *omnis*, *Instit. eod.* nulla fiat mentio eius diei aut conditionis; ad quam usque placet pecuniam deberi: cum tamen et hæc ad finiendam obligationem adici solent, et ut ostendimus, conventio non sit inutilis. Dicemus recte fieri, quia cum de vi stipulationis ex his rebus explicanda ageretur, non debuerit de alio die aut conditione agi, quam quæ utiliter adiceretur iure, idest, quæ adiecta aliam efficerent stipulationem, et agendi vim, quæ ex stipulatione nasceretur, minuerent; nam si obligationis et actionis potestate Iure Civili eadem manen-

te tantum aliqua exceptio adversus actionem ex conventionem ab initio interposita datur; non magis ea conventio ad stipulationis naturam immutandam pertinet, quam illæ pertinent pactiones, quæ postea interponuntur; quæ tamen et ipsæ pariunt exceptiones. Atqui et dies et conditio, ad quæ usque aliquid deberi placet, iure ad eam rem adiciuntur inutiliter, nec in eo præcedentis obligationis vim aut statum mutant. Nihil igitur ad naturam stipulationis, quæ iure constituta sit, explicandam pertineat. Valent illa quidem ad exceptionem, si post tempus constitutum agatur: sed non nascitur hæc exceptio ex stipulatione, verum ex conventionem contra stipulationem. Nam si ex stipulatione esset, quod post tempus agi non potest, ipso iure agi non posset, liceretque promissori negare se: ex stipulatione teneri; quoniam Iure Civili valet, quidquid ex stipulatione defenditur. §. *de constituta*, *Inst. de act.* Utile est de exceptionem pacti hic moneri, ne quis ad diem aut conditionem obligationem plane inutiliter constitui existimet; sed hoc ex edicto de pactis ducitur; non ex stipulatione. Quare, ut dixi, nihil hæc ad vim aut naturam stipulationis pertinent; proinde et cum de natura stipulationis ageretur, recte sunt prætermissa.

Ad §. Qui ita stipulatur, ante Calendas.

Qui ita stipulatur, *ante Kalendas proximas dari spondes?* nihil differt ab eo qui *Kalendis* dari stipulatur.

† *Idem scriptum est, quod hoc loco, in in eum locum diximus.*
L. qui ante, 13. supr. eod. vide quæ

Ad §. Qui proprietatem.

Qui proprietatem sine usufructu habet: recte usufructum dari sibi stipulatur. Id enim in obligationem deducit, quod non habet, sed habere potest.

SUMMARI A.

1. Rem quam habemus, aut quam habere non possumus, non recte stipulamur.
2. Dominus proprietatis nude, an usufructum sibi dari recte stipuletur, et n. 6.
3. Dominii duæ partes, Proprietas nude, et usufructus, et n. 5.

4. Dominium transferre ex causa legati velle stipulatu qui tenetur, obligationi non satisfacit, si fundum ita tradat, ut fructus emolumentum retineat.
7. Usufructus definitio declarata.
8. Dominus, cui usufructus sit controversia, qua actione experiatur.

† **N**Eque eam rem quam habeo, possum stipulari, neque eam quam non habeo quidem, sed habere non possum utraque enim pariter mihi dari non potest. Prior, quia satis quæsitâ non potest

nihil acquiri amplius: posterior, quia nullo modo potest acquiri. Solum autem recte dari stipulamur, quod et dari potest. *L. si stipulor, supr. eod.* † Hinc quæstio 2 hoc loco de usufructu, quem nude proprie-

pretatis dominus sibi dari a fructuario stipuletur. Non habetis quidem usufructum, ut hac parte nihil sit impedimento stipulationi: sed alterum illi videtur deesse ad stipulandi ius, usufructum habere posse videlicet. Nam si vera est et perpetua definitio usufructus, ut sit ius utendi fruendi aliena rebus, quæ traditur in *L. 1. supra de usufr. et in Inst. cod. tit.* non potest, qui fundi dominus est, eius fructu usufructum habere; quia non possit dici frui re aliena, qui sua fruitur. Iulianus, qui de posteriore ex superiore definitione dubitari, sciret, hoc potissimum consulto ramovens, ait eum, qui proprietatem sine usufructu habet, idem recte usufructum stipulari, quia in stipulatione deducatur non solum quod non habet, de quo nemo ambigit; sed etiam quod habere potest, de quo poterat dubitari; nimirum ut hinc probet usufructum illi dari posse; ac proinde rem esse ex eorum genere, quæ in stipulatione deduci possint. Hæc sententia nihil verius neque certius: quæ res in causis fuisse videtur, cur huius rei probationem prætermiserit. Tantum enim abest, ut qui proprietatem habet, usufructum habere non possit: ut solus habeat usufructum dominus, nisi sit voluntate eius, aut interdum iure usufructus alii constitutus. Jam primum usufructus domini pars esse dicitur. *L. 4. supra de usufr. et quem quis ut. L. cum filius, §. dominus, supra de leg. 2.* Ac de iure fundi ita loquitur Paulus in *L. si ita, §. 1. infra cod.* quasi fundi sit plenum ius quoddam, quod dominium vocamus, et cuius iuris duæ sint partes proprietates nuda, et usufructus. Adicitur quidem in *diet. L. 4. in multis causis*: sed hoc generaliter verum est, cum dominium absolute nominatur. et Itaque qui fundum dare, seu fundi dominium transferre debet vel ex causis legatis, vel ex stipulatione, placet eum non videri obligationi satisfacere, si fundum ita tradat, ut fructus emolumentum retineat, quia fructus habeat instar portionis. *d. L. cum filius, §. dominus, L. Movius, §. pen. de leg. 2. et hac L. §. seq. diet. L. si ita, §. 1. in fin. infra cod.* et Quod si ita est, qui dominium habet, is domini iure etiam usufructum certam domini partem obtinet. Ex ita loqui auctores iuris certum est. Qui proprietatem habet: utendi fruendi ius separatim non habet; inquit Ulpianus, *L. uti frui. in prin. supra, si usufr. pot. habet igitur, etsi non separatim.* Et ut hic ius utendi fruendi aliud interpretemur, quam usufructum; in *L. si eum*

testamento, *§. pen. supra de ex. rei iud.* aperte dicitur usufructus domini esse iure proprietatis, seu ex illa caussa, ex qua fructus domini erat. Postremo in *L. si ita, §. 1. infra eo.* alius esse dicitur usufructus qui per se sit, alius, qui proprietatem comitetur. Et quomodo non habeat usufructum dominus, cum sola domini utilitas versetur in utendo fruendo, ac sine eo iure proprietatis sit plane inutilis? Inde tot modis placuit extinguere usufructum, et ad proprietatem reverti, dum cavetur scilicet ne in totum inutilis essent proprietates semper abscedente usufructu, ut est in *L. 2. §. ult. supra, de usufr. et in §. 1. Instit. cod.* In quam sententiam vere dictum est a Cicerone *Lib. 7. Epist. ad Curium, id cuiusque esse proprium, quo quisque utitur et fruitur.* Accidit quidem interdum ut dominus, seu qui proprietatem habet, usufructum non habet, quia sit a domino alii constitutus, aut etiam iure; quod posterius in quibusdam causis receptum est, ut in bonis adventiciis filiorumfamilie constitutione Iustiniani. Sed vel hæc ipsa constitutio declarat prius usufructum apud dominum fuisse; cum enim constituitur, dicitur a proprietate separari. *§. 1. Inst. de usufr.* Non separatim a proprietate, nisi cum proprietate, coniunctus fuerit; et eum fructu, dicitur ad proprietatem reverti. *d. §. 1. d. L. §. ult. supra de usufr.* nempe quia ab ea prius discesserat. et Quare habere usufructum potest, qui nudam proprietatem habet, et quidem non paulo meliore iure, quam is qui usufructum separatim habet. Proinde et eum utiliter usufructum sibi stipulari tanquam rem quam non habeat, et tamen habere possit, recte dictum est. et Quid sibi vult igitur, quod absolute definitur usufructus ius alienis rebus utendi fruendi? quia in usu iuris quoties usufructus simpliciter nominatur, intelligitur usufructus servitus, seu usufructus a proprietate separatus. arg. *L. uti frui, supra si usufr. potat.* idque in omnibus locis licet observare, qui sunt innumerabiles, in quibus usufructus fit mentio, ut hic, et *§. seq. et L. qui usufructum, infra cod.* Id eo fit, quia cum de usufructu sermo est, sic de eo agitur, ut de re per se consistente; incorporali illa quidem, sed tamen ea, quæ intelligitur esse, et in iure consistere dicatur. *Inst. de reb. corp. et incorp.* Non potest intelligi usufructus res esse per se consistens, nisi sit a proprietate separatus; nam qui adhuc cum proprietate coniunctus est, is per se non consistit, sed in proprietate dumatat: nec

nec iure utendi fruendi habetur, sed proprietatis tantum, ut est in *d. L. si cum testamento*, §. *pen. in fin. supr. de exc. rei iud.* † Unde cum domino sit usufructus controversia, et ipse hunc sibi asserere vult, placet eum non posse ita agere, ut intendat sibi uti frui ius esse, sive ut usufructum suum vindicet, quod fit confessoria actione, necessaria ei, qui servitutem vindicat: sed cum rem vindicare de-

bere; cuius ipse est dominus, ut quoniam iure proprietatis in ea re usufructum habet, et eo iure usufructum petit, constituitur id iudicium, in quo de proprietate agitur. Id autem est rei vindicatio, nimirum ut proprietate actori eo iudicio constituta etiam ius utendi fruendi coniunctum sequatur. *d. L. Si cum testamento*, §. *pen. at d. L. uti, supr. Si usufr. pet.*

Ad §. Si a te stipulatus fuero.

Si a te stipulatus fuero fundum Sempronianum, deinde eundem fundum detracto usufructu ab alio stipulor, prior stipulatio non renovabitur: quia nec solvendo fundum detracto usufructu liberaberis: sed adhuc a te recte fundi usufructum peterem. Quid ergo est? cum mihi fundum dederis, is quoque liberabitur, a quo detracto usufructu fundum stipulatus fueram.

SUMMARIA.

1. *Novationis ius vetus quale.*

2. *Novatio an fieri videatur, si stipulatus fundum ab aliquo, eundem fundum detracto usufructu ab alio stipuletur. et n. 4.*

3. *Debitorum plurium, qui eundem rem ex diversis causis lucrativis debent, si unus ex*

una causa rem solverit, ceteri quamvis maxime extranei liberantur.

5. *Promissor fundi, si fundum detracto usufructu, usufructus adhuc peti potest, et cur.*

6. *L. Si ita stipulatus. §. 1. iofr. h. t. explicatur.*

1. SIC fuit ius vetus de novatione, ut cum id quod mihi aliquis debet, ab alio stipulor: solo intervenitu novæ personæ novatio fieri intelligeretur; sic enim hoc ius refertur in §. *præterea*, *Inst. quib. mod. tol. obl.* nec quidquam adicitur. Sed hæc verba, cum stipulor id quod mihi aliquis debet, *impersonis* sic accipienda sunt, cum idem ipsam stipulor, non aliud, nec minus, sed tandundem. † Hinc questio de specie proposita, videtur hic novatio fieri, cum a te fundum Sempronianum stipulatus, eundem fundum detracto usufructu ab alio stipulor. Negat Iulianus; quia non totum eundem fundum stipulor a posteriore promissore. Ad quod demonstrandum nititur hoc argumento, quod, si cum fundum mihi deberas, cum solvisses detracto usufructu, non liberareris, sed adhuc a te recte fundi usufructum peterem; quod et ipsum responsum est in eo, qui fundum legatum detracto usufructu solvit, in *L. Mævius*, §. *pen. et L. cum filius*, §. *dominus; sup. de leg. 2.* Non dubium est, quin quod non liberaris, ex ea re fiat, quia verum sit te non solvisse, quod deberis. Sed an aliud posteriore stipulatione continetur, an minus potius, quam aliud; hoc est, quod querit, et explicat postea, cum ait; *quid ergo est? cum mihi fundum dederis, is*

quoque liberabitur, a quo detracto usufructu fundum stipulatus fueram. His verbis ostendit quale sit id, quod quesivimus; nempe cum ab alio stipulor eundem fundum detracto usufructu, hac stipulatione magis me stipulari minus, quam aliud; et quoniam parum erat id intelligi, si nulum omnino haberet, id maluit declarare ab effectu; quippe huius rei effectum hunc esse, quod si tu qui mihi eundem fundum promissisti, eum mihi dederis: is quoque liberatur, a quo detracto usufructu fundum stipulatus eram. Efficitur hoc, inquam, ex illo, si utraque stipulatione eandem rem contineri posuerimus. † Sic enim regula 3 iuris est, ut cum plures eandem rem ex diversis causis lucrativis debent, si unus ex una causa rem solverit, ceteri quamvis maxime extranei liberentur. *L. omnes debitores, supr. de obl. et act.* Sed hoc, inquam, si eadem res debeatur ab omnibus, quod fit cum debetur eadem species ut fundus: §. *si res aliena, Inst. de legat. non item si res diversæ, quod fit, cum singuli quantitatem, licet eadem summa, debent, veluti decem. L. Titio Seio, in princ. supr. de leg. 2.* Ergo cum Iulianus in proposito te mihi fundum adveniente etiam posteriore promissorem liberari dicit

iu-

iuxta regulam superiorem; nempe ex eo intelligimus id quod præcedit, rem unam utraque stipulatione contineri, quæ a te et item a posteriore promissore ex causa locrativa mihi debeatur. Quæstio, quæ quam appositissime subicitur prioribus, cum ex iis posset dubitari, an quia non idem per omnia venisse in posteriorem stipulationem dixerat, ideo contineretur aliud, quam ob id attingit, quia utrum contineretur idem, an aliud, ad liberationem posterioris promissoris multum referret. Et recte eandem rem in proposito utriusque stipulationis contineri ostendit: re vera enim et a te et a promissore posteriore stipulor idem ex parte: ab utroque nimirum eiusdem fundi proprietatem. † Quod ad novationem attinet, de qua præcipue hic agit Iulianus, supervacuum est hodie querere, an si eundem fundum ab alio stipulor detracto usufructu, novatio fiat: propterea quod etiam si eundem fundum pleno iure ab alio stipulor eodem modo, ut a te prius stipulatus eram, nihil tamen magis fiat novatio ex constitutione Iustiniani, quæ effectum est, ne posteriore stipulatione interposita aliter fiat novatio, quam si nominatim dictum sit posteriorem stipulationem novandi animo interposui. *L. ult. C. de novat.* † Quod ait, si promissor fundi fundum solvat detracto usufructu, usufructum adhuc peti posse, non fundum, id dicit quod et confirmatur in *L. Mavrius, §. pen. sup. de leg. 2.* quod et recte dicitur. Cum enim rei promissæ pars soluta est; pro ea parte debitor liberatur: ut consequens sit eum in reliquam partem solum teneri. *L. stipulatus. 9. §. 1. infr. de sol.* Fundo autem promisso, iuris fundi dux quodammodo sunt partes, proprietas et usufructus, ut §. superiore docuimus: proinde proprietate soluta, ac pro ea parte liberato debitore, necesse est solum usufructum remanere in obligatione, qui ab eo petatur. Nam quod dicitur rei debita soluta, quandiu aliquid iuri rei deest, tamdiu ipsam rem adhuc peti posse, et debere: *L. etiam, sup. de sol.* de eo iure dictum est, quod ad totum fundum obtinendum pertinet, ac proinde ad utramque iuris partem obtinendam, id est, tam ad usufructum, quam ad proprietatem: qualis est cautio, qua nobis de toto fundo obtinendo cavere velimus adversus periculum evictionis, ut declaratur huius cautionis exemplo in *dict. L. etiam, de sol.* et *L. Iulianus, §. 1. infr. eod.*

6 † Videtur tamen dissentire Paulus in *L. si ita stipulatus, 126. §. 1. infra eod.* Ibi enim eum, qui separatim promississet fun-

dum detracto usufructu, et separatim usufructum eiusdem fundi, distinguens ab eo qui semel eum fundum pleno iure promississet; quorum tamen uterque prius solvisset usufructum separatim, deinde amisso eo tradidisset proprietatem sine usufructu: hoc modo differre alterum ab altero docet, quod prior liberetur, alter non liberetur: Sed hoc in extremo complectitur iis verbis, quæ superiori sententiæ videantur plane adversari: verba autem hæc sunt: *ille liberatus est dando usufructum: hic nulla parte obligationis exoneratur, nisi pleno iure fundum effecerit stipulatoris.* Sed in extremo membro illa verba proxima præcedentis membri, *dando usufructum*, repetenda sunt, et ita accipienda, ut ad utrumque promissorem pertineant: ut sit sensus. Illa, qui separatim proprietatem novam, et usufructum promisit, liberatus est ab initio dando usufructum, nempe pro ea parte: ut consequens sit eum deinceps in solum proprietatem teneri. Ille autem qui fundum pleno iure promisit; eundem usufructum dando nulla parte obligationis exoneratur, id est, ne pro ea quidem parte, quam in usufructu solvit; nisi postea et proprietatem eum usufructu coniunxerit, ut sic plenum ius fieret stipulatoris. Et vero ita locus accipendus est omnino; cum cur isti promissores in proprietatis solutione separentur nulla ratio sit: in usufructu autem manifesta. Tradita ab utroque promissore proprietate, solvitur ab utroque, quod illi debuerunt: et quoniam solutione eius quod debetur, tollitur omnis obligatio iuxta regulam iuris; *Inst. quib. mod. tol. ob.* etiam pro ea parte liberari eos necesse est, si ex ea liberatione nullum est incommodum stipulatori. arg. *L. in executione, §. pro parte. infr. L. 5. in fin. sup. eod.* Atqui eam liberationem non nocere stipulatori perspicuum est. Et si enim deest usufructus; tamen eum postea petendo facile consequetur. Ut persequeretur quamvis aliam partem, cum aliam eius fundi partem prius accepisset. Nec periculum erit, ne eam usufructum postea consequatur, videatur diversorum fundorum partes consequi: nam si eiusdem fundi usufructum consequitur, ut eum consequi oportet; non potest fieri, quia eo soluto eiusdem fundi partes habere incipiat, proprietatem et usufructum. Quæ res facit, ut dixi, ut quemadmodum in aliis rebus, sic in hac prioris partis solutio etiam eius partis liberationem afferre debeat. *d. §. pro parte.* Et cur proprietate accepta stipulator eandem postea peteret: qui eam iam

estis

satis habet? At enim deest usufructus. Nempe hoc restat, ut hunc etiam nunc a promissore stipulator accipiat, ut sic plenum ius in eo fundo incipiat esse stipulatoris. Verum hoc consequetur ille, non proprietatem petendo, quam habet: sed id petendo, quod non habet: is autem est usufructus. Ad quod probandum, ut nulla alia causa posset idonea afferri; tamen hæc una abunde sufficit, quod ad officium Magistratus pertineat lites deminuere. *L. quidam, supr. si cer. pet.* Dissimilis causa est usufructus prius soluti. Nam si hunc ab eo solum proponas, qui fundum pleno iure promisit; primum non solvitur id, quod promissor debuit: etsi enim una cum proprietate promisit usufructum; non tamen eum promisit, qui separatus esset, sed qui cum proprietate coniunctus: nunc autem separatim solvit. Quo fit, ut vel secundum regulam iuris aliud solvendo liberari non possit. Deinde si ea solutione pro ea parte

liberatur, non potest id contingere sine manifesta iniuria stipulatoris; nam is usufructus amitti potest iis omnibus modis, quibus usufructus a proprietate separatus amittitur; eo autem amisso tamen futurum est, ut nihilominus solum proprietatem sine usufructu debeat is, qui de usufructu prius liberatus fuerat. Quod contra futurum est, si coniunctus cum proprietate usufructus solutus erit; hic enim quia proprietatem comitatur, ut proprietas, est perpetuus. Ut ergo ad locum redeam, Paulus in *d. L. si ita stipulatus, §. 1. infr.* de usufructu prius soluto loquitur, cum negat promissorem eo facto ulla in parte liberari, quod non negamus, de proprietate tradita non loquitur; cuius solutionem etiam pro ea parte liberationem afferre in quovis promissore et iuris et æquitatis ratione effici ostendimus; proinde nihil locus huc pertinet.

Ad §. Si hominem quem a Titio.

Si hominem quem a Titio pure stipulatus fueram, Seius mihi sub conditione promiserit, et is pendente conditione post moram Titii decesserit, confestim cum Titio agere potero: nec Seius existente conditione obligetur. At si Titio acceptum fecissem, Seius existente conditione obligari potest. Idcirco hæc tam varie, quod homine mortuo desinit esse res, in quam Seius obligaretur: acceptilatione interposita, superest homo quem Seius promiserat.

S U M M A R I A.

1. *Conditionalis novationis vis. et n. 5.*
2. *Conditionalis novationis species hoc §. proposita.*
3. *Novandi animam aliter veteribus, aliter hodie ex Iustiniani constitutione probari.*
4. *Novandi animo interpositam stipulationem posteriorem in specie huius §. an Iulianus senserit.*
6. *Duo ad explicandam vim conditionalis novationis Iuliano hoc loco proposita.*
7. *Novandi animo posterior stipulatio sub conditione interposita, an pendente conditione priorem obligationem puram differat.*
8. *Conditione pendente, sub qua novatio interposita est, cur prior debitor, qui ab initio pure obligatus statim convenire poterat, non etiam et nunc eadem stipulatione nactus possit.*
9. *Sub conditione ab obligatione pura liberatus, sub contraria conditione incipit debere.*
10. *L. Iulianus, supr. de cond. ind. explicatur.*
11. *Conditione novationis pendente, cur mortuo homine promisso post moram statim cum debitore priore agi possit: cum eo adhuc vivo prior suspendatur obligatio.*
12. *Conditione posterioris stipulationis pendente, an et quomodo prior debitor iu mora esse dicatur.*
13. *Conditione posterioris stipulationis novandi animo interpositæ existente, an et quando novatio fiat.*
14. *Homo promissus si post moram prioris debitoris, antequam conditio novationis existat, decesserit, cur posterior promissor non obligetur.*
15. *Conditione pendente si creditor priorem debitorem acceptilatione liberaverit, cur, si vivo adhuc homine promisso conditio existat, omnimodo novatio fieri intelligatur.*

CUM id quod mihi pure debetur, stipulator ab eodem, aut ab alio novandi animo; si quidem pure, statim novationem fieri constat. † Sin sub conditione, placet quidem etiam hoc modo fieri nova-

tionem; sed tunc demum, cum conditio extiterit. Ut pendente conditione pendeat etiam novatio; deficiente, nulla sit, ac solum prior obligatio maneat. §. præterea, *Inst. quib. mod. tol. obl. L. quoties, infr.*

de novat. Et recte, tunc demum, cum conditio exstiterit; deficiente enim conditione, retroversus nulla stipulatio ab initio fuisse intelligitur. *L. pecuniam, supr. si cert. pet.* ut quæ in hunc casum concipiebatur, si quid contigisset. §. *sub conditione, Inst. eod.* non potest autem prior obligatio transferri in posteriorem, ubi posterior nulla est. Circa vim istam, quam posui conditionalis novationis nonnulla quærentur: de quibus

2 est hic locus. † Sed prius, quam illa explico, quæ sint, hoc ante omnia statuendum puto, proponi hic speciem novationis illius conditionalis, quam dixi, huiusmodi: cum hominem quem Titius mihi pure debet, novandi animo stipulor a Seio sub conditione. Nam quod de animo novandi nihil adicitur, non facit, quominus Iulianum intelligere debeamus, hoc sensisse, posteriore stipulationem hoc animo esse interpositam. † Sic enim ins erat apud veteres, ut si quis quod sibi pure deberetur, stipularetur ab alio, hoc ipso novandi animo fuisse intelligerent, quod nova persona in posteriore stipulatione intervenisset. §. *præterea, Inst. quib. mod. toll. obl.* Non sic probatur hodie hic animus ex constitutione Instiniani, fateor. *L. ult. C. de novat. d. §. præterea.* Sed de eo nunc non agitur,

4 quomodo is animus probetur: † solum hoc quæritur, an de hac specie ita scripserit hoc loco Iulianus, ut dum me eundem hominem a Seio stipulatum esse sub conditione proponit, intelligat stipulatum esse me animo novandi, ut hoc expressum est in *d. L. quoties, infr. de novat.* et perspicuum est ex iure vetere, quod utebatur, hoc illum sensisse. Nec minus hoc cum sensisse responsum eius declarat, cum ait in proposita specie posse statim cum Titio agi, si homo promissus pendente conditione post moram Titii decesserit. Nisi enim posteriorem stipulationem novandi animo interpositam esse fingeret, semper cum Titio confestim agi potuit, sive decessisset Stichus promissus, sive viveret: quia Titius ab initio pure debuit; de qua re paulo post plura. † Est ergo hic locus de vi superioris novationis sub conditione interpositæ. Sed quid in ea quærat, videndum est, ut in verbis huius loci paulo obscurioribus, quid Iulianus de ea re explicari voluerit, possit facilis intelligi. Sic ergo habendum est. Ex iis tribus, quæ de vi posterioris stipulationis conditionalis supra diximus, illud absoluti iuris est, quod dicitur, deficiente posterioris stipulationis conditione priorem manere obligationem, qualis ab initio fuerat. Hoc enim futurum erat, si nulla nova

Tom. XI.

verbor. obligation.

intervenisset; quod et nunc factum est, ubi posterioris conditio non exstitit.

† Duo habent dubitationem: quorum alterum pertinet ad id tempus, quo conditio quidem non exstitit, sed tamen adhuc pendet: alterum ad id tempus, quo conditio exstitit. Nam quandiu pendet conditio, quæstionis est, an quoniam interim novationem non fieri dicimus, idcirco posterior stipulatio nullam vim habeat ad priorem obligationem immutandam. An vero, quia etsi novatio facta non est pendere tamen eam certum est, ob eam causam si non valet ad tollendam priorem obligationem, at saltem valet ad differendam: ut dici possit, si quod Titius mihi pure debet, stipulatus sim a Seio sub conditione, Titium quidem pendente conditione nullo modo liberatum esse in præsentia, verum tamen interim cum eo agi non posse. Postquam autem conditio exstitit posterioris stipulationis, quoniam fieri potest, ut quo tempore exsistit, non fuerit in rerum natura res, quæ deberetur, aut prior obligatio ante sublata sit, quæ duo ad novationem faciendam necessaria videntur: ideo quæritur, an perpetuum sit, quod dicitur existente conditione novationem fieri; proinde et Seium posteriorem debitorem teneri; an vero hactenus hoc verum sit, quatenus et res in stipulatum deducta extabit, et prior debitor etiam tunc manebit obligatus. Hæc sunt duo, quæ complexus est hoc loco Iulianus ad explicandum; de quibus dicit quam brevissime ille quidem, et velut summo digito rem procul indicans: tantum tamen, quantum diligenti et attento lectori ad utriusque partis definitionem sit satis. † Atque ut prius dicamus de eo

7 tempore quo conditio pendet, et quo de prioris tantum debitoris obligatione quæritur, de eo ita scribit: *si hominem, quem a Titio pure stipulatus fueram, Seius mihi sub conditione promiserit, et is pendente conditione post moram Titii decesserit, confestim cum Titio agere poterō.* Hic pendente conditione statim cum Titio priore debitore agi posse aperte dicit. Sed adicit conditionem, si homo promissus pendente conditione post moram eius decesserit; quia adiecta satis significatur, si homo promissus adhuc vivit, aut mortuus est quidem, sed sine mora Titii, cum eo pendente conditione agi non posse; id enim ex conditione posita recte colligitur per contrarium; quod argumentum fortissimum nominat Papius in *L. 1. vers. huius rei, supr. de off. eius, cui mand. est iur. et recte;* plus quam enim stulta est conditio, si etiam

69

de-

detracta ea cum Titio confestim, agi omni modo potest; quod tunc fieret, si posterior stipulatio in proposito novationis causa interposita non fuisset: ut iam vel hoc unum certissimo argumento esse possit verum esse, quod supra monuimus, posteriorem stipulationem ita hic a Iuliano proponi, ut velit intelligi animo novandi interpositam fuisse: sine quo responsum aperiens consistere non posset. Ex quo colligimus, pro eo tempore quo conditio novationis conditionalis nondum existit, hanc esse de proposta questione Iuliani sententiam: Posteriorem omnem stipulationem sub conditione novandi animo interpositam non liberare quidem priorem debitorem pendente conditione, quia nondum novatio facta sit: at tamen hanc vim habere, ut priorem obligationem quamvis puram differat, id est, hoc efficere, ne interim cum Titio priore debitore agi possit; quandiu spes erit existente conditione posteriorem stipulationem committi, et ita prioris obligationis novationem fieri posse: quod sit, quandiu homo promissus pendente conditione exstabit: quod si certum esse experit eam stipulationem committi non posse, ut quia homo promissus pendente conditione decesserit: hic iam posteriorem stipulationem ad priorem obligationem immutandam nihil momenti habere; eoque et de priore ita iudicandum esse, ut fieret, si nulla posterior stipulatio secuta esset. Proinde si homo promissus sine mora Titii decesserit, non modo cum Titio agi non posse, quia eius obligatio differat, sed in totum cum liberari iuxta regulam iuris de interim rei debite traditam in *L. si ex legati, supr. cod.* Sin post Titii mortem, tum eadem regula effici, ut confestim cum eo agi possit. Ita fit in summa iuxta conditionem hoc loco adiectam, ut, Titius prior debitor pendente conditione posterioris stipulationis conveniri non possit duobus temporibus; si homo promissus exstet, aut si sine mora debitoris decesserit: contra pendente conditione uno tantum tempore cum eo agi possit, nempe si homo promissus post mortem eius decesserit. In his duo in dubium vocantur: quæ si recte explicamus, sententia superior, quam huius loci esse ex verbis apparet, erit constituta. Primum hoc statuimus, quamvis posteriore stipulatione conditionalis, pendente conditione, novatio non fiat; tamen eius hanc vim esse, ut interim si res promissa exstabit, cum priore promissore agi non possit. Nec dubium est, quin cum a Iuliano dicitur cum eo confestim posse agi, res promissa decesserit,

hac conditione deficiente, id est, re existente, contraria sententia aperte statuatur; idque ego non tam vidisse acuti ingenii esse arbitror, quam non vidisse oscitantæ aut tarditatis. † Hic tamen contra dicitur a 8 nonnullis, et quidem prima ratione videtur contra statui debuisse. Nam Titium priorem debitorem ab initio pure obligatum fuisse, nec posteriore stipulatione conditionalis, quandiu pendet conditio, novationis iura liberatum esse constat. Quid igitur causæ affari potest, cur, qui ab initio statim conveniri poterat, non etiam et nunc eadem stipulatione manente possit? Nempa quia non eadem manet vetus obligatio, quæ prius fuerat, quippe ab ea recessum est posteriore stipulatione quamvis conditionalis. Prior promissor posteriore conditionalis stipulatione non liberatur pure. Ita est. At liberatur sub conditione, quæ existente et novatio futura est, et novationis locum liberatio continget etiam invito creditore. Ex quo et prioris obligationis conditio immutari intelligitur, ut quæ prius pura fuerat, nunc incipiat esse sub conditione, sicut et posterior quæ novationis causa interposita est. † Sic enim habendum est; 9 Quisquis ab obligatione pura liberatur sub conditione, is sub contraria conditione debere incipit. A Titio pure hominem stipulatus fueram; cum a Scio novandi animo stipulor sub conditione, si navis ex Asia venerit; ut sub hac conditione Titius liberatur, ita exinde sub contraria conditione mihi teneri incipit, si navis ex Asia non venerit. Quod ex iis quæ de adempto sub conditione legato in testamentis tradita sunt, intelligitur. Nam si testator fundum ab herede legaverit pure; deinde cum postea adimat sub conditione, si navis ex Asia venerit, atque ita heredem sub hac conditione a præstatione legati liberet: quod prius legatum fundi purum fuerat, incipit esse conditionale, quasi sub contraria hac conditione datum, si navis ex Asia non venerit, *L. aliquando, supr. de cond. et dem.* Et hæc quidam huius sententiæ ratio est admodum exposita. Quod si auctoritas sententiæ quaeritur, bene vulgo eam confirmari putant *L. pecuniam, supr. si cert. pet.* quod etsi quidam repudiant: nihil est tamen ad rem malius, aut certius. Stichum mihi pure dabebas; hunc a me delegatus iussu meo promissum Attio sub conditione; pendente causa conditionis placet me a te cum hominem petere non posse: quoniam, inquit Iabolenus, incertum est, an ex ea stipulatione deberi possit. Et recte, si animus conditio existiterit, non debe-

bis-

his mihi? sed Attio cui delegatus es. Idem plane et in proposito dicendum est. Debebas mihi Stichum pure; eundem stipulatus sum a Seio sub conditione: pendente nam miram conditionem eam a te non posero petere, eadem ratione: quia incertum sit; an ex stipulatione mihi debiturus sis; nam si exstiterit conditio, novatio fiat, qua prior obligatione liberatus non debebas. Sed opponitur ab iisdem illis haec sententia. *L. Iulianus, sup. de cond. ind.* in qua hoc dicit putant; si idem eandem rem promiserit pure, et alia stipulatione sub conditione: hunc, quasi sub contraria conditione ex prior stipulatione debere coeperit, si interim solvat, solum condicere posse. Sin autem duo sint, quorum unus mihi promiserit pure, alter postea eandem rem promiserit sub conditione novandi animo, an, qui prius pure debebit, etiam nunc pure debere; eoque si interim solvat, non condicere. Sed qui hoc dicunt, si locum paulo expendissent diligentius, reperissent utrumque plana inversa sententia illic statui. ↑ Paulus in ea re, quae mihi duabus stipulationibus promissa est, una pure, altera sub conditione novandi animo, interesse scribit, utrum unus idemque promissor mihi duabus his stipulationibus separatim interpositis promiserit; ut, si quod Titius pure mihi debet, ab eo stipuler postea sub conditione: an vero diversae personae idem fecerint, ut in ea specie, quam tractamus, si quod Titius pure mihi debet, stipuler a Seio sub conditione. *Dissimile hoc est*, inquit Paulus; at in quo dissimile? *quia in stipulatione*, inquit, *pura et conditionali eundem debitum certum est*; nec quidquam praeterea Paulus addicit. Quam ergo dissimilitudinem his verbis notare illa voluit, videamus. Et perspicuum est verba haec non referri ad duos promissores, sed ad unum illum, qui his idem promisit, prius pure, deinde sub conditione novandi animo. Quid autem efficitur ex eo, quod ex his duabus stipulationibus unum hunc debitum esse certum est? namp hoc, ut si hic pendente conditio solvat, repetere non possit. Idco enim quasi pure debere intelligitur, quia semper eum ex alterutra stipulatione debitum esse certum est. Nam si exstiterit conditio, debet ex posteriore: si deficit, debet ex prior. Quoties autem debetur quid sub ea conditione, quae omnimodo existura est, sive ita sub conditione, ut certum sit conditionem obligationis exstiteram, atque ita certum sit debitum iri; perinde est, quasi pure deberetur, eoque solu-

tum repeti non potest. *L. quod si ea, d. L. Iulianus: illic similique esse, sup. de cond. ind.* Idemque satis colligitur per contrarium ex *d. L. pecuniam, in fl. sup. si cert. pet.* Atqui Paulus hanc speciem, cum unus eandem rem pure et sub conditiona promisit, dissimilem esse dicit illi, cum duo eandem rem mihi promiserunt, unus pure, alter sub conditione novandi animo. Ex quo necesse est intelligi in ea repetitione soluti, de qua tractat, hactenus esse dissimilem, ut si ex duobus istis promissoribus prior ille qui pure initio debuit, pendente conditione solvat, repetere possit tanquam sub contraria conditione debitum solum, ac proinde indebitum. Et vero, ut de loco nonnihil obscuro et ad questionem propositam magnopere pertinente hoc obiter explicem, eam esse Pauli sententiam quam dixi, animadvertens eius propositionem, et iis quae sequuntur ad institutum eius accommodatis; facile intelligi poterit. Dixerat Paulus; cum quis quid promisit hoc modo, *sive navis ex Asia venerit, sive non venerit*, hunc si pendente conditione solvat, repetere non possit, quia omni modo debuerit ea, quem ex alterutra conditione semper debitum esse certum est. Obstabat ei quorundam sententia de hac specie: nam ubi quis quod pure debet, promisit sub conditione, si navis ex Asia venerit; in qua specie licet animadvertere eundem promissorem debere sive navis ex Asia non venerit, sive venerit: hic quidam putabant, si promissor pendente conditione solvat, aut solum repetere posse. Hoc Paulus negat in extremo responso: et quidem ei negandum est, si vult tueri quod prius posuerat, eum, qui promisit sive navis ex Asia venerit, sive non venerit, interim solum repetere non posse. Illi probabant in superiore specie solum posse repeti hoc argumento: *idem enim esse, ac si* (sic enim legendum esse, ut in vulgatis exemplaribus sequentia declarant) *idem esse, inquam, ac si diversas personas eandem pecuniam pure et sub conditione novandi animo promississe*: ubi nimirum iidem illi intelligunt, si is qui pure debuit interim solvat, posse eum condicere. Paulus ostendit argumentum non convenire: quia dissimiles haec causae sint. *Sed hoc dissimile est*, inquit: quasi diceret ex hac posteriore specie, ubi duo promiserunt, non recte colligitur idem probandum esse, ubi unus promissor eandem pecuniam debet et pure et sub conditione: quia causa est dissimilis: cur autem dissimilis, aut qua in ra? quia cum unus debet, inquit, ex stipulatione pura et con-

ditionali, eum debitorum esse certum est: Quod non fit; ubi duo diversi promissorunt novandi animo, unus pure et alter sub conditione. Nam et eum, qui ab initio pure promissit, certum non est ex stipulatione debitorum. Itaque non tantum *L. pecuniam*, de qua dixi: sed etiam si ea desit, unus hic locus maxime statuit eam sententiam, quam defendimus, et quam hic Iuliano placere evidenter apparet, cum scilicet quod Titius mihi pure debet, stipulatus sum e Seio sub conditione novationis causa, ne cum Titio quidem pendente conditione agi posse, quandiu res promissa exstabit, id est, quandiu ex posteriore stipulatione spes erit debitum iri. Optima ratio; quia quandiu hæc spes fuerit, incertum sit; an ex prior stipulatione deberi possit; eoque si interim petatur, verum sit ante tempus peti videri, ut est in *dict. L. pecuniam*, in *fin.* Sit igitur prius illud constitutum in specie proposita, quandiu conditio novationis pendebit, etiam Titii, qui pure initio debebat, obligationem in pendenti incipere esse, differitque posteriore stipulatione, ut quamvis novatio novum facta sit, tamen interim cum eo agi non possit, si modo et res promissa exstabit. † Alterum expendamus, quod pro eodem tempore Iulianus hic nominatum posuit; si homo promissus pendente conditione post moram Titii decesserit, confestim me cum Titio agere posse: nam hoc in duas etiam difficultates incidit. Primum hic vobis occurritur ex eo, quod paulo ante constituimus: negavimus enim cum Titio posse agi pendente conditione, etiam si homo promissus vivat, qui et natura dari possit. Qui convenit igitur interim cum eo agi posse, ubi homo promissus decesserit, etsi id contingerit post Titii moram? Dices moram Titii perpetuare obligationem. *L. si servum, §. sequitur, infra. L. si ex legati, supr. eod.* Nihil hoc ad rem expediendam pertinet. Nam et vivo adhuc Stichus promissor in mora fuit, quem tamen vivo et conveniri non potuisse diximus. Nisi forte putamus maiorem esse vim moræ, ubi homo promissus decessit, quam cum adhuc vivit. Quod est ridiculum. Ideo enim promissor mortui hominis post moram tenetur, quia qui decessit, fingitur exstare, ut sic efficiatur perinde teneri promissorem post moram suam, ac si homo adhuc viveret. *L. nemo, 82. §. 1. infra. eod.* Plus quam absurdum sit magis teneri promissorem, ubi Stichus exstare tantum fingitur, non exstat, quam ubi exstat re vera, ut imagini tribuamus

plus, quam ipsi nature veritati. Sed res dubitationem non habet, quin homine post moram Titii mortuo non possit propterea cum Titio confestim agi, quia moram fecit: quam et vivo homine promissio multo magis fecerat. Cur ergo, inquam, dum homo vivit, cum Titio quamvis maxime moram fecerit, et sit res, quam præstare possit, pendente conditione agi non potest: postquam autem homo decessit, quo tempore nihil est, quod præstetur, cum eo statim agi potest? Videndum est, quæ causa vivo adhuc Stichus suspendat priorem obligationem Titii. Hæc Stichus mortuo commutata rem expedit. Et quandiu vivit Stichus, tandiu spes est posteriorem stipulationem committi, et per hanc novationem contingere posse: quia et conditio natura existere potest, et res est, quæ ex posteriore stipulatione possit deberi. Spes autem novationis et liberationis futura priorem obligationem, cuius novatio expectatur, suspendit in id tempus, dum sciatur, utrum novatio contingat, necne, ut antea diximus. Hinc dilatio eius obligationis, qua fit, ne cum Titio agi possit pendente conditione, quandiu Stichus vivit. At ubi Stichus decessit, causa commutatur. Statim certum esse incipit posteriorem stipulationem committi non posse, quia etsi conditio extiterit postea, non tamen res est, quæ inde debeatur: quo fit, ut certum etiam esse incipiat nec inde contingere posse novationem. Ita novationis spe sublata, quæ prioris obligationis differendæ causa erat, una etiam ipsam dilationem, quæ inde nascebatur, tolli necesse est. Proinde et obligationem Titii, qualis ab initio fuerat, talem et nunc manere; fuit autem pura. Idcirco et nunc pura erit; ex qua proinde confestim Titius conveniri potest. Hoc tamen ita, non si Stichus solum decesserit pendente conditione, sed si, ut diximus, decesserit post Titii moram. † Hic rursus altera difficultas obicitur ex eo, quod Iulianus sic hanc conditionem adiciit, quasi Stichus in proposito pendente conditione posterioris stipulationis post moram Titii mori possit, atqui hoc accidere posse non videtur. Alterutrum enim necesse est, aut post interpositam novandi animo posteriorem stipulationem pendente conditione Titium moram fecisse, aut antea. Post interpositam eam stipulationem moram facere non potuit. Certum enim hoc esse debet, quod supra effectum est, pendente conditione a Titio peti nihil posse, quia sub contrariis conditione debere ceperit. Nulla autem mora ab eo fieri intelligitur, a quo aut iure aut

per

per exceptionem peti non potest. *L. si pupillus, infr. eod. L. nulla, infr. de reg. iur.* Rursum antea si fecit, quod fieri potuit; tamen posteriore stipulatione res eo deduci videtur, quasi nec facta esset: placet enim ea stipulatione purgari debitoris moram, idque ita scriptum est in *L. quoties, infr. de novat.* Et ne quis id dictum interpretetur tantum de eo debitore qui idem stipulanti creditori sub conditione promisit: adiicitur in *L. qui decem, §. 1. infr. de sol.* etiam tum debitorem periculo liberatum esse, cum ignorante eo creditor Stichum ab alio stipulatus est. Quæ species est, de qua nunc agimus. Et recte sentiunt, qui movent in *L. quoties, de novat.* referri ab Ulpiano Marcelli sententiam obiter. Proinde hic videndum esse, quid Marcellus de hac re tota senserit. Iam vero huius sententiam esse expositam in *d. L. qui decem, §. 1. infr. de sol.* quod illic de ea traditum sit, id sequendum esse. Docet autem illic Marcellus posteriore stipulatione conditionali moram prioris debitoris interdum quidem purgari; sed et interdum non purgari. Purgari tunc, cum in posteriore stipulatione interponenda Stichus promissus præsens fuit, ut sic eum pro oblato creditor haberit, qui et potuit offerri. Non purgari tunc, cum Stichus absuit. Non enim posse intelligi oblatum eum qui absuit. Hoc ergo posterius in proposito sic usu venisse intelligemus. Id si contigerit, non convenietur quidem Titius idemque prior debitor pendente conditione, quandiu Stichus vivet. At si pendente conditione Stichus decesserit, quia decesserit post Titii moram, idcirco confestim cum Titio agi posse dicemus.

Hæc de vi posterioris stipulationis conditionalis novandi animo interpositæ dicta sunt pro eo tempore, quo adhuc pendet conditio novationis, quo eodem de Titio tantum priore debitore conveniendo quaeritur. Alternum tempus erat, quod in hoc genere stipulationis dubitationem habere diximus, quo conditio existit, et quo novationem fieri a veteribus traditum est, ut iam Seius in specie proposita solus obligetur Titio liberato. De qua parte breviter definit Iulianus hoc loco, atque ita definit, ut totum, quod in hac parte quaestionem habere potuit, complectatur his verbis: *nec Seius existente conditione obligatur. At si Titio acceptum fecissem, Seius existente conditione obligari potest.* Hic de Seio tantum loquitur, ad quem solum pertinet stipulatio posterior, quæ est conditionalis; et in hoc solum tempus oratio-

nem confert, cum conditio existit. Quo solo tempore de novatione quaerendum est, et an tunc Seius obligetur. Nam ante non obligari eum constat, qui sub conditione debuit. *§. sub conditione, Inst. eod.* Hunc autem Seium conditione existente aliquando non teneri ait, aliquando teneri; quod significat aliquando novationem non fieri, interdum fieri; et simul ubi id contingat, ostendit. Ex quo intelligimus in his verbis hanc sententiam, atque hanc definitionem Iuliani inesse de proposita quaestione, an existente conditione posterioris stipulationis novandi animo interpositæ novatio fiat, et quando: hic distinguendum esse videlicet, ut si ante, quam conditio existeret, Stichus promissus decesserit; quamvis existente postea stipulationis conditione, tamen Seius non obligetur, idest, nec novatio fiat, idque etiam, si post moram Titii prioris debitoris Stichus decesserit. Quod si quo tempore conditio existit, adhuc homo promissus vivat, hic iam Seius omnimodo obligetur, idest, omnimodo novatio fieri intelligatur, non tantum si ante, quam conditio existeret, nihil fuerit in Titium secutum, quo ille liberaretur; sed etiam si multo ante creditor ei acceptum fecerit, quod debebat. Et hic quoque utraque pars huius distinctionis suam nonnullam difficultatem habet: quæ et nobis expedienda est. Ac primum quod ait, si Stichus ante quam conditio existeret, decesserit, existente postea conditione novationem non fieri; seu Seium non teneri; si quidem Stichus proponatur ante moram Titii prioris debitoris decessisse, manifesta ratione defenditur. Ut enim stipulatio conditionalis committatur, sive ut existente eius conditione contrahatur obligatio, rem quæ debeatur, subesse oportet eo tempore, quo conditio impletur. *L. quoties, infr. de novat.* tunc enim primum obligatio existere et contrahi intelligitur, quæ ante fuit nulla. *L. cedere, infr. de verb. signific.* sine re autem, quæ deducatur in obligationem, nulla obligatio contrahi potest. *§. 1. Instit. de inut. stip.* Cum autem Stichus promissus sine mora Titii decesserit, hic neque res amplius subest natura, quæ existente postea conditione deducatur in posteriorem stipulationem; neque adeo iure extare fingitur, cum Titius eo interitu, qui sine culpa ejus contigit; etiam iure sit liberatus. At cum post Titii moram Stichus decessit, mutatur ratio. Etsi enim homo promissus amplius non exstat: tamen propter moram Titii, quæ mortem antecessit, perinde habetur; quasi Stichus viveret, perindeque etiam Titius te-

netur. *L. nemo*, §. 1. *infr. eod.* unde et confestim cum ego agi posse supra dictum est. Cur ergo hæc Titii obligatio existente conditione non novabitur, quasi res exstaret? Sed hoc ad explicandum facilius. Post moram videtur res exstare, ad adversum eum, qui moram fecit. Unius mora alteri non nocet, qui modo oon sit accessio principalis obligationis. *L. si servum*, §. *nunc*.
 45 *videamus*, *infr. eod.* † Altera pars plus habet difficultatis in eo, quod lulianus ait, vivo adhuc homine promisso, si conditio existat, teneri Seium ex posteriore stipulatione, quamvis ego Titio priori debitori hominem acceptum fecissem. In quo unum sensit Iulianus sibi ob stare; idcirco etiam diluit. Id autem tale est. Nam si Stichos decessisset sine mora prioris promissoris Titii, et ita Titius liberatus esset, non fieret coovatio, quamvis posterioris stipulationis conditio existisset. *d. L. quoties*, *infr. de novat.* Quo effici videtur ne tunc quidem fieri novationem debere, cum Titius alio modo a creditore liberatus erit, puta acceptilatione. Huic obiectum tacite sic Iulianus occurrit, ut dicat istas liberationes non recte in hac questione comparari; quæ eandem viam ad impediendam novationem non habent. Cum enim Stichus decessit sine mora Titii, non fit quidem novatio quamvis existente postea conditione: sed non eo contingit, quia Titius prior debitor eo interitu sit liberatus; verum ideo, quia desit posteriori stipulationi ea res; si ne quæ nulla obligatio contrahi potest. Non est enim res, quæ possit ex ea stipulatione deberi. At cum Titio creditor acceptum fecit ante, quam conditio existeret, superest homo, quem Seius promiserat: ut vivo homine si conditio existat postea, nihil hic desit, quod necesse sit ad contrahendam ex posteriore stipulatione obligationem. Imo vero deest, dicit aliquis: atque hic rursum adversus eandem sententiam consistitur. Deest omnino Titii obligatio, qui ante acceptilationem fuit liberatus. Nam et hæc subesse oportet, quo tempore conditio posterioris stipulationis impletur, si modo ea existente novationem fieri volumus; et Seius novationis causa obligari, ut volumus. Fingimus enim a Seio stipulatum esse me, quod Titius debebat, coovendi animo. Titii, inquam, obligationem subesse oportet, si existente conditione posterioris stipulationis novationem fieri volumus. Nam si novatio est prioris obligationis in aliam transfusio; *L. 1. infr. de nov.* non potest, ubi prioris detraxeris, olla nova-

tio existere; perspicuum est enim priore sublata ne posteriorem quidem ullam intelligi posse, in quam prior quæ nulla est, transfundatur. Denique nulla est posterior, quæ covet, ubi prior, quæ novetur; nulla est. Et hoc ego omnino consequens esse existimo, si concesserimus Titium; ut ei pendente conditione acceptum factum est, ita acceptilatione esse liberatum. Quid ergo est? dicendum est, non fuisse liberatum: ut hæc ratione vere dicturi simus nihil ne hic quidem deesse ad novationem prioris obligationis constituendam, si conditio postea extiterit. At quomodo probabitur, eum, cui acceptio latum est, non fuisse liberatum acceptilatione: cum constet acceptilatione maxime Iure Civili omnem tolli obligationem verbis contractam? §. *item per*, *Inst. quib. mod. toll. obl.* Id ex ea re accidit, quod acceptilatione tolli non potest obligatio sub conditione aut in diebus contracta, prius quam conditio stipulationis extiterit, aut dies venerit. *L. quod in diem*, *infr. de acc. luv.* vero cum quod Titius debet, stipulatus sum a Seio coovendi animo sub conditione, si navis ex Asia venerit, effectum est supra Titium sub contraria conditione obligatum esse, si navis ex Asia non venerit. Ita superiori definitioni consequens est, ut si interim ei acceptum fecerim, non prius liberetur, quam certum esse coeperit navem non venisse. Atqui hæc conditio non extitit; posterioris enim stipulationis conditionem contrariam existere, id est, navem ex Asia venisse fingimus: ex quo efficitur Titium omni modo antea acceptilatione liberatum fuisse. Quod si non fuit, relinquatur scilicet eius obligatio integra, quæ recte in posteriorem transferatur; atque ita fit, ut liberetur hoc modo Titius non acceptilatione, sed novatione, et ex eadem causa Seius obligetur. Quare recte dicitur in summa, si in proposito pendente conditione posterioris stipulationis Stichus promissus mortuus sit absque mora Titii, tum neque rem superesse, quæ debeatur ex posteriore stipulatione, neque obligationem, quæ covetur. Ita iure fieri, ut Seius obligetur existente postea conditione. Quod si Stichus vivo creditor Titio pendente conditione acceptum fecerit, hic contra utrumque ad novationem faciendam esse integrum; et rem quæ debeatur, et obligationem priorem, quæ transferatur. Proinde et conditione existente novationem fieri, unde et Seius obligatur.

Ad L.

Ad L. Si quis, si Titius. 57.

Idem lib. LIII. Digestorum.

Si quis, si Titius consul factus erit, decem dari spoponderit; quamvis pendente conditione promissor moriatur, relinquet heredem obligatum.

SUMMARI A.

1. Ex contrahentibus uno pendente conditione defuncto, si conditio postea existat, an quid debeat, et n. 3.
2. §. Ex condicionali, Inst. cod. explicatur.
4. Conditionale legatum, an et quando ad heredes transeat.
5. Conditionale legatum a stipulatione circa heredum obligationem quid distinguat.

UT in conditionalibus stipulationibus si Stichus promissus pendente conditione decesserit, ex stipulatione nihil deberi potest, quamvis conditio postea extiterit, quia rem subesse oportet eo tempore, quo conditio impletur, ac sine re quæ debeat, nulla obligatio potest contrahi, ut docuimus ad L. cum, qui ita, præced. §. ult.

† ita si pendente conditione decesserit unus ex contrahentibus; par esse videri potest, ut nihil ne hic quidem debeat, quamvis postea conditio existat, quia et sine personis stipulantis promittentisve non magis stipulatio possit confici, quam sine re quæ debeat. Sed hoc non placuit; et ideo ne similitudinis species erroris aliquid obiceret, diligenter a veteribus cautum est in hac parte, quod sequamur in personis tum stipulantis, tum promittentis, in hanc sententiam in summa; ut si quid his pendente conditione humanitas contigerit, nihil tamen sit impedimento stipulationi. † Ad stipulatorem pertinet, quod traditur in §. ex condicionali Inst. eod. in hæc verba, ex condicionali stipulatione tantum spes est debitum iri, eamque ipsam spem in heredem transmittimus, si prius quam conditio existat, mors nobis contigerit. Non est spes debitum iri, nisi stipulatori, ad quem debiti commodum redit. Promissor metuit, ne debeat, non ex ea obligatione quidquam sperat. Est igitur hic sensus: si stipulator cui sub conditione debeat, quique ob eam causam sperat conditionem impletum iri, atque ita fore, ut ea existente pecunia debeat, pendente adhuc conditione decesserit, tamen eam spem ad heredem transmitti. Spem accipe cum effectu, ut scilicet hæc ita transmittatur, ut si

conditio extiterit postea, debeat eius heredibus non minus, quam deberetur ipsi stipulatori, si viveret. Cui sententiæ au quidquam officiat L. qui Romæ, §. Agearius, infr. illic videbimus commodius. † Ad promissorem manifeste pertinet, quod hoc loco scriptum est, si pendente conditione promissor moriatur, eum relinquare heredem obligatum. Quod sic accipi debet, ut relinquat obligatum eodem modo, quo et ipse promissor fuit, nempe sub conditione, ut si existit conditio, heres obligetur; si non existit, nihil heres debeat. Hæc in personis stipulatorum promissorumque, itemque in rebus promissis pendente conditione decedentibus aliter atque aliter constituta sunt: quia ubi Stichus promissus decessit, nulla res superest omnino, quæ existente conditione a promissore deberi possit. Ubi autem decessit unus ex contrahentibus aut uterque, nihilominus intelligitur eadem persona iure superesse, cui debeat, aut quæ debeat. Nam mortuis nobis existit hereditas, quæ defuncti personam per omnia sustinet. L. hereditas etiam, L. hereditas in multis, supr. de ac. rer. do. adita hereditate ipse heres succedit in locum et ius defuncti, omninoque ita habetur, quasi eadem sit persona cum defuncto. L. quædam, §. 1. sup. de eden. Novel. de iur. a mor. præ. quo fit, ut et in stipulationem defuncti quamvis conditionalem eodem iure succedat. Sed an non hoc videtur adversari veterum sententiæ, qua constituebant actiones ab heredibus, aut contra heredes incipere non posse, de qua in L. unica, C. ut act. ab her. et cont. her. nequaquam. Cum enim condicionalis stipulationis conditio extitit, placet perinde haberi, quasi

stipulatio ab initio sine conditione facta esset, et ad id tempus obligationem referri. *L. potior, in fin. 1. res. sup. qui pot. in pig. hab.* † Idem ius observatur et in legato condicionali, cum de debitoris legati agitur, id est, hereda. Nam et hic si decedat pendente conditione legati, relinquit heredem suum obligatum, ut reliqueret promissor, si pendente conditione stipulationis decessisset. Nihil enim in huius herede excipitur, quia hæc testatoris mens est, ut omnino legatum perveniat ad legatarium. Non idem placuit e converso in persona legatarii. Nam hic si decedat pendente legati conditione, nihil debetur eius heredibus, quantumvis conditio postea existat. *L. 5. sup. quan. di. leg. ce. L. unica, §. sin autem aliquid, C. de cad. toll.*

‡ Cur hæc tam varie? An quod legatum condicionalis non cedit ante, quam legati conditio existat: stipulatio conditionalis cedit statim? nam hoc animadverto quosdam scribere. Aperte istam sententiam, quæ verbis diserte scriptis refellitur in *L. cedere, infr. de verb. sig.* Nam quod eam confirmant *L. usufructus, infr. de stip. ser.* quantopere in eius loci sententie hallucinantur, ex iis intelligi potest, quæ de eo diximus ad *L. si rem meam, 31. sup. eod.* Nihil rectius utuntur hoc argumento quod stipulator conditionalis dicitur esse creditor: legatarius non item. *L. is cui sub conditione. sup. de obl. et ac.* Ideo enim qui stipulatus est sub conditione dicitur creditor, quia ex sententia legis, quæ creditoribus aliquid tribuit, tenquam creditor accipitur, seu creditoris loco est, ut hoc idem aliis verbis explicatur in *L. creditores, 10. et L. creditorum, infr. de verb. sig.* ceterum re vero et absolute non est creditor, cui nihil debetur. *d. L. creditorum, de verb. sig.* Qui autem sub con-

ditione stipulatus est, huic pendente conditione nihil debetur. *d. L. cedere, de ver. sig.* Ideo autem stipulator conditionalis potius ex sententia legis pro creditore accipitur, quam cui legatum est sub conditione, quod ex stipulatione si conditio existat, semper futurum est, ut pecunia debeatur. Sive enim existat vivo stipulatore, ei debetur: sive eo mortuo, debetur eius heredibus. At ex causa legati non item est certum semper debitum iri, quamvis conditio exstiterit. Nam si legatarius decesserit pendente conditione, iam diximus heredibus nihil deberi, quantumvis exstiterit conditio postea. Sed de eo alius est plure dicendi locus. Quid ergo hic legatum distinguit e stipulatione? non utique diversitas obligationis, quæ in utroque genere pendente conditione pariter nulla est: sed voluntas eorum, e quibus hæc genera nascuntur. Ut enim iam elibi supra ostendi, alio mens est stipulantis in obligatione sibi comperanda, alio testatoris in legenda. Unde quisque sibi stipulando et cavendo hoc animo est, ut certum velit etiam heredibus suis. *L. si pactum, sup. de prob.* Testator autem legendo hoc animo est, ut legatario coasulet aut propter eius merita, ut legata ex meritis ut plurimum proficiaci solent. *L. nec adiecit, sup. pro soc.* Aut propter aliquam aliam causam, quæ ad legatarium complectendum privatum afficitur: non item ut coasulet legatarii heredibus, erga quos non iisdem de consensu est effectus: imo ne affectus quidem esse potest, utpote quos non novit. Quo fit, ut nisi prius in persona ipsius legatarii constitent obligatio legati, nihil sit, quod ad heredem eius transmittatur. Non enim potest ex iudicio testatoris, quo heres legatarii constituitur: non ex persone legatarii decessoris sui, qui huic nihil debetur.

Ad L. Qui usufructum. 58.

Idem lib. LIV. Digestorum.

Qui usufructum fundi stipulatur, deinde fundum: similis est ei qui partem fundi stipulatur, deinde totum: quia fundus dari non intelligitur, si usufructus detrahatur. Et e contrario qui fundum stipulatus est, deinde usufructum: similis est ei qui totum stipulatur, deinde partem. Sed qui eum stipulatur, deinde iter, posteriore stipulatione nihil agit: sicuti qui decem, deinde quinque stipulatur, nihil agit. Item si quis fructum, deinde usum stipulatus fuerit, nihil agit: nisi in omnibus novandi animo hoc facere specialiter expresserit. Tunc enim priore obligatione expirente, ex secunda introducit petitio: et tam iter, quam usus, necnon quinque exigere possunt.

SUM-

SUMMARI A.

1. *Questio huius L. eiusque occasio.*
2. *Distinctio veterum ad questionis explicationem accommodata.*
3. *Ususfructum in fundo, iter in actu, usum in usufructu partis vñ habere: et in iis separatim promissis idem iuris esse, quod in toto et parte in stipulationem separatim deductis.*
4. *Bis idem promittens, cum prior stipulatio va-*

- leret, posteriore nihil agere, nisi animo novandi posterior interposita sit, et n. 6.*
5. *In novatione quod exigitur ut novandi animus specialiter exprimatur, an veteri iure obtineret, an vero Iulianiani constitutione primum introductum sit.*
7. *Ususfructum partem fundi non esse.*
8. *Fundi appellatione proprietatem non significari.*
9. *Fundus an iuris nomen.*

DUabus stipulationibus propositis, quarum una ab aliquo partem, altera ab eodem totum stipulati sumus, quaesitum est de posteriore, utrum valeat, quasi aliud continens; an vero sit inutilis, quatenus in utraque eadem pars continetur; quam ex parte huius loci questionem esse ex iis quae Iulianus de actu et itinere, de decem et quinque, de usufructu et usu nominatim definit, animadverti potest. Querendi occasio nascitur ex ea definitione veterum, quae traditur in *L. qui bis, supr. eod.* eum, qui bis idem promissit, amplius quam semel ipso iure non teneri; cuius sententiam hanc esse diximus, eum, qui bis idem promissit, ita amplius quam semel non teneri, ut si prior stipulatio valet, posteriore nihil agatur, idest, posterior plane sit inutilis. Hic nimirum querendum fuit, quando posteriore stipulatione contineretur idem, non aliud. Quæstio supervacua, eum idem omni ex parte continetur posteriore stipulatione, idest, neque plus, neque minus; itaque de eo non agitur. Sed huius tunc locus est, cum incidit ea species, quam initio posuimus; eum scilicet partem stipulatus quis est ab aliquo, et separatim ab eodem totum; sive quod prius partem stipulatus est, deinde totum: sive quod stipulatus est e converso prius totum, deinde partem. Ambigendi causa ex eo, quod si totum coniunctum per se spectemus, aliud atque aliud contineri videtur utraque stipulatione. Aliud est enim pars, aliud totum; at si totum spectemus ut rem constantem ex suis partibus, existimari potest utraque stipulatione idem pro parte contineri. Nam in toto pars inest. Itaque si prius stipuletur quis partem fundi, deinde fundum, videatur in posteriore etiam partem illam complecti, quam priore stipulatione sibi eaverat: cum, ut dixi, in fundo continetur et pars fundi; et e converso si prius quis stipuletur fundum, deinde eius fundi partem, haud dubie postea eam partem stipuletur, quam et in hunc priore stipulatione complexus erat. Hinc ergo questio in hac specie ad

Tom. XI.

superioris regule explicationem aecommodata, an cum id sit, posteriore stipulatione continetur idem, ut inde statuamus videlicet, quatenus id sit, eatenus posteriorem stipulationem esse inutilem; quod regula iuris, eadem re bis promissa exigit. Et in hac quæstione statuerunt veteres. Et multum referre, utrum prius stipuletur quis partem, deinde totum: an contra prius totum, deinde partem: ut si quidem prius partem, postea totum, posteriore stipulatione videatur contineri aliud, ac proinde stipulatio in totum valeat: sin e converso prius stipuletur totum, deinde partem, hic posteriore stipulatione continetur idem, id eoque et ea stipulatione nihil agatur. Hæc distinctio non obscure significatur in *L. si pupillus, §. ult. infr. de nov.* Non enim solum cum quis stipulatur actum, deinde iter, illic Ulpianus scribit idem, quod traditur hoc loco, posteriore stipulatione nihil agi: sed etiam e converso si quis actum stipulatus sit postea, ait aliud magis stipulari, idque adversativa particula, *sed*, inter utranque speciem interposita. Ut intelligamus scilicet in priore specie eum quis actum stipulatur, deinde iter, non solum posteriore stipulatione itineris nihil agi, quod illic expressum est; sed etiam ideo nihil agi, quia ea stipulatione idem continetur; quod adversativa sequentis membri indicat, et superiori definitioni veterum consequens est. In altera autem specie, cum quis stipulatur iter, deinde actum, non solum observemus posteriore stipulatione totius aliud contineri, sed etiam ex contentione prioris speciei intelligamus eam stipulationem esse utilem; quod et ipsum priore illo posito efficitur. Nam si posteriore stipulatione continetur aliud, stipulationem iure publico valere necesse est; quia superior definitio quæ de eadem re bis promissa concepta est, aperte non pertinet ad eas stipulationes in quibus aliud atque aliud promittitur. Atqui constat actu etiam iter contineri, aut tanquam partem, aut tanquam rem parti similem. *L. 4. supr. de ser.*

ser. præd. urb. Inst. de ser. in princ. ut si-
ve pars sit, superiore Ulpiani loci ea sen-
tentia exprimitur, quam dixi; sive parti
sit similis, multo magis. Sed cum in toto
semper pars insit, cur qui totum postea
stipulatur, non intelligitur in fundo stipu-
lari eandem partem fundi, quam prius erat
stipulatus, ut hactenus saltem posterior fun-
di stipulatio sit inutilis? quia alia pars est,
quam prius stipulatus est; alia, quæ fun-
do continetur. In toto pars inest; sed pars
in toto confusa, pars cum aliis partibus
commixta, et coniuncta, non separata. Prius
autem partem eiusdem fundi stipulatus est
distinctam et separatam ab aliis, quæ in
fundo relictæ sunt; cuius separatæ stipula-
tio, longe aliam vim habet, atque ea quæ
appellatione totius comprehensa intelligitur.
Nam pars separatim in stipulatum deducta
et separatim solvi potest etiam invito cre-
ditore, quia sola debebatur. Fundo autem
semel promisso etsi singulæ eius partes
contineantur stipulatione; quia tamen appella-
tio non sunt, nec divisim et particulatim
invito stipulatore solvi possunt, sed solum
fundus. Adeo ut ne in quantitate quidem
ex decem promissis quicunque recte offeran-
tur, si creditor recuset accipere, ut dixi-
mus ad L. 2. §. 1. *supr. eod.* Sed rursum
si id ita est, cur non et eadem ratione
pars posteriore stipulatione promissa dica-
tur esse alia ab ea parte, quam idem sti-
pulatur priore stipulatione fundi complexus
est? Atqui eandem esse dicimus; hac enim
de causa fit, ut posteriore stipulatione ni-
hil agatur. Differentiæ ratio est, quod cum
prius stipulatur quis partem fundi; deinde
totum fundum; hic totus fundus partem ex
aere habet, non ex priore stipulatione ac-
cipit, quæ potius mutabatur partem ex
toto. At ubi prius stipulatur totum, deinde
partem; hic pars quæ posteriore sti-
pulatione comprehensa est, deducitur de to-
to, ut necesse sit eam ipsam partem esse
intelligi, quæ priore stipulatione fundi con-
tinebatur. Constituta est igitur distinctio il-
la, quam hic veteribus placuisse dicimus,
ut si quis prius stipuletur partem, deinde
totum, posterior stipulatio omnino aliud
habeat, eoque ut non pertinet ad eam de-
finitionem veterum qua de eo cavetur, qui
his idem promittit; ita quominus valeat,
nihil illa definitio sit impedimento. Hinc
pendet questio et ratio huius loci, Quod
enim de toto et parte, itemque de parte et
toto separatim promissis superiore distinctio-
ne probatum est, capit deinde dubitari, an
et ad res quasdam transferendum esset, quæ
partes quidem una essent, partium tamen
3 instar habere viderentur. † Huius generis

res sunt, usufructus in fundo, iter in actu,
usus in usufructu. Propone aliquem sti-
pulatum esse usufructum fundi, deinde fun-
dum; aut e converso prius fundum, deinde
usufructum; item prius iter, deinde
actum; aut vice versa prius actum, deinde
iter; item stipulatum prius usum, postea
usufructum; aut contra prius usufructum,
deinde usum. Et Iulianus in summa
tria ista quæ proposuimus, partis vim
habere hoc loco statuit. Ideoque et in pro-
positis exemplis idem iuris esse de posteriore
stipulatione, quod iuris esse diximus,
toto et vera parte separatim promissis. Prius
autem de usufructu id ita esse docet, id-
que diligentius, quia in hoc maior dubita-
tio esset, an esset tanquam pars fundi ha-
bendus. Cætera duo, idest, iter in actu,
et usum in usufructu, significat certo pro
parte habenda. Nam neque agere nisi eun-
do, neque frui, nisi utendo possumus. Idcirco
et sine cunctatione aperte et recta
pronunciat, si quis prius stipuletur actum,
deinde iter; prius usufructum, deinde u-
sum, posteriore stipulatione nihil agi, non
magis quam cum prius decem, deinde quin-
que stipulatur. Nihil dicit e converso in
his quod iuris sit, si quis prius stipulatus
ait iter, deinde actum; prius usum, deinde
usufructum, id est, prius quod minus
est, et tanquam pars, deinde quod
est maius, et velut totum, quemadmodum
fecerat prius in usufructu, ubi quis eum
prius stipulatus est, deinde fundum. Quod
ideo factum coniecere possumus, quia ne-
men facile dubitaturus esset, quin aliud sit
actus, quam iter, aliud usufructus, quam
usus. Cæterum re vera hæc esse aliud cum
posteriore stipulatione promissa sunt, alibi
nominatim traditur: nempe in d. L. si pu-
illus. §. ult. *infr. de novat.* ut intelligere
liceat his posteriore stipulatione, promissis
non minus valere stipulationem, quam
si vera pars prius, deinde totum pro-
missum esset: proinde ista omnia, quæ
partis instar habere dicimus, in questione
proposita eodem iure habenda esse,
quod de vera parte constitutum est. Ad-
dit Iulianus in extremo exceptionem de no-
vatione, quæ qualis sit suo loco dicemus.
Sed verba paucis expendamus, ut si quid
in his dubiis reliquum est, ordiue expli-
cetur. Ait, qui usufructum fundi sti-
pulatur, deinde fundum, similis est ei,
qui partem fundi stipulatur, deinde fun-
dum. Cur non dixit esse eum, qui partem
fundi stipulatur, deinde fundum, sed so-
lum similem ei? nempe quia usufructus,
qui ius est, re vera fundi pars non est, ac
ne

ne esse quidem potest: de quo ad extremum plura: sed tamen quia emolumentum, id est, domini quod fundus obtinetur, pars est, ideo partis instar obtinere dicitur Papiniano. *L. Mævius. §. pe. l. cum filius, §. dominus, sup. de leg. 2.* Quam et ipsam rationem reddidit hoc loco Iulianus, aliis quidem verbis, eadem tamen sententia, cum ita subiicit, *quia fundus dari non intelligitur, si usufructus detrahatur.* Non dicit, quia fundus esse non potest, usufructu detracto; sed quia hoc detracto dari non potest, id est, quia dominium eius transferri non potest. Id enim dari significat. *§. sic itaque Inst. de act.* Hoc vero alia de causa non fit, quam quod dominium fundi constet ex usufructu, ut consequens sit hoc detracto totum et plenum dominium non transferri. Sed quorsum hoc, usufructum partem fundi videri? quorsum id etiam e converso in sequente specie inculcari, quasi parum fuisset id semel dici ab initio? quorum posteriorum supervacuum videtur: utrumque etiam alienum. Nam de vi posterioris stipulationis queritur, de qua Iulianum agere ex sequentibus definitionibus similium exemplorum apparet; quo pertinet etiam quod in hoc initio tam diligenter de duabus stipulationibus proponit. Nunc autem de usufructu respondet, hunc partem domini esse videlicet, seu videri partem fundi; quid hoc ad vim stipulationis, et ad questionem pertinet? Et ex his quæ dixi, intellectum est omnino pertinere, adeoque ex eo uno statui id, de quo queritur. Nam si usufructus fundi pars est, aut pro parte habetur, sit locus supra scriptæ distinctioni de parte et toto separatim promissis, quam ex iure notam fuisse diximus. Hoc ergo posuit Iulianus, quod erat prius, et ex quo questio proposita pendebat, ut ex eo id quod erat consequens, intelligeretur. Itaque cum dicit eum, qui stipulatur usufructum, deinde fundum, similem esse ei, qui stipulatur partem, deinde totum; nihil aliud indicare voluit, nisi posteriorem quoque stipulationem fundi in totum valere, ut tunc fieret, cum stipulatus esset partem, deinde totum; et e contrario cum dicit, eum, qui stipulatur fundum, deinde partem, similem esse ei, qui stipulatur totum, deinde partem; nihil aliud exprimit, quam quod in actu et itinere, decem et quinque separatim atque hoc ordine promissis continenter subiicit, posteriore nimirum stipulatione nihil agi: quia ita ius esset, ubi quis prius totum, deinde veram totius partem stipulatus esset. In qua posteriore spe-

Tom. XI.

cie cum ius dissimile sit a priore, non debet videri supervacuum, quod de hac specie subiicit. Non enim propositum est id dicere de usufructu, quid sit, de quo iam satis dixerat; sed de vi posterioris stipulationis; quæ vis mutatur prout ea stipulatione aut totum comprehensum erit, aut pars dimtaxat. Enimvero cur non potius aperte dixit, in priore speciem posteriorem stipulationem fundi valere: in altera autem specie posteriorem stipulationem usufructus esse inutilem; cum de eo præcipue quæreretur? quia in usufructu hoc erat incertius. Non enim dubitabatur, quin cum posteriore stipulatione totum promissum est, cuius pars prius promissa erat, posterior stipulatio tanquam de alia re interposita valeret: cum autem posterior promissa erat pars, cuius totum prius promissum erat, quin posterior stipulatio esset inutilis. Sed illud erat dubium, an ad usufructum hæc distinctio pertineret, quia ambigeretur, an usufructus pars esset, an aliud quiddam; ut et alias queri docet Caius in fideiusso- ris obligatione in usufructum accepti, cum reus fundum promississet, non usufructum. *L. si a reo, §. si reo, infr. de fideic.* Ergo quod erat dubium, de eo respondit, idque statuit Iulianus, de quo ad cognitionem nostram pertinebat; quod erat iuris certi, prætermisit, quia non erat necesse id adicere, cum esset eiusmodi, quod ex eo quod prius posuerat, continuo intelligeretur. Ex his puto facile intelligi, cum hoc loco de duabus stipulationibus agitur, quarum una partem stipulatus quis est, altera deinde totum, aut e converso; non hoc queri de posteriore, an ea novet præcedentem, necne; sed an valeat, an non valeat: unde est, quod postea respondetur in tribus exemplis, posteriore stipulatione nihil agi. Quibus verbis non significatur posteriorem stipulationem esse inutilem ad novationem, sed plane esse inutilem. Inter quæ nullum interest; fieri enim potest, ut posterior stipulatio ad novationem non prosit, neque eo minus per se valeat, et promissorem obliget. *L. 2. infr. de novat.* Sane qui dicit posteriore stipulatione nihil agi, is etiam vi ipsa satis dicit ea stipulatione novationem non fieri; cum non sit novatio, nisi prioris obligationis transfusio in aliam. *L. 1. infr. de novat.* Sed hoc amplius etiam illud complectitur per se esse inutilem, et non parere obligationem, quod non facit is, qui ad novationem tantum inutilem esse dicit; ut nihil in his proponatur hactenus, cur de novationis iure veteri disputatio huc infe-

70*

ra-

ratur, quasi quidquam ad hunc locum pertineat. Proinde recte fit, quod totum hunc locum ad explicationem illius definitionis referimus, qua veteres statuerunt, eum, qui his idem promittit, amplius quam semel non obligari, ut hac ratione, si prior valet, posterior nulla sit. Cum enim in propositis exemplis dicitur posteriore stipulatione nihil agi hoc statuitur, idem ea stipulatione promitti. Ideo enim ex superiore definitione est inutilis, quia his idem promittitur. Rursum cum in posteriore dicitur aliud contineri, ut *d. L. si pupillus, §. ult. infr. de novat.* non dubium, quin eo referatur, ut sciamus stipulationem ad eam definitionem non pertinere, quia his idem promissum non sit; eoque nihil obstat stipulationi, quominus valeat. Ait, *sed qui actum stipulatur, deinde iter, posteriore stipulatione nihil agit: sicuti qui decem, deinde quinque stipulatur, nihil agit.* Ex his verbis superiora incidunt in difficultatem. Sic enim hæc per adversativam subiecta sunt, ut appareat Iulianum in his quæ sequuntur, statuere voluisse aliquid diversum ab eo, quod prius scripserat; hæc enim vis est adversativæ. Atqui si vera sunt ea, quæ de præcedente specie diximus, et in ea et in his quæ sequuntur, idem ius est de posteriore stipulatione. Agebatur prius de eo, qui fundum stipulatus est, deinde usumfructum. In ea vero specie quod Iulianus dicebat eum similem esse ei, qui totum stipulatur, deinde partem, hanc sententiam habere diximus, ut intelligeremus hic quoque posteriore stipulatione nihil agi. An ergo non recte ita accipimus, et interpretatio ex his sequentibus mandata est? Sed nihil est ea sententia verius, neque ad mentem Iuliani quidquam accommodatius. Aperte enim in iis ipsis verbis, quæ modo retulimus, statuit eum qui prius totum, deinde partem stipulatur, posteriore stipulatione nihil agere. Ut non sit dubium, quin is qui de eo, qui prius fundum, deinde usumfructum stipulatus est, prius illud statuit, etiam posterius, quod est consequens, statuatur. Idque eo magis probandum est, quod similes plane sunt hæc species, cum fundum quis stipulatur, deinde usumfructum, et cum stipulatur prius actum, deinde iter. In utraque enim specie prior stipulatio continet id quod maius est, posterior id quod minus, et quod priore continebatur. Quid sibi vult igitur, quod Iulianus ista separat? id enim ut dixi, adversativa ostendit. Nisi forte probandum est hic particulam, *sed* pro adversativa accipiendam non esse, sed

pro coniunctiva, quæ assumptioni subiiciendæ, et eum propositione connectendæ serviat. Quasi dieeret; atqui cum quis totum stipulatur, deinde partem posteriore stipulatione nihil agit, veluti cum stipulatur actum, deinde iter. Ex quo intelligitur conclusio de stipulatore fundi et ususfructus; ergo qui stipulatus est fundum, deinde usumfructum: posteriore stipulatione nihil agit. Sed hic omnia reclamant. Primum particulæ, *sed*, non temere est hic usus apud Latinos, ut assumptioni connectendæ adhibeatur, sed ut diversum aliquid a prioribus subiiciat. Deinde non potest videri assumptio, quæ ea verba, quæ sunt in propositione; non assumit. Quod hic factum non esse in his verbis, quæ proponuntur, apparet. Postremo ita interpretantibus dicendum erit Iulianum hoc loco solum agere de fundi et ususfructus stipulatione principaliter; ut potest qui per occasionem eius disputationis solum inserat exempla quæ sequuntur, argumenti et confirmationis loco. At de his apparet agere eum æque principaliter, ut de usufructu, ac de omnibus disserere per comparisonem ita, ut statuatur in omnibus esse idem. Ita quin hic sit adversativa posteriora a prioribus separans, negari non potest. Ac ne illud quidem potest dubitari, quin adversativa ad proximam speciem præcedentem referatur, ut significet videlicet Iulianus aliud esse, eum quis stipulatus est fundum, deinde usumfructum, aliud cum stipulatus est actum, deinde iter. Nam ut ad priorem illam solum referatur, eum quis stipulatus est prius usumfructum, deinde fundum, neque structura orationis patitur, neque vis adversativæ, quæ inter res in speciem similes interponi solet. Constat autem has species longe diversas esse, cum prius stipulamur partem, deinde totum, et cum e converso prius stipulamur totum, deinde partem. Ego non dubito, quin supra scriptis verbis Iulianus proximam speciem de stipulationibus fundi, et ususfructus separet ab ea specie, quam subiicit, et cæteris sequentibus. Neque eo minus tamen verum est in his omnibus posteriore stipulatione nihil agi; videndum est enim, in quo istas species separat. Et perspicuum est non separare eum in iure posterioris stipulationis; quod potius idem esse confirmat exemplo eius; qui prius decem, deinde quinque, idest, prius totum; deinde partem stipulatur, dum in hac posteriore stipulatione nihil agi statuit: sed in certitudine huius iuris dissimiles facit hoc modo: Prius dixerat eum, qui posterius stipulatur usumfructum, similem esse ei, qui posterius stipulatur

tur partem. Quo significat usumfructum non aperte et re vera partem, esse sed parti similem; ex quo timidius intelligendum reliquerat posteriorem eam stipulationem de usufructu esse inutilem. Nunc subiicit per adversativam, aliter de eo pronuntiandum esse, qui actam stipulatur, deinde iter. Hunc quidem enim ut superiorem posteriore stipulatione nihil agere; sed hoc addito, ut nihil agat, sicuti nihil agit, qui decem deinde quinque stipulatur. Quæ verba hanc significationem habent, quasi diceret; sed cum quæritur de eo, qui actum stipulatur, deinde iter, non iam hunc dicimus similem ei, qui stipulatur totum, deinde partem, ut de eo diximus qui fundum stipulatur est, deinde usumfructum: sed re vera is est, qui totum stipulatur, deinde partem. Ideo hic posteriore stipulatione nihil agit eodem modo, quo certum est eum nihil agere, qui decem, deinde quinque stipulatur: idest, aperte et sine hæsitatione nihil agit. Et recte hæc aliter affirmantur in eo, qui stipulatus est fundum, deinde usumfructum; aliter in eo qui actum, deinde iter. Quippe iter actus partem recipit et certo dixeris: usumfructum autem fundi non item. Nam fundus sine usufructu et esse et obtineri potest. Actus sine itinere nullo modo. Non enim agere aut vehiculum ducere nisi eundo possumus. Ex autem cuiusque rei partes intelligende sunt quibus unaquæque res constat, et sine quibus illa constitui non potest. *At nihil agit: nisi in omnibus novandi animo hoc facere* (deest, se; rectus enim sermo est, hoc se facere expresserit) *specialiter expresserit.* † Ergo qui his idem promittit, cum prior stipulatio valeret, posteriore inutilis agit, nisi animo novandi posterior interposita fuerit. Tunc enim valebit posterior, quia id agit. Nec adversatur regula iuris, qua placet eum, qui his idem promittit, amplius quam semel non teneri. *L. qui bis, supr. eod.* nam ne nunc quidem amplius, quam semel eum teneri volumus. Sic enim tenebitur ex posteriore, ut tollatur prior novationis iure, atque ita una sit petitio ex posteriore. Et hoc est quod subiicit; *tunc enim priore obligatione expirante, ex secunda introductur petitio.* Adhuc hoc etiam; *et tam iter, quam usus, nec non quinque exigi possunt.* Quibus verbis admonemur, cum posterior stipulatio novandi animo interponitur, non esse spectandum, quid ea contineatur, idemne, an plus, an etiam multo minus; sed quidquid novationis causa promissum erit, stipulationem perficere ad novationem, ut et

posterior constituatur obligatio, et tollatur vetus. Sed ita in his omnibus vult Iulianus posteriorem stipulationem valere novationis causa, si specialiter expressum sit novandi animo eam interponi. † Quo loco oritur nonnullis dubitatio. Nam cum Iustiniani constitutione effectum sit primum, ne aliter novatio fiat, quam si specialiter expressum sit, ut fieret: cum antea multis ex rebus novandi animus colligeretur apud veteres, et quocunque modo probaretur; sufficeret ad novationem, ut declaratur in *§. præterea, Inst. quib. mo. toll. obl. et L. ult. C. de novat.* quæritur, qui conveniat dici hanc expressionem tam multo ante exigere a Iuliano hoc loco. Et eo adducunt nonnulli, ut putent locum interpolatum a Triboniano, et verba hæc, *specialiter expresserit*, ab illo esse addita, dum responsum Iuliani ad constitutionem Iustiniani accommodat. Ego autem tantum abest, ut putem ad rem explicandam ista coniectura, quæ tam non probatur, esse opus, ut existimem etiam ne probabiliter quidem dubitari, an constitutio Iustiniani, aut ea quæ de veteri novationis iure tradita sunt, obstant huic loco, quamvis a Iuliano ita scriptum esse dederimus. Constat enim ex *d. §. præterea.* Certas tantum fuisse res et notas, ex quibus apud veteres sine alia aperta conventionem animus novandi conieceretur; ut interventum novæ personæ, aut in eadem persona alicuius rei novæ adiectionem, aut veteris detractionem. In omnibus autem hæc erat conditio, si idem et tantundem in posteriorem stipulationem deduceretur, ut docuimus ad *L. eum qui ita, §. pen. supr. eod.* extra hæc illi novationem non admittebant, nisi aliter probaretur. Cedo igitur, ubi aliæ coniecturæ receptæ non essent, et tamen vellent contrahentes novationem fieri, quomodo hic animus olim probaretur? opinor, hoc modo; si nominatim et specialiter dictum esset stipulationem hoc animo interponi. Neque vero aliter potuit. In his porro nihil immutavit Iustiniani constitutio, ut quæ in omnibus posterioribus stipulationibus nihil exigat præter hanc expressionem. Atqui quæ hic proponuntur a Iuliano posteriores stipulationes, quibus nihil agi dicit, omnes sunt eiusmodi, in quibus ea desint, propter quæ veteres novationem in re dubia admittebant. Si persona quæritur, hic idem promittit posteriore stipulatione, qui et priore promiserat. Ideo enim posterior stipulatio est inutilis, quia unus bis idem promittit. Quod si promitteret alius, nihil esset impedimento stipulationi. *d. L. qui bis, supr.*

supr. eod. ita novæ personæ interventus non potest dici in his novationem facere. Si res queritur, hic promittitur posteriore stipulatione non tantundem, sed pars et minus, et quidem sine ullius rei novæ adiectione. Quod cum fiebat, adeo non novabatur prior obligatio, ut ne tunc quidem novatio fieret, cum ab alio minus stipulati essemus. *d. L. cum qui ita, §. pen. supr.* Quæ si ita sunt, non modo non fuit alienum a iure vetere, et persona Iuliani in propositis stipulationibus exigere ad novationem, ut nominatim exprimeretur de novandi animo; sed etiam ex eo iure hoc unum restabat Iuliano, quod diceret. † Notandum est autem sic esse verba exceptionis, ut referatur tantum ad eum, qui posteriore stipulatione nihil agit; seu quod idem est, ad eas tantum stipulationes posteriores, quibus nihil agi dixerat. Cum enim prius posuisset stipulatorem posteriore stipulatione nihil agere, ita subiicit, *nisi novandi animo hoc se facere specialiter expresserit.* Quod et extremis verbis confirmat, cum ex posteriore stipulatione novandi animo interposita exigi posse ait *iter, usum*, nec non *quingue*. Nam hæc tria erant, quæ posterioribus stipulationibus tribus promittebantur, quas prius inutiles esse dixerat. Itaque quod ait, *nisi in omnibus*, ad personam eius, de quo agitur, accommodandum est, et ita interpretandum; nisi is qui nihil agit, in omnibus his, in quibus nihil agit, et quæ sequuntur. Unde intelligimus has esse solum, in quibus exigit Iulianus ad novationem, ut nominatim novandi animo interponantur. Quid ergo iudicandum est de posteriore stipulatione, quam utilem esse diximus, quod accidit cum quis usufructum stipulatur, deinde fundum, et in summa cum stipulatur prius partem, deinde totum? nempe quancumque vim olim habuerint huiusmodi stipulationes ad priorem partis stipulationem novandam, id hæc loco non adversari. Nam si placet his stipulationibus interpositis priorem novari iure vetere, quia priori aliquid adiceretur, iuxta ea quæ traduntur in *d. §. præterea, Inst. quib. mod. tol. obl.* dicemus id non negari hoc loco, quia exceptio, quæ, ut novandi animus exprimitur exigit, ad eas stipulationes non pertinet. Sin contra placet his stipulationibus priorem non novari, quia his aliud promittitur, non idem: eveniret in his quoque iure vetere, ut si has ad novationem prodesset vellemus, specialiter etiam novandi animo interponi oporteret. Quo etiam hic locus confirmatur, etsi quis ita accipere

exceptionem, ut ad omnes stipulationes posteriores, de quibus prius egit, referretur. Et certe si nobis constare volumus, cum dixerimus superioribus stipulationibus, quæ posteriores de toto concipiuntur, aliud continere, consequens est, ut his quoque priores etiam olim non novari solitas dicamus. Sed hæc ad huius loci defensionem dicta sunt. Utrum autem ex his sit verius, ad ius, quo utimur, nihil refert: cum hodie nulla stipulatio novet præcedentes, nisi in qua de animo novandi specialiter expressum fuerit. *d. L. ult. C. de novat.*

† His expositis, redeo ad id, quod Iulianus initio significat usufructum fundi partem videri, non esse; de quo illic plura non dixi, cum locus offerretur, ne hac tractatione iniecta interPELLARETUR cursus propositæ quæstionis, quæ non de usufructu Iuliano instituta est, sed de vi posterioris stipulationis. Ac ne nunc quidem plura dicere contentus iis, quæ dixi ad *L. cum, qui ita, §. qui proprietatem, supr. eod.* nisi hæc ipsa sententia hoc loco repudiaretur a quibusdam. Adversus quorum dubitationem utile esse iudico veram sententiam cum huius loci, tum aliorum locorum confirmari. Bene Iulianus hoc loco eum, qui stipulatur usufructum, deinde fundum, aut e converso, similem dicit esse ei, qui stipulatur partem, et totum. Est enim re vera similis ei; at non is certe, qui stipuletur partem, et totum. Usufructus enim fundi pars non est. Quod cum manifestis locis, et perspicuis rationibus, atque omnium prope consensu confirmetur, miror ab ullo etiam in dubium revocari potuisse. Primum hoc diserte scriptum est a Papiniano in *L. Mævius, §. penult. supr. de leg. 2. usufructus enim*, inquit, *etsi in iure, non in parte consistit, emolumentum tamen rei continet.* Sed multo etiam certiore ratione fit, ut fundi pars non sit, ac ne esse quidem possit. Nemo ignorat, cuius naturæ et conditionis totum est, eiusdem et partem esse oportere. Quidquid enim totum habet, id ut habeat accipit a partibus suis, ex quibus constat: ut si totum corporale est, necesse sit et partem esse corporalem: si incorporale, non possit pars esse, nisi incorporalis. At fundus corporalis res est, si modo iuris auctores omnes Latine et recte locuti sunt, quoties fundi vocabulum usurpant: præsertim si definitio fundi vera est, tradita in *L. locus, et L. fundi, infr. de ver. sig.* Sed cur huius rei probationem petimus longius, cum in divisione rerum inter res corporales primo loco exempli gratia recenseatur fundus?

dus? *L. 1. §. 1. sup. de rer. divis. Inst. de reb. cor. et inc.* Ususfructus autem omnium confessione res est incorporalis in iure consistens. Quod iisdem illis locis diserte traditum est, et *d. L. Mavius, §. pen. de leg. 2.* Quare ususfructus fundi pars esse non potest. Et sane neminem puto tam a vero alienum, ut si fundum rem corporalem esse concesserit, ususfructum autem rem incorporalem, negaturus sit recte colligi, ususfructum non esse partem fundi; Et fateor, qui id faceret, lectum a me, aut auditum esse neminem. Sed sunt, qui ideo ususfructum partem fundi esse dicant, quia prius statuatur, fundi appellatione plenam proprietatem significari; fundum denique 8 esse nomen iuris. † Agnosco, si fundi appellatione significatur proprietas, eoque et fundus ius est, recte dici ususfructum esse fundi partem. Est enim omnino ususfructus plenæ proprietatis seu domini pars, ut docui ad *L. eum, qui ita, §. qui proprietatem, sup. eod.* At quid est illud, fundum nomen iuris esse, id est, rei incorporalis, eoque significari proprietatem? Si de hoc verbo obscurus esset usus Latine loquentium, aut omnium auctorum iuris, minus mirarer de eius significatione aliquando dubitari. Nunc autem cum omnes sciamus, quid sit apud omnes fundus Tusculanus, fundus Conelianus, fundus Seianus: quid sit is fundus, per quem eatur, et qui dividatur in partes certis regionibus. *L. nam satis, sup. quib. mod. ser. am.* Cum præterea ex professo definiatur a nostris fundus ita, ut si videantur aliis in rebus dissentire definitiones; tamen inter omnes conveniat fundum esse prædium rusticum, esse agrum, integrum aliquid denique, cuius portio quævis sit locus: *d. L. locus, d. L. fundi, infr. de verb. signif.* Postremo, ut omittam cætera, cum instituta ex professo rerum divisione, quarum aliæ corporales sint, aliæ incorporales, diserte traditum sit fundum esse rem corporalem: *d. L. 1. §. 1. sup. de rerum divis. et Inst. de rer. corp. et inc.* hæc, inquam, cum ita esse videamus, quis non miretur esse, qui his contemptis, tamen fundum ius esse dicant, et rem incorporalem? nam profecto si ius est, incorporalem esse necesse est, ut in eadem rerum divisione traditur supra scriptis in locis. Hoc vero qui facit, is non iam de significatione verbi ambigua litigat; sed in definitione certa, et certo verbi usu semel omnes veteres inscitæ condemnat, qui nesciverint ad unum omnes fundum corporis nomen non esse, sed iuris. Itaque eiusmodi est hæc sententia, ut non videatur

magnopere relatione indigere. Et tamen quia ab illis qui hoc dicunt, aliquid afferitur, putavi quale id esset, nobis cognoscendum, ne forte et ipsi eadem specie decepti labamur. Quod quibusdam accidisse videmus non satis eruditis Lexicorum iuris interpolatoribus, qui ut alia fere omnia undecunque arrepta, ita hoc quoque sine iudicio in sua Lexica retulerunt. Fundum significare plenam proprietatem probant, quia in *L. eum, qui ita, §. pen. sup. eod.* traditur ei, qui stipulatus est fundum, deberi plenam proprietatem, et si promissor fundum solvat detracto usufructu, cum non liberari, sed ususfructum adhuc ab eo peti posse. Sed quodiam hoc genus sit collectionis, videamus. Qui fundum dare debet, tradere debet plenam proprietatem. Ergo fundus est proprietas. Quod perinde est, ac si quis ita ratiocinaretur: qui vestem dare debet, transferre debet plenam proprietatem vestis. Ergo vestis est proprietas. Et tamen quam hoc falsum sit, nemo non videt. Et vero vitiosissime colligitur. Cum enim quis promittit fundum, et quod idem est, se fundum daturum, in stipulatione duo versantur, fundus, et fundi datio. Qua parto fundus appellatur, non appellatur aut continetur proprietas. Nihil enim commune habet fundus cum proprietate: cum possit fundus esse natura, etiam si nemo eius sit dominus; et is cuius est aliquis dominus, possit apud aliquem esse sine proprietate, ut si precario ei datus sit, aut ab eo bona fide tantum possessus. Quod si quisquis appellasset fundum, diceret etiam proprietatem, consequens esset cum, qui promississet solum se fundum traditurum, etiam hoc promittere se proprietatem traditurum. Quod aperte falsum est. Non ergo ut dixi, qua parte nominatur fundus in superiore stipulatione illic continetur proprietas. Unde igitur proprietas plena ex ea stipulatione? ex ea parte, qua reus se promissit daturum. Dare enim est dominium transferre. *§. sic itaque Inst. de act.* Non est autem dominium integrum detracto usufructu qui domini pars est. Ergo ex stipulatione fundi debetur proprietas, non quia fundus est proprietas, sed quia una cum fundo etiam proprietas promissa est non verbo fundi, sed verbo dandi. † Fundum nomen esse iuris probant ex *L. cogi, §. inde quaeritur. inf. ad Treb.* nempe eo loco, non solum ex quo non rectius id colligitur, quam ex superiore; sed etiam qui præcipue adversus hanc sententiam facit. Nam cum esset questio posita, an posset quis rogari restituere hereditatem deducto are

ære alieno, et Ulpianus negasset; rationem reddens subiicit hæc verba; *nec enim posse ex iure deduci quantitatem: non magis, quam si fundum quis deducto ære alieno, vel deductis legatis restituere sit rogatus.* Non potuit Ulpianus apertius ostendere fundum ius non esse, quam his verbis. Nam si fundus ius fuit, debuit de fundo subicere exempli loco, ut diceret: nec enim posse ex iure deduci quantitatem: *veluti, si fundum quis*, et quæ sequuntur: non autem argumento fundi uti: quod non potest esse nisi nugatorum, si fundus ius est. Erit enim ratio eadem cum propositione. Propositio hæc est, non potest ex iure deduci quantitas. Ratio, quia non potest ex fundo, qui ius est, deduci. Atqui si incertum est, an possit quantitas deduci ex iure, eadem incertitudo est, an possit ex iure, quod est fundus. In eo idem per idem explicatur; quia et fundus ius est. Proinde si argumentum aliquid efficere volumus, intelligi oportet fundum aliam rem esse, quam ius, quam proprietatem. Sic autem si res habet; inest in supra scriptis verbis Ulpiani argumentum ex comparatione parium, ductum a rebus corporalibus et certis, ut fundo: estque huiusmodi. Ex fun-

do, qui certa specie continetur, et æs alienum in se non habet, deduci quantitas seu æs alienum non potest: cum prius sit, ut æs alienum sit in fundo, quam ut ex fundo deducatur. Atqui ius quod est incorporale, non magis ex ære alieno re alioqui corporali constat, quam fundos. Proinde nec ex iure, seu ex hereditate quæ ius est, deduci quantitas potest, non magis quam ex fundo. Maneat igitur, quod semper significacionem, et rationem certam, atque etiam ius certum inter omnes habuit; fundum rem corporalem esse. Ideo fundum non esse proprietatem: sed tantum inter hæc interesse, quantum inter rem, quam obtemus, et ius id, quo rem obtemus. Usumfructum, cum sit res incorporalis in iure consistens, proprietatis et domini partem esse posse; fundi nullo modo. Quia tamen fundum sequitur, qui dari debeat, ac sine eo fundus non videtur dari. Hoc amplius, quia si fundus datus sit detracto usufructu, usufructus adhuc peti potest, ideo hactenus partis instar obtinere recte dici. *d. L. cum filius, §. dominus, supr. de leg. 2.* nam hæc omnia in vera fundi parte locum haberent.

Ad L. Quotiens in diem. 59.

Idem lib. LXXXVIII. Digestorum.

Quotiens in diem vel sub conditione oleum quis stipulatur: eius æstimationem eo tempore spectari oportet; quo dies obligationis venit. Tunc enim ab eo peti potest: alioquin alias rei captio erit.

Ad L. Idem erit. 60.

Ulpianus lib. xx. ad Edictum.

Idem erit et si Capuæ certum olei pondo dari quis stipulatus sit. Nam eius temporis sit æstimatio, cum peti potest. Peti autem potest, quo primum in locum perveniri potuit

SUMMARIA.

1. In olei, vini, frumenti, et similium mercium, quæ pondere, aut mensura constant, æstimatione, quæ tempora spectantur, et quod ius hac in parte a veteribus constitutum.
2. De tempore contractus.
3. De tempore moræ.
4. De tempore, quod litis contestationem sequitur.
5. De tempore condemnationis et rei iudicatæ.
6. Generaliter et infinite statuendum, ut tempus omne, quo res plurimi fuerit post moram, spectetur.
7. In æstimatione rei certe inveniunda diversum esse quam in oleo, vino, frumento, et

similibus mercibus generaliter et infinite promissis aut alter debitis; et cur. et n. 11.

8. Definitio de tempore æstimationis hoc loco a Iuliano et Ulp. tradita.
9. Verbis Iureconsulti, Cum peti potest, quod tempus intelligatur, et an superior definitio generaliter ad omnia obligationum genera pertineat.
10. Duo tempora, diei scilicet solutioni adiecti, et litis contestatæ, in vini, olei etc. æstimatione a veteribus recte constituta, rationibus iuris demonstratur.
12. Fino aut oleo promisso, cur non de vino aut oleo, sed æstimatione præstanda agatur.

CUM

1 CUM oleum, vinum, frumentum, et similes merces, quæ pondere aut mensura constant, ex stipulatu, aut alia causa debentur; permagni refert in executione obligationis, quo tempore ea præstentur, aut si non præstantur ipsa, ex quo tempore æstimentur. Quod enim experientia omnium sæculorum docet, constat istarum rerum pretia singulis pene temporibus mutari, et quidem ita, ut maxima interdum fiat accessio pretii, interdum de pretio plurimum decedat. Hæc res quæstionem peperit de æstimatione istarum rerum maxime, an quavis earum genus exstet, et possit præstari; tamen æstimatio certi alicuius temporis præstanda sit; et si est, cuius temporis; eiusque, quod promissori videatur; an eius quod expediat creditori; an vero certi alicuius et constituti, quod uterque ex contrahentibus postulante altero sequi cogatur. De eo multis locis ius traditum legimus; præcipue autem, et velut ex professo in *L. vinum, supr. si cert. pet. et L. ult. supr. de cond. trit.* tum hac *L. quoties, et L. seq.* Sed habent hi loci has difficultates duas non exiguas. Unam, quod ita scripti sunt varie, ut pauci adhuc statuere poterint, quid in hac quæstione sequi oporteret. Alteram, quod si quid in his maxime statui videtur, id eiusmodi est, ut manifestis regulis iuris, et æquitatis videatur adversari. Quare postulat huius loci definitio, ut de his dicamus. In quibus explicandis ero brevior, quia de omnibus, quæ in hac quæstione dubitationem facere videbantur, scripsi accuratius ad *L. vinum, supr. si cert. pet.* Et ex his duobus ante illud constituendum est, quodnam sit ius, quod in hac re putemus placuisse veteribus, ut prius iuris constitutio, quam constitutio ratio queratur. Dicam breviter: cum de hac re tota dilucide scripta sit distinctio in *d. L. vinum, supr. si cert. pet. et d. L. ult. supr. de cond. trit.* et scripta ex professo non de una aliqua specie obligationis, ut huius loci definitio est, sed de genere toto tum earum quæ sunt in diem, tum cæterarum, quæ aut puræ sunt, aut sub conditione; sitque præterea non aliud tantum auctoris, sed etiam eius ipsius, qui et definitionis propositæ auctor est, idest, Iuliani: nimirum ea est, quam in hoc genere audire et sequi debemus, et si quid in definitione huius loci ambigui est, id quod de specie scriptum est, ad regulam et sententiam superioris distinctionis revocare, ut explicetur. Sic ergo in illis locis traditum est. *Vinum, oleum, frumentum iudicio petitur est. Quæsitum est, cuius*

temporis æstimatio feret. Placuit, si dictum esset, quo die dari deberet, tanti æstimandum, quanti tunc fuisset. Si de die nihil convenisset, quanti tunc, cum petitur esset: idest, ut exponitur in dict. L. ult. de cond. trit. quanti tunc, cum iudicium acciperetur. Ut sit id, quod alibi apertius dicitur, tempus litis contestatæ esse spectandum. L. 3. §. in hac actione, supr. com. Hac distinctione aperte duo tempora certa constituuntur, quæ spectemus, cum de vini, olei, et similium rerum æstimatione facienda agitur, dies solutioni dictus, et nullo die constituto tempus litis contestatæ. Hæc quomodo accipimus? perspicuum est cum unum ex his spectandum esse dicitur, cætera omnia excludi, sive quæ antecedunt, sive quæ sequuntur. Exempli gratia, qui litis contestatæ tempus spectandum esse dicit, et ex eo rem æstimandam, is negat tempus contractus esse spectandum, quod antecessit; negat tempus, quo ante mora facta est; negat spectandum rei iudicatæ tempus, negat intermedia omnia esse spectanda. Et vice versa si quis unum ex his posterioribus spectandum esse dicat, is eadem opera negat spectandum tempus litis contestatæ: quoniam fieri non potest, ut unum spectetur et simul spectetur aliud, ubi eorum temporum æstimatio est diversa; nisi forte recipimus, ut una æstimatio, quæ ab eodem eiusdem rei nomine præstetur, minor et maior simul esse intelligatur. Ita necesse est, quæcumque tempora alia ab illis duobus spectanda esse dixerimus, tot esse, quæ superiori distinctioni adversentur, eamque infringant. Hic ergo se difficultas illa aperit, quam supra dixi: non enim unum aliquod tempus aliud aliis locis spectandum esse dicitur, sed quotæcumque sunt alia tempora diversa, hæc prope omnia aliis locis statui videntur; neque id consentienter, ut cum una forte sententia contraria sibi quis rem esse putet; sed locis inter se ita, ut videtur, repugnantibus, ut non maior sit illis cum *L. vinum*, quam ipsis inter se contentio. Propterea quod quæ sunt tempora diversa, ea singula iubentur spectari singulis locis, illo unum, altero alterum, tertio aliud, et ita deinceps. Sunt, quibus videtur effici spectandum esse tempus, quo obligatio contrahitur: quibusdam revocatur res ad tempus moræ: quibusdam ad id tempus, quod litem contestatam sequitur, si tunc pluri res fuit: nonnullis ad tempus condemnationis et rei iudicatæ. Sunt et alii, qui repudiationis omnibus aliis certis temporibus, quæ et hic

hic et alibi spectari iubentur, generaliter et infinite statuatur omne tempus spectandum, quo res plurimi fuerit post moram. Ego autem ad *L. vinum*, collectis ordine omnibus aliis temporibus conatus sum ostendere nullum esse, quod in causa olei, vini, et similium rerum spectandum esse ullo loco iuberetur, ut superioribus omnibus remotis necesse sit sola duo illa relinquere, quæ ex supra scripta distinctione sequenda esse diximus. Quod an effecerim, disputatio ipsa probabit. Mihi quidem bonis et dilucidis rationibus expeditis videor. Etsi autem feci pluribus, et diligentius, ut in re controversa fuit necesse: tamen ut loci ipsi obiectionis noti sint, simul et quid ad defensionem respondeamus, capita ipsa breviter attingam: quando et ea hunc ipsum locum, in quo versamur, non minus attingunt. † Aio cum de æstimatione rei promissæ quæritur, in universum non esse spectandam æstimationem eius temporis, quo res contracta est. In quo facilius est eorum locorum explicatio, qui in contrariam sententiam proferri possunt. Nihil enim admodum videntur ad rem pertinere. Traditum est in *L. cum quid, supra, si cer. pet.* vinum quod mutuo datum est, reddendum esse eadem bonitate, id est, ea, quæ fuit, cum datum est. Sed non ideo vinum eadem æstimatione reddendum esse dixeris; aliud est enim bonitas rei, aliud æstimatio. Illa in re est natura, hæc extra rem, nasciturque non tam ex bonitate et qualitate rei, quam ex huiusmodi rerum copia aut inopia. Stipulatus quis est fundum, deinde quanti is fundus est. Placet ex posteriore stipulatione tanti fundum æstimari, quanti fuit tunc, cum in eam stipulationem deductus est. *L. fundum, infra, de novat.* Nempe quia æstimatio præsens illius temporis nominatim in stipulatum venit. Dictum est enim non quanti fundus fuit, aut postea futurus est; sed quanti est, id est, quanti nunc cum a te stipulor. Quod cum ita convenisse constet, id sequimur, neque adversus voluntatem certam quærimus coniecturas. *L. semper in stipulationibus, infra, de regulis iur. L. continuus, §. cum ita, infra eod.* Nos de ea obligatione agimus, in quam non æstimatio rei aperte deducta sit, sed res ipsa; de cuius æstimatione præstanda propter nonnullas causas, et maxime propter debitoris moram postea agatur. Hic destituti aperta voluntate, de tempore quod hic spectari oporteat, nihil aliud habemus, quod sequamur, quam ut spectetur id, de quo verisimile est sensisse contrahentes. d.

L. semper in de reg. iur. id autem est aut dies solutioni adiectus, aut tempus litis contestatæ, ut postea dicemus. Scriptum est in *L. cum quis, supr. prox. titu.* his verbis; cum quis in diem mercem stipulatus fideiussorem accepit, eius temporis æstimatione spectanda est, quo satis acceperit. Ergo eius, dixerit aliquis, quo primum cum fideiussore contraxit, non autem eius dici, in quem obligatio dilata est. Non ita est. Hæc enim verba, quo satis acceperit, ambigua sunt, utrumque tempus exprimentia, et quo fideiussor primum stipulationi fidem suam interponit, et illud quo pecunia solvi debet; quomodo et aliquo loco contractum intelligitur, non si eo loco negotium gestum sit, sed si eo solvenda sit pecunia. *L. 3. supr. de reb. auc. iud. pos.* Hoc posterius tempus in responso superiore accipere debemus: quia vitio caret iuxta *L. in ambigua, supr. de legi.* alioqui si fideiussor ante diem acceptus tenebitur in æstimationem eius temporis, quo intervenit, et minor erit æstimatio eius temporis, quo merx debuit solvi, in quam sola reus tenetur, eveniet, ut fideiussor in duriores causas sit obligatus: quod ius non sinit. *L. græce. §. illud, infr. de fid.* Eodemque modo interpretandum est, etsi postquam dies venisset, fideiussor interesset. Nam ne tunc quidem id tempus spectandum est, quo interessit, sed quo ex satisfactione solvere debuit. Is autem est dies, quo et reus debuit. Fideiussor enim in eandem causam est acceptus. Alioqui et idem periculum, quod supra, metuemus. Eodem modo et illud accipio, quod in *L. 3. §. ult. supr. de act. em.* scribitur in verbis; si per venditorem vini mora fuerit, quominus vinum traderet, condemnari eum oportet, utro tempore pluris vinum fuit, vel quo venit, vel quo lis in condemnationem deducitur. Quo venit, id est, quo ex venditione tradi debuit, ut ibidem locus quo vinum venit, manifeste is dicitur, quo vinum debuit præstari. Etiam *L. quoties, et sequens*, quas interpretamur, eius temporis quo stipulatio interposita est, æstimationem spectari debere significare videntur in obligationibus quæ neque diem habeant, neque conditionem. Generalis enim definitio est in *L. idem, seq.* eius temporis fieri æstimationem, cum peti potest. Atqui in omnibus obligationibus, in quibus dies non ponitur, præsentis die debetur, et peti potest. *L. eum, qui Calendis, §. ult. supr. eod. §. omnis, Inst. eod.* Ita superiori definitioni consequens est eius temporis æstimationem fieri debere. Et diffi-

fici-

facile est negare hanc esse sententiam huius definitionis, si hæc verba cum *peti potest*, hoc significant, cum primum *peti potest*. Verum non hæc eorum significatio est: sed de eo paulo post plura. Putavi enim quia locus se offert, melius esse et de eo separatim dicere, quod faciat ad totius loci interpretationem. Hæc de tempore contractus. De quo video inter omnes convenire, nunquam esse spectandum, ut res ex eo solo æstimetur.

3 † Plus dubitationis habet tempus moræ; sed nihilo magis probandum est huius temporis æstimationem esse spectandam, cum de olei, vini, frumenti et similibus rerum æstimatione agatur, de qua nunc quærimus, atque his locis definitio constituta est. Scriptum est in *L. 3. sup. de cond. trit.* ad tempus moræ redigendam esse æstimationem. Sed observemus dictum hoc esse de re certa debita, quæ perire potuit, et deterior fieri. In hoc genere recte dicitur cum res post moram æstimanda est, postulante actore tanti æstimari debere, quanti tunc fuit, cum mora facta est: ad oleum, vinum, frumentum, et res similes non pertinet. Non enim in his illius temporis vinum, aut oleum debebatur, ut fit re certa promissa, quæ cum omnibus temporibus una eademque sit, non potest, quin debeatur omnibus temporibus, ac propter rem singulorum temporum æstimatio, si forte usus veniat; ut pro re æstimatio sit præstanda. Sed quid inter istas res, et corpus certum intersit, plura dicentur paulo post commodius, cum inris a veteribus in hac re constituti ratio exquiretur. At enim cum vinum aut oleum promissum est, spectatur æstimatio eius temporis, quo ut solveretur, dictum est, et nisi eo die solum sit, constat moram fieri. *L. magnam, C. de cont. et com. stip.* Non est hoc argumentum, tempus quodvis moræ in his esse spectandum. Non enim ideo spectatur æstimatio eius temporis, quo vinum et oleum solvi debent, quia eo die exacto mora fiat; sed quia convenit, ut eius temporis vinum aut oleum præstaretur; nam et litem contestando promissor moram facit. *L. nemo, §. 1. infr. eod.* Neque tamen propter moram spectatur id tempus, sed quia sic agitur iudicio, ut vinum eo tempore solveretur. Quod si propter moram hæc tempora spectanda esse vellet Iulianus, fuit ineptissimus, si cum posset aperte et uno verbo dicere, tempus moræ spectari oportere, maluit pluribus verbis erroris tantum obliuendi causa dicere, diem dictum esse spectandum, et tempus litis contestatæ. Ineptior, si putavit his duobus temporibus

cætera quibus mora fit, contineri, cum sint alia innumera. Nam quod in *L. vinum*, generaliter definit, vinum æstimandum esse, quanti tunc fuisset, cum petitum esset, ridiculum est, si quis cum Accursio ita interpretetur, ut sit, petitum esset quovis modo etiam extra iudicium; nam de tempore litis contestatæ quæstionem posuerat. Proinde et de eo respondet petendi verbo, quod proprie de ea petitione quæ iudicio fit, usurpatur. *L. amplius, infr. rem ratam hab.* ineptissimus, si id de quo consultus erat, omittens, de eo de quo non erat interrogatus, respondeat. Tum autem refertur ab eo nominatim Sabini et Cassii sententia; quam fuisse hanc scimus, ut si de die nihil convenisset, æstimaretur lis tanti, quanti fuisset tunc, cum iudicium acciperetur. Sic enim apertius refertur in *L. ult. sup. de cond. trit.* Ne illud quidem ad rem pertinet, quod in *L. 3. §. ult. sup. de act. em.* in vino vendito ita scribitur, *si per venditorem vini mora fuerit, quominus traderet, condemnari eum oportere, utro tempore pluris vinum fuit, vel quo venit, vel quo lis in condemnationem deducitur.* Condemnatur venditor in vini æstimationem, quia moram fecit: nam aliter æstimationem non deberet. Sed non ideo condemnatur in æstimationem eius temporis. Quod ex eodem responso apparet, in quo alia tempora designantur, quæ spectemus. Quid ergo, si quo tempore interpellatus debitor moram fecit, vinum, aut oleum fuit plurimi, deinde imminuta æstimatione petatur; non æstimabitur quanti tunc fuit, cum mora facta est? nempe hoc dicimus non æstimari, sed solum quanti fuit tunc, cum iudicium acceptum est. Iniquum, dixerit aliquis, et contra regulas iuris, quibus efficitur unicuique moram suam nocere debere, nulli prodesse. *L. in condemnatione, §. unicuique, infr. de reg. iur. L. hominem, in fn. sup. mand.* Sed de eo quam recte hæc constituta sint, videbimus postea suo ordine. Nunc hoc quærimus, quid veteribus de hac re constitutum esse probetur ex iis, quæ in Pandectis nobis relicta sunt. Constat igitur si de uno tempore agatur, nusquam id tempus, quo a debitore petitum est extra iudicium, et quo interpellatus moram fecit, ita in his mercibus, de quibus nunc agimus, a veteribus proponi, ut ad id dicant æstimationem referendam. † Quid tempus, quod litis contestationem sequitur, nomine id saltem spectandum esse dicemus, si per id tempus vinum pluris fuerit? placet enim post litem contestatam, omnem causam præ-

præstandam esse; idest, id omne quod habiturus esset actor, si litis contestatæ tempus res soluta esset. *L. cum fundus, supr. si cert. pet.* Diceremus hoc tempus spectandum in vino et similibus mercibus generaliter debitis, si certum esset actorem vinum suo tempore acceptum asservaturum fuisse, et recte asservaturum, ut occasione deinde oblata tanti posset vendere, quanti sequentibus temporibus fuit. Sed id certum non est. Proinde in numero earum rerum, quas actor vino soluto habiturus esset, id pretium haberi non debet. † Condamnationis tempus sequitur, seu rei iudicatæ. Et quibusdam locis testatum est, in strictis iudiciis, quale est mutuum, de quo agitur in *L. vinum, supr. si cert. pet.* qualis stipulatio, de qua hoc loco, rei iudicatæ tempus non spectari, sed solum litis contestatæ: ut *L. 3. §. in hac, supr. com.* Fateor id non esse perpetuum in rebus omnibus debitis. Verum est enim quod dicitur in *L. 3. supr. de cond. trit.* condemnationis tempus spectandum esse, cum res certa petita est, quæ tempore rei iudicandæ non sit facta deterior, cuius tamen æstimatio ob aliquas causas præstanda sit: ut quia non sit in potestate promissoris. Et sane quod Ulpianus in *dict. L. 3. §. in hac, com.* ita scribit, *In hac commodati actione sicut in cæteris bonæ fidei iudiciis, rei iudicatæ tempus quanti res sit observari, quamvis in strictis litis contestatæ tempus spectetur: hoc, quamvis spectetur, non generaliter dictum est, sed per concessionem.* Quasi diceret, quamvis quis dederit agi in commodato de iis rebus, de quibus in strictis iudiciis litis contestatæ tempus quanti sint, spectetur: tamen nihilominus in hac actione in his ipsis rebus observabitur rei iudicandæ tempus, cum in litem iurabitur. Finge oleum, vinum, frumentum commodato alicui ad pompam et ostentationem data esse, ut fieri posse idem Ulpianus testatur in *d. L. 3. §. ult. supr. com.* Sed cum concessero dictum illud Ulpiani de strictorum iudiciorum æstimatione non esse perpetuum (non enim ad res certas semper pertinet) tamen hoc tenebo esse verissimum, ubi in strictis iudiciis de olei, vini, et simillium mercium æstimatione ageretur, de qua nunc quærimus. Neque reperietur de his aliter veteribus placuisse. Nec obstat, quod in rebus certis aliud constitutum est. Iam enim dixi exemplum rerum certarum ad eas res, de quibus agimus, quæ incertæ et nullius temporis propriæ promissæ sunt, trans-

ferri non debere. De quo postea. Sed de strictis iudiciis, inquam, hoc dictum est, in his æstimationem vini, et olei spectandam esse ex tempore litis contestatæ quod si quis idem esse neget in bonæ fidei iudiciis, tamen superiori distinctioni Sabini et Iuliani, quæ de mutuo scripta est, non adversetur. Ego autem puto, si æquum est in strictis iudiciis tempus litis contestatæ spectari, eandem regulam æstimationis et in bonæ fidei iudiciis servari oportere. Et quidem *L. ult. supr. de cond. trit.* generaliter scripta est de merce aliqua petita, veluti vino, oleo, frumento; neque distiguitur, quo iudicio petita sit, et tamen eadem plane distinctio adhibetur, quæ refertur in *d. L. vinum*. Ibi vero pluribus ostendi, cur me non moverent ii loci, in quibus hoc exprimi videtur, in bonæ fidei iudiciis etiam in vino æstimando rei iudicandæ tempus spectari. Hi duo sunt: *d. L. 3. §. in hac, com.* quem supra retuli, et *L. 3. §. ult. supr. de act. em.* ubi scriptum est. *Vino vendito, non tradito venditorem oportere condemnari, utro tempore plaris vinum fuit, vel quo venit, vel quo lis in condemnationem deducitur.* De quibus hoc est in summa quod respondi. In priore animadvertendum esse, non simpliciter dici in bonæ fidei iudiciis rei iudicandæ tempus observari; sed coniectum, in litem iurari, et rei iudicatæ tempus, quanti res sit, observari: ut sit sensus, cum in litem iurabitur, quod fit tempore rei iudicandæ, præsens tempus quo iuratur, spectandum esse. Quod recte dicitur ob eas causas, quas illic reddidi: neque ideo tamen idem probandum est, ubi de vera rei æstimatione agitur. In posteriore autem loco illa verba, *quo lis in condemnationem deducitur*, docui sic esse interpretanda, non quo reus condemnatur, aut quo lis ad condemnationem pervenit, sed quo lis contestatur, et per contestationem deducitur in eam petitionem, ut condemnetur: nam et ita usum esse, ac significationem horum verborum etiam alibi, ut in *L. 1. supr. de excep.* et sequentibus verbis eiusdem loci satis declarari. Quibus Pomponius cum tempore æstimationis locum, ubi res æstimetur, comparans ita subicit continenter, *item quo loco plaris fuit, vel quo venit, vel ubi agatur.* Atque hæc de certis temporibus dicta sunt, quæ sola spectari velimus, sive his res plurimi fuerit, sive minimi: de quibus apud vulgares interpretes etiam illud video non dubitari, quia nulla sint eiusmodi spectanda. † At quid, si dicamus neque hæc neque illa certo et præ-

fracte spectari debere, sed generaliter, et infinite omnia, quibuscumque rem plurimi fuisse ex tempore moræ constabit? et hæc Bartolus et alii vulgo probant etiam in vino et oleo debitis, neque adeo dubitant eam sententiam esse affirmare d. *L. vinum*. Ergo autem illic planum feci, hoc unum esse, quod minime probandum sit ex omnibus, tantumque abesse, ut conveniat ea sententia illi loco, ut si quod afferri vellemus, quod faceret ad illius loci reprehensionem, et irrisionem, non aliud excogitari potuerit convenientius. Ex multis argumentis unum etque alterum breviter proferam. Iulianus certa tempora æstimanda esse dicit, diem constitutum, aut nullo die constituto tempus litis contestatæ. Isti negant æstimanda, si res his temporibus non fuit plurimi. Iulianus hæc cum spectari oportere dicit, simul ea, quæ antecedunt, aut sequuntur, spectandæ esse negat; quia si diversam æstimationem habent, simul plus uno spectari non possit. Isti volunt cætera spectari et ante litem contestatam, et post litem contestatam: prout his post moram res plurimi fuerit. Mitto ineptiam et stultitiam scriptoris, quam in ista interpretatione Iuliano offligere necesse erit, quod cum dicere deberet uno verbo tempus moræ spectandum, et in eo quanti plurimi res fuit: prius multorum temporum enumeratione exprimere voluerit, neque tamen hoc modo sit assecutus, ut exprimeret: posterius autem ne attigerit quidem, sed nobis in eo quid vellet, divinandum reliquerit. Censeo igitur, ut illos hoc locum sua interpretatione plurimum valere iubeamus. Defendunt tamen istam sententiam et æquitatis ratione; et quibusdam locis, quibus de æstimatione rei certæ petitæ scriptum est. *Æquitas* aiunt, hoc suadet, quod et regula iuris comprehensum est, et iam supra attigimus, unicuique moram suam nocere debere. *L. in condemnatione, §. unicuique, infr. de regu. iur.* De re autem petitæ, quæ post moram debitoris aut perit, aut deterior facta est, multis locis cautum est in illam ipsam sententiam, quam defendunt. Si res furtiva condicatur, et queratur, cuius temporis fiat æstimatio scriptum est in *L. in re furtiva, §. 1. supr. de cond. fur.* id tempus spectandum, quo res unquam plurimi fuit: addita hac ratione, quia semper moram facere videatur. Eadem sententia generalis statuitur in *L. 3. supr. de cond. trit.* de rebus omnibus, quæ ex alia quavis causa debeantur. Et ne videatur novum, quod

illud, quod dicitur in *L. vinum*, et similibus locis, tempus litis contestatæ spectari, sic accipiant, nisi debitor moram ante fecerit, ne illi frustratio sua prosit: id recte a se fieri probant ex *L. hominem supr. mand.* ubi Africanus cum prius posuisset in stipulatione id tempus spectari, quo agitur, hanc ipsam exceptionem statim subiicit, nisi forte, inquit, aut per promissorem steterit, quominus sua die solveret, aut per creditorem, quominus acciperet, etiam neutri eorum frustratio sua prodesse debet. Ego ad hoc breviter: neque æquitatem eam, quam ex mora obiciunt, neque superiores locos ad eam speciem, de qua agimus, quidquam pertinere. Sed de æquitate postea, quod ad omnes partes huius disputationis satis sit, separatim, ut est propositum, dicitur. † De supra scriptis locis iam dixi, et iterum etiam atque etiam monendi sumus, quod in illis traditur, si res debita post moram perit, aut facta est deterior, tanti rem æstimandam, quanti unquam plurimi fuit, manifeste in re certa petita dictum esse: diligenter cavendum esse, ne quod de certæ rei æstimatione inuenta scriptum est, id ad oleum, vinum, frumentum, et similes merces generaliter et infinite promissas, aut aliter debitas transferatur. Cur ita placeat, cum pertineat ad eandem defensionem æquitatis, de qua dixi, ad eundem locum a me referetur. Nunc, quod datur, accipio, scripta hæc esse in dissimili genere rerum, nempe certarum, et incertarum, et quæ nullius temporis propriæ dici possint, nisi de quo actum est. Eo mirum non esse, si cum in uno ex his aliquid constitutum fuerit, constitutatur diversum in altero. Et sane cum appareat in diversis istis generibus rerum, tam diversas distinctiones de temporibus earum æstimandarum ex professo usurpasse esse a veteribus, et quidem ab iisdem auctoribus; vel hoc unum satis argumenti esse poterat, illis in utroque isto genere diversum placuisse. Alioqui nihil erat facilius, quam in rebus certis sequi distinctionem a Sabino et Cassio traditam in vini, olei, et similium rerum æstimatione; utpote receptam ab aliis, et fere pervulgatam: aut contra in his posterioribus eandem regulam adhibere, quam in certis esse diximus repudiata superiore Sabini et Cassii sententia. Restat, ut remotis aliis omnibus, quæ ob stare videantur, de hoc ipso loco, cuius interpretandi causa hæc oratio suscepta est, separatim cognoscamus. Idque eo magis, quod singu-

larem quandam definitionem in hoc genere, atque adeo superioribus, velut ea professo contrariam videtur continere. † Definitio hæc est: quoties in diem, vel sub conditione oleum promissum est, eius æstimationem eo tempore spectari oportet, quo dies obligationis vanit. Tunc anim ab eo peti potest. Quibus verbis continetur illa generalis, quæ at sequenti capita expressa est: oleo promisso eius temporis fit æstimationem, cum peti potest. Nam utrobique cum ratio in eo sit, quod peti potest, nisi ea generalis est, et ad omnes species obligationis pertinet, nihil ex ea potest concludi. Audiemus enim continuo nullum hoc argumentum esse, quod res peti potest: cum at in puris obligationibus statim possit peti, neque ideo in his spectetur id tempus, quo nondum mora facta est. Deinde recta dicatur, quibus in causis eadem ratio sit, in his ius idem statui debere. *L. illud, supr. ad leg. Ag.* Ergo et in obligationibus in diem dies spectabitur; et in obligationibus, quæ sub conditione contractæ sunt, id tempus, quo conditio existit; et in puris tempus contractus: nam in his posterioribus contracta obligatione statim agi potest. §. *omnis, Inst. eod.* † Nova, ut dicitur, definitio, qui quidem in ea accipitur id tempus, quo primum peti potest; nec tantum ab aliis superioribus discrepans, quæ parte puras obligationes et conditionales attingit (nam die adiecto congruit) sed etiam illis plane contraria. Nam quod ad puras obligationes attingit, consentiunt omnes loci superiores, atque adeo interpretes omnes in hanc sententiam, cum de æstimatione rei debitor agit, unquam eius æstimationem spectari oportere ex tempore contractus, quo nondum mora facta sit; sed aut ex tempore moræ statim, aut certe non ante, quam reus in mora esse coeperit. Neque hic simplex dissensio est, cum novum tempus in hac causa inducitur aliis locis repudiatur; sed congeminitur repugnantia in eo, quod iam dicitur spectari oportere tempus contractus, eadem opera negatur spectandum esse tempus aliis locis tam aperte constitutum, litis contestatæ, si forte postea iudicio actum fuerit. Neque enim, ut supra dixi, fieri potest, ut si eorum æstimatio diversa est, utriusque æstimatio simul spectetur. Quod si quis contendat, quod hic dicitur de tempore, quo peti potest, non pertinere ad obligationes puras, quia prima definitio de stipulationibus in diem aut sub conditione compositis concepta sit: tamen nihil admodum proficiet. Sed incurrit res illi eandem difficultatem ex eo,

quod in stipulatione conditionali placet hoc ipsum tempus oportere spectari, cum peti potest, seu cum dies venit, et conditio existit. Erramus anim si in hoc tempore ullum putamus designari ex iis, quæ supra diximus, aut etiam ex iis, quæ recipiuntur vulgari opinione interpretum. Diem dictum statuunt veteres, ex quo æstimationem spectemus, at ubi nullus dies dictus est, tempus litis contestatæ. *d. L. vinum, si cer. pet. d. L. ult. de con. trit.* Vulgus interpretum moram spectari vult, et ea ex æstimatione, quanti plurimi unquam postea res fuerit. At in eo tempore, quo conditio existit, nullum ea istis tribus inesse reperiemus. Iam primum id tempus non est is dies, de quo sentiunt veteres, cum huius æstimationem spectandum esse statuunt. Hunc enim dicunt, qui solutioni nominatim dictus est, seu de quo convenit, ut pecunia solveretur, 'ut patet ex *d. L. vinum, et d. L. ult. de con. trit.* conditio autem obligationi adicitur, non solutioni. Adicitur enim eo, ut hinc pendeant, non quando solvatur pecunia, sed an omnino debeatur: cum dies adiciatur obligationi iam constitutæ, ut sit is dies, quo pecunia iam ante debita solvatur. §. *in diem, et §. sub conditione, Inst. eod.* Tempus vero existentis conditionis non esse tempus litis contestatæ quis ignorat? Sed erunt fortasse, qui eo tempore moram fieri æstiment, et propter moram cum vulgo interpretum putent huius temporis habendam rationem. Quod ego satis refelli in commentariis de mora, ne quis forte huius loci argumento ductus, ad sententiam illam vulgarem de æstimatione ex tempore moræ statuenda transfugiat. Sane in obligatione in diem, qui sua die non solvit, moram facit citra aliam interpellationem. *L. hominem, in fin. supr. mand.* et in obligatione sub conditione contracta dies inest. Sed inest incertus, nempe cum conditio extiterit. *L. si Titio, supr. quan. di. le. ca.* inter certam autem incertamque diem ut alius in rebus, sic in hac multum interest. Etenim cum obligatio in diem est, id est, cum sit adiecto die, quo pecunia solvatur, iam ab initio denunciatur debitori creditor se sibi eo die solvi velle; quæ denunciatio manifestam creditoris interpellationem habet. Reus autem et se in eam diem ad solutionem comparare potest, quia fuit dies certus; et debet se comparare, quia iam a principio se debere scivit, etsi solutio differebatur. Quibus rebus fit, ut manifesta sit eius culpa, si sua die non solvit. Quamobrem et moram cum facere maritus pla-

placuit. *L. magnam, C. de cont. et com. stip.* Nihil simile in obligatione sub conditione contracta. Primum nullo die hic adiecto quo pecunia solvatur, non potest dici denunciari reo, ut eo die solvat. Deinde etsi conditionem quis pro die esse velit; tamen non possit antea se facile comparare reus, ubi dies sit incertus, et de quo ille divinare nihil possit; multoque minus iuste exigatur ab eo ut ante se comparet, cum incertum fuerit, an dies venturus esset, eoque an promissor ullo modo esset debiturus. Et quid, si quo tempore existit conditio, aut rem in potestate reus non habeat sine dolo malo suo, aut etiam conditionem existitis ignoret, idest, se debere? omnino in quo horum alterutrum est, eum moram non facere convenit. *L. quod te, supr. si cert. pet.* Quapropter ut dixi, ne in conditionali quidem stipulatione cum dicitur spectandum id tempus, quo dies obligationis venit, seu cum peti potest, his verbis ullum tempus statuitur ex iis, non dico quæ veteribus placuisse supra ostendimus, sed etiam quæ interpretes ipsi omnes agnoscant. Novum igitur id tempus hoc loco introducat, necesse est: quod inductum nihilo sane minus novum videri debeat, quam si in pura stipulatione idem illud tempus dicatur statui, cum peti potest. Hoc autem utrobique constituto, simul etiam utrobique et illud removetur litis contestatæ tempus, tot locis tamen et tam manifestis a veteribus constitutum. Ut profecto non magis priora illa huic definitioni adversentur, quam hac definitione recepta superiora coincidunt; si ut dixi, hæc verba, cum peti potest, sic accipimus, cum primum peti potest. Atqui hoc omnes, ut puto, sic acceperunt; et sane non videntur hæc verba quo dies obligationis venit, aliter accipi posse, quam ut his significetur is dies, qui solutioni dictus est, aut quo conditio existit; atque hoc die primum agi posse incipit. Quod et ego olim in *Commentario de mora* secutus, dum melius non occurrit, itaque pro certo habens id tempus hoc loco statui, omnia alia diligentiore inquisitione tanquam in re explorata rationem, cur id placeret, reddere sum conatus. Fuit autem hæc, ut quia in iis rebus, quæ functionem in suo genere recipiunt, ut loquitur Paulus in *L. 2. §. 1. supr. si cert. pet.* veluti oleo, vino, frumento, de quibus agimus, nihil admodum refert, utrum res ipsa promissa præstetur, an æstimatio, utpote qua accepta facile alias res eiusdem generis, et bonitatis eadem æstimatione ex foro petere possimus: idcirco his rebus promissis videatur ipsa æstimatio rerum pro utilitate contrahentium in obligationem venisse; in pu-

ris quidem statim a principio, quo res contracta est; in aliis autem, quæ in diem sunt, aut sub conditione, tunc, cum dies obligationis venerit. Qua ratione nihil ne nunc quidem putem melius, si quidem constaret hunc locum de eo tempore, quo primum peti potest, esse accipendum. In quod non inquisivimus diligentius, quia de interpretatione eius loci ex professo non agebatur; tantumque satis erat ostendere non probari hoc loco eventum ipso conditionis moram fieri. Quod superiore ratione efficiebatur. Sed male se res habet in interpretatione iuris, cum in uno loco sic hæremus, ut aliorum ad eandem questionem pertinentium sententiam negligamus: cum ex omnibus coniunctis cõficiatur, quod tenere oporteat. Atqui si velimus oleo, aut vino promisso spectari tempus contractus, aut aliud quo peti potest, quo tamen nondum mora facta sit; quæcumque reddiderimus huius rei rationem, tanto citius incurret hæc sententia, et ratio ipsa in reprehensionem *L. vinum, si cert. pet.* et similibus locorum. In quibus utrunque illud negari supra ostendimus. Ego igitur rematurius expensa, in qua quid maxime consentaneæ veterum sententis dici possit, ut in questione omnium iudicis maxime obscura, ac perplexa iam pridem tacitus et quotidie discens aliquid, observo, libenter repudio priorem illam sententiam, et falsam esse sentio, quam non dubium est reffelli in *d. L. vinum*. Ac de interpretatione horum locorum ita statuendum esse iudico, ut non ex hoc loco, qui non aperte de toto genere scriptus est, in dubium vocemus distinctionem apertissime et ex professo traditam in *d. L. vinum*, et tot locis aliis diserte confirmatam; sed contra ut ex ea certitudine quæ datur, sumamus id potius, quo si quid est in definitione proposita ambigui, explicetur, et ad illam distinctionem revocetur, si potest, ut initio monui faciendum. Est vero in verbis propositæ definitionis, quo id recte fieri posse existimo, etiam si tenerimus neque conditionis eventum moram fieri, quod nobis in illa tractatione de mora propositum fuit ostendere, et verum est; neque adeo hic ulla nova interpellatione moram factam: quod hic evenisse, cum de eo nihil adiciatur, nisi inepte divinare non possumus. Aio hæc verba, cum peti potest, quibus et Iulianus et Ulpianus his locis utuntur, non significare cum primum peti potest, quibus verbis unum tantum et certum tempus continetur, nempe primum: sed infinite tempus quo peti potest; ut sit non quodvis, non etiam hoc aut illud, sed in genere id quo peti potest.

potest, non aliud, quo peti non potest. Sed et illa verba Iuliani, *eo tempore, quo dies obligationis venit*, eandem admittunt interpretationem, ut his intelligatur indefinite tempus aliquod, quo peti potest, sive erit primum, quo agi posse coepit, sive unum aliquod ex iis, quæ insequuntur. Etsi enim dies venire is solum dicitur, quo primum deberi utiliter incipit: tamen is ipse dies venisse in præteritum recte dicitur omnibus etiam aliis temporibus, quibus agi potest: utputa, si Calendis dare debuisti, et post Calendas tres anni toti præterierint; recte dicam nihilominus nunc me tecum agere posse, quia dies venerit, quo pecunia peti possit. Venit enim iam olim, et omnibus temporibus verum erit venisse, etiam si nunc primum eo die, quo agitur, non venerit. Hoc si accipimus, res est expedita. Etenim si de eo queritur, an in oleo æstimandum tempus aliquod spectandum sit, quo peti potest, potius quam id quo non potest: verissimum est id esse spectandum, *quo peti potest*. Neque id pugnabit cum iis locis, in quibus ex iis temporibus quibus peti potest, certa aliquo designatur. Quæcunque enim tempora constituentur postea, semper verum erit, id spectari, quo peti potest, et quo dies obligationis venit. Hanc vero questionem et sententiam esse huius loci apparet. Agitur enim de stipulatione olei in diem, aut sub conditione contracta. Queritur an olei æstimationem spectari oporteat ex eo tempore, quod diem certum, aut incertum antecessit. Negat Iulianus, et generaliter definit, si quod tempus spectandum sit, id esse spectandum, quo dies obligationis venit: quia eo die peti potest. Significans iniquum esse id spectari, quo nondum peti potuit. Ad quod probandum accommodata est ratio, quæ sequitur. *Alioqui, inquit, rei captio erit*. Cuius hic est sensus; alioqui reus decipietur, seu fraudabitur, et damnum sentiet: id est, evenire poterit, ut sentiat, ut bene Accursius interpretatur. Neque enim semper evenit. Finge oleum prius quam dies venisset, pluris fuisse, idque quo pluris fuit, quam nunc, cum dies venit, cogi reum præstare. Aperte fraudabitur, commodo medii temporis, quod illi ad solutionem liberum fuerat constitutum. *L. eum, qui Calendis, §. ult. supr. cod. L. quod certa, infr. de sol. Alioqui*, valet idem ac si diceretur, quod si alio tempore æstimationem spectabimus. Unde facile intellectu est verbum, *alias*, quod sequitur in Pandectis Florentinis redundare, et tanquam spurium, aut quod ex annotatione interpretis in contextum irrepserit, esse reiiciendum. Non enim

id aliud significat, quam alio tempore: quæ verba iam satis in verbo *alioqui* includebantur. Sed hoc eo magis probandum est, quod in iisdem Pandectis semicirculis tanquam alienum, aut suspectum includitur; et apparet ab Accursio lectum non fuisse, qui cætera persecutus nullam huius verbi mentionem fecit. Sed redeo ad sententiam definitionis. Ergo, ut dixi, hoc statuit Iulianus in obligationibus in diem aut sub conditione contractis, æstimationem olei esse spectandam eo tempore, quo peti potest, non quo nondum potest peti, ne reo fiat iniuria. *Quo peti potest*, inquam, indefinite, ut sit non hoc aut illo, sed aliquo, quo peti potest. Hoc vero nihil verius, idque evidenter superiores loci omnes confirmant, qui aut diem constitutum statuunt, aut tempus litis contestatæ; nam utroque tempore peti posse constat. Sed hoc amplius queritur, ex tam multis temporibus, quibus peti potest (potest enim peti singulis diebus) an spectari possit quodlibet, quo res plurimi fuerit, an vero unum aliquod spectari oporteat certum, quantum res sit, et quodnam sit hoc tempus. Id hoc loco non aperte decisum, nempe aliis partibus iuris relinqui intelligendum est, ut monemus in *L. præcipimus, in fin. C. de appell.* Quando igitur constat ex aliis locis: quæ sit veterum sententia de hac parte, etque tam dilucide tradita est, ex ea nimirum deciderit res hoc modo; ut si oleum in diem promissum sit, æstimationem spectari oporteat, quæ eo ipso die fuerit: si sub conditione, non spectetur id tempus, quo conditio existit; ne id quidem intermedium, quod eventum conditionis secutum est usque ad litem contestatam, quantumvis debitor interim interpellatus moram fecerit; sed quo res postea iudicio petita erit; quia ubi dictum non est, quo die solvi deberet, non aliud placeat tempus spectari, quam litis contestatæ. Idem probandum erit, etsi oleum promissum sit Capuæ dari. Quoniam enim inest in hac stipulatione dies, intra quem possit perveniri Capuam: *L. interdictum, infr. cod. §. loca, Inst. cod.* æstinatio quidem fiet eius temporis, cum peti potest, idest, cum is dies præterierit, non eius quod eum diem præcedit: sed ita, ut si ex omni eo tempore cum peti potest, queratur, quod potissimum tempus spectari debeat, sciamus spectandum tempus litis contestatæ, ubi oleum iudicio petitum erit vel Capuæ; vel alibi; cætera autem non spectari; ac ne eum quidem diem, intra quem perveniri in eum locum potuerit. Scilicet quia sit is quidem dies eiusmodi, ante quem agi non possit; at non is, qui dictus sit solutioni, seu de quo convenit, ut eo die pecunia solveretur. Quem

tamen diem exigit veterum distinctio, tradita in *d. L. vinum, si cer. pet. et d. L. ult. de cond. tritic.* quo argumento et huius diei lapsu moram fieri in commentario de mora recte negavimus. Nunc me movet, quod in *L. idem, seq. hic.* cum Ulpianus dixisset eius temporis fieri aestimationem, cum peti potest, statim subiecit velut hoc tempus definire volens, *peti autem potest, cum primum in locum perveniri potuit.* Non enim certe definit, quod sit id tempus, cum peti potest: alioqui aperte falsa esset definitio, cum certum sit etiam omnibus aliis iosequentibus temporibus peti posse: sed quod sit initium eius temporis, ut intelligatur, quando incipiat id tempus, cuius aestimatio possit fieri, de quo quaerebatur. Et fateor eo quoque tempore, quo primum peti potest, fieri posse rei aestimationem, quemadmodum potest et reliquis sequentibus: sed in omnibus hac conditione, si iudicio actum fuerit; ut ex omnibus temporibus quibus peti potest, aestimatio ad unum certum et constitutum referatur litis contestatae. Constat autem loco adiecto agi posse et litem contestari vel eodem loco, vel alio, simulatque transierit id tempus, quo in locum constitutum potuit perveniri. Hæc sententia cum verbis conveniens hos locos conciliat cum aliis commodissime, satis habet ipsa per se præsidii, quo se tueatur ex Iustiniani voluntate, qui omnes eiusmodi interpretationes, quæ ad concordiam faciunt, accipit iubet. *L. 2 §. contrarium, C. de vet. iur. enucl.* Sed ut id quidquam patrocinetur huic interpretationi, non postulo, nisi ex his locis sumi potest hæc sententiam ipsorum auctorum fuisse. Id vero ita esse facile nobis probabitur, si considerabimus, et quis sit auctor definitionis hoc loco traditæ; et aliud statuentibus nobis, quam quod diximus, quæ oovitas et insolentia efficiatur sententia. Iulianus est, cuius refertur hoc loco definitio. Atqui idem ipse est, cuius est illa distinctio superior, quam hactenus statui volumus. Nam et *L. vinum*, huic adscribitur. Incredibile est tantum auctorem iuris, quantum fuisse scimus Iulianum, qui non unam partem iuris attigit, sed universam persecutus id redegit in ordinem, unde et edicti perpetui conditor, et ordinator a Iustiniano dictus est *L. 2 §. sed quia, C. de vet. iur. enucl. L. pen. C. de cond. ind.* ipse ea ignorantia iuris versatum esse, ut tam dissimiles in eadem re scriberet, præsertim in questione tam celebri, et velut decantata in veterum disputationibus. Sed hoc incredibile cum a se disseisisset in ea re, de qua esset contraria sententia Sabini et Cassii

Tom. XI.

non solum ipsi notissima, sed etiam probata, ut pote Sabiniano. *L. 2. in fin. sup. de or. iur.* Quod autem ad genus sententiarum attinet, repugnat omnium veterum sententiis et regulis iuris, ut cum rem debeas, exigere possim aestimationem, quæ fuit cum res contracta est, aut eius temporis, quo nondum mora facta sit. Quæ cum ita sint, puto iam constare, quid hic veteres constituerint de vini, olei, et similibus rerum aestimatione, de quo priore loco quaerebamus, esse autem eam distinctionem, quam legatur tam discrete et ex professo tradita in *d. L. vinum, si cer. pet. et d. L. ult. de cond. trit.* ut si dictum sit, quo die vinum solveretur, aestimetur, quanti tunc fuit; si non, quanti tunc, cum iudicium acciperetur. Quam eandem sententiam cum nulli loci aperte mutant, necesse sit talem esse, quam mansere oportet: siquidem auctoritas iuris, non etiam ratio quaeritur. Neque vero tam imperiti sunt vulgo interpretes, ut ignorent, quid illis verbis significetur, ac non videant iis cætera tempora excludi, etiam si per ea tempora res fuerit plurimi; duo autem illa ita statui ut quavis per ea res minimi fuerit, tamen illa sequi oporteat. Et sequerentur hoc ipsum sine dubio, adeo superior sententia difficile scripta est; nisi hæc sententiam non solum perspicuis aliis locis, sed etiam notissimis regulis iuris, et manifestæ equitati putaret adversari. Id quod cum in hac re evenire iudicent, satius esse ducunt quidvis admittere; verba ipsa verborumque significationem manifestam negligere; auctores adeo ipsos cum sua illa distinctione irridere, si opus est; quam pati, ut salvis verbis minime tamen obscuris aut ambiguis, tam absurda, ut ipsis videtur, aut iniqua sententia inducatur. Ergo hoc superest, ut quam recte superius illud sit a veteribus constitutum, ut propositum est, videamus. † Ego autem contendo non modo hac sententia nihil esse equius, sed etiam ab hominibus peritissimis iuris ex regulis eius iuris, in quo versabantur, aliud omnino statui non potuisse. Ius ratum est, quæ res non debeat, eam exigi non posse, multoque minus eius aestimationem. Ut enim definitio est actionis, non est actio, nisi de eo quod debetur. *L. nihil, sup. præx. tit.* neque vero pro re quæ nulla est, ulla possit deberi aut præstari aestimatio. Atque huius iuris æquitas licet ipsa per se, nec tam auctoritate veterum prudentium constet, quam natura, exigi non posse, aut debere ab aliquo, quod is non debeat. Hoc posito, cum vinum aut oleum promissum est, vinum, inquam, generaliter, ut vini Campani amphoræ tot, olei pondo tot, de quo nunc agimus: hic si

vinum omnium temporum debeatur, concedo, etiam omnium aestimatio deberi possit post moram. Quod si eorum temporum, quae hic negamus spectari, vinum non debetur; consequens est superiori sententiae, nec aestimationem eorum temporum deberi, aut peti posse. At vino promisso, aut ex alia causa in obligationem generaliter deducto, ut sit in mutuo, de quo in dict. *L. vinum*. nullius temporis vinum debetur, praeterquam diei constituti, aut litis contestatae. Ex quo efficitur nullam inris aut aequitatis rationem pati, ut aliorum temporum aestimatio exigatur. Ilac ratione nihil est expeditius, nihil ad superioris sententiae confirmationem certius, si modo probetur id quod sumimus, vino promisso nullius temporis vinum deberi praeter duo illa, quae veteres comprehenderunt. Atqui nihil puto verius, cum enim vinum generaliter promittitur, incertum promittitur, ut accidit in rebus omnibus generaliter comprehensis, idest, non hoc aut illud, sed infinite vinum, idest, ex universo genere unum aliquod corpus, quod praestabitur postea; ex quo apparet, si de certo tempore solvendi nihil conveniat, nullius temporis vinum promitti nisi eius solius, quo promissorum erit solvendo, quod tamen tempus ad hanc questionem non pertinet. Neque enim de aestimatione vini querendum est, ubi vinum ipsum ultro solvitur a promissore. Quod si nullius temporis vinum promittitur, de cuius aestimatione queratur, ne debetur quidem. Id enim debetur solum, quod in obligationem deducitur: Si non debetur, apparet hoc esse consequens, quod iam dixi, nec aestimationem eius vini quod non debeatur, esse exigendam. Cur ergo placet istorum temporum aestimationem spectari et exigi, quo dictum est, ut solveretur, aut quo lis contestata est? nempe quia horum duorum temporum vinum debetur, ac debetur ideo, quia promittitur. De die ad solvendum constituto dubitari non debet. Ille enim manifestam conventionem habet, ut eo die vinum detur. Denique die adiecto promittitur vinum eo die dari. Non adicitur quidem nominatim, ut vinum detur eius temporis, sed ex verbo et tempore solutionis satis intelligitur, non enim potest eo tempore dari vinum, nisi quod sit eius temporis: oportet, enim eo tempore esse, si solvitur. De tempore litis contestatae potest dubitari: quoniam de eo nihil aperte cautum est. Sed et de eo tacita conventio est, ut si ante nullo alio tempore vinum a reo solutum erit, hoc demum iam omnino, et sine ulla dilatione solvatur. Cum enim vinum promittitur, ab initio id agitur, ut aliquando saltem id indicio petere

liceat, quo actor id consequatur. Quod cum sit, eadem opera intelligitur et illud agi, ut vinum praestetur illius temporis: quoniam petitio, seu litis contestationis omnis vis haec est, ut quod petitum est, id ipsum; et tale praestetur, quale fuit, cum petitur. *L. 2. sup. de usur.* Ergo constituta hic sunt tempora duo a veteribus, quorum spectaremus aestimationem, dies solutioni adiectus, et si ne die tempus litis contestatae; non quia his temporibus, si vinum solutum non fuerit, mora facta sit, quam etsi fieri, verum est, non tamen potuit mora obligationem de aestimatione inducere: sed quia id actum est, ut quemadmodum daretur vinum his temporibus, ita daretur vinum eorum temporum, ut nisi daretur, consequens esset aestimationem eius rei quae soluta non esset, dari oportere. Dixerit aliquis, quod vinum certi alicuius temporis promissum est, seu certo aliquo tempore dari promissum, non esse argumentum ideo aliis temporibus non deberi. Nam etsi Stichum promiserim Calendis, quamvis maxime id actum sit, ut daretur Calendis: et eo tempore potissimum debeatur ex conventionem; non eo minus tamen debetur et aliis temporibus; debetur enim quandiu vivit, nec morte desinit deberi, si post mortem promissoris decesserit. Non nego; neque ideo nunc dico vinum non deberi aliis temporibus, quia certo tantum tempore dari promissum sit: sed hoc solum, quo tempore vinum dari quis promiserit, eius etiam temporis vinum deberi. Ut autem ex eo non recte colligi concedo, vinum non deberi aliorum temporum: ita profecto multo minus inde colligas, quia certo tempore vinum promissum sit ideo etiam idem aliis temporibus promissum videri. Imo, iniquis, recte colligitur; nam cum quid in diem promissum est, non tantum ante diem debetur; sed etiam dies ipse argumento est ante deberi. *L. contestatis, sup. eod. §. in diem, Inst. eod.* multoque magis cum dies venerit, idem perpetuo deberi constat. *L. eum, qui Calendis, §. 1. sup. eod. L. cedere, infr. de verb. sig.* Haec recte dicuntur, re certa promissa; quae quia omnibus temporibus una eademque est, eo fit, ut simpliciter promissa, non tantum eo tempore quo dari debet, sed et ab initio, et reliquis deinceps temporibus omnibus promitti intelligatur: tandemque duratura est obligatio, quando res erit, quae dari possit. Illic rei non recte comparatur rei incertae, puta vini, aut olei generaliter promissi stipulatio; etsi enim genus ipsum si universum spectetur, omnibus temporibus vinum est: tamen quia genere promisso, idest, re aliqua generaliter promissa, veluti homine, non universum genus promittit-

mitti intelligitur, sed una aliqua res: ex eo genere, ut diximus ad *L. in stipulationibus*, *supr. eod.* idque maxime apparet in oleo, vino, frumento, et similibus, in quibus certa quantitas earum rerum adicitur, ideo hoc sensu singulorum temporum aliud atque aliud vinum vel oleum intelligi necesse est, sive speciem vini spectes, quæ præstanda est, sive æstimationem. Satis enim constat quod vinum hodie daturus sis, non necessario id esse, quod alio tempore possis dare, cum possint variae species, et diversa corpora vini diversis temporibus recte præstari. *Æstimo* quidem certe singulorum temporum diversa esse convenit; ut hac quoque parte aliud quodammodo vinum singulorum temporum videri debeat. Quod si singulorum temporum aliud atque aliud vinum est, conficitur si cuius temporis vinum promissum erit, non ideo aliorum temporum vinum promissum existimari debere. Habemus, opinor, superioris sententiæ rationem neque obscuram, neque dubiam, sed facilem et ex medio sumptam Iure Civili, eandemque quæ sit non magis iuris, quam æquitatis exploratæ: ut iam illa sententia tot locis exposita non magis propter auctoritatem iuris, quam propter æquitatem retinenda sit. Sed tamen quia reclamant vulgo interpretes, atque hoc potius statuunt cuiusvis temporis quo res fuerit plurimi, rationem esse habendam, quid illi contra dicant, breviter consideremus. Atque hæc fere sunt in summa, quæ pro æquitate contrariæ sententiæ adversus huius quam statui volumus, iniquitatem (sic enim vocant) ab illis disseruntur. Nempe colligunt ea, quæ adversus frustratores debitores in universum prodita sunt veterum sententiis, et regulis iuris ut notissimis, ita et æquissimis. Sunt autem hæc: nulli frustrationem suam prodessse debere. *L. hominem*, in *fl. supr. man.* imo contra debere unicuique moram suam nocere. *L. in condemnatione*. §. *unicuique* *infr. de reg. iur.* quibus sententiis nihil æquius. Ductæ sunt eaim ex his fontibus et primis præceptis iuris, summi cuique tribuere, alterum non lædere. *L. iustitia*, §. 1. *supr. de ius. et iur.* unde illa, non debere alteri per alterum iniquam conditionem inferri: *L. non debet*, *infr. de reg. iur.* item, factum cuique summi non adversario nocere debere. *L. factum*. *infr. de reg. iur.* Ex quibus effici volunt, si promissor vini moram fecerit, vinum autem tum fuerit plurimi, cum petebatur, aut etiam esse cøperit postea, cum reus moram facere pergeret, æquissimum esse tanti eum damnari, quantum actor vino accepto consequi potuisset: ne aut illi sua mora prosit,

Toni. XI.

qui vino usus est, et ex eo lucrum fecit; aut huic mora noceat, dum quod habere posset, ei auferatur. Eodem pertinere aiunt illam definitionem, moram perpetuare obligationem. *L. si servum*, §. *sequitur*, *infr. eod.* cuius hæc sententia sit, quale quidque est quod debetur, cum in eo solvendo mora sit, tale ad extremum præstari debere, aut eius æstimationem, quamvis postea minoris esse incipiat. Quod si cui hæc videntur definiri generalius, eoque plus dubii esse, an ex his efficiatur reum damnari debere, quanti plurimi unquam vinum fuerit post moram: hic iam agunt còminus, et ad id probandum conferunt eos locos, in quibus diserte scriptum est, mora facta, si quærat, cuius temporis æstimatio fiat, placere id tempus spectandum, quo res unquam plurimi fuit. Hi sunt autem, *L. in re*, §. 1. *supr. de cond. fur.* et *L. 3. de cond. trit.* Adversus quæ omnia una nobis defensio est in promptu, vere nimirum illa dici de æstimatione rei petitiæ, cum agitur de æstimatione eius rei, quæ fuit debita. Est enim æquissimum, ut qualis præstari debuit, cum mora facta est, talis quoque præstetur postea, ne quid mora debitoris detrahat creditori: aut si talis præstari non potest, præstetur saltem æstimatio. Quod si res debita non fuit; non modo non est æquum exigi eius æstimationem, sed etiam id fieri sine summa et manifesta iniuria debitoris non possit. Nam quo iure ubi res aliqua non debetur, pro ea re petatur æstimatio? Quid, si ne præstari quidem potest natura, ubi res nulla est, pro qua præstetur? Atqui tale esse diximus vinum omnium aliorum temporum, quam diei constituti, aut litis contestatæ. Vinum, inquam, eorum temporum ut non est promissum, ita nec debetur; proinde ne æstimatio quidem. Hoc intellecto facilis erit de singulis responsio. Unicuique mora sua nocere debet. Nihil verius, aut æquius. Sed diligenter videndum est, quatenus noceat. Neque enim hic pœna est infinita; nocet videlicet in eo quod debetur: in eo quod non debetur, nequaquam; denique quatenus noceat, illa altera regula veterum comprehensum est, cum dicitur mora perpetuare obligationem. Perpetuat mora obligationem: id est, eam, quæ fnerat, retinet, et perpetuam facit. Sed perpetuat, inquam, non parit novam; et vero constat certis modis contrahali obligationem, in his autem moram non esse. Quid autem efficitur ex eo, quod placet, mora obligationem perpetuari, ut eadem opera et de hac quoque posteriore veterum constitutione respondeam? id omnino, quod quærimus, tantum abest, ut ad id oppugnandum hæc definitio quid-

quam pertinet: cum perpetuetur id solum, quod ante debitum fuit; non perpetuetur eundem, quod non fuit. Si mora perpetuet obligationem, quæ fuit; fateor in proposito vinum id perpetuo deberi, quod fuit die ad solvendum constituto, aut tempore litis contestatæ; quis tum id vinum debebatur, et mora perpetuum fecit eam obligationem. Unde est, quod dum postea illorum temporum vinum præstari non potest, ideo eorum æstimationem debere præstari dicimus. At iste ipsa ratione efficitur cæterorum temporum æstimationem non deberi, quævis ante e debitor more factæ sit; scilicet quia illorum temporum vinum non fuit in obligatione, nec potuit more perpetuare obligationem, quæ non fuit. † Quod reliquum est, negari non potest esse non obscuros locos, quibus quidam dicunt creditum est, cum queritur re aliqua petita, cuius temporis æstimetio faciende sit, spectandum esse id tempus, quo plurimi unquam res fuit post mortem. Sed non observant ubique hoc dictum esse de specie, et re certa in obligationem deducta, ut Stichus. Quod ex eo satis intelligitur quod proponitur in omnibus res aut perisse, aut deterior factæ esse. Quæ duo oisi rei certæ non conveniunt. Nam res incerta, seu genus perire non potest. *L. in ratione, §. incertæ, supr. ad leg. Falc.* sic autem proponuntur in *d. L. in re, §. 1. de cond. fur.* et *d. L. 3. de cond. trit.* Querunt, quid ad rem pertinet, quod superius illud in re certe petita, responsum est, non in oleo, vino, et cæteris similibus. Quasi quod in uno genere rerum debitarum stentur adversus debitorem propter eius frustrationem, non idem probandum sit in quovis alio propter eandem causam. Sane vero non idem in vino, oleo, et similibus dicendum est. Hæc enim quæ infinite et generaliter promittuntur, sit, ut nullius temporis vinum aut oleum deberi intelligatur; ut consequens sit nec illius vini deberi unquam posse æstimationem propter moram. Quæ differentia quia illos fefellit, non miror, si rem hanc expeditæ adhuc non potuerunt. Ac ne illud quidem, si difficultate eorum quæ obiciebatur victi, in alie omnia treuerint. Hoc enim unum restabat iis, qui vino promisso omnium temporum vinum deberi statuissent, ut rebus certis promissis occidit. Atqui ita se res habet, ut corpus certum semel promissum omnibus temporibus debeatur; quæ omnibus novum est, idemque; illud nimirum, quod ex initio promissum fuit. Ex quo evenire necesse est, ut quale quovis tempore id fuit post moram, tale quoque postulente creditore præstari debeat, aut nisi præstetur, debeatur

illius temporis æstimatio ob eam causam, quam supra dixi; quia mora perpetuum fecit eius temporis obligationem. At vincto et similibus rebus, generaliter promissis, effectum est duobus illis temporibus exceptis quæ supra comprehense sunt, nullius temporis vinum deberi. Quod si non debetur, ne debitor quidem quandoque eorum temporum æstimationem. Nec si morem promissor fecerit postea, ideo magis debere incipit, quod esse non debuerit; quoniam, ut dixi, more perpetuare possit obligationem, quæ fuit: novem eundem inducere non possit. Quævis autem illud dici potest; in vino cæterorum temporum solvendo non videri promissorem morem fecere, qui eorum temporum vinum non debuit. Sed ad non observemus hoc discrimen rerum debitarum servatum esse a veteribus, cum de æstimatione earum queritur, et pro conditione varia rerum variæ quoque eas respondisse, et quidem ite constanter, ut nunquam ex illis eliter factum fuerit? Cum enim æstimationem dixerunt, quo tempore res unquam esset plurimi, nusquam legimus id scripsisse eos de oleo, vino et similibus, sed simpliciter de re quævis debita, sed ubique nominatim de re certa petita, quæ perire possit, aut deterior fieri. ut *d. L. in re; §. 1. de cond. fur.* et *d. L. 3. de cond. trit.* Contra vero cum diem constitutum spectandum, aut tempus litis contestatæ aut certum aliquod definiunt, licet observare ubique ab illis aut questionem poni, aut definitionem nominatim concipi de vino; ut in *L. vinum, si cer. pet. L. 3. §. ult. supr. de act. em.* aut de oleo, ut hic, aut simul de vino, oleo, frumento, et similibus mercibus, ut *d. L. ult. de cond. trit.* An temere ab illis ite fieri putamus? Imo vero hæc tam diligens rerum appellatio et distinctio, in eaque distinctione perpetue veterum constantia evidentissimo argumento est, ita singulis definitionibus iuris inter se diversis, genere rerum diversa nominatim esse tributa, ut intelligeremus ius ex illis statui proprium uniuscuiusque generis, et distinctum ab aliorum rerum iure. Nam quod in *d. L. ult. de cond. trit.* scriptum est, idem dicendum esse de cæteris rebus, quod de vino, oleo, frumento, movere nos non debet. Id enim sic occipendum est: in cæteris rebus similibus, quæ videlicet, quæ generaliter promittuntur, aut quæ pondere, vel mensura constant.

His rebus satis iam constitutum puto veterum distinctionem de vini, olei, et similibus rerum æstimatione, traditam in *L. vinum, si cer. pet.* et *L. ult. de con. trit.* quem et in his locis tenere nos oportet. Atque ita constitutum, ut si in eo de sententia ve-

terum, quam probarint, prius constituit, multo etiam minus iam de iure aut æquitate eius constitutionis possit dubitari. †
 12 Unus scrupulus hic etiam restabit fortassis, qui fiat, ut cum vinum vel oleum promissum sit, non æstimatio, et quia promissum, ideo debeatur, non æstimatio; tamen non de vino aut oleo præstando agatur, sed de æstimatione, et ea quidem quam ex hoc aut illo tempore præstari oporteat. Absurdum est enim huius aut illius temporis exigi æstimationem, si omnino æstimatio non debeat. Porro videtur non deberi, quæ non est promissa. Etsi enim hoc constituto, cur æstimationem certi temporis spectari oporteret, de quo diximus, satis ostenditur, cur oporteat absolute æstimationem spectari, ac de eo ex superioribus satis statui potest: tamen ne hic etiam aliquid dubitationis hæreat, nonnihil et de eo separatim attingam, quo omnibus satisfiet. Principio fateor, idque ita ex iure statuendum est, frustra de æstimatione agi, nisi ipsa debeatur. Sive enim petet creditor non debitum, frustra petet; cum non sit actio nisi de eo, quod debetur. *L. nihil, supr. prox. tit.* sive promissor offerret invito, frustra offerret; cum aliud pro alio invito creditore solvi non possit. *L. 2. §. 1. supr. si cer. pet.* Quod si apud Iudicem res agatur, et vinum vel oleum promissum aut ex alia causa debitum petitam erit, ne hic quidem alia potestas est iudicis, quam ut rem in id condemnet, quod lo iudicium deductum est, id est, in vinum aut oleum, non etiam in æstimationem. *L. ut fundus, supr. com. divi. L. ult. C. de fid. lib.* Denique quæcumque sententiam dicet Iudex, non potest rem condemnare in aliud, quam quod debetur. Sic enim ius est, ut non possit exigere, quod non debetur. *L. debitor, infr. de verb. sig. d. L. nihil, supr. prox. tit.* Nec potest Iudex aliter indicare, quem legibus et moribus proditum est. *Inst. de off. iud. in pr.* Itaque quod quidam dicunt vinum aut oleum peti posse, quia debeatur; æstimationem autem peti non posse, quia non sit in obligatione, et tamen ex liberalitate, officio atque accommodatione iudicis, vini aut olei petiti æstimationem fieri posse, quale sit, non intelligo. Nam si hæc accommodatio contra ius est, cur eam Iudici concedunt, quam ius admittit: si ex iure, cur nos ad voluntatem et liberalitatem Iudicis revocant, cum ille ex iure hic habeat, quod sequi cogatur? Sed hoc ita est, si æstimatio a promissore non debetur, invitum eam præstare egi non potest. Quod si Iudex nihilominus in eam condemnat, iniuste iudicat, et aut

creditori, aut promissori iniuriam facit. Nos autem, quid iure fieri possit, querimus. Deinde posita ista accommodatione, tollitur questio huius loci, et omnium similium, quam tamen ex illa sequi volunt. Opinor enim, ea liberalitas et accommodatio iudicis intelligende est, eam promissori vinum debenti, et petenti tamen, ut sibi pro eo æstimationem solvere liceat, Iudex eam potestatem facit, quamvis animo iure promissor vinum præstare debuerit. Atqui si permittitur promissori æstimationem solvere, solvendi necessitas tollitur. Licebit enim ei ea concessione non uti, si velit. *L. pen. C. de pact.* Hic autem agitur de æstimatione certi temporis, quam spectare oportet, his enim verbis Iulianus hoc loco ait; nec aliam significationem habet, quod aliis locis æstimationem faciendam esse dicitur. Quod si intelligant Iudicem posse rem cogere, ut præstet eam æstimationem, iam non est hæc liberalitas et accommodatio iudicis, quæ promissori solutionem commodiorem reddat; sed necessitas, qua etiam reluctantem oneret. Multa sunt igitur, cur ista accommodatio neque recipienda sit ipse per se, ut iniusta, nec si iusta esset, tamen quidquam ad hunc locum pertineat. Fatendum est, quod dixi, nec quidquam peti posse, quod promissor non debeat; nec aliud ab eo posse solvi, quam quod ipse debeat, nisi hæc ipsa potestas aliud solvendi aut ipsis contractus lege, aut iure publico ei tributa sit. Itaque cum de æstimatione vini, olei et similium rerum agitur, dicimusque alicuius temporis spectari æstimationem, ut præstetur, simul hanc quoque deberi dicimus. Verum hic subsistitur, cum vinum seu oleum promissum sit, non æstimatio. Sed debetur illa nihilominus, fitque hoc modo, ut debeatur, quod et iam supra expositum est. Quoniam enim vino promisso debetur vinum certi temporis, ut ostendimus; evenit, ut etiam eo tempore transacto eiusdem temporis vinum perpetuo debeatur, sive quod debebatur in genere, genus autem perire non potuit: *L. in ratione, §. incerta, supr. ad leg. Falc.* sive quod etsi perisset, tamen mora perpetuasset obligationem. Quod si debetur, primum est, ut ipsum præstari debeat, si potest; si non potest, hoc est reliquum, ut debeatur eius æstimatio, si quidem aliquid præstari volumus. Nam et in rebus certis promissa hoc idem servatur, ut quandiu res exstat, hæc patatur, ac debeat præstari. Quod si desinat præstari posse, et tamen adhuc debeatur, ut quia post moram perierit, hic iam pro re non modo præ-

præstatur æstimatio, sed etiam debetur ipsa: eiusque rei argumentum est, quod tanquam vere data etiam peti potest. *L. in re, in princ. supr. de cond. fur.* Iam vero in vino, et similibus rebus generaliter promissis, ante docuimus naturam ita comparatum esse, ut cum tempus præterit, cuius temporis vinum debebatur, amplius eius temporis vinum præstari non possit. Quandocunque enim vinum in specie præstabitur postea, id erit aliud ab his, quæ aliis temporibus dari potuissent, non tantum specie, sed numero, sed etiam æstimatio, quæ singulis temporibus variatur. Quo fit, ut pro eo quod præstari non potest, incipiat iam æstimatio deberi. Quæ et ob eam causam præstanda est. At enim in stipulatione id solam de-

betur, quod promissum est. *L. quidquid, infr. eod.* quomodo igitur vino aut oleo eolum promisso debeatur æstimatio, quæ non est promissa? Et aperte quidem promissa non est; sed significatione at sententia verborum nihilominus promitti intelligitur. Nam si ita promittitur res, ut velint contrahentes eam deberi, etiam si non exstet, quod fit, cum mora facta res præstari posse desiit; necesse est hoc agi inter eos, ut præstetur æstimatio, quoniam corpus ipsam rei amplius præstari non potest. Alioqui promissio sit inutilis. Quod nequequam admittendum est. *L. quoties in, infr. eod.* Idem et in vino mutuo dato agi intelligitur; quidquid autem in contrahendo agitur, pro tanto habendum est, *L. 3. supr. si cert. pet.*

Ad *L.* Stipulatio hoc modo. 61.

Julianus lib. 11. ad Urseium Ferozem.

Stipulatio hoc modo concepta, si heredem me non feceris, tantum dare apodes? inutilis est: quia contra bonos mores est hæc stipulatio.

S U M M A R I A.

1. Stipulatio omnisque conventio de futura successione obtinenda, legibus improbat.
2. Stipulatio, quæ non aperte stipulatur hereditatem, sed ut me heredem facias, sed pecuniam sub conditione: Si me heredem non feceris, an utilis.

tem, sed ut me heredem facias, sed pecuniam sub conditione: Si me heredem non feceris, an utilis.

1. OMnem † stipulationem, omnemque omnino conventionem de futura successione obtinenda leges improbant tanquam turpem, bonisque moribus contrariam. *L. ex eo, C. de inut. stip. L. ult. C. de pact. cuiusmodi est maxime illa, me heredem facies?* da quo iure plura hic non dicam, quia est hic mihi locus de toto genere istarum conventionum diligenter expositus ad
2. *d. L. ult. C. de pact.* † Hoc iure posito quesitum est, quo loco haberi debeat hæc stipulatio, si non aperte stipulatur hereditatem, sed, ut me heredem facias; sed pecuniam sub conditione, si me heredem non feceris. Movet, quod stipulatio hoc modo concepta est, ut non videatur adversus legem. Non est enim de hereditate, quam stipulari lex vetat; sed de pecunia, quam nulla lex prohibet stipulari. Placet hoc loco non minus esse inutilem, quis sit non minus contra bonos mores. Et recte. Hic enim promissor alia via obstringitur ad stipulatorem heredem instituendum, ad quod eum obstringi lex non vult. Obligatione enim constituta malet stipulatorum heredem facere, quam non instituendo heredes suos et quasi penam subire. Itaque non est hæc stipulatio aperte contra legem; quia non

est contra id, quod lex aperte fieri prohibet. At est in fraudem legis; quia per eam id fit, quod lex fieri non vult, etiam si verbis non prohibet; et in summo non est contra verba legis, sed est adversus legis sententiam. *L. contra, et L. seq. supr. de leg.* quod genus non minus improbat legibus: egregie autem inter ceteras, *L. non dubium, C. de leg.* Et merito hoc etiam; non enim minus adversus legem esse iudicandum est, quod est adversus eius sententiam: cum lex id sit, non quod scriptum est, sed quod scripto voluit: unde verbum ex legibus sic accipiendum esse dicitur, tem ex legum sententia, quem ex verbis *L. nominis. 6. §. 1. infr. de verb. sig.* Hinc apparet, cuius facti stipulatio sit inutilis, quia turpis: in eodem facto omnem pecunie promissionem esse inutilem si pecunia promittatur hæc conditione, si illud factum non fuerit. Idque ito, etsi nulla præcesserit de facto ipso stipulatio aut obligatio, cuius confirmandæ censa pena edicatur. Scilicet quia ipsa per se pecunie stipulatio ad constitutionem et obligationem eiusdem facti pertinet eandem turpitudinem continet. Quod at confirmatur in *L. Titia infr. eod.*

Ad *L.*

Ad L. Servus vetante. 62.

Idem lib. II. ex Minicio.

Servus vetante domino si pecuniam ab alio stipulatus sit: nihilominus obligat domino promissorem.

SUMMARI A.

1. Servus quacunq[ue] ex causa domino vel ignoranti acquirit.
2. Servus an domino etiam invito et aperte repugnant[em] acquirat. et n. 4. 8.
3. Hereditas cur excipiat[ur] ex iis rebus, quæ a

- servo Domino invito acquiruntur. et n. 5.
 6. Possessio quia facti est, nec volenti domino per servum acquiritur.
 7. Regula iuris explicatur: Invito beneficium non dari.

1 Quidquid servus quacunq[ue] ex causa acquirit, in domino acquiri placet: quo in numero est, et si quid stipuletur. *L. acquiruntur*, §. 1. *supr. de acq. rer. do. L. stipulatio ista*, §. *alteri*, *supr. cod. L. ult. infra, de stipulatione ser.* Nec dubium est, quin quod stipulatur servus, etiam ignorant[em] domino acquiratur. Unde quod servus infans stipulatur, acquiritur infanti; *L. 1. supr. eod. et quod furiosi*, furioso; *L. si a furioso*, *supr. prox. tit. et quod hereditatis hereditati* *L. eum qui*, *2. vers. quod si sibi*, §. *cert. pet.* † Etiamne invito acquiratur, quæsitum est. Finge cum servus stipulari vellet ab aliquo pecuniam, dominum vetuisse, quod nollet rem ita transigi, ut servus instituerat, aut quod nollet sibi quidquam rei esse cum tali promissore; servum tamen vetante domino stipulatum: an stipulatio domino acquireretur? eademque quæstio est de cæteris, quæ per servum acquiri posse dicimus, quæ modo in ea causa sint, ut domino quæsitâ illum non obligent. Qualis est hereditas; nam hæc invito non acquiri constat, ne sit in potestate servi deterio[re]m domini conditionem facere, cum velit. *d. L. acquiruntur*, §. 1. *supr. de acq. rer. dom. L. qui in aliena*, *supr. de acq. her.* Nunc de stipulatione quærimus, quia locus ita dat: sed ita, ut ex una specie rerum idem et de aliis rebus intelligamus. Non temere queritur; multa enim concurrere videntur, cur non possit ex hac causa stipulatio aut obligatio domino acquiri. Primum rei æquitas: non enim æquum videtur liberum hominem cogi quidquam facere, aut in se admittere invitum, præsertim ubi de re eius solius, non de alieno incommodo agatur. Deinde rei natura, de qua agitur. Quod enim ius vult domino acquiri, beneficium hoc iuris est, quod in dominium confertur. Vel ipsum be-

neficii nomen, ipsa voluntas domino consulendi repugnat, quominus hic quidquam illi acquiratur invito. Si quid enim accipere cogatur, quod nolit, vis hæc sit verius, quam beneficium. Ideo ius in omnibus rebus ita comparatum habemus, ut liceat unicuique quod sua causa constitutum sit, contemnere. *L. pen. C. de pac. L. si iudex*, *supr. de min.* Atque adeo invito nihil acquiri compluribus regulis iuris diserte confirmatur: in quibus sunt hæc: Invito beneficium non datur: *L. invito*, *infr. de reg. iur.* Quod cuique præstat[ur], invito non tribuitur: *L. invit[us]*, §. *ult. co. tit. item*, Non potest liberalitas nolenti acquiri. *L. hoc iure*, §. *non potest*, *supra de dona.* Postremo ipsa iuris ratio peculiariter in servorum stipulatione hoc efficere videtur, ne ex hac causa quidquam acquiratur invito. Quod enim servus stipulando domino acquirat, eo videtur admitti, quia periinde habeatur, ac si dominus stipulatus esset, ut est in *L. quodcunque*, *supr. eod.* et ut est apud Iustinianum, quia vox servi vox domini esse intelligatur. §. *ei vero*, §. *post mortem*, *Inst. de inut. sti.* Cui rationi locus non est in domino repugnante. Neque enim existimari potest dominus voce servi esse stipulatus, ubi constat eum noluisse, ut servus stipularetur, atque adeo ne servus faceret, vetuisse. Quod contra sit in voluntate dubia domini. Potest enim existimari, si sciret servum stipulari, eum repugnaturum non fuisse, quia ita fieri ipsi expedit; ac proinde illi acquiri non est alienum. Neque hæc distinctio dubiæ, et manifesto contrariæ voluntatis, in persona dominorum exemplo caret. Nam et simile quiddam accidere videtur in iis personis, in quibus ut agent alieno nomine, mandatum et voluntatem dominorum non exigimus. Ut enim sine voluntate recte agent, tunc recipitur, cum de voluntate dominorum contraria nihil

hil proponitur. Quod si forte evidens sit contra voluntatem eos experiri eorum, pro quibus interveniunt, placet eos repelli debere. *L. Pomponius, §. ult. sup. de proc.* Quorum utrumque in manifesta voluntate optima ratione defenditur; In re enim dubia conjecturæ voluntatis admitti possunt. In ea autem voluntate, quam certo contrariam esse constet, non est conjecturæ locus. *L. continuus, §. cum ita, in fin. infr. eod.* Atque hæc ne videantur nihil esse, non defuerunt nostra ætate viri docti, qui æquitate rei moti, et maxime superioribus regulis, potarent obligationem seu actionem invito non acquiri. Adversus hæc dubitationes hoc loco et nonnullis aliis de hæc re cœtum est: quibus ostenditur et ex stipulatione et ex aliis causis pro omnibus quidquid servus acquirat, non tantum volenti domino aut solum ignoventi, minimeque repugnantem acquiri, sed etiam invito et aperte repugnantem. De stipulatione hoc loco scriptum est, si servus vetante domino stipulatus sit, nihilominus obligare domino promissorem. Non dixit Iulianus stipulationem domino acquiri: quamquam hoc satis esset ad intelligendum una cum stipulatione obligationem, et actionem esse quesitam, cum hæc ex illa causæ nascentur. *Inst. eo. in princ.* Sed his verbis unus est, domine obligat promissorem, ut intelligamus aperte domino obligationem acquiri. Sed hoc illos, quos dixi, videntur sic accepisse, ut servus in proposito obliget quidem domino promissorem, sed non statim et absolute, verum sub conditione, si mutata voluntate dominus velit postea ex ea stipulatione experiri. Cæterum negent obligationem acquiri invito: nempe ob eas causas, quas supra commemoravi. Etsi hoc non satis huic loco convenit, ubi simpliciter dicitur servus obligare domino promissorem: unde intelligitur obligare statim; ut est vis puræ orationis. *§. omnis, Inst. eod. ubi præterea cum dicitur servus obligare promissorem, intelligi debet obligari eo tempore, de quo propositum est, id est, quo servus vetante domino stipulatus proponitur; ne si intelligamus aliud tempus huius obligationis, posteriora prioribus non respondeant, efficiaturque definitio Iulius loci prope non minus incerta, quam si omnino definitum nihil esset; multaque etiam in eandem sententiam dici possunt: tamen ferri posset interpretatio, nisi in *L. etiam invitis, sup. de acq. rer. do. dilucide scriptum esset, etiam invitis nobis per servos nostros acquiri. Additur quidem, a Caio pene ex omnibus causis.* Sed hoc nihil nunc ad rem*

pertinet; inter omnes enim convenit stipulationem non esse ex numero earum causarum, quæ excipiuntur. Ergo non dicit Calus, si quid servi nostri nobis invitis stipulati sint, id nobis acquiri, ut fit hoc loco, et in *L. Quemadmodum, sup. de inv. do.* in quibus verbis adhuc hæc dubitatio relinquatur, an etiam nobis invitis acquiratur: sed dicit id aperte, de quo ambigitur, nobis invitis acquiri. Id acquiratur invitis, quod acquiratur nolentibus, id est, iis qui sibi acquiri nolunt, et cum maxime nolunt, his acquiratur tamen ipso iure. At qui aliquando noluit sibi acquiri, si postea mutata voluntate velit, tumque ei acquiratur, perspicuum est, quod ita acquiratur, volenti acquiri, non invito. Quapropter secundum supra scriptam definitionem in questione proposita de stipulatione ita recte dicemus, si servus invito et vetante domino stipulatus sit, statim stipulationem et obligationem inde domino acquiri. Nec ad rem pertinere, quod tum dominus sibi acquiri nolit. Nam ex omnibus pene causis, certe quidem ex stipulatione quidquid acquirat servus, id domino invito acquiri. Non est vero, cur constaremus illis, quæ contra disserimus. Dicuntur enim recte omnia; sed in iis, quæ cuique per semetipsum acquiruntur: ad ea non pertinent, quæ nobis acquiruntur per alios, ut per servos et filios nostros. Quod ut recte explicetur, primum de æquitate huius iuris: deinde de regulis superioribus: tum de ratione, propter quam per servum acquiri stipulationem dixi, ordine et breviter respondebo. Jus, et æquitas, et beneficii nomen non patiuntur, fatetur, ut quod alicui delatum est, id invito acquiratur ob eas causas, quæ supra expositæ sunt. Sed hoc ab initio et rebus integris, id est, tum cum is cui datum volumus, neque quid fecit, neque quid apud se habet, quo posito acquisitio rei sequeretur. Quod si acquisitio ex alia re pendebit, eamque rem is in se admisit, aut admissam apud se retinet: hic certo iure utimur, et vero nature consentaneum est, ut qui vult antecedenter, idem et consequenter admittere cogatur: quasi ipse eo facto hanc legem et velut necessitatem acquisitionis sibi imposuerit. Quod innumeris argumentis Iuris Civilis confirmari potest. Sed uno atque altero contentas ero. Ex heredibus extraneis invito nulli hereditas aut bonorum possessio acquiritur. *§. ult. Inst. de her. qual. et diff. L. 3. §. bonorum, sup. de ben. poss.* sed acquiritur ab initio, ubi nihil dum ex eo hereditate ob-

tinet.

tinet. Quod si ex parte institutus pro ea parte heres factus sit, deinceps deficientium coheredum portiones etiam invitus accipiet, quæ hæ priori, quam habere cepit, iunctæ sunt, et illam sequuntur. *L. qui ex duobus, §. ult. supr. de acq. her. L. unica, §. his ita, C. de cad. tol.* Item, nemo servos, animalia, fructus aliunde delatos invitus acquirit. At si hæc nascantur ex re nostra, nihil hic nostre scientie et voluntate ad ea acquirenda opus est. Acquiruntur illa non tantum ignorantibus, sed etiam, si id accidere potest, invitis. *L. 2. supr. de acq. rer. dom. L. qui scil, L. in pecudum, supr. de usur.* Quamdoquidem hæc ius earum rerum et censuum sequuntur, unde nascuntur. Ut si illæ nostræ sint, hæc quoque necesse sit naturæ quodam iure nostra fieri per consequentiam. *L. solum §. 1. supr. de rei vind. L. pen. in fin. supr. de acq. rer. dom.* In eodem causa est omnino, quod per servos nostros acquiritur; nem si quid servus ex donationis, legati, aut alia quâpiam causa sibi traditum accipit, is eo facto constituit acquisitionem, facitque ut ea quoviammodo ex persona sua incipit. Multoque citius dixeria constituere eum stipulationem, et ex stipulatione obligationem, qui interponit, quæ erant stipulationis. Hæc acquisitione constituta consequens est, ut qui servum habet, idem etiam et illa quæ sunt servi, æn quæ a servo sunt; tanquam fructum servi admittat, itaque ut habeat, etiam necesse est: scilicet quia servus nihil eum habere potest, ac propterea quod ab eo quæsitum est, non potest apud eum consistere, sed necesse est ad dominum pertinere propter potestatem, quam dominus in servo habet. Hanc enim video rationem reddi huius acquisitionis in §. 1. *Inst. per quas pers. no. ac. L. acquiruntur, §. 1. supr. de ac. rer. do. L. placet, supr. de acq. her. et L. ult. infr. de stip. ser.* Quæ ratio manifeste huc spectat, ut statuat eam necessitatem rerum domino acquirendarum, quam dixi, per consequentiam eius potestatis, quæ iam ante domino constituta est. Itaque re alicui recta delata non nolum, si ei invito res non acquiritur; quæ ipso recitante non est persona, per quam acquiritur. Ideo nulla necessitas est rei aut per se aut per alium acquirendæ. Quod contra fit, cum quid a servo quæsitum est. Ideo enim per servum acquiritur domino invito, quia est persona, quæ prius rem acquirit; et quidem secundum regulas iuris sibi traditum, aut cautum, volens, non invita: cuius deinde acquisitionem dominus

propter potestatem, qua et servum et quidquid servi est, obtinet, admittere cogitur. ¶ Neque ideo vera non esse hæc ratio putanda est, quia quædam res sunt, quæ æqualitè a servo, tamen invito domino non acquiruntur; ut hereditas, et bonorum possessio. *L. acquiruntur, §. 1. supr. de acq. rer. dom. L. qui in aliena, supr. de acq. her.* Non enim dubito, quin secundum ius et vim potestatis idem quoque admitti oportuerit in hereditate per servum acquirenda, quod in cæteris rebus omnibus. Et factum esset omnino, nisi excepta esset hereditas. Quod consulto et summe ratione factum est, ne admisse hereditatis acquisitione dominus aliquando invitus obstringeretur hereditati propter potestatem. *d. L. qui in aliena.* Atque hoc modo eveniret, ut quæ potestas dominorum causa constituta est, ea converteretur in dominorum perniciem contra omnem æquitatis rationem. *L. nulla, supr. de legi.* Hæc vero exceptio necessitatem acquisitionis, eiusque rationem confirmat in rebus aliis, quæ per servum quæsitæ a domino non prosunt, certe illum non onerant; ut sunt quæ legantur, donantur, eut ex alia causa traduntur servo, quæve per stipulationem ab eo acquiruntur. Nec aliis ratione defenditur, quod placuit et solutione et novatione cum alio interposita debitorem et ignorantem et invitum liberari posse: *L. solvendo, supr. de neg. gest. L. si debitor tuus, infr. de sol. quem* quod hæc liberatio huiusmodi quandam consequentiz necessitatem habet. Prius enim alio solvente constituitur solutio in creditore volente: et alio novandi animo promittente, interponitur inter eum et creditorem novatio. Quibus constitutis, et veterem obligationem in eo in quo inerat sua sponte tolli necesse est. ¶ Sed ut eum servum redeam, cur in iis, quæ per eum acquiruntur, non prohibetur is saltem contra manifestam domini voluntatem quid accipere, aut stipulari, aut si quid contra fecerit, non irritum esse iubetur? Quia recte visum est etiam servis relinquenda esse, quæ perierit omnibus hominibus rerum nature tribuit: cuius generis hæc sunt, ut possint, quod datur, accipere, et quoniam mente et voluntate, et facultate sermonis præditi sunt, ideo ab aliis quidvis stipulari possint, et cum his contrahere: idque non verbis tantum, sed utiliter, idest, ita, ut quæ ad obligationem, aut acquisitionem nostra comparate sunt, ex his etiam cum servus ille fecerit, obligatio et acquisitio nascatur, ne frustra hæc servis videantur relicta. Neque vero quis hæc acquisitione constituta evenit

nit, ut quod quæsitum est, statim domino acquiratur, ideo hæc ita servis concedi iniquum aut domino iniuriosum est, posteaquam hæc acquisitio sine ullo dominorum incommodo contingit. Quinimo ita statui quam maxime ipsorum dominorum interest: et vero præcipue eorum causa constitutum videtur. Nam etsi ab initio vetuit dominus servum accipere, aut stipulari; tamen voluntatem postea mutare potest, cum ex his causis rem aut actionem acquiri sibi ntile esse perspexerit. Quod si facit, habet iam illa sibi quæsita, quæ posita mutata voluntate pro suis exercere; quæ si ab initio quæsita non essent, nunc frustra requireret. Quod si inutilia hæc sunt domino reuera: tamen melius est in re dubia illi spatium cogitandi dari, et hoc modo rem integram ei servare, quam acquisitione ab initio inutili constituta spem ei præcidere acquirendi id, quod postea utile esse iudicare potuisset. Denique etsi quæsita non prosunt: tamen cum illi non noceant, queri non debet. Nam si sua esse non vult, quæ quæsita sunt, et hoc dolet sua facta esse, est in eius potestate hoc consequi, ne sint eius, aut reum liberando, aut quod per traditionem nactus erit, alienando iustus modis, vel etiam, si videtur, proiciendo et pro derelicto habendo.

- 5 † Ex his autem facile intelligi potest, quid valeat illud, *pene*, quod Caius addidit, cum ita definiuit, *etiam invitis nobis per servos nostros acquiri pene ex omnibus causis*. Nempe huc pertinet, quod omnes recte acceperunt, ut excipiatur hereditas, omnisque successio, quæ domino sine periculo æris alieni acquiri non potest. In cæteris causis omnibus hoc servabitur, ut invitis nobis per servos nostros acquiratur. Nam si vel una in causa id ius et æquum esse concesserimus, ut hoc loco in stipulatione, eadem ratio facit, ut probari debeat in omnibus. *L. illud, supr. ad leg. Ag.* Loquor de iis rebus, quæ ab uno ad alium transire possunt: quo in genere sunt res corporales, et incorporales, quæ in iure consistunt, idest, iura, ut usufructus, obligatio, actio; de quibus *sub tit. Inst.*
- 6 *de reb. co. et inc.* † nam quæ sunt facti solius, ea non egrediuntur personam servi, ac nec possunt, cum personæ cohæreant. *§. sed cum factum, Inst. de stip. ser.* itaque nec volenti domino acquiruntur: *L. qui heredi, supr. de cond. et dem.* tantum abest, ut acquirantur invito. Huius generis cum sit possessio, facti nimirum, non iuris: *L. 1. §. adipiscimur, et §. si vir, supr. de acq. pos.* non mirum, si pla-

cet hac domino invito non acquiri; nam extra causam peculiarem non nisi scienti acquiri constat. *L. peregre, §. quæsitum, supr. de acq. pos.* Ex causa autem peculiari etsi placet ignoranti acquiri; tamen additur ideo id fieri, quia ex hac causa intelligatur servus voluntate domini possidere hoc ipso, quod dominus ei peculium habere permiserit. *d. L. 1. §. item acquirimus, de acq. pos.* Sed si hoc eo fit, quia res facti ad dominum non transit, ut fit certe; si nobis constare volumus, longius progrediendum est, ita statuendum, possessionem nec volenti domino per servum acquiri; quod et verum est, si proprie loqui volumus. Nam cum ad acquirendam possessionem duabus rebus opus sit, animo et corpore; nunquam dominus animo solo servi, et servi corpore possessionem acquirat, sed ita, si ipse velit possidere. At hoc cum facit, animo et facto suo possidere incipit, non servi. Sed ideo dicitur possidere per servum, quia cum ad eum animi corporis detentionem accedere oporteat, in eo servi corpore utatur, non suo. *d. L. peregre, §. quæsitum, de acq. pos.* Quod tamen perinde accipiendum est, quasi uteretur suo; nam cuius corporis ministerio animus possidentis in ea re utatur, nihil refert: cum etsi uteretur ministerio sui corporis, alicui tamen uteretur, non suo ipsius. Et sane absurdum sit dicere servum possessionem domino acquirere posse facto suo, qui tenendo non possessionem ullam nanciscitur, sed tantum detentionem. *L. quod servus, supr. de acq. pos. L. stipulatio ista, §. hæc quoque, supr. eod.* Sed hæc de possessione obiter attigisse sufficiat; de ea alibi dicendum est. Nunc satis est intelligi huius exemplum non obstare, quominus vere definiatur, quidquid per servum acquiratur ex iis rebus, quæ subsistunt; quæ eadem ad dominum transire possunt, idque sine domini incommodo, id domino etiam invito iure acquiri. Hæc de æquitate acquisitionis huius necessaria dicta sunt, quam autem nihil huic iuri adversentur superiores definitiones de rebus invito non acquirendis, cognoscamus. Ac primum supervacuum puto querere, in illa definitione. † Invito beneficium non datur, *beneficii* verbum utrum de beneficiis iuris accipiendum sit, an de beneficiis privatorum, an de utrisque. Equidem si de eo interroger, respondeam *beneficii* verbo hic exprimi id, quod verbo significatur. Constat autem eo verbo significari, quidquid alicui præstatur gratis humanitatis et liberalitatis causa, non tantum si iure tri-

bui-

huitur, sed etiam si a privatis confertur in alios. *L. beneficium, sup. de const. prin. L. in commodato, §. sicut, sup. com. iuncta L. 1. et 2. sup. de prec.* Nec multum ad rem pertinere putem, quod definitio illa sumpta est ex libro singulari Pauli de assignatione libertorum; ubicunque enim scripta sit, et per cuiuscunque rei occasionem, generalem tamen fuisse apparet, certe rationem alterius rei probandæ causa adhibitam. Non potuit autem si ratio fuit, non esse generalis; quoniam ex singularibus propositionibus nihil concludi potest. Sed et assignatio libertorum de qua agebat Paulus, privati beneficium est, non legis. *L. 1. sup. de ass. lib.* Sed supervacuum admodum est in eo laborare: cum si quid in ea definitione ambigue scriptum esset, tamen sequentibus regulis satis definitur. Nam de beneficio privatorum, id est, de liberalitate seu donatione illa altera concepta est. Non potest liberalitas nolenti acquiri. *d. L. hoc iure, §. non potest, sup. de don.* quin etiam ne in donatione, aut alio beneficio vel publico vel privato ex his definitionibus hæreamus, de omni eo, quod alicui præstatur, quodcunque id sit, et a quocunque aut cuicunque præstetur, generalis illa definitio est, qua efficitur, quod cuique præstatur, invito non tribui. *d. L. invitum, §. ult. infr. de reg. iur.* Quæ ut non extaret, tamen hoc admissio in beneficio et liberalitate, quæ in alium confertur, invito nihil acquiri; nihil causæ dici posset, cur in omnibus quæ præstantur alicui ex quavis alia causa, non idem esset servandum: cum in his quæ dominium transferunt, omnis acquisitio duorum consensu perficiatur dantis et accipientis. *L. in omnibus rebus, sup. proz. tit.* Ne ergo in rebus non necessariis perdamus operam, concedo sine exceptione recte dici invito nihil dari, neque domino neque servo: liberalitatem item nolenti nulli acquiri, neque domino, neque servo; idque effici superiorum definitionum partim verbis, partim sententia. Sed non eo minus verum est invitis nobis per servos nostros acquiri; neque id superioribus sententiis negatur; observandum est enim diligenter, quid dicatur. Non dicitur invito nihil acquiri, aut invito res non acquiri. Quod si fieret, multis modis falsum reperiretur; et tamen si dicoretur, fateremur ex his verbis nec domino invito quidquam acquiri posse, quamvis acquireretur per servum. Sed dicitur invito nihil dari, nihil præstari, tribuere; item liberalitatem nolenti acquiri non posse. Ne-

Tom. XI.

go adversus ista quidquam fieri, cum domino invito per servum acquiri dicimus. Nego denique ea quæ per servum, aut per consequentiam alterius rei ulli acquiruntur, his verbis contineri. Nam ut de verbis, dandi, tribuendi prius respondeam, cum per servum quid acquiritur domino, quidquid id est, in eo nihil datur domino a quoquam, nihil præstatur; sed dominus a servo prius quæsitum, et ita in numero rerum suarum inventum suo iure occupat, nec accipit deinde: similiter ut occuparet ædificium, quod in sua area positum reperisset. Quod quamvis positum esset ab alio, et is qui ædificasset, per errorem possessionem domino tradidisset; tamen placet sic a domino occupari, ut is qui tradit, nihil videatur accipientis facere, sed rem suam dominus habere incipiat. Ac propterea negatur dominus cum eo qui tradit, ullum negotium contrahere, eique conditione teneri. *L. si in area, sup. de cond. ind.* Nec aliud iudicium est de segetibus, plantis, arboribus agro nostro impositis, cum hæc radices egerint; scriptum est enim in *L. si quis sciens, C. de rei vind.* quamvis extraneus imposuerit, tamen eas magis domini per solum suum fieri, quam per huiusmodi factum extraneum. Eadem et fructuum omnium ratio est, qui ideo non iure seminis, sed iure soli a domino percipi dicuntur. *L. qui scit, sup. de usur.* Quod autem dicitur, non posse liberalitatem nolenti acquiri; etsi acquirendi verbum proprie ad dominos pertinet in his, quæ per servum acquiruntur; *L. placet, sup. de acq. her. L. acquiruntur, sup. de acq. rer. dom.* tamen liberalitatis verbum quo superior definitio utitur, non pertinet, si quid proponas servo ex donationis causa traditum, aut stipulanti promissum esse. Quod enim a donatore in hunc confertur, liberalitatis est et donationis, utpote ab eo collatum, qui nullo iure cogebatur. *L. donari, infr. de reg. iur.* Quod autem a servo quæsitum, deinde a servo ad dominum transit, est necessitatis: non enim transit, quia servus vult, sed quia quæsitum retinere non potest. *d. L. placet, sup. de acq. her.* nisi quis putet, quod servo donatur, etiam in persona domini donationem haberi debere, quia totum ab eodem donatore profectum sit, nihil a servo. Quod non ita est. Hoc enim a servo est, quod traditum accipit, aut oblatum stipulatur, sine quibus nulla omnino foret domini acquisitio. Ac ne quis dicat, cum servus hæc facit, ea potius domini facta debere existimari, quam servi, quasi servus aliter facere non

potuerit; sciendum est nihil istorum cogi facere servum: sed esse in eius potestate, quamvis iubente domino nolle accipere aut stipulari *L. 3. C. de her. inst.* Ut consequens sit, si accipit, et stipulatur, quod id facit, uni eius voluntati et facultati acceptum ferri debere. Quod attinet ad debitorem, quem invitum liberari posse diximus, cum aut creditori ipsi solvitur ab alio, aut creditor cum alio novationem interponit: perspicuum est ut de eo quoque respondeam, multo minus ad hunc superiora verba pertinere: huic enim nihil datur, quod accipiat, sed creditori. Si quid inde ei bene fit, id in eo est, non quod ei datur quid, aut ipse acquirit, sed quod onus ei detrahitur. Quo detracto fit ille quidem locupletior; non tamen quia accipit, sed quia ei de suo nihil admittitur. Hæc de verbis superiorum definitionum non minus vere, quam commode ad eius iuris, de quo agitur, explicationem dici videntur. Quod si apud aliquos obtineri non potest, quin existiment sententias verbis generales esse, atque hoc exprimere, nulli invito res acquiri, ne domino quidem per servum, adiciam, quod verbis etiam generalibus admissis non incommode respondeatur, ut his quoque satisfiat. Dicemus nimirum quantumvis verbis omnem acquisitionem illæ contineant, nihilominus vim et potestatem seu sententiam earum eandem hanc esse, ut ad eos solum, quibus per se et principaliter acquiritur, pertineant, sed non etiam ad eos, quibus acquiritur per alios, et per consequentiam. Idque hac ratione, quæ in omni iure observetur, quod ubique species deroget generi: cuius dicti vis hæc est in legibus, ut si qua lex aut sententia generaliter scripta est, non videatur ad eas species pertinere, de quibus alia parte iuris specialiter cautum est. *L. in toto iure, infr. de reg. iur. L. sanctio, infr. de præ.* Quod ius plane huic parti iuris convenit. Nam si concedemus superiorum definitionum verbis omnem acquisitionem contineri. Nempe in personis eorum, quibus acquiritur, generales erunt hæc sententiæ, invito benefi-

cium non datur; Invito nihil præstatur; Nolenti liberalitas acquiri non potest. Eorum autem quibus acquiritur, species sunt duæ, ii, qui per se acquirunt, et ii quibus acquiritur per alios. De hac posteriore specie ius constituitur specialiter, cum traditur quid servis nostris, aut per eos acquiritur; id nobis etiam invitis per eos acquiri. Proinde hanc speciem ex generalibus illis definitionibus eximi intelligendum est, eoque nec illas ad hanc speciem pertinere. † Reliquum est, ut occurramus ei rationi, 8 quam extremo loco obiciebamus. Erat autem hæc; ideo per servum domino acquiri stipulationem, quia stipulatio servi sic acciperetur, quasi dominus ipse videretur stipulatus; quasque vox servi intelligeretur vox domini fuisse. *d. L. quodcunque, supr. eod. §. ei vero, §. post mortem, Inst. de inut. stip.* Etsi hanc huius acquisitionis rationem esse negari potest; nusquam enim aperte hæc ratio redditur: tamen ut concedam esse, nihil officit sententiæ huius loci ita existimari. Nam et tunc cum dominus aperte vetuit, ne servus stipularetur; vere tamen dicam eum perinde haberi, quasi ipse stipulatus esset; nempe quia illi acquiritur, non aliter, quam si ipse esset stipulatus. At enim constat eum stipulatum non esse, atque adeo nec potuisse stipulari invitum. Ita est, si quis naturam spectet: at iure perinde habetur, quasi stipulatus esset: non quia contra naturam putetur id fecisse; sed quia dum iure placet ei invito acquiri, eum fructum percipit ex stipulatione servi, quem habiturus foret, si ipsemet sibi esset stipulatus, etsi verum sit eum neque stipulatum esse, neque adeo stipulari potuisse. Ita non quia id fecerit perinde habetur; sed quia eius facti effectum consequitur. Idque ita esse exemplo furiosi facile intelligi potest. Nam cum stipulatur furiosi servus, multo certius est non posse natura videri furiosum esse stipulatum, et tamen non minus de eo vere dicitur perinde eum habendum, quasi ipse stipulatus esset: quia scilicet et hic per servum acquiritur furioso. *L. si a furioso, supr. prox. tit.*

Ad L.



Ad L. Si quis ita stipuletur. 63.

Africanus lib. vi. Quaestionum.

Si ita quis stipuletur, sive navis ex Asia venerit, sive Titius consul factus fuerit: utra prius conditio extitisset, stipulatio committitur: et amplius committi non potest. Sed enim cum ex duabus disiunctivis conditionibus altera defecerit: necesse est ut ea quæ extiterit, stipulationem committat.

SUMMARI A.

1. Conditionis unius et plurium obligationi adiectarum eadem vis.
2. Conditionibus pluribus adiectis an omnes existere necesse sit, an unum dumtaxat.
3. Disiunctivæ conditionis vis.
4. Conditionibus duabus disiunctim stipulationi adiectis, si utraque extiterit, utrum ex ea, quæ prius extitit, stipulatio committatur, et quæ dubitandi ratio.
5. Stipulatio ex duarum disiunctivarum conditionum altera, quæ prius extitit, semel commissæ, an existente postea et altera conditione iterum committatur.
6. Disiunctivæ particulæ seu, sive, interdu coniuugendi vim habent, et pro adiunctis significationem variant.

1 C^onditione obligationi adiecta constat hanc vim esse conditionis, ut in eius eventum differatur obligatio. §. sub conditione, *Instit. eod.* Proinde si quid sub conditione promissum sit, tum deberi, cum conditio extiterit; ante nihil deberi. *L. cedere, infr. de verb. sig. de qua vi dixi ad L. eum, qui Calendis, §. ult. supr. eod.* Ita semper conditionem stipulationis existere oportet, ut quid debeat. Nec vero alia vis est conditionis, cum una obligationi adiecta est, alia, cum plures. Quibus positis potuit consequens videri, quemadmodum conditionem, quæ una adiecta sit, impleri oportere constat; ita oportere et omnes, cum plures stipulatione fuerint comprehensæ. † Inde quæsitum, an pluribus adiectis conditionibus omnes existere necesse sit; an unam dumtaxat. In quo hæc distinctio servatur ex verborum significatione sumpta, ut si quidem coniunctim plures adiectæ sint, veluti si navis ex Asia venerit, et Titius Consul factus fuerit, dabis? Omnes impleri necesse sit: si disiunctim, veluti, si navis ex Asia venerit, aut Titius Consul factus fuerit, dabis; sufficiat una existere: idque sive conditiones. in faciendo conceptæ sint, ut superiores; sive in non faciendo, ut si superiores negative concipiuntur. Distinctio tradita in *L. si quis ita, 129. infr. L. 5. supr. de cond. inst.* exempla addita sunt in *d. L. si quis ita*. At enim omnis conditionis obligationi adiectæ vis hæc est, ut nisi extiterit, nihil debeat.

Ita est. Sed intelligendum est pluribus conditionibus comprehensis tum omnes obligationi adici videri, cum coniunctim comprehensæ sunt: coniunctio enim omnes simul exigit. Quod si disiunctim adiectæ fuerint, hic unam dumtaxat adici, non plures. † Idque ex eo manifestum est, quod in disiunctivis conditionibus, quales sunt superiores, quæcunque exprimitur conditio, exprimitur sub conditione, si altera non extiterit: exprimitur denique, ita ut ea constituta simul altera removeatur. Cum enim dico, si navis venerit ex Asia, aut si Titius Consul factus fuerit, dabis? Perinde est, ac si ita dixissem, dabis, si navis ex Asia venerit; aut si navis non venerit? dabis, si Titius Consul factus fuerit? Vis hæc est, et significatio harum particularum disiunctivarum aut, vel, et similitum. Hoc autem iure posito, ex duabus conditionibus disiunctivis satis esse ad stipulationem committendam unam existere; expeditum est, quid sequamur, si forte una defecerit, altera extiterit. Neque enim dici potest stipulationem committi posse ex ea conditione, quæ non extitit. Ita necesse est, quod Africanus hoc loco in extremo responso scribit, ut stipulatio ex ea, quæ extitisset proponitur, et sola et semel tantum committatur. Quod si utraque conditio extiterit, hic duo quesita sunt: unum, utrum ex ea quæ prius extitit, stipulatio committatur: alterum, si committitur, an etiam committatur iterum ex ea, quæ postea extitit.

1) Quid si disiunctim plures negative. Si illud aut illud non dederit? Hanc stipul. committit si utraque non fiat,

licet alterutrum fiat, videtur arguere. *L. 13. §. 2. de rob. dub. ad quod vid. Don. noster ibid. et Rob. 2. rec. lect. 22.*

titit. Quibus de rebus est hoc responsum Africani. Id enim is scribit, quod plane ad utriusque questionis decisionem pertineat. Ait enim, utra prius conditio extitisset, stipulatio committetur, et amplius committi non potest. Sed cur hic dubitatur? neque enim temere est, quod Africanus de his respondet, qui non nisi de rebus obscuris et subtilibus tractare consuevit; quales solent esse res in libris questionum, ex quibus esse hoc responsum inscriptio declarat. Et priore constituto de posteriore minor dubitatio futura est: efficitur enim ex priore, ut postea dicitur.

4 † Sed de priore dubitandi causa est duplex, cum eam conditionem spectandam dicit, quæ prius extitisset. Nam primum si regulas iuris sequimur de iis, quæ sub disiunctione deducuntur in stipulationem, potius dixeris, quæ posterius conditio extitisset, ex ea stipulationem committi. Ut enim in rebus cum illud aut illud promissum est, et non est certum natura, quid ex iis cuique sit minus, promissoris electionem esse placet, ut det, quod sibi putat levius aut commodius: *L. plerumque in fin. supr. de iur. dot.* ita ubi constat quid sit minus, id ipsum solum ex rebus disiunctim comprehensum in stipulationem venisse intelligitur; et in summa ubique id, quod utilius est promissori. Ex quo in summis id quod minus; in temporibus id quod longius est, videretur in obligationem deductum. *L. Si ita stipulatus, 12. supr. L. si ita stipulatus, 109. infr. eod.* Atqui et in conditione tempus inest. Nihil enim interest, utrum dicam, si navis ex Asia venerit, aut si Titius Consul factus fuerit, an vero cum navis ex Asia venerit, aut cum Titius Consul factus fuerit. *L. quodcunque, §. non solum, supr. eod. L. si Titio, supr. quan. di. leg. ce.* Tum autem quis ignorat longe utilis esse promissori rem deberi ex ea conditione, quæ posterius existet, quam ex ea, quæ iam prius extitit, ac si illi potestas fiat eligendi, illum longius tempus esse electurum? Quod si regulam iuris de temporibus, et aliis rebus disiunctim comprehensum traditam putamus huc non pertinere; at certe ex voluntate contrahentium videtur in his conditionibus disiunctivis ordo scripturæ servandus, ut si prius navis ex Asia venit, ex eo eventu statim stipulatio committatur, quia priore loco posita sit hæc conditio: sed si prius Titius Consul factus est, non committatur stipulatio statim; quia hæc conditio adiecta sit posterius. Consequentem enim esse dixeris, ut pluribus

rebus expressis id prius spectari et servari velint contrahentes, quod priore loco posuerint. arg. in *L. si communis, in fin. infr. de stip. ser.* Et de electione, quæ pluribus rebus disiunctim in stipulationem deductis promissori datur, prius respondebo. Sic autem de ea ius est, ut in hac disiunctione toties illa promissori detur, quoties res inter quas disiunctio est, conferuntur in factum ipsius promissoris: veluti cum agitur, ut det Stichum aut Pamphilum, det decem aut quindecim, det decem post unum aut duos annos. Tandiu enim iure esse debet in arbitrio promissoris, quid fiat, quandiu et natura in eius potestate esse potest, ut hoc aut illud fiat. *L. 2. §. Scævola, supr. de eo quod cer. lo.* At quoties res disiunctim comprehensæ conferuntur in factum et potestatem naturæ, ut accidit in duabus conditionibus disiunctivis, quæ ex casu pendent, quales sunt illæ, si navis ex Asia venerit, si Titius Consul factus fuerit; in his non potest alias esse electio, et statuendi potestas, quam huius ipsius naturæ, in quam conferuntur. Ut dicendum sit utrum prius natura venerit, id servandum esse; idque ipsum et conceptione stipulationis agi intelligitur. Quare quod dicitur duobus temporibus disiunctim adscriptis, spectari longius, in certis temporibus, et quæ solutioni adiciuntur, recte dicitur; quoniam solutio huius aut illius temporis versatur in facto promissoris. In pluribus conditionibus disiunctivis obligationi adiectis locum habere non potest: ex his enim nulla pars obligationis, de qua agitur, ponitur in promissoris facto, sed totum in eventu et potestate naturæ. Postremo ubi in disiunctivis stipulationibus aperte comprehensum est, ut stipulatoris electio esset, constat hanc promissoris non esse, sed stipulatoris iuxta conventionem. *L. si quis stipulatus, 112. infr. eod.* Non convenit igitur ne tum quidem electionem esse promissoris, cum hanc in alterius cuiusvis voluntatem collatam esse constabit. Quod si una conditione prius existente non neget reus, quin stipulatio invito se commissa sit, sed, ea commissa, postulet alterius conditionis eventum expectari, ut illa existente eligat postea ex utra stipulatione solvat, nihil proficiet: quoniam stipulatio ex unius conditionis eventu semel commissa, amplius ex altera conditione committi non potest, ut Africanus subiicit, de quo postea. De ordine scripturæ, qui in his conditionibus disiunctim exprimentis servatus est, sit hoc responsum, nunquam ordinem scripturæ quidquam ad rem facere, ubi

ubi constet sententiam contrahentium non esse hanc, ut in rebus expressis una prius spectetur, quam altera. Quod in conditionibus duabus disiunctim adscriptis accidit. Cum enim ita stipulor, Dabis, si navis ex Asia venerit, aut Titius Consul factus fuerit? Perinde est, ac si ita dictum esset, Dabis, si navis venerit ex Asia; aut si illa non venerit, dabis, si Titius Consul factus fuerit? Quorum posteriorum verborum hæc vis est, ut des Titio Consule facto, quamvis nondum navis ex Asia venerit. Denique hic stipulatio confertur non in hanc, aut illam conditionem certam, sed ex duabus, in eam quæ assistet. Proinde utra prius extiterit, hæc verbis stipulationis designata est, ideoque et stipulationem committit. Recte igitur prius illud statuit Africanus, utra prius conditio existisset, stipulationem committi; in quo etiam verba eius observanda sunt. Non dixit, si una conditio extitisset, stipulationem committi: quanquam et hoc verum est; sed nominatim, *utra prius extitisset*; ut significaret, etiam si ea quæ posteriore loco scripta est, prius extiterit; tamen hanc spectandam, neque attendendum ordinem scripturæ, rem ibi supervacuam, ubi constet de voluntate contrahentium. † Hoc constituto stipulationem in proposito committi, *utra prius conditio extitisset*; consequens est, quod adiecit Africanus, quamvis altera conditione postea existente, stipulationem amplius committi non posse. Quorum utrumque etiam ab Ulpiano scriptum legitimus in *L. cum quærebatur, infr. iud. sol.* hoc inquam, ex prioro illo efficitur. Dicitur enim stipulatio committi, cum existente stipulationis conditione pecunia inde deberi incipit. §. *sub conditione, Inst. eod.* Quæ ergo res incipiat deberi ex proposita stipulatione, ubi semel commissæ est, utrum alia: quam quæ prius fuit debita? At res una promissa est sub duabus disiunctivis conditionibus, et quamvis plures essent promissæ; tamen conditione una existente semel omnes cæperunt deberi. Utrum eadem? At eadem res ex eadem stipulatione non magis iterum deberi potest, quam quod nostrum est, amplius nostrum fieri. §. *sic itaque, Inst. de action.* Nam nec iterum promissa ex nova stipulatione deberetur. *L. quis bis, supr. eod.* Si res plures continerentur stipulatione, et existente una disiunctiva conditione, stipulatio de una re commissæ esset, posset dubitari, an de alia re iterum committi posset. Quæ questio est: *L. si ita stipulatus, 133. infr. eod.* At ubi una res, et, ut loquitur Ulpianus, *una causa inest stipulationi, eo-*

dem auctore stipulatio amplius, quam semel committi non potest. *d. L. cum quærebatur, infr. iud. sol.* Utrumque igitur verissimum est, quod Africanus respondet, re sub duabus disiunctivis conditionibus promissa, et stipulationem committi, utra prius conditio extiterit; et commissam amplius ex altera conditione committi non posse. Sed utrumque inquam, hac conditione, si quidem duæ conditiones non coniunctim adscriptæ sint, sed disiunctim. Id quoniam ille factum pro certo habet in hac specie, quam proponit, *sive navis ex Asia venerit, sive Titius Consul factus fuerit*, dare spondes? Etiam de eo quæsitum est, quam recte hoc statuerit; Neque enim, ut video, usnequaque est expeditum. † Nam et hoc verbum, *seu*,⁶ et quod idem est, *sive*, interdum etiam coniungendi vim habet. Ut in hoc legato: uxori meæ mundum, ornamenta, *seu* quæ eius causa paravi, do lego, *seu* accipitur pro *et*. Placet enim non hæc, aut illa legata esse, sed coniunctim omnia, id est, et priora duo, et simul posteriora: item ut in illo legato, Titio vina quæ in urbe habeo, *seu* quæ in portu, do lego. *L. si quis ita, supr. de aur. et arg. leg.* Hoc quidem Paulus de verbo, *seu*, sed eadem opera et de verbo, *sive*, idem respondit. Sunt enim hæc duo eiusdem omnino significationis. Planeque idem legatum futurum esset, et si ita scriptum esset, mundum, ornamenta, *sive* quæ eius causa paravi; aut, quæ in urbe habeo, *sive* quæ in portu. Unde apparet utrumque si non semper pro coniunctione valet, at certe ut alias disiungendi, ita et interdum coniungendi significationem habere; ita sit, ut videatur ambiguum. Quod si in specie proposita de significatione horum verborum recipimus, quid restat, nisi ut secundum regulam iuris ambiguitatem contra stipulatorem interpretemur? *L. stipulatio ista, §. in stipulationibus, supr. L. quidquid, infr. eod. L. cum queritur, supr. de reb. dub.* At hac regula posita non efficitur illud, quod quidam putant, ut verbum, *sive*, hic pro disiunctione accipiendum sit, sed contra ut pro coniunctione, qua duæ conditiones coniunctim exigantur, contra quam Africanus voluit. Quid est enim promissori commodius? Nempe quod illi levius, et quo fit, ut minus obligetur. Atqui longe minus obligatur, qui non nisi sub duabus conditionibus debet, quam qui sub una dumtaxat. Si quidem conditio obligationis injecta debitori non est onus, ne quis forte

forte existimet pluribus adscriptis coniunctim conditionibus quasi pluribus oneribus impositis duriorum fieri conditionem promissoris, stipulatoris meliorem. Levamentum est potius, et quidem eiusmodi, quod multum remittit de onere obligationis. Nam si non existit, nihil debetur: si existit, tamen obligatio multoque magis solutio in id tempus differtur. Itaque quo plures conditiones adiectæ fuerint, quas existere oporteat, eo fiet in omnes partes promissoris obligatio levior. Quot enim erunt conditiones, tot erunt impedimenta contrahendæ obligationis, tot cum minimum dilationes promissori ad solvendum constitutæ. Quapropter ut dixi, si in hac stipulatione *sive navis ex Asia venerit, sive Titius Consul factus fuerit*, ambigua oratio est, et ex verbis tam coniunctim conditiones adiectæ accipi possunt, quam disiunctim, ut nonnulli concedunt; non hic disiunctim positas interpretari debemus, sed coniunctim; quia hoc promissori utilius, eademque de causa contra stipulatorem. Ex quo querendi causa, satisne recte Africanus responderit de specie proposita, tanquam de ea quæ habeat duas conditiones disiunctivas. Quis enim ea varietate significationis probata, quam ostendi, neget in his verbis *sive, et seu* ambiguum esse orationem? Nos vero negabimus in hac specie ullam eorum verborum esse ambiguitatem. Non quod non interdum pro coniunctione accipi possint: sed quia non in omni oratione cui adhibita sint, possint sic accipi; sed in certis quibusdam; ex quo genere non est conceptio ea, quæ nunc proponitur. Ac de eo ita statuendum est, verbum *sive, et* verbum *seu*, adiunctis discerni, et pro adiunctis variare significationem. Cum adiunguntur verbis non aliam significationem recipiunt, quam disiungendi. Ut cum dico, *sive navis venerit ex Asia, sive Titius Consul factus fuerit*. Quod fit in exemplo huius loci; ubi hoc dici intelligitur, si vel navis venerit, vel si Titius Consul factus fuerit. Neque vero aliter accipi potest. At cum adiunguntur hæc verba rebus, seu cum in enumeratione plurium rerum inter eas ponuntur, ut fit in his exemplis duobus, quæ supra retulimus, tum coniungendi potius habent significationem. Id autem non tam interpretatione voluntatis efficitur, quam ratione recti sermonis ita exigente. Nam cum dico, *sive navis ex Asia venerit, sive Titius Consul factus fuerit*, nisi utrobique in hoc verbo *sive* intel-

ligitur conditio *si*, ut sit, si navis venerit, si Titius Consul factus fuerit, nulla idonea sententia effici potest. Nihil enim exprimo, si dicam, dabis et navis venerit ex Asia, et Titius Consul factus fuerit. Quoties autem in verbo *sive*, intelligitur *si*, tum verbum compositum esse apparet ex *si*, et disiunctiva particula *ve*, quæ idem valet in compositione, quod *vel*, ita sententia orationis, et ratione sermonis sic flagitante in huiusmodi structura orationis, qualem dixi aperte disiunctionis particula et significatio demonstratur: neque vero salva ratione loquendi alia potest intelligi. At cum ita dico, mundum, ornamenta, seu quæ illius causa paravi; item, vina quæ in urbe habeo, *sive* quæ in portu; et generaliter cum verbum, *sive*, adiungitur rebus, non verbo actionem aut passionem significanti, hic non potest id verbum sic accipi, ut habeat in se conditionem: cum nulla sit conditio, nisi ita concepta, si quid fiat, aut non fiat. §. *sub conditione, Instit. eod.* Nulla autem eiusmodi actio possit intelligi in rebus, seu in nominibus corpus aut rem significantibus: neque enim recte dicam, neque adeo hic naturalis sermo sit, do lego mundum, ornamenta, si ea quæ eius causa paravi, ubi in postremis his verbis nihil aliud adiciatur, quo factum conditionis proprium declaretur. Quod si tum in verbo *sive*, aut *seu*, non intelligitur particula conditionalis *si*, ne illa quidem altera disiunctiva, *vel*, ex qua verbum componitur, intelligitur, ut significetur *vel si*; cum una posita continuo statuatur altera, ut accidit in rebus compositis. Ita fit, ut dum in posterioribus huiusmodi orationibus verbum, *sive*, pro disiunctione accipi non potest, necesse sit accipi pro coniunctione. Idque ita tandiu faciendum erit, quandiu ita verbis *sive*, aut *seu*, non subaudiatur verbum, *mavis*, aut illa, *magis placet*, ut sit, *sive mavis*, seu *magis placet*, hoc modo; uxori meæ mundum, ornamenta, seu mavult, quæ eius causa paravi, do lego: Titio vina, quæ in urbe habeo, seu mavult, quæ habeo in portu, do lego. Quod ubi intelligendum sit, ex mente loquentis æstimandum est. Certe nisi aperte constet eum id sensisse, non temere a verbis erit recedendum. L. non aliter, *supr. de leg. 3.* unde eveniet, quod Paulus scribit in d. L. si quis ita, *supr. de aur. et arg. leg.* ut in re dubia verbum, seu, ampliandi legati causa positum intelligatur.

Ad L.

Ad L. Huiusmodi. 64.

Idem lib. VII. Quaestionum.

Huiusmodi stipulatio interposita est: si Titius Consul factus fuerit, tum ex hac die in annos singulos dena dari spondes? post triennium conditio extitit. An huius temporis nomine agi possit, non immerito dubitabitur. Respondit eam stipulationem utilem esse, ita ut in ea eorum quoque annorum qui ante impletam conditionem intercesserint, praestatio in id tempus collata intelligatur: ut sententia eius sit talis: tunc cum Titius consul factus fuerit: in annos singulos, etiam praeteriti temporis habita ratione, dena praestentur.

SUMMARIA.

1. Quaestio legis et dubitandi ratio.

2. Stipulatio prepostera olim inutilis hodie valet; et n. 4. ubi iuris tam a veteribus hoc in genere recepti, quam a Iustiniano constituti redditur ratio.

3. Stipulatio Africano hic proposita, prepostera

stipulationi, quae a Iustiniano, confirmatur, est dissimilis.

5. De praestationibus annuis vel mensuris, quae sub conditione promittuntur, definitio generalis.

6. L. Cum quidam, in pr. supr. de usur. explicatur.

1. Proponitur stipulatio, cuius de parte quaeritur, an valeat. Sic autem proponit Africanus. Huiusmodi stipulatio, inquit, interposita est: si Titius Consul factus fuerit, tum ex hac die in annos singulos decem dare spondes? post triennium extitit conditio. Quaerit, an huius temporis, idest, triennii praeteriti nomine agi possit. Hoc de una parte stipulationis recte quaerit; nemo enim dubitat, quin decem annua sub conditione recte promittantur, ut tunc incipiant deberi, cum conditio extiterit. In quo solum decem annua insequentis temporis promittuntur. Quae per se utiliter in stipulatum deducuntur, ea non minus promittantur utiliter, etsi adiectis praeteriti temporis decem annuis, una conceptione verborum promissa fuerint: quantumvis placeret stipulationem praeteriti temporis nomine esse inutilem. Quod enim adicitur inutiliter, placuit pro non adiecto haberi, et quod iure promitti potuit, peti posse, etiam in usuris. L. placuit, supr. de usur. et generaliter utilem stipulationem per inutilem non vitari. L. 1. §. pen. supr. Recte ergo solum quaerit, an eius praeteriti triennii nomine agi possit. Non quaerit autem id simpliciter, sed ita, ut dicat, an agi possit, non immerito dubitari. Nec quidquam adiecit praeterea ad causam eius dubitationis significandam. At quomobrem dubitatur; cum huius temporis nomine id deductum sit in stipulationem, quod natura potest praestari? Quid enim sunt de-

Tom. XI.

na singulorum trium annorum praecedentium, nisi triginta, si in unum colligantur? Haec triginta quandoque praestari posse nemo dubitat. Dices illis annis singulis decem debita non fuisse, cum nondum extitisset conditio stipulationis: absurdum esse ea exigi, quae non fuerint debita. Sed nihil ad rem pertinet, qua in causa fuerint ante, quam conditio existeret, si postquam extitit, debentur. Atqui si promissa sunt sub conditione, hac impleta debentur omnino, ut accidit in rebus sub conditione promissis omnibus. L. a Titio, infr. eod. nec vero ulla debendi causa est certior, quam stipulatio, §. de constituta, Inst. de act. Quid verbis opus est? ipsas etiam usuras annuas, vel mensuras constat sub conditione hoc modo promitti posse, ut si sua die sors soluta non erit, tum usurae praestentur non tantum ex eo tempore, quo conditio extitit, sed etiam ex die interpositae stipulationis. L. lecta, in fin. supr. si cert. pet. Idque in fructibus fundi certo die promissi, cuius fructus ex die interpositae stipulationis in stipulatum deducti essent, si fundus sua die datus non esset, ita probavit Paulus ibidem, ut praeteriti temporis fructus ita recte promitti extra omnem controversiam poneret. Si hoc in accessione recipitur; multo magis in re principaliter promissa, quae pro arbitrio contrahentium deberi potest, qualia sunt decem annua, recipiendum est. Cur ergo ait Africanus, an de his praeteriti temporis nomine

mine agi possit, non immerito dubitari? Et nulla esset dubitatio, si de ipsa pecunia precedentis temporis tantum quereretur. Sed eius dandæ tempus alienum, et quo dari non potest, adiectum videtur. Nam quæ sub conditione promissa est, ea videtur promitti dari ex hac die, idest, multo ante, quam conditio extiterit. Hæc adiectio temporis in proposito dubitationem

2 fecit. † Hanc enim stipulationem constabat olim esse inutilem, si Titius post hanc diem Consul factus fuerit, hodie dare spondes. §. item si quis, *Instit. de inut. stipul.* cuius generis illa esse videtur, quæ nunc proponitur. Etsi autem de illo genere stipulationis aliud constituit Iustinianus, cui placuit esse utilem. d. §. item si quis, tamen quia de sententia Africani nunc queritur, videndum est, quid illo iure stante ipse respondeat. † Ostendit nimirum propositam stipulationem non esse superiori similem. Nam in proposito eorum quidem annorum qui ante impletam conditionem intercesse-
runt, præstationem etiam in stipulationem deduci; sed in id tempus impletæ conditionis eam præstationem collatam intelligi. Idque ex eo evidenter apparet, quod decem annua promittuntur dari tum: quod verbum ad universam promissionem dandi refertur, significatque extremum illud tempus, quo Titius Consul factus fuerit, quod tempus ante positum erat. *L. 4. in fin. sup. de cond. et dem.* At enim additum est ex hac die. Nempe hæc verba ita accipi debent ex sententia contrahentium, ne pugnent cum eo, quod prius placuit; ut res sit in tuto. *L. quoties in stipulationibus, infr. L. ubi, sup. de reb. dub.* Sic ergo accipientur, ut referantur non ad id tempus, quo decem annua dari debent; sed ad id, cuius nomine dari debent; ut sit sententia hæc, quam Africanus dicit, ut scilicet de-na præstentur in singulos annos tunc quidem solum, cum Titius Consul factus fuerit; sed tamen ita, ut præstentur etiam habita ratione præteriti temporis, quod inter stipulationem interpositam et impletam conditionem intercessit. In summa ut præstetur pecunia eius temporis, non eo tempore. Sed hæc dicta sunt, ut sententia Africani hoc loco intelligatur. † Cæterum hodie nihil ista defensione est opus. Si quis enim quod stipulatur sub conditione, idem stipuletur ex hac die, etiamsi non addiderit articulum, tunc; imo vero etiam si non ex hac die, sed aperte et simpliciter hodie dixerit; tamen Iustinianus probavit stipulationem. d. §. item si quis, quæ constitutio, si auctoritatem constituentis spe-

ctamus, omnem dubitationem sustulit. Sin rationem et æquitatem iuris querimus, verendum est, ne illa in constitutione Iustiniani desideretur; ac proinde ne ab æquitate eandem nobis reliquerit dubitationem. Videtur enim constitisse ratio veteribus, cur statuerent superiorem stipulationem esse inutilem. Cur autem Iustinianus id mutaret, nullam fuisse: certe ille nullam reddidit. Sed ne hic etiam requiramus æquitatem constitutionis Iustiniani, utque hoc modo omnis hic dubitationis causa penitus tollatur, ven-erit alienum ab hoc loco paucis ostendere, quid veteres in illa sententia, quid Iustinianum in contraria moverit, ex quo etiam, quam recte constituerit Iustinianus, intelligitur. Cur illa stipulatio inutilis visa sit, si navis ex Asia eras venerit, hodie dare spondes, hæc ratio redditur apud Iustinianum in d. §. item si quis, quia præpostere concepta est. Et est ita omnino. Sed hæc ratio longius progreditur. Hoc enim elicit, ut videatur stipulatio continere id, quod natura, aut iure fieri non potest; conditione namque posita hoc agitur, ut prius quam illa exiterit, nihil debeatur, nihil detur: atque adeo iure deberi potest. His autem verbis hodie dare spondes, id agitur, ut hodie dari oporteat. Hoc vero ius non patitur; ut autem etiam dari oporteat, quod non debetur, idest, quod non oportet, ne natura quidem ipsa concedit. Nec vero dubium est, quin ita statui oportuerit, si in verbo, hodie, substitimus. Quod veteres fecerunt. Sed longius eundem est, et videndum, quid amplius velint, et in stipulatum deducant contrahentes: ac si stipulator aliis quoque diebus stipuletur dari, quibus recte dari potest, curandum, ut his dari debeat, inutilibus aliis reiectis: ut fiat scilicet, quod initio dixi, ut quæ inutiliter adiecta sunt, habeantur pro non adiectis; cætera integra servantur. d. *L. placuit, sup. de usur.* At qui stipulatur dari hodie, etsi verbo hoc tantum die stipulatur; sententia tamen eius est; ut detur quidem hodie si obtineri potest, sed ita, ut si hodie non datur, non minus detur aliis omnibus insequentibus diebus; iis maxime, qui eventum conditionis sequuntur, quibus res incipiet iure deberi. Idque ex eo intelligitur, quod si quis stipularetur simpliciter hodie sibi dari, vis hæc esset stipulationis, ut non tantum eo die dari deberet, sed perpetuo donec pecunia soluta esset. Nec aliud sentit promissor, cum hodie promittit. Hanc sententiam verborum secutus Iustinianus, et adhibita præterea superiore regula de inu-

tili-

tilibus reiiciendis, recte superiorem stipulationem recepit. Primum illud, *hodie*, ut inutiliter adiectum et contra naturam stipulationis conditionalis, pro non adiecto habuit dictante regula superiore. Quo fit, ut ea stipulatione de qua agitur non videatur tantum, ut ante impletam conditionem quidquam detur. Quod reliquum est temporis post conditionem impletam; eo tempore dari voluit, atque hactenus stipulationem valere: quia ut tum quoque daretur, stipulatione actum est, et ut actum est, ita potest præstari natura. Sublata est igitur, ut dixi, hac constitutione omnis
 5 dubitatio de proposita specie. † Ac iam sine hæsitatione illa de præstationibus annuis vel inestruis omnibus, quæ sub conditione promittantur, ita definiendum; Quoties hæ præstationes, ut decem annua usuræ annua, aut menstruæ, item fructus in stipulatum deducuntur, licere eas res ita stipulari sub conditione, ut simul stipulemur eas dari ex die interpositæ stipulationis. Quibuscunque autem verbis significetur id placere, stipulationis hanc vim esse, ut existente eius conditione non solum incipiant deberi sequentis temporis pensiones, sed etiam quæ præterierunt, statim debeantur, ac statim peti possint. Nec ad rem pertinere, quod præteriti temporis pensiones indebitæ fuerint, cum in stipulatum deductæ sunt. Ab initio enim in ea causa fuisse, ut sunt et res quævis aliæ sub conditione promissæ: sed post impletam conditionem incipere ex stipulatione recte deberi. Ne illud quidem officere stipulationi, quod de tempore comprehensum est, ut eius quoque totius temporis, quod stipulationem sequitur, et ante impletam conditionem intercedit, præstentur pensiones ex hac die. Hoc enim de tempore præsentis additum esse, non ut eo tempore præstarentur, sed ut intelligeretur hoc agi, ut præstarentur pro eo tempore; non nunc tamen, sed quandoque: cum scilicet dies dandi, seu obligationis venisset, id est, cum conditio extitisset. Hoc ius placuisse etiam veteribus, ut ex hoc loco apparet, et *L. lecta, in fin. si cert. pet. sed sine exceptione* tum confirmatum esse a Iustiniano, cum quocunque modo tempus, quod impletam conditionem antecedit, expressum esset, noluit stipulationi nocere. Ac si nihil obstat præterea præteriti temporis præstationibus in specie proposita, ius hoc in omnibus perpetuum esse necesse est, ita ut nec usuræ excipiantur, ut supra diximus, *d. L. lecta, in fin. si cert. pet.* † Opponitur ta-

men hæc sententiæ de usuris exemplum *L. cum quidam, supr. de usur.* nam cum quidam cavisset se quotannis quinquecentas usuras præstaturum, et si quo anno non solvisset, tunc totius pecuniæ quam mutuatus est, semisses soluturum, et redditus per aliquot annos usuris, mox stipulatio commissa esset: illic placet pro antecedente tempore usuras semisses non deberi, sed dumtaxat ex die cessationis. Sed in promptu ratio est: nam usuræ præteriti temporis in ea specie illicitæ sunt, ut non magis in ea deberi possint, quam aliæ quævis illicitæ, quæ simpliciter, aut solum ex die existentis conditionis in stipulatum deductæ essent; id quod rescriptum, quod illic refertur, satis declarat his verbis, *præsidem adi, qui stipulationem, de cuius iniquitate quæstus es, ad modum iustæ exactionis rediget.* At cur in ea specie usuræ præteriti temporis illicitæ, seu usurarum iniusta exactio, an quia promittuntur usuræ, res videlicet odiosa, et promittuntur pro antecedente tempore, quod debitor in mora non fuit? Sed huius quoque temporis usuras utiliter promitti Paulus auctor est *d. L. lecta*; idem qui et auctor est *d. L. cum quidam.* Nec quidquam in usuris minus licet dum eas nobis caveamus, quam in cæteris rebus, dum usuræ non excedant legitimum modum. An quod pro minoribus usuris, quæ initio promissæ erant, maiores postea ex cessatione promittuntur? Sed non est iniquum eas usuras ex eventu et cessatione debitoris sibi stipulari, quas statim ab initio stipulari licuisset. Ac si hæc iniqua conditio esset, in totum maiorum usurarum stipulatio esset inutilis, etiam eius temporis nomine, quod cessationem secutum esset. An ergo potius, quia usuræ promissæ sunt, non ob sortem solutam, ut fit in ea stipulatione, quæ proponitur in *d. L. lecta, in fin.* sed ob usuras minores non solutas? quasi quidquam ad rem pertineat, propter quam cessationem debitoris, usuræ aliqui per se et sine cessatione licitæ, illi infligantur: aut quasi minus æquum sit cessationem debitoris plecti ob pensiones usurarum iure debitærum sua die non solutas, quam ob sortem non solutam. Sed an non videmus etiam hac ratione admissa, item ut in superiore accidit, stipulationem istam: maiorum usurarum in totum improbari non tantum eius temporis nomine, quod cessationem antecessit, sed etiam eius quod sequitur? utrumvis enim tempus dederis, semper verum erit usuras promissas esse ob alias non solutas. Atqui de anteceden-

dente tempore solum quærimus: nam pro eo, quod sequitur cessationem, extra controversiam est stipulationem valere, et maiores usuras ex cessatione deberi. Quid ergo est? Et perspicuum est in specie proposita usuras maiores quatenus ex die cessationis promittuntur, promitti in id tempus, quo nullæ adhuc solutæ sunt, aut solvi debent. Maiores si præstantur solæ, quovis tempore licite promittuntur, quia legitimum modum non excedunt. Quatenus autem promittuntur in præteritum, eequid observamus promitti eas in id tempus, quo iam minores solutæ erant; itaque id agi stipulatione, ut pro eo tempore et minores iam acceptas retineat creditor, et nihilominus iuxta conventionem amplius totius sortis usuras semisses accipiat? et sane proponitur debitor per ali-

quot annos solvisse usuras minores; deinde cum aliquo anno desiisset solvere, commissa stipulatione conveniri in præteritum quoque, ut eius temporis nomine semisses præstet, ut cautum erat. Ex quo apparet eum, qui ita stipulatur, in præteritum tempus usuras binas stipulari, quæ conventio aperte iniuria est, et contra legem. Nam si usuras usurarum per leges stipulari non licet etiam tum, cum prior usura sua die soluta non est: *L. placuit, supr. de usur. L. ult. C. eod.* multo minus usuris alienius temporis recte solutis, licebit ob cessationem aliquam sequentem in id tempus alias usuras stipulari, non quæ sint priorum usurarum usuræ, idest, quantitate longe minores, sed quæ sint etiam maiores prioribus solutis.

Ad L. Quæ extrinsecus. 65.

Florentinus lib. VIII. Institutionum.

Quæ extrinsecus, et nihil ad præsentem actum pertinentia adieceris stipulationi, pro supervacuis habebuntur, nec vitiabunt obligationem: veluti si dicas, *Arma virumque cano, spondeo*: nihilo minus valet.

Sed et si in rei quæ promittitur, aut personæ appellatione varietur, non obesse placet. Nam stipulanti denarios, eiusdem quantitatis aureos spondendo obligaberis; et servo stipulanti Lucio domino suo, si Titio, qui idem sit, daturum te spondeas, obligaberis.

S U M M A R I A.

1. Stipulatio ob verba supervacua non vitiatur.
2. Congruentia responsi ad interrogatum quibus in rebus posita.

3. Stipulanti denarios, eiusdem quantitatis aureos spondens obligatur.

1 IN stipulatione ad interrogatum responderi oportet, et quidem congruere responsionem *L. 1. §. si stipulanti, et §. ult. supr. §. præterea, Inst. de inut. stip.* Id si in aliqua parte responsionis recte factum est, nihil nocet aliena quedam responsioni admiscuisse, et ad interrogatum nihil pertinentia. Non quod non sint ista inutilia; sed quia cum utilibus admixta sint, ea lex servanda sit, quam superiore capite dixi, ut quæ utiliter gesta sunt, maneant; quæ contra, pro supervacuis habeantur, neve utile unquam vicietur per aliud inutile. *L. 1. §. pen. supr. d. L. placuit, supr. de usur.* † Qua parte autem congruere responsum volumus, congruentiam intelligere debemus positam non in iisdem verbis, eademve lingua; sed in verborum sententia et significatione. Secundum quam si congruenter respondetur

ad interrogatum, satis est, de quo dixi ad *L. 1. §. si quis ita, et §. ult. supr.* Huiusmodi est, quod hic proponitur in extremo, si quis de re aliqua, aut persona certa certo nomine interrogatus, alio nomine de utroque respondeat, eandem tamen rem aut personam exprimente. Exemplum utriusque partis hic sunt addita. † In 3 quibus illud notandum est, quod si quis stipulanti denarios eiusdem quantitatis aureos spondeat, ait Florentinus eum obligari. Significans aureis nihil aliud contineri, nisi eos denarios, quibus singuli aurei æstimantur. Alioqui qui de denariis interrogatus de anreis eiusdem quantitatis, idest, æstimationis responderet, non idem videretur respondere, ac proinde non obligaretur. Hoc ego quoque cum aliis monendum putavi quia pertinet ad multas quæstiones explicandas, quæ in mutua pecunia-

cuius reddenda circa mutuum incidunt. Sed tantum monere satis fuit, ut notare-

tur locus. Ceterum de his alibi dicendum est. Scripsi ad L. 3. *supr.* si *cer. pet.*

Ad L. Si minor. 66.

Paulus libro III. ad legem Æliam Sentiam.

Si minor viginti annis a debitore suo stipuletur servum manumissurum, non est executio stipulationis danda. Sed si ipsorum viginti annorum erit, non impiedietur manumissio: quia de minore lex loquitur.

S U M M A R I A.

1. Lex Ælia Sentia quatenus minori 20. annis manumittere servum permittat.
2. Stipulatio, qua quis a minore servum manumitti stipulatur, est inutilis.
3. Minor, an servum alienum a domino manu-

mittere recte stipuletur, et qua in hac L. dubitandi ratio.

4. Executionem stipulationis non dari, quid.
5. Minor non est, qui annum 20. complevit, eoque recte manumittit.

1 **L**ex Ælia Sentia cavetur, ne minor viginti annis servum suum manumittat, nisi vindicta idque iusta causa manumissionis apud consilium prius approbata. §. eadem, *Instit. quib. ex caus. man. non lic.* Si quis contra hanc legem stipuletur, constat stipulationem nullius esse momenti. Quod ita fit, si stipuletur, quod
2 lex fieri prohibet. *L. si stipulor, supr.* † Itaque non debitareremus, quin stipulatio esset inutilis, si quis stipularetur a minore ipso servum manumitti. Aperte enim caveatur, ut ipse manumittat, id ipsum nimis
3 rum, quod lege fieri prohibetur. † Quod si a converso stipuletur minor servum alienum a domino manumitti; hic verba legis dubitationem afferunt, sit ne aliquid impedimento stipulationi. Non enim hic quidquam videtur fieri contra legem, ubi et alius manumittit, quam minor, et servum suum manumittit, non minoris: Et si stipuletur minor de servo alieno, cum neque ab eo datus esset manumissionis causa, neque illi deberetur, puto nihil dubii fore, quia stipulatio valeat. Nam neque hic manumittit minor, nec quidquam manumittitur ab alio, quod non dico sit minoris, sed etiam esse possit. Sed nec ea manumissio damosa est minori, quippe qui nihil eo facto decedat. Ac si verum amamus, prodest ei potius, certe ratam haberi eius interest, postquam, ut præclare scriptum est a Papiniano, beneficio affici hominem interest hominis. *L. si servus, supr. de ser. exp.* ut appareat nihil hic fieri neque contra legem, neque in fraudem legis. Non idem placuit, si aut minor servum dederit ea lege, ut manumitteretur, idque etiam stipulatione caverit; aut cum ei tantum deberetur, nec prius eius fuisset, sti-

pulatus sit a debitore servum manumissum iri. Prior stipulatio, seu conventio, multoque magis traditio improbat in *L. si minor, supr. de ser. exp.* quo referri debet *L. si quis quos, supr. de leg. 2.* Posterior hoc loco. Utraque quia contra legem: et ideo contra, quia in fraudem legis. Esi enim verbo non manumittit minor: utrobique tamen perinde habetur, quasi manumitteret, nec minus abest si servus ea manumissione, quam si ipse manumississet. Ita salvis verbis, fit quod lex fieri noluit; quæ definitio est eorum, quæ in fraudem legis sunt. *L. contra, et L. fraus, seq. supr. de legib.* Atqui is quidem qui servum tradit ea lege, ut manumittatur, aperte legem circumvevit: qui quia manumittere ipse non poterat per legem, ideo quæsit alienationis specie alium adhibet, per quem manumittat. Is manumittit, qui manumittit per alium. *L. 1. §. deiecitse, supr. unde vi, manumittit, qui manumissionis causam præbet, si modo cum qui manumittitur, per causam eius manumissionis amittat: quod in ea specie contingit. Qui autem stipulatur a debitore suo servum sibi debitum manumitti: is, si stipulatio valet, et servus manumittitur a debitore, ideo nihilominus quam superior, servum manumittere intelligitur, quia nihil interest, utrum servum iam suum factum alteri manumittendum quis tradat, an sibi debitum manumittendum permittat debitori. Nam et is intelligitur servum habere, qui ad eum consequendum actionem habuit. *L. is qui actione, infr. de reg. iur.* Denique solius minoris rem in ea manumissione versari, indicio est, quod debitor servum manumittendo perinde quasi solvisset, ita servo voluntate creditoris ma-*

nu-

numisso et sine culpa sua commerciis hominum exempto liberatur: *L. si servum, infr. eod.* minor autem liberato debitor actionem, quam prius habuit, et una cum actione servum, quem inde, consequi poterat, amittit. Ita in utroque aperte circumvenitur sententia legis, dum id fit, quod lex noluit, etiam si verbis non vetuit, quod cum accidit, non minus stipulatio habetur contra legem, nec minus improbat. *L. non dubium, C. de legib.* † Hoc est, quod Paulus de huiusmodi stipulatione hic scribit, non esse executionem stipulationis dandam. Executio non est danda, idest, nec minori actio quod servum non manumissum, nec debitori potestas manumittendi, ut servo manumisso liberatio contingat. Nam in actione, et solutione rei promissae versatur executio et effectus obligationis: Sic executionem obli-

gationis ab eodem Paulo nominari inter omnes constat in *L. in executione, infr. eod.* Referri autem hoc verbum non tantum ad actionem, sed etiam, et quidem praecipue, ad manumittendi potestatem, declarat adversativa sententia quae sequitur, *sed si*, inquit, *ipsorum viginti annorum erit, non impeditur manumissio*. Ergo hoc prius dicebat eam impediri. † Quod ait, 5 si minor erit ipsorum annorum viginti, non impediri manumissionem, id significat, quod apertius scriptum est in *L. 1. sup. de manum.* eum posse manumittere, qui annum vicesimum complevit: complevisse autem, qui diem supremum agit anni vicesimi. Quod utrobique hac ratione statuitur, quia lex de minore loquatur, quem vetet manumittere; ut autem additum est in *d. L. 1.* minor non est, qui annum complevit.

Ad *L. Illa stipulatio. 67.*

Ulpianus lib. 11. ad Edictum.

Illā stipulatio, Decem millia salva fore promittis? valet.

S U M M A R I U M.

1. *Stipulatio, Decem salva fore spondes, quid continet, et quatenus valet.*

1. **H**ÆC verba, *decem millia mihi salva fore spondes?* Hoc continent, ut mihi salva sint non tantum a te, sed etiam a quovis alio: quasi ita dictum esset, neque te, neque quemquam facturum, quo minus mihi salva sint. Hinc eadem dubitatio de hac specie, quæ de illa stipulatione, habere licere spondes? in *L. stipulatio ista, sup.* quippe ut in illa, sic in hac supra scriptis verbis promissor factum alienum promittere intelligitur. Id vero pro-

mittitur inutiliter. Sed ut illam, sic et hanc nihilominus valere placuit. Nempe hanc eadem ratione, qua et superior recepta est. Factum alienum inutiliter promittitur, ita est: atque hactenus fatendum est promissorem ex utraque stipulatione non obligari. Sed non eo minus valet stipulatio, quæ parte de se, et hereditibus suis promissor cavet. Hoc enim recte fit, atque hactenus stipulatio valebit.

Ad §. Eum, qui decem.

Eum qui decem dari sibi curari stipulatus sit, non posse decem petere: quoniam possit promissor eum locupletem dando liberari, Labeo air. Idque et Celsus libro sexto Digestorum refert.

S U M M A R I A.

1. *Promittens se, ut decem dentur, curaturum, ad quid teneatur.*
2. *Locuples quis dicatur.*
3. *Rei verbum hic quomodo accipiat.*

4. *Promittens se facturum, ut decem dentur, quatenus obligetur, et an ipse dare cogatur.* et n. 6.
5. *L. Si heres iussus, in princ. sup. de leg. 1. declaratur.*

1. **Q**UI se curaturum, ut decem dentur, spondet, non necesse habet ipse dare; quoniam id non promittit; sed ta-

men placet eum alterutrum præstare debere, ut aut det ipse, aut saltem eum locupletem det, qui ea promittat: cæterum hunc

huc dando liberari, ut et scriptum est hoc loco, et refertur pluribus verbis in *L. ult. §. ult. supr. si cert. pet.* Id vi verborum efficitur. His enim verbis, decem tibi dari curabo, cura quidem solum et diligentia promittitur; sed cura non inutilis, seu cura cum effectu, ut verba cum in legibus accipi solent; *L. 1. ver. hæc autem, supr. quod quis. iur. in al. stat. L. 5. supr. no quis eum, qui in ius vo. est.* Tum maxime in stipulationibus et contractibus; ne nihil videantur egisse contrahentes, *L. ubi, L. quoties in actionibus, supr. de reb. dub.* Hæc cura sic erit utilis, si eo usque processerit, ut certum efficiat eam pecuniam alium saltem datum. Quod ita fit, si promissor det eius pecuniam locupletem reum; a quo et pecunia peti possit, quia eam promiserit;

2 et cum re exigi, quia sit locuples. † Dicitur autem is locuples, qui sit locuples primum ex facultatibus, pro rei tamen de qua agitur, qualitate: tum ex convenienti facilitate. *L. 2. supr. qui sat. cog. L. 1. supr. in ius voc. ut cant. † De verbo rei,* rectissime sentiant, qui reum movent hoc loco accipiendum esse reum principalem, non fideiussorem. Nam pro eo, qui tantum debet reum locupletem dare, si fideiussor interveniat, non possit is obligari, ut decem det, de quibus dandis agitur, cum ea promissor non debuerit. Neque enim in aliam rem fideiussor obligari potest. *L. græce, §. si quis Stichum, infr. de fidei.* Dabitur igitur, reus principalis, qui promittat se datum decem non ante ab alio debita. Quippe quæ prior promissor non sponderit se datum, sed tantum se curaturum dari. Hic reus posterior a iuris auctoribus dicitur expromissor.

A *L. et eleganter, §. servus, supr. de dol. †* Quod de eo dictum est, qui promisit se curaturum decem dari, dubitatum est, num idem probandum esset et de eo, qui promisit se facturum, ut decem dentur. Et existimari potest idem hic quoque esse probandum. Quid enim inter hæc interest, curabo, ut decem tibi dentur; et, faciam, ut tibi dentur? Dices, curare esse, diligentiam adhibere; facere autem esse, perficere, ut re vera dentur. Hoc ad ista distinguenda non est satis: nam verbo curandi diximus quidem curam promitti, sed efficacem, et eam qua fiat, ut detur: at hoc non minus efficitur reum locupletem dando. Cur non ergo et in eo, qui promisit se facturum, ut decem dentur, stipulationem se accipimus, ut facere quidem debeat promissor quo dentur, non tamen uti-

que a se, sed ab alio, quem det eius summæ expromissorem? Nam ut hunc statuamus omnino cogi dare, nihil nos iuvare potest, quod apud Iustinianum scriptum est, si quis se effecturum promittat, ut alius det, promissorem obligari, *§. si quis alium, Inst. de inut. stip.* Concedimus enim facere hic valere idem, quod efficere; volumus eum, qui promisit se facturum, ut decem dentur, obligari, ut illic scriptum est. Sed de eo non agitur: Quæritur, quatenus obligetur, et an ipse cogatur dare, quod ex superiore loco nullo modo efficitur: nam et eum, qui promisit se curaturum, ut detur, obligari placet; neque eo minus rerum locupletem dando, eum liberari dicimus. † Sed et illud, 5 quod de suprema voluntate scriptum est in *L. si heres iussus, supr. de leg. 1.* Non videatur prima fronte esse satis. Si, inquit Caius, heres iussus sit facere, ut Lucius centum habeat, (id est, ut centum ei dentur: sic enim habebit; si ei dentur) cogendus est heres centum dare. Si nihil, inquam, addiciatur amplius, dici potest statui hoc prolixius favore supremæ voluntatis, dictante hoc regula iuris, qua efficitur in testamentis plenius voluntates testantium interpretandas *L. in testamentis, infr. de reg. iur.* Sed verius est, quod et vulgo probatur, quod de eo herede responsum est, qui iussus est facere, ut Lucio centum dentur, admittendum esse et in stipulatione de eo, qui idem se facturum promisit: ut et hic minime cogendus sit dare, nec liberetur idoneum expromissorem dando. Itaque dissimilem esse illi, qui se promisit idem curaturum. Idque declaratur satis in *d. L. si heres iussus*, non eo quod heres ad id faciendum obligatus fuit, a quo videri potuit distare promissor: sed ea ratione, quæ illic est addita. *Cogendus est heres*, inquit Caius, centum dare, quia nemo facere potest, ut ego habeam centum nisi mihi dederit. Ratio est ex significatione verborum ducta, ad omnem pertinentens, qui in id obligatus est, ut faciat, ut mihi centum dentur, sive ut ego centum habeam; et maxime si se aliquis in hæc verba obligavit. Sed cur hæc verba aut in herede aut in promissore se accipimus, ut Caius scribit? neque enim videntur ista esse eadem, faciam, ut tibi decem centum; et, faciam, ut tibi centum dentur; cum possint centum tibi dari, et tamen recte dari ab alio? An quod verbum facere dandi causam continet? sic enim traditur in *L. verbum facere, infr. de ver. sig.* Sed cur non ista ratione dicimus eum, qui promisit se facturum, ut centum den-

tur,

*image
not
available*

cit, si dicatur stipulatio esse utilis; cum possit ex utili quoque stipulatione esse incerti conditio) sed ut animadvertis pœnæ adiectæ commodis; quæ non sint in faciendi stipulatione, discimus cum quid fieri stipulamur, quanti referat pœnam edicere, si nobis recte cautum volumus. Scio rem esse certi iuris, ex stipulatione certe certi conditionem competere, ex incerta conditionem ex stipulatu, seu incerti. *Inst. eod. in princ. l. ult. supr. si quis in ius voc. non ier.* sed hoc dico, cum Paulus definit pœnæ stipulationem certam esse et utilem, ex verbo utilis perspicuum esse longe aliam commoditatem in hac stipulatione eum spectare, quam certi conditionis. Nec video omnino, quemadmodum nunc habitura sit distinctio hic tradita, nisi et eam diligentem nobis cavendi, quam querimus, referatur. Sed cur laboramus? Sive enim eo spectavit Paulus, sive alio, tamen hic ea dicit de utraque stipulatione, quæ si recte et plane explicantur, illius ipsius cautionis veterum rationem continent, non tantum eandem, quæ redditur, in *d. §. ult. Inst. eod. et d. l. ult. infr. de præst. stipul.* sed etiam ex parte certiorum: cum in illis dicatur tantum de incertitudine stipulationis faciendi, nihil aperte de pœnæ stipulatione: hic de utraque, ac de posteriore maxime. Id ergo agamus, quod verbe continent; tum ultro etiam, quod de commoditate pœnæ subficienda veteres præcipiunt, consequetur. † Ergo ut a stipulatione faciendi ordinarum, e quæ hæc omnis questio de pœnæ stipulatione subficienda nascitur: *faciendi*, inquit Paulus, *incerta est stipulatio: quia id venit in stipulationem, quod mea interest.* Mitto quæverere hoc loco, an verum sit venire in faciendi stipulationem id, quod interest. De quo dicam paulo post commodius ad *L. stipulationes non dividuntur, vers. Celsus.* Nunc summam pro confesso, quod hic traditur; et verissimum est, id venire, et stipulatione contineri. In quam sententiam consentiant et alii loci complures: ut *L. quoties quis*, 81. *L. si quis stipulatus*, §. ult. *infr. §. ult. Inst. eod.* Hoc querendum est; quod est proprium huius loci, quomodo hæc recte efficiatur, stipulationem faciendi esse incertam. Id vero fit ideo, quia id quod interest, est incertum. *d. l. ult. supr. si quis in ius voc.* quod et Paulus vult intelligi. Neque enim rei certæ incerte esse potest stipulatio. At re incerte constituta recte colligit incertam quoque esse stipulationem. † Ut enim res sunt, quæ in stipulatum deducuntur, dividuæ

aut individua, certæ aut incertæ, ita est et stipulatio. *L. stipulationes non, in princ. l. ubi*, §. *illud*, §. *qui vero infr. eod.* † At cur id quod interest, incertum potius, quam ulla alia res quævis, quæ in stipulationem deducitur? quis pendet ex facto, cuius facti eventus est incertus. Quod declarat definitio eius quod interest. † Sic enim definitur, ut sit quod nobis abest, quodque lucrari potuimus. *L. si commissi, infr. rem rat. hab.* Ut ergo quid nostris intersit, hinc pendet, si quid æmissum ob id quod factum non est, quod fieri debuit; aut si quid lucrari potuimus, si factum esset, quod promissum est, quod quia factum non est, lucrati non sumus. Atqui hoc totum incertum est, quod hic amittamus, aut non lucrermur; fierique potest, ut si non fiat, quod promissum est alias plus, alias minus amittamus; interdum etiam ut nihil. Secundum quæ eadem quoque eius quod interest, æstimatio sit, necesse est. *L. si quis ab alio, in princ. d. l. si quis stipulatus*, §. ult. *infr.* † Inde dictum est. Quatenus cuiusque intersit, in facto, non iure consistit. *L. quatenus, infr. de reg. iur.* In facto consistit, idest, ex facto pendet, quod tam potest non existere, quam existere, ut ostendi. Non consistit in iure, idest, in iuris definitione, quemadmodum nec eorum quidquam quæ facti esse, et ex facto pendere dicuntur: propterea quod, quæ ex eventu incerto pendunt, cum natura homines etiam prudentissimos fagiant, sunt eiusmodi, ut quemadmodum nulla hominum prudentis, sic nec ulla iuris, quod ab hominibus est, definitione comprehendere possint. In hac causa dicuntur esse res facti omnes in *L. mora, supr. de usur.* ubi contra ea quæ certa iuris vel auctorum constitutione decidi possunt, dicuntur esse iuris; quod supra dicebamus in iure consistere. † Neque vero facti incertitudo in eventu est tantum, sed in eo, quod potest factum non existere; sed etiam in eo, quod etsi extiterit nascere, tamen difficile potest probari: neque enim facilia probata sunt hæc, habuisse nos aliquid, et propter cessationem aut factum promissoris æmississe; item nos aliquid lucrari potuisse facere si factum esset, quod debuit, et quis factum non sit, ideo id lucrum nos non fecisse. Hinc eius quod interest, itidem ut facti, in quo consistit, incertitudo duplex, totidemque incommoda proposita ei, qui persequitur id quod interest, idest, ei, qui solum stipulatus est sibi quid fieri, aut non fieri, nulle

8 adiecta pœna. † Unum in eventu; quo fit, ut quoniam non semper intersit stipulantis, aut minoris intersit, quam velit, ideo his casibus stipulatio faciendi constitatur ei aut plane inutilis, aut minus utilis. Alterum in rei probatione; quo fit, ut quia id quod vere interest, non facile potest probari, idcirco si non probatur, nihil prosit stipulatio, non magis quam si nihil interesset. Sin probari potest; tamen efficiatur stipulanti persecutio anceps et difficilis. Notata sunt hæc incommoda duo in stipulatione faciendi ex incertitudine eius quod interest nascentia, in §. ult. *Inst. eod.* cum illic in hoc genere stipulationum iubetur pœna adici, *ne quantitas stipulationis in incerto sit, ac necesse sit actori probare, quod eius intersit.* His enim verbis significatur pœna detracta utrumque hoc incommodum existere in stipulatione faciendi, et quod quantitas eius stipulationis incerta sit (est autem hæc quantitas, id quod interest, quod in pecunia consistit. *L. stipulationes non, ver. Celsus, infr.* et in stipulationem ipsam deducitur, ut hic traditur, ut merito dicatur quantitas stipulationis, idest, quantitas stipulatione comprehensa) quod, inquam, hæc quantitas sit incerta, idest, re ipsa et eventu incerta, quia fieri possit, ut nihil intersit; et quod etiam si quid intersit re vera, tamen necesse sit id probare, aliqui nihil queat exigi. *L. unica, C. de sent. quæ pro eo quod int. prof.* id autem probare plerumque est difficile. Quam ob causam etiam accidere dicitur in *d. L. ult. infr. de præst. stip.* ut ad exiguum summam deducatur; dum scilicet id omne, quod in facto est, probare non possumus. Huic incertitudini stipulationis, eiusque incertitudinis incommodis si qua stipulatione occurrî potest, nemo non fatebitur optimum esse hanc adiciere, quoties ut quid fiat, nobis cavere volumus, id vero nobis præstat pœnæ stipulatio. Ex quo est, quod veteres tam diligentes præcipiant, ut hæc subiiciatur faciendi stipulationibus. Huc spectat Paulus hoc loco, cum pœnæ stipulationem cum altero genere conferens, hanc dicit certam esse, et utilem. † Certa est adversus utramque partem incertitudinis, quam motuinus in stipulatione faciendi. Nam et a re ipsa certa est, et a probatione. A re, quia quantitas certa verbis ipsis stipulationis comprehensa est, non in incertum eventum collata. A probatione, quia si de stipulatione ipsa doceri potest, non est alia probatione opus, ut probetur quid conti-

neat; cum ipsa se ostendat, quid completur; id autem, ut dixi, conceptione ipsa certum est. Utilis dicitur, non eo, ut intelligatur eam ab initio utiliter interponi (nam et facti stipulatio ab initio interponitur utiliter: quam tamen hoc loco propositum est Paulo a stipulatione pœnæ separare. Tum autem cur dubitarem in re privata et nec illucita, an pœnam nobis cavere possemus stipulando? aut si dubitarem, cur magis id fieret in pœnæ stipulatione, quam dubitamus, an liceat nobis stipulari, ut quid fiat, aut non fiat?) Sed hæc adiectio eo pertinet, ut statuatur hic quoque quod sit proprium pœnæ stipulationis, et quo illa differat a posteriore. Et omnino res ita est. Pœnæ stipulatio, si conditio existit, semper est utilis, et ab initio, et postea: facti stipulatio non semper. Pœnæ enim stipulatione semel commissæ; quod sit si factum non sit, quod debuit, aut adversus ea de quibus cautum est, ne fierent, factum sit; §. ult. *Inst. eod.* pœna semper debetur, sive stipulantis intersit, sive non intersit. *L. stipulatio ista, §. alteri, supr. eod.* Nec periculum est, ne cum ea debebitur, non facile eam probaturi simus nobis deberi, proposita stipulatione. Ita dum stipulatio exstabit, hæc semper erit utilis, et qua id quod stipulati sumus, omnimodo possumus consequi. † Non est in eadem causa facti stipulatio. Nam cum in eam veniat solum id quod interest, multis de causis accidit, ut id consequi non possumus. Alias nihil interest, ut non sit hic res, quæ debeatur: alias quod interest, probare non licet, ut supra diximus. Ac totidem modis evenit, ut ea stipulatio sit inutilis. Bene igitur Paulus, cum duas istas stipulationes hoc loco invicem opponeret, stipulationem pœnæ et stipulationem faciendi; inter cætera stipulationis pœnæ propria hanc dixit esse utilem; quo non idem de altera dici posse significaret. Revera enim uon idem de ea dici potest. Non quod nunquam sit utilis, sed quia non semper, ut dixi. His de utraque stipulatione intellectis, quam sit consultum faciendi stipulationibus pœnam subiicere, etiam nobis tacentibus apparet. Quod attinet ad speciem stipulationis, cuius exemplo Paulus hic utitur, *pecuniam te mihi crediturum spondes*: non est dubitandum, quin sit stipulatio, qualem hic proponi dicit: idest, quæ in faciendo versetur, ac sub una specie de toto genere earum stipulationum respondeat. Etsi enim de eo ille nihil nominatim exprimit: tamen ex eo satis colligitur, quod incertam stipulationem esse dicit, et in eam venire id, quod inter-

terest. Sunt enim hae propria faciendi obligationis. † Quae in dando est, certa est; nec in eam aliud venit, quam res et pecunia certa, quae nominatim comprehensa est verbis stipulationis. *L. ubi. §. ult. infr.*

12 eod. † Sed tamen de eo potest dubitari, an recte Paulus eam stipulationem faciendi esse statuat, ac non potius contraria ei tribui debeat, quasi sit dandi. Nam. hio ut alibi saepe, credere pecuniam est, mutuum dare. *L. rogasti. L. singularia. supr. si cert. pet. L. 1. supr. de S. C. Maced.* Non est autem mutuum, nisi cum pecunia datur, et fit accipienti. *L. 2. §. appellata. supr. si cert. pet. Inst. quib. mod. re cont. ob. in princ.* Et incontinenter dicendum est mutuum in dando non consistere, sed in usu solum pecuniae transferendo, si ve quod pecuniae in mutuo non proprie intelligatur dari; si ve quod si detur, non tamen eam datorem spectare debeamus, sed

13 id quod fit principaliter. † Iam primum in mutuo non proprie pecuniam dari dixeris. Quippe non sic datur, ut maneat, sed ut restituatur. Id demum vere dari intelligitur, quod est mansurum, inest enim in dando capere: siquidem non est datio sine accipiente. Non videtur autem capere quisquam, qui restituere cogitur vel ei, unde accipitur, vel alii. *L. aliud est capere. infr. de verb. sig. L. non videtur quisquam. infr. de regi. iur.* Hinc illa pertinent ex *L. qui sic. infr. de sol. qui sic solvit*, ut reciparet, non liberatur: quemadmodum non alienantur nummi, qui sic dantur, ut recipiantur. Sed ut dederimus pecuniam proprie dari in mutuo: non ideo tamen consequens est id in dando consistere, ac non in faciendo. Non enim sic datur pecunia mutua, ut dominium eius transferatur; sed ideo dominium transferatur, ut accipienti ea uti liceat, cuius usus solius causa mutuum est comparatum. Nec aliud est mutuum, quam utendum datum: si modo datum consistat in pecunia, et similibus rebus, quae usu consumuntur. *L. certi. §. ult. L. rogasti. supr. si cert. pet.* Quod si usus pecuniae in mutuo transferri posset dominio non translato, domicilii translatio non desideraretur, non magis quam in commodato. Nunc autem neque pecunia, neque similibus rebus uti quisquam potest iure, nisi sit dominus. Solum enim domicilium est rem consumere utendo. Ideo in his rebus receptum est, ut quoties de eorum usu transferendo agitur, nonquam id eliter fiat, nisi domicilium in accipientem prius translato. Nem hoc ita constitutum esse scimus, cum istarum rerum usufructus, vel usus legatus

est. *§. constituitur. Inst. de usufr. L. 1. et 2. L. vini. supr. de usufruct. nar. rer. quae us. cont.* quod similiter et in mutuo fieri intelligendum est. Est ergo mutuum dare, ut dixi, nihil aliud, nisi utendum dare. Sed quia ita pecunia nemo potest, nisi dominus, ideoque usus transferendi causae res ita datur, ut fiat accipientis. Proinde huius usum in mutuo solum spectare debemus. Est enim is initium et causa contractus, utpote ad quam cetera, quae fiunt in hoc contractu, referuntur. Recte placuit uniuscuiusque contractus initium spectandum, et causam. *L. si procuratorem. in princ. supr. mand. utpote quod principaliter fit, non quod per consequentiam. erg. in L. 1. supr. de auct. tut.* Postremo ex hoc usu propter quem dominium transferatur, ita res tota aestimanda est ut in usufructu atque usu earum rerum, quae usu consumuntur, fieri videmus. In quo quamvis proprietates transferatur in accipientem; tamen quia transferatur solum utendum, non proprietates ea datione et eo quasi contractu contineri dicitur, sed usus solum, et usufructus. Restat igitur, ut quae stipulatio in proposito in dando non est, ea intelligatur esse in faciendo: ac proinde recte dicatur venire in eam id quod interest, eoque etiam esse incertam.

† Sed quid potest interesse stipulatoris pecuniam credi, cum etiam si acceperit, tamen eam restituere debeat, et quidem statim si obligationem spectamus? nam qui mutuum accipit hoc ipso, statim ed id restituendum re obligatur. *Inst. quib. mod. re cont. obl.* Recte hoc quaeretur, si pecunia ex mutuo debita statim extorqueri posset, aut iudicio exigi. Sed neque semper repetitur statim; et si repetatur iudicio, tamen contenti tempus dator a Magistrato ad solvendum idem quod etiam post condemnationem reis indultum est *L. si debitori. supr. de iud.* Hae mora etque interusurum quantivis temporis setis est ad eos fructus percipiendos, quos ex pecunia usu quaerere solemus. Licet enim interim pecuniam creditori solvere ad evitandam vel penam, vel pignorum distractionem. Licet merces interim emere, et hinc lucrum facere, si quae negotiari soleat, et per id tempus eo in loco sit, ubi merces veneant; haec sunt utilitates et similes, quibus continetur id quod interest. *L. 2. §. ult. supr. de eo quod cer. loc.* quas easdem ob eam causam in stipulationem propositam venire dicimus, quia venit in eam id quod interest. Quod tamen cum dicitur, non sic accipiendum est, quasi

si quid istarum utilitatum amiserit stipulator pecunia non accepta, quod consequi potuisset, si pecuniam accepisset, id semper ei præstandum sit: sed ita, ut sit præstandum, si constabit id actum fuisse, ut pecunia crederetur in eam causam, in qua damnum cotigit. Ut puta, præstabitur stipulatori damnum, quod contingit ob penam commissam, aut pignora eius distracta, si actum fuerit, ut pecunia in eam causam crederetur, quo ipse solveret creditoribus. Quod ita actum intelligitur, non tantum si stipulatione comprehensum fuerit: sed etiam si cum is qui obnoxius erat ari alieno, pecuniam in alicuius debiti exsolutionem quaereret, exstiterit, qui polliceretur se in eam rem crediturum, et deinde se id facturum stipulanti cavarit. Idem est, si cum quis quaereret pecuniam ad insulam reficiendam, aut merces opportuno tempore emendas, aliqua se crediturum promiserit, et stipulator ob pecuniam non creditam aliquid detrimenti in insula sit passus, aut in mercibus aliquid lucri non fecerit. Quæ sententia recte defenditur exemplo aini, cui pecunia certo loco dari promissa est: in qua specie propter locum, in quem conventioni contrahentium solutio collata est,

placet rationem haberi utilitatis eius, quæ eo loco esset futura, si stipulator pecuniam ibi accepisset, d. l. 2. §. ult. de eo quod cer. loc. † Caterum si quis nullo designato usu ad quem pecuniam destinaret, simpliciter et infinite stipulatus sit sibi pecuniam credi: quodcumque damnum passus fuerit postea pecunia non accepta, ob id quod pecuniam non habuit, non tamen id æstimabitur adversus debitorem, ut in re simili probat Paulus in l. si sterilis, §. cum per venditorem, supr. de act. em. Et merito: non enim magis dici potest id contigisse, quia hanc pecuniam de qua agit stipulator non habuerit, quam quia alicui quamlibet vel a se, vel ab alio non habuerit. † Nec obstat, quod hic absolute dicitur venire in hanc stipulationem id, quod mea interest. Semper enim his verbis intelligitur utilitas eius, quod fieri debuit, propria: ut dici possit si quid damni ob cessationem promissoris stipulator senserit, ob id solum contigisse, quia quod ille promiserat, non fecerit. Quod totum cuiusmodi sit, ex iis cognosci potest: quæ pluribus in harum utilitatem æstimationem disserui in Libro de eo, quod interest, capite penultimo.

Ad L. Si homo. 69.

Ulpianus libro VII. ad Edictum.

Si homo mortuus sisti non potest, nec pena rei impossibilis committitur: quemadmodum si quis Stichum mortuum dari sibi stipulatus, si datus non esset, penam stipuletur.

SUMMARIA.

1. Mortuum hominem dari, aut mortuum sisti interdicitur stipulatur.
2. Porro, an homo mortuus datus aut status esset, promissa, an valeat stipulatio.
3. Stipulatio penæ in proposito, cur inutilis, et n. 5, 8.
4. Stipulatio per se utilis per aliam inutilem non sistitur.

5. Pena rei impossibilis nomine promissa per se ipsa est impossibilis.
6. Pena quid.
7. §. ult. Inst. de legi. declaratur.
8. Definitioem huius L. de pena rei impossibilis non committenda, si homo mortuus sisti non possit, generalem esse.

1. **UT** mortuum hominem dari stipulari non possumus, sic nec mortuum sisti, utraque enim stipulatione res impossibilis continetur: altera, quod dari; altera, quod fieri natura non potest. Cuiusmodi stipulationes nullius momenti esse constat. l. si stipulor, supr. eod. Inst. de inut. stip. in prin. Quid, si alterutrum stipuletur tamen, et nisi homo mortuus datus, aut status esset, stipuletur penam? hic de penæ stipulatione quaesita est, an non hæc saltem valeat. Et cur non valeat, dixerit

aliquis? nihil enim impossibile hic promitti videtur, ut dicendum sit subdita causa, propter quam prior stipulatio inutilis asti: ius in penam inverti debuisset. Negat tamen Ulpianus, et ita definit nec penam rei impossibilis committi: rei impossibilis penam vocans, non quæ rem impossibilem contineat, sed quæ rei impossibilis nomine promissa sit. † Cor ita statuat non immerito dubitatur. Nam si penæ stipulatio impossibili stipulationi subiecta non valet, necesse est aut causam esse in priore stipulatione.

letiam, cuius inutilitas eum trahat etiam penalem stipulationem, aut esse in ipsa stipulationis pensali, de qua quaeritur, quae et ipsa suo vitio lidem laborat. Nisi enim quid obstat stipulationi, cum eam interpositam esse constat, sine dubio iure publico suam vim habebit. §. *de constituta, Inst. de act.* Atqui cum utrobique huius rei causam quaeramus, neutrobi facile reperiss. Illud quidem principio in hac re mihi constitutum esse debere videtur, non ideo in proposito stipulationem penae esse inutilem, quia priori inutili, quamvis impossibili adiciatur, quasi solum prioris vitium huic onestet. Id enim non slier fieri potest, quam si penae stipulatio pendeat ex priore, eiusque sit accessio. Nam si sit; recte dicatur priore non consistente, na accessioni quidam locum esse posse. *L. cum principalis, infr. de reg. iur. L. 2. sup. de pec. leg.* Si non sit; §. *semper illud tenendum est, nunquam nam stipulationem quae per se utilis esse potuerit, per aliam inutilem vitari. L. 1. §. pen. sup. eod.* At penalis stipulatio prioris stipulationis, cui subiicitur, accessio sit sequens non est. Alioqui dicendum esset, ubiqueque prior esset inutilis, toties nec penalem stipulationem consistere. Quod non ita est. Nam si quis stipulanti mihi promiserit se Titin daturum, et si non dedisset, penam; constat prioris stipulationem, quae stipulanti sieri, inutilem esse; ac nihilominus penae stipulationem antiter adhiberi. *L. stipulatio ista, §. alteri, sup. eod.* Non ergo penae stipulatio pendet ex priore, non eius accessio

5 est. §. Nec sane in hac questione ad istas species distinguendas quidquam ad rem facit, quod in superiore specie prior stipulatio rei possibilis stipulatio est; in hac specie, quam tractamus, prior stipulatio rei impossibilis. Satis est enim ad id, de quo nunc quaerimus, si prior utraque pariter est inutilis; quamvis non pariter utraque impossibilis. Hoc enim posito consequens est, quod volumus, penalem stipulationem non esse accessionem seu sequentiam prioris; postquam constat aliquando accidere, ut priore non consistente, tamen penae subiecta committatur. Quod ni stiterimus ista esse, non effugiemus omnino, quod et contra naturam accessionum hic facere, et simul pignantis statuere videretur, si prior stipulatio inutili constituta, pensalam, id est, accessionem aliquando valere dixerimus, aliquando non valere. Restat ergo, ut si quid obstat in proposito stipulationi penali, id sit in stipulatione ipsa, quam inutilem esse volumus, non

in priore. At hoc agit arduitas, quod ne hic quidem ullum vitium in stipulatione astia occurrit. Nam id si quod est, aut in re sit, oportet, quae in stipulatum deducitur, aut in fine dsudi, aut in conditione stipulationis, aut in consensu contrahentium; posteaquam hic neque de personis stipulantis et promittentis dubitatur, neque de conceptione stipulationis. Res quae promittitur, est quantitas; seu summa certae pecuniae, quae natura et iure recte dari potest. Cuius generis res utiliter in stipulatum deducuntur. *L. si stipulor, sup.* Finis dandi non turpis, ut qui hic dicat turpem stipulationem non valere. *L. generaliter, sup. eod.* sed ut sibi quis acquirat, non ullius maleficii aut praeteriti remunerandi; aut futuri invitandi causa. Condicio haec penalis stipulationis, si homo mortuus datus, stans non erit, non modo non est impossibilis, ut hac de causa reiciatur stipulatio; sed est etiam necessaria; atque huiusmodi stipulationes, si nihil aliud obstat, placet statim valere. *L. 7. sup. eod.* Sunt ergo, qui putent vitium in eo esse, quod desit in pena rei impossibilis contrahentium consensus. Defendi hoc potest in iis contrahentibus qui hominem, quem dari, aut eisti stipulenter, mortuum esse ignorent. Hi enim rem opinione sua possibilem in stipulatum deducendo, in eam, quae talis esset, obligationem contrahi voluerunt. Ut si impossibilis reperitur postea, sit contra eorum sententiam quidquam praestari, arg. *L. non omnis, sup. si cert. pet.* At si dederis eos, qui sciunt hominem esse mortuum, si uni stipulanti alter promittit eum hominem sieri, ac nisi stiterit, centum; quomodo hegemus, consensisse eos, ut centum praestarentur, si homo quamvis mortuus status non esset; quomodo tam aperte id illis sensisse apparent? Dices; sciebant hominem mortuum non posse sieri, et ideo credibile est hanc esse eorum cogitationem, ut nihil, agi esistimant in ea re, quam sciant esse impossibilem. *L. non solum, sup. pro. tit.* Hoc sed centum promissi, nihil pertinet; haec enim astuta praestari poterunt, si homo atque non esset, idque ipsam sciebant contrahentes non tantum eventurum postea, sed etiam iam tum, cum contrahabant, evenisse: Ita quia res possibilis et sub conditione non tantum possibilis, sed etiam necessaria promittebatur, ideo contraria de causa praestari voluerunt. Omninoque haec stipulatio, si hominem mortuum non dederis, non stiteris, centum dabis? similis est illi, si caelum digito non teigeris, centum dabis? Utrouque eni-

conditio inserta est negatione detracta impossibilis. Constat autem posteriorem stipulationem sic esse acceptam, ut valeret, et praesens esset; *d. L. 7. sup. eod.* quod fieri non potuit, nisi in summam ea stipulatione comprehensam contrahentes consenserint. Cum his rebus declaratur stipulationi isti penali, de qua agimus, nihil facile oblici posse; tum vero ex iisdem illis licere videtur ea sumere, quibus ultro probetur poenam rei impossibili subiectam nihilominus deberi. Nam primum si poena stipulationi aliqui inutili subiecta committi potest, ut cum stipulor alteri dari, et nisi detur, poenam: cur non sit consequens etiam poenam impossibili stipulationi subiectam recte promitti? Quid enim amplius efficit ista impossibilitas stipulationis, quam ut stipulatio sit inutilis? Et ut aliquid efficeret amplius, quod fieri non potest: tamen iam supra effectum est, cum de vi penalisi stipulationis quaeritur, nihil referre, qualis sit prior stipulatio, utpote ex qua penalisi non pendeat; sed qualis sit ipsa stipulatio penalisi. Porro quae impossibili stipulationi subicitur poenae stipulatio, satis hoc quoque supra demonstratum videtur eam esse huiusmodi, quae rem non impossibilem continet. Iam et illam stipulationem valere constat, si in caelum non ascenderis, decem dabis? *d. L. 7. sup. eod.* Si illa recipitur, et hanc quoque valere oportet, si mortuum non dederis, decem dabis? quoniam utrobique eadem conditio est. Ut enim certum est promissorem in caelum non posse ascendere, quae res facit ut conditionis eventus sit necessarius: sic et illud non minus certum, mortuum dari; aut sibi non posse. Et disseruntur haec omnia verissime adversus stipulationem poenae propositam, nisi eam ipsam per se vitiosam esse statuerimus; cuiusmodi eam esse fatendum est. Sed vitium quaeritur. Et si quantitatem in ea non simpliciter ut quantitatem spectamus, sed ut poenam, qualis promittitur, vitium non est admodum obscurum. † Sic habendum est: Quaecumque rei impossibilis poena est idest rei impossibilis nomine promissa, ea per se ipsa est impossibilis; ut non sit mirum, si eodem vitio laborans poenae stipulatio pariter cum priore non consistat. At enim certum est quantitatem certam poenae stipulatione contineri. *L. stipulatio ista, §. alteri, sup. eod.* nec minus certum est eam summam natura dari posse. Ita est. Sed animadvertendum est decem, quae hac stipulatione promittuntur, non simpliciter promitti, sed ut poenam. Promittuntur enim

poenae nomine, hoc ipso quod promittuntur coerendi promissoris causa, si quod prius promiserat, non fecerit. *§. ult. Inst. de leg. et ideo* naitate haec quantitas appellatur poena, ut hoc loco, et *L. stipulatio ista, §. alteri, infr. §. ult. Inst. eod. et passim.* Decem poenae nomine promissa, si ut impossibile quid fiat, promittuntur, sive hac conditione, si quis id quod impossibile promiserat, non fecerit; ut decem natura praestari possunt: ut poena non possunt. † Sciendum est enim poenam esse noxae et delicti vindictam, nec ullam poenam esse sine fraude, idest, delicto. *L. aliud est fraus, infr. de ver. sig.* Proinde et in proposito nullam poenam esse posse, ubi non sit delictum in eo, quod facere debuimus. Nullum autem delictum, ac ne culpa quidem esse potest promissaris, ubi non praestitit, quod natura etiam si vellet, praestare non potuit. Quare nec in eo adversus eam nulla poena natura intelligi potest. Quae sententia confirmatur in *L. in testamento, 27. et L. 6. sup. de cond. et dem.* Hoc intellecto, eadem opera et de his responsum est, quae supra adversari videbantur. † Concedo igitur poenam inutili stipulationi additam valere; sed hac conditione, dum ne sit ipsa poenae stipulatio impossibilis, aut alio aliquo vitio in se laboret. Qualem non esse constat, cum stipulor alteri dari, et nisi dederis, poenam. Nunc autem quae proponitur rei impossibilis poena, eadem ipsa et per se est impossibilis, ut ostendi. Non nego etiam his stipulationes, si in caelum non ascenderis, decem dabis? et, si mortuum non dederis, decem dabis? conceptione esse similes, eandemque vim habere, si solae inter se comparentur. Itaque ut illam, sic et hanc utilem, et praesentem esse concedo. Sed hac lege si ambae solae sint, nec incipiant a praecedente faciendi stipulatione, ut de priore scriptum est in *d. L. 7. sup. eod.* Sic enim fit, ut decem quae sola promittuntur, non modo non sint poena rei impossibilis, sed ne poena quidem ullius rei; cum ante nulla res sit promissa. Nam si poena est, ut dixi, delicti vindicta, ac nullum delictum promissoris esse potest, ubi is ex praecedente cautione facere nihil debuit: dicendum est, ubi nihil ante promissum est, seu nulla praecessit faciendi conventio, ibi nullam poenam eius facti nomine esse posse. Non est ergo poena, cum a principio ita stipulor, si in caelum non ascenderis, decem dabis? quia hoc prius certum non est, ut in caelum ascenderes. Proinde nec rei impossibilis poena; et quamvis conditio

id postulet, ut in cælum ascendas si ei parere vis; quod natura fieri non potest: non ideo tamen de eo quidquam cautum esse intelligitur. Ita est enim conditio omnis, ut de eo quod in conditione est, nihil statuatur, nihil affirmet. Unde cum ita quis heres institutus est, si decem Titio dederit; placet Titio nihil deberi. *L. si quis sub conditione, supr. si quis omis. cau. test.* Sed est hæc stipulatio principalis, conditionalis quidem. Verum ex qua decem promissa non ut pœna debeantur, sed eo modo quo deberentur, si sub alia quavis conditione promissa essent. arg. *L. a Titio, infr. eod.* Quod si in hac stipulatione nulla pœna promittitur, sed tantum pecunia sub conditione; apparet nihil hic promitti, quod natura præstari non possit, et quia potest, nihil esse, quod non debeat præstari ex ea stipulatione, cuius conditio iam certo existit. Nos autem hic agimus de ea quidem stipulatione, quæ hanc eandem conditionem habeat, si promissor in cælum non ascenderit, aut quod idem est, si hominem mortuum non dederit; sed tamen de stipulatione, qua pœna promissa sit sub ea conditione, quæ eadem ideo sit impossibilis, quia non possit natura ulla pœna in eo facto intelligi. Sic autem evenit, ut pœna videatur promitti, si prius cautum erit, ut promissor eadem illa faceret, idest, in cælum ascenderet, vel hominem mortuum daret sisteretve, tum deinde nisi faceret, promiserit decem. Neque aliter pœnæ nomen usurpari, licet existimare ex his paucis locis inter innumeros. *L. 4. §. Cato, supr. L. ad diem, infr. eod. L. 2. et tot. tit. supr. si quis caut. L. diem, §. ult. et peno toto tit. supr. de rec. L. lecta, 5. si cert.*
 9 *pet. L. prædia, supr. de act. em.* † Itaque quod in §. ult. *Inst. de leg. eorum legatorum*, quæ pœnæ nomine relinquuntur, af-

feruntur hæc exempla, heres meus si filiam suam in matrimonio Titio collocarit, decem dato; item, si non collocarit, decem dato, et similia, recte hæc omnia Ioannes apud Accursium sic accepit, si prius testator cavisset; ut heres faceret, aut non faceret id cuius causa ab eo legavit. Nam præterquam quod ita interpretatur Theophilus in eum locum, ipse Iustinianus sic accipi debere aperte declarat in *L. unica, C. de iis quæ pæ. no.* ubi de his ipsis legatis agens ait ea pœnæ nomine relinquere, quæ iniunguntur heredi vel legatario ob id, quod dispositioni testatoris non paruerint; idest, ob id, quod ea non fecerint, quæ prius inssæ erant a testatore facere, aut non facere, idque iuxta exemplum *L. in testamento, 1. supr. de cond. et dem.* † Ostendit autem ratio superior, quod generaliter hic scriptum est, pœnam rei impossibilis non committi, si homo mortuus sisti non possit; generaliter quoque debere accipi, ut sive ab initio stipulationis homo mortuus fuerit, sive cum ab initio viveret, postea sine culpa promissoris decesserit, neutro casu pœna committatur: quia et tunc delictum esse non posse incipit, cum homo desit sine culpa posse præstari. Quo fit, ut exinde quoque pœna esse posse desinat. Hanc autem partem confirmat. *L. si vehenda, §. 1. illic, idem iuris erit, cum supr. ad leg. Rod.* Quod de stipulatione pœnæ rei impossibilis dictum est, hanc non magis valere, quam eam, cui subiicitur, ad omnem stipulationem pœnalem pertinet, quæ aliquid vitii ut superior, in se habeat. Quo detracto, illud tenebimus nunquam præcedentem stipulationem quamvis inutilem officere pœnæ stipulationi, quominus sola committatur, ut docuimus ad *L. stipulatio ista, §. alteri, in fin. supr. eod.*

10

Ad L. Mulier quæ 70.

Idem lib. xi. ad Edictum.

Mulier quæ dotem dederat populari meo Glabroni Isidoro, fecerat eum promittere dotem, si in matrimonio decessisset, infanti: et decesserat constante matrimonio. Placebat ex stipulatu actionem non esse: quoniam qui fari non poterat, stipulari non poterat.

DE stipulatione infantis dictum est ad *L. 1. in princ. supr.*

Ad L.

*Ad L. Cum quid. 71.**Idem lib. XIII. ad Edictum.*

Cum quid ut fiat, stipulemur pœnam, sic recte concipiemus: *si ita factum non erit*; cum quid ne fiat, sic: *si adversus id factum sit*.

S U M M A R I U M.

1. Pœnæ stipulatio quomodo concipienda.

1. Postquam veteres caverunt consultum esse in faciendi stipulationibus pœnam subicere ob eas causas, quas exposuimus ad *L. si pœnam, supr. eod.* consequens fuit, ne frustra id caveretur, ut ostenderent hoc etiam, quam recte et sine offensione iuris nostri pœna hic promitteretur, cum in faciendi, tum in non faciendi obligationibus. Quorum utrumque factum esse eodem in loco in *§. ult. Inst. eod.* hinc autem est, quod de huiusmodi formulis præcipitur hoc loco, tum in *L. continuis, §. pen. infr. eod.* Quorum ratio etsi non est ita obscura, tamen ut planius intelligatur, notandum esse semper pœnam promitti sub conditione, quæ sit contraria ei, quod in faciendi stipulationem deductum

est; est enim neglectæ promissionis pœna. Eo sit, ut cum stipulamur quid fieri, veluti insulam ædificari, conditio pœnæ esse debeat; non si quid factum sit; sed contraria, *si id*, de quo cautum est, *factum non sit*. Proinde inutiliter ita conciperemus, si adversus id factum sit, cum hæc conditio hoc contineat, ut quid fiat. E diverso si stipulemur per te non fieri, pœnæ conditio esse hæc non potest, si id factum non sit, cum prius voluerimus nihil fieri; sed hanc esse oportet, si factum sit, quod nolimus. Quod commode exprimitur his verbis, *si adversus id factum sit*. Pro quo Cato dixit, si quid aliter factum sit, et plenius, si quid contra quam cautum est; factum sit. *L. 4. §. Cato, supr. eod.*

*Ad L. Stipulationes non dividuntur. 72.**Idem lib. XX. ad Edictum.*

Stipulationes non dividuntur earum rerum quæ divisionem non recipiunt: veluti viæ, itineris, actus, aquæductus, cæterarumque servitutum. Idem puto et si quis faciendum aliquid stipulatus sit: utputa fundum tradi, vel fossam fodi, vel insulam fabricari, vel operas, vel quid his simile. Horum enim divisio corrumpit stipulationem. Celsus tamen libro trigesimo-octavo Digestorum refert Tuberonem existimasse, ubi quid fieri stipulemur: si non fuerit factum, pecuniam dari oportere: ideoque etiam in hoc genere dividi stipulationem; secundum quem Celsus ait posse dici iuxta æstimationem facti dandam esse petitionem.

S U M M A R I A.

- | | |
|---|--|
| 1. Stipulatio quatenus inter heredes lege tab. dividatur. | 10. De factis dividuis et individuis regula, et n. 23. |
| 2. Stipulatio utrum dividatur necne, ex rebus in stipulatum deductis æstimatur. | 11. Rem tradi, cur factum contineat individuum. |
| 3. In stipulationem aut res aut facta deducuntur. | 12. Pars fundi quomodo pro indiviso possit possideri. |
| 4. Servitutes prædiorum divisionem non recipiunt. | 13. Fossam fodi, insulam ædificari, item Operæ, cur sint facta individua. |
| 5. Servitutis verbum, quomodo accipitur. | 14. Rem restitui, et emptorem in causa evictionis defendi, facta sunt traditioni rei similia, eoque individua. |
| 6. Servitutes omnes, etiam personales, excepto uno usufructu, individua sunt. | 15. Operis cuiusvis effectio adificationi insule, destructio vero fossæ fossioni similis, ideoque individua. |
| 7. Factorum quædam individua, quædam dividua, et n. 9. | 16. Individuorum } factorum definitio. |
| 8. Factum omne si per se spectetur, natura sua esse individuum. et n. 22. | 17. Dividuorum } |

18. *Dividorum factorum exempla.* et n. 21.
 19. *Stipulatio dandi, cur divisionem recipiat potius quam Rem tradi.*
 20. *In stipulatio faciendi aut dandi, quando sit individa, quando dividua, generalis definitio.*
 24. *Tria capita ab Ulp. in princ. huius L. proposita.*
 25. *Stipulationem qua in faciendo consistit, divisionem non recipere, quomodo accipiendum.*
 26. *In faciendi obligationem an præcise veniat factum, quod promissum est, an vero et pecunia, et n. 28. 39.*
 27. *In faciendi obligationibus ex re ipsa inest conditio et tempus, quo per rerum naturam possit præstari quod promissum est, ante quod agi non potest.*
 29. *Pecunia quæ hic intelligitur, et cur pecuniæ verbo veteres hac in definitione usi.*
 30. *Verbis his, Pecuniam seu id quod interest dari oportere, quæ contineantur.*
 31. *In faciendi obligationibus id quod interest non in solutione tantum esse, sed et in obligatione, et n. 41.*
 32. *In faciendi obligationibus si factum non sit quod promissum est, solum id quod interest deberi, et n. 38. 41. 43. ubi variis iuris testimoniis hac sententia confirmata refelluntur ea, quæ complures in contrariam sententiam moverunt, et n. 49.*
 33. *Bartoli sententia notata, et n. 35.*
 34. *In disiunctivis promissoris est electio, et n. 37.*
 36. *Ex faciendi stipulatione una est incerti ex stipulatu actio.*
1. **D**ixi initio *L. 2. sup.* lege duodecim tabularum stipulationem dividi inter heredes: sed ita, si stipulatio divisionem seu partis præstationem recipiat cum natura rei promissæ, tum obligationis lege: alioqui non dividi, quia nec possit, aut debeat, ex *L. heredes, §. an ea, sup. fa. etc.* Hinc quæri solere, quæ stipulationes divisionem recipiant, quæ non recipiant. † Id Ulpianus tractans hoc loco ac de iis agens, quæ sunt in faciendo, ita definit: *stipulationes non dividuntur earum rerum, quæ divisionem non recipiunt.* Stipulationes earum rerum vocans stipulationes, quæ continent eas res, seu in quas ex res deductæ sunt, quæ res divisionem non recipiunt. Ut intelligamus utrum stipulatio dividatur, necne, æstimandum esse ex iis rebus, quæ in stipulatum deducuntur, de quo plura ad *L. 2. sup.* Dicit autem de uno genere earum stipulationum, quæ non dividuntur; quia ex eo simul quid iuris sit de iis, quæ dividuntur, facile possit intelligi. Hinc docet, quæ res non recipiant divisionem. † Ac cum in stipulationem aut res deducantur, aut facta: *§. ult. Inst. eod.* ordine de utroque dic-
40. *Stipulatio faciendi legato penus comparata.*
 42. *Distinctio quorundam interpretum in faciendi stipulationibus, cum factum non est quod fieri debuit, reiecta.*
 45. *Facti verbo duo contineri.*
 46. *In stipulatione quod caveri volumus, quatenus id verbis exprimendum.*
 47. *In faciendi stipulationibus non de facto, sed eo quod interest præstando sensisse contrahentes ex fine stipulationis, et natura rerum demonstratur.*
 48. *Stipulationibus dandi, cur non æque contineatur id quod interest, ut stipulationibus faciendi.*
 50. *Facti etiam individui stipulationes omnes inter heredes pro prætionibus hereditariis dividi, cum ad petitionem eius, quod inde debetur, ventum est, et n. 53.*
 51. *Ex faciendi obligatione petito secundum facti æstimationem quomodo datur.*
 52. *Lectio huius L.*
 54. *Inter facti dividi et individui stipulationes quid intersit.*
 55. *L. 11. §. pen. sup. de leg. 3. explicatur.*
 56. *Reus ubicunque ex aliqua causa dicitur cogi facere, compelli ad faciendum, necesse habere facere; illio necessitas non debet accipi absoluta, sed cum hac conditione, nisi velit teneri in id quod actoris interest.*
 57. *L. 3. §. heres, sup. Com. explicatur.*
 58. *Servitutum et factorum stipulationes, an recte comparentur.*
- cit. † Ex rebus non recipere divisionem ostendit servitutes prædiorum. Id enim significat, cum exemplis usus servitutum rusticarum, non harum solum stipulationes sit esse earum rerum, quæ divisionem non recipiant, sed etiam cæterarum servitutum stipulationes. † Servitutis quidem verbum vi sua generale est, quo continentur non minus personarum servitutes, ut usus et ususfructus, quam servitutes rerum seu prædiorum. *L. 1. sup. de ser.* Sed est idem et speciale quandoque, quod per excellentiam tribuitur solis servitutibus prædiorum; quia hæ solæ vere et proprie servitutes sunt. Sic verbum accipi constat in *L. 4. et prope toto tit. sup. de ser. §. ult. Inst. de us. et hab.* Prior significatio huic loco non convenit. Certum est enim usufructum dividi posse. *L. 5. sup. de usufruct. L. 1. §. si usufructus, sup. ad leg. Falcid.* Ita relinquitur posterior ex usu verbi, et natura rerum, de quibus agitur, ut servitutes prædiorum superioribus verbis contineantur, ne quid obstat, quod de usufructu diximus. † Non solæ tamen prædiorum servitutes individue sunt, sed generaliter definiendum

est omnes essa huius generis, etiam quæ sunt personarum, uno excepto usufructu. *d. l. 1. §. si usufructus, supr. ad leg. Falcid.* sed de his astis dixi ad *d. l. 2. §. et harum, supr. eod.* Bene autem Ulpianus, cum de rebus diceret, quæ divisionem non reciperent, solum servitutum mentionem fecit: quia, ut illic etiam ostendi, ex omnibus rebus solæ individuae sunt servitutes. † Da factis ita scribit, ut quatuor tantum commemoret exempli causa; quæ sint individua, et addat, *vel quid his simile.* Quibus verbis apparet non hoc eum dicere omne quod quis faciendum stipulatus sit divisionem non recipere; ne quis forte hanc loco opponat sententiam Catonis ex *L. 4. §. Cato, supr. eod.* sed contra esse quidem quæ generalia ista diiudicentur; ex qua eadem possit intelligi, cur ea, quæ dicit, individua sint, tum quæ sint similia his, aut non similia. † Sic igitur habendum est, omne factum si per se spectetur, natura sua esse individuum. Neque enim per id tempus, quo quid facis: licet dicere partim te id facere, partim non facere: sed omnino aut facis, aut non facis: nihil est tertium. Cum autem facisti, ipsum illud factum, illa actio tua multo minus dividi potest, non est enim res in natura, aut iure consistens, sed ea, quæ simul atque edita est, evanescit, quantumcunque actio opus aliquod post se reliquerit; ut, si quis ædificaverit insulam, ipsa quidem insula relinquitur, quæ et dividi potest; at opera ad extruendam insulam adhibita, et tota actio exedificationis statim præterit, nec post actionem primam amplius superest. † Unde igitur facta quedam dividua, quedam individua? Ex rebus, propter quas illa exercentur: non enim semper promittuntur facta simpliciter; sed adiunctis rebus quibus illa attribuantur. Ut puta promittit quis tradere, sed rem certam, non fundum, equum, lanxem; ædificare, sed insulam, armarium, navem. Ita et traditio ista versatur in re, quæ tradi debet, et ædificatio in opere, quod oportet ætrui. Ut autem hæc facta exercentur in istis rebus, ac propter eas etiam promissa sunt, ita placuit, ut earum etiam sequatur conditionem. † Sit ergo hæc notio et regula factorum: ut earum quarum gratia factum instituitur, divisionem natura recipiant, aut non recipiant, ita sunt earum facta dividua, aut individua. Si res in totum dividi non potest, aut non potest ita, ut salva maneat; factum quoque quod propter eam exercebitur, individuum erit: sin potest res ita dividi, ut post divisionem nihilominus salva sit; etiam factum quod in singulis partibus separatim exerceri potest, sic accipietur, quasi et ipsum sit dividuum. Prioris generis exempla sunt hæc quatuor, quæ hic proponuntur, rem tradi, fossam fodi, insulam ædificari, operari. Hæc si querimus, cur placeat esse individua potius, quam rem dari, ratum haberi, pecuniam peti, et similia, cum pariter omnia facta sint; reperiemus causam in eo esse, quod exercentur earum rerum gratia, pro quarum parte impleri non possint, et ideo non possint, quia res ipsæ discretas partes per id tempus, quo quid fit, non admittant. Quod ut certius intelligatur, opere pretium est expendere separatim singulorum rationem. Observandum est autem ex illis quatuor factorum generibus propositis, primum genus versari in re quæ iam sit in rerum natura; posteriora tria conferri ad rem nondum natam, sed futuram; quam fieri promittamus. † Prima species, rem tradi, plus habet dubitationis. Nam cum, ut dixi, posita sit in re quæ iam sit, quæ quia constet suis partibus natura, non minus possit dividi, quam si rem dari stipulemur; difficile est existimare, cur non æque in eam videatur dividuum factum deduci. Sed nihilominus ita se rem habere reperiemus, ut ideo non possit tradi pro parte, quia nulla hic pars sit rei, quæ separatim tradi possit, ut cum tradetur, possit dici rem tradi pro parte. Aut enim partem divisam tradi volumus aut indivisam. Si divisam, hæc non est pars rei, de qua cautum est: non enim potuit hæc pars existere, nisi corpore rei in partes certas et discretas secto. Post quam divisionem res esse desinit, quæ prius fuerat, et de qua cautum est, ac pro uno corpore, iam duo diversa esse incipiunt: idque non in animalibus tantum, et ædibus intelligitur, sed etiam in fundo, qui tamen commodius dividi potest regionibus, quam ædes. *L. si quis duas, §. 4. supr. com. præd.* Quæ res iam esse desit, huius nulla pars potest intelligi: sed omnium minime dici potest ea res tradi pro parte. Dici quidem possent singule partes rei, quæ prius fuerat, nunc tradi: at ipsa res, quæ

rum etiam sequatur conditionem. † Sit ergo hæc notio et regula factorum: ut earum quarum gratia factum instituitur, divisionem natura recipiant, aut non recipiant, ita sunt earum facta dividua, aut individua. Si res in totum dividi non potest, aut non potest ita, ut salva maneat; factum quoque quod propter eam exercebitur, individuum erit: sin potest res ita dividi, ut post divisionem nihilominus salva sit; etiam factum quod in singulis partibus separatim exerceri potest, sic accipietur, quasi et ipsum sit dividuum. Prioris generis exempla sunt hæc quatuor, quæ hic proponuntur, rem tradi, fossam fodi, insulam ædificari, operari. Hæc si querimus, cur placeat esse individua potius, quam rem dari, ratum haberi, pecuniam peti, et similia, cum pariter omnia facta sint; reperiemus causam in eo esse, quod exercentur earum rerum gratia, pro quarum parte impleri non possint, et ideo non possint, quia res ipsæ discretas partes per id tempus, quo quid fit, non admittant. Quod ut certius intelligatur, opere pretium est expendere separatim singulorum rationem. Observandum est autem ex illis quatuor factorum generibus propositis, primum genus versari in re quæ iam sit in rerum natura; posteriora tria conferri ad rem nondum natam, sed futuram; quam fieri promittamus. † Prima species, rem tradi, plus habet dubitationis. Nam cum, ut dixi, posita sit in re quæ iam sit, quæ quia constet suis partibus natura, non minus possit dividi, quam si rem dari stipulemur; difficile est existimare, cur non æque in eam videatur dividuum factum deduci. Sed nihilominus ita se rem habere reperiemus, ut ideo non possit tradi pro parte, quia nulla hic pars sit rei, quæ separatim tradi possit, ut cum tradetur, possit dici rem tradi pro parte. Aut enim partem divisam tradi volumus aut indivisam. Si divisam, hæc non est pars rei, de qua cautum est: non enim potuit hæc pars existere, nisi corpore rei in partes certas et discretas secto. Post quam divisionem res esse desinit, quæ prius fuerat, et de qua cautum est, ac pro uno corpore, iam duo diversa esse incipiunt: idque non in animalibus tantum, et ædibus intelligitur, sed etiam in fundo, qui tamen commodius dividi potest regionibus, quam ædes. *L. si quis duas, §. 4. supr. com. præd.* Quæ res iam esse desit, huius nulla pars potest intelligi: sed omnium minime dici potest ea res tradi pro parte. Dici quidem possent singule partes rei, quæ prius fuerat, nunc tradi: at ipsa res, quæ

quæ amplius non est, procul dubio neque hoc, neque alio modo, idest, neque solida, neque pro parte tradi dici potest. Quod si indivisam partem tradi volumus, est hæc quidem in re, de qua cantum est; nec nisi re integra manente intelligitur; sed non est eiusmodi, quæ tradi possit sine alia, aut potius, quæ tradi possit, nisi toto corpore rei in solidum tradito. Huiusmodi enim pars non est re vera, non est denique natura; animo tantum intelligitur. *L. 5. infr. de stip. ser. L. Mævius, §. 1. supr. de leg. 2. de quo dixi pluribus ad L. in stipulationibus, supr. eod.* Ideo ita intelligitur, ut sit tamen cum aliis partibus confusa, certe quidem ita coniuncta, ut nequeant aliæ ab aliis separari, seu dividi: unde dicuntur indivisæ *d. L. 5. infr. de stip. ser.* Sic fit, ut res de qua tradenda cautum est, tradi pro parte nullo modo possit ideo, quia has partes non recipiat, quæ tradi possint. Opponitur hoc loco, *L. locus, supr. de acq. poss.* Ubi diserte scriptum est, partem pro indiviso possideri, et per longam possessionem capi posse. Sed cum hoc concesserimus, ut est verissimum, non ideo efficitur hanc ipsam partem pro indiviso solam tradi posse, seu ita tradi, ut res dici possit tradi pro parte, de quo nunc quærimus. Necesse est rem totam tradi ei, cui partis unius possessionem quæsitam volumus; si verum est, quod diximus partes indivisas ita inter se esse confusas, ut nulla tradi possit sine altera; eiusque rei certissimum argumentum est, quod ab uno ex sociis placuit servitutem fundo communi acquiri non posse. *L. si unus, supr. de ser. præ. rust. L. si quis duas, in princ. supr. com. præd.* non enim ob aliam causam placuit, quam quod alienæ parti acquirere non potest. *L. proprium, d. L. si quis duas, com. præd.* Sux autem non potest acquirere, quin acquirat alienæ propter partium confusionem. Sed cum res integra alicui tradita erit, non acquirat tamen possessionem nisi partis rei, si volet; quia possessio ut corpore, sic non nisi animo acquiritur. *L. 3. supr. de acq. poss.* Itaque qui volet partem indivisam in fundo possidere, id quidem potest consequi; sed consequetur hoc modo. † Is possessor inducente in fundum venit eo modo, quo fieret, si totius fundi possessionem nancisci vellet ex præscripto. *d. L. 3.* Hic si erit hoc animo ut velit partem possidere, hanc ita possidere incipiet, ut nihil possideat amplius. Illam quidem possidebit ideo, quia in eam et corpus et animus possidendi concurrunt: non pos-

Tom. XI.

sidebit cæteras; quia etsi per unam cæteras quoque corpore attingit; tamen in eas deest animus, sine quo, ut dixi, possessio acquiri non potest. Sed præcipue hic obstare videtur exemplum stipulationis dandi: nam si res pro parte indivisa dari potest, ut constat *L. 2. supr.* cur minus pro indivisa tradi potest? Et de eo dicitur commodius postea in dividiis faciendi stipulationibus. † Posteriora hæc tria, fossam fodi, insulam ædificari, item operæ, expeditam admodum habent rationem. Ut enim quis dederit fossam factam, itemque operam exhibitam esse aliquid, quod subsistat in rerum natura, itidem ut insulam iam perfectam, quæ et est, et in partes dividi non potest (quod tamen neque de fossa, neque de opera recte dici posse videtur, cum opera exhibitæ præterierit; fossa autem non tam sit res, quam rei privatio) tamen de his iam perfectis nihil hic promittitur, sed de futuris, seu non factis, ut fiant. Nihil istorum pro parte fieri posse dicimus: idque manifesta ratione, quam Gaius significat in *L. si is qui quadringenta, §. 1. supr. ad leg. Falc.* quoniam non sunt prius, quam facta sint. Eius porro rei, quæ non est, nullæ partes natura intelligi possunt: partes enim sunt alicuius totius partes, ut neque sit totum sine partibus, neque partes sine toto, utpote ex cuius solius collatione dicantur partes. Non esse autem ista prius, quam facta sint, sic ille demonstrat. *Neque enim, inquit, ullum balneum, ullum theatrum, aut stadium fecisse intelligitur, nisi qui ei propriam formam dederit.* Hæc vero ex summatione contingit. Scripta quidem hæc esse apparet de opere et corpore aliquo futuro; sed et in fossa, et in operis eadem ratio est. Ut enim instituitur ædificatio propter insulam futuram, ut sit; ita fossio ad fossam faciendam; ita labor ad operam edendam. Atque ut non est insula prius, quam extructa sit; sic nec fossa prius, quam facta sit, nec opera prius, quam impleta. Quod si opera est diurnum officium, ut definitur in *L. 1. supr. de op. lib.* idest, quantum quis interdiu possit operando efficere: intelligimus nisi qui totum diem hoc officium præsterit, ante operam impletam non esse, eoque nec esse operam: cuius proinde auto id tempus nullæ partes esse possint, non magis quam insulæ nondum factæ. Traditum est in *L. in stipulationibus, §. 1. supr. eod.* stipulationem plurimum operarum dividi numero. Quod non est huic loco contrarium. Ipse enim numerus operarum maior in minores dividi potest

test: operæ ipsæ singulæ sunt individua. Ac de singularum operarum stipulationibus hic agi vel hinc liquet, quod propositio ipsa concepta est de stipulationibus earum rerum, quæ divisionem non recipiunt. Ibidem scriptum est, si unam operam servus communis stipulatus fuerit, posse utrumque dominorum partem operæ petere, atque adeo id facere utrique necesse esse. Hoc amplius etiam traditum est in *L. si quando, supr. de op. lib.* si quando pluribus patronis libertus promiserit operas, non tantum partem operæ peti posse, sed etiam deberi. Sed ne hoc quidem significat ipsam operam dividi, aut pro parte præstari posse. Utrumque enim de præterita opera scriptum est: cum ut est in *d. L. si quando*, semper præterita opera, et quæ iam dari non possit, petatur. Operam præteritam peti cum legimus, æstimationem peti operæ intelligere debemus, non operam: sic enim observatur in iis rebus, quæ dari posse desierunt, et tamen debentur, qualis est opera præterita, ut quoniam ipsæ præstari non possunt: ideo daret petitio æstimationis earum. *L. in re, supr. de cond. fur.* Æstimationem operæ dividi non negamus. Quinimo diserte paulo post hic scriptum est, si factum non sit, quod debuit, pecuniam dari oportere, ideoque et in hoc genere stipulationem dividi. Ex quo iure superiorum locorum sententiæ de parte operæ petenda natæ sunt. Quod Iulianus confirmans in *d. L. in stipulationibus*, §. 1. ait in ista petitione solutionem hanc futuram, ut æstimationem offerat libertus, si velit; aut consentientibus patronis operas in commune edat. Quod si de opera ipsa agetur, non de eius æstimatione, hic vero dicitur, quod idem Ulpianus sibi consentiens definit in *L. libertus*, §. 1. *supr. de op. lib.* neque promitti, neque solvi, nec deberi, nec peti pro parte posse operam. Addit Ulpianus hoc loco, *vel quid his simile*. Non sunt ergo sola ea facta, quæ commemoravit, individua; sed et alia innumera, si species spectemus: ea tamen, quæ sint superioribus similia, videamus. † Et traditioni rei similia sunt ea facta, quæ in se traditionem, aut traditionis, seu possessionis retentionem inclisam habent: cuiusmodi sunt hæc duo, rem restitui, et emptorem defendi in causa evictionis. Nam et in restituendo inest tradere, cum restituere nihil aliud sit, quam rursum tradere: et hoc ipsum defendere est, præstare emptori, ut ei rem venditam habere, tenere liceat. Ideo placet neutrum fieri posse pro parte, non magis,

quam rem tradi. De priore est in *L. si duo, supr. dep. de posteriore* in *L. cum ex causa, infr. eod. de utroque coniunctum* in *L. 4. §. ult. supr. ubi dixi. † Insulæ ædificationi similis est, cuiusvis operis effectio, ut theatri, balnei, navis, armarii, et similium. *L. in executione, §. secunda, infr. eod. L. si is qui, §. 1. supr. ad leg. Falc.* Fossæ fossioni similem dixeris operis cuiusque destructionem. Nam nec fossa, qui locus est, unde effossa est terra quæ prius fuerat; nec insulæ aut operis facti demolitio quidquam aliud est, quam privatio rei prioris. Itaque non magis opus aliquod pro parte restitui, idest, destrui potest, quam fieri, ut diximus ad *d. L. 4. §. ult. supr.* quod et illic inter cætera traditur. Planeque utrumque eadem ratione nititur, ut et in fossa supra diximus. Ut enim non est insula prius, quam facta sit; nec restitutio operis prius, quam hæc restitutio confecta fuerit: itaque ante quam id contingerit, eius restitutionis quæ non est, non magis ullæ partes intelligi possunt, quam insulæ nondum factæ. Quod si nondum restituito toto opere, restitutionis eius nullæ sunt partes, apparet destructionem operis facti per partes restitutionis operis exerceri non posse. At enim insulæ iam factæ, quam restituere oporteat, suæ sunt partes, ut tectum parietes, fundamentum: quarum unamquamque separatim destrui posse constat. Sed ut in ædificatione insulæ de ædificatione iudicamus ex re propter quam instituitur, nempe ex insula: et in fossa findenda fossionem spectamus non ex terra quæ eximitur, sed ex fossa, propter quam instituitur fossio: sic et in destructione operis, seu insulæ, si de divisione eius quæritur, non de ea ex insula, sed ex ipsa restitutione futura iudicare debemus. Propter hanc enim omnis destructio præcedens instituitur, non propter insulam; adversus quam potius tota hæc demolitio comparata est. Iam autem dixi nondum destructo toto opere, restitutionem operis nullam esse. Ita relinquitur nec ante eius nullas esse partes, per quas dici possit illa restitutio contingere. His exemplis expositis, et singulorum ratione cognita, licet iam videre, quæ summa omnium fiat, atque ita breviter complecti: † Individua facta esse, quæ conferuntur aut in res futuras, ut fiant, aut in rem præsentem quidem et subsistentem rerum natura, sed unam partibus indivisis constantem, ut in ea aut de ea fiat aliquid. Nam priores cum nondum sint, interim ne partes quidem habere; posteriorem habere partes, sed non discretas. Hanc rem facere, ut*

- ut neque illic pro parte quæ non sit, quidquam possit fieri; neque hic pro ea solum parte, quæ sit quidem, sed non ita; ut in ea quidquam possit fieri sine altera, quæ est confusa. Iam quæ sint dividua facta, paucis consideremus; postquam aliqua esse constat, et Ulpianus hoc loco satis declarat, cum de reliquis factis, quæ non recensuit, ita scribit, ut non dicat, de omnibus idem dicendum esse, quod de prioribus, sed solum de eo, quod sit his simile. Et si vera est superior definitio de factis individuis, ut est verissima; facile est intelligere contraria de caussa hoc ita evenire, † ut si qua facta sunt dividua, ea sint, quæ conferantur in res duntaxat præsentibus, neque rursum omnes, sed in eas solum, quæ partes habeant natura discretas, quarum in singulis quod fieri promissum est, separatim possit exerceri sine detrimento totius rei aut partium. At ubi hæ res reperiuntur, cum singulas species dixerimus constare quidem suis partibus, sed indivisis? † Et huius generis res sunt, quæ constat quantitate discreta, quarum partes ita sunt, ut una tantumdem præstet, quantum alia pro portione: cuiusmodi sunt, summa certæ pecuniæ, et fructus. Nam et summa minor pluribus minoribus, iisque discretis constat; nec fructus nascuntur ex re aliqua, nisi separati alii ab aliis. Ergo huiusmodi stipulationes faciendi divisionem recipiunt, quibus cavetur, ut vel pecunia cedatur, vel fructus rei præstentur, tradanturve, vel eos capere liceat. Id ita esse cum natura rerum nos docet, tum vero manifeste declaratur argumento earum stipulationum, quæ sunt in dando. Has divisionem recipere constat sive pecuniam dari stipulemur, sive speciem aliquam corpore constantem: de quibus dictum est ad *L. 2. illic, et harum*, supr. eod. Atqui etiam dare facere est, *L. verbum facere, infr. de verb. sig.* quoniam in dando etiam inest rem tradere. Quoniam non dantur res, id est, non transferuntur earum dominium; nisi tradendo. *L. traditionibus, C. de pact.*
- 19 *L. quoties, C. de rei vind.* † Cur ergo hæ admittunt divisionem potius, quam rem tradi? non enim ad rem pertinet, si quis dicat, in stipulationem dandi deduci corpora constantia suis partibus natura. Nam et in stipulatione rem tradi de eiusmodi rebus agitur: quarum si pars pro indiviso tradi non potest sine altera tunc, cum eas ex stipulatione tradendi tradere volumus: ne tum quidem poterit, cum eas ex stipulatione dandi volumus tradere ad dominium transferendum. Cur ergo, inquam, stipulatio dan-

di divisionem recipit potius? Quia in hac stipulatione verbo dandi non tam res quæ promittitur verbis, quam eius commoda et fructus continentur. Dare enim est dominium transferre. §. *sic itaque, Instit. de act.* Domini autem vis et potestas omnis sita est in fructibus et emolumentis rei percipiendis: ad quam etiam perceptionem omnis acquisitio rei, et domini translatio refertur. Propter fructum igitur rei dividua est dandi stipulatio, non propter rem ipsam tantum: quæ si sola in stipulatum venisset, non magis pro parte tradi posset ex stipulatione dandi, quam potest ex stipulatione rem tradi, cum utrobique res una sit, cuius partes quamdiu res integra maneant, seungi non possunt, partium confusione necessario eam divisionem prohibente. At fructus quamvis eiusdem rei pro parte indivisa rei tradi possunt, sunt enim ipsi divisi inter se omnes et discreti natura, ut non sit metuendum, ne cum eos pro una qualibet parte rei transferre aut percipere volumus: id fieri non possit sine aliorum fructuum translatione aut perceptione. Et ad eam rem dominium partis pro indiviso transferitur; non quia dominium discretas eiusmodi partes habeat, aut etiam ullas habeat res vera, cum non sit corpus, sed quia ea contineat, quæ ab eo qui dominus sit pro dimidia aut tertia, aut quarta parte rei, ad eam quoque partem iure percipiuntur. *L. qui scit, supr. de usur.* Id autem fit non tradita una parte fundi, si de fundo agitur, sed toto fundo tradito, ut supra de possessione partis acquirendæ fieri diximus: sic tamen, ut hoc modo non utriusque, sed unius tantum partis indivisæ, quæ traditur, et possessio et dominium acquiratur: propter animam acquirendi et transferendi videlicet, qui in hanc solum partem concurrat; sine quo nec possessio acquiratur, nec dominium, *L. 3. supr. de acq. poss. L. in omnibus rebus, supr. prox. tit.* † Et ideo bene definitum est a Baro-

20 ne, ubi stipulatio faciendi aut etiam dandi non progreditur longius, quam ut re tradita eam tenere, eaque uti liceat, neque verbo faciendi continetur ius fruendi toties stipulationem esse individuum: qualis est stipulatio, rem tradi, et quæ idem valet, stipulatio vacuum possessionem tradi. Hac enim præcipue continetur, ut rem tenere et possidere liceat. Quorum utrumque est facti; *L. 1. §. 1. et seq. supr. de ac. pos.* eoque non iuris ad fructus percipiendos constituti, cum possit quis ista habere, ut tamen fructus suos non faciat.

Con-

Contra vero ubi factum spectat ad fructuum et commodorum rei acquisitionem, quale est dare, ibi ex conditione fructuum accidere recte ait, ut sit stipulatio dividua; quia fructus discretas partes habeant. Id quam verum sit, declaratur argumento ususfructus, cæterarumque servitutum, cur enim placuit illum dividi posse, cæteras autem servitudes esse indivisas: *L. 1. §. si ususfructus, supr. ad leg. Fal.* cum pariter omnes servitudes sint, et omnes in iure pariter consistant? nimirum quia etsi ususfructus in faciendo consistat, id est, utendo fruendo: *L. 1. supr. quan. di. ususfr. leg. ced.* procedit tamen hoc factum longius, pertinetque ad fructus percipiendos, res non tantum dividuas, sed etiam sua sponte divisas natura: cæteræ servitudes in nudo usu sunt positæ, qui ob eam causam etiam indivisus est. *L. viæ, supr.*

- 21 *de ser.* † Ex eadem regula superiore hæc facta dividua sunt, dolum admittere in re, quam recte reddere debuisset, eam oppignerando; item petere aut pecuniam, aut rem aliquam corporalem dari. Nam cum in pignore dando ius fructus percipiendi transferatur in creditorem, *L. 2 C. de pig. ac.* certe transferatur ius vendendi pignoris, id est, domini alium transfereendi, *L. non est novum, supr. de acq. rer. dom.* quas res omnes suas partes habere discretas supra diximus: consequens est superioribus rem pro parte indivisa oppignerari, et hactenus dolum admitteri posse. *L. unica, C. si com. res. pig. dat. sit.* Multoque citius idem dixeris in petitione rei dandæ, qua aperte id agitur, ut dominium transferatur in petitem. Quod si hæc dividua erunt; et illa his contraria, dolum abesse, et amplius non agi, seu rem ratam haberi, si modo de iisdem rebus non oppignerandis, aut non petendis agatur. Nam si pro parte licet oppignerare rem aliquam, licet et non oppignerare pro parte: et si licet petere pro parte, licet et pro parte non petere. Imo vero quod pro parte solum res oppignerari aut peti dicitur, non alia de causa fit, quam quod altera non oppigneratur, non petitur. Alioqui res tota oppignerari, et tota peti diceretur. Unde hæc eadem duo Paulo quandoque dividua, dolum malum abesse, et rem ratam haberi. *L. 4. §. Cato. supr. eod.* de quibus illic dictum est. † Ex his apparet verum esse, quod supra posui, facta omnia si per se spectentur, non esse eas res, quæ possint dividi. Nam et si aliquid fiat in parte rei, non eo minus hic factum unum est; quod ob eam causam non est divi-

sum. Et si idem modo fiat in una parte, modo in altera, non ideo tamen re vera factum dividi dixeris. Plura enim hic facta sunt a se invicem iam ab initio distincta, non unum, quod postea in partes dividatur. † Sed ita est, ut dixi. Facta ipsa ex rebus æstimantur: ex his dicuntur dividi, aut non dividi. Nam si hæc de una re, aut una summa promissa in partibus discretis eius rei exerceri possunt, dividua habentur, quia rebus serviunt, in quibus exercentur; si non possunt, naturam suam per omnia servant, suntque plane individua.

Celsus tamen) † Tria dixerat Ulpianus. Primum generaliter definierat stipulationes non dividi earum rerum, quæ divisionem non reciperent. Deinde exemplis earum utens addiderat huiusmodi stipulationes in rebus esse servitutum stipulationes. Tertio loco eiusdem generis esse et faciendi stipulationes eas, quas recenset, et similes. In definitione superiore nihil nunc mutatur: et recte: est enim verissima et perpetua: neque enim lege dividi possunt, quæ natura sunt indivisa, *L. heredes, §. an ea, supr. fa. ere.* Ne in exemplo quidem servitutum quidquam mutatur, congruit enim definitioni: cum non possit dici servitute in stipulatum deducta aliud quidquam unquam inde deberi, quam servitutem. Hæc autem aperte divisionem non recipit. *L. viæ, supr. de ser.* † Tertium, quod de faciendi stipulationibus posuerat, indicans has quoque pertinere ad definitionem, id est, divisionem non recipere, docet hoc loco non esse perpetuum. Non quod stipulatio rem individuum, seu factum individuum continens alia esse possit, quam individua secundum definitionem supra scriptam: sed quia in hoc genere stipulationum non semper factum præstari debeat, sed sit tempus, cum pecuniam dari oporteat, id est, cum pecunia incipiat deberi: tunc nimirum, cum non fuerit factum, quod promissum est. Id cum eveniet, iam commutata ratione superioris definitionis etiam stipulationem exinde dividi necesse erit, quia quantitas partis præstationem natura recipit. *L. 2. §. 1. supr. eod.* ut consequens sit etiam quod subiicitur; et iuxta facti æstimationem dandam esse petitionem. Itaque si quis sententiam Ulpiani suis partibus comprehensam explicare velit, locus hac argumentatione constat: In faciendi obligationibus, si factum non sit, quod promissum est, pecuniam dari oportet, æstimationem nimirum eius quod interest, quod stipulatione continetur. Omnis autem dandi, sed præcipue pecunia, et quan-

23

24

25

quantitatis stipulatio divisionem seu partis præstationem recipit. Proinde et faciendo stipulatio omnis hac eadem conditione divisionem recipit, si non fuerit factum, quod promissum est. Ilæc Ulpiani collectio est ad probandam faciendo stipulationum divisionem comparata: sed qua nihil certi efficitur, nisi prius constiterit, cuiusmodi sit, quod ponit, in faciendo obligationibus pecuniam dari oportere. † De quo tamen magis fuerunt omnibus aetatibus, et sunt nunc etiam dissensiones. Sunt enim et hi quidem numero plures, qui cum Martino hoc loco, et in *L. 1. supr. de act. em.* statuunt in faciendo obligationibus factum in obligatione versari, non pecuniam, non id quod interest; quia fieri quid promissum sit, non promissum id quod interest. Itaque non in id solum agi posse, ut quod promissum est, fiat, sed etiam promissorem ad faciendum præcise posse cegi. Nec unquam evenire, ut pecunia debeatur, nisi cum amplius fieri non potest, quod promissum est. Quæ sententia si vera est, consequens erit nec faciendo stipulationem ante id tempus dividi. Quod si quis statuet id, quod magno consensu a iuris auctoribus traditum est, in obligationem faciendo venire id quod interest, id est, conditione ipsa obligationis pecuniam deberi: tamen querendum erit, quam recte videatur hoc statui, verbis in speciem refragantibus. Si nihil aliud; certe hoc erit dubium, ex quo tempore incipiat venire, et cum venerit, utram solum sit in obligatione, an vero una etiam id quod fieri promissum est; quibus non constitutis nihil certi, ut dixi, nec de divisione ipsa stipulationis statui potest. Multis igitur de causis faciendum est, ut de hac parte prius hoc loco dicatur, et quia res per se cognitione digna est; et quia hic locus hanc explicationem postulat, sive quod utramque partem hic posuit Ulpianus, sive quod posterior de divisione intelligi non potest, nisi constituta priore. Postremo quia pertinet ad hunc tractatum de verborum obligationibus; statui quid in quamque stipulationem veniat tum dandi, tum faciendi, ut liceat id petere et iudicio consequi; sed præcipue in obligationibus faciendi, quæ singularem quandam in hac re dubitationem habent. Ac cum aliis quoque locis quibusdam ius traditum sit de hac questione sub hoc titulo: nusquam tamen expositum est apertius aut plenius, quam hoc loco; est enim hic generatis definitio de stipulationibus faciendi omnibus, collata non ad unum tempus condemnationis, ut in *L. si quis ab alio; in fin. su-*

pr. de re iud. sed ad obligationem ipsam, quæ stipulatione contrahitur, quæque omnibus temporibus una est. Sic ergo definitio est huius loci; ubi quid fieri stipulamur, si non fuerit factum, pecuniam dari oportere. Ea quid valeat, videamus. Id ita facillime assequemur, si considerabimus, quæ eius partes sint, ac de singulis ordine cognoscemus. Tria sunt autem in ea spectanda. Primum quo de genere stipulationum hic ius statuatur: deinde qua conditione: postremo quodnam id ius sit. De faciendo stipulationibus definitio concepta est. Condicio hæc, si quod fieri stipulamur, factum non fuerit: Ius quod ex hac conditione statuitur, pecuniam; in eo genere dari oportere. Ilæc sigillatim expendamus. Ubi quid fieri stipulamur, inquit Ulpianus. Ergo de faciendo obligationibus definitio, ut dixi, scripta est, ut et in *L. si quis ab alio; in fin. supr. de re iud.* Inepte, si et in stipulationibus dandi idem iuris est. Proprium vero hoc ius est stipulationum faciendi, ut nisi fiat, quod promissum est, id quod interest, debeatur: nam in dandi stipulationibus ipsa res in obligationem venit, quæ verbis comprehensa est, nec quidquam petitur aliud. *L. ubi autem, §. ult. L. si servum, §. ult. infr. eod.* Sed si recte placuit ex dandi stipulatione deberi rem stipulatione comprehensam, atque adeo aliud deberi non potest; *L. quidquid, infr. eod.* an non contra ius facimus, si aliud statuoimus in stipulationibus faciendi? Si quidem aliud statuere mus, sane contra ius fieret: nunc autem cum dicitur ex faciendi stipulatione deberi id quod interest, non aliud dicimus deberi, sed idem. Ideo enim hoc debetur, quia et in stipulationem venit, quia in stipulationem deducitur, ut paulo post. dicemus. Cur ergo istas stipulationes distinguimus, si pariter ex utroque genere id debetur, quod stipulatione est comprehensum? Non utique in eo, quod in stipulationem deducitur; sed in eo, quod videtur deduci, seu in eo quod verbis significatur. Aliud enim atque aliud in utrumque genus significatione voluntatis deduci intelligitur. Nam in stipulationem dandi id venit, quod verbis expressum est, quia nec aperte aliud actum est. In stipulationem autem faciendi, non id, quod verba prima fronte ostendunt, sed quod significatur eorum sententia; vel potius quod continetur sententia contraheutum, quæ verbis declaratur. Id autem est, quod interesse dicimus. Quæ sententia unde colligatur, dicitur postea, cum ad eam partem venerimus. Hoc autem quoniam

niam præter verba fieri videbatur ex interpretatione voluntatis, ideo ad id cavendum singulari et huius generis propria definitione opus fuit, quam inde tot locis traditam lagimous, ut hic. *et L. si quis ab alio, §. ult. supr. de re iud. L. si penam, supr. L. quoties quis, L. si quis stipulatus. 412. infr. eod.* et innumeris aliis in locis. Non continuo in faciendi obligationibus pecuniam dari oportet; sed hac conditione, si factum non fuerit, quod fieri promissum est: puta, si ex his exemplis stipulationum, quæ supra proposuit Ulpianus, res non sit tradita, fossa non facta, insula non edificata, opus non editæ. † Hanc conditionem quomodo accipimus; utrum ita, ut simulatque factum non fuerit, quod promissum est, pecunia debeatur, sive per rerum naturam fieri potuerit, sive non potuerit? Nam id verba admittunt. Eum enim qui promissit se insulam edificaturum, quacumque da causa prohibitus sit, ne faceret, si non fecit, semper verum est insulam non edificasse etiam ab initio stipulationis. Sed non sic accipimus: alioqui dicendum esset in hac genera stipulationis semper promissorem statum et sine ulla conditione pecuniam dare oportere, quod conditioni hoc loco adiectæ adversatur. Quid ergo est? ex natura rei promissæ conditio sic accipienda est: si non fuerit factum intra id tempus, quo per rerum naturam fieri potuit, pecuniam dari oportet. In omnibus enim faciendi obligationibus ex re ipsa inest tempus, quo per rerum naturam potest præstari, quod promissum est, et ante quam id præterierit agi non potest: unde intelligitur nec ante quidquam dari oportere. *L. interdum, infr. L. si ita, 44. 28. supr. eod.* † Sed ut ante id tempus nihil daretur, ita postquam præterit, si factum non est, quod debuit, nisi dies stipulationi adiectus amplius spatium ad faciendum dabit, ex conditionis definitionis pecuniam dari oportet. Quo loco expendenda conditio est. Non enim dicitur, pecuniam dari oportere, si id quod fieri stipulamur, amplius fieri non possit; sed simpliciter, si non fuerit factum. Qua una conditione satis refelluntur ii, qui putant in faciendi obligationibus sic pecuniam sen id quod interest, deberi, si factum amplius per rerum naturam præstari non possit: alioqui factum ipsum in obligatione et præstatione esse, non pecuniam. Quid enim; an hæc eadem sunt, si quod fieri promissum est, factum non fuerit; et, si id amplius præstari non possit? Sed perspicuum est multum inter has conditiones interesse: cum posterior neget pec-

uniam deberi se præstari posse, quandiu fieri possit, quod promissum est; prior confirmet omni modo deberi, sive adhuc fieri possit quod fieri stipulamur, sive non possit, dum modo constet intra id tempus quo natura fieri non potuit, factum non esse. Nisi quis dicat etiam posteriorem hanc conditionem hinc intelligi debere. Sed si hoc recipimus, quid dici potest ineptius veteribus in hac definitione? qui cum conditionem adicere vellet, eam quæ erat necessaria, et sola sufficiebat, omiserunt; quod autem est stultius, eam quæ non erat idonea et quæ sola magna ex parte sententiam falsam redderet, posuerunt. Quanquam si posteriorem adiecissent, nihil rectior ea definitio futura esset: cur enim ea conditione adiecta definitionem conciperent de faciendi stipulationibus? nam hac conditione posita si non possit præstari, quod promissum est, non faciendi tantum, sed etiam in dandi obligationibus hoc accidit; ut pecuniam dari oportet, æstimationem nimirum rei in obligationem deductæ. *L. in re, supr. de cond. fur.* Quare si non inepte scripserunt optimi auctores iuris, si id censerunt, quod scripserunt; omnino conditio in hac definitione adiecta hoc efficit, ut sive fieri non possit, quod promissum est, sive possit, semper pecuniam dari oportet, si id quod promissum est, intra iustum tempus factum non fuerit: in quam sententiam etiam postea plura dicemus. Hac conditione posita sequitur tertium, quod expendamus: ins id nimirum, quod definitio superior tribuit faciendi stipulationibus id autem est, in his deluceps pecuniam dari oportere. Qua parte querendum est, quam pecuniam hic intelligamus; tum quam vim habeat, quod dicitur hanc oportere dari; postremo quo iure, quæ ratione hæc obligatio et necessitas dandi defendatur in ea stipulatione, in qua nihil de ea pecunia aperte cautum apparet. † Pecunia hic nominatur, similiter ut in *L. 29. si quis ab alio, §. ult. supr. de re iud.* ab eodem Celso in definitione, pene totidem verbis constante; quia, inquit, non facit, quod promissit, in pecuniam numeratam condemnatur; sicut venit in omnibus faciendi obligationibus. Illic, in pecuniam numeratam condemnatur, valet, id quod initio eius capitis dixerat æstimandum esse, quanti stipulatoris interit: sic et hoc loco pecunia est id quod interest. Nimirum hoc illud est, quod aliis verbis de hac re aperitius tot locis traditur, ubi quod fieri stipulamur, in stipulationem venire, stipulatione contineri id quod stipulatoris interest, ut præstari debeat videlicet, si pro-

missor non facit, quod promisit. *d. l. si quis ab alio, in pr. de re iud. l. si pecuniam, supr. l. quoties quis, l. si quis stipulatus, 112. infr. eod.* Vocatur autem id quod interest, pecunia, seu pecunia numerata, quæ cum de eo præstando agitur ob id quod factum non est, quod debuit, ut nunc agitur, non potest alia in re consistere, quam pecunia numerata. Nam si id quod interest, est utilitas, quæ ex facto percipi potuit, ut passim a iuris auctoribus appellatur, ut *L. 2. in pr. et §. ult. supr. de eo quod cer. lo. l. pen. supr. si quis caut. l. 1. §. hæc verba, supr. ne vis fiat ei.* Et postquam id factum non est, quod debuit, hæc utilitas amittitur; unde etiam post id tempus, id quod interest, quod persequimur, definitur id quod habere potuimus, sed nunc nobis abest; et quod potuimus lucrari, sed lucrati non sumus: *L. si commissi, infr. rem rat. hab. perspicuum est id quod interest, iam amissum ipsum amplius præstari non posse.* Ita si præstari volumus, omnino necesse est id æstimari pecunia numerata, ut quantum id erit, tanta pecunia præstetur. Hinc est, quod veteres æstimandum dicunt, quanti interest, ut in *d. l. si quis ab alio, in pr. supr. de re iud. et l. ait lex supr. ad leg. Aq.* quod dicunt utilitatem in æstimationem venire. *L. si sterilis, §. cum per venditorem, supr. de act. empt.* Hinc illa facti æstimationis, cuius hoc loco mentio fit postea: ubi facti æstimatio intelligenda est æstimatio utilitatis eius, quæ ex facto capi potuit, est autem, ut dixi, hæc utilitas id quod interest. Ergo hæc pecunia, seu æstimatio appellatur id quod interest, quia eius quod interest, æstimatio est, et eo nomine præstatur, ac præstita vi ipsa eandem illam utilitatem, quæ nodis aberat, continet. Sed esto, dixerit aliquis, id quod interest, recte dicatur pecunia numerata, quia id non nisi pecunia numerata præstetur. Ac certe pecunia generis nomen est, quod per se positum non magis significat id quod interest, quam aliam quamvis pecuniam; quæ aut sola, aut alicuius rei nomine in stipulationem deducatur. Qui fit igitur, ut videntes cum id quod interest in hac causa significare vellent, solum pecuniam dari debere dixerint, cum posset hoc verbo alia pecunia intelligi? Ex circumstantiis definitionis, id est, ex eo, quod dicitur pecuniam dari oportere in stipulationibus faciendi, et præcipue quod adiciitur hæc conditio: *si quod fieri stipulemur, factum non fuerit*; satis intelligitur non aliam pecuniam hic nominari, quam eam, quæ præ-

stetur eo nomine, quod factum non sit, quod promissum est. Hanc autem constat aliam esse non posse, quam æstimationem eius facti, quod præstari debuit, id est, æstimationem eius, quod stipulatoris interfuit id factum esse. Solum ergo pecuniæ verbum nunquam significaret id quod interest: re autem adiecta et causa, propter quam præstetur, adiunctum satis speciem declarat. Sed cur non maluerunt veteres aperte loqui, et dicere præstandum esse, quod interest, ne quid esset obscuri aut ambigui in definitione? Pecuniæ verbo tantum plenius videntur uti esse consilio, dum scilicet definitione volunt non solum intelligi hic præstandum esse quod interest, sed etiam indicare, quid in eius persecutione faciendum esset; nempe id æstimandum esse, ut sic pecunia peteretur; in pecuniam numeratam certam condemnation fieret; sic denique ea pecunia præstaretur. † Iam his verbis, *pecuniam, seu id quod interest, dari oportere*, hæc omnia continentur. Primum si factum non sit, quod promissum est, pecuniam et id quod interest, deberi, in obligatione esse; et quidem ita, ut exigi possit: non solum deberi. His etiam fieri, ut et quæ de aliarum rerum, quæ solæ debentur, petitione, condemnatione, præstatione tradita sunt, eadem hic quoque locum habeant, cum de persecutione agitur et solutione eius quod interest. † Primum his verbis ³⁰ hoc significatur, id quod interest, iure deberi, et esse in obligatione. Id enim dari oportet, quod quis necesse habet dare; quodque ab invito exigi potest. Eadem autem et debendi definitio est in *L. debitor, infr. de ver. sig.* Hinc formula actionum in personam, Aio te dare, facere oportere, de iis rebus, quæ debentur, et petuntur iure. *§. 1. Inst. de act. §. item per, Inst. quib. tol. oblig.* Quinimo plus est dari oportere, quam deberi: certe oportere verbum est ad necessitatem præstationis et obligationis exprimentam significantius. Nam debendi verbo continetur etiam id quod debetur naturaliter, ut fit in edicto de conditione indebiti, et de pecunia constituta *L. si quod dominus, supra, de con. ind. l. 1. §. ult. supr. de pec. const.* Dari autem oportere id solum intelligitur, quod dari necesse est: atque id est necesse, quod iudicio potest exigi. Quæ si ita sunt, dubitari non potest, quin id quod interest, sit in obligatione: nam id deberi intelligitur, ad quod præstandum quis obligatus est; et hæc ipsa necessitas dandi, de qua diximus, nihil est aliud, quod obligatio.

- Inst. de oblig. in pr.* Unde manifestus error eorum deprehenditur, qui putaverunt id quod interest, in faciendi obligationibus in solutione solum esse, non in obligatione. †
- 32 Ut autem si factum non est, quod promissum est, pecuniam dari oportet, id est, id quod interest, iure debetur, et est in obligatione; ita his ipsis verbis effici aio, solum id quod interest, deberi. Ex una enim stipulatione faciendi, qua eadem res una continetur, amplius quam res una deberi non potest. Quare si debetur in hoc genere id quod interest, et quidem ita, ut dari oporteat; etiam solum deberi necesse est. Non igitur amplius factum est in obligatione. † Falsumque est, quod ab aliis acceptum Bartolus in huius loci interpretatione sequitur, utrumque in obligatione esse, et factum, et id, quod interest. Agnoscit ille non esse utrumque in obligatione coniunctum; et recte agnoscit; alioqui aut his idem exigeretur contra naturæ æquitatem: *L. bona fides, infr. de reg. iur.* aut exigerentur res duæ ex ea stipulatione, qua una tantum promissa est, contra contrahentium conventionum. Sed ait utrumque deberi sub alternatione, factum nimirum, aut id quod interest: sic tamen ut velit actoris esse electionem, utrum petat; ideoque ipso petente pecuniam, hanc ipsam volenti dari oportere. Quod defendi non potest. † Scimus enim cum illud aut illud promittitur, promissoria electionem esse, utrum præstet; *L. plerumque, in fin. supr. de iur. dot. L. 2. §. Scævola, supr. de eo quod cer. lo. cni eligendi potestati contrarium est pecuniam dari oportere.* Non enim necesse est eam dari, si promissor faciendi liberari potest. † Sed ille dictum illud de electione ita interpretatur; nisi utrumque quod disiunctum in obligationem deductum, est debeatur diversis actionibus, ut non tam una sit obligatio res duas sub disiunctione continens, quam duæ obligationes duarum rerum. Id autem in proposito contingere ait, ubi unam vult obligationem facti esse inductam a contrahentibus: alteram de eo quod interest, subrogatam a lege. Utrumque falsum est, et quod de duabus actionibus diversis ius esse dicit, et quod has actiones ait in hoc genere stipulationum inesse. Hoc quidem posterius aperte falsum. † Una est enim actio ex faciendi stipulatione, qua et petatur factum, si quidem peti posse concederemus, et qua petatur id quod interest: nempe actio incerti ex stipulatu. Hanc in petitione facti admittunt, de eo quod interest, competere negant, quia id conditio-
- 34
- 35
- 36

ne certi peti volunt: sed pudendo plane errore. Primum quia id quod interest, incertum esse et dici, omnium iuris auctorum sententiis constat. *L. si panam, supr. eod. §. ult. Instit. eod.* Deinde quia discrete scriptum est in *L. ult. supr. si quis in iusv. non ier.* in id quod interest agi actione incerti. Et quod ad huius sententiæ confirmationem utantur definitione *L. certi, supr. si cert. pet.* ridiculum est. Illic quidem traditur certi conditionem competere non tantum ex contractu certo, sed etiam ex incerto; sed adicitur; dummodo ex eo certum petatur. Stipulationem faciendi incertum esse contractum inter omnes convenit. *d. L. si panam, supr.* Sed an id quod interest, certum? Imo vero usque adeo incertum, ut non ob aliam causam stipulatio ipsa incerta sit, quam quod in eam venit id quod stipulatoris interest, ut declaratur in *d. L. si panam*: de qua incertitudine et eius causis illic a me dictum est. Quapropter etsi concederem istis, cum pluribus rebus disiunctam debitam, de singulis diversæ sunt actiones, tunc actorem eligere posse, qua actione experietur, et propter actionem esse quoque in eius potestate, quam rem petat; tamen ad stipulationem faciendi non pertineret, ex qua duas res alternatim deberi constaret, factum, aut id quod interest; et utriusque nomine unam eandemque esse actionem, incerti ex stipulatu. Atqui nihil verius est prius illud quod dicant, cum plures res disiunctam debita diversis actionibus petantur, electionem esse creditoris, et qua actione agat, et quam rem petat, propter actionem. Tunc enim demum pluribus constitutis actionibus hæc electio creditoris est, cum eiusdem rei nomine actiones prodita sunt, ut fit in actione de peculio, et tributaria: quarum utraque de merce peculiari competit. *L. quod in herede, §. eligere, supr. de trib. act.* ut in pluribus actionibus legatorum nomine comparatis, *L. cum filius, §. variis, supr. de leg. 2.* Hic autem plane e converso accidit, ut si verum est deberi factum, et id quod interest, plures res sint, quæ debeantur; de singulis autem una actio competit, non plures. † Omnino ita probandum est, quoties plures res debebuntur sub disiunctione, quamvis de singulis annis sint actiones, tamen semper rei electionem esse debere, quid solvat: ut actiones propter res constitutæ, rerum quoque conditionem sequantur. Idque plane consequens est sententiæ Scævola, quæ refertur in *d. L. 2. §. Scævola, supr. de eo quod cer. loc.* cum tamen locum illum et disputationem Scævola

ad

ad suæ sententiæ confirmationem traducere conentur. Sic enim statuit Scævola, cum illud aut illud promissum est, tandiu promissoris electionem esse debere, utrum solvat, quandiu electione ei data futurum sit, ut saltem unum solvat. Ubi autem futurum est, propter electionem, ut nihil cogatur dare, ubi electionem eius esse non debere: ac generaliter ita definit, quid debeat, esse in eius arbitrio; an debeat, non esse. At in proposito utrumvis elegerit promissor sive factum ex una actione, sive in quod interest ex alia, non ideo futurum est ut nihil debeat, sed semper hoc modo rem unam debebit, in eamque ipsam ea actione tenebitur, quam in se elegerit. Proinde hic quoque qua actione conveniatur, in potestate eius esse debebit. † Hac electione posita efficitur, quod supra posui, postquam factum non est, quod fieri stipulemur; unum id quod interest, in obligatione esse; factum autem et id quod interest non esse ne disiunctim quidem: ne incipiat dici esse in potestate promissoris pecuniam non dare: quod enim facere oportere dicimus. et in summa recte colligimus hoc modo: Si ex stipulatione faciendi cum factum non est, quod debuit, in obligatione est et factum et id quod interest disiunctim, ut debeat aut factum, aut id quod interest; pecuniam, id est, id quod interest, dari non oportet; non enim necesse est dari id cuius præstationem reus evitare potest aliud præstando, ut hic potest factum eligendo liberari. At pecuniam, seu id quod interest hic dari oportet. Non est igitur utrumque disiunctim in obligatione. Convenit autem utrumque disiunctim non deberi, sed unum ex his damtaxat. Ex quo efficitur, quod dixi, si pecunia debetur, et eam dari oportet, hanc solam dari oportere. † Quid ergo, in stipulationem faciendi factum omnino non venit, eaque non debetur? Imo vero venit in eam, eaque continetur. Nec aliam significationem habet, quod dicitur stipulationem quasdam in dando esse, quasdam in faciendo. *L. 2. sup. eod.* Item, in stipulationem non solum res deduci, sed etiam facta. *§. ult. Instit. eod.* Quod si ex stipulatione faciendi solum pecunia deberetur, non etiam quod fieri promissum est; dici oportuit omnes stipulationes esse in dando, in omnes deduci res; non facta, quoniam hanc ipsam pecuniam satis constet rem esse, quam eandem debere dari dicimus. Sed a principio in stipulationem factum deducitur, tandiuque versatur in obligatione, quandiu durat id tempus, quo fieri promissum potuit, quod superioribus sententiis,

Tom. XI.

et verbis stipulationis plane est consentaneum. Quod si intra id tempus factum non erit, transfunditur quodammodo faciendi obligatio in novam obligationem, et pecunia, eius quod interest æstimatio deberi incipit. Quæ huius loci definitio est, et *L. si quis ab alio, in fin. sup. de re iud.* In quibus cum dicitur pecuniam dari oportere, in pecuniam numeratam condemnationem fieri; utrobique adiicitur hæc conditio; *si non fuerit factum, quod promissum est.* Sed inter istam faciendi obligationem, quæ ab initio est, et pecuniæ obligationem, quam postea sequi dicimus, hoc interest, quod factum per id tempus, quod diximus, ita debetur ex stipulatione, ut si tum præstetur, vere dici possit promissum, et debitum fuisse solum. Cæterum cum effectu non debetur, quia peti non potest; non enim ex stipulatione faciendi prius agi potest, quam præterierit tempus, quo promissum fieri potuit. *L. si ita stipulatus. 14. sup. eod.* At pecunia quæ post id tempus deberi incipit, vere debetur, quia et dari eam oportet: quod non aliter fit, quam si et iudicio possit exigi. Qua ratione rursum factum est, ut quibusdam in locis, cum definitur, quid stipulatio faciendi contineat, nihil amplius de eo traditum legamus, quam in stipulationem faciendi venire id quod interest: stipulatione faciendi id quod interest, contineri. *L. si penam, sup. L. quoties quis, infr. eod.* Quippe hoc solum venit, hoc solum continetur, ut peti possit: illud magis est in præstatione. † Itaque si, quid in obli-

40

77

mis-

missum potest fieri, si licet id facere, ut quod factum erit, videatur obligationis iure ut promissum, et ex hac causa debitum factum esse. Quod si intra id tempus factum non erit, tum evenit, quod hic dicitur: exinde pecuniam dari oportet. Quod declarat idem hic fieri, quod supra in legato penus diximus; nimirum transfundi quodammodo faciendi obligationem, et solam pecuniam deberi. Ut autem intelligatur, quam omni ex parte exemplum conveniat, etiam hoc congruit. Ut enim in superiora legato penus, si statim penus soluta non est, hæc iam non debetur, sed sola decem; attamen placet eam in præstatione esse, habereque heredem obligationem tandem, quando lis cum eo de pecunia contestetur: *d. L. 1. sup. de pe. leg.* sic et in stipulatione facti accidit, ut quamvis cum factum non fuerit, quod promissum est, pecunia debeatur, non factum; tamen factum nihilominus sit in præstatione, habeatque promissor faciendi facultatem, donec lis cum eo contestata sit. *L. si insulam, infr. eod.* Quæ si vera sunt, quid de istarum rerum petitione, condemnatione, præstatione consequens sit, apparet. Nempe hoc, ut quæ in hoc genere de rebus debitis tradita sunt communibus regulis iuris, ea statuamus in faciendi obligationibus de pecunia, seu eo quod interest: eadem contra de facto negemus. Quæ si etiam particularit singula suis locis probantur, accedet hoc etiam ad superiorum confirmationem; cum omnes partes huius sententiæ inter se connexæ et consentientes sibi ipsa invicem adstruent fidem. Sic enim ex antecedentibus recte inferemus consequentia, id est, ex obligatione effecta; et contra consequentibus positis, ex his antecedentia colligimus, id est, ex effectis causam, unde sunt effecta. † Sic ergo de pecunia statuamus. Si quod fieri stipulatur, non fuerit factum, pecunia debetur; pecunia est in obligatione, inquitur. Nempe consequens est, et peti posse: sic enim debetur, si ab initio exigi potest. *L. debitor, infr. de ver. sig.* exigi autem nisi indicio non potest: nec potest iudicio sine actione. *L. extat, supr. quod met. cau. L. nihil, supr. prox. tit.* Quod etiam magis exprimitur verbis definitionis, cum dicitur pecuniam dari oportere: non enim necesse est dari, nisi quis cogitur. Una autem cogendi et ita exigendi ratio est iure prodita, ut actionibus experiamur. *d. L. extat.* Atque hæc pars manifestis locis nominatim confirmatur. In *L. 1. sup. de act. em.* ita scriptum est, si res vendita non tradatur, in id quod interest, agi-

tur. In *L. ult. supra, si quis in ius voc. non ier.* ita: cum quis in iudicio sit promissum neque adiecerit penam, si status non esset; incerti cum eo agendum esse in id quod interest, verissimum est. Quibus in locis observandum est, non dici in id quod interest agi posse; sed agi, et agendum esse: quæ verba necessitatem continent, declarantque, ut ita agatur, rem non esse in potestate agentis, sed in necessitate iuris positam, si quis quid iudicio persequi velit ex faciendi obligatione. Ut autem obligatione eius quod interest constituta, sequitur actio: ita vice versa hoc posito, in id quod interest, agi posse, satis est argumenti, ex faciendi obligatione si factum non sit, quod debuit, id quod interest, non factum deberi: non est enim actio in personam, nisi de eo quod debetur, ut est definitio actionis. *d. L. nihil, supr. prox. tit.* Quod si cum reus non fecit, quod promisit, in id quod interest, agitur; consequens fuit, ut condemnatio quoque iudicis petitioni responderet. *L. ult. C. de fid. lib. lit.* Atque hinc illa rursus da condemnationis huius iudicii propria, veterum definitio. Qui non fecit, quod promisit, in pecuniam numeratam condemnatur, sicut evenit in omnibus faciendi obligationibus. *L. si quis ab alio, in fin. sup. de re iud. Cur, quæso, in pecuniam numeratam, non ut fiat, condemnatur?* Quia pecunia debetur, at ut debetur, sic at da aa actio est. Neque porro potest ultra id quod in iudicio deductum est, excedere potestas iudicis, *d. L. ult. C. de fid. lib. lit. ut fundus, supr. cam. divi.* Ita rursus ex condemnatione ad petitionem eius quod interest, et ex petitione ad obligationem retroversus pervenitur. Quod si de præstatione promissoris quæritur, certi iuris est, cuius rei solutione quisque liberaretur, nempe eius, quem debetur. *Inst. quib. mo. tol. obl. in. pr.* Quapropter cum id factum non sit, quod promissum est, statuimus pecuniam, seu id quod interest, dari, atque adeo si hoc verbum non est satis, dari oportere: apparet, quid sequatur; cum nimirum, qui promisit se facturum, si non fecerit, ita teneri, ut tamen præstatione eius quod interest, liberetur: eiusque obligationem cum habere non tantum ante litam contestatam, sed etiam postea: quia litis contestatio quamvis de alia re constituta, non faciat quominus quod debetur, liceat solvere, et aa solutione tollere obligationem iuxta regulam iuris. Hæc da pecunia, deque eo quod interest, quod ex hoc genere stipulationum dari dicimus. De facto ipso contraria omnia: quippe

pe quod deberi, seu in obligatione esse negamus. Ergo ut fiat, quod promissum est, non agitur: quis ut dixi, non est actio de eo quod non debetur, factum autem iam non debetur, postquam ex faciendi stipulatione agi posse cepit. Cuius rei haud scio, an ullum argumentum possit esse certius, quam id quod traditur in *L. si insulam, infr. eod.* Promiserat quis se insulam facturum, et transierat tempus, quo potuerat facere: ei litem secum contestari passus sit, negat Paulus ei prodesse, si edificet: id est, negat eum edificando liberari posse. Non ergo factum fuit in obligatione: alioqui etiam quandoque id præstando liberaretur. Neque hic quisquam dicat ideo id fieri, quia insula amplius fieri non possit: nominatim enim definitio concepta est, de eo qui edificet, sed cui neget Paulus id prodesse: et prius ostenditur, agi de eo, qui vere edificet, quod promissit; utpote quem ille dicat facientem liberari, quandiu litem contestatus non sit. Neque vero quia dicitur reus ante litem contestatam faciendo liberari posse, id argumento est factum antea fuisse in obligatione: non enim ideo faciendo liberatur, quia factum deberetur, sed quia ante litem contestatam poterit id præstare ad liberationem ex conditione obligationis: ut dici debeat factum etsi in obligatione non est, in præstatione tamen esse: similiter ut pecuniam non statim soluta, sola decem in superiore legato penus deberi diximus, et tamen penum ante litem contestatam esse in præstatione *d. L. 1. de pen. leg.* Quid ergo, non recte eget creditor, si agat in hoc ut reus faciat, quod promissit; et in summa non recte intendit sibi fieri oportere? Si adversus eum, qui fateatur se promississe, sed id quod interest, offerat, non recte. Quia id petat, quod non debeatur, nempe factum; promissor autem id offerat, quod debeat, eiusque rei solutione necesse sit eum iure liberari. Sin agat eum eo, qui simpliciter se nihil debere dicat, defendi potest intentio, ut elus, qui id agat, ut ea petitione ius suum consequatur. Sed ita accipietur intentio, ut si probetur reum promississe quid fieri, nihil amplius intelligatur eo contineri, quam id quod stipulatione ex qua agit, continetur; id autem est id quod interest. *L. quoties quis, infr. eod.* Et ideo non faciente promissore, quod promissit, non alie erunt partes iudicis, quam ut æstimet quanti intersit agentis, et reum in pecunia numeratam condemnare, uti generalis definitio scripta est in *L. si quis ab alio, in pr. et §. ult. supr. de re iud.* et recte. Semper enim probandum est promissorem præstando, quod

dehuit, liberari: debuit autem id quod interest; factum non debuit. Ex quibus perspicuum est valde errare eos, qui statuunt ex stipulationibus faciendi promissorem ita teneri, ut postulante petitor, omnimodo et præcise cogatur facere, nec liberetur offereundo id quod interest. Nam quomodo cogi potest, ut faciat, a quo ne id quidem iudicio peti potest? non enim potest, si non debuit. Porro factum in obligatione non esse effectum est. Illud autem præcise, quomodo potest defendi? Nam si promissor cum non fecit, quod promissit, debuit id quod interest, quomodo non eius solutione liberetur? Quod si promissor faciendi cogitur præcise, ut faciat; deleamus superiora omnia, quæ diximus, negamusque pecuniam, et id quod interest, stipulatione contineri: negemus id dari oportere: negemus ob eandem causam in id agi. Nam his positis, qui negat promissorem id quod interest, solvendo liberari; is aut prius illa non recte accipit, aut quid his ex regula iuris sit consequens, non videt. † Et illis concessis quid sequatur, plerique vident, ac quatenus illa concedunt, etiam solum id quod interest, deberi, et in id agi fatentur. Sed ipsa illa superiora, pecuniam nimirum dari oportere; id quod interest, venire in stipulationem; et agi in id quod interest, si factum non sit, quod promissum est: hæc, inquam, et similia aliter interpretantur, quam supra facimus. Volunt enim tunc locum habere, cum et factum non est, quod fieri debuit, et præterea iam fieri posse desuit. Quod si factum adhuc possit præstari; et absurdum, et iniquum putant non teneri eum ex stipulatione, ut faciat, qui se facturum promissit. De æquitate et ratione huius iuris dicam paulo post. Nunc quia de iure ipso, quodcumque hic veteribus placuerit, prius quaeritur, de eo prius dicam, et ostendam sic esse veterum de hoc genere sententias, ut simul atque factum non sit, quod promissum est, cum posset: velint pecuniam seu id quod interest, dari oportere, et in id agendum esse; et in eo aperte nihil referre existiment, utrum promissor possit adhuc facere, quod promissit, an non possit. † Dico enim, qui non fecerit, cum posset, etiam si adhuc possit; tamen ex stipulatione faciendi nihil amplius debere quam pecuniam, et id quod interest. Ad quod probandum unus hic locus quem tractamus, sufficiebat, si æqui iudices esse vellemus. Ut enim supra ostendi, sic definitio est, ut velit in faciendi stipulationibus pecuniam dari oportere sub hac conditione solum, si quod fieri stipulemur, non fuerit factum. Quod si in ea definitione hæc etiam conditio intelligenda est, si factum

42

43

ctum

etiam amplius præstari non possit, duo sunt in ea magna peccata veterum, et eiusmodi, quæ in sano scriptore non videantur etiam ferenda. Unam, quod necessaria conditione prætermittitur, et ex qua ins pendeat, aliam non modo non necessariam, sed quæ magna ex parte falsam sententiam efficeret, inseruerunt. Alterum, quod definitionem conceperunt de faciendi stipulationibus: quasi hac conditione posita, si iam præstari non possit, quod promissum est, aliud dici debuerit in dandi obligationibus, quam pecuniam dari oportere. *L. in re, supr. de cond. fur.* Sed ne res testimoniis certis, et pene exploratis indigeat, declaratur id quod supra posui in *L. si penam, supr. eod.* ubi qui promisit se pecuniam creditorum, nihil amplius debet, quam id quod interest: et tamen constat aut non minus posse pecuniam credere, quam eo nomine præstare id quod interest. Declaratur in *L. si quis stipulatus. 112. §. ult. infr. eod.* ubi ita scriptum est, semper in satisfactionis stipulationem venire id quod interest. Quid est, *semper*, nisi hoc, promissorem non satisfactionem omnimodo teneri, siue ideo non satisfacit, quia non possit, siue ideo, quia nolit? Declaratur maxime in *L. si insulam, supr. eod.* ubi proposuit is, qui insulam se facturum promiserat, post litem contestatam edificare velle: et responderetur nihil prodesse ei si ædificet. Poterat igitur edificare, sed ei hoc facere nihil prodest. Cur? an non quia hoc factum non debuit, sed iam ante stipulationem contineri coeperat id quod interest? *d. L. si penam, supr. d. L. si quis stipulatus. 112. §. ult. infr. eod.* Alioqui insulam edificando, id est, præstando, quod deberet, quovis tempore liberaretur etiam post litem contestatam. Nam nec sententia aliud afficeret, quam ut solveratur quod debebatur. Et regula iuris generalis est, solutione eius quod debetur, tolli omnem obligationem. *Inst. quib. mod. tol. obl.* Sed et nominatim post litem contestatam ante rem iudicatum solvi posse et satisfieri auctori, et eam qui fecerit, absolvi debere, scriptum est in *§. ult. Inst. de per. et tem. ac.* Declaratur idem in *L. 4. C. de act. em.* ubi iniungitur iudici, ut curet in condemnationem deduci, quanti interest emptoris emptorem compleri, idque nominatim adversus eum venditorem, cuius procacia, ut loquitur rescriptum, traditio rei venditæ non fiat. Tunc proprie dicitur procacia, et improbitate seu pervicacia venditoris traditio non fieri, cum is rei tradendæ facultatem habet, et negat se traditurum. Sed prope disertis verbis hæc sententia expressa est in *L. non cogendum, §. 1. supr. de proc.* Nam cum Paulus in *L. mutus, §. ult. eod.*

retulisset Atlicium, et Labeonis sententiam existimantium eum, qui promississet se absentem iudicio defensurum, eoque nomine satisfactionem iudicatum solvi, quamvis sine satisfactione defendere non cogeretur, tamen post satisfactionem cogendum esse iudicium accipere: hanc sententiam postea improbandam, Sabini sententiam sibiicit, quam et sequitur in *d. L. non cogendum.* Atque ita scribit, enim, qui ita satisfactionem iudicatum solvi defendendi absentis gratia, non esse cogendum defendere, atque adeo nullas Prætoris partes esse ad eum compellendum, sed solum ex stipulatu ob rem non defensam agi posse; nempe in id quod interest; quam ad rem committitur hæc stipulatio, et prætoris similes. *L. 1. §. incertum, L. ult. infr. de præst. hab. stipu. L. si procurator, infr. rem. rat.* at tamen constat in hac specie agi de eo promissore, qui defendere poterat: alioqui stulte quaereretur, an esset cogendus; nec tam imperiti essent veteres illi Atlicius et Labeo, ut eum dicerent cogendum esse iudicium accipere, qui accipere etiam si vellet, non posset. Postremo quid sibi vult in *L. si penam, supr. eod.* quod dicitur stipulatio faciendi esse incerta? Utrum stipulationem aliquando esse incertam, aliquando non esse, propterea factum præstari adhiberi poterit, aut non poterit? Nullo modo, ut opinor: sed cum simpliciter et sine conditione dicatur, sic accipi debet, ut semper sit incerta. Nequa hæc conditio intelligitur, si factum amplius præstari non possit, quæ conditio adiecta non est, et raro solet existare, sed hæc erit sententia, si fieri amplius non possit, quod promissum est, siue adhuc possit, nullo tempore esse incertam. Idque aperte declaratur exemplo stipulationis illic propositæ. Hæc enim stipulatio pecuniam te mihi creditorum spondes? id factum continet quod semper possit a promissore impleri non minus facile, quam præstari ab eo id quod interest. Atqui quod stipulatio faciendi illic dicitur esse incerta, nominatim ob eam causam talis esse dicitur, quia venit in eam id quod interest. Proinde et per omne tempus id quod interest, in eam venire intelligitur. Ergo et debetur, et debitum peti potest, et promissor id solvendo liberatur. Non est igitur dubitandum, quia quod scripserunt, id quoque senserint veteres Tubero et Celsus, quod hic scriptum legitimus; et in universum quin iuris auctores omnes, quorum in supra scriptis locis sententiæ referuntur, perperam hac regula uti sint in faciendi stipulationibus, ut ubicunque quid fieri stipuletur, in stipulationem veniat id quod

id-

interest, seu pecuniæ, quam ob id dari oportet, et in quam eodem de causa agatur, hac conditione, si intra id tempus, quo fieri potuit, factum non sit, quod fieri promissum est: hac conditione, inquam, si factum non sit, non etiam si fieri amplius non possit. Nem etsi adhuc possit fieri, tamen postquam præterit id tempus, quo fieri potuit, statim committi stipulationem in id quod interest: ut deinceps id sit in obligatione, proinde et a stipulatore peti, et a promissore quovis tempore solvi possit ad liberationem; nihil præterea. Sed in hac sententia duo nos impediunt explicat non edmodum expedita; conditio stipulationis non inas de stipulatione et conventionem constitutum; tum ii loci, quibus traditur, eum, qui ad faciendum tenetur, necesse habere id facere. Quæ sunt duo, quæ tam multos in contrariam sententiam moverunt. Sed in primis conditio stipulationis, ad cuius confirmationem potius reliqui loci accedere videntur. Lex et nature stipulationis hæc est, ut si quid promissum sit, id debeatur stipulanti: si promissum non sit, non debeatur. §. ult. *Inst. de obl. ex cons. l. quia tantundem, supr. de neg. gest.* Secundum hæc dici debet, si quis quid promissum se factorum, puta rem traditurum satidurum, pecuniam crediturum, insulam ædificaturum, hoc ipsum ut fiat, in obligatione esse et deberi, quia promissum est; pecuniam, seu id quod interest, non deberi, quia neutrum est promissum. Ex quo contraria sunt consequentia: illud videlicet tanquam debitum peti posse, et petente actore necesse esse solvi: hoc neque peti, neque invito creditore solvi posse. Sane si factum desit posse præstari, pecuniam succedere in eius locum quam et dari oportet; sed non ut stipulatione debitum, verum ut eam, quæ præstetur pro re promissa, necessitate rerum ita cogente, quia iam amplius non sit res promissa, quæ præstetur: ut accidit in obligationibus dandi, in quibus etvi res promissa sola est in obligatione, tamen si ea perierit post mortem debitoris, æstimatio rei præstanda est; et peti potest. *L. in re, supr. de cond. fur.* Hinc illa sententia neque absurda, neque prima ratione improbabilis, si factum amplius præstari non potest, tum sone pecuniam dari oportere; et in id quod interest agi posse: ante vero solum factum in obligatione esse, quod et verbis in stipulationem deductum erat. Quod cum aliter statuimus, merito quæritur illud, quod in hac sententia supra proposuimus, videntur esse, quo iure quæve ratione in faciendi stipulationibus factum in obligatio-

ne esse ægemus: pecuniæ et eius quod interest obligationem et eam solum defendamus: de quo prius respondebo. Et fateor de nostra et iure stipulationis utrunque verum esse quod dixi, et quod ea promissum sit; deberi: et quod promissum non sit, non deberi: itaque ex his et de facto, et de eo quod interest, indicandum esse. Sed si in faciendi stipulationibus id quod interest, in stipulationem deduci, id quod interest stipulatione promitti probatur; nempe huic ipsi legi consequens est, vere etiam id ex stipulatione faciendi deberi, et solum deberi. Atqui sententiis veterum notis, quarum aliquot iam supra commemoravimus, ita id testatur est, ut nihil possit esse certius. Huc enim illa referri debent, in stipulationem faciendi venire id quod interest: quæ sententia duobus his lucis expressa est. *L. si pœnam, supra, et L. si quis stipulatur, §. ult. infr. cod.* Item, id quod interest, stipulatione contineri. *L. quoties quis, infr.* Quid est venisse aliquid in stipulationem? idem, quod in stipulationem deductum esse: neque enim veniret, nisi esset deductum. Idem ut quod in iudicium venire dicitur in *L. solumus, supra, de iud.* id ipsum esse intelligimus, quod dicitur in iudicium deduci in *L. ut fundus, supra, com. divid. l. unica, C. de lit. cont.* Quod rursum stipulatione continetur? en non id solum, quod stipulatione est comprehensum, id est, promissum? nem et in stipulatione dandi; hoc ipsum ut res detur, quia stipulatione promissum est, etiam stipulatione contineri dicitur in *L. ubi, §. ult. infra cod.* Non etiam significationem habet, quod in §. ult. *Inst. cod.* id quod interest nominatur quantitas stipulationis. Ideo etiam sic dicitur, quia hæc quantitatem habet, hæc continet stipulatio; nec continet, nisi quæ prius in eam deducta est, non utique a lege, ut hic Bartolus nullo auctoritate, nulla ratione nixus affirmat, sed a contrahentibus. A quibus enim stipulatio est? a lege, an a contrahentibus? haud dubie a contrahentibus, non a lege. Hæc autem obligatio ex stipulatione est, in quam venit, et quæ continetur. A contrahentibus est igitur, non lege inducitur. Obligatio a lege induci potest citra conventionem, ut æstimatio obligatio, cum res post culpam debitoris perit: sed extrinsecus hoc contingit, non ex stipulatione; certe obligationem a lege in stipulationem deduci, cum stipulatio conficiatur contrahentium consensu, et inauditam et absurdum est. Quid; si nec extrinsecus in negotiis privatorum obligatio ulla

iu-

inducitur lege, nisi in consentientes? hac enim pertinet illud Pedii, in *L. 1. §. 1. sup. de pact.* nullum esse contractum, nullam obligationem, quæ non habeat in se conventionem. Et vero certæ sunt et constantæ causæ Iure Civili ex quibus ut quæquo nascitur obligatio, ita quidque debetur: in quibus non est legis auctoritas sine conventionem, ubi de re privatorum, et eorum contracto agitur *L. obligamur, sup. pr. prox. tit.* Quo posito adversus hæc omnia, quæ contra dici solent, parata defensio est. Æquum est, aiunt, cum quis quid se facturum promissit, fidem et conventionem servari. *L. 1. sup. de pact.* Nos adiciamus amplius etiam Iure Civili cogi promissorem, ut præstet propter stipulationem: §. *de constituta, Inst. de act.* Sed dicimus tunc maxime servari fidem, cum præstatur pecunia: quandoquidem hæc in stipulationem deducta est, si non fieret, quod fieri promissum est. Addunt actione in personam peti non posse, quod non debetur. *L. nihil, sup. pr. tit.* Recte: sed petitur id quod debetur, cum ex obligationibus faciendi agitur in id quod interest: hoc enim promissum est, si non stipulatione continetur. Adiciunt item et illud, aliud pro alio invito creditore solvi non posse. *L. 2. §. 1. sup. si cert. pet.* Dicimus promissorem facti non solvere aliud, quam debet, cum præstat id quod interest: hoc enim debuit ex stipulatione, quia in stipulationem deductum erat. Ut iam si quis roget, quo iure dicamus in faciendi stipulationibus deberi, et peti posse id, quod interest, recte responduri sumus iure stipulationis, eodem illo nimirum quo et res alix in stipulationem deductæ Iure Civili ex stipulatione debentur: et inde peti possunt. *Inst. eod. in pr. §. de constituta, Inst. de act.* † Et si quidem constat id quod interest, in stipulationem faciendi deduci, et quod idem est, promitti verbis stipulationis, res, puto, dubitationem non habeat. Sed hoc illud est, in quo hæsitatur: nam quomodo hic promittitur id, quod interest, cum appareat solum hoc comprehendi verbis, ut quid fiat; pecuniæ autem et eius quod interest, nullam fieri mentionem? Neque enim satis est ad rem expediendam, si quis hic pro omni ratione afferat auctoritatem iuris, et dicat ita placuisse, ita ins scriptum esse, iuxta *L. non omnium, sup. de legib. l. proximit, sup. qui et a quibus.* Ut enim quis dederit hic ius consilii de eo quod interest ex stipulatione faciendi præstando: tamen tandiu in iure auctoritas iuris pro ratione valere debet, quandiu ad ius alio iu-

re manifesto non oppugnetur. Atqui quod dicitur in stipulatione faciendi contineri id quod interest, non tam aliis partibus iuris, quam natura ipsa rei refelli videtur. Agitur enim de stipulatione. Hanc certi iuris est non nisi verbis confici, atque adeo talem esse, ut quod in ea palam verbis expressum non sit, omissum habeatur. *L. quidquid, infr. eod.* Quid, quod cum dicitur in stipulationem venire, seu stipulatione contineri id quod interest, nihil hic iuris statuitur? Non enim præcipitur, ut ex faciendi stipulationibus debeatur, præsteturque id quod interest: quod sine manifesta conventionem lege effici possit, dum cavetur, ut pro una re alia præstetur, quæcumque ratio id fieri suaderet. Sed de stipulatione et eo quod iam factum est, affirmatur siquid, quod non est rei gestæ conditio, perspicue falsum videtur. Dicitur enim in stipulationem faciendi deduci id quod interest, in ea promitti id quod interest. Quod et falsum est, et ut verum sit, nulla auctoritas scribentis potest efficere: si stipulari aliquid est, de eo nominatim interrogare; et promittere est, verbis spondere; hic autem nulla verbum est de pecunia et eo quod interest. Quapropter nihil agitur in hac re auctoritate, nisi ostendimus vere dici, et stipulationi convenienter, ubi quid fieri stipulamur, ibi id quod interest, in stipulationem venire, idemque stipulatione promitti. At quomodo id probabitur, inquam, ubi constat verbis ne appellatum quidem esse id quod interest? Illud vero quomodo videtur posse defendi, factum ipsum non venisse in stipulationem, eoque inde non deberi, de quo verbis stipulationis tam aperte casum sit? † Et intelligendum est facti verbo duo contineri, actum ipsum, et effectum facti, ut duobus locis indicat Papiianus, *L. si venditor, sup. de rer. exp. l. 4. sup. de usur.* Actus est, quod fit: effectus, utilitas quo ex facto percipitur: ea est autem, id quod interest nostris aliquid fieri, ut supra ostendi. Alterum exprimitur verbo aperte: alterum vi et potestate verbi continetur. Est enim effectus facti cum facto tanquam cum sua causa ita coniunctus, ut facto posito continuo hic sequatur. Siquidem ergo cum fieri stipulamur, veluti, rem tradi, insulam ædificari, in facti verbo nihil amplius spectamus, quam id quod verbum aperte exprimit, id est, actum ipsum, seu factum nudum seiunctum ab effectu suo; non potest, fateor, aliud dici, quam horum utrumque, quod supra metuebatur, et factum nimirum stipulatione contineri, et id quod interest, non contineri, non promitti; quia re vera aliud sit

factum, aliud quod nostra interest; cum possit quid fieri, ut tamen nostra non interst, id est, ut factum stipulanti nullam utilitatem afflaret. Sin vero faciendi verbo etiam effectus continetur, et hic effectus est, utilitas facti seu id quod interest; faciendum est etiam id quod interest, in faciendi obligationibus verbis stipulationis contineri, verbis in stipulationem venire. † Non obstat, quod exigitur, ut quidquid stipulatione caveri volumus, id palam verbis exprimitur. *L. quidquid. infr. eod.* non enim exigitur his verbis ut nominatum, et specialiter exprimitur. Alioqui si promitteretur totum, non continerentur partes; si promitteretur hereditas, non continerentur singulae res hereditarie; si peculium, non continerentur res peculiares; et si quid obscure scriptum esset, nihil valeret, nec spectaremus, quod esset actum. Sed hoc exigitur tantum, ut ad rem demonstrandam de qua cautum volumus, adhibeantur verba, quibus res indicitur. Itaque non demonstratur quovis modo, non nutu, non digito, aut alia quavis demonstratione sine verbis: sed exprimitur, id est, comprehendatur verbis. Idque fiat palam, id est, ita, ut verba exaudiri possint. *L. heredes, sup. qui test. fac. pos.* ceterum exprimi et comprehendere verbis intelligitur res, quocumque modo ex verbis palam prolatis intelligi potest, sive ea aperte significetur verbo, sive vi et potestate verbi contineatur. Continetur igitur, ut dixi, verbis stipulationis faciendi etiam id quod interest, ut si de verbis stipulationis tantum queritur, nihil hic desit ad huius rei obligationem. Sed continetur iisdem verbis et factum, et quidem multo magis: continetur enim non per interpretationem et ratiocinationem, sed recta, et aperte, significatione ipsa verbi nominatum factum exprimente: de quo tamen supra ita scripsimus, ut negaremus id in stipulationem seu obligationem venire. Hoc declarat aliud hic nobis spectandum esse; quam verba, quod et verum est: mens nimirum et sententia contrahentium hic præterea consulenda est, ut sive in utramque rem ex superioribus duabus concurrat consensus, ut eam contrahentes in stipulatum deductam velint, sive in alteram dumtaxat, ea vere dicatur venire in stipulationem, de qua cum verbis etiam voluntas consentiat. Conficitur enim verbis stipulatio: sed constat etiam consensu: sine quo nihil in stipulationem deductum valet, aut deheri potest. *L. inter, §. 1. L. continuus, §. 1. infr. eod.* † Quod si queritur, quid de his rebus sentiant contrahentes in faciendi stipu-

Tom. XI.

tionibus; spero, constabit hanc esse in hoc genere eorum sententiam, uti factum in stipulationem deductum nolint, quo: id debeat, sed solum velint id quod interest. Id ex fine stipulationis, et natura rerum intelligitur. Finis hic est omni stipulationi propositus, ut per eam acquirat quisque aliquid, quod, habeat; et in summa ut acquirat, quod sua interest. *L. stipulatio ista, §. alteri, sup. eod.* Cui proposito conveniens est, ut si quis quid stipuletur verbis, quod sit, et haberi possit, id etiam re vera stipulari intelligatur, nec quidquam aliud. Sin id quod verbis exprimitur, nihil sit, tum id nec videatur quisquam stipulari, quod iuxta finem omnibus in stipulando propositum acquirere et habere non possit. Iam vero cuiusmodi res sit omne factum, consideremus. Plane aut nihil, aut certe non res, quæ consistat vel per se, vel in re alia tanquam subiecto, sive naturam spectes, qua consistunt res omnes corporales; sive ius, quo consistere dicuntur res incorporales. *Tit. Inst. de reb. corp. et inc.* Itaque non ea res, quæ haberi possit, aut acquiri, factum enim priusquam quid fiat, non esse constat: postquam editum est, statim evanescit. Proinde nemo ut quid fiat stipulando, hoc animo est, ut factum ipsum stipuletur, quod acquirere non potest: sed ut si quid inde consequi potest, id stipuletur. Ea poro est utilitas cuiusque facti quod in stipulatum deductum est: atque hæc utilitas id quod interest stipulantis id fieri, de quo cautum est. Ita fit quod queritur: ut in stipulationibus faciendi id quod interest ex sententia contrahentium in stipulationem veniat; factum non veniat. Sed demus facta esse aliquid. Tamen hoc convenit non esse eiusmodi, ut semper intersit stipulantis id fieri, quod promissum est, aut si interest; ut intersit eodem modo. Alias nihil interest: alias interest, sed interdum pluris, interdum minoris. *L. si quis ab alio, sup. de re iud. L. si quis stipulatus, 112. §. ult. infr. eod.* quod pro varietate factorum contingit. Unde quatenus cuiusque intersit, dicitur in facto consistere, non in iure. *L. quatenus, infr. de reg. iur.* Hoc de conditione factorum intellecto, ex superiore fine et hac natura factorum iam multo apertius, quam supra, demonstrari potest, et natura stipulationis faciendi, et sententia contrahentium contineri, ne factum unquam debeatur, ut peti possit, sed solum id quod interest. Etenim cum dicimus stipulationem omnem faciendi huc spectare, ut acquirat

sibi

alibi quisque quod sua interest id fieri, omnino hoc dicitur id agi, et hanc conditionem esse stipulationis, ut si nihil intersit, nihil præstetur: si quid intersit, tamen hæc teneat stipulatio, quatenus interest, nequa amplius: ut ita id quod interest, in faciendi obligationibus modum faciat obligationi. Idque veterum iuris auctorum sententia aperte confirmant; nam si nihil intersit stipulantis, placet inutilem stipulationem esse. *L. stipulatio ista, §. alteri, supr. eod.* ubi autem interest, ibi quanti intersit, esse æstimandum. *d. L. si quis ab, de re iud. d. L. si quis stipulatus, 112. §. ult. infr. eod.* At utroque casu hoc evenit, ut factum non debeat, nec sit in obligatione. Tum quidem, cum stipulantis nihil interest, manifestum est; nam si stipulatio est inutilis, ex ea nihil deberi potest, eoque ne factum quidam, itaque qui promissorem faciendi ad faciendum præcise cogi volunt, saltem hæc parte admonentur, ne hoc tunc defendant, cum stipulantis nihil intererit. Quod si eius intersit; tamen ne sic quidem ista stipulationis lege constituta, quam diximus, aliud potest deberi, aut præstari quo stipulatori satisfiat, quam id quod interest. Postquam enim tacita conventiono stipulationis hoc agitur, ut stipulator acquirat quod sua interest id fieri, de quo tantum est, hicque unus finis est stipulationis, ultra quem nec stipulatio iure progredi potest: apparet ex sententia contrahentium, et stipulationis lege id solum deberi, quo soluto huius finis et conventioni satisfieri potest; id est, quo stipulator id ipsum potest consequi, quod sua interest; et ita consequi, ut nihil etiam præterea absit eo nomine promissori. Atqui hoc ita consequimur, si æstimetur quanti intersit stipulantis, et quantum id erit, tanta pecunia ei præstetur. Sic enim fit, ut et hoc habeat stipulator, quod quærebat ex stipulatione, et promissori nihil præstet amplius. Facti vero præstatione huius finis satisfieri nullo modo potest. Ex quo intelligitur contra sententiam contrahentium esse id ex hac stipulatione deberi, aut, exigi posse. Finge enim minoris interesse stipulantis, quam quantum facti præstatio promissori ablatura sit: eo quidem præstito satisfiat stipulatori: sed cum iniuria promissoris, et contra stipulationis conventionem ac finem, si quidem id ab eo exigatur. Plus enim cogetur præstare, quam stipulatori debebatur; nempe quam stipulatoris interest. Finge et converso plurius eius interesse, quam quanti factum nunc est, aut constat promissori; nisi id præstat

promissori nota morsum aut litem contestatam, non præstat quod ex fine stipulationis stipulator consequi debuit; nade aut facientem non liberari scriptum est in *L. si insulam, infr. eod.* Quod si et eius quod promissori faciendi haberit, et eius quod stipulatoris interest, par erit æstimatio; tamen hoc plus erit in fæcto, quod molestia faciendi exhibebitur invito non necessaria, quæ vel hoc nomine ab eo exigenda non est, quod eam illi imponi nihil stipulatori prosit, dum consequatur aliter utilitatem facti, reo autem noceat. Et ut nihil sit aliud: tamen si cum plurius interest, id debetur, potestque ab invito exigi, recte dicitur par esse, ut si minoris intersit, eo quoque stipulator contentus esse debeat; atque adeo par nihil aliud hæc quoque parte deberi. Postremo si ærtius aliquid quærimus, id habemus, quod omni dubitationi opponamus. Si tunc ut fiat id de quo tantum est, ex stipulationis lege agi non potest, eum stipulantis nihil interest; est in potestate promissoris semper efficere, ne factum debeat, aut præstare cogatur. Quippe est in eius potestate præstare, ne stipulantis intersit, nimirum id ipsum quod eius interest, ei præstando. Hæc, ut arbitror, dilucide probat, eum et factum, et id quod interest, secundum verba deducantur in stipulationem faciendi, et quidem factum magis: tamen sententia contrahentium non factum videri deduci, sed solum id quod interest. Quod si in ambiguo sermone non utrumque dicimus, sed id solum quod volumus. *L. 3. supr. de reb. dub.* Placeatque ob eam causam in omnibus contractibus, etiam stipulationibus sequendum esse, quod actum est, id est, voluntatem contrahentium et sententiam. *L. semper in stipulationib. infr. de reg. iur. L. cum, qui, supr. eod.* consequens est simpliciter recte dici in stipulationem faciendi venire id quod interest; factum nequaquam. Prius tradiderunt diserte veteres, de facto nihil addiderunt. *d. L. si penam, supr. d. L. si quis stipulatus, 112. §. ult. L. quoties quis, infr. eod.* Sed non dubium est, quin qui ita definiunt in stipulationem faciendi id quod interest, venire, hac stipulatione id quod interest, contineri: hoc idem senserint, solum id quod interest venire et contineri; factum non item. Nam cum de eo quæreretur, quid in hoc genus veniret, quid eo contineretur, superiora responderunt. Non erat causa, cur responderet potius de eo, quod interest, quam de facto, si et factum veniret una cum eo, quod interest. † Sed cum

cum constet dandi quoque stipulationes inventas esse, ut acquirat unusquisque, quod sua interest, similiter ut faciendi, *L. stipulatio ista, §. alteri, sup. eod.* cur non eadem ratione dicamus etiam in has venire; his contineri id quod interest; quia quod verbis aperte deductum est in stipulationem, tandiu et voluisse contrahentes id deduci, et inde deberi credendum est, et significationi verborum standum, quandiu non manifeste probetur eos aliud sensisse. Arg. *L. non aliter, sup. de leg. 3. L. 1. §. licet, ver. in re igitur, sup. de ex. act.* Nihil autem in stipulationibus dandi proponitur, eum non contrahentes ut rem stipulati sunt verbis, ita maxima et hanc deberi, et præstari velint. Quod contra fit in stipulationibus faciendi, eum de facto queritur. In his cur de facto præstando non videantur sensisse contrahentes, quamvis hoc ipsum verbis expresserint, hæc erant causæ. Primum quia factum non sit res; quæ consistat, quamque ob id stipulator possit acquirere; cum tamen stipulatione id agatur, ut sibi acquirat. Deinde quia fieri id de quo cautum est, non semper interit stipulantis, ac supra quam eius interest, nihil ei deheatur. In hac stipulatione, fundum dari, et similibus utrumque contra. Hic enim deducitur in stipulationem res ipsa, quæ pleno iure a stipulatore habebatur. Unde in hoc genus stipulationis dicuntur res deduci, ut in alterum facta. *§. ult. Inst. eod.* Res sunt eiusmodi, quæ consistant vel natura, ut corporales, vel iure, ut incorporeales, veluti servitutes. *Inst. de reb. eor. et inc.* proinde tales, quæ ut vult stipulator, ita ei acquiri possint. Huc accedit, quod rem promissam dari semper stipulantis interest, et interest semper ad eundem modum; tanti videlicet, quanti res valeat, quod ex iis omnibus commodis, quæ res afferre solet, æstimatur. Hoc neque plaris interest stipulatoris, neque minoris: nam et illa re accepta, eum totam et quicquid est in ea, pleno iure habitorus est ut dominus; et hac ipsa de causis nihil habitorus est amplius. Quod eo spectat, ut intelligatur non esse metumendum, ne dum stipulator rem promissam petat, videatur plus petere quam sua interat contra finem stipulationi propositum; aut dum promissor hanc offerret, ne videatur minus præstare, quam stipulantis interest. Satis ostendisse video, quam vera dictum sit a veteribus in faciendi stipulationem solum venire pecuniam numeratam, seu id quod interest: ut proinde id sit, quod hinc dari oportet, ac si solum debetur, ne peti

Tom. XI.

quidem possit aliud, puta factum; tantum abest, ut ad faciendum promissor præcise cogi possit. In quo ut sententis veterum de obligatione stipulationum faciendi exposita est, ita de ratione et æquitate eius sententiae respondimus. † Restat, ut de locis at sententis quæ contrariæ putantur, breviter atque respondamus: sunt autem hæc præcipua. Opponitur nobis rei vindictio; in qua ut iubetur possessor victus rem de qua controversia est, restituere, ita si habet eius restituendæ facultatem, sic cogitur, ut auferatur. atque si res manu militari. *L. qui restituere, sup. de rei vind.* Item restitutio eius operis, quod adversus nunciationem factum est, de quo ita agitur, si actor velit, ut apud ipsam destruat. *L. Prætor, in pr. L. stipulatio, §. sive, sup. de op. no. nunc.* Etsi autem hic dici potest agi de his factis, quæ lege ipsa imponuntur iis, qui ante ad ea obligati non essent, eoque imponantur non ex contrahentium sententia, qui nulli sunt, sed prout legi in istis causis faciendum esse visum est; tamen volo has præstationes sic accipi, quasi ex obligationis causis ad adversario exigenterent. Etiam si quis hoc concesserit; tamen hæc duæ species non modo nihil offi-
ciunt superiori sententiæ, sed etiam adversarios maxime confutant. Quod enim in his causis placuit anim, cum quo agitur præcise cogi facere quod petitur, propria at singulari ratione constitutum est; ideo non est producendum ad consequentias. *L. quod vero, sup. de legib.* Quinimo cum in his exceptiones quedam sint publici iuris: necesse est, exceptiones in contrariam sententiam regulam confirmet. Nam in rei vindicatione ideo cogitur possessor rem omnino restituere; quia esset omnium indignissimum rem suam domino auferri, et eam apud prædonem manere, cum transferendi ad dominum potestas esset. *L. 2. sup. de iis qui sunt sui vel ad. iur. L. in funde, sup. de rei vind. L. si servus, sup. de pig. act.* Neque vero cum Magistratus, aut iudex rem auferet possessori, et domino restituit, periculum est, ne videatur facere, quod ei iure non liceat; hæc enim translatio nihil iuris in dominum transfert; ut quis dicat non potuisse id ius ab eo transferri, qui ipse non habuit: sed transfert solum detentionem, scilicet, ut qui prius rem non tenebat, nunc teneat; quod privatus quisvis potuit efficere quamvis iniuria possessorem nimirum delinquendo, et possessionem alii cui vellet, tradendo. Etsi autem hæc exceptio in privato vis, et in iuria est, in Magistratu tamen ius est, dum
vim

78*

vim

vim infert iure honoris, et potestatis, quam sustinet *L. 3. sup. de eo quod met. caus.* Nihil simile in actionibus in personam, quibus agitur adversus eos, qui nobis obligati sunt. Primum in his agitur de re aliena, idest, ea, quae debitoris sit, non actoris: alioqui frustra intenderet actor sibi dari oportere. §. sic itaque, *Inst. de act.* Deinde id agitur iudicio, ut dominium, aut causa honorum in actorem transferatur. Quod Magistratus facere non potuit, cum non ait dominus; ac iuxta regulam iuris nemo plus iuris in alium transferre potest, quam ipse habuit. *L. nemo plus, in fr. de reg. iur.* Quod attinet ad restitutionem eius operis, quod adversus nunciationem factum est; non mirum, si Praetor id iubet destrui, idque ipsum excoquitur extra ordinem; nam id pertinet ad vindicandam auctoritatem et imperium Magistratus; constat enim quod adversus nunciationem factum est, contra interdictum Praetoris factum videri, ut scribitur in *d. L. Praetor, de op. no. nunc.* Affertur huc etiam, quod de defensione procuratoris scriptum est in *L. sed et ea, §. ult. sup. de proc.* Sic enim illic traditur, procuratorem auctoris dominum ex adicto defendere debere; in hac defensione non satis esse, si prius quam ad agendam alieno nomine admittatur, antistet eo iudicatum solutum, si de eo quod mentio a domino petitur, condemnatus erit; sed etiam re ipsa aum in ea lite dominum defendere debere: idest, non sufficere ob rem non defensam stipulationem committi, sed omnimodo compelli iudicium accipere. Quod movere nos non debet; nam primum illic procurator nihil promissit: nos autem de faciendi obligationibus agimus. Tum autem non compellitur procurator na in hac quidem specie praecise dominum defendere; nam poena non defendentia procuratoris haec tantum est, ut denegetur ei actio. *L. natus, §. poena, sup. de proc.* ut consequens sit illum non agendo evitare necessitatem defensionis. Sed plerique, ut in faciendi obligationibus facti obligationem et petitionem, etiamque praestandi absolutam necessitatem defendant, praecipue moventur verbis §. aliae autem, *Inst. de donat.* sic verba sunt Iustiniani et ad exemplum stipulationis nostra constitutio eas (de

donationibus loquitur, de quibus donator voluntatem suam declaravit) etiam in se habere necessitatem traditionis voluit. Quibus aperta ostendit venditorem in obligatione empti ita obligari ad rem tradendam, ut necesse habeat rem tradere; ex quo illi colligi volunt, venditorem praecise cogi, ut tradat. Non recte: nam et sub titulo de edendo crebro dicitur argentaria compelli ad editionem rationum, compelli et cogi edere: quod quodammodo plus est, quam necesse habere. *L. Praetor, §. ult. L. si quis ex, §. 1. sup. de eden.* et tamen alibi sub eodem titulo scribitur, si quis rationes non edidit, cum decerneretur a Praetore, adversus eum locum habere actionem in id, quod tum interfuit agentis rationes edi. *L. ubi, eod.* Et ne discadamus ab emptione, traditum est in *L. ex empto, in princip. de act. em.* venditorem rem tradere oportere: quod nihil aliud declarat, quam venditorem necesse habere rem tradere: et tamen in eadem *L. in §. idem ait non tradentem*, scriptum est diserte non tradentem venditorem quanti intersit condemnari. Unde intelligimus, quod dicitur necesse habere venditorem rem tradere, sic accipi debere, nisi valit condemnari: ut * necessitas hic intelligatur ea quam alii vocant necessitatem consequentiae: Cicero *Lib. 2. de Inventione*, necessitatem cum adiectione. Et vero hanc sententiam Iustiniani esse in *d. §. aliae autem*. Ut venditor rem tradere necesse habeat, aut alioqui solvare id quod intaret, ipse de se optimus est testis in *L. contractus* illic, adeo, ut nec, *C. de fid. inst.* qui de emptione ex professo ageas, et hanc necessitatem commemoramus, nominatim illam cum ea disiunctione, quam modo dixi, posuit. Ad extremum obici posse scio etiam illa, quibus significatur factum esse in obligatione idem, ut rem, cum rem dari stipulamur: cuiusmodi sunt haec, stipulationem quasdam esse in dando, quasdam in faciendo; *L. 2. sup. eod.* Item in stipulationem non solum res deducti, sed etiam facta §. ult. *Inst. eod.* item quod nominatur faciendi obligationes, *L. si quis ab alio, in fin. sup. de re ind.* De his iam supra dixi, ita ea scripta videri, ut declarent etiam factum ex stipulatione quandoque deberi, cum quid fieri

*) Imo assequitur, quia verba ad exemplum conveniunt eadem esse necessitatem in donatione quae in venditione. At in illa est absoluta, ut et scilicet *Inst. d. C. g. n. 68.* Quae sicut ea, quae conveniunt ut plus habere actoris nulli quam dicitur, et ad omnia exemplum illa introducta, ita et plus esse obligantem in donatione quam in emptione, ratione traditionis. Deinde facit res etiam in *d. §. 2.* Quae abso-

luta est strictius conveniunt donationem ex liberalitate sua, quam venditionem ex contractu et causa empti onerosa.

*) Sed ibi facit utrique necessitas, cum alterutro, vel succedente. Si copia tradendi, cessante est, potius fieri contractum etiam potest. Sic ea debet, id quod interest et pariter.

fieri stipulamur. Nam si ex facienda stipulatione nihil deberetur, nisi pecunia quam dari oportet, dicendam esset omnes stipulationes esse in dando, in omnes deduci res; sed nec recte ulla diceretur facienda obligatio; cum omnes dandi essent. Sed ostendi hæc omnia ex initio stipulationis dicta esse: re vera enim deducuntur in stipulationem a principio facta, quo tempore et factum in stipulatione versari et facienda obligatio non male dicitur. Quod si cum fieri posset, quod promissum est, factum non sit; docui pluribus exinde pecuniam dari ex sententia contrahentium iure quodam novationis. Obstat tamen videbitur hodie saltem huic sententiae constitutio Iustiniani de novatione: qua cautum est, tunc solum novationem prioris obligationis fieri, quoties contrahentes nominatim remiserint priorem obligationem, et se posteriorem elegisse expresserint. *L. ult. C. de novat. §. præterea, Inst. quib. mod. tol. obl.* quod non sit ista prioris obligationis facienda in sequentem pecuniam obligationem transfusione. Sed Iustinianus de his obligationibus loquitur, ex quibus veteres novationem introducebant: his enim verbis utitur in *L. ult. non erat autem veteribus novatio, nisi cum due causae erant, duo diversi contractus, ex quibus posterior erat stipulatio, quæ novandi animo interponeretur. L. 1. infr. de novat. et d. §. præterea, quib. mod. tol. obl.* De duabus igitur stipulationibus diversis, aut de duobus contractibus, ex quibus posterior sit stipulatio novans, loquitur Iustinianus; in facienda autem stipulatione de qua agimus, unam stipulationem esse apparet: in qua hæc sententia contrahentium esse intelligitur, ut quando datur id tempus, quo per rerum naturam præstari potest, tandiu recte ex obligatione præstetur: hoc tempore transacto deinceps debeatur, quod stipulantis interest id suo tempore factum esse. Itaque non proprie hic novatio est; sed species quedam et instar novationis. Quod si quis dixerit in stipulationibus facienda nihil amplius iam a principio venire in stipulationem, quam pecuniam, quæ debeatur sub conditione, si factum non erit, quod promissum est, et obligationem istam de novatione sine aperto consensu non introducenda sine ulla debitatione effugiet, et fortasse non erraverit. Nam quod dicitur in stipulationem facienda deduci non rem, sed factum: *d. §. ult. Inst. eod.* Item stipulationes has esse in faciendo, non in dando: *d. L. 2. supr. dici potest nihil horum significare factum ex stipulatione deberi; deducitur enim*

factum in stipulationem, quia deducitur verbis: ceterum sententia deducitur id quod interest; unde et id quod interest dicitur venire in stipulationem. *L. si pecuniam, supr.* Dicitur item at stipulatio esse in faciendo, quia verbis ita concepta est, ut quid fiat: ceterum re vera et hæc in eo est, ut quid detur, nimirum pecunia; sed longo alio modo, quam ex, in quibus recta et conceptione ipsa verborum res aliqua dari promittitur: quæ causa fuit ista generis distinguendi. In dandi namque stipulationibus res certa continetur, quæ dari debeat, in stipulationibus facienda res incerta, nempe id quod interest. Eodemque modo facienda obligationem, quæ nominatur in *d. L. si quis ab alio, in fin.* accipimus eam, non qua quis obligatus est ad faciendum, sed qua verbis comprehensum est, ut fiat aliquid; tametsi verborum exitus et sententia hæc sit, ut præstetur id quod interest, ut eodem illo loco, in quo nominantur facienda obligationes, declaratur, idest, *L. si quis ab alio, in fin.* Sed hæc non insubtiliter dici possumt, dum cavere volumus, ne obligatione facti ab initio admissa eademque deinde in pecuniam obligationem commutata, genus aliquod novationis videatur induci contra Iustiniani constitutionem quæ est de novatione: quod periculum si hic non metuiamus, ut ostendimus metueamus non esse, melius est et tutius in priore sententia manere. Quod ad rem ipsam attinet, utrum dicamus factum ab initio tantum deberi, idque solum per id tempus, quo per naturam præstari potest, an vero nullo modo deberi, in iure habendi, aut persecutionis nihil omnino interest. Etsi enim maxime statuerimus ab initio ita deberi, at diximus; est tamen id ad persagendum, multoque magis ad obtinendam factum inutile: cum antequam præterierit id tempus, quo promissum fieri potuit, agi non possit: *d. L. 14. supr. eod.* finito eo tempore factum in obligatione esse desinit, et pecunia seu id quod interest, incipit deberi. Sic igitur rata hæc sententia, cum quid fieri promissum est, si va promissor non poterit facere, sive nolet, nihil venire in obligationem, ut quidem iure ab invito peti possit, nisi id quod interest: sic tamen, ut si promissor malit facere, quod promisit, sit ei facultas, modo faciat ante litem contestatam. *L. si insulam, infr. eod.*

Ideoque in hoc genere dividi stipulationem: secundum quæ *Celsus ait posse dici iuxta estimationem facti dandam esse petitionem.*) † Constituta superiore senten- 50
tia

tia veterum, in faciendi stipulationem, cuiuscunque modi sit, venire solum id quod interest, solum hoc deberi, quod quidem peti possit, ac proinde pecuniam numeratam; quale sit, quod deinceps de divisione stipulationum huius generis colligit Ulpianus, facile intelligi potest. Consequens esse ait, in hoc genere dividi stipulationem. Recte; pecuniam enim natura divisionem recipere certum est. Prius autem posuerat stipulationes dividi; aut non dividi, ut sunt res quæ in stipulationem deducuntur. Denique quantitatis stipulationem partis præstationem recipere inter omnes convenit. *L. 2. supr. eod. L. 9. §. 1. infr. de sol.* Quod in hoc genere debetur pecunia, et ob id stipulatio dividitur, recte hic quoque colligit secundum hæc duo dici posse iuxta æstimationem facti dandam esse petitionem. † Quibus verbis non tantum significat, quod faciendum esse supra docuimus, quia scilicet pecunia et æstimatio facti debetur, ideo ad eam rem petitionem dandam esse; sed etiam hoc præcipue complectitur, quod ad divisionem stipulationis pertinet, de qua propositum illi est dicere, petitionem dandam esse secundum æstimationem facti, idest, ita ut æstimationi facti, et pecuniæ convenit: quod fiet hoc modo, si cum promissor decesserit plures heredibus relictis, ut de divisione obligationis et actionis inter eos querendum sit, petitio dividatur, deturque adversus singulos pro portionibus hereditariis; sic enim dividitur obligatio inter heredes lege duodecim tabularum, quoties stipulatio divisionem recipit. *L. heredes, §. an ea, §. contra, supr. fa. erc.* Factum hic positum est, pro ea re, quam factum continet, seu quam factum secum affert, idest, pro utilitate ipsa, quæ ex facto capitur, quæ est id quod interest, ut supra quoque monui. Æstimatur hæc utilitas; quia cum non faciente promissore amissa sit, ita fieri necesse est, si eam sarciri volumus. † Legendum est autem, iuxta æstimationem, ut in aliis exemplaribus, non ut in Pandectis Florentinis, iuxta æstimatione. Nam dare actionem iuxta, vel secundum æstimationem, scimus quid sit: dare autem petitionem iuxta æstimatione, ut sit secundum iustam æstimationem, vel pro iusta æstimatione inauditum est. † Interim hæc sententia est, quam diligenter tenere oportet, etiam facti individui stipulationes omnes divisionem recipere inter heredes pro portionibus hereditariis, cum ad petitionem eius, quod inde debetur, ventum est. Debetur enim id quod interest, quod in pecunia nume-

rata consistit; pecunia autem divisionem recipit. † Quid ergo inter facti dividui, et individui stipulationes interest? cum de pecuniæ exactione agitur, nihil: cum de facti præstatione, plurimum. Nam cum utriusque generis commine sit, ut promissor facere possit, quod promisit, eoque facto liberetur usque ad litem contestatam, hoc distant, quod ex facti dividui stipulatione unusquisque heredum promissoris pro portione hereditaria faciendo liberatur, ut facti dividui obligatio etiam inter heredes lege duodecim tabularum divisa est: ex facti autem individui stipulatione non potest liberari heredum quisquam, nisi in solidum fecerit, quod promissum est, quia et facti natura indivisa est. *L. cum ex causa infr. eod.* Atque hinc illa sunt, quæ de ipsius facti præstatione solida tam multis locis legimus, in quam sententiam sunt hæc: promissori, heredique eius pro parte neque restitutionem neque defensionem contingere posse. *L. 4. in fin. supr. eod. L. si duo, supr. depo.* Item, unumquemque heredum venditoris subsistere in causa evictionis, et emptorem defendere debere. *L. in executione, §. in solidum, L. cum ex causa infr. eod.* Item, heredibus opus facere iussis unumquemque heredem in solidum teneri ut faciat. *L. 11. §. pen. supr. de leg. 3.* Sed hæc ita sunt, inquam, cum heredes potestate faciendi sibi concessa ut volentes ita affecti sunt, ut cupiant facere promissum, itaque liberari, ne cessatione sua incident in id quod stipulatoris interest. Sic enim defertur eis conditio, quam natura rei exigit, ut solidum faciant: aliter nihil proficitur. Non utique quod si pro parte posset factum id præstari, non audirentur; sed quia pro parte non potest prohibente facti natura, quæ ut est expositum, indivisa est. Quod si heredes promissum non faciant, sive quod cessent omnes in totum, sive quod quibusdam defugientibus aut cessantibus alii facere parati sint, sed pro parte tantum, non in solidum: hic existit illa stipulationis divisio, de qua dicimus, quam nec stipulator, si velit, possit evitare, ut singuli heredes non nisi pro portione hereditaria teneantur. Non enim ne ut faciant quidem, adversus eos actio est, ut docuimus; tantum abest, ut in solidum facere cogi possint. Ubi autem non fit, quod promissum est, nec de eo alia est actio, nihil relinquatur, nisi pecunia, quam ex obligatione dari oporteat, ut huius loci definitio est; ac pecuniæ obligationem inter heredes lege dividi constat. Videamus tamen, ne hic quædam nobis adversentur; suut

sunt enim quidam loci, quorum alii in hoc genere necessitatem absolutam faciendi ab unoquoque herede exigere videantur; alii ita permittunt heredibus facti estimationem, ut tamen solidum etiam ab uno exigant; 55 de his ergo videamus. † Et prioris generis nunc locus est maxime insignis in L. 11. §. pen. sup. de legat. 3. cuius hæc verba sunt: *si in opere civitatis faciendi aliquid relictum sit unumquemque heredes in solidum teneri Divus Marcus, et Lucius Porus Proculam rescripserunt.* Tempus tamen coheredi præstituerunt, intra quod mittat ad opus faciendum. Post quod solum Proculam voluerunt facere, imputatam coheredi sumptum pro parte eius. Ergo et in status, et in servitute, cæterisque quæ divisionem non recipiunt, idem Divus Marcus rescripsit. Quæ verba si uti simpliciter, et sine ulla exceptione scripta videntur, ita etiam accipimus; aperte illam divisionem stipulationis facti individui, quam statuimus, hic locus repudiatur. Nisi forte putamus aliud iuris esse, cum testator iussit heredes suos aliquid quod individuum sit, facere; aliud eam in huius facti a defuncto suscepti obligationem succedant, quod non ita est. Non enim magis individuum sit aliquid, quia iungitur a testatore, nec aliter obligantur heredes ex legati causa, eliter ex obligatione defuncti, si utrobique in obligationem eadem res deducitur: sed hæc et in legato, et in aliis causis obligationis hereditariæ causa est, quod heres contrahere videtur cum creditoribus cum edit hereditatem, aut ei se immiscet. §. heres, Inst. de obl. quæ ex qua. cont. L. 3. §. ult. et seq. sup. quib. ex caus. in post. ea. Ne testator quidem cum aliquid omnibus iungit, magis vult unum heredem id præstare, quam alterum; idque superiore rescripto satis declaratur, in quo ita volunt Imperatores Proculam solum opus facere, ut tamen dicant illam coheredi imputatam esse sumptum pro parte. Adde, quod cur velint Imperatores unumquemque heredem in solidum teneri, hæc rationem Ulpianus reddit, quod res divisionem non recipiat; sic enim in universum postea subicit; ergo et in status, et in servitutibus, cæterisque, quæ divisionem non recipiunt, idem Divus Marcus rescripsit. Nihil igitur hic diversum est ab ea obligatione faciendi, quæ a defuncto nata in heredem proficiscitur; neque adeo hoc loco ista defensionis opus est. Satis enim intelligitur ex verbis superioris rescripti agi de ea Procula, quæ vellet facere, ac faciendi liberari. Apparet ex eo, quod petebat sibi tempus præstitui, intra quod

coheredi denunciaret, excitaretque eum ad operam et sumptum in commune opus confereudum. Præterea et ex eo, quod post id tempus datur etiam ei spatium ad opus faciendum; nec prius cum ea utiliter Imperatores agi volunt, quasi nondum præterisset id tempus, quo opus iniunctum fieri recte posset, iuxta L. 14. sup. eod. Non mirum vero si intra id tempus solum Proculam facere voluerant Imperatores; non enim fuit aliud, quod statuerent adversus eam, quæ nondum isto tempore ad opus faciendum transacto in pecuniam numeratam non posset conveniri, aut condemnari. At si Procula ne intra hoc quidem tempus opus faceret, dubitari non debet, quin heredes non tantum cæteri, qui nihil fecissent, sed etiam Procula, quamvis in partem operis sumptum contulisset, inciperent ex illo omnes teneri in id quod civitatis interest, iuxta regulam reliquam *faciendi obligationum* hoc loco traditam, et in L. si quis ab alio, sup. de re iud. Neque id negatur superiore rescripto, postquam agitur de ea, quæ faciendi vellet liberari: nam divisio stipulationis ad eos solum pertinet, qui non faciunt, quod promissum est: propterea quod non cadit divisio, nisi in pecuniam numeratam; et hæc ex definitione huius loci ita dari oportet, si factum non sit, quod quis fieri stipulatus est. Sed ut nihil aliud illi scriptum esset, quam ad opus faciendum unumquemque heredem in solidum teneri: tamen hoc ita accipi deberet, si vellet heres faciendi liberari. † Nam primum generaliter tenere oportebit, ubicunque dicitur ex aliqua causa reum cogi facere, compelli ad faciendum, necesse habere facere; illic necessitatem non debere accipi absolutam, sed cum hac conditione, nisi velit teneri in id quod actoris interest: ut supra docui, cum respondi de necessitate rei tradende, quam Iustinianus venditori impositum scribit. Et certe in rescripto superiore alia necessitas intelligi non potest. Faciamus enim Proculam nolle facere; quomodo cogetur? non potest ne naturis quidem. Sed nec nila cogendi ratio est iure prodita, ut pluribus ostendi ad d. L. si quis ab alio; ubi et hoc argumentum, quid veniat in obligationem faciendi, non indiligenter tractavimus. Deinde animadvertendum est, in eo rescripto nihil dici de operis effectione, quod non item dicatur de rei restitutione, deque defensione, quæ præstanda est a venditoris hereditas in L. 4. §. ult. sup. et L. cum ex causa, infr. eod. Nam in L. 4. scriptum est absolute neque restitutionem, neque defensionem.

sionem pro parte contingere posse heredibus: et si aliquid apertius querimus, adiciatur etiam in *L. cum ex causa*. unumquemque heredem defendere in solidum debet. Atqui de defensione hoc temperamentum adici scimus, ut si vel natus defugiat, nec emptor in solidum defendatur, ac teneantur omnes, ut unicuique pro parte hereditaria præstatio iniungatur. *d. L. cum ex causa, in fin. L. in executione, §. in solidum, infr. eod.* Idque et in restitutione rei depositæ scriptum est in *L. si duo, in fin. sup. dep.* Et cur non idem dicamus in hoc genere stipulationum, quæ in faciendo sunt, quod in illis quæ versantur in non faciendo, veluti per te non fieri? quominus mihi ire agere liceat? Hic si natus ex heredibus promissoris contra stipulationem fecerit, committitur quidem stipulatio in solidum adversus omnes, quia in re indivisa pro parte peccari non potuit: sed ita ut non teneantur singuli, nisi pro portione hereditaria. *L. 4. §. Cato, sup. eod.* Par est, ut cum stipulatio in eo erit, ut quid fiat, si heredes in solido faciendo cessaverint, committatur quidem stipulatio in solidum, sic tamen ne amplius teneantur singuli, quam pro parte sua; non enim profecto gravior delictum est eius, qui cessat, quam qui ultro vim aut iniuriam facit. † Posterioris generis locus est in *L. 3. §. heres, sup. com.* in quo ita scriptum est: heres eius qui commodatam accepit, pro ea parte, quæ heres est, convenitur: nisi forte habuit facultatem totius rei restituendæ, nec faciat. Tunc enim condemnatur in solidum, quasi hoc bonæ fidei iudicio conveniat. Quod dicit Ulpianus eum, qui habet facultatem totius rei restituendæ, condemnari in solidum, his verbis, *in solidum*, solidam æstimationem intelligit, quanti ea res est, seu quanti interest actoris rem reatitui; nam de ipsius rei restitutione si agatur, in solidum teneantur singuli, ut rem restituant, sive habeant rei restituendæ facultatem, sive non habeant; non enim potest res nisi pro solido restitui. *L. si duo, sup. depo.* Ita hoc loco declaratur eum, qui restituere debuit, ut si velit restituere, non nisi in solidum restituendo liberetur, ita si non restituit, etiam in pecuniam numeratam in solidum eo nomine condemnari. Idemque responsum est in omnibus causis, ex quibus adversus defunctum ad rem restituendam, aut ad edendum, exhibendumve agi potuit, si unus ex heredibus eius rem, de qua agitur, possidet. *L. 2. §. incertam, infr. de præst. stip. L. actione, §. antep. sup. pro soc. L. si unus, §. 1. sup. de eden.* Quod

et verum est, sed nihil ad hunc locum. Cum enim dicimus in faciendo obligationibus, cum factam non est, quod debuit, singulos heredes teneri in pecuniam numeratam pro parte hereditaria, tunc locum habet, cum conveniuntur ut heredes, puta ex obligatione hereditaria. Porro qui ideo convenitur heres, quia possidet, non convenitur in solidum ut heres, sed ut possessor, neque id ex obligatione hereditaria, sed sua, et ex facto suo; condemnatur enim ideo, quia per contumaciam non restituit id, quod potest. Proinde merito facti sui, et contumacie solus penam sustinet; idque maxime bonæ fidei iudiciis, et arbitrariis convenit. Non his tantum locis, da quibus dixi, impugnantur ea stipulationis divisio, de qua dicimus; † sed eodem etiam confertur exemplum ærarium; quæ cum natura divisionem non recipiant, fit etiam, ut si via promissa sit, et promissor decesserit pluribus heredibus relictis, placeat ab unoquoque solidam servitutem potius posse. *L. via, sup. de ser.* Sed res progressit longius, placet enim nisi omnes viam constituerint per fundum communem, eum cum quo actum est, etiam in solidam servitutis æstimationem condemnari. *L. 2. §. ex his, vers. sed quo casu, sup. eod.* Cur non in factis quæ initio huius capituli proposita sunt, idem diceremus, cum et natura indivisa sint, idem ut servientes, et cum servitutibus comparantur ab Ulpiano cum hoc loco, tum multo clarius in *d. L. 11. §. pen. sup. de leg. 3.* Et si ne dubio servitutem et factorum præstationes inter se comparantur recte, sunt animæ æque indivise; non enim magis factis individuis promissis quid fieri pro parte potest ab uno ex heredibus, quam servitutes promissæ præstari pro parte. Sed non recte comparantur itarum rerum stipulationes: de his autem agitur. Nam in servitute promissa, ipsa servitus in stipulationem venit, res natura indivisa; quam ideo a singulis heredibus solidam deberi necesse est. Quod si servituta non data eo res deducitur, ut præstanda sit æstimatio, etsi hæc dividua est, non facit tamen ea res dividuam stipulationem: quoniam hæc non ut debita, sed pro re quæ debita est, præstatur. Quo fit, ut tantum præstari oporteat, quantum est ea res, pro qua præstatur; fuit autem solida servituta, quæ exigitur ab unoquoque heredum: proinde et servituta non data, solidam æstimationem eo nomine præstari convenit. At in stipulationem facti quamvis individui non factum in stipulationem venit, ut prius veniebat servitus;

tus; sed pecunia numerata, res aperte dividua natura, quæ cum præstabitur, non pro alia re debita præstabitur, sed ut ea, quæ debeat sola et principaliter. Non mi-

rum, si hic dividatur stipulatio in præstatione et exactione eius rei, quæ ut ipsa per se dividua est, ita ex obligatione præstatur.

Ad §. Si quis ita stipulatus sit.

Si quis ita stipulatus sit: *Si ante Kalendas Martias primas opus perfectum non erit: tum quanti id opus erit, tantam pecuniam dari?* diem promissionis cedere non ex quo locatum est opus, sed post Kalendas Martias: quia nec conveniri ante Kalendas Martias reus promittendi poterat.

Hæc pars exposita est in *L. in illa. 8. supr. eod.*

Ad §. Plane si insulam.

Plane si *insulam fulciri* quis stipulatus sit: non est expectandum ut insula ruat, (ut) sic denique agi possit: nec *insulam fieri*, ut tantum temporis prætereat, quanto insula fabricari possit, sed ubi iam cœperit, mora faciendæ insulæ fieri, tunc agetur, diesque obligationis cedit.

Hæc altera, in *L. si ita stipulatus, 14. supr. eod.*

Ad *L. Interdum. 73.*

Paulus lib. xxiv. ad Edictum.

Interdum pura stipulatio ex re ipsa dilationem capit: veluti si id quod in utero sit, aut fructus futuros, aut domum ædificari stipulatus sit. Tunc enim incipit actio, cum ea per rerum naturam præstari potest. Sic qui Carthagini dari stipulatur, cum Romæ sit: tacite tempus complecti videtur, quo perveniri Carthaginem potest. Item si operas a liberto quis stipulatus sit: non ante dies earum cedit, quam indictæ fuerint, nec sint præstitæ. Si servus hereditarius stipulatus sit, nullam vim habitura est stipulatio, nisi adita hereditas sit; quasi conditionem habeat. Idem est et in servo eius qui apud hostes est.

S U M M A R I A.

1. *Faciendi stipulationes quando committuntur.*

2. *Tempus, quo per rerum naturam quid fieri potest, unde cedat.*

3. *Ex mora nunquam nasci stipulationem, sed sine mora ex sola stipulatione.*

4. *Interpellatio in faciendi obligationibus, ad quid, et quibus in rebus necessaria sit.*

1 **I**nitium huius loci, et §. 1. exposui ad *L. cum, qui Calendis, §. ult. supr. eod.* † Obiter illa verba notanda sunt de faciendi stipulationibus, quando hæc committantur: aut domum, inquit Paulus, ædificari stipulatus sit: tunc enim incipit actio, cum ea per rerum naturam præstari potest: adversus eos, qui in operis faciendi stipulationibus veluti insulam, balneum, theatrum ædificari, fossam fodi, et similibus, ut ex stipulatione agi possit, existimant præcedere debere interpellationem *Tom. XI.*

stipulantis. In *L. 14. supr. eod.* Celsi sententia de hoc genere ita concepta est, non ante agi posse ex ea causa, quam tempus præterisset, quo insula ædificari posset: ex quo satis intelligebatur, cum id tempus præterisset, statim agi posse, arg. in *L. 1. vers. eiusque, supr. de off. eius, cui man. est iur.* Nunc autem ne opus sit in re certa argumentari, id hoc loco expressum est. *Tunc incipit actio*, inquit, cum insula per rerum naturam præstari potest. † Sed alicuade hoc tempus cedere oportet,

quo per rerum naturam quid fieri potest. Unde igitur cedet? Ex interpellatione, inquit. Imo ex stipulatione, ut diserte scriptum est de operis certis et fabrilibus in *L. quoties, supr. de op. lib.* et certe ut ibidem scriptum est peti non possunt certae operae promissae, nisi sint praeteritae: quia etsi non verbis, at re ipsa inest obligationi tractus temporis. Solum hoc operarum incertarum et officialium, quas patronus a liberto stipulatur proprium esse traditur, ut ne confestim cedant, sed tunc cum eas poposcerit patronus, tunc cum fuerit indictae. *L. cum patronus, dict. L. quoties, in fin. supr. de op. lib.* Ergo qui promisit ae opus aliquod facturum, si intra tempus, quo natura fieri potuit, non fecit, citra aliam interpellationem statim tenetur, et cum eo statim agi potest. At enim mora non fit sine interpellatione. *L. mora, supr. de usur.* quisi hoc quidquam ad rem pertineat. Scio, quo modo hoc alii tentent expedit; concedunt ita esse: sed addunt satis in proposito interpellatum videri promissorem adiecto die. *L. magnam, C. de cont. stip.* Quippe hic diem tacite inesse, cuius lapsu non minus mora fiat, quam si aperte adiectus esset: negant eandem vim esse illi, qui interpellationem adhiberi volunt. Ex quo apparet hoc ambigi solum inter eos, an hic interpellatione nova opus sit ad moram faciendam: ceterum in eo consentire omnes, in proposito non committi stipulationem, nisi prius mora a promissore operis facta sit. At quamobrem, aut unde sumptam hanc sententiam hic sibi obiciunt? excutimus species stipulationum omnes: † ita ius esse reperiemus, ut nunquam ex mora nascatur obligatio, sed sine mora ex sola stipulatione. Quod puro promissum est, et statim debetur, et statim peti potest. *§. omnis, Inst. eod.* Proinde et sine ulla mora promissoris: et sane quod debetur, non eo minus debetur, quia id stipulator non petit, et non est molestus debitori: cum actio, quae iure creditori competit, sit non in petitione, sed in petendi, et persequendi potestate. *L. nihil, supr. prox. tit.* Quod promissum est in diem, etsi ante diem non potest peti, debatur tamen, et statim eius obligationis dies cedit. *§. in diem, Instit. eod. L. centesimis, supr. eod.* Cuiusque dies venit, etsi mors sit ipso diei lapsu, non eo tamen statim agi potest, quia mora facta sit; sed quia haec lex sit stipulationis, ut tunc primam agere liceat. Quod sub conditione promittitur, ut ante quam conditio existerit, non debatur; sic cum extiterit, et datur, et

statim peti posse incipit, non minus, quam ai ab initio obligatio pure contracta esset. *d. L. cedere, infr. de verb. sig. L. si pupillus, supr. de cond. Inst.* In quo nemo dixerit moram a debitore fieri, ut ita debeat: cum nec ante mora fieri poterit in eo, quod per id tempus peti ab eo non potuit; *L. nulla, infr. de reg. iur.* nec tunc, cum conditio existit, cum saepe ignoret promissor eam existisse, eoque nullam causam habeat, cur sciat se debere; saepe rem in potestate non habeat, neque se ad eam praestandam antea comparare poterit, ut qui de conditionis eventu nihil poterit divinare, iuxta *L. quod te, supr. si cert. pet.* Ut omittam nullum in conditione diem statui ad solvendum, quo non adiecto sine interpellatione mora non fit. *L. mora, supr. de usur.* de quo plura ad *L. quoties in diem, supr. eod.* Sic ergo res habet: insulae aut cuiusvis operis stipulatio diem habet, quo opus fieri potest per rerum naturam: proinde hoc praeterito statim tenetur promissor, et statim cum eo agi potest sine alia interpellatione. *§. in diem, Inst. eod.* Nec metuemus, cum hoc dicimus, ne videamus statueri eum teveri, quamvis moram non fecerit: nihil enim periculi est, quominus id statuamus; cum ut agi cum promissore possit, non sit necesse moram ab eo fieri, nec ex mora obligatio aut actio nascatur; et quamvis in hoc genere requireremus moram, ut cum promissore agi posset, tamen sed eam efficiendam interpellatio ante diem esset iuvtilis: quoniam ante non potuit a promissore peti; nulla est autem mora, ubi nulla petitio est. *L. si pupillus, infr. eod. d. L. nulla, infr. de reg. iur.* † Sane interdum in obligationibus faciendi interpellari promissorem necesse est; non tamen ut moram faciat, sed ut inde celet faciendi tempus, quod ante non cederet: quod placuit in operis incertis et officialibus patrono promissis; quae non prius cedunt, quam a patrono fuerint indictae, id est, quam patronus eas poposcerit. *L. cum patronus, L. quoties, in fin. supr. de op. lib.* Sed tantum alibi, ut exemplum ad alias operas, et alia omnia facta debeat transferri, ut utroque in loco superiore distinguantur ex professo hae operae ab aliis; et nominatim in *L. cum patronus*, adiciatur aliud esse de operis quas patronus stipulatur, aliud de ceteris rebus ob eas causas, quae illis locis redduntur. Operarum tamen officialium stipulationi similes illas faciendi stipulationes esse non male dicemus, quibus quid fieri cautum est, quod sit in eo, ut trsdatur, et

con-

Ad Tit. Dig. de conferatur stipulatori. Cum enim id contineant, quod sine recenti voluntate, et sine novo facto, puta acceptione stipulatoris præstari a promissore non possit; videtur id actum esse, ne prius præstatio cederet, quam de ea voluntate stipulator significaverit promissorem interpellando, ut faciat, quod promisit; quemadmodum in operis. *d. L. quoties, in fin.* Et ideo stipulatio colationis, quæ exigitur ab eo, qui bona sua fratribus conferre debet, dicitur tunc committi, cum interpellatus cum aliquo spatio, quo conferre potuit, non facit. *L. si quis filium, §. ult. supr. de coll. bon.* Non uti-

verbor. obligatio.

que quia exigatur hæc interpellatio, ut per eam mora fiat, quæ ut ex stipulatione agi possit, non est necessaria: sed ut per eam existat conditio, quæ tacite stipulationi inesse videbatur; scilicet ut cum sine voluntate stipulatoris conferri non debeat, hæc colatio tunc cedat, cum stipulator voluntatem declaraverit; quod fit interpellatione. Nec temere est, quod eam stipulationem conditionem habere dicimus. Non enim committitur, nisi quæ fuit sub conditione, et quidem tunc, cum conditio existit. *§. sub conditione, Inst. eod.* committi autem eam scriptum est in *d. L. si quis filium, §. ult.*

Ad §. Stichii promissor.

Stichii promissor post moram offerendo, purgat moram. Certe enim doli mali exceptio nocebit ei qui pecuniam oblatam accipere noluit.

DE purgatione moræ, quæ attingitur hoc loco, cognosce plenius ex *L. si servum §. sequitur. infr. eod.*

Ad L. Stipulationum quædam, 74.

Caius libro VIII. ad Edictum Provinciale.

Stipulationum quædam certæ sunt, quædam incertæ.

Certum est, quod ex ipsa pronuntiatione apparet quid, quale, quantumque sit: ut ecce aurei decem, fundus Tusculanus, homo Stichus tritici, Africi optimi modii centum, vini Campani optimi amphoræ centum.

Ad L. Ubi autem, 75.

Ulpianus libro XXII. ad Edictum.

Ubi autem non apparet, quid, quale, quantumque est in stipulatione incertum esse stipulationem dicendum est. Ergo si qui fundum sine propria appellatione, vel hominem generaliter sine proprio nomine, aut vinum frumentumve sine qualitate dari sibi stipulatur, incertum deducit in obligationem.

Usque adeo, ut si quis ita stipulatus sit, *Tritici Africani boni modios centum, vini Campani boni amphoras centum?* incertum videatur stipulari: quia bono melius inveniri potest, quo fit ut boni appellatio non sit certæ rei significativa: cum id quod bono melius sit, ipsum quoque bonum sit. At cum optimum quisque stipulatur, id stipulari intelligitur, cuius bonitas principalem gradum bonitatis habet, quæ res efficit ut ea appellatio certi significativa sit.

Fundi certi si quis usumfructum stipulatus fuerit: incertum intelligitur in obligationem deduxisse: hoc enim magis iure utimur.

Illud dubitationem recepit, si quis id quod ex Arethusa ancilla natum erit, aut fructus qui in fundo Tusculano nati erunt, dari sibi stipulatus sit: an certum stipulatus videatur. Sed ipsa natura manifestissimum est, incerti esse hanc stipulationem.

Sed qui vinum, aut oleum, vel triticum quod in horreo est, stipulator: certum stipulari intelligitur. Qui vero a Titio ita stipulatur, *Quod mihi Scius debet, dare spondes?* et qui ita stipulatur: *Quod ex testamento mihi debes, dare spondes?* incertum in obligationem deducit: licet Scius certum debeat, vel ex testamento certum debeatur: quamvis istæ species vix separari possint ab ea quam proposuimus de vino vel oleo vel tritico quod in horreo repositum est. Et adhuc occurrit, quod fideiussores certum videntur promittere, si modo et is pro quo obligentur, certum debeat: cum alioquin ita interrogentur, *Id fide tua esse iubes?*

Qui id quod in faciendo aut non faciendo, stipulatur: incertum stipulari videtur. In faciendo, veluti fossam fodiri, domum edificari, vacuum possessionem tradi. In non faciendo, veluti per te non fieri quo minus mihi per fundum tuum ire agere liceat: per te non fieri quo minus mihi hominem Erotem habere liceat.

Qui illud aut illud stipulatur, veluti decem, vel hominem Stichum: utrum certum an incertum deducat in obligationem, non immerito quaeritur, nam et res certæ designantur, et utra earum potius præstanda sit, in incerto est. Sed utcumque, is qui sibi electionem constituit adiectis his verbis *utrum ego velim*: potest videri certum stipulatus: cum ei liceat vel hominem tantum, vel decem tantum intendere sibi dari oportere. Qui vero sibi electionem non constituit, in certum stipulatur.

Qui sortem stipulatur, et usuras quascunque: certum et incertum stipulatus videtur: et tot stipulationes sunt, quot res sunt.

S U M M A R I A.

1. Ex stipulatione duas esse iure distinctas actiones.
2. Questionis de certa et incerta stipulatione, occasio et usus.
3. Certa et incerta stipulationis definitio.
4. Certum, Incertum, quid.
5. Certitudo aut incertitudo cuiusque rei unde assequitur.
6. Res quæ natura sua certa aut incerta sint, unde intelligatur.
7. Facti stipulatio omnis incerta.
8. Usufructus incertus. et n. 12.
9. Hereditas est res certa.
10. Obligatio et actio in res incerta.
11. Servitutes praediorum.
12. Usus, habitatio, ut et usufructus, res incerta.
13. Res corporales futurae, ut fructus, usurae, quatenus sint incerta.
14. Res corporales praesentes omnes natura sua certa.
15. Pronunciationis certitudo in iis, quæ ex sua specie, non quantitate aestimantur, duobus rebus constat, et n. 18.
16. Generaliter hominem stipulatus, quæ ratione incertum in stipulationem deduxisse intelligatur.
17. Species quomodo demonstratur.
18. Quantitas, id est, res pondere, numero mensura constantes, quomodo pronunciatione certa fiunt, et quatenus sint incerta. n. 22.
19. Generaliter promissis corporibus, quæ quantitate non constant, cur stipulatio dicatur incerta, cum generalis rerum, quæ pondere, numero, mensurae constant, stipulatio sit certa.

1. Stipulatione contracta, si quis non facit, quod promissit, prima ut in aliis omnibus casibus ad persequutionem iuris nostri questio est, quæ iode actio sit, quæ recte experiamur. Hanc non unam esse placuit ex omnibus stipulationibus, sed duplicem; aliam tamen atque aliam prout stipulationes certæ sunt, aut incertæ, ut esse certum est, et initio *L. stipulationum*, traditur. Nam ex stipulatione certa certi conditio datur: ex incerta actio ex stipulatu,

ut scriptum est; *Inst. cod. tit. in princ.* quæ ita iure distinctæ sunt actiones, ut Ulpianus ad *L. si quis certum*, *supr. si cert. pet.* scribat, si quis certum stipulatus fuerit, ex stipulata actionem eum non habere: sed illa coaditicia actione id persequi debere, per quam certum petitur. Scio id aliis locis negari videri, ut *L. prædia*, *supr. de act. em. L. si pacto, C. de pact. L. inter, §. qui rem*, *infr. cod.* sed ut videatur, verbi ambiguitas facit: quæ cul-

iusmodi sit, et quæ vis sit huius adiectionis, ex stipulatu, non est huius loci, ut dicatur; ostendi ut in loco ad *d. L. si quis certum*: sed pluribus ad *L. si pacto, C. de pac.* Interim hoc constat quod est apud Iustinianum in principio eiusdem Tit. ex stipulatione duas esse actiones, conditionem certi, si certa sit stipulatio, et ex stipulatu, si incerta sit. † Non dubium, quin certæ et incertæ stipulationis, item certæ et incertæ rei quæstio, quæ his capitibus tractatur, nata sit ex hac occasione: nam et sub Titulo, *si certum petetur*, cum edicto generali proposita esset certi conditio, ut definitum est in *L. certi*. Certi conditionem competere ex omni causa, ex qua certum petitur, ita simul quod necesse fuit, addita est *certi* definitio in *L. certum*. Atqui quæ ex stipulatione certi conditio est, non alia est conditio, quam quæ illic proponitur; nec dubito, quin illo edicto etsi causæ omnes appellatæ non sint, ex quibus conditio daretur, tamen nominatim comprehensum fuerit de mutuo et stipulatione, de quo scripsi ad *d. L. certi*. Recte Duarenus monet etsi a formulis agendi discesserimus; tamen prodesse ad actionem recte instituendam, nosse quæ sit certa aut incerta stipulatio, nisi enim incerta stipulatio erit, nunquam incerta petitio admittitur; postulat id æquitas editionis, quæ huc spectat, ut edita actione sciat reus cedere, an contendere debeat, et si contendendum putat, veniat instructus cognita actione, qua conveniatur. *L. 1. sup. de ed. L. edita, C. eod.* Plane si quis hominem stipulatus sit, vel hominem aut aureos decem, idest, incertum; ibi non modo recipitur eadem, idest, incerta petitio, sed etiam ita stipulatorem agere, ut stipulatus est, necessitas stipulationis cogit: ne aliter petendo plus petat, et hoc modo iniuriam faciat promissori: §. *huic autem*, et §. *seq. Inst. de act.* cæterum ex stipulatione certa semper certum dici debet: alioqui non recte agitur. Et generaliter præcipitur in *d. §. huic autem*, in *fin.* eodem modo agi debere, quo quis stipulatus est. Quod Bartolus ait, de certa et incerta stipulatione etiam ob id quæri, quia incertæ stipulationes, quæ ex incerto eventu pendent, simul etiam dilationem habent, *L. interdum*, *supr.* ut sic sciatur, quæ capiant dilationem, verum non est. Etsi enim stipulationes fructuum, et similium ut sunt incertæ, ita et dilationem in se habent: non ideo tamen habent, quia sunt incertæ; sed quia conditio rerum promissarum talis est, ut nisi tempus natura constitutum interces-

serit, existere non possint; prius autem quam cœperint in rerum natura esse, nec possint, nec debeant præstari: alioqui dicendum erit quæcunque incertæ sunt, eadem ratione dilationem habere. Habemus quærendi occasionem, et simul propositæ divisionis de certis et incertis stipulationibus usum. Quæ certæ, et incertæ stipulationis definitio sit his locis exposita, videamus. † Et quod de dividuis et individuis stipulationibus traditur in *L. stipulationes non dividuntur*, *supr. eod.* hoc idem de stipulationibus certis et incertis hic statui principio intelligendum est, iudicari nimirum certas et incertas ex iis rebus, quæ in stipulatum deductæ sunt. Itaque certam stipulationem esse, quæ certum continet: incertam, quæ incertum. Hinc est, quod Caius in *L. stipulationum*, cum proposuisset divisionem stipulationum in certas et incertas, ommissa alia definitione certæ stipulationis, statim definivit, quid esset certum: indicans in definitione certi positam esse certæ stipulationis definitionem. Ulpianus autem in *L. ubi*, *seq. in pr.* aperte eam incertam stipulationem esse desinit, qua incertum continetur. Qua ratione quæ stipulatio hic dicitur certa, aut incerta, recte alicubi appellatur certi vel incerti stipulatio, ut *L. scire, C. de contrah. stip.* eodem plane sensu. Itaque huc res redit, ut quærat, quid sit certum, quid incertum. Quod in utroque hoc capite a Caio et Ulpiano factum videmus. † *Certum est*, inquit Caius, *quod ex ipsa pronuntiatione apparet, quid, quale, quantumve sit.* Incertum contra Ulpiano, ubi id non apparet. *d. L. ubi*, in *pr.* Sed hoc etiam obscurum; quæretur enim amplius, quando id ex pronuntiatione appareat, quando non appareat; neque id ut quæque stipulatio proposita est, continuo expeditum est. Atque hinc disputatio Ulpiani fusior de hoc genere, in *L. ubi*: qui quod obscurius in genere dictum erat, quid certum sit, quid incertum, id particulatim explicat, et propositis generibus variis eorum, quæ in stipulationem deduci solent, in singulis quando alterutrum accidit, docet. Quod autem generibus his inter se collatis, et expensis cuiusque rationibus ad superioris questionis explicationem ex tota ea tractatione colligere possumus, et quod si ea tractatio non esset, vera ratio præcipiendum esse ostendit, hoc est: † certitudinem aut incertitudinem cuiusque rei æstimandum esse aut ex natura rei, aut ex rei pronuntiatione; quasdam enim res natura esse incertas, ut nulla pronuntiatione certæ fieri pos-

2

3

4

5

possint; quasdam certas natura sua, sed pronuntiatio incidere in incertitudinem, dum non ita exprimentur, ut ex pronuntiatione appareat id quod sunt natura, id est, quæ, quales, quantæve sint. Ergo ex alterutra harum rerum incertitudinem contingere cuiusque rei; in qua autem re utrumque concurrat, ut et natura certa sit, et certa pronuntiatio, hanc esse certam, quia tum apparet id; quod querimus. Hoc sentire Ulpianum ex his maxime generibus licet intelligere: cum enim agit de fructibus promissis, quod ex fundo nascentur, ait ipsa natura manifestissimum esse incerti esse hanc stipulationem. §. *illud*: de illa autem stipulatione agens, *illud aut illud dabis*, significat hanc pronuntiatione sola incertam esse, non naturam rerum, quia, inquit, *certe res designantur, at utra earum potius præstanda sit*, propter disjunctionem in incerto est. §. qui *illud*. Quo intellecto recte atque ordine facimus, et ad omnem certæ et incertæ tum rei, tum stipulationis questionem utiliter, si cognoverimus primum, quæ res natura certæ sint, aut incertæ; tum si natura certæ reperiantur, quæ pronuntiationi rei rem incertam faciat; qua vitata non dubitemus certam pronuntiationem esse dicere. † Quæ res natura sua certæ sint, aut incertæ, intelligitur, si notatis generibus rerum, quæ in stipulationem deduci solent, dixerimus, quæ sit natura cuiusque, quæ genera ob hanc causam maxime persecutus esse videtur hoc loco Ulpianus. Eorum fere hæc est summa. Quæ in stipulatum deducuntur, aut res sunt, aut facta, ut est in §. *ult. Inst. cod.* Res partim corporales, ut fundus, Stichus, decem aurei: partim incorporales, ut hereditas, usufructus, prædiorum servitutes. *Tit. Instit. de reb. corp. et incor.* corporales partim futuræ, ut fructus; partim præsentis, et quæ iam sunt in rerum natura. † Facti stipulatio omnis Ulpiano incertum continet, sive stipulemur, ut quid fiat, sive ut ne quid fiat. *L. ubi, §. qui id quod.* Non utique ob id tantum, quod prius quam quid fiat, incertum est, an fiat, aut ai fiat, incertum quale sit: sed multo magis, quia in stipulationem venit id quod interest; cuius quantitas est incerta. *L. si pœnam, supr. cod.* Atque hoc in *d. l. si pœnam*, traditum est de stipulationibus, quæ in faciendo sunt: de quo et illic diximus. et plura ad *l. stipulationes non. vers. Celsus, supr.* De iis quæ sunt in non faciendū, dubitari non debet, ut quæ nunquam aliter committantur, quam si quid factum sit contra, quæ tantum est. *L. 2. §. pos.*

L. h. §. Cato. supr. cod. Eius autem quod iam factum est, nomine nihil pati potest, nisi id quod ob id factum abest stipulatori, id est: id quod eius interest contra factum non fuisse: nam ut factum revocetur, stulte ageretur, cum facta infecta fieri non possint. Ita sit non tam iure, quam natura, ut huiusmodi stipulationes committantur in id quod interest. *L. si procurator, infr. reus rat. hab.* Sive ergo in hoc genus factum venire placet: etsi appareat, quod factum, veluti insulæ ædificandæ, non tamen appareat, quale sit aut quantum, cum id ex utilitate æstimetur, quæ est incerta; sive placet potius, id quod ius est, venire id quod interest, non appareat quantum deducatur, etiam si pecuniam venire, et qualis pecunia sit, intelligamus: proinde utroque modo continetur stipulatione incertum ex definitione. Res, ut dixi, aut corporales, aut incorporales. Res incorporales quidam putant in univarsum incertas esse: quod longe aliter se habere mihi videtur. † Usufructum quidem in hoc genere commemorat Ulpianus, quem et incertum esse dicit: sed non omnes res incorporales sunt huiusmodi: quinimo pancia exceptis ceteræ omnes certæ sunt non minus, quam corporales. Incorporales quæ eadem in iure consistunt, aut hæc, hereditas, obligationes, actiones, usufructus, et reliquæ servitutes tam personarum, quam rerum. † Hereditas, quæ continet quod defunctus habuit cum moritur, *L. hereditas, infr. de reg. iur. L. nihil aliud, infr. de verb. sig.* cur non sit res certa, ut et patrimonium, causa dici non potest. Huic quidem certi definitio minime convenit: appellata enim hereditate Lucii Titii, appareat quæ res nominata sit; ea est hereditas; qualis sit, quia patrimonii inspecto constat, quibus in rebus consistat, quanta sit, quia et hoc certum est, quantum sit in patrimonio defuncti: quod nisi ita esset, nunquam constaret in ratione legis Falcidie ponenda, an supra dodrantem patrimonii legatum esset, et an quarta pars hereditatis remaneret apud heredem: quod tamen ex ea lege constitui oportet. §. *quantitas, §. cum autem, Inst. de leg. Falc.* † Quid obligatio, et actio? an quia incorporales res sunt, ideo sunt incertæ? Imo tales, qualis stipulatio, unde nascuntur; ideo ex stipulatione certa conditio est certi, ex incerta actio incerti: *Inst. cod. in pr. L. ult. supr. si quis in ius voc.* quæ potest autem esse actio certi, nisi certa; et incerti, nisi incerta? Ut enim stipulatio certa est, quæ certum continet, sic eam actio-

actionem, quæ certam continet, certam esse necesse est: sic enim ista ex rebus, quæ in his insunt, æstimantur: neque vero alia intelligitur certi stipulatio in *L. scire, C. de cont. stipul.* quam quæ hic appellatur incerta. Tum autem quomodo ex certa stipulatione possit esse incerta actio, enim actio inde nascatur, ut nihil persequatur aliud, quam quod stipulatione continetur? Quod si actio certi certa est, erit multo magis obligatio; ut quæ prius nascatur ex stipulatione, et nata deinde actionem pariat: *L. licet, §. ea obligatio, supr. mand.* absurdum sit autem, ut incerta obligatio pariat actionem certam. Videamus de servitutibus: hæ aut personarum sunt, ut usufructus, usus, habitatio; aut rerum seu prædiorum, ut iter, actus, via, et similes. *L. 1. supr. de ser. Instit. de serv.*

11 præd. † Prædiorum servitutes, ut iter, viam, si quis stipuletur sibi dari, seu constitui per certum fundum, et certam regionem eius fundi, certæ res sunt non minus, quam fundus ipse et locus, per quem constituuntur. Nam ex nomine servitutis, quid; ex designatione speciei, qualem; ex designatione loci quantum stipulemur, apparet. Quod si res quæque ex suo pretio æstimatur, ut res hereditaria circa legem Falcidiam; *L. pretia, supr. ad leg. Falc.* non potest ea res esse incerta, cuius æstimatio certa est. Habent autem servitutes prædiorum ita designatæ unam et certam æstimationem; non quidem omnibus, sed peritis earum rerum æstimatoribus, qui sciunt, tales et tales servitutes his locis, atque hac longitudine, et latitudine locorum constitutæ quanti omnibus valeant; nec propter periculum incertum amissionis sit difficilis aut incerta æstimatio: quoniam hæ servitutes semel constitutæ sunt perpetuæ, non ut usufructus, temporales. Non mox movet, quod servitute quamvis per certam regionem fundi, et ad certum modum promissa non apparet oculis, nec percipitur sensibus, quod hic stipulamur, quid, quale, quantumve sit; satis est, si animo percipitur, quod nature ipsarum rerum exigit; sunt enim incorporales: quæ proinde nec cerni, nec tangi possunt: *d. tit. de reb. corp. et inc.* ut necesse sit, si quid sunt, si quid in se habent, id totum cerni animo, et solo animo æstimari. Unde dicuntur huiusmodi res consistere in iure, idest, inris intellecta. Ne illud quidem ad rem pertinet, quid servitutes non sunt prius, quam constituantur; non sunt enim re vera, ac ne tunc quidem, cum sunt constitutæ: sed non eo minus concipiuntur

cogitatione, et quasi iam essent, ita esse intelliguntur, paratæ ad dandum non minus, quam si de rebus corporalibus ageretur. Unde et dicuntur servitutes dari, eam constituuntur. *L. si unus, supr. de ser. rust. pr. L. 3. §. dare, supr. de usufr.* quid non fieret, nisi et ante res esse intelligerentur; neque enim dari potest, quod non est, nisi forte expendamus, ut constituantur, ac sic deinde dentur, quod est absurdum. Non sunt in eadem causa personarum servitutes, ut usufructus. † De quo aperte scribit Ulpianus, si quia hunc quamvis certi fundi stipuletur, incertum intelligi in obligationem deduxisse. *L. ubi, §. 1. An quid usufructus non est corpus; non est res quæ oculis aut sensu percipiat? exempla hereditatis, obligationis, actionis, et servitutem prædiorum, quas res certas esse ante ostendimus, nihil huiusmodi esse satis probant.* Sed æstimatur usufructus ex fructibus, et perceptionis diuturnitate. Fructuum quantitas incerta: incertum enim, quantum quoque anno nascatur; sed perceptionis modus incertior: finitur enim usufructus inter cætera morte et capitis demotione, rebus placæ incertis. *§. ult. Inst. de usufr.* quæ ex re sit, ut hoc quoque incertum sit, quantum in posterum futurus sit usufructus: quo enim erit diuturnior, eo et maiorem esse necesse est; et quo brevior, eo minorem. Qua ratione et pecuniæ, cæterarumque rerum quæ usu consumuntur: usufructum non minus incertum esse dixeris, quod quidam negant: nam et hic similiter finitur morte fructuarii, et capitis demotione. *L. si vini, supr. de usufr. ear. rer.* Itaque quod Papinianus in *L. tribus, supr. de usufr. ear. rer.* scribit usufructa quindecim millium legato *legatum esse velut certi*; et natura rei, et verbis Papiniani satis admonemur sic locum accipiendum esse, ut verba significant; esse quidem legatum hoc velut certi, quia summa hæc tota quindecim millium, quam certam esse constat, ab initio petatur, eiusque etiam proprietates transferretur. *d. L. si vini, eod.* Sed velut certi, inquam; re autem vera certi non esse ob eam causam, quam dixi. Nec multum ad rem facit, quod pecunia certa petitur ab initio, eiusque proprietates transferri debet: animadverti enim debuit peti eam et transferri non simpliciter, sed usufructus nomine: ac propterea adici hanc cautionem, ut quandoque iis, cui usufructus legatus est, mortuus aut capite minutus erit, eiusdem qualitatis et bonitatis res substitatur. *d. L. si vini.* Hæc vero adjectio,

12

at-

atque hic translatæ pecuniæ modus non aliter incertam facit quantitatem usufructus, quam si fundi aut aliarum rerum usufructus esset legatus. Quid, si hoc modo proprietate pecuniæ translatæ, proprie ipsa nec transferri intelligitur? transferitur enim hac conditione, ut si vel post unam horam decedat fructuosus, statim pecunia restituatur; quoties autem sic dantur numeri ut recipiantur, toties nec alienari videntur. *L. qui sic, infr. de sol.* Sed sive hic non transferatur pecuniæ proprietates, sive vere transferatur, semper illud tenebimus usufructus nomine transferri: denique in hac translatione nihil contineri in summa, nisi usumfructum; qui propterea ut cæterarum rerum usufructus finiatur morte, et capitis deminutione fructuosii, vel hoc unum nomen usufructus, eiusque conditio, satis eius incertam quantitatem esse ostendit. Proinde qui usufructu pecuniæ legato aut promisso, in eo proprietatis translationem, quæ sit ab initio, solam spectant, neque quo nomine, qua lege, quousque transferatur, considerant, ideoque his prætermittis rem certam hic contineri dicunt; hi, ut dicam mollissime, qua de re agitur, peram vident; qui autem eo etiam progrediuntur, ut quibusdam aliis dissentientibus doctis tamen viris contumeliose insultent, valde in se ipsos iniurii sunt: illis enim obijcientes in hac re nimiam cæcitem, sibi ad suæ excusationem apud æquos iudices nullum relinquunt locum. † Si usufructus propter incertum redditum singulorum annorum, et quia incertum est, quandiu duret, incertus; erit et usus incertus, et habitatio ob eandem causam, aut similes. Res corporales, quæ in stipulatam deducuntur, aut futuræ sunt, ut dixi, ut fructus, et quod ex ancilla nascetur, aut præsentem, et quæ iam sunt in reum natura. † Futuræ, quia ex incerto evento naturæ pendet, omnes natura incertæ. *L. ubi, §. illud.* Fructibus similes sunt usurae: non solum quia vicem fructuum obtinent; *L. usurae, supr. de usur.* sed etiam, quod proprie ad hunc locum pertinet, quia earum præstatio pendet ex cessatione sortis: quæ si statim solvitur, non debentur usurae, et omnino nullæ sunt: si non solvitur; ut erit cessatio sortis, ita erit usurarum modus. Ideo qui usuras stipulatur quascunque eum stipuleri incertum Ulpianus ait *L. ubi, §. penult.* ubi usuras sine dubio intelligit eas, quarum summa certa exprimitur: quia hac non adiecta nulla sit stipulatio. *L. ita stipulatus. infr. eod. l. quod in stipulatione, supr. de usur.* quascunque,

id est, quascunque sint generis, sive trientes, sive semisses, sive besses, sive centesimæ: dum tamen sint legitimæ: nam ultra modum lege constitutum nullus usuras stipulari licet. *L. eos, C. de usur. L. placuit, supr. eod. de usur.* Illud hoc loco monendi sumus, quod fructuum et usurarum stipulationem incertæ rei et incertam esse dicimus, non eo pertinere, ut satis postea fructibus, et commissa stipulatione usurarum ob sortem non solutam, sic deinde fructus nati, et usura debita actione ex stipulatio, seu actione incerti peti possint: sed solum ut intelligamus ab initio et per id tempus, quo hæc nondum existerunt; incertæ hæc esse, se proinde incertam stipulationem; cæterum si de conditione quaeritur, ex hoc genere stipulationum nulla alia potest esse actio, quam conditio certi. Nam ut in *§. illud*, Bartolus recte scribit de fructibus ex sententia Iacobi Aretini, ante quam fructus nascentur, ex stipulatione in quam fructus, qui nascentur, deducti sunt, agi omnino non potest: postquam nati sunt, statim cœperunt certi esse natura; quo fit, ut conditione certi peti possint et debeant: si quidem conditio certi competit ex omni contractu etiam qui ab initio incertus sit, ex quo certum petatur. *L. certi, supr. si cer. pet.* Et cur dubitemus id affirmare de usuris? certi enim iuris est omnem penæ stipulationem certam esse: *L. si penam, supr. eod. eoque et certi conditionem hinc nasci. Inst. eod. in pr.* constat autem usuram omnem esse penam; quæ ob non solutam sortem infligatur: etsi non omnis pensæ est usura: sic usura appellatur in *L. lecta, supr. si cer. pet.* Sed hæc obiter dicta sint de conditione certi ex stipulatione fructuum et usurarum, ne quia dicuntur incertæ hæc stipulationes, ideo quis colligi putet etiam ex his competere certi conditionem contra definitionem. *L. certi, supr. si cer. pet.* nam questio ipsa ad definitionem *L. certi*, pertinet: nbi cum a nobis sit exposita, lectorem ad eum locum reuocemus. Quæret aliquis; cui igitur bono dici stipulationes fructuum et usurarum ab initio esse incertos contractus, si nihilominus ex his agitur tanquam ex contractibus certis conditione certi? Non sane, ut Bartolus putavit, ut intelligamus hæc stipulationes dilationem natura habere, quod esset præposterum (non enim ideo habent, quia sunt incertæ: alioqui usufructus stipulatio, et disiectiva dilationem haberent; sunt enim et hæc incertæ: sed ideo sunt incertæ, quia dilationem habent ex eventu pendente) sed illud intelligi huc spectat, ut

ut sciatur, quid sit illud, quod in definitione certi conditionis dicitur, hanc competere ex omni causa, ex qua certum petitur, atsi petatur ex incerto contractu. *d. l. certi, supr. si cert. pet.* harum enim stipulationum exemplis declaratur, qui sint illi incerti contractus, ex quibus nihilominus certum petitur. † *Corporales res quæ iam sunt in rerum natura, omnes natura sue certæ sunt: nam si sunt, atiam alicubi sint, certoque ac definito loco continentur, necesse est: quicquid autem certo loco continetur, id ut definitum, ita et natura certum est. L. plano, §. sed si non, L. cum res. §. 4. supr. de leg. 1.* Parumque ratulegit, an apud nos incertum sit, necne, ubi sit res quæque: non enim eo minus quid certum est natura, quia apud nos incertum est, §. *conditiones, Inst. eod.* Hæc autem quæ res natura sua certæ sint, aut incertæ, diximus: quia ex cognitione hoc iam assequimur, ut si quæ res ex superioribus incertæ apprehensæ sunt, continuo sciamus et stipulationem esse incertam, ommissa omni alia questione de genere pronuntiationis. Quod si certa res sit in stipulationem deducta; nondum quid hic certi sit, aut incerti, tenemus: restat enim adhuc pronuntiatio, quæ nisi et ipsa rem certam ostendat, æque apud nos eadem rei et stipulationis incertitudo manebit. † *Superest igitur, ut de pronuntiatione ac designatione rei, quæ certa sit, aut incerta, ut est propositum, videamus. Et ut pronuntiatione sola appareat aut non appareat, quid, quale, quantum sit, quod in obligationem deducitur, aliter efficitur in iis rebus, quæ ex sua specie æstimantur, ut est fundus, homo, status; aliter in iis, quæ quantitate, idest, pondere, numero, mensurativa constant, ut vinum, oleum, frumentum, padunia numerata. Quæ res ex sua specie, non quantitate æstimantur, in his sic pronuntiatio rem certam exprimit, ai et species, idest, res certo loco comprehensa demonstratur, et præterea ita deducitur in obligationem, ut iuxta stipulationem sola peti possit etiam invito promissore; si quid contra fit, quæ in re natura incerta incertitudo futura esset, eadem et hic relinquetur. Id autem duobus modis contingit, si vel aliquid stipulemur generaliter, ut hominem dari, vel res plures disiunctim electione nobis non recepta, ut Stichum aut Pamphilum. Etsi enim et illic res una ex genere promittitur, quæ cum dabitur, non potest esse, nisi certa; et hic species etiam rerum aperta designatur: fit tamen pariter utroque modo, ut*

Tom. XI.

ex pluribus rebus ea debeatur, quam promissor elegerit: quam autem is electurus sit, ex pronuntiatione incertum est; nec parum interest, quam eligat propter diversam singularum rerum æstimationem: hinc utrumque genus stipulationis Ulpiano incertum. † *Qui hominem, inquit, generaliter sibi stipulatur, incertum deducit in obligationem. L. ubi, in pr. An quod genus cogitatione percipitur; non cernitur? Minime: hoc enim cum aliqua probabilitate dici posset, si generis nomine idea et comprehensio universarum specierum in stipulationem generis significaretur; sed errat, si quis, cum homo promittitur generaliter, aliud promitti putat, quam unum aliquem hominem corpore et numero ut constan-tem, ita et distinctum a cæteris, ut docui ad L. in stipulationibus, supr. Ille homo si videtur, percipitur sensibus non cogitatione: si non videtur, quia de eo nondum promissor apud se constituit, ne cogitatione quidem percipi potest, qualis is aut quantus futurus sit, cum ex promissoris destinatione, idest, incerto evanto pendeat. Tum autem non si hominis promissi appellatione contineretur res incorporalis, quæ cerni, aut tangi non posset; ideo tamen consequens foret rem esse incertam: nam et res incorporales natura sua certas esse posse supra ostendimus. Postremo cum Stichum aut Pamphilum stipulor, designantur res corporales, ambæ subiectæ sensibus; incertum tamen in stipulationem deducitur: et quo appareat certæ aut incertæ rei discrimen non esse positum in eo, quod quædam percipiuntur cogitatione, quædam sensibus. Quid ergo est? cum: quid generaliter stipulor, electio est promissoris, quid det ex eo genere. §. præterea si quis, Inst. de act. Hæc electio incertum facit, non quid datur, hominem enim datum iri, certe dari oportere certum est: sed qualis homo futurus sit, aut quantus, qui postea dabitur. Et qui illud aut illud stipulatur, incertum intelligitur stipulari: *L. ubi, §. qui illud, eadem plane ratione; nam et hic electio est debitoris. §. Autem autem, Inst. de act.* Sane si quis ita stipuletur, Stichum aut Pamphilum dabis, utrum ego valim: electione nimirum nominatim sibi constituta; recte dicitur stipulationem certum continere. *d. §. qui illud.* Etsi enim non est certum, quid postea velit stipulator, at potest, cum semel voluerit, voluntatem mutare ante litem contestatam: *L. si quis stipulatus. 112. infr.* tamen est in potestate eius certum efficere, quod velit petendo consequi: id enim petetur, quod volet. † Si hi modis*

duobus pronuntiatio rem incertam facit in iis rebus, quæ quantitate non constant; licet iam intelligere verum esse, quod de certitudine pronuntiatio in hoc genere possimus; certitudinem hanc duabus rebus constare; si et species ipsa demonstretur, et ita deducatur in obligationem, ut sola possit peti, si stipulator volet. Adiciemus, id ita fieri, si aut res una in stipulationem deducatur, aut plures coniunctim: aut disiunctim illæ quidem, sed electione nominatim recepta stipulatori: hinc illa stipulatio certi, fundum Tusculanum dari; *L. ubi, §. ult.* quia hic et species certo demonstrata: et ea una in stipulationem deducitur. † Solum videndum est, quomodo species aliqua demonstretur. Demonstratur vero aut nomine proprio, ut Stichus, aut adiectione earum circumstantiarum, quæ in eam rem solum cadant, quæ adiectio vice nominis fungitur, veluti, servus tuus, quem a Titio emisti, cum promissor unum tantum a Titio emptum haberet; *L. certum, si cert. pet.* aut demonstratione certæ rei, locive, in quo res aliqua continetur: certam enim et definitam rem esse oportet, quæ certo et circumscripto loco continetur: unde hæc stipulationes, rei certæ stipulationes sunt; pecuniam, quæ est in illa arca; vinum, quod est in illa cella; frumentum, quod est in illo horreo, mihi dare spondes. *L. ubi, §. illud, hic. L. cum res, §. 4. supr. de leg. 1.* Nec dissimiles sunt illæ, quod mihi Seius debet, dare spondes? item, quod ex testamento mihi debes, dare spondes? Si modo Seius certum debeat, vel ex testamento certum debeatur. Etsi enim Ulpianus in *L. ubi, §. qui vero*, initio §. ita scribit in utraque causa incertum in obligationem deduci: tamen id statim corrigat postea: *quomvis, inquit, istæ species vix separari possint ab ea, quam proposuimus de vino, vel oleo, vel tritico, quod in horreo repositum est:* idque argumento confirmat. Et recte: supra scriptis enim stipulationibus nihil aliud intelligitur promitti, quam quod obligatione Seii, quod testamento continetur: quæ res non minus certæ sunt, nec minus certo ea quæ continent, ostendunt, quam arca, aut horreum, quibus continetur pecunia aut frumentum. Atque hoc modo res quantitate non constantes pronuntiatio certæ fiunt.

‡ In quantitate, id est, his rebus, quæ pondere, numero, mensurave constant, ita exprimendis, ut appareat in his quid, quale, quantumve promissum sit, speciem rei, ut supra, dicere non convenit: alioqui non quantitas promittitur, sed certum corpus

et species: quæ promissa nihil neque de quantitate, neque de qualitate exprimere oportet, quod tamen hic exigitur in *L. stipulationum, et L. ubi, in princ. ut, si quis stipuletur pecuniam, quæ est in illa arca; vinum, quod est in illo delio, speciem dixit, non rem numero, aut mensura constantem. d. L. cum res, §. 4. L. plane, §. sed si non, supr. de leg. 1.* Nec ut dixi adiciere oportet, quam pecuniam, quod vinum, aut quantum: quoniam utrumque certi corporis, et certi loci designatio ostendit. Non solum ergo in his genus dicere est satis, sed etiam exprimi oportet, si modo quantitatem promitti volumus, ut dicamus decem aureos, quicunque sint, vini amphoras tot, quicunque illæ sint. Sed ad certam designationem rei accedere oportet hæc duo, certam qualitatem, et certam quantitatem eius rei, quæ in stipulationem deducitur. *d. L. stipulationum, et L. ubi, in pr.* Quantitas certa nota est, ut aurei decem, vini amphoræ centum, decem modii frumenti. Qualitas certa non item: hæc aliter æstimatur in nummis, aliter in vino, frumento, et cæteris similibus. Qualitas nummorum est eorum æstimatio: hæc in unoquoque genere nummorum certa est, habet enim unaqueque species nummi suam notam, ex qua pro genere monetæ vel anreæ, vel argentæ, vel aræ æstimatio cuiusque disceritur, eaque nota et æstimatio publica est, ne liceat de ea dubitare ac pro æstimatione etiam nomen habet. Ita qui decem aureos nummos stipulatur, certum stipulatur: *L. stipulationum* quia ad nummorum, id est, generis incertitudinem addit anreos; quo verbo certæ notæ et æstimationis monetæ significatur; addit decem, id est, certam quantitatem. Vini, olei, tritici, et similium qualitas est bonitas earum rerum, secundum quam tanti aut tanti æstimantur. Hæc variis est pro regionibus et locis, ac sæpe in iisdem locis aliæ aliis meliores nascuntur: in hac varietate nulla nota cuique speciei publicæ addita est, nullum nomen additum, quo æstimatio significatur; ac nec potest, cum earum rerum bonitas natura constat, non hominum instinctu; eoque hominibus sit incerta. Cum ergo desinit cætera, visum est sic certam earum rerum bonitatem exprimi, ut dicatur regio, in qua id nascatur, quod stipulamur, et adiciatur bonitas, quæ sit summa: ut exempli gratia in tritico ita concipiatur certa stipulatio: tritici Africi optimi modios centum dabis? in vino ita, vini Campani optimi amphoras centum dabis? *L. stipulationum.*

Nam

Nam si quis bonum tantum dicat; incertum dicit, cum bono possit esse melius: at optimo nihil potest. *L. ubi, in princip.* Sed quæcunque in his qualitatibus et quantitatis certitudo fuerit, nihil tamen promittitur in omnibus, nisi genus: decem enim aureis promissis, non promittuntur decem, quæ sunt in localis aut bonis debitoris; sed decem, quoscunque aut undecunque habiturus est debitor postea: et cum decem petentur, eodem modo petentur in genere: nimirum uti in stipulatum deducti sunt. *d. §. huic autem, in fin. Inst. de act.* Idemque in vino, oleo, tritico dicendum est, etsi quis decem dolia vini Campani optimi stipulatus sit; tritici Africi optimi modios centum. † Qui fit igitur, ut in iis corporibus, quæ quantitate non constant, cum promittitur quid generaliter, incerta stipulatio sit: cum autem promittuntur res pondere, numero, mensurave constantes, quamvis generalis sit appellatio et stipulatio earum rerum, tamen placeat stipulationem non esse incertam? quia in cæteris rebus sunt aliæ species alii meliores aut deteriores: ac proinde singulæ aliæ sunt ab aliis: Quo fit, ut cui incertum est, quam speciem ex eo genere consecuturus sit, huic etiam una sit incertum, si non quid, at certe quale et quantum consequatur; ut autem incertum sit: quæ species præstetur, facit stipulatio generalis propter electionem dandi promissori constitutam, ut ante diximus. In quantitativis autem singulæ species eiusdem generis etsi numero diversæ, vi tamen ipsa et potestate eadem sunt cum aliis: quia in pari quantitate et bonitate eiusdem generis singulæ idem præstant: *L. 2. §. 1. sup. si cer. pet.* ut conseques sit, si cui una ex his promissa sit sub electione promissoris, ut fit in generali stipulatione, nihil tamen stipulatori obstat hanc electionem, quominus semper certum sit, quid consequatur: quoniam quidquid daturus est promissor, id semper utilitate unum et idem futurum sit. † Et tamen si substantiam rerum spectemus et numerum singularum, quo distinguuntur alia corpo-

ra ab aliis, negari non potest, quin promittatur res incerta, cum indefinite promittitur pecunia, oleum, vinum, frumentum, aut aliæ res eiusdem generis, etiam si hic certæ quantitatis et qualitatibus res promissæ sint: decem enim aureis promissis, ut dixi, non hi aut illi promittuntur, sed decem in genere, ubicunque sint, et quicunque dentur postea: idemque decem modis tritici, decem amphoris vini promissis, dicendum est. Sed et quicunque aurei dantur quandoque, certum est eos substantia et numero alios futuros ab iis omnibus, qui restant in rerum natura. Ac ne in istis rebus incertis appellandis magis ratione aliqua nostra niti videamur, quam re ipsa aut auctoritate iuris auctorum: sciendum est et eas a iuris auctoribus aperte, incertæ dici, ut in *L. in ratione, §. incertæ. sup. ad leg. Fal.* Neque id sine re; ne quis hanc appellationem condemnandam putet, cum de effectu rei quæritur; hac enim de causa accidit, ut quamvis res hereditariæ omnes, aut debitoris heredis perierint, tamen non eo minus debeatur pecunia, aut vinum, quod generaliter, ac non certo loco comprehensum legatum fuerit, *d. L. in ratione, §. verum est, et §. incertæ*: scilicet quia res certæ legatæ non sint, ut rebus hereditariis et heredis amissis, dici possit eas quæ legatæ sunt, amissas esse: in quam sententiam et illud de omni summa pecuniæ debita dictum est, incendium ære alieno non exuere debitorem. *L. incendium, C. si cer. pet.* Quid causæ est igitur, cur non putetur falsum esse, quod eiusmodi res dicuntur hoc loco incertæ? quia incertitudo ista, quæ dicitur esse in his rebus, ad incertitudinem solum, ut dixi, substantiæ, et eius loci, in quo illæ sunt, pertinet: at hæc cum de utilitate stipulatoris quæritur, rem incertam non facit, utilitas enim in omnibus eiusdem generis, et bonitatis corporibus una est: secundum quam et quantitas promissa recte dicatur certa; et cum ipsa petetur, certum peti; proinde et hinc esse etiam certi conductio.

Ad §. Hæc stipulatio fundum Tusculanum dari. *L. ubi.*

Hæc stipulatio, *fundum Tusculanum dari*? ostendit se certi esse: continetque ut dominium omnimodo efficiatur stipulatoris quoquo modo.

S U M M A R I A.

1. Stipulatio hæc fundum dari est certa.
2. Stipulatio fundum dari, cur incerta.

3. Ex stipulatione, Rem dari, vacuumque possessionem, tradi, cur fructus petantur actione incerti.

- 1 **H**ÆC stipulatio fundum dari, ostendit hæc certi esse, ait Ulpianus: nempe quia in stipulatum deducitur res aperte certa natura: quæ et suo nomine demonstratur, id est, fundus Tusculanus *L. proz.*
- 2 *supr.* † Sed cur non dicatur ista ratione certi esse et illa stipulatio, fundum tradi? quam tamen ut in faciendo positam incertam esse paulo ante scripserat, §. *qui id quod.* Differentiæ ratio est, quia in hanc stipulationem, fundum dari, ipse fundus venit, quem certum esse iam diximus: in stipulationem autem fundum tradi, non fundus venit, sed id quod interest fundum ita tradi: hoc autem incertum, quod et iam supra attigi ad *L. stipulationes, ver.*

Celsus, supr. eod. ubi pluribus etiam rationis rationem exposuit. † Quod in *L. 4. 3* *supr. de usur.* scriptum est ex hac stipulatione, rem dari, vacuante possessionem tradi, fructus postea captos actione incerti ex stipulatu propter inferiora verba stipulatorem consecuturum, nihil adversatur huic loco; incerti enim actio, quæ illic datur, diserte datur propter inferiora verba, idest; ex illa parte stipulationis, quæ continet vacuum possessionem tradi. Quod si ex ea stipulatione in id agatur, ut res detur, quod prior pars continet, haud dubie certi agendum erit, ut hic stipulationem certi esse scriptum est, non incerti.

Ad L. Si stipulatus fuerim. 76.

Paulus lib. XVIII. ad Edictum.

Si stipulatus fuerim *illud aut illud, quod ego voluero*: hæc electio personalis est: et ideo servo vel filio talis electio coheret: in heredes tamen transit obligatio et ante electionem mortuo stipulatore.

S U M M A R I A.

1. In disiunctivis electio quandoque stipulatoris est, si videlicet nominatim sibi eam exceperit.
 2. Electio quam stipulator sibi constituit, personalis sit.
 3. In libero homine et sui iuris, an aliud in electione, quam in his qui in potestate constituti sunt, receptum sit.
 4. Electione morte stipulatoris extincta, obligatio sola sine eligendi potestate ad heredes transit.
 5. L. Si sic legatus, §. ult. *supr. de leg. 1. explicatur.*
- 1 **E**tiam ex illa stipulatione; illud aut illud dari, stipulatoris quandoque electio est; sed ita demum, si is nominatim electionem sibi receperit; ut diceret, illud aut illud, quod voluero, vel utrum ego velim, dare spondes? *L. ubi, §. qui illud.*
- 2 *supr. L. si quis stipulatus, infr. eod.* † Hanc electionem si quando sibi constituat stipulator, quousque ea progrediatur, et ad quos pertineat, quæsitum est; idest; sitne eiusmodi, quæ personæ stipulantis coheret, ut et ipse eligere possit, utrum velit, ac præter eum possit nemo: an vero transeat ad alios, puta heredes, et eos quorum in potestate est: qui stipulatur, ut res cæteræ, quæ per alios nobis acquiruntur: de quo cavetur hoc loco: personalem esse hanc electionem videlicet, sive homo liber stipuletur, et qui sui iuris est, sive servus aut filiusfamilias et in summa de tota stipulatione hæc huius loci sententia est. Obligationem quidem, quæ hinc nascatur, personalem non esse, sed transire in heredes etiam mortuo ante, quam eligat stipulatore: at eligendi potestatem esse personalem etiam in eo qui sit sui iuris, proinde eiusmodi quæ nec ad heredes transeat: quo iure habetur id omne, quod personale est. *L. quia tale, supr. sol. mat. L. non solum, §. tale, supr. de lib. leg.* Huic rei consequens esse, ut si servus, vel filius illud aut illud stipulati sint, utrum ipsi velint, recte dicatur talem electionem eorum personæ coherere, idest, ut explicatur in *L. ult. in princ. infr. eod.* ipsos, non dominum aut patrem de alterutra re destinare debere. Merito: non enim potest hæc electio in homine sui iuris esse personalis, quin talis sit in persona servi et filiifamilias, quandoquidem iisdem verbis servus et filius hanc electionem sibi constituunt. Ac quod de electione a servo, vel filio ipsis recepta dicitur hanc personæ coherere, ita diserte scriptum est hoc loco, et in *L. ult. infr.* ut sit extra controversiam. † An etiam in homine libero et sui iuris hæc electio sit personalis, et an id Paulus hic dicat, videndum est; negant enim alii moti his verbis responsi, *in heredes tamen transit obligatio, et ante electionem mor-*

mortuo stipulatore: sed præcipue *L. si sic legatum*, §. ult. *supr. de leg. 1.* ubi si is qui stipulatus est illud aut illud, utrum velit, leget quod sibi debetur, placet electionem etiam in legatarium transire: prius autem in heredem, ut qui actionem legatario in eam rem, ut petat, utrum velit, cedere debeat. Et de eo loco postea. Prius de eo, qui proponitur, deque ipsa re, quam hic statui dicimus, videamus. Ego autem de hoc loco sic sentio, hic Paulum de homine qui sui iuris sit, loqui initio, huncque esse, in quo dicat hanc electionem personalem esse; atque hoc quod ita dixit: non modo eum non corrigere postea, sed etiam magis confirmare. Perspicuum hoc quidem est ex verbis; sic enim scribit: *si stipulatus fuerim illud aut illud, quod ego voluero, hæc electio personalis est.* Nam si sola hæc verba spectamus, ut minimum sententia generalis erit ad omnem stipulatorem pertinens; ut saltem generalitate sententiæ etiam is, qui sui iuris est, contineatur. Quod si considerabimus etiam, quæ sequuntur, intelligemus eam definitionem ad Paulum ipsum, qui loquitur, et sub persona eius ad eum solum, qui itidem sui iuris sit, pertinere. Primum sub persona sua de eo loquitur, quem aperte distinguit postea a servo et filiofamil. subiicit enim; et *ideo servo vel filio talis electio cohæret.* Deinde hoc ipsum, quod subiicit de servo vel filio, apparet cum inferre ex præcedentibus, ait enim, et *ideo.* Inepte, si de servo et filio prius senserat; perinde enim hoc erit, ac si ita dixisset, si stipulatus fuerit servus vel filius illud aut illud, quod ipse voluerit, hæc electio personalis est; et ideo in servo, vel filio personalis est, ut sic idem ex eodem colligat. Nam personalis esse, et personæ cohærere idem valent. *L. non solum*, §. *tale*, *supr. de lib. leg. 1.* *quia tale*, *supr. sol. mat. iuncta*, *L. 3. in fin. quib. mod. us. am.* Sed fortasse quod hic dixerat Paulus, id corrigit postea, et in servo aut filio solum locum habere ostendit: id enim quibusdam placet. Atqui verba evidentiter reclamant: nam si id temperamentum vellet Paulus intelligi, non ita dicendum fuit; si quis ita stipulatus fuerit, illud aut illud, quod ego voluero, hæc electio personalis est: sed ita; si servus aut filius eo modo stipulatus sint, servo enim vel filio solum talis electio cohæret. Denique ad correctionem præcedentium particula aliqua adversante interveniente opus fuit: nunc autem manente priore sententia illatio subiecta est his versis: et *ideo servo*

vel filio talis electio cohæret: quæ illatio tantum abest, ut quidquam mutet de præcedente definitione, ut eam maxime confirmet: non enim potuit nisi ea prius manente et bene constituta quidquam ex ea colligi. Hæc accedit, quod non potuit esse correctio, nisi in iisdem personis corrigatur, quod prius de iis dictum fuerat; at propositio est de auctore, qui loquitur, et sub persona eius de homine sui iuris. Quod sequitur, de servo et filio, propositio concipitur sub prima persona, si stipulatus fuerim. Quod sequitur, sub tertia persona, *servo vel filio talis electio cohæret*; cum ita debuisset dici, si tamen ego qui stipulatus sum, servus sim aut filius. Hæc igitur alia est sententia, nec ad priorem ullo modo pertinet. Atque hæc verborum Pauli manifesta sententia est. Quod si omissis eius verbis de re ipsa quaeritur; reperietur nihil esse verius, quam in homine etiam libero et sui iuris hanc electionem exceptam, *quod ego voluero*, personalem esse, nec transire ad heredes. Hoc amplius, his concessis de quibus convenit in servo et filio, hoc idem in aliis qui sui iuris sunt, statui necesse esse. Hæc electio nihil nisi voluntas est personæ, eaque nuda, aperte his verbis expressa, *quod ego voluero*, vel, *utrum ego velim.* Convenit inter omnes voluntatem morte finiri: unde locationem ita contractam, quoad locator vellet, placuit morte eius tolli. *L. 4. sup. loc.* Scilicet, quia morte sua velle desisset, nec volendi potestas, quæ esset personalis, ad heredem transiret. Proinde et hæc ipsa voluntas, seu volendi potestas a stipulatore excepta huius ipsius morte finietur. Iam quæ hic voluntas est, aut quomodo expressa? hoc modo, *quod ego voluero.* Hæc adiectio conditionem habet, si ego voluero: similiter ut illis verbis, *Stichus qui meus erit, cum moriar*, inest hæc conditio, si meus erit, cum moriar. *L. 6. sup. de leg. 1.* et illis, *cuius nomen codicillis scripsero*, hoc exprimitur, si cuius nomen scripsero. *L. institutio*, *supr. de cond. inf.* Constat autem hanc conditionem legatario, id est, creditori adscriptam, si voluerit, personæ eius cohærere, ut nisi vivus constituerit, morte eius conditio deficiat; *L. si ita expressum*, *supr. de cond. et dem.* quare et in eadem conditione stipulatori iniecta idem dicendum est. Nam cur hac conditione adiecta aliud in stipulatorem statuatur, quam in legatario, si ambo vivi nihil constituerint, ratio reddi non potest, ut docuimus ad *L. qui Romæ*, §. *Agerius*, *infr. cod.* Et vero cur placeat electionem, seu potestatem volendi his verbis expressam, *quod ego*

voluerit, esse personalem, consideremus; ita etiam minus mirum erit, cur personalem esse dicamus. Nempe ideo personalis est, quia nemo nunquam dixerit voluntatem alterius, etiam heredis in eligendo eandem futuram esse, quae foret stipulatoris; cum fieri possit, ut una res videatur heredi esse utilis, quae non videtur stipulatori; et ut non videatur utilis, tamen illi magis placeat hanc habere, ut sunt variae hominum voluntates, varia indicia; vareque dictum est illud.

Velle suum cuique est, nec voto videtur uno.

Quod si haec satis non sunt: conferamus iam exemplum servi, et filii, de quibus hic diserte scriptum est; vel hoc unum ad omnem controversiam dirimendam sufficiat. Convasit servo vel filio illud aut illud stipulationibus, quod ipsi voluerint, talem electionem personalem esse, seu personae eorum coherere: atsi concederemus hoc solum hic scriptum esse, et scriptum est in *L. ult. infr.* tamen continuo efficeretur eiusmodi electionem etiam in libero, et eo qui sui iuris sit stipulatore, esse personalem: et quemadmodum a servo non transiret ad dominum; sic nec a defuncto transire ad heredem. Cur enim in servo haec electio personalis est? ntrum quis talis est natura sua, an quia persona servi, in quam incidit, talem facit? quia talis est natura heredi dubie, non autem propter personam servi. Tantum animi abest, ut quae servus acquisivit, ea propter conditionem servilem in persona eius subsideant, ut contra si quid natura sua transire potest ad alios, id in servi persona subsistere non possit, ne momento quidem. *L. placet, supra, de acquiren. her.* Quod si haec electio natura sua personalis est, erit omnino et tunc personalis cum in persona eius stipulatoris, qui sui iuris sit, constituta fuerit. Iam et illud sic recte colligitur: multo facilius quid a servo in dominum transit, quam a defuncto transit in heredem; at praesertim stipulatio: in quo genere quicquid stipulatur is, qui in aliena potestate est, pro eo habetur, ac si ipse qui in potestate habet, easet stipulatus: *L. quodcumque, supra eod. et ut est apud Iustinianum, vox servi vox domini esse intelligitur in his, quae ad alios transire possunt, §. ei vero, et §. post mortem, Inst. de inutil. stipula.* Et quamquam heredia quoque eadem persona esse dicitur cum defuncto. *Novel. de iur. a mor. praes.* tamen id non statim post stipulationem

nem a defuncto interpositam contingit, sed multo post, idque stipulatore prima mortuo, cuius deinde in locum heres accesserit. Quod autem servus stipulatur, adeo videtur dominus ipse stipulari, ut illi acquiratur, non dico vivo adhuc servo, sed statim, ac nec momento ansistat apud servum; adeo ut etiam invito domino acquiratur, *d. L. placet, supra, de acquir. her. L. servus vetante, supr. eod.* Concedimus si servus illud aut illud stipuletur, ntrum ipse valit, hanc electionem coherere personae servi, nec ad dominum transire. Quare libero homine eodem modo stipulante, multo minus talis electio transiit ad heredem. Licet etiam colligere hoc modo: si mortuo stipulatore ad heredem eius haec electio transit, etiam huius electionis commodum per servum eodem casu acquiratur. Sic enim regula iuris est: quae legata mortuis nobis ad heredem nostrum transeunt, eorum commodum per nos his, quorum in potestate sumus, eodem casu acquirimus. *L. quae legata, infr. de reg. iur.* Idque multo magis valet in stipulatione: cum legata conditionalia ad heredem legatarii non transeant. *L. 4. et L. 5. supr. quan. di leg. eod. stipulatio conditionalis transiit, §. ex condicionali, Instit. eod.* Ut autem transit, sic huius quoque commodum per servum aut filium domino patrive statim acquiritur. *L. si filiumfam. infr. eod.* At electionis de qua quærimus, commodum per servum non acquiritur domino, aut per filium patri, quia electio servo, et filio coherat; ex quo afficitur nec eam electionem ad heredem transire, ac proinde esse personalem, et cum persona extingui. Quare cum verbis huius loci exprimitur haec sententia etiam in stipulatore qui sit sui iuris, eam electionem de qua agitur, personalem esse; at sententia ipsa per se verissima sit; et praeterea ex eo quod conceditur, necessario efficitur: non est quod dubitemus eam hoc loco retinere, etiam si omnes dissentiant. Nihil enim ad rem pertinet, quid quis dicat, aut sentiat, aed quam verum. Magis mirari debemus in tanta multitudine interpretum neminem fuisse, qui in interpretatione huius loci de contextu ipso sibi cogitandum putaret: qui si Paulum modo attendissent, aut viderent enim sententiae suae ad verum, at veris acquiescerent; aut si eo non moverentur, saltem hoc ipsum, cur non moverentur, dicerent, et lectorem ea dubitatione, quam locus offert, liberare conarentur; in quo tamen omnes mirum silantium agunt. Nam quod aliam esse statuerunt hanc electionem

nem in servo et filio, personalem videlicet, ne ad dominum, patremve transeat; aliam in homine sui iuris; idest, non personalem, sed talem quæ transeat ad heredes; ferendum non videtur in ea re, in qua et natura electionis seu voluntatis tam aperte convincantur, et præterea tot locis, in quibus supra scriptæ personæ omnes comparantur, cum de rebus ad alios transferendis agitur. Melius Bartolus, qui vidit, et fassus est hanc sententiam exprimi hoc loco, etiam in stipulatore, qui nec servus sit, nec filiusfamilias, hanc electionem esse personalem: etiam si quæ contra dicuntur, expedire non potuerit; quod enim ait eam personalem esse vivo stipulatore; eo autem mortuo desinere esse personalem et transire ad heredes; satis se ipsum refellit. Id enim personale est, quod cum persona extinguitur, *L. quia tale, supr. sol. ma.* non potest autem, quod eiusmodi est, ad heredem transire. *d. L. non solum, §. tale, supr. de lib. leg. L. 3. in fin. supr.*

4 *quib. mo. us. am.* † Quid ergo sibi volunt illa verba, quæ sunt in extremo responso, *in heredes tamen transit obligatio, et ante electionem mortuo stipulatore?* Id ipsum, quod verba significant, obligationem nimirum transire, non item electionem, quam prius personalem esse dixerat. Quippe hæc stipulatione Stichum aut Pamphilum, utrum ego velim, dabis? duo continentur; obligatio Stichum aut Pamphilum, et præterea harum rerum electio. Ipsa obligatio rerum; pura est; semper enim promittitur hæc, aut illa, sive stipulator eligit, sive non eligit: at electio, quæ stipulatori datur, est conditionalis; habet enim hanc conditionem, ut dixi, si stipulator volet: ut hic quodammodo duplex sit stipulatio, ad petitionem Stichum aut Pamphilum pura; ad electionem conditionalis. Similiter ut duplex habetur illa institutio, cum ita heredes instituti sunt, ex partibus quas adscripsero; ex partibus aliquibus pura: ex partibus quas adscripsero, conditionalis, si quas adscripsero. *L. 2. supr. de her. inst.* Ergo stipulatore prius, quam eligeret, mortuo, electio extinguitur, quia defecit eius conditio: non item finitur obligatio Stichum aut Pamphilum: quia hæc detracta electione pura est, ut non possit dici huius conditionem defecisse, cum conditio nulla fuerit. Proinde etiam ut cæteræ obligationes dandi, sic ista in heredes transibit, etiam ante electionem mortuo stipulatore, ut Paulus hic scribit. Quod tamen cum dicitur, non sic accipiendum est, quasi transeat cum sua electione: transit enim; sed eligendi

potestate, quæ defuncti personæ cohærebat, ommissa, et iure translata in promissorem. Ita cum de obligatione respondit Paulus hanc transire in heredes, recte respondit, neque hoc ad electionem pertinet. Quid ergo attinuit, dicit aliquis, cum institutus esset sermo de electione stipulationis propositæ; sermonem initiare de obligatione nuda, et quæ detracta electione intelligeretur? Factum hoc est, ut occurreretur tacite dubitationi, quæ ex eo, quod de electione dixerat, nasci potuit: quoniam enim electio hæc, quam quis sibi stipulando constituit, stipulationis pars est, existimare possit aliquis, quod de una parte dicitur, id ad totam stipulationem pertinere: ideoque ut electio non transit ad heredem, sic nec transire obligationem: quod secus esse Paulus admonet ad hanc sententiam: electio, inquit, personalis est ex stipulatione proposita; id tamen ad obligationem ipsam Stichum aut Pamphilum producendum non est: hæc enim alii heredem transit, etiam si non trauseat electio; si puta stipulator ante quam eligeret, decesserit. Nec ad rem pertinet, quod stipulatio conditionem habet, si stipulator volet: inest enim hæc conditio, si unum potius habere velit, quam alterum: ut autem ille aut ille debeatur sine electione stipulatoris, in eo conditio nulla est, ut supra dixi. † Sed obstat nobis *L. si sic legatum, §. ult. supr. de leg. 1.* sic enim verba sunt: *si quis ita stipulatus, Stichum aut decem, utrum ego velim, legaverit, quod ei debeatur; tenebitur heres eius, ut præstet legatario actionem, electionem habituro, utrum Stichum an decem persequi malit.* Hic locus est fateor, in quo decipi proclive fuit, si quis præter eum nihil spectaret in hac causa. Sed et hic locus, quem interpretamur, et natura electionis seu voluntatis, quæ excepta est, et exemplum servi et filiiam. qui hanc sibi exceperunt, admonere nos debebant considerandum esse etiam atque etiam, si quo modo fieri posset; ut superiorem illum locum tanquam scopulum in hac re vitaremus. Quod si volumus attendere reperiemus in eo ipso loco, qui obicitur, satis esse ad dissolutionem. Observandum est enim diligenter in eo non proponi stipulatorem, qui nulla destinatione voluntatis declarata decesserit: quod si foret, et diceretur tamen hoc mortuo electionem transire in heredem: tum haberemus certo, quod superiores opponeremus; nunc autem proponitur stipulator is, qui quod stipulatus erat electione sibi constituta, id ipsum legavit, et legavit his

verbis, quo sibi debebatur. In hoc fateor recte dici transire electionem in legatarium: neque superiori assensu aut potius hoc loco adversatur; quod enim dicitur electionem stipulatoris, de qua agitur, personalem esse, neque transire in heredem, in eo dicitur, qui vivus non elegit, et, ut hic loquitur Paulus, qui mortuus est ante electionem. Quod si stipulator eligat prius, quam moriatur, dubium esse non debet, quin hic electionem transmittat, ad quoscunque eius stipulationis actio pervenerit; quoniam extiterit conditio eius electionis. Sic enim verba erant, illud aut illud, quod ego voluero: stipulator autem eligendo voluit. Hoc ego evenire contendo in eo stipulatore, qui eo modo stipulatus, ut diximus, legat quo sibi debetur; debebatur enim illud aut illud cum electione: proinde hoc legendo quod debebatur, nos cum petitione etiam electionem obligationi adiunctam legavit: hanc legando simul ipse elegisse intelligitur. Quidam, inquit, cum de eo nihil dixerit? oempe id quod legatarius eligit, cui hanc electionem commisit: nihil enim interest, utrum ipse stipulator eligat: au is cum stipulator eligendi negotium dedit. *L. item, §. 1. sup. quod cuius. uni. no.* Sed an potuit stipulator hanc electionem legatario dare? non enim videtur, cum sit personalis. Sane vero non posset, nisi prius ipse elegeret; sed iam dixi stipulatorem committendo legatario hanc electionem, hoc ipso id eum eligere videri, quod legatarius volet. Neque eo moveri oportet, quod legatarius eligit mortuo iam stipulatore: quo tempore stipulator eligere dici non potest; non enim dicimus, cum legatarius eligit, tunc stipulatorem eligere, quod certum est in mortuum cadere non posse: sed cum legatarius eligit, videri stipulatorem iam tum elegerit, cum legavit actionem: ut legatarii electio non constituat electionem stipulatoris; sed quænam illa fuerit ob iurio, declaret. Similiter ut accidit, cum quis testamento ita heredem instituit; quem nisi heredem codicillis scripsero, heres esto; quemcumque enim heredem scripserit codicillis postea, is heres erit. At eum codicillis hereditas dari non potest. Recte hoc obiceretur, si quidem hic heres codicillis scriptus esset: sed constantiter placuit, quoscunque postea scripserit testator in codicillis, hos retro versus videri eum scripsisse: non codicillis, sed testamento tuoc, cum instituebat, quem postea sibi scripsisset: ut scriptura codicillorum non faciat heredem, sed eam, qui scriptus erat nec appellatus, demonstret. *L. in-*

stitutio, sup. de cond. inst. L. asse, sup. de her. inst. Eodem modo si testator ita scripserit, quantum codicillis Titio legavero; placet, licet codicillis legatum explicetur, tamen ex testamento valere. *L. si ita scripsero, sup. de cond. inst.* Et generaliter probandum est, quoties dicimus aut scribimus nos id velle, quod postea, aut in illo loco, aut in illa persona ostendatur, toties id iam ooc in presentia videri nos velle et constituere, quod postea sequetur, quodcumque tandem declaratio secute fuerit: et et superioribus, et multis aliis argumentis iuris confirmatur. Sed enim hic etiam dici potest in *L. si sic legatum, §. ult.* significari in ea specie, quæ obicitur, electionem non tantum transire in legatarium, sed etiam in heredem; placet enim heredem cadere prius actionem debere legatario, qua hic petet, quod ipse eligit; ergo actionem quam heres habuit; neque enim aliter posset eam præstare: in hunc tamen defunctus eam electionem non contulit. Unde colligi videtur etiam sine destinatione seu electione stipulatoris electionem in heredem transire. Mendose colligitur; non enim si stipulator non constituit, ut heres eligeret, ideo electio eius non præcessit; destinavit stipulatori vivus, quid peti vellet, cum id eligit et legavit, quod legatarius constitueret. Quod satis est, ut ea electio, de qua agitur, ad heredem transeat sine alia aperta defuncti voluntate: transit enim ad eum non electio future, qua ipse eligit, utrum velit, hæc enim legatario tributa est: sed electio iam ante constituta a defuncto, per quam res ab illo iam electa est, et ad rem electam quæsitæ actio. Hæc vero actio illa est, quæ ad heredem transferitur: non mirum, ipsa enim electio future personalis est: res autem electione quæsitæ, ut ad rem electam actio, personalis esse desit; cepitque inter cætera bona defuncti numerari, et quæ ad heredem transeant. *L. bonorum, infr. de verb. sig. §. non autem, Inst. de per. et tem. act.* Ea porro res a stipulatore vivo in proposito legato electa intelligitur, quam legatarius volet, ut diximus. Ita fit, ut et heres ad eam solam peteodam; quam legatarius volet, actionem habeat, quam et legatario debeat cadere, quod contingit sine fraude legatarii, cui electionem tributam volumus. Quod si proponas legatarium repudiasse legatum, heres electionem non habebit: non eam, quam defunctus voluit, quia hæc conditione habuit, si legatarius legatum agnosceret, et inde peteret, utrum vellet: non eam, quam

de-

defunctis ante legatum habuit, quia hæc fuit personalis. In summa, qui illud aut illud, utrum velit, stipulatus est, ante quam eligat, huius electio, id est eligendi potestas personalis est, at si ante decesserit, electio ad heredem non transfertur. Quod si samel elegerit, quaeritur illi actio ad rem electam, quæ actio electionis præterite emolumentum ad heredem transit sine alia aperta translatione. Videtur autem eligere stipulator alterutrum, non solum cum aperte constituit, utrum velit ex iis, quæ promissa sunt: sed etiam cum legat, quod ex

hac stipulatione sibi debetur: quamvis enim nihil aliud adiecerit; tamen ut his verbis committit legatario, ut eligat, ita hoc ipso videtur iam nunc eligere, quod postea legatarius eligat, quodcumque id secutum erit. *Argumentum in L. 1. §. item, supra, de acquiren. possess.* Quo exemplo dicemus, etsi stipulator hic vendiderit alicui, quod aibi debetur, aut ex alia causa transtulerit hoc nomen, in eum in quem translatum est, transire electionem: quasi et hoc ipsum stipulator elegerit prius, quod is cui actiones cessæ sunt, postea eligeret.

Ad §. Cum stipulamur.

Cum stipulatur quidquid te dare facere oportet, id quod præsentis die dumtaxat debetur, in stipulationem deducitur: non ut in iudiciis etiam futurum: et ideo in stipulatione adicitur verbum, oportebit: vel ita, *præsens in diemve*, hoc ideo fit, quia qui stipulatur quidquid te dare oportet, demonstrat eam pecuniam quæ iam debetur. Quod si totam demonstrare vult, dicit, *oportebitve*: ita, *præsens, in diemve*.

S U M M A R I A.

1. *Debitum ex aliis causis cur sape in stipulationem deducatur.*
2. *Præsens, in diemve debitum, quomodo commode in stipulationem deducatur.*
3. *Stipulatione hac, Quod te dare facere oportet, an obligationes in diem contractæ et futurae continentur.*

4. *Actionis formula hac, Aio te dare oportere, etiam futura in iudicium deducuntur, et quæ diversitatis in stipulatione et iudicii ratio.*
5. *Stipulatio legatorum nomine interposita iudicil instar obinet.*
6. *In iudicium futura deduci, quomodo accipiendum.*

1. Quod ex aliis causis debetur, sæpe fit ut in stipulatum deduci velimus, vel quo, nobis magis casum sit, quam ad rem inventæ sunt stipulationes; *Inst. eod. in princip. L. 5. supra eod.* vel ut posteriori stipulatione noventur præcedentes obligationes; *L. 1. infra, de nov.* nec tantum ut noventur præcedentes, sed etiam ut ipsa posterior stipulatio acceptilatione tollatur, atque ita ab omni obligatione dissolvatur: quando acceptilatione ex tantum solvantur obligationes, quæ ex verbis consistunt, non etiam ceteræ. §. *item per*, 2. *Inst. quib. mod. tol. obl.* † Ac si quid præsentis die debetur, commode in stipulationem ita deducitur, *quod te mihi dare facere oportet*: si et quod debetur in diem, complecti volumus, de utroque genere et hoc modo commode caveri constat, *quidquid te dare facere oportet, oportebitve*; vel, quod te dare facere oportet *præsens, in diemve*, ut hic declaratur: quomodo et conceptam Aquilianam stipulationem legimus in *d. §. item per*. † Quæsitum est,

Tom. XI.

si tantum ita dictum sit, *quod te dare facere oportet*, an ad utrumque genus satis dictum sit, et an continentur etiam obligationes in diem contractæ, et futurae. Placuit non contineri, sed tantum quod præsentis die debetur. Ideoque si quis de utroque comprehensum velit, ita concipi oportere, ut modo diximus, ut hoc loco, et *L. si a colono, infr. eod. L. si ita scripsisset, 46. supr. de leg. 2.* unde et Aquilianæ stipulationis formula. Scilicet id solum dari oportet, quod iam nunc oportet, *d. L. si a colono*: quo in numero non sunt ea; quæ sunt in diem: id enim dari oportet, quod ab invito exigi potest: non potest autem exigi, quod in diem debetur. *L. cum, qui Calendis, §. ult. supr. eod.* † Hic obicitur formula iudicii, nam et iudicium sive actio instituitur iisdem verbis, his nimirum, *aio te fundum illum dare oportere, §. 1. et §. huius autem. Inst. de act.* et tamen in iudicium his verbis etiam futurum deducitur, ut hic Paulus scribit; deducuntur enim fructus

81

post-

postea nati, et qui percipi potuerunt, itemque omnes rei petitæ accessiones, quæ post litem contestatam contigerunt. *L. præterea, sup. de rei vind. L. videamus, 38. §. si actionem, sup. de usur.* Nihil amplius de eo Paulus hoc loco respondet, nisi dissimilem esse in hac re stipulationis et iudiciorum causam: *quod, inquit, presenti die duntaxat debetur, in stipulationem deducitur: non ut in iudiciis etiam futurum.* Cur ergo non idem fit in stipulatione, cum ita dico, quod te dare oportet? duabus de causis. Primum quia, non ut stipulatio semel atque uno tempore perficitur, sic et iudicium: sed hoc tractum habet temporis; unde evenit, ut qui ab initio rem principalem petit in iudicio, is eam deinceps et singulis eius iudicii diebus petere intelligatur: ac per rem intelligatur quoque quotidie petere eius rei accessiones, hæc enim rei coherant. Deinde in iudicio quidquid istarum accessionum venit post litem contestatam, non tam ideo venit, quia contineatur supra scriptis verbis petitionis, quam quod iudici statim atque iudex factus est, omnium rerum officium incumbit, quæcumque in iudicio seu in causa versantur, ut scriptum est in *L. adiles, §. item sciendum, sup. de æd. ed.* In stipulationem contra cum semel res præsentis deductæ sunt, ideo non veniunt quæ postea sequuntur, quia semel contracta non iterum, nedum quotidie repetitur: et præterea in hac nihil æquitati iudicis committitur ultra, quam stipulationis verbis comprehensum est. *L. quia tantumdem, sup. de neg. gest. et Inst. de oblig. ex cons.*

- 5 † Sane si quæ sint prætoriarum stipulationes, quæ iudicii instar obtineant, etiam in his iudicii regulam circa rei promissæ accessiones recte sequimur; talis est autem satisfactio legatorum servandorum causa. *L. 1. in pr. infr. de præst. stip.* et ideo recte sentiunt, qui moment ob hanc causam fieri, quod scribitur de hoc genere in *L. 1. §. bellissime, sup. ut leg. seu fid. no.* hanc videlicet stipulationem ex mora fructuum, et usurarum incrementum habituram, ut id quod oportebit, comprehendat. † Sed quod hic dicitur in iudiciis etiam futurum deduci, quomodo accipiendum sit, videndum est: alioqui pugnant illæ sententiæ. Non posse videri

in iudicium venisse, quod post iudicium acceptum acciderit. *L. non potest, sup. de iud.* Item, iudicium esse non posse de his rebus, quæ postea in obligationem adventuræ sunt. *L. non quemadmodum, sup. de iud.* De fructibus, inquam, et accessionibus rei petitæ, omnique causa hoc dictum est, in iudiciis deduci etiam futurum: hæc enim, ut dixi, etiam deducuntur, aliter atque in stipulatione, in quam his verbis, *quod te dare oportet*, na accessiones quidem huiusmodi, quæ postea contingunt, veniunt; præterquam in prætoriam illam, quæ legatorum servandorum causa imponitur. Quod si quid petitur principaliter, id si est futurum, id est, si nondum nostrum est, aut nobis debetur, in iudicio deduci non potest, ut ita iudicium sit in pendenti, donec nostrum fiat, aut nobis deberi incipiat. Nam cum omnis actio aut sit de eo quod nobis debetur, si est in personam; aut de eo quod nostrum est, aut velut nostrum, si est in rem, §. 1. *Inst. de act. L. actionum, sup. prox. tit.* perspicuum est natura actionis hoc efficere, ut de eo quod nec nostrum est, nec debetur, agi non possit. Id vero est, quod superioribus sententiis demonstratur: nam ad accessiones rei petitæ, seu ad causam, quæ in iudicio versatur post litem contestatam, non pertinent. Posterior quidem de iis quæ debebuntur postea, seu quæ in obligationem adventura sunt, aperte concepta est *d. L. non quemadmodum.* Porro accessiones quæ post litem contestatam veniunt, officio iudicis magis præstantur, quam proficiuntur ex obligatione, *d. L. adiles, §. item sciendum, de æd. ed.* Prior autem illa, non posse videri in iudicium venisse, quod post litem contestatam accidit, posset videri generaliter scripta esse, ut pertineret etiam ad fructus et similes accessiones, quæ postea accidunt; nisi in *d. L. non potest*, ubi hæc sententia legitur, addita essent hæc verba, *ideoque alia interpellatione opus est*: quæ verba declarant auctorem de eo sentire, quod cum acciderit postea, ad id consequendum principali interpellatione et actione sit opus: quod in accessionibus locum non habet, quæ quando res patitur, tandiu satis per consequentiam peti intelliguntur, cum eius rei partes sint. *Ad L.*

Ad L. Ad diem. 77.

Idem lib. LVIII. ad Edictum.

Ad diem sub pœna pecunia promissa, et ante diem mortuo promisso-
re, committitur pœna, licet non sit hereditas eius adita.

SUMMARI A.

1. *Stipulatio prenatalis, quæ diem certum habet, lapsu diei omnimodo committitur.*
2. *Promissore mortuo, an et quomodo iacente hereditate pœna committitur.*
3. *Promissori eiusve heredibus, qui pecuniam sua die non solverint, an quo casu pœna sit deprecatio.*
4. *Creditorē pecuniam accipere recusante, quo-*

mōdo debitori, ne usuras et pœnam pecuniae non soluta debeat, consulatur.

5. *Pœna ex compromisso debita, si sua die creditori sit oblata, isque accipere eam noluerit, ipso iure non committitur, et quæ ratio.*
6. *Culpa quæ in specie proposita esse intelligatur.*
7. *Illes promissoris ai in integrum restituitur, ut pœnam commissam non exsolvat.*

1 CUM quis stipulatus est pecuniam certa die sibi reddi, et nisi ad diem soluta esset, pœnam, idest, pœnæ nomine usuras, ut est species *L. lecta*, *supr. si cert. pet.* placet pecunia sua die non soluta, pœnam omni modo committi sive promissor in ea solvenda moram fecerit, sive non fecerit, quod his rebus declaratur. Non enim solum visum est hoc casu committi pœnam, si eo die, qui primus solvendæ pecuniæ fuit, esset, qui eam pecuniam deberet, quamvis si non esset interpellatus, de quo extat responsum Africani in *L. traieciçia*, *supr. prox. tit.* confirmatum in *L. magnam*, *C. de cont. et com. stip.* sed hoc amplius, etsi nullus esset constituto die, qui deberet pecuniam; veluti, si promissore ante diem mortuo nemo ei veniente die heres extiterit, quod hic traditur, et *L. ult. supr. de nau. fæ.* Quod placet non esse necesse in hac caussa promissorem interpellari, minus mirum videri debet. Ut enim vellemus sine mora promissoris pœnam non committi, tamen satis moram faceret, qui non solveret sua die, cum posset et sciret se debere, satque interpellaretur ipso stipulationis die. *d. L. magnam.*

2 † At cum eo die nullus est, qui debeat, non abs re potuit dubitari, an hoc casu pœna committatur; hic enim apparet nihil imputari posse neque promissori, neque heredi, cur non solveret: denique neutrum in eo moram fecisse: non promissorem, quia ante diem non solvendo nemo moram faciat. *L. cum filiusfam. §. ult. sup. eod.* Non heredem, qui post diem extiterit, quia is ipso die, quo pecunia solvi debuit, non fuerit heres, eoque nihil tum debuerit: et nulla
Tom. XI.

mora intelligitur fieri ab eo, a quo pecunia peti non potest. *L. lecta*, *ver. sed cum sortis*, *supr. si cer. pet. L. nulla*, *infr. de reg. iur.* Nam putare hereditatem iacentem moram facere, cum nemo solvit hereditario nomine, ineptum est: etsi enim hereditas sustinet personam defuncti, eoque et ipsa debere intelligitur, quod debuit defunctus. *L. hereditas*, *supr. de acq. rer. dom. L. mortuo*, *infr. de fid.* Tamen ad moram faciendam non est satis debere, nisi qui debet, et sciat se debere, et possit per rerum naturam solvere. *L. quod te*, *supr. si cert. pet.* quorum neutrum in hereditatem rem inanimatam, et iuris intellecta tantum, non natra consistentem cadere potest. Et tamen pœnam in proposito committi, hic scriptum est, et *d. L. ult. supr. de nau. fæ.* nempe, ut sic plane intelligeretur, quod dixi, pecunia ad diem non soluta pœnam committi, etsi neque promissor, neque heres eius ullam in pecunia solvenda moram fecerit. Quod recte placuit; hic enim promissa est pœna non ex mora, sed sub conditione: quæ si existet, stipulationem committi necesse est, ut accidit in omnibus stipulationibus sub conditione contractis. *L. a Titio*, *infr. eod. §. sub conditione*, *Inst. eod.* Fuit autem hæc conditio, si pecunia sua die soluta non esset: ac solutum non esse verum est, quocunque modo factum sit sine stipulatoris culpa, quominus ea solveretur: proinde quicunque erit is casus, pœna ex conditione committitur. Et hoc est, quod dicitur, in pœna solum inspicere, quæ sit quantitas; quæque conditio stipulationis. *L. stipulatio ista*, *§. alteri*, *supr. eod.* † Omni- 3
no-

noque ita statuendum est, nullam esse poenae deprecationem promissori eiusve heredibus, qui pecuniam sua die non solverint, nisi his alioqui paratis solvere, aliquid incidit in persona creditoris, quominus ei pecunia solveretur quod si contingat, recte hoc quoque placuit inculpam esse debere moram eius temporis. Id autem his modis accidit, si aut nemo fuit, cui solvi posset; *L. pecunia, §. 1. sup. de usur.* aut cum offerretur pecunia creditori, per eum statit, quominus acciperet. *L. pen. sup. de nau. fae.* Ac si per creditorem fiat, quominus pecuniam oblatam accipiat, manifesta aequitas, et certi iuris regula dicant hic esse, quod ei nocere debeat, nempe ipsius moram. *L. in condemnatione, §. unicuique, infr. de reg. iur. L. qui decem, infr. de sol.* Cum autem creditor non extat, cui solvi possit, non continuo est hic, quod illi queat imputari, quamobrem abstulerit: quid enim, si abstulit reipubl. causa? quid, si etiam decesserit, nec quisquam extiterit, qui adirent eius hereditatem? sed tamen non deest ne hic quidem ratio, cur debitori hoc casu cessatio sua nocere non debeat. Sive enim creditor abest vivus, sive etiam moriendo esse desit, semper in eo factum aliquid eius subesse intelligitur, quod debitori obstat, quominus etiam si velit, possit solvere. Si quaeritur, hoc factum utri potius nocere debeat, omnes statuere debent, æquius esse ipsi nocere, quam adversario iuxta regulam iuris; factum cuique annum, non adversario nocere debet. *L. factum, infr. de reg. iur.* Interim pecunia sua die non soluta etiam his casibus poena ipso iure committitur: adeo verum est, quod hic traditur, conditione stipulationis existente sine alio mora poenam committi; sed petenti doli mali exceptio obstat, non tantum si post mortem creditoris nemo fuit, cui pecunia solveretur, in qua specie nominatim datur hæc exceptio in *d. L. pecunia, §. 1. sup. de usur.* sed etiam si ultro oblatam a debitore pecuniam sine cause recusavit. † Nam ut nau-raa non debeat, eoque nec poenam pecunie non solutæ ac promissor consequitur, si recusante creditore pecuniam accipere, eam obsignet et deponat, ut obsignatio cedat pro ista solutione. *L. si creditrici, L. acceptam, C. de usur.* Et ideo in *L. pen. supra, de nau. fae.* cum proponeretur creditor pecuniam quæ sub poena debebatur, non accepisse, cum offerretur a debitore, responsum est non poenam non committi, sed poenam peti non posse: commissa erat

poena videlicet ipso iure, et debebatur; sed peti non potest obstante doli exceptione. *L. nihil interest, infra, de regulis iuris.* Et certe pecunia creditori non soluta, etiam si per creditorem factum sit, quominus solveretur; tamen semper verum est eam solutam non esse: quo fit, ut secundum verba existente conditione una etiam stipulatio poenæ committatur; sed non est æquum eam exigi, unde exceptio. *L. qui decem, infra, de sol.* † Alia causa est eius poenæ, quæ debetur ex compromisso: Nam si reus ab arbitro pecuniam certa die dare iussus, eam sua die obtulerit creditori, et si accipere noluerit, placuit ipso iure poenam non committi. *L. Celsus, §. ult. sup. de recep.* Neque id sine summa ratione: in compromisso namque non promittitur poena sub conditione, si quis pecuniam certa die non solverit; sed si non paruerit arbitri sententiae. *L. diem, §. stari, et §. ult. L. non ex omnibus, sup. de recep.* Is porro paruit sententiae arbitri, qui certa die dare iussus, pecuniam, ut iussus erat, ad diem creditori obtulit, etiam si ille accipere recusavit. Ut enim definitur in *d. L. Celsus, §. ult.* nihil aliud est sententiae stare, quam id agere, quantum in ipso sit, ut arbitri pareatur sententiae: quod si fecit, qui ita pecuniam obtulit. Estque omnino verisimile, ideo subiectum fuisse eo loco responsum de ille oblatione debitoria, de qua diximus, ut in eo velint exemplo esset definitio superior exposita: simul etiam ut intelligeremus, quod probaretur in ea specie poenam ipso iure non committi, non temere dici; sed consequens esse priori definitioni; cum reo ita offeunte, ut diximus, atque hoc modo iuxta definitionem staute arbitri sententiae deficiat conditio compromissi. Sed de his alias pluribus, et fortasse commodius, summa tamen hanc redit ad hunc locum omnino pertinet, primum ut confirmetur id, quod in hac commissione poenæ, de qua hic agitur, intelligi volumus, adeo pecunia ad diem non soluta poenam committi citra ullam debitoris moram, ut etiam tunc committatur, cum debitor parato solvere, creditoris factum, ideat, vel absentia, vel more illi obstat, quominus solveret: tum ut intelligatur, quod hic maxime de effectu poenæ commissæ statuendum fuit, nisi quid promissor creditoris facto excusetur, quod sua die pecuniam non solverit, quæcumque res in illius persona incidit, quominus solveret, poenam iure committi, et ita committi, ut nulla obstat exceptio creditori poenam persequenti. Verum

tamen hic etiam unus scrupulus restat. Nam in *L. si homo*, *supr. eod.* diximus penam sine culpa et delicto esse non posse. *L. aliud est fraus*, *infr. de verb. sig.* Quod si verum est, quomodo hic penam commissam esse defendemus? † Ego vero id ipsum hic quoque verum esse fateor; sed et in hac specie in promissore culpa est; si pecunia sua die soluta non sit: non quidem culpa in eo, quod prius non solverit, dum viveret quia ante diem non debuit; sed in eo, quod non providerit saltem, ut pecunia sua die recte solvi posset se mortuum: potuit enim curare, ut si quid sibi humanitus contingeret, esset aliquis, qui pecuniam haberet in numerato, et dissolveret: potuit etiam deponere in tutum aliquem locum, unde creditor posset accipere ad diem. Quod si non providit aliter evenire posse, ut pecunia ad diem non solvatur, hoc ipsum culpa est saltem levissima. *L. si quis domum*, §. 1. *ver. idem supr. loc.*

7 *L. si putator*, *supr. ad leg. Ag.* † Sed an in proposito ex hac causa, quod ante diem mortuo promissore et hereditate non adita poena commissa est, heres in integrum restitui possit, quaesitum est. Et si minorem esse propositam, poterit in integrum restitui, ut sibi abstinere liceat. *L. ait*, §. non solum, *supr. de mi. L. 1. C. si mi. ab here. se abst.* quod si retenta hereditate tantum adversus commissionem poenae desideret in integrum restitutionem, non audietur. Sic enim sententia est Pauli in *L. Aemilius*, *supr. de min.* et ea sententia, quae decreto Imperatoris, quod illic refertur, nullo modo infirmatur, quoties pecunia certa die solvi debuit, et nisi soluta esset, convenit poenae nomine ut quid sequeretur, puta, ut in emptione fundus venditus esset inemptus, aut ut pignus liceret creditori vendere, idque iuxta legem distractum est: totius pecunia non soluta poenam committi, et quamvis dies solvendi et committendae poenae in tempus minoris inciderit, nihilominus cessare in integrum restitutionem: hac ratione, quod defunctus ipse, non heres eius contraxerit. Qua significatur in re quae a defuncto descendat, ipsius personam spectandam esse, non heredis, qui cuiuscumque modi sit, postquam in locum et ius defuncti succedit, eius quoque iure per omnia uti debeat. *L. qui in ius*, *infr. de reg. iur. L. quidam*, §. 1. *supr. de ed.* Itaque nec si heres sit minor, aut etiam pupillus, quidquam immutatur de conditione obligationis, quae futura esset, si promissor adhuc viveret, et vero iniquissimum esset beneficium aetatis nocere ei creditori,

qui nihil eum popullo contraxerit. *L. 3. supr. quib. res contr. in pos. eat.* Quod si heres minor in hac causa restitui non potest, ne commissam poenam prestare debeat, quo iure maior poterit? Atqui etsi minor posset ex hac causa restitui, quia dies committendi in ipsum incidisset, quo nomine ipsius cessatio aliqua venia digna esset: tamen in maiore nulla omnino causa esse potest, quae illi in hac specie tribuat in integrum restitutionem. Mitto, quod heres in obligationem defuncti succedit: cuius obligationis conditio ex persona heredum non immutatur. *L. 2. §. ex' his*, *supr. eod.* Hoc dico adiectum, quod est de in integrum restitutione maiorum, aperte refragari, quominus heres quisquam maior, adversus aeterniorem poenae commissionem restitutor; toto enim edicto, nec minus illa clausula edicti, *Item si qua alia mihi iusta causa esse videbitur*, in integrum restituiam, pollicetur Praetor in integrum restitutionem his solum, qui invit, et necessitate rerum impediti, aut suo voluntate sua, non culpa inciderunt in captionem. *L. non enim*, *L. sed etsi*, §. ult. *supr. ex quib. caus. ma.* At in proposito nullum est tempus, cum si teneatur heres ex stipulatione poenae, non teneatur aut suo ipsius facto, et culpa, aut certe volens, non invitatus, nedum coactus; nam si dies solvendi in eum incidit, cum iam hereditatem adisset, ipsius culpa est, si pecuniam sua die non solvit; nec profecto magis convenit enim ex hac causa impetrare restitutionem, quam conveniret eam tribui promissori, si viveret, atque idem fecisset. Quod si ante aditam hereditatem dies finita est, et poena commissa, de qua specie hic agitur: aperte ipsius voluntate atque adeo velut contracta fit, non ulla necessitate, si ex obligatione postea teneri incipit. Obligat quidem nos hereditas ari alieno hereditario etiam invitatos, sed postquam quaesita est. *L. more*, *supr. de acq. her.* non quaeritur autem, nisi volenti, atque adeo nisi destinatione animi, et certa scientia, aut aduendo, aut pro herede gerendo, cum scias hereditatem tibi esse delatam. *§. ult. Inst. de her. qual. et diff. L. in totum*, *infr. de reg. iur.* Quo fit, ut si quis ita agnoscendo obligatur ari alieno, et ei poenae, de qua quaerimus, in ideo obligator, quia obligationem hereditariam volens in se suscepit, vel potius quia se in eandem causam obligavit; denique quia contraxit cum creditore ibi, nam et qui adit, contrahere videtur, et qui se immiscet hereditati. *L. 3. in fin. et L. seq. supr. quib. ex caus. in pos. eat.* Hoc vero cum fecit bo-

heres, certum est factum ad edictum de restitutionibus maiorum non pertinere; et sane nihilo rectius desiderare potest in integrum restitui, ne hac poena teneatur, cui se subiecit, quam ut sibi ab hereditate, quam sponte agnovit, abstinere liceat. Postremo sic statui debet, ex stipulatione hereditaria, quae a defuncto descendat, conditione stipulationis existente obligari heredes, sive velint, sive nolint, et sive per eam factum sit, quominus fieret, quod promissum est, sive factum non sit, idque sine ulla spe in integram restitutionem adversus eam obligationem impetrande. Ad quod probandum unum hoc exemplum abunde sufficit: cum enim quis promissit neque per se, neque per heredem suum fieri, quominus sibi ire agere liceat; si unus ex pluribus heredibus promissoris me prohibeat, placet sic committi stipulationem in solidum: ut ceteri coheredes unius facto obligentur, quantumvis nihil ipsi fecerint, atque adeo quantum in se est, ne quia prohiberet, obstituerint. *L. 2. §. item si in facto, L. 4. §. Cato, supr. L. in executione, §. quod si stipulatus, infr.*

eod. L. heredes, §. in illa, supr. fa. etc. At quamobrem, cum non debeat factum alterius nocere ei qui nihil fecit? *L. de pupillo, §. si plurium, supr. de op. no. nunc.* quia non ex coheredis facto haec obligatio nascitur, sed ex stipulatione hereditaria, cuius conditio existit. *L. inter, §. quod ex facto, supr. fa. etc.* Inauditus est autem ceteris coheredibus adversus hanc obligationem restitutionem dari, sed una his datur actio familiaris ereiscendae adversus eum, cuius facto stipulatio est commissa *d. L. 2. §. item si supr. d. L. in executione, §. quod si stipulatus, infr. eod. d. L. heredes, §. quod ex facto, fa. etc.* Quare et in proposito de stipulatione ponalii hoc idem circa heredes probandum est, ut si conditioni stipulationis extiterit, idest, si pecunia sua die soluta non erit, quamvis id contingerit nondum adita hereditate, quo tempore nemo fuit, qui poenae futurae occurreret solvendo; tamen heres teneatur nihilominus; quia obligatio haec non ex mora heredis nascitur, aut alterius cuiusquam, sed ex stipulatione hereditaria, cuius conditio extiterit pecunia non soluta.

Ad L. Si filiusfamil. 78.

Idem lib. LXII. ad Edictum.

Si filiusfamilias sub conditione stipulatus, emancipatus fuerit, deinde extiterit conditio, patri actio competit: quia in stipulationibus id tempus spectatur: quo contrahimus.

SUMMARIA.

1. Quæstio huius L. in quo versetur.
2. Conditionalis stipulatio a filiofam. interposita, ear acquiritur patri etiam si post filii emancipationem existat conditio. Excipiuntur ab hac definitione aliqui casus et n. 4.
3. In conditionalis stipulatione filiofam. acquirenda, an id tempus, quo contrahitur, debeat spectari.
5. In legatis filio sub conditione relictis, tempus existentis conditionis spectari.

6. In stipulationibus et legatis conditionalibus, quæ differentie ratio, et n. 6.
7. Evincis falsum esse, quod dicitur, in stipulatione conditionem retraheri ad id tempus, quo contracta est: In legatis non retraheri ad tempus testamenti aut mortis.
9. Definitionem generaliter hic conceptam, in stipulationibus id tempus spectatur quo contrahimus, ad propositam solum questionem referri, nec longius producendam.

CUM filiusfamilias sub conditione stipulatus pendente conditione emancipatus est, dubitatum est, si conditio existat postea, utri actio ex ea causa competat, patrini, cuius in potestate olim fuit, qui stipulatus est; an filio, qui quo tempore existit conditio, et quo primum obligatio nata est, sui iuris esse reperitur. Quæstio in eo est, quo tempore placeat stipulationem conditionalem a filiofamilias interpositam patri per filium acquiri; seu,

quod idem est, quod tempus placeat spectari ad eam stipulationem acquirendam, idne quo contrahitur, an id quo conditio existit. Nam si placeat tempus contractus spectari, ut ex eo tempore stipulatio acquiratur, si potest; erit quaesita in proposito statim: filium enim familias proponimus stipulationem esse, per quam patri acquiri posse constat. *§. 1. Instit. per quas per. nob. acq.* Unde eveniet, ut si quando conditio existat postea quamvis filio iam eman-

emancipato, tamen actio in omnem eventum sit patris, utpote nata ex ea stipulatione, quæ iam certo patris esse coeperat. Quod si placet stipulationem ex eo tempore primum acquiri posse, quo conditio existit, eoqne id tempus spectari non aliter ex hac causa patri competet actio existente conditione, quam si filius eo tempore in potestate fuerit: nam per eum, qui sui iuris est, patri queri nihil potest: qua in causa cum proponatur filius esse compisse, cum conditio existit; hoc relinquitur in proposito, ut neque obligatio neque actio ex conditionalis stipulatione patri acquiratur. † In hac re versari questionem

intelligens Paulus, de quaestione proposita ita definit: etiam ex conditionalis stipulatione filiisfamilias semper patri actionem competere, si conditio existerit quamvis filio ante emancipato: quia in stipulationibus id tempus spectatur, quo contrahimus: significans quod dixi, quia in acquirendo spectetur id tempus, ideo etiam eo tempore iam a principio quaesitam esse stipulationem patri, quoniam tum filiisfamilias fuerit, qui stipulatus est, idest, in ea causa, ut patri acquirere potuerit: quaesita patri stipulatione non potest, quia sic patris omnis obligatio et actio, quæcumque inde postea nata fuerit. Et si quidem constet in stipulationibus id tempus spectari, quo contrahimus, omnia in hac acquisitione sunt expedita: hoc enim posito iam a principio stipulationem patri acquiri, cum potest, quid de iure stipulationis sequatur, apparet. Sed hæc ipsa sententia quaestionem habet. De conceptione ipsa dicam postea, quam recte generaliter concepta sit.

‡ Quod ad rem propositam attinet, de eo ipso non immerito dubitari potest, an in conditionalis stipulatione filii acquirenda, de quo agitur, id tempus spectari debeat, quo contrahitur, ut sic res omnis iam tum patri acquiratur per filium, etiam si maxime tunc filius fuerit in patris potestate. Quod enim placet acquiri patri, quod filiisfamilias pure stipulatus est, aut in diem, etiam si ante quam dies venerit, coeperit filius esse sui iuris, non mirum: subest enim utrobique iam a principio res, quæ patri acquiratur: obligatio nimirum, quæ ex utraque stipulatione statim nascitur. Nam et cum quid promittitur in diem, præsens obligatio est, etsi in diem differatur petitio. *L. cedere, infr. de verb. signif. L. centesimis, supr. eod.* unde nec quidquam de his stipulationibus per filium patri statim acquirenda proprie et speciatim a veteribus traditum legimus, quia res esset extra con-

troversiam. At conditionalis stipulatione interposita, prius quam conditio existerit, stipulatio nulla est: certe pro nulla habetur. *L. quoties, infr. de verb. sig.* quippe ex qua pendente conditione non modo non actio, sed ne obligatio quidem nascatur: sine quibus stipulatio est inutilis, *d. L. cedere, infr. de verb. sig.* absurdum est autem dici quidquam tunc per filium acquiri patri, cum nihil est, quod acquiratur. Sed recte veteres: non est enim obligatio nata ante, quam conditio existerit: et hanc quoque verum est ab initio patri acquiri non posse: nam ne sic quidem acquiratur ei, et ipse sibi sub conditione esset stipulatus. Sed nihilo minus certum est subesse iam a principio stipulationem, quamvis interpositam a filio sub conditione; cui stipulationi et spes adiuncta, fore ut aliquando debeat, cum scilicet conditio existerit, *§. ex conditionalis, Inst. eod.* hanc ipsam stipulationem, atque hanc spem statim patri acquiri dicimus. At enim, dixerit aliquis, stipulatio per se seiuncta ab obligatione nihil est: certe non res, quæ ab uno in alium possit transferri: stipulatio enim ut ceteri contractus, facti est, consistens in interrogatione et responsione: quarum utraque est sonus tantum, qui postquam emissus est, non manet, sed statim evanescit: ut non videatur hæc conceptio verborum a filio in patrem transferri posse. Et fateor stipulationem ceterosque contractus omnes non esse res eiusmodi, quæ tanquam subsistentes possint ab uno transire in alium; sed non eo minus verum est stipulationem a filio quamvis sub conditione interpositam statim patri acquiri: non utique tamquam quaesitam a filio, a quo deinde transeat ad patrem; sed tamquam interpositam et quaesitam a patre ipso, qui in ea interponenda usus sit ministerio et voce filii. Neque id fingitur fieri ex æquo et bono tantum præter rationem iuris Civilis; sed ratione iuris nota certo efficitur: placet enim, cum de acquirendo agitur, vocem filii intelligi vocem patris; vocem servi videri vocem domini. *§. si vero, et §. post mortem, Instit. de inst. stip.* Quo posito manifestum est hoc effici, quidquid filius aut servus stipulantur, id perinde accipiendum, quasi pater ipse, aut dominus stipulatus esset, non filius aut servus. Quæ posterior sententia etsi per se certo colligitur ex priore; tamen ut eo minus forte certa sit, quia collectio nostra efficitur, etiam expressa est in *L. quodcumque, supr. eod.* Nemo autem dubitat, quin si pater stipulatus esset sub conditione, illius esset soli-

obligatio et actio, quandoconque existisset postea conditio, et quocumque in statu esset eius filius, ad quem stipulatio nihil pertineret. Quapropter et cum filius eodem modo stipulatus erit, tunc quoque ex regula et ratione iuris certa idem dicemus. Quod si stipulatio interposita a filio quamvis sub conditione, statim acquiritur patri, unde et actio et obligatio eius futura est, quandoconque conditio exstiterit: licet iam intelligere, quo modo accipi debeat, quod dicitur, quod stipulatur is, qui in alterius potestate est, ei cuius est in potestate, tum patri tum domino acquiri. *L. acquiruntur, §. 1. supra, de acq. rer. do. L. quodcumque, sup. eod.* Nempe hoc modo, ut acquiratur statim, et in universum, sive stipuletur pure, sive in diem, sive sub conditione. De duobus quidem prioribus generibus nihil nominatim cavetur; quia de his nulla est questio propter presentem obligationem, quæ utriusque nascatur: at de stipulatione condicionali dubitari potest, si cum conditio existit, filius invenitur sui iuris, quia ante nulla fuerit obligatio, quæ patri quaereretur, atque hinc de ea nominatim præcipitur: sed ita, ut de cæteris multo magis idem probandum esse intelligamus. ^A Illud tamen cavendum diligenter in hoc genere, quod dicitur, conditionalem stipulationem filii acquiri patri, etsi existente conditione filius exierit esse sui iuris, sic accipiendum esse; si nihil aliud acquisitioni obstat, quam ea, de qua sermo est, filii emancipatio. Ceterum quominus acquiratur, alia causa possunt aspicere: quæ si quando incident, intelligendum erit non pugnare eas cum hoc loco, in quo hoc impedimentum solum acquisitionis removeatur, si existente conditione filius sit emancipatus. Generaliter autem definire possumus, in universum accidere, ne filii stipulatio condicionalis patri acquiratur, cum tempore existentis conditionis filius sui iuris invenitur, quoties deducitur in obligationem id, quod patri acquiri non potest. Id autem contingere dupliciter; vel obstante rei deductæ natura, vel prohibente promittentis voluntate stipulationis comprehensa. Sed quoniam est in his duabus causis aliquid proprium, quod observetur, et non species ex his incidit postea in *L. quidam, §. ult. infr. eod.* visum est esse commodius utriusque explicationem pleniorē in eum locum

reicere, ne ceptæ interpretationis cursu paulo longiore exceptione impediatur. Enimvero si quid erit, quod per se possit patri acquiri (redeo enim ad definitionem propositam) stipulatio condicionalis, quæcumque erit a filio interposita, acquiratur patri omni modo, id est, etiam si emancipato postea filio conditio extiterit, qua de re nunc agimus. Sed in stipulationibus, inquam, probatum hoc est, si a filiofamilias aut servo contractæ sint, et de his acquirendis agatur, spectari debere id tempus, quo contrahitur, ut exinde patri, dominove stipulatio etiam condicionalis acquiratur. Alia causa est legati sub conditione filio relicti: unde discriminis causa nominatim hic additum est, *in stipulationibus*. [†] In 5 legato placuit spectari tempus assistentis conditionis: ut si quidem eo quoque tempore filius sit in potestate, olim quidem solidum legatum acquireretur patri: *L. si uxorem, C. de cond. ins. §. 1. Instit. per quas per. nob. ac.* hodie ex Iustiniani constitutionibus sic acquiratur, ut proprietas sit filii; ususfructus patris: ipsa autem actio ita patris, ut eam solus possit exercere. *L. ult. §. ubi autem, C. de bon. que lib. Instit. per quas per. no. ob. acq.* Quod si eo tempore filius sui iuris sit, puta ante quam conditio existeret, emancipatus; hic utroque iure legatum in solidum acquiritur filio, nihil patri: quia si ex eo tempore res æstimatur, ut æstimandam esse volumus, tunc legatum acquiratur, cum patri per filium quaeri nihil potest. Quod eadem ratione receptum est, quia si quid nobis similiter sub conditione legatum esset, et pendente conditione decederemus, placuit legatum ad heredem nostrum non transire. *d. L. si uxorem, C. de cond. inst. L. quas legata, infr. de reg. iur.* [‡] Sed cum conditio pariter suspendat obligationem, nec minus in stipulatione, quam in legato: *L. cedere, infr. de verb. sig.* cur non pariter spectamus in utroque genera aut id tempus, quo conditio existit, aut id quo primum res sub conditione defertur? nisi eam in causis eandem obligationem, eandemque conditionem habentibus, id est, ut videtur, plura paribus, ostenditur differentie ratio, quominus alterutrum videatur inique constitui, effugere non possumus. *arg. L. illud, sup. ad leg. Ag.* Quia, inquit: Bartolus, in conditionalibus stipulationibus existens

[†] Uti et Mat. 5. Obi. c3. Quam et probant iude quid contractus plurim conuenisse, ideoque maior illi vis ad re-
tentandem, quam legata, quæ minus voluntate autu-
tur. Ita. in d. L. 78. n. 89. Male. Quia voluntas testato-

ris, etiam solus, firmissima. Et Calve. ad d. L. 78. eius
rationem hanc esse: Contribuere id agunt ut et necessa-
ri ne potentia præcipiant. Ergo quo hereditas possit præ-
ferre iste contractus, si molatur aliquis potestate condi-

stens conditio retro trahitur ad id tempus, quo res contracta est. *L. necessario*, illic, *idem Pomponius*; *supr. de per. et com. rei vend. L. qui balneum*, *L. potior*, *supr. qui pot. in pig. hab.* in legatis non trahitur retro ad tempus testamenti, aut mortis. *L. 1. §. servi*, *supr. de Senat. Sila.* Quam rationem a quibusdam tantopere probari, et nova ratione convestiri miror: qua una nescio, an quidquam sit ad id de quo agitur, probandum ineptius, aut nugatorium magis, etiam si quis istorum utrumque verum esse dederit. Ego enim multo citius intellexero, cur in stipulatione condicionali tempus contractus spectandum sit, etiam si nihil addatur aliud; quam cur conditione existente iam ab initio videatur pure contracta stipulatio, quod enim tempus interpositæ stipulationis spectamus, non adeo mirum est, cum iam tum stipulatio esse cœperit, quam spectare possemus secundum naturam. At cum conditio extitit multo post stipulationem contractam, existimari tamen eam iam ab initio extitisse, ut etiam omnino adiectam non esse, cum natura quodammodo ipsa pugnare videtur: certe natura fieri non potest. Quod si adiecerimus præterea, etsi retro trahitur conditio in stipulationibus in legatis tamen non retro trahi; hic vero etiam dubitatio conduplicatur; cum enim dicitur tempus contractus in stipulationibus spectari, in legatis autem tempus existentis conditionis; in eo distinguuntur stipulationes a legatis: quæ distinctio ipsa per se non est improbabilis, sunt enim hæc genera diversa. Cum autem dicitur conditio existens retro trahi in stipulationibus, in legatis non item; hic absurdum quiddam dici videtur, ut res cum sint non similes, sed plane eadem, distinguantur tamen aliæ ab aliis; nempe conditio, quæ iniuncta est legato, ad ea quæ adiecta est stipulationi, etiam si sit eadem conditio. Quod si quis dicet conditionem existentem retro trahi in stipulationibus non propter se, sed propter naturam stipulationis; in legatis non retro trahi, sed id propter naturam legati; an non animadvertit in eo se eodem revolvi, atque hoc dicere, ideo in stipulationibus conditionem existentem retro trahi ad tempus contractus, quia natura negotii id postulet, ut id tempus spec-

Tom. XI.

tionem; statuendum est, vires eius statim initio existere. Qui legat, legatarium solum; non illius, posteritatem spectat. Quare in pendente conditione mortis legatarius, legatum exstinguit. Quod ex hac ratione admissum utrinque in uno casu, ut legatum non nisi ex eventu conditionis, contractus conditionalis statim vires accipiat, perpetuum erit, ac in reliquis casibus obtinebit. Quæ quam fragilia sint perspecta facile, ac scite refellit A. Fabr. 15. Coni. 6.

temus; contra in legatis non retro trahi, quia horum natura non ferat, ut spectemus aliud tempus, quam existentis conditionis? atqui de hoc ipso erat controversia, cur in stipulationibus tempus spectetur contractus in legatis existentis conditionis tempus. Ita pro ratione hic assertur id ipsum, quod quæsitum erat: quod rationis genus quale sit, vulgo notum est. Atque hæc ita sunt, etsi quis concederet verum esse in stipulationibus conditionem retro trahi ad id tempus, quo stipulatio contracta est; in legatis non retro trahi ad tempus testamenti aut mortis: nunc autem ne quis in his explicandis valde laboret, utrumque falsum est. † De conditione stipulationi adiecta hæc argumenta sunt. Nam si emptio sub conditione contracta sit, et pendente conditione res perierit; quamvis deinde extiterit conditio, non est tamen emptoris periculum, sed emptio perimitur. *L. necessario*, §. *quod si pendente*, *supr. de per. et com. rei ven.* Non ergo hoc casu existente conditione perinde habetur, quasi ab initio pure emptio contracta esset: alioqui periculum esset emptoris, *d. L. necessario*, illic, *quod si extiterit*: idest: nihil deberetur emptori, et nihilominus venditor pretium posset petere. *L. ult. C. de per. et com. rei vend.* Item, si quis stipuletur rem suam sub conditione, et pendente conditione res aliena esse cœperit, deinde existat conditio, stipulatio valet. *L. si rem meam*, *supr. eod.* Non ergo retro trahitur conditio ad id tempus, quo stipulatio interposita est, ut id tempus spectetur: alioqui stipulatio esset inutilis, cum eo tempore res stipulantis fuerit; nemo autem rem suam utiliter stipuletur. §. 1. *Inst. de inut. stip.* Item, si Stichum qui pure mihi debetur, stipuler sub conditione novandi animo, et pendente conditione Stichus decesserit, quamvis conditio existat postea, tamen novatio non continget; quia non subsit res eo tempore, quo conditio impletur. *L. quoties*, *infr. de novat.* Non ergo ne hic quidem conditio existens refertur ad id tempus: quo posterior stipulatio interposita est: nam hoc tempus si spectaremus, novatio fieret, cum eo tempore res fuerit, quæ ex stipulatione posteriore deberetur. Hæc de conditione stipulation-

pag. 180. quis filiusfamilias stipulans quomodo easchilur consuevit velle heredi, qui quondam filiusfamilias, non potest habere heredem. Quis id potius agi ut acquirit patri.

a) Quod et sic ostendit, Fabr. Cap. 6. p. 182. In obligationibus ad diem certum attenditur tempus contractus, tanto magis, quanto ille viciniore puris quam conditionales. Nec quisquam tamen diu certum retrotrahi.

tionis adiecta. E converso et hoc accidit in legatis, ut ³ conditio legati postea existens retro trahatur ad præteritum tempus, perindeque habeatur legatum, quasi iam ante pure relictum esset, et quidem iisdem casibus, quibus hoc receptum est in stipulatione condicionali. Nam si cum mihi ex stipulatione pecuniam sub conditione deberes, pendente conditione mihi fundum obligabas, mihi nihil adhuc deberetur: ideo scilicet, quia conditione stipulationis meæ existente incipiat periode haberi, quasi stipulatio, quæ contracta erat sub conditione, iam tum pure facta esset. *L. qui balneum, L. potior, sup. qui pot. in pig. hab.* Atqui idem fiet, etsi mihi quid legatum sit sub conditione, et pendente conditione, cum heres non satisfaret legati nomine, missus sim in possessionem bonorum; quamvis enim pendente conditione legati alii creditori, cui pure deberetur, res hereditarie pignori esse caperint: tamen si postea existat conditio, placet me hic quoque in pignore esse potiorum. *L. 2. C. qui pot. in*

pig. Quod non aliter defendi potest, quam si quod supra in stipulatione, idem hic in legato dicamus, conditione legati existente periode habendum quasi iam ab initio pure legatum esset: nam alioqui secundum esset potior, ut qui prior esset creditor. Postremo non recte sic colligitur: conditio existens retrahitur ad id tempus, quo adiecta est; vel ut dicamus melius, conditione existente periode est, quasi iam tum existisset, cum res contracta est; ergo filio ante emancipato si existat conditio, patri actio acquiritur: nam etsi quis institutus sit sub conditione, quandoque est existente conditione hereditatem adierit postea, retroversus iam iude a morte testatoris successisse defuncto intelligitur *L. heres quandoque, supra. de acq. her. l. omnis hereditas, infra, de regul. iur.* Et tamen si servus sub conditione heres institutus postea manumittatur, sibi hereditatem aduando acquirit, non domino, *§. alienus quoque, Instit. de her. inst. l. si solus, §. 1. sup. de acq. her. idemque est, si filius fuerit institutus, deinde emancipatus hereditatem adeat. L. non est dubium, C. de iur. delib. †* Ex quibus intelligitur, quam 8 multis de causis superior ratio repudianda ait: simul et illud ⁴ planum sit non vim

CON-

3) Quoniam si stipulatio loqui velimus, conditio antequam retrahatur, tametsi *supra*, postquam extitit conditio, periode habetur ac si pure contracta esset stipulatio, quæ absqueculum puritatis sublatum, Ant. Fab. d. Cap. 6. pag. 181. cum quo tamen non ardeat id quod vult conditionem esse miram pignoratitiam, ac per consequens nihil, nec igitur retrahatur potest, quod nihil est. In quo maxime agit metaphysicum. Non enim obligationi adiecti, nec evincere, nec tot effectus ipsa per se operari, nec tot illam difficultates constare possunt si nihil esset. Nam quod est, nec variari potest, et non eadem nulla sunt qualitates. At conditio multa se diversat. Unde alia casualia alia potestativa, etc. Insuperque certe collectio Fabri: Conditiō efficit ut obligatio pure fieri possit. Ergo est privatio. Perinde ac huc: Maribus efficit ut bonum sibi dari possit. Ergo est privatio mera amissionis et ita nihil. Privatio est absentia habitus in subiecto capax, tum cum in ea natura inesse conveniat, ut colligitur ex Philosopho *lib. Categor. Confer. lib. 4. Metaph. C. 32.* At actus et contractus nec puritatem nec conditionem requirit, sed æque ad utrumlibet aptus. Quin cum contractus sit *fiens*, nec pure sit nec condicionalis, currens hoc *lucens* sunt. Denique ut vera sit privatio necesse est ut et potestatem tollat. *Aus. vñ expiunt: in vñ expiunt potestatem vñ expiunt. Arist. lib. Categor.* At qui actus est condicionalis, evincit conditio, si parus. Quis si alterutrum dicendum, potius potius nihil est, et quidem apponit conditionem non privative, sed negative. *Idea vero pure est actus, qui relictus in sua communione terminatur: ideo condicionalis, qui aliud ei accedit.* Conditiō enim est subiecto *L. 6. §. 1. de iur. Verum tamen, et si diversificatio ad vim reducat, dicitur, non scientia, post eventum conditionis retrahitur ipsam obligationem, ac haberi ac si illa tempore, quo stipulatio interposita, pure contracta esset. *L. 1. §. 1. de pig. non ven. retrahitur conditioem, que postquam impleta evanescit, sicut que rase interest. Aliud est non actum ac si conditio, et, per 3. Titulus causal factor lucra facit non adiecta d. 4. 1. Aliud si si adiecta quidem, sed statim post conventionis tempore evanescit et. per 1. Titulus qui non Causal eligunt, ante**

animo forte, cum contraheret, magistratum iniisset. Facillior in rebus que sunt mixta et facti, quam que meri facti fiunt.

4) Dicitur, ad d. *L. 78. Contractus, inquit, factum et operum desiderant, filius patris namque factum operum et studium debet. Contra Rerard. ad *L. 18. de R. iur. et ratio est: Legatum ante dei censuram nihil continet iuris. Quæ vero facti sunt transferri ad alios non solent: Stipulatio vero nulla quam aas sub se habet vinculum iuris. *L. 27. §. 2. de pact. A. Fab. 15. Cont. 6. Non in eo difficultas, ait, cur in contractibus spectetur tempus conventionis. Quod enim magis convenit, quam quo de obligatio actum est. Sed in eo cur aliud in legatis conditionalibus. Rationem autem inde petit p. 183. et arg. Non spectatur in legatis tempus testamenti quia ius legati conditionalis non nascitur eo tempore, quo testamentum fit: cum non possit acquiri legatario, priusquam id morte confirmatum fuerit: nec mortis, quia non ex sola voluntate, sed magis lege executorie confirmatur, qua fit ut quæcumque testamentis scripta valent eo modo quo scriptis sunt. Quæ plures illi, rubelliter magis, quam id scriptis actum citiusque accipiunt, persequitur. Ad quod spectetur et notis Donelli ratio, quæ et inde confirmatur, quod libere effectu potest acquiri, quod dum servus erat agit. *L. quod quis iussu de R. I. P. Fab. ad *L. 18. de R. I. qui et vid. 3. Soc. 11.* Et quod in legatis nullum omnino factum legatum, neque dum acquiritur, aut et ignoranti filio obreant, ac per cum patri. (Vide electio Celsi, repugnans id hunc ratio vera nec legatum pure patri acquiri, retroverat. Nam quando pure, est cum statim quæritur, necesse est statim ad patrem transire: *L. 29. de acq. her.*) Et quia in stipulatione filii, defuit animus nisi acquirere, sed id agit ut acquireret patri, nec de incerto emancipationis eventus cogitare crederetur: est ut vellet obligaverit, tunc acquiritur certum scilicet requirit *L. 76. de R. I. qui hinc confirmari aperte stipulationem in emancipationem suam. unde cum iure d. *L. ult. de stip. serv.* quæ voluntas illius libera non est, si per d. *L. ult. de R. I.* ita quæ non habet infert. Emancipatus evanescit*****

conditionis existentis, sed naturam negotiorum, de quibus agitur, hanc varietatem inducere, ut conditiona existente quandoque initium rei gestæ et interpositæ conditionis spectari debeat, quasi nulla fuisset ab initio inserta conditio; quandoque spectari debeat id tempus, quo conditio existit, quo primum tempore res exitum habere incipit. Proinde omnia omni alia questione de conditione, res ipsas de quibus acquirendis agitur, consideremus. Quid est igitur, inquam, cur in stipulatione conditionali a filio interposita præsens tempus appetamus, ut exinde statim acquiratur patri; in legato autem quod sub conditione filio datum est, spectatne conditionis existentis, ut sic non acquiratur patri, si tum filius fuerit sui iuris? Differentiæ ratio minime dubia hæc est, quod in stipulatione conditionali filii causa est, cur pendente conditione et quidem statim stipulatio acquiratur patri: in legato, quod sub conditione filio relictum est, cur ita acquiratur, nulla. Id adeo efficitur ex eo, quod de voce filii et servi diximus, itque tam aperte ut acquisitionis ratio in utroque genere pene in oculos incurrat. Ita traditur videlicet, cum de acquirendo agitur, vocem filii stipulantis tanquam vocem patriæ intelligi; et servi vocem intelligi vocem domini, *§. ei vero, et §. post mortem. Inst. de iust. stip.* Id si ita est, fit, quod supra quoque ostendi, ut si quid filius stipuletur, perinde habendum sit, ac si pater voce filii ipsæ sibi esset stipulatus. Quod de voce filii dicitur, ad omne factum filii recta transferatur: ut dicamus factum filii, quod valeat ad aliquid acquirendum, in acquirendis illis quæ patri acquiri possunt, factum patriæ haberi debere: quæ ratione et quicquid filius contrahet, id patri quasi ipsa contraxisset, acquireretur. Et vero hæc ipsa Pomponii ratio est de hac re exposita in *L. ult. infra, de stip. ser.* sic enim scribit, quod servus contrahit, dum nobis servit, id totum nobis acquiri: *quia potestas eius tunc cum id contraheret, nostra fuit.* Observanda illa sunt, quod servus contrahit; item tum cum id contraheret; in quibus verbis inest ratio, cur acquiratur, hæc: quia servus fecit id, unde nascitur obligatio. Quasi ita colligeret Pomponius: quicquid servus gerit, contrahit, dum nobis servit, id totum est eius potestatis, quæ tenetur: ea autem potestas nostra est: nostrum igitur, quicquid per id tempus fecerit, unde quid ac-

Tom. XI.

conditionis tempore, sibi non acquirit ex tempore præsentis, quia deficit causa vel negotium, cum actio in potestate gesto non invenit d. *L. 146.* neque ex tempore interpositæ

quirit et haberi potest. Hæc ratio cessat in legato: dum enim quid legatur filio aut servo, nullum hic factum intervenit filii aut servi, unde quicquam vel ipsis vel aliis per eos acquiratur: et præsertim si quid his legatur sub conditione: nam pendente conditione ne agnosci quidem legatum a legatario quamvis patrefamilias potest. *L. si ita sit: §. scriptum supra, de legat. 2.* Contraria igitur de causa efficitur, ut legatum pendente conditione non acquiratur patri. Ant enim obligationem esse oportet, quæ constituta in persona filii ad patrem deinde transeat, aut factum aliquod intervenire, quod dici possit esse patri, quo ipse sibi in persona sua legatis sit constitutus. Obligationem pendente conditione nullam esse constat neque ex stipulatione, neque ex legato: *L. cedere, infr. de verb. sig.* factum filii nullum in legato ei relicto ad id acquirendum, ut dici possit patrem videri idem fecisse: quo fit, ut quemadmodum interim nihil est, quod acquiratur, sic nec ait quamobrem acquiratur. At erit, dices, quod acquiratur, postquam conditio exstiterit: tum enim cessit et venit legati dies. Et nos volumus id tum acquiri posse; sed ei cui per ius licet, filio videlicet, non patri: tum enim filius est sui iuris, ac per eum patri quæri nihil potest. Sed cur non retro fingimus acquisitionem legatum patri, quasi ab initio relictum sine conditione? quia id factum non est, et natura repugnat, quominus quod factum non est, factum esse intelligamus; ac ius naturæ consentiens idem sequitur, quippe ex facto ius est, *L. si ex plagis, §. in elivo, supr. ad leg. Aquil.* Estque hæc lex in iure perpetua, nisi sicuti lex beneficii loco aliquid nominatim aliter constituit, ut accidit in postliminio, et lege Cornelia testamentaria de testamentis eorum confirmandis, qui apud hostes decesserunt, *§. ult. Instit. quib. non est per. fac. test.* Quæ si vera sunt, quamvis nihil unquam recte dixisset Accursius, tamen hoc enim verissime dixisse apparet, quod scripsit in *L. si uxorem, C. de cond. ins.* superioris differentie hæc esse rationem, quod in legatis nullus interveniat actus filii in potestate manentis; in contractibus contra: quod minus mirum est omnibus probatum non esse: non enim exposuit, quid ad hanc rem pertineret actus filii: fierique potest, ut non satis intellexerit: neque id omnibus notum est: nos supra dilucide exposuimus. Non me mo-

82

vct,

stipulationis, quia deficit voluntas acquirendi: vel si ea adit, deest tamen potestas et capacitas, d. *L. ult.* Quæ omnia legatis eo convenire evidens est.

vet, quod quidam obijciunt, quod stipulatio a filio pure contracta ex facto filii est, legatum pure filio datum non proficiscitur ex eius facto, et tamen utrumque patri pariter acquiritur. Obstaret nobis hæc ratio, si legatum conditionale ob hanc causam patri non acquiri diceremus, quia nullum in eo interveniat factum filii: hac enim ratione nec purum legatum patri acquireretur. Nunc autem hoc dicimus duas res coniunctim efficere, ne legatum conditionale acquiratur patri, et quod pendente conditione nulla obligatio præsens est, quæ transferatur in patrem, quod pro confesso ponimus: estque omnium obligationum conditionalium commune; et præterea quod nullum factum est filii, quo facto ipse obligationem patri constituat, id quod est legati proprium. Si in eo, quod in filium collatum est, præsens sit obligatio, non nego hanc patri acquiri, etiam si non nascatur ex facto filii, ut fit in legato, quod filio pure relictum est. Ideo legata pura a stipulationibus hic non distinguimus, sed pariter utrumque per filium patri quæritur: quoniam utrumque similiter præsentem obligationem habet, quæ iure a filio in patrem ex æquo potest transire. Sed etsi nulla sit obligatio præsens, sed tamen factum aliquod filii interveniat ad constituendam obligationem, ut fit in conditionalis stipulatione; hic etiam dicimus hanc causam satis esse ad acquisitionem, quasi videatur pater ipse fecisse et stipulatus esse per filium. Quod si neque ulla præsens sit obligatio, neque in eo quod fit, ullum factum filii interveniat, ut accidit in legato conditionalis; ibi demum dicimus in eo quod filio delatum sit, nihil omnino pendente conditione patri acquiri posse. Hinc discrimen stipulationis et legati non cuiuslibet, sed conditionalis, cum de his pendente conditione alteri acquirendis agitur. Quo posito non ideo negamus utrumque pariter recte acquiri, cum est pure conceptum: quo tempore utrobique obligatio est præsens, etiam si facto personarum hæc genera distinguantur. Plus difficultatis obijcit exemplum donationis causa mortis. Nam cum quid mortis causa filiofamilias donatum est, quæ donatio hanc conditionem habet, si is qui donavit prior decesserit, aut si eum donationis non pœnituerit: *Inst. de donat. in pr.* placet, si cum donator moritur, filius inveniatur sui iuris, donatum ei acquiri, non patri, quasi ad id tempus, quo conditio existit, donatio redigatur. Idemque placet et de eo, quod servo mortis causa donatum est, si servus deinde mor-

tis donatoris tempore libet invenitur, *L. sed interim, §. maritus, et §. consequenter, supr. de donat. inter vir. et uz.* Et tamen cum quid donatur mortis causa, quia præsens præsentis dat, *L. inter, supr. de donat. caus. mort.* nec ulla datio est sine accipiente; manifestum est in ea acquisitione factum filii intervenire. Ex quo colligi videtur, quod stipulatio conditionalis acquiritur patri, necesse esse aliam causam videri, quam quod in ea contrahenda factum filii intervenit: alioqui et donatio mortis causa in filiumfamilias collata eodem modo statim acquireretur patri; et rursum quod legatum conditionale non statim acquiritur, hanc causam non esse, quia ex facto filii non nascatur: alioqui diversum in donatione causa mortis probandum esset, cum in ea factum filii versetur. Atque in summa hoc argumento effici videtur, in acquisitione stipulationis aut legati quamvis conditionalis, factum filii ad acquisitionem nihil pertinere, neque adeo debere spectari. Et adversaretur hoc exemplum, si quodcumque factum filii in aliquo negotio intervenisset, ibi propter id factum diceremus patri acquiri per filium. Sed id factum intelligimus, quod valeat ad aliquid acquirendum, quod pro arbitrio alterius pendente conditione revocari non possit: qualis est stipulatio, qualis contractus omnis, a quo invito altero ex contrahentibus discedi non potest. Non est huiusmodi factum, acceptio eius quod mortis causa donatur. Nihil eo facto proprie acquiritur statim: cum possit, quod ita donatum est, revocari, quoties vult, qui donavit. *L. qui mortis, supr. de donat. cau. mor.* quod autem ita datur, nec datum aut alienatum videtur. *L. qui sic solvit, infr. de sol. unde et illud dictum est, non videri perfectam donationem mortis causa factam ante, quam mors insequatur. L. non videtur, supr. de donat. cau. mor.* Nihil igitur hic ante datum aut quæsitum intelligitur, non magis quam in legato ante, quam testator decesserit. Proindeque cæteris in rebus comparatæ legatis donationes causa mortis factæ, *L. illud, supr. de do. cau. mor.* merito hac quoque in parte acquisitionis in eadem causa habebuntur. Intellectum est in proposito quæstione, cum de stipulatione per filiumfamilias aut servum acquirenda agitur, recte dici id tempus spectari, quo contrahitur; ut intelligatur stipulationem quamvis sub conditione a filio contractam statim patri acquiri, eoque et conditione quandoque existente, omni modo actionem ei competere. Præterea et illud recte ad-

ci, in stipulationibus, quia diversum ius sit in legatis: ubi et differentie ratio exposita est. † Sed Paulus sententiae suae rationem reddens, generaliter definitionem concepit his verbis: *quia in stipulationibus id tempus spectatur, quo contrahimus*: ut verba quidem ad omnem questionem de stipulatione pertineant, sive quaeratur de ea acquirenda per alios, sive de eius viribus, seu quo ex tempore spectanda sit, ut valeat; sive quaeratur de obligatione et actione, quae inde nascitur. Quia ex re haec sententia in multis difficultates incidit. Ac si breviter dicendum est, si uti verbis concepta est generaliter, ita eam generaliter accipimus, multis nominibus falsa est. Cum de viribus stipulationis conditionalis agitur, non contractus, sed existentis conditionis tempus spectatur. Exempla haec sunt. Si quis rem suam sub conditione stipulatus est, et existentis conditionis tempore res aliena invenitur, valet stipulatio, quae manente eodem rei statu, qui tempore contractus fuerat, esset inutilis. *L. si rem meam, supr. cod.* Si emptio sub conditione contracta sit; si stipulatio sub conditione novandi animo interposita, et res pendente conditione perierit, neque emptio valet, neque fit novatio, quamvis conditio postea extiterit; quia quo tempore existit conditio nulla res est, quae possit deberi, etsi quo tempore contraheretur, fuerit in rerum natura. *L. necessario, illic, quod si pendente, supr. de per. et com. rei vend. L. quoties, infr. de novat.* Quod si in stipulatione utili quaeremus de actione, quae inde nascitur, reperiemus ne hic quidem tempus contractus semper inspicere. Ut enim in rebus notis versemur, in obligationibus in diem si de petitione agitur, plusquam certum est non spectari id tempus, quo con-

trahitur, sed quo dies venit: nec ante agi potest. *L. eum, qui calendis, §. ult. supr. cod. L. cedere, infr. de verb. sig.* In stipulationibus sub conditione conceptis ne possumus quidem natura ad petitionem aliud tempus spectare, quam existentis conditionis, cum ante nihil ne debeatur quidem. *d. L. cedere.* Multis ergo modis haec definitio falsa, si, ut dixi, generaliter accipitur. Quid ergo est? nempe his tot rebus admonemur sententiam quidem verbis hic generalem tradi, sed quae ad questionem propositam referri debeat, et intra terminos eius questionis contineri. Species posita de stipulatione condicionali a filiofamilias interposita. Quæstio, an eo, ante quam conditio existeret, emancipato, actio patri competat, si postea existat conditio. Respondetur competere, quia debeamus in stipulationibus spectare id tempus, quo contrahimus. Hoc sic accipiendum est, quasi dictum esset; quia cum de obligatione per alios acquirenda agitur, ut nunc agitur, in stipulationibus id tempus spectatur, quo contrahimus: aliter atque in legatis in quibus si condicionalia sunt, acquisitio redigitur ad id tempus quo conditio existit. Extra questionem de acquisitione propositam si definitionem producere volumus longius, verba retinere conantes, sententiam evertemus. Itaque non satis recte fecisse mihi videntur Pandectarum compositores, qui definitionem Pauli hic traditam a suo loco divulsam tanquam generalem inter regulas iuris retulerunt: sic enim extat totidem verbis in *L. non omne, §. ult. infr. de reg. iur.* scilicet, ut sententiam plane falsam efficerent, quæ suo loco exposita, idest, ad institutam questionem relata, vera, minimeque obscura videri poterat.

Ad §. Cum fundum stipulatus sum.

Cum fundum stipulatus sum, non veniunt fructus qui stipulationis tempore fuerint.

SUMMARIA.

1. Fundo in stipulationem deducto, an fructus, de quibus aperte nihil cautum est, debeantur.
2. Quatuor enumerat, quæ in proposita questione de fructibus acquirendis in stipulationem vocantur.
3. Fructus ante litem contestatam a promissore percipit, cur non debeantur, et n. 5.
4. Fructus post iudicium acceptum, cur praestentur.
6. Fundo promisso, an non fructus fundi tanquam pars eiusmodi promissi intelligantur, et n. 9.
7. Fundi appellatione fructus non contineri.
8. Principali re pignori obligata, cur accessiones ius pignoris sequantur.
10. In fructibus post stipulationem contractam natis quod iuris est, an idem in iis, qui tempore stipulationis fuerunt, defendi possit.
11. Fructus pendentes, an fundi pars.
12. Fundo simpliciter in stipulationem deducto, an fructus ante litem contestatam saltem ex mora promissoris incipiant deberi.
13. L. Si fundum, infr. cod. declaratur.

¹ CUM quia quid dari stipulator, ut fundum, nec quidquam aperte cavetur de fructibus, an et hos postea captos stipulator consequi debeat, quaesitum est. In quo hæc distinctio Pauli tradita est in *L. videamus*, §. *si actionem*, *supr. de usur.* ut si quidem post litem contestatam capti sunt, præstandi sint: si ante, etiam mora facta, non sint præstandi. Prior pars iuris minime dubij sententiam continet: convenit enim post iudicium acceptum omnem causam, ac proinde perceptos fructus sine exceptione præstandos esse omnibus iudiciis; non tantum si in rem sint, quibus in iudiciis primum hoc ius introductum est; *L. illud*, *supr. de her. pet. L. præterea*, *supra de rei vind.* sed etiam si sint in personam. *L. 2. supr. de usur. L. cum fundus*, *supr. si cer. pet.* Ac ne quis existimaret inique hoc constitui de fructibus, eos præstandos esse, qui debiti non essent (non enim esse debitos ex altera parte distinctionis intelligitur, de quo paulo post) adiectum est in *d. L. videamus*, §. *si actionem*, fructus post litem contestatam esse præstandos, *ut causam*: id est, ut aliis locis declaratur, ut id, quod petitur habiturus esset, si res eo tempore restituta esset, quo petita, est *d. L. 2. de usur. d. L. cum fundus*, *si cer. pet. d. L. præterea, de rei vind.* Quod eo additum est, ut intelligeremus præstari fructus post litem contestatam captos, non ut ante debitos ex stipulatione, sed officio iudicis: cui hoc commissum est, ut curet omnem causam, id est, id omne quod habiturus esset petitor, si res petenti restituta esset, petitori præstari. *L. adiles*, §. *item sciendum*, *supr. de ad. ed.* Neque huic parti adversatur hic locus, tametsi in eo generaliter scriptum est, cum fundum dari stipulamur, fructus non venire, nec quidquam distinguitur, quando percepti sint, ante, an post litem contestatam; non enim possunt hæc verba, fructus non venire, sic accipi, quasi velit Paulus eos non venire in iudicium, cum de iudicio non loquatur: sed ita accipienda sunt, ut intelligamus eos non venire in stipulationem, qua fundum dari stipulamur: de qua iustitutus erat sermo. Hoc vero in universam recte dicitur, cum fundum dari stipulamur, fructus postea captos in hanc stipulationem non venire, eoque nec deberi, quandocumque capti sint; neque tamen eo minus vere dicitur eos post litem contestatam esse præstandos, quia tum non ut promissi præstantur, sed ut id quod in causa et iudicio per litem contestationem cepit versari, ut diximus. Altera

pars distinctionis propositæ statuitur quidem etiam hoc loco ab eodem auctore Paulo, sed non perinde expeditam rationem habet, neque adeo eam iis locis, qui de hac re scripti sunt, consentire satis videtur. Quinetiam augetur difficultas hoc loco. Nam cum in superiore distinctione scripsisset indefinite de fructibus, hos ante litem contestatam stipulatorem non consequi; hic diserte cavet non venire eos, qui tempore stipulationis fuerint. Quod non eo expressum est, ut removerentur ii, qui postea nati sunt; sed rei magis confirmandæ causa, ut si hi non veniant, qui fuerint tempore stipulationis, argumentum id esset multo minus venire ceteros, de quibus minor dubitatio est: atque ita intelligeretur fundo promissio nullis omnino fructus postea ante litem contestatam captos esse præstandos. † Quatuor autem sunt in summa, quæ hic vocantur in dubitationem, et de quibus ad huius partis atque huius loci explicationem nobis cognoscendum est: Primum quid sit causa, cur fructus ex eodem fundo natos et perceptos ante litem contestatam, placeat non præstari; qui si percepti essent post litem contestatam, præstarentur. Alterum, quoniam volumus eo fieri, quia fructus promissi non sint, videatur hoc recte dici in his rebus, quæ ex fundo promisso natæ sint, ac proinde eiusdem corporis pars fuerint. Tertium, si recte dicitur in iis fructibus, qui post stipulationem contractam nati sunt; an etiam videatur posse defendi in iis, qui fuerint tempore stipulationis, de quibus hic scriptum est. Postremum, si de omnibus fructibus recte negatur hos venire in stipulationem, an recte statuatur in totum non esse præstandos, etiam si mora a promissore facta sit; de quo illo altero loco comprehensum est a Paulo. Principio ipsa distinctio eius temporis, quod litem contestatam æquatur, nos admonet, ut ante omnia queramus, quamobrem placeat stipulatorem ante litem contestatam fructus non consequi, quos constet post iudicium acceptum esse præstandos: † Et iam ante dixi, et res ipsa ostendit causam in eo esse, quia non debeantur ex stipulatione: quia enim non debentur, fit, ut nec peti possint, eoque nulla sit necessitas præstandi. *L. debitor*, *infr. de verb. signif. L. nihil*, *supr. prox. tit.* Sed cur non debentur? declarat Paulus hoc loco, cum ait eos non venire. Non enim significant hæc verba eos præstandos non esse, quamquam hoc ex illa efficitur: sed hoc expriment, fructus non venire in fundi stipulationem, in stipulationem non de-

2

3

du-

duci, stipulatione non contineri: denique appellatione fundi non promitti: quam vim esse huius verbi docui ad *L. si penam*, *supr.* Unde iam sua sponte intelligitur non esse præstandus; id enim solum debetur ex stipulato, quod deductum est in stipulationem, atque adeo quod expressum est verbis stipulationis: quod his comprehensum non est, non debetur. *L. quia tantundem*, *supr. de neg. gest. L. quidquid*, *infr.* Quid ergo? qui fructus ante litem contestatam non debebantur, post iudicium acceptum incipere deberi? minime, ex eadem regula, quod non possit quidquam deberi ex stipulatione, quod non sit ante in stipulationem deductum; neque porro litis contestatione nova stipulatio aut obligatio introducit de fructibus. † Cur ergo præstantur post litem contestatam? quia vis iudicii hæc est, in eoque hoc officium iudicis, ut quale quidque est, cum petitur, tale præstari debeat. Quod si factum esset ab initio, habere potuisset actor et fructus, et quæcumque alia propter rem obtinere potuerat. Proinde et ista officio iudicis præstantur. *L. 2. supr. de usur. d. L. ædiles*, §. *item sciendum*, *supr. de æd.*

5 *cd.* † Ante cum nullus iudex sit, necesse est evenire, ut fructus tunc capti non debeantur: neque ex stipulatione, in quam deducti non sunt; neque officio iudicis, qui per id tempus, quo iudicio actum non est, nullus esse potuit. In futurum autem iudicium ideo non possunt deduci, quia id solum in iudicium deducti potest, de quo est actio iure constituta: *L. extat*, *supr. quod met. cau.* nulla est autem actio de eo, quod non debetur. *L. nihil*, *supr. prox. tit.* Denique iudicium ante quam aliquid debeatur, esse non posse discrete scriptum est in *L. non quemadmodum*, *supr. de iud.* Non sunt ergo in summa ex stipulatione præstandi fructus ante litem contestatam capti, quia non debentur: atque ideo non debentur, quia in stipulationem deducti, quia promissi non sunt. In hac ratione posita sunt omnia etiam pro eo tempore quo mora facta est: quod enim ante moram non debetur, id ut debeatur postea, mora non faciet, ut postea dicemus. Sed ita rem hæc ratio continet, si modo

6 etiam vera sit. † At videmus, quod secundo loco questum est, ne potius dici debeat in stipulationem fundi una cum fundo promisso etiam fructus fundi deduci. Nam fructus quandoque nascantur, sunt ex fundo, et quidem ita, ut dum pendunt, ei cohereant et eiusdem corporis velut partem efficiant. Quidquid est in re

aliqua ita, ut rei cohereat, et maxime si coheret natura, id ut pars quedam appellatione rei contineri videatur, et si quid de re convenerit, videtur etiam ad illud pertinere: quod in fructibus pignoris constituti facile potest intelligi. Cum fundus pignori datus est, etiam si nihil aperte dictum sit de fructibus, tamen fructus etiam pignori esse intelliguntur: nam etsi mancipia in causam pignoris ceciderunt, ea quoque quæ ex his nata sunt, eodem iure habentur. *L. Paulus supr. de pig.* Si nuda proprietas data sit pignori, usufructus qui postea accesserit, pignori erit. In eadem causa est; si quid alluvione fundo accrevit. *L. si convenerit*, §. *si nuda*, *supr. de pig. act. L. si fundus*, *supr. de pig.* Atqui pignus, quod quidem constituitur a privatis, nullum est sine conventionione. *L. 4. supr. de pig. L. Aristo*, *supr. quæ res pig. obl. pos.* Ex quo apparet, cum de re aliqua in pignore dando convenit, vi ipsa et de accessionibus, ut fructibus, partu, facta, alluvione convenisse videri: quasi et hæc continentur rei datæ appellatione. † Quod ut de significatione et complexu rei probari non possit; attamen verendum est, ne hoc ipsum, quod dicimus videri potius in hanc stipulationem, *fundum dari*, venire etiam fructus, aperte confirmetur in *L. in conventionalibus*, §. *ult. supr.* ubi scriptum est hac stipulatione, *vacuum possessionem tradi*, non nudum factum contineri; sed *causam bonorum*. Et vero necesse est ea sententia id quod dicimus, confirmari, si *causam bonorum* continere, significat continere quidquid stipulator ex bonis capere potest, quod quidam putant, neque enim causa dici potest, cur si stipulatio, *vacuum possessionem tradi*, causam bonorum continet, non contineat etiam hæc, *fundum dari*: cum plus sit dare, quam tradere. His autem verbis, *vacuum possessionem tradi*, contineri fructus postea captos Papinianus scribit in *L. 4. supr. de usur.* † 7 Sed nihil verius, quam appellatione fundi fructus non contineri, sed esse has res naturæ et significatione maxime disiunctas. Nam fundus esse potest sine fructibus, et fructus sine fundo tunc, cum a fundo separati sunt: et quamvis fructus ex fundo, atque adeo in fundo sint; tamen fundus est id quod fert: fructus id quod fertur: quæ natura unum et idem esse non possunt. Fundus est res immobilis; fructus a fundo separatus res mobilis: de quo etiam nonnihil paulo post. Proinde nec stipulatione fundi, eo verbo continentur fructus postea capti, et separati a solo, de quibus agi-

- agimus. Neque vero quod in pignore, fundo pignori obligato, sequuntur fructus; quod mancipiis vel pecoriis pignori datis, etiam ea quæ inde nata sunt, pignori esse intelliguntur, argumento est fundi aut animalium appellatione contineri earum rerum accessiones, aut conventionem de his rebus interposita, simul etiam accessiones in conventionem venire. † Hæc enim omnia pignore constituto recepta sunt de accessionebus; quia re pignori data, non obligatur eo facto persona dantis, sed res ipsa: pignus enim in re est, non in persona; unde actio de pignore, in rem, non in personam. *L. pignoris, sup. de pig. L. pignoris, C. eod.* Ea res facit, ut re principaliter pignori obligata sequantur accessiones ius pignoris: non propter conventionem, quasi et de his conveniret; sed propter conjunctionem, et consequentiam rei principalis: quia enim aliquando in re pignori obligata esse ceperunt, eique cohererunt, ideo tanquam pars quædam ceperunt eodem iure et conditione esse, qua corpus obligatum fuit, vocata in eam causam propter conjunctionem; ac separatæ retinent ius pignoris, quo semel nexæ sunt. Quod non similiter contingit in accessionibus fundi promissi: fundus enim promissus nullo afficitur proprio iure, in cuius nexum vocet eas res, quæ postea ei accesserint: sed eo promisso obligatur persona promittentis, non fundus. Ideo si fundus alii tradatur postea, nihil iuris in eum fundum stipulator habet, nec cum possessore potest agere. *L. quoties, C. de rei vind. quod secus est in pignore, si id debitor alienaverit. L. distractis. L. debitorem, C. de pig. †* Quapropter nec accessiones fundi promissi in eandem obligationem trahuntur, si quæ postea fundo fuerint adiunctæ. Non ergo recte ita colligitur; fundus debetur: ergo debetur et fructus, qui ex fundo est. Imo contra ita colligi debuit: fundus debetur ob eam causam, quod in stipulatum deductus est, nec deberetur ex stipulato aliter: ergo fructus postea capti non debentur; quia promissus et in stipulatum deductus non esse apparet. Sane si quod accessit fundo, etiam tunc cohereret, cum fundus petitur, non nego id cum fundo iudicio præstari debere, non tantum si alluvione accesserit, aut usufructus accessione; sed etiam si erant fructus fundi pendentes. Quod enim tunc cohereret, etsi percipitur postea ante quam præstetur fundus, tamen non potest, quia percipitur post litem contestatam: post quod tempus omnis causa præstanda est, ut diamus *d. l. 2. de usur. L. cum fundus,*

supr. si cert. pet. Quod si antequam iudicio ageretur, a fundo separata sint ea, quæ accesserant, quæ modo natra separari possunt et debent, ut sunt fructus; hæc non amplius post litem contestatam percipi possunt, neque ab initio in stipulationem venerunt. Quo fit, ut amplius nulla sit necessitas ex præstandi, cum iam peti non possint. Quod assertur ex *L. in conventionalibus, §. ult. sup.* hanc stipulationem, vacuum possessionem tradi, continere causam honorum, nihil ad confirmandam fructuum postea captorum præstationem facit: non quod non idem multo magis dici debeat de hac stipulatione, fundum dari, cum multo plus sit rem dare, idest, plenum dominium rei transferre, quam possessionem rei tradere, quamvis vacuum; ad quod demonstrandum non est multum opus: sed quia *causam honorum*, quæ illic nominatur non significat quidquid stipulator habere potuit fundo accepto, eoque et fructus: verum traditionem, quæ esset causa, seu quæ efficeret, ut res inciperet esse in stipulatoris honis: non tamen res quælibet, sed res stipulatione comprehensa; ergo fundus, de quo cautum est: non etiam fructus fundi, qui stipulationis verbis non continentur. Nam ut *causam* illic interpretemur quidquid stipulator fundo accepto habere potuit, non patitur sens loquendi omnium iuris auctorum, qui cum causam præstandam esse dicunt, *causæ* verbo intelligunt, non quæ antecesserunt litem contestatam, sed quæ secuta sunt, quæ haberet petitor, si cum res iudicio petitur, restituta esset. *L. illud, de her. pet. L. præterea, sup. de rei vind. d. l. cum fundus, sup. si cert. pet. d. l. 2. sup. de usur.* Et præterea causam simpliciter vocant, non causam honorum; ut intelligamus hoc verbo significari id quod in causa et iudicio continetur officio iudicis. Tum autem nihil minus consentaneum est, quam dici, cum tantum vacuum possessionem tradi stipulati sumus, venire in stipulationem id quod stipulator re statim accepta habere potuisset: cum autem stipulati sumus rem dari, non venire. Sed obstat nobis *L. 4. de usur. in qua* Papinianus, ex hac stipulatione, *rem dari, vacuumque possessionem tradi*, fructus postea captos propter inferiora verba stipulatorem consecuturum scribit. Nos et de hoc loco, et de tota hac stipulatione, *rem tradi*, tam *vacuum possessionem tradi*, quam vim et sententiam habere abunde scripsimus ad *L. in conventionalibus, §. ult. sup.* Si quis hoc loco moveatur forte exemplo emptionis, in qua fructus statim post emptionem contractam

emptori iudicio empti præstandi sunt; *L. 3. §. 1. supr. de act. em. L. 4. §. ult. supr. de usur.* sciat nihil exemplum ad stipulationem aut cæteros contractus omnes, in quibus de re danda aut præstauda agitur, pertinere: non quod emptio sit bonæ fidei; nam nec continuo in bonæ fidei iudiciis aliis, priusquam mora facta sit, fructum aut usurarum ratio habetur. *L. 3. ver. cæterum, iuncto §. 1. L. mora, §. in bonæ, supr. de usur.* sed quia proprium hoc ius est emptionis, ut hac contracta periculum rei venditæ statim pertineat ad emptorem: unde et commodum eius statim esse debere placuit. *§. cum autem, inst. de empt. et vend.* Verum est igitur, cum fundum dari stipulamur, fructus non venire. Atque hoc in fructibus post contractam stipulationem natis minus dubitationis habet, et statim admitti potest: neque enim fundi certi appellatione alius fundus nominari, et in stipulatum deduci intelligitur, quam is qui fuit tempore stipulationis. *L. fundum, in fin. infr. de nov.* proinde nec huius appellatione quidquam aliud, nisi quod tunc sit ex fundo. Eius porro fundi partem ullam obtinere dici non possunt ii fructus, qui non modo non fuerunt tum in fundo, sed ne in rerum quidem natura omnino fuerunt. † At quid si fundus promissus sit pendentibus fructibus? nonne dicemus hos saltem in stipulationem fundi venire, quia fundi pars sint? Negat hos quoque venire Paulus, de quibus hic nominatim definitio concepta est. Hoc vero defendi posse non videtur. Itaque hoc fuit tertium, de quo hic nobis videndum esse diximus separatim. Non moveor exemplo emptionis; in quo genere traditum est, si fructibus iam maturis ager distractus sit, etiam fructus emptori cedere: *L. Iulianus, §. si fructibus, supr. de act. em.* fit enim hoc, non quia fructus fundo coheserunt tempore emptionis; sed quia proprium hoc ius sit, ut dixi, emptionis, ut fructus omnes rei venditæ postea capti emptori cedant, ut et commoda omnia: nam etsi postea fructus nati essent, non minus hi pertinerent ad emptorem. Ne illud quidem multum nos moverit, quod re in fraudem creditorum alienata, non rem solum alienatam, sed etiam fructus, qui tempore alienationis cohererent, ex edicto restitui oportet. *L. ult. §. non solum, supr. quæ in frau. cred.* hoc enim ideo constitutum est in hac causa de iis fructibus, non quia hi solum fuerint in fundo, aut ex fundo: sed quia ut fundus, sic ii quoque fructus in bonis fraudulentis fuerint, ut ibidem ra-

tio addita est. Quæ res facit, ut debitor eum fundum, cui fructus coheserunt, alienando, intelligatur pariter utrumque alienasse, et fundum et fructus, utrumque eiusmodi quod et in bonis habuerit. Utrumque autem ita alienando, separatim utriusque repetendi causam creditoribus dedit. Neque id aliter fieret ex causa stipulationis, cum fundum stipulatus quis est plenum fructibus: si enim de fundo et de fructibus aperte cautum esset, ut sic de utroque promissor actionem constitueret stipulatori, sine dubio et fructus stipulator hic quoque consequeretur. Distant igitur ista a fundi stipulatione; ac cur in his pendentes fructus præstentur, proprias et constitutas, nec eas obscuras causas habent: † Illud non temere nos moveat, quod fructus pendentes partem fundi esse scriptum est in *L. fructus pendentes, supr. de rei vind.* et ut scriptum non esset, tamen ipsum per se videtur esse in promptu: cohererent enim segetes fundo, et quidem ita, ut hoc ipsum quod sunt, accipiant a fundo, non hominum opera, sed natura: aluntur enim et crescant terræ alimento. *L. si meis, §. arbor, supr. de acq. rer. dom.* Quamobrem non tam fundo cedunt, quam sunt fundi: nam fundi esse dicuntur ab Africano in *L. si servus communis, §. locavi, infr. de fur.* unde et fundus ipse seu solum dicitur segetem facere domini magis, quam ipsius cultura aut satio in *L. si quis sciens, C. de rei vind.* Hoc si ita est, licet ita argumentari; qui totum stipulatur, is et totius partes omnes, quæ tempore stipulationis fuerunt, stipulari intelligitur, in toto enim continetur et pars. *L. si quis cum totum, supr. de ex rei iud.* Unde qui fundo promisso sic fundum dat, ut pars aliqua non dico corporis, sed etiam iuris desit, stipulationi non satisfacit, ac nihilominus quasi non dedisset, tenetur adhuc. *L. eum, qui ita, §. pen. L. qui usumfructum, supr. cod. L. cum filius, §. dominus, supr. de leg. 2.* At qui stipulatur fundum pendentibus fructibus, is totum stipulatur, cuius tum pars sint pendentes fructus, ut diximus. Proinde qui eum fundum stipulatur, una quoque et fructus pendentes stipulari intelligitur. Veniunt ergo hi fructus in eam stipulationem, deducti aperte in eam appellationem fundi, cuius sunt partes. Et dicunt ista, fateor, probabiliter, ut existimetur fructus pendentes pars esse fundi: sed re vera in totum fructus fundi pars non sunt, non dico iam percepti, sed ne pendentes quidem, quod ita demonstrari potest. Id

cuiusque rei pars dicendum est, sine quo totum existere non potest: quo eodem sublatò aut totum esse desinit, aut certe non idem, vel non tantum futurum est, quod aut quantum ante fuerat. At fundus potest esse sine fructibus pendentibus natura: sed et fructibus a fundo separatis, nihilominus idem fundus est omni ex parte, qui fuerat; fructus igitur fundi pars non sunt. Præterea cuiusque rei partem eiusdem naturæ esse oportet, cuius est totum, cuius pars est. At fundus res est soli: fructus mobiles, quod loco moveri possunt; non sunt igitur fructus pars fundi. Nec ad rem pertinet, quod quandiu fundus cohærent, non moventur, non enim spectandum est, quid tunc fiat, cum cohærent; sed quid in his fieri possit: possunt autem moveri loco, qui nunc cohærent: possunt enim a fundo separari. Imo vero ideo feruntur a fundo, ut aliquando percipiantur, idest, separentur. Et tigna, lapides, cæmenta, quæ cohærent ædibus, quandiu iniuncta sunt, non moventur; non eo tamen minus sunt mobilia, quia ab ædibus separari et loco moveri possunt. *L. eum, qui ades, supr. de usur.* At dicuntur fructus pars fundi in *L. fructus pendentes, de rei vind.* Non ita est: sed verba ita sunt: *fructus pendentes pars fundi videntur.* Hoc recte: videntur enim, non sunt: idque ex eo evidenter apparet, quod quamvis fructus exemeris, nihilominus idem fundus manet, qui prius fuerat, constans suis partibus omnibus, ut prius. Cur ergo dicuntur fructus pendentes videri pars fundi? quia ad quemcumque fundus pervenit, eum quoque sequuntur fructus solo cohærentes. Similiter ut fundo dato sequerentur accipientem omnem fundi partes; itaque hac in re partis instar obtinent. Neque ideo tamen sunt pars: cum ad componendum et constituendum id totum, quod appellatur fundus, non sit opus fructibus, sine quibus fundus natura esse potest, ut dixi. At certe fructus qui solo cohærent, dicuntur aperte ab Africano *fundi esse*, non *videri*, *d. L. si servus communis, §. locavi, inf. de fur.* Et hoc verum est: sed non ideo sunt pars fundi dicendi sunt: nam et quæ habemus, quorum domini sumus, nostra sunt; quæ tamen nemo dixerit nostri esse partes. Sed an non fun-

dus, qui pendentes fructibus promissus est, potest peti et pendentibus fructibus? non dubium, quin possit: si quidem pure promissus etiam præsentī die debatur, unde et præsentī die peti potest, *§. omnīs, Inst. eod.* Atqui si petitus erit, eveniet, ut eos quoque fructus stipulator consequi debeat, qui tempore stipulationis fuerint: quia tale quidque dari debet, quale fuit, cum petitur; *d. L. 2. supr. de usur.* An non igitur saltem hoc casu falsum erit, quod hic simpliciter dicitur, eos fructus non venire? Minime: quod enim dicitur non venire eos fructus, docui initio sic interpretandum esse, ut non veniant in stipulationem, eoque nec ex ea causa peti possint. Quod est verissimum: nam quandiu pendebunt, non petentur ipsi, sed solus fundus: sic deinde post litem contestatam per consequentiam rei petite fructus accedent, aut tanquam pars fundi, si tempore sententiæ adhuc pendebunt; aut tanquam causa, si ante percepti fuerint, ut supra ostendimus. Quod si in stipulationem fundi ne ii quidem fructus veniant, qui tempore stipulationis fuerunt, quo fit, ut nec ante litem contestatam percepti peti possint, vel debeant præstari; reliquitur recte in universum definiri, cum fundum stipulatus quis est, nullos fructus postea autē litem contestatam captos stipulatorem consequi posse, sive postea pati sint; sive iam tunc fuerint, cum stipulatio est interposita. Cum stipulatus quis est, inquam, fundum dari: nihil amplius. Nam sive cautum est etiam aperte de fructibus; sive id adiectum, quo significetur de his actum esse; dicendum erit fructus stipulatione contineri, eoque etiam esse præstandos. Actum autem esse interpretatur Papinianus in hac stipulatione, *rem dari, vancumque possessionem tradi*, propter inferiora verba. *L. 4. supr. de usur.* de quo dixi ad *L. in conventionalibus, §. ult. supr.* † Restat postremum in ea sententia, quæ proposita est, ut videamus, an ne sic quidem eos fructus consequatur stipulator, quamvis mora a debitore facta capti sint: quod Paulus nominatim complexus est in *d. L. videamus, §. si actionem, supr. de usur.* Et recte Paulus; estque plane consequens ei rationi, quam supra hoc loco statui diximus. Nam si fructus ab initio non debentur, quia in stipulationem non veniunt, ut hic scriptum est: mora quæ postea secuta erit, ut deberi incipiant, non faciet. Ant enim ex stipulatione incipient deberi, aut officio Iudicis. Ex stipulatione non possunt, quos constat in eam deductos non

usae. Neque enim mora inducit novam stipulationem. Officio Iudicis deberentur accessiones ex mora in bonae fidei iudiciis. At ex stipulatione nihil deberi potest ante litem contestatam, neque ullo modo in iudicium deduci, nisi de quo nominatim stipulatio concepta sit. *L. quia tantumdem, supr. de neg. gest. Inst. de obl. ex cons. in fin.* Quo fit, ut in stipulatione ne ex mora quidem fructus postea capti incipiant deberi ante litem contestatam: tantum ideo, quia ab initio in stipulationem non venerit. Hic tamen quædam nos impediunt. In primis ipsius rei æquitas notis regulis iuris constituta: sic enim de mora traditur, nulli moram suam prodesse debere: hoc amplius etiam unicuique nocere. *L. hominem, in fin. supr. mand. L. in condemnatione, §. unicuique, infr. de reg. iur.* Deinde quod re post moram deteriore facta placet habendam esse æstimationem, quando deterior res facta sit. *L. 3. supr. de cond. trit.* Postremo, quod de hac specie, fundum certo die præstari, nominatim scriptum est in *L. si fundum, infr. eod. si nimirum per promissorem steterit*, quominus ea die præstetur, consecuturum stipulatorem, quanti sua interest moram factam non esse. Sed nihil horum efficit fundo simpliciter in stipulatum deducto, fructus ex mora esse præstandos. Primum quod dicitur moram suam unicuique nocere, hæcenus verum est, ut noceat in eo, quod debetur, dum id quod debetur, facit, ne desinat deberi, quamvis postea perierit. Ut autem quod prius non debetur, incipiat deberi, non facit, ut supra ostendi. Neque ea res stipulatori damnosa erit, si velit: qui si sibi consultum esse vult de fructibus adversus promissoris moram, potest cum illo ante, quam fructus percipiat, iudicio experiri, et fundum petere, quod si facit deinceps una cum fundo omnis causa accedet officio Iudicis: in qua insunt et fructus, *L. 2. de usur.* Illud vero, quod dicitur æstimationem habendam esse, quanto deterior res facta sit post moram, scio morisse Bartolum hoc loco, ut diceret perceptis post moram fructibus non quidem fructus separatim peti posse, sed ita posse agi de fundo, ut astinari debeat, quanto minoris nunc sit fundus, quam prius fuisset, maturis et stantibus fructibus. Sed non fuit, eum superiore ratione motus in hanc sententiam non necessariam se coniceret; non enim sit res deterior exonerata fructibus suis, sed ut plurimum melior: ut animalia secum gestantia tum meliora et ad usus nostros aptiora esse incipiunt, cum

pepererunt. Certe non sit deterior gallina posito ovo; aut equa vel ovis edito fœtu, sed expeditior et alacrior; idemque et de fundo dicendum est, qui exemptis fructibus levatur quodammodo suo onere, ac nihilominus idem fundus manet, qui fuerat. Fieret deterior, si amplius non posset eodem fructus ferre. At quando tantundem poterit, eodem statu, eademque bonitate esse iudicandus est, etiam post perceptionem. Fateor fundum fructibus stantibus plaris esse, quam tunc, cum in eo nulli sunt fructus. Sed hoc ideo contingit, quia plura sint corpora, quæ tunc æstimentur, fundus scilicet, et fructus fundi: non quia fundus solus sit tanti. De solo autem fundo nunc agimus, quoniam fundus simpliciter in stipulatum deductus proponitur. † De *L. si fundum, infr. eod.* 13 variae sunt sententiæ: de ea igitur paulo attentius videamus. Ait Ulpianus; *si fundum certo die præstari stipuler*, si dixisset *tradi*, dici posset non esse mirum, si in ea specie responderetur post moram venire id quod interest; quia hæc faciendi stipulatio esset. *L. stipulationes non, supr. eod.* quo in genere si non fiat, quod promissum est, constat venire in stipulationem id quod interest. *L. si poenam, d. L. stipulationes, ver. Celsus, supr.* Sed Ulpianus utitur verbo *præstandi*: ut intelligeremus nihil apud eum referre in ea specie, utrum ego stipuler fundum certo die tradi, an vero certo die dari: et utrum factum erit, consecuturum me post moram quod interest mea, moram factam non esse. Verbum enim *præstare* commune est: qui tradit, præstat. *L. ex empto, supr. de act. em.* Sed et qui dat, recte præstare dicitur. Causa omnis præstanda est: idest, efficiendum, ut habeat actor, quod habiturus esset, si eo tempore quo petiit, res restituta esset. *L. illud, supr. de her. pet. iuncta L. præterea, supr. de rei vind.* fit autem ut habeat fructus et reliqua, quæ extare desiderant, dando, non tradendo. Quod ait, *si per promissorem steterit, quominus ea die præstetur, consecuturum me quanti mea interest moram factam non esse*, non obscure significat posse me consequi non tantum pretium fundi, sed etiam fructus postea captos: fundum enim habere propter fructus mea interest. Fundum si habuissem, percepissem fructus, quibus ideo careo, quia fundum non habui. Est autem id quod interest, quod abest, cum possemus habere, quodque lucrari potuimus. *L. si commissum, infr. rem rat. hab.* In eoque genere omnium confessione habetur, si circa rem

rem consistit id, quod habituri fuerimus. *L. si sterilis, §. cum per venditorem, supr. de act. em.* Tales autem sunt cuiusque rei fructus, aut omnino quod circa consistat, nihil est. Et vero in eo quod interest in re quasque æstimando prima ratio habetur fructuum, ut constat ex *L. 1. §. non solum supr. unde vi.* Neque hic audiendi sunt, qui dicunt fructibus petitis plus stipulatorem consequi, quam si agat in id quod interest: quod Bartolus in hac specie ad conciliationem harum locorum tentat efficere: quantumcumque enim fructuum percepit promissor ex fundo quamvis diligentissimus et optimus paterfamilias, tantum ego percipere potui natura vel per me, vel per alios. Cum autem de fructibus æstimandis agitur, non quid habeat petitor ex suis fundis, eum quid habere soleat, sed quid ex eo, qui restitui debuit, habere potuerit, spectandum est. *L. si navis, §. ult. supr. de rei vind. de quo et scripsi alias in Commentario de mora.* Quid ergo est? dicendum est multum interesse, utrum stipuler, fundum dari simpliciter, an fundum dari, præstari certo die. Illic fructus non præstantur, quia in stipulationem non veniunt, ne post moram quidem, quæ sententia hic statuitur, et d. *L. videamus, §. si actionem, de usur.* Illic præstantur, si sua die fundus datus

non sit, quia hac conditione deductum est in stipulationem id quod interest, et per hoc fructus, quicunque præstato fundo haberi potuissent. Diei certi adiectio hanc in se conventionem habet: non enim frustra dies adiectus est: aperte adiectio hac spectat, ut præstetur eius temporis utilitas. Ut ergo cum stipulor aliquid certo loco dari, eius loci utilitas venit, quia adiectione loci, id est, conventionis eius loci utilitas petita est. *L. 2. in princ. et §. ult. supr. de eo quod cer. loc.* Ut præterea cum stipulor mihi aut Titio, utrum ego velim, adiectione personæ id cavisse intelligor, quod illi dari mea interest, placetque ob eam causam si illi datum non sit, id ipsum quod mea interest, peti posse. *L. liber, §. ult. infr. eod.* Sic omnino et cum certo die dari stipulor. diei adiectione tanquam conventionis eius temporis utilitas in stipulationem deduci intelligitur. Unde in hac adiectione intervenire utilitatem temporis, quæ et ipsa præstanta sit, scriptum est in *L. 4. in princ. supr. de eo quod cer. loc.* In his autem adiectionibus tribus loci, personæ, temporis, spectari eorum rerum utilitates, ac si datum non sit, ut de his rebus convenit, æstimari eas utilitates propter conventionem, pluribus ostendi in Commentario de eo quod interest. *Cap. penult. circa finem.*

Ad *L. Si procuratori. 79.*

Pavus lib. LXX. ad Edictum.

Si procuratori præsentis fuerit cautum: ex stipulatu actionem utilem domino competere nemo ambigit.

Species, in qua per liberam personam alteri actio acquiritur, exposita ad *L. stipulatio ista §. alteri, supr.*

Ad *L. Quotiens in Stipulationibus. 80.*

Idem lib. LXXIV. ad Edictum.

Quotiens in stipulationibus ambigua oratio est: commodissimum est id accipi, quo res qua de agitur, in tuto sit.

S U M M A R I U M.

1. Regula de interpretatione stipulationibus ambigua.

Iocus est de interpretatione ambigua stipulationis, continens exceptionem illius regulæ, in stipulationibus cum quaeritur, quid actum sit, verba contra stipulatorem interpretanda esse, quæ traditur in *L. sti-*

pulatio ista, §. alteri, supr. exemplum exceptionis appositum habemus in *L. eum qui Calendis, supr.* Vide quæ scripsi de ista quaestione ad *L. ubi, supr. de reb. dub.*

Ad *L.*

Ad L. Quotiens quis. 81.

Idem lib. LXXVII. ad Edictum.

Quotiens quis alium sibi promittit, neque sibi poenam, puta vel servum suum, vel hominem liberum: queritur an committatur stipulatio. Et Celsus ait, et si non est hic stipulationi additum nisi steterit: poenam dari: id quanti interest sibi, conueniri; et verum est quod Celsus ait. Nam qui alium sibi promittit, hoc promittit, id se acturum ut stet.

SUMMARI A.

1. Promittens se alium stitutum obligatur.

nulla adiecta valeat.

2. Stipulatio hac, illum sibi promittit, an poena

1. CUM quis alium se stitutum promittit, hoc modo, illum sises? sistam: nulla dubitatio est, quin stipulatio consistat. *L. stipulatio ista*, §. *pen. sup.* aperte enim hoc verbo sub agendi significatione promittit se facturum, ut alius stet; id quod verbum *sistere* Latinis significat. Ita de suo facto promittit; quod unumquemque facere posse certum est. † At si alium sibi promittat, ita concepta stipulatione, illum sibi promittit? impersonali verbo, incidit res in dubitationem, an stipulatio valeat, quoniam hoc verbo promittit per omnes iura maxime extraneos futurum, ut alius stet: in quo factum alienum non obscure promittitur: ac factum alienum inutiliter promitti constat: nisi poenam adiecerit stipulator, si ille de quo cautum est, status

non esset, *d. L. stipulatio ista*. Et placuit stipulationem valere, etiam nulla adiecta poena quod hic scriptum est, et *L. ult. sup. si quis in ius voc.* In quo ad diluendam obiectionem eadem responsio est parata, quae de illa stipulatione, mihi habere licere spondes, in *d. L. stipulatio ista*, eum nimirum, qui promittat alium sibi, promittere quidem per alios futurum, ut ille stet: sed promittere etiam per se futurum. Quatenus promittat factum alienum, stipulationem non tenere: quatenus promittat de se, ipsum obligari. Ac nulla poena adiecta committetur stipulatio in id quod stipulantis interest illum sibi, ut fit in omnibus faciendi obligationibus. *L. si poenam*, §. *ult. Instit. eod.*

Ad §. Si procurator sibi.

Si procurator sibi aliquem sine poena stipulatus sit, potes defendi, non suam, sed eius cuius negotium gessit, utilitatem in ea re deduxisse: idque fortius dicendum, si quanti ea res, stipulatio proponatur procuratoris.

SUMMARI A.

1. Procurator aliquem sibi, an recte stipuletur, et quae dubitandi ratio.

2. Procuratoris quatenus interest alium sibi.

Supra scriptum est, hanc stipulationem, illum sibi spondeo, valere, quamvis nulla poena adiecta. Si dominus in causa sua ita stipuletur, admittendum est:

1. † etiamne, si in causa domini idem stipuletur procurator? Novet questionem, ut indicatur in *L. pen. supra, si quis caut.* quia procuratoris, quod ad ipsius utilitatem attinet, nihil interest sibi; constat autem inutilem esse stipulationem, si quis stipuletur, quod sua non interest. *L. stipulatio ista*, §. *alteri, supra.* et praesertim si

consistat stipulatio in faciendo: in quam id venit, quod stipulantis interest. *L. si poenam, supra.* Et hic scriptum est, itemque in *d. L. pen. supra, si quis caut.* explicatius, etiam in persona procuratoris hanc stipulationem esse utilem. Nam si queratur de eo quod interest, non procuratoris, sed eius cuius negotium gessit, utilitatem in ea re spectandam esse: hanc in stipulationem deduci, ut quantum domini litis interfuit sibi, tantum ex ea stipulatione non stato reo procuratori debeatur, proinde et

tsa-

tantum possit petere. Sed hac ratione, dicet aliquis, non tollitur obiectio, sed adstruitur: ut enim inutilis sit stipulatio, satis est nihil interesse stipulantis, *d. §. alteri*, quod hic fieri confirmatur superiore responso, et nominatim confitetur Neratius in *d. L. pen. si quis caut.* Dicendum est nihil hic proprie et principaliter interesse procuratoris alium sisti, et ut Neratius loquitur, quod ad ipsius utilitatem (intellige proprium) attinet, nihil eius interesse: nam si domini nihil interest, ne procuratoris quidem intererit. De hac utilitate sentit illic Neratius, et hoc loco Ulpianus, cum utilitatem procuratoris negant in stipulationem venire. † Sed non ideo in hac

re procuratoris alium sisti nihil interest, si domini interest: imo vero quanti id fieri domini interest, tanti interest et procuratoris per consequentiam propter obligationem mandati, qua domino tenetur: obligatur enim domino, ut quanti eius interest, tantum iudicio persequatur, quod consecutus illi præstet. Quod nisi fit, tantum illi iudicio mandati præstare cogitur. *L. si quis mandatu; supr. de neg. gest.* Itaque qui domini interesse dicunt, et hoc deduci in stipulationem, vi ipsa et hactenus procuratoris interesse statuere intelliguntur; sic tamen, ut hoc totum pendeat ex domini utilitate.

Ad L. Nemo rem suam. 82.

Idem lib. LXXVIII. ad Edictum.

Nemo rem suam utiliter stipulatur, sed pretium rei suæ non utiliter. Sane rem meam mihi restitui recte stipulari videor.

DE stipulatione rei meæ dixi ad *L. si rem meam, 31. supr.*

Ad §. Si post moram.

Si post inoram promissoris homo decesserit: tenetur nihilo minus proinde ac si homo viveret: et hic inoram videtur fecisse, qui litigare maluit quam restituere.

EXpositus est hic locus ad *L. si ex legati causa, 23. supr.*

Ad L. Inter stipulantem 83.

Paulus lib. LXXII. ad Edictum.

Inter stipulantem et promittentem negotium contrahitur: itaque alius pro alio promittens daturum facturumve eum, non obligatur: nam de se quemque promittere oportet. Et qui spondet dolum abesse, abfuturumque esse, non simplex abnuntivum spondet: sed curaturum se ut dolum malus absit. Idemque in illis stipulationibus, *habere licere*: item, *neque per te, neque per heredem tuum fieri quo minus fiat.*

S U M M A R I A.

1. Factum alienum inutiliter promittitur: cuius iuris ratio a Paulo hic proposita declaratur; excipiuntur duæ species, et n. 4.
2. Promittens non de se, seu non se daturum facturumque, duas ob causas non obligatur.
3. Promittens alium daturum facturumve non videtur promississe se curaturum, ut illo alius det aut faciat.
5. Prætoria stipulatio, Rem ratam dominum habiturum; et hæc conventionalis, illum fideiussurum spondes, etsi sint de facto alieno, sunt tamen utiles, et quæ ratio.
6. De stipulationibus ædilitiis.
7. De stipulatione, Dolum malum abesse abfuturumque esse, et similibus hoc loco tractandi quæ Paulo fuerit occasio; deque vi earundem.

UT

1 UT stipulatio utiliter ita contrahi non potest, ut alteri detur, aut fiat, quam stipulanti; *L. stipulatio ista, §. alteri, supr.* sic non potest ita, ut alter det aut faciat, quam promissor: de quo ita est regula iuris tradita hoc loco, et in *§. si quis alium, Inst. de iust. stip.* si quis alium daturum, facturumve promittat, non obligatur: et alibi his verbis, *factum alicuius inutiliter promittitur*. *L. sicut, inf. de fidei. d. L. stipulatio ista, in prin. supr.* Quod qua ratione constitutum sit, non immerito dubitatur: dum enim deducatur in obligationem, quod natura sua fieri potest, nihil esse videtur impedimento stipulationi. *L. si stipulator, supr. hac ead. L. §. sacram, illic, quia præsente*. Dubium autem non est, quin ut alius dat aut faciat, res sit eiusmodi, quæ possit fieri natura. Ergo huius iuris rationem reddidit Paulus hoc loco, quia *inter stipulantes*, inquit, *et promittentes, negotium contrahitur*. Si *negotium* hic intelligimus stipulationem, ratio adversus eum facit: nam et cum quis promittit alium daturum, facturumve, contrahitur stipulatio inter stipulantes et promittentem: unde concludi oportet etiam hic stipulationem recte contrahi, et inde obligari promissorem. Sed *negotium* accipi debet, negotiam, res, seu causa dandi sciendique de quibus conficitur stipulatio. Hoc negotium inter stipulantes et promittentem contrahitur, id est, contrahi debet, ut stipulatio valeat, seu iure contrahitur, non aliter. Ut illud apud Iustinianum. *Inst. eod. in prin. verbis stipulatio contrahitur*, valet, verbis contrahitur, non aliter. Item illud, ex *L. continuus, §. 1. infr. stipulatio ex utriusque consensu perficitur*, declarat, perficitur, non aliter. Hæc ratione posita, a qua exorditur Paulus, recte inferit id de quo quæritur: itaque, inquit, alius pro alio promittens daturum, facturumve eum, non obligatur. Nondum tamen intelligebatur, quam recte hoc ex illo colligeret. Ideo id recte colligi ostendit subiecta ratione: huc enim referri oportet, quod sequitur; *nam de se quemque promittere oportet*. Nimirum ad id efficiendum, quod intulit, assumi ita oportebat; at cum quis alium daturum, facturumve promittit, negotium inter stipulantes et promittentem non contrahitur. Id vero intelligi vult superiore ratione: ideo enim in proposito non contrahitur negotium inter stipulantes et promittentem, quia ut negotium sit cum promittente, eum de se promittere oportet; quod is non facit, qui promittit de alio: recte igitur colligit eum, qui ita promittat,

non obligari. Res erit planior, si argumentatio suis partibus exposita recto ordine proponetur, et subiunctis, utriusque partis rationibus. Est vero de sententia Pauli ut mihi videtur, hæc argumentatio: In stipulatione negotium seu res, quæ geritur, inter stipulantes et promittentem contrahi debet, ut si inter eos, eius rei obligatio constituta quæsiadmodum debet et in omni alio contractu inter contrahentes: alioqui nulla stipulatio, nullus contractus est. Cum autem quis promittit alium daturum, facturumve, res seu obligatio inter stipulantes et promittentem non contrahitur. Nulla igitur hæc stipulatio, nec ex ea promissor obligatur. Quod sit negotium inter stipulantes et promittentem contrahi debere, ut aliquid agatur, sumit per confesso: sic autem demonstratur. Necesse est enim rem, seu id quod dari, fieri debet ex stipulatione, aut iuxta stipulantes et promittentem contrahi, aut inter alios. Non potest inter alios; quia res inter alios acta aliis non nocet, toto Tit. *res int. al. act. vel iud. alijs non noc. C.* restat, ut contrahi debeat inter eos; inter quos negotium geritur, conficitorque stipulatio. Quod subicimus, negotium seu rem non contrahi inter stipulantes et promittentem, eam quis promittit alium daturum, facturumve, assumptio est, quam Paulus prætermisit; sed pro ea subiecit eius assumptionis rationem. Cum enim ait, *namque de se quemque promittere oportet*, periunde est quasi diceret, nam hic non contrahitur negotium cum promittente, propterea quod de se quemque promittere oportet, si obligationem, de qua contrahenda agitur, secum constitui vult, quod is non facit, qui de alio promittit. Quod si apertius simpliciusque dicendum est, et vere; ideo qui alium daturum, facturumve promittit, non obligatur, non qui promittit de alio, quasi, persona alterius expressa, hic quidquam impossibile aut irreprobatum habeat stipulatio, sed qui de alio promittendo, non promittit de se: de se autem quemque promittere oportet, si obligari vult, ut inquit Paulus. † Cor. Iam 2 non obligatur, qui de se non promittit, seu qui non promittit se daturum, facturumve, dux sunt causæ: una, quod non consentit, ut det, aut faciat; altera, quod id non promittit: quarum utraque per se sola ex regulis communibus stipulationum ad impediendam stipulationem est satis. Primum hoc ceteri iuris est neminem obligari, ut det, aut faciat, nisi qui in id consenserit, ut det aut faciat. Nulla enim ex con-

tra-

tractu obligatio sine consensu, ne ex stipulatione quidem. *L. 1. §. 1. sup. de pac. hac L. §. 1.* At qui in stipulatione non promittit se daturum facturumve, non consentit in hoc, ut det, aut faciat. Unde enim colligitur hic consensus nisi ex verbis, quibus id promittat? quæ nulla esse confitemur: agimus enim de eo qui non promittit se facturum. Proinde qui se daturum aut facturum non promittit, consensu dandi faciendive remoto, ut det aut faciat, obligari non potest. Quod si aliquem velle dare aut facere proponamus; non tamen satis est ad eum obligandum, nisi etiam promittat verbis se daturum aut facturum. Constat enim stipulationis interrogatione; sed constat etiam promissione. *L. 1. C. de usur. L. 1. C. de cont. et com. stip.* tantumque debetur ex stipulatione, quantum promissione continetur. *L. quidquid, infr.* Ita fit, ut quem fatemur de se non promittere, hunc eandem ex stipulatione non obligari fateri cogamur. Ratum igitur hoc esse debet, quod et pro explorata ratione ponit Paulus, de se quemque promittere debere, si eum obligari volumus; et quod idem est, neminem obligari posse ex stipulatione secundum regulas conventionum omnium, et maxime stipulationis, si non promittat se ipsum daturum aut facturum. At qui nihil de se promittit, nihil promittit se daturum, facturumve, qui alium daturum aut facturum promittit, eoque nec ut det ipse, aut faciat consentit: nisi forte alterius factum mentem factum est, aut alterius obligatio mea obligatio dicenda est. Necessè est igitur eum, qui id faciat totidem de causis secundum regulas iuris non obligari. Quamobrem et alibi recte dicitur in universum factam alienum promitti inutilem, *d. L. sicut, infr.* de *fid.* ubi scilicet neque obligetur is, qui promittit, quia nec voluit obligari, nec si vellet, promissit: neque is de quo promissum est, quia certum sit ex alterius contractu neminem obligari. *L. 3. C. de uz.*

3 *pro. mar.* † Cum hanc stipulationem esse inutilem, cum promissorem ex ea non obligari dicimus, perspicuum est hoc dici, eum, qui promissit alium daturum, facturumve, non videri promississe se coraturum, ut ille alius det ut faciat, quod quidam putant: alioqui utilis esset stipulatio, et hæcenus obligaretur ex ea promissor: de quo plura diximus ad *B. stipulatio iusta, in princip.* † Non tamen omnes omnino inutiles stipulationes sunt, quibus factam alienum verbis promittitur. Dux species exceptæ: † prætoris stipulatio, rem ratam dominum habitatorum, quæ domino ra-

tum non habente, quod a procuratore actum est, committitur in id quod stipulatoris interest. *L. si commissio, L. si procurator, infra, rem rat. hab.* et hæc conventionalis, quæ quis promittit certam personam pro se fideiussuram. *L. qui autem, §. 1. supra, de pecun. constitut.* Excipiendam ratio hæc fuit. Nam quod ad prætoriam attinet rem ratam haberi, hæc ut et reliquæ prætoris, legem et interpretationem accipit ex mente Prætoris, qui eam proposuit. *L. in conventionalibus, supr.* Constat autem edicto exigi a procuratore actoris ea gratia, ut hæc cautione reo consulatur adversus incertitudinem iudicii: periculum est enim, ne iterum dominus de eadem re experiat. *L. servum, §. ult. supra, de proc.* Insitit de satid. in *prin. vers. procurator* vero. Naque porro aliter his verbis, *dominum ratum habiturum*, reo consuli potest, quam si quandoque domino iterum agente stipulatio committatur in id, quod stipulatoris interest. Unde et hoc ipsum agi, ut id præstetur, intellectum est. Illa autem stipulatio, illum fideiussurum spondes? ex ea obligatione, ad quam referunt, interpretationem certam accipit: quoniam enim id agitur, ut reus præstent, aut futuræ obligationis causa det fideiussorem; existimari debet, quidquid reus de futura alterius fideiussione cavet, eum ad id retulisse, cuius causa de fideiussore cavebatur, nimirum ut ipse fideiussorem daret. Sic solent etiam alii in rebus ex iis, quæ præcesserunt, ea quæ sequuntur, cum ad illa referuntur, interpretationem capere, et certa fieri. *L. si servus plurium, §. ult. supr. de leg. 1. Arg. in L. Titia, §. 1. infr. eod.* Cum autem constat quid actum sit, etiam in stipulationibus id sequimur: non id quod scriptum est. † In hoc numero non recte excipiamus, opinor, stipulationem addiciam, servum forem non esse, fugitivum non esse, cronem non esse, servum esse, et si quibz est, de quo in mancipii venditione edicto Adiles cavere iubent: de quo genere est in *L. si ita quis, supr. de evict.* Etsi enim si verba spectantur, stipulatio est inutilis: ra et sententia valet, ut in duabus causis proxima exceptis. Hic tamen venditor de præsentis conditione rei promittit: de facto alieno æquiquam, nisi præterito, quod huc non pertinet: ubi factum alienum inutiliter promitti intelligi volumus, cum quis promittit alium daturum, facturumve in futurum. Sed etsi venditor promittit in posterum servum non vitiosum fieri, quæ etiam in specie placet sti-

stipulationem valere, quæ verbis videtur continere rem impossibilem: L. 3. C. de act. act. tamen ne hanc quidem recte raterimus inter exceptiones superioris regulæ: quoniam ad regulam non pertinet. His enim verbis, *servum in posterum vitiosum non futurum*, puta non furem, non fugitivum, non errorem, non promittit venditor servum aliquid venditori facturum aut non facturum, sed mores servi non mutatum iri in deterius. Ita semper de conditione rei promittit, etsi promittit de futura. Species potius ad genus impossibilitatem stipulationum referendæ sunt, inter quas et hæc habentur, si spectetur res, quæ verbis promittitur, ut declaratur d. L. si ita quis, de evict. et d. L. 3. C. de act. act. Sed sententia contrahentium excipiuntur ex eo genere, quia enim ad hanc ventum est, intelligitur promitti id, quod stipulantis interest rem talem esse aut non esse, qualem venditor affirmavit, et promisit, ut sit in omnibus, quæ venditor de re dixit, aut promisit. L. sciendum, in princ. et §. 1. sup. de act. ed.

7. Et qui spondet.† Quam recte res, ut videntur, tam diversas misceat Paulus, quæri potest. Credibile est hæc sumpta esse ex eo loco, ubi Paulus disserebat de hac stipulatione, dolum malum abesse, absturnumque esse spondere et de similibus, quarum hic meminit. Initio autem ita stituisse, si quis spondeat dolum malum abesse a se heredeque suo, recte spondere; de se enim promittit. Sin spondeat dolum malum abesse etiam ab alio, quatenus id facit, eum non obligari; hæc ratione addita, quia factum alienum promittat, hoc autem qui faciat, iure non obligetur. Hinc per occasionem obiter huius iuris reddidisse rationem, illam videlicet, quæ initio huius capituli posita est. Et certe extat de huiusmodi stipulatione disputatio Ulpiani eodem ordine, et eadem ratione tractata in L. stipulatio ista, in princ. sup. eod. Hæc qui initio disseruit Paulus, nihil facit alienum ab instituto, si pergens de eodem genere subicit quod sequitur, stipulationem hanc videlicet, dolum malum abesse a te heredeque tuo, et similes in non faciendo conceptas, quas commemorat, non simplex abnuntivum continere, sed faciendi quoque promissionem habere adiunctam fore, ut promissor curet, ne fiat, quod ipse se non facturum promisit. Continent illæ quidem, seu spondent, ut ille loquitur, abnuntivum, idest, rem in abnuendo, idest, negando seu non faciendo positam: nam his verbis dolum a me heredeque meo abesse, abfu-

turumque esse spondeo, hoc declaratur, nihil dolo feci aut faciam, heresque meus. Similiter his verbis, tibi per me rem habere licere spondeo, hoc dici intelligitur, per me non futurum, seu me non facturum, quominus, tibi habere liceat, ut docui ad L. 3. sup. De illa tertia stipulatione non dubitatur, per te non fieri, neque per heredem tuum, quominus mihi ire agere liceat: nam hæc verbis ipsis negationem expressam habet. Sed etsi superiores stipulationes ita in non faciendo sunt, ut diximus, in quo ille abnuntivum sponderi ait; non tamen simplex, inquit, idest, non solum abnuntivum spondent: quod significat non esse solum eas in non faciendo: sed in his promissor de facto quoque suo hoc cavet curaturum se, ut dolum malum absit; ut stipulator non interpelletur, quominus rem habeat; ut ne prohibeatur, quominus eat agat. Quod et scriptum est in L. in illa, 50. sup. Atqui verba in non faciendum tantum concepta sunt, nec quidquam aperte de hac cura præstanda adieciuntur; quare in stipulatione plus esse interpretari debemus, quam verbis continetur. L. quidquid, infr. eod. Unde igitur huius facti obligationem in hanc stipulationem admittimus? ex verbis ipsis. Ideo Paulus enim, qui spondet dolum malum abesse absturnumque, non dicit obligari, ut curet, ut dolum absit; sed dicit aperte eum spondere curaturum se, ut dolum malum absit. Et recte. Superiorum enim stipulationum verbis hoc cavetur, ne quid promissor dolo, aut vi faciat adversus id, de quo cautum est. Manifestum est eum dolo facere, qui alium contra facientem patitur, si prohibere potest. Arg. in L. nullum, infr. de reg. iur. Verbis igitur hoc cavet se eum non passurum. Hoc autem nihil aliud est, quam spondere se daturum operam, ne id fiat, et quod in se erit, prohibendum. De vi et iniuria notum est illud Ciceronis, Lib. 1. de offic. etiam facere videri eum, qui non propulsat, si potest, iniuriam. Quare et his verbis non faciam, quominus rem habeas, quominus eas, agas, hoc continetur, alium facientem, quem prohibere possim, non feram, eoque etiam ne faciat, curabo. Dixi, quem prohibere possim: quia adversus eum, quem non possum, nulla cura aut diligentia proficitur. L. ad eos, sup. com. L. si ea res, sup. de act. em. Quo intelligi volumus ex his stipulationibus non teneri promissorem ob dolum et factum alienum, nisi is faciat, quem promissor possit prohibere; de quo dixi plura ad L. stipulatio ista, in pr.

Ad §. Si Stichum stipulatus.

Si Stichum stipulatus, de alio sentiam, tu de alio: nihil actum erit; quod et in iudiciis Aristo existimavit. Sed hic magis est ut is petitus videatur, de quo actor sensit. Nam stipulatio ex utriusque consensu valet: iudicium autem etiam in invitum redditur: et ideo actori potius credendum est: alioquin semper negabit reus se consensisse.

SUMMARI A.

1. Stipulatio non nisi ex utriusque consensu valet.

2. Dissensus in corpore quatenus stipulationem vitiet.

3. Dissensus quomodo declaretur.

4. Dissensus actoris et rei, iudicium non sit irritum.

5. Dissensus quatenus emptio vitietur.

1. Stipulatio conficitur verbis, unde dicta verborum conceptio: *L. 5. §. stipulatio, supr.* sed ita, ut non valeat, nisi ex stipulantis et promittentis consensu. Commune hoc omnium contractuum. *L. 1. §. 1. supr. de pact.* speciatim autem confirmatur de stipulatione hoc loco, et in *L. continus, §. 1.* adiecto utrobique exemplo. †

Nam si Stichum stipulatus de alio sentiam, tu de alio, placet non obligari te, ut præstes saltem, quem putes minimi pretii ex his servis, quos habes hoc nomine: sed omnino nihil actum esse: itaque ne vilissimum quidem a te peti posse. Sed hoc ita est, si re vera stipulator de alio sentiat, promissor de alio, deque eo constabit: nam in re dubia hoc sequimur, ut stipulatio valeat potius, quam pereat. *L. quoties in supr. L. quoties in actionib. l. ubi, supr.*

3. de reb. dub. † Sic autem constabit, si stipulator sensisse se de certo dicat, eumque petat, promissor dicat et probet se sensisse de alio. Primum volumus stipulatorem ita intendere, ut certum Stichum petat, et dicat se de eo cogitasse. Non abs re: nam si verbo Stichi neget se intellexisse hunc aut illum certum, sed cum promissor plures haberet eiusdem nominis, dicat se quemlibet ex iis stipulatum esse, non poterit promissor dicere se sensisse de alio: cum stipulator communi verbo omnes Stichos sit complexus, et promissor eodem verbo respondens in unum aliquem consenserit. Itaque valebit stipulatio hoc casu etiam ex consensu. Solum quia ambigua oratio est, eoque incertum, de quo Sticho contrahentes senserint, hactenus obligabitur promissor secundum regulas iuris, ut ambiguitas noceat stipulatori, ac propterea promissori liceat, quem velit ex iis, quos habet, dare. *L. stipulatio ista, §. in stipulationib. supr. L. cum queritur, supr. de reb. dub.* Primus ergo ad hunc dissensum declarandum gradus est,

ut dicat stipulator se de uno certo sensisse. Quod si promissor non negabit, non erit opus ad id probandum alia probatione, quando adversarii confessione pro vero habebitur. Sin negabit, sic probari potest, si stipulator dicat se hunc solum nosse hoc nomine, quem promissor haberet; an haberet alios ignorasse. Quod ideo probabit, quia facti alieni ignorantia est, ut tolerabilis, sic et probabilis *L. quanquam supr. ad S. C. Vell. l. ult. supr. pro suo.* Mitto conventionem præcedentem; quæ etsi potuit esse de certo Sticho; magis tamen tunc locum habet, cum queritur, quid actum sit. Hoc constituto stipulatorem sensisse de certo Sticho; hoc sequi volumus, ut promissor dicat se sensisse de alio suo, qui sit eodem nomine; nec dicat tantum, sed etiam probet: nam cum dicat, ipsum probare oportet. *L. 2. supr. de prob.* Probabit autem, aut si doceat se nominatim dixisse antea, de quo sentiret, aut si probet nescivisse se eum servum se in bonis habere, de quo stipulator dicit; vel quod alibi emptus esset ipso ignorante a procuratore eius, vel quod nunciatum ei esset antea pro certo eum servum decessisse. Neque enim videri potest quisquam de ea re ut sua cogitasse, quam an haberet, ignoravit. *L. qui cum tutoribus, §. ult. l. non est, supr. de trans.* Hæc cum ita constabunt, tum vere dicetur stipulationem nullam esse, quia in Stichum consensum non sit: de quo hic agitur. Itaque nihil obstat illa, in ambigua stipulatione id agendum esse, ut stipulatio sit in tuto, *d. l. quoties in supr.* Item cum queritur, quod actum sit, verba contra stipulatorem interpretanda esse, *d. l. stipulatio ista, §. in stipulationib. d. l. cum queritur, de reb. dub.* Hæc enim omnia dicta sunt de interpretatione ambiguae stipulationis: locum non habent in re certa. † Adversari tamen vi- 4 de-

debat superior sententiæ exemplum iudici: in quo si quis Stichum petierit ab eo, qui duos huius nominis haberet, quique simpliciter negasset se Stichum debere, deinde probationem conferat in certum hominem; placuit hunc ipsum Stichum esse spectandum, de quo actor dicat se sensisse; et quamvis reus se de eo sensisse neget, ac paratus sit etiam id probare, ut supra probari posse diximus, tamen non esse audiendum, sed et iudicium consistere nihilominus, et de eo ipso Stichio iudicium fieri oportere: non tantum quia in re dubia actori potius credatur, quam reo, ut hic scriptum est; sed etiam quia etsi constaret reum dissensisse, tamen in intentione ambigua id accipiendum sit, quod actori sit utilius, ne aliqui iudicium sit elusorium. *L. si quis intentione, L. solemus, sup. de iud.* Quod quam recte constitutum sit, alibi scripsimus: neque est huius loci, ut de eo plura dicamus. Solum hoc queritur, an exemplum iis adversetur, quæ de stipulatione Stichi diximus, cum similiter stipulator de uno sensit, promissor de alio. Et videri potest maxime adversari. Ne quis enim argumentum ut dissimile repndiet; duo hæc in consensu comparantur, iudicium et stipulatio; traditurque ut stipulatione, sic iudicio contrahi. *L. 3. §. idem scribit, sup. de pecul.* Ob hanc causam Paulus cum de stipulatione dixisset, convenientissime de iudicio subiecit, ut obiectionem removeret. Diluit autem ad hanc sententiam: exemplum nimirum ideo non ob stare, non quod in iudiciis idem dicendum sit, quod in stipulatione, ut Aristonem Paulus refert existimasse, citius sententia displicuit; sed quia stipulatio ex utriusque consensu valet; iudicium autem etiam in invitum redditur. Recte pugnant enim inter se, in iudicium consentire, et iudicium invitum et nolentem accipere. Non est igitur necesse ad iudicium accipiendum, ut consentiat reus in rem, quæ petitur, de qua etiam si nolit, accipere iudicium cogitur. At enim iudicio contrahitur itidem ut stipulatione, ut paulo ante diximus. Contrahitur, nec sine consensu; sed ita, si spectetur id, quod fit, cum iudicium accipitur. Etsi enim cogitur reus accipere: tamen coactus vult, cum suscipit, ut de eo responsum est, qui coactus adiit hereditatem. *L. si mulier, §. si metu, sup. quod met. caus.* At si spectetur initium rei ge-

rendæ, non consentit, qui cogitur, cui si liberum esset, iudicium non acciperet. § 5 Quod iuris est de stipulatione; hoc idem multo magis de emptione Stichi dicendum est, nullam esse hanc emptionem videlicet, ubi venditor de alio senserit, emptor de alio: cum emptio non solum desideret consensum, ut cæteri contractus; sed etiam ex eorum genere sit, qui perficiuntur solo consensu; idque de hac specie ita traditum est in *L. in venditionibus, sup. de cont. empt.* Sed hoc ita est, si Stichus principaliter venditus sit. Quod si venditus erit fundus, cuius in emptione dictum sit Stichum servum accedere; etsi de alio emptor, de alio venditor senserit, placet nihilominus fundi venditionem valere. *L. si in emptione, sup. de cont. empt.* Merito: neque enim propter dissensum, qui circa accessionem intervenit, irritam fieri oportet venditionem principalis rei, in quam consensum est. Alioqui eveniet, quod est præposterum, ut principalis causa accessionem sequatur, non accessio causam principalem: quod contrario modo fieri oportet; idque iure ita comprobatum est. Itaque principali causa non subsistente, placuit non esse accessionibus locum: *L. cum principalis, infr. de reg. iur. l. si cum, §. qui iniuriarum, sup. si quis caut. §. fideiussores, Inst. de fideius.* illa per se consistente, accessiones sequuntur, et adiunguntur dumtaxat, non mutant rem principalem. *L. 4. §. si ex conventionem, sup. de re iud.* Quod ipsum et in hac specie emptionis accidit: constante enim fundi venditione, de qua diximus, scriptum est in *d. L. si in emptione.* Stichi conventionem non inutilem futuram, sed hunc etiam accessurum. Recte hoc quoque ne decipiatur emptor, si fundum habeat sine Sticho, cum Stichum accessurum dictum sit. Adicitur ibidem eum Stichum deberi, quem venditor intellexerit: cui an contrarium sit, quod a veteribus traditum est, in emptione obscuram et ambiguum pactationem venditori potius nocere: *L. veteribus, sup. de pact. L. Labeo scripsit, sup. de contr. empt.* nihil ad hunc locum pertinet querere, sed ad emptionem. Satis est nunc intelligi, quod de vi emptionis in accessione diximus, tametsi in accessione consensum non sit, nihil tamen cum hoc loco de Sticho principaliter in stipulatum deducto pugnare.

Ad §. Si stipulante me.

Si stipulante me Stichum aut Pamphilum, tu unum daturum te sponderis: constat non teneri te, nec ad interrogatum esse responsum. Diversa causa est summarum: veluti, *Decem aut viginii dare spondes?* hic enim et si decem sponderis, recte responsum est: quia semper in summis id quod minus est, sponderi videtur. Item si ego plures res stipuler, Stichum puta et Pamphilum: licet unum sponderis, teneris. Videris enim ad unam ex duabus stipulationibus respondisse.

De Sententia huius loci dixi ad L. 1. §. pen. *supr.*

Ad §. Sacram, vel religiosam rem.

Sacram vel religiosam rem, vel usibus publicis in perpetuum relictam, ut forum aut basilicam, aut hominem liberum inutiliter stipulor, quamvis sacra prophana fieri, et usibus publicis relictia in privatos usus reverti, et ex libero servus fieri potest. Nam et cum quis rem prophanam, aut Stichum dari promisit, liberatur si sine facto eius res sacra esse coeperit, aut Stichus ad libertatem pervenerit: nec revocantur in obligationem, si rursus lege aliqua et res sacra prophana esse coeperit, et Stichus ex libero servus effectus sit: quoniam una atque eadem causa et liberandi et obligandi esset, quod aut dari non possit, aut dari possit. Nam et si navem quam spondidit, dominus dissolvit, et iisdem tabulis compegerit: quia eadem navis esset, inciperet obligari. Pro quo et illud dici posse Pedius scribit: 'Si stipulatus fuero ex fundo centum amphoras vini, expectare debeo donec nascatur; et si natum sine culpa promissoris consumptum sit, rursus expectare debeam donec iterum nascatur, et dari possit: per has vices aut cessaturam aut valituram stipulationem. Sed hæc dissimilia sunt. Adeo enim cum liber homo promissus est, servitutis tempus spectandum non esse, ut ne hæc quidem stipulatio de homine libero probanda sit, *Illum, cum servus esse coeperit, dare spondes?* item, *eum locum cum ex sacro religiosoque profanus esse coeperit, dari?* quia nec præsentis temporis obligationem recipere potest: et ea dumtaxat, quæ natura sui possibilita sunt, deducuntur in obligationem. Vini autem non species, sed genus stipulari videtur: et tacite in ea tempus continetur. Homo liber certa specie continetur: et casum adversamque fortunam expectari hominis liberi, neque civile, neque naturale est. Nam de his rebus negotium recte geremus, quæ subici usibus dominioque nostro, statim possunt. Et navis si hac mente resoluta est, ut in alium usum tabulæ destinarentur: licet mutato consilio perficiatur, tamen et perempta prior navis, et hæc alia dicenda est. Sed si reficiendæ navis causa omnes tabulæ reflexæ sint, nondum intercidisse navis videtur: et compositis rursus eadem esse incipit: sicuti de ædibus deposita tigna ea mente ut repouantur, ædium sunt. Sed si usque ad aream deposita sit, licet eadem materia restituatur, alia erit. Hic tractatus etiam ad prætorias stipulationes pertinet, quibus de re restituenda cavetur, et an eadem res sit quaeritur,

SÛM-

SUMMARI A.

1. *Rebus, quæ dari non possunt in stipulationem deductis, non consistit obligatio.*
2. *Rerum, quæ dari non possunt tria genera.*
3. *De stipulationibus inutilibus generalis definitio.*
4. *Rei impedimento sublato, an quæ ab initio non subsistebat, convalescit stipulatio.*
5. *Stipulatio ab initio recte contracta, si res postea in commercio esse desinat, quatenus promissor liberetur.*
6. *Obligatio ab initio recte contracta, et propter impedimentum interveniens extincta,*

an impedimento cessante restituatur.

7. *Series disputationis in hoc § ostensa, eiusque lectio restituta.*
8. *Servus legatus si interim manumittatur, et postea servus denuo factus sit, an debetur.*
9. *L. 5. supr. de trit. vin. et ol. leg. declaratur.*
10. *Ædificium sublatum, et eadem specie ac qualitate repositum, an idem, quod ante fuit esse intelligatur.*

1. **D**E rebus quæ dari non possunt, ita traditum est in *L. si stipulor*, 35. *supr. eod.* obligationem non consistere, cum quid earum rerum dari stipulor: qui locus explicatur hic a Paulo diligentius. Et sane multo patet latius, quam ut superiore definitione continetur. † Earum rerum, quæ dari non possunt, tria sunt genera. Aut enim res non est in rerum natura, nec esse potest, ut homo mortuus, hippocentaurus: aut est quidem, sed exempta hominum commerciis; cuius generis sunt, quæ dicuntur divini iuris, res publicæ, quæ publicis usibus destinatæ sunt, liber homo: divini iuris res, sacræ, religiosæ, sanctæ. *L. cum servus*, §. ult. *supr. de l. leg. sed Celsus, supr. de contr. emp.* Aut est etiam res in commerciis hominum, sed nostra stipulantium: quod enim nostrum est, amplius nobis datum, idest, nostrum fieri non potest. §. *sic itaque, Inst. de act.* Hæc genera rerum ordine persecutus Iustinianus in *princ. tit. de inut. stip. et §. 1.* totidem dicit esse earum, quas si stipulemur, inutilis sit stipulatio. Hoc loco sic agit Paulus de iis tantum, quæ non sunt in commerciis, ut tamen sub una specie definitionem universi generis ad omnes species pertinentem, tradi intelligere debeamus; uno hoc excepto, si rem nostram sub conditione stipulemur, de quo postea. Nam ut initio monui, sic de his rebus comprehensum est in *d. l. si stipulor*: ut dicatur non consistere obligatio, si quid earum stipulor: idemque traditur in *princ. tit. de inut. stip.* Sed non omnia in hac definitione posita sunt; quæ ad stipulationem earum rerum pertinent. Itaque adhibetur hic locus, in quo ea Paulus complexus est, quibus similia legimus in §. *nec in pendenti*, et §. *item contra*, *Inst. de inut. stip.* † Est autem hæc summa: non solum stipulationem esse inutilem, cum dari stipulor id, quod dari non potest; sed generaliter stipulationem non consistere, in qua eiusmodi aliqua res stipulatio-

ne continetur, sive ab initio talis deducta sit in stipulationem, sive eventu talis esse coeperit, ut dari non posset. Ad hæc cum semel ob eas res stipulatio inutilis constituta fuerit, sive ab initio, sive postea, exinde ita stipulationem inutilem esse, ut quamvis mutata sit postea conditio rei, et impedimentum sublatum, tamen, nihilo magis stipulatio convalescat. Sed ordinem rerum cum Paulo secuti, de iis agamus prius, quæ ab initio stipulationis tales sunt, ut dari non possint. *Sacram rem*, inquit, *religiosam, publicam, liberum hominem inutiliter stipulor*: neque aliud de cæteris generibus iudicandum est, ut apud Iustinianum *Inst. de inut. stip.* §. 1. Hoc quidem certi iuris est talem esse stipulationem, quando res in stipulatum deducta talis manet: perseverat enim impedimentum. † At quid, si res sacra prophana, publica privata, servus liber factus sit? an non ea causa sublata, quæ stipulationi obstat, stipulatio valebit? Arg. *L. quod dictum, supr. de pact. et in omnibus causis id, infr. de regul. iur.* Non valebit. Prohibet regula Catoniana, quæ ad stipulationes quoque translata est, Arg. in *L. cætera*, §. 1. *supr. de leg. 1.* qua efficitur quod initio vitiosum est, non posse tractu temporis convalescere. *L. quod initio, infr. de reg. iur.* quod significatur hoc loco illis verbis, *quamvis sacra, prophana fieri, et in pendenti*, *Inst. de inut. stip.* Et merito non convalescit. Esse enim oportet, quod aliquo facto confirmari volumus, quod autem initio vitiosum est, quia contra ius est, perinde habetur, quasi gestum non esset. *L. non dubium, C. de leg. l. quoties, supr. qui satisd. cog.* Atque hoc rursum certum est, si quidem quod dari non potest, stipulemur pure, aut in diem: quibus in causis non suspenditur obligatio in eventum, sed statim a principio aut nascitur, aut nulla est. At quid, si stipulemur sub conditione, et

tem—

contrariæ causæ esse intelligi debeant, contrariæ effecta; sed etiam eodem Paulo auctore et interprete facimus, qui eandem sententiam expressit alibi his verbis, *fere quibuscunque modis obligamur, iisdem in contrarium actis liberamur*. L. fero, *inf. de reg. iur.* Proinde quæ causa est, ut quis liberetur, eadem vere est, cur ab initio non obligetur, et contra: et si planius dicendum est, eadem liberationis postea constitutendæ causa est, quæ ab initio obligationis non contrahendæ. Ut enim liberatur quis, quia res dari iam non potest; sic ab initio ob eandem causam non obligatur. Et contra, quæ causa est non constituendæ liberationis, eadem est ab initio obligationis contrahendæ: hæc nimirum, quod res et initio et etiam nunc dari potest. Quod si eadem vere et simpliciter liberationis causa est, quæ obligationis non contractæ, eandem quoque vim, eundemque effectum eius causæ in liberatione esse oportet. At in obligatione contrahenda hæc causa, *quod res dari non potest*, hoc efficit, ut ab initio nulla sit obligatio, quæ postea possit confirmari. Quare et ipsa postea incidens hoc idem efficit, ut ex illo nulla obligatio esse incipiat. Quæ res faciet, ut non magis possit convalescere postea, quam si ab initio non constitisset.

Ait, *Nam etsi navem*. Sic in Pandectis Florentinis legitur: sic et in omnibus aliis exemplaribus scriptum esse omnes consentiunt. Sed perspicuum est particulam hanc, *nam*, non posse convenire huic loco: est enim rationalis, quæ rationem subiicit et confirmationem præcedentium. Nunc autem apparet ea, quæ subiiciantur a Paulo, manifestam habere reprehensionem præcedentis sententiæ. Sed et illud animadvertere possumus, in verbis sequentibus positum esse a Paulo id, quod priori sententiæ obiceret. Declarant illa verba huic parti postea subiecta, *Sed hæc dissimilia sunt*; quæ dissolutionem non minus alicuius objectionis præcedentis, sed plurium manifestum continent. Itaque non miror, si eruditi etiam interpretes, dum hanc lectionem retinent, et invita sententia pro ratione prioris sententiæ id habent, quod illam aperte oppugnat, non in modo non sunt assecuti hunc locum, sed etiam totam eius sententiam perverterunt. Sed non est animadversio difficilis: in his enim duobus verbis, *nam et*, retineamus eandem literas, et transponamus: reperiemus pro, *nam et*, esse tamen: quæ particula cum sit adversativa, et objectioni proponendæ serviat, huic loco convenientissima est. Et vero

necesse est eam ita restitui: subiicit enim Paulus, quæ sibi obiciat, quæ deinde post, ut apparet, dissolvit: ut sit contextus huiusmodi: *Obligatio semel subijata postea nulla mutatione rei revocatur*. Tamen aliter videri potest; idque probari harum rerum argumentis, quæ sequuntur. Ergo argumenta hæc quæ sint, videamus. Ea sunt duo. Prius sumptum a nave, huiusmodi; stipulatus sum a te navem alienam: si dominus eam navem postea dissolverit, extinguitur obligatio; certe navis in ea causa esse incipit, ut dari non possit. Et tamen si dominus dissolutam navem rursus compegerit, incipit navis deberi, quia et dari posse coeperit. Ergo et in servo promisso idem dicendum est, si is manumissus sit primum, deinde rursus casu aliquo in servitutem reductus fuerit. Alterum argumentum sumptum est a fructibus, estque huiusmodi: stipulatus sum centum amphoras vini, quod nasceretur ex illo fundo: si hoc anno vinum natum sit, deinde sine facto promissoris amissum, res incipit in ea causa esse, ut vinum iam dari non possit. Et tamen si sequentibus annis natum sit ex fundo, eius vini amphoræ debebuntur, quia iam dari posse coepit. Quare et in servo promisso primum manumisso, deinde rursus iterum servo facto idem probandum est.

Ait, *sed hæc dissimilia sunt*. Solutio est propositæ objectionis, in qua prius respondet de fructibus ad hanc sententiam: non esse mirum, si servus ab initio promissus, deinde liber factus, desinat omni modo deberi, quamvis denuo postea servus esse incipiat; propterea quod *cum liber homo promissus est*, inquit, *servitutis tempus spectandum non est. Cum liber promissus est*, sic accipe non tantum si ab initio stipulationis liber fuit, sed etiam si servus qui promissus erat, per id tempus quo promissus manet, liber esse coeperit, de quo præcipue queritur, et ad quem obiectio superior de fructibus collata est. Huius libertas, quæ præcessit, faciet, ut aut iam ab initio non debeat, aut postea desinat deberi: servitutis vero postea secutæ tempus non est spectandum. Cur autem non sit spectandum, probat hoc modo; primum quia non ita sit promissus homo liber, seu per id tempus, quo liber erit, ut si servus postea fiat, debeat: deinde quia etsi promittatur nominatim hac conditione, si servus esse coeperit, tamen inutiliter promittatur: quoniam, inquit, *ea dumtaxat, quæ natura sui possibilia sunt*, id est, dari, fieri possunt, re-

cte deducuntur in obligationem. Cuius generis non est homo liber, qui ita dari non potest, ut non possit natura sua, secundum quam non magis aliis dari potest, quam nobis: aliter atque res nostra, quæ dari quidem nobis non potest; at dari potest aliis. Unde placuit non ob stare eius naturam, quominus eam sub conditione recte stipulemur. *L. si rem meam, supr.* Utrumque horum dissimile est in fructibus. Fructus si promissi sint, qui ex fundo nascentur, et primo anno nulli percepti sint, aut percepti, sine facto promissoris consumpti; expectantur secundi anni fructus, et debentur, quia et promissi sunt, et vero promitti potuerunt. Promissos esse hinc probat, quod promissis fructibus non promittimus speciem certam alicuius anni, ut quis dicat ea specie consumpta nihil deberi; sed promittimus genus, seu fructus in genere, id est, non huius aut illius anni, sed omnium annorum fructus. Promitti potuisse non probat, quia non fuit necesse; sunt enim fructus rei privatæ et ipsi privati, eoque et natura sua in hominum commercii. Proinde fructibus promissis, quamvis non fuerit primo anno aut secundo, quod daretur, tamen sequentium annorum fructus expectandi sunt, cum poterunt dari, cum propter naturam rei promissæ, tum propter conventionem verbis comprehensam. Diceret aliquis, quod fit in fructibus futuris, idem et in homine libero admitti debuisset: cur enim behentur, et expectantur sequentium annorum fructus? quia placet expectari, donec dari possint. Et quid vetat libero homine promisso hoc idem expectari, donec aliquo casu servus esse, id est, dari posse incipiat, atque ita debeatur? Occurrit huic dubitationi Paulus in illis verbis, *homo liber*; et ostendit ideo id in libero homine expectari non posse, quia stipulatio contrahatur de eo; qui certa specie continetur, qui idem certo sit liber. Hominis autem liberi casum adversamque fortunam, id est, servitutem expectari neque civile neque naturale esse: quo significat rem et contra Ius Civile esse, et contra naturam. Contra Ius Civile; quia hoc iure non possumus contrahere, nisi de iis rebus, quæ subici usibus, dominioque nostro statim possunt: quo referri debet ratio, quam subiicit. Contra naturam; quia natura omnes homines liberi sunt; servitus contra naturam, *L. manumissiones, supr. de iust. et iur. l. 4. supr. de sta. ho.* Vel fortasse ideo contra naturam, quia tam tristis et omni-nosa expectatio de homine libero sit contra eam necessitudinem et cognitionem,

quam inter nos natura constituit. *L. 3. supr. de iust. et iu.* In cæteris rebus, quæ in commerciis non sunt, ut sacris, religionibus, publicis, cur placeat has inutiliter permitti etiam addita hac conditione, si scire, religiosæ, publicæ esse desierint, traditur in *L. continuus, §. pen. infr.* De nave respondet illis verbis, *Et navis si hac mente.* De ea maior est dubitatio. Nam ut in servo promisso, qui postea manumittitur, continetur certa species, et ea, quæ manumissione desinit esse ea, quæ fuerat: sic et nave promissa promittitur item certa species, ac postea dissoluta navis esse desinit, ut non abs re videri possit in utraque specie idem probandum fuisse iuxta Celsi sententiam. Et Paulus ait, si navis dissoluta sit hac mente, ut tabulæ in alium usum transferrentur, licet mutato consilio reficiatur, tamen et peremptam priorem navem, et hanc refectam aliam dicendam esse. Quo intelligi vult non aliud in hac specie probandum esse, quam de servo promisso, ac postea manumisso diximus, quamvis postea iterum servus factus sit. Nam et hic dissoluta nave extinctam esse obligationem: nec revocari eam, quamvis postea navis refecta sit; quia hæc alia navis sit, quam quæ promissa fuerat. Qua in re bene comparantur inter se dissoluta navis, et servus manumissus. Nam et servus manumissus alius homo fit; et idem si postea servus fiat, rursum novus homo esse incipit. *L. servus, §. ult. supra, de adm. legat.* Ita hactenus navis exemplum sententiam Pauli non mutat, sed confirmat. Quod si dominus dissoluerit navem, eo animo, ut reficeret, Paulus ait nondum hic intercidisse navem videri: et compositis rursus tabulis eandem esse incipere. Quibus verbis fatetur quidem restituta postea nave restitui etiam navis obligationem: sed eo fieri significat, quia nave prius dissoluta non fuerit extincta obligatio, ut accidit servo promisso manumisso, sed tantum cessaverit interim, quia tandiu vim suam exercere non poterat. Hanc rem facere, ut cum restituta navis eadem esse coepit, non tam restitnatur obligatio, quæ amissa non fuerat, quam recipiat suas vires, quas dissoluta nave, dum pendet an reficiatur necne, non poterat exercere. In quo utriusque speciei dissimilitudo perspicitur; ut ne hæc quidem parte exemplum adversetur Pauli sententiæ, obligationem senel extinctam in perpetuum non revocari.

Ait, hic tractatus etiam ad prætorias stipulationes pertinet. Dixerat idem esse in ædibus, quod prius in nave: de ædibus

bas nimirum deposita tigna ea mente, ut reponantur, ædium esse. Sed si usque ad aream deposita sit domus, licet eadem materia restituatur, aliam esse. Ait hanc distinctionem pertinere ad prætorias stipulationes, quibus de ædibus restituendis cavetur: qualis est stipulatio de operis novi nunciatio, de damno infecto, fructuaria. Propone hoc modo. Ei qui ædificare volebat, opus novum nunciatum est: is ut liceret sibi opus cæptum perficere, nuncianti promisit, se opus restitutum, si pararet eum non iure ædificasse, ut est stipulatio ex operis novi nunciatio. *L. 2. infr. de præst. stip. L. stipulatio, in pr. et §. 1. supr. de op. nov. nunc.* promissor deinde extruxit ædes, quas denno renovavit. Quæritur, an renovatas ex stipulatione superiore restituere debeat. Si sunt eadem ædes, restituere debet: si sunt aliæ, non debet. Quæstio, an renovatæ ædes sint eadem, an aliæ, quod ex supra scripta distinctione deciditur. De stipulatione damni infecti propone hoc modo: Dominus ruinosarum ædium promisit vicino se restitutum, quidquid earum ædium vitio contigisset, ut est formula huius stipulationis. *L. fluminum, §. 1. et §. quamquam, supr. de damn. inf.* is postea ædes refecit. Ille eadem incidit quæstio, utrum sint eadem ædes, de quarum vitio promisit, an aliæ. Idem quæritur et ex stipulatione fructuaria, si proponas fructuarium de ædibus fructuariis cavisse, se eas restitutum finito usufructu, cuiusmodi cautio a fructuario exigitur. *L. 1. supr. us. quem. ca.* ædes autem renovatas fuisse a proprietario. In hac tota disputatione tria sunt, de quibus aliis locis aliter scriptum videtur: quæ nobis separatim attingenda esse visa sunt, quo facilius disputatio tota Pauli intelligeretur, nullis aliis quæstionibus extinsecus adhibitis impedita. Primum pertinet ad servum promissum, deinde manumissum, *ex vers. nam et cum quis.* ubi scriptum est, cum hoc in servo accidit promissorem liberari, nec revocari servum in obligationem, quamvis idem rursus ex libero servus effectus sit.

- 8 † De servo legato contra ita scriptum est in *L. si chorus, §. ult. supr. de leg. 3.* si servus legatus interim manumittatur, et postea servus factus sit, eum postea peti posse. Atqui in hoc ipso servo legato Paalus scribit legatum manumissione extinctum esse, nec resuscitari, quamvis rursus in servitutum reciderit. *L. servus, §. ult. supr. de adi. leg.* Quomodo hæc tam varia conciliamus? et de servo legato, deinde manumisso sic habendum puto, referre plu-

Tom. XI.

rimum ad coniecturam voluntatis testatoris servum legantis, utrum servus proprius testatoris legatus sit, an alienus. Si testator legavit servum suum, deinde manumisit, legatum non debebitur, quamvis qui manumissus erat, iterum in servitutem testatoris reciderit: quæ species est *L. si servus, §. ult. de adi. leg.* quippe testator servum manumittendo, facto suo declaravit se legatum adimere voluisse; ut et existimaretur adimere, qui servum a se legatum tantum alienaret. *L. cum servus, supr. eod. de adi. leg.* Post quam ademptionem nisi quid probetur eum voluntatem mutasse, eandem ademptionem manere necesse est. Non probatur autem nova voluntas ex eo, quod qui adeptus erat, postea ad testatorem rediit, cum de novo legato nihil doceatur. Quare et manumisso iterum servo facto eadem ademptio manebit. Quod si legavit testator servum alienum, et is a domino manumissus est, extinguetur quidem legatum, cum liberi hominis legatum consistere non possit: sed si iterum in servitutem recidat, servus peti poterit, ut est in *L. si chorus, §. ult. de leg. 3.* non utique quia obligatio legati per manumissionem extincta nova conditionis mutatione reintegretur; quod neque in stipulatione, neque in legato potest fieri: sed quia testator qui eum legavit, dum ipse non manumittit, aut aliam mutata voluntatis in eo legato significationem dat, in priore voluntate perseverans eandem et postquam servus factus est, denno legare intelligitur. Non videtur autem legatum adimere voluisse is, qui nec de ademptione quidquam significavit, nec causam cur adimeret, habuit. Arg. *L. 3. in fin. et L. 4. supr. de ad leg.* Non me movet, quod in *L. si chorus, in fin.* non distinguitur, utrum servus testatoris legatus fuerit, an alienus; sed indistincte ita scriptum est, servum legatum si interim manumittatur, et postea servus factus sit, peti posse. Illis enim verbis, *servus peti potest*, non significatur eum semper peti posse, quod aperte falsum esset; quid enim si testator aperte testatus esset, se servum legatum, quamvis post manumissionem servus denuo esse capisset, tamen amplius præstari nolle? Sed hoc solum significatur eum peti posse, si nihil amplius impedit, quam manumissio, quæ præcessit. Quod et verum est, et perpetuum. Quod enim placuit servum testatoris legatum, deinde a testatore manumissum amplius non deberi, quamvis postea servus factus sit, non eo placuit, quia sit manumissus tantum, sed

sed quia testator ea manumissione aperte legatum ademerit, quam voluntatem postea non mutavit. Faciemus igitur in manumissione servi nullam talem edemptionem testatoris intelligi. Hoc relinquatur, ut perseverante eadem voluntate testatoris legatum manere debeat. Quod contingit, ubi servum alienum a testatore legatum dominus manumisit invito testatore. Etsi autem hoc aliquando recipitur in servo legato; tamen cum iam intelligatur id fieri ex nova testatoris voluntate, et novo quodam legato non mirum, si in servo promisso aliud respondemus. Servus enim promissus ac deinde manumissus, etsi iterum servus fiat, non ideo tamen nova stipulatio intervenit, ex qua debeatur: veterem semel extinctam non restitui convenit: porro sine stipulatione servus deberi non potest. Alterum, quod ex aliis locis hic animadvertendum esse diximus, est id, quod dicitur de fractionibus in *verz. pro quo et illud*. Centum nimirum amphoris vini promissis, quod ex fundo nasceretur; non tantum contineri primi anni vinum, sed etiam sequentium annorum. † Huic contrarium esse vulgo putant illud, quod est in *L. 5. sup. de trit. vin. et ol. leg.* cum certus numerus amphorarum vini legatus esset ex

eo, quod in fundo Semproniano natum esset, et minus natum esset, non amplius deberi. Ego autem in his verbis nihil plane contrarii esse animadverto. Cum enim ita dicitur, ultra id quod natum erit, nihil deberi, non dicitur ultra id, quod natum erit primo anno, sed simpliciter ultra id, quod natum erit. Quibus verbis perspicuum est hoc significari id deberi, quod natum erit, sive natum erit primo anno, sive secundo, sive sequentibus: solum id non deberi, quod nullis annis natum fuerit. † Tertium animadvertendum est id, quod dicitur de ædibus in extremo, illic, *sicuti de ædibus*; has alias esse, si usque ad aream tigna deposita sint, licet eandem materia restituantur. Nem si sublatum sit ædificium, ex quo stillicidium cadit, et eodem specie ac qualitate reponatur, placuit eandem servitutem deberi, quasi et idem ædificium intelligeretur: idque ita scriptum est in *L. servitutes, §. si sublatum, sup. de serv. præ. ur.* Sed ibidem additum est, utilitatis causa id receptum esse: cæterum rem strictius interpretanti aliud esse ædificium, quod sequenti loco poneretur. Utilitas autem in eo est, ut retineantur servitutes, quarum usu cives facile carere non possunt.

10

Ad §. Si rem, quam.

Si rem quam ex causa lucrativa stipulatus sum, oactus fuero ex causa lucrativa: evanescit stipulatio. Sed si heres exiit, dominio extinguatur stipulatio. Si vero a me herede defunctos eam legavit; potest agi ex stipulatu. Idemque esse et si sub conditione legatus sit: quia et si ipse debitor rem sub conditione legatam dedisset, non liberaretur. Sed si conditione deficiente remanserit, petitio infirmabitur.

SUMMARIA.

1. Ius hoc §. constitutum, an non adversetur regula, qua cavetur extinguí stipulationem, cum in eam casum rediit, a quo incipere non poterat. et n. 5.

2. Ex stipulatu res mihi debita, cum alia ex causa ad me pervenit, qua requirantur, ut extinguatur stipulatio, et n. 4.

3. Lucrativa causa qua.

1. HEC sententia supra constituta est, stipulationem extinguí, cum res in eum casum rediit, a quo incipere non poterat. Hinc sententia consentaneum esse videbatur, si res ex stipulatu debita ex alia causa mea facta sit, qualiscunque causa hæc fuerit, extingui stipulationem priorem; quæ rem meam ab initio stipulari non potuerim, quæ nunc mea esse coeperit. Idque etiam effici videtur. §. item contra, *inst. de inst. stipul.* Sed hoc non placuit, Ideo non abs re hic locus super-

riori disputationi annectus est. † Cuius 2 hæc est sententia; receptum esse, ut cum res mihi ex stipulatu debita ex alia causa ad me pervenit, extinguatur stipulatio, et promissor eo modo liberetur, si tunc concurrant, quæ hic Paulus designat exemplis: nam huc varii casus ab illo collecti referri debent. Primum, si res ex causa lucrativa promissa sit, veluti donationis causa. Alterum, si item ex causa lucrativa ad me pervenerit; veluti, si domino heres exiit, et

ant

3 aut si mihi a domino legata sit. † Nam lucrativas causas dicimus eas, ex quibus ita aliquid nanciscimur, ut pro eo vicissim nihil præstemus: qualis est, donationis, legati, successionis causa: non lucrativas contra, veluti emptionem et permutationem. *L. 4. §. si quis autem, sup. de dol. mal.*

4 exc. † Tertium accedere oportet, ut vere res ad me pervenerit ex lucrativa causa; id est, ita pervenerit ut avocari non possit. *L. non quoque sup. de leg. 1.* Nam aliter nec pervenisse videtur. *L. aliud est capere, inf. de verb. sig.* Proinde si dominus qui eam mihi legaverat, aut me instituerat heredem, eandem rem a me legaverit alteri; non impedit ea acquisitio quominus eandem rem ex stipulatu recte petam ab eo, qui prius eam mihi promiserat, ut hic Paulus significat illis verbis, *si vero a me herede.* Nec intererit, utrum testator eam a me legaverit pure, an sub conditione: nam et pendente conditione (quo tamen tempore res legata adhuc mea est. *L. et post, §. 1. sup. famil. ercis.*) recte ex stipulatu agam; scilicet quia ne sic quidem videtur res ad me pervenisse, quæ ex eventu potest avocari. *L. cum quis. §. qui hominem, L. qui res, inf. de sol. quod* Paulus intelligi voluit, cum ait, *idemque esse, et si res sub conditione legata sit*; probatque hanc non videri pervenisse hoc argumento, *quia si debitor rem eodem modo sibi legatam solvisset, non liberaretur.* Si tamen conditio eius legati postea defecerit, Paulus ait petitionem ex stipulatu infirmari: contraria scilicet de causa, quia iam intelligatur certo rem ad me pervenisse, quæ sit mansura *d. §. qui hominem, et L. qui res.* Quid tamen, si pendente conditione legati egero adversus promissorem eiusdem rei, et quia res, quæ iam mea facta erat, mihi non poterat amplius ab eo dari, ideo æstimatione ab eo consecutus fuero, an deficiente postea conditione legati, utrumque retinebo et rem, quæ ex legati causa apud me manere debet, et æstimationem, quam ante a promissore iure sum consecutus? Sed prohibet hæc ipsa regula de duabus causis lucrativis, qua efficitur, plures causas lucrativas in eandem rem et eandem personam concurrere non posse, *§. si res aliena, Inst. de leg.* Quid ergo fiet? promissor qui æstimationem prius solvit, hæc condicet tanquam quæ sit apud me si-

ne causa, puta ex ea stipulatione, quam ante extinctam fuisse ex eventu apparuit. *L. 1. sup. de cond. sine cau.* id enim retroversus tunc intellectum est, cum legati conditio defecit. *L. quædam, sup. de reb. dub.* Interim hoc relinquitur, ex quacunque causa res ex stipulatu mihi debita mea facta sit, nisi in eam duæ causæ lucrativæ concurrant, stipulationem non extinguere: quod apertius declaratur in *L. omnes debitores, et duabus seqq. sup. prox. tit. d. §. si res aliena, Inst. de leg.* † Opportune 5 igitur quæretur iam hoc loco, quomodo videatur hæc pars regulæ cum superiore illa sententia convenire, quæ placet extinguere stipulationem, cum in eam casum rediit, a quo incipere non poterat: quacunque enim ex causa res mea esse coeperit, venit stipulatio in eum casum, a quo incipere non potuit: nam ab initio non potui rem meam stipulari. *§. idem iuris. Inst. de inut. stipul.* An non ergo consequens erat illi sententiæ, etiam si res ex causa non lucrativa mea facta esset tamen stipulationem interire, contra quam nos statuimus? Et non effugeremus, quin hic pugnancia videretur dici, si quod ex causa non lucrativa nostrum sit, veluti, quod ex emptione, aut permutatione accepimus, id vere nostrum esset. Nunc autem perinde id habetur, quasi nec ad nos pervenisset; sic enim veteres statuerunt videri rem ei abesse, cui pretium abest. *L. Labeo et Sabinus, infra, de verbor. sig.* Ex quo iam converso modo ita colligi debuit, si res ex stipulatu nobis debita ex causa onerosa, ut emptionis aut permutationis ad nos pervenerit, stipulationem non extinguere, quia cum etiam nunc videatur ea res mihi abesse; non possit dici venisse stipulatio in eam causam, unde incipere non poterat. Idemque esse, et si res ad me pervenerit ex causa lucrativa, sed stipulatione interposita ex causa non lucrativa debeat: quia non videar rem meam ex stipulatu petere, cum vicissim pro ea aut pretium, aut rem aliam præstare debeo. Ita si volumus stipulationem extinguere ob id, quod res promissa ex alia causa mea facta sit, quasi res venerit in eum locum, unde incipere non poterat, necesse est ita statui, utramque causam lucrativam esse oportere, quod et veteres regula sunt complexi.

Ad §.

Ad §. Stichum, qui decessit.

Stichum qui decessit, si stipuler: si quidem condici etiam mortuus potuit, ut furi: utiliter me stipulatum Sabinius ait. Si vero ex aliis causis, inutiliter: quia etsi deberetur, morte promissor liberaretur. Idem ergo diceret et si mora facta defunctum stipularer.

S U M M A R I U M.

1. Creditor quo casu et a quibus debitoribus hominem mortuum stipulari possit.

¹ Sunt quidam debitores, qui re promissa mortua non minus tenentur, quam si res extaret. Hi sunt fures, malæ fidei possessores, et in universum debitores omnes, qui aut rem debitam occiderunt, aut in ea præstanda moram fecerunt. *L. si ex legati, L. nemo, §. ult. supr. L. in re, §. 1. L. ult. supr. de cond. fur.* Placet earum rerum creditorem utiliter eas stipulari a debitore, quamvis mortuas. Obstare videba-

tur, quod dicitur hominem mortuum in stipulatum deduci non posse. *L. liber. 103. infr. Inst. de inut. stip. in pr.* Sed ea re moveri nos non oportet. Nihil enim interest, utrum homo extet, an perinde habeatur iure, quasi extaret: quod in superioribus causis propter moram et culpam debitoris accidit. *d. L. nemo, §. ult. supr. L. si servum, §. sequitur. infr. eod.*

Ad §. Si quis ancillam.

Huius loci dubitationem et rationem *us. ag. et L. si quis quempiam, supr. si expediet L. 1. supr. si ex nox. ca-* *quis caut.*

Ad L. Si insulam. 84.

Idem lib. LXXIV. ad Edictum

Si insulam fieri stipulatus sim, et transierit tempus quo potueris facere: quandiu litem contestatus non sim, posse te facientem liberari placet. Quod si iam litem contestatus sim: nihil tibi prodesse si ædifices.

S U M M A R I A.

1. Ex faciendi obligationibus quo tempore recte agatur.

2. In faciendi stipulationem quid veniat.

3. In faciendi obligationibus, si post cessationem promissor, quod promisit, multat fu-

cere, quam æstimationem solvere, an sit audiendus.

4. Promissorem ante litem contestatam insulam faciendo liberari, quomodo accipiendum.

CUM insulam ædificari stipulati sumus; et generaliter in omnibus faciendi stipulationibus queri solet, et quando ex his agi possit, et quid ex his debeatur, ut hinc possit statui, et quid a debitore possit exigi, et quid præstando ille liberetur.

¹ † Ac de tempore agendi ita placuit, huiusmodi stipulationes verbis puras, re ipsa in se diem habere, tempus id videlicet, intra quod fieri potest, quod promissum est: ante hoc tempus agi eo nomine non posse. *L. interdum, L. si ita stipulatus. 14. supr. eod.* quod hic obiter significatur.

² † De eo autem, quod hic debeatur, ita veteres statuerunt, si quod promissum est,

factum non sit intra id tempus, intra quod fieri potuit, et debuit, pecuniam dari oportere. *L. stipulationes non dividuntur, vers. Celsus, supr.* et quod idem valet, in faciendi stipulationem venire id quod interest. *L. si panam, et similibus locis, supr.* Quo significatur in hoc genere deberi pecuniam, deberi id quod interest, postquam transit tempus, quo fieri potuit, quod promissum est. Cui sententiæ consequens est, sive stipulator eo tempore transacto agat in id quod interest, recte agi: quia petat quod sibi debetur: sive promissor id præstet, eum liberari, quia solutione eius, quod debetur, tollatur omnis obligatio. *Inst.*

Inst. quib. mod. toll. obl. in princ. De quibus scripi pluribus ad d. *L. stipulationes non dividuntur*, vers. *Celsus*. † Hinc circa promissorem nata questio huius loci, cum ob id quod non fecit, quod promisit, cepit debere pecuniam, seu id quod interest; sitne audiendus, si ad liberationem malit edificare insulam, quam se edificaturum promisit, quam pecuniam prestare. Et si vobis constare volumus, videtur in totum probandum fuisse, non esse eum audiendum: non enim hoc modo prestat, quod debuit, sed aliud; quod invito creditore solvi non potest. *L. 2. §. 1. sup. si cert. pet.* Hic tamen distinguitur, ut si quidem ante litem contestatam promissor faciat, liberetur: sin postea, nihil ei prosit ad liberationem. Quod ait Paulus promissorem ante litem contestatam facientem liberari, in eo offendere nos non debet, quod dicitur aliud pro alio invito creditore solvi non posse: non quod qui faciendo liberari vult, non prestat aliud, quam debuit; sed quia promissor etiam iure aliud recte solvit, quoties stipulatione ipsa alterius rei prestanda facultatem accepit: conditionem enim stipulationis ab initio constitutam creditor postea immutare non potest. *L. vero, §. 1. inf. de sel.* Id autem in proposito accidit. Qui enim promittit se insulam edificaturum, facultatem insulae faciendae ab initio habet ex stipulatione. Amittit ille quidem hanc facultatem cessatione sua summo iure; propterea quod ubi non fecit, quod promisit, cepit debere pecuniam: sed ex aequo et bono retinet. Hic enim locum habet, quod de purgatione morae scriptum est in *L. si servum §. sequitur, inf. eod.* quam rem promissor ante moram offerre potuit, eandem et post moram potest, offerre, ut offerendo purget moram ex aequo et bono: de quo opportunius illic dicitur. Sed hanc ipsam facultatem lite semel contestata in totum et certo amittit; eo fit,

ut deinceps faciendo non possit liberari. Scilicet qui ex hoc genere stipulationis agit, pecuniam in iudicium deducit, seu id quod interest. dicta *L. stipulationes non*, vers. *Celsus*. Porro iudicio, id est, litis contestatione contrahitur. *L. 3. §. idem scribit, sup. de pecul.* Contrahitur enim nova iudicati obligatio de ea re, quae in iudicium deducta est: unde et actio iudicati, re secundum actorem quandoque iudicata. Hanc actionem creditori semel quassitam, et quassitam simpliciter nulla facultate aliud solvendi reo tributa, reus facto suo invito auferre non potest, eoque nec officere, ut insulam edificando pecunia in iudicium deductae condemnationem evitet. Arg. *L. ult. sup. de pac. L. habere, sup. de evict.* De hac facultate solvendi aliud, vel alii quam creditori, diximus plura ad *L. 9. sup. An* autem etiam post litem contestatam moram purgare liceat, dicemus ad *L. si servum, §. sequitur, inf.* † Illud cavendum est, quod hic dicitur promissorem ante litem contestatam insulam faciendo liberari, sic accipiendum esse, ut intelligamus liberari eum in futurum, id est, ita, ut futuri damni nomine non teneatur, si quod forte in eo edificio postea contigerit, aliter, atque si quid iam propter moram intersit stipulatoris; si quia insula suo tempore inchoata non est, idcirco aliqua in re factum sit ius stipulatoris deterius. *L. stipulationes non in fin. sup. L. si ita quis promiserit, §. Scia, inf. eod. L. etsi post, sup. si quis cau. L. utique, sup. de rec.* Et recte. Ut enim promissori factum suum ad futuri temporis cautionem, quod sine incommodo stipulatoris fiat, prodesse potest; ita stipulatori nocere non debet; et maxime ubi mora promissoris praecesserit; quam ubique convenit frustratori nocere. *L. in condemnatione, §. unicuique, inf. de regulis iur.* De quo scripsimus in *Commentariis de mera.*

Ad L. In Executione. 85.

Idem lib. LXXV. ad Edictum.

In executione obligationis sciendum est quatuor casus esse. Nam interdum est aliquid quod a singulis heredibus divisum consequi possumus: aliud quod totum peti necesse est, nec divisum praestari potest: aliud quod pro parte petitur, sed solvi nisi totum non potest: aliud quod solidum petendum est, licet in solutionem admittat sectionem.

SUMMARIA.

1. Divisio obligationis inter heredes secundum varia stipulationum genera quomodo fiat, remotive.

2. Executio obligationis quibus in rebus constat.

NON

¶ Non in omnibus stipulationibus da-
visinne obligationis idem servatur in-
ter heredes. Quid autem hic servandum sit
in singulis, distributis stipulationum gene-
ribus dilucide exposuimus ad L. 2. 3. 4. 5.
supr. Idem ius etiam complexus est Pau-
lus hoc loco, rem omnem ad quatuor ge-
nera revocans, in quibus quid sit proprium
cuiusque, docet. Is locus eam eandem sen-
tentiam plane continet cum ea, quæ illis
locis exposita est, cum illis nobis coniun-
gendus est, et tantum indicandum, ad quem
ex superioribus pars quæque huius loci re-
feratur. Cum tamen sparsim sub hoc titu-
lo et alibi de hac divisione multa varie

scripta sint, si quis rem totam animo com-
prehensam habere volet, conducet hic lo-
cus ad eam cognitionem, in qua species
stipulationum, quæ hic distinguendæ sint
ab aliis, numero comprehensas, et ius sin-
gularum breviter expositum habemus.

In executione obligationis: † id est, in 2
petitione rei in obligationem deductæ, item-
que in eius rei solutione: quibus in rebus
consistit executio obligationis, quia per eas
obligatio ad exitum perducitur.

Quatuor causæ sunt; id est, quatuor spe-
cies, in quibus aliud atque aliud servatur,
cum de divisione obligationis agitur.

Ad §. Prima species

De hac specie dictum est ad L. 2. §. 1. *supr.*

Ad §. Secunda ad opus.

Hæc pars est, quæ tractatur in L. stipulationes non dividantur, *supr.*

Ad §. Quod si stipulatus fuero.

Hæc species est, de qua pluribus in L. 2. §. pen. et ult. L. 3. et 4. *supr.*

Ad §. Pro parte autem.

Et de hac specie diximus ad L. 2. §. 1. *supr.*

Ad §. In solidum vero.

Hæc species exposita est ad L. 4. §. ult. De ea scripsum est apertius in L. cum ex
caussa, *infr.*

Ad §. Item si ita stipulatio.

Hæc eadem species est cum illa, si sors soluta non erit: potius nomine tantum
dari: de qua in L. 5. §. ult. *supr.*

Ad §. Quicumque sub conditione obligatus.

Quicumque sub conditione obligatus curaverit ne conditio existeret,
nihilominus obligetur.

S U M M A R I A.

1. Conditionalis stipulationis effectus.
2. Conditio non impleta, quando iure pro impleta habetur, et n. 4.
3. Obligatum sub conditione, per quæ fit ne

conditio existat, perinde teneri, ac si con-
ditio extitisset, et quæ ratio, et n. 5.

6. In sponsonibus victoriae causa, de honesta
re interpositis, superiori definitioni non
esse locum.

¶ Quod sub conditione promissum est,
impleta conditione debetur. L. a Ti-
tio, *infr.* non impleta, non debetur, etsi
adhuc conditio pendeat, multoque magis; si
iam defecerit. §. sub conditione, *Inst. cod.*

Hoc ita est, nisi conditio iure habeatur pro
impleta: quod interdum accidit. † In qua tra-
ditur certi iuris regula, quoties per eum cui-
us interest conditionem non impleri, fit, quo-
minus impleatur, perinde haberi, ac si im-
2

impleta conditio fuisset. Placetque regulam ut ad legata et institutiones, sic et ad stipulationes pertinere. *L. in iure, supr. de reg. iur. L. in iure, supr. de cond. et dem.* Is autem, cuius interest conditionem non impleri in stipulationibus, reliquisque obligationibus, est promissor, et omnis omnino, qui impleta conditione obligatur. † Hinc est, quod de hoc genere ex illa generali regula sumptum hoc loco traditur, *quicumque sub conditione obligatus curavit, ne conditio existeret, nihilominus eum obligari.* Ideo enim obligatur, quia perinde habetur, quasi conditio esset impleta. In eandem sententiam de stipulatione nominatim dictum est in *d. L. in iure, de reg. iur.* stipulationes quoque committi, cum per promissorem factum erit, quominus stipulator conditioni pareret: quæ sententia cum totidem verbis repetatur in *L. iure, de cond. et dem.* et referatur eo loco ad definitionem initio positam, apparet et illic definitionem per omnia eandem positam fuisse, aut certe præponi debuisse quæ extat in *d. L. in iure, de reg. iur.* conceptam videlicet de eo, cuius interest conditionem non impleri, non autem de eo, cuius interest conditionem impleri, ut in Paucis Florentinis legitur. Alioqui regula male produceretur ad promissorem, 4 per quem factum est, quominus stipulator conditioni pareret. † Sed et illud verum non est, conditionem toties pro impleta haberi, quoties per eum, cuius interest eam impleri, fit, quominus impleatur. Evenit hoc aliquando; ut, cum ex conditione iubemur aliquid dare aliis, aut cum iis quid facere: *L. 5. illic, item si qua conditio. supr. quan. di. leg. ced.* quo pertinet regula iuris. *L. in omnibus causis. 39. infr. de reg. iur.* sed non est perpetuum. Quid enim, si stipulator ipse; quid, si creditor stipulatoris; quid, si is qui heres quandoque stipulatori futurus est, vel ignarus conditionis, vel dedita opera curaverit, ne conditio existeret? nemo dicet, opinor, conditionem pro impleta haberi debere. Sed hæc obiter dicta sint, tantum ut definitio huius loci nota sit, et quibus ex locis deducatur, quibus confirmetur, intelligamus. Nam an alio quovis, quam promissore impediante quominus conditio existat, et quo tandem impediante habeatur pro impleta, indiget pluribus verbis: et quæstio est propria Tituli, de conditionibus et demonstrationibus, ubi fortasse alias, idque commodius dicemus. † Quod definitio huius loci postulat videndum est, qua ratione defendatur in stipulationibus,

quas ex verbis æstimari constat, obligari quemquam ex stipulatione conditionali, ubi concedamus conditionem re vera non existisse, quantumvis ipse curaverit, ne conditio existeret: non enim eum quærimus, qui obligetur ex facto suo, sed eum, qui obligetur ex stipulatione. At stipulationis conditionalis hæc vis et significatio est, ut qui promisit sub conditione, ita obligetur, si illud aut illud factum fuerit, idest, si conditio exstiterit, *§. sub conditione, Inst. eod.* Proinde ubi id factum non est, secundum verba stipulatio non committitur, et eoque ex stipulatione deberi nihil potest. Nec ad rem pertinet, quod qui promisit, si Titius in Capitolium ascenderet, fecit, ne Titius ascenderet: quocunque enim casu factum sit, ne ille ascendat, semper verum erit eum non ascendisse, atque ita non esse impletam conditionem. Conditio, inquit, pro impleta habetur. At quamobrem? nam si dicimus æquum esse, ut factum promissoris ipsi noceat, non adversario iuxta regulam iuris, *L. factum, infr. de regu. iur.* vere quidem dicemus; sed hoc ad rem expediendam non est satis. Admitti enim posset hæc ratio in bonæ fidei iudiciis, in quibus omnia æstimator, quæ ex bono et æquo alterum aliter præstare oportet, *§. ult. Instit. de ob. ex cons. in fin. §. in bonæ fidei, Inst. de act.* In verborum obligationibus locum non habet: in quibus ut est in *d. §. ult. de oblig. ex cons.* unus stipulatur, alius promittit; idest, tantum continetur, quantum exprimit nominatim de ea re facta stipulatio, ut alibi scriptum est in *L. quia tantundem, supr. de neg. gest.* Dicendum est promissore curante, ne conditio existat, ideo conditionem pro impleta haberi, quia ut haberetur, actum est, idque verbis satis declaratur: quod si probatur, abunde est ad defensionem: non enim in contractibus aliis tantum, sed etiam in stipulationibus hoc servatur, ut sequamur ante omnia id quod actum est. *L. eum, qui Calendis, supr. L. semper in stipulationibus, infr. de reg. iur.* Actum autem esse sic colligimus. In omnibus contractibus sic mens esse contrahentium, atque hoc agi creditur, ut stipulatio, quoad res patitur, valeat. *L. quoties in stipulationibus, supr. L. ubi, supr. de reb. dub.* Proinde et hoc quoque agi, ne conditio adiecta sit in arbitrio promissoris: quoniam hac in promissoris voluntatem collata stipulatio non valet. *L. stipulatio non valet, supr. eod. L. sub hac, supr. pr. titu.* Porro sic in arbitrium promissoris conferretur omnis conditio, si li-

cebit ei quovis modo impedire impune, quominus conditio existat. Quapropter si qua conditio alia adiecta erit, quam quæ aperte conferatur in voluntatem promissoris, hoc actum esse accipietur, ut ne illi liceat conditionis eventum impedire; ac si impedierit, nihilominus quasi ea impleta obligatur. † Bene autem hoc loco omnium consensu Accursius, qui monet definitioni superiori non esse locum in spon- sionibus victoriæ causa interpositis, cum

inter duos certamen instituitur non inho- nestæ rei, et præmium victori mutuo con- sensu constituitur, quod at mutuo in ea certaturi compromittunt: nam hic si unus certante et reluctantæ altero non vincit, pecunia ei non debetur: contraria vide- licet de causa, quia id actum est, ut li- ceret concertare utrique, et alteri præripe- re victoriam, si posset; qui autem in eo certamine esset superior, is pecuniam au- ferret.

Ad L. Quod dicitur. 86.

Vide L. scire. 29. *supr.*

Ad L. Nemo rem suam. 87.

Paulus lib. LXXV. ad Edictum.

Nemo rem suam futuram in eum casum, quæ sua sit, utiliter stipulatur.

SUMMARIUM

1. Legatarius rem sibi legatam sub conditione, an cum extiterit conditio, dari sibi ab herede utiliter stipuletur.

1. **H**IC locus expositus est ad L. si rem meam, 31. *supr.* † Queritur, an huic contrarium videri debeat, quod de stipulatione rei sub conditione legatæ scribitur in L. 1. §. si quis sub conditione, *supr.* ut leg. no. cau. Is cui sub conditione legatum erat, mortuo testatore ex edicto satisfactionem exigit ab herede legati nomine. Et quoniam satisfacere est cavere et promittere quid stipulanti, additis etiam fideiussariis, id est, iis, qui idem promittant: L. 1. *supra*, qui sat. cog. ideo legatarius quod sub conditione legatum erat, stipulatus est sibi dari ab herede aut eadem conditione expressa, aut simpliciter quidem, sed ita, ut idem dies, eademque conditio in stipulatione intelligatur, ut est in dicto §. si quis sub conditione, in fin. Illic ostenditur hanc stipulationem valere itidem, ut legatum: sic tamen, ut nihil amplius sit in ea, quam in legato. Hoc iam huic loco contra- rium quis esse dixerit: existente enim condi- tione legati, res legata legatarii futura est, et statim. L. a Titio, *infra*, de furt. quo fit, ut qui eam stipulatur legatarius, quia stipulatur eadem conditione, intelligatur sti- pulari in hunc ipsum casum, qui sua futura sit. Et hæc ita essent, si legata esset certa species, quæ fuisset testatoris. At quid, si legatum quod sit in genere, ut centum aurei? quid, si species, sed aliena? nihil horum lega- tarii fieri potest prius, quam illi ab herede

datum fuerit, quoniam testatoris non fuit. De his rebus sub conditione legatis supra- scripta stipulatio accipi debet. Quod si de re, quæ testatoris fuit, interponetur, erit inutilis ex hoc loco. Nec nos moverit, quod in dicto §. si quis sub conditione, nihil exprimitur de conditione rei legatæ: non enim queritur eo loco, an cum legatarius stipulatur rem sub conditione sibi legatam, stipulatio valeat, et quando valeat: sed an si pendente ea conditio decedat lega- tarius stipulatio transmittatur ad heredes: quod ex regula cæterarum omnium sti- pulationum conditionalium probandum vide- batur. §. ex conditionali, Instit. eod. Ulpianus in hac questione ait non transmitti, quia sit de legato conditionali, quod ad heredem non transferatur: in stipulatione autem legati nomine interposita inest eadem causa, quæ in legato. Quæ omnia dicuntur ex conditione, nempe quo casu et sti- pulatio ab initio valuerit: frustra enim de ea, quæ non valuisset, quereretur, an lega- tario pendente conditione mortuo trans- iret ad heredes, ex qua nec viventi lega- tario quamvis existente conditione actio competere. Hanc ergo partem, an et qua- tentus legati conditionalis stipulatio valeat, non attingit illic Ulpianus: proinde ex aliis locis res explicanda est de quo si queretur, existimandum erit ex eo, anrum res legata testatoris fuerit, an non fuerit ex hoc loco.

Ad L.

Ad L. Mora rei. 88.

Exponi huic locum ad *L. cum filiusfam. 49. supr.*

Ad 'L. Si a Colono. 89.

Idem, quod in L. si stipulatus fuerim. 76. §. ult. supr.

*Ad L. Cum stipulati. 90.**Pomponius lib. III. ex Plautio.*

Cum stipulati sumus pro usuris legitimis poenam in singulos menses, si sors soluta non sit: etiam si sortis obligatio in iudicium sit deducta, adhuc tamen poena crescit: quia verum est solutam pecuniam non esse.

S U M M A R I A.

1. Sorte petita non ideo minus currunt usurae.

2. Dubitandi ratio explicata.

3. Poenam hic esse usuram, et cur poenam pro usuris stipulari Pomponius hic dixerit.

1. QUI sortem stipulatus erat certa die si bi reddi, et nisi ad diem soluta esset, eius sortis usuras: si de sorte tantum iudicio egerit, quamvis res etiam iudicata sit, nulla mentione facta usurarum, nihilominus usurae lite contestata current, et finito etiam indicio sortis, propria actione ex stipulato peti poterant. Sic est sententia *L. 1. C. de iud. L. lite contestata, supr. de usur. eadem et sententia huius loci.*
2. ↑ Movebat dubitationem, quod iudicio, idest, lite contestata sit novatio prioris obligationis de sorte. *L. alia, infr. de novat. L. ult. illic, si enim novatur. C. de usur. rei iud. ac sortis obligatione sublata, oec usuris, nec ulli alii accessioni principalis obligationis potest esse locus. L. novationa, infr. de novat. L. cum principalis, infr. de reg. iur. Adversus quam dubitationem duplex est defensio. Primum iudicio novationem fieri; sed eam, quae actori pro sit, non quae nocet. *L. non solet, et L. nemo enim, seq. infr. de reg. iur. quod declaratur pluribus in d. L. alia, infr. de novat.* Deinde etsi concederemus obligationem priorem sortis in totam sublata esse: non tamen ideo effici sublata esse stipulationem usurarum, quae non minus et ipsa per se constitit, ut significatur in *L. centum, supr. de eo quod cer. loc. taodiu* quae eam committi necesse est, quandiu eius conditio extiterit. Fuit autem haec conditio, si sors soluta non esset. Ex quo colligit hoc loco Pomponius stipulationem usurarum et post litem contestatam committi, eoque et usuras crescere; quia, inquit, verum est solutam pecuniam non esse, id-*

Tom. XI.

est, quia coeditio, sub qua usurae promissae erant, extitit. ↑ Proponitur hic poena 3 in stipulatum deducta in singulos menses pro usuris legitimis. Quid ergo, poena hic non est usura? imo usura maxime, ut declaratur in *L. lecta, supr. si cert. pet.* ubi cum creditor proponeretur ita stipulatus esse; si sua die pecunia soluta non esset, poenae nomine in singulos menses tantum dare spoodes? in reliqua tota disputatione Paulus haec summam usuras appellat, et stipulationem ipsam, stipulationem usurarum. Nec vero potest ea pecunia, quae pro usu sortis particulatim praestatur, aliud esse, quam usura. *L. 3. §. nonnunquam, et §. ult. supr. de usur.* Cur ergo hic distinguitur poena ab usuris, diciturque poena esse promissa pro usuris legitimis? quod perinde esse videtur, siquidem poena hic est usura, quasi dictum esset usuras promissas esse pro usuris: quod est ridiculum. Et intelligendum est Pomponium dixisse stipulatos esse nos poenam pro usuris legitimis, non ut hac particula, pro, significetur permutatio, quasi pro usuris, quae haberi potuerint, placeat aliud praestari, nempe poenam; sed ut significetur titulus et species poenae, quae in stipulatum deducta sit, diciturque poena promitti non quolibet, sed poena usurarum nomine, seu poena, quae in usuras cedat: quoniam non omnis poena est usura. Sed cum potuerit Pomponius recte et aperte dicere in stipulatum esse deductas usuras legitimas, cur maluit uti circutione, ut videtur, non necessaria, ut diceret stipulatos esse nos poenam pro usuris legitimis? Consulto poenam

86

ver-

verbo hic usus est, ut compendio sermo-
nis potius significaret, quod absque hoc
verbo pluribus exponi oportebat: prius ni-
mirum promissum esse, sortem reddi vel
cum petita esset, vel certa die: deinde si
ita soluta non esset, promissas esse usuras.
Ut enim usura sit poena, contingit hoc mo-
do, si ob culpam in solvenda sorte admis-
sam usura tanquam eius delicti et cessatio-
nis poena infligatur: non est enim poena,
nisi delicti et noxiæ vindicta. *L. aliud est
fraus, infr. de ver. sig.* id autem fit in u-
suris, cum prius ita sors promittitur, ut
dixi, ac nisi ita solvatur, adiicitur usura.
Atque hoc modo promissas fuisse in pro-
posito usuras ostendit ratio hic subiecta;

*adhuc tamen, inquit, poena crescit, quia
verum est pecuniam solutam non esse. Ver-
bo usurarum tantum si usus esset Pompo-
nius, hanc sententiam non expressisset: non
enim omnis usura promittitur hac conditio-
ne, eoque non omnis est poena: quod ac-
cidit, cum de sorte ad diem reddenda non
convenit, sed simpliciter pecunia utenda
data est, et tamen iam ab initio pro usu
pecuniæ usuræ legitimæ in singulos men-
ses, aut annos promittuntur. In qua spe-
cie non possunt diei usuræ esse poena non
solutæ sortis, cum in ea solvenda nihil de-
linquat is, qui eam voluntate creditoris po-
test retinere, eaque uti, quandiu volet.*

Ad L. Si servum. 91.

Paulus lib. LXX. ad Plautium.

Si servum (Stichum) stipulatus fuero, et nulla mora intercedente servus
decesserit: si quidem occidat cum promissor, expeditum est. Sin autem
negligat infirmum, an teneri debeat promissor? quærentibus, considerandum
est: utrum quemadmodum in vindicatione hominis, si neglectus a possessore
fuerit, culpæ huius nomine tenetur possessor: ita et cum dari promisit: an
culpa, quod ad stipulationem attinet, in faciendo (quidem) accipienda sit,
non in non faciendo: quod magis probandum est: quia qui dari promisit, ad-
dandum, non (ad) faciendum tenetur.

Sed si sit quidem res in rebus humanis, sed dari non possit, ut fundus
religiosus puta vel sacer factus, vel servus manumissus, vel etiam ab hostibus
res capiatur: culpa in hunc modum diiudicatur, ut si quidem ipsius promissoris
res vel tempore stipulationis vel postea fuerit, et quid eorum acciderit,
nihilominus teneatur. Idemque fiat et si per alium postea quam ab hoc
alienatus sit, id contigerit. Sin autem alienus fuit, et ab alio tale quid
accidit, non tenetur: quia nihil fecit. Nisi si postea quam moratus est solu-
tionem, aliquid huiusmodi acciderit: quam distinctionem et Iulianus sequitur.
Item si homo qui fuit promissoris, ex præcedenti causa ablati ei fuerit,
quod statuliber fuit: perinde habendus sit, ac si alienum promississet: quia
sine facto ipsius desuit eius esse.

S U M M A R I A.

1. *Re debita sine debitoris culpa precepta de-
bitor liberatur, et n. 13.*
2. *Culpa debitoris interveniente perpetuatur ob-
ligatio.*
3. *Culpa verbo quid hic contineatur, et qui-
bus factis culpa admittatur.*
4. *Mora facta promissor omnimodo et sine ex-
ceptione tenetur.*
5. *Res de medio rerum privatarum tolli quibus
modis dicatur.*
6. *Debitor servum promissum occidens, aut
manumittens nulla mora intercedente, an
teneatur.*
7. *Promissor servi, si neglexerit infirmum,
quamvis servus postea decesserit, non
tenetur.*
8. *Culpa cur aliter in emptore circa manci-
pium illi traditum, quod reddi debet oportet,
item in herede circa rem legatam: aliter vero in promissore æstimetur.*
9. *Possessor in vindicatione hominis, si is ne-
glectus fuerit, negligentia nomine tene-
tur.*
10. *Factum idem diversis rationibus et culpa esse
et non esse recte dicitur.*
11. *Promissor ne lata quidem negligentia no-
mine tenetur: secus in depositario: et
que differentie ratio.*
12. *Alienatio promissoris perpetuat obligationem
si res deinde a novo domino tollatur: et
cur diversum in alienatione, quam prom-
missoris negligentia.*

RE

- 1 **R**E debita perempta, si quidem prius, quam per debitorem, seu debitorem culpa fieret, quominus daret, et debitorem
- 2 liberari placet. † sin postea; placet eum perpetuo ita teneri, ut si res exstaret. De quo iure diximus ad L. si ex legati, 23. *supr.* Efficitur hoc posteriori veterum regula, qui de hac re ita definierant: Culpa debitoris perpetuat obligationem, seu ut Paulus refert in hac L. §. *sequitur*. quoties culpa debitoris intervenit, perpetuatur obligatio. Cuius hæc est sententia: si debitoris culpa intervenerit, quominus rem daret, quam illud dare oportuit, eaque deinde aut perempta sit, aut exempta hominum commercii, aut deterior facta, deinceps quæ ante, quam ea contigissent, fuerat obligatio, sit perpetua: idest sic in posterum debitor teneatur, quasi res initio debita etiam nunc exstaret talis, qualis ante debebatur; ut licet intelligere ex L. nemo, §. ult. *supr.* *cod. L. 3. ^{supr.} de cond. trit. L. in re, §. 1. ^{supr.} de cond. fur.* Hanc regulam Paulus ubique hoc capite appellat constitutionem. §. *sequitur*, et §. ult. intelligens non constitutionem aliquam Principum, ut in usu iuris hoc verbum sine adiuncto accipi solet: §. sed et quod, *Inst. de iur. nat. gent. et civi.* sed constitutionem veterum iuris auctorum, seu Iurisprudentum, idest, ut ipse interpretatur in d. §. *sequitur*, id quod veteres de hac re constituerunt, quod constituerunt idest, ut aliis verbis hoc idem alibi exprimitur, quod decreverunt, quod pronunciarunt, quod de hac re definierunt, et regula sunt complexi L. illa. *supr. de her. inst. L. ita vulneratus. vers. igitur, ^{supr.} ad leg. Aquil. L. de pupillo, §. et bello, ^{supr.} de no. op. nunc.* Hæc definitio veterum pro iure certo ac constituto obtinuerat. Ideo eam, ut ius certum interpretatur Paulus hoc capite, in eaque interpretatione totum caput versatur: nam et illud, quod in principio tractat, quam culpam debeamus accipere, quæ debitori noceat, aperte eius regulæ interpretatio est, cum regula de culpa debitoris concepta sit. Et quod in §. *sequitur*, ita scriptum est, *Sequitur videre de eo, quod veteres constituerunt, quoties culpa intervenit debitoris perpetuari obligationem*; non hanc significationem habet, quasi dicat Paulus nihil se dixisse prius de hac constitutione veterum, et ideo sequi, ut de ea dicat, quod perspicue falsum esset; sed hoc voluit, se de culpa debitoris dixisse, at nihil dom de eo quod veteres eaverunt hanc culpam perpetuare obligationem: se de culpa prius dixisse; sed nondum de perpetuatione, quam veteres huic

Tom. XI.

tribuant: itaque hoc sequi, ut de eo videamus. Quatuor sunt autem in ea constitutione, quæ quarantur, quæ optimo ordine Paulus explicat: primum quæ sit ea culpa quam veteres dicunt perpetuare obligationem, et quibus in rebus versetur, seu quibus factis admittatur: alterum, an hæc culpa ita obligationem perpetuet, ut re promissa exstante emendare non liceat: tertium, quorum culpa perpetuet, et quibus: postremum, perpetuationis huius quis sit effectus. Initio capitula tractat, ut dixi, illam quæstionem, quid culpæ verbo hic contineatur.

† Principio ita statuere debemus, culpam hic intelligendam esse, culpam promissoris, de cuius obligatione perpetuanda constitutio veterum concepta est; neque eam omnem, sed eam solum, quæ ad minueandam obligationem spectat, de quo agitur; idest, eam, per quam factum est, quominus rem promissor daret; nullum enim aliud factum re perempta nocet promissori. L. si ex legati, *supr. L. quod te, ^{supr.} si cer. pet.* Quominus promissor rem det, per eum; et quod idem est, culpa eius efficitur dupliciter: aut non solvendo rem adhuc exstantem, dum potest, et debet; et quod uno verbo dicimus, moram faciendo: aut facto aliquo rem promissam de medio rerum privatarum tollendo, ut iam si quis velit, ea dari non possit. † Mora promissoris quandiu mora sit, sine exceptione perpetuat obligationem, ut quandoque postea res intercidit, promissor omni modo teneatur: sententia noti iuris tradita in d. L. quod te, si cer. pet. et L. si ex legati, *supr.* ubi de ea diximus. Adici, sine exceptione, item omnimodo, ut intelligatur semel mora facta si res postea pereat, non teneri promissorem, ut nihil interat, facto et culpa ejus res pereat, an casu sine ulla omnis culpa promissoris. Quam sententiam hoc loco expressit Paulus, in *vers. sin autem alienus*: qui cum scripsisset antea, promissorem non teneri, si re aliena promissa dominus eam occidisset, aut manumisisset, idest, si sine facto promissoris periisset res, aut commerciis hominum exempta esset: subiicit hanc exceptionem de mora, nisi si posteaquam moratus est solutionem, aliquid huiusmodi contigerit: significans mora facta promissorem etiam his casibus, idest, ut dixi, omni modo et sine exceptione teneri. Merito: quidquid enim accidit, semper verum erit culpa promissoris factum esse, quominus stipulator rem haberet: acceperat enim, si promissor eum eum dare oportebat, dedisset. † Tollitur res de medio rerum privatarum, cum aut in rerum natura esse desinit, ut cum homo promissus mori-

86*

ri-

ritur; aut aximitur hominum commercii, veluti cum fundus promissus sit sacer, aut religiosus, servus liber. Id autem facto promissoria contagiare intelligitur, non solum si tollat ipse; sed etiam si tollendi et eximendi causam det. Quomodo tollat ipse, notum est. Finge servum promissum ab eo occidi, aut manumitti. Tollendi causam præbet partim faciendo, partim negligendo. Faciendo, cum rem promissam, puta servum alienat, quem dainde novus dominus occidit, aut manumittit: etsi enim horum utrumque sit postea invito, aut certa non consentiente promissore, tamen factum non esset, nisi novus dominus cum dominio una etiam potestatem ista, ut in re sua, excruci accipisset: quam cum promissor in illum transtulerit, nempe faciendo causa et occasio ab illo nata est. Negligendo idem fit, cum promissor servum promissum, quem apud se habet, negligit ægrotum, ut, si medicum non adhibet: ex quo deinde mors secuta. *L. quod si nolit, §. culpam, supr. de ad. ad.* Huius generis facta illa sunt potissimum, quæ exequitur hoc Iosephus Paulus; tractatque an omnia eam culpam contineant, de qua querimus, idest, quæ perpetuet obligationem. In summa eam ostendit non idem de hoc genere, quod de mora iudicandum esse: quippe nulla mora interveniente non omnia factum huius generis quamvis ab ipso promissore natum perpetuam obligationem facere: de quibusdam etiam dubitari posse, quamvis hæc ipsa faciant perpetuam: ut merito cognoscendum sit, quæ hic perpetuant, aut non perpetuent, et quomobrem. Da quibus ille ita scribit, ut primum dicat de occasione debitoris, cui similis haberi debet eius exemptio ex hominum commercii: secundo loco de eius negligentia: tertio de alienatione: quo ordine et de his dicemus. Ergo de his de sententia huius loci, et aliorum sic habendum est. †

6 Debitor hominis, si sciens se eum debere, sine causa legibus cognita occidit, etiam nulla mora intercedente, nihilominus tenetur: idemque est, quocunque alio modo effecerit, quomous possit solvere, veluti manumittendo: hoc in *pr. l. et §. sequitur, in pr.* Scilicet hic manifesta est eius non tantum culpa, sed etiam dolus: ut non sit dubium, quin hoc factum ad regulam veterum pertineat. Si causam habuit, cur occideret, idque iure publico, ut si in adulterio deprehensum occidit, contraria da causa non tenebitur. *L. qui servum, infr. l. qui occidit, supr. ad leg. Aquil. l. quid ergo, §. si heres, supr. de leg. 1. nulla anim culpa est id fecisse, quod iure permittebat feceris. l. 4. §. 5. §. iniuriam, supr. ad leg. Aquil. l. Grac-*

*chus, C. de adul. Quid, si nulla quidem fuit causa servi occidendi, sed tamen debitor se debere ignorans occidit? proponere heredem, qui in facto defuncti iustam habet ignorantie causam. l. qui in ius, infr. de reg. iur. Scriptum hic est in §. de illo, itemque in §. si res legata, Inst. de leg. heredem qui rogatus est servum suum restituere, si eum manumittat, taveri; quamvis nesciret se rogatum esse codicillis. At enim culpam exigimus ad perpetuandam obligationem: quæ autem potest esse culpa in eo, qui factum ignoret? certe facti ignorantia ubique iustam excusationem habet, eoque et nulli nocere eam receptum est. l. 2. l. error, supr. de iur. et fac. ig. Et ipsa per se ignorantia facti, si nihil amplius quam de ignorantia queritur, exte omnem culpam est: æque anim divinare quisquam potest, quid sit in ra, ubi de ea prius non cognoverit. Unde qui in hac ignorantia patenti domino rem, quam possidet, non restituit, aut petenti creditori rem debitam non solvit, placet cum moram non facere, neque ei nocere hanc excusationem; *l. illud, supr. de her. pet. l. quod te, supr. si cert. pct. scilicet, quia ultra defensionem iuris sui necessariam non progreditur, sed rem ad restituendam integram conservans expectat, donec doceatur da iure adversari. At quod heres se debere ignorans servum non necessario occidit, ut manumitti prius, quam cognosceret da voluntata defuncti, de oneribus hereditariis, doque re alieno; hoc vero culpe aius assignandum est: cogitare enim debuit, cum ad alienam successionem accederet, fieri posse, ut sint legata aut fideicommissa a testatore relicta, quibus ipsa sit obligatus: inquirere diligentius de re tota, et an ulli sint codicilli a defuncto relicti: expectare etiam, an ulli emergant; interim non committere, ut ullo facto suo sibi adimat parendi voluntati facultatem. Quod si non putavit fieri posse, ut ulla alia esset voluntas defuncti, quam ea, quæ nunc in testamento sa ostendit: hoc ipsum culpa est, cum quod a diligente providiri potuit, non sit provisum. l. si putator, supr. ad leg. Aquil. Itaque non consistentes in hac tantum specie; sed in omni onere hereditario, in re omni, quam defunctus debuerit; idem dicemus; si, puta, servum a defuncto promissum heres debere nesciens occiderit aut manumiserit. Nam et hæc culpa eius est, si non cogitavit defunctum habere posse creditores; fieri posse, ut res quæ occisa est, deberetur. Prius ipsum quæ-rere oportuit de creditoribus ad oneribus hereditariis et expectare, donec illi asistere possent: sic etiam potuit fieri, ut et de servo debito cognosceret. De quibus prius quam**

com-

comperisset, ad non necessariam cædem, aut manumissionem servi proslire non debuit. Proinde ne in homine quidem debito solum probandum est, heredem eum teneri, qui cum nesciret se debere, servum occidit: sed etiam in bove, et quovis alio animali promisso, quod heres ignarus occiderit. Quamvis enim in re familiari iusta forte et probabili causa cogente id fecerit, ut vespendi causa, cuiusmodi in hac specie occidendo nulla est: tamen semper hærebit in eo hæc culpa, quam dixi, quod cum accesserit ad alienam successionem, non cogitarit de oneribus hereditariis: fieri posse, ut hæc aut illa deberentur, ac denique adversus eam dubitationem omnia integra non servavit. Huc accedit rei æquitas, quod non debeat ipsius factum alteri damnum afferre, iuxta regulam iuris *L. factum, infr. de regul. iur.* qua et ipsa ratione Iulianus in hac specie utitur adversus heredis liberationem in *L. quidam, §. pen. in fin. supr. ad Trebell.* Sed an omnes debitores, qui rem debitam ignorantes occiderunt, aut manumiserunt, pariter tenentur? Et si omnibus pariter posset culpa obici, cur de debito non cogitarint, ut hereditibus, a quibus res legata est, aut qui iis successerunt, qui scirent aut scire possent debitum, omnes pariter teneri diceremus secundum constitutionem veterum, de qua agimus: sed quoniam non in omnibus culpa est, eo fit, ut interdum non omnes teneantur. Id accidit in eo, qui indebitum servum accepit: nam si cum nesciret indebitum, manumisit, placet eum non teneri, ne ad pretium quidem. *L. in summa, §. penult. supr. de condiction. indeb.* Quæsitum est, quamobrem. Vulgo putant proprio quodam iure receptum esse in ea conditione, quia eius hæc natura sit, ne is qui accepit indebitum, teneatur ultra, quam locupletior factus est. Arg. *L. si non sortem, §. libertus, supr. de condiction. indeb.* Quod alii hac ratione confirmant, quia hæc conditio sit ex æquo et bono introducta. *L. pen. supr. de cond. iud.* Sed nihil eiusmodi est: etenim si is qui indebitum accepit, manumisit, aut alio modo desit rem habere sine culpa, non tenetur is quidem; sed nihil hic proprium huius conditionis: nam et in omnibus aliis obligationibus hoc evenit, ut re sine culpa debitoris precepta debitor liberetur, dictante hac ipsa regula veterum, quam interpretamur. Sin autem culpam in eo esse admittimus, nullo modo neque in hoc neque in ullo iudicio recipiendum est, ut is facto suo liberetur. Nam et constitutio veterum generalis est, culpa debitoris perpetuari obligationem: et præterea res eiusmodi, ut nihil sit æquius, quam debitorem

facto suo, id est, culpa non liberari, hæc *L. §. nunc videamus*: quam factum suum, id est, culpam cuique nocere, non adversario, quod et regula iuris comprehensum est. *d. L. factum, infr. de reg. iur.* Nec vero huic æquitati usquam magis locus esse debuit, quam in conditione indebiti: est enim re vera ex æquo et bono, et quidem ita, ut quæ non præstantur in aliis iudiciis, in hoc præstentur secundum naturæ æquitatem, si is percepit, qui accepit indebitum, ut fructus, etiam ante moram percepti: *L. indebiti, de cond. ind.* quos constat in aliis iudiciis, non venire: *L. si filiusfam. §. ult. supr.* ut pretium perceptum ex re indebita distracta: *L. si non sortem, §. libertus, supr. de cond. ind.* quod non præstatur ne a venditore quidem bonæ fidei iudicio, si is rem a se distractam alii rursus vendiderit, et prius quam moram faceret priori emptori, res vendita decesserit. *L. venditor ex hereditate, ver. nam si eundem, supra, de her. vel act. ven.* Ex quo efficitur, non illud quod isti præpostere ratiocinantes putant, ut is qui indebitum manumisit nesciens, eo facto debeat liberari, si in eo culpa est; sed contra, ut magis debeat teneri. Sic enim recte colligitur: conditio ex æquo et bono est: ergo in ea omnium rerum ratio habenda est, quas æquum et bonum est præstari. Æquum autem et bonum, si res eius, cum quo agitur, culpa perierit, culpam ab eo præstari, eumque eo facto teneri, et quidem ita, ut nihil sit æquius: nam et in strictis iudiciis, quæ non sunt ex æquo et bono, hæc culpa a debitore præstat, quod efficitur ea constitutione veterum, quam tractamus: prohibe et huius culpæ nomine eum, qui indebitum accepit, teneri oportet, idque tanto magis, quanto huius maior et æquior obligatio est, quam eius qui ex stipulatione obligatur. Nihil ad rem pertinet *L. si non sortem, §. libertus, de cond. ind.* illic enim traditur eum, qui indebitum vendidit, solum refundere debere, quod ex pretio habet, ad rem autem quam non habet, non teneri, quod et verum est: nam et eum, qui manumisit, nec pretinui consecutus est, non teneri dicimus, deque eo nunc agitur ex *d. L. in summa, §. pen.* sed queritur, utrum natura iudicii id fiat, etiam si culpa manumittentis arguatur, an vero ideo, quod in eo qui sibi debitum existimans manumisit, culpa nulla sit, quod manumiserit. Satis autem ostendi iudicii naturam non fieri, et generaliter probandum non esse, ut quem culpa occidisse aut manumisisse constiterit, eum nihilominus velimus liberari. Relinquitur igitur, ut intelligamus ideo in indebitum

hoc recipi, quia non sit, quod obiciatur ei, qui indebitum accepit, si putans rem sibi debitam pro sua alienavit, aut manumisit. Qua ratione admissa, si vera est, et naturæ conditionis consentanea dicimus, dum huius præstationis æquitatem in hac conditione quæ ex æquo et bono diiudicatur, servamus; et simul constitutionem huius loci retinemus per omnia: quod in generali definitione et perpetua æquitate factum oportuit. Culpa enim in eo, qui indebitum manumisit, detracta, nihil dicimus huic constitutioni repugnans, si eum manumissorem non teneri dicimus; quia constitutio quæ vult perpetuari obligationem, de culpa loquitur. Cur autem in cæteris debitoribus culpa sit, si rem debitam quamvis nescientes se debere occiderint, vel manumisserint: in eo autem qui indebitum ignorans accepit, nulla; hæc ratio est, quia heredes de quibus locuti sumus, et in quos cadit, ut iuste ignorent se debere, causam habent, cur cogitent potuisse defunctum et hanc rem debere, et item alias omnes, aut etiam eas legare: quoniam hæc ut plurimum est conditio rerum hereditiarum, hæc ut plurimum voluntas testantis. Est etiam officium heredis inquirere de hereditariis oneribus, et ad ea ferenda se integrum servare. At is, qui indebitum accepit, si ante debitum putavit, tantum abest, ut accipiendo habeat ullam causam, cur cogitet posse esse indebitum, quod accipit, ut contra omnem causam habeat, cur existimare debeat esse debitum, et quidem adversarii facto et confessione constitutam: ille enim rem ut debitam solvendo, simul et eam talem esse solutione sua accipienti confirmavit: ut hoc quodammodo facto iuberet illum esse secutum. † De negligentia promissoris, quod secundo loco tractat Paulus initio, ita statuit, si promissor servi negligat infirmum, quamvis servus postea decesserit, tamen promissorem non teneri; et generaliter eam culpam quæ in non faciendo sit, eum præstare non debere. Id quidem Paulus initio aperte scribit: quod Bartolus et alii cum Accursio dum negant, apparet eos snum quoddam iudicium secutos verba Pauli non considerasse unquam, aut certe latine non intellexisse. Paulus non dubitans aut quærens more, sed affirmans ita scribit; *quod magis probandum est*. Quid est autem illud, quod magis probandum esse dicit? quod quæsierat videlicet, et uti quæsierat: quærebat autem, an culpa in faciendo accipienda sit. Respondet ergo, hoc probandum esse. Quærebat præterea, an non esset accipienda ea, quæ sit in non faciendo. Respondet et hoc magis

probandum esse. Cui ergo dubium esse potest, his verbis hoc eum dicere, hanc culpam quæ in non faciendo sit, in promissore non esse accipiendam? Ad quod confirmandum ratio sequens refertur: *quia, inquit, qui dari promisit, ad dandum, non faciendum tenetur*: quæ ratio est eiusmodi, ut etiam si posita esset solum ad habitationem, tamen ipsa confutari non posset. Certum est enim nihil promissorem culpa facere, si non facit id, ad quod non tenetur: unde eum a quo id petitur, quod non debet, si id recusset quamvis interpellatus, tamen moram non facere dicimus. *L. nulla, infra, de reg. iur. l. si pupillus, infr.* Quod contra esset, si qua in eo esset culpa, quod recusaret. *L. sciendum, supra, de usur. l. qui decem, infra, de sol.* Bene igitur sic colligemus cum Paulo; nihil culpa, aut contra ius facit promissor, si id non præstat, ad quod ex stipulatione non tenetur: promissor autem hominis ad dandum hominem obligatur ex stipulatione, non ad eum curandum, quia de eo nihil cavet. Proinde si servum non curaverit, culpa vacat; eoque etsi servus postea decesserit, non tenetur. Hac vero ratione facile diluuntur ea, quæ istis obstant quominus audeant fateri, quod verum est, et hoc loco scriptum tam dilucide. Moventur exemplo emptoris, in mancipio illi tradito, quod redhiberi oportet: nam si eius culpa mancipium perierit, placet eum nihilominus ita teneri, ac si homo adhuc viveret; et culpam sic æstimandam, ut etsi ægrotum neglexerit, nec adhibuerit medicum, teneatur. *L. quod si nolit, §. si mancipium, et §. seq. supr. de ad. ed.* Moventur et exemplo heredis, a quo in re legata placet omnem culpam levelem esse præstandam non tantum eam, quæ in faciendo sit, sed etiam quæ in negligendo. *L. cum res, §. penult. supr. de leg. 1. †* Quasi si in his duabus causis quidquam sit cum stipulatione et promissore commune, ac non manifestis rebus a stipulatione in hac ipsa quæstione de culpa disiungantur. In emptione et venditione versatur utriusque utilitas emptoris et venditoris. Ideo a venditore in re vendita nondum tradita exigitur, non tantum ut absit ab eo dolus in ea re, sed etiam culpa; hoc amplius et custodia eius rei diligens exigitur *L. custodian, supr. de per. et com. rei vend.* Idem exigitur et vice versa ab emptore in re vendita illi tradita, quam postea redhibuit velit: *d. l. quod si nolit, §. culpam, de ad. ed.* quod constat non item receptum esse in aliis contractibus, in quibus solius creditoris utilitas agitur, qualis est stipulatio, iuxta distinctionem de hoc genere traditam

in *L. si ut certo, §. nunc videndum, supr. com. L. contractus, infr. de reg. iur.* Sed quod discrimen præcipue notat superior ratio Pauli, hoc est, quod emptio utpote iudicium bonæ fidei, eiusmodi est, in qua alter alteri obligatur in id, quod alterum alteri ex æquo et bono præstare oportet: etiam si de eo nihil convenit: ut consequens sit emptiōis naturæ etiam ab utroque eius rei, quam præstare alteri debeat, custodiam ut pro officio boni viri sine alia conventionē exigi. *§. in bonæ, Instit. de act. §. ult. Inst. de obl. ex cons. At ex stipulatione, quæ stricti iudicii est, L. in actionibus, in fin. et L. seq. supr. de in lit. iur.* tantum debet quisque, quantum nominatim in stipulationem deductum interroganti promissit. *d. §. ult. Inst. de obl. ex cons. L. quia, supr. de neg. gest.* Ex quo recte colligit Paulus, cum constat eum, qui dari promissit, non promississe sed quidquam in re promissa factorum, ideo enim ad dandum, non etiam ad faciendum teneri. Quo intelligi vult, etsi nihil fecerit, iure suo facere: ac proinde ne eo quidem nomine teneri. Eadem legati causa, quæ emptiōis. Nam et in legato versatur utilitas non solum legatarii, cui legatum præstatur, sed etiam heredis, qui ut præstat, hereditatem accipit: quam ipsam ob causam et culpam ab herede in re legata præstari Africanus respondit *L. si servus, §. cum quid, supr. de legat. 1.* Et præterea comparantur legata et fideicommissa bonæ fidei iudiciis: unde et in illis fructus ex mora debentur. *L. in minorum, Cod. in quib. cau. in int. res. nec. non est. L. equis. L. respondit, §. ult. supr. de usur.* Id voluntas testantis facit, quam sic interpretamur, quasi velit quod legat, quam plenissime et fidelissima ad legatarium pervenire. *L. in testamentis, infr. de reg. iur.* Quorum nihil simile in stipulatione et promissore. Scio autem hæc verba in *L. venditor ex hereditate, vers. quemadmodum, supr. de her. vel. act. ven. quemadmodum funditor fructus præstat bonæ fidei ratione: quamvis si neglexisset, ut alienum, nihil et imputari possit; nisi si culpa eius argueretur.* Quibus verbis plerique probari putant ne venditorem quidem negligentie nomine teneri: et fatentur id recte dici in fructibus; in re autem ipsa vendita custodienda diligentiam ab eo exigi. Sed non debuimus his verbis moveri, ut a regula iuris nota de his contractibus, in quibus utriusque ex contrahentibus commodum agitur, discederent: quæ potius supra scriptis illis verbis maxime confirmatur. Nihil potest imputari ei, qui fundum neglexit: sed adiiciuntur hæc verba, ut alienum; item hæc

exceptio, nisi si culpa eius argueretur. Quibus significatur, si venditor fundi alieni negligat eum, ut alienum, nihil posse ei imputari: scilicet quia nulla sit culpa non fecisse in alieno, quod etsi venditor vellet, tamen non posset facere invito domino. Et tamen idem venditor si potuit eum fundum a domino recipere, vel ab eo impetrare, ut ipse fundum coheret, neque fecerit, incipiet teneri eo nomine, quia in eo iam culpa eius arguatur. Unde intelligimus, si idem fundum anim neglexerit, multo magis eum negligentiam præstare debere. Ut autem nihil aliud illic adiciatur, quam hæc exceptio, nisi culpa eius argueretur, satis argumenti est, semper venditorem neglecti fundi nomine teneri, ubi potuit curare, nec fecit, quia in eo culpa est. Ita verissime dicitur in emptiōe et dolum et culpam, et negligentiam cum a venditore, tam ab emptore in re reddibenda præstari. Sed multum, ut dixi, omnibus rebus emptiōis causa et similium distat a stipulatione: ut quod de negligentia in illis præstanda dicitur, ad stipulationem transferre, hominum sit, quid istarum rerum tam dissimilium natura postulet, non satis intelligentium. † At sakem in vindicatione hominis, si is neglectus a possessore fuerit, culpa huius nomine tenetur possessor, ut hic scribit Paulus: quidnam igitur eodem exemplo teneatur negligentia huius nomine et is, qui dari promissit? Hoc argumentum Paulus non solvit: propterea quod nihil ad rem pertinet: intelligendum est enim in vindicatione alicuius rei nunquam possessorem culpæ nomine teneri, nisi aut post litem contestatam, aut si ante mala fide possederit: *L. qui petitio, §. qui rem, L. si homo, supra, de rei vind.* ut consequens sit nunquam possessorem teneri eo nomine, nisi cum in re restituenda moram fecerit. Quod tantum abest, ut adversetur huic loco, ut velimus et in promissore post eius moram idem maxime admittendum esse: quem placet mora facta et maxime post litem contestatam, etiam si res eam sine ulla eius culpa perierit, nihilominus teneri. *L. si ex legati, supra, et hac L. vers. sin autem, L. cum fundus, supra, si cer. pet. L. 2. supra, de usur.* At enim Paulus simpliciter negat promissorem teneri aius culpæ, quæ sit in non faciendo. Nempe, quia de eo loquitur, qui antea moram non fecerit: sic enim proposuit initio, *Si servum stipulatus fuero, et nulla mora interveniente servus decesserit.* Hoc idem si contingat in possessore, a quo res vindicari potest, ne hic quidem pro eo tempore quo sine mora possedit, ullius culpæ nomine tenebitur: quod fit ante litem contestatam, si

et tum possedit bona fide, *d. L. si homo, supr. de rei vind.* Ex quo intelligi potest, quam considerate et apte faciant, qui conantur diversitatis rationem reddere inter possessorem, et promissorem, cum de culpa ab his præstanda agitur: quasi quidquam inter eos in hac re intersit, quos apparet tam per omnia in eadem causa haberi. Ante moram neuter culpam præstat: mora facta ambo pariter præstant: quam igitur hic dissimilitudinis rationem quarimus? Quæ si esset aliqua, attamen ferendum non esset, ut diceremus promissorem ideo neglectæ rei nomine non teneri, quia licuerit ei versari negligenter ut in re sua. Liceat sane ei negligere rem suam, quam nulli debeat: at si alii debet præstare, cur ei magis liceat eam negligere, quam possessori, cum eam non sibi habeat, sed stipulatori? Ista ratione nec tenetur venditor negligentiae nomine, ubi res vendita eius est: nec heres quoque, ubi res eius legata est. Quorum utrumque aperte falsum est. Sed, ut dixi, non fuit laborandum in eo dissolvendo, quod contrarium non fuit. Cur ergo possessoris exemplo ad dubitationem proponendam Paulus usus est, si in eo dissimile nihil fuit? magis laud dubie exempli gratia, ut ostenderet, quam culpam vellet intelligi, quam quod exemplum faceret ad dubitationem: neque enim quod de possessore hic dicitur, ad eum promissorem, qui moram non facit, de quo hic agitur, quidquam pertinet. Sed ut nihil obstat Paulo illa quæ dixi: ad certe verba ipsa constitutionis veterum videntur maxime adversari. Ipse enim fatetur negligere infirmum culpam esse, quæ sit in non faciendo. Porro constituti generaliter scripta est, culpa perpetuari obligationem. Ita fit, ut hæc quoque culpa, quæ in non faciendo est, secundum verba constitutionis perpetuare obligationem debeat: quod non fit aliter, quam si mortuo servo qui neglectus est, promissor tenebitur. Et dicendum est, quod supra quoque ostendi, quod promissor servum infirmum negligit, culpam non esse: ideo factum ad constitutionem non pertinere. Idque Paulus satis declarat, cum ait promissorem ad curandum infirmum, et omnino ad faciendum non teneri: nam si non tenetur, absolutum est nihil eum culpa facere, qui non curet, aut quid in re promissa non faciat: nulla enim culpa est non facere; quod non debeas. † Sed Paulus culpam vocat, quia diversis rationibus idem factum et culpa esse, et rursum non esse recte dicitur. Si officium cuiusque in rebus administrandis spectamus, culpa est non ita versari in rebus nostris, ut diligentem patremfa-

miliis et frugi decet: sin obligationis, et eius quod stipulatori præstandum est, ratio habetur, nulla omnino adversus eum culpa admittitur in eo non præstando; quod promissor non debuerit. Hactenus effectum est, promissorem servi, si infirmum negligat, non teneri, et omnino in re promissa eam culpam non præstare, quæ sit in non faciendo: sed hoc ita, ut possit sine ulla hesitatione concedi, si rem negligat levi, non lata culpa, ut quia in suis etiam rebus idem faciat: nam nec in aliis contractibus, in quibus solius creditoris commodum versatur, culpam levem præstat debitor. *d. L. si ut certo, §. nunc videndum, supr. cora.* † At quid, si hominem diligentem proponas, qui non negligat eodem modo res suas, sed curet diligenter: hunc tamen neglexisse servum infirmum, quem promiserat, itaque peccasse in eo non levi et consueti in rebus suis negligentia, sed ea culpa, quæ dicitur lata, quæque dolo comparatur? an non saltem huius nomine tenebitur? Hanc quidem etiam depositarium præstare constat cuius tamen commodum in deposito nullum versatur, et quem placet aliqui levis culpæ nomine non teneri: et ideo hanc ab eo præstari placet, quia lata culpa dolus est. *L. quod Nerva, supr. dep.* An non igitur par est et hanc a promissore præstari, si cum res suas cæteras curare solitus sit, promissas neglexerit? Sed manifestum est Paulum hoc sentire, debitorem, qui ex stipulatu hominem debeat, quocunque modo infirmum neglexerit, non teneri primum, quia de promissore ipso loquitur; qui non potuit ignorare se debere, certe facti sui ignoracionem præterdare non potest. *L. quamquam, supr. ad Vell.* Deinde quia utitur ea ratione quæ ad omnem negligentiam etiam latam pertinet. Ait enim promissorem, qui ægrotum neglexit, ideo non teneri, quia ad faciendum non tenetur. Hæc quidem ratio hoc efficit, ut quamvis sciens prudens neglexerit, tamen nihil debeat. Ut enim si res alienæ pereant, dum opem ferre possum et negligo, tamen non teneor eo nomine aut lege Aquilia, aut ulla alia lege, tantum ideo, quia hanc curam alienis rebus non debeo: *L. si cuius, §. denique, supr. de usufr. et quem.* sic in re debita si senel admitti coeperit, me ad eam curandam non obligari, consequens est si eam quamvis sciens neglexerim, me eius negligentia nomine teneri non debere: semper enim illud tenebimus nullam culpam esse non facere id quod non debeas, etiam si consulto non facias. Et quid attinet quærere, an eo non facto culpa admittatur, nec ne, si constet promissorem non faciendo non teneri? at profecto hæc lex est faciendi obligationum, ut si quis ad ali-

aliquid faciendum non obligatur, multo minus eo non facto teneatur in id quod interest. *L. stipulationes non, ver. Celsus, supr. eod.* At enim depositarias, cuius nulum commodum agitur in deposito, et quem aliqui placet culpam non prestare, tamen tenetur latæ culpæ nomine, si non ad summum modum saltem curam adhibuerit in re deposita, *de L. quod Nerva, dep.* In promptu differentie ratio est: quippe promissor in re promissa nihil se facturum cavet: ideo, ut inquit Paulus *ad dandum tenetur, non ad faciendum*: nam præterquam quod promisit, non obligatur, ut supra diximus. At depositarius recipit se rem custoditurum, cum depositum sit, quod alicui custodiendum datur. *L. 1. in pr. supr. dep.* Huius vero custodiæ pars est, rem perituri non negligere, si pro tuo capto servare liceat: merito igitur tenebitur rei neglectæ nomine, qui ad curandum ex natura contractus tenebatur. Unde in *d. L. quod Nerva*, dicitur depositarias non posse salva fide minorem deposito, quam suis rebus diligentiam prestare. Non est fides, nisi quam dedit. Nisi fidem hic accipimus officium boni viri, quod in bonæ fidei iudiciis sine ulla manifesta conventionne præstandum est. Sed nullum tale officium præterquam quod verbis cautum est exigitur a promissore: stipulatio enim bonæ fidei iudicium non est: de quo etiam ante dixi-

12 mus. † Superest tertium de re a promissore alienata, quam deinde novus dominus vel exemitur hominum commerciis, veluti hominem manumittendo, vel etiam de medio sustulerit, veluti occidendo. Quod attingit Paulus in illis verbis, *sed si quidem res*: atque ita statuit, ut si res promissa quandoque promissoris fuit, idest, vel ab initio, vel postea, deinde alienata ea a promissore novus dominus aliquid fecerit, quo res eximeretur ex commerciis, promissor non minus teneatur, quam si ipse servum promissum manumisisset. Et recte. Etsi enim, cum servus alienatus est, non potest promissor impedire, quominus novus dominus de eo statuat, ut vult; etiam alienatio non facit, ut servus sit manumissus; tamen, ut initio dixi, alienatio eiusmodi causa est, sine qua nullo modo manumissio esset secuta. Non enim manumitteret alius, nisi esset dominus: quod autem dominus esse cepit, consecutus est a promissore, dum is rem in accipientem transtulit. Hæc vero culpa est, quod promissor id fecit, nec cogitavit homine alienato evenire posse, ut a domino manumitteretur.

Tam. XI.

teretur. Arg. in *L. si quis domum, §. 1. ver. idem; supr. loc.* Sed Paulus de ea re loquitur, quam novus dominus exemit commerciis hominum: nihil de ea, quam novus dominus occidit. Quid ergo, si servum promissum alienavit promissor, et eum novus dominus occidit; an idem dicemus? movet, quod non ut alienatio manumissionis, ita et cædis causa dici potest: neque enim manumitteret novus dominus, nisi alienatione dominus factus esset: occidere autem posset, etsi non esset dominus. Sed varius est et servo alienato occiso, si quidem novus dominus occiderit, idem probandum esse. Etsi enim is occidere potuit etiam alienum: tamen dominus factus maiorem potestatem nescendi, et in servum excandescendi, maiorem etiam occidendi facultatem nactus est. Quemadmodum autem si ipse debitor occidisset aut manumisisset rem promissam, quamvis nesciens se debere, tenebatur; ita etsi alienaverit ignorans, et eadem postea secuta sint, eodem modo tenebitur. *§. si res legata, in fin. Instit. de leg.* Eandem dicemus etsi novus dominus eandem rem rursus transtulerit in alium, a quo deinde servus aut manumissus, aut occisus sit: hoc in *vers. idemque fiet*, hac *L. Semper* enim verum est, promissorem his casibus cassam præbuisse: quia nisi rem alienasset, illa non contigissent. Ex his apparet promissorem in re promissa factum omne suum prestare, sine quo factum non esset, ut res designaret dari posse, sive occiderit ipse, aut manumiserit, sive re alienata alius: negligentiam autem suam in totum non prestare. Sed cum alienato servo, qui deinde a novo domino occisus est, promissor servum non occidat, sed tantum mortis causam præbeat; qui fit, ut placeat hunc propter alienationem servi teneri; propter negligentiam autem non teneri, quamvis hæc non minus præstiterit mortis occasionem? Quia nemo cogit legibus alla re ut opera, ulloræ officio prodesset alteri, si nolit, ubi illi non sit obligatus; eoque extra culpam est promissor, si curam in re promissa non præstat, ad quam constet eum aliqui ex stipulatione non teneri: ac non teneri eum ostendimus. At nocere alteri, eiusque deterioræ conditionem facere omni iure et naturali et civili prohibetur. *L. solvendo, supr. de neg. gest.* Ac quodcumque eiusmodi factum nostrum est, non potest fieri, quin in eo certa nostra culpa sit; cum fuerit in nostra potestate non admittere, potuerimusque prospicere hoc evenire posse, quod

quod accidit. Inde dictum, factum cuique suum nocere debere, non alteri. *L. factum, infr. de reg. iur.* Sic fit, ut regulæ veterum convenientissime utrumque dicatur, et negligentiam promissoris in re promissa obligationem non perpetuare, quamvis interitus sit consecutus, quia hæc negligentia in promissore culpa non sit: et rursum huius alienationem perpetuare obligationem, si res deinde a novo domino tollatur, quia factum hoc certam culpam habeat: ac de culpa definitio veterum concepta est. Interim ut teneatur promissor re sublata factum eius aliquod in ea re intervenire volumus, ut sit in eo ea culpa, de qua loquitur constitutio, ad perpetuandam obligationem. †

Quod si nihil omnino fecit, et res nihilominus ante moram eius amissa est, citra controversiam liberatur, pertinetque ad definitionem de interitu rei debitæ traditam in *L. si ex legati, L. inter, §. sacram, supr. eod.* quod contingit si servus alienus promissus sit, et alius vel occiderit eum vel manumiserit. *L. is, qui, sup. eodem,* et hac *L. vers. sin autem alienus.* Idem est, si cum Stichum alienum promississem, is deinde meus factus sit; cumque prior dominus ei libertatem testamento dedisset sub conditione, ea postea existente statuliber ablatus sit in libertatem. *ead. L. ver. item si homo.*

Ad §. De illo.

De illo quæritur, an et is qui nesciens se debere occiderit, teneatur: quod Iulianus putat in eo, qui cum nesciret a se petitum codicillis ut restitueret, manumisit,

S U M M A R I A.

1. Heres ob servum, quem rogatus est restituere, a se manumissum tenetur.

2. Servo, qui restitutioni a testatore subiectus est, ab herede manumisso, an libertas competat.

1. **H**eres rogatus servum restituere, si eum manumittit, nunquam suo facto liberatur, quin saltem æstimationem servi debeat, sive se debere sciverit, sive ignoraverit, ut hic scriptum est, et supra ostendimus. Nec refert suum proprium manumittat, de quo erat rogatus, an eum, qui fuit testatoris. *L. si quis inquilinos, §. 1. supra, de leg. 1. §. si res legata, Instit. de lega. †* Sed an saltem ita possit heres hunc servum, de quo rogatus est, manumittere, ut servo libertas competat, quæritur: non tamen videtur res a testatore subiecta restitutioni, alienari aut manumitti posse, ne si sub conditione quidem legata sit, et pendente conditione alienata aut manumissa. *L. ult. §. sed quia nostra, et §. sin autem, C. com. de leg. L. generaliter, §. ult. supra, qui et a quib. ma. lib. non f.* Rursum de servo ita Paulus hoc loco scribit, ut eum Iuliano ponat heredem hunc ipsum servum manumisisse. Et recte Paulus. Sive enim de suo proprio restituendo heres rogatus est, sive de servo testatoris, est cur possit eum servum manumittere; dissimiliter tamen. Suum primum heres damnatus dare, aut restituere iussus, semper eum recte manumittit, *d. L. si quis inquilinos, §. 1. de legat. 1.* Non enim desinit iuvo esse, quia legatus est, nec potest evitio eo fieri legatarii. *L.*

id quod nostrum, infra, de regul. iur. ita cum semper maneat heredis, nihil est impedimento manumissioni. Et quod dicitur in *L. heres, sup. qui et a quib.* heredem servum proprium quem testator legaverat, manumittendo nihil agere; recte Accursius sic accepit, ut intelligatur nihil agere ad liberationem, non efficere denique quominus teneatur, ut significatur in *d. §. si res legata: semper enim pretium debebit: idque ita declaratur apertius in d. L. si quis inquilinos, §. 1.* Servum autem hereditarium si iussus sit restituere heres, et hunc quandoque potest manumittere; sed hac conditione si rogatus sit restituere hereditatem, in qua fuit is servus: placet enim heredem ita rogatum, quamvis non ignarum fideicommissi posse servum, qui ex ea hereditate sit, manumittere, ita, ut ipse, aut heredes eius pretium tantum servi fideicommissario prestare debeant, libertate favore sui servata. *L. quidam, §. penul. supra, ad Trebel.* Servum hereditarium si nominatim rogetur heres restituere, frustra hunc manumiserit: sive enim pure, aut in diem servus legatus est, statim sit legatarii; *L. a Titio, infra, de fur. alienum heres manumittere non potuit: hoc in dicta L. ult. §. sed quia, C. com. de leg.* Sive legatus est sub conditione, est quidem is servus heredis pendente conditione; sed

sed conditione existente res eo redit, quasi nulla conditio antea fuisset. Quo fit, ut nec pendente conditione placeat eum servum ab herede manumitti posse, *d. L. generaliter*, §. ult. *supra*, qui et a quibus. Cur ergo non idem probatum est, cum heres rogatus est restituere hereditatem, in qua fuit servus, cum hereditatis appellatione singulæ res hereditariæ contineantur? *L. si quis cum*, in *fin. supra*, de *exe. rei iud.* Quia cum servus hereditarius certus specialiter legatus est, res dubitationem non habet, quin de eo præstando non de eius æstimatione testator senserit. Proinde hunc ipsum ex voluntate defuncti fieri legatarii oportet: cuius cum esse cœperit, ab alio manumitti non potest: neque in re certa locus est coniecturæ: *L. continuus*, §. cum *ita*, in *fin. infra eod.* At cum fideicommissum hereditatis relictum est, potest fideicommissum sic accipi, quasi ad sensum testatoris nihil in-

tersit, utrum res ipsæ singulæ, an vero rerum singularum præstetur æstimatio, si modo rei utilitas et favor eam interpretationem voluntatis suadeant: quod fit, cum de libertate servo danda agitur. Et sane tam pretium rerum singularum intelligitur hereditatis esse, quam ipsæ res singulæ. *L. si rem*, *supr. de her. pet.* quæ res dubium fecit apud veteres, bonorum parte legata utrum rerum partes, an æstimatio debeat. *L. non amplius*, §. ult. *supr. de leg. 1.* Ut ergo fateamur herede hereditatem restituere rogato in re dubia videri sensum de rebus ipsis et corporibus, quæ fuerunt in hereditate, attamen si humanitas et rei favor eo ducant, ut potius rei æstimatio accipienda sit, ut contingit in libertate, humaniorem sententiam sequi oportet. *L. si fuerit*, §. ult. *supr. de rebus dub.*

Ad §. Sequitur.

Sequitur videre de eo quod veteres constituerunt, quotiens culpa intervenit debitoris, perpetuari obligationem: quemadmodum intelligendum sit. Et quidem si effecerit promissor quo minus solvere possit, expeditum intellectum habet constitutio. Si vero moratus sit tantum, (hic) hæsitatur, an si postea in mora non fuerit, extinguatur superior mora. Et Celsus adolescens scribit, eum qui moram fecit in solvendo Stichum, quem promiserat, posse emendare eam moram postea offerendo: esse enim hanc quæstionem de bono et æquo: in quo genere plerumque sub auctoritate iuris scientiæ, perniciose (inquit) erratur. Et sane probabilis hæc sententia est, quam quidem et Iulianus sequitur: nam dum quæritur de damno, et par utriusque causa sit: quare non potior sit qui tenet, quam qui persequitur?

S U M M A R I A.

1. Regula veterum, Ob culpam debitoris perpetuari adversus eum obligationem, an sit perpetua.
2. Moræ purganda ratio, et purgata effectus.
3. De moræ purgatione responsum Celsi declaratur.
4. Mora aliquando facta, promissorem postea offerendo liberari æquum esse, duabus demonstratur rationibus.
5. Mora purgata debitorem, si res sine facto eius postea perierit, alias ipso iure, alias per exceptionem liberari.
6. Ad moram purgandam obligatio rei debitoris in futurum tantum prodest debitori, non etiam in præteritum.
7. Mora a debitore facta, quibus modis creditori statim per occasionem eius moræ actio acquiratur.
8. Iudicii potestate actio ex mora quomodo quæritur.
9. Conventionem quomodo.
10. Litis contestatione quomodo.
11. An dandi obligationibus, an prosit reo ad purgandam moram rem offerre post litem contestatam.
12. L. Etsi post, sup. Si quis cauit.
13. L. 3. ult. et L. 4. infr. Iud. sol.
14. L. Fideiussor, sup. de dol. mal. exc.
15. L. hoc edicto, sup. de publican.

} expli-
catur.

Dixit, quam culpam intelligere debemus in illa regula veterum, culpa perpetuat obligationem. Nunc docet, quam verum sit, quod de hac culpa veteres ita statuerunt, quoties culpa intervenit debito-

Tom. XI.

ris, perpetuari obligationem. Generaliter enim hoc dictum est, et sine exceptione. Quid ergo, an præfracte hoc ita accipiendum est, ut nullus sit unquam postea liberationi locus? Et Paulus agnoscit in uni-

87*

ver-

- versum vere dici, si effecerit promissor, quominus possit solvere, vel occidendo servum promissum, vel manumittendo, vel transferendo in eum, a quo postea eadem illa contigerint. Siquidem nulla diligentia consequi potest, ut vel restituatur, vel offeratur etiam, quod semel amissum est. Quod si promissor tantum moram fecit, ostendit Paulus non esse in eo constitutionem veterum perpetuam. † Quippe promissorem mora in Stichō præstando facta, postea Stichum offerre posse. Offerendo emendare moram, et quod alibi dicitur, purgare; *L. interdum, §. ult. sup. eod.* id est, facere, ut perinde habeatur, quasi prius moram non fecisset. Uude et significantiore verbo utens hic ait ea oblatione extingui moram. Quæ res facit, ut Stichō postea sine facto promissoris amisso promissor liberetur. *L. mora, sup. eod.* quod adeo verum est, ut etiam in persona furis locum habeat. *L. in re, sup. de cond. ind.* Hæc de moræ purgatione sententia Celsi fuit, quam et Paulus probat. Cui consequens est, et post culpam debitoris, si culpa tantum in morando fuit, non semper iuxta regulam veterum perpetuam esse eius obligationem, ut qui postea re debita perempta liberetur. Opponebantur huic sententiæ verba regulæ superioris, quæ, ut dixi, generaliter et sine exceptione scripta est. Respondebat Celsus, quo responso et Paulus nunc utitur, verbis quidem regulam generaliter scriptam esso; sed nihilominus ita temperandam, ut diximus. Esse enim hanc quæstionem de bono et æquo. *In quo genere plerumque sub auctoritate iuris scientiæ perniciose, inquit, erratur.*
- 3 † Quorum verborum hæc est sententia: idcirco probandum esse moram purgari postea offerendo, quia sit æquum et bonum ita statui. Ideo enim et quæstio ipsa de mora purganda est de æquo et bono. Nec moveri nos oportere verbis regulæ, quamvis pro iure certo recepta sit: quoniam sub auctoritate iuris scientiæ, id est, dum verba iuris scripti propter eius auctoritatem præfracte retinere volumus, plerumque perniciose erratur. Sic enim fit sæpe, ut statuamus adversus æquum et bonum, ut in hac quæstione. In quo manifestus et perniciosus error est. Isto enim modo dum videri volumus ius retinere, ius ipsum amittimus non sine perniciæ eorum, quibus detrahitur: cum iuris civilis finis sit æquitas, atque adeo ipsum Ius Civile nihil sit, nisi æquitas, ut definitur a Cicerone in *Topicis*; uude et ab Ulpiano ius, idest, iuris prudentia definitur ars æ-
- qui et boni, in *L. 1. sup. de iust. et iur.* Quapropter id servabimus in hac quæstione, quod traditum est in *L. placuit, C. de iud.* ut quemadmodum in aliis rebus omnibus, sic in hac quoque præcipua sit iustitiæ æquitatisque, quam stricti iuris ratio. † Esse autem æquum, promissorem, qui aliquando moram fecerit, postea offerendo liberari, probant veteres duabus rationibus. Una est Marcelli relata in *L. qui decem, infr. de sol.* non esse æquum teneri debitorem pecunia aut re debita amissa, qui non teneretur, si creditor oblatam accipere voluisset. Scilicet creditor factum suum nocere debet, non adversario, ut est regula iuris. *L. factum, infr. de reg. iur.* Altera est Pauli reddita hoc loco, estque huiusmodi; etsi verum est debitorem cum interpellatus non solvit, semel moram fecisse: tamen etiam illud verum esse et creditorem nunc moram facere, cum rem debitam oblatam sine iusta causa accipere recusat. *d. L. qui decem, de sol.* ita fit, ut hactenus saltem in mora par sit utriusque et creditoris et debitoris causa. Cui consequens est, ut in hac causa potior esse debeat causa possessoris et debitoris, quod regula iuris efficitur. *L. in pari, L. favorabiliores, infr. de reg. iur.* Eadem Pauli ratio pro eo, unde petitur, in specie non dissimili in *L. 2. ne quis eum, qui in ius voc. est.* Hac autem sententia constituta hinc illæ natæ sunt. Posteriorem anoram nocere. *L. illud, sup. de per. et com. rei vend.* et, Unicuique moram suam nocere. *L. in condemnatione. §. unicuique, infr. de reg. iur.* ubi hoc intelligimus, tam creditori nocere suam, quam debitori, uter posterius in mora fuerit. † Illud notandum est debitorem postea offerendo liberari quidem semper, si res sine facto eius postea perierit: sed alias liberari ipso iure, alias per exceptionem. Ipso iure, si rem certam debuerit, quæ postea perempta est. *L. stipulatus. 105. infr. eod.* Sic enim fit, ut obligatio sine culpa debitoris in eum casum veniat, unde incipere non potuit. De quo diximus ad *L. si ex legati, sup. eod.* Per exceptionem, si pecuniam debuerit, quam cum obtulisset creditori, et is accipere noluisset, delinque casu amiserit. *d. L. qui decem, infr. de sol. L. interdum. §. ult. sup. eod.* Et merito hic ipso iure non liberatur debitor; quia cum pecuniam certam nullam debuerit, sed pecuniam in genere, non potest dici, quæcunque pecunia illi perierit postea, eam perisse, quam debuit. *L. in ratione. §. incerta, sup. ad leg. Falco. L. incendium, C. si cer. pet.*

Sed tamen futurum fuit, ut is pecunia oblata liberaretur, si creditor accepisset. Proinde sequum est; etsi debitor non liberatur summo iure, tamen eum doli exceptione defendi. Et hoc locum habet in strictis iudiciis, ut si quis pecuniam debuerit ex stipulatione, aut ex mutuo. Quod si debuerit ex contracta bonæ fidei, veluti, ex vendito, aut ex causa rei uxoriæ; pecunia samel oblata ac deinde amissa ipso iure desinat teneri, ut scriptum est in d. l. *qui decem, in fin. 1. resp.* Hoc ideo, quia exceptiones sine alia contestatione insunt bonæ fidei iudiciis. L. 3. *supr. de resc. vend. L. huiusmodi §. qui servum, supr. de leg. 1. L. ult. supr. de her. pet.* in stricti iuris iudiciis non aliter veniunt, quam si fuerint contestatæ. L. *præscriptionem, L. si quidem, C. de except. †* Sed quidquid de facultate moræ purgandæ diximus, etsi initio simpliciter dicitur a veteribus, moram purgari posse postea offerendo; tamen baservationem est hoc sensu dici, ut obligatio rei debite in futurum tantum debitori prosit ad purgandam moram, non etiam in præteritum: seu ut debitor postea offerendo in futurum sibi cavere possit, na in aliquod sequentis temporis periculum propter præcedentem moram incidat; non etiam ut possit creditori eo facto nocere, si quid adimando, quod illi ante obligationem iam partum fuerat. Quod et probat rei æquitatis, et declarant eæ rationes, quæ pro hac purgatione a veteribus afferuntur, quas paulo ante commemoravimus. Et sana unicuique sibi cavere, at meliorem conditionem suam facere concessum est: et quidem ius vigilantibus scriptum est. L. *penult. in fin. supra, quæ in frau. cre. L. si pactum, supra, de prob. alterius autem conditionem deteriorem facere, eique ius suum detrudere non licet. L. solvendo, supra, de nego. gest. L. 2. supra, de iis qui sunt sui vel al. iur.* Quapropter quæcumque actio creditori post moram debitoris certo quæsitæ fuerit, sciamus hanc ei nulla obligatione debitoris adimi posse, argum. L. *hanc, supra, de evict. †* Tribus autem modis contingit, ut mora a debitore facta, per occasionem alius moræ statim creditori queratur actio: potestate iudicii, aperta conventiones, et litis contestatione. Totidemque in causis negamus moram purgari posse, ut actio quæsitæ auferatur creditori.

8 *†* Potestate iudicii accidit in dandi obligationibus, ut si post moram deterior res facta sit, teneatur debitor tanti, quanti res fuit ante, quam res deterior facta est. L. *in re, §. 1. supr. de cond. fur. L. 3. sup.*

de cond. trit. Si debitor postea deteriorem factam offerat, sibi quidam cavebit in hoc, ne res postea perempha periculum præstet futuri temporis: illud non efficiet, quin talem præstare debeat, qualis fuit, cum deterior facta est, d. l. 3. *in fin. de cond. trit. L. 3. §. 1. supr.* com. semel enim eius æstimationis actio creditori quæsitæ est; quam illi debitor nullo suo facto potuit adimere. In faciendi quoque obligationibus evenit, ut si mora faciendæ insula cøperit fieri, statim agi possit in id quod propter eam moram stipulatoris interest. L. *stipulationes non, §. ult. supra, L. existimo, §. ult. infra eod.* Hic si inda debitor insulam edificare paratus sit, non aliter audietur, quam si id ipsum offerat, in quo mora rei factum est ius stipulatoris daterius. L. *si ita quis, 135. §. Seia, in fi. infra, eod. L. utique, supr. de recep.* Sane si tempus præterit, quo insula edificari potuit; agi quidem potest in id quod stipulantis interest, insulam totam edificatam essa. L. *si ita, 14. supra, eod.* et tamen si debitor ante litem contestatam edificet, placet eum liberari. L. *si insulam, supra eod.* Sed hoc en fit, quia non plane at certo adhuc actio stipulatori quæsitæ intelligitur: queritur enim sub hac conditione, si intra tempus, quo edificari potuit, non sit edificatum: non videtur autem id tempus præteritæ, quandiu lis contestata non est, et licet adhuc edificare sine alio detrimento creditoris: ut responsum est de pena, quæ hac conditione promissa est, si quid datum non esset ex sententia arbitri. L. *quid tamen, §. ult. supra, de rec. †* Aperta conventiones queritur creditori actio ex mora, seu post moram in stipulationibus penæ tum, cum quid promittitur certo die, ac nisi sua die datum esset, promittitur penæ: nam si eo die datum non sit, penæ certo committitur, quia penæ conditio existit, §. *sub conditione, Instit. eodem.* Ideo placuit penæ hoc casu semel commissa nihil prodesset promissori ad penam evitandam, si quod dari aut fieri debuit, postea creditori offerat: na actio videlicet illi manifesta stipulatione quæsitæ, ei auferatur. L. *Celsus, supra, de rec. L. traiectione, supra, de oblig. et act.* Quod tamen sic accipiendum est, nisi id actum sit, ut post diem commissa penæ idem adhuc offerre liceret. Quod fieri puto in specie L. *qui post supra, si quis caut. de quo paulo post. †* 10 Litis contestatione nova acquiritur iudicati actio creditori da eo, quod in iudicium deductum est. Indicium enim contrahitur itidem, ut stipulatione. L. 3. §. *idem scribit*

bit, *supra*, de per. Hinc est, quod de faciendi obligationibus scriptum est in *L. si insulam*, *supra eodem*, eum, qui insulam ædificare promisit, si transierit tempus, quo poterit facere, posse facientem liberari, quandiu litem contestatus non sit. Quod si litem iam sit contestatus, nihil ei prodesse, si ædificet. Quippe in iudicium venit id quod interest. *L. stipulationes non ver. Celsus*, *supra*, cuius obligationem et actionem iam certo creditori quæsitam non potuit debitor alterius rei oblatione auferre. Idemque litis contestatio efficit in omnibus causis, in quibus ab initio unum præstari debet, ex cessatione autem debitoris aliud incipit peti posse, deque eo litem secum contestari debitor passus est. Exempla sunt in *L. si Titius*, 9. *supra*, et *L. 1. supra*, de pe. leg. † An autem in dandi obligationibus idem probandum sit, ut et post litem contestatam nihil debitori prosit rem petitam offerre ad purgandam moram, nec si recuset petitor accipere, moram faciat, quæsitum est. Vulgo idem hic quoque receptum est. Sunt, qui negent, propterea quod eadem hic res debeatur post litem contestatam, quæ et ante debeatur; ut non possit dici reus cum eandem rem offert, alterius rei actionem auferre creditori. Et recte dicent, si re petita nullius alterius rei obligatio iudicio contraheretur, quam eius ipsius, quæ petita est. Nunc autem iudicio accepto multo plura incipiunt deberi. Venit enim in iudicium omnis causa, idest, et fructus et partus, et alia commoda rei adiuncta. *L. 2. supra*, de usur. *L. cum fundus*, *supra*, si cer. pet. *L. præterea*, *supra*, de rei vind. veniunt et sumptus litis. *L. eum, quem temere*, *supra*, de iud. Hæc nisi omnia offeruntur petitori, et ita offeruntur, ut illi satisfiat, non offertur quod illi eo iudicio præstandum est. Ideoque iuste rem petitam solum oblatam recusat accipere. Neque alius locus, quo magis id ita esse declaretur, quam §. ult. *Instit. de per. et temp. act.* quo tamen nonnulli probari voluit reum post litem contestatam rem petitam offerendo purgare moram. Illic enim ita scriptum est; *si ante rem iudicatam is eum quo actum est, satisfaciatur actori, officio Iudicis convenit eum absolvere*. Non satisfit actori solus rei petitæ oblatione, ut ostendi. Deinde etsi omnia offerantur, quæ præstanda sunt; tamen ex supra scriptis verbis satisfieri debet arbitrio Iudicis et æstimatione. Sic enim præcipitur, ut a Iudice reus in ea re absolvi debeat, non ipse sibi hoc sumere, ut dicat sed obtulisse omnia, quæ debuit. Et sane

ius ita est, ut Iudici statim atque Iudex factus est, omnium rerum officium incubat, quæcunque in iudicio versantur. *L. ædiles*, §. *item sciendum*, *supra*, de æd. ed. Quo fit, ut re semel in iudicium deducta, si neget actor se quidquam sine iudice accipere, quod dicat sibi a reo non satisfieri, eoque rem totam sententiæ Iudicis permittat, nihil videatur in eo recusare sine causa, sed ea potestate uti, quam iuris et æquitatis ratio illi concedat. Quod si verum est, recte definimus in universum, post litem contestatam nullius rei oblatione sola moram a reo purgari posse, ut si petitor sine iussu Iudicis accipere nolit, quod offertur, dici possit, eum iniuste recusare, eoque moram facere; sive aliud offeratur, quam pecunia, quæ in iudicium deducta est; sive offeratur res ipsa promissa, quæ et iudicio petita est. Videamus, num quid sit, quod his adversetur; non enim desunt loci, quibus videatur significari et adversus penam certo commissam, et item post litem contestatam moram purgari posse id offerendo, quod ante poterat recte offerri. † Ac primum in pœnæ stipulatione, 12 an commissæ pœnæ ob id, quod quid sua die datum, factum non esset, nihilominus mora aliquando purgari possit, dubium fecit *L. etsi post. supra*, si quis caut. ubi ita scriptum est, etsi post tres, aut quinque, pluresve dies, quam iudicio sisti se reus promisit, secum agenti potestatem fecerit, nec actoris ius ex mora deterius factum sit; consequens est dici defendi eum debere per exceptionem. Sunt, qui negent hic pœnam esse promissam, sed velint reum simpliciter promisisse se iudicio sisti certo die. Proinde fieri hic convenienter omnibus aliis faciendi stipulationibus, si in hac etiam specie dicamus ubi factum non est, quod fieri debuit, reum ante litem contestatam faciendo liberari. *L. si insulam*, *supra*, eod. Et sane de pœnæ promissa nihil illic expressum est. Sed quod dicitur reum per exceptionem defendi; quod proponitur etiam actoris ius ex mora non esse factum deterius, hæc satis significant pœnam in ea specie fuisse promissam, si reus sua die non sisteret. Quod enim dicitur defendi reum per exceptionem, declarat aliquam esse actionem adversus eum ob eam causam, quod iudicio non stiterit. Non est enim exceptio nisi adversus actionem Iure Civili comparatam. *Inst. de exc. in pr.* Non potuit autem ex stipulatione faciendi adversus eum esse actio, nisi aut in id quod interest, aut ad pœnam, de qua cautum sit, quæ ut plurimum his stipulationibus

ad-

adlici solet. §. ult. *Inst. eod. L. si pœnam, supr. eod.* Actionem porro in id quod stipulatoris interest non fuisse satis ostendit Cuius, cum proponit aetoria ius non esse factum deterius ob id, quod reus sua die non stitisset, nihil enim amisit ia, cui ius agendi æque est integrum, ut ante. Quod si nihil amisit, nihil eius interest: com definiatur id quod interest, id quod mihi abest, quodque lucrari potui. *L. si commissa, infr. rem rat. hab.* Unde intelligi necesse est, quoniam hic aliqua fuit actio adversus reum, qui iudicio non stitit, eam ad pœnam commissam competiisse. An ergo pœna hic semel commissæ evitari potest, quia prætoris stipulatio est iudicio sisti; *L. 1. in pr. infr. de præst. stip. prætoris* autem stipulationes ut legem accipiunt de mente Prætoris; sic ex mente eius benignius interpretandas sunt? *L. in conventionalibus, supr. eod.* Nam et hoc quibusdam libet. Sed dicitur, ut mihi videtur, parum apposite. Agitur enim non de stipulatione iudicio sisti; sed de stipulatione pœnæ, quem conventionalem esse constat, et tum committi, cum conditio eius extiterit. Id autem fit, cum reus sua die non stitit. Quod si fateremur hanc ipsam stipulationem pœnæ esse prætoriam: attamen cum dies sistendi adiectus esset, negari non posset, quia eo die prætorio stipulatio ex conventionem esset commissæ, ut io ea re et conventionem tam aperta non sit interpretationi locus; præsertim cum in hoc genere stipulationum non minus, quam in cæteris consilium detur, ut oobis caveamus certæ pœnæ stipulatione adversus incertitudinem eius, quod interest. *L. ult. infr. de præst. stip.* Id quod si facimus, non minus ex eo stipulatione nobis consultum esse debet. Alioqui frustra nobis caverimus. Quid restat igitur, nisi ut id æquamus, quod iam olim de hoc loco accepi in *Commentario de mora circa finem*, ubi et de purgatione moræ eadem prope disserui, quæ supra? quod et nunc mihi videtur verissimum: nunquam scilicet pœnam evitare licere id offerendo, quod prius præstari debuit, nisi actum id intelligatur, ut liceret. Id vero in superiore causa tacite actum videri, cum actor, qui certo die iudicio reram sisti stipulatus est, idem nisi stitisset, stipulator pœnam. Id enim agit, ut reus se iudicio sistat: atque hac gratia pœnam stipulatur, non atque propter factum ipsum, quasi velit reum in iudicium venire nullius alterius rei causa, quam ut illic concipiatur; sed quia eius interest eo die cum illo ageret: et nisi interesset, non

est hoc animo, ut velit ullam obligationem interponi. Fiango ergo nihil eius interesse reum eo die sisti, quia etsi non stitit, non sit factum ius actoris deterius. Pœna quidem secundum verbe committitur, si reus sua die in ius non venerit: sed ex sententia contrahentium, et eo quod tacite agitur, pœnam peti iniquum est, si post aliquot dies reus secum experiundi potestatem faciat sine illo damno petitoria. Quapropter doli exceptio reo dabitur, non dissimiliter atque fieri diximus in specie *L. 3. supra eod.* An etiam huic parti quidquam adversetur *L. si ita quis, 135. §. Scia, infra*, ibi dicemus. Hæc de pœnæ stipulatione. Dubitatum est etiam, nam et post litem contestatam liceret quandoque purgare moram, et id quod interest, evitare id offerendo, quod prius offerri poterat. Quod quidem certis locis significari videtur; præcipue tribus: de quibus breviter consideremus. † *Primus locus est L. 3. §. ult. et L. 4. infra, iud. sol. in cuius specie reo, qui iudicatum solvi satiaderat, copiam sui non faciente, neque defenso, actum erat cum fideiussore ob rem non defensam. Placet nihilominus adhuc licere reo quamvis post litem cum fideiussore suo contestatum suscipere rei defensionem, de qua ansuipienda satisfactio caverat: non solum ut non præstet id quod interest actoris, quod io iudicium prius cum fideiussore institutum deductum erat: sed etiam ut fideiussorem ipsum eius præstatione liberet. Dicendum est nihil offerri post litem contestatam, cuius quidem litæ ratio haberi debeat: defensionem enim offert reus; sed offert ante litem secum contestatam. Nec ad rem pertinet, quod erat contestata cum eius fideiussore: hoc enim inter alios actum est, quod in eius causæ debet ita haberi, quasi omnino actum non esset, ne res inter alios acta alii noceat. *C. res inter. al. ac.* At enim liberatur fideiussor ex defensione obligatione indicata, et quidem post litem cum illo contestatam. Non fit hoc, quia moram hic purgat aut ipse, qui nihil offert, aut reus pro eo, cum reus suo nomine defensionem suscipiat, non alieno: sed accessionis natura necessario hoc evenit, ut ab obligatione eius quod interest, liberato reo, una etiam liberentur et accessiones, ut fideiussorem. *L. in omnibus speciebus, infra, de sol. §. Alter* locus est *L. fideiussor, supr. de dolo mal. exc.* Fideiussor ab emptore ob evictionem datus mota venditoris proprietatis litem conventus, ut eum iudicio defenderet, tandem prælio evicto evictionis nomine condemnatus*

tus est: condemnatus offert venditori prædium, quod evictum est, et omnia quæ iudicio empti continentur, ut fructus, ut sumptus litis, ut cautionem duplæ ob evictionem. Queritur, an sit audiendus Scævola ait aum adversus venditorem agentem ex causa iudicati exceptione doli defendi posse: sic tamen ut Iudex æstimet, ut pro damnis emptori satisfiat. Quidquid hic dixerimus, revera hic offertur aliud, quam quod re iudicata continetur, si substantiam at speciem rerum spectamus. Intelligendum est aum, cum prædium evictum ante rem iudicatam non præstatur, condemnationem fuisse adversus fideiussorem in id, quod interest. *L. 1. L. ex empto, §. idem ait, §. idem Noratius ait venditorem, supr. de act. em. L. si quis ab alio, in fl. supr. de re iud.* Et quoniam Iudex certam condemnationem scire debeat, atque si de incerta quantitate apud aum actum sit: §. curare, *Inst. de act.* licet hoc quoque intelligere Iudicem in hac causa æstimavisse prius, quanti interesset actoris, ac certa summus comprehensa, fideiussoriam in tantam pecuniam condemnasse, *d. L. si quis ab alio in fin.* in pecuniam, inquam, non in prædium, aut res alias. Quo fit, ut si fideiussor postea prædium offerat, et cautionem at alia corpora, quam pecuniam numeratam, is aliud offerat, quam quod ex causa iudicati debuit. Quod at agnoscit in proposito Scævola, fateturque summo iure nihil eorum offerri posse ad evitandam summæ ex causa iudicati debitæ præstationem. Cum enim dicit exceptionem a fideiussore ista offerente opponi posse, satis declarat aum iudicati actione ad alias res ipso iure teneri: quia non sit exceptio nisi adversus actionem contrariam ipso iure constitutam. *Inst. de exc. in pr. et §. 1.* Et sane hoc efficit regula iuris, aut aliud pro alio invito creditore solvi non possit. *L. 2. §. 1. supr. si cert. pct.* Sed tamen placet Scævole, si hæc offerat fideiussor quamvis condemnatus, cum per exceptionem liberari. An non ergo id iam superioribus contrarium est? minime: non utique quia fideiussor moram prius non fecit: satis est, si dicatur eum litem contestandi obligasse se in id, in quod condemnabitur sententia iudicis: prius enim negavimus posse quemquam actionem creditori semel quæsitam invito auferre. Sed res sic habet: subtilitate verborum aliud offertur; re ipsa offertur id, quod iudex et actor senserunt. Quippe in sententia comprehensa est rerum æstimatio. Is æ sententia iudicis et actoris præstat æstima-

tionem, qui præstat rem ipsam, cuius nomine illa æstimatio in condemnationem venarar, et multo etiam plus. Id enim præcipue agatur ab emptore, ut præstaretur res emptæ: nec ob aliam causam ad æstimationem ventum est, quam quod res non præstatur, at ut ea cedat in locum rei emptæ: quæ si præstaretur, supervacua esset omnis rei æstimatio. Quare dum alia damna æstimentur a Iudice, et pro his satisfiat actori, ut vult Scævola, abunde illi omnibus rebus etiam ex sententia iudicis satisfactum intelligitur. † Tertius locus est, qui perspicue videtur admittere parationem moræ et alterius rei obligationem etiam post litam contestatam, *L. hoc edicto, supr. de pub.* Hoc edicto, inquit Cains, (loquitur de edicto, quo actio in duplum adversus publicanum datur, si res adempta restituta non erit, quod extat in *L. 1. eod. tit. de pub.*) hoc, inquam, edicto efficitur, sit, ut ante acceptum quidem iudicium restituta re actio evanescat: post acceptum vero iudicium nihilominus pena duret: sed tamen absolvendus est etiam qui post acceptum iudicium restituere paratus est. Si post acceptum iudicium dupli pena durat, perspicuum est ideo durare, quia prius in iudicium venerit litis contestatione, ac de ea contracta sit iudicati obligatio, ut contraberetur obligatio eius, quod interest in faciendi obligationibus: at tamen vult Cains post acceptum iudicium aliud offerentem reum liberari, non solum contra *L. si insulam, supr. eod.* sed etiam contra manifestam æquitatem, qua efficitur actionem semel actori quæsitam anferri non posse, et in summa adversus ea omnia, quæ ad hanc obligationem post litem contestatam repudiandam supra diximus. Si edicto efficeretur, ut res adempta etiam post iudicium acceptum posset restitui, atque hac conditione actio daretur, quantum esset sublata: sic enim constaret penam dupli non simpliciter deduci in iudicium, sed peti hac conditione, si res restituta non erit: atque hoc modo recte diceretur rei ademptæ obligationem non adimi actori actionem iudicis prius quæsitam, quia hæc prius absolute quæsitæ non esset. Diceretur etiam recta hic aliud non offerri, quam reus debeat, quia adiectum faceret huius rei offerendæ potestatem. Sed prima fronte non modo non videntur huic sententiæ suffragari adiecti verba, verum etiam videntur intro eam repudiare. Prætor enim nihil amplius pollicetur, quam ea actionem in duplum daturum, si res adempta restituta non erit. *L. 1. supr. de pub.* quibus verbis aperte

te pollicetur actionem dupli, si tunc, cum actionem dabit, restituta res non erit, non si restituetur postea. Ne quia autem hic esset dubitatio, quin eo edicto non liceret post iudicium acceptum poenam evitare, id Caius evidenter confirmasse videtur superioribus illis verbis, quæ retulimus. Diserte enim ait edicto effici, ut re restituta actio evanescat; sed ita, si restituatur ante acceptum iudicium. Post acceptum vero iudicium nihilominus poenam durare, id est, poenæ actionem: nempe ex edicto, ut proposuerat. Sed puto verissima dici edicto hoc effici, ut liceat etiam post acceptum iudicium rem ademptam restituendo poenam evitare. Hæc enim verba edicti, *si ademptum restitutum non erit*, sic accipiendæ esse, si arbitrio Iudicis restitutum non erit: ut efficiatur id, quod Bartolus ad dissolutionem huius loci scripsit ad *L. si insulam, supra*, actionem dupli adversus publicanos constitutam esse arbitriariam. Et si quidem hæc verba adiecta essent, *arbitrio Iudicis* nulla esset dubitatio: nam et actio quod metus causa datur in quadruplum ob rem metu ablatam: quia tamen datur hac conditione, si ea res arbitrio Iudicis non restituatur, ut indicatur in *L. item si cum, §. pro eo autem, supra*, quod met. caus. inde intelligitur esse arbitriariam, id est, ita dari, ut reus potestatem habeat usque ad sententiam ab arbitro datam rem extortam restituere: tunc autem quadrupli condemnationem patitur, cum restituere iussus non restituerit, *d. L. item si, §. hæc autem*. Nunc autem in edicto de publicanâ, solum hæc verba sunt, *si restitutum non erit*, hæc non adduntur, arbitrio Iudicis. Sed nihilominus et hæc intelligenda sunt: idque ex usu et more Prætorum in actionibus proponendis cognosci potest. Cum enim actionem præcise esse volunt in du-

plum, triplum, aut quadruplum ob maleficia, statim ab initio dupli, tripli, quadrupli actio ab illis proponitur sine ulla conditione, sive ademptum restituatur postea, sive non restituatur: ut fit in actione furti manifesti, et nec manifesti, item vi honorum raptorum. Cum autem actionem in poenam ita proponunt, ut addant conditionem, si res restituta non erit, arbitriariam faciunt; id est, ita proponunt, ut velint non aliter reum condemnari, quam si nunquam ante sententiam restituerit: ut fit in actione quod metus causa: quod declaratur in *§. item actio, Instit. de act.* Etsi igitur alicubi hæc conditio simpliciter erit expressa, si ademptum restitutum non erit, neque erit additum, arbitrio Iudicis; tamen hoc ipso quod conditio hæc addita erit, actionem esse arbitriariam ex consuetudine Prætorum interpretari debemus. Quid ergo sibi vult, quod in *dict. L. hoc edicto, de publica*. dicitur in hac actione post iudicium acceptum poenam nihilominus durare? Id ipsum, quod supra ostendimus, ut verba scripta sunt, poenam durare post iudicium semel acceptum ita, ut evitari nulla alterius rei oblatione possit: ex mente autem et sententia Prætoris conditionem ita debere accipi, si res non erit restituta arbitrio Iudicis: secundum quam conditionem eveniet, quod Caius subicit, ut absolvendus sit reus, etiam qui post acceptum iudicium restituere paratus est. Hoc autem cum fiet, nihil fiet, in eo præter obligationem iudicio contractam, ne quis dicat hinc moram adversus eam obligationem purgari, nec satisfacit in eo actori aliter, quam officio Iudicis: quod cum ita quæ supra de oblatione rei debite post litem contestatam recipienda docuimus, optime convenit.

Ad. §. Nunc videamus.

Nunc videmus in quibus personis hæc constitutio locum habeat, quæ inspectio duplex est: ut primo quæramus quæ personæ efficiant perpetuam obligationem, deinde quibus eam producant. Utique autem principalis debitor perpetuam obligationem: accessiones (autem) an perpetuent, dubium est. Pomponio perpetuare placet. Quare enim facto suo fideiussor suam obligationem tollat? Cuius sententia vera est.

Itaque perpetuatur obligatio tam in isporum quam successorum suorum persona. Accessionibus quoque suis, id est fideiussoribus, perpetuant obligationem, quia in totam causam spoponderunt.

An filiusfamilias qui iussu patris promisit, occidendo servum producat patris obligationem, videndum est. Pomponius producere putat: scilicet quasi accessorem intelligens eum qui iubet.

S U M M A R I U M.

1. *Quorum culpa quibus perpetuet obligationem.*

1. **H**IC et sequenti §. tractat, quorum culpa quibus perpetuet obligationem, quod significat, quorum culpa quibus no-

ceat, efficietque, ut hi quibus nocet, perpetuo teneantur. Locus a me expositus est ad *L. cum filiusfa. supr. eod.*

Ad §. Effectus huius.

Effectus huius constitutionis ille est, ut adhuc homo peti possit. Sed et acceptum ei posse ferri creditur, et fideiussorem accipi eius obligationis nomine.

Novari autem, an possit hæc obligatio, dubitationis est: quia neque hominem qui non est, neque pecuniam quæ non debetur, stipulari possumus. Ego puto novationem fieri posse, si hoc attum inter partes sit, quod et Iuliano placet.

S U M M A R I U M.

1. *Perpetuationis effectus.*

1. **H**OC constituto culpam debitoris perpetuare obligationem, idest, efficere, ut perinde teneatur debitor culpa admissa, quasi semper res extaret: consequens esse apparet, ut quæcunque locum habent, dum extat vere res promissa, eadem et tunc locum habeant omnia, cum aut debitor fecit, quominus res dari posset, aut post eius moram res perit: quem effectum esse dicit Paulus superioris constitutionis. Si res extaret, peti posset: ergo et post culpam debitoris si perierit, peti adhuc poterit, inquit. Non quod corpore rei sublato non debeatur iam æstimatio, ac non debeat ipsa peti, et condici: nam quomodo deberetur, aut præstaretur ipsum corpus, quod non est? *L. in re, supr. de cond. furt.* sed quia cum æstimatio petitur, aut præstatur, ipsa res debita videtur peti et præstari: cum æstimatio pro

ea re præstetur subsidio. Item si res extaret, posset accepto ferri. §. *item per acceptilationem, Instit. quib. mod. tollitur oblig.* ergo et post culpam perempta accepto ferri poterit. Eadem si extaret, eius rei nomine recte fideiussores intervenirebant, qui alioqui sine obligatione principali, cui accedant, obligari non possunt. §. *fideiussores, Instit. de fid.* Proinde et re post culpam amissa, fideiussor recte dabitur eius obligationis nomine. Postremo re extante liceret creditori eam rem iterum stipulari a debitore, aut quovis alio novandi animo, ut prior obligatio tolleretur, et contraheretur nova. *L. 1. infr. de novat.* Quare et si post culpam perierit, licebit creditori idem facere; tametsi dici soleat rem quæ non est, in stipulatum deduci non posse. Qua de re dictum est ad *L. inter, §. pen. supr. eod.*

Ad L. Si ita stipuler. 92.

DE hac specie dictum est ad *L. stipulatio ista, §. si quis ita, supr. eod.*

*Ad L. Si sic stipulatus fuero. 93.**Idem lib. III. ad Vitellium.*

Si sic stipulatus fuero: *per te non fieri quominus hominem ex his quos habes, sumam?* electio mea erit.

S U M M A R I A.

1. *Stipulator potestatem sumendi rem unam ex pluribus sibi accipiens, electionem sibi excipit.*

2. *Sumere quid.*

QUI

- 1 QUI potestatem sumendi rem unam ex pluribus stipulando sibi excipit, is verbi ipsius significatione sine ulla ambiguitate electionem sibi excipit: ut non sit unicum, si in conventione aperta eius electionem esse dicamus. *L. ubi, §. qui il-*
- 2 *lud, supr. cod. †* Nam sumere non est oblitum ab alio capere, sed pro arbitrio deligere et sumere id, quod libet, ut hi loci ostendunt. Tarent. in *Phormione*:

..... cæna dubia apponitur
Quid istuc verbi est? Ph Ubi tu du-
bites quid sumas potissimum.
Sumite materiam vestris, qui scribi-
tis æquam

Viribus
 idest, deligitis.

Horat. in arte:

Ad L. Triticum. 94.

Marcellus lib. III. Digestorum.

Triticum dari oportere stipulatus est aliquis. Facti questio est, non iuris. Igitur si de aliquo tritico cogitaverit, idest certi generis, certæ quantitatis: id habebitur pro expresso: alioquin si cum destinare genus et modum vellet, non fecit: nihil stipulatus videtur, igitur ne unum quidem modium.

S U M M A R I A.

1. *Stipulatio rei, quæ quantitate constat, non adiecta certa quantitate, quatenus inutilis.*
 2. *Stipulatio tritici infinite in stipulatum deducta, an valeat.*

3. *Verba IC. Si de tritico cogitaverit, quomodo accipienda.*
 4. *Antinomia L. Quidquid, infr. cod. discussa.*
 5. *In stipulatione tritici non necesse est qualitatem exprimi.*

- 1 REM, quæ quantitate constat, ut triticum, non adiecta certa quantitate inutiliter stipulari nos traditur in *L. ita stipulatus, infr.* Id Marcellus hoc loco docet sic accipiendum esse, nisi stipulator de certa quantitate cogitaverit: nam si cogitaverit de aliquo tritico, idest, certi generis, et certæ quantitatis, utrumque ait habendum.
- 2 pro expresso. † Ex quo bene idem Marcellus, cum quæritur, an tritici infinite in stipulatum deducti stipulatio valeat, questionem esse dicit facti, non iuris: postea quæritur de eo nihil in universum et semel definiri potest; sed ius ex facto pendet, et pro varietate circumstantiarum facti variatur, ut proinde necesse sit prius quæri quid factum sit: hæc enim questiones facti, illas iuris vocamus. *L. mora, supr. de usur. †* Quod ait, si stipulator de aliquo tritico cogitaverit, sic interpretandum est, si cogitaverit utiliter, idest, ita ut et exprimeret, et præterea promissor in idem consentiret. Nam de certo si cogitavit, sed quod exprimeretur postea in stipulatione, neque id fecit, nihil egit: idque est, quod Marcellus subicit, si cum destinare genus et modum vellet, non fecit, nihil eum stipulatum videri: et certe non potest probare se de eo cogitasse, quod non expressit. Sed nec quidquam prodest illum de certo tritico cogitasse, idque etiam dixisse,

Tom. XI.

nisi promissor in eandem rem consenserit: non enim perficitur stipulatio sine consensu. *L. inter, §. 1. supr. cod. ut* appareat his verbis, si stipulator de aliquo tritico cogitaverit, hoc significari, si de certo tritico inter contrahentes actum sit. At quomodo intelligemus actum esse, si neque quantitas neque genus, idest, qualitas stipulatione exprimitur? Ex conventionem, quæ præcesserit de certo tritico dando, cuius deinde firmandæ causa stipulatio secuta sit: receptum est enim, ut quæ in præfationibus concepiuntur, etiam in stipulationibus repetita credantur. *L. Titia §. 1. infr. cod. †* Hoc loco opponitur *L. quidquid, infr. cod.* in qua scriptum est omissum intelligendum esse in stipulatione, quidquid palam verbis non exprimitur: Sed non adiecit, verbis stipulationis. Estendunt igitur verbis oportere exprimi, quidquid stipulatione valere volumus: sed quæritur, quibus verbis; utrum stipulationis, an conventionis præcedentis, ad quam stipulatio referatur. De quo quis nihil adiecit in *d. L. quidquid*, ex hoc loco sumendum est: quo indicator satis esse, si conventionis præcedentis verbis exprimitur. † Illud dubitationem afferre potest hoc loco, quod Paulus in stipulatione tritici coniungit hæc duo, *certi generis et certæ quantitatis*: quod sic potest accipi, qua-

si ad vim stipulationis de tritico necesse sit agi de certo genere tritici, idest, de certa qualitate; non aliter quam de certa quantitate agi necesse est. Sed hoc non ita est. Quantitatem necesse est addici. *d. L. ita stipulatus, infr.* Qualitas impune omititur. *L. ubi, supr. eod.* Neque hoc mutatur hoc loco. Paulus ait initio pro expresso habendum esse, quod de his cogitatum est. Nihil hinc aliud colligitur, nisi si quid ex his cogitatum non sit, pro expresso habendum non esse: quod non significat hoc

aut aliud ad vim stipulationis exprimendum aut cogitandum esse. Deinde ait, nihil stipulatum videri eum; qui cum designare (sic enim legendum esse apparet) genus, idest, qualitatem, et modum, idest, quantitatem vellet, non fecit. Nempe eum negat stipulatum, qui coniunctim hæc duo omiserit, et quidem tum cum ea designare vellet. Hinc non colligitur si quis horum alterum voluerit designare, neque designabit propterea inutilem esse stipulationem.

Ad L. Qui insulam. 95.

Vide *L. ita stipulatus. 115. in pr. infr. eod.*

Ad L. Qui servum. 96.

Temperamentum est eius sententiæ, et *L. si servum, in prin. supr. eod.* de quæ traditur in *L. si ex legati, 23.* quo utroque in loco diximus.

Ad L. Si ita stipulatus. 97.

Celsus lib. xxvi. Digestorum.

Si ita stipulatus fuero, *te sisti? nisi steteris, hippocentaurum dari?* proinde erit atque *te sisti* solummodo stipulatus essem.

S U M M A R I A.

1. Dubitatio huius loci unde nascatur.
2. In specie hac, *Te sisti et nisi steteris, hippocentaurum dari, aut stipulatio prior utilis, posterior inutilis.*

3. Stipulatio posterior pœnalis, quando proficiat ad novationem præcedentis obligationis.

Scriptum est in *L. obligationum fere, §. ult. supr. prox. titu.* si quid fieri stipulatus sim, et si non feceris, pœnam; existente pœnalis stipulationis conditione transire priorem in posteriorem, et quasi novationem prioris fieri, ut iam nihil debeat, nisi pœna. Hinc dubitatio huius loci, videaturne hic ulla stipulatio esse utilis, cum ita stipulatus sum *te sisti*, et nisi steteris, hippocentaurum dari: Nam posteriorem plane inutilem esse constat, ut stipulationem eius rei, quæ natura dari non possit. *Inst. de inut. stip. in pr. L. si stipulor, supr. eod.* Prior per se valere poterat; sed cum in faciendo sit, ut dixerimus pœnali stipulatione subiecta priorem tolli, translata in posteriorem, videri potuit et hæc ipsa novationis iure inutilis esse constituta. Sed *perinde erit*, inquit Celsus, atque *si te sisti solummodo stipulatus essem.* † Quo significatur priorem hanc saltem utilem futuram. Quod expressum est in *L. si ita stipulatus. 126. §. ult. infr.*

ead. An quod pœnalis stipulatio accessio est prioris, nec accessio infirmare potest principalem obligationem? Si pœnalis stipulatio prioris accessio esset, non novaret priorem, sed confirmaret magis. *L. 4. §. si ex conventionem, supr. de re iud.* Non dubium est, quin hæc causa sit, quod cum in posteriore quamvis principali nihil sit, cur priorem tollat, necesse sit priorem, quæ initio fuit utilis, etiam nunc manere: atqui in hac posteriore nihil est. At enim pœnalis stipulatio transfert in se priorem faciendi obligationem, cui subiecta est. † 3 Hoc ita accipiendum est, si in pœnale stipulationem deducatur id, quod dari potest, ut natura sua sit utilis stipulatio. Quod si id deducatur, quod promittenti impossibile sit, posterior ipsa inutilis ad novationem præcedentis obligationis proficere non potest. *L. 1. supr. de novat.* ad quod demonstrandum hæc species pertinet: idque ita interpretatur Paulus in *d. L. si ita, 126. §. ult. infr.*

Ad §.

Ad §. Possum utiliter.

Possum utiliter a te ita stipulari: *Titii nomine te soluturum?* neque enim hoc simile est illi, *Titium daturum?* sed ex ea stipulatione, dum interest mea, agere possum: et ideo si locupes sit Titius, nihil ex hac stipulatione consequi possim. Quid enim mea interest id a te fieri, quod si non feceris æque salvam pecuniam habiturus sum?

SUMMARI A.

1. *Stipulatio, Nomine Titii te soluturum, valet.*

2. *Ex stipulatione hac promissor quatenus teneatur.*

3. *Stipulatio superior faciendi est, non dandi.*

4. *Stipulatio hæc diversa a fideiussione.*

5. *In faciendi obligationibus promissor ad faciendum si facere potest, præcise non tenetur.*

¶ Promisisti te mihi nomine Titii soluturum. Perspicuum est hic te factum tuum promississe, non alienum: eoque nihil dubii esse potest, quin stipulatio valeat: *L. stipulatio ista, L. inter, supr. †*
 2 Sed quatenus tenearis, quæritur. In quo singulare responsum Celsi animadvertendum est. Nam verbis congruere videbatur, ut cum generaliter promiseris te soluturum, possim tecum agere, sive Titius solvendo erit, sive non erit, arg. *L. non est, supr. de trans.* Ille autem respondet hactenus te mihi teneri, quatenus Titius facere non poterit. Et vero optime confirmat, si verum est, quod sumit: docet enim effici natura stipulationis, seu rei promissæ, Quippe, inquit, *ex ea stipulatione, dum interest mea, agere possum. Quid autem mea interest id a te fieri, quod si non feceris, æque salvam habiturus sum pecuniam?* Recte, si modo hoc etiam verum est ex hac stipulatione agi solum posse, dum mea interest. At huius rei probatio requiritur, quam ille prætermisit. † Nimirum hoc sentit, et sumit pro confesso, stipulationem hanc, *Te Titii nomine soluturum spondes?* faciendi stipulationem esse, non dandi. Quo posito consequens fuit dici ex iure certo venire in stipulationem id, quod stipulatoris interest. *L. si pecuniam, supr. L. si quis ab alio, supr. de re iud.* Est autem verissimum, quod promissisti te soluturum no-

mine Titii, in eo te promississe facturum, te non daturum. Etsi enim his verbis promissisti te pecuniam mihi daturum, sine quo liberatio non contingit: *L. si is cui, infr. de sol.* tamen non id promissisti simpliciter, sed hoc addito, daturum te liberandi Titii causa: in quo nihil aliud promittis, nisi te Titium solutione liberaturum. † Non adversatur huic sententiæ, quod iure veteri fideiussorem, cuius nihilominus eadem obligatio videtur, placuit relicto principali reo statim conveniri posse. *L. 3. L. 5. C. de ffd.* Bene enim Duarenus non eandem esse ait obligationem fideiussoris; ut qui alienam obligationem in se suscipiat tanquam suam: unde et solvens suo nomine solvere credatur, non alieno. *L. Papinianus, supr. mand.* Obligator is quidem et nomine alieno, idest, debitoris; nec quidquam prohibet illum eius nomina solvere, sed potest simul solvere et suo, ut docet idem Celsus in *L. indebitam, supr. de cond. ind.* quod proprium est fideiussoris. † Obiter locus notandus est adversus eorum sententiam, qui statuunt in faciendi obligationibus promissorem teneri præcise ad faciendum, si potest facere. Nam hic poterat solvere promissor nomine Titii; neque tamen ab eo exigitur, ut solvat, sed liberatur præstando id quod interest; atque adeo si stipulatoris nihil interest, omnino non tenetur.

Ad §. Si tibi nupsero.

Si tibi nupsero, decem dare spondes? causa cognita denegandam actionem puto: nec raro probabilis causa huiusmodi stipulationis est. Item si vir a muliere eo modo non in dotem stipulatus est.

SUMMARI A.

1. *Ut donatio inter coniuges, sic coniugum stipulationes donationis causa iure sunt prohibite.*

2. *Stipulatio in nuptiarum tempus collata an utilis.*

3. *Stipulationes causam probandi onus utri incumbat.*

DO-

- 1 **D**onationem inter virum et uxorem interdictam fesse constat L. 1. 2. 3. *supr. donat. int. vir. et ux.* Ea propter nec maritus ab uxore, nec uxor a marito quidquam stipulari potest donationis causa, quia ex hac causa lex dari vetet. L. 3. §. sciendum, *supr. eod. de donat. int. vir. et ux. L. si stipulor, supr. eod.* Iam vero nihil interest, utrum uxor stipuletur a marito donationis causa; an vero quæ uxor non est, stipuletur ab extraneo, sed in eum casum, cum eius uxor esse cøperit.
- 2 L. 4. C. de don. prop. nupt. † Hinc questum, si alteri nuptura stipuletur ab eo sibi decem dari, si illi nupserit, an ex stipulatione actio dauda sit, uetue; quia stipulatio donationis speciem habeat. Celsus ait denegandam actionem, sed causa cognita; quæ expe probabilis sit causa eius stipulationis. Significat causam stipulandi esse spectandam; ut illa erit, ita et stipulationem futuram. Si donationis causa mulier stipulata est, stipulatio non valebit,

ut diximus. Si ex alia causa, velati, emptionis, permutationis, legati; quoniam nihil cæterarum rerum interdictum est inter virum et uxorem, ideo et stipulatio erit utilis. † Sed tamen et hoc quoque iudicii cognoscendum erit, an non ex alia causa interposita sit stipulatio. Non enim si uxor dicet se stipulatam ex alia causa, fides ei habebitur; sed secundum regulam iuris, quod dicit, probare debet, L. 2. *supr. de probat.* Plus dicimus; etsi alia causa stipulandi nominatim perscripta erit in iumento; tamen si maritus falsam esse dicet, huius rei probatio eb uxore exigetur, ut veram esse doceat. Ut enim in simili respondit Scævola, videtur maritus eo, quod uxor capere non poterat donationis causa, in fraudem legis aliam causam adieciisse. L. qui testamentum, *supr. de prob.* Eadem probatio snt, si is, qui maritus non erat, stipulatus sit e muliere, si illam uxorem duxisset.

Ad L. Existimo. 98.

Marcellus lib. xx. Digestorum.

Existimo posse id quod meum est, sub conditione stipulari: item viam stipulari ad fundum posse, quoniam interim fundus non sint meus, aut si hoc verum est, et alienum fundum sub conditione stipulatus fuero, isque ex lucrativa causa meus esse cøperit: confestim perimetur stipulatio. Et si fundi dominus sub conditione viam stipulatus fuerit, statim fundo alienato evanescit stipulatio: et maxime secundum illorum opinionem, qui etiam ea quæ recte constituerunt, resolvi putant cum in eum casum reciderunt a quo non potuissent consistere.

SUMMARIA.

1. Stipulari rem, quæ nunc dari nobis non potest, in commerciis tamen hominum sit, quatenus possimus.
 2. Stipulatio rei nostre sub conditione utilis.
 3. Via ad fundum alienum stipulatio quatenus utilis.
 4. Marcelli ratiocinatio in hac L. demonstrata.
 5. Definitio, impossibilitatem nulla obligatio, an sit perpetua, remissiva.
- 1 **P**ropositum est Marcellio statuere hanc sententiam; si qua res mihi nunc dari non potest, quæ tamen sit in hominum commerciis, etsi eam pure stipulari non possumus, sub conditione tamen stipulari nos utiliter, dummodo conditionis existentis tempore res dari possit. Exemplo sunt res duæ, res nostra, et via ad fundum alienum. † Rem meam pure inutiliter stipulor: sub conditione stipulor utiliter. L. si rem meam, *supr. eod.* † Item, viam ad fundum alienum inutiliter stipulor, quia fundo alieno servitus acquiri non potest. L. si unus, *supr. de ser. rust. præ. L. proprium, in fin. l. si quis duas, sup. com. præd.* At sub conditione recte stipulor, ut
- debeatur mihi servitus, si pudentis conditione fundus meus esse cøperit. † Non significat autem Marcellus se dubitare de his rebus, cum subiicit, aut si hoc verum non est; sed inest potius in his verbis, et his quæ sequuntur, argumentum prioris sententiæ ex vi patrum et consequentium: estque huiusmodi. Si hoc verum non est, inquit, idest, si non possum, quod meum est, sub conditione stipulari, aut viam sub conditione ad fundum alienum; consequens erit, si alienum fundum sub conditione stipulatus fuero, isque ex lucrativa causa meus esse cøperit, confestim perimi stipulationem: consequens erit, si fundi dominus sub conditione viam stipule-

latus fuerit, statim fundo alienato evanescere stipulationem, quamvis conditione existente res iterum stipulantis facta sit. Vult autem intelligi consequens esse falsum: proinde et illud, unde efficitur. Sed quomodo hæc consequentia, si priora vera non sunt? neque enim cur velit esse consequentia, Marcellus aperit. Et recte consequentia esse dicit. Earum enim rerum, quæ stipulationi obstant, par vis est ad impediendam stipulationem, sive ab initio tales sint, sive tales evadant postea: et quæ res ab initio obstant stipulationi, eas si postea incident, corrumpunt stipulationem. *L. pro parte, supr. de ser.* ac si quæ non corrumpunt postea, ex nec ab initio vitiant stipulationem. Itaque si rem meam pendente conditione stipulari ab initio non possum: perimetur et tunc ex eventu stipulatio, cum rem alienam sub conditione stipulatus sum, si pendente conditione res mea facta sit. Similiter et si viam ad fundum alienum sub conditione stipulari non licet; eveniet, ut si ad meum sub conditione sim stipulatus, evanescat stipulatio, si pendente conditione fundus alienatus fuerit. Sentit autem, ut dixi, Marcellus, nihil horum postea incident corrumpere stipulationem sub conditione contractam, cum ea pendente conditione evenerit. Ex quo efficitur, quod vult, nec ea impedimento esse, quominus ab initio et de iis rebus stipulatio sub conditione recte contrahatur. Nihil hoc argumento certius, si modo id quod vult intelligi, etiam constaret, non corrumpi videlicet stipulationem conditionalem rei alienæ, si pendente conditione mea esse ceperit; non corrumpi stipulationem conditionalem viæ ad fundum meum, si pendente conditione fundus alienatus fuerit. At hoc non minus videtur incertum, quam illud, de quo quæritur, an ab initio rem meam sub conditione stipulari possim, an ab initio viam ad fundum alienum sub conditione stipulari. Quod tamen ille

non probat. Nimirum quia, ut apparet, pro certo assumpsit; neque id omnino abs re; cuius probationem ego ambicam. Cum enim sub conditione quid stipulamur, et ad vim stipulationis quæritur, ex quo tempore æstimanda sit reperiri alterutrum tempus statui a veteribus, quod spectari debeat, aut id quo contrahitur, ut in *L. si filiusfamil. supra*, aut id quo conditio existit, ut in *L. si rem meam, supr. eod.* nusquam intermedium tempus. Ut consequens sit veterum sententiæ intermedia tempora non nocere, ut de iis temporibus, quæ in extraneis hereditibus spectanda sunt, responsum est. *L. si alienum, §. 1. supra, de her. inst.* Quare si rem alienam stipulatus sum sub conditione, dum existente conditione res in eadem caussa sit, nihil obest stipulationi, si medio tempore res mea facta sit, ac deinde alienata prius, quam conditio existeret. Idemque dicendum est, si viam ad fundum meum sub conditione stipulatus fuërim, ei existente conditione idem fundus reperitur meus, etsi medio tempore alienatus, ac deinde receptus a me fuerit. De stipulatione rei meæ separatim dixi ad *L. si rem meam, 31. supr.* Quod sit perimi stipulationem fundi, cum meus esse ceperit, sed ex causa luerativa, cuiusmodi sit, exposuimus est ad *L. inter, §. si rem supr.* Quod definit, ea quæ recte constituerunt, resolvi, cum in eam causam reciderunt, a quo non potuissent consistere, in rebus in obligationem deductis, quæ adhuc datæ non sunt, de quibus hic agitur, est verissimum. Ratio a me reddita est ad *L. si ex legati supr.* eam hoc modo eventui fit præstatio impossibilis. † Est autem generalis hæc sententia, et ad omnia tempora perti-
5
nens, impossibile nullam esse obligationem. *L. impossibile, infr. de reg. iur.* Sed non esse perpetuam hanc defensionem traditur in *L. pluribus, pen. §. ult.* ideo quatenus vera sit, ibi dicitur opportunus.

Ad §. Ex hac stipulatione.

Quando ex stipulationibus faciendæ agi possit, eadem hic definitur est quæ in *L. si ita stipulatus, 14. supr.* de qua illic diximus.

Ad L. Quidquid. 99.

Celsus lib. xxxviii. Digestorum.

Quidquid adstringendæ obligationis est: id nisi palam verbis exprimitur, omissum intelligendum est: ac fere secundum promissorem interpretamur: quia stipulatori liberum fuit verba late concipere: nec rursus promissor ferendus est, si eius intererit, de certis potius vasis forte, aut hominibus actum.

SUM.

SUMMARIA.

1. *Cautela pro stipulatore, eiusque omniſſæ incommoda.*

2. *Ambiguitas stipulationis utri noceat.*

1. **S**I quis quid certum ex stipulatione consequi velit sine controversia, cavetur hoc loco, primum ut id exprimat verbis; deinde ut palam et aperte, non ambigue: quod nisi sit, denunciantur ei hæc incommoda. Si quod vult, verbis non exprimitur, pro omisso est, ut nec debeat ex stipulatione. Id quod si de verbis tantum stipulationis intelligitur, interdum falsum est. Ac de quibus verbis accipiendum sit, 2 ostendimus ad *L. triticum*, *supr.* † Quod si quid expressum erit, sed ambigue, ut iam non an verba adiecta sint, sed de verborum interpretatione in hanc aut illam partem queratur, ambiguitas stipulatori nocet, ac fere secundum promissorem interpretamur: qua de re dictum est ad *L. si ita*, 12. *L. stipulatio ista*, §. *in stipulationibus*, *supr. eod.* Adiecit Gelsus fere; quia interdum id agitur, ut fiat ex pluribus id quod stipulatori expedit; nonnumquam aliud accipiendo stipulatio fit inutilis. Quæ cum accidunt; et quod actum est, sequimur, et præterea illud, quod facit, ut stipulatio valeat. *L. eum, qui Calendis*, *supr. L. semper in stipulationibus*, *infr. de reg. iur. L. quoties in*, *supr. hic* alioqui id, quod stipulatori nocet. Cuius sententiæ præter alias, quæ pro reis faciunt, hæc quoque ratio observanda est, quæ hoc loco a Celso redditur, *quia stipulatori*, inquit, *liberum fuit verba late*

concupere. Late, idest, non breviter, eo-que obscure, sed pluribus, et tam multis, quam multis opus est ad sententiam suam explicandam, ne qua dubitatio relinquantur, ut *late* idem valeat hoc loco, quod plane et aperte. Quod Gelsus eo dicit, ut consequens esse intelligatur, si stipulator verba non ita conceperit, et deinde quod in his ambigni est, contra eum interpretemur, nullam in eo illi iniuriam fieri, sed ipsum de se queri debere. Quod si verbo rem unam significante stipulator usus est; sive id speciei certæ nomen erit, sive generis, aut universitatis, quidquid verbo continebitur, id ut stipulationis verbis comprehensum recte petetur a stipulatore. Ut, si hereditatem stipulatus erit, si bona, si peculium; quidquid ex hereditate est, quidquid ex bonis, quidquid ex peculio, id continebitur stipulatione, et promissor præstare cogendus est. Nec audietur, si dicat se de quibusdam rebus eius generis aut universitatis non sensisse, cum verba contra eum faciant: a quorum significatione non est recedendum, nisi cum certum est aliud sensisse eos, qui his verbis usi sunt. *L. non aliter*, *supr. de leg. 3. L. 1. §. licet*. vers. *in re igitur*, *supr. de ex. act. congruit L. non est*, *supr. de transact.* estque huius sententiæ appositum exemplum in *L. si mihi et Titio*, 110. §. *ult. infr.*

Ad §. Si stipulatus hoc modo.

Si stipulatus hoc inodo fuero, Si intra biennium Capitolium non ascenderis, dari? non nisi præterito biennio recte petam. Nam etsi ambigua verba sunt, sic tamen exaudiuntur, si immutabiliter verum fuit te Capitolium non ascendisse.

SUMMARIUM.

1. *Ex stipulatione hac, Si intra biennium Capitolium non ascenderis, dabis? non nisi præterito biennio recte peti.*

1. **D**Ocet exemplo id, quod prius generaliter definiat, ambigua secundum promissorem nos interpretari. Stipulatio est huiusmodi, si intra biennium Capitolium non ascenderis, dabis? hæc verba, si intra biennium Capitolium non ascenderis: ambigua sunt. Possunt enim sic accipi, si quovis biennii die non ascenderis, ut quocunque die non feceris, cum posses, statim stipulatio committitur etiam ante biennium; quamvis secundum naturam fieri adhuc possit, ut intra biennium ascendas, et prius factum mutes. Possunt etiam sic intelligi,

si nullo die intra biennium ascenderis, quia etsi aliquo die id non feceris, nondum tamen immutabiliter, ut Gelsus loquitur, verum sit te Capitolium non ascendisse intra biennium. Respondet ergo Gelsus in oratione ambigua posteriore significationem esse accipiendam, ac secundum hanc non nisi præterito biennio recte peti: quia sit videlicet pro promissore. Sic enim sequimur, ex pluribus temporibus, quod est longissimum; id quod minus promissorem onerat. *L. si ita*, 14. *supr. L. si ita*, 109. *infr. eod.*

Ad *L.*

Ad L. Conditio. 100.

Modestinus lib. viii. Regularum.

Conditio in præteritum, non tantum in præsens tempus relictæ, statim aut perimit obligationem, aut omnino non differt.

SUMMARIA.

1. Conditio vera est, quæ in futurum confertur.
2. Conditiones in præsens aut præteritum collatæ,

figura orationis conditiones sunt, re ipsa non sunt.

1. Quod dicitur sub conditione stipulationem fieri, cum in aliquem casum differtur obligatio, §. *sub conditione*, *Inst. eod.* de vera conditione dictum est. Ea est, quæ confertur in futurum: ut, si Titius Consul factus fuerit, si decem dedero.
2. rit. † Non sunt huius generis, quæ in præsens, aut præteritum conferuntur, veluti, si Titius Consul fuit, aut, si Mævius vivit: hæc rem non differunt, ut hic declaratur, et in §. *conditiones*, *Inst. eod.* item in *L. cum ab*, *supr.* si cert. pet. scilicet, quia si falsæ sunt, statim infirmant, et per-

rimunt obligationem: idest, efficiunt statim, ut nulla sit obligatio: re vera enim non perimitur obligatio, quæ nullo onquam fuit. Si veræ sunt, omnino rem non differunt, etiam si conditionem extitisse apud nos incertum sit, ut adicitur in *d. L. conditiones*. Conceptione ergo et figura orationis conditiones sunt, unde ita nominantur: re ipsa non sunt. *L. si ita*. 120. *infr. eod.* *L. itaque*, *supr.* si cert. pet. ideo quod ius de conditionibus constitutum est, ad has non pertinet. Scripsi plura de hoc genere ad *L. cum ad præsens*, *supr.* si cert. pet.

Ad L. Puberes. 101.

Idem lib. iv. de Præscriptionibus.

Puberes sine curatoribus suis possunt ex stipulatu obligari.

SUMMARIA.

1. Puberes Curatorem non habentes contrahendo obligantur.
2. Puberes, qui Curatorem habent, an sine Curatore obligari possint et n. 7.
3. Responsum Modestini de puberibus Curatorem habentibus accipiendum.

4. *L. 3. C. de in int. rest. min. explicite.*
5. Verba hæc, Sine Curatoribus suis, cum subiecto Puberes, in hac *L.* non esse coniungenda.
6. Curatores puberum duobus modis dicuntur.

1. Quibus puberibus curator non est (ut iuviti adolescentes curatores non accipiunt. §. *item iuviti*, *Inst. de cur.*) eos et sine curatoris auctoritate contrahendo obligari posse inter omnes convenit. Declaratur id in *L. 3. in fin. C. de in int. rest. min.* cum his si contraxerint, datur restitutio in integrum. Neque enim daretur, si ipso iure tuti essent: quod fieret, si omnino non obligarentur. *L. in causa*, 2. *supr. de min.* Quod et ipsam non minus hic locum confirmat, cum ita dicitur, *puberes sine curatoribus suis obligari posse*. Sive enim hic puberes intelligi plectet, qui curatorem non habent, id exprimitur, quod diximas: sive eos puberes, qui habent curatorem, semper hoc efficitur, si hi etiam sine curatoribus suis obligari possunt, multo

magis eos obligari posse, qui ideo sine curatoribus contraxerunt, quæ nullum haberent: de his igitur, ut dixi, convenit. † 2 Sed an et qui curatorem habent puberes, sine curatore obligari possint, quaeritur. Si esset hic unus locus, ex quo rem decidi oporteret, non ambigeremus, sed statim responderemus posse. † Nam his verbis, 3 *puberes sine curatoribus suis possunt ex stipulatu obligari*, quæ huius loci definitio est, si significationem verborum sequimur, non possumus alios puberes accipere, quam qui habent curatorem. Neque enim dici possunt obligari sine curatoribus suis illi, qui curatores suos nullos habent. Nec puberum curatores recte dixeris, qui puberibus dati non sunt, ut eos sibi haberent puberes. Nunc autem ne continuo assentia-

mur huic sententiæ, de eadem re scriptum videtur ex professo in contrariam sententiam in dicta *L. 3. in princ. Cod. de in integ. restitut. minor.* † Statuitur enim nominatim illic distinctio, qua in contractu distinguitur minor pubes curatorem habens ab eo, qui sine curatore constitutus contraxit; et cum in prioris persona dixissent Imperatores contractum non oportere servari; posteriori hoc tribuunt, ut possit impetrare in integrum restitutionem. Qua parte aperte declaratur sic in priore pubere curatorem habente contractum non servari, ut iure non servetur, idest, non obligetur minor, nec sit opus restitutione: aliqui nihil differret prior a posteriore. Sed et cur placeat in prioris persona contractum non esse servandum, hæc ratio illic subicitur, quod non absimilis habeatur minor curatorem habens ei, cui a Prætorē curatore dato bonis interdictum est. Quod certius ostendit minorem qui curatorem habeat, sine curatore non obligari. Nam prodigum, cui comparatur, sine curatoris auctoritate contrahentem nullo modo obligari constat. *L. is, cui bonis, supr. cod.* Quæ cum sit ex dissensione horum locorum in sententia huius loci incertitudo, videndum est, huncne locum ex illo, an illum ex hoc interpretari debeamus. Et si quam dubitationem haberet *d. L. 3.* ut in aliam sententiam trahi posset, quam diximus, putarem proprietati et significationi verborum huius loci standum esse; ut sive minor curatorem non haberet, sive etiam haberet, probarem eum semper sine curatore obligari posse. Sed si sententia illic certa est, non obligari sine curatore eum puberem, qui curatorem habeat; aut statuendum est locos esse hos contrarios, quod Iustinianus fieri vetat; *L. 2. §. contrarium, C. de vet. iur. enu.* aut faciendum, quod in horum locorum conciliatione faciendum esse communi sententia receptum est, ut hic locus cedat alteri, et secundum illius sententiam hunc de iis puberibus, qui curatores non habeant, interpretemur: quam recte aut commode, videbimus paulo post. Nunc ne frustra laboremus, ante statuendum arbitrator non posse dictam *L. 3.* aliter accipi, quam ut intelligatur puberem, qui curatorem habeat, sine curatore non obligari: sunt enim qui dissentientes ab aliis id confidenter negent, in eoque contendant pessime hunc locum acceptum esse ab interpretibus. Sed iam ostendi illa verba; si

minor curatorem habens res sine curatore vendidisti, contractum servari non oportet, manifestum esse, non aliud illic significare posse, quam contractum non valere ipso iure; non autem per in integrum restitutionem posse postea rescindi. Nam si restitutionis beneficio fieret, ne contractus servaretur, primum non recte distingueretur is, qui curatorem habet ab eo, qui non habet, cum ei qui non habet, etiam datur in integrum restitutio *ead. L.* Deinde non recte minor curatorem habens compararetur in hac venditione prodigo, cum constet prodigi contractum sine curatore quem habet, ipso iure non valere, dicta *L. is, cui bonis, supr.* Si contractus minoris curatorem habentis iure non valet, plus quam certum est eum ex inutili contractu non obligari: non enim ob aliam causam contractus habetur inutilis, quam quod ius inde obligationem nasci vetat. *L. non dubium, C. de legib.* Negant tamen, ut dixi, nonnulli hanc sententiam esse *L. 3. C. de in integ. restitut. minor.* at quamobrem? quia de rerum alienatione loquatur, inquit, non de obligatione. Sed manifestius refellitur utrumque verbis rescripti, quam ut longa refutatione cuiusquam indigeat. Aiunt Imperatores, *si minor res vendidisti*; non dicunt, si ex causa venditionis tradidisti, et ita alienasti; sed si vendidisti, venditio non est alienatio: traditionibus et usucapionibus non nudis pactis, idest, non ullis conventionibus solis dominia rerum transferuntur, seu res alienantur. *L. traditionibus, C. de pact.* idque in venditionis specie nominatim confirmatur in *L. quoties, C. de rei vind.* Deinde aiunt, *contractum servari non oportet.* hic aperte contractus nominatur, non alienatio. Contractus, ut iam dixi, alienatio non est. Sane qui dicunt contractum non esse servandum, iidem vi ipsa statuunt et alienationem ex eo contractu inhiberi: quia nunquam nuda traditio dominium transfert, idest, ea, quam venditio aut iusta aliqua causa non præcedit, propter quam traditio sequeretur. *L. nunquam, supr. de acq. rer. dom.* sed non eo minus superioribus verbis constituent interdici contractum. Imo vero de hoc dicunt nominatim; de alienatione autem nihil aperte, sed tantum significant, quod ex priore causa intelligatur per consequentias. Quanquam non video quid proficiamus, etsi quis concesserit in *d. L. 3.* agi de alienatione. Esto, ita scriptum sit, si mi-

nor

† Atque ex his ipsis verbis arguit Falt. *d. loc.* contractum ipso

iure tenere, cum servari et non servari de eo quod nullum est, non dicatur.

nor curatorem habens res ex causa venditionis tradidisti, alienatio nulla est, vel, alienationem iure ipso servari non oportet, idoneo quod de alienatione dicitur, ad contractum et obligationem minoris non pertinet? Imo hoc ipso, quod diceretur omnem, qui curatorem habeat, non posse res alienare sine curatore, confirmaretur nec eum sine curatore obligari posse: idcirco enim alienare non potest, quia non potest deteriorem conditionem suam facere sine curatoris auctoritate: quæ ratio pariter in eo, qui se obligat, locum habet. arg. *tit. Inst. de auct. tut. in princ.* Sed et ratio, qua Imperatores in *d. L. 3.* utuntur, satis probat, quod de una specie dicitur, id pertinere ad alteram. Volunt enim ideo minoris contractum non esse servandum, quia minor, qui curatorem habet: non sit assimilis prodigo. Si hac de causa sine curatore alienare non potest; hac eadem de causa sine curatore obligari non poterit: quia prodigus ut non potest sine curatore alienare, sic nec obligari *d. L. is cui bonis, supr. eod.* Dubitari igitur non debet; quin in *d. L. 3. in pr.* statuatur hæc sententia, minorem si curatorem habeat, sine curatoris sui auctoritate obligari non posse. Ita fit, quod propositum, non ut propter hunc locum superior sententia quæ certa est, mutari debeat; sed ut ea constituta debeat hic locus, si fieri potest, ad illam sententiam revocari; quod et ab interpretibus factum est. Quid ergo, potestne verbis huius loci aptari ea interpretatio, quæ fiat, ne hic locus superiori sententiæ adversetur?

† Equidem fateor non probare me, quod ad eam rem vulgo dicitur, hæc verba, *sine curatoribus suis*, coniungenda esse cum subiecto, *puberes*, ut sit sententia, puberes, qui sunt sine curatoribus suis, idest, qui curatores non habent, possunt ex stipulatu obligari. Nam primum hæc præpositio, *sine*, soli verbo iungitur, aut quod verbi vim habet, participio: nomini nequam: non enim unquam diceremus latine puberes sine curatoribus, pro eo quod est, puberes qui sunt sine curatoribus. Deinde etsi dederimus eos puberes intelligi, qui sint sine curatoribus suis: tamen eadem difficultas ex proprietate verborum obicitur, quæ foret, etsi diceremus puberes obligari posse sine curatoribus suis. Utrobique enim nominan-

Tom. XI.

tur puberum curatores: quos si semel puberes possint suos dicere, absurdum videtur, et verbis plane repugnans eos puberes interpretari, qui curatores non habent: cum sint hæc aientia et negantia; puberes curatores suos habere, et non habere. Ego nihil interesse arbitror, utrum dicamus puberes qui sunt sine curatoribus suis, possunt ex stipulatu obligari; an vero, puberes obligari possunt sine suis curatoribus, ut utrobique puberibus snos esse curatores intelligamus. Sed hoc verbum, *suis*, ambiguum est. † Curatores enim puberum duobus modis dici possunt, vel ut intelligantur ii, quos habent puberes iam ante sibi datos non iure tantum, sed etiam re ipsa et sua voluntate; vel ut intelligantur curatores, quos ex iure puberes habere debuerint, ut sint hi curatores puberum non tam re, quam iuris destinatione. Illud proprie; hoc abusive, et *analogice*, relatione nimirum facta ad id, non quod factum est, sed quod fieri debuit, si cognati, amici, et puberes ipsi in curatoribus adhibendis et accipiendis officio suo fungi vellent. † Hoc 7 intellecto dicemus puberes obligari posse sine curatoribus suis, idest, iis, quos propter ætatem iure habere possunt et debent. Quod et verum est: possunt enim aliquando sine his obligari; ut autem verum sit eos ita obligari posse, satis est, si possunt aliquando, etsi non semper. Quando igitur sine his obligari possunt? Id hoc loco omissum sumi debet ex ea distinctione, quæ traditur in *dict. L. 3. C. de in integr. restitut. minor.* si curatores videlicet sibi datos iam re ipsa non habebunt, possant obligari sine curatoribus: si habebunt, non possunt. Fateor hoc modo curatores puberum improprie et abusive dici; nec facile a significatione verborum recedendum esse; sed scimus hanc esse exceptionem, nisi manifestum sit aliud sensisse scriptorem. *L. non aliter, supr. de legat. 3.* Id quod in proposito Modestinus fecisse inde coniecturam facere possumus, quod non ita ius fuerit ipsius temporibus, ut minores obligari possent sine curatoribus vere suis. Idque constare posse ex *dict. L. 3.* ubi id confirmatur ita, non ut ius constitutur de ea re novum, aut nuper natum, sed proponatur distinctio iuris certi, et antea ex-

plo-

*) Recte equidem hæc *d. L. 101.* expositio quam Accursii est, eam vana a Cuiac. Rob. et Don. hic per voculam *suis* rellitur. Vni ea placet, *Merc. 1. opta. 6.* qui ita: *sine curatoribus*, idest, qui non habent curatores *suis*, idest, proprio ad differentiationem curatorum, qui ad certam aliquando res dantur ex God. ad *L. 21. de f. S. n. 18. et contr. de stip. C. 7. n. 270.* vocula *suis* referenti ad creditores committit (1) post vocula *curatoribus* ponitur. Non recte tamen nostræ hæc ratio nititur. Quæ falsa omnino

est. Immo vocula *suis* sæpe iungitur nomini Cui. de *Petit. Consuetud.* Homo incens sine officio, sine ingenuo. Et Orat. pro M. Curius sub fin. Clodium vocat hominem sine re, sine fide, sine spe, sine rede, sine fortuito. Sic, Spiritus sine patre filii, 5. *pr. l. de Nupt.* Similesque ligationes legenti occurrunt. Sic nuptia sine nuptiis dicere licet, ex *Cato. 1. Inst. 4. 5. 1.* Regem sine regno, ut et in nostrati lingua phœaces hic crebrissime *Herz. abne Land* et similis.

plorati. Et ut forte id non senserit Modestinus: tamen quid hic conveniat Iustitiani voluntati, spectare debemus, qui utrumque fecit suum, et quidquid vel subtiliter inventum faceret ad conciliationem, id voluit accipi. *L. 2. §. tanta, et §. contrarium, C. de vet. iur. enucl.* Sed hic nobis occurritur ab iisdem illis, qui *d. L. 3.* de alienatione loqui dicunt, non de obligatione. Voluit enim hanc sententiam potius esse iuris certi quæ non hoc tantum loco, sed innumeris aliis passim demonstretur, proprium hoc esse impuberum, ut sine tutoris auctoritate non possint obligari, sive habeant tutorem, sive non habeant: puberes autem in ea esse causa, qua etiam in re differant ab impuberibus, ut et sine curatoribus obligari possint, quantumvis his curatores dati sint. Quid ergo afferant, expendendum putat. Mihi autem omnia videntur eiusmodi, quæ si quis attendat propius, existimare possit magno studio ab illis esse conquisita, non quo eam sententiam confirmarent, sed quo se oppugnarent: adeo omnia adversus illos faciunt. Curatori, inquit, rerum puberis et negotiorum administratio commissa est, non personæ. *L. sciendum. 1. supr. de rit. nupt.* ideoque de sua persona promittere potest pubes sine curatore suo. Imo contra ita colligi debuit: Curatori negotiorum administratio commissa est: ergo et rerum contrahendarum. Nam in re contrahenda negotium geritur. *L. ait Prætor. supr. de mi.* item hoc modo: Curatori rerum administratio commissa est: ergo et obligationis puberis. Nam obligatio ex numero rerum est. *Inst. de reb. corp. et incorp.* At enim promittere factum est personæ. Omnino: sed factum tale, in quo agatur de rebus pupilli alienandis, et patrimonio eius minuendo: ut consequens sit non magis alienationis: quam eius deminutionis curam ad curatorem pertinere. Alioqui nec alienatio ad eum pertineat; cum in alienatione non minus versetur factum puberis, nempe eius traditio et trasferendi voluntas. *§. per traditionem, Inst. de rer. divis.* Aliut feciminam sine curatore posse nubere, quod diserte scriptum est in *d. L. sciendum, de rit. nupt.* Sed nominatim *ibidem* additum est eo fieri, quia utrum nubat, necne, ad officium curatoris non pertineat, et ideo non pertineat, quia non sit res ex administratione negotiorum, in qua officium curatoris consistit. Vel hinc intelligere licuit hic dici quod esset nuptiarum proprium, eoque ad obligationes alias transferri nec debere, nec posse; et merito: nam in nuptiis contrahendis non de rebus extra personas positis agitur, sed de ipsissima et

sola coniunctione personarum. Unde definiuntur nuptiæ, viri et mulieris coniunctio individuum vitæ consuetudinem continens. *Instit. de pat. pot. in princ.* Obligationes contra ceterarum rerum non ad coniunctionem personarum pertinent, sed ad dandum aut faciendum, idest, ad minuendum debitori, et creditori augendum patrimonium. Addunt minori recte solvi sine curatoris auctoritate, ut debitor iure liberetur, tantumque supersit minori in integrum restitutio. *L. ait, Prætor, §. 1. supr. de min.* Primum nihil adiciit illic, unde intelligamus pecuniam esse solutam sine curatore; nec quidquam prohibet intelligi pecuniam minori recte solutam cum curatoris auctoritate, ut nihilominus minori postea succurratur, si pecuniam eam perdidit: tutoris enim vel curatoris auctoritas interveniens, auxilium in integrum restitutionis non aufert, *tot. tit. C. si tut. vel cur. int.* Faciamus tamen illic pecuniam a debitore solutam minori sine curatore. Hic ego quaero, velintne hoc accipi debere de minore qui curatorem non habeat, an de eo, qui habeat. Si de eo, qui non habet, nihil ad rem pertinet: non enim ambigitur, quin et hic sine curatore possit obligari. Sin de eo, qui curatorem habet, iam hoc statuendo huic recte solvi, ut debitor liberetur, ipsi se oppugnanti, non nos. Volunt enim hoc modo minorem qui curatorem habeat, posse non obligare se, sed quod habuerit, alienare sine curatoris auctoritate. Qui enim debitorem liberat, is non obligat se debitori suo, sed obligationem quam prius habuit, quodammodo alienat, dum facit ut eam desinat in bonis habere. Certe debitorem liberando de bonis deminuit; quod alienationis genus est, et edicto de his, quæ in fraudem patroni alienata sunt, revocatur, *L. 1. §. utrum, supra, si quid in frau. pat.* Atqui hæc erat prius eorum sententia, puberes qui curatorem habeant, sine curatore suo nihil alienare posse: et quod de alienatione dicitur, ad obligationem minorum non pertinere. Ex quo colligimus id eos mutare de alienatione, quod prius dixerant: et simul in eo nos sublevare, dum quod dicitur de minoris remissione, idest, alienatione, in *dicit. L. ait de mino.* ipsorum sententia non debet transferri ad minoris obligationem. Sed res ita habet: non magis minor curatorem habens pecuniam solutam sine curatore accipiendo, debitorem suum liberare potest, quam sine curatore se alii obligare. Et quod dicitur in *d. L. ait, §. 1. si minori pecunia a debitore soluta sit, et hanc perdit*

dit, ei subveniri, quasi gestum sit cum eo; ex conditione tacita et usitata accipiendum est, si quidem ita res gesta sit cum eo, ut omnino iure res ei periret, ac non possit aliter ei salva esse, quam auxilio restitutionis. Quod tunc fit, cum minor aut accepti curatore suo auctore, aut sine curatore quidem, sed ideo, quia curatorem non habebat. Eiusdem generis est illud, quod dicunt minorem iusiurandum deferre posse, et eo facto liberare debitorem sine curatore, idque probant ex *L. nam postea*, §. si minor, sup. de iur. Si minor viginti quinque annis, inquit Ulpianus, detulerit, et hoc ipso captum se dicat; adversus exceptionem iusiurandi replicari debet, ut Pomponius ait. Ego autem puto hanc replicationem non semper esse dandam; sed plerumque ipsum Praetorem debere cognoscere, an captus sit, et sic in integrum restituere. Atqui nihil hic adicitur de curatore; neque necesse est intelligi iusiurandum sine hoc esse delatum, cum minor curatorem haberet. Idem enim iuris esset, etsi eo curatore auctore detulisset iusiurandum. Deinus tamen eum habuisse curatorem, et sine hoc detulisse. Quid inde efficitur, nisi minorem sine curatore quem habebat, debitorem suum liberare, idest, quod habuit, deminuere potuisse? Atqui ³ ipsi illi hoc fieri posse prius negabant, et iisdem auctoribus quod de alienatione minoris dicitur, ad obligationem eorum non pertinet. Eiusdem incogitantiae et illud, quod afferunt de hereditate ex fideicommisso restituenda. Minor rogatus restituere hereditatem curatori suo, hanc illi sine ullius curatoris auctoritate recte restituit. *L. 1. §. fuit, sup. ad Trebell.* Quasi vero, restituendo hereditatem, et in alium transferendo videatur se obligare minor, ac non hereditatem a se alienare. Alienat vero citra controversiam, non ullo modo eo facto se obligat: ut perspicuum sit hinc colligi, non minorem sine curatore, quem habeat, se obligare posse,

quod fieri hic non potest, sed posse aliquid alienare, quod illi negabant. At enim nec minorem sine curatore suo alienare posse et ipsi diximus: hoc illi, qui praecipue affirmabant, expedire debebant: quod quia non fecerunt, ego expediam. Sed non est difficile explicata: ideo enim minor hereditatem prius a testatore acceptam restituere rogatus, hanc recte restituit sine cuiusquam auctoritate, quia restituendo nihil alienat de suo, neque adeo facit in eo conditionem suam deteriore: quod dici non potest, cum aut alienat suas res, aut se alteri obligat: ut vel hoc ipsum certissimum sit argumentum, quod de hac restitutione dicitur, ad obligationem transferri non debebat, ubi constet minorem et minuere suum, et conditionem suam deteriore facere. Quid illud, quod his sumitur ex *L. cum in una*, §. ult. sup. de app. quale esse videtur? Illic ita scriptum est: si tutoris auctoritas fuerit pupillo necessaria, veluti ad uideundam hereditatem, tutor ei necessario dabitur: quoniam curatoris auctoritas ad hoc inutilis est. Propositum est illis probare puberes sine curatoris auctoritate omnimodo obligari posse: ipsi proferunt exemplum pupilli, quem prius professi sunt in hac re a puberibus maximo differre. Sed esto, sint hi similes. An qui dicitur curatoris auctoritatem pupillo esse inutilem ad obligationem hereditatis suscipiendam; is dicere videtur etiam 4 puberi esse inutilem? non ita est. Ideo pupillo est inutilis, quia habet tutores, aut habere debet, a quibus regitur ea aetas, et qui auctores fieri possunt. Contraria de causa puberibus curatorum auctoritas utilis, quia hi reguntur solum a curatoribus, non etiam a tutoribus: ut horum auctoritatem desiderare tantum necessariam sit ridiculum. Palam est igitur nihil hic afferri, quo non multo magis superior sententia et distinctio d. *L. 3. Cod. de in integ. restitut. minor.* ante a me exposita confirmetur.

Ad L.

3) In eo recte noster ut et Rub. 1. animadu. 12. et 1. adnot. Merc. 119. Minor vero quod Gai. Tit. 018. 33. scribit nolle se et huius obligationem minorem abstruere, falso illi sibi imposui, verum ex protulisse et ostendit quod iuter pupillum et minorem etiam in aliis differrentiis sunt. Nam si modo verum esset, ut Gaius, sentit posse hanc sine curatore fieri, non video quod arguerentur illius sententiam obtemperare firmius esset.

4) Sed recte Gaius, curatoris auctoritatem ad alitionem absolute inutilem esse, quia hereditatis alio ex actus solomnis et legitimos *L. 77. de R. I. E. per L. 19. de auct. tut.* Nunc etsi tutor certis rei vel causis dari non debeat *L. 16. de test. tut. datur. tut. aui impuberi ad hereditatem alendum L. 9. de tut. dat.* non ea alia quam hanc ratione Mare. Verus Maurus de iure liberor. Cap. 31. p. 170. A. Fab. 1. Jurispr. 12. Pr. 4. Ill. 13. Sane mulieres olim adultae cum in perpetua tutela essent, facta pupillari, ineunte tutela mulieribus, vid. not. sup. Lib. 5. Ca. 14. N. 4. add. Vetter. Maurus d. Cap. 31. sine talium auctoritate non obligantur. Quod et Graecorum *LL. caumia; Tiraq. L. conuab. 1.*

n. 79. iure Hispanorum regio nullus exoritur contractus firmus sine consensu mariti, Covar. P. 2. de Matrim. C. 7. §. 1. Gomez. in leg. Tauri 54. et 5. seqq. Pass. 3. Ill. cons. 104. et 1. cons. usu freq. 10. Itemque ex consuetudine Polesiorum, Tiraq. sup. *L. 1. Covar. Gl. 4. et seqq.* ubi Gl. 8. cum a prius temporibus ac veterem olim gentium moribus comprobata extitit, (licet aliud sit iure nostro civilis *lex L. vellet. G. C. de reuoc. don.*) add. P. Greg. 11. N. 1. 4. n. 25. et seqq. Durr. ad Rub. Sol. matrim. Tit. de Mart. C. 1. ubi iunius tamen mulieres si iusta etatis sint, libere contractare scribit. Statutus multarum Italiae locorum nullus feminam obligatio sine consensu duorum conjugum procuratorum rata, de quo Menoch. arbit. C. 211. et seq. (ubi qui iusti causa n. 12. consensum) 10. Vinc. Bonaldi vol. 2. Cons. 5. Quam et ratione naturali citi, Panichian. Lib. 2. Quest. 5. n. 5. et seq. Iure quoque Saxo. nullus mulieris actus, in iudicio vel extra id celebratus, sine maritorum assensu tutorum auctoritate, illis adhibere potest, vid. Nov. Elect. Sax. 15. P. 2. ubi fusa Moll.

Ad L. Venditores. 102.

Idem libro v. Responsorum.

Venditores emptori caveant pro evictione quanti eius interesset, sed et specialiter adgnituros si in lite mota sumptus fecisset, emptori stipulanti promiserant: post mortem emptoris unus ex venditoribus ad iudicium vocavit, pretium sibi deberi dicens: heredes eius, qui sumptus in defensione causæ factos, cum probarent pretium solum fuisse, ex stipulatione petebant. Modestinus respondit, si in eas impensas venditores promiserunt, quæ ob litem de proprietate institutam factæ essent, minime ex stipulatu peti posse quod erogatum est dum alter ex venditoribus pretium quod iam fuerat exsolutum, petit.

SUMMARI A.

1. Stipulationis de sumptibus litis agnoscendis inter venditorem pro evictione caventem, et emptorem interpositæ effectus.
2. Stipulatio superior de qua lite sit accipienda. et n. 4.
3. Litem de evictione, a lite de pretio multum differre.

1. **V**Enditores emptori caveant pro evictione, quanti eius interesset; caveant, idest, stipulanti promiserant. *L. sancimus, C. com. de leg.* quæ stipulatio a venditoribus iudicio empti exigitur. *L. ex empto, §. venditorem, supr. de act. em.* Cuius rei gratia, docuimus ad *Tit. de evictionib.* Nominatim autem et specialiter iidem stipulanti emptori promiserant agnituros se, si in lite mota sumptus fecisset. Adiectio inutilis, si res evincatur postea emptori: cum iam satis generali stipulatione de evictione cautum esset in id, quod emptoris interest: quo verbo ut cætera damna, sic et sumptus ab illo in litem facti continentur. Sed ibi non inutilis, si cum emptore agatur postea de proprietate, sed res ei non evincatur. Verum est enim quod Accursius scribit in *L. 1. C. de evict.* re non evicta ne de sumptibus quidem regressum esse adversus venditorem. Re non evicta non esse regressum generaliter scriptum est in *L. si status, C. de evict.* unde intelligitur neque de his sumptibus, neque de aliis damnis regressum esse. Sed et in *L. ex empto, in prin. et L. servus quem, supr. de act. em.* clare traditum est venditorem emptori re tradita non teneri, nisi ob evictionem dumtaxat; seu non teneri, quandiu emptori rem habere liceat. Licet autem, quandiu res non est evicta. *L. habere, supr. de evic.* multaque alia in eam sententiam dici possunt, quæ nunc prætereo consulto, quia alius est de his dicendi locus. Nam quod Bartolus hanc sententiam reprehendens ait, venditorem hoc ipso quod tenetur, ut rem emptori habere liceat, etiam teneri in sum-

ptus in litem factos quamvis re non evicta, nullo bono auctore, nulla ratione probat: et aperte falsum esse, satis iis quæ modo dixi, convincitur. Nihil ad rem pertinet, quod dicitur venditorem lite mota emptorem defendere debere. *L. si plus, §. mota, supr. de evict.* debet enim, ne patiat rem eviaci. Cæterum re non evicta, neque hanc defensionem, neque quidquam aliud emptori præstare debet; semel enim emptione contracta ut rei venditæ commodum, sic periculum et incommodum omne ad emptorem transire constat. *L. necessario, supr. de per. et com. rei vend. §. cum autem, Inst. de em. et vend.* Huius autem periculi et incommodi et omnino casus fortuiti pars est vis omnis, et iniuria, quæ emptori ab aliis infertur. *L. ad eos, supr. com.* Quandiu ergo, ut dixi, res emptori evicta non est, tandiu emptor ad venditorem reverti non potest, ne de sumptibus quidem, quos in lite sibi mota fecerit: ut quidem reneatur obligatione empti et venditi. Quod si stipulatio de his sumptibus præstandis interposita fuerit, sine exceptione ad omnes, qui in lite facti erunt, stipulatio pertinebit, sive emptori res evicta sit, sive non sit, generalis enim stipulatio est. Non temere est igitur, quod de his sumptibus agnoscendis nominatim stipulatio subiecta est ei, cui iam satis de evictione cautum erat. † Sed videndum est, de qua 2 lite accipienda sit stipulatio: circa quod incidit quæstio ea, de qua hoc loco respondetur. Nam cum esset stipulatio superior ita concepta, ut proposuimus, unus ex venditoribus, qui diceret sibi pretium hoc

solutum non esse, egit cum emptoris hereditibus; ut sibi pretium solverent: et cum heredes probarent pretium solutum fuisse (quippe hæc eorum, qui dicunt fuisse solutum, probatio est. *L. 1. C. de prob.*) cum, inquam probarent pretium esse solutum, venditor victus est. Quæsitum est de sumptibus in hac lite ab hereditibus factis, an hi ex proposita stipulatione peti possint. Et quid opus est, dicit aliquis, heredes hos sumptus ex stipulatione persequi, cum eo iudicio, quo de pretio actum est, eos, si velint, consequantur? nam victus victori in expensis litis condemnatur. *L. eum quem, sup. de iud. L. properandum, §. sive autem, C. cod.* Nec dici potest in proposito ideo venditorem in eas non condemnari, quia iustam habuerit causam litigandi: neque enim honeste causari potest se ignorasse sibi pretium esse solutum, cum facti nostri ignorantia non sit probabilis. *L. quamquam, sup. ad Fell.* Sed fieri potest, ut iudex iniuria non habuerit rationem sumptuum. Proponamus ergo eum non habuisse, nec quicquam dixisse de sumptibus, ac nec emptorem eo nomine appellasse. Una ratio erit eos consequendi, si de his cautum fuerit stipulatione. Hinc ergo quæsitum, ut dixi non abs re, an hi ex stipulatione superiore peti possint. Quæstio in eo est, non an peti possint, quos constat non esse promissos; de quo nulla esse potuit iusta dubitatio, cum sit certi iuris ex stipulata peti non posse, quod stipulatione cautum non est: *L. quia, sup. de neg. gest. L. quidquid, sup. cod.* sed in eo, an superiore stipulatione comprehensam sit etiam de his sumptibus, qui in lite de pretio moti facti sint. Quod prima ratione videtur et verbis defendi posse; unde ambigendi causa. Primum dici potest verba stipulationis generalia esse de omni lite: venditores enim nihil expressisse de lite proprietatis, sed generaliter cavisse se agnitos sumptus in lite mota factos: proinde omnem litem emptori motam his verbis contineri. *L. non est sup. de transact. L. quidquid, sup. hic.* Quod si placeat hanc orationem ita accipi, ut intelligatur lis de evictione, cuius prius mentio facta erat: attamen existimari potest non male dici et litem de pretio esse litem de evictione rei, quasi pretio non soluto res possit emptori advocari. Modestinus respondet sumptus in lite de pretio moti ab emptore aut eius hereditibus factos, ex stipulatione præposita peti non posse: non

tamen simpliciter, sed sub conditione, si venditores promiserunt eas impensas, quæ ob litem de proprietate institutam factæ essent. Quibus verbis de posteriore tantum dubitatione respondet: † vult enim intelligi litem de pretio institutam non esse litem de evictione, de qua lite cautum est: idque hac ratione, quia in lite de evictione agatur adversus emptorem de proprietate rei; a qua lite multum distat lis de pretio. In hac, de pretio agitur actio in personam, nempe ex vendito adversus eum, qui nobis obligatus est. *L. Iulianus, §. ex vendito, sup. de act. em. §. 1. Inst. de act.* De proprietate rei agitur actio in rem adversus eum, qui nobis obligatus non est, sed rem nostram tenet, possidet. *d. §. 1. Inst. de act.* Effectus utriusque longe dissimilis. Lis de proprietate hanc habet exitum, ut cum actor probaverit rem suam esse, auferatur res emptori, et domino restitatur. *L. officium, L. qui restituere, sup. de rei vind.* Lis de pretio huc spectat, ut pretium solvatur dumtaxat; cæterum et non soluto eo in suo loco manet possessio penes emptorem. *L. venditi, C. de act. em.* † Interim manet ex his verbis etiam nunc prior dubitatio, an non videatur saltem verbis stipulationis generalibus simul et de lite proprietatis, et de quavis alia lite comprehensum esse, ut proinde ad litem etiam de pretio cum emptore institutam pertinere debeat. Sed dicendum est verba generalia semper ad eam speciem, de qua prius actum est, debere referri. *L. si de certa, C. de trans. L. quid tamen, §. plenum, sup. de rec.* Prius autem venditores emptori caveant pro evictione: proinde hæc verba continentur subiecta, et si quos sumptus in lite mota fecisset, sic exaudienda sunt, si fecisset in ea lite evictionis, de qua est sermo. Videtur autem Modestinus de eo non respondisse, quia hoc ita accipiendum esse constat inter litigantes: ut respondeat ex hypothesis si ita est, ut venditores de impensis ob litem evictionis, quæ proprietatis lis est, factis seanserint, nihil dubii esse debet, quin his verbis lis de pretio non contineatur. Quamquam potest et responsum sic accipi, ut aub conditionis figura tacite affirmatio contineatur, ut sit, si, pro quâ, hoc sensu; si venditores eas impensas promiserunt, quæ ob litem de proprietate institutam factæ essent: quod existimo, vel, postquam venditores eas impensas promiserunt, quod ex verbis actum esse satis intelligitur.

Ad L.

Ad L. Liber. 103.

Idem lib. v. Pandectarum.

Liber homo in stipulatum deduci non potest: quia nec dari oportere intendi, nec æstimatio eius præstari potest, non magis quam si quis dari stipulatus fuerit mortuum hominem, aut fundum hostium.

SUMMARI A.

1. Hostium fundus in stipulatum an deduci possit.
2. Legari quæ possunt, eadem in stipulatum deduci possunt, et contra.
3. Hostium res quatenus legari possint.

4. Res, quæ dari non possunt, nec a sciente, nec ab ignorante in stipulationem deduci possunt.
5. Emptio hominis liberi etc. quatenus valeat.

REM, quæ dari non potest, in stipulatum deduci non posse constat. *L. si stipulor, supr.* Quæ huius generis res sint, expositum est ad *L. inter, §. sacram, supr.* Idem confirmans hoc loco Modestianus in hoc numerum recenset liberum hominem, hominem mortuum, et fundum hostium. De duobus prioribus non dubitatur; de quibus est in *Inst. de inut. stip. in princ. et §. 1. †* De fundo hostium dubitationem facit *L. ab omnibus, §. etiam, supr. de leg. 1.* ubi ita scriptum est: *etiam rem hostium posse legari Sabinus ait, si aliquo casu emi possit.* Non enim est, quod quisquam putet ad rem pertinere, quod superius de re leganda dictum est, nos autem de re promissa agimus; quasi aliud iuris sit in legato, aliud in stipulatione. † Nam quæ res in stipulatum deduci non possunt, eadem nec legari possunt; et contra quæ legari possunt, possunt et in stipulatum deduci. Unaque utriusque potestatis notio est, si res dari et parari possit. *L. si stipulor, supr. cod. L. cum servus, §. ult. supr. de leg. 1.* Quare si res hostium legari potest, poterit et deduci in stipulationem. Quid ergo est? probandum est, quemadmodum fundus hostium promitti non potest, sic nec legari posse, sive noster aliquando fuerit, sive non fuerit, quandoquidem a nobis parari non potest; non apud hostes, quoniam apud illos quidquam habere et possidere nobis non licet: non extra potestatem hostium, quoniam fundus res immobilis ab illis transferri non potest: quæ autem parari non possunt, ea nec legari possunt. *d. L. cum servus, §. ult. de leg. 1.* Neque vero hoc superioribus illis verbis negator. † Res hostium legari po-

test: sed hac conditione, si aliquo casu emi possit. Id hanc significationem habet, si possit emendo parari, et ad nos transferri. *d. L. cum servus, §. ult.* Non sunt in hoc genere res soli, ut ostendi. Quænam igitur? merces exoticæ, quæ a Barbaris per mercatores advehi ad nos solent. Hæc nihilominus et in stipulatum recte deducuntur. † Illud notandum est, quæ res dari non possunt, eas esse huiusmodi, ut nec a sciente nec ab ignorante deduci possint in stipulationem, ut promissor quamvis tales esse sciens aut etiam de iis tanquam privatis affirmans eos nomine obligetur. Res ipsæ cum non possint præstari natura, ne deberi quidem possunt. Sed nec debebitur earum æstimatio, ut hic scriptum est: quia æstimatio in stipulationem non est deducta; nec quidquam ex stipulatione potest deberi, nisi de quo nominatim stipulatio est concepta. *L. quia, supr. de neg. gest. L. quidquid, supr. hic. †* Alia causa est emptionis, si huiusmodi res pro privatis vendantur ignorantibus: hic enim venditio valet. *L. 4. L. 5. L. liberi, supr. de contr. empt.* non quidem de re, quæ præstari non potest; sed hæcenus, consequatur emptor, quod interfuit eius, ne decipiatur. *L. qui officii, §. 1. supr. de contr. em.* Sic natura est emptionis, eo quod bonæ fidei est, ut si quid dolo malo venditor vel fecerit, vel celaverit in re vendita, eum dolum præstare emptori debeat, quemadmodum et si quid affirmavit. *L. ea quæ, in pr. et §. ult. supr. de contr. em. L. tenetur, §. pen. et ult. supr. de act. empt.*

Ad L.

Ad L. Cum servus. 104.

Iavolenus lib. xi. ex Cassio.

Cum servus pecuniam pro libertate pactus est, et ob eam rem reum dedit: quamvis servus ab alio manumissus est, reus tamen recte obligabitur: quia non quaeritur a quo manumittatur, sed ut manumittatur.

SUMMARIA.

1. *Species legis.*

2. *Ex stipulatione conditionali conditio impleta*

pecunia debetur, tantumque hoc spectatur, an factum sit, quod verbis continetur.

1 **S**ERVUS pactus est domino pecuniam pro libertate, idest, hac lege, ut manumitteretur, vel si manumitteretur, et liber fieret: nec adiectum est, a quo; ut appareat de sola libertate servo danda cautum fuisse, nihil de personis: et servus ita pactus reum dedit, qui stipulanti domino eam pecuniam expromitteret, ut fit in specie L. et eleganter, §. servus sup. de dol. Dominus, idemque stipulator servum huic non modo non manumisit, sed etiam alienavit sine ulla conditione libertatis servo dandæ: manumissus est tamen servus a novo domino. Hic existit prior dominus et idem stipulator, ac pecuniam petit ex stipulatione. Contra dicitur ei, inique eum petere pecuniam, et vero eum consequi non debere pro libertate, qui libertatem non dederit: imo vero qui quod in ipso fuit, libertatem impederit servum alienando. Respondet Iavolenus nihilominus pecuniam deberi, et iure peti posse; quia non quaeritur, inquit, a quo manumittatur, sed ut, vel an manumittatur. Nempe in proposito non quaeritur, ubi de libertate solum danda actum est, ut proposuit, non de personis, a quibus oportet dari. Hoc

sentit Iavolenus, quod et ipsum explicatius posuit in L. a Titio. infr. † ex omni stipulatione conditionali conditio impleta pecuniam deberi; tantumque hoc spectandum esse, an factum sit, quod verbis continebatur. Porro in proposito stipulationem fuisse sub conditione, quæ et conditio servo ab alio manumisso extiterit. Condicio enim hæc erat, si servus manumitteretur; si manumitteretur, inquam, simpliciter, non ab hoc aut ab illo: proinde a quocunque sit manumissus, conditio impleta est. Ex quo recte colligit, quamvis servus ab alio manumissus sit, reum obligari. Non dixit, quamvis ab alio manumissus sit, stipulatoris tamen beneficio: quia hoc sentit etiam si invito eo sit manumissus, reum tamen obligari. Scilicet quia ita fuerit conditio, si servus manumitteretur; in quibus verbis quaeri non debuit, inquit, a quo servus manumittatur. Cum autem stipulatoris beneficio servus manumittitur, prope est, ut ab eo videatur manumitti. argu. L. sed si plures, §. in arrogato, sup. de vulg. et pup. subst. L. profecticia, in pr. sup. de iur. dot. L. si quis quos, sup. de leg. 2.

Ad L. Stipulatus sum Damam. 105.

Idem lib. ii. Epistolarum.

Stipulatus sum Damam aut Erotem Servum dari; cum Damam dares, ego quo minus acciperem, in mora fui. Mortuus est Dama. An putes me ex stipulatu actionem habere? Respondit secundum Massurii Sabini opinionem, puto te ex stipulatu agere non posse. Nam is recte existimabat, si per debitorem mora non esset quo minus id quod debebat, solveret: continuo eum debito liberari.

SUMMARIUM.

1. *Ex duabus rebus distinctim. promissis si una perierit, an promissor debito liberetur.*

1 **C**UM illud aut illud promissum est, puta, Dama, aut Heros, Stichus aut
Tom. XI.

Pamphilus, si una ex rebus promissis perierit, traditum est aliis locis, idque generaliter

ter, non ideo liberari promissorem, sed eam rem, quæ superest, adhuc deberi, et peti posse. *L. si in emptione, §. pen. supr. de contr. em. L. Stichum, infr. de sol.* Quod et videri potest in universum recte definiri. Cum enim res duæ promissæ sint, una perempta, tamen adhuc relinquitur altera, quæ obligationi supersit. Id tamen temperatur hoc loco hac exceptione, nisi creditor in ea, quæ perit, prius accipienda moram fecerit. Nam si fecit, cum ea a debitore recte offeretur, scriptum hic est re postea perempta continuo promissorem debito liberari, et quidem ita, ut ex stipulatu cum eo agi non possit; quod significat eum, ipso iure liberari. Quo responso statuitur hæc distinctio, ut duabus rebus disiunctim promissis, si ex his una perierit, si quidem ante oblata non fuit, non liberetur promissor; si fuit recte oblata, liberetur. Sed videamus, ne potius in universum dici debuerit re una ex superioribus perempta debitorem liberari in totum, etiam si citra moram res creditoris perierit; etsi enim in hoc genere duæ res verbis promissæ sunt; vi tamen ipsa et sententia stipulationis una tantum debetur, qua soluta liberatio contingit. *L. ubi, §. qui illud, supr. eod.* quid ni igitur etiam una ex his extincta debitor liberetur? ut enim solutione, sic et rei interitu debitorem pariter liberari constat. *L. si ex legati, supr. eod.* Non est satis rem unam hic deberi, ut debitor unius interitu liberetur: sed prius rem quæ perit, debitam fuisse oportet. *d. L. si ex legati, et L. quod te, supr. si cert. pet.* Duabus autem rebus disiunctim promissis, prius quam promissor elegerit, quam daret, utra vere debeatur, incertum est: ut si qua

ex iis ante eam electionem perierit, non possit dici promissor interitu rei debitæ liberatus, cum ea, quæ perit, non magis dici possit debita fuisse, quam altera. Ergo nec ea, quæ superest, dixerit aliquis: ac proinde ne ea quidem peti poterit. Imo ea, quæ superest, iam incipit certo dici fuisse, et esse debita: prius enim debebatur sub conditione, si altera data non esset; *L. cum ita, supr. de opt. leg.* quæ conditio iam certo extitit: nam nequæ altera res data est, et certum esse cepit eam amplius dari non posse. Qui sit igitur, ut unius rei solutione liberetur debitor? quia solvendo eligit, quam det pro ea potestate, quam natura obligationis ei concedit. *d. L. ubi, §. qui illud, supr. L. plerumque, §. ult. supr. de iur. dot.* Hæc electio et voluntas debitoris sic rem electam debitam facit, quasi ab initio sola venisset in obligationem. *L. cum incertus, supr. de leg. 1.* Eadem voluntas atque electio declaratur et tunc, cum debitor rem unam obtulit creditori, quam si sine iusta causa accipere recusavit, si modo et debitor in ea voluntate perseveravit: nam eius mutandæ rebus integris ius habet. *L. prox. infr.* Non multum autem interest, utrum nolit quid aliquis, an in voluntate non perseveret. *L. nam etsi, §. 1. supr. de inoff. test.* Quod si perseveravit, debitam faciet. Proinde non mirum, si et ea postea perempta placet debitorem ipso iure liberari. Hoc enim consequens est regulæ Iuris, in quam omnes iuris auctores consenserunt, qua efficitur interitu rei debitæ, quod citra debitoris culpam factum sit, liberari debitorem. *d. L. si ex legati.*

Ad L. Qui ex pluribus. 106.

Idem lib. vi. Epistolarum.

Qui ex pluribus fundis quibus idem nomen impositum fuerat, unum fundum sine ulla nota demonstrationis stipuletur, incertum stipulatur: idest eum fundum stipulatur, quem promissor dare voluerit: tandiu autem voluntas promissoris in pendenti est, quamdiu id quod promissum est solvatur.

S U M M A R I A.

1. Ex pluribus rebus una indefinite in stipulatu deducta, quamdiu res extant omnes, tandiu promissor tenetur.
2. Ex pluribus rebus una indefinite in stipulatu deducta, quamnam debeatur.
3. In questionis superioris definitione, quæ ordine notanda.
4. Electio in proposita specie; quando sit stipulatoris.
5. Debitoris quando.
6. Debitor in eo quod semel elegerit ad præstationem, an et quamdiu voluntatem mutare possit.
7. Legati et stipulationis diversam esse hac in re causam: et quæ diversitatis ratio.
8. Lite contestata, an electio quæ ante petierat, finiatur.
9. Electio quæ promissoris antea fuit, re iudicata ei non aufertur.
10. Unius tantum rei in iudicio a creditore recte deductæ longe diversa causa est circa electionem; quam alternata plurium rerum petitionis.
11. Electio finitur solutione.

- 1 Cum ex pluribus fundis unum indefinite stipulamur, et quod idem est, cum ex pluribus rebus stipulamur illud aut illud; quandiu existant res omnes in stipulatum deductæ, tandiu et promissorem teneri certum est. Nam quibusdam amissis interdum liberatur; interdum tenetur ita, ut cum una res supersit, non sit difficile videre, quid in obligatione relinquatur.
- 2 quod superiore capite attigimus. † Illud habet dubitationem, cum ex hoc genere tenetur promissor rebus integris, quid hic debeatur. Non esset dubitatio ulla, si res stipulatione comprehensæ omnes deberentur sic enim intelligeremus omnes peti posse, et omnes esse præstandas. Nunc autem nihil hic debetur amplius, quam res una ex omnibus: ut promitti quidem intelligantur omnes, ut verbis expressæ sunt; sed singulæ hac conditione, si aliæ datæ non sint. *L. cum ita, supr. de opt. leg.* Quænam ergo illa sit, quæ certo debeatur, queritur, ut sciamus et quid hic tribuatur creditori ad petendum, et quid possit aut debeat a debitore præstari. In eo hæc notio summa est, eam rem in hoc genere deberi, quam is elegerit, cui electio earum rerum data est, sive is erit stipulator, sive promissor. † Hanc notionem et regulam excipiant deinde ordine hæc questiones: utrius ergo electio sit, et quando: tum si quis pro facultate sibi data elegerit, an qui semel id fecit; possit mutare voluntatem: postremo si potest mutare, quandiu possit. De quibus breviter comprehensum est hoc responso, sed ita, ut res fusiorem explanationem desideret. Et de electione seu eligendi potestate ita ius est: † si stipulator nominatim sibi electionem constituit, vel his verbis adiectis, ntrum ego velim; vel his, mihi licere unum ex illis sumere: in aperta conventionem eius electio est. *L. ubi, §. qui illud, L. si sic, 93. supr. L. si quis stipulatus. 112. infr. eod.* Quæ ratione in *d. L. ubi, §. qui illud*, dicitur hic stipulator certum videri stipulatus: cum ei liceat unum aliquid, quod velit, intendere sibi dari oportere. † Si de electione nihil cautum est, placet in re obscura debitoris esse electionem, ut hic traditur: apertius in *L. plurimque, §. ult. de iur. dot. §. huic autem, Inst. de act. L. 2. §. Scævola, supr. de eo quod cer. loc. L. si in emptione, §. pen. supr. de contr. empt.* et hæc convenienter ei regulæ, quæ traditur in stipulationibus, si quid ambigui sit aut obscuri; verba contra stipulatorem interpretanda esse. *L. stipulatio ista, §. in stipulationibus, L. quidquid, supr. eod.* Ex
- Tom. XI.

res facit, quod hic dicitur, ut intelligatur qui illud aut illud stipulatus est, incertum esse stipulatus. De quo dixi ad *d. L. ubi, §. qui illud, supr. eod.* Quod sequitur, an hi cum semel quid elegerint, possint mutare voluntatem, et quando; dissimilis iu eo causa est stipulatoris et promissoris. Quid hic in stipulatore servandum sit, traditur in *L. si quis stipulatus. 112. infr. eod.* de promissore hic agitur, et in *L. cum, qui certarum, 138. infr. eod.* † Est autem utriusque loci consentiens definitio in hanc sententiam, promissorem iu eo, quod semel elegerit ad præstationem, voluntatem mutare posse, et posse tandiu, quoad rem unam, quam debeat, solverit: proinde et tandiu in pendenti esse eius voluntatem. In quo tria statui apparet; et mutari voluntatem posse; et posse usque ad solutionem; et cum solum quid erit, deinceps non posse. Quæ cuiusmodi sint, videamus: neque enim usque adeo liquet de omnibus. † Ac videatur primum superior sententia 7 de facultate mutandæ voluntatis refelli exemplo legati eodem modo relictis. Nam si illud aut illud legatum sit, quod heres, idemque debitor volet, et is unum semel constituit, quem daret, placuit eam amplius voluntatem mutare non posse. *L. statuliberum, in fin. supr. de leg. 2. L. huiusmodi, §. Stichum, supr. de leg. 1.* Sed diversa est in hac re causa legati et stipulationis. Intelligendum est enim sic ius esse in legatis, ut cum primum voluit heres rem legatam dare, simul etiam potestate iuris dominium eius rei in legatarium transeat, si quidem et is voluerit legatum ad se pertinere. *L. a Titio, in fin. infr. de fur. L. servum filii, §. 1. supr. de leg. 1.* Quæ res facit, ut quod ei recte questum est, non possit deinde invito auferri. *L. id quod, infr. de reg. iur.* eaque ratio in legatario eligente, cui electio data erat, nominatim redditæ est in *L. apud, supr. de op. leg.* ad eandem mutationem voluntatis illi detrahendam. Nulla eiusmodi rei electæ translatio in stipulationem aut ceteras causas incidit, quæ obstat debitori, quominus illi in re electa voluntatem mutare liceat, nam in aliis causis id observatur, ut dominia rerum transferantur traditionibus, non andis pactis, ant andæ voluntate. *L. traditionibus, C. de pact. §. 8*

Secundum plus habet difficultatis: quod enim dicitur promissorem in eo voluntatem mutare posse, quoties velit; et quoad quid solverit, hanc significationem habet, mutare cum posse non solum usque ad litem contestatam, sed et post litem contestatam:

90* neque

neque id solum, sed et post ipsam adeo rem iudicatam, post quam demum res solet præstari. Hic vero nobis occurrit tot locis, quibus post litem contestatam electionem quæ ante competierat, finiri legimus. Stipulatorem quidem, qui in hoc genere stipulationis sibi nominatim excepit electionem, solum donec iudicium dictet, habere mutandi potestatem scriptum est in *d. L. si quis stipulatus, infr. eod.* Sed ne putemus in eo plus tribui reis tanquam favorabilioribus iuxta regulam iuris. *L. favorabiliores, infr. de reg. iur.* etiam promissores, qui eligere quid ante litem contestatam potuerunt, lite semel contestata eam facultatem amittunt: ut probatur exemplis. *L. si insulam, L. si Titius, 9. supr. eod.* ubi et multo plura eiusdem rei exempla colligimus. Sed et hæc dissimilibus in causis recepta sunt; et recte unumquodque propriis rationibus. Principio observandum est agere nos de promissore, et eo promissore, qui duas res promiserit disiunctim, atque ita promissas disiunctim debeat. Hunc dicimus etiam post litem contestatam adhuc eligere posse, utram det, nec unquam amittere mutandi potestatem, quoad rem unam præsterit: optima et certissima ratione. Animadverti enim debet ex hoc genere stipulationis sic agi, ut litis contestatione non mutetur obligatio promissoris, quæ prius fuerit, sed confirmetur, planeque eadem et iudicio contrahatur. Sic enim agitur, ut stipulator intendat sibi dari oportere non hoc tantum, aut illud tantum: sed simul, disiunctim tamen illud aut illud. Ita deducitur in iudicium disiunctim, quod et disiunctim debebatur. §. *huic autem, Inst. de act.* ut consequens sit eandem eligendi potestatem etiam post litem contestatam manere: proinde et in hac electione eandem mutandi potestatem, nam hac potestate sublata etiam electio tollitur. Atque hoc certo usque ad rem iudicatam.

9 † Sequitur deinde sententia; hæc vero cum petitioni congruere debeat, ut præcipitur in *L. ult. C. de fidei lib.* hoc etiam continebit, ut promissor in illud aut illud disiunctim condemnatur, uti et petitum erat. Sic fit, ut quam electionem habuit promissor in hac specie ante litem contestatam, eandem et post litem contestatam, adeo et post rem iudicatam retineat ipsius etiam iudicii, et rei iudicate potestate atque obligatione. Demum in aliis etiam causis eiusmodi alternatam aliquam plurium rerum petitionem, in omnibus eandem electionem, eandem facultatem mutandi, quæ prius fuerat, perpetuo cum reo, tum stipulatori

dederimus. † Faciamus contra rem unam tantum in iudicium a creditore recte deductam. Ut de ea re sola iudicati obligatio contracta est; ita necesse est et solam eo iudicio deberi a reo, et ea soluta debitorem liberari: siquidem solutione eius quod debetur, tollitur omnis obligatio. *Inst. quib. mod. toll. obl. in pr.* Qua ex re efficitur, ut si qua prius vel stipulatori vel reo electio fuerit, ea post litem contestatam nova unius rei obligatione contracta amittatur. Atqui hoc primum citra controversiam contingit in persona stipulatoris, cuius in hac specie obligationis fuit electio. Hic enim agendo non petit illud aut illud, sed rem unam certam, eam nimirum, quam elegit pro potestate sibi data, *d. L. si quis, 112. infr. eod.* Nec quisquam dicat hanc ei petitionem nocere non debere, quia traditum sit neminem litem contestando deteriorem conditionem suam facere, sed plerumque meliorem. *L. non solet, L. nemo enim. seq. infr. de reg. iur.* Non enim in hac causa propter litem contestationem alterius rei, quæ petita non est, electio amittitur, sed propter huius electionis necessarium remissionem: obligationes enim unius rei certæ iudicio contractæ, ut stipulator necessitatem imponit reo huius rei solvendi; quæ definitio est obligationis: *Inst. de obl. ita* eadem opera et facultatem tribuit eius ipsius rei præstandæ ad liberationem; quoniam si res debita est, necesse sit, ut dixi, eius solutione debitorem liberari. Idem accidit et in persona promissoris, cuius ab initio in potestate fuit ex duabus rebus eligere, utram solvat, si una tantum res in obligatione fuit, altera dumtaxat in solutione. Hic enim ea conditio est obligationis, ut res ea, quæ fuit in obligatione, sola in iudicium recte deducatur, si altera non soluta passus sit reus secum litem contestari: qua deducta cum reus illam sine ulla alterius rei præstandæ facultate debere cœperit, consequens est, ut eam quoque tanquam solam et simpliciter debitam necesse habeat solvere. Ea vis est, ut dixi, obligationis. Hæc necessitas constituta aperte illam facultatem alterius rei præstandæ, quæ ante fuerat, excludit. Atqui huiusmodi est conditio obligationis in illis causis, in quibus litis contestatione electionem promissori prius tributam finiri legimus, quarum exempla proponuntur in *d. L. si insulam, et L. 9. supr. eod.* de quibus cum satis dixerim in illis locis, præcipue autem ad *d. L. 9.* inde peti poterit, quod ad earum causarum rationem pertinebit. Longe alia causa est obligatio-

tionis eius, in qua duæ res; quarum electio promissori tribuitur, ambæ sunt in obligatione, non altera dumtaxat. Quod fit, cum illud aut illud promittitur; de qua specie nunc agimus. Hic enim contraria de causa accidit, ut necesse sit stipulatori utramque petere disunctim, uti et debebantur. Quæ petitio, ut dixi, eandem electionem servat reo, quæ et ante fuerat. *d.*

- 11 §. *huic autem, Inst. de act. †* Sed ut qui promisit illud aut illud, mutare potest voluntatem, quandiu quod promissum est, solvatur, ut hic scriptum est: sic ex eo ipso intelligitur tertium illud, quod supra posui, finem huius potestatis fore, cum reus rem unam aliquam solverit. Cur hic

potius, quam tum, cum elegit, nec re ipsa tradidit? expeditam id rationem habet, eamque duplicem; Unam, quod stipulatio erit inutilis, si promissori variare hoc modo licebit: sic enim semper dicet, se aliam rem electurum, atque ita in eius arbitrio erit, an debeat, quod ius non concedit. *L. 2. §. Scævola, supr. de eo quod cer. lo.* Alteram, quæ eadem iam ante in legatis usi sumus, quod debitor rem unam solvendo dominium in stipulatorem transtulit: id vero invito auferri non potest. *L. id quod nostrum, infr. de reg. iur.* Sed nec condici potest tanquam indebitum, quod ex stipulatione debitum fuit.

Ad L. Utrum. 107.

Idem lib. viii. Epistolarum.

Utrum turpem talem stipulationem putes, an non, quæro: Pater naturalis filium quem Titius habebat in adoptionem, heredem instituit, si patria potestate liberatus esset: pater eum adoptivum non alias emancipari voluit, quam si ei dedisset a quo stipularetur certam summam, si eum manumisisset: post emancipationem adit (hereditatem) filius: petit nunc pecuniam pater ex stipulatione supra relata. Respondit: Non puto turpem esse causam stipulationis, utpote cum aliter filium emancipaturus non fuerit: nec potest videri iniusta causa stipulationis, si aliquid adoptivus pater habere voluerit, propter quod a filio post emancipationem magis curaretur.

S U M M A R I A.

1. Pecunia ob quod factum turpiter accipi, aut promitti dicitur.

2. Pater pro emancipando filio, an recte pecuniam stipuletur.

1. **P**ECUNIA ob factum aliquod turpiter accipitur, promittiturve, cum aut id quod fit, per se turpe est, aut eiusmodi, ut qui accipit, id facere etiam sine pretio iure cogeretur: veluti, si quis pecuniam accipiat, ut reddat depositum, aut rem sibi commodatam. *L. 2. L. ult. supr. de cond.*

2. **ob tur. caus. †** Non est huiusmodi factum emancipatio filii. Nam neque turpe est emancipare, quem in potestate habeas, quod constat; neque quisquam filium invitus emancipare cogitur. *L. si cui legatum, supr. de cond. et dem. L. non potest, supr. de adop. §. ult. Inst. quib. mod. ius pat. po. sol.* Proinde pecunia eo nomine a patre non ac-

cipitur turpiter; et si eo nomine sibi quid dari stipuletur, nihil est impedimento stipulationi; de quo hic responsum est. Si quis hic officiat officium caritatis paternæ, quo effici videtur ne debeat esse venale beneficium patris erga filium; respondebimus id, quod est in extremo responsi, non esse contra officium patris comparare sibi quid a filio, quo ab eo post emancipationem magis curetur: quod futurum est pecunia ob emancipationem patri promissa. Huius enim exactionem metuens filius studebit eius liberationem a patre officii et obsequiis promereri.

Ad L. A Titio. 108.

Idem lib. x. Epistolarum.

A Titio stipulatus sum, Si qua mihi nupserit, decem dotis eius nomine dare spondes? quærebatur an consistat talis stipulatio. Respondit: si stipulanti mihi dos ita promissa est: Quamcunque uxorem duxero, dotis eius nomine decem dare spondes? nihil in causa est quare ea pecunia conditione expleta non

non debeat. Nam cum conditio etiam ex incertæ personæ facto parere obligationem possit, veluti, *Si quis in Capitolium ascenderit: decem dare spondes? Si quis a me decem petierit, tot dare spondes?* cur non idem et in dote promissa respondeatur, ratio reddi non potest.

SUMMARIA.

1. *Stipulatio hæc, Si qua mihi nupserit, decem dotis eius nomine dare spondes, et similes, an valeant, et n. 3.*
2. *Stipulatio omnis sub quavis conditione, quæ*

existere potuerit, contracta valet, et impleta conditione pecunia debetur.

4. *Promissorem in propositis stipulationibus suo, non alieno facto obligari.*

5. *Stipulationem propositam non esse sine causa.*

1. **Q**Uæritur, an valeat hæc stipulatio, si qua mihi nupserit, decem dotis eius nomine dare spondes? Dici potuit duo ob stare. Primum quod pendet stipulatio ex facto alieno, et ex eo parit obligationem: neminem autem alieno facto obligari convenit. *L. 3. C. ne ux. pro mar.* Deinde quia videtur hic promitti pecunia sine causa, utpote ab eo; ad quem forte hæ nuptiæ, aut quodvis aliud factum alienum non pertinet. Si quis autem sine causa quid promiserit, hunc saltem ope exceptionis non teneri placet. *L. 2. §. circa, supra, de dol. exc.* Probat tamen Iavolenus stipulationem valere, quia sub conditione non impossibili contracta sit; atque ita definit de conditionalibus stipulationibus, † omnem stipulationem sub quavis conditione, quæ existere potuerit, contractam valere, et impleta conditione pecuniam deberi: quæ et definitio aliis locis expressa est, *L. huiusmodi 20. supra, L. ita stipulatus. 115. 1. resp. illic, quasi quelibet, infra eodem.*
3. **A**ddit Iavolenus et hoc argumentum. Nam cum stipulor decem sub hac conditione, si quis in Capitolium ascenderit, aut sub hac, si quis a me decem petierit, stipulationes valere constat: non est autem hæc dissimilis, de qua quæritur: nam et ea pendet ex facto incertæ personæ. Argumentum per se infirmum, si quis eas condiciones qua-

rum argumento utitur, per se consideret: nam et hæ cum pendeant ex alieno facto, eandem plane dubitationem habent. Sed spectavit Iavolenus, receptam de his sententiam; has enim valere vulgo receptum erat: ex qua sententia tanquam a rebus certis argumentum ducit. Quominus autem statuamus vere dici stipulationem sub iis conditionibus, quæ supra scriptæ sunt, consistere, non movebimur iis, quæ initio in contrariam sententiam diximus. † Primum 4 non est verum in propositis stipulationibus obligari promissorem alieno facto, obligatur enim suo, nempe ideo quia promisit, non quia nupsit mulier, aut alius in Capitolium ascendit. Non obligaretur quidem sine facto alterius, quia conditio in alienum factum collata est; qua non impleta nihil debetur: sed non ideo obligatur, quia alii fecerunt, sed quia voluit obligari, si alii fecissent. † Ne hoc quidem verum est, 5 stipulationem de qua hic quæritur, esse sine causa: non utique quod condiciones pro causa stipulationis habendæ sint: sed quia si alia causa promittendi non fuerit, erit certe donationis causa, quisquis enim sciens se non teneri, promittit, videtur donare. *L. Campanus supra de op. lib.* constat autem idoneam domini transferendi et promissionis causam esse donationem. *tot. tit. supra pro donato.*

Ad §. Nulla promissio.

Definitio eadem, quæ *L. stipulatio non valet. 17. supra eod.*

Ad L. Si ita stipulatus. 109.

Quod hoc loco, idem et ante prope totidem verbis scriptum legimus, in *L. si ita stipulatus, 12. supra eod.*

Ad L. Si mihi et Titio. 110.

Idem lib. iv. ad Quintum Mucium.

Si mihi et Titio in cuius potestate non sim, stipulor decem: non tota decem, sed sola quinque mihi debentur. Pars enim aliena deducitur: ut quod extraneo inutiliter stipulatus sum, non augeat meam partem.

SUM-

SUMMARIA.

1. *Stipulatus decem sibi et Titio, sola quinque stipulatus intelligitur.*
2. *Stipulatio hæc, Mihi et Titio decem dari, dissimilis est emptioni eodem modo contractæ, valuti, Mihi et Titio fundus em-*

ptus est: et quæ in re dissimilitudo versetur, quæque sit differentia ratio.

3. *Stipulanti servitutem sibi et vicino, totum, quod in stipulatum deductum est, debetur.*

QUI stipulatur decem sibi, et Titio, nihil amplius intelligitur stipulari, quam quinque: quem locum exposuimus ad L. cum qui ita. 56. *supr. cod.* † Sed hic opponitur, quod illic prætermisum, nunc attingam. Nam si emptio fundi eodem modo contracta sit, valuti, fundus ille mihi est emptus et Titio, scriptum est in L. fundus ille, *supr. de contr. empt. venditionem* non in partem tantum consistere, ut hic stipulatio decem in quinque, sed consistere in totum, ac totius laudi emptiorem ad emptorem pertinere. Dissimilia hæc esse omnes concedunt: sed qua in re sit hæc dissimilitudo, parum liquet. Ea sine dubio non est in rebus in utramque speciem obligationis deductis. Promittitur hic pecunia: illic fundus emitur. Utrum promittatur certa summa mihi et Titio, an promittatur fundus mihi item et Titio, ad divisionem istarum rerum nihil interest. Eadem anima pluribus personis attributa, enumeratione personarum intelligitur in singulis esse divisa. L. cui fundus, *supr. de cond. et dem. l. res, §. 1. infr. de duob. reb.* Et fundus eodem modo: nam si duobus fundus legatus sit, inter eos divisus videtur, ut singuli pro sua parte legatum capiant. d. L. cui fundus. Idemque est, et si duo aliqui, aut servus communis duorum speciem aliquam ut fundum, vel Stichum stipulenter: nam et hic divisio fit corporum in singulas personas, ac dimidiæ partes singulis debentur. L. in stipulationibus, *supr. cod. l. cum Stichus, infr. de sol. Itaque si quis stipulatur fundum sibi et Titio, dicendum est et hic nihil deberi ex stipulatione, nisi partem fundi. Nam si sibi partem stipulatus intelligitur, partem Titio, sola pars ei debebitur: Titio nihil, cui stipulari non potuit: quæ una ratione defenditur decem promissis mihi et Titio, sola quinque deberi, ut docuimus ad dictam L. cum, qui ita, 56. *supr.* Restat igitur, ut si qua in re distinguitur hæc stipulatio, mihi et Titio decem dari, ab illa emptione fundi, mihi et Titio fundus emptus est, dissimilitudo quæ in rebus non est, ait in genere contractus: quod et verum est. Differentiæ ratio quaeritur: quæ mihi non in eo esse videtur, quod emptio*

ait bonæ fidei; cum non minus in stipulatione servandum sit, quod actum est, quam in emptione: L. semper in stipulationibus, *infr. de reg. iur.* sed quia in emptione superiore hoc agitur, ut totus fundus sit emptus, idque utiliter, in stipulatione pecuniæ, ut tota pecunia detur, non item. Aio in hac emptione, fundus ille mihi est emptus, et Titio, hoc sibi cum ab emptore, cum a venditore, ut totus fundus emptus sit. Ab emptore, constat, quia fundum emptam vult partim sibi, partim Titio. A venditore, quia ille totum fundum vendendo id agit, na quid ex eo fundo retinet. Atque hanc etiam mentem esse venditoria, ut emptor de toto fundo vel a se vel a Titio accipiendo constituat, hinc liquet, quod id ita sibi venditoris interest, partim ut consequatur totius fundi pretium, partim ne in communionem incidat cum emptore; ad quam propter eius incommoda nemo iustus compellitur. L. si non cortem, §. si centum, *supr. de cond. ind.* Quam ob causam si volet venditor totum fundum tradere emptori, ita et iudicio empti ut præstetur, quod actum est, idest, quod convenit, consequi poterit. L. ex empto, in pr. *supr. de act. empt.* In hac autem stipulatione mihi et Titio decem dari, etsi quis dederit stipulatorem id agere, ut tota summa detur; tamen promissor non est hoc animo, ut si partem pecuniæ non dat Titio iuxta conventionem, eam partem det stipulatori, ut dici possit utrinque id agi, ut tota summa ei præstetur. Non esse autem eum hoc animo hinc apparet, quod cum pro ea summa nihil vicissim accipiat ex stipulatione, totam summam stipulatori dari nihil eius interest. Quinimo contra eius interest non dari, satiusque est partem pecuniæ apud eum manere, quam nihil. Quod si fingeramus promissoris interesse totum dari, ut aliud acciperet: tamen frustra id esset, neque ea re illum oporteret moveri, ut vellet totum dare: quoniam ut vicissim quid accipiat, ex ea stipulatione consequi non potest: ex stipulatione enim stipulatori datur actio, non etiam promissori, qui nihil stipulatus est. † Sans non ex emptione tantum, sed etiam ex stipulatione ei qui stipulatus est sibi et Titio, totum quod in sti-

stipulatum deductum est, debetur, si quis stipuletur servitutem sibi et vicino. Hoc quidem in eo responsum est, qui in fundo vendendo servitutem sibi et vicino excepit. *L. proprium supr. com. præd.* Sed non minus idem probandum est, et si nulum fundum vendendo idem stipuletur ab

alio, est enim servitus res natura eiusmodi, quæ divisionem non recipiat: ut proinde si quis hanc sibi stipulatur, non possit, quin stipuletur totam: ut et stipulando Titio, etiam totam intelligitur illi stipulari.

Ad §. Si stipulatus fuero.

Si stipulatus fuero de te, *Vestem tuam quæcunque muliebris est, dare spondes?* magis ad mentem stipulantis, quam ad mentem promittentis id referri debeat: ut quid in re sit, æstimari debeat, an non quid senserit promissor. Itaque si solitus fuerat promissor muliebri quadam veste uti, nihilominus debetur.

S U M M A R I A.

1. *Stipulatus vestem promissoris, quæcunque muliebris esset, an ex eo numero eam, quam promissor pro virili habuerit, recte petat.*

2. *Probatio voluntatis in proposito ab utro, e qua ratione fiat.*

3. *In legato vestis muliebris secus atque in stipulatione: et quæ diversi iuris ratio.*

4. *De stipulationum interpretatione præceptum.*

1. QUI vestem promissoris, quæcunque muliebris esset, stipulatus est, omnem muliebrem recte petet; etiam si quædam fuerit ex eo numero, quia promissor fuerit uti solitus quasi virili, atque adeo quam pro virili habuerit: quippe usus eius et opinio naturam rei non mutavit: et ut Servius scripsit, non ex opinionibus singulorum, sed ex communis usu nomina exaudiri debent. *L. Labeo, vers. Servius, supr. de sup. leg.* Quid ergo, si de ea non sentit promissor? sine dubio eam non debet; stipulatio enim nisi ex utriusque consensu non valet. *L. inter §. 1. supr. L. con-*
 2. *tinuus, §. 1. infra eod. §.* Sed si dicat se de ea non sensisse, probare eum oportet: alioqui verbis stipulationis refellitur: et in re dubia nemo dixisse existimandus est quod senserit. *d. L. Labeo, vers. Tubero, de sup. leg.* Enimvero probabit, dicet aliquis, ex eo, quod ea veste quasi virili perpetuo sit usus. Sed non est hoc satis: nihil enim prohibet eum tamquam virili usum esse ea veste, quam tamen muliebrem esse sciret, et pro muliebri etiam haberet. Quinimo et si habuerit pro virili: tamen nihil vetat, quominus muliebrem appellando, voluerit omnem comprehendere, quæ revera esset muliebris, etiam si ipse forte in eo nomine
 3. erraret. † Videamus tamen, ne argumentum superius confirmetur in *L. inter, supra de aur. et argen. leg.* Nam si testator vestem suam muliebrem legaverit, negat illic Pomponius idem, qui et auctor est huius responsi, eam vestem contineri legato, qua ipse quasi virili utebatur: hac ratio-

ne, quia non videatur de ea sensisse. At quamobrem non videtur? adiecit unum hoc argumentum voluntatis, quia ipse pro virili utebatur. Quidni igitur dicamus et promissorem dum muliebrem nominavit, videri de illa non sensisse, qua ante quasi virili uti solitus fuerit, idque hoc eodem argumento satis probari, quod ille tanquam virili uteretur? In quo paulo plus difficultatis obicitur, quam vulgo plerique putant. Etenim si quæreretur, an potius voluntas testatoris spectanda esset in legato, quam promissoris in stipulatione, non esset ratio differentię admodum obscura: cum legatum ex solius testatoris voluntate pendeat; stipulatio ex duorum consensu. Nunc autem hoc quæratur, an ideo quis existimandus sit sub appellatione vestis muliebris de aliqua muliebri non sensisse, quia ea tanquam muliebri non sit usus: quod argumentum voluntatis si admittitur in persona testatoris, non statim occurrit, cur non et in promissoris persona debeat admitti. Atqui hoc admissio statuendum est nec stipulationem valere in ea veste muliebri, de qua promissor non senserit. Sed dicendum est id argumentum in persona testatoris recte admitti in *d. L. inter*: ad promissorem autem produci non debere. Quod enim in testatoris voluntate conicienda consuetudinem eius sequimur, ut sequendam esse præcipitur in *L. si servus plurimum, §. ult. supr. de leg. 1.* recte fit: propterea quod nihil est in scripto testatoris, quod ei coniecturæ refragetur, cum scriptum ex alterius responsione certa non pendeat, ad quam id

debeat deinde referri. At in promissore quominus eadem coniectura admittatur, refragantur ea quæ sunt in stipulatione: stipulator enim certis et minime obscuris verbis interrogat de omni veste muliebri, et quidem ea gratia, ut in eam rem obligatio obstringatur: in eadem verba respondet promissor, et breviter ad interrogatum responsam accommodat. §. *præterea Inst. de inut. stip.* Certum hoc argumentum est, nisi quid eum adiuvet verbi ambigui in aliam sententiam significat, videri eum in eam significationem, quæ allata est, et respondisse et consensisse. Et vero id ita esse existimandum est: aliqui stipulatori, qui verba stipulationis recte et late concepit, et sibi cavit ex præscripto. *L. quidquid, supr. eod.*

summa fiet iniuria, si promissori licebit postea aliud decidere ex iis, quæ verbis stipulationis manifeste continentur. Nam si quid excipere volebat, dicere debuit: si non fecit, ipsius culpa est, quam illi nocere æquum est. † In summa exemplo huius loci doceatur, cum verba stipulationis ambigua non sunt, semper in re dubia verbis standum esse, etiamsi expediat promissori quædam ex generali verbo excipi: nec unquam locum habere illud, quod dicitur, verba contra stipulatorem interpretanda esse, nisi cum ambigua oratio est, quæ et pro stipulatore et pro promissore possit accipi, ut sit electioni locus. Congruit *L. non est supr. de trans. L. quidquid infr. eod.* ubi in hanc sententiam plura diximus.

Ad L. Si stipulatus fuero. 111.

Idem lib. v. ad Quintum Mucium.

Si stipulatus fuero per te non fieri quo minus mihi illa domo uti liceat: an etiam si me non prohibeas, uxorem autem meam prohibeas: vel contra uxorem mea stipulata, me prohibeas, an committatur stipulatio? Et satius est hæc verba sic accipi. Nam et si stipulatus fuero, per te non fieri quo minus mihi via, itinere, actu uti liceat: et si non me, sed alium nomine meo ingredientem prohibeas: sciendum erit committi stipulationem.

S U M M A R I A.

1. *Stipulatio hæc, Per te non fieri, quominus mihi domo, aut itinere uti liceat, quibus prohibitis committatur. et n. 4.*

2. *Marito stipulante si prohibetur uxor, committitur stipulatio.*

3. *Itinere per quos utamur.*

5. *Lectio huius legis.*

1 **S**tipulatus sum per te non fieri, quominus mihi domo, aut itinere uti liceat quoniam hic de me tantum aperte cautum est, nihil aperte de aliis: quæsitum est, an quibusvis aliis prohibitis, ne utantur, non committatur stipulatio, sed tunc solum, cum ipse recta prohibeor. Movet, quod nihil venit in stipulationem, nisi quod verbis palam expressum est. *L. quidquid, supr. eod.* nihil autem hic, ut videtur, cautum est de aliis. Pomponius docet etiam aliis prohibitis interdum stipulationem committi. Quod autem ex iis exemplis, quibus utitur, colligere liceat, statuit hanc sententiam, quam oporteat in universum teneri, stipulationem et tunc committi aliis prohibitis, cum si prohibentur, aut sine quibus stipulator uti non potest, aut per quos ea re, de qua cautum est, utebatur. Utimur domo per nos ipsos: sed non possumus uti sine uxore et familia, nisi iis carere volumus, quibus honeste non possumus. Quemadmodum nec nxor potest sine marito,

Tom. XI.

nisi illi matrimonio carendum sit. *L. 4. §.*

1. *supr. de us. et hab. L. pen. supr. de ser. leg.* † Proinde marito stipulante si prohibetur uxor, stipulatio committitur: et contra stipulante uxore, si prohibetur maritus, ut hic scriptum est. † Itinere utimur non tantum per nosmetipsos, sed etiam per omnes, qui nostro nomine ingrediuntur, mercenarios, hospites, colonos, quique ad invisendos nos veniunt. *L. usu, supr. quem ser. am.* Proinde et his prohibitis committitur stipulatio, ut hic quoque responsum est. † Nec cum id dicimus, metuemus, ne videamur statuere aliquid ex stipulatione deberi, præter quam quod stipulationis verbis cautum sit: verbis enim de nobis non prohibendis cautum est: prohibemur autem non tantum recta per nos ipsos, sed etiam obliqua via per supra scriptas personas; ne forte obiectionis diluendæ causa ad obscuram aliquam, nec satis tutam eas quod actum est, coniecturam hic confugiamus, ubi non sit necesse.

94

Nam

Nam uxore prohibita, satis prohibeor, cum ea domo exclusa, mihi ea domo nō non licet: eo autem, quī meo nomine utebatur, prohibito, ideo quodammodo recta videor prohiberi, quia ego per illum utebar. Is enim possidet et nitur, cuius nomine alius possidet, aut utitur. *L. quod meo, supr. de acq. pos. l. 1. §. is cuius, et §. pen. supr. de it. act. pr. † Ait, Et latius est sic accipi.* Sic in Pandectis Flor. Legendum est, ut in aliis exemplaribus, et *satiū est*, pro, *verius est*: seu *magis est*; quæ formulæ loquendi auctori-

bus nostris in respondendo sunt usitatæ. Nam illud *latius*, pro, *æquius*, seu eo quod non est ex stricto iure, primum inauditum est. Deinde sic accipi naturæ stipulationis repugnat: quæ enim sit stricti iuris: *L. in actionibus, in fin. et L. seq. supr. de in lit. iur.* dici debuit in ea sequi nos debere, non quod latum est, et ex æquo et bono, sed quod nominatim verbis comprehensum: quod et aliis locis testatum est fieri debere. *L. quia, supr. de neg. gest. §. ult. Inst. de obl. ex cons.*

Ad. L. Si quis stipulatus sit. 112.

Idem lib. xv. ad Quintum Mucium.

Si quis stipulatus sit Stichum aut Pamphilum, utrum ipse vellet: quem elegerit, petet: et is erit solus in obligatione. An autem mutare voluntatem possit, et ad alterius petitionem transire, quærentibus respiciendus erit sermo stipulationis: utrumne talis sit, *Quem voluero*: an *quem volam*, nam si talis fuerit, *quem voluero*: cum semel elegerit, mutare voluntatem non poterit, si vero tractum habeat sermo illius, et sit talis, *quem volam*: donec iudicium dicet, mutandi potestatem habebit.

S U M M A R I A

1. In disiunctivis quandiu promissoris sit electio.
2. Stipulatur, qui electionem sibi recepit, quandiu voluntatem mutare possit.
3. Verba hæc, *Quem voluero* et, *Quem volam*, cur diversum ius in stipulationibus efficiant.
4. Electione in rebus disiunctis legatis, testatoris fuerint semel facta, non est legatario

voluntatis mutande potestas, quibuscumque verbis testator usus sit.

5. Reprehenditur sententia eorum, qui in hac electione interesse putant, utrum per damnationem; an per vindicationem quid legatum sit, quique promissorem, qui illud aut illud debet, heredi a quo illud aut illud relictum est, electione ei data similem esse statuunt.

1. CUM illud aut illud debetur, et quaeritur, utrum is cuius fuit electio, postquam semel elegit, voluntatem possit mutare postea; placet hoc interesse inter promissorem et stipulatorem, quod promissor et mutare voluntatem potest, et potest quoties velit, quoad id, quod promissum est, solvatur; de quo diximus ad *L. qui ex pluribus* 106. *sup. cod. †* Utrumque, autem diversum est in stipulatore, qui electionem sibi recepit, de quo hic scriptum est. Nam si ita dixerit Stichum aut Pamphilum, utrum *voluero*, uno semel electo, voluntatem in totum mutare non licet; sin ita, Stichum aut Pamphilum, utrum *volam*, placet quidem posse stipulatorem voluntatem mutare, sed dumtaxat donec iudicium dicet, id est, usque ad litem contestatam. Hoc posteriori quam rationem habest, docet cui ad *L. qui ex pluribus. †* Cui autem poterit interesse an promissor dixerit, *quem voluero*, an *quem volam*, hæc caus-

sa est, quod his verbis, *quem voluero*, stipulator sibi excipit in præteritum eum, qui electus erit, non in futurum eum, qui quandoque eligetur. Itaque uno semel electo alterius deinceps eligendi potestas non erit: electi enim petitio dabatur, non eligendi. His autem verbis, *quem volam*, excipitur in infinitum, quem promissor volet postea. Proinde et si unum aliquem elegerit promissor, tamen alium postea recte petet: quia dicit et post priorem electionem sibi relictam esse potestatem eligendi, quem volet: quod et unne facit, cum alium iterum eligit. Denique hoc verbum, *volam*, non ad nam sequentis temporis voluntatem refertur, sed ad omnes, quæ sequentur postea etiam in infinitum: idque est, quod Paulus ad Senatusconsultum Orphitianum ad probandam hanc in filio mutandæ voluntatis potestatem, hæc verba extensiva esse ait, si nemo filiorum volet hereditatem suscipere. *L. filii, supr. ad Tertyl. †* 4

Sed

Sed hæc distinctio in rebus disiunctim legatis, quæ quidem testatoris fuerint, locum non habet. Sive enim tacite electio est legatarii, sive hæc nominatim a testatore illi adscripta est, quibuscunque verbis testator fuerit usus; simul atque legatarius rem unam se velle dixerit, mutare amplius voluntatem non potest. *L. 5. supr. de leg. 1. L. apud, supr. de op. leg.* optima ratione, quæ redditur a Labeone in *d. L. apud, quia*, inquit, omne ius legati prima testatione, qua sumere se dixisset, consumpsit; quoniam res continuo eius fit, simul ac se dixerit unam sumere. † Res omnes legatæ tum hodie constitutione Iustiniani ex omni genere legatorum pariter fiant legatarii; *L. 1. C. con. de leg. §. 1. et seq. Instit. de leg.* certum est superiorem rationem, proinde et ius pertinere ad omnem speciem legati. Quapropter valde inepti sunt, qui hodie in hac electione rei legati interesse docent, utrum per damnationem quid legatum sit, an per vindicationem: ut si per damnationem, tum his verbis, quod legatarius vo-

verbor. obligatio.

let, liceat legatario, et cum semel elector, voluntatem mutare: si per vindicationem, nullo modo liceat, sive testator dixerit, quod legatarius volet, sive, quod voluerit. Sed hoc ab illis dici non miror, qui hoc eodem loco scribere ausi sunt promissorem, qui illud aut illud debet, similem esse heredi, a quo illud aut illud relictum est, electione ei data, et ubi semel interque de aliquo constituit, ei se dando obstringere, et ius statim stipulatori, vel legatario acquiri. Quo significant promissorem cum semel elegerit, statim ad id dandum, quod elegit obligari, nec postea mutare posse voluntatem. Nam et heredem constat, si unum elegerit, voluntatem postea mutare non posse. *L. statuliberum, in fin. supr. de leg. 2. L. huiusmodi, L. statuunt, supr. de leg. 1.* quasi non sint loci in medio dilucide scripti, quibus de electione et mutandi potestate promissoris contrarium ex professo traditum est. *L. qui ex pluribus, supr. et L. eum, qui certarum, §. ult. infr. eod.*

Ad 7. Si quis ita stipulatus.

Si quis ita stipulatus fuerit: Pro centum aureis satisfabis? et rem elegerit in istam summam: Proculus, ait semper in satisfactionis stipulatione venire quod interesset stipulantis: ut alias tota sors inesset, veluti si idoneus promissor non sit: alias minus, si in aliquid idoneus esset debitor: alias nihil: si tam locuples esset, ut nostra non intersit satis ab eo accipere: nisi quod plerumque idonei non tam patrimonio quam fide quoque æstimarentur.

S U M M A R I A.

1. In stipulatione hac, Pro centum aureis satisfabis? aliud ius verba stipulationis faciunt, aliud stipulationis natura exigit.
2. Stipulatio superior faciendi stipulatio est, eoque id, quod interest stipulantis, continet.
3. Obligationis prædictæ duo effectus.

4. In stipulatione proposita quomodo accidit, ut stipulantis aut nihil, aut varie intersit.
5. In faciendi obligationibus promissor non prae-cogit ad faciendum, quoniam facere possit.
6. Verbum, Stipulatus, hoc loco quomodo accipendum.

† Promisit quis se pro centum aureis satisfidaturum. Cum satisfacere sit fideiussorem dare, et cum pro rei qualitate locupletem, ut creditori pro eo, quod petit satisfiat: *L. 1. L. 2. supr. qui satisfid. cog. L. 1. supr. in ius voc. ut cant.* verba stipulationis faciunt, ut sive promissor non det reum, ut hic appellatur, id est, fideiussorem; sive det, et quidem in eam summam, de qua cautum est, quod hic factum proponitur; sed non det idoneum, ut datum esse non idoneum intelligendum est, ut questio procedat: utraque de causa statim cum promissore agi possit, et pæti summa centum aureorum. Pomponius hic

Tou. XI.

docet aliud naturam stipulationis exigere. Secundum hæc etsi promissor ita, ut supra scriptum est, non satisfacit, tamen neque semper cum eo agi posse; et si agi potest, non semper posse in solidam eam summam. † Id autem ita fieri declarat: quippe hæc stipulatio, satisfabis? faciendi stipulatio est in hoc genere si non fit, quod promissum est, placet venire in stipulationem, id, quod interest stipulantis. *L. stipulationes non vers. Celsus, L. si pænam supr. eod. †* 3 Ea obligatio duo efficit: unum, ut si fideiussorem dari stipulantis non interest, non teneatur promissor, quoniam non satisfacit. Alterum, ut si intersit stipulantis fi-

††

de-

deiussores dari, tamen hactenus agi possit, quatenus illius interest.

4. † Ac ne quis requiratur, possit ne accidere, ut in proposito stipulantis nihil intersit, aut si quid interest, ut intersit varie: docet utrumque; contingere posse, et quomodo accidat, ostendit. Nihil stipulantis interest, si debitor (intellige, principalis, quem et hic promissorem nominat) sit locuples. Quod non tantum ex patrimonio eius et facultatibus æstimandum esse vult, ut scilicet sit solvendo, sed etiam ex fide; illic ut sit, qui possit: hic, ut sit, qui velit solvere. Quid enim, si sit homo dubie fidei, litium amans, et contentiosus? E converso in totam summam debitam interest stipulantis, si promissor non is, ut dixi, qui promissit satisfari, sed principalis, in totum non sit idoneus. Sed et alias minoris interest, si in aliquid idoneus sit hic debitor. Idem Celsi responsum est de hac specie in *L. si quis ab alio*, supra, de re iud. Hic sub

una specie stipulationis faciendi declaratur in universum, quæ sit in hoc genere obligatio promissoris: et simul confirmatur illud, quod pluribus ostendi ad *L. stipulationes non*, vers. *Celsus*, supra † neminem 5 præcise cogi ad faciendum, quamvis possit facere: ut hic, qui promissit se fideiussores daturum, nunquam tenetur, si non dedit, nisi in id quod interest stipulantis: usque adeo, ut si stipulantis nihil intersit, nulla sit actio. † *Ait, Si quis ita stipulatus fuerit* hoc sic accipe: si quis ita interrogatus fuerit, *pro centum aureis satidabis*? ut sit hic stipulatus verbum commune sub passiva significatione. Apparet enim ex sequentibus verba hæc referri ad promissorem, non ad stipulatorem: cum Pomponius hunc qui pro centum stipulatus proponitur, subiiciat reum dedisse in istam summam: quod est promittentis non stipulantis: de quo usu verbi stipulor, plura scripsi ad *L. 5. §. stipulatio. sup.*

Ad *L. Cum stipulatus sim*. 113.

Proculus lib. II. Epistolarum.

Cum stipulatus sim mihi, o Procule, si opus arbitrato meo ante Kalendas Iunias effectum non sit, pœnam: et protuli diem: putasne vere me posse dicere, arbitrato meo opus effectum non esse ante Kalendas Iunias: cum ipse arbitrio meo aliam operi laxiorem dederim? Proculus respondit, non sine causa distinguendum est, interesse utrum per promissorem mora non fuisset quo minus opus ante Kalendas Iunias ita uti stipulatione comprehensum erat, perficeretur: an cum iam opus effici non posset ante Kalendas Iunias, stipulator diem in Kalendis Augustis protulisset. Nam si tum diem stipulator protulit, cum iam opus ante Kalendas Iunias effici non poterat, puto pœnam esse commissam: nec ad rem pertinere, quod aliquod tempus ante Kalendas Iunias fuit quo stipulator non desideravit id ante Kalendas Iunias effici: id est, quod non est arbitratus ut fieret, quod fieri non poterat; aut si hoc falsum est: etiam si stipulator, pridie Kalendas Iunias mortuus esset, pœna commissæ non esset: quoniam mortuus arbitrari non potuisset, et aliquod tempus post mortem eius operi perficiendo superfuisset. Et propemodum etiam si ante Kalendas Iunias futurum esse cepit, opus ante eam diem effici non posse: pœna commissæ est.

S U M M A R I A.

1. Species legis, et dubitandi ratio.
2. Iurisconsulti in proposita questione distinctio. et n. 4.
3. Mora per promissorem non fuisse, quo minus opus intra diem statutum perficeretur, duobus modis dicitur, et ultra significatione huic loco conveniat.
5. Dilatio sequens, quæ stipulationis pars non fuit, conditionem obligationis, quæ ab initio fuit, non immutat.
6. Summa sententiæ Iurisconsulti in hoc responso. et n. 14.
7. Pœna iam commissæ, prorogatio temporis debitori ad pœnam vitandam non prodest.
8. Sensus verborum Proculi. Nam si tum diem stipulator protulit. etc.
9. Pœnam, antequam dies venerit, non committi, etiam si ante certum sit fieri non posse quod debuit, quomodo accipiendum.
10. Obiectio Proculi, eiusque dilatio.

11. *Pœna non ex interpellatione creditoris, aut promissoris mora, sed ex conditionis eventu committitur.*
12. *Conditio hinc stipulationis, si arbitratu stipulatoris opus effectum non erit, quid continent, et quod modis ex ea stipulatio committatur.*
13. *Stipulatore in proposito non arbitrate, an*

et quomodo quid imputari possit promissori, ut pœna committatur.

15. *Exceptio doli an stipulatori pœnam petendi obstat, si paratus sit promissor opus facere intra diem prorogatum, aut etiam si fecerit.*
16. *Stipulator diem proferendo, an factum elegisse videatur.*

1. **L**ocovi insulam faciendam, et e redemptore operis de tempore ædificandi ita mihi cavi, ut stipularer pœnam, si opus arbitratu meo ante Calendas Iunias effectum non esset. Deinde ne queri posset promissor sibi non esse satis temporis ad opus perficiendum, ante Calendas Iunias diem protuli; id est, ut Proculus illis verbis idem exprimit postea, diem operi faciendo laxiorem dedi, hanc proferens in Calendas Augusti: opus ante Calendas Iunias effectum non est. Questio, an pœnalis stipulatio commissæ sit quasi implete conditione, nec quidquam prosit reo ad pœnam evitandam, quod diem protuli. Et si simpliciter promissa esset pœna hoc modo, si opus intra Calendas Iunias factum non esset, non dubitem, quin pœna esset commissæ: verum enim esset opus factum non esse intra Calendas Iunias; quæ conditio erat pœnalis stipulationis, de quo paulo post plura. Nunc autem conditio ita concepta est, si opus arbitratu meo effectum non sit intra Calendas Iunias, atque hinc ambigendi causæ: unde et questio consultoris initio posita, videatur hic conditio stipulationis exstiterit, cum non videatur dici posse opus factum non esse arbitrio meo, cum arbitrio meo contigerit, ne opus intra tempus constitutum fiat. † Proculus ita distinguendum esse respondet, ut intersit utrum cum stipulator diem protulit, per promissorem mora non fuisset, quominus opus ante Calendas Iunias perficeretur; an vero iam tum constaret opus effici non posse ante Calendas Iunias. De cuius distinctionis significatione, priusquam longius progredimur, non nihil dicendum est. Posterioris quidem membrum dilucide scriptum est: intelligimus enim, quid sit opus intra Calendas Iunias effici non posse. At prius ambiguum orationem habet: ex quo et ipsum ad item posterioris incidit in difficultatem.
3. † Duobus enim modis, et his maxime diversis dici potest per promissorem mora non fuisse, quominus opus intra Calendas Iunias non perficeretur. Uno, cum iam opus intra eas Calendas perfici non potest, sed quominus inchoaretur opus tempestive, per promissorem factum non est, quia vel tempestete prohibitus sit, vel vi hostium, la-

tronsuiva. Altero modo priori contrerio, cum adhuc opus effici potest intra Calendas Iunias, et ob hanc ipsam causam dicitur promissor adhuc in mora non fuisse perficiendi operis, quia etsi non statim opus post stipulationem interpositam inchoatum est; non tamen ita esse cessatum, quin adhuc possit perfici intra eas Calendas. Utrum horum dicamus, ad utriusque membri distinctionem multum interest: proinde videndum, quid conveniat huic loco. Et prior significatio nullo modo convenit: nem si in priore quoque membro intelligimus opus iam fieri non potuisse intra Calendas, non distabit in hac re prius et posteriore; cum et in posteriore proponatur stipulator diem protulisse, cum iam opus effici non posset ante Calendas Iunias: quæ ipsa tamen in re apparet Proculum prius membrum ab altero distinguisse. Restat igitur, ut hæc verba, *utrum per promissorem mora non fuisset, quominus opus intra Calendas Iunias perficeretur*, sic accipiamus, utrum nondum inchoando operi mora facta esset, quia non ita esset in eo cessatum, quin adhuc satis esset temporis ad opus intra Calendas Iunias perficiendum. † Quare si planius dicendum est, hæc distinctio est Proculi, referre in summa, utrum stipulator in proposito diem tunc protulerit, cum adhuc opus perfici posset intra Calendas Iunias; an vero tunc, cum non posset. Hæc distinctione posita, de posteriore tentum parte diserte respondet statuens die tunc proleto, cum iam opus effici non posset, pœnam esse commissam. De priore nihil aperte dicit, significans se putare id, de quo interrogatus erat, in hac specie vere dici nimirum tunc pœnam non committi, opere intra Calendas Iunias non perfecto, cum stipulator diem protulit eo tempore, cum adhuc intra eas Calendas opus perfici posset: in eaque rease admittere rationem consultoris, ut dicamus non posse videri opus intra Calendas Iunias factum non esse arbitrio stipulatoris, cum eius arbitrio dies ad opus faciendum proleto est. Idque ex antithesi posterioris membri facile potest intelligi: nam si tunc, cum opus perfici non potest, pœna committitur, quæcumque dilatio postea dabitur, eaque spe-

cies

cies distinguenda est ab ea, cum opus adhuc potest perfici, ut distinguendum esse Proculus proposuit: perspicuum est hanc eius sententiam esse, ne, die tunc dilato, cum opus perfici potest intra Calendas, poena intra eas, aut post eas committatur. Sed cum poena promissa sit, si opus factum non erit intra Calendas Iunias; verum sit autem intra eas Calendas opus factum non esse: quomodo negamus existente stipulationis conditione poenam esse commissam: cum in poena hoc solum inspicendum sit, quæ sit quantitas, quæque conditio obligationis? *L. stipulatio ista, §. alteri, in fin. supr.* neque enim dies postea prolatus efficere potuit, quominus verum sit opus postea intra Calendas Iunias factum non esse, eoque et extitisse conditionem. Et si quidem conditio stipulationis proposita simpliciter ita esset, si opus factum non sit intra Calendas Iunias, iam dixi in universum admitti delmisse opere intra Calendas Iunias non facto penam committi: quæcumque diei prolatio postea esset secuta: quod et verum est.

- 5 † Nam dilatio sequens, quæ stipulationis pars non fuit, conditionem obligationis, quæ ab initio fuisset, immutare non potuit. arg. *L. 4. §. si quis simpliciter, illic. cum addicitur, supr. eod.* Nunc autem conditio hæc fuit, si opus factum non erit arbitrato stipulatoris: proinde si eius arbitrio opus factum erit, etiam ex verbis stipulatio non committetur. Factum est autem opus eius arbitrato, cum eius arbitrio factum est id, quod promissor voluit, si modo intra prolatam saltem diem possit adhuc opus perfici. Sed iam de altera parte distinctionis, de qua ex professo respondet Proculus, videamus. † Est autem hæc summa eius sententiæ: si ante Calendas Iunias stipulator diem protulit, sed tunc, cum iam certum esset opus perfici non posse intra eas Calendas, de quibus stipulatione comprehensum erat nihil prodesset promissori diei prorogationem, quominus poena committatur. Roget igitur statim quispiam, cur non et hic dicamus non extitisse conditionem stipulationis; cum arbitrio stipulatoris factum sit, ne intra Calendas Iunias opus fieret, quemadmodum et priore casu committitur. Huic dilutioni occurrit Proculus, cum ita respondet, si tum diem stipulator protulit, cum iam opus ante Calendas Iunias effici non poterat, penam esse commissam. Non dicit penam commissam iri postea: sed iam ante esse commissam.

- 7 † Si iam tum poena commissæ erat, vel hinc sua sponte intelligitur nihil proficere sequentem prolationem diei ad penam evitandam: semel enim constituta obligatio pacto tolli non potest. *L. obligationum fere, vers. placeat, supr. præ. tit.* Atqui hinc etiam sanum

potest, quod ad utriusque partis distinctionem commodissime respondetur. Cur enim, quærat aliquis, cum opus adhuc effici potest intra Calendas Iunias, et nihilominus stipulator longiorem dilationem dat; opere intra Calendas Iunias non perfecto, tamen poena non committitur? quia cum stipulator diem proferebat, poena non erat commissæ. Porro nova dilutione data effici potest, ut quæ commissæ non est, in posterum non committatur; non existente videlicet propter novam dilationem stipulationis conditione, propter ea verba, *si arbitrato stipulatoris opus factum non erit intra Calendas*. At hic cum iam amplius opus effici non potest intra eas Calendas, posteaquam placet simul et penam statim esse commissam: non mirum, si prolatio postea diei, nihilominus eandem poenam ut ante, sic et nunc commissam deberi dicimus: Prolatio enim diei, omnisque adeo conventio stipulationem secuta futuræ obligationi ob stare potest, dum facit, ne existat conditio: natam autem iam ante obligationem perimere non potest. Quod si admiserimus, cum primum certum esse cepit opus effici non posse, iam tum penam non esse commissam, sed committi solum post Calendas Iunias, ut quidam putant: fatendum erit etiam hoc casu nova dilutione data poenam non committi post Calendas Iunias; quamvis ante eas Calendas opus factum non fuerit. Semper enim verum erit arbitrio stipulatoris factum esse ante Calendas, quod factum est, si ille arbitratus est, ut intra laxiorem diem opus facere liceret. Itaque etiam si nihil esset in verbis Proculi hoc loco, unde intelligeremus penam statim esse commissam, cum opus intra Calendas Iunias perfici non potuit: tamen ad recte distinguendas species distinctionis proposite necessario intelligi oporteret, et aliunde huc transferri. † Nunc autem id aperte ex-8 primunt verbis Proculi: quid enim aliud significatur his verbis; *nam si tum diem stipulator protulit, cum iam opus ante Calendas Iunias effici non poterat; puto penam esse commissam?* Hic non protulit diem stipulator post Calendas Iunias: nam tunc nullus fuit dies, qui proferretur, cum dies constitutus iam præterisset. Et certe si hic proponeretur post Calendas Iunias nova dilatio data esse, sublata esset utroque casu dubitatio, et illa distinctio qua hic utitur Proculus; cum utroque casu daretur dilatio, tum cum constaret penam iam ante esse commissam. Protulit ergo sine dubio stipulator diem ante Calendas Iunias; sed tunc, cum certum esset opus ante eam diem effici non posse;

et

et tamen, ut ante monui, ait Proculus non commissum iri pœnam postea, sed in præteritum esse commissam. Aperte hoc idem expressit in extremo his verbis: *et propemodum etiam si ante Calendas Iunias futurum esse cepit opus ante eam diem effici non posse; pœna commissæ est.* Adiecit *propemodum*; non quo significet nondum esse commissam: alioqui aperte dicere debuit commissam non esse, ne incertiores relinqueret consultorem, quam accepit: sed ea forma, qua veteres in respondendo vitantes asseverandi arrogantiam uti soliti sunt, ut dicant, *prope est; magis est*, ut pœna sit commissæ: aut certe innuens pœnam esse commissam iure, ut debeatur, non tamen perfecte, ut mox dicam. Sed prius magis placeat. Quare non recte quidam negant hoc dici a Proculo. Nec vero temere est, cur laboremus in ea sententia demonstranda, aut eam tantopere retinendam putemus: cum, ut ostendimus, huius responsi ratio posita sit tota in eius sententiæ confirmatione. Non nego etiam tunc, cum multo ante Calendas Iunias certum esse cepit opus intra eam diem effici non posse, tamen non posse pœnam peti ante Calendas Iunias, ut est in *L. illa. 8. supr. eod.* Sed nihilominus statim et ante diem stipulatio est commissæ, ut ibidem dicit scriptum est. † Nam quod quibusdam locis traditur in hoc genere pœnam ante quam dies venerit, non committi, etiam si ante certum sit fieri non posse, quod debuit: et quod idem valet, pœna promissæ diem cedere post Calendas faciendo operi præstitutas, ut *L. insulam. 124. infr. L. stipulationes non, §. ult. supr. eod.* Utrumque sic interpretandum est, ut intelligamus non committi pœnam, seu eius diem non cedere ante Calendas cum effectu: propterea quod ante conveniri reus promittendi non potest, ut expressum est in *d. L. stipulationes non §. ult. supr.* Neque hæc in hac re nova videri debet interpretatio. Nam et in *L. eum, qui Calendis, §. ult. supr.* absolute scriptum est, diem obligationi adiectum efficere, ne præsentis die pecunia debeatur; et in summa ante diem pecuniam non deberi. Quod omnes sic accipiendum esse consentunt, ut sit sensus ante diem non deberi cum effectu, quia ante peti non potest: sed nihilominus et ante constat deberi saltem natura, neque id sine aliquo effectu. *L. centesimis, supra, eod.*

10 §. omnis, *Instit. eod.* † Cognoscendum est autem, quid sit illud; quod sibi obicit Proculus adversus superiore sententiam, in quo ille diluendo laborat in illis verbis, *nec ad rem pertinere*, et deinceps. Neque enim qualis sit obiectio, aut quid respondeat satis

intelligitur. Obiectio est huiusmodi: cum ante Calendas Iunias profertur dies faciendi operis in Calendas Augusti: constat exinde esse aliquod tempus, quo non desideravit stipulator a promissore, ut intra Calendas Iunias opus perficeret. Quid dicimus, quo non desideravit stipulator, ut opus fieret? imo vero quo nec potuit desiderare propter a se prolatum diem: proinde esse id tempus, inquit Proculus, *quo non est arbitratus stipulator, ut fieret, quod iam fieri non poterat.* Adde etiam, quo nec potuit arbitrari eadem de causa: nec quidquam addit præterea Proculus. Sed quid inde efficitur adversus superiore sententiam? queret aliquis: non enim videtur hinc quidquam effici posse contra ne probabiliter quidem. Et plane nihil efficeretur, nisi adversari, qui id obiciebant, hoc sumerent videri stipulatorem ex superiore stipulatione arbitrari semper debere et desiderare, ut opus fiat ad hoc, ut pœna committatur: quasi illis verbis, *si arbitratus stipulatoris opus factum non esset*, hoc significaretur, si arbitratus stipulatoris precedente factum non esset, atque ita si ille prius arbitratus non esset. Quo admissio recte sic colligitur; si in proposito id stipulator non fecit, ac ne potuit quidem propter conventionem, hæc de causa stipulatio pœnæ non est commissæ. Respondet Proculus nihil ad rem pertinere, quod stipulator aliquo tempore ante Calendas Iunias nec desideravit nec arbitratus est, ut opus fieret. Quo significat non id falsum esse, sed ex eo non ellici pœnam in proposito commissam non esse. Non quod illis omnibus concessis, quæ supra posuimus, non recte id colligatur, ut ostendi, sed quia non est satis stipulatorem aliquo tempore non esse arbitratum, ut opus fieret, nisi etiam ex stipulatione id desiderare et arbitrari debeat: quod Proculus vult intelligi falsum esse, et ad id probandum ratio sequens ab illo subiecta pertinet. Alioqui eveniet, inquit, ut si stipulator etiam qui diem non protulit, moriatur pridie Calendas Iunias, pœna non committatur; quia saltem eo die fuerit aliquod tempus, quo stipulator non arbitraretur opus fieri: quod est absurdum; cum certissimum sit eo momento temporis opus perfici non posse. Sed quoniam et hoc aliquis negare potest esse absurdum: vera ratio, cur non cogatur stipulator ex proposita stipulatione desiderare a promissore, ut opus faciat ad pœnam committendam, hæc tenenda est, † quod pœna non ex interpellatione creditoris, aut promissoris mora committitur, sed ex conditionis eventu. Exstitit autem conditio in hac specie, si opus intra Calendas Iunias factum

non

non est, quamvis nullo nunquam tempore arbitratu fuerit, sen desideraverit stipulator, ut opus fieret: proinde et non desiderante aut arbitrate in poena committetur: Idque evidenter ostendit hæc conditio stipulationis, si arbitratu stipulatoris opus effectum non

- 12 erit. † Hæc enim conditio duplex est, continetque hæc duo, si opus factum non erit, et, si factum non erit arbitratu stipulatoris. Quibus verbis duo desiderat stipulator: n-
num, ut opus fiat primum a promissore; al-
terum, ut ita fiat, ut opus deinde probetur stipulatori. Proinde non solum ex ea parte committitur stipulatio, quod arbitratu stipulatoris opus factum non fuerit, quod contingit, ubi ille opus factum non probavit: sed etiam ex hac parte et quidem maxime, si opus omnino factum non erit, quod sti-

- 13 pulator arbitrio suo posset probare. † At enim, inquit, non potuit opus fieri stipulatore non arbitrate: quod si hic recipitur, nihil est, quod impetitur promissori, si illo non arbitrate non fecit, quod non potuit, et vero hoc casu poena committi non potest. *L. multa, sup. de cond. et dem.* Quod totum quidam confidentes, ideo in hac specie fingi volunt stipulatorem esse arbitratum: quod hic factum esse illis verbis Procule negat cum ait, aliquid esse tempus, quo reus non sit arbitratu. Sed nihil minus verum est, quem hic non potuisse opus fieri stipulatore non arbitrate, at modo ostendi: non quod non eveniat interdum, ut si is, in cuius arbitrium conditio collata est, non arbitretur, evanescat poena, si debitor non fecit, quod ex alieno arbitrio non potuit: sed quia id tunc contingit, cum opus debitori nominatim iniungitur ad eam formam, quem alius arbitrabitur, ut fit in dicta *L. multa*, hic enim cum forma et extractio operis pendeat ex alieno arbitrio, et eo quidem extranei: hoc non præcedente, ut non est per rerum naturam, quod promissor possit facere; ita illo non faciente poena rei impossibilis non committitur. *L. si homo, sup. eod. l. in testamento. 27. sup. de cond. et dem.* At hoc non ita fit in specie proposita, ut enim recte Bartolus sensit, designatum hic erat opus certi generis, et certe formæ iam ab initio, veluti insula certa speciei: ut cum de specie ipsa faciendo convenisset, ideo nec in ea designanda alio arbitrio stipulatoris esset opus. Ille quidem cogitur ita fingere, ut ista conciliet: nihil enim eudet de eo affirmare. Sed nihil est, quod admodum laboremus in eo probando. Huius rei certissimum argumentum est, quod hic stipulatione ipsa certus dies præstitutus est operi faciendo, puta Calende

Iuniae. Hoc amplius, quod is dies deinde pro-
latus est promissori. Harum utrumque fieri non solut, ac ne fieri quidem potest, nisi stultissime, nisi certum opus sit ab initio constitutum: ex operis enim qualitate æstimatur tanto tempore opus esse ad rem efficiendam, quantum vel ab initio datum, vel postea pro-
rogatum est: neque enim omnia opera ean-
dem dilationem desiderant. At cui hono tan-
dem nullo certo opere designato, diem cer-
tum promissori ad faciendum dare, aut pro-
rogare? potest enim opus postea institui eius-
modi, quod multo longius tempus desideret: hic brevis deri inutile est. *L. insulam, §. 1. sup. loc.* potest contra opus esse eiusmodi, ut poterit intra brevis tempus perfici: hic vero longius dari, supervacuum. Erat ergo, ut dixi, opus certe speciei et forme hic designatum; ut proinde ad id designandum non expectaretur aliud arbitrium stipulatoris. Sed cum de specie certa convenisset, non satis habuit stipulator id opus fieri: sed voluit etiam fieri non vitiosum, et ob id cavet, ut bonitas eius sibi a promissore approbaretur, ut fit in specie *L. ea lega; §. 1. sup. loc.* id est, ut opus, arbitratu suo, id est, boni viri fieret, ac nisi ita factum esset, poenam stipulatus est. In quo manifeste id actum est, non ut arbitrium stipulatoris præcederet extructionem operis, sed ut sequeretur ad bonitatem operis facti æstimandam. † Summa hæc iam sit: cum stipulator diem tunc protulit, cum iam opus ante Calendas Iunias effici non posset, poenam exinde esse commissam. Nec ad rem pertinere, quod stipulator ex illo nec desideravit, nec arbitratu est ante Calendas, ut opus fieret: quia ad poenam committendam nihil horum facere ex stipulatione necesse habuerit. Nisi quis dicat, cum stipulator diem protulit, remissive eum promissori faciendi operis instantiam, eoque nec fuisse deinceps promissorem in mora, si postea opus non fecit intra Calendas Iunias. *L. mora, sup. de usur.* Sed parum refert, quid secutum sit post diei prolationem, si iam ante ob præcedentem moram poena commissa erat, ut commissam esse dicimus: moræ purgatio obligationem stipulatori iam quesitam auferre non potuit, ut docuimus ad *L. si servum, §. sequitur, sup.* Ergo hoc manebit poenam hic ipso iure commissam esse, quam nulla diei prorogatio abstulerit. † Sed si paratus sit promissor opus facere intra Calendas Augusti, qui dies illi prorogatus est, aut etiam si intra dies fecerit, an non exceptio doli stipulatori poenam petendi ob-
stare debeat, quaesitum est. Ego quin ob-
stet, non dubito: quod et vulgo receptum est, etsi non omnes pariter rem expediunt.

Sed

Sed apparet in prorogatione diei placitum inesse periodo et conventionem, qua placet stipulatori, ut liceat promissori intra prolatum diem opus facere, simul et faciendo, idest, id solvendo liberari. Ex quo exceptionem pacti esse adversus eum, qui contra petat, certum est: proinde et doli. §. *praeterea. Instit. de exc. l. 2. §. item, supr. de dol. exc.* Nam quod dicitur, stipulatorem alterutro contentum esse debere, aut opere, aut poena; *L. rescriptum, §. si pacto, supr. de pact.* nihil ad rem pertinet: non enim agimus de eo, qui neutrumque consequi velit, sed de eo qui eligat poenam. Hanc si consequitur, quin hac contentus esse debeat, nemo negat, nisi aliud cooveerit. Sed hoc quaeritur, an ne hoc quidem consequi possit invito promissore: ac dicimus eum consequi non posse obstante doli exceptione. In quo potius refellimur superiore loco, in quo electio stipulatori tribuitur. Sed prius factum elegit, inquit, cum diem protulit, et ideo postea variare non potest, ut nunc poenam petat. † Ex quomodo dici potest stipulator diem proferendo operis effectum elegisse cum prius nec factum deberetur, nec esset in solutione, sed sola poena, quam com-

missa erat? Ille vero stipulator non magis factum eligere dicendus est, quam recte dicitur aliud eligere, quam poenam, si pascatur, ut aliud promissoriolvere liceat. Itaque non magis ad rem facit, quod addocitur ad confirmationem huius sententiae de lege commissoria, videri nimirum venditorem renoncicare huic legi, si hac commissum pretium eligat. *L. pen. supr. de leg. commiss.* sic enim declaratur rebus integris esse in eius potestate, utrum petat pretium ex vendito, an vero legem commissoriam exerceat. Id quod potius videri possit ad stipulatorem pro ipso transferri debere, ut quoniam ei opus prestari debet aut poena, possit is eligere utrum velit. Nam tuoc, cum diem protulit, factum elegisse non recte dici potest, cum una poena, quae commissum erat, ei deberetur, et electio non cadat, nisi in res plures ante disiunctim debitas. Sed hoc ita est, ut dixi: poena semel commissum, si dies deinde profertur a stipulatore, non electio facti debitorem liberat per exceptionem, sed stipulatoris conventio, non secus, quam si convenisset, ut quidvis aliud pro poena liceretolvere.

Ad §. Cum venderet.

Idem Proculi responsum cum eo, quod ex eodem refertur in *L. prox. §. ult. supr.*

Ad L. Si fundum 114.

Vide de hac specie, quae diximus ad *L. si filiusfamil. 78. §. ult. supr.*

Ad L. Ita stipulatus. 115.

Papinianus lib. 11. Quaestionum.

Ita stipulatus sum; te sisti in certo loco: si non steteris, quinquaginta aureos dari spondes? Si dies in stipulatione per errorem omissus fuerit, cum id ageretur, ut certo die steteres: imperfecta erit stipulatio: non secus ac si quid pondere, numero, mensura continetur, sine adiectione ponderis, numeri, mensurae, stipulatus essem: vel insulam edificari, non demonstrato loco, vel fundum dari, non adiecto nomine. Quod si ab initio id agebatur, ut quocunque die steteres: et si non stetisses, pecuniam dares, quasi quaelibet stipulatio sub conditione concepta, vires habebit, nec ante committetur, quam fuerit declaratum reum promittendi sisti non posse.

SUMMARIA.

1. Stipulatio haec, Te sisti in certo loco, cum id actum est, ut certo die steteres, et tamen per errorem dies in stipulatione omissus est: an valet. et n. 5.

2. In stipulatione omissum quatenus habeatur pro expresso. et n. 4.

Tom. XI.

3. Certum duobus modis intelligitur.

4. Stipulatio damni infecti etiam die in ea per errorem omissa valet.

5. L. de die in pr. supr. Qui sui. reg. declaratur.

6. Regula generalis de die in stipulationibus tam conventionalibus, quam praetoriis omissis.

9. In testamentis si testator diem aut conditionem institutioni vel legato se adiacendum declaraverit, et postea non adiciat, institutio tamen et legatum valet, et cur non idem in stipulationibus sit receptum.
10. Stipulationum comparatio a Papinianus hoc loco instituta, quomodo sit accipienda.
11. Stipulatio vini, frumenti, et similis rei, quæ pondere, numero, mensuræ constat, sine certæ mensuræ, ponderis, aut numeri adiectione est inutilis; extra quum si porat de certâ quantitate actum esse, aut sententia et vi verborum eadem intelligitur. a. 14.
12. Stipulatio, Insulam ædificari, non adiecto loco, cur inutilis.
13. Stipulatio fundi non adiecto nomine an inutilis. et n. 19.
15. Stipulatio dotis, quam pater filiz nomine promittit non demonstrata quantitate, cur valeat.
16. Legatum pecuniæ ad vires certæ tutelam vel refectorem relicta, certâ quantitate non adiecta valet.
17. Annus pecuniæ, etsi non expressa summa, legatum valet.
18. Uxori vino, oleo, frumento, aceto, melle, salsamentis nulla adiecta quantitate relicta, vinum oleum etc. quæ in bonis suis testator habuit, legata videntur.
20. Causæ inter alias multas duæ, ob quas imperfecta et utilis est stipulatio.
21. In stipulationibus hæc, Te sistes Lugduni? Si non stiteris, decem denarij an pater cum priore posteriori pœnalis non valent non adiecto die quo stiteris, cum de certo adiciendo convenit, et quæ ratio.
22. Stipulatio pœnalis stipulationi insulæ ædificandæ,

non demonstrato loco, item stipulatione fundi non adiecto nomine, subiecta na valeat.

23. In specie proposita si id actum sit, ut quocunque die promissor stiteret, utraque stipulatio valeat.
24. Stipulatio pœnalis hæc, Si Lugduni non stiteris, decem dabis? quando committitur.
25. Stipulatio omnis sub conditione in non faciendo concepta, quando committitur, distinctio generatis.
26. Distinctionis superioris ratio.
27. Excipiuntur a priori parte præmissæ distinctionis casus tres.
28. A posteriori distinctionis parte casus exceptus.
29. L. Nuda. C. de contr. stip. explicantur.
30. Ex stipulatione eiusmodi: Pamphilum dari spondes? Si Pamphilum non dederis, tantum dari spondes? an ob Pamphilum non datum pœna statim adversus promissorem iure committitur.
31. Pœnalis stipulatione an principalis obligatio novetur. et n. 33.
32. Pœna hoc modo legata: Heres meus penum dato, si penum non dederit, eundem dato, cur non pœna, sed sola contumaciantur.
34. Stipulatione posteriore hodie ex constitutione Iustiniani nullis in causis novatio prioris obligationis facta intelligitur, nisi nominatim dictum sit, posteriorem stipulationem novandi animo interponi.
35. Pœnalis stipulatione commissa utrumque debetur; ac peti potest, pœna scilicet, et quod principalis obligatione continetur.
36. Pœnalis stipulatione commissa, an utrumque simul exigi possit, an vero alterutro stipulator contentus esse debeat.
37. Electio in pœnali stipulatione stipulatoris est utrum petat, non promissoris, ut in disiunctivis, utrum solvat.

Proponitur hoc stipulationis genus, te sistes Lugduni? si non stiteris, decem dabis? in quo ut duæ sunt stipulationes, ita de utraque disserit Papinianus. De priore tractat, an valeat; quia non sit adiectum, quo die sistes. De posteriore plures sunt quæstiones: quas tunc proponam et exsequar commodius, cum de priore dixero. † De ea ita Papinianus statuit, si dies in stipulatione per errorem omissus fuerit, cum id ageretur, ut certo die sistes, imperfectam esse stipulationem: id est, nullam seu inutilem. *L. in venditionibus, supr. de contr. empt. L. si aliquis, supr. de mor. cau. don.* sic enim accidit in rebus omnibus, quæ certa forma constant, ut in his non prius res non dico valere, sed ne esse quidem incipiat, quam acceperit propriam formam; hæc autem ex consummatione contingit. *L. si is qui, §. ult. supr. ad leg. Falc.* Cui sententiæ varii loci opponuntur: quibus ostenditur in summa, si actum sit, ut aliquid adiciatur vel stipulationi vel legato, et id per errorem omissum sit, aut haberi debere pro adiecto; aut si pro omisso habetur, saltem id quod principaliter gestum est, 2 valere. † Habetur pro expresso, si de re certa actum sit, ut si triticum dari stipulatus sit aliquis, et de tritico certi generis et certæ quantitatis contrahentes senserint, de quibus tamen non sit tantum ver-

bis stipulationis. *L. triticum. supr. eod.* Quidni igitur et habeatur pro expresso dies, quo actum sit, ut sistes? nam ut certo die sistes, actum est, ut hic proponitur. Et vero de die idem probandum est, quod de cæteris rebus. Sed cum de re certa, de die certo agi dicimus; † certum duobus 3 modis intelligi potest; vel ut dicatur certum, quod iam nunc certum est, quia designatur conventionem in presentia: vel ut dicatur certum, quod in futurum tale esse volunt contrahentes, cum aliquid sequetur postea; quia tum designabitur, et fiet certum, et in summa, quod destinatione contrahentium certum est. Ut, cum hoc loco dicitur actum esse, ut certo die sistes, non hoc intelligitur actum esse de die certo, qui nunc designatus sit, quo die postea sistes; sed actum esse, ut sistes certo die, sed qui designaretur postea in stipulatione. † Si de re certa ita actum 4 sit, ut intelligatur ea, quæ iam tum, cum de ea agebatur, certo designata est; hæc illa est, quæ in dicta *L. triticum, supr.* habetur pro expressa. Nec dubium est, quin et in die hoc eveniat, ut si quo certo designato actum sit, ut eo die sistes, etsi quoque dies pro expresso haberi debeat, etsi postea in stipulatione per errorem sit omissus. Quod si de re ita agetur, ut designetur postea in stipulatione; si id factum non est, etiam ibidem traditum est in ex-

tre-

5 tremo inutilem esse aliis quoque in rebus stipulationem. † Id vero ipsum et de die omisso, quo actum erat, ut sisteres, hoc loco a Papiniano confirmatur: ut nihil sit his locis inter se magis consentiens. Et merito hoc die non expresso stipulatio est inutilis: nam sistere se nisi aliquo certo die per rerum naturam nemo potest: quo autem die se sistat ex stipulatione non habet, qui in certum aliquem diem non consensit. Sed nec stipulator ante agere potest, quam præterierit is dies, quo se promissor sistere debuit. At is dies nullus est: certe non is, de quo recte possit dicere promissor se de eo non sensisse. Contra quam si affirmet stipulator, ipsum probare oportet: quod nunquam facere poterit. Ita inutilis est stipulatio, cuius et præstatio promissori est impossibilis, et petitio stipulatori procedere non potest. † Imo etsi dies ex facta designatione penderet: tamen profuerunt stipulationes quædam, quæ et hoc die omisso nihilominus putentur valere. In hoc numero est stipulatio damni infecti, quæ stipulatur a vicino domino ruinosa-rum ædium, quod damni nobis datum erit, si ædes ruant. Nam de die huius stipulationis ita scriptum est in *L. si finita*, in *pr. supr. de dama. inf. si sine adiectione diei stipulatio fuerit interposita, siquidem consilio et ex conventionie dies omittus sit, quandocunque fuerit commissa, ex stipulatione semper agi posse: si vero per errorem, magis esse illud dicendum, finito die, in quem aliquin caveri solet, desiderandum esse a Prætoris ut liberetur*. Profertur etiam in hoc genere ipsa iudicio sistendi stipulatio: quoniam de ea ita scriptum est in *L. de die, supr. qui sat. cog. de die ponenda in stipulatione solet inter litigatores convenire, si non conveniunt*. Pocius putat in potestate stipulatoris esse moderato spatio de hoc a iudice statuendo. Sed nihil hæc ad rem pertinet. Nam ut de singulis respondam ordine, an non observamus primum in stipulatione damni infecti agi de die, non ex quo obligatio incipiat, et ex quo agi possit: sed de eo, ad quem usque possit agi, seu in quem obligatio aliqui pure contracta finiatur? sit enim Ulpianus, *finito die in quem aliquin caveri solet*, id est, ad quem usque daret obligatio, et post quem non teneatur amplius promissor, *desiderandum esse a Prætoris*, non ut stipulatori agere liceat, ut hic querimus, sed ut promissor liberetur. Hoc intellecto, ne putemus, quod dicitur eo die per errorem omisso, nihilominus stipulationem valere, et huius diei æstimationem Prætori committi, id quid-

quam ob stare hinc loco sive stipulationem sistendi causa hic interpositam interpretetur esse conventionalem tantum, sive esse prætoriam, ut est, tunc, cum iudicio sistendi causa interponitur. *L. 1. vers. communes, infr. de præst. stip.* Hic enim agimus de eo die adiciendo, ex quo incipiat, non autem ad quem, cum semel coeperit, daret obligatio: volumus enim eum diem adlici, quo sistat promissor, at ex quo nisi sistat, pecunia ab eo exigatur. Uter ex his diebus omittatur, ad vim stipulationis multum in omnes partes interest: ut profecto nihil hæc species inter se habeant commune. Nam cum is dies est, ex quo obligatio contrahi debuit; si is per errorem omittitur, iam a principio non contrahitur obligatio; ac nec potest, cum agi ex stipulatione non possit: non enim potest agi, nisi aliquo die: is autem nullus est, cum sit ommissus, et id actum sit, ne alio die quid fieret, quam qui communi consensu designaretur in stipulatione. At cum obligatio sine die ab initio contrahitur, verum id agitur, ne sit perpetua, sed constitatur næque ad diem, post quem finiatur: tantum abest, ut hic ommissus obstat stipulationi, quæ iam ante recte contracta est, ut potius eius omisso perpetuam stipulationem faciat, quæ die adiecto potuisset finiri scilicet per exceptionem. *L. obligationum fere, vers. placet, supr. prox. tit.* Itaque non est dubitatum unquam, quin eiusmodi stipulatio valeat, sitque ex ea actio stipulatori; sed queritur de promissore, an huic succurri debeat, ne diutius teneatur, quam æquum est; et quis hinc rei statuatur modus: placeatque ei succurrendum, et Prætoris finitio eo die, in quem caveri solet, curaturum, ut liberetur. † Quod autem attinet ad *L. de die, supr. qui sat. cog.* quid est ineptius, quam non tantum eum locum pro contrario citare, sed etiam vehementer sandare in eo conciliandum, quem apparet non in dissimili tantum, sed etiam in contraria specie versari? Aperte enim illic agitur de die ponenda in stipulatione iudicio sisti. Ergo de stipulatione nondum contracta, sed de contrahenda; in qua, cum vellet contrahentes diem adlici, quo reus se iudicio sisteret, neque inter eos de eo conveniret; quærebatur, ex cuius voluntate de eo statuendum esset a Prætoris, stipulatoris, an rei. Ex quo licuit tria hæc perspicere: primum non posse dici illic in stipulatione diem esse ommissum, ubi stipulatio adhuc nulla esset: deinde multo minus diem videri debere esse ommissum per errorem, ubi videmus contrahentes sedulo id dare ope-

ram, ut is dies adiciatur; et de eo contendere; postremo utraque de causa non posse dici illic stipulationem esse inutilem, cum nondum ulla esset interposita, et in ea non esset dies omissus, cuius omissione vitare posset stipulationem. Quid autem hoc loco? contraria omnia in stipulatione. Agitur enim de ea, et quæ erat interposita, et interposita omissio die, qui in ea adici debnit, et quam ob id imperfectam esse recte dicimus. † Nihil igitur verius, quam in stipulationibus diem omissum efficere, ut sit inutilis stipulatio, si cum convenisset, ut certo die, qui postea designaretur in stipulatione, promissor quid faceret, is dies in stipulatione per errorem sit omissus. Parumque retulerit, utrum conventionalis sit stipulatio, ut Lugduni sistes; an prætoris, ut iudicio sistes? quæcunque enim stipulatio futura est, non potest valere sine consensu: non est autem consensus in die, quo sistere promissor debeat, si dies per errorem omissus est. † Aliud placuit in supremis voluntatibus. Nam si testator diem aut conditionem, aut aliquod aliud temperamentum institutioni vel legato adicere constituit, quod et se velle aliqua parte testamenti declaravit: si id postea non adiciat, nihilominus et institutio et legatum valet: veluti, si ita scripserit, ille heres esto secundum conditiones infrascriptas. *L. pen. C. de inst. et subst.* Aut si hoc modo, illos vicos do lego secundum eos fines, quos postea significabo; et morte præventus nullo fines significaverit. *L. cum pater, §. ult. supr. de leg. 2.* Cur ergo in stipulationibus non idem admittimus? quia alius sensus est contrahentium his omissis: alius testatoris, cum prius ambo de illis adiciendis cogitassent. Testator, cum hæc non adicit, non per errorem omittere intelligitur, sed quia noluit, seu quia adiciendi propositum remisit: potuit enim adicere si vellet. Non adiecit; noluit igitur. Idque eo magis existimandum est, quo testantis interest, certe ad iudicium eius pertinet institutionem et legatum aliquo modo valere potius, quam nullo. Itaque etiam hoc modo in re dubia voluntas accipitur, ne legatum intercidat. *L. cogi, 1. resp. supr. ad Treb. arg. L. in testamentis, infr. de reg. iur.* Non sic mens est contrahentium, ut cum initio de die adiciendo, quo promissor se sisteret, inter eos convenisset, hoc in stipulatione omissio existimandi sint eum omisisse mutuo consensu, ac non per errorem: quoniam ipsorum interest diem non remitti. Stipulatoris quidem, ut eum diem habeat, de quo cogi-

tavit ad conveniendi rei, aut cum eo agendi commoditatem: promissoris autem, ne secum agi possit, si nullus dies certus stipulatione fuerit constitutus.

† *Non secus, ac si quod pondere*) Ne 10

quis comparationem hanc sic accipiat, quasi quæ subiciuntur stipulationes tres prior similes sint, quasque earum argumento Papinianus utatur ad priorem sententiam confirmandam de die omissio. Solum huc spectat comparatio, ut ostendatur propositam stipulationem die per errorem omissio non magis valere, quam quæ subiciuntur, quas tamen non valere inter omnes convenit: cæterum re ipsa valde sunt dissimiles, nec similibus de causis posteriores istæ improbantur. Dissimilitudo in re hæc manifesta est, quod quæ subiciuntur, in totum non valent, sive ea, quæ ad vim stipulationis pertinentia in his omittuntur, consulto omissa sint, sive per errorem: cum hæc stipulatio, Lugduni te sistes? ita demum die omissio imperfecta sit, si dies per errorem fuerit omissus. Qua eadem ex re intelligi potest longe diversis de causis hæc ipsa genera improbari: alioqui futurum erat, ut iisdem causis obstantibus æque et proposita stipulatio die omissio reiceretur sine exceptione. Et res ita habet: stipulatio hæc, te sistes Lugduni? ideo die omissio inutilis est, quia deest consensus in re ad præstationem rei promissæ necessaria. Ideo si dies omissus sit consulto, dum id agitur, ut quocumque die sisteres, placet stipulationem valere, nimirum propter consensum. Quæ autem subiciuntur stipulationes, cum non valeant, etsi in his quantitas, locus, fundi nomen consulto adiecta non sint, apparet omnino non reici eas, quia non sit in eam omissionem consensum, sed quia aliquid aliud obstat stipulationi. Obstat vero inutilitas præstationis, quæ superioribus rebus omissis statuitur stipulatione: cum scilicet res aliquæ ita promittuntur, ut pro ea potestate quæ verbis stipulationis promissori tribuitur, res propemodum nullæ sint, certæ sint tales, quas non expedit stipulatori ita præstari, ut sunt promissæ. Quod in his tribus stipulationum generibus accidit, quæ sequuntur. † Nam primum 11 quæ pondere, numero, mensura constant, ut aurum infectum, pecunia numerata, triticum, vinum, et his similia, eiusmodi sunt, ut his sine ponderis, numeri mensuræ adiectione promissis, possit quidem ex ea stipulatione aliqua esse præstatio; sed tamen ea quantitate, ut præstatio ipsa sit inutilis, ac propemodum ridicula. Stipulatus sum a te aurum dari: liceat tibi da-

dare vel aciculæ, aut scrupuli pondus. Pecuniam numeratam dari: vel unum obolum dando libererit. Triticum dari: si vel unum granum dederit, satisficit stipulationi. Vinum dari: cyathi mensuram si dederit, vinum dedisti. Quæ præstationes etsi sunt per se inutiles, magis tamen nescio quomodo ridiculæ videntur. arg. in *L. si domus, supra, de leg. 1.* † Si quis stipuletur insulam ædificari non adiecto loco, hæc quoque inutilis stipulatio est. *L. qui insulam, supra, L. 2. §. si quis, supra, de eo quod cer. lo.* quia ex hac stipulatione licet promissori ædificare insulam etiam in alieno solo: hoc autem stipulatori inutile: quod enim in alieno ædificatur, id domino soli acquiritur, non stipulatori. *L. adeo, §. ex diverso, supra, de acquir. rer. dom.* Et hoc est, quod dicitur in dicta. *L. qui insulam, supr.* eum, qui insulam fieri stipulatur, ita demum sibi acquirere obligationem, si et appareat quo loco insulam fieri voluerit, et præterea ibi insulam fieri intersit eius. Sic eius interest, si vel stipuletur fieri in suo, vel in alieno quidem, sed ubi ipse prius insulam faciendam promiserat, aut conduxerat. *L. stipulatio ista, §. si quis insulam, supr. eod.* † Fundi quoque stipulatio non adiecto nomine inutilis, ut et traditum est in *L. cum post, §. gener, supr. de iur. dot.* quia ut ibidem scriptum est, hoc verbo promittitur corpus ignotum, id est, id, quod aut nullum sit, aut quod si præstetur arbitrio promissoris, ut præstari debeat, ad minimum pretium, vel potius nullum redigatur: fundi enim non natura, sed destinatione quasque constituuntur. *L. quod in rerum, §. ult. supr. de leg. 1.* ut dicendum sit, si quis pedem tarcæ pro fundo sibi habeat, hunc pro fundo futurum. Atqui huiusmodi aliquem fundum dare, et præsertim si longius aberit, descriptorium magis est, et onerosum, quam utile. Eademque causa est promissæ domus: eadem at legatæ, ubi testator domum legans nullam habuit. dicta *L. si domus, supr. de legat. 1.* Ergo in his aut res nulla promittitur, aut eiusmodi est, quam dari aut fieri stipulatoris nihil intersit. Atque utraque de causa recte statuitur stipulationem non valere: nam et sine re quæ interveniat, nulla consistit obligatio. *Instit. de iust. stip. in pr. L. nec emptio, infr. de cont. empt.* et quidvis promitti nihil prosit, si id dari aut fieri stipulantis non interest. *L. stipulatio ista, §. alteri supr.* Incidunt tamen circa has species stipulationum quædam quæ possint videri contrariæ, nisi ca-

- 12 mus, *supra, de leg. 1.* † Si quis stipuletur insulam ædificari non adiecto loco, hæc quoque inutilis stipulatio est. *L. qui insulam, supra, L. 2. §. si quis, supra, de eo quod cer. lo.* quia ex hac stipulatione licet promissori ædificare insulam etiam in alieno solo: hoc autem stipulatori inutile: quod enim in alieno ædificatur, id domino soli acquiritur, non stipulatori. *L. adeo, §. ex diverso, supra, de acquir. rer. dom.* Et hoc est, quod dicitur in dicta. *L. qui insulam, supr.* eum, qui insulam fieri stipulatur, ita demum sibi acquirere obligationem, si et appareat quo loco insulam fieri voluerit, et præterea ibi insulam fieri intersit eius. Sic eius interest, si vel stipuletur fieri in suo, vel in alieno quidem, sed ubi ipse prius insulam faciendam promiserat, aut conduxerat. *L. stipulatio ista, §. si quis insulam, supr. eod.* † Fundi quoque stipulatio non adiecto nomine inutilis, ut et traditum est in *L. cum post, §. gener, supr. de iur. dot.* quia ut ibidem scriptum est, hoc verbo promittitur corpus ignotum, id est, id, quod aut nullum sit, aut quod si præstetur arbitrio promissoris, ut præstari debeat, ad minimum pretium, vel potius nullum redigatur: fundi enim non natura, sed destinatione quasque constituuntur. *L. quod in rerum, §. ult. supr. de leg. 1.* ut dicendum sit, si quis pedem tarcæ pro fundo sibi habeat, hunc pro fundo futurum. Atqui huiusmodi aliquem fundum dare, et præsertim si longius aberit, descriptorium magis est, et onerosum, quam utile. Eademque causa est promissæ domus: eadem at legatæ, ubi testator domum legans nullam habuit. dicta *L. si domus, supr. de legat. 1.* Ergo in his aut res nulla promittitur, aut eiusmodi est, quam dari aut fieri stipulatoris nihil intersit. Atque utraque de causa recte statuitur stipulationem non valere: nam et sine re quæ interveniat, nulla consistit obligatio. *Instit. de iust. stip. in pr. L. nec emptio, infr. de cont. empt.* et quidvis promitti nihil prosit, si id dari aut fieri stipulantis non interest. *L. stipulatio ista, §. alteri supr.* Incidunt tamen circa has species stipulationum quædam quæ possint videri contrariæ, nisi ca-
- 13
- 14

cipæ autem in iis quæ pondere, numero, mensura continentur. Nam et triticum sine certa quantitate promissum proponitur in *L. triticum, supra, eod.* placetque valere stipulationem, si de certo cogitatum sit: et pecuniam non raro sine adiectione numeri et promitti recte et legari legimus. Quod accedit in his causis: cum pater filiz nomine promittit dotem non demonstrata quantitate *L. cum post, §. gener, supra, de iur. dot.* cum pecunia legatur ad tutelam vel refectionem certæ viæ. *L. quidam, supr. de leg. 2.* cum legatur alieni pecunia annua. *L. si cui, supr. de an. leg.* Non sunt vero hæc contrariæ: sed commodè ostendunt, quid in definitione huius loci cavere, et quomodo cum interpretari debeamus. Si quod pondere, numero mensura continetur, sine adiectione ponderis, numeri, mensuræ promissum sit, imperfecta stipulatio est, inquit Papinianus. Nihil veritas: sed in eo hæc sunt cautiones. Primum id ita interpretandum est, si hæc plane adiecta non sint, ut nusquam de his probetur actum esse, id est, neque stipulatione, neque extrinsecus alia conventionē ad stipulationem pertinente. Nam si prius de quantitate eorum rerum, quæ in stipulationem deducuntur, actum erit, satis est. Id efficitur. *L. triticum, supra, eod.* Quod enim ibi de stipulatione tritici dictum est, ad omnem eius generis stipulationem debet referri. Sed etsi neque verbis stipulationem, neque alia conventionē aperte cautum sit de quantitate: tamen satis hæc adiecta erit, si sententia et vi verborum intelligetur. Intelligetur autem, si pecunia nominatim promitteretur alicuius rei causa, seu ad aliquid faciendum, cuius rei aut facti æstimatio certam habeat quantitatem: parum enim interest, utrum nominetur aliqua summa, an alterius rei certæ demonstratione designetur. *L. ait Pretor, §. 1. L. in sententiis, supr. de re iud. L. 2. C. de sent. quasi. cer. quan. prof.* Id observabimus ubi venire in iis causis tribus, quas supra posui. † Primum accedit in stipulatione dotis, quam pater promittit nomine filiz. Hic enim non simpliciter pecunia aut res promittitur, sed dotis causa, et promittitur a patre, cuius officium in dotanda filia certam facit rei promissæ æstimationem: est enim hoc officium patris collocare et dotare filiam. *L. capite, supr. de rit. nupt. L. ult. §. utramque C. de dot. promiss.* idque pro modo facultatem patris, et dignitate mariti: qui modus et in alimentis constituitur, cum agitur de alendis liberis. *L. si quis a liberis, §. si quis ex his, supr. de ag. lib.* Quo fit, ut promissa do-

- te a patre, eadem et hic quantitas quasi officio certo patris inclusa accipitur. *d. L. cum post, §. gener. de iur. dot.* Idcirco alius si simpliciter dotem promittat, quam pater, scriptum est nulla summa expressa, neque ea re adiecta, unde summa intelligeretur nullam esse promissionem. *L. 1. C. de dot. prom.* † Eadem ratio eius legati, cum pecunia legatur ad viæ sicutius tutelam, vel refectionem. His enim verbis hinc continetur, quod necesse erit, seu quod sufficiat ad refectionem. *d. L. quidam, supr. de leg. 2.* hoc autem certum: quod et ex præsentate statu viæ, et ex rebus et mercedibus operarum ad eam rem necessariis facile intelligitur. Ideo placuit et tantum hic deberi, si modo testatoris facultates ferant. Sin minus, secundum æstimationem patrimonii et legati quantitatem definicndam.
- † Non minus et hoc legatum certam quantitatem in se inclusum habet, cum relinquatur aliquid auumum, etsi non expressa summa: cum enim relinquatur ad victum legatarii (unde et legatio intelligitur hæc inesse conditio, si vivat. *L. 4. supr. de an. leg.*) tantum et hic intelligitur legari, quantum ad victum sufficiat legatario: quod et ipsum certum est: æstimatur enim personæ legatarii dignitate. Ideo et tantumdem legatum videri placuit. *d. L. si cui, de an. leg.* cum hac exceptione tamen, nisi testator certi aliquid auumi nomine consuevisset vivus legatario præstare. Id enim potius relictum videri; interpretatione voluntatis ex consuetudine testatoris ducta, quam in primis spectandum esse præcipitur. *L. si servus plurium, §. ult. supr. de leg. 1.* Quid tamen dicemus, quod et hoc legatum valet, cum testator damnavit heredem suum dare uxori suæ vinum, oleum, frumentum, acetum, mella, salsamenta, nulla adiecta vini, olei, frumenti, aceti, mellis quantitate? *L. quidam, supr. de trit. vi. vel ol. leg.* Sed et hoc legatum certum est: sic enim accipitur, quasi testator legaverit vinum suum, oleum suum, et cætera sua, ne alioqui inutile sit legatum. arg. *L. si domus, supr. de leg. 1.* hoc autem certum, quantum ex eo genere testator habeat in bonis. Hæc de stipulatione earum rerum, quæ pondere, numero, mensura continentur, ubi promittuntur hæc sine adiectione
- 19 quantitatis. † Habet et stipulatio fundi donationem, cum hæc non adiecto fundi nomine nullius momenti esse dicimus. Nam stipulationem hominis generaliter promissi valere constat, ut et legatum hominis. *L. ubi autem, supr. cod.* cur non ergo et fundi? Quia quæ genere plures res sibi sub-

iectas habeat iuter se similes, unaque substantia et compositione corporis constantes, hæc nunquam promittuntur sine fructu: qualis est homo. Nam cum huic generi subiecti homines omnes una substantia, et lisdem partibus corporis constant: nulla est species ex eo genere, quæ suam utilitatem non habeat. Nam eadem causa est eorum generum, quæ aut rebus constant maxime diversis, ut animal; aut constant rebus non natura, sed cuiusque destinatione consistentibus: qualis est fundus, aut domus. Cum enim ex his plarisque aut natura rerum, aut hominum destinatio faciat stipulatori inutiles, at tamen has ex conditione stipulationis promissori licet præstare: non potest, quin præstatum inutiles inutilem quoque reddat stipulationem. Nec ad rem pertinet, quod potest promissor ex eo genere utiles res dare: pro non dicto est enim, quod dare nisi velit, cogi non possit. *L. sub hac, supr. prox. tit.* At etiam iundi ipsius, de quo hic agimus, stipulationem, quamvis non adiecto nomine valere, vendendum est, ne quibusdam ex locis colligatur. Nam in *L. qui ex pluribus, supr. cod.* proponitur ex pluribus fundis, quibus nomen idem erat, puta ex pluribus Tusculanis, unus in stipulationem deductus esse sine ulla nota demonstrationis: et stipulationem valere placet, ut cogatur promissor vel unum dare, tametsi eum possit, quem velit. Sed qui ex tribus fundis Tusculanis, de quibus inter stipulantem et promittentem conveiebat, unum quamvis indefinite stipulator, satis et hunc quicumque dabitur postea, nominat. Prius enim fundi omnes nominantur suo nomine nempe Tusculani: sed non adicitur certa nota demonstrationis; nempe ea, quæ unus eertus discernatur ab aliis: non tamen hoc facit, quominus si quis datur postea, etiam hic adiecto nomine promissus fuerit. Idem probandum est, etsi quis stipuletur unum fundum ex iis, quos promissor habet: nam hæc verba quos promissor habet, demonstrationem habent fundorum: quæ demonstratio vice nominis fungitur. *L. certum, sup. si cert. pet.* Sed longius itum est. Nam etsi quis fundum unum stipuletur sine propria appellatione, significatur in *L. ubi, supr. cod.* stipulationem valere. Cum enim propositum esset stipulationem quasdam certas esse, quasdam incertas, et exempla quaererentur: inter cætera exempla stipulationum incertarum hoc primum illic ponitur, si quis fundum stipuletur sine propria appellatione. Etsi igitur tantum dicitur cum, qui id stipulator, incertum, deducere in

sti-

stipulationem, nec adicitur stipulationem valere, tamen hoc posterius intelligitur satis ex propositione: de utilibus enim stipulationibus quæstio est, non de inutilibus, ut intelligatur genus actionis; cum ex certis sit conditio certi, ex incertis actio ex stipulatu. Ad quod explicandum plane inutile sit subicere exemplum eius stipulationis, quæ etsi incerta sit, tamen non valeat, nec pariat aut hanc, aut illam actionem. Quod et verum est, neque est tamen huic loco contrarium. Non valet fundi stipulatio nomine fundi non adiecto; at non adiecto proprio nomine seu propria appellatione interdum valet. Non adicitur nomen, cum nullo modo adicitur: quod fit, cum unus fundus promittitur non adiecto nomine. Hanc stipulationem non valere hic scriptum est. At dici potest non adici propria appellatio, etiam cum adicitur fundi nomen, quod accidit, cum ex pluribus, qui omnes appellantur Tusculani, unum incertum stipulamur. Hic enim Tusculani nomen et appellationem adicimus: sed non propriam appellationem, idest, non eam, quæ sit propria eius fundi, quem volumus, et qua is discernatur ab illis: hoc vero modo stipulationem valere paulo ante diximus. Quid, si promissor, qui fundum simpliciter promisit non adiecto nomine, fundos habeat; an non tunc saltem valebit stipulatio, ut debeat unus fundus ex his, quos promissor habuit? Et putem debere, si legatus esset, et fundos haberet testator. Hoc enim de domo legata responsum est in *L. si domus, supr. de leg. 1.* Sed hoc ad stipulationem transferri non debet: nihil enim ex stipulatione potest debere, nisi quod in stipulatum palam deductum sit; *L. quidquid, supr. eod.* aut certe de quo actum esse ostendatur. *L. cum qui Calendis, supr. eod.* In testamentis autem plenius voluntates testantium interpretamur. *L. in testamentis, infr. de reg. iur.* cui consentaneum est, ut si quid ad voluntatem servandum facit, id sumi debeat, quasi et de eo testator senserit; si voluntas non refragetur; cum in stipulationibus verba semper contra stipulatorem interpretemur, cuius in potestate fuit verba aperte concipere. *d. L. quidquid, supr.* Sed et testator, cum rem aliquam generaliter legat, ideo existimandus est de suis rebus sensisse, quia ita loqui consuevit, ut cum vellet aliquid dari, aut sumi de suis intelligeret, non de alienis, et consuetudo testatoris in interpretatione voluntatis testatoris ante omnia spectanda et retinenda est. *L. si servus plurium. § ult. supr. de leg. 1.*

† Ex his sic summam colligemus: inter alias multas duabus his de causis imperfectam et inutilem esse stipulationem. Primum si per errorem omissum sit in stipulatione, de quo actum erat, ut iuseretur, si quidem sine eo dari non potest id, quod promissum est. Deinde, si quid generaliter et indefinite promissum sit, et ea sit rerum ei generi subiectarum varietas et conditio, ut aliqua ex iis dari possit, quæ nullam afferat stipulatori utilitatem.

† Hæc de priore stipulatione dicta sunt. 21 De posteriore pœnalis duæ sunt hoc loco summæ quæstiones. Una, an et ipsa pariter non valeat non adiecto die, quo sisteres, cum de certo adiciendo convenisset. Altera, si valet, quando committatur. Sunt et aliæ quæstiones de stipulatione pœnali, quas et in extremo Papinianus expedire videtur: sed obiter tantum, non ex professo: de quibus illic dicemus. Sed prima quæstio illa est, qua non expedita cæteræ sunt supervacua, an et hic stipulatio pœnalis non valeat itidem, ut illa faciendi, Lugduni sistes. Et Papinianus in principio de utraque simul complexus hanc quoque pœnalem satis inutilem esse significat, cum ait indistincte, *imperfecta erit stipulatio*, quod et colligitur ex verbis sequentibus. Cum enim ait, si actum sit, ut quocunque die sisteres, stipulationem vires habere, quasi quamlibet stipulationem sub conditione conceptam; non possunt hæc verba intelligi, nisi de stipulatione pœnali, quæ sola ex duabus propositis sub conditione concepta est. Qui hanc utilem esse dicit addita nominatim hæc conditione, *si id actum sit, ut quocunque die sisteres*, ut hic Papinianus scribit; perspicue declarat, si id actum non sit, eandem illam stipulationem inutilem videri. Quoniam autem secundum verba hic videtur pœnalis stipulationis conditio extitisse, ac priori stipulatione dandi faciendive inutili constituta non semper accidit, ut propterea stipulatio pœnalis intercidat: *L. stipulatio ista, §. alteri, supr. eod.* Res postulat, ut quæramur, cur hic potius una cum priore putetur etiam non valere stipulatio pœnalis. Et hæc ratio est in promptu, quod pœna rei impossibilis non committatur. *L. si homo. supr.* nam hic id agebatur, ut promissor certo die sisteret, qui dies postea designaretur stipulatione: eo vere die per rerum naturam sistere promissor non potuit; cum is dies nullus esset, utpote omissus per errorem a contrahentibus. Sed et illud sine hæsitatione dici posse videtur, ideo in proposito non committi stipulationem pœ-

- nalem, quia non possit unquam dici eius conditionem extitisse: quippe hæc erat conditio ex sententia contrahentium, si promissor non stitisset certo die, quem ipsi postea constituerent: hic cum nullus constitutus sit, absurdum est dici promissorem
- 22 eo die non stitisse. † Sed an eodem modo dicemus pœnalem stipulationem esse inutilem in cæteris causis, quas commemorat Papinianus, et de quibus supra diximus? Utpote stipulatus sum insulam ædificari non demonstrato loco; et si non ædificasses, pœnam. Item, siudum dari non adiecto nomine; et si non dedisses, pœnam. An ne hic quidem pœnæ stipulatio valebit, quemadmodum insulæ ædificandæ, et siudum stipulationem non valere constat? nam Papinianus in his solum principales stipulationes recenset, quas et imperfectas esse ait: cæterum de pœnali stipulatione his subiecta nihil dicit; sed nec quidquam etiam adiicit, unde intelligamus hoc eum sentire eam quæque stipulationem illis subiectam pariter esse inutilem. Et puto non minus esse inutilem: quia hic nullus sit fundus, locusve de quo convenerit, ut dici possit eum fundum datum non esse, aut insulam in eo loco non ædificatam; atque ita pœnam esse commissam. Nam si utilem aliquem fundum aut locum stipulator constitui volet, recte dicitur nec promissorem de eo sensisse, nec stipulationis verbis de eo obligatum esse. Quod si promissor inutilem offerret, quod ex stipulationis conditione facere potest: hic vero constat nec de eo videri sensisse stipulatorem, et quamvis sensisset, tamen stipulationem esse inutilem in ea re, quam dari aut fieri nihil eius interest; ut proinde nec pœna committi possit eius rei non solutæ nomine, quæ res autem non debebatur.
- 23 † Quod si ab initio id agebatur.) Quemadmodum in specie initio proposita et stipulatio ipsa faciendi, et pœnalis huic subiecta, utraque pariter est inutilis, si cum de die certo adiciendo actum esset, dies omissus sit per errorem: ita contra utramque valere ait Papinianus, si id actum sit, ut quocumque die promissor sisteret. Valebit igitur in hac conventionem hæc stipulatio, Si non stiteris, quinquaginta aureos
- 24 dare spondes? † Quo posito sequens quæstio est, quando committatur. Quod ipse deinceps ita ostendit, ut simul hinc occasione data tractet de universo genere earum stipulationum, quæ sub conditione in non faciendū concepta contractæ sunt, quando omnes committantur. In quo nihil aliud queri intelligitur, quam quando vi-

deantur existere eiusmodi condiciones. Nec quidquam aliud deinceps ex professo agit toto hoc responso Papinianus. Sunt tamen præter hæc, ut dixi, quædam, quæ de stipulatione pœnali inter disserendum definiunt, in vers. extremo: quæ ad viam stipulationis pœnalis iam commissæ pertinent. Ea qualia sint, illic videbimus. Nunc quod instat de eo ita statuit, pœnalem stipulationem hanc, Si Lugduni non stiteris, decem dabis? non statim tunc committi, cum promissor sistere se potuit, neque fecit, sed tunc solum cum certum esse cœperit illum sisti non posse. † Et quoniam, ut 25 dixi, per hanc occasionem ingreditur illam tractationem, an idem dicendum sit in omni stipulatione, quæ conditionem habeat in non faciendū positam: in eo hanc distinctionem tradit. Docet interesse, utrum stipulatio, quæ huiusmodi conditionem habet, sit una et ea, quæ à conditione incipiat, hoc modo, si Pamphilum non dederis, centum dabis? an vero alteram habeat stipulationem præcedentem, qua stipuler hunc ipsum Pamphilum mihi dari, ut sic deinde subiciatur pœnæ stipulatio sub contraria conditione, hoc modo; si Pamphilum non dederis, centum dabis? Si stipulatio a conditione incipiat, declarat in vers. sed et si ita, et in ver. item si quis ita, stipulationem non prius committi, quam certum esse cœperit conditionem amplius existere non posse. Non adiecit, quauobrem hoc ita probet: sed non obscura ratione defenditur. Cum enim ita dicitur, si Pamphilum non dederis, centum dabis? non hoc dicitur, si uno aliquo die non dederis. Sed si non dederis omnibus diebus, quibus potes. Et quamvis verum sit eum non dedisse, qui hodie non dedit; non tamen immutabiliter verum est eum non dedisse: quia qui hodie non dedit, postea poterit dare, et ita dando efficere, ut verum non sit Pamphilum datum non fuisse. Utrumque cum verba admittant, et posterius sit pro promissore, nempe id sequendum est ex regulis iuris notis: de quo dictum est ad *L. quidquid*, §. ult. sup. Quod si duæ erunt stipulationes hoc modo, Pamphilum dabis? si Pamphilum non dederis, centum dabis? admittit Papinianus in hoc genere Sabini sententiam, ut postquam homo potuit dari, si per promissorem factum sit, quominus daret, quod ita fit, si interpellatus non dedit, confestim committatur stipulatio, et confestim agi possit: quod facit in illis verbis, itaque potest Sabini sententia recipi. Sed cur hoc dissimiliter recipitur in hac specie, atque in priore, cum

cum utrobique sit conditio eadem? nam ne hac quoque in parte huius distinctionis rationem Papinianus exposuit. † Differentiæ ratio est, quod cum a conditione incipit stipulatio, nihil est, unde sententiam contrahentium, quæ nitebatur Sabinus, colligamus, præter verba ipsa conditionis. Hæc autem unam eam sententiam habent, quam paulo ante ostendi, quo fit, ut hanc quoque sequamur. At cum præcedit hæc stipulatio, Pamphilum dabis, ex hac quid contrahentes posteriore stipulatione senserint, nullo negotio intelligitur. Cum enim ita stipulor, Pamphilum dabis? id agitur, ut quocumque die petenti mihi des, vis hæc est puræ stipulationis. §. *omnis*, *Inst. cod. L. si decem, supr. cod.* Quare cum ita subiicitur, quod si Pamphilum non dederis, centum dabis? his verbis, si Pamphilum non dederis, intelligitur hoc dici, si non dederis, ut ex præcedente stipulatione te dare convenit: pœnalis enim stipulatio subiicitur prioris confirmandæ causa, id est, quo magis fiat, quod prius promissum est, et uti promissum est arg. in §. *ult. Inst. de leg.* At est, dicit aliquis, in posteriore hac stipulatione eadem conditio, quæ foret nulla alia stipulatione præcedente. Est: sed cum de sententia constat contrahentium, non quid dixerint, sed quid senserint, id est, quid actum sit, spectandum est. *L. cum, qui Calendis, supr. cod.* Sabinus tamen putabat sive una esset stipulatio, sive dæ, semper stipulationem, quæ conditionem haberet in non faciendo conceptam, committi simul atque dari aut fieri potuisset, quod erat in conditione, et per promissorem stetisset, quominus daret aut faceret: quasi hæc esset videlicet in omnibus sententia contrahentium. Idque defendebat exemplo penus legatæ. Nam si testator ita scripserit, heres meus penum dato; si penum non dederit, decem dato; omnes admittunt, simulatque heres interpellatus penum non dedit, cum posset, decem debere, et peti posse. *L. 1. §. item si ita, supr. ad leg. Fal. L. si penum, infra quan. die. leg. cc.* Idque receptum est ob defuncti voluntatem, et quia natura penus, quæ facile tempore corrumpi potest, longiorem dilationem in præstando non ferret. Hæc de Sabini sententia in vers. *Sabinus autem*. Papinianus argumentum concedens hoc ipso exemplo fatetur idem et in stipulatione recte admitti posse de sententia contrahentium; sed hac lege, dum exemplum congruat, id est, dum fiat in stipulatione, quod fit in exemplo superiore: quod accidit, cum stipulatio pœnalis

incipit a præcedente stipulatione: nam et in exemplo, quod Sabinus vult intelligi, duo sunt legata, unum, quo primo legatur penus, alterum, quo deinde legatur decem, si penus data non esset. Quod si una tantum erit stipulatio, veluti si Pamphilum non dederis, decem dabis? eodem exemplo legatæ penus probandum est non prius committi stipulationem, quam declaratum fuerit conditionem existere non posse. At quamobrem? non enim explicat Papinianus. Quoniam et si decem legata essent, si penus data non esset, nec prius esset penus legata, non prius decem deberentur, quam si certum esset penum ab herede nec datam esse, nec amplius dari posse; sive quod penus interisset, sive quod heres iam decessisset. Nam verba hanc sententiam admittunt, nec vero legatum penus præcedit, ex quo de voluntate testatoris aliud possit colligi: proinde in re dubia verbis standum est. *L. non aliter, supr. de leg. 3.* Atque hæc, ut dixi, Papiniani distinctio et sententia est de hoc genere stipulationum, Si non stiteris, Si Pamphilum non dederis, decem dabis? quando committantur. Quæ tamen distinctio sic accipi debet in utramque partem, nisi quid aliud aperte doceatur de voluntate contrahentium aut testatoris: quæ ex re accidit, ut utraque pars distinctionis reperitur non esse perpetua. † Ac prius illud, quod dicitur, cum stipulatio huius generis una est, aut legatum unum, non ante stipulationem committi, aut legatum debere, quam certum esse ceperit conditionem impleri non posse, in his causis tribus locum non habet. Una est, cum duo fundum eundem stipulati sunt separatim sub hac conditione, si promissor eum alteri ex stipulationibus non daret. In qua specie placet stipulationem committi, simul atque promissor ab uno interpellatus alteri dare potuit eum fundum, neque dedit. *L. si Titius, 9. supr.* Voluntatis coniectura ex eo manifesta, quod aliter interpretantibus futurum fuerit, ut stipulatio sit inutilis, ut exposuimus ad *d. L. 9.* Altera est causa, cum fideiussor ita acceptus est, ut promitteret, quod reus debet, si ille non solvisset. Placeat enim hic quoque simul atque reus appellatus non solvisset, fideiussorem teneri. *L. fideiussor, §. ult. infr. de fid.* ubi et ratio redditur, quia verisimile sit id actum esse. Et recte: etsi enim fideiussoris obligatio, si per se sola spectetur, a conditione incipit; re vera tamen incipit a præcedente stipulatione rei principalis, a qua et pendet, ut accessio. §. *fideiussores, Inst. de*

de *fil.* unde et in fideiussoris obligatione semper inest tacite hæc conditio, si reus principalis non solverit eo modo, quo illum dare facere oportuit. Porro quod debuit reus principalis pure, idem et statim debuit. Quo fit, ut fideiussor idem promittens, si ille non solvisset, hoc ipsum ex natura obligationis dicere intelligatur, si ille interpellatus statim non solvisset. Tertia causa est libertatis hoc modo relicta, Stichus si Capitolium non ascenderit, liber esto: quam scripturam ita placuit accipiendam esse, si cum primum potuerit, Capitolium non ascenderit; ut cum id factum est, statim perveniat Stichus ad libertatem. *L. libertas, supr. de manum. test.* non utique favore libertatis; sed quia aliter conditionem accipientibus nullius momenti esset datio libertatis, quæ vivo contingere non posset *d. L. libertus in princ. et L. ult. de man. test.* Hoc autem aperte voluntati defuncti refragatur, qui si nollet libertatem competere, non dedisset. † Ex contrario quod dicitur, cum duæ sunt stipulationes, posteriorem penalem tunc committi, cum promissor interpellatus non dedit, aut fecit, quod erat in conditione, et quod prius se daturum aut facturum promiserat, verum non est in specie hoc loco proposita: in qua cum duæ sint stipulationes, te Lugduni sistes; et si non stiteris, quinquaginta aureos dabis? tamen Papinianus supra respondit penam non ante committi, quam fuerit declaratum reum promitteendi sisti non posse: nempe ideo, quia proposuerat id esse actum priore stipulatione, ut promissor quocumque die sisteret. † Non adversatur superiori distinctioni, sed eam confirmat *L. nuda, C. de contr. stip.* Promiserat quis nuda pollicitatione se quid facturum, et nisi fecisset, stipulanti promiserat se præstaturum id quod interest. Illic scriptum est, huius etiam obligationis post motam litem extitisse conditionem. *Post motam litem* hic interpretari debemus, non post litem contestatam, sed post litem interpellatione et nuda rei conventionem motam, etiam ante quam lis contestetur. Alioqui nec recte diceretur summa stipulatione comprehensa postea a reo peti, et lis cum eo contestari posse. Quo sensu idem statuitur in hac specie, quod de omni stipulatione huiusmodi, quæ a præcedenti conventionem incipiat, Papinianum definire diximus. Neque ideo illic refugimus litem nomen, quia nulla lis sit, ubi nulla sit actio. Arg. *L. litis, infr. de verb. sig.* aliud est enim litem esse re vera aliud

litem moveri. Hæc moveri potest etiam nullo iure, et ab eo, cui nulla sit actio: ut, hic nulla est; movetur tamen non iniuria propter conventionem, neque id frustra, cum ea conventio stipulationi pœnali locum faciat. At enim in specie superiore. *L. nuda*, non potuit promissor, a quo id petitum est, quod nuda pollicitatione promiserat, in eo moram facere: cum quod nudo pacto promittitur, iure peti non possit: *L. iuris gentium. §. sed cum nulla, et seq. super de pact.* nulla autem intelligatur mora ibi fieri, ubi nulla petitio est. *L. nulla infr. de reg. iur. L. si pupillus, infr. eod.* Non nego in ea specie promissorem non facere moram. Ne nunc quidem moram in promissore exigimus, ut illo non dante aut non faciente, quod dare aut facere prius debuit, pena sequentis stipulationis ab eo committatur. Satis est ad penam committendam, si interpellatus non dedit aut fecit, cum posset, quod prius debuit. Illique exemplo penus legatæ aperte declaratur. Cum enim testator iubet heredem penum dare, et si non dederit, iubet dare decem, sola hic decem in petitione esse constat, penum dumtaxat in solutione. *L. 1. supr. de pen. leg.* et tamen ut incipiant decem deberi, satis est, si interpellatus heres, ut penum daret, non dederit. *L. si penum, supr. quan. di. leg. ced.* Itaque quod dicitur in *L. 1. §. item si ita, supr. ad L. Falc.* penum ita legatæ decem deberi, si heres in penum solvenda moram fecerit: moram abusive accipere debemus, ut intelligamus eam cessationem, quæ vere mora foret, si potuisset penus ab herede iure exigere: quod et hic sequenti vers. apertius confirmatur.

† *Quod sine dubio verum erit.*) Dixit 30
rat Papinianus, cum ita concepta est stipulatio, Pamphilum dari spondes? si Pamphilum non dederis tantum dari spondes? simulatque per promissorem stetisset, quominus Pamphilum daret, penam deberi, et peti posse. Hoc nullam dubitationem recipere, ait, cum actum est, ut Pamphilum non dato et Pamphilus deberetur, et pena. Recte: tunc enim non solum actum est, ut Pamphilus daretur, sed etiam si promissor interpellatus Pamphilum non det, constat eum moram facere: nam si deberetur Pamphilus ex stipulatione, etiam iure Civili peti potest. *§. de constituto, Inst. de act.* iure petitum si promissor non præstat, cum nullam haberet iustam causam recusandi, moram facit. *L. mora. l. sciendum, supra, de usur.* Non est autem mi-

rum,

rum, si pœna promissa sub conditione, si promissor Pamphilum non dedisset, pœna committatur adversus eum, non solum qui simpliciter Pamphilum non dedit, sed etiam qui in eo dando moram, etoque et certam culpam admisit. Sed potuit dubitari, an idem esset probandum, si nominatim actum sit, ut si Pamphilum non dases solam pœnam deberes. Hæc enim conventionem eo res deducitur, ut non possit promissor quamvis Pamphilum non dederit, in eo moram facere. Nam si non debetur Pamphilus, nec peti poterit iure. Non est autem mora ab eo, a quo pecunia iure peti non potest, etiam per exceptionem, ut supra dixi, dicta *L. si pupillus, infra. eod. l. lecta, vers. dicebam, supra, si cer. pet.* Hinc ergo questio, an pœna committatur adversus eum ob Pamphilum non datum, qui in Pamphilo dando moram non fecit. Et Papinianus ita statuit, et si ita tantum sit, ut sola pœna non soluto homine debeat, tamen idem defendendum esse: id est nihilominus, et hoc casu pœnam committi, cum primum interpellatus promissor Pamphilum non dedit: *quoniam, inquit, fuisse voluntas probatur, ut homo solvatur, aut pecunia petatur.* Hoc sic accipe, ut homo solvatur statim, aut si statim solutus non erit, pecunia petatur. Quibus verbis non tantum quod dixerat, confirmatur, sed præcipue tacitam objectionem, quæ hic occurrebat, removet, hoc enim perinde est, ac si dixisset: non obstat, quod promissor interpellatus, ut daret Pamphilum, hoc casu moram non facit; satis est si actum sit inter contrahentes, ut promissor Pamphilum petenti statim solveret, ac nisi ita solveret, deberet pœnam: semper enim in stipulationibus sequimur, quod actum est. *L. eum, qui Cul. sup. l. semper in stipulationibus, infra, de regul. iur.* Iam vero hæc fuisse voluntas contrahentium probatur, ut Pamphilus solvatur; ut solvatur, inquam, non quovis tempore, sed statim (alioqui non efficeretur hæc ratio, quod vult) probaturque satis hæc voluntas ex eo, quod Pamphilus prius promissus est stipulatione pura: cuius hæc vis est, ut promissum statim peti possit. §. *omnis, Inst. eod.* utque hæc voluntas est, ut Pamphilus solvatur statim: ita cum subiicitur pœna, si Pamphilus non solvatur, in hac quoque repetitione eandem sententiam contrahentium esse intelligimus: si Pamphilus non solvatur statim, ut pecunia solvatur: Proinde et cum Pamphilus ita solutus non erit, pœna statim committitur: non utique ex mora, quæ in promissore nulla esse po-

Tam. XI.

luit: sed ex conventionem et sententia contrahentium, quæ sola obligationem efficere potuit. Quam omnem disputationem Papinianus huc referri apparet, ut probet stipulationem pœnalem tunc recte committi dici, cum eam committi prius dixerat: ita omnem eius tractationem in eo esse, ut ostendat, quando huius generis stipulationes committantur. Interim de pœnali stipulatione ita dicit, ut obiter ostendat, quam vim illa habeat ad mutandam priorem stipulationem. De quo quia magna est etiam inter eruditos dissensio, et ad naturam huius stipulationis, etoque et ad totum tractatum stipulationum pertinet id intelligi, locus mihi diligentius attingendus videtur.

† Ac primum id statuit, de quo multum questum est, pœnali stipulatione alii præcedenti subiecta non fieri prioris novationem, seu non tolli priorem, et in posteriorem transfundi, quanvis pœnalis stipulationis conditio existerit. Id dicere intelligitur, cum si Pamphilus ante promissa sit, et nisi datus sit, pœna: vult homine soluto ita committi pœnam, ut nihilominus debeat et Pamphilus, ut initio, non sola pœna. Quod non obscure significat, cum homine non soluto ait quidem solam pecuniam deberi, sed sub conditione, si nominatim actum sit, ut sola deberetur; hoc enim eam vim habet, si id tantum non sit, non solam pecuniam deberi, sed etiam et Pamphilum: quæ et eiusdem Papiniani collectio est in *L. 1. §. huius sup. de off. eius.* Ex eo efficiuntur cætera ad eandem vim pertinentia, de quibus et ipsis questum est. Nam si pœna commissa debetur etiam, quod priore stipulatione promissum est, ut Pamphilus, consequens est et Pamphilum adhuc peti posse non secus, quam si nulla stipulatio pœnæ esset secuta. Id enim intelligitur deberi, quod ab invito exigi potest. *L. debitor, infr. de verb. signific.* Et quoniam nulla pœnæ stipulatione secuta ita deberetur Pamphilus, ut si vellet stipulator, eum solum posset petere, eveniet hoc quoque, ut si pœna deberi cœperit, et stipulator utrumque petere simul non possit (ut non potest, nisi ut liceret, nominatim actum fuerit, de quo postea) saltem hoc sit in potestate stipulatoris, utrum velit petere pro arbitrio Pamphilumne, quem sine pœnali stipulatione citra controversiam poterat solum petere; an potius pecuniam, quam reus omnimodo promissit, si Pamphilum non dedisset. Quin etiam et illud consequens est, si commissa pœnæ stipulatione stipulator de pœna egerit, et eam consecutus sit,

93*

ta-

tamen etiam nunc et Pamphilum, et quidquid priore obligatione debebatur, peti posse, ut quod in eius aestimatione amplius est, quam in pœna, id saltem stipulator consequatur. Quæ etsi ex primo efficiuntur certo omnia, et primum illud satis aperte hoc loco statuitur: tamen ne qua sit hæsitatio, adiungemus eos locos, quibus superiora omnia probantur dilucide; et quidem ita, ut nihil referre ostendant, utrum obligatio, quæ præcessit, dandi obligatio sit, ut hoc loco, an faciendi, qualis in illis locis proponitur. Locis hi sunt, *L. prædia, supr. de act. empt. L. si quis a socio, et seq. L. duo, supr. pro soc.* Ac quominus dubitetur etiam id recte et hoc loco et superioribus illis statui, stipulatione pœnali priorem non novari, non tolli; spectetur stipulationis pœnalis finis, et in eo sententia contrahentium: tum intelligitur id aliter statui non potuisse. Constat pœnalem stipulationem adici prioris firmandæ causæ: adicitur enim, quo magis fiat id, quod prius cautum est, *§. ult. Inst. de leg.* Est autem absurdissimum dicere præcedentem stipulationem tolli ea stipulatione, quæ præcedentis firmandæ causæ adhibetur. Unde in *L. 4. §. si ex conventione, supr. de re iud.* scriptum est, si pignora accepta sint, vel fideiussores in rem iudicatam, consequens esse non cessare executionem iudicati actionis; nominatim addita hac ratione, quia cum antecesserit aliquid rei iudicatæ, non sit a re iudicata recessum. Sed huic sententiæ de pœnali stipulatione adversantur duo: primum exemplum illud penus legatæ, quod supra commemoravimus: deinde *L. obligationem fere, §. ult. supr. proz. tit.* Nam cum testator ita dixit, heres meus penum dato: si penum non dederit, centum dato; hic si heres interpellatus penum non dederit, placet deinceps centum ita deberi, ut debeantur sola, quasi priore legato in posterius transfuso. *L. si penum, supr. quan. di. leg. ced.* Quod autem minime dubiam repugnantiam habere videtur, sic Pauli verba sunt in *d. L. obligationum, §. ult. Sed si navem fieri stipulatus sum, et si non feceris, centum; videndum, utrum duæ stipulationes sint, pura et conditionalis, et existens sequentis conditio non tollat priorem; an vero transferat in se, et quasi novatio prioris fiat: quod magis verum est.*

32 De quibus iam respondebo. † Et quod ad penum legatam attinet, longe in hac speciæ alia causæ est legati, alia stipulationis. Cum enim testator ita dicit, si heres

penum non dederit, centum dato, hoc posteriore legato prius ademisse videtur eo casu, quo centum deberi cæperint; ut consequens sit ademptam penum amplius deberi non posse. Hoc ita diserte scriptum est in *d. L. si penum, quan. di. leg. ced.* In stipulatione eiusmodi longe aliter evenit. Nam cum stipulor Pamphilum; et si Pamphilum non dederis, pœnam, nemo dicet me pœnæ stipulatione a priore recessisse videri, cum ideo pœnam subiecerim, quo facilius Pamphilum consequer, quem volui, et mea intersit ob eam causam utriusque stipulationi locum esse. Quod autem attinet ac superiorem locum Pauli: si quidem is de eadem speciæ scriptus esset, de qua et hic quæ tractamus, et item illi alii quos ante indicavimus; nihil causæ esset, cur non et eum locum cum aliis, et alios cum eo pugnare diceremus. Nunc cum omnes scripti sint dissimilibus in causis, ea dissimilitudine potius admonemur non esse generaliter statuendum pœnali stipulatione nunquam præcedentis novationem fieri, aut contra semper fieri: sed videndum esse, qualis sit obligatio, quæ præcedit; ex huius conditione, utrum stipulatione pœnali novatio fiat, an non fiat, æstimandum. Quo constituto, optime inter istos omnes locos convenire reperietur, et quidem ita, ut cognitis iis, quæ dicam, nihil ad differentiam rationem aut parum requiratur. † 33 Refert igitur, utrum obligatio quæ præcedit, sit in dando, an in faciendo: et si in faciendo, utrum sit ex aliis causis constituta, quam ex stipulatione, an vero et ex stipulatione itidem, ut pœnalis, quæ subiecit. Obligatio dandi si præcedit, ut sit ea species, de qua hic Papinianus agit, Pamphilum dari; si Pamphilum non dederis, centum dari: generaliter definitum nunquam pœnali stipulatione priorem novari; non effici denique quin etsi Pamphilum non dato pecunia deberi cæperit, nihilominus tamen debeatur et Pamphilus; cum enim stipulatorem priore stipulatione Pamphilum habere voluisse constet, eiusque magis consequendi causâ pœna subiecta sit, ac nec facile quisquam pro una re pecuniam, id est, aliam rem accipiat; nihil proponitur, cur stipulatione posteriore pœnali a priore recedere voluerit. Itaque animo novandi non comperto ne ex iure quidem vetere nunquam fieret novatio, etiam auctore Paulo. Id quod si tunc verum est, cum Pamphilus deductus est in stipulationem, ubi facilius obligatio verbis contracta, verbis tolli potuit iuxta causam naturæ: *L. nihil tam naturale, infra de reg. iur.* multo magis idem proban-

bandum erit, si cum ex alia causa deberetur Pamphilus, veluti ex causa permutationis, aut cum in emptione fundi dictum esset Pamphilum accessurum, tum deinde nisi datus esset, pœna promissa sit. Hic enim hoc etiam accedit ad difficultatem novationis, quod in his causis dici non potest priorem obligationem tolli eodem genere, quo colligata est, quod regula exigit. *d. L. nihil tam naturale*. Quod si obligatio præcedens in faciendo erit; de quo genere agit Paulus in *d. L. obligationum fere*, §. ult. hic natra stipulationis statim videtur aliam inducere coniecturam. Cum enim stipulor quid fieri, id venit in stipulationem, quod mea interest. *L. si pœnam*, *supr. eod.* Ac cum pœna subicitur postea, nisi factum sit quod promissum est, constat addici eam loco quod interest, ne quantitas stipulationis sit in incerto, ut est in §. ult. *inst. eod.* ut sic propemodum non duo iam debeantur, sed una pœna. Quapropter consentaneum videri poterat, in omnibus faciendis obligationibus, ubi pœna promissa erit, pariter prioris obligationis eius quod interest, novationem fieri, ut sic desinat deberi id quod interest, sola pœna incipiat deberi. Sed ne hoc quidem placuit, si obligatio faciendi præcedens sit ea, quæ ex aliis causis nascatur, quam ex stipulatione; veluti, si convenerit in societate, ut socius quid faceret; si in emptione, ut venditor rem traderet; et si hæc facta non essent, pœna promissa sit: quæ species sunt *d. L. duo*, *supr. pro soc. et d. L. prædia*, *supr. de act. em.* In quibus placet quamvis pœna commissa, tamen integram esse actionem in id quod interest. Ac ne quis propter iudicia bonæ fidei id in supra scriptis causis receptum putet, non aliud responsum est in ea specie, cum servus manumissionis causa datus est, et nisi manumissus esset, pœna est promissa: de qua in *L. qui Romæ*, §. *Flavius*, *infra* *eod.* Sed fortasse Paulus dissensit in his causis a cæteris iuris auctoribus. Imo Paulus est ipse, qui auctor est superioris sententiæ in *d. L. duo*, *pro soc.* idem scilicet, qui et eius quæ legitur in *d. L. obligationum*, §. ult. *supr. prox. tit.* Sed hoc, ut dixi, tum visum est in priore faciendi obligatione, cum ea ex stipulatione non fuit, sed ex alio contractu, aliave causa. Quod si in obligatione priore duo concurrunt, ut et faciendi obligatio sit, et simul stipulationem habeat, quam alia stipulatio, pœnalis nimirum sequatur; hæc demum illa est species a superioribus diversa, in qua Paulus in

d. L. obligationum, ait stipulationis pœnalis existente conditione transfundi priorem et quasi novationem eius fieri. Hic ergo nobis occurrit: quid enim dissimile habet faciendi stipulatio ab alia quavis faciendi obligatione? Dicam nihil habere, si de ea ipsa obligatione quaeritur. Sed agitur de posteriore stipulatione pœnæ, quaeriturque quam vim ea habeat ad priorem novandam. Regula inris facit, ut stipulatio posterior priorem obligationem potuerit tollere, si et prior eodem modo contracta sit, id est, verbis: sin alio modo, ut non potuerit, nisi perspicue doceatur contrahentes posteriorem stipulationem pro eo consensu habuisse, quo a priore obligatione recederetur. *d. L. nihil tam naturale*, *de reg. iur.* Hæc disserui de novatione pœnalis stipulationis, tantum ut veteram sententiæ, quæ in Pandectas relatæ sunt, eorumque consensus de hoc genere intelligeretur. † Ceterum hodie 34 omnis hæc questio, et distinctio sublata est constitutione Iustiniani. *L. ult. C. de nova*. qua cautum est in universum, ne in ullis causis posteriore stipulatione novatio prioris obligationis facta intelligatur, nisi nominatim dictum sit posteriorem stipulationem novandi animo interponi. † Novatione ex hoc genere sublata, efficitur, quod dixi, pœna commissa utrumque deberi, et pœnam et Pamphilum, seu quidquid est, quod ante promissum erat, et quidem ita, ut utrumque possit peti; si non simul, de quo mox, at certe hactenus, quatenus plus erit in altero. *d. L. prædia*, *de act. em. d. L. si quis a socio*, *et seq. supr. pro soc.* Neque ut debeatur utrumque hoc modo, aperta conventionem opus est: sufficit Pamphilum simpliciter promissum, et si Pamphilus solutus non esset, pœnam. Itaque quod ait Papinianus, postquam interpellatus promissor Pamphilum non dedit, confestim pœnam peti posse, cum id actum probatur, ut si homo datus non fuerit, et homo et pecunia debeatur; intelligimus id abunde probari hoc ipso, quod nominatim cautum non erit, ut homine non soluto sola pecunia deberetur: ut liquido arguit adversativa, quæ sequitur, cum ita scribit: *sed etsi ita cautum sit ut sola pecunia non soluto homine debeatur, idem defendendum erit*. Illis enim verbis significatur tunc demum pecuniam solam deberi, cum id nominatim cautum est: alioqui contra. Neque vero hoc aliter potest fieri, si prioris obligationis non sit novatio, ut non fieri diximus. † Quod cum ita sit, ut pœnali 36 stipulatione commissa utrumque debeatur

ac peti possit, et pœna, et quod principali obligatione promissum erat, an simul utrumque peti possit, dubitatum est. Nam et principalis obligatio pura est et pœnalis stipulationis existente conditione stipulatio eo loco esse incipit, quasi esset iam ab initio pure contracta. *L. potior, supr. qui pot. in pig. hab. L. si pupillus, supr. de cond. inst.* Ut consequens videri possit, si utraque obligatio manet, etiam ex utraque sine fraude alterius agi posse. Sed conditio pœnalis stipulationis satis declarat id agi, ut stipulator altero contentus esse debeat, cum pœna promittitur hac conditione, si Pamphilus datus non erit. Fac enim eum datum esse: pœna ex conditione peti non poterit. Quia tamen non soluto homine pœna iam ante semel commissa erat; dicendum est, quamvis postea solutus sit Pamphilus, tamen ipso iure et de pœna adhuc agi posse, sed agentem doli mali exceptione summoverti. *L. 4. §. Labeo ait, supr. de dol. mal. exc.* Idem dicemus e converso, si prius pœna soluta erit; deinde stipulator petat Pamphilum: sic enim facit, ut non possit ex conditione stipulationis pœnam retinere, cum si Pamphilus illi solvatur, pœnam ex conditione consequi non debeat. Alterutro igitur, ut dixi, stipulator contentus esse debet, ut de eo responsum est, qui pactus est, ne a se peteretur, et si petitum esset, stipulatus est pœnam; is autem agente contra conventionem promissore, et exceptione uti vult, et pœnam ex stipulatu petere.

L. rescriptum, §. 1. supr. de pact. L. si pater, §. si mulier, supr. de pact. dot. Plane si nominatim actum sit, ut utrumque deberetur simul, seu utrumque simul exigere liceret, conventio servanda est. *L. pen. supr. de trans.* Idem autem actum videbitur, etsi illud, simul, adiectum non fuerit. Alioqui nequidquam caveretur, ut debeatur utrumque; cum et sine conventionione idem futurum fuerit. Arg. in *L. quoties in stipulationibus, supr. eod. L. si quando, supr. de leg. 1. †* Interim in hoc genere hoc ius manebit stipulatori, ut sit in eius potestate, utra actione experiatur; *d. L. rescriptum, §. 1. supr. de pact.* non ut in disunctivis obligationibus, cum illud aut illud debetur, accidit, ut sit in potestate promissoris, utrum solvat. *L. 2. §. Scævola, supr. de eo quod cer. loc. L. plerumque, §. ult. supr. de iur. dot.* Neque enim hic debetur illud aut illud; sed duæ sunt obligationes, quarum unaquæque separatim promittit res singulas, non plures vel coniunctim, vel disiunctim. Quid si cautum erit, ut non soluto homine debeatur solum pœna? hic pœna commissa Pamphilum non deberi certum est, cum aperta conventio quasi novatio prioris obligationis facta sit. Sed tamen et Pamphilus adhuc solvi poterit donec iudicium accipiat. *L. quid tamen, §. ult. supr. de rec. quod ad potestatem purgandæ moræ referri debet, de qua diximus ad L. si servum, §. sequitur, supr. eod.*

Ad L. Decem. 116.

Idem lib. iv. Quaestionum.

Decem stipulatus a Titio, postea quanto minus ab eo consequi posses, si a Mævio stipularis, sine dubio Mævius universi periculum potest subire. Sed et si decem petieris a Titio, Mævius non erit solutus, nisi iudicatum Titius fecerit. Paulus notat; non enim sunt duo rei Mævius et Titius eiusdem obligationis, sed Mævius sub conditione debet, si a Titio exigi non poterit. Igitur nec Titio convento Mævius liberatur, qui an debitor sit, incertum est: et solvante Titio non liberatur Mævius, qui nec tenebatur, cum conditio stipulationis deficit: nec Mævius pendente stipulationis conditione recte potest conveniri: a Mævio enim ante Titium excussum non recte petetur.

S U M M A R I A.

1. Stipulatus a Mævio quanto minus a Titio debitore consequi posses, an si nihil omnino a Titio potest consequi, totum debitum a Mævio recte petat.
2. Stipulatore in proposito cum Titio item contestante,

an Mævius liberetur, ut deinceps nec totum neque pars debet ab eo possit peti.

3. Ex stipulatione proposita cum Mævio quando recte agatur.

1 D Ecem a Titio stipulatus, postea quanto minus ab eo consequi possem, stipulator a Mævio. Tria hic quaeruntur de Mævio.

Illud primum, si a Titio debitore meo nihil omnino possim consequi, an totum, quod ille debuit, possim a Mævio petere, ut

ut sic Mævius periculum totius debiti subeat. Verba stipulationis videntur repugnare: is enim proprie dicitur minus consequi, qui aliquid ex toto consequitur, minus tamen quam totum, quoniam hoc verbum minus comparationem habet. Sed placuit ex usu loquendi Latinorum etiam cum recte dici minus consequi, qui omnino nihil consequatur. *L. minus. 32. L. ita. 150. infr. de verb. sig.* Quod intelligi poterit ex huiusmodi oratione; *nihil obstat, quominus id facias*: ubi hoc omnes dici intelligunt, nihil obstat, cur non facias, qualis illa est in *L. liber. seq. quid aliud dici potest, quominus liber homo teneatur?* pro, cur non teneatur. Ex hoc usu respondet hoc loco Papinianus Mævium in hac specie posse universi periculum subire, significans accidere posse, ut totum ab illo peti possit: quod tunc continget, cum ego a Titio debitore nihil consecutus fuero. Atque hoc ita est, si extra iudicium nihil ab illo consequi poterim. † Quod si cum Titio prius iudicio egerim, hic altera questio introducitur, an eo facto Mævius sit liberatus, ut deinceps neque totum, neque partem debiti ab eo possim petere. Respondet Papinianus Mævium non esse solutum, nisi iudicatum Titius fecerit. In hac parte responsi duo notat Paulus. Primum rationem reddit, cur convento Titio debitore meo, quamvis iudicio id factum sit, non eo minus teneatur adhuc Mævius: *non enim, inquit, sunt duo rei eiusdem obligationis Mævius et Titius.* Significat, si hic duo rei debendi essent, dici potuisse re ab uno petita alterum liberari, ut velolim ins fuit, vel certe fuit quorundam sententia, ut indicat *L. 2. infr. de duob. reb. adversus quam propterea constitutione Iustiniani opus fuerit, quæ est L. ult. C. de fid.* nunc autem hoc in proposito metuendum non esse, quia hic non sint duo rei debendi. Non esse probat, quia Mævius debeat sub conditione, si a Titio exigi non poterit; hic enim fieri recte colligit, ut quando Titio convento incertum erit, an ab eo possit exigi, tandiu non possit dici Mævius reus esse, utpote pendente obliga-

tionis eius conditione. *L. cedere, infr. de verb. sig.* proinde nec possit dici liberari, qui an debitor sit, incertum est. Sed ut prius confirmat Paulus, quod de Mævio non liberato Papinianus respondit, si forte Titius iudicatum non fecisset: ita reprehendit alterum in superiore responso, quod ex contrario significat Papinianus Mævium videlicet liberatum iri, si Titius debitor meus iudicatum fecerit. Idque agit in illis verbis; et *solvente*, ad hanc sententiam: non debuit Papinianus dicere Titio solvente liberari Mævium: quia non liberatur, qui nec tenebatur. Recte. Non est enim solutus aut liberatio, nisi eius, qui aliquo vinculo tenebatur, quo solutus liber dimittitur: uti nec manumissio nisi eius, qui prius tenebatur manu. *Inst. de liber. in pr.* Iam vero solvente Titin in hac specie Mævium nunquam debuisset ostendit: debuit enim sub conditione, si Titius non solvisset: quo fit, ut illo solvente nulla sit Mævii obligatio, cum conditio stipulationis defecerit. His verbis atque hac nota voluit Paulus intelligi in proposito melius ita dicturum fuisse Papinianum, si decem petiero a Titio debitore meo, non ideo certum esse incipit Mævium non teneri, nisi et iudicatum Titius fecerit. † Tertia questio est superiori consequens: si Titio convento non liberatur Mævius, an non videatur dici debere hinc casu statim cum Mævio agi posse, et in summa quando cum illo agi possit ex hâc stipulatione. Paulus in extremis illis verbis, *nec Mævius pendente*, ostendit, non si Mævius convento Titio non liberatur, ideo statim cum illo agi posse: in summa autem Mævium pendente stipulationis conditione recte conveniri non posse: in proposito vero conditionem hanc, quod a Titio consequi non potuero, sic impleri, non si egero cum Titio tantum, neque statim ab illo consecutus fuero, quod petii; sed si egero cum illo, et perfecero, ut condemnaretur: neque hoc satis, sed ita si ex causa iudiciali facultates eius exhausero, ut omnibus ex causis constaret cum non habere, unde solvat.

Ad L.

*Ad L Si centum. 117.**Idem lib. xii. Quaestionum.*

Si centum homines quos ego heresve meus elegeret, stipulatus, antequam eligereim, duos heredes reliquero: numero dividitur stipulatio. Diversum erit si iam electis hominibus successerint.

SUMMARIUM.

1. *Stipulatore, qui centum homines, quos elegeret, est stipulatus, mortuo, quomodo inter heredes stipulatio dividatur.*

1. **C**Entum homines, quos stipulator eligeret, in stipulatum deducti, genera sunt prius, quam stipulator eos elegerit: postquam elegerit, fiunt iam certa corpora, et species, quæ stipulatione debeantur. Si generum stipulatio numero dividitur inter heredes stipulatoris: specierum stipulatio, ita ut partes corporum cuique

debeantur, ut traditum est in *L. in stipulationibus, supr. cod.* non potuit in specie proposita aliud responderi, quam quod hic respondetur, ante electionem stipulatore mortuo dividi stipulationem numero inter eius heredes: hominibus electis si decesserit, corporum divisionem fieri.

*Ad L. Liber homo. 118.**Idem lib. xxvii. Quaestionum.*

Liber homo qui bona fide servit mihi, quod stipulanti mihi promittit, prope est ut omni modo sit utile, quamvis ex re mea promittat. Nam quid aliud dici potest quominus liber homo teneatur? Nec tamen ideo si stipulanti eidem ex eadem causa spondeam, tenebor. Quemadmodum etenim habebit eius actionem adversum me, quod ab alio stipulatus quaereret mihi? Hoc itaque latere, fructuario servo, vel alieno qui bona fide servit, comparabitur. Servus autem fructuario si promittat ex re ipsius, vel alienus qui bona fide servit, emptori: nulla de peculio dabitur in dominum actio. Nam in his causis domini esse intelliguntur.

SUMMARIUM.

1. *Liber homo bona fide serviens, quatenus comparatur servis alienis: et qua in re ab iis differat.*

2. *Liber homo bona fide possessus, si possessori stipu-*

lanti quid promittat, utilis est stipulatio.

3. *Libero homini bona fide possesso stipulanti possessor promittens an obligetur.*

1. **L**iber homo, qui bona fide possidet, prope modum per omnia comparatur servis alienis, cum de contractu eorum, et rebus per eos acquirendis agitur, ut constat ex §. de his, et §. idem placet, *Inst. per quas pers. nob. acquir.* *L. acquiruntur, supr. de acquir. rer. dom.* Una hac in re differunt, quæ hic explicatur, quod servus alienus promittere utiliter nihil potest ei, a quo bona fide possidet, aut ei, qui in servo usumfructum habet, si modo promittat ex re possessoris, aut fructuarii: propterea quod nemo est, qui hic obligetur, aut possit ex eo contractu conveniri. Servum ipsum ex contractu iure Civili non obligari certum est. *L. servi, supr. prox. tit. §. item inut. Inst. de inut. stip.* Sed nec

dominus hoc casu de peculio teneri potest, ut hic scriptum est in extremo: quia cum servus ex re possessoris aut fructuarii promittit, ipse possessor et fructuarius pro dominis habentur, cum ex hac causa illis acquiratur, ut dominis. *d. §. de his autem, et seq. †* At liber homo, qui bona fide servit, si possessoris stipulanti promittat, nihil obstat, quominus promittat utiliter. Est enim hic, qui recte obligetur etiam civiliter: ipse videlicet, qui promittit; quia liber est re vera, cuius persona obligationis est capax. Nec ad rem pertinet, quod pro servo habetur. Non enim eo minus est liber: quoniam opinio nostra veritatem naturæ non mutat. *L. cum falsa, C. de iur. et fac. ign. L. assumptio, infr. ad munic.*

† Hinc

3 † Hinc tractat Papinianus, si vice versa liber homo, qui bona fide possidatur, stipuletur a possessore sibi dari, an possessorem sibi obligat. Nam cum sit liber, nihil videtur ne hic quidem obstande, quomodo ut obligatio, sic petitio in persona eius recte consistat. Negat Papinianus possessorem illi obligari hac ratione. Nam si liber homo bona fide possessus stipuletur ab alio ex re bonæ fidei possessoris, stipulatio possessori acquiritur. *d. §. de his, et seq.* multo ergo magis, si quid stipuletur idem a possessore suo ex re eius, id ipsi acquiritur.

Quod si liber homo hanc stipulationem possessori acquirit, consistere obligatio non potest; ne incipiat dici possessorem eodem tempore et debitorem esse, quia promisit, et eundem creditorem, quia stipulatio illi quæsitæ est. Quod natura non patitur. *L. Stichum, §. aditio, infr. de sol.* Unde apparet, quod Papinianus dicit, etiam hoc latere liberum hominem, qui bona fide servit, servo alieno bona fide possessore aut fructuario esse similem: *hoc latere*, id est, etiam hac in parte.

Ad §. Decem hodie.

Decem hodie dari spondes? Dixi posse vel eo die pecuniam peti, nec videri præsturius agi non finito stipulationis die: quod in aliis temporibus iuris est. Nam peti non debet quod intra tempus comprehensum solvi potest. In proposito enim diem non differendæ actionis insertum videri, sed quo præsens ostendatur esse responsum.

SUMMARIUM.

1. *Diem adiectum differre solutionem, donec dies præterierit, quomodo accipiendum.*

1 Q UOD dicitur diem adiectum differre solutionem donec dies præterierit. *L. Centesima, l. qui hoc anno, sup. eod.* sic accipiendum est, nisi constiterit diem adie-

ctum non esse differendæ obligationis causa: quod accidit, cum stipulor mihi hodie dari. De quo dixi ad *L. eum, qui Calendis, §. ult. supr.*

Ad §. Decem mihi aut Titio.

Decem mihi aut, Titio, uti ego velim, dare spondes? Ex eo quod mihi dandum est, certi stipulatio: est ex eo quod illi solvendum, incerti. Finge mea interesse, Titio potius quam mihi solvi, quoniam pœnam promiseram, si Titio solutum non fuisset.

SUMMARIA.

1. *Stipulor decem sibi aut Titio non potest agere cum promittore ab id. quod Titio non solvat, etiam si ei solvi stipulator velit, et huius id fieri interit: aliud est, si sibi aut Titio decem, utrum velit, quis stipuletur.*

2. *Stipulatio hæc. Mihi aut Titio decem utrum velim, si dari velim, certi est.*

3. *Stipulatio eadem, si velim solvi Titio, incerti.*

4. *In stipulatione proposita cum certa quantitate in utriusque persona expressa est, cum non utriusque persona sit certi stipulatio.*

5. *Definitio generalis de stipulationibus in certam locum, tempus, personam collata.*

1 C U M stipulor decem mihi aut Titio, non modo hic Titio nihil acquiritur, de quo inter omnes convenit: *L. stipulatio ista, §. alteri sup.* sed nec ipsa agere possum cum promissore ob id, quod Titio non solvat, etiam si ei solvi velim, et mea interit id fieri: quia non sum stipulatus absolute dari Titio; sed mihi aut Titio: quæ disiunctio tribuit promissori electionem, utri solvat. *L. 2 §. Scævola, sup. de eo quod cer. lo. §. plane, Instit. de inutil. stipulatio.* At si stipulor mihi aut Titio decem, utrum velim: hic manifestum est

id agi, ut mihi solvatur, si velim: aut si malim, ut solvatur Titio. Hinc queritur, eiusmodi stipulatione interposita, an et quæ sit mihi adversus promissorem actio sive mihi dari velim, sive Titio, si non datur, ut volo. † Papinianus respondet, si mihi 2 dari velim, stipulationem certi asse: quo significat ei me decem petere posse, et in eam rem esse certi conditionem. *L. stipulationum quædam, supr. Instit. eod. in prin.* † si velim solvi Titio, stipulationem 3 esse incerti. Quo verbo duo litidem contraria complectitur, et incertum hac parte sti-

pulatione contineri, ut peti possit; et peti id actione incerti seu ex stipulatu. *Instit. eod. in princip. et L. ult. supra, si quis in ius voc.* † Sed quomodo hac parte incerta est stipulatio, cum id actum sit, ut Titio darentur decem itidem ut mihi, quæ quidem non minus in persona Titii certa sunt, quam in mea? Et si quidem stipulatione effici posset, ut non minus ex ea possem decem petere Titii nomine, quam possum meo, dici nihil posset, quin ex utriusque persona esset certa et certi stipulatio. Nunc autem Titio dari frustra stipulor, nisi mea intersit illi dari, et cum mea interest, haecenus solum possum ex ea experiri, quatenus interest. *L. stipulatio ista, §. stipuler, supra, eod.* Quo fit, ut haecenus quoque continueatur incertum stipulatione. Semper enim incertum id, quod interest, cum fieri possit, ut nihil intersit; interdum ut

minoris, quam decem; nonnunquam ut pluris: veluti, si penam promiseram, si Titio solum non fuisset, ut hic Papinianus ait. Idem in *L. si quis stipulatus. 112. §. ult. supr. L. si quis ab alio, supr. de re iud.* qua ratione semper in faciendi obligationibus dicitur incertum contineri. *L. ubi autem, §. qui id, quod, supr. eod.* quoniam venit in stipulationem id quod mea interest. *L. si penam, supr. eod.* † Illud hoc loco generaliter notandum est, quoties stipulamur aliquid dari aut certo loco, aut certo tempore, aut personæ certæ, toties stipulationem in eam utilitatem collatam videri, quæ utilitas percipi potuit ex eo loco, tempore, persona. De loco est in *L. 2. §. ult. supr. de eo quod cer. lo.* De tempore in *L. si fundum, supr. eod.* De persona est hic locus.

Ad L. Doli clausula. 119.

Expositus est hic locus ad *L. stipulationes commodissimum 53. supr. eod.*

Ad L. Si ita stipulatus. 120.

Idem lib. xxxvii. Quaestionum.

Si ita stipulatus fuero, *Hanc summam centum aureorum dari spondes?* etsi maxime ita exaudiatur ille sermo, *Si modo centum aureorum est*, non fecit conditionem hæc adiectio, quoniam si centum non sint, stipulatio nulla est. Nec placuit instar habere conditionis sermonem qui non ad futurum, sed ad præsens tempus refertur, et si contrahentes rei veritatem ignorant.

S U M M A R I A.

1. Species huius legis, et ex ea quæstiones duæ.

2. Stipulatio hæc, *Hanc summam Centum aureorum dare spondes?* non est conditionalis.

3. Verba hæc, *Centum aureorum*, utrum vi sua hanc

adiectionem contineat, *Si modo centum aureorum sit summa.*

4. Demonstratio et causa falsa ut legato non nocet, sic nec stipulationi.

1 CUM esset certa summa in sacculo, aut in arca, quæ in conspectu erat, ac summam putaremus esse centum aureorum, ego eam summam digito demonstrans ita sum stipulatus, hanc summam centum aureorum dare spondes? Si summa postea reperiatur centum aureorum non esse, hic duæ sunt quæstiones. Una, eaque prior natura; utrum hæc verba, *centum aureorum*, contineant hanc adiectionem, si modo centum aureorum sit summa, an non contineant. Altera, si continent, utrum ea adiectio habeat conditionem, necne. Papinianus hoc loco priorem non attingit. † De posteriore ita respondet, ut dicat etiam si admiserimus superioribus verbis eam adiectionem con-

tineri; tamen eam orationem conditionem non facere: hac ratione, quod conditio rem differat in aliquem casum. §. *sub conditione, Inst. eod.* hac autem adiectione nihil differatur: cum si summa centum aureorum est, debeatur statim; si non est, statim nulla sit obligatio. Quo responso Papinianus eam vim exprimit, quam esse diximus conditionum in præsens, aut præteritum tempus conceptarum ad *L. conditiones, supr. eod.* Sed diligenter animadvertendum est, totum hoc responsum esse ex hypothese: id est, hoc concessio, in his verbis, *hanc summam centum aureorum*, inesse hanc adiectionem, si modo centum aureorum esset, cum hoc quæreretur, an hæc adiectio haberet conditionem: quo modo

accipienda sunt illa verba *etsi maxime ita exaudiatur ille sermo, si modo centum aureorum est*: dictum enim hoc est non affirmantis modo, sed ex concessione; quasi ita diceretur; etsi maxime velimus hunc sermonem ita exaudiri (quod interdum faciendum est: quid enim si id actum sit nominatim, ut deberetur ea summa, si esset centum aureorum?) tamen ne sic quidem
 3 hæc oratio conditionem habebit. † Cæterum si de eo quæretur, an hæc verba, *hanc summam centum aureorum*, eam adiectionem vi sua contineant, quam dixi,

ut nisi ea summa erit integra, nulla sit stipulatio: dicemus non continere, sed quidquid erit in ea summa, quæ demonstrata est, id deberi: quod diserte scriptum est in *L. si servus legatus*. 108. §. *qui quinque*, *supr. de leg.* 1. Et certe hæc verba, *centum aureorum*, demonstrationem habent: sunt enim adiecta summæ amplius declarandæ et demonstrandæ causæ. † Porro falsa demonstratio ut legato non nocet; sic nec stipulationi, quemadmodum nec falsa causæ: de quo diximus ad *L. si divortio*, *supra*, *eod.*

Ad L. Ex ea parte. 121.

Idem lib. xi. Responsorum.

Ex ea parte cautionis, *Dolum malum huic rei promissionique abesse abfuturumque esse stipulatus est ille, spopondit ille*: incerti agetur stipulationis utiliter interponendæ gratia.

S U M M A R I A.

1. Species huic loco accommodata.

2. Doli clausula quam vim habent.

1 FUNDUM inutiliter stipulor non adiecto nomine; triticum inutiliter non adiecta quantitate, *L. ita stipulatus*, *sup. eod.* Propono hoc modo: cum ageretur inter nos de fundo Tusculano dando, per oblivionem fundum generaliter a te stipulatus sum sub conditione, si navis veniret ex Asia; et adieci doli clausulam, cavens huic promissioni dolum malum abesse, abfuturumque esse: pendente conditione, dum meo ne testes decedant, qui interfuerunt,

cum de fundo Tusculano dando inter nos ageretur; petii a te, ut mihi fundum ipsum Tusculanum adiecto nomine promitteres, recusas. Quæritur, an id possim aliqua actione abs te consequi. † Papinianus respondet posse me agere in eam rem incerti; nempe in id quod interest ex superiore doli clausula; qua consequar, ut stipulatio, quæ secundum verba inutiliter interposita est, denovo a te utiliter interponatur.

Ad . Mulier ab eo.

Mulier ab eo in cuius matrimonium conveniebat, stipulata fuerat ducenta, si concubinæ tempore matrimonii consuetudinem repetisset. Nihil causæ esse respondi, cur ex stipulatu quæ ex bonis moribus concepta fuerat, mulier impleta conditione pecuniam adsequi non possit.

S U M M A R I A.

1. Ex stipulatione hæc, *Decem dabis, si quis Capitolium ascenderit?* et similibus, an impleta conditione pecunia debeatur.

2. Pecunia mulieri promissa sub hac conditione, si maritus constante matrimonio concubinæ consuetudinem repetisset, an impleta conditione debeatur.

3. Concubinam constante matrimonio habere an turpe Romanis habitum, et an legibus olim prohibuitur.

4. Maritus ob concubinæ consuetudinem causam divortii olim non præbuit.

5. Promittens ob maleficium non fiat, an obligetur.

1 CUM quid promittitur sub conditione, si quid factum sit, ubi nec stipulantis interest id factum non esse, nec ullum in eo factum est, quod proficiscatur a stipulatore, veluti, decem dabis, si quis Capitolium ascenderit? quæri solet, an imple-

Toni. XI.

ta conditione pecunia debeatur, quia est promissa, an non debeatur, quasi nulla causæ dandi intercedente. Et traditur in *L. a Titio*, *supr.* deberi, quæcunque sit conditio, sub qua pecunia promissa sit. † Ad eandem dubitationem et regulam re-

94*

fer-

ferri debet, quod hic quæritur, pecunia mulieri promissa sub hac conditione, si maritus constante matrimonio concubinæ consuetudinem repetisset, an marito eius consuetudinem repetente, idest, impleta conditione pecunia debeatur. Est enim et hic pecunia mulieri promissa sub conditione, si quid factum esset, quamvis nec mulier quidquam fecerit, propter quod pecuniam acciperet, et eius pecuniariter nihil intersit concubinam non induci. Ideo placet hic quoque ex eadem illa definitione nihil causæ esse, cur non mulier impleta conditione pecuniam possit consequi: non utique solum, quia factum mariti turpe fuerit, et ob id stipulatio ex bonis moribus; sed hoc ipso, quod conditio extiterit, etiam si nihil aliud accederet: nam etsi quid maritus non fecisset turpe, cum stipulationis conditio exigeret, ne faceret, idem iuris foret, ut dixi. *d. L. a Titio*. Cur igitur hic respondetur nihil causæ esse, cur mulier non possit pecuniam consequi ex ea stipulatione, quæ ex bonis moribus concepta fuerat: augendi causa, ut intelligeretur ideo hoc iustius responderi in specie proposita, quam in cæteris, quod aliis conditionibus impletis, quæ ex facto promissoris non pendent, aut ex facto non turpi, sola voluntas promissorem obligat; in hac autem specie præter voluntatem promissoris etiam rei æquitas et honestas stipulationem tuetur, quia delicti, et rei inhonestæ pœna promittitur: expedit autem delicti metui pœnam.

3 *L. si unus, §. pacta, supr. de pact.* † Dixit aliquis, non fuisse olim turpe lure Romanorum etiam constante matrimonio concubinam habere, idque ex eo existimari licere, quod Constantinus constitutione effecerit, ne cuiquam licentia concedatur constante matrimonio concubinam penes se habere. *L. unica, C. de conc.* quæ constitutio supervacua est, si et ante habere non licuit. Sed aliud est, turpe id habitum non fuisse, aliud non fuisse prohibitum. Semper turpe habitum fuit apud bonos et graves viros id facere. Itaque omnia etiam honesta et ex bonis moribus conventio semper habita, quæ id factum prohiberet, ut hic locus indicat: sed sive errore, sive sæculi licentia obtinebat, ut liceret facere:

certe non erat legibus prohibitum, † us- 4 que adeo ut si mulier ob hanc causam vellet a marito divertere, posset quidem ex iure communi Romanorum, quo et sine causa id facere licebat: *L. Titia, infr. eod.* sed non ita, ut ob hoc factum dici posset maritus causam divortii præbuisse. Permissum quidem est libertæ uxori ob hanc causam divertere a patrono: *L. ult. in fin. supr. de divor. sed permissum, ut potestatem divertendi ex iure communi acciperet, quam prius non habebat: non autem, ut dici posset divortii causam accepisse a patrono: alioqui si ea gratia id cavebatur, debuit generaliter de omnibus uxoris cavere. Constantinus autem non tantum id facere turpe putavit, ut antea existimabatur, sed etiam licentiam contra faciendi sustulit. Qua constitutione magis superior stipulatio confirmata est. Nihil admodum necesse est hic quærere, cur placet pœnam promitti non posse, si maritus ab uxore diverterit; *L. Titia, infr. eod. L. 3. C. de inutilib. stipulation.* promitti autem eam utiliter, si maritus concubinam in matrimonium induxerit. Hoc enim citra controversiam turpe, quod proinde et pœna coerceri honestum est: divertere autem licere etiam honestum et utile Reipublicæ apud Romanos est habitum, ut consequens esset videri contra bonos mores eam libertatem pœnis adstringi. *d. L. Titia, infr.* † Quod in *L. iurisgentium, §. si ob malef-* 5 *cium, supr. de pact.* ita scriptum est; *si ob maleficium, ne fiat, promissum sit, nulla est obligatio ex hac conventionē; huius loco non adversatur. Hoc enim dictum est de eo, de quo id agitur, ne fiat a stipulatore, et ob non factum ei quid promittitur: veluti, ne hominem occidat, et si non occiderit, ei ipsi pecunia promittitur. Quam quidem ille stipulatur turpiter, eius rei videlicet nomine, quam coactus legibus præstare debuit. *L. 2. supr. de cond. ob tur. caus.* Hic contra promittitur quidem pecunia, ne quid turpe fiat, sed ne fiat a promissore, et ob factum, non ob factum promittitur, ut sit nimirum hic delicti pœna; quam recte constitui, et exigi iam diximus.**

Ad §.

Ad §. In insulam deportato.

In insulam deportato reo promittendi, stipulatio ita concepta, cum morieris, dari? non nisi moriente eo committitur.

SUMMARIA.

1. Stipulatio ita concepta, Cum morieris, an deportationem committatur.

2. Deportati pro mortuis quando habeantur.

1. Stipulatus sum a Titio, decem eum morietur, mihi dari: is deinde deportatus est: queritur, an stipulatio sit commissaria, quasi eo facto mortuo promissore, et conditione impleta. Movet, quod innumeris in causis receptum est deportatos pro mortuis haberi, L. 1. pen. sup. de bon. pos. cont. tab. L. sed si mors, sup. de do. int. vi. et ux. L. 4. §. pen. sup. de bon. lib. L. actionem, §. publicatione, sup. pro soc. et sunt illi quidem pro mortuis non ab re: ut enim eives morte, sic deportatione eximuntur ex numero civium. §. 1. Inst. quib. mo. ius. pat. pot. sol. Respondet Papinianus non nisi vere moriente promissore stipulationem committi. Recte: re enim vera deportatio mors non est, et qui in

numero civium non vivit deportatus, nihilominus vivit natura. † Nihil obstant ii loci, quibus traditur deportatos haberi pro mortuis. Id enim tunc locum habet ex loquentia sententia, cum eum, qui de mortuo loquitur, verisimile est idam admittere et in eo, qui est deportatus: quæ coniectura in promittentem non cadit, cuius interest non teneri ultra, quam verbo continetur. Quod si in verbo ambiguo id sequimur, quod promissori prodest, stipulatori nocet: L. stipulatio ista, §. in stipulationibus, L. quidquid, sup. quanto magis in certa et non ambigua significatione proprietatem verbi retinebimus, quæ sit pro promissore?

Ad §. Ex facto rei promittendi.

Ex facto rei promittendi, doli stipulatio heredem eius tenet: sicut ex cæteris aliis contractibus: veluti mandati, depositi.

SUMMARIA.

1. Heredes in penam aut non succedunt, et quando hoc receptum sit.

2. Actiones rei persecutorie ex contractibus venientes in heredes dantur, licet delictum quoque in his versetur, et n. 4.

3. Ex deposito amittitur, insensibilis, ruina, naufragii causa, actio ex dolo furti in heredem in simplicem, an in duplum datur.

5. §. Aliquando, lxxvi. de perp. et temp. act. explicatur.

1. Et si conditio heredis exigere videbatur, ut qui universi iuris successor est L. heres in omne, sup. de acquir. her. qui in ius et locum defuncti succedere dicitur, L. quidam, §. 1. sup. de eden. idem non tantum commodo defuncti susciperet, sed etiam incommoda, iisdemque et actionibus et oneribus sine exceptione subliicaretur, quibus defunctus: id tamen aliis in causis omnibus receptum, L. 1. 2. et 3. sup. de bon. poss. L. more, sup. de acquir. her. in una hac non placuit, si actio qua tenebatur defunctus, penam delicti persequatur. De quo ita constitutum est, heredes penam non teneri; in penam heredem non succedere. L. constitutionibus, supra, prox. tit. L. pen. sup. de op. no. nunc. Quod est æquissimum; non ea

tantum ratione, quæ redditur in L. si pœna, infra, de pœn. quia pœna constituitur in emendationem hominum; quæ mortuo eo in quem constituitur, desinit: sed illa potius, quod cum pœna constituitur coercendi delicti causa: L. aliud est fraus, sup. de verbor. signific. consentaneum sit, ut peccata teneant suos auctores, nec longius progrediatur metus, quam fuerit delictum, ut et constitutum est L. sancimus, C. de pœ. Videri autem potuit generaliter pœna delicti esse, cum defunctus ita quod dolo fecit, ut nihil inde ad eum perveniret, et tamen teneretur eo nomine: ac proinde cum quid huiusmodi accidit, dici posse heredes non teneri. Sed hoc tunc receptum est, cum obligatio pœnæ ex delicto defuncti originem habet. Unde iuris regula, ex maleficiis

ciis pœnales actiones in heredem rei non competere. §. *non autem*, *Iust. de per. et tem. act.* † Quod si ex contractu obligatio veniat, hoc ipso actio rei persecutionem habere videtur, non pœna. *L. si hominem, §. datur, supr. dep. §. sequens, Inst. de act.* Inde rursum illa altera regula iuris, in quos hæ actiones competant; ex contractibus venientes actiones in heredes dari, licet delictum quoque versetur, veluti cum tutor in tutela gerenda dolo fecerit, aut is apud quem depositum est. *L. ex contractibus, L. ex depositi, supr. proz. tit.* Est autem et stipulatio contractus. *L. non solum, supr. proz. tit.* quapropter quod de cæteris contractibus hic definitum est, etiam ad stipulationem pertinet, ut ibidem traditur: veluti si proponas promissorem dolo quid fecisse, ex quo adversus eum ex stipulatu actio sit; quod tunc fit, cum stipulatio doli est interposita. Hic non solum ex ea causa tenebitur promissor, sed etiam eo mortuo heres eius, quamvis ad eum nihil inde pervenerit. Nec metuemus, ne videatur hoc modo heres in pœnam succedere contra constitutiones: cum hic, ut dixi, non pœna versetur, sed rei persecutio; propterea quod id solum præstet, quod abest stipulatori. † Plane si præter id, quod creditoris interest, exigatur aliquid amplius a debitore, lege hoc ita adversus eum constituyente delicti eius coercendi causa: pœna id erit, non rei persecutio, etiam si sit delictum in re ad contractum pertinente admissum. Quod enim excedit id quod interest, id contractu non continetur: ut fit in deposito, cum quid tumultus, incendiū, ruina, naufragii causa depositum est: ubi si quid dolo fit ab eo, qui accepit, actio in duplum constituitur. *L. 1. supr. dep. quæ actio in simplum rei persecutoria est: in id quod excedit, pœnam continet: unde et mixta dicitur a Iustiniano in d. §. sequens, vers. plana Inst. de act.* Idcirco placuit hanc actionem

ex dolo defuncti in heredem in duplum non dari, quia in eo duplo sit pœna: sed tamen non eo minus ex hac causa dari in simplum, quia hactenus ex contractu sit et rei persecutione. *d. L. 1. et L. de eo supr. depos. †* Quod si nihil amplius persequatur ex contractu actio, quam id quod contractus proprium est, id est, id quod interest, ius hoc constitutum esse debet, quamvis in eo contractu debitor dolose versatus ex eo facto cæperit teneri, ut maxime nihil ex eo dolo ad debitorem pervenerit, tamen actionem etiam in heredem competere. *d. L. si hominem, §. datur, dep. d. L. ex contractibus, supr. proz. tit. †* Sed hic nos impediunt verba Iustiniani, quæ leguntur in §. *aliquando, Inst. de per. et tem. act. Aliquando tamen*, inquit, *etiam ex contractu actio contra heredem non competit: veluti, cum testator dolose versatus sit, et ad heredem eius nihil ex eo dolo pervenit.* Et sane superiori sententiæ contraria sint, si in posteriore membro, quod explanationis loco subiicitur, hæc tantum verba subintelligamus, ex contractu actio contra heredem non competit, quæ verba prius præcesserant. Nec multum profuerit, si quis divinando detraxerit particulam, *veluti*, contra fidem Codicum: nam et tum idem contextus futurus est. Sed in posteriore membro totum prius repetendum est; tum optime ille locus cum aliis consentiet. Est ergo hic sensus: veluti, cum testator dolose versatus sit, et ad heredem eius nihil pervenit, subaudi: fiet hoc casu, non ut actio semper contra heredem non competat, sed ut aliquando non competat, ut erat propositum. Verum est autem, cum defunctus dolo versatus est in contractu, aliquando in heredem actionem non dari; quod accidit in deposito, ut supra ostendimus. Idemque fieret, et si quis alius esset contractus, in quo ultra id quod creditor abest, constitueretur alicuius summæ persecutio.

Ad L. Qui Romæ. 122.

Scaevola libro xxviii. Digestorum.

Qui Romæ mutuum pecuniam acceperat solvendam in longinqua provinciâ per menses tres, eamque ibi dari stipulanti spopondisset: post paucos dies Romæ testato creditori dixit, paratum se esse Romæ eam numerare, detracta ea summa quam creditori suo usurarum nomine dederat. Quæsitum est, cum in integrum summam qua stipulatione obligatus est, obtulerit, an eo loco in quo solvenda promissa est, sua die integra peti posset. Respondit, posse stipulatorem sua die ibi ubi solvendam stipulatus est, petere.

SUMMARI A.

1. *Hypothesis proposita in princ. huius legis.*
2. *Quæstio, respondens Scævola, eiusque ratio.*
3. *Oblatio inopinatæ loco facta non liberat debitorem.*
4. *Oblationis effectus, ubi locus solutionis non est expressus.*
5. *Die certo nominatim solutioni dicto, an liceat debi-*

tori, pecuniam ante offerendo, usurarum præstationem evitare.

6. *Dies iuris interventionibus creditorum, an vero debitoris causa adiciatur.*
7. *Pactio, ut, qui pecuniam post annum sub usuris præstat, an liceat ei ante annum invito creditore solvere, an valeat.*

1 DEBITOR Romæ mutuum pecuniam accepit, solvendam in longinqua provincia, puta Ephesi, idque per menses tres; ut est lectio Pandectarum Flor. id est, ita solvendam, ut asset potestas solvendi per spatium trium mensium. Quo non significatur eam solvi posse particulatim distributis per singulos menses pensionibus hoc enim modo non solvitur tota per tres menses, sed partes tantum: de tota autem per tres menses solvenda convenit. Nec ad rem pertinet quod postrema pensione tertio mense soluta evenit, ut tota pecunia soluta intelligatur. Ideo enim hoc evenit, quia post tres menses incipit esse soluta: non quia per tres menses præcedentes soluta fuerit. Significatur igitur id cautum esse, ut pecunia per tres menses, et quod idem est, intra tres menses solvere liceret, ut ante quidem non posset exigi, quam tres menses præterissent; veruntamen et intra tres menses debitori potestas esset solvendi, si vellet. Quod consulto adiectum videtur, quia facit ad ambigendi causam. Nam si dictum asset, post tres menses, posset dubitari, an non nisi finitis tribus mensibus posset solvi invito creditore. At ubi dictum est licere per tres menses, dubitatio est sublata: ostenditur enim intra eos menses tres etiam statim solvere licere: quod statim exigi non poterat, ut fieret, si pecunia accepta esset solvenda intra tres menses. *L. si ita fuerit, 41. §. ult. supr. de manu. test.* Convenerat autem etiam inter creditorem et promissorem de usuris præstandis, quas et debitor prærogaverat vel in menses tras tutos, quibus pecunia nti constituerat, vel in unum aut alterum mensem. Facilitate statim solvendi ita accepta, uti supra scriptum est; hæc usus debitor post paucos dies pecuniam obtulit creditori detracta ea summa, quam usurarum nomina dederat: id est, totam sortem, quam debebat, excepta ea summa, quam usurarum nomine prærogaverat, quod vellet eam summam in reliquum quod sorti deerat, imputari, utpote indebitum solutum. Sed obtulit Romæ contra legem stipulationis, qua actum erat, ut pecunia solveretur Ephesi. Quam ob rem cre-

ditor accipere recusavit. † Quæsitum est; 2 an sua die, id est, finitis tribus mensibus, integra peti possit eo loco, quo solvenda promissa est. Respondet Scævola peti posse. An quod hic fuit tantum debitoris obligatio, quæ sola nec debitorem a sorte liberat, nec inhibet cursum usurarum? *L. acceptam, C. de usur. l. obsignatione, C. de solv.* Minima: etsi enim oblatione sola non liberatur ipso iure debitor: tamen si pecunia recte oblata sine dolo malo eius perierit, exceptione doli mali tutus est. *L. qui decem, infr. de sol.* hic autem vult intelligi Scævola pecuniam ante oblata suo loco peti posse omni modo, sive ea periisset debitori postea, sive non periisset. Sed etsi usuræ ita essent promissæ, si sors sua die soluta non esset, et sors sua die recte oblata esset, non committeretur postea usurarum stipulatio. *L. si per te, C. de us.* Scævola autem respondet in proposito pecuniam peti posse integram; significans in eam non imputari eam summam, quæ usurarum nomine prærogata erat: proinde et eam summam deberi expisse. Intelligit igitur Scævola in proposito nullo modo eam oblationem debitori prodesse, ne in iis quidem, quæ alioqui oblationi debitoris interdum tribui solent: scilicet quia non sufficit pecuniam obtulisse, nisi recte, id est, opportuno loco et tempore debitor obtulerit. *d. l. qui decem, infr. de sol.* Quod hic factum non est: obtulit enim ille quidem suo tempore, quia intra tres menses, ut potestatem solvendi acceperat: sed obtulit Romæ, quod ex stipulatione solvere debuit Ephesi. † Alio loco, quam in quo 3 solvenda promissa est, solvi pecunia invito creditore non potest. *L. pen. supr. de eo quod cer. loc. l. fideiussor, §. 1. infr. de sol.* si quidem locus non solius debitoris causa adicitur, sed etiam, et quidam maxime creditoris. *L. 1. et 2. supr. de eo quod cer. loc.* † Quid ergo, si hic locus 4 adiectus non esset? Iam dixi, potestate per tres menses sive intra tres menses solvendi data, quod hic factum proponitur, nihil fieri contra conventionem, sed maxime ex conventionem, si pecunia etiam statim a debitore offeratur. Proinde si tum debitor pe-

pe-

pecuniam statim offerret, diceremus usurarum stipulationem postea committi non posse: ideoque eam summam, quæ usurarum nomine data esset, quandoque impulari posse in sortem: hinc eventurum, ut sors quanta data esset, non posset a creditore peti integra, sed solum detracta ea summa, quam prius accepisset. Etsi enim sola oblatio sortis non interpellat cursum usurarum, quæ ex stipulatione semel deberi cœperint: *L. acceptam, C. de usur.* tamen rebus integris interposita, quominus usurarum stipulatio committatur, facit. *L. si per te, C. de usur.* † Quid, si nominatum certus dies solutioni dictus esset, aut certum tempus, puta Calendis tertiis dabis? vel post tres menses dabis, an illi permittendum est pecuniam ante offerre, et evitare usurarum præstationem? Si dies etiam creditoris causa adicitur, non licet. *L. si ita relictum, §. Pegasus, supr. de legat. 2. L. 3. §. cum Polidius, supr. de usur.* si adicitur causa debitoris licet. *L. quod certa, infr. de sol.* † Et vulgo putant usuris intervenientibus medii temporis, diem adici creditoris causa propter commodum usurarum. Proinde ante diem solvendo, debitorem usuras medii temporis evitare non posse. Quod mihi non probatur: apparet enim semper diem principaliter adici differendæ solutionis causa, dum id agit, ut liceat debitori intra constitutum tempus negotium suum agere, et pecunia uti suo arbitratu. Per consequentiam autem fit, ut quoniam ante diem debitor pecunia utitur, etiam ante diem eius temporis usuras pro usu præ-

stet. Porro in omni contractu spectare debemus initium contractus et causam, non id quod fit per consequentiam. *L. si procuratorem, in princ. supr. man. arg. in L. 1. supr. de auct. tut.* Fateor usuras ante diem adici creditoris causa. Id quod præterquam quod res ipsa docet, etiam probat *L. 2. §. mea, supr. mand.* Sed per consequentiam, ut dixi, non principaliter: recta enim confertur dies ad solutionem sortis, cuius solius differendæ causa aperte adicitur: ad usurarum præstationem, si verba spectentur, nullo modo. † Quid tamen, si nominatum convenit, ut qui pecuniam post annum sub usuris promisit, non liceret ei ante annum invito creditore solvere? Videtur non iniqua esse conventio: proinde servanda: et vero aliud statui posse non videtur sine stipulatoris iniuria. Nam si debitor aliis eam pecuniam elocare potest sub iisdem usuris, et locat: non est iniquum eum usuras reddere, quas accepit. Si non locat, culpa eius est. Factum cuique suum, non adversario nocere debet. *L. factum, infr. de reg. iur.* Et certe creditor iuste ita dicit; si pecunia mea uteris, usuras solve: si non uteris, ipse collocato, si velis: hanc ego molestiam nolo subire. Quod si debitor non reperit, quibus pecunias locet; æquum est hoc damnum ad debitorem potius pertinere quam ad stipulatorem: qui si pecuniam huic debitori non credidisset, potuisset in tempore habere alios, quibus crederet. Non est autem æquum cuiquam damnosum esse officium suum. *L. sed si quis, supr. test. quem ap.*

Ad §. Callimachus.

Callimachus mutuam pecuniam nauticam accepit a Stichio servo Seii in provincia Syria, civitate Beryto, usque Brentesium: idque creditum esse in omnes navigii dies ducentos sub pignoribus et hypothecis mercibus a Beryto comparatis, et Brentesium perferendis, et quas Brentesio empturus esset, et per navem Beryto vecturus. Convenitque inter eos, uti cum Callimachus Brentesium pervenisset, inde intra idus Septembris, quæ tunc proximæ futuræ essent, aliis mercibus emptis, et in navem missis, ipse in Syriam per navigium proficiscatur: aut si intra diem superscriptam non reparasset merces, nec enavigasset de ea civitate, redderet universam continuo pecuniam, quasi perfecto navigio, præstaret sumptus omnes persequentibus eam pecuniam ut in urbem Romam eam deportarent: eaque sic recte dari fieri fide roganti Stichio servo Lucii Titii promisit Callimachus; et cum ante idus superscriptas secundum conventionem mercibus in navem impositis, cum Erote conseruo Stichi, quasi in provinciam Syriam perventurus enavigavit: quæsitum est, nave submersa, cum secundum cautionem Callimachus merces Beryto perferendas in navem misisset eo tempore quo iam pecuniam Brentesii reddere Romæ perferendam deberet: an nihil prosit Erotis consensus, qui cum eo

mis-

missus erat, cuique nihil amplius de pecunia superscripta post diem conventionis permissum vel mandatum erat, quam ut eam receptam Romam perferret: et nihilo minus actione ex stipulatu Callimachus de pecunia domino Stichi teneatur. Respondit, secundum ea quæ proponerentur, teneri. Item quæro, si Callimacho post diem superscriptam navigante, Eros superscriptus servus consenserit, an actionem domino suo semel acquisitam adimere potuerit. Respondit non potuisse: sed fore exceptioni locum, si servo arbitrium datum esset eam pecuniam quocunque tempore in quemvis locum reddi.

SUMMARI A.

1. *Species facti. et n. 3.*2. *Nautica pecunia, seu traiecticia quæ.*4. *Quæstio huius loci, et responsum Scævola.*5. *Verborum quorundam huius §. explanatio.*

- 1 **C**allimacho debitori mutua pecunia data est ea lege, ut Beryto, ubi accipiebatur, traiceretur Brentesium usque: inde aut ipsa pecunia, aut merces ibi emptæ reportarentur Berytum: per omne autem id navigationis tempus ut pecunia esset credita periculo creditoris, nec ante pecunia accepta debeatur, quam navis salva Berytum redisset. Quod posterius factum esse ex verbo nauticæ pecuniæ, qualis hic fuisse pecunia proponitur, intelligimus. † Nautica enim pecunia eadem est, quæ et dicitur traiecticia *L. 1. et L. 3. sup. de nav. fen.* Est autem traiecticia pecunia, quæ datur, ut in certum locum navigatione traiciatur periculo creditoris. *d. L. 1. L. fenerator, vers. sed cum, de nav. fen.* Inde traiecticiæ et nauticæ nomina, quod ea pecunia et traiciatur, et id fiat ut navigatione, ita et nauticarum opera. Quæ hic in specie facti de hypothecis interseuerunt, ad quæstiones hoc loco propositas nihil pertinent. † Sed quod præcipue pertinet, superioribus conventio adiecta est, ut sic per illud navigationis tempus pecunia, uti convenit, esset nautica, idest, periculo creditoris, si Callimachus merces Brentesii emptas mitteret in navem ante Idus Septembris proximas, et ante easdem enavigaret, idest, solveret portu Brentesio. Quod nō fecisset, ut continuo redderet universam pecuniam periculo suo exinde futuram, quasi perfecta iam navigatione. Quod Andreas Aleiatius *Lib. 10. Parer. C. 19.* docte animadvertit a creditore adiectum esse propter difficultatem et periculum navigationis, quod insequi solet mensem Octobrem et sequentes, dum cavet, ne id periculum navigationis in pecunia subeat. Mutuo ita contracto, atque his conventionibus ita interpositis accidit, ut Callimachus contra conventionem enavigaret Brentesio post Idus: factum tamen id consensu Erotis servi, qui a creditore missus erat cum Callimacho ad pecuniam, si opus esset, re-

Tom. XI.

petendam. † Nave postea submersa quæsitum est, an Callimachus pecuniæ acceptæ nomine teneatur. Respondet Scævola, quod est in promptu, non teneri. Cum enim promiserit se eam pecuniam redditurum, si quid non præstisset: certum est eo non præstito committi stipulationem, cuius conditio extiterit. Sed pro Callimacho faciebat Erotis consensus. Quæritur igitur, an quid Callimacho is consensus prosit. Respondet Scævola, quod et ipsum est iuris explorati, si de prorogando enavigandi tempore nihil Eroti nominatim mandatum esset, eum actionem domino quæsitam paciscendo adimere non potuisse: quod ius traditur in *L. 3. L. filius, C. de pac. L. contra §. ult. sup. de pac.* Quod si quid de eo mandatum esset Eroti; teneri quidem Callimachum ipso iure, quia stipulatio semel commissæ pacto non tollitur: *L. si unus, §. pactus, sup. de pac.* sed petenti obstaturam pacti seu doli exceptionem: quod et ipsum de vi pacti diserte traditum est in *§. præterea, Inst. de exc.* † In verbis facti quod hic refertur, hæc observanda sunt. Nautica pecunia hic nominatur in principio: quæ sit, initio diximus. Brentesium hic dicitur, quod Latini Bruntisium appellant, more Græco, ut recte annotavit eodem in loco Aleiatius. Reparare merces, quibus verbis et Scævola utitur, est prioribus venditis alias emere: atque hoc modo iterum parare. *L. quidam, in princ. sup. de in rem vers.* In primis notandum Seium, qui nominatur in principio, eundem esse, qui vocatur postea LOCUS ITIUS in illis verbis, *eaque sic recte dari.* Animadvertenda etiam lectio Paudectarum Flo. in illis verbis, *et cum ante Idus.* quæ ostendit Callimachum ante Idus Septembris enavigasse Breutesio mercibus in navem missis: utrumque secundum conventionem: quod paulo post factam negatur in *vers. quæsitum.* et ita negatur, ut factum non esse Scævola confirmet responso suo; utpote qui di-

dicat stipulationem esse commissam. Unde apparet priorem illam lectionem esse vitiosam, eique deesse negationem: quod et ipsum recte observavit Alciatus eodem illo capite. Sed ille ita legendum putat ex vulgari lectione, et cum non ante Idus enavigaverit, ubi et additur particula, non, et pro enavigavit, reponitur, enavigaverit. Minus recedetur a Florentina lectione, si retento eodem verbo enavigavit, et nulla extrinsecus accessita negatione, particula, cum, mutetur in nunc, ut sit lectio, et non ante Idus enavigavit: ubi et optime coostat oratio, et nihilominus eadem sententia efficitur. Quidam satius putant horum locorum conciliandorum causa priorem lectionem Paudeti Florentinorum retineri, et emendari illa verba, quae postea sequuntur;

cum secundum cautionem Callimachus merces Beryto perferendas in navem misisset eo tempore; et pro his ita legi; merces Berytum perferens in navem mansisset eo tempore; ut significetur Callimachum merces quidem misisse in navem ante Idus, sed cum mansisset in nave, non enavigasse ante Idus secundum conventionem. Quod nullo modo recipiendum videtur, nam prior illa lectio Florentina non tantum indicat Callimachum merces misisse in navem ante Idus, sed etiam ante enavigasse. Deinde in posteriore; quam resitoitur, non potest recte dici Callimachus perferre merces Berytum, qui in portu adhuc, et in nave moratur; sed recte manere in nave perlatis eo iam ante mercibus.

Ad §. Flavius Hermes.

Flavius Hermes hominem Stichum manumissionis causa donavit, et ita de eo stipulatus est: *Si homo Stichus de quo agitur, quem hac die tibi donationis causa manumissionis dedisti, a te heredeque tuo manumissus, vindictaque liberatus non erit, quod dolo malo meo non fiat, poenae nomine quinquaginta dari stipulatus est Flavius Hermes: spondit Claudius.* Quæro, an Flavius Hermes Claudium de libertate Stichi convenire potest. Respondit nihil proponi, cur non potest.

Item quæro, an si Flavii Hermetis heres a Claudii herede poenam superscriptam petere voluerit: Claudii heres libertatem Sticho præstare possit ut poena liberetur. Respondit posse.

Item quæro, si Flavii Hermetis heres cum Claudii herede ex causa superscripta nolit agere, an nihilominus Sticho libertas ex conventionem quæ fuit inter Hermetem et Claudium, ut stipulatione superscripta ostenditur, ab herede Claudii præstari debeat? Respondit debere.

S U M M A R I A

1. Species facti.

2. Donator, qui subiecta poena stipulatione servum donavit, non servum fide libertatis ipso iure datur, etiam ad hoc eadem lege donator pertinet.

3. Constitutio, qua servus venditis a lege, ut manumitteretur, non servata fide libertatis ipso iure datur, etiam ad hoc eadem lege donator pertinet.

4. Servus donatus hac lege, ut vindicta manumitteretur, sine conventionem ex constituta liber non fit.

5. L. 2. et L. ult. C. de man. ita fu. al. quando locum habent.

6. Donatarii heres, si servus non manumissus donator heredi eius poenam petere voluerit, an servum manumittendo poenam evitare possit.

7. Donatore cuius heres in proposito de libertate non agente, an servus libertas a donatorio herede eius nihilominus præstanda sit.

8. Donatore heredeque eius agente causante quæ actionem de libertate agit.

9. Regula generalis, Alteri per alterum actionem quaeri non potest, quando sit recipienda.

10. Servus in quibusdam causis in iudicio consistere potest.

11. Iudici in presenti casu exitus quis.

1. Flavius Hermes hominem Stichum donavit Claudio manumissionis causa, id est, ea lege ut servum manumitteret. Sed donavit non cuiusvis manumissionis causa, verum ita ut manumitteret eum vindicta, ut ex subiecto exemplo stipulationis intelligitur: quam genus manumissionis non transigitur, nisi apud Magistratum. L. an

apud, L. pater, supr. de mand. vind. Ex hac conventionem dubitandum non est, quin agi possit lare Civili. Nam etsi stipulatio secuta non esset: tamen negotium civile gestum est: ex quo nascitur servo cum manumisso præscriptis verbis actio in id, quod donatoria interest, aut rei donatæ conditio. L. naturalis, §. at cum do, supr. de præst.

præs. ver. Nunc autem ut de actione in id quod interest, non valde laboretur, subiecta hic est poenæ stipulatio, qua donator stipulatur centum, si Claudius servum non manumisisset. Hanc poenam servo non manumisso ex stipulatu peti posse certum est. Sed tria hic quærentur. † Primum an possit donator Claudium de libertate convenire: idest, ob libertatem hoc nomine, quod Claudius servum non manumisserit. Scævola respondet nihil proponi, cur non possit. Imo hic videntur aperte duo impedire: unum, quod conventioni manumissionis causa interpositæ stipulationi poenalis subiecta est: alterum, quod Stichus sua sponte videtur liber fieri ex constitutionibus sine alia manumissione. Et subiecta quidem poenæ stipulatione a priore conventioni recessum, eiusque quasi novationem fieri simili in specie traditum videtur in *L. obligationum*, §. *ult. supr. de obl. et act.* Sed iam ante movi ad *L. ita stipulatus*, circa *fin. supr.* observandum esse id tum dici eo loco, cum duæ sunt stipulationes; prior faciendi; posterior poenæ, si id factum non sit, de quo priore stipulatione cautum erat. Ostendi ei sententiæ locum esse, cum prius convenit tantum, utquid fieret sine stipulatione, idque probari in *L. dur. societatem*. illic, *sed quoniam*. *sn. pr. pro soc. et L. prædia*, *supr. de act. empt.* id ipsum et in specie hoc loco proposita factum videmus. Quocirca et hunc locum accedere oportebit ad eiusdem sententiæ confirmationem. Differentiæ rationem illic exposui. Nam ut dicamus poenali stipulatione faciendi conventioni subiecta tunc novationem non fieri, cum minus est in stipulatione poenali, hic locus pati non videtur, ubi ostendit Scævola non fieri novationem; et tamen apparet plus esse in poena, quam in conventionem præcedente, aut certe tantundem. Constat enim pecuniariter nihil interesse donatoris servum donatum, utpote alienum manumitti; nisi prius donator poenam alii promiserit, si servus manumissus non esset. Nec obstat, quod libertas æstimabilis quædam res est. *L. libertas*, *infr. de reg. iur.* Nam hoc ipso dicimus hic nihil interesse donatio pecuniariter, quia nihil est, quod possit æstimari. Quod ad libertatem Stichi donati attinet, extant constitutiones, quibus cavetur de servis venditis, ut si quis venditus sit ea lege, ut manumittatur, non servata fide continuo ex ipsa constitutione sit liber. *L. 3. L. ult.*

³ *C. si manc. ita fuc. al.* † Ad servos venditos dicit aliquis, hæ constitutiones pertinent, non ad donatos. Imo constitutio

Tom. XI.

Marci Imperatoris, qua primum de servis hac lege venditis superius ius constitutum est, ut declarat *d. L. 3. C. si manc. ita fuc. al.* circa hæsitationem sic accepta est, ut placeret ad servos eadem legem donatos pertinere. *L. pen. supr. qui ma. ad lib. per. L. caussam*, *supr. de manu. L. 4. C. si manc. ita fuc. al.* Nondum id obtinuerat temporibus Scævolæ, inquit. Hoc quidem divinare est, non dicere. Sed et illud verisimile non est Papinianum incunctanter ex sententia superioris legis ad servos donatos argumentari: *d. L. pen. supr. qui si ma. ad lib. per.* hanc autem sententiam Scævolæ summo Iurisconsulto, et qui Marci Imp. Consiliarius fuit, ut scribit Lampridius in *Mar. Philosopho*, cognitam non fuisse. Ad demum etiam illi non fuisse cogitavit, atque id ius postea translatum esse ad servos donatos: semper in eodem luto hærebimus. Nam quæ hic dicuntur sub persona Scævolæ, ex Iustiniani persona accipienda sunt: ut ex eius voluntate veram esse oporteat et Scævolæ sententiam hoc loco, et nihilominus constitutiones superiores. *L. 1. §. omnia*, *L. 2. §. tanta*, *C. de vet. iur. eucl.* Quod et nobis admittendum est, nec quominus id fiat, ultra repugnantia horum locorum impedimur. Observandum est enim, quod Diarenus hoc loco recte animadvertit, in proposito Stichum donatum esse manumissionis quidem causa, sed non simpliciter manumissionis, veram ut manumitteretur vindicta.

† Qui hac lege donatus est, verum est ex sententia Scævolæ hunc sine manumissione ex constitutione liberum non fieri: et ideo de eius libertate adhuc agendum esse. Alioqui eveniet, ut sine vindicta liber fiat, quem donator vindicta liberum fieri voluit, atque ita fiat contra conventionem et voluntatem donantis, eius ipsius, qui manumissioni legem dixit: quod non est consilium constitutionum. Lex enim eum, qui venditus est ea lege, ut manumitteretur, transacto constituto tempore liberum esse iubens, id agit, ut voluntatem secuta donantis domini hanc confirmet, non ut contra voluntatem faciat. † Et ideo tunc solum eas constitutiones locum habere observandum est, cum quis venditus est ea lege, ut manumitteretur; ut manumitteretur, inquam, conventionem indefinite interposita, non ut manumitteretur nominatim hoc aut illo modo. *d. L. 3. L. ult. C. si manc. ita fuc. al.* Qui hac lege datus est, ut manumittatur quovis modo non sit liber contra conventionem, si fiat liber ipso iure.

† Secundo loco hic quæritur, servo non

95*

ma-

manumisso si donator, heresve eius a Claudio herede poenam supra scriptam petere voluerit, possitne Claudii heres servum manumittendo poenam evitare. Servo non manumisso poenam ex stipulatione esse commissam, et peti posse, pro certo habet Scaevola: et recte, postquam conditio stipulationis exstitit. Intra quod autem tempus servus ex proposita conventionione manumitti debeat, traditur in *L. ult. supr. qui si ma. ad lib. per.* Sed an qui poenam semel debere coepit, possit eam suo facto evitare, hoc est, quod habet dubitationem: cur enim debitor facto sua suam obligationem tollat, inquit Paulus? *L. si servum, §. nunc videamus, supr. eod.* De herede autem Claudii potius querit Scaevola, quam de Claudio ipso, ut intelligereamus, si hoc quod querit heredi facere licet, multo magis Claudio, idest, auctori ipsi facere liceat. Respondet Scaevola etiam heredem libertatem Stichum præstare posse, eoque facto liberari. In quo expressit certi iuris sententiam, poena certe pecuniarum semel commissam ob id, quod factum non est, quod fieri debuit, debitorem heredemque eius postea offerendo, quod debuit, poenae petitionem evitare: de qua sententia diximus ad *L. si servum, §. sequitur, supr. eod.* Constituitur autem in *L. si insulam, supr. L. 1. supr. de pe. leg. L. cum sine, supr. quan. di. leg. ce.* Quod sic accipiendum esse docuimus, si id quod fieri debuit, promissum sit sine peremptione temporis. *L. traiecitia, sup. prox. tit. d. L. cum sine, quan. di. leg. ced.* ut fit in hac specie, ubi actum est, ut servus manumitteretur nullum intra certum diem. † Tertium queritur, si hic neque donator, neque donatoris heres agant de libertate, an nihilominus libertas servo ex conventionione præstanda sit vel a Claudio, vel a Claudii herede. Respondet Scaevola 8 ano verbo præstari debere. † Quæro, qui agente? et si nullus alius est, qui agat, restat, ut intelligamus id fieri debere agente servo. Qua actione? dicendum est en-

dem, qua ageret donator ex supra scripta conventionione: ut hæc donatori primum quæsitae deinde post eius voluntate ab ipso in servum transferatur: non directæ, sed utilis: sicut evenit et tunc, cum quid donatum est alicui ex lege, ut is rem Titio resisteret. Nam et hic placuit conditionem rei donatæ nullam Titio ultro dari, quæ prius donatori ipsi quæsitae esset, ut ab illo in Titium translata. *L. quoties, C. de donat. quæ sub mod.* Sed hic duo obstant servo: regulæ iuris de actione alteri acquirenda, et conditio personæ. Iure nemo alteri pacisci aut stipulari potest, ut alter suo nomiae agat. *L. quæcunque gerimus, supr. prox. tit. L. stipulatio ista, §. alteri, supr.* Generalis etiam traditum est alteri per alterum actionem queri non posse. *L. 1. C. per quas per. L. si ita stipulatus, §. Chrysogonus, infr. eod.* Servi autem conditione personæ iudicio interesse non possunt. *L. servus, C. de iud.* Sed nihil horum actionem superiorem impedit: nam primum donator in hac specie nihil paciscitur, aut stipulatur servo, sed sibi, ut sic ab ipso actio illi quæsitae in servum qui manumitti debuit, transeat. † Et quod dicitur generaliter alteri per alterum actionem queri non posse; sic accipiendum est, ut non possit directæ: nam utilis potest hoc modo, si quia actionem prius in persona sua constitutam in alterum translatam velit, ut declaratur exemplis dict. *L. quoties, C. de do. quæ sub mod. L. pen. C. ad exhib.* quæ de re diximus plura ad *L. stipulatio ista, §. alteri, supr.* † Quod attinet ad conditionem personæ, non est perpetuum, ut servus in iudicio consistere non possit. Quædam causæ excipiuntur, quæ referuntur in *L. viz certis, supr. de iud.* in quibus est illa, eum de libertate adversus dominum agitur. † Iudicii exitus erit, ut Iudex iubeat dominum manumittere. Quod si non facit, servus iure pro libero habebitur. Arg. in *L. 5. supr. de man. L. non tantum, §. Senatusconsulto, supr. de fid. lib. L. qui se supr. de iud.* Ad *L.*



Ad §. Coheredes.

Coheredes cum prædia hereditaria diviserant, unum prædium commune reliquerunt sub hoc pacto, ut si quis eorum partem alienare voluisset, eam vel coheredi suo, vel eius successori venderet centum vigintiquinque. Quod si quis aliter fecisset, poenam centum invicem stipulati sunt. Quæro, cum coheres mulier coheredis liberorum tutores sæpius testato conveniret, et desideravit ut secundum conventionem aut eiment, aut vendant: hique nihil tale fecerint: an si mulier extero vendiderit, poena ab ea centum exigi possit. Respondit, secundum ea quæ proponerentur, obstaturam doli mali exceptionem.

SUMMARI A.

1. *Cautionis inter coheredes interpositæ, ut si quis eorum prædii communis partem vendere vellet, eam coheredi suo vendat, effectus.*
2. *Definitio generalis. Pro soluto habendum esse id omne, in quo accipiendo creditori moram fecit.*
3. *Poenæ ex compromisso debitor alia, alia rati, quoniam quævis alia ex causa promittitur, est conditio.*
4. *Prædicta certo in cautione superioris non constituto, si quod minimum prædictum exigui promissor, id coheredi displicat, an in poena extero vendere liceat.*
5. *Coheres ut emeret isem interpellatus, si eum ne-*

glezerit, an sine pluribus interpellationibus tuto partem alii promissor vendat.

6. *Coheres, qui ex conventionem debet partem suam vendere, an idem offerente coherede partem suam, eam emere cogatur.*
7. *Tutores, an partem pupilli sine decreto recte vendant.*
8. *Exceptio doli in proposito qua conditio ex, qua partem suam contra conventionem alii vendidit, dicitur.*
9. *Conventio, ne cui rem suam, seu partem rei suæ alienare liceat, an utilis.*

QUI in re communi hereditaria cavit coheredi suo se partem suam, si alienare voluisset, coheredi vel heredi eius venditurum centum, et si aliter fecisset, promisit poenam; placet eum etsi alii vendiderit, non teneri, si prius denunciavit coheredi: ut emeret, si ille emere neglexit. Sic tamen non teneri, non ut non teneatur ipso iure, sed ut si poena ab eo peti coeperit, in doli mali exceptione defendatur. Quod ait Scævola promissori hoc casu exceptionem dari: declarat ipso iure commissam esse poenam, non est enim exceptio, nisi adversus intentionem iure Civili comparatam. *Instit. de excep.* Et recte dicitur poena esse commissæ: fuit enim promissa sub conditione, si promissor partem suam coheredi non venderet: quæ conditio tunc extitit, cum ille alii vendidit. Sed nihilominus recte placet, si coheres poenam petat, obstaturam petenti doli mali exceptionem: quoniam non vendidit quidem promissor partem suam coheredi, uti verbis convenerat: sed id fecit, quod tantundem valet: obtulit enim illi, ac per eum stetit, quominus emeret. † Quo loco hæc in universum definitio notanda est, pro soluto habendum esse id omne, in quo accipiendo creditori moram fecit: quæ traditur in *L. qui decem, infra de sol.* Congruit et illud, quod dicitur in *L. Celsus sup. de recep.* poenam ex compromisso non committi, si per creditorem stetit, quominus reus daret, quod sententia iussus erat dare. Nisi quod

sententia in eo pugnare videtur cum hoc loco, quod illic dicitur poenam etiam non committi, quam hic committi dicimus. † Sed conditio rei, et stipulationis utrobique hanc interpretationem exigebat. Alia est enim conditio poenæ ex compromisso debitoris; alia eius, quæ promittitur ex alia vis causa. Poena ex compromisso promittitur hac conditione, si quis non stet, seu non pareat arbitri sententiæ. *d. L. Celsus, vers. pen. L. diem proferre, sup. de recep.* Is porro videtur parere sententiæ, non tantum qui facit, quod iussus est, sed etiam qui se facere paratum esse ostendit. Hoc enim parere positum est in propensione voluntatis. Illic autem et aliis similibus in causis promittitur poena, si quid aliud promissor non fecerit, quod tunc solum videtur factum, cum re vera perfectum est, non cum promissor factum voluit: ut puta si rem coheredi non vendiderit: verum est enim eum non vendidisse coheredi, qui alii vendidit. Propuntur hic convenisse inter coheredes, ut qui partem suam alienare vellet, eam venderet coheredi suo nominatim adiecto certo pretio centum viginti quinque. † Quid, si simpliciter conveniret, ut eam venderet coheredi nullo certo pretio tum constituto, et dum minimum pretium exigit a coherede, id coheredi non placet; an licet ei imponere alii vendere? receptum est non statim licere, sed videndum esse, an sit alius emptor, quod semper hic futurum est, ubi de eo agi-

agitur, qui partem suam alii vendit: quantum ille offert, tanti posse et coheredem emere, pleris non cogi. Idque defenditur exemplo eorum, qui lubentur constitutionibus rem suam, quam alienare velint, vendere alicui, quod in emphyteuta constitutum est *L. ult. C. de iur. emp.* Proponitur præterea hic promissor interpellasse coheredis liberorum tutores sapienter. † Quid, si semel interpellatus coheres ut emeret, aut il ad quos ea res pertinet, non emerint, et præterierit tantum tempus, intra quod possent pecuniam expedire: an non poterit promissor tuto partem alii vendere? Nihil canis est, cur non possit. Semper enim illud tenendum est, pro soluto esse id, in quo accipiendo creditor moram fecerit. *d. L. qui decem, infr. de sol.* Is autem moram facit, qui recusat accipere, ut primum recte interpellatus recusaverit. *d. L. qui decem, L. mora, supr. de usur.* Porro qui semel moram facit, is perpetuo facere perseverat, nisi eam purget. *L. Titia Seio, §. usuras, supr. de leg. 2.* ut consequens sit semel interpellato creditore, non esse deinceps pluribus interpellationibus opus, ut moram faciat: idemque et in debitore dicendum est. Non obstat hic locus, in quo plures interpellationes interpositæ proponuntur: sic enim proponuntur a consultore, quia ita res inciderat, facitque ad augendam frustrationem brevedum coheredis. Cæterum ad necessitatem iuris plures interpellationes non pertinent. Animadvertendum et illud in specie facti, quod dicitur promissor denunciasset tutoribus heredum, ut secundum conventionem aut emerent, aut venderent. Atqui conventio solum hæc fuisse proponitur, ut promissor partem suam coheredi suo, vel eius successori venderet. † Quæro igitur, an qui ex conventionem debet partem suam vendere, idem offerente coherede partem suam, eam emere cogatur. Respondeo nihil proponi, cur cogi possit: aliud est enim longe suum vendere, aliud alienum emere. Itaque hic denunciatur secundum conventionem, ut tutores liberorum partem promissoris emant: illud extra conventionem, ut vendant liberorum partem. Quod si proponitur promissor id desiderasse, ut alterutrum fieret secundum conventionem, intelligendum est hoc quoque ita proponi, quia promissor in denunciando id dixerit se putare secundum conventionem: sed ita, ut ab illo per errorem

factum sit, non quia ita denunciare necessariam habuerit. † Item quæro, an hac denunciatione provocari tutores, si partem liberorum malint vendere, iure eam alienare possint: cum prædia minorum alienari siue decreto vetent constitutiones. *L. 1. supr. de reb. eo. qui sub tut. vel cu. sunt.* Respondeo non posse, si de parte sua vendenda defunctus nihil cavit. Sin lex dicta est, ut uno volente partem suam alienare, et eam offerente coheredi suo, coheres aut eam emat, aut suam vendat: dubitari potest. Sed putem hic quoque necessarium esse decretum Magistratus, quia non sit necessaria partis alienatio: cum possint tutores alteram partem emendo liberari. Utrum igitur utilis sit pupillis fieri, Magistratus existimabit. *L. 5. §. non passim, et seq. supr. de reb. eo.* † Notandum est autem, quæ hic exceptio doli datur ei, qui partem suam contra conventionem alii vendidit, hac conditione dari, si prius coheredem; seu coheredis heredes convenierit, et desideraverit, ut secundum conventionem emerent. Unde intelligimus, si sine hac denunciatione partem suam vendidisset promissor, poenam ab eo utiliter peti posse, proinde et iustam esse stipulationem: qua poena hac conditione promissa sit, si promissor partem suam alii vendidisset, si partem suam alienasset. † Sed an ipsa conventio, ne cui rem suam, seu partem, rei suæ alienare liceat, per se sit utilis, questum est. Et dubitari non debet, quia valeat hæc quoque, sive in traditione rei nostræ interposita sit, sive deducta sit in stipulationem. Nam præterquam quod nominatim confirmatur in *L. 3. C. de cond. indeb. L. qui fundum. 75. supr. de con. em.* constat pactionem esse de re privata et familiari: cuius generis conventiones omnes si nihil aliud obstat, valere certum est. *L. iurisperitum, §. si paciscar, supr. de pact.* Sed ex hoc loco non colligitur, quantumvis placeat poenæ stipulationem ei conventioni subiectam valere: nihil enim prohibet, quominus inutiliter stipulemur quid fieri, veluti alium daturum, facturumve, vel alii dari, et tamen poenam utiliter stipulemur, si id factum non fuerit. *L. stipulatio ista, §. 1. et §. alteri, supr. eod.* Proinde ut de vi et effectu huius conventionis plura dicantur, de quæ iis locis, quæ in hac specie non nihil dissidera inter se videntur, ad hunc locum non pertinent.

Ad §.

Ad §. Agerius.

Agerius filiusfamilias servo publici Mævi stipulanti spondit se daturum quiddid patrem suum Publio Mævio debere constitisset. Quæsitum est patre defuncto antequam constitisset quid quantumque deberet: an si adversus heredem eius actum fuisset, aliumve successorem, et de debito constitisset, Agerius teneatur. Respondit, si conditio non extitisset, stipulationem non commissam.

SUMMARI A.

1. *Species huius §.*
2. *Sententia veterum Interpretum contra recentiores de-
fensa. et n. 4.*

3. *Rationes, quæ pro vulgari opinione tuenda adduci
solent, refelluntur.*
5. *Scævola defenditur.*

1. **P**ROponitur Agerius filiusfamil. promississe se daturum, quiddid patrem suum debere constitisset. Quod sic accipiendum est, quiddid constitisset postea, ut intelligatur promississe his verbis, quiddid patrem meum debere constituerit, vel constabit. Id etsi non satis exprimitur hoc loco: tamen ex responso Scævolæ satis intelligitur speciem ita positam fuisse. Sic enim de ea respondet, quasi in ea fuerit conditio, et eiusmodi conditio, quæ ponerit postea existere. Si *conditio*, inquit, *non extitisset, stipulatio non est commissæ.* Neutrum horum esset, si promississet Agerius, quod patrem iam ante debere constituit: conditio enim in præteritum concepta ut rem non differt, si nec re vera conditio est. *L. conditiones, L. si ita stipulatus. 120. supr. eod.* Stipulator idemque creditor patris cum patre non egit, aut certe ita egit, ut vivo eo de debito non constaret. Moritur pater aliis heredibus relictis, quam Agerio filio; sive quod Agerius exheredatus esset, sive quod institutus repudiasset hereditatem. Cum his heredibus patris egit stipulator, et probavit, quantum sibi pater debuisset. Sed sive quod comperiisset postea eos heredes solvendo non esse, sive quod essent homines litigiosi; sive quod quavis de causa constituisset cum Agerio experiri; cepit cum illo agere ex superscripta stipulatione, ut solveret, quod pater debuisset. Negat Agerius se ea stipulatione teneri: queritur, an teneatur. Respondet Scævola, si conditio non extitisset, stipulationem non esse commissam. *Si pro quia*; ut breviter intelligatur hoc dicere; in his verbis, quod patrem debere postea constituerit, inesse conditionem. Hanc non extitisse. Ideo stipulationem non esse commissam. † Fuit hæc, ut videtur, sententia Rogerii, quæ refertur in *glossa* Accursii, probata a Bartolo et aliis veteribus interpretibus, sed magno

consensu repudiata a magnis interpretibus Andrea Alciato *lib. 1. Dispunc. C. 13. Con-
nano lib. 6. Comment. iur.* Duareno hoc loco, et in *Comment. Scævola.* Ego autem puto eam sententiam cum per se verissimam esse, tum verbis huius loci convenientissimam, nec minus dignam iudicio et prudentia Scævolæ. Principio in his verbis, quiddid patrem debere constituerit, seu constabit, dubitandum non est, quin insit conditio hæc, si patrem debere constituerit postea: est enim in his demonstratio in futurum collata: cuius generis demonstratio omnis conditionem habet. *L. 6. supr. de L. 1.* Iam vero non difficile est docere superiorem conditionem hic non extitisse: nunquam enim conditio pro impleta habetur, nisi plane ad eam modum impleta sit, quem verba conditionis præscribunt. *L. qui heredi, supr. de cond. et dem.* Id quod in proposita conditione mortuo patre contingere non potest. Stipulator namque mortuo patre probans de debito efficere potest, ut constet patrem, dum viveret debuisse: illud nunquam perficiet, ut constet patrem debere: quod verba conditionis exigebant: mortuus enim ut non est in rerum natura, ita nec quiddam abere, aut pati dici potest. Sed hic occurrunt eruditi homines: adiunt enim subtilitatem hanc verborum esse indignam viris bonis et Iuriconsultis: cum in re idem sit debitum, et quod vivus probatur debere, et quod mortuus probatur debuisse. Ego interpretationem verborum esse contendo convenientem omnium iuris auctorum scriptis et præceptis, quæ sunt de implendis conditionibus: qua eadem neglecta magna iniuria afficiatur Agerius, ut in re ipsa permagni referat hanc potius admitti. Constat enim ex *d. L. qui heredi, supr. de cond. et dem.* si quis conditione sibi adscripta aliter facit, quam verba conditionis exprimunt, etiam si id eundem effe-

fectum habeat; tamen conditionem pro impleta non haberi. Quanto minus habebitur pro impleta, si id quod fit, eandem vim et eundem effectum non habet? Quod in hac specie accidit. Multum enim in re ipsa interest, utrum vivo patre agatur, et constet de debito; an vero id fiat mortuo patre. Si quidem pater habere potuit exceptionem aliquam aut pacti, aut rei indicatæ, aut similem, qua consequeretur vivus, ut constaret eum multo minus debere: hæc possent ignorari ab herede: atque his prætermisissis fit, ut constet id deberi, quod re vera non debebatur. Id non fieri cum adeo intersit Agerii: magnam iniuriam illi facimus, si debito post mortem patris probato perinde id accipimus ad conditionem implendam, quasi vivo patre de eo constitisset. Verumtamen reprehenditur ab illis hæc sententia aliquot argumentis, quæ nos ordine diluamus. † Prima hæc ratio est Alciati: Condicio impleta, inquit, retro trahitur, idest, perinde habetur, ac si impleta esset eo tempore, quo stipulatio interposita est. *L. potior, supr. qui pot. in pig.* ergo etsi condicio mortuo patre extiterit, perinde erit, ac si patre vivo extitisset. Hoc enim vivente interposita fuerat stipulatio. Recte Alciatus, si quidem conditio in proposito mortuo patre extitisset. At hoc ipsum queritur, an extiterit. Hoc ille pro confesso sumit, quod ei præcipue probandum erat. Nos quidem negamus: et falsum esse supra ostendi. Altera eiusdem Alciati ratio est, quod si quid probatur heredem ut heredem facere, id quod probatur defunctum fecisse et facere: quod non ita est. Illud enim recte dici concedo, si quid probatur heres habere, simul etiam probari defunctum idem fecisse, idest, idem debuisse, utpote a quo obligatio in heredem descendit. At illud, quod adiciit, etiam videri defunctum idem facere, de quo nunc queritur, perspicue falsum est; neque enim natura patitur, ut qui non est, intelligatur quidquam facere aut debere. Imo, inquit ille, etiam defunctus facere et debere idem intelligitur, quia heres iure eadem persona esse existimatur cum defuncto. *novel. de iur. a. mor. præst.* Sed hoc dictum hanc significationem habet, ut si quid factum sit, aut profectum a defuncto, id quoque videatur factum ab herede, quia heres in ius et locum defuncti successerit. *L. quædam, supr. de eden.* At non idem valet ex contrario, ut dicamus, quod fit ab herede, id transire ad defunctum, atque hac ratione a defuncto fieri. Ut enim non fert natura, ut videatur, qui non est, quidquam facere aut pati: ita ea-

dem natura simul et ins repugnant, quominus quidquam ab herede redeat ad defunctum; cum defunctus heredi non succedat, sed heres defuncto. Tertiū argumentum est Connani. Ille ait nihil interesse, utrum Agerius promittat, quod pater debet, an vero quod patrem debere constituit: propterea quod etiam si promittat solum, quod pater debet; tamen non possit conveniri, nisi cum patrem debere constituerit. Sed et hoc manifeste falsum est, nihil differre inter se has stipulationes; cum prior aperte pura sit, certe conditionem habeat in præsens conceptam, quæ stipulationem non suspendit: *L. conditiones, supr.* Posterior autem conditionem habeat conceptam in futurum, quæ ita rem differt, ut nisi extiterit, nihil debeatur. *§. sub conditione, Inst. cod. L. cedere, infr. de verb. sig.* Nec ad rem pertinet, quod cum eo, qui promissit, quod pater debet, non potest agi efficaciter prius, quam constituerit patrem debere. Non enim eo minus statim obligatur, etiam si ignoretur, quantum pater debeat. Nam et is, qui promissit sub hac conditione, si Rex Parthorum vicerit, conveniri utiliter non potest prius, quam constituerit Regem Parthorum vicisse. Neque eo minus pure obligatio cotracta est, si iam ante Rex Parthorum vicerat. *§. conditiones, Inst. cod.* Postrema ratio exoritur Duareno in *Commentario*, Scævola. Illa enim ita statuit, implementum conditionis transire ad heredes. Ex quo effici vult in proposito Iudicem in re dubia contra promissorem pronunciare debere, si mortuo patre de debito patris constituit: significans hoc modo conditionem extitisse, ac proinde commissam esse stipulationem. Ergo ille hoc intelligit, quod a defuncto aut cum defuncto factum prodesset ad implendam conditionem, idem si ab herede aut cum herede fiat, eandem rem prodesset. Id nos negavimus iam ante, et nunc constanter negamus, refellitque aperte multis et certis locis, ut *L. si decem cum petito, supr. cod. L. si ita expressum, supr. de cond. et dem. L. fideiussor, §. ult. infr. de fid.* Ex quibus liquet omnia conditionem in factum alicuius certæ personæ collatam, id esse, quod dicitur apertius in *L. qui heredi, supr. de cond. et dem.* facti nimirum, et personæ coherere, ut si ea persona decedat nondum impleta conditione, non possit amplius conditio impleri ne in heredibus quidem. Quod sit in ulla conditione dici potest, in ea maxime locum habet, quæ hoc loco præponitur: quod enim patrem debere constabit, sic in viventis per-

sonam confertur, ut in mortuum non possit cadere. Utitur tamen ille ad confirmationem superioris sententiæ argumento §. *ex conditionali*, Inst. eod. nec temere, si verborum generalitatem sequimur. Sic enim verba sunt: *ex conditionali stipulatione tantum spes est debitum iri, eamque ipsam spem in heredem transmittimus, si prius quam conditio exstet, mors nobis contigerit*. His verbis, *spes est debitum iri*, certum est significari spem esse fore, ut conditio exstet; quoniam hac non existente nihil potest deberi. Quod si hanc spem ad heredem transmittimus, et verba generalia sunt ad omnem conditionem pertinentia; dicendum est etiam ex stipulatione, quæ sub conditione potestativa contracta sit, spem huius conditionis implendæ transmitti ad heredem. Neque vero aliter potest transmitti, quam si heredem eam implere possint: uam aliis implere non licet. Sic fit, ut conditio quamvis potestativa, quæ a defuncto impleri poterat, etiam ab heredem ex sententia superiorum verborum possit impleri. Et hæc secundum verba recte defenduntur. Sed verum est, quod vulgo dicitur, superius dictum accipiendum esse de iis conditionibus, quæ ex eventu pendent, non de iis, quæ in potestatem nostram collatæ sunt: illic ratione certa et natura rei efficiunt. Omnes enim concedunt spem hanc debitum iri, tantum esse, quantum et conditio potest existere: postquam enim semel defecerit, nemo dicit adhuc spem esse debitum iri id, quod certum sit deficiente conditione amplius deberi non posse. Quod si deficiente conditione nulla amplius spes est nec debiti nec conditionis implendæ: consequens est nec eam spem quæ non est, ad heredem posse transmitti. Atqui conditio personæ alicuius iniuncta non egreditur personam, et mortuo eo deficit. *L. si ita expressum, supr. de cond. et dem.* et supra probavi pluribus. Proinde ad huiusmodi conditiones id dictum non pertinet, quæ ut morte deficiunt, ita spem auferunt amplius quidquam deberi posse: quæ sublata non potest fieri, ut ea transmittatur. Nihil ad rem facit *L. veteris, C. de cont. et com. stip.* quæ tantum est omnes stipulationes etiam faciendi ad heredem transire, ut quod a debitore fieri debuit, possit etiam impleri ab eius heredibus quo etiam argumento ille utitur. Multum enim distat inter se stipulatio ipsa, et conditio stipulationis. Stipulatio ad heredem transit: quia ex stipulatione obligationis ius nascitur: quod ex conditione heredum et ad eos et in eos transire oportet; cum in ius et locum defuncti succedant. *L. quendam, supr. de o-*

Tom. XI.

den. L. qui in ius, infr. de reg. iur. nisi sit aliquid quod natura sua cum vita defuncti extinguatur. Condicio autem nullum ius continet, quod vel acquiritur stipulationi, vel promissorem obliget: tantum facti est, ut dixi. Unde evenire necesse est, ut si alicui personæ sit iniuncta, hic nihil inde ad heredem aut in heredem iure hereditario traheatur, sed una cum persona, cui erat iniuncta, deficiat. *d. L. qui heredi d. L. si ita expressum, de cond. et dem.* † Summa hæc sit: si conditio hæc, *si patrem debere constituerit*, quæ hic proponitur, neque secundum verba mortuo patre existere potest, et in re ac sententia contrahentium multum refert, quo tempore constet de debito patris, eone vivo, an mortuo: nihil afferri potest, cur non verissime et accurate dicatur conditionem nullo modo hic existisse, ubi patre mortuo de debito constitit. Cum hæc sententia per se vera est: tum vero verbis Scævola optime convenit. Non enim eo moveri debemus, quod Scævola conditionaliter respondet, *si conditio non existisset*, quasi nihil hic affirmet eius, quod diximus: usitato enim loquendi more conditionem ponit pro causa, *si pro quoniam*: ut responsum eius sic accipi debeat, quasi ita respondisset; si conditio non existisset, id quod existimo, et intelligi potest ex his, quæ proponuntur; respondi stipulationem non esse commissam. † In quo genere responsi mirum est a superioribus illis, quos ante commemoravi, non tantum reprehendi, sed etiam exagitari Scævola, quasi qui aut non respondeat ad interrogatum, aut nihil aperte, sed incertius dimittat consultorem, quam acceperat: cum certum sit, quod hic ille facit, id exemplo et more omnium non tantum iuris, sed etiam aliorum probatorum auctorum fieri. Modestinus in *L. fideiussor, §. ult. supr. de pig. respondit*, inquit, *si neque pignerata sunt ipsa mancipia, neque ex pigneralis ancillis nata, minime creditoribus obligata esse*. Nempe sub conditione, cum tamen perspicuum sit ex præcedentibus Modestianum intelligere id esse in specie proposita, quod ponebat in conditione. Virgil. lib. 1. *Geor.*

..... Vestro si munere tellus
Chaoniam pingui glandem mutavit Arista.

Cic. in Topicis: *si fines in urbe non reguntur, nec aqua in urbe arceatur, et rursum: si stulticiam fugimus, sapientiam sequamur*. Item lib. 3. de offic. *quod si Aquiliana definitio vera est, ex omni vita simulatio*

tio, dissimulatione tollenda est. In quibus locis omnibus constat non dubitanter loqui auctores, sed assermanter, dum in propo-

sitione intelligi volunt assumptionem, quam prætermittunt.

Ad §. Seia heres.

Seia heres unius tutoris cum herede pupillæ transactione pacto solo facta maiorem partem solvit, residuam cavit: sed illico negavit heres se transactionem servare: et apud iudicem tutelæ egit et victus provocavit ad competentem iudicem: et ab eo quoque ad principem idem provocavit: et iniusta hæc quoque provocatio eius pronunciata est. Quæsitum est, cum per heredem pupillæ mora intercesserit quo minus pecunia in stipulationem deducta ab herede tutoris solveretur, nec unquam petierit: an ei hodie debeantur usuræ ab herede tutoris. Respondit, si Seia non cessasset ex stipulatione pecuniam offerre, iure usuras non deberi.

S U M M A R I A.

1. Species huius §.

2. Responsum Scævola, et quænam eo responso statui intelligantur.

3. Unus in specie proposita unio, et quo casu deberi possint.

4. Oblatio pecuniæ ad inhibendum cursum usurarum quibus in causis sola, sine alia pecuniæ obigatione, prosit.

1 **T**utor, qui pupillæ tenebatur ex administratione tutelæ, decessit Seia herede relicta; quæ et in eandem obligationem successit. Decessit et pupilla suo item herede relicto: qui et ipse successit in eandem actionem. Is heres cum agere instituisset tutelæ cum Seia, transegerunt ambo inter se eo nomine hoc pacto, ut Seia ex ea causa certam pecuniæ summam daret, vicissim heres pupillæ nihil unquam tutelæ nomine ab ea peteret: quod et se facturum esse pactus est, sed pactus tantum, non etiam Aquilianam stipulationem et acceptilationem ad Seiam ipso iure liberandam interposuit. Eius autem pecuniæ, de qua danda convenisse dixi, maiorem partem solvit Seia in præsentia, reliquam partem cavit, id est, stipulanti heredi pupillæ se soluturam promisit; *L. sancimus, C. de verb. sig.* et adiecit usuras, si eam pecuniam non solvisset: fortasse pecuniam cavens ita, ut ex actione tutelæ debebatur: sic tamen, ut et pecuniam, et eius pecuniæ usuras ex stipulatione debere inciperet, non ex veteri actione. Quod ita factum esse ex quæstione et responso Scævola apparet. Sed heres pupillæ, quem supra pacto tantum transexisse diximus, quoniam huic adhuc vetus actio tutelæ manebat integra (pacto enim iure Civili actio non tollitur. *L. si unus, §. pactus, sup. de pac.*) hoc iure usus illico negat se transactionem servare, et tutelæ agit cum Seia; quæ se tuetur exceptione pacti, seu transactionis, uti ei facere ius est. *L. sive apud, C. de trans.* atque ea exceptione

consecuta est, ut primo iudicio absolveretur. Cum appellasset pupillæ heres semel atque iterum, omnibus iudiciis iniusta appellatione pronunciata Seia absoluta est. Itaque tandem cogitur pupillæ heres contentus esse ea pecunia, quam illi Seia ex transactionis causa caverat: hanc ergo ille petit: sed hoc amplius etiam usuras totius præteriti temporis ex die interpositæ solutionis. De sorte non dubitatur, quin hanc ex stipulatione Seia debeat: itaque hanc illa ultro offert. De usuris quæritur, an debeantur, cum per Seiam non steterit, quominus pecuniam cautam solveret, sed per adversarium, qui non modo eam pecuniam nunquam petiit, sed etiam ablatam accipere noluit. † Respondet Scævola, si modo 2 Seia non cessasset ex stipulatione pecuniam offerre, ut proponitur; iure usuras non deberi. Hoc sentit, non esse satis, ut hic usuræ non debeantur, si per Seiam non steterit, quominus pecuniam promissam solveret; quod etiam tunc fit, cum Seia pecuniam non obtulit, si modo heres pupillæ eam pecuniam non petierit: *L. si ex legati, sup. eod. L. mora, sup. de usur.* sed opus esse, ut Seia ipsa ultro pecuniam obtulerit, ut dici possit per heredem pupillæ moram intercessisse, quominus acciperet: sic enim et creditor in accipiendo moram facit, cum pecuniam oportuno loco et tempore oblatam recusat accipere. *L. qui decem, infr. de sol.* At Scævola, si Seia non cessasset offerre. Quemadmodum ea dicitur cessare offerre, quæ non offert, cum debet: ita non cessare offerre ea intelligenda est, quæ re ipsa offert, cum

est

est opus. Ergo quæ ita obtulit, etiam si semel id fecerit, verum est eam non cessasse offerre: ac proinde ex sententia Scævola: usuras non debet. Et certe si semel oblatam pecuniam sine iusta causa accipere recusando, creditor moram facit: *d. L. qui decem, infr. de sol.* quodque mora ab illo facta est, vult Scævola satis esse, ne in proposito usuræ debeantur: consequens est in hac re sufficere vel unam obligationem: quoniam qui semel in mora esse cœpit, is moram perpetuo facere existimatur, nisi eam suo facto purgaverit. *L. Titia Seio, §. 1. supra, de leg. 2.* Hoc responso Scævola tria statuere intelligitur. Primum usuras in specie proposita aliquo casu deberi potuisse. Alterum, hoc casu deberi, si Seia sortem ultro non obtulisset, quamvis in ea solvenda non fecisset moram, ut quia interpellata de sorte non esset. Tertium, ut pecunia non oblata deberentur usuræ: ita ea oblata non deberi, etiam si ad obligationem nihil accesserit: quorum de unoquoque potest dubitari. † Ac primum quæritur, unde eæ usuræ, quæ hic deberi possunt. Non enim possunt omnino deberi usuræ, nisi aut ex stipulatione aliave conventionē, aut sine conventionē ex mora, quod contingit in bonæ fidei iudiciis, et similibus. *L. 3. C. de usur. L. mora, §. in bonæ, sup. de usur.* Pecunia, cuius de usuris nunc quæritur, non petitur hic iudicio tutelæ, quod bonæ fidei est: sed ea est, quam Scævola proponit in stipulationem deductam esse. *Quæsitum est, inquit, cum per heredem pupillæ mora intercesserit, quominus pecunia in stipulationem deducta ab herede ut solveretur, an ei hodie debeantur usuræ.* Stipulatio bonæ fidei iudicium non est: nec pecuniæ stipulatione promissæ deberi usuræ possunt citra aliam stipulationem *d. L. 3. C. de usur.* Rursum de usuris eius pecuniæ præstandis cautum esse nihil hic proponitur. Sed quod in narratione facti omissum est, satis ex verbis questionis intelligitur. Cum enim questio posita sit nominatim de usuris pecuniæ promissæ, quæratque, an hæ post obligationem Seiz debeantur, satis intelligitur de his ita quæri, ut de illis quæ citra obligationem Seiz in obligationem venissent. Et quoniam in pecunia, quæ ex stipulatu petatur, non possunt deberi nisi ex stipulatione; ideo hoc quoque datur intelligi ita eas usuras venisse in obligationem: scilicet ut intelligatur quæri de usuris eo modo debitis, quo in hac causa deberi possunt. Quod ideo hic omissum fuit, quia de eo constabat inter litigatores, et brevitati Scævola consulabat. Quod secundo loco sequi-

tur, usuras in proposito debituram fuisse Seiam, nisi sortem ultro obtulisset, quamquam alio qui non fecisset moram: recte dicitur a Scævola, postquam hic usuræ debentur ex stipulatione, ut deberi supra ostendimus. Quæ enim ita debentur usuræ, hæ non debentur ex mora, sed ita, ut est conditio stipulationis: est autem hæc conditio, si sors soluta non erit, non etiam si debitor in ea solvenda moram fecerit. Atque hæc ipsa pars de pecunia offerenda, ad usuras inhibendas, rursum certo argumento est, hic sortem et usuras non peti iudicio tutelæ; sed ex stipulatione. Nam si ageretur tutelæ, deberenturque tantum usuræ ex mora, omnino hic non deberentur, quamvis Seia pecuniam non obtulisset; si modo per eam mora non fuisset quominus petenti heredi sortem solveret: quod futurum fuit etiam si sortem non offerret, dummodo creditor eam non peteret. † Tertium maiorem dubitationem habet, cum ex contrario ait Scævola usuras non deberi, si Seia pecuniam obtulisset: Oblationem quidem pecuniæ ille exigit, sed obligationem solam sine alia pecuniæ obsignatione: cum tamen tot locis traditum sit non interpellari cursum usurarum, si pecuniam tantum offerat debitor, sed ita, si etiam oblatam obsignet. *L. si creditrici, L. acceptam, C. de usur.* neque id de usuris ex stipulatione debitis tantum placuit, sed etiam de iis, quæ in bonæ fidei iudiciis ex mora deberi cœperunt. *L. 1. in fl. L. evictis in fin. sup. de usur. L. tutor pro pupillo, §. ult. supr. de ad. tut.* Ad hæc concilianda hoc dicere, superioribus locis consilium tantum dari, ut pecunia obsignetur ad inhibendas usuras, non etiam exigi, nullo modo licet: nimis enim aperte verba refragantur. *d. L. acceptam, C. de usur. dict. L. tutor pro pupillo, §. ult. de ad. tut.* Multo minus convenit dicere obsignationem, quæ superioribus locis exigitur, locum habere in iis usuris, quæ ex stipulatione debentur: aliam autem esse causam earum usurarum, quæ debeantur ex mora, ut quæ mora non facta deberi non possint. Iam enim ostendi agi hic etiam de iis usuris, quæ debeantur ex stipulatione, non ex mora tutelæ causa: alioqui ut illæ non debeantur, non debuit exigere Scævola, ut Seia pecuniam offerret: cum et sine oblatione fieri poterit, ut illa non esset in mora, atque ita consequeretur, ne usuræ deberentur. Res sic habet: quod dicitur usurarum, sive quæ ex stipulatione, sive quæ in bonæ fidei iudiciis ex mora deberi cœperunt, non inhiberi cursum sola oblatione pecuniæ, sed

sed ita, si etiam pecunia obsignatur a debitoribus; hactenus verum est, si non per creditorem factum sit, quomodo debitor pecuniam oblatam posset obsignare: nihil enim potest impotri ei, qui solvere etiam si vellet, non potuit. *L. cum quidam, §. si pupillo, sup. de usur.* et factam enique suam, non adversario nocere debet. *L. factum, infr. de regul. iur.* Id autem accidit tribus in causis. Una est, si fuit incertum debitori, quantum pecuniam deberet veluti ex tutelae administratione, et cum tutor saepe minoram interpellasset, ut tutelae iudicio ageret, quo posset constare, quantum deberetur, minor consulto rem distulit. Ideo constitutum est in hac specie, postquam tutor id fecit, exinde eum sortis ex causa tutelae debitoris usuras non praestaturum *L. ult. C. de usur. pup.* Altera causa est, si creditor nunquam exstet, aut non sit is, cui tuto solvi possit: velu-

ti si sit pupillus, et tutorem non habeat. Itaque placuit hic quoque debitorem quamvis pupilli immenem esse a praestatione usurarum. *d. L. cum quidam, §. si pupillo, sup. de usur.* Tertia causa est ea, quae hic proponitur: ubi Seia debitoris etiam ex stipulatione certam pecuniam debuit, sed creditor eam stipulationem repudiavit vetera actione tutelae experitur, qua agendo dubium facit, an eo iudicio vincat, necne et simul inutilem, aut certe ancipitem reddat obsignationem debitoris. Nam si beres pupilli, idemque creditor iudicio tutelae vinceret, ut fieri potest, vel imperitia, vel sordibus iudicis; frustra Seia obsignaret pecuniam ex stipulatione, quam ex ea causa non deberet. Quod cum contingit facto creditoris, satis est a Seia id exigere, quod illa praestare potuit: nempe obligationem pecuniae: quam ille si recusat, non habet Seia, quo progrediatur longius.

Ad §. Duo fratres.

Duo fratres hereditatem inter se diviserunt, et caverunt sibi, nihil se contra eam divisionem facturos: et si contra quis fecisset, poenam alter alteri promisit, post mortem alterius qui supervixit petit ab hereditibus eius hereditatem, quasi ex causa fidei commissi sibi a patre relictam debitam: et adversus eum pronuntiatur est, quasi de hoc quoque transactum fuisset. Quaesitum est, an poena commissae esset. Respondit, poenam secundum ea quae proponuntur, commissam.

SUMMARIA.

1. Species huius §.

2. Dubitandi ratio.

3. Fovere contra divisionem hereditatis quid.

4. Decisio, et eius ratio.

5. Pactum a se non peti, et si petendum esset poenam stipulationis, agentem contra conventionem an petiti exceptione repellat, aut poenam stipulationis comprehensam exigere possit.

1. **D**UO fratres a patre heredes instituti sunt, et invicem rogati, ut qui prior decederet, portionem hereditatis fratri suo restitueret. Mortuo patre cum de divisione rerum hereditariarum inter eos primo esset controversia, ut iudicium familiae arcescendae cogitara viderentur; tandem res inter eos transacta est. Qua transactione communem hereditatem certo modo inter se diviserunt eo pacto, ut quod ex partibus constitutis cuicunque obtigisset, id eius esset proprium. Caveruntque se contra eam divisionem nihil facturos: et si contra quis fecisset, poenam alter alteri promisit. Unus ex his deinde sine liberis moritur, alius hereditibus relictis, quam fratre. Quod ideo fingimus, ut procedat, quod ponit Saevola, eum, qui supervixit petere hereditatem a demortui fratris hereditibus quasi ex fideicommissi causa sibi a patre relictam debitam.

Nam si decessisset frater extantibus liberis, non esset locus fideicommissi, etiam si sine conditione relictum esset. *L. cum acutissimi, C. de fideic.* sed nec frater superstes haberet, quod peteret ab hereditibus fratris, si alii, quam ipse, non essent fratris heredes. Ergo cum locus esset fideicommissi, et alii essent heredes fratris demortui; qui supervixit, ab his hereditatem petit iure fideicommissi superioris: heredes tunc se exceptione transactionis supra scriptae; quod dicant ea transactione etiam fideicommissum remissum: idque ita factum esse iudicatum est. Qua sententia eadem opera iudicatum est fratrem, qui fideicommissum petit, contra divisionem fecisse videri. Hoc constituto heredes fratris demortui a fratre, qui fideicommissum petierat, poenam petunt: ille negat se debere, quia res vara

contra divisionem nihil fecerit: quod dicit se paratum esse de integro docere. Queritur, an pœna sit commissæ, id est, an ex stipulatione debeatur, et an peti possit. † Et non abs re est, cur videatur non esse commissæ: debebatur enim hac conditione, si frater contra divisionem fecisset: nihil fecit contra divisionem, fideicommissum a patre sibi relictum petendo: pœna igitur ab eo propter id factum non debebitur. Non fecisse illum contra divisionem, cum fideicommissum petiit, ita intelligetur, si cognoverimus, quid sit facere contra divisionem hereditatis. † Facere contra divisionem est facere contra id, quod divisione actum est. Divisione autem nihil aliud agitur, nisi ut a communione rerum hereditariarum discedatur. *L. 1. sup. fa. er.* In quo non continetur; ut heres portionem hereditatis, quæ obtigit, non restituat, nihil enim hæc commune habent. Quinimo ob id restituere debet, quia prius obtigit. Ideo nec remittitur fideicommissum ea divisione. Transactio enim omnis quamvis generalis, multoque magis si erit de certis rebus interposita, nunquam ad eas res, de quibus actum non est, pertinet. *L. qui cum tutoribus, §. 4. §. ult. sup. de trans. L. si certa, C. eod.* Nec ad rem pertinet, quod divisione id agitur, ut quod cuique obtigit ex rebus hereditariis, id cuiusque proprium maneat; fideicommissi autem superioris persecutio id quod cuiusque proprium factum erat, avocat. Sic enim divisio facit, ut quod uni obtigit, sit eius proprium, ut tamen velint heredes esse proprium cuiusque ex causa hereditaria. Proinde si ex fideicommissi causa avocetur, nihil fit contra divisionem. Postremo divisione hereditatis inter heredes facta, fideicommissum hereditariæ portionis, quod ab uno relictum erat, non esse remissum clare significatur in *L. cum pater, §. hereditatem post, sup. de legat. 2.* Quare ne tum quidem remissum intelligatur, cum nominatim convenierit, ut divisioni staretur: proinde nec fit contra divisionem seu transactionem, si id fideicommissum petitur, quod divisione remissum non erat. Quod et verum est. Ex quo intelligitur, quod hic iudicatum est, fratrem fideicommissum petendo videri contra divisionem fecisse, quasi divisione fideicommissum remisisset, male iudicatum esse: quod et maximè parti interpretum recte videtur. † Nihilominus Scævola absolute respondet pœnam hinc secundum ea quæ proponuntur, esse commissam: innuens videlicet commissam esse

se, sive bene iudicatum fuerit, sive male. Recte utrumque. Nam etsi male iudicatum est, quia frater instituta fideicommissi persecutione nihil contra divisionem fecerit re vera: tamen perinde habetur, quasi fecisset, cum eum fecisse pronunciatum est. Res enim iudicata inter eos, inter quos res acta est, pro veritate habetur; postquam ita ius est, ut exceptio seu replicatio rei iudicatæ omnibus noceat, qui contra sententiam aut petunt quid, aut exceptione aliqua utuntur, et breviter quoties eadem quæstio revocatur inter easdem personas. *L. 3. sup. de exc. rei iud.* Dicit igitur frater non iure pœnam a se peti, quia nihil fecerit contra divisionem. Sed adversus eam exceptionem erit replicatio rei iudicatæ, ut dicant heredes defuncti pœnam petentes, non licere fratri illa exceptione uti, quia iudicatum sit eum contra divisionem fecisse, ac rei iudicatæ stare oporteat. Quæ si ita sunt, exprimitur hoc loco hæc sententia a Scævola, cum quaritur, an pœna commissæ sit æque commissam videri, sive contra quam cautum est, factum sit re vera, sive factum esse iudicatum sit inter eos, inter quos de pœna agitur; quamvis iudicatum sit iniuria. Pœnam commissam esse respondet Scævola, quod significat etiam peti posse: quod et ipsum verum est. Sed non hanc viam habet, ut et semper possit exigi: interdum enim petitio exceptione doli removetur: de quo cum nihil expressum sit hoc loco, ex aliis locis sumendum est, quod hic sequamur. † De eo autem ita ius est; quoties quis pactus est a se non peti, et si petum esset stipulatus est pœnam; posse eum, si ab eo contra conventionem petatur, duplici via uti, utra velit, vel ut agentem repellat exceptione pacti, vel ut cedendo pœnam petat stipulatione comprehensam. Utrumque autem simul consequi non posse, ut agentem adversario et retineat exceptionem, quod petitur, et nihilominus pœnam exigit. Itaque ei, qui exceptione usus sit, pœnam amplius petenti doli mali exceptione occurrere. Si exceptione non utatur, tum pœnam utiliter ab eo peti posse. *L. rescriptum, §. si pacto sup. de pact. L. 4. Labeo, sup. de dol. mal. exc.* Et hoc nisi convenierit, ut adversario contra conventionem petente, liceret pœnam rato manente pacto petere: quæ conventio aperte et exceptionem et simul pœnæ persecutionem citra metum exceptionis tribuit. *L. pen sup. de trans.*

Ad L.

Ad L. Si flagitii 123.

Papinianus lib. 1. Definitionum.

Si flagitii faciendi vel facti causa concepta sit stipulatio, ab initio non valet.

SUMMARI A.

1. Stipulatio, qua flagitii facti causa quid promittitur, ab initio non valet.
2. Pactio, qua pecunia delicti admitti causa debita remittitur, an valeat.
3. Delicti causa quid promitti, aut pactione remitti quando intelligatur.

Species est turpis stipulationis, de qua, ut et de genere toto earum stipulationum, dixi ut in loco ad *L. generaliter*, 26. *supr. eod.* † Notandum est, quod hic dicitur si quid promittatur flagitii etiam facti causa, stipulationem ab initio non valere: quod et verum est: Sic enim delicto statuitur premium: quo magis reus ad delinquendum invitatur. Cuius generis pactiones omnes ut turpes improbantur. *L. illud*, 2 *supr. de pact. dot.* † Quid, si pecunia delicti admitti causa debita remittatur pactione, an ne sic quidem pactio valebit? Sed valere constat. *L. si unus. §. pacta*, *supr. de pact.* An quod aliud est promittere quid delicti causa, aliud remittere? Nequaquam: dat enim, et qui remittit. *L. 4. supr. de cond. caus. dat. L. Iu-*

lianus ait, supr. de cond. et dem. Sed aliud est remittere, quod debeatur ob dolum seu flagitium; aliud quod ita debeatur, remittere huius ipsius doli aut flagitii causa. Nec qui delicti remittit pœnam, continuo remittit delicti causa. Potest enim vel ob id remittere, quia tantundem aliunde a reo acceperit, aut accepturus sit postea, vel quia hunc humanitate et officio ad mutuum officium velit provocare. † Tunc 3 solum delicti causa quid promitti aut pactione remitti intelligitur, cum nominatim promittitur, remittiturve ob id, quod illud aut illud admissum est. Sive autem promittatur quid hoc modo, sive remittatur, pariter conventio et stipulatio est inutilis.

Ad L. Insulam. 124.

Exposui ad L. si ita stipulatus. 14. *supr. eod.*

Ad L. Cum stipulamur. 125.

Idem, quod pluribus in L. si stipulatus 76. §. 4. *supr. eod.*

Ad L. Si ita stipulatus. 126.

HOC idem pluribus in L. huiusmodi stipulatio, 74. *supr. eod.*

Ad §. Titius a Mævio.

Titius a Mævio fundum detracto usufructu stipulatus est, et ab eodem eiusdem fundi usumfructum. Duæ sunt stipulationes: et minus est eo usufructu quem pro se quis promisit, quam in eo qui proprietatem comitatur. Denique si ille usumfructum dederit, eumque stipulator non utendo amiserit: tradeudo postea fundum detracto usufructu, liberabitur. Non idem contingit ei qui fundum pleno iure promisit, et usumfructum dedit, deinde amisso eo proprietatem sine usufructu tradidit. Ille liberatus est dando usumfructum, hic nulla parte obligationis exoneratur, nisi pleno iure fundum effecerit stipulatoris.

SUM-

SUMMARI A.

1. *Stipulatus fundum simpliciter, et proprietatem, et usufructum fundi stipulatione complexitur.*
 2. *Stipulatus fundum simpliciter, quomodo discret ab eo,*

qui stipulatur proprietatem nudam separatim, et separatim usufructum diversis stipulationibus.

1. QUI fundum stipulatur simpliciter, aut apertius fundum pleno iure, una stipulatione complexitur proprietatem fundi, et eius fundi usufructum, est enim usufructus pars domini: unde et cum proprietate coniunctus intelligitur de quo disserui ad *L. eum, qui ita*, 56. §. *qui proprietatem, supr. eod.* † Sed tamen qui ita stipulatur, multum distat ab eo, qui stipulatur easdem res diversis stipulationibus: id est, una stipulatione fundi proprietatem nudam, seu quod idem est, fundum detracto usufructu, altera usufructum eiusdem fundi. Nam qui stipulatur fundum, stipulatur is quidem usufructum, sed eum, quem dixi coniunctum cum proprietate, et quem Paulus hic dicit proprietatem comitari. Qui autem separatim stipulatur usufructum, is stipulatur usufructum a proprietate separatim: inter quos multum interest. Prior enim ut domini seu proprietatis pars est, ita est, sicut proprietatis quam sequitur, perpetuus. Posterior eiusmodi, qui certis modis finitur, et hoc modo ad proprietatem redit. §. *postior, Instit. de usufr.* Hinc quæ sit ex utraque stipulatione obligatio de usufructu facile intelligitur. Proinde qui usufructum separatim promisit, si hunc

dederit, quamvis postea non utendo aut aliis modis amittatur, liberatur tamen, nec quidquam iam amplius præstare debet, quam nudam proprietatem, quam altera stipulatione promisit: illum enim præstando solvit, quod debuit; ac solutione eius quod debetur, tollitur omnis obligatio. *Instit. quib. mod. tol. ob. in pr.* At qui promisit fundum, si usufructum det separatim, et deinde is amittatur, nulla ex parte liberatur, nisi adhuc fundum pleno iure dederit, id est, et proprietatem et novum usufructum, qui proprietatem sequatur. Nec ad rem pertinet, quod prius usufructum dedit. Non enim eum solvit, quem debuit: cum perpetuum deberet, et cum proprietate coniunctum: ipse autem a proprietate separatim, eoque et temporalem dederit. Et in summa, utraque hac stipulatione, fundum dabis? et usufructum eius fundi dabis? usufructus continetur, sed dissimilis. Prior usufructus coniunctus cum proprietate: proinde et perpetuus. Posterior usufructus a proprietate separatus, qui idem tempore certis modis finitur. Quapropter nisi ille ita detur, ut perpetuo maneat, obligationi satis non fit; hic si sua conditione detur, statim liberatio nascitur.

Ad §. Chrysogonus.

Chrysogonus Flavii Candidi servus actor scripsit coram subscribente et assignante domino meo, accepisse cum a Iulio Zosa rem agente Iulii Quintiliani absentis, mutua denaria mille: quæ dari Quintiliano, heredive eius ad quem ea res pertinebit, Kalendis Novembribus quæ proxime sunt futuræ, stipulatus est Zosas libertus, et rem agens Quintiliani: spondit Candidus dominus meos. Sub die superscripta si satis eo nomine factum non erit, tunc quo post solvetur, usurarum nomine denarios octo præstari stipulatus est Iulius Zosas: spondit Flavius Candidus dominus meus: subscripsit et dominus. Respondi: Per liberam personam quæ neque iuri nostro subiecta est, neque bona fide nobis servit, obligationem nullam acquirere possumus. Plane si liber homo nostro nomine pecuniam daret vel suam vel nostram, ut nobis solveretur: obligatio nobis pecuniæ creditæ acquireretur: sed quod libertus patrono dari stipulatus est, inutile est: ut nec ad solutionem proficiat adiectio absentis, cui principaliter obligatio quaerebatur.

Superest, quæramus an ex enumeratione ipse qui contraxit, pecuniam creditam petere possit: nam quotiens pecuniam mutuam dantes, eandem stipulamur: non duæ obligationes nascuntur, sed una verborum. Plane si præcedat numeratio, sequatur stipulatio: non est dicendum, recessum a naturali obligatione. Sequens stipulatio, in qua sine adiectione nominis usuras

stipulatus est, non eodem vitio laborat, neque enim maligne accipiendum est eidem stipulatam usuram, cui et sortem videri; ideoque in liberti persona valet stipulatio usurarum, et cogitur eam patrono cedere, plerumque enim in stipulationibus verba ex quibus obligatio oritur, inspicienda sunt, raro inesse tempus vel conditionem ex eo quod agi apparebit, intelligendum est: nunquam personam, nisi expressa sit.

SUMMARI A.

1. Species §.

2. Ex liberti stipulatione concepta in personam patroni, an patrono queratur actio.

3. Ex liberti numeratione, an in proposito detur patrono condictio.

4. Pecunia alterius nomine mutuo data, illi acquiritur obligatio.

5. Libertio in proposito an ex numeratione saltem competat condictio.

6. Stipulatio usurarum in specie proposita, an utilis.

¹ **L**ibertus mutuum pecuniam dedit impersonaliter, id est, neque aperte suo nomine, neque alieno; eamque reddi stipulatus est, sed nominatim patrono. Quod si patrono reddita, eive eo nomine satisfactum non esset, tum in singulos menses, quibus id factum non esset, stipulatus est usuram, sed eas rursus impersonaliter, id est, ita ut neque stipularetur aperte sibi, neque patrono, sed simpliciter usuram. † Hic circa sortem ante omnia quæsitum est, an esset huius nomine actio patrono: ac primum an esset ex stipulatione. Respondet Paulus non esse, quia per liberam personam, quæ iuri nostro subiecta non sit, neque bona fide nobis serviat, obligatio nulla nobis acquiritur: de qua regula iuris abunde diximus ad L. stipulatio ista, §. alteri, supr. eod. Addit Paulus adeo stipulationem patrono esse inutilem, ut nec adiectio absentis patroni ei proficiat ad solutionem. Sensus est, adeo esse inutilem, ut non modo non possit patronus eam pecuniam exigere ab invito, sed etiam ut ne a volente quidem ei possit solvi, ut eo facto debitor liberetur. Et adiecit ratio, quia principaliter patrono obligatio quærebatur. Quod sic interpretandum est; quia destinatione et proposito contrahentium principaliter ei obligatio quærelatur. Sic enim composita erat stipulatio, ut patrono ipsi obligatio quæreretur. Cæterum huic non quæritur res vera, ac nec potest, idque iam ab initio Paulus posuerat. Hoc autem ideo dicit, quia ei, qui creditor non sit, et actionem de pecunia non habeat, non recte solvitur, nisi sit adiectus solutionis causa. §. plane. Inst. de inut. stip. Quod in proposito de patrono dici non potest. Non enim adiecitur solutioni is, de quo id agitur, ut principaliter ei obligatio acquiratur: sed is tantum, in quem solutio conferitur eius rei, cuius obligatio in alterius persona principaliter iam ante constituit. d. 3 §. plane, † Sed an ex numeratione dabi-

tur patrono condictio? Et Paulus: si liber homo, inquit, nostro nomine pecuniam daret vel suam, vel nostram, ut nobis solveretur, obligatio nobis pecunia creditæ acquireretur. Quo significat, si libertus in specie proposita dedisset pecuniam nomine patroni, futurum fuisse, ut patrono acquireretur condictio. Nunc cum nominatim eius nomine non dederit, dicendum esse ne ex numeratione quidem illi actionem acquiri. † Quod ait, cum alterius nomine pecuniam mutuum damus, illi acquiri condictionem, videri potest contrarium regulæ iuris, quam paulo ante posuit, quæ efficitur per liberam personam alteri obligationem acquiri non posse. Et certe res endonatis indiget. Sed quæstio est ad causam mutui pertiniens, de qua scriptum est ex professo in L. certi, §. si nummos, supr. si cer. pet. ibi locum exposui. † Quæsitum est deinde de liberto, an non huic saltem detur actio, non quidem ex stipulatione, quam inutilem esse constituit, et patrono, cui libertus actionem quærere non potuit; et liberto, qui sibi quæsitam noluisset, L. multum, C. si quis alt. vel sibi, sed ex numeratione. Et Paulus in uno hoc casu, si præcedat numeratio, sequatur stipulatio, aperte rem definit, non esse dicendum recessum a naturali obligatione: significans hoc casu competituram esse liberto condictionem haud dubie, quia hæc illi ex numeratione primo competere cœpisset: non possit autem dici ab ea recessum esse posteriore stipulatione tanquam novatione facta: quoniam ne iure quidem vetere novatio fieret, ubi in posteriore stipulatione nihil novi intervenisset: quod fit, ubi nec persona nova accessit, et in stipulationem venit tantundem. §. præterea, Inst. quib. mod. tol. obl. Quod si in continenti stipulatus esset libertus patrono pecuniam reddi, tantum significat Paulus quæri posse, an hoc casu actio ei qui contraxit, id est, liberto competat, etiam ex numeratione: et adiecit rationem, cur non videatur posse competere; quia

quia cum mutuam pecuniam dantes eandem stipulamur, non duæ obligationes nascuntur, sed una verborum. Quod hanc sententiam habet, obligationem hic ex numeratione non nasci, sed solum ex stipulatione, quia id agatur, ut sola stipulatio teneat, ut hoc idem explicatur in *L. cum enim, infra, de novat.* Sed hoc, inquam, ostendit Paulus solum dubitari posse, an de ex numeratione quidem actio in proposito danda sit liberto, qui contraxit. Quid autem in eo probandum sit, relinquit in medio. Et quod hic omissum est, sumetur ex *dict. L. certi, §. numeravi, supr. si cerpet.* ubi Ulpianus scribit ad hanc sententiam; quoties mutuam pecuniam dans eam in continenti stipulatur; unam quidem esse obligationem, non duas, et eam ex stipulatione, non ex numeratione; sed ita, si utiliter stipuletur: quod si stipulatus erit inutiliter, tum contrahi obligationem ex numeratione: quod quam recte dicatur, illic 6 exposui. Hæc de sorte. † Circa stipulationem usurarum dubitatum est, num hæc quoque ut superior sortis esset inutilis. Nam qui sortem ipsam stipulatus est nominatim patrono, existimari potest etiam eius sortis, usuras in personam patroni contulisse, etiam si sine adiectione nominis eas stipulatus sit. Paulus statuit postquam libertus aperte eas patrono stipulatus non est, stipulationem sic accipi debere, quasi sibi sit stipulatus, non patrono; proinde stipulationem valere, et inde liberti actionem acquiri, quam cogatur postea patrono cedere. Sed cum sine adiectione nominis stipulatio concepta sit, cur interpretatur libertum sibi stipulatum esse potius, quam patrono; præsertim cum ex stipulatione sortis appareat libertum voluisse in ea pecunia consulere patrono, ut cui eam nominatim stipulatus fuerit? Quia, inquit Paulus, maligne interpretaremur libertum eidem stipulatum esse usuras: cui et sortem, videri. Sed cur maligne, quia callida est omnis et maliciosa cuiusque contractus interpretatio, cum verba captamus, sive præcedentia, sive sequentia adversus mentem et sententiam contrahentium: id est, adversus æquum et bonum. Quod hic fiet, si ex verbis stipulationis sortis accipiemus libertum usuras. Itidem stipulatum esse patrono. Sic enim eveniet, ut stipulatio usurarum pariter sit inutilis. Illud autem rectum, et sententiæ contrahentium conveniens stipulationem sic accipi, ut valeat potius, quam pereat, ne dicantur nihil agere voluisse contrahentes, quos constat serio stipulationem interposuisse *L. quoties in, supr. eod.* Huc accedit, inquit Paulus, quod plerumque in stipulationibus verba inspicienda sunt; utpote ex quibus ob-

ligatio oritur. Quod si fit, non dicemus libertum patrono stipulatum esse, ubi de patrono nihil verba exprimunt. Sed cur ista ratione non dicamus etiam ipsum non videri stipulatum sibi, cum nec de eo quidquam exprimat verba? Si verba de stipulante non exprimunt, at certe de eo satis significant: stipulatur enim libertus dari obligationis contrahendæ causa: proinde ut sit utile, quod geritur: non potest autem utiliter stipulari, nisi sibi. At enim in stipulatione interdum inest tempus; inest etiam conditio, quamvis neutrum exprimitur: neque id tantum ex natura rerum, ut cum stipulamur Ephesi dari, ubi inest tempus, intra quod possit perveniri Ephesum: *L. interdum, supr. eod.* ut cum stipulamur fructus; ubi inest hæc conditio, si nascentur, *L. 1. in fin. sup. de con. et dem.* quæ ad hanc locum non pertinent: insunt enim hæc in stipulatione necessario. natura rerum ita exigente, non etiam ex coniectura voluntatis contrahentium admittantur. Sed insunt hæc duo interdum (tempus dico et conditionem) etiam tunc, cum natura rerum nihil horum exigit, insuntque solum ideo, quia intelliguntur ex præcedentibus, sicque res accipitur, ut quæ in una parte conventionis dicta sunt, videantur in sequenti stipulatione ad eandem rem pertinente repetita. *L. Titia, §. 1. infr. eod. L. 4. in fin. supr. de pact.* Ex quo recte colligi posse videtur etiam hic in stipulatione usurarum subiecta, intelligi debere personam patroni: priore stipulatione sortis expressam. Negat Paulus hæc recte comparari: tempus ait et conditionem inesse, interdum intelligi posse personam. nunquam, nisi expressa sit. Ubi personam accipere debemus aliam, quam stipulantis. Nam quod ad huius personam attinet, non modo hæc in stipulatione impersonaliter concepta intelligitur, ut hoc loco; sed etiam eam intelligi necesse est, si stipulationem valere volumus. Ideo autem priora duo intelliguntur nonnunquam: quia est ex sententia contrahentium intelligi, dum his intellectis nihilominus valet stipulatio. Persona autem extranea, in quam stipulatio conferatur, ideo non intelligitur; quia non potest intelligi, quin stipulatio sit inutilis: quod fieri est contra mentem contrahentium, ut recte Duarenus hunc locum accepit. Idque hoc modo idem Paulus explicat in dicta *L. Titia, §. 1. infr.* ubi cum definisset plerumque ea, quæ præfationibus convenisse concipiuntur, etiam in stipulationibus repetita credi: addidit hanc correctionem; sic tamen, ut non ex ea repetitione inutilis efficiatur stipulatio.

Ad §.

Ad § Si ita stipulatus fuero.

Species iam ante exposita in *L. si ita stipulatus*, 97. *supr.*

Ad *L. Si pupillus*. 127. *Scævola lib. v. Quæstionum.*

Si pupillus sine tutoris auctoritate Stichum promittat, et fideiussorem dedit: servus autem post moram a pupillo factam decedat, nec fideiussor erit propter pupilli moram obligatus. Nulla enim intelligitur mora ibi fieri, ubi nulla petitio est; esse autem fideiussorem obligatum ad hoc, ut vivo homine conveniatur, vel ex mora sua postea.

SUMMARI A.

1. *Pupillus sine Tutoris auctoritate Stichum promittente, fideiussore dato, an eius cessatio fideiussori nocet.*
2. *Pupillus interpellatus si non solvat, cur moram facere non intelligatur.*
3. *Regula iuris, Nulla intelligitur mora ibi fieri, ubi nulla petitio est, explicatur, et obiecta quædam demonstrantur.*
4. *Fideiussio in proposito ad quid utilis.*
5. *Pupillus sine tutoris auctoritate an obligetur naturaliter.*
6. *Pupillaris actiois partes tres.*

7. *Infans nulla modo neque civiliter, neque naturaliter obligatur.*
8. *Infantis proximus sine tutoris auctoritate ne naturaliter quidem obligatur.*
9. *Pupillorum vocabulo, cum de his sine tutoris auctoritate obligandis agitur, soli ii, qui pubertati proximi sunt intelliguntur.*
10. *Infantis proximus a pubertati proximo quomodo distinguatur, et quæ ætas pupillaris his verbis notetur.*
11. *Pubertatis proximus sine tutoris auctoritate contrahendo, naturaliter obligatur, ubi contrarii hæc de re loci conciliantur.*

1 **P**upillus sine tutoris auctoritate Stichum promittit, et fideiussorem dedit. Interpellatus ut Stichum daret, non dedit, deinde Stichus mortuus est. Pupillum non teneri constat. Nam qui vivo Stichō non erat obligatus, ut qui promississet sine tutoris auctoritate, *L. obligari, supr. de auct. tut.* is utique mortuo eo non incipiet obligari: quoniam et hæc mora sine tutoris auctoritate contingit, et quidem nullo interposito ad obligationem pupilli consensu. Quinimo etsi antea obligatus fuisset pupillus, vel quia promississet tutore auctore, vel quia obligatio ex re nasceretur, vel quia successisset ipse debitori; tamen mortuo Stichō liberaretur, quia Stichus sine mora pupilli esse desiisset. *L. si ex leguti, 23. l. sed etsi, seq. sup. end.* Itaque de pupillo nihil hic dicit Scævola. De fideiussore pupilli quæsitum est, an propter superiorem pupilli moram fideiussor eius obligetur. Et teneretur sine dubio, si post moram pupilli Stichus esset mortuus: certi enim iuris est moram rei principalis fideiussori nocere, eique perpetuare obligationem. *L. mora, l. si servum, §. nunc videamus, supr.* Idemque in contrarium valet, ut si pupillus moram non fecisset, non teneretur fideiussor: nam et pupillus promissor si prius obligatus esset, liberaretur interitu rei promissæ. *d. l. si ex leguti, supr.* ex quo necesse esset evenire, ut liberarentur et accessiones, puta fideiussores. *L. in omni-*

bus speciebus. inf. de sol. l. cum principallis, infr. de reg. iur. Quæstio ergo in eo est, an interpellatus pupillus dum non solvit, moram fecerit. Hinc responsum Scævola hoc loco: ideo scilicet mortuo Stichō fideiussorem in proposito non esse obligatum, quia nulla hic mora facta sit ut a pupillo quidem. Quod enim dicit fideiussorem propter pupilli moram non fore obligatum; abusive moram vocat, quæ videatur talis esse, quia a pupillo et eo interpellato cessatum est: re autem vera at in re non sit mora, quia non sit iniusta cessatio: quod ad moram statuendam accedere necesse est, *L. sciendum, supr. de usur.* Idque ita sentire Scævola manifestum est, cum ideo neget postea fideiussorem propter pupilli moram teneri, quia pupillus moram non fecerit: nulla enim, inquit, intelligitur mora ibi fieri, ubi nulla petitio est. † Multæ sunt causæ, cur hic pupillus interpellatus etsi non solvat, non faciat moram. Nam etsi iure esset obligatus; tamen non habet in potestate id quod petitur: alienare enim non potest; eoque nec solvendi sine tutoris auctoritate ius habet, *dict. l. obligari. supr. de auct. tut. §. ult. Inst. quib. al. li. vel non.* Hæc autem idonea adversus moram defensio est, si dicatur res debita in potestate rei non fuisse. *L. quod te, supr. si ter. pet.* Ignorat etiam pupillus, an debeat, quod petitur, propter imperitiam ætatis, quæ et ipsa idonea

nea tantum est, cur existimetur quis sine mora differre solutionem. *d. l. quod te*. Sed hæc ut ubique locum habent, id est, non hic tantum, sed etiam cum pupillus obligatus fuit quas ideo solum commemoravimus ad *L. si ex stipulatu. 24. sup.* ite probabiles sunt magis, quam necessarie. Illa est potentissima ad morem amoliendam, si dici possit iure pupillum non debuisse: perspicuum est enim nihil esse, quod obiciatur, si, qui non solvit, quod invito non debuit. Hæc causa cum in proposito se haberet, ceteris omissis Sævola hæc uti maluit. Nulla igitur, inquit, intelligitur mora ibi fieri, ubi nulla petitio est. unde sumpta regula iuris. *L. nulla. infr. de reg. iur.*

3 † Petitio hic interpellationem et conventionem non significat. Et si enim ut plurimum sine interpellatione mora non fit; *L. mora, sup. de usur.* tamen nunquam aliter fieri multis modis falsum est, ut ostendimus ad *L. si ex legati, sup. eod.* Sed et in specie proposita, ubi negat Sævola petitionem esse adversus pupillum, constet fuisse pupillum interpellatum: cum animi nominatio eius mora, hæc alia intelligi non potest, quam eius cessatio, quam prius interpellatio creditoris præcessit: nam nisi quid aliud intervenerit, propter quod non posset debitor interpellari, aut non esset necesse, sine interpellatione mora non fit. dict. *L. mora. sup. de usur.* Petitio hic actio est, ut in usu iuris hoc verbum usurpatur. *L. existat, sup. quod. met. caus.* estque hic sensus, nullum intelligi ibi moram fieri, ubi nulla actio est, nullum in petendi iudicio ab eo, qui interpellatur. Nullam actionem accipere debemus, non tantum quæ plana et omni lora nulla est; sed etiam quæ iure Civili constituta per exceptionem infirmatur: inter quæ ad vim actionis nihil interest, ut regula iuris traditur. *L. nihil interest, infr. de reg. iur.* Id quod declarans Paulus in *L. lecta, ver. penult. sup. si cer. pet.* diserte ait non esse in more eum, a quo pecunia propter exceptionem peti non potest. Est autem superior regula et verissima et perpetua. Obiici solet. *L. nuda, C. de cont. stip.* ubi qui nuda pollicitatione promiserat se quid secturum, et si fecisset, promiserat stipulanti, quanti se res est, si interpellatus ut faceret, quod pollicitus erat, non fecerit, placet ea interpellatione confestim commissam esse stipulationem, quamvis ex nuda pollicitatione nulla fuerit actio. Sed quid hoc ad regulam? at nulla est actio de eo, quod in pollicitationem deductum est; ita ne moram quidem in eo fieri dicimus, cum dicimus eo

non præstito stipulationem pœnæ committit. Non enim ideo committitur, quis reus prius moram fecerit, sed quia conditio stipulationis existerit, ut eodem rescripto expressum est. Fuit autem hæc conditio, non si promissor in eo, quod pactus erat, præstando moram faceret; quod in pecunia indebite fieri non potuit: sed si id non præstaret: quod et Bartolus recte animadvertit. Sunt etiam, qui obiciunt *L. ita stipulatus, sup. eod.* ubi qui promisit Pamphilum; et si Pamphilum non daret, pœnam; ai interpellatus Pamphilum non det, placet adversus eum mora facta statim committi pœnæ stipulationem. Quasi quidquam dicatur in hac specie, quod non apprimet et aperte cum superiore regula conveniat. Qui interpellatus non dat Pamphilum, moram facit. Recte: quoniam et Pamphilus ab eo peti potuit iudicio etiam commissæ semel pœnæ stipulatione. Pœnali animi stipulatione non novatur prior, ut illic docuimus: ut efficiatur, quod regula exigit, ideo moram hic fieri, quia id pettum ait, cuius nomine fuerit iure actio. Quod si quis in superiore exemplo Pamphilum in petitione esse non admitteret, sed tantum in præstatione: diceremus ne moram quidem eo non præstito, fieri, sed quod in exemplo *L. nuda*. Idem in hoc quoque evenire ut Pamphilo non præstito committeretur pœnalis stipulatio, non propter præcedentem aliquam moram, sed quia conditio stipulationis existisset. Nisi forte cum istis recipimus, ut hic Pamphilus ante moram debitus fuerit, et peti potuerit; unde et eo petito mora secuta sit iuxta regulam: sed mora facta statim desinat deberi. Quo nihil potuit dici absurdius: mora enim in id, quod debetur, incidens tantum abest, ut tollat obligationem, ut hanc maxime confirmet, et pro temporali perpetuum faciat. *L. si servum, §. sequitur, sup.* elioqui mora auctori prosit, non noceat contra regulam iuris, et omnem æquitatis rationem. *L. in condemnatione, §. unicuique, infr. de reg. iur.* Scio in hoc legato, heres meus Solo penum dato: si non dederit, decem dato, placere penum peti non posse, tantumque esse in præstatione: *L. 1. sup. de pec. leg.* et tamen hac petita si heres eam non dat, dici moram ab eo fieri. *L. 1. §. item, si ita, sup. ad leg. Falc.* ut hoc potius pro contrario asserri deberet, quam illud prius. Sed et in hac specie mora abusive dicitur pro cessatione ab eo interposita, qui interpellatus dara noluerit, quod petebatur; etiam si vere mora non fuerit, cum id recusatum sit, quod

quod non fuerit reo necesse præstare: similiter ut et hoc loco. Denique quod Paulus in dict. *L. 1. §. item si ita, ad leg. Falc.* dicit decem sola deberi, cum heres in solvenda penu moram fecit, nihil aliud est, quam quod idem expressit alibi, pecuniam tunc deberi cum interpellatus heres penum aut fundum prius legatum non dedit. *L. si penum, supr. quan. di leg. ced.* Vere igitur in universum definitur, nullam intelligi moram ibi fieri, ubi nulla petitio seu actio est. Quo posito cum id sumatur in proposito, nullam esse actionem adversus pupillum de eo, quod ille promisit sine auctoritate tutoris; recte colligitur nullam ab eo moram in eo quod ita promissit, fieri potuisse. Cui et illud consequens est, ut quamvis post eius cessationem Stichus promissus decesserit; nihilo tamen magis fideiussor obligetur: quia non sit hic ulla mora, quæ illi noceat. † Quæreret ergo aliquis, quid profuerit fideiussorem a pupillo acceptum esse. Respondet Scævola fideiussorem obligatum esse, ut vivo adhuc homine promisso conveniri possit: aut si is mortuus est, ut possit conveniri non quidem ex mora pupilli, quæ nulla est, sed ex sna. Etsi enim Stichus post moram solius fideiussoris mortuo, atque ita liberato reo secundum regulam iuris, *L. si ex legati, sup. eod.* per consequentias liberatur et fideiussor summo iure: *L. in omnibus speciebus, infr. de sol.* tamen æquum et bonum est fideiussorem ex sua iura teneri, eoque placet et teneri eum utili actione. *L. cum filiusfam. supr. ubi diximus.* Statuit igitur Scævola fideiussorem utiliter accedere pupilli promissioni etiam tum, cum pupillus promiserit sine tutoris auctoritate. † Qua ex re eadem opera declarat et pupillum eo facto obligari saltem naturaliter: alioqui inutiliter fideiussor accipitur, qui nihil nisi principalis obligationis vel civilis, vel naturalis accessio est. *L. fideiussor obligari, §. fideiussor. infr. de fideius. §. 1. §. fideiussor, Inst. eod.* Et pupillum sine tutoris auctoritate promittendo, mutuum accipiendo, vel aliter contrahendo civiliter ex eo contractu non obligari constat. *L. obligari, supr. de auct. tut.* cæterum his modis obligari saltem naturaliter, sententia est, quæ non hoc tantum loco, sed et aliis multis confirmatur, ut *L. 1. in fine, infr. de novat. L. si pupillus, supr. ad L. Fal. L. in numerationibus, infr. de sol. L. si eius, supr. ad Treb. L. cum illud, §. 1. supr. quan. di. leg. ce. L. ult. supr. de iureiurand.* Sed sententia incidit in difficultatem propter duos locos, quibus id ipsum diser-

te negatur. *L. pupillus, supr. proz. tit. et L. quod pupillus, supr. de cond. ind.* Etsi autem quæstio non magis huius loci propria est, quam cæterorum, quibus hæc obligatio nominatur: tamen quia pariter in hunc locum incurrit, semel puto dicendum, quod pertineat ad omnes, dum simul hic locus intelligatur. † Et cum pupillaris ætatis tres sint partes, infantia, et ea pars, quæ infantie proxima est, tertia quæ proxima est pubertati; §. *pupillus, Instit. de inut. stip. L. pupillum, infr. de reg. iur.* † de infante statuendum est, quod inter omnes convenit, hunc nullo modo neque civiliter, neque naturaliter obligari posse, quippe cuius nullus intellectus sit, nullus consensus; qui denique non multum distet a furioso: qua ratione nec tutore obligari eum posse placuit, non magis quam furiosum. *d. §. pupillus, de inut. stip. L. in negotiis, infr. de reg. iur.* Et recte. Nullus est enim contractus, nulla ex contractu obligatio sine consensu. *L. 1. §. 1. sup. de pac.* nec potest tutor auctoritate sua comprobare contractum, seu consensum, qui non est. Itaque, et si locupletior factus sit infans pecunia ei mutuo data, aut re aliqua ei commodata: tamen ne sic quidem obligari potest ex consensu is, in quo consensus non fuit: adeo ut nec actio ex contractu utilis in infantem dari possit, postquam effectum est nullum hic contractum etiam natura intelligi. Non nego in pupillum cuius actionem, quatenus locupletior factus est, dari ex rescripto Divi Pii *L. pupillus, supr. de auct. tut.* Sed si is infans sit, erit actio adversus eum, tanquam negotio eius gesto negotiorum gestorum: qualis esse solet etiam adversus furiosum, si quis furiosi negotia gesserit. *L. 3. §. pupillus, ver. etsi furiosi, sup. de neg. gest.* ex contractu, qui nullus est, actio esse non potest. Qui consensum et placitum infanti detrahit, is detrahit et naturalem obligationem, quæ ex consensu nascitur. *L. 1. sup. de pact.* Proinde de pupillo infante verissime dicitur, quod scriptum est in *L. pupillus, supr. proz. tit.* hunc mutuum pecuniam accipiendo ne quidem iure naturali obligari. Hoc enim ita est, sive tutoris auctoritas intervenierit, sive non intervenierit: et sive locupletior factus sit, sive non sit. Non quod non obligetur naturaliter et civiliter, qui locupletior factus est; sed quia non ita obligatur, quia mutuum pecuniam accepit, sed quia factus est locupletior. Neque hæc sententia de infante pugnat cum iis locis, quibus simpliciter traditur pupillum obligari natura, quos

locos supra indicavi. Cum enim in negotiis contrahendis nominatur pupillus, intelligi debet is, cuius natura est aliquis intellectus et consensus: denique is qui non est infans, aut non distat ab infante. Scilicet ut accipiat is, in quem natura possit cadere id, de quo agitur. Idque ita fieri debere precipitur in d. §. *pupillus*, de *inut. stip.* sicque aperte accipitur pupilli nomen in *L. in negotiis*, *infr. de reg. iur.* Infantem dici constat, qui minor est septem annis: maiorem infante, qui eam aetatem excessit. *L. si infanti*, C. de *iur. delib.* † Qui infantie proximus est pupillus, huic dno res tribuuntur in d. §. *pupillus*, quæ initio eius §. tribuitur erant generaliter pupillo: ut si de aliis obligandis agitur, hos sibi recte obliget: si de ipso obligando, obligetur et ipso recte, sed adhibita tutoris auctoritate: quæ duo ad questionem institutam nihil pertinent. Cæteris in rebus hic ipse ibidem comparatur infanti, *in vers. sed quod diximus*. Nam illic uterque ponitur in eadem causa: uterque dicitur pariter non multum distare a furioso, addita hac communi ratione, quia huiusmodi ætatis pupilli nullum habeant intellectum. Quodque dno illa superiora tribuuntur postea iis, qui infantie proximi sunt, ostenditur non summo iure id fieri, sed benigniore interpretatione receptum esse propter eorum utilitatem. Unde intelligimus, eum ab aliis duobus discesserimus, puta eum is qui infantie proximus est, pecuniam accepit, aut promisit quid sine tutoris auctoritate, hic non magis obligari eum, quam infantem. Quapropter et in huius ætatis pupillo recte usurpabitur, quod est in d. *L. pupillus*, *supr. pro. tut.* hanc mutnam pecuniam accipiendo (accipiendo, inquam, per se sine tutoris auctoritate: nam cum tutor accedit, et fit auctor, magis ipse accipere videtur, quam pupillus) hunc, inquam, accipiendo hoc ipso solum quod accepit, nec naturali iure obligari. Item et illud vere, quod est in *L. quod pupillus*, *supr. de cond. si quid*

pupillus qui infantie proximus est, promiserit sine tutoris auctoritate, ipsum nec natura debere. Nam et de infante id dicturi essemus extra controversiam. Hic autem in hac causa similis. Quod si ita est; quæ de obligatione naturali pupilli dicuntur aliis locis, ut ad infantem non pertinent, sic nec ad eum, qui sit infantie proximus, pertinere intelligendum est. Atque ita ad hanc usque ætatem inter hos locos optime convenit, ut nullis repugnantibus dicendum sit, si quid huiusmodi ætatis pupilli sine tutoris auctoritate cum alio gesserint, eos ex eo contractu etiam iure naturali non obligari. † Si quid hic dissidi est, id consistit in ea ætate, quæ promissa est pubertati, quæ ætate qui sunt pupilli, cum de his sine tutoris auctoritate obligandis agitur, soli vocabulo pupilli ex sententia loquentium intelliguntur. d. §. *pupillus*, *Inst. de inut. stip. et d. L. in negotiis*, de *reg. iur.* Et in his pupillis non abs re est, cur videantur superiores loci inter se dissidere. Omnes de pupillo simpliciter scripti sunt, et tamen in aliis omnibus constanter ostenditur pupillum quamvis sine tutoris auctoritate contrahendo naturaliter obligari: in duobus illis, quos dixi, id ipsum diserte negatur: de quo restat, ut cognoscamus. † Ne tamen aut de proximis infantie frustra dictum sit antea, aut deinceps frustra dicatur de ætate posteriore: ante videndum est, proximum infantie a pubertati proximo quomodo distinguamus, et quæ ætas pupillaris his verbis notetur. Recte Accursius ad d. §. *pupillus*, cuius sententiam ei Bartolus probat in *L. 4. infr. de novat.* totum reliquum tempus, quod infantiam sequitur usque ad pubertatem, dividendum esse monet in duas partes æquales, ut qui consistat intra priorem, hic sit infantie proximus: qui hanc egressus consistat intra posteriorem, is incipit vere dici proximus pubertati, quia re vera huic sit propior, quam infantie. Itaque pupillum esse proximum infantie, qui septem annis maior consistat adhuc intra annum decimum et dimi-

1) Com. 3. res. 1. n. 57. Quamvis hic alii non vult variant. Cuius ad C. Continetur d. de despons. impub. præsumitur pubertati proximum quæ agit vel explevit 11. annum per d. C. 6. et C. 21. de spons. Fecimus qui perit annum 13. G. pupillæ et Bart. ad L. 111. de R. I. qui annum 13. ingressus teste Servio ad Virgil. *Eclog. 8.*

Alter ab undecimo tum me iam exipiat annus.

et P. Fab. ad L. 5. de R. I. Alii, qui 15. annum attingit vel ingressus Rob. 2. rec. lect. 17. qui tamen 3. annum. 32. videtur proximum pubertati debere quæ super pubertate etiam prætergimus. Alii cui sexagesimo decit ad puber-

tatis ætate, Cuius. 17. Obser. 4. in fin. 3. not. Merc. 12. Lævis. ad L. 2. §. 1. de R. I. f. 511. In cronibus hoc admittit, in civibus autem Bart. et Gemelli, etc. definiti- com probat, Castella. Cotta in *Memoral. n. Pupillus*. De- cique Coras. 6. mus. 18. n. 7. et 8. Covar. de mortuor. P. 3. Cap. 5. n. 7. Vigl. in §. *testes* 6. I. de *testam. n. 12.* Iudici arbitrio reliquant, qui puerorum alius alio præcedere est intellectus, aliusque dolam exigit. Et ita post varias opiniones examinate Manoch. 3. urb. Ca. 37. n. 20. et seq. Guib. de *Contr. stip. C. 2. 185.* et seqq. Phil. Malt. ad L. 103. de R. I. n. 31. et seqq. Scher. *Tab. 4. de *Baron. Cap. 5. n. 13.* et seq.*

dimidium: qui excessit, esse proximum pubertati: pupillam autem infantiae proximam eam fore, quae infantiam egressa consistat intra annum nonum et dimidium: quae excessit, esse pubertati proximam. † Redeo iam ad huius pupilli, qui pubertati proximus sit, naturalem obligationem. Et in hoc, inquam, praecipue superiorum locorum dissidium constituit, nec, ut dixi, estimatur iniuria magnum subesse: cum in aliis tradatur pupillum etiam sine tutoris auctoritate mutuum pecuniam accipiendo, aut quid promittendo naturaliter obligari: in aliis duobus omnis hoc casu obligatio et nominatim etiam naturalis itidem in pupillo, et generaliter reiiciatur. Neque enim audiendus est hoc loco Accursius, et qui huius sententiam vulgo secuti sunt. ad L. 1. *infr. de novat.* cum duos illos locos, quibus negatur pupillum natura obligari, de infante, et eo qui infantiae proximus est, accipiendo docent: in quibus omnia cum in verbis, tum in sententia huic interpretationi refragantur. Ait Rufinus: *pupillus* (intellige, solus) *mutuum pecuniam accipiendo ne quidem iure naturali obligatur.* L. *pupillus, supr. proz. tit.* Et Neratius, *quod pupillus inquit, sine tutoris auctoritate stipulanti promiserit, solverit, eius repetitio est: quia nec natura debet,* L. *quod pupillus, supr. de cond. ind.* Uterque locus diserte de pupillo scriptus est, Pupillus non significat infansem. Omnis quidem infans si sui iuris sit, est pupillus: sed non omnis pupillus est infans. Unde igitur hoc sibi concedi voluit, ut quod de pupillo simpliciter dictum est, id interpretetur de infante? Repugnat non solum verbi significatio; sed etiam scriptorum intelligentium prudentia et consuetudo. Infansem si intellexissent iuris auctores in supra scriptis locis, infansem nominassent, non pupillum, si quidem vellent intelligi, ut qui scirent aliud esse pupillum, aliud infansem. In quo cum naturaliter et intelligenter locuti essent; tum vero secuti essent omnium non inepte loquentium et praesertim aliorum iuris auctorum morem, qui quoties id dicere voluit, quod sit infantis proprium, infansem exprimunt, et ad hunc nominatim conferunt orationem: ut L. 1. §. *ult. supr. proz. tit.* L. *apud, L. coram, infr. de ver. sig.* Quare cum in supra scriptis locis de pupillo definitionem concepe-

rint, hunc ipsum intelligi voluerunt, quisquis pupillus sit, non infansem solum. Nec minus rerum, de quibus illi agitur, conditio repugnat, quominius eorum locorum auctores de infante senserint. Nam in prioribus agitur de pupillo, qui mutuum pecuniam acceperit: quod infanti non recte convenit: nemo enim facile tam stultus reperitur, qui soleat soli infanti mutuum pecuniam dare. In altero definitio est de pupillo, qui quid stipulanti promiserit: hoc vero infanti tribui non potest: quem certum est natura promittere verbis non posse, cum loqui non possit L. 1. §. *ult. supr. proz. tit.* Huc accedit, quod utroque in loco quaestio est, an pupillus sine tutoris auctoritate naturaliter obligetur ex contractu. Haec quaestio ex sententia loquentium ad eas personas accomodanda est, in quas cadet eiusmodi dubitatio. Allogui definitio sit supervacua et inepta. Proinde referenda ad pupillum, qui fari potest, et qui pubertati sit proximus. Nam de infante nemo unquam dubitavit, quia is ex contractu non possit obligari, cum huius nullus sit intellectus, nullus consensus natura. Usque adeo, ut nec accedente tutoris auctoritate placeat eum obligari posse. d. §. *pupillus, Inst. de inut. stip. d. L. in negotiis, infr. de regul. iuris.* Fatendum est igitur, quemadmodum cum in aliis locis simpliciter scriptum est pupillum naturaliter obligari, eum pupillum intelligimus, qui pubertati proximus est; sic et cum in aliis duobus simpliciter traditur pupillum nec natura obligari, hunc eundem pupillum praecipue intelligi debere: non quod non sit certius infansem, et eum qui infantiae proximus sit, non obligari natura, quam eum qui aetate provecior factus plus intelligit, quam priores; sed quia de prioribus satis natura ipsa admonemur, hoc non obligari, quia non intelligunt, quod agitur, eoque nec ad id intelligendum alia definitione admodum est opus: qui autem pubertati est proximus, is est solum, de quo ut praecipue dubitatur, ita potissimum iuris definitione caveri oportuit. Ita sit, ut de eodem pupillo dictum sit a iuris auctoribus, hunc sine tutoris auctoritate contrahendo obligari naturaliter; et rursum eundem nec naturaliter obligari. Quae si dicta sunt diversis conditionibus, inter

86

2) Et nove Hærtens. ad L. 1. *de novat.* Alii tamen inter proximos infantie et pubertati distinguunt, Gomez. 2. *Resol.* 14. n. 1. Rob. 2. *rec. lect.* 17. et 3. *animad.* 21.

3) Ita te Baro in §. 1. *I. Quib. mod. re Contr. Distr.*

de O. et A. C. 2. Branch. 1. *Ass.* 32. Addit Baro in §. 9. *de I. de inutil. stip.* quia idem Iuriconsulti qui pupillum obligari negant, si solus, obligari dicunt auctore tutore, quod infanti non convenit.

se non pugnant; puta, si intelligamus obligari pupillum naturaliter, si locupletior factus sit: si non sit factus, nullo modo eum obligari. Si intelligunt iuris auctores pupillum sine tutore auctore contrahentem naturaliter obligari etiam si locupletior inde factus non sit, relinquunt ea difficultas, quæ merito etiam doctissimos semper exercuit. Videamus ergo, num ad hæc concilianda admitti possit superior distinctio, quæ tradita a Martino, et repudiata iam olim a veteribus interpretibus, nostra ætate 4 reficitur a quibusdam, et pro certissima obtruditur sine alia probatione, ut dicamus pupillum sine tutore contrahendo obligari posse naturaliter, sed ita, si locupletior factus sit; aliter nullo modo obligari, ac ne naturaliter quidem. Quod minime omnium recipiendum est. Prius enim ridiculum est: posterius pene tot locis refellitur quot locis significatur pupillum naturaliter obligari. Obligator, inquit, pupillus naturaliter, si locupletior factus sit. Si intelligerent 5 naturaliter tantum, aperte falsum esset. Constat enim pupillum locupletiores factum obligari etiam civiliter ex constitutione D. Pii. L. 3. §. *pupillus*, sup. de neg. gest. L. 3. in pr. sup. com. L. *pupillus*, sup. com. L. *pupillus*, sup. de auct. tut. Nunc autem hoc sentiunt, pu-

pillum qui locupletior factus sit, etiam obligari naturaliter, dum sateatur obligari quidem eum civiliter, sed ita, ut velint simul eum et naturaliter obligari: quo responso nihil ineptius. Ut enim nunc a nobis, sic ab illis posita erat quæstio, an pupillus sine tutoris auctoritate contrahendo, non civiliter, sed naturaliter saltem obligaretur. Illi respondent interdum eum et civiliter et naturaliter obligari: aperte contra id ipsum, quod ab illis propositum fuerat. Quod autem dicunt pupillum nec naturaliter obligari, si locupletior factus, non sit, perspicue falsum est, penesque, ut dixi, tot locis refellitur, quot ostenditur pupillum sine tutoris auctoritate promittente, aut mutuum accipientem obligari naturaliter: in quibus sunt hi præcipue L. 1. in fin. infir. de novat. hæc L. si *pupillus*, L. cum *ilud*, §. 1. sup. quan. d. leg. ced. et L. *Stichum*, §. *addito*, infir. de sol. Ergo pupillum obligari naturaliter etsi non sit factus locupletior, satis probat hoc solum, quod statuitur in L. in fin. infir. de novat. si is sine tutoris auctoritate promiserit, ipsum naturaliter tantum obligari, non etiam civiliter: obligaretur enim utique et civiliter, qui locupletior esset factus, etsi sine tutoris auctoritate promississet. d. L. *pupillus*, sup. de

4) Cuiac. in d. L. 127. et 21. Obs. 33. et 22. Observ. 23. Pac. 4. Quæst. 9. P. F. ad L. 5. de R. I. Fult. 1. d. 16. Gued. de Contr. stip. Cop. 7. n. 212. et seqq. Hyper. Lib. 1. *enrichir* pag. 22. Phil. Mith. ad L. 5. de R. I. n. 20. et seq. Furst. de Pact. Cap. 5. p. 96. et seqq. Rad. Forner. 1. Rer. quodid. 19. Et ita quoque Govean. ad L. 1. §. 17. ad L. Falc. n. 17. et seqq. quia cum locupletior, natura æquum est teneri, ubi tamen n. 18. interdu natura debita dicit, quæ reipsa pœdita et promissa, tametsi ad solutionem nulla æquitas ratio urget. Sic accipit. L. 1. de Nov. L. 95. §. 3. de solut. L. 25. §. 1. Quan. d. Leg. in quibus speciebus non locupletior proponitur. Non quod iure gentium teneatur, sed quod re ipsa mutuo accepterit. Et inter naturalem obligationem quæ ex amicitia nascitur, sed nullus effectus, etiam iure gentium deserta et iuris naturalis eni vi aliqua eogendi inquit, ac iustum distinguit hanc in re. Coram. 6. mie. 22. n. 4. et A. Fab. 8. Con. 5. neminem ante se id divise iactantem, (quem et refellit Nicell. Diss. feud. 2. Th. 4. lit. C.) Melius aliquando idem ad L. 28. pr. de pact. Rev. ad L. 84. §. 1. de R. I. controversiam fuisse sentit inter proculianos qui non tam ius gentium nudum expulerunt quam æqualem naturalem; et Sabiniam qui ad nudum ius gentium retulerunt, quin obligationes inductæ nulla personarum, et alique, sed sola rei habita natura. Baro ad L. 1. de I. et I. et ad L. 7. de pact. et tit. I. Quib. mod. re. Cont. in §. 9. I. de inut. stip. in manual. ad L. 13. de cond. ind. et passim, distinguit inter ius naturale et gentium. Sed melius in tit. I. de auct. tut. pupillum qui caput intellegit, natura quidem ex promissione obligari, sed illam obligationem semper infirmam habuit circa commercia, minimum quod æquum gentium ritum non fuerit tam infirmum iudicium huius ætati nocere. Sic et A. Fab. ad d. L. 28. pr. Licet æquitas naturalis assueat pœla servari, maior tamen contraria æquitas non patitur nisi qui naturæ vitio alii prospicere æquum, nocere possit. Duar. de Cond. ind. C. 6. obligari æquum vel non, prout æquitas (ex qua omne hoc

astinendum, vid. not. sup. Civil. Comment. Lib. XII. C. 2. N. 2. id exigit. Quare in his qua nullum aut leve incommensuratum afferunt obligari enim et fidem accedere possit, novatio valet. Et de O. et A. C. 2. consulendum hic philosophum scribit, nec philosophum; de officio differentem hic simpliciter responsurum. Nec tantum an censeat, sed an ex firmo iudicio et consilio spectandum, vid. L. ult. de man. vind. Obligari itaque in his que nihil vel minimum officiant. Non autem ubi de retentione rei solutæ agitur, ubi locupletior factus. Quæ eodem in effectu tendunt, quo Don. noster. Cum quo magis convenit Wes. in §. *pupillus* 9. I. de inut. stip. n. 2. Pagius quoque d. Lib. 4. Q. 9. quando non locupletior, naturalem obligationem in persona pupilli consistere, non respectu ipsius, sed alioquin, in quibus cessat æquitas. Neo est quod in Donelli sententia erudenda anxie laboret Gued. d. lo. n. 225. et seqq. num eam ipse aperte proderit. Abiit vero ut unquam absolutissimus IC. de duplici obligationis unius realis, alterius personalis concursus in eandem permixtum vel somniarit. Aliter Baldum. ad pr. I. de auct. tut. n. 11. Brouch. 1. Ass. 32. Guicereæ. in repet. L. 55. de leg. 1. n. 176. et seqq. Locius ad L. 2. §. 1. de R. I. f. 423. et aliter idem de Fur. arte trad. 17. et seqq. axiom. 60. 5) Ita et arguit Bob. 2. rec. Lect. 17. Locius. ad d. L. 1. §. 1. de R. I. f. 223. Sed in hoc a nostro recedo, quia potest et actio oriri ex obligatione naturali, vid. not. sup. Civil. Comment. Lib. XII. C. 2. N. 15. non tamen ordinaria et directa. Quin obligatio civilis ex contractu requirit conventionem. Quæ deest non tantum ubi plane nullus, sed et ubi non integer consensus ut hic L. ult. de mand. viar. Nec certe ideo perfectior non censetur, si a nullo suppletur, quando locupletior redditur impubes, qui nec hoc ipsum augeat, ne rem an imminuat, plene intelligit. Quid quod noster ipse L. 64. ad Trab. et L. 22. ad L. Falc. de locupletior reddidit accipit, qui tamen LL. aperte naturalem obligationem vocant.

de auct. tut. Quid hoc responsum Scævola, in quo versamur, an non id ostendit evidentissime? proponitur enim pupillus promississe sine tutoris auctoritate, et præterea is esse adversus quem nulla sit petitio: proinde nec directa, nec utilis. Ex quo intelligi debet eum proponi, qui non sit factus locupletior: postquam placuit in pupillum non tantum tutori, verum etiam cuivis alii actionem dandam in quantum locupletior factus est: *d. L. pupillus, L. 3. sup. com.* Vult autem Scævola eum pupillum ita promittentem obligari saltem naturaliter, dum pro eo fideiussorem recte intervenire statuit. Manifesta est igitur huius responsi sententia pupillum sine tutoris auctoritate promittentem etiam tum, cum locupletior factus non est, naturaliter obligari. Nisi forte ferendum est, ut hic divinemus pupillum locupletiozem factum esse, et hæc verba Scævola, *nulla hic petitio est*, sic accipienda sint: nulla est ante rescriptum D. Pii, ut nonnulli hic arguantur. Quod plus quam ridiculum est: Neque enim hæc eadem sunt: nulla nunc petitio est; et, nulla fuit ante rescriptum Divi Pii. De præsentī autem tempore et suo loquitur Scævola, non de præterito. Multoque minus eius sententiæ congruit verba sic accipi, quasi olim ante superius rescriptum nulla fuerit adversus pupillum actio. Si enim intelligit olim nullam fuisse, etsi nunc sit, ipse se refutat, dum in proposito negat pupillum moram facere ideo, quia nulla mora ibi intelligatur, ubi nulla petitio est. Diceremus enim statim hac ratione pupillum hic moram facere videri quia hoc tempore, de quo nunc agatur, sit actio adversus pupillum. Verum tamen ne anxie laboremus, quod de pupilli obligatione naturali dicimus, diserte traditum est in *L. cum illud, §. 1. sup. quan. di. leg. ced.* Scribit enim Papinianus in hoc legato, *heres meus Titio dato, quod mihi Seius pupillus debet, si quidem Seius pupillus sine tutoris auctoritate nummos accepisset, nec locupletior factus esset*, nullum præsens debitum esse; proinde nullius momenti esse legatum, si ad hoc debitum testator verba retulit. Cæterum in eo debito inesse naturalem obligationem. Hanc si cogitavit testator, utile esse legatum, ut tunc debeatur,

cum pupillus solverit. Ait nominatim *nec locupletior factus esset*: quam lectionem⁶ qui mutandam putant, et pro *nec legendum* et, moti eo, quod in Pand. Florentinis particula *nec* inclusa sit semicirculis hoc modo (nec) faciunt admodum imperite, qui ut eum locum ad suam sententiam detorqueant, plus semicirculis nescio quibus, quam manifestæ sententiæ eius loci tribuunt. Respondet enim statim ex hypothesi Papinianus, in hoc debito pupilli nullum præsens debitum esse, id est, nullum, quod iure ab invito possit exigi. Quod aperte falsum esset, si pupillus proponeretur locupletior factus: cum, ut iam sæpe diximus, in pupillum statim actio sit, quatenus locupletior factus est. Idem expressit Papinianus in *L. Stichum, §. aditio, infra, de sol.* ait enim, si creditor pupillo cui sine tutoris auctoritate nummos crediderat, heres extiterit, non consecuturum eum quanto locupletior pupillus factus est; sed in solidum creditum suum retinere; atque ita additionem pro solutione cedere. Non est creditum, nisi ubi est debitum: nec solutio intelligitur, nisi eius quod debetur. Debet igitur pupillus pecuniam mutuatam, quam sine tutoris auctoritate accepit, et debet in solidum etiam ultra quam locupletior factus est. Non potest debere civiliter: restat, ut debeat tantum naturaliter. Stet igitur hæc sententia, pupillum qui sine tutoris auctoritate vel promisit quid, vel mutuum accepit, nec locupletior factus est, civiliter quidem nunquam obligari: at dum is sit, cuius aliquis sit intellectus, eoque et consensus idest, dum sit proximus pubertati, placere hunc naturaliter obligari propter consensum. Idque tum dici a veteribus animadvertendum est, non solum cum locupletior factus non est pupillus, neque tamen eo nomine quidquam ei abest; sed etiam cum id quod debebat, sponte solvit, ut declarat *d. L. cum illud, §. 1. sup. quan. di. leg. ced.* Quid ergo iam dicimus de eo, quod superioribus illis duobus locis tam aperte definitur, pupillum sine tutoris auctoritate contrahentem nec naturaliter obligari? Aio et hoc vere dici in eodem pupillo, idest, etiam in eo, qui pubertati proximus sit, idque eodem tempore, iisdemque conditionibus, idest

6) Cuius ad *L. 127. de U. O. (not. a Rob. 1. rec. lect. 17.* contra quem se defendit 17. *Obs. 4.)* et *Pac. 4. (l. 9. Merc. in Conciliat. p. 707. Rad. Forner. 1. Rer. quæst. 19. Aud. Cuius de Iure sequestr. C. 12. N. 10. Vult. 1. discrep. 16.* Cuius emendationis vanitas ex ipso contextu liquet, ut et Cuius. *notat. ibid.* Unde aliam ro-

spositionem querit *Cuius. d. C. 7. n. 2. 249.* et 2. *segg.* quasi naturalem obligationem statui ibi *l. c.* non ex iure sed opinione testatoris, qui cogitaverit pupillum forte locupletiozem redditum, aut cum suæ iustitiae obligationem rati habiturum. Quæ probabilis a Forst. *de pact. C. 5. p. 98.* et *segg.* couvellerit ab Arum. *de Mora C. 6. n. 15.*

idest, tunc, cum locupletior factus non est, et sive quid ei iam absit ex ea causa, sive non absit. Neque tamen hæc inter se contraria sunt. Dicunt enim recte eodem tempore et in eadem causa, sed diversis rationibus. Obligator pupillus naturaliter, si res spectetur: in re enim obligatio est ex eius consensu, quæ secundum naturam rei gestæ non minus tenetur ipse, quam eius accessiones. Dicitur idem non obligari nec naturaliter habita personæ eius ratione: quia obligatio in persona eius est sine effectu, non propter conditionem obligationis, quæ alioqui vere subest; sed propter personam pupilli, cui hoc tribuitur, ne obligatio ei ullo modo noceat. Aio in re esse obligationem ex eiusmodi consensu, neque id sine effectu, ne quis forte ideo obligationem esse neget, quia effectu careat, et merito neget, cum res ex effectu suo æstimentur, et dici soleat verba cum effectu accipienda esse. *L. 1. sup. quod quis iur.* Si enim a persona pupilli discesseris, omnibus aliis ea obligatio tam prodest re ipsa, aut nocet, quam si alius quivis fuisset iure obligatus. Prodest ea obligatio debitori, quem creditor liberare voluit novatione, dum hic quod sibi ab alio debetur, stipulatur, a pupillo novandi animo. Liberatur enim debitor hac stipulatione non minus, quam si creditor ab alio quovis stipulatus esset; non alia de causa, quam quod ex ea stipulatione nata est obligatio vere naturalis, in quam prior transfusa novationem peperit, ac sine eo nulla facta esset novatio. *§. præterea, Inst. quib. mod. tol. obl. L. 1. infr. de novat.* Nocet eadem obligatio fideiussoribus, et cæteris, qui accessionum locum obtinent: qui pro pupillo ita obligatio intercedentes non minus ex ea causa tenentur, quam si pro civili obligatione intercessissent. *L. ult. sup. de iur. et hac L. si pupillus.* Quod fieri non potuit, nisi et hic prius in persona pupilli obligatio constitisset vere naturalis. *L. fideiussor, §. fideiussor, infr. de fid.* Sed eadem pupillo ipsi nunquam nocet: non enim solum pecunia ab eo invito peti non potest; sed etiam si solverit, datur ei ultro soluti repetitio. *d. L. quod pupillus, sup. de cond. ind.* in qua tamen deneganda effectus naturalis obligationis potissimum cernitur. *d. L. fideiussor, §. fideiussor, de fid. L. naturales, sup. prox. tit.* At quamobrem datur ei soluti repetitio ex hac causa? videamus. Non utique quia non obligetur ipse re vera, seu quia non subsit vere obligatio, quæ in eius persona constiterit: alioqui quomodo prodesset aut noceret aliis,

quæ in eius persona initium non habuisset? Sed cum ipse obligetur, et in re, ut dixi, obligatio sit, ideo non tenetur, quia personæ eius hoc tribuitur, ut possit repetere, quod solvit: personæ, inquam, non rei aut causæ. Et ideo cum in hac causa datur pupillo repetitio, dicitur persona locum facere repetitioni. *L. interdum, sup. de cond. ind.* Ut sit sensus, hanc ideo tribui, non quia non fuerit debitum, quod pupillus accepit, aut promisit; sed quia personæ beneficium sit, quod ei conceditur. Non esset beneficium personæ, si in re obligatio nulla esset. Hæc res facit, ut quod eius personæ præstatur, hoc nequam ad alios pertinere debeat, ut fideiussores, et cæteras accessiones. *L. cum patronus, sup. de leg. 2. L. quia tale, sup. sol. matr.* Ut in summa recte dici possit, pupillum quod ipsi et aliis utile sit, sine exceptione ex contractu etiam sine tutoris auctoritate naturaliter obligari: quod autem noceat, ipsum obligari aliis, non sibi, dum ea obligatio accessiones non minus tenet, quam si civili obligationi accessissent: ipsi autem non nocet, ut qui etiam ex ea causa solutum possit repetere. Sed in hac ipsa repetitione duo loci rein impediunt. *L. si pupillus, sup. ad leg. Falc. et L. si eius, sup. ad Trebell.* in quibus etsi summa questio de alia re instituta est, quam an obligetur pupillus: tamen ad questionem propositam utrobique pro certo sumitur pupillum cui sine tutoris auctoritate pecunia matris data sit, non solum ex ea causa obligari naturaliter, sed etiam ea obligatione ita teneri, ut si solverit, non repetat. Quibus verbis confirmatur ex hac causa vere pupillum obligari naturaliter ita, ut non solum in re sit obligatio, sed etiam in pupilli persona: quod supra negavimus. In quo iam aperte statui videtur sententia plane contraria *d. L. quod pupillus, sup. de cond. ind. et d. L. pupillus, sup. de obl. et act.* Et intelligendum est in persona pupilli, qui sine tutoris auctoritate mutuam pecuniam accepit, naturalem obligationem duobus modis dici. Uno modo eam, quæ vere et omni ex parte sit obligatio, idest, quæ sit non tantum in re quæ gesta est, sed etiam in persona pupilli, ut quæ etiam ipsum teneat. Altero modo eam, quæ in re quidem obligatio sit, sed in persona pupilli non sit, quia beneficium personæ hoc consequatur pupillus, ne teneatur ea obligatione. Prior est, cum pupillus pecunia accepta locupletior factus est. Nam et tunc etsi tenetur pupillus civili actione, dicitur

tamen absolute obligari naturaliter *d. L. pupillus, supr. de auct. tut.* ut sit, secundum naturæ æquitatem: quoniam natura æquum est unicuique cum alterius detrimento fieri locupletioem. *L. naturaliter, §. ult. et L. nam hoc seq. supr. de cond. Posterior* est, cum pupillus non est factus locupletior. Quam ita oriri ex contractu pupilli ostendi, ut ad alios quoque pertineat non solum ut prosit, sed etiam ut noceat. Veruntamen hactenus, ne noceat pupillo: qua ratione dum persona pupilli spectatur vero dixeris pupillum nec naturæ teneri. De posteriore obligatione nunc agimus: de qua verissima est ea sententia quam paulo ante statui. De priore superiores loci duo accipiendi sunt, idest: ea qua dicitur pupillus vere obligari naturaliter ob id, quod locupletior factus est. Neque dubitabimus id ita esse affirmare, quamvis de eo nihil aperte exprimatur. Satis enim intelligitur non dicam ex effectis (quanquam hæc ipsa id facile arguunt: quod enim ei obligationi naturali, de qua illic agitur, id tribuitur, ut impediat in pupillo soluti repetitionem, satis declarat eam obligationem notari, qua tenetur, ob id, quod factus sit locupletior: nam alioqui a pupillo solutum condici posse constat *d. L. naturaliter, §. ult. supr. de cond. ind.*) sed intelligitur præcipue uelque in obscure ex verbo creditoris, quo verbo nominatur utroque in loco is, qui pecuniam pupillo sine tutoris auctoritate mutuum dedit. Creditor is accipitur tantum, cui ex aliqua actione debetur. *L. creditor, L. creditores, infr. de verb. signific.* In hoc numero non est is, qui pecuniam pupillo sine tutore credidit, nisi pupillus ex ea pecunia factus sit locupletior: hac enim conditione solum actio in pupillum datur. *d. L. pupillus, de auct. tut.* Quare appellatione creditoris satis, ut dixi superioribus in locis hæc ipsa conditio exprimi intelligitur. Sed si in illis locis pupillum locupletioem factum accipimus, cur in his tractantur iuriconsulti, an pupillus solutum condicere possit, necne; cum constaret ex rescripto D. Pii etiam ultro adversus eum actionem dari; cui autem creditor actionem damus, stultum esset dubitare, an ei in eadem causa datur exceptio? *L. inuitus, §. 1. infr. de regul.*

iur. Signidem illis in locis quaereretur, an pupillus locupletior factus solutum posset repetere, quia pupillus est tantum; stulta esset dubitatio, nec satis digna iuriconsulto. Sed ne frustra id tractari utroque in loco existimemus in eo pupillo, qui locupletior est: acciderat extrinseca in specie utriusque loci, quod in vera etiam hominis idonei obligatione posset de eo dubitationem asserre. Nam in *L. si pupillus ad leg. Falc.* pupillus solverat vere debitum, utpote creditori: sed solverat conditionis implendæ causa: erat enim ei legatum relictum a creditore sub conditione, si decem quæ ei mutuo data erant sine tutoris auctoritate, heredi reddidisset. Hæc reddidit ut pareret conditioni, eaque impleta consequeretur legatum. Quod conditionis implendæ causa datur, placet in Falcidiam non imputari. *L. id autem, supr. ad leg. Falc.* Dubitatur igitur, cum hic etiam solverit debitum, an pro debito soluto accipiendum sit, ut sic imputetur in Falcidiam; an potius pro eo quod implendæ conditionis causa datum sit, ut ne imputetur. Pro debito soluto respondet Paulus: adeoque pro debito soluto, ut quævis pupillus legatum repediaverit, aut Stichus legatus decesserit, atque ita nihil ex eo legato consequatur pupillus; tamen is solutum repetere non posset. Quod utique in eo, quod per causam conditionis implendæ solutum est, etiam si ante vere et certo debitum esset, iuxta tamen dubitationem habuit. Sic in *L. si eius ad Trebell.* cum quaeritur, si pupillus pecuniam, quam mutuum acceperat sine tutoris auctoritate, solverit ei, cui restituta est creditoris hereditas, an possit ab eo repetere; satis declaratur fuisse eam obligationem pupilli, ex qua creditori suo teneretur. Sed id eo dubitatur, an possit in hac causa repetere, quod solvit, quia videatur alii solvisse, quam creditori, dum ei solvit, cui restituta est hereditas creditoris. Quod negat Marcellus, hac ratione, quia ab herede creditore in fideicommissarium post restitutionem naturalia obligatio translata intelligatur. Hoc vero non minus in alio quovis debitore, qui vere et civiliter deberet, potuit dubitari.

Ad L.

Ad L. Si duo. 128.

Paulus lib. x. Questionum.

Si duo rei stipulandi ita existissent, ut alter utiliter, alter inutiliter stipularetur: ei qui non habet promissorem obligatum, non recte solvitur: quia non alterius nomine ei solvitur, sed suæ obligationis, quæ nulla est. Eadem ratione qui Stichum aut Pamphilum stipulatur: si in unum constiterit obligatio, quia alter stipulatoris erat: etiam si desierit eius esse, non recte solvitur: quia utraque res ad obligationem ponitur, non ad solutionem.

SUMMARI A.

1. Ex reis duobus stipulandi, quando alteri solvendo promissor ab altero liberetur.

2. Ex reis duobus stipulandi ei, qui inutiliter stipulatus est, frustra solvitur, si promissori liberatio contingat.

3. Ex reis duobus stipulandi is, qui inutiliter stipulatus est, pro adiecto solutionis gratia non habetur.

1 CUM duobus reis stipulandi quid promissum est, potest promissor utri ex his volet, quod promissum est,olvere, eique solvendo etiam ab altero liberetur. §. huiuscemodi, *Instit. de duob. reis*, L. 3. *infra*, eod. Hoc ita est, si duo rei
2 inutiliter stipulati sint. † Sin ita extiterunt, ut alter stipularetur inutiliter, puta aut sub conditione impossibili, aut rem suam: huic quandoque frustra solvitur, ut promissori liberatio contingat. Quippe huius stipulatio cum sit inutilis, pariter et ad obligationem inutilis est, et ad solutionem: solutio enim nisi in rem ex obligatione procedente debitum cadere non potest. Verum id efficit Paulus alie ratione: quia, inquit, *ei, qui inutiliter stipulatus promissorem obligatum non habet, alterius rei stipulandi nomine non solvitur, sed suæ obligationis*. Ex quid si solveretur ei alterius nomine? Paulus pro certo habet id promissorem facere non posse, et recte: cum hanc potestatem illius nomine solvendi ab illo non acceperit. Is enim stipuletus est tantum sibi, non sibi, aut alteri reo stipulandi. Ita restat, ut ei, qui inutiliter stipulatus est, solvatur tantum suæ obligationis nomine. At hoc frustra quia hæc obligatio, inquit Paulus, *nulla est*. Est igitur hoc dilemme Pauli: ei ex duobus stipulandi reis ei, qui inutiliter stipulatus est solvi potest: necesse est ei solvi aut alienæ obligationis nomine, aut suæ. Alienæ nomine non potest, cum contra ius sit promissorem alii solvendo, quam creditori liberari invito creditore. Suæ non potest per rerum naturam, cum ex obligatio nulla sit. Proinde nullo modo ei solvi potest. Sed cum uno verbo dici posset solutionem non esse, nisi præcedentis obligationis nomine eoque non posse solvi, ei cui ex inu-

Tom. XI.

tili stipulatione nihil debetur; quid etiam habet hanc retentionem adiciere, ut diceret non solvi alterius nomine. Non dubium est, quin ratio hæc addita sit non tam rei recta confirmandæ, quam tacite obiectionis removendæ causa. Nem cum quis stipuletur sibi aut Titio, in persone Titii nulla contrahitur obligatio; eique omnino nihil acquiritur ex ea stipulatione: et tamen ei recte solvitur. §. *plane*, *Instit. de inutilib. stipul.* Unde existimari possit hic quoque in huius rei stipulandi persona, qui inutiliter stipulatus est, idem probandum esse. † Paulus obiectionem removens innuit longe dissimile id esse: quoniam in superiore exemplo Titius ediciatur a stipulatore ipso, ut sit potestas ei solvendi voluntate creditoris. Nihil hic tale, ubi uterque reus stipulandi stipulatur solum sibi dari, non sibi aut alteri stipulandi reo. In summa, in cuius persona stipulatio ad acquirendam obligationem est inutilis, quemadmodum huic ex ea stipulatione nihil deberi potest; nec ei solvi, quod in stipulationem deductum est, quo promissor ab alio, qui idem, quavis simul, utiliter stipulatus fuerat, liberetur: quia non hoc actum fuerit. Idque vel ex eo apparet, quod ut sibi obligationem acquireret, non eutem ut sibi alterius obligationis nomine solvi posset, stipulatus est. Utitur autem Paulus huius sententiæ argumento, vel potius superiore ratione ad id probandum, quod sequitur. Stipuletus quis est Stichum aut Pamphilum, cum Pamphilus esset stipulatoris: itaque in Pamphilo stipulatio non constitit. L. *scire*, §. *ult.* L. *nemo rem*, *supr.* eod. Queritur, si is postea desierit esse stipuletoris, an possit a promissore solvi pro ea electione, quæ ex disjuncti-

civa obligatione creditori tribuitur. Movet, quod Stichum aut Pamphilum ita stipulatus est, ut in hac disunctione liceret dare alterutrum. Proinde licet ex conventionem atiam dare Pamphilum. Nec ea re impediemur, quod Pamphilus non debetur: nihil enim vetat, quominus in solutione sit, qui tamen non debeat: cum possit ex conventionem ut alii solvi, sic solvi aliud

pro alio. Paulus ait ideo solvi hic Pamphilum non posse, quia non ad hoc positus sit, ut solvatur tantum, sed ut in obligationem deducatur: significans ideo non posse solvi, quia non hoc fuerit actum, ut posset: aliusque rei argumentum esse, quia positus fuerit ad obligationem: cui proposito contrarium est, ut possit tantum solvi, cum non debeat.

Ad L. Si quis ita. 129.

Vide L. 63.

Ad L. Quod dicitur. 130.

Exposui ad L. stipulatio ista. 39. §. alteri, supr.

Ad L. Iulianus 131.

Scaevola lib. XIII. Quaestionum.

Iulianus scripsit, si neque per te, neque per heredem tuum Titium fieret quo minus mihi ire liceat, stipuler: non solum Titium teneri si prohibeat, sed etiam coheredes eius.

SUMMARIUM.

1. *Ex stipulatione hac, neque per te, neque per heredem tuum Titium fieri, quo minus mihi ire li-*

ceat, prohibente Titio, an ceteri coheredes teneantur.

1. **S**tipulatus quis est per promissorem non fieri, neque per Titium heredem eius, quominus sibi ire agere liceat: prohibet Titius heres. An teneantur eo facto et ceteri coheredes, non solus Titius, quaeritur. Teneantur citra ullam dubitationem si promissor aut de heredibus nihil expressisset, aut cavisset de omnibus. L. 2. §. item si in facto, L. 4. §. Cato, *supr. cod.* Nunc cum de Titii solum facto caverit promissor, videri potest, id actum, ut is solus, non etiam ceteri coheredes teneantur. Et placuit nihilominus hic quoque teneri ceteros. Merito primum quia Titii persona frustra adicitur, ut solus teneatur ex stipulatione hereditaria in solidum, qui solus non est heres, cum non minus et ceteri in eam obligationem succedant. L. eum,

qui ita, §. 1. supr. cod. Deinde quia non adicitur obligationis causa, sed conditionis. Promittit enim reus solidum id quod interest, quae obligatio ad omnes heredes pertinet: sed sub conditione, non si alii quoque heredes, sed si solus Titius prohibuerit. Qua conditione id efficitur, ut Titio prohibente tanquam conditione impleta stipulatio committatur in solidum: aliis autem heredibus prohibentibus non committatur; si vero quod conditio stipulationis hoc modo non extiterit: si vero quod cum de aliis heredibus nihil cautum sit, vere dicturi simus his prohibentibus nihil factum esse contra, quae cautum est. Ita ad obligationem persona Titii frustra adicebatur, in hac specie: ad conditionem cuius causa comprehensa est, adicitur non frustra.

Ad §. Qui fundum.

Qui fundum sibi aut Titio dari stipulatur: quamvis fundus Titio traditus sit, nihilominus petere fundum potest, ut sibi de evictione promittatur, nam interest eius quia mandati actione fundum recepturus sit a Titio. Sed si donationis causa Titium interposuit, dicitur traditione protinus reum liberari.

SUM-

SUMMARI A,

2

1. *Venditor quatenus emptori teneatur.*
2. *Dari fundum promittens ad quid obligetur, quidque hac dandi stipulatione continetur.*
3. *Dari fundum sibi aut Titio stipulatus, si fundus traditus sit non ipsi, sed Titio, an nihilominus*

petere fundum possit, ut sibi de evictione promittatur.

4. *Donator, si nihil dolo malo eius fiat, non obligatur de evictione donatario.*

1. QUI vendidit, evictionis nomine obligatur emptori. *L. ex empto, in pr. supr. de act. empt.* Sed et re nondum evicta tenetur, ut rem habere licere emptori caveat, idest, ut promittat de evictione.

2. *ead. L. ex empto. §. venditorem.* † Multo magis utriusque rei nomine obligatur, qui promisit rem, puta fundum dari. Hac enim stipulatione continetur, ut promissor fundum faciat accipientis. *L. ubi §. ult. supr. eod. §. sic itaque, Inst. de act.* Non fit autem accipientis, qui tanquam alienus postea evincitur. Quo fit, ut evicto eo agi possit tanquam de eo, qui datus non fuerit. *L. cum quis, §. qui hominem, L. si quis aliam, infr. de sol.* Qua ratione etiam si fundus promissus sit ex donationis causa, nihilominus evicto eo fundus adhuc peti potest. Quæcunque enim causa præcedet, semper verum erit fundum datum non esse, quem ex eventu alium esse apparuit. Neque huic sententiæ contrarium est, quod qui rem donavit nulla præcedente dandi obligatione, re evicta evictionis nomine non tenetur, si rem alienam esse ignoravit. *L. Aristo. §. ult. supr. de don.* Ut enim ante non fuit obligatus, ut daret: sic cum donat, non ideo eo facto quidquam cum donatario contrahit; cum neque illi promittat quidquam, neque ab illo accipiat quid ea lege, ut vicissim quid illi præstet aut faciat. Sed etsi traditus sit promissus fundus, et necdum evictus: tamen quia fieri potest, ut sit alienus, ac postea evincatur, stipulatione dandi hoc quoque putatur contineri, ut stipulatori de evictione promittatur: quo nomine et adversus promissorem agi potest, ut hic traditur, et *L. etiam, infr. de solut.* Placet autem de eo ita agi posse, non ut petatur recta hæc cautio, aut agatur eo nomine in id, quod interest, ut fit ex causa emptionis, cum ut venditor de evictione caveat, ex empto agitur. *d. L. ex empto, §. venditorem.* (non enim ex stipulatione peti potest id, de quo præstando stipulationis verbis non aperte cautum fuerit. *L. si filiusfamil. §. ult. L. quidquid, supr. eod.*) sed ut petatur fundus ipse, qui promissus est, quasi nec datus. *d. L. etiam, de sol. et hic.* Etsi enim fieri potest, ut fundus factus sit accipien-

tis, utpote a domino traditus: tamen quia incertum id est, et fieri potest, ut sit alienus, idcirco sic res accipitur, quasi nec datus esset, prius quam stipulatori eo nomine cautum sit: quod ita fit, si ei de evictione promittatur. Notandum est autem in eam rem fundum totum peti, non pro parte; quoniam et in totum fundus non datus intelligitur, nisi qui ita datus est, ut ob præcedentem aliquam causam evinci non possit, quin eo nomine cautum sit stipulatori. Et hoc est, quod dicitur in *d. L. etiam: quandiu aliquid iuri rei deest, adhuc tamen ipsam rem petendam esse: ut puta si ius quoddam cautionis supererit.* Ubi ius rei accipere debemus, ius rei habendæ, seu quo fit, ut quis tuto incipiat rem habere: quod consequitur cautione de evictione. Id autem ius, atque hæc cautio ad rem totam, non ad partem eius habendam pertinet. Alioqui certi iuris est, cum ex eo quod promissum est, pars est soluta, in id solum, quod deest, superesse actionem, promissore pro ea parte, quæ soluta est, liberato. *L. stipulatus. 9. §. 1. infr. de sol. L. eum, qui ita, §. si a te, supr. eod.* Hoc ius pro confesso sumit Scævola, sive quis fundum sibi tantum stipulatus sit, sive stipulatus sit sibi, aut Titio; et fundus stipulatori sit traditus. † Hinc tractat, aq idem probandum sit, si cum quis fundum sibi aut Titio dari stipulatus esset, fundus traditus sit non ipsi, sed Titio. Ille ait etiam hoc casu stipulatorem nihilominus petere fundum posse, ut sibi de evictione promittatur; si modo non donationis causa Titium interposuerit. Quod ait stipulatorem posse adhuc fundum petere, ut sibi de evictione promittatur, etiam si ex alia quavis causa, quam donationis Titium interposuerit; non usque quaque expeditum est. Non enim satis est, quod subicit, stipulatoris interesse ipsi de evictione promitti, ut eo nomine possit ex stipulatu agere. Opus est, ut et id ex stipulatione debeat; quod ita fit, si etiam de eo præstando comprehensum sit verbis stipulationis: sine quo ex stipulatione nihil potest deberi. *L. quidquid, supr. eod. L. quia tantundem, supr. de neg. gest.* Atqui in proposito nulla eiusmodi cautio de evictione deberi videtur stipulatori ex stipulatione, idcirco quia nec stipulatione sit promissa,

Te-

Tenendum est enim ex hac stipulatione *mihi aut Titio dari*, dum Titio solvatur, mihi non promitti, omninoque promissorem ut præstantem, quod debuerit, liberari. Videamus autem, quid his verbis, *fundum Titio dari* contineatur. Et contineatur hæc duo; ut ei fundum promissor tradat dominii transferendi causa, et præterea ut propter incertitudinem translationis caveat ei de evictione. Quod nisi contineretur superioribus verbis, ut hoc idem caveretur Titio; ne stipulator quidem ipse, qui stipulatus est sibi dari, posset eo nomine ex stipulatione agere. Quapropter si postquam promissor fundum Titio tradidit, paratus est eidem de evictione cavere; eadem opera et stipulationi satisfecit, fundum nimirum Titio dando, et hoc modo a stipulatore in totum liberatus sit, necesse est. Et putem omnino, si promissor paratus sit re Titio tradita eidem cavere de evictione, stipulatorem, ut sibi eadem evictio promittatur, fundum petere non posse; quia verum sit, quod dixi, promissorem hoc modo dedisse fundum Titio, id quod promiserat, atque ita stipulationi satisfecisse. Itaque quod hic dicitur stipulatorem nihilominus posse fundum petere, ut sibi de evictione promittatur, sic accipiendum est, si nihil amplius, quam fundus Titio traditus sit, ut est in conditione huius loci. *Quamvis*, inquit Scævola, *fundus Titio traditus sit, nihilominus fundum petere potest*, et quæ sequuntur. Et iure tunc fundum potest stipulator petere, non aliter, quia tum deest illa cautio evictionis, quæ alterutri præstari debet ex stipulatione, aut stipulatori, aut Titio: quæ cautio quia non præstatur Titio, relinquatur, ut sit præstanta stipulatori. Hanc vero ille consequetur fundum petendo, non aliter, quam fundum peteret et ad traditionem, et ad cautionem de evictione exigendam, ubi plane nihil traditum esset Titio. Sed tamen et hoc ipsum hoc casu ita probat Scævola, si modo intersit stipulantis ipsi de evictione promitti. Et recte. Etsi enim quis stipulando fundum sibi aut Titio dari, verbo dandi in utriusque persona semper stipulari in-

teligitur fundum tradi, et simul de eius evictione promitti, ut nisi posterius caveatur Titio, id ex verbis stipulationis præstari debeat stipulatori, sive eius intersit sive non intersit: tamen ad vim stipulationis et actionem acquirendam iure non est satis quid stipulatum esse verbis, nisi et stipulantis intersit id præstari: cum inventæ sint stipulationes ad hoc, ut unusquisque sibi acquirat, quod sua interest. *L. stipulatio ista, §. alteri, supr.* Hinc distinctio Scævolæ hoc loco, ut fundo Titio tradito, si quidem stipulator ex alia quavis causa Titium interposuit, quam donationis, fundum nihilominus possit petere, et hoc modo consequi, ut sibi de evictione promittatur: sin interposuit donationis causa, non possit. Quippe id promitti illic stipulantis interest, ut qui tum fundum Titio traditum ab eo recepturus sit, ac proinde habiturus, quod sibi possit evinci: hic nihil interest, ut qui non sit recepturus. Neque porro metuendum est, ut ei evincatur is fundus, quem non habeat. Titio, cui traditus est, evinci potest. Sed hoc non fieri stipulatoris nihil interest. Quod non alia ratione intelligendum est fieri, quam quod propter eam evictionem nihil decedat stipulatori. † Qua ratione satis confirmatur illud, quod supra dixi, eum, qui donavit, quod sine dolo malo eius fiat, non obligari de evictione donatario: quod et verum est, ut satis ostendi. Neque aliud probandum esse existimo, etsi quis remunerationis causa fundum donatum voluerit Titio. Quamvis enim qui beneficium prius acceperat, naturaliter dicatur obligatus esse ad remunerandum, *L. sed etsi lege, §. consuluit, supr. de pet. her.* non tamen ita obligatur, ut teneatur eo nomine, sive non sit remuneratus, sive id, quod remunerationis causa dederat, evictum fuerit: itaque id evinci ei nihil nocet. Ad actionem autem aut exceptionem alicui acquirendam non sufficit quoquo modo eius interesse: sed id tale esse oportet, ut intersit pecuniariter. *L. fideiussoris, supr. de pact.*

Ad L.



Ad L. Quidam. 132.

Paulus lib. xv. Quaestionum.

Quidam cum filium alienum susciperet, tradenti promiserat certam pecuniae quantitatem, si eum aliter quam ut filium observasset, quaero, si postmodum domo eum propulerit, vel moriens nihil ei testamento reliquerit: an stipulatio committitur; et quid intersit, utrum filius, an alumnus, vel cognatus agentis fuerit. Praeterea quaero, si filium suum quis legitime in adoptionem dederit; et ita ut supra scriptum est, stipulatio intercesserit, eamque pater adoptivus exheredaverit, vel emancipaverit: an stipulatio committatur. Respondi: Stipulatio utilis est in utroque casu. Igitur si contra conventionem factam sit: committitur stipulatio. Sed videamus primum in eo qui legitime adoptavit: an possit committi si eum exheredavit, vel emancipaverit. Haec enim pater circa filium solet facere. Igitur non aliter eum quam ut filium observabit. Ergo exheredatus de inofficioso agat. Quid ergo dicemus si et meruit exheredari? Emancipatus plane et hoc remedio carebit. Quare sic debuit interponi stipulatio, ut si eum emancipasset vel exheredasset, certum quid promitteret: quo tamen casu commissa stipulatione, potest quaeri an exheredato permittendum esset dicere de inofficioso: maxime si patri naturali heres extitisset: an victo deneganda est ex stipulatu actio. Sed si ei qui stipulatus est, non debuit denegari: victo filio, nec ipsi deneganda erit debita pecuniae executio. In eo autem qui adoptavit, quem intellectum habeat haec conceptio; si eum aliter quam ut filium observasset, non prospicio, an et hic exigimus exheredationem vel emancipationem, res in extraneo ineptas? Sed si is qui legitime adoptavit, nihil facit contra verba stipulationis, cum utitur patrio iure: in eo qui haec non fecit, dicit supervacuo; dici tamen poterit commissam esse stipulationem.

SUMMARI A.

1. Species facti, et quaestiones inde emergentes.

2. Responsum Pauli ad singulas quaestiones.

3. Stipulatio qua cavetur, ut is, qui suscipitur pro filio, instituat heres a promissore, ut filius, an valens.

4. Stipulatio, qua filium alienum suscipiens promittit certam pecuniam, si eum aliter quam ut filium observaverit, quibus factis committatur.

5. Stipulatione superioris ob exheredationem filii ado-

ptivi commissa, an inofficiosi querela exheredato permittatur.

6. Filio victo in querela inofficiosi an deneganda in proposito sit ex stipulatu actio.

7. Stipulatio proposita, an et quando ab extraneo, qui non adoptavit filium, committitur, et n. 9.

8. Lectio, et sententia veris. Sed si is qui.

10. Summa huius responsi.

1. Quidam cum filium alienum pro suo susciperet, tradendi promiserat certam pecuniae quantitatem, si eum aliter, quam ut filium observasset. Is susceptum deinde domo expulerat, aut moriens nihil ei testamento reliquerat, aut utrumque fecerat. Stipulator poenam petebat stipulatione comprehensam, quod diceret in horum utroque eum, qui traditus esset, non esse observatum ut filium, atque ita conditionem stipulationis extitisse. Esse enim officium patris filium apud se domi habere; eumque alere. *L. si quis a liberis, sup. de ag. et al. lib.* in primis autem ei honorem frabere testamento suo, eumque adeo testamento heredem instituere, nisi

exheredetur. *L. inter, sup. de lib. et post. L. 1. 2. et 3. sup. de inoff. test.* Promissoris heredes, cum quibus agebatur, negabant ex stipulatione secum agi posse tribus de causis, quæ totidem quaestiones hic pepererunt. Una causa est, quod haec libertas aliquem pellendi domo, aut cum a bonis arceudi, qui quidem vere et natura filius non esse, nulli adini possit pactione. Altera, quod si pactione aliquando id posset effici; tamen in proposito is, qui datus erat, non esse filius agentis, sed extraneus; alumnus puta, vel cognatus, et stipulator pro eo affectu, quo eum complectebatur, ita eius nomine cavisset: non deberet autem, quid cum eo ageretur, esse

se sollicitus, cum eius nihil interesset. Tertia, quod etsi esset agentis filius is, qui traditus est; tamen in hac causa ita evenerat, ut legitime esset adoptatus, ac promissor prius quam eum pelleret domo, eum emancipasset: dumque ei nihil relinquit testamento, cavisset, ut eum exheredaret. Quorum utrumque cum sit patris, non possit vidcri eum, in quo ea exercuit, aliter observasse, quam ut filium iuxta conventionem. Hinc totidem, ut dixi, a consultore quesita, quæ hic initio proponuntur. Primum an non videatur hæc stipulatio committi posse ob id, quod qui traditus erat, pulsus sit domo, aut testamento neglectus. Secundum, si potest ob hæc facta committi, an putemus tunc solum posse, cum is qui traditus est, fuit filius stipulantis; an vero nihil intersit, eius filius sit, an extraneus. Tertium, si erit filius, an nihil referat, utrum pulsus sit domo citra emancipationem, exclusus bonis citra exheredationem; an vero et illic emancipatio, et hic exhereditatio intervenere.

2 rit. † Paulus eodem ordine respondet de singulis. Nam quod ad primum attinet, cum quaeritur, an stipulatio ob ea facta, quæ proponuntur, committi possit; non tam hoc quaeritur, an aliquid factum sit contra verba stipulationis, quam an stipulatio valeat. Quoniam si valent, non potest, quin ob ea facta committatur, quæ palam esse aliquando contra officium patris. Ideo non inepte Paulus statim ab initio respondet stipulationem esse utilem: ut intelligatur esse eam, quæ possit ob facta supra scripta committi, de quo quaerebatur. Sed quaeritur amplius, an semper committatur, an aliquando tantum, et quando id accidat: in quo versantur reliquæ duæ questiones. At autem stipulationem utilem esse utroque casu: utrumque casum intelligens, sive filius alienus susceptus sit a promissore sine adoptione, sive ei legitime in adoptionem datus. Nam hunc casum posteriorem ipse in postrema questione proxime præcedente posuerat. Unde intelligi potuit eum in præcedentibus questionibus de eo filio, qui adoptatus non esset, sensisse. Ut sit sensus, quocunque modo quæ alicui traditis sit, ut pro filio suscipiatur, sive a suscipiente legitime sit adoptatus, sive non sit, utilem esse stipulationem pœnæ, quæ de eo ita habendo sive cum patre, sive cum extraneo interposita fuerit.

3 Non temere est, quod aperte de vi stipulationis prius respondit. † Potuit enim in proposito dubitari, an utiliter caveretur, ut is, qui suscipitur pro filio, instituatur heres a

promissore, ut filius: quod superioribus verbis stipulationis efficitur. Est enim, ut dixi, hoc inter cætera officium patris, ut filium heredem instituat, nisi nominatim exheredet. Porro huiusmodi stipulatio inutilis est, me heredem facies? si me heredem non feceris, tantum dabis? *L. stipulatio hoc modo, supr. eod.* multoque magis, si de alio herede instituendo hoc idem caveatur. Et scio dici posse, eum, qui promittat se aliquem pro filio habiturum, vi ipsa etiam de eo instituendo promittere: verum hoc non exprimi verbis: expressa nocere, non expressa non nocere. *L. si quis Sempronium, supr. de her. inst. L. nonnumquam, supr. de cond. et dem.* Sed hæc defensio hoc loco est inutilis. Nam etsi caveretur aperte, ut promissor eum, quem pro filio suscipit, ita non posset inhonoratum præterire, ut nec exheredare liceret: tamen rata esset conventio, ut significatur paulo post in *ver. quare sic debuit*. Quid ergo est? nempe hoc de eo, qui pro filio non sit, caveatur inutiliter, ut heres instituatur a promissore: nequaquam autem inutiliter in eo, quem promissor pro filio suscipiat. Hoc enim suscipere aliquem pro filio, et promittere se hunc pro tali habiturum, neque incivile neque inhonestum est. Atque hoc posito sequitur illud alterum, ut qui pro tali susceptus est, is heres institui debeat, alioqui pœna committatur. Non inepte etiam dieetur potuisse dubitari in proposito, an stipulatio esset inutilis in eo, quod non stipulantis, sed alterius nomine caveretur, et præsertim si is, cuius gratia caveretur, sit plane extraneus; cum ita ius sit, alteri stipulari neminem posse; quia id fieri stipulantis nihil intersit. *L. stipulatio ista, §. alteri, supr. eod.* Sed ibidem adiectum est, pœnam eo nomine recte nos stipulari: quia in pœna non inspicitur, quid intersit, sed quæ sit quantitas, quæque conditio stipulationis. † Hoc constituto stipulationi propositæ nihil ob stare, quominus valeat; sequitur, ut quaerendum sit, an, et quando superioribus factis committatur. Quod Paulus deinceps facit, et ut in eo quod consequens esse significat, ita orditur: igitur si contra stipulationem factum sit, committeretur stipulatio. Quod non ita principio definit, quasi de eo quaeretur, quid sit stipulationem committi, aut quasi consultori id esset obscurum; ne quis hic forte ut alienum aut ineptum responsum reprehendat: sed ut hinc viam sibi muniat ad id explicandum, de quo quaeritur. Huc enim pertinet, ut ostendat, cum quaeritur in hac specie, utrum stipulatio committatur, qua-

stio-

stionem in eo esse, an quid factum sit contra conventionem: proinde id solum videndum esse, an iis factis, quæ proponuntur, aliquid contra eam factum sit. Ut si factum est, consequens sit commissam esse stipulationem: si non est factum, non esse commissam. Ad quod probandum valet hæc ratio, quia sic committatur stipulatio, si contra conventionem factum sit. Quæ definitio quo est certior, eo magis a Paulo usurpari debuit, ut ex ea id, quod definitioni propositæ convenit, certius efficeret. Ostensurus autem, quibus rebus ex iis, de quibus quæsitum est, contra conventionem fiat, ut sic intelligamus stipulationem committi, docet de eo statuendum esse pro conditione eius, qui pro filio susceptus est. Interesse enim, utrum legitime adoptatus sit a promissore, an susceptus tantum pro filio sine adoptione: ac prius tractat de adoptato: *Sed videamus*, inquit, *primum in eo; qui legitime adoptavit, an possit committi, si eum exheredaverit, vel emancipaverit*. Et significat stipulationem adversus eum, qui hæc fecerit, non committi, quanvis ut emancipatum expulerit domo aut exheredato nihil reliquerit, de quo præcipue quærebatur. Ad hoc enim confirmandum pertinet ratio, quæ sequitur: *hæc enim inquit, circa filium pater faceret*. Unde et illud fieri ait, ut non aliter eum, qui adoptatus est, quam ut: filium observaret. Quæ ex re etiam vult intelligi nihil in his factum esse contra conventionem: ac proinde stipulationem secundum supra scriptam definitionem non committi. Nihil ne ergo relinquatur filio hoc casu, dicat aliquis? Imo inquit, hoc quod ius ei dat, ut exheredatus agat de inofficioso. Quod quidem olim faceret filius, quisquis esset adoptivus pater: hodie ita demum, si quis non extraneæ personæ, sed parenti naturali, puta avo vel proavo materno in adoptionem datus sit. *L. cum in adoptivis, §. si vero, et §. sed ne, C. de adop.* Ergo, inquit, exheredatus de inofficioso agat: nempe si velit post superiorem stipulationem quid consequi: nam hoc solum ei relinquatur, postquam stipulatio non est commissæ. Quid ergo dicemus, inquit, si et meruit exheredari? Consequens esse significat eum hoc casu ne de inofficioso quidem agere posse. Ut autem paulo ante, cum dixit: *sed videamus, an in eo qui legitime adoptavit, possit stipulatio committi*, prætermisit responsum, quia hæc ex ratione subiecta satis intelligebatur: sic et omisit hoc loco, quia interrogatio posita de inofficiosi querela, omnino hanc responsum exigebat.

bat, ut diceremus non posse eum agere de inofficioso, qui esset iustus de causis exheredatus: cum huius verbi de inofficio vis hæc sit, dicere se immerentem et sine causa præteritum esse, aut exheredatum. *L. nam et his sup. de inoff. Instit. eod. in pr.* Id autem sentire Paulum oratio sequens apertius declarat. Subiicit enim: *emancipatus plane et hoc remedio carebit*. Quibus verbis hoc dicere intelligitur: filium adoptivum, qui in potestate patris adoptivi manserit, si ab eo sit exheredatus, posse remedio querelæ carere; sed non aliter, quam si et meruerit exheredari. At si a patre emancipatus sit, deinde vel præteritus eius testamento, vel exheredatus, non eandem in eo distinctionem esse servandam; sed hunc et actione ex stipulatu, et hoc remedio querelæ plane cariturum. *Plane*, id est omni modo, et indistincte, sive meruerit præteriri, exheredarive, sive non meruerit. Et recte: querela enim inofficiosi liberis, parentibus, et fratribus constituta est, non extraneis. *L. 1. 2. 3. sup. eod. Inst. eod.* Filius autem adoptivus a patre adoptivo emancipatus non solum desinit esse in numero liberorum, sed etiam extraneus esse incipit, usque adeo: ut emancipatione sociata nullum ex pristino iure maneat vestigium. *§. minus, Inst. de her. quæ ab intest. def. L. in omni, sup. de adop.* Cum autem dicit Paulus stipulationem hic non committi, cum pater adoptivus filium emancipavit, aut exheredavit: ostendit, si is hoc non fecerit, sed aut filium expulerit domo sine emancipatione, aut ei nihil reliquerit sine exheredatione, committi stipulationem: contraria nimirum de causa, quia pater hæc non faceret. Ait, *quare sic debuit interponi stipulatio*. Hæc per occasionem prioris responsi injecta sunt, magis docendi causa, ut sit in hoc responso, quo etiam in futurum caveatur aliis ad stipulationem in eiusmodi aliqua specie recte concipiendam, quam quod ad propositam questionem aut omnino ad præsentem causam quidquam pertineret, iam enim stipulatio pænæ, de qua quæritur, interposita erat, si promissor eum filium, quem suscepit, aliter quam ut filium observasset: et promissor hunc expulerat domo, aut ei moriens nihil reliquerat, ut iam sola esset quæstio, an stipulatio esset commissæ, necne: sera autem esset deliberatio, quomodo ea stipulatio mutari posset cum promissore, ubi aut is mortuus esset, aut si adhuc viveret, tamen eum, qui traditus erat, nollet pro filio iam habere. Quod cum verba quæstionis propositæ de-

clarant, atque hoc quod dicit hic Paulus, sic debuisset stipulationem interponi, quod de præterita tantum stipulatione recte dicitur: tum illa verba in primis, quæ sunt in extremo huius responsi, *dici tamen poterit commissam esse stipulationem*. Sed quia hoc responsum Paulus mandabat literis, visum est id ita scribere, non solum ut ostenderet, quid in eo, de quo consultus erat, sibi placeret: sed etiam per occasionem ut caveret etiam aliis, quid in hac re fieri oporteret. Ait ergo; *quare sic debuit interponi stipulatio, ut si eum emancipasset, vel exheredasset pater adoptivus, certum quid promitteret*. Ut sit sensus: postquam stipulatio eo modo quo proponitur, concepta non committitur, quamvis filio adoptivo eiecto, aut bonis excluso, si eum pater, idemque promissor emancipaverit, aut exheredaverit; si quis in hac re consilium vult, rebus quidem transactis, sed tamen quo in similibus causis sibi in posterum consulat, et in hos quoque casus consequatur pœnam: consequens est non sic debuisset in hac causa stipulationem interponi, ut supra scriptum est; sed hoc modo, ut qui filium tradebat, et pœnam stipulabatur, nominatim et aperte de his quoque casibus comprehenderet, id est, ita stipularetur, si etiam promissor eum, quem suscipiebat, emancipasset, vel exheredasset. Quod si factum erit, nihil dubii esse vult, quin si pater adoptivus filium sibi traditum emancipaverit aut exheredaverit, stipulatio adversus eum committatur. Id quod apertius confirmat, cum subiicit; *quo tamen casu commissæ stipulatione*: ubi diserte et sine ulla hæsitatione commissam esse dicit. Nam quod cavetur, ut promissor eum, quem suscipit, heredem faciat, non inutiliter in filio cavetur, ut supra dixi. Quod autem dicimus filio emancipato stipulationem committi, absurdum videri non debet, etsi verum est eum non emancipari nisi volentem: *novel. quib. mod. nat. eff. sui, §. generaliter*. Nemo autem fraudatur, qui sciat et consentiat. *L. nemo videtur, infr. de reg. iur.* Nam primum hic non est stipulatus filius, sed is qui filium dabat: quo etiam invito filius emancipatus est: ut si iniuriæ stipulatori illatæ hic rationem haberi velimus ad stipulationem committendam, vel hac sola ratione recte dicturi simus stipulationem illi committi. Deinde etsi filius ipse esset stipulatus, aut fieret non invito stipulatore, ut filius emanciparetur: non eo tamen minus committeretur pœnalis stipulatio, cuius hæc esset conditio, si promissor eum, quem adoptabat, emanciparet. Com-

mittitur enim huiusmodi stipulatio, atque adeo omnis conditionalis, non si iniuria facta sit stipulatori, aut quid factum invito eo; sed si conditio stipulationis exstiterit. *§. sub conditione, Instit. eod. L. stipulatio ista, §. alteri*, illic, *pœnam enim, supra, eodem*. Verum est autem promissorem filium emancipasse, sive invitum, sive volentem emancipaverit. Quinimo cum filius emancipari non possit nisi volens, non potest hæc conditio, *si promissor eum emancipaverit*, de alio intelligi, quam de eo, qui volens sit emancipatus. Sic in casu evictionis accidit, ut si venditor rem a se venditam vindicet ab emptore, et emptor, qui exceptione se tueri adversus eum poterat, iudicium ultro suscipiat, ac deinde victus sit, nihilominus stipulatio duplæ adversus venditorem committatur, quamvis non nisi volens condemnatus fuerit. *L. vindicantem, supr. de evict.* tantum ob id, quod stipulationis conditio hæc fuit, si res emptori esset evicta; verum est autem fuisse evictam etiam eam, quæ illi iudicio ultro suscepto evicta est. Recte igitur Paulus his de causis non movetur quominus in proposito stipulatione pœnæ nominatim ita concepta, si promissor filium emancipasset vel exheredasset, conditio existente committatur stipulatio. Et omnino circa emancipationem nihil dubitat. Sed incidit circa exheredationem dubitatio: quam rursum per occasionem eius, quod faciendum esse dixerat proponit, et expedit, ne forte in eo consilio, quod dederat, aliquid dubii relinquatur: nam aliqui ad id, quod de stipulatione proposita quæsitum est, non pertinet, postquam eam filio suscepto exheredato non committi diximus. Duo autem hic quæri posse ait. † Unum est, cum stipulatio in hunc casum concepta est, si pater adoptivus filium exheredasset, an conditione deinde impleta, atque ita commissæ hoc casu stipulatione permittendum sit filio dicere de inofficioso, et maxime si patri naturali heres exstisset. Non enim videatur fortasse utrumque locum habere posse ex eodem facto promissoris, et querela ad hereditatem eius obtinendam, et pœnæ persecutio adversus eius heredes: ut evenit, cum quid fieri promissum est, et nisi factum esset pœna. *L. ita stipulatus in fin. ubi de hac re diximus. Supr. L. rescriptum. §. si pacto, supra, de pact.* Addidit autem, *maxime si patri naturali heres exstisset*; quia cum ei heres non exstiterit, duæ sunt personæ diversæ, quarum una de inofficioso agit, is est filius; altera pœnam petit: hi sunt heredes stipula-

litoris, ambæ ex diversis causis. Ut minus dubiū sit hoc casu, quia res cum uno acta alteri nocere non debeat. *Titu. Cod. res inter alios act. vel indicat alijs non nocet.* At cum filius existit patri naturali eidemque stipulatori heres, evenit, ut in eandem personam filii concurrant querela, et pœnz persecutio. Ideo hic potissimum dubitatur, an ei permittendum sit utraque via simul experiri, quasi pugnet cum dicta *L. rescriptum*, §. *si pacto*, supra, de pact. et similibus locis. Ac de eo questionem solum posuit, aperte autem nihil respondet. Credo, quia rem ut minime dubiam prætermisit, contentus solum questionem de hac re ponere, ut ad sequentem sibi additum muniret: prius enim necesse est de inofficioso testamento agi posse; quam illud queri, an in eo vinci possit filius; et eo victo denegari ei debeat actio; ideo priorem questionem prætermisit ut ad sequentem perveniret. Alioqui cui dubium est querelam de inofficioso propositam esse liberis exheredatis; hunc autem, de quo queritur, cum fuerit adoptatus, fuisse ex defuncti liberis? Nam quod placuit rei principaliter promissæ, et pœnz simul promissæ, si illud datum non esset, petitionem non dari in eiusdem persona, qui de utroque sibi carit; placuit, non in his, qui utriusque rei petitiones ex diversis et propriis causis constitutas habent. Ut accidit in proposito, ubi filius exheredatus beneficio proprio iuria sine alia cautione querelam inofficiosi habet, pater autem stipulator actionem pœnz ex sua stipulatione. Et si hanc filius habere incipit, cum patri heres existit, habet tamen ex persona patris ut heres, non ut filius. Interim Paulum hoc sentire etiam hoc casu filium exheredatam posse dicere de inofficioso, satis indicant verba sequentis questionis, cum ita queritur; an victo filio in causa inofficiosi, ei deneganda sit pœnz actio. Quomodo enim potuit vinci sine iudicio? et quomodo esse iudicium potuit, nisi hoc iudicio ille potuit

6 experiri? † Transit igitur statim ad illud alterum, quod hic queri posse dicit, et an victo, inquit, deneganda est ex stipulatu actio? Hoc ita querit, quasi ei qui eo iudicio victus non sit, non sit deneganda. At quomodo hæc detur filio, sive victus sit de inofficioso, sive non sit; cum stipulatio sit non filii, sed eius, qui eum tradebat, patris, et quidem pœnam stipulantis sibi, non filio? Nempe hoc querit, an victo deneganda sit actio, quo casu ei non victo competeret; quod conueniet, si hic filius naturali patri, eidemque stipulatori

heres existitorit. Nec abs re de eo queritur: Cum enim victo filio vi ipsa pronuntiatur sit ipsam iustus de causis esse exheredatum ut sic efficiatur non esse testamentum inofficiosum, de quo actum est, dubitatur an possit ipse pœnam petere ob id; quod ita sit exheredatus: quod statui turpe est et iniquum. Hic respondet Paulus dubitari quidem de eo posse: sed si ei, qui stipulatus est, id est, naturali patri, non debuit denegari pœnz actio victo filio, id est, etiam tunc, cum filius de inofficioso victus est (nam et non victo eo multo magis ea actio stipulanti competet) nec ipsi filio quavis victo deneganda erit debita pecuniæ exsecutio. Recte colligit Paulus; quoniam huius debiti actio, et per actionem exsecutio non potest dari filio, nisi ex persona patris, cui filius successerit, cum ipse sibi stipulatus non sit, sed pater, idque adeo sibi, non filio. Quamvis si stipulatus esset filio, qui heres non esset, inutiliter esset stipulatus *L. continuus*, §. *ult. inf. eod.* quæ autem actio defuncto competit, eadem et hereditas danda est, et quidem ita, ut ex persona defuncti æstimetur non hereditas; cum is in ius et locum defuncti succedens eodem quoque iure uti debeat. *L. quendam*, §. *1. supr. de eden. L. qui in ius, infra de reg. iur.* Non distinguit autem Paulus: utrum filius iuste victus sit tanquam merito exheredatus, an victus iniuria, ut iure exheredatus. Unde non immerito questionem est, an etiam si iustus de causis exheredatus sit, non minus tamen ei danda sit actio. Et puto non esse dandam, quia nec patri ipsi hoc casu daretur: quod Accursio et Bartolo hoc loco recta videtur. Omninoque ita statnendum est, ut iusti facti pœna nulla esse potest, quæ tantum delicti coarctio est: *L. aliud est fraus inf. de verb. sig.* sic nullam esse posse pœnz petitionem ob instam exheredationem patris, sed præcipue ex stipulatione. Sive enim generali hac oratione, si promissor filium adoptivum exheredaverit, non senserunt contrahentes de iusta exheredatione patris; propter hanc nihil potest deberi, cum de sit consensus, sine quo ne stipulatio quidem valet *L. continuus*, §. *1. infr. L. inter*, §. *1. supr. eod.* Sive de hac etiam censerant, turpis stipulatio est, per quam impunitate delinquendi proposita filius ad delinquendum invitatur. Cuiusmodi stipulationes omnes ut turpes et bonis moribus contrarie improbandæ. *L. convenire, sup. de pac. dot. L. si unus*, §. *pacta supr. de pact.* Nihil hic neque dicitur, neque signi-

ficatur a Paulo adversus eam sententiam. Videndum est enim, quid et quibus verbis scribat. Querit, an victo filio in causa inofficiosi nihilominus danda sit ex stipulatu actio: et sit danda; quod sic accipiendum est, *victo* danda, ut de victo quaestione posuerat. Recte *victo*, ut intelligamus ob id solum, quod victus sit, non esse denegandam, sive iuste victus sit, sive iniuria. Quod et verum est: nam si nihil aliud obicitur vel patri vel filio poenam persequenti, quam quod filius victus sit de inofficioso, neutri hæc exceptio obest, quominus recte poenam petat: etsi in eo vi ipsa hoc pronuntiatio est testamentum inofficiosum non videri, itaque filium non inique esse exheredatum. Exceptio enim hæc est rei adversus filium iudicatæ, quam quidem patri nocere non posse certum est, cum res inter alios iudicata sit. *L. sæpe supr., de re iud. tit. C. res int. al. ac. vel iud.* An noceat filio, dubitari potest, cum idem agat ex stipulatu propter exheredationem iniustam, quem ante iuste exheredatum esse pronuntiatio est, et exceptio rei prius iudicatæ ab iis ipsis nunc obicitur, cum quibus prius actum est de eadem exheredatione. Sed ne huic quidem nocere potest poenam actione hereditaria persequenti. Illic enim omnia concurrunt, propter quæ alia res sit: quorum unum aliud cum intervenit, exceptio rei iudicatæ non nocet: persona; id de quo agitur; et proxima causæ actioni. *L. cum de hoc, L. cum queritur, et 2. seqq. supr. de exc. rei iud.* Persona hic alia est. Prius enim agebat ut filius ex persona sua: nunc agit ut heres ex persona patris: in quo et patris cui successit, personam sustinet. Quod unum satis est, ut ei, qui prius victus erat, nunc alio nomine agenti sententia non noceat, quasi re inter alios prius iudicata. *L. Modestinus, sup. de except.* Id de quo nunc agitur, perspicue aliud est. Prius enim petebat filius hereditatem, perlata de inofficioso quaestione: nunc poenam petit stipulatione comprehensam. Et quibus de causis atque actionibus utrumque? Longe diversis. Hereditatem enim petebat ut heres, et quidem suo iure, ut cui iure defertur hereditas rescisso prius testamento tanquam inofficioso: eoque et actione in rem utebatur. Nunc poenam petit ex stipulatione, eaque hereditaria, non sua propria: in quo et actione in personam utitur, nimirum certi conditione. Bene igitur Paulus ait huic filio in causa inofficiosi victo poenæ actionem ex causa hereditaria non esse denegandam: dum hoc sentit, ob id quod

ita victus sit, non esse denegandam, si quidem nihil aliud obicitur ei a promissoris heredibus, quam ipsum iam ante victum esse tanquam iuste exheredatum: et in summa dum hoc sentit rem prius in causa inofficiosi adversus eum iudicatam, ei postea poenam propter eandem exheredationem petenti non nocere. Sed si obicitur ei aperte iuste eum fuisse exheredatum non ea ratione, quia prius ita iudicatum sit, sed quia res ita se habeat, de qua ea re iterum in iudicio poenæ quaeri velint heredes promissoris, idque probare parati sint, audiendi sunt: sic enim dicunt turpem esse hoc casu stipulationem; ex quo efficitur eam nullius esse momenti, itaque ex ea nihil deberi. Neque vero cum hoc casu denegabitur ei actio, dicitur filio in causa inofficiosi propter exheredationem victo denegari, sed denegari iuste exheredato. Inter quæ multum interest. Cum enim alieui ut victo denegatur actio, adversus hunc satis est de sententia docere, quia victus est, sive iuste victus sit, sive iniuria. Cum autem denegatur iuste exheredato, nihil adversus hunc proficitur, nisi iuste exheredatum esse doceatur. Ad quod probandum nihil prodest, quod prius victus est de inofficioso, atque adeo, quod cum iuste exheredatum esse prius pronuntiatio est: potuit enim multis aliis de causis vinci, quam quod merito esset exheredatus, puta, vel imperitia, vel iniuria et sordibus Iudicis. Sed et illud in verbis Pauli observandum est, quod non simpliciter et absolute dicit victo filio in proposito danda esse poenæ executionem; sed sub conditione, si ei qui stipulatus est, non debuit denegari. Admitto sine exceptione, quo casu patri naturali, qui poenam stipulatus est, actio deneganda non est, eodem casu nec unquam denegandam esse filio. Sed eadem conditione efficitur, ut si patri ipsi deneganda sit denegari debeat et filio: quod et verissimum est. Denegaretur autem et patri, si stipulatus esset poenam hac conditione, si filium quamvis merentem exheredasset: esset enim, ut dixi, turpis stipulatio. Et vero hoc casu non committeretur stipulatio etiam patri, ut quam nullius esse momenti constaret. *L. generaliter, supra, eodem.* Neque id negat Paulus, cum prius ita scribit: *quo tamen casu commissæ stipulatione.* Nam et hæc oratio non affirmativa est, sed conditionalis: valet enim, *quo tamen casu* cum commissæ erit stipulatio. Ut proinde ex his verbis hoc adhuc relinquatur quaerendum, an semper et indistincte propter omnem exheredationem patris stipulatio committatur. Summa hæc est:

est: filio in specie proposita iuste exheredatus; neque de inofficioso testamento licet querri, neque stipulatio pœnæ committitur. Immerito exheredatus et de inofficioso agere potest, et dnm egerit, pœnam petere nihilominus: quæ ex stipulatione patris naturalis, cui successit, commissæ fuerat. Et hanc quidem omnimodo; id est, non tantum si in lite de inofficioso vicerit, sed etiam si victus fuerit tanquam non iniuste exheredatus: nempe dum hoc solum ei obliçietur, fuisse adversus eum de ea re iam ante iudicatum, ipse autem nihilominus se iuste exheredatum negabit.

7. † *In eo autem, qui non adoptavit*. Iusta distinctionem personarum, quam sibi præscriperat supra, in vers. sed videamus. Deinceps respondet de eo, qui filium alienum ita suscipit, ut non adoptaret. Respondet autem in hac sententiam: disse-rit enim initio ita, quasi stipulatio superi-rior in extraneo promissore videri debeat his verbis, quæ proponuntur, inutiliter esse concepta, ut quidem eo, qui susceptus erat, electo, aut non instituto committatur, de quo querebatur. Tandem nihilominus statuit his factis in hoc ipso promissore esse commissam. Atque ita scribit: *in eo autem, qui non adoptavit, quem intellectum habeat hæc conceptio, si eum aliter, quam ut filium observasset, non perspicit*. Significat hanc conceptionem in eo, qui non adoptavit, nullum sibi videri idoneum intellectum habere: ideo enim non perspicit; quem intellectum habeat, quia ea idoneum nullum habet, aut certe is quaerenti non occurrit. Quod ex hypothesi dictum esse accipiendum est: nempe enim nullum habet ad hoc efficiendum, ut is qui traditus erat, impune eiiciatur domo, neve impone ei nihil relinquatur a promissore; seu ad hoc, ut ob ea facta stipulatio committatur: de quo quaesiturus erat. Alioqui scimus omnes, quid sit aliquid habere et observare ut filium: cum certa sint officia patris erga liberos: sive de his alendis agitur, sive de his instituendis aut exheredandis. *L. si quis a liberis*: supra, de agnos. lib. Instit. de exher. lib. Sed, ut dixi, nullum habet intellectum hæc conceptio, at committatur in eo, de quo quaeritur. Idque efficitur hoc modo. Nam si stipulator id agebat, ut promissor filium alienum, quem suscipit, apud se haberet vivus, non eiiceret domo, ac moriens ut eum institueret; potuit quidem iure stipulari utrumque a promissore: sed ut debeatur, non efficitur superiore conceptione, quoniam id verba non significant.

Is enim observat aliquem ut filium, qui erga illum ea facit, quæ sunt propria patris erga filium, sen quæ solent soli patres exercere erga liberos. Porro habere aliquem apud se domi, aut eum testamento herodem instituere, non sunt eiusmodi, quæ dici possint propria patris adversus filium: cum extraneus possit habere domi extraneum, eumque alere non minus, quam filium; et possint testatores, atque etiam soleant testamento instituere heredes extraneos. Quapropter non continentur hæc superiore stipulatione. Quod cum pro certo haberet Paulus, hoc loco prætermisit; atque id solum attigit, quod videbatur superioribus verbis contineri: unde et illud pro ratione solum posuit, quod sequitur. Quod perinde est, ac si diceret: si quid ad aliquem domo tenere non eiiciendum, aut non temere removendum a bonis promissoris contineri potest superiore conceptione, hoc tantum est: ut promissor vivus, eum, quem suscipit, si eicere vult, emancipet; si vult ei nihil relinquere, testamento exheredet: quandoquidem duo hæc emancipare et exheredare, propria sunt patris, et ea quæ dum pater facit, patrio iure facere intelligitur. Ad hæc frustra promittit, qui eum quem suscipiebat, non adoptavit. Quid enim inquit? an et hic, id est, in hoc promissore exigimus exheredationem vel emancipationem, res in extraneo ineptas? quasi diceret: nequaquam vero hæc in eo exigimus, ut præstet, utpote res in extraneo ineptas, id est, quæ extraneo non sint aptæ, seu quæ in extraneum non cadant: eoque ab illo præstari non possunt: neque porro aliæ res sunt, quæ satis commode verbis huius stipulationis possint intelligi. Extraneum vocat eum, qui pater non est neque natura, neque adoptione. In hunc non cadit emancipatio aut exhereditatio: quia non emancipat, nisi qui prius in manu et potestate sua habuit, quod non est extranei: nec exhereditat quisquam, nisi qui eum, qui alioqui iure heres et dominus bonorum erat, a bonis removet: quod nemo extraneus statuere potest in eum, quem prius dominum et heredem bonorum suorum non habuit. Solum hoc filiorum est, ut sint heredes et domini bonorum paternorum. Proinde et solius patris ab his ipsis eos remove exheredando. *L. in suis, supra, de lib. et post*. Si hæc ab extraneo præstari non possunt, frustra ab eo promittuntur. *L. si stipulor, supra, eodem*. Utque promittuntur frustra, ita et pœna, quæ his non præstatis promittitur; ut sit superiore stipulatione: quoniam rei im-

impossibile pena est, quæ nec ipsa committitur. *L. si homo supra, eod.* Atque hæc etiam frustra promitti respondet apertius per adversativam, quæ sequitur, addita etiam nove ratione rei confirmandæ 8 caussa. † Sic autem locus legendus est: *sed si is qui legitime adoptavit nihil facit contra verba stipulationis, cum utitur patrio iure in eo* (sic enim verba interpungenda sunt, ut sit in eo, pro in se re, da qua agitur) *qui hæc non facit, dicit supervacuo. Fecit legitur in Pandectis Florantini.* Sed verbo *dicit*, convenit at respondet verbum *facit*, ut sit utrumque præsentis temporis. Est autem hic sensus. Prius ita scripseret per interrogationem, an at hic exigimus exheredationem vel emancipationem, res in extraneo ineptas? quibus verbis posterioribus tacite innuit non exigi. Nunc idem confirmans apertius, subiicit: sed dubitandum non est, quin hæc ab extraneo exigi non possint: nam qui hæc non facit, id est, qui natura facere et præstare non potest, etiam *dicit supervacuo*, id est, frustra. Recte dicendi verbo usus est, non promittendi: dicuntur enim hæc frustra ab extraneo, sive promittentur ipsa, sive non promittantur: dum si quid promittitur aliud, promittatur hæc lege dicta et conditionis, si priora illa præstita non fuerint. Supervacuo autem hæc dicit ab eo, qui hæc non facit, probat hoc argumento. Nam eum, qui legitime adoptavit, cum possem promittere, si filium non exheredaverit, aut emancipaverit, constat nihil facere contra verba stipulationis, cum in eo utitur patrio iure, id est, cum illa facit, de quibus cautum est, quæ sunt iure patris: idque ita esse paulo ante respondit. Est autem hæc sententia: quod animi dicit adoptivum petram eundemque promissorem, dum hæc facit; nihil facere contra verba stipulationis: ex eo vult intelligi recte hæc atque utiliter dici cavereque ab eo, qui filium adoptavit. Dum enim hanc faciendis nihil facit contra stipulationem, eo modo penam evitat. Neque porro hanc aliter evitare potuit, quam si hæc ipsa vere præstaretur, et eo modo quo voluit stipulator præstari: aut alioqui deberi penam: et quia vix hæc potest promissor præstare, sit etiam, ut de his caveat, et dicat utiliter. At quamobrem utrumque? non alia de caussa: quam quod pater est, et in his utitur iure patris, id est, eo iure, quod solius patris proprium est. Id si ita est, recte colligitur eum, qui hæc non faciat, cum non sit pater, eoque nec in his utitur patrio iure; eadem illa dicere et promittere inutiliter. † Hactenus disseruit sti-

pulationem propositam uti concepta est, in eo qui non adoptavit, inutilem videri. Tandem id mutat, et subiicit: *dici tamen poterit commissam esse stipulationem*: quod habet hanc sententiam. Sed etsi subtiliter hoc ita disseri potest, ut modo dixi: dici tamen potest etiam in extraneo utilem esse stipulationem anteriorem, et obiectum eum, qui traditus fuerat, aut non institutum, de quo quaesitum est, esse commissam. Non addidit, quamobrem contempta superiore ratione putaret stipulationem esse commissam: sed tamen quam recte putet, non est admodum obscurum. Etiam enim verum est superioribus verbis hoc contineri, ut promissor enim quem suscepit, emancipet aut exheredet, ut pater fecerit: tamen non continetur id simpliciter, sed cum adiuncto, ut emancipet, si velit expellere domo: ut exheredet, si velit ei testamento nihil relinquere. Ita reus prius hoc dicere intelligitur, se eum, quem suscipit, non expulsurum, quin emancipet, nec exclusurum bonis, quin exheredet. Peraspicuum autem est, etiam extraneum facere contra hanc conventionem, et quidem statim, simul atque eum, qui traditus est, pellit domo, aut ei nihil relinquit: effectum est enim eum hac emancipare posse extraneum, nec eum, qui iure heres non sit, exheredare. Quo fit, ut indistincte recte respondeatur his factis promissoria quamvis extranei commissam esse stipulationem. Nec multum ei proderit, si ad speciem et imaginem cuiusdam emancipationis Magistratum edeat, et apud eum dicat se eum quam pro filio susceperat e manu sua et potestate emitare. Non animi ideo hæc emancipatio est, quæ alium potestate promissoria et manu non liberet. Ne illud quidem ad rem pertinet, si dicat se eum quem suscepit, exheredare: non enim verbis exheredatio perficitur, sed re itidem, ut emancipatio. Is exheredare intelligitur, non qui dicit se exheredare; sed qui id facit, quod est exheredationis, id est, qui enim, qui alioqui heres erat, vere exheredatus facit. Quod solum in patre adversus filium contingit. Nisi quis, ne in extraneo, quoque committatur hæc stipulatio, cum Accursio et Bartolo satis esse putet hæc verbotenus interposita esse, non re ipsa. Sed cum verba cum effectu accipienda sint: *L. 1. sup. quod quisque iur.* recte hic dicitur, quod in re simili scripsit Papinianus, incredibile esse de actu vel potius de imagine manumissionis, aut exheredationis, ac non de affectu cogitatum. *L. si venditor, sup. de ser. exp.* Quia potius il-

illam sententiam contrahentium esse apparet in hac stipulatione, ut is qui tradebatur, haberetur, tractareturque ut filius, aut pœna committeretur. Non habetur ut filius, qui vere non emancipatur, aut vero non exheredatur. † Summa responsi hæc est: cum quis promisit pœnam si eum, quem pro filio suscipiebat, non observasset ut filium; stipulationem quidem semper valere, sive suscipiat extraneus: sive is qui adoptet legitime: sed aliter atque aliter committi, prout est is, qui auscipit. Nam si id faciat, qui legitime adoptavit, hunc in ea causa esse, ut impune filium susceptum etiam eiciat domo, dum emancipet; impune nihil ei relinquit moriens,

dum exheredet: si quidem pater filium emancipans, aut exheredans id facit quod est patris, ut in his non aliter susceptum habeat et observet, quam solet filium pater, qui suo iure utitur. Quod si is id eaverit, qui non adoptavit, contra esse: non posse hunc illo modo eum, quem suscepit, pellere domo, aut ei nihil relinquere, quia stipulatio committatur: nam nec pater ipse hæc eadem facere potest, quin contra officium patris erga liberos, eoque et contra stipulationem faciat; si modo ea faciat non interposita emancipatione aut exheredatione: et hoc certum est ab extraneo interponi non posse.

Ad §. Filiusfamilias ita stipulatus est.

Filiusfamilias ita stipulatus est: *Quantam pecuniam Titio credidero, fide tua esse iubes?* et emancipatus creditit: patri non debet fideiussor, quia nec reus ei tenetur.

S U M M A R I A.

1. Ex filiofamilias conditionali stipulatione obligatio acquiritur patri, etiam si emancipato iam filio existat conditio: cuius iuris duplex præponitur exceptio, et a. b.

a. Species huius §.

3. Fideiussor in proposito cur obligetur patri.

4. Filiusfamilias qui, cum in potestate ariet, fideiussorem accepit eius pecuniam quam post emancipationem creditit, an fideiussor obligetur.

5. Fideiussor in proposito cum mandatoris comparatur.

1. Quid filiusfamilias stipulatur contrahere sub conditione, si existerit conditio postea, eius obligatio patri acquiritur, etsi maxime emancipato iam filio conditio existerit. *L. si filius famil. 78. supr. de quo iure ibi diximus.* Hoc ita est, nisi existente post emancipationem conditione refragetur obligationis natura, quominus acquiratur patri; sed res cum filio contracta sit donationis causa sub conditione, si a patre emancipatus esset, dum id agitur a donatore, ut res ad filium, non ad patrem perveniret. Prioris exceptionis exemplum hic est huiusmodi: † filiusfamilias pecuniam Titio crediturus, ab eo quæso futuræ numerationis fideiussorem iam nunc accipiebat, ita stipulatus est; *quantam pecuniam Titio credidero, fide tua esse iubes?* Stipulatio contracta est sub conditione, si is qui stipulabatur, pecuniam credidisset: Quæ enim demonstratio in futurum confertur, ea conditionem habet, non solum demonstrationem, ut in hoc legato, Stichum, qui meus erit, cum moriar. *L. 6. supr. de Leg.*

4. Emancipatus creditit: placet fideiussorem non obligari patri. † Cur? quia nec potest repugnante fideiussoris obligationis natura: quod significat Paulus, cum ait, *quia nec reus ei tenetur.* Hoc enim sentit,

fideiussorem qui accessio est principalis obligationis, §. fideiussores, *Inst. de fideius.* non posse alii obligari, quam ei, cui reus ipse principalis tenetur: in proposito autem non patrem pecuniam credidisset, sed filium, eumque emancipatum: ut proinde ei soli reus eo nomine obligatus sit, non patri. Ita fieri, ut refragante accessionis natura non possit fideiussor in hac specie obligari patri. † Sed an obligabitur filio, qui emancipatus creditit? nam de eo nihil hic responsum est. Et summo iure non videtur filio actio acquiri posse ex ea stipulatione, quam cum in potestate esset, contraxit, quasi emancipatus alius homo sit, quam is, qui stipulatus est. *Sed humanitatis intuitu*, inquit Papinianus, fideiussor ei obligabitur *L. si debitori §. ult. infr. de fid. utpote ei, qui solus mutuum contraxerit, et quidem tunc primum, cum esset sui iuris, et præterea qui stipulatus sit a fideiussore eius nomine, cui hæc ipsa pecunia deberetur.* Itaque hoc nomine in factum actio filio dabitur. Sic enim vocatur in *L. si vero non §. si filiofamil. mandavero, supr. man.* quæ dicitur utilis in *L. quidam cum filium, supr. de her. instit. †* Quæ ratio est fideiussoris a filiofamilias pecuniam credituro accepti, eadem est mandatoris, qui mand-

davit filiofamilias, ut is pecuniam crederet alteri, aut alteri solveret. Ut enim fideiusso-
riæ obligationis natura non patitur, ut
alii obligetur fideiussor, quam ei, cui reus
ipse, cuius nomine intercessit, teoetur: sic
nec contrariæ mandati obligationis natura,
ut alii obligetur mandator ex causa man-
dati, quam ei, cum quo interpositum est
mandatum, et qui simul ex ea causa man-
datum implevit. *L. si vero, §. contrario, L. si quis alicui, §. impendia, L. si man-
datu. 45. 4. resp. in fi. supra mand.* Hinc
de hac specie idem responsum, quod de
superiore: Mandavit aliquis filiofamilias ut
pecuniam crederet Titio, vel ut mandantis
nomine Titio solveret: quo facto mandati
obligatio contraria contrahitur inter man-
dantem et filiofamilias sub conditione, si
filius qui mandatum suscipit, pecuniam cre-
diderit aut solverit iuxta mandatum. Eman-
cipatus credidit, aut solvit. Placuit non ma-
gis in hac specie filiofamilias mandatorem
patri teneri, quam in superiore filii fide-
iussorem. *L. si vero, §. si filiofamil. man-
davero. supra mand.* scilicet quia et hic
repugnet conditio mandati obligationis. Nam
cum patre aut non intercessit mandatum,
aut si per filium intercessisse videri potest,

certe nihil fecit ipse mandati exsequendi
caussa, nec alius quisquam eius nomine.
Filius enim emancipatus, qui patri quære-
re nihil potuit, credidit, aut solvit pecu-
niam suo nomine, et mandati causa a se
suscepti. Neque vero alii, ut dixi, ex causa
mandati mandator obligari potest. Sed
an filio actio adversus mandatorem dabi-
tar? et hic omnia de eo, quæ in superio-
re specie exposuimus, dicenda sunt. *d. L. si vero, §. si filiofamil. †* Sed etsi obliga-
tio a filiofamilias contracta eiusmodi est,
qua non minus commode reus patri teneri
possit, quam filio secundum naturam ob-
ligationis: si tamen ita erit contracta, ut
conferretur in tempus emancipationis filii,
dum id agit inter contrahentes, ut actio
emancipato acquiratur: etiam hoc casu e-
mancipato deberi incipiet, non patri, si mo-
do sine dolo malo filii id ita cautum fuerit.
L. ult. infr. de stip. ser. Ac sine dolo ma-
lo eius id ita gestum intelligitur, si res il-
li fuit cum eo, qui ei donatum voluit ita,
ut res ad ipsum perveniret, non ad patrem.
Quod cuiusmodi sit, illustri exemplo decla-
ratur in dict. *L. quidam cum filium, supr. de her. inst.*

Ad L. Si sic stipulatus. 133.

Scaevola lib. 13. Quaestionum.

Sic stipulatus sim, *Neque per te, neque per heredem tuum vim fieri spon-
des*, et egi quod mihi vim feceris: recte remanere factum heredis in sti-
pulatione. Nam et ex ipsius posteriore vi potest committi stipulatio. Non
enim ad unam vim tantum pertinet. Nam sicut et ipsius heredis caput: ita
ipsius vis vel sæpius facta complectitur, ut condemnatur quanti interest.
Aut si sic volumus factam esse stipulationem: *Neque per te, neque per
heredem tuum fieri?* ut ad unam vim primam teneat: si vim fecerit, amplius
ex heredis committi non poterit. Ergo si actum sit quasi ex ipsius vi tota
consumpta sit. Quod non est verum.

SUMMARIA.

1. Stipulatio hæc, *Neque per te, neque per heredem tuum vim fieri spondes?* tam in servitutibus, quam in corporalium rerum controversiis utilis.
2. *Per te non fieri quid.*
3. Stipulatio superior semel commissæ, ita ut cum promissore stipulator ex ea egerit, an ex facto heredis iterum committatur, ut adversus hunc quoque amplius agi possit.

4. Argumenta duo Scaevolæ in hoc responso. el n. 9.
5. Caput hoc loco quid.
6. Verbo, Vis, generaliter vis omnis etiam sæpius facta conjicitur.
7. Stipulationis huius iterum commissæ effectus.
8. De lectione huius loci observatio.
9. Stipulatio omnis, quæ in faciendo aut non faciendo est, an sæpius committi possit.

1 Stipulatus quis est hoc modo, *neque per te, neque per heredem tuum vim fieri spondes?* Finge cum possessori fundi fieret possessionis controversia, tandem re inter litigantes transacta convenisse, ut possessio apud eum maneret; utque rata

esset conventio, stipulatum esse possessor-
em ab adversario, neque per eum, ne-
que per heredem eius vim fieri, quominus
eum fundum de quo agitur, sibi posside-
re liceret. Stipulatio non in controversiis
rerum corporalium tantum utilis, sed præ-
ci-

cipue in servitutibus; de quibus cavetur, per te non fieri, quominus eo aut illo iure uti possim. *L. ult. sup. de serv. † Per te non fieri nihil aliud est, quam per te vim non fieri.* Nam in omnibus interdictis quæ sunt de quasi possessione servitutis retinenda, Prætor utenti, quominus ita utatur, vim fieri vetat, dum id cavet, ne quid fiat, quominus quis eo iure libere utatur. *L. 1. L. 3. §. ait supra de iti. ac.*

3 *pr. L. 1. supra de acq. quot. et est. †* Adversus hanc stipulationem promissor possidenti vim fecit, dum eum aliquo modo libere uti re prohibet, iuxta ea, quæ traduntur in *L. 3. §. 1. et seqq. sup. uti possi. et L. veteres. sup. de iti. ac. pr.* quo nomine commissæ stipulatione stipulator egit cum promissore, et ut utiliter ex ea stipulatione agitur, ita etiam id quod sua interest a promissore damnato stipulatorem consecutum esse, aut certe in id promissorem damnatum esse intelligendum est. Ac semel eo nomine damnatus promissor deinceps quievit. Sed mortuo eo heres de quo possidendi vim facit. Quæsitum est, an ex facto heredis iterum committatur stipulatio, ut adversus hunc quoque amplius agi possit; an vero satis fuerit ex ea semel egisse stipulatorem, et consecutum esse, quod sua interest, ne amplius committatur. Respondet Scævola, quamvis ob vim a promissore factam non solum commissæ sit stipulatio, sed etiam eo nomine stipulator iam egerit: tamen factum heredis nihilominus recte remanere in stipulatione, ut scilicet et de eo etiam nunc ex eadem stipulatione agi possit. † Id probat duobus argumentis: uno a maiori ducto, altero ab absurdo. Prius tale est: si cum promissore semel actum esset ob vim ab eo factam, ac deinde iterum vim faceret, etiam ex ipsis posteriore vi committeretur adversus eundem stipulatio. Quanto magis postea adversus heredem eius ob vim ab eo factam committetur? Tolerabilius est enim eandem stipulationem adversus diversos committi, ut agatur semel tantum adversus singulos ob vim ab illis separatim factam; quam committi adversus unam eandemque personam sæpius, quamvis ob factam eius diversam. Posse autem etiam ex ipsius promissoris posteriore vi committi stipulationem ita ostendit. *Non enim, inquit, ad unam vim pertinet.* Quasi diceret, si ex posteriore vi promissoris non committeretur stipulatio, oporteret eam ad unam tantum vim primam pertinere, id est, eo referri, ut ea tantum vis præstaretur: nunc autem ad unam vim non pertinet, sed ad omnem,

verbor. obligation. 1586

quæ postea facta erit: idque verba stipulationis non obscure demonstrant. *Nam si cut, inquit, et ipsius* (intellige promissoris) *et heredis caput; id est, personam, ita ipsius vim vel sapius factam complectitur, ut condemnnetur, quanti interest.* † Caput dixit pro persona, quomodo dicta sunt capitalia iudicia, per quæ caput, id est; persona eximitur de civitate. *L. 2. infr. de pub. iud. §. cum autem, Inst. quib. mod. ius patr. pot. sol. et capite censi;* qui ex persona sua censentur, non ex bonis. Continet stipulatio superior aperte et promissoris et heredis personam: quoniam utraque verbis stipulationis est expressa: † Continet etiam ipsius promissoris vim vel sapius factam: quia de vi eius generaliter cautum est; ac verbo generali vis omnis continetur. *L. si servitus, sup. de serv. urb. præd. L. Mævius, §. duorum, sup. de leg. 2.* neque vero secunda vis, aut tertia minus vis est, quam prima. † Addidit, *ut condemnnetur, quanti interest;* ut intelligeretur ex posteriore vi promissoris committi stipulationem, non hoc sensu, ut ex ea vi agi possit non minus, quam ex priore; dum tamen agatur ex una dumtaxat: sed ita ut ex unaquaque agi possit separatim, et quidem cum effectu, id est, ita ut ex unaquaque condemnnetur promissor, quanti stipulatoris interest eam vim factam non esse. Et hoc consequens est, si stipulatio vim omnem continet. Nam si stipulatio omnis faciendi, præcipue quæ in non faciendi est, committitur in id quod interest; *L. 3. sup. eod. et hæc stipulatio committitur ob vim omnem, quam continet:* necesse est intelligi committi eam in id quod interest unamquamque vim factam non esse. Non committitur autem, nisi eo nomine agi potest: nec ulla est actio, ex qua reus non potest condemnari. † Illa verba, *ita ipsius vis, vel sapius facta complectitur,* quæ sunt in Pandect. Florentinis defendi possunt, *si quis complectitur* sic accipit, ut sit passivæ vocis, pro comprehenditur, et subadiungatur a stipulatione. Sed cum nullum nomen hic sit, quod subiciatur verbo *complectitur*, præter id quod præcedit, nempe stipulatio quod et ipsum iam duobus verbis præcedentibus eodem casu pariter adiunctum est: non potest salva ratione recti sermonis et huic tertio, quod continenter sequitur, aliud aptari, quam illud idem, ut dicamus; nam sicut utriusque personam, ita et vim promissoris vel sapius factam stipulatio complectitur: quomodo et in aliis exemplaribus legitur: et recte. Alioqui oratio erit non co-

hærens, perturbata et generibus verborum et casibus: cum priora verba actionem significarint, posteriori passionem. Casus diversi, illic *stipulatio*, hic *a stipulatione*, cum tamen hoc posterius nullo modo exprimitur. Ut omitam vix esse, ut apud idoneum aliquem auctorem reperitur verbum *complectitur* ita usurpari, ut passive significet. Sed si hæc nos non offendunt in verbis et structura orationis; quod propter sententiam in his mutemus, nihil est. Nam utrovis modo legamus, utraque lectione eadem sententia exprimitur. † Hactenus prius argumentum Scævola. Sequitur alterum in illis verbis, *aut si sic volumus*. Est autem huiusmodi: *si volumus*, id est, si interpretamur hanc stipulationem *neque per te, neque per heredem tuum fieri*, sic factam esse, id est, in hanc sententiam, seu hanc sententiam habere, *ut ad unam vim primam teneat* († *teneat*, pro nos teneat, seu valeat; ut tenet actio, pro valet intentio, et nos tenet in *L. quæsitum, in pr. supr. de pecul. l. 1. §. quia autem, supr. quod leg.*) consequens erit, si promissor semel vim fecerit, quamvis ex ea vi nondum actum sis cum promissore; tamen amplius ex heredis vi stipulationem committi non posse, ne hoc quidem, ut ex ea potius liceat agere, quam ex priore. Nam si unam tantum vim eamque primam stipulatio continet, ex secunda vi stipulatio committi non potest. Consequens est illud, si ex priore vi promissoris cum eo actum erit, quasi ex eius una vi totam stipulationem esse consumptam. Quorum utrumque absurdum est, et verbis stipulationis aperte repugnans. Stipulatio enim omnem vim complectitur: ut dicendum sit secundum verba et conventionem ex omni vi eam committi posse, etsi quis ex una tantum agi posse concederet. Sed posterius præcipue absurdum videri debet, cum ex pluribus rebus in stipulatum deductis de una separatim actum est, quod fit, cum actum est de una vi promissoris, dici ea actione totam stipulationem etiam de cæteris rebus, de quibus actum non est, esse consumptam. Quæ si falsa sunt, et illud falsum esse necesse est, unde consequuntur. Dicemus igitur, ut stipulatione superiore

de omni vi promissoris et heredis eius cautum est; ita stipulationem ob vim vel ab uno, vel ab utroque sæpius factam sæpius etiam committi, ut ob unamquamque condemnatur is, qui fecit, in id quod interest. † Quid ergo, an stipulatio omnis, quæ 10 in faciendo, aut non faciendo est, sæpius committi potest? nam de eo non in hac specie tantum, sed et in aliis quoque dubitari solet. Finge id quod præstari debuit, sæpius non præstari, aut adversus id, de quo cautum est, committi sæpius. Minime vero omnis faciendo stipulatio potest sæpius committi, sed de eo statuendum est ex eo, quod promittitur. Multum refert, una res, seu unius rei factum promittatur, an plura. Nunquam, una res promissa non præstita, amplius stipulatio committi potest, quam semel alioqui plures res petentur, cum una tantum debeatur ex stipulatione. *L. venditor ex hereditate, supr. de her. vel act. vend. l. si ita quis stipuletur. 63. supr. eod.* Quod si plures res, plurave facta continebuntur, in singulas causas, et singula facta committetur stipulatio in id, quod stipulantis interest. Exempla suppediabant cum alii loci, tum hi præcipue, hæc *L. si sic L. si procurator, infr. rem. rat. hab. l. 1. §. habet autem, supr. usuf. quem. ca.* Sed committetur, inquam, in id, quod interest: quoniam interest stipulantis singula præstari. Quod si omnibus factis subiecta erit pœnæ stipulatio, si quid factum non erit, aut si quid contra quam cautum est, factum fuerit, ut in compromisso, si qua in re paritum non sit arbitri sententiæ: quæcumque in parte contra stipulationem factum erit, committetur quidem pœna; et quidem tota; sed semel commissa amplius committi non potest, ut de pœna ex compromisso debita scriptum est in *L. si duo §. ult. supra, de rec. Nec dubium* est, quin debeat ad cæterarum rerum stipulationes idem transferri: cum in omnibus omnium factorum stipulatione comprehensorum una pœna promissa sit, non plures. Et hæc, nisi actum sit, ut in singulis causas toties pœna committatur, ut additum est in *d. L. si duo, in fin.*

Ad L.:

Ad L. Titia. 134.

Paulus lib. xv. Responsorum.

Titia quæ ex alio filium habebat, in matrimonium coïit Gaius Seio habenti filiam: et tempore matrimonii consenserunt, ut filia Gaii Seii filio Titie desponderetur: et interpositum est instrumentum: et adiecta pœna, si quis eorum nuptiis impedimento fuisset: Postea Gaius Seius constante matrimonio diem suum obiit: et filia eius noluit nubere. Quæro an Gaii Seii heredes teneantur ex stipulatione. Respondit, ex stipulatione quæ proponeretur, cum non secundum bonos mores interposita sit, agenti exceptionem doli mali obstaturam: quia inhonestum visum est, vineulo pœnæ matrimonii obstringi, sive futura, sive iam contracta.

SUMMARI A.

1. *Matrimonia metu pœnæ legibus non constituta inhoneste obstringuntur.*

2. *Ad matrimonia iam contracta retinenda, quam fu-*

tura promovenda, etiam pœnæ legibus sunt comparata.

3. *Pœnæ eorum, quæ sponsalibus contractis futurum matrimonium sine iusto causa repudiant.*

Dixi, quod satis est, de hoc loco partim ad L. si stipulatio facta 19. partim ad L. generaliter 26. *supr. eod.* † Tantum addam, quod hic generaliter dicitur in honestum visum esse vinculo pœnæ matrimonii obstringi, sive futura, sive iam contracta, de pœna legibus non constituta dictum esse. † Ceterum et suas pœnas hic esse constitutas ant receptas legibus, cum ad retinenda quæ iam contracta sunt matrimonia, tum ad futura promovenda comparata. Nam adversus iniusta divetia cer-

tæ sunt pœnæ constitutæ. L. consensu, C. de repud. cuius generis pœnæ intelliguntur in d. L. si stipulatio 19. *supr.* cum dicitur in divortiis debere nos contentos esse pœnis legum. † Sponsalibus autem contractis, qui sine iusta causa futurum matrimonium repudiant, iubeatur duplum arrarum sponsaliciarum restituere. Quod si convenerit inter sponso, ut amplius restitueretur, etiam hæc conventio usque ad quadruplum admissa est L. ult. C. de repud.

Ad §. Item respondit, plerumque.

Definitionis hic traditæ exemplum appositissimum est in L. 4. §. ult. *supra de pac.* Licebit eodem referre speciem L. triticum 94. *supr.* ut sententiam eius loci

interpretati sumus. Exceptionis subiectæ exemplum habemus in L. si ita stipulatus, §. Chrisogonus, *vers. sequens stipulatio, supr. eod.*

Ad §. Idem respondit, cum Septicius.

In specie facti licet dissimili, definitio tamen et sententia eadem, quæ exposita est ad L. sciendum 30. *eod.*

Ad . Idem respondit, quotiens.

Id sentit; quod ipse idem definit apertius in L. pen. *infr. eod.* de utroque loco dictum est ad L. scire 29. *supr. eod.*

Ad L. Si ita quis promiserit. 135.

Scaevola lib. v. Responsorum.

Si ita quis promiserit: *Decem tibi dabo qua die petieris, et eorum usuras in dies triginta*: quæro usuræ utrum ex die stipulationis; an ex die qua petita sors fuerit, debeantur. Respondit secundum ea quæ proponerentur, ex die stipulationis deberi: nisi aliud actum manifeste probaretur.

Item quæsitum est, quando pecuniam reddere debebo cum primum petieris. Respondit, verba quæ proponerentur, ex die quo stipulatio facta esset, initium capere.

S U M M A R I U M.

1. In promissione hac, Decem tibi dabo, qua die petieris, et eorum usuras in dies triginta, et

sors et usuræ ex die stipulationis debentur.

1. **H**IS verbis, decem tibi dabo, qua die petieris, et eorum usuras in dies triginta, existimari possunt usuræ non deberi, nisi ex die qua petita sors fuerit, quasi nec sors ipsa illo die adiecto ante deberetur. Sed recte respondetur, ex die stipulationis eas deberi. Sive enim in his non intelliguntur repetita illa verba, qua die petieris, stipulatio usurarum pura est. Quod pure promissum est, præsentī die debetur. *L. cum, qui Calendis, §. ult. supr. §. omnis, Inst. eod.* sive intelliguntur eadem repetita; tamen id de conditione stipulationis nihil mutat. Quoniam ea adiectio, qua die petieris, neque diem neque conditionem habet, sed magis admonitionem quan-

dam, quo celerius solvatur. *L. si decem, cum supr. eod. L. Titia 65. de cond. et dent.* Cui rationi consequens est, quod et de sorte ipsa subiicitur, non incipere deberi eam, cum primum stipulator petierit; sed iam ab initio stipulationis, et ut loquitur Scævola, obligationis verba ex die interpositæ stipulationis initium capere. Fieri quidem potest, ut hoc actum sit, ne ante deberi inciperent usuræ, quam interpellatus promissor pecuniam non solvisset, eoque etiam pertinuerit ea adiectio, qua die petieris. Sed si promissor hoc convenisse dicet, quoniam verbis stipulationis non probatur, aliunde probare debet vel instrumentis idoneis, vel testibus.

Ad S. Seia cavit.

Seia cavit Lucio Titio, quod mandante eo hortos emisset, cum pretium omne cum usuris ab eo recepisset, se in eum proprietatem hortorum translaturam. Deinde incontinenti inter utrumque convenit, ut intra Kalendas Apriles primas universam summam mandator numeraret, et hortos acciperet. Quæritur, cum ante Kalendas Apriles non omne præteritum cum usuris a Lucio Titio Seia solum sit, interposito tamen modico tempore reliquum pretium cum usuris Seia Titius solvere paratus fuerit, neque Seia accipere voluerit, et usque in hodiernum per Titium non est quo minus reliquum solveret: an (si) nihilo minus Lucius Titius Seia universam pecuniam solvere paratus sit, ex stipulatu agere possit: Respondit posse, si non multo post obitulis nec mulieris quicquam propter eam moram interesset. Quod omne ad iudicis cognitionem remittendum est.

S U M M A R I A.

1. Hypothesis in hoc §. proposita.

2. Duo in responso Scævola hoc loco statuuntur.

3. Pecunia in proposito recte, quam a Scævola hic statuitur, post diem oblata, an locum habeat moræ purgatio.

4. Disputat de veritate prioris partis responsi Scævola.

5. Defendit posteriorem partem eiusdem responsi.

6. Obiecta superius breviter repetuntur, ac diluuntur.

7. Locus de facti et iuris questionibus.

8. Iudicis officium differt ab officio Iurisconsulti.

9. Iudicis cognitio in proposito quibus in rebus versetur.

10. Modicum tempus quodnam iudicandum.

11. Disputationis præsentis utilitas.

12. Pacta in continenti facta stipulationi non inesse ad actionem, et n. 14.

13. In narrationibus facti a consultoribus sæpe multa non multum ad rem pertinencia recitari exemplis declaratur.

15. Moræ verbo non proprie hic usus Scævola.

1. **S**Eia mandante Lucio Titio hortos quosdam emerat suo nomine, et pecunia sua: utque empti erant, ita et ei suo nomine sunt traditi: unde et domina hortorum facta est: ut quamvis iudicio mandati teneatur Titio, ut eos illi cedat; *L. si pro-*

curatorem, §. mandati, supr. mand. non tamen prius fiant Titii, quam si illa in eum domitia transtulerit. *L. si ex mandatu, supr. de acq. rer. do.* Id cum Titius vellet fieri, nec recusaret Seia transferre, dum pretium, quod de suo solve-

rat,

rat, cum usuris reciperet, neque Titius haberet presentem pecuniam; de ea translatione in futurum sibi prospexit stipulatione a Seia, et ab ea stipulatus est eorum hortorum proprietatem in se transferri, cum pretium omne cum usuris ei praestitisset. Cavit Seia, idest, stipulanti promisit hac conditione se translaturam. Si in ea stipulatione nihil postea immutatum esset pacto, non dubitarem, an et quando ex ea stipulatione agi posset: stipulatio enim conditionalis est, ita concepta, cum Seia pretium omne cum usuris a Titio receperisset; quod valet, si receperisset. L. quodcumque, §. non solum, sup. eod. L. si Titio, sup. quan. d. leg. ced. Stipulationes conditionales tunc committuntur, cum conditio exiterit. §. sub conditione, Inst. eod. nec dubium est, quin hæc conditio, si Titius pretium omne cum usuris solverit. Titio quandoque pretium cum usuris offerente aut impleatur, aut pro impleta habeatur. Si Seia oblatum accipit, impleri conditionem certum est: si recusat, dum recte offertur, nihilominus habetur conditio pro impleta. L. in executione, §. ult. sup. eod. L. iure, sup. de cond. et dem. Ita manente superiore stipulatione, quodcumque Titius offerret pretium cum usuris, recte ex stipulatione hortos condiceret. Sed quod sequitur, controversiam fecit: convenit enim deinde inter utrumque in continenti, id est, statim et continenter, nullo alio actu interposito, ut intra Calendas Apriles primas universam summam Titius mandator numeraret, et hortos acciperet. Is aut intra Calendas, ut convenerat, non numeravit universam pecuniam, sive quod in totum nihil solvit, sive quod partem duntaxat. Nunc demum præteritis Calendis totam offert. Quæsitum est, an si Seia accipere recusat, possit Titius agere ex stipulatu: dum scilicet hoc dubitatur, an posteriore conventionem recessum sit a priorē stipulatione, et hoc effectum, ut cum prius liceret Lucio Titio quodcumque solvere pretium hortorum, nunc solum liceat intra Calendas. Scævola respondet etiam post Calendas offerentem Titium ex stipulatu agere posse: sed his conditionibus; si non multo post offerat, nec mulieris quidquam propter eam moram intersit. Hoc responsum, si quod aliud Scævolæ, parum expeditam et sententiam et rationem habet, atque haud scio an multis factis cognita, certe, quod res loquitur, parum vulgo explicatam: quo diligentius et quid velit, et quam id recte statuatur, nobis considerandum videtur. Sed de sen-

tentia prius videamus. † Et si recte scripsit Scævola, duo hoc loco statuere intelligitur. Unum; non ob stare superiore conventionem quamvis in continenti interpositam, quominus possit Titius suis illis conditionibus etiam post calendas pretium cum usuris offerre, et hortos ex stipulatu petere. Alterum; si quid eorum, quæ in conditione posuit, desit, idest, si aut Titius multo post Calendas pretium offerat, aut mulieris iam interesse cœperit, quamvis statim; frustra pretium offerri, et iam amplius ex stipulatu agi non posse. Ac de priorē sententia dubitari non potest, cum discrete verbis expressa sit: de posteriore potest, et quidem ea a quibusdam non recipitur; nec abs re omnino, ut videtur. † Quid enim, si multo quidem post Calendas Titius offerat, sed nihil intersit Seia: pretium ante solutum non esse? Quid, si intersit, sed Titius una cum pretio et usuris etiam id quod interest, ei offerat? an non est æquum cogi Seiam pecuniam accipere, et admitti moræ purgationem, quæ sine detrimento eius contingat? Et vero id ita faciendum esse dixeris: Nam moram prius factam certi iuris est purgari posse postea offerendo: utque eam questionem placet esse de æquo et bono; ita quoties sine damno adversarii ea purgari potest, toties æquum est purgationem admittere. L. si servum, §. sequitur, sup. eod. Quamobrem, ut dixi, id etiam quidam in hac specie admittendum esse putaverant, qui ita scripserunt de sententia huius loci: ut dicerent oblationem hic factam post diem Titium excusare; eique præbere actionem ex stipulatu, qua hortos condicat: dummodo damnis Seia, si quæ senserit ob moram, satisfaciatur. Significantes, si nihil damni senserit Seia, nihil esse impedimento, quominus pretium cum usuris quandoque offerendo purget moram: si senserit, etiam tum moram purgari posse postea, dum hoc damni quidquid est, sarciantur. Sed longe alia significatio est verborum Scævolæ: quæ quidem ita perspicue scripta sunt, ut non tam attentionem et prudentiam, quam intelligentiam sermonis in lectore desiderent. Ait enim ex stipulatu agi posse; sed addita conditione, si non multo post obtulisset. Frustra addidit conditionem, si quandoque post Calendas liceat offerre, et ex stipulatu agere: cum dici debuisset agi posse simpliciter sive Titius multo post obtulisset, sive statim postea. Quid dico autem Scævola addicisse conditionem? Imo cum prius generaliter dixisset agi posse; non tam conditionem addidit postea, quam exceptionem, si non, idest, nisi multo post ob-

obtulisset: quia exceptione id quod prius dixerat, corrigere eum apparet: neque potest id facere, nisi hoc statuat, si Titius multo post obtulerit, eum ea stipulatu omnino agere non posse, ut prius definiret. Addidit etiam Scævola hanc alteram sive conditionem, sive exceptionem; nec mulieris quidquam propter eam moram interesset. Si ex prior conditione hoc dicere intelligitur, Titium ex stipulatu agere non posse, si multo post Calendas offerat: consequens est ex posteriore quoque hoc eum dicere intelligi, nihilo magis posse Titium ex stipulatu agere, si quo modo mulieris intersit pecuniam intra Calendas datam esse, quantumvis illi statim post Calendas obtulerit: quoniam utraque conditio ad unum idemque responsum temperandum corrigendae pariter refertur. Non obstat, quod dicitur moram quandoque purgari posse postea offerendo. Id enim hanc conditionem habet, quod sine damno adversarii fiat: neque enim potest oblatio sequens ius alienum minuire, ut docuimus ad dictam *L. si servum, §. sequitur, sup.* Proinde id ad hanc speciem non pertinet. Quid enim si superiore conventionione id actum est, ut post Calendas pretium offerre non liceret Titio, nisi offerretur non multo post, nec mulieris quidquam interesset? consequens erit, si non offeratur his conditionibus, acquiri exceptionem *Sais* ad pecuniam postea oblatam non accipiendam, eoque ad hortos retinendos. Hæc exceptio invito extorqueri non potest. *L. ult. sup. de pac. omni-* aqne, ut cum mora promissoris pœne actionem dedit stipulatori, hic more ab illo purgari non potest, quo actionem stipulatori quesitam ei auferat; *L. magnam. C. de cont. et com. stip. L. traiectione, sup. pr. tit.* sic ne tom quidem a stipulatore admittetur moræ purgatio, cum ea erit, quæ auferat exceptionem adversario partam. Atqui hoc sentit Scævola superiore conventionione id effici, ne aliis quam superscriptis conditionibus liceret pecuniam post Calendas offerre. De quo paulo post plura suo loco. Quo fit, ut pecunia ascus oblata, hic moræ purgatio locum non habet. Quapropter de sententia loci tenebimus id, quod supra posui, ut prius siue hæsitatione hic statuitur, in apacie nimirum proposita aliquando agi posse ex stipulatu pretio etiam post Calendas oblato: sic at de posteriore dubitari non debere, agi non posse duobus temporibus, si aut offeratur pecunia multo post, aut statim quidem, sed tum, cum iam mulieris propter moram a Titio factam intersit. Sententia verborum cognita, quam recte et vere utrumque dicatur, videndum est. Et

tale est, quale supra dixi, idest, eiusmodi, cuius ratio parum sit expedita. Nam prius per se falsum videtur: posterius si per se posset verum esse, tamen priore posito videtur everti; ut sic non videatur responsum ipsum posse consistere. † Ait Scævola post hanc conventionem in continenti interpositam, ut omnis pecunie intra Calendas detur, quamvis intra eum diem numerata non sit, posse Titium nihilominus ea stipulatu agere, et hortos petere. Si superscripta stipulatione horti promissi sunt Titio hac conditione, si pretium omne cum usuria intra Calendas numerasset; perspicue falsum est. Quod anim ab conditione promissum est, nisi conditio extiterit, ut non debeat, sic nec peti potest, §. *sub conditione, Inst. eod. l. cedere, infr. de ver. sig.* Dubium autem non eat, quin huic conditioni, si Titius pretium omne intra Calendas numeraverit, ita pareatur, non si pretium omne quandoque numeratum sit a Titio, sed si numeratum sit intra Calendas. Quod si intra Calendas datum non sit, statim deficit conditio, licet postea offeratur quantumvis statim: quidquid enim offeratur postea, at quandoque offeretur, semper verum erit intra Calendas datum non esse, ut conditio exigebat. *L. Celsus, sup. de arb. usque adeo*, ut si cui libertas relicta sit, si rationes intra Calendas reddidisset, placeat eum non pervenire ad libertatem, si par eum ateterit, quominus intra præscriptum tempus conditioni pareret, licet postea velit rationes reddere. *L. Thais, §. intra, sup. de p.d. lib.* Atqui superioris conventionis in continenti interpositæ vis hæc esse videtur, ut intelligatur stipulatio hortorum renovata esse, at pro conditione indefinita, si Titius pretium omne cum usuris reddidisset, quam conditionem ab initio habuit, hanc accepisse, si Titius pretium omne cum usuris intra Calendas reddidisset. Proinde in hac quoque stipulatione hoc ius erit, ut omni pecunia intra Calendas non numerata, ut hic contingit, postea Titius ut conditione defecta ex stipulatu agere non possit, si va omnem pecuniam offerat multo post, sive statim. Accepisse autem stipulationem priorem ex conventionem hanc conditionem, si intra Calendas pecunia omnis numerata esset, effici videtur illa sententia veterum, quæ usurpatur a Paulo in *L. lecta, sup. si cer. pet. pacta in continenti facto stipulationi inesse*: cuius eodem auctora Paulo, in ver. *dicebam, ead. l.* hic est, sensus, ut pactum stipulationi subiectum, si in continenti factum sit, sic habeatur, quasi pars esset

esset prioris stipulationis, ac secundum id videtur iam a principio concepta esse stipulatio. Quid autem efficeret conventio superior, si stipulationi precedenti hoc modo inesset? ut Titius videlicet ad conditionem implendam deberet omnem summam numerare intra Calendas, quoniam de pecuniis ita numeranda convenit. Quare superiori sententiæ conveniens est, ut hoc quoque loco sic conventio accipiatur, idque efficiat. Nihil ad hoc expediendum valet, quod quidam dicunt, pacta quamvis in continenti facta stipulationi non inesse ad actionem. Concedo hoc ita esse, et vero per se verissimum, ut satis demonstrasse videor ad *L. in bonæ, C. de pac.* ac quam recte contra scripserit hoc loco Accursius, et quam dextre ex hoc loco id colligat, postea in extremo ostendam. Ego autem plus etiam hic largiar: volo enim (etsi falsum est) conventionem de qua agitur, ne ad defensionem quidem stipulationi inesse, ut prosit Seia, dum horti ab ea petuntur. Quid horum utrumque ad objectionem explicandam pertinet, si nihil affertur aliud? Non enim de eo nunc agitur, an insit ad actionem, aut defensionem: satis est ad responsum Scævolarum refellendum, si dici possit inesse conventionem ad conditionem prioris stipulationis renovandam, et hoc efficiendum, ut dies conventionis dictus etiam stipulationi insertus intelligatur. At hoc ita esse nunc dicimus, in eamque sententiam dictam esse illud, pacta in continenti facta stipulationi inesse, ut Paulus ipse interpretatur. Sunt, qui concedant conventionem quæ nunc proponitur, eoque et diem conventionis comprehensionem stipulationi inesse videri iuxta superius illud dictam veterum: verum non inesse ex conceptione verborum, sed ex quadam iuris interpretatione: ex quo efficiunt volunt, conditionem stipulationis proprie bullam diem continere. At Paulus ait sic pacta in continenti facta inesse videri, ut secundum eorum formam intelligatur renovata esse prior stipulatio. Deinde an conditio non inest, quia inest iuris interpretatione? Imo hoc ipso inest maxime, quia ius inesse interpretatur. Nos autem dicimus neque conventionem propositam inesse superiori stipulationi; et si inesset, non tamen posse inesse ad conditionem prioris stipulationis mutandam, de quo nunc queritur. Et ut prius hic attingam, magis ut errori communi in eo occurratur, quam quod ad locum expediendam sit necesse: inesse stipulationi est, stipulatione contineri. Ut cum dicimus exceptiones inesse

bonæ fidei iudiciis, *L. 3. sup. de res. vend.* hoc dicimus bonæ fidei iudicio contineri, etiam si nominatim in iudicium deductæ non sint a reo, cum lis contestatur. *L. Ausimodi, §. qui servum sup. de leg. 1.* Non potest autem conventio hoc modo inesse stipulationi, nisi sit pars stipulationis. Nec vero potest pars esse, aut etiam valere iure stipulationis, nisi et ipsa intelligatur in stipulationem deducta. Ut in proposito, si volumus conventionem de tota summa Seia intra Calendas danda secutam inesse stipulationi priori, quæ de hortis Titio præstandis contracta est; periæd hæbentur conventio, ac si pecuniam, de qua convenit, stipulata esset Seia sibi intra Calendas dari, ut sic eam stipulationis inire potere posset a Titio. Hoc vero conventionem quamvis statim secuta effici non posse convenimus. Cum enim stipulatio conficiatur verbis, ac siue his nulla sit; non potest videri stipulatione contineri ulla res, de qua præstanda verbis stipulationis cautum non sit. *L. quidquid, supra, eod. L. 1. C. de usur.* At de pretio hortorum cum usuris Seia præstando nihil stipulatione cautum est. Fuit quidem pretium in conditione, si id solum esset Seia: sed non id eo promissum, neque omnino ex ea conditione obligatur Titius, ut quidquam det Seia: quoniam conditio nihil statuit, sed pendat aut ex Titii voluntate, aut ex causâ. *L. si quis sub conditione, sup. si quis omis. cau. test.* Proinde nec conventio de ea pecunia præstanda in stipulationem priorem deducta potest videri, eoque nec ei inesse. Sed et illud fieri non potest, ut cum duæ sunt stipulationes distinctæ et separatae, una alteri insit, seu una alteram continere: tum enim inesse dicitur aliquid stipulationi cum una est stipulatio pluribus rebus constans, ex quibus est illud, quod ea contineri dicimus. Atqui si conventionem hic secutam sic recipimus, ut ea intelligatur deducta in stipulationem præcedentem, incipit necessario duæ esse stipulationes maxime diversæ et separatae; ut pote maxime diversarum rerum et diversorum reorum: una de pecuniis Seia danda, in qua Seia stipulatur, promittit Titius; altera de hortis Titio reddendis, in qua e converso stipulatur Titius, promittit Seia: stipulationes non tantum diversæ, sed etiam prope contrariæ: ut plane absurdum sit dicere unam esse partem alterius, seu alteri inesse, etiam si quis priorem conventionem semper conventionem manere, nec transire in stipulationem concederet. Nam quod dicitur pacta in continenti facta

cta inesse stipulationi, etsi a Paulo dicitur generaliter: tamen quia in certa specie pacti dicitur, et ad eam accomodatur, res cogit fateri sic accipiendum esse, quasi dictum esset, pacta eiusmodi, cuiusmodi est id, quod apud Paulum proponitur, stipulationi inesse. Ut intelligamus ea pacta, quæ fiunt de ea re ipsa, quæ in stipulationem deducta est, pertinentque ad minnendam obligationem, dum de ea re aliquid detrahitur conventionem, vel adiicitur dies, aut conditio stipulationi: aut pertinent quidem ad augendam obligationem; non tamen ut promittatur aliud, quod prius stipulatione cautum non erat, sed ut dies vel conditio stipulationi inserta detrahat. Hæc insunt stipulationi; quia possunt: potest enim his subiectis stipulatio prior sic accipi, quasi in eorum sententiam stipulatio iam ab initio esset concepta, non repugnante stipulationis natura, sed maxime consentiente secundum ea, quæ diximus ad L. 4. §. si quis simpliciter, et seq. supr. eod. De iis autem pactis accipi non potest, quæ fiunt de alia re, quam quæ cauta erat stipulatio. Contraria de causa, quia hæc non possunt stipulationi inesse, refragante nimirum natura stipulationis, quæ non patitur, ut quidquam insit priori stipulationi, quod nec verbis eius, nec sententia continebatur. Demum tamen conventionem hic propositam inesse stipulationi, ut pars sit eius, et iure stipulationis valeat: de quo quia ad rem non pertinet, nunc valde non laborabimus. Ac de eo plura scripsimus ad L. lecta, supr. si cor. pet. et ad L. in bonæ, C. de pac. Aio etsi inesset, ut valeret ipsa per se, et actionem pareret Seiz: tamen etiam secundum superius illud dictum veterum non posse eam inesse ad conditionem stipulationis innovandam: quod satis est, ut probetur etiam post illam conventionem mansisse stipulationem hortorum integram, eoque post Calendas secundum verba stipulationis pecuniam offerri Seiz, et ab ea hortos peti posse, id enim fieret, si conventio non esset secuta. Et cum dicitur pactum in continenti factum inesse stipulationi, opinor hoc omnes dici intelligunt, ipsum tale inesse, quale est: proinde et tantum efficere in stipulatione, quantum continet, non amplius: Nam amplius si eo effici vellemus, recte dicitur hactenus non id quod convenit, idest, pactum stipulationi inesse, sed aliud: Pactum autem inesse volumus, non aliud. Quid autem continet hæc conventio, ut universam pecuniam intra Calendas Apriles mandator numeret, et hortos accipiat? Hoc se-

cundum verba, non solum ut Titius intra Calendas pecuniam numeret, sed etiam ut postea: similiter et in hortis non solum ut eos accipiat ipse intra Calendas, sed etiam postea. Conventio enim est in diem. Quod autem in diem promittitur, non solum post diem deberi non desinit, sed tum maxime incipit deberi: unde et tum dicitur dies obligationis venisse. Quo significatur eum diem venisse, quo pecunia peti potest: cum ante cessisset tantum dies, nondum venisset, idest, cœpisset deberi pecunia, sed nondum posset peti L. cedere, infr. de ver. sig. §. in diem, Inst. eod. Et breviter ex superiore conventionem Titius pecuniam in diem dare debet. Proinde et hanc quoque cum dies venerit, debet dare, et quia debet, etiam dando, idest, solvendo: quod debet, liberabitur. Inst. quib. mo. tol. obl. in pr. Eidem illi quia horti debentur in diem, ideo et post diem ei dari debebunt ex conventionem. Quod si ita est, consequens est superiore conventionem non effici, ut horti dentur Titio sub conditione si ipse intra Calendas Apriles universam summam numeraverit: hac enim conditione adiecta non posset Titius ad conditionem implendam numerare pecuniam post Calendas: et simul conditione defectus non posset ex conventionem hortos recipere: quæ sunt conventioni propositæ contraria. Quod si in conventionem nulla huiusmodi conditio est ad hortos recipiendos, conficitur, ubiunque ea conventio inerit, ibi eam non posse efficere conditionem, quam ipsa non habuit. Non negem equidem posteriore pacto in continenti facto conditionem stipulationi iniectam videri, si convenisset, ut Seia hortos daret Titio, addita nominatim hac conditione, si pecunia omnis intra Calendas data esset. Id enim probandum est, si pacto in continenti secuto perinde haberi debet, quasi stipulatio præcedens secundum id a principio concepta esset: quod Paulum sentire diximus, cum ait pacta in continenti facta stipulationi inesse credi. Sed eam non sit alla conditio in proposita conventionem, non potest, ut dixi, stipulationi iniicere, quod non habuit. Sit igitur hoc iam constitutum, conventionem posteriore quamvis in continenti secuta, ut quidem eius verba sunt, non esse mutata priorem stipulationem ne ad conditionem quidem: ut consequens sit, etiam post Calendas posse Titium Seiz universam pecuniam offerre iure stipulationis, et hortos ab eo ex stipulatu petere. Sed videamus, ne hoc constituto hic nobis eveniat, quod proposui, ut dum priorem partem responsi Scævole

superiore ratione defendere conatur, hac ipsa ratione posteriorem amittamus. † Ait Scævola, si pecunia post Calendas offeratur vel multo post, vel cum iam interest Seix, ex stipulato Titium agere non posse. Atqui si conventio posterior stipulationem non mutavit, ut diximus: licebit Titio etiam nunc pecuniam offerre quandoque, id est, non tantum ante Calendas, sed etiam post Calendas, et quidem post Calendas ita, ut nihil intersit, statim offerat, an multo post: nihil intersit Seix, an quid intersit: hoc enim iuris foret ad conditionem stipulationis implendam, si in suo statu mansisset stipulatio, nec ulla conventiones esset mutata. Condicio enim hæc fuit, si Titius pretium omne cum usuris dedisset sine ulla præfixione temporis: huiusmodi conditiones, quæ in potestatem creditoris conferuntur, etiam ultimo vitæ spatio impleri possunt. L. 5. *supr. de her. inst. l. ult. illic; argumentoque est, supr. de cond. inst. Argom. in l. ita stipulatus, supr. eod.* Et certe in proposito quandoque Titius pretium omne cum usuris dederit, semper verum erit, id cum fecisse, quod conditio exigebat: is autem implet conditionem, quæ id facit, quod est in conditione. L. 2. *sup. de cond. et dem.* De quo si dubitaretur in conditionibus testamento adscriptis, ut dubitari solet propter L. hæc conditio 29. *supr. de cond. et dem.* attamen in contractibus de eo non debet dubitari. Nam cum conventiones eo spectent, ut unusquisque paciscendo sibi caveat, et his scriptum sit vigilantibus: L. pen. in ff. *sup. quæ in fraud. cred.* non debet cuiquam adimari, de quo verbis conventionis aperte sibi caverit, sive specialiter id factum sit, sive verbis generalibus. Ideo etiam in stipulationibus si quis quid verbis generalibus stipulatus sit, placuit non esse ferendum promissorem, si quid excipiat, et sa dicat de eo non sensitisse. L. quidquid *supra eod. l. non est, supr. de transact.* Quo fit, ut qui sibi hortos stipulatus est, si eorum pretium daret, quoniam in facultate dandi nullum tempus excepit, in quandoque dando conditioni pareat, et sibi ex stipulatione acquirat actionem. Denique videamus, ne ex distinctione Scævolæ res incidat in difficultatem inexplicabilem. Aut enim conventus post secuta mutavit conditionem stipulationis, et ei iniecit diem Calendarum, aut non mutavit. Si diem adiecit, et Titius intra præstitutum diem non dedit, conditio deficitur, eoque omnino post Calendas ex stipulato agere non potest. Si conditio non est mutata, mansit facultas

Tom. XI.

implendæ conditionis, quæ prius fuerat, ut possit Titius, quandoque vivit, conditioni parere: quod dum facere potest, poterit etiam post Calendas quandoque ex stipulato agere. Nec obstat conventio, quæ et ipsa postea dandi potestatem dedit, ut supra ostendimus. Et satendum est, si verba conventionis tantum spectentur, non etiam mens contrahentium, dici debuisset non effecisse hæc conventionem, quominus pecunia etiam post Calendas Aprilis recte offerretur Seix, cum enim promittatur pecunia in diem, intelligendum est pecuniam etiam post diem parpatum deberi: quod si debetur, efficit regula iuris, ut possit Titius etiam ex conventionis eam quandoque post diem solvere: Sin enim regula iuris est, solutione eius quod debetur, tolli omnem obligationem. *Inst. quib. mod. tol. obl. in prin.* Secundum quam non quæramus, utrum solvatur pecunia post Calendas statim, an vero multo post, cum semper debite offeratur, neque an intersit Seix propter Titii moram, an non intersit; eam etsi intersit, non tamen fecerit mora, quominus pecunia semper debeatur. Plus dico, etsi intersit Seix pecuniam suam datam non esse, tamen non eo minus posse Titium pecuniam offerre quandoque post Calendas ad actionem ex stipulato acquirendam, etiam si Seix non offerat, quod ita eius interest: satis est enim ad acquirendam actionem, si pareatur conditio stipulationis; paretur autem, si pretium cum usuris offeratur Seix, etiam si nihil aliud accesserit: quoniam illa tantum duo erant in conditione. Sed etsi pretium ex conventionis dari deberet, non ex conditione: tamen mora in eo dando facta, non ideo deberetur Seix id quod interest: in obligationibus enim dandi solum res promissa in obligationem venit, non etiam id quod interest eam suo tempore datam esse. Argumento est, quod nec fructus rei promissæ post moram veniunt. L. videamus, §. si actionem, *supr. de usur.* Atque hæc, inquam, ita sunt, si verba tantum conventionis spectentur, quæ id solum continent, ut pecunia detur in diem: ut autem post diem non detur, non exprimunt. Quinimo ut detur etiam post, efficiunt, ut est natura omnium in diem obligationum: in quibus adiectione diei id agitur, ut cum dies venerit, tum maxime debeatur pecunia, et peti possit. Sed mentem et sententiam contrahentium spectavit Scævola, id est, id quod actum est: quod in omni conventionis sequimur. L. cum, qui Calendarum *supr. eod.* Atque id actum esse in hac conventio-

101

tio-

tione est interpretatus, non simpliciter ut Titius universam pecuniam daret Seia intra Calendas, quod, si longius non progredimur, inutile fuit Seia: sed ut si vellet Titius eam dare conditionis implendae causa, ut ex stipulatione facere potuit, hanc daret intra Calendas: intra Calendas, inquam, non postea: ut hoc intelligatur non dandae pecuniae, sed conditioni implendae praestitutum tempus: sic tamen, ut quod dictum est id actum esse, ne post Calendas liceret dare, sic accipiendum sit, nisi hoc sine ullo incommodo et molestia fieret. Quod ita contingit, si illa concurrant, quae Scævola posuit, id est, si et non multo post Titius offerat, et propter eius moram nihil mulieris intersit. Quae et vera sunt, et regulis iuris, quae sunt de interpretatione ambiguae vel obscurae conventionis, consentanea. Dico hac conventionem id actum esse, ne pecunia daretur post Calendas conditionis implendae causa, et tanquam actum sit, ex regulis iuris certis accipi debere. Nam hac conventio, intra Calendas dari, ambigua est. Potest enim interponi acquirenda obligationis causa, hoc sensu, ut pecunia dari deberet et ante et post Calendas; verum ita, ut deberet ante Calendas si Titius vellet, postea autem ita, ut etiam necesse haberet dare. Potest etiam adici praecedentis conditionis de pecunia danda temperandae causa, et ita accipi, quasi dictum esset; ut pecunia de qua in conditione stipulationis comprehensum est, dari deberet intra Calendas tantum ad conditionem implendam, non postea. In ambiguis in id actum esse existimandum est, certe tanquam actum accipi praecipiant regulae iuris, quo fit, ut conventio aliquid egerit, reiecto eo, quo fiat, ut sit inutilis. *L. ubi, supr. de reb. dub. L. quoties in stipulationibus, supr. eod.* Atqui si Seia hic patiscitur pecuniam universam dari intra Calendas, dum hoc solum agitur, ut debeat dari et maxime post Calendas: inutilis est conventio. Sive enim eam pecuniam aliquo modo consequi volebat; non fuit opus nova pactione, ac ne stipulatione quidem; cum ad eam consequendam haberet propriam actionem, nempe mandati contrariam. *L. si vero, §. contrarius, L. si quis alicui §. impendia, supr. mand.* sive id agebat, ut de ea pecunia denovo sibi caveret, et nancisceretur actionem novam, frustra ad eam rem conventionem adhibuit citra stipulationem; in quam conventio deduceretur: quoniam ex pacto nudo, qualis haec conventio est, non nascitur actio. *L. legem, C. de pact.* Nec ad rem

pertinet, quod conventio stipulationi ex continenti subiecta est: non enim ideo confirmatur, et actionem parit ea, quae non iure est stipulationi, ut docui ad *L. in bona, Cod. de pac.* quem locum et paulo ante obiter attigi. Cavendum igitur, ne hoc modo conventionem interpretemur, si alio potest accipi, quo sit non inutilis. Hoc vero efficitur, si id actum esse intelligimus, ut pecunia daretur tantum intra Calendas ad conditionem stipulationis implendam. Nam cum prius cogeretur Seia ex stipulatione expectare, quandiu Titius vivit, dum ille conditioni pareret, et ita de iure horum incerta esse, dum pendet, an ille ex stipulatu hortos auferat, necne: nunc consequitur posteriore hac conventionem, ne expectare cogatur ultra Calendas Apriles: post quod tempus ei ius et proprietates horum confirmatur, ut iam de illis sine metu prioris stipulationis possit statuere. Hoc autem caveri illi utile. Proinde in hanc sententiam conventio accipienda est, ne frustra contrahentes de pecunia intra Calendas danda convenerint: quorum hic semper animus esse creditur, ut aliquid agerent. Et tamen quoniam hoc verba conventionis non significant, sed totum pro commodo et utilitate Seia ita accipitur: eo fit, ut habitus huius ipsius commodi ratione, et inde coniectura voluntatis ducta, recte interpretetur Scævola superiore conventionem actum esse, ne post Calendas Titio pecuniam offerre liceret cum hac exceptione; nisi non multo post offerret, et nihil interesset mulieris propter moram Titii. Propterea quod cum haec concurrunt, nullum incommodum est mulieris post Calendas offerri, eoque et secundum sententiam contrahentium æquum admitti. Nam cum aliunde non intersit Seia, certum est magnum damnum non esse in mora modici temporis. *L. si debitori, supr. de iudic.* Hinc distinctio Scævolæ, quam supra posuimus: cui quam constet ratio, iam ex his potest intelligi. Sic igitur ea se habet: Si post Calendas Apriles universam summam offert Titius his conditionibus, quas modo commemoravi, recte offert, et implet conditionem stipulatione comprehensam: hoc modo enim licuit ei ex stipulatione implere: hæc illi potestas conventionem posteriore non est adempta, neque verbis, neque sententia, ut ostendimus. Cui consequens est, quod de actione ex stipulatu respondet Scævola, Titium niuvrui quamvis post Calendas universam pecuniam offerentem his conditionibus ex stipulatu agere posse. Hoc enim iuris est ex conditionali stipulatione postquam conditio est imple-

pleta: hic autem supra scriptis conditionibus impletam esse diximus. Contra vero si aut iam quid interest. Seize pecuniam Calendis datam esse, aut cum nihil eius intersit, tamen multo post Calendas pecunia offertur: frustra offertur ad conditionem implendam; quia id conventionem actum est, ne his modis hanc offerret post Calendas, quod esset ea obligatio cum aliquo incommodo Seize coniuncta. Priore quidem casu, quia iam damnum sensisset ex mora Titii. Posteriore autem, quia et dilatio pecuniae debitorum, et incertitudo iuris nostri longior non solum molesta, sed etiam plerumque damnoosa esse consuevit. Ut autem conventionem actum est, ne his conditionibus Titio liceret post Calendas pecuniam offerre: ita dicimus hanc vim esse conventionis, ne postea ita offerendo Titius impleat conditionem, sive quis conventionem stipulationi inesse dixerit ut in continenti faciam, sive non inesse. Si inest, dicendum est pariter esse, ac si horti ab initio stipulatione ita promissi essent, si pretium omne cum omnis Seiza a Titio intra Calendas recepisset: sic enim interpretatur iocose Paulus in d. l. lecta, vers. dicebam, *supr. si. cer. pat.* Quod si fit, certum est quod supra dixi: cum intra Calendas universa pecunia non numeratur, etiam secundum verba stipulationis deficere conditionem. L. Celsus, *supr. de rec. l. Thais*, §. intra, *supr. de fid. lib.* Hactenus autem conventionem propositam stipulationi inesse, et in ea hoc efficere, ut ex eius conditione pretium omne cum usuris intra Calendas offerri debeat, consentaneum est dicto illi veterum, pacta in continenti facta stipulationi inesse credi, idque ipsum admitendum puto, eoque pertinere, quod proponitur hoc loco hanc conventio in continenti interposita: neque enim temere est, quod nominatim id adducitur. Atqui etsi eam conventionem isto modo quis dixerit stipulationi non inesse (neque enim ab omnibus veteribus dictum illud receptum est, ut Paulus refert in d. l. lecta, vers. pactum, et seq.) attamen conventionem de implenda conditione stipulationis idem efficitur. Tantum hoc interest, quod cum stipulationi ipsi inest conditio, si deur intra Calendas, conditio post Calendas natura impleri non potest, sive Seiza pecuniam obligatam accipiat: sive non accipiat: quia semper verum erit intra Calendas datam non esse. Cum autem convenit extra stipulationem, ut Titius intra Calendas tantum pecuniam dare posset implende conditionis causa; nihilominus hic potest conditio stipulationis natura impleri:

implebitur enim secundum verba stipulationis, si Seiza obligatam post Calendas pecuniam volens accipiat. Quod si recusat accipere, ut de invita hic agitur: non magis implebitur conditio, quam si ipsa conditio stipulationis diem Calendarum accepisset. Ut enim nihil aliud tribuat Seize hanc conventio, attamen certi inris est ei tribuere saltem exceptionem, ne post Calendas obligatam pecuniam accipere cogatur: quae vis est omnium pactorum. L. iuris gentium, §. sed cum nulla, *supr. de pac. l. in bona, C. eod.* Quod si non cogitur, fit, ut illa recusante primum non impleatur conditio, ubi re vera pecunia non numeratur: tum vero oec habetur pro impleta, ubi per Seizam non stat, quominus impleatur. L. iure, *supr. de cond. et dem.* non enim dici potest per eam stare, quae propter conventionem iuste recusat. L. sciendum, *supr. de usur. l. qui decem, infr. de solut.* Unde rursum consequens, quod de hac parte Scævola significat, Titium videlicet his casibus tantam conditione stipulationis non impleta ex stipulatu agere non posse. Ex his, patet, intelligi potest, non solum quam recte cohaereat prior pars responsi cum posteriore: sed etiam quam nihil otrique obstat ea, quibus homines etiam docti in hoc responso impediri solent. † Dicitur, cum quid promissum est sub conditione, si stipulator intra Calendas decem daret, nisi intra Calendas dederit, ex stipulatu agi non posse, quantumvis statim post offerat. d. l. Celsus, *supr. de rec. dict. l. Thais*, §. intra, *supr. de fid. lib.* Id ipsum maxime confirmatur hoc responso. Nam et tunc, cum actum est conventio, ut liceret tantum intra Calendas dare ad conditionem implendam, ibi idem servantes dicimus nec post Calendas pecuniam omnino offerri posse, ut conditio impleatur. Quod si quando placet offerri eam posse post Calendas, id illic receptum est, cum et illud actum est, ut posset et post Calendas offerri. Dicitur, quod intra diem praestitutum datum non est, in eo ius esse et post Calendas moram purgare postea idem offerendo. L. si servum, §. requiritur, *supr. eod.* Id hactenus verum est, ut et iam supra initio respondimus, dum obligatio ius adversarii non minuat. Itaque si hic nihil aliud esset, quam Titii mora in eo, quod pretium intra Calendas Seize non dedit, nihil esset impedimento, quominus postea pretium offerendo moram emendaret. Sed ad moram eius hoc accessit, ut pretio intra Calendas non dato deficeret conditio stipulationis, aut certe propter exceptionem

Seize quesitam non posset impleri. Qua ex re hoc consequitur, ut actionis metu; quæ alioqui ex conditionali stipulatione nata esset, liberetur. Hæc liberatio illi semel parta invitæ auferri non potest. *L. ult. supr. de pact.* Dicitur etiam, cum quid promittitur in diem, et si non datum non esset, adiciatur poena, eo quod promissum erat intra præstitutum diem non dato sic committi ponem ut nulla rei promissæ obligationis possit postea evitari. *L. traiectione, sup. prox. tit. l. Celsus, supr. de rec.* Sed et hoc aut non pertinet ad hunc locum, aut si quid pertinet, maxime consentit cum hoc responso. Quatenus enim in proposito id agitur conventionem, ut post Calendas pecuniam offerre liceat, ibi ut conventio pecuniæ dandæ diem Calendarum constitutum non habet, ita ob eandem causam nec pecunia intra Calendas non data, poena committitur, ne hortos Titius accipiat. Ut appareat responsum hac parte ad superiorem definitionem non pertinere. Quibus autem casibus hoc agitur, ne liceat pecuniam offerre post Calendas, admitto etiam huic conventioni adiunctam esse poenam, ut si Titius pecuniam intra diem suum non dederit, ne hortos accipiat. Qui enim ita dicit, accipies hortos, si intra Calendas decem dederis, hoc dicere intelligitur, si intra Calendas non dederis, non accipies. *L. quibus §. quidam Titio sup. de cond. et dem.* Quod si ita est, fatendum est saltem hac parte speciem huius loci ad superiorem definitionem referri. Sed non est metuendum, ne hic definitio adversetur, cum plane in eandem sententiam hac parte Scævola respondet: statuit enim pecunia intra Calendas non data, manere his casibus poenam conventionem constitutam, ut quamvis Titius postea pecuniam offerat, non possit tamen ex stipulatu agere.

- 7 † Quod omne ad Iudicis cognitionem remittendum est.) Omne dicit, non ut continetur illud, quod respondit ex stipulatu agi posse; de quo cum ipse certo responderit, inepte id ad alterius cognitionem remitteret: sed ut intelligantur conditiones illæ, quas addiderat, si non multo post Titius obtulisset, nec mulieris quidquam postea eam moram interesset. An, inquam, non multo post obtulerit, et an mulieris nihil intersit, propter quæ dixit agi posse pecunia intra Calendas non numerata, id omne ad Iudicis cognitionem remittendum est. Quod adiecit, dum vult intelligi se de his ideo nihil definire, quia eorum decisiō sit Iudicis, non Iuriconsulti. Sed cur non Iuriconsulti, ut de eo

non debeat, aut non possit respondere? Intelligit nimirum, id quod res est, an quid horum factum sit, questionem facti esse, non iuris. Proinde questionem rei incertæ, quæ ob eandem causam neque constitutione nulla, neque iuris auctororum definitione possit decidi, ut de huius generis questionibus scriptum est in *L. mora supr. de usur.* Nam an quid factum sit, necne, aut an in hac aut illa causa porro sit futurum, nemo homo quantumvis prudens, aut consultus, ratione, aut intelligentia et cognitione ulla consequi potest. Et quidem illud constat in facto esse, an quidquam hic intersit Seize: cum possit fieri, ut intersit, possit etiam fieri, ut nihil intersit: quæmodum et cum eius interest, potest alias pluri, alias minoris interesse. Id enim ita est, ut sunt ea, quibus illa caruit propter moram Titii: quæ interdum nulla sunt: et cum sunt aliqua, possunt alias plura esse, nonnunquam pauciora. *L. si quis ab alio, supr. de re iud. l. si quis stipulatus 112. §. 1. supr. eod.* Hinc regula iuris: quatenus cuiusque intersit, in facto non iure consistit. *L. quatenus, infr. de regul. iuris.* Nec vero minus illa questio facti est, eoque talis, ut de ea responderi a Scævola non poterit, an Titius non multo post Calendas obtulerit, an secus. Si diceretur certum tempus, quo Titius post obtulisset, et quæreretur, an id tempus, quod intercessit, dici deberet longum, an modicum; questio esset iuris, quæ definitione temporis posset expediri. Nunc autem proponitur solum Titius interposito modico tempore pretium cum usuris obtulisse, et quæratur generaliter, an modico tempore interposito obtulerit, an longiore. Hæc questio, ut dixi, facti est, non iuris. Sic et in eo quod interest, questio esset iuris, si quæreretur, quid significetur hoc verbo. Unde et definitum id ad iuris auctoribus legimus. *L. si commissæ, infr. rem rat. hab. l. ait lex, in ff. et l. l. segg. supr. ad leg. Ag.* Ad illa facti est questio, an intersit, de quo hic agitur. Cur ergo ntriusque facti questio, ad Iudicem potius remittenda est. † Quia Index, qui munere indicandi publico fungitur, in controversia facti sic adiuvare litigatoribus, ut prius cognoscat de facto, id est, an quod factum dicitur, factum sit, necne, sic deinde causæ cognita de eo pro potestate statuat: de facto autem ex idoneis probationibus cognosci, et de cognito recte statui potest. Non sic Iuriconsulti: qui quia nulla præditus est indicandi potestate, ut non ita editor, ut de re controversæ quidquam statuat inter

ter litigantes, quod eos teneat, sic nec eius cognitio*n*i res subicitur, ex quo deinde sententiam eius recte consequi oporteat. Ideo non consultur de quæstione facti, quæ nisi causa cognita et pro potestate decidi potest: sed ut supposito facto, secundum ea quæ proponuntur, de iure respondeat, atque hoc modo habeat consultor de iure suo, quod sequatur, ne frustra litem moveat, aut suscipiat. † In hac autem cognitione hoc erit officium Iudicis, ut iubeat sibi fidem fieri earum rerum, quæ in quæstionem vocantur, ab iis, quibus earum rerum probatio iure incumbit. Ita cum Seia ad defensionem sua interesse dicat, non Titius; illa probare debet sua interesse, etiam si sit rea, cum qua ex stipulatu agitur, non Titius illius nihil interesse. Titius autem actor cum dicat se non multo post obtulisse, idque ad intentionem fundandam necesse sit ipsum dicere; etiam huius rei probatio ab illo exigetur. Utrumque iuxta regulas inris, quibus constitutum est, ei incumbere probationem, qui dicit, non ei qui negat, et maxime actori. *L. 2. L. verius, supr. de probat. L. actor, Cod. eod.* et reum in exceptione, omnique obligatione ad liberationem comparata partibus actoris fungi oportere. *L. in exceptionibus, supr. de prob. L. 1. Cod. eod.* † Quid ergo, si de certo tempore Titius dixerit, quo pecuniam obtulit post Calendas, et quærat hoc solum, sitne id modicum, an longius tempus; quid hic statuet bonus Iudex, quid Iuriconsultus? nam hæc inris quæstio esse incipit, ut pote in qua non quærat, an quid factum sit illo aut illo tempore; sed id tempus quod interpositum esse constat, quale debeat iudicari, modicum an secus. Et cum edictum de constituta pecunia sic acceptum esset, quasi eo daretur actio de pecunia sine die constituta non statim, sed post modicum tempus: id modicum tempus sic etiam in eo acceperunt veteres, ut esset non minus, quam decem dierum, post quod exactio celebretur. *L. promissor, 1. supr. de pec. const.* Cum in specie proposita non solum nominetur itidem modicum tempus, sed etiam id quod sit ad pecuniam nondum debitam expediendam, ut illic; nihil causæ dici potest, cur non et hic modicum tempus eodem modo interpretemur, videaturque Titius non multo post Calendas pretium reliquum obtulisse, si intra decem dies obtulit Seia ibi modicum tempus ad solvendum accipit id, quod iudicatis datur, ut in *L. si debitori, supr. de iud.* ubi cum ageretur de eo, qui confitetur in iure se

debere, et petit diem sibi dari ad solvendum, respondetur audiendum esse, et modicum tempus ei dandum, *modicum autem tempus hic intelligendum esse, quod post condemnationem reis indultum est.* Sed expendendum est, quod adicitur nominatim id fieri hic, idest in ea causa, de qua illic agitur. Quo declaratur non tam id definiri ex verbi significatione, quam ex legis sententia, quæ de iudicatis constituta est. Confessi enim in iure pro iudicatis habentur. *L. 1. supr. de cens. L. unica, C. eod.* Postulat igitur legis ratio, ut et his eadem dilatio detur ad solvendum, quæ iudicatis: præsertim cum in confessis nulla contumacia argui possit, quæ sæpe in iis est, qui litigare, quam fateri in aluerunt. Illud quod in edicto de iure deliberandi dicitur esse in potestate ius dicentis, quod tempus det ad deliberandum heredi de hereditate deliberanti, quia Prætor pollicetur, si tempus ad deliberandum petet, se daturum, nec adicit quantum. *L. 1. in fin. et L. seq. supra, de iur. delib.* Ex quo loco vult Accursius hanc controversiam de modico tempore dirimi: aperte nihil huc pertinet. Hic enim de uno; et designato tempore agitur, nempe de modico, intra quod oblatio fieri debuit: illic nullum certum tempus definit Prætor, quia vult de eo varie statui, prout hereditatis tenuitas aut magnitudo, negotiorum explicatio aut implicatio, conditio personarum et locorum distantia exigent. Et ideo interdum brevius tempus datur, et semel: interdum longius, et sæpius, *L. 3. et 4. supr. de iur. delib.*

† Sed quæcunque de hac specie constituerimus, an non videtur inutilis esse labor quærere, an Titius mandator post Calendas pretium offerendo possit agere ex stipulatu, in eoque multa cavere, ut possit: cum omnia stipulationes videatur quæcunque offerendo posse alia via hortos consequi non minus commodè, quam consequeretur ex superiore stipulatione, si nulla secuta esset conventio? Nam qui mandavit hortos emi, habet mandati actionem, qua eos consequatur a Seia, et habet semper, quandocunque pretium et quod Seia abest, si offert. Cur non igitur potius ei consilium damus, ut omnia stipulatione, quæ ei nihil prodest propter conventionem, sine periculo mandati agat? Sed intelligendum est conventionem, quæ stipulationem in continenti secuta est: non minus mandati obligationem mutasse, quam stipulationem. Nam et mandati actio directa tacita hanc conditionem habet, si mandator ei, qui mandatum executus est, im-

pendia offerat. *L. si quis alieni, §. impendia, Seia. mand. arg. in l. Julianus, §. offerri, supr. de act. em.* Conventio autem secuta efficit, ut pretium hortorum de quibus agitur, intra Calendas Apriles tantum numerare Titius deberet, et hortos accipere. Proinde postea offerre non poterit, ut val actionem ex stipulato, vel mandati habeat. Nec ad rem pertinet, quod conventio post mandati obligationem interposita est ex intervallo: quandocunque enim interposita fuerit, semper constat eam prodesset Seia ad exceptionem, ne, pretium accipere cogatur post Calendas, ut supra dixi. Unde et hoc consequetur, ne et mandati agere liceat Titio conditione, sub qua Seia teneri voluit, non impleta. Nisi forte quis dicat conventionem superiorem ad stipulationem precedentem solum referri debere, non ad obligationem mandati; tum quod subiecta est stipulationi in continenti, tum quod mandati obligatio nullam istiusmodi conditionem habet, si pretium, seu impendia a Seia facta ei offerantur, qualiam stipulatio, quae proponitur. Quod ut detur, (nam de eo amplius deliberandum puto) potuit tamen in proposito alia ratione cessare mandati actio. Quid enim, si interposita sit stipulatio novandi animo? hic necesse fuerit sublatam mandati actionem aut Titium nullam actionem habere hortorum nomine, aut solum esse actionem, ex stipulato, de qua proinde queri oportet, an competat. Id cum in hac causa accidere potuerit, neque supervacaneum de actione ex stipulato hic queritur, nequa frustra de ea Scævola respondit. Neque vero debuit, cum de sola hac consuleretur, de aliâ, quam de hac responderet.

12. † Sed de sententia et ratione responsi plus satis. Tantum adiciam, quod ab eius explicatione non alienum videatur. Quod enim supra diximus conventionem quae hic stipulationem in continenti secuta est, non inesse stipulationi ad actionem, etsi potest in alium locum reici commodius, ubi de genere eorum pactorum ex professo agitur, ut *L. in bonâ, C. de pact. et L. lecta, supr. si cer. pet.* quibus in locis de eo scripsimus: tamen ut sunt verba huius responsi quidam, in dubium a plerisque revocatur. Proinde non abs re erit etiam de his pauca dicere, vel ob hanc causam, ne eorum verborum sententia non fugiat. Primum ponit Scævola, in continenti inter utrumque convenisse. An frustra addidit, *in continenti?* quod si non frustra, an id aliam vim habet, quam ut conventio insit stipulationi; proinde ut valeat tanquam pars

stipulationis, et actionem pariat? alioqui atsi multo post interposita esset conventio, idem iuris foret. Hic duo respondamus: Primum nihil prohibere, quominus hæc verba, *in continenti*, nihil ad ius conventionis pertineant; et hæc rationa frustra sint addita. Deinde etsi addita fuerint non frustra; et conventio insit stipulationi; non tamen ideo effici conventionem ita valere, ut actionem pariat. † Si in responso suo hæc verba addidisset Scævola; intelligeremus a prudente scriptore non frustra addi. Nunc cum in narratione facti ab illo posita sint, existimari potest ideo posita esse, quia ita acciderat, ut in continenti conveniret inter utrumque, itaque illi propositum factum erat: ceterum nihil retulisse ad ius conventionis, utrum in continenti convenisset, an ex intervallo. Alioqui quod posuit in eadem narratione Titium ante Calendas partem pretii obtulisse, sic accipimus, quasi si nihil omnino obtulerit, intra Calendas, non possit ex stipulato agere, quamvis statim post totum pretium cum usuris semel offerat: quod non ita est, ut apparet ex illis verbis, *An si nihilominus Lucius Titius Seia universam pecuniam solvere paratus sit, ex stipulato agere possit.* Idem in *L. qui Romæ, §. Callimachus, supr.* quam multa in narratione facti posuit, quæ etsi ita facta non essent, nihilominus tamen idem iuris esset, quod illic respondit? Huius generis est illud, quod in eadem *L. qui Romæ, §. Coheredes*, scribit ad moram tutorum arguendam; eos sæpius testato esse conventos, quasi ad moram faciendam quidquam intersit, semel quis interpelletur, an sæpius. † Volo tamen hic conventionem non frustra esse subiectam in continenti, sed stipulationi inesse. Quod ut verum puto: non tamen quia id colligatur ex hoc loco, sed quia generaliter, traditum sit pacta in continenti facta inesse stipulationi. An ideo afflictor conventionem in stipulationem transire at parere actionem? Atqui illud inesse stipulationi non sic interpretatur Paulus in *L. lecta, vers. dicebam supr. si cer. pet.* de quo iam ante satis respondi. Nihil igitur hæc verba, *in continenti*, ad eam sententiam statuendam faciunt. Illud plus habet momenti ad eam rem, quod ipse non factum refertur, sed de sententia sua respondens in extremo posuit, *nec mulieris quidquam propter eam moram interesset.* † Non est in Titio mora, ubi pecunia, de qua danda convanit, ab eo peti non potuit. *L. nulla, infr. de reg. iur. d. L. lecta*, illic, *sed cum sortis.* Hic moram in pecunia danda fecisse Titius di-

13

14

15

dicitur. Ab eo igitur pecunia peti potuit ex conventione. Hæc de mora; quæ vere mora sit, recte dicuntur: et in proposito quoque recte statui concederemus, si Scævola aperte Titium moram facere scriberet. Nunc autem ex eo solum, quod eam cessationem Titii, qua factum est, ut intra Calendas universam pecuniam solveret, moram vocat, non recte colligitur Titium iure fecisse moram, quasi ab eo pecunia peti possit. Nam et ipse *L. si pupillus, supr. eod.* his pupilli moram nominat, cessationem pupilli in pecunia oblata accipienda: quem tamen postea ibidem ostendit iure moram non facere. Ut autem hic intelligatur verbo moræ non proprie eum usum esse, observandum est eum non simpliciter dixisse propter moram, quæ facta est; sed

verbor. obligation.

dixisse propter eam moram, ut circumscriptiorem videlicet et demonstrationem adderet, qua declararet se non quamlibet moram intelligere, sed eam, quæ in hac specie facta proponitur. Hæc autem vere mora non est; quia non potuit peti pecunia ex nuda conventione. Aut, si hoc non est satis, quia, si superiore conventionem id agitur, ut et post Calendas pecunia debeatur, consequens erit et post Calendas quandoque offerri potuisse, eoque et semper ex stipulatu agi posse: ut supra a me demonstratum est. Hoc autem aperte Scævola repudiat. Non ergo hic moram proprie nominat, sed abusive: ut nihil sit in hoc responso, quo illa sententia confirmetur, pacta in continenti facta stipulationi inesse ad actionem.

Ad §. Ea lege donatum.

Ea lege donatum sibi esse a Seia servum et traditum, ut ne ad fratrem eius aut filium, aut uxorem aut sacrum perveniret, scripsit: et hæc ita stipulante Seia spocondit Titius: qui post biennium heredes reliquit Seiam et fratrem, cui ne serviret, expressum erat. Quæritur, an Seia cum fratre et coherede ex stipulatu agere possit. Respondit, posse in id quod eius interest.

SUMMARIA

1. *Species huius §.*
2. *Stipulatio; ne dominus rem suam in certas personas transferendo alienet, an valeat.*
3. *L. pen. supr. de pact. et L. ulli, C. de pact. iot. empl. declaratur.*
4. *Pactio, ne in totum res alienetur, an utilis.*
5. *Stipulatio hac L. proposita, an, si fratre herede relicto servus hoc modo ad eum pervenerit, committatur, et a. 14.*
6. *Ea lege, C. de condit. ob caus. explicatur.*
7. *L. ulli C. de reb. alien. non alienen. declaratur.*
8. *L. Si creditor, §. ulli, supr. de distract. pig. explicatur. eiusque lectio restituitur.*
9. *Manumissio contra legem in servi venditione dictam, cur non teneat.*
10. *Alienationis prohibitio quibus casibus irritam alienationem efficit.*

11. *Alienationis servi prohibita, an singularis alienatio tantum, an vero et institutio et universitatis alienatio prohibita videatur.*
12. *Servus hac lege donatus, ut in totum alienatur, cum ita futurum donatarius cavet; non constituitur stipulatio, si donatarius herede aliquo instituto decedat.*
13. *Alienationis duo genera summa.*
14. *Ad stipulationem in specie proposita committendum, si res ex testamento, si ex ab intestato ad eum, in quem alienari prohibita est, perveniat, nihil interest.*
15. *Stipulationis commissæ vis et effectus.*
16. *Interesse in præsentii casu qualiter aestimetur.*
17. *Donatrix in proposito adversus Titii fratrem an in solidum, an vero pro portione hereditaria experietur.*

1 SEia Titio servum donavit ea lege, ne servus ad certas quasdam personas perveniret, in quibus et fratrem Titii nominatim complexa est. Adiectaque est stipulatio, qua se ita facturum stipulante Seia Titius spocondit. Non necessario id quidem, quoniam etsi nulla stipulatio intercessisset, satis ipsa per se firma esset conventio, quæ esset in traditione rei interposita. *L. legem, C. de pac. L. in traditionibus, supr. de pac.* Sed ita visum est contrahentibus conventionem in stipulatum deduci rei magis firmandæ causa. Ne perveniret servus ad fratrem Titii, et alios: valet, ne alienaretur, et recederet a Titio ita, ut transiret in ius et domi-

nium fratris Titii ac cæterorum, de quibus cautum est. *L. aliud est capere, infr. de verb. sig.* Ita in summa conventio et stipulatio est, ne servus donatus alienetur a donatario, non tamen in totum, sed ne ita, ut transferatur in certas quasdam personas, quæ nominatim exceptæ sunt. Titius moriens fratrem: de quo cautum erat, ne servus ad eum perveniret: heredem relinquit ex parte, et una Seiam donatricem ex altera parte. Qua ex re factum est, ut si alienatio servi superiore conventionem non impediatur, servus ad eum perveniret, id est, fieret eius pro parte hereditario iure; servus enim donatus Titii fuit. Heres autem

tem ut i. c. ins. omne aliud defuncti, sic
præcipue ius dominiū rerum singularium
hereditariarum succedit. *L. heres in omne,
supra, de acquir. her.* Quæsitum est, an
Seiz donstrix cum fratre Titio eodemque
coherede ex stipulata agere possit. Quæstio
in eo est ¹, an stipulatio hæc, ne domi-
us rem suam in certos quosdam transfe-
rende alienet, valeat, et an eo facto quod
propositum est, sit commissæ. Nam neque
ex inutili stipulatione potest agi, et nihil
prodest stipulationem in faciendo positam
esse utilem, nisi contra eam factum sit,
ut ea commissæ ex ea agi possit. §. ult.
Instit. eod. l. 4. §. Cato, supra. eod. Scæ-
vola respondet: Seiz agere posse ex sti-
pulatu ius id, quod sui interest. Quo respon-
so pacis tria complentur. Illa quidem duo,
de quibus dixi, tacite quidem, sed tamen
non obscure significat, et stipulationem esse
utilem; et eo facto Titii, quod pro-
ponitur, esse commissam. Tertium expres-
sum est, teneri, Titium ius id, quod Seiz
interest. Et si autem credibile est, præ-
cipue hic dubitatum fuisse, an stipulatio
sit commissæ, quod non dubitaret veteres,
quin huiusmodi stipulationes, de re a
domino non alienanda, si quid stipulantis
intereit, hactenus essent utiles: tamen etiam
primum ac tertium hic vocatur in quæstio-
nem: proinde et de sigillis separatim
videbimus. † Statuit ergo ante omnia Scæ-
vola stipulationem hæc valere ne Titio ser-
vum ius quosdam transferre liceat, et ita
ne domiūs hactenus rem suam alienet:
nam servus donatus Seiz esse desit, et
traditione effectus est, ut dicit, Titii §.
per traditionem, Inst. de rer. divis. †
Hic opponitur *L. penult. supra, de pac.*
ubi inter res res, quæ illie pactione posse
effici negotior, de hæc prohibitione aliena-
tionis, de qua agimus, nominatim ita defi-
nitur, omnem paciscendo efficere posse,
ne invito vicino prædium suum alienet.
Quod omnes interpretes etiam do-
ctissimi, ius quodvis seiam, sic acceperunt
quasi diceretur eiusmodi pactionem non
valere. Quod dum faciunt, aliis illis in hoc
loco explicando ita varie laboratum esse
mirum non est: fuit enim causa, cur ali
aliorum sententias non probarent. Et vero

hoc sensu admissio nunquam rem liquido expeditum. Nam quod eam in definitionem cum hoc loco et similibus, in quibus huiusmodi conventiones recipiantur, distinctione aliqua conciliare tentemus, nihil est. Definitio enim generaliter scripta est, de pactione; ut nihil intersit, unde sit pactio, an iusta; et ex iustis pactionibus utrum sit. Interposita in traditione rei nostrae, ac co sit, dammodo in stipulatum sit deducta. Scripta est item generaliter de alienatione prohibita; ut nihil referat utrum id; agatur, ³ an dominus rem suam in totam alienet; an se alienet in hos aut illos transferendo, in quos solos fortasse transferre voluit, aut commodare potuit. Sed et illud generaliter dictum est, pacificando effici non posse, ut intelligamus non posse effici etiam si maxime intersit vicini sibi conventus, ne id fiat. Nam dicere non posse id effici, quia non possit, si nihil intersit, ridiculum est; cum hac ratione dicere liceat pacificando effici nihil posse, quidquid quis promittat. Hoc enim in promptu erit defendere hac eadem exceptione addita; *si nihil intersit*; quoniam ne in ceteris quidem rebus omnibus ulla pactio aut stipulatio valet, si stipulantis nihil interest. *L. stipulatio ista, §. alteri, supra, cod.* Sic fit, ut nulla harum rerum distinctio superiori loco conveniat. Quam ut locus recipere tamen nihil ageremus. Prius enim obtinendum esset, ut aliis etiam locis in speciem contrariis conveniret ex distinctio. Atqui ex aliis locis et certa ratione iuris quod est de pacis, constat, quaecunque pactio erit, ne dominus rem suam alienet, si paciscentis interest (nam aliter nulla communio pactio dandi aut faciendi valet) et ex est conventio, quam aliis rebus promissis fore valere posset, eam in hoc quoque genere facti recipiendam esse sine exceptione, mox ostendam. Unde alii eiusmodi omnem distinctionem repudiantem locum illum contrarium esse fateri malunt: sed ne obit eo confugiant, ut emendatum dicant constitutione Iustiniani. *L. ult. Cod. de pac. int. empt. et vend. com.* in qua sententia est Egninarus Baro in explicatione *d. L. pen. de pac. et* ⁴ *alii nonnulli.* Scilicet quia in *d. L. ult. C. de pac. int. empt.*

107

*) Interests quando est, in qua nec confiteri, nec ali-
li infatuatur, nec ipse quaque mihi affine, ex quibus
de se nullo modo credens, quod idem non sit.

3) Ut Coud. ad L. 3. de F. S. n. 41. declarari d. L. per. (non stringari) in L. ult. Coud. de pact. int. empt. ut convenit cum L. 48. de pact. et sim. Pan. c. 1. Quid.

3) Ut Notomus ad d. L. per. Paul. Bugas *ibid.* Notom. fames has amplius hodie, post d. L. ad. indistincte paratus humuand. valere, et si nihil intersit. Quid omnia non

probandum. Nam nec testatoris iudex de hoc aliquid percipere valet, si is neque nulla causam moveat super.

L. 8. Civil. Commencar. Cap. 18. n. 3.

4) Coisa. *ibid.* *Rel. ibid.* et *per. Obs.* 5. Meior. in *Conciliatore* pag. 241. quod et repetit, *God.* ad d. L. 3. *per. de F. S. n. fr.* que duo Intimus in d. L. add. dicit Augustinus fuisse a veteribus ad d. L. *pen.* non recepti; que sua omni diebus a Ictis profertur.

Iustinianus constituit adversus dubitationem veterum, ut hæc conventiones ratæ sint, quibus in venditionis aut alienationis alterius contractu convenit, ne novo domino liceat in loco alienato monumentum extruere, aut alio modo iuri humano eum eximere, puta dedicando. Atqui de his tantum conventionibus Iustinianus cavet; nihil etiam de eo, cum convenit ne domino liceat re in commerciis hominum manente eam alienare: de quo non quaeritur, Id vero certo argumento esse debet aut de hac conventionem dubitatum non esse a veteribus, quia valeret, ut proinde emendatione hic opus non fuerit; aut si obtinebat antea hanc non valere, voluisse quoque Iustinianum idem ius etiam nunc manere in hac specie, quia nominatim non mutavit: semper enim in emendatione iuris veteris hæc regula tenenda est, quæ traditur in *L. præcipimus, in fi. C. de app.* quidquid lege iuri veteri derogante specialiter expressum non est, id veterum legum constitutionumque regulis relictum debere intelligi. Sed et illud apparet ex verbis *id. L. ult.* admitti ea lege superiores duas conventiones tunc solum, cum in ipso contractu venditionis aut alienationis suat interpositæ. Quapropter si hæc conventio, ne dominus rem suam alienet, improbatæ est a veteribus, in eamque sententiam accipitur *d. L. pen. sup. de pact.* et nunc eadem conventio non alia lege confirmatur, quam illa superiore Iustiniani: fateri cogemur etiam nunc post illam legem conventionem eiusmodi esse inutilem, cum in contractu alienationis rei nostræ interposita non fuerit, etiam si maxime fuerit deducta in stipulationem. Quod falsum est his etiam assentientibus, qui *d. L. penul. de pac.* Iustiniani constitutione emendari putant. Sic sit, ut admissa superiore illa interpretatione, quæ vulgo recepta est, quasi dicatur in *d. L. penul. supra, de pac.* omnem hanc conventionem, ne domino rem suam alienare liceat, esse inutilem; res omnino exitum non reperiat: quoniam neque ea sententia conciliari cum aliis locis possit, et tamen quia aliis locis non emendatur, eam manere oportet: certe nihil sit causæ, cur potius ille locus ex aliis, quam ex illis alii mutari debeant. Enimvero cur laboramus, et nos conicimus in non necessariam difficultatem vitandæ objectionis, quæ in re nulla est? Verba *d. L. pen. sup. de pact.* paulo attentius expendantur. Verba ita sunt; *nemo paciscendo efficere potest, ne vicino invito prædium suum alienet.* Non dicit Pomponius, neminem pacisci posse,

Tom. XI.

ne prædium suum alienet; quod si faceret, conventionem esse inutilem intelligeremus: quia iure vetante non posset valere. *L. non dubium, C. de legi.* Sed dicit neminem posse hoc efficere, ne alienet, seu ut prius locutus erat, ne id sibi alienare liceat. Hæc oratio non est de utilitate aut inutilitate conventionis, sed de effectu. Itaque aperte significat non conventionem esse inutilem, ut prius illud, sed non ita valere, ut hoc efficiat, ne domino prædium suum alienare liceat: quod et verum est. Potest enim alienare nihilominus, si velit, nec conventio quidquam obstat. Idque ipsum hoc loco statui omnes concedunt, de quo postea. Neque tamen eo minus verum est conventionem esse utilem, si nihil aliud impedit. Nam si promissorem suam alienaverit contra conventionem; aut erit adversus eum condictio rei ob causam datæ causa non secuta; *L. ea lege, C. de cont. ob caus.* aut ex iusta conventionem seu stipulationem agatur in id quod interest: quorum utrumque et nos hoc loco confirmamus, tantum abest, ut superior definitio quidquam dissentiat. Recte igitur donatur quid ea lege, ne alienetur; et quamvis qui accipit, dominus fiat, conventio tamen utilis est, multoque magis: eo nomine interposita stipulatio, ut hoc loco. Sed enim hic, convenit, ne servus donatus ad certas tantum personas perveniret, non ut ne in totum alienare eum liceret. † Quid ergo, si res data sit ea lege, ne in totum alienaretur? Non minus rata est conventio, ut discrete confirmatur in *d. L. ea lege, C. de cond. ob caus.* Et cur non valeat pactio, quæ sit de re privata et familiaris? cuius generis conventiones, iustas esse scimus. *L. iuris gentium, §. si paciscar, sup. de pact.* Nam quod quidam metuere videntur, ne huiusmodi conventionem impediantur rei commercium, quod illi incivile nec ferendum in libero homine putant, cur nos moveat, nihil est. Non enim facit ea conventio, quominus libere possit res alienari, ut supra diximus. Solum hæc obligatio est, ut si promissor rem alienarit, aut eam restituere debeat conditione, aut præscriptis verbis actione, vel ex stipulatu condemnari in id, quod adversarii interest. *L. legem, C. de don.* quorum in utroque æquissimum est conventionem illi servari ex edicto Prætoris. *L. 1. sup. de pact.* et maxime si in traditione rei suæ eam interposuerit, ut hic factum est, ne decipiat alienator, cui licere debuit rei suæ, quam vellet legem dicere. *L. in traditionibus sup. de pac.* quique non aliter ius suum

102

trans-

transferri passus esset, quam si ea lege, quæ dicta est, res esset accepta: quæ optima ratio est huius pactionis et similibus confirmandarum causa reddita a Iustiniano id *d. L. ult. C. de pac. int. empt.* Et hoc quidam facilius admittendum putant; cum in traditione rei nostræ eiusmodi generalis conventio, ne res omnino alienetur, interposita est, ut est species *d. L. ea lege, C. de cond. ob. cau.* At si ⁵ cum eo, qui dominus sit alicuius rei, nunc primum paciscar, ne eam rem alienet, quamvis id stipulante me futurum spondeat; negant tamen stipulationem valere. Quod si quis roget, cur ex conventionem in traditione rei interposita velint actionem esse potius, quam ex stipulatione, cum non minus Iure Civili valeat stipulatio ad agendum quam superior conventio, sed pariter utraque actionem pariat: §. *de constituta, Inst. de act. L. divisionis, supr. de pac.* respondent, in contractibus quemadmodum in testamentis ferendam esse alienationis prohibitionem, quæ causam habeat: eam autem quæ sine causa fiat, non esse recipiendam, quoniam nec in testamentis admitteretur. *L. filiusfamil. §. Divi 2. sup. de leg. 1.* Porro cum res datur ea lege, ne alienetur, hic conventionem habere causam: cum autem de re a nobis non tradita idem stipulamur, secus esse. Sed nihil est, quod dubitemus æque hanc stipulationem admittere, atque conventionem eandem, quæ interposita sit in traditione rei nostræ. Cur enim admittitur hæc conventio, nisi quia id fieri nostra interest? nam aliter sit inutilis. *L. ult. C. de pac. int. empt. et ven.* Quod si ex stipulatione æque intersit idem nobis præstari, cur ob eandem causam stipulatio non valeat, cuius ad firmandam obligationem Iure Civili præcipuam vim esse constat? *Inst. eod. in pr. d. §. de constituta, Inst. de act.* Nam quod dicunt non esse admittendam in contractibus alienationis prohibitionem, cuius nulla causa sit, verissime dici puto: est enim absurdum plus licere contrahentibus, quam licet testatori, cuius maxime præter cæteros voluntatem ratam esse leges iubent. *L. verbis, infr. de verb. sign. L. 1. C. de sac. eccl.* Sed non recte iudicio meo, quod volunt sine causa fieri eam stipulationem, qua de re a nobis non tradita stipulamur eam non alienari. Una omnibus stipulationibus maxime idonea causa proposita est, propter quam et stipulationes inventæ

sunt, ut acquirat sibi quisque, quod sua interest. *L. stipulatio ista, §. alteri, supr.* Proinde in qua stipulatione idem stipulanti propositum est, ne eam sine causa esse dixerimus. Neque vero aliter huiusmodi conventionem omnem; aut stipulationem admittimus, quam si stipulantis intersit rem non alienari. Unde et hic stipulationem in id tantum quod interest, committi dicimus. At enim non interponitur hic stipulatio ob causam, ut interponitur conventio tum, cum res datur ea lege ne alienetur. Pacis virorum doctissimorum dictum sit, cum res datur ista lege et conventionem, id est, ne eam causam, non conventio hanc causam habet, sed datio. Non enim convenit, ne res alienetur ob causam, ut quid sequatur postea; sed datur res ob hanc causam, ne alienetur. Itaque si eam causam hic spectamus, qua non secuta datur conditio; erramus, si eam conventionis causam esse putamus, non autem dationis. Sed nihilominus et hæc conventio suam causam habet, verum cum stipulatione communem: quippe utrique finis idem propositus est, ut fiat quod paciscentis interest, quod ni intersit eius servari, frustra utrumque caveatur. Expeditum est igitur valere stipulationem propositam, qua cautum est, ne servus donatus sic alienetur a Titio; ut ad fratrem et alios quosdam perveniret: postquam ita valeret, etsi convenisset in totum, ne servus alienaretur, et is iam olim Titii esset, non a Sela id stipulante profectus. † Non est satis ut dixi, stipulationem valere, ut ex ea agi possit, nisi et commissa sit ob id, quod Titius fratrem suum heredem reliquit ex parte. Itaque cum dicat Scævola post id factum agi posse ex stipulatu, declarat, ut proposui, etiam stipulationem hoc facto esse commissam. Habet et hæc pars suam dubitationem, de qua secundo loco nobis cognoscendum est. Est autem huiusmodi. Sic enim superioris facto committitur stipulatio, si contra conventionem factum sit. *L. quidam, vers. respondi supr. eod.* ac sit contra conventionem, si duo concurrant. Unum, si fratre herede relicto servus hoc modo ad eum pervenerit, id est, hoc modo eius ita effectus sit, ut esset mansurus *d. L. aliud est capere, infr. de ver. sig.* Alterum, si et de hoc genere alienationis sensum sit a contrahentibus. Quare qui commissam esse vult eo facto stipulationem, ut ex ea agi

5) Ita Rob. 3. Sent. 24. cum qui iam dominus est non possit pacto sibi addicere alienandam potestatem, ne ei libera dispositio auferatur *d. L. pen.* Sed in venditione id sibi

iuris venditorem retinere posse *d. L. ultim.* quamvis illi utile non sit futurum (quod non potest) cum localis curvis rei sum venditione legem, quam vult dicere.

agi possit, simul horum utramque statuere intelligitur, etiam eo facto alienatum esse servum, atque ita fieri, quod supra dixi de effectu huius conventionis: non efficere videlicet eam quominus translato servo procederet alienatio, et præterea de hac ipsa specie alienationis, quæ proponitur, stipulatione actum esse. Ex his rebus incidit hæc quoque pars in difficultatem. Ac de prioribus multa occurrunt, quibus probari videtur, cum quid datur, et maxime cum donatur hoc lege, ne alienetur, id alienari non posse contra conventionem, quæ ordine diluimus. Primum occurrit generale illud, quod de pactis constitutum est edicto Prætoris, pacta esse servanda. *L. 1. L. iuris gentium, §. ait Prætor; supra de pac.* Quod ias tunc præcipue valet cum pactum interpositum est in traditione rei nostræ: *L. in traditionibus, supra cod.* quale est hoc, de quo nunc agitur. Queritur igitur, cur non et id pactum valeat. Nempe quia pacta servantur edicto Prætoris hactenus, dum ne sint contra ius d. *L. iuris, §. ait, L. contra, supra de pac. L. pacta, quæ contra, C. cod.* Sic autem statui debet hoc et pactum, quod domino liceat rem suam alienare, neve iuri humano eximere, quatenus id agitur, ne alienatio aut exemptio exitum habeat, contra ius et naturam, esse: quippe hoc domini proprium est, posse quem de re statuere ut velit, nisi si iure ipso prohibeatur. *L. in re mandata, C. man. Inst. quib. al. lic. vel non in pr.* Ut consequens ait, si conveniat, ne dominus rem suam in aliquem transferendo alienet, perinde esse, ac si conveniret, ut qui dominus est, ne sit dominus: quod natura non patitur. Hinc est videlicet illud, quod in *L. pen. de pac.* definitum esse supra diximus, neminem paciscendo efficere posse, ut sibi rem suam dedicere, religiosam facere, aut alienare liceat: quod quam recte dictum est ito sensu, apparet. Sed quæ conventio ad hunc modum servari non potest, quia iuri refragatur: eo modo aervabitur, quo potest, ne sit inutilis. *L. quoties in supr. cod.* Proinde alienante novo domino procedit quidem alienatio, sed non impune: scietur enim damnatum adversario constituto acinne in id quod interest, ut hic responsum est. Sed tamen et in specie huius conventionis multi loci videntur disseare. Hi autem tres obiciuntur. *L. ea*

Tom. XI.

lege, C. de cond. ob caus. L. ult. C. de reb. al. non al. L. si creditor, §. ult. supr. de dist. pig. † Et in L. ea lege, hæc verba sunt; ea lege in vos collata donatio, ut neutri alienanda aut portionis facultas ul-la competeret, id efficit, ne alteruter vestrum dominium prorsus alienet. Quæ verba dedita opere ito scripta esse videntur, ut constituerent Imperatores sententiam superiori illi contrariam, qua Pomponius negabat pacto effici posse, ne dominus prædium suum alienet. *d. L. pen. de pac.* Itaque si, ut volumus, his verbis hoc significat Pomponius, non posse hoc pacto effici quia liceat domino prædium suum alienare, et eo transferente procedat alienatio: consequens est, cum contrarium eo pacto effici dicunt Imperatores, hoc intelligi debere, etiam pacto inhiberi effectum alienationis. Et omnino id ita acciperemus, si absolute id et solum de effectu huius conventionis scripserent Imperatores. Nunc autem non hic subsistunt; sed continenter edicunt disunctivam, quæ priorum sententiam interpretetur: *vel, inquirunt, ut donatori, vel eius heredi conditio, si non fuerit conditio servata, quærat.* Hæc adiectione declarant se hoc sentire, superiorum conventionem non efficere absolute, ne res hoc pacto donata alienetur, sed ne alienetur ita, quin donator herede eius teneatur conditione ob causam dati re non secuta: ut sit sensus, conventionem efficere alterutrum, vel ut ne donatarius voluntate suam rem alienet, ut potest; vel ut si alienabit, teneatur conditionis. Quod dicunt, *si conditio non fuerit servata*, evidenter ostendant, posse eam non servari: ideo et rem alienari posse: quoniam hæc erat lex et conditio donationis, ut ne res alienetur: quæ non servatur tunc, cum alienatio rei sequitur. Quinimo quod donatori conditionem ex hac petitione queri posse dicunt, ut nihil ediceretur aliud, æstis est, ut intelligatur alienationem rei donatæ præcessisse: non enim conditio esset nisi causam non secuta: ac tunc solum non sequitur in hac specie, cum res cum effectu alienetur. Quare vel unus hic locus confirmat maxime, quod hic statui dicimus, re hac conditione donata ne alienetur, nihilominus posse contra conventionem a novo domino alienari. † In *L. ult. C. de reb. al. non al.* inter cætera Iustinianus cavet,

102*

si

6) Nonnumquam hoc mihi persuasibilem pactum tale naturæ domini adversari. Sic certe nec a testatore prohibito alienationis fieri potest. Tamen reliqua. Videri hæc de questione possunt præter NN. præced. DD. nominatos, Vass. et Tirsq. locis sup. Civil. Comment. Lib. 9. Cap.

en. N. i. citius, qui in eo nostro consentiunt quod alienationem per pactum non inhiberi contrahant, et Gomez in *L. Tauri* §. n. 14. et cæp. Froeh. 1. de 36. Niehl. Disput. feud. l. 76. et l. 2. Got. ed. l. 3. C. de condit. ob caus. lit. K.

si pactio contrahentium hoc adniserit, ne res alienentur, et domini alienationem, et mancipiorum manumissionem non solum prohibendam, quibus verbis primo nititur: sed etiam, non paulo post subiicit, *penitus prohiberi*. Idque ipsum se sancire dicit, non intelligitur non conventionem tantum, sed etiam iure prohiberi. Sed neque his verbis, neque eius loci sententia efficitur huiusmodi conventionem obstat alienationi. Alienatio prohibetur, inquit, et quidem penitus. Aliud est prohiberi, aliud impediri. Prohibetur omnino verbis, et conventionem paciscentium, dum id agitur, ne res penitus alienentur: neque id infatitur, cum ex ea conventionem sit actio adversus eum, qui alienavit: in quo etiam ias conventionem confirmat: sed non prohibetur eo usque, ut impediat: quoniam id conventio efficere non potest. Nisi quis dicat non recte dici prohiberi alienationem, ubi nihilominus liceat alienare. Quod non ita esse manifeste confirmat *L. ea lege*, de qua supra dictum est. Quod enim in principio scribitur superiore conventionem effici, ne dominium prorsus alienetur, valet id quod nunc dicimus, conventionem, ne res alienentur, penitus id prohibere, et amplius quiddam: nihilominus tamen statim addicitur, si res alienata *et* conditionem dari. Fit quidem interdum, non prohibita alienatio, hoc ipso quod prohibita est, impediatur: quod accidit, cum lex prohibet rem alienari, non in lege lulla de fundo dotali; aut cum testator idem fieri vetat in re legata. Sed hoc non potestate verbi contingit, sed constituentium auctoritate, de quo paulo post. Ut autem certius statuatur his verbis, conventionem efficere, seu prohibere, ne res omnino alienentur, non significari rem alienari non posse; spectemus istud, quod de stipulatione dandi scriptum est in *L. ubi*, *S. ult. sup.* *cod.* si enim scriptum est, hanc stipulationem, *fundum Tuscananum dari*, continere ut dominium omnimodo efficiatur stipulatoris quocummodo. Id cum dicitur, etiam hoc dicitur omnimodo ea stipulatione contineri, ne promissor fundum alienet, si habet: quoniam si alienat, qui eo facto dominus esse desit, eum amplius dari non potest. *L. traditio, sup.* de *acq. rer. dom.* Et tamen nem

dabit, quin dominus possit rem suam alienare, de qua transferenda caverit *L. quoties, C. de rei vind. L. qui tibi; C. de her. vel ac. ven.* Quod est igitur, quod dicitur cum promissorem omnimodo fundum dare debere? nempe hoc dici intelligitur, debere eum dare secundum verba stipulationis, et ob hanc ipsam causam prohiberi alienare; sed cum adinecto, nisi velit teneri, et condemnari in rei estimationem, omnemque causam, quæ liti contestationem secuta erit. Hæc de verbis Iustiniani in *d. L. ult. de reb. al. quæ ad sententiam eius loci attinet, hæc manifesta est. Apparet enim definire velle, quid contineatur verbo alienationis: cum dicat ea prohibita, prohiberi non tantum alienationem totius rei, sed etiam partis cuiuslibet, veluti usufructus: nec tantum directam alienationem, sed etiam ad omne, per quod alienatio consequatur, at hypothecæ vel pignori dationem. Hoc proposito Iustiniani animadverso, licet intelligere præter eam definitionem nihil ex ea constitutione colligi debere; quia sit præter propositum actoris, id est, præter sententiam. † Hinc est difficultas in explicatione *L. si creditor, S. ult. supr. de dist. pig.* ubi proponitur pactum esse a creditore, ne liceat debitori hypothecam vendere vel pignus. Quæritur, an talis pactio nulla sit, quasi contra litem posita, ideoque venire res possit. Et, ut est scriptura Pand. Florentianorum, respondetur nullam esse venditionem, ut *pactioni stetur*. Si recipitur hæc lectio, at vulgo recipitur etiam a doctis interpretibus, non video, quomodo non plene adversetur ea sententia superioribus. Nam si hæc pactione efficitur ne venditio ipsa rei sola valeat, ubi res non alienatur (traditionibus enim, non pactis, aut ullis contractibus dominia rerum transferuntur; ac de venditione quidem. *L. traditionibus, C. de pac. L. quoties, C. de rei vind.*) multo magis hoc effici potest paciscendo, ne res alienetur, et si traditio postea secuta fuerit, tamen nulla sit alienatio, quod negamus. Quo enim quidque constituitur difficultus, et magis nocet creditori, eo æquum est facilius et citius impediri ne nocent. Parum autem ad hæc concilianda facit: quod dicunt superiorem conventionem de re*

pi-

7.) Geth. in not. ad d. L. 2. §. ultion. Ceter. de Proc.
extor. P. 1. C. 10. n. 152. et seq. regulariter ratum esse
alienationem non obstante pacto: Secus si alienator contractu
pignori, quia tunc vendit ipse iure iuxta, loquitur, propter
reservationem iuris relictæ in bonis debitoris. Item Geman.
in L. Pauri d. n. 118. cautionem hanc tradit, ut ipso
iure impellatur alienatio, si tantum hoc tradenda rem esse

adiciens sibi ius hypothecae in illa re¹, ratione huius conventionis, servet. Sane contra sibi de iure hac quaeritur et ante diu, auctoritas stat sententiae: certum tamen est, quod ad d. L. c. 5. ubi n. potius haec expressio amittitur, quam cum verbo ad Nihil d. Thez. 4. tit. D. de verba veritas auctoritate perscrutere.

pignori data interpositam esse. Quasi in hoc genere rerum diversum ius sit a cæteris, cum de earum non dico alienatione, sed venditione agitur: quid enim ad impediendam rei venditionem valet pignoris obligatio? Etiam alienæ rei venditio consistit. *L. rem alienam, supr. de distr. pig.* multo magis si quis vendat suam, quamvis obligatam pignori, consistet. Nam hoc ipso plus iuris habet dominus in re, quod dominus est, quam extraneus, qui in ea re nihil plane iuris habere intelligitur. Quod si non potest pacto effici, ne mihi liceat rem alienam distrahere, ubi ea distractione nihil domino rei boceo: quanto minus poterit effici, ne liceat mihi vendere rem meam pignori obligatam, ubi ea venditione nihilo plus detrahitur creditoris obligationi? Ego vero non dubito, quin⁸ vitiosa sit lectio Florentina. Erratum autem sit in transpositione verborum (in quo facile fuit errorem obrepere vel excipienti, vel describenti) ut, cum ita scriptum sit, *nullam esse venditionem, ut pactioni stetur*, legendum sit conyersis verbis, *nullam esse pactionem, ut venditioni stetur*. Primum ita scribi debuisset, et vero a bono auctore ita scriptum esse, satis questio illic proposita, et lex rectæ responsionis nos admonet. Posita erat questio non de venditione, an nulla esset, sed de pactione, an nulla esset talis. De venditione quidem quasitum erat, sed non ita, an nulla esset, verum an venire res posset. Convenit non ineptæ responsioni de his ita respondere, ut propositum est. Ac secundum hoc ita omnino dicendum fuit, nullam esse pactionem, ut venditioni stetur, id est, ut res venire possit: quo scilicet ordine, et quibus verbis de utroque quasitum fuerat. Sed parum nos moverit convenientia responsionis, nisi manifesti iuris quique utramque hanc sententiam exigit. Dico igitur venditionem hic valere. Perficitur namque emptio et venditio consensu, cum de re certa tradenda, et pretio eius rei inter aliquos convenit. *Inst. de empt. et vend. L. 1. supr. de rer. permut.* Et parum refert, sit ne res venditoris, an aliena, cum et rem alienam di-

strahere liceat. *d. L. rem alienam, de cont. em.* ut multo minus referat, sit ne res nostra, quæ venditur, pignori obligata, an non sit. Non facit autem superior conventio, quominus debitor de re sua, quæ pignori sit, vendenda possit cum emptore consentire. Proinde cum id fecerit, venditio iure erit perfecta. Sed dicitur fortasse non impedire pactionem superiorem, quominus debitor de re vendenda conveniat cum alio, at quominus is consensus valeat, et debitorem obliget, id vero posse effici ea pactione. Imo ut venditionem valere dixi, ita et pactionem illam, ne debitori pignus vendere liceat, nullam esse contendendo, et quod Marcianus in questione proponenda pro ratione dubitandi posuit, ut diceret, an nulla sit pactio talis, quasi contra ius sit posita, id eum etiam in responso sentire, intelligo, nullam esse nimirum pactionem, quia in totum sit contra ius. Certe talem esse perspicue demonstrari potest. Nam si id agitur pactione, ne debitor consentiat cum alio de re vendenda, pactio naturæ aperte adversatur; cum id agat, ne fiat, quod quamvis emptores omnes, atque adeo leges omnes prohibeant, natura tamen fieri posse constat, et quidem ita, ut cum factum fuerit, non possit natura infectum reddi. Quod si id agitur, ut quamvis debitor consensu pignus alicui vendiderit, tamen emptori non obligetur: conventio est contra ius manifestum: fieri enim potest, ne quis de re sua certo pretio alicui tradenda conveniat. At illud non potest, quin qui id fecit, iure ex vendito obligetur, si modo⁹ et res sit, quæ vendi possit, et venditor is, cui eius rei commercium aut suarum rerum administratio non sit interdicta. *L. 2. supr. prox. tit. Inst. de obi. ex cons.* Venditio enim causa est, quæ perficitur illo consensu, quem dixi. Hac causa posita, etiam effectum, id est, obligationem sequi necesse est. Est et hac ratione pactio contra ius, quia eo refertur, ne acquiratur alteri actio ex suo contractu. Hactenus autem quæque pactio minuendi iuris causa interposita servanda est, dum de suo iure quis paciscatur: alterius autem de-

8) Quam et ita deprehendit Bart. cum eam ob causam Pisas inlitteret, vid. A. Aug. 4. *Emend. ult. p. 214.*

9) Arguendum hoc solutu facile. Nam si in verbis *et res vendi potest*, intelligitur res quæ commercium non sunt exempta, et in verbis *nec administratio interdicta*, illi innuuntur, quibus ob personæ conditionem dispositio rerum suarum non conceditur, spectrum sit insufficientem esse parium enumerationem. Sin vel per res, omnes quæ quævis ex causa transferri nequeunt, vel per administrationem, quæ quacunque ratione in totum vel unius rei generali, vel speciali ratione inhibetur, accipitur; inter eas autem causas expresse pignoris contractui adiecta esse

negatur; evidens inest principii petitio, dum hoc ipsum assensum in argumento, quod controvertitur et in conclusione inferendum. Nec concludo de iure sic detrali iuri tertio questita. Nam non possunt venditio præcessisse pactionem, sed subsequa est. Conclutius reliqueretur: nulla est venditio, ne lecto omnis ius anterior pactione creditoris paratum auferatur. Denique omnis interest oti ad traditionem nondum ventum, quia facile veniri potest, ne cogatur multis molestiis impedire ac cavere ne fiat traditio. Præstat multis inoleis servari integrum *L. ult. C. in quib. Ca. in ius rest.*

detrahere obligationi, et eius conditionem facere deteriore[m] paciscendo non licet. *L. pactum, in fin. l. si unus, §. pacta, ver. ante omnia, supr. de pac. l. solvendo, supr. de neg. gest.* Sed maxime illa ratione contra ius est, quia creditoris nihil interest pignus non vendi, si res non progrediatur ultra venditionem, de qua sola nunc agitur. Esto enim, intersit creditoris pignus non alienari (quanquam ne hoc quidem verum est, cum re distracta semper maneat creditoris integrum ius pignoris. *L. distractis, C. de pigne.*) demus tamen interesse eius rem ad alios possessores non transferri: At illud certe ei nihil nocet pignus esse distractum alii a debitore, quatinus pignus apud debitorem manet. Obligator enim eo contractu solus debitor, non creditor: nec in emptorem quidquam iuris in rem venditam eo facto transfertur: tantum abest, ut ea remineatur ulla ex parte ius creditoris. Quoiusmodi et post venditionem, si sola intervenit, necdum tradita possessio est, idem adhuc possessor manet, qui prius fuerat: ut dici non possit eam venditionem ulla ex parte creditoris esse damnosam. Frustra igitur et contra ius paciscitur ne debitori hoc modo rem, quae pignori, sit, distrahere liceat. Eo enim aspectant conventiones omnes, ut acquirat sibi quisque quod sua interest, nec alia lege recipiantur iure, quam si paciscentis intersit. *L. stipulatio ista, §. alteri, supr. cod. arg. in l. ex conventionione, C. de pac.* Praeter hæc opponuntur superiori sententiae exempla quedam prohibita manumissionis, et alienationis; eiusmodi illa quidem, ut in his et prohibitio valeat, et inhibeat iure effectus manumissionis, et alienationis: sed cum versentur in alio genere rerum, et personarum, minus eam sententiam offendunt. Et tamen quia similia esse videntur, nobis attingenda sunt, ut dissimilitudo explicetur.

9 † Si servus a lege venditus sit, ne manumittatur, placet ita valere conventionem, ut quovis manumittatur, tamen ad libertatem pervenire non possit. *L. pen. C. si man. ita fu. al. l. servus, §. 9. supr. de man. l. ille servus, in fine, supr. qui et a quib.* Non multum interesse videtur, ut adversus dominii naturam intelligatur quid fieri, utrum domino conventionione adimatur manumittendi ius, an alienandi, cum utrumque dominii iure in servo sum facere liceat; quod et verum est. Ut dicendum sit, si hic conventionem et dominii novi ius tantum spectamus, non magis adversus id quod dominii proprium est, paciscendo effici posse, ne dominus servum manumittat, quam effici potest, ne alienet. Sed in manumissione servi a do-

mino prohibita singulare ius est, ut prohibitio rata sit, et tanquam conditione personae innecta non possit unquam servus nasci ius libertatem. Ius constitutum ad confirmandam magis dominorum potestatem in servos, quam Romani summam et illibatam esse voluerunt. *L. 2. supr. de iis qui sunt sui, vel al. iur.* Quod et superiore iure consequuntur: si enim meto pœne discent servi continere se in officio, et non offendere dominos, ac tale aliquid in se admittere, ut superiore pœna adiecta a dominis alienentur. Nulla pœna est in eo, ne servus venditus alienetur. Quod si venditoris forte aut donatoris interest eum non alienari, dum id consequatur venditor, illi satisfactum est: quantumvis servus contra conventionem alienatus fuerit. † Sed tamen et in alienationis prohibitione, de qua agimus, constitutum est interdum ita eam valere, ut si dominus tentet alienare, alienatio sit irrita: quod fit, cum aut lex prohibet alienationem, aut testator. Prius declaratur exemplo fundi dotalis, quem lex nulla alienari prohibet, *Instit. quibus. al. lic. vel. non in pr. l. 2. supr. de fun. dot.* Posteriorius in *L. filiusfamil. §. Divi 2. sup. de leg. 1. l. peto, §. fratre, l. cum pater, §. libertis, supr. de legat. 2.* Sed hæc dissimilia sunt. Legis auctoritas publica est, quam ratam et inviolatam esse Reip. expedit. *L. 2. supr. de legi.* Hoc non fit aliter, quam si quod lex fieri non vult, si factum sit, habeatur pro infecto. Itaque ut ita habeatur, etiam constitutum est *L. non dubium C. de legi.* Testatorum autem etsi persona privata est, non ut legislatoris publica; tamen plus tributum est supremis voluntatibus morientium, quam viventium, et iussum ut, quisque legaverit, id est, statuerit de re sua, ita ius esse; idque etiam ut fiat, hominibus deberi, ex publico interesse existimatur. *L. verbis, infr. de verb. sig. l. 1. C. de fac. ec. l. vel negare, supr. quem. test. ap.* Manebit igitur quæcumque conventio sit de re aliqua, ne domino eam vendere aut alienare liceat, dum ne sit nuda conventio, sed aut in traditione rei interposita, aut stipulatio, hanc quidem esse utilem, sed non ita, quin domino integrum sit iure suo et vendere et alienare, ut prius, ut quidem venditio et alienatio rata sit: solum valere hactenus, ut si contra, quam cautum est, res vendita aut alienata sit, actio sit ex conventionione in id quod paciscentis vel stipulantis interest. Hinc dubium non esse, quin in proposito, cum Titius fratrem heredem reliquit ex parte, simul servus Titio donatus quamvis donatus ea lege, ne ad fratrem eius perveniret, tamen ad eum pro ea parte iure pervenerit, ut et reliquæ res hereditariae

riæ, non secus quam si donatio nullam talem legem accepisset. Proinde hac institutione servo ita translati adversus stipulationem factum videri, si modo et de hac specie alienationis contrahentes senserint: de quo cum dubitari possit, superest, ut de eo paucis consideremus. † Dici ergo potest his verbis stipulationis, *ne servus ad Titii fratrem perveniat*,

- 11 contineri singularem omnem alienationem servi, quæ in specialiter in fratrem Titii transferatur: universalem autem illam, quæ frater efficiatur heres, ex mente contrahentium non contineri. Movet, quod fratre Titii herede relicto, principaliter ei acquiritur hereditas, quæ iuris defuncti universitas quædam est: per consequentiam autem res singulæ veniunt, quæ illa universitate continentur, ut declaratur in L. 1. *supra de auct. tuto.* Atqui ibidem etiam traditum est, cum alterutrum eorum spectandum est, et quæritur, utrum sit spectandum, id debere attendi, quod principaliter fit, non quod per consequentiam. Hoc accedit, quod pleræque per se non possunt alienari; quæ tamen cum universitate recta et sine impedimento iuris transeunt. Nam sepulcrum specialiter vendi non potest: at fundo venilit in quo id fuit, etiam sepulcrum accedet. L. *in modici, supra, de contrahend. empt. L. si mercedem, §. 1. supra, de action. em.* Quinimo, quod hanc locum proprie attingit, si cuius rei commercium quis non habet, ea illi legari non potest. Si tamen heres institutus sit, dominus eius efficitur. L. *quædam, supr. de acq. rer. dom.* Quo declaratur alienatione alienius rei prohibita, specialem alienationem rei, non institutionem et universalitatis alienationem prohibitionem videri. Sed hæc movere nos non debent. Quod enim dicitur spectandum esse in acquisitione hereditatis id, quod principaliter quæritur, non quod per consequentiam in specie d. L. 1. *de auct. tut.* recte dicitur; et generaliter quoties hanc legis mentem essa apparet: quod illic scilicet, ubi tutor pupillo auctor est, ut hereditatem adeat, a qua aliquid tutori debeatur. Etsi enim tutor in eo per consequentiam auctor fit in rem suam, quod lex prohibet: tamen rei singularis incommmodum non tanti esse debet, ut manifestam utilitatem pupilli in tota hereditate acquirenda impediat. Neque hoc legis consilium est, quæ pupillis consulere, non eorum commodis obstat voluit. Quod si constet hanc mentem esse vel legis vel contrahentium, ut quæ sunt per consequentiam, non attendantur, dicendum est omnis generali prohibitionis alienationis contineri, quibus fit,

ut heres alienetur; sive principaliter id fiat, sive per consequentiam; ut discrete eundem est constitutione Iustiniani. L. *ult. C. de reb. al. non al.* Et nota est regula, cum quid prohibetur, prohiberi omnia quæ sequuntur ex illo C. *cum quid prohibetur, de reg. iur. in §.* Quod autem placet prohibitionis quarundam rerum alienatione, universalem alienationem rerum non contineri, utpote cum ex res cum universitate, at ex causa hereditaria recte transeat: in prohibitione legis locum habet, ut Bartolus hoc loco recte scripsit: ad prohibitionem contrahentium non pertinet. Alia enim longe hæc re legis mens est, alia contrahentium. Cum lex alienationem alienius rei prohibet, non est consilium legis etiam aliarum rerum, quæ in diversa causa sunt, alienationem prohibere. Quapropter et fundus in quo sepulcrum est, per legem recte alienabitur: et recte venit ad aliquem hereditas, etiam in qua sit res aliqua, eolus commercium heres non habuit. Et quia hæc transferre per legem licet, simul etiam per legem illa accedere necesse est, quæ rebus alienatis continebantur. Cum autem inter privatos hi qui paciscuntur, de re aliqua aperte sibi caveat, hoc animo sunt, ut id omnino sibi præstari velint, sive id fiat cum incommodo promissoria sive non fiat; idque etiam ut ita præstetur, receptum est, si verbo conventionis aut stipulationis quamvis generali consinaatur. L. *quidquid supr. eod. L. non est, supr. de transact.* 12 Sæpe si servus ita donatus sit, non ne perveniat ad hos aut illos, sed in totum ne alienetur, et ita futurum donatarius caveat, probandum est stipulationem non committi si is herede aliquo instituto decedat, quamvis verum sit et servum ad heredem adita hereditate transire: non quod non verbis conventionis continetur hæc alienatio, sed quia si de hac quoque senserunt contrahentes, promissio sit impossibilis, eoque inutilis. Necesse est enim rem vel hoc modo vel alio aliquo alienari, cum fieri non possit, quia promissor aliquo herede relicto decedat. Quo fit, ut si conventionem valere volumus, necesse sit eam sic accipi ut aliquid genus alienationis excipi intelligatur, quo rem potius alienare liceat, quam aliis, tum deinde cetera prohiberi. † Duo 13 sunt autem genera alienationis summa; unum, quo res singulæ specialiter alienantur: alterum, quo alienantur per universalitatem, ut fit cum quis alteri heres factus est. Si quæritur de utro horum potius prohibendo contrahentes senserint, incredibila est eos omisis illa modis, quibus servus pro-

pro-

proprie et specialiter alienatur, de institutione potius sensisse, qua servus non alienatur recta et specialiter, sed per consequentiam. Incredibile et illud eos de alienatione necessaria sensisse potius, quam de voluntaria. Hæc autem posterior necessaria est, cum unusquisque paterfamilias iure habeat heredem: illa posterior voluntaria. † Non eadem conditio est huius stipulationis, fore, ut servus ad certos quosdam non perveniat: nihil enim impossibile hæc stipulatio continet, quamvis hoc promittatur, fore ut nullo modo perveniat, idest, neque singulari ullo titulo, neque hereditario iure. Etsi enim cogitur Titius heredem habere, non tamen cogitur habere fratrem, cum ei liceat etiam per stipulationem instituere alios. Sed etsi fratrem haberet heredem, non tamen ideo necesse est servum ad eum pervenire: potuit enim Titius efficere, ut servus perveniret ad alios vel inter vivos eum alienando, vel testamento eum legando. Proinde ut omnis alienatio continetur verbis stipulationis propositæ: ita cum possit promissor hanc prohibere, simul etiam stipulatio in omnem eam alienationem valebit, et quæcumque ea contingerit postea, qua servus perveniat ad fratrem Titii, stipulatio committitur: puta, etsi fratre herede relicto servus cum universitate ad eum transierit: quod in specie hic proposita confirmatur. † Nec intererit ad stipulationem committendam, quomodo Titii frater fratri heres exstiterit, utrum quia ab illo ultro heres institutus est, an quia sine iudicio defuncti obtinet ab intestato eius hereditatem. Etsi enim posteriore casu non fecit Titius, quo servus ad fratrem perveniret, ut fit priore: tamen verum est etiam hoc casu non fecisse eum, quominus perveniret: quod ille ne fieret, duobus modis consequi potuit, vel alios heredes instituendo, quam fratrem, vel servum saltem alii legando, aut dum vivit in alium transferendo. Promiserat autem Titius futurum, ne servus ad fratrem perveniret, idest, facturum se, ne perveniret: per se epim id futurum promittere intelligitur, non per alios. *L. stipulatio ista, in pr. sup. eod.* Ita dum illa non præstat, quæ potest, quibus sit, ne servus ad fratrem perveniat, contra conventionem facere, eoque et stipulatio committi intelligitur quanquam prope est, ut videatur defunctus dedisse hereditatem etiam ab intestato hoc ipso, quod non ademit *L. 1. §. sciendum, sup. de leg. 3.* Unde cum quis heres institutus prohibitus esset aliquid post mortem reliquere fratribus suis, placuit

huic ipsi Scævola contra præceptum testatoris factum videri, si is heres intestatus decesserit, et hereditas eius legitima ad fratrem pertineat: *L. Lucius, pen. §. matre, sup. de leg. 2.* ut nequaquam dubium sit, quin hoc posteriore casu itidem ut priore stipulatio committatur. Quod ut significaret hoc loco Scævola, consulto posuit Titium non instituisse fratrem heredem ex parte, sed ex parte heredem reliquisse; quia verbum ad heredes testamentarios, et legitimos ex æquo pertinebat. † 16 Commissa stipulatio ad quid committatur, et quatenus, videndum est. Et committitur in id quod Seix interest servum non esse factum fratris Titii. Ex quo intelligitur, si Seix nihil intersit, stipulationem esse illi inutilem, ex qua neque hoc consequatur, quominus alienetur servus contra conventionem, neque servo alienato ulum sit eius rei nomine actio. Et recte: est enim stipulatio non dandi, sed faciendi, utpote qua non promittitur servus, sed ne is alienetur. Commune hoc omnium faciendi obligationum. Si non fiat, quod promissum est, actio et condemnatio est in id, quod interest. *L. stipulationes non vers. Celsus, L. si penam, sup. eod.* † 17 Quæri igitur potest, quid hic interesse possit Seix servum fratri Titii in servire potius, quam aliis, cum quominus aliis serviret non prohibuerit. Quærimus enim quid hic intersit non ex animo vindictæ, sed vere et pecuniariter, ubi scilicet servus venditus non est, eoque nec propter conventionem adiectam minoris venditus. *L. si venditor, §. ult. sup. de ser. exp. arg. in L. fideiussores, in prin. de pac.* Et certe quod pecuniariter non interest, non potest estimari posse, et hactenus agere posse Seiam, quatenus ob id factum alii præstare cogitur. Finge illam prius accepisse servum ea lege, ne ad certos quosdam de quibus cavuit, is servus perveniret, et si contra factum esset, penam promississe. Committitur pœna adversus eam, sive ipsa recta servum transtulerit in eos, de quibus cautum est, sive alius, qui ab ea prius accepisset, nam hoc tantumdem valet. *L. si servum, in prin. ver. idemque fiet, supra, eod.* Finge igitur deinde et Seiam hunc servum dedisse Titio hac ipsa lege, ne ad eosdem illos servus perveniret. Dicimus, si huius facto ad eos pervenerit, Seix tanti interesse, quanta est pœna, quam alii promisit, et in quam ob huius factum incidit, atque in hanc summam illi esse actionem. Quod diserte confirmatur in *L. servus*

ius, supr. de rer. exp. neque longius progreditur ex stipulatu actio. Quid est igitur, quod in *L. ea lege, C. de cond. ob. cau.* dicitur, cum res ea lege donata est, ne alienetur, si alienata sit, donatori prorsus conditionem queri? quod sine exceptione dictum est, sive interit donatoris, sive non interit: idque lte omnino accipi debet. Et intelligendum est, cum quid detur hac lege, ut alienetur; si conditio servata non sit, duas hic esse actiones: unam ex conventionem expressa, aut si conventio in stipulatu deducta sit, ex stipulatu: alteram ex tacita conventionem, quam intelligitur ex eo, quod datio certam conditionem accepit. Conventio expressa seu stipulatio hoc continet, ne res alienetur. Hæ cum sit in faciendo, committitur tantum in id quod interest: ac si nihil interit, inutilis est conventio. Sed non idem, qui rem dedit, rem amisit. Nam qui dedit ea lege, ne res alienaretur, etiam tacite hoc dixisse intelligitur, si res alienata sit, nolle se rem datam esse, arg. *L. quibus, §. quidam Titio, supr. de cond. et demonstr.* Hinc tacita conventio, et ex conventionem conditio ob causam dati causam non secuta. *L. si extraneus, supra, de cond. cau. da.* Hæc namque hanc causam habet, si conditio servata non sit, non etiam si quid interit eius, qui dedit: atque is ultra harum volet, expietur. *L. naturalis, in princ. et §. 1. supra, de præc. ver.* Itaque in proposito, si videtur Seise, agere ex stipulatu, et consequetur, quod sua interest. Quod si aut nihil eius interest, aut mavult servum habere, quia hunc pluris æstimat, agere conditionem, qua consequetur, ut Titii frater servum reddat, aut si hunc alienavit, nec

verbor. obligationem:

potest reddere, ut in æstimationem servi condemnetur. † Ut de eo, quod hic peti potest, expressit Scævola; ita et de eo quantum possit, videtur respondisse, ut scilicet agere possit Seia in id quod interest, idque in solidum. Ait enim Seiem ex parte heredem cum fratre defuncti Titii, eodemque coherede ex stipulatu agere posse in id quod sua interest. Si Seia penam ante promisit, si servus ad fratrem Titii pervenisset, et pervenit; pena adversus eam in solidum commissæ est, quamvis servus ad eam pro parte tantum pervenerit, non in solidum, ut hic contigit. Quanta-cunque enim ex parte pervenerit, semper verum erit cum pervenisse, et ita existisse conditionem penalis stipulationis: quæ conditione existente, pena, quæ solida promissa est, non dividitur. *L. 5. §. ult. supra, eod. L. heredes, §. idem iuris, supra, fa. etc.* Itaque hactenus etiam Seiam in hac causa interest. Proinde cum eam Seiam posse agere in id, quod sua interest, hoc statuere videtur etiam in id totum agere posse. Quod non ita accipi debet. De re in quam agi possit, respondet Scævola; de quantitate eius rei seu actionis nihil exprimit. Idcirco in eo iuris regulam sequi debemus. Stipulatio hereditaria quamvis in solidum commissæ, ut hic commissæ esse fatendum est, tamen inter heredes dividitur pro portionibus hereditariis. *L. 4. §. Cato, supr. eod.* Agere igitur Seia cum fratre Titii eodemque coherede pro portione eius hereditaria: pro qua parte autem ipsa est heres, actio confusione sublata est. *L. si adulta, C. de her. ac. L. licet, C. ad leg. Fal.*

Ad §. Filia quæ de inofficioso.

Filia quæ de inofficioso agere statuit, et transegit postea cum hereditibus stipulatione interposita, et subiecta doli clausula, apud præfectum de falso testamento egit, nec probavit. Quæro, an ex doli clausula possit conveniri. Respondi, nihil ad eam stipulationem id quod postea actum proponeretur, pertinere.

SUMMARIA.

1. Testamenti falsi et inofficiosi differentia.
2. De inofficioso testamento interposita stipulatione

transiens nihil contra stipulationem, aut transactionem facit, si de falso postea queratur.

Longe diversæ causæ sunt falsi testamenti, et inofficiosi. In priore de facto heredum queritur, et eorum, qui in falso fabricanda dolum adhibuerunt. In posteriore agitur de facto et iniuria testatoris. Falsum testamentum non est testamentum,

Tom. XI.

sed tantum esse dicitur falso, cum non sit a testatore profectum. Inofficiosum testamentum re vere testamentum est; habens testatoris voluntatem, et eam quæ rite testata sit, ut et Iure Civili valet: etsi dicitur factum esse contra officium pietatis, præteritis im-

merito aut immerito exheredatis iis, qui non 2 debebant. † Quare qui de infiducioso testamento transegit cum heredibus scriptis, et promisit se de eo amplius non acturum, et generaliter dolum malum in ea causa a se abesse, abfuturumque esse, ut est doli clausula, quæ stipulationibus subiici solet: *L. stipulatio ista, §. si quis dolum, L. doli, supr. eod.* qui, inquam, ita cavit, nihil facit contra transactionem aut stipulationem, si de eodem testamento ut falso postea agat. Quod non eo tantum spectat, ut qui agit postea de falso, non metuat in eo exceptionem rei iu-

dicatæ: *L. cum quæritur, supr. de exc. rei iud.* de quo hic non agitur; sed ut si egerit, quamvis victus sit, et pronunciatum sit eum de falso dolo egisse, tamen intelligatur non teneri eum superiore stipulatione, quasi adversus eam fecerit. Nec ei nocebit doli clausula stipulationi subiecta: nihil enim dolo facit adversus transactionem, qui cum cavisset se de iniuria testamento illata amplius controversiam non facturum, nihil nunc de iniuria testamenti, aut patris quæritur; sed accusat heredem dolum qui aut ipsi falsum admiserunt, aut certe nunc falso utuntur.

Ad L. Si sub una. 136.

PAR est definitionis eius, quæ plenior tradita est, et exposita in *L. quæ extrinsecus, 65. supr. eod.* de discrepantia in-

terrogationis et responsionis, quæ in verbis est stipulationis, non in re: de quo etiam dictum est ad L. 1. §. si quis ita supr.

Ad §. Si quis viam ad fundum.

Si quis viam ad fundum suum dari stipulatus fuerit, postea fundum, partemve eius ante constitutam servitutem alienaverit: evanescit stipulatio.

S U M M A R I A.

1. *Dari res quas recte stipulemur.*
2. *Servitutis prædii natura.*
3. *Viam ad fundum alienum aut communem, inutiliter quis stipulatur.*

4. *Stipulatus servitutem ad fundum suum, si fundum partemve fundi ante constitutam servitutem alienavit, evanescit stipulatio.*
5. *Stipulatio cum in eum casum recidit, a quo incipere non poterat, vitatur obligatio.*

1 EAs res quisque sibi dari recte stipulatur, quæ et ei dari possunt: quæ autem non possunt, frustra; ut quis stipulatur rem suam. *L. si stipulor. 25. L. nemo 82. supr.* † Est autem servitutis prædii, veluti, viæ, itineris, ea natura, ut hanc nemo acquirere possit nisi prædio suo: alieno nemo potest, ac ne communi quidem *L. 1. L. proprium. L. si quis duas, in pr. supr. com.* 3 præd. † Ea re fit, ut viam quoque ad fundum alienum stipuletur quis inutiliter: eademque de causa inutiliter et socius ad fundum comminnet: scilicet quia neutri dari potest. *L. si unus, supr. de ser. præ. rust.* 4 † Finge stipulatum esse aliquem ab initio viam ad fundum suum, deinde ante constitutam servitutem fundum alienasse aut in to-

tum, aut pro parte: hic traditur evanescere stipulationem. Non alia id quidem de causa quam quod deducta sit stipulatio in eum casum, a quo incipere non poterat, ut de hac specie scriptum est in *L. pro parte, supr. de servit.* † Itaque sub una specie rerum in stipulationem deductarum confirmat hoc loco Paulus generale illud, de quo diximus ad *L. si ex legati, et L. existimo, supr. eod.* cum in eum casum recidit stipulatio, a quo incipere non poterat, vitari obligationem. *d. L. pro parte, §. item contra, inst. de inut. stip.* Quæ sententia cuiusmodi sit, et an quidquam ei adversetur, dicetur ad *L. pluribus, pen. infra.* De servitutis acquisitione et acquisitæ retentione non est huius loci, ut dicatur.

Ad L. Continuus. 137.

Expositus est hic locus ad L. 1. §. 1. supr.

Ad §. Si hominem.

EAdem sententia extat, explicata etiam pluribus verbis a Paulo in *L. inter,*

§. 1. supr. ubi de ea diximus.

Ad §.

Ad §. Cum ita stipulatus.

Cum ita stipulatus sum, *Ephesi dari*? inest tempus, quod autem accipi debeat, queritur. Et magis est ut totam eam rem ad iudicem, idest ad virum bonum remittamus: qui aestimet quanto tempore diligens paterfamilias conficere possit quod facturum se promiserit: ut qui Ephesi daturum se spoponderit, neque diplomate diebus ac noctibus, et omni potestate contempta iter continuare cogatur, neque tam delicate progredi debeat, ut reprehensione dignus appareat, sed habita ratione temporis, ætatis, sexus, valetudinis: cum id agat, ut mature perveniat: idest eodem tempore quo plerique eiusdem conditionis homines solent pervenire, eoque transacto quamvis Romæ remanserit, nec possit Ephesi pecuniam dare, nihilo minus ei recte condicetur, vel quia per ipsum steterit quo minus Ephesi daret: vel quoniam per alium Ephesi possit dari: vel quia ubique potest solvere. Nam et quod in diem debetur, ante solvi potest, licet peti non potest. Quod si diplomate usus, aut felici navigatione, matarius quam tempore pervenerit Ephesum, confestim obligatus est: quia in eo quod tempore atque facto finitum est, nullus est coniecturæ locus.

SUMMARI A.

1. Stipulatio hæc, *Ephesi dari*, verbis pura, re ipsa dilationem accipit.
2. Tempus, quod ex loci adiectione stipulationis tacite inest, quomodo definendum.
3. Temporis huius vis et conditio.
4. Tempore superiore transacto, an omnimodo per eum potest condici.
5. Tribus rationibus difficultatem, quæ obstat videbatur, Iurisconsultus removet.
6. Solvi ubique an possit, quod ubique peti non potest.
7. Solutio eius, quod certo loco dari promissum est, an alio, quam in quo promissum est loco, volenti tantum creditori, an etiam invito recte offeratur.
8. Tempore superiore definito nondum transacto, an et quo casu agi possit.
9. Coniecturis quando locus.
10. Diploma quid.

1. CUM stipulamur quid dari certo loco, puta Ephesi; stipulatio verbis pure facta, ex re ipsa dilationem accipit. Inest enim tempus, quo Ephesum possit perveniri: nam alioqui præstatio sit impossibilis. *L. interdum, supr. §. loca, Inst. eod.* Hoc iure posito, tractat hoc loco Venuleius quædam ad id tempus tacitum pertinentia. † Ac primum quodiam id statuere debeamus, ut sit quod in huiusmodi quætionibus Iudex sequatur. Neque enim id tempus certum est et unum natura, ut de eo facile et certo possit iudicari: sed varium maxime, eoque incertum, si quod proficiscentibus accidit, spectemus. Constat enim alios citius Ephesum pervenire, alios tardius, ut fert commoditas aut difficultas itineris; item contentio aut tarditas iter ingredientium. Ergo de eo statuit initio, pluribus id quidem, ut sit definitio dilucidior: sed tamen ita, ut si hæc definitio in summa, id tempus hic accipiendum, intra quod conficere id iter possit mature diligens paterfamilias et simul mature atque ex officio diligentis patrisfamilias id fieri interpretatur, eodem tempore quo plerique eiusdem conditionis homines solent pervenire. † Hoc tempore ita definito, tractat
- Tom. XI.

deinceps et de vi ad conditione huius temporis, num scilicet et hæc eadem sit, quæ certi diei in certis obligationibus. Nam hic cum aperte adiectus est, eius hæc vis est ad differendam petitionem, ut postquam præterit, confestim agi possit, et sine exceptione: ante autem, quam is dies venit, agi omnino non possit, §. *in diem, Inst. eod. L. cedere, infr. de verb. sig.* Tractat igitur hæc eadem et de eo tempore, quod supra constituit ex loci adiectione stipulationi inesse. Et si verè definivit, consentaneum est hic quoque eadem dicenda esse in utramque partem: ut sunt omnino, si recte definitio accipitur. Sed prius nonnullam dubitationem habet: ideo hanc diluit. Posterius indiget cautione, ideo quomodo accipiendum sit, docet. Statuit ergo de prioris id, quod est omnis diei adiecti commune, transacto eo tempore, quod ante definierat inesse stipulationi, statim ei, qui promisit se Ephesi daturum, recte condici: quod significat recte ab eo pecuniam peti actione in personam. §. *appellamus; inst. de act. L. actionum, supr. prox. tit. †* Sed an omnimodo potest hoc casu pecunia condici? quid enim, si eo tempore transacto promissor iam amplius pervenire Ephesum non possit?

sit? Hoc vero erat, quod dubitationem afferebat in hac re: non enim videbatur omnino ex hac stipulatione pecunia pati posse, si non posset promissor eam dare. Ephesi, ubi dari promissa est: quoniam alioqui futurum esset, ut tum peteretur, cum præstatio, uti stipulatione comprehensa est, promissori esset impossibilis. Et ut intelligatur nihil hic excipi, quominus transacto supra constituto tempore statim pecunia peti possit, casque in hac parte omnia cum reliquis omnibus temporibus adiectis communia; nominatim spei illud Venuleius complexus est, idque removens ita definit, *eoque transacto, quamvis Roma promissor remanserit, nec possit Ephesi pecuniam dare, nihilominus ei recte condiceretur*. Simul nihil istam difficultatem Ephesi dandi obstat probat tribus rationibus. 5. † Una est, quia per ipsum steterit, quominus Ephesi daret: qua ratione significat etiam si transacto tempore, quod supra constitutum est, non possit promissor per rerum naturam pecuniam Ephesi dare; tamen cum per eum steterit, quominus darat, ipsum de ac queri debere, qui se in eam difficultatem coniecerit, nec debere ei factum suum et culpam patrocinari, L. 2. §. si quis tamen, *supr. si quis eant. L. factum, infr. de reg. iur.* Altera ratio est, quia quod promissor transacto tempore iam Ephesi pecuniam dare non potest, non est hoc impedimentum naturale, seu eiusmodi, ut per rerum naturam amplius pecunia Ephesi solvi non possit; ut quis dicat eius præstationem esse impossibilem: sed est impedimentum personæ quo fit, ut ipse iam dare non possit, prout velit: quod genus impedimenti non moratur obligationem aut petitionem, ut idem scribit ead. L. §. illud *infr.* Posse autem natura etiam nunc pecuniam Ephesi dari hinc intelligitur, quod per alium Ephesi dari potest: quod ita fit, si proponas aliquem amicum promissoris vel procuratorem Ephesi esse, qui: monitus de pecuniam procuratori aut institori stipulatoris: quod perinde valet, ac si ipse promissor stipulatori dedisset. Tertia ratio, quod et si quis concedat pecuniam iam amplius Ephesi dari non posse neque per promissorem ipsum, neque per alium; non ideo tamen consequens est nullam esse eius pecuniæ petitionem, quasi impossibilis rei præstatione constituta: satis est enim, si potest promissor alibi pecuniam solveret: At potest ubique, inquit. Quod sic accipiendum est, ut possit in specie hoc loco proposita, ubi promissor Romæ remanserat, et stipulator ibi cum eo agebat, et pecuniam petebat arbitraria actione pro potestate sibi data edicto, quod est de eo, quod certo loco dari oportet. L. 4.

supr. de eo, quod cer. lo. §. loco, inst. de act. Itaque potest qui Ephesi dare promisit, exigens alibi pecuniam creditore ubique eam solvere, quoniam volenti solvit; quod sufficit ad liberationem. Ceterum invito stipulatore nullo alio loco solvere potest, qui certo loco dare promisit, quam in quo promisit. L. pen. *supr. de eo, quod cer. lo. †* Sed 6 hanc postremam rationem repedit fortasse aliquis, ac neget verum esse, posse promissorem ubique solvere: hoc argumento, quia ubique ab eo peti non possit. Ad hanc objectionem tacitam diluendam pertinet ratio Venuleii: quæ sequitur. *Nam et quod in diem debetur, inquit, ante solvi potest, licet peti non potest.* Significat nimirum hac ratione, neminem debere moveri eo; quod dixerit ubique solvi posse, quod constat non posse ubique peti: non enim eandem esse causam solutionis et petitionis, nec quidquam prohibere, quominus solvi possit, quod peti non potest. Argumento esse, quod in diem debetur; quod ante diem peti non potest; constat tamen ante recte solvi. L. stipulatio ista, §. inter, *supr. L. quod certe, infr. de sol. †* Sed an volenti tantum 7 creditori, an etiam invito? Et ex hoc loco colligi quis dixerit volenti tantum solvi posse contra, quam disserrimus *supra* ad L. eum, qui Calendis, §. ult. *ed.* in ea parte, ubi de effectu diei adiecti scripsimus. Comparat enim hoc loco Venuleius solutionem rei in diem promissæ, quæ tamen peti non possit, cum solutione eius quod certo loco dari promissum sit, et alio loco solvitur, quam in quo promissum est. At hoc alibi volenti tantum solvi posse diximus, non invito. Sed observandum est, quæ in re comparatur istarum stipulationum solutiones. Et non comparatur in eo, quod id, quod peti non potest, tamen solvi potest volenti creditori (nam de volente aut invito creditore utrobique nihil adicitur) sed tantum in eo, quod solvi potest, etiam quod peti non potest: solvi, inquam, simpliciter, non autem volenti aut invito solvi. Quare ut libenter concedo ex verbis huius loci liquido non probari, quod in diem debetur, ante diem etiam invito solvi posse: ita volenti tantum posse solvi, ex eo loco nullo modo colligitur. Ut enim in priore specie efficiatur aliquid alicubi solvi posse, etiam quod ibi peti non potest, satis est dici in specie posteriore id quod ante diem peti non potest; tamen ante diem posse solvi, quocunque tandem modo solvi possit, sive volenti sive invito creditori. Postremo cum in solutione eius, quod ante diem solvitur, nihil exprimitur hic, quid volenti fieri possit, aut etiam

iam invito, et maxime cum de ea solutione agatur hic obitar, non quo ius de ea re tradatur: quod hic omissum est, id aliorum locorum regulis relictum intelligendum est, in quibus de hac specie ex professo agitur, ut *d. L. stipulatio ista, §. inter, sup.* et *d. L. quod certa, infr. de sol.* qui quales sicut, suo loco satis ostendimus. † Quod reliquum est, docet Venuleius in extremo, non idem usquequaque de effectu superioris temporis in contrariam partem probandum esse, quod de ceteris temporibus nature certis; ut eo non transacto dicatur eundem etiam agi posse. Vult enim ne hic quidem adhuc posse agi; sed ita, si promissor iatra id tempus non pervenit. Ephesum. Quod si maturius, quam quisquam pro consuetudine hominum solet, eo pervenerit, *confestim*, inquit, *obligatus est*. Quod cum affecta dictum accipi debet, ut significetur ita eum obligatum, ut *confestim*, cum eo agi possit, ut et in *L. eum, qui Calendis, §. ult. sup.* Non ergo vera est definitio temporis superior, dixerit aliquis. Quoties enim tempus aliquod adicitur obligationi, non alia eius vis esse potest, quam ut differatur si non obligatio, at certe petitio: alioqui frustra adiciatur, atque adeo non sit obligatio in diem, *§. in diem, Inst. eod.* Quia si vere tempus superius in hac causa definitum est, diel debuit, aut quoque id præterierit, omnino agi non posse. Quod si agi potest, fatentem est mala id tempus definitum esse. Hoc diluit Venuleius, cum *in petitis sententia confirmanda* causa hic ratione nititur *quod in eo, quod tempore atque facto finitum est, nullus est coniecturae locus*. Non enim dubium est, quia hoc tantumdem valet, ac si ita dixisset. Recte dicentur ista, quæ obicimus,

si supra definitum esset tempus in universum, intra quod ex huiusmodi stipulationibus, quæ loca adiecta habent, agi posset. Nunc autem intelligi debet, id solum definitum esse, de quo natura non constat. Quod tunc accidit, cum iatra idoneum tempus dicitur promissor in locum constitutum non pervenisse, et quaeritur, quod nam sit id idoneum tempus, intra quod possit commode eo perveniri. † Tunc enim res dubia coniecturis, at definitione atque eorum prudentia indiget, ut explicetur. At ubi promissor certo pervenit Ephesum multo maturius, ad hanc veritatem et certitudinem naturæ superior definitio non pertinet, et quæ adeo etiam hic sit incerta: utpote quæ coniecturis voluntatis nitatur. In eo autem, quod tempore et quo facto finitum est, id est, in eo, quod certo factum est, non est opus coniecturis, aut prudentia aliqua ad rem explicandam, quæ natura certa est, et seipsa ostendit. Proinde hic definitio ex re ipsa sumatur, dicemusque id tempus præterisse, quo potuit promissor pervenire Ephesum, cum re vera eo pervenerit. † Quod sit sic posse promissorem maturius, quam quisquam solet, Ephesum pervenire, si felici navigatione usua sit, aut *diplomate*; hoc posteriore significat, si promissor usua sit ad iter equis eursoris, seu cursu publico, qui olim exceptis quibusdam personis interdictus erat constitutionibus. *L. his tantummodo, C. de cur. pub. lib.* 12. ideo si quis eo uti vellet, opus erat *diplomate*, id est, libellis Principis, quibus eius rei potestas fieret: ut et viri docti alii in hanc locum, alii in anis lexici recte acceperunt. Itaque causa hic posita est: ex qua effectus intelligitur, diploma pro cursu publico, qui ut sit, diplomate Principis efficiatur.

Ad §. Item qui insulam.

Item qui insulam fieri spondit, non atque conquisitis undique fabris, et plurimis operis adhibitis festinare debet: nec rursus utroque aut altero contentus esse: sed modus adhibendus est secundum rationem diligentis ædificatoris: et temporum, locorumque. Item si non inchoetur opus, id tantum æstimetur, quod in illo intervallo effici potuit: transacto tempore quo insulam consummare oportuerit, si postea ædificetur, liberetur reus: sicut liberatur qui se daturum spondit, si quandoque tradit.

SUMMARIA.

1. Stipulationibus faciendi tempus inest, intra quod possit opus perfici.
2. Temporis huius quid modus statuitur.
3. Temporis ita statui quia effectus.

4. Ex stipulatione, insulam fieri, ob non inchoatum opus, simulque mora inest faciendæ fieri oportet, agi potest.
5. In stipulatione hac promissor post moram faciendam, modo hic contestata nondum sit, liberatur.

Post-

- 1 Q uod loco adiecto fit, ut tempus insit stipulationi, quo perveniri in eum locum possit, de quo superiore §. dictum est: hoc idem evenit in faciendi stipulationibus, ut contineatur id tempus, intra quod possit
- 2 opus perfici. *L. interdum, supr.* † Sed nec hoc certum est natura, non magis quam superius: cum inter peritiam et diligentiam artificum magna sit differentia. Ergo idem hic queritur, quod supra, quem huic tempori, quem diligentæ ædificatoris statuere debeamus modum. Quod dilucide Venuleius hic initio explicat. † Sed et hoc die obligationi constituto, eadem illa duo, de quibus superius diximus, sunt hic quoque consequentia, ut neque agi possit ex hac causa ante, quam id tempus præterierit, ut diserte traditum est in *L. si ita stipulatus, 14. supr. eod.* et rursum eo transacto confestim et siue exceptione agi possit, ut est conditio omnium obligationum, quæ sunt in diem, §. *in diem, inst. eod.* Et si autem hæc quoque de effectu huius temporis vera sunt, si quis ea recte, et quo sensu dicuntur, accipit: tamen nisi attendimus, fallere nos possunt. Id ergo ne accidat, hic quoque, ut ante, utrumque horum postea

attingit, et quomodo accipiendum sit, monet. † Cum enim ait, *item si non inchoetur opus, id tantum æstimetur quod in illo intervallo effici potuit*: pertinet hoc ad prioris illius partis interpretationem, nec aliud significat, quam id quod dicitur ante quam id tempus præterierit, ex ea causa agi non posse, sic esse accipiendum ut non possit agi totius operis non perfecti nomine: cæterum ob non inchoatum opus, simulatque mora insulæ faciendæ fieri cœperit, agi posse: ut æstimetur id solum, quod intersit stipulatoris id factum esse, quod factum non fuit. De qua distinctione diximus ad *d. L. si ita, 14. supr.* † Quod autem addit, *transactoque tempore*; 5 *quo insulam consummare oportuerit, si postea ædificetur*, liberari reum: huc spectat, ut admoneamur, quod in alteram partem dicitur transacto eo tempore statim agi posse in id, quod interest, non sic esse accipiendum, quasi omnino et præfracte semper agi possit a stipulatore; sed ita, si pergat promissor non ædificare, et eo nomine patiatur secum litem contestari. Cæterum si ante litem contestatam ædificet, posse eum liberari: de quo est in *L. si insulam, supr. eod.*

Ad §. Illud inspiciendum.

Illud inspiciendum est, an qui centum dari promisit, confestim teneatur, an vero esset obligatio, donec pecuniam conferre possit. Quid ergo si neque domi habet neque inveniat creditorem. Sed hæc recedunt ab impedimento naturali, et respiciunt ad facultatem dandi. Est autem facultas personæ commodum incommodumque, non rerum quæ promittuntur: et alioquin si quis Stichum dari sponderit, quæremus ubi sit Stichus: aut si non multum referre videatur, Ephesi daturum se, an quod Ephesi sit, cum ipse Romæ sit, dare spondeat. Nam hoc quoque ad facultatem dandi pertinet: quia in pecunia et in Stichio illud commune est. Quod promissor in præsentia dare non potest. Et generaliter causa difficultatis ad incommodum promissoris, non ad impedimentum stipulatoris pertinet: ne incipiat dici, eum quoque dare non posse, qui alienum servum quem dominus non vendat, dare promiserit.

S U M M A R I A.

1. Difficultas præstandi, seu impedimentum promissoris, an quibuscumque in rebus petitionem differat. et n. 5.

2. Difficultatis causa ad incommodum promissoris,

non ad impedimentum stipulatoris pertinet: quæ sententia duobus argumentis confirmatur. et n. 4.

3. Læcio Florentina notatur.

- 4 Postquam ex hac stipulatione, Ephesi dari, placet non statim pecuniam peti posse; quia non statim pervenire Ephesum promissor potest, de quo dictum est *sup. §. cum ita*. Postquam etiam eum, qui insulam ædificari promisit, placet non statim teneri, quia non statim ædificare potest, de

quo in §. *præced.* quam ob causam placet etiam utrobique petitionem differri, donec et illic tempus præterierit, intra quod perveniri potest Ephesum, et hic insula ædificari: haud abs re est, cur videatur dici debuisse in rebus quoque omnibus promissis itidem cessare obligationem, si promissor non

non possit rem, quam promissit, præstare, eoque id tempus expectandum, cum possit. Consentaneum enim esse, ut quod in quibusdam obligationibus efficit difficultas præstandi, quod promissit, id, cum eadem intervenit; efficiat in omnibus. Recte igitur atque ordine fecit hoc loco Vaulleius, ut cum de superioribus duabus causis dixisset, subiceret hanc questionem, an re aliqua promissa, quæ quidem sua natura dari possit, quam tamen nondum promissor possit dare, non possit confestim agi, sed insit id tempus, quod in prioribus illis, quo promissor dare possit. Sic enim conveniebat, ut dubitationem, quæ ex supra scriptis causis hic nascebatur, tolleretur, et de difficultate rei præstandæ in universum definiret, ubi et quæ impediret obligationem, aut non impediret. Finge aliquem promississe centum, qui se non habeat domi, nec inveniat creditorem: aut cum Romæ esset, promississe Stichum, qui sit Ephesi, aut Stichum alienum, quem dominus non vendat. Summa Vaulleii sententia est, quæcumque res mobilis promittatur, cuius aliquo commercium sit, si promittitur pure, et loco non adiecto ubi detur, confestim promissorem teneri; nec ideo differri petitionem, quia hanc promissor in promptu non habeat, quantumvis iuratis difficultatibus impediatur, quominus eam possit præstare. Quereret ergo aliquis, qui fiat, ut in superioribus causis obligationum differatur petitio, quia promissor statim pervenire Ephesum non possit, aut quia non possit statim edificare insulam: hic autem placeat non differri, ubi nihilominus constat promissorem rem promissam adhuc dare non posse? Occurrit huic dubitationi Vaulleius, cum ait, *sed hæc recedunt ab impedimento naturali, et respiciunt ad facultatem dandi*. Significant enim non esse, cur hæc causa superioribus comparetur: quoniam in prioribus duabus causis, quod promissor pervenire statim Ephesum non potest, aut non potest statim insulam edificare impedimentum est naturale. Non enim ideo hæc ille facere non potest, quia impediatur ipse privatim, sed quia natura ipsa præstari ea non possint neque ab ipso neque ab alio alio. Cuiusmodi impedimentum cum prestationem præsentem impossibilem reddat, sic obstat obligationi, ut differat petitionem, donec præterierit id tempus, quo poterant illa præstari. Quod autem in hac specie, de qua agitur, promissor rem dare non potest ob eas difficultates, quas diximus, non naturale impedimentum hoc est, sed personæ: idest, non id, quod sit in natura, quæ rem prohibeat dari; sed quod sit

in persona promissoris, qui ideo rem dare non potest, non quia non possit res dari, sed quia ipse ea re careat. † Ac generaliter 2 de hoc genere impedimenti in extremo ita definit, causam difficultatis ad incommodum promissoris, non ad impedimentum stipulatoris pertinere. Quominus autem dubitemus ita esse, hæc sententiam duobus argumentis confirmat ductis ab absurdo. Unum est in illis verbis, *aut si non*. Quod est huiusmodi: si dixerimus re promissa, quam promissor ob aliquas privatas causas statim præstare non potest, differri petitionem, donec eam possit præstare; eveniet, ut Stichus Romæ promisso, qui erat Ephesi, insit stipulationi tempus, quo perveniri possit Ephesum, quia promissor, si seruum ipsi tradere valit, aut hoc tempus id facere non potest. Atque ita nihil intererit, utrum quis, qui sit Romæ, promittat Stichum Ephesi se daturum, an vero simpliciter nullo adiecto loco promittat se daturum eum, qui sit Ephesi: quod minime probandum est, et Vaulleius pro absurdo habet. Est enim contra omnium iuris auctorum sententias, qui quod dicitur expectandum esse tempus, quo Ephesum perveniri possit, ibi solum tradiderunt, ubi is locus ad dandum stipulationi adiectus est. §. loca, *inst. eo. l. interdum, supr. l. 2. §. qui ita, de eo, quod cer. lo.* 3 Animadvertendum est autem hoc loco perperam legi in Paudeis Florentinis, *aut si non*. Nam hæc oratio, *si non multum referre videatur*, conditionalis cum sit, subiunctivam aliquam orationem desiderat: quæ hic nulla est. Nec multum profecerimus, si hæc verba; *aut si non*, interpretemur per *nisi*. Et si enim nemo Latinorum, quod sciam, ita loqui solet, neque hæc verba fuisse puto in exceptionum formulis ad exceptionem significandam, sed potius illa, *aut si non*, pro; At hoc ita, quod intendis, *si non*, quæ sunt verba exceptioni convenientia: tamen etiam hac significatione admissa multo deterior sententia efficitur, non tantum non conveniens huic loco, neque quæ ad institutum probandum nihil valeat; sed etiam ipsa per se plane inepta et nugatoria, hæc nimirum; si dicemus Stichus promisso cessare obligationem, donec promissor eum dare possit, et Stichus erit Ephesi, expectandum erit, donec Ephesum perveniri possit, ubi est, ut vel illic tradatur, vel illuc tradatur alio, ubi queat dari. Atque ita non multum intererit, utrum Stichum hunc simpliciter quis promiserit, an promiserit Ephesi se daturum: nisi tamen utrum horum fiat, molitum referre videatur. Ut in summa sit hæc sententia, si non interstet inter hæc, nisi inter-

sit

ait: hæc non differunt, nisi differant. Quod nihil aliud est, quam si ita dicatur, hæc non differunt, si non differunt, propterea quod *si si et si* idem valent. Quod quam sit ridiculum et unguatorum, quamque ad probandum id, quod Vennleius instituit, nihil pertineat, nemo non videt. Necessario igitur ita legendum est, ut et in aliis exemplaribus legitur; ut *sic non multum referre videatur, Ephesi daturum se, an quod Ephesi sit, cum ipso Romæ sit dare spondet*. Estque hæc lectio optima: ubi non tantum sententia perfecta est, sed inest etiam ratio ad id, quod instituit, probandum efficax. Prius enim dixerat, *alioquin si quis Stichum dari sponderit, quæremus, ubi sit Stichus*, Subiicit continenter, *ut sic non multum referre videatur*. Id autem est, ut hoc admissio, quærendum esse ubi sit Stichus promissus; consequens sit non multum referre videri, Stichumne Ephesi se daturum an enim, qui sit Ephesi, simpliciter quis promittat. Deest assumptio, et conclusio; sed quarum utraque per se satis intelligitur hoc modo: Hoc autem, non multum inter hæc interesse, falsum est: ergo et illud, unde sequitur. † Alterum eiusdem rei confirmandæ causa argumentum est in extremis illis verbis, *ne incipiat dici eum quæque dare non posse, qui alienum servum, quem dominus non vendat, dare promiserit*. Hoc autem hanc sententiam habet: Si dixerimus difficultatem et incommodum præstationis ad stipulatorem, non promissorem pertinere, ut prius delinierat; consequens erit dicare eum, qui servum alienum promissit, non teneri, si dominus cum servum non vendat: quoniam non possit quisquam, qui dominus non sit, rem dare, idest, eius rei dominium transferre. *L. traditio, sup. de acq. rer. dom. l. nemo plus, infr. de reg. iur.* Nec vero est, quod promissori imputetur, si eum servum non acquirit, quem det, ubi dominus enim nolit vendere. Dicit autem hoc casu promissorem non teneri, quia dominus non vendat servum promissum, etiam hoc pro absurdo habet Vennleius: quia sit inauditum, atque contra communem iriam auctorum sententias, quod pro certo sumit, quia sit iuris explorat. † Summa hæc ait: cum de difficultate aut incommodo præstationis rei promissæ agitur, queriturque an ob eam causam stipulatio non valeat, aut differatur: in eo hæc regula iuris tenenda est, quia facile res expeditur: impossibile nullam esse obligationem. *L. impossibile, infr. de reg. iur.* Impossibile enim cum dicitur, facile declaratur contrariarum rerum obligationem consistere, et ex

ea statim agi posse. Impossibilia autem sunt, non quæ promissor non potest præstare, sed quæ conditione ipsa talia sunt, ut non possit hac conditione manente præstari vel ab ipso, vel ab alio, sive natura efficiatur, quominus dari possit, sive iure. Proinde quod ita dari non potest, nec potest in stipulationem deduci: *L. si stipulor, sup.* et si quid promissum ad aliquod tempus non potest præstari, differetur petitio donec id tempus præterierit; ut loco dandi adiecto, et in stipulationibus faciendi accedit, de quibus proxime dictum est. Quod si promissum erit, quod par se dari possit; quamvis hic non habeat domi promissor, quod dat; tamen et consistet obligatio, at confestim promissor tenebitur. In quam sententiam dictum est, quod proxime sequitur in §. *si ab eo*, Si ab eo stipulatus sim, qui efficere non possit, cum alii possibile sit; iure factam obligationem. Datur quidem debitori spatium ad solvendum: *L. si debitori, sup. de iud. l. quod dicimus, infr. de sol. sed datur contenti, idem quod et iudicatis, d. l. si debitori*. Quod non est argumentum promissorem statim non teneri: sed contra maxime teneri. Iudicatos enim constat non solum tunc obligatos esse, cum condemnati sunt, sed etiam tunc fuisse, cum agi cum illis ceptum est. Alioqui frustra cum illis iudicio actum esset. *L. cedere, infr. de verbor. signific. l. deo dicitur bis spatium ad solvendum non dari, sed indulgeri: non obligationis iure, sed humanitatis causa L. cum militi, §. ult. sup. de comp. de quo plura ad L. eum, qui Calendis, §. ult. sup.* Ne illud quidem argumento est sum, qui rem promissam in potestate non habet, confestim non teneri quia si interpellatus non dedit, dicitur moram non facere. *L. quod te, supra si cer. pet.* Non enim solus moram non facit, a quo pecunia peti non potest: sed omnis omnino, qui differendæ solutionis aliquam causam habet iustam, etiam si maxime debeat. *L. sciendum, et seqq. supra de usur. ut constat de eo, qui debet re vara, sed ignorat se debere: dict. l. quod te*, cum quo nihilominus recte iudicio agitur. *L. illud, sup. de her. pet. l. si quis solutioni, sup. de usur.* Illud notandum est, quod re simpliciter promissa negamus dilationem stipulationi inesse; etiam si promissor rem in potestate non habeat: in bis solis rebus locum habere, de quibus tractat Vennleius hoc loco, id est, in pecunia et Stichis, et generaliter in rebus mobilibus, quæ ut loco moveri possunt, ita quovis loco natura sua possunt præstari. Alia causa rerum immobilium,

puti fundi. Hic quia non movetur loco, non potest natura alibi tradi, quam ubi est. Ideo recte scriptum est in §. ult. *Inst. de inutil. stipul.* fundo promisso non posse stipulatorem continuo agere, sed tunc, cum tantum spatii præterierit, quo traditio fieri possit. Adicitur ibidem et de Sti-

cho promisso: sed ita, ut eum accipere debeamus, qui itidem ut fundus certo loco destineatur, vel vi, ut si sit apud hostes, vel venditionis lege: quem locum exposui diligentius ad d. L. eum, qui *Caletidis*, §. ult. *supr.* in ea parte, in qua de iure effecta puræ stipulationis agitur.

Ad §. Si ab eo stipulatus sim.

DEfultio est superiorem disputationem appendix, de qua et illic diximus. pertineus, cuius pars hæc est, et

Ad §. Cum quis sub hac conditione.

Idem in L. inter, §. sacram, vers. cum partim ibi, partim ad L. si rem meam *sed hæc dissimilia: supr.* quem lo- 31. *supr.* exposuimus.

Ad §. Si ut aliquid fiat.

Idem in L. cum quid ut fiat, 71. *supr.* ubi dixi.

Ad §. Præterea sciendum.

ET de sententia huius loci abunde a me dictum est, unaque totus hic locus, possumusne stipulendo acquirere unitantum ex heredibus, et quid acquirere, tum quateus, diligenter tractatus ad L. stipulatio ista, §. alteri *supr.* in ea parte, qua ex tribus generibus earum personarum, quibus stipulari nos posse illic posuimus, disseritur de heredibus, quibus recte nos stipulari constat.

Ad L. Eum, qui certarum. 138.

EXposui initium in L. qui hoc anno 42. *supr.* §. ult. in L. qui ex pluribus 106. *supr.* eod.

Ad L. Cum ex causa. 139.

ET hic locus ante expositus est ad L. 4. §. ult. *supr.*

Ad L. Pluribus. 140.

DE initii, et §. 4. sententia satis dictum est ad L. scire. 29.

Ad §. Etsi placeat.

Etsi placeat extinguere obligationem, si in eum casum inciderit, a quo incipere non potest: non tamen hoc in omnibus verum est. Ecce stipulari viam, iter, actum ad fundum communem, sociis non potest: et tamen si is qui stipulatus fuerat, duos heredes reliquerit, non extinguatur stipulatio. Et per partem dominorum servitus adquiri non potest, acquisita tamen conservatur et partem domini. Hoc evenit, si pars prædii servientis, vel cui servitur, alterius domini esse coeperit.

SUMMARI A.

1. *Regula iuris, Extingui obligationem, si in eum casum incidit, a quo incipere non potest, an sit perpetua.*
2. *Capita certa explicationem superioris regulæ notanda.*
3. *Confirmat, in multis iuris partibus regulam hanc veram esse, et pro iure certo observari.*
4. *§. Ex contrario. Inst. de legat. et L. in ambiguis, §. 1. intra de reg. iur. cum definitione superiore conciliantur.*
5. *C. factum de reg. iur. in 6. an regulæ superiori adverteretur.*

6. *Loci exemplorum, in quibus regula illa veterum locum non habeat, monstrantur.*
7. *Exempla duo huius §. an rei propositæ a Iuriconsulto convenienter adducantur.*
8. *Causæ tractantur, in quibus res gesta resolvatur, et contra, in quibus non resolvatur, cum in eum casum reciderit, a quo incipere non poterat.*
9. *Differentiæ, quæ in negotiis omni ex parte perfectis, ut nihil amplius ad consummationem desiderant, et in iis, quæ ita consistunt ab initio, ut tamen nondum plane perfecta sint, sed vis eorum adhuc pendeat, constituta est ratio.*

1. Quid ait Paulus, placere extingui obligationem, si in eum casum incidit, a quo incipere non potest, significat regulam hanc veterum fuisse, si non eam, quæ reciperetur ab omnibus (ut non omnibus probatam esse constat ex §. *ex contrario, inst. de lega. L. verbis, supr. ad leg. Fal. L. exstimo, supr. eod.*) at certe eam, quæ plurimum reciperetur sententiis, et iam pro iure obtineret, ut proinde ad eam explicandam eius interpretatione opus fuerit. Et regulam iuris fuisse eiusmodi, quam dixi, sciri potest ex *L. pro parte, supr. de ser. L. 3. in fl. supr. de iis quæ pro non scr. hab.* in his enim locis generaliter definitio tradita est, et pro ratione eius, de quo quærebatur, tanquam sententia iuris minime controversi usurpata. Hanc ergo Paulus interpretatur, et ait non esse veram in omnibus. Quibus verbis duo statuit. Ut enim negat in omnibus veram esse: ita eam in quibusdam causis improbens, in aliis veram esse concedit. † Hæc distinctio postulat, ut circa hanc regulam tria hæc explicemus. Primum, an utraque pars huius distinctionis vera sit: quoniam videri possit esse in aliis locis, quod utrique adversetur; adeo varie de hac re in libris nostris scriptum est. Alterum, si utraque vera est, quæ sint causæ, in quibus res duret: quæ contra, in quibus non duret, cum in eum casum reciderit, a quo incipere non poterat: nam hoc nusquam a veteribus definitum legitimus. Tertium, quæ sit distinctionis eius ratio: quæ si nulla reddi possit, necesse sit videri aut in omnibus causis pariter eam regulam admitti debuisse, aut pariter in omnibus repudiari.
3. ri. † Et quin vera sit distinctio, et ea, quæ aliis quoque locis ac sententiis veterum maxime agnoscatur, dubitari non oportet. Volumus pleraque ab initio recte gesta infirmari, si in eum casum incidere, a quo incipere non poterant. Multis hoc argumentis iuris confirmatur. Nam si res utiliter promissa eo redierit, ut iam stipulatori dari non possit, quæcumque res

sit promissa, et quocumque modo desinat posse dari, magno consensu receptum est in his omnibus corrumpi stipulationem; ut deductam in eum casum, a quo incipere non poterat. Valet hoc in rebus corporalibus promissis omnibus, sive desinant esse in hominum commerciis, sive stipulatoris fiant ex causa lucrativa. *L. inter, §. sacram, §. si rem, supr. eod. §. item contra, inst. de inut. stip.* Idem placet in servitute ad fundum stipulatoris promissa, si postea stipulator fundi partem alienaverit; quippe qui ab initio pro parte domini servitutem nec acquirere nec stipulari posset. *L. pro parte supr. de ser.* Valet hoc idem in legatis, sive personæ legatarii, sive rei legatæ mutatio eo rem deduxerit, ut legatum dari non possit. *L. 3. supr. de iis, quæ pro non scr. hab.* Sed et testamentum ipsum constat irritum fieri, si testator deportetur postea, aut adoptione alieno iuri subicij cæperit: quia hoc statu personæ nemo ab initio testamentum recte faceret. *L. si quis filio, §. irritum, supr. de iniust. rup. §. alio, inst. quib. mo. test. infr.* Nec in his causis ulli loci iuris particulatim dissentiant. Sed de quibusdam locis, qui adversus regulam initio positam generaliter scripti videntur, dubitari potest. † Nam in §. *ex contrario, inst. de lega.* generalis hæc sententia legitur: *non enim placuit sententia existimantium exstintum esse legatum, quia in eam causam pervenerit, a qua incipere non potest.* Generaliter et illud contra scriptum videtur in *L. in ambiguis, §. 1. infr. de reg. iur. non est novum, ut quæ semel utiliter constituta sunt, durent, licet ille casus extiterit, a quo initium capere non poterunt.* Sed non sunt hæc ita scripta, ut in totum verum esse negent, quod recte gestum est, extingui, etsi in eum casum incidat, a quo incipere non potuit: sed ut significant non recte id in universum definiti; denique multis in causis falsum esse. *Non placuit, inquit Iustinianus, sententia id exstintantium.* Recte: quia generaliter hoc des-

finitur, et sine exceptione. Hoc autem falsum est. Sed ut falsum sit non est necesse falsum esse in omnibus; satis est si vel in una specie falsum sit. Cum enim universalis oratio est, si in ea aliquid falsum est, totam orationem falsam elicit, quod a Dialecticis sumptum positum est a Iuliano in *L. si is qui ducenta*, §. *utrum sup. de reb. dub.* Sed et illud quod dicitur, non est novum, ut quæ utiliter constituta sunt, durent; non significat semper et in totum id ita esse, sed multis modis accidere, ut darent; ut proinde si quis id in aliquo statuat, non debeat novum videri. Nam et in *L. non est novum*, *sup. de act. rer. dom.* ita scriptum est: non est novum, ut qui dominium non habet, alii dominium præbeat; quod tamen conatat non ita dici, quasi qui dominium non habent, omnes et semper alii dominium præbere possint; quod aperte falsum est, et regula iuris nominatim contrarium traditur. *L. nemo plus, infr. de regu. iur. L. traditio, sup. de acq. rer. dom.* sed hanc significationem habet, non esse id novum, quia ploribus in causis receptam sit iure, ut fiat, ut postea

5 exemplo creditoris ibidem declaratur. † Potius contrariam esse quis dixerit regulam Iuris Pontificii hanc; *factum legitime retractari non debet, licet casus postea eveniat, a quo non potuit inchoari* C. factum de reg. iur. in 6. Et est contraria omnino, si id sentit auctor, quod verba exprimunt. Excludit enim casus omnes, qui postea incident, et vetat generaliter eos casus infirmare id, quod legitime factum sit. Sed si non de omnibus casibus, a quibus ab initio incipere res non poterat, regula accipienda est, ut non esse accipiendam eius iuris interpretibus placuit, regula non adversatur; admittimus anim et Iure Civili idem servari. Sin auctor hoc sentit, nonquam ea re incidente, a qua negotium incipere non poterat, quod ante recte gestum erat, infirmari; regula falsa est, qua adversus superiora illa, quæ Iure Civili recte constituta sunt, moveri non oportet. Id enim mutare non potuit. Apparetque eius regulæ auctores (si modo id senserunt, quod dixi, quod nolim affirmare) in hanc sententiam adductos esse, ut etiam ex auctoritate Iuris Civilis generaliter ita definiendum putarent, deceptos superioribus illis sententiis, quas retulimus ex §. *ex contrario*, *Inst. de legat. et L. in ambiguis*, §. 4. *infr. de reg. iur.* eas enim sic sunt interpretati: quasi illæ vellet, quod semel recte constitutum esset, nunquam adventu ullo rescindi: cum tamen non

Tom. XI.

is sit eorum locorum sensus, ut ostendit. Manebit igitur prius illud, quod supra posuimus, ut forte sententia illa veterum, quod recte gestum sit, extinguatur, si in eum casum inciderit, a quo incipere non potest; ut, inquam, sententia hæc non sit perpetua; tamen in multis partibus iuris veram esse, et pro iure certo observari. Sed non minus et illud verum est, quod hic Paulus scribit, non esse eam perpetuam, multisque modis accidere, ut duret, quod semel utiliter constitutum est, quamvis ille casus existerit, a quo incipere non poterat. † Quod et ipsum innumeris rebus 6 probari potest: in quibus recensendis nasim longior, locos ex quibus exempla petantur, indicare contentus ero. Hoc ergo pertinent. §. *furiosi. Inst. quib. non est, permis. fac. test. L. oratione*, §. *ult. supra de rit. nupt. L. 3. C. de interd. matrim. L. donationes in sup. de don. §. ex contrario, instit. de legat.* Ex variis autem causis, in quibus regula illa veterum locum non habeat, duo genera profert hic Paulus exempli loco, quo non in omnibus veram assa, ut proposuerat, confirmet. Exempla sunt eiusmodi, in quibus si res ipsa, quæ his continetur spectetur, non fuerit necesse nobis ea attigere: nam de iure stipulationis eius, quæ viam ad fundum suum stipulatus est, si is decesserit pluribus heredibus relicta (quod prius exemplum est) satis dictum est ad *L. 2. §. ex his sup. eod.* quod autem dicitur de servitute constituta, posse hanc etiam per partem domini retinari (quod est exemplum posterius) ad servitutis questionem pertinet, non stipulationis: et ipsum præterea est iuris explorati. *L. unus, supra de ser. rust. præd. †* Sed genus ipsum prohibitionis, cuius causa hæc exempla adducuntur, considerandum est: siquidem videri potest oentrum satis rei propositæ convenire. Quod enim in priorē stipulator viæ decedit duobus heredibus relictis, in eo nihil accidit, a quo non recte potuerit stipulatio incipere: cum et plures heredes, ut plures alii domini, servitutem ad fundum communem stipulari possint *L. si unus, supra de ser. rust. præd. pr. L. ult. sup. com. præd.* institutum autem erat docere non semper obligationem extinguatur, cum recidit in eum casum, a quo incipere non poterat. Sed et quod in posteriore dicitur per partem domini retineri posse servitutem, quæ per partem acquiri non potest: non minus et hoc alienum ab instituto videtur. Propositum enim est de obligatione: hic subicitur exemplum de servitute constituta.

104*

ta:

tā: post quam constitutionem nulla est servitutis obligatio. Nam etsi prius aliqua fuisset; tamen tradita et constituta servitute obligatio tolleretur. Et dicendum est, in priore exemplo, cum stipulator viæ decessit pluribus heredibus relictis, si spectemus, id quod fieri iure potuit, non videri stipulationem incidere in eum casum, a quo incipere non poterat, cum et eam possent heredes ab initio stipulari. Sed si spectemus id, quod factum est, videri potest in eum casum incidisse; unus enim solus stipulatus est ab initio. Duobus autem tamen heredibus relictis non potest itidem unus servitutem stipulari ad fundum communem. In posteriore autem specie etsi non agitur de obligatione; quia tamen agitur de ea re, puta acquisitione, quæ incidit in eum casum a quo incipere non poterat, non minus exemplum ad propositionem pertinet. Cum enim initio ita scribit, *non tamen hoc in omnibus verum est*: id sic accipi debet, quasi ita diceretur; non tamen huiusmodi sententia in omnibus rebus vera est: ut sit, *hoc*, demonstrativum non substantiæ, sed qualitatis; significeturque non hæc ipsa sententia de qua in specie dictum est, sed omnis huiusmodi, quæ placeat rem aliquam extinguere, si in eum casum incidat, a quo incipere non potest. Hæc, inquam, sententia quæ a veteribus in obligatione usurpata est, non in omnibus causis vera est, sive sit obligatio, sive res alia quælibet, quæ in eum casum quem diximus, incidit. Nunc redeo ad distinctionem. Verum est igitur utrumque illud, quod Paulus hic significat, nec minus cum aliis partibus iuris convenit, interdum ea quæ utiliter gesta sunt, dissolvi, cum in eum casum reciderunt, unde incipere non poterant; interdum non eo minus durare. † Sed parum profuerit id intelligi, nisi sciverimus, quæ sint causæ, in quibus res gesta ob eam causam resolvatur: quæ contra, in quibus non resolvatur. Deinceps ergo de eo statuendum est. Et videndum est, utrum negotium de quo agitur, perfectum sit omni ex parte, ut nihil amplius desideret ad consummationem; an ita consistat ab initio, ut tamen nondum plane perfectum sit, sed ius eius adhuc pendeat. Perfectum dicimus, quod eum finem, ad quem destinatum erat, iam consecutum est. Pendere autem, nec plane perfectum esse id, quod alicuius rei causa institutum, nondum ad suum finem et effectum pervenit. Ut puta, donatio, omnisque translatio rei, negotium in se perfectum habet: quia earum rerum finis hic est, ut res fiat accipientis. Hoc autem

traditione rei domini transferendæ causa interposita statim perficitur. Idemque de servitutis constitutione dicendum est. Huic enim propositum est, ut servitus in alieno fundo esse incipiat, quæ debeatur nostro. Hæc autem statim esse incipit, postquam constituta est. Contra stipulatio, et contractus omnis, item testamentum, et legata, ac fideicommissa: omnia sunt eius generis, ut cum ab initio utiliter constituta fuerint, non statim tamen plene perficiantur, sed ius eorum adhuc pendeat. Nam et stipulatio eo contrahitur, ut quid detur aut fiat, ac nisi id sequatur, stipulatio sit inutilis. *L. 2. L. 5. §. stipulatio, supr. eod.* et testamentum instituitur, ut quis ex eo existat heres; sine quo testamentum sit irritum. *L. 1. supra, de in. rup.* Nec minus in legatis aut fideicommissis, quam in stipulationibus, id agitur, ut quid in legatarium aut fideicommissarium conferatur: quo non dato nullum relictum est. *L. legatum, supr. de legat. 1.* De negotiis plane confectis sine exceptione ita definimus, quæ utiliter ita constituta sunt, ut ad consummationem nihil desiderent, sed ad finem et effectum suum iam pervenerint, nunquam hæc eventu infirmantur ideo, quia ille casus exstiterit, a quo incipere non poterant. Argumento sunt donatio semel perfecta, servitus prædio recte constituta. Donatio inter virum et uxorem non valet. *L. 4. 2. 3. supra, de donat. int. vir. et ux.* Si ante nuptias recte quid donatum sit, placet non ideo infirmari donationem, quia matrimonium inter easdem personas postea contractum fuerit. *L. donationes, supr. de don.* erat enim iam ante donatio omni ex parte perfecta. De servitute autem hic scriptum est, non posse hanc fundo acquiri ab eo, qui pro parte domini sit; acquisitam tamen et per partem domini conservari: idest, retineri etiam tunc, cum domini partem fundi alienavit, quamvis hic recidat acquisitio in eum locum, unde incipere non potest: scilicet, quia acquisitio servitutem dedit: hæc autem acquisitione solum quærebatur. Quod si negotii gesti ius adhuc pendeat; hic demum locum habet illa varietas, de qua diximus, ut interdum extinguatur res, cum in eum casum incidit, a quo incipere non poterat; interdum non extinguatur. Utrum autem horum fiat, non ex genere negotii, sed ex conditione casus postea intervenientis æstimandum est. Nani quod postea incidit, aliud atque aliud ius postulat. Quare in hoc genere hæc brevis distinctio tenenda est. Videndum est, ille casus, in quem postea ne-

gotium incidit, utrum is sit, qui impediatur, quominus negotium recte ceptum ad exitum et finem constitutum perducatur; an vero is, qui non impedit: ut si impedit negotium resolvatur; si non impedit, duret negotium non minus, quam si nihil omnino evenisset. Utriusque partis exempla suppeditant contractus, testamentum, et quæ hic relinquuntur legata aut fideicommissa. Quid est enim, cur in stipulationibus si res promissa sacra aut religiosa facta sit, aut liber homo servus, obligatio extinguatur *L. inter, §. sacram, supr. eod.* si autem eadem re manente stipulator furem cepit, duret stipulatio nihilominus? *Arg. in §. furios. Instit. quib. non est per fac. test.* nam utrumque est eiusmodi, ut ab eo stipulatio incipere non poterit. Non alia causa est, quam quod stipulatione contracta hoc etiam superest ad rem perficiendam, ut res promissa detur, non ut quidquam amplius de eadem re conveniat. Impeditur autem hic finis, cum res venit in eum locum, ut desinat posse dari, non etiam cum stipulator mentis compos esse desit: facultas enim dandi una cum iudicio non amittitur. Quia ratione placuit et eum, qui viam ad fundum suum stipulatus, eius fundi deinde partem alienavit, corrumpere stipulationem: quia iam ex illo vis illi dari non potest. *L. pro parte, supra, de ver. L. unus, supra, de ver. rusticor. prædior.* Cum si stipulator in furem aut aliam alienationem mentis incidisset, nemo tamen diceret promissorem ideo liberari: cum et furioso per curatorem dari possit. Hac ipsa de causa et in testamento rite facto evenit, ut cum postea quædam inciderint, e quibus consistere initio non poterat, tamen alias duret, alias irritum sit. Nam si quid postea in persona testantis accidat, quod ei iudicium adimat, non eo minus valet testamentum: ut si furiosus factus sit, aut prodigus; aut mutus et surdus: quo tamen statu ab initio si esset, testamentum facere non posset. *§. furios. §. item prodigus, §. item surdus, Instit. quib. non est permiss. fac. testamen.* Eidem damnato si publicatione adimantur bona, aut si potestati alienæ ipse subiciatur: testamentum irritum fieri constat uti nec ab initio hoc statim personæ testamentum potest facere. *L. eius, §. 1. supra, qui testamen. fac. poss. L. 6. §. irritum, supra, de inoffic. testamen. §. alio, Instit. quib. mod. testamen. infr.* Scilicet quia testamento cæteris rebus ab initio recte confecto, tamen hoc etiam ad vim eius superest; ut exitum habeat; idest, ut here-

ditas, et quæ cætera illic relicta sunt, ex eo capiantur. Hoc autem quominus eveniat non impedit furor postea interveniens, aut administratio honorum, seu orationis facultas adempta: quandoquidem et post illa nihilominus testator bona sua retinet. At impedit honorum emissio, si quis in totum facultate aliquid habendi excidat: hac enim amissa nihil relinquitur, quod ex testamento capi possit. In legatis hæc eadem distinctio et ratio potest observari. Si servo alieno quid legatum sit, legatum valet. Quod si postea a testatore servus sit redemptus, legatum extingui placet; quia ab initio servo proprio legari non posset. *L. 3. in fin. supra, de his quæ pro non sor. hab.* Ex tamen si debitor quod in diem aut sub conditione debet, legat creditori, ita legatum valet, ut quamvis vivo testatore dies venerit, aut conditio exstiterit, nihilominus tamen placeat consistere legatum: tametsi ab initio quod pure debitum esset, inutiliter legaretur, *§. ex contrario, Instit. de leg. L. verbis, supra, ad leg. Falc.* Et cur hæc tam varie in legato, cum utrobique quæ extiterit ille casus, a quo legatum non poterat incipere? Non alia ex re omnino, quam quod in priore specie, id quod accidit, impedit ne legatum exitum habeat: hoc enim etiam post legatum relictum restabat, ut id daretur: dari porro servo proprio nihil potest. In posteriore autem id quod postea accidit, non modo non impedit, quominus legatarius ad rem legatam perveniat, sed etiam quo magis eam consequatur, facit. Quod enim ante debebatur, id creditori legatum est. Etsi maxime inter moras debitum purum esse cepit: tamen eius consequendi causa ad veterem actionem accedat nova actio ex testamento. Hæc facit, ut debitor magis teneatur, et sit debitori ad suum consequendum facilius via. Quod si ita esset, non essent plures actiones adversus furem proditor: quæ ea tantum gratia profuturæ sunt, ut pluribus actionibus magis teneretur, *§. sic itaque, Instit. de act. §. 1.* Sed hæc distinctione constituta, ratio differentie tertio loco quaritur: quæ non intellecta non videantur fortasse hæc genera recta distinguere, cum in omnibus pariter res incidat in eum casum, a quo initium capere non possunt. Hæc vero ex his, quæ diximus, non est admodum obscura. Præterita enim, et quæ iam facta sunt, infecta fieri non possunt: *L. in bello, §. facti, infra, de capt. futura autem impediri possunt, ne fiant.* Proinde si quid ita perfectum erit, ut nihil futuri ad perfectionem desideret: neces-

se est, quicunque casus postea incidit, unde incipere non posset, omni modo id quod gestum est, durare: quia nec præterita et iam facta per se mutari possint; nec in eo quod gestum est, sit quidquam futuri, quod possit impediri, quo facto necesse sit etiam quæ antecesserunt, per consequentiam interire. Sed etsi in re erit futuri aliquid, quod desideretur ad consummationem, etiam hic necesse est manere, quæ ante gesta sunt, si quod postea accidit, non sit impedimento quominus id quod desideratur, eveniat. Sic enim fit,

ut præterita per se ideo maneant, quia infecta fieri non possint: et a futuris non corrumpantur, quia hæc nullo casu impedita suum exitum nanciscantur. Quod si id quod reliquum erat ad rem perficiendam, impediatur aliquo casu, a quo nec res incipere potuisset: hic primo eveniet, ut quod deerat, non possit exitum habere: per consequentiam autem fiet necessario, ut quæ ante transacta erant, una resolvantur; quia hæc sine eo, quod sequi oportebat, consistere non poterunt.

Ad L. Si servus, in pr. et §. 1. ult.

Dixi ad L. si stipulatus fuero, 76. supr.

Ad §. Pupillus licet ex quo fari.

Pupillus licet ex quo fari cœperit, recte stipulari potest: tamen si in parentis potestate est, ne auctore quidem patre obligatur: pubes vero qui in potestate est proinde ac si paterfamilias obligari solet. Quod autem in pupillo dicimus, idem et in filiofamilias impubere dicendum est.

SUMMARIA.

1. *Filiofamilias eadem omnia, quæ paterfamilias, eadem lege, iisdemque conditionibus tribuuntur.*
2. *Regula in filiofamilias notanda.*
3. *Filiusfamilias quamvis impubes nullo auctore recte stipulatur.*
4. *Filiofamilias pubes etiam nullo auctore recte promittit, et promittendo obligatur.*

4. *Filiusfamilias impubes nullo modo ne patre quidem auctore potest obligari, et cur diversum in pupillo impubere, qui tutore auctore obligatur.*
6. *Tutoris auctoritas ad pupillum obligandum cur potissimum adhibeatur.*
7. *Filiofamilias impubes hereditatem sibi delatam, quæ ei quaritur, aduocando, patre auctore obligatur, et cur hoc singulare in hac specie.*

Quod paterfamil. gerere, et contrahendo efficere potest, id et filiofamil. tributum est, ut possit, cuiuscunque sit ætatis: iisdem tamen conditionibus. Etsi enim hic potestati alienæ subiicitur: civis est tamen non minus, eodemque iure in rebus omnibus, præterquam in eo, quod patri acquiritur, uti debet. Inde dictum, filiumfamil. ex omnibus causis tamquam patremfamil. obligari, et ob id agi cum eo tamquam cum paterfamil. posse. *L. filiusfamilias, supr. prox. tit.* Si obligari potest, quanto magis acquirere? Sed expendendum est, quod dicitur, obligari eum tamquam patremfamil. Quod significat ubi patremfamil. non obligaretur, ibi futurum, ut nec filiusfamilias obligetur: non quia filiusfamilias sed quia res obligationem prohibeat; omninoque quod initio dixi, tribui filiofamil. eadem omnia, sed eadem lege, iisdemque conditionibus. † Proinde in eo hæc regula servanda est, ut si quæ paterfamil. gerere potest sine alterius auctoritate, ea et filiusfamil. recte gerat nullo auctore. In quibus autem patrifamilias tuto-

re aut curatore opus est, hæc non possit filiusfamilias gerere; qui tutorem aut curatorem habere non potest, quorum auctoritate in hac re utatur. Ex hac regula est illa distinctio, quam Caius hoc loco tradit in filiofamilias impubere et pubere cum in acquirendo, tum in se obligando. † Ergo si de stipulando agitur: etiam filiusfamilias quamvis impubes, si fari possit, recte stipulatur, et stipulando acquirit vel sibi vel patri iuxta distinctionem bonorum traditam *Inst. per quas per no. ob. acq.* multoque magis pubes filiusfamilias. Nec his obstat, quod tutorem aut curatorem non habeant, eoque et illis necesse sit sine his auctoribus stipulari: non enim hic ullus auctor desideratur. Nam nec patrifamilias etiam impuberi necessaria est ad acquirendum tutoris curatorisve auctoritas; sive hos habeat, sive non habeat. *Inst. de auct. tut.* † Sed etsi de obligando filiofamil. agetur ex eadem regula etiam filiusfamilias pubes nullo auctore recte promittit, et promittendo obligabitur, ut hic significatur: nam et in paterfamilias pubere, qui curatorem

non

non habeat idem fieret. L. 3. C. de in int. rest. mi. L. puberes supr. Omnis autem filiusfamil. hoc ipso, quod est in potestate patris curatorem ideo non habet, quia nec potest. Inst. de tut. in pr. † Quod si filiusfam. impubes erit; convenienter superiori regulæ placet eum, quamvis fari posset, nullo modo posse obligari. Scilicet quia si sui iuris esset, non posset obligari sine tutoris auctoritate. Iam autem dixi eum, qui in aliena potestate est, tutorem habere non posse. Quid, si pater auctor fiat? hic scriptum est, pupillum seu impuberem qui in aliena potestate est, ne auctore quidem patre obligari. Idem in §. pupillus, in fi. Inst. de inut. stip. Sed cur non potius obligetur auctore patre impubes, qui tutore auctore obligari potuit: cum multo maior sit soliditudo patris de commodis filii, et in his procurandis multo fidelior opera, quam tutoris cuiuslibet, quantumvis amici et frugi in rebus pupilli extranei? Quia deest in patris auctoritate id, cuius causa tutoris auctoritas quesita est, et siue quo non obligaretur pupillus. † Non enim placuit ad pupillum obligandum adhiberi auctoritatem tutoris propter fidem tantum et prudentiam consilii que sit in tutore, quo scilicet monitus pupillus cautius se obliget, ac deinde viderit, quomodo se ea obligatione expediat: alioqui sufficeret ubique auctoritas patris, in quo illa esse solent etiam maiora; sed eo præcipue, ut si forte obligatus erit pupillus tutore auctore, ubi non debuit, cautum sit eo nomine pupillo, qui hoc damnum sarciet a tutore iudicio tutelæ, ut est necessitas eius muneris, et obligatio administrationis L. 4. supr. de tut. et rat. dist. Nulla huiusmodi cautio a patre, qui filium pupillum in potestate habet, si is promittenti auctor fuerit. Non enim obligatur pater eo nomine impuberi: cum neque ulla necessitate muneris ei teneatur, neque hoc facto cum illo quidquam contraxerit, et si contraxisset, tamen nulla actio nasci possit inter patrem et filiumfamilias in ea re, quæ a patre proficiscatur, §. hi qui. Inst. de obl. quæ ex del. Hæc sententia olim fuit perpetua. † Nec impediatur eo, quod impuberem, qui in aliena potestate est, placebat hereditatem sibi delatam auctore patre adire posse: tametsi hanc additionem necesse erat sequi obligationem æris alieni. L. nore, in princ. et §. ult. supra, de

acquir. her. ut enim ibidem declaratur, id tum locum habebat, cum hereditas patri quærebatur. Quo casu metuentum non fuit, ne videatur obligari impubes auctore patre; cum quæsitæ patri hereditate ipse obligaretur, non filius. Itaque mirum non est, si hic generaliter et sine exceptione definitur, pupillum, qui in patris potestate est, ne auctore quidem patre obligari. Postquam autem cœpit hereditas adventicia acquiri filiofamilias ex constitutionibus, simul etiam in eo genere a superiore regula discedi cœptum est. Placuit enim etiam nunc non minus quam ante, hereditatem impuberi delatam, quæ et illi quæreretur, auctore patre ab impubere adiri posse, ut et ipse tanquam heres æri alieno obligaretur. L. si infanti, §. ult. C. de iur. delib. L. ult. §. ubi autem, C. de bo. quæ lib. Idque utilitate impuberum ita exigente: quibus dum huius aut illius adhibita auctoritate quam maxime consultatur, sententia legum veterum satisfactum est, quibus hoc solum propositum est, ut sit consultum pupillo. Ergo cum de impubere solum obligando agitur, recte fit, quod non admittitur patris auctoritas ad eam rem, quam constat per se ad nullam aliam rem, quam ad impuberem onerandum pertinere. At in hereditate adeunda longe aliter accidit. Ita enim hanc adeundo obligat se æri alieno impubes, ut per consequentiam solum id fiat; principaliter autem in eo de acquirenda hereditate eiusque commodi agatur. Neque vero propter exiguum aliquod onus æris alieni adiunctum debet maius commodum et certius omitti. Curari igitur debuit, ut impuberi, quod sine eius incommodo fieret, acquireretur hereditas. Et quoniam ad obligationem æris alieni suscipiendam alicuius auctoritate opus est, nec potest tutor auctor fieri ei, qui tutorem non habet: prius quam amittatur pupilli utilitas, satius esse visum est adhibere hic auctoritatem patris, quam nullam. Non est enim in ære alieno damnum, si hoc deducto superest maius aliquid, quod pupillus ex hereditate consequatur. Quod si forte etiam hereditas, postquam adita erit, videbitur onerosa pupillo, ne sic quidem ei additio nocebit. Potest enim, cum sui iuris factus erit, aut cum adoleverit, petere in integrum restitutionem, d. L. ult. §. ubi autem, C. de bon. quæ lib.

Ad §.

Ad §. Si ita fuero stipulatus.

Si ita fuero stipulatus, *mihī aut Titio*? et tu mihi daturum te spondeas: secundum omnium opinionem ad interrogatum te respondere: quia constat mihi soli adquiri obligationem: Titio autem dumtaxat recte solvitur.

S U M M A R I A.

1. Stipulationi huic, *Mihī aut Titio dabis*? si mihi te daturum respondeas, cur diversitas responsionis noceat; ut nocet, si Stichum aut Pamphilum stipulanti alterum te daturum promittas, et quid

inter hæc duo stipulationum genera intersit.
2. In stipulatione proposita an, quod ad obligationem pertinet, ad interrogatum satis responsum videatur.

1. QUI ita interrogatus, Stichum aut Pamphilum dabis? respondet alterum se daturum, non obligatur: quia nec ad interrogatum respondit. *L. inter, §. si stipulante, L. si duo, supr. cod.* Quidni igitur, et eum, qui ita interrogatus, mihi aut Titio dabis? respondet se mihi daturum, dicamus eadem ratione non obligari, quasi et hic de duabus personis interrogatus disiunctim, et de una tantum respondens ad interrogatum non responderit? Et Caius hoc loco eum, qui posterius hoc fecerit, ex omnium sententia ad interrogatum respondisse ait. Ex quo efficitur et eum stipulanti obligari. Sed cur hic ad interrogatum potius, quam ille, qui de duabus rebus disiunctim interrogatus de una tantum respondit? quia, inquit, ex hac stipulatione, mihi aut Titio dabis, *mihī soli acquiritur obligatio, Titio autem dumtaxat recte solvitur.* Qua ratione intelligi voluit quid intersit, utrum res plures deducantur disiunctim in stipulationem, quæ denatur, an disiunctim plures personæ, quibus detur, stipulatoris nimirum et alterius. Nam cum ita stipulor, Stichum aut decem dabis? utraque res ad obligationem ponitur, non ad solutionem, ut Paulus scribit in *dict. L. si duo, supr.* ideo et de utraque oportet similiter responderi: ne si de altera tantum responderimus, efficiatur alia obligatio. Cum autem mihi aut Titio dari stipulor, mihi soli ad obligationem stipulor; Titii persona ad solutionem solum adicitur. Sentit autem Caius satis esse de eo respondere, quod ad obligationem ponitur, ut videatur promissor ad interrogatum respondisse. Et vero nisi id sumitur, ac conceditur Caio, ratio eius plane conceditur. † Sed videamus, ne hoc ipsum fal-

sit sit. Toties enim ad interrogatum responsum non videtur, vitaturque stipulatio, quoties alia conditio est obligationis ex diversa responsione, quam futura esset, si per omnia eodem modo responsum esset. *L. 1. §. si quis simpliciter, supr.* Atqui cum stipulor mihi aut Titio, alia conditio esse videtur obligationis, si simpliciter idem respondeas; alia si mihi solum te daturum promittas. Nam ex prior stipulatione licet tibi solvere Titio, etiam me invito. Ex posteriore non licet alii, quam mihi. *L. vero. L. antep. infr. de sol.* Sed non efficitur hoc modo diversa conditio obligationis. Nam et ex prior stipulatione mihi solum obligaris non secus, quam ex posteriore: sed alia est potestas solvendi: hæc obligationem non mutat. Nam et alii solvendo perinde est, quasi mihi solvisses, cum voluntate mea solveris. *L. solutam, infra de sol. L. restituta, supra ad Treb.* Sed etsi quis istarum stipulationum diversam conditionem in obligatione ipsa esse concederet: tamen voluntate promissoris pro eadem haberi oportet. Titii enim persona promissoris solius causa adicitur, dum eius commodati in solvendo hoc modo consulitur. Licuit ei quod sua causa adiectum est contemnere, et mihi soli promittere se daturum. *L. si iudex, supr. de iud. L. pen. C. de pac.* Nam etsi ab initio stipulanti mihi aut Titio, eodem modo spondisset: liceret ei Titio contempto mihi solvere. Nec obstat stipulationi, quod interrogatione mea me et Titium sum complexus. Nam de Titio cavi solum sub conditione, si promissor pro commodo suo ei solvi mallet. Cæterum eo nolente ut utilis mihi est mihi soli mea voluntate solvi posse, sic ad voluntatem meam magis pertinet. Ad §.

Ad §. Si inter eos.

Si inter eos qui Romæ sunt, talis fiat stipulatio: *Hodie Chartagine dare spondes*? quidam putant non semper videri impossibilem causam stipulationis contineri: quia possit contingere, ut tam stipulator quam promissor ante aliquod tempus suo quisque dispensatori notum fecerit, in eum diem futuram stipulationem, ac demandasset promissor quidem suo dispensatori, ut daret: stipulator autem suo, ut acciperet. Quod si ita factum fuerit, poterit valere stipulatio.

SUMMARI A.

1. *Temporis in stipulatione contrahenda expressi angustie quatenus noceant stipulationi.*
2. *Legatis cur spatium temporis ad dandum impossibile non noceat.*

3. *Contractuum ceterorum, quamvis bonæ fidei, conditione aut spatio temporis ad dandum aut faciendum impossibili adiecto, eadem, quæ stipulationis, est ratio.*

1. **S**I quis Romæ ita stipuletur, hodie Carthagini dare spondes, inutilem esse stipulationem placet. *L. 2. §. qui ita, sup. de eo quod cer. lo. §. loca, Inst. eod.* Optima ratione, quia repromissio seu præstatio sit impossibilis, ut adicitur in *d. §. loca*. Neque enim qui Romæ est, intra unum diem pervenire potest Carthaginem: ac nisi eo pervenerit ipse vel alius eius nomine, Carthagini dare non potest vel per se, vel per alium. Hoc ita esse docemur hoc loco, nisi stipulator et promissor eo die, quo stipulatio interposita est, dispensatores aut procuratores suos Carthagini habuerint, quibus multo ante notum fecissent stipulationem eo die futuram: ac demandasset promissor quidem dispensatori suo, ut pecuniam eo die daret stipulatoris dispensatori; stipulator autem suo, ut ab illo acciperet. Sic enim eveniet, ut et promissor per alium dare possit, et stipulator per alium accipere eodem ipso stipulationis die. At ne hoc quidem modo, dixerit quispiam, id consequimur, ut tu mihi des Carthagini: cum neuter nostrum eo die Carthagini fuerit, sed Romæ, ubi a te sum stipulatus. Sed non ideo minus mihi abs te Carthagini dari potest. Non potest per nos ipsos, qui ibi non sumus; at potest per alios. Is solvisse intelligitur, qui per alium solvit, idest, cuius nomine vel procurator, vel alius quisque pecuniam numeravit. *Inst. quib. ma. tol. obl. et accepisse is, qui accepit per alium, idest, cuius voluntate alii solum est, vel procuratori; vel cuius alii. L. solum, §. solum, sup. de pig. act. L. solum, inf. de sol.* Quod si contrahentes aut nullum dispensatorem, procuratoremve Carthagini eodem die habuerint, aut cum habereat, non multo ante iis de stipulatione eo die

Tom. XI.

interponenda significaverint; manet ea impossibilitas præstationis, de qua diximus, quæ et inutilem facit stipulationem. † Cur 2 non igitur et illud legatum inutile esse dicimus, cum is, qui moriens Romæ testamentum fecit, eo testamento iussit heredem suum triduo post, quam mortuus fuerit, dare mihi servos, quos Gadibus habebat? nam nec hic intra triduum servi Gadibus dari possunt. Et tamen placet ratum esse legatum, et angustias temporis nihil legato nocere. *L. si milit, 12. §. 1. sup. de leg. 4.* Multum inter supremas voluntates et stipulationes ac reliquos contractus interest, cum de impossibili conditione aut spatio temporis ad dandum impossibili agitur. In testamentis conditio impossibilis institutioni aut legato adiecta non nocet; quia pro non adiecta habetur, §. *impossibilis, Instit. de her. inst.* Hac ipsa de causa nec nocebit dies, cuius angustia impossibilem præstationem, efficient, in quam sententiam de superiore specie legati responsum est. In stipulationibus autem ceteris, que contractibus hoc servatur, ut impossibili conditione adiecta, quoniam hæc retinetur pro commodo promissoris, omnes nullius sint momenti. *L. non solum, sup. prox. tit.* Cuius differentie rationem exposuimus ad *L. impossibilis, 7. sup.* Quo recepto, idem et de tempore dandi aut faciendi adiecto, intra quod res per rerum naturam præstari non possit, probandum fuit. † 3 Nec in hac re alia causa est stipulationis, alia ceterorum contractuum, quamvis sint bonæ fidei: uti nec in conditione impossibili alii ab aliis distinguuntur *d. L. non solum, sup. prox. tit.* Nam etsi insulam ædificandam tibi locavero, et in operis locatione convenerit, ut intra certum tempus efficeret, brevis quam ut intra id natura effi-

effici posset, ac nisi ita factum esset, quanti mea interfuisset mihi promiseris: et conventionem inutilem esse placet, et pœnz stipulationem. *L. insulam, §. 1. supr. loc.* Nec obstat, quod ibidem in eadem specie dicitur, nihilominus obligationem inter nos contrahi, quatenus vir bonus de spatio temporis aestimasset. Animalvertendum est enim in superiore locatione duas esse conventiones: nam, in insulam ædifices; alteram, ut intra certum tempus. Sic enim in *d. L. insulam, §. 1.* species facti proponitur: in operis locatione erat dictum, ante quem diem effici deberet. In quibus verbis

præcedit operis locatio; huic subicitur dictum, seu conventum de tempore operis absolvendi. Posterior hæc conventio tanquam impossibilis non valet. Sed hæc sublata, prior remanet, ut tu insulam ædifices. Ad quod faciendam cum tempore opus sit, quod tacite inesset etiam ejusmodi stipulationi; *L. interdum, L. continuus, §. item qui, supr. cod.* et de eo nihil cautum sit, id tempus esse intelligitur, quod vir bonus aestimabit. Atqui id etiam in stipulatione insula fieret. In quo quod tempus statuen- dum sit, traditur in *L. si ita, 14. et d. L. continuus, §. item supr.*

Ad §. Cum mihi, aut Titio.

Cum mihi aut Titio stipulor, dicitur aliam quidem rem in personam meam aliam in Titii designari non posse, veluti *mihi decem, aut Titio hominem*. Si vero Titio ea res soluta sit quæ in eius persona designata fuerit: licet ipso iure non liberetur promissor, per exceptionem tamen defendi possit.

S U M M A R I A.

1. Stipulatio hæc. *Mihi aut Titio dabis, quatenus in persona Titii valeat.*

2. Quatenus hæc res sit, et debendi ratio.

3. Stipulatio hæc. *Mihi decem, aut Titio hominem dabis, an utilis.*

4. Tempora in stipulatione et adiecti persona an diversimodè designari possint.

5. Condicio in stipulatione et adiecti persona an variari possit, et quæ in variatione hæc designatur.

1. **H**æc stipulationem valere constat, mihi aut Titio dabis: in persona tamen Titii hæcens, ut conferatur in eum solutio, non etiam ei obligatio acquiritur, quod regula iuris prohibet. *§. plane, Inst. de inst. stipul. †* Hinc quesitum est, an recte adiciatur persona Titii, si in personam meam aliam rem stipuler, aliam in Titii hoc modo: mihi decem aut Titio hominem dare spondes? Quesitum et de tempore, utrum in personam meam stipulari possint alio tempore dari; in personam Titii alio; veluti mihi Calendis Ianuariis aut Titio Calendis Februariis dabis? Idem et de conditione quesitum est, si in unius persona pure stipuler, in alterius sub conditione, aut in utroque sub diversis conditionibus. Movet dubitationem in his omnibus, quod ubi alia res est, aliæ causæ in persona Titii, non tam eius obligationis, quæ in mea persona constitit, solutio, quam nova obligatio vel obligationis forma in persona Titii induci videtur, quod non licet. Et hic aliud de re placuit veteribus, aliud de tempore, aliud de conditione. *†* De re ita statuerunt, non posse aliam rem in personam meam, aliam in Titii designari. Non iuramento. Cum enim non sit solutio, nisi rei debita; *Inst. qui mo. tol. ob.* nec ex hac stipulatione alia res

debeat, quam quæ in persona mea designata est: conficitur alterius rei, quam huius ipsius solutionem in Titium conferri non posse. Nam quæ alia in persona eius designabitur, ut nec ei deberi potest, quoniam illi acquirere non potui; nec mihi, quoniam mihi non sum stipulatus: sic nec solvi omnino vel mihi, vel alii, quæ in totam non debeat. Sed ipso iure hoc ita esse scribit Caius; sive hoc de sententia eorundem veterum adicit, sive de sua. Ceterum promissorem qui alia re Titio soluta ipso iure non liberetur, per exceptionem defendi posse. Quod et ipsum recte constituitur. Etsi enim ius ipsam solutionem exigit, ut recte in Titium adiectum ea conferatur, nec alterius rei solutio est, quam quæ debetur: attamen si conveniret etiam extra stipulationem, ut aliud pro alio; quamvis Titio solvatur, conventio servanda est. Porro cum stipulor mihi decem aut Titio hominem dari, hoc convenisse intelligitur, ut pro pecunia mihi debita homo solvatur Titio. Hinc pacti exceptio promissori, si Titio hominem solverit iuxta conventionem. *†* Quod ad tempora attinet, placuit tempora diversa in utraque persona designari posse. Et recte: quodennque enim tempus adiectum erit, quo Titio solvatur, erit eiusmodi, ut convenisset cuiusvis rei

rei ante debitæ solutioni, quocunque tandem modo debita fuerit, non repugnante obligationis natura. Nihil enim prohibet, quominus quod mihi statim debetur, solvatur vel mihi vel alii postea. Contraque si quid mihi in diem promissum est, nihil vetat, quominus ex conventionem solvatur alii citiore die, cum et mihi eodem modo solvi potuerit. † De conditione hæc summa est, et in ea adicienda in utriusque persona variari posse, ut quod pure mihi stipulor, possim Titio adiecto stipulari sub conditione, et contra nec minus in utriusque persona diversæ conditiones designari possint, ut possit Titio recte solvi: dummodo tamen in omni hac variatione duo concurrant. Ante omnia exigimus, ut mihi prius debeat, quod illi solvi possit: quod ita fit, si aut pure mihi dari sim stipulatus, aut sub conditione, quæ postea exstiterit. Nam si mihi sub conditione aut Titio quamvis pure stipuler, et conditio in personam meam designata defecerit, inutilis erit tota stipulatio. *Scilicet*, inquit Caius, *quod nisi a me vim acceperit obligatio, adiectio nihil potest valere*. Ubi pro, *nisi quod*, quæ lectio ad Pandectarum Florentinarum, legendum est, ut in aliis exemplaribus, *quod nisi*, et illud, *quia*, quod legitur in iisdem Pandectis, ut semicirculis inclusum, et snpervacuum reiiciendum. Sen-

Tom. XI.

tentia autem est manifesti iuris, ubi a me non cœperit obligatio, ibi adiectionem non valere; quia ubi non sit, quod debeat, ne illud quidem esse possit, quod solvatur vel mihi vel alii. Confirmatur sententia in *L. quæcunque gerimus, supr. proz. tit.* Alterum concurrere oportet, ut quod mihi deberi cœpit, id aut pure Titio stipulatus sim, aut si sum stipulatus sub conditione, hæc quoque exstiterit. Nam hac deficiente solutio in illum non est collata: cum ita demum collata sit, si illud aut illud factum fuerit. Quo casu ita Titii persona pro inutiliter adiecta habebitur, ut nihilominus in mea persona utiliter procedat stipulatio. Nam etsi quæ hic essent stipulationes, ambæ obligationis acquirendæ causæ interpositæ, una utilis, et altera inutilis, nunquam tamen vitaretur utilis per alteram inutilem. *L. 4. §. pen. sup. eod.* Multo minus, cum una erit stipulatio ad obligationem comparata, quæ in persona mea constitit, ea vitabitur propter inutilem adiectionem solutionis: cum constet, quod mihi debetur mihi solvi posse, etsi alii non possit. Denique principali causâ non consistente sit, ut nec consistat accessio: non etiam accessione inutili constituta, principalis causâ tollitur, cum hæc a se habeat, ut sit, non ab accessione, *Ar. L. cum principalis infr. de reg. iur.*

105*

HUGO-



HUGONIS DONELLI

VELL. RUSSARDI

JURISCONSULTI

C O M M E N T.

AD TITULUM D. DE VERBORUM SIGNIFICATIONE.

Ad L. Verbum. 1.

Ulpianus libro 1. ad Edictum.

Verbum hoc si quis, tam masculos quam fœminas complectitur.

S U M M A R I A.

1. *Verbum, quis veteres etiam in feminino genere usurparunt.*

2. *Pronuntiatio mænenini sexus in his vocibus puer,*

pupillus, filius, frater, libertus porrigitur et ad fœmininum: et quare.

3. *Quibus ex causis fœmininum masculino non continetur.*

HUC L. 1. *Si quis ius dicent. non obtem. at L. 4. Siquis in ius vocat, non ier.* Siquis subaudi, si quis vel qua.
 1 Not. quod † veteres, *quis*, etiam in fœminino genere usurparunt. Plaut. *Quis ea est, quam vi uxorem ducere.* Terent. in Eunuch. *Hanc nostram quisquam oculis non vidit; quisquam pro quæquam.* Loquitur enim de aucillis. Ad hanc L. pertinet. *L. pronuntiatio infra h. tit. L. qui duos, sup. de Legat. 3.* ait ibi, *semper pro plerumque.* Huc L. iusta h. t. L. detestatio. *L. inter stuprum in fin. h. tit.* quæ iungenda est cum L. *servis 84. de leg. 3. et L. patroni, h. tit. et L. 66. et 20. de adquir. her.* ex quibus legibus sumuntur exempla ad d. L. *patroni.* Huc etiam L. *liberti h. t. et L. quisquis, et L. servus, h. t.* cum qua coniungenda, L. 46. *de legat. 2. et L. si quis ita, 46. de testam. tutel.* Huc 2 † etiam L. *illa verba h. t.* in qua ostenditur, quod veteres *puer*, communi genere usurparunt. Exemplum ex Nævio, *prima incedit sceleris Proserpina puer.* Lucius in veter. Idyll. *uea puer quid verbi ex te audio.* Et ibidem, *Saturni filia sancta puer.* De his Priscian. *Lib. 6.* Ego ad rationes L. *illa verba* et hanc addendam puto, quæ traditur in L. *pueri in fin. h. t.* Ait: *pueri* appellatione utimur, cum puerilem ætatem significamus, ea autem tam

puellis quam pueris communis est. Sic Ovid. usurpavit G. *Metamorph.*

Tantaque simplicitas puerilibus adfuit annis.

Sic etiam hominis appellatio communis est, L. *hominis, h. t.* Itaque illa L. *illa verba*, non est commodum exemplum ad hanc L. 1. quoniam pueri appellatio per se communis generis est. Aliud exemplum in L. *hæc autem, de Adopt.* ubi pupilli appellatione pupilla continetur, Arrogator satisfat iis, ad quos bona arrogati perventura erant, si in eodem statu mansisset, illa satisfatio non minus pupillæ quam pupillo præstat. Aliud exemplum in L. *qui duos, de legat. 3. et L. si tibi 23. C. de liber. caus.* ubi pro filiabus legendum est filiis, et L. 3. *fratres, sup. de pact.* Appellatione fratrum continentur sorores. Superiorum ratio est, quod omnia nomina sint appellativa, quæ facile trahuntur ad fœminas, vel ex voluntate testatoris, vel natura rei, quæ fœminis quoque congruit, vel ex æquitate, quæ in singulis speciebus facile apparet.

Verisimile est testatorem non minus filiabus prospicere voluisse, quam filiis. Itaque cum filiis tutores dedit, ex verisimili voluntate videntur dati filiabus. Item liber-

ta non minus dicitur patrono, quam liber-
tus; et interque tantum dicitur patronus,
quantum patrono, itaque quæ de patrono
et liberto statuta sunt, ad libertam quo-
que et patronam porrigi æquum est. Ex
his apparet hanc interpretationem conie-
cturis tantum niti. Itaque ꝑ si in contra-
riam partem vehementiores coniecturæ ur-
geant, femininum non continebitur mas-
culino: Velut si proprium nomen sit, eo
masculino femininum non comprehendetur:
Item si testatorem aliud sensisse proba-
tum fuerit *L. Lucius*, 63. §. *quæsitum*
de legat. 3. Item si quod tribuitur masculi-
na, femininis non conveniat: ut, si tutela

aut Magistratus deferatur *L. 2. infra de*
R. Iur. Item si ius constitutum in mascu-
lis sit odiosum, et iniurum, si ad foemi-
nas porrigatur *L. 1. §. quare, supra, de*
vent. in possession. mit. Itaque exhereditatis
filiis non censentur filiz exhereditariæ, quia
hoc odiosum.

Eadem de causa exactio operarum quæ
denegatur patrono, non denegatur patro-
ni; quis quod æquum in patrono propter
suspicionem impudicitie cum liberta, non
est æquum in patrona, in quam eadem
suspicio cadere non potest *L. sicut, supra,*
de oper. libertor.

Ad L. Urbis appellatio. 2.

Paulus libro 1. ad Edictum.

Urbis appellatio, muris: Romæ autem, continentibus ædificiis finitur:
quod latius patet.

S U M M A R I A.

1. Urbis appellatione Roma significatur.

2. Urbis a Roma quomodo differat.

3. Continentia ædificia quæ.

4. Hæc L. 1. coniungenda cum L. ult. sup. de Iurisd.

5. L. collegarum 173. h. tit. interpretatio emendatur ex L.

16. de R. I. Et coniungenda hæc nostra cum illa.

6. Fulgentii lectio L. mille 154. h. tit. ex Pand. Flor.
emendatur.

7. Miliarium quid.

8. Qui in Continentibus Romæ ædificiis habet tres li-
beros, immensis est a tutela.

9. Metatores qui.

1. **U**Rbis ꝑ appellationem Romanam intelli-
mus. Urbis tamen ꝑ differt a Roma;
quod definimus urbem muris, Romam au-
tem continentibus ædificiis: ex quo sequi-
tur Romam latius patere quam urbem,
3. quia ꝑ continentia ædificia ea sunt, quæ
extra muros urbis sunt, sunt tamen con-
tigua muris urbis. Sic accipitur *L. ædifi-*
cia. L. qui in continentibus L. mille pas-
sus. L. collegarum, L. absentem infra h.
tit. 4. §. ultim. In quib. caus. pig. vel hyp.
L. pen. §. ult. de Excus. tut. L. 4. §. sic ita
sup. de penn. legat. L. 1. §. apud Labeo-
nem, sup. de aq. pluvi. arc. Eadem signi-
ficatione dicantur continentes provincie,
idest, quæ sunt Italiz continetæ *L. notio-*
nem 99. h. t. et L. 1. C. de dilation. Huius
significationis causam Marcellus tribuit
consuetudini *L. ut Alphenus, 87. infra h. t.*
4. Hæc ꝑ L. sumpta est ex disputatione de
iurisdictione, et coniungenda cum *L. ult.*
sup. de Iurisd. omni. iud. ex qua exempla
ita fingemus. Prætor urbanus vel præfec-
tus urbis iurisdictionem suam Romæ exer-
cet, idest, intra muros et in continentibus.
Si ergo extra continentia ins dicere
velit, impone illi non paretur, quia extra
territorium suum ius dicit *d. L. ult.* Si er-

go dederunt tutores extra continentis pro
non datis habentur, *d. L. pen. §. Roma de*
Excusat. tut. Aliud exemplum in *L. lin-*
que, 84. de leg. 3. et L. 4. de pen. legat.
Aliud in *L. ædificia infra h. t.* Promisi Ti-
tio extruere ædificium Romæ; videor satis
facere promissioni, si in continentibus æ-
dificem. Aliud *d. L. qui in continentibus.*
Aliud in ꝑ *L. collegarum*, ex cuius inseri-
ptione auferendum. Nono: est enim ex *Lib.*
30. et coniungenda cum *L. qui potest, 26.*
inf. de R. Iur. Exemplum: qui extra con-
tinentia urbis est, abest. Si ergo eo invito
alienaverit licuit, multo magis eodem absen-
te *d. L. qui potest*, quod confirmat *L. ab-*
sentem, inf. h. t. Sic in *L. mille*, in ꝑ qua
non est legendum muro, sed miliario, ut
Florent. Erat ꝑ miliarium columna aurea
in capite fori Romani ad vadem Saturni,
in quam omnes viæ Italiz terminabantur.
Plin. Lib. 3. nat. hist. C. 5. Tacit. Lib. 47.
Sueton. in Otto. Cap. 6. Plotarch. in Salba.
Dio. Lib. 54. qui scripsit hoc miliarium
extractum fuisse ab Augusto. Publ. Victor.
in Lib. de region. urb. Romæ. qui ponit mi-
liarium in septima regione urbis, in qua
fuit forum. Huc *L. pen. C. de ædific.* pri-
vat in qua recte legitur, *quidam*, quod di-
ci-

cimas latine milliarium, grece dicunt ^{plus} ex Dione. in L. 20. ex quo sumptam hanc legem docet inscriptio. Scriptam forte fuit vicesimam habere locum intra mille passus. Plin. in panegir. Dubitatum fuit non bi mille passus numerandi essent a millario urbis, an vero a continentibus aedificiis. Resp. I. C. non a millario sed a continentibus esse numerandos. Ex quibus apparet L. mille non pertinere ad exemplum huius legis. Aliud exemplum in L. f. C. qui num. liber. se excus. et tit. de excusat.

tut, in princ. qui Romæ tres liberos suppetites habet, a tutela vel cura excusari potest; ergo † idem ius tribuetur ei qui in continentibus tot liberos habet. Aliud in L. ex'ceptu C. de Metatis. Archiatri urbis Romæ professores liberalium artium, prætores, ingenui immunes erant ab onere recipiendi hospitibus, Metatores, Gallice Fourriers qui designant domos. Itaque si idem sint in continentibus aedificiis, idem privilegium habent.

Ad §. Cuiusque.

Cuiusque diei maior pars est horarum septem primarum diei, non supremorum.

SUMMARIA.

1. Dies artificialis 12. horis constat, sed iis modo longioribus, modo brevioribus.

2. Maxima diei pars quot horis constat; iis vero num. primis, an supremis.

3. Prima hora negotiis agendis opportunissima.

1. Dies † 12. horis constat. Hinc illud in Evangelio, Nonne 12. horæ diei sunt: diem artificialem intelligo: nam dies naturalis constat 24. horis, L. mare Romano, supr. de fer. et dilat. Diei autem artificialis horæ pro varietate temporis modo sunt breviores, modo productiones, in quinquagesis suot pares: Auson:

Libra die somnique pares determinat horas,

2. Huius diei † maxima pars censetur esse 7. horarum diei primarum. Dubitatio in eo est, quia 7. horæ diei sive primæ sint, sive supremæ, maximam partem diei constituent; quia supersuot tantum quinque. Verum negavit id I. C. id locum habere in supremis horis diei, quia supremæ non sunt tam idoneæ ad laborem, nec tam opportune negotiis peragendis, neque corpora il-

lis horis sunt tam alacria, Unde † Virgil. 3

Nunc adeo nobis melior pars acta diei.

Et Hesiod. oper. et diet. Tertiam partem operis confici horis matutinis. Ex quo factum est ut veteres, negotiis suis conficiendis mane operam darent, quod indicat Martialis. Prima salutantes, etc. Lib. 8.

Sexta quies lassis, septima finis erit.

Atque ipsi pugnas incutiant. Talis controversia incidit apud eum, qui ius dicebat. Quidam locaverat suas operas certa mercede in maiorem diei partem, opus fecerat 7. horis diei supremis, petebat tamen mercedem. Ex hac interpretatione indicatum est non recte eum petere, quia cuiusque diei maxima pars est 7. horarum primarum.

Ad. L. Itinere faciendo. 3.

Ulpianus libro 11. ad Edictum.

Itinere faciendo viginti millia passuum in dies singulos peragenda, sic sunt accipienda, ut si post hanc dinumerationem minus quam viginti millia supersint, integrum diem occupent: veluti viginti annuum millia sunt passus, biduum eis attribuetur. Quæ dinumeratio ita demum facienda erit, si de die non conveniat.

SUMMARIA.

1. Vocato in ius et abirenti viginti mille passus in singulos dies numerantur, ut ad Urbem venias.

2. Viginti milibus computatis, si ipsi supersint, iis dies iungeri assignantur.

3. Eadem diurnum in viginti mille passus adnumeratio in tutore et potestate bonorum possessionem abirentibus servatur.

4. Si iustum tamen adfuerit impedimentum valetudinis aut hyemis etc. itineris computatio arbitrio iudicis relinquenda.

5. Eadem quoque ratio in singulis dies computatio aliter ex iusta causa abirentibus tribuitur; longinquum spatium, si adfuerit iustum aliquod impedimentum.

- 1 **V**ocatur \dagger aliquis in ius promisit fore ut se iudicio sisteret: quaeritur quomodo promissioni aucti satisfecisse vel eam deservisse videatur. Cum diem certum non adiecerit, videtur hoc relinquendum eius arbitrio, ut sistat se cum volet. Sed hoc incommodum inde nascitur, quod nunquam se sistet, et ita iudicium nunquam peragetur. Itaque praetores prospecturi huius incommodo constituerunt ut consideraretur quot millibus passuum abesset ab eo loco in quo promisit iudicio sisti, et 20. millia passuum in singulos dies illi numerarentur. Veluti si abesset 100. millibus passuum, quinque dies illi darentur praeter eum diem in quem cautum promittitur, et in quem sistere oportet in iudicio L. 1. *sup. Siquis cautio*. Quod si intra illud tempus iudicio non steterit, promissioni non satisfecisse indicabitur, et reus erit deserti vadimonii. Huius numerationi addit hoc Iuris cons.
- 2 ut \dagger si post computata 20. millia aliquid superesset, veluti millia passuum, aut duo, integrum diem occupant; hoc est, ad ea peragenda unus tribuitur, veluti sint 102. millia passuum, sex dies tribuuntur. Et haec ita si de die nun covenit quo se sistat: nam si convenit, fides conventionis habenda est, nec habenda ratio passuum. L. *de die. Qui satisd. cog. L. 1. de Pact.*
- 3 **L. contractus de R. Iur.** Eadem \dagger computatio servatur in eo qui datus est tutor, et vult se excusare \S . *quomodo de Excusat. Instit.* Eadem computatio servatur in eo qui petit honorum possessionem: nam petenti honorum possessionem dantur 100. dies, intra quos petere dabet L. 1. *supra de Successo. adict.* Et si abuit ab eo loco in quo peti debet honorum possessio, praeter hos 100. dies dantur 200. millia passuum in singulos dies L. 2. \S . *pen. sup.*
- 4 **Quis ord. in bon. poss. serv.** Hanc \dagger autem computationem puto locum habere,

nisi iustum impedimentum interveniret, quo quis prohibetur tantum itineris perficere singulis diebus, ut adversa valetudo, hyemis aut tempestatis iniuria L. 2. \S . *si quis sup. Si quis cautio. L. 4. §. 1. sup. de hered. Instit.* Obst. L. *continuum, §. cum ita, de verb. obligat.* ubi computatio itineris relinquitor arbitrio boni viri, id est, iudicis. Respondeo hanc legem referendam esse ad exceptionem iam propositam, hoc est, tunc arbitrio iudicis hanc computationem relinquendam, cum iustum aliquod impedimentum intervenit, ita ut singulis diebus 20. millia passuum confici non possint: quam solutionem confirmant haec verba; habita ratione temporis, valetudo, aeris. Ad hunc locum pertinent duo versus Ausonii.

*Millia bis novaginta iubet dimensio legum
adnumerata reos per tot abesse dies.*

In quibus primum pro *abesse* legendum, *obire* ex veteri exemplari: deinde pro *novaginta* legendum *nongenta*. Huc \dagger etiam 5 L. *mille h. t.* Cautum fuit ut taliter testamentorum aperirentur a morte testatoris post tres dies, vel certe quinque, si praesentes essent qui postularent eas aperendas: quod si essent absentes, idem spem tribuebatur. *Paul. t. de vicesima in 4. Sentent.* Et praeter hos dies absentibus dabantur 20. millia passuum in singulos dies: hi autem passus non a millario urbis, sed a continentibus sunt numerandi L. *si cui in provincia. 38.* Supra ex quibus causis. Assessores absentes requiri, causa restituuntur ex edicto, ex quibus causis maiores, et habentur pro absentibus quoad reversi fuerint: ad revertendum autem 20. millia passuum in singulos dies illis tribui debent, nisi vel adversa valetudo, vel iniuria hyemis aut tempestatis longius spacium illis tribuendum esse sindeat.

Ad §. Eius.

Eius qui apud decessit, dici hereditas non potest, qui servus decessit.

SUMMARIA.

1. Qui apud hostes, sunt in triplici genere: et qui
aut.
2. Legati aut apud hostes sint, possunt testamentum
condere.

3. Obsides vero, et maxime captivi testari nequeunt
4. Hoc ius potius temporarium, et quomodo
5. Emendatum rursus et a quo.

- 1 **T**ria \dagger genera sunt eorum, qui sunt apud hostes: aut sunt legati, aut ob-
2 sides, aut captivi, Legatis \dagger omnia iura salva manent, et civitas integra, itaque testamen-
tum facere possunt, et eorum hereditas

recte dicitur L. *qui a latronibus. Sup. Qui test. fac. poss.* Obsides \dagger autem testari non possunt, nec hereditas eorum recte dicitur, quia alieno iuri sunt subiecti L. *obsides. Supra Qui testam. facer.* Eiusdem
iu-

iuris sunt captivi, et tam de obsidibus quam captivis hic §. *accipi debet*, maxime vero de captivis, qui captivitate in servitutem rediguntur, L. 5. et L. *libertas de statu hominis*. §. *servi de iure personar*. Qui servi sunt, quo ad ius civile, pro nullis habentur. Huc L. *eius qui sup. qui testam. face. poss.* L. *servus C. commun. de success.* Hoc † autem est ius summum quod visum est iniuriosum in eos, qui amore patriæ sese obsides dari passi sunt, aut etiam fortiter facientes capti sunt. Itaque temperatum est L. *Cornelia*, quæ fingit eos esse mortuos, eo ipso momento quo capti sunt, L. *in omnibus, sup. de capt. et postlim. revers.* L. *si iis. C. legit. hered.*

beneficium vocatur, itaque huius respectu recte dicitur eum hereditatem habere, L. *lex Cornelia de vulg.* quam coniunge cum L. *bona de cap.* Sic est accipienda, L. *apud, C. de suis et legit. her.* Denique † Leo Imperat. Nov. 40. hoc ius emendavit et constituit, ut ii qui apud hostes sunt, testamenta facere possint. Sunt et alii casus quibus servi testari possunt, et hereditas eorum recte dicitur, cum L. habeat eos pro liberis. L. *pen. C. ad Syllan.* L. 1. *in pr. et §. quaeritur. supr. suis et legit.*, et L. 1. et §. *interdum supr. ad SC. Tertull.* coniunge cum L. 4. *de petit. hered.* L. 4. *infr. h. tit. inde exemplum.*

Ad L. Nominis. 4.

Paulus libro 1. ad Edictum.

Nominis appellatione rem significari Proculus ait.

S U M M A R I A.

1. *Nomen sive debitoris obligationem sive debitum ipsum significat.*

2. *Ab eo qui nomen hereditarium possidet, peti etiam potest hereditas; et quare.*

1. **N**omen † significat debitoris obligationem, sive debitum ipsum. Si quis † ergo nomen aliquod hereditarium possideat, poterit ab eo peti hereditas, quia petitione hereditatis agi potest cum eo qui rem aliquam ex hereditate possidet, d. L. 4. Qui autem nomen possidet, rem aliquam possidet, quia nominis appellatione res significatur: lunge L. *in honorariis* 36. *supr. de obligat. et action.* Actiones rei persecutoriae dantur post annum, qui autem nomen persequuntur, rem persequuntur. Actiones

ergo quibus nomina persequimur, etiam post annum dantur. Aliud exemplum ex L. *satisque poenæ* 19. *Supr. de in ius voc.* Si quis in ius vocatus latitet, adversarius eius mittetur in possessionem rerum eius, et per consequens ex hac interpretatione in possessionem nominum. Aliud exemplum in L. *servum* 44. §. *et eum qui*, supra de legat. 1. quam coniunge cum L. *qui chirographum* 58. *de legat.* 3. et ex ea emendanda inscriptio L. *servum et pro* 32. legendum 34.

Ad L. Rei appellatio. 5.

Idem libro. II. ad Edictum.

Rei appellatio latior est quam pecuniæ: quia etiam ea quæ extra computationem patrimonii nostri sunt, continet: cum pecuniæ significatio ad ea referatur quæ in patrimonio sunt.

S U M M A R I A.

1. *Rei nomine veniunt et operæ servorum quæ sunt extra patrimonium.*

3. *Pecuniæ vocabulo tam corpora quam iura res patrimonii nostri continentur.*

2. *Ideo et qui legat res omnes suas: etiam servorum operas legare videtur.*

6. *Qui iuris loci hanc pecuniæ significationem habeant.*

3. *Curator datu loco tutoris in omnem rem datu censetur, adeoque ad mores et personam pupilli tuendam.*

7. *Qui rursus eam rei appellationem latioreque rei significationem continent.*

4. *Pecuniæ nomen minus late patet quam rei.*

8. *Appellatione sive nominis, sive rei contractus omnis et obligatio comprehenditur.*

1. **I**unge hanc L. cum L. 1. *supr. de Oper. serv.* † Opera servorum rei nomine

censetur, quæ non ante in rerum natura consistit, quam dies venerit, quo præstanda est

- est d. L. 1. Merito ergo extra computationem patrimonii est, quod etiam confirmatur hoc argumento: Usus fructus hominis consistit in operis L. 3. et 4. *Supra Oper. serv.* ususfructus autem tametsi extra bona omnino non sit. certe in bonis non est L. 1. *sup. usufr. L.* Itaque, † qui legat res omnes suas, etiam operas servorum legare videtur L. *pen. Supr. de Oper. serv.* et qui damnatus est restituere res, operas quoque servorum restituere debet, d. L. 4. et L. ult. *eod.* Coniunge L. *in omnem*, 25. *Sup. tut. et cur. dat.* Curator † datur tantum rebus et interdum certæ alicui rei; personæ autem, id est, moribus non datur. Et maxime cum datur in locum tutoris. Verum si datur in locum tutoris absentis reipubl. causa, datur in omnem rem hoc est, ad mores et salutem pupillis tuendam, quæ quidem sunt extra patrimonii computationem. Exemplum quoque sume ex rebus sacris, et divinis, quæ extra patrimonium nostrum sunt. Tit. *de Rer. divis.*
- 4 Pecuniæ † appellatio non tam late patet; complectitur enim tantum quæ sunt in patrimonio nostro. Nec obst. L. *pecuniæ*, 128. *infra. eod.* pecuniæ nomine intelligi omnia corpora: sic † enim accipienda est; omnia corpora quæ sunt in nostro patrimonio. Sic verbum pecuniæ in leg. 12. *tabul.* super pecuniæ tutelæve suæ etc. leg. sæpe *infra*, h. t. L. 2. §. ult. C. *de Const. pecun.* Huc L. *pecuniæ* 122. *infra. h. t.* pecuniæ nomine non solum numerata pecunia, sed etiam omnes res tam soli quam mobiles, tam corpora quam iura continentur. August. in *lib. de doct. Christia.* Quidquid homines possident in terra, et quorum domini vocantur, pecunia dicitur, servus sit ager, arbor, pecus, vas; pecunia dicitur. Quia totum, quod antiqui possidebant; in pecoribus ponebant. Sic accipitur † pecuniæ nomen in hac stipulatione emptæ hereditatis, quanta pecunia ex hereditate ad te pervenerit. L. *in illa, supra. de verb. obl. L. liber homo*, *Supra de stipulat. serv. L. cum stipulamur, infra, h. t. L. si creditor*, *Supra, de pecul.* Sic accipitur quoque, in L. *Iulia*, quanta pecunia erat, tantam pecuniam dato L. *si vero*, *Supra, solut. matri.* Eadem quoque significatio est in hac formula; quantas summas dictaverō, dederō L. *quisquis*
- 7 99. *Supra, legat.* Ad appellationem † rei pertinet L. *rei*. 23. *infra, h. tit.* rei enim appellatione causæ et iura continentur. Coniunge tum L. 1. *Supra, si servit. vin.* Vindicatio datur rerum nomine. L. 1. *sup. de Rei vindicat.* Itaque dabitur ad vi-

dicandam servitutem, puta viam d. L. 1. *si servit. vind.* quia Servitus est ius quod rei appellatione continetur. Hanc L. *coniun-ge cum L. 5. Supra de petit. hered.* possessor hereditati controversæ nullam rem hereditariam distrahere debet, nisi satisdederit de ea restituenda, hoc est, de restituenda cum omni causa: causam appello omnem utilitatem, quæ ex re percipi potest *rubr. de usur. fruct. et caus. L. præterea. Supra de rei vindic. L. cum fundus Supra si cert. petat. L. ult. §. ult. infra h. t.* Ex qua apparet quoties res est restituenda, fructus et omnem causam rei restitui debere, ut fit in restituenda re hereditaria. L. *item veniunt §. item non solum. L. si et rem §. ult. cum duab. legib. seqq. sup. de pet. her.* Qui ergo satisdedit de re hereditaria restituenda, de omni eius causa intelligitur satisdedit. Coniunge cum L. *in Falcid. infr. ad L. Falcid.* Ut ineat ratio L. *Falcidiæ* omnes res æstimandæ sunt ex varietate. Itaque æstimandæ sunt causæ et iura earum. Exempla quoque petentur: ex L. 1. et 3. *Supra Naut. caupon.* quibus locis datur actio adversus nautas, ut restituant res receptas, id est, cum omni causa. Denique ex leg. 1. *infra, Quis satisd. cog.* Reus in ius vocatus alicui rei nomine satisfacere debet iudicio sisti, hoc est, fideiussorem dare, et hic fideiussor tenetur quanti res erit L. 2. *in fin. et L. 3. Supra, Qui satisd. cog.* Ut autem intelligatur, quanti res sit, sciendum rei appellatione causas et iura contineri; et æstimatio eorum facienda est. Huc † quoque pertinet quod dicitur; nominis et rei appellationem pertinere ad omnem contractum et obligationem L. 6. *h. tit. quod proximis legibus est consentaneum.* Cum enim nominis appellatione res significetur, et rei significatio latissime pateat duabus legibus superioribus; merito utroque nomine omnis contractus et obligatio significatur. Coniunge hanc L. *cum L. qui iurisdictioni*, 10. *sup. de Iurisd. omn. iud. cum. L. 1. et 3. sup. quod quisque iur.* ex quibus usus huius significationis deprehenditur huiusmodi. Qui iurisdictioni præst, neque sibi, neque liberis suis ius dicere debet. Sive ergo de re, sive de nomine, hoc est, de quocunque contractu et obligatione controversia sit, ius non dicit. Item si novum. Ius statuerit adversus aliquem, aut impetraverit et impetrato usus fuerit, sive in re sive in nomine, adversarius quoque eius eodem iure adversus eum utetur in omni contractu et obligatione.

Ad §. Opere.

Opere locato, conducto, his verbis Labeo significari ait id opus quod Græci *κτίσματα* vocant, non *ἔργα*, idest ex opere facto corpus aliquod perfectum.

SUMMARI A.

1. Ex locato, vel conducto non potest agi prius quam fuerit opus perfectum.
2. Idem iuris, si opus faciendum quis stipulatus sit, aut idem fuerit legatum.

3. Quod sit perfectum opus quare ex hoc loco ostendendum debeat.
4. Quare aliter opus factum in novi operis nuntiatione oporteat interpretari.
5. Factum argentum quomodo interpretatur.

Puto in hoc §. legendum locato propter auctoritatem librorum Florent. Deinde quia locato et conducto magis similibus respondent, quam legato et conducto. Valer. Probus in *Libr. de not. antig.* hanc eandem formulam refert, et ait solitam fuisse notari his notis, *O. L. O. C.* opere conducto, Locavit quis opus [†] faciendum certa mercede, queritur quando contractui satisfactorum sit, ut locator ex locato agere possit, vel conductor. Significatio verborum dirimit hanc controversiam. Non potest prius agi quam opus fuerit perfectum, quod dicunt *ἐκτελεσθαι*, a consummatione et perfectione operis, quod perfectum esse intelligitur cum usui esse potest.

2. *L. adiñcia §. 1. eodem.* Idem [†] est si quis stipulatus sit opus faciendum; ita enim stipulationi satisfacit, si opus perfectum sit, *L. stipulationes non dividuntur, de Verbor. Obligat.* Idem est, etiamsi legatum aliquod sit opus *L. si iis qui, ad L. Falcid.* Denique si pecunia impensa sit in opus publicum, non prius debet ferri in acceptum, quam opus perfectum et probatum fuerit *L. 7. sup. ad leg. Jul. repetund.* Huc pertinet. *L. 7. Cod. de oper. publ. et L. 9. C. eod. rescriptum* est ut qui præfuerat operi alicui publico teneretur obnoxius tam ipse, quam heredes intra quindecim annos ab opere perfecto.

Perfectum [†] quomodo accipiatur ex hoc loco ostimandum est. Ratio huius interpretationis est voluntas contrahentis vel testantis. Ne enim vel contractus vel Legatum inutile sit, si de opere imperfecto acciperimus: necessario est accipiendum de opere perfecto. Aliter [†] tamen interpretatur opus factum in operis novi nuntiatione: non enim necesse est opus esse perfectum, ut opus novum unitari possit; satis est si inceptum sit et propinquare instar cuiusdam edificiæ *L. stipulatio §. opus Supra de oper. nov. nuntia.* Ratio diverse interpretationis est hæc; quia etiam cepto edificiæ vocetur vicino, et damnum illi inferitur. Itaque non est expectandum ad novi operis nuntiationem, ut perficiatur; imo vero si perficeretur non posset agi operis novi nuntiatione; sed agendum esset interdicto quod vi aut clam. *leg. 1. Supra de oper. nov. nuntia.* Aliter [†] quoque interpretatur factum argentum *L. et si non sunt §. infecto Supra de aur. et argent. leg.* Si enim ceptum sit et nondum perfectum, argenti nomine continetur. Hoc ideo, quia ipsum factum non est legatum, neque ut fieret; sed tantum materia. Itaque præstanda est, cuiuscunque generis sit, et hoc in gratiam legatarii fit, ne legatum inutile sit.

Ad L. 6. §. Verbum.

Ulpianus libro III. ad Edictum.

Nominis et rei appellatio ad omnem contractum et obligationem pertinet. Verbum ex *legibus*, sic accipiendum est, tam ex legum sententia, quam ex verbis.

SUMMARI A.

1. In interpretatione LL. verborum retinenda proprietas; sed tamen ut principia habeatur sententia ratio et a. 3.
2. Sententia si non est expressa verbis ex generali ratione.

ratione legis vel aliquo necessario atque evidenti argumento colligenda.

4. Spontanea verbum quam vim et significationem habeat.

1. Verba [†] sunt rerum notæ: itaque in primis considerandum est quid ver-

his caveatur: nec temere recedendum est a verbis *L. prospexit. D. Qui et a quibus*

bus. Cum tamen verba iniecta sint ut expriment nostram sententiam, cuius potissimum ratio habenda est. Itaque si expressa sit verbis obscuris aut ambiguis, ita tamen interpretanda sunt ut sententia constet. Si
 2 vero † expressa non est, vel ex ratione generali legis, vel ex argumento aliquo necessario et evidenti colligendum est, qualis sit: Leges enim non minus ex sententia quam ex verbis sunt accipiendae L. *item si*, §. *mutui*, ad *Senatusconsult. Macedon.*
 3 Vetitum † est eo *Senatusconsulto* ne quis pecuniam mutnam daret filiofamilias: aliquis dedit illi oleum vel frumentum; non peccavit in verba *Senatusconsulti*, sed tamen in sententiam commisit; perindeque habetur ac si pecuniam credidisset. Aliud exemplum in L. *quamvis*, §. *si conveniret*, sup. ad *Senatusc. Velleian.* debitor promiserat se daturum fideiussorem, dedit mulierem; quaeritur an satisfecerit promissioni. Si verba spectes, satisfecit; si vero sententiam, non; quia mulier propter beneficium *Senatusconsulti Velleiani* non potest pro alio fideiubere. Itaque perinde est ac si nullus fideiussor datus esset. Aliud exemplum in L. *ult. Qui pet. tut.* Mater quae non petit tutores filii; vel prioribus excusatis et reiectis, aliorum nomina non dederit; excluditur legitima hereditate filii ex constitutione *Imp. L. 2. §. divus*, sup. *Qui pet. tut.* quam iunge cum L. 2. §. *si mater*, sup. ad *Senat. Tertull.* Contigit ut plures tutores dati essent, et quidam ex illis morerentur, mater in locum mortuorum alios non petit, an excluditur hereditate filii? peccavit quidem in constitutionis verba, sed sententia excusatur; ratio enim quae excludit matrem ab hereditate, hic cessat: id-

circo enim non admittitur ad hereditatem, quia reliquit liberos; sine defensore at in hac specie quamquam nonnulli ex tutoribus mortui sint, qui tamen sunt superstites possunt tutelam gerere. Aliud exemplum est eadem L. *ult. L. facta*, §. *ult. ad Senatuscons. Trebell. L. si quis id quod, de Iuris. omni. iud. Tit. de legit. patr. tut. L. iurisd. §. pactorum, de pact.* Ubi observandum est genus loquendi esse inversum: vult dicere, pacta non minus astimanda ex mente quam ex verbis. Iunge L. *si pnam* 68. de verb. obl. L. *sponsio. C. h. t.* Sponsio † proprie est quae fit per verbum † spondere; sed tamen sponsonis nomine non solum spondere intelligimus, sed et alia quaelibet verba, ut promitto. Nec obstat, quod promissio videtur non posse contineri verbo sponsonis, quia stipulatio, sive promissio fit ex interrogatione et responsione: at promissio est responsio tantum. Dicendum compendii gratia plerumque omitti mentionem interrogationis, quia ex voluntate stipulantium satis intelligatur: et quoties promissionis mentio fit, intelligimus promissionem idoneam et iustam, quae interrogatione praecedente facta sit, §. *si ita simpliciter, de inutil. stipulat.* §. *ultim. de fideiussor. L. sciendum*, 30. de verbor. obligation. L. *si quis*, §. *dictum*, supra de *edilit. edict.* Interdum etiam sponsio dicitur, cum pignore deposito aliqui inter se contendunt ea lege, ut victor pignus auferat; talis fuit sponsio Cleopatris et M. Antonii Plutarch. in vita Marc. Anton. Huius meminerunt Iurisconsulti, L. *penult. supra, de alea lusu et aleat. et L. si rem*, §. *ultim. infra, de praescrip. verbor.*

Ad L. Verbum. 8.

Idem libro III. ad Edictum.

Verbum oportebit, tam praesens quam futurum tempus significat.

SUMMARI A

1. Species huius L.

2. Verbum oportebit, tam praesens quam futurum complectitur.

3. Verbum oportet praesens tantum complectitur, non futurum.

4. Verbum oportere non ad facultatem iudicis, sed ad rei veritatem refertur, et n. 6.

5. Solennis formula, aio te mihi dare oportere.

1 **E**Xemplum † erit; quidquid te mihi dare facere oportebit nisi dederis fecerisve, mille aureos te daturum spondes? Ante hanc stipulationem contractam promiseras aedificare insulam. Quaeritur si non aedificaveris, an poenam comprehensam stipulatione debeas? Movet, quod stipulatio

Tom. XI.

illa poenalis concepta est per verbum futuri temporis, proinde non videtur pertinere ad obligationem ante contractam; Respondetur tamen † verbum oportere tam praesens quam futurum complecti. Itaque cum tempore stipulationis debes insulam aedificare, nisi aedificaveris poenam quoque

- 3 debes. Non idem † sit contra: idest, verbum oportet non significat futurum, sed tantum præsens L. cum stipulamur, de verb. obl. L. si a colono, eod. quam coniunge cum L. ei cui, de lib. leg. Eodem pertinet L. si scripsisset, supra, de leg. 2. et L. et uno, 18. supra de acceptil.
- 4 Sane † verbum oportere ita est accipiendum ut non referatur ad facultatem iudicis, sed ad veritatem, L. verbum oportere, 37. infr. quam coniunge cum L. alias, supra de in lit. iur. Ex qua coniunctione apparet disputatum fuisse in tractatu de in litem iurando de significatione verbi oportere, quod etiam confirmat † solemnitas illa formula in omnibus actionibus in personam: aio te mihi dare oportere; cuius meminit Valer. Prob. in Lib. de not. antiq. et Iuriscons. L. si unus, supra de servit. rust. et L. non solum, supra de lib. leg. Atque eo magis quod eadem formula usitata

est in iurando, veluti te mihi dare oportere iuro L. quod si, L. eum qui, §. 1. L. ultim. supra, de iureiurand. L. si deferente, supra quib. mod. pign. solu. L. quoties, 14. de iureiur. Quæ etiam ex eodem libro sumpta est, quo hæc L. Aliquis † 6 ergo iurando sibi in litem delato iuraverat sibi dari oportere; non obstante eius iureiurando index potest pluri vel minoris condemnare L. 1. L. videamus, §. iurare, et L. in actionibus, supra de in lit. iur. Ex quo dubitatio nascebatur, verbum oportere referendum esse ad facultatem iudicis, qui potest pluri vel minoris condemnare. Respondit Paulus esse referendum potius ad veritatem, quod significat cum qui iuravit non spectasse facultatem iudicis, qui potest pluri vel minoris condemnare, sed quanti revera sibi deberetur: itaque periurum non esse, etiam minoris condemnari iudex quam iuravit.

Ad §. ult.

Actionis verbo non continetur exceptio.

SUMMARIA.

1. Verbum actionis non comprehendit exceptionem.

2. Nisi in mixtis iudiciis. Exponitur L. 1. D. de except.

3. Item in replicatione.

4. Contra, exceptionis nomine interdum comprehenditur actio.

- 4 VERBUM † actionis non comprehendit exceptionem. Nam exceptio est actionis exclusio. L. 2. supra, de exception. Et exceptio competit defensori, qua se tuetur: actio competit actori, ut ea oppugnet.
- 2 Nec † obstat. L. 1. supra de exception. quod enim dicitur generaliter in ea L. eum, qui agit excipere, referendum est ad casum singularem, videlicet ad mista iudicia, idest, familie herciscundæ, communi dividundo, etc. in quibus idem actor est et reus: proinde is qui agit, excipit, et contra L. 1. et L. inter coheredes, §. qui familia, supra, fam. hercisc. Ita autem restringendum esse ostendit L. actionis, 37. supra, de obl. et action. in qua Iurisconsultus verbum actionis interpretans meminit mixtorum iudiciorum; et coniungenda est ea L. actionis cum L. 1. de ex-

cept. Alius † casus est in quo actionis nomine continetur exceptio, videlicet in replicatione. Nam actor adversus exceptionem rei opponit replicationem, et hæc replicatio, quamquam exceptio sit, proprie actionis tamen nomine continetur, et ad eam iuvandam pertinet, titul. de except. Institutio. Interdum quoque dicitur ei cui actio tribuitur, multo magis tribuendam esse exceptionem L. 1. §. is autem, supra de superficie. L. invitus, infra de R. Iur. Sed hoc per interpretationem receptum est; quia æquum est ut is, cui tribuitur, quod plus est, habeat quoque quod est minus. Contra † autem exceptionis nomine interdum continetur actio, ut in compensatione: nam ea opposita, quæ exceptio tantum est, actio videtur proposita, L. amplius, in fin. supra, rem rat. hab.

Ad L. Marcellus. 9.

Ulpianus libro v. ad Edictum.

Marcellus apud Iulianum notat, verbo periisse, et scissum et fractum contineri, et vi raptum.

SUMMARIIUM.

1. Hæc L. coniungenda cum L. Sed de damno 41. D.

locat. Unaque ex altera lucem accipit.

Con-

1 COniunctio † L. sed de damno, 41. supra, locati cum L. Marcellus 9. infra h. t. quia utroque loco mentio fit rei quæ perit, et Marcelli notantis ad Iulianum. Ex qua coniunctione ita interpretare illam legem: exempli causa, verbo perisse non solum scissum et fractum contineri, sed etiam directum? quidquid enim horum factum sit, res perit, et domino abest, iam enim ea uti non potest. Itaque

si quis tenetur ob rem quæ perit, tenetur si res fuerit scissa, fracta vel directæ: tenetur autem is qui damnum dedit iniuria L. si servus, §. si quis de manu, supra, ad leg. Aquil. L. sed de damno, supra locati. Tenetur quoque conductor rei, etiam si alius damnum dederit, ut si custodire rem potuerit; ita ut alius damnum non daret, et id non fecerit, d. §. L. Sed de damno, cum L. qui mercedem, locati.

Ad L. Creditores, 10.

Idem libro vi. ad Edictum.

Creditores accipiendos esse constat eos quibus debetur ex quacunque actione, vel persecutione, vel iure civili, sine ulla exceptionis perpetuæ remotione, vel honorario, vel exordinario, sive pare, sive in diem, vel sub conditione. Quod si natura debeatur, non sunt loco creditorum. Sed si non sit mutua pecunia, sed contractus: creditores accipiuntur.

Ad L. Creditorum, 11.

Causa libro 1. ad Edictum provinciale.

Creditorum appellatione non hi tantum accipiuntur, qui pecuniam crediderunt: sed omnes quibus ex qualibet causa debetur.

Ad L. Ut si cui, 12.

Ulpianus libro vi. ad Edictum.

Ut si qui ex empto, vel ex locato, vel ex alio ullo debetur. Sed et si ex delicto debeatur, mihi videtur posse creditoris loco accipi. Quod si ex populari causa, ante litis contestationem recte dicetur creditoris loco non esse, post ea esse.

SUMMARIA.

1. Debitores qui.

2. Actiones verborum aut generale est aut speciale.

3. Generale quomodo continetur.

4. Speciale quando a persecutione differt.

5. Creditorum qui et quot et quibus ex debendi causis sint tales.

6. Creditorum præterea mutua pecunia, sed et alios contractus iustore significatione complectitur.

7. Res sua sponte sese porum obligat.

8. Creditor non est ex delicto qui populari actione capitur.

9. Nisi tamen contestata lit fuerit, aut privati iniuria delicto accersit.

10. Nō ille creditor est cui debetur natura.

1 DEbitores † sunt qui debent ex quacunque actione vel persecutione. Actionis † nomen interdum generale est, interdum speciale. Cum generale † est, complectitur actiones in rem, personam, directas, utiles, præiudicia, prætorias stipulationes et interdicta. L. actionis, de obligat. et action. L. actionis 34. hoc tit. Interdum autem † est speciale et differt a petitione, quod petitio sit in rem, actio vero in personam, d. L. actio, supra, de obligat. L. honorum, hoc. tit. Differt quoque a perse-

cutione et ab ea distinguitur, h. L. actio enim proprie in personam est, persecutio vero in rem, vel in personam rei consequendæ gratia d. L. actio. Item actio ordinaria est, persecutio extraordinaria, d. §. actionis, L. pecuniæ. Cum videlicet persequimur ea quæ non habent iuris ordinarii executionem, puta, fideicommissa, quæ iure extraordinario apud prætorem Romæ, apud præsidem in provinciis petebantur, hodie per actionem petuntur. Ulpianus Titulo de fideicommiss. L. litis, de action. empt. L. si

si non, de hered. institution. L. quasi-
tum, §. penultim. de leg. 3. L. si quis,
de usufructu legat. Persecutio quoque di-
stinguitur ab actione in L. et uno de ac-
ceptilator. et L. procurator. Rem. rat. habe-
5 ri. Creditores ↑ quoque sunt quibus debetur
iure civili, ut ex stipulatione, literarum
obligatione, emphyteusi. Quod ita intelligit-
tur, nisi perpetua exceptio obici possit, ut
exceptio rei iudicatae, doli mali, et pacti.
L. perpetui, 3. de exception. L. is cui,
de obligat. et act. L. et obligantur, §. ser-
vus, de dolo. Spectamus enim magis rem
ipsam, quam ius: nam quod iure ipso qui-
dem sunt creditores, revera tamen non sunt
quia ab invititis debitoribus exigere non pos-
sunt. L. debitor, hoc tit. et L. creditor
autem, 55. hoc tit. Aliud dicendum est,
si exceptio est temporaria: hoc enim casu
hi creditores similes sunt creditoribus con-
ditionalibus d. L. creditor autem: quia tem-
pore elapso, intra quod obici potest excep-
tio, perire possunt. Creditores quoque sunt
quibus debetur iure honorario, id est, obli-
gatione aliqua, iure praetorio introducta,
ut, de constituta pecunia, de peculio, de
in rem verso, §. in personam, et sequent.
de actionib. Creditores sunt quoque, qui-
bus debetur iure extraordinario, cum vi-
delicet deficit actio et formula ordinaria,
propter aequitatem tamen praetor vel praeses
iure Magistratus actionem accomodat: pu-
ta, filiofamilias qui viaticum suum mutuo
dedit. L. filiofamilias, si cert. petat. Item
cui debetur salarium ex militia, L. credi-
tor. L. inter de action. empt. Denique cui
debetur merces et honorarium ex profes-
sione liberalium studiorum, vel advocatio-
ne, L. 1. de Extraordinar. cognition.

Item creditores sunt quibus debetur pu-
re, hoc est, sine die vel conditione, vel
in diem vel sub conditione: pendente e-
nim conditione vel die sunt creditores §. ex
condicionali, de verb. oblig. Et proinde
vocalur conditionales creditores leg. condi-
tionales h. t. Diversa est causa eorum qui-
bus debetur legatum in diem vel sub con-
ditione: hi enim pendente die vel condi-
tione non sunt creditores L. in fraud. Su-
pra qui et a quib. manum. Item creditores
sunt non solum quibus debetur ex con-
tractu mutui, sed etiam ex quocunque alio
contractu, puta, locatione emptione, etc.

Creditum ↑ quidem significat mutuum pecu-
niam, sed tamen generaliter quoque ad alios
contractus refertur L. seq. h. t. in qua L.
haec verba, ex alia causa, possunt referri
ad delictum. Sed tamen quia in L. 12.
tabul. mentio fit delicti, malim referri ad
quasi contractus, ut retulit I. C. Snpra,
de obl. et action. Denique creditores sunt
quibus debetur ex delicto L. 12. Movebat
dubitationem, quod creditores nihil vide-
bantur gessisse cum delinquente, nec fidem
eius esse secuti. Sed contra consideratum
est ↑ delinquentem sua sponte obligationem ↑
suscepisse, sese poenae obligasse. Itaque ta-
metsi defuerit voluntas contrahendi cum il-
lo, potuit tamen se obligare qui deliquit,
quemadmodum is qui obligatur ex quasi
contractu. Excipe ↑ eum qui populari actio-
ne experiri potest; datur enim haec actio
cuius ex populo, et ex delicto nascitur.
Non est tamen creditor, qui ea agere po-
test, nemo enim locupletior est ex popula-
ri actione L. pen. de popul. action. Et pro-
inde non potest accipi fideiussor in popula-
ri actione, qui tamen in actione furti ant
clamui iniuria accipitur L. si quis de Fi-
deiussor. Nisi ↑ forte lis contestata fuerit 9
h. L. Aut etiam nisi delictum ita sit admis-
sum, ex quo popularis actio nascatur, ut
privatim aliquis laesus sit. Hoc enim casu,
cui privatim iniuria facta est, ut si forte
sepulchrum eius violatum sit, creditor est et-
iam ante litem contestatam. Ex quo fit ut
procuratorem dare possit L. licet, de Pro-
curat. Et nemo alius admittatur ad hanc
actionem si ipse agere velit L. 3. de se-
pulch. viol. Creditores ergo non sunt qui-
bus debetur ex populari actione. Nec ↑ e-
tiam quibus debetur natura L. 10. h. t.
Movebat quod actiones naturales habent mul-
ta ex materia aliarum obligationum: nam
solutum repeti non potest, item naturali obli-
gationi accedere potest fideiussor. Denique
novari potest L. 1. de novation. Sed tamen
quia aequitate sola nititur, nec petitionem
habet, non potest dici creditor, et sane qui
ex ea debet, vocatur improprie creditor d.
L. fideius. §. fideius. Oblig. de fideiussor.
ideo quia ab eo invito exigi non potest L.
debitor. infra h. t. Hic autem est usus huius
significationis, ut sciamus qui sint cre-
ditores, quando in possessionem sunt
mittendi.
Ad §.

Ad §. Minus.

Minus solvit, qui tardius solvit; nam et tempore minus solvitur.

SUMMARI A.

1. Quomodo minus solvere aliquis intelligatur.

2. Minus aliquis solvisse dicitur, cum quod est relictum exigit ab eo potest.

3. Etiam si propterea ad id exigendum actio non competit, sed retentio.

4. Minus solum intelligitur interdum, etiam si nihil solum sit.

5. Stipulatio, amplius non peti, et cum creditore potest interponi, et cum eo etiam, cui debetur nihil.

Item in §. plus, Instit. de action. retio sumenda est ex §. item si ille, Inst. de Fideiuss. Minus § solvitur non solum propter quantitatem, sed etiam propter diem: quemadmodum enim qui 50. debet et 25. solvat, minus solvere intelligitur, ita etiam, qui Calend. Januarii debet, si solvat Calend. Martii minus solvit, suffert enim creditori utilitatem et facultatem negotiandi medio tempore. Itaque recte Galistratus: solidum non solvitur non minus quibante quam die. *L. solidum, de solut.* Usus huius significationis in hoc exemplo: fideiussores non possunt plus debere, quam principales debitores. Si ergo principalis debitor promiserit se soluturum Cal. Ian. recte promittet etiam fideiussor Cal. Martii, quia, propter tempus adiectum minus obligatur. Item, aliquis publicam aliquam functionem vel tributum tardius solvit, quam debuerit, idque 40. sanctorum spacio, minus solvit; quæritur enim iccirco deinceps quoque minus solvere possit, id est, tardius. Rescriptum esse non posse, quia præscriptio nulla fisco opponitur *L. Competit, C. de præscript. 30. ann.* Item, Maritus tenetur uxori quantum facere potest, si ergo minus possit, et minus solverit, caret se reliquam soluturum, cum ad meliorem fortunam pervenerit *L. unica, §. cum autem, C. de rei ux. action.* Itaque si maritus tardius solvat, minus solvit, et ex eo debet uxoris. Est enim hic contractus bonæ fidei ex constitut. Iustinian. § fuerat, Inst. de action. *L. mora, §. in bonæ fidei, de usur.* proinde cautionem præstare debet maritus uxoris nomine. Ita autem intelligimus §. aliquem minus solvisse, si quod minus est, ab eo exigi potuit; non enim minus solvit, in quem maioris summe actio non competit *L. non potest, inf. h. t.* Nam qui nihil debet, non potest videri minus solvisse. Is autem quem cogere non possumus ad solvendum, nihil debet *L. debitor, infra h. t.* Itaque minus non solvit. Habemus exemplum ex *L. ult. sup. de eo quod. cert. lo.* fideiussor in actione arbitraria non debet quod propter mor-

ram ex sententia Iudicis accedere obligationi potest. Itaque si principalis debitor sortem solverit, quamquam accessionum quoque nomines tenetur, fideiussor tamen non tenebitur, nec poterit videri minus solvisse, si sortem solverit, quia nulla actio datur adversus eum ad consequendas accessiones. Aliud exemplum in *L. 4. C. de pos. deponerem apud te 100. usus* est ea pecunia; proinde usuras eius summe debes, ego tecum actione depositi; contigit ut condemeris tantum in sortem, non in usuras. Si sortem solveris, non potes videri minus solvisse: quamquam enim debeas usuras, quis tamen nulla sperest actio ad eas petendas, non potes videri minus solvisse: non possunt enim peti hæ usura nisi actione depositi, qua iam actum est. Itaque si respos agatur, opponitur exceptio rei iudicata. Ex quibus apparet minus solvi, si competat actio ad petendum quod est reliquum. Addo minus etiam § solvi, si non competat actio, sed tantum retentio. In contrahenda pignoris obligatione, convenit aucto pacto, ut usurae deberentur nulla interposita stipulatione. Itaque nulla actio competit ad eas petendas. Offero tibi deinde sortem et repeto pignus; non vis redere, adiciis nam minus solvere, quia usuras non præstem. Rescriptum est, quia ius est tibi retinendi pignus quoad usurae solvantur, me videri minus solvisse *L. per retentionem, L. pignoris, C. de usur.* Interdum vero § minus significat nihil *L. minus, 33. h. t.* Minus enim solum intelligitur etiam si nihil solum sit. Eadem significatio et exemplum est in *L. 7. §. minus, supra, de tribut. action.* Si dominus nihil tribuerit, minus tribuere videtur. Item in *L. si ita a te, 150. h. t.* Titius debet mihi 100. stipulor a Mævio; quanto minus a Titio consecutus fuero, tantum dare spondes? contigit ut nihil potuerim consequi a Titio, quæritur an Mævius teneatur? non videtur, quia promisit sub conditione *L. 10. supra, de verb. obl. L. si 10. supra, de solution.* Significat enim stipulatio, si quid a Titio consecutus

ius fuerit, sed non totum; deficit autem hæc conditio, quia nihil omnino consecutus sum; idque verum est si proprietatem verbi spectes: sed tamen quia minus usurpatur pro nihil, non est dubium quin teneatur Mævius in totum, quod Titus debuit. Eadem est significatio, et idem exemplum d. L. si decem, L. amissi supra, de fideiussor. et L. ult. supra, si cert. pet.

5 Denique in L. verbum amplius § 82. h. t. quam coniunge cum L. amplius sup. rem ratam hab. possumus stipulari a creditore aut eius procuretore amplius non peti;

idem quoque possumus ab eo, qui creditor non est, et cui nihil dabitur. Et hæc stipulatio adversus eum committitur, quoniam revera petitio eius inanis sit, cum ei nihil debeatur, et hoc fit, quia verbum amplius usurpatur pro nihil; quemadmodum et verbum minus in h. L. qua ratione autem committitur hæc stipulatio amplius non peti, intelligitur ex d. L. ampl. et L. procurator sup. rem ratam haberi. Huc etiam L. 4. §. hæc verba. Si cui plus quam per L. Falcid. græca tribus verbis dicunt: *δὴν, εἰ μᾶλλον αὐτῷ ἐστι σπῆλιν.*

Ad L. Mulieris. 13.

Idem libro vi. ad Edictum.

Mulieris appellatione etiam virgo viripotens continetur.

SUMMARIA

1. *Mulieris appellatione omnes muliebres ætates contineri, et v. 3.*
2. *Sed tamen interdum vocis ea significatio contrahitur ad mulierem quæ virum sit experta.*

4. *Hæc autem L. superior mulieris appellatione ad virginem contrahitur, quæ viripotens vocatur.*

1 **M**ulieris § nomine comprehenduntur omnes quæ sunt muliebres ætates. Interdum restringitur § ad mulierem quæ virum experta est, ut apophthegma Cicero cum illi obliiceretur quod sexagenarius virginem duceret, respondit, cras mulierem reddam. Ita accipitur in L. aliqui § 1. supra, de contrah. empt. L. ex empto. §. si quis, sup. de act. empt. quæ leges ita conciliandæ sunt, ut quid dicitur d. L. aliqui emptionem valere mulieris quæ emptor existimabat virginem, verum sit summo iure; sed tamen temperandum ex æquo et bono d. §. si quis, ut actio datur ad resolvendam hanc emptionem, quæ summo iure valet. Multum enim interest an mulier corrupta ematur, an vero virgo lataeta. Ita etiam accipitur in L. si collataneus, supra de manum. vindict. Sed generalis § significatio mulieris est, ut eius nomine infans, virgo, et quævis puella contineatur, unde factum est, ut muliebri vesta legata etiam infantilis vestis, puellærum etc. legatur L. argento. §. muliebri de aur. et argent. legat. Huius significatio-

nis hanc rationem reddit Tertullian. in lib. de velant. virginib. quod ex Paulo ad Galat. misit Deus filium suum factum ex muliere. Et item benedicta tua inter mulieres: Sic Servius in 2. Æneid. usus obtinuit ut nuptas virgines nuptas mulieres vocemus. Denique etimologia mulieris a molliæ, ut Varro tradit, non minus convenit virginibus quam mulieribus. Hæc tamen § significatio hoc loco contrahitur, ut virgo viripotens contineatur. Sic etiam in L. quæritur. §. mulierem de Edict. edict. Quo loco observandum est mulierem accipi et pro virginis viripotente et muliere corrupta. Usus huius significationis est in hoc exemplo: vendidit aliquis mulierem, tradidit virginem viripotentem, quæritur num satisfecerit? Respondetur Ita. Hæc L. in eo §. ult. de Reg. Jur. mulieribus subveniendum est ut defendantur, non ut calumnientur: ergo et virginibus viripotentibus eadem de causa succurratur. Hæc L. serius de legat. 3. mulieres legatæ sunt, beres volebat iradere virgines quæ erant in familia, sed cogatur.

Ad §. 1.

Res abesse videntur, ut Sabinus ait, et Pedius probat, etiam hæc quarum corpus manet, forma mutata est. Et ideo si corruptæ redditæ sint, vel transfiguratæ, videri abesse: quoniam plerumque plus est in menus pretio, quam in re.

Desinere autem abesse res tunc videtur, cum sic redit in potestatem, ne amittere eius possessionem possimus.

Ob hoc quod furto pridem substracta est. Abest et ea res, quæ in rebus humanis non est.

Ad L.

Ad L. Labeo. 14.

Paulus libro vii. ad Edictum.

Labeo et Sabinus existimant, si vestimentum scissum reddantur, vel res corrupta reddita sit, veluti schyphi collisi, aut tabula rasa pictura, videri rem abesse: quoniam earum rerum pretium non in substantia, sed in arte sit positum. Item si dominus rem quæ furto sibi aberat, ignorans emerit: recte dicitur res abesse, etiam si postea id ita esse scierit: quia videtur res ei abesse cui pretium abest.

S U M M A R I A.

1. Quot modis res abesse intelliguntur, et n. 3. 5.
2. Quando res melius mutata dicatur abesse, aut secus.
4. Pretium quando succedat loco rei, aut secus.
6. Res abesse quando desinat, et quomodo.
7. Quibus in casibus dominus rei suæ possessionem amittat.

8. Cui res abest, actio competit ad rem petendum, et quæ.
9. Ad id petendum quod abest actiones locum habent in noxali iudicio.
10. Item in aliis iudiciis et quibus.

1. **A**Bsint † res quarum corpus manet integrum, forma vero est immutata. Itaque si corruptæ sunt, vel in aliam formam mutatæ, recte abesse dicuntur. Corruptæ, ut si vestimentum scissum sit, si scyphi collisi, si tabula, rasa pictura, *L. sequenti*. In aliam formam mutatæ, ut si tabula alia pictura depingatur. Hæc abesse dicuntur, quoniam plus est in manus pretio quam in re manus artem significat. Virgil.

Artificumque manus inter se, operumque laborem.

Miratur

Solinus. *Ædes ea manum Dædali ostendebat.* Non est legendum hoc loco, *quamquam* pro *quoniam*. Nec non loco separanda sunt substantia et materia, quasi diversa sint; sunt eadem, ut *L. in venditionibus*, §. *inde queritur, de contrah. empt.* ubi substantia et materia pro eodem ponuntur.

2. Hinc queritur † si ex huiusmodi mutatione res sit facta pretiosior, an dicendum sit rem abesse? existimant nonnulli non abesse. Sed hoc refellitur, *L. ult. sup. de usu et habit.* ubi dicitur rem fieri deteriorem etiamsi in meliorem statum mutata sit. Distinguitur ergo; vel res facta est pretiosior, sed domino inutilior, tunc dicitur abesse, *d. L. ult.* vel propter mutatam formam utilior facta est et melior etiam; hoc casu non potest videri abesse; verum tamen qui fecit expensas in eam rem ut forma eius immutaretur, siquidem sciebat rem alienam esse, non consequetur eas, *Arg. §. si quis in aliena de rer. divis.* Res † quoque abest, quæ in rebus humanis esse desiit *h. L. ult.* quam IC. deperditam vocat, quod in rerum natura non sit, *L. Tom. XI.*

deperditum, supra petit. hered. Item res abest quæ furto subtracta est, *L. seq. L. si dominum, sup. de furt. Martial.*

. . . Lis est mihi de tribus capellis Vicini quoror has abesse furto.

Et Quintil. *declamat.* 13. *Age si mihi alvei furto abessent*, etc. Sic *L. in eum*, 18. *C. de furt. et serv. corrupt.* Quod adeo verum est, ut si ipse dominus emerit rem sibi subtractam modo ignorans, tametsi post resciverit eam fuisse suam, tamen recte res abesse dicatur, pretium enim solvit; cui autem pretium abest, ei res abesse dicitur. *L. si servus*, 21. *supra, de eviction.* ubi corpus sive rem, et pecuniam sive pretium abesse pro eodem usurpantur, et *L. plane*, 34. §. *quod si rem, de legat.* 1. Additum est hoc loco *ignorans*, non quod emptio rei suæ valeat a sciente contracta videlicet, sed quod si sciens emisset, videtur donasse pretium, nec ei abesse; eum vero ignorans emit, abest pretium et id repetere potest *L. suæ rei, sup. de contr. empt.*

Hinc † queritur an pretium generaliter succedat loco rei? recte videtur distinguere interpretes. Censuerunt succedere in universalibus *L. imperator*, §. *ult. de legat.* 2. ut in hereditate, dote *L. si et rem, sup. de petit. hered.* *L. res in dotem sup. de iure dot.* In particularibus non item *L. venditor*, 21. *supra. de furt. vend.* nisi cum aliquo agatur ex eo, quod sit locupletior, non minus enim quis locupletatur pretio quam re: et proinde pretium succedit in locum rei *L. si ipsa, sup. quod metus caus.* Item nisi agatur contra eum qui hoc agere debuit, ut actor rem haberet sine alicuius pretii solutione. Nam si id non fecerit, restituit pretium quod actori abest: eiusmodi est heres.

- L. plane, §. quod si rem de legat. 1. et fur. in h. L.* Abest † quoque quod in sua specie non permansit *L. Scia, sup. de aur. et arg. leg.* Abest res consecrata aut publicata, videtur enim interisse *L. verum, §. ult. pro socio.* Abest id in quo obligati sumus *L. si quis, 28. de neg. gest.* Abest pecunia fideiussori, si delegaverit creditori debitor, etiamsi qui solvendo non sit *L. inter causas, §. abesse, sup. mandati.* Abest quoque pecunia marito qui onera matrimonii sustinet non accepta dote *L. Iulianus, 47. sup. mandati.* Abest denique quod quis expendit *L. 28. sup. solut. matrim.* Contra † res abesse, desinit cum sic redit in potestatem, ne amittere eius possessionem possimus *h. L. et L. mulieris.* Lex Atinia voluit rei furtivæ æternam esse auctogitatem *Gell. N. 17. C. 1. Cic. 3. in Ferrem. L. 4. et L. non solum, de usucapion.* Itaque usucapi non potest, et quoties rediit in potestatem domini, ab eo usucapi poterit, sublati vitio rei furtivæ *d. L. 4.* Sed ut redierit in potestatem domini, et ut procedat usucapio, aliquot sunt necessaria; ut dominus sciverit rem sibi fuisse subtractam *L. qui fundum, §. pen. pro empt.* Deinde ut sciverit eam rediisse ut suam *L. si ad dominam, L. inter, inf. de furt. d. L. 4.* §. *tunc in potestatem:* deinde necesse est ne amittere eius possessionem possit *d. §. tunc in potestate, L. non videtur, supra, de acquir. poss.* Ex quibus questio † nascitur, quomodo fieri possit ut dominus amittat possessionem, a quo acquisitissimum est eam retineri? Respondetur, duobus casibus eam amittere. Primus est, si rem suam vi occupavit, priusquam enim de proprietate agatur, contenditur de possessione, et qui abstulit possessionem, restituere cogitur *d. L. h. §. si dominus, L. si quis. C. ad L. Iul. de vi publ.* Secundus casus est, si fur rem furtivam bona fide tradiderit alicui et

dominus ei abstulerit, restituere enim cogitur possessionem *L. 1. in fin. et L. 2. sup. de conduct. triticar.* Usus huius significationis ex eo † apparet, quod cui res abest, ei actio competit ad rem petendam cum hac distinctione: in bonæ fidei iudiciis prima actio competit *L. 3. §. reddita. Commodat.* idem est in actione ex testamento quæ comparantur bonæ fidei iudicio *L. Mævius, 66. §. in fundo, sup. de legat. 2.* In strictis vero agitur in id quod interest, actione de dolo *L. et eleganter, §. non solum de dolo.* Habent ergo † locum hæ actiones in noxali iudicio cum servus damnnum dedit, pata, rem corrupti, aut furtum fecit, res abest. Itaque huius rei nomine noxali iudicio agitur. Et hæc ratio ostendit disputatum fuisse, de significatione verbi *abest*, in disputatione de noxali causa, quod etiam confirmat *lex 1. et lex 2. supra si ex noxal. caus. ag. L. 1. de eo per quem fact. erit etc. Et L. bona, sup. de noxal. action.* quarum inscriptio eadem est. Habet † etiam locum in iudicio ad exhibendum cum deterior res est exhibitæ *L. Iulianus, §. si quis rem, supra ad exhibend.* Item in deposito, cum res deterior est reddita. *L. 1. §. si res supra deposito.* Item in stipulatione, cum homo promissus vulneratus offertur *L. qui sibi, 33. supra, de solut. et exempla sunt d. L. et eleganter §. non solum, supra de dolo, cum servus promissus traditur, sed veneno prius dato, aut cum traditur fundus sed imposita servitute, vel dirutis ædificiis, aut exstirpatis arboribus.* Denique locum habet in actione commodati, si res commodata deterior, videtur enim abesse, et proinde rursus petitur, *d. L. 3. §. reddita, supra comodat.* quam iunge cum *L. etiam, 27. supra de solution.* Hoc ergo casu et superioribus omnibus, quibus res abesse indicatur, semper recte res petitur.

Ad §. ult.

Rem amisisse videtur, qui adversus nullum eius persequendæ actionem habet.

SUMMARIUM.

1. §. *Hic cum L. 5. de integ. restitut. coniungi debet,*

inde species et ratio utriusque explication.

1. **C**Oniuge † cum *L. 5. de restit. in integr.* Altera sterius rationem continet: aliquis calliditate vel metu incidit in capionem, et re sua escidit, num exclusus re omnino videtur? Non, nam Prætor pollicetur actionem rescissoriam: Id enim apud se habere qui videtur, cuius habet

actionem. *L. id apud infra h. t. confirmat L. is qui 15. de reg. iur.* Ex his ergo recte sequitur, ut si quis nec rem habeat, nec actionem ad persequendam, amisisse eam videatur *h. §. ult.* quod confirmatur argumento creditorum. Creditores non sunt, si nulla eis actio competat. *L. creditores, supra. Ad L.*

Ad L. Bona civitatis, 15.

Ulpianus libro x. ad Edictum.

Bona civitatis abusive publica dicta sunt. Sola enim ea publica sunt, quæ populi Romani sunt.

SUMM A R I A.

1. Publica populi romani in duplici genere L. 4. D. de contr. empt. conciliatur cum L. pacta conventa §. ult. D. eod.

2. Publicani unde dicti.

3. Publicum simpliciter quid significet.

4. Publica vectigalia quæ L. 17. §. 1. D. h. t. illustrata.

5. Publica abusive dicti quæ sunt civitatum.

6. Municipia et civitates loco privatorum haberi; exponitur L. 4. §. ult. D. ad L. Iuliam pecul. et n. 7.

Publica vocantur quorum usus in commune expositus est, et omnibus patet L. in tantum, de rer. divis. L. ergo 30. §. 1. de adquir. rer. dom. Publica ¶ proprie dicuntur, quæ sunt populi Romani, h. L. Ea sunt duorum generum, aut in usu populi Romani, aut in pecunia sive patrimonio. L. usucapionem, sup. de usucapion. L. quod in littore, sup. de adqu. dom. L. pacta conventa, §. ult. de contrah. empt. Ex qua distinctione conciliabitur L. 4. de contrah. empt. cum d. leg. pacta conventa. Quod enim dicitur L. 4. publica non posse vendi, referendum est ad ea quæ sunt in usu populi. Nam quæ sunt in patrimonio populi vendi possunt, sic est, pacta conventa. Et eorum commercium permissum est propter utilitatem rei publicæ. Huic L. cum qui, inf. eod. publici appellationem in compluribus causis ad populum Romanum respicere, ait compluribus, propter civitates, ad quas respicit ius publicum in aliquibus causis. Ex hac significatione ¶ impositum est nomen publicanis: vocantur enim quod vectigalia populi Romani conducta habeant L. eum qui h. t. L. 1. in fl. et L. quantæ in fl. sup. de publican. Publicum ¶ enim simpliciter vectigal significat d. L. 1. L. ut conductio- ne 33. pro soc. Cicer. in Oration. de provinc. et consular. An qui frui publico non potuit etc. in Epistola 1. ad Quint. frat. Publicis male redemptis, hoc est, vectigalibus; et Horat. 1. Epistol. pars hominum ¶ gessit conducere publica. Nec obst. ¶ L. inter publica 11. in fin. inf. eod. Quod illic dicitur vectigalia publica esse ex quibus vectigal fiscus capit, sciendum est potestate populi translata in Principem, solitum fuisse principem percipere redditus quos antea percipiebat populus, et semper tamen rei mansisse nomen publicum, quia primo ita impositus est, quemadmodum taberna, etiam ex tab. hodie non fiat, tamen taber-

na vocatur. Denique cum Princeps vel fiscus hos redditus percipit, populus videtur percipere, quia princeps successit in locum populi. Huius generis vectigalia sunt, rerum venalium, portuum, metallorum, salinarum, L. inter publica. C. de metall. t. de public. Publica ¶ ergo non sunt quæ sunt civitatum; unde I. C. ait bona civitatis abusive publica dici L. bona his. Sic et civitates loco privatorum haberi L. eum qui hic. Ad ea referenda est L. inter publica in pri. hic. Sic etiam bona publica et civitates separantur in L. usucapionem, de usucapion. Sic etiam respublica separatur a civitate L. sed et si §. ultim. supra, ex quib. caus. maiores. Itaque quoties bona civitatum appellantur publica, aut civitas aliqua res publica, id fit per abusionem nominis L. ult. L. illud C. sacrosanct. Eccles. L. mancipia. C. de serv. fugitiv. L. respublica C. ex quibus caus. maior L. abesse Supra ex quib. caus. maior. L. legatus L. sciendum L. qui libera. sup. de legation. L. 5. §. idem ait Supra. Quod vi aut clam. L. qui sine supra, de neg. gest. L. Titio supra, ad municip. Hac L. bona L. inter; cum L. sicut supra. Quod cuiusque univers. cum L. 1. Sup. de calumniat. et L. 1. quod iussu, et L. 4. de vi et vi armat. et L. eum qui cum L. 1. sup. quod cuiusque univers. Quibus omnibus locis vel nominatim mentio fit publicorum, vel tacite, cum videl. agitur de rebus municipiorum sive civitatum; quæ bona publica abusive dicuntur; quoniam ¶ civitates loco privatorum habentur L. nihil interest supra. de S. C. Maced. Aliud exemplum in L. 1. in §. illud sciendum de Edilit. edict. Si civitas vendiderit equum morbosum: reddibetur periode ac si privatus vendidisset: secus si fiscus. Aliud exemplum in L. sed et si §. ult. sup. ex quib. caus. maior. Aliud in L. ob pecuniam, sup. de furt. ut crimen peculatus committatur oportet pu-

blicam pecuniam esse subreptam. Quod si pecunia civitatis subrepta sit, peculatus non est, sed furtum tantum, quia civitas est loco privati. Nec tamen obstat. *L. 4. sup. ad L. Iul. pecul.* ubi si pecunia civitati surripiatur, peculatus est. Dicendum est, *d. L. ob pecuniam* tradi summum ius ex propria natura et significatione peculatus, hoc autem summum ius temperatum est Principum constitutionibus ex aequitate, et quod in pecunia populi Romani tantum obtinebat ex vi verborum, productum ad pecuniam civitatis

ex aequo et bono constitutionibus Principum; quod exprimitur diserte *d. L. 4. §. ult.* et confirmatur exemplo simili in *d. L. sed et si §. ult. supra ex quibus caus. maior.* ubi summo iure non habetur pro absente reipubl. qui aberat pro civitate, sed ex aequo et bono id temperatum est, itaque non est mutanda lectio *d. L. ob pecuniam*, nec legendum, nec non, pro non, ut putat *Alciatus libr. primo distinctione cap. 3.*

Ad L. Munus. 18.

Paulus libro ix. ad Edictum.

Munus tribus modis dicitur: uno donum: et inde munera dici dari, mitti. Altero, onus: quod cum remittitur, vocationem militum munerisque praestat: inde immunitatem appellari. Tertio officium, unde munera militaria et quosdam milites munificos vocari. Igitur municipes dici, quod munera civilia capiant.

SUMMARI A.

1. Munus quot habeat significaciones.

MUNUS tamen significat donum, unde lex muneralis dicta est, quae vetabat ne cui ob causam orandam pecuniam accipere liceret, meminit Tacit. *Lib. 11.* ubi pro Titia, legendum, Cincia, ab auctore Cincio. Festus. Differt tamen a dono, quo genus a specie. *L. inter donum, h. t.* Munus est donum cum caussa, ut natalitium quod die natali dabatur. Terent., in *Phormion.* Porro alio munere ferietur Ceta ubi peperit. Item nuptialitium, ita enim legendum est *d. L. inter donum*, vocatur etiam nuptiale *L. 13. de admin. tut.* Ex quibus efficitur donum sine caussa esse quod nulla necessitate iuris, officii, sed sponte praestatur. Quod si praestetur plerumque laus est: sin minus, nulla reprehensio est, *L. munus. 214. h. t.* Obstat illa *L. inf.* non quodcumque munus est, idem donum dici: Ergo latius patet munus quam donum. Resp. munus generaliter accipit et specialiter. Generaliter significat onera, officia, largitiones, *h. L. et ita latius patet quam donum d. L. munus.* Cum autem specialiter, significat donum, quod ex necessitate officii vel caussa datur; et tunc sub dono comprehenditur his verbis, donum, munus. Operas solebant patroni imponere libertis suis, quae ab illis praestari volebant leg. saepe infra *h. t. L. qui libertinus. L. Campanus, de Oper. libert. in L. si libertinus*, pro doni, muneris, lege dum do-

2. Municipibus abusive qui.

num munus. Hic error ex notis, *o. d. m. natus est*, quibus significatur operæ donum munus. Ex hoc intelligitur *L. cum in venditione, supra de contrah. empt. et L. 8. §. 2. supra de bon. lib.* Secundo munus est onus, quod cum remittitur, vocationem militum munerisque praestat. Unde immunitas appellatur, et immanis qui nullo fungitur onere. Ad hanc significationem pertinet *L. munus, infr.* Munus esse quod necessario obimus, lege, more, imperio eius qui iubendi potestatem habet. Haec significatio confert ad divisionem munus in *L. ultim. §. de mun. in patrimonialia*, personalia, mixta. Varro ait, *munus dictum est quod muniendi caussa imperatum est; qui enim imperat aliquid onus, imperat ut se muniat.* Hunc sequitur Aegretius qui sic etiam distinguit, ut donum sit dantis, munus accipientis, quia qui accipit, sui muniendi caussa accipit. Tertio munus significat officium, ut munera militaria et milites munifici, quos Festus vocat munifices, et ait eos esse qui munus Reipublicae faciebant, non autem vocabant, quod et Vegetius confirmat, et munifici qui munera dant, et officium quod debent, adimplent. Sic officia decurionum dicuntur munera et magistratum municipium, et municipes qui ea munera capiunt.

Huc Varro *Lib. 5. de ling. latin.* qui mu-

munus una fungi debent, in L. 1. ad Municipal. Municipis ¶ idest, muneris participes quod sint recepti in civitatem Romanam ut munera capiant, abusive sæpe cuiusque civitatis cives dicuntur: qui quidem fiunt municipes, manumissione, adoptione, nativitate d. L. 1. L. municipes, h. t. quæ assumpta est ex Paul. lib. singul. de cogni-

tion. Et cognitiones in 4. genera dividit, quarum unum est de muneribus gerendis L. pen. supra de extraord. cognit. Ex quo apparet huius significationis usus, ut in cognitionibus intelligeretur qui munera capere possent, et qui essent municipes. Itaque ea L. pertinet ad tit. ad Municipal.

Ad L. Labeo 19.

Ulpianus libro xi. ad Edictum.

Labeo libro primo prætoris urbani definit, quod quædam agantur, quædam gerantur, quædam contrahantur. Et actum quidem generale verbum esse, sive verbis sive re quid agatur, ut in stipulatione, vel numeratione. Contractum autem ultro citroque obligationem, quod Græci, *ἐνδίατρον* vocant: veluti emptionem, venditionem, locationem, conductionem, societatem. Gestum, rem significare sine verbis factam.

SUMMARIA.

1. Actus generale nomen quam vim habent.

2. Contractus proprie quid.

3. Contractus levisi significatione acceptus quid sit.

4. Pactum legitimum non est contractus.

5. Nec ita transaction.

6. Pactum facere quam late patiat, non quam multa significet.

1. **A**ctus ¶ generale est, et significat quemvis contractum etiam qui verbis contrahitur ut stipulatio; vel re, ut mutuum. Sic in L. eum actum, de neg. gest. et L. notionem, infra h. t. Interdum iunguntur actum et gestum et utroque idem significatur L. 1. supra de offic. procur. Ceterum et L. 2. de cur. bon. dan. Interdum quoque inunguntur agi et fieri et idem quoque utroque verbo significatur. L. 4. §. 1. supra, quod cuiusque univer. Contractus ¶ actus autem est ultro citroque obligatio. Non obstat L. si donationis, C. de Trans. ubi stipulatio contractus appellatur. Hic traditur propria significatio; alia ¶ impropria et latior est, qua significatur omnis negotiatio sive causa ex qua obligatio nascitur. Sic et stipulatio contractus dicitur. Item dotis datio vocatur contractus L. contractus infr. de reg. iur. Et ararum datio L. contractus. C. de fid. instrument. Pactum ¶ legitimum contractus non est, quia nulla negotiatio ei inest, idem de ¶ transactione quæ pactum est, non contractus. Nec obstat L. contractus, C. de fide in-

strum. ubi transactiones referuntur inter contractus: ibi enim legendum est transactiones, pro transactionum. Verbum ¶ 6 facere late patet, reddendi enim causa continetur L. reddendi, h. t. Hoc L. 2. de fideius. si in Asia, depositi. Fideiussor acceptus in causam depositi non tenetur, nisi debitor principalis dolo aliquid fecerit; ergo si debitor reddiderit rem deteriorem, idque dolo, tenetur fideiussor. Hoc L. facere, infra eod. continet etiam ne quis prohibeat id fieri quod se facturum promisit, in qua dicitur aliquam locasse opus faciendum: Denique facere communem omnino causam complectitur, dandi, faciendi, ambulandi. L. verbum facere, h. t. Facere etiam significat solvere, cum dicimus aliquem conveniri, quatenus facere possit, §. pen. de action. et L. sunt qui, supra, de re indicat. Et eandem vim habet quam dare, cum dicimus, iussus facere ut centum habeam, perinde est ac si iussus esset dare L. si hered. 73. de legat. 1.

FINIS.

REIMPRIMATUR

Maceratae hac die 23 Aprilis 1833.

Steph. Can. Gambinius Pro-Vicarius Generalis.

REIMPRIMATUR

Maceratae hac die 26 Aprilis 1833.

Fr. Raymundus Jaffei Vicarius Sancti Officii.

VISTO PER LA STAMPA

Il Delegato Apostolico *L. Ciacchi.*



